

# LA SANTA BIBLIA



ANG

# DAAN NGA KATIPAN



SOCIEDAD BIBLICA AMERICA,

MANILA

1912

LIBRARY OF THE  
Massachusetts  
Bible Society

Catalog No. AU. 213.14(2)/OT 1912

Family AUSTRIAN

Sub-Family AUSTRONESIAN

Branch INDONESIAN

Group TAGALA

Language VISAYAN

Dialect BINISAYA NGA PANAYANON

Locality PANAY, Philippines

Contents OLD TESTAMENT

Version First edition

Translator ERIC LUND

Published by ABS

Place MANILA

Date 1912

Accession No. 363

Accession Date JAN 16, 1930

Price \$0.65



THE OLD TESTAMENT IN PANAYAN

PHILIPPINE AGENCY  
AMERICAN BIBLE SOCIETY  
BIBLE HOUSE ASTOR PLACE  
NEW YORK CITY

# PASUNUD

SANG MĀ

## TOLON-AN SANG DAAN NĀ KATIPAN

---

Mga Ngalan :	Pinanid :	Mga Ngalan :	Pinanid :
GENESIS ... ..	1	MANUGWALI ... ..	816
EKSODO ... ..	69	KALANTAHON ... ..	827
LEBITIKO ... ..	127	SI ISAIAS ... ..	833
NUMEROS ... ..	168	SI IEREMIAS ... ..	899
DEUTERONOMIO ... ..	227	MĀ PANALABITON ... ..	973
SI IOSUE ... ..	277	SI ESEKIEL ... ..	980
MANUGHUKOM ... ..	310	SI DANIEL ... ..	1049
SI RUT ... ..	343	SI OSEAS ... ..	1069
I SAMUEL ... ..	347	SI IOEL ... ..	1079
II SAMUEL ... ..	391	SI AMOS... ..	1083
I HARI ... ..	428	SI ABDIAS ... ..	1090
II HARI... ..	471	SI IONAS ... ..	1091
I KRONIKA ... ..	510	SI MIKEAS ... ..	1094
II KRONIKA ... ..	549	SI NAHUM ... ..	1100
SI ESDRAS ... ..	595	SI HABAKUK... ..	1102
SI NEHEMIAS ... ..	608	SI HAGEO ... ..	1105
SI ESTER ... ..	628	SI SOPONIAS ... ..	1108
SI IOB ... ..	638	SI SAKARIAS... ..	1110
MĀ SALMOS... ..	680	SI MALAKIAS ... ..	1122
MĀ HULUBATON... ..	782		

---

# ANG NAHAUNA NĀA TOLON-AN

NI MOISES

## NĀA GINAHINGĀLANAN

### GENESIS.

Ang pagtuga; ang kinabudlayan sa anum ka adlaw;  
ang pagpahuway sa adlaw nĀa ikapito.

1 SA ginsuguran gintuga sang Dios ang mĀa langit kag ang duta.

2 Kag ang duta walay kahusayan kag walay unud, kag ang kadudulman yara sa ibabaw sang kadaygan sang kadadalman; kag ang Espiritu sang Dios naga-giho sa kadaygan sang mĀa tubig.

3 Kag nagsiling ang Dios: "Mag-manginmay kapawa," kag ang kapawa nanginamo.

4 Kag nakita sang Dios, nĀa ang kapawa among maayo; kag ginpain sang Dios ang kapawa sa kadudulman.

5 Kag ginhingalanan sang Dios ang kapawa nĀa Adlaw, kag ang kadudulman ginhingalanau niya nĀa Gab-i. Kag may kahaponon kag kaagahon: ini isa ka adlaw.

6 Kag nagsiling ang Dios: "Mag-manginmay kahawaan sa tungā sang mĀa tubig, kag magpain ang mĀa tubig sa mĀa tubig.

7 Kag ginhimo sang Dios ang kahawaan, kag ginpain niya ang mĀa tubig, nĀa yara sa idalum sang kahawaan, sa mĀa tubig nĀa yara sa ibabaw sang kahawaan. Kag nanginamo ini.

8 Kag ginhingalanan sang Dios ang kahawaan nĀa Langit. Kag may kahaponon kag kaagahon: adlaw nĀa ikaduha.

9 Kag nagsiling ang Dios: "Magtingub ang mĀa tubig nĀa yara sa idalum sang mĀa langit sa isa ka duug, kag magpahayag ang mamala." Kag nanginamo ini.

10 Kag ginhingalanan sang Dios ang mamala nĀa Duta, kag ang katilingban sang mĀa tubig ginhingalanan niya nĀa Kadagatan. Kag nakita sang Dios, nĀa ini among maayo.

11 Kag nagsiling ang Dios: "Magpatubō ang duta sing malagtum nĀa hilamon, hilamon nĀa maghatag sing binhi sono sang iya naigoan, kag mabungahon nĀa mĀa kahoy, nĀa maghatag sing bunga, sono sang iya naigoan, nĀa yara sa iya ang iya binhi, sa ibabaw sang duta." Kag nanginamo ini.

12 Kag ang duta nagpatubō sing malagtum nĀa hilamon, sing hilamon nĀa nagahatag sing binhi, sono sang iya naigoan kag mĀa kahoy nĀa nagahatag sing bunga, nĀa ang iya binhi yara sa iya, sono sang ila naigoan. Kag nakita sang Dios nĀa ini among maayo.

13 Kag may kahaponon kag kaagahon: adlaw nĀa ikatlo.

14 Kag nagsiling ang Dios: "Magmanginmay mĀa sulo sa kahawaan sang mĀa langit, agud magbulag ang adlaw kag ang gab-i; kag ini sila magmangin mĀa timaan nĀa sa mĀa panag-on, kag nĀa sa mĀa adlaw kag mĀa tuig.

15 Kag ini sila magmangin mĀa sulo sa kahawaan sang mĀa langit, agud magiwag sila sa ibabaw sang duta." Kag nanginamo ini.

16 Kag ginhimo sang Dios ang duha ka dalagku nĀa mĀa sulo; ang daku nĀa sulo, agud nĀa maghari sa kaadlawon, kag ang diyotay nĀa sulo, agud nĀa maghari sa kagab-ihon; ang mĀa bitoon man.

17 Kag ginbutang sila sang Dios sa kahawaan sang mĀa langit, agud nĀa magiwag sila sa ibabaw sang duta;

18 Kag agud nĀa sila maghari nĀa sa kaadlawon kag sa kagab-ihon, kag agud nĀa sila magbulag sang kapawa sa mĀa kadudulman. Kag nakita sang Dios, nĀa ini among maayo.

19 Kag may kahaponon kag kaagahon: adlaw nĀa ikapat.

20 Kag nagsiling ang Dios: "Magpadagaya ang mga tubig sing mga kalág nga nagakabuhi, kag maglinupad ang kapispisan sa ibabaw sang duta, sa hanayak nga kahawaan sang langit."

21 Kag gintuga sang Dios ang mga dalagku nga mga gadya sa kadagatan kag ang tanan nga kalág nga buhi nga nagagihon, nga ginpadagaya sang mga tubig, sono sang ila naigoan, kag ang tanan nga pispis nga pakpakan, sono sang iya naigoan, kag nakita sang Dios, nga ini among maayo.

22 Kag ginpakamaayo sila sang Dios, nga nagasiling: "Magpalamunga kag magbilinuad-kamo, kag tugbon-ninyo ang mga tubig sang kadagatan, kag magbinuad ang kapispisan sa duta."

23 Kag may kahaponon kag kaagahon: adlaw nga ikalima.

24 Kag nagsiling ang Dios: "Magpatubô ang duta sing mga kalág nga buhi, sono sang ila naigoan, mga kahayupan, kag mga kaman-ugan, kag mga kasapatan sang duta, sono sang ila naigoan." Kag nanġinamo ini.

25 Kag ginbuhat sang Dios ang mga kasapatan sang duta, sono sang ila naigoan, kag ang kahayupan, sono sang ila naigoan, kag ang tanan nga sapat nga nagasaug sa ibabaw sang duta, sono sang ila naigoan; kag nakita sang Dios, nga ini amo ang maayo.

26 Kag nagsiling ang Dios: "Himon ta ang tawo sa larawan naton, sono sang kaangay naton, kag maggahum sia sa mga kaisdaan sang kadagatan, sa mga kapispisan sang kalangitan, sa mga kahayupan, sa bug-os nga duta, kag sa tanan nga sapat nga nagasaug sa ibabaw sang duta."

27 Kag gintuga ang tawo sang Dios sa larawan niya; sa larawan sang Dios gintuga niya sia: lalaki kag babae gintuga niya sila.

28 Kag ginpanghimaayo sila sang Dios, kag nagsiling ang Dios sa ila: "Magpalamunga kag magbinuad-kamo, kag tugbon-ninyo ang duta, kag magpakagalon-kamo sa iya; kag gahuman-ninyo ang mga kaisdaan sa kadagatan, kag ang mga kapispisan sa kalangitan, kag ang tanan nga kasapatan, nga nagagiliho sa ibabaw sang duta."

29 Kag nagsiling ang Dios: "Yari karon ginhatagan ko kamo sang tanan nga hilaon, nga nagahatag sing binhi,

nga yara sa ibabaw sang nawung sang bug-os nga duta, kag sang tanan nga kahoy, nga may bunga sang kahoy, nga nagatag sing binhi: ini sila manginkalan-on ninyo.

30 Kag sa tanan nga kasapatan sang duta, kag sa tanan nga kapispisan sang kalangitan, kag sa tanan nga nagagiliho sa ibabaw sang duta, nga sa ila may kabuhi, *ginahatag* ko ang tanan nga hilaon nga malagtum, nga manginkalan-on." Kag nanġinamo ini.

31 Kag nakita sang Dios ang tanan nga ginbuhat niya, kag yari karon, nga tama gid kaayo. Kag amo ang kahaponon kag ang kaagahon: ini ang adlaw nga ikan-um.

**2** KAG nahuman ang mga langit kag ang duta kag ang bug-os nga kasoldadosan niya.

2 Kag ginhuman sang Dios sa adlaw nga ikapito ang iya buluhaton, nga iya ginhimo, kag nagpahuway sia sa adlaw nga ikapito sa tanan nga buluhaton, nga iya ginhimo.

3 Kag ginpakamaayo sang Dios ang adlaw nga ikapito, kag ginpakabalaan niya ini; kay sa sini nga adlaw sia nagpahuway sa tanan nga buluhaton niya, nga gintuga kag ginhimo sang Dios.

Ang Eden. Ang pagkahuman sang lalaki kag sang babae.

4 Ini amo ang mga gintunaan sang mga langit kag sang duta, sang gintuga sila, sang adlaw nga si Iehoba nga Dios naghimo sang duta kag sang kalangitan.

5 Kag walâ pa sa duta sing bisan ano nga kahoykahoy sang latagon, kag walâ pa sing bisan ano nga hilaon, nga magpanuruk; kay walâ pa pagpaulana ni Iehoba nga Dios sa ibabaw sang duta, bisan may tawo nga magpanguma sang duta;

6 Apang nagausbung gikan sa duta ang isa ka alisngaw, nga nagabunyang sang bug-os nga kadayagan sang duta.

7 Kag ginhuman ni Iehoba nga Dios ang tawo sa yab-ok sang duta, kag hinuypa sa iya mga ilong sang gininhawa sang kabuhi, kag ang tawo nanginkalág nga buhi.

8 Kag naghimo si Iehoba nga Dios sing isa ka katamnan sa Eden sa Sidlangan; kag binutang niya didto ang tawo, nga iya nahuman.



9 Kag napatúbô ni Iehoba nga Dios sa duta ang tanan nga kahoy nga maanyag sa itululuk kag maayo nga kaonon: ang kahoy man nga sa kabuhi sa tungâ sang katamnan, kag ang kahoy nga sa pagkilala sang maayo kag sang malain.

10 Kag nagailig sa Eden ang isa ka subâ nga sa pagbunyang sang katamnan, kag kutub didto nagabahinbahin sia sa apat ka sangâ.

11 Ang ngalan sang isa among Pison: ini among nagalibut sang bug-os nga duta sa Habila, nga didto may bulawan.

12 Ang bulawan sa sadtong duta maayo: may bdelio man didto kag bato nga onyks.

13 Ang ngalan sang ikaduha nga subâ among Gihon: ini among nagalibot sang bug-os nga duta sa Kus.

14 Ang ngalan sang ikatlo ka subâ among Hidekel: ini nagailig sa Sidlangan sang Asur. Kag ang ikap-at ka subâ among Euprates.

15 Ngani, ginkuha ni Iehoba nga Dios ang tawo, kag ginbutang niya sia sa katamnan sang Eden, agud nga iya ini pagpangumahon kag bantayan.

16 Kag nagsogo sa tawo si Iehoba nga Dios, nga nagsiling: "Makakaonka sang tanan nga kahoy sang katamnan.

17 Apang sang kahoy nga sa pagkilala sang maayo kag sang malain, dili ka magkaon sa iya; kay sa adlaw nga magkaon ka sa iya, mamatay ka nga totoo."

18 Kag nagsiling si Iehoba nga Dios: "Indi maayo nga ang tawo magmanginisa lamang; pagahimoan ko sia sang kabulig nga bagay sa iya."

19 Busa, ginhuman ni Iehoba nga Dios sa duta ang tanan nga kasapatan sang latagon, kag ang tanan nga kapispisan sang kalangitan, kag gindala niya sila kay Adam, agud nga pagtanawon niya kon ano ang pagaihingalan niya sa ila; kag ang tanan nga ginhihingan ni Adam sa mga kasapatan nga mga buhi, ina among iya ngalan.

20 Kag ginbutangan ni Adam sing mga ngalan ang tanan nga kasapatan kag kapispisan sang kalangitan kag ang tanan nga hayup sang latagon; apang nga sa kay Adam walâ sing nakita nga kabulig nga bagay sa iya.

21 Kag si Iehoba nga Dios naghulog sing isa ka katulogon nga madalum sa ibabaw ni Adam, kag natologan sia; niyan nagkuha sia sing isa sang iya mga gusuk, kag ginpapali niya ang unud sa iya duug;

22 Kag ang gusuk nga ginkuha ni Iehoba nga Dios sa lalaki, ginhimo niya ang isa ka babae, kag gindala niya sia sa lalaki.

23 Kag nagsiling si Adam: "Ini karon amo ang tul-an sang akon mga katul-anan, kag unud satig akon unud, ini pagatawgon Isha,\* kay sa Ish ginkuha sia.

24 Ngani, pagabayaang sang lalaki ang iya amay kag ang iya iloy, kag maghiusa sa iya asawa, kag manginisa lamang sila ka unud.

25 Kag mga hubo sila nga duha, si Adam kag ang iya asawa, kag walâ sila magakalahuya.

Ang sala kag ang katagudilian sang tawo.—Ang nahauna nga panaad.

**3** APANG ang man-ug among malalang labi sa tanan nga mga kasapatan sang latagon, nga ginhimo ni Iehoba nga Dios, kag nagsiling sia sa babae: "Gali, nagsiling ang Dios sa inyo: Dili kamo magkaon sang tanan nga kahoy sang katamnan?"

2 Kag ang babae nagsabat sa man-ug: "Nagakaon kami sang bunga sang kakahoyan sang katamnan;

3 Apang nahanungud sang bunga sang kahoy, nga yara sa tunga sang katamnan, nagsiling ang Dios: Dili kami magkaon sa iya kag dili ninyo pagtanugon, agud nga dili kamo mapatay."

4 Niyan ang man-ug nagsiling sa babae: "Dili kamo mamatay nga totoo;

5 Kay nakahibalo ang Dios, nga sa adlaw nga magakaon kamo sa iya, magamuluklat ang inyo mga mata, kag manginkaangay sang Dios kamo, nga nakahibalo sang maayo kag sang malain."

6 Kag sang nakita sang babae, nga ang kahoy among maayo nga kaonon kag makaluluyag sa mga mata, kag kahoy nga tilinguhaan sa pagdangat sing kaalam, nagkuha sia sang iya bunga kag nagkaon; kag ginhatagan man niya

\* Isha, babae; Ish, lalaki.

ang iya bana kaupud niya, kag ragkaon man sia.

7 Kag nagmuluklat ang mga mata nila nga duha; kag ginkilala nila nga sila mga hubo, kag niyan nagtahi sila sing mga dahon sang igera, kag naghilimo sila sing mga tampion.

8 Kag nabatian nila ang tingug ni Iehoba nga Dios, nga nagadayandayan sa katamnan sa kabugnaw sang adlawon; kag nanago ang lalaki kag ang iya asawa sa atubangan ni Iehoba nga Dios sa tunga sang kakahoyan sang katamnan.

9 Kag gintawag ni Iehoba nga Dios ang lalaki, kag sinilingan sia: "¿Diin ka?"

10 Kag sia nagsabat: "Nabatian ko ang imo tingug sa katamnan, kag hinadlukan ako, kay hubo ako; kag nanago ako."

11 Kag sinilingan sia niya: "¿Sino-o bala ang nagsiling sa imo nga hubo ikaw? ¿Nagkaon bala ikaw sang kahoy, nga ginsogo ko sa imo, nga indi mo pagkaonon?"

12 Kag ang lalaki nagsabat: "Ang babae, nga ginhatag mo sa akon nga akon manginkaupud, ginhatagan niya ako sing kahoy, kag nagkaon ako."

13 Niyan si Iehoba nga Dios nagsiling sa babae: "¿Ano bala ang ginhimo mo?" Kag nagsiling ang babae: "Ang man-ug nagdaya sa akon, kag nagkaon ako."

14 Kag si Iehoba nga Dios nagsiling sa man-ug: "Tungud nga naghimo ikaw sini, manginmalaut ka labi sa tanan nga mga kasapatan, kag labi sa tanan nga kahayupan sang latagon; magalakat ka nga nagasaog sang imo tiyan kag magakaon ka sang yab-ok sa tanan nga adlaw sang imo kabuhi.

15 Kag pagabutangan ko sing kaawayon sa tunga mo kag sang babae, kag sa tunga sang imo kaliwatan kag sang iya kaliwatan. Ini sia magadugmok sang imo olo, kag pagadugmokon mo ang iya tikod."

16 Kag sinilingan niya ang babae: "Pagapadamuon ko sing tuman gid ang imo mga kasakit kag ang imo mga pagbusong; kag igapanganak mo nga may kasakit ang mga anak, kag manginsa imo bana ang imo handum, kag sia magagahum sa imo."

17 Kag nagsiling sia sa lalaki: "Tu-

ngud kay gintuman mo ang tingug sang imo asawa, kag nagkaon ka sang kahoy, nga ginsogo ko sa imo, nga nagsiling: Dili ka magkaon sa iya; manginmalaut ang duta tungud sa imo. Magakaon ka nga may kasakit sa iya sa tanan nga adlaw sang imo kabuhi.

18 Magapatubô sia sa imo sing mga sapinit kag mga gamhon; kag magakaon ka sang hilamon sang latagon.

19 Sa balhas sang imo nawung magakaon ikaw sing tinapay, tuhtub nga magbalik ka sa duta; kay yab-ok ka, kag sa yab-ok ikaw magabalik."

20 Kag gintawag sang lalaki ang ngalan sang iya asawa nga si Eba,\* tungud nga ini sia ilôy sang tanan nga mga may kabuhi.

21 Kag ginhimoan ni Iehoba nga Dios si Adam kag ang iya asawa sing mga lambong nga panit, kag ginpasaputan niya sila.

22 Kag nagsiling si Iehoba nga Dios: "Yari karon, ang tawo nanginsubung sang isa sa Aton, nga nakahibalo sang maayo kag sang malain." Kag karon, indi igo nga pagiuntay ang iya mga kamut, kag magkuha man sang kahoy sang kabuhi, kag magkaon kag mabuhi sa gihapon.

23 Ngani tinabug sia ni Iehoba sa katamnan sang Eden, agud nga pagpangumahon niya ang duta nga ginkuhan sa iya.

24 Kag ginpagowa niya ang tawo, kag ginbutangan niya, sa Sidlangan sang katamnan sa Eden, sang mga kerubin kag sang isa ka hinangiban nga nagabaga, nga nagalabaylabay sa pagbantay sang dalan sang kahoy sang kabuhi.

Si Kain kag si Abel; ang nabauna nga manugpatay sa isigkatawo.—Ang mga kaliwatan ni Kain.—Si Set.

4 KAG ginkilala ni Adam ang iya asawa nga si Eba; kag ini sia namkon kag pinanganak niya si Kain,† kag nagsiling sia: "Nadangat ko ang lalaki bangud kay Iehoba."

2 Kag liwat pinanganak niya si Abel nga iya utud. Kag si Abel nanginmanugbantay sang mga obeha; apang si Kain nanginmangunguma sang duta.

\* Eba, manughatag sing kabuhi.

† Kain, hatag nga nabaton.



3 Kag nahanabu, sa pag-alagisud sang panag-on, nga si Kain sa mga bunga sang duta nagdalá sing isa ka halad kay Iehoba.

4 Kag si Abel nagdalá man sa mga panganay sang iya mga obeha kag sang tambok nila, kag gintamud ni Iehoba nga may kahamuut si Abel kag ang iya halad.

5 Apang indi gintamud niya si Kain kag ang iya halad; kag nagsingkal si Kain sing daku gid, kag naholog ang iya guya.

6 Kag si Iehoba nagsiling kay Kain: “¿Kay ngaa bala nagsingkal ikaw, kag kay ngaa naholog ang imo guya?”

7 Kon maghimo ikaw sing maayo, ¿indi ka bala pagbayawon? Kag kon indi ka maghimo sing maayo, ang salâ yara as gawang. Kag sa imo mangin-yara ang iya handum, apang ikaw magagahum sa iya.”

8 Kag namolong si Kain kay Abel nga iya útud. Kag nahanabu, sang didto sila sa latagon, nga si Kain nagtindug batok kay Abel nga iya útud, kag pinatay niya sia.

9 Kag nagsiling si Iehoba kay Kain: “¿Diin bala si Abel nga imo útud?” Kag sia nagsabat: “Ambut. ¿Bantay ako bala sang akon útud?”

10 Kag sinilingan sia niya: “¿Ano bala ang ginhimo mo? Ang tingug sang dugo sang imo útud nagatuaw sa akon gikan sa duta.

11 Ngani karon magmanginmalaut ka sa duta, nga nagbuka sang iya bâbâ sa pagbaton sang dugo sang imo útud sa imo kamut.

12 Kon pagpangumahon mo ang duta, indi na ikaw pagahatagan niya sang iya kusug. Manginlaaslaas kag dumuluong ikaw sa duta.”

13 Kag nagsiling si Kain kay Iehoba: “Tama ka daku ang akon kalainan, nga papatawaron.

14 Yari karon, ginasobol mo ako karon sa nawung sang duta, kag ako magapanago sa imo atubangan; manginlaaslaas kag dumuluong ako sa duta, kag mahanabu nga bisan sin-o nga makakita sa akon, magapatay sa akon.”

15 Kag nagsabat sa iya si Iehoba: “Matuud nga bisan sin-o nga magpatay kay Kain, pagasilotan sing makapito.” Niyan ginbutangan ni Iehoba sing tanda

si Kain, agud nga indi sia pagpatayon sang bisan sin-o nga makakita sa iya.

16 Kag naghalin si Kain sa atubangan ni Iehoba, kag nagpuyô sa duta sa Nod sa Sidlangan sang Eden.

17 Kag nakilala ni Kain ang iya asawa, nga nagpanamkon kag nag-anak kay Henok; kag nagpatindug sia sing isa ka banwa, kag ginhingalanan niya ang banwa sang ngalan sang iya anak nga Henok.

18 Kag kay Henok natawo si Irad; kag si Irad nagpanganak kay Mahuyael, kag si Mahuyael nagpanganak kay Metusael, kag si Metusael nagpanganak kay Lamek.

19 Kag si Lamek nangasawa nga sa iya sing duha ka asawa; ang ngalan sang isa amo si Ada, kag ang ngalan sang isa si Sila.

20 Kag si Ada nag-anak kay Iabal, nga nanginamay sia sang mga naga-puluyô sa mga layanglayang, kag *nagahuluput* sang kahayupan.

21 Kag ang ngalan sang iya utud nga lalaki amo si Iubal, nga nanginamay sia sang tanan nga mga nagagalami sang arpa kag lantoy.

22 Kag si Sila nag-anak man kay Tubal-Kain, panday sa tanan nga mga galamiton nga saway kag nga salsalon; kag ang utud nga babae ni Tubal-Kain amo si Naama.

23 Kag nagsiling si Lamek sa iya mga asawa: “Ada kag Sila, palamati-kano sang akon tingug, mga asawa ni Lamek, dunga-ninyo ang akon pinamolong: Hoo, nagapatay ako sing isa ka tawo tungud sang akon pilas kag sing isa ka pamatau-on tungud sang pagpalagub sa akon.

24 Hoo, sa makapito ginatalimalus si Kain, kag si Lamek makakapitoan ka pito.”

25 Kag sa liwan ginkilala ni Adam ang iya asawa, kag sia nag-anak sing isa ka anak nga lalaki, kag ginhingalanan niya sia si Set.\* Kay *nagsiling* sia: “Gintalusan ako sang Dios sang isa ka kaliwatan sa baylo ni Abel, kay ginpatay sia ni Kain.”

26 Kag kay Set man natawo sa iya ang isa ka anak nga lalaki; kag ginhingalanan niya sia si Enos. Niyan ang

\* Set, hinatag nga tal-us.



mga tawo nagsulugud sa pagtawag sa ngalan ni Iehoba.

Mga kaliwatan ni Adam, tuogud kay Set, tubtub kay Noe.

5 INI amo ang tolon-an sang mga kaliwatan ni Adam: Sang adlaw nga gintuga sang Dios ang tawo, ginhimo niya sia sa kaangay sang Dios.

2 Lalaki kag babae gintuga niya sila, kag ginpakamaayo niya sila, kag ginhi-ngalanan niya sila nga si Adam, sang adlaw nga ginpanuga sila.

3 Kag nagkabuhi si Adam sing isa ka gatus kag katloan ka tuig, kag nagpanganak sia sing *isa ka anak nga lalaki* sa kaangay niya, sono sa iya larawan, kag ginhingalan niya sia nga si Set.

4 Kag ang kaadlawan ni Adam, sa tapus nga nagpanganak sia kay Set naninginwalo ka gatus ka tuig; kag nagpanganak sia sing mga anak nga lalaki kag mga babae.

5 Kag ang tanan nga mga adlaw nga ginkabuhi ni Adam, nanginsiam ka gatus kag katloan ka tuig, kag namatay sia.

6 Kag nagkabuhi si Set sing isa ka gatus kag lima ka tuig, kag nagpanganak sia kay Enos.

7 Kag nagkabuhi si Set, sa tapus nga ginpanganak niya si Enos, walo ka gatus kag pito ka tuig; kag nagpanganak sia sing mga anak nga lalaki kag mga babae.

8 Kag ang tanan nga mga kaadlawan ni Set nanginsiam ka gatus kag napulô kag duha ka tuig, kag namatay sia.

9 Kag nagkabuhi si Enos sing kasi-aman ka tuig, kag nagpanganak sia kay Kenan.

10 Kag nagkabuhi si Enos, sa tapus nga ginpanganak niya si Kenan, walo ka gatus kag napulô kag lima ka tuig; kag nagpanganak sia sing mga anak nga lalaki kag mga babae.

11 Kag ang tanan nga mga kaadlawan ni Enos nanginsiam ka gatus kag lima ka tuig, kag namatay sia.

12 Kag nagkabuhi si Kenan sing kapitoan ka tuig, kag nagpanganak sia kay Mahalalel.

13 Kag nagkabuhi si Kenan, sa tapus nga ginpanganak niya si Mahalalel, walo ka gatus kag kap-atan ka tuig; kag nagpanganak sia sing mga anak nga lalaki kag mga babae.

14 Kag ang tanan nga mga kaadlawan ni Kenan nanginsiam ka gatus kag napulô ka tuig, kag namatay sia.

15 Kag nagkabuhi si Mahalalel sing kan-uman kag lima ka tuig, kag nagpanganak sia kay Iared.

16 Kag nagkabuhi si Mahalalel, sa tapus nga ginpanganak niya si Iared, walo ka gatus kag katloan ka tuig; kag nagpanganak sia sing mga anak nga lalaki kag mga babae.

17 Kag ang tanan nga mga kaadlawan ni Mahalalel nanginwalo ka gatus kasiaman kag lima ka tuig, kag namatay sia.

18 Kag nagkabuhi si Iared sing isa ka gatus kan-uman kag duha ka tuig, kag nagpanganak sia kay Enok.

19 Kag nagkabuhi si Iared, sa tapus nga ginpanganak niya si Enok, walo ka gatus ka tuig; kag nagpanganak sia sing mga anak nga lalaki kag mga babae.

20 Kag ang bug-os nga kaadlawan ni Iared nanginsiam ka gatus kan-uman kag duha ka tuig, kag namatay sia.

21 Kag nagkabuhi si Enok sing kan-uman kag lima ka tuig, kag nagpanganak sia kay Metusela.

22 Kag si Enok, sa tapus nga ginpanganak niya si Metusela, naglakat upud sa Dios, tatlo ka gatus ka tuig; kag nagpanganak sia sing mga anak nga lalaki kag mga babae.

23 Kag ang bug-os nga kaadlawan ni Enok nangintatlo ka gatus kan-uman kag lima ka tuig.

24 Kag si Enok naglakat upud sa Dios, kag walâ na sia, kay gindala sia sang Dios.

25 Kag nagkabuhi si Metusela sing isa ka gatus kawaloan kag pito ka tuig, kag nagpanganak sia kay Lamek.

26 Kag nagkabuhi si Metusela, sa tapus nga ginpanganak niya si Lamek, pito ka gatus kawaloan kag duha ka tuig; kag nagpanganak sia sing mga anak nga lalaki kag mga babae.

27 Kag ang bug-os nga kaadlawan ni Metusela, nanginsiam ka gatus kan-uman kag siam ka tuig, kag namatay sia.

28 Kag nagkabuhi si Lamek sing isa ka gatus kawaloan kag duha ka tuig, kag nagpanganak sia sing isa ka anak nga lalaki.

29 Kag ginhingalan niya sia nga si Noe\*nga nagasiling: "Ini sia magalipay sa aton sa aton mga buluhaton, kag sa pangabudlayan sang aton mga kamut, bangud sang duta nga ginpakamalaut ni Iehoba.

30 Kag nagkabuhi si Lamek, sa tapus nga ginpanganak niya si Noe, lima ka gatus kasiaman kag lima ka tuig; kag nagpanganak sia sing mga anak nga lalaki kag mga babae.

31 Kag ang bug-os nga kaadiawan ni Lamek nanginipito ka gatus kapitoan kag pito ka tuig, kag namatay sia.

32 Kag si Noe nagkabuhi sing lima ka gatus ka tuig, kag nagpanganak sia kay Sem, kay Kam kag kay Iapet.

Maukaron nga kadunut sang mga tawo. Ang anaw.

**6** KAG nahanabu, sang nagasugud pagbuad ang mga tawo sa ibabaw sang nawung sang duta, kag nagkalatawo sa ila sing mga anak nga babae,

2 Nga nakita sang mga anak nga lalaki sang Dios, nga ang mga anak nga babae sang mga tawo mga maayoayo, kag ginpalangasawa sila nila, nga nagapilili sa tanan.

3 Kag nagsiling si Iehoba: "Indi makigsuay sa gihapon ang akon espiritu sa tawo; sa iya pagtalang sia among unud; apang ang iya mga adlaw manginisa ka gatus kag duha ka pulô ka tuig."

4 Sadto nga mga adlaw ang mga Nepilim yara sa duta; kag sa tapus man nakasulud ang mga anak nga lalaki sang Dios sa mga anak nga babae sang tawo, kag ginpanganan sila sing mga anak nga lalaki: ini sila nangin mga maisug nga, kutub sa mga daan nga panag-on, mga lalaki nga may kabantugan.

5 Kag kinita ni Iehoba, nga ang kalautan sang mga tawo madamu sa duta, kag nga ang tanan nga painoino sang mga panghunahuna sang tagiposoon nila gihapon ang kalainan lamang.

6 Kag nagpangalisud si Iehoba, nga ginhimo niya ang tawo sa duta, kag nagpasubo ini sa iya sing sa tagiposoon.

7 Kag nagsiling si Iehoba: "Pagapason ko sa ibabaw sang nawung sang duta ang mga tawo nga akon gintuga: kutub sa tawo tubtub sa kasapatan, kag

tubtub sa nagasalaog nga sapat, kag tubtub sa mga kapispisan sang langit; kay nagpangalisud ako nga ginhimo ko sila."

8 Apang si Noe nakaagum sing bugay sa mga mata ni Iehoba.

9 Yari diri ang mga kaliwatan ni Noe: Si Noe lalaki nga matarung kag himpit sia sa siya mga kadungan. Si Noe naglakat upud sa Dios.

10 Kag si Noe nagpanganak sing tatlo ka anak nga lalaki: Si Sem, si Kam kag si Iapet.

11 Kag nadunut ang duta sa atubangan sang Dios, kag ang duta napun-an sing kalugusan.

12 Kag tinuluk sang Dios ang duta, kag, yari karon, dunut sia; kay ang tanan nga unud gindunut nila ang ila dalan sa ibabaw sang duta.

13 Kag nagsiling ang Dios kay Noe: "Ang katapusan sang tanan nga unud nag-abut sa atubangan nakon, kay ang duta napun-an sing kalugusan bangud sa ila; kag yari karon nga pagalaglagon ko sila upud sang duta.

14 Maghimo-ka nga sa imo sing isa ka arka sang kahoy nga goper. Magahimo ikaw sing mga hulut sa arka, kag pagabalawon mo sia sa sulud kag sa gowa.

15 Kag sa sini nga bagay pagahimoon mo sia: ang kalabaon sang arka mga tatlo ka gatus ka maniko; ang iya kalaparon mga kalim-an ka maniko, kag katloan ka maniko ang iya kataason.

16 Magahimo ka sing isa ka lalantawan sa arka, kag pagatapusan mo ini sa isa ka maniko sing kataason sa ibabaw; kag ibutang mo sa luyo ang gawang sang arka, kag himoan mo sing alintaga nga naidalum, ikaduha, kag ikatlo.

17 Kay ako, yari karon, nga akon pagadalhon ang anaw sang mga tubig sa ibabaw sang duta sa pagpapas sang tanan nga unud, nga may espiritu sang kabuhi sa idalum sang langit: ang tanan nga yara sa duta mamatay.

18 Apang pagahimoon ko ang akon katipan sa imo, kag magasulud ka sa arka, ikaw kag ang imo mga anak nga lalaki, kag ang imo asawa kag ang mga asawa sang imo mga anak upud sa imo.

19 Kag ang tanan nga nagakabuhi, sa tanan nga unud, duha sang tagsa ka bahin, pagaisulud mo sa arka, agud nga pagbuhion sila kaupud nimo: mga lalaki kag mga babae sila.

\* Noe, kalinong, kalipay.



20 Sa mġa kapispisan, sono sang ila naigoan, kag sa mġa kasapatan, sono sang ila naigoan, sa tanan nġa mġa nagasaog nġa sapat sang duta, sono sang ila naigoan, duha sang tagsa ka bahin magasulud upud sa imo, agud nġa pagbuhion sila.

21 Kag magdalá ikaw kaupud nimo sang tanan nġa kalan-on nġa ginakaon, kag tiponon mo sila sa imo. Kag ini manginkalan-on nġa sa imo kag nġa sa ila."

22 Kag ginhimo ini ni Noe. Ginhimo niya sono sa tanan nġa ginsogo sang Dios sa iya.

**7** KAG si Iehoba nagsiling kay Noe: "Sulud-ka kag ang bug-os mo nġa baláy sa arka; kay nakita ko ikaw nġa matarung sa atubangan nakon sa sini nġa kaliwatan.

2 Sa tanan nġa sapat nġa mġa matinlo magakuha ka sing tagpitopito, lalaki kag babae; apang sa kasapatan nġa indi matinlo, sing duha, lalaki kag babae.

3 Sa kapispisan man sa kalangitan sa tagpitopito, sulog kag munga, agud mandaman ang kaliwat sa kabuhi sa ibabaw sang kadaygan sang bug-os nġa duta.

4 Kay sa lumigad ang pito pa ka adlaw, pagapaulanon ko sa ibabaw sang duta sing kap-atan ka adlaw kag kap-atan ka gab-i; kag pagapapason ko ang tanan nġa may pagkaamo, nġa ginhimo ko sa ibabaw sang kadaygan sang duta.

5 Kag ginhimo ni Noe sono sa tanan nġa ginsogo sa iya ni Iehoba.

6 Kag sang si Noe nagaedad sing anum ka gatus ka tuig, ang anaw sang mġa tubig nag-abut sa ibabaw sang duta.

7 Kag si Noe nagsulud sa arka kag ang iya mġa anak, kag ang iya asawa, kag ang mġa asawa sang iya mġa anak upud sa iya, bangud sang mġa tubig sang anaw.

8 Sa mġa kasapatan nġa matinlo, kag sa mġa kasapatan nġa indi matinlo, kag sa mġa kapispisan, kag sa tanan nġa nagakalamang sa ibabaw sang duta,

9 Sa tagduhaduha nagsululud sila sa arka ni Noe, lalaki kag babae, sono sang ginsogo sang Dios kay Noe.

10 Kag nahanabu, sa ikapito ka adlaw, nġa ang mġa tubig sang anaw nag-alabut sa ibabaw sang duta.

11 Sa anum ka gatus ka tuig sang pagkabuhi ni Noe, sa ikaduha nġa bulan, sa ikapulô kag pito sang bulan, sadto gid nġa adlaw nawasak ang tanan nġa mġa tuburan sang daku nġa kaidadalman, kag ang mġa talambuan sang mġa langit nabuksan.

12 Kag may ulan sa ibabaw sang duta sa kap-atan ka adlaw kag kap-atan ka gab-i.

13 Sa sini gid man nġa adlaw nagsulud si Noe, si Sem, si Kam kag si Iapet, mġa anak nġa lalaki ni Noe, kag ang asawa ni Noe, kag ang tatlo ka mġa asawa sang iya mġa anak, kaupud niya sa arka.

14 Sila, kag ang tanan nġa kasapatan, sono sang ila naigoan, ang tanan nġa kahayupan, sono sang iya naigoan, kag ang tanan nġa sapat nġa nagasaog sa ibabaw sang duta, sono sang iya naigoan, kag ang tanan nġa mġa pispis, sono sang ila naigoan, ang tanan nġa diyotay nġa pispis, ang tanan nġa may mġa pakpak.

15 Kag nagsululud kay Noe sa arka sing tagduhaduha ang tanan nġa unud, nġa may espiritu sang kabuhi.

16 Kag ang nagsululud, lalaki kag babae sila; sa tanan nġa unud nagsululud sila, siling sang ginsogo sang Dios. Kag tinakpan ni Iehoba ang gawang.

17 Kag imabut ang anaw sing kap-atan ka adlaw sa ibabaw sang duta; kag nagtubô ang mġa tubig kag ginbayaw nila ang arka, kag naglabaw ini sa duta.

18 Kag naglambas ang mġa tubig kag nagtubô sing duku gid sa ibabaw sang duta; kag naglakat ang arka sa ibabaw sang nawung sang mġa tubig.

19 Kag naglambas ang mġa tubig sing labaw gid sa ibabaw sang duta, kag linapawan ang tanan nġa mġa bukid nġa mataas nġa yara sa idalum sang tanan nġa mġa langit.

20 Napulô kag lima ka maniko ang paglabaw sang mġa tubig sa ila, kag linapawan ang mġa bukid.

21 Kag namatay ang tanan nġa mġa unud nġa nagagiho sa ibabaw sang duta, ang kapispisan subung man ang mġa kahayupan, kag ang mġa kasapatan, kag ang tanan nġa sapat nġa nagasaog sa ibabaw sang duta, kag ang tanan nġa mġa tawo.

22 Ang tanan nġa mġa may ginhawa sang espiritu sang kabuhi sa ila mġa

ilong, ang tanan nga yara sa duta nga mamala, namatay.

23 Kag ginpapas ang tanan nga may pagkaamo, nga yara sa ibabaw sang nawung sang duta, gikan sa tawo tubtub sa kasapatan, tubtub sa mga sapat nga nagasaog, kag tubtub sa mga kapispisan sang mga langit: ginpapas sila sa duta, kag nabilin lamang si Noe kag ang mga yara kaupud niya sa arka.

24 Kag naglambas ang mga tubig sa ibabaw sang duta sing isa ka gatus kag kalim-an ka adlaw.

Si Noe nagagowa sa arka.

**8** KAG nadumduman sang Dios si Noe kag ang tanan nga kasapatan nga yadto upud niya sa arka. Kag pinaagi sang Dios ang isa ka hangin sa ibabaw sang duta, kag nagbuhi ang mga tubig.

2 Kag nagtalakup ang mga tuburan sang kaidadalman, kag ang mga talambuan sang mga langit, kag napungan ang mga ulan sang langit.

3 Kag ang mga tubig nagbalalik sa duta sing walay untat; kag naghugas ang mga tubig sa tapus na ang isa ka gatus kag kalim-an ka adlaw.

4 Kag timungtung ang arka sa bulan nga ikapito, sa ikapulo kag pito ka adlaw sang bulan, sa ibabaw sang kabukiran sang Ararat.

5 Kag ang mga tubig nagadayon sing paghubas tubtub sa ikapulô nga bulan. Sang ikapulô, sa nahauna nga adlaw sang bulan, nakita ang mga alipukpukan sang mga bukid.

6 Kag nahanabu nga, sa katapusan sang kap-atan ka adlaw, ginbukas ni Noe ang talambuan, nga ginhimo niya sa arka.

7 Kag pinadala niya ang uwak, nga naggowa nga nagapakadto kag nagapakari tubtub nga ang mga tubig nagmala sa ibabaw sang duta.

8 Pinadala man niya gikan sa iya ang salampati, agud magtan-aw kon ang mga tubig nagisol na sa ibabaw sang nawung sang duta.

9 Kag ang salampati walâ sing nakita, nga sarang mapatungan sang dapadapa sang iya tiil, kag bumalik sia sa arka sa iya, kay ang mga tubig yara pa sa ibabaw sang nawung sang bug-os nga duta; kag inuntay niya ang iya mga

kamut, kag sang nadakup niya, sinulud sia niya sa arka.

10 Kag naghulat pa sia sing mga pito ka adlaw, kag pinagowa niya liwat ang salampati sa arka.

11 Kag ang salampati bumalik sa iya sa oras sang kahaponon, kag yari karon, isa ka dahon nga lab-as sang olibo sa iya toktok; kag nahanup ni Noe, nga ang mga tubig nahugas na sa ibabaw sang duta.

12 Kag naghulat pa sia sing mga pito pa liwat ka adlaw, kag pinadala niya ang salampati, nga walâ na magbalik sa iya.

13 Kag nahanabu nga, sang tuig nga ikan-um ka gatus kag isa ni Noe, sa nahauna nga bulan, sa nahauna nga adlaw sang bulan, ang mga tubig nahugas sa ibabaw sang duta. Kag ginhalin ni Noe ang takup sang arka, kag tumanaw, kag yari karon ang nawung sang duta mamala na.

14 Kag sa ikaduha nga bulan sa ikaduha ka pulô kag pito nga adlaw sang bulan, nagmala na ang duta.

15 Kag ang Dios naghambal kay Noe, nga nagasiling:

16 "Gowa-ka sa arka, ikaw kag ang imo asawa, kag ang imo mga anak nga lalaki, kag ang mga asawa sang imo mga anak nga lalaki kaupud nimo.

17 Pagowaa kaupud nimo ang tanan nga mga kasapatan, sa tanan nga unud, nga yara upud sa imo, sa kapispisan, sa kahayupan, kag sa tanan nga sapat nga nagasaog sa ibabaw sang duta, agud nga magpadagaya sila sa ibabaw sang duta, kag magpalamunga kag magbinuad sa ibabaw sang duta.

18 Kag naggowa si Noe, kag ang iya mga anak nga lalaki, kag ang iya asawa kag ang mga asawa sang iya mga anak nga lalaki kaupud niya.

19 Ang tanan nga mga kasapatan, ang tanan nga mga sapat nga nagasaog kag ang tanan nga mga kapispisan, ang tanan nga nagagiho sa ibabaw sang duta, naggulowa sa arka sono sang ila mga panimalay.

20 Kag nagtukud si Noe sing isa ka halaran kay Iehoba, kag nagkuha sia sa tanan nga sapat nga matinlo kag sa tanan nga pispis nga matinlo, kag naghalad sia sing mga halad nga sinunog sa halaran.

21 Kag nakapanimaho si Iehoba sing baho nga kahalamut-an. Kag nagsiling:



si Iehoba sa iya tagiposoon: “Indi ko na pagpaughimalauton liwat ang duta bangud sang tawo, bisan ang tuyo sang tagiposoon sang tawo malaut kutub sa iya pagkapamatan-on; kag indi ko na paglaglagon liwat ang tanan nga nagakabuhi subung sang ginhimo ko.

22 Sa magamanginyari pa sa duta ang tanan nga panag-on, ang pagtanum kag ang pag-ani, ang tugnaw kag ang init, ang tingadlaw kag ang tigtulugnaw, ang adlawon kag ang kagab-ihon indi magaauntat.

**Pagpakigkatipan sang Dios kay Noe.**

9 KAG ginpakamaayo sang Dios si Noe kag ang iya mga anak, kag nagsiling sia sa ila: “Bulunga-kamo, kag dalamu-kamo, kag pun-a-ninyo ang duta.

2 Kag ang inyo kahadluk kag ang inyo kakugmat manginsa ibabaw sang tanan nga sapat sang duta, kag sa ibabaw sang tanan nga kapispisan sang kalangitan, sa tanan nga nagagiliho sa duta, kag sa tanan nga kaisdaan sang dagat: ginatugyan sila sa inyo mga kamut.

3 Ang tanan nga nagagiliho kag nagakabuhi manginsa kalan-on ninyo: subung man ang kahilamonan nga hila-  
law ginahatag ko ini nga tanan sa inyo.

4 Apang ang unud upud ang iya kabuhi, nga amo ang iya dugo, indi kamo magkalaon.

5 Kay, sa pagkamatuud gid, pagapangayoon ko gid ang inyo dugo, ang inyo mga kalág; sa kamut sang tanan nga sapat pagapangayoon ko gid sia, kag sa kamut sang tawo; pagapangayoon ko gid ang kalág sang tagsa ka tawo sa kamut sang iya útud.

6 Ang magpatolo sang dugo sang tawo tungud sang tawo, ang iya dugo pagapatolo; kay sa larawan sang Dios ginhimo ang tawo.

7 Kag bulunga-kamo kag dalamu-kamo, buluad-kamo kag pagdalamu-kamo sa duta.

8 Kag naghambal ang Dios kay Noe, kag sa iya mga anak upud sa iya, nga nagsiling:

9 “Ako, yari karon nga ginapahamtang ko ang akon katipan upud sa inyo, kag upud sa inyo kaliwatan sa olehe ninyo,

10 Kag upud sang tanan nga kalág nga nagakabuhi nga yara upud sa inyo, sa kapispisan, sa kahayupan, kag sa tanan nga sapat sa duta nga yara upud ninyo, kutub sa tanan nga naggolowa sa arka tubtub sa tanan nga mga sapat sa duta.

11 Pagatukuron ko ang akon katipan sa inyo, kag walay bisan ano nga unud nga pagalaglagon pa sang mga tubig sang anaw; bisan may anaw pa nga sa paglaglag sang duta.

12 Kag nagsiling ang Dios: “Ini mangintanda sang katipan, nga ginpahamtang ko sa tungâ nakon kag ninyo, kag sa tanan nga kalág nga nagakabuhi, nga yara upud sa inyo, sa dayon nga mga katuigan.

13 Ang akon balanğaw pagaibutang ko sa mga gal-um, nga mangintandaan sia sang katipan sa tungâ nakon kag sang duta.

14 Kag mahanabu nga, kon pagtiponon ko ang mga gal-um sa ibabaw sang duta, niyan magapakita ang akon balanğaw sa mga gal-um.

15 Kag magapanumdum ako sang akon katipan, nga yara sa tungâ nakon kag ninyo kag sa tanan nga kalág nga buhi sang tanan nga unud; kag indi na gid magaabut ang mga tubig sang anaw sa pagiaglag sang tanan nga unud.

16 Kag ang balanğaw dira sa mga gal-um, kag pagatan-awon ko ini sa pagpanumdum ko sang katipan nga dayon sa tungâ sang Dios kag sang tanan nga kalág nga nagakabuhi, sa tanan nga unud nga yara sa ibabaw sang duta.”

17 Busa, ang Dios nagsiling kay Noe: “Ini mangintandaan sang katipan, nga ginpahamtang ko sa tungâ nakon kag sang bug-os nga unud nga yara sa ibabaw sang duta.

**Mga anak ni Noe.**

18 Ang mga anak ni Noe nga naggulowa sa arka nanğin si Sem, si Kam, kag si Iapet; kag si Kam among amay ni Kanaan.

19 Ining tatlo among mga anak ni Noe; kag sa ila napuy-an ang bug-os nga duta.

20 Kag nagsugud si Noe sa pagpanğuma sang duta, kag nagtanum sia sing isa ka kaubasan;

21 Kag naginum sia sing alak, kag nahubug sia, kag nahubo sia sa tunga sang iya layanglayang.

22 Kag si Kam, nga amay ni Kanaan, nakita niya ang kahubo sang iya amay, kag nagsugid sini sa iya duha ka utud, sa gowa.

23 Niyanginkuha ni Sem kag ni Iapet ang panapton, kag ginambilay nila sia; kag sang nagilisol sila, gintabunan nila ang kahubo sang ila amay, nga nagatalingi ang ila mga nawung, kag sa sini walâ nila makita ang kahubo sang ila amay.

24 Kag nagmata si Noe sa iya alak, kag nahibaloan niya ang ginhimo sa iya sang iya anak nga manghud,

25 Kag nagsiling sia: "Manginmalaot si Kanaan; manginalagad sia sang mga alagad sang iya mga utud."

26 Kag nagsiling pa sia: "Dalayawon si Iehoba, ang Dios ni Sem; kag magmanginalagad nila si Kanaan."

27 Pagpakadakuon kunta sang Dios si Iapet, kag magpuyô sia sa mga layanglayang ni Sem, kag magmanginalagad nila si Kanaan."

28 Kag sa tapus ang anaw nagkabuhi si Noe sing tatlo ka gatus kag kalim-an ka tuig.

29 Kag ang bug-os nga kaadlawan ni Noe nanginsiam ka gatus kag kalim-an ka tuig, kag namatay sia.

Mga kaliwatan ni Iapet, ni Kam kag ni Sem.

**10** INI amo sila ang kaliwatan sang mga anak ni Noe: ni Sem, ni Kam, kag ni Iapet; nga sa ila nagkalatawo ang mga anak sa tapus ang anaw.

2 Ang mga anak ni Iapet: si Gomer, si Magog, si Madai, si Iaban, si Tubal, si Mesek kag si Tiras.

3 Kag ang mga anak ni Gomer: si Askenas, si Ripat kag si Togorma.

4 Kag ang mga anak ni Iaban: si Elisa, si Tarsis, si Kitim kag si Dodanin.

5 Sa ila sini ginpamahin ang mga pulô sang mga katawohan, sono sang ila mga duta, ang tagsatagsa sono sa ila hambal, sono sa ila panimalây, sa ila mga katawohan.

6 Ang mga anak ni Kam: si Kus, si Misraim, si Put kag si Kanaan.

7 Kag ang mga anak ni Kus: si Seba, si Habila, si Sabta, si Rama kag si

Sabteka. Kag ang mga anak ni Rama: si Seba kag si Dedan.

8 Kag si Kus nagpanganak kay Nimrod: ini nagsugud sia sa pagkagamhanan sa duta.

9 Ini nanginmakusug sia nga mangangayam sa atubangan ni Iehoba; nga sa tungud sini ginasiling: "Siling kay si Nimrod, makusug nga mangangayam sa atubangan ni Iehoba."

10 Kag ang pamunô sang iya ginharian amo ang Babel, kag ang Erek, kag ang Akad, kag ang Kalne sa duta sa Sinar.

11 Sa sadto nga duta nagowa si Asur, kag ginpatindug niya ang Ninive, kag ang Rehobot-Hir, kag ang Kale.

12 Kag ang Resen sa tunga sang Ninive kag Kale, nga amo sia ang daku nga banwa.

13 Kag si Misraim nagpanganak sa mga Ludimhon, sa mga Anamimhon, sa mga Leabimhon, kag sa mga Naptuhimhon;

14 Kag sa mga Patrusimhon, sa mga Kasluimhon (nga sa ila naggilikan ang mga Pilistinhon), kag ang mga Kapto-rimhon.

15 Si Kanaan nagpanganak kay Sidon, ang iya panganay, kag kay Het;

16 Kag sa mga Iebusinhon, sa mga Amorphon kag sa mga Girgasinhon;

17 Kag sa mga Hebinhon, sa mga Arkinhon kag sa mga Sininhon;

18 Kag sa mga Arbadinhon, sa mga Semarinhon kag sa mga Hamatinhon. Kag sang olehe nagbulusaag ang mga panimalây sang mga Kanaanhon.

19 Kag nanginkadulunan sang mga Kanaanhon kutub sa Sidon nga mapakadto sa Gerar tubtub sa Gasa, kag nga mapakadto sa Sodoma, sa Gomora, sa Adma kag sa Seboim, tubtub sa Lasa.

20 Ini amo sila ang mga anak ni Kam, sono sang ila panimalây, sono sang ila mga hambal, sa ila mga kadutaan, sa ila mga katawohan.

21 Nagkalatawo man ang mga anak kay Sem, amay sang tanan nga mga anak ni Heber kag utud nga magulang, ni Iapet.

22 Ang mga anak ni Sem: si Elam, si Asur, si Arpaksad, si Lud kag si Aram.

23 Ang mga anak ni Aram: Si Us, si Hul, si Geter kag si Mas.

24 Kag si Arpaksad nagpanganak



kay Sala, kag si Sala nagpanganak kay Heber.

25 Kag nagkalatawo kay Heber ang duka ka anak : ang ngalan sang isa amo si Peleg,\* kag sa iya mga kaadlawan ginbahinbahin ang duta ; kag ang ngalan sang iya útud, si Ioktan.

26 Kag si Ioktan nagpanganak kay Almadad, kay Salep, kay Hasarmabet, kay Iera,

27 Kay Hadoram, kay Husal, kay Dikla,

28 Kay Hobal, kay Abimael, kay Seba,

29 Kay Opir, kay Habila, kag kay Iobab. Ining tanan nangin mga anak sila ni Ioktan.

30 Kag ang ila puluy-an nanginkutub sa Mesa, nga mapakadto sa Separ, bukid sang Sidlangan.

31 Ini sila nangin mga anak ni Sem, sono sang ila mga panimaláy, sono sang ila mga hambal, sa ila mga kadutaan, sono sa ila mga katawohan.

32 Ini sila amo ang pinamaláy ni Noe, sono sang ila mga kaliwatan, sa ila mga katawohan, kag sa ila ginpaalapaag ang mga katawohan sa duta, sa tapus sang anaw.

Ang tore sa Babel.

**11** KAG ang bug-os nga duta may isa lamang ka hambal, kag isa man lamang ka mga polong.

2 Kag nahanabu nga, sang sila nagapanlakatau sa Sidlangan, nasapwan nila ang isa ka kapatagan sa duta sang Sinar ; kag nagpulyô sila didto.

3 Kag nagsiling ang iban sa iban : “¡Kari-kamo ! Maghimo-kita sing tisa kag lutoan-naton inis kalayo.” Kag ang tisa gingamit nila nga salili sang batô, kag ang salong nga salili sang apog.

4 Kag nagsihiling sila : “¡Kari-kamo ! Tukuron naton ang isa ka banwa kag isa ka tore, nga ang iya alibubungan maglambut sa langit ; kag maghimo-kita sa aton sing isa ka ngalan, basi pa nga kita pag-alaplaagon sa bug-os nga nawung sang duta.”

5 Kag kimunsad si Iehoba sa pagtanaw sang banwa kag sang tore, nga gintukud sang mga anak sang mga tawo.

6 Kag sumiling si Iehoba : “Yari karon sila isa lamang ka banwa kag

may isa lamang ka hambal sila nga tanan, kag ini amo ang ginsugdan, nila nga himoon ; kag karon walay bisan ano nga makaupang sang ila ginatuyo nga himoon.

7 ¡Kari-kamo ! Makunsad-kita, kag gumonon naton didto ang ila mga hambal, agud nga walay sin-o nga makahantup sang hambal sang iya kaúpud.”

8 Amo ini ang pagpaalapaag sa ila ni Iehoba gikan didto sa ibabaw sang nawung sang bug-os nga duta ; kag ginbayaan nila ang pagtukud sang banwa.

9 Bangud sini gintawag ang ngalan niya nga Babel,\* kag didto ginlibug ni Iehoba ang pagpamolong sang bug-os nga duta. Kag gikan didto ginpaalapaag sila ni Iehoba sa ibabaw sang nawung sang bug-os nga duta.

Ang mga kaliwatan ni Sem.

10 Ini sila among mga kaliwatan ni Sem : si Sem, sa nagaedad sing isa ka gatus ka tuig, nagpanganak sia kay Arpaksad, duha ka tuig sa tapus ang anaw.

11 Kag nagkabuhi si Sem, sa tapus nga ginpanganak niya si Arpaksad, sing lima ka gatus ka tuig, kag nagpanganak sia sing mga anak nga lalaki kag mga babae.

12 Kag si Arpaksad nagkabuhi sing katloan kag lima ka tuig, kag nagpanganak sia kay Sala.

13 Kag nagkabuhi si Arpaksad, sa tapus nga ginpanganak niya si Sala, sing apat ka gatus kag tatlo ka tuig, kag nagpanganak sia sing mga anak nga lalaki kag mga babae.

14 Kag nagkabuhi si Sala sing katloan ka tuig, kag nagpanganak sia kay Heber.

15 Kag nagkabuhi si Sala, sa tapus nga ginpanganak niya si Heber, sing apat ka gatus kag tatlo ka tuig, kag nagpanganak sia sing mga anak nga lalaki kag mga babae.

16 Kag nagkabuhi si Heber sing katloan kag apat ka tuig, kag ginpanganak niya si Peleg.

17 Kag nagkabuhi si Heber, sa tapus nga ginpanganak niya si Peleg, sing apat ka gatus kag katlo-an ka tuig, kag nagpanganak sia sing mga anak nga lalaki kag mga babae.

\* Peleg, pagkabahin.

\* Babel, pagkalibug.



18 Kag nagkabuhi si Peleg, sing katloan ka tuig, kag nagpanganak sia kay Rehu.

19 Kag nagpangabuhi si Peleg, sa tapus nga ginpanganak niya si Rehu, sing duha ka gatus kag siam ka tuig, kag nagpanganak sia sing mga anak nga lalaki kag mga babae.

20 Kag si Rehu nagkabuhi sing katloan kag duha ka tuig, kag nagpanganak sia kay Serug.

21 Kag nagkabuhi si Rehu, sa tapus nga ginpanganak niya si Serug, sing duha ka gatus kag pito ka tuig, kag nagpanganak sia sing mga anak nga lalaki kag mga babae.

22 Kag nagkabuhi si Serug sing katloan ka tuig, kag nagpanganak sia kay Nakor.

23 Kag nagkabuhi si Serug, sa tapus nga ginpanganak niya si Nakor, sing duha ka gatus ka tuig, kag nagpanganak sia sing mga anak nga lalaki kag mga babae.

24 Kag nagkabuhi si Nakor sing duha ka púlô kag siam ka tuig, kag nagpanganak sia kay Tare.

25 Kag nagkabuhi si Nakor, sa tapus nga ginpanganak niya si Tare, sing isa ka gatus napúlô kag siam ka tuig, kag nagpanganak sia sing mga anak nga lalaki kag mga babae.

26 Kag nagkabuhi si Tare sing katloan ka tuig, kag nagpanganak sia kay Abram, kag kay Nakor, kag kay Haran.

27 Ini sila amo ang kaliwatan ni Tare : si Tare nagpanganak kay Abram, kag kay Nakor, kag kay Haran ; kag si Haran nagpanganak kay Lot.

28 Kag namatay si Haran nga una sa iya amay nga si Tare sa duta nga iya natawohan, sa Ur sang mga Kaldeinhon.

29 Kag nagpalangasawa si Abram kag si Nakor : ang ngalan sang asawa ni Abram amo si Sarai, kag ang ngalan sang asawa ni Nakor, si Milka, anak nga babae ni Haran, amay ni Milka kag ni Iska.

30 Apang si Sarai nanginbaw-as, kag walâ sia sing anak.

31 Kag ginkuha ni Tare si Abram, nga iya anak, kag si Lot, anak ni Haran, anak sang iya anak, kag si Sarai nga iya umagad, asawa ni Abram, nga iya anak: kag naggolowa sila sing tingub sa Ur sang mga Kaldeinhon, sa pagkadto sa duta sa Kanaan. Kag nag-

alabut sila tubtub sa Haran, kag nagpuluô sila didto.

32 Kag ang mga kaadlawan ni Tare nanginduha ka gatus kag lima ka tuig ; kag namatay si Tare sa Haran.

Pagtawag kay Abram, nagpakadto sia sa Kanaan, sang olehe nagdulhog sia pa Egipto.

**12** APANG si Iehoba nagsiling kay Abram : “ Halin-ka sa imo duta, kag sa imo kahimataan, kag sa baláy sang imo amay, kag *pakari-ka* sa duta, nga akon igapahayag sa imo.

2 Kag pagahimoon ko sa imo ang isa ka banwa nga daku, kag pagapakamaayohon ko ikaw, kag pagapadakuon ko ang imo ngalan, kag manginikaayo ikaw.

3 Kag pagapakamaayohon ko ang mga magapakamaayo sa imo, kag ang mga magadaut sa imo, pagadautan ko ; kag pagakamaayohon sa imo ang tanan nga mga pinamaláy sa duta.”

4 Kag lumakat si Abram, sono sang ginsiling sa iya ni Iehoba ; kag lumakat kaúpud niya si Lot. Kag si Abram nagaedad sing mga kapitoan kag lima ka tuig, sang humalin sia sa Haran.

5 Kag gindala ni Abram si Sarai, nga iya asawa, kag si Lot, nga anak sang iya útud, kag ang tanan nga pagkabutang nila, nga ila naangkon, kag ang mga kalág, nga ila naano sa Haran ; kag naglalakat sila sa pagkadto sa duta sang Kanaan, kag limambut sila sa duta sa Kanaan.

6 Kag si Abram naglatas sadto nga duta tubtub sa duug sang Sikem, tubtub sa terebinto sang More. Kag niyan ang Kanaanhon ara man sa duta.

7 Kag nagpakita si Iehoba kay Abram kag nagsiling sa iya : “ Sa imo kaliwatan igahatag ko ini nga duta.” Kag nagpatindug sia didto sing isa ka halaran kay Iehoba, nga nagpakita sa iya.

8 Kag nagliton sia didto sa isa ka bukid, sa Sidlangan sang Bethel, kag ginbangon niya ang iya layaglayan, nga yara ang Bethel sa Katundan niya kag ang Ay sa Sidlangan. Kag nagtukud sia didto sing isa ka halaran kay Iehoba, kag gintawag niya ang ngalan ni Iehoba.

9 Kag si Abram naghalin didto, nga nagalakat kag nagapakadto pa Bagatnan.

10 Kag may gutum sa duta, kag

nagdulhog si Abram sa Egipto sa pagpanlugayaw didto; kay daku ang gutum sa duta.

11 Kag nahanabu nga, sang nagasulud na sia sa Egipto, nagsiling sia kay Sarai nga iya asawa: "Yari karon, karon ginakilala ko, nga ikaw babae nga magayon sa itululuk.

12 Kag mahanabu nga, kon makita ka sang mga Egiptohanon, magasiling sila: Ini asawa niya kag pagapatyon nila ako, kag ikaw pagabuhion nila.

13 Busa karon, isiling-mo, nga ikaw akon útud, agud nga ako may kaayohan bangud sa imo, kag magkabuhi ang akon kalag tungud sa paghigugma sa imo."

14 Kag nahanabu nga, sang nagasulud si Abram sa Egipto, nakita sang mga Egiptohanon ang babae nga tuman kagayon.

15 Nakita man sia sang mga dunganon ni Paraon, kag gindalayaw nila sia; kag gindala ang babae sa baláy ni Paraon:

16 Kag naghimo sia sing maayo kay Abram bangud sa iya, kag may mga obeha na sia, mga baka, mga asno, mga alagad nga lalaki kag mga babae, mga bakia nga asno kag mga kamelyo.

17 Apang ginpilas ni Iehoba si Paraon kag ang iya baláy sang dalagku nga mga kalalat-an bangud kay Sarai, nga asawa ni Abram.

18 Niyan gintawag ni Paraon si Abram, kag nagsiling sa iya: "¿Ano bala ini nga ginhimo mo sa akon? ¿Kag nga walá mo ako pagpahayagi nga sia ang imo asawa?"

19 ¿Kag nga bala nagsiling ka: Utud ko sia, nga ginbutang mo ako sa kahigayonan sa pagkuha sa iya, nga akon asawa? Busa karon, yari ang imo asawa, batona sia kag lakat-ka."

20 Niyan si Paraon naghatag sing sogo sa iya mga tinawo nahanungud kay Abram; kag ginpapauli nila sia kag ang iya asawa pati ang tanan nga iya.

Ang pagbulagay ni Abram kag ni Lot.

**13** BUSA, si Abram nagtaklad gikan sa Egipto pa Bagatnan, sia kag ang iya asawa pati ang tanan nga iya, kag upud niya si Lot.

2 Kag si Abram mangaranon gid sa kahayupan, sa pilak kag sa bulawan.

3 Kag nagpanlakatan sia sa dulugan pa dulugan gikan sa Bagatnan tubtub sa

Bethel, tubtub sa duug nga didto anay napahamtang ang iya layanglayang, sa ginutlan sang Bethel kag Ay,

4 Sa duug sang halaran nga ginhimo niya anay didto; kag gintawag didto ni Abram ang ngalan ni Iehoba.

5 Kag subung man si Lot, nga nagpanlakatan upud ni Abram, may mga pinanung sang obeha, kag mga pinanung sang baka, kag mga layanglayang.

6 Kag ang duta indi nagkaigo sa ila, nga magpuyô sila sing tingub: kay ang ila mangad madamu, sa bagay nga indi sila sarang makapuyô sa isa lamang ka duug.

7 Kag may kasuayon sa mga manugbantay sang kahayupan ni Abram kag sa mga manugbantay sang kahayupan ni Lot. Kag ang Kanaanhon kag ang Peresinhon nagapuluyô sa sadto nga duta.

8 Kag si Abram nagsiling kay Lot: "Walâ sing kasuayon sa imo kag sa akon, sa akon manugbantay kag sang imo mga manugbantay, kay mag-utud kita."

9 ¿Walâ bala ang bug-os nga duta sa atubangan mo? Ginapakilooy ko sa imo, nga magbulag ka sa akon. Kon pumakadto ka sa walá, ako mapakadto sa too; kon ikaw sa too, ako magakadto sa walá.

10 Kag ginbayaw ni Lot ang iya mga mata, kag nakita niya ang tanan nga kapatagan sang Iordan, nga tanan ini nahunub sang tubig, sa walá paglaglaga ni Iehoba ang Sodoma kag ang Gomora, subung sang katamnan ni Iehoba, subung sang duta sa Egipto, kon magpakadto sa Soar.

11 Niyan ginpili ni Lot sa iya ang bug-os nga kapatagan sang Iordan; kag pumadulung si Lot nayon sa Sidlangan, kag nagbulagay sila ang isa sa isa.

12 Si Abram nagpuyô sa duta sang Kanaan, kag si Lot nagpuyô sa mga banwa sang kapatagan, kag ginhálin-halin niya ang iya mga layanglayang tubtub sa Sodoma.

13 Apang ang mga tawo sa Sodoma mga malain kag tama gid ka mga makasala batok kay Iehoba.

14 Kag si Iehoba nagsiling kay Abram, sa tapus na si Lot nakabulag sa iya: "Bayawa karon ang imo mga mata, kag tuman-aw-ka gikan sa dung nga imo



nahamtangan pa Aminhan, pa Bagatnan, pa Sidlangan kag pa Katundan.

15 Kay ang tanan nga duta nga imo gintan-aw pagaihatag ko sa imo kag sa imo kaliwatan sa gihapon.

16 Kag himoon ko ang imo kaliwatan nga subung sang yab-ok sang duta : nga kon may sin-o nga sarang makaisip sang yab-ok sang duta, ang imo kaliwatan man sarang maisip.

17 Tindug-ka, lakat-ka sa duta, sa iya kalabaon kag sa iya kasangkaron, kay igahatag ko ini sa imo.

18 Busa, sang gingiho ni Abram ang iya layanglayang, kumadto sia kag nagpuyô sa katerebintohan sang Mamre, nga among Hebron, kag nagtukud sia didto sing halaran kay Iehoba.

Ginabawi ni Abram si Lot. Si Melkisedek.

**14** KAG nahanabu, sa mga kaadlawan ni Amrapel, nga hari sa Sinar, ni Ariok, nga hari sa Elasar, ni Kedorlaomer, nga hari sa Elam, kag ni Tidal, nga hari sang mga katawohan,

2 Nga ini sila nag-alaway batok kay Bera, hari sa Sodoma, kag batok kay Birsa, hari sa Gomora, kay Sinab, hari sa Adma, kay Sameber, hari sa Seboim, kag batok sa hari sa Bela, nga amo sia ang Soar.

3 Ining tanan nagtililipon sa nalupayakan sa Sidim, nga amo ang Dagat nga Maasin.

4 Napúlô kag duha ka tuig ang gin-alagad nila kay Kedorlaomer, kag sa ikapúlô kag tatlo ka tuig nagmalalison sila.

5 Kag sa tuig nga ikapúlô kag apat nag-abut si Kedorlaomer, kag ang mga hari nga yara sa iya bahin, kag gindaug nila ang mga Rapainhon sa Asterot-karnaim, ang mga Susinhon sa Ham, kag ang mga Emetinhon, sa Sabe-kiria-taim,

6 Kag ang mga Horinhon sa bukid sa Sehir, tuhtub sa El-Paran, nga yara sa luyo sang kahanayakan.

7 Kag nagbalalik sila kag nag-alabut sa En-mispat, nga among Kades, kag ginpilas nila ang tanan nga kadutaan sang mga Amalekinhon, kag sang mga Amorinhon man, nga nagapuluyô sa Hasasontamar.

8 Kag naggowang ang hari sa Sodoma, kag ang hari sa Gomora, kag ang hari

sa Adma, kag ang hari sa Seboim, kag ang hari sa Bela, nga among Soar, kag nagpalasunud sila sing paginaway batok sa ila sa nalupayakan sa Sidim,

9 Nga amo batok kay Kedorlaomer, hari sa Elam, kag kay Tidal, hari sang mga katawohan, kag kay Amrapel, hari sa Sinar, kag kay Ariok, hari sa Elasar ; apat ka hari batok sa lima.

10 Kag ang nalupayakan sa Sidim napunô sang mga bobon nga balaw ; kag nagpalalagyo ang mga hari sang Sodoma kag sang Gomora, kag nagkalapukan sila didto ; kag ang iban nagpalalagyo sa bukid.

11 Kag ginpanguha nila ang tanan nga pagkabutang sa Sodoma kag sa Gomora, kag ang tanan nila nga kalanon, kag naglalakat sila.

12 Ginkuha man nila si Lot, anak sang útud ni Abram, nga nagapuyô sa Sodoma, kag ang iya pagkabutang, kag naglalakat sila.

13 Kag nag-abut ang isa ka nagpalagyo kag nagsugid kay Abram, nga Hebreinhon, nga nagapuyô sa katerebintohan sang Mamre, nga iya sang Amorinhon, útud ni Eskol kag útud ni Aner ; kag nagpalakigkatipan sila kay Abram.

14 Kag sang nabatian ni Abram, nga ang iya útud nabilango, ginlupit niya sing hinangiban ang iya mga sampaton nga sologoon, nga natawo sa iya baláy, mga tatlo ka gatus kag napúlô kag walo, kag ginlagas niya sila tuhtub sa Dan.

15 Kag sia kag ang iya mga alagad naglalapta sa kagab-ihon batok sa ila, kag ginpilas niya sila, kag ginlagas niya sila, tuhtub sa Hoba, nga yara sa walá sang Damasko.

16 Kag ginuli niya ang tanan nga mga pagkabutang, kag ginuli niya si Lot man nga iya útud, kag ang iya pagkabutang, kag ang mga asawa man, kag ang mga tinawo.

17 Kag naggowang ang hari sa Sodoma sa pagbaton sa iya sang nagabalik sia gikan sa pagpilas kay Kedorlaomer kag sang mga hari nga nagaupud sa iya, sa nalupayakan sa Sabe, nga among nalupayakan sang Hari.

18 Niyan si Melkisedek, hari sa Salem, nagdalá sa gowa sing tinapay kag alak ; nga sia among saserdote sang Dios nga Labing-Mataas.

19 Kag ginpakamaayo niya sia kag nagsiling: "Pakamaayoon kunta si Abram sang Dios nga Labing-Mataas, nga tagiya sang kalangitan kag sang duta;

20 Kag pakamaayoon ang Dios nga Labing-Mataas, nga nagtugyan sang imo mga kaaway sa imo kamut." Kag ginhatagan sia ni Abram sang mga ikapulô sang tanan.

21 Niyan ang hari sa Sodoma nagsiling kay Abram: "Ihatag sa akon ang mga tinawo, kag kuhaa nga sa imo ang pagkabutang."

22 Kag nagsabat si Abram sa hari sa Sodoma: "Ginbayaw ko ang akon mga kamut kay Iehoba, ang Dios nga Labing-Mataas, tag-iya sang kalangitan kag sang duta,

23 Nga kutub sa isa ka nahut tubtub sa higit sang isa ka sapin walâ gid ako sing pagakuhaon sang tanan nga imo, agud nga indi ka magsiling: Ako nagpamangad kay Abram.

24 Sa akon walâ sing ano man: lamang ang mga ginkaon sang mga pamatan-on kag ang mga bahin sang mga lalaki, nga nagaulupud sa akon, si Aner, si Eskol, kag si Mamre, nga sila magakuluha sang ila bahin."

Pakigkatipan sang Dios kay Abram.

**15** SA tapus sini nga mga butang, nag-abut ang polong ni Iehoba kay Abram sa palanan-awon, nga nagsiling: "Dili ka mahadluk, Abram, ako amo ang imo kalasag kag balus sa imo nga tama gid ka daku."

2 Kag nagsabat si Abram: "Ginoo nga si Iehoba, ¿ano bala ang igahatag mo sa akon? Ako walâ sing anak nga lalaki, kag ang manugtatap sa akon balay amo inang si Elieser nga taga-Damasko."

3 Kag si Abram nagsiling pa: "Tanawa, nga walâ mo ako hatagi sing kaliwat. Kag yari karon, ang ulipan nga natawo sa akon baláy, manginamo ang akon manunubli."

4 Kag, yari karon, ang polong ni Iehoba nag-abut sa iya, nga nagsiling: "Dili makapanubli sa imo ini sia, kondi ang magagikan sa imo kasudlan, manginamo ang magapanubli sa imo."

5 Kag pinagowa niya sia kag sumiling: "Tanglaa karon ang langit, kag

isipa ang kabitoonan, kon sarang mo sila maisip." Kag sinilingan sia niya: "Manginsubung sini ang imo kaliwatan."

6 Kag nagtoo sia kay Iehoba, kag inisip ini sa iya nga sa katarungan.

7 Kag sinilingan sia: "Ako amo si Iehoba, nga nagpagowa sa imo sa Ur sang mga Kaldeinhon, agud nga ighatag ko sa imo ini nga duta sa pagtagiya sa iya."

8 Kag sia nagsabat: "Ginoo nga si Iehoba, ¿sa diin ko bala makilala, nga pagaangkonon ko ini?"

9 Kag sinilingan sia niya: "Paini ako sing isa ka tinday nga babae sang baka, nga may tatlo ka tuig, kag sing isa ka kanding, nga may tatlo ka tuig, kag isa ka karnero, nga may tatlo ka tuig; sing isa ka tokmo man, kag isa ka kayubog sang salampati."

10 Kag kinuha niya ining tanan nga mga butang, kag pinihak sila niya, kag binutang niya ang tagsa ka pihak sa tampad sang isa ka pihak, apang walâ niya pagpihaka ang mga pispis.

11 Kag naghulugpa ang mga pispis sa ibabaw sang mga bangkay, kag gin-tabug sila ni Abram.

12 Kag sang nagakatunod ang adlaw, umabut kay Abram ang isa ka mabugat nga katuyô. Kag yari karon, isa ka kakugmat, isa ka daku nga kadudulman imabut sa iya.

13 Kag ang Dios nagsiling kay Abraham: "Matuudon-mo, nga ang imo kaliwatan magapanlugayaw sa duta nga indi ila, kag didto pagauliponon sila, kag sila pagasakiton sing mga apat ka gatus ka tuig.

14 Apang ang mga tawo, nga magaulipon sa ila, pagahukman ko; kag ugaling sini magahalín sila, nga may madamu nga mangad.

15 Kag ikaw magakadto sa imo gini-kanan sa paghidaet, kag pagailubung ka sa maayo nga katigulangon.

16 Kag sa ikap-at nga kaliwatan magabalik sila diri, kay walâ pa matuman ang kalainan sang Amorphon tubtub diri."

17 Kag nahanabu nga, sa natunud na ang adlaw, may madamol nga kadudulman; kag yari karon, isa ka dabok, nga nagaaso kag isa ka sulo nga kalayo, nga nag-agi sa tungâ sang mga sapat nga napamihak.

18 Sadto nga adlaw naghimo si Iehoba sing katipan kay Abram, nga naga-



siling: "Sa imo kaliwatan pagaihatag ko ini nga duta gikan sa subâ sa Egipto tubtub sa subâ nga daku, ang subâ nga Euprates:

19 Ang mga Keninhon, ang mga Kenesinhon kag ang mga Kadmoninhon;

20 Ang mga Hetinhon, ang mga Peresinhon, kag ang mga Rapainhon;

21 Ang mga Amorinhon, ang mga Kanaanhon, ang mga Gergesinhon kag ang mga Iebusinhon.

Si Agar kag si Ismael.

**16** KAG si Sarai, nga asawa ni Abram, walâ magapanganak sa iya: kag sia may isa ka alagad nga babae nga Egiptohanon, nga ginahingalanan si Agar.

2 Busa, nagsiling si Sarai kay Abram: "Nakita mo na, nga si Iehoba naghimo sa akon nga baw-as: ginaampo ko sa imo, nga magsulud ka sa akon alagad nga babae; ayhan may mga anak ako tungud sa iya." Kag ginpamatian ni Abram ang tingug ni Sarai.

3 Kag si Sarai, nga asawa ni Abram, nagkuha kay Agar nga iya alagad nga babae nga Egiptohanon, sa tapus sang napûlô ka tuig nga ginpuyô ni Abram sa duta sa Kanaan, kay ginhatag niya sia nga asawa kay Abram nga iya bana.

4 Kag sia nagsulud kay Agar, kag nanamkon sia. Kag sang nakita nga nagpanamkon sia, gintulok niya nga may pagtamay ang iya agalon nga babae.

5 Niyan si Sarai nagsiling kay Abram: "Ang akon pasipala manginsai-babaw nimo: ginbutang ko ang akon alagad nga babae sa imo dughan, kag sang nakita niya nga nagabusong sia, ginatolok niya ako nga may pagtamay; si Iehoba maghukom kunta sa imo kag sa akon."

6 Kag nagsabat si Abram kay Sarai: "Yari karon ang imo alagad nga babae sa imo kamut; himoa sa iya ang ginapakamaayo mo." Kag ginpapaubus sia ni Sarai, kag nagpalagyo sia sa atubangan niya.

7 Kag nakita sia sang manugtunda ni Iehoba sa luyo sang isa ka tuburan sa tubig sa kahanayakan, sa luyo sang tuburan nga yara sa dalan sang Sur.

8 Kag nagsiling sia: "Agar, alagad nga babae ni Sarai, ¿sa diin ka bala

maghalin? ¿kag sa diin ka makadto?" Kag sia nagsabat: "Nagapalagyo ako sa atubangan ni Sarai, nga akon agalon nga babae."

9 Kag nagsiling sa iya ang manugtunda ni Iehoba: "Balik-ka sa imo agalon nga babae, kag magmasinilondon-ka sa idalum sang iya kamut."

10 Nagsiling man sa iya ang manugtunda ni Iehoba: "Pagapadamuon ko sing tuman ang imo kaliwat, nga indi maisipan bangud sang kadamuon."

11 Kag nagsiling pa sa iya ang manugtunda ni Iehoba: "Yari karon nga nagpanamkon ka, kag magaanak ka sing isa ka anak nga lalaki, kag pagahingalanan mo sia nga si Ismael,\* kay nabitian ni Iehoba ang imo kalisdanan."

12 Kag sia daw manginasno nga talunon sa tungâ sang mga tawo; ang iya kamut batok sa tanan, kag ang mga kamut sang tanan batok sa iya, kag magapuyô sia sa atubangan sang tanan niya nga mga útud."

13 Niyan ginhingadlan niya ang ngalan ni Iehoba, nga nagahambal sa iya: "Ikaw amo ang Dios nga nagatulok." Kay nagsiling sia: "¿Walâ ko man bala makita diri ang nagatulok sa akon?"

14 Tungud sini ginhingalanan ang bobon: "Bobon sang Nagakabuhi nga nagatulok sa akon." Yari karon, yara sia sa tungâ sang Kades kag Bered.

15 Kag si Agar nanganak kay Abram sing isa ka anak nga lalaki, kag ginhingalanan ni Abram ang iya anak nga lalaki, nga gin-anak sa iya ni Agar, nga si Ismael.

16 Kag si Abram nagaedad sing-ka-waloan kag anum ka tuig sang si Agar nag-anak kay Ismael.

Ginabaylohan sang Dios ang ngalan ni Abram sa kay Abraham, kag ginatukud niya ang tuli.

**17** KAG sang nagaedad si Abram sing kasiaman kag siam ka tuig, nagpahayag sa iya si Iehoba, kag nagsiling sa iya: "Ako amo ang Dios nga Makagagahum; lakat ka sa atubangan nakon, kag maghimpit-ka."

2 Kag pagatukuron ko ang akon katiipan sa imo kag sa akon, kag paga-

\* Ismael, ang Dios nagapamati.

padamuon ko ikaw sing tuman gid kadamu."

3 Niyan si Abram naghapa, kag ang Dios naghambal sa iya, nga nagsiling :

4 "Ako, yari karon ang akon katipan upud sa imo : manginamay ka sang kadamuan nga mga katawohan :

5 Kag indi na pagahingalanan ikaw nga si Abram, kondi nga ang imo ngalan, mangin si Abraham,† kay ginhimo ko ikaw nga amay sang kadamuan nga mga katawohan.

6 Kag pagapadamuon ko ikaw sing tuman gid kadamu, kag pagahimoon ko ikaw nga mga katawohan, kag ang mga hari magagilikan sa imo.

7 Kag pagatukuron ko ang akon katipan sa akon kag sa imo, kag sa imo kaliwatan sa olehe nimo, sa ila mga kaliwatan, nga katipan nga dayon, agud nga ako magmangin Dios nimo nga sa imo kag sa imong kaliwatan sa olehe nimo.

8 Kag pagaihatag ko sa imo, kag sa imo kaliwatan sa olehe nimo, ang duta sang imo pagpanlugayaw, ang bug-os nga duta sa Kanaan nga kaugalingon nga dayon ; kag magamangin Dios nila ako."

9 Kag ang Dios nagsiling liwan kay Abraham : "Apang ikaw magabantay sang akon katipan, ikaw kag ang imo kaliwatan sa olehe nimo, tungud sa ila mga kaliwatan.

10 Ini manginakon katipan nga pagabantayan ninyo, sa akon kag sa inyo, kag sa imo kaliwatan sa olehe nimo : Pagatulon ang tanan nga lalaki sa tunga ninyo.

11 Pagapanulion ninyo ang inyo unud, kag ini mangintandaan sang katipan sa akon kag sa inyo.

12 Sa edad nga walo ka adlaw pagatulon ang tanan nga lalaki sa tunga ninyo sa inyo mga kaliwatan : ang natawo sa baláy, kag ang binakal sa kuarta sang bisan kay sin-o nga dumuluong nga indi sa imo kaliwatan.

13 Dapat pagtulon ang natawo sa imo baláy, kag ang binakal sang imo kuarta : kag yara and akon katipan sa inyo unud subung nga dayon nga katipan.

14 Kag ang lalaki nga ditinuli, nga walá matuli ang iya unud, yadto nga tawo pagapanason sa iya banwa : nagalalis sia sa akon katipan."

15 Nagsiling man ang Dios kay Abraham : "Kay Sarai,\* nga imo asawa, indi ka magtawag sa iya nga Sarai, kondi si Sara manginiya ngalan.

16 Kag pagapakamaayohon ko sia, kag pagahatagan ko man ikaw sa iya sing anak nga lalaki ; hoo, pagapakamaayohon ko sia, kag magamanginilóy sia sang mga katawohan : mga hari sa mga banwa magagilikan sa iya."

17 Niyan si Abraham naghapa, kag nagkadlaw sia, kag nagsiling sa iya tagiposoon : "¿Sa tawo nga isa ka gatus ka tuig matawo pa bala ang anak nga lalaki ? Kag si Sara nga kasiaman na ka tuig, ¿magabata pa bala ? "

18 Kag nagsiling si Abraham sa Dios : "Kabay pa nga magkabuhi si Ismael sa atuhangan nimo."

19 Kag nagsabat ang Dios : "Sa pagkamatuud gid, si Sara nga imo asawa magapanganak sa imo sing isa ka anak nga lalaki, kag pagahingalanan mo sia nga si Isaak ; kag pagapamatud-an ko ang akon katipan sa iya, subung nga dayon nga katipan nga sa iya kaliwatan sa olehe niya.

20 Kag nahanungud kay Ismael ginpamatian ko man ikaw : Yari karon nga pagapakamaayohon ko sia, kag pagapabungahon ko sia kag pagapadamuon ko sia sing tuman ka damu : magapanganak sia sing napulô kag duha ka dunganon, kag pagahimoon ko ini nga daku nga katawohan.

21 Apang pagatukuron ko ang akon katipan kay Isaak, nga pagaipanganak sia sa imo ni Sara sa sini nga panag-on, sa tuig nga masunud."

22 Kag nagtapus sia sa paghambal sa iya, kag nagsaka ang Dios gikan kay Abraham.

23 Niyan ginkuha ni Abraham si Ismael, nga iya anak, kag ang tanan nga mga nagkalatawo sa iya baláy kag ang tanan nga mga pinamakal sang iya kuarta, ang tanan nga lalaki sa mga tawo sa baláy ni Abraham, kag gintuli niya ang ila unud sa sadto gid nga adlaw, sono sang ginsiling sa iya sang Dios.

24 Si Abraham nagaedad sing kasiaman kag siam ka tuig, sang gintuli niya ang iya unud.

† Abraham, amay sang kadam-an.

\* Sarai, haring babae ko ; Sara, haring babae.



25 Kag si Ismael, nga iya anak, nagedad sing napúlô kag tatlo ka tuig sang gintuli ang iya unud.

26 Sa amo gid nga adlaw gintuli si Abraham kag si Ismael nga iya anak.

27 Kag ang tanan nga mga lalaki sa iya baláy, ang mga natawo sa baláy kag ang mga binakal sang kuarta sa dumuluong, ginpanuli sila upud sa iya.

Si Abraham nagpatunga tuğud sa Sodoma.

**18** KAG nagpahayag sa iya si Iehoba sa idalum sang katerebintohan sa Marme, sang nagalinkod sia sa gawang sang iya layanglayang sa kainit sang adlaw.

2 Kag ginbayaw niya ang iya mga mata, kag nagtulok sia, kag yari karon, ang tatlo ka lalaki nga nagatilindug sila sa luyo niya; kag sang pagkakita niya sa ila, naggowa sia nga nagadalagan sa gawang sang iya layanglayang sa pagbaton sa sa ila, kag nagyaub sia sa duta.

3 Kag nagsiling sia: "Ginoo, kon nakakita ako karon sing bugay sa imo mga mata, ginaampo ko sa imo, nga indi ka magligad sa imo alagad."

4 Nga magdala dira karon sing diyo-tay nga tubig, kag hinawi-ninyo ang inyo mga tiil; kag palahuway-kamo sa idalum sang kahoy.

5 Kag magalala ako diri sing isa ka tipik sang tinapay, kag palig-una-ninyo ang inyo tagiposoong; ugaling magaliligad kamo, kay tungud sini nag-alagi kamo sa malapit sa inyo alagad." Kag sila nagsililing: "Buhata subung sang ginsiling mo."

6 Niyan si Abraham nagkadto sa dalidali sa layanglayang ni Sara, kag nagsiling sa iya: "Kuha-ka sing madali sing tatlo ka sukub nga harina, lamasa kag himo-ka sing mga tinapay."

7 Kag nagdalagan si Abraham sa kabakahan, kag nagkuha sia sing isa ka tinday sang baka nga linghod kag ma-ayo, kag ginhatag niya ini sa pamatan-on, nga nagadalidali sa paghimos sini.

8 Nagkuha man sia sing linatab sang gatas, kag gatas, kag ang tinday sang baka nga ginhimos niya, kag ginbutang niya ini sa atubangan nila; kag sia yara sa luyo nila sa idalum sang kahoy, kag nagkalaon sila.

9 Kag nagsililing sila sa iya: "¿Diin

bala si Sara nga imo asawa?" Sia nagsabat: "Diri sa layanglayang."

10 Niyan nagsiling sia: "Sa pagkamatuud, magabalik ako sa imo, kon magliwan ining panag-on, kag yari karon, si Sara, nga imo asawa, magapanganak sing anak nga lalaki. Kag si Sara nagdungug sa gawang sang layanglayang nga yara sa likod niya."

11 Kag si Abraham kag si Sara mga tigulang na, mga sobol na sa katigulangon; kay Sara naguntat na ang kinaugali sang mga babae.

12 Busa si Sara nagkadlaw sa iya kaugalingon, nga nagsiling: "¿Ugaling nga nagtigulang ako, magalipay bala ako? Kag ang akon ginoo tigulang na man."

13 Niyan si Iehoba nagsiling kay Abraham: "¿Kay nga bala nagkadlaw si Sara, nga nagsiling: Manģinmatuud bala nga magaanak ako sing tigulang na?"

14 ¿May butang bala nga maiwat nga sa Dios? Sa panag-on nga pinatin magabalik ako sa imo, kon ining panag-on magliwan, kag si Sara may anak nga lalaki."

15 Niyan si Sara nagbutig, nga nagsiling: "Walâ ako nagkadlaw;" kay hinadlukan sia. Kag sia nagsiling: "Indi, kay ikaw nagkadlaw."

16 Kag ang mga lalaki nagtindug didto, kag nagtululok sila nayon sa Sodoma, kag si Abraham naglakat nga nagaupud sa ila.

17 Kag si Iehoba nagsiling: "¿Pagalikman ko bala kay Abraham ang akon pagahimoon;

18 Sanglit kay, sa pagkamatuud, si Abraham manģinisa ka daku kag mabakud nga banwa, kag sa iya pagapakamaayohon ang tanan nga katawohan sang duta?"

19 Kay nakilala ko sia, nga pagso-noon niya ang iya mga anak kag ang iya baláy sa olehe niya, nga pagbantayan nila ang dalan ni Iehoba sa paghimo sing katarungan kag sing paghukom, agud nga pakarion ni Iehoba kay Abraham ang ginapamolong niya nahanungud sa iya."

20 Niyan si Iehoba nagsiling sa iya: "Tungud kay ang pagtuaw sang Sodoma kag Gomora nagdugang sing labi kag tungud kay ang sala nila nagbug-at sing tama gid,

21 Makunsad ako karon kag pagatan-



awon ko kon nahimo nila sing bug-os, sono sang tuaw nga nag-abut sa akon; kag kon walâ, mahibaloan ko ini."

22 Niyan nagtaliwan didto ang mga lalaki kag nagpakadto sila sa Sodoma; apang si Abraham yara pa sa atubangan ni Iehoba.

23 Kag sang pumalapit si Abraham, sumiling sia sa iya: "¿Pagalaglagon mo man bala ang matarung upud sa tampalasan?"

24 Ayhan may kalim-an ka matarung sa sulud sang banwa, ¿pagalaglagon mo man bala, kag indi mo pagapatawaron ang dung tungud sa kalim-an ka matarung nga yara sa sulud niya?

25 Malayô sa imo ang paghimo sing subung sini, nga patyon mo ang matarung upud sang tampalasan, kag nga ang matarung manginsubung sang tampalasan. Magmalayô sa imo ina. Ang hukom sang bug-os nga duta ¿indi bala magahimo sia sing katarungan?"

26 Niyan nagsiling si Iehoba: "Kon may nakita ako sa Sodoma nga kalim-an ka matarung sa sulud sang banwa, pagapatawaron ko ining bug-os nga duug bangud sa ila."

27 Kag sumabat si Abraham kag nagsiling: "Yari karon, ako nagsugud sing paghambal sa aton Ginoo, bisan ako yab-ok kag abó:

28 Ayhan ang kalim-an ka matarung makulangan sing lima, ¿pagalaglagon mo bala tungud sadtong lima ang bug-os nga banwa?" Kag sia nagsabat: "Indi ko pagalaglagon sia, kon may kap-atan kag lima."

29 Kag si Abraham nagsulit sa paghambal sa iya kag nagsiling sia: "Ayhan makit-an didto ang kap-atan." Kag nagsabat sia: "Indi ko paghimoon bangud sang kap-atan."

30 Kag nagsiling sia: "Indi karon magapangakig ang akon Ginoo, kon ako maghambal. Ayhan didto makit-an ang katloan." Kag nagsabat sia. "Indi ko paghimoon ini, kon didto may makit-an ako nga katloan."

31 Kag sia nagsiling: "Yari karon nga nangahas ako sa paghambal sa akon Ginoo. Ayhan didto makit-an ang duha ka púlô." Nagsabat sia: "Indi ko pagalaglagon, bangud lang duha ka púlô."

32 Kag nagsulit sia sa pagsiling: "Indi magapangakig karon ang akon Ginoo, kon maghambal lamang ako sing makai-

sa. Ayhan makit-an didto ang napúlô." Nagsabat sia: "Indi ko pagalaglagon bangud sang napúlô."

33 Kag lumakat si Iehoba sang naka-tapus sia paghambal kay Abraham; kag si Abraham nagpauli sa iya duug.

Pagalaglag sang Sodoma; ang Paggowa ni Lot.

19 KAG nag-alabut sa Sodoma ang duha ka manugtunda sa nagakaha-pon, kag si Lot naglinkod sa gawang sang Sodoma. Kag sang nakita sila ni Lot, nagtindug sia sa pagbaton sa ila, kag naghapa sia.

2 Kag nagsiling sia: "Yari karon, mga ginoo nakon, ginaampo ko sa inyo, nga magbalalik kamo nayon sa baláy sang inyo alagad, kag maghiligda kamo kag magapalanghinaw kamo sang inyo mga tiil; kag sa aga pa gid magatilindug kamo, kag magapaladayon kamo sang inyo dalanon." Kag sila nagsalabat: "Indi, kay sa balaligyaan magahigda kami."

3 Apang nagpilit sia sa ila sing tuman, kag nagbalalik sila sa iya kag nagsululud sila sa iya baláy, kag ginhi-moan niya sila sing kasadyahan, kag nagluto sia sing tinapay nga walay tapay, kag nagkalaon sila.

4 Kag sa walâ pa sila maghiligda, ang mga tawo sang banwa, ang mga lalaki sa Sodoma, tingub ang bug-os nga banwa, kutub sa labing pamatan-on tubtub sa labing tigulang, naglilibut sang baláy.

5 Kag gintawag nila si Lot, kag ginsilingan nila sia: "¿Diin bala ang mga lalaki nga nag-alabut sa imo sini nga gab-i? Pagowaa sila sa amon, agud nga makilala namon sila."

6 Niyan si Lot naggowa sa ila sa gawang, kag giutakpan niya ang gawang sa olehe niya.

7 Kag nagsiling sia: "Ginaampo ko sa inyo, mga útud ko, nga ayaw kamo paghilimo sing subung nga kalainan.

8 Yari karon may duha ako ka anak nga babae nga walâ magpakigkilala sing lalaki; tuguti ako nga paggowaon ko sila sa inyo, kag himoa-ninyo sa ila ang inyo ginapakamaayo. Lamang nga sa sining mga lalaki indi kamo maghilimo sing bisan ayo, kay nagkalari sila sa landong sang akon atup."

9 Kag sila nagsalabat: "Halin di-

ra." Kag nagsililing sila : "Nagkari ini diri sa pagpanlugayaw subung sing isa ka dumuluong, kag buut sia magma-  
nginhukom. Karon pagahimoan ikaw namon sing labi nga kalainan sang sa ila." Kag ginlugus nila ang lalaki, nga si Lot, kag nagpalalapit sila sa paglumpag sang gawang.

10 Niyan gindalawo sang mga lalaki ang ila kamut, kag ginsulud nila si Lot sa baláy upud sa ila, kag ginpanakpan nila ang mga gawang.

11 Kag ang mga tawo nga yara sa gawang sang baláy, kutub sa mga magamay tubtub sa mga dalagku ginpililas nila nga may pagkabulag ; sa bagay nga ginbudlayan sila sa pagpangita sang gawang.

12 Kag nagsililing ang mga lalaki kay Lot : "¿May dari pa bala ikaw nga iban? Ang mga umagad, kag ang mga anak mo nga lalaki, kag ang mga babae, kag ang tanan nga imo sa banwa, pagowaa sila sa sini nga duug ;

13 Kay pagalaglagon namon ini nga duug, tungud kay ang ila panghayhay daku gid sa atubangan ni Iehoba, kag ginpadala kami ni Iehoba sa paglaglag sini."

14 Niyan naggowo si Lot, kag ginhambal niya ang iya mga umagad, ang mga nagpalangasawa sa iya mga anak nga babae, kag nagsiling sia sa ila : "Tilindug-kamo, halin-kamo sa sini nga duug ; kay pagalaglagon ni Iehoba ini nga banwa." Apang sa mga mata sang iya mga umagad daw subung nga nagalahug sia.

15 Kag sa pagpamanagbanag, ginapadalidali sang mga manugtunda si Lot, nga nagsiling : "Tindug-ka, kuhaa ang imo asawa kag ang imo duha ka anak nga babae nga yari diri, agud indi ka madula sa silot sang banwa.

16 Kag sang nagdulogdulog sia, ginuyatan sia sa kamut sang mga lalaki, kag ang kamut sang iya asawa, kag ang mga kamut sang iya duha ka anak nga babae, tungud sang kalooy ni Iehoba nga sa iya ; kag ginpagowa nila sia, kag ginbutang nila sia sa gowa sang banwa.

17 Kag nahanabu nga, sang nagapagowa sila, nagsiling sia : "Palagyo-ka tungud sang imo kabuhi ; indi ka magbalikid sa olehe nimo, bisan magdulog ka sa sining bug-os nga kapatagan ; palagyoka sa bukid, basi pa mawalá ka."

18 Kag si Lot nagsiling sa ila : "Indi, Ginoo ko.

19 Yari karon, nakakita ang imo alagad sing bugay sa imo mga mata, kag ikaw nagapahayag sang kadakuon sang imo kaayo, nga gingamit mo sa akon, sa pag-apin sang kabuhi sang akon kalág : kag ako indi sarang makapalagyo sa bukid, basi ayhan nga paglambuton ako sang kalainan kag mamatay ako.

20 Kari karon, ginaampo ko sa imo : ini nga banwa malapit sia sa pagpalagyo didto, kag diyotay sia. Tuguti ako sa pagpalagyo karon didto ; (¿indi bala amo sia ang diyotay?) kag magakabuhi ang akon kalág."

21 Kag sia nagsabat : "Yari karon, ginabaton ko man ang imo pangabay nahanungud sini, kag indi ko pagalaglagon ang banwa nga sa iya naghambal ka.

22 Dalidali-ka, palagyo-ka didto ; kay wala gid akoy sarang mahimo tubtub nga didto makalambut ka." Tungud sini ginhingalanan ang banwa nga Soar.\*

23 Ang adlaw nagasubang sa ibabaw sang duta, sang si Lot nag-abut sa Soar.

24 Niyan ginpaulan ni Iehoba sa ibabaw sang Sodoma, kag sa iababaw sang Gomora ang asupre kag ang kalayo gikan kay Iehoba kutub sa mga langit.

25 Kag naglaglag sia sining mga kabanwaan, kag sadtong bug-os nga kapatagan patí ang tanan nga pumuluyó sadtong mga kabanwaan, kag ang bunga sang duta.

26 Niyan ang asawa ni Lot nagbalikid, kag nannginhaligi sia nga asin.

27 Kag nagbangon sing aga pa gid si Abraham kag nagkadto sa duug nga didto sia sa atubangan ni Iehoba.

28 Kag nagtulok sia nayon sa Sodoma kag Gomora, kag nayon sa bug-os nga duta sa sadtong kapatagan, kag nakita niya, kag yari karon nga ang aso nagatub-ok gikan sa duta subung sang aso sang isa ka dabok.

29 Nahanabu ini nga, sang ginlaglag sang Dios ang mga kabanwaan sang kapatagan, nakadumdum ang Dios kay Abraham, kag ginpagowa niya si Lot sa tungá sang kalaglagan, sa paghapay sang mga kabanwaan sa diin nagpuyó si Lot.

30 Apang si Lot nagtaklad sa Soar,

\* Soar, pagkadiyotay



kag nagpuyô sa bukid, kag ang iya duha ka anak nga babae upud sa iya; kay ginhadlukan sia sa pagpabilin sa Soar. Kag nagpangabuhi sia sa isa ka lunġib, sia kag ang iya duha ka anak nga babae.

31 Niyan ang magulang nagsiling sa manghud: "Ang aton amay tigulang na, kag walâ sing nabilin sa duta nga magsulûd sa aton, sono sa pamatasan sang bug-os nga duta.

32 Kari-ka, paimnon naton sing alak ang aton amay, kag magtolog kita ka-upud sa iya, kag mapadayon naton sa aton amay ang kaliwatan."

33 Kag ginpainum nila sing alak ang ila amay sadto nga gab-i: kag nagsulûd ang magulang kag nagtolog upud sa iya amay; apang sia walâ magbatyag sang naghida sia, bisan sang nagbangon sia.

34 Ang adlaw nga masunud nagsiling ang magulang sa manghud: "Yari karon, ako nagtolog sang gab-i nga nagligad upud sa akon amay; paimnon naton man sia sini nga gab-i, kag magsulûd kag magtolog-ka upud sa iya, agud nga mapadayon naton sa aton amay ang kaliwatan."

35 Kag ginapainum nila sing alak man ang ila amay sadto nga gab-i: kag nagtindug ang manghud kag nagtolog upud sa iya; apang sia walâ magbatyag sang naghigda sia, bisan sang nagbangon sia.

36 Kag sa ila amay nagpalanamkon ang duha ka anak nga babae ni Lot.

37 Kag nag-anak ang magulang sing isa ka anak nga lalaki, kag ginhingalan niya sia nga si Moab, nga sia among amay sang mga Moabinhon tubtub karon.

38 Ang manghud man nag-anak sing isa ka anak nga lalaki, kag ginhingalan niya sia nga si Benami, nga amo sia ang amay sang mga Amoninhon tubtub karon.

Si Abraham, sa Gerar, nagailong nga si Sara asawa niya.

**20** KAG kutub didto naglakat si Abram pa duta sang Bagatnan, kag nagpanlugaw sia sa tungâ sang Kades kag Sur, kag nagpanlugayaw sia sa Gerar.

2 Kag nagsiling si Abraham nahanungud kay Sara nga iya asawa: "Utud ko sia." Kag si Abimelek, nga hari sa

Gerar, nagpakadto, kag ginpakuha niya si Sara.

3 Apang ang Dios nag-abut kay Abimelek sa isa ka damgo sa gab-i, kag nagsiling sa iya: "Yari karon, mapatay ikaw bangud sang babae nga gin-kuha mo, nga sia may bana."

4 Apang si Abimelek walâ makapalapit sa iya, kag nagsiling sia: "Ginoo, pagapatyon man bala nimo ang katawohan nga matarung?"

5 Walâ bala sia magsiling sa akon: Utud ko sia nga babae; kag sia man nagsiling: Utud ko sia nga lalaki? Sa kalubus sang akon tagiposoon, kag sa katinlo sang akon mga kamut ginhimo ko ini."

6 Kag nagsiling sa iya ang Dios sa damgo: "Ako man nakahibalo nga sa kalubus sang imo tagiposoon ginhimo mo ini; kag ako man nagpugung sa imo sa pagpakasalâ batok sa akon, kag sa sini walâ ko ikaw pagtuguti nga pagtandugon mo sia.

7 Busa karon, iuli ang babae sa iya bana; kay manalagna sia, kag magapangamuyo sia tungud sa imo, kag magakabuhi ka. Kag kon ikaw indi maguli sa iya, nakahibalo ka nga, sa pagkamatuud, mamatay ka palî sang tanan nga imo."

8 Niyan si Abimelek nagbangon sing aga pa, kag gintawag niya ang tanan niya nga mga alagad, kag nagsiling sia sining tanan nga mga polong sa mga idulungug nila; kag nagkalahadluk ang mga tawo sing tuman gid ka daku.

9 Sang olehe gintawag ni Abimelek si Abraham, kag ginsilingan niya sia: "Ano bala ang ginhimo mo sa amon? kag sa ano bala nakasalâ ako batok sa imo, nga gindala mo diri ining daku nga sala sa ibabaw nakon, kag sa ibabaw sang akon ginharian? Ikaw naghimo sa akon sing mga buluhaton nga ikaw indi dapat maghimo."

10 Kag nagsiling pa si Abimelek kay Abraham: "Ano bala ang nakita mo, agud nga maghimo ka sini?"

11 Kag si Abraham nagsabat: "Kay nagsiling ako nga sa akon: Sa pagkamatuud walay kahadluk sa Dios sa sini nga duug, kag pagapatyon nila ako bangud sang akon asawa."

12 Kag sa pagkamatuud man, utud ko sia nga babae, anak sia nga babae sang akon amay; apang indi anak sia nga

babae sang akon ilóy, kag ginpangasawa ko sia.

13 Kag nahanabu nga, sang ginpagowa ako sang Dios nga libudlibud sa baláy sang akon amay, ako nagsiling sa iya: Ini among kalooy nga pagahimoon mo sa akon, nga sa tanan nga mga duug diin makalambut kita, magsiling-ka nahanungud sa akon: Utud ko sia nga lalaki."

14 Niyan nagkuha si Abimelek sing mga obeha kag mga baka, kag mga alagad nga lalaki kag mga babae, kag ginhatag niya sila kay Abraham, kag ginuli niya sa iya si Sara nga iya asawa.

15 Kag nagsiling si Abimelek: "Yari karon, ang akon duta yara sa imo atubangan, pagpuyô-ka sa diin ang minamaayo mo."

16 Kag kay Sara nagsiling sia: "Yari karon, ginhatagan ko sing isa ka libo ka kuarta nga pilak ang imo útud nga lalaki; yari karon nga amo ini ang tabon sa imo mga mata nga sa tanan nga mga yara upud sa imo, kag pagapakatarungnan ka sa atubangan sang tanan."

17 Kag si Abraham nagpangamuyo sa Dios; kag gin-áyô sang Dios si Abimelek kag ang iya asawa kag ang iya mga alagad nga babae, kag nagpalannganak sila.

18 Kay gintakpan sing bug-os ni Iehoba ang tanan nga taguankan sang baláy ni Abimelek, bangud kay Sara nga asawa ni Abraham.

Pagkatawo ni Isaak. Ginatatog ni Abraham sa iya balay si Agar kag si Ismael.

**21** KAG ginduaw ni Iehoba si Sara, subung sang ginsiling niya, kag ginhimo ni Iehoba kay Sara subung sang ginhambal niya.

2 Kag nanamkon kag nag-anak si Sara kay Abraham sing isa ka anak nga lalaki sa iya katigulangon sa panagon, nga ginsiling sa iya sang Dios.

3 Kag ginhingalanan ni Abraham ang iya anak nga lalaki, nga natawo sa iya, nga gin-anak sa iya ni Sara, nga si Isaak.

4 Kag gintuli ni Abraham sa ikawalo ka adlaw ang iya anak nga si Isaak, subung sang ginsogo sa iya sang Dios.

5 Kag si Abraham may isa na ka gatus ka tuig sang pagkatawo sa iya ni Isaak nga iya anak.

6 Niyan nagsiling si Sara: "Ginpakadlaw ako sang Dios, kag bisan sin-o nga makabati sini, magakadlaw upud sa akon."

7 Kag nagdugang sia: "¿Sin-o bala ang nakagsiling kuntani kay Abraham, nga si Sara nakapasoso sing mga anak nga lalaki? Kay ginpangankan ko sia sing isa ka anak nga lalaki sa iya katigulangon."

8 Kag nagtúbô ang bátâ, kag ginlutas; kag si Abraham naghimo sing isa ka daku nga pagsinadya sang adlaw nga ginlutas si Isaak.

9 Kag nakita ni Sara ang anak nga lalaki ni Agar nga Egiptohanon, nga gin-anak niya ini kay Abraham, nga nagatiawtiaw sia.

10 Ngani nagsiling sia kay Abraham: "Tabuga ini nga alagad nga babae kag ang iya anak nga lalaki; nga ang anak nga lalaki sining alagad indi magpanubli upud sa akon anak, upud kay Isaak."

11 Ining polong daw nangintuman ka malain kay Abraham, bangud sang iya anak.

12 Niyan ang Dios nagsiling kay Abraham: "Indi magmanginmalain sa imo mata bangud sang bátâ kag sang imo alagad nga babae; ang tanan nga ginsiling sa imo ni Sara, pamatii ang iya tingug, kay sa kay Isaak pagatawgon nga imo kaliwatan.

13 Kag pagahimoon ko nga katawohan man ang anak sang alagad nga babae, kay sia imo kaliwatan."

14 Niyan si Abraham nagbangon sing aga pa gid, kag nagkuha sing tinapay, kag sang isa ka suludlan sang tubig, kag ginhatag niya sila kay Agar, nga ginbutang niya sila sa ibabaw sang iya abaga, *kag gintugyan* sa iya ang bátâ; kag gintabog sia niya. Kag sia naglakat, kag nagalakat sia nga libodlibod sa kahanayakan sa Be-erseba.

15 Kag ginkulang ang suludlan sang tubig, kag ginbutang niya ang bátâ sa idalum sang isa ka kahoy.

16 Kag naglakat kag naglingkod sia sa atubang, nga malayô subung sing isa ka pagpana, kay nagsiling sia: "Indi ako makakita kon ang bátâ mamatay." Kag naglingkod sia sa atubang, kag ginbuhian niya ang iya tingug kag naghibi.

17 Kag nabitian sang Dios ang tingug sang bátâ; kag ang manugtunda sang



Dios nagtawag kay Agar kutub sa langit kag nagsiling sa iya: “¿Ano bala ang nagaagi sa imo, Agar?” Indi ka mahadluk, kay ginpamatian sang Dios ang tingug sang bátâ sa diin yara sia.

18 Tindug-ka, bangona ang bátâ kag uyati sia sang imo mġa kamut, kay pagahimoon ko sia nġa daku nġa katawohan.”

19 Kag ginbuksan sang Dios ang iya mġa mata, kag nakita niya ang isa ka tuburan sang tubig; kag nagkadto sia, kag ginpunô niya ang suludlan sang tubig, kag ginpainum niya ang bátâ.

20 Kag nagupud ang Dios sa bátâ; kag nagtúbô sia, kag nagpuyô sa kahanayakan, kag nanġinmanugpana sia.

21 Kag nagpuyô sia sa kahanayakan sa Paran; kag ang iya ilôy nagpaasawa sa iya sa duta sa Egipto.

Katipan ni Abraham kag ni Abimelek.

22 Kag nahanabu, sa sadto gid nġa panag-on, nġa naghambal si Abimelek, upud si Pikol, punoan sang iya kasoldadosan, kay Abraham, nġa nagsiling: “Ang Dios yara upud sa imo sa tanantan nġa ginhimo mo.

23 Busa karon, sumpa-ka sa akon diri, tungud sa Dios, nġa indi mo ako paglimbongan, bisan ang akon mġa anak, bisan ang akon mġa apo; kondi nġa, sono sa kaayo nġa ginhimo ko sa inio, pagahimoon mo sa akon, kag sa duta sa diin magapanlugayaw ka.”

24 Kag nagsabat si Abraham: “Magasumpa ako.”

25 Kag ginsabdong ni Abraham si Abimelek bangud sang isa ka bobon sa tubig, nġa ginkuha sa iya sang mġa alagad ni Abimelek.

26 Kag si Abimelek nagsabat: “Am-but kon sin-o ang naghimo sini, bisan ikaw man nagpahibalo sa akon sini, bisan ako nakabati sini tubtub karon.”

27 Kag nagkuha si Abraham sing mġa obeha kag mġa baka, kag ginhatag niya kay Abimelek, kag nakigkatipan sila nġa duha.

28 Kag nagbutang si Abraham sing pito ka mġa tinday nġa obeha sing pahain.

29 Kag nagsiling si Abimelek kay Abraham: “¿Ano bala ang ginakaho-

logan sining pito ka tinday nġa obeha, nġa ginpain mo?”

30 Kag sia nagsabat: “Ining pito ka tinday nġa obeha pagabatonon mo sa akon kamut, agud nġa magmanġinsa pagkamatuud sa akon, nġa ako nagkutkut sini nġa bobon.”

31 Tungud sini ginhingalanen niya yadto nġa duug nġa Beer-seba,\* kay didto nagsulumpa sila nġa duha.

32 Sa sini nakigkatipan sila sa Beer-seba; kag nagtindug si Abimelek kag si Pikol, pangolo sang iya kasoldadosan; kag nagpalauli sila sa duta sang mġa Pilistinhon.

33 Kag nagtanum si Abraham sing mġa sambag sa Be-erseba, kag gintawag niya didto ang nġalan ni Iehoba nġa Dios nġa walay katubtuban.

34 Kag nagpanlugayaw si Abraham sa duta sang mġa Pilistinhon sing malawig nġa mġa adlaw.

Ang paghalad kay Isaak.

22 KAG Nahanabu, sa tapus sini nġa mġa butang, nġa ang Dios nagsuláy kay Abraham, kag nagsiling sa iya: “¿Abraham!” Kag sia nagsabat: “Yari ako.”

2 Kag nagsiling sia: “Kuhaa karon ang imo anak, ang imong bugtong, nġa si Isaak, nġa imo ginahigugma, kag pakadto-ka sa duta sa Moria, kag ihaladmo sia sa halad nġa sinunug didto sa ibabaw sang isa sang mġa bukid, nġa akon igasiling sa imo.”

3 Kag si Abraham nagbangon sing aga pa gid, kag naghimos sia sang iya asno, kag nagdalá sia kaupud niya duha sang iya mġa sologoon, kag si Isaak nġa iya anak, kag nagbis-ak sia sang gatong nġa sa halad nġa sinunug, kag nagtindug sia, kag nagpakadto sa duug, nġa ginsiling sa iya sang Dios.

4 Sa ikatlo ka adlaw binayaw ni Abraham ang iya mġa mata, kag nakita niya ang duug sa malayô.

5 Niyan si Abraham nagsiling sa iya mġa sologoon: “Hululat-kamo diri kaupud sang asno; kag ako kag ang bátâ makadto kami tubtub didto, kag magasimba kami, kag magabalik kami sa inyo.”

6 Kag si Abraham nagkuha sang

\* Beer-seba, bobon sang panumpa.

gatang sang halad nga sinunog, kag binutang niya sa abaga sang iya anak; kag sia nagkuha sang kalayo kag sang sundang; kag naglakat sila nga duha sing tingub.

7 Niyan si Isaak naghambal kay Abraham nga iya amay, kag nagsiling sia: "Amay ko." Kag si Abraham nagsabat: "Yari ako, anak ko." Kag si Isaak nagsiling: "Yari karon ang kalayo kag ang gatong, apang i diin bala ang kordero nga inughalad nga sinunog?"

8 Kag nagsabat si Abraham: "Ang Dios magaaman sang kordero nga inughalad nga sinunog, anak ko." Kag nagapadayon sila sa paglakat sing tingub.

9 Kag sang imabut sila sa duug, nga ginsiling sa iya sang Dios, si Abraham nagpatindug didto sing halaran, kag ginapus niya si Isaak, nga iya anak, kag binutang sia niya sa halaran sa ibabaw sang gatong.

10 Kag inuntay ni Abraham ang iya nga kamut, kag kinuha niya ang sundang nga sa pagpugut sa iya anak.

11 Niyan ang manugtunda ni Iehoba nagsingit sa iya kutub sa mga langit, nga nagasiling: "i Abraham, Abraham!" Kag sia nagsabat: "Yari ako."

12 Kag nagsiling sia: "Indi mo pagbayawon ang imo kamut batok sa batâ, bisan maghimo ka sa iya sing ano man; kag karon nakilala ko, ngai kaw nahadluk sa Dios, kay nga walâ mo pagidumili ang imo anak, ang imo anak nga bugtong."

13 Niyan binayaw ni Abraham ang iya mga mata kag tumulok; kag yari karon ang isa ka kordero sa iya likod, nga napukot sa mga sungay sa kasapinitan. Kag nagkadto si Abraham kag kinuha niya ang kordero, kag hinalad sia niya sa halad nga sinunog sa baylo sang iya anak.

14 Kag ginhingalanan ni Abraham yadto nga duug nga Iehoba-Yireh.\* Ngani ginasiling tubtub karon: "Sa bukid ni Iehoba pagaiaman."

15 Kag ang manugtunda ni Ieoba nagtawag kay Abraham sa makaduha kutub sa langit,

16 Kag nagsiling sia: "Tungud sa akon gid nagsumpa ako, siling ni Iehoba,

\* *Iehoba-Yireh*, pagaiaman ni Iehoba.

tungud kay ginhimo mo ini, kag walâ mo igdumili sa akon ang imo anak, ang imo bugtong,

17 Nga sang nagapakamaayo, pagapakamaayohon ko ikaw, kag sang nagapadamu, pagapadamuon ko ang imo kaliwatan subung sang kabitoonan sang langit, kag subung sang balas nga yara sa baybayon sang dagat; kag ang imo kaliwatan magatagiya sang mga gawang sang iya mga kaaway.

18 Sa imo kaliwatan pagapakamaayoon ang tanan nga mga katawohan sa duta, tungud kay nagtuman ka sang akon tingub.

19 Kag nagbalik si Abraham sa iya mga alagad, kag nagtilindug sila kag naglalakat sing tingub pa Be-erseba; kag si Abraham nagpuyô sa Be-erseba.

20 Kag nahanabu sa tapus sining mga butang, nga ginbalitaan si Abraham, nga nagasiling: "Yari karon, nga si Milka man nag-anak sing mga anak kay Nakor, nga imo utud:

21 Kay Us, nga iya panganay, kag kay Bus, nga iya utud, kag kay Kemuel, nga amay ni Aram,

22 Kag kay Kesed, kay Haso, kay Pildas, kay Yidlap kag kay Betuel.

23 Kag si Betuel nagpanganak kay Rebeka. Ining walo gin-anak ni Milka kay Nakor, nga utud ni Abraham.

24 Kag ang iya babae, nga ginhingalan nga si Reuma, nag-anak man kay Teba, kay Gaham, kay Taas kag kay Maaka.

Ang pagkamatay ni Sara kag ang iya lulubngan.

**23** KAG ang kabuhi ni Sara naningin isa ka gatus duha ka pulo kag pito ka tuig; naniginamo ini ang mga tuig sang kabuhi ni Sara.

2 Kag namatay si Sara sa Kiriat-Arba, nga among Hebron, sa duta sa Kanaan; kag nag-abut si Abraham sa paglalaw kay Sara, kag sa paghibi sa iya.

3 Kag si Abraham nagtindug sa atubangan sang iya patay, kag naghambal sa mga anak ni Het, nga nagasiling:

4 "Dumuluong kag manugpanlugayaw ako sa tungâ ninyo; hatagi-ninyo ako sing panublion nga lulubngan upud sa inyo, kag pagailubung ko ang akon patay sa atubangan nakon."

5 Kag ang mga anak ni Het nagsalabat kay Abraham, kag nagsililing sa iya:



6 “Pamatii kami, ginoo namon : Ikaw among isa ka dunganon sang Dios sa tungâ namon ; sa labing maayo sang amon mğa lulubngan nga mapilian mo, ilubung-mo ang imo patay. Walay bisan sin-o sa amon nga magapugung sa imo sang iya lulubngan, agud nga pagilubung mo ang imo patay.”

7 Kag si Abraham nagtindug, kag nagyaub sa atubangan sang banwa sad-tong duta, sa atubangan sang mğa anak ni Het.

8 Kag naghambal sia sa ila, nga nagasiling : “Kon may kabubut-on kamo, nga ako maglubung sang akon patay sa atubangan nakon, pamatii-ninyo ako kag patigayona-ninyo tungud sa akon sa kay Epron, anak ni Sohar,

9 Agud nga ighatag niya sa akon ang lungib sa Makpela, nga nahanungud sa iya didto sa ukbong sang iya panublion : nga sa iya matarung nga bili pagaihatag niya sia sa akon, nga sa kaugalingon nga lulubngan sa tungâ ninyo.”

10 Ini si Epron nagalingkod sa tungâ sang mğa anak ni Het ; kag nagsabat si Epron nga Hetinhon kay Abraham, sa mğa idulungug sang mğa anak ni Het, sa tanan nga mğa nagasululud sa gawang sang ila banwa, nga nagasiling :

11 “Indi, ginoo ko, pamatii ako : Ginahatag ko sa imo ang panublion, kag ginahatag ko man sa imo ang lungib nga yara sa iya. Sa atubangan sang mğa anak sang akon banwa ginahatag ko sia sa imo : ilubung ang imo patay.”

12 Kag si Abraham nagyaub sa atubangan sang banwa sang duta.

13 Kag naghambal sia kay Epron sa mğa idulungug sang banwa sang duta, nga nagasiling : “Lamang, kon luyag mo magpamati sa akon : nagahatag ako sang kabilihanan sang latagon ; batona ini sa akon, kag pagailubung ko sa iya ang akon patay.”

14 Kag nagsabat si Epron kay Abraham, nga nagasiling sa iya :

15 “Ginoo ko, dunga ako : Ang isa ka duta nga apat ka gatus ka siklo nga pilak, ano bala ini sa akon kag sa imo ? Busa, ilubung ang imo patay.”

16 Niyan si Abraham nagpamati kay Epron ; kag gintimbang ni Abraham kay Epron ang pilak, nga nagapamati sini ang mğa anak ni Het : ang apat ka

gatus ka siklo nga pilak, nga nagalakat sa mğa manugbaligya.

17 Kag ang latagon ni Epron, nga yara sa Makpela sa atubangan sang Man-re, ang latagon kag ang lungib nga yara sa iya, kag ang tanan nga kakahoyan nga yara sa latagon kag sa tanan niya nga dulunan sa palibot,

18 Naiya na ni Abraham, sa mğa mata sang mğa anak ni Het, kag sa tanan nga mğa nagsululud sa gawang sang banwa.

19 Kag sa tapus sini ginlubung ni Abraham si Sara, nga iya asawa, sa lungib sang latagon sa Makpela sa atubangan sang Mamre, nga among Hebron, sa duta sa Kanaan.

20 Kag ang latagon kag ang lungib, nga yara sa iya, naiya ni Abraham nga kaugalingon nga lulubngan, *nga iya anay* sia sang mğa anak ni Het.

Si Rebeka pinangayo nga asawa nga sa kay Isaak.

**24** KAG si Abraham tigulang na, kag sobol na kaayo sa katigulangon ; kag si Iehoba nagpakamaayo kay Abraham sa tanan.

2 Kag nagsiling si Abraham sa isa niya ka sologoon, ang tigulang sa iya balay, nga amo ang nagagahum sang tanan nga iya : “Ibutang karon ang imo kamut sa idalum sang akon balikawang,

3 Kag pagapasumpaon ko ikaw, tungud kay Iehoba nga Dios sang kalangitan kag Dios sang duta, nga indi ka makakuha sing babae nga sa akon anak sa mğa anak nga babae sang mğa Kanaanhon, nga sa tungâ nila nagapuyô ako ;

4 Kondi nga magakadto ka sa akon duta kag sa akon kahimataan, kag magakuha ka sing babae nga sa akon anak nga si Isaak.”

5 Kag ang sologoon nagsabat sa iya : “Ayan ang babae indi maluyag magupud sa akon sa sini nga duta ; busa pagaibalik ko bala ang imo anak sa duta sa diin naghalin ka ?”

6 Kag si Abraham nagsiling sa iya : “Andam-ka, nga indi mo igbalik ang akon anak didto.

7 Si Iehoba nga Dios sang kalangitan, nga nagkuha sa akon sa balay sang akon amay kag sa duta sang akon kahimataan, kag naghambal sa akon,



kag nagsumpa sa akon, n̄a nagasiling : Sa imo kaliwatan pagaihatag ko ini n̄a duta ; sia magapadalá sang iya manug-tunda sa atubangan nimo, kag ikaw magakuha didto sing babae n̄a sa akon anak.

8 Kag kon ang babae indi maluyag magupud sa imo, manginluwas ka sa sining akon panumpa ; lamang n̄a indi mo igbalik didto ang akon anak."

9 Niyan ang sologoon nagbutang sang iya kamut sa idalum sang balikawang ni Abraham, n̄a iya ginoo, kag nagsumpa sa iya nahanungud sining buluhaton.

10 Kag ang sologoon nagkuha sing napúlô ka kamelyo sa m̄ga kamelyo sang iya ginoo, kag naglakat sia, kay yara sa iya pagbulut-an ang tanan n̄a m̄ga pagkabutang sang iya ginoo. Kag nagtindug sia kag naglakat pa Aram-Naharaim, sa banwa ni Nakor.

11 Kag ginpaluhud niya ang m̄ga kamelyo sa gowa sang banwa sa luyo sang isa ka bobon sa tubig, sa horas sang kahaponon, sa horas n̄a nagagulowa ang m̄ga kadalagahan sa pagpanag-ub.

12 Kag nagsiling sia : "Iehoba, n̄a Dios sang akon ginoo n̄a si Abraham, ginaampo ko sa imo, himoa, n̄a may makita ako karon, kag himoa ang paghikalooy sa akon ginoo n̄a si Abraham.

13 Yari karon, ako sa luyo sang tuburan sa tubig, sang ang m̄ga anak n̄a babae sang m̄ga lalaki sining banwa nagagulowa sa pagpanag-ub ;

14 Kabay pa n̄a mahanabu n̄a ang dalaga, n̄a sa iya magsiling ako : Ipanaug ang imo bangá, ginaampo ko sa imo, agud n̄a ako maginum, kag sia magsabat : Inum-ka, kag pagapaimnon ko ang imo m̄ga kamelyo, n̄a ini sia magman̄gintinapat n̄a sa imo alagad n̄a si Isaak, kag sa sini makilala ko, n̄a naghimo ka sing pagkalooy sa akon ginoo."

15 Kag nahanabu n̄a, sang walá pa nakatapus sia sa paghambal, yari karon, si Rebeka, n̄a natawo kay Betuel, anak ni Milka, asawa ni Nakor, útud ni Abraham, n̄a naggowa sia, n̄a nagapas-an sang iya bangá.

16 Kag ang dalaga magayon gid sia sa bayhon, ulay n̄a walá sia makakilala sing lalaki, n̄a nagdulhog sia sa tu-

buran, kag ginpunô niya ang iya bangá, kag nagataklad sia.

17 Niyan ang sologoon nagdalagan nayan sa iya kag nagsiling : "Ginaampo ko sa imo, n̄a paimnon mo ako sing diyot n̄a tubig sa imo bangá."

18 Kag sia nagsabat : "Inum-ka, ginoo ko." Kag nagdalidali sia sa pagpapanag sa ibabaw sang iya kamut sang iya bangá, kag ginpainum niya sia.

19 Kag sang nakatapus sia sa paginum sa iya, nagsiling sia : "Sa imo man n̄a m̄ga kamelyo, magapanag-ub ako, tubtub n̄a makatapus sila sa paginum."

20 Kag nagdalidali sia, kag ginula niya ang iya bangá sa palaimnan, kag nagbalik sia liwan sa bobon sa pagpanag-ub, kag nagpanag-ub sia n̄a sa tanan niya n̄a m̄ga kamelyo.

21 Kag ang tawo nagkatingála sa iya, n̄a nagahipus, sa pagsayud kon si Iehoba naghimaayo kon walá sang iya panlakatan.

22 Kag nahanabu n̄a, sang pagkatapus sa paginum sang m̄ga kamelyo, nagkuha ang tawo sing isa ka singsing n̄a bulawan, n̄a nagatimbang sing tungá sa siklo, kag duha ka pulsera n̄a sa iya m̄ga kamut, n̄a nagatilibang sing napúlô ka siklo sa bulawan.

23 Kag nagsiling sia : "¿Kay sin-o ikaw bala anak n̄a babae? Ginaampo ko sa imo, n̄a igsiling mo sa akon. ¿May duug bala sa baláy sa imo amay, n̄a diin makahigda kami?"

24 Kag sia nagsabat : "Anak ako n̄a babae ni Betuel, anak ni Milka, n̄a gin-anak sia niya kay Nakor."

25 Kag nagdugang sia : "Sa amon baláy may dagami man kag madamu n̄a kumpay, kag duug n̄a sa paghigda."

26 Niyan ang tawo nagyaub, kag nagsimba kay Iehoba,

27 Kag nagsiling sia : "Pagapaka-maayoon kunta si Iehoba, n̄a Dios sang akon ginoo n̄a si Abraham, n̄a walá niya igpalayo ang iya kalooy kag ang iya kamatooran sa akon ginoo, n̄a ginmandoan ako ni Iehoba sa dalan pa baláy sang m̄ga útud sang akon ginoo."

28 Kag ang dalaga nagdalagan, kag nagpahibalo sa baláy sang iya ilóy, sono sining m̄ga polong.

29 Kag si Rebeka may isa ka útud,

n̄ga ginangalanan n̄ga si Laban; kag si Laban nagdalagan sa gowa sa tawo, sa tuburan.

30 Kag nahanabu, sang pagkakita niya sang singsing kag sang m̄ga pulsera sa m̄ga kamut sang iya útud n̄ga babae, kag sang pagkabati niya sang m̄ga polong ni Rebeka, n̄ga iya útud, n̄ga nagsiling: "Amo ini ang ginhambal sad-tong tawo," n̄ga sia nagkadto sa tawo. Kag yari karon, n̄ga yara sia sa luyo sang m̄ga kamelyo sa tuburan.

31 Kag nagsiling sia sa iya: "Kari-ka, pinakamaayo ni Iehoba. ¿Kay n̄ga bala n̄ga yara ka sa gowa? Gintinloan ang baláy kag ang duug n̄ga sa m̄ga kamelyo."

32 Niyan ang tawo nagupud sa iya sa baláy, kag ginhubaran ni Laban ang m̄ga kamelyo, kag ginhatagan niya sila sing dagami kag kumpay, kag tubig n̄ga inughunaw sang m̄ga tiil niya kag sang m̄ga tiil sang m̄ga tawo n̄ga nagaulúpud sa iya.

33 Kag ginbutangan sia nila sing kalan-on sa atubangan; apang sia nagsiling: "Indi ako magkaon tubtub n̄ga masiling ko ang akon katuyoan." Kag sia nagsiling sa iya: "Ihambal."

34 Niyan nagsiling sia: "Sologoon ako ni Abraham."

35 Kag si Iehoba nagpakamaayo sing tuman sa akon ginoo, n̄ga nangindaku sia; kag ginhatagan sia niya sing m̄ga obeha kag m̄ga baka, pilak kag bulawan, m̄ga alagad n̄ga lalaki kag m̄ga babae, m̄ga kamelyo kag m̄ga asno.

36 Kag si Sara, n̄ga asawa sang akon ginoo, nag-anak sa iya katigulangon sing isa ka anak n̄ga lalaki sa akon ginoo, n̄ga sa iya ginhatag niya ang tanan n̄ga iya.

37 Kag ginpasumpa ako sang akon ginoo, n̄ga nagsiling: "Indi ka magkuha sing babae n̄ga sa akon anak sa m̄ga anak sang m̄ga Kanaanhon, n̄ga sa ila duta nagapuyô ako;

38 Kondi n̄ga nagkadto ka sa baláy sang akon amay kag sa akon kahimatan, kag magakuha ka sing babae n̄ga sa akon anak.

39 Kag ako nagsiling: Ayhan ang babae indi maluyag magúpud sa akon.

40 Niyan sia nagsabat sa akon: Si Iehoba, n̄ga sa iya atubangan naglakat ako, magapadalá sang iya manugtunda upud sa imo, kag magahimaayo sang

imo dalanon, kag magakuha ka sing babae n̄ga sa akon anak sa akon kaliwatan kag sa baláy sang akon amay.

41 Niyan manginluwas ka sa akon panumpa, kon makaabut ka sa akon kaliwatan; kag kon indi nila pagihatag sia sa imo, manginluwas ka sa akon panumpa.

42 Busa, nag-abut ako karon sa tuburan, kag nagsiling ako: Iehoba, Dios sang akon ginoo n̄ga si Abraham, kon imo himaayohon karon ang akon dalanon, n̄ga sa iya nagalakat ako,

43 Yari karon, ari ako sa luyo sang tuburan sa tubig: mahanabu kunta n̄ga ang dalaga n̄ga maggowa sa pagpanagub, n̄ga sa iya magsiling ako: Paimna ako, ginaampo ko sa imo, sing diyotay n̄ga tubig sa imo bangá,

44 Kag sia magsiling sa akon: Inum-ka, kag sa imo manm̄ga kamelyo magapanagub ako, ina sia manginang babae n̄ga tinapat ni Iehoba n̄ga sa anak sang akon ginoo.

45 Kag sa walâ pa ako makatapus sa paghambal sa akon tagiposoon, yari karon, si Rebeka naggowa, n̄ga nagapas-an sang iya bangá, kag nagdulhog sia sa tuburan kag nagsag-ub. Kag ginsilingan ko sia: Ginaampo ko sa imo, n̄ga painnon mo ako.

46 Niyan sa kadali gid ginpapanaug niya ang iya bangá sa ibabaw niya, kag nagsiling sia: Inum-ka, kag ang imo man n̄ga m̄ga kamelyo pagapaimnon ko. Kag naginum ako, kag ginpainum man niya ang akon m̄ga kamelyo.

47 Niyan ginpamangkot ko sia, kag nagsiling ako: ¿Kay sin-o ka bala anak n̄ga babae? Kag sia nagsabat: Anak n̄ga babae ni Betuel, anak ni Nakor, n̄ga ginpanganak sa iya ni Milka. Niyan ginbutangan ko sia sing isa ka singsing sa ilong, kag m̄ga pusleras sa iya m̄ga kamut.

48 Kag nagyaub ako, kag ginsimba ko si Iehoba, kag gipakamaayo ko si Iehoba n̄ga Dios sang akon ginoo n̄ga si Abraham, n̄ga ginmandaoan niya ako sa dalan sang kamatooran n̄ga sa pagkuha sang anak n̄ga babae sang útud sang akon ginoo n̄ga sa iya anak.

49 Busu karon, kon maluyag kamo maggamit sing paghikaloooy kag kamatooran sa akon ginoo, ipahayag-ninyo ini sa akon; kag kon indi, ipahayag-ninyo



ini sa akon, kag magapatabayag ako sa too, kon sa walá.

50 Niyan si Laban kag si Betuel nagsalabat kag nagsilling: "Kay Iehoba nagagikan ini; indi kami makasarang paghambal sa imo sing malain, bisan maayo.

51 Yari karon si Rebeka sa atubangnan mo; kuhaa sia kag lumakat-ka, kag magmaningasawa sia sang anak sang imo ginoo, subung sang ginsiling ni Iehoba."

52 Kag nahanabu nga, sang nabatian sang sologoon ni Abraham ang ila mga polong, nagyaub sia kay Iehoba.

53 Kag nagkuha ang sologoon sing mga huyas nga pilak, kag mga huyas nga bulawan, kag mga panapton, kag ginhatag niya sila kay Rebeka: ginhatagan man niya sing mga malahalón nga butang ang iya útud kag ang iya ilóy.

54 Kag nagkalaon kag nagilinum sia kag ang mga lalaki nga nagaulúpud sa iya, kag naghiligda didto sila. Kag sang nagbangón sia sang aga, nagsiling sia: "Papaulia ako ninyo sa akon ginoo."

55 Niyan nagsabat ang iya útud kag ang iya ilóy: "Maghulat ang dalaga upud sa amon sing pila ka adlaw, sing napúlô lang ka adlaw, kag ugaling magalakat sia."

56 Kag sia nagsiling sa ila: "Ayaw ninyo ako pagpadugaya, siling kay gin-himaayo ni Iehoba ang akon dalanon; palakta-ninyo ako gilayon, agud nga magkadto ako sa akon ginoo."

57 Niyan sila nagsalabat: "Tawgon namon ang dalaga kag pamangkoton namon sia."

58 Kag gintawag nila si Rebeka, kag ginsilingan nila sia: "¿Magaupud ka bala sa sini nga lalaki?" Kag sia nagsabat: "Hoo, magaupud ako."

59 Niyan ginpalakat nila si Rebeka nga ila útud, kag ang iya sisiwa kag ang sologoon ni Abraham, kag ang iya mga tinawo.

60 Kag ginpakamaayo nila si Rebeka kag ginsilingan nila sia: "Utud ikaw namon, magmaninginlibolibo sa mga linibo ikaw, kag ang imo kaliwatan magtagiya sang gawang sang mga nagadulumut sa iya."

61 Niyan nagtindug si Rebeka kag ang iya mga kadalagahan, kag nagsalakay sila sa ibabaw sang mga kamelyo,

kag nagsulunud sila sa tawo; kag ang sologoon nagkuha kay Rebeka, kag naglakat sia.

62 Kag si Isaak nagbalik gikan sa bobon sang "Nagakabuhi nga nagatulo sa akon," kay sia nagapuyô sa duta sang Bagatnan.

63 Kag naggowa si Isaak sa pagpangamuyo sa latagon sa oras sang kaha-ponon, kag sang binayaw niya ang iya mga mata, tumulok sia, kag yari karon, ang mga kamelyo nga nagapalakari.

64 Si Rebeka man nagbayaw sang iya mga mata, kag nakita niya si Isaak, kag nagdalus-us sia sa kamelyo.

65 Kag nagpamangkot sia sa sologoon: "¿Sin-o bala inang lalaki nga nagapakari sa latagon nayon sa aton?" Kag ang sologoon nagsabat: "Ini amo ang akon ginoo." Niyan nagkuha sia sang takdong kag nanabon sia.

66 Niyan ang sologoon nagsugid kay Isaak sang tanan nga ginhimo niya.

67 Kag pinasulud ni Isaak sia sa layanglayang sang iya ilóy nga si Sara; kag ginpangasawa niya si Rebeka, kag naningasawa niya sia; kag ginbigugma niya sia; kag si Isaak ginlipay tungud sa iya ilóy.

Pagkamatay ni Abraham.

**25** KAG si Abraham nagpangasawa liwan, nga ang ngalan sang iya asawa amo si Ketura;

2 Nga nag-anak sa iya kay Simram, kay Ioksan, kay Medan, kay Madian, kay Isbak kag kay Sua.

3 Kag si Ioksan nagpanganak kay Seba kag kay Dedan; kag ang mga anak ni Dedan nanginsi Asurim, si Tetusim kag si Leumim.

4 Kag ang mga anak ni Madian: Si Epa, si Eper, si Enok, si Abida kag si Eldaha. Ining tanan nangin mga anak ni Ketura.

5 Kag ginhatag ni Abraham kay Isaak ang tanan nga iya.

6 Kag sa mga anak sang iya mga bae naghatag si Abraham sing mga hatag; kag sang nagakabuhi pa sia, ginpadala niya sila sa malayo kay Isaak, nga iya anak, nayon sa Sidlangan, sa duta sang Sidlangan.

7 Kag ang mga adlaw sang kabuhi nga ginkabuhi ni Abraham, nanginamo

ini: isa ka gatus kapitoan kag lima ka tuig.

8 Kag nagtingâ sia; kag namatay si Abraham sa maayo nga katigulangon, tigulang kag busug sang pagkabuhi, kag ginsimpon sia sa iya banwa.

9 Kag ginlubung sia ni Isaak kag ni Ismael, nga iya mga anak, sa lungib sa Makpela, sa latagon ni Epron, anak ni Sohar nga Hetinhon, nga yara sa atubang sang Mamre:

10 Latagon nga ginbakal ni Abraham sa mga anak ni Het: didto ginlubung si Abraham kag si Sara nga iya asawa.

11 Kag nahanabu nga, sang patay na si Abraham, ginpakamaayo sang Dios si Isaak, nga iya anak; kag si Isaak nagpuyô sa luyo sang bobon sang "Nagkabuhi nga nagatulok sa akon."

#### Mga kaliwatan ni Ismael.

12 Kag ini sila amo ang mga kaliwatan ni Ismael, anak ni Abraham, nga gin-anak sa iya ni Agar, nga Egiptohanon, alagad ni Sara.

13 Busa ini sila amo ang mga ngalan sang mga anak ni Ismael, tungud sa ila mga ngalan, sono sa ila mga kaliwatan: ang panganay ni Ismael: si Nabayot; ugaling si Kedar, si Adbeel kag si Mibsam;

14 Si Misma, si Duma kag si Masa;

15 Si Hadar, si Tema, si Ietur, si Napis kag si Kedma.

16 Ini sila amo ang mga anak ni Ismael, kag ini sila amo ang ila mga ngalan, sono sang ila mga minoro kag sang ila mga dulugan: napulô kag duha ka dunganon, sono sang ila mga banwa,

17 Kag yari karon ang mga tuig sang kabuhi ni Ismael: nanginisa ka gatus katloan kag pito ka tuig; kag nagtingâ si Ismael kag namatay. Kag ginsimpon sia sa iya banwa.

18 Kag nagpuluyô sila kutub sa Habila tubtub sa Sur, nga yara sa atubangan sang Egipto, nga nagapakadto sa Asur, kag nagpuyô sia sa atubangan sang tanan niya nga mga útud.

#### Si Esau kag si Iakob.

19 Kag ini sila amo ang kaliwatan ni Isaak, anak ni Abraham. Si Abraham nanganganak kay Isaak.

20 Kag si Isaak nagaedad sing kap-

atan ka tuig, sang pagpangasawa niya kay Rebeka, anak nga babae ni Betuel nga Araminhon, sa Padan-Aram, útud nga babae ni Laban nga Araminhon.

21 Kag nagpangamuyo si Isaak kay Iehoba tungud sang iya asawa, nga bawas sia; kag nagpahanugut sini si Iehoba, kag nagpanamkon si Rebeka nga iya asawa.

22 Kag ang mga anak nag-alaway sa sulúd niya; kag nagsiling sia: "Kon amo ini kay nga pa bala nga nagakabuhi ako?" Kag nagkadto sia sa pagpakiana kay Iehoba.

23 Kag nagsabat sa iya si Iehoba:

"May duha ka katawohan sa imo tiyan,

Kag pagabahinon ang duha ka banawa kutub sa imo mga kasudlan:

Kag ang isa ka banwa manginlabi ka bakud sang sa isa ka banwa, Kag ang magulang magaalagad sa manghud."

24 Kag sang pagkatuman sang ila mga adlaw nga sa pag-anak, yari karon ang duha ka kapid sa iya tian.

25 Kag naggowa ang nahauna nga budhaw, kag bulbulan sia sing bug-os subung sang panapton nga bulbulon; kag ginhingalanan nila sia nga si Esau.\*

26 Kag sang olehe naggowa ang iya útud, nga nagakapiot ang iya kamut sa tikod ni Esau: kag ginhingalanan sia nga si Iakob. Kag si Isaak nagaedad sing kan-uman ka tuig sang pagkatawo nila.

27 Kag natulúbó ang mga kabataan; kag si Esau nanginsampon sa pangayam, tawo sa latagon; apang si Iakob among isa ka tawo nga bunayag, nga nagapuyô sa mga layanglayang.

28 Kag ginhigugma ni Isaak si Esau, kay nagakaon sia sang iya pinangayaman; apang si Rebeka nagahigugma kay Iakob.

29 Kag sang si Iakob nagaluto sang isa ka pagkaon, nagbalik si Esau gikan sa latagon; kag ginabudlayan sia.

30 Kag nagsiling sia kay Iakob: "Ginaampo ko sa imo, nga pakaanon mo ako sang mapula, sinang mapula, kay ginabudlay gid ako." Tungud sini ginhingalanan sia nga si Edom.†

\* Esau, bulbulon; Iakob, ang nagakaput sang tikod.

† Edom, mapula.



31 Kagsi Iakob nagsabat: "Ibaligya sa akon ang imo pagkapanganay sa sining adlaw."

32 Niyan nagsiling si Esau: "Yari karon, nga ako mamatay na; busa, ¿ano pa ang kinahanglan ko bala sang pagkapanganay?"

33 Kag nagsiling si Iakob: "Isumpa ini sa akon sa sining adlaw." Kag sia nagsumpa sa iya, kag ginbaligya niya kay Iakob ang iya pagkapanganay.

34 Niyan ginhatagan ni Iakob si Esau sing tinapay kag sang linuto sang mga patani; kag sia nagkaon, kag naginum, kag nagtindug kag naglakat sia. Sa sini gintamay ni Esau ang pagkapanganay.

Si Isaak sa Gerar; nagapakigkatipan sia kay Abimelek.—Pagkasal kay Esau,

**26** KAG may gutum sa duta, walay labut sang nahauna nga gutum nga nag-abut sa mga kaadlawan ni Abraham: kag nagkadto si Isaak kay Abimelek, nga hari sang mga Pilistinhon, sa Gerar.

2 Kag nagpahayag sa iya si Iehoba kag nagsiling sa iya: "Ayaw ka pagdulhog sa Egipto; magpuyô-ka sa duta nga pagaisiling ko sa imo.

3 Panlugayaw-ka sa sini nga duta, kag magaupud ako sa imo, kag pagapakamaayoon ko ikaw; kay sa imo kag sa imo kaliwatan pagaihatag ko ining tanan nga mga duta, kag pagapamatud-an ko ang panumpa nga ginsumpa ko kay Abraham nga imo amay.

4 Kag pagapadamuon ko ang imo kaliwatan subung sang kabitoonan sang langit, kag pagaihatag ko sa imo kaliwatan ining tanan nga mga duta, kag ang tanan nga mga katawohan sa duta pagapakamaayoon sa imo kaliwatan,

5 Tunud kay ginpamatian ni Abraham ang akon tingug, kag ginbantayan niya ang akon tinulin, ang akon mga sôgo, ang akon mga palatukuran kag ang akon mga kasogoan."

6 Busa, nagpuyô si Isaak sa Gerar.

7 Kag ang mga tawo sa sadto nga duug nagpalamangkot sa iya nahanungud sa iya asawa; kag sia nagsabat: "Utud ko sia." Kay ginhadlukan sia sa pagsiling: "Akon sia asawa;" nga ayhan," *nagsiling sia*, "ang mga tawo sang duug magapatay sa akon bangud kay Rebeka, kay sia magayon sa bayhon."

8 Kag nahanabu, sang lumigad na ang malawig nga mga adlaw, nga didto sia, nga si Abimelek, nga hari sang mga Pilistinhon, sang nagalantaw sia sa isa ka talamboan, nakita niya si Isaak, nga nagakadlaw upud ni Rebeka nga iya asawa.

9 Kag gintawag ni Abimelek si Isaak, kag nagsiling: "Yari karon sia, sa pagkamatuud, imo sia nga asawa. Busa, ¿paano bala nga nagsiling ka: Utud ko sia?" Kag si Isaak nagsabat sa iya: "Kay nagsiling ako: Ayhan mamatay ako bangud sa iya."

10 Kag si Abimelek nagsiling: "¿Kay nga bala ginhimoan mo kami sini? Diyotay lamang makatolog kunta ang isa sa banwa upud sa imo asawa, kag gindala mo diri sa ibabaw namon ang sala."

11 Niyan si Abimelek nagsogo sa bug-os nga banwa, nga nagsiling: "Ang magtandug sa sini nga tawo, kon sa iya asawa, sa pagkamatuud, mamatay sia."

12 Kag nagsab-ug si Isaak sa sadto nga duta, kag nagpatubas sa sini nga tuig sing isa ka gatus sa isa; kag ginpakamaayo sia ni Iehoba.

13 Kag ang lalaki nagdaku kag nagpadayon sa pagdaku tubtub nga nahimo nga gamhanan gid.

14 Kag nagtagiya sia sing mga obeha, kag nagtagiya sia sing nga kabakahan, kag daku nga panimalay. Kag nagkalahisa sa iya ang mga Pilistinhon.

15 Kag ang tanan nga mga bobon, nga ginpangutkut sang mga umalagad sang iya amay, ginpanampukan sila sang mga Pilistinhon, nga ginpamunô nila sila sing duta.

16 Niyan nagsiling si Abimelek kay Isaak: "Palayô-ka sa amon, kay ikaw labi pa ka gamhanan sa amon."

17 Kag si Isaak naghalin didto, kag pinahamtang niya ang iya dulugan sa nalupyan sang Gerar, kag nagpuyô sia didto.

18 Kag ginkutkut liwat ni Isaak ang mga bobon sang tubig, nga ginkutkut sa mga kaadlawan ni Abraham nga iya amay; kay ang mga Pilistinhon nagtampok sa ila sa tapus sang kamataon ni Abraham. Kag ginhingalanan niya sila, sono sang mga ngalan nga ginbutang sa ila sang iya Amay.

19 Kag ang mga alagad ni Isaak nag-

kulutkut sa nalupyakan, kag nakita nila didto ang isa ka bobon sang mga tubig nga buhi.

20 Kag ang mga manugbantay sang kahayupan sa Gerar nagpalakigsuay sa mga manugbantay sang kahayupan ni Isaak, nga nagasililing: "Amon ang mga tubig." Kag ginhingalanan ang bobon nga Esek,\* kay nagsilinuay sila sa iya.

21 Kag nagkulutkut sila sing isa ka bobon, kag nagbalangig man sila nahanungud sa iya; kag ginhingalan sia niya nga Sitna.†

22 Kag naghalin sia didto, kag nagkutkut sia sing isa pa ka bobon, kag sila walâ magsilinuay nahanungud sa iya; kag ginhingalanansia niya nga Rehobot,‡ "kay," polong nila, "karon si Iehoba naghatag sing kalaparan kag magamuluad kita sa duta."

23 Kag nagtaklad sia gikan didto pa Beer-seba.

24 Kag nagpahayag sa iya si Iehoba sadto nga gab-i, kag nagsiling: "Ako amo ang Dios ni Abraham, nga imo amay; dili ka mahadluk, kay magaupud ako sa imo kag pagahimaayohon ko ikaw, kag pagapadamuon ko ang imo kaliwatan tungud sa paghigugma kay Abraham nga ikon alagad.

25 Kag si Isaak nagpatindug didto sing isa ka halaran, kag gintawag niya ang ngalan ni Iehoba, kag pinatindug niya didto ang iya layanglayang; kag ang mga alagad ni Isaak nagkutkut didto sing isa ka bobon.

26 Kag si Abimelek nag-abut sa iya kutub sa Gerar, upu l si Ahusat, nga iya abyan, kag si Pikol, pangolo sang iya kasoldadosan;

27 Kag nagsiling sa ila si Isaak: "Kay nga-a bala nagkalari kamo sa ikon, kay ginadumtan ninyo ako, kag ginobol ninyo ako sa tungâ ninyo?"

28 Kag sila nagsalabat: "Nakita namon nga si Iehoba yara upud sa imo; kag nagsiling kami: May panumpa kunta karon sa tungâ naton, sa amon kag sa imo, kag magapakigkatipan kami sa imo.

29 Panaad-ka nga indi mo kami paghimoan sing malain, siling nga kami

walâ magtandug sa imo, kag lamang ginhimoan ka namon sing maayo, kag ginpalakat ka namon sa paghidaet. Ikaw karon ginapakamaayo ni Iehoba."

30 Niyan sia naghimo sing kasadyahan sa ila, kag nagkalaon, kag nagilinum sila.

31 Kag nagbalangon sila sa kaagahon, kag nagsulumpa ang isa sa isa; kag si Isaak nagpalanamilit sa ila, kag sila nagtalaliwan sa iya sa paghidaet.

32 Kag sa sadtong adlaw nahanabu, nga nag-alabut ang mga sologoon ni Isaak, kag nagbalalita sa iya nahanungud sang bobon, nga ginkutkutan nila, kag nagsiling sa iya: "Ang tubig nakita namon."

23 Kag ginhingalanan niya ini nga Seba;\* bangud sini ang ngalan sadto nga banwa among Beer-seba tubtub sining adlaw.

34 Kag sang si Esau nagaedad sing kap-atan ka tuig, nagpangasawa sia kay Iudit, anak nga babae ni Beerî nga Hetinhon, kag kay Basemat, anak nga babae ni Elon nga Hetinhon;

35 Kag nanginkapaitan sila sa espiritu ni Isaak kag ni Rebeka.

Si Iakob ginpakamaayo sa baylo ni Esau.

**27** KAG nahanabu nga, sang natigulang na si Isaak, kag ang iya mga mata nagdululum, nga walâ na sing itululuk, gintawag niya si Esau, anak niya nga magulang kag nagsiling sa iya: "Anak ko;" kag sia nagsabat: "Yari ako."

2 Kag sia nagsiling: "Yari karon tigulang na ako, walâ ako makahibalo sang adlaw sang ikon kamatayon.

3 Busa, kuhaa karon ang imo mga hinangiban, ang imo baslayan kag ang imo pana, kag gowa-ka sa latagon, kag pangayami ako.

4 Kag buhati ako sing isa ka linuto, subung nga ginapakanamit ko, kag dalha sia diri sa ikon, kag pagakaanon ko, agud nga pagpakamaayoon ka sang ikon kalâg, sa walâ pa ako mamatay."

5 Kag si Rebeka nagapamati, sang naghambal si Isaak kay Esau nga iya anak. Kag nagkadto si Esau sa latagon sa pagpangayam sang iya pagadalhon diri.

\* Esek, pagkasuay.

† Sitna, bangig.

‡ Rehobot, kalaparan.

\* Seba, pito, kon sumpa.



6 Niyan si Rebeka naghambal kay Iakob nga iya anak, nga nagsiling: "Yari karon, nabatian ko sa imo amay, nga nagahambal kay Esau, nga imo utud, nga nagsiling:

7 Dalhi ako sing pinangayaman, kag himoi ako sing isa ka linuto, agud nga magkaon ako kag magpakamaayo ako sa imo sa atubangan ni Iehoba, sa walâ pa ako mamatay.

8 Busa karon, anak ko, tumana ang akon tingug nahamungud sang ginasogo ko sa imo:

9 Kadto-ka karon sa kahayupan, kag dalhi ako diri sing duha ka maayo nga tinday sang mga kanding, kag sa ila magahimo ako sing ikaon nga sa imo amay, sono sang iya luyag.

10 Kag ikaw magadalâ sa ila sa imo amay, kag magakaon sia, agud nga pagapakamaayoon ikaw niya, sa walâ pa sia mamatay."

11 Kag si Iakob nagsiling kay Rebeka, nga iya ilôy: "Yari karon, si Esau nga akon utud, tawo sia nga bulbulon, kag ako bulog.

12 Ayhan pagahikapon ako sang akon amay, kag kabigon niya ako nga malimbongon, kag pagapakarion niya sa ibabaw nakon ang paghimaut kag indi ang pagpakamaayo."

13 Kag ang iya ilôy nagsabat: "Anak ko, sa ibabaw nakon ang paghimaut sa imo: lamang magtuman-ka sang akon tingug, kag lakat-ka, kag dalha sila diri sa akon."

14 Niyan sia naglakat kag nagkuha sia sa ila, kag gindala niya sila sa iya ilôy; kag ang iya ilôy naghimo sing mga linuto, sono sang naluyagan sang iya amay.

15 Kag ginkuha ni Rebeka ang mga panapton ni Esau, nga iya anak nga magulang, ang mga malahalón nga yara sa baláy, kag ginsuklub niya ini kay Iakob, nga iya anak nga manghud.

16 Kag ginsuklub niya sa iya mga kamut kag sa iya tangkugo, diin walâ sia sing bulbul, ang mga panit sang mga tinday sang mga kanding;

17 Kag gintugyan niya ang mga linuto kag ang tinapay, nga ginhimos niya, sa kamut ni Iakob nga iya anak.

18 Kag sia nagkadto sa iya amay, kag nagsiling: "Amay ko." Kag sia nagsabat: "Yari ako, ¿sin-o ka bala, anak ko?"

19 Kag si Iakob nagsiling sa iya amay: "Ako amo si Esau, nga imo panganay; ginhimo ko sono sang ginsiling mo sa akon: tindug-ka karon, kag lingkod-ka, kag kaon-ka sang akon pinangayaman, agud nga pagapakamaayoon ako sang imo kalâg."

20 Niyan nagsiling si Isaak sa iya anak: "¿Paano bala nga nakita mo ini sing tuman kadali, anak ko?" Kag sia nagsabat: "Kay si Iehoba nga imo Dios naghimo, nga ini nagsugata sa atubangan nakon."

21 Kag si Isaak nagsiling kay Iakob: "Palapit-ka karon, kag pagahikapon ko ikaw, anak ko, sa pagsayud kon ikaw akon anak nga si Esau, kon indi."

22 Kag nagpalapit si Iakob sa iya amay nga si Isaak; kag ginhikap niya sia, kag nagsiling: "Ang tingug among tingug ni Iakob, apang ang mga kamut, mga kamut ni Esau."

23 Kag walâ niya makilala sia, kay ang iya mga kamut nga bulbulon subung sang mga kamut ni Esau, kag ginpakamaayo niya sia.

24 Kag nagsiling isa: "¿Amo bala ikaw ang anak ko nga si Esau?" Kag sia nagsabat: "Amo ako."

25 Kag nagsiling sia: "Ipalapit sia sa akon, kag magakaon ako sing pinangayaman sang akon anak, agud nga pagpakamaayohon ka sang akon kalâg." Kag ginpalapit sia niya sa iya, kag nagkaon sia. Gindalhan man niya sia sing alak, kag nagingum sia.

26 Kag nagsiling sa iya si Isaak nga iya amay: "Palapit ka karon, kag haluki ako, anak ko."

27 Kag sia nagpalapit, kag ginhalukan niya sia; kag napaninghutan ni Isaak ang baho sang iya mga panapton, kag ginpakamaayo niya sia, kag nagsiling sia:

"Yari karon, ang baho sang akon anak,

Subung sang baho sang latagon nga ginpakamaayo ni Iehoba:

28 Busa, ang Dios maghatag sa imo sang tun-ug sang langit,

Kag sang mga tambok sang duta, Kag kabugana sang trigo kag sang lab-as nga alak.

29 Mag-alalagad sa imo ang mga banwa,

Kag ang mga katawohan maglayaub sa imo.

Manginginoo ka sa imo mġa útud, Kag maglayaub sa imo ang mġa anak sang imo ilóy.

Magmanġinmalauton ang mġa maghimalaut sa imo,

Kag pakamaayohon ang mġa nagapakamaayo sa imo."

30 Kag nahanabu, sang nakatapus si Isaak sa pagpakamaayo kay Iakob, kag nġa lamang nakagowa si Iakob sa atubangan ni Isaak nġa iya amay, nġa si Esau nġa iya útud nag-abut gikan sa iya pangayaman.

31 Kag naghimo man sia sing linuto, kag gindalá niya ini sa iya amay, kag nagsiling sia sa iya: "Tindug-ka, amay ko, kag magkaon sang pinangayaman sang imo anak, agud nġa pagpakamaayohon ako sang imo kalág."

32 Niyan si Isaak nġa iya amay nagsiling sa iya: "¿Sin-o bala ikaw?" Kag sia nagsiling: "Ako amo ang imo anak, ang imo panganay, si Esau."

33 Kag ginkugmat si Isaak sa daku nġa kakugmat kag nagsiling sia: "¿Sino bala ang nag-abut diri, nġa may pinangayaman, kag nġa nagdalá sa akon, kag nagkaon ako sang tanan, sa walá pa ikaw mag-abut? Kag nagpakamaayo ako sa iya, kag pagapakamaayohon sia."

34 Sang pagkabati ni Esau sang mġa polong sang iya amay, nagtuaw sia sa isa ka tuman ka daku kag tuman ka pait nġa panaghoy, kag nagsiling sia sa iya: "Pakamaayoha man ako, amay ko."

35 Kag sia nagsiling: "Nagkari ang imo útud nġa may limbong, kag ginkuha niya ang imo pagpakamaayo."

36 Kag sia nagsabat: "¿Indi bala sa matarung gid ginhiñgalanan sia nġa si Iakob? Kay sa makaduha gintalusan niya ako: ginkuha niya ang akon pagkapanganay, kag yari karon, ginkuha niya ang akon pagpakamaayo." Kag nagsiling sia: "Walá ka bala magtigana sing pagkamaayo nġa sa akon?"

37 Si Isaak nagsabat kag nagsiling kay Esau: "Yari karon, ginbutang ko sia nġa ginoo mo, kag ginhatag ko sa iya nġa mġa alagad ang tanan niya nġa mġa útud: ginsakdag ko sia sang trigo kag sang lab-as nġa alak. Busa, ¿ano bala karon ang pagahimoon ko sa imo, anak ko?"

38 Kag si Esau nagsabat sa iya amay:

"¿Walá ka na gid bala sing isa lamang ka pagkamaayo, amay ko? Pakamaayoha man ako, amay ko." Kag ginbuhian ni Esau ang iya tingug, kag naghibi.

39 Niyan si Isaak nġa iya amay naghambal, kag nagsiling sa iya:

"Yari karon, manġinimo puluy-an sa *malayô* sang mġa tambok sang duta,

Kag sa tun-ug sang kalanġitan sa ibabaw;

40 Kag tungud sang imo hinganiban magakabuhi ka,

Kag sa imo útud magaalagad ka:

Kag mahanabu, kon ikaw magmanġingamhanan nġa pagabalion mo ang imo singkaw sa imo liog.

41 Kag gindumtan ni Esau si Iakob tungud sang pagpakamaayo, nġa ginpakamaayo sa iya sang iya amay, kag nagsiling sia sa iya tagiposoon: "Magaalabut ang mġa adlaw sa lalaw sang akon amay, kag pagapatyon ko si Iakob nġa akon útud.

42 Kag ginpanugid kay Rebeka ang mġa polong ni Esau, nġa iya anak nġa magulang; kag ginpakadtoan niya sia kag gintawag niya si Iakob, nġa iya anak nġa manghud, kag nagsiling sia sa iya: "Yari karon, si Esau nġa imo útud nagakalipay nahanungud sa imo sa *pagpanghunahuna* sa pagpatay sa imo.

43 Busa karon, anak ko, tumana ang akon tingug: tindug-ka, kag palagyo-ka nayon kay Laban, nġa akon útud, sa Haran;

44 Kag puyô-ka upud sa iya sing pila ka adlaw, tubtub nġa magugdaw ang kaakig sang imo útud:

45 Tubtub nġa magugdaw ang kaakig sang imo útud batok sa imo, kag magkalipat sia sang ginhimo mo sa iya: niyan pagapakadtoan ko kag pagapakarion ko ikaw gikan didto. ¿Kay nġa bala pagadumilian ako sa inyo nġa duha sa isa ka adlaw?"

46 Kag nagsiling si Rebeka kay Isaak: "Ginatakan ako sang akon kabuhi bangud sa mġa anak nġa babae ni Het. Kon si Iakob magpangasawa sa mġa anak nġa babae ni Het, subung sining sa ila, sang mġa anak nġa babae sining duta, ¿kay ano pa bala ang kapuslanan ko sang kabuhi?"



Ang damgo kag ang panaad ni Iakob sa Bethel.

**28** NIYAN gintawag ni Isaak si Iakob, kag ginpakamaayo niya sia, kag ginsogo niya sia, nga nagasiling: "Ayaw ka pagpangasawa sang mga anak nga babae ni Kanaan.

2 Tindug-ka, kadto-ka sa Padan-Aram, sa baláy ni Betuel, amay sang imo ilóy, kag pangasawa-ka didto sa mga anak nga babae ni Laban, útud sang imo ilóy.

3 Ang Dios nga Makagagahum sa ngatanan magapakamaayo sa imo, kag magapabunga sa imo, kag magapadamu sa imo, tubtub nga manginisa ikaw ka katilingban sang mga banwa.

4 Kag magahatag sia sa imo sang pagpakamaayo ni Abraham, kag sa imo kaliwatan upud sa imo, agud nga magapanubli ka sang duta sang imo nga pagdapon, nga ginhatag sang Dios kay Abraham."

5 Sa sini ginpadalá ni Isaak si Iakob, nga nagkadto sia sa Padan-Aram, kay Laban, anak ni Betuel, nga Araminhon, útud ni Rebeka, ilóy ni Iakob kag ni Esau.

6 Kag sang nakita ni Esau, nga ginpakamaayo ni Isaak si Iakob, kag nga ginpadalá niya sia sa Padan-Aram, sa pagpangasawa didto nga sa iya; kag nga, sang ginpakamaayo niya sia, ginsogo niya sia, nga nagasiling: "Ayaw ka pagpangasawa sa mga anak nga babae ni Kanaan;

7 Kag nga si Iakob nagtuman sa iya amay kag sa iya ilóy, kag nga nagpkadto sia sa Padan-Aram,

8 Niyan nakita ni Esau, nga ang mga anak nga babae ni Kanaan daw mga malain sa mga mata ni Isaak nga iya amay;

9 Kag nagkadto sia kay Ismael, kag nag-pangasawa kay Mahalat, anak nga babae ni Ismael, anak ni Abraham, utud nga babae ni Nebayot, walay labut sang iya iban nga mga asawa.

10 Kag naghalin si Iakob sa Beerseba, kag nagpakadto sa Haran.

11 Kag nakasapo sia sing isa ka duug, nga diin naghigda sia, kay natunud na ang adlaw; kag nagkuha sia sing isa sang mga bató sang duug, kag iya ginonlan kag naghigda sia sa sadto nga duug.

12 Kag nagdamgo sia; kag yari karon, ang isa ka hagdan nga nagatindug sa

duta, kag ang iya ukbung nagalambut sa langit; kag yari karon ang manugtunda sang Dios nagasalaka kag nagapalanaug sa iya.

13 Kag yari karon si Iehoba yadto sa ibabaw niya, nga nagasiling: "Ako si Iehoba, ang Dios ni Abraham, nga imo amay, kag ang Dios ni Isaak: ang duta nga imo ginahigdaan, sa imo igahatag ko sia kag sa imo kaliwatan.

14 Kag ang imo kaliwatan manginsubung sang yab-ok sang duta, kag magalapnag ka sa Katundan kag sa Sidlangan, kag sa Aminhan kag sa Bagatnan; kag sa imo kag sa imo kaliwatan pagapakamaayohon ang tanan nga mga panamaláy sang duta.

15 Kag yari karon, ako magaúpud sa imo, kag pagabantayan ko ikaw sa bisan diin nga imo pagakadtoan, kag pagapabalikon ko ikaw sa sini nga duta; kay indi ako magbiya sa imo tubtub nga matuman ko gid ang akon ginpanaad nahanungud sa imo."

16 Kag nagmata si Iakob sa iya kato-logon, kag nagsiling sia: "Sa pagkamatuud, si Iehoba yari sa sini nga duug, kag ako walá makahibalo."

17 Kag hinadlukan sia kag nagsiling: "Nga pagkamakahaladluk sini nga duug! Indi ini liwan nga butang, kondi baláy sang Dios, kag ini amo gid ang gawang sang langit."

18 Kag nagbangon si Iakob sang pagkaaga, kag kinuha niya ang bató nga iya ginonlan, kag pinatindug sia niya nga sa handumanan, kag binoboan niya sing lana sa ibabaw niya.

19 Kag ginhingalanan niya yadto nga duug nga Bethel;\* apang ang ngalan sadto nga banwa amo ang Lus.

20 Kag si Iakob naghimo sing isa ka panaad, nga nagasiling: "Kon magaúpud ang Dios sa akon, kag magbantay sa akon sa sini nga panlakatan, nga akon pagasugdan, kag kon maghatag sia sa akon sing tinapay nga pagkaonon kag panapton nga inugsuklub;

21 Kag kon magbalik ako sa paghidaet sa baláy sang akon Amay, si Iehoba manginakon Dios.

22 Kag ini nga bató, nga akon ginpatindug nga sa handumanan, manginbaláy sang Dios; kag sa tanan nga igahatag mo sa akon, sa pagkamatuud, ang

\* Bethel, baláy sang Dios.

bahin nga ikapulô pagapainon ko nga sa imo."

Si Iakob nagaalagad kay Laban, kag ginakasal sia kay Lea kag kay Rakel. May madamu sia nga mga anak kag nagtagiya sia sing dalagku nga mga pagkabutang.

**29** KAG ginpadayon ni Iakob ang iya dalanon, kag nagkadto sia sa duta sang mga anak sang Sidlangan.

2 KAG nagtulok sia, kag nakita niya ang isa ka bobon sa latagon; kag yari karon ang tatlo ka kabon nga mga obeha, nga nagaluluko malapit sa iya; kag sa sadtong bobon ginapainum nila ang mga kahayupan; kag may isa ka daku nga bató sa ibabaw sang bâbâ sang bobon.

3 KAG nagatilipon didto ang tanan nga mga kinabon, kag ginapaligid nila ang bató sa ibabaw sang bâbâ sang bobon, kag ginpainum nila ang mga obeha, kag ginuli nila ang bató sa bâbâ sang bobon sa iya dung.

4 KAG nagsiling sa ila si Iakob: "Mga útud ko, ¿tagadiin bala kamo?" KAG sila nagsalabat: "Taga-Haran kami."

5 KAG sia nagsiling sa ila: "¿Nakakilala bala kamo kay Laban, nga anak ni Nakor?" KAG sila nagsililing: "Hoo, kilala namon sia."

6 KAG sia nagsiling sa ila: "¿May paghidaet sia bala?" KAG sila nagbiling: "Paghidaet; kag yari karon si Rakel, nga iya anak nga babae, nagapakari upud sang iya kahayupan."

7 KAG sia nagsiling: "Yari karon ang adlaw daku pa; indi pa dag-on sa pagtipon sang kahayupan; paimnainyo ang mga obeha, kag lalakat-kamo sa pagpahalab sa ila."

8 KAG sila nagsalabat: "Indi kami sarang, tubtub nga magtilipon ang tanan nga mga kahayupan, kag magpaligid sang bató sa ibabaw sang bâbâ sang bobon, agud nga magpalainum kami sang mga obeha."

9 KAG sang nagahambal pa sia sa ila, si Rakel nag-abut upud ang mga obeha sang iya amay, kay sia manugbantay sang kahayupan.

10 KAG nahanabu nga, sang nakita ni Iakob si Rakel, anak nga babae ni Laban, útud sang iya ilóy, kag sa mga obeha ni Laban, ang útud sang iya ilóy, nagpalapit si Iakob, kag ginpaligid niya

ang bató sa ibabaw sang bâbâ sang bobon, kag ginpainum niya ang kahayupan ni Laban, nga útud sang iya ilóy.

11 KAG ginhalukan ni Iakob si Rakel, kag nagbuhi sang iya tingug kag naghibi.

12 KAG si Iakob nagpahayag kay Rakel, nga sia útud sang iya amay kag anak sia ni Rebeka; kag sia nagdalagan, kag nagbalita *sini* sa iya amay.

13 KAG nahanabu, sang pagkabati ni Laban sang mga balita nahanungud kay Iakob, anak sang iya útud nga babae, nga nagdalagan sia sa pagbaton sa iya; kag ginhakus niya sia, kag ginhalukan niya sia, kag gindala niya sia sa iya baláy. KAG si Iakob nagpanugid kay Laban sining tanan nga mga butang.

14 KAG si Laban nagsiling sa iya: "Sa pagkamatuud gid, tul-an ikaw sang akon tul-an kag unud nakon." KAG nagpuyô sia upud sa iya sing mga isa ka bulan.

15 NIYAN nagsiling si Laban kay Iakob: "Tungud kay ikaw akon útud, ¿magaalagad ka bala sa akon sa walay bayad? Ipahayag sa akon kon pila ang imo sohol."

16 KAG si Laban may duha ka anak nga babae: ang ngalan sang magulang amo si Lea, ang ngalan sang manghud, si Rakel.

17 KAG ang mga mata ni Lea mga maluya; apang si Rakel magayon sing bayhon kag matahum nga tan-awon.

18 KAG ginhigugma ni Iakob si Rakel, kag nagsiling sia: "Ako magaalagad sa imo sing pito ka tuig tungud kay Rakel, nga imo anak nga manghud."

19 KAG si Laban nagsabat: "Maayo pa nga pagihatag ko sia sa imo, sang ihatag ko sia sa iban nga tawo; puyô-ka sa akon."

20 Sa sini si Iakob nag-alagad tungud kay Rakel sing pito ka tuig, kag ginpakabung sila niya sing pila ka adlaw, kay ginhigugma niya sia.

21 KAG nagsiling si Iakob kay Laban: "Ihatag sa akon ang akon asawa, kay natuman na ang akon panag-on, agud magpuyô ako upud sa iya."

22 NIYAN gintipon ni Laban ang tanan nga mga lalaki sa sadto nga duug, kag naghimo sia sing kalipayan.

23 KAG nahanabu nga, sang pagkagabi, ginkuha niya si Lea nga iya anak nga



babae, kag gindalá niya sia; kag sia nagsulúd sa iya.

24 Kag ginhatag ni Laban ang iya alagad nga si Silpa nga sologoon sa iya anak nga si Lea.

25 Kag sang pagkaaga, yari karon, nga amo si Lea gali. Kag si *Iakob* nagsiling kay Laban: "¿Ano ini bala ang ginhimo mo sa akon? ¿Walâ ako bala mag-alagad sa imo tungud kay Raket? Busa, ¿kay nga bala ginlimbongan mo ako?"

26 Kag si Laban nagsabat: "Walâ paghimoa ang subung sini sa amon duug, nga ginahatag ang manghud nga úna sa magulang.

27 Bug-osa ang semana niya sini, kag pagaihatag ko man sa imo ang isa tungud sang pag-alagad, nga nahimo mo sa akon sa pito pa ka tuig."

28 Kag ginhimo ni *Iakob* ang subung sini, kag ginbug-os niya ang semana niya sadto: kag ginhatag niya sa iya nga asawa si Raket nga iya anak.

29 Kag ginhatag ni Laban si Bilha, nga iya sologoon, kay Raket, nga iya anak, nga sologoon.

30 Kag nagsulúd man sia kay Raket, kag ginhigugma man niya sia sing labi kay Lea; kag nag-alagad sia sa iya sing pito ka tuig.

31 Kag nakita ni *Iehoba*, nga si Lea ginadumtan, kag ginbuksan niya ang iya taguankan; apang si Raket baw-as sia.

32 Kag nagpanamkon si Lea, kag nag-anak sing isa ka anak nga lalaki, kag ginhingalanan niya sia nga si *Ruben*,\* kay nagsiling sia: "Kag gintulok ni *Iehoba* ang akon kalisdanan: ngani karon pagahiugmaon ako sang akon bana."

33 Kag nagpanamkon sia liwan, kag nag-anak sia sing isa ka anak nga lalaki, kag nagsiling sia: "Tungud kay nag-pamati si *Iehoba*, nga ako gindumtan, ginhatagan niya ako man sini." Kag ginhingalanan niya sia nga si *Simeon*.†

34 Kag nagpanamkon sia liwan, kag nag-anak sia sing isa ka anak nga lalaki, kag nagsiling: "Karon sa sini magatingub sa akon ang akon bana, kay ginpanangkan ko sia sing tatlo ka

anak;" ngani ginhingalanan sia nga si *Lebi*.\*

35 Kag nagpanamkon sia liwan, kag nag-anak sia sing isa ka anak nga lalaki kag nagsiling sia: "Sa sini pagadayawon ko si *Iehoba*;" tungud sini ginhingalanan niya sia nga si *Iuda*.† Kag nagdulog sia sa pagpananganak.

**30** KAG sang nakita ni Raket, nga sia walâ magapanganak kay *Iakob*, naghisa sia sa iya útud nga babae, kag nagsiling kay *Iakob*: "Hatagi ako sing mga anak, kag kon indi mamatay ako."

2 Kag si *Iakob* nagapangakig batok Raket, kag nagsiling: "¿Ako bala sa baylo sang Dios, nga nagpugung sa imo sang bunga sang imo tian?"

3 Kag sia nagsiling: "Yari karon ang akon alagad ni si Bilha; sulúd-ka sa iya, kag magaanak sia sa ibabaw sang akon mga tuhod, kag ako man may mga anak sa iya."

4 Kag ginhatag niya si Bilha nga iya alagad nga asawa, kag si *Iakob* nagsulúd sa iya.

5 Kag nagpanamkon si Bilha, kag nag-anak kay *Iakob* sing isa ka anak nga lalaki.

6 Kag nagsiling si Raket: "Ginhukman ako sang Dios kag ginpamatian man niya ang akon tingug, kag ginhatagan niya ako sing isa ka anak nga lalaki." Ngani ginhingalanan niya sia nga si *Dan*.‡

7 Kag nagpanamkon liwan si Bilha, ang alagad ni Raket, kag nag-anak sia sang ikaduha ka anak kay *Iakob*.

8 Kag nagsiling si Raket: "Sa mga pagdumug sang Dios nakigsuay ako batok sa akon útud nga babae, kag nagdaug ako." Kag ginhingalanan niya sia nga si *Neptali*.§

9 Kag sang nakita ni Lea, nga naguntat sia sa pag-anak, ginkuha niya si Silpa, nga iya alagad, kag ginhatag niya sia kay *Iakob* nga asawa.

10 Kag si Silpa, nga alagad ni Lea, nag-anak kay *Iakob* sing isa ka anak nga lalaki.

11 Kag nagsiling si Lea: "Nag-abut

\* *Lebi*, pagatapik.

† *Iuda*, pagpasalamat.

‡ *Dan*, hukom.

§ *Neptali*, ang akon pakigdumug.

\* *Ruben*, yari karon ang isa ka anak.

† *Simeon*, pangamuyo nga pinamatian.

ang kapalaran," kag ginhingalanan niya sia nga si Gad.\*

12 Kag si Silpa, nga alagad ni Lea, nag-anak sing isa pa ka anak kay Iakob.

13 Kag nagsiling si Lea: "Nga sa akon kabulahanan; kay ang mga babae magasiling sa akon nga bulahan." kag ginhingalanan niya sia nga si Aser.†

14 Kag naghalin si Ruben sa panag-on sang ani sang mga trigo; kag nakakita sia sing mga mandragora sa latagon, kag gindala niya sila kay Lea nga iya iloy. Kag nagsiling si Rachel kay Lea: "Ginaampo ko sa imo, nga hatagan mo ako sang mga mandragora sang imo anak."

15 Kag sia nagsabat: "¿Diyotay pa bala nga butang ang akon bana nga ginkuha mo, nga pagkuhaon pa man nimo ang mga mandragora sang akon anak?" Kag nagsiling si Rachel: "Maayo man nga magatolog sia upud sa imo sini nga gab-i tungud sang mga mandragora sang imo anak."

16 Kag sang si Iakob nagpauli gikan sa latagon sa kahaponon, nagkowa si Lea sa iya kag nagsiling: "Sa akon magasulud ka, kay, sa pagkamatuud, ginhinakayan ko ikaw tungud sa mga mandragora sang akon anak." Kag nagtulog sia upud sa iya sadto nga gab-i.

17 Kag ginpamatian sang Dios si Lea; kag nagpanamkon sia kag nag-anak kay Iakob sang ikalima ka anak.

18 Kag nagsiling si Lea: "Ang Dios naghatag sa akon sang akon balus, tungud kay ginhalad ko ang akon alagad sa akon bana." Tungud sini ginhingalanan niya sia nga si Isakar.‡

19 Kag nagpanamkon liwan si Lea, kag nag-anak kay Iakob sang ikan-um nga anak.

20 Kag nagsiling si Lea: "Ang Dios naghatag sa akon sing isa ka maayo nga hatag. Karon magapuyod upud sa akon ang akon bana, kay ginpangan-kan ko sia sing anum ka anak." Kag ginhingalanan niya sia nga si Sabulon.§

21 Kag sang olehe nag-anak sia sing isa ka anak nga babae, kag ginhingalanan niya sia nga si Dina.

22 Kag nakadumdum ang Dios kay

Rakel, kag gimpamatian sia sang Dios, kag ginbuksan niya ang iya taguankan.

23 Kag nagpanamkon kag nag-anak sia sing isa ka anak nga lalaki; kag nagsiling sia: "Ginkuha sang Dios ang akon pasipala."

24 Kag ginhingalanan niya sia nga si Iose,\* nga nagsiling: "Dugangi ako, Iehoba, sing isa pa ka batâ."

25 Kag nahanabu nga, sang si Rakel nakaanak lang kay Iose, nga si Iakob nagsiling kay Laban: "Papaulia ako, kay magakadto ako sa akon duug kag sa akon duta."

26 Ihatag sa akon ang akon mga asawa kag ang akon mga anak, nga tungud sa ila nag-alagad ako sa imo, kag palakta ako; kay ikaw nakahibalo sang mga pag-alagadan, nga ginhimo ko sa imo."

27 Kag si Laban nagsabat sa iya: "Nakakita ako unta karon sing bugay sa imo mga mata, kag *pabilin-ka*; kay napaktan ko, nga si Iehoba nagpaka-maayo sa akon bangud sa imo."

28 Kag nagsiling sia: "Itapat sa akon ang imo sohol, nga ako magahatag sini."

29 Kag sia nagsabat: "Ikaw nakahibalo kon paano nga gin-alagad ko ikaw, kag kon ano nga naninginamo sa akon ang imo kahayupan."

30 Kay diyotay ang imo sang walâ pa ako mag-abut, kag nagdamu ini sing tuman gid, kag si Iehoba nagpakama-ayo sa imo sa akon pag-abut. Kag karon, ¿san-o pa bala magapanagabudlay man ako tungud sa akon kaugalingon nga baláy?"

31 Kag sia nagsiling: "¿Ano bala ang pagaihatag ko sa imo?" Kag nagsabat si Iakob: "Walâ ka gid sing pagaihatag sa akon. Kon pagbuhaton mo kunta tungud sa akon ini, magabalik ako sa pagpahalab sang imo mga obeha:

32 Magaagi ako karon sa tungâ sang tanan nimo nga mga obeha, nga nagapain ang tanan nga mga binilog nga may turukturuk kag may kambang, kag sang tanan nga binilog nga maitum sa tungâ sang mga obeha, kag sang may mga turuturuk kag may kambang sa tungâ sang mga kanding, kag ini manginakon sohol.

\* Gad, pagkapalaran.

† Aser, bulahan.

‡ Isakar, sohol.

§ Sabulon, puluy-an.

\* Iose, nga magdugang.



33 Sa sini magasabat tungud sa akon ang akon katarungan kutub sa buwas, kon magkari ikaw sa pagtan-aw sang akon sohol: Ang tanan nga walâ sing turuk-turuk kag kambang sa tunga sang mga kanding kon maitum sa mga obeha upud sa akon, pagakabigon nga kinawat."

34 Kag nagsiling si Laban: "Tuluka, kabay pa magmaninginsono sang imo ginasingling."

35 Kag ginpain niya sadtong adlaw ang mga lalaki nga kanding nga napangudlitan kag ang mga kambang, kag ang tanan nga mga kanding nga bakia nga napaurukturukan kag ang mga kambang, ang tanan nga may pintok nga maputi, kag ang tanan nga maitum sa tunga sang mga obeha, kag ginhatag niya sila sa mga kamut sang iya mga anak.

36 Kag ginbutangan niya sing *kalayô* nga tatlo ka adlaw nga lakton sa tunga niya kag ni Iakob; kag si Iakob nagpahalab sang mga obeha ni Laban.

37 Kag nagkuha si Iakob sing mga bugsok nga hilaw sang alamo, kag sang abelyana, kag sang platano, kag ginluknitang niya sila sa binadlitbadlit, nga nagdayag ang maputi sang mga bugsok.

38 Kag ginbutang niya ang mga bugsok, nga iya ginluknitang, sa atubangan sang kahayupan sa mga toluphan sang tubig sa mga palaimnan, diin nagakaladto sa paginum ang mga obeha; kag naglilinit sila kon mag-alabut sa paginum.

39 Kag nagpalanamkon ang mga obeha sa atubangan sang mga bugsok, kag ang kahayupan nag-alanak sing mga binadlitang, sing mga kambang kag mga tinurukturukan.

40 Kag ginpain ni Iakob ang iya mga kordero kag ginbutang niya ang mga obeha sa atubangan sang mga binadlitang, kag sang tanan nga mga maitum sa kinabon ni Laban; kag ginbutang niya ang mga kinabon sing pain nga sa iya kaugalingon, kag walâ niya ginasingpon sa mga obeha ni Laban.

41 Kag nagkahanabu nga, sa makapila nagapalainit ang mga mabakud nga hayup, ginabutang ni Iakob ang mga bugsok sa atubangan sang mga obeha sa toluphan sang tubig, agud nga magpalanamkon sila sa atubangan sang mga bugsok.

42 Apang kon mag-alabut ang mga hayup nga maluya, walâ niya sila pag-

butang; sa bagay nga ang mga maluya manginiya ni Laban, kag ang mga mabakud iya ni Iakob.

43 Kag nagdaku sing tuman gid ining lalaki, kag may madamu sia nga mga obeha, kag mga alagad nga babae, kag mga alagad nga lalaki, kag mga kamelyo kag mga asno.

Pagpalagyo ni Iakob kag ang iya pagpakigkatipan kay Laban.

**31** KAG ginpamatian ni Iakob ang mga polong sang mga anak nga lalaki ni Laban, nga nagasililing: "Ginkuha ni Iakob ang tanan nga iya sang amon amay; kag sa iya sang amon amay nahimo niya ining tanan nga mangad."

2 Gintulok man ni Iakob ang nawung ni Laban, kag gintan-aw niya nga indi na amo nga sa iya subung sang kahapon kag sang isa kahapon:

3 Si Iehoba man nagsiling kay Iakob: "Balik-ka sa duta sang imo mga ginikangnan, kag sa imo kahimataan, nga ako manginupud nimo."

4 Kag ginpakadtoan ni Iakob, kag gintawag niya si Raket kag si Lea sa latagon sa iya mga obeha.

5 Kag nagsiling sia sa ila: "Ginatan-aw ko, nga ang nawung sang inyo amay indi na amo sa akon subung kahapon kag sang isa kahapon; apang ang Dios sang akon amay manginupud nakon.

6 Kag kamo nakahibalo, nga sa akon bug-os nga mga kusug gin-alagad ko sa inyo amay.

7 Kag ang inyo amay naglahug sa akon kag ginilisan niya ang sohol sa makapulô, apang ang Dios walâ magtugut, nga maghimo sia sa akon sang malain.

8 Kon sia nagsiling sing subung sini: Ang mga kambang manginimo sohol. niyan ang tanan nga mga obeha nag-alanak sing mga kambang; kag kon nagsiling sia sing subung sini: ang mga kinudlitang manginimo sohol, niyan ang mga obeha nag-alanak sing mga kinudlitang.

9 Sa sini ginkuha sang Dios ang kahayupan sang inyo amay, kag ginhatag niya ini sa akon.

10 Kag nahanabu, sang panag-on nga ang mga obeha nagapalainit, nga ginbayaw ko ang akon mga mata, kag na-

kakita ako sa mga damgo, kag yari karon ang mga lalaki nga nagatalakba sa mga bakia, mga binadlitan sila, mga kambang kag mga tinurukturukan.

11 Kag nagsiling sa akon ang manug-tunda sang Dios sa damgo: Iakob; kag ako nagsiling: Yari ako.

12 Kag sia nagsiling: Bayawa karon ang imo mga mata, kag makita mo ang tanan nga mga lalaki nga nagatalakba sa mga obeha, mga kinudlitan sila mga kambang kag mga tinurukturukan; kay nakita ko ang tanan nga ginhimo sa imo ni Laban.

13 Ako amo ang Dios sa Bethel, diin ginhaplas mo ang isa ka handumanan kag diin naghimo ka sa akon sing isa ka saad. Tindug-ka karon, kag gowa-ka sa sini nga duta kag balik-ka sa duta nga imo natawohan."

14 Kag nagsabat si Rakel kag si Lea, kag nagsililing sa iya: "¿May bahin pa bala kami kay panublion sa baláy sang amon amay?"

15 ¿Walá bala niya kami pagkabiga subung nga mga dumuluong, kay ginbaligya niya kami, kag ginkaon pa niya, hoo, ginkaon niya ang amon bili?

16 Kag ang tanan nga mangad nga ginkuha sang Dios sa amon amay, amon sia kag iya sang amon mga anak. Busa karon, himoa ang tanan nga ginsiling sa imo sang Dios."

17 Niyan nagtindug si Iakob, kag ginpasakay niya ang iya mga anak kag ang iya mga asawa sa ibabaw sang mga kamelyo;

18 Kag ginpalakat niya ang bug-os niya nga kahayupan, kag ang bug-os niya nga pagkabutang nga naangkon, ang kahayupan nga iya nakita, nga iya natipon sa Padan-Aram, sa pagbalik kay Isaak, nga iya amay, sa duta sa Kanaan.

19 Kag si Laban nagkadto sa pag-alot sang iya mga obeha; kag ginkawat ni Rakel ang mga diosdios sang iya amay.

20 Kag ginlimbongan ni Iakob ang tagiposoon ni Laban, nga Araminhon, sa indi pagpahibalo sa iya nga sia magapalagyo.

21 Busa nagpalagyo sia patí ang tanan nga iya; kag nagtindug sia kag nagtabok sang subá, kag gin-atubang niya ang bukid sa Galaad.

22 Kag ginsugid kay Laban sa ikatlo

ka adlaw, nga kon paano si Iakob nagpalagyo.

23 Niyan gindala niya ang iya mga útud nga lalaki upud sa iya, kag nagsunud sia sa iya sa dalan sing pito ka adlaw, kag nalambut niya sia sa bukid sa Galaad.

24 Kag nag-abut ang Dios kay Laban, nga Araminhon, sa mga damgo sadto nga gab-i, kag nagsiling sa iya: "Andam-ka nga indi ka maghambal kay Iakob bisan sa maayo, bisan sa malain."

25 Busa, nalambut ni Laban si Iakob, kag ini nagpahamtang sang iya layang-layang sa bukid. Kag si Laban nagbutang man *sang iya* upud sang iya mga útud nga lalaki, sa bukid sa Galaad.

26 Kag nagsiling si Laban kay Iakob: "¿Ano bala ang ginhimo mo, nga ginkawat mo sa akon ang tagiposoon kag gindala mo diri ang akon mga anak nga babae, subung nga mga bihag sa hingniban?"

27 ¿Kay nga bala nagpalagyo ka sa tago, kag ginkawat mo sa akon, kag walá mo ako pagpahibaloa, agud nga ako magpalakat sa imo nga may kasadya, kag may mga inambahan, may mga tambor kag may arpa?

28 Kag walá mo pa ako pagpahaluka sa akon mga anak nga lalaki kag sa akon mga anak nga babae. Karon naghimo ka sing biuang gid.

29 May gahum sa akon kamut sa paghimo sa inyo sing malain; apang ang Dios sang inyo amay naghambal sa akon kagab-i, nga nagasiling: Andam-ka nga indi ikaw maghambal kay Iakob bisan sa maayo, bisan sa malain.

30 Kag karon, tungud kay nagtapat ka sa paglakat, kag may handum ka sa baláy sang imo amay, ¿kay nga bala ginkawat mo ang akon mga dios?"

31 Kag si Iakob nagsabat, kag nagsiling kay Laban: "Kay ginhadlukan ako; busa nagsiling ako, nga ayahan pagakuhaon mo sa akon sa lugus ang imo mga anak nga babae.

32 Sa sadto, nga sa iya makita mo ang imo mga dios, ini sia indi magakabuhi: kilalaha sa atubangan sang amon mga útud ang yari sa akon nga imo kag kuhaa sia." Si Iakob walá makahibalo, nga ginkawat sila ni Rakel.

33 Kag nagsulud si Laban sa layang-layang ni Iakob, kag sa layanglayang



ni Lea, kag sa layanglayang sang duha ka solagoon nga babae, kag walâ niya sila makita. Kag naggowa sia sa layanglayang ni Lea, kag nagsulúd sa layanglayang ni Rakel.

34 Kag ginkuha ni Rakel ang mga diosdios, kag ginbutang niya sila sa hampilo sang isa ka kamelyo, kag naglingkod sia sa ibaaw nila; kag ginbaluskay ni Laban ang bug-os nga layanglayang, kag walâ niya makita sila.

35 Kag nagsiling sia sa iya amay: "Indi maakig ang akon ginoo, kay indi ako sarang makatindug sa atubangan nimo, kay yari ako sa kinabatasan sang mga babae." Kag sia nagpangita, apang walâ sila niya makita.

36. Niyan ni Iakob naakig, kag nakigsuay kay Laban, kag nagsabat si Iakob kag nagsiling kay Laban: "¿Ano bala nga kasal-anan ang akon? ¿Ano bala ang akon salâ, kay nga ginalagas mo ako sing tama ka singkal?"

37 Sang ginpamaluskay mo ang akon tanan nga mga galamiton, ¿ano bala ang nakit-an mo sang tanan nga mga gamit sang imo baláy? Ibutang ini diri sa atubangan sang akon mga útud kag sang imo mga útud man, kag magahulukom sila sa tungâ naton nga duha.

38 Ining duha ka púlô ka tuig nga ginpuyo ko sa imo, ang imo mga obeha kag ang imo mga kanding nga mas-nahologan, bisan ako nagkaon sang kordero sang imo mga obeha.

39 Ako walâ magdalâ sa imo sang inagaw sa mga mapintas nga sapat; ako nag-bayad sang nadula; ang kinawat sa adlaw subung sa gab-i, sa akon kamut ginapangita mo ini.

40 Sa adlaw ginupus ako sang init, kag sa gab-i sang hielô, kag ang katologon nagpalagyo sa akon mga mata.

41 Sa amo ini nagpuyô ako sing duha ka púlô ka tuig sa imo baláy: napúlô kag apat ka tuig gin-alagad ko sa imo tungud sang imo duha ka anak nga babae, kag anum ka tuig tungud sang imo kahayupan, kag ginilisan mo sing makapúlô ang akon sohol.

42 Kon ang Dios sang ako amay, ang Dios ni Abraham, kag ang kahadluk ni Isaak, walâ magúpud sa akon, sa pagkamatuud, pagapapaulion mo ako karon nga walay sulúd. Nakita sang Dios ang akon kalisdanan kag ang kinabud-

layan sang akon mga kamut, kag gin-sabdong ikaw niya kagab-i."

43 Kag nagsabat si Laban kag nagsiling kay Iakob: "Ang mga anak nga babae, ang mga anak ko sila nga babae, kag ang mga anak nga lalaki mga anak ko sila; kag ang mga obeha, mga obeha ko sila, kag ang tanan nga ginatan-aw mo akon sia. Kag ¿ano bala ang sarang ko mahimo karon sa sining akon mga anak nga babae, kon sa ila mga anak nga lalaki, nga gin-anak nila?"

44 Busa, kari-ka karon, kag magkatipan-kita, ako kag ikaw, kag manginpagkamatuud ini sa tungâ nakon kag sa tungâ nimo."

45 Niyan si Iakob nagkuha sing isa ka bató, kag ginpatindug niya sia nga handumanan.

46 Kag nagsiling si Iakob sa iya mga útud: "Kuluha-kamo sing mga bató." Kag nagkuluha sila sing mga bató kag naghilimo sila sing isa ka tumpok, kag nagkalaon sila didto sa ibabaw sadtong tinumpok.

47 Kag ginhingalanan ini ni Laban nga Iegar-sahaduta\*, kag ginhingalanan ini ni Iakob nga Galed.

48 Kay si Laban nagsiling: "Ini nga tinumpok among saksi karon sa tungâ nimo kag sa tungâ nakon," tungud sini ginhingalanan sia nga Galed;

49 Kag nga Misa† man, tungud kay nagsiling sia: "Maglantaw si Iehoba sa tungâ nakon kag sa tungâ nimo, kon malipdan ang isa sa isa.

50 Kon pagpakalisdan mo ang akon mga anak nga babae, kon magpangasawa ka sing iban nga babae walay labut sang akon mga anak nga babae, walay sin-o nga tawo nga yara upud sa aton; tuluka, ang Dios among saksi sa tungâ nakon kag sa tungâ nimo."

51 Nagsiling pa si Laban kay Iakob: "Yari karon ining tinumpok, yari karon ining handumanan, nga ginpatindug ko sa tungâ nakon kag sa tungâ nimo.

52 Magmanginsaksi ini nga tinumpok, kag manginsaksi ining handumanan, nga ako indi magligad sa sini nga tinumpok batok sa imo, bisan ikaw magaagi batok

\* *Iegar-sahaduta*, tinumpok sang pagpamatuud; *Galed*, tinumpok sang pagpamatuud.

† *Misa*, balantayan.

sa akon sa sini nga tinumpok, kag sa sini nga handumanan, nga sa malain.

53 Ang Dios ni Abraham, kag ang Dios ni Nakor, ang Dios sang ila mga ginikanan maghukom kunta sa tungâ naton. Kag si Iakob nagsumpa tungud sang kahadluk ni Isaak nga iya amay.

54 Niyan si Iakob naghalad sing isa ka halad sa bukid, kag gintawag niya ang iya mga útud sa pagkaon sing tinapay: kag nagkalaon sila sing tinapay, kag naghigda sila sadto nga gab-i sa bukid.

55 Kag nagtindug si Laban sang kaagahon, kag ginhalukan niya ang iya mga anak nga lalaki kag mga babae, kag ginpakamaayo niya sila; kag nagisol sia kag nagpauli sa iya duug.

Si Iakob nagapakigdumog sa manugtunda, nagapaguli kay Esau, kag nag-abut sia sa Sikem.

**32** KAG si Iakob nagpadayon sang iya paglakat, kag ginsugata sia sang mga manugtunda sang Dios.

2 Kag si Iakob nagsiling, sang pagkakita sa ila: "Dululugan ini sang Dios." Kag ginhingalanan niya yadto nga duug nga Mahanaim.\*

3 Kag si Iakob nagpadalá sing mga manugbalita sa una niya kay Esau nga iya útud sa duta sa Seir, sa mga latagon sang Edom.

4 Kag nagsogo sia sa ila, nga nagasiling: "Amo ining pagaisiling ninyo sa akon ginoo nga si Esau: Amo ining ginsiling sang imo alagad nga si Iakob: upud ni Laban nagpanlugayaw ako, kag nadugay ako didto tubtub karon.

5 Kag may mga kabakahan ako, kag mga asno, kag mga obeha, kag mga alagad nga mga lalaki kag mga babae; kag nagpadalá ako sa pagsiling sini sa akon ginoo, agud makakita ako sing bugay sa iya mga mata."

6 Kag ang mga manugbalita nagbala-lik kay Iakob, nga nagasililing: "Nakadangat kami sa imo útud nga si Esau, kag subung man sia nagapakari sa pagsugata sa imo, kag apat ka gatus ka tawo kaupud niya."

7 Niyan si Iakob hinadlukan sing daku, kag nagkalisud sia, kag ginbahin-bahin niya ang mga tawo nga yara sa iya, kag ang mga obeha, kag ang mga kaba-

kahan, kag ang mga kamelyo sa duha ka bunghay.

8 Kag nagsiling sia: "Kon mag-abut si Esau sa isa ka bunghay kag iya pagpilon, ang mabilin nga bunghay makapalagyo."

9 Niyan nagsiling si Iakob: "Ang Dios sang akon amay nga si Abraham kag ang Dios sang akon amay nga si Isaak, si Iehoba, ikaw nga nagsiling sa akon: Balik-ka sa imo duta kag sa imo duta nga natawohan, kag ako magahimo sa imo sing maayo;

10 Indi ako takus sang tanan nga mga kalooy kag sang tanan nga kama-tooran, nga imo gingamit sa imo alagad: kay sa akon sungkod nagtabok ako sa sini nga Iordan, kag karon ako nanginduha ka bunghay.

11 Luwasa ako, ginaampo ko sa imo, sa kamut sang akon útud, sa kamut ni Esau; kay nahadluk ako sa iya, basi pa magkari sia, kag pilason niya ako, ang ilóy kaupud sang mga anak.

12 Kag ikaw gid nagsiling: Ako, sa pagkamatuud, magahimo sa imo sing maayo kag pagahimoon ko ang imo kaliwatan subung sang mga balas sang dagat, nga indi sarang maisip bangud sang kadamuon."

13 Kag naghigda sia didto sadto nga gab-i; kag nagkuha sia sang mga yara sa iya luyo sing isa ka hatag nga sa kay Esau nga iya útud:

14 Duha ka gatus ka kanding nga bakia kag duha ka púlô ka kanding nga lalaki; duha ka gatus ka obeha kag duha ka púlô ka karnero.

15 Katloan ka gatasan nga kamelyo patí ang ila mga tinday; kapat-an ka baka nga bakia kag napúlô ka baka nga lalaki; duha ka púlô ka asno nga bakia kag napúlô ka tinday.

16 Kag ila sila gintugyan sa mga kamut sang iya mga alagad, ang tagsa ka panung sa pahain, kag nagsiling sia sa iya mga alagad: "Paguna-kamo sa akon, kag nga ang isa ka panung ipahilayô ninyo sa isa ka panung."

17 Kag nagsogo sia sa nahauna, nga nagasiling: "Kon masugata ka ni Esau nga akon útud, kag pamangkoton ka niya, nga nagasiling: ¿Sa kay sin-o ka bala? kag ¿sa diin ka makadto? kag ¿sa kay sin-o bala inang ginadalá mo sa una nimo?

18 Niyan magasiling ka sa iya: Ha-

\* Mahanaim, duha ka dululugan.



tag ini sang imo alagad nga si Iakob, nga gindala niya sa akon ginoo nga si Esau; kag, yari karon, nga sia man nagasunud sa olehe namon."

19 Kag nagsogo man sia sa ikaduha, kag amo man sa ikatlo, kag subung man sa tanan nga nagasulunud sa olehe sang mga pinanung, nga nagasiling: "Sa sini man nga mga polongon pagaihambal ninyo kay Esau, kon masugata kamo niya."

20 Kag isiling man ninyo: Yari karon ang imo alagad nga si Iakob nagapakari sa olehe namon." Kay sia nagsiling: "Pagalugpayon ko ang iya kaakig tungud sang hatag, nga nagauna sa akon; kag sa tapus sini magatan-aw ako sang iya nawung, kag ayhan pagabatu-non niya ako sing maayo."

21 Ngani ang hatag naguna sa iya, apang sia naghigda sadtong gab-i sa dululugan.

22 Kag nagtindug sia sa sadto nga gab-i, kag kinuha niya ang iya duha ka asawa, kag ang iya duha ka sologoon nga babae, kag ang iya napulo kag isa ka anak, kag nagtabok sia sa tabukan sang labok.

23 Ngani kinuha sila niya, kag ginpatabok sila niya sa sapa, kag ginpatabok man niya ang tanan nga iya.

24 Kag nabilin lamang si Iakob, kag nakigdumog sa iya ang isa ka lalaki tuhtub sang magpamanagbanag.

25 Kag sang pagkakita niya, nga indi sia sarang makalandas sa iya, tinandug sia niya sa lupalutahan sang balikawang kag nagliw-as ang balikawang ni Iakob, sang sia nagadumog pa sa iya.

26 Kag nagsiling sia: "Buhii ako, kay nagapamanagbanag na." Apang nagsabat sa iya si Iakob: "Indi ta ikaw pagbuhian tuhtub nga imo ako pagpakamaayohon."

27 Kag sia namangkot sa iya: "¿Sin-o bala ang imo ngalan?" Kag nagsabat sia: "Ako si Iakob."

28 Ngani, nagsiling sia sa iya: "Indi ka na pagtawgon nga si Iakob, kondi si Israel; \* kay nakigdumog ka sa Dios kag sa mga tawo, kag naglandas ka."

29 Niyan namangkot si Iakob, nga nagsiling: "Ginaampo ko sa imo, nga ipahayag mo sa akon kon sin-o ang imo ngalan." Apang sia nagsabat: "¿Kay

nga bala nagapamangkot ka tungud sang akon ngalan?" Kag ginpakamaayo sia niya didto.

30 Kag ginhingalanan ni Iakob yadto nga duug nga Peniel\*, "kay," polong niya, "nakita ko ang Dios sa nawung kag nawung, kag naluwas ang akon kabuhi."

31 Kag sinubangan sia sang adlaw, sang sia nakaligad sa Peniel, kag nagsampayud sia.

32 Tungud sini ang mga inanak ni Israel wala magakalaon sang ugat sang balikawang nga yara sa lupalutahan sang balikawang tuhtub karon; kay sia nagtandug sang lupalutahan sang balikawang ni Iakob sa ugat sang balikawang.

**33** KAG sang binayaw ni Iakob ang iya mga mata, nagtulok sia, kag yari karon, nagpakari si Esau, kag upud sa iya ang apat ka gatus ka tawo. Niyan ginbahinbahin niya ang mga kabataan kay Lea, kay Rakel kag sa duha ka alagad nga babae.

2 Kag ginbutang niya ang mga alagad nga babae kag ang ila mga kabataan sa una; ugaling si Lea kag ang iya mga kabataan; kag si Rakel kag si Iose mga naolehe.

3 Kag sia naguna sa ila, kag nagaub sa duta sing makapito, tuhtub nga nagpalapit sia sa iya utud.

4 Kag si Esau nagdalagan sa pag-sugata sa iya, kag ginhakus niya sia, kag nagkapyot, sia sa iya liog, kag ginhakukan niya sia; kag naghilibi sila.

5 Kag ginbayaw niya ang iya mga mata, kag nakita niya ang mga babae kag ang mga kabataan, kag nagsiling sia: "¿Sanday sin-o bala ini sila upud sa imo?" Kag sia nagsabat: "Mga kabataan sila, nga ginhata sang Dios sa imo alagad."

6 Kag nagpalalapit ang mga alagad nga babae, sila kag ang ila mga anak kag naglayaub sila.

7 Kag si Lea man nagpalapit upud sang iya mga anak, kag naglayaub sila; kag sang olehe nagpalapit si Iose kag si Rakel, kag naglayaub man sila.

8 Kag si Esau nagsiling: "¿Anong ginahunahuna mo bala sa sining tanan nga pinanong, nga nasugata ko?" Kag

\* *Israel*, mandadaug sang Dios.

\* *Pe-niel*, nawung sang Dios.

sia nagsabat: "Sang pagpangita sang bugay sang akon ginoo."

9 Kag nagsiling si Esau: "Busug na ako sang akon, útud ko: magmangin sa imo ang imo."

10 Kag nagsiling si Iakob: "Indi, ginaampo ko sa imo; kon nakakita ako karon sing bugay sa imo mġa mata, batuna ang akon dolot sa akon kamut, kay tungud sini nakita ko ang imo nawung, subung nġa nakakita ako sang nawung sang Dios, kay ikaw nagpahamuut sa akon."

11 Batuna, ginaampo ko sa imo, ang akon dolot, nġa gindalá diri sa imo, kay ang Dios nagkaloooy sa akon, kay may akon ako sang tanan." Kag nakigpuyas sia sa iya, kag ginbaton niya sia.

12 Kag si Esau nagsiling: "Magtaliwan-kita kag maglalakat-kita kag ako magatupud sa imo."

13 Kag sia nagsiling sa iya: "Ang akon ginoo nakahibalo, nġa ang mġa kabataan mġa linghod pa, kag nġa may mġa obeha kag mġa baka ako nġa mġa gatasan; kag kon sakoon sila sa isa lamang ka adlaw, magakalamatay ang tanan nġa mġa obeha."

14 Magúna karon ang akon ginoo sa iya alagad, kag ako magalakat sing hinahinay sa tikang sang kahayupan, nġa nagaúna sa akon, kag sa tikang sang kabataan, tubtub nġa mag-abut ako sa akon ginoo, sa Seir."

15 Kag si Esau nagsiling: "Pagaibilin ko lamang sa imo ang tinawo, nġa nagaatupud sa akon." Kag sia nagsiling: "Ĝ Ano bala pa ang kinahanglan sini? Makakita kunta ako sing bugay sa mġa mata sang akon ginoo."

16 Sa sini nagbalik si Esau, sa sadto nġa adlaw, sa iya dalanon pa Seir.

17 Kag si Iakob nagpakadto sa Sukot. Kag nagpatindug didto sing baláy nġa sa iya, kag naghimo sing mġa palasudlan nġa sa iya kahayupan; ngani ginhingalan niya yadtong dung nġa Sukot.\*

18 Kag nag-abut si Iakob nġa may paghidaet sa banwa sa Sikem, nġa yara sa duta sa Kanaan, sang nagapakari sia gikan sa Padan-Aram, kag nagdulog sia sa atubangan sang banwa.

19 Kag ginbakal niya ang isa ka bahin sang latagon, sa diin ginhumlad niya ang iya layanglayang, sa kamut

sang mġa anak ni Hamor, amay ni Sikem, sa isa ka gatus ka panid nġa pilak.

20 Kag nagapatindug sia didto sing isa ka halaran, kag ginhingalanan niya sia nġa El-Elohe-Israel.\*

Si Dina kag ang mġa Sikemihon.

**34** KAG naggowa si Dina, ang anak nġa babae ni Lea, nġa ginpanganak ini sia niya kay Iakob, sa pagtanaw sa mġa anak nġa babae sang kadutaan.

2 Kag nakita sia ni Sikem, anak ni Hamor nġa Hebinhon, dunganon sa sadtong duta, kag ginkuha niya sia kag nagdulog sia sa iya, kag ginpapaubus sia niya.

3 Apang ang iya kalág nabuyok kay Dina, anak nġa babae ni Lea, kag nagkaluyag sia sa dalaga, kag ginhambal niya ang tagiposoon sang pamatan-on.

4 Kag naghambal si Sikem kay Hamor, nġa iya amay, nġa nagsiling: "Paasawi ako sini nġa dalaga."

5 Kag si Iakob nakabati, nġa gindagtaan si Dina nġa iya anak. Kag sang didto ang iya mġa anak nġa lalaki sa latagon upud sa iya kahayupan, naghipus si Iakob tubtub nġa mag-alabut sila.

6 Kag nagpaduiong si Hamor, amay ni Sikem, kay Iakob, sa paghambal sa iya.

7 Kag nag-alabut ang mġa anak ni Iakob gikan sa latagon, sang pagkahibalo nila sini; kag nagsulubo ang mġa lalaki, kag nagkalaakig sing daku, kay si Sikem naghimo sing isa ka pagkahuya sa Israel, nġa nagdulog sa anak nġa babae ni Iakob; nġa indi dapat paghimoon.

8 Kag si Hamor naghambal as ila, nġa nagsiling: "Ang kalág sang akon anak nġa si Sikem nabuyok sa inyo anak nġa babae; ginaampo ko sa imo, nġa ipaasawa ninyo sia sa iya."

9 Kag maginasawahay-kita; nġa ihatag ninyo sa amon ang inyo mġa anak nġa babae, kag kuluha-kamo sang sa amon.

10 Kag puluyô-kamo upud sa amon; kay ang duta yara sa atubangan ninyo; puluyô-kamo kag palangabuhikamo sa iya, kag talagiya-kamo sa iya."

\* El-Elohe-Israel, ang Dios amo ang Dios sa Israel.

\* Sukot, payagpayag.



11 Kag si Sikem man nagsiling sa amay kag sa mga útud ni Dina: "Nakakita ako kunta sing bugay sa inyo mga mata, kag magahatag ako sang pagaisiling ninyo sa akon;

12 Pangayoi-ninyo ako sang labing daku nga dolot kag hatag, nga ako magahatag sini, sono sang pagaisiling ninyo sa akon; kag pagipaasawa-ninyo sa akon ang dalaga."

13 Kag nagsalabat ang mga anak ni Iakob kay Sikem kag kay Hamor, nga iya amay, nga may limbong; kag naghalambal sila sing *subung sini*, tungud kay gindagtaan niya si Dina, nga ila útud.

14 Kag nagsililing sila sa ila: "Indi kami sarang makahimo sini sa paghatag sa amon útud nga babae sa tawo nga ditinuli, kay nga sa amon kalangil-aran ini.

15 Apang sa sini lamang nga kasug-tanan magahilisugot kita: nga magma-nginsubung kamo sa amon, nga magpatuli sa inyo ang tanan nga lalaki.

16 Niyan pagaihatag namon sa inyo ang amon mga anak nga babae, kag magakuluha kami sang sa inyo; kag magpuluyô kami upud sa inyo, kag magmanġinisa kita ka banwa.

17 Apang kon indi kamo magpalamati sa pagpatuli sa inyo, pagakuhaon namon ang amon anak nga babae, kag magalalakat kami."

18 Kag ang ila mga polong nanġin-mga maayo sa mga mata ni Hamor, kag ni Sikem, anak ni Hamor.

19 Kag walâ magpadugay ang pamatan-on sa paghimo sadto, kay ang anak nga babae ni Iakob nagpahamuut sa iya. Kag sia among labing dunganon sa bug-os nga baláy sang iya amay.

20 Niyan si Hamor kag si Sikem nga iya anak nagkaladto sa gawang sang ila banwa; kag ginhambal nila ang mga lalaki sang ila banwa, nga nagaisiling:

21 "Ining mga lalaki mga makidaiton sila sa aton, kag magapuluyô sila sa kadutaan, kag magapalangabuhi sila sa iya; busa, yari karon, ang duta tuman ka sangkad nga sa ila. Kita magapalangasawa sa ila mga anak nga babae, kag pagaihatag naton sa ila ang mga aton.

22 Lamang sa sini nga kasugtanan ining mga tawo magahisugot sa aton, agud nga magpuyô sila sa aton kag

magmanġinisa kita ka banwa, kon magapatuli sa aton ang tanan nga lalaki, subung nga sila gid mga tinuli.

23 Ang ila kahayupan kag ang ila pagkabutang, kag ang tanan nila nga mga kasapatan, ¿indi bala sila aton? Lamang maghilisugot kita sa ila, kag magapuluyô sila upud sa aton."

24 Kag nagtuluman kay Hamor kag kay Sikem, nga iya anak, ang tanan nga naggulowa sa banwa; kag gintuli nila ang tanan nga lalaki, ang tanan nga naggulowa sa gawang sang ila banwa.

25 Kag nahanabu, sang ikatlo ka adlaw sang nagabalatyagsila sang daku nga kasakit, nga ang duha ka anak ni Iakob, si Simeon kag si Lebi, mga útud nga lalaki ni Dina, nagkuluha ang tagsatagsa sang iya hinganiban, kag nagkaladto batok sa banwa nga maisug gid, kag ginpatay nila ang tanan nga mga lalaki.

26 Kag ginpatay man nila sa sulab sang hinganiban si Hamor kag si Sikem nga iya anak; kag ginkuha nila si Dina sa baláy ni Sikem, kag naggulowa sila.

27 Kag ang mga anak ni Iakob nagpalakadto sa mga patay, kag gin-ati nila ang banwa, tungud kay gindagtaan ang ila útud.

28 Kag ginkuha nila ang ila mga obeha, kag ang mga baka, kag ang ila mga asno, kag ang yara sa banwa kag sa latagon;

29 Kag gindalalá nila nga mga bihag kag gin-ati nila ang mga mangad, kag ang tanan nila nga mga kabataan, kag ang ila mga asawa, kag ang tanan nga yara sa mga baláy.

30 Niyan nagsiling si Iakob kay Simeon kag kay Lebi: "Ginagamo ninyo ako sa paghimo sa akon nga kalangil-aran sa mga pumuluyô sini nga duta, sa mga Kanaahon kag sa mga Peresinhon; tungud kay may diyotay lamang ako nga tawo, magtilingub sila batok sa akon, kag pagapilason nila ako, kag pagalaglagon nila ako kag ang akon baláy."

31 Kag sila nagsalabat: "¿Pagakabigon bala nila ang amon útud nga babae subung sang isa ka bigaon?"

Si Iakob sa Bethel.—Pagkapaty ni Raket kag ni Isaak.

**35** KAG nagsiling ang Dios kay Iakob: "Tindug-ka, taklad-ka sa Bethel, kag puyô-ka didto, kag himo-ka

didto sing isa ka halaran sa Dios, nga nagpahayag sa imo, sang nagapalagyo ka kay Esau nga imo útud.

2 Niyan si Iakob nagsiling sa iya panimaláy kag sa tanan nga mga yara upud sa iya: "Kuhaa-ninyo ang mga dios nga dumuluong nga yara sa tunḡa ninyo, kag palaninlo-kamo, kag ililis-kamo sang inyo mga panapton.

3 Kag magtilindug-kita, kag magtalaklad-kita sa Bethel; kag magahimo ako didto sing halaran sa Dios, nga nagsabat sa akon sa adlaw sang akon kalisdanan, kag nagúpud sa akon sa dalanon, nga ginlaktan ko."

4 Sa sini ginhatag nila kay Iakob ang tanan nga mga dios nga dumuluong, nga yara sa ila mga kamut, kag ang mga aritos nga yara sa ila mga dulungan; kag si Iakob nagtago sa ila sa idalum sang isa ka terebinto, nga yara sa luyo sang Sikem.

5 Kag nagtaliwan sila; kag ang kagmat sa Dios nanginsa ibabaw sang mga kabanwaanang nga yara sa palibot nila, kag walá nila paglagsa ang mga anak ni Iakob.

6 Kag nag-abut si Iakob sa Lus, nga yara sa duta sa Kanaan (ini among Bethel), sia kag ang bug-os nga banwa nga yara upud sa iya.

7 Kag nagpatindug sia didto sing isa ka halaran, kag ginhingalanan niya ang duug nga El-Bethel,\* kay didto nagpahayag sa iya ang Dios, sang sia nagpalagyo sa iya útud.

8 Niyan namatay si Debora, sisiwa ni Rebeka, kag ginlubung sia sa idalum sang Bethel, sa idalum sang terebinto; kag ginhingalanan niya sia nga Alon-Bakut.†

9 Kag nagpahayag liwan ang Dios kay Iakob, sang nagbalik sia sa Padan-Aram, kag ginpakamaayo sia niya.

10 Kag nagsiling sa iya ang Dios: "Ang imo ngalan amo si Iakob, indi na pagtawgon ang imo ngalan nga si Iakob, kondi si Israel manginimo ngalan," kag ginhingalanan niya sia nga si Israel.

11 Kag nagsiling sa iya ang Dios: "Amo ako ang Makagagahum nga Dios: magpamunga-ka kag pagdamu-ka; isa ka katawohan kag katilingban sang mga

katawohan magagikan sa imo, kag mga hari magagulowa sa imo mga hawak.

12 Kag ang duta, nga ginhatag kay Abraham kag kay Isaak, pagaihatag ko sa imo; kag sa imo kaliwatan sa olehe nimo pagaihatag ko ang duta."

13 Kag nagsaka ang Dios gikan sa iya, sa duug diin naghambal sia sa iya.

14 Kag si Iakob nagpatindug sing isa ka handumanan sa duug sa diin naghambal sia sa iya, isa ka handumanan nga bató, kag ginbôbô niya sa ibabaw niya ang halad nga ilimon, kag nagula sa ibabaw niya sang lana.

15 Kag ginhingalanan ni Iakob yadto nga duug, diin ang Dios naghambal sa iya, nga Bethel.

16 Kag nagtaliwan sila sa Bethel, kay may diyotay pa nga lalakton sa pag-abut sa Eprata, sang si Rakel nag-anak, kag maiwat ang iya pag-anak.

17 Kag nahanabu, nga subung may kaiwat sa iya pag-anak, nagsiling sa iya ang manughilot: "Indi ka mahadluk, nga ining anak manginimo man."

18 Kag nahanabu nga, sang paggowa sa iya sang kalág (kay namatay sia), ginhingalanan niya sia nga si Ben-oni\*; apang ginhingalan sia sang iya amay nga si Benyamin.†

19 Kag si Rakel namatay, kag ginlubung sia sa dalan sa Eprata (nga among Bethlehem).

20 Kag ginbutangan ni Iakob sing isa ka handumanan sa ibabaw sang iya lulubngan. Ini amo ang handumanan sang lulubngan ni Rakel tubtub karon.

21 Kag nagtaliwan si Israel, kag ginhumlad niya ang iya layanglayang sa pihak sang Migdal-eder.

22 Kag nahanabu, sang nagapuyô si Israel sa sadto nga duta, nga si Ruben nagkadto sa pagtolog upud kay Bilha, nga babae sang iya amay; nga nahibaloan ini ni Israel.

23 Buša karon, ang mga anak ni Israel nanginnapulô kag duha: ang mga anak ni Lea: si Ruben, ang panganay ni Iakob; ugaling si Simeon, si Lebi, si Iuda, si Isakar kag si Sabulon.

24 Ang mga anak ni Rakel: si Iose, kag si Benyamin.

25 Kag ang mga anak ni Bilha, alagad

\* *El-Bethel*, ang Dios sang Bethel.

† *Alon-Bakut*, alon kon terebinto sang paghibi.

\* *Ben-oni*, anak sang akon kasakit.

† *Benyamin*, anak sang kamut nga too.



nga babae ni Raket: si Dan kag si Napteli.

26 Kag ang mga anak ni Silpa, alagad nga babae ni Lea: si Gad kag si Aser. Ini sila nanġin mga anak ni Iakob, nga nagkalatawo sa iya sa Padan-Aram.

27 Kag nagkadto si Iakob kay Isaak, nga iya amay, sa Mamre, sa Kiriath-Arba (nga among Hebron), nga didto nagpanlugayaw si Abraham kag si Isaak.

28 Kag ang mga kaadlawan ni Isaak nanġinisa ka gatus kag kawaloan ka tuig.

29 Kag nagtinga si Isaak, kag namatay kag ginsimpon sia sa iya mga banwa, nga tigulang kag busug na sa pagkabuhi. Kag ginlubung sia ni Esau kag ni Iakob, nga iya mga anak.

Mga kaliwatan ni Esau.

**36** KAG ini sila among mga kaliwatan ni Esau (nga amo ang Edom):

2 Si Esau nagpangasawa sa mga anak nga babae ni Kanaan: kay Ada, anak nga babae ni Elon nga Hetinhon, kag kay Oholibama, anak nga babae ni Ana, anak nga babae ni Sibeon nga Hebinhon:

3 Kag kay Basemat, anak nga babae ni Ismael, nga utud nga babae ni Nebayot.

4 Kag si Ada nag-anak sa kay Esau kay Elipas, kag si Basemat nag-anak kay Rehuel;

5 Kag si Oholibama nag-anak kay Ieus, kay Ialam kag kay Kora. Ini sila among mga anak ni Esau, nga nagkalatawo sa duta sa Kanaan.

6 Kag ginkuha ni Esau ang iya mga asawa, kag ang iya mga anak nga lalaki kag babae, kag ang tanan nga mga tawo sa iya balay, kag ang iya mga kahayupan, kag ang tanan niya nga mga kasapatan kag ang bug-os niya nga pagkabutang, nga nakita niya sa duta sa Kanaan, kag nagkadto sia sa isa ka duta sa atubangan ni Iakob nga iya utud.

7 Kay ang pagkabutang nila daku, kag indi sila sarang makapuyô sing tingub, bisan ang duta sang ila pagdapon indi sarang makaalala sa ila, bangud sang ila mga kahayupan.

8 Kag si Esau nagpuyô sa bukid sa Seir; si Esau among Edom.

9 Yari karon ang mga kaliwatan ni Esau, amay ni Edom, sa bukid sa Seir.

10 Ini sila amo ang mga ngalan sang mga anak ni Esau: si Elipas, anak ni Ada, asawa ni Esau, si Rehuel, anak ni Basemat, asawa ni Esau.

11 Kag ang mga anak ni Elipas nanġin si Teman, si Omar, si Tsepo, si Gatam kag si Kenas.

12 Kag si Timna nanġinbabae ni Elipas, anak ni Esau, kag nag-anak sia sa iya kay Amalek. Ini sila among mga anak ni Ada, nga asawa ni Esau.

13 Kag ang mga anak ni Rehuel: si Nahat kag si Serak, si Sama kag si Misa. Ini sila among mga anak ni Basemat, asawa ni Esau.

14 Ini sila among mga anak ni Oholibama, nga asawa ni Esau, anak nga babae ni Ana, anak nga babae ni Tsi-beon: sia nag-anak sa kay Esau kay Ieus, kay Ialam kag kay Kora.

15 Ini sila among mga pangolo sang mga anak ni Esau: ang mga anak ni Elipas, panganay ni Esau: ang pangolo nga si Teman, ang pangolo nga si Omar, ang pangolo nga si Tsepo, ang pangolo nga si Kenas;

16 Ang pangolo nga si Kora, ang pangolo nga si Gatam kag ang pangolo nga si Amalek. Ini sila among mga pangolo sang *kaliwat* ni Elipas sa duta sa Edom. Ini sila mga anak ni Ada.

17 Kag ini sila among mga anak ni Rehuel, anak ni Esau: ang pangolo nga si Nahat, ang pangolo nga si Serak, ang pangolo nga si Sama kag ang pangolo nga si Misa. Ini sila among mga pangolo sang *kaliwat* ni Rehuel sa duta sa Edom. Ini sila among mga anak ni Basemat nga asawa ni Esau.

18 Kag ini sila among mga anak ni Oholibama, asawa ni Esau: Ang pangolo nga si Ieus, ang pangolo nga si Ialam, kag ang pangolo nga si Kora. Ini sila among mga pangolo sang *kaliwat* ni Oholibama, anak nga babae ni Ana, asawa ni Esau.

19 Yari karon ang mga anak ni Esau, kag ini sila ang ila mga pangolo. Ini among Edom.

20 Kag ini sila among mga anak ni Seir nga Horinhon, mga pumuluyô sa sadtong duta: si Lotan, si Sobal, si Tsebeon kag si Anai;

21 Si Dison, si Eser kag si Disan. Ini sila among mga pangolo sang mga Ho-

rinhon, mġa anak ni Seir, sa duta sa Edom.

22 Ang mġa anak ni Lotan amo : si Hori kag si Heman; kag si Timna among ūtud nġa babae ni Lotan.

23 Kag ini sila ang mġa anak ni Sobal : si Alban, si Manahat, si Ebal, si Sepo kag si Onam.

24 Ini sila ang mġa anak ni Sibeon : si Aia kag si Ana. Ini si Ana amo ang nakasapo sang mġa tuburan nġa mainit sa kahanayakan, sang ginapahalab niya ang mġa asno ni Tsibeon nġa iya amay.

25 Ang mġa anak ni Ana amo si Dison, kag si Oholibama, anak nġa babae ni Ana.

26 Ini sila mġa anak ni Dison : si Hemdan, si Esban, si Iitran kag si Keran.

27 Ini sila mġa anak ni Eser : si Bilhan, si Sahaban kag si Akan.

28 Ini sila mġa anak ni Dison : si Hus kag si Aran.

29 Ini sila among mġa pangŋlo sang mġa Horinhon : Ang pangŋlo nġa si Lolan, ang pangŋlo nġa si Sobal, ang pangŋlo nġa si Sibeon, kag ang pangŋlo nġa si Ana ;

30 Ang pangŋlo nġa si Dison, ang pangŋlo nġa si Eser, ang pangŋlo nġa si Disan. Ini sila among mġa pangŋlo sang mġa Horinhon, sono sang ila mġa pangŋlo, sa duta sa Seir.

31 Yari karon ang mġa hari nġa naghalari sa duta sa Edom, sa walā pa naghari ang hari sa ibabaw sang mġa anak ni Israel :

32 Si Bela, anak ni Beor, naghari sa Edom, kag ang nġalan sang iya banwa among Dinaba.

33 Kag namatay si Bela, kag naghari nġa salili niya si Iobab, anak ni Serak, sa Bosra.

34 Kag namatay si Iobab, kag naghari nġa salili niya si Husam, sa duta sang mġa Temaninhon.

35 Kag namatay si Husam, kag naghari nġa salili niya si Hadad, anak ni Badad, nġa nagpilas kay Madian sa latagon sa Moab, kag ang nġalan sang iya banwa among Abit.

36 Kag namatay si Hadad, kag naghari nġa salili niya si Samla, sa Masreka.

37 Kag namatay si Samla, kag naghari nġa salili niya si Saul, sa Rehobot sang subā.

38 Kag namatay si Saul, kag naghari nġa salili niya si Baal-Hanan, anak ni Akbor.

39 Kag namatay si Baal-Hanan, anak ni Akbor, kag naghari nġa salili niya si Hadar ; ang nġalan sang iya banwa among Pahu, kag ang nġalan sang iya asawa si Mehetabel, anak nġa babae ni Matred, anak nġa babae ni Mesahab.

40 Yari karon ang mġa nġalan sang mġa pangŋlo sang *kaliwat* ni Esau, sono sa ila mġa panimalāy, sono sang ila mġa duug, kag sa ila mġa nġalan : ang pangŋlo nġa si Timna, ang pangŋlo nġa si Alba, ang pangŋlo nġa si Ietet ;

41 Ang pangŋlo nġa si Oholibama, ang pangŋlo nġa si Ela, ang pangŋlo nġa si Pinon ;

42 Ang pangŋlo nġa si Kenas, ang pangŋlo nġa si Teman, ang pangŋlo nġa si Mibsar ;

43 Ang pangŋlo nġa si Magdiel kag ang pangŋlo nġa si Iram. Ini sila among mġa pangŋlo sa Edom, sono sa ila mġa puluy-an, sa duta sang ila mġa kaugalingon. Ini amo si Esau nġa amay sang mġa Edominhon.

Si Iose ginbaligya sang iya mġa utud.

**37** KAG nagpuyō si Iakob sa duta sa diin nagdapon ang iya amay, sa duta sang Kanaan.

2 Ini sila among mġa kaliwatan ni Iakob : si Iose, sang nagaedad sia sing napŋlō kag pito ka tuig, nagpahalab sia sang mġa obeha upud sa iya mġa ūtud ; lanubo sia upud sa mġa anak ni Bilha, kag sa mġa anak ni Silpa, mġa babae sang iya amay ; kag ginbalita ni Iose sa iya amay ang malain nġa kabantugan nila.

3 Kag ginhigugma ni Israel si Iose sing labi sa tanan niya nġa mġa anak, kay ginpanganak niya sa iya katigulangon : kag ginhimoan niya sia sing isa ka panapton sa lainlain nġa mġa duag.

4 Kag sang nakita sang iya ūtud, nġa ang ila amay nagahigugma sa iya labi sang tanan niya nġa mġa ūtud, ginadumtan nila sia, kag indi sila sarang makahambal sa iya sing makigdaiton.

5 Kag si Iose nagdamgo sing isa ka damgo, kag ginsugid niya ini sa iya mġa ūtud ; kag sila nagdulumut pa gid sa iya.

6 Kag sia nagsiling sa ila : “ Pamati-



kamo karon sini nga damgo, nga gin-damgo ko :

7 Yari karon, nga nagabulugkos kita sing mga linaylay sa tunga sang latagon, kag yari karon, nga ang akon binugkos nagatindug, kag nagatadlung sia, kag nga ang inyo mga binugkos nagalilibut kag nga nagaduluko sa akon."

8 Kag nagsalabat sa iya ang iya mga utud : "¿Magahari ka bala sa ibabaw namon, kon magaginoo ka sa ibabaw namon?" Kag gindumtan pa gid nila sia, bangud sang iya mga damgo kag sang iya mga polong.

9 Kag nagdamgo sia sing isa pa ka damgo, kag ginsugid niya ini sa iya mga utud, nga nagsiling : "Yari karon, nga nagdamgo ako sing isa pa ka damgo ; kag yari karon, nga ang adlaw kag ang bulan, kag ang napulo kag isa ka bitoon nagalayaub sa akon."

10 Kag ginsugid niya ini sa iya amay kag sa iya mga utud ; kag ang iya amay nagsabdong sa iya : "¿Ano nga damgo bala ini nga gindamgo mo ? ¿Magakari bala ako kag ang imo iloy, kag ang imo mga utud sa pagyaub sa imo?"

11 Kag ang iya mga utud may kahisa sa iya, apang ang iya amay nagapamalandong sini.

12 Kag ang mga utud ni Iose nagpalakadto sa pagpahalab sang kahayupan sang iya amay sa Sikem.

13 Kag nagsiling is Israel kay Iose : "¿Indi bala nagapahalab ang imo mga utud sang mga obeha sa Sikem? Kari-ka, kag pagaipadalá ko ikaw sa ila." Kag sia nagsabat sa iya : "Yari ako."

14 Kag sia nagsiling sa iya : "Lakat-ka karon kag tan-awon-mo kon napaano ang imo mga utud, kag kon napaano ang mga obeha ; kag dal-hi ako sang sabat." Kag ginpadalá niya sia kutub sa nalupayakan sang Hebron, kag sia napa-Sikem.

15 Kag nakita sia sang isa ka tawo, kag yari karon, nga nagalakat sia sa kaomahan nga walá sing padulungan ; kag ginpamangkot sia sadto nga tawo, nga nagsiling : "¿Ano bala ang ginapanigita mo?"

16 Kag nagsabat sia : "Sa akon mga utud nagapanigita ako. Ginaampo ko sa imo, nga isiling mo sa akon sa diin sila nagapahalab?"

17 Kag nagsiling ang tawo : "Nag-halín sila diri ; kag nabatian ko sa ila

ang siling : Makadto kita sa Dotan." Kag si Iose nagsunud sa iya mga utud kag nakita niya sila sa Dotan.

18 Apang nakita sia nila sa malayô ; kag sa walá pa sia makaabut sa ila, nagsilnapul sila batok sa iya sa pagpatay sa iya.

19. Kag nagsinilingay ang isa sa isa : "Yari karon, nagapakari ang paladamgo.

20 Busa karon, kalari-kamo, kag patyon naton sia, kag iholog naton sia sa bobon, kag magasiling kita : Isa ka sapat nga mabangis nagtukub sa iya ; nian tan-awon naton kon ano ang madangatan sang iya mga damgo."

21 Apang sang pagkabati sini ni Ruben, ginluwas sia niya sa ila mga kamut, nga nagsiling : "Indi naton sia pagpatyon."

22 Kag nagsiling man sa ila si Ruben : "Dili kamo magpatolo sing dugo ; iholog sia sa sina nga bobon, nga yara sa kahanayakan, apang indi ninyo pagbayawon ang kamut sa iya." Ini ginsiling niya sa pagluwas sa iya sa ila mga kamut, agud nga mapabalik sia niya sa iya amay.

23 Kag nahanabu, sang si Iose nagabut sa iya mga utud, nga ginpauba nila kay Iose ang iya bayô, ang bayô nga madamu sing duag, nga iya ginbayô

24 Kag dinakup nila sia, kag ginholog sia nila sa bobon ; apang ang bobon walá sing sulú, walá sing tubig.

25 Kag naglingkod sila sa pagkaon sang tinapay ; kag sang binayaw nila ang ila mga mata, nagtololok sila, kag yari karon ang isa ka bunghay sang mga Ismaelinhon, nga nagapalakari gikan sa Galaad upud sang ila mga kamelyo, nga napakuluhan, sing mga pahamut, ihalapas kag tagok nga mahamut, nga ginadalá nila sa Egipto.

26 Kag si Iuda nagsiling sa iya mga utud : "¿Ano bala ang kapuslanan naton sa pagpatay sa aton utud, kag sa pagtabon sang iya dugo?"

27 Palapit-kamo, kag ibaligya naton sia sa mga Ismaelinhon, kag indi naton pagbayawon ang aton kamut sa iya ; kay aton utud sia, aton man unud." Kag nagugyon sa iya ang iya mga utud.

28 Kag nag-alagi ang mga manugbaligya nga Madiahanon. Kag ang mga utud ni Iose nagbatak sa iya sa bobon kag ginpasaka nila sia ; kag ginbaligya

nila si Iose sa mga Ismaelinhon sa duha ka púlô ka panid nga kuarta. Kag gin-dalá nila si Iose sa Egipto.

29 Kag sang pagbalik ni Ruben sa bobon, yari karon, walâ na si Iose sa bobon; kag ginisi niya ang iya mga panapton.

30 Kag sang bimalik sia sa iya mga útud, nagsiling sia sa ila: “Ang pamatan-on walâ na! Kag ako, ¿sa diin bala ako makadto?”

31 Niyan kinuha nila ang bayô nga malaba ni Iose; kag sang pinugutan nila ang isa ka kanding nga lalaki, tinum-oy nila sa dugo ang bayô.

32 Kag ginpadalá nila ang bayô nga madamung duag, kag ginpalambut nila ini sa ila amay, nga nagasiling: “Ini amon sia nakita. Kilalaha karon kon amo ini ang bayô sang imo anak, kon indi.”

33 Kag nakilala niya sia, kag nagsiling sia: “Amo ang bayô sang akon anak; isa ka sapat nga mapintas nag-tukub sa iya; sa walâ sing duhaduha ginhalunhon si Iose.”

34 Niyan ginisi ni Iakob ang iya mga panapton, kag nagsuklob sia sing panap-ton sa lalaw, kag naglalaw sia bangud sang iya anak sa malawig nga mga adlaw.

35 Kag nagtilindug ang tanan niya nga mga anak nga alaki kag ang tanan niya nga mga anak nga babae sa paglipay sa iya; apang sia nagdumili nga paglipayon, nga nagasiling: “Indi. Kay magapanaug ako sa akon anak, nga may lalaw, tubtub sa lulubngan.” Kag naghibi ang iya amay tungud sa iya.

36 Kag ginbaligya sia sang mga Ma-dianinhon sa Egipto kay Potipar, salali-gan ni Paraon, pangôlo sang mga manugbantay.

Si Iuda kag si Tamar.

**38** KAG nahanabu, sa sadtong panag-on, nga si Iuda nagdulhog upud sa iya mga útud, kag nakigimpon sa isa ka lalaki, nga Adulaminhon, nga ginahing-alanan nga si Hira.

2 Kag nakita didto ni Iuda ang anak nga babae sang isa ka tawo nga Kana-anhon, nga ginahing-alanan nga si Sua, kag ginkuha niya sia kag nagsulúd sa iya.

3 Kag nagpanamkon sia, kag nag-anak

sia sing isa ka anak nga lalaki, kag gin-hing-alanan niya sia nga si Er.

4 Kag nagpanamkon sia liwan kag nag-anak sia sing isa ka anak nga lalaki, kag ginhing-alanan niya sia nga si Onan.

5 Kag nagpanamkon pa sia liwan, kag nag-anak sia sing isa ka anak nga lalaki, kag ginhing-alanan niya sia nga si Sela. Kag didto sia sa Kesib, sang pag-anak niya sini.

6 Kag ginpaasawa ni Iuda kay Er, nga iya panganay, ang isa ka babae nga gin-hing-alanan sia nga si Tamar.

7 Kag si Er, ang panganay ni Iuda, nanginmalain sa mga mata ni Iehoba, kag ginkuhaan sia ni Iehoba sang ka-buhi.

8 Niyan si Iuda nagsiling kay Onan: “Sulúd-ka sa asawa sang imo útud, kag himoa sa iya ang katungdanan sang útud sang bana, kag bangon-ka sing kaliwatan sa imo útud.”

9 Kag sang nahibaloan ni Onan, nga ang kaliwatan indi mangin-ya, naga-kahanabu nga, kon magsulúd sia sa asawa sang iya útud, ginapaawas niya sa duta, sa indi paghatag sing kaliwatan sa iya útud.

10 Kag nanginmalain sa mga mata ni Iehoba ang ginhimo niya, kag gin-kuhaan man niya sia sang kabuhi.

11 Kag si Iuda nagsiling kay Tamar nga iya umagad: “Magpuyô-ka nga bálo sa baláy sang imo amay, tubtub nga magdaku si Sela, nga akon anak.” Kay nagsiling sia: “Nga ayhan indi man sia mamatay subung sang iya mga útud.” Kag naglakat si Tamar, kag nagpuyô sa baláy sang iya amay.

12 Kag nagliligad ang malawig nga mga adlaw, kag namatay si Sua, nga asawa ni Iuda; kag sang si Iuda nag-kalipay, nagtaklad sia sa mga manug-alut sang iya mga obeha sa Timnat, sia kag ang iya abyan nga si Hira, ang Adulaminhon.

13 Kag ginpahibalo ini kay Tamar, nga nagasiling: “Yari karon ang imo guangan nagatakklad sa Timnat sa pag-alut sang mga obeha.”

14 Niyan ginkuha niya sa ibabaw niya ang mga panapton sa iya pagka-bálo, kag nagpanabon sia sing isa ka takurung kag pinutus sia, kag nagtin-dug sia sa gawang sang Enaim, nga yara sa luyo sang dalan sa Timnat; kag ginatan-aw niya nga nagadaku na



si Sela, kag sia walâ pagipaasawa sa iya.

15 Kag nakita sia ni Iuda, kag ginpakabigaon sia niya, kay gintabunan niya ang iya nawung.

16 Kag sa dalan nagliso sia nayon sa iya, kag nagsiling sa iya: "Kari-ka, ginaampo ko sa imo, nga magsulûd ako sa imo:" kay walâ sia makahibalo nga sia umagad niya. Kag sia nagsiling: "¿Ano bala ang pagaihatag mo sa akon, kon magsulûd ka sa akon?"

17 Sia nagsabat: "Pagapadal-an ko ikaw sa kahayupan sing isa ka tinday sang m̃ga kanding." Kag sia nagsiling: "¿Pagahatagan mo ako bala sing katipan tuhtub nga ipadalâ mo ini?"

18 Niyan sia nagsiling: "¿Ano bala nga katipan ang pagaihatag ko sa imo?" Sia nagsabat: "Ang imo singsing, kag ang imo lubid, kag ang imo sungkod, nga yara sa imo kamut." Kag ginhatag niya sa iya ini, kag nagsulûd sia; *kag* sia nagpanamkon sa iya.

19 Kag nagtindug sia, kag naglakat: kag ginkuha niya ang tukurung sa ibabaw niya, kag nagpanaput sang m̃ga panapton sang iya pagkabalo.

20 Kag ginpadalâ ni Iuda ang tinday sang m̃ga kanding sa kamut sang iya abyan nga Adulaminhon, agud nga magkuha sang katipan sa kamut sang babae; apang walâ niya makita sia.

21 Kag nagpamangkot sia sa m̃ga tawo sa sadto nga duug, nga nagasiling: "¿Diin bala ang bigaon sa Enaim, nga yara sa luyo sang dalan?" Kag sila nagsililing: "Walâ diri sing bigaon."

22 Niyan sia nagbalik kay Iuda, kag nagsiling: "Walâ ko sia makita; kag ang m̃ga tinawo man sang duug nagsililing: Diri walâ sing bigaon."

23 Kag si Iuda nagsiling: "Tagoa ini nga sa iya, agud nga indi kita magmangintalamayon; yari karon ginpadalâ ko ini nga tinday, kag ikaw walâ makakita sa iya."

24 Kag nahanabu nga, sang lumigad ang m̃ga tatlo ka bulan, ginpahibalo si Iuda, nga nagasiling: "Si Tamar, nga imo umagad, nagpakighilawas, kag matuud pa nga nagabusung sa m̃ga pagpakighilawas." Kag si Iuda nagsiling: "Pagowaa-ninyo sia, kag pagsunugon sia."

25 Kag sang ginpagowa sia, nagpakadto sia sa pagsiling sa iya ugangan:

"Sa lalaki nga tag-iya sini nga m̃ga butang, nagabusung ako." Kag nagsiling pa sia: "Pagkilalahon-mo, ginaampo ko ia imo, nga kon kay sin-o ining m̃ga butang, ang singsing, kag ang lubid, kag ang sungkod."

26 Niyan ginkilala ini sila ni Iuda, kag nagsiling sia: "Matarung pa sia sa akon, tungud kay walâ ko pagihatag sa iya si Sela nga akon anak." Kag indi nga mas-a nakilala pa niya sia.

27 Kag nahanabu nga, sa panag-on sa pag-akon, yari karon may duha sa iya tian.

28 Kag nahanabu, sang nagaanak sia, nga naggowa ang kamut sang isa, kag kinuha sia sang manughilot kag ginhihot niya sa iya kamut *ang isa ka nahot* nga grana, nga nagasiling: "Ini mahauna nga naggowa."

29 Apang nahanabu nga, sang pina-sulûd niya ang kamut, yari karon, ang iya útud naggowa; *kag ang babae* nagsiling: "¿Ano nga gisi ang ginhimo mo! ¿Ang gisi *maholog* sa ibabaw nimo!" Kag ginhingalanan niya sia nga si Peres.\*

30 Kag sang olehe naggowa ang iya útud, ang may nahot nga grana sa iya kamut, kag ginhingalanan niya sia nga si Sera.†

Si Iose nagabatok sa asawa ni Potipar.

**39** KAG sang nadalâ si Iose sa Egipto, ginbakal sia ni Potipar, kapon ni Paraon, pangolo sang m̃ga bantay, lalaki nga Egiptohanon, sa kamut sang m̃ga Ismaelinhon nga nagdulhog sa iya didto.

2 Apang si Iehoba nagúpud kay Iose, kag nanginlalaki sia nga pinabugana; kag yara sia sa baláy sang iya ginoo, nga Egiptohanon.

3 Kag nakita sang iya ginoo, nga si Iehoba yara upud sa iya, kag nga ang tanan nga ginhimo niya, ginpabugana ini ni Iehoba sa iya kamut.

4 Sa sini nakakita si Iose sing bugay sa iya m̃ga mata, kag nagaalagad sia sa iya; kag ginhimo sia niya nga tululinan sang iya baláy, kag gintugyan niya sia sa iya kagamhanan ang tanan nga iya.

5 Kag nahanabu nga, kutub sang pag-

\* *Peres*, pagkaboong.

† *Sera*, pamanagbanag.

tulin niya sa iya sang iya baláy, kag sang tanan nga iya, ginpakamaayo ni lehoba ang baláy sang Egiptohanon bangud kay Iose; kag ang pagpakamaayo ni lehoba nanginsa ibabaw sang tanan nga iya, sa baláy kag sa latagon.

6 Kag ginbilen niya ang tanan nga iya sa kamut ni Iose, nga walâ sia sing nakilala *nahanungud* sa iya, kondi ang tinapay nga ginkaon niya. Kag si Iose magayon sia sing bayhon kag matahum sa itululuk.

7 Kag nahanabu, sa tapus sini, nga ang asawa sang iya ginoo nagbutang sang iya mga mata kay Iose, kag nagsiling: "Tolog-ka upud sa akon."

8 Kag sia walâ magbuut, kag nagsiling sia sa asawa sang iya ginoo: "Yari karon, nga ang akon ginoo walâ magakilala sang bisan ano sa baláy sa akon, kag ginbutang niya sa akon kamut ang tanan nga iya."

9 Walâ na sing labing daku sa akon sa sini nga baláy, kag walâ gid sing ano nga butang nga ginadumilian niya sa akon kondi ikaw, tungud kay ikaw asawa niya; paano nga maghimo ako sining dakung kalainan, kag magpakasalâ ako batok sa akon Dios?"

10 Kag nahanabu, sang nagahambal sia kay Iose sa adlawadlaw, nga walâ niya sia pagapamatii, agud nga magdulog sia sa luyo niya, sa paghigda upud sa iya.

11 Kag nahanabu isa sina ka adlaw, nga nagsulúd sia sa baláy sa paghimo sang iya tulumanon, nga walâ gid sing bisan sino sang mga sa baláy didto sa baláy.

12 Kag ginbuyotan niya sia sa iya panapton, nga nagsiling: "Tolog-ka upud sa akon." Niyan ginbayaan niya sa iya ang iya panapton sa mga kamut, kag nagpalagyo sia, kag naggowa sia.

13 Kag nahanabu sang nakita niya nga nabilin ang iya panapton sa iya mga kamut, kag nga nagpalagyo sia sa gowa,

14 Nga gintawag niya ang mga sa baláy, kag ginhambal niya sila, nga nagsiling: "Tuluka-ninyo, gindalhan kita diri sang isa ka Hebreinhon, agud nga maglahughug sa aton. Nagkari sia sa akon sa pagtolog upud sa akon, kag ako nagsingit sa mataas nga tingug."

15 Kag nahanabu, sang nakita niya nga ako nagabayaw sang akon tingug kag nagsingit, nga ginbayaan niya sa

luyo nakon ang iya panapton, kag nagpalagyo sia kag naggowa."

16 Kag ginbutang niya sa luyo niya ang panapton sini, tuhtub nga nag-abut ang iya ginoo sa baláy.

17 Niyan naghambal sia sa iya sono sining mga polong, nga nagsiling: "Ang alagad nga Hebreinhon nga gindalâ mo diri sa amon, nagkari sa akon sa pagpakahuya sa akon."

18 Kag siling nga ako nagbayaw sang akon tingug kag nagsingit, ginbayaan niya ang iya panapton sa luyo nakon, kag nalagyo sia sa gowa."

19 Kag nahanabu, sang pagkabati sang iya ginoo sang mga polong, nga ginhambal sang iya asawa, nga nagsiling: "Sa sini nga bagay ginkabig ako sang imo alagad," nga nagdabdab ang iya kasingkal.

20 Kag kinuha sang iya ginoo si Iose, kag ginsulúd sia niya sa baláy sang bilangoan, nga yadto didto ang mga binilango sang hari; kag sia nabilin didto sa bilangoan.

21 Apang si lehoba nagupud kay Iose, kag ginuntay niya sa iya ang iya kalooy, kag ginhatagan sia niya sing bugay sa mga mata sang pangolo sang bilangoan.

22 Kag ang pangolo sang bilangoan nagtugyan sa kamut ni Iose sang tanan nga mga binilango nga yadto sa sadtong bilangoan; kag ang tanan nga ginahimo nila didto, sia amo ang nagbuhat sa iya.

23 Walâ makatatap ang pangolo sang bilangoan sing ano nga butang nga yara sa iya kamut; kay si lehoba yara kaupud niya, kag ang iya ginahimo si lehoba ang nagapabugna sa iya.

Si Iose sa bilangoan.

**40** KAG nahanabu, sa tapus sini nga mga butang, nga ang manugtagay sang hari sa Egipto, kag ang manugtinapay, nagalalapas batok sa ila ginoo, nga hari sa Egipto.

2 Kag naakig si Paraon batok sa iya duha ka tulugyanan, batok sa pangolo sang manugtagay sang alak kag batok sa pangolo sang mga manugtinapay.

3 Kag ginsulúd sila niya nga binilango sa baláy sang pangolo sang bantay nga harianon, sa bilangoan nga didto si Iose nabilango.



4 Kag gintugyan sila sang pangōlo sang bantay kay Iose, kag sia nag-alagad sa ila ; kag nabilango sila sing inadlaw.

5 Kag sila nga duha, ang manugtagay sang alak kag ang manugtinapay sang hari sa Egipto, nga napamilango sa bilangoan, nagdalamgo sila nga duha sa isa lamang ka gab-i, ang tagsatagsa sa ila sa iya damgo, kag ang tagsatagsa sa nagakalainlain nga kahologan.

6 Kag si Iose nagsulūd sa ila sa pag-kaaga, kag nagtolok sa ila, kag yari karon nga nagakalasubo sila.

7 Kag namagkot sia sa mga tulugyanan ni Paraon, nga yadto sila upud sa iya sa bilangoan sa baláy sang iya ginoo, nga nagasiling : “¿Ano bala ang kabangdanan nga masubu karon ang inyo mga nawung?”

8 Kag nagsalabat sila sa iya : “Nagdango kami, kag walâ sing sin-o nga makasaysay.” Kag si Iose nagsiling sa ila : “¿Indi bala iya sang Dios ang mga pagsaysay? Isugid-ninyo yadto sa akon, ginaampo ko sa inyo.”

9 Niyan ang pangōlo sang mangutagay nagsugid kay Iose sang iya damgo, nga nagasiling : “Sang nagadamgo ako, yari karon, ang isa ka púnô sang ubas sa atubangan nakon,

10 Kag sa púnô sang ubas may tatlo ka sangâ, kag sang nagapanaling sing, namulak sia, kag ang iya mga pinungpung nagpalatubas sing mga ubas nga luto.

11 Kag ako naguyat sang tagayan ni Paraon, kag nagkuha ako sang mga ubas kag pinuga ko sila sa tagayan ni Paraon, kag hinatag ko ang tagayan sa kamut ni Paraon.”

12 Niyan nagsiling sa iya si Iose : “Ini amo ang iya kasaysayan : ang tatlo ka sangâ amo sila ang tatlo ka adlaw :

13 Sa sulūd sang tatlo ka adlaw pagabayawon ni Paraon ang imo olo, kag pagaiuli ikaw niya sa imo buluhaton ; kag magatunghol ka kay Paraon sang tagayan, subung sang ginbuhat mo anay sang ikaw manugtagay pa.

14 Apang dumduma ako, kon maangkon mo inang kaayohan, kag naga-ampo ako sa imo, nga magkalooy ka sa akon : ihambal-mo ako kay Paraon, kag makuha-mo ako sa sini nga baláy.

15 Kay sa pagkamatuud, ginkawat ako sa duta sang mga Hebreinhon ; kag subung man walâ ako sing ginbuhat

diri, agud nga pagibutang nila ako sa sini nga bungib.”

16 Kag sang nakita sang pangōlo sang mga manugtinapay, nga ginsaysay niya nga sa maayo, nagsiling sia kay Iose : “Nagdango man ako, nga nagatan-aw ako sing tatlo ka tabigtabig nga maputi sa ibabaw sang akon olo ;

17 Kag sa tabigtabig nga labing mataas may tanan nga mga kalan-on ni Paraon, pinangabudlayan sang manugtinapay ; kag nga ang kapispisan nagkalaon sa tabigtabig sa ibabaw sang akon olo.”

18 Niyan si Iose nagasabat kag nagsiling : “Ini-amo ang iya kasaysayan : Ang tatlo ka tabigtabig amo sila ang tatlo ka adlaw :

19 Sa sulūd sang tatlo ka adlaw pagakuhaon ni Paraon ang imo olo sa ibabaw nimo, kag pagaipabitay ka niya sa isa ka kahoy, kag ang mga kapispisan magakalaon sang imo unud sa ibabaw nimo.”

20 Kag ang ikatlo ka adlaw among adlaw sang pagkatawo ni Paraon, kag naghimo sia sing kasadyahan sa tanan niya nga mga umalagad ; kag ginbayaw niya ang olo sang pangōlo sang mga manugtagay, kag ang olo sang pangōlo sang mga maugtinapay, sa tungâ sang iya mga umalagad.

21 Kag ginpabalik niya sa iya pagkamanugtagay ang pangōlo sang mga manugtagay ; kag ginhatag niya ang tagayan sa kamut ni Paraon.

22 Apang ginpabitay niya ang pangōlo sang nga manugtinapay, sono sang ginpahayag sa iya ni Iose.

23 Kag ang pangōlo sang mga manugtagay walâ makadumdum kay Iose, kondi nga nalimutan niya sia.

Si Iose nagasaysay sang mga damgo ni Paraon.

**41** KAG nahanabu nga, sang lumigad ang duha ka tuig, nagdamgo si Paraon sing isa ka damgo ; kag yari karon nga sia yara sa malapit sa subâ.

2 Kag sa subâ nagatalakas ang pito ka baka nga mga magayon sa itululuk, kag tuman ka mga matambok, kag nagahalalab sila sa katigbawan.

3 Kag ang iban nga pito ka baka nagatalakas sa olehe nila sa subâ ; nga malaway sa itululuk kag mga kaningal ; kag nagadululog sila sa luyo sang mga

nahauna nga baka sa pangpang sang subâ.

4 Kag ang mga baka nga malaw-ay sa itululuk kag mga kaningal, naghalalanhon sa pito ka baka nga magayon sa itululuk kag mga matambok. Kag nagmata si Paraon.

5 Nagtolog sia liwan, kag nagdamgo sa makaduha : kag yari karon, ang pito ka uhay nga matingas kag matahum, nga nagasalaka sa isa lamang ka dagami.

6 Kag yari karon, ang iban nga pito ka uhay nga alupinpin kag mga sinunog sang timug, nga nagagulowa sa olehe nila.

7 Kag ang pito ka uhay nga alupinpin nagahalalanhon sa pito ka uhay nga matingas kag mga punô. Kag nagmata si Paraon ; kag yari karon, nga damgo ini.

8 Kag nahanabu nga, sang pagkaaga, nalisang ang iya espiritu ; kag nagpakadto sia kag gintawag niya ang tanan nga mga mago sa Egipto, kag ang tanan nga mga manginalamon niya. Kag ginsugid ni Paraon sa ila ang iya mga damgo, apang walay sino nga makasaysay sa ila kay Paraon.

9 Niyan ang pangolo sang mga manugtagay naghambal kay Paraon, nga nagasiling : “ Nakadumdum ako karon sang akon mga salâ ;

10 Si Paraon naakig batok sa iya mga alagad, kag ginsulud niya ako sa bilangoan sa balâ sang pangolo sang mga bantay, ako kag ang pangolo sang mga manugtinapay.

11 Kag ako kag sia nagdamgo kami sing isa ka damgo sa isa gid lang ka gab-i : ang tagsatagsa nagdamgo sono sang kasaysayan sang iya damgo.

12 Kag yadto didto upud sa amon ang isa ka pamatan-on nga Hebreinhon, umalagad sang pangolo sang mga bantay ; kag ginsugid namon ini, kag sia nagsaysay sang amon mga damgo ; kag ginsaysay niya sa tagsatagsa sono sa iya damgo.

13 Kag nahanabu nga, sono sang ginsaysay niya sa amon, among nahanabu : sa akon, ginpabalik ako sa akon hili-kuton, kag ginpabitay ang isa.”

14 Niyan ginpakadtoan ni Paraon, kag gintawag niya si Iose ; kag ginpagowa nila sia sing dalidali sa bi-lingoan, kag ginkiskisan nila sia, kag

ginilisan nila ang iya mga panapton, kag nag-abut sia kay Paraon.

15 Kag nagsiling si Paraon kay Iose : “ Nagdamgo ako sing isa ka damgo, kag walay sin-o nga magpakot sini ; apang nakabati ako sing siling sa imo, nga nagapamati ka sang mga damgo nga sa pagsaysay sa ila.”

16 Kag si Iose nagsabat kay Paraon, nga nagasiling : “ Walâ sa akon. Ang Dios amo ang magasabat sing paghidaet kay Paraon.”

17 Niyan si Paraon nagsiling kay Iose : “ Sa akon damgo, yari karon, didto ako sa pangpang sang subâ.

18 Kag sa subâ nagatalakas ang pito ka baka nga mga matambok kag magayon sa itululuk, kag nagahalalab sila sa katigbawan.

19 Kag yari karon, ang iban nga pito ka baka nagatalakas sa olehe nila nga mga maniwang kag tuman ka law-ay sa bayhon, mga kagalkal nga walâ ako sing nakita nga iban nga kaangay sa kalaw-ayon sa bug-os nga duta sa Egipto.

20 Kag ang mga baka nga maniwang kag mga malaw-ay naghalalanhon sa pito ka nahauna nga mga baka nga matambok.

21 Kag nagsululud sila sa ila mga kasudlan, apang indi makilala nga nagsululud sila sa ila ; kay ang ila dagway malain pa, subung sang una. Kag ako nagmata.

22 Kag nakita ko man, nga nagadamgo ako, nga ang pito ka uhay nagasalaka sa isa gid lamang ka dagami nga mga matingas kag mga matahum.

23 Kag yari karon, ang pito ka uhay nga mga layâ, alupinpin kag ginsunog sang timug, nagasalaka sa olehe nila.

24 Kag ang mga uhay nga alupinpin nagahalalanhon sa pito ka uhay nga mga magayon. Kag ginsiling ko ini sa mga mago, apang walay sin-o nga nagsaysay sa akon *sang kahologan.*”

25 Niyan nagsabat si Iose kay Paraon : “ Ang damgo ni Paraon isa gid lamang : ang Dios nagpahayag kay Paraon sang iya pagahimoon.

26 Ang pito ka baka nga mga magayon, pito sila ka tuig ; kag ang mga uhay nga mga magayon, pito sila ka tuig : ang damgo isa gid lamang.

27 Ang pito man ka baka nga mga maniwang kag mga malaw-ay, nga nag-



talakas sa olehe nila, pito ka tuig sila ; kag ang pito ka uhay nga mga alupinpin kag sinunog sang timug, magamanginpi-to sila ka tuig nga gutum.

28 Ini amo ang ginasabat ko kay Paraon: Ang pagahimoon sang Dios, ginpahayag niya ini kay Paraon.

29 Yari karon, magaabut ang pito ka tuig sa daku nga kabugana sa bug-os nga duta sa Egipto.

30 Kag magatilindug sa olehe nila ang pito ka tuig nga gutum ; kag ang bug-os nga kabugana pagakalipatan sa duta sa Egipto ; kag pagaupuron sang gutum ang duta.

31 Kag yadtong kabugana indi na makilala sa kadutaan, bangud sang gutum nga magasunud, kay sia magama-ningmabug-at gid.

32 Kag ang pagkahanabu sang damgo ni Paraon sing makaduha, nagakaholo-gan nga ang butang malig-on sa nahanungud sa Dios, kag nga ang Dios magadali sa paghimo sa iya.

33 Ngani, magpangholongholong karon si Paraon sing isa ka lalaki nga butanan kag maalam, kag pagaibutang niya ini sa ibabaw sang duta sa Egipto.

34 Maghimo sini si Paraon kag magbutang sing mga manugtatap sa ibabaw sang kadutaan, kag magpabuhis sila sang ikalima ka bahin sang *patubas* sang duta sa Egipto, sa pito ka tuig sang kabugana.

35 Kag magtipon sila sang tanan nga kalan-on sa sining mga maayo nga tuig nga nagaabut, kag magdamisag sila sang trigo sa idalum sang kamut ni Paraon, nga *ipasulud* ang kalan-on sa mga kabanwaan kag pagtagoon nila ini.

36 Kag ibutang yadtong kalan-on sa damisag nga sa kadutaan, nga sa pito ka tuig nga gutum nga magaabut sa duta sa Egipto, agud nga ang kadutaan indi malaglag sang gutum."

37 Kag ini nga bagay minamaayo ni Paraon kag sang iya mga alagad.

38 Kag si Paraon nagsiling sa iya mga alagad: "i Makakita bala kita sing isa ka tawo nga subung sini, nga sa iya ang Espiritu sang Dios?"

39 Kag si Paraon nagsiling kay Iose: "Tungud kay ang Dios nagpahibalo sa imo sini nga tanan, walâ sing bisan sin-o nga mahibaloanon kag manginalamon subung sa imo.

40 Ikaw magamanginsa ibabaw sang

akon baláy, kag pagatumanon ang imo sogo sang bug-os nga akon banwa. Lamang sa akon lingkoran nga harianon manginlabing daku ako sa imo."

41 Kag si Paraon nagsiling kay Iose: "Yari karon, ginabutang ko ikaw sa ibabaw sang bug-os nga duta sa Egipto."

42 Niyan si Paraon nagkuha sa iya kamut sang iya singsing, kag ginbutang niya sia sa kamut ni Iose, kag ginpapa-naputan sia niya sa mga panapton nga lino nga labing manipis, kag binuta-ngan sia niya sing isa ka kolintas nga bulawan sa liog.

43 Kag pinasakay sia niya sa iya ikaduha ka salakyan, kag nagabalantala sila sa atubangan niya: "i Abrek!"\* Kag binutang sia sa ibabaw sang bug-os nga duta sang Egipto.

44 Kag si Paraon nagsiling kay Iose: "Ako amo si Paraon; kag kon walâ ikaw, walâ sing sin-o nga makabayaw sang kamut, bisan sang tiil sa bug-os nga duta sang Egipto."

45 Kag si Paraon naghingalan kay Iose nga si Sapenat-Panea, † kag hinatag niya sa iya nga asawa si Asenat, anak nga babae ni Potipera, saserdote sa On. Kag naggowa si Iose sa duta sang Egipto.

46 Kag si Iose nagaedad sing katloan ka tuig, sang pagpaatubang sa iya kay Paraon nga hari sa Egipto. Kag si Iose naghalin sa atubangan ni Paraon, kag nanlibutan sia sa bug-os nga duta sang Egipto.

47 Kag nagpatubas ang duta sa sadtong pito ka tuig sang kabugana sang mga hinakop.

48 Kag tinipon niya ang tanan nga kalan-on sa pito ka tuig nga ginpatubas sang duta sang Egipto, kag nagdamisag sia man sing mga kalan-on sa mga kabanwaan, nga ginabutangan niya sa sulud sang tagsa ka banwa ang kalan-on sang kaumahan nga nagalilibut sa iya.

49 Kag nagdamisag si Iose sing trigo subung sang balas sang dagat, lakas sa kadamu, tubtu ng ginuntatan sa pagisip, kay walâ sing isipan.

50 Kag natawo kay Iose ang duha ka anak nga lalaki, sa walâ pa mag-abut

\* *Abrek*, i pangluhud!

† *Sapenat-Panea*, manugsapo sang tinago.

ang *nahauna* nga tuig sang gutum, nga ginpanganak sila sa iya ni Asenat, anak nga babae ni Potipera, saserdote sa On.

51 Kag ginhingalanan ni Iose ang panganay nga si Manases;\* “kay ang Dios,” *siling niya* “nagpalipat sa akon sang tanan nga akon kabudlayan, kag sang bug-os nga baláy sang akon amay.”

52 Kag ginhingalanan niya ang ikaduha nga si Epraim;† “kay ang Dios,” *siling niya*, “naghimo sa akon nga mabungahon sa duta sang akon kalisdanan.”

53 Kag nagkalatuman ang pito ka tuig sang kabugana, nga nag-abut sa duta sang Egipto.

54 Kag nagsulugud ang pag-abut sang pito ka tuig nga gutum, sono sang ginsiling ni Iose. Kag may gutum sa tanan nga mga kadutaan, apang sa bug-os nga duta sang Egipto may tinapay.

55 Kag sang ginbatyag ang gutum sa bug-os nga duta sa Egipto, ang banwa nagsingit kay Paraon tungud sang tinapay. Kag nagsiling si Paraon sa tanan nga mga Egiptohanon: “Kaladto-kamo kay Iose, kag himoa-ninyo ang iya pagaisiling sa inyo.”

56 Kag ang gutum yara na sa bug-os nga kadutaan. Niyan ginbuksan ni Iose ang tanan nga mga damisag, kag nagabaligya sia sa mga Egiptohanon, kay nagatigdas ang gutum sa duta sang Egipto.

57 Kag ang bug-os nga duta nag-abut sa Egipto sa pagbakal kay Iose, kay nagtigdas ang gutum sa bug-os nga duta.

Ang mga utud ni Iose nagaduulhog sa Egipto:

**42** KAG sang nakita ni Iakob, nga may mga uyas sa Egipto, nagsiling sia sa iya mga anak: “¿Kay nga bala nga nagtululukay kamo?”

2 Kag nagsiling sia: “Yari karon, nabatian ko nga may mga uyas sa Egipto; dululhog-kamo didto, kag bala-kal-kamo didto nga sa aton, agud nga sarang kita mabuhi, kag indi kita magkalamatay.”

3 Kag nagdululhog ang napúlô ka útud ni Iose sa pagbakal sing trigo sa Egipto.

4 Apang sa Iakob walâ magpadalâ

kay Benyamin, nga útud ni Iose, upud sa iya mga útud; kay nagsiling sia: “Ayhan basi pa nga mahanabu sa iya ang isa ka kalat-an.”

5 Kag nagkaladto ang mga anak ni Israel sa pagbakal sa tungâ sang mga nagpalakadto, kay may gutum sa Kanaan.

6 Kag si Iose amo ang ginoo sang duta, nga nagabaligya sa bug-os nga banwa sang duta; kag nag-alabut ang mga útud ni Iose kag naghalapa sa iya sa duta.

7 Kag si Iose, sang pagkakita niya sang iya mga útud, nakilala niya sila; apang sia nagpakadumuluong sa ila, kag ginhambal niya sila sing matigdas gid, kag nagsiling sa ila: “¿Sa diin bala kamo maghalin?” Sila nagsalabat: “Sa duta sa Kanaan sa pagbakal sing kalan-on.”

8 Busa nakilala ni Iose ang iya mga útud, apang sila walâ makakilala sa iya.

9 Niyan nakadumdum si Iose sang mga damgo, nga gindamgo niya nahanungud sa ila, kag nagsiling sia sa ila: Mga maninilag kamo; sa pagtan-aw sang mga napigawan sang kadutaan nagkalari kamo.”

10 Kag sila nagsalabat sa iya: Indi, ginoo namon; apang ang imo mga alagad nagkalari sa pagbakal sing kalan-on.

11 Kami nga tanan, mga anak kami sang isa ka lalaki; mga tawo kami sa kamatooran: ang imo mga alagad indi nga mas-a nanġin mga maninilag.”

12 Kag sia nagsiling sa ila: “Indi; sa pagtan-aw sang mga napigawan sang kadutaan nagkalari kamo.”

13 Kag sila nagsalabat: “Ang imo mga alagad napúlô kami kag duha ka magutud, mga anak sang isa ka lalaki sa duta sa Kanaan; kag yari karon ang manghud yadto karon sa amon amay, kag ang isa walâ na.”

14 Kag si Iose nagsiling sa ila: “Ini among ginsiling ko sa inyo, nga magapamatuud nga kamo mga maninilag.”

15 Sa sini pagapamatud-an kamo: nagakabuhi si Paraon, nga indi kamo magulowa diri, kondi nga ang inyo útud nga manghud mag-abut diri.

16 Ipadala-ninyo ang isa sa inyo, kag magdalâ diri sa inyo útud; kag kamo magapalabilin nga mga binilango, agud manginmapamatud-an ang inyo mga polong, kon may kamatooran sa inyo:

\* *Manases*, manugpalipat.

† *Epraim*, dapli nga bunga.



kag kon walâ, nagakabuhi si Paraon, nga kamo mġa maninilag."

17 Kag gintipon niya sila sa bilangoan sa sulûd sang tatlo ka adlaw.

18 Kag sa ikatlo ka adlaw nagsiling sa ila si Iose: "Himoa-ninyo ini, kag magkabuhi kamo. Ako nagakhadluk sa Dios.

19 Kon mġa tawo kamo sa kamatooran, magpabilin nga binilango sa baláy sang inyo bilangoan ang isa sang inyo mġa útud; kag lakat-kamo, kag dalá-kamo sang trigo nga sa gutum sa inyo baláy;

20 Apang pagadalhon ninyo diri sa akon ang inyo útud nga manghud, kag manginmamatud-an ang inyo mġa polong, kag indi kamo magkalamatay." Kag naghilimo sila sing subung sini.

21 Kag nagasinilingay ang isa sa isa: "Sa pagkamatuud, nakasalâ kita batok sa aton útud; nga nakita naton ang kalisdanan sang iya kalág sang nag-ampo sa sa aton, kag walâ naton sia pagpamatii; tungûd sini nag-abut sa ibabaw naton ini nga kalisdanan."

22 Niyan si Ruben nagsabat sa ila, nga nagasiling: "¿Walâ bala ako maghambal sa inyo kag nagsiling ako: Indi kamo magpalakasalâ batok sa paman-on; kag walâ kamo magdulungug? Yari karon ang iya dugo ginapangayo man."

23 Kag sila walâ makahibalo, nga si Iose nakahanġup sa ila, kay may manugbadbad sa tunga nila.

24 Kag nagpalayô sia sa ila kag naghibi. Ugaling nagbalik sia sa ila, kag naghambal sa ila, kag ginkuha niya sa tungâ nila si Simeon, kag ginbilango niya sia sa mġa mata nila.

25 Kag nagsogo si Iose nga pagpunon nila ang ila mġa suludlan sang trigo, kag pagiuli nila ang kuarta sang tagsatagsa sa ila sululudlan, kag paghatagan sila nila sing pagkaon nga sa dalanon: kag ginhimo ang subung sini sa ila.

26 Kag ginpakolo nila ang ila trigo sa ibabaw sang ila mġa asno, kag nagtalaliwan sila didto.

27 Kag sang binukaran sang isa sa ila ang iya suludlan sa pagpakaon sang iya asno sa palahuwayan, nakita niya ang iya kuarta nga yara sa bâbâ sang iya suludlan.

28 Kag nagsiling sia sa iya mġa útud: "Ginuli sa akon ang akon kuarta, kag

yari karon, sia sa akon suludlan pa. Niyan nagtalalangtalang ang ila tagiposoon, kag nagkulurug sila nga nagasinilingay ang isa sa isa: "¿Ano bala ini ang ginhimo sang Dios sa aton?"

29 Kag sang nag-alabut sila kay Iakob, nga ila amay, sa duta sa Kanaan, ginsugid nila sa iya ang tanan nga naghahanabu sa ila, nga nagasiling:

30 "Yadtong lalaki, nga ginoo sang duta, naghambal sa amon sing matigdas gid, kag ginkabig niya kami subung nga mġa maninilag sang duta.

31 Kag kami nagsiling sa iya: "Mġa tawo kami sa kamatooran, nga indi mas-a nanġin mġa maninilag kami.

32 Naptiô kag duha kami ka magulutud, mġa anak sang amon amay; ang isa walâ na, kag ang manghud yadto karon sa amon amay sa duta sa Kanaan.

33 Kag yadtong lalaki, nga ginoo sang duta, nagsiling sa amon: Sa sini pagakilalahon ko nga kamo mġa tawo sa kamatooran: ibilin-ninyo sa akon ang isa sang inyo útud, kag kuluha-kamo nga sa gutum sa inyo mġa baláy, kag lalakat-kamo,

34 Kag dalha-ninyo diri sa akon ang inyo útud nga manghud, agud nga mahibaloan ko, nga kamo indi mġa maninilag, kondi mġa tawo sa kamatooran: sa sini pagaihatag ko sa inyo ang inyo útud, kag magapalangabuhi kamo sa duta."

35 Kag nahanabu nga, sang ginbôbô nila ang ila mġa suludlan, yari karon, sa suludlan sang tagsatagsa yara ang higot sang iya kuarta; kag sang nakita nila kag sang ila amay, ang mġa higot sang ila kuarta, ginhadlukan sila.

36 Niyan ang ila amay, nga si Iakob, nagsiling sa ila: "Gindumilian ninyo ako sa akon mġa anak; si Iose walâ na, bisan si Simeon man, kag si Benyamin pagadalhon ninyo sia: batok sa akon ining tanan nga mġa butang."

37 Si Ruben naghambal sa iya amay, nga nagasiling: "Pagaipapatay mo ang akon duha ka anak, kon indi ko pagibalik sa iya sa imo; itugyan sia sa akon mġa kamut, nga ako magauli sa iya sa imo."

38 Kag sia nagsiling: "Indi magdulhog ang akon anak upud sa inyo; kay ang iya útud ginpatay kag sia lamang ang nabilin: kag kon mahanabu ang isa ka kalalat-an sa iya sa dalanon, sa diin

magaagi kamo, pagapapanaugon ninyo ang akon mga uban nga may kasakit sa lulubngan.

**43** KAG ang gutum daku na gid sa duta.

2 Kag nahanabu nga, sang naurot nila sa pagkaon ang trigo nga dalá nila gikan sa Egipto, nagsiling sa ila ang ila amay: "Balalik-kamo, kag bakal-kamo nga sa aton sing diyot nga kalan-on."

3 Kag nagsabat si Iuda, nga nagasiling: "Yadtong lalaki nagpamatuud sa amon sing maligdong gid, nga nagasiling: Indi kamo makakita sang akon nawung, kon walá ang inyo útud upud sa inyo."

4 Kon ipadala mo ang amon útud upud sa amon, magadululhog kami, kag pagabaklan ikaw namon sing kalan-on;

5 Apang kon indi mo pagipadala sia, indi kami magadululhog; kay yadtong lalaki nagsiling sa amon: Indi kamo makakita sang akon nawung, kon walá ang inyo útud upud sa inyo."

6 Kag nagsiling si Israel: "¿Kay ngaa bala ginhimoan ninyo ako sing daku nga kalainan, nga nagpahayag kamo sa lalaki nga may útud pa kamo?"

7 Kag sila nagsalabat: "Yadtong lalaki nagpamangkot sing isaisa sa tungud gid lamang sa aton, kag tungud sa aton kahimataan, nga nagasiling: ¿Nagakabuhi pa ang inyo amay? ¿May útud pa kamo? Kag ginpahayagan namon sia, sono sining mga polong. ¿Sarang bala kami makahibalo kon ano ang iya pagaisiling kunta: Pakaria-ninyo ang inyo útud?"

8 Niyan si Iuda nagsiling kay Israel nga iya amay: "Ipadala ang pamatan-on upud sa akon, kag magatilindug kami kag magalalakat, agud nga magkalabuhi kami kag indi magkalamatay kami, kag ikaw kag ang amon mga kabataan."

9 Ako nagapasalig sini; pagapañgayoon mo sia sa akon kamut. Kon ako indi maguli sa iya sa imo kag magbutang sa iya sa imo atubangan, nga batok sa imo manginako ang nakasalá sa tanan nga mga adlaw.

10 Kay kon walá kami maglalantang diri, sa pagkamatuud karon nakabalik na kami kunta sing makaduha."

11 Niyan si Israel, nga iya amay, nagsabat sa iya: "Kay kon amo na ini,

himoa-ninyo ini: kuluha-kamo sang labing maayo sang duta sa inyo mga suludlan, kag dalalá-kamo sa sadtong lalaki sing isa ka dolot: sing diyot nga ihalapas kag diyot nga dugus, mga pahamut kag mira, mga nues kag mga almendras.

12 Kag dalalá-kamo sa inyo mga kamut sing apid nga kuarta, kag dalha-ninyo sa inyo kamut ang kuarta nga ginuli sa mga bàbâ sang inyo mga suludlan; aghan nanginsayup.

13 Kuuha man niyo ang inyo útud, kag tililindug-kamo, kag balalik-kamo sa sadtong lalaki.

14 Kag ang Makagagahum nga Dios maghatag sa inyo sing mga pagkalooy sa atubangan sa sadtong lalaki, kag magbuhi sia sa inyo sang isa sang inyo útud kag kay Benyamin. Kag kon pagadumilian ako sa akon mga anak, pagdumilian ako."

15 Niyan nagkuluha yadtong mga lalaki sang dolot, kag nagkuluha sing apid nga kuarta sa ila kamut, kag kay Benyamin; kag nagtilindug kag nagdululhog sila sa Egipto, kag nag-alatubang sila kay lose.

16 Kag nakita ni Iose si Benyamin upud sa ila, kag nagsiling sia sa tulugyanan sang iya balay: "Pasudla sa baláy inang mga tawo, kag pugot-ka sing hilihawon, kag himuson-mo sia; kay inang mga tawo magakalaon upud sa akon sa udto."

17 Kag ginhimo sang tawo, sono sang ginsiling ni Iose; kag gindalá sadtong tawo ang mga tawo sa baláy ni Iose.

18 Kag ginhadlukan yadtong mga tawo, sang gindalá sila sa baláy ni Iose, kag nagsiling sila: "Tungud sang kuarta nga ginuli sa aton mga suludlan sang una, gindalá nila kita diri, sa pagduksol sa aton, kag sa pagpintal sa aton, kag sa pagdakup sa aton subung nga mga ulipon kag sa aton mga asno."

19 Kag nagpalapit sila sa tulugyanan sang baláy ni Iose, kag ginhambal nila sia sa salamputan sang baláy.

20 Kag nagsiling sila: ¡Ay, ginoo nakon! Sa pagkamatuud sadto anay nagdululhog kami sa pagbakal sing kalan-on;

21 Kag nahanabu nga, sang pag-abut namon sa palahuwayan, kag ginhubaran namon ang amon mga suludlan, yari karon, ang kuarta sang tagsatagsa yara



sa bâbâ sang iya suludlan, ang amon kuarta sa iya matarung nga timbang; kag ginbalik namon ini sa amon mga kamut.

22 Nagdalâ man kami diri sa amon mga kamut sing liwan nga kuarta nga sa pagbakal sing kalan-on; kami walâ makahibalo kon sin-o ang nagbutang sang amon kuarta sa amon mga suludlan."

23 Kag sia nagsabat: "Paghidaet sa inyo, indi kamo magkahadluk; ang inyo Dios kag ang Dios sang inyo amay naghatag sa inyo sang bahandi sa inyo mga suludlan; ang inyo kuarta nagabut sa akon." Kag ginpagowa niya sa ila si Simeon.

24 Kag yadto nga lalaki nagdalâ sa sadtong mga tawo sa balây ni Iose; kag gintagaan niya sila sing tubig, kag nagpalanghinaw sila sang ila mga tiil, kag ginpakaon niya ang ila mga asno.

25 Kag gin-aman nila ang dolot tub-tub nga mag-abut si Iose, sa udto; kay nabatian nila, nga didto magakalaon sila sing tinapay.

26 Kag nag-abut si Iose sa balây, kag gindalalâ nila sa iya ang dolot, nga yara sa ila mga kamut, sa sulud sang balây, kag naglayaub sila tubtub sa duta.

27 Niyan nagpamangkot sia sa ila kon maanoano sila, kag nagsiling: "Ang tigulang nga amay, nga sa iya naghambal kamo, ¿maayo man bala? ¿Buhi pa sia?"

28 Kag sila nagsalabat: "Maayo ang imo alagad nga amon amay; nagakabuhi pa sia." Kag naglayaub sila kag naghlapa sila.

29 Kag sang pagbayaw niya sang iya mga mata, nakita niya si Benyamin nga anak sang iya ilôy, kag nagsiling sia: "¿Amo ini bala ang inyo útud nga manghud, nga ginhambal ninyo sa akon?" Kag sia nagsiling: "Ang Dios magkalooy sa imo, anak ko."

30 Niyan nagdalidali si Iose, kag nagkulurug ang iya mga kasudlan bangud sang iya útud, kag nagpangita sia sa diin magahibi: kag nagsulud sia sa iya hulut, kag naghibi didto.

31 Kag ginhilamosan niya ang iya nawung, kag naggowa sia; kag nagpugung sia, kag nagsiling: "Butang-kamo sing tinapay."

32 Kag nagbutang sila sing pain nga sa iya, kag sing pain gid nga sa ila, kag

sing pain nga sa mga Egiptohanon, nga nagkalaon upud sa iya; kay ang mga Egiptohanon indi sarang makakaon sing tinapay upud sang mga Hebreinhon, nga ini among kalangil-aran sa mga Egiptohanon.

33 Kag naglilingkod sila sa atubangan niya, ang magulang, sono sa iya pagkamagulang, kag ang manghud, sono sang iya pagkamanghud. Kag yadtong mga tawo naganagtinulukay ang isa sa isa nga may kahanguyus.

34 Kag ginpandalhan sing mga ginolot nga sa ila gikan sa atubangan niya; apang ang ginolot nga iya ni Benyamin nangindaku sing makalima pa sang bisan kay sin-o sa ila. Kag nagilinum, kag nagkalasadya sila upud sa iya.

**44** KAG nagsogo si Iose sa manugdumala sang iya balây, nga nagsiling: "Pun-a ang mga suludlan sining mga tawo sing mga kalan-on, ang tanan nga sarang nila madalâ, kag ibutang-mo ang kuarta sang tagsatagsa sa bâbâ sang iya suludlan.

2 Kag pagaibutang mo ang akon tagayan, ang tagayan nga pilak, sa bâbâ sang suludlan sang manghud, upud ang kuarta sang iya trigo." Kag ginhimo niya subung sang ginsiling ni Iose.

3 Kag sang pag-abut sang aga, ginpalakat nila ang mga tawo upud ang ila mga asno.

4 Sang nakagowa sila sa banwa, nga sa iya walâ pa sila makapalayô, nagsiling si Iose sa manugdumala sang iya balây: "Tindug-ka, kag kon sondon-mo inang mga tawo; kag kon malambut mo sila, isiling-mo sa ila: ¿Kay nga bala nga ginbalusan ninyo sing malain ang maayo?

5 ¿Indi bala ini ang tagayan nga sa iya nagainum ang akon ginoo, kag tungud sa iya sa masusun nagapamakot sia? Ginbuhat ninyo ang malain sa sini nga ginhimo ninyo."

6 Kag sang nalambut niya sila, nagsiling sia sa ila sining mga polong.

7 Kag sila nagsalabat: "¿Kay nga bala nga nagsiling ang amon ginoo sang subung nga mga polong? Walâ nga mas-a maghilimo sing subung ang imo mga alagad.

8 Yari karon, ang kuarta nga nakita namon sa bâbâ sang amon mga suludlan, ginbalik namon sa imo kutub sa

duta sa Kanaan. Busa, ¿paano bala nga magpangawat kami sa baláy sang imo ginoo sing pílak, bisan bulawan? Isa bisan kay sin-o sang imo m̄ga alagad, nga sa iya makita ang *tagayan*, nga mamatay sia, kag kami mangin m̄ga alagad pa sang amon ginoo.”

10 Kag sia nagsiling: “Karon manginonso man sa inyo m̄ga polong. Yadto nga sa iya makita ini, mangin-alagad namon, kag kamo manginwalay salá.”

11 Niyan nagdalidali sila, kag ginpangholog sang tagsatagsa ang iya suludlan sa duta, kag ginbukaran sang tagsatagsa ang iya suludlan.

12 Kag ginpangita niya: kutub sa magulang nagsugud sia, kag nagtapus sa manghud; kag ang tagayan nakita sa suludlan ni Benyamin.

13 Niyan ginpangusnit nila ang ila m̄ga panapton kag naglulan ang tagsatagsa sa iya asno, kag nagbalalik sila sa banwa.

14 Kag nag-abut si Iuda upud sa iya m̄ga útud sa baláy ni Iose, nga yadto pa didto sia, kag naglayaub sila sa duta sa atuhangan niya.

15 Kag nagsiling sa ila si Iose: “¿Ano bala nga buhat ini nga ginhimoninyo? ¿Walá bala kamo makahibalo nga ang isa ka tawo nga subung sa akon nakahibalo magpakot?”

16 Niyan nagsiling si Iuda: “¿Ano bala ang pagaisiling namon sa amon ginoo? ¿Ano bala ang pagaihambal namon? O ¿kon ano ang pagpamatuud namon? Ang Dios nakakita sang kala-inan sang imo m̄ga alagad: yari karon kami m̄ga alagad sang amon ginoo, kami kag yadto man nga sa iya kamut ginkitaan sang tagayan.”

17 Kag sia nagsabat: “Walá nga mas-a maghimo ako sing subung: ang lalaki nga sa iya kamut nakitaan sang tagayan, sia manginakon alagad; palauli-kamo sa paghidaet sa inyo amay.”

18 Niyan si Iuda nagpalapit sa iya, kag nagsiling: “Ay, ginoo ko! Ginaampo ko sa imo, nga maghambal ang imo alagad sing isa ka polong sa m̄ga idulungug sang akon ginoo, kag indi magdabdab ang imo kaakig batok sa imo alagad, kay nga ikaw among subung kay Paraon.

19 Ang akon ginoo nagpamangkot sa

iya m̄ga alagad, nga nagsiling: “May amay bala kamo kon útud?”

20 Kag kami nagsabat sa akon ginoo: May isa kami ka tigulang nga amay, kag isa ka pamatan-on nga natawo sa iya sa iya katigulangon, diyotay pa; kag ang isa ka útud niya namatay, kag sia nabilin lamang sa iya ilóy, kag ang iya amay nagahigugma sa iya.

21 Kag ikaw nagsiling sa imo m̄ga alagad: Dalha-ninyo sia sa akon, kag pagaibutang ko ang akon m̄ga mata sa ibabaw niya.

22 Kag kami nagsiling sa akon ginoo: ang pamatan-on indi sarang makabiya sa iya amay, kay kon magbiya sa iya, mamatay ang iya amay.

23 Kag nagsiling ka sa imo m̄ga alagad: Kon ang inyo útud nga manghud indi magdulhog upud sa inyo, indi na ninyo makita ang akon nawung.

24 Busa nahanabu nga, sang pagtaklad namon sa amon amay, nga imo alagad, ginsugid namon sa iya ang m̄ga polong sang akon ginoo.

25 Kag nagsiling ang amon amay: Balalik-kamo sa pagbakal sa amon sing isa ka diyotay nga kalan-on.

26 Kag kami nagsalabat: Indi kami sarang makadulhog. Kon ang amon útud magaupud sa amon magadulhog kami; kay indi kami sarang makatanaw sang nawung sadtong tawo kon walá upud sa amon útud nga manghud.

27 Niyan ang imo alagad, nga akon amay, nagsiling sa amon: Kamo nakahibalo, nga duha ang gin-anak sa akon sang akon asawa.

28 Kag ang isa naghali sa akon, kag nagsiling ako: Sa pagkamatuud nga ginkusint sia, tubtub niyan walá ko sia makita.

29 Kag kon kuhaon man ninyo ini sa atubangan nakon, kag mahanabu sa iya ang isa ka kalalat-an, pagapapanaugon ninyo ang akon m̄ga uban nga may malain sa lulubngan.

30 Busa karon, kon mag-abut ako sa imo alagad, nga akon amay, kag ang pamatan-on indi magaupud sa akon, siling nga ang iya kalág natapik sa kalág niya sini,

31 Mahanabu nga, kon indi niya makita ang pamatan-on, mamatay sia. Kag ang imo m̄ga alagad magapapanaug sang m̄ga uban sang imo alagad, nga amon amay, nga may kasakit sa lulubngan.



32 Kay ang imo alagad naggowa nga manugpalig-on sang pamatan-on sa akon amay, nga nagasiling: Kon indi ko pagibalik sia sa imo, niyan mangin ako ang nakasalâ batok sa akon amay sa tanan nga mga adlaw.

33 Ngani ginaampo ko sa imo, nga magpabilin karon ang imo alagad sa baylo sang pamatan-on nga alagad sang akon ginoo, kag nga ang pamatan-on magtaklad upud sa iya mga útud.

34 Kay ¿paano bala ang pagtaklad ko sa akon amay kon walâ ang pamatan-on? Nga ako indi magtan-aw kuinta sang kalainan nga magaabut sa akon amay."

Si Iose nagapakilala sa iya mga útud.

**45** SI Iose indi na sarang makapungung sa atubangan sang tanan nga mga yara sa luyo niya, kag nagtuaw sia: "Pagowaa-ninyo ang tanan;" kag walâ bisan sin-o nga nabilin sa iya, sang pagpakilala ni Iose sa iya mga útud.

2 Niyan naghaya sia, kag nagpakabati sini ang mga taga-Egipto, kag nakabati man sini ang pinamaláy ni Paraon.

3 Kag si Iose nagsiling sa iya mga útud: "Ako amo si Iose. ¿Nagakabuhi pa bala ang akon amay?" Kag ang iya mga útud walâ makasarang makasabat sa iya, kag nalisang sila sa atubangan niya.

4 Niyan nagsiling si Iose sa iya mga útud: "Palapit-kamo karon sa akon." Kag sila nagpalapit. Kag sia nagsiling: "Amo ako si Iose nga inyo útud, nga amo ang inyo ginbaligya pa Egipto.

5 Ngani karon, indi kamo magkalasubu, bisan magkalasakit-kamo, nga ginbaligya ninyo ako diri, kay agud mapadayon ang pagkabuhi, ginpadalâ ako sang Dios sing úna sa inyo.

6 Kay sining duha ka tuig ang gutum yari sa tungâ sang duta, kag nabilin pa ang lima ka tuig, nga indi makadaro, bisan makaani pa.

7 Kag ang Dios nagpadalâ sa akon sing úna sa inyo, agud nga magtigana sa inyo sing nabilin sa duta, kag sa pagpadayon sa inyo sing kabuhi bangud sang isa ka daku nga pagkaluwas.

8 Ngani, walâ ninyo ako pagipadalâ diri, kondi ang Dios, nga naghimo sa akon nga amay ni Paraon kag ginoo sa bug-os niya nga pinamaláy, kag gobernador sa bug-os nga duta sa Egipto.

9 Dalidali-kamo, magtaklad-kamo sa akon amay kag isiling-ninyo sa iya: Amo ining ginsiling sang imo anak nga si Iose: Ang Dios naghimo sa akon nga ginoo sa bug-os nga Egipto. Kari-ka sa akon. Dili-ka magdugay.

10 Kag magapuyô ka sa duta sang Gosen, kag magakabuhi ka sa malapit sa akon, ikaw kag ang imo mga anak nga lalaki, kag ang mga anak nga lalaki sang imo mga anak nga lalaki, ang imo kahayupan, kag ang imo kabakahan, kag ang tanan nga imo.

11 Kag didto pagapakaanon ko ikaw, kay nabilin pa ang lima ka tuig nga gutum, basi pa nga manginimol ka, ikaw kag ang imo panimaláy kag ang tanan nga imo.

12 Kag yari karon, ang imo mga mata nagatan-aw, kag ang mga mata sang akon útud nga si Benyamin nagatan-aw, nga ang akon bâbâ nagahambal sa inyo.

13 Ngani, ipahibalo-ninyo sa akon amay ang bug-os ko nga himaya sa Egipto kag ang tanan nga inyo makita; kag magdalidali-kamo, kag dalhon-ninyo diri sa akon ang akon amay."

14 Niyan naghakus sia sa liog ni Benyamin kag naghibi, kag si Benyamin naghibi sa iya liog.

15 Kag naghaluk sia sa tanan niya nga mga útud, kag naghibi bangud sa iya; kag ugaling naghalambal sa iya ang iya mga útud.

16 Kag nabatian ang balita sa baláy ni Paraon, nga nagasiling: "Nag-alabutang mga útud ni Iose." Kag ginkahamut-an ini sang mga mata ni Paraon kag sang iya mga alagad.

17 Kag nagsiling si Paraon kay Iose: "Isiling-mo sa imo mga útud: Himoa-ninyo ini: Iulani-ninyo ang inyo mga kasapatan, kag lalakat-kamo; kag palauli-kamo sa duta sa Kanaan.

18 Kag kuhaa-ninyo ang inyo amay, kag ang inyo panimaláy, kag kalari-kamo sa akon, nga ako magahatag sa inyo sang maayo sang duta sa Egipto, kag magakalaon kamo sang tambok sang duta.

19 Kag ginasogo ka: Himoa-ninyo ini: Kuluha-kamo sa duta sa Egipto sing mga kanga nga sa inyo mga kabataan kag sa inyo mga asawa; kag kuhaa-ninyo ang inyo amay, kag kalari-kamo.

20 Kag indi kamo magbalalikid sang

inyo mġa galamiton, kay ang *labing* maayo sang duta sa Egipto mangininyo."

21 Kag ginhimo ini sang mġa anak ni Israel: kag ginhatagan sila ni Iose sing mġa kanga, sono sang sogo ni Paraon, kag ginhatagan sila niya sing mġa kalan-on nġa sa dalanon.

22 Sa tagsatagsa sa ila nġa tanan ginhatagan niya sing mġa ilisan, kag si Benyamin ginhatagan niya sing tatlo ka gatus ka panid nġa pġlak kag lima ka ilisan.

23 Kag sa iya amay ginpadalá niya ini: napŭlô ka asno nġa napanlulanan sang labing maayo sa Egipto, kag napŭlô ka bakia nġa asno nġa napanlulanan sang trigo, sang tinapay, kag sang kalan-on nġa sa iya amay, sa dalanon.

24 Kag ginpapauli niya ang iya mġa útud, kag naglakakat sila. Kag sia nagsiling sa ila: "Ayaw kamo paglalaway sa dalanon."

25 Kag nagtalaklad sila gikan sa Egipto, kag nag-alabut sila sa duta sa Kanaan kay Iakob nġa ila amay.

26 Kag ginbalitaan nila sia, nġa nagsililing: "Nagakabuhi pa si Iose, kag sia amo ang ginoo sa bug-os nġa duta sa Egipto." Kag ang iya tagiposoon nagapadayon nġa mabugnaw, kay walâ sia magapáti sa ila.

27 Kag sila nagsulugid sa iya sang tanan nġa mġa polong ni Iose, nġa ginhambal niya sa ila; kag sang nakita niya ang mġa kanga, nġa ginpadalá ni Iose nġa sa pagdalá sa iya, ang espiritu ni Iakob, nġa ila amay, naumpawan.

28 Niyan nagsiling si Israel: "¡Tuman na! Si Iose nġa akon anak nagakabuhi pa; magakadto ako sa iya kag magatanaw ako sa iya, sa walâ pa ako mamatay."

Si Iakob nagadulhog pa Egipto.

**46** KAG nagtaliwan si Israel upud sang tanan nġa iya, kag nag-abut sia sa Beer-seba; kag naghalad sia sing mġa halad sa Dios sang iya amay nġa si Isaak.

2 Kag ang Dios naghambal kay Israel sa mġa palan-awon, sa kagab-hon, kag nagsiling sia: "¡Iakob, Iakob!" Kag sia nagsabat: "Yari ako."

3 Kag ang Dios nagsiling: "Ako among Dios, ang Dios sang imo amay;

indi ka magkahadluk sa pagdulhog sa Egipto, kay pagahimoon ko ikaw didto nġa daku nġa katawohan.

4 Ako gid magadulhog upud sa imo sa Egipto, kag sa pagkamatuud gid, pagapabaliken ko ikaw; kag si Iose magabutang sang iya kamut sa ibabaw sang imo mġa mata."

5 Kag nagtindug si Iakob sa Beer-seba; kag gindalá sang mġa anak ni Israel ang ila nġa amay nġa si Iakob, kag ang ila mġa kabataan, kag ang ila mġa asawa, sa mġa kanga nġa ginpadalá ni Paraon sa pagdalá sa ila.

6 Kag ginkuluha nila ang ila mġa kahayupan, kag ang ila pagkabutang nġa nakita sa duta sa Kanaan, kag nag-alabut sila sa Egipto, si Iakob kag ang tanan niya nġa kaliwatan upud sa iya.

7 Ang iya mġa anak nġa lalaki, kag ang mġa anak nġa lalaki sang iya mġa anak nġa lalaki upud sa iya; ang iya mġa anak nġa babae, kag ang mġa anak nġa babae sang iya mġa anak nġa lalaki: ang tanan niya nġa kaliwatan gindalá niya upud sa iya sa Egipto.

8 Yari karon ang mġa nġalan sang mġa anak nġa lalaki ni Israel, nġa nagsululúd sa Egipto: Si Iakob, kag ang iya mġa anak: si Ruben, ang pang'anay ni Iakob;

9 Kag ang mġa anak nġa lalaki ni Ruben: si Enok, si Palu, si Hesron kag si Karme;

10 Kag ang mġa anak nġa lalaki ni Simeon: si Iemuel, si Iamin, si Ohad, si Iakin, si Sohar, kag si Saul, anak sang Kanaanhon nġa babae;

11 Kag ang mġa anak nġa lalaki ni Lebi: si Gerson, si Koat kag si Merari;

12 Kag ang mġa anak nġa lalaki ni Iuda: si Er, si Onan, si Sela, si Pares kag si Sera; apang si Er kag si Onan, nagkalamatay sa duta sa Kanaan. Kag ang mġa anak ni Peres amo si Hesron kag si Hamul;

13 Kag ang mġa anak nġa lalaki ni Isakar: si Tola, si Pua, si Iob kag si Simeon;

14 Kag ang mġa anak nġa lalaki ni Sabulon: si Sered, si Elon kag si Ialehel.

15 Ini sila among mġa anak nġa lalaki ni Lea, ang mġa gin-anak niya kay Iakob sa Padan-Aram, kag labut pa si Dina nġa iya anak nġa babae; ang tanan, katloan kag tatlo ang mġa kalág sang iya mġa anak nġa lalaki kag mġa babae.



16 Ang mga anak nga lalaki ni Gad : si Sipihon, si Hagi, si Esbon, si Suni, si Eri, si Arodi kag si Areli.

17 Ang mga anak nga lalaki ni Aser : si Imua, si Iswa, si Iswi, si Beria kag si Sera, útud nga babae nila. Ang mga anak nga lalaki ni Beria : si Heber kag si Malkiel.

18 Ini sila amo ang mga anak ni Silpa, nga ginhatag sia ni Laban kay Lea, nga iya anak nga babae; kag ini sila ginpanganak niya kay Iakob; ang tanan, napúlô kag anum ka kalág.

19 Ang mga anak nga lalaki ni Rakel, asawa ni Iakob : si Iose kag si Benyamin.

20 Kag nagkalatawo kay Iose sa duta sa Egipto si Manases kag si Epraim, ang mga gin-anak sa iya ni Asenat, anak nga babae ni Potipera, saserdote sa On.

21 Ang mga anak nga lalaki ni Benyamin : si Bela, si Beker, si Asbel, si Gera, si Naaman, si Ehi, si Ros, si Mupim, si Hupim kag si Ard.

22 Ini sila amo ang mga anak nga lalaki ni Rakel, nga nagkalatawo kay Iakob : ang tanan, napúlô kag apat ka kalág.

23 Kag ang mga anak nga lalaki ni Dan : si Husi.

24 Ang mga anak nga lalaki ni Nephtali : si Iaseel, si Guni, si Ieser kag si Silem.

25 Ini sila mga anak ni Bilha, nga ginhatag sia ni Laban kay Rakel, nga iya anak nga babae; kag ini sila gin-anak niya kay Iakob : ang tanan, pito ka kalág.

26 Ang tanan nga mga kalág nga nag-alabut upud ni Iakob sa Egipto, nga nagilikan sa iya hawak, walay labut sang mga asawa sang mga anak nga lalaki ni Iakob; ang tanan, kanuman kag anum sila ka kalág.

27 Kag ang mga anak nga lalaki ni Iose, nga nagkalatawo sa iya sa Egipto, duha ka kalág. Ang tanan nga mga kalág sang baláy ni Iakob, nga nagsululud sa Egipto : kapitoan sila.

28 Kag ginpadalá ni Iakob si Iuda sa úna niya nayon kay Iose, agud nga magúna sa iya sa dalan pa Gosen. Kag nag-alabut sila sa duta sa Gosen.

29 Kag si Iose nagtakud sang iya kanga kag nagkadto sa pagbaton kay Israel, nga iya amay sa Gosen. Kag

nag-atubang sia sa iya, kag naghakus sia sa iya liog, kag naghibi sia sing malawig sa iya liog.

30 Niyan si Israel nagsiling kay Iose : “Mamatay ako kunta karon, kay nakita ko na ang imo nawung, kag nagakabuhi pa ikaw.”

31 Kag si Iose nagsiling sa iya mga útud, kag sa baláy sang iya amay : “Magataklad ako kag pagapahibaloon ko si Paraon, kag magasiling ako sa iya : Ang akon mga útud kag ang baláy sang akon amay, nga didto sila sa duta sa Kanaan, nag-alabut sila sa akon;

32 Kag ang mga lalaki manugbantay sila sang mga obeha kag mga tawo sila nga mga hayupan; kag gindalá nila diri ang ila kinabon, kag ang ila kabakahan, kag ang tanan nga ila.

33 Kag kon si Paraon magtawag sa inyo, kag magsiling : ¿ano bala ang inyo kalibangan?

34 Niyan magasiling kamo : “Nangin mga lalaki nga hayupan ang imo alagad kutub sa amon pagkapamatan-on tubtub karon, kami kag ang amon mga ginikanan”, agud nga magpuluyô kamo sa duta sang Gosen. Kay ginakangil-aran sang mga Egiptohanon ang tanan nga mga manugbantay sang mga obeha.”

**47** KAG si Iose nagkadto, kag nagpahibalo kay Paraon, kag nagsiling sia : “Ang akon amay kag ang akon mga útud, kag ang ila mga obeha, kag ang ila kabataan patí ang tanan nga ila, nag-alabut sila gikan sa duta sa Kanaan, kag yari karon, yara sila sa duta sang Gosen.”

2 Kag nagkuha sia sing lima ka lalaki sa iya mga útud, kag ginpaatubang niya sila kay Paraon.

3 Kag si Paraon nagsiling sa iya mga útud : “¿Ano bala ang inyo kalibangan?” Kagsila nagsalabat kay Paraon : “Mga manugbantay sang obeha ang imo mga alagad, kami subung man ang amon mga ginikanan.”

4 Labut pa nagsiling sila kay Paraon : “Sa pagpanlugayaw sa sini nga duta nagpakari kami, kag walay halaban nga sa mga obeha sang imo mga alagad, kay ang gutum mabug-at na sa duta sa Kanaan; ngani ginaampo namon sa imo karon, nga pagtugutan kunta nga magpuyô ang imo mga alagad sa duta sang Gosen.”

5 Niyan si Paraon naghambal kay Iose, nga nagasiling: "Ang imo amay kag ang imo mga útud nag-alabut sa imo.

6 Ang duta sa Egipto yara sa imo atubangan; sa labing maayo sang duta papuyô ang imo amay kag ang imo mga útud: magpuluyô sila sa duta sang Gosen. Kag kon ginahangup mo, nga sa ila may mga tawo nga sampaton, ibutang-mo sila nga mga pangolo sang akon kahayupan."

7 Kag gindalâ ni Iose ang iya amay, kag ginpaatubang niya sia kay Paraon; kag ginpakamaayo ni Iakob si Paraon.

8 Kag si Paraon nagsiling kay Iakob: "¿Kapid-an na bala ang mga kaadlawan sang mga tinuig sang imo kabuhi?"

9 Kag si Iakob nagsabat kay Paraon: "Ang mga kaadlawan sang mga tuig sang akon pagpanlakatan mga isa ka gatus kag katloan ka tuig: nangindiyo-tay kag mga malain ang mga kaadlawan sang mga tinuig sang akon kabuhi, kag walâ sila maglambut sa mga kaadlawan sang mga tinuig sang kabuhi sang akon mga giniklanan, sa mga kaadlawan sang ila pagpanlakatan."

10 Kag ginpakamaayo ni Iakob si Paraon, kag naghalin sia sa atubangan ni Paraon.

11 Kag ginpapuyô ni Iose ang iya amay kag ang iya mga útud, kag ginhatagan niya sila sing pagkaugalingon sa duta sang Egipto, sa labing maayo sang duta, sa duta sa Rameses, sono sang ginsogo ni Paraon.

12 Kag ginpakaon ni Iose ang iya amay kag ang iya mga útud, kag ang bug-os nga baláy sang iya amay, sang tinapay, sono sang kadamuon sang ila nga panimalay.

13 Kag walâ na sing tinapay sa bug-os nga duta, kag ang gutum mabugat ka tama; nga tungud sini natup-ay sa gutum ang duta sa Egipto kag ang duta sa Kanaan.

14 Kag gintipon ni Iose ang tanan nga kuarta nga nakita sa duta sa Egipto, kag sa duta sa Kanaan, tungud sang mga kalan-on nga ginabakal nila sa iya; kag ginsulúd ni Iose ang kuarta sa baláy ni Paraon.

15 Kag sang naubus ang kuarta sa duta sa Egipto, kag sa duta sa Kanaan, nagkadto ang bug-os nga Egipto kay Iose, nga nagasiling: "Hatagi-kami

sing tinapay: ¿kay nga bala magapan-ningmatay kami sa imo gid atubangan, tungud kay naubus na ang kuarta?"

16 Kag si Iose nagsiling: "Hatagininyo ang inyo kahayupan, kag pagahatagan ko kamo tungud sang inyo kahayupan, kon naubus na ang kuarta."

17 Kag gindalâ nila kay Iose ang ila kahayupan; kag si Iose naghatag sa ila sing tinapay tungud sa mga kabayo, kag tungud sang mga kinabon nga obeha, kag tungud sang mga kabakahan, kag tungud sang mga asno; sa bagay nga ginsagud sila niya sing tinapay tungud sa tanan nila nga kahayupan sadtong tuig.

18 Kag sang natapus yadtong tuig, nagkaladto sila sa iya sang ikaduha ka tuig, kag ginsilingan nila sia: "Indi kita magtago sa aton ginoo, nga ang kuarta, sa pagkamatuud gid, naubus; kag ang kahayupan man iya na sang amon ginoo; walâ na gid sing nabilin sa atubangan sang amon ginoo kondi ang amon mga lawas kag ang amon duta.

19 ¿Kag nga bala magakadula kami sa atubangan sang imo gid mga mata, kami subung man ang amon duta? Bakla kami, kami kag ang amon duta tungud sang tinapay, kag magamanginalagad kami ni Paraon, kami kag ang amon duta: kag hatagi kami sing binhi, agud nga magkalabuhi kami, kag indi kami magkalamatay, kag indi kunta paghapayon ang duta."

20 Niyan ginbakal ni Iose ang bug-os nga duta sa Egipto nga sa kay Paraon; kay ang mga Egiptohanon nagbaligya ang tagsatagsa sang ila mga duta, kay nagbug-at ang gutum sa ibabaw nila: kag ang duta naginiya ni Paraon.

21 Kag nahanungud sang banwa, ginpaagi niya sia sa mga kabanwaan, kutub sa isa ka ukbung sang Egipto tubtub sa isa ka ukbung.

22 Lamang walâ niya pagbakla ang duta sang mga saserdote, tungud kay ang mga saserdote may pahat nga pinatin ni Paraon, kag ginakaon nila ang pahat nga pinatin, nga ginhatag sa ila ni Paraon; tungud sini walâ nila pagibaligya ang duta nila.

23 Kag si Iose nagsiling sa banwa: "Yari karon, ginbakal ko kamo sining adlaw kag ang inyo duta nga sa kay Paraon: yari karon ang binhi, kag pagatamnan ninyo ang duta.



24 Kag mahanabu nga sa ani pagaihatag ninyo ang ikalima kay Paraon, kag ang iban nga apat ka bahin mangin-inyo nga sa pagtanum sang duta, kag nga sa inyo kalan-on kag sang mga yara sa inyo mga baláy, kag nga sa kalan-on sang inyo mga kabataan."

25 Kag sila nagsalabat: "Ang kabuhi ginhatag mo sa amon; makakita kami kunta sing bugay sa mga mata sang amon ginoo, kag magamanginulipon kami ni Paraon."

26 Niyan ginbutang ni Iose ini nga palatukuran, tubtub karon, sa ibabaw sang duta sa Egipto: "Ang ikalima nga sa kay Paraon," luwas lamang ang duta sang mga saserdote, nga naninginindi iya ni Paraon.

27 Busa nagpuyô si Israel sa duta sa Egipto, sa duta sang Gosen; kag nagtagi-ya sila sang mga kaugalingon sa iya, kag nagpalamunga sila, kag nagdalamu sila sing tuman gid ka damu.

28 Kag nagkabuhi si Iakob sa duta sa Egipto sing napulô kag pito ka tuig: kag ang mga kaadlawan ni Iakob, ang mga tinuig sang iya kabuhi, naninginisa ka gatus kap-atan kag pito ka tuig.

29 Niyan nagpalapit ang mga adlaw nga si Israel mamatay na, kag gintawag niya si Iose nga iya anak, kag ginsilingan niya sia: "Kon nakakita ako karon sing bugay sa atubangan sang imo mga mata, ginaampo ko sa imo, nga pagaibutang mo ang imo kamut sa idalum sang akon balikawang, kag *magasumpa* ka nga magahimo ka sa akon sing pagkalooy kag sing kama-tooran; ginaampo ko sa imo, nga ayaw ako pagilubung sa Egipto.

30 Kon magtolog ako upud sa akon mga ginikanan, pagadalhon mo ako gikan sa Egipto, kag pagailubung mo ako sa lulubngan nila." Kag sia nagsabat: "Pagahimoon ko, sono sang imo ginsiling."

31 Kag sia nagsiling: "Magsumpaka sa akon sini." Kag sia nagsumpa sa iya. Niyan si Israel naghilay sa ibabaw sang olohan sang higdaan.

Si Iakob nagpakamaayo sa mga anak ni Iose.

**48** KAG nahanabu, sa tapus sining mga butang, nga ginsiling kay Iose: "Yari karon, ang imo amay nagabalatian." Kag gindala niya upud

sa iya ang iya duha ka anak, si Manases kag si Epraim.

2 Kag ginpahibalo kay Iakob, nga nagsiling: "Yari karon, ang imo anak nga si Iose nagakari sa imo." Niyan naghimud-os si Israel, kag naglingkod sia sa ibabaw sang higdaan.

3 Kag nagsiling sia kay Iose: "Ang Makagagahum nga Dios nagpahayag sa akon, sa Lus sa duta sang Kanaan, kag ginpakamaayo niya ako,

4 Kag nagsiling sia sa akon: "Yari karon pagapabungahon ko ikaw, kag pagapadamuon ko ikaw, kag pagahimoon ko ikaw nga katilingban sang mga banwa; kag pagaihatag ko ini nga duta sa imo kaliwatan sa olehe nimo nga dayon nga panublion.

5 Kag karon ang imo duha ka anak, si Epraim kag si Manases, nga nagkalatawo sa imo sa duta sa Egipto, tubtub nga ako mag-abut sa imo sa duta sang Egipto, akon sila; subung kay Ruben kag kay Simeon manginakon sila.

6 Kag ang mga ginpanganak mo sa olehe nila, manginimo sila; sa ngalan sang imo mga utud pagapanawgon sila, sa ila mga panublion.

7 Kag sang ako nagpakari gikan sa Padan-Aram, napatay sa akon si Rakel sa duta sang Kanaan, sa dalanon nga malayolayô pa sang pag-abut sa Eprata; kag ginlubung ko sia didto sa dalanon sa Eprata, nga among Bethlehem."

8 Kag nakita ni Israel ang mga anak ni Iose, kag nagsiling sia: "¿Sanday sin-o bala ini sila?"

9 Kag nagsabat si Iose sa iya amay: "Akon mga anak sila, nga ginhatag sa akon diri sang Dios." Kag sia nagsiling: "Papalapita sila karon sa akon, kag pagapakamaayohon ko sila."

10 Kag ang mga mata ni Israel nagadululum na sa katigulangon, nga indi sarang makakita. Busa ginpalapit niya sila sa iya, kag ginhalukan kag ginhakus niya sila.

11 Kag nagsiling si Israel kay Iose: "Walâ ako maghunahuna magtan-aw sang imo nawung, kag yari karon, ang Dios nagpatan-aw sa akon man sang imo kaliwatan."

12 Niyan ginkuha ni Iose sila sa tungâ sang iya mga tuhod, kag naghasa sia sa duta.

13 Kag ginkuha sila nga duha ni Iose,

si Ephraim sa iya too, nayon sa walá ni Israel; kag si Manases sa iya walá, nayon sa too ni Israel; kag ginpapalapit niya sila sa iya.

14 Niyan ginuntay ni Israel ang iya too kag ginbutang niya sia sa ibabaw sang olo ni Ephraim, nga amo ang manghud; kag ang iya walá sa ibabaw sang olo ni Manases, nga ginpahamtang niya sing hungud ang iya mga kamut, kay si Manases ang panganay.

15 Kag ginpakamaayo niya si Iose, kag nagsiling: "Ang Dios nga sa iya atubangan naglalakat ang akon mga ginikanan, si Abraham, kag si Isaak, ang Dios nga naninginmanugbantay nakon kutub nga naninginamo ako, tubtub sining adlaw,

16 Ang manugtunda nga nagbawi sa akon sa tanan nga kalaut magpakamaayo sa sining mga pamatan-on: kag ang akon ngalan pagtawgon kunta sa ila, kag ang ngalan sang akon mga ginikanan, si Abraham kag si Isaak, kag magdalamu sila kunta sing tuman gid sa tunga sang duta."

17 Niyan sang nakita ni Iose nga ginabutang sang iya amay ang kamut nga too sa ibabaw sang olo ni Ephraim, naglain ang iya buut sini; kag ginuyatan niya ang kamut sang iya amay, nga sa paghálín sa iya gikan sa ibabaw sang olo ni Ephraim pa olo ni Manases.

18 Kag nagsiling si Iose sa iya amay: "Indi amo ini, amay ko, kay ini amo ang panganay; ibutang ang imo too sa ibabaw sang iya olo."

19 Apang ang iya amay nagpangindi, kag nagsiling: "Nakahibalo ako sini, anak ko, nakahibalo ako sini: sia magmanginisa ka banwa man, kag magadamu man sia; apang ang iya útud nga manghud magamangindaku pa sa iya, kag ang iya kaliwatan magamanginkabug-osang sang mga katawohan."

20 Kag nagpakamaayo sia sa ila sa sadtong adlaw, nga nagasiling: "Sa imo magapakamaayo si Israel, nga nagasiling: Paghimoon kunta sang Dios nga magmanginsubung ikaw kay Ephraim kag subung kay Manases." Kag ginbutang niya si Ephraim nga úna kay Manases.

21 Kag nagsiling si Israel kay Iose: "Yari karon, ako mamatay; apang ang Dios manginkaúpud ninyo, kag maga-

papauli sia sa inyo sa duta sang inyo mga ginikanan.

22 Kag ako nagahatag sa imo sing labi pa sang sa imo mga útud, sang bahin nga ginkuha ko sa kamut sang mga Amorinhon sa akon hinganiban kag sa akon pana."

Si Iakob nagapakamaayo sa iya mga anak;  
ugaling mamatay sia.

**49** KAG gintawag ni Iakob ang iya mga anak, kag nagsiling sia: "Tilipon-kamo, kag pagaipahayag ko sa inyo ang magakahanabu sa inyo sa palaabuton nga mga adlaw:

2 Tilipon kag palamati-kamo, mga anak ni Iakob;

Kag dunga-ninyo si Israel, nga inyo amay.

3 Ruben, ikaw amo ang akon panganay, ang akon kabakuran, kag ang pamunô sang akon kusug, Ang labing daku sa kadunganan, ang labing daku sa gahum.

4 Mahuyang subung sang mga tubig, indi ikaw ang magmanginlabing daku;

Tungud kay nagsaka ka sa higdaan sang imo amay;

Niyan gindagtaan mo ini: sia nagsaka sa akon higdaan.

5 Si Simeon kag si Lebi magutud sila;

Ang ila mga hinganiban mga galamiton sa pagpanlugus.

6 Ang akon kalág indi magsulud kunta sa ila laygay;

Ang akon himaya indi magimpon kunta sa ila kasapulan,

Kay sa ila kasingkal nagpatay sila sing tawo.

Kag sa ila kaugalingon nga kabubuton ginkitinan nila ang baka.

7 Magmanginmalaut ang ila kaakig, kay naninginmabangis sia,

Kag ang ila kasingkal, kay naningmatig-a sia.

Pagabahinon ko sila sa Iakob, Kag pagapaalapaagon ko sila sa Israel.

8 Iuda, pagadayawon ka sang imo mga útud:

Ang imo kamut sa tingkoy sang imo mga kaaway.

Ang mga anak sang imo amay magalayaub sa imo.



- 9 Totoy sang leon si Iuda :  
Sa tulukbon, anak ko, nagsaka ka :  
Nagkoko sia, nagluko subung sang  
Leon,  
Kag subung sang leon nga babae.  
; Sin-o ang magapukaw sa iya ?
- 10 Ang patók nga harianon indi mag-  
bulag kay Iuda,  
Bisan ang patók sa pagkamanug-  
gahumsa tungâ sang iya mga tiil,  
Tubtub nga mag-abut si Silo,\*  
Kag ang pagkamasinolugton sang  
mga katawohan manginiya.
- 11 Ginagaed niya sa púnô sang ubas  
ang iya tinday ;  
Kag sa pinili nga sangâ ang tinday  
sang iya asno nga babae ;  
Ginabunakan niya sa alak ang iya  
panapton,  
Kag sa dugo nga ubas ang iya  
kunup :
- 12 Ang iya mga mata mga mapula  
sang alak,  
Kag ang iya mga ngipon maputi  
sang gatas.
- 13 Si Sabulon magapuyô sa mga  
dungkaan sang dagat ;  
Kag magamanginbaybayon sang  
mga sakayan,  
Kag ang iya dulunan nayon sa  
Sidon.
- 14 Si Isakar, asno nga hanul-an,  
Nga nagaligid sa tungâ sang mga  
palasudlan.
- 15 Kag nakita niya nga maayo ang  
palahuwayan,  
Kag ang duta kalahamut-an ;  
Kag gintaya niya ang iya abaga  
nga sa pagdalá,  
Kag nagpasakup sia sa buhis sang  
ulipon.
- 16 Si Dan magahukom sa iya banwa,  
Subung nga isa sang mga kabika-  
han sa Israel.
- 17 Si Dan manginman-ug sa dalan,  
Isa ka man-ug nga dalitan sa  
banas,  
Nga nagakagat sang mga tikod  
sang mga kabayo,  
Sa bagay nga nagabaliskad ang iya  
manugpangabayo.
- 18 Ginahulat ko ang imo kaluwasan,  
Oh Ichoba.
- 19 Si Gad pagadasmagan sang ka-  
soldadosan ;

\* Silo, kapahuwayan.

- Apang sia magadasmag sa iya  
tikod.
- 20 Gikan kay Aser ang iya tinapay  
nga lanalanahon ;  
Kag sia nagahatag sing mga ka-  
lipayan nga harianon.
- 21 Si Neptali, usa nga babae nga  
binuhian,  
Nga nagahatag sing mga polong  
sa kagayonan.
- 22 Si Iose sangâ nga mabungahon,  
Sangâ nga mabungahon sa luyo  
sang tuburan ;  
Ang iya mga sangâ nagauluntay  
sa ibabaw sang kuta.
- 23 Ang mga manugpana nagpapait  
gid sa iya,  
Kag ginpana nila sia kag gintimu-  
lang nila sia :
- 24 Apang ang iya pana nagapadayon  
sa iya kusug ;  
Kag ang iya mga butkon kag ang  
iya mga kamut nagakulusug,  
Tungud sang mga kamut sang  
Makusug ni Iakob,  
Tungud sang Dios nga among Ma-  
nugbantay, ang Bató sa Israel,
- 25 Tungud sang Dios sang imo Amay,  
nga magabulig sa imo,  
Kag tungud sang Makagagahum sa  
ngatanan, nga magapakamaayo  
sa imo,  
Sa mga pagpakamaayo sang ka-  
langitan sa ibabaw,  
Mga pagpakamaayo sang kaidadal-  
man nga yara sa idalum,  
Mga pagpakamaayo sang mga dug-  
han kag sang tiyan nga inilóy.
- 26 Ang mga pagpakamaayo sang imo  
amay,  
Nagalalabaw sa mga pagpakama-  
ayo sang mga nagpanganak sa  
akon  
Tubtub sang mga handum sang  
mga kabakuluran nga walay ka-  
tapusan.  
Magmanginsa ibabaw ini sila kunta  
sang olo ni Iose,  
Kag sang alimpulus sang nasarin-  
hon sa tungâ sang iya mga útud.
- 27 Si Benyamin among lobo nga ma-  
nugkusnit :  
Sa aga nagahalunhon sia sang tu-  
lukbon ;  
Kag sa hapon nagabahinbahin sia  
sang mga inagaw."
- 28 Ining tanan among napúlô kag

duha ka kabikahan ni Israel; kag ini ano ang ginsiling sa ila sang ila amay, sang ginpakamaayo niya sila. Ang tag-satagsa sono sa iya pagpakamaayo ginpakamaayo niya sila.

29 Kag nagsogo sia sa ila, kag nagsiling sa ila: "Ako magakadto sa ginsimpon sa akon banwa. Ilubung-ninyo ako upud sang akon mga ginikanan sa lungib, nga yara sa latagon ni Epron nga Hetinhon:

30 Sa lungib nga yara sa latagon sa Makpela, nga yara sa atubangan sang Mamre, sa duta sa Kanaan, ang latagon nga ginbakal ni Abraham kay Epron nga Hetinhon, subung nga kaugalingon nga lulubngan.

31 Didto ginlubung nila si Abraham kag si Sara, nga iya asawa; didto ginlubung nila si Isaak kag si Rabeka, nga iya asawa; kag didto man ginlubung ko si Lea.

32 Ang latagon kag ang lungib nga yara sa iya, ginbakal sa mga anak ni Het."

33 Kag sang pagkatapus ni Iakob sa paghatag sing mga sogo sa iya mga anak, pinakolo niya ang iya mga tiil sa higdaan, kag nagtinga; kag ginsimpon sia sa iya mga ginikanan.

Lulubngan ni Iakob. Pagkamatay ni Iose.

**50** NIYAN naghapa si Iose sa ibabaw sang nawung sang iya amay, kag naghibi sa ibabaw niya, kag ginhalukan niya sia.

2 Kag nagsogo si Iose sa iya mga manugbulong nga iya mga alagad, nga pagembalsamahon ang iya amay; kag ginembalsamahan si Israel sang mga manubulong.

3 Kag nagkalatuman sa iya ang kap-atan ka adlaw, kay sa sini gintuman nila ang mga adlaw sang mga ginembalsamar. Kag naghilibi sa iya ang mga Egiptohanon sing kapitoan ka adlaw.

4 Kag sang lumigad ang mga adlaw sang ila lalaw, naghambal si Iose sa baláy ni Paraon, nga nagasiling: "Kon nakakita ako karon sing bugay sa inyo mga mata, ginaampo ko sa inyo, nga hambalon ninyo sa mga idulungug ni Paraon, nga nagasiling:

5 Ang akon amay nagpasumpa sa akon, nga nagasiling: Yari karon ako mamatay: sa akon lulubngan nga gin-

kutkut ko nga sa akon sa duta sa Kanaan, didto pagailubung mo ako: busa, ginaampo ko, nga magtaklad ako karon sa paglubung sa akon amay, kag magabalik ako."

6 Kag si Paraon nagsiling: "Taklad-ka, kag ilubung ang imo amay, subung nga ginpasumpa ikaw niya."

7 Niyan si Iose nagtaklad sa paglubung sa iya amay; kag nagtaklad upud sa iya ang tanan nga mga alagad ni Paraon, ang mga tigulang sa iya baláy, kag ang tanan nga mga tigulang sa duta sa Egipto.

8 Kag ang bug-os nga baláy ni Iose, kag ang iya mga útud, kag ang baláy sang iya amay: lamang ginbibilin nila sa duta sa Gosen ang ila kabataan, ang ila mga obeha, kag ang ila kabakahan.

9 Kag nagtaklad man upud sa iya ang mga kanga kag ang mga manugkabayo, kag nahimo nga isa ka bumuluyug nga tuman ka damu.

10 Kag nag-alabut sila tuhtub sa linasan ni Atad, nga yara sa tabok sang Iordan, kag naghalaya sila didto sa daku kag tuman ka bug-at nga panalambiton. Kag si Iose naglalaw sa iya amay sing pito ka adlaw.

11 Kag sang nakita sang mga pumuluyô sang duta, ang mga Kanaanhon, ang lalaw sa linasan ni Atad, nagsililing sila: "Yari karon ang isa ka daku nga lalaw ini sa mga Egiptohanon." Tungud sini ginhingalanan ini nga *duug* nga Abel-Misraim,\* nga yara sa tabok sang Iordan.

12 Busa, ginhimo sang iya mga anak sa iya, sono sang ginsogo niya sa ila.

13 Gindala sia sang iya mga anak sa duta sa Kanaan, kag ginlubung nila sia sa lungib sang latagon sa Makpela, sa latagon nga ginbakal ni Abraham subung nga kaugalingon nga lulubngan kay Epron, nga Hetinhon, sa atubangan sang Mamre.

14 Kag nagpauli si Iose sa Egipto, sia kag ang iya mga útud, kag ang tanan nga mga nagtaklad upud sa iya sa paglubung sa iya amay, sa tapus nga nalubung niya sia.

15 Kag sang pagkakita sang mga útud ni Iose, nga ang ila amay patay na, nagsililing sila: "Ayhan pagaka-

\* *Abel-Misraim*, lalaw sang mga Egiptohanon.



akigan kita ni Iose, kag pagaihatag niya sa aton ang himpit nga bayad sang tanan nga kalainan, nga ginhimo naton sa iya."

16 Kag pinasugiran nila si Iose: "Ang imo amay nagsogo, sa walâ pa sia mamatay, nga nagasiling:

17 Amo ini ang isiling ninyo kay Iose: Ginaampo ko sa imo, nga patawaron mo karon ang kalainan sang imo mga útud, kag ang ila salâ, kay malain ang ginhimo nila sa imo. Tungud sini karon ginaampo namon sa imo, nga patawaron mo ang kalainan sang mga alagad sang Dios sang imo amay." Kag si Iose, sang sila naghambahal sa iya, naghibi.

18 Kag nagpalakadto man ang iya mga útud kag naghalapa sa atubangan niya, kag nagsililing sila: "Yari karon, kami nga imo mga alagad."

19 Kag si Iose nagsabat: "Dili kamo magakahadluk, kay yari bala ako ayhan sa lugar sang Dios?"

20 Kamo naghulunahuna sing malain tungad sa akon, apang ginbaylo ini sang Dios sa kaayohan, sa paghimo sang gintan-aw naton karon, sa pagpadayon sing kabuhi sa madamu nga katawohan.

21 Busa karon, dili kamo magkahadluk: ako magasagud sa inyo, kag sa inyo mga inanak." Sa sini ginlipay sila niya kag ginhambal sila niya sa tagiposoon.

22 Kag nagpuyô si Iose sa Egipto, sia kag ang panimalây sang iya amay; kag si Iose nagkabuhi sing isa ka gatus kag napulô ka tuig.

23 Kag nakita ni Iose ang mga anak ni Epraim tubtub sa ikatlo ka kaliwatan, subung man ang mga anak nga lalaki ni Makir, anak nga lalaki ni Manases, nga ginsagud sila sa sabak ni Iose.

24 Kag si Iose nagsiling sa iya mga útud: "Ako mamatay; apang ang Dios magaduaw sa inyo, kag magapataklad sia sa inyo gikan sini nga duta, su duta nga ginsumpa niya kay Abraham, kay Isaak kag kay Iakob."

25 Kag si Iose nagpanumpa sa mga inanak ni Israel, nga nagasiling: "Ang Dios, sa pagkamatuud, magaduaw sa inyo, kag ipakuha-ninyo diri ang akon mga tul-an."

26 Kag namatay si Iose sa edad nga isa ka gatus kag napulô ka tuig. Kag ginembalsamahan sia nila, kag ginbu-tang sia sa isa ka lungon sa Egipto.

## ANG IKADUHA NGA TOLON-AN

NI MOISES

NGA GINAHINGALANAN

## EKSODO.

Matigdas nga kahilipnan ni Israel sa Egipto.

1 YARI karon ang mga ngalan sang mga anak ni Israel, nga nagsululud sa Egipto; nagsululud sila kaupud ni Iakob; ang tagsa tagsa upud ang ila panimalây:

2 Si Ruben, si Simeon, si Lebi kag si Iuda;

3 Si Isakar, si Sabulon kag si Benyamin;

4 Si Dan kag si Neptali, si Gad kag si Aser.

5 Kag ang tanan nga mga kalág, nga

naggulowa sa balikawang ni Iakob, kapitoan; kag si Iose yari sa Egipto.

6 Kag namatay si Iose, kag ang tanan nga mga útud niya, kag ang tanan yadto nga kaliwatan.

7 Kag ang mga inanak ni Israel, nagpanunga kag nagmuad, kag nagdamu, kag nagbakud sing tuman gid; kag napun-an nila ang duta.

8 Niyan naglutaw ang isa ka bag-o nga hari sa Egipto, nga walâ makakilala kay Iose.

9 Kag ini nagsiling sa iya banwa: "Yari karon, ang banwa sang mga ina-

nak ni Israel labing madamu kag mabakud pa sa aton.

10 Ngani karon, magmanginalamon kita sa iya, agud nga indi magdamu sia, kag mahanabu nga, kon mag-abut ang paginaway, ini sia magtingub man sa aton mga kaaway kag mag-away batok sa aton, kag maghalin sia sa duta."

11 Niyan ginbatangan nila sila sing mga manugtatap sang mga buhis, nga magpakalisud sa ila sang ila mga lulan. Kag ginbangon nila kay Paraon ang mga banwa sa mga kamalig, nga among Pitom kag Raamses.

12 Apang, kon labi ang pagpakalisud sa ila, labi na gid nga nagadamu sila kag labi na gid nga nagalapnag sila; sa bagay nga ginagamohan sila sang mga inanak ni Israel.

13 Kag ang mga Egiptohanon ginulipon nila sing mapiot ang mga inanak ni Israel.

14 Kag ginpapait nila ang ila pangabuhi tungud sang mapiot nga kahioliplan, sa paghimo sing lunang kag tisa, kag sa tanan nga palangabudlayan sa latagon, kag sa tanan nila nga pag-alagdan, nga ginapilit sila nga may pagpiot gid.

15 Kag naghambal ang hari sa Egipto sa mga manughilot sang mga Hebreinhon nga babae, nga ang isa sa ila ginahingalanan nga si Sipra, kag ang isa nga si Pua, kag nagsiling sia sa ila :

16 "Kon magpalaanak kamo sa mga Hebreinhon nga babae, kag makita ninyo sila sa mga hidagan, kon maglalaki, patyon-ninyo sia; kag kon magbabae, niyan magkabuhi sia."

17 Apang ang mga manughilot nagkalahadluk sa Dios, kag walâ nila paghimoa sono sang ginsogo sa ila sang hari sa Egipto, kondi nga ginbantayan nila ang kabuhi sang mga kabataan nga lalaki.

18 Kag ang hari sa Egipto nagpatawag sa mga manughilot, kag nagsiling sa ila : "¿Kay ngaa bala nga naghilimo kamo sini, nga ginbantayan ninyo ang kabuhi sang mga kabataan nga lalaki?"

19 Kag ang mga manughilot nagsalabat kay Paraon : "Kay ang mga babae nga Hebreinhon indi sila subung sang mga Egiptohanon nga babae; kay mga mabakud sila, kag nagaalanak sila sa walâ pa mag-abut ang manughilot sa ila."

20 Kag ang Dios naghimo sang maayo sa mga manughilot; kag ang banwa nagdamu, kag nagbalakud sila sing tuman gid.

21 Kag tungud kay nagkalahadluk ang mga manughilot sa Dios, sia naghimo sa ila sing mga baláy.

22 Niyan si Paraon nagsogo sa bugos niya nga banwa, nga nagasiling : "Ihaway-ninyo sa subâ ang tanan nga lalaki nga matawo, kag bantayi-ninyo ang kabuhi sang tanan nga anak nga babae."

Pagkatawo ni Moises.—Ang iya pagpalagyo pa Madian.

2 KAG ang isa ka lalaki sa panimaláy ni Lebi naglakat kag nangasawa sa isa ka anak nga babae ni Lebi.

2 Kag ini nga babae nanamkon kag nag-anak sing isa ka anak nga lalaki, kag sang nakita niya ini nga maayoayo, gintago niya sia sing tatlo ka bulan.

3 Apang sang indi na sia makasarang magtago sa iya sing madugay, nagkuha sia sing isa ka takupis nga banban, kag ginbalaw niya sia nga may aspalto kag salong; kag binutang niya sa iya ang batâ nga lalaki, kag binutang niya sia sa isa ka katigbawan sa bigki sang subâ.

4 Kag nagdúlog sa malayô ang isa niya ka útud nga babae sa pagtan-aw sang mahanabu sa iya.

5 Kag ang anak nga babae ni Paraon nagdulhog sa pagpaligus sa subâ, kag sang nagadalayandayan ang iya nga kadalagahan sa pangpang sang subâ, nakita niya ang takupis sa katigbawan, kag ginpadalâ niya ang isa niya ka solagoon nga babae, nga magkuha sa iya.

6 Kag sang binukasan niya ini, nakita niya ang batâ, kag yari karon nga ang batâ nagahibi. Kag sang nalooy sia sa iya, nagsiling sia : "Ini sia isa sang mga kabataan nga lalaki sang mga Hebreinhon."

7 Niyan ang iya útud nga babae nagsiling sa anak nga babae ni Paraon : "¿Magalakat ako bala sa pagtawag sa imo sing isa ka sisiwa sang mga babae nga Hebreinhon, agud nga magpasoso sining batâ nga lalaki?"

8 Kag ang anak nga babae ni Paraon nagsabat : "Lakat-ka" Niyan naglakat ang dalaga kag gintawag niya ang ilóy sang batâ;

9 Nga sa iya nagsiling ang anak nga



babae ni Paraon: "Dalha ini nga bátâ nga lalaki kag saguron mo sia nga sa akon, kag ako magabayad sa imo." Kag kinuha sang babae ang bátâ kag ginsagud niya.

10 Kag sang nagdaku ang bátâ nga lalaki, ginadalâ niya sia sa anak nga babae ni Paraon; nga sa sini ginpakakanak niya sia, kag ginahingalanan sia niya nga si Moises\*, nga nagsiling: "Kay kinuha ko sia sa mga tubig."

11 Kag nahanabu sa sadtong mga adlaw, sang daku na si Moises, nga nag-gowa sia sa iya mga útud, kag nakita niya ang ila mga lulan; kag napanilagan niya ang isa ka Egiptohanon, nga nagapilas sa isa sang mga Hebreinhon, sa tungâ sang iya mga útud.

12 Kag nagtulok sia sa tanan nga higad, kag sang nakita niya nga walâ sing sino nga yara, ginpatay niya ang Egiptohanon, kag gintago niya sia sa balas.

13 Kag sang madason nga adlaw, naggowa sia, kag sang nakita niya ang duha ka Hebreinhon, nga nagaaway, nagsiling sia sa nagahimo sing malain: "¿Kay ngaaa bala nga ginapilas mo ang imo isigkatawo?"

14 Kag sia nagsabat: "¿Sin-o bala ang nagbutang sa imo nga pangolo kag hukom sa ibabaw namon? ¿Nagahunahuna ka bala magpatay sa akon subung sang pagpatay mo sa Egiptohanon?" Niyan ginhadlukan si Moises, kag nagsiling: "Sa pagkamatuud gid, nasapwan na ini nga butang."

15 Kag si Paraon nakakibalo sini, kag ginhimulatan niya pagpatay kay Moises. Apang si Moises nagpalagyo sa atubangan ni Paraon, kag nagpuyô sa duta sa Madian, kag naglingkod sia sa luyo sang isa ka bobon.

16 Ang saserdote sa Madian may pito sia ka anak nga babae; kag nag-alabut sila sa pagpanag-ub kag sa pagpunô sang mga palaimnan sa pagpainum sang mga obeha sang ila amay.

17 Kag nag-alabut ang mga manugbantay, kag gintabog nila sila; kag si Moises nagtindug, kag nag-apin sa ila, kag ginpainum niya ang ila mga obeha.

18 Kag nagpalauli sila kay Raguel nga ila amay, kag nagsiling sia sa ila: "¿Kay ngaa bala nag-alabut kamo sing tuman kadali karon?"

19 Kag sila nagsalabat: "Isa ka lalaki nga Egiptohanon nag-apin sa amon sa kamut sang mga manugbantay, kag ginsag-uban man niya kami kag ginpuinum niya ang mga obeha."

20 Kag nagsiling sia sa iya mga anak nga babae: "Kag ¿sa diin bala sia? ¿Kay ngaa bala ginbayaan ninyo ini nga tawo? Tawga-ninyo sia, agud nga magkaon sia sing tinapay."

21 Kag si Moises nagtapat sa pagpuyô sa sadtong lalaki; kag ginhatag niya kay Moises, nga asawa ang iya anak nga babae nga si Sepora.

22 Kag sia nag-anak sa iya sing isa ka anak nga lalaki, kag ginhingalanan niya sia nga si Gersom,\* kay nagsiling sia: "Dumalapon ako sa duta nga dumuluong."

23 Kag nahanabu, sang lumigad ang madamu nga mga adlaw, nga namatay ang hari sa Egipto. Kag ang mga anak ni Israel nagpalanghayhay bangud sang kahioliplan, kag nagtuluaw sila; kag nagsaka sa Dios ang pagtuaw nila, bangud sang ila kahioliplan.

24 Kag nabatian sang Dios ang pagpalanghayhay nila kag nakadumdum sia sang iya katipan kay Abraham, kay Isaak kag kay Iakob.

25 Kag gintulok sang Dios ang mga anak ni Israel, kag ginpangilala sila sang Dios.

Ang sapinit nga nagadabab.

**3** KAG sang nagapahalab si Moises sang mga obeha ni Ietro nga iya ugan, nga saserdote sang Madian, gindala niya ang mga obeha sa likod sang kahanayakan, kag nagkadto sia sa Oreb, nga bukid sang Dios.

2 Kag nagpahayag sa iya ang manugtunda ni Iehoba sa isa ka dabab sang kalayo sa tunga sang isa ka sapinit. Kag sia nagtolok, kag yari karon, nga ang sapinit nagadabab, kag ang sapinit walâ magakaupus.

3 Niyan si Moises nagsiling: "Maga-kadto ako karon kag pagatan-awon ko ining daku nga palanan-awon, kon ano ang kabangdanan nga ang sapinit indi masunog."

4 Kag sang nakita ni Iehoba, nga

\* *Gersom*, sumalaka diri, kon dumalapon didto.

\* *Moises*, ang kinuha sa tubig.

nagkadto sia sa pagtan-aw, ang Dios nagtawag sa iya sa tungâ sang sapinit kag nagsiling sia: "Moises, Moises." Kag sia nagsabat: "Yari ako."

5 Kag nagsiling sia: "Dili ka magpalapit diri. Huksa ang imo mġa sapin sa imo mġa tiil, kay ang duug sa diin yara ka, duta nġa balaan sia."

6 Kag nagsiling sia: "Ako amo ang Dios sang imo amay, ang Dios ni Abraham, ang Dios ni Isaak kag ang Dios ni Iakob." Niyan si Moises nanabon sang iya nawung, kay hinadlukan sia sa pagtulok sa Dios.

7 Kag nagsiling si Iehoba: "Nakita ko, nakita ko ang kalisdanan sang akon banwa nġa yara sa Egipto, kag nabatian ko ang iya pagsingit bangud sang ila mġa manugpanukot sang buhis, kay nakilala ko ang ila mġa kangitngit-an."

8 Kag nanaug ako sa pagluwas sa ila sa kamut sang mġa Egiptohanon, kag sa pagpagowa sa ila sa sadto nġa duta, sa pagdalâ sa ila sa isa ka duta nġa maayo kag malapad, sa duta nġa nagailig sing gatas kag dugus, sa duug sang Kanaanhon, sang Hetinhon, sang Amorinhon, sang Peresinhon, sang Hebinhon kag sang Iebusinhon.

9 Busa, ang pagsingit sang mġa inanak ni Israel nag-abut sa atubangan nakon, kag nakita ko man ang pagpigos, nġa ginapigos sa ila sang mġa Egiptohanon.

10 Ngani, kari-ka karon, kag pagai-padalâ ko ikaw sa kay Paraon, agud nġa pagpagowaon mo ang akon banwa, ang mġa inanak ni Israel, sa Egipto."

11 Niyan si Moises nagsabat sa Dios: "Ĝ Sino bala ako, agud nġa magkadto ako kay Paraon kag magpagowa gikan sa Egipto sa mġa inanak ni Israel?"

12 Kag sia nagsabat sa iya: "Lakat-ka, kay ako magaupud sa imo, kag ini mangintanda: ugaling sa mapagowa mo ini nġa banwa sa Egipto, magaalagad kamo sa Dios sa ibabaw sini nġa bukid."

13 Kag nagsiling si Moises sa Dios: "Yari karon, ako magakadto sa mġa inanak ni Israel, kag pagaisiling ko sa ila: Ang Dios sang inyo mġa ginikanan nagapadalâ sa akon sa inyo; kag kon sila magpamangkot sa akon: Ĝ Sin-o bala ang imo nġalan? Ĝ ano bala ang pagaisabat ko sa ila?"

14 Kag nagsabat ang Dios kay Moises: "AKO AMO ANG AMO AKO." Kag nag-

siling sia: "Amo ini ang pagaisiling mo sa mġa inanak ni Israel: AKO AMO nagpadalâ sa akon sa inyo."

15 Kag nagsiling pa ang Dios kay Moises: "Amo ini ang pagaisiling mo sa mġa inanak ni Israel: Si Iehoba, ang Dios sang inyo mġa ginikanan, ang Dios ni Abraham, ang Dios ni Isaak kag ang Dios ni Iakob, nagpadalâ sa akon sa inyo. Ini amo ang akon nġalan nġa sa gihapon, ini amo ang akon handumanan sa tanan nġa mġa katuigan."

16 Kadto-ka, kag tipona ang mġa tigulang sa Israel, kag isiling-mo sa ila: Si Iehoba, ang Dios sang inyo mġa ginikanan, ang Dios ni Abraham, ni Isaak kag ni Iakob, nagpahayag sa akon, nġa nagasiling: Sa pagkamatuud, ginduaw ko kamo, kag nakita ko ang ginahimo sa inyo sa Egipto;

17 Kag nagsiling ako: pagapatakla-ron ko kamo gikan sa kalisdanan sa Egipto sa duta sang mġa Kanaanhon, sa mġa Hetinhon, sa mġa Amorinhon, sa mġa Peresinhon, sa mġa Hebinhon kag sa mġa lebusinhon, sa isa ka duta nġa nagailig sing gatas kag dugus.

18 Kag magapalamati sila sang imo tingug; kag magakadto ka, kag ang mġa tigulang sa Israel, sa hari sa Egipto, kag pagaisiling ninyo sa iya: Si Iehoba, ang Dios sang mġa Hebreinhoni nagsugata sa amon; ngani tuguti kam, karon nġa magkadto kami sa tatlo ka adlaw nġa panlakatan sa kahanayakan, agud nġa maghalad kami kay Iehoba nġa amon Dios.

19 Apang ako nakahibalo, nġa ang hari sa Egipto indi magatugut nġa maglakat kamo, bisan tungud sang kamut nġa makusug.

20 Apang pagauntayon ko ang akon kamut, kag pagapilason ko ang Egipto upud sang tanan nakon nġa mġa katingalahan, nġa pagahimoon ko sa tungâ niya, kag niyan pagapalakton kamo niya.

21 Kag pagahatagan ko ini nġa banwa sing bugay sa mġa mata sang mġa Egiptohanon; kag mahanabu nġa, kon magtalaliwan kamo, indi kamo magagulowa nġa mġa walay sulud;

22 Kondi nġa magapangayo ang tagsa ka babae sa iya kaiping nġa babae, kag sa nagapanlagayaw sa iya balây, sing mġa huyas nġa pilak, mġa huyas nġa



bulawan, kag m̃ga panapton ñga pagai-butang ninyo sila sa ibabaw sang inyo m̃ga anak ñga lalaki kag m̃ga babae, kag pagahublasan ninyo ang m̃ga Egiptohanon.

4 NIYAN si Moises nagsabat, kag nagsiling: "Yari karon, ñga sila indi magpaláti sa akon, bisan magapalamati sila sang akon tingug, kay magasililing sila: Walá magpahayag sa imo si Iehoba."

2 Kag nagsiling si Iehoba sa iya: "¿Ano bala ina ang yara sa imo kamut?" Kag sia nagsabat: "Isa ka sungkod."

3 Kag sia nagsiling sa iya: "Ihabuy sia sa duta," kag ginhabuy niya sia sa duta, kag nahimo ñga isa ka man-ug; kag si Moises nagpalagyo sa iya.

4 Niyan si Iehoba nagsiling kay Moises: "Untaya ang imo kamut, kag kuhaa sia sa ikog (Kag gin-untay niya ang iya kamut, kag kinuha niya sia, kag nahimo ñga sungkod sa iya kamut),

5 Agud ñga magpaláti sila ñga nagpahayag sa imo si Iehoba, ang Dios sang imo m̃ga ginikanan, ang Dios ni Abraham, ang Dios ni Isaak kag ang Dios ni Iakob."

6 Kag nagsiling pa si Iehoba: "Isuk-suk karon ang imo kamut sa imo dughan": kag ginsuksuk niya ang kamut sa iya dughan; kag sang pagkuha niya sini, yari karon, ñga ang iya kamut tabukawon na subung sang niebe.

7 Kag ang Dios nagsiling: "Isuk-suk liwan ang imo kamut sa imo dughan, kag sang ginkuha niya sia liwan, yari karon, ñga naguli ini subung sang isa ka unud.

8 Kag kon mahanabu, ñga indi ikaw nila pagpatihon, bisan magpalamati sila sa tingug sang nahauna ñga tandaan, mapaláti sila sa tingug sang naolehe.

9 Kag kon indi pa sila magpaláti sa sinig duha ka tandaan, bisan magpalamati sila sang imo tingug, magakuha ka sing tubig sang subâ kag iula mo sia sa mamala ñga duta; kag ang tubig ñga pagakuhaon mo sa subâ, magamangindugo sia sa duta ñga mamala."

10 Niyan nagsiling si Moises kay Iehoba: ¡Ay, Ginoo! Indi ako tawo ñga mahapus sing pololongon bisan kutub sa kahapon, bisan kutub sa isa kahapon, bisan kutub pa ñga ginahambal mo ang

imo alagad; kay bikwalon ako sa paghambal kag balikawot sa dila.

11 Kag si Iehoba nagsabat sa iya: "¿Sin-o bala ang naghatag sang bâbâ sa tawo? kon ¿sin-o bala ang naghimo sang apa kag sang bungul, kag sa nagatukok kag sa bulag? ¿Indi bala amo ako si Iehoba?"

12 Busa karon, lakat-ka, ñga ako yara sa imo bâbâ, kag pagatudloan ko ikaw sang imo pagaihambal."

13 Kag sia nagsiling: "¡Ay, Ginoo! Ipadala, ginaampo ko, ang imo luyag pagipadala."

14 Niyan naakig si Iehoba batok kay Moises kag nagsiling: "¿Indi bala si Aaron ñga Lebinhon ñga imo útud? Nakahibalo ako ñga sia sarang makahambal sing maayo; labut pa, yari karon, ñga nagagowa sia sa pagbaton sa imo; kag sa pagkakita niya sa imo, magakalipay sia sa iya tagiposoon.

15 Ikaw magahambal sa iya, kag pagai-butang mo sa iya bâbâ ang m̃ga polong kag ako yara sa imo baba, kag yara sa iya bâbâ, kag pagatudloan ko kamo sang pagahimoon ninyo.

16 Kag sia magahambal tungud sa imo sa banwa; kag mahanabu, ñga manginsa imo sia sa baylo sang bâbâ, kag ikaw magamanginsa iya sa baylo sang Dios.

17 Kag pagakuhaon mo ini ñga sungkod sang imo kamut, ñga sa iya magahimo ka sang m̃ga talandaan.

Ang pagbalik ni Moises sa Egipto.

18 Kag si Moises naglakat, kag sang nagbalik sia kay Ietro, ñga iya ugagañan, nagsiling sia sa iya: "Tuguti ako sa paglakat karon, kag ñga magbalik ako sa akon m̃ga útud, ñga yadto sa Egipto, sa pagtan-aw kon nagakalabuhi pa sila." Kag si Ietro nagsiling kay Moises: "Lakat-ka sa paghidaet."

19 Kag nagsiling si Iehoba kay Moises, sa Madian: "Lakat-ka, kag balik-ka sa Egipto, kay nagkalamatay ang tanan ñga naghilimulat sang imo kamatayon."

20 Niyan ginkuha ni Moises ang iya asawa kag ang iya m̃ga anak, kag ginpasakay niya sila sa ibabaw sang isa ka asno, kag nagbalik sia sa duta sa Egipto. Kag ginkuha man ni Moises ang sungkod sang Dios sa iya kamut.

21 Kag nagsiling si Iehoba kay Moises,

ses: "Kon makapauli na kamo sa Egipto, tuluka nga maghimo ka sa atubangan ni Paraon sang tanan nga mga kalatingalahan nga ginbutang ko sa imo nga kamut; apang pagapatig-ahon ko ang iya tagiposoon, sa bagay nga indi niya pagtugutan nga magpalakaton ang banwa.

22 Kag magasiling ka kay Paraon: Si Iehoba nagasiling sing subung sini: Ang Israel among akon anak, ang akon panganay;

23 Ginasiling ko sa imo: Tuguti sa paglakat ang akon anak, agud nga mag-alagad sia sa akon; apang kon ikaw magdumili sa pagpalakat sa iya, yari karon, pagapatyon ko ang imo anak, ang imo panganay."

24 Kag nahanabu, sa dalanon, nga sa isa ka palahuwayan nagsugata sa iya si Iehoba, kag naghimulat sia sa pagyatay sa iya.

25 Niyan si Sepora nagkuha sing isa ka santikan nga matalum, kag ginutud ang naibabaw nga panit sang iya anak nga lalaki, kag ginhaboy niya ini sa iya mga tiil, nga nagasiling: "Sa pagkamatud, ikaw among akon isa ka bana sa dugo."

26 Sa sini gintugutan sia ni Iehoba sa paglakat. Kag sia nagsiling: "Bana sa dugo, bangud sang pagtuli."

27 Kag si Iehoba nagsiling kay Aaron: "Lakat-ka sa pagsugata kay Moises sa kahanayakan." Kag sia naglakat didto, kag ginsugata niya sia sa bukid sang Dios; kag ginhalukan niya sia.

28 Niyan ginsugid ni Moises kay Aaron ang tanan nga mga polong ni Iehoba, nga nagpadala sa iya kag ang tanan nga mga talandaan, nga gintugon niya sa iya.

29 Niyan naglalakat si Moises kag si Aaron, kag gintipon nila ang tanan nga mga tigulang sang mga inanak ni Israel.

30 Kag ginhambal ni Aaron ang tanan nga mga polong nga ginsiling ni Iehoba kay Moises, kag naghimo sia sang mga talandaan sa atubangan sang mga mata sang banwa.

31 Kag ang banwa nagpati. Kag sang nabatian nila nga si Iehoba nagduaw sa mga inanak ni Israel, kag nga nakita niya ang ila kalisdanan, naglayaub sila kag naghalapa.

Si Moises kag si Aaron sa atubangan sang hari sa Egipto.—Ang banwa ginaamat-amat sang pabug-at pa.

5 SA tapus sini, si Moises kag si Aaron nagkadto kay Paraon, kag ginsilingan nila sia: "Si Iehoba, ang Dios sa Israel, nagasiling sing subung sini: Tuguti paglakat ang akon banwa sa paghiwat sa akon sing kasadyahan sa kahanayakan."

2 Kag si Paraon nagsabat: "¿Sin-o bala si Iehoba, agud nga ako magpamati sang iya tingug, kag magtugut sa pagpalakat sa Israel. Ako wala makakilala kay Iehoba, bisan magatugut man ako sa pagpalakat sa Israel."

3 Kag sila nagsililing: "Ang Dios sang mga Hebreinhon nagsugat sa amon: busa itugut nga maglakat kami karon sa tatlo ka adlaw nga panlakatan sa kahanayakan, kag nga maghalalad kami kay Iehoba nga amon Dios, basi pa nga makgari sia sa ibabaw namon nga may kamatay, kon may hinganiban."

4 Niyan ang hari sa Egipto nagsiling sa ila: "Moises kag Aaron, ¿kay nga bala ginapauntat ninyo ang banwa sa ila palangabudlayan? Kaladto-kamo sa inyo mga lulan."

5 Nagsiling man si Paraon: "Yari karon ang banwa sang duta madamu karon, kag ginapauntat ninyo sila sa ila mga lulan."

6 Kag si Paraon nagsogo sadto gid nga adlaw sa mga manugtatap sang banwa kag sa ila mga manuggahum, nga nagasiling:

7 "Kutub karon indi ninyo paghatagan sing dagami ang banwa sa paghimo sing tisa, subung kahapon kag sang isa kahapon; magkaladto sila, kag magtipon sila gid sang dagami.

8 Kag pagatakayan ninyo sila sang tisa nga ginahimo nila kahapon kag sa isa kahapon. Kag indi gid ninyo pagbuhinan sa ila, kay mga matamad sila, kag tungud sini nagasilingit sila, nga nagasiling: Makadto-kami sa paghalad sa amon Dios.

9 Pabug-ata ang kahioliplan sa ibabaw nila, agud nga magpalangabudlay sila sa iya, kag indi sila magpalamati sa mga polong nga butig."

10 Kag sang naggulowa ang mga manugtatap sang banwa kag ang ila mga manuggahum, naghalambal sila sa ban-



wa, nga nagasiling: "Ano ini ang ginsiling ni Paraon: Ako indi nagahatag sa inyo sing dagami;

11 Kaladto-kamo, kag tipon-kamo sing dagami sa diin makita ninyo sia, kay walâ gid sing pagabuhinon sang inyo takay."

12 Niyan ang banwa naglapta sa bug-os nga duta sa Egipto sa pagpangita sang ginalatan sa baylo sang dagami.

13 Kag ang mġa manugtatap nagasako sa ila, nga nagasiling: "Tapusa-ninyo ang inyo buluhaton, ang takay sang adlaw sa iya adlaw, subung sang ginatagaan kamo sing dagami."

14 Kag ang mġa manughikot sang mġa inanak ni Israel, nga ginbutang sa ibabaw nila sang mġa manugtatap ni Paraon, ginpamunal sila: nga ginasilangan sila: "Ġ Kay ngaa bala walâ ninyo pagtumana ang inyo takay sa tisa, bisan kahapon bisan karon, subung sadto anay?"

15 Kag ang mġa manughikot sang mġa inanak ni Israel nagkaladto kay Paraon, kag nagpalanumbung sa iya, nga nagasiling: "Ġ Kay ngaa bala ginahimo mo ang subung sini sa imo mġa alagad?"

16 Walâ pagahatagi sing dagami ang imo mġa alagad, kag sinilingan kami: Hilimo-kamo sing tisa. Kag yari karon, ang imo mġa alagad ginapamunal, kag ang salâ iya sang imo banwa."

17 Kag sia nagsabat: "Mġa matamad kamo, hoo, mġa matamad. Kag tungud sini nagasiling kamo: Makadto-kamo sa paghalad kay Iehoba.

18 Busa, lakat-kamo karon, kag palangabudlay-kamo. Indi kamo pagahatagan sing dagami, kag magahatag kamo sang tinakay nga tisa."

19 Niyan ang mġa manughikot sang mġa inanak ni Israel nagkalalisud sila, nga ginsingan sila niya: "Indi gid magabuhin ang inyo tisa, sa takay sa adlawadlaw."

20 Kag sang nasugata nila si Moises kag si Aaron, nga nagahulat sa ila sang paghalin nila sa atubangan ni Paraon,

21 Nagsililing sila sa ila: "Si Iehoba magtuluk kunta sa ibabaw ninyo, kag maghukom sia, kay ginbutang ninyo kami sa malain nga baho sa mġa mata ni Paraon kag sa mġa mata sang iya mġa alagad, nga ginabutang ninyo ang hinga-

niban sa ila mġa kamut sa pagpatay sa aton."

Ang Dios nagapanaad sang kaluwasan.

22 Niyan si Moises nagbalik kay Iehoba, kag nagsiling: "Ġ Ginoo, kay ngaa bala ginapakalisud mo ini nga banwa? Ġ Kay ngaa bala nga ginpadalâ mo ako?"

23 Kay kutub nga ako nag-abut kay Paraon sa paghambal sa iya sa imo ngalan, ginlain niya ini nga banwa; kag ikaw walâ man magluwas sa imo banwa."

6 KAG si Iehoba nagsiling kay Moises: "Karon makita mo ang akon pagahimoon kay Paraon; kay sa kamut nga makusug magatugut sia sa pagpala-kat sa ila; kag sa kamut nga makusug pagasobolon niya sila sa iya duta."

2 Kag naghambal ang Dios kay Moises kag nagsiling sa iya: "Ako amo si Iehoba:

3 Kag ako nagpahayag kay Abraham, kay Isaak, kag kay Iakob subung nga Dios nga Makagagahum sa ngatanan, kag ako walâ makilala nila tungud sa akon ngalan, nga si Iehoba.

4 Kag gintukud ko man ang akon katipan sa ila, sa paghatag sa ila sang duta sa Kanaan, ang duta nga ila gindapunan, sa diin nagpuluyô sila subung nga mġa dumuluong.

5 Kag labut pa, nabatian ko ang mġa palanghayhay sang mġa inanak ni Israel, nga ginaulipon sila sang mġa Egiptohanon, kag ako nakadumdum sang akon katipan.

6 Ngani, isiling-mo sa mġa inanak ni Israel: Ako amo si Iehoba, kag pagapagowaon ko kamo sa idalum sang mġa lulan sang mġa Egiptohanon, kag pagabawion ko kamo sa kahiolipnan nila, kag pagatubson ko kamo sa butkon nga inuntay kag sa dalagku nga mġa paghukom.

7 Kag pagabatanon ko kamo nga akon banwa, kag ako mangininyo Dios kag pagakilalalon ninyo nga ako amo si Iehoba, nga inyo Dios, nga ako magapagowa sa inyo sa idalum sang mġa lulan sang mġa Egiptohanon.

8 Kag pagadalhon ko man kamo sa duta, nga nahanungud sa iya ginbayaw ko ang akon kamut sa paghatag sa iya

kay Abraham, kay Isaak kag kay Iakob : kag pagaihatag ko sia sa inyo nga panubuihon. Ako si Iehoba."

9 Kag si Moises naghambal sa sini nga bagay sa mga inanak ni Israel ; apang sila walâ magdulungug kay Moises, bangud sang kataka sa espiritu kag bangud sang matigdas nga kahioliplanan."

10 Kag naghambal si Iehoba kay Moises, nga nagasiling :

11 "Lakat-ka, hambala si Paraon, nga hari sa Egipto, agud nga tugutan niya nga maglakat ang mga inanak ni Israel sa luwas sang iya duta."

12 Apang si Moises nagsabat sa atubangan ni Iehoba, nga nagasiling : "Yari karon nga ang mga inanak ni Israel walâ magpalamati sa akon ; busa ; paano bala nga magapamati sa akon si Paraon, sa akon nga ditinuli sa mga bibig?"

13 Niyan naghambal si Iehoba kay Moises kag kay Aaron, kag ginhatagan niya sila sing sogo nahanungud sa mga inanak ni Israel kag kay Paraon, nga hari sa Egipto, sa pagpagowa sa mga inanak ni Israel sa duta sa Egipto.

Kaliwatan ni Moises kag ni Aaron.

14 Yari karon, ang mga pangolo sang mga baláy sang ila mga ginikanan : ang mga anak ni Ruben, nga panganay ni Israel : si Enok, si Palu, si Hesron kag si Karmi ; ini sila amo ang mga panimaláy ni Ruben.

15 Kag ang mga anak ni Simeon : si Iemuel, si Iamin, si Ohad, si Iakin, si Sohar kag si Saul, anak sang Kanaanhon nga babae : ini sila amo ang mga panimaláy ni Simeon.

16 Kag ini sila among mga ngalan sang mga anak ni Lebi, sono sang ila mga kaliwatan : si Gerson, si Koat kag si Merari. Kag ang mga tinuig sang kabuhi ni Lebi nanginisa ka gatus katloan kag pito ka tuig.

17 Ang mga anak ni Gerson : si Libni kag si Seimei, sono sang ila mga panimaláy.

18 Kag ang mga anak ni Koat : Si Amram, si Isar, si Hebron kag si Usiel. Kag ang mga tinuig sang kabuhi ni Koat nanginisa ka gatus katloan kag tatlo ka tuig.

19 Kag ang mga anak ni Merari : Si Mahali kag si Musi. Ini sila among

mga panimaláy sang mga Lebinhon, sono sang ila mga kaliwatan.

20 Kag si Amram nagpangasawa kay Iokabed, nga útud sang iya amay, kag sia nag-anak sa iya kay Aaron kag kay Moises. Kag ang mga tinuig sang kabuhi ni Amram nanginisa ka gatus katloan kag pito ka tuig.

21 Kag ang mga anak ni Isar : si Kore, si Nepeg kag si Sikri.

22 Kag ang mga anak ni Usiel : si Misael, si Elsapan kag si Sitre.

23 Kag si Aaron nagpangasawa kay Elisabet, anak nga babae ni Aminadab, útud nga babae ni Naason ; kag sia nag-anak sa iya kay Nadab, kay Abin, kay Eleasar kag kay Itamar.

24 Kag ang mga anak ni Kore : si Asir, si Elkana kag si Abiasap. Ini sila amo ang mga panimaláy sang mga Korinhon.

25 Kag si Eleasar, anak ni Aaron, nagpangasawa sa isa sang mga anak nga babae ni Putiel ; kag sia nag-anak sa iya kay Penees. Ini sila amo ang mga pangolo sang mga ginikanan sang mga Lebinhon, sono sang ila mga panimaláy.

26 Busa, ini sila amo yadtong si Aaron kag yadtong si Moises, nga sa ila nagsiling si Iehoba : Paggowaa-ninyo ang mga inanak ni Israel sa duta sa Egipto, sono sa ila mga kasoldadosan.

27 Ini sila among mga naghambal kay Paraon, nga hari sa Egipto, sa pagpagowa sa mga inanak ni Israel sa Egipto. Ini amo yadtong si Moises kag yadtong si Aaron.

Si Moises kag ang mga mago sa Egipto.

28 Kag nahanabu, sang adlaw nga si Iehoba naghambal kay Moises sa duta sa Egipto,

29 Nga si Iehoba naghambal kay Moises, nga nagasiling : "Ako amo si Iehoba ; isiling kay Paraon, nga hari sa Egipto, ang tanan nga ginasing ko sa imo."

30 Apang si Moises nagsabat sa atubangan ni Iehoba : "Yari karon, ako ditinuli sa mga bibig ; busa ; paano bala nga magpamati sa akon si Paraon?"

**7** KAG si Iehoba nagsiling kay Moises : "Tulok-ka, nga ginpahamtang ko ikaw nga dios nga sa kay



Paraon, kag si Aaron nga imo útud manginimo manalagna.

2 Pagaisiling mo sa iya ang tanan nga ginasogo ko sa imo, kag si Aaron, nga imo útud, magasiling sini kay Paraon, agud nga pagtugutan niya nga maggowa sa iya duta ang mga inanak ni Israel.

3 Apang pagapatig-ahon ko ang tagiposoan ni Paraon, kag pagapadamuon ko ang akon mga talandaan kag ang akon mga kalatingalahan sa dutu sa Egipto.

4 Kag si Paraon indi magadungug sa inyo, kag pagaibutang ko ang akon kamut sa ibabaw sang Egipto, kag pagapagowaon ko ang akon mga kasoldadosan, ang akon banwa, ang mga inanak ni Israel, gikan sa duta sa Egipto, sa dalagku nga mga paghukom.

5 Kag pagakilalahon sang mga Egiptohanon, nga ako amo si Iehoba, kon maguntay ako sang akon kamut sa ibabaw sang Egipto, kag magpagowa ako sa mga inanak ni Israel sa tungâ nila."

6 Kag ginhimo ni Moises kag ni Aaron, sono sang ginsogo ni Iehoba; ginhimo nila ang subung sini.

7 Kag si Moises nagaedad sing kawaloan ka tuig, kag si Aaron sing kawaloan kag tatlo ka tuig, sang naghambal sila kay Paraon.

8 Kag si Iehoba naghambal kay Moises kag kay Aaron, nga nagasiling :

9 "Kon naghambal sa inyo si Paraon kag magsiling : Hilimo-kamo sing isa ka katingalahan nga sa inyo, niyan magasiling ka kay Aaron : Kuhaa ang imo sungkod, kag ihaboy sia sa atubangan ni Paraon, kag mahimo sia nga man-ug."

10 Busa, si Moises kag si Aaron nagkaladto kay Paraon, kag ginhimo nila sono sang ginsogo ni Iehoba; kag si Aaron naghabyon sa duta sang iya sungkod sa atubangan ni Paraon kag sa atubangan sang iya mga alagad, nga nahimo sia nga man-ug.

11 Niyan gintawag man ni Paraon ang mga maalam kag ang mga babaylan; kag ang mga mago nga Egiptohanon, sila man naghilimo sang amo gid nga bagay sa ila mga padugi :

12 Sila naghalaboy ang tagsatagsa sang iya sungkod, kag nanigin nga man-ug sila; apang ang sungkod ni Aaron naghalunhon sang mga sungkod nila.

13 Kag nagtig-a ang tagiposoan ni Paraon, kag walâ sia magpamati sa ila, sono sang ginsiling ni Iehoba.

Nahauna nga kalalat-an : ang tubig nga nangindugo.

14 Niyan si Iehoba nagsiling kay Moises : "Ang tagiposoan ni Paraon nagabug-at : nagpangindi sia sa pagtugut sa pagpalakat sa akon banwa.

15 Kadto-ka sa kaagahon kay Paraon. Yari karon, nga sia magagowa nasyon sa mga tubig, kag ikaw magahulat sa iya sa pangpang sang subâ, kag pagauyatan mo sa imo kamut ang sungkod nga nanginman-ug.

16 Kag magasiling ka sa iya : Si Iehoba, ang Dios sang mga Hebreinhon, nagpadalâ sa akon sa imo sa pagsiling sa imo : Tuguti paglakat ang akon banwa, agud nga sila mag-alalagad sa akon sa kahanayakan ; kag yari karon, nga ikaw walâ magdungug tuhtub karon.

17 Amo ini ang ginasiling ni Iehoba : Sa sini pagakilalahon mo, nga ako amo si Iehoba : Yari karon, nga sa sungkod nga yari sa akon kamut, pagapilason ko ang mga tubig nga yara sa subâ, kag magamangindugo sila.

18 Kag ang mga isda nga yara sa suba magakalamatay, kag magabaho ang subâ, sa bagay nga ang mga Egiptohanon magakalanġil-ad sa paginum sang mga tubig sang subâ."

19 Niyan si Iehoba nagsiling kay Moises : "Isiling kay Aaron : Kuhaa ang imo sungkod, kag untaya ang imo kamut sa ibabaw sang mga tubig sa Egipto, sa ibabaw sang ila mga ilig, sa ibabaw sang ila mga subâ, kag sa ibabaw sang ila mga danaw, kag sa ibabaw sang tanan nila nga mga suluptan sang tubig, agud nga magmangindugo sila ; kag may dugo sa bug-os nga duta sa Egipto, bisan pa sa mga *suludlan* nga kahoy kag batô."

20 Kag ginhimo ni Moises kag ni Aaron, sono sang ginsogo sa ila ni Iehoba : ginbayaw niya ang sungkod, kag ginbunal niya ang mga tubig nga yara sa subâ, sa mga mata ni Paraon kag sa mga mata sang iya mga alagad ; kag ang tanan nga mga tubig sang subâ nagnangindugo.

21 Kag nagkalamatay ang mga isda

nga yara sa subâ; kag nagpabaho sang subâ, kag indi sarang makainum ang mġa Egiptohanon sang mġa tubig sang subâ, kag may dugo sa bug-os nga duta sa Egipto.

22 Kag ang mġa mago sa Egipto naghilimo sang amo gid sa ila mġa padugi. Kag nagtig-a ang tagiposoon ni Paraon, kag walâ sia nagdungug sa ila, sono sang ginsiling ni Iehoba.

23 Kag si Paraon nagtalikod kag nagpauli sa iya baláy; apang bisan sa sini indi ginsapak sang iya tagiposoon.

24 Kag ang tanan nga mġa Egiptohanon nagkulutkut sa palibot sang subâ sa pagpangita sing tubig nga ilimnon, kay indi sila sarang makainum sang mġa tubig sang subâ.

25 Kag nagkatuman ang pito ka adlaw, sa tapus nga ginbunal ni Iehoba ang subâ.

Ikaduha ka kalalat-an : ang mġa paka.

**8** NIYAN si Iehoba nagsiling kay Moises: “Kadto-ka kay Paraon, kag isiling-mo sa iya: Amo ining ginsiling ni Iehoba: Tuguti sa paglakat ang akon banawa, agud nga pag-alalagdon nila ako.

2 Kag kon ikaw magdumili sa pagtugut sa pagpalakat sa iya, pagatistisan ko ang bug-os mo nga mġa dulunan sang mġa paka.

3 Kag ang subâ magapasubaysing mġa paka, kag magasalaka kag magasululud sila sa imo baláy, sa imo hulut nga tululogan, kag sa ibabaw sang imo higdan, kag sa baláy sang imo mġa alagad, kag sa tungâ sang imo banwa, kag sa imo mġa dabok kag sa imo mġa lamasan.

4 Ang mġa paka magasalaka sa ibabaw nimo, kag sa ibabaw sang imo banwa, kag sa ibabaw sang imo mġa alagad.”

5 Kag nagsiling si Iehoba kay Moises: “Isiling kay Aaron: Untaya ang imo kamut, upud ang imo sungkod, sa ibabaw sang mġa ilig, sa ibabaw sang mġa subâ, kag sa ibabaw sang mġa danaw, sa pagpasaka sing mġa paka sa ibabaw sang duta sa Egipto.”

6 Kag ginuntay ni Aaron ang kamut sa ibabaw sang mġa tubig sa Egipto; kag nagsalaka ang mġa paka kag ginlikupan nila ang duta sa Egipto.

7 Kag ang mġa mago naghilimo sing subung gid sa ila mġa padugi, kag nag-

palasaka sila sing mġa paka sa ibabaw sang duta sa Egipto.

8 Niyangintawag ni Paraon si Moises kag si Aaron, kag nagsiling sia: “Pangayô-kamo kay Iehoba, nga ipalayô niya ang mġa paka sa akon kag sa akon banwa; kag ako magapalakat sa banwa, agud nga maghalad sia sing halad kay Iehoba.”

9 Kag si Moises nagsiling kay Paraon: “Ikaw gid ang magtapat sang adlaw kon san-o magaampo ako tungud sa imo, kag tungud sa imo mġa alagad, kag tungud sa imo banwa, agud nga ang mġa paka pagkuhaon sa imo kag sa imo mġa baláy, kag didto lamang sila sa subâ.”

10 Kag sia nagsabat. “Sa boas.” Sa sini nagsiling si Moises: “Manginsono sa imo polong, agud nga makahibalo ka nga walâ na sing liwan subung kay Iehoba nga amon Dios.

11 Kag ang mġa paka magapalalayô sa imo kag sa imo mġa baláy, kag sa imo mġa alagad, kag sa imo banwa, kag didto lamang sila sa subâ.”

12 Si Moises kag si Aaron naghalalín sa atubangan ni Paraon; kag nagtuaw si Moises kay Iehoba nahanungud sa mġa paka, nga ginpadalâ niya sa ibabaw ni Paraon.

13 Kag ginhimo ni Iehoba, sono sang polong ni Moises, kag nagkalamatay ang mġa paka sa mġa baláy, sa mġa patyo kag sa mġa latagon.

14 Kag gintipon nila sila sa mġa tinumpok, kag nagpabaho sang duta.

15 Apang sang nakita ni Paraon nga ginuntatan, ginpabug-at niya ang iya tagiposoon, kag walâ niya sila pagdunga, sono sang ginsiling ni Iehoba.

Ikatlo ka kalalat-an : ang mġa kuto.

16 Niyangintawag ni Iehoba nagsiling kay Moises: “Isiling kay Aaron: Iuntay ang imo sungkod kag bunala ang yab-ok sa duta, agud nga manginkúto sa bug-os nga duta sa Egipto.”

17 Kag ginhimo nila ang subung sini: ginuntay ni Aaron ang kamut, upud ang iya sungkod, kag ginbunal niya ang yab-ok sang duta; nga nanginkúto sia sa mġa tawo kag sa mġa kasapatan: ang tanan nga yab-ok sang duta nanġin mġa kúto sa bug-os nga kadutaan sa Egipto.



18 Kag ginhimo sang mġa mago ang subung gid sa ila mġa padugi, sa pagpagowa sing mġa kŭto; apang walā sila makasarang. Kag may mġa kŭto sa mġa tawo kag sa mġa kasapatan.

19 Niyan nagsililing ang mġa mago kay Paraon: "Tudlo sang Dios ini." Apang nagtig-a ang tagiposon ni Paraon, kag walā sia magdungug sa ila, sono sang ginsiling ni Iehoba.

*Ikap-at ka kalalat-an: ang mġa langaw.*

20 Kag si Iehoba nagsiling kay Moises: "Tindug-ka sing aga pa gid, kag umatubang-ka kay Paraon; yari karon nġa sia magagowa nayon sa mġa tubig, kag ikaw magasiling sa iya: Amo ini ang ginasing ni Iehoba: Tuguti sa paglakat ang akan banwa, agud nġa pag-alagdon nila ako.

21 Kay kon ikaw indi magtugut sa pagpalakat sa akan banwa, yari karon nġa ako magapadalā sa ibabaw nimo kag sa ibabaw sang imo mġa alagad, kag sa ibabaw sang imo banwa, kag sa imo mġa baláy sang mġa pinanung nġa mġa langaw, kag magakalapunō ang mġa baláy sang mġa Egiptohanon sang mġa langaw, kag ang duta man sa diin didto sila.

22 Kag sa sadto nġa adlaw pagapai-non ko ang duta sa Gosen, nġa sa iya nagapuyō ang akan banwa, agud nġa walā didto sing mġa langaw, agud nġa mahibaloan mo, nġa ako amo si Iehoba sa tungā sang duta.

23 Kag ako magabutang sing pagpain sa tungā sang akan banwa kag sang sa imo. Buas manginamo ining tanda-an."

24 Kag ginhimo ni Iehoba ang subung sini: nag-abut ang pinanong nġa mġa langaw sa baláy ni Paraon, kag sa mġa baláy sang iya alagad; kag sa bug-os nġa kadutaan sa Egipto ang duta nag-baho bangud sa ila.

25 Niyan gintawag ni Paraon si Moises kag si Aaron, kag nagsiling sia sa ila: "Lalakat-kamo, halad-kamo sa inyo Dios sa duta."

26 Kag si Moises nagsabat: "Indi anġay nġa maghimo kami sing subung sini, kay ang ginahalad namon kay Iehoba, nġa amon Dios, among kalgil-aran sang mġa Egiptohanon. Kon pagihalad namon ang kangil-aran sang mġa

Egiptohanon sa atubangan nila, ġindi bala nila kami pagbatohon?

27 Magalalakat kami sa tatlo ka adlaw nġa panlakatan sa kahanayakan, kag magahalalad kami kay Iehoba nġa amon Dios, sono sang pagisiling niya sa amon."

28 Kag nagsiling si Paraon: "Pagatugutan ko kamo sa paglakat, agud nġa maghalalad kamo kay Iehoba nġa inyo Dios sa kahanayakan, lamang nġa indi kamo maglalakat sa malayō: palangamuyo-kamo tungud sa akan."

29 Kag nagsabat si Moises. "Yari karon, nġa magahalín ako sa imo atubangan, kag magapangayō ako kay Iehoba, nġa ang mġa langaw maghalalín kay Paraon, kag sa iya mġa alagad, kag sa iya banwa buas; lamang nġa indi si Paraon maglimbong na, nġa indi niya pagtugutan sa paglakat ang banwa sa paghalad kay Iehoba."

30 Niyan si Moises naghalín sa atubangan ni Paraon, kag nagpangamuyo sia kay Iehoba.

31 Kag ginhimo ni Iehoba, sono sang polong ni Moises; kag ginpapalagyo niya ang mġa langaw kay Paraon, kag sa iya mġa alagad, kag sa iya banwa, nġa walā sing nabilin bisan isa.

32 Apang sa sini si Paraon nagbugat pa sang iya tagiposoon, kag walā niya pagtuguti sa paglakat ang banwa.

*Ikalima ka kalalat-an: kamatay sang kasapatan.*

**9** NIYAN si Iehoba nagsiling kay Moises: "Kadto-ka kay Paraon, kag isiling-mo sa iya: Si Iehoba, ang Dios sang mġa Hebreinhon, nagsiling sing subung sini: Tuguti sa paglakat ang akan banwa, agud nġa pag-alagdon nila ako;

2 Kay kon indi mo sila pagtugutan sa paglakat, kag pungan pa nimo sila,

3 Yari karon, ang kamut ni Iehoba manginsa ibabaw sang imo kahayupan, nġa yara sa latagon, sa mġa kabayo, sa mġa asno, sa mġa kamelyo, sa kabakahan, kag sa mġa obeha, nġa may daku gid nġa kamatay:

4 Kag pagapainon ni Iehoba ang mġa kahayupan sa Israel kag ang mġa kahayupan sa Egipto, sa bagay nġa walā gid sing mapatay sang iya sang mġa inanak ni Israel."

5 Kag gintapat ni Iehoba ang tion,

nga nagasiling: "Buas pagahimoon ni Iehoba ini nga butang sa duta."

6 Kag sang madason nga adlaw gin-himo ni Iehoba yadto, kag namatay ang tanan nga kahayupan sa Egipto; apang ang kahayupan sang mga inanak ni Israel walâ sing namatay, bisan isa.

7 Niyan ginpakadtoan ni Paraon, kag yari karon, nga sa kahayupan sang mga inanak ni Israel walâ sing napatay, bisan isa. Apang ang tagiposoon ni Paraon nagbug-at, kag walâ niya pagtuguti sa paglakat ang banwa.

**Ikan-un ka kalalat-an: mga hubag.**

8 Kag si Iehoba nagsiling kay Moises kag kay Aaron: "Kuluha-kamo sing mga tinapnay nga mga abó sang isa ka dabok, kag iwaraag sia ni Moises nayon sa langit sa atubangan ni Paraon.

9 Kag magamanginyab-ok sa ibabaw sang bug-os nga duta sa Egipto, nga sa iya magakalahuman ang mga hubag nga nagabuluad-ad sa mga tawo subung sa mga kasapatan, sa bug-os nga duta sa Egipto."

10 Kag nagkuluha sila sing abó sa dabok, kag umatubang sila kay Paraon; kag si Moises nagwaraag sa iya nayon sa langit, kag nanġin mga hubag nga nagabuluad-ad sa mga tawo subung sa mga kasapatan.

11 Kag ang mga mago indi sarang makaatubang kay Moises bangud sang mga hubag; kay ang mga hubag yara sa mga mago kag sa tanan nga mga Egiptohanon.

12 Apang ginpatig-a ni Iehoba ang tagiposoon ni Paraon, kag walâ niya sila pagdunga, sono sang ginhambal ni Iehoba kay Moises.

**Ikapito ka kalalat-an: ang ulan nga nagabililog-bilog nga hielo.**

13 Niyan nagsiling si Iehoba kay Mioses: "Tindug-ka sing aga pa gid, kag umatubang-ka kay Paraon, kag isiling-mo sa iya: Amo ining ginasiling ni Iehoba, ang Dios sang mga Hebreinhon: Tuguti sa paglakat ang akon banwa, agud nga pag-alagdon nila ako.

14 Kag sa karon pagaipadalâ ko ang tanan ko nga mga kalalat-an sa ibabaw sang imo tagiposoon, kag sa ibabaw

sang imo mga alagad, kag sa ibabaw sang imo banwa, agud nga makahibalo ka nga walâ gid sing iban nga subung sa akon sa bug-os nga duta.

15 Kay karon, kon ginuntay ko kunta ang akon kamut sa pagpilas sa imo, kag sa imo banwa nga may kamatay, nadula ka na kunta sa duta.

16 Apang ginapapadayon ko ikaw nga sa sini gid, sa pagpakita sa imo sang akon gahum, kag agud nga pagdayawon kunta ang akon ngalan sa bug-os nga duta.

17 ¿Nagapalabawlabaw ka pa bala batok sa akon banwa nga sa indi pagtugut sa iya sa paglakat?

18 Yari karon, nga sa adlaw nga buas, sa sining oras, magapaulan ako sing batobató nga hielo nga labing makadala nga walâ nga mas-a mag-abut sa ibabaw sang Egipto kutub sang adlaw nga gintukud sia tuhtub karon.

19 Busa karon, ipadalâ kag himoa nga maapinan ang imo kahayupan, kag ang tanan nga imo sa latagon. Kay sa ibabaw sang tanan nga mga tawo kag mga kasapatan nga masakpan sa latagon, kag nga walâ makapasilong sa idalum sang atup, maholog ang ulan nga batobató nga hielo sa ibabaw nila, kag magakalamatay sila."

20 Yadtong sa sa tungâ sang mga alagad ni Paraon nga nagkahadluk sang polong ni Iehoba, ginhimo niya nga ang iya mga alagad kag ang iya mga kahayupan magpalasilong sa kabalayan;

21 Apang yadto walâ magsapak sang polong ni Iehoba, ginpabayan niya ang iya mga alagad kag ang iya kahayupan sa latagon.

22 Kag nagsiling si Iehoba kay Moises: "Untaya ang imo kamut nayon sa langit, agud nga may ulan nga batobató nga hielo sa bug-os nga duta sa Egipto, sa ibabaw sang mga tawo kag sa ibabaw sang mga kasapatan, kag sa ibabaw sang tanan nga hilamon sa duta sa Egipto."

23 Kag ginuntay ni Moises ang iya sungkod nayon sa langit, kag si Iehoba nagpadalâ sing mga daguub kag ulan nga batobató nga hielo, kag ang kalayo nagdalagan sa ibabaw sang duta; kag ginpaulan ni Iehoba sing batobató nga hielo sa ibabaw sang duta sa Egipto.

24 Kag may ulan nga batobató nga



hielo kag kalayo nga nagasamo sa ulan nga batobató nga hielo, nga makadalaut gid; sa bagay nga walá gid sing kaangay nga nag-abut sa bug-os nga duta sang Egipto kutub nga nanginkatawohan sia.

25 Kag ang ulan nga batobató nga hielo nagtistis sa bug-os nga duta sa Egipto, sa tanantanan nga yara sa latagon, kutub sa tawo tubtub sa sapat; ang ulan nga batobató nga hielo nagtistis man sang tanan nga hilamon sang latagon, kag nagbali sang tanan nga kahoy sang latagon.

26 Lamang sa duta sa Gosen, diin yara ang mga inanak ni Israel, walá sing ulan nga batobató nga hielo.

27 Niyan si Paraon nagpakadto kag nagpatawag kay Moises kag kay Aaron, kag nagsiling sia sa ila: "Sa karon nakasalá ako; si Iehoba among matarung, kag ako kag ang akon banwa mga malauton kami.

28 Ampo-kamo kay Iehoba; kag tuman na kunta ang mga daguub sang Dios kag ang ulan nga batobató nga hielo; kag ako magatugut sa inyo sa paglakat, kag indi na ako magapugung sa inyo."

29 Kag si Moises nagasiling sa iya: "Kon ako maggowa sa banwa, kag maguntay ang akon mga kamut nayon kay Iehoba, ang mga daguub magauluntat, kag walá na sing ulan nga batobató nga hielo, agud nga makasayud ka nga ang duta iya ni Iehoba.

30 Apang sa nahanungud sa imo kag sa imo mga alagad, nakahibalo na ako, nga indi kamo pa magkalahadluk kay Iehoba nga Dios."

31 Kag ang lino kag ang sebada tinistisan, kay ang sebada naguhay kag ang lino nagapamulak.

32 Apang ang trigo kag ang espelta walá sila pagpamilasa, kay mga olehe sila.

33 Niyan si Moises naghalín sa atubangan ni Paraon pa gowa sang banwa, kag naguntay sia sang mga kamut nayon kay Iehoba; kag naguluntat ang mga daguub kag ang ulan nga batobató nga hielo, kag ang ulan walá na magtupa sa ibabaw sang duta.

34 Kag nakita ni Paraon nga naguntat ang ulan kag ang ulan nga batobató nga hielo, kag sia nagpadayon sa pagpakasalá, kag ginpabug-at niya ang

iya tagiposoon, sia kag ang iya mga alagad.

35 Ang tagiposoon ni Paraon nagtiga, kag walá niya pagtuguti sa paglakat ang mga inanak ni Israel, sono sang ginsiling ni Iehoba tungud kay Moises.

Ikawalo ka kalalat-an: ang apan.

**10** KAG si Iehoba nagsiling kay Moises: "Kadto-ka kay Paraon, kay ginpabug-at ko ang iya tagiposoon, kag ang tagiposoon sang iya mga alagad, sa pagbutang sa tungâ nila sining akon mga talandaan;

2 Kag agud nga sarang ka makapanugid sa mga idulungug sang imo anak, kag sang anak sang imo anak, ang gin-himo ko sa ibabaw sang mga Egiptohanon, kag ang mga talandaan nga ginbutang ko sa tungâ nila, kag agud nga kamo makahibalo, nga ako amo si Iehoba."

3 Si Moises kag si Aaron nagkaladto kay Paraon, kag nagsililing sila sa iya "Amo ining ginasiling ni Iehoba, ang Dios sang mga Hebreinhon: ¿Tubtub pa san-o magadumili ka sa pagpaubus sa imo sa atubangan nakon? Tuguti sa paglakat ang akon banwa, agud nga sila mag-alalagad sa akon.

4 Kay kon ikaw magdumili pa sa pagtugut sa paglakat sa akon banwa, yari karon, nga buas pagapakarion ko ang mga apan sa sulúd sang imo mga dulunan.

5 Pagatabunan nila ang kadaygan sang duta, sa bagay nga indi sarang makita ang duta; kag pagakaonon nila ang nabilin sang naluwas, sang ginbiling nga sa inyo sang ulan nga batobató nga hielo; pagakaonon nila ang tanan nga kahoy nga nagatúbô sa inyo mga latagon.

6 Kag pagapun-on ang imo mga baláy sa ila, kag ang mga baláy sang tanan mo nga mga alagad, kag ang baláy sang tanan nga mga Egiptohanon, nga walá nga mas-a makita sang inyo mga ginikanan, bisan sang mga ginikanan sang inyo mga ginikanan, kutub sang adlaw nga diin sila sa ibabaw sang duta tubtub sang adlaw nga karon." Niyan nagtalikod sia, kag naghalín sa atubangan ni Paraon.

7 Kag ang mga alagad ni Paraon nagsililing sa iya: "¿Tubtub pa san-o

n̄ga magmanginisa ka siod namon ini sia? Tuguti sa paglakat inang m̄ga tawo, agud n̄ga mag-alalagad sila kay Iehoba n̄ga ila Dios. ¿Walâ ka pa bala makahibalo n̄ga ang Egipto nagkagubana?”

8 Busa ginpabalik nila si Moises kag si Aaron sa atubangan ni Paraon, kag sia nagsiling sa ila: “Lalakat-kamo, kag alalagad-kamo kay Iehoba n̄ga inyo Dios: ¿Apang sin-o bala kag sanday sin-o ang m̄ga magalalakat?”

9 Kag nagsabat si Moises: “Magalalakat kami upud ang amon m̄ga pamatan-on kag upud ang amon m̄ga tigulang, upud ang amon m̄ga anak n̄ga lalaki kag m̄ga babae, upud ang amon m̄ga kinabon, kag upud ang amon m̄ga kabakahan; kay *magahilivat* kami sing isa ka daku n̄ga kasadyahan kay Iehoba.”

10 Niyan sia nagsabat sa ila: “¿N̄ga si Iehoba magmanginkaupud ninyo, subung n̄ga ako magatugut sa pagpalakat sa inyo upud sang inyo m̄ga kabataan! Tuluka-ninyo, kay ang kalainan yara sa atubangan ninyo.

11 Indi magmanginsubung sini; lalakat-kamo, ang m̄ga lalaki, kag alalagad-kamo kay Iehoba; kay ini ginpangayô ninyo.” Kag gintabog sila sa atubangan ni Paraon.

12 Kag si Iehoba nagsiling kay Moises: “Untaya ang imo kamut sa ibabaw sang duta sa Egipto n̄ga sa m̄ga apan kag magsaka sila sa ibabaw sang duta sa Egipto, kag magkaon sila sang tanan n̄ga hilaon, sang tanan n̄ga ginbibilin sang ulan n̄ga batobatô n̄ga hielô.”

13 Kag ginuntay ni Moises ang iya sungkod sa ibabaw sang duta sa Egipto; kag si Iehoba nagdalâ sing isa ka hangin sa Sidlangan sa ibabaw sang kadutaan, sa sadtong bug-os n̄ga adlaw, kag sa sadtong bug-os n̄ga gab-i. Kag sang nag-abut ang aga, ang hangin sa Sidlangan nagdalâ sang m̄ga apan.

14 Kag nagsalaka ang m̄ga apan sa ibabaw sang bug-os n̄ga duta sang Egipto, kag naghulugpa sila sa tanan n̄ga m̄ga kadulunan sa Egipto, n̄ga makadaut gid: n̄ga ûna sa iya walâ gid sing apan n̄ga subung sina, bisan sa olohe niya indi n̄ga mas-a magaabut ang kaangay niya.

15 Kag ginlipdan nila ang kadaygan sang bug-os n̄ga duta, sa bagay n̄ga ang duta ginpadulum, kag ginkaon nila ang tanan n̄ga hilaon sang duta, kag ang

tanan n̄ga bungâ sang kakahoyan, n̄ga ginbibilin sang ulan n̄ga batobatô n̄ga hielô; kag walâ gid sing nabilin n̄ga hilaw sa kakahoyan, bisan sa hilaon sang m̄ga latagon sa bug-os n̄ga duta sang Egipto.

16 Niyan ginpatawag ni Paraon sing dalidali si Moises kag si Aaron, kag nagsiling sia: “Nakasalâ ako batok kay Iehoba n̄ga inyo Dios, kag batok sa inyo.

17 Busa karon, patawara-ninyo ang akon salâ sa sini gid lamang, kag pakitabang-kamo kay Iehoba n̄ga inyo Dios, n̄ga ipahilayô sa akon ini n̄ga kamatayon.”

18 N̄gani naghalin sia sa atubangan ni Paraon kag nagpakitabang kay Iehoba.

19 Niyan ginpakari ni Iehoba ang isa ka hangin gikan sa Katundan n̄ga tuman ka baskug, n̄ga nagpalid sang m̄ga apan, n̄ga ginlumus niya sila sa dagat n̄ga Mapula; kag walâ sing nabilin bisan isa ka apan sa bug-os n̄ga kadulunan sa Egipto.

20 Apang ginpatig-a ni Iehoba ang tagiposoon ni Paraon, sa bagay n̄ga walâ niya pagtuguti sa paglakat ang m̄ga inanak ni Israel.

Ikasiam ka kalalat-an: ang m̄ga kadudulman.

21 Kag si Iehoba nagsiling kay Moises: “Untaya ang imo kamut nayon sa langit, agud n̄ga may kadudulman sa ibabaw sang bug-os n̄ga duta sa Egipto, kag magpalanghikap sila sa kadudulman.”

22 Busa, ginuntay ni Moises ang kamut nayon sa langit; kag nag-abut ang madamol n̄ga kadudulman sa bug-os n̄ga duta sang Egipto, sa tatlo ka adlaw.

23 Kag walâ magkilitaay ang iban sa iban, bisan may nagtindug sa iya nahamtangan sa sulud sang tatlo ka adlaw, apang ang tanan n̄ga m̄ga inanak ni Israel may suga sa ila m̄ga puluy-an.

24 Kag si Paraon nagtawag kay Moises, kag nagsiling: “Lakat-kamo, alalagad-kamo kay Iehoba; magkalabilin lamang ang inyo m̄ga pinanung kag ang inyo m̄ga kabakahan; ang inyo m̄ga kabataan man magaulupud sa inyo.”

25 Apang si Moises nagsabat: “Kinahanglan n̄ga ikaw man maghatag sa amon m̄ga kamut sing m̄ga halad kag m̄ga halad n̄ga sinunog, agud n̄ga pagi-



halad namon sila kay Iehoba nga amon Dios.

26 Ang amon mga kahayupan magaulupud man sa amon, walâ sing mabilin, bisan isa ka koko; kay sa ila magakuha kami nga sa pag-alagad kay Iehoba nga amon Dios; kag walâ kami makahibalo kon ano ang pagaialagad namon kay Iehoba, tubtub nga magabut kami didto."

27 Apang ginpatig-a ni Iehoba ang tagiposoon ni Paraon, kag walâ sia magtugut sa pagpalakat sa ila.

28 Kag nagsiling si Paraon: "Halin-ka sa akon atubangan: andam-ka nga indi na magtan-aw ikaw liwan sang akon nawung; kay sa adlaw nga makita mo ang akon nawung, mamatay ka."

29 Kag si Moises nagsabat: "Maayo ang ginsiling mo: indi na ako magtan-aw liwan sang imo nawung."

Ang ikapulô ka kalalat-an, nga ginbalita kay Paraon.

**11** KAG si Iehoba nagsiling kay Moises: "Isa pa ka kalalat-an pagadalhon ko kay Paraon kag sa Egipto, kag sa tapus sini pagatugutan kamo niya sa paglakat gikan diri. Kon pagatugutan kamo niya sa paglakat, manginamo ini sing bug-os; bisan pa pagasobolon kamo niya, pagasobolon kamo niya diri.

2 Hambala karon sa dulungug sang banwa, kag nga ang tagsatagsa ka lalaki magpangayô sa iya kasilingan nga lalaki kag ang tagsatagsa ka babae sa iya kasilingan nga babae sing mga huyas nga pilak kag mga nuyas nga bulawan."

3 Kag si Iehoba nagbugay sa banwa sa mga mata sang mga taga-Egipto, subung man si Moises amo ang daku nga lalaki sa duta sang Egipto sa mga mata sang mga alagad ni Paraon kag sa mga mata sang katawohan.

4 Kag nagsiling si Moises: "Si Iehoba nagsiling sini: Sa tungâ sang gab-i ako magagowa sa tungâ sang Egipto;

5 Kag mamatay ang tanan nga panganay sang duta sa Egipto kutub sa panganay ni Paraon, nga nagalingkod sa iya lingkaran nga hari-anon, tubtub sa panganay sang alagad nga babae nga yara sa galingan, kag ang tanan nga panganay sang mga kasapatan.

6 Kag magaabut ang daku nga sini-

ngit sa bug-os nga duta sang Egipto, nga walâ nga mas-a mahanabu, bisan mahanabu pa.

7 Apang nahanungud sang tanan nga mga anak ni Israel, kutub sa tawo tubtub sa kahayapan, bisan ang isa ka ido indi magapabaskug sang iya dila batok sa ila, agud nga inyo mahibaloan, nga si Iehoba magapahain sa tungâ sang mga Egiptohanon kag sa Israel.

8 Kag magapalanaug sa akon ining tanan nga imo mga alagad, kag maguaygub sila sa atubangan nakon, nga nagasililing: Gowa-ka, kag ang bug-os nga banwa nga nagasunud sa imo. Kag sa tapus sini ako magagowa." Kag naggowa si Moises nga may daku nga kaakig sa kay Paraon.

9 Kag si Iehoba nagsiling kay Moises: "Si Paraon indi magapâti sa inyo, agud nga ang akon mga kalatingalahan magdalamu sa duta sang Egipto."

10 Kag si Moises kag si Aaron naghilimo sining tanan nga mga kalatingalahan sa atubangan ni Paraon; apang ginpatig-a ni Iehoba ang tagiposoon ni Paraon, kag walâ niya pagtaguti sa paglakat ang mga inanak ni Israel sa gowa sang iya kadutaan.

Ang pagtukud sang Paskua.

**12** KAG naghambal si Iehoba kay Moises kag kay Aaron sa duta sang Egipto, nga nagsiling:

2 "Ini nga bulan mangin pamuno sang mga bulan sa inyo; ini manginnahauna sa inyo sa mga bulan sang tuig.

3 Ihambal-ninyo sa bug-os nga katingban ni Israel, nga nagsiling: sa ikapulô sini nga bulan magakuha ang tagsatagsa sing isa ka kordero sa mga panimalây nga inamay, isa ka kordero sa tagsa ka panimalây.

4 Apang kon ang panimalây diyotay, nga indi makaurot sa pagkaon sang isa ka kordero, niyan sia kag ang iya kasilingan nga labing malapit sa iya balây magakuha sa iya sono sang kadamuon sang mga kalág. Pagaisipan ninyo sa kordero, sono sang makaon sang tagsatagsa.

5 Ang kordero mangin walay dagta, lalaki nga isa ka tuig: kuhaon ninyo sia sa mga obehâ kon sa mga kanding.

6 Kag pagabantayan ninyo sia tubtub sa adlaw nga ikapulô kag apat sini nga

bulan, kag pagapugutan sia sang bug-os nga katipunan sang katilingban sa Israel, sa tungâ sang duha ka kahaponon.

7 Kag magakuha sila sang dugo, kag ibutang nila ini sa duha ka bakalan sang gawang, kag sa atangan sang mga baláy, nga didto ila pagakaonon.

8 Kag sa sadto nga gab-i magakaon sila sang unud nga sinugba sa kalayo, nga may mga tinapay nga walay tapay, kag may mga hilamon nga mapait pagakaonon sia nila.

9 Bisan ano nga butang sa iya nga hilaw, indi pagakaonon ninyo, bisan naluto sa tubig, kondi sinugba sa kalayo; ang iya olo upud ang iya mga tiil, kag ang iya mga kasudlan.

10 Dili ninyo pagibilin bisan ano sa iya tubtub sa pagkaaga; kag ang mabilin sa iya tubtub sa pagkaaga, pagasunugon ninyo sa kalayo.

11 Kag amo ini ang inyo pagkaon sa iya: Nga napangwagkusan ang inyo mga hawak, ang inyo mga sapin sa inyo mga tiil, kag ang inyo sungkod sa inyo kamut. Kag pagakaonon ninyo sia sing madasig gid. Amo ini ang Paskua\* ni lehoba.

12 Kay magaagi akosa sadto nga gab-i sa duta sang Egipto, kag pagapilason ko ang tanan nga panganay sa duta sang Egipto, kutub sa mga tawo tubtub sa mga sapat; kag pagasilotan ko ang tanan nga mga dios sang Egipto. Ako si lehoba.

13 Kag ang dugo magamangintanda sa inyo sa mga baláy sa didto kamo magapuyô; kag kon makit-an ko ang dugo, magaligad ako sa inyo, kag walâ sa inyo sing kamatay nga malaglagon, kon akon pagapilason ang duta sang Egipto.

14 Kag ini nga adlaw mangindulumdumon ninyo, kag pagabantayan ninyo sia subung nga piesta kay lehoba; sa sulúd sang inyo nga kaliwatan pagabantayan ninyo ini nga piesta subung nga dayon nga palatukuran.

15 Pito ka adlaw magakaon kamo sing mga tinapay nga walay tapay. Sa sini, kutub sa nahauna nga adlaw gid pagaipalayo ninyo ang tapay sa inyo mga baláy; kay bisan sin-o nga magkaon sang tinapay nga may tapay kutub sa nahauna nga adlaw tubtub sa ikapito, yadto nga kalág pagagabuton sa Israel.

16 Kag sa nahuuna nga adlaw magahimo kamo sing balaan nga pagkatipon, kag subung man sa ikapito ka adlaw magahimo kamo sing balaan nga pagkatipon. Bisan ano nga buluhaton dili pagahimoon sa sining mga adlaw, luwas lamang nga maghimos sang pagakaonon sang tagsatagsa.

17 Kag pagabantayan ninyo ang adlaw sang mga tinapay nga walay tapay, kay sa sadto man nga adlaw ginpagowa ko ang inyo mga kasoldadosan sa duta sang Egipto. Bangud sini bantayan-ninyo ini nga adlaw sa inyo mga kaliwatan sa dayon nga palatukuran.

18 Sa nahauna nga bulan sa ikapúlô kag apat ka adlaw, sa kahaponon, magakalaon kamo sing mga tinapay nga walay tapay, tubtub sa adlaw nga duha ka púlô kag isa sang bulan, sa kahaponon.

19 Sa sulúd sang pito ka adlaw walâ sing makita nga tapay sa inyo mga balay; kay yadtong tanan nga magkaon sang butang nga may tapay, ang amo nga tawo pagagabuton sa katilingban ni Israel, bisan sia dumuluong, bisan sia tumanduk.

20 Indi kamo magkalaon sing bisan ano nga butang nga may tapay; sa inyo tanan nga mga puluy-an magakalaon kamo sing mga tinapay nga walay tapay."

21 Niyan gintawag ni Moises ang tanan nga mga tigulang sa Israel, kag nagsiling sa ila: "Guluyud-kamo, kag kuluha-kamo sing mga kardero sono sa inyo mga panimaláy, kag puguti-ninyo ang Paskua.

22 Kag magkuluha-kamo sang isa ka bugkos nga isopo, kag pagbas-on ninyo ini sa dugo nga yara sa suludlan, kag ihaplas-ninyo ang dugo, nga yara sa susudlan, sa atangan kag sa duha ka bakalan sang gawang. Kag walâ sing maggowa bisan isa sa inyo sa gawang sang iya baláy tubtub sa aga.

23 Kag kon magligad si lehoba, nga nagapilas sa mga Egiptohanon, makita niya ang dugo sa atangan kag sa duha ka bakalan sang gawang; kag si lehoba magaligad sa sadto nga gawang, kag indi magtugut nga ang manuglaglag magsulúd sa inyo mga baláy sa pagpilas.

24 Kag pagabantayan ninyo ini nga

\* Paskua, pagligad.



palatukuran nga sa inyo kag sa inyo mga anak sa gihapon.

25 Kag mahanabu nga, kon mag-alabut kamo sa duta, nga pagsihatag sa inyo ni Iehoba, sono sang ginpanaad niya, pagatumanon ninyo ini nga pag-alagdan.

26 Kag kon mahanabu, nga magpalamangkot ang inyo mga anak sa inyo: ; Ano bala ang ginakahologan sa inyo sini nga pag-alagdan?

27 Magsalabat-kamo: Ini amo ang halad sang Paskua\* kay Iehoba, kay nagligad sia sa kabalayan sang mga inanak ni Israel sa Egipto, sang nagalakat sia, nga nagapilas sa mga Egiptohanon, kag ginluwas niya ang amon mga baláy." Niyan ang banwa nag-yaub kag naghapa.

28 Kag ang mga inanak ni Israel naglalakat, kag ginhilimo nila sono sang ginsogo ni Iehoba kay Moises kag kay Aaron: ginhilimo nila ang subung sini.

Ang pagkamatay sang mga panġanay. Ang mga inanak ni Israel ginpanobol sa Egipto.

29 Kag nahanabu nga, sang pagkatungâ sang gab-i, ginpilas ni Iehoba ang tanan nga panġanay sa duta sa Egipto, kutub sa panġanay ni Paraon, nga nagalingkod sa ibabaw sang iya lingkoran nga harianon, tubtub sa panġanay sang biġag, nga yara sa bilangoan, kag ang tanan nga panġanay sang mga kasapatan.

30 Kag nagtindug si Paraon sadto nga gab-i, sia kag ang tanan niya nga mga alagad, kag ang tanan nga mga Egiptohanon; kag may isa ka daku nga panghakrui sa Egipto, kay walâ sing baláy diin nga walâ sing patay.

31 Kag ginpatawag niya si Moises kag si Aaron sa kagab-ihon, kag nagsiling sia sa ila: "Tilindug-kamo, halalin-kamo sa tungâ sang akon banwa, kamo kag ang mga inanak ni Israel; kag lalakat-kamo, kag alalagad-kamo kay Iehoba, sono sang ginsiling ninyo.

32 Kuhaa man ninyo ang inyo mga obeha kag ang inyo mga kabakahan, sono sang ginsiling ninyo, kag lalakat-kamo, kag pakamaayoha-ninyo man ako."

33 Kag ginasako gid sang mga Egipto-

\* Halad sang Paskua, halad sang pagligad.

tohanon ang banwa, sa pagpadalâ sa ila sing madali gid sa gowa sang kadutaan, kag nagsiling sila: "Tanan kami mga patay."

34 Kag ginhakwat sang banwa ang iya linamas sa walâ pa magkumbo, nga ginputus nila ang ila mga linamas sa ila panapton sa ibabaw sang ila mga abaga.

35 Kag ginhilimo sang mga inanak ni Inrael sono sang polong ni Moises; kag nagpalangayô sila sa mga Egiptohanon sang mga huyas nga pilak kag mga huyas nga bulawan, kag mga panapton.

36 Kag ginhatagan ni Iehoba ang banwa sing bugay sa mga mata sa mga Egiptohanon, sa baġay nga ginhatagan sila nila sang ila ginapanġayô; kag sa sini ginhublasan nila ang mga Egiptohanon.

37 Kag ang mga inanak ni Israel nagtalaliwan gikan sa Rameses pa Sukot, subung nga mga anum ka gatus ka libo ka tawo nga nagalakat, walay labut sang mga kabataan:

38 Isa man ka daku nga salamo sang mga tinawo nagtalaklad upud sa ila, kag mga obeha kag kabakahan; kahay-yupan nga madamu gid.

39 Kag sa linamas nga gindalâ nila gikan sa Egipto, nagluluto sila sing mga bibinka nga walay tapay, kay walay tapay tungud kay ginsobol sila sa Egipto kag walâ sila magdugay; kag walâ gid sila sing bisan ano nga naaman.

40 Kag ang panag-on nga ginpanluga-yaw sang mga inanak ni Israel sa Egipto nanginapat ka gatus kag katloan ka tuig.

41 Kag sang lumigad ang apat ka gatus kag katloan ka tuig nahanabu nga, sa amo gid nga adlaw, naggulowa ang tanan nga mga kasoldadosan ni Iehoba sa duta sa Egipto.

42 Gab-i ini nga hiliwatan gid kay Iehoba, tungud kay ginpagowa niya sila sa duta sang Egipto: ini amo yadtong gab-i kay Iehoba nga dapat tumanon gid sang tanan nga mga inanak ni Israel sa ila mga kaliwatan."

Ang tulumanon sang Paskua.

43 Kag si Iehoba nagsiling kay Moises kag kay Aaron: "Ini among tulumanon sang Paskua: walâ gid sing dumuluong nga magakaon sa iya.

44 Apang ang tanan nga alagad, nga

tawo nga binakal sang kuarta, tulion mo sia : niyan magakaon sia sa iya.

45 Ang dumulapon kag alagad nga sinoholan indi magakalaon sa iya.

46 Pagakaonon sia sa amo nga baláy ; indi gid kamo magpalagowa sang iya unud sa baláy, bisan pagboongon-ninyo ang iya tul-an.

47 Ang bug-os nga katilingban magahimo sini.

48 Kag kon magpanlagayaw upud sa imo ang isa ka dumuluong, nga buut maghimo sang Paskua kay Iehoba, pagtulion anay ang tanan niya nga lalaki, kag niyan magapalapit sia sa paghimo sa iya, kag magamanginsubung sang tumanduk sang duta. Apang walá sing sin-o nga ditinuli nga makakaon sa iya.

49 May isa gid lamang ka kasogoan nga sa tumanduk kagsa dumuluong nga nagapanlugayaw sa tungâ ninyo."

50 Kag ang tanan nga mga inanak ni Israel naghilimo, sono sang ginsogo ni Iehoba kay Moises kag kay Aaron; ginhilimo nila ang subung sini.

51 Kag nahanabu nga, sa sadto gid nga adlaw, ginpagowa ni Iehoba ang mga inanak ni Israel sa duta sang Egipto, sono sa ila mga kasoldadosan.

Ang kasogoan nahanungud sa mga panganay.

**13** KAG naghambal si Iehoba kay Moises, nga nagasiling :

2 "Pakabalaana ako sa tanan nga panganay, sa tanan nga magulang sang isa ka ilóy sa tungâ sang mga inanak ni Israel : sa mga tawo subung sa mga sapat, akon sia."

3 Kag si Moises nagsiling sa banwa : "Magpalanumdum-kamo sa sini nga adlaw, nga sa iya naggulowa kamo sa Egipto sa baláy sang mga ulipon ; kay ginpagowa kamo ni Iehoba, tungud sang gahum sang iya kamut : ngani indi kamo magkalaon sing tinapay nga walay tapay.

4 Ining adlaw nagggowa kamo, sa bulan sa Abib.

5 Kag mahanabu, kon madalá ikaw ni Iehoba sa duta sang mga Kanaanhon, sang mga Hetinhon, sang mga Amorinhon, sang mga Hebinhon kag sang mga Iebusinhon, nga ginsumpa niya sa imo mga ginikanan nga pagaihatag sia sa imo, duta nga nagailig sing

gatas kag dugus, nga pagahiwatón mo ining pag-alagdan sa sini nga bulan.

6 Magakaon-ka sa pito ka adlaw sing mga tinapay nga walay tapay kag sa adlaw nga ikapito may kasadyahan kay Iehoba.

7 Kag pagakaonon ang mga tinapay nga walay tapay sa sulúd sang pito ka adlaw ; indi makita sa luyo nimo ang tinapay nga walay tapay, bisan makita sa imo ang tapay sa tanan nimo nga mga kadulunan.

8 Kag magapanugid ka sining mga butang sa sadtong adlaw sa imo anak, nga nagasiling : Ini amo bangud sang ginhimo ni Iehoba sa akon, sang paghalin ko sa Egipto.

9 Kag magamangitandaan ini sa imo sa ibabaw sang imo kamut, kag manginhandumanan sa tungâ sang imo mga mata, agud nga ang kasogoan ni Iehoba magpuyô sa imo bâbâ ; tungud kay ginpagowa ka ni Iehoba sa Egipto sa makusug nga kamut.

10 Ngani, pagatumanon mo ini nga palatukuran sa iya dag-on sa tuigtuig.

11 Kag kon mapasulúd na ikaw ni Iehoba sa duta sang mga Kanaanhon, sono sang ginsumpa niya sa imo kag sa imo mga ginikanan, kag kon mahatag na niya sa imo,

12 Pagabahinon-mo kay Iehoba ang tanan nga mga panganay ; ang tanan man nga mga magulang nga magkala-tawo sa imo mga kasapatan : ang mga lalaki magamanginiya ni Iehoba sila.

13 Apang ang tanan nga panganay sang asno pagatubson mo sia sang isa ka kordero ; kag kon indi mo sia matubus, pagabalion mo ang iya liog. Kag ang tanan nga panganay sang tawo, sa tungâ sang iya mga anak, pagatubson mo.

14 Kag mahanabu nga, kon pagpamangkoton ka sang imo anak sa adlaw nga buas, nga nagasiling : ¿Ano bala ini? Pagaisiling mo sa iya : • Sa gahum sang iya kamut ginpagowa kami ni Iehoba sa Egipto, sa baláy sang mga ulipon.

15 Kag nahanabu nga, sang si Paraon nagpangindi gid sa pagtugut sa amon paglakat, ginpatay ni Iehoba ang tanan nga panganay sa duta sa Egipto, kutub sa panganay sang tawo tubtub sa panganay sang sapat ; tungud sini ginahalad ko kay Iehoba ang tanan nga



panġanay sa inilóy, kon lalaki sia, apang ang tanan nga panġanay sang akon mġa anak ginatubus ko.

16 Kag mangintandaan ini sa ibabaw sang imo kamut, kag manginhandumanan sa tunġa sang imo mġa mata; kay sa gamhanan nga kamut ginpagowa kami ni Iehoba sa Egipto."

Pag-agi sa dagat nga Mapula.

17 Kag nahanabu nga, sang pagtugut ni Paraon sa paglakat sang banwa, walá sia pagidul-ong sang Dios sa dalan sang duta sang mġa Pilistinhon, bisan ang labing malapit sa ila, kay nagsiling ang Dios: "Basi pa kon maghinulsul ang banwa, kon makit-an niya sang inaway, kag magbalik sia sa Egipto."

18 Apang ginhimo sang Dios nga ang banwa maglibot sa dalan sang kahanayakan sang dagat nga Mapula. Kag nagtalaklad ang mġa inanak ni Israel gikan sa Egipto nga mġa sangkap sa hinganiban.

19 Ginkuha man ni Moises ang mġa tul-an ni Iose, nga ginpasumpa niya ang mġa inanak ni Israel, nga nagasiling: "Sa pagkamatuud gid, ang Dios magaduaw sa inyo; kag pagapataklaron ninyo ang akon mġa tul-an gikan diri upud sa inyo."

20 Kag nagtalaliwan sila sa Sukot, kag nagdulúg sila sa Etam, sa salamputan sang kahanayakan.

21 Kag si Iehoba nagúna sa ila, sa adlawon sa isa ka haligi nga panġanud sa pagmando sa ila sa dalanon, kag sa kagab-ihon, sa isa ka haligi nga kalayo sa pagpawa sa ila, agud nga maglalakat sila sa adlaw kag sa gab-i.

22 Walâ nga mas-a nagpalayô sa atubangan sang banwa ang haligi nga panġanud sa adlawon, bisan sa kagab-ihon ang haligi nga kalayo.

**14** KAG naghambal si Iehoba kay Moises, nga nagasiling:

2 "Hambala ang mġa inanak ni Israel, nga magbalalik sila, kag magpalahamtang sang ila dulugan sa atubangan sang Pi-hahiro, sa tunġa sang Migdol kag sang dagat nayan sa Baal-Sepon: sa atubangan niya magpalahamtang kamo sang dulugan sa luyo sang dagat.

3 Kay sa mġa inanak ni Israel maga-

siling si Paraon: Nalibutan sila sang duta, ang kahanayakan nagatakup sa ila.

4 Kag pagapatig-ahon ko ang tagiposoon ni Paraon, agud nga maglagas sia sa ila, kag pagahimayaon ako sa kay Paraon kag sa bug-os niya nga kasoldadosan, kag makilala sang mġa Egiptohanon nga ako amo si Iehoba." Kag ginhilimo nila sing subung sini.

5 Kag ginbalitaan ang hari sa Egipto, nga ang banwa nagpalagyo; kag ang tagiposoon ni Paraon kag sang iya mġa alagad ginbaylohan nahanungud sa banwa, kag nagsililing sila: "¿Ano bala ang aton ginhimo, nga gintugutan naton si Israel sa paglakat sa indi na mag-alagad sa aton?"

6 Niyan gintakdan ni Paraon ang iya mġa kanga kag ginkuha niya upud sa iya ang iya banwa.

7 Nagkuha sia sing anum ka gatus ka kanga nga mġa pinili, kag ang tanan nga mġa kanga sa Egipto, kag ang mġa pangôlo sa ibabaw nila nga tanan.

8 Kag ginpatig-a ni Iehoba ang tagiposoon ni Paraon, nga hari sa Egipto, kag ginlagas niya ang mġa inanak ni Israel; kag ang mġa inanak ni Israel naggulowa nga may kamut nga binayaw.

9 Kag ginlagas sila sang mġa Egiptohanon; kag ang tanan nga mġa kabayo, ang mġa kanga ni Paraon, ang iya mġa manugkabayo kag ang iya kasoldadosan, naglambut sa ila nga nagadulug sila sa luyo sang dagat, malapit sa Pi-hahiro, sa atubangan sang Baal-Sepon.

10 Kag sang nagapalapit na si Paraon, ginbayaw sang mġa anak ni Israel ang ila mġa mata, kag yari karon, ang mġa Egiptohanon nga nagasulunud sa ila. Niyan ang mġa inanak ni Israel nagkalahadluk sing daku, kag nagsilingit sila kay Iehoba.

11 Kag nagsililing sila: "¿Ayhan tungud kay walâ bala sing mġa lulubngan sa Egipto gindalá mo kami diri sa pagpanġimatay sa kahanayakan? ¿Kay ngaa bala ginhimo mo ini sa amon, nga ginpagowa mo kami sa Egipto?"

12 ¿Indi gid bala ini ang ginhambal namon sa imo sa Egipto, nga nagasiling: Pabayai-kami, agud nga mag-alalagad kami sa mġa Egiptohanon? Kay maayo pa sa amon ang mag-alagad sa mġa Egiptohanon sang magpanġimatay sa kahanayakan."

13 Kag si Moises nagsiling sa banwa:

"Dili kamo magkahadluk ; magpakabakud-kamo, kag makita ninyo ang kaluwasan, nga pagahimoon karon ni Iehoba sa inyo ; kay ang mga taga-Egipto nga karon inyo nakita, indi na ninyo nga mas-a sa gihapon makita sila.

14 Si Iehoba magpakigaway tungud sa inyo, kag kamo magpakahimunong."

15 Kag si Iehoba nagsiling kay Moises : "Ngaa bala nga nagapanawag ka sa akon ? Isiling sa mga inanak ni Israel, nga maglalakat sila.

16 Kag ikaw magbayaw sang imo sungkod kag iuntay ang imo kamut sa ibabaw sang dagat, kag pihakon-mo sia, agud nga mag-alagi ang mga anak ni Israel sa tunga sang dagat sa ma mala.

17 Kag ako, yari karon, pagapatig-ahon ko ang tagiposoon sang mga Egiptohanon, agud nga pagsondon kamo nila ; kag pagahimayaon ko ako sa kay Paraon, kag sa iya bug-os nga kasoldadosan, kag sa iya mga kanga, kag sa iya mga manugkabayo.

18 Kag ang mga Egiptohanon makahibalo, nga ako amo si Iehoba, kon paghimayaon ko ako sa kay Paraon, sa iya mga kanga kag sa iya mga nagakalabayo."

19 Kag ang manugtunda sang Dios, nga nagauna sang kadamuan ni Israel, nagpalayô kag nagsunud sa ila ; subung man ang haligi nga panganud, nga nagauna sa ila, nagpalayô kag nabutang sa ila mga likod.

20 Kag sia nagpatunga sa kadam-an sang mga Egiptohanon kag sang kadam-an ni Israel : *didto* panganud kag kadulum sia ; kag *diri* nagapasanag sia sang kagabihon, kag sadtong bug-os nga gab-i walâ nga mas-a maghiliabutay ang mga isa sa mga isa.

21 Kag inuntay ni Moises ang iya kamut sa ibabaw sang dagat, kag ginhimo ni Iehoba, nga ang dagat mabulag tungud sang mabaskug gid nga hangin sa timugan sadtong bug-os nga gab-i, kag ang dagat nagmala, kag ang mga tubig nagbilinahinbahin.

22 Niyan ang mga anak ni Israel nagsululud sa tunga sang dagat sa mamala ; nga ang mga tubig nanginsubung sang kuta sa iya too kag sa iya walâ.

23 Kag sang sumunud sa ila ang mga Egiptohanon, nagsululud sa olehe nila tubtub sa tunga sang dagat ang tanan nga mga kabayo ni Paraon, ang iya

mga kanga, kag ang iya mga manugkabayo.

24 Kag nahanabu, sang pagpulaw sang kaagahon, nga tinuluk ni Iehoba ang kadam-an sang mga Egiptohanon kutub sa haligi sang kalayo kag sang panganud ; kag ginwagwag niya ang dulugan sang mga Egiptohanon.

25 Kag kinuha niya sa ila ang mga aliling sang ila mga kanga, nga gin-sablagan niya sila sa ila paglakat. Niyan ang mga Egiptohanon, nagsililing : "Malagyo-kita sa atubangan ni Israel, kay si Iehoba nagaaway tungud sa ila batok sa mga Egiptohanon."

26 Kag si Iehoba nagsiling kay Moises : "Untaya ang imo kamut sa ibabaw sang dagat, agud nga ang mga tubig magbalalik sa ibabaw sang mga Egiptohanon, sa ibabaw sang ila mga kanga, kag sa ibabaw sang ila mga manugkabayo."

27 Kag inuntay ni Moises ang iya kamut sa ibabaw sang dagat kag ang dagat, sang nagakaaga, nagbalik sa iya kahim-tangan ; kag ang mga Egiptohanon nagpalalagyo nayon sa iya ; kag ginpi-lâk ni Iehoba ang mga Egiptohanon sa tunga sang dagat.

28 Kag nagbalalik ang mga tubig kag gintabunan nila ang mga kanga kag ang mga manugkabayo patí ang bug-os nga kasoldadosan ni Paraon, nga nagsululud sa olehe nila sa dagat. Kag walâ sing nabilin sa ila, bisan isa lamang.

29 Apang ang mga inanak ni Israel naglalakat sa mamala sa tunga sang dagat, nga ang mga tubig nagkalahimo nga kuta sa ila too kag sa ila walâ.

30 Kag ginluwas ni Iehoba si Israel sa sadtong adlaw sa kamut sang mga Egiptohanon ; kag nakita ni Israel ang mga Egiptohanon nga mga patay sa ibabaw sang baybayon sang dagat.

31 Busa, nakita ni Israel ang makatilingala nga buhat, nga ginhimo ni Iehoba batok sa mga Egiptohanon ; kag ang banwa nagkahadluk kay Iehoba ; kag nagtoloo sila kay Iehoba kag kay Moises nga iya alagad.

Ambahanon sa pagdaug sang mga inanak ni Israel.

**15** NIYAN si Moises kag ang mga inanak ni Israel nag-alambahan sini nga ambahanon kay Iehoba ; kag nagsililing sila sing subung sini :



- "Pagaambahanon ko si Iehoba, kay nagpakalabaw sia sing tumangid ;  
 Gintagbong niya sa dagat ang kabayo kag ang iya manugpangayayo.
- 2 Ang akon kusug kag ang akon ambahanon amo si Iehoba ;  
 Kag nanginkaluwasan ko sia :  
 Sia amo ang akon Dios, kag pagadayawon ko sia ;  
 Ang Dios sang akon amay, kag pagapalabawon ko sia.
- 3 Si Iehoba among gamhanan sa pagawayan :  
 Si Iehoba amo ang iya ngalan.
- 4 Gintagbong niya sa dagat ang mga kanga ni Paraon, kag ang iya kasoldadosan :  
 Kag ginlumsan sa dagat nga Mapula ang iya mga pinili nga pangolo.
- 5 Nagtabon sa ila ang mga kaidaldalman :  
 Naglulugdang sila sa mga kaidaldalman subung sang isa ka bató.
- 6 Ang imo too, oh Iehoba, nagmahimayaon sa kagamhanan ;  
 Ang imo too, oh Iehoba, naglaglag sang kaaway.
- 7 Kag sa pagkadaku sang imo pagkaharianon,  
 Ginguba mo ang mga nagatilindug batok sa imo ;  
 Ginpadala mo ang imo masingkal nga kaakig ;  
 Ginupud niya sila subung sang laya nga dahon.
- 8 Kag sa huyup sang imo mga ilong nagtulumpok ang mga tubig ;  
 Nagtalaas ang mga ilig subung nga bakolod.  
 Ang kabaluran nagtilig-a sa alibutud sang dagat.
- 9 Nagsiling ang kaaway :  
 Pagalagson ko, pagalambuton ko, Pagabahinbahinon ko ang inagaw ;  
 Pagabusgon ko sa ila ang akon kalág ;  
 Pagagabuton ko sa tagub ang akon hinganiban, pagapapason sila sang akon kamut.
- 10 Ginhuyup mo sila sang imo hangin, ang dagat nagtabon sa ila ;  
 Nagtulugdan sila subung sang tinga sa mga gamhanan nga tubig.

- 11 ¿ Sin-o bala ang subung sa imo sa tungâ sang mga dios, oh Iehoba ?  
 ¿ Sin-o bala ang subung sa imo, nga mahimayaon sa pagkaba-laan,  
 Kalahadlukan sa mga pagdayaw, manughimo sing mga kalatingalan ?
- 12 Ginuntay mo ang imo too :  
 Gintolon sila sang duta.
- 13 Gindul-ong mo, sa imo kalooy, ang banwa nga gintubus mo :  
 Sa imo gahum ginadul-ong mo sia sa puluy-an sang imo pagkaba-laan.
- 14 Nagpalakabati ang mga banwa ;  
 magakulurug sila :  
 Mga kasakit nagdakup sa mga pumuluyô sa Pilistea.
- 15 Niyan nagkalalipong ang mga pangolo sa Edom ;  
 Sa mga maisug ni Moab, ang kibang nagdakup sa ila :  
 Nagakalatunaw ang tanan nga mga pumuluyô sa Kanaan.
- 16 Nagakaholog sa ibabaw nila ang kakugmat kag kakulba ;  
 Tungud sang kadaku sang imo butkon nagaalapa sila subung sang isa ka bató,  
 Tuhtub nga mag-agi ang imo banwa, oh Iehoba,  
 Tuhtub nga mag-agi ini nga banwa, nga naangkon mo.
- 17 Kag pagapasudlon mo sila kag pagaitanum mo sila sa bukid sang imo panublion,  
 Duug nga gin-aman mo nga sa imo gid puluy-an, oh Iehoba,  
 Balaan nga puluy-an, Ginoo, nga gintukud sang imo mga kamut.
- 18 Si Iehoba nagahari sa gihapon kag sa gikapon."
- 19 Kay ang mga kabayo ni Paraon kag ang iya mga kanga, kag ang iya mga manugkabayo nagsululúd sa dagat, kag ginpabalik ni Iehoba sa ibabaw nila ang mga tubig sang dagat ; apang ang mga inanak ni Israel naglalakat sa mamala sa tunga sang dagat.
- 20 Kag si Maria, ang manalagna nga babae, útud nga babae ni Aaron, nagkuha sing isa ka tambor sa iya kamut, kag naggulowa ang tanan nga mga babae sa olehe niya, nga may mga tambor kag may mga sinadsad.
- 21 Kag si Maria nagsabat sa ila :

"Alambahan-kamo kay Iehoba, kay nagpakalabaw sia sing tumang gid,  
Ginpilák niya sa dagat ang kabayo kag ang iya manugpangabayo."

Ang mġa tubig sa Mara.

22 Kag gindul-ong ni Moises ang mġa inanak ni Israel gikan sa dagat nġa Mapula, kag naghalin sila pa kahanayakan sa Sur; kag naglalakat sila sing tatlo ka adlaw sa kahanayakan, nġa walá makakita sing tubig.

23 Kag nag-alabut sila sa Mara\*; apang walá sila makasarang paginum sang tubig sa Mara, kay mapait sia; ngani ginhin-alanan nila sia nġa Mara.

24 Kag nagmulay ang banaw batok kay Moises, nġa nagsiling: "¿Ano bala ang amon pagaimnon?"

25 Apang sia nagtuaw kay Iehoba, kag ginpakitaan sia ni Iehoba sing isa ka kahoy, nġa ginhaboy niya sa tubig, kag ang tubig nanġinmatamis. Didto ginhatagan niya sia sing mġa palatukuran kag mġa tulumanon, kag didto gin-tilawan niya sia.

26 Kag nagsiling sia: "Kon ikaw magpamati sing matalupangdon gid sang tingug ni Iehoba nġa imo Dios, kag mag-himo ka sang matadlung sa iya mġa mata, kag magdungug ka sang iya mġa sogo, kag magbantay ka sang tanan niya nġa mġa palatukuran, niyan indi ako magpadalá sa ibabaw nimo sang bisan ano nġa balatan sang ginpadalá ko sa ibabaw sang mġa Egiptohanon; kay ako amo si Iehoba nġa imo manug-bulong."

27 Kag nag-alabut sila sa Elim, diin may napúlô kag duha ka tuburan sa tubig kag kapitoan ka mġa kahoy nġa paklang kag nagdulúlog sila didto sa luyo sang mġa tubig.

Ang mġa pitaw kag ang mana.—Ang Sabado.†

**16** KAG sang naghalin sila sa Elim, ang bug-os nġa katilingban sang mġa inanak ni Israel nag-abut sa kahanayakan sang Sin, nġa yara sa tungá sang Elim kag sang Sinai, sa ikapulô kag lima ka adlaw sang duha ka bulan sa tapus nġa nakagowa sila sa duta sang Egipto.

\* Mara, kapait. † Sabado, paguntat, adlaw nġa inugpahuway kag pagsimba sang mġa Iudio.

2 Kag ang bug-os nġa katilingban sang mġa inanak ni Israel nagmululay batok kay Moises, kag batok kay Aaron sa kahanayakan.

3 Kag nagsililing sa iya ang mġa anak ni Israel: "Kabay pa nġa nagkalamatay kita sa kamut ni Iehoba sa duta sang Egipto, sang kita nagalilingkod sa mġa kolon sang linaga, sang kita nagakaon sing tinapay tubtub sa pagkabusug; kay gindalá mo kami sa sini nġa kahanayakan sa pagpatay sa gutum sa sining bug-os nġa katilingban."

4 Niyan si Iehoba nagsiling kay Moises: "Yari karon, pagapaulanon ko sa inyo ang tinapay sang langit; kag ang banwa magagowa kag magakuluha sa adlawadlaw sang bahin sa isa ka adlaw, agud nġa akon sia matilawan, kon buut sila maglakat sa akon kasogon, kon indi.

5 Kag sa ikan-um ka adlaw pagaa-manan nila ang ila madalá, nġa mangindapli sang ila makuha nġa kinabatasan sa tagsa ka adlaw."

6 Kag nagsiling si Moises kag si Aaron sa tanan nġa mġa inanak ni Israel: "Sa kahaponon makilala ninyo, nġa si Iehoba nagkuha sa inyo sa duta sang Egipto.

7 Kag sa pagkaaga makilala ninyo ang himaya ni Iehoba, kay sia nakabati sang inyo mġa pagmulay batok kay Iehoba; kay ¿si sin-o bala kamo, agud nġa kamo magmululay batok sa amon?"

8 Kag si Moises nagsiling: "Si Iehoba magahatag sa inyo sa kahaponon sing unud, nġa pagkaonon, kag sa kaagahon tinapay nġa ikabusug, tungud nġa si Iehoba nakabati sang inyo mġa pagmulay, nġa ginmululay ninyo batok sa iya. Kay ¿si sin-o bala kamo? Ang inyo mġa pagmulay indi sila batok sa amon, kondi batok kay Iehoba."

9 Kag si Moises nagsiling kay Aaron: "Isiling-mo sa bug-os nġa katilingban sang mġa inanak ni Israel: Palapit-kamo sa atubangan ni Iehoba, kay sia nakabati sang inyo mġa pagmulay."

10 Kag nahanabu nġa, sang nakahambal si Aaron sa bug-os nġa katilingban sa mġa anak ni Israel, nagtululuk sila nayon sa kahanayakan, kag yari karon, ang himaya ni Iehoba nġa nagpakita sa pang-anud.

11 Kag si Iehoba naghambal kay Moises, nġa nagsiling:

12 "Ako nakabati sang mġa pag-



mulay sang mga inanak ni Israel. Ham-bala sila, nga nagasiling : Sa tunga sang duha ka kahaponon magakaon kamo sing unud, kag sa kaagahon pagabusgon kamo sing tinapay, kag mahibaloan ninyo, nga ako amo si Iehoba nga inyo Dios."

13 Kag nahanabu, sang pagkahapon, nga nagsalaka ang mga pitaw nga nagtalabon sa dutang dululugan; kag sa kaagahon naholog sa dutang dululugan ang tun-ug.

14 Kag sang nakasaka ang tun-ug, yari karon, sa ibabaw sang nawung sang kahanayakan isa ka butang nga diotay kag matipolon, diyotay subung sang isa ka maputi nga hielu sa ibabaw sang duta.

15 Kag sang pagkakita sa iya sang mga inanak ni Israel, nagsinilingay ang isa sa isa: "¿Ano balo ini?" Kay walâ sila makahibalo kon ano. Niyan si Moises nagsiling sa ila: "Amo ang tinapay nga ginhatag sa inyo ni Iehoba nga kalan-on."

16 Ini amo ang ginsogo ni Iehoba: Pamolot-kamo sa iya ang tagsatagsa sono sang iya sarang makaon: isa ka omer sa taga ka tawo, sono sang kadamuon sang inyo mga tinawo; magakuha kamo ang tagsatagsa sa mga yadto sa iya layanglayang."

17 Kag ang mga inanak ni Israel naghilimo sing subung sini; kag nagpalamolot sila sa iya, ang iban sing labi, ang iban kulang.

18 Kag, sang ginsukub nila ini sa omer, walâ gid sing iya nga labaw ang nagpamolot sing madamu; kag ang nagpamolot sing kulang, walâ gid sing nakulang sa iya: ang tagsatagsa nagpamolot sono sang sarang niya makaon.

19 Nagsiling man sa ila si Moises: "Walay sin-o nga magbibilin sa iya tubtub sa aga."

20 Apang walâ sila magdulungug kay Moises; kag ang iban nagbibilin sa iya tubtub sa aga, kag nagtuga sia sing mga ulud kag nagbaho. Kag naakig batok sa ila si Moises.

21 Sa sini nga bagay nagpalamolot sila sini sa tanan nga aga, ang tagsatagsa sono sang sarang niya magkaon. Apang sa maginit ang adlaw, ang *nabilin* nagakalatunaw.

22 Kag nahanabu nga, sang adlaw nga ikan-um, nagpalamolot sila sing

dapli nga kadamuon sang tinapay, duha ka omer nga sa taga ka tawo. Niyan ang tanan nga mga dunganon sang katilingban nag-alabut kag nagpalahibalo sini kay Moises.

23 Kag sia nagsabat sa ila: "Ini amo ang ginsiling ni Iehoba: Buas amo ang pahuway, ang balaan nga sabado kay Iehoba: Isugba-ninyo ang inyo inugsulugba, kag lutoa-ninyo ang inyo lulutoon; kag ang tanan nga mabilin tagoon ini nga sa inyo tubtub buas."

24 Kag ginbibilin nila ini tubtub sa aga, sono sang ginsogo ni Moises, kag walâ magpan-us, bisan may ulud sa iya.

25 Kag nagsiling si Moises: Kaona-ninyo ini karon, kay karon amo ang sabado kay Iehoba; karon indi kamo makakita sini sa latagon.

26 Sa anum ka adlaw magapalamolot kamo sini, apang sa ikapito ka adlaw amo ang pahuway; walâ sing *mana* sa iya.

27 Apang nahanabu, sa adlaw nga ikapito, nga ang iban naggulowa sa pagpamolot sini, kag walâ sila sing nakita.

28 Busa, si Iehoba nagsiling kay Moises: "¿Tubtub bala san-o magadulumili kamo sa pagtuman sang akon mga sogo kag sang akon mga tulumanon?"

29 Tululuk-kamo. Kay si Iehoba naghatag sa inyo sang sabado, tungud sini nagahatag sia sa inyo sa ikan-um ka adlaw sang tinapay nga sa duha ka adlaw. Magpabilin ang taga ka tawo sa iya puluy-an; indi maghalin ang bisan sin-o sa iya duug sa adlaw nga ikapito."

30 Kag nagpahuway ang banwa sa adlaw nga ikapito.

31 Kag ang baláy ni Israel naghingalan sini nga *mana*\*; kay subung sia sang binilog sang kolantro, nga maputi, kag ang iya damil subung sang *tinapay* nga manipis nga may dugus.

32 Nagsiling man si Moises: "Ini amo ang ginsogo ni Iehoba: Pun-a-ninyo ang isa ka omer sa iya, kag tagoa ini nga sa inyo mga kaliwatan nga *palaabuton*, agud nga makita nila ang tinapay nga ginpakaon ko sa inyo sa kahanayakan, sang pagpagowa ko sa inyo sa duta sa Egipto."

33 Kag nagsiling si Moises kay

\* *Mana*, ¿ano bala ini?

Aaron : “Kuha-ka sing isa ka suludlan kag ibôbô-mo sa iya ang isa ka omer nga punô sang mana, kag ibutang ini sa atubangan ni Iehoba, agud nga matago ini nga sa inyo mga kaliwatan *nga palaabuton*.”

34 Sono sang ginsogo ni Iehoba kay Moises, ginbutang ini ni Aaron sa atubangan sang Pagkamatuud sa pagtago sini.

35 Kag nagkalaon sang mana ang mga inanak ni Israel sing kap-atan ka tuig, tubtub nga nag-alabut sila sa duta nga ginapuy-an; nagkalaon sila sang mana tubtub nga nagsulud sila sa mga kadulunan sang duta sa Kanaan.

36 Ang omer among ikapulô ka bahin sang Epa.

Ang bato nga pinilas sa Horeb.

**17** KAG nagtaliwan sa kahanayakan sa Sin ang bug-os nga katilingban sang mga inanak ni Israel, sono sang ila panlakatan sa dulugan pa dulugan, siling sang ginsogo ni Iehoba, kag pinahamtang nila ang dulagan sa Repidim; kag walâ sing tubig didto, agud nga ang banwa maginum.

2 Kag ang banwa nagpakigsuay kay Moises, nga nagasiling : “Hatagi-kami sing tubig nga ilimnon.” Kag si Moises nagsiling sa ila : “¿Kay nga bala nagapakigsuay kamo sa akon? ¿Kay nga bala ginasulâ ninyo si Iehoba?”

3 Kag didto ang banwa nag-antus sing kauhaw sa tubig; kag nagmulay ang banwa batok kay Moises, kag nagsiling : “¿Kay nga bala ginpatakad mo kami gikan sa Egipto sa pagpatay sa amon sa kauhaw, sa amon, sa amon mga anak kag sa amon nga kahayupan?”

4 Niyan nagtuaw si Moises kay Iehoba, nga nagsiling; “¿Ano bala ang pagahimoon ko nga sa sini nga banwa? Diyo tay na lang ang kulang, agud nga pagbatohon niya ako.”

5 Kag si Iehoba nagsiling kay Moises : “Una ka sa banwa, kag dalha upud sa imo ang mga tigulang sa Israel; kag ang sungkod, nga ginpilas mo ang subâ, pagdalhon-mo sia sa imo kamut, kag lakat-ka.

6 Yari karon, ako magatindug sa atubangan nimo didto sa ibabaw sang batô sa Horeb; kag pagapilason mo ang batô,

kag magagulowa sa iya ang mga tubig, agud nga maginum ang banwa. “Kag ginhimo ni Moises ang sabung sini sa mga mata sang mga tigulang sa Israel.

7 Kag ginhingalanan yadto nga duug nga Masa\* kag nga Meriba, tungud sang pagpakigsuay sang mga inanak ni Israel, kag tungud kay ginsulâ nila si Iehoba, nga nagasiling : “¿Yari bala si Iehoba sa tunga naton, kon walâ?”

Ang pagdaug ni Israel sa ibabaw ni Amalek.

8 Niyan nag-abut si Amalek kag nag-away batok kay Israel sa Repidim.

9 Kag si Moises nagsiling kay Iosue : “Pili-ka sing mga tawo nga sa aton kag gowa-ka sa pag-away batok kay Amalek. Buas magatindug ako sa ibabaw sang putokputokan sang bakolod, kag ang sungkod sang Dios yari sa akon kamut.”

10 Kag ginhimo ni Iosue sono sang ginsiling sa iya ni Moises, nga sa papakig-away batok kay Amalek. Kag si Moises, kag si Aaron kag si Hur nagtukad sa putokputokan sang bakolod.

11 Kag nahanabu nga, sang si Moises nagabayaw pa sang kamut, nagadaug si Israel; apang sa gihapon nga nagapanaug ang iya kamut, nagadaug si Amalek.

12 Apang ginbudlay ang mga kamut ni Moises; nga tungud sini nagkuluha sila sing isa ka batô, kag ginbutang nila sia sa idalum niya, kag naglinkod sia sa ibabaw niya; kag si Aaron kag si Hur nagatukud sang iya mga kamut ang isa sa pihak kag ang isa sa pihak; sa sini nga bagay namalig-on ang iya mga kamut tubtub nga natunod ang adlaw.

13 Kag ginbungkag ni Iose si Amalek kag ang iya banwa sa sulab sang hinganiban.

14 Kag si Iehoba nagsiling kay Moises : “Isulat ini sa isa ka tolon-an nga sa handumanan, kag ipahangup ini kay Iosue, nga pagapanason ko, sa pagkamatuud gid, ang handumanan ni Amalek sa idalum sang langit.”

15 Kag si Moises nagpatindug sing isa ka halaran, kag ginhingalanan niya sia nga si Iehoba-Nisi;†

\* Masa kag Meriba, panulây kag pakigsuay.

† Iehoba-Nisi, Iehoba nga akon bandera.



16 Kag nagsiling sia : “ Bangud sang kamut nga *binayaw* batok sa lingkoran nga harianon ni Iehoba, i paginaway ni Iehoba batok kay Amalek sa kaliwatan kag sa kaliwatan ! ”

Ginadala ni Ietro kay Moises ang iya asawa kag ang iya mga anak.—Ang laygay nga ginahatag sa iya.

18 SI Ietro, nga saserdote sa Madian, ugangan ni Moises, nakabati sang tanan nga ginhimo sang Dios tungud kay Moises kag tungud sa Israel nga iya banwa, kag kon paano ang pagpagowa ni Iehoba kay Israel sa Egipto.

2 Kag si Ietro, nga ugangan ni Moises, nagkuha kay Sipora, nga asawa ni Moises nga ginpadala sia,

3 Kag ang iya duha ka anak nga lalaki, nga sa ila ang isa ginahingalanan nga si Gersom, kay nagsiling sia : Dumalapon ako sa duta nga dumuluong ;

4 Kag ang isa ginahingalanan nga si Elieser,\* kay nagsiling sia : “ Ang Dios sang akon amay nagtabang sa akon, kag nagluwas sa akon sa hinganiban ni Paraon.”

5 Busa, nag-abut si Ietro, nga ugangan ni Moises, upud sang iya mga anak kag sang asawa niya, kay Moises sa kahanayakan, diin nagdulog sia, sa luyo sang bukid sang Dios.

6 Kag nagsiling sia kay Moises : “ Ako, nga imo ugangan nga si Ietro, nagakari ako sa imo, subung man ang imo asawa kag ang iya duha ka anak upud sa iya.”

7 Busa si Moises naggowa sa pagbaton sa iya ugangan, kag nagyaub sa atubangan niya kag naghaluk sa iya. Kag nagpamangkotanay ang isa sa isa tungud sang ila maayo nga kahimtangan ; kag nagsululud sila sa layanglayang.

8 Kag ginpanugid ni Moises sa iya ugangan ang tanan nga ginhimo ni Iehoba kay Paraon kag sa mga Egiptohanon tungud sang gugma sa Israel ; kag ang tanan nga mga kabudlayan nga gin-agihan nila sa dalanon, kag kon paano nga ginluwas sila ni Iehoba.

9 Kag nagkalipay si Ietro tungud sang tanan nga kaayohan, nga ginhimo ni

Iehoba sa Israel, nga ginluwas niya sia sa kamut sang mga Egiptohanon.

10 Kag nagsiling si Ietro : “ Pagpakamaayohan kunta si Iehoba, nga nagluwas sa inyo sa kamut sang mga Egiptohanon kag sa kamut ni Paraon, nga sia nagluwas sa banwa sa pagpigis sang mga Egiptohanon.

11 Karon ginakilala ko, nga si Iehoba among labing daku sang tanan nga mga dios ; kay sa sadto gid, nga ang mga kasumpung nagapalalabilabi, sia nanginginlabaw pa sa ila.”

12 Niyan si Ietro, nga ugangan ni Moises, nagkuha sing mga halad nga sinunog kag mga halad nga sa Dios ; kag si Aaron kag ang tanan nga mga tigulang sa Israel nag-alabut sa pagkaon sing tinapay upud sang ugangan ni Moises, sa atubangan sang Dios.

13 Kag nahanabu, sa madason nga adlaw, nga naglingkod si Moises sa paghukom sa banwa ; kag ang banwa nagpadayon sa palibot ni Moises kutub sa aga tubtub sa hapon.

14 Kag sang nakita sang ugangan ni Moises ang tanan nga ginahimo niya sa banwa, nagsiling sia sa iya : “ ¿ Ano bala ini ang ginahimo mo sa banwa ? ¿ Kay nga bala nga nagalingkod ka, nga ikaw lamang, kag ang bug-os nga banwa nagapadayon sa palibot nimo kutub sa aga tubtub sa hapon ? ”

15 Kag nagsiling si Moises sa iya ugangan : “ Kay ang banwa nagakari sa akon nga sa pagpakisayud sa Dios.

16 Kon may kasaba sila, nagakalari sila sa akon ; kag ako nagahukom sa tunga sang isa kag isa, kag ginapakilala ko sila sang mga palatukuran sang Dios kag sang iya mga kasogoan.”

17 Niyan ang ugangan ni Moises nagsiling sa iya : “ Indi maayo ang ginahimo mo.

18 Sa pagkamatuud gid, magas-as ka, kag indi lamang ikaw, kondi ini nga banwa nga yara upud sa imo ; kay ini tuman gid ka bug-at nga sa imo ; indi ka makasarang sa paghimo sini nga ikaw lamang.

19 Busa karon, pamatii ang akon tingug : ako magalaygay sa imo, kag ang Dios magupud sa imo, magmanginamo ikaw ang manugpangatubang sang banwa sa Dios, agud nga magdala ka sang mga kasaba sa Dios.

20 Ikaw magatoon sa ila sang mga

\* *Elieser*, ang Dios nga akon Mananabang.

palatukuran kag mġa kasogoan, kag pagapakilalahon mo sila sang dalan nġa dapat nila laktan kag sang buluhaton nġa dapat nila himoon.

21 Apang magapangġita ka sa tunġa sang banwa sing mġa tawo nġa mġa sampaton, mġa mahadlukon sa Dios, mġa tawo sa kamatooran, nġa nagakakig sang kakagud, nġa pagibutang mo sila sa ibabaw nila, nġa mġa pangŋolo sa mġa linibo, mġa pangŋolo sa ginatus, mġa pangŋolo sa kinalim-an kag mġa pangŋolo sa tagnapŋlŋ.

22 Kag sila magahulukom sa banwa sa bug-os nġa panag-on kag mangġinamo, nġa ang tanan nġa kasaba nġa dalagku pagadalhon sia nila sa imo, apang ang tanan nġa kasaba nġa magamay sila gid ang magahukom. Sa sini magamag-an ang *kabug-at* sa ibabaw nimo, kay sila magadalā sini upud sa imo.

23 Kon himoon mo kunta ini, kag ang Dios magsogo sa imo sini, niyan makapadayon ka kag ining bug-os man nġa banwa magaabut sa iya duug sa paghidaet."

24 Kag gindungug ni Moises ang tinġug sang iya uganġan, kag ginhimo niya ang tanan nġa ginsiling niya sa iya ;

25 Kag ginpili ni Moises ang mġa lalaki nġa mġa sampaton, sa tunġa sang bug-os nġa Israel, kag ginbutang niya sila nġa mġa pangŋolo sang banwa, nġa mġa pangŋolo sang linibo, mġa pangŋolo sang ginatus, mġa pangŋolo sang kinalim-an kag mġa pangŋolo sa tagnapŋlŋ.

26 Kag ini sila magahulukom sa banwa sa bug-os nġa panag-on : ang kasaba nġa maiwat ginadalā nila kay Moises ; apang ang tanan nġa kasaba nġa magamay sila gid ang nagahukom sini.

27 Kag ginpapauli ni Moises ang iya uganġan, kag nagpakadto sia sa iya duta.

**Pagpakigkatipan sang Dios sa banwa sa Sinai.**

**19** SA ikatlo ka bulan sang paggowa sang mġa inanak ni Israel sa duta sa Egipto, sa sadtong adlaw nag-alabut sila sa kahanayakan sa Sinai.

2 Kag nagtalaliwan sila gikan sa Repidim, kag nag-alabut sila sa kahanayakan sa Sinai, kag nagdŋlog sila sa kahanayakan : ang Israel nagdŋlog didto sa atubangġan sang bukid.

3 Kag si Moises nagtukad sa Dios ;

kag si Iehoba nagtawag sa iya kutub sa bukid, nġa nagasiling : "Amo ining pagaisiling mo sa balāy ni Iakob kag pagaibantala mo sa mġa inanak ni Israel :

4 Kamo nagpakakita sang ginhimo ko sa mġa Egiptohanon, kag kon paano nġa ginpakupo ko kamo sa ibabaw sang mġa pakpak sang agila, kag gindalā ko kamo diri sa akon.

5 Busa karon, kon magdulungug kamo sing matalupangdon gid sang akon tinġug kag magbalantay kamo sang akon katipan, mangġinbahandi nġa pinasahi kamo nakon sa tunġa sang tanan nġa mġa banwa, kay ang bug-os nġa duta akon sia

6 Kag kamo mangġinakon ginharian sang mġa saserdote, kag katawohan nġa balaan. Ini sila among mġa polong pagaisiling mo sa mġa inanak ni Israel."

7 Niyan nagkadto si Moises, kag gintawag niya ang mġa tigulang sang banwa, kag ginpahayag niya sa atubangġan nila ining tanan nġa mġa polong, nġa ginsogo sa iya ni Iehoba.

8 Kag ang bug-os nġa banwa nagsabat sing dulungġan, kag nagsiling : "Ang tanan nġa ginsiling ni Iehoba pagahimoon namon." Kag ginsugid ni Moises kay Iehoba ang mġa polong sang banwa.

9 Kag si Iehoba nagsiling kay Moises. "Yari karon ako magakari sa imo sa isa ka madamol nġa gal-um, agud nġa ang banwa magpamati sa nagahambal pa ako sa imo, kag agud nġa magtoloo man sila sa imo sa gihapon." Kag ginsugid ni Moises ang mġa polong sang banwa kay Iehoba.

10 Kag si Iehoba nagsiling kay Moises : "Balik-ka sa banwa kag pakabalaana sila karon kag buas, kag magpalamunak sila sang ila mġa panapton ;

11 Kag maghalanda sila nġa sa ikatlo ka adlaw, kay sa ikatlo ka adlaw si Iehoba nagpanaug sa mġa mata sang bug-os nġa banwa, sa ibabaw sang bukid sa Sinai.

12 Kag magapat-in ka sing mġa dulunan sa banwa sa palibot, nġa nagsiling : Alandam-kamo sa pagtaklad sa bukid, kag sa pagkamlut sa iya mġa dulunan : bisan sin-o nġa magkamlut sa bukid pagapatyon sia, sa pagkamatuud.

13 Walā sing kamut nġa makakamlut sa iya, nġa indi sia, sa pagkamatuud, pagbatohon kon pagbaslayon : bisan sia



sapat, bisan sia tawo, indi mabuhi. Sa tingug nga malawig sang budyong mag-atulokad sila sa bukid."

14 Kag si Moises nagdulhog gikan sa bukid sa banwa, kag ginpakabalaan niya ang banwa, kag nagpalamunak sila sang ila mga panapton.

15 Kag nagsiling sia sa banwa: "Halanda-kamo nga sa ikatlo ka adlaw; indi kamo magpalalapit sa babae.

16 Kag nahanabu nga, sang ikatlo ka adlaw, sa pagpamanagbanag sang kaagahon, may mga daguub, kag mga kilat, kag ang isa ka gal-um nga madamol gid sa ibabaw sang bukid, kag isa ka tingug sang budyong nga tuman gid katunug. Kag nagakurug ang bug-os nga banwa nga yara sa dulugan.

17 Niyan ginpagowa ni Moises ang banwa sa dulugan sa pagsugata sa Dios; kag nagdulúlog sila sa kunsaran sang bukid.

18 Kag ang bukid sa Sinai nagaasô sia sing bug-os, kay si Iehoba nagpanaug sa ibabaw niya sa kalayo; kag ang iya asô nagatub-ok subung sang asô sang isa ka dabok, kag ang bug-os nga bukid nagakurug sing daku gid.

19 Kag ang tingug sang budyong nagadugang kag nagaamat sing tunug sing daku gid; si Moises nagahambal kag ang Dios nagasabat sa iya sa tingug.

20 Kag si Iehoba nagpanaug sa ibabaw sang bukid sa Sinai, sa putokputokan sang bukid; kag gintawag ni Iehoba si Moises sa putokputokan sang bukid; kag si Moises nagtukad.

21 Kag si Iehoba nagsiling kay Moises: "Dulhog-ka, tugni ang banwa, basi pa nga maglakbang sila sang mga dulunan sa pagkadto kay Iehoba, nga sa pagtan-aw, kag magkalapukan ang madamu sa ila;

22 Kag nga ang mga saserdote gid, nga nagapalapit kay Iehoba, magpalakabalaan sila, basi pa nga si Iehoba maghimo sing litik sa tungâ nila."

23 Apang si Moises nagsabat kay Iehoba: "Ang banwa indi sarang makatukad sa bukid sa Sinai; kay ikaw nagbiling sa amon, nga nagsiling: Pat-in ka sing mga dulunan sa bukid kag pakabalaana ini."

24 Apang si Iehoba nagsiling sa iya: "Lakat-ka, dulhog-ka; kag magtukad-ka, ikaw kag si Aaron upud sa imo; apang ang mga saserdote kag ang

banwa indi maglalakbang sang mga dulunan sa pagtukad kay Iehoba, basi pa nga maghimo sia sing litik sa tungâ nila."

25 Busa, si Moises nagdulhog sa banwa, kag nagsiling sia sa iya *sini*.

Ang mga napulo ka sogo.

**20** KAG pinamolong sang Dios ining tauan nga mga polong, nga nagsiling:

2 "Ako amo si Iehoba nga imo Dios, nga nagpagowa sa imo sa duta sang Egipto, sa baláy sang mga ulipon.

3 Dili ka maghuput sing liwan nga mga dios sa atubangan ko.

4 Dili ka maghimo nga sa imo sing larawan nga tinigban, bisan ano nga butang nga kaangay sang didto sa ibabaw sang langit, kon sang diri sa idalum sang duta, kon sang yara sa tubig sa idalum sang duta:

5 Dili ka magyaub sa ila, bisan mag-simba-ka sa ila; kay ako amo si Iehoba nga imo Dios, Dios nga maimon, nga nagaduaw sang kalainan sang mga ginikanan sa mga anak tubtub sa ikatlo kag sa ikap-at nga kaliwatan sang mga nagadulumut sa akon;

6 Kag nga nagakalooy sa linibolibo sa mga nagahigugma sa akon; kag nagabantay sang akon mga sogo.

7 Dili mo paggamiton ang ngalan ni Iehoba nga imo Dios sa walay kapuslanan, kay indi pagkabigon ni Iehoba nga walâ sing salâ ang maggamit sang iya ngalan sa walâ sing kapuslanan.

8 Panumduma ang adlaw nga inugpahuway sa pagpakabalaan sa iya

9 Sa anum ka adlaw magpangabudlay-ka, kag magahimo ka sang tanan nga imo buluhaton.

10 Apang ang ikapito ka adlaw amo ang isa ka adlaw nga inugpahuway kay Iehoba nga imo Dios; indi ka maghimo sing bisan ano nga buluhaton, ikaw bisan ang imo anak nga lalaki, bisan ang imo anak nga babae, bisan ang imo solagoon nga lalaki, bisan ang imo solagoon nga babae, bisan ang imo kahayupan, bisan ang dumuluong nga yara sa sulúd sang imo mga gawang.

11 Kay sa anum ka adlaw gintuga ni Iehoba ang langit kag ang duta, ang dagat kag ang tanan nga yara sa ila, kag nagpahuway sia sa ikapito nga adlaw;

ngani, ginpakamaayo ni Iehoba ang adlaw nga ikapito, kag ginpakabalaan niya ini.

12 Tahora ang imo amay kag ang imo ilóy, agud nga maglawig ikaw sa duta, nga ginahatag sa imo ni Iehoba nga imo Dios.

13 Dili ka magpatay.

14 Dili ka magpanglahi.

15 Dili ka magpangawat.

16 Dili ka magsaksi sing butig batok sa imo masigkatawo.

17 Dili mo pagkaibugan ang baláy sang imo masigkatawo ; dili mo pagkaibugan ang asawa sang imo isigkatawo, bisan ang iya sologoon nga lalaki, bisan ang iya sologoon nga babae, bisan ang iya baka, bisan ang iya asno, bisan ano nga butang nga iya sang imo masigkatawo."

18 Kag ang bug-os nga banwa nagpanilag sang mga daguub, kag sang mga dabdab, kag sang tingug sang budyong, kag sang bukid nga nagaasô ; kag sang nakita ini sang banwa, nagsilol kag nagpalayo sia.

19 Kag nagsililing sila kay Moises : "Hambal-ka sa amon, nga kami magapalamati ; apang indi ang Dios maghambal sa amon, basi pa nga magkalamatay kami."

20 Kag si Moises nagsabat sa banwa : "Indi kamo magkalahadluk ; kay sa pagtilaw sa inyo nagkari ang Dios, kag agud nga ang iya kahadluk yara sa atubangan ninyo, agud nga indi kamo magpalakasala."

21 Apang ang banwa nagpadayon sa malayô ; kag si Moises naglambut sa madamol nga kadudulman sa diin yara ang Dios.

22 Kag nagsiling si Iehoba kay Moises : "Amo ini ang pagaisiling mo sa mga inanak ni Israel : Kamo nakakita nga ako gid ang naghambal sa inyo kutub sa langit.

23 Indi kamo maghilimo sing mga dios nga pilak kon mga dios nga bulawan sa luyo nakon : kamo indi maghilimo sa ila.

24 Halaran nga duta pagahimoon mo sa akon, kag pagaihalad mo sa ibabaw niya ang imo mga halad nga sinunog kag ang imo mga halad nga sa paghidaet, ang imo mga obeha, kag ang imo mga baka. Sa tanan nga duug sa diin pagaipapahanumdum ko ang akon nga-

lan, magakari ako sa imo kag magapakamaayo ako sa imo.

25 Kag kon maghimo ka sing halaran nga bató, indi mo pagpatindugon ini sa bató nga binasbasan ; kay sa pagbasbas mo sang imo inugbalasbas sa ibabaw niya, ginpasipalahan mo na ini.

26 Kag indi ka magsaka sa mga inalintaga sa akon halaran, agud nga indi masapwan didto ang imo kahubo."

Mga kasogoon nahanungud sa kahilowayan kag sa kabuhi.

**21** INI sila amo ang mga kasogoon, nga pagaibutang mo sa atubangan nila :

2 "Kon magbakal ka sing isa ka ulipon nga Hebreinhon, magaalagad sia sa imo sing anum ka tuig ; apang sa ikapito magahalín sia nga hiloway, kag walay bayad.

3 Kon magsulud sia nga isa lamang, magahalín sia nga isa lamang ; kon bana sia sang isa ka babae, magahalín ang iya asawa upud sa iya.

4 Kon ang iya agalon naghatag sa iya sing asawa, kag sia nag-anak sa iya sing mga anak nga lalaki kon mga babae, ang asawa kag ang iya mga anak manginiya sang iya agalon, kag sia magahalín nga isa lamang.

5 Apang kon ang ulipon nagsiling sing maathag gid : Ginahigugma ko ang akon ginoo, ang akon asawa kag ang mga anak, indi ako maghalín nga hiloway ;

6 Niyan ang iya agalon magapalapit sa iya sa Dios, kag pagapalapiton sia niya sa gawang kag sa bakalan, kag ang iya agalon magaboho sa iya dulungan sang isa ka dulat, kag sia manginulipon niya sa gihapon.

7 Kon ang isa ka tawo magbaligya sang iya anak nga babae nga ulipon, sia indi magahalín subung sang paghalín sang mga ulipon nga lalaki.

8 Kon indi mahamut-an sia sang iya ginoo, sa tapus nga nagtiayon sia sa iya, pagatugutan niya nga paggawaron sia : indi sia sarang makabaligya sa iya sa tawo nga dumuluong, sa nalimbongan na niya sia.

9 Kon gintiayon niya sia sa iya anak nga lalaki, pagahimoon niya sa iya sono sang kinabatasan sa mga anak nga babae.



10 Kon magpangasawa sia sing iban nga sa iya, indi gid sia mabuhinan sang iya pagkaon, bisan sa iya panapton, bisan sa iya katadlungan nga sa pag-asawa.

11 Kag kon indi sia buut maghimo sa iya sining tatlo ka butang, niyan magahalín sia sa walay bayad, sa walay pilak.

12 Ang magpilas sa isa ka tawo, sa bagay nga mamatay sia, pagapatyon sia, sa pagkamatuud gid.

13 Apang kon walâ sia pagpuhona, kondi nga ang Dios magpaholog sa iya sa imo kamut, sa amo nga bagay ako magatudlo sa iya sang duug sa diin magapalagyo sia.

14 Kag kon ang isa ka tawo magtindug nga may pagpalabilabi batok sa iya isigkatawo, nga patyon niya sia nga may limbong, sa akon gid halaran pagakuhaon mo sia, agud nga mamatay.

15 Ang magbunal sa iya amay kon sa iya ilóy, pagapatyon sia, sa pagkamatuud gid.

16 Ang magkawat sa isa katawo kag magbaligya sa iya, kon masapwan pa sia sa iya mga kamut, pagapatyon sia, sa pagkamatuud gid.

17 Ang maghimalaut sa iya amay kag sa iya ilóy, pagapatayon sia, sa pagkamatuud gid.

18 Kon mag-alaway ang mga tinawo, kag ang isa magpilas sa isa sang bató, kon sang kamomoo, kag ini indi mapatay, apang maghigda sia ;

19 Kon magtindug kag maglakat sia sa gowa nga may sungkod, manginhiloway yadtong nagpilas sa iya : apang magabayad sia sa iya sang panag-on nga nausik, kag pagaipabulóng niya sia sing himpit gid.

20 Kon ang isa magpilas sa iya ulipon nga lalaki kon babae sang bakol, sa bagay nga mamatay sia sa idalum sang iya kamut, pagasilotan sia ;

21 Apang kon magdugay sing isa kon duha *man* ka adlaw, indi sia pagasilotan, kay iya pilak sia.

22 Kon ang iban mag-alaway, kag pagpilonan nila ang babae nga nagabusung, kag ini sia mahologan, apang walâ sing kamatayon, pagasilotan sia sono sang pagaisilot sa iya sang bana sang babae, kag pagabayaran niya ini sa atubangan sang mga hukom.

23 Apang kon may kamatayon, niyan

magabayad ka sing kabuhi tungud sang kabuhi,

24 Sing mata tungud sang mata, sing ngipon tungud sang ngipon, sing kamut tungud sang kamut, sing tiil tungud sang tiil,

25 Paso tungud sang paso, pilas tungud sang pilas, sing bakul tungud sang bakul.

26 Kon ang isa magpilas sang mata sang iya ulipon nga lalaki, kon sang mata sang iya ulipon nga babae, kag mabulag ini, pagahatagan sia sing kahilwayan tungud sang iya mata.

27 Kag kon mabingaw ang ngipon sang imo alagad nga lalaki, kon ang ngipon sang imo alagad nga babae, pagahatagan sia sing kahilwayan tungud sang iya ngipon.

28 Kon ang isa ka baka magsungay sa lalaki kon sa babae, sa bagay nga mamatay sia, ang baka pagabatohon, kag indi pagakaonon ang iya unud ; ang tagiya sang baka pagapasaylohon.

29 Apang kon ang baka manugpanungay na kutub kahapon kag sang isa kahapon, kag ginpahibalo ang iya tagiya, kag walâ niya pagbantai, kag magpatay sia sing lalaki kon sing babae ; ang baka pagabatohon, kag mamatay man ang iya agalon.

30 Kon pagpabayaran sia sing gawad, niyan magahatag sia sing gawad tungud sang iya kabuhi, sono sa tanan nga pagapabayaran sa iya :

31 Kon magsungay sia sing anak nga lalaki, kon magsungay sia sing anak nga babaye, pagahimoon sa iya, sono sa sining tulumanon.

32 Kon ang baka magsungay sing alagad nga lalaki kon babae, magabayad sia sing katloan ka siklo nga pilak sa ila agalon, kag ang baka pagabatohon.

33 Kag kon ang isa ka tawo magkutkut sing boho, kon magkutkut sing bobon, kag walâ niya sia pagtaboni kag maholog didto ang baka kon asno,

34 Ang tagiya sang bobon magabayad sing tumbas : magahatag sia sing kuarta sa tagiya sang sapat kag ang napatay manginiya.

35 Kon ang baka sang isa ka tawo magpilas sa baka sang isa, sa bagay nga mapatay ini, pagaibaligya ang baka nga buhi kag pagatung-on nila ang kuarta : kag pagatung-on man nila ang baka nga patay.

36 Apang kon nangindayag nga ang baka manugpanungay na sadto gid, kag ang iya tagiya walâ magbantay sa iya, sa pagkamatuud, magabayad sia sing himpit nga tumbas, sing baka tungud sang baka, kag ang patay manginginiya.

Mga kasogoon nahanungud sa kaugalingon.

**22** KON ang isa magkawat sing baka kon obeha, kag pagpatyon kon pagibaligya niya sila, lima ka baka ang pagaali niya tungud sang isa ka baka, kag apat ka obeha tungud sang isa ka obeha.

2 Kon ang isa ka makawat mahakitan nga nagabungkal sang isa ka baláy, kag mapilas sia, sa bagay nga mamatay, ang *nagpilas* sa iya indi manginmay salâ sia sa iya dugo.

3 Apang kon ang adlaw nakasubang na sa ibabaw niya, manginmay salâ sia sa iya dugo : ang makawat dapat magabayad sing himpit nga tumbas. Kon walâ sia sing pagaibayad, pagaibaligya sia tungud sang iya pagpangawat.

4 Kon ang ginkawat niya makita nga buhi sa iya kamut, bisan sia baka, bisan sia asno, bisan sia obeha, magauli sia sing duha.

5 Kon ang isa ka tawo magpahalab sa latagon kon sa kaubasan, nga magbuhi sang iya hayup, sa bagay nga maghalab sa liwan nga latagon, magabayad sia sang tumbas, sang labing maayo sang iya kaugalingon nga latagon, kon sang labing maayo sang iya kaugalingon nga kaubasan.

6 Kon magdabok sing isa ka kalayo, kag magmakot sing mga katunokan, sa bagay nga magsunog sing tumpi, kon sing alanyon, kon sing latagon, yadtong nagdabok sang kalayo, magabayad sing himpit nga tumbas.

7 Kon ang isa ka tawo maghatag sa iya isigkatawo sing kuarta, kon huyas sa pagpatago, kag kon kawaton sila sa baláy sang amo nga tawo, kag kon makita ang makawat, magabayad sia sing dapli.

8 Kon ang makawat indi makita, ang tagiya sang baláy pagapaatubangon sa Dios sa *pagsiling* kon matandug niya sang iya kamut ang mga butang sang iya isigkatawo, kon walâ.

9 Sa tanan nga paagi sa salâ naha-

nungud sa baka, kon sa asno, kon sa obeha, kon sa panapton, kon sa bisan ano nga butang nga nadula, nga pagsiling sang isa : "Ini akon," ang kasuayon nila nga duha magaabut sa atubangan sang Dios ; kag yadtong pagahukman sang Dios, magabayad sing dapli sa iya isigkatawo.

10 Kon ang isa maghatag sa iya isigkatawo sing asno, kon baka, kon obeha, kon bisan ano nga sapat sa pagpabantay, kag ini mamatay, kon magupak, kon pag-agawon, nga walâ gid sing makakita sini,

11 Ang panumpa ni Iehoba magapatungâ sa ila nga duha sa *pagsiling* kon walâ ang iya kamut magkamlut sang pagkabutang sang iya isigkatawo : ang tagiya magabaton sini, kag walâ sing pagbayaran.

12 Apang kon ginkawat niya ang *sapat*, magabayad sia sing tumbas sa tagiya sini.

13 Kon ginkusnit sia, dalhon niya sia nga pagpamatuud ; indi sia magabayad sang ginkusnit.

14 Kag kon ang isa maghulam sa iya isigkatawo sing hayup, kag ini magupak, kon mamatay, nga walâ magatambong ang tagiya, magabayad sia sing himpit nga tumbas.

15 Kon nagatambong ang iya tagiya walâ sia sing pagabayaran ; kon ginhi-nakayan, masulúd ini sa iya hinakay.

16 Kon ang isa ka tawo magpahaylo sa isa ka dalaga nga walâ mapakasal, kag magdológ sa iya, dapat magpakasal sa iya kag magpasaka.

17 Kon ang amay magdumili gid sa paghatag sa iya, sia magabayad sang kuarta nga nahanungud sa pasaka sang mga ulay.

18 Indi mo pagtugutan nga magkabuhi ang manugpakot nga babae.

19 Yadtong tanan nga magdológ sa sapat, sa pagkamatuud, pagapatyon sia.

20 Yadtong maghalad sing halad sa liwan nga mga dios, nga indi si Iehoba lamang, pagatagudilian gid sia.

21 Indi mo pagpasipalahan kag indi mo pagpiguson ang dumuluong ; kay nangindumuluong kamo sa duta sa Egipto.

22 Indi ninyo pagpakalisdon ang bisan sin-o nga bálo, bisan sin-o nga ilo.

23 Kon pagpakalisdon ninyo ang ilo kag sia magtuaw sa akon, sa pagkamatuud, pagapamatian ko ang iya pagtuaw.



24 Kag magadabdab ang akon kaäkig kag pagapatyon ko kamo sa hinganiban, kag ang inyo mğa asawa, mangin mğa bálo, kag mğa ilo ang inyo mğa anak.

25 Kon magpahulam ka sing kuarta sa akon banwa, sa imol nğa yara upud sa imo, sa iya indi ka manginmanugpahulam nğa manugpasaka : indi mo sia pagpanğayoan sing saka.

26 Kon magpanğayô ka, nğa kaligunan sang imo kuarta, sang panapton sang imo isigkatawo, pagaiuli mo ini sa walâ pa matunud ang adlaw.

27 Kay ini amo ang bugtong nğa tabon, among iya panapton nğa sa pagtabon sang iya panit. ¿Sa ano sia bala magahigda? Kon mahanabu nğa magtuaw sia sa akon, pagapamatian ko sia, kay maloloyon ako.

28 Indi mo pagtamayon ang Dios, kag indi mo pagpasipalahan ang dunganon sang imo banwa.

29 Indi mo pagpadugayon sa paghalad sang nagapunô sang imo *tambobo* kag sang nagailig sa imo mğa *ipitan*. Pagaihatag mo sa akon ang pang'anay sang imo mğa anak.

30 Pagahimoon man nimo ini sa imo kabakahan kag sa imo mğa obeha. Pito ka adlaw magapuyô ang *tinday* sa iya iloy; sa ikawalo ka adlaw pagaihatag mo sia sa akon.

31 Kag magamangin mğa tawo kamo nğa mğa balaan sa akon, kag indi kamo magkalaon sang unud nğa kinusnit sa mğa *latagon*: pagaipilák ninyo ini sa mğa ido.

Lainlain nğa mğa kasogon nahanunğud sa maayo nğa pamatasan kag sa mğa buluhaton sa simbahan.

**23** INDI ka magbaton sang butig nğa sugid, bisan paghihatag mo ang imo kamut sa malain sa pagkamanginsaksi nğa dimatarung.

2 Indi ka magsunud sa kadamuan nğa sa paghimo sing malain, kag indi ikaw mapamatuud sa kasaba nğa maduyog ka sa kadam-an sa pagpatiko sang kata-rungan.

3 Bisan magbulig ka sa imol sa iya kasaba.

4 Kon masugata mo ang baka sang imo kaaway, kon ang iya asno nğa nagtalang, sa pagkamatuud, pagauli mo ini sa iya.

5 Kon makita mo, nğa ginakutoy ang asno sang nagakaakig sa imo, andam-ka nğa magbiya sa iya: ikaw indi dapat magbiya sa iya, tubtub nğa yara sia sa *tagiya*.

6 Indi mo pagpatikoon ang katadlungan sang imol sa iya kasaba.

7 Palagyo-ka sa kabutigan, kag ayaw pagpatya ang walay salâ kag ang matarung; kay ako indi magkabig sa malain subung nğa matarung.

8 Indi ka magpahamham; kay ang hamham nagabulag sang mğa masanag sing mata, kag nagapatiko sang mğa polong sang mğa matarung.

9 Indi mo pagpiguson ang dumuluong; kamo gid nakahibalo kon ano ang tagiposoon sang dumuluong, kay nangin-mğa dumuluong kamo sa duta sa Egipto.

10 Sa anum ka tuig pagatamnan mo ang imo duta, kag pagatiponon mo ang patubas;

11 Apang sa ikapito, pagabayaan mo sia nğa indi pagtandugon, kag papahuwayon sia, agud nğa magkalaon ang mğa imol sa imo banwa sa iya, kag ang mabilin nila pagakaonon ini sang hayup sang latagon. Sa amo man nğa bagay pagahimoon mo sa imo kaubasan kag sa imo kaolibahan.

12 Anum ka adlaw magapanğabudlay ka sa imo mğa buluhaton, apang sa ikapito, magapahuway ka, agud nğa magpalahuway ang imo baka, kag ang imo asno, kag maggilinghawa ang anak nğa lalaki sang imo ulipon nğa babae kag ang dumuluong.

13 Kag sa tanan nğa ginsiling ko sa inyo, mag-alandam-kamo; kag indi ninyo igsambit ang ngalan sang iban nğa mğa dios, bisan mabatian sia sa inyo bâbâ.

14 Sa makatlo ang tuig pagahiwatan ninyo ako sing isa ka piesta.

15 Pagatumanon-ninyo ang piesta sang mğa tinapay nğa walay tapay; sa pito ka adlaw magakaon ka sing mğa tinapay nğa walay tapay, sono sang ginsogo ko sa imo, sa pinat-in nğa panag-on, sa buan sa Abib; kay sa iya naggulowa kamo sa Egipto; kag walâ gid sing sin-o nğa magaatubang sa akon nğa *may mğa kamut mğa waly sulúd*;

16 Ang piesta man sang ani sang mğa nahaunang mğa bunga sang imo pinangabudlayan, sa sadtong natanum mo sa latagon; kag ang piesta sang patubas, sa katapusan sang tuig, kon magpani-

pon kamo sang *mga bunga* sang imo *mga* pinangabudlayan sa latagon.

17 Sa makatlo ang tuig, magaalatubang ang tanan mo *nga mga* lalaki kay Iehoba, ang Ginoo.

18 Indi mo pagihalad ang dugo sang akon halad *nga may* tinapay *nga may* tapay, kag ang sapay sang akon halad indi mabilin sa gab-i tubtub sa aga.

19 Ang *mga* nahaunang *mga bunga* sang imo duta pagapasudlon mo sa baláy ni Iehoba *nga imo* Dios. Indi mo paglutoon ang tinday sang kanding sa gatas sang iya gid *nga iloy*.

20 Yari karon ginapadalá ko ang akon Manugtunda sa atubangan sang imo nawung, sa pagbantay sa imo sa dalanon, kag sa pagpasulúd sa imo sa dung *nga gin-aman* ko sa imo.

21 Magbantay-ka sa iya, kag dunga ang iya tingug; ayaw ka pagmalalison sa iya, kay indi sia magpaligad sang imo *mga paglapas*, kay ang akon Ngalan yara sa iya.

22 Apang kon pagpamatian mo sing matalupangdon gid ang iya tingug, kag paghimoon mo ang tanan *nga pagaisogo* ko sa imo, niyan ako manginkaaway sang imo *mga kaaway*, kag ang kasumpung sang imo *mga kasumpung*.

23 Kay magalakat ang akon Manugtunda sa atubangan sang imo nawung, kag pagadalhon ikaw niya sa *mga* Amorinhon, sa *mga* Hetinhon, sa *mga* Peresinhon, sa *mga* Kanaanhon, sa *mga* Hebinhon kag sa *mga* Iebusinhon; kag kon ako magpanas sa ila,

24 Ikaw indi magayaub sa atubangan sang ila *mga* dios, bisan magasimba ka sa ila, kag indi ka maghimo sono sa ila *mga binuhatan*, kondi pagalaglagon mo sing bug-os gid ang *mga* dios nila, kag pagadugmukon mo ang ila *mga haligi nga larawan*.

25 Apang mag-alalagad-kamo kay Iehoba, ang inyo Dios, kag sia magapakamaayo sang imo tinapay kag sang imo *mga* tubig, kag pagakuhaon ko man ang *mga* balatian sa tungá nimo.

26 Kag walá na sing babae *nga mahologan*, bisan magbaw-as sa imo duta; kag pagahimoon ko *nga matuman* ang kadamuon sang imo *mga kaadlawan*.

27 Pagaipadalá ko ang akon kakugmat sa atubangan nimo kag magakagubut ang tanan *nga banwa nga* batok sa iya magakadto ka; kag pagahimoon ko, *nga*

ang tanan mo *nga mga* kaaway magtala-likod sa imo.

28 Pagaipadalá ko man ang alingayo sa atubangan nimo, *nga* magasobol sa imo atubangan sa *mga* Hetinhon, sa *mga* Kanaanhon, kag sa *mga* Hebinhon.

29 Indi ko sila pagsobolon sa atubangan nimo sa isa lamang ka tuig, agud *nga ang* duta indi mahimo *nga* kahanayakan kag magdalamu batok sa imo ang *mga* mapintas *nga* sapat sang latagon.

30 Sa amatamat pagasobolon ko sila sa atubangan nimo, tubtub *nga* magdamu ikaw kag sarang ikaw makabaton sang duta sa pagtagiya sa iya.

31 Kag pagaibutang ko ang imo *mga* kadulunan kutub sa dagat *nga* Mapula tubtub sa dagat sang *mga* Pilistinhon, kag kutub sa kahanayakan tubtub sa subâ; kay pagaitugyan ko sa imo kamut ang *mga* pumuluyô sang duta, agud *nga* pagsobolon mo sila sa atubangan nimo.

32 Indi ka magpakigkatipan sa ila, bisan sa ila *mga* dios.

33 Sila indi magapuluyô sa imo duta, basi pa *nga* pagpakasalaon ka nila batok sa akon, kon mag-alagad ka sa ila *mga* dios; kay ini manginisa ka siod sa imo."

Si Moises nagatukad upod sang *mga tigulang* sa bukid sa Sinai.

**24** KAG nagsiling ang *Dios* kay Moises: "Tukad-ka nayon kay Iehoba, ikaw kag si Aaron, si Nadab, kag si Abiu, kag kan-uman sang *mga* tigulang sa Israel; kag magsilimba-kamo kutub sa malayô.

2 Kag si Moises lamang ang magalambut kay Iehoba; apang indi maglambut ang *iban*, kag ang banwa indi magtukad upod sa iya."

3 Niyan nag-abut si Moises kag ginpanugid niya sa banwa ang tanan *nga mga* polong ni Iehoba, kag ang tanan niya *nga mga* kasogoan. Kag nagsabat ang bug-os *nga* banwa sa isa ka tingug: "Pagahimoon namon ang tanantan *nga ginsiling* ni Iehoba."

4 Kag ginsulat ni Moises ang tanan *nga mga* polong ni Iehoba. Kag nagtindug sia sing aga pa gid, kag nagpatindug sia sing isa ka halaran sa kunsaran sang bukid, kag sing napúlô kag duha ka haligi *nga* bató, sono sa napúlô kag duha ka kabikahan sa Israel.



5 Kag nagpadalá sia sing mġa paman-tanon sang mġa inanak ni Israel, nġa naghahalad sila sing mġa halad nġa sinunog kag naghahalad sila sing mġa halad sa paghidaet nġa mġa tinday sang baka kay Iehoba.

6 Kag ginkuha ni Moises ang katungâ sang dugo kag ginbutang niya sia sa mġa yahong; kag ang isa ka katungâ ginsablig niya sa ibabaw sang halaran.

7 Niyan ginkuha niya ang Tolon-an sang Katipan, kag ginbása niya ini sa mataas nġa tingug sa mġa idulungug sang banwa; kag sila nagsiling: "Pagahimoon namon ang tanantanan nġa ginsiling ni Iehoba, kag magamatinu-manon kami."

8 Kag ginkuha ni Moises ang dugo kag ginsablig niya ini sa ibabaw sang banwa, nġa nagasiling: "Yari karon, ang dugo sang katipan nġa ginhimo ni Iehoba sa inyo, nahanugud sa sining tanan nġa mġa polong."

9 Niyan nagtukad si Moises, si Aaron, si Nadab, si Abiu kag ang kan-uman sang mġa tigulang sa Israel.

10 Kag nakita nila ang Dios ni Israel; kag sa idalum sang iya mġa tiil may isa ka matinaw nġa salug nġa sapiro, nġa putli sia subung sang amo gid nġa langit.

11 Apang walâ niya paguntaya ang kamut sa ibabaw sang mġa dunganon sa Israel: sila nagtululuk sa Dios, kag nagkalaon kag nagilinum sila.

12 Niyan si Iehoba nagsiling kay Moises: "Tukad-ka sa diin yari ako sa ibabaw sang bukid, kag hulat didto, agud nġa maghatag ako sa imo sing pila ka tapi nġa bató, kag sang kasogoan kag sang sogo nġa nasulat ko, agud nġa pagitoon mo sila sa *banwa*."

13 Kag si Moises nagtindug upud kay Iosue, nġa manugalagad niya, kag nagtukad si Moises sa bukid sang Dios.

14 Kag sia nagsiling sa mġa tigulang: "Hulata-ninyo kami diri tubtub nġa magbalik kami sa inyo, kag yari karon, upud sa inyo si Aaron kag si Hur; bisan sin-o nga may kasaba, magdanġup sa ila.

15 Kag si Moises nagtukad sa bukid, kag ginputus sang gal-um ang bukid.

16 Kag ang himaya ni Iehoba nagtung-tung sa ibabaw sang bukid sa Sinai, kag ang gal-um nagputus sa iya sa anum ka adlaw. Kag sa ikapito ka adlaw

gintawag sang Dios si Moises sa tungâ sang gal-um.

17 Kag ang kahalimbawa sang himaya ni Iehoba subung sang isa ka kalayo nġa manughalunhon sa ibabaw sang putokputokan sang bukid, sa mġa mata sang mġa inanak ni Israel.

18 Niyan si Moises nagsulúd sa tungâ sang gal-um, kag nagtukad sa bukid. Kag didto si Moises sa bukid sing kapatan ka adlaw kag kapatan ka gab-i.

Mġa hatag nġa kinabubut-on nġa sa pagpatindug sang Tabernakulo, kon balaan nġa Puluy-an.

**25** KAG si Iehoba naghambal kay Moises, nġa nagasiling:

2 "Hambala ang mġa inanak ni Israel, agud nġa magdalalâ sila sa akon sing isa ka halad nġa binayaw: sa tanan nġa tawo nġa ang iya tagiposoan naga-pahanda sa iya, pagakuhaon ninyo ang akon halad nġa binayaw.

3 Kag yari karon ini amo ang halad nġa binayaw nġa pagakuhaon ninyo sa ila: bulawan, pilak, tumbaga,

4 Purpura, eskarlata, karmesi, lino nġa manipis kag bulbul sang kanding,

5 Mġa panit sang karnero nġa nap-anlugum sang mapula, mġa panit sang tahas, kag kahoy nġa akasia,

6 Lana nġa sa inugsuluga, mġa pahamut nġa sa lana nġa ihalapas kag nġa sa insienso nġa mahamut,

7 Mġa bató nġa oniks, kag mġa bató nġa inugtalampok nġa sa epod kag nġa sa hapin sa dughan.

8 Kag pagahimoon nila ako sing isa ka balaan nġa Puluy-an, kag ako magapuyô sa tungâ nila.

9 Sono sa tanan nġa ginapahayag ko sa imo, *kon sayoron* ang huwaran sang Puluy-an kag ang huwaran sang tanan niya nġa mġa gamit, pagahimoon mo sing subung sini:

Ang kaban, ang pakilooyan, ang mġa kerubin.

10 Magahilimo sila sang isa ka kaban nġa kahoy nġa akasia: manginduha ka maniko kag tungâ ang iya kalabaon kag isa ka maniko kag tungâ ang iya kasangkaron, kag isa ka maniko kag tungâ ang iya kataason.

11 Pagahalupan mo sia sa ulay nġa bulawan. Pagahalupan mo sia sa sulúd kag sa gowa; kag magahimo ka sa

ibabaw niya sing isa ka purungpurung nga bulawan sa palibot.

12 Kag magatunaw ka nga sa iya sing apat ka singsing nga bulawan, kag pagaibutang mo sila sa iya apat ka pamusud, *kon sayoron*, duha ka singsing sa isa ka kilid niya, kag duha ka singsing sa pihak nga kilid niya.

13 Magahimo ka man sing mga yayongan nga kahoy nga akasia, kag pagahalupan mo sila sa bulawan.

14 Kag pagaisuuk mo ang mga yayongan sa mga singsing sa duha ka kilid sang kaban, sa pagdalá sang kaban tungud sa ila.

15 Sa sulúd sang mga singsing sang kaban magapaladayon ang mga yayongan; indi sila pagkuhaon didto.

16 Kag pagaibutang mo sa sulúd sang kaban ang mga tapi sang pagpamatuud, nga pagaihatag ko sa imo.

17 Magahimo ka man sing isa ka pakilooyan nga bulawan nga ulay; manginduha ka maniko kag tungâ ang iya kalabaon, kag isa ka maniko kag tungâ ang iya kasangkaron.

18 Kag magahimo ka sing duha ka kerubin nga bulawan; pagahimoon mo sia sa bulawan nga pina-pa, sa duha ka ukbong sang pakilooyan.

19 Paghimo-ka sing isa ka kerubin sa isa ka ukbung, kag isa ka kerubin sa pihak nga ukbung; magahilimo-kamo sang mga kerubin nga bilog sa pakilooyan, sa iya duha ka ukbung.

20 Kag ang mga kerubin didto magahulumlad sang mga pakpak nayon sa ibabaw, nga magalandong ang ila mga pakpak ang pakilooyan, kag ang ila mga nawung nagaatubangay ang isa sa isa: ang nawung sang mga kerubin nagatalamud sa pakilooyan.

21 Kag pagaipahamtang mo ang pakilooyan sa ibabaw sang kaban sa bahin nga naibabaw, kag sa sulúd sang kaban pagaibutang mo ang mga tapi sang pagpamatuud, nga pagaihatag ko sa imo.

22 Didto magapakigkita ako sa imo, kag magapakighambal ako sa imo kutub sa ibabaw sang pakilooyan, sa tungâ sang duha ka kerubin, nga didto sila sa ibabaw sang kaban sang pagpamatuud, sa *pagsiling* sa imo sang tanan nga pagaisogo ko sa imo nga sa mga inanak ni Israel.

### Ang latok.

23 Magahimo ka man sing isa ka latok sa kahoy nga akasia; manginduha ka maniko ang iya kalabaon, kag isa ka maniko ang iya kasangkaron, kag isa ka maniko kag tungâ ang iya kataason.

24 Kag pagahalupan mo sia sang ulay nga bulawan, kag pagahimoon mo sia sing isa ka purungpurung nga bulawan sa palibot.

25 Kag pagahimoon mo man nga sa iya ang isa ka bibig sa kasangkad sang isa ka dapol, sa palibot, kag pagahimoon mo sing isa ka purungpurung nga bulawan sa palibot sang iya bibig.

26 Pagahimoon mo man sing apat ka singsing nga bulawan, kag pagaibutang mo ang apat ka singsing sa apat ka pamusud nga yara sa iya apat ka tiil.

27 Ang mga singsing didto sila sa malapit sa bibig, nga nagabaton sang mga yayongan sa pagdalá sang latok.

28 Kag pagahimoon mo sing mga yayongan sa kahoy nga akasia, kag pagahalupan mo sila sing bulawan; kag tungud sa ila pagadalhon ang latok.

29 Kag pagahimoon mo sang iya mga pingan, sang iya mga luwag, sang iya mga tagayan kag sang iya mga yahong, nga sa ila ginaula ang halad nga ilimnon; pagahimoon mo sila sa ulay nga bulawan.

30 Kag sa ibabaw sang latok pagai-butang mo ang tinapay nga hayag sa atubangan nakon sa ginhapon.

### Ang sadngan nga bulawan.

31 Magahimo ka man sing isa ka sadngan nga ulay nga bulawan: pagahimoon ang sadngan sa pina-pa nga bulawan; ang iya tiil, ang iya púnô, ang iya mga gopok, ang iya mga bitogbitog kag ang iya mga bukad manginbilog sila.

32 Kag anum ka sangâ magagulowa sa iya mga kilid; talto ka sangâ sang sadngan sa isa ka kilid niya, kag tatlo ka sangâ sang sadngan sa pihak nga kilid niya:

33 Tatlo ka gopok sa dagway sang almendras, isa ka bitogbitog kag isa ka bukad sa isa ka sangâ; kag tatlo ka gopok sa dagway sang almendras, isa ka bitogbitog, kag isa ka bukad sa pihak nga sangâ: sa amo nga bagay sa anum ka sangâ, nga nagagulowa sa sadngan.



34 Sa sadngan gid may apat ka gopok sa dagway sang almendras, ang iya mġa bitogbitog kag ang iya mġa bukad:

35 May isa ka bitogbitog sa idalum sang duha ka sang, nga nagagulowa sa iya, kag isa ka bitogbitog sa idalum sang iban nga duha ka sang, nga nagagulowa sa iya, kag isa ka bitogbitog sa idalum sang *iban nga* duha ka sang, nga nagagulowa sa iya, nga sa anum ka sang nga nagagulowa sa sadngan.

36 Ang iya mġa bitogbitog kag ang iya mġa sang magagilikan sa iya gid, kag manginbilog sila sa isa ka bilog, buhat nga pina-pa nga bulawan nga ulay.

37 Magahimo ka man sa iya sing pito ka lamprahan, agud nga kon mahanda ang iya mġa lamprahan, makapawa sila nayon sa atubangan.

38 Kag ang iya mġa inugsugi kag mġa alagbunan manginbulawan nga ulay sila.

39 Sa isa ka talanton nga bulawan nga ulay pagahimoon sia pati ining tanan nga mġa gamit.

40 Tuluk-ka kag himoa sono sang huwaran nila, nga ginpakita sa imo sa bukid.

#### Ang Puluy-an.

**26** KAG magahimo ka sang Puluyan ni Iehoba sa napulô ka kumbung nga lino nga manipis nga binolong, nga purpura, nga eskarlata kag karmesi: pagahimoon mo sila nga *napamutakputakan* sing mġa kerubin sa hinabol nga mauti.

2 Ang kalabaon sang isa ka kumbung manginduha ka pulô kag walo ka maniko, kag ang kasangkaron sa amo gid nga kumbung manginapat ka maniko: isa gid lamang ka takus ang sa tanan nga mġa kumbung.

3 Ang lima sa sini nga mġa kumbung pagatalabiron ang isa sa isa, kag ang *iban* nga lima ka kumbung pagatalabiron ang isa sa isa.

4 Kag pagahimoon mo sing mġa dulungan nga purpura sa sidsid sang isa ka kumbung sa ukbung, sa diin ginahimo ang pagtalabid, kag subung sini man pagahimoon mo sa sidsid sa ukbung sang kumbung sang ikaduha ka pagtalabid.

5 Pagahimoon mo sing kalim-an-ka

dulungan sa nahauna nga kumbung, kag pagahimoon mo sing kalim-an ka dulungan sa ukbung sang ikaduha ka kumbung nga ginatalabiran: ang mġa dulungan magakitaay ang isa sa isa.

6 Kag pagahimoon mo sing kaliman ka kaw-it nga bulawan kag pagatabiron ang mġa kumbung ang isa sa isa bangud sang mġa kaw-it; kag manginbilog ang Puluy-an.

7 Pagahimoon mo man sing mġa kumbung nga bulbul sang kanding nga sa Layanglayang sa ibabaw sang Puluyan: napulô kag isa ka kumbung ang pagahimoon mo.

8 Ang kalabaon sang isa ka kumbung manginkatloan ka maniko, kag ang kasangkaron sang amo gid nga kumbung manginapat ka maniko: isa gid lamang ka takus ang napulô kag isa ka kumbung.

9 Pagatalabiron mo ang lima ka kumbung sing pain, kag ang iban nga anum ka kumbung sing lain mah; kag pagaapiron mo ang ikan-um ka kumbung sa atubangan sang Layanglayang.

10 Kag pagahimoon mo sing kaliman ka dulungan sa sidsid sang isa ka kumbung, sa ukbung nga ginatalabiran; kag kalim-an ka dulungan sa sidsid sang kumbung sa ikaduha nga pagtalabid.

11 Kag himoon mo sing kalim-an ka kawit nga tumbaga kag pagaika-wit mo ang mġa kawit sa mġa dulungan, kag magtabid ang Layanglayang kag magmanginbilog sia.

12 Kag ang bahin nga nagakabit, ang maglabaw sang mġa kumbung sang Layalayang, *kon sayoron* ang katungâ sang labaw nga kumbung, pagapakabito mo sa likod sang Puluyan.

13 Kag isa ka maniko sa sini nga kilid kag ang isa ka maniko sa sadto nga kilid, nga magalabaw sa kalabaon sang mġa kumbung sang Layanglayang, magakalabit sa duha ka kilid sang Puluy-an, sa sini kag sa sadto nga bahin, sa pagtabon sa iya.

14 Pagahimoon mo man sing isa ka tabon nga mġa panit sang karnero nga napanlugum sang mapula nga sa Layanglayang, kag isa ka tabon nga panit sang tahas sa ibabaw *niya sini*.

#### Ang mġa tapi sang Puluy-an.

15 Kag pagahimoon mo sing mġa tapi nga kahoy nga akasia nga sa Puluy-an, nga magatilindug sila;

16 Manginnapúlô ka maniko ang kala-baon sang isa ka tapi, kag isa ka maniko kag tungâ ang kasankaron sang amo gid nga tapi.

17 May duha ka dila ang tagsa ka tapi, nga naangut ang isa sa isa. Sa amo man nga bagay pagahimoon mo sa tanan nga mga tapi sang Puluy-an.

18 Kag pagahimoon mo ang mga tapi sang Puluy-an sing *subung sini*: duha ka púlô ka tapi nga sa kilid nga bagatan, nayon sang Bagatnan.

19 Kag magahimo ka sing kapat-an ka sadsaran nga pilak nga *pagasuksukan* sa idalum sang duha ka púlô ka tapi, duha ka sadsaran sa idalum sang isa ka tapi nga sa iya duha ka dila, kag duha ka sadsaran sa idalum sang isa pa ka tapi nga sa iya duha ka dila.

20 Kag sa pihak nga kilid sang Puluy-an, sa kilid nga naaminhan, *magahimo* ka sing duha ka púlô ka tapi,

21 Kag sang ila kapat-an ka sadsaran nga pilak, duha ka sadsaran sa idalum sang isa ka tapi, kag duha ka sadsaran sa idalum sang isa pa ka tapi.

22 Kag nga sa likod sang Puluy-an nayon sa Katundan pagahimoan mo sing anum ka tapi.

23 Kag pagahimoan mo sing duha ka tapi nga sa mga pamusud sang Puluy-an nayon sa likod.

24 Magatalalabid sila sa sadsaran kag pagakilitan gid sila tubtub sa ibabaw tungud sang isa ka singsing; mangina-mo ini nga sa duha: sila manginsaduha ka pamusud.

25 Ngani may walo ka tapi kag ang ila mga sadsaran nga pilak: napúlô kag anum ka sadsaran, duha ka sadsaran sa idalum sang isa ka tapi, kag duha ka sadsaran sa idalum sang isa pa ka tapi.

26 Pagahimoan mo man sing lima ka balabag sa kahoy nga akasia, nga sa mga tapi sang isa kilid sang Puluy-an:

27 Kag lima ka balabag nga sa mga tapi sang pihak nga kilid sang Puluy-an; kag lima ka balabag nga sa mga tapi sa kilid nayon sa likod sang Puluy-an, nayon sa Katundan;

28 Kag ang balabag sa tungâ, magaagi sa ginkatungan sang mga tapi sa isa ka ukbung tubtub sa isa.

29 Kag paghalupan mo ang mga tapi sang bulawan; kag pagahimoan mo sang iya mga singsing nga bulawan, sa diin magatuhog ang mga balabag; kag

pagahalupan mo ang mga balabag sang bulawan.

30 Kag pagapatindugon mo ang Puluy-an, sono sang huwaran niya nga ginpakita ko sa imo sa bukid.

Ang tabon kag ang kumbung.

31 Kag magahimo ka sing isa ka kumbung nga purpura, nga eskarlata, nga karmesi kag lino nga manipis nga binólong: pagahimoon ini sa hinabol nga mauti nga *napamutakputakan* sing mga kerubin.

32 Kag pagaibutang mo ini sa ibabaw sang apat ka haligi nga akasia, nga nahalupan sang bulawan, patí ang iya mga ka-wit nga bulawan, sa ibabaw sang apat ka sadsaran nga pilak.

33 Kag pagaipahamtang mo ang kumbung sa idalum sang mga ka-wit; kag pagadalhon mo didto sa sulúd sang kumbung ang kaban sang pagpamatuud; kag ang kumbung magapain nga sa inyo sa tungâ sang duug nga balaan kag sang duug nga labing balaan.

34 Kag pagaibutang mo ang paki-looyan sa ibabaw sang kaban sang pagpamatuud, sa duug nga labing balaan.

35 Kag pagaipahamtang mo ang latok sa gowa sang kumbung, kag ang sadngan sa atubangan sang latok, sa kilid nga bagatan sang Puluy-an; kag pagaibutang mo ang latok sa kilid nga naaminhan.

36 Kag magahimo ka sing isa ka tabon, nga sa gawang sang Layanglayang, nga purpura, nga eskarlata, nga karmesi, kag lino nga manipis nga binólong, buhat sang manugborda.

37 Kag magahimo ka nga sa tabon sing lima ka haligi nga akasia, kag pagahalupan mo sila sang bulawan; kag ang iya mga ka-wit manginbulawan; kag magatunaw ka nga sa ila sing lima ka sadsaran nga tumbaga.

Ang halaran sang mga halad nga siaunog.

**27** PAGAHIMOON mo man sa ka-hoy nga akasia ang halaran: lima ka maniko ang kalabaon, kag lima ka maniko ang kasangkaron; kag ang halaran manginkasilo, kag tatlo ka maniko ang kataason.

2 Kag pagahimoan mo sang iya mga



sungay sa apat niya ka pamusud: ang iya mga sungay magagilikan sa iya, kag pagahalupan mo sila sang tumbaga.

3 Kag magahimo ka sang iya mga alabohan, sang iya mga pala, sang mga yahong, sang mga tenedor kag sang mga bagahan: ang tanan niya nga mga gamit pagahimoon mo sila sa tumbaga.

4 Kag paganimoan mo sia sing isa ka ginihaan nga tumbaga nga buhat nga sinihod, kag sa ibabaw sang ginihaan magahimo ka sing apat ka singsing nga tumbaga sa iya apat ka ukbong.

5 Kag pagaibutang mo ini sa idalum sang palowis nga nasulud sang halaran nayon sa idalum, sa bagay nga ang ginihaan magtongtong tubtub sa tunganan sang halaran.

6 Kag magahimo ka sing mga yayongnan nga sa halaran, mga yayongnan nga kahoy nga akasia, kag pagahalupan mo sila sang tumbaga.

7 Kag ang mga yayongnan pagapaagihan sa mga singsing; kag ang mga yayongnan didto sila sa duha ka kilid sang halaran, kon pagdalhon sia.

8 Pagahimoon mo ini sa mga tapi nga gawong, sono sang ginpakita sa imo sa bukid; pagahimoon nila ini sing subung.

#### Ang patyo.

9 Magahimo man ikaw sang patyo sang Puluy-an: sa kilid nga bagatnan, nayon sa Bagatnan, may mga lipon nga lino nga manipis nga binolong nga sa patyo, nga isa ka gatus ka maniko ang kalabaon nga sa isa ka kilid;

10 Kag ang iya mga haligi manginduha ka pulo kag ang mga sadsaran nila, duha ka pulo, nga mga tumbaga sila; apang ang mga ka-wit sang mga haligi, kag ang iya mga pandog manginpilak sila.

11 Kag sa amo gid nga bagay sa kilid nga naaminhan, sa iya kalabaon, may mga lipon nga isa ka gatus ka maniko ang kalaba, kag ang iya mga haligi duha ka pulo, kag ang mga sadsaran nga sa ila, duha ka pulo, nga mga tumbaga sila; ang mga ka-wit sang mga haligi kag ang ila mga pandog manginpilak sila.

12 Kag ang kasangkaron sang patyo, sa kilid nga nakatundan may mga lipon nga kalim-an ka maniko, ang ila mga haligi manginnapulô, kag ang mga sadsaran nga sa ila, napulo.

13 Kag ang kasangkaron sang patyo sa kilid nga nasidlangan, nayon sa Bulut-lakan may kalim-an ka maniko.

14 Kag manginnapulô kag lima ka maniko ang mga lipon nga sa isa ka kilid sang gawang; ang ila mga haligi mangintatlo, kag ang ila mga sadsaran, tatlo man.

15 Kag nga sa pihak nga kilid, napulo kag lima ka maniko nga mga lipon; ang ila mga haligi mangintatlo, kag ang ila mga sadsaran tatlo man.

16 Kag sa gawang sang patyo may isa ka kumbung nga duha ka pulo ka maniko nga purpura, nga eskarlata, nga karmesi kag lino nga manipis nga binolong, buhat sang manugborda; ang iya mga haligi manginapat kag ang ila mga sadsaran, apat man.

17 Ang tanan nga mga haligi nga sa patyo sa palibot pagatalabiron sa mga pandog nga pilak; kag ang ila mga ka-wit manginpilak, kag ang ila mga sadsaran, tumbaga.

18 Ang kalabaon sang patyo manginisa ka gatus ka maniko, kag ang kasangkaron, kalim-an sa bisan diin, kag ang kataason lima ka maniko. *Ang mga lipon manginlino nga manipis nga binolong; kag ang mga sadsaran sang ila mga haligi, tumbaga.*

19 Ang tanan nga mga gamit sang Puluy-an sa tanan niya nga pag-alagdan kag ang tanan niya nga mga palpal pati ang tanan nga mga palpal sang patyo, mangintumbaga sila.

20 Subung man magasogo ka sa mga inanak ni Israel, nga pagdalhan ka nila sang lana sa oliba nga lunsay, bag-o, nga sa suga, agud nga magdalabdab ang mga lampra han sa gihapon.

21 Sa Layanglayang sang pakigkitaan, sa gowa sang kumbung, nga yara sa atubangan sang pagpamatuud, pagahimoson ini ni Aaron kag sang iya mga anak, agud nga *magdabdab* sa atubangan ni Iehoba kutub sa hapon tubtub sa aga; Ini manginpalatukuran nga dayon sa ila mga kaliwatan nga sa mga inanak ni Israel.

#### Ang mga panapton nga sinasaserdote.

**28** KAG pagapalapiton mo sa imo si Aaron, nga imo utud, kag ang iya mga anak upud sa iya, sa tunga sang mga inanak ni Israel, agud nga sia

maghikot sang pagkasaserdote sa atubangan nakon, *kon sayoron*, si Aaron, si Nadab, si Abihu, si Eleasar kag si Itamar, mga anak ni Aaron.

2 Kag pagahimoan mo sing mga panapton nga balaan si Aaron nga imo utud, nga sa himaya kag kagayonan.

3 Magahambal ka sa tanan nga mga manginalamon sa tagiposoon, nga ginpunô ko sila sang Espiritu sa kaalam, agud nga maghimo sila sang mga panapton ni Aaron, nga sa pagpakabalaan sa iya, agud nga sia maghikot sang pagkasaserdote, sa atubangan nakon.

4 Kag yari karon ang mga panapton nga pagahimoan nila sa iya: Sing isa ka hapin sa dughan, sing isa ka epod, sing isa ka malabalaba nga bayô, sing isa ka bayô nga pinona, sing isa ka turbante kag sing isa ka wagkus. Magahimo sila sing mga panapton nga balaan nga kay Aaron, nga imo utud, kag nga sa iya mga anak, agud nga maghilikot sila sang pagkasaserdote sa atubangan nakon.

5 Kag magakuluha sila sing bulawan, sing purpura, sing eskarlata, sing karmesi kag lino nga manipis nga binolong;

6 Kag magahimo sila sang epod nga bulawan, nga purpura, nga eskarlata, nga karmesi kag lino nga manipis nga binolong, buhat nga mauti.

7 May duha ka hombrera nga nagatambuyanay sa mga ukbong niya, agud nga magbilog sia.

8 Kag ang lubid nga linubid sing mauti gid, nga yara sa ibabaw niya, nga pagatabiran niya, manginsa amo gid nga buhat, nga nagagikan sa iya, nga bulawan, nga purpura, nga eskarlata, nga karmesi kag lino nga manipis nga binolong.

9 Kag magakuha ka sing duha ka batô nga oniks, kag pagaitigib mo sa ibabaw nila ang mga ngalan sang mga anak ni Israel:

10 Ang anum sang ila mga ngalan didto sa isa ka batô, kag ang anum ka ngalan nga nabilin sa isa pa ka batô, sono sa ila pagkatawo.

11 Sa buhat sang manugtigib sa batô, sa kaangay sang mga tinigib sa tumbok, pagapatigban mo yadtong duha ka batô, sono sa mga ngalan sang mga anak ni Israel: pagaiapatampok mo sila sa mga kamoy nga bulawan.

12 Kag pagabutang mo yadtong duha ka batô sa ibabaw sang mga hombrera

sang epod, subung nga mga batô sa handumanan sa mga anak ni Israel, agud nga pagdalon ni Aaron ang mga ngalan nila sa atubangan ni Iehoba, sa ibabaw sang iya duha ka abaga nga handumanan.

13 Busa, magahimo ka sing mga kamoy nga bulawan.

14 Kag magahimo ka sing duha ka tinalikala nga ulay nga bulawan; pagahimoon mo sila nga mga linubid, sa buhat nga tinolo, kag pagailubung mo ang mga tinalikala nga linubid sa mga kamoy.

15 Kag magahimo ka sang hapin sa dughan sa paghukom sa buhat nga mauti gid; pagahimoon mo ini sa amo gid nga buhat sang epod: pagahimoon mo ini sa bulawan, sa purpura, sa eskarlata, sa karmesi kag lino nga manipis nga tinolo.

16 Manginkasilo sia, kag pinilo, manginisa ka dangaw ang iya kalabaon, kag manginisa ka dangaw ang iya kasangkaron.

17 Kag pagatampokan mo ini sa mga kamoy sing mga batô, sa apat ka obay nga mga batô: ang isa ka obay: ang rubi, ang topasio, kag ang karbunklo; ini manginnahauna nga obay;

18 Ang obay nga ikaduha: isa ka esmeralda, isa ka sapiro kag isa ka sardonika;

19 Ang obay nga ikatlo: isa ka hasinto, isa ka agata kag isa ka ametista;

20 Ang obay nga ikapat: isa ka berilo isa ka oniks kag isa ka haspe. Pagaitampok sila sa bulawan sa ila mga kamoy.

21 Kag ang mga batô mangisano sa mga ngalan sang mga anak ni Israel; napûlô kag duha, sono sang mga ngalan nila; nga may mga tinigban subung sang tumbok, ang tagsatagsa sono sa iya ngalan, nga nahanungud sa napûlô kag duha ka kabikahan.

22 Magahimo man ikaw sa hapin sa dughan sing mga tinalikala nga mga linubid sa buhat nga tinolo sa bulawan nga ulay.

23 Kag magahimo ka sa ibabaw sang hapin sa dughan sing duha ka singsing nga bulawan, kag pagaibutang mo ang duha ka singsing sa duha ka ukbong sang hapin sa dughan;

24 Kag pagaisulûd mo ang duha ka tinalikala nga bulawan nga tinolo sa



duha ka singsing, sa mġa ukbong sang hapin sa dughan.

25 Kag pagaisulud mo ang duha pa ka ukbong sang duha ka tinolo sa ibabaw sang duha ka mġa kamoy, kag pagabutang mo sila sa mġa hombrera sang epod, nayon sa atubangan.

26 Kag magahimo ka sing duha pa ka singsing nġa bulawan, kag pagabutang mo sila sa duha ka ukbong sang hapin sa dughan, sa sidsid nġa yara sa atubang sang epod nayon sa sulud.

27 Kag magahimo ka man sing duha ka singsing nġa bulawan, kag pagabutang mo sila sa ibabaw sang duha ka hombrera sang epod, nayon sa idalum sa bahin nġa sa atubangan nila, malapit sa ila alangtan, sa ibabaw sang lubid nġa linubid sing mauti gid sang epod.

28 Kag a ghapin sa dughan pagaihigot tungud sa iya mġa singsing, sa mġa singsing sang epod, sa isa ka lubid nġa purpura, agud nġa didto sia sa ibabaw sang lubid nġa linubid sing mauti gid sang epod, kag nġa indi magbulag ang hapin sa dughan sa epod.

29 Sa sini pagadalhon ni Aaron ang mġa nġalan sang mġa anak ni Israel sa hapin sa dughan sa paghukom, sa ibabaw sang iya tagiposoon, sa gihapon nġa magasulud sia sa balaan nġa Puluyan, subung nġa handumanan sa atubangan ni Iehoba sa gihapon.

30 Kag pagabutang mo sa sulud sang hapin sa dughan sa paghukom ang Urim kag ang Tumim,\* kag didto sila sa ibabaw sang tagiposoon ni Aaron, kon magasulud sia sa atubangan ni Iehoba; kag pagadalhon ni Aaron ang hapin sa dughan sa paghukom sa mġa inanak ni Israel sa ibabaw sang iya tagiposoon sa atubangan ni Iehoba sa gihapon.

31 Kag magahimo ka sang malaba laba nġa bayô sang epod nġa bug-os purpura.

32 Kag may isa ka liong nġa sa olo sa tungâ niya, kag ang liong may isa ka bibig sa palibot niya nġa buhat sang manughabol, kaangay sang liong sang limbutong nġa hinimbis, agud nġa indi magisi.

33 Kag magahimo ka sa sidsid sing mġa granada nġa purpura, nġa eskarlata kag nġa karmesi sa iya mġa sidsid sa

palibot, kag sa tungâ nila sing mġa kampanilya nġa bulawan, sa palibot:

34 Isa ka kampanilya nġa bulawan kag isa ka granada, isa pa kampanilya nġa bulawan kag isa pa ka granda sa sidsid nġa naidalum sang bayô nġa malabalaba, sa palibot.

35 Kag pagasukluban sini si Aaron sa pagpanghikot, kag mabatian ang halungkagay, kon magsulud sia sa sulud sang balaan nġa Puluy-an sa atubangan ni Iehoba, kag kon maggawa sia, agud nġa indi sia mamatay.

36 Kag magahimo ka sing isa ka diadema nġa bulawan nġa ulay, kag pagaisulat mo sa iya, subung sang mġa tinigban sang itulumbok: Pagkabalaan kay Iehoba.

37 Kag pagabutang mo sia sa isa ka haloghog nġa purpura, kag didto sia sa ibabaw sang turbante; didto sia sa atubangan sang turbante.

38 Didto sia sa ibabaw sang agtang ni Aaron, kag si Aaron magadalâ sang kalautan sang mġa butang nġa balaan, nġa pagpakabalaanon sang mġa inanak ni Israel, sa tanan nila nġa mġa halad nġa balaan; kag didto sia sa ibabaw sang iya agtang sa gihapon, agud manginkalahamut-an sila sa atubangan ni Iehoba.

39 Kag magapuna ka sang bayô nġa pinuna nġa malaba gid nġa kinasilo nġa lino nġa manipis; magahimo ka man sang turbante nġa lino nġa manipis, kag pagahimoon mo ang wagkus sa buhat sang manugborda.

40 Kag nġa sa mġa anak ni Aaron magahimo ka sing mġa bayô nġa pinuna; pagahimoan mo man sila sing mġa wagkus; kag magahimo ka nġa sa ila sing mġa goro, nġa sa himaya kag nġa sa puni.

41 Kag pagaiapasuklub mo ining tanan nġa mġa butang kay Aaron nġa imotud kag sa iya mġa anak; kag pagahidhiran mo sila, kag pagapun-on mo ang ila mġa kamut, kag pagapakabalaanon mo sila, agud nġa maghilikot sila sang pagkasaserdote sa atubangan nakon.

42 Kag magahimo ka man nġa sa ila sing mġa sarowal nġa lino sa pagtabon sang *ila* kahubo; kag magalalambut sila kutub sa mġa hawak tubtub sa mġa balikawang.

43 Kag pagadalhon sila ni Aaron kag.

\* *Urim* kag *Tumim*, mġa kapawa kag mġa kahimpitan.

sang iya mga anak sa gihapon nga magasulúd sila sa Layanglayang sang pakigkitaan, kag kon magkadto sila sa halaran nga sa paghikot sa balaan nga Puluy-an, agud nga indi nila pagdalhon ang kalautan kag indi sila magkalamatay: manginpalatukuran nga dayon ini nga sa iya kag nga sa iya kaliwatan sa olehe niya.

Ang pagpakabalaan sa mga saserdote.

**29** KAG ini among pagahimoon mo sa ila sa pagpakabalaan sa ila, agud nga maghilikot sila sang pakasaserdote sa atubangan nakon: Magkuha ka sing isa ka tinday sang kabakahan kag duha ka karnero nga mga himpit,

2 Kag mga tinapay nga walay tapay kag mga torta nga walay tapay, nga nasamoan sing lana, kag mga manipis nga tinapay nga walay tapay, nga napanghibo sing lana; sa malum-ok nga harina sang trigo pagahimoon mo sila.

3 Kag pagaibutang mo sila sa isa ka tabigtabig, kag sa tabigtabig pagaihalad mo sila upud sang tinday sang baka kag sang duha ka karnero.

4 Kag pagapapalapiton mo si Aaron kag ang iya mga anak sa salamputan sang Layanglayang sang pakigkitaan, kag pagahunawan mo sila sang tubig.

5 Kag magakuha ka sang mga panapton, kag pagapapanaputan mo si Aaron sang bayô nga malaba, sang bayo nga malabalaba sang epod, kag sang epod, kag sang hapin sa dughan, kag pagawagkusan mo sia sang lubid nga linubid sang mauti gid sang epod.

6 Kag pagaibutang mo ang turbante sa ibabaw sang iya olo, kag pagaipahamtang mo ang purungpurung nga balaan sa ibabaw sang turbante.

7 Niyan magakuha ka sang lana nga ihalapas kag pagaibo-bo mo ini sa ibabaw sang iya olo, kag pagahisoan mo sia.

8 Sa gilayon pagapapalapiton mo ang iya mga anak nga lalaki, kag pagaipapanaput mo sa ila ang mga malaba nga mga bayô.

9 Kag pagawagkusan mo sila sang mga wagkus, si Aaron kag ang iya mga anak, kag pagaipanghigot mo ang mga goro sa olo; kag ang pagkasaserdote manginila tulumanon sa gihapon, kag pagaipapahanungud mo si Aaron kag ang iya mga anak.

10 Niyan pagapalapiton mo ang tinday sang baka sa Layanglayang sang pakigkitaan, kag si Aaron kag ang iya mga anak magabulutang sang mga kamut sa ibabaw sang olo sang tinday sang baka.

11 Kag pagapugutan ang tinday sang baka sa atubangan ni Iehoba, sa gawang sang Layanglayang sang pakigkitaan.

12 Kag magakuha ka sa dugo sang tinday sang baka kag pagaihamlit mo sia sang imo tudlo sa ibabaw sang mga sungay sang halaran, kag ang iban nga tanan nga dugo pagaiula mo sa talapakan sang halaran.

13 Kag pagakuhaon mo ang tanan nga sapay nga nagaputus sang mga kasudlan, ang labutlabut sa atay, ang duha ka tagimulsion kag ang sapay, nga yara sa ibabaw nila, kag pagasunugon mo sila sa ibabaw sang halaran;

14 Apang ang unud sang tinday sang baka, ang iya panit kag ang iya ipot, pagasunugon mo sila sa kalayo sa gowa sang dulugan: halad sia tungud sang salâ.

15 Pagakuhaon mo man ang isa sang mga karnero, kag si Aaron kag ang iya mga anak magabulutang sang mga kamut sa ibabaw sang olo sang karnero.

16 Kag pagapugutan mo ang karnero, kag magakuha ka sa iya dugo kag pagaisablig mo sia sa ibabaw sang halaran, sa palibot.

17 Kag ang karnero pagahiwahiwaon mo, kag sa mahugasan ang iya mga kasudlan kag ang iya mga paa, pagaibutang mo sila sa ibabaw sang iya mga hiniwa kag sa ibabaw sang iya olo.

18 Kag pagasunugon mo ang bug-os nga karnero sa ibabaw sang halaran: halad nga sinunog sia kay Iehoba, baho nga makapahamuut, halad sia nga pina-dabdab kay Iehoba.

19 Kag pagakuhaon mo ang ikaduha ka karnero, kag si Aaron kag ang iya mga anak magabulutang sang ila mga kamut sa ibabaw sang olo sang karnero.

20 Kag pagapugutan mo ang karnero, kag magakuha ka sa iya dugo, kag pagaibutang mo ini sa labit sang dulungan nga too ni Aaron, sa labit sang dulungan nga too sang mga anak ni Aaron, kag sa tudlo nga kumalagko sang ila kamut nga too, kag sa tudlo nga kumalagko sang ila tiil nga too; kag pagaisablig mo ang dugo nga mabilin sa ibabaw sang halaran sa palibot.



21 Kag magakuha ka sang dugo nga yara sa ibabaw sang halaran, kag sang lana nga ihalapas, kag pagaisablig mo ini sa ibabaw ni Aaron, kag sa ibabaw sang iya mga panapton, kag sa ibabaw sang iya mga anak, kag sa ibabaw sang mga panapton sang iya mga anak kaupud niya, kag pagapakabalaanon sia kag ang iya mga panapton, kag ang iya mga anak kag ang mga panapton sang iya mga anak kaupud niya.

22 Kag pagakuhaon mo sa karnero ang sapay, kag ang ikog nga sapayon, kag ang sapay nga nagaputus sang mga kasudlan, ang labutlabut sa atay, ang duha ka tagimuslion, kag ang sapay nga yara sa ibabaw nila, kag ang balikawang nga too, kay karnero sia sang mga pagpahanungud,

23 Kag ang isa ka tinapay, kag ang isa ka torta nga tinapay nga lanahon, kag ang isa ka manipis nga tinapay, sang tabigtatig sang mga tinapay nga walay tapay, nga didto sa atubangan ni Iehoba.

24 Kag pagaibutang mo ang tanan sa ibabaw sang palad sang mga kamut ni Aaron, kag sa ibabaw sang palad sang mga kamut sang iya mga anak; kag pagahabugon mo sila sa halad nga hinabug sa atubangan ni Iehoba.

25 Kag pagakuhaon mo ini sa ila mga kamut kag pagasunugon mo ini sa halaran, sa ibabaw sang halad nga sinunog, subung nga baho nga kalahamut-an sa atubangan ni Iehoba: halad sia nga pinadabdag kay Iehoba.

26 Kag pagakuhaon mo ang dughan sang karnero sang mga pagpahanungud nga nahanungud kay Aaron, kag pagahabugon mo ini sa halad nga hinabug sa atubangan ni Iehoba; kag manginbabin mo sia.

27 Kag pagapakabalaanon mo ang dughan sang halad nga hinabug, kag ang balikawang sang halad nga binayaw, ang hinabug kag ang binayaw sang karnero sang mga pagpahanungud, nga iya ni Aaron kag iya sang iya mga anak.

28 Kag manginiya sila ni Aaron kag sang iya mga anak nga palatukuran nga dayon gikan sa mga inanak ni Israel; kag among halad nga binayaw: kag ang manginhalad nga binayaw gikan sa mga inanak ni Israel nga *kinuha* sa ila mga halad sa paghidaet. Ang ila halad nga binayaw nahanungud kay Iehoba.

29 Kag ang mga panapton nga balaan

nga iya ni Aaron magamanginiya sang iya mga anak sa olehe niya, agud nga paghidhiran sila sa ila, kag agud nga pagpahanungdon sila sa ila.

30 Sa pito ka adlaw pagaipanaput sila sang isa sang iya mga anak, nga manginsaserdote sa salili niya, nga magasulud sa Layanglayang sang pakigkitaan sa pag-alagad sa balaan nga Puluy-an.

31 Pagakuhaon mo ang karnero sang mga pagpahanungud, kag pagalutoon mo ang iya unud sa isa ka duug nga balaan;

32 Kag si Aaron kag ang iya mga anak magakalaon sang unud sang karnero kag sang tinapay nga didto sa tabig, sa salamputan sang Layanglayang sang pakigkitaan.

33 Magakalaon sila sadtong mga butang, nga tungud sa ila ginhimo ang katumbasan sa pagpahanungud sa ila, sa pagpakabalaan sa ila. Apang walay sin-o nga dumuluong nga makakaon sa ila, kay butang sila nga balaan.

34 Kag kon may mabilin sang unud sang pagpahanungud, kag sang tinapay, tubtub sa aga, pagasunugon mo sa kala-yo ang mabilin; indi pagakaonon ini, kay balaan sia.

35 Busa, sa sini nga bagay pagahimon mo kay Aaron kag sa iya mga anak, sono sang tanan nga ginsogo ko sa imo: sa pito ka adlaw pagaipapahanungud mo sila.

36 Kag magahalad ka sa adlawadlaw sing isa ka tinday sang baka subung nga halad tungud sang sala, nga sa mga katumbasan: pagatinloan mo sang sala ang halaran sa paghimo sang katumbasan tungud sa iya, kag pagahidhiran mo ini nga sa pagpakabalaan sa iya.

37 Sa pito ka adlaw magahimo ka sang katumbasan tungud sang halaran, kag pagapakabalaanon mo ini, kag manginisa ka halaran sia nga labing balaan: bisan ano nga butang nga makasagaid sa halaran, manginbalaan sia.

Ang sa gihapon nga halad nga sinunog.

38 Yari karon ini among pagaihalad mo sa ibabaw sang halaran: duha ka kordero sa isa ka tuig, sa adlawadlaw, sa walay langan.

39 Pagaihalad mo ang isa ka kordero sa aga, kag ang isa ka kordero pagaiha-

lad mo sa tunĝa sang duha ka kahaponon.

40 Kag upud sang isa ka kordero ang ikapúlô ka bahin *sang isa ka epa* nga malum-ok nga harina, nga nasamo sa ikap-at ka bahin sang isa ka hin nga lana nga linabugay; kag nga sa halad nga ilimnon, ang ikap-at ka bahin sang isa ka hin nga alak.

41 Kag pagaihalad mo ang isa ka kordero sa tunĝa sang duha ka kahaponon, kag pagahimoon mo sa iya sono sa halad nga kalan-on sang aga kag sono sa iya halad nga ilimnon, subung nga baho nga kalahamut-an, halad nga pinadabdab kay Iehoba.

42 Ini manginhalad nga sinunog sa gihapon sa inyo mga kaliwatan sa salamputan sang Layanglayang *sang* pakigkitaan sa atubangan ni Iehoba, nga didto magapakigkita ako sa inyo, sa paghambal sa imo.

43 Kag didto magapakigkita ako sa mga inanak ni Israel, kag pagapakabalaanon sia sang akon himaya.

44 Kag pagapakabalaanon ko ang Layanglayang sang pakigkitaan kag ang halaran, kag pagapakabalaanon ko man si Aaron kag ang iya mga anak, agud nga maghilikot sila sang pagkasaserdote sa atubangan nakon.

45 Kag magapuyô ako sa tunĝa sang mga inanak ni Ierael, kag manginila ako Dios.

46 Kag pagakilalahon nila, nga ako amo si Iehoba nga ila Dios, nga nagpagowa sa ila sa duta sa Egipto, sa pagpuyô sa tunĝa nila : ako si Iehoba nga ila Dios.

Ang halaran sang mga pahamut.

**30** MAGAHIMO ka man sing isa ka halaran nga sa pagsunog sang insienso; sa kahoy nga akasia pagahimoon mo ini.

2 Ang iya kalabaon, isa ka maniko kag manginisa ka maniko ang iya kasangkaron : manginkasilo sia; kag duha ka maniko ang iya kataason. Ang iya mga sungay manginbilog sa iya.

3 Kag pagahalupan mo ini sang bulawan nga ulay, ang iya kadaygan sabung man ang iya mga kilid, sa palibot, kag ang iya mga sungay; kag pagahimoan mo sia sing isa ka purungpurung nga bulawan sa palibot.

4 Kag pagahimoan mo sia sing duha ka singsing nga bulawan sa idalum sang iya purungpurung; pagahimoon mo sila sa iya duha ka pamusud, sa iya duha ka kilid, nga pagaisuuk sa ila ang mga yayongan sa pagdalá sini upud sa ila.

5 Kag pagahimoon mo ang mga yayongan nga kahoy nga akasia, kag pagahalupan mo sila sing bulawan.

6 Kag pagaipahamtang mo sia sa atubangan sang kumbung, nga yara sa atubangan sang kaban sang pagpamatuud, sa atubangan sang pakilooyan nga yara sa ibabaw sang *kaban sang* pagpamatuud, nga didto magapakigkita ako sa imo.

7 Kag si Aaron magasunog sa ibabaw niya sing insiesio nga mahamut, sa tanan nga aga; kon mahanda niya ang mga lamprahan, pagasunugon niya ini.

8 Kag sa pagpadabdab ni Aaron sang mga lamprahan sa tunĝa sang duha ka kahaponon, pagasunogon niya ini; insienso ini sa gihapon sa atubangan ni Iehoba sa inyo mga kaliwatan.

9 Indi kamo maghalalad sa ibabaw niya sing insienso nga dumuluong, bisan halad nga sinunog, bisan halad nga kalan-on; bisan magula kamo sang halad nga ilimnon sa ibabaw niya.

10 Kag si Aaron magahimo sang katumbasan sa ibabaw sang mga sungay *sini nga halaran* sa makaisa ang tuig; pagahimoan niya ang katumbasan sa ibabaw niya sa makaisa ang tuig, sa inyo mga kaliwatan upud sang dugo sang halad tungud sang salâ nga sa katumbasan. Among butang nga balaan gid kay Iehoba."

Ang tunĝa sa siklo nga gawad.

11 Naghambal si Iehoba kay Moises, nga nagasiling :

12 "Kon maghimo ka sing isipan sang kadamuon sang mga inanak ni Israel, sono sa naisipan nila, ang tagsatagsa magabayad sang gawad sang iya kabuhi kay Iehoba, kon pagisipon mo sila, agud nga walâ sa ila sing kamatay, sa pagisip sa ila.

13 Kag yari karon ang pagabayaran sang bisan sin-o nga masakup sa pagisip : ang katungâ sang siklo (sono sa siklo sang balaan nga Puluy-an, sa duha ka pulo ka geras ang siklo), ang katungâ sang siklo subung nga halad kay Iehoba.



14 Bisan sin-o nga masakup sa pagisip, sa duha ka púlò ka tuig pa ibabaw, magahatag sang halad kay Iehoba.

15 Ang mangaran indi magdugang, bisan ang imol magabuhin sa tungâ sa siklo, kon maghatag sila sang halad kay Iehoba, sa paghimo sang katumbasan tungud sang ila mga kabuhi.

16 Kag pagabatunon mo ang kuarta sang mga gawad sa mga inanak ni Israel, kag pagaihatag mo ini nga sa pag-alagdan sang Layanglayang sang pakigkitaan, kag manginhandumanan ini sa mga inanak ni Israel sa atubangan ni Iehoba, nga sa paghimo sang katambasan tungud sang inyo mga kabuhi."

Ang batiya nga tumbaga.

17 Kag naghambal si Iehoba kay Moises, nga nagasiling:

18 "Magahimo ka man sing isa ka batiya nga tumbaga, nga ang iya tulungtungan mangintumbaga, nga palanghunawan; kag pagaibutang mo sia, sa tungâ sang Layanglayang sang pakigkitaan kag sang halaran; kag magabutang ka sa iya sing tubig,

19 Agud nga sa iya magpalanghunaw si Aaron kag ang iya mga anak, sang ila mga kamut kag sang ila mga tiil.

20 Sa gihapon nga magsululud sila sa Layanglayang sang pakigkitaan, magapalanghunaw sila sang tubig, agud nga indi sila magkalamatay: kag sa gihapon nga magpalalapit sila sa halaran nga sa pagpanghikot, sa pagsunog sing halad nga pinadabdab kay Iehoba.

21 Magapalanghunaw sila sang mga kamut kag sang mga tiil, agud indi sila magkalamatay; kag manginpalatukuran nila ini nga dayon sa kay Aaron kag sa iya kaliwat sa ila mga kaliwatan."

Ang balaan nga lana kag ang pahamut.

22 Kag naghambal si Iehoba kay Moises, nga nagasiling:

23 "Kag magakuha ka sang mga panakot nga labing pinalabi: sang mira nga tinagok, lima ka gatus ka *siklo*, kag sang kanela nga mahamut, ang katungâ sini, duha ka gatus kag kalim-an, kag sang kalamo nga mahamut, duha ka gatus kag kalim-an,

24 Kag sang kasia, lima ka gatus, sono sang siklo sang balaan nga Puluy-an, kag sang lana sang mga oliba, isa ka hin:

25 Kag pagahimoon mo sa sining mga butang ang lana sang balaan nga inug-hilidhid, ihalaplas nga mahamut nga gintugi sang manugpahamut: manginlana sia sang balaan nga ihilidhid.

26 Kag pagahidhiran mo sa iya ang Layanglayang sang pakigkitaan, kag ang kaban sang pagpamatund,

27 Kag ang latok patí ang tanan niya nga mga gamit, kag ang sadngan patí ang tanan niya nga mga gamit, kag ang halaran sang insienso,

28 Kag ang halaran sang halad nga sinunog patí sang tanan niya nga mga gamit, kag ang batiya patí ang iya tulungtungan.

29 Pagapakabalaanon mo sila, kag mangin mga butang sila nga labing balaan: ang tanan nga makasag-id sa ila, manginbalaan sia.

30 Pagahidhiran mo man si Aaron kag ang iya mga anak, kag pagapakabalaanon mo sila, agud nga maghikot sila sang pagkasaserdote sa atubangan nakon.

31 Kag magahambal ka sa mga inanak ni Israel, nga nagasiling: Ini magamanginakon lana sang balaan nga ihilidhid, sa inyo mga kaliwatan.

32 Sa ibabaw sang unud sang tawo indi sia pagaibo-bo, bisan maghilimo kamo sing isa nga kaangay, sono sang mga *timbang* sang iya panakot: balaan sia, pagakabigon ninyo nga balaan ini.

33 Bisan sino nga magpadugi sang ihalaplas nga kaangay sini, kag nga magbutang sini sa ibabaw sang isa ka dumuluong, pagautdon sia sa tunga sang iya mga banwa."

34 Nagsiling pa si Iehoba kay Moises: "Kuha-ka sang mga panakot nga mahamut: ang stakte, onike kag galbano, mga panakot nga mahamut, nga may insienso nga ulay: sa tanan sa alangay nga timbang;

35 Kag magahimo ka sa sini sang insienso nga mahamut, sono sang padugi sang manugpahamut, nga maasin, ulay kag balaan,

36 Kag pagagalingon mo ang isa ka bahin niya sing bukbuk gid kag pagaibutang mo sia sa atubangan sang pagpamatuud, sa sulud sang Layanglayang sang pakigkitaan, nga didto magapakigkita ako sa imo: maginbutang sia nga labing balaan sa inyo.

37 Kag nahanungud sang insienso nga

pagahimoon mo, indi kamo maghilimo sing iban sa amo man nga mga timbang nga sa imo : manginbutang nga balaan ini nga sa imo kay Iehoba.

38 Bisan sin-o nga maghimo sang isa nga kaangay, sa pagsinghot sa iya, pagautdon sia sa tunga sang iya mga banwa."

*Tinudlo nga mga buluhaton.*

**31** KAG naghambal si Iehoba kay Moises, nga nagasiling :

2 "Tuluka, nga gintawag ko sa iya ngalan si Besalel, anak ni Uri, anak ni Hur sa kabikahan ni Iuda ;

3 Kag ginpunô ko sia sang Espiritu sang Dios, sa kaalam, sa ihibalo, sa kinadman kag sa tanan nga buluhaton sa pudugi ;

4 Nga sa pagtugi sing mga huwaran, sa pagbuhat sa bulawan, sa pilak kag sa tumbaga ;

5 Kag nga sa pagtigib sing mga batô nga talampukan, kag nga sa pagtigib sing mga kahoy, kag nga sa pagbuhat sang bisan ano nga mga buluhaton.

6 Kag yari karon, ginbutang ko upud sa iya si Oholiab, anak ni Ahisamak, sa kaliwatan ni Dan : kag ginbutangan ko sing kaalam sa tagiposoon sang tanan nga manginalamon sa tagiposoon, agud nga maghimo sila sang tanan nga ginso go ko sa imo,

7 *Nga amo* : ang Layanglayang sang pakigkitaan, ang kaban sang pagpamatuud, ang pakilooyan nga didto sa ibabaw niya, kag ang tanan nga mga gamit sang Layanglayang :

8 Ang latok pati ang iya mga gamit, kag ang sadngan nga bus-ug kag ang tanan niya nga mga gamit, kag ang halaran sang insienso,

9 Kag ang halaran sang halad nga sinunog pati ang tanan niya nga mga gamit, kag ang batiya kag ang iya tulungtungan,

10 Kag ang mga panapton sang pag-alagdan, kag ang mga balaan nga panapton nga kay Aaron nga saserdote, kag ang mga panapton sang iya mga anak, agud nga magpanghikot sila sang pagkasaserdote,

11 Kag ang lana nga ihilidhid, ang insienso nga mahamut nga sa balaan nga Puluy-an ; pagahimoon nila sono sang ginsogo ko sa imo."

*Ang handumanan sang Sabado.*

12 Naghambal man si Iehoba kay Moises, nga nagasiling :

13 "Kag ikaw magahambal sa mga inanak ni Israel, nga nagasiling : Sa walay balibad pagabantayan ninyo ang akon mga sabado : kay tandaan ini sa tunga naton sa inyo mga kaliwatan, agud nga mahibaloan ninyo, nga ako amo si Iehoba nga nagpakabalaan sa inyo.

14 Busa, pagabantayan ninyo ang sabado, kay balaan sia sa inyo : ang magpasipala sini, sa pagkamatuud, pagapatyon sia ; kay bisan sin-o nga magpadibalaan sa iya, yadto nga kalag pagautdon sa tunga sang iya mga banwa.

15 Sa anum ka adlaw pagahimoon ang buluhaton, apang ang adlaw nga ikapito among sabado, nga balaan nga pagpahuway kay Iehoba ; bisan sin-o nga magpangabudlay sa adlaw sang sabado, mamatay, sa pagkamatuud.

16 Ngani pagabantayan sang mga inanak ni Israel ang sabado, nga pagatumanon ini, sa ila nga kaliwatan sa katipan nga dayon :

17 Mangintandaan ini sa gihapon sa tunga nakon kag sang mga inanak ni Israel ; kay sa anum ka adlaw ginhimo ni Iehoba ang kalangitan kag ang duta, kag sa ikapito ka adlaw naguntat kag nagpahuway sia."

18 Kag sa pagkatapus sa paghambal sa iya sa bukid sa Sinai, ginhatag niya kay Moises ang duha ka tapi sang pagpamatuud, mga tapi nga batô nga napanulatan sang tudlo sang Dios.

*Ang pagsimba sa bulawan nga tinday sang baka.*

**32** APANG sang nakita sang banwa nga si Moises nagadugay sa pagdulhog sa bukid, nagtipon ang banwa sa palibot ni Aaron kag nagsiling sa iya : "Tindug-ka, buhati kami sing isa ka dios, nga maguna sa amon, kay sa sini nga si Moises, yadtong lalaki nga nagkuha sa amon sa duta sang Egipto, walâ kami makahibalo kon ano ang nahanabu sa iya."

2 Kag si Aaron nagsiling sa ila : "Palusa-ninyo ang mga aritos, nga yara sa mga dulungan sang inyo mga asawa, kag sa inyo mga anak nga lalaki, kag sa inyo mga anak nga babae, kag dalhaninyo sila sa akon.



3 Busa, ang bug-os nga banwa nagpalus sang mga aritos nga bulawan, nga yara sa ila mga dulungan, kag gindala nila sila kay Aaron.

4 Kag sang binaton niya sila sa mga kamut nila, ginhuman sila niya sa isa ka sinsil, kag ginhimo niya sa ila ang isa ka tinday sang baka nga tinunaw. Niyan nagsililing sila: "¡Israel, ini sia amo ang imo dios, nga nagpagowa sa imo sa duta sang Egipto!"

5 Kag sang nakita ini ni Aaron, nagpatindug sia sing isa ka halaran sa atubangan sang tinday sang baka; kag nagsingit si Aaron kag nagsiling: "Buas manginpiesta ni Iehoba."

6 Kag sang madason nga adlaw nagbulugtaw, kag naghalalad sila sing mga halad nga sinunog, kag nagdala sila sing mga halad nga sa paghidaet; kag naglingkod ang banwa sa pagkaon kag sa paginum, kag nagtilindug sila sa paghilinampang.

7 Niyan si Iehoba nagsiling kay Moises: "Lakat-ka; panaug-ka, kay ang imo banwa nga ginpataklad mo sa duta sang Egipto, nadunut."

8 Sa madali nagpalayô sila sa dalan, nga ikon ginsogo sa ila, kag nagbuluhut sila sing isa ka tinday sang baka nga tinunaw, kag ginsilimba nila sia, kag naghalalad sila sa iya, kag nagsililing: Israel, ¡ini siya amo ang imo dios, nga nagpagowa sa imo sa duta sang Egipto!"

9 Si Iehoba nagsiling man kay Moises: "Napanilagan ko ini nga banwa, nga sa pagkamatud, amo ang banwa nga matig-a sing tingkoy."

10 Ngani karon, pabaya-i ako, nga magdabdab ang ikon kasingkal sa ila, kag pagaupuron ko sila; kag sa imo pagahimoon ko ang isa ka daku nga katawohan."

11 Niyan si Moises nangayô kay Iehoba nga iya Dios, nga nagsiling: "Oh, Iehoba, ¡kay nga bala magadabdab ang imo kasingkal sa imo banwa, nga ginpagowa mo sa duta sang Egipto sa daku nga kabakud kag sa makusug nga kamut?"

12 ¡Kay nga bala magahilinambal ang mga Egiptohanon, nga nagsililing: Sa kalainan kinuha mo sila sa pagpatay sa ila sa mga kabukiran, kag sa pagpanas sa ila sa ibabaw sang nawung sang duta? Balik-ka sang kasingkal

sang imo kaakig, kag pangalisud-ka bangud sang kalainan sang imo banwa.

13 Panumduma si Abraham, si Isaak kag si Israel, nga imo mga alagad, nga sa ila nagsumpa ka sa imo gid, kag nagsiling ka sa ila: Pagapadamuon ko ang inyo kaliwatan subung sang mga bitoon sang langit; kag pagaihatag ko sa inyo kaliwatan ining bug-os nga duta, nga ikon ginsiling, kag pagapanublion nila sia sa gihapon."

14 Kag si Iehoba nagpangalisud sa kalainan nga iya ginsiling, nga iya pagahimoon sa iya banwa.

15 Kag si Moises nagbalik, kag nagdulhog sa bukid, nga nagadalá sa iya kamut sang duha ka tapi sang pagpamatud; ang mga tapi nga napanulatan sa iya duha ka kilid; sa isa ka kilid kag sa isa napanulatan sila.

16 Kag ang mga tapi amo ang binuhatan sang Dios, kag ang sinulat amo ang sinulat sang Dios, nga natigib sa ibabaw sang mga tapi.

17 Kag sang pagkabati ni Iosue sang kinagahud sang banwa, nga nagasingit, nagsiling sia kay Moises: "Kinagahud sa paginaway yara sa dulugan."

18 Kag sia nagsabat: "Indi amo ang kinagahud sang mga mandadaug, bisan kinagahud sang mga daug: kinagahud sang mga nagaalambahan ginapamhatian ko."

19 Kag sang pag-abut niya sa dulugan, nakita niya ang tinday sang baka kag ang mga sinaut, kag nagdabdab ang kaakig ni Moises, kag pinilák niya ang mga tapi sa iya mga kamut kag binoong niya sila sa kunsaran sang bukid.

20 Kag kinuha niya ang tinday sang baka, nga ila ginbuhat, kag ginsunog niya sia sa kalayo, kag ginaling niya sia tubtub nga nagyab-ok gid; kag sinabwag niya sia sa ibabaw sang mga tubig, kag ginpainum niya ini sa mga inanak ni Israel.

21 Kag nagsiling si Moises kay Aaron: "¡Ano bala ang ginhimo sa imo sini nga banwa, nga ginpaholog mo sa ibabaw niya ang tama ka duku nga sala?"

22 Kag nagsabat si Aaron: "Dili magdabdab ang kaakig sang ikon ginoo; ikaw nakakilala sang banwa, nga nabuyok sia sa kalaut."

23 Sila nagsilling sa ikon: buhati kami sing isa ka dios, nga magau-

na sa amon, kay sa sini nga si Moises, yadtong lalaki nga nagpagowa sa amon sa duta sang Egipto, walâ kami makahibalo kon ano ang nahanabu sa iya.

24 Kag ako nagsabat sa ila: Sin-o ang may bulawan, huksa-ninyo sia. Kag ginhatag nila sa akon sia, kag binutang ko sia sa kalayo, kag naggowa ining tinday sang baka."

25 Kag nakita ni Moises, nga ang banwa nabuhian; kay ginbuhian sila ni Aaron, sa bagay nga nanginhampanganan sila sa ila mga kasumpung.

26 Kag nagtindug si Moises sa gawang sang dulugan, kag nagsiling sia: "Kari-kamo sa akon, kon sanday sin-o ang iya ni Iehoba," kag nagtilipon upud sa iya ang tanan nga mga anak ni Lebi.

27 Kag sia nagsiling sa ila: "Ini ginsiling ni Iehoba, ang Dios ni Israel: Magtaklus ang tagsatagsa sang iya hinganiban kag agi-kamo, kag balik-kamo sa gawang kag gawang sa dulugan, kag patya-ninyo ang tagsatagsa sa iya útud, kag sa iya abyan, kag sa iya himata."

28 Kag ginhimo ini sang mga anak ni Lebi, sono sang ginsiling ni Moises, kag nagkalaholog sa banwa sa sadtong adlaw sing mga tatlo ka libo ka tawo.

29 Kag si Moises nagsiling: "Magpanugyan-kamo karon kay Iehoba, bisan pa ang tagsatagsa sa iya kaugalingon ang anak, kon sa iya útud, agud nga sia maghatag karon sang iya pagpakamaayo sa inyo."

Si Moises nagapatunga tungud sang banwa.

30 Kag nahanabu sang adlaw nga masunod, nga nagsiling si Moises sa banwa: "Kamo nakabuhat sing isa ka daku nga salâ; apang karon magataklad ako sa kay Iehoba; ayhan madangat ko ang katumbasan tungud sang inyo salâ."

31 Niyan si Moises nagbalik kay Iehoba kag nagsiling: "¡ Abaw! Ini nga banwa nakabuhat sing isa ka daku nga salâ, sang pugbuhat niya sa iya sing isa ka dios nga bulawan.

32 Kag karon, kon patawaron mo ang iya salâ.....; apang kon indi, panasa ako, ginaampo ko sa imo, sa imo tolon-an, nga ginsulat mo."

33 Apang si Iehoba nagsabat kay Moises: "Ang makasalâ batok sa akon, ini sia pagapanason ko sa akon tolon-an.

34 Busa, lakat-ka karon, dalha ini nga banwa sa diin nga akon ginsiling sa imo. Yari karon ang akon manugtunda magaina sa imo; apang sa adlaw sang akon pagduaw, pagaduawon ko sa ila ang ila salâ."

35 Ngani pinilas ni Iehoba ang banwa, kay nagbuhat sila sang tinday sang baka, nga ginbuhat ni Aaron.

**33** KAG si Iehoba nasiling kay Moises: "Lakat kag tukad-ka gikan diri, ikaw kag ang banwa nga ginpataklad mo sa Egipto, pa duta nga ginsumpa ko kay Abraham, kay Isak kag kay Iakob, nga nagasiling: Sa imo kaliwatan pagaihatag ko sia.

2 Kag pagaipadala ko sa una nimo ang akon manugtunda, kag pagasobolon ko ang mga Kanaanhon, ang mga Amorinhon, ang mga Hetinhon, ang mga Peresinhon, ang mga Hebinhon kag ang mga Iebusinhon:

3 Duta ini nga nagailig ang gatas kag ang dugus, kay ako indi magataklad sa tungâ nimo, kay banwa ikaw sa tingkoy nga matig-a, basi pa kon pagupuron ko ikaw sa dalanon."

4 Kag sang nabatian sang banwa ining malain nga balita, nagbalakho sila, kag walâ gid sing nagbutung sang ila mga huyas.

5 Kay ginsiling man ni Iehoba kay Moises: "Isiling-mo sa mga inanak ni Israel: Isa kamo ka banwa sang tingkoy nga matig-a; kon sa isa ka tion magtaklad ako sa tungâ nimo, pagaupuron ko kunta ikaw. Busa karon kuhaa ang imo mga huyas sa ibabaw nimo, kag ako makahibalo sang pagahimoon ko sa imo.

6 (Kag ang mga inanak ni Israel nagpanghublas sang ila mga huyas kutub sa bukid nga Horeb.)

7 Kag pagakuhaon ni Moises ang Layanglayang, kag pagaihumlad niya sia nga sa iya sa gowa sang dulugan, nga malayô sa dulugan, kag pagatawgon niya ini nga Layanglayang sang pakigkitaan: kag magakahanabu nga yadtong tanan nga may inugdangup kay Iehoba, magapakadto sa Layanglayang sang pakigkitaan, nga yadto sa gowa sang dulugan.

8 Kag magakahanabu nga, kon si Moises maggowa pa Layanglayang, magatindug ang bug-os nga banaw, kag nga ang tagsatagsa magapatupong sa



gawang sang iya layanglayang, kag pagapaungtan nila si Moises sang m̄ga mata tubtub n̄ga sia makasulūd sa Layanglayang.

9 Kag mahanabu n̄ga, kon magsulūd si Moises sa Layanglayang, magapanaug ang haligi n̄ga panganud, kag didto sia sa gawang sang Layanglayang, sa naga-hambal pa si *Iehoba* kay Moises.

10 Kag pagatan-awon sang bug-os n̄ga banwa ang haligi n̄ga panganud, n̄ga didto sa gawang sang Layanglayang; kag magatindug ang bug-os n̄ga banwa, kag magayaub ang tagsatagsa sa gawang sang iya layanglayang.

11 Kag si *Iehoba* magapakighambal kay Moises sa atubangan, subung sang pagpakighambal sang bisan sin-o sa iya abyan; kag si Moises magapauli sa dulugan, apang ang iya umalagad, si Josue, anak ni Nun, n̄ga isa ka pamatan-on, walā magapalayō sa tun̄ga sang Layanglayang.

12 Kag si Moises nagsiling kay *Iehoba*: “Tan-awa, ikaw nagsiling sa akon: Pataklara ini n̄ga banwa; kag walā mo ako pagpahibaloa kon sin-o yadtong pagaipadalā mo upud sa akon; bisan pa ginsiling mo: Nakilala ko ikaw sa n̄galan, kag ikaw man nakakita sing bugay sa atubangan sang akon m̄ga mata.

13 Busa karon, kon nakakita ako sing bugay sa imo m̄ga mata, ginaampo ko sa imo, n̄ga ipakilala mo sa akon ang imo m̄ga dalanon, kag n̄ga makilala ko ikaw, agud n̄ga makakita ako sing bugay sa imo m̄ga mata; kag talupangda n̄ga ining katawohan among imo banwa.”

14 Kag si *Iehoba* nagsiling: “Ang akon nawung magaupud sa imo kag pagapapahuwayon ko ikaw.”

15 Niyan si *Moises* nagsiling sa iya: “Kon ang imo nawung indi magupud sa amon, ayaw kami pagpataklara gikan diri.

16 ;Kag sa ano bala pagakilalahon ini, n̄ga nakakita ako sing bugay sa imo m̄ga mata, ako kag ang imo banwa, kondi sa imo paglakat upud sa amon, kag n̄ga ako kag ang imo banwa pagpaminon kami sa tanan n̄ga m̄ga banwa, n̄ga yara sa ibabaw sang kadaygan sang duta?”

17 Niyan si *Iehoba* nagsiling kay *Moises*: “Pagahimoon ko man ini, ang imo ginpangayo, kag ikaw nakakita

sing bugay sa akon m̄ga mata, kag nakilala ko ikaw sa n̄galan.”

18 Kag nagsiling si *Moises*: “Ginaampo ko sa imo, n̄ga pagtugutan mo ako pagtan-aw sang imo himaya.”

19 Kag sia nagsiling: “Pagahimoon ko, n̄ga mag-agi ang akon bug-os n̄ga kaayohan sa atubangan sang imo itululuk, kag pagaibantala ko ang n̄galan ni *Iehoba* sa atubangan mo; kag nagahikalooy ako sa ginakalooyan ko, kag nagamahinoklogon ako sa ginakahinoklogon ko.”

20 Kag nagsiling man sia: “Ikaw indi sarang makakita sang akon nawung; kay ang tawo indi sarang makakita sa akon kag magkabuhi.”

21 Kag nagsiling si *Iehoba*: “Yari karon ang isa ka duug sa luyo nakon, kag didto ikaw sa ibabaw sang bató.

22 Kag mahanabu n̄ga, sa nagaagi pa ang akon himaya, pagaibutang ko ikaw sa isa ka yupok sang bató, kag pagatabunan ko ikaw sang akon kamut, tubtub n̄ga ako makaligad;

23 Ugaling pagaipalayō ko ang akon kamut, kag makita mo ang akon m̄ga likod; apang ang akon nawung indi makita.”

Si *Moises* nagabalik sa bukid.—Ang m̄ga bag-ong tapi n̄ga bato.

**34** KAG si *Iehoba* nagsiling kay *Moises*: “Basbas-ka sang duha ka tapi n̄ga bató, subung sang m̄ga nahauna; kag ako magasulat sa ibabaw sadtong m̄ga tapi sang m̄ga polong n̄ga didto sa ibabaw sang m̄ga nahauna n̄ga tapi, n̄ga ginboong mo;

2 Kag maghanda-ka n̄ga sa buas, kag sa aga magatukad ka sa bukid n̄ga Sinai; kag magaatubang ka sa akon didto, sa ibabaw sang putokputokan sang bukid.

3 Apang walay sin-o n̄ga magsaka upud sa imo, bisan makita ang bisan sin-o n̄ga tawo sa bug-os n̄ga bukid; bisan pa maghalalab ang m̄ga obeha kag m̄ga kabakahan sa atubangan sang bukid.”

4 N̄gani, ginbasbasan ni *Moises* ang duha ka tapi subung sang m̄ga nahauna. Kag sang aga pa gid nagbugtaw si *Moises*, kag nagtukad sia sa bukid n̄ga Sinai, subung sang ginsogo ni *Iehoba*, n̄ga nagadalā sa iya kamut sang duha ka tapi, n̄ga bató.

5 Kag si Iehoba nagpanaug sa gal-um, kag didto sia upud sa iya, kag ginbantala niya ang ngalan ni Iehoba.

6 Kag si Iehoba nag-agi sa atubangan niya, kag nagbantala: Iehoba, Iehoba, Dios nga maloloyon kag mahinoklogon, inanay sa kaakig, kag bugana sa kalooy kag sa kamatooran;

7 Nga nagatigana sing kalooy tubtub sa linibo ka kaliwatan, nga nagapatawad sang kalautan, kag sang pagkamalalison, kag sang salâ, kag nga indi magkabig sa malalison nga walay salâ; nga nagaduaw sang kalautan sang nga giniklanan sa ibabaw sang nga anak, kag sa ibabaw sang nga anak sang anak, tubtub sa ikatlo, kag tubtub sa ikapat nga kaliwatan."

8 Niyan nagdalidali si Moises, kag naghapa sa duta, kag nagsimba,

9 Kag nagsiling sia: "Kon ako nakakita sing bugay sa imo nga mata, oh Ginoo, ginaampo ko ini sa imo, nga maglakat ang *akon* Ginoo sa tungâ namon. Hoo, banwa sia sa tingkoy nga matig-a; kag patawara ang amon kalautan kag ang amon salâ, kag batuna kami nga imo panublion."

10 Kag sia, nagsabat: "Yari karon, ginahimo ko ang isa ka katipan: sa atubangan sang bug-os mo nga banwa magahimo ako sing nga kalatingalahan, nga walâ nga mas-a mahimo sila sa bug-os nga duta, bisan sa diin nga nga katawohan; kag makita sang bug-os nga banwa, nga sa tungâ niya yara ka, ang binuhatan ni Iehoba; kay butang nga makahaladluk ang pagahimoon ko bangud sa imo.

11 Busa, andami ang ginasogo ko karon sa imo; yari karon, nga pagasobolon ko sa imo atubangan ang nga Amorinhon, ang nga Kanaanhon, ang nga Hetinhon, ang nga Peresinhon, ang nga Hebinhon kag ang nga Iebusinhon.

12 Andam-ka sa pagpakigkatipan sa nga pumuluyô sang duta sa diin magasulud ka, agud nga sila indi magmanginisa ka siod sa tungâ nimo.

13 Apang pagapanghapayon ninyo ang ila nga-halaran, kag pamoongon ninyo ang ila nga larawan, kag pagapamukanon ninyo ang ila Asherim.\*

\* Mga haligi nga kahoy nga nga larawan sang dios nga babae nga si Asherim, kon Astarte.

14 Kay indi ka magyaub sa atubangan sang bisan ano nga dios, kay si Iehoba ginahingalanan nga Maimon, nga Dios nga maimon sia.

15 *Andam-ka*, basi pa nga magpakigkatipan ka sa nga pumuluyô sa sadtong duta; kay sila nagapakighilawas sa olehe sang ila nga dios, nagahalalad sila sing nga halad sa ila nga dios, kag kon magagda sila sa imo, magakaon ikaw sang ila nga halad;

16 Kag magakuha ka sa ila nga anak nga babae nga sa imo nga anak nga lalaki; kag kon magpakighilawas ang ila nga anak nga babae sa olehe sang ila nga dios, pagahimoon nila nga ang imo nga anak nga lalaki magpalakighilawas man sa olehe sang nga dios nila.

17 Mga dios nga tinunaw indi ka maghimo nga sa imo.

18 Pagabantayan mo ang piesta sang nga tinapay nga walay tapay. Pito ka adlaw magakaon ka sing nga tinapay nga walay tapay, sono sang ginsogo ko sa imo, sa pinat-in nga panag-on sa bulan sa Abib; kay sa bulan sa Abib naggulowa kamo sa Egipto.

19 Ang tanan nga panganay sang ilôy akon sia; kag ang tanan nga kahayupan nga lalaki, nga panganay sang baka kag sang obehâ.

20 Apang ang panganay sang sano pagatubson mo sang isa ka kordero, kag kon indi mo sia pagtubson, pagaboongon mo ang iya tingkoy. Ang tanan nga panganay sang imo nga anak pagatubson mo, kag walay sin-o nga mag-atubang sa akon nga may kamut nga walay sulud.

21 Pagapangabudlay ka sa anum ka adlaw, apang magapahuway ka sa ika-pito; magapahuway ka sa panag-on sang padaro kag sa pag-ani.

22 Pagahimoon mo man ang piesta sang nga semana, ang sa nga nahauna nga bunga sa ani sang trigo, kag ang piesta sang patubas sang katapusan sang tuig.

23 Sa makatlo ang tuig, magaalatubang ang tanan mo nga nga lalaki kay Iehoba, ang Ginoo, nga Dios ni Israel.

24 Kay pagasobolon ko ang nga katawohan sa imo atubangan, kag pagapalaparon ko ang imo kadulunan, kag walay sin-o nga magakaluyagsang imo duta, kon magtaklad ka sa pag-atubang kay



Iehoba, nga imo Dios, sing makatlo ang tuig.

25 Indi mo pagihalad ang dugo sang akon halad nga may tinapay nga may tapay, kag ang halad sang piesta sang Paskua indi pagibilin sa gab-i tubtub sa aga.

26 Ang labing malahalón sang mga nahauna nga bunga sang imo duta pagadalhon mo sa baláy ni Iehoba, nga imo Dios. Indi mo paglutoon ang tinday sang kanding sa gatas sang iya gid nga ilóy."

27 Kag si Iehoba nagsiling kay Moises: "Isulat mo ining mga polong, kay sono sining mga polong naghimo ako sing katipan sa imo kag sa Israel."

28 Kag si Moises didto sia kay Iehoba sing kapatan ka adlaw kag kapatan ka gabi, nga walâ magkaon sing tinapay, bisan mag-inum sing tubig. Kag si Iehoba nagsulat sa ibabaw sang mga tapi sang mga polong sang katipan, ang napulô ka sogo.

29 Kag nahanabu, sang nagpanaug si Moises sa bukid nga Sinai nga may duha sia ka tapi sang pagpamatuod sa iya kamut, sang sia nagadulhog sa bukid, nga walâ sia makahibalo nga ang panit sang iya nawung nagasidlak, bangud kay naghambal sia kay Iehoba.

30 Kag si Aaron kag ang tanan nga mga inanak ni Israel nagtululok kay Moises, kag yari karon, nga ang panit sang iya nawung nagasidlak; nga tungud sini nagakalahadluk sila sa pagpalapit sa iya.

31 Kag gintawag sila ni Moises, kag nagbalalik sa iya si Aaron kag ang tanan nga mga dunganon sang katilingban, kag si Moises naghambal sa ila.

32 Kag sa tapus sini nagpalalapit ang tanan nga mga inanak ni Israel, kag ginsogo niya sa ila ang tanan nga mga butang nga ginsiling sa iya ni Iehoba sa bukid nga Sinai.

33 Kag sang nakatapus si Moises sa paghambal sa ila, nagbutang sia sing isa ka tabon sa ibabaw sang iya nawung.

34 Kag kon si Moises nagasulúd sa atubangan ni Iehoba, sa paghambal sa iya, ginakuha niya ang tabon tubtub nga maggowa sia; kag sa makagowa sia, ginahambal niya sa mga inanak ni Israel ang ginsogo sa iya.

35 Kag ginatan-aw sang mga inanak ni Israel ang nawung ni Moises, nga ang

panit sang iya nawung masidlak; kag si Moises nagbutang liwan sang tabon sa ibabaw sang iya nawung, tubtub nga magsulúd sia sa paghambal sa iya.

Mga halad nga sa Puluy-an.

**35** KAG ginpatipon ni Moises ang bug-os nga katilingban sang mga inanak ni Israel, kag nagsiling sia sa ila: "Ini sila among mga butang, nga ginsogo ni Iehoba, nga paghimoon ninyo.

2 Magapangabudlay kamo sa anum ka adlaw, apang sa ikapito ka adlaw may balaan kamo nga sabado nga pahuway kay Iehoba; yadtong tanan nga maghimo sa iya sing ano nga pangabudlay, pagapatyon sia.

3 Sa inyo tanan nga mga puluy-an sa adlaw sang pahuway indi kamo magdalabok sing kalayo."

4 Kag si Moises naghambal sa bug-os nga katilingban sang mga inanak ni Israel kag nagsiling:

5 "Ini amo ang ginsogo ni Iehoba, nga nagasiling: Kuluha-kamo sa tungâ ninyo sing isa ka halad nga kay Iehoba. Yadtong tanan nga maalwan sing tagiposoon, magadalâ diri sang halad nga kay Iehoba: bulawan, pilak kag tumbaga,

6 Kag purpura, eskarlata, karmesi, lino nga manipis kag mga bulbul sang kanding,

7 Mga panit sang karnero nga linugum sang mapula, mga panit sang tahas, mga kahoy nga akasia,

8 Kag lana nga sa suga, kag mga pahamut nga sa lana sang ihalaplas kag nga sa insienso nga mahamut,

9 Kag mga bató nga oniks, mga bató nga inugtalampok nga sa epod kag nga sa hapin sa dughan.

10 Kag ang tanan nga tawo nga maa-lam sa tagiposoon, nga yara sa tungâ ninyo, magakari, kag sila magahilimo sang tanantanan nga ginsogo ni Iehoba:

11 Sang Puluy-an, sang iya Layanglayang, kag sang iya tabon, sang iya mga ka-wit, sang iya mga tapi, sang iya mga balagbag, sang iya mga haligi kag sang iya mga sadsaran,

12 Sang kaban kag sang iya mga yayongan, sang pakilooyan, sang kumbung, sang lipon,

13 Kag sang latok kag sang iya mga

yayongān, kag sang iya mġa gamit, kag sang tinapay nġa hayag,

14 Sang sadnġan nġa sa suga, kag sang iya mġa gamit, sang iya mġa lamprahan, kag sang lana sa suga,

15 Sang halaran, sang insienso, kag sang iya mġa yayongān, kag sang lana nġa ihalaplas, kag sang insienso nġa mahamut, kag sang tabon sang gawang, nġa sa salamputan san Puluyan,

16 Sang halaran sang halad nġa sinunog kag sang iya ginihaan nġa tumbaga, sang iya mġa yayongān kag sang tanan niya nġa mġa gamit, sang batiya sang iya tulungtungān,

17 Sang mġa kumbung sang patyo, sang iya mġa haligi kag sang iya mġa sadsaran, kag sang tabon sang gawang sang patyo,

18 Sang mġa palpal sang Puluyan, kag sang mġa palpal sang patyo, kag sang iya mġa lubid,

19 Sang mġa panapton sang pag-alagdan nġa sa paghikot sa balaan nġa Puluyan, nġa mġa balaan nġa panapton nġa kay Aaron, nġa saserdote, kag sang mġa panapton sang iya mġa anak nġa sa paghikot sang pagkasaserdote."

20 Niyan ang bug-os nġa katilingban sang mġa inanak ni Israel naghālġn sa atubangan ni Moises.

21 Ang tanan nġa tawo nġa ginatulud sia sang iya tagiposoan, kag yadtong tanan nġa may kaalwan sa iya espiritu, nag-alabut kag nagdalalā sang halad kay Iehoba, nġa sa buluhaton sang Layanglayang sang pakigkitaan kag nġa sa tanan niya nġa pag-alagdan, kag nġa sa tanan nġa mġa balaan nġa panapton.

22 Kag nag-alabut ang mġa lalaki kag ang mġa babae; ang tanantanan nġa may kaalwan sa tagiposoan nagdalalā sila sing mġa sibit, sing mġa singsing sa dulungan, sing mġa singsing sa tudlo, sing mġa gulonggulong, ang tanan mġa huyas nġa bulawan; kag ang tanan nġa tawo nġa nagahabog sing halad nġa hinabag nġa bulawan kay Iehoba,

23 Kag ang tanan nġa tawo nġa may purpura, eskarlata, karmesi, lino nġa manipis, mġa bulbul sang kanding, kag mġa panit sang karnero nġa linugum sang mapula, kag mġa panit sang tahas, gindalā sila nila.

24 Ang tanan nġa makasarang paghatag sing pilak kag tumbaga, nagdalā

sang halad nġa hinabog kay Iehoba, kag ang tanan nġa tawo nġa may mġa kahoy nġa akasia nġa sa tanan nġa buluhaton sang pag-alagdan, nagdalā sa ila.

25 Kag ang tanan man nġa babae nġa manginalamon nagbúlong sa ila mġa kamut, kag nagdalā sang ginbúlong niya nġa purpura, eskarlata, karmesi kag lino nġa manipis.

26 Ang tanan man nġa babae, nġa ginatulud sila sang ila tagiposoan, nagbulúlong sang mġa bulbul sang kanding.

27 Ang mġa dunganon man nagdalalā sing mġa bató nġa oniks, kag mġa bató nġa inugtalampok nġa sa epod kag nġa sa hapin sa dughan,

28 Mġa pahamut kag lana nġa sa suga, kag nġa sa lana nġa ihalaplas, kag nġa sa insienso nġa mahamut.

29 Kag nagdalalā ang mġa inanak ni Israel sing isa ka halad nġa kinabubuton kay Iehoba: ang tanan nġa lalaki kag ang tanan nġa babae, nġa gintulud sang iya tagiposoan, nġa magdalā sing diyot nġa sa tanan nġa buluhaton, nġa ginsogo ni Iehoba nġa paghimoan ni Moises.

30 Kag si Moises nagsiling sa mġa inanak ni Israel: "Tan-awa-ninyo, nġa si Iehoba naghingalan kay Besalel, anak ni Uri, anak ni Hur, sa kabikahan ni Iuda,

31 Kag ginpunô niya sia sang Espiritu sang Dios, sang kaalam, sang ihibalo kag sang kinaadman, nġa sa tanan nġa bagay nġa buluhaton:

32 Sa pagpadugi sing mġa mauti nġa buhat kag sa paghimo sa ila sa bulawan, sa pilak kag sa tumbaga;

33 Kag sa pagbasbas sing mġa bató nġa talampokan, kag sa pagtigib sing mġa kahoy, kag sa paghimo sang tanan nġa buluhaton nġa mauti.

34 Kag ginbutang niya sa iya tagiposoan ang *pagkatakus* sa pagtudlo; subung man kay Oholiab, anak ni Ahisamak, sa kabikahan ni Dan.

35 Ginpunô niya sila sing pagkasampaton sa tagiposoan, sa paghimo sang tanan nġa buluhaton sa pagkamanugtigib, kag sa pagkamanugpadugi, kag sa pagkamanugborda sa purpura, sa eskarlata, sa karmesi kag sa lino nġa manipis, kag sa pagkamanughabol, sa paghimo sang tanan nġa bagay nġa buluhaton kag sa padugi nġa mautihon.



**36** KAG si Besalel kag si Oholiab, kag ang tanan nga mga sampaton sa tagiposoon, nga sa ila ginbutang ni Iehoba ang kaalam kag ang ihibalo sa pagkilala kag sa paghimo, pagahimoon nila ang tanan nga buluhaton nga sa pag-alagdan sang balaan nga Puluy-an, sono sa tanantan nga ginsogo ni Iehoba.

2 Niyan gintawag ni Moises si Besalel kag si Oholiab kag ang tanan nga mga sampaton sa tagiposoon sa sadtong nga sa ila tagiposoon ginbutangan ni Iehoba sing kaalam, sa sadtong tanan nga ang iya tagiposoon nagtulud sa iya nga mag-abut sia sa buluhaton sa paghimo sa iya.

3 Kag ginkuluha nila sa atubangan ni Moises ang tanan nga mga halad, nga gindala sang mga inanak ni Israel nga sa buluhaton sang pag-alagdan sang balaan nga Puluy-an, sa paghimo sa iya. Kag magpaladayon sila sa pagdala sing mga halad nga kinabubut-on sa agaaga.

4 Kag ang tanan nga mga sampaton nga nagahilimo sang tanan nga buluhaton sang balaan nga Puluy-an, nag-alabut sila ang tagsatagsa gikan sa buluhaton nga ginahimo nila.

5 Kag naghilambal sila kay Moises, nga nagasililing: "Ang banwa nagadalá sing labi pa ka damu sang kinahanglan nga sa pag-alagdan sang buluhaton nga ginpahimo ni Iehoba."

6 Kag si Moises nagsogo nga ibantala sa dulugan, nga nagasililing: "Bisan lalaki, bisan babae indi magpangabudlay pa nga sa halad nga hinabog sang balaan nga Puluy-an. Kag ginpungan ang banwa sa pagdala;

7 Kay may tuman na nga mga kasangkapan sa paghimo sang tanan nga buluhaton, kag lakas pa.

8 Kag ang tanan nga mga sampaton sa tagiposoon, nga nagahilimo sang buluhaton, ginhimo nila ang Puluy-an ni Iehoba sa napúlô ka kumbung sa lino nga manipis nga linubid kag sa purpura, kag sa eskarlata, kag sa karmesi; ginhimo nila sila nga *napamutakputakan* sing mga kerubin sa mauti nga pagbuhat.

9 Ang kalabaon sang taga ka kumbung duha ka púlô kag walo ka maniko, kag ang kasangkaron sang taga ka kumbung apat ka maniko; isa gid ka takus ang tanan nga mga kumbung.

10 Gintabid ni *Besalel* ang lima sang mga kumbung ang isa sa isa, kag *ang iban* nga lima ka kumbung gintabid *man* niya sila ang isa sa isa.

11 Kag naghimo sia sing mga dulungan nga purpura sa sidsid sang isa ka kumbung, sa ukbung sang ginatabiran; kag sia naghimo sini man sa sidsid sang isa ka kumbung sa ukbung sang ikaduha nga talabiran.

12 Ginhimo niya ang kalim-an ka dulungan sa isa ka kumbung, kag ginhimo niya ang kalim-an ka dulungan sa ukbung sang ikaduha ka talabiran, nga ang mga dulungan nagakilitaay ang isa sa isa.

13 Naghimo man sia sing kalim-an ka ka-wit nga bulawan, kag gintalabid niya ang mga kumbung ang isa sa isa bangud sang mga ka-wit, kag ang Puluy-an nanginisa lamang.

14 Kag naghimo sia sing mga kumbung nga bulbul sang kanding nga sa Layanglayang, nga ginakayang sa Puluy-an: naghimo sia sing napúlô kag isa sining mga kumbung.

15 Ang kalabaon sang isa ka kumbung katloan ka maniko, kag apát ka maniko ang kasangkaron sang amo nga kumbung: isa gid ka takus nga sa napúlô kag isa ka kumbung.

16 Kag gintabid niya ang lima sang mga kumbung ang isa sa isa, kag ang anum sang mga kumbung ang isa sa isa.

17 Kag naghimo sia sing kalim-an ka dulungan sa sidsid sang kumbung sa ukbung nga ginatabiran, kag naghimo sia sing kalim-an ka dulungan sa sidsid sang kumbung sa ikaduha nga talabiran.

18 Kag naghimo sia sing kalim-an ka ka-wit nga tumbaga sa pagtalabid sang Layanglayang, agud nga manginisa lamang.

19 Kag naghimo sia nga sa Layanglayang sing isa ka tabon nga panit sang karnero nga linugum sang mapula, kag isa ka tabon nga panit sang tahas nga sa ibabaw.

20 Naghimo man sia nga sa Puluy-an sing mga tapi sang kahoy nga akasia, agud nga pagpatindugon sila;

21 Napúlô ka maniko ang kalabaon sang isa ka tapi, kag isa kag tungâ ka maniko ang kasangkaron sang amo nga tapi.

22 May duha ka dila ang taga ka

tapi nga tadlong ang isa sa isa; ginhimo niya ang subung sini sa tanan nga mga tapi sang Puluy-an.

23 Kag naghimo sia sang mga tapi nga sa Puluy-an, duha ka púlô ka tapi nga sa kilid nga bagatnan, nayon sa Bagatnan.

24 Kag naghimo sia sing kap-atan ka sadsaran nga pilak sa pagbutang sa idalum sang duha ka púlô ka tapi: duha ka sadsaran sa idalum sang isa ka tapi nga sa iya duha ka dila, kag duha ka sadsarang sa idalum sang isa ka tapi nga sa iya duha ka dila.

25 Kag nga sa ikaduha ka kilid sang Puluy-an, nayon sa kilid sa Aminhan, naghimo sia sing duha ka púlô ka tapi,

26 Patí sang ila kap-atan ka sadsaran nga pilak, duha ka sadsaran sa idalum sang isa ka tapi, kag duha ka sadsaran sa idalum sang isa pa ka tapi.

27 Kag nga sa bahin sa likod sang Puluy-an, nayon sa Katundan, naghimo sia sing anum ka tapi.

28 Kag naghimo sia sing duha pa ka tapi nga sa mga pamusuran sang Puluy-an, sa bahin nga sa likod.

29 Nagatalalabid sila sa sadsaran, kag nagatalalabid sila tubtub sa ibabaw ang tagsatagsa tungud sang isa ka singsing; ginhimo niya ang subung sini sa duha, nga sa duha ka pamusuran.

30 Busa, walo ka tapi kag ang ila mga sadsaran nga pilak; *kon sayoron*, napúlô kag anum ka sadsaran, duha ka sadsaran sa idalum sang tagsa ka tapi.

31 Naghimo man sia sing mga wasigan sang kahoy nga akasia, lima nga sa mga tapi sang isa ka kilid sang Puluy-an,

32 Kag lima ka wasigan nga sa mga tapi sang ikaduha ka kilid sang Puluy-an, kag lima ka wasigan nga sa mga tapi sang Puluy-an sa bahin sa likod, nayon sa Katundan.

33 Kag ginhimo niya nga ang alughug sa tungâ mag-agi sa sulud sang mga tapi sa tungâ sa isa ka ukbung tubtub sa isa.

34 Kag ginhalupan niya sang bulawan ang mga tapi, kag naghimo sia sang mga singsing nga bulawan nga pagagoloan sang mga wasigan, kag ginhalupan niya sang bulawan ang mga wasigan.

35 Ginhimo man niya ang tabon sa purpura, sa eskarlata, sa karmesi kag sa lino nga manipis nga linubid; ginhimo

sia sa padugi nga *napamutakputakan* sing mga kerubin,

36 Kag naghimo sia nga sa tabon sing apat ka haligi nga akasia, kag ginhalupan niya sila sang bulawan; ang iya mga ka-wit mga bulawan man; kag nagtunaw sia nga sa ila sing apat ka sadsarang nga pilak.

37 Ginhimo niya ang kumbung nga sa salamputan sang Layanglayang, sa purpura, sa eskarlata, sa karmesi kag sa lino nga manipis nga linubid, buhat nga binordahan,

38 Kag ang iya lima ka haligi kag ang ila mga ka-wit; kag ginhalupan niya ang ila mga oloolo kag ang ila mga pandug sang bulawan, kag ang ila lima ka sadsaran *ginhimo niya* sa tumbaga.

Ang pagpatindug sang kaban, sang pakilooyan,  
sang latok, sang sadnagan kag sang  
balaran sang mga pahamut.

**37** GINHIMO man ni Basalel ang kaban sa kahoy nga akasia: ang iya kalabaon, duha ka maniko kag tungâ, kag isa ka maniko kag tungâ ang iya kasangkaron, kag isa ka maniko kag tungâ ang iya kataason.

2 Kag ginhalupan niya sia sang bulawan nga ulay sa sulud kag sa gowa, kag naghimo sia nga sa iya sing isa ka purungpurung nga bulawan sa palibot.

3 Kag nagtunaw sia nga sa iya sing apat ka singsing nga bulawan, nga sa iya apat ka pamusud, *kon sayoron*, duha ka singsing sa isa ka kilid, kag duha ka singsing sa pihak nga kilid.

4 Kag naghimo sia sing mga yayongan nga kahoy nga akasia, kag ginhalupan niya sila sang bulawan.

5 Kag ginsuuk niya ang mga yayongan sa mga singsing sang mga kilid sang kaban nga sa pagdalâ sang kaban.

6 Kag ginhimo niya ang pakilooyan sa bulawan nga ulay: ang iya kalabaon, duha ka maniko kag tungâ, kag isa ka maniko kag tungâ ang iya kasangkaron.

7 Naghimo pa sia sing duha ka kerubin nga bulawan; ginhimo niya sila sa pina-pa nga *bulawan*, sa duha ka ukbung sang pakilooyan:

8 Isa ka kerubin sa sini nga ukbung, ang *isa pa ka karubin* sa sadtong ukbung, ginhimo niya ang mga kerubin sa amo gid nga pakilooyan sa duha niya ka ukbung.



9 Kag ang mga karubin nagahulumlad sang mga pakpak nasyon sa ibabaw, nga ginatabunan sang ila mga pakpak ang pakilooyan, kag ang ila mga nawung nagaatubangay: ang nawung sang mga kerubin nagaatubang nasyon sa piki-looyan.

10 Ginhimo niya ang latok sa kahoy nga akasia: ang kalabaon niya, duha ka maniko, ang iya kasangkaron isa ka maniko, kag isa ka maniko kag tunga ang iya kataason.

11 Kag ginhalupan niya sia sang bulawan nga ulay, kag ginhimoan niya sia sing isa ka purungpurung nga bulawan sa palibot.

12 Ginhimoan man niya sing isa ka bibig sa kasangkad nga isa ka dapal, sa palibot, kag ginhimoan niya sia sa bibig sing isa ka purungpurung, sa palibot.

13 Kag nagtunaw sia nga sa iya sing apat ka singsing nga bulawan kag ginbutang niya ang mga singsing nga bulawan sa apat ka pamusud nga *natungdan* sa iya apat ka tiil.

14 Ang mga singsing yara sa malapit sa bibig, nga pagasuksukan sang mga yayongan sa pagdala sang latok.

15 Ginhimo man niya sa kahoy nga akasia ang mga yayongan sa pagdala sang latok, kag ginhalupan niya sila sang bulawan.

16 Ginhimo man niya sa bulawan nga ulay ang mga gamit nga pagaibutang sa ibabaw sang latok, ang iya mga lahang, ang iya mga luwag, ang iya mga yahong, kag ang iya mga saro, nga sa ila ginaula ang halad nga ilimnon.

17 Ginhimo man niya ang sadngan sa bulawan nga ulay; ginhimo niya ang sadngan sa bulawan nga pina-pa: ang iya tiil, ang ipa puno, ang iya mga gopok, ang iya mga bitogbitog, ang iya mga bulak, nanginbilog sila sa iya gid.

18 Naggowa sa iya mga kilid ang anum ka sang: tatlo ka sang sang sadngan sa isa ka kilid niya, kag tatlo ka sang sang sadngan sa pihak nga kilid niya.

19 Ginhimo niya ang tatlo ka gopok sa dagway sang almendras, isa ka bitogbitog kag isa ka bukad sa isa ka sang, kag tatlo ka gopok sa dagway sang almendras, isa ka bitogbitog kag isa ka bukad sa pihak nga sang; sa amo man

nga bagay sa anum ka sang nga nagagulowa sa sadngan.

20 Apang sa sadngan gid may apat ka gopok sa dagway sang almendras, ang iya mga bitogbitog kag ang iya mga bukad.

21 May isa ka bitogbitog sa idalum sang duha ka sang nga nagagulowa sa iya, kag isa ka bitogbitog sa idalum sang *iban* nga duha ka sang nga nagagulowa sa iya, kag isa ka bitogbitog sang *iban* nga duha ka sang nga nagagulowa sa iya, nga sa anum ka sang, nga nagagulowa sa sadngan.

22 Ang iya mga bitogbitog kag ang iya mga sang naggilikan sa iya gid, kag nanginbilog sila sa isa ka bilog, *buhat* nga pina-pa sa bulawan nga ulay.

23 Kag naghimo sia sing pito ka lamprahan kag sang iya mga inugsugi, kag sang iya mga alagbunan sa bulawan nga ulay.

24 Sa isa ka talanton nga bulawan nga ulay ginhimo niya ini pati ang tanan niya nga mga gamit.

25 Ginhimo man niya sa kahoy nga akasia ang halaran sang insienso: ang iya kalabaon, isa ka maniko, kag isa ka maniko ang iya kasangkaron, nga kasilo sia; kag duha ka maniko ang iya kataason: naggilikan sa iya gid ang iya mga sungay.

26 Ginhalupan niya ini sang bulawan nga ulay, ang iya kadayag subung man ang iya mga kilid, sa palibot, kag ang mga sungay; ginhimoan man niya sing isa ka purungpurung nga bulawan sa palibot.

27 Kag ginhimoan niya sing duha ka singsing nga bulawan sa idalum sang purungpurung, sa iya duha ka panusud, sa duha niya ka kilid, nga pagasuksukan sang mga yayongan, sa pagdala sini upud sa ila.

28 Naghimo sia sang mga yayongan nga kahoy nga akasia, kag ginhalupan niya sila sang bulawan.

29 Naghimo man sia sang lana nga balaan nga ihilidhid, kag sang ulay nga insienso nga mahamut, sono sang padugi sang manugpahamut.

Ang pagpatindug sang halaran sang mga halad nga sinunog, sang batiya nga saway kag sang patyo.

**38** KAG ginhimo niya sa kahoy nga akasia ang halaran sang halad nga sinunog; ang iya kalabaon lima ka

maniko, kag lima ka maniko ang iya kasangkaron, nga kasilo sia, kag tatlo ka maniko ang iya kataason.

2 Ginhimo man niya ang mga sungay sini, sa iya apat ka pamusud: ang iya mga sungay unay sa iya gid, kag ginhalupan niya sila sang tumbaga.

3 Ginhimo man niya ang tanan nga mga gamit sang halaran: ang mga alabohan, ang mga sudsud, ang mga yahong, ang mga tenedor kag ang mga bagahan: ang tanan niya nga mga gamit ginhimo niya sila sa tumbaga.

4 Naghimo man sia nga sa halaran sang isa ka ginihaan nga tumbaga sa buhat nga sinihod, sa idalum sang paluwis nga *nasulud*, nga nagalambut tubtub sa katunganan sang halaran.

5 Kag nagtunawo sia sing apat ka singsing, nga sa apat ka ukbung sang ginihaan nga tumbaga, nga pagasuksukan sang mga yayongan.

6 Naghimo man sia sang mga yayongan sa kahoy nga akasia, kag ginhalupan niya sila sang tumbaga.

7 Kag ginsuksuk niya ang mga yayongan sa mga singsing, sa mga kilid sang halaran, sa pagdalá sini upud sa ila; ginhimo niya ini nga gawong, sa mga tapi.

8 Ginhimo man niya ang batiya nga tumbaga kag ang iya tulungtungan nga tumbaga, sa mga salaming sang mga umalagad nga babae nga nagatilipon sa pag-alagad sa salamputan sang Layang-layang sang pakigkitaan.

9 Ginhimo man niya ang patyo: sa kilid nga bagatnan, nayon sa Bagatnan, ang mga kumbung nga lino nga manipis nga binolong nga isa ka gatus ka maniko;

10 Ang ila duha ka púlô ka haligi kag ang ila duha ka púlô ka sadsaran, nga tumbaga; ang mga ka-wit sang mga haligi kag ang ila mga pandug, mga pílak sila.

11 Sa kilid sa Aminhan, mga kumbung nga isa ka gatus ka maniko ang ila duha ka púlô ka haligi kag ang ila duha ka púlô ka sadsaran nga tumbaga; ang mga ka-wit sang mga haligi kag ang iya mga pandug, mga pílak sila.

12 Sa kilid sa Katundan, mga kumbung nga kalim-an ka maniko, ang ila napúlô ka haligi kag ang ila napúlô ka sadsaran; ang mga ka-wit sang mga ha-

ligi kag ang ila mga pandug, mga pílak sila.

13 Sa kilid nga sidlangan, nayon sa Silangan, kalim-an ka maniko:

14 Sa isa ka pihak, napúlô kag lima ka maniko nga mga kumbung, ang ila tatlo ka haligi kag ang ila tatlo ka sadsaran.

15 Kag sa ikaduha nga pihak, sa pihak kag pihak sang gawang sang patyo, napúlô kag lima ka maniko nga mga kumbung, ang ila tatlo ka haligi kag ang ila tatlo ka sadsaran.

16 Ang tanan nga mga kumbung sang patyo palibot *ginhimo* sila sa lino nga manipis nga binolong;

17 Kag ang mga sadsaran nga sa mga haligi, tumbaga sila; ang mga ka-wit sa mga haligi kag ang ila mga pandug, pílak sila; ang putus man sang iya mga ooloo, pílak sia; kag ang tanan nga mga haligi sang patyo may mga pandug nga pílak.

18 Kag ang kumbung sang gawang sang patyo *buhat* sia sang manugborda, sa purpura, sa eskarlata, sa karmesi kag sa lino nga manipis nga binolong; ang iya kalabaon duha ka púlô ka maniko, kag ang iya kataason (kaangay sa iya kasangkaron) lima ka maniko, sono sang mga kumbung sang patyo.

19 Kag ang ila apat ka haligi kag ang ila apat ka sadsaran, tumbaga sila; ang ila mga ka-wit, pílak, kag ang putus sang ila mga ooloo kag sang ila mga pandug, pílak.

20 Kag ang tanan nga mga palpal sang Puluy-an kag sang patyo sa palibot, mga tumbaga sila.

21 Yari karon ang isip sang mga butang sang Puluy-an, sang Puluy-an sang pagpamatuud, nga ginpangisip sila sa sogo ni Moises: ini naninginpag-alagdan sang mga Lebinhon, sa idalum sang kamut ni Itamar, anak ni Aaron, nga saserdote.

22 Ginhimo ni Besalel, anak ni Uri, anak ni Hur, sa kabikahan ni Iuda, ang tanantanan nga ginsogo ni Iehoba kay Moises;

23 Kag upúd sa iya si Oholiab, anak ni Ahisamak, sa kabikahan ni Dan, subung nga sampaton nga panday, manugpadi, kag manugborda sa purpura, sa eskarlata, sa karmesi kag sa lino nga manipis.

24 Kag tanan nga bulawan nga gin-



gamit nga sa bulahaton, nga sa tanan nga buluhaton sa balaan nga Puluy-an : ang bulawan sang halad nga hinabog nanginduha ka púlô kag siam ka talanton, kag anum ka gatus kag katloan ka siklo, sono sang siklo sang balaan nga Puluy-an.

25 Kag ang pilak nga iya sang katingban nga ginpangisip, nanginisa ka gatus ka talanton kag isa ka libo pito ka gatus kapitoan kag lima ka siklo, sono sang siklo sang balaan nga Puluy-an :

26 Isa ka beka sa tagsa ka bilog, ang katungâ sang isa ka siklo, sono sang siklo sang balaan nga Puluy-an, sa tagsatagsa nga nagpalasakup sa isip, sa edad nga duha ka púlô ka tuig pa ibabaw, nga sa anum ka gatus kag tatlo ka libo lima ka gatus kag kalim-an ka *tawo*.

27 Gingamit ang isa ka gatus ka talanton nga pilak nga sa pagtunaw sang mga tulungtungan sang balaan nga Puluy-an kag nga sa mga sadsaran nga sa mga haligi sang tabon : isa ka gatus ka sadsaran sa isa ka gatus ka talanton, isa ka talanton nga sa tagsa ka sadsaran ;

28 Kag sa isa ka libo anum ka gatus kapitoan kag lima ka *siklo* naghimo sia sing mga ka-wit nga sa mga haligi, kag ginputus niya ang ila mga oloolo, kag gintalabid niya ang mga haligi sang mga pandug.

29 Kag ang tumbaga sang halad nga hinabog nanginkapitoan ka talanton, kag duha ka libo apat ka gatus ka siklo.

30 Ginhimo sa ila ang mga sadsaran nga sa salamputan sa Layanglayang sang pakigkitaan : ang halaran nga tumbaga, ang ginihaan nga tumbaga, nga nahanungud sa iya, kag ang tanan nga mga gamit sang halaran,

31 Ang mga sadsaran sang patyo sa palibot, ang mga sadsaran nga sa gawang sang patyo, ang tanan nga mga palpal sang Puluy-an kag ang tanan nga mga palpal sang patyo sa palibot.

Pamatpat sang mga panapton nga sinasaserdote.

**39** KAG sa purpura, sa eskarlata kag sa karmesi, ginhimo ang mga panapton nga sa pagpanghikot sa pag-alagdan sa balaan nga Puluy-an, kag ginhimo ang mga panapton nga balaan nga iya ni Aaron, sono sang ginsogo ni Iehoba kay Moises.

2 Ginhimo ang epod sa bulawan, sa

purpura, sa eskarlata, sa karmesi kag sa lino nga manipis.

3 Ginpa-pa nila ang mga pinanid nga manipis sang bulawan, kag gingihaygi-hay nila sa nahotnahot sa pagsamay sa ila sa purpura, sa eskarlata, sa karmesi kag sa lino nga manipis nga binólong sa mauti nga buhat.

4 Sa iya naghilimo sila sing mga hombrera, nga nagatakbuyanay, ginpatakbu sia sa iya duha ka ukbung.

5 Kag ang lubid nga linubid sing mauti gid nga inugwagkus sini, nga yara sa ibabaw, naunay sa iya kag sa amo man nga buhat, sa bulawan, sa purpura, sa eskarlata, sa karmesi kag sa lino nga manipis nga binólong, sono sang ginoogo ni Iehoba kay Moises.

6. Gintigban man ang mga bató nga oniks, nga natampokan sang mga kamoy nga bulawan, nga napanigib sa tinigban subung sang inugtumbok, sono sa mga ngalan sang mga anak ni Israel.

7 Kag ginubutang sila sa ibabaw sang mga hombrera sang epod, subung nga mga bató sa handumanan sang mga anak ni Israel, sono sang ginsogo ni Iehoba kay Moises.

8 Ginhimo man ang hapin sa dughan sa buhat nga mauti, sa amo man nga buhat sang epod, sa bulawan, sa purpura, sa eskarlata, sa karmesi kag sa lino nga manipis nga binólong.

9 Kasilo sia. Ginhimo ang hapin sa dughan nga dapli : ang iya kalaba, isa ka dangaw, kag isa ka dangaw ang iya kasangkad, naapid sia.

10 Kag ginbutangan nila sing apat ka obay nga mga bató : ang isa ka obay : isa ka rubi, isa ka topasio kag isa ka karbunklo, *ini* manginnahauna nga obay ;

11 Ang obay nga ikaduha : isa ka esmeralda, isa ka sapiro kag isa ka sardonika ;

12 Ang obay nga ikatlo : isa ka hasinto, isa ka agata kag isa ka ametista ;

13 Ang obay nga ikapat : isa ka berilo isa ka oniks kag isa ka haspe, nga napanlibutan sang kamoy nga bulawan sa iya mga tampok.

14 Kag ang mga bató napúlô sila kag duha, sono sa mga ngalan sang mga anak ni Israel, sono sang mga ngalan nila, nga napanigban subung sang itulumbok ang tagsatagsa sono sang iya ngalan, nga sa napúlô kag duha ka kabikahan.

15 Ginhimoan nila ang ibabaw sang hapin sa dughan sing mga talikala kangay sang lubid, sa buhat nga linubid, sa bulawan nga ulay.

16 Ginhimoan nila sing duha ka kamoy nga bulawan, kag duha ka singsing nga bulawan, kag ginbutang ang duha ka singsing sa duha ka ukbung sang hapin sa dughan.

17 Ginbutang *man* ang duha ka talikala nga bulawan nga linubid sa duha ka singsing, sa mga ukbung sang hapin sa dughan.

18 Kag ang duha ka ukbung sang duha ka talikala nga linubid ginbutang nila sa duha ka kamoy, kag ginbutang sila sa ibabaw sang mga hombrera sang epod, sa atubangan nayon.

19 Naghilimo man sing duha ka singsing nga bulawan, nga ginbutang nila sa duha ka ukbung sang hapin sa dughan, sa ibabaw sang sidsid nayon sa sulud sa atubang sang epod.

20 Kag ginhimo ang duha ka singsing nga bulawan, kag ginbutang sila sa ibabaw sang duha ka hombrera sang epod, nayon sa idalum, sa iya bahin nga sa atubangan, malapit sa ila ginatakbuyan, sa ibabaw sang lubid nga linubid sing mauti gid sang epod.

21 Kag ginhigot nila ang hapin sa dughan bangud sang iya mga singsing sa mga singsing sang epod, sa isa ka lubid nga purpura, agud nga magpadayon sa ibabaw sang lubid nga linubid sa mauti gid sang epod, kag agud nga indi pagbuhian ang hapin sa dughan sang epod, sono sang ginsogo ni Iehoba kay Moises.

22 Naghimo man sia sang malabalaba nga bayô sang epod, buhat sang manughabol, ang tanan purpura.

23 Ang liong sang bayô nga malalaba yara sa tungâ niya subung sang liong sang hinimbis nga limbutong; nga may isa ka bibig sa palibot sang liong, agud nga indi magisi.

24 Ginhimo man nila sa sidsid nga naidalum sang malabalaba nga bayô ang mga granada nga purpura, nga eskarlata kag karmesi nga linubid.

25 Kag naghilimo man sila sing mga kampanilya nga bulawan nga ulay, kag ginpahamtang nila ang mga kampanilya sa tungâ sang mga granada sa sidsid nga naidalum sang bayô nga malabalaba sa palibot sa tungâ sang mga granada :

26 Isa ka kampanilya kag isa ka granada, isa pa ka kampanilya kag isa ka granada sa sidsid nga naidalum sang bayô nga malabalaba sa palibot, nga sa pagpanghikot sa pag-alagdan, sono sang ginsogo ni Iehoba kay Moises.

27 Ginhimo man nila ang mga pinuna nga bayô nga malaba *gid* sa lino nga manipis sa buhat sang manughabol nga kay Aaron kag sa iya mga anak,

28 Kag ang turbante sa lino nga manipis, kag ang mga goro nga sa puni sa lino nga manipis, kag ang mga sarowal nga lino, sa lino nga manipis nga linubid,

29 Kag ang wagkus sa lino nga manipis nga linubid, sa purpura, sa eskarlata kag karmesi, sa buhat nga binordahan, sono sang ginsogo ni Iehoba kay Moises.

30 Naghimo sila sang diadema sang balaan nga purungpurung nga bulawan nga ulay, kag sa iya ginsulatan niya sing isa ka sinulat subung sang tinigban sang itulumbok: "Pagkabalaan kay Iehoba.

31 Kag sa iya ginbutang nila ang isa ka lubid nga purpura sa pagbutang sa iya sa ibabaw sang turbante, sono sang ginsogo ni Iehoba kay Moises.

32 Kag nahuman ang tanan nga buluhaton sang Puluy-an sang Layanglayang sang pakigkitaan; kag ginhimo sang mga inanak ni Israel, sono sa tanan nga ginsogo ni Iehoba kay Moises; ginhimo nila ang subung sini.

33 Niyan gindala nila kay Moises ang Puluy-an, ang Layanglayang kag ang tanan niya nga mga gamit, ang iya mga ka-wit, ang iya mga tapi, ang iya mga wasigan, ang iya mga haligi kag ang iya mga sadsaran,

34 Ang tabon nga mga panit sang karnero nga linugum sa mapula, ang tabon nga mga panit sang tahas, kag ang kumbung,

35 Ang kaban sang pagpamatuud kag ang iya mga yayungan, kag ang pakiloyan,

36 Ang latok patí ang tanan niya nga mga gamit, kag ang tinapay nga hayag;

37 Ang sadngan nga bus-ug patí ang iya mga lamprahan, ang mga lamprahan nga inugpalahamtang, kag ang tanan niya nga mga gamit, kag ang lana sang suga,

38 Kag ang halaran nga bulawan, ang lana nga ihilidhid, ang insienso nga ma-



hamut, ang kumbung nga sa salamputan sang Layanglayang,

39 Ang halaran nga tumbaga, ang ginihaan nga tumbaga nga sa iya, ang iya mga yayongnan kag ang tanan niya nga mga gamit, ang batiya kag ang iya tulungtungnan,

40 Ang mga kumbung sang patyo, ang iya mga haligi, ang iya mga sadsaran kag ang kumbung nga sa gawang sang patyo, ang iya mga lubid, ang iya mga palpal, kag ang tanan nga mga gamit nga sa pag-alagdan sang Puluy-an nga sa Layanglayang sang pakigkitaan,

41 Ang mga panapton sa pagpanghikot nga sa pag-alagdan sa balaan nga Puluy-an, ang mga panapton nga balaan nga kay Aaron nga saserdote, kag ang mga panapton sang iya mga anak, nga sa pagpanghikot sang pagkasaserdote.

42 Sono sa tanan nga ginsogo ni Iehoba kay Moises, ginhimo sing subung sini sang mga inanak ni Israel ang tanan nga pag-alagdan.

43 Kag nakita ni Moises ang tanan nga nabuhat, kag yari karon, nga nahanu nila sia sono sang ginsogo ni Iehoba: ginhimo nila sia sing subung sini. Kag ginpakamaayo sila ni Moises.

Ginapatindug ni Moises ang Puluy-an.

**40** NIYAN si Iehoba naghambal kay Moises, nga nagasiling:

2 "Sa nahauna nga adlaw sang nahauna nga bulan pagapatindugon mo ang Puluy-an sang Layanglayang sang pakigkitaan.

3 Kag pagaibutang mo sa iya ang kaban sang pagpamatuud, kag pagapalipdan mo ang kaban sang kumbung.

4 Kag pagaipasulud mo ang latok, kag pagapangatadataron mo ang mga butang nga nahanungud sa iya; pagaipasulud mo man ang sadngan, kag pagapaipahamtang mo ang iya mga lamprahan.

5 Kag pagaibutang mo ang halaran nga bulawn nga sa insienso sa atubangan sang kaban sang pagpamatuud, kag pagabutangan mo sing kumbung sa salamputan sang Puluy-an.

6 Kag pagaibutang mo ang halaran sang halad nga sinunog sa atubangan sang salamputan sang Puluy-an sang Layanglayang sang pakigkitaan.

7 Kag pagaibutang mo ang batiya sa

tungâ sang Layanglayang sang pakigkitaan kag sang halaran, kag sa iya pagabutangan mo sing tubig.

8 Kag pagaibutang mo ang patyo sa palibot, kag pagaibitay mo ang kumbung sa gawang sang patyo.

9 Kag magakuha ka sing lana nga ihalaplas, kag pagahaplason mo ang Puluy-an kag ang tanan nga yara sa iya, kag pagapakabalaanon mo sia upud ang tanan niya nga mga galamiton; kag manginbalaan sia.

10 Pagahaplason mo man ang halaran sang halad nga sinunog kag ang tanan niya nga mga gamit; kag pagapakabalaanon mo ang halaran; kag manginisa sia ka halaran nga balaan gid.

11 Subung man pagahaplason mo ang batiya kag ang iya tulungtungnan, kag pagapakabalaanon mo sia.

12 Kag pagapalapiton mo si Aaron kag ang iya mga anak nga lalaki sa salamputan sang Layanglayang sang pakigkitaan, kag pagahunawan mo sila sing tubig.

13 Kag pagapanaputan mo si Aaron sang mga panapton nga mga balaan, kag pagahaplason mo sia, kag pagapakabalaanon mo sia, agud nga magpanghikot sia sang pakasaserdote sa atubangan nakon.

14 Kag papalapiton mo ang iya mga anak nga lalaki kag pagapanaputan mo sila sing mga bayô nga malaba gid.

15 Kag pagahidhiran mo sila, subung sang paghidhid mo sa ila amay, agud nga magpalanghikot sila sang pagkasaserdote sa atubangan nakon; kag ang ila hidhid manginwalaykatapusan nga pagkasaserdote nila sa ila mga kaliwatan."

16 Kag ini ginihimo ni Moises: sono sang tanan nga ginsogo sa iya ni Iehoba, ini amo ang iya ginhimo.

17 Busa, nahanabu, sang nahauna nga adlaw sang bulan nga nahauna, sa ikaduha ka tuig, nga ang Puluy-an napatindug.

18 Kag si Moises nagpatindug sang Puluy-an, kag pinahamtang niya ang iya mga sadsaran, kag binutang niya ang iya mga tapi, kag binutang niya ang iya mga alughug, kag ginbangon niya ang iya mga haligi.

19 Kag hinumlad niya ang Layanglayang sa ibabaw sang Puluy-an, kag binutang niya ang tabon sang layanglayang

sa ibabaw niya, subung sang ginsogo ni Iehoba kay Moises.

20 Kag kinuha niya, kag binutang niya ang pagpamatuud sa sulúd sang kaban; kag binutang niya ang mga yayongan sa kaban; kag ginpahamtang niya ang kalooyan sa ibabaw sang kaban sa mataasan.

21 Kag ginsulúd niya ang kaban sa Puluy-an kag binitay niya sang kumbung, kag pinalipdan niya ang kaban sang pagpamatuud, subung sang ginsogo ni Iehoba kay Moises.

22 Kag binutang niya ang latok sa Layanglayang sang pakigkitaan, sa kilid nga naaminhan sang Puluy-an sa gowa sang kumbung.

23 Kag ginpangatakatak niya ang mga tinapay sa ibabaw niya sa atubangan ni Iehoba, subung sang ginsogo ni Iehoba kay Moises.

24 Kag ginpahamtang niya ang sadngan sa Layanglayang sang pakigkitaan sa atubangan sang latok sa kilid nga nabagatnan sang Puluy-an.

25 Kag ginpahamtang niya ang mga lamprahan sa atubangan ni Iehoba, sono sang ginsogo ni Iehoba kay Moises.

26 Kag binutang man niya ang halaran nga bulawan sa Layanglayang sang pakigkitaan sa atubangan sang kumbung.

27 Kag sa ibabaw niya nagsunug sia sang insienso sa baho nga mahamut, subung sang ginsogo ni Iehoba kay Moises.

28 Kag binutang man niya ang kumbung sa salamputan sang Puluy-an.

29 Kag pinahamtang niya ang halaran sang halad nga sinunog sa salamputan sang Puluy-an sang Layanglayang sang pakigkitaan, kag naghalad sia sa ibabaw niya sang halad nga sinunog, kag

sang halad nga kalan-on, sono sang ginsogo ni Iehoba kay Moises.

30 Kag binutang niya ang batiya sa tunga sang Layanglayang sang pakigkitaan kag sang halaran, kag binutangan niya sia sing tubig nga inugpanghinaw.

31 Kag si Moises, kag si Aaron, kag ang iya mga anak nga lalaki nagapalanghinaw sa iya sang ila mga kamut kag sang ila mga tiil.

32 Sang nagasululud sila sa Layanglayang sang pakigkitaan, kag sang nagapalapit sila sa halaran, nagapalanghinaw sila, sono sang ginsogo ni Iehoba kay Moises.

33 Kag pinatindug niya ang patyo sa palibot sang Puluy-an kag sang halaran, kag binutang niya ang kumbung sa gawang sang patyo. Kag sa sini natapus ni Moises ang buluhaton.

Ang himaya ni Iehoba nagpuno sang Puluy-an.

34 Niyan ang panganud nagtabon sang Layanglayang sang pakigkitaan, kag ang himaya ni Iehoba nagpunô sang Puluy-an.

35 Kag si Moises indi makasarang magsulud sa Layanglayang sang pakigkitaan, kay ang panganud nagtungtung sa ibabaw niya, kag ang himaya ni Iehoba nagpunô sa iya.

36 Kagsang nagabayaw ang panganud sa ibabaw sang Puluy-an, ang mga anak ni Israel naghalalín sa tanan nila nga mga panlakatan.

37 Apang kon ang panganud indi magbayaw, walâ sila magahalín, tubtub sa adlaw nga sa iya magbayaw sia.

38 Kay ang pangand ni Iehoba yara sa adlaw sa ibabaw sang Puluy-an, kag ang kalayo yara sa iya sa kagabihon, sa itululuk sang bug-os nga baláy ni Israel, sa tanan nila nga mga panlakatan.



# ANG IKATLO NGA TOLON-AN

## NI MOISES

### NGA GINAHINGALANAN

## LEBITIKO.

Mga halad nga sinunog.

1 KAG sang gintawag ni Iehoba si Moises, naghambal sia sa iya kutub sa Layanglayang sang pakigkitaan, nga nagasiling :

"2 Ihambal sa mga inanak ni Israel kag isiling sa ila : Kon ang isa sa inyo maluyag maghalad sing halad kay Iehoba, pagaihalad ninyo ang inyo halad sa kahayupan nga dalagku kon sa magamay.

3 Kon ang iya halad manginhalad nga sinunog sang kabakahan, pagaihalad niya ang isa ka lalaki nga walay dagta : sa salamputan sang Layanglayang sang pakigkitaan pagaihalad niya ini, agud nga manginkalahamut-an sa pahanayon sa iya sa atubangan ni Iehoba.

4 Kag pagaiutang niya ang iya kamut sa ibabaw sang olo sang halad nga sinunog, kag magamanginkalahamut-an sia pahanayon sa iya sa paghimo sing katumbasan tungud sa iya.

5 Sa gilayon pagapugutan ang tunday sang baka sa atubangan ni Iehoba ; kag ang mga anak ni Aaron, nga mga saserdote, magahalad sang dugo, kag pagaisablig nila ini sa palibot, sa ibabaw sang halaran nga yara sa salamputan sang Layanglayang sang pakigkitaan.

6 Kag pagaanitan ang halad nga sinunog, kag pagahiwaon sia.

7 Niyan ang mga inanak ni Aaron, nga saserdote, magabutang sing kalayo sa ibabaw sang halaran, kag pagabalayon nila ang gatong sa ibabaw sang kalayo.

8 Kag ang mga anak ni Aaron, nga mga saserdote, magabutang sa pasunud sang mga hiniwa, ang olo kag ang sapay, sa ibabaw sang gatong nga gintutdan sa ibabaw sang halaran.

9 Pagahugasan sang tubig ang mga

kasudlan kag ang mga paa, kag ang saserdote magasunog sang tanan sa ibabaw sang halaran : halad nga sinunog ini, halad nga pinadabdab sa baho nga kahalamut-an ni Iehoba.

10 Kag kon ang iya halad manginhalad nga sinunog sang kahayupan nga magamay, sang mga obeha kon sang mga kanding, pagaihalad niya ang isa ka lalaki nga walay dagta.

11 Pagapugutan sia sa kilid nga naminhan sang halaran, sa atubangan ni Iehoba ; kag ang mga anak ni Aaron, nga mga saserdote, magasablig sang iya dugo sa ibabaw sang halaran sa palibot.

12 Pagahiwaon sia patí sang iya olo kag sang iya sapay, kag ang saserdote magabutang sa ila sa pasunud sa ibabaw sang gatong nga gintutdan sa ibabaw sang halaran.

13 Pagahugasan sang tubig ang mga kasudlan kag ang mga paa, kag ang saserdote magahalad sang tanan kag pagasunogon niya ini sa ibabaw sang halaran : halad nga sinunog ini, halad nga pinadabdab sa baho nga kalahamut-an ni Iehoba.

14 Apang kon ang iya halad manginhalad nga sinunog sang mga pispis kay Iehoba, pagaihalad niya ang iya halad nga mga tukmo kag mga salampati.

15 Kag ang saserdote magahalad sa iya sa halaran ; kag pagautdon niya sang koko ang olo, sa pagsunog sa iya sa ibabaw sang halaran, kag pagapugaon ang iya dugo batok sa dingding sang halaran.

16 Kag pagakuhaon niya ang balonbalonan patí ang iya higko, kag pagaihaboy niya ini sa kilid nga nasidlangan sang halaran, sa dung sang mga abó.

17 Kag pagapihakon ang pispis sa tunga sang mga pakpak, apang indi sia pagbulagon. Kag ang saserdote magasunog sa iya sa ibabaw sang halaran, sa ibabaw sang gatong nga gintutdan :

halad nga sinunog ini, halad nga pinadabdab sa baho nga kahalamut-an ni Iehoba.

Mga halad nga kalan-on kag nga mga panganyay.

**2** KAG kon ang isa ka tawo maluyag maghalad kay Iehoba sing halad nga kalan-on, ang iya halad manginsa harina nga malom-ok. Kag pagabo-boan niya sang lana sa ibabaw niya, kag pagabutangan niya sa ibabaw niya sing insienso.

2 Kag pagadalhon niya sia sa mga saserdote, nga mga anak ni Aaron; kag sia magabaton sa iya sa kamut nga punô sang harina nga malom-ok kag sang lana patí ang tanan niya nga insienso. Kag pagasunogon ini sang saserdote nga handumanan sa ibabaw sang halaran, halad nga pinadabdab ini, sa baho nga kahalamut-an ni Iehoba.

3 Kag ang mabilin sang halad nga kalan-on manginiya ni Aaron kag sang iya mga anak; butang sia nga balaan gid sang mga halad nga pinadabdab kay Iehoba.

4 Kag kon maluyag ka maghalad sang halad nga kalan-on nga linuto sa bibingkahan, magamangintorta sia nga walay tapay sa harina nga malom-ok, nga nasamoan sing lana, kag mga manipis nga tinapay nga nahaplas sang lana.

5 Kag kon ang imo halad manginkalan-on nga *linuto* sa kalaha, manginharina sia nga malom-ok nga walay tapay, nga nasamoan sing lana;

6 Pagatipiktipikon mo sia, kag pagabo-boan mo sing lana sa ibabaw niya: halad nga kalan-on ini.

7 Kag kon ang imo halad manginhala nga kalan-on nga naluto sa tatso, pagahimoon ini sa harina nga malom-ok nga may lana.

8 Kag pagadalhon mo kay Iehoba ang halad nga kalan-on nga pagahimoon sa sinang mga butang; nga pagaiatubang mo sia sa saserdote, kag sia magapapalapit sa iya sa halaran.

9 Kag magakuha ang saserdote sa halad nga kalan-on sang iya *bahin nga sa* halandumanan, kag pagasunogon niya ini sa ibabaw sang halaran: halad ini nga pinadabdab sa baho nga kalahamutan ni Iehoba.

10 Kag ang nabilin sang halad nga kalan-on manginiya ni Aaron kag sang

iya mga anak: butang sia nga balaan gid sang mga halad nga pinadabdab kay Iehoba.

11 Bisan ano nga halad nga kalan-on nga pagaihalad ninyo kay Iehoba, indi sia pagaamanon nga may tapay; kag indi ninyo pagipasunog ang bisan ano nga butang nga may tapay, bisan may dugus, nga halad nga sinunog kay Iehoba.

12 Sa halad sang mga nahaunang mga bunga, pagaihalad ninyo sila kay Iehoba; apang indi sila pagibutang sa ibabaw sang halaran subung nga baho nga kalahamut-an.

13 Kag pagaasinan mo ang tanan nga halad sang imo mga halad nga kalan-on; kag diii nga mas-a pagatugutan mo nga *magkulang* sa imo mga halad nga kalan-on ang asin sang katipan sang imo Dios. Sa tanan mo nga halad magahalad ka sing asin.

14 Kon maghalad ka kay Iehoba sang halad nga kalan-on sang mga nahaunang bunga, magahalad ka sing mga uhay nga natigi sa kalayo sang mga *uyas* nga binayo, mga uhay nga bag-o sa halad nga kalan-on sang mga nahaunang bunga.

15 Kag pagabo-boan mo sa ibabaw nila sing lana, kag pagabutangan mo sa ibabaw nila sing insienso: halad nga kalan-on ini.

16 Kag pagasunogon sang saserdote, nga handumanan sa iya, ang isa ka bahin sang mga *uyas* nga binayo kag sang lana patí ang tanan nga insienso: halad ini nga pinadabdab kay Iehoba.

Mga halad sa paghidaet.

**3** KAG kon ang iya halad manginhala sa paghidaet, kag kon maghalad sia sang kabakahan, bisan sia lalaki, bisan sia babaye, pagaihalad sia niya nga walay dagta, sa atubangan ni Iehoba.

2 Kag pagaiatubang niya ang kamut sa ibabaw sang olo sang iya halad, nga pagapugutan sia sa salamputan sang Layanglayang sang pakigkitaan, kag ang mga anak ni Aaron, nga mga saserdote, magasalablig sang dugo sa ibabaw sang halaran sa palibot.

3 Kag pagaihalad ang halad sa paghidaet nga halad nga pinadabdab kay Iehoba: ang sapay nga nagaputus sang mga kasudlan kag ang tanan nga sapay nga yara sa mga kasudlan,



4 Kag ang duha ka tagimuslion, ang sapay nga yara sa ibabaw nila, nga yara sa mga taludtud, kag ang labutlabut sa atay, nga pagakuhaon ini sa mga tagimuslion,

5 Kag pagasunugon ini sang mga anak ni Aaron sa halaran, sa ibabaw sang halad nga sinunog, nga sa ibabaw sang gatong nga gintutdan sang kalayo: halad ini nga pinadabdab sa baho nga kahalamut-an ni Iehoba.

6 Kon ang halad sa halad sa paghidaet kay Iehoba manginhayup nga magamay, bisan sia lalaki, bisan sia babae, pagaihalad ini nga walay dagta.

7 Kon maghalad sia sing isa ka kordero nga sa halad niya, pagaihalad sia niya sa atubangan ni Iehoba,

8 Kag pagaibutang niya ang kamut sa ibabaw sang olo sang halad, nga pagapugutan sia sa atubangan sang Layanglayang sang pakigkitaan; kag pagaisablig sang mga anak ni Aaron ang dugo sa ibabaw sang halaran sa palibot.

9 Kag pagaihalad sa halaran, nga halad nga pinadabdab kay Iehoba, ang sapay sang halad sa paghidaet patí ang bug-os nga ikog nga sapayon, nga pagagabuton sia sa tuluktukon, kag ang sapay nga nagaputus sang mga kasudlan, kag ang tanan nga sapay nga yara sa mga kasudlan,

10 Kag ang duha ka tagimuslion, ang sapay nga yara sa ibabaw nila, nga yara sa taludtud, kag ang labutlabut sa atay, nga pagakuhaon ini sa mga tagimuslion;

11 Kag pagasunugon ini sila sang saserdote sa ibabaw sang halaran: kalanon nga halad ini nga pinadabdab kay Iehoba.

12 Kag kon ang iya halad manginsa mga kanding, pagaihalad niya sia sa atubangan ni Iehoba.

13 Kag pagaibutang niya ang iya kamut sa ibabaw sang olo niya, kag pagapugutan sia sa atubangan sang Layanglayang sang pakigkitaan; kag pagaisablig sang mga anak ni Aaron ang dugo sa ibabaw sang halaran sa palibot.

14 Sa olehe pagaihalad niyo sa iya ang iya halad subung nga halad nga pinadabdab kay Iehoba; ang sapay nga nagaputus sang mga kasudlan, kag ang tanan nga sapay nga yara sa mga kasudlan,

15 Kag ang duha ka tagimuslion, ang sapay nga yara sa ibabaw nila nga yara sa taludtud, kag ang labutlabut sa atay, nga pagakuhaon ini sa mga tagimuslion,

16 Kag pagasunugon ini sila sang saserdote sa ibabaw sang halaran: kalanon nga halad ini nga pinadabdab, sa baho nga kalahamnt-an. Ang tanan nga sapay iya ni Iehoba.

17 Manginpalatukuran sa gihapon ini sa inyo nga kaliwatan, sa tanan ninyo nga mga puluy-an, nga indi kamo magkalaon sang sapay, bisan sang dugo."

Mga halad tungud sang mga sala nga wala makahibalo.

**4** KAG naghambal si Iehoba kay Moises, nga nagasiling:

2 "Ihambal sa mga inanak ni Israel kag isiling sa ila: Kon ang isa ka tawo makasalá, nga walá sia makahibalo, batok sa bisan ano sang mga sogo ni Iehoba nahanungud sa mga butang nga indi dapat paghimoon, nga maghimo sang bisan ano sadtong mga butang;

3 Kon sia ang saserdote nga hinaplas nga makasalá, sa bagay nga magdalá sia sing salá sa ibabaw sang banwa, magahalad sia kay Iehoba, tungud sang salá nga nabuhat niya, sing isa ka tinday sang baka, nga walay dagta, subung nga halad tungud sang salá.

4 Kag magadalá sia sang tinday sang baka sa salamputan sang Layanglayang sang pakigkitaan, sa atubangan ni Iehoba, kag pagaibutang niya ang iya kamut sa ibabaw sang olo sang tinday sang baka; kag pagapugutan ang tinday sang baka sa atubangan ni Iehoba.

5 Kag ang saserdote nga hinaplas magakuha sa dugo sang tinday sang baka, kag pagadalhon niya sia sa sulúd sang Layanglayang sang pakigkitaan.

6 Kag sa mabasá sang saserdote ang iya tudlo sa dugo, magasablig sia sadtong dugo sing makapito sa atubangan ni Iehoba, sa atubangan sang kumbung sang balaan nga Puluy-an.

7 Ang saserdote magabutang man sa sadtong dugo sa atubangan ni Iehoba, sa ibabaw sang mga sungay sang halaran sang insienso nga mahamut, nga didto sa sulúd sang Layanglayang sang pakigkitaan; kag ang tanan nga dugo sang tinday sang baka pagaiula niya sa tiilan sang halaran sang halad nga sin-

unog, nga yara sa salamputan sang Layanglayang sang pakigkitaan.

8 Kag pagakuhaon niya sa tinday sang baka nga halad tungud sang salâ ang tanan niya nga sapay, ang sapay nga nagaputus sang mga kasudlan, kag ang tanan nga sapay sa mga kasudlan,

9 Kag ang duha ka tagimuslion, ang sapay nga yara sa ibabaw nila nga yara sa mga taludtud, kag ang labutlabut sa atay, nga pagakuhaon ini sa mga tagimuslion,

10 Subung sang ginakuha *ini sila* sa tinday sang baka sang halad sa paghidaet: kag pagasunogon ini sila sang saserdote sa ibabaw sang halaran sang halad nga sinunog.

11 Apang ang panit sang tinday sang baka kag ang tanan niya nga unud pati ang iya olo kag ang iya mga paa, pati ang iya mga kasudlan kag ang iya ipot,

12 *Kon sayoron*, ang bug-os nga tinday sang baka, pagapagowaon sia sa dulugan, sa isa ka duug nga matinlo, sa diin ginaula ang mga abó, kag *didto* pagasunogon sia sa ibabaw sang gatong sa kalayo: sa diin ginaula ang mga abó, pagasunogon sia.

13 Kag kon ang bug-os nga katilingban sa Israel makasalâ, nga walâ makahibalo, kag ang butang paghinabunan sa mata sang katilingban, kon magbuhat *batok* sang bisan ano sang mga sogo ni Iehoba sa isa ka butang nga indi dapat paghimoon, kag sa sini makasalâ sila;

14 Kon makakilala sang salâ, nga ginubhat nila, magahalad ang katilingban sing isa ka tinday sang baka, subung nga halad tungud sang salâ, kag pagadalhon nila sia sa atubangan sang Layanglayang sang pakigkitaan.

15 Kag ang mga tigulang sang katilingban magabutang sang ila mga kamut sa ibabaw sang olo sang tinday sang baka, sa atubangan ni Iehoba; kag pagapugutan ang tinday sang baka sa atubangan ni Iehoba.

16 Niyan ang saserdote nga hinaplas magadalâ sang dugo sang tinday sang baka sa sulúd sang Layanglayang sang pakigkitaan;

17 Kag sa mabasâ sang saserdote ang iya tudlo sa sadtong dugo, pagaisablig niya ini sing makapito sa atubangan ni Iehoba, sa atubangan sang kumbung.

18 Pagaibutang man niya ang dugo sa

ibabaw sang mga sungay sang halaran nga yara sa atubangan ni Iehoba, nga yara sa sulúd sang Layanglayang sang pakigkitaan, kag ang tanan nga *nabilin* nga dugo, pagaiula niya sa tilan sang halaran sang halad nga sinunog, nga yara sa salamputan sang Layanglayang sang pakigkitaan.

19 Niyan pagakuhaon sa iya ang tanan nga sapay, kag pagasunogon niya ini sa ibabaw sang halaran.

20 Pagahimoon sa sini nga tinday sang baka, subung sang ginhimo sa tinday sang baka nga halad tungud sang salâ; subung sini ang pagahimoon sa iya. Sa sini nga bagay ang saserdote magahimo sang katumbasan tungud sa ila, kag ang *ila salâ* pagapatawaron sa ila.

21 Kag pagadalhon sa gowa sang dulugan ang tinday sang baka, kag pagasunogon sia subung nga ginsunog ang nahauna nga tinday sang baka: halad ini tungud sang salâ sang bug-os nga katilingban.

22 Kon ang isa ka dunganon makasalâ, nga walâ sia makahibalo, nga nagbuhat sia batok sang bisan ano sang mga sogo ni Iehoba nga iya Dios sa mga butang nga indi dapat paghimoon, kag nahimo sia nga makasalâ;

23 Kon pagpakilalahon sia sang salâ, nga ginubhat niya, magadalâ sia subung nga halad niya sing isa ka kanding nga lalaki nga walay dagta.

24 Kag pagaibutang niya ang iya kamut sa ibabaw sang olo sang lalaki nga kanding, nga pagapugutan sia sa duug sa diin ginapugutan ang halad nga sinunog sa atubangan ni Iehoba: halad ini tungud sang salâ.

25 Niyan ang saserdote magakuha sa iya tudlo sang dugo sang halad tungud sang salâ, kag pagaibutang niya ini sa ibabaw sang mga sungay sang halaran sang halad nga sinunog; kag ang *nabilin* nga dugo pagaiula niya sa tilan sang halaran sang halad nga sinunog.

26 Apang ang tanan nga sapay pagai-pasunog niya sa halaran, subung sang sapay sang halad sa paghidaet. Kag ang saserdote magahimo sang katumbasan tungud sa iya bangud sang iya salâ, kag pagapatawaron sia.

27 Kon isa ka tawo sang kadutaan makasalâ, nga walâ sia makahibalo, nga nagbuhat sia batok sang bisan ano sang mga sogo ni Iehoba sa mga butang nga



indi dapat paghimoon kag nahimo sia nga makasasalâ;

28 Kon pagpakilalahon sia sang salâ, nga ginbuhat niya, magadalâ sia nga iya halad sing isa ka bakia nga kanding, bakia nga walay dagta, bangud sang salâ nga ginbuhat niya;

29 Kag pagaibutang niya ang iya kamut sa ibabaw sang olo sang halad tungud sang salâ; kag pagapugutan ang halad tungud sang salâ sa duug sa diin *ginapugutan* ang halad nga sinunog.

30 Niyan ang saserdote sa iya tudlo magakuha sang dugo niya, kag pagaibutang sia niya sa ibabaw sang mga sungay sang halaran sang halad nga sinunog. Kag ang tanan nga dugo nga *nabilin* pagaiula sia niya sa tiilan sang halaran.

31 Kag pagakuhaan sia niya sang tanan nga sapay, subung sang pagkuha sang sa halad sa paghidaet, kag pagapasunog niya ini sa halaran, subung nga baho nga kalahamut-an ni Iehoba. Kag ang saserdote magahimo sang katumbasan tungud sini nga tawo, kag pagapatawaron sia.

32 Kag kon magdalâ sia sing kordero subung nga halad tungud sang salâ, magadalâ sia sing bakia nga walay dagta.

33 Kag pagibutang niya ang iya kamut sa ibabaw sang olo sang halad tungud sang salâ, kag pagapugutan, sia subung nga halad tungud sang salâ, sa duug sa diin *ginapugutan* ang halad nga sinunog.

34 Niyan ang saserdote magakuha sa iya tudlo sang dugo sang halad tungud sang salâ, kag pagaibutang niya ini sa ibabaw sang mga sungay sang halaran sang halad nga sinunog, kag ang tanan nga dugo nga *nabilin* pagaiula sia niya sa tiilan sang halaran.

35 Kag pagakuhaan sia niya sang tanan nga sapay, subung sang pagkuha sang sapay sang halad nga kordero sa paghidaet: kag ang saserdote magapasunog sini sa halaran, sa luyo sang *iban* nga mga halad nga pinadabdab kay Iehoba. Ang saserdote magahimo sang katumbasan tungud sang tawo, bangud sang salâ nga ginbuhat niya, kag pagapatawaron sia.

Ang mga halad tungud sang mga kahigkoan, tungud sang nabuhat nga sala sa mga butang nga balaan, kag tungud sang malain nga nahimo sa isigkalawo.

5 KON ang isa tawo makasalâ, nga nagapamati sang tingug sang paman sang *hulukmanan*, kag sia manginsaksi nga nakakita kag nakahibalo, kon indi niya pagipahayag ini, sia magadalâ sang iya salâ.

2 Kon ang isa ka tawo nakakamlut sang bisan ano nga butang nga mahigko, bisan sia lawas nga patay sang sapat nga mahigko, bisan sia lawas nga patay sang hayup nga mahigko, bisan sia lawas nga patay sang nagasagnoy nga mahigko, bisan pa walâ sia makahibalo, manginmahigko sia kag makasasalâ.

3 Kon magkamlut sia sang higko sang tawo, sono sang tanan nga makahigko sa tawo, bisan pa walâ sia makahibalo, kon makahibalo sia sini, nahimo nga makasasalâ sia.

4 Kon ang isa ka tawo, nga naghambal sa matabinason gid sa iya mga bibig, magsumpa sa paghimo sing malain kon sing maayo, sa bisan ano nga butang nga sarang makasumpa ang tawo sa maabtik gid, bisan pa walâ sia makahibalo, sang sia makahibalo sini, nakasalâ sia sa isa sining mga butang.

5 Busa, kon ang bisan sino nga nakasalâ sa isa sadtong mga butang, magatuad batok sa iya kaugalingon sadtong ginpakasal-an niya,

6 Kag magadalâ sia kay Iehoba, subung nga halad niya tungud sang kasalanan, tungud sang salâ nga nabuhat niya, sing isa ka bakia sang magamay nga kahayupan, bisan sia dumalaga nga obeha, bisan dumalaga nga kanding, nga halad tungud sang salâ, kag ang saserdote magahimo sing katumbasan tungud sa iya bangud sang iya salâ.

7 Kag kon indi sia makalambut nga sa isa ka obeha, niyan magadalâ sia kay Iehoba, subung nga iya halad sa kasalanan, tungud sang iya salâ, sing duha ka tokmo kon duha ka salampati, ang isa nga sa halad tungud sang salâ kag ang isa nga sa halad nga sinunog.

8 Kag pagadalhon niya sila sa saserdote, nga pagaihalad niya sing una ang nga sa halad tungud sang salâ, kag pagautdon niya sang koko ang olo sa

malapit sa liog, apang indi niya pagu-tason.

9 Kag pagaisablig niya ang dugo sang halad tungud sang salâ batok sa dingding sang halaran, kag ang nabilin sang dugo pagapugaon niya sa tiilan sang halaran: halad ini tungud sang salâ.

10 Kag pagaihalad niya ang ikaduha ka pispis sa halad nga sinunog sono sa tulumanon; kag ang saserdote magahimo sang katumbasan tungud sa iya, bangud sang salâ nga ginbuhat niya, kag pagapatawaron sia.

11 Kon indi sia makalambut sa pagdalâ sing duha ka tokmo kon duha ka salmipati, niyan magadalâ sia, subung nga halad tungud sang salâ, sang iya halad tungud sang salâ nga nabuhat niya: sing isa ka ikapulô ka bahin sang isa ka epa sang harina nga malum-ok; indi niya sia pagbutangan sing lana, bisan insienso, kay halad ini tungud sang salâ.

12 Busa, pagadalhon niya sia sa saserdote, kag ang saserdote magahakup sa iya sing isa ka hakup nga punô sa halandumanan, kag pagaipasunog niya ini sa halaran, patî sang mga halad nga pinadabdab kay Iehoba: halad ini tungud sang salâ.

13 Kag ang saserdote magahimo sang katumbasan tungud sini nga tawo, tungud sang salâ nga ginbuhat niya, sa bisan ano sadtong mga butang; kag pagapatawaron sia. Kag ang *nabilin* manginiya sang saserdote, subung sang halad nga kalan-on."

14 Kag naghambal si Iehoba kay Moises, nga nagasiling:

15 "Kon ang isa ka tawo makabuhat sing paglapas kag makasalâ, nga walâ sia makahibalo, sa mga butang nga balaan ni Iehoba, magadalâ sia kay Iehoba subung nga iya halad sa kasal-anan, sing isa ka karnero nga walay dagta sang magamay nga kahayupan, sono sang imo pagpabili sa mga siklo nga pilak, siling sang siklo sang balaan nga puluyan, sa halad tungud sang salâ.

16 Pagaulian niya ang bili sang butang nga balaan, nga ginpakasal-an niya, kag pagadugangan niya sia sing ikalima ka bahin; kag pagaihatag niya ini sa saserdote, kag ang saserdote magahimo sang katumbasan tungud sini nga tawo tungud sang karnero sang halad sa kasal-anan, kag pagapatawaron sia.

17 Kag kon ang isa ka tawo makasalâ,

nga nagabuhat batok sa bisan ano nga mga sogo ni Iehoba, nga indi dapat paghimon, bisan pa walâ sia makahibalo makasalâ sia kag pagadalhon niya ang iya salâ.

18 Magadalâ sia sa saserdote, subung nga halad sa kasal-anan, sing isa ka karnero nga walay dagta sa magamay nga kahayupan, sono sang imo pagpabili, kag ang saserdote magahimo sang katumbasan tungud sini nga tawo, bangud sang salâ nga nabuhat niya, sa walâ sia makahibalo, kag pagapatawaron sia.

19 Halad ini sa kasal-anan. Sa pagkamatuud gid, makasasalâ sia sa atubangan ni Iehoba."

**6** KAG si Iehoba naghambal kay Moises, nga nagasiling:

2 "Kon ang isa ka tawo magpakasalâ, kag maghimo sing paglapas batok kay Iehoba kag magbutig sa iya isigkatawo nahanungud sa pinatago, kon sa panaad, kon sa pagkawat, kon sa pagpigus sa iya isigkatawo;

3 Kon nakakita sia sang nadula kag magbutig nahanungud sa iya, kag magsumpa sing butig, sa bisan ano sadtong mga butang nga ang mga tawo makasalâ sa paghimo sa ila;

4 Kon sa sini makasalâ sia kag nanginmakasasalâ sia, pagaiuli niya ang kinawat niya, kon ang pinigusan niya, kon ang pinatago nga ginsalig sa iya, kon ang butang nga nadula nga nakita niya,

5 Kon yadtong tanan nga ginsumpa niya sa butig; sia magauli sing himpit nga tumbas nga bili, sia magadugang sa sini sing isa ka ikalima nga bahin, kag magahatag sia sini sa tagiya, sa adlaw nga sia maghimo sang iya halad sa kasal-anan.

6 Kag magadalâ sia kay Iehoba sang iya halad sa kasal-anan: sing isa ka karnero nga walay dagta sang magamay nga kahayupan, sono sang imo pagpabili; kag *pagaihatag* ini sa saserdote subung nga halad sa kasal-anan;

7 Kag ang saserdote magahimo sang katumbasan tungud sini nga tawo sa atubangan ni Iehoba, kag pagapatawaron sia sang iya salâ sa nahanungud sa bisan ano sadtong mga *sayup*, nga nahimo niya, nga nagapapakasalâ sa iya."



Lainlaia nga mga solendan nahanungud sa mga halad nga sinunog, mga halad nga kalan-on, mga halad nga inugpahanungud.

8 Kag si Iehoba naghambal kay Moises, nga nagasiling:

9 "Sogoa si Aaron kag ang iya mga anak, nga nagasiling: Ini amo ang kasogoon sang halad nga sinunog: Ang halad nga sinunog didto sia sa ibabaw sang gatong, sa ibabaw sang halaran, sa bug-os nga gab-i tubtub sa aga, kag ang kalayo sang halaran magapadayon sa pagdabdab sa iya sini.

10 Kag ang saserdote magasuklub sang iya panapton nga lino nga manipis, pagaisuklub man niya sa ibabaw sang iya unud ang iya mga sarawal nga lino nga manipis. Sia magakuha sang mga abo sang halad nga sinunog, nga ginsunog sang kalayo sa ibabaw sang halaran, kag pagaibutang niya sila sa isa ka luyo sang halaran.

11 Kag pagaubahon niya ang iya mga panapton, kag magasuklub sia sang iban nga mga panapton, kag pagadalhon niya ang mga abo sa gowa sang dulugan sa isa ka duug nga matinlo.

12 Apang ang kalayo sa ibabaw sang halaran magadabdab sa iya sini; indi sia pagpalongon. Aag saserdote magapadabdab sing gatong sa ibabaw niya sa tanan nga aga; kag pagaibutang niya, sa pasunud, sa ibabaw niya ang halad nga sinunog, kag pagaipasunog niya sa ibabaw niya ang sapay sang mga halad sa paghidaet.

13 Ang kalayo magadabdab sa giha-pon sa ibabaw sang halaran; indi sia pagapalongon.

14 Yari karon ang kasogoon sang halad nga kalan-on: Pagaihalad ini sang mga anak ni Aaron sa atubangan ni Iehoba, sa atubang sang halaran.

15 Magakuha sia sa iya sing isa ka haksangharina nga malom-ok sang halad nga kalan-on kag sang iya lana patí sang tanan niya nga insienso nga didto sa ibabaw sang halad nga kalan-on, kag pagaipasunog niya ini sa ibabaw sang halaran sa baho nga kalahamut-an, sa handumanan kay Iehoba.

16 Kag ang nabilin sa iya, pagakaonon ini ni Aaron kag sang iya mga anak; sa walay tapay pagakaonon sia sa duug nga balaan: sa sulúd sang patyo sang

Layanglayang sang pakigkitaan pagakaonon nila ini.

17 Indi paglutoon ini nga may tapay: ini bahin nila, nga ginhatag ko sa ila sa akon mga halad nga pinadabdab. Butang ini nga balaan gid, subung sang halad tungud sang salá, kag subung sang halad sa kasal-anan.

18 Ang tanan nga lalaki sang mga anak ni Aaron magakalaon sa iya. Palatukuran ini nga dayon nga sa inyo mga kaliwatan, nahanungud sang mga halad nga pinadabdab kay Iehoba: ang tanantanan nga magkamlut sa ila manginbalaan."

19 Kag si Iehoba naghambal kay Moises, nga nagasiling:

20 "Yari karon ang halad ni Aaron kag sang iya mga anak, nga pagaihalad nila kay Iehoba kutub sa adlaw nga ginhaplas sia: ang ikapulô ka bahin sang isa ka epa nga harina nga malumok subung nga halad nga kalan-on sa giha-pon, ang katungâ sa aga kag ang isa ka katungâ sa hapon.

21 Sa kalaha pagaamanon sia nga may lana; pagadalhon mo sia diri nga napasugbo sing maayo kag linuto, subung sang halad nga kalan-on nga tinipiktiplik; pagaihalad mo sia sa baho nga kalahamut-an ni Iehoba.

22 Yadtong sa mga anak ni Aaron nga pagahaplason nga saserdote sa salili niya, magaaman sining halad nga kalan-on. Ini among palatukuran nga dayon kay Iehoba: pagauposon gid sia.

23 Ang tanan nga halad nga kalan-on nga iya sang saserdote, pagauposon gid sia: indi pagkaonon."

24 Kag si Iehoba naghambal kay Moises, nga nagasiling:

25 "Ihambal kay Aaron kag sa iya mga anak, kag isiling sa ila: Yari karon ang kasogoon sang halad tungud sang salá: sa duug sa diin ginapugutan ang halad nga sinunog, pagapugutan ang halad tungud sang salá, sa atubangan ni Iehoba: butang ini nga balaan gid.

26 Ang saserdote nga maghalad tungud sang salá, magakaon sa iya; sa duug nga balaan magakaon sia sa iya, sa sulúd sang patyo sang Layanglayang sang pakigkitaan.

27 Ang tanan nga magkamlut sang iya unud, pagapakabalaanon sia; kag kon magsumpit ang iya dugo sa ibabaw sang isa ka panapton, pagahugasan mo

yadtong sinumpitan, sa duug nga balaan.

28 Kag ang kolon nga malutoan sa iya, pagaboongon; kon maluto sia sa suludlan nga saway, pagahinisan ini sia kag hugasan sang tubig.

29 Ang tanan nga lalaki sa tungâ sang mga saserdote sarang makakaon sa iya: butang ini nga balaan gid.

30 Apang walâ sing bisan ano nga halad tungud sang salâ, nga ang iya dugo madalâ sa sulûd sang Layang-layang sang pakigkitaan sa paghimo sang katumbasan sa balaan nga Puluyan, nga pagakaonon sia, kondi sa kalayo pagasunogon sia.

**7** YARI karon ang kasogoon sang halad sa kasal-anan: butang ini nga balaan gid.

2 Sa dung sa diin ginapugutan ang halad nga sinunog, pagapugutan nila ang halad sa kasal-anan, kag ang iya dugo pagaisablig sa ibabaw sang halaran sa palibot.

3 Kag sa iya pagaihalad ang tanan nga sapay: ang ikog nga sapayon, ang sapay nga nagaputus sang mga kasudlan,

4 Kag ang duha ka tagimuslion, kag ang sapay nga yara sa ibabaw nila, nga yara sa mga taludtud, kag ang labut-labut sa atay, nga pagakuhaon ini sa duha ka tagimuslion.

5 Pagaipasunog ini sila sang saserdote sa ibabaw sang halaran, subung nga halad nga pinadabdab kay Iehoba: halad ini sa kasal-anan.

6 Ang tanan nga lalaki sa tungâ sang mga saserdote sarang makakaon sa iya; sa duug nga balaan pagakaonon sia: butang ini nga balaan gid.

7 Ang halad sa kasal-anan mangin-subung sang halad tungud sang salâ: ang kasogoon nila isa gid lamang: manginiya ini sang saserdote, nga naghimo sang katumbasan bangud sa iya.

8 Ang saserdote nga naghalad sang halad nga sinunog sang isa ka tawo, ang panit sang halad nga sinunog manginiya sang saserdote nga naghalad.

9 Ang tanan man nga halad nga kalan-on, nga maluto sa bibingkahan, kag ang tanan nga maaman sa kalaha, kon sa tatso, manginiya sang saserdote nga naghalad sa iya.

10 Kag ang tanan nga halad nga kalan-on nga nasamoan sang lana kag

mamala, manginiya sang tanan nga mga anak ni Aaron, sa isa amo man sa isa.

11 Kay yari karon ang kasogoon sang halad sa paghidaet, nga pagaihalad kay Iehoba:

12 Kon ang isa ka two maghalad sing *halad* sa pagpasalamat, magahalad sia upud sang halad sa pagpasalamat, sing mga torta nga walay tapay, nga nasa-moan sang lana, mga manipis nga tinapay nga walay tapay nga nahibo sang lana, kag harina nga malum-ok nga pinasugbo, nga mga torta nga linamas sa lana.

13 Pagaihalad niya ang iya halad nga may mga torta nga tinapay nga may tapay, tingub sang iya halad sa pagpasalamat kag sa paghidaet.

14 Kag magahalad sia sa iya sing isa sang tagsa ka halad, nga halad nga binayaw kay Iehoba; manginiya ini sang saserdote, nga magsablig sang dugo sang mga halad sa paghidaet.

15 Kag ang unud sang iya halad sa pagpasalamat kag sa paghidaet pagakaonon sia sa adlaw sang paghalad sa iya: walâ gid sing mabilin sa iya tubtub sa aga.

16 Apang kon ang halad sang isa among isa ka halad sa panaad kon kinabubut-on, and unud pagakaonon sa adlaw nga sia maghalad sang iya halad, kag sa adlaw man nga madason pagakaonon ang nabilin sa iya.

17 Kag kon may mabilin sang unud sang iya halad tubtub sa adlaw nga ikatlo, pagasunogon ini sa kalayo.

18 Kag kon magkaon ang isa sang unud sang iya halad sa paghidaet sa adlaw nga ikatlo, ang *halad* indi pagabatunon; indi pagaipahanungud sa sad-tong naghalad sa iya, *kondi* manginmahigko sia. Ang tawo nga nagkaon sa iya, magadalâ sang iya kalautan.

19 Kag ang unud nga magsagaid sa bisan ano nga butang nga mahigko, indi pagakaonon; pagasunogon ini sa kalayo. Apang nahanungud sang unud nga *walâ madagtai*, bisan sin-o nga tawo nga matinlo sarang makakaon sa iya.

20 Kag kon ang isa ka tawo magkaon sang unud sang halad sa paghidaet, nga nahanungud kay Iehoba, nga may kahigkoan sia sa ibabaw niya, ang amo nga tawo pagautdon sa tungâ sang iya banwa.

21 Kag kon ang isa ka tawo magkam-



lut sang bisan ano nga butang nga mahigko, subung sang higko sang tawo, kon sapat nga mahigko, kon higko sang bisan anano nga butang nga kalangil-aran, kag kon magkaon sia sang unud sang halad sa paghidaet, nga nahanungud kay Iehoba, ang amo nga tawo pagautdon sa tungâ sang iya banwa."

22 Kag si Iehoba naghambal kay Moises, nga nagasiling:

23 "Ihambal sa mga inanak ni Israel kag isiling sa ila: Indi kamo magkalaon sing bisan ano nga sapay, bisan sang baka, bisan sang obeha, bisan sang kanding.

24 Ang sapay sang sapat nga patay kon sang kinusnit, sarang maggamit sa bisan ano nga galamiton; apang indi kamo magkalaon sa iya.

25 Kay yadtong tanan nga magkaon sang sapay sang sapat, nga sarang mahalad sa halad nga pinadabdab kay Iehoba, ang tawo nga nakakaon sini, pagautdon sia sa tungâ sang iya banwa.

26 Indi kamo magkalaon sing ano nga dugo sa tanan ninyo nga mga puluy-an, bisan sang mga kapispisan, bisan sang kahayupan.

27 Kon ang isa ka tawo magkaon sang bisan ano nga dugo, ang amo nga tawo pagautdon sa tungâ sang iya banwa."

28 Kag naghambal si Iehoba kay Moises nga nagasiling:

29 "Ihambal sa mga inanak ni Israel kag isiling sa ila: Ang maghalad kay Iehoba sang iya halad sa paghidaet, magadalâ kay Iehoba sang iya halad, nga kinuha sa iya halad sa paghidaet.

30 Ang iya mga kamut magadalâ sang mga halad nga pinadabdab kay Iehoba: pagadalhon niya ang sapay upud sang dughan, agud nga ang dughan paghabugon subung nga halad nga hinabog sa atubangan ni Iehoba.

31 Pagaipasunog sang saserdote ang sapay sa halaran; apang ang dughan manginiya ni Aaron kag iya sang iya mga anak.

32 Pagaihatag man niya sa saserdote, subung nga halad nga binayaw, ang balikawang nga too sang inyo mga halad sa paghidaet.

33 Yadtong sa mga anak ni Aaron nga maghalad sang dugo kag sang sapay sang mga halad sa paghidaet, manginiya

ang balikawang nga too, subung nga bahin niya.

34 Kay ako nagkuha sa mga inanak ni Israel, sa ila mga halad sa paghidaet, sang dughan nga hinabog, kag sang balikawang nga binayaw, kag ginhatag ko ini sa saserdote nga si Aaron kag sa iya mga anak subung nga palatukuran sa gihapon, sa mga inanak ni Ierael.

35 Ini amo ang nahanungud sang paghaplas kay Aaron kag sang paghaplas sa iya mga anak sang mga halad nga pinadabdab kay Iehoba, kutub sang adaw nga ginpaatubang nila kay Iehoba, nga sa paghikot sang pagkasaserdote."

36 Si Iehoba nagsogo sini nga pagaihatag ini sa sila, gikan sa mga inanak ni Israel, sa adlaw nga ginpanghaplas sila: ini palatukuran nga dayon sa ila mga kaliwatan.

37 Amo ini ang kasogoan sang mga halad nga sinunog, sang halad nga kалан-on, sang halad tungud sang salâ, sang halad sa kasal-anan, sang halad sa pagpahanungud, kag sang halad sa paghidaet;

38 Nga ginsogo ni Iehoba kay Moises sa bukid nga Sinai, sang adlaw nga nagsogo sia sa mga inanak ni Israel, nga maghalalad sila sang ila mga halad kay Iehoba sa kahanayakan sa Sinai.

Pagpakabalaan kay Aaron kag sa iya mga anak.

**8** KAG naghambal si Iehoba kay Moises, nga nagasiling:

2 "Kuhaa si Aaron kag ang iya mga anak upud sa iya, patí sang mga panap-ton, sang lana nga ihalapas, sang tinday nga baka nga halad tungud sang salâ, sang duha ka karnero, kag sang tabigtabig sang mga tinapay nga walay tapay, 3 Kag tipona ang bug-os nga katilingban sa salamputan sang Layanglayang sang pakigkitaan."

4 Kag ginhimo ni Moises, sono sang ginsogo sa iya ni Iehoba; kag nagtipon ang katilingban sa salamputan sang Layanglayang sang pakigkitaan.

5 Niyan si Moises nagsiling sa katilingban: "Ini amo ang ginsogo ni Iehoba nga pagahimoon."

6 Kag ginpapalapit ni Moises si Aaron kag ang iya mga anak, kag ginhunawan niya sila sang tubig.

7 Kag ginsuklub niya sa iya ang bayô nga malaba, kag ginwagkus niya sa iya

ang wagkus; ginpapanaput niya sa iya ang bayô nga malabalaba kag ginbutang niya sa ibabaw ang epod, kag ginhigot niya ini upud sang lubid nga linubid sing mauti gid sang epod, kag ginpa-haum niya ini upud sa iya.

8 Kag ginbutang niya sa iya ang hapin sa dughan, kag ginbutang niya sa sulúd sang hapin sa dughan ang Urim kag ang Tumim.\*

9 Kag ginbutang niya ang turbante sa ibabaw sang iya olo, kag ginbutang niya sa ibabaw sang turbante ang diadema nga bulawan nga binuli, ang purungpurung nga balaan, sono sang ginsogo ni Iehoba kay Moises.

10 Kag ginkuha ni Moises ang lana nga ihalaplas, kag ginhaplas niya ang Puluy-an patí ang tanan nga mga butang nga yara sa iya, kag ginpakabalaan niya sila.

11 Kag nagsablig sia sa iya sa ibabaw sang halaran sing makapito, kag ginhaplas niya ang halaran patí ang tanan niya nga mga gamit; ginhaplas man niya ang batiya kag ang iya tulung-tungan nga sa pagpakabalaan sa ila.

12 Niyan ginbo-bo niya ang lana nga ihalaplas sa ibabaw sang olo ni Aaron, kag ginhaplas niya sia sa pagpakabalaan sa iya.

13 Kag ginpapalapit ni Moises ang mga anak ni Aaron, kag ginsukluban niya sila sang mga bayô nga malaba, kag ginwagkusan niya sila sang mga wagkus, kag ginhigot niya sa ila ang mga goro sa palibot, sono sang ginsogo ni Iehoba kay Moises.

14 Kag ginpapalapit niya ang tiinday sang baka nga halad tungud sang salâ; kag ginbutang ni Aaron kag sang iya mga anak ang mga kamut sa ibabaw sang olo sang tiinday sang baka nga halad tungud sang salâ.

15 Kag ginpugutan niya ini; kag ginkuha ni Moises ang dugo, kag sa iya ginbutang niya sa ibabaw sang mga sungay sang halaran sa palibot; kag gintinloan niya ang halaran sang salâ, kag ang *iban* nga dugo ginula niya sia sa tiilan sang halaran, kag ginpakabalaan niya ini, nga ginahimo niya ang katumbasan tungud sa iya.

16 Kag ginkuha ni Moises ang tanan

nga sapay nga yara sa ibabaw sang mga kasudlan, ang labutlabut sa atay, kag ang duha ka tagimuslion patí ang sapay nila kag ginpasunog sila ni Moises sa halaran.

17 Apang ang tiinday sang baka patí ang iya panit, ang iya unud kag ang iya ipot, ginsunog niya ini sa kalayo sa luwas sang dulugan, sono sang ginsogo ni Iehoba kay Moises.

18 Kag ginpapalapit niya ang karnero sang halad nga sinunog; kag ginbutang ni Aaron kag sang iya mga anak ang mga kamut sa ibabaw sang olo sang karnero.

19 Kag ginpugutan niya sia; kag ginsablig ni Moises ang dugo sa ibabaw sang halaran sa palibot.

20 Kag ginhiwahiwa ang karnero, kag ginpasunog ni Moises ang olo, upud sang mga hiniwa kag sang sapay.

21 Kag ginhugasan ang mga kasudlan kag ang mga balikawang sang tubig; kag ginpasunog ni Moises ang bug-os nga karnero sa ibabaw sang halaran: halad nga sinunog ini sa baho nga kalahamut-an, halad ini nga pinadabdab kay Iehoba, sono sang ginsogo ni Iehoba kay Moises.

22 Kag ginpapalapit niya ang ikaduha ka karnero, ang karnero sang pagpa-hanungud; kag ginbutang ni Aaron kag sang iya mga anak ang mga kamut sa ibabaw sang olo sang karnero.

23 Kag ginpugutan sia; kag nagkuha si Moises sa dugo, kag ginbutang niya sia sa labit sang dulungan nga too ni Aaron, kag sa ibabaw sang kumulagko sang iya kamut nga too, kag sa ibabaw sang kumulagko sang iya tiil nga too.

24 Kag ginpapalapit ni Moises ang mga anak ni Aaron, kag ginbutangan niya sila sa dugo sa labit sang dulungan nga too, kag sa ibabaw sang kumulagko sang kamut nga too kag sa ibabaw sang kumulagko sang tiil nga too; kag ginsablig ni Moises ang dugo sa ibabaw sang halaran sa palibot.

25 Kag ginkuha niya ang sapay, kag ang ikog nga sapayan kag ang tanan nga sapay, nga yara sa ibabaw sang mga kasudlan, ang labutlabut sa atay, ang duha ka tagimuslion patí ang ila sapay kag ang balikawang nga too;

26 Kag sa tabigtabig sang tinapay nga walay tapay, nga yara sa atubangan ni Iehoba, nagkuha sia sing isa ka torta sa

\* *Urim kag Tumim*, mga kapawa kag mga kahimpitan,



tinapay nga walay tapay, kag isa ka torta sa tinapay nga lanahon kag ang isa ka manipis nga tinapay ; kag ginbutang niya sila sa ibabaw sang mga sapay kag sa ibabaw sang balikawang nga too ;

27 Kag ginbutang niya ini nga tanan sa mga palad sang kamut ni Aaron, kag sa mga palad sang kamut sang iya mga anak, kag ginpahabog niya sa ila nga halad nga hinabog sa atubangan ni Iehoba.

28 Kag ginkuha sila ni Moises sa ila mga kamut, kag ginpasunog sila ni Moises sa halaran sa ibabaw sang halad nga sinunog : halad ini sa pagpahanangud, isa ka baho nga kalahamut-an : halad ini nga pinadabdag kay Iehoba.

29 Kag ginkuha ni Moises ang dughan, kag ginpahabog niya ini nga halad nga hinabog sa atubangan ni Iehoba : ini nanginbahin sang karnero sa pagpahanangud, nga nahanangud kay Moises, sono sang ginsogo ni Iehoba kay Moises.

30 Kag nagkuha si Moises sa lana nga ihalaplas, kag sa dugo nga yara sa ibabaw sang halaran, kag ginsablig niya sa ibabaw ni Aaron kag sa ibabaw sang iya mga panapton, kag sa ibabaw sang iya mga anak, kag sa ibabaw sang mga panapton sang iya mga anak upud sa iya : sa sini ginpakabalaan niya si Aaron kag ang iya mga panapton, kag ang iya mga anak kag ang mga panapton sang iya mga anak upud sa iya.

31 Kag si Moises nagsiling kay Aaron kag sa iya mga anak : "Lutoa-ninyo ang unud sa salamputan sang Layanglayang sang pakigkitaan, kag didto gid kaonon-ninyo sia, pati sang tinapay nga yara sa tabigtabig sang halad sa pagpahanangud, sono sang ginsogo ko, nga nagsiling : Si Aaron kag ang iya mga anak magakalaon sa iya.

32 Apang ang mabilin sang unud kag sang tinapay pagasanogon ninyo ini sa kalayo.

33 Kag sa salamputan sang Layanglayang sang pakigkitaan indi kamo maggulowa sa pito ka adlaw, tubtub sa adlaw nga magkalatuman ang mga adlaw sang pagpahanangud sa inyo ; kay pito ka adlaw magadugay ang pagpahanangud sa inyo.

34 Si Iehoba nagsogo nga himoon, subung sang ginhimo karon nga adlaw, nga sa katumbasan tungud sa inyo.

35 Magpuluyô-kamo sa adlaw kag sa gab-i sa salamputan sang Layanglayang

sang pakigkitaan ; kag sa pito ka adlaw, magatuluman kamo sang tugon ni Iehoba, agud nga indi kamo magkalamatay ; kay amo ini ang ginsogo sa akon."

36 Kag ginhimo ni Aaron kag sang iya mga anak ang tanantanan, nga ginsogo ni Iehoba bangud kay Moises.

Nahanangud sang mga halad nga ginhalad ni Aaron.

9 KAG nahanabu, sa adlaw nga ikawalo, nga gintawag ni Moises si Aaron kag ang iya mga anak upud ang mga tigulang sa Israel,

2 Kag nagsiling sia kay Aaron : "Kuha-ka sing isa ka tinday sang baka sang kabakahan, nga sa halad tungud sang salâ, kag isa ka karnero nga sa halad nga sinunog, sila nga duha walay dagta, kag pagaihalad mo sila sa atubangan ni Iehoba.

3 Kag pagaihambal mo sa mga inanak ni Israel, nga nagsiling : Kuluha-kamo sing isa ka kanding nga lalaki nga sa halad tungud sang salâ ; kag isa ka tinday sang baka kag isa ka kordero, nga mga walay dagta, kag sa edad nga isa ka tuig, nga sa halad nga sinunog ;

4 Kag isa ka tinday sang baka kag isa ka karnero nga sa mga halad sa paghidaet, sa paghalad sa ila sa atubangan ni Iehoba ; kag isa ka halad nga kalanon nga nasamoan sang lana ; kay karon si Iehoba magapahayag sa inyo."

5 Kag nagdalalâ sila sa atubangan sang Layanglayang sang pakigkitaan sang ginsogo ni Moises, kag nagpalapit ang bug-os nga katilingban, kag nagtindug didto sa atubangan ni Iehoba.

6 Kag nagsiling si Moises : "Ini amo ang ginsogo ni Iehoba : himoa-ninyo ini, kag magapahayag sa inyo ang himaya ni Iehoba."

7 Kag si Moises nagsiling kay Aaron : "Palapit-ka sa halaran, kag ihalad ang imo halad tungud sang salâ kag ang imo halad nga sinunog, kag maghimo-ka sang katumbasan tungud sa imo gid, kag tungud sang banwa : maghalad-ka sang halad sang banwa kag maghimo-ka sang katumbasan tungud sa ila, sono sang ginsogo ni Iehoba.

8 Kag nagpalapit si Aaron sa halaran, kag ginpugutan niya ang tinday

sang baka nga iya halad tungud sang salâ.

9 Kag ang mga anak ni Aaron nag-halalad sa iya sing dugo, kag sang binasâ niya sang dugo ang tudlo niya, ginbutang niya sia sa ibabaw sang mga sungay sang halaran ; kag ang dugo nga *nabalin* ginula niya sia sa tiilan sang halaran.

10 Kag ginpasunog niya sa halaran ang sapay, ang mga tagimuslion kag ang labutlabut sa atay, nga halad tungud sang salâ, sono sang ginsogo ni Iehoba kay Moises.

11 Apang ang unud kag ang panit ginsunog niya sila sa gowa sang dulongan.

12 Kag ginpugutan niya ang halad nga sinunog ; kag ang mga anak ni Aaron nagpasaylo sa iya *kamut* sang dugo, kag ginula niya sia sa ibabaw sang halaran sa palibot.

13 Kag ginpasaylo nilâ sa iya *kamut* ang halad nga sinunog nga ginulutgulut kag ang olo, kag ginpasunog niya sila sa ibabaw sang halaran.

14 Kag ginhugasan ang mga kasudlan kag ang mga balikawang, kag ginpasunog niya ini sila sa ibabaw sang halad nga sinunog, sa ibabaw sang halaran.

15 Kag ginhalad niya ang halad sang banwa. Kag kinuha niya ang kanding nga lalaki nga halad tungud sang salâ nga iya sang banwa, kag ginpugutan niya sia, kag ginhalad niya sia tungud sang salâ, subung sang nahauna nga halad.

16 Niyan ginhalad niya ang halad nga sinunog, kag ginhalad niya ini sono sang tulumanon.

17 Kag ginhalad niya ang halad nga kalan-on ; kag sang naghakup sia sa iya sing isa ka hakup nga punô, ginpasunog niya ini sa ibabaw sang halaran, walay labut sang halad nga sinunog sa aga.

18 Kag ginpugutan niya ang tinday sang baka kag ang karnero, halad sang mga halad sa paghidaet nga iya ini sang banwa ; kag ang mga anak ni Aaron nagpasaylo sa iya *kamut* sang dugo, kag sia nagsablig sa iya sa ibabaw sang halaran sa palibot.

19 *Gindala* man nila sa iya ang mga sapay sang tinday sang baka kag sang karnero, ang ikog nga sapayon, ang nagatabon sang mga *kasudlan*, ang mga tagimuslion kag ang labutlabut sa atay.

20 Kag ginbutang nila ang mga sapay sa ibabaw sang mga dughan kag ginpasunog niya ang mga sapay sa halaran.

21 Apang ang mga dughan kag ang balikawang nga too, ginhabog sila ni Aaron nga halad nga hinabog sa atubangan ni Iehoba, sono sang ginsogo ni Moises.

22 Kag ginbayaw ni Aaron ang mga kamut nayon sa banwa kag ginpakamaayo niya sila ; kag nagpanaug sia sa *halaran*, diin ginhalad niya ang halad tungud sang salâ, kag ang halad nga sinunog kag ang mga halad sa paghidaet.

23 Kag si Moises kag si Aaron nagsululd sa Layanglayang sang pakigkitaan, kag nagulowa sila, kag ginpakamaayo nila ang banwa. Kag nagpahayag ang himaya ni Iehoba sa bug-os nga banwa.

24 Kag sa atubangan ni Iehoba nag-gowa ang kalayo nga naghalunhon, sa ibabaw sang halaran, sang halad nga sinunog kag sang mga sapay. Kag sang pagkakita sini sang bug-os nga banwa, nagsilingit sila kag naghalapa.

Si Nadab kag si Abin ginpanghalunhon sang kalayo nga langitnon.

**10** KAG ang mga anak nga lalaki ni Aaron, nga si Nadab kag si Abiu, nagkuluha ang tagsatagsa sa ila sang iya insensario kag binutangan nila sila sing kalayo, kag binutangan nila sing insienso sa ibabaw niya, kag naghalalad sila sa atubangan ni Iehoba sing kalayo nga indi nagakaigo, nga sia walâ magsogo sa ila.

2 Kag naghalin ang kalayo sa atubangan ni Iehoba kag nagupus sa ila, kag nagkalamatay sila sa atubangan ni Iehoba.

3 Niyan si Moises nagsiling kay Aaron : "Ini amo ang ginhambal ni Iehoba, nga nagsiling : Sa mga nagapalapit sa akon, pagapakabalaanon ako, kag sa atubangan sang bug-os nga banwa pagahimayaon ako." Kag si Aaron naghipus.

4 Kag gintawag ni Moises si Misael kag si Elspan, mga anak nga lalaki ni Usiel, nga batâ ni Aaron, kag nagsiling sia sa ila : "Palapit-kamo, dalha-ninyo ang inyo mga utud sa atubangan sang Puluyan nga balaan sa gowa sang dulongan."



5 Kag sila nagpalapit, kag dinalá nila sila upud ang ila mġa bayô nġa malaba sa gowa sang dulgugan, subung sang ginsiling ni Moises.

6 Niyan si Moises nagsiling kay Aaron, kag kay Eleasar, kag kay Itamar, nġa iya mġa anak: "Dili ninyo pagbuxsan ang inyo mġa olo, bisan gision-ninyo ang inyo panapton, agud nġa indi kamo mamatay, bisan mag-abut ang kaakig sa ibabaw sang bug-os nġa katilingban. Apang ang inyo mġa útud, ang bug-os nġa baláy ni Israel, magpalanganduhoy sila bāngud sang sunog, nġa tinutdan ni Iehoba.

7 Kag dili kamo maggulowa sa salamputan sang Layanglayang sang pakigkitaan; kay magakalamatay kamo, tungud nġa ang lana sang hinaplas ni Iehoba yara sa inyo." Kag ginhimo nila, sono sang siniling ni Moises.

8 Kag si Iehoba naghambal kay Aaron, nġa nagsiling:

9 "Ikaw kag ang imo mġa anak nġa lalaki kaúpud nimo, dili kamo mag-inum sing alak, bisan makahulubug nġa ilimnon, kon kamo buut magsulud sa Layanglayang sang pakigkitaan, agud nġa indi kamo mamatay. Palatukuran nġa dayon ini sa inyo mġa kaliwatan,

10 Agud nġa sarang kamo makapain sa tungâ sang balaan kag sang dibalaan, kag sa tungâ sang mahigko kag sang matinlo;

11 Kag agud nġa maton-an ang mġa anak ni Israel sang tanan nġa mġa palatukuran nġa ginbantala sa ila ni Iehoba tungud kay Moises.

12 Kag si Moises nagsiling kay Aaron, kay Eleasar kag kay Itamar, nġa mġa anak nġa lalaki nġa nagkalabilin sa iya: "Kuhaa-ninyo ang halad nġa kalan-on nġa nabilin sa mġa halad nġa pinadabdab kay Iehoba, kag kaona-ninyo ini nġa walay tapay sa luyo sang halaran: kay butang ini nġa balaan gid.

13 Kaanon-ninyo ini sa duug nġa balaan, kay ini among katadlungan mo kag katadlungan sang imo mġa anak sa mġa halad nġa pinadabdab kay Iehoba; kay amo ini ang ginsogo sa akon.

14 Kag ang dughan sang halad nġa hinabog kag ang balikawang sang halad nġa binayaw, pagakaanon ninyo sila sa duug nġa matinlo, ikaw kag ang imo mġa anak nġa lalaki kag mġa babae upud sa imo; kag ginpanghatag sila

sa inyo, subung nġa imo katadlungan kag katadlungan sang imo mġa anak sa mġa halad sa paghidaet sang mġa inanak ni Israel.

15 Kag magadalalá sila sang balikawang sang halad nġa binayaw kag sang dughan sang halad nġa hinabog, walay labut sang mġa halad nġa pinadabdab sang mġa sapay, nġa sa pagpahabog sa ila nġa halad nġa hinabog sa atubangan ni Iehoba; kag sila manginpalatukuran nġa dayon nġa sa imo kag nġa sa imo mġa anak upud sa imo, sono sang ginsogo ni Iehoba."

16 Apang ginpangita ni Moises ang kanding nġa lalaki sang halad tungud sang salâ, kag yari karon nġa ginsunog sia. Kag si Moises naakig batok kay Eleasar kag kay Itamar, nġa mġa anak ni Aaron nġa nagkalabilin sa iya, nġa nagsiling:

17 "¿Kay nġaa bala walâ ninyo pagkaona ang halad tungud sang salâ sa duug nġa balaan? Kay butang ini nġa balaan gid; kag ginhatag sia sa inyo nġa sa pagdalâ sang kalautan sang katilingban, sa paghimo sang katumbasan tungud sa ila sa atubangan ni Iehoba.

18 Yari karon, walâ pagisulud ang iya dugo sa sulud sang balaan nġa Puluy-an; kinahanglan kunta nġa nakagkaon na kamo sa iya sa balaan nġa duug, sono sang ginsogo ko sa inyo."

19 Kag si Aaron nagsiling kay Moises: "Yari karon, nġa sila naghalalad karon sang ila halad tungud sang salâ kag sang ila halad nġa sinunog sa atubangan ni Iehoba. Kag sa akon nagkalahanabu ang subung sini nġa mġa butang: kon ako nakagkaon na kunta sang halad tungud sang salâ karon, ¿ayhan nanginkalahamut-an bala ini kunta ni Iehoba?"

20 Kag sang nabatian ini ni Moises, nanginmaayo sa iya mġa mata.

Mġa kasagoan nahanungud sang mġa kasapatan nġa matinlo kag dimatinlo.

11 KAG naghambal si Iehoba kay Moises kag kay Aaron, kag nagsiling sia sa ila: "Ihambal-ninyo sa mġa inanak ni Israel, nġa nagsiling:

2 Ini sila amo ang mġa kasapatan nġa sarang ninyo makaon, sa tungâ sang tanan nġa mġa kasapatan nġa yara sa ibabaw sang duta:

3 Yadtong tanan sa mġa kahayupan nġa may koko nġa pinihak, nġa ang tiil nabuka sing bug-os kag nġa nagapanġusang, ini pagakaonon ninyo.

4 Apang ini sila indi ninyo pagkaonon sa mġa nagapalangusang, kon sa mġa may koko nġa pinihak: ang kamelyo, kay bisan pa nagapangusang, walā sia sing tiil nġa napihak sing bug-os: manġinmahigko sia nġa sa inyo;

5 Kag ang dapan, kay nagapangusang sia, apang walā sia sing koko nġa pinihak sing bug-os: manġinmahigko sia nġa sa inyo;

6 Ang liebre, kay nagapangusang sia, apang walā sia sing koko nġa pinihak sing bug-os: manġinmahigko sia nġa sa inyo;

7 Ang babuy, kay may koko sia nġa pinihak kag tiil nġa pinihak sing bug-os, apang walā magapangusang: manġinmahigko sia nġa sa inyo.

8 Sa unud nila indi kamo magkalaon, kag indi kamo magkamlut sang ila mġa lawas nġa patay: manġin mġa mahigko sila nġa sa inyo.

9 Ini sila makaon-ninyo sa mġa *kasapatan*, nġa nagapuluyō sa mġa tubig: ang tanan nġa may kapay kag mġa himbis, sa mġa tubig, bisan sia sa dagat bisan sia sa mġa subā: ini pagakaonon ninyo.

10 Apang ang tanan nġa walay kapay kag mġa himbis, sa kadagatan kag sa kasubaan, sa tungā sang tanan nġa nagasubay sa mġa tubig, kag sa tungā sang tanan nġa mġa kasapatan nġa nagapuluyō sa mġa tubig, manġinkalangil-aran ninyo sila.

11 Ini sila manġinkalangil-aran nġa sa inyo. Sa ila mġa unud indi kamo magkalaon, kag pagakangil-aran ninyo ang ila mġa lawas nġa patay.

12 Ang tanan nġa walay kapay kag himbis, sa mġa tubig manġinkalangil-aran nġa sa inyo.

13 Sa mġa kapispisan pagapakahigkoon ninyo ang mġa masunud: indi sila pagkaonon kag manġinkalangil-aran sila sa inyo: ang agila, ang manugboong sang mġa tul-an, ang agila sa dagat;

14 Ang lawin kag ang halkon, sono sang ila naigoan;

15 Ang tanan nġa uwak, sono sang iya naigoan;

16 Ang abestrus, ang murugmon, ang

gabiota kag ang dapay, sono sang ila naigoan;

17 Ang uwak sa dagat, ang somormo-ho kag ang buho;

18 Ang tansemet, ang pelikano kag ang buitire;

19 Ang siguenya, ang garsa, sono sang ila naigoan, ang abubilya kag ang kabug.

20 Ang tanan nġa sapat nġa magamay nġa pakpakan, nġa nagalakat sing apat ka *tiil*, magamanginkalangil-aran nġa sa inyo.

21 Walay sapayan sarang kamo makakaon sining tanan nġa mġa magamay nġa sapat nġa pakpakan, nġa nagalakat sa apat ka *tiil*, nġa amo ang may mġa paa sa ibabaw sang iya mġa tiil, sa paglumpat bangud sa ila sa ibabaw sang duta.

22 Yari karon ang sarang ninyo makaon: Ang apan, sono sang iya naigoan, ang solam, sono sang iya naigoan, ang hargol, sono sang iya naigoan, kag ang hagab, sono sang iya naigoan.

23 Apang ang iban nġa tanan nġa magamay nġa sapat nġa pakpakan nġa may apat ka tiil, manġinkalangil-aran sa inyo;

24 Kag magamanginmahigko kamo bangud sa ila sini. Yadtong tanan nġa magkamlut sang ila mġa lawas nġa patay, manġinmahigko sia tubtub sa hapon;

25 Kag yadtong tanan nġa maghakat sang ila mġa lawas nġa patay, magabunak sang iya mġa panapton kag manġinmahigko sia tubtub sa hapon.

26 Nahanungud sang tanan nġa sapat nġa may koko nġa pihak, apang ang iya tiil walā mabuka sing bug-os kag walā magapangusang, manġinmahigko sila nġa sa inyo; yadtong tanan nġa magkamlut sa ila, manġinmahigko sia.

27 Kag ang tanan nġa mġa sapat nġa nagalakat sa ila dapadapa, sa tungā sang mġa nagalakat sing apat ka *tiil*, manġinmahigko sila nġa sa inyo; yadtong tanan nġa magkamlut sang ila mġa lawas nġa patay, manġinmahigko sia tubtub sa hapon.

28 Kag ang naghakat sang lawas nġa patay nila, magabunak sang iya mġa panapton kag manġinmahigko sia tubtub sa hapon. Manġinmahigko ini sila nġa sa inyo.

29 Ini sila man manġinmahigko sa inyo sa mġa magamay nġa sapat, nġa na-



gasulubay sa ibabaw sang duta: ang katsuri, ang ilaga, ang tiki, sono sang ila naigoan;

30 Ang labilabi, ang paka, ang taguto, ang tambilihan kag ang idingan.

31 Ini sila manginkalangil-aran sa inyo sa tungâ sang tanan nga mga magamay nga sapat nga nagasulubay sa duta: yadtong tanan nga magkamlut sa ila, sa tapus nga mapatay sila, manginmahigko sia, tubtub sa hapon.

32 Yadtong tanan nga mahologan nila, sa tapus nga mapatay sila, manginmahigko: suludlan nga kahoy, panapton, panit kon panapton sa lalaw, kon bisan ano nga galamiton nga ginagawi sa buluhaton: pagailumoy ini sa tubig, kag manginmahigko sia tubtub sa hapon, kag sa sini manginmatinlo sia.

33 Ang tanan nga suludlan nga duta, nga sa sulúd niya maholog ang isa sa ila, ang tanan nga yara sa iya manginmahigko, kag pagboongon niya ang *suludlan*.

34 Ang tanan nga kalan-on nga ginakaon, nga sa ibabaw niya magilig ang tubig sang *amo nga mga suludlan*, manginmahigko ini; kag ang tanan nga ilimnon nga ginainom, sa sinang tanan nga suludlan, manginmahigko ini.

35 Kag yadtong tanan nga sa ibabaw niya maholog ang *diyot* sang lawas nga patay, manginmahigko ini: bisan sia horno, kon dapog pagagub-on sia: mga mahigko sila, kag pakahigkoon ninyo sila.

36 Apang ang isa ka tuburan kon ang isa ka bobon diin ginatipon ang mga tubig, manginmatinlo sila: apang ang nasag-iran sining nga lawas nga patay, manginmahigko.

37 Kon maholog sa ibabaw sang ila mga lawas nga patay ang isa ka binhi nga inugtalanum, manginmatinlo sia.

38 Apang kon ang binhi nabasâ, kag maholog ang *diyot* sang ila mga lawas nga patay sa ibabaw niya, pagakahigkoon ninyo ini.

39 Kag kon mapatay ang isa ka sapat sangtong mga ginakaon, ang magkamlut sang iya lawas nga patay, manginmahigko tubtub sa hapon.

40 Kag ang magkaon sang iya lawas nga patay, magapamunak sang iya mga panapton, kag manginmahigko sia tubtub sa hapon; kag yadtong maghakwat sang iya lawas nga patay, magapamu-

nak sang iya mga panapton kag manginmahigko sia tubtub sa hapon.

41 Ang tanan nga magamay nga sapat, nga nagasubay sa ibabaw sang duta, manginkalangil-aran ninyo sia: indi pagakaonon sia.

42 Indi kamo magkalaon sang bisan ano sang nagalakat sa tian, bisan sang nagalakat sa apat ka tiil, kon sa may labi kadamu nga tiil, sa tungâ sang tanan nga mga magamay nga kasapatan, nga nagasulubay sa ibabaw sang duta, kay ini sila manginkalangil-aran ninyo.

43 Ayaw ninyo paghimoa nga kala-ngil-aran ang inyo mga kalág sa bisan ano nga sapat nga magamay, nga nagasubay sa *ibabaw sang duta*, kag indi kamo magpakahigko tungud sa ila; kay magamanginmahigko kamo bangud sa ila.

44 Kay ako amo si Iehoba nga inyo Dios: magpalakabalaan-kamo, kag magmanginbalaan-kamo, kay ako balaan; kag indi kamo magpalahigko sang bisan ano nga sapat nga magamay, nga nagagiliho sa ibabaw sang duta;

45 Kag ako amo si Iehoba nga nagpataklad sa inyo gikan sa duta sa Egipto, agud nga magmangin Dios ninyo ako. Busa, magpalakabalaan-kamo, kay ako balaan.

46 Ini amo ang kasogoan nahanungud sang mga kasapatan, sang mga kapispisan, sang tanan nga sapat nga nagagiliho sa mga tubig, kag sang tanan nga tinuga nga nagasubay sa ibabaw sang duta;

47 Agud nga mapain ninyo ang mahigko sa matinlo, kag ang sapat nga sarang makaon sa sapat nga indi sarang makaon."

Ang pagpaninlo sang babae nga bag-eng nag-anak.

**12** KAG naghambal si Iehoba kay Moises, nga nagasiling:

2 "Ihambal sa mga inanak ni Israel, kag isiling sa ila: Ang babae, kon makapanamkon na kag mag-anak sing isa ka anak nga lalaki, manginmahigko sia sa pito ka adlaw: sono sa mga adlaw sang pagkahigko sang iya balatian nga *binulan*, manginmahigko sia.

3 Kag sa ikawalo ka adlaw pagatuli-on ang *bâtâ* sa iya unud.

4 Apang ang *ilôy* magapadayon sing katloan kag tatlo ka adlaw, nga naga-

paninlo sang iya mġa dugo. Indi sia dapat magkamlut sang bisan ano nġa butang nġa balaan, bisan magkadto sia sa balaan nġa Puluy-an, tubtub nġa matuman ang mġa adlaw sang iya pagpaninlo.

5 Apang kon nagaanak sia sing babae, manginmahigko sia sa duha ka semana, sono sa mġa adlaw sang iya pagkahigko, kag magapadayon sia sing kan-uman kag anum ka adlaw, nġa nagapaninlo sang iya mġa dugo.

6 Kag sa pagkatuman sang mġa adlaw sang iya pagpaninlo, tungud sang anak nġa lalaki, kon tungud sang anak nġa babae, magadalā sia sing isa ka kordero nġa isa ka tuig ang *edad* nġa sa halad nġa sinunog kag isa ka salampati, kon isa ka tokmo, nġa sa halad tungud sang salā; pagadalhon *niya sila* sa saserdote, sa salamputan sang Layangla-yang sang pakigkitaan;

7 Nġa sia magahalad sa ila sa atubangnang ni Iehoba; magahimo sia sang katumbasan tungud sa iya, kag sia pagatinloan sang paggowa sang iya dugo. Ini amo ang kasogoon nahanungud sang nakaanak sing lalaki, kon babae.

8 Kag kon indi makalambut sia sa pagdalā sing isa ka kordero, magakuha sia sing duha ka tokmo kon duha ka salampati, ang isa nġa sa halad nġa sinunog, kag ang isa nġa sa halad tungud sang salā: ang saserdote magahimo sang katumbasan tungud sa iya, kag sa sini manginmatinlo sia."

Ang bagay sa pagkilala sang tabukaw.

**13** KAG naghambal si Iehoba kay Moises kag kay Aaron, nġa nagsiling:

2 "Kon ang isa ka tawo may iya sa panit sang iya unud sing panghabal, kugan kon lamuti, nġa nanginpilas nġa tabukaw sa panit sang iya unud, pagadalhon sia kay Aaron, nġa saserdote, kon sa isa sang iya mġa anak, nġa mġa saserdote.

3 Kag ang saserdote nagatulok sang pilas nġa yara sa panit sang iya unud; kag kon ang bulbul sa pilas manginmaputi kag kon ang pilas daw yupok pa sang panit sang iya unud, ang pilas amo ang tabukaw: kag pagatulukon sia sang saserdote, kag pagapakahigkoon sia niya.

4 Apang kon ang lamuti maputi sia sa panit sang iya unud, kag daw indi labi pa ka yupok sang panit, bisan ang bulbul nagmaputi, pagaipabukot sang saserdote ang pilason sa sulūd sang pito ka adlaw.

5 Kag pagatulukon sia sang saserdote sa adlaw nġa ikapito, kag kon makita niya nġa ang pilas nagdūlog, kag walā maglapta ang pilas sa panit, pagaipabukot sia sang saserdote sing pito pa ka adlaw.

6 Kag pagatulukon sia sang saserdote sing makaduha sa ikapito nġa adlaw; kag kon makita niya nġa ang pilas naglupad, kag nġa walā maglapta sa panit, ang saserdote magapakatinlo sa iya: kugan ini. Busa, magapamunak sia sang iya mġa panapton, kag magamatino sia.

7 Apang kon ang kugan nagalapad sa panit, sa tapus nġa nakita sia sang saserdote, nġa sa pagtinlo sa iya, pagatanawon sia liwan sang saserdote.

8 Kag ang saserdote magatulok sa iya, kag yari karon: kon ang kugan naglapad sa panit, ang saserdote magapakahigko sa iya: tabukaw ini.

9 Kon may pilas nġa tabukaw sa isa ka tawo, ini sia pagadalhon sa saserdote.

10 Kag ang saserdote magatulok sa iya, kag yari karon: kon may hubag nġa nagalamuti sa panit, nġa nagpaputi sang bulbul kag may tanda sang unud nġa buhi sa hubag:

11 Tabukaw ini nġa daan na sa panit sang iya unud. Ang saserdote magapakahigko sa iya: indi sia pagipabukot, kay sia mahigko.

12 Apang kon naglapad sing daku ang tabukaw sa panit, kag kon ang tabukaw magtabon sang bug-os nġa panit sang pilason, kutub sa olo tubtub sa mġa tiil, sa tanan nġa makita sang mġa mata sang saserdote,

13 Niyan pagatulukon sia sang saserdote, kag yari karon: kon makita niya nġa ang tabukaw nagputus sang bug-os niya nġa unud, pagapakatinloon niya ang pilason: nagputi ang tanan; matinlo sia.

14 Kag sa adlaw nġa makita sa iya ang unud nġa buhi, magamahigko sia.

15 Kag kon makita sang saserdote ang unud nġa buhi, pagapakahigkoon sia niya: ang unud nġa buhi mahigko: tabukaw ini.



16 Kon ang unud nga buhi magbaylo kag manginmaputi, sia magakadto sa saserdote ;

17 Pagatulukon sia sang saserdote, kag yari karon : kon makita niya nga nagputi ang pilas, *niyan* ang saserdote magapakatinlo sa pilason : matinlo sia.

18 Subung man, kon sa panit sang unud sang isa ka tawo may isa ka hubag nga nag-áyô ;

19 Kag kon sa duug sang hubag may isa ka lamuti, kon isa ka dagta nga nagakanaw sa maputing mapulapula, *niyan* ang tawo pagatan-awon sang saserdote.

20 Pagatulukon sia sang saserdote, kag yari karon : kon ang dagway sang dagta nagyupok sa panit kag ang bulbul nagputi, *niyan* ang saserdote magapakahigko sa iya : pilas nga tabukaw ini ; nagbukâ ini sa hubag.

21 Apang kon nakita sang saserdote ang *dagta*, kag yari karon : kon sa iya walay bulbul nga maputi, kag sia walâ magyupok sa panit kag sia nag-luspad, *niyan* pagabukuton sia sang saserdote sing pito ka adlaw.

22 Kon maglapad sia sa panit, ang saserdote magapakahigko sa iya : pilas sia nga tabukaw.

23 Kag ang dagta nga makanaw dira lamang sa amo nga duug kag walâ maglapad, pinalian sia sang hubag ; kag ang saserdote magapakatinlo sa iya.

24 Kag kon sa panit sang unud may paso sang kalayo kag kon sa pinalian sang paso may dagta nga nagakanaw sa maputing mapulapula, kon maputi lamang ;

25 Pagatulukon sia sang saserdote, kag yari karon : kon ang bulbul nagputi sa dagta nga makanaw, kag ang iya dagway nagyupok sa panit : tabukaw ini nga nagbukâ sa paso ; ang saserdote magapakahigko sa iya : pilas nga tabukaw ini.

26 Kag kon ang saserdote magtulok sa iya, kag yari karon : kon walay bulbul nga maputi sa dagta nga makanaw kag walay yupok sa panit kag nag-luspad sia, *niyan* pagaipabokot sang saserdote ang *tawo* sing pito ka adlaw.

27 Ugaling pagatulukon sia sang saserdote sa ikapito nga adlaw, kag kon ang dagta nagalapad sa panit, ang saserdote magapakahigko sa iya : pilas nga tabukaw ini.

28 Kag kon ang dagta nga makanaw dira lamang sa amo nga duug, kag walâ maglapad sa panit, kag kon nagaluspad, hubag nga paso ini ; kag ang saserdote magapakatinlo sa iya, kay pinalian sang paso sia.

29 Kon ang isa ka lalaki kon babae may pilas sa olo kon sa bungut,

30 Ang saserdote magatulok sang pilas, kag yari karon : kon ang dagway nagayupok sa panit kag nga sa iya may bohok nga badyawbayawon kag magamay, *niyan* ang saserdote magapakahigko sa iya : dukut ini, tabukaw ini sa olo kon sa bungut.

31 Kag kon ang saserdote magtulok sang pilas sang dukut, kag yari karon : kon ang dagway walâ magayupok sa panit, kag sa iya walâ sing buhok nga maitum, *niyan* pagaipabokot sang saserdote ang pilason sang dukut sa pito ka adlaw.

32 Ugaling pagatulukon sang saserdote ang pilason sa ikapito nga adlaw, kag yari karon : kon ang dukut walâ maglapad, kag sa iya walâ sing buhok nga badyawbadyawon, kag ang dagway sang dukut walâ magayupok sa panit,

33 *Niyan ang dukuton* pagakiskisan, apang indi pagkiskisan sa duug sang dukut ; kag pagaipabukot sang saserdote ang *may dukot* sing pito pa kaadlaw.

34 Ugaling pagatulukon sang saserdote ang dukut sa ikapito nga adlaw, kag yari karon : kon ang dukut walâ maglapad sa panit, kag ang iya dagway walâ magyupok sa panit, *niyan* ang saserdote magapakatinlo sa iya : magapamunak sia sang iya mga panapton, kag magamatino sia.

35 Apang kon ang dukut maglapad sing daku sa panit, sa tapus sang pagpaminlo sang pilason,

36 Pagatulukon sia sang saserdote, kag yari karon : kon ang dukut naglapad sa panit, ang saserdote indi magapangita sang buhok nga badyawbadyawon : mahigko sia.

37 Kag kon, sa iya mga mata, ang dukut walâ maglapad, kag nagtúbô sa iya ang buhok nga maitum, nag-áyô ang dukut : matinlo sia ; kag ang saserdote magapakatinlo sa iya.

38 Kon ang isa ka lalaki kon babae may mga dagta nga makanaw sa panit sang iya unud, mga dagta nga maputi kag makanaw,

39 Pagatulukon sia sang saserdote ; kag yari karon : kon ang mga dagta nga makanaw sa panit sang iya unud nga maputiputi, dagta ini nga magalibugus sa panit : matinlo sia.

40 Kon ang olo sang isa ka tawo naunutan sang bulhok, upaw sia : matinlo sia.

41 Kon ang iya olo maupaw nayon sa nawung, upaw sia sa atubangan : matinlo sia.

42 Apang kon sa upaw, sa likod kon sa atubangan, may pilas nga maputing mapulapula, tabukaw ini nga nagbukâ sa upaw, bisan sia sa likod, bisan sia sa atubangan.

43 Pagatulukon sia sang saserdote, kag yari karon : kon ang hubag sang pilas maputing mapulapula sia sa bahin nga upaw, bisan sia sa likod, bisan sia sa atubangan, subung sang dagway sang tabukaw sa panit sang unud ;

44 Ang amo nga tawo tabukawon, mahigko sia : ang saserdote magapakahigko sa iya sing bug-os gid : sa iya olo yara ang iya pilas.

45 Nahanungud sa tabukawon, nga yara sa iya ang pilas, ang iya mga panapton pagapangision, kag ang iya olo manginwalay tabon ; kag sia magalipon sang bâbâ kag magatuaw : Mahigko, mahigko !

46 Sa bug-os nga dag-on nga yara sa iya ang pilas, pagapakahigkoon sia : mahigko sia. Magapuyô sia sing pain ; ang iya puluy-an manginluwas sa dulugan.

47 Kag kon sa isa ka panapton may pilas sa tabukaw, bisan sia sa panapton nga delana kon sa panapton nga lino ;

48 Bisin sia yara sa tindug, bisan sia yara sa pugawa, sa lino kon sa delana, kon sa panit, kon sa bisan ano nga buluhaton nga ginhimo sa panit :

49 *Niyan* kon ang pilas hilawhilaw, kon mapulapula, sa panapton kon sa panit, bisan sia yara sa tindug, bisan sia sa pugawa, kon sa bisan ano nga gamit nga ginhimo sa panit, pilas nga tabukaw ini, kag pagaipakita ini sa saserdote.

50 Pagatulukon sang saserdote ang pilas, kag pagaipabukot niya ang butang nga pilason sa pito ka adlaw.

51 Kag pagatulukon niya ang pilas sa ikapito nga adlaw ; kon ang pilas naglapad sa panapton, bisan sia yara sa tindug, bisan sia sa pugawa, kon sa

panit, kon sa bisan ano nga buluhaton nga ginhimo sa panit, ang amo nga pilas tabukaw sia nga amomotol : ang butang mahigko.

52 Kag pagasunugon niya ang panapton, bisan sia sa tindug, bisan sia sa pugawa, sa delana kon sa lino, kon sa bisan ano nga gamit nga ginhimo sa panit nga yara ang pilas ; kay tabukaw nga amomotol sia, pagasunugon sia sa kalayo.

53 Kag pagatulukon sang saserdote ang pilas, kag yari karon : kon ang pilas walâ maglapad sa panapton, bisan sia sa tindug, bisan sia sa pugawa, kon sa bisan ano nga gamit nga ginhimo sa panit ;

54 *Niyan* ang saserdote magapabunak sang gamit nga sa iya yara ang pilas, kag pagaipabukot niya ini sing pito pa ka adlaw.

55 Ugaling pagatulukon sang saserdote ang pilas sa tapus na mabunakan, kag yari karon : kon ang pilas walâ magbalhin sing dagway, kag walâ maglapad ang pilas, mahigko ang butang. Pagasunugon mo ini sa kalayo ; inuk-uk sia sing madalum, bisan sia sa kadaygan, bisan sia sa sulûd.

56 Kag kon magtulok ang saserdote sang pilas, kag yari karon : kon naglupad ini, sa tapus na mabunakan ; *niyan* pagagision niya ini sa panapton, kon sa panit, kon sa tindug kon sa pugawa.

57 Kag kon magdayag ini liwan sa panapton, bisan sia sa tindug, bisan sia sa pugawa, kon sa bisan ano nga gamit nga ginhimo sa panit, *tabukaw* ini nga nagbukâ : pagasunugon mo sa kalayo ang butang nga sa iya yara ang pilas.

58 Kag ang panapton, bisan sia tindug, bisan sia pugawa, kon sa bisan ano nga gamit nga ginhimo sa panit, nga pagabunakan mo, kag kon madula sa iya ang pilas, pagabunakan ini sa makaduha ; kag magamatino.

59 Ini amo ang kasogoan nahanungud sang pilason nga tabukaw sa panapton, sa delana, kon sa lino, kon sa tindug, kon sa pugawa, kon sa bisan ano nga gamit nga ginhimo sa panit, sa pagpakatinlo kon sa pagpakahigko sini.

Ang pagpaninlo sang tabukawon nga nag-ayo.

14 KAG si Iehoba naghambal kay Moises, nga nagasiling :

2 "Yari karon ang kasogoan naha-



nunġud sa tabukawon sa adlaw sang iya pagpaninlo : pagadalhon sia sa saserdote.

3 Kag ang saserdote magagowa sa dulugan. Pagatulukon sia sang saserdote, kag yari karon : kon ang pilas nga tabukaw nag-áyô na kag binulagan niya ang tabukawon,

4 *Niyan* ang saserdote magasogo nga magakuluha, nga sa sadtong magapaninlo, sing duha ka magamay nga pispis nga mga matinlo kag mga buhi, pati sang kahoy nga sedro, kag sang eskarlata kag isopo.

5 Kag ang saserdote magapapugot sing isa sang mga magamay nga pispis sa ibabaw sang isa ka suludlan nga duta, sa ibabaw sang mga tubig nga nagailig.

6 Nahanunġud sa pispis nga buhi, pagakuhaon sia upud sang kahoy nga sedro, sang eskarlata kag sang hisopo ; kag bas-on sila upud sang pispis nga buhi, sa dugo sang pinugutan nga pispis, sa ibabaw sang mga tubig nga nagailig.

7 Pagaisablig niya ini sa ibabaw sadtong pagatinloan sang tabukaw sing makapito, kag pagapakatinloon sia niya ; ugaling pagabuhian niya ang pispis nga buhi sa ibabaw sang kadaygan sang latagon.

8 Kag yadtong nagapaninlo, magapamunak sang iya mga panapton, magakiskis sang bug-os niya nga buhok, kag magapanghugas sia sa tubig ; kag magamatino sia. Sa tapus *sini* sarang sia makasulud sa dulugan, apang magapuyô sia sa gowa sang iya layanglayang sing pito ka adlaw.

9 Sa ikapito nga adlaw, magakiskis sia liwan sang bug-os niya nga bohok sa olo, sang bunġut kag sang nga kilay : pagakiskison niya ang bug-os niya nga buhok. Ugaling magapamunak sia sang iya mga panapton, magahugas sia man sang iya unud sa tubig, kag magamatino sia.

10 Sa ikawalo nga adlaw magakuha sia sing duha ka kordero nga walay dagta, kag isa ka obeha nga isa ka tuig, nga walay dagta, kag subung nga halad nga kalan-on ang tatlo ka ikapulô sang *isa ka epa* nga harina nga malum-ok, nga nasamoan sang lana kag isa ka log nga lana.

11 Kag ang saserdote nga nagatinlo sa iya, magapaatubang sa tawo, nga ginatinloan, upud sadtong mga butang,

sa atubangan ni Iehoba, sa salamputan sang Layanglayang sang pakigkitaan.

12 Kag ang saserdote magakuha sing isa sang mga kordero, kag pagaihalad niya sia, subung nga halad sa kasalanan, upud sang log nga lana, kag pagahabugon niya sila subung nga halad nga hinabog sa atubangan ni Iehoba.

13 Pagapugutan niya ang kordero sa duug, diin ginapugutan ang halad tunġud sang salâ kag ang halad nga sinunog, sa duug nga balaan ; kay iya sang saserdote ang halad sa kasalanan, subung man ang halad tunġud sang salâ : butang ini nga balaan gid.

14 Kag ang saserdote magakuha sang dugo sang halad sa kasalanan, kag pagaibutang sia sang saserdote sa labit sang dulungan nga too sadtong ginatinloan, kag sa ibabaw sang kumulagko sang iya kamut nga too, kag sa ibabaw sang kumulagko sang iya tiil nga too.

15 Kag ang saserdote magakuha sing bahin sang log nga lana, kag pagaiula niya ini sa ibabaw sang palad sang iya kamut nga walâ.

16 Kag ang saserdote magabasâ sang tudlo sang kamut nga too sa lana, nga yara sa iya kamut nga walâ, kag sa iya tudlo magasablig sia sing lana sa makapito sa atubangan ni Iehoba ;

17 Kag ang mabilin sang lana, nga yara sa iya kamut, pagaibutang sang saserdote sa labit sang dulungan nga too sang nagapaninlo kag sa ibabaw sang kumulagko sang iya kamut nga too, kag sa ibabaw sang kumulagko sang iya tiil nga too, sa ibabaw sang dugo sang halad sa kasalanan.

18 Kag ang mabilin sang lana, nga yara sa kamut sang saserdote, pagaibutang niya ini sa ibabaw sang olo sadtong nagapaninlo ; kag ang saserdote magahimo sang katumbasan tunġud sa iya sa atubangan ni Iehoba.

19 *Niyan* ang saserdote magahalad sang halad sa kasalanan, kag magahimo sang katumbasan sadtong nagapaninlo sang iya kahigkoan ; sa gilayon pagapugutan niya ang halad nga sinunog.

20 Kag ang saserdote magahalad sang halad nga sinunog kag sang halad nga kalan-on sa ibabaw sang halaran, kag ang saserdote magahimo sang katumbasan tunġud sa iya, kag magamatino sia.

21 Apang kon imol sia kag indi sia makalambut *sini*, magakuha sia sing isa lamang ka kordero nga sa halad sa kasal-anan, subung nga halad nga hina-bog, kag sang halaad sa katumbasan tungud sa iya, kag ang isa ka ikapulô ka babin sang epa sa malum-ok nga harina nga nasamoan sang lana, nga sa halad nga kalan-on, kag isa ka log nga lana,

22 Kag duha ka tokmo kon duha ka salampati, sono sang iya mandangatan, kag pagagamiton sila, ang isa sa halad tungud sang salâ, kag ang isa sa halad nga sinunog.

23 Sa ikawalo ka adlaw sang iya pagpaninlo, pagadalhon niya sila sa saserdote, sa salamputan sang Layangla-yang sang pakigkitaan sa atubangan ni Iehoba.

24 Kag ang saserdote magakuha sang kordero sang halad sa kasal-anan kag ang log nga lana, kag pagahabugon sila sang saserdote, subung nga halad nga hinabog sa atubangan ni Iehoba.

25 Pagapugutan ang kordero nga halad sa kasal-anan, kag magakuha ang saserdote sa dugo sang *halad* sa kasal-anan, kag pagaibutang sia niya sa labit sang dulungan nga too sadtong nagapaninlo, kag sa ibabaw sang kumulagko sang iya kamut nga too, kag sa ibabaw sang kumulagko sang iya tiil nga too.

26 Ang saserdote magaula sang babin sang lana sa ibabaw sang palad sang iya kamut nga walâ ;

27 Kag ang saserdote, sa tudlo sang kamut nga too, magasablig sang lana nga yara sa iya kamut nga walâ sing makapito, sa atubangan ni Iehoba.

28 Kag sa lana, nga yara sa iya kamut, ang saserdote magabutang sa labit sang dulungan nga too sadtong nagapaninlo, kag sa ibabaw sang kumulagko sang iya kamut nga too, kag sa ibabaw sang kumulagko sang iya tiil nga too, sa ibabaw sang duug diin ginbutang ang dugo sa kasal-anan.

29 Kag ang nabilin sang lana, nga yara sa kamut sang saserdote, pagai-butang niya ini sa ibabaw sang olo sadtong nagapaninlo, sa paghimo sang katumbasan tungud sa iya sa atubangan ni Iehoba.

30 Kago magahalad sia sing isa sang mga tokmo, kon isa sang mga salampati, nga mada gatan niya :

31 Sono sang iya mandangatan, ang isa

sa halad tungud sang salâ, kag ang isa sa halad nga sinunog patí ang halad nga kalan-on. Kag ang saserdote magahimo sang katumbasan tungud sadtong nagapaninlo, sa atubangan ni Iehoba.

32 Ini amo ang kasogoan nahanunog sang may pilas nga tabukaw, nga ang iya mga kalalangan indi tuman sa iya pagpaninlo."

33 Kag si Iehoba naghambal kay Moises kag kay Aaron, nga nagasiling :

34 "Kon makasulud na kamo sa duta sang Kanaan, nga pagaihatag ko sa inyo sa pagtagiya sa iya, kag ako magbutang sang pilas nga tabukaw sa isa ka baláy sa duta nga magatagiya kamo ;

35 *Niyan* yadtong tagiya sang baláy magakadto kag magapahibalo sini sa saserdote, nga nagasiling : Daw may ginatan-aw ako nga pilas nga tabukaw sa *akon* baláy.

36 Ang saserdote magasogo, nga hawan-an ang baláy, sa walâ pa ang saserdote magsulud sa pagusisa sang pilas, agud nga ang tanan nga yara sa baláy indi madagtaan ; kag sa tapus sini magsulud ang saserdote sa pagtan-aw sa iya.

37 Fagatan-awon niya ang pilas, kag yari karon : kon ang pilas yara sa mga dingding sang baláy, sa *dagway* sang mga yupok nga hilawhilaw kon mapulapula, nga ang dagway nagayupok sa dingding ;

38 *Niyan* ang saserdote magagowa sa baláy tubtub sa salamputan niya, kag pagapatakpan niya ang baláy sa pito ka adlaw.

39 Sa ikapito nga adlaw ang saserdote magabalik, kag magatulok ; kag yari karon : kon ang pilas naglapad sa mga dingding sang baláy ;

40 *Niyan* ang saserdote magapagabut sang mga bató, nga nahamtangan sang pilas, kag ihaboy sila sa gowa sang banwa sa duug nga mahigko.

41 Kag pagapakiskisan niya ang baláy sa sulud palibot, kag ang yab-ok, nga nakuha nga ginkisksis, pagaihaboy ini sa gowa sang banwa, sa duug nga mahigko.

42 *Niyan* pagakuhaon ang iban nga mga bató kag pagaiuli sila sa baylo sadtong mga bató, kag pagakuhaon ang iban nga sinamo kag pagaihamlas sa baláy.

43 Apang kon magbalik kag magbukâ ang pilas sa baláy, sa tapus nga napanga-



but ang mġa bató, kag sa tapus nġa nakagisan ang baláy, kag sa tapus nġa mahamlas sia,

44 *Niyan* magasulúd ang saserdote, kag magatulok sa iya, kag yari karon: kon ang pilas naglapad sa baláy, tabukaw ini nġa amomotol sa baláy: ini sia mahigko.

45 Kag pagagub-on ang baláy, ang iya mġa bató, subung man ang iya mġa kahoy, kag ang tanan nġa ginub-an sang baláy kag, pagadalhon ang tanan sa gowa sang ban wa, sa duug nġa mahigko.

46 Ang magsulúd sa sadto nġa baláy sa bug-os nġa dag-on nġa natakpan sia, magamahigko sia tubtub sa hapon;

47 Subung man ang maghigda sa sadtong baláy, magapamunak sang iya mġa panapton; ang magkaon man sa sadtong baláy, magapamunak sang iya mġa panapton.

48 Kag kon sa pagsulúd sang saserdote, makita niya, kag yari karon: kon walá maglapad ang pilas sa baláy, sa tapus nġa nahapulas sia, *niyan* ang saserdote magapakatinlo sang baláy, kay nag-áyô ang pilas.

49 *Niyan* sa pagkuha sang salá sa baláy, magakuha sia sing duha ka magamay nġa pispis, kag kahoy nġa sedro, eskar lata kag hisopo;

50 Kag pagapugutan niya ang isa sang mġa pispis sa ibabaw sang isa ka suludlan nġa duta, sa ibabaw sang mġa tubig nġa nagailig.

51 Ugaling pagakuhaon niya ang kahoy nġa sedro, ang hisopo kag ang eskarlata, patí sang pispis nġa buhi; kag pagabas-on sila niya sa dugo sang pinugutan nġa pispis kag sa mġa tubig nġa nagailig, kag pagasablign niya ang baláy sing makapito.

52 Kag pagakuhaon niya sang salá ang baláy tungúd sang dugo sang pispis, tungúd sang mġa tubig nġa nagailig, tungúd sang pispis nġa buhi, tungúd sang kahoy nġa sedro, tungúd sang hisopo kag tungúd sang eskarlata.

53 Kag pagabuhian niya ang pispis nġa buhi sa gowa sang banwa sa ibabaw sang kadayagan sang latagon; kag pagahimoon niya ang katumbasan tungúd sang baláy, kag magamatinlo sia.

54 Ini amo ang kasogoan nahanungud sa tanan nġa pilas nġa tabukaw, kag dukut,

55 Kag sa tabukaw sang panapton kag sa iya sang baláy;

56 Kag sa hubag, sa kugan kag sa dagta nġa makanaw;

57 Sa pagtudlo kon ang isa ka *butang* mahigko kon matinlo sia. Ini among kasogoan nahanungud sa tabukaw."

Mġa nagapalangowa sa lalaki kag sa babae.

**15** KAG si Iehoba naghambal kay Moises kag kay Aaron nġa nagsiling:

2 "Ihambal-ninyo sa mġa inanak ni Israel kag isiling sa ila: Ang tanan nġa lalaki nġa may nagapalangowa sa iya unud, ang nagapalangowa sa iya naghi-mo sa iya nġa mahigko.

3 Kag yari karon, amo ang mangin-kahigkoan niya, nahanungud sang nagapalangowa sa iya, bisan sia nġa ang iya unud magpagowa sang nagapalangowa sa iya, bisan sia nġa ang iya unud, ginpungan sa iya ang palangowa, ini among kahigkoan niya.

4 Ang tanan nġa higdaan, nġa sa ibabaw niya maghigda ang ginapangowaan, magamahigko sia, kag ang tagsa ka galamiton nġa malingkoran niya, magamahigko ini.

5 Bisan sin-o nġa tawo nġa magkamlut sang iya higdaan, magapamunak sang iya mġa panapton, kag sia magapanghugas sa tubig, kag magamahigko sia tubtub sa hapon.

6 Ang maglingkod sa ibabaw sang galamiton, nġa ginlingkoran sang ginapangowaan, magapamunak sang iya mġa panapton, kag sia magapanghugas sa tubig, kag magamahigko sia tubtub sa hapon.

7 Ang magkamlut man sang unud sadtong ginapangwaan, magapamunak sang iya mġa panapton, kag sia magapanghugas sa tubig, kag magamahigko sia tubtub sa hapon.

8 Kag kon ang ginapangowaan magpanupla sa tawo nġa matinlo, ini sia magapamunak sang iya mġa panapton, kag magapanghugas sia sa tubig, kag magamahigko sia tubtub sa hapon.

9 Bisan ano nġa salakyan nġa pagasakyan sang ginapangowaan, magamahigko sia.

10 Kag ang tanan nġa tawo nġa magkamlut sang bisan ano nġa butang nġa didto anay sa idalum niya, magamahig-

ko sia tubtub sa hapon; kag ang magdala sadtong mga *butang*, magapamunak sang iya mga panapton, kag magapanghugas sia sa tubig kag magamahigko sia tubtub sa hapon.

11 Kag yadtong tanan nga makamlut sang ginapangowaan, nga wala sia anay makapanghunaw sa tubig sang mga kamut, sia man magapamunak sang iya mga panapton, kag magapanghugas sia sa tubig, kag magamahigko sia tubtub sa hapon.

12 Kag ang suludlan nga duta nga nakamlut sang ginapangowaan, pagabongon, kag ang tanan nga gamit nga kahoy, pagahugasan sang tubig.

13 Kon ang ginapangowaan magmatinlo, pagaisipon sing pito ka adlaw nga sa iya pagpaninlo; kag magapamunak sang iya mga panapton, magapanghugas sia man sang iya nga unud sa mga tubig nga ilig, kag magamatinlo sia.

14 Kag sa ikawalo ka adlaw magakuha sia sing duha ka tokmo, kon duha ka salampati kag pagaihalad niya sila sa atubangan ni lehoba sa salamputan sang Layanglayang sang pakigkitaan, kag pagaihatag niya sila sa saserdote.

15 Kag ang saserdote magahalad sa ila, ang isa nga sa halad tungud sang sala, kag ang isa nga sa halad nga sinunog; kag ang saserdote magahimo sang katumbasan tungud sa iya sa atubangan ni lehoba bangud sang pagpangowa sa iya.

16 Ang lalaki, sa gihapon nga magawas sa iya ang binhi, pagahugasan niya sang tubig ang bug-os niya nga unud, kag magamahigko sia tubtub sa hapon.

17 Kag ang tanan man nga panapton kag ang tanan nga panit nga inawasan niya, pagahugasan sang tubig, kag magamahigko ini tubtub sa hapon.

18 Ang babae man nga sa iya magdulog ang lalaki nga inawasan, sila magapanghugas sa tubig kag magamahigko sila tubtub sa hapon.

19 Kon ang babae ginapangowaan, kag kon nagapangowa ang dugo sa iya unud, sa sulud sang pito ka adlaw didto sia sa iya kahigkoan, kag yadtong tanan nga makamlut sa iya, magamahigko tubtub sa hapon.

20 Yadtong tanan nga pagahigdaan niya sa sulud sang iya pagkahigko, magamahigko ini; kag yadtong tanan nga malingkoran, magamahigko man.

21 Bisan sin-o nga makamlut sang iya higdaan, magapamunak sang iya mga panapton, kag magapanghugas sia sa tubig, kag magamahigko sia tubtub sa hapon.

22 Bisan sin-o nga makamlut sang bisan ano nga galamiton nga ginlingkoran niya, magapamunak sang iya mga panapton, kag magapanghugas sia sa tubig, kag magamahigko sia tubtub sa hapon.

23 Kon may isa ka *dagta* nga didto sa ibabaw sang higdaan, kon sa ibabaw sang galamiton sa diin sia naglingkod, bisan sin-o nga makamlut sa iya, magamahigko tubtub sa hapon.

24 Kag kon mahanabu, nga ang isa ka lalaki magdulog sa iya, kag ang iya kahigkoan magdagia sa iya, magamahigko sia sa pito ka adlaw; kag ang bug-os nga higdaan nga pagahigdaan niya, magamahigko.

25 Kon ang isa ka babae ginapangowaan sang iya dugo sa malawig nga mga adlaw luwas sang panag-on sang iya pagkahigko nga *kinabatasan* o kon ginapangowaan sia sing kapin sang panag-on sang iya pagkahigko; ang taran nga panag-on sang pagpangowa sang iya kahigkoan magamanginsubung sang mga adlaw sang iya pagkahigko: sia magamahigko.

26 Ang tanan nga higdaan, nga mahigdaan niya sa bug-os nga panag-on sa pagpangowa sa iya, magamanginsubung sang higdaan sang iya pagkahigko; kag ang tanan nga galamiton nga malingkoran niya, magamahigko subung sang kahigkoan sang iya pagkahigko nga *kinabatasan*.

27 Bisan sin-o nga makamlut sadtong mga butang, magamahigko sia; kag magapamunak sang iya mga panapton, kag magapanghugas sia sang tubig, kag magamahigko sia tubtub sa hapon.

28 Kon sia magtinlo sang nagapangowa sa iya, magaisip sia nga sa iya sing pito ka adlaw, kag sa gilayon magamatinlo sia.

29 Kag sa ikawalo nga adlaw, magakuha sia sing duha ka tokmo kon duha ka salampati, kag pagadahun niya sila sa saserdote, sa salamputan sang Layanglayang sang pakigkitaan.

30 Kag ang saserdote magahalad sang isa nga sa halad tungud sang sala, kag ang isa nga sa halad nga sinunog;



kag ang saserdote magahimo sang katumbasan tungud sa iya sa atubangan ni Iehoba, bangud sang nagapangowa sa iya pagkahigko.

31 Pagapainon ninyo ang mga inanak ni Israel sa ila mga kahigkoan, agud nga indi sila magkalamatay tungud sa ila mga kahigkoan, kon pagdagtaan nila ang akon Puluy-an nga yara sa tunga nila.

32 Ini amo ang kasogoon nahanungud sang ginapangowaan, kag sa sadtong ginaawasan sang binhi, nga nagapahigko,

33 Kag nahanungud sa babae nga nagabalatian sa iya pagkahigko, kag sa tanan nga ginapangowaan, bisan sia lalaki, bisan sia babae, kag sa lalaki nga magdulog sa babae nga mahigko.

Ang picsta nga tinuig sang katumbasan.

**16** KAG si Iehoba naghambal kay Moises sa tapus sang pagkamatay sang duha ka anak ni Aaron, nga nagpalapit sila sa atubangan ni Iehoba, kag *tungud sini* nagkalamatay sila.

2 Kag si Iehoba nagsiling kay Moises : “Sogo si Aaron, nga imo utud, nga indi sa tanan nga panag-on magsulud sia sa balaan nga Puluy-an, sa kumbung sa sulud, sa atubangan sang pakilooyan nga yara sa ibabaw sang kaban, basi pa nga mamatay sia ; kay ako magapahayag sa panganud sa ibabaw sang pakilooyan.

3 Yari karon, sa sini magasulud si Aaron sa balaan nga Puluy-an : nga may isa ka tinday sang baka nga sa halad tungud sang sala, kag isa ka karnero nga sa halad nga sinunog.

4 Magapanaput sia sang balaan nga bayô nga malaba nga lino, kag magadalâ sia sa ibabaw sang iya unud sang mga sarowal nga lino : kag magawagkus sia sang wagkus nga lino, kag pagaitabon sa olo ang turbante nga lino. Ini sila amo ang mga panapton nga balaan ; busa magapanghugas sia sang iya unud sa tubig, kag magapanaput sia sa ila.

5 Kag magakuha sia gikan sa katinglingban sang mga inanak ni Israel, sing duha ka kanding nga lalaki nga sa halad tungud sang sala, kag isa ka karnero nga sa halad nga sinunog.

6 Kag pagaihalad ni Aaron ang tinday sang baka nga halad tungud sang sala, ang isa nga tungud sa iya kag maga-

himo sia sang katumbasan tungud sa iya gid kag tungud sa iya balây.

7 Kag pagakuhaon niya ang duha ka kanding nga lalaki kag pagaipahamtang niya sila sa atubangan ni Iehoba, sa salamputan sang Layanglayang sang pakigkitaan.

8 Kag pagapapalaranan ni Aaron ang duha ka kanding nga lalaki, ang isa ka kapalaran nga kay Iehoba, kag ang isa nga kay Asasel.

9 Kag pagaihalad ni Aaron ang kanding nga lalaki, nga nahologan sang kapalaran nga kay Iehoba, kag pagaihalad sia niya subung nga halad tungud sang sala ;

10 Apang ang lalaki nga kanding nga nahologan sang kapalaran nga kay Asasel, pagaipahamtang sia nga buhi sa atubangan ni Iehoba, sa paghimo sang katumbasan bangud sa iya, nga ipadalâ sia kay Asasel sa kahanayakan.

11 Kag si Aaron magahalad sang tinday sang baka sang halad tungud sang sala, nga tungud sa iya ini, kag magahimo sang katumbasan tungud sa iya gid kag tungud sa iya balây, nga magapugot sia sang tinday sang baka nga halad tungud sang sala, nga tungud sa iya ini.

12 Kag magakuha sia sing isa ka insensario nga punô sang mga бага nga kalayo sa ibabaw sang halaran, nga yara sa atubangan ni Iehoba ; kag *magahakup* ang iya duha ka kamut sing punô sang insienso nga mahanut nga nabukbuk, kag pagadalhon niya ini sila sa sulud sang kumbong ;

13 Kag pagaibutang niya ang insienso sa ibabaw sang kalayo, sa atubangan ni Iehoba, agud nga ang panganud nga asô maglikup sang pakilooyan, nga yara sa ibabaw sang *kaban* sang pagpamatuud, agud nga sia indi mamatay.

14 Sa gilayon magakuha sia sa dugo sang tinday sang baka, kag pagaisablig niya sang iya tudlo sa ibabaw sang kadayagan sang pakilooyan nayon sa Sidlangan ; kag sa atubangan sang pakilooyan pagasabligan niya sing makapito sang iya tudlo sang dugo.

15 Kag pagapugutan niya ang lalaki nga kanding sang halad tungud sang sala, nga iya sia sang banwa, kag pagadalhon niya ang iya dugo sa sulud sang kumbung ; kag pagahimoon niya sa iya dugo sabung gid nga ginhimo niya sa

dugo sang tinday sang baka, nga isablig ini sa ibabaw sang pakilooyan kag sa atubangan sang pakilooyan.

16 Magahimo sia sang katumbasan tungud sang balaan nga Puluy-an, bangud sang mga kahigkoan sang mga inanak ni Israel kag sang ila mga paglapas, sono sang tanan nila nga mga sala; sa amo nga bagay pagahimoon niya sa Layanglayang sang pakigkitaan, nga nagapuyô upud sa ila sa tungâ sang ila mga kahigkoan.

17 Kag walâ gid sing bisan isa ka tawo nga yara sa Layanglayang sang pakigkitaan, sang sia magsulud sa paghimo sang katumbasan sa sulud sang balaan nga Puluy-an, tuhtub nga maggowa sia; kag magahimo sia sang katumbasan tungud sa iya gid, tungud sa iya baláy, kag tungud sa bug-os nga katilingban sa Israel.

18 Kag magagowa sia nayon sa halaran nga yara sa atubangan ni Iehoba kag magahimo sia sang katumbasan tungud sa iya; magakuha sia sang dugo sang tinday sang baka kag sang dugo sang lalaki nga kanding, kag pagaibutang niya ini sa ibabaw sang mga sungay sang halaran palibot.

19 Sa dugo magasablig man sia sang iya tudlo, sa ibabaw niya, sing makapito, kag pagatinloan niya ini kag pagapakabalaanon niya ini, bangud sang mga kahigkoan sang mga inanak ni Israel.

20 Kon makatapus sia sa paghimo sang katumbasan tungud sang balaan nga Puluy-an, kag tungud sang Layanglayang sang pakigkitaan, kag tungud sang halaran, pagaihalad niya ang kanding nga lalaki nga buhi.

21 Kag pagaibutang ni Aaron ang duha niya ka kamut sa ibabaw sang olo sang kanding nga lalaki nga buhi, kag magatuad sia sa ibabaw niya sang tanan nga mga kalainan sang mga inanak ni Israel, kag sang tanan niya nga mga paglapas, sono sang tanan nila nga mga sala; pagaitungtung niya sila sa ibabaw sang olo sang kanding nga lalaki, kag sia magapadalâ sini sa kahanayakan sa kamut sang isa ka tawo nga nahanda.

22 Ang kanding nga lalaki magadalâ sa ibabaw niya sang tanan nga mga kalautan nila sa duta nga wala pagapuyi; kag ang tawo magabuhi sang kanding nga lalaki sa kahanayakan.

23 Kag si Aaron magasulud sa Layanglayang sang pakigkitaan, kag magaubas sang mga panapton nga lino, nga ginsuklub niya sa pagsulud sa balaan nga Puluy-an, kag pagaibilin niya sila didto.

24 Sia magahugas sang iya unud sa tubig sa duug nga balaan, kag magsuklub sia liwan sang iya mga panapton; kag magagowa sia kag magahalad sia sang iya halad nga sinunog kag sang halad nga sinunog sang banwa, nga nagahimo sang katumbasan tungud sa iya gid kag tungud sang banwa.

25 Kag pagaipasunog niya sa ibabaw sang halaran ang sapay sang halad tungud sang sala.

26 Kag yadtong nagbuhi sang kanding nga lalaki kay Asasel, magapamunak sang iya mga panapton kag magapanghugas sang iya mga unud sa tubig; kag sa tapus sini sarang sia makasulud sa dulugan.

27 Nahanungud sa tinday sang baka sang halad tungud sang sala kag sa kanding nga lalaki sang halad tungud sang sala, nga ang iya dugo gindala sa sulud sang balaan nga Puluy-an sa paghimo sang katumbasan, pagaipagowa sila gikan sa dulugan, kag pagasunogon sa kalayo ang ila mga panit, ang ila unud kag ang ila ipot.

28 Kag ang nagsunog sa ila, magapamunak sang iya mga panapton kag magapanghugas man sang iya unud sa tubig, kag sa tapus sini sarang sia makasulud sa dulugan.

29 Kag ini magamanginpalatukuran ninyo sa gihapon: sa bulan nga ikapito, sa ikapulô nga adlaw sang bulan, pagaipapaubuson ninyo ang inyo mga kalâg, kag indi gid kamo magpalangabudlay, bisan ang tumandok, bisan ang dumuluong, nga nagapanlugayaw sa tungâ ninyo.

30 Kay sa sini nga adlaw, pagahimoon ang katumbasan tungud sa inyo nga sa pagtinlo sa inyo: sa inyo tanan nga mga sala magatitinlo kamo sa atubangan ni Iehoba.

31 Ini manginisa ka sabado ninyo, isa ka pahuway, kag pagapapaubuson ninyo ang inyo mga kalâg: palatukuran ini sa gihapon.

32 Kag ang saserdote, nga hinaplas kag pinahanungdan, agud nga maghikot sia sang pagkasaserdote sa salili sang



iya amay, magahimo sang katumbasan, kag magapanaput sang m̃ga panapton ñga lino, sang m̃ga panapton ñga balaan.

33 Kag magahimo sia sang katumbasan tungud sang balaan ñga puluy-an; tungud sang Layanglayang sang pakigkitaan kag tungud man sang halaran magahimo sia sang katumbasan; kag magahimo sia sang katumbasan tungud sang m̃ga saserdote, kag tungud sang bug-os ñga banwa sang katilingban.

34 Kag ini manginpalatukuran ninyo sa gihapon, sa paghimo sang katumbasan tungud sang m̃ga inanak ni Israel, bangud sang tanan nila ñga m̃ga salá, sa makaisa ang tuig." Kag ginhimo ni Aaron, sono sang ginsogo ni Iehoba kay Moises.

Ang bugtong ñga balaan ñga Puluy-an.

**17** KAG si Iehoba naghambal kay Moises, ñga nagasiling:

2 "Ihambal kay Aaron kag sa iya m̃ga anak kag sa tanan ñga m̃ga inanak ni Israel, kag isiling sa ila: Ini amo ang ginsogo ni Iehoba, ñga nagasiling:

3 Bisan sin-o ñga tawo sa baláy ni Israel ñga magpugot sing baka, kon obeha, kon kanding sa sulúd sang dulugan, kon ñga magpugot sa ila sa gowa sang dulugan,

4 Kag indi pagdalhon sila niya sa salamputan sang Layanglayang sang pakigkitaan, sa paghalad sang halad kay Iehoba sa atubangan sang Puluy-an ni Iehoba, ang dugo pagaipanungud sa amo ñga tawo: nagula sia sing dugo, kag yadtong tawo pagautdon sa tungâ sang iya banwa.

5 Ini amo agud ñga ang m̃ga inanak ni Israel magdalalá diri sang ila m̃ga halad, ñga ginahalad nila sa ibabaw sang kadaygan sang m̃ga latagon; kag ñga magdalalalá sila sa ila nayon kay Iehoba, sa salamputan sang Layanglayang sang pakigkitaan, sa saserdote, kag pagihalad sila nila subung ñga m̃ga halad sa paghidaet kay Iehoba.

6 Ang saserdote magasablig sang *ila* dugo sa ibabaw sang halaran ni Iehoba, sa salamputan sang Layanglayang sang pakigkitaan, kag pagaipasunog niya ang m̃ga sapay *nila* sa baho ñga kahalamutan kay Iehoba.

7 Kag sila indi na magahalalad sang

ila m̃ga halad sa m̃ga yawa, ñga sa olehe nila nagapalakighilawas sila: ini manginpalatukuran nila sa gihapon sa ila m̃ga kaliwatan.

8 Pagaisiling mo sa ila: Bisan sin-o ñga tawo sa baláy ni Israel, kon sa m̃ga dumuluong ñga nagapanlugayaw sa tungâ ninyo, ñga maghalad sang halad ñga sinunog kon halad,

9 Kag indi niya pagdalhon sa salamputan sang Layanglayang sang pakigkitan sa paghalad sini kay Iehoba, ang amo ñga tawo pagautdon sa tungâ sang iya banwa.

Ginadumilian ang pagkaon sing dugo.

10 Kag bisan sin-o ñga tawo sa baláy ni Israel, kon sa m̃ga dumuluong ñga nagapuluyô sa tungâ ninyo, ñga magkaon sang bisan ano ñga dugo, pagaibutang ko ang akon nawung batok sadtong tawo ñga magkaon sing dugo, kag pagautdon ko sia sa tungâ sang iya banwa.

11 Kay ang kabuhi sang unud yara sa dugo; kag ginhatag ko ini sa inyo sa ibabaw sang halaran sa paghimo sang katumbasan, tungud sang inyo m̃ga kalág, kay ang dugo among nagahimo sang katumbasan tungud sang kalág.

12 Ngani nagsiling ako sa m̃ga inanak ni Israel: walay sin-o ñga tawo sa tungâ ninyo, ñga magkaon sing dugo; bisan dumuluong man, ñga nagapanlugayaw sa tungâ ninyo, magkaon sing dugo.

13 Kag kon bisan sin-o ñga tawo sa m̃ga inanak ni Israel, kon sa m̃ga dumuluong, ñga nagapuluyô sa tungâ nila, ñga makaayam sing sapat kon pispis, ñga ginatugut sa pagkaon, pagaila niya ang iya dugo, kag pagatabonan; niya sia sang duta;

14 Kay ini amo ang kabuhi sang tanan ñga unud; ang iya dugo amo man ini ang iya kabuhi. Ngani nagsiling ako sa m̃ga inanak ni Israel: Indi kamo magkalaon sang dugo sang bisan ano ñga unud, kay ang kabuhi sang tanan ñga unud amo ang iya dugo: yadtong tanan ñga magkaon sa iya, pagautdon sia.

15 Kag bisan sin-o ñga magkaon sang lawas ñga patay, kon sang ginihay-gihay sang m̃ga mapintas ñga sapat, bisan sia tumanduk, bisan sia dumulu-

ong, magapamunak sang iya m̄ga panapton kag magapanghugas sia sa tubig, kag magamahigko sia tubtub sa hapon ; sa olehe manginmatinlo sia.

16 Kag kon indi magpamunak sia sa ila, bisan magpanhugas sang iya unud, magadalá sia sang iya kalautan."

M̄ga paghiliusa n̄ga ginadumilian kag ang m̄ga sala batok sa kinaugali.

**18** KAG si Iehoba naghambal kay Moises, n̄ga nagasiling:

2 "Ihambal sa m̄ga inanak ni Israel kag isiling sa ila : Ako amo si Iehoba n̄ga inyo Dios.

3 Indi kamo maghilimo subung sang ginahimo nila sa duta sa Egipto, sa diin nagpuluyô kamo ; bisan maghilimo-kamo, subung sang ginahimo nila sa duta sa Kanaan, sa diin ginadalá ko kamo ; bisan maglalakat-kamo, sono sang ila m̄ga *palatukuran*.

4 Ibutang-ninyo sa buhat ang akon m̄ga palatukuran kag m̄ga tulumanon sa paglakat sa ila : ako si Iehoba n̄ga inyo Dios.

5 Pagaibutang ninyo sa buhat ang akon m̄ga palatukuran kag ang akon m̄ga tulumanon ; kay magakabuhi ang tawo, n̄ga maghimo sa ila : ako si Iehoba.

6 Walay sin-o n̄ga tawo sa inyo n̄ga magpalapit sa bisan kay sin-o n̄ga iya himata n̄ga malapit, sa pagbukas sang iya kahubo : ako si Iehoba.

7 Indi mo pagbuksan ang kahubo sang imo amay, bisan ang kahubo sang imo ilôy ; ilôy mo sia : indi mo pagbuksan ang kahubo niya.

8 Indi mo pagbuksan ang kahubo sang asawa sang imo amay : kahubo sia sang imo amay ;

9 Bisan ang kahuho sang imo útud n̄ga babae, anak n̄ga babae sang imo amay, kon anak n̄ga babae sang imo ilôy, n̄ga natawo sa baláy, kon luwas sa iya : ang kahubo niya sini indi mo pagbuksan.

10 Bisan ang kahubo sang anak n̄ga babae sang imo anak n̄ga lalaki, kon sang anak n̄ga babae sang imo anak n̄ga babae : ang kahubo nila sini indi mo pagbuksan, kay ang ila amo gid ang imo kahubo ;

11 Bisan ang kahobo sang anak n̄ga babae sang asawa sang imo amay, n̄ga pinanganak sang imo amay : útud mo

sia n̄ga babae : ang kahubo niya indi mo pagbuksan.

12 Indi mo pagbuksan ang kahubo sang útud n̄ga babae sang imo amay : himata n̄ga malapit sia sang imo amay.

13 Indi mo pagbuksan ang kahubo sang útud n̄ga babae sang imo ilôy ; kay himata n̄ga malapit sia sang imo ilôy.

14 Indi mo pagbuksan ang kahubo sang útud n̄ga lalaki sang imo amay ; indi ka magpalapit sa asawa niya : uday mo sia.

15 Indi mo pagbuksan ang kahubo sang imo umagad n̄ga babae, asawa sia sang imo anak n̄ga lalaki : indi mo pagbuksan ang kahubo niya.

16 Indi mo pagbuksan ang kahubo sang asawa sang imo útud : kahubo sia sang imo útud n̄ga lalaki.

17 Indi mo pagbuksan ang kahubo sang isa ka babae kag sang iya anak n̄ga babae ; bisan magpan̄gasawa ka sang anak n̄ga babae sang imo anak n̄ga lalaki bisan sang anak n̄ga babae sang iya anak n̄ga babae, sa pagbukas sang iya kahubo ; m̄ga himata sila n̄ga malapit sa iya : kalainan n̄ga kalangil-aran ini.

18 Indi ka magpan̄gasawa sang isa ka babae, n̄ga napangasawa mo ang iya útud n̄ga babae, agud n̄ga magsumpunganay sila, n̄ga magabukas ikaw sang kahubo sang útud n̄ga babae, sa malapit sa iya, sa iya pagkabuhi.

19 Indi ka magpalapit sa isa ka babae sa pagkahigko sang iya kahigkoan n̄ga *binulan* sa pagbukas sang kahubo niya.

20 Indi ka magpakighilawas sa asawa sang imo isigkatawo, n̄ga magpahigko ka sa iya.

21 Indi mo pagihatag ang imo kalawatan, n̄ga ipaagi ang imo m̄ga kabataan kay Molok ; kag indi mo pagpasipalahan ang n̄galan sang imo Dios : ako si Iehoba.

22 Indi ka magdulóg sa lalaki, subung sang pagdulóg sa babae ; kalangil-aran ini.

23 Indi ka magpakighilawas sa bisan ano n̄ga sapat, n̄ga magpahigko ka sa iya ; ang babae indi magpakighilawas sa sapat : ini amo ang kagumon.

24 Indi kamo magpalahigko sang bisan ano sining m̄ga kalalangil-aran, kay bangud sa ila tanan nagpalahigko ang m̄ga katawohan n̄ga pagasobolon ko sa atubangan nimo.

25 Ang duta ginhigkoan sa ila, kag



ginduwaw ko ang ila kalainan sa ibabaw niya, kag ginsuka sang duta ang iya mga pumuluyô.

26 Busa, kamo magbalantay sang akon mga palatukuran kag sang akon mga tulomanan; kag indi kamo maghilimo sang bisan ano sinang mga kalangil-aran, bisan sia tumandok, bisan sia dumuluong, nga nagapanlugayaw sa tungâ ninyo.

27 Kay ining tanan nga mga kalangil-aran ginhimo sang mga tawo, nga nagpuluyô sa duta sa Kanaan nga una sa inyo, kay ginhigkoan ang duta sa ila.

28 Kag ang duta indi magasuka sa inyo tungud kay ginhigkoan sia, subung sang pagsuka niya sang mga katawohan nga nagpuluyô sa iya sing una sa inyo.

29 Kay bisan sin-o nga magbuhat sang bisan ano sining mga kalangil-aran, ang mga tawo nga maghilimo sing subung, pagapangutdon sila sa tungâ sang ila banwa.

30 Busa, magbantay-kamo sang akon tumanon, nga indi magbutang sa buhat sang bisan ano sinang mga palatukuran nga kalangil-aran, nga ginhilimo sing una sa inyo, bisan magpalahigko kamo sa ila : ako si Iehoba nga inyo Dios."

Sarisari nga mga kasogoon nahanangud sang pagioleohan, sang mga hilikutan kag sang maayo nga mga pamatasan.

**19** KAG si Iehoba naghambal kay Moises, nga nagasiling :

2 "Ihambal sa bug-os nga katilingban sang mga inanak ni Israel kag isiling sa ila : Magbalalaan-kamo, kay balaan ako, ako si Iehoba nga inyo Dios.

3 Ang tagsatagsa sa inyo magkahadluk sa iya ilôy kag sa iya amay; kag magbalantay-kamo sang akon mga sabado : ako si Iehoba nga inyo Dios.

4 Dili kamo magliliso sa mga lara-wan, bisan maghilimo—kamo sang mga dios nga tinunaw : ako si Iehoba nga inyo Dios.

5 Kag kon maghalalad kamo sing halad sa paghidaet kay Iehoba, himoaninyo ini sa bagay nga magmaningkalahamut-an kamo *nakon*.

6 Sa amo gid nga adlaw nga maghilimo kamo sang halad, pagakaonon sia, kag sa madason nga adlaw; kag ang mabilin tubtub sa adlaw nga ikatlo, pagasunugon sa kalayo.

7 Kag kon pagkaonon sia sa adlaw nga ikatlo, magamaninisa ka kalangil-aran, ang *halad* indi manginkalahamut-an.

8 Ang magkaon sa iya, magadalâ sang iya kalautan, kay ginpakadibalaan niya ang butang nga balaan ni Iehoba; ang amo nga tawo pagautdon sa tungâ sang iya mga banwa.

9 Kon, mag-ani kamo sang mga alanyon sa inyo duta, indi ninyo pagurutan sa pag-ani ang mga higad sang imo latagon, bisan pagpamolotan mo sing uhay ang imo inanihan.

10 Indi mo pagsiputan ang imo kaubasan, bisan pagpamoloton mo ang bungâ nga naholog sang imo kaubasan; pagibilin mo ini, nga sa imol kag nga sa dumuluong : ako si Iehoba nga inyo Dios.

11 Indi kamo magpalangawat; indi kamo maglinimbonganay, bisan magbinutigay ang isa sa isa.

12 Indi kamo magsulumpa sa butig tungud sa akon ngalan, kay ikaw magapakadibalaan sang ngalan sang imo Dios : ako si Iehoba.

13 Indi mo pagpigason ang imo isigkatawo, kag indi mo pagkawaton sia; ang sohol sang mamumugon indi mabilin sa imo sa gab-i tubtub sa aga.

14 Indi mo paghimalauton ang bungul, kag indi mo pagbutangan sing sulandaran ang naatubangan sang bulag, kag magkahadluk-ka sa imo Dios : ako si Iehoba.

15 Indi ka maghimo sang dikatarungan sa paghukom; indi ka magpaduyog sa imol, bisan magpalabi ka sa lutaw : sa katarungan pagahukman mo ang imo isigkatawo.

16 Indi ka magpamalaybalay nga nagapanglibak sa tungâ sang imo mga banwa; indi ka magpuhon batok sang kabuhi sang imo isigkatawo : ako si Iehoba.

17 Indi mo pagdumtan ang imo útud sa imo tagiposeon; sa pagkamatuud, pagasabdongon mo ang imo isigkatawo, kag ikaw indi magadalâ sang salâ bangud sa iya.

18 Indi ka magpanimalus, bisan magtago ka sing dumut batok sang mga anak sang imo banwa; pagahigugmaon mo ang imo isigkatawo, subung sang imo kaugalingon : ako si Iehoba.

19 Bantayan-ninyo ang akon mga pa-

latukuran. Indi mo pagpahiusahon ang duha ka sapat nga nagakalain : indi mo pagtaman ang imo latagon sing nagakalain nga binhi ; kag indi ka magsuklub sang panapton nga hinabol sa lainlain nga mga binolong.

20 Kon ang isa ka lalaki nagapakighilawas sa isa ka babae, nga ulipon kon pinatigayon sa isa ka tawo, apang walâ pa sia maggawad bisan nakatimalus na, pagasilotan sila ; apang sila indi magakalamatay, kay ang *ulipon* indi pa hiloway.

21 Ang lalaki magadalâ kay Iehoba sang iya halad sa kasal-anan sa salamputan sang Layanglayang sang pakigkitaan, sing isa ka karnero subung nga halad sa kasal-anan.

22 Kag ang saserdote magahimo sang katumbasan tungud sa iya sa atubangan ni Iehoba, tungud sang karnero sang halad sa kasal-anan, sa atubangan ni Iehoba, bangud sang salâ nga ginbuhat niya ; kag pagapatawaron sa iya ang salâ, nga ginbuhat niya.

23 Kag kon magsululud kamo sa duta, kag makatanum kamo sang tanan nga bagay sang kakahoyan nga mabunghahon, pagakabigon ninyo ang iya bungâ subung nga walâ matuli. Sa tatlo ka tuig magamanginwalâ matuli sia sa inyo : indi pagakaonon sia.

24 Kag sa tuig nga ikapat ang tanan nila nga bunga manginbalaan, nga sa mga pagpasalamat kay Iehoba.

25 Apang sa tuig nga ikalima magakalaon kamo sang iya bunga, agud nga pagapadamuon niya ang iya patubas : ako si Iehoba nga inyo Dios.

26 Indi gid kamo magkalaon sang dugo. Indi kamo magbuluhat sing mga lilihion, bisan sing pagpamakot.

27 Indi ninyo paguluban ang inyo buhok sa pagpanipulon sa iya, kag indi paglaglagon mo ang mga kilid sang inyo bungut.

28 Indi ninyo pagpilason ang inyo unud bangud sang patay, kag indi ninyo pagtublukon ang inyo unud, nga nagahimo sing mga tanda : ako si Iehoba.

29 Indi mo pagpakahuy-an ang imo anak nga babae, nga himoon sia nga bigaon, basi pa ang duta magpamiga kag mapunô ang duta sang kalangilaran.

30 Bantayi-ninyo ang akon mga sa-

bado kag tahoron-ninyo ang akon balaan nga Puluy-an : ako si Iehoba.

31 Indi kamo magliliso nasyon sa mga manugpagowa sang mga espiritu, bisan sa mga manugpakot ; indi kamo magpalamangkot sa ila sa pagpahigko sa inyo upud sa ila : ako si Iehoba nga inyo Dios.

32 Sa atubangan sang mga uban magatindug ka, pagapadungan mo ang nawung sang tigulang, kag sa imo Dios magakahadluk ka : ako si Iehoba.

33 Kag kon magpanlugayaw ang isa ka dumuluong upud sa inyo, sa inyo duta, indi ninyo sia pagpiguson.

34 Ang dumuluong nga magpuyô upud sa inyo, manginsubung sia sang tumanduk nga yara sa tungâ ninyo. Pagahigumaton mo sia subung sang imo kaugalingon ; kay nangindumuluong kamo sa duta sa Egipto : ako si Iehoba nga inyo Dios.

35 Indi kamo maghilimo sang dikatarungan sa paghukom, bisan sa takus, bisan sa kalabaon, bisan sa itilimbang, bisan sa sulukban.

36 Maghuluput-kamo sing mga timbangan nga walay kanahay, mga itilimbang nga matarung, hin nga matarung, kag epa nga matarung : ako si Iehoba nga inyo Dios, nga nagpagowa sa inyo sa duta sa Egipto.

37 Pagbantayan-ninyo ang tanan ko nga mga palatukuran kag ang tanan ko nga mga tulumanon sa pagtuman sa ila : ako si Iehoba."

Mga silot sang lainlain nga mga kasal-anan.

**20** KAG si Iehoba naghambal kay Moises, nga nagasiling :

2 "Pagaisiling mo sa mga inanak ni Israel : Bisan sin-o nga tawo sang mga inanak ni Israel, kon sang mga dumuluong nga nagapanlugayaw sa tungâ ni Israel, nga maghatag sang iya kaliwatan kay Molok, pagapatyon sia, sa pagkama-tuud : ang banwa sang duta magapatay sa iya sa haboy sang batô.

3 Pagaibutang ko man ang akon nawung batok sa amo nga tawo sa pagutud sa iya sa tungâ sang iya banwa, tungud kay ginhatag niya ang iya kaliwatan kay Molok, sa bagay nga gindagtaan niya ang akon balaan nga Puluy-an kag ginpakadibalaan niya ang akon balaan nga ngalan.

4 Kag kon ang banwa sang kadutaan magpiong sang iya mga mata sa sadtong



tawo, kon maghatag sia sang iya kaliwatan kay Molok, sa indi pagpatay sa iya,

5 Ako gid magabutang sang akon nawung batok sadtong tawo kag batok sa iya panimaláy, kag pagautdon ko sia sa tungâ sang iya banwa, patí ang tanan nga nagpakighilawas sa olehe niya, nga nagpamiga sa olehe ni Molok.

6 Kag bisan sin-o nga magliso nasyon sa mga manugpagowa sang mga espiritu kag sa mga manugpakot sa pagpakighilawas sa olehe nila, pagaibutang ko ang akon nawung batok sa amo nga tawo, kag pagautdon ko sia sa tungâ sang iya banwa.

7 Busa, magpalakabalaan-kamo, kag magmanģinbalaan-kamo; kay ako amo si Iehoba nga inyo Dios.

8 Pagbantayan-ninyo ang akon mga palatukuran kag pagibutang-ninyo sila sa buhat: ako si Iehoba nga nagapakabalaan sa inyo.

9 Bisan sin-o nga tawo, nga maghimaulaut sa iya amay, kon sa iya ilóy, pagapatyon sia, sa pagkamatuud; naghima-laut sia sa iya amay kag sa iya ilóy: *maholog* ang iya dugo sa ibabaw niya.

10 Kon ang isa ka tawo magpakighilawas sa asawa sang isa, yadtong magpakighilawas sa asawa sang iya isigkatawo; pagapatyon, sa pagkamatuud, ang makihilawason nga lalaki kag ang makihilawason nga babae.

11 Kon ang isa ka tawo magdulóg sa asawa sang iya amay, ginbuksan niya ang kahubo sang iya amay; pagapatyon, sa pagkamatuud, sila nga duha: *maholog* ang ila dugo sa ibabaw nila.

12 Kon ang isa ka tawo magdulóg sa iya umagad nga babae, sila nga duha pagapatyon; nagbuhat sila sang paggumon: *maholog* ang ila dugo sa ibabaw nila.

13 Kon ang isa ka tawo magdulóg sa lalaki, subung sang pagdulóg sa babae, sila nga duha nagbuhat sing kalangil-aran; pagapatyon sila, sa pagkamatuud: *maholog* ang ila dugo sa ibabaw nila.

14 Kon ang isa ka tawo magpangasawa sa isa ka babae kag sa ilóy niya, kasalanan nga kalangil-aran ini; sa kalayo pagasunugon sia kag sila nga duha, agud nga walâ na sing kasalanan nga kalangil-aran sa tungâ ninyo.

15 Kon ang isa ka tawo magpakighilawas sa sapat, pagapatyon sia, sa

pagkamatuud; pagapatyon man ninyo ang sapat.

16 Kon ang isa ka babae magpalapit sa bisan ano nga sapat sa pagpakighilawas sa iya, pagapatyon mo ang babae kag ang sapat: pagapatyon sila, sa pagkamatuud: *maholog* ang ila dugo sa ibabaw nila.

17 Kon ang isa ka tawo magpangasawa sa iya útud nga babae, anak nga babae sang iya amay, kon anak nga babae sang iya ilóy, kag makita niya ang kabuho niya, kag ang *babae* makakita sang kabuho sang *lalaki*, butang ini nga makahuluya; pagautdon sila sa mga mata sang mga inanak sang ila banwa. Ang kahubo sang iya útud nga babae ginbuksan niya: pagadalhon niya ang iya kalautan.

18 Kon ang isa ka tawo magdulóg sa babae, nga nagabalatian sa iya *kina-batasan*, kag ginbuksan niya ang iya kahubo, ginbuksan niya ang tuburan niya, kag sia man nagbukas sang tuburan sang iya dugo: sila nga duha pagautdon sa tungâ sang ila banwa.

19 Indi mo ginbuksan ang kahubo sang útud nga babae sang imo ilóy, bisan sang útud nga babae sang imo amay; kay ang *nagakimo sini*, nagabukas sa iya himata nga malapit: sila nga duha magadalâ sang ila kalautan.

20 Kon ang isa ka tawo magdulóg sa asawa sang útud sang iya amay, ginbuksan niya ang kahubo sang útud sang iya amay; sila nga duha magadalâ sang ila salâ: magakalamatay sila nga walâ sing mga anak.

21 Kon ang isa ka tawo magpangasawa sang asawa sang iya útud, kahigkoan ini; ginbuksan niya ang kahubo sang iya útud: manginwalâ sila sing mga anak.

22 Bantayi-ninyo ang tanan nakon nga mga palatukuran kag ang tanan nakon nga mga tulumanon, kag ibutang ninyo sila sa buhat, agud nga indi kamo pagisuka sang duta, sa diin ginadalâ ko kamo sa pagpuyô sa iya.

23 Indi kamo maglalakat sa mga palatukuran sang mga katawohan, nga pagasobolon ko sa atubangan ninyo; kay ining tanan nga mga *kalainan* ginbuhat nila, nga tungud sini ginakangil-aran ko sila.

24 Kag ginsiling ko sa inyo: Magatalagiya kamo sang duta nila, kay pagai-

hatag ko sa inyo sia sa pagtagiya sa iya; duta ini nga nagailig ang gatas kag dugus: ako si Iehoba, nga inyo Dios, nga nagpain sa inyo sa iban nga mga banwa.

25 Busa, kamo magapain sang mga sapat nga matinlo kag sang mga mahigko, kag sang mga pispis nga mahigko kag sang mga matinlo: kag indi ninyo paghimoon nga mga kalangil-aran ang inyo mga kalag, nga magpahigko kamo, bisan sa mga sapat, bisan sa mga pispis, kag sa bisan ano nga butang nga nagasagnoy sa ibabaw sang duta, nga sila ginpain ko sa inyo subung nga mga mahigko.

26 Kamo magbalalaan sa akon, kay ako balaan, ako si Iehoba; kag ginpain ko kamo sa mga katawohan, agud nga magmanginakon kamo.

27 Ang lalaki kon babae nga sa iya makita ang pagkamanugpagowa sang mga espiritu kon sang pagkamanugpakot, pagapatyon sila, sa pagkamatuud: pagapatyon sila sa haboy sang mga bató: *maholog* ang ila dugo sa ibabaw nila.

Mga kasogoon nahanangud sang pagkatinlo sang mga saserdote.

**21** KAG si Iehoba nagsiling kay Moises: "Ihambal sa mga saserdote, nga mga anak ni Aaron, kag isiling sa ila: Walay sin-o sa inyo nga magpadagta bangud sang patay sa tunga sang ila banwa,

2 Luwas lamang sang isa ka himata nga malapit: sang iya iloy, kon sang iya amay, kon sang iya anak nga lalaki, kon sang iya anak nga babae, kon sang iya utud nga lalaki;

3 Kag sang iya man utud nga babae nga ulay, nga malapit gid sa iya, nga walá makabana, sarang makadagta sia tungud sa iya.

4 Ang punoan sa iya banwa indi magadagta sa iya nga magpakakubus sa iya kaugalingon.

5 Ang mga saserdote indi maghilimo sing pal-it sa ila olo, bisan pagkiskisan nila ang mga kilid sang ila bungut, bisan magpililas sila sang ila unud.

6 Magmanginbalaan sila sa ila Dios, kag indi nila pagpakadibalaanon ang ngalan sang ila Dios; kaysila among nga nagahalalad sang mga halad nga pinadabdab kay Iehoba, sang tinapay sang ila Dios: sila magmanginbalaan.

7 Indi sila magpalangasawa sang bigaon kon sang linugos; bisan magpalangasawa sila sang binulagan sang iya bana; kay ang saserdote balaan sia sa iya Dios.

8 Pakabalaanon mo sia, kay sia among nagahalad sang tinapay sang imo Dios; sia manginbalaan sa imo, kay ako balaan, ako si Iehoba, nga nagapakabalaan sa inyo.

9 Kon ang anak nga babae sang isa ka saserdote magpakawalay dungug nga magpakighilawas sia, nagapakawalay dungug sia sa iya amay: sa kalayo pagasunugon sia.

10 Nahanangud sa pinapakamataas nga saserdote sa tunga sang iya mga utud, nga sa ibabaw sang iya olo ginbo-bo ang lana nga ihalaplas, kag nga ginpahanangud sia sa pagpanaput sang mga panapton nga balaan, indi sia magbukas sang iya olo, bisan maggisi sang iya mga panapton.

11 Sia indi magasulud sa *diin may* lawas nga patay sang bisan sin-o; sia indi magpadagta, bisan tungud sa iya amay, bisan tungud sa iya iloy.

12 Sia indi maggowa sa balaan nga Puluy-an, bisan pagkuhaan niya sing dungug ang balaan nga Puluy-an sang iya Dios; tungud kay ang purung-purung sang lana nga ihalaplas sang iya Dios yara sa ibabaw niya: ako si Iehoba.

13 Magpangasawa sia sang babae nga ulay.

14 Indi sia magpangasawa, bisan sa bálo kon sa binulagan, bisan sa linugos kon bigaon; kondi magapangasawa sia sa isa ka ulay sa tunga sang iya banwa.

15 Indi niya pagkuhaan sing dungug ang iya kaliwatan sa tunga sang iya mga banwa, kay ako amo si Iehoba, nga nagapakabalaan sa iya."

16 KAG si Iehoba naghambal kay Moises, nga nagsiling:

17 "Ihambal kay Aaron kag isiling sa iya: Bisan sin-o nga tawo sa imo kaliwat, sa sulud sang imo nga kaliwatan, nga may kulang sa lawas, indi sia magpalapit sa paghalad sang tinapay sang iya Dios.

18 Kay walay sin-o nga tawo nga may kulang sa lawas, nga magpalapit sa *akon halaran*: bisan ang tawo nga bulag, kon piang, kon may ilong nga bungad, kon



may bahin nga lakas ka laba kon lakas ka lip-ot;

19 Bisan ang tawo nga may till kag kamut nga bali;

20 Bisan bugtot, kon putot, kon may bití sa mata, kon katolon, kon kuganon, kon kinapon.

21 Walay sin-o nga tawo sa kaliwat ni Aaron, nga saserdote, nga may kulang sia sa lawas, magpalapit sa paghalad sang mga halad nga pinadabdab kay Iehoba; may kulang sia sa lawas: indi sia magpalapit sa paghalad sang tinapay sang iya Dios.

22 Magakaon sia sang tinapay sang iya Dios, sang mga butang nga labing balaan, kag sang mga balaan;

23 Lamang nga indi sia magkadto nayon sa kumbung, bisan magpalapit sia sa halaran, kay may kulang sia sa lawas; sia indi magapakadibalaan sang akon mga balaan nga butang; kay amo si Iehoba nga nagabalaan sa ila."

24 Kag ginsiling ini ni Moises kay Aaron kag sa iya mga anak, kag sa tanan nga mga inanak ni Israel.

Ang mga makakaon sang mga butang nga balaan.

**22** KAG si Iehoba naghambal kay Moises, nga nagasiling:

2 "Isiling kay Aaron kag sa iya mga anak nga magpain sila sang mga butang nga balaan sang mga inanak ni Israel, kag indi sila magpakadibalaan sang akon balaan nga ngalan sa mga butang nga ginapakabalaan nila sa akon: ako si Iehoba.

3 Isiling-mo sa ila: Sa sulúd sang ila mga kaliwatan, ang bisan sin-o nga tawo sa bug-os ninyo nga kaliwatan, nga sa mahigko sia, magpalapit sa mga butang nga balaan, nga ginapakabalaan sang mga inanak ni Israel kay Iehoba, ang amo nga tawo pagautdon sa atubangan nakon: ako si Iehoba.

4 Bisan sin-o nga tawo sa kaliwat ni Aaron nga tabukawon sia, kon ginapan-gowaan, indi magkaon sang mga butang nga balaan, tutub nga magtinlo sia. Subung man ang magkamlut sang bisan ano nga butang nga mahigko bangud sang pa'ay, kon tawo nga ginaawasan sang binhi;

5 Kon ang tawo, nga magkamlut sang isa ka magamay nga sapat nga naghig-

ko sa iya, kon tawo nga sa iya naghig-ko ang bisan ano nga kahigkoan;

6 Ang tawo nga magkamlut sini, magamahigko sia tubtub sa hapon, kag indi sia magkaon sa mga butang nga balaan tubtub nga mahugasan niya ang iya unud sang tubig.

7 Kag kon natunud na ang adlaw, magamatinlo sia; kag sa olehe sarang sia makakaon sang mga butang nga balaan, kay iya kalan-on ini.

8 Indi sia magkaon sang butang nga patay, bisan sang kinusnit *sang mga mapintas nga sapat* nga nagapadagta sa iya: ako si Iehoba.

9 Pagabantayan nila ang akon tugon, basi pa nga magdalala sila sang salá sa sini nga kabangdanan kag magkalamata sila, tungud kay ginpakadibalaan nila ini: ako si Iehoba, nga nagapakabalaan sa ila.

10 Walay sin-o nga dumuluong nga makakaon sang butang nga balaan; ang manugdapon sang saserdote kag ang iya sinoholan indi makakaon sang butang nga balaan.

11 Kon ang saserdote magbikal sing isa ka tawo sang iya pilak, ini sia sarang makakaon sa iya, sa amo man nga bagay ang nagkalatawo sa iya baláy magakalaon sang iya tinapay.

12 Kon ang isa ka anak nga babae sang saserdote magbana sang dumuluong, indi sarang sia makakaon sang mga halad nga binayaw sang mga butang nga balaan.

13 Kon ang anak nga babae sang saserdote naningbálo kon binayaan sia, nga walá sing anak, kag nagbalik sia sa baláy sang iya amay, subung sa iya pagkapamatan-on, sarang sia makakaon sang tinapay sang iya amay; kag walay sin-o nga dumuluong nga sarang makakaon sa iya.

14 Kon ang isa ka tawo magkaon sang butang nga balaan sa sayup, magadugang sia sang iya ikalima ka bahin sa ibabaw niya, kag pagaihatag niya sia sa saserdote, upud sang butang nga balaan.

15 *Ang mga saserdote* indi magpakadibalaan sang mga butang nga balaan sang mga inanak ni Israel, nga ginahalad nila kay Iehoba;

16 Basi pa nga, sa pagkaon sang ila mga butang nga balaan, pagaipapas-an nila sa ibabaw nila ang kalautan sang

ila kasal-anan ; kay ako amo si Iehoba, nga nagapakabalaan sa ila."

Ang mga inughalad dapat nga manginwalay kulang.

17 Kag si Iehoba naghambal kay Moises, nga nagasiling :

18 "I hambal kay Aaron kag sa iya mga anak, kag sa tanan nga mga inanak ni Israel, kag isiling sa ila : Bisan sin-o nga tawo sa baláy ni Israel, kon sa mga dumuluong sa Israel, nga buut maghalad sang iya halad tungud sang bisan ano nga iya panaad, kon sa bisan ano nga halad nga kinabubut-on niya, nga sa masunsun ginahalad nila kay Iehoba subung nga halad nga sinunug ;

19 Agud nga manginkalahamut-an nasyon sa inyo, *kinahanglan* nga lalaki ini nga walay dagta, bisan gikan sa kabakahan, bisan gikan sa mga obeha, kon sa mga kanding.

20 Indi kamo magahalalad sing bisan ano nga may kulang ; kay indi ini manginkalahamut-an panayon sa inyo.

21 Bisan sin-o nga tawo, nga maluyag maghalad sing halad sa paghidaet kay Iehoba, sa pagtuman sing isa ka panaad kon sing halad nga kinabubut-on, bisan ini gikan sa kabakahan, bisan sia gikan sa mga obeha, magmanginhimpit sia, agud nga manginkalahamut-an sia ; walâ gid sing nakulang sa iya sa lawas.

22 Indi kamo maga halalad kay Iehoba sang bulag kon sang gupak, bisan sang inutdan kon pinilasan, kon katolon, kon kuganon ; sa ila indi kamo magahalalad sing mga halad nga pinadabdbab sa ibabaw sang halaran ni Iehoba.

23 Sarang ikaw makahalad sang halad nga kinabubut-on gikan sa baka kon gikan sa obeha nga may bahin nga lakas ka laba kon lakas ka lip-ot ; apang sa halad nga sa panaad indi kaahamut-an ini.

24 Indi kamo magahalalad kay Iehoba sang kinapon nga sa pigsâ, sa palpag, sa pinalasik kon sa ginutlab ; kag indi ninyo paghimoon ini sa inyo duta.

25 Kag indi kamo *magakuluha* bisan ano sining mga butang sa kamut sang dumuluong sa paghalad sang tinapay sa inyo Dios ; kay ang inutdan sining mga *sapat* among kulang nila sa lawas : indi sila manginkalamut-an pahanayon sa inyo."

26 Kag si Iehoba naghambal kay Moises, nga nagasiling :

27 Kon matawo ang tinday sang baka, kon sang kordero, kon sang kanding, didto sia upud sa iya ilôy sing pito ka adlaw ; apang kutub sa adlaw nga ikawalo pa ibabay, manginkalahamut-an sia nga sa halad sang halad nga pinadabdbab kay Iehoba.

28 Apang kon ini baka, kon obeha, indi kamo sarang makapugut sa iya kag sa iya tinday sa isa lamang ka adlaw.

29 Kag kon kamo maluyag maghalad sang halad sa pagpasalamat kay Iehoba, pagaibalad ninyo ini sa isa ka bagay nga manginkalahamut-an sia pahanayon sa inyo.

30 Sa sina gid nga adlaw pagakaonon sia ; indi kamo magbilin sa iya tubtub sa aga : ako si Iehoba.

31 Busa, magbalantay-kamo sangakon mga sogo, kag ibutang-ninyo sila sa buhat : ako si Iehoba.

32 Indi ninyo pagpakadibalaanon ang ngalan sang akon pagkabalaan, kag pagapakabalaanon ako sa tungâ sang mga inanak ni Israel : ako si Iehoba, nga nagapakabalaan sa inyo ;

33 Kag nga nagpagowa sa inyo sa duta sa Egipto, agud nga mangininyo ako Dios : ako si Iehoba."

Mga so nahanungud sa sarisari nga mga piesta.

**23** KAG si Iehoba naghambal kay Moises, nga nagasiling :

2 "I hambal sa mga inanak ni Israel kag isiling sa ila : Ini amo ang mga pinat-inan nga panag-on ni Iehoba, nga pagaibantala ninyo subung nga mga pagtililipon nga balaan, ini sila mangin-akon tinandaan nga panag-on.

3 Sa anum ka adlaw magapangabudlay kamo ; kag sa ikapito ka adlaw may isa ka sabado, nga inugpahuway, pagkatipon nga balaan : indi kamo maghilingo sing bisan ano nga pangabudlay ; ini manginisa ka sabado kay Iehoba sa tanan ninyo nga mga puluy-an.

4 Ini sila amo ang mga pinat-in nga panag-on ni Iehoba, ang mga pagkatipon nga balaan, nga pagaibantala ninyo sa ila panag-on nga tinapat :

5 Sa nahauna nga bulan, sa adlaw nga ikapulô kag apat sang bulan, sa tungâ sang duha ka kahaponon, *pagahiwaton* ang paskua ni Iehoba.



6 Kag sa adlaw nga ikapulô kag lima sa sini nga bulan, may piesta sang mga tinapay nga walay tapay kay Iehoba: sa pito ka adlaw magakalaon kamo sang mga tinapay nga walay tapay.

7 Sa nahauna nga adlaw may balaan kamo nga pagkatipon: indi kamo magahilimo sing bisan ano nga pagpangabudlay nga inalagad.

8 Kag magahalad kamo sing mga halad nga pinadabdab kay Iehoba sa pito ka adlaw. Sa ikapito ka adlaw may isa ka balaan nga pagtilipon; indi kamo maghilimo sing bisan ano nga pagpangabudlay nga inalagad."

9 Kag si Iehoba naghambal kay Moises, nga nagasiling:

10 "Ihambal sa mga inanak ni Israel kag isiling sa ila: Kon makasulûd na kamo sa duta, nga pagaihatag ko sa inyo, kag magaalani kamo sang alanyon niya, magadalala kamo sa saserdote sang inupong sang mga nahauna nga inupong sang inyo alanyon.

11 Kag pagahabugon niya ang inupong sa atubangan ni Iehoba, agud nga manginkalahamut-an sia sa pahanayon sa inyo; sa madason nga adlaw sang sabado sang *paskua* pagahabugon sia sang saserdote.

12 Kag sa adlaw nga mahabog ninyo ang inupong, magahalalad kamo sing isa ka kordero nga walay dagta, nga isa ka tuig, sa halad nga sinunog kay Iehoba.

13 Kag ang nahanungud sang mga halad nga kalan-on, manginduha sang ikapulô sang isa ka epa nga harina nga malum-ok, nga nasamoan sang lana, nga sa halad nga pinadabdab kay Iehoba sa baho nga kalahamut-an, kag ang iya halad nga ilimnon manginsa alak, ang ikapat ka bahin sang isa ka hin.

14 Indi kamo magkalaon sing tinapay, bisan uyas nga sinanlag, bisan hilaw nga mga uhay tubtub sini gid nga adlaw, tubtub nga makadalâ kamo sang halad sa inyo Dios. Ini manginpalatukuran sa gihapon sa inyo nga kaliwatan, sa tanan ninyo nga mga puluy-an.

15 Kag magailisip-kamo kutub sa masunud nga adlaw sang sabado, kutub sa adlaw nga nagdalalâ kamo sang inupong sang halad nga hinabug; manginpito ka sabado nga bug-os sila.

16 Magailisip-kamo sing kalim-an ka adlaw tubtub sa adlaw nga madason sang ikapito ka sabado; niyan magaha-

lalad kamo sing halad nga kalan-on sa mga bag-ong bunga kay Iehoba.

17 Sa inyo nga puluy-an magadalalad-kamo sing duha ka tinapay nga sa halad nga hinabog; duha ka tinapay sa duha ka ikapulô sang isa ka epa nga harina nga malum-ok; pagalutoon sila nga may tapay: ini sila among nahauna nga mga bunga kay Iehoba.

18 Upud sang tinapay magahalalad kamo sing pito ka kordero nga walay dagta, nga isa ka tuig, kag sing isa ka tin-day sang baka, kag duha ka karnero; manginhalad sila nga sinunog kay Iehoba upud sang nahanungud nga mga halad nga kalan-on kag mga halad nga ilimnon; halad ini nga pinadabdab sa baho nga kalahamut-an kay Iehoba.

19 Magahalalad man kamo sing isa ka kanding nga lalaki subung nga halad tungud sang salâ, kag duha ka kordero nga isa ka tuig nga sa halad sa paghidaet.

20 Kag ang saserdote magahabog sa ila patí sang tinapay sang mga nahanungud bunga, nga halad nga hinabog, sa atubangan ni Iehoba, patí sang duha ka kordero. Manginbalaan sila kay Iehoba, nga nahanungud sila sa saserdote.

21 Pagatiponon ninyo sa sini gid nga adlaw ang katilingan; may balaan kamo nga pagkatipon: indi kamo maghilimo sang bisan ano nga pagpangabudlay nga inalagad. Manginpalatukuran ini sa gihapon sa tanan ninyo nga mga puluy-an sa inyo nga kaliwatan.

22 Kon mag-alani kamo sang mga alanyon sang inyo duta, indi ninyo paguruton sa pag-ani ang mga higad sang imo latagon, bisan pamolotan mo sing uhay ang imo inanihan: pagaibilin mo ini nga sa imol kag nga sa dumuluong: ako si Iehoba, nga inyo Dios."

23 Kag si Iehoba naghambal kay Moises, nga nagasiling:

24 "Ihambal sa mga inanak ni Israel kag isiling sa ila: Sa bulan nga ikapito, sa nahauna sang bulan, may inugpaway nga sa inyo, isa ka handumanan nga ginabantala sa tingug sang mga budyong, isa ka pagtilipon nga balaan.

25 Indi kamo maghilimo sang bisan ano nga pagpangabudlay nga inalagad; kag magahalalad-kamo sang mga halad nga pinadabdab kay Iehoba."

26 Kag si Iehoba naghambal kay Moises, nga nagasiling:

27 "Sa pagkamatuud, ang adlaw nga ikapulô sining ikapito nga bulan mangin-adlaw sang katumbasan: may balaan kamo nga pagtilipon, pagapapaubuson ninyo ang inyo mga kalág, kag magahalad kamo sing mga halad nga pinadabdab kay Iehoba.

28 Indi kamo maghilimo sang bisan ano nga pagpangabudlay sa sini gid nga adlaw, kay adlaw sia sang mga katumbasan sa paghimo sang katumbasan tungud sa inyo sa atubangan ni Iehoba nga inyo Dios.

29 Ngani, ang tanan nga tawo nga indi magpapaubus sa sini gid nga adlaw, pagautdon sia sa tungâ sang iya banwa.

30 Kag ang bisan sin-o nga tawo nga maghimo sang bisan ano nga pangabudlay sa sini gid nga adlaw, pagautdon ko ang amo nga tawo sa tungâ sang iya banwa.

31 Indi kamo magahilimo sang bisan ano nga pagpangabudlay, ini manginpalatukuran sa gihapon sa inyo mga kaliwatan sa tanan ninyo nga mga puluyan.

32 Ini manginisa ka sabado nga inugpahuway nga sa inyo; pagapapaubuson ninyo ang inyo mga kalág sa ikasiam ka adlaw sang bulan, kutub sa hapon. Sa isa ka hapon pa isa ka hapon hiwaton ninyo ang inyo sabado."

33 Kag si Iehoba naghambal kay Moises, nga nagasiling:

34 "Ihambal sa mga inanak ni Israel, kag isiling sa ila: Sa adlaw nga ikapulô kag lima sa sining ikapito ka bulan may piesta sang mga payagpayag kay Iehoba, sa pito ka adlaw.

35 Sa nahauna nga adlaw may balaan nga pagtilipon; indi kamo maghilimo sang bisan ano nga pagpangabudlay nga inalagad.

36 Sa pito ka adlaw magahalalad kamo sing mga halad nga pinadabdab kay Iehoba; kag sa ikawalo ka adlaw may pagtilipon kamo nga balaan kay Iehoba, kag mag halalad kamo sing mga halad nga pinadabdab kay Iehoba: ini among pagtilipon nga maligdong; indi kamo maghilimo sang bisan ano nga pagpangabudlay nga inalagad.

37 Ini sila among mga panag-on nga pinat-inan ni Iehoba, nga pagaibantala ninyo subuug nga mga balaan nga pagtilipon, sa paghalad kay Iehoba sang mga halad nga pinadabdab, sang halad

nga sinunog kag sang halad nga kalan-on, sang halad kag sang mga halad nga ilimnon, ang tagsa ka butang sa iya kaugalingon nga adlaw;

38 Walay labut sang mga sabado ni Iehoba, kag walay labut sang inyo mga dolot, kag walay labut sang tanan ninyo nga mga halad nga pinanaad, kag walay labut sang tanan ninyo nga mga halad nga kinabubut-on, nga pagaihatag ninyo kay Iehoba.

39 Lamang sa adlaw nga ikapulô kag lima sining bulan nga ikapito, kon matipon na ninyo ang patubas sang duta, pagahiwaton ninyo kay Iehoba ang piesta, sa pito ka adlaw. Sa nahauna nga adlaw may isa ka inugpahuway, kay sa adlaw nga ikuwalo, isa pa adlaw nga inugpahuway.

40 Magakuluha kamo nga sa inyo, sa adlaw nga nahauna, sang mga bunga sang mga kahoy nga mga magayon, mga paklang, kag mga sangâ sang mga kahoy nga madabang, sang mga sauses sang mga kasapaan; kag magakalalipay kamo sa atubangan ni Iehoba nga inyo Dios sa sulúd sang pito ka adlaw.

41 Pagahiwaton ninyo ang piesta subung nga piesta ni Iehoba sing pito ka adlaw ta tagsa ka tuig; ini manginpalatukuran sa gihapon sa inyo mga kaliwatan: sa bulan nga ikapito pagahiwaton ninyo ini nga piesta.

42 Sa pito ka adlaw magapuluyô kamo sa mga payagpayag; ang tanan nga tumanduk sa Israel magapuyô sa mga payagpayag,

43 Agud nga ang inyo mga kaliwatan makahibalo, nga ginpapuyô ko sa mga payagpayag ang mga inanak ni Israel, sang ginpagowa ko sila sa duta sang Egipto: ako si Iehoba nga inyo Dios."

44 Kag ginpahayag ni Moises sa mga inanak ni Israel *ining* mga panag-on nga pinat-in ni Iehoba.

Mga tulumanon nahanungud sa sadngan  
kag sa latok.

**24** KAG si Iehoba naghambal kay Moises, nga nagasiling:

2 "Sogo-ka sa mga inanak ni Israel nga pagdalhan ka nila sing lana sang oliba nga lunsay, nga linabugay, nga sa suga; agud nga mapadabdab sing dayon ang mga lamprahan.

3 Pagatatapon sila ni Aaron sa gowa



sang kumbung sang *kaban* sang pagpamatuud sa Layanglayang sang pagkigkitaan, agud nga *magdalabdab* sila kutub sa hapon tubtub sa aga, sing dayon, sa atubangan ni Iehoba: ini manginpalatukuran sa gihapon sa inyo nga kaliwatan.

4 Sa ibabaw sang sadngan nga bus-ug pagatatapon niya gihapon ang mga lamparahan sa atubangan ni Iehoba.

5 Kag magakuha ka sing harina nga malum-ok, kag magaluto ka sa iya sing napulô kag duha ka torta: sa tagduha ka ikapulô sang isa ka epa ang tagsa ka torta;

6 Kag pagaipahamtang mo sila sa duha ka obay, anum sa tagsa ka obay, sa ibabaw sang latok nga putli sa atubangan ni Iehoba.

7 Kag pagabutangan mo sa ibabaw sang tagsa ka obay sang insienso nga matinlo, agud nga ini magmanginhandumanan nga sa tinapay subung nga halad nga pinadabdab kay Iehoba.

8 Sa sabadosabado pagakubayon ang *tinapay* sa atubangan ni Iehoba sa gihapon: ini among katipan nga dayon gikan sa mga inanak ni Israel.

9 Kag ini nahanungud kay Aaron kag sa iya nga anak nga pagakaonon nila ini sa isa ka duug nga balaan; kay butang sia nga balaan gid nga sa iya gikan sa mga halad nga pinadabdab kay Iehoba: ini among palatukuran nga dayon.

Mga silot sa mga mapasipalahon kag mga nagapatay sa isigkatawo.

10 Kag ang anak sang isa ka babae nga Israelinhon, nga anak sang isa ka Egiptohanon, naggowa sa tunga sang mga inanak ni Israel; kag ang anak sang Israelinhon nga babae nag-away, sa tunga sang dulugan, sa isa ka tawo nga Israelinhon.

11 Kag ang anak sang Israelinhon nga babae nagpasipala sa Ngalan, kag nagpanghimalaut sa iya; kag gindala nila sia kay Moises, (ang ngalan sang iya iloy amo si Selomit, anak nga babae ni Debrî, sa kabikahan ni Dan),

12 Kag ginbutang nila sia sa bilangan tubtub nga ang paghukom mapahayag sa ila sa bâbâ ni Iehoba.

13 Niyan si Iehoba naghambal kay Moises, nga nagasiling:

14 "Pagowaa sa dulugan ang mahimalauton, kag ang tanan nga nagpalakabati sa iya magbulutang sang mga kamut sa ibabaw sang iya olo, kag pagbatohon sia sang bug-os nga katilingban.

15 Kag pagaihambal mo sa mga inanak ni Israel, nga nagasiling: Bisan sin-o nga tawo nga maghimalaut sa iya Dios, magadalâ sang iya sala.

16 Kag yadtong magpasipala sa ngalan ni Iehoba, sa pagkamatuud, pagapatyon sia: sa walay kalooy pagabatohon sia sang bug-os nga katilingban, bisan sia dumuluong, bisan sia tumanduk; kon magpasipala sia sa Ngalan, pagapatyon sia.

17 Bisan sin-o nga magpatay sa isa ka tawo, sa pagkamatuud, pagapatyon sia.

18 Kag ang magpatay sing isa ka sapat, magauli sia tungud sa iya, kabuhi tungud sang kabuhi.

19 Bisan sin-o nga magdaut sa iya isigkatawo, sono sang ginhimo niya, pagahimoon ang amo man sa iya:

20 Balbag tungud sa balbag, mata tungud sa mata, ngipon tungud sa ngipon: sa daut nga nahimo sa isa, pagahimoon ang amo man sa iya gid.

21 Ang magpatay sing isa ka sapat, magauli sia sa iya; apang ang magpatay sa isa ka tawo, pagapatyon sia.

22 May isa gid kamo ka katadlungan nga sa tanan: manginangay sa dumuluong kag sa tumandok; kay ako amo si Iehoba, nga inyo Dios."

23 Kag si Moises naghambal sa mga inanak ni Israel; kag ginpagowa nila sa dulugan ang mahimalauton kag ginpatay nila sia sa haboy sang mga batô. Kag ginhimo sang mga inanak ni Israel, sono sang ginsogo ni Iehoba kay Moises.

Ang tuig nga sinabado kag ang tuig sang kahiliwayan.

**25** KAG si Iehoba naghambal kay Moises sa bukid sa Sinai, nga nagasiling:

2 "Ihambal sa mga inanak ni Israel kag isiling sa ila: Kon magsululud kamo sa duta, nga pagaihatag ko sa inyo, ang duta magapalahaway: may isa ka sabado kay Iehoba.

3 Pagatamnan mo sa anum ka tuig ang imo latagon, kag pagatapson mo ang *mga sang* ang imo kaubasan sa anum

ka tuig, kag pagapamopoon ang iya mga bunga;

4 Kag sa ikapito nga tuig ang duta may isa ka sabado, isa ka pahuway, isa sabado kay Iehoba: indi mo pagtammen ang imo latagon, bisan panapson mo ang *mga sang* sang imo kaubasan.

5 Ang dagakan sa imo inanihan, indi mo pag-anihon, kag ang mga ubas sa imo kaubasan nga walâ matapas, indi mo pagpamopoan; mangintuig ini sa pahuway nga sa duta.

6 Ang *bunga* sang sabado sang duta manginkalan-on nga sa inyo, sa imo, sa imo alagad nga lalaki kag babae, sa imo mamumugon kag sa dumuluong nga nagapanlugayaw upud sa imo.

7 Kag manginkalan-on yadtong tanan nga bunga niya sa imo mga sapat kag sa mga kahayupan, nga yara sa imo duta.

8 Kag ikaw magaisip nga sa imo sing pito ka semana sang mga tuig, makapito sa pito ka tuig, kag ang mga adlaw sining pito ka sabado sang mga tuig, manginkap-atan kag siam ka tuig sa imo.

9 Niyan ipalibot-mo ang budyong nga matunug, sa bulan nga ikapito, sa ikapulô sang bulan: pagahimoon ninyo nga ang budyong maglibot sa bug-os ninyo nga duta sa adlaw sang katumbasan.

10 Kag pagapakabalaanon ninyo ang tuig nga ika lim-an, kag pagaibantala ninyo sa duta ang kahilowayan sa tanan niya nga mga pumuluyô: manginpaghilynugyaw sa inyo: magapalauli kamo ang tagsatagsa sa iya kaugalingon, kag ang tagsatagsa magabalik sa iya panimaláy.

11 Manginpaghilynugyaw sa inyo ang tuig nga ikakalim-an: ini *nga tuig* indi kamo magatalanum, bisan magapalangan ni sang dagakan, bisan magapamopo ka sang imo kaubasan nga walâ matapas ang *mga sang*;

12 Kay ini amo ang *tuig* sang Paghilynugyaw: manginbalaan sia sa inyo; pagakaanon ninyo ang patubas sang mga latagon.

13 Sa sini nga tuig sang Paghilynugyaw magapalauli kamo ang tagsatagsa sa iya kaugalingon.

14 Kon magbaligya ka sing bisan ano nga butang sa imo isigkatawo, kon magbakal ka sing bisan ano nga butang sa kamut sang imo isigkatawo, walâ sing magdaut bisan sin-o sa iya útud.

15 Sono sang kadamuon sang mga tuig, sa tapus sang Paghilynugyaw, pagatabaon mo sa imo isigkatawo; kag sono sa kadamuon sang mga tuig sa patubas, sia magabaligya sa imo.

16 Sono sa kadamuon sang mga tuig pagadugangan mo ang iya bili, kag sono sa buhin sang mga tuig pagabuhinan mo ang iya bili; kay amo ang kadamuon sang mga patubas nga pagabaligya niya sa imo.

17 Kag indi magadaut ang bisan sin-o sa iya isigkatawo; apang magakahadluk ka sa imo Dios; kay ako si Iehoba, nga inyo Dios.

18 Ibutang-ninyo sa buhat ang akon mga palatukuran, kag bantayi-ninyo ang mga tulumanon, kag buhata-ninyo sila, kag sa sini magapuluyô kamo sa duta nga mga malig-on.

19 Kag ang duta magapamunga, kag magakalaon kamo tubtub nga mabusug, kag magapuluyô kamo sa iya nga may kalig-unan.

20 Kag kon magsililing kamo: ; Ano bala ang pagakaanon namon sa ikapito ka tuig, kon indi kami dapat magtanum, bisan magtipon sang amon mga patubas?

21 Ako magapadalá sa inyo sang akon pagpakamaayo sa ikan-um ka tuig, kag sia magapatubas sing *tuman* nga bunga nga sa tatlo ka tuig;

22 Kag magatalanum-kamo sa ikawalo ka tuig, kag magkalaon kamo sang mga bunga nga laon tubtub sa tuig nga ikasiam; tubtub nga mag-abut ang patubas sang *ikawalo*, magakalaon kamo sang laon.

Sa paggawad sang mga kaugalingan nga duta kag sang mga ulipon.

23 Kag ang duta indi mabaligya sa dayon gid, kay ang duta akon sia, nga kamo mga dumuluong kag nga manugdapon nga sa akon.

24 Sa tanan nga duta sa inyo kaugalingon, magatulugot kamo sang gawad sa duta.

25 Kon magimol ang imo útud, kag magbaligya sing diyot sang iya kaugalingon, magaabut ang iya manuggawad, nga amo ang iya himata nga labing malapit, kag magagawad sia sang ginbaligya sang iya útud.

26 Kag kon ang tawo walâ sing ma-



nuggawad kag ang iya kamut makatigayon sing tuman nga sa paggawad sa iya,

27 Niyan magaisip sia sang mga tuig sang iya pagbaligya, kag pagabayaran niya sang mabilin sa tawo nga ginbaligyaan niya, kag magabalik sia sa iya kaugalingon.

28 Apang kon indi makakita ang iya kamut sang tuman nga sa paguli sa iya, ang butang nga binaligya magapabilin sa kamut sang nagtaba, tubtub sa tuig sang Paghilinugyaw; kag pagaluwason ini sang Paghilinugyaw, kag ang *manugbaligya* magabalik sa iya kaugalingon.

29 Apang kon ang isa ka tawo magbaligya sang baláy nga puluy-an, nga *nahamtang* sa banwa nga nalibutan sang kuta, ang iya *katadlungan* sa paggawad magadugay tubtub nga matapus ang isa ka tuig sang pagbaligya sa iya: ang *katadlungan* sa paggawad magadugay sing isa ka tuig.

30 Kag kon indi magawad ini sa sulúd sang isa ka tuig nga bug-os, ang baláy nga nahamtang sa isa ka banwa nga nalibutan sang kuta, mabilin nga indi magawad sa kamut sang nagbakal, kag sa iya kaliwatan: indi sia maluwas sang Paghilinugyaw.

31 Apang ang mga baláy sa mga minoro nga walá sing mga kuta sa palibot, pagakabigon sila subung sang mga latagon sang kadutaan: ang ila *katadlungan* sa paggawad mangindayon kag pagaluwason sila sang Paghilinugyaw.

32 Apang nahanungud sang mga banwa sang mga Lebinhon kag sang mga baláy sa mga banwa nga ila kaugalingon, ang *katadlungan* sa paggawad magapadayon sa gihapon nga sa mga Lebinhon.

33 Kon ang isa sang mga Lebinhon may galawaron, nga baláy nga binaligya, sa banwa nga iya kaugalingon, pagaluwason ini sang Paghilinugyaw: tungud kay ang mga baláy sa mga banwa sang mga Lebinhon amo ang kaugalingon nila sa tungá sang mga inanak ni Israel.

34 Apang ang mga latagon nga nagalilibot sa ila mga banwa, indi pagibaligya, kay kaugalingon sila nila sa gihapon.

35 Kag kon ang imo útud, nga yara malapit sa imo, magimol kag magkulangkulang, pagasapopohon mo sia: su-

bung nga dumuluong kon manugdapon, magapuyô sia upud sa imo.

36 Indi ka magapasaka sa iya, bisan magpasagahay, kondi magakahadluk ka sa imo Dios, kag nga ang imo útud magkabuhi upud sa imo.

37 Indi mo pagapasakaon sa iya ang imo kuarta, bisan ang imo kalan-on pagapasagahayan mo:

38 Ako si Iehoba, nga inyo Dios, nga nagpagowa sa inyo sa duta sa Egipto sa paghatag sa inyo sang duta sa Kanaan, agud magmaningininyo ako Dios.

39 Kag kon ang imo útud nga yara malapit sa imo, magimol kag magbaligya sa imo, indi mo sia pagapaalagaron subung sang ulipon;

40 Magapuyo sia upud sa imo subung nga mamumugon kon manugdapon, kag magaalagad sia sa imo tubtub sa tuig sang Paghilinugyaw.

41 Niyan manginluwas sia sa imo, sia kag ang iya mga anak upud sa iya; kag magabalik sia sa iya panimaláy, kag magabalik man sia sa kaugalingon sang iya mga ginikanan.

42 Kay mga ulipon ko sila, nga ginpagowa ko sila sa duta sa Egipto; indi sila sarang mabaligya subung nga mga ulipon.

43 Indi ka magagahum sa iya nga may kapintas, kondi magkahadluk ka sa imo Dios.

44 Apang ang mga ulipon nga lalaki kag mga babae nga mahanungud sa imo, magagilikan sa mga katawohan nga yara sa palibot ninyo; sa ila sarang kamo makabakal sing mga ulipon nga lalaki kag mga babae.

45 Sarang man kamo makabakal sa ila sang mga anak sang mga umalagi, nga nagapanlugayaw sa tungá ninyo, kag sa ila mga panimaláy nga yara sa tungá ninyo, sang mga nagkalatawo sa ila sa inyo duta: sila manginkaugalingon ninyo.

46 Pagaipapanubli ninyo sila sa inyo mga anak sa olehe ninyo sa pagtagiya sa ila: pagapaalagdon ninyo sila sing dayon. Apang sa inyo mga útud, ang mga inanak ni Israel, bisan sin-o sa inyo indi inaggahum nga may kapintas sa ibabaw sang iya útud.

47 Kag kon ang isa ka dumuluong, kon ang isa ka tawo nga manugdapon upud sa imo, magmangaranon, kag ang imo útud upud sa iya magimol kag

magbaligya sia sa dumuluong, nga manugdapon upud sa imo, kon sa isa ka kaliwat sang panimaláy sang dumuluong ;

48 Sa tapus na nakabaligya sia, may *katadlungan* sia gihapon sang gawad: isa sang iya mga útud sarang makagawad sa iya,

49 Kon ang iya batà, kon ang anak sang iya batà sarang makagawad sa iya, kon bisan sin-o sang iya malapit nga himata sa iya panimaláy sarang makagawad sa iya; kag kon ang iya kaugalingon nga kamut nakakita sing mga kalalangan, magagawad sia sa iya kaugalingon.

50 Kag magaisip sia sang *panag-on* sa sadtong nagbakal sa iya, kutub sang tuig nga nagbaligya sia sa iya tubtub sa tuig sang Paghilinugyaw, kag ang kuarta sang iya pagbaligya manginonso sang kadamuon sang mga tuig: kag pagahimoon sa iya sono sa panag-on sang isa ka sinoholan.

51 Kon may mabilin pa sa iya nga madamu nga mga tuig, sa nagakaigo sa ila pagaiuli niya ang bili sang iya gawad, ang kuarta nga ginbakal sa iya.

52 Kag kon mabilin ang pila ka tuig lamang tubtub sa tuig sang Paghilinugyaw, niyan pagaisipon upud sa iya kag pagaiuli niya ang bili sang iya gawad sa nagakaigo sa iya mga tinuig.

53 Subung sang mamumugon sa tinuigtug dira upud sa iya; kag ang *iya agalon* indi magagahum sa iya nga may kapintas sa atubangan sang imo mga mata.

54 Apang kon indi sia magawad sa bisan isa sining mga bagay, niyan maluwat sia sa tuig sang Paghilinugyaw, sia kag ang iya mga anak upud sa iya.

55 Kay akon mga ulipon ang mga inanak ni Israel; mga ulipon nakon sila, nga ginpagowa ko sila sa duta sa Egipto: ako si Iehoba, nga inyo Dios.

Mga panaad kag mga pinat-in na nga mga silot.

**26** DILI kamo maghilimo nga sa inyo sing mga diosdios, bisan magpalatindug kamo sing mga larawan nga tinigban, bisan mga haligi nga larawan; kag dili kamo magpalahamtang sa inyo duta sing bató nga napanigban nga larawan sa pagyaub sa atubangan nila; kay ako amo si Iehoba nga inyo Dios.

2 Pagabantayan ninyo ang akon mga sabado, kag magatalahud kamo sang akon balaan nga Puluy-an: ako si Iehoba.

3 Kon maglalakat kamo sa akon mga palatukuran kag magbalantay kamo sang akon mga sogo sa pagbutang sa ila, sa buhat,

4 Pagaihatag ko sa inyo ang mga ulan sa ila mga panag-on, agud nga ang duta maghatag sang iya patubas, kag ang kahoy sa latagon maghatag sang iya bunga.

5 Kag ang lininas sang inyo mga uyas magalambut sa ani, kag ang ani magalambut sa tanum; kag magakalaon kamo sang iya tinapay sa kabuganaan, kag magapuluyô kamo nga mga malig-on sa inyc duta.

6 Kay pagaipahamtang ko ang paghidaet sa duta; kag magatololog kamo nga walay sin-o nga magapakurug sa inyo: pagakuhaon ko man sa inyo duta ang mga malain nga sapat, kag ang hinangiban indi mag-agi sa inyo duta.

7 Kag pagalagson ninyo ang inyo mga kaaway, kag magakalapukan sila sa hinganiban sa atubangan ninyo:

8 Lima sa inyo magalagas sa isa ka gatus, kag isa ka gatus sa inyo nagalagas sa napúlô ka libo; kag ang inyo mga kaaway magakalapukan sa hinganiban sa atubangan ninyo.

9 Kag magabalikid ako nayon sa inyo, kag pagapakamaayohon ko kamo, kag pagapadamuon ko kamo, kag pagatukuron ko ang akon katipan upud sa inyo.

10 Kag magakalaon kamo sang mga bunga nga laon nga dugay na, kag pagapagowaon ninyo ang mga laon, agud nga mabutang ang mga bag-o.

11 Kag pagaipahamtang ko ang akon Puluy-an sa tungâ ninyo, kag indi kamo pagakangil-aran sang akon kalág.

12 Magalakat man ako sa tungâ ninyo kag magamangininyo ako Dios, kag kamo magamanginakon banwa.

13 Ako amo si Iehoba nga inyo Dios, nga nagpagowa sa inyo sa duta sang Egipto, agud nga indi na kamo magmanginalagad nila. Ginbugto ko ang mga gikus sang inyo singkaw, kag ginpalakat ko kamo nga mga nagatalanga.

14 Apang kon indi kamo buut magpamati sa akon, bisan magtuman sining tanan ko nga mga sogo;

15 Kag kon pagtamayon ninyo ang



akon mġa palatukuran, kag kon ang inyo kalġ magkangil-ad sang akon mġa tulumanon, sa indi pagbutang sa buhat sang tanan nakon nġa mġa sogo, sa paglalis sang akon katipan ;

16 Ako man, yari karon, ang pagahimoon ko sa inyo : Pagaitugyan ko kamo sa kakugmat, sa anus, kag sa hilanat, nġa magapahagas sang mġa mata kag magapalapyo sang kalġ : magatalanum kamo sa walay pulus sang inyo binhi, kay pagakaonon ini sang inyo mġa kaaway ;

17 Kag pagaibutang ko ang akon nawung batok sa inyo, sa bagay nġa pagapilason kamo sa atubangan sang inyo mġa kaaway, kag pagagahaman kamo sa mġa nagakalaakig sa inyo, kag magapalalagyo kamo nġa walay sin-o nġa nagalagas sa inyo.

18 Kag kon sa sini pa nġa mġa butang indi ninyo ako pagpamatian, magabalik ako sa pagsilot sa inyo sing labi pa sa makapito tungud sang inyo mġa salġ.

19 Kag pagaboongon ko ang palablabi sang inyo kabakuran : pagahimoon ko ang inyo kalangitan subung sang salsalon kag ang inyo duta subung sang tumbaga.

20 Ang inyo kusug magaluya sa walay pulus ; kag ang inyo duta indi magahatag sang iya patubas, bisan magahatag ang kahoy sa latagon sang iya bungġa.

21 Kag kon maglalakat kamo batok sa akon kag indi ninyo ako pagtumanon, pagapilason ko kamo sing labi pa sa makapito, sono sang inyo mġa salġ.

22 Pagaipadalġ ko sa ibabaw ninyo ang nġa mapintas nġa sapat sang latagon, nġa magaagaw sang inyo mġa anak nġa lalaki, kag nġa magalaglag sang inyo mġa kahayupan kag nġa magapadiyotay sa inyo, sa bagay nġa magamuluhaymuhay ang inyo mġa dalan.

23 Kag kon sa sining mġa butang magsalawayon pa kamo kag maglalakat kamo batok sa akon,

24 Ako man magalakat batok sa inyo, kag pagapilason ko kamo, hoo, ako, sing makapito pa tungud sang inyo mġa salġ.

25 Kag pagadalhon ko sa ibabaw ninyo ang hinganiban nġa manugtimalus sang katipan nġa gintamay ; kag kon magtililipon kamo sa inyo mġa banwa, ako magapadalġ sang kamaty sa tungġa

ninyo, kag pagaipanugyan kamo sa mġa kamut sang kaaway.

26 Kon maboong ko na ang sungkod sang tinapay, magaluto ang napulġ ka babae sang inyo tinapay sa isa lamang ka horno, kag pagaiuli nila sa inyo ang inyo tinapay sa timbang ; kag magakalaon kamo, apang indi kamo magkala-busug.

27 Kag kon bisan pa sini indi kamo magpalamati sa akon, kondi nġa maglalakat kamo batok sa akon,

28 Niyan ako magalakat batok sa inyo sa akon kasingkal, kag pagasilotan ko man kamo sing makapito pa bangud sang inyo mġa salġ.

29 Kag magakalaon kamo sang mġa unud sang inyo mġa anak nġa lalaki, magakaloon kamo sang mġa unud man sang inyo mġa anak nġa babae ;

30 Kag pagalaglaon ko ang inyo mġa mataas nġa duug, pagagapason ko ang inyo mġa larawan sang adlaw, pagaihaboy ko ang inyo mġa lawas nġa patay sa ibabaw sang mġa lawas nġa patay sang inyo mġa diosdios, kag ang akon kalġ magkangil-ad sa inyo.

31 Kag pagapakahanayakon ko ang inyo mġa kabanwaan, kag pagahapayon ko ang inyo mġa balaan nġa Puluyan, kag indi manginkalahamut-an ko ang baho sang inyo mġa pahamut.

32 Pagahapayon ko man ang duta, sa bagay nġa magakalatingala sa iya ang inyo mġa kaaway, nġa nagapuluyġ sa iya.

33 Kag pagaiwaraag ko kamo sa tungġa sang mġa katawohan, kag pagaihalahad ko ang hinganiban sa olehe ninyo, kag ang inyo duta manginisa ka kahapayan, kag ang mġa kabanwaan manginisa ka kahanayakan.

34 Niyan ang duta magaagum sang iya mġa sabado sa bug-os nġa panag-on sang iya kahapayan, sa didto pa kamo sa duta sang inyo mġa kaaway ; niyan ang duta magapahuway kag magaagum sang iya mġa sabado.

35 Sa bug-os nġa panag-on sang iya kahapayan magapahuway sia, kay walġ sia magpahuway sa inyo mġa sabado, sang nagapuluyġ kamo sa iya.

36 Sa nahanungud sa mġa magkalabilin sa inyo, pagaipatuduk ko ang kaluyahon sa ila mġa tagiposoan sa duta sang ila mġa kaaway, sa bagay nġa magpapalagyo sa ila ang kagahud sang

isa ka dahon nga magkulas ; kag magapalalagyo sila subung sang nagapalalagyo sa hinganiban, kag magakalapukan sila nga walay sin-o nga nagalagas sa ila.

37 Magasinunguanay ang iban sa iban, subung nga *nagapalagyo sila* sa atubangan sang hinganiban, bisan pa walay bisan sin-o nga nagalagas sa ila ; kag indi kamo sarang makabatok sa atubangan sang inyo mga kaaway.

38 Magakaladula kamo sa tunga sang mga katawohan, kag pagahalunhunon kamo sang duta sang inyo mga kaaway.

39 Nahanungud sa mga magkalabilin sa inyo, magahalagas sila sa mga kadutaan sang inyo mga kaaway bangud sang ila kalautan ; kag magahalagas man sila sa mga kalautan sang ila mga ginikanan sa tingub sa ila.

40 Kag kon sila magtuluad sang ila kalautan kag sang kalautan sang ila mga ginikanan, kag sang mga paglapas nga ginlapas nila batok sa akon, kag *kon sila magkilala* nga naglalakat sila sa sumpung nakon,

41 Ako naglakat man sa sumpung nila, kag gindala ko sila sa duta sang ila mga kaaway ; kon niyan magpaubus ang ila tagiposoong nga ditinuli, kag kon niyan magbalaton sila sang silot sang ila kalautan,

42 Ako magapanumdum sang akon katipan kay lakob, kag magapanumdum man ako sang akon katipan kay Isaak, kag subung man magapanumdum ako sang akon katipan kay Abraham, kag magapanumdum ako sang duta ;

43 Kay ang duta pagabayaan nila, kag magaaugm sia sang iya mga sabado, sang nahapay sia, nga wala sila ; kag pagabatonon nila ang silot sang ila kalautan, bangud, hoo, bangud kay ginsikway nila ang akon mga tulumanon kag ang ila kalag nagkangil-ad sang akon mga palatukuran.

44 Apang walay sapayan, sang sila didto sa duta sang ila mga kaaway, wala ako magasikway sa ila, kag wala ko sila pagkangil-ari, sa pagpapas sa ila sing bug-os kag sa pagpakawalay pulus sang akon katipan sa ila ; kay ako si Iehoba nga ila Dios.

45 Kag magapanumdum ako pahana-yon sa ila sang katipan nga daan, nga tungud sa iya ginpagowa ko sila sa duta sa Egipto, sa mga mata sang mga kata-

wohan, agud nga magmanginila ako Dios : ako si Iehoba."

46 Ini sila amo ang mga palatukuran, ang mga tulumanon kag ang mga kaso-goan nga gintukud ni Iehoba sa tunga niya kag sa mga inanak ni Israel, sa bukid sa Sinai, sa kamut ni Moises.

Nahanungud sa mga saad kag sa mga ikapulo.

**27** KAG naghambal si Iehoba kay Moises, nga nagasiling :

2 "Ihambal sa mga inanak ni Israel kag isiling sa ila : Kon ang isa nagpa-in sing bisan ano tungud sang isa ka saad, ang mga tawo *mahanungud* kay Iehoba, sono sang imo pagpabili.

3 Ang imo pagpabili manginsono sang *masunud* : Kon ang isa ka tawo yara sa tunga sang duha ka pulo kag kan-uman ka tuig, ang imo pagpabili manginkaliman ka siklo nga pilak, sono sang siklo sang balaan nga Puluy-an ;

4 Kon isa ka babae, ang imo pagpabili manginkatloan ka siklo.

5 Kon ang edad yara sa tunga sang lima kag duha ka pulo ka tuig, ang imo pagpabili sa lalaki manginduha ka pulo ka siklo, kag sa babae, napulo ka siklo.

6 Kon ang edad yara sa tunga sang isa ka bulan kag lima ka tuig, ang imo pagpabili sa lalaki manginlima ka siklo nga pilak, kag sa babae, ang imo pagpabili, mangintatlo ka siklo nga pilak.

7 Kag kon ang edad kan-uman ka tuig pa ibabaw, ang imo pagpabili magmanginnapulo kag lima ka siklo, kon lalaki, kag napulo ka siklo, kon babae.

8 Apang kon ang *nagpanaad* tuman gid ka imol sa *pagbayad* sang imo pagpabili, pagapapaatubangon sia sa saserdote, kag ang saserdote magapabili sa iya. Ang saserdote magabakibaki sa nagsaad sa nagakaigo sa iya masarangan.

9 Kon *nahanungud* sa isa ka hayup, nga sa iya sarang makahalad kay Iehoba, ang tanan nga sa ila pagihatag kay Iehoba, manginbalaan.

10 Indi sia pagilisan, bisan pagbaylohan ang maayo sang malain, bisan ang malain sang maayo. Kag kon sa bisan ano nga bagay pagbaylohan ang isa ka hayup sang isa, niyan sia subung man ang iya baylo, magabalalaan sila.

11 Apang kon bisan ano nga sapat-nga mahigko, nga indi sarang mahalad kay Iehoba, pagapaatabangon ang sapat sa atubangan sang saserdote ;



12 Kag pagapabilihan sia sang saserdote, kon sia maayo kon malain, kag mabilin ang *bili* sono sang imo pagpabili, saserdote.

13 Kag kon buut maggawad sa iya, pagadugangan ang ikalima ka bahin sa imo pagpabili.

14 Kon ang isa ka tawo magpakabalaan sang iya baláy, agud nga manginbalaan kay Iehoba, ang saserdote magapabili sa iya, subung nga maayo kon malain sia; ang iya *bili* manginsono sang pagpabili sang saserdote.

15 Kag kon ang nagpabalaan sang iya baláy, maluyag maggawad sa iya, magadugang sia sang ikalima ka bahin sang kuarta sang imo pagpabili, kag ang *baláy* manginiya.

16 Kon ang isa magpakabalaan sang isa ka bahin sang latagon, nga iya kaugalingon, kay Iehoba, ang imo pagpabili manginsono sang natanum sa iya; ang natanum nga isa ka homer nga sebada pagapabilihan sing kaliman ka siklo nga pilak.

17 Kon sia magpakabalaan sang iya latagon tubtub sang tuig sang Paghilnugyaw, magabili sia sono sa imo pagpabili.

18 Kay kon sia magpakabalaan sang iya latagon sa tapus sang Paghilingyaw, ang saserdote magaisip sang kuarta sono sang mga tuig nga mabilin tubtub sa tuig sang Paghilnugyaw, kag pagaipakubus sa imo pagpabili.

19 Kag kon ang nagpakabalaan sang latagon, maluyag maggawad sini, magadugang sia sang ikalima ka bahin sang kuarta sa imo pagpabili sa iya, kag magamangin iya ang latagon.

20 Apang kon indi sia maggawad sang latagon, kag kon mabaligya ang latagon sa isa ka tawo, sia indi na sarang makagawad sini.

21 Kag ang latagon, kon maluwas sang Paghilnugyaw, manginbalaan sia kay Iehoba, subung nga latagon nga pinahanungud gid *kay Iehoba*: ang pagkatagiya sa iya manginiya sang saserdote.

22 Kon ang isa ka tawo magpakabalaan sing latagon, nga ginbakal niya, kay Iehoba, nga indi bahin sang iya kaugalingon,

23 Ang saserdote magaisip sa iya sang *bili* sang iya pagpabili tubtub sa tuig sang Paghilnugyaw, kag ini *nga tawo* magabayad sang imo pagpabili sa

sina gid nga adlaw, subung nga butang nga balaan kay Iehoba.

24 Kag sa tuig sang paghilnugyaw ang latagon magabalik sa sadtong nagbakal sini, kag sa amo gid nga natungdan sang pagkatagiya sang duta.

25 Ang tanan mo nga mga pagpabili manginsa mga siklo sang balaan nga Puluy-an: ang isa ka siklo amo ang duha ka pulô ka geras.

26 Lamang, walay bisan sin-o nga sarang makapakabalaan sang mga panaganay sang mga kahayupan, nga sila nahanungud na kay Iehoba tungud sang pagkapanganay: bisan sia hayup nga baka, bisan sia obeha, iya na sia ni Iehoba.

27 Kon hayup sia nga mahigko, pagagawaron sia sono sang imo pagpabili nga maggabaw sia sang ikalima ka bahin; kag kon indi sia maggawad, pagaibaligya ini, sono sa imo pagpabili.

28 Lamang, bisan ano nga butang nga pinahanungud gid, nga napahanungud gid sang isa ka tawo kay Iehoba, sa tanan nga iya kaugalingon, bisan sia tawo, bisan sia hayup, kon bahin sang latagon nga iya kaugalingon, indi sarang mabaligya, bisan magawad: ang tanan nga butang nga pinahanungud gid, balaan gid ini sia kay Iehoba.

29 Bisan sin-o sang mga tawo nga ginpahanungud sa katagudilian indi sarang sia magawad: sa pagkamatuud, pagapatyon sia.

30 Ang tanan nga ikapulô sang duta, bisan sia sa duta nga tinanum, bisan sia sa bunga sang mga kakahoyan, nahanungud na ini kay Iehoba: balaan na sia kay Iehoba.

31 Kon ang isa maluyag maggawad sang bisan ano nga bahin sang iya ikapulô, magagabaw sia sang iya ikalima nga bahin.

32 Kag nahanungud sa tanan nga ikapulô sang kabakahan kon sang mga obeha, sa tanan nga magagi sa idalun sang sunkod, ang tagea ka ikapulô nga hayup, manginbalaan kay Iehoba.

33 Indi pagpilion kon sia maayo kon malain, kag indi pagbaylohan sia; kag kon mahanabu nga mabaylohan, ang baylo kag ang binaylohan manginbalaan sila: Indi sila sarang magawad."

34 Ini sila among mga sogo, nga ginsogo ni Iehoba, kay Moises nga sa mga inanak ni Israel, sa bukid sa Sinai.

# ANG IKAP-AT NGA TOLON-AN

NI MOISES

## NGA GINAHINGALANAN

### NUMEROS.

Ang pagisip sang mga Israelinhon sa kahanayakan sa Sinai.

**1** KAG naghambal si Iehoba kay Moises sa kahanayakan sang Sinai sa Layanlayang sang pakigkitaan, sa nahauna sang bulan nga ikaduha sang ikaduha ka tuig sang ila paghalin sa duta sang Egipto, nga nagasiling :

2 " Isipa-ninyo, sing binilogbilog, ang bug-os nga katilingban sang mga inanak ni Israel, sono sang ila mga panimaláy, sono sang ila mga panimaláy nga inamay, siling sang isip sang mga ngalan sang tanan nga mga lalaki,

3 Kutub sa duha ka púlô ka tuig ang edad pa ibabaw, ang tanan sa Israel nga sarang makakadto sa pag-awayan : pagaisipon-ninyo sila, ikaw kag si Aaron, sono sang ila pinanong nga mga kasoldadosan.

4 Kag manginúpud ninyo ang isa ka lalaki sang tagsa ka kabikahan, ang tagsatagsa pangolo sang iya panimaláy nga inamay.

5 Kag yari karon ang mga ngalan sang mga lalaki nga mangikaúpud ninyo : Sa kabikahan ni Ruben : si Elisur, anak ni Sedeur ;

6 Sa kay Simeon : si Lelumiel, anak ni Surisadai ;

7 Sa kay Iuda : si Naason, anak ni Aminadab ;

8 Sa kay Isakar : si Natanael, anak ni Suar ;

9 Sa kay Sabulon : si Eliab, anak ni Helon ;

10 Sa mga anak ni Iose : sa kay Ephraim : si Elisama, anak ni Amiud ; sa kay Manases : si Gamaliel, anak ni Pedasur.

11 Sa kay Benyamin : si Abedan, anak ni Gedeoni ;

12 Sa kay Dan : si Ahieser, anak ni Amisadai ;

13 Sa kay Aser : si Pegiel, anak ni Okran ;

14 Sa kay Gad : si Eliasap, anak ni Dehuel ;

15 Sa kay Neptali : si Ahira, anak ni Enan.

16 Ini sila amo ang mga gintawag sang katilingban, ang mga dunganon sang mga kabikahan sang ila mga ginikahan : ini sila amo ang mga pangolo sang mga linibolibo sa Israel.

17 Busa, ginbaton ni Moises kag ni Aaron ini nga mga lalaki nga ginpamatinan tungud sa ngalan,

18 Kag gintipon nila ang bug-os nga katilingban sa nahauna sang bulan nga ikaduha ; kag ang tagsatagsa nagpahayag sang gingikanan, sono sang ila mga kaliwatan kag sono sang ila mga panimaláy nga inamay, sa pagisip sang mga ngalan kutub sa duha ka púlô ka tuig ang edad pa ibabaw, sing binilogbilog.

19 Subung sang ginsogo ni Iehoba kay Moises, ginisip niya sila sa kahanayakan sa Sinai.

20 Kag ang mga anak ni Ruben, ang panganay ni Israel : ang ila mga kaliwatan, sono sang ila mga panimaláy, sono sang ila mga panimaláy nga inamay, sa isip sang mga ngalan, sing binilogbilog, ang tanan nga mga lalaki kutub sa duha ka púlô ka tuig ang edad pa ibabaw, ang tanan nga sarang makakadto sa pag-awayan :

21 Ang mga naisipan sa kabikahan ni Ruben, nanginkap-atan kag anum ka libo kag lima ka gatus.

22 Sa mga anak ni Simeon : ang ila mga kaliwatan, sono sang ila mga panimaláy, sono sang ila mga panimaláy nga inamay, ang mga naisipan sono sa isip sang mga ngalan, sing binilogbilog, ang tanan nga mga lalaki kutub sa duha ka púlô ka tuig ang edad pa ibabaw, ang



tanan nga sarang makakadto sa pag-awayan :

23 Ang mga naisipan sa kabikahan ni Simeon, nanginkalim-an kag siam ka libo kag tatlo ka gatus.

24 Sa mga anak ni Gad : ang ila mga kaliwatan, sono sang ila mga panimaláy, sono sang ila mga panimaláy nga inamay, sono sa isip sang mga ngalan kutub sa duha ka púlô ka tuig ang edad pa ibabaw, ang tanan nga sarang makakadto sa pag-awayan :

25 Ang mga naisipan sa kabikahan ni Gad, nanginkap-atan kag lima ka libo anum ka gatus kag kalim-an.

26 Sa mga anak ni Iuda : ang ila mga kaliwatan, sono sang ila mga panimaláy, sono sang ila mga panimaláy nga inamay, sono sa isip sang mga ngalan kutub sa duha ka púlô ka tuig ang edad pa ibabaw, ang tanan nga sarang makakadto sa pag-awayan :

27 Ang mga naisipan sa kabikahan ni Iuda, nanginkapitoan kag apat ka libo kag anum ka gatus.

28 Sa mga anak ni Isakar : ang ila mga kaliwatan, sono sang ila mga panimaláy, sono sang ila mga panimaláy nga inamay, sono sa isip sang mga ngalan kutub sa duha ka púlô ka tuig ang edad pa ibabaw, ang tanan nga sarang makakadto sa pag-awayan :

29 Ang mga naisipan sa kabikahan ni Isakar, nanginkalim-an kag apat ka libo kag apat ka gatus.

30 Sa mga anak ni Sabulon : ang ila mga kaliwatan, sono sang ila mga panimaláy nga inamay, sono sa isip sang mga ngalan kutub sa duha ka púlô ka tuig ang edad pa ibabaw, ang tanan nga sarang makakadto sa pag-awayan :

31 Ang mga naisipan sa kabikahan ni Sabulon, nanginkalim-an kag pito ka libo kag apat ka gatus.

32 Sa mga anak ni Iose : sa mga anak ni Ephraim : ang ila mga kaliwatan, sono sang ila mga panimaláy, sono sang ila mga panimaláy nga inamay, sono sa isip sang mga ngalan kutub sa duha ka púlô ka tuig ang edad pa ibabaw, ang tanan nga sarang makakadto sa pag-awayan :

33 Ang mga naisipan sa kabikahan ni Ephraim, nanginkap-atan ka libo kag lima ka gatus.

34 Sa mga anak ni Manases : ang ila mga kaliwatan, sono sang ila mga pani-

maláy, sono sang ila panimaláy nga inamay, sono sa isip sang mga ngalan kutub sa duha ka púlô ka tuig ang edad pa ibabaw, ang tanan nga sarang makakadto sa pag-awayan :

35 Ang mga naisipan sa kabikahan ni Manases, nanginkatloan kag duha ka libo kag duha ka gatus.

36 Sa mga anak ni Benyamin : ang ila mga kaliwatan, sono sang ila mga panimaláy, sono sang ila mga panimaláy nga inamay, sono sa isip sang mga ngalan kutub sa duha ka púlô ka tuig ang edad pa ibabaw, ang tanan nga sarang makakadto sa pag-awayan :

37 Ang mga naisipan, sa kabikahan ni Benyamin, nanginkatloan kag lima ka libo kag apat ka gatus.

38 Sa mga anak ni Dan : ang ila mga kaliwatan, sono sang ila mga panimaláy, sono sang ila mga panimaláy nga inamay, sono sa isip sang mga ngalan kutub sa duha ka púlô ka tuig ang edad pa ibabaw, ang tanan nga sarang makakadto sa pag-awayan :

39 Ang mga naisipan sa kabikahan ni Dan, nanginkan-uman kag duha ka libo kag pito ka gatus.

40 Sa mga anak ni Aser : ang ila mga kaliwatan, sono sang ila mga panimaláy, sono sang ila mga panimaláy nga inamay, sono sa isip sang mga ngalan kutub sa duha ka púlô ka tuig ang edad pa ibabaw, ang tanan nga sarang makakadto sa pag-awayan :

41 Ang mga naisipan sa kabikahan ni Aser, nanginkap-atan kag isa ka libo kag lima ka gatus.

42 Sa mga anak ni Neptali : ang ila mga kaliwatan, sono sang ila mga panimaláy, sono sang ila mga panimaláy nga inamay, sono sa isip sang mga ngalan kutub sa duha ka púlô ka tuig ang edad pa ibabaw, ang tanan nga sarang makakadto sa pag-awayan :

43 Ang mga naisipan sa kabikahan ni Neptali, nanginkalim-an kag tatlo ka libo kag apat ka gatus.

44 Ini sila among mga naisipan, nga inisip ni Moises kag ni Aaron, kag sang mga napúlô kag duha ka tawo, nga mga dunganon sa Israel : may isa ka tawo sa tagsa ka panimaláy nga inamay.

45 Amo ini ang tanan nga mga naisipan sang mga inanak ni Israel, sono sang ila mga panimaláy nga inamay, kutub sa duha ka púlô ka tuig ang edad

pa ibabaw, ang tanan sa Israel nga sarang makakadto sa pag-awayan:

46 Ang tanan nga mga naisipan naningnanum ka gatus kag tatlo ka libo lima ka gatus kag kalim-an.

47 Apang ang mga Lebinhon, sono sang kabikahan sang ila mga ginikanan, wala pagisipa nga tingub sa ila.

48 Kay naghambal si Iehoba kay Moises, nga nagasiling:

49 "Lamang dili mo pagisipon ang kabikahan ni Lebi, kag dili ka magisip sa ila nga tingub sa mga inanak ni Israel.

50 Apang pagaitulin mo sa mga Lebinhon ang Puluy-an sang pagpamatuud kag ang tanan niya nga mga gamit, kag ang tanan nga nahanungud sa iya. Sila amo ang magadalá sang Puluy-an kag sang tanan niya nga mga gamit, kag magaalalagad sila sa iya, kag magapalahamtang sila sang ila dulugan sa palibot sang Puluy-an.

51 Kag kon magtaliwan ang Puluy-an, pagabungkagon sia sang mga Lebinhon, kag kon magdúlog ang Puluy-an, pagapahaumon sia sang mga Lebinhon; kag ang dumuluong nga magpalapit, pagapatyon sia.

52 Kag magapalahamtang ang mga inanak ni Israel sing dulugan, sono sa ila pinanong nga kasoldadosan, ang tagsatagsa sa iya dulugan kag malapit sa iya bandera.

53 Apang ang mga Lebinhon magapalahamtang sing dulugan sa palibot sang Puluy-an sang pagpamatuud, agud nga walay kaakig batok sa katilingban sang mga inanak ni Israel; kag ang mga Lebinhon amo ang magabantay sang tinulin nahanungud sang Puluy-an sang pagpamatuud."

54 Kag ginhimo ini sang mga inanak ni Israel, sono sa tanan nga ginsogo ni Iehoba kay Moises: subung sini ang ginhimo nila.

Ang pagkahamtang sang mga dulugan.

2 KAG naghambal si Iehoba kay Moises kag kay Aaron, nga nagasiling:

2 "Ang mga inanak ni Israel magapalahamtang sing dulugan sa idalum sang talandaan sang ila mga panimaláy nga inamay, ang tagsatagsa nga malapit sa iya bandera. Magapalahamtang sila

sing dulugan sa atubangan, sa palibot sang Layanglayang sang pakigkitaan.

3 Ang mga magapalahamtang sing dulugan sa luyo sa Sidlangan, nayon sa bulutlakan, manginamo: Ang bandera sang dulugan ni Iuda, sono sang ila mga pinoong nga kasoldadosan: nga ang dunganon sang mga anak ni Iuda, si Nahason, anak ni Aminadab;

4 Kag ang iya pinoong nga kasoldadosan kag ang mga naisipan sa ila: kapitoan kag apat ka libo kag anum ka gatus.

5 Ang mga magapalahamtang sing dulugan sa luyo niya amo: ang kabikahan ni Isakar, nga ang dunganon sang mga anak ni Isakar, si Natanael, anak ni Suar;

6 Kag ang iya pinoong nga kasoldadosan kag ang mga naisipan sa ila: kalim-an kag apat ka libo kag apat ka gatus:

7 Ang kabikahan ni Sabulon, nga ang dunganon sang mga anak ni Sabulon, si Eliab, anak ni Kelon;

8 Kag ang iya pinoong nga kasoldadosan kag ang mga naisipan sa ila: kalim-an kag pito ka libo kag apat ka gatus.

9 Ang tanan nga naisipan sa dulugan ni Iuda: isa ka gatus kawaloan kag anum ka libo kag apat ka gatus, sono sa ila mga pinoong nga kasoldadosan. Ini sila magatalaliwan sing una.

10 Sa Bagatan didto ang bandera sang dulugan ni Ruben, sono sa ila mga pinoong nga kasoldadosan: nga ang dunganon sang mga anak ni Ruben, si Elisur, anak ni Sedeur;

11 Kag ang iya pinoong nga kasoldadosan kag ang mga naisipan sa ila: kapatan kag anum ka libo kag lima ka gatus.

12 Magapalahamtang sing dulugan sa luyo niya: ang anak ni Simeon, nga ang dunganon sang mga anak ni Simeon si Seluniel, anak ni Surisadai,

13 Kag ang iya pinoong nga kasoldadosan kag ang mga naisipan sa ila: kaliman kag siam ka libo kag tatlo ka gatus.

14 Kag ang kabikahan ni Gad, nga ang dunganon sang mga anak ni Gad, si Elisap, anak ni Dehuel,

15 Kag ang iya pinoong nga kasoldadosan kag ang mga naisipan sa ila: kapatan kag lima ka libo anum ka gatus kag kalim-an.



16 Ang tanan nga mga naisipan sa dulugan ni Ruben: isa ka gatus kaliman kag isa ka libo apat ka gatus kag kalim-an, sono sa ila mga pinoong nga kasoldadosan. Ini sila magatalaliwan nga ikaduha.

17 Niyan magataliwan ang Layang-layang sang pakigkitaan, ang dulugan sang mga Lebinhon yara sa tunga sang mga dulugan: sono sang pagpahamtang nila sing dulugan, sa sini magataliwan sila: ang tagsatagsa sa iya kaugalingon nga duug, sono sang ila mga bandera.

18 Sa Katundan, ang bandera sang dulugan ni Ephraim, sono sa ila mga pinoong nga kasoldadosan; nga ang dunganon sang mga anak ni Ephraim, si Elisama, anak ni Amiud,

19 Kag ang iya pinoong nga kasoldadosan kag ang mga naisipan sa ila: kap-atan ka libo kag lima ka gatus.

20 Sa luyo niya: ang kabikahan ni Manases, nga ang dunganon sang mga anak ni Manases, si Gamaliel, anak ni Pedasur,

21 Kag ang iya pinoong sang kasoldadosan kag ang mga naisipan sa ila: katloan kag duha ka libo kag duha ka gatus.

22 Kag ang kabikahan ni Benjamin, nga ang dunganon sang mga anak ni Benjamin, si Abidan, anak ni Gedeoni,

23 Kag ang iya pinoong nga kasoldadosan kag ang mga naisipan sa ila: katloan kag lima ka libo kag apat ka gatus.

24 Ang tanan nga mga naisipan sa dulugan ni Ephraim, among isa ka gatus kag walo ka libo kag isa ka gatus, sono sa ila mga pinoong nga kasoldadosan. Ini sila magatalaliwan sa ikatlo.

25 Sa Aminhan: ang bandera sang dulugan ni Dan, sono sang ila mga pinoong nga kasoldadosan, nga ang dunganon sang mga anak ni Dan, si Ahieser, anak ni Amisadai,

26 Kag ang iya pinoong nga kasoldadosan kag ang mga naisipan sa ila: kan-uman kag duha ka libo kag pito ka gatus.

27 Ang mga magapalahamtang sing dulugan sa luyo niya, amo: ang kabikahan ni Aser, nga ang dunganon sang mga anak ni Aser, si Pegiel, anak ni Okran,

28 Kag ang iya pinoong nga kasolda-

dosan kag ang mga naisipan sa ila: kap-atan kag isa ka libo kag lima ka gatus:

29 Kag ang kabikahan ni Neptali, nga ang dunganon sang mga anak ni Neptali, si Ahira, anak ni Enan,

30 Kag ang iya pinoong nga kasoldadosan kag ang mga naisipan sa ila: kalim-an kag tatlo ka libo kag apat ka gatus.

31 Ang tanan nga mga naisipan sa dulugan ni Dan: isa ka gatus kalim-an kag pito ka libo kag anum ka gatus. Ini sila magataliwan nga mga naolehe, sono sa ila mga bandera.

32 Ini sila among mga naisipan sang mga anak ni Israel, sono sang ila mga panimalay nga inamay. Ang tanan nga mga naisipan sa mga dulugan sono sang ila mga pinoong nga kasoldadosan: anum ka gatus kag tatlo ka libo lima ka gatus kag kalim-an.

33 Apang ang mga Lebinhon wala sila maisipi nga tingub sa mga inanak ni Israel, sono sang ginsogo ni Iehoba kay Moises.

34 Kag ginhimo sang mga inanak ni Israel, sono sa tanan nga ginsogo ni Iehoba kay Moises. Sa sini nagpalahamtang sila sing dulugan, sono sang ila mga bandera, kag sa sini nagtalaliwan sila, ang tagsatagsa sono sang ya panimalay, sono sang iya panimalay nga inamay.

Ang pagisip sa mga Lebinhon.

**3** YARI karon ang mga kaliwatan ni Aaron kag ni Moises sang adlaw nga si Iehoba naghambal kay Moises sa bukid sa Sinai.

2 Ini sila among mga ngalan sang mga anak ni Aaron: Si Nadab, ang panganay, ugaling si Abiu, si Eleasar kag si Itamar.

3 Ini sila among mga ngalan sang mga anak ni Aaron, nga mga asaserdote, nga pinanhidhiran, nga ginpapahanungud niya, agud nga magpanghikot sila sang pagkasaserdote.

4 Apang si Nadab kag si Abiu nagkalamatay sa atubangan ni Iehoba, sang paghalad nila sing kalayo nga indi nagakaigo sa atubangan ni Iehoba, sa kahanayakan sa Sinai. Wala silay mga anak, kag si Eleasar kag si Itamar nagpalanghikot sang pagkasaserdote sa atubangan ni Aaron nga ila amay.

5 Kag si Iehoba naghambal kay Moises, nga nagasiling:

6 "Papalapita ang kabikahan ni Lebi, kag paatubang sa kay Aaron, nga saserdote, agud nga mag-alalagad sila sa iya.

7 Magabalantay sila sang tinulin sa iya, kag sang tinulin sang bug-os nga katilingban sa atubangan sang Layanglayang sang pakigkitaan, nga nagahilimo sang pag-alagdan sang Puluy-an.

8 Pagabantayan nila ang tanan nga mga gamit sang Layanglayang sang pakigkitaan kag ang tinulin sang mga inanak ni Israel, agud nga maghilimo sila sang pag-alagdan sang Puluy-an.

9 Pagaihatag mo ang mga Lebinhon kay Aaron kag sa iya mga anak: kinahatag sila sa iya sing bug-os gid sa tunga sang mga inanak ni Israel.

10 Kag pagaisipon mo si Aaron kag ang iya mga anak, agud nga magbalantay sila sang ila pagkasaserdote; kag ang dumuluong nga magpalapit, pagapatyon sia."

11 Kag naghambal si Iehoba kay Moises, nga nagasiling:

12 "Yari karon, ginkuha ko ang mga Lebinhon sa tunga sang mga inanak ni Israel sa baylo sang tanan nga mga panganay sang isa ka iloy sa tunga sang mga inanak ni Israel; kag sa *sini* manginakon ang mga Lebinhon;

13 Kay akon ang tanan nga panganay. Sa adlaw nga akon ginpilas ang tanan nga mga panganay sa duta sang Egipto, ginpabalaan ko nga sa akon ang tanan nga mga panganay sa Israel kutub sa tawo tubtub sa sapat: manginakon sila: ako si Iehoba."

14 Kay si Iehoba naghambal kay Moises sa kahanayakan sa Sinai, nga nagasiling:

15 "Isipa ang mga anak ni Lebi, sono sang ila mga panimalay nga inamay, sono sang ila mga panimalay. Pagaisipon mo ang tanan nga mga lalaki kutub sa isa ka bulan ang edad pa ibabaw."

16 Kag inisip sila ni Moises, sono sa polong ni Iehoba, sono sang ginsogo sa iya.

17 Kag ini sila amo ang mga anak ni Lebi, sono sang ila mga ngalan: si Gerson, si Koat kag si Merari.

18 Kag ini sila amo ang mga ngalan sang mga anak ni Gerson, sono sang ila mga panimalay: si Libni kag si Sinei.

19 Kag ang mga anak ni Koat, sono sang ila mga panimalay: si Amram, si Ishar, si Hebron kag si Usiel.

20 Kag ang mga anak ni Merari, sono sang ila mga panimalay: si Mahali kag si Musi. In sila among mga panimalay sang mga Lebinhon, sono sang ila mga panimalay nga inamay.

21 Gikan kay Gerson: ang panimalay sang mga Lebinhon kag ang panimalay sang mga Simeinhon: ini sila among mga panimalay sang mga Gersoninhon.

22 Ang mga naisipan nila, sono sa isip sang tanan nga mga lalaki kutub sa isa ka bulan ang edad pa ibabaw, ang mga naisipan sa ila, nanginpito ka libo kag lima ka gatus.

23 Ang mga panimalay sang mga Gersoninhon magapalahamtang sing dulugan sa likod sang Puluy-an, sa bahin sang Katundan.

24 Kag ang dunganon sang panimalay nga inamay sang mga Gersoninhon amo si Eliasap, anak ni Lael.

25 Kag ang tinulin sa mga anak ni Gerson nahanungud sa Layanglayang sang pakigkitaan amo ang Puluy-an kag ang Layanglayang, ang iya tabon, kag ang iya kumbung sa salamputan sang Layanglayang sang pakigkitaan;

26 Kag ang mga kumbung sang patyo, kag ang kumbung sa salamputan sang patyo, nga malapit sa Puluy-an kag malapit sa halaran, sa palibot, kag ang iya mga lubid nga sa bug-os niya nga pag-alagadan.

27 Gikan kay Koat: ang panimalay sang mga Amraminhon, ang panimalay sang mga Isharinhon, ang panimalay sang mga Hebroninhon kag ang panimalay sang mga Usielinhon; ini sila mga panimalay sang mga Koatinhon.

28 Sono sa isip sang tanan nga mga lalaki kutub sa isa ka bulan ang edad pa ibabaw among walo ka libo kag anum ka gatus, nga mga tululinan sang pagbantay sang balaan nga Puluy-an.

29 Ang mga panimalay sang mga anak ni Koat magapalahamtang sing dulugan sa kilid sang Puluy-an, sa bahin sang Bagatman.

30 Kag ang dunganaon sang panimalay nga inamay sang mga panimalay sang mga Koatinhon amo si Elisapan, anak ni Usiel.

31 Ang gintulin sa ila amo ang kaban, ang latok, ang sadngan, ang mga



halaran, kag ang mġa gamit sang balaan nġa Puluy-an, nġa ginagamit nila sa pag-alagdan kag ang kumbung, kag ang tanan niya nġa pag-alagdan.

32 Kag ang dunganon sang mġa dunganon sang mġa Lebinhon amo si Eieasar, anak ni Aaron, nġa saserdote. Sia amo ang manugtatap sang mġa nagabalantay sang tinulin nahanunġud sa balaan nġa Puluy-an.

33 Gikan kay Merari : ang panimaláy sang mġa Mahalinhon, kag ang panimaláy sang mġa Musinhon ; ini sila among mġa panimaláy ni Merari.

34 Ang mġa naisipan sa ila, sono sa isip sang tanan nġa mġa lalaki kutub sa isa ka bulan ang edad pa ibabaw, nangin-anum ka libo kag duha ka gatus.

35 Kay ang dunganon sang panimalay nġa inamay sang mġa panimaláy ni Merari amo si Suriel, anak ni Abihail. Magapalahamtang sila sing dulugan sa kilid sang Puluy-an, sa bahin sang Aminhar.

36 Kag ang tinulin nġa balantayan sang mġa anak ni Merari amo ang mġa tapi sang Puluy-an, ang iya mġa halughog, ang iya mġa haligi, ang iya mġa sadsaran, ang tanan niya nġa mġa gamit kag ang bug-os niya nġa pag-alagdan :

37 Ang mġa haligi sa palibot sang patyo, ang iya mġa sadsaran, ang iya mġa palpal kag ang iya mġa banting.

38 Kag ang mġa nagpalahamtang sing dulugan sa atubangan sang Puluy-an sa bahin sang Sidlangan, sa atubangan sang Layanglayang sang pakigkitaan, nayon sa Bulutlakan, amo si Moises kag si Aaron kag ang ila mġa anak, nġa nagabalantay sang tinulin nahanangud sa balaan nġa Puluy-an tungud sang tinulin sa mġa inanak ni Israel ; kag ang dumuloong nġa magpalapit, pagapatyon sia.

39 Ang kabilogan sang mġa naisipan sang nġa Lebinhon, nġa inisip ni Moises kag ni Aaron, sono sang sogo ni Iehoba, sono sang ila mġa panimaláy : ang tanan nġa mġa lalaki kutub sa isa ka bulan ang edad pa ibabaw : duha ka púlô kag duha ka libo.

40 Kag si Iehoba nagsiling kay Moises : “ Isipa ang tanan nġa mġa panganay nġa lalaki sa mġa inanak ni Israel, kutub sa isa ka bulan ang edad pa ibabaw, kag humana ang isip sang ila mġa nġalan.

41 Kag pagakuhaon mo ang mġa Lebinhon nġa sa akon (ako si Iehoba) sa baylo sang tanan nġa mġa panganay sang mġa inanak ni Israel. Kag *magakuha ka* sang mġa kahayupan sang mġa Lebinhon sa baylo sang tanan nġa mġa panganay sang mġa kahayupan sang mġa inanak ni Israel.”

42 Kag ginisip ni Moises, sono sang ginsogo ni Iehoba sa iya, ang tanan nġa mġa panganay sang mġa inanak ni Israel.

43 Kag ang tanan nġa mġa panganay nġa lalaki, sono sa isip sang mġa nġalan, kutub sa isa ka bulan ang edad pa ibabaw, ang mġa naisipan sa ila, nangin-duha ka púlô kag duha ka libo duha ka gatus kapitoan kag tatlo.

44 Kag si Iehoba naghambal kay Moises, nġa nagasiling :

45 “ Kuhaa ang mġa Lebinhon sa baylo sang tanan nġa mġa panganay sang mġa inanak ni Israel, kag ang mġa kahayupan sang mġa Lebinhon sa baylo sang ila mġa sapat ; kag ang mġa Lebinhon manginakon sila : ako si Iehoba.

46 Nahanunġud sang gawad sang duha ka gatus kag kapitoan kag tatlo sang mġa panganay sang mġa inanak ni Israel, nġa nagalabaw sa mġa Lebinhon,

47 Magakuha ka sing lima ka siklo tungud sa tagsa ka olo *sa ila* ; sono sa siklo sang balaan nġa Puluy-an magakuha ka : ang siklo duha ka púlô ka geras.

48 Kag pagaihatag mo kay Aaron kag sa iya mġa anak ang kuarta sang gawad sang mġa nagalabaw sa ila.

49 Kag ginkuha ni Moises ang kuarta sang gawad sang mġa nanginlabaw sa mġa ginawad bangud sang mġa Lebinhon.

50 Ginbaton niya ang kuarta gikan sa mġa panganay sang mġa inanak ni Israel : isa ka libo tatlo ka gatus kanuman kag lima ka *siklo*, sono sa siklo sang balaan, nġa Puluy-an.

51 Kag ginhatag ni Moises ang kuarta sang gawad kay Aaron kag sa iya mġa anak, sono sa sogo ni Iehoba, sono sang ginsogo ni Iehoba kay Moises.

Ang mġa tinulin sa mġa Lebinhon.

**4** KAG naghambal si Iehoba kay Moises kag kay Aaron, nġa nagsiling :

2 “Isipa ang mġa anak ni Koat, sa tungá sang mġa anak ni Lebi, sono sang ila mġa panimaláy, sono sang ila mġa panimaláy nġa inamay :

3 Kutub sa katloan ka tuig ang edad pa ibabaw tubtub sa kalim-an ka tuig ang edad, ang tanan nġa mġa nagasululú sa paghiliúpud sa paghimo sang buluhaton sa Layanglayang sang pakigkitaan.

4 Ini amo ang pag-alagdan sang mġa anak ni Koat sa Layanglayang sang pakigkitaan, sa duug nġa balaan gid.

5 Kon pagapataliwanon ang dulugan, magakalari si Aaron kag ang iya mġa anak, kag magapapanaug sila sang kumbung sang Layanglayang, kag pagatabunan nila sa iya ang kaban sang pagpamatuud.

6 Gilayon pagaibutang nila sa ibabaw niya ang isa ka tabon nġa mġa panit sang tahas, kag pagaihumlad nila sa ibabaw niya ang isa ka panapton nġa bus-ug nġa purpura kag pagaipahamtang nila sa iya ang iya mġa yayongán ;

7 Sa ibabaw sang latok sang mġa tinapay nġa hayag pagaihumlad nila ang isa ka panapton nġa purpura, kag pagaibutang nila sa ibabaw niya ang mġa lahang, ang mġa tagayan, ang mġa yahong, kag ang mġa saró nġa sa mġa halad nġa ilimnon : ang tinapay nġa dayon dira sa ibabaw niya.

8 Kag pagaihumlad nila sa ibabaw sining mġa butang ang isa ka panapton nġa karmesi, kag pagatabonan ini sang isa ka tabon nġa mġa panit sang tahas, kag pagaipahamtang nila sa iya ang mġa yayongán.

9 Magakuha sila sing isa ka panapton nġa purpura, kag pagatabonan nila ang sadngan sang suga, ang iya mġa lamprahan, ang iya mġa isulugi, ang iya mġa alagbunan kag ang tanan niya nġa mġa suludlan nġa sa lana, nġa sa ila ginagamit nġa sa pag-alagdan niya.

10 Niyan pagaibutang nila ini patí sang tanan nila nġa mġa gamit sa isa ka tabon nġa mġa panit sang tahas, kag pagaibutang nila ini sa ibabaw sang lialia.

11 Sa ibabaw sang halaran nġa bula-wan pagaihumlad nila ang isa ka panapton nġa purpura, kag pagatabonan nila ini sing isa ka tabon nġa mġa panit sang tahas, kag pagaipahamtang nila sa iya ang mġa yayongán.

12 Kag pagakuhaon nila ang tanan nġa mġa gamit sang pag-alagdan, nġa sa ila ginahimo ang pag-alagdan sa balaan nġa Puluy-an, kag pagaibutang sila nila sa isa ka panapton nġa purpura, kag pagatabonan nila sila sing isa ka tabon nġa mġa panit sang tahas, kag pagaibutang nila sila sa ibabaw sang lialia.

13 Pagakuhaon nila ang mġa abó sang halaran kag pagaihumlad nila sa ibabaw niya ang isa ka panapton nġa purpura.

14 Pagaibutang nila sa ibabaw niya ang tanan nġa mġa gamit, nġa sa ila ginagamit nila nġa sa iya pag-alagdan : ang mġa bagahan, ang mġa tenedor, ang mġa pala, ang mġa yahong, ang tanan nġa mġa gamit sang halaran ; kag pagaihumlad nila sa ibabaw ang isa ka tabon nġa mġa panit sang tahas, kag pagaipamutang nila sa iya ang iya mġa yayongán.

15 Kag pagatapuson ni Aaron kag ang iya mġa anak ang pagtabon sang balaan nġa puluy-an kag ang tanan nġa mġa gamit sang balaan nġa Puluy-an, kon ang dulugan pagapataliwanon ; kag niyan sa tapus sini magapalalapit ang mġa anak ni Koat sa pagdalá sa ila. Apang indi sila makatandug sing mġa batang nġa baláan, kay magakalamatay sila. Ini among lulan sang mġa anak ni Koat nahanungud sa Layanglayang sang pakigkitaan.

16 Kag ang talatapon ni Eleasar, anak ni Aaron nġa saserdote amo ang lana nġa sa suga, ang maamyon nġa insienso, ang dayon nġa halad nġa kalanon, kag ang lana nġa ihilidhid : ang talatapon sang bug-os nġa Puluy-an kag ang tanan nġa yara sa iya, nahanungud sa balaan nġa Puluy-an kag sa iya mġa gamit.”

17 Kag naghambal si Iehoba kay Moises kag kay Aaron, nġa nagasiling :

18 “Dili ninyo pagpabulagon ang kabikahan sang mġa panimaláy sang mġa Koatinhon sa tungá sang mġa Lebinhon ;

19 Kondi ini himoon-ninyo sa ila, agud nġa magkalabuhi sila kag indi magkalamatay, kon magpalapit sila sa duug nġa balaan gid : nġa si Aaron kag ang iya mġa anak mag-alabut kag magpahamtang sa ila, ang tagsatagsa sa iya buluhaton kag sa iya lulan.

20 Kag indi sila magasululú sa pag-



tan-aw, bisan sa isa ka tion, sang mga butang nga balaan; kay magakalamatay sila."

21 Kag naghambal si Iehoba kay Moises, nga nagasiling:

22 Isipa man ang ang mga anak ni Gerson, sono sang ila mga panimaláy nga inamay, sono sang ila mga panimaláy;

23 Kutub sa katloan ka tuig ang edad pa ibabaw tuhtub sa kalim-an ka tuig ang edad, pagaisipon mo sila: ang tanan nga mga nagasululúd sa paghiliúpud sa paghimo sing pag-alagdan sa Layanglayang sang pakigkitaan.

24 Ini amo ang pag-alagdan sang mga panimaláy sang mga Gersoninhon, bisan sa pag-alagad, bisan sa pagdalá sang mga lulan.

25 Magadalá sila sang mga kumbung sang Puluy-an kag sang Layanglayang sang pakigkitaan, sang iya, tabon kag sang tabon nga mga panit sang tahas, nga yara sa ibabaw niya, kag sang kumbung nga sa salamputan sang Layanglayang sang pakigkitaan.

26 Kag sang mga kumbung sang patyo, kag sang kumbung nga sa salamputan sang gawang sang patyo, nga yara malapit sa Puluy-an kag malapit sa halaran, sa palibot; kag sang ila mga banting, kag sang tanan nga mga gamit sa ila pag-alagdan; kag sang tanan nga ginahimo tungud sa ila: kag sa sini magaalalagad sila.

27 Sono sa sogo ni Aaron kag sang iya mga anak manginamo ang tanan nga pag-alagdan sang mga anak sang mga Gersoninhon, nahanungud sa tanan nila nga lulan kag sa tanan nila nga pag-alagadan: pagaitulin ninyo sa ila ang tanan nga ila pagadalhon.

28 Ini amo ang pag-alagdan sang mga panimaláy sang mga anak sang mga Gersoninhon nahanungud sa Layanglayang sang pakigkitaan kag sang tinulin sa ila yara sa idalum sang kamut ni Ithamar, anak ni Aaron, nga saserdote.

29 Pagaisipon mo ang mga anak ni Merari, sono sang ila panimaláy, sono sang ila mga panimaláy nga inamay;

30 Kutub sa katloan ka tuig ang edad pa ibabaw tuhtub sa kalim-an ka tuig ang edad pagaisipon mo sila: ang tanan nga mga nagasulúd sa paghili-

úpud nga sa pag-alagdan sa Layanglayang sang pakigkitaan.

31 Kag yari karon ang tinulin sa ila, nga dapat nila dalhon nga sa tanan nila nga pag-alagdan nahanungud sa Layanglayang sang pakigkitaan: ang mga tapi sang Puluy-an, ang iya mga halughog, ang iya mga haligi kag ang iya mga sadsaran;

32 Ang mga haligi sang patyo sa palibot, ang ila mga sadsaran, ang ila mga palpal, ang ila mga banting, ang tanan nila nga mga gamit kag ang bug-os nila nga pag-alagdan: kag pagaitugyan mo sila, tungud sa ila ngalan, ang mga gamit nga tinulin sa ila kag nga sa pagdalá.

33 Ini amo ang pag-alagdan sang mga panimaláy sang mga anak ni Merari: ang bug-os nila nga pag-alagdan nahanungud sa Layanglayang sang pakigkitaan, sa idalum sang kamut ni Ithamar, anak ni Aaron, nga saserdote.

34 Kag ginisip ni Moises kag ni Aaron, kag sang mga dunganon sang katilingban, ang mga anak sang mga Koatinhon, sono sang ila mga panimaláy, sono sang ila mga panimaláy nga inamay;

35 Kutub sa katloan ka tuig ang edad pa ibabaw tuhtub sa kalim-an ka tuig ang edad: ang tanan nga mga nagasululúd sa paghiliúpud sa pag-alagdan sa Layanglayang sang pakigkitaan:

36 Ang mga naisipan sa ila, sono sang ila mga panimaláy, nanginduha ka libo pito ka gatus kag kalim-an.

37 Ini sila amo ang mga naisipan sa mga panimaláy sang mga Koatinhon, ang tanan nga mga nagaalalagad sa Layanglayang sang pakigkitaan, nga inisip sila ni Moises kag ni Aaron, sono sang ginsogo ni Iehoba sa kamut ni Moises.

38 Ang mga naisipan sang mga anak ni Gerson, sono sa ila mga panimaláy, sono sang ila mga panimaláy nga inamay,

39 Kutub sa katloan ka tuig ang edad pa ibabaw tuhtub sa kalim-an ka tuig ang edad: ang tanan nga mga nagasululúd sa paghiliúpud sa pag-alagdan sa Layanglayang sang pakigkitaan:

40 Ang mga naisipan sa ila, sono sang ila mga panimaláy, sono sang ila mga panimaláy nga inamay, nanginduha ka libo anum ka gatus kag katloan.

41 Ini sila amo ang mga naisipan

sang mga panimaláy sang mga anak ni Gerson, ang tanan nga mga naga-alalagad sa Layanglayang sang pakig-kitaan, nga inisip sila ni Moises kag ni Aaron, sa sogo ni Iehoba.

42 Ang mga naisipan sang mga panimaláy sang mga anak ni Merari, sono sang ila mga panimaláy, sono sang ila mga panimaláy nga inamay,

43 Kutub sa katloan ka tuig ang edad pa ibabaw tuhtub sa kalim-an ka tuig ang edad, ang tanan nga mga nagasululud sa paghiliupud sa pag-alagdan sa Layanglayang sang pakigkitaan:

44 Ang mga naisipan sa ila, sono sang ila mga panimaláy, nangintatlo ka libo kag duha ka gatus.

45 Ini sila amo ang mga naisipan sa mga panimaláy sang mga anak ni Merari, nga inisip sila ni Moises kag ni Aaron, sa sogo ni Iehoba, sa kamut ni Moises.

46 Ang tanan nga mga naisipan sa mga Lebinhon, nga inisip ni Moises kag ni Aaron kag sang mga dunganon sa Israel, sono sang ila mga panimaláy, sono sang ila mga panimaláy nga inamay,

47 Kutub sa katloan ka tuig ang edad pa ibabaw tuhtub sa kalim-an ka tuig ang edad: ang tanan nga mga nagasululud sa pagpanghikot sing buluhaton sang pag-alagdan kag sing bulubaton sa pagkamanugdalá nahanungud sa Layanglayang sang pakigkitaan:

48 Ang mga naisipan sa ila, nanginwalo ka libo lima ka gatus kag kawaloan.

49 Sono sa sogo ni Iehoba, sa kamut ni Moises, napangisip sila, ang tagsatagsa sono sa iya pag-alagdan, kag ang tagsatagsa sono sang iya lulan: ginisip sila niya, sono sang ginsogo ni Iehoba sa iya.

Ang mga tawo nga mga mahigko nga ginpamutang sa gowa sang Layanglayang

**5** KAG naghambal si Iehoba kay Moises, nga nagasiling:

2 "Sogoa ang mga anak ni Israel, nga pagowaon nila sa dulugan ang tanan nga tabukawon, ang tanan nga nagatagas kag ang tanan nga tawo nga nadagtaan sang patay.

3 Pagowaa-ninyo sila: bisan sia bae, bisan sia lalaki pagapagowaon

ninyo sila sa gowa sang dulugan, agud nga indi maghigko sila sang ila mga dulugan, nga sa tungâ nila nagapuyô ako."

4 Kag amo ini ang ginhimo sang mga inanak ni Israel, nga ginpagowa sila sa gowa sang dulugan: sono sang ginsiling ni Iehoba kay Moises, amo ini ang ginhimo sang mga inanak ni Israel.

Ang paguli sang mga butang sa malain nga pinangitaan.

5 Kag naghambal si Iehoba kay Moises, nga nagasiling:

6 "Thambal sa mga inanak ni Israel: Kon ang bisan sin-o nga lalaki kon bae nga maghimo sing bisan ano sang mga salâ, nga tungud sa ila nagalapas ang tawo batok kay Iehoba, kag manginmakasasalâ ang amo nga tawo,

7 Pagaituad nila ang salâ nga ginbuhat nila kag pagaulian nila sing bugos yadtong ginpakasal-an nila, kag pagadugangan nila sang ikalima ka bahin sa ibabaw niya; kag pagaihatag nila ini sa sadtong batok sa iya ginpakasal-an nila.

8 Apang kon yadtong tawo walâ sing himata nga malapit nga pagaulian sang butang nga ginpakasal-an, ini pagaiuli kay Iehoba, sa saserdote, walay labut sang karnero sa katumbasan, nga sa iya pagahimoon ang katumbasan tungud sang nakasalâ.

9 Kag ang tanan nga halad nga binayaw sang tanan nga mga butang nga pinapakabalaan, nga madalâ sang mga inanak ni Israel sa saserdote, manginiya.

10 Ang mga butang nga pinapakabalaan sang tagsatagsa, manginiya: Subung man ang ikahatag sang bisan sin-o sa saserdote, manginiya."

Ang kasogoon nahanungud sang mga kaimen.

11 Kag naghambal si Iehoba kay Moises, nga nagasiling:

12 "Thambal sa mga inanak ni Israel kag isiling sa ila: Kon ang asawa sang isa ka tawo magtalikod kag magluib sa iya;

13 Kag ang isa ka tawo magdulóg sa pagpakighilawas sa iya, kag malikman ini sa mga mata sang iya bana, nga nagpadagta sa tago gid, kag walâ sing saksi batok sa iya, bisan sia nahadakpan;

14 Kon mag-abut sa ibabaw niya ang



espiritu sang kaimon, nga may kaimon sia sa iya asawa, nga nadagtaan sia; kon mag-abut sa ibabaw niya ang espiritu sang kaimon kag may kaimon sia sa iya asawa, nga walâ sia madagtai,

15 Niyan ang bana magadalâ sang iya asawa sa saserdote kag magadalâ sang iya halad kaupud sa iya : ang isa ka pûlô sang isa ka epa nga harina sang sebada. Indi niya pagbo-boan sa ibabaw sing lana, kag indi niya pagbutangan sa ibabaw sing insienso, kay halad sia nga kalan-on sa kaimon, halad sia nga kalan-on sa pagpahanumdum, nga nagapapahanumdum sang salâ.

16 Kag pagapalapiton sang saserdote ang asawa, kag pagaipapahamtang sia niya sa atubangan ni Iehoba.

17 Ugaling magakuha ang saserdote sang tubig nga balaan sa isa ka suludlan nga lunang; kag ang saserdote magakuha man sang yab-ok nga yara sa salug sang Puluy-an kag pagaibutang niya ini sa tubig.

18 Kag pagapatindugon sang saserdote ang babae sa atubangan ni Iehoba, kag pagabuksan niya ang olo sang babae, kag pagaibutang niya sa iya mga kamut ang halad nga kalan-on nga sa pagpahanumdum, nga amo ang halad nga kalan-on sa kaimon: kag dira sa kamut sang saserdote ang mga tubig nga mapait nga nagahakut sing pagpakamalaut.

19 Kag ang saserdote magapasumpa sa babae kag magasiling sa iya : Kon walâ sing bisan sino nga nakadológ sa imo, kag kon walâ ka maglipas sa imo bana nga sa kahigkoan, magpahayag nga walay salâ ka sa sining mga tubig nga mapait, nga nagahakut sang pagpakamalaut;

20 Apang kon naglipas ka sa imo bana, kag nagpadagta ka kag nagpakighilawas sa imo ang isa ka tawo nga indi imo bana;

21 Niyan ang saserdote magapasumpa sa babae sa panumpa sa pagpakamalaut, kag ang saserdote magasiling sa babae: Himoon ka kunta ni Iehoba nga paghimalaut kag nga panumpa sa tungâ sang imo banwa, himoon ni Iehoba nga maitus ang imo balikawang kag nga magbanog ang imo tian.

22 Kag ini nga mga tubig nga nagahakut sing pagpakamalaut magsulud sa imo mga kasudlan, agud nga mag-

banog ang imo tian kag maitus ang imo balikawang. Kag ang babae magasiling: ¡Kabay pa, kabay pa!

23 Pagaisulat sang saserdote ini nga mga pagpakamalaut sa tolon-an, kag pagapanason niya sila sa mga tubig nga mapait.

24 Kag pagaipainum niya sa babae ang mga tubig nga mapait, nga nagahakut sang pagpakamalaut, kag ang mga tubig nga nagahakut sang pagpakamalaut, magsululud sa iya sa pagpatubas sing kapaitan.

25 Kag pagakuhaon sang saserdote sa kamut sang babae ang halad nga kalan-on sa kaimon, kag pagahabugon niya ang halad nga kalan-on sa atubangan ni Iehoba, kag pagaihalad niya sia sa atubangan sang halaran.

26 Kag ang saserdote magakuha sing isa ka hakup sang halad nga kalan-on nga halandumanan sa iya, kag pagasunugon niya ini sa halaran, kag niyan pagaipainum niya sa babae ang mga tubig.

27 Sa mapainum niya sa iya ang mga tubig, mahanabu nga, kon sia nadagtaan kag nagluib sa iya bana, ang mga tubig nga nagahakut sang pagpakamalaut, magsululud sa iya, sa pagpatubas sing kapaitan, kag magabanog ang iya tian kag maitus ang iya balikawang, kag ining babae manginisa ka pagpakamalaut sa tungâ sang iya banwa.

28 Apang kon ang babae walâ madagtai, kondi nga putli sia, pagakilalahon sia nga walay salâ kag magapanganak sia.

29 Ini among kasogoon sang mga kaimon, kon ang isa ka asawa magluib sa iya bana, kag madagtaan sia.

30 Kag kon mag-abut sa ibabaw sang isa ka tawo ang espiritu sa kaimon, kag may kaimon sia sa iya asawa: niyan pagapatindugon niya ang babae sa atubangan ni Iehoba, kag pagaidapat sa iya sang saserdote ining bug-os nga kasogoon.

31 Kag ang lalaki manginnaluwas sia sa kalautan, apang ang babae magadalâ sang iya kalautan."

Ang kasogoon nahanungud sang pagkanasir kon pinahain nga sa Dios.

6 KAG naghambal si Iehoba kay Moises, nga nagasiling:

2 "Ihambal sa mga inanak ni Israel

kag isiling sa ila : Kon ang isa ka lalaki kon isa ka babae magpahain sa paghimo sing panaad niya sa pagkanasir, sa pagpahanungud sa iya kay Iehoba,

3 Magapugung sia sang alak kag sang ilimnon nga makahulubug : indi sia magainom sing langaw sang alak, bisan langaw sang ilimnon nga makahulubug ; kag indi sia magainum sing bisan ano nga ilimnon sang ubas ; bisan magakaon sia sing mga ubas, bisan mga lab-as, bisan mga mamala.

4 Sa bug-os nga dag-on sang iya pagkanasir indi sia magakaon sing bisan ano nga nagagikan sa ulubasan kutub sa liso tubtub sa panit.

5 Sa bug-os nga dag-on sang pagkanasir indi sia magpakiskis sang iya olo : tubtub nga matuman ang mga adlaw, nga sa ila sia nagapahanungud sa iya nga kay Iehoba, manginbalaan sia ; pagabayaan niya nga magtúbô ang mga bohok sang iya olo.

6 Sa bug-os nga dag-on sang iya pagkanasir kay Iehoba indi sia magapalapit sa bisan ano nga tawo nga patay.

7 Indi sia magpadagta bisan tungud sa iya amay, bisan tungud sa iya ilôy, bisan tungud sa iya útud nga lalaki, bisan tungud sa iya útud nga babae, kon magkalamatay sila ; kay ang pagkahanungud niya sa iya Dios yara sa ibabaw sang iya olo.

8 Sa bug-os nga dag-on sang iya pagkanasir manginbalaan sia kay Iehoba.

9 Kon may isa nga mapatay sa hinali gid malapit sa iya, pagadagtaan ang olo sang iya pagkanasir, kag sa adlaw sang iya pagpaninlo magakiskis sia sang iya olo ; sa ikapito ka adlaw pagakiskisan niya sia.

10 Kag sa ikawalo ka adlaw magadalá sia sing duha ka tokmo, kon duha ka kayubog sa saserdote, sa salamputan sang Layanglayang sang pakigkitaan.

11 Kag pagaihalad sang saserdote, ang isa subung nga halad tungud sang salâ, kag ang isa subung nga halad nga sinunog : kag magahimo sia sang katumbasan tungud sa iya tungud sang ginpakasalâ niya bangud sang patay, kag sia magapakabalaan sang iya olo sa sadto gid nga adlaw.

12 Kag pagaipahanungud niya *liwan* kay Iehobâ ang mga adlaw sang iya pagkanasir, kag magadalá sia sing isa ka kordero nga isa ka tuig nga sa halad

tungud sang salâ ; kag ang mga nahauna nga adlaw manginwalaypulus, tungud kay gindagtaan ang iya pagkanasir.

13 Kag ini among kasogoan sang pagkanasir : Kon magkalatuman ang adlaw sang iya pagkanasir, pagapakadtoan sia sa salamputan sang Layanglayang sang pakigkitaan.

14 Kag magahalad sia sang iya halad kay Iehoba : isa ka kordero nga isa ka tuig nga walay dagta nga sa halad nga sinunog, kag isa ka kordero nga babae nga isa ka tuig, nga walay dagta, nga sa halad tungud sang salâ, kag isa ka karnero nga walay dagta nga sa halad sa paghidaet :

15 Kag isa ka tagakan sang mga tinapay sa walay tapay, nga nahimo sa harina nga malum-ok, mga torta nga nalamas sa lana, kag mga ohalde nga walay tapay, nga napanghibo sang lana, pati sang ila mga halad nga kalan-on, kag sang ila mga halad nga ilimnon.

16 Kag pagaihalad sila sang saserdote sa atubangan ni Iehoba, kag sia magahimo sang iya halad tungud sang salâ, kag sang iya halad nga sinunog.

17 Magahalad sia sang karnero nga halad sa paghidaet kay Iehoba pati ang tagakan sang mga tinapay nga walay tapay : subung man magahalad ang saserdote sang iya halad nga kalan-on kag sang iya halad nga ilimnon.

18 Kag ang nasir magakiskis sang iya olo sang iya pagkanasir sa salamputan sang Layanglayang sang pakigkitaan, kag pagakuhaon niya ang mga bohok sang olo sang iya pagkanasir, kag pagaibutang niya ini sa kalayo, nga yara sa idalum sang halad sa paghidaet.

19 Kag ang saserdote magakuha sang luto nga balikawang nga panguna sang karnero, kag sing isa ka torta nga walay tapay sa tagakan, kag sing isa ka ohalde nga walay tapay, kag pagaibutang niya sila sa mga kamut sang nasir, sa tapus nga makiskisan niya ang olo sang iya pagkanasir.

20 Kag pagahabugon sila sang saserdote nga halad nga hinabog sa atubangan ni Iehoba : butang ini nga balaan nga sa saserdote, kaipud sang dughan nga hinabog kag sang balikawang nga panguna nga binayaw : kag sa tapus sini ang nasir sarap makainum sing alak.

21 Ini among kasogoan sang nagna-



sir tungud sa panaad; amo ini ang iya halad kay Iehoba tungud sang iya pagkanasir, labut pa sang malambutan sang iya masarangan: sono sang panaad nga iya ginhimo, amo ini ang pagahimoon niya, sono sa kasogoan sang iya pagkanasir."

Paagi sang pagpakamaayo.

22 Kag si Iehoba naghambal kay Moises, nga nagasiling:

23 "Ihambal kay Aaron kag sa iya mga anak kag isiling sa ila: Sa subung sini pagpakamaayohon ninyo ang mga inanak ni Israel, sa pagsiling sa ila:

24 Pagpakamaayohon ka ni Iehoba kag bantayan ka niya:

25 Pagpasidlakon ni Iehoba ang iya nawung sa ibabaw nimo, kag maghika-looy sa imo:

26 Bayawon ni Iehoba sa ibabaw nimo ang iya nawung, kag maghatag sa imo sing paghidaet.

27 Kag sa sini pagaibutang nila ang akon ngalan sa ibabaw sang mga inanak ni Israel, kag pagapakamaayohon ko sila."

Mga halad sang mga dunganon sang mga kabikahan sa pagpahanungud sang Layanglayang.

**7** KAG sang adlaw nga nakatapus si Moises sa pagpatindug sang Puluyan ni Iehoba; nahanabu nga ginhidhiran niya ini, kag ginpakabalaan niya ini pati ang tanan niya nga mga gamit, kag subung man nga ginhidhiran niya kag ginpakabalaan ang halaran pati ang tanan niya nga mga gamit.

2 Kag ang mga dunganon sa Israel, ang mga pangolo sang ila mga panimalay nga inamay, nga among mga dunganon sang mga kabikahan, nga ginpala-baw sila sa nga naisipan, naghalalad sila.

3 Gindala nila ang ila mga halad sa atubangan ni Iehoba: anum ka kanga nga napanabunan kag napulô kag duha ka baka; isa ka kanga tungud sang duha ka dunganon, kag isa ka baka tungud sa tagsatagsa sa ila, kag ginhalad sila nila sa atubangan sang Puluy-an.

4 Kag si Iehoba naghambal kay Moises, nga nagasiling:

5 "Batona sila sa ila, kag gamiton sila nga sa paghimo sang pag-alagdan sang

Layanglayang sang pakigkitaan: pagai-hatag mo sila sa mga Lebinhon, sa tagsatagsa sono sa iya pag-alagdan."

6 Niyan ginbaton ni Moises ang mga kanga kag ang mga baka, kag ginhatag niya sila sa mga Lebinhon.

7 Ang duha ka kanga kag apat ka baka ginhatag niya sa mga anak ni Gerson, sono sa ila pag-alagdan.

8 Ang apat ka kanga kag walo ka baka ginhatag niya sa mga anak ni Merari, sono sa ila pag-alagdan, sa idalum sang kamut ni Ithamar, anak ni Aaron, nga saserdote.

9 Sa mga anak ni Koat walâ sia maghatag sa ila, kay natulin sa ila ang pag-alagdan sa mga butang nga balaan: ginapas-an nila sila.

10 Kag naghalalad ang mga dunganon nga sa pagpahanungud sang halaran, sang adlaw nga ginhidhiran sia: naghalalad ang mga dunganon sang ila halad sa atubangan sang halaran.

11 Kag si Iehoba nagsiling kay Moises: "Maghalad sila sang ila halad, ang isa ka dunganon, sa isa ka adlaw, kag ang isa ka dunganon sa isa ka adlaw, sa pagpahanungud sang halaran.

12 Ang naghalad sang iya halad sang nahauna nga adlaw amo si Naason, anak ni Aminadab, sa kabikahan ni Iuda.

13 Ang iya halad sadto isa ka lahang nga pilak nga isa ka gatus kag katloan ka siklo ang iya timbang, kag isa ka yahong nga pilak nga kapitoan ka siklo, sono sa siklo sang balaan nga Puluy-an; mga punô sila sang harina nga malumok nga nalamas sa lana, nga sa halad nga kalan-on;

14 Isa ka luwag nga bulawan nga napulô ka siklo, nga punô sang insienso;

15 Isa ka tinday nga baka, isa ka karnero, isa ka kordero nga isa ka tuig, nga sa halad nga sinunog;

16 Isa ka lalaki nga kanding, nga sa halad tungud sang salâ;

17 Kag nga sa halad sa paghidaet duha ka tinday nga baka, lima ka karnero, lima ka kanding nga lalaki, lima ka kordero nga isa ka tuig. Ini among halad ni Naason, anak ni Aminadab.

18 Ang ikaduha ka adlaw ginhalad ni Natanael, anak ni Suar, dunganon ni Isakar.

19 Naghalad sia subung nga halad niya, isa ka lahang nga pilak nga isa ka gatus kag katloan ka siklo ang iya tim-

bang, isa ka yahong nga pílak nga kapi-toan ka sikló, sono sa sikló sang balaan nga Puluy-an, mga punô sila sang harina nga malum-ok nga nalamas sa lana, nga sa halad nga kalan-on;

20 Isa ka luwag nga bulawan, nga napúlô ka sikló, nga punô sang insienso;

21 Isa ka tinday nga baka, isa ka karnero, isa ka kordero nga isa ka tuig, nga sa halad nga sinunog;

22 Isa ka lalaki nga kanding, nga sa halad tungud sang salá;

23 Kag nga sa halad sa paghidaet, duha ka tinday nga baka, lima ka karnero, lima ka kanding nga lalaki, lima ka kordero nga isa ka tuig. Ini among halad ni Natanael, anak ni Suar.

24 Sang ikatlo ka adlaw, si Eliab, anak ni Helon, dunganon sang mga anak ni Sabulon.

25 Ang iya halad, isa ka lahang nga pílak nga isa ka gatus kag katloan ka *sikló* ang iya timbang, isa ka yahong nga pílak nga kapitoan ka sikló, sono sang sikló sang balaan nga Puluy-an, nga punô sila sang harina nga malum-ok nga nalamas sa lana, nga sa halad nga kalan-on;

26 Isa ka luwag nga bulawan nga napúlô ka sikló, nga punô sang insienso;

27 Isa ka tinday nga baka, isa ka karnero, isa ka kordero nga isa ka tuig, nga sa halad nga sinunog;

28 Isa ka lalaki nga kanding, nga sa halad tungud sang salá;

29 Kag nga sa halad sa paghidaet, duha ka tinday nga baka, lima ka karnero, lima ka kanding nga lalaki, lima ka kordero nga isa ka tuig. Ini among halad ni Eliab, anak ni Halon.

30 Sang ikap-at ka adlaw, si Elisur, anak ni Sedeur, dunganon sang mga anak ni Ruben.

31 Ang iya halad, isa ka lahang nga pílak nga isa ka gatus kag katloan ka sikló ang iya timbang, isa ka yahong nga pílak nga kapitoan ka sikló, sono sang sikló sang balaan nga Puluy-an, nga punô sila sang harina nga malum-ok nga nalamas sa lana, nga sa halad nga kalan-on;

32 Isa ka luwag nga bulawan nga napúlô ka sikló, nga punô sang insienso;

33 Isa ka tinday nga baka, isa ka karnero, isa ka kordero nga isa ka tuig, nga sa halad nga sinunog;

34 Isa ka kanding nga lalaki, nga sa halad tungud sang salá;

35 Kag nga sa halad sa paghidaet, duha ka tinday nga baka, lima ka karnero, lima ka kanding nga lalaki, lima ka kordero nga isa ka tuig. Ini amo ang halad ni Elisur, anak ni Sedeur.

36 Sang ikalima ka adlaw, si Selumiel, anak ni Surisadai, dunganon sang mga anak ni Simeon.

37 Ang iya halad, isa ka lahang nga pílak nga isa ka gatus kag katloan ka *sikló* ang iya timbang, isa ka yahong nga pílak nga kapitoan ka sikló, sono sang sikló sang balaan nga Puluy-an, nga punô sila sang harina nga malum-ok nga nalamas sa lana, nga sa halad nga kalan-oni,

38 Isa ka luwag nga bulawan nga napúlô ka sikló, nga punô sang insienso;

39 Isa ka tinday nga baka, isa ka karnero, isa ka kordero nga isa ka tuig, nga sa halad nga sinunog;

40 Isa ka kanding nga lalaki, nga sa halad tungud sang salá;

41 Kag nga sa halad nga sa paghidaet, duha ka tinday nga baka, lima ka karnero, lima ka kanding nga lalaki, lima ka kordero nga isa ka tuig. Ini amo ang halad ni Selumiel, anak ni Surisadai.

42 Sang ikan-um ka adlaw, si Eliasap, anak ni Dehuel, dunganon sang mga anak ni Gad.

43 Ang iya halad, isa ka lahang nga pílak nga isa ka gatus kag katloan ka sikló ang iya timbang, isa ka yahong nga pílak nga kapitoan ka sikló, sono sang sikló sang balaan nga Puluy-an, nga punô sila sang harina nga malum-ok nga nalamas sa lana nga sa halad nga kalanon;

44 Isa ka luwag nga bulawan nga napúlô ka sikló, nga punô sang insienso;

45 Isa ka tinday nga baka, isa ka karnero, isa ka kordero nga isa ka tuig, nga sa halad nga sinunog;

46 Isa ka kanding nga lalaki, nga sa halad tungud sang salá;

47 Kag nga sa halad sa paghidaet, duha ka tinday nga baka, lima ka karnero, lima ka kanding nga lalaki, lima ka kordero nga isa ka tuig. Ini amo ang halad ni Eliasap, anak ni Dehuel.

48 Sang ikapito ka adlaw, ang dunganon sang mga anak ni Ephraim, si Elisama, anak ni Amiud.

49 Ang iya halad, isa ka lahang nga pílak nga isa ka gatus kag katloan ka sikló ang iya timbang, isa kay yahong nga pílak nga kapitoan ka sikló, sono



sang siklo sang balaan nga Puluy-an, nga punô sang harina nga malum-ok nga nalamas sa lana, nga sa halad nga kalan-on ;

50 Isa ka luwag nga bulawan nga napûlô ka siklo, nga punô sang insienso ;

51 Isa ka tinday nga baka, isa ka karnero, isa ka kordero nga isa ka tuig nga sa halad nga sinunog ;

52 Isa ka kanding nga lalaki, nga sa halad tungud sang salâ ;

53 Kag nga sa halad sa paghidaet, duha ka tinday nga baka, lima ka karnero, lima ka kanding nga lalaki, lima ka kordero nga isa ka tuig. Ini amo ang halad ni Elisama, anak ni Amiud.

54 Sang ikawalo ka adlaw, ang dunganon sang mga anak ni Manases, si Gamaliel, anak ni Pedasur.

55 Ang iya halad, isa ka lahang nga pilak nga isa ka gatus kag katloan ka siklo ang iya timbang, isa ka yahong nga pilak nga kapitoan ka siklo, sono sang siklo sang balaan nga Puluy-an, nga punô sila sang harina nga malum-ok nga nalamas sa lana, nga sa halad nga kalan-on ;

56 Isa ka luwag nga bulawan nga napûlô ka siklo, nga punô sang insienso ;

57 Isa ka tinday sang baka, isa ka karnero, isa ka kordero nga isa ka tuig, nga sa halad nga sinunog ;

58 Isa ka kanding nga lalaki, nga sa halad tungud sang salâ ;

59 Kag nga sa halad sa paghidaet, duha ka tinday nga baka, lima ka karnero, lima ka kanding nga lalaki, lima ka kordero nga isa ka tuig. Ini amo ang halad ni Gamaliel, anak ni Pedasur.

60 Sang ikasiam ka adlaw, ang dunganon sang mga anak ni Benyamin, si Abedan, anak ni Gedeoni.

61 Ang iya halad, isa ka lahang nga pilak nga isa ka gatus kag katloan ka siklo ang iya timbang, isa ka yahong nga pilak nga kapitoan ka siklo, sono sang siklo sang balaan nga Puluy-an, nga punô sila sang harina nga malum-ok nga nalamas sa lana, nga sa halad nga kalan-on ;

62 Isa ka luwag nga bulawan nga napûlô ka siklo, nga punô sang insienso ;

63 Isa ka tinday nga baka, isa ka

karnero, isa ka kordero nga isa ka tuig, nga sa halad nga sinunog ;

64 Isa ka kanding nga lalaki, nga sa halad tungud sang salâ ;

65 Kag sa halad sa paghidaet, duha ka tinday nga baka, lima ka karnero, lima ka kanding nga lalaki, lima ka kordero nga isa ka tuig. Ini amo ang halad ni Abidan, anak ni Gedeoni.

66 Sang ikapûlô ka adlaw, ang dunganon sang mga anak ni Dan, si Ahieser, anak ni Amisadai.

67 Ang iya halad, isa ka lahang nga pilak nga isa ka gatus kag katloan ka siklo ang iya timbang, isa ka yahong nga pilak nga kapitoan ka siklo, sono sang siklo sang balaan nga Puluy-an, nga punô sila sang harina nga malum-ok nga nalamas sa lana, nga sa halad nga kalan-on ;

68 Isa ka luwag nga bulawan nga napûlô ka siklo, nga punô sang insienso ;

69 Isa ka tinday nga baka, isa ka karnero, isa ka kordero nga isa ka tuig, nga sa halad nga sinonog ;

70 Isa ka kanding nga lalaki, nga sa halad tungud sang salâ ;

71 Kag nga sa halad sa paghidaet, duha ka tinday nga baka, lima ka karnero, lima ka kanding nga lalaki, lima ka kordero nga isa ka tuig. Ini amo ang halad ni Ahieser, anak ni Amisadai.

72 Sang ikapûlô kag isa ka adlaw, ang dunganon sang mga anak ni Aser, si Pagiel, anak ni Okran.

73 Ang iya halad, isa ka lahang nga pilak nga isa ka gatus kag katloan ka siklo ang iya timbang, isa ka yahong nga pilak nga kapitoan ka siklo, sono sang siklo sang balaan nga Puluy-an, nga punô sila sang harina nga malum-ok nga nalamas sa lana, nga sa halad nga kalan-on ;

74 Isa ka luwag nga bulawan nga napûlô ka siklo, nga punô sang insienso ;

75 Isa ka tinday nga baka, isa ka karnero, isa ka kordero nga isa ka tuig, nga sa halad nga sinunog ;

76 Isa ka kanding nga lalaki, nga sa halad tungud sang salâ ;

77 Kag nga sa halad sa paghidaet, duha ka tinday nga baka, lima ka karnero, lima ka kanding nga lalaki, lima ka kordero nga isa ka tuig. Ini

amo ang halad, ni Pagiel, anak ni Okran.

78 Sang ikapulô kag duha ka adlaw, ang dunganon sang mga anak, ni Nep-tali, si Ahira, anak ni Enan.

79 Ang iya halad, isa ka lahang nga pilak nga isa ka gatus kag katloan ka siklo ang iya timbang, isa ka yahong nga pilak nga kapitoan ka siklo, sono sang siklo sang balaan nga Puluy-an, mga punô sila sang harina nga malum-ok, nga nalamas sa lana, nga sa halad nga kalan-on;

80 Isa ka luwag nga bulawan nga napulô ka siklo, nga punô sang insienso;

81 Isa ka tinday nga baka, isa ka karnero, isa ka kordero nga isa ka tuig, nga sa halad nga sinunog;

82 Isa ka kanding nga lalaki, nga sa halad tungud sang salâ;

83 Kag nga sa halad sa paghidaet, duha ka tinday nga baka, lima ka karnero, lima ka kanding nga lalaki, lima ka kordero nga isa ka tuig. Ini amo ang halad ni Ahira, anak ni Enan.

84 Ini amo ang halad nga sa pagpa-hanungud sang halaran, sang adlaw nga ginhihiran sia, gikan sa mga dunganon sa Israel: napulô kag duha ka lahang nga pilak, napulô kag duha ka yahong nga pilak, napulô kag duha ka luwag nga bulawan.

85 Ang tagsa ka lahang tagisa ka gatus kag katloan ka siklo nga pilak, kag ang tagsa ka yahong, tagkapitoan: ang tanan nga pilak sang mga suludlan, nanginduha ka libo kag apat ka gatus ka siklo, sono sang siklo sang balaan nga Puluy-an.

86 Ang napulô kag duha ka luwag nga bulawan nga punô sang insienso, sa tagnapulô ka siklo ang tagsa ka luwag, sono sang siklo sang balaan nga Puluy-an: ang tanan nga bulawan sang mga luwag, nanginisa ka gatus kag duha ka pulô ka siklo.

87 Ang tanan nga mga tinday nga baka nga sa halad nga sinunog, nangin- napulô kag duha ka tinday nga baka; napulô kag duha ka karnero; napulô kag duha ka kordero nga tagisa ka tuig, pati ang ila mga halad nga kalan-on; kag napulô kag duha ka kanding nga lalaki nga sa halad tungud sang salâ.

88 Kag ang tanan nga mga tinday nga baka sang halad sa paghidaet, nangin- duha ka pulô kag apat ka tinday nga baka:

kan-uman ang karnero, kan-uman ang la-laki nga kanding, kan-uman ang kordero nga isa ka tuig. Ini amo ang halad nga sa pagpahanungud sa halaran sa tapus nga ginhihiran sia.

89 Kag sang nagsulud si Moises sa Layanglayang sang pakigkitaan sa pag-pakighambal sa iya, nabatian niya ang tingug nga nagahambal sa iya, sa ibabaw sang pakilooyan, nga yara sa ibabaw sang kaban sang pagpamatuud sa tungâ sang duha ka kerubin; kag si Moises nagpakighambal sa iya.

Ang bagay sa pagpadabdab sang mga lamprahan.

**8** KAG naghambal si Iehoba kay Moises, nga nagasiling:

2 "Ihambal kay Aaron kag isiling sa iya: Kon magpahamtang ka sang mga lamprahan, ang pito ka lamprahan magabanaag nayon sa atubangan sang sadngan."

3 Kag ginhimo ni Aaron ang subung sini: ginpahamtang niya ang mga lamprahan nayon sa atubangan sang sadngan, sono sang ginsogo ni Iehoba kay Moises.

4 Kag sa sini nahuman ang sadngan: bulawan nga pina-pa: kutub sa iya punô tubtub sa iya mga bulak, pina-pa sia. Sono sa huwaran nga ginpakita ni Iehoba kay Moises, sa subung sini nahu-man ang sadngan.

Pagpahanungud sa mga Lebinhon.

5 Kag si Iehoba naghambal kay Moises, nga nagasiling:

6 "Kuhaa ang mga Lebinhon sa tungâ sang mga anak ni Israel kag tinloan-mo sila.

7 Kag ini amo ang pagahimoon mo sa pagtinlo sa ila: Isablig-mo sa ibabaw nila ang tubig sang salâ, kag magpakiskis sila sang bug-os nila nga unud, kag mag-pamunak sila sang ila mga panapton kag magpaninlo sila.

8 Niyan magakuluha sila sang isa ka tinday nga baka, pati ang iya halad nga kalan-on nga harina nga malum-ok nga nalamas sa lana, kag magakuha ka sing isa pa ka tinday nga baka nga sa halad tungud sang salâ.

9 Kag pagapalapiton mo ang mga Lebinhon sa atubangan sang Layang-layang sang pakigkitaan, kag pagati-



ponon mo ang bug-os nga katilingban sang mga inanak ni Israel.

10 Kag pagapapalapiton mo ang mga Lebinhon sa atubangan ni Iehoba, kag pagapandongan sang mga anak ni Israel sang ila mga kamut ang mga Lebinhon.

11 Kag si Aaron magapaatubang sa mga Lebinhon kay Iehoba, subung nga halad nga hinabog, gikan sa mga inanak ni Israel; kag manginila ang pag-alagdan ni Iehoba.

12 Kag ang mga Lebinhon magabutang sang ila mga kamut sa ibabaw sang mga olo sang mga tinday nga baka, kag pagaihalad mo ang isa subung nga halad tungud sang sala, kag ang isa subung nga halad nga sinunog kay Iehoba, nga sa katumbasan tungud sang mga Lebinhon.

13 Kag pagapatindugon mo ang mga Lebinhon sa atubangan ni Aaron, kag sa atubangan sang iya mga anak, kag pagaihalad mo sila, subung nga halad nga hinabog kay Iehoba.

14 Sa sini pagapainon mo ang mga Lebinhon sa mga inanak ni Israel, kag manginakon ang mga Lebinhon.

15 Sa tapus sini magakalari ang mga Lebinhon sa paghimo sang pag-alagdan sa Layanglayang sang pakigkitaan. Pagapaninloan mo sila, kag pagaihalad mo sila sa akon subung nga halad nga hinabog.

16 Kay sila kinahatag sa akon sing bug-os gid gikan sa mga inanak ni Israel; ginkuha ko sila nga sa akon sa baylo sang tanan nga mga panganay sang isa ka iloy, sa tanan nga mga panganay sang mga inanak ni Israel.

17 Kay nahanungud sa akon ang tanan nga panganay sang mga inanak ni Israel, bisan sia tawo, bisan sia sapat: kutub sang adlaw nga ginpilas ko ang tanan nga panganay sa duta sang Egipto, ginpakabalaan ko sila nga sa akon.

18 Kag ginkuha ko ang mga Lebinhon sa baylo sang tanan nga panganay sang mga inanak ni Israel.

19 Kag ginhatag ko subung nga hatag ang mga Lebinhon kay Aaron kag sa iya mga anak, gikan sa mga inanak ni Israel, sa paghimo sang pag-alagdan sang mga inanak ni Israel sa Layanglayang sang pakigkitaan, kag sa paghimo sang katumbasan sang mga inanak ni Israel, sa Layanglayang sang pakigki-

taan, agud nga walà sing bisan ano nga kalalat-an sa tungâ sang mga inanak ni Israel kon magpalapit ang mga inanak ni Israel sa balaan nga Puluy-an."

20 Si Moises kag si Aaron, kag ang bug-os nga katilingban sang mga inanak ni Israel, ginhilimo nila sa mga Lebinhon ang tanan nga ginsogo ni Iehoba kay Moises nahanungud sa mga Lebinhon: amo ining ginhimo sa ila sang mga anak ni Israel.

21 Kag ang mga Lebinhon nagpalaninlo sang ila sala kag nagpalamunak sang ila mga panapton; kag ginhalad sila ni Aaron nga halad nga hinabog sa atubangan ni Iehoba; kag si Aaron naghimo sing katumbasan tungud sa ila nga sa pagtinlo sa ila.

22 Sa tapus sini nagkalari ang mga Lebinhon sa paghimo sang ila pag-alagdan sa Layanglayang sang pakigkitaan sa atubangan ni Aaron kag sa atubangan sang iya mga anak: sono sa ginsogo ni Iehoba kay Moises nahanungud sang mga Lebinhon, amo ining ginhimo nila sa ila.

23 Kag naghambal si Iehoba kay Moises, nga nagasiling:

24 "Ini nahanungud sa mga Lebinhon: kutub sa duha ka pulo kag lima ka tuig ang edad pa ibabaw magasulud ang Lebinhon sa paghiliupud sa paghimo sing pag-alagdan sa Layanglayang sang pakigkitaan:

25 Kag sa edad nga kalim-an ka tuig magaatat sia sa paghiliupud sang pag-alagdan kag indi na gid magaalagad sia;

26 Apang magaalagad sia kaupud sang ila mga utud sa Layanglayang sang pakigkitaan, nga nagabantay sang tinulin, apang indi na sia maghimo sang pag-alagdan nga mabug-at. Amo ini ang pagahimoon mo sa mga Lebinhon nahanungud sang tinulin sa ila."

Paghiwat sang Paskua sa kahanayakan sa Sinai.

9 SI Iehoba naghambal kay Moises sa kahanayakan sa Sinai sa nahauna nga bulan sang ikaduha ka tuig sang ila paggowa sa duta sa Egipto, nga nagasiling:

2 "Ang mga anak ni Israel maghimo sing paskua sa iya dag-on nga pinat-inan.

3 Pagahimoon niyo sia sa dag-on nga

pinat-inan, sa ikapulô kag apat ka adlaw sini nga bulan, sa tungâ sang duha ka kahaponon: sono sang tanan nga mga palatukuran kag sono sang tanan niya nga mga tulumanon pagahimoon ninyo sia."

4 Kag naghambahal si Moises sa mga inanak ni Israel, agud nga maghiliwat sila sang paskua.

5 Kag ginhimo nila ang paskua sa na-hauna nga bulan sa napulô kag apat ka adlaw sang bulan sa tungâ sang duha ka kahaponon, sa kahanayakan sang Sinai: sono sang tanan nga ginsogo ni Iehoba kay Moises, amo ini ang ginhimo sang mga anak ni Israel.

6 Kag didto may pila ka tawo nga mga mahigko bangud sang isa ka patay, kag indi sila sarang makahimo sang paskua sadto nga adlaw; kag nagpalalapit sila sa atubangan ni Moises kag sa atubangan ni Aaron sa sadto nga adlaw.

7 Kag yadto nga mga tawo nagsilinging: "Kami mga mahigko bangud sang isa ka patay, kay nga bala ginasablang kami sa paghalad sang halad kay Iehoba sa dag-on nga pinat-inan sa tungâ sang mga inanak ni Israel?"

8 Kag si Moises nagsiling sa ila: "Hulat-kamo, kag magapamati ako sang pagaisogo ni Iehoba nahanungud sa inyo."

9 Kag si Iehoba naghambal kay Moises, nga nagasiling:

10 "Ihambal sa mga inanak ni Israel, nga nagasiling: Bisan kon sin-o sa inyo, kon sa inyo mga kaliwatan, nga magmahigko bangud sang isa ka patay, kon yadto sia sa panlugayawan nga malayô, walay sapayan magahimo sia sing paskua kay Iehoba.

11 Sa bulan nga ikaduha, su napulô kag apat ka adlaw sang bulan, sa tungâ sang duha ka kahaponon, pagahimoon nila ini; nga may mga tinapay nga walay tapay kag nga may mga hilamon nga mapait pagakaonon nila ini:

12 Wala gid sila sing pagaibilin sa iya tubtub sa aga, kag indi nila pagboongon ang tul-an niya: sono sa tanan nga mga palatukuran sang paskua pagahimoon nila sia.

13 Apang ang tawo nga matinlo kag walâ sia sa panlugayawan, nga indi maghimo sang paskua, ang amo nga kâlâg pagautdon sa tungâ sang iya banaw;

kay walâ sia maghalad sa iya dag-on nga pinat-in sang halad ni Iehoba, ang amo nga tawo magadalâ sang iya salâ.

14 Kag kon magpanlugayaw sa tungâ ninyo ang isa ka dumuluong nga buut maghimo sang paskua kay Iehoba, nga paghimoon niya sia sono sa palatukuran sang paskua kag sono sa iya tulumanon: may isa lamang kamo ka palatukuran nga sa inyo nga sa dumuluong kag nga sa tumandok sang duta."

Ang panganud sa ihabaw sang Layanglayang.

15 Kag sang adlaw nga pinatindug ang Puluy-an, ginlikupan sang panganud ang Puluy-an sa *ibabaw sang Layanglayang* sang pagpamatund: kag sa hapon yara sa *ibabaw sang Puluy-an* subung sang palanan-awon nga kalayo, tubtub sa aga.

16 Amo ini sa gihapon: ang panganud nagalikup sa iya sa *adlaw* kag sa gabi ang palanan-awon nga kalayo.

17 Kag sa gihapon nga nagabayaw ang panganud sa *ibabaw sang Layanglayang*, sa gilayon ang mga inanak ni Israel nagtalaliwan: kag kon diin nagadulog ang panganud, didto ang mga inanak ni Israel nagpalahamtang sing dulugan.

18 Sa sogo ni Iehoba ang mga inanak ni Israel nagtalaliwan; kag sa sogo ni Iehoba nagpalahamtang sila sing dulugan. Sa tanan nga mga adlaw nga ang panganud yara sa *ibabaw sang Puluy-an*, nagpaladayon sila sa dulugan.

19 Kag kon ang panganud nagdulog sa *ibabaw sang Puluy-an* sing madamu nga mga adlaw, niyan ang mga inanak ni Israel nagabalantay sang tinulin ni Iehoba kag walâ sila magtalaliwan.

20 Kag kon sang kaisa ang panganud yara sa *ibabaw sang Puluy-an* sing pila ka adlaw, nagpaladayon sila sa dulugan, sono sa sogo ni Iehoba; kag sono sa sogo ni Iehoba, nagtalaliwan sila.

21 Kag kon sang kaisa ang panganud yara kutub sa hapon tubtub sa aga, kag kon magbayaw ang panganud sa aga, nagtalaliwan sila: bisan sia sa adlaw, bisan sia sa gab-i nga magbayaw ang panganud, nagtalaliwan sila.

22 Bisan sia duha ka adlaw, bisan sia isa ka bulan, bisan sia isa ka tuig, gihapon nga ang panganud nagdugay sa *ibabaw sang Puluy-an* nga didto sa *ibabaw*



niya, ang mga inanak ni Israel nagpaladayon sa dulugan, kag walâ silay pagtalaliwan; kag kon magbayaw sia, nagatalaliwan sila.

23 Sono sa sogo ni Iehoba nagpahamtang sila sing dulugan, kag sono sa sogo ni Iehoba nagtalaliwan sila: ginbantayan nila ang tinulin ni Iehoba, sono sang ginsogo ni Iehoba sa kamut ni Moises.

And duha ka budyong nga pilak.

**10** KAG si Iehoba naghambal kay Moises nga nagasiling:

2 “Buhat-ka sing duha ka budyong nga pilak. Sa pina-pa nga pilak pagabuhaton mo sila: pagagamiton mo sila sa pagtawag sang katilingban kag nga sa pagpataliwan sang dulugan.

3 Kag kon pagpatungon nila sila, ang bug-os nga katilingban magatilipon sa imo sa salamputan sang Layanglayang sang pakigkitaan.

4 Apang kon pagpatungon nila ang isa lamang, niyan magatilipon sa imo ang mga dunganon, ang mga pangolo sang mga linibo sa Israel.

5 Kag kon magpatunog kamo sang paaman, niyan ang mga dulugan sang mga yara sa Sidlangan magatalaliwan.

6 Kag kon magpatunog kamo sang paaman sa makaduha, niyan ang mga dulugan nga nagadululog sa Bagatnan, magatalaliwan: pagapatungon nila ang paaman nga sa ila mga pagtalaliwan.

7 Apang kon magpatipon kamo sang katilingban, pagapatungon ninyo, apang indi kamo magpatung sing paaman.

8 Kag ang mga anak ni Aaron, nga mga saserdote, magapalatunog sang mga budyong; kag sila magamanginpalaturkan nga dayon sa inyo mga kaliwatan.

9 Kag kon sa inyo duta, magkaladto kamo sa pag-awayan batok sa kaaway, nga nagapigos sa inyo, niyan magapalatunog kamo sing paaman sang mga budyong; kag madumduman kamo sa atubangan ni Iehoba nga inyo Dios, kag manginlinuwas kamo sa inyo mga kaaway.

10 Kag sa adlaw sang inyo kalipay, kag sa inyo mga adlaw nga pinat-inan kag sa pamúnô sang inyo mga bulan, magapatunog kamo sang mga budyong sa ibabaw sang inyo mga halad nga sinunog kag sa ibabaw sang inyo mga

halad sa paghidaet, kag manginhandumanan ninyo sila sa atubangan sang inyo Dios: ako si Iehoba nga inyo Dios.”

Pagtaliwan sa Sinai.

11 Kag nahanabu, sa tuig nga ikaduha, sa bulan nga ikaduha, sa ikaduha ka púlô sang bulan, nga ang, panganud nagbayaw sa ibabaw sang Layanglayang sang pagpamatuud.

12 Kag nagtalaliwan ang mga inanak ni Israel sa ila mga pagpanlakatan gikan sa kahanayakan sang Sinai; kag nagdulog ang panganud sa kahanayakan sang Paran.

13 Kag sa makaisa pa lamang nagtalaliwan sila sa sogo ni Iehoba sa kamut ni Moises.

14 Kag ang bandera sang dulugan sang mga anak ni Iuda nagtalaliwan sing una, sono sa ila mga pinoong nga kasoldadosan: ang pinoong nga kasoldadosan ni Iuda, yara sa idalum ni Naason, anak ni Aminadab;

15 Ang pinoong nga kasoldadosan sang kabikahan sang mga anak ni Isakar, yara sa idalum ni Natanael, anak ni Suar;

16 Ang pinoong nga kasoldadosan sang kabikahan sang mga anak ni Sabulon, yara sa idalum ni Eliab, anak ni Helon.

17 Kag ginbungkag ang Puluy-an, kag ang mga anak ni Gerson, kag ang mga anak ni Merari nagtalaliwan, nga nagapas-an sang Puluy-an.

18 Kag ang bandera sang dulugan ni Ruben nagtalaliwan, sono sang ila mga pinoong nga kasoldadosan: ang pinoong nga kasoldadosan ni Ruben, yara sa idalum ni Elisur, anak ni Sedeur;

19 Ang pinoong nga kasoldadosan sang kabikahan sang mga anak ni Simeon, yara sa idalum ni Selumiel, anak ni Surisadai;

20 Ang pinoong nga kasoldadosan sang kabikahan sang mga anak ni Gad, yara sa idalum ni Eliasap, anak ni Deuel.

21 Kag ang mga Koatinhon, nga nagapalas-an sang mga butang nga balaan, nagtalaliwan sila, kag ginpatindug nila ang Puluy-an, nga nagahulat sang pagabut nila.

22 Ang bandera sang dulugan sang

mga anak ni Ephraim nagtaliwan, sono sa ila mga pinoong nga kasoldadosan: ang pinoong nga kasoldadosan ni Ephraim yara sa idalum ni Elisama, anak ni Amiud;

23 Ang pinoong nga kasoldadosan sang kabikahan sang mga anak ni Manases, yara sa idalum ni Gamaliel, anak ni Pedasur;

24 Ang pinoong nga kasoldadosan sang kabikahan sang mga anak ni Benjamin, yara sa idalum ni Abidan, anak ni Gedeoni.

25 Ang bandera sang dulugan sang mga anak ni Dan, nagtaliwan, nga naolehe sang tanan nga mga dulugan, sono sa ila mga pinoong nga kasoldadosan: ang pinoong nga kasoldadosan ni Dan, yara sa idalum ni Ahieser, anak ni Amisadai;

26 Ang pinoong nga kasoldadosan sang kabikahan sang mga anak ni Aser, yara sa idalum ni Pagiel, anak ni Okran;

27 Ang pinoong nga kasoldadosan sang kabikahan sang mga anak ni Nephtali, yara sa idalum ni Ahira, anak ni Enan.

28 Amo ini ang *pagpasunud* sang pagtaliwan sang mga inanak ni Israel, sono sang ila mga pinoong nga kasoldadosan; kag nagtaliwan sila.

29 Niyan nagsiling si Moises kay Hobab, anak ni Rehuel, nga Madianinon, ugangan ni Moises: "Kami nagtaliwan pa duug, nga ginsiling ni Iehoba: Pagaihatag ko ini sa inyo. Upud-ka sa amon, kag pagahimoan ka namon sing maayo: kay si Iehoba nagmitlang sing maayo sa Israel."

30 Kag sia nagsabat sa iya: "Ako indi magatupud, kondi nga magakadto ako sa akon duta, kag sa akon natawohan nga duta."

31 Kag si *Moises* nagsiling: Ginaampo ko sa imo, nga indi mo kami pagbayaan, kay ikaw nakakilala sang mga duug sa diin *dapat* kami magdulog sa kahanayakan, kag ikaw, magamanginmata ikaw namon.

32 Kag mahanabu nga, kon magupud ikaw sa amon kag kon mag-abut ang kaayohan, nga pagahimoon sa amon ni Iehoba, pagahimoon man namon ini sa imo.

33 Kag nagtaliwan sila gikan sa bukid ni Iehoba, sa tatlo ka adlaw nga lakat; kag ang kaban sang katipan ni

Iehoba naguna sa ila sa dalanon nga tatlo ka adlaw nga lakat, sa pagpangita sa ila sang duug nga palahuwayan.

34 Kag ang panganud ni Iehoba yara sa ibabaw nila sa adlaw, gihapon nga nagtaliwan sila sa dulugan.

35 Kag nahanabu, sang pagtaliwan sang kaban, nga nagsiling si Moises: "Tindug-ka, Iehoba, kag pagpaalapaagun kunta ang imo mga kaaway; kag magpalalagyo sa atubangan nimo ang mga nagadulumut sa imo."

36 Kag kon naghamtang sia, nagsiling sia: "Balik-ka, Iehoba, sa mga linibolibo ni Israel."

Mga pamasol sa Tabera.—Ang kalayo ni Iehoba.

11 KAG nahanabu, nga ang banwa nagpamasol kag ini nanginmalain sa mga idulungug ni Iehoba. Kag sang nabatian ini ni Iehoba, nagsiga ang iya kasingkal: nagdabdab ang kalayo ni Iehoba sa tunga nila, kag nagupus sa ukbung sang dulugan.

2 Niyan ang banwa nagtuaw kay Moises, kag si Moises nangamuyo kay Iehoba, kag ang kalayo napalong.

3 Kag ginhingandlan yadtong dung nga Tabera,\* kay ang kalayo ni Iehoba nagdabdab sa tunga nila.

Mga pamasol sa Kibrot-Hataaba.—Ang mga pitaw.

4 Kag ang kadam-an sang mga dumuluong, nga didto sa tunga nila, nagdabdab sa kahakug, kag ang amo gid nga mga anak ni Israel naghibi kag nagsililing: "¿Sin-o bala ang magapakaon sa amon sing unud?"

5 Nadumduman namon ang isda nga ginkaon namon, sa walay bayad, sa Egipto, ang mga patula, ang mga atimon, ang mga bawang, ang mga sebuyas kag mga ahos.

6 Kag karon ang amon kalag ginatsum-an nga walá gid sing iban sa amon itululuk, kondi ining mana."

7 Kag ang mana nagakaangay sang binhi sang silantro, kag ang iya duag subung sang duag sang bdelio.

8 Ang banwa naglapta sa pagpamolot sini kag gingaling nila sia sa mga galingan kon ginbobbok nila sia sa mga losong, kag ginluto nila ini sa mga

\* *Tabera*, tulutdan.



kolon ; kag ginhimo nila sia nga torta, kag ang iya lalim daw subung sang lalim sang torta nga may lana.

9 Kon nagapanaug ang tun-og sa ibabaw sang dulugan sa kagabihon, ang mana nagapanaug sa ibabaw niya.

10 Kag nakabati si Moises sa banwa, nga nagahibi sa tanan nila nga mga panimalay, ang tagsatagsa sa salamputan sang iya layanglayang ; kag ang kasangkal ni Iehoba nagdabdab sing daku gid ; kag ini nanginmalain sa mga mata ni Moises.

11 Kag nagsiling si Moises kay Iehoba : “ ¿Kay ngaa bala ginhimo mo ining kalainan sa imo alagad ? Kag ¿kay ngaa walâ bala ako makakita sing bugay sa imo mga mata, nga ginbutang mo ang kabug-atan sining bug-os nga banwa sa ibabaw nakon ?

12 ¿Ginpanamkon ko bala ining bug-os nga banwa ? ¿Ginpanganak ko bala sia, agud nga magsiling ka sa akon : Dalha sia sa imo hawak, subung sang pagdalâ sang manuglibang sa batâ nga nagasoso tubtub sa duta nga ginsumpa mo sa ila mga ginikanan ?

13 ¿Sa diin bala magakuha ako sing unud nga igahatag sa sining bug-os nga banwa ? Kay nagahilibi sila sa olehe nakon, nga nagasililing : Tagai kami sing unud nga pagakaonon namon.

14 Ako indi sarang, nga ako lamang, sa pagdalâ sining bug-os nga banwa, kay tuman ka bug-at sa akon.

15 Kag kon amo ining ginahimo mo sa akon, nagaampo ako sa imo, nga patyon mo na lamang ako, kon nakakita ako sing bugay sa imo mga mata ; patya ako, agud nga indi ako magtan-aw sang akon pagkawalay palad.”

16 Niyan si Iehoba nagsiling kay Moises : “ Tipuni ako sing kapitoan ka lalaki sa mga tigulang sa Israel, nga imo nahibaloan nga mga tigulang sila sa banwa, kag mga manugpatuman niya : dalha sila sa Layanglayang sang pakigkitaan, kag patindugon mo sila didto upud sa imo.

17 Kag magapanaug ako kag magapakighambal ako didto sa imo ; kag magakuha ako sang Espiritu nga yara sa ibabaw nimo, kag pagaibutang ko ini sa ibabaw nila, kag magadalâ sila kaupud nimo sang kabug-atan sang banwa, kag ikaw indi magadalâ sa iya, nga ikaw lamang.

18 Apang sa banwa magsiling ka : Magpakabalaan-kamo nga sa buas, kag magakalaon kamo sing unud, tungud kay naghilibi kamo sa mga idulungug ni Iehoba, nga nagsiling : ¿Sin-o bala ang magapakaon sa amon sing unud ? kay didto sa Egipto maayo kami. Busa, si Iehoba magahatag sa inyo sing unud kag magakalaon kamo sa iya.

19 Indi kamo magakalaon sa iya sa isa ka adlaw, bisan sa duha ka adlaw, kon sa lima ka adlaw, kon sa napulô ka adlaw, kon sa duha ka pulô ka adlaw,

20 *Kondi* sa bug-os nga isa ka bulan tubtub nga maggulowa ini sa inyo mga ilong kag sum-uran kamo, kay ginsikway ninyo si Iehoba nga yara sa tungâ ninyo, kag naghilibi kamo sa atubangan niya, nga nagsiling : ¿Kay ngaa bala naggowa kami sa Egipto ?”

21 Niyan nagsiling si Moises : “ Anum ka gatus ka libo ka tawo nga nagalalakat amo ang banwa, nga sa tungâ niya yara ako, kag ikaw nagsiling : Ako magahatag sa ila sing unud kag magkalaon sila sa bug-os nga isa ka bulan ;

22 ¿Pagapamugutan bala sa tungud sa ila ang mga obeha kag mga baka nga makapaigo sa ila ? Kon, ¿pagatiponon bala sa tungud sa ila ang tanan nga mga isda sang dagat, agud nga makapaayaw sa ila ?”

23 Kag si Iehoba nagsiling kay Moises : “ ¿Naglip-ot bala ang kamut ni Iehoba ? Karon makit-an mo, kon ang akon kinasiling mahanabu, kon indi.”

24 Kag naggowa si Moises kag nagmitlang sa banwa sang mga polong ni Iehoba : kag gintipon niya ang kapitoan ka lalaki sang mga tigulang sang banwa, kag ginpahamtang niya sila sa palibot sang Layanglayang.

25 Niyan si Iehoba nanaug sa pang-anud kag naghambal kay Moises ; kag nagkuha sia sa Espiritu nga yara sa ibabaw niya, kag ginbutang niya ini sa ibabaw sang kapitoan ka tigulang. Kag nahanabu nga, sang tumungtung sa ibabaw nila ang Espiritu, nagpalanagna sila, kag walâ sila magpaladayon.

26 Apang nagk-labilin sa dulugan ang duha ka lalaki ; nga ginangalanang ang isa nga si Eldad, kag ang isa nga si Medad, kag sa ibabaw nila nagtungtung, ang Espiritu : ini sila sa mga nasulat apang walâ sila naggowa sa Layanglayang ; kag nanagna sila sa dulugan.

27 Kag nagdalagan ang isa ka pamanon kag nagpahibalo kay Moises, kag nagsiling sia: "Si Eldad kag si Medad nagapanagna sa dulugan."

28 Kag si Iosue, anak ni Nun, manugalagad ni Moises, isa sang iya mga pamatan-on, nagsabat kag nagsiling: "Ginoo ko, nga si Moises, dumilii sila."

29 Kag si Moises nagsiling sa iya: "Maimon ka bala bangud sa akon? Hinonoo, kabay pa nga ang bug-os nga banwa ni Iehoba magmanginmanalagna; kabay pa igbutang ni Iehoba ang iya Espiritu sa ibabaw nila."

30 Kag nagpauli si Moises sa dulugan, sia kag ang mga tigulang sa Israel.

31 Kag naghuyup ang isa ka hangin gikan kay Iehoba, kag nagdalá sing mga pitaw gikan sa dagat, kag ginpahugpa niya sila sa ibabaw sang dulugan, nga daw isa ka adlaw nga lakton sa pihak kag daw isa ka adlaw nga lakton sa isa man ka pihak sa palibot sang dulugan. Sa ila may duha ka maniko sa ibabaw sang duta.

32 Kag ang banwa nagtindug sadtong bug-os nga adlaw kag sadtong bug-os nga gab-i, kag sa bug-os nga adlaw nga madason, kag nagtipon sila sing mga pitaw: ang nagtipon sing labing diyotay, nagtipon sing napulô ka homer; kag gintipon nila sila, nga sa ila, sa palibot sang dulugan.

33 Kag yara pa ang unud sa ila mga ngipon, nga walâ pa nila matapus sa pagusang, nagsiga ang kasingkal ni Iehoba sa banwa, kag pinilas ni Iehoba ang banwa sing isa ka daku nga kalaalat-an.

34 Kag ginhingalanan nila yadtong duug nga Kibrot-hataaba,\* kay diâto ginlubung nila ang banwa nga mahakug.

35 Gikan sa Kibrot-hataaba nagtaliwan ang banwa pa Haserot, kag nagdulúlog sila sa Haserot.

Si Maria kag si Aaron nagamulay batok kay Moises.  
Si Maria ginpilas sang tabukaw.

**12** KAG naghambal si Maria kag si Aaron batok kay Moises bangud sang babae nga Kusinhon, nga iya ginukuha; kay nagkuha sia sing isa ka babae nga Kusinhon.

\* *Kibrot-hataaba*, lulubngan sang kahakug.

2 Kag nagsililing sila: "¿Ayhan tungud kay Moises lamang naghambal si Iehoba? ¿Wala man bala maghambal tungud sa aton?" Kag nabatian ini ni Iehoba.

3 Kag yadtong lalaki nga si Moises mahagup gid sia, nga labi pa sa bisan sino nga tawo nga yara sa ibabaw sang kadayag sang duta.

4 Kag sa hinali nagsiling si Iehoba kay Moises, kay Aaron kag kay Maria: "Gowa-kamo nga tatlo sa Layanglayang sang pakigkitaan"; kag naggulowa sila nga tatlo.

5 Niyan si Iehoba nagpahaug sa halingi nga panganud, kag nagtindug sia sa salamputan sang Layanglayang sang pakigkitaan, kag gintawag niya si Aaron kag si Maria; kag naggulowa sila nga duha.

6 Kag sia nagsiling sa ila. "Pamatii-ninyo karon ang akon mga polong: Kon may manalagna sa tungâ ninyo, ako si Iehoba, magapakilala ako sa iya sa palanan-awon; sa damgo nagapakighambal ako sa iya.

7 Indi subung sini ang akon alagad nga si Moises: Matutum sia sa bug-os ko nga baláy:

8 Sa bâbâ kag bâbâ nagapakighambal ako sa iya, sa maathag gid kag indi sa mga paktakon: amo *gid* ang dagway ni Iehoba nga ginapamalandong niya. Ngani ¿kay ngaa bala walâ kamo magkalahadluk sa paghambal batok sa akon alagad nga si Moises?"

9 Kag ang kaakig ni Iehoba nagdab-dab batok sa ila; kag naghaling sia.

10 Kag ang panganud nagbulag gikan sa ibabaw sang Layanglayang; kag yari karon, si Maria tabukawon na, *maputi* subung sang niebe: kag nagbalikid si Aaron kay Maria, kag yari karon, tabukawon na sia.

11 Kag nagsiling si Aaron kay Moises: "Ah, ginoo ko, ayaw pagbutangi sa ibabaw namon, ginaampo ko, ang salâ nga tungud sa iya amon nahimo sing binuang gid kag nga tungud sa iya nakasalâ kami.

12 Kag ngaampo ako sa imo, nga indi sia magmanginsubung sang isa ka natawo nga patay nga nahagas na ang katungâ sang iya unud, sa paggowa sa tian sang iya ilôy."

13 Niyan si Moises nagtuaw kay Ie-



hoba, nga nagasiling: "Ginaampo ko sa imo, oh Dios: pag-ayohon mo sia."

14 Kag nagsabat si Iehoba kay Moises: "Kon ang iya amay nagdupla kunta sa iya nawung; indí sia bala magkahuya sa pito ka adlaw? Nga pagbukoton sia, sa gowa sang dulugan, sa pito ka adlaw, kag ugaling pagdalhon sia sa sulúd.

15 Kag si Maria ginbukot, sa gowa sang dulugan, sa pito ka adlaw, kag ang banwa walá magtaliwan tubtub nga gin-dalá si Maria sa sulúd.

Ang napulo kag duha ka manugpanilag nga ginpadala sa Kanaan.

**13** KAG ugaling nagtaliwan ang banwa gikan sa Haserot, kag sa kahana-yakan sang Paran nagbutang sila sing dulugan.

2 Kag si Iehoba naghambal kay Moises, nga nagasiling:

3 "Padalá-ka sing mga tawo, nga magkilala sang duta sang Kanaan, nga ginahatag ko sa mga inanak ni Israel. Sa tagsa ka kabikahan sang ila mga ginikanaan, magapadalá kamo sing isa ka lalaki; ang tagsatagsa isa ka dunga-non sa ila."

4 Kag si Moises nagpadalá sa ila kutub sa kahanayakan sa Paran, sono sa sogo ni Iehoba: yadtong tanan nga mga lalaki among mga pangolo sang mga inanak ni Israel.

5 Yari karon ang ila mga ngalan: Sa kabikahan ni Ruben, si Samua, anak ni Sakur;

6 Sa kabikahan ni Simeon: si Sapat, anak ni Hori;

7 Sa kabikahan ni Iuda: si Kaleb anak ni Iepune;

8 Sa kabikahan ni Isakar: si Igal, anak ni Iose;

9 Sa kabikahan ni Epraim: si Hosea, anak ni Nun;

10 Sa kabikahan ni Benyamin: si Palti, anak ni Rapu;

11 Sa kabikahan ni Sabulon: si Gad-diel, anak ni Sodi;

12 Sa Kabikahan ni Iose: sa kabika-han ni Manase: si Gadi, anak ni Susi;

13 Sa kabikahan ni Dan: si Amiel, anak ni Gemali;

14 Sa kabikahan ni Aser: si Setur anak ni Mikael;

15 Sa kabihana ni Neptali: si Naabi, anak ni Bapsi;

16 Sa kabikahan ni Gad: si Geuel, anak ni Maki.

17 Ini among mga ngalan sang mga lalaki, nga ginpadalá ni Moises sa pagkilala sang duta; kag kay Hosea, anak ni Nun, nga ginhingadlan sia ni Moises nga si Iosue.

18 Ginpadalá sila ni Moises sa pagkilala sang duta sang Kanaan, nga nagasiling sa ila: "Taklad-kamo didto sa Bagatnan, kag magtulukad-kamo sa bukid;

19 Kag pagausisaon ninyo ang duta kon maanoano sia, kag ang banwa nga nagapuyô sa iya, kon mabakud kon maluya sia, kon diyotay kon madamu sia;

20 Kag ang duta nga ginapuy-an nila, kon maayo kon malain sia; kag kon maanoano ang mga kabawaanan nga ginapay-an nila: kon *nagapuluyô* sila sa mga dululugan kon sa mga banwa nga malig-on;

21 Kag kon maanoano ang duta: kon matambok kon maniwang, kon sa iya may mga kahoy, kon walá. Pakalig-on-kamo, kag palamupo-kamo sing bunga sang kadutaan." Ining mga adlaw among panag-on sang mga nahauna nga ubas.

22 Kag nagtalaklad sila, kag ginpan-angusisa nila ang duta kutub sa kahanayakan sa Sin tubtub sa Rehob sa salamputan sang Hamat.

23 Kag nagtalaklad sila sa Bagatnan, kag limambut sila tubtub sa Hebron, nga didto yadto si Ahiman, si Leshay kag si Talmay, mga anak ni Anak (ang Hebron ginpatukud sing pito ka tuig nga nauna sa Soan sa Egipto).

24 Kag naglambut sila tubtub sa nalupyakan sang Eskol, kag didto nagtapas sila sing isa ka sangá, nga may isa ka pinungpung sang ubas, nga gintuwangan nila ini sa isa ka bugsok, kag nagdalá *man sila* sang mga granada kag sang mga igos.

25 Kag ginhingalanan yadtong duug nga nalupyakan sang Eskol,\* bangud sang pinungpung nga ubas, nga gintapas didto sang mga anak ni Israel.

26 Kag nagbalalik sila sa pagusisa sang duta sa natuman ang kap-atan ka adlaw.

\* *Eskol*, pinungpung sang ubas.

27 Kag naglalakat sila kag nag-ala-but sila kay Moises, kag kay Aaron, kag sa bug-os nga katilingban sang mga inanak ni Israel, sa kahanayakan sang Paran, sa Kades; kag naghatag sila sa ila sing balita, kag sa bug-os nga katipunan, kag pinahayag nila sa ila ang bunga sang duta.

28 Kag nagsulugid sila sa iya, kag nagsililing: "Nag-abut kami sa duta, nga ginpadal-an mo sa amon, nga, sa pagkamatuud, nagailig ang gatas kag ang dugos; kag ini among bunga niya."

29 Apang ang banwa nga nagapuyô didto sadto nga duta, mabakud sia, kag ang mga kabanwaanang mga dalagku gid kag mga malig-on sila; kag nakita man namon didto ang mga anak ni Anak.

30 Ang mga Amalekinhon nagapuluyô sa duta sang Bagatnan; ang mga Hetinhon, ang mga Iebusinhon, kag ang mga Amorinhon nagapuluyô sa bukid; kag ang mga Kanaanhon nagapuluyô malapit sa dagat, kag sa obay sang mga pangpang sang Jordan."

31 Niyan ginpahipos ni Kaleb ang banwa, nga nagamulay batok kay Moises, kag nagsiling sia: "Magtalaklad-kita, magtaklad-kita kag magtagiya-kita sa iya; kay kita sarang makadaug sa iya."

32 Apang ang mga lalaki, nga nagtalaklad kaupud niya, nagsililing: "Indi kami makasarang magtaklad batok sadtong banwa; kay labing makusug sia sa amon."

33 Kag ginpalapta nila ang malain nga sugid nahanungud sa duta, nga ila ginusisa sa tungâ sang mga inanak ni Israel, nga nagsililing: "Ang duta, nga amon naagihan sa pagusisa, among duta nga nagalamon sang iya nga pumuluyô; kag ang bug-os nga banwa, nga nakita namon sa tungâ niya, among mga tawo nga mga mataaas gid."

34 Didto nakit-an man namon ang mga layug, nga inanak ni Anak, nga nagikan sa mga Nepilim; kag amo kita sa amon kaugalingon nga mga mata subung sang mga apan; kag amo man kita, sa mga mata nila."

Ang mga Israelinhon, tungud kay naluyag sila magbalik sa Egipto, nagpanlakatan sila sing ka-atan ka tuig sa kahanayakan.

14 NIYAN ang bug-os nga katilingban nagbayaw sang tingug, kag nag-

singit; kag ang banwa naghibi sadto nga gab-i.

2 Kag nagbalasol batok kay Moises kag batok kay Aaron ang tanan nga mga inanak ni Israel; kag nagsiling sa ila ang bug-os nga katilingban: "Kabay pa nga magkalamatay kami kunta sa duta sang Egipto, kon magkalamatay kami kunta sa sining kahanayakan."

3 ?Kay nga bala dinalâ kami ni Iehoba sa sini nga duta, agud nga magkalapukan kami sa hinganiban kag agud nga ang amon nga asawa, kag ang amon nga kabataan mangininagaw? ?Indi bala labing maayo sa amon nga magbalalik kami sa Egipto?"

4 Kag nagsinilingay sila: "Maghilimo-kita sing isa ka pangolo, kag magbalalik-kita sa Egipto."

5 Niyan si Moises kag si Aaron nagalapa sa atubangan sang bug-os nga kadam-an sang katilingban sang mga inanak ni Israel.

6 Kag si Iosue, anak ni Nun, kag si Kaleb, anak ni Iepune, nga amo sila sang mga nagulusisa sang duta, nagklusnit sang ila nga panapton.

7 Kag naghalambal sila sa bug-os nga katipunan sang mga inanak ni Israel, nga nagsililing: "Ang duta nga amon gin-agihan sa pagkilala sa iya among isa ka maayo gid, maayo gid nga duta."

8 Kon si Iehoba nagakahamuut sa aton, sia magadalâ sa aton sa sadtong duta kag pagaihatag niya sia sa aton: ang duta nga nagailig ang gatas kag ang dugos.

9 Lamang nga dili kamo magmalalison batok kay Iehoba; kag indi kamo magkalahadluk sa banwa sadtong duta, kay manginaton sila tinapay: ang ila mananabang nagpalayô sa ila, kag upud sa aton si Iehoba: dili kamo magkalahadluk sa ila."

10 Niyan ang bug-os nga katilingban naghambal, nga pagbatohon sila. Apang ang himaya ni Iehoba nagpahayag sa Layanglayang sang pakigkitaan sa tanan nga mga inanak ni Israel.

11 Kag si Iehoba nagsiling kay Moises: "?Tubtub pa bala san-o nga pagtamayon ako sini nga banwa? ?Tubtub pa bala san-o nga indi magtoo sa akon, bisan pa sang tanan nga mga talandaan nga ginhimo ko sa tungâ niya?"

12 Pagapilason ko sila sa kamatay:



kag pagalaglagon ko sila, kag pagahimoon ko ikaw nga katawohan nga labing daku kag labi pa ka bakud sa ila."

13 Kag si Moises nagsabat kay Iehoba: "Kag mabatian ini sang mga Egiptohanon, kay ginpataklad mo ining banwa tungud sang imo gahum sa tunga nila.

14 Kag pagaisiling nila ini sa mga pumuluyô sini nga duta. Nakabati sila nga ikaw, oh Iehoba, yara ka sa tunga sini nga banwa, ikaw, oh Iehoba, nga nagapakita ka sa mata kag mata; kag nga ang imo panganud yara sa ibabaw nila, kag sa adlaw nagauna ka sa ila sa isa ka haligi nga panganud kag sa gab-i sa isa ka haligi nga kalayo.

15 Busa, kon ipapatay mo ini nga banwa, subung sa isa lamang ka tawo, niyan ang mga katawohan, nga nagpakabati sang imo kabantugan, magahalambal, nga nagaisiling:

16 Tungud kay si Iehoba walâ sing gahum sa pagpasulud sini nga banwa sa duta, nga iya ginsumpa sa ila, ginpatay inya sila sa kahanayakan.

17 Busa karon, nga ipahayag sang Ginoo, ginaampo ko, ang pagkadaku sang iya gahum, sono sang ginhambal mo, nga nagaisiling:

18 Si Iehoba makuli sa pagpangakig, kag bugana sa kalooy, nga nagapatawad sang kalautan kag sang kamalalison, nga walâ niya pagkabiga nga walay salâ ang *malalison*, nga nagaduaw sang kalautan sang mga ginikanan sa ibabaw sang ila mga anak tubtub sa ikatlo kag tubtub sa ikap-at nga kaliwatan.

19 Busa, patawara ang kalautan sini nga banwa, sono sang kadaku sang imo kalooy, kag sono sang pagpatawad mo sini nga banwa kutub sa Egipto tubtub diri."

20 Kag nagsiling si Iehoba: "Ginapatawad ko, sono sa imo polong.

21 Apang, sa pagkamatuud gid, nagakabuhi ako, kag ang akon himaya magatugub sang bug-os nga duta.

22 Nahanungud s'ning tanan nga mga tawo nga nakakita sang akon himaya, kag sang akon mga tandaan, nga inhimo ko sa Egipto kag sa kahanayakan, kag nga ginsulay na nila ako sing makapulô, kag walâ sila magpalamati sang akon tingug,

23 Indi sila gid makakita sang duta,

nga ginsumpa ko sa ila mga ginikanan. Walâ sing bisan sin-o sang mga nagtalamay sa akon, nga makakita sa iya.

24 Apang ang akon ulipon nga si Kaleb, tungud kay may isa ka espiritu nga lain sa iya, sa bagay nga nagsunod sia sing matinumanon gid sa akon, ako magapasulud sa iya sa duta, nga iya ginkadtoan, kag ang iya kaliwatan magatagiya sa iya.

25 Karon ang mga Amalekinhon kag ang mga Kanaanhon nagapuluyô sa nalupyakan: buas balalik-kamo kag magtalaliwan-kamo pa kahanayakan sa dalanon sang dagat nga Mapula"

26 Kag si Iehoba naghambal kay Moises kag kay Aaron, nga nagaisiling:

27 "¿Tubtub pa bala san-o magaanus ako sining katilingban nga malauton, nga nagapamasol batok sa akon? Nabatian ko ang mga pagbasol sang mga inanak ni Israel, nga nagapamasol batok sa akon.

28 Isiling sa ila: Nagakabuhi ako siling ni Iehoba, nga sono sang ginhambal ninyo sa akon mga idulungug, amo man ang pagahimoon ko sa inyo.

29 Ang inyo mga lawas nga patay magakalapukan sa sini nga kahanayakan, kag ang tanan ninyo nga mga napangisipan, sono sa tanan nga isip inyo kutub sa duha ka pulô ka tuig ang edad pa ibabaw, nga amo ang mga nagpamasol batok sa akon,

30 Kamo, sa pagkamatuud, indi makasulud, nga tungud sa iya ginbayaw ko ang akon kamut sa pagpapuyô sa inyo sa iya, luwas si Kaleb, anak ni Iepune, kag si Iosue, anak ni Nun.

31 Kag ang inyo mga magamay, nga ginsiling ninyo nga manginisa ka inagaw sila, pagapasudlon ko ini sila, kag makakilala sila sang duta, nga inyo ginsikway.

32 Nahanungud sa inyo, ang inyo mga lawas nga patay magakalapukan sa sini nga kahanayakan,

33 Kag ang inyo mga anak magapalahalab sa kahanayakan sing kap-atan ka tuig, kag sila magadalâ sang *kangit-ngitan* sang inyo mga pagpakighilawas, tubtub nga magkasipot ang inyo mga bangkay sa kahanayakan.

34 Sono sa kadamuon sang mga adlaw nga ginusisa ninyo sang duta, kap-atan ka adlaw, ang isa ka tuig tungud sa isa ka adlaw, magadalalâ kamo sang inyo

mga pagkamalaut sing kap-atan ka tuig, kag pagakilalahon ninyo ang akon pag-talikod.

35 Ako si Iehoba nga naghambal: Sa pagkamatuud, ini pagahimoon ko sa sining bug-os nga katilingban nga malauton, nga naghilimbong batok sa akon: sa sini nga kahanayakan magakasipot sila, kag magakalamatay sila sa iya."

36 Kag ang mga lalaki nga ginpadala ni Moises sa pagkilala sang duta, kag nga sa pagpauli. ginpapamasol nila ang bug-os nga katilingban batok sa iya, nga nagapalapta sang malain nga sugid batok sang duta,

37 Yadtong mga lalaki, nga nagpalapta sang malain nga sugid batok sa duta, nagkalamatay sa kalalat-an sa atubangan ni Iehoba.

38 Apang si Iosue, anak ni Nun, kag si Kaleb, anak ni Iepune, nagkalabilin nga may kabuhi sa tunga sang mga lalaki nga nagkaladto sa pagusisa sang duta.

39 Kag si Moises nagsiling sini nga mga polong sa tanan nga mga inanak ni Israel, kag ang banwa naglalaw sing madamu.

40 Kag nagbalangon sila sing aga gid, kag nagtulukad sila sa putukputokan sang bukid, nga nagasiling: "Yari kami diri. Magatalaklad kami sa duug nga ginhambal ni Iehoba, kay nakasalâ kami."

41 Kag nagsiling si Moises: "¿Kay nga bala ginalalalis ninyo sing subung sini ang sogo ni Iehoba? Ini indi maayo.

42 Ayaw kamo pagtalaklad, kay si Iehoba walâ sa tunga ninyo, agud nga indi kamo magkalapilas sa atubangan sang inyo mga kaaway.

43 Kay ang mga Amalekinhon kag ang mga Kanaanhon yadto didto sila sa atubangan ninyo, kag magakalapukan kamo sa hinganiban: tungud kay nagtalikod kamo kay Iehoba, si Iehoba walâ man magaupud sa inyo."

44 Walay sapayan, nagpalabilabi sila sa pagtukad sa putokputokan sang bukid; apang ang kaban sang pakigkatipan ni Iehoba kag si Moises walâ sila magulowa sa tunga sang dulugan.

45 Kag nagduluhog ang mga Amalekinhon kag ang mga Kanaanhon, nga nagapuluyô sadto nga bukid, kag ginpi-

las kag ginlabo nila sila tubtub sa Horma.

Ang mga sogo nahanunhud sang mga halad.

**15** KAG si Iehoba naghambal kay Moises, nga nagasiling:

2 "Ihambal sa mga inanak ni Israel, kag isiling sa ila: kon makasulud na kamo sa duta sang inyo mga puluy-an, nga pagaihatag ko sa inyo,

3 Kag pagahimoon ninyo ang halad nga pinadabdab kay Iehoba, ang isa ka halad nga sinunog, kon ang isa ka halad sa pagtuman sang panaad, kon ang isa ka halad nga kinabubut-on, kon ang inyo pinat-in nga piesta, sa paghimo sing bahô nga kalahamut-an kay Iehoba, sa kabakahan kon sa mga obeha:

4 Niyan ang maghalad sang iya halad kay Iehoba, magadalâ subung nga halad nga kalan-on sang isa ka ikapulô sang *epa* nga harina nga malum-ok nga nalamas sa ikapat sang isa ka hin nga lana;

5 Kag magahalad ka sang ikapat ka bahin sang isa ka hin nga alak nga sa halad nga ilimnon, walay labut sang halad nga sinunog, kon sang halad, nga sa tagsa ka kordero.

6 Sa tagsa ka karnero magahalad ka subung nga halad nga kalan-on sing duha ka ikapulô sang isa ka *epa* nga harina nga malum-ok nga nalamas sa ikatlo sang isa ka hin nga lana.

7 Kag sa halad nga ilimnon ang ikatlo sang isa ka hin nga alak: magahalad ka sini sa baho nga sa kalahamut-an ni Iehoba.

8 Kag kon maghalad ka sing isa ka tinday nga baka sa halad nga sinunog, kon halad nga sa pagtuman sang panaad, kon halad sa paghidaet, kay Iehoba,

9 Niyan pagaihalad mo upud sang tinday nga baka sa halad nga kalan-on ang tatlo ka ikapulô sang isa ka *epa* nga harina nga malum-ok nga nalamas sa katungâ sang isa ka hin nga lana.

10 Kag magahalad ka subung nga halad nga ilimnon sang katungâ sang isa ka hin nga alak: halad ini nga pinadabdab sa baho nga kalahamut-an kay Iehoba.

11 Amo ini ang pagabuhaton sa tagsa ka tinday nga baka kon sa tagsa ka kordero, kon sa tagsa ka magamay sang mga obeha kon sang mga kanding.



12 Sono sa kadamuon nga pagaihalalad niyo, amo man ang pagahimoon ninyo sa tagsatagsa sono sa kadamuon nila.

13 Ang tanan nga tumandok magahimo sini nga mga butang sing subung sini sa paghalad sang halad nga pinadabdab sa baho nga kalahamut-an kay Iehoba.

14 Kag kon magpanlugayaw upud sa inyo isa ka dumuluong, kon bisan sin-o nga yara sa tungâ ninyo sa inyo mga kaliwatan, kag kon maghimo sia sing halad nga pinadabdab sa baho nga kalahamut-an kay Iehoba: subung sang paghimo ninyo, amo man ang pagahimoon niya.

15 Nahanungud sang katilingban, nanginginisa lamang ka palatukuran sa inyo kag sa dumuluong, nga nagapanlugayaw sa tungâ ninyo: isa ka palatukuran nga dayon sa inyo mga kaliwatan: subung nga amo kamo manginamo mau ang dumuluong sa atubangan ni Iehoba.

16 May isa lamang ka kasogoon kag isa lamang ka tumanon sa inyo kag sa dumuluong, nga nagapuyô sa tungâ ninyo."

17 Kag naghambal si Iehoba kay Moises, nga nagasiling:

18 "Ihambal sa mga inanak ni Israel kag isiling sa ila: Kon makasulud na kamo sa duta, nga ginadal-an ko sa inyo,

19 Mahanabu nga, kon magkaon kamo sang tinapay sang duta, magahalalad kamo sing halad nga binayaw kay Iehoba.

20 Magahalalad kamo sa halad nga binayaw sing isa ka torta, nga nahauna sang inyo linamas; subung nga halad nga binayaw sang linasan, amo ini ang paghalad ninyo sini.

21 Sa nahauna sang inyo linamas magahalatag kamo kay Iehoba sing halad nga binayaw sa inyo nga kaliwatan.

22 Kag kon, sa pagsayup, indi ninyo matuman ining tanan nga mga sogo, nga ginsiling ni Iehoba kay Moises,

23 Ang tanan nga ginsogo ni Iehoba sa inyo, sa kamut ni Moises, kutub sang adlaw nga nagsogo si Iehoba kag sa kaolehian, sa inyo mga kaliwatan,

24 Mahanabu nga, kon ang salâ nahimo sa pagsayup, nga malayô sang mga mata sang katilingban, ang bug-os nga katilingban magahalad sang

isa ka tinday nga baka nga halad nga sinunog sa baho nga kalahamut-an kay Iehoba pati ang iya halad nga kalan-on, kag ang iya halad nga ilimnon, sono sa tumanon, kag isa ka lalaki nga kanding nga halad tungud sang salâ.

25 Ang saserdote magahimo sang katumbasan tungud sang bug-os nga katilingban sang mga inanak ni Israel, kag pagapatawaron sila, tungud kay sayup ina, kag nga nagdalâ sila sang ila halad, halad nga pinadabdab kay Iehoba kag ang ila halad tungud sang salâ sa atubangan ni Iehoba, tungud sang ila sayup.

26 Kag sa sini pagapatawaron ang bug-os nga katilingban sang mga inanak ni Israel, kag ang dumuluong nga nagapanlugayaw sa tungâ nila, tungud kay ini nag-abut sa bug-os nga banwa tungud sang sayup.

27 Kag kon ang isa ka tawo nga isa lamang makasalâ tungud sang sayup, magahalad sia sing isa ka kanding nga isa ka tuig sa halad tungud sang salâ.

28 Ang saserdote magahimo sang katumbasan tungud sining tawo, nga nakasalâ tungud sang sayup, kon nakapakasalâ sia tungud sang sayup sa atubangan ni Iehoba, nga nagahimo sa katumbasan tungud sa iya; kag pagapatawaron sia.

29 Isa gid lamang ka kasogoon ang sa tumandok sa tungâ sang mga inanak ni Israel kag nga sa dumuluong nga nagapuyô sa tungâ nila, nahanungud sa sadtong nakasalâ tungud sa sayup.

30 Apang ang tawo nga magpakasalâ nga may kamut nga matinaastaason, bisan sia tumandok, bisan sia dumuluong ini sia nagapasipala kay Iehoba: ang amo man nga kalag pagautdon sa tungâ sang iya banwa;

31 Tungud kay gintamay niya ang polong ni Iehoba kag ginlalis niya ang iya sogo, pagautdon ang amo nga tawo, sa pagkamatuud gid: ang iya kalautan yara sa ibabaw niya."

Silet sang isa ka manuglapas sang sabado.

32 Kag sang didto pa sa kahanayakan ang mga inanak ni Israel, nakita nila ang isa ka tawo nga nagapangahoy sa adlaw nga sabado.

33 Kag ang mga nakakita sa iya nga nagapangahoy sia, nagdalalâ sa iya

kay Moises kag kay Aaron, kag sa bug-os nga katilingban.

34 Kag ginbilango nila sia, kay walâ pa ikapahayag ang dapat nga pagahimon nila sa iya.

35 Kag si Iehoba nagsiling kay Moises: "Sa pagkamatuud, pagapatyon ini nga tawo: pagabatohon sia sang bug-os nga katilingban, sa gowa sang dulugan."

36 Kag ginpagowa sia sang bug-os nga katilingban sa gowa sang dulugan, kag ginbatô nila sia; kag namatay sia, sono sang ginsogo ni Iehoba kay Moises.

*Mga sogo nahanunḡud sang mga pakawilkawil.*

37 Kag si Iehoba naghambal kay Moises, nga nagsiling:

38 Ihambal sa mga inanak ni Israel kag isiling sa ila, nga maghilimo sila sing mga pakawilkawil sa mga sidsid sang ila mga panapton, sa ila mga kaliwatan, kag nga butangan nila sa tagsa ka pakawilkawil sang sidsid sing isa ka lubid nga purpura.

39 Kag ini manginisa ka pakawilkawil ninyo, agud nga sa pagtulok ninyo sini, makadumdum kamo sang tanan nga mga sogo ni Iehoba, kag pagaibutang ninyo sila sa buhat, kag dili kamo magsulunud diri kon didto sono sang inyo mga tagiposoong kag sang inyo mga mata, nga sa olehe nila nagapalakighilawas kamo;

40 Agud nga makadumdum kamo kag pagibutang ninyo sa buhat ang tanan kon nga mga sogo, kag magma-nginbalaan kamo sa inyo Dios.

41 Ako, si Iehoba, nga inyo Dios, nga nagpagowa sa inyo sa duta sang Egipto, agud magmangininyo ako Dios: ako, si Iehoba, nga inyo Dios.

*Ang paglalis ni Kore, ni Datan kag ni Abiram*

**16** KAG si Kore, anak ni Isar, anak ni Koat, anak ni Lebi; upud kay Datan kag kay Abiram, nga mga anak ni Eliab; kag si On, anak ni Pelet, nga anak ni Ruben, nagkuluha *sing mga tinawo.*

2 Kag nagtilindug sila batok kay Moises upud ang duha ka gatus kag kalim-an ka lalaki sang mga inanak ni Israel, mga dunganon sang katilingban,

nga ginpanawag sila sa katipunan, mga lalaki nga bantug.

3 Kag nagtilipon sila batok kay Moises kag kay Aaron, kag nagsililing sila sa ila: "Tuman na, kay ang bug-os nga katilingban, nga tanan sila balaan, kag sa tungâ nila yara si Iehoba. Busa? kay ngaa bala nagapalakataas kamo sa ibabaw sang katilingban ni Iehoba?"

4 Kag sang nabati-an *ini* ni Moises, naghapa sia;

5 Kag naghambal sia kay Kore kag sa bug-os niya nga katipunan, nga nagsiling: "Buas magapahayag si Iehoba kon sin-o ang iya, kag kon sin-o ang balaan, agud nga makapalapit sa iya: ang mapilian niya, pagapalapiton niya sia sa iya.

6 Himoa-ninyo ini: Kuluha-kamo sing mga insensario, si Kore kag ang bug-os niya nga katipunan;

7 Kag buas pamutangî-ninyo sila sing kalayo kag pamutangî-ninyo sing insienso sa ibabaw nila sa atubangan ni Iehoba; kag mahanabu, nga ang lalaki nga mapilian ni Iehoba, manginbalaan sia: tuman na ini sa inyo, mga anak ni Lebi."

8 Nagsiling pa si Moises kay Kore: "Pamatii-ninyo karon, mga anak ni Lebi:

9? Diyotay pa bala nga butang ini sa inyo, nga ang Dios sa Israel nagpinig sa inyo sa katilingban ni Israel, nga ginpalapit niya kamo sa iya, agud nga maghimo kamo sang pag-alagdan sa Puluy-an ni Iehoba kag nga dira kamo sa atubangan sang katilingban sa pag-alagad sa iya;

10 Kag nga ginpalapit ka niya sa iya, ikaw kag ang tanan mo nga mga útud, nga mga anak ni Lebi upud sa imo? Kag? nagapalaninguha kamo bala man sang pagkasaserdote?

11 Busa, among batok kay Iehoba nga nagtilipon kamo, ikaw kag ang bug-os mo nga katipunan; kay si Aaron,? ano bala sia, agud nga magkulumud kamo batok sa iya?"

12 Kag ginpatawag ni Moises si Datan kag si Abiram, nga mga anak ni Eliab; apang nagsililing sila: "Indi kami magtalaklad.

13? Diyotay pa bala nga butang nga ginpatakad mo kami gikan sa isa ka duta nga nagailig ang gatas kag ang



dugos sa pagpatay sa amon sa kahana-yakan, nga ikaw magpakaginoon gid man sa ibabaw namon?

14 Sa pagkamatuud, walâ mo kami man pagdalha sa isa ka duta nga nagaling ang gatas kag ang dugos, kag walâ mo kami paghatagi sing panublion nga mga latagon kag mga ulubasan. ¿Maluyag ka bala ayhan maglukat sang mga mata sini nga mga tawo? Indi kami magatalaklad."

15 Niyan si Moises naakig sing daku gid, kag nagsiling kay Iehoba: "Ayaw pagtuluka ang ila halad: walâ ako sing ginkuha bisan isa ka asno nila, bisan naghimo ako sing malain sa bisan kay sin-o sa ila."

16 Kag nagsiling si Moises kay Kore: "Ikaw kag ang bug-os mo nga katipunan didto kamo buas sa atubangan ni Iehoba, ikaw kag sila, kag si Aaron man.

17 Kag kuluha-kamo ang tagsatagsa sang iya insensario, kag butangi-ninyo sila sing insienso, kag dalha-ninyo, ang tagsatagsa, ang iya insensario sa atubangan ni Iehoba: duha ka gatus kag kalim-an ka insensario: ikaw man kag si Aaron, ang tagsatagsa upud ang iya insensario."

18 Kag nagkuha ang tagsatagsa sang iya insensario, kag ginbutangan nila sila sing kalayo kag ginbutang nila ang inseinso sa ibabaw nila, kag nagtilindug sila sa salamputan sang Layanglayang sang pakigkitaan upud kay Moises kag kay Aaron.

19 Kag gintipon ni Kore ang bug-os nga katipunan batok sa ila sa salamputan sang Layanglayang sang pakigkitaan, kag ang himaya ni Iehoba nagpahayag sa bug-os nga katilingban.

20 Kag si Iehoba naghambal kay Moises kag kay Aaron, nga nagsiling:

21 "Palalayô-kamo sa sini nga katilingban, kag pagaupuron ko sila sa isa ka tion."

22 Kag sila naghalapa kag nagsiling: "¿Dios, Dios sang mga espiritu sang tanan nga unud! ¿Indi bala isa ka tawo ang nakasalâ, kag magkaakig ka batok sa bug-os nga katilingban?"

23 Niyan si Iehoba naghambal kay Moises, nga nagsiling:

24 "Ihambal sa katilingban, nga nagsiling: Palayô-kamo gikan sa palibot sang puluyan ni Kore, ni Datam kag ni Abiram."

25 Kag si Moises nagtindug kag nagkadto kay Datam kag kay Abiram, kag ang mga tigulang sa Israel nagsulunod sa iya.

26 Kag sia naghambal sa katilingban nga nagsiling: "Ngani, palalayô-kamo karon sa mga layanglayang sini nga mga tawo nga malain, kag indi kamo magtalandug sing bisan ano nga butang nga ila, basi pa magkaladula kamo bangud sang tanan nila nga mga salâ."

27 Kag nagpalalayô sila sa puluyan ni Kore, ni Datam kag ni Abiram, sa palibot; kag si Datam kag si Abiram naggulowa kag nagtilindug sa salamputan sang ila mga layanglayang upud ang ila mga asawa kag ang ila mga anak, kag ang ila mga kabataan nga magamay.

28 Kag nagsiling si Moises: "Sa sini pagkilalahon ninyo, nga ginpadalâ ako ni Iehoba, agud nga paghimoon ko ining tanan nga mga buluhaton, kag nga walâ sila magagikan sa akon tagiposoan.

29 Kon sa kamatayon sang tanan nga mga tawo magkalamatay ini sila, kag kon pagpangduawon sila, subung sang pagduaw sang tanan nga mga tawo, indi si Iehoba ang nagpadalâ sa akon.

30 Apang kon si Iehoba magbuhat sing isa ka bag-o nga butang, kag ang duta magbukâ sang iya bâbâ, kag maglamon sa ila patî sang tanan nga mga butang, kag magpalanaug sila nga mga buhi sa kaidadalman; niyan pagakilalahon ninyo, nga ini nga mga tawo nagtalamay kay Iehoba,"

31 Kag nahanabu nga, sa nakatapus sia sa paghambal sining tanan nga mga polong, nagbukâ ang duta nga yara sa idalum nila.

32 Kag ginbukâ sang duta ang iya bâbâ, kag ginlamon niya sila upud ang ila mga panimalây, kag ang tanan nga mga tawo ni Kore, kag ang bug-os nila nga mga pagkabutang.

33 Kag nagpalanaug sila nga mga buhi sa kaidadalman, sila patî sang tanan nga ila, kag gintabunan sila sang duta, kag nagkaladula sila gikan sa tungâ sang katilingban.

34 Kag ang bug-os nga Israel, nga yara sa palibot nila, nagpalalagyo sa pagtuaw nila; kay nagsililing sila: "Magpalalagyo-kita, basi pa nga paglamonon man kita sang duta.

35 Kag naggowa gikan kay Iehoba ang kalayo, nga naghalunhon sang duha ka gatus kag kalim-an ka tawo nga nagahalalad sang insienso.

36 Kag si Iehoba naghambal kay Moises, nga nagasiling:

37 "Isiling kay Eleasar, anak ni Aaron nga saserdote, nga kuhaon niya ang mga insensario gikan sa tungâ sang kasunog kag iwarawag niya sa unhan pa ang kalayo, kay mga pinakabalaan sila.

38 Kuhaon ang mga insensario sad-tong mga makasasalâ batok sa ila gid mga kalâg, kag maghilimo sa ila sing mga pinanid nga pinalapad sa paghalup sang halaran. Tunğud kay naghalalad sila sa ila sa atubangan ni Iehoba, ginpakabalaan sila, kag mangin-talandaan sila sa mga inanak ni Israel."

39 Kag ang saserdote nga si Eleasar nagkuha sang mga insensario nga tumbaga, nga ginhalad sang mga ginpanunug; kag pinalapad nila sila sa paghalup sang halaran,

40 Sa handuman sang mga inanak ni Israel, agud nga walâ sing bisan sin-ong tawo nga indi sa kaliwatan ni Aaron, magpalapit sa pagsunog sing insienso sa atubangan ni Iehoba; agud nga indi sia magmanginsubung kay Kore kag subung sang iya katipunan, sono sang ginsiling ni Iehoba sa iya sa kamut ni Moises.

41 Sang adlaw nga dason ang bug-os nga katilingban sang mga inanak ni Israel nagkumud batok kay Moises kag kay Aaron, nga nagasiling: "Kamo among nagpatay sang banwa ni Iehoba."

42 Kag nahanabu nga, sang nagatipon ang katilingban sang mga inanak ni Israel kag kay Aaron, nagbalalikid sila nasyon sa Layanglayang sang pakigkitaan, kag, yari karon, ang panganud nagtabon sini, kag nagpahayag ang himaya ni Iehoba.

43 Kag nagkaladto si Moises kag si Aaron sa atubangan sang layanglayang sang pakigkitaan.

44 Kag si Iehoba naghambal kay Moises, nga nagasiling:

45 "Palalayô-kamo gikan sa tungâ sini nga katilingban, kag pagaupuron ko sila sa isa ka tion." Kag naghalapa sila.

46 Kag nagsiling si Moises kay Aaron: "Kuhaa ang insensario kag butangî sia sing kalayo gikan sa ibabaw sang halaran, kag butangî sa ibabaw niya sing in-

sienso, kag kadto-ka sing madagmit sa katilingban kag himoa ang katumbasan tungud sa ila; kay ang kasingkal naggo-wa gikan sa atubangan ni Iehoba: ang kamatay nagsugud na."

47 Kag si Aaron nagkuha sini, sono sang ginsiling ni Moises, kag nagdalagan sa tungâ sang katilingban. Kag yari karon, ang kamatay nagsugud sa tungâ sang banwa: kag ginbutangan niya sing insienso, kag naghimo sia sing katumbasan tungud sa banwa.

48 Kag nagpatungâ sia sa mga minatay kag sa mga buhi, kag sa sini nagtunong ang kamatay.

49 Kag ang nagkalamatay tungud sining kalalat-an nanginnapulô kag apat ka libo kag pito ka gatus, walay labut sang mga nagkalamatay tungud sang kasal-anan ni Kore.

50 Kag si Aaron nagbalik kay Moises sa salamputan sang Layanglayang sang pakigkitaan; kag nagtunong ang kamatay.

#### Ang sungkod ni Aaron.

**17** KAG si Iehoba naghambal kay Moises, nga nagasiling:

2 "Ihambal sa mga inanak ni Israel, kag kumuha-ka sa ila sing isa ka sungkod sa tagsa ka panimalây nga inamay sang tanan nila nga mga dunganon, sono sang ila mga panimalây nga inamay, napulô kag duha ka sungkod; kag pagaisulat mo ang ngalan sang tagsatagsa sa ibabaw sang iya sungkod.

3 Kag pagaisulat mo ang ngalan ni Aaron sa ibabaw sang sungkod ni Levi, kag manginisa lamang ka sungkod sa tagsa ka pangolo sang panimalây nga inamay.

4 Kag pagaibutang mo sila sa Layanglayang sang pakigkitaan, sa atubangan sang pagpamatuud, sa diin nagapakigkita ako sa inyo.

5 Kag mahanabu, nga ang sungkod sang lalaki nga akon pagapilion, magapamulak; kag pagapauntaton ko ang mga pamasol sa akon sang mga inanak ni Israel, nga ginapamasol nila batok sa inyo."

6 Kag si Moises naghambal sa mga inanak ni Israel; kag ang tanan nga mga dunganon nila naghalatag sa iya sing mga sungkod: ang isa ka sungkod sa tagsa ka dunganon, sono sang ila



panimaláy nga inamay : napúlô kag duha ka sungkod ; kag ang sungkod ni Aaron yara sa tungâ sang mga sungkod nila.

7 Kag ginbutang ni Moises ang mga sungkod sa atubangan ni Iehoba sa Layanglayang sang pagpamatuud.

8 Kag nahanabu nga, sang adlaw nga madason, nagkadto si Moises sa Layanglayang sang pagpamatuud ; kag yari karon, ang sungkod ni Aaron sa baláy ni Lebi nanlumbay kag namukol kag nagpamulak, kag nagpatubas ini sing mga almendra nga luto.

9 Niyan gindala ni Moises ang tanan nga mga sungkod gikan sa atubangan ni Iehoba sa tanan nga mga inanak ni Israel ; kag gintulok nila sila, kag nagkuha ang tagsatagsa sang iya sungkod.

10 Kag si Iehoba nagsiling kay Moises : “Iuli ang sungkod ni Aaron sa atubangan sang pagpamatuud, agud pagtagoon sia subung nga talandaan batok sa mga anak nga malalison, sa bagay nga pagapauntaton mo ang ila mga pagpamasol batok sa akon, agud nga indi sila magkalamatay.”

11 Kag ginhimo ini ni Moises : sono sa ginsogo sa iya ni Iehoba, subung sini ginhimo niya.

12 Niyan ang mga inanak ni Israel naghalambal kay Moises, nga nagasiling : “Yari karon, nagatilingâ kami, nagakaladula kami, nagakaladula kita nga tanan.

13 Bisan sin-o nga magpalapit, nga magpalapit sa Puluy-an ni Iehoba, mamatay sia : ¿ayhan dapat kita bala magtilingâ nga tanan gid ?”

Ang mga katungdaran kag mga bayad sang mga saserdate kag mga Lebinhon.

**18** KAG si Iehoba nagsiling kay Aaron : “Ikaw kag ang imo mga anak kag ang baláy sang imo amay kaupud nimo, magadalâ kamo sang salâ sang balaan nga Puluy-an ; kag ikaw kag ang imo mga anak kaupud nimo, magadalâ kamo sang salâ sang inyo pagkasaserdote.

2 Pagapapalapiton mo upud sa imo ang imo mga útud sang kabikahan ni Lebi, ang kabikahan sang imo amay, agud nga magsilimpon sila sa imo kag mag-alalagad sila sa imo ; kag ikaw kag ang imo mga anak upud sa imo didto

kamo sa atubangan sang Layanglayang sang pagpamatuud.

3 Kag pagabantayan nila ang imo pagabantayan kag ang tinulin sang bug-os nga Layanglayang : lamang dili sila magpalapit sa mga gamit sang balaan nga Puluy-an, bisan sa halaran, agud nga indi sila magkalamatay, bisan sila, bisan kamo.

4 Busa, pagaisimpon sila sa imo, kag magabalantay sila sang tinulin sa Layanglayang sang pakigkitaan sa bug-os nga pag-alagdan sang Layanglayang, kag walâ sing bisan sin-o nga dumuluong nga magpalapit sa inyo.

5 Kag pagabantayan ninyo ang tinulin sang balaan nga Puluy-an kag ang tinulin sang halaran, agud nga walâ na gid sing kaakig batok sa mga inanak ni Israel.

6 Kag, yari karon, ginkuha ko ang inyo mga útud nga mga Lebinhon sa tungâ sang mga inanak ni Israel ; kinahatag sila kay Iehoba, subung nga isa ka hatag sa inyo sa paghimo sang pag-alagdan sa Layanglayang sang pakigkitaan.

7 Kag ikaw, kag ang imo mga anak kaupud nimo, magabalantay kamo sang inyo pagkasaserdote sa tanan nga nahanungud sa halaran kag sa yara sa sulúd sang lipon, kag sa *sini* magaalalagad kamo. Ginahimo ko ang inyo pagkasaserdote sa isa ka pag-alagdan sa *lunsay* nga hatag, kag ang dumuluong nga magpalapit, pagapatyon sia.”

8 Kag naghambal si Iehoba kay Aaron : “Yari karon, ginhatag ko sa imo ang tinulin sang akon mga halad nga binayaw, sang tanan nga mga butang nga pinapakabalaan sang mga inanak ni Israel ; ginhatag ko sila sa imo bangud sang paghidhid kag sa imo mga anak, nga sa palatukuran nga dayon.

9 Ini manginimo sang mga butang nga labing balaan nga walâ mapanunug : ang tanan nila nga mga halad, ang tanan nila nga mga halad nga kalan-on, ang tanan nila nga mga halad tungud sang salâ, ang tanan nila nga mga halad sa kasal-anan, nga pagadalhon nila sa akon : ang mga butang nga labing balaan manginsa imo kag sa imo mga anak.

10 Pagakaonon mo sila sa isa ka duug nga balaan gid ; ang tanan nga lalaki magakaon sa ila : manginbutang nga balaan ini nga sa imo.

11 Ini manginimo *man*: ang mga halad nga binayaw sang ila mga dolot, kag ang tanan nga mga halad nga hinabog sang mga inanak ni Israel. Ginhatag ko sila sa imo kag sa imo mga anak nga lalaki, kag sa imo mga anak nga babae upud sa imo, subung nga palatukuran nga dayon: ang tanan nga tawo nga matinlo sa imo baláy magakaon sa ila.

12 Ang tanan nga labing maayo sang lana, kag ang tanan nga labing maayo sang duga sang ubas kag sang trigo, ang mga panganay nga pagaihatag nila kay Iehoba, ginahatag ko sila sa imo.

13 Ang mga nahauna nga patubas sang tanan nga yara sa ila duta, nga pagadalhon nila kay Iehoba, manginimo sila: ang tanan nga tawo nga matinlo sa imo baláy magakaon sa ila.

14 Ang tanan nga pinain tungud sa panaad sa Israel manginimo.

15 Ang tanan nga panganay nga iniloy, sa tanan nga unud, nga pagaihalad nila kay Iehoba, bisan sa mga tawo, bisan sa mga sapat, manginimo sila: lamang pagatubson mo ang panganay sang mga tawo, kag pagatubson mo *man* ang panganay sang mga sapat nga mahigko.

16 Nahanungud sang ila mga galawaron pagatubuson mo sila kutub sa isa ka bulan ang edad, sono sang imo pagpabili, nga among lima ka siklo nga pilak, sono sang siklo sang balaan nga Puluy-an (nga among duha ka pulô ka geras).

17 Lamang ang panganay sang baka, kag ang panganay sang obeha, kag ang panganay sang kanding dili mo pagatubson: mga butang nga balaan sila. Ang dugo nila pagaisablig mo sa ibabaw sang halaran, kag pagasunugon mo ang ila sapay subung nga halad nga pinadabdab sa kalahamut-an kay Iehoba.

18 Kag ang unud nila manginimo; manginimo man ang dughan sang halad nga hinabog kag ang abaga nga too.

19 Ang tanan nga mga halad nga binayaw sang mga butang nga balaan, nga ginahalad kay Iehoba sang mga inanak ni Israel, ginahatag ko sa imo, kag sa imo mga anak nga lalaki, kag sa imo mga anak nga babae upud sa imo, subung nga palatukuran nga dayon: katipan nga asin ini sa gihapon sa atubangan ni Iehoba, nga sa imo kag sa imo kaliwatan kaupud nimo."

20 Kag si Iehoba nagsiling kay Aaron: "Walâ ka sing panublion sa duta nila, kag walâ ka sing bahin sa tungâ nila: ako amo ang imo bahin, kag ang imo panublion sa tungâ sang mga inanak ni Israel.

21 Nahanungud sang mga anak ni Lebi, yari karon, ginahatag ko sa ila nga panublion ang tanan nga ikapulô sa Israel tungud sang ila pag-alagdan, tungud kay sila nagahilimo sang pag-alagdan sa Layanglayang sang pakigkitaan.

22 Kag ang mga inanak ni Israel indi na magapalalapit sa Layanglayang sang pakigkitaan, basi pa magdalalâ sila sang salâ, kag sa *sini* magkalamatay sila.

23 Apang ang mga Lebinhon magahilimo sang pag-alagdan sang Layanglayang sang pakigkitaan, kag sila magadalalâ sang ila kalautan: palatukuran ini nga dayon sa inyo mga kaliwatan, kag ang mga Lebinhon walâ sila sing panublion sa tungâ sang mga inanak ni Israel.

24 Kay sa mga Lebinhon ginahatag ko nga panublion ang mga ikapulô sang mga inanak ni Israel, nga pagaihalad nila kay Iehoba subung nga halad nga binayaw; tungud sini nagsiling ako nahanungud sa ila: Walâ sila sing panublion sa tungâ sang mga inanak ni Israel."

25 Kag naghambal si Iehoba kay Moises, nga nagasing:

26 "Pagaihambal mo man sa mga Lebinhon kag pagaisiling mo sa ila: Kon magbalaton kamo sa mga inanak ni Israel sang ikapulô, nga ginhatag ko sa inyo gikan sa ila nga inyo panublion, niyan magahalalad kamo sa ila, subung nga halad nga binayaw kay Iehoba, sang ikapulô sang mga ikapulô.

27 Kag pagakabigon sa inyo ang inyo halad nga binayaw subung sang trigo sang linasan kag subung sang duga sang ubas nga nagapunô sang ipitan.

28 Subung man, magahalalad kamo sang inyo halad nga binayaw kay Iehoba sa tanan ninyo nga mga ikapulô, nga inyo nabaton sa mga inanak ni Israel; kag sa ila magahatag kamo sang halad nga binayaw ni Iehoba kay Aaron nga saserdote.

29 Sa tanan nga mga butang, nga ginahatag sa inyo, magahalalad kamo sang



tanang nga halad nga binayaw ni Iehoba; sa tanan nga labing maayo sa ila pagaihalad ninyo ang bahin nga pinapakabalaan.

30 Kag pagaisiling mo man sa ila: Kon maghalad kamo sang labing maayo sa ila, pagakabigon ini sa mga Lebinhon subung nga patubas sang linasan kag subung nga patubas sang ipitan.

31 Kag pagakaanon ninyo ini sa bisan diin nga duug, kamo kag ang inyo mga panimalay; kay among inyo sohol tungud sang inyo pag-alagad sa Layanglayang sang pakigkitaan.

32 Kag kon kamo magbalayaw sang labing maayo sa ila, indi kamo magadalâ sing salâ tungud sina: kag indi ninyo pagpakadibalaanon ang mga butang nga pinapakabalaan sang mga inanak ni Israel, kag indi kamo magakalamatay."

Ang baka nga mapula.—Ang tubig nga inegpaninlo.

**19** KAG si Iehoba naghambal kay Moises kag kay Aaron, nga nagaisiling:

2 "Ini amo ang palatukuran sang kasogoon, nga ginsogo ni Iehoba, nga nagaisiling: Ihambal sa mga inanak ni Israel, nga pagdalhan ka nila sing isa ka baka nga mapula, nga walay dagta, nga walâ gid sing nakulang sa lawas, nga sa ibabaw niya walâ sing nakatungtung sang bisan ano nga singkaw.

3 Kag pagaihatag ninyo sia kay Eleasar nga saserdote, kag sia magapagowa sa iya sa gowa sang dulugan, kag pagapugutan sia sa iya atubangan.

4 Kay si Eleasar, nga saserdote, magakuha sang iya dugo sa iya tudlo, kag masasablig sia sang dugo sing makapito nayon sa atubangan sang Layanglayang sang pakigkitaan.

5 Kag pagasunugon ang baka sa atubangan sang iya mga mata: pagasunugon ang iya panit, ang iya unud kag ang iya dugo pati ang iya ipot.

6 Kag ang saserdote magakuha sang kahoy nga sedro, sang hisopo kag sang eskarlata, kag pagaisugba niya sila sa tungâ sang kalayo sa diin pagasunugon ang baka.

7 Kag ang saserdote magabunak sang iya mga panapton, kag pagahugasan man niya ang iya unud sang tubig, kag sa tapus sini, masasulud sia sa dulugan;

kag manginmahigko ang saserdote tub-tub sa hapon.

8 Kag ang tawo nga nagsunog sa iya, magapamunak sang iya mga panapton sa tubig kag magahugas sang iya unud sa tubig, kag manginmahigko sia tubtub sa hapon.

9 Kag ang isa ka tawo nga matinlo magahipo sang mga abo sang baka; kag pagaibutang niya sila sa gowa sang dulugan sa duug nga matinlo, kag pagatagon sila nga sa katilingban sang mga inanak ni Israel, nga sa tubig sang pagkahigko: halad ini tungud sang salâ.

10 Kag ang magahipo sang mga abo sang baka, magabunak sang iya mga panapton kag manginmahigko sia tubtub sa hapon. Manginpalatukuran nga dayon ini nga sa mga inanak ni Israel, kag nga sa dumuluong nga magpanlugayaw sa tungâ nila.

11 Kag ang magkamlot sing minatay sa bisan ano nga *bahin* sang lawas sang tawo, manginmahigko sia sa pito ka adlaw.

12 Ini sia magapaninlo sang iya salâ sa sini nga *tubig* sa ikatlo ka adlaw, kag sa ikapito ka adlaw manginmatinlo sia; kag kon sa ikatlo ka adlaw indi magapaninlo sia sang iya salâ, indi sia magamanginmatinlo sa ikapito ka adlaw.

13 Bisan sin-o nga magkamlot sang minatay, sang lawas sang tawo nga napatay, kag indi magpaninlo sang iya salâ, ginahigkoan niya ang Puluyan ni Iehoba. Yadtong tawo pagautdon sa Israel, tungud kay ang tubig sang pagkahigko walâ masablig sa ibabaw niya; manginmahigko sia: ang iya kahigkoan yara pa sa ibabaw niya.

14 Ini among kasogoon. Kon ang isa ka tawo mapatay sa isa ka layanglayang, ang bisan sin-o nga masulud sa layanglayang, kag ang bisan sin-o nga didto sa layanglayang, manginmahigko sia sa pito ka adlaw.

15 Kag ang tanan nga suludlan nga nabuksan, nga sa ibabaw niya walâ sing tabon nga sibo gid, manginmahigko sia.

16 Kag bisan sin-o nga magkamlot sa pinatay sa hinangiban sa kadayagan sang latagon, kon sa isa ka patay, kon sa tul-an sang tawo, kon sa lulubngan, manginmahigko sia sa pito ka adlaw.

17 Kag pagakuhaon nga sa mahigko nga tawo ang abo sang sinunog tungud

sang salá, kag pagaibutang ini sa ibabaw sang tubig nga buhi sa isa ka suludlan.

18 Kag ang isa ka tawo nga matinlo magakuha sing isa ka hisopo, pagabas-on niya sia sa tubig, kag isablig niya sa ibabaw sang layanglayang kag sa ibabaw sang tauan nga mga galamiton, kag sa ibabaw sang mga tawo nga yadto didto, kag sa ibabaw sadtong nagkamlot sang tul-an, kon sang tawo nga pinatay, kon sang minatay, kon sang lulubngan.

19 Ang tawo nga matinlo magasablig sa ibabaw sang mahigko, sa ikatlo kag sa ikapito ka adlaw : kag sa ikapito ka adlaw pagatinloan niya sia. Magabunak sia sang iya mga panapton, kag magahugas sia sa iya kaugalingon sa tubig, kag manginmatinlo sia sa hapon.

20 Kag ang tawo nga mahigko kag walâ sia magpaninlo, ang amo nga kalág pagautdon sa tungâ sang katilingban, tungud kay ginhiigkoan niya ang balaan nga Puluy-an ni Iehoba : walâ masablig sa ibabaw niya ang tubig sang pagkahigko : sia mahigko.

21 Manginpalatukuran nga dayon ini sa ila : ang nagsablig sang tubig sang pagkahigko, magapamunak sang iya mga panapton, kag ang nagkamlot sang tubig sang pagkahigko, manginmahigko sia tubtub sa hapon.

22 Kag ang tanan nga magkamlot sang tawo nga mahigko, manginmahigko sia ; kag ang tawo nga magkamlot sini, manginmahigko tubtub sa hapon."

Kamatayon ni Maria.—Ang mga tubig sa Meriba.

**20** KAG ang mga inanak ni Israel, ang bug-os nga katilingban, nagalabut sa kahanayakan sa Sin, sang bulan nga nahauna, kag nagpuyô ang banwa sa Kades ; kag didto mamatay si Maria kag didto ginlubung sia.

2 Kag didto walâ sing tubig nga sa katilingban ; kag naglilibot sila kay Moises kag kay Aaron ;

3 Kag nagsuay ang banwa kay Moises, nga nagasiling : "¡ Maayo pa nga nagkalamatay kami sang pagkalamatay sang amon mga útud sa atubangan ni Iehoba !

4 ¡ Kay nga bala gindala ninyo ang katilingban ni Iehoba sa sini nga kahanayakan, agud nga magkalamatay diri kami kag ang amon mga kahayupan ?

5 ¡ Kay nga bala pinataklad ninyo kami gikan sa Egipto sa pagdalâ sa amon sa sining malain nga duug, nga indi duug nga angay sa palangumhan, nga sa mga igerá, nga sa mga kaubasan kag nga sa mga granada, kag walâ pa sing tubig nga ilimnon ? "

6 Kag nagkaladto si Moises kag si Aaron gikan sa atubangan sang katilingban pa salamputan sang Layanglayang sang pakigkitaan ; kag naghalapa sila, kag ang himaya ni Iehoba nagpahayag sa ila.

7 Kag naghambal si Iehoba kay Moises, nga nagasiling :

8 "Kuhaa ang sungkod, kag tipona ang katilingban, ikaw kag si Aaron, nga imo útud ; kag hambala-ninyo ang bató sa mga mata nila, kag sia magahatag sang iya mga tubig, kag pagakuhan mo sila sang tubig sa bató, kag pagapaimnon mo ang katilingban kag ang ila mga kahayupan."

9 Niyan ginkuha ni Moises ang sungkod sa atubangan ni Iehoba, sono sang ginsogo niya sa iya.

10 Kag gintipon ni Moises kag ni Aaron ang katilingban sa atubangan sang bató, kag nagsiling sia sa ila : "¡ Palamati-kamo karon, mga malalison ! ¡ Makapagowa kami bala nga sa inyo sing tubig sa sini nga bató ? "

11 Kag ginbayaw ni Moises ang iya kamut, kag ginbunal niya ang bató sang iya sungkod sa makaduha ; kag naggulowa ang bugana nga mga tubig, kag naginum ang bug-os nga katilingban kag ang ila mga kahayupan.

12 Kag si Iehoba nagsiling kay Moises kag kay Aaron : "Tungud kay walâ kamo magtoloo sa akon nga sa pagpakabalaan sa akon sa mga mata sang mga inanak ni Israel, tungud sini indi ninyo pagpasudlon ini nga katilingban sa duta, nga ginhatag ko sa ila."

13 Ini among mga tubig sa Meriba,\* diin nagpakigsuay ang mga inanak ni Israel kay Iehoba ; kag sia nagpakabalaan sa ila.

14 Kag kutub sa Kades nagpadalâ si Moises sing mga manugkagon sa hari sa Edom, nga nagasiling : "Amo ini ang ginasiling sang imo útud nga si Israel : Ikaw nakahibalo sang tanan nga kabudlayan nga nag-abut sa amon :

\* Meriba, pakigsuay.



15 Kon paano ang amon mga gini-kanan nagdululhog sa Egipto, kag nag-puyô kami sa Egipto sing malawig nga dag-on; kag ang mga Egiptohanon nagpigos sa amon kag sa amon mga ginikanan.

16 Kag nagtuluaw kami kay Iehoba, kag ginpamatian niya ang amon tingug, kag ginpadalâ niya ang iya Manugtunda, kag ginpagowa niya kami sa Egipto; kag yari kami karon, sa Kades, banwa nga sa ukbong sang imo mga dulunan.

17 Tuguti nga makaagi kami sa imo duta; indi kami magaalagi sa mga palangumhan, bisan sa mga kaubasan, kag indi kami magilinum sing tubig sang mga bobon: magalalakat kami sa dalan sang hari, nga walâ sing maglipas sa too, bisan sa walâ, tubtub nga maligaran namon ang imo mga dulunan."

18 Kag si Edom nagsabat sa iya: "Dili ka mag-agi sa akon *kadutaan*, basi nga magsugata ako sa imo nga may hinganiban."

19 Kag ang mga inanak ni Israel nagsiling sa iya: "Magatalaklad kami sa dalan nga ginalaktan, kag kon maginum kami sang imo mga tubig, ako kag ang akon kahayupan, magabayad ako sa imo sang bili nila; lamang sa walâ sing ano man magaagi ako nga lakat."

20 Kag sia nagsiling: "Dili ka mag-agi." Kag si Edom nagsugata sa iya upud ang madamu nga katawohan kag kamut nga makusag.

21 Kag si Edom nagdumili sa pag-tugut nga mag-agi si Israel sa iya mga dulunan; kag si Israel nagpalayô sa iya.

#### Kamatayon ni Aaron.

22 Kag nagtalaliwan sila sa Kades; kag ang mga inanak ni Israel, ang bug-os nga katilingban, nag-alabut sa bukid sang Hor.

23 Kag si Iehoba naghambal kay Moises kag kay Aaron, sa bukid sang Hor, sa kadulunan sang duta ni Edom, nga nagsiling:

24 "Si Aaron pagaisimpon sa iya mga banwa; kay indi makasulûd sia sa duta, nga ginhatag ko sa mga inanak ni Israel, tungud kay nagmalalison kamo sa akon sogo sa mga tubig sang Meriba.

25 Kuhaa si Aaron kag si Eleasar, nga iya anak, kag patukada sila sa bukid sang Hor.

26 Kag pagaipauba mo kay Aaron ang iya mga panapton kag ipapanaput mo sila kay Eleasar, nga iya anak; kag si Aaron pagaisimpon sa iya mga banwa, kag didto mamatay sia."

27 Kag ginhimo ni Moises sono sang ginsogo sa iya ni Iehoba: nagtalaklad sila sa bukid sang Hor, sa mga mata sang bug-os nga katilingban.

28 Kag ginpauba ni Moises kay Aaron ang iya mga panapton, kag ginpanaput niya sila kay Eleasar, nga iya anak: kag si Aaron namatay didto sa putokputokan sang bukid, kag si Moises kag si Eleasar, nagdululhog sa bukid.

29 Kag sang nakita sang bug-os nga katilingban, nga si Aaron patay na, ang tanan nga panimalây ni Israel naghilibi kay Aaron sa katloan ka adlaw.

Ang hari sa Arad dinaug.—Ang man-ug nga tumbaga.

21 KAG sang nakabati ang Kanaa-hon, ang hari sa Arad, nga nagapuyô sa Bagatnan, nga nagapakari si Israel sa dalanon sang Atarim, nagpakigaway sia batok kay Israel, kag nagdalâ sia sa iya sing mga bihag.

2 Nayan ang Israel naghimo sing pa-naad kay Iehoba, kag nagsiling: "Sa pagkamatuud, kon itugyan mo ini nga banwa sa akon kamut, pagalaglagon ko gid ang ila mga kabanwaan."

3 Kag ginpamatian ni Iehoba ang tingug sang Israel, kag gintugyan niya ang mga Kanaanhon, kag gintagudilian niya sila kag ang ila mga kabanwaan; kag ginhingalanan niya yadto nga duug nga Horma.\*

4 Kag nagtalaliwan sila gikan sa bukid sang Hor, sa dalanon sang dagat nga Mapula, sa paglibot sang duta sa Edom, kag ginlangkag ang kalág sang banwa bangud sang dalan.

5 Kag naghambal ang banwa batok sa Dios kag batok kay Moises: "¿Kay nga bala ginpataklad ninyo kami gikan sa Egipto, agud nga magkalamatay kami sa kahanayakan? Kay walâ bisan tinapay, bisan tubig, kag ang amon kalág

\* *Horma*, katagudilian kon pagkapanas.

may kasum-ud na sining tinapay nga talamayon."

6 Kag si Iehoba nagpadalá sa banwa sing mga man-ug nga mga masingkal, nga nagakalat sang banwa: kag napatay ang madamu nga katawohan sa Israel.

7 Niyan ang banwa nagkadto kay Moises, kag nagsililing sila: "Nakasalâ kami, kay naghambal kami batok kay Iehoba kag batok sa imo. Pangamuyo-ka kay Iehoba, nga kuhaon niya sa amon ini nga mga man-ug." Kag si Moises nangamuyo tungud sang banwa.

8 Kag si Iehoba nagsiling kay Moises: "Maghimo-ka sing isa ka man-ug nga masingkal; kag ibutang mo sia sa ibabaw sang bandera; kag mahanabu, nga bisan sin-o nga ginkagat kag magtulok sa iya, magakabuhi."

9 Kag si Moises naghimo sing isa ka man-ug nga tumbaga, kag ginbutang niya sia sa ibabaw sang bandera. Kag nahanabu, kon ang isa ka man-ug nagkagat sa bisan kay sin-o, kag magtulok sia sa man-ug nga tumbaga, nga nabuhi sia.

Ang pagpadayon sang pagpanlakatan.—Dinaug si Sihon, hari sang mga Amorinhon, kag si Og, hari sa Basan, kag ang pagdaug sang ila kadutaan.

10 Nagtalaliwan ang mga inanak ni Israel, kag ginpahamtang nila ang dulugan sa Obot.

11 Kag sang nagtalalaliwan sila sa Obot, nagpalahamtang sila sang dulugan sa Iye-Abarim, sa kahanayakan nga yara sa atubangan sang Moab, nayon sa Bulutlakan.

12 Kag gikan didto nagtalaliwan sila kag nagpalahamtang sila sang dulugan sa nalupyakan sang Sared.

13 Kag gikan didto nagtalaliwan sila, kag nagpalahamtang sila sang dulugan sa tabok sang Arnon, nga yara sa kahanayakan, nga nagagowa sa mga dulunan sang mga Amorinhon; kay ang Arnon among dulunan sang Moab, sa tungâ sang mga Moabinhon kag sang mga Amorinhon.

14 Tungud sini ginasiling sa tolon-an sang mga pag-awayan ni Iehoba:

"Baheb sa Supa

Kag ang mga daganas sang Arnon,

15 Kag ang pagpangawas sang mga daganas

Nga nagaliko nayon sa puluy-an sa Ar,

Kag nagahambuy sa dulunan sang Moab."

16 Kag gikan didto *nagkaladto* sila sa Beer: ini among Beer, diin ginsiling ni Iehoba kay Moises: "Tipona ang banwa kag pagahatagan ko sia sing tubig."

17 Niyan si Israel nag-ambahan sining ambahan:

"Saka-ka, bobon; alambahan-ka-mo sa sinabtanay.

18 Bobon, nga ginkutkut sang mga dunganon,

Nga ginpadalum sang mga punoan sang banwa,

Upud sang manugpatok sang kaso-goan, sa ila mga sungkod."

Kag gikan sa kahanayakan *nagkaladto* sila sa Matana;

19 Kag gikan sa Matana, pa Nahaliel; kag gikan sa Nahaliel pa Bamot;

20 Kag gikan sa Bamot, sa nalupayakan nga yara sa mga latagon sang Moab, sa putokputok sang Pisga, nga, nagaatubang nayon sa kahanayakan.

21 Kag nagpadalá si Israel sing mga manugkagon kay Sihon, nga hari sa mga Amorinhon, sa pagsiling:

22 "Tuguti nga mag-agi ako sa imo duta: dili kami maglabang sa mga palangumhan, bisan sa mga kaubasan; indi kami magainum sang mga tubig sa mga bobon; magalalakat kami sa dalan sang hari tubtub nga makaligad kami sa imo mga dulunan."

23 Apang si Sihon walâ magtugut nga ang Israel mag-agi sa iya mga dulunan, kondi gintipon ni Sihon ang bugos niya nga banwa kag naggowa batok kay Israel sa kahanayakan; kag nagabut sia sa Iahas, kag nakigaway sia batok kay Israel.

24 Kag pinilas sia ni Israel sa sulab sang hinganiban, kag nagtagiya sia sang iya duta kutub sa Arnon tubtub sa Iabok, tubtub sa duta sang mga anak ni Amon; kay ang dulunan sang mga anak ni Amon, malig-on sia.

25 Kag ginkuha ni Israel ining tanan nga mga banwa; kag nagpuyô ang Israel sa tanan nga mga kabanwaan sang mga Amorinhon, sa Hesbon kag sa tanan niya nga mga minoro."

26 Kay ang Hesbon among banwa ni Sihon, hari sang mga Amorinhon, nga nagpakigaway batok sa nahauna nga



hari sa Moab, kag ginkuha niya sa iya kamut ang tanan niya nga duta tubtub sa Arnon.

27 Ngani ang mga manughulobaton nagasiling:

“Kalari-kamo sa Hesbon:

Pagtukuron kag paglig-onon ang banwa ni Sihon.

28 Kay kalayo naggowa sa Hesbon, Kag isa ka dabdab sa banwa ni Sihon;

Kag nagupus ini sang Ar sa Moab  
Kag sang mga ginoo sang mga kataasan sang Arnon.

29 ¡Kailo ka, Moab!

Linaglag ka, banwa ni Kemos:

Ginbayaan niya ang iya mga anak nga lalaki sa pagpalagyo

Kag ang iya mga anak nga babae sa pagkabihag,

Kay Sihon, hari sang mga Amorinhon.

30 Ginpana namon sila,

Ginlaglag ang Hesbon tubtub sa Dibon,

Ginhapay namon ini tubtub sa Nopa, tubtub sa Medeba.”

31 Sa sini nagpuyô ang Israel sa duta sang mga Amorinhon.

32 Kag si Moises nagpadalâ sa pagusisa sa laser; kag ginkuha nila ang iya mga minoro, kag ginsobol nila ang mga Amorinhon nga yadto didto.

33 Kag nagbalalik kag nagtalaklad sila sa dalan sang Basan. Kag si Og, nga hari sa Basan, naggowa upud ang bug-os niya nga banwa, sa pagsugata sa ila sa pagpakigaway, sa Edrei.

34 Niyan si Iehoba nagsiling kay Moises: “Indi ka magkahadluk sa iya, kay sa imo kamut gintugyan ko sia, sia kag ang bug-os niya nga banwa kag ang iya duta; kag pagahimoon mo sa iya, subung sang ginhimo mo kay Sihon, hari sang mga Amorinhon, nga nagpuyô sa Hesbon.”

35 Kag ginpilas nila sia, kag ang iya mga anak kag ang bug-os niya nga katawohan, sa bagay nga walâ sing nabilin sa iya nga nakapalagyo; kag nagtalagiya sila sang iya duta.

Si Balaam nagapakamaayo sa Israeli batok sa iya katuyoan.

tang sila sang dulugan sa mga kapatagan sa Moab sa isa ka luyo sang Iordan, sa Ieriko.

2 Kag nakita ni Balak, anak ni Sipor, ang tanan nga ginhimo sang Israel sa mga Amorinhon.

3 Kag ginhadlukan si Moab sing daku gid bangud sang banwa, kay madamu sia; kag nagakalisud si Moab bangud sang mga inanak ni Israel.

4 Kag nagsiling si Moab sa mga katigulangán sa Madian: “Karon magahalab ini nga katilingban sang tanan nga yara sa palibot naton, nga subung sang paghalab sang baka sang hilamon sang mga latagon.” Kag si Balak, anak ni Sipor, amo ang hari sadto sa Moab.

5 Kag ginpadalhan niya sing mga manugkagon si Balaam, anak ni Beor, sa Petor, nga yara sa luyo sang subâ, sa duta sang mga anak sang iya banwa, agud nga pagtawgon sia, nga nagasililing: “Yari karon, isa ka banwa naggowa sa Egipto: yari karon, nagatabon sia sang kadaygan sang duta, kag nagapuyô sia sa atubangan nakon.

6 Busa karon, kari-ka, ginaampo ko sa imo, ipakahimalaut-mo ako sini nga banwa, kay labi sia ka bakud sa akon: ayhan sarang ako makapilas sa iya, kag makasobol sa iya sa kadutaan; kay nakahibalo ako, nga yadtong pagpakamayohon mo, manginpinakamaayo sia, kag yadtong pagpakamalauton mo, manginpinapakamalaut sia.”

7 Kag nagkaladto ang mga tigulang sa Moab, kag ang mga tigulang sa Madian nga may mga sohol sang pagpakot sa ila mga kamut; kag sang nag-abut sila kay Balaam, ginsugid nila sa iya ang mga polong ni Balak.

8 Kag sia nagsiling sa ila: “Hiligdakamo diri, kag pagaihatag ko sa inyo ang sabat, sono sang pagaihambal sa akon ni Iehoba.” Kag ang mga dunganon sang Moab nagpalabilin kay Balaam.

9 Kag nagkari ang Dios kay Balaam, kag nagsiling sa iya: “¿Sin-o bala ina nga mga lalaki nga yara kaúpud nimo?”

10 Kag si Balaam nagsabat sa Dios: “Si Balak, anak ni Sipor, hari sa Moab, nagpadalâ sa akon, sa *pagsiling sa akon*:

11 Yari karon, ang banwa, nga naghalin sa Egipto, nagatabon sang kadaygan sang duta. Busa karon, kari-ka kag ihimalaut ako sa iya; ayhan sarang

**22** KAG ang mga inanak ni Israel nagtalaliwan kag nagpalaham-

ako makapakigaway sa iya kag makasobol sa iya."

12 Kag nagsiling ang Dios kay Balaam: "Dili ka magúpud sa ila, kag dili ka magpakamalaut sa banwa, kay ginpakamaayo sia."

13 Kag ang si Balaam nagbangon sang aga, kag nagsiling sa mġa dunganon ni Balak: "Palauli-kamo sa inyo duta, kay si Iehoba indi magtugot sa akon sa pagúpud sa inyo."

14 Kag ang mġa dunganon sa Moab nagtilindug kag nagbalalik kay Balak, kag nagsililing: "Si Balaam nagpangindi sa pagkari upud sa amon."

15 Kag si Balak nagpadalá liwan sing labi pa ka damu kag labi pa ka dunganon sang sa ila *sadto*.

16 Kag nagkaladto sila kay Balaam, kag nagsililing sila sa iya: "Amo ini ang ginsiling ni Balak, anak ni Sipor: Ginaampo ko sa imo, nġa indi ka magpahawid sa pagkari sa akon."

17 Kay pagapadungan ko ikaw sing daku gid, kag pagahimoon ko ang tanan nġa pagaisiling mo sa akon: busa, karika karon, kag ihimalaut mo ako sini nġa banwa."

18 Kag si Balaam nagsabat kag nagsiling sa mġa ulipon ni Balak: "Bisan pa ighatag ni Balak sa akon ang iya baláy nġa punô sang pilak kag bulawan, indi ako sarang makalapas sang polong ni Iehoba, nġa akon Dios, sa paghimo sing butang nġa diyotay kon daku."

19 Busa karon, ginaampo ko sa inyo, nġa magpalabilin kamo diri sini nġa gab-i, agud nġa makahibalo ako sang pagadayonon ni Iehoba nġa igasiling sa akon."

20 Kag nagkari ang Dios kay Balaam sa kagab-ihon, kag nagsiling sia sa iya: "Tungud kay nagkalari ining mġa tawo sa pagtawag sa imo, bangon-ka, kag umupud-ka sa ila; lamang, pagahimoon mo ang pagaisiling ko sa imo."

21 Kag nagbangon si Balaam sa aga, kag ginhampiloan niya ang iya asno, kag nagúpud sia sa mġa dunganon sa Moab.

22 Kag ang kaakig sang Dios nagsiga, kay naglakat sia; kag ang manugtunda ni Iehoba nagpahamtang sa atubangan niya sa dalan nġa kasumpung niya. Kag sia nagakabayo sa iya asna, kag upud sa iya ang duha niya ka alagad.

23 Kag ang asna nakakita sa manug-

tunda ni Iehoba, nġa nagatindug sa dalan, nġa ang iya hinangiban sa iya kamut walâ matagub; kag naglipas ang asna sa dalan kag nagpakadto sa latagon. Niyan ginbunal ni Balaam ang asna sa pagpabalik sa iya sa dalan.

24 Apang ang manugtunda ni Iehoba napahamtang sa isa ka banas nġa makitid sa tungâ sang kaubasan: may dingding sa isa ka luyo kag may dingding man sa pihak nġa luyo.

25 Kag sang nakita sang asna ang manugtunda ni Iehoba, sinagaid sia sa dingding kag inipit niya sa dingding ang tiil ni Balaam; kag ginliwan niya sia sa pagbunal.

26 Kag ang manugtunda ni Iehoba nagúna sa unhan, kag nagtindug sa isa ka duug nġa makitid, nġa didto walâ sing dalan nġa pagalipasan sia bisan sa too, bisan sa walâ.

27 Kag sang nakita sang asna ang manugtunda ni Iehoba, nagluko sia sa idalum ni Balaam: kag nagdabdab ang kaakig ni Balaam, kag ginhanot niya ang asna sang iya sungkod.

28 Niyan ginbukâ ni Iehoba ang bâbâ sang asna, nġa nagsiling sia kay Balaam: "¿Ano bala ang ginhimo ko sa imo, nġa ginbunal mo ako sa makatlo?"

29 Kag si Balaam nagsabat sa asna: "Kay ginlahuglahugan mo ako: kabay pa nġa kunta ko may hinganiban ako sa akon kamut, nġa karon gid pagapatyon ko ikaw."

30 Kag ang asna nagsiling kay Balaam: "¿Indi amo ako bala ang imo asna, nġa sa ibabaw nakon nagpangabay ka, kutub nġa imo ako, tuhtub karon? ¿May kaanaran bala ako sa paghimo sing subung sini sa imo?" Kag sia nagsabat: "Walâ."

31 Niyan ginpamuklat ni Iehoba ang mġa mata ni Balaam, kag nakit-an niya ang manugtunda ni Iehoba, nġa yara sa dalan, kag may hinganiban sia nġa walâ matagub sa iya kamut. Kag si Balaam nagyaub kag naghapa.

32 Kag ang manugtunda ni Iehoba nagsiling sa iya: "Kag ¿nġaa bala ginbunal mo ang imo asna sing makatlo? Yari karon, naggowa ako nġa kasumpung mo, kay ining dalan nagadul-ong sa kapahamakan sa atubangan nakon."

33 Nakita ako sang asna, kag naglipas sia sa akon atubangan sing makatlo; kon sia walâ kunta maglipas sa akon



atubangan, sa pagkamatuud, ginpatay ko ikaw kag ginbuhi ko sia kunta."

34 Niyan si Balaam nagsiling sa manugtunda ni Iehoba: "Nakasala ako, kay walâ ako makahibalo, nga ikaw nagpahamtang sa dalan sa atubangan nakon. Apang karon, kon ginapakamala-lain mo ini, ako magapauli."

35 Kag ang manugtunda ni Iehoba nagsiling kay Balaam: "Upud-ka sa sina nga mga tawo; apang pagaihambal mo lamang ang polong nga pagaisiling ko sa imo." Kag si Balaam nagupud sa mga dunganon ni Balak.

36 Kag sang nabatian ni Balak nga nagapakari si Balaam, nagsugata sia sa iya sa banwa sa Moab, nga yara sa dulunan sang Arnon, nga yara sa ukbong sang dulunan.

37 Kag si Balak nagsiling kay Balaam: "¿Walâ bala ako magpadalâ sa imo sa pagtawag sa imo nga may kaku-gi? ¿Kay ngaa walâ ka magkari sa akon? ¿Indi bala ako sarang sa pagpa-dungug sa imo?"

38 Kag si Balaam nagsiling kay Balak: "Yari karon, ako nagkari sa imo ¿ayhan sarang ako bala makahambal sing bisan ano nga butang? Ang polong nga pagaibutang sang Dios sa akon babâ, ina pagaihambal ko."

39 Kag nagupud si Balaam kay Balak, kag nag-alabut sila sa Kiriath-husot.

40 Kag si Balak naghalad sing mga tinday nga baka kag mga obeha, kag nagpadalâ kay Balaam kag sa mga dunganon nga yara upud sa iya.

41 Kag nahanabu, sang pagkaaga, nga ginkuha ni Balak si Balaam, kag ginpatukad niya sia sa mga duug nga mataas ni Baal, nga kutub didto nakita niya ang ukbong sang banwa.

**23** KAG si Balaam nagsiling kay Balak: "Patindugi ako diri sing pito ka halaran, kag himosi ako diri sing pito ka tinday nga baka kag pito ka karnero."

2 Kag ginhimo ni Balak, sono sang ginsiling sa iya ni Balaam; kag naghalad si Balak kag si Balaam sing isa ka tinday nga baka kag isa ka karnero sa ibabaw sang tagsa ka halaran.

3 Kag si Balaam nagsiling kay Balak: "Tindug-ka sa luyo sang imo halad nga sinunog, kag ako magakadto: ayhan si Iehoba magasugata sa akon, kag bisan

ano nga butang nga pagaipahayag niya sa akon, pagaibalita ko sa imo." Kag naglakat sia sa isa ka bakoiod nga hanayak.

4 Kag nagsugata ang Dios kay Balaam kag nagsiling sia sa iya: "Nahimos ko na ang pito ka halaran kag sa tagsa ka halaran naghalad ako sing isa ka tinday nga baka kag isa ka karnero."

5 Kag si Iehoba nagbutang sing polong sa babâ ni Balaam, kag nagsiling sa iya: "Balik-ka kay Balak, kag pagaihambal mo ang subung sini."

6 Kag sia nagbalik sa iya, kag yari karon, nagatindug sia sa luyo sang iya halad nga sinunog, sia kag ang tanan nga mga dunganon sa Moab.

7 *Kag si Balaam* nagmitlang sang iya pololongon nga hinulobaton, kag nagsiling:

"Gikan sa Aram gindalâ ako diri ni Balak, hari sa Moab,

Gikan sa mga bukid sang Sidlangan:

Kari-ka, ipakamalaut mo ako kay Iakob;

Kari-ka, kag tawga ang kaakig sa ibabaw ni Israel.

8 ¿Paano bala ang pagpakamalaut ko, sa walâ pagpakamalauta sang Dios?

¿Paano bala ang pagtawag ko sang kaakigs sa ibabaw sang walâ pagkaakigi ni Iehoba?

9 Kay kutub sa putokputok sang mga bató ginatan-aw ko sia,

Kag kutub sa mga kabakoloran ginatulok ko sia:

Yari karon ang isa ka banwa nga magapuyô sing muhaymuhay

Kag indi maisip sa tungâ sang mga katawohan.

10 ¿Sin-o bala ang magaisip sang yab-ok ni Iakob,

Kon sang kadamuon sang ikap-atka bahin sang Israel?

Mamatay ako kunta sa kamatayon sang mga matarung,

Kag ang akon kaolehian mangin-subung sang iya."

11 Kag si Balak nagsiling kay Balaam: "¿Ano bala ang nahimo mo sa akon? Ginkuha ko ikaw, agud nga pagpakamalauton mo ang akon nga kaaway; kag yari karon, walâ ka sing nahimo kondi ang pagpakamaayo sa ila."

12 Kag sia nagsabat, kag nagsiling :  
“¿Walâ bala ako mag-andam sa indi paghambal sing bisan ano kondi sang ginabutang ni Iehoba sa akon bâbâ?”

13 Kag nagsiling sa iya si Balak :  
“Ginaampo ko sa imo, nga magúpud ka sa akon sa isa ka duug, nga kutub didto makita mo ang *banwa* ; makita mo lamang ang iya ukbung kag indi mo sila makita nga tanan, kag kutub didto ipakamalaut mo ako sa ila.”

14 Kag gindalâ sia niya sa latagon sang Sopim, sa putokputokan sang Pisga ; kag nagpatindug sia didto sing pito ka halaran, kag naghalad sia sing isa ka tinday nga baka kag isa ka karnero sa ibabaw sang tagsa ka halaran.

15 Kag si *Balaam* nagsiling kay Balak :  
“Tindug-ka diri sa luyo sang imo halad nga sinunog, kag ako magakadto didto sa pagsugata sa *Dios*, didto.

16 Kag si Iehoba nagsugata kay Balaam, kag nagbutang sing polong sa iya bâbâ, kag nagsiling sa iya : “Balik-ka, kay Balak, kag magahambal ka sing subung sini.”

17 Kag si *Balaam* nagkadto sa iya, kag yari karon, nga nagatindug sia sa luyo sang iya halad nga sinunog, kag upud sa iya ang mġa dunganon sa Moab. Kag si Balak nagsiling sa iya :  
“¿Ano bala ang ginsiling ni Iehoba?”

18 Kag si *Balaam* nagmitlang sang iya pololongon nga hinulobaton kag nagsiling :

“Tindug-ka, Balak, kag pamati-ka ;  
Dunga ako, anak ni Sipor.

19 Ang *Dios* indi tawo, agud nga magbutig ;

Bisan anak sang tawo, agud nga maghinġsul.

Ang ginsiling niya, ¿indi bala niya pagahimoon?

Ang ginmitlang niya, ¿indi bala niya pagabuhaton?

20 Yari karon, ako nagbaton sing pagpakamaayo :

Sia nagpakamaayo kag ako indi makaliwan sini.

21 Walâ sia magatan-aw sang kalautan sa kay Iakob.

Kag walâ sia makakita sing kalisud sa Israel.

Si Iehoba, nga iya *Dios*, yara upud sa iya,

Kag ang paghinugyaw nga harianon ang sa tungâ niya.

22 Ginpagowa sila sang *Dios* sa Egipto ;

May kabakuran sia subung sang baka nga talonon ;

23 Kay batok kay Iakob walâ sing kawilihan

Kag batok kay Israel walâ sing pakot.

Sa sini nga dag-on pagaisiling nahanungud kay Iakob

Kag nahanungud kay Israel :

¿Daw ano ang ginbuhat sang *Dios* !

24 Yari karon, ang banwa nga magatindug subung sang leon nga bae,

Kag subung sang leon magapaka-taas sia :

Indi magaluko sia tuhtub nga makaon niya ang tinukub,

Kag maginum sang dogo sang mġa pinatay.”

25 Kag si Balak nagsiling kay Balaam : “*Kon* indi ka magpakamalaut gid sa iya, indi mo gid man sia pagpaka-maayohon.”

26 Kag si *Balaam* nagsabat kag nagsiling kay Balak : “¿Walâ ako bala maghambal sa imo, nga nagsiling : Ang tanan nga pagaisiling ni Iehoba, ini pagahimoon ko?”

27 Kag nagsiling si Balak kay Balaam : “Busa, kari-ka karon, pagadalhon ko ikaw sa iban nga duug ; ayhan manginkalahamut-an sang *Dios*, nga kutub didto imo ako ipakamalaut sa iya.”

28 Kag gindalâ ni Balak si *Balaam* sa putukputokan sang Peor, nga nagaatubang nayan sa kahanayakan.

29 Kag si *Balaam* nagsiling kay Balak : “Patindugi ako diri sing pito ka halaran, kag amani ako diri sing pito ka tinday nga baka kag pito ka karnero.”

30 Kag ginhimo ni Balak, sono sang ginsiling sa iya ni *Balaam* ; kag naghalad sia sing isa ka tinday nga baka kag isa ka karnero sa tagsa ka halaran.

**24** KAG sang nakita na ni *Balaam*, nga kalahamut-an sa mġa mata ni Iehoba ang pagpakamaayo sa Israel, walâ sia magkadto subung sang iban nga oras sa pagsugata sang mġa lilihion, kondi nagbalikid sia nayan sa kahanayakan.

2 Kag sang binayaw ni *Balaam* ang mġa mata, nakit-an niya ang Israel nga



nahamtang sa dulugan, sono sa iya mġa kabikahan ; kag ang Espiritu sang Dios didto sa ibabaw niya.

3 Kag nagmitlang sia sang iya pololongon nġa hinulobaton, kag nagsiling sia :

"Nagasiling si Balaam, anak ni Beor,

Kag nagasiling ang lalaki nġa nagamuklat ang iya mġa mata :

4 Nagasiling ang nagapamati sang mġa polong sang Dios,

Yadtong nagatan-aw sang talanawon sang Makagagahum,

Nġa kon mapukan, nagamuluklat ang iya mġa mata :

5 i Nġa pagkamġamatahum sang imo mġa layanglayang, oh Iakob,

Ang imo mġa puluy-an, oh Israel !

6 Subung sang mġa nalupyakan naghulumlad sila,

Subung sang mġa katamnan sa luyo sang suba,

Subung sang mġa linaloes nġa gintanum ni Iehoba,

Subung sang mġa sedro sa luyo sang mġa tubig.

7 Sa iya mġa bayong nagailig ang mġa tubig,

Kag ang iya binhi magatubô sa madamu nġa mġa tubig.

Kag manginlabing mataas pa kay Agag\* ang iya hari,

Kag ang iya ginharian pagapakataason.

8 Ginpagowa sia sang Dios sa Egipto ; May kusug sia subung sang isa ka baka nġa talunon.

Pagahalunhonon niya ang mġa katawohan, ang iya mġa kaaway.

Kag pagabukbukon niya ang ila mġa tul-an,

Kag pagalapsan niya sila sang iya mġa pana.

9 Nagduko sia, nagluko subung sang leon,

Subung sang leon nġa babae, i sinong makapukaw sa iya ?

Ang mġa nagapakamaayo sa imo, pagapakamaayohon sila ;

Ang mġa nagapakamalaut sa imo, pagapakamalauton sila."

10 Kag nagsiga ang kaakig ni Balak batok kay Balaam, kag sang namalak-

pak sia, nagsiling si Balak kay Balaam : "Sa pagpakamalaut sa akon mġa kaaway gintawag ko ikaw, kag yari karon, ginpakamaayo mo gid sila sa makatlo na.

11 Busa nġani, palagyo-ka karon sa imo dung. Kinasiling ko, nġa pagapadungan ko ikaw ; apang, yari karon, nġa ginpungan ni Iehoba ang pagpadungug sa imo."

12 Kag si Balaam nagsiling kay Balak : "i Walâ man bala ako maghambal sa imo gid nġa mġa manugtunda, nġa ginpadalâ mo sa akon, nġa nagasiling :

13 Bisan pa ihatag ni Balak sa akon ang iya balây nġa punô sing pilak kag bulawan, ako indi sarang makaglapas sang polong ni Iehoba sa paghimo sono sa akon tagiposoon sang butang nġa maayo kon malain ; kundi nġa ang pagaihambal ni Iehoba, ina pagaisiling ko ?

14 Yari karon, ako magakadto sa akon banwa. Nġani kari-ka, pagaitalastas ko sa imo ang pagahimoon sini nġa banwa sa imo banwa sa palaabuton nġa mġa adlaw."

15 Kag ginmitlang niya ang iya pololongon nġa hinulobaton kag nagsiling :

"Nagasiling si Balaam, anak ni Beor,

Kag nagasiling ang lalaki nġa nagamuklat ang iya mġa mata ;

16 Nagasiling ang nagapamati sang mġa polong sang Dios,

Kag nakakilala sang kinaadman sang Labing Mataas,

Yadtong nagatan-aw sang talanawon sang Makagagahum,

Nġa kon mapukan, nagamuluklat ang iya mġa mata,

17 Ginatan-aw ko sia, apang indi sa karon,

Ginatulok ko sia, apang indi malapit ;

Nagagowa ang isa ka Bitoon kay Iakob,

Isa ka patok nġa harianon naghayaw sa Israel ;

Sia nagabunal sang mġa dulunan sa Moab,

Kag nagalaglag sang tanan nġa mġa anak ni Set.

18 Ang Edom manginkaugalingon niya ;

Seir man manginkaugalingon sang iya mġa kaaway,

\* Agag, nġalan sang kabilogan sang mġa hari nġa Amalekinhon.

Kag ang Israel magapaagi n̄a may kagamhanan.

19 Kag sia magaginoo sang nagagikan kay Iakob,

Kag pagalaglagon niya ang nabilin sa banwa."

20 Kag sang tinulok niya si Amalek, nagmitlang sia sang iya pololongon n̄a hinulobaton kag nagsiling:

"Si Amalek among panganay sang m̄ga katawohan,

Apang ang iya kaolehian mawâlâ sa gihapon."

21 Kag sang nakita niya ang m̄ga Keneinhon, nagmitlang sia sang iya pololongon n̄a hinulobaton kag nagsiling:

"Malig-on ang imo puluy-an:

Ipahamtang mo sa bató ang imo pugad.

22 Walay sapayan, pagapapason ang Keneinhon,

Tubtub n̄a pagadalhon ka n̄a bihag ni Asur."

23 Kag nagmitlang sia liwan sang iya pololongon n̄a hinulobaton kag nagsiling:

¡Kailo! ¡Sin-o bala ang sarang makakabuhi sa tapus na mahimo sang Dios ini?

24 *Magakalari* ang m̄ga sakayan gikan sa m̄ga baybayon sang Kitim,\*

Kag pagapapaubson nila ang Asur, pagapapaubson man nila ang Heber,†

Kag sia mawâlâ man."

25 Kag nagtindug si Balaam, kag naglakat, kag nagpauli sa iya duug; kag si Balak naglakat man sa iya dalanon.

Gindayaan ang Israel tungud sang pagkadiwata n̄a Moabinhon.

**25** KAG si Israel nagpuyô sa Sitim, kag ang banwa nagsugud sa pagpakighilawas sa m̄ga anak n̄a babae ni Moab.

2 Gin-agda nila ang banwa sa m̄ga halad sang ila m̄ga dios, kag ang banwa nagkaon, kag nagyaub sa atubangan sang ila m̄ga dios.

3 Kag ang banwa nakigimpon kay

\* *Kitim*, n̄galan sang kabilogan sang m̄ga kadutaan sa Katundan.

† *Heber*, m̄ga katawohan, n̄a yara sa tabok sang Euprates.

Baal-Peor,\* kag ang kasingkal ni Iehoba nagsiga batok sa Israel.

4 Kag si Iehoba nagsiling kay Moises: "Kuhaa ang tanan n̄a m̄ga pangolo sang banwa, kag pamitaya sila sa atubangan ni Iehoba sa adlawon, agud n̄a ang kasingkal sang kaakig ni Iehoba magpalayô sa Israel."

5 Kag nagsiling si Moises sa m̄ga hukom sa Israel: "Pamatya-ninyo ang tagsatagsa sadtong m̄ga tagainyo n̄a nagpakigimpon kay Baal-Peor."

6 Kag yari karon, isa ka lalaki sa m̄ga anak ni Israel nagkari kag nagdalâ sing isa ka Madianinhon n̄a babae sa iya m̄ga útud sa m̄ga mata ni Moises, kag sa m̄ga mata sang bug-os n̄a katilingban sang m̄ga inanak ni Israel, sang nagahilibi sila sa salamputan sang Layanglayang sang pakigkitaan.

7 Kag nakit-an ini ni Pineas, anak ni Eleaser, anak ni Aaron, n̄a saserdote; kag nagtindug sia gikan sa tungâ sang katipunan, kag naguyat sia sing isa ka sumbiling;

8 Kag nagsulúd sia sa olehe sang lalaki n̄a Israelinhon sa layanglayang, kag ginpalapusan niya sila n̄a duha, ang lalaki n̄a Israelinhon kag ang babae, sa iya tiyan, kag nagtunong ang kamatay sa m̄ga inanak ni Israel.

9 Kag nagkalamatay sa sadtong kamatay ang duha ka púlô kag apat ka libo.

10 Kag si Iehoba naghambal kay Moises, n̄a nagsiling:

11 "Si Pineas, anak ni Eleasar, anak ni Aaron, n̄a saserdote, nagpabalik sang akon kasingkal gikan sa m̄ga anak ni Israel, tungud kay nagmaimon sia sa akon kaimon sa tungâ nila, sa bagay n̄a walâ ako pagsiputa sa akon kaimon ang m̄ga inanak ni Israel.

12 N̄gani, isiling sa ila: Yari karon, ginahatag ko sa iya ang akon katipan sa pakighidaet.

13 Kag manginsaiya, kag sa iya kalawatan sa olehe niya, ang katipan sang pagkasaserdote n̄a dayon, tungud kay nanginmaimon sia tungud sa iya Dios, kag n̄a naghimo sia sing katumbasan tungud sang m̄ga inanak ni Israel.

14 Kag ang n̄galan sang lalaki n̄a patay, n̄a ginpatay upud sa babae n̄a Madianinhon, amo si Simri, anak ni Sa-

\* *Baal-Peor*, diosdios n̄a Moabinhon.



lu, dunganon sang isa ka panimaláy nga inamay sa tungâ sang mga Simeoninhon.

15 Kag ang ngalan sang babae nga Madianinhon, nga ginpatay, amo si Kosbi, anak nga babae ni Sur, nga among pangolo sang banwa sang isa ka panimaláy nga inamay sa Madian.

16 Kag si Iehoba naghambal kay Moises, nga nagasiling :

17 “Kabiga-ninyo nga mga kaaway ang mga Madianinhon kag pamilasa-ninyo sila ;

18 Tungud kay sila nagkabig sa inyo nga mga kaaway sa ila mga pagdaya, nga tungud sa ila ginlimbongan nila kamo sa butang sa Peor kag sa butang ni Kosbi, anak nga babae sang isa ka dunganon sa Madian, nga utud nila nga babae, nga ginpatay sang adlaw sang kamatay sa butang sa Peor.

Bag-ang pagisip sang banwa sa paggowa sa kahanayakan.

**26** KAG nahanabu, sa tapus sang kamatay, nga si Iehoba naghambal kay Moises kag kay Eleasar, anak ni Aaron nga saserdote, nga nagasiling :

2 “Isipa-ninyo ang bug-os nga katilingban sang mga inanak ni Israel kutub sa duha ka púlô ka tuig ang edad pa ibabaw, sono sa ila mga panimaláy nga inamay, ang tanan nga sarang makagowa sa pag-awayan sa Israel.”

3 Kag si Moises kag si Eleasar nga saserdote nakighambal sa ila sa mga kapatagan sa Moab, malapit sa Iordan sa Ieriko, nga nagasiling :

4 “Isipa-ninyo ang banwa kutub sa duha ka púlô ka tuig ang edad pa ibabaw, sono sang ginsogo ni Iehoba kay Moises, kag sa mga inanak ni Israel, nga naggulowa gikan sa duta sa Egipto.”

5 Si Ruben, pangnanay ni Israel : ang mga anak nga lalaki ni Ruben : si Enok, nga gikan sa iya, ang panimaláy sang mga Enokinhon : gikan kay Palu, ang panimaláy sang mga Paluninhon :

6 Gikan kay Hesron, ang panimaláy sang mga Hesroninhon : gikan kay Karmi, ang panimaláy sang mga Karminhon.

7 Ini amo ang mga panimaláy sang mga Rubeninhon ; kag ang mga naisipan sa ila, nanginkap-atan kag tatlo ka libo pito ka gatus kag katloan.

8 Kag ang mga anak ni Palu : si Eliab.

9 Kag ang mga anak ni Eliab : si Nemuel, si Datan kag si Abiram. Ini nga si Datan kag ini nga si Abiram among ginpanawag sa katipunan, nga uakigsuay batok kay Moises kag kay Aaron sa katipunan ni Kore, sang nakigsuay sila batok kay Iehoba.

10 Kag ang duta nagbukâ sang iya bâbâ kag nagtolon sa ila kag kay Kore, sang napatay yadtong katipunan, sang ang kalayo naghalunhon sang duha kagatus kag kalim-an ka mga tawo, nga nanginkadudlaan nila ;

11 Apang ang mga anak ni Kore walâ magkalamatay.

12 Ang mga anak ni Simeon, sono sang ila mga panimaláy : gikan kay Nemuel, ang panimaláy sang mga Nemuelinhon : gikan kay Iamin, ang panimaláy sang mga Iaminhon : gikan kay Iakin, ang panimaláy sang mga Iakinhon :

13 Gikan kay Sara, ang panimaláy sang mga Seranhon : gikan kay Saul, ang panimaláy sang mga Saulinhon.

14 Ini amo ang panimaláy sang mga Simeoninhon : duha ka púlô kag duha ka libo kag duha ka gatus.

15 Ang mga anak ni Gad, sono sang ila mga panimaláy : gikan kay Sepon, ang panimaláy sang mga Seponinhon : gikan kay Hagi, ang panimaláy sang mga Haginhon : gikan kay Suni, ang panimaláy sang mga Suninhon :

16 Gikan kay Osni, ang panimaláy sang mga Osninhon : gikan kay Eri, ang panimaláy sang mga Erinhon :

17 Gikan kay Arad, ang panimaláy sang mga Aradinhon : gikan kay Areli, ang panimaláy sang mga Arelinhon.

18 Ini amo ang mga panimaláy sang mga anak ni Gad, sono sang mga naisipan : kapatán ka libo kag lima ka gatus.

19 Ang mga anak ni Iuda : si Er kag si Onan ; kag si Er kag si Onan nagkalamatay sa duta sang Kanaan.

20 Kag ang mga anak ni Iuda, sono sang ila mga panimaláy, amo : gikan kay Sela, ang panimaláy sang mga Selanhon : gikan kay Peres, ang panimaláy sang mga Peresinhon : gikan kay Sera, ang panimaláy sang mga Seranhon.

21 Kag ang mga anak ni Peres amo : gikan kay Hesron, ang panimaláy

sang mġa Hesroninhon: gikan kay Haniel, ang panimaláy sang mġa Hamuelinhon.

22 Ini amo ang mġa panimaláy ni Iuda, sono sang mġa naisipan sa ila: kapitoan kag anum ka libo kag lima ka gatus.

23 Ang mġa anak ni Isakar, sono sang ila mġa panimaláy: gikan kay Tola, ang panimaláy sang mġa Tolanhon; gikan kay Puba, ang panimaláy sang mġa Pubanhon:

24 Gikan kay Iasub, ang panimaláy sang mġa Iasubinhon: gikan kay Simron, ang panimaláy sang mġa Simroninhon.

25 Ini amo ang mġa panimaláy ni Isakar, sono sang mġa naisipan sa ila: kan-uman kag apat ka libo kag tatlo ka gatus.

26 Ang mġa anak ni Sabulon, sono sang ila mġa panimaláy: gikan kay Sered, ang panimaláy sang mġa Sere-dinhon: gikan kay Elon, ang panimaláy sang mġa Eloninhon: gikan kay Ialel, ang panimaláy sang mġa Ialelinhon.

27 Ini amo ang mġa panimaláy sang mġa Sabuloninhon, sono sang mġa naisipan sa ila: kan-uman ka libo kag lima ka gatus.

28 Ang mġa anak ni Iose, sono sang ila mġa panimaláy: si Manases kag si Epraim.

29 Ang mġa anak ni Manases: gikan kay Makir, ang panimaláy sang mġa Makirinhon; kag si makir nanganak kay Galaad: gikan kay Galaad, ang panimaláy sang mġa Galaadinhon.

30 Ini amo ang mġa anak ni Galaad: gikan kay Ieser, ang panimaláy sang mġa Ieserinhon: gikan kay Helek, ang panimaláy sang mġa Helekinhon:

31 Gikan kay Asriel, ang panimaláy sang mġa Asrielinhon: gikan kay Sekem, ang panimaláy sang mġa Sekeminhon:

32 Gikan kay Semida, ang panimaláy sang mġa Semidanhon: gikan kay Eper, ang panimaláy sang mġa Eperinhon.

33 Apang si Salpaad, anak ni Eper, walá sing mġa anak nġa lalaki sia kondi mġa babae: kag ang mġa nġalan sang mġa anak nġa babae ni Salpaad among si Mala, si Noa, si Hogla, si Milka kag si Tirsa.

34 Ini amo ang mġa panimaláy ni Manases, kag ang mġa naisipan sa ila:

kalim-an kag duha ka libo kag pito ka gatus.

35 Ini amo ang mġa anak ni Epraim, sono sang ila panimaláy: gikan kay Sutela, ang panimaláy sang mġa Sute-lanhon: gikan kay Beker, ang panimaláy sang mġa Bekerinhon: gikan kay Tahan, ang panimaláy sang mġa Tahaninhon.

36 Kag ini man among mġa anak ni Sutela: gikan kay Eran, ang panimaláy sang mġa Eraninhon.

37 Ini amo ang mġa panimaláy sang mġa anak ni Epraim, sono sang mġa naisipan sa ila: katloan kag duha ka libo kag lima ka gatus. Ini amo ang mġa anak ni Iose sono sang ila mġa panimaláy.

38 Ang mġa anak ni Benyamin, sono sang ila mġa panimaláy: gikan kay Bela, ang panimaláy sang mġa Belanhon: gikan kay Asbel, ang panimaláy sang mġa Asbelinhon: gikan kay Ahiram, ang panimaláy sang mġa Ahiraminhon:

39 Gikan kay Supham, ang panimaláy sang mġa Suphaminhon: gikan kay Hupham, ang panimaláy sang mġa Huphaminhon.

40 Kag ang mġa anak ni Bela amo si Ard kag si Naaman: *gikan kay Ard*, ang panimaláy sang mġa Ardinhon: gikan kay Naaman, ang panimaláy sang mġa Naamaninhon.

41 Ini amo ang mġa anak ni Benyamin, sono sang ila mġa panimaláy; kag ang mġa naisipan sa ila: kap-atan kag lima ka libo kag anum ka gatus.

42 Ini amo ang mġa anak ni Dan, sono sang ila mġa panimaláy; gikan kay Suhaham, ang panimaláy sang mġa Suhaminhon. Ini amo ang mġa panimaláy ni Dan, sono sang ila mġa panimaláy.

43 Ang tanan nġa mġa panimaláy sang mġa Suhaminhon, sono sang mġa naisipan sa ila; kan-uman kag apat ka libo kag apat ka gatus.

44 Ang mġa anak ni Aser, sono sang ila mġa panimaláy: gikan kay Imna, ang panimaláy sang mġa Imnanhon: gikan kay Isbi, ang panimaláy sang mġa Isbinhon: gikan kay Beria, ang panimaláy sang mġa Berianhon.

45 Ang mġa anak ni Beria: gikan kay Heber, ang panimaláy sang mġa Heberinhon: gikan kay Malkiel, ang panimaláy sang mġa Malkielinhon.

46 Kag ang nġalan sang anak nġa babae ni Aser amo si Sera.



47 Ini amo ang mġa panimaláy sang mġa anak ni Aser, sono sang mġa naisipan sa ila : kalim-an kag tatlo ka libo kag apat ka gatus.

48 Ang mġa anak ni Neptali, sono sang ila mġa panimaláy : gikan kay Iaseel, ang panimaláy sang mġa Iaseel-inhon : gikan kay Guni, ang panimaláy sang mġa Guninhon :

49 Gikan kay Ieser, ang panimaláy sang mġa Ieserinhon : gikan kay Silem, ang mġa panimaláy sang mġa Sileminhon.

50 Ini amo ang mġa panimaláy ni Neptali, sono sang mġa naisipan sa ila : kap-atan kag lima ka libo kag apat ka gatus.

51 Ini among mġa naisipan sang mġa anak ni Israel : anum ka gatus kag isa ka libo pito ka gatus kag katloan.

52 Kag naghambal si Iehoba kay Moises, nġa nagasiling :

53 "Sa ila sini pagaipanagtag ang duta nġa sa panublion, sono sa isip sang mġa nġalan.

54 Sa labing madamu, pagahatagan mo sang labing daku nġa panublion ; kag sa labing diyotay pagahatagan mo sang labing diyotay nġa panublion : pagahatagan ang tagsatagsa sang iya panublion sono sang isip niya.

55 Walay sapayan ang duta pagai-panagtag sa papalad : sono sang mġa nġalan sang mġa kabikahan sang ila mġa ginikanan, pagapanublion nila sia.

56 Sono sa papalad pagaipanagtag ang ila panublion, sono sang iya kadaku kon kadiyotay."

57 Kag yari karon, ang mġa naisipan sa mġa Lebinhon, sono sang ila mġa panimaláy : gikan kay Gerson, ang panimaláy sang mġa Gersoninhon : gikan kay Kohat, ang panimaláy sang mġa Kohatinhon : gikan kay Merari, ang panimaláy sang mġa Merarinhon.

58 Ini amo ang mġa panimaláy sang mġa Lebinhon : ang panimaláy sang mġa Libninhon, ang panimaláy sang mġa Hebroninhon, ang panimaláy sang mġa Mahalinhon, ang panimaláy sang mġa Musinhon, ang panimaláy sang mġa Korinhon. Kag si Kohat nagpanġanak kay Amram.

59 Kag ang nġalan sang asawa ni Amram amo si Iokabed, anak nġa babae ni Lebi, nġa natawo kay Lebi sa Egipto : kag sia nag-anak sa kay Amram

kay Aaron, kay Moises kag kay Miriam nġa ila útud nġa babae.

60 Kag kay Aaron nagkalatawo si Nadab, si Abiu, si Eleasar kag si Itamar.

61 Apang si Nadab kag si Abiu nagkalamatay, sang paghalad nila sing kalayo nġa indi igo sa atubangan ni Iehoba.

62 Kag ang mġa naisipan sa ila : duha ka púlô kag tatlo ka libo, tanan nġa mġa lalaki kutub sa isa ka bulan pa ibabaw ang edad ; kay walâ sila mapangisip sa mġa inanak ni Israel, tungud kay indi mahatag sa ila ang panublion sa tungâ sang mġa anak ni Israel.

63 Ini among mġa naisipan ni Moises kag ni Eleasar nġa saserdote, sang ginisip nila ang mġa anak ni Israel sa mġa kapatagan sang Moab, malapit sa Iordan sa Ieriko.

64 Kag sa tungâ nila sini walâ sing bisan isa ka tawo sang mġa naisip ni Moises kag ni Aaron, nġa saserdote, sa mġa anak ni Israel sa kahanayakan sang Sinai ;

65 Kay si Iehoba nagsiling sa ila : "Sa pagkamatuud, magakalamatay sila sa kahanayakan kag walâ sing mabilin bisan isa sa ila, luwas lamang si Kaleb, anak nġa lalaki ni Iepune, kag si Iosue, anak ni Nun."

Ang panublion nġa giniliton sa mġa anak nġa babae, tungud kay wala sing anak nġa lalaki.

**27** KAG nagpalapit ang mġa anak nġa babae ni Salpaad, anak nġa lalaki ni Heper, anak nġa lalaki ni Gilcad, anak nġa lalaki ni Makir, anak nġa lalaki ni Manases, sa mġa panimaláy ni Manases, anak nġa lalaki ni Iose (yari karon ang mġa nġalan sang iya mġa anak nġa babae : si Maala, si Moa, si Hogle, si Milka kag si Tirsal).

2 Kag nag-alatubang sila kay Moises, kag kay Eleasar nġa saserdote, kag sa atubangan sang mġa dunganon, kag sang bug-os nġa katilingban, sa salamputan sang Layanaglayang sang pakigkitaan, nġa nagasililing :

3 "Ang amon amay napatay sa kahanayakan, kag sia walâ didto sa katipunan sang mġa nagtilipon batok kay Iehoba, sa katipunan ni Kore, kay namatay sia sa iya kaugalingon nġa salâ, kag walâ sia sing mġa anak nġa lalaki.

4 ¿Kay ngaa bala pagapanason ang mga ngalan sang amon amay sa tungâ sang iya panimalây, tungud kay walâ sia sing anak nga lalaki? Ihatag sa amon ang panublion sa tungâ sang mga útud nga lalaki sang amon amay.”

5 Kag gindalâ ni Moises ang ila pinangayô sa atubangan ni Iehoba.

6 Kag si Iehoba nagsabat kay Moises, nga nagasiling:

7 “Nagasililing sing maayo ang mga anak nga babae ni Salpaad; sa pagkamatuud, pagaipatagiya mo sa ila ang panublion sa tungâ sang mga útud nga lalaki sang ila amay, kag pagapalitonon mo sa ila ang panublion sang ila amay.

8 Kag sa mga inanak ni Israel magahambal ka, nga nagasiling: Kon ang isa ka tawo mapatay nga walâ sing anak nga lalaki, pagaipalaton ninyo ang iya panublion sa iya anak nga babae.

9 Kag kon walâ sia sing anak nga babae, pagaihatag ninyo ang iya panublion sa iya mga útud nga lalaki,

10 Kag kon walâ sia sing mga útud nga lalaki, pagaihatag ninyo ang iya panublion sa mga útud nga lalaki sang iya amay.

11 Kag kon ang iya amay walâ sing mga útud nga lalaki, pagaihatag ninyo ang iya panublion sa iya himata nga labing malapit sa iya kaliwatan, kag ini magatagiya sa iya. Kag ini manginisa ka palatukuran sa katadlungan sa mga inanak ni Israel, sono sang ginsogo ni Iehoba kay Moises.”

Si Iosue tinudlo nga salili ni Moises.

12 Kag si Iehoba nagsiling kay Moises: “Tukad-ka sa sining bukid sa Abarim, kag tuluka ang duta, nga ginhatag ko sa mga inanak ni Israel.

13 Kag sang makita mo na sia, ikaw man pagaisimpon sa imo mga banwa, subung nga ginsimpon si Aaron nga imo útud nga lalaki;

14 Kay nanginmalalison kamo batok sa akon sogo sa kahanayakan sang Sin sa pagsuay sang katipunan, nga walâ ako ninyo pagpakabalaana sa mga mata nila tungud sang mga tubig. Ini sila among mga tubig sang Meriba, sa Kades, sa kahanayakan sang Sin.”

15 Kag si Moises naghambal kay Iehoba, nga nagasiling:

16 “Kabag pa nga si Iehoba, ang

Dios sang mga espiritu sang tanan nga unud, magpahamtang sing isa ka lalaki sa ibabaw sang katilingban,

17 Nga maggowa sa una nila kag magsulud sa una nila, nga magpagowa kag magpasulud sa ila, agud nga ang katilingban ni Iehoba indi manginsubung sang mga obeha nga walay ma-nugtatap.”

18 Kag si Iehoba nagsiling kay Moises: “Kuhaa si Iosue, anak ni Nun, lalaki nga sa iya may espiritu, kag ibutang ang imo kamut sa ibabaw niya.

19 Kag pagapaatubangon mo sia kay Eleasar, nga saserdote, kag sa atubangan sang bug-os nga katilingban, kag pagaihatag mo sa iya ang imo mga sogo sa atubangan nila.

20 Kag pagaibutang mo ang imo pagkadunganon sa ibabaw niya, agud nga ang bug-os nga katilingban sang mga inanak ni Israel magtuman sa iya.

21 Kag magaatubang sia kay Eleasar, nga saserdote, nga magapakiana, tungud sa iya sono sang paghukom sang Urin, sa atubangan ni Iehoba: sa iya sogo magagulowa sila, kag sa iya sogo magsulud sila, sia kag ang tanan nga mga inanak ni Israel kag ang bug-os nga katilingban.”

22 Kag ginhimo ni Moises, sono sang ginsogo ni Iehoba sa iya. Ginkuha niya si Iosue, kag ginpaatubang niya sia kay Eleasar, nga saserdote, kag sa bug-os nga katilingban;

23 Kag ginbutang niya ang iya mga kamut sa ibabaw niya, kag ginhatag niya sa iya ang mga sogo, sono sang ginsogo ni Iehoba tungud kay Moises.

Ang halad nga sinunog nga dayon.

**28** KAG si Iehoba naghambal kay Moises, nga nagasiling:

2 “Sogoa ang mga inanak ni Israel kag isiling sa ila: Magalandam-kamo sa paghalad, sa iya pinat-in nga dag-on, sang akon halad, sang akon tinapay nga sa akon mga halad nga pinadabdab, nga manginbaho sila sa kalahamut-an nakon.

3 Kag pagaisiling mo sa ila: Ini sila among halad nga pinadabdab, nga pagaihalad ninyo kay Iehoba: sa adlawadlaw duha ka kordeao nga walay dagta nga isa ka tuig ang edad sa halad nga sinunog nga dayon.

4 Ang isa ka kordero pagaihalad mo



sa aga, kag ang isa ka kordero pagaihalad mo sa tungâ sang duha ka hapon ;

5 Kag ang ikapulô sang epa sang harina nga malum-ok nga linamas sa ikapat ka bahin sang isa ka hin sa lana nga bag-o sa halad nga kalanon.

6 Amo ini ang halad nga sinunog nga dayon, nga ginsogo sa bukid sa Sinai sa baho nga kalahamut-an, sa halad nga pinadabdab kay Iehoba.

7 Kag ang iya halad nga ilimnon manginikap-at ka bahin sang isa ka hin nga sa tagsa ka kordero. Pagaiula mo ang halad nga ilimnon nga maisug kay Iehoba sa duug nga balaan.

8 Kag magahalad ka sang ikaduha ka kordero sa tungâ sang duha ka hapon ; sono sang halad nga kalan-on sa aga kag sono sa iya halad nga ilimnon, pagaihalad mo ini, nga halad nga pinadabdab, sa baho nga kalahamut-an kay Iehoba.

**Mga halad nga sinunog sang sabado kag sang pamuno sang bulan.**

9 Kag sa adlaw nga sabado, duha ka kordero nga walay dagta nga isa ka tuig ang edad, kag duha ka ikapulô sang harina nga malum-ok nga nalamas sa lana, nga sa halad nga kalan-on, pati ang iya halad nga ilimnon.

10 Amo ini ang halad nga sinunog sang sabado, sang tagsa ka sabado, walay labut sang halad nga sinunog nga dayon pati sang iya halad nga ilimnon.

11 Kag sa pamunô sang inyo mga bulan magahalalad kamo sing isa ka halad nga sinunog kay Iehoba : duha ka tinday nga baka sang kabakahan, isa ka karnero, pito ka kordero nga walay dagta nga isa ka tuig ang edad ;

12 Kag tatlo ka ikapulô sang harina nga malum-ok nga nalamas sa lana, sa halad nga kalan-on nga sa tagsa ka tinday sang baka ; duha ka ikapulô sang harina nga malum-ok nga nalamas sa lana, sa halad nga kalan-on nga sa tagsa ka karnero ;

13 Kag isa ka ikapulô sang harina nga malum-ok, nga nalamas sa lana, sa halad nga kalan-on, nga sa tagsa ka kordero : halad nga sinunog ini sa baho nga kalahamut-an, nga halad nga pinadabdab kay Iehoba.

14 Kag ang ila mga halad nga ilimnon mangiatungâ sa hin nga alak sa tagsa ka

tinday nga baka, kag ang ikatlo sang isa ka hin nga sa tagsa ka karnero, kag ang ikap-at sang isa ka hin nga sa tagsa ka kordero. Ini among halad nga sinunog nga binulan sa tanan nga mga bulan sang tuig.

15 Kag isa ka lalaki nga kanding nga sa halad tungud sang salâ pagaihalad ninyo kay Iehoba, walay labut sang halad nga sinunog nga dayon pati sang iya halad nga ilimnon.

**Mga halad nga sinunog sang mga dalagku nga piesta.**

16 Kag sa bulan nga nahauna, sa ikapulô kag apat sang bulan, among paskua kay Iehoba.

17 Kag sa ikapulô kag lima ka adlaw sini nga bulan may piesta. Sa pito ka adlaw magakalaon kamo sang mga tinapay nga walay tapay.

18 Sa nahauna nga adlaw may isa kamo ka balaan nga pagtilipon : indi kamo magahilimo sing bisan ano nga pagpangabudlay nga inalagad.

19 Kag magahalalad kamo sa halad nga pinadabdab, sa halad nga sinunog kay Iehoba, sing duha ka tinday nga baka, kag sing isa ka karnero kag sing pito ka karnero nga isa ka tuig ang edad : manginwalay dagta sila.

20 Kag ang ila mga halad nga kalan-on, manginharina nga malum-ok sila nga nalamas sa lana : ang pagaihalad ninyo tatlo ka ikapulô sa tagsa ka tinday nga baka, kag duha ka ikapulô sa tagsa ka karnero.

21 Magahalad ka sing isa ka ikapulô sa tagsa ka kordero nga sa pito ka kordero ;

22 Kag sing isa ka lalaki nga kanding sa halad tungud sang salâ sa paghimo sang katumbasan tungud sa inyo.

23 Ini sila pagaihalad ninyo, walay labut sang halad nga sinunog sa aga, nga among halad nga sinunog nga dayon.

24 Magahalalad kamo sang amo man nga mga butang sa adlawadlaw gid sa sulúd sang pito ka adlaw, sang kalanon sang halad nga pinadabdab sa baho nga kalahamut-an kay Iehoba : pagaihalad ini, walay labut sang halad nga sinunog nga dayon pati ang iya halad nga ilimnon.

25 Kag sa ikapito ka adlaw may balaan kamo nga pagtilipon : indi

kamo maghilimo sang bisan ano nga pagp-*ng*abudlay nga inalagad.

26 Sa adlaw man sa mga nahauna nga bunga, kon maghalalad kamo sang bag-o nga halad nga kalan-on kay Iehoba sa inyo *piesta* sang mga semana, may isa kamo ka balaan nga pagtilipon: indi kamo maghilimo sang bisan ano nga pagpangabudlay nga inalagad

27 Kag magahalalad kamo sa halad nga sinunog sa baho nga kalahamut-an kay Iehoba sing duha ka tinday nga baka, isa ka karnero kag pito ka kordero nga isa ka tuig ang edad.

28 Kag ang ila mga halad nga kalan-on manginharina nga malum-ok nga nalamas sa lana: tatlo ka ikapulô sa tagsa ka tinday nga baka, duha ka ikapulô sa tagsa ka karnero;

29 Kag isa ka ikapulô sa tagsa ka kordero, nga sa pito ka kordero.

30 Magahalalad kamo sing isa ka lalaki nga kanding sa paghimo sang katumbasan tungud sa inyo.

31 Pagaihalad ninyo sila, walay labut sang halad nga sinunog nga dayon patí sang iya halad nga kalan-on, upud sang ila mga ilimnon: manginwalay dagta sila.

**29** KAG sa ikapito ka bulan, sa na-hauna sang bulan, may isa kamo ka balaan nga pagtilipon: indi kamo magahilimo sang bisan ano nga pagpangabudlay nga inalagad: manginadlaw sa inyo sa pagpatunog sang mga budyong.

2 Kag magahalalad kamo sa halad nga sinunog, sa baho nga kalahamut-an ni Iehoba, sing isa ka tinday nga baka, isa ka karnero, pito ka kordero nga walay dagta nga isa ka tuig ang edad;

3 Kag ang ila mga halad nga kalan-on manginharina nga malum-ok nga nalamas sa lana, tatlo ka ikapulô nga sa tinday nga baka, duha ka ikapulô nga sa karnero;

4 Kag isa ka ikapulô sa tagsa ka kordero, nga sa pito ka kordero;

5 Kag magahalalad kamo sing isa ka lalaki nga kanding sa halad tungud sang salâ sa paghimo sang katumbasan tungud sa inyo.

6 Magahalalad kamo *sini*, walay labut sang halad nga sinunog nga binulan patí ang iya halad nga sinunog nga dayon kag ang iya halad nga kalan-on, kag ang ila mga halad nga ilimnon, sono sa

ila tulumanon, sa baho nga kalahamut-an, nga halad nga pinadabdab kay Iehoba.

7 Kag sa ikapulô sining ikapito nga bulan may isa kamo ka balaan nga pagtilipon, kag pagapapaubson ninyo ang inyo mga kalág: indi kamo maghilimo sang bisan ano nga buluhaton.

8 Kag magahalalad kamo sa halad nga sinunog kay Iehoba sa baho nga kalahamut-an, sing isa ka tinday nga baka, isa ka karnero, pito ka kordero nga isa ka tuig ang edad: manginwalay dagta sila;

9 Kag ang ila mga halad nga kalan-on manginharina nga malum-ok nga nalamas sa lana: tatlo ka ikapulô nga sa tinday nga baka, duha ka ikapulô nga sa karnero;

10 Kag isa ka ikapulô nga sa tagsa ka kordero, nga sa pito ka kordero.

11 Magahalalad kamo sing isa ka lalaki nga kanding nga halad tungud sang salâ, walay labut sang halad tungud sang salâ sa *adlaw* sang katumbasan, kag sang halad nga sinunog nga dayon patí ang iya halad nga kalan-on kag ang ila mga halad nga ilimnon.

12 Kag sa ikapulô kag lima ka adlaw sang ikapito nga bulan may isa kamo ka balaan nga pagtilipon: indi kamo maghilimo sing bisan ano nga pagpangabudlay nga inalagad; kag magahiliwat kamo sing isa ka *piesta* kay Iehoba, sa pito ka adlaw.

13 Kag magahalalad kamo sa halad nga sinunog, sa halad nga pinadabdab, sa baho nga kalahamut-an kay Iehoba, sing napulô kag tatlo ka tinday nga baka, duha ka karnero, kag napulô kag apat ka kordero nga isa ka tuig ang edad: manginwalay dagta sila;

14 Kag ang ila mga halad nga kalan-on manginharina nga malum-ok nga nalamas sa lana: tatlo ka ikapulô nga sa tagsa ka tinday nga baka, nga sa napulô kag tatlo ka tinday nga baka, duha ka ikapulô nga sa tagsa ka karnero, nga sa duha ka karnero,

15 Kag isa ka ikapulô nga sa tagsa ka kordero, nga sa napulô kag apat ka kordero.

16 Kag magahalalad kamo sing isa ka lalaki nga kanding sa halad tungud sang salâ, walay labut sang halad nga sinunog nga dayon, patí ang iya halad nga kalan-on kag ang iya halad nga ilimnon.



17 Kag sa ikaduha ka adlaw *magahalalad kamo* sing napúlô kag duha ka tinday sang baka, duha ka karnero, napúlô kag apat ka kordero nga walay dagta, nga isa ka tuig ang edad ;

18 Kag ang ila mga halad nga kalan-on kag ang ila mga halad nga ilimnon nga sa mga tinday nga baka, nga sa mga karnero, kag nga sa mga kordero, siling sang kadamuon nila, sono sa tulumanon ;

19 Kag isa ka lalaki nga kanding sa halad tungud sang salâ, walay labut sang halad nga sinunog nga dayon, patí ang iya halad nga kalan-on kag ang iya halad nga ilimnon.

20 Kag sa adlaw nga ikatlo *maghalalad kamo* sing napúlô kag isa ka tinday nga baka, duha ka karnero, napúlô kag apat ka kordero nga walay dagta nga isa ka tuig ang edad ;

21 Kag ang ila mga halad nga kalan-on kag ang ila mga halad nga ilimnon, nga sa mga tinday sang baka, nga sa mga karnero, kag nga sa mga kordero, siling sang kadamuon nila, sono sa tulumanon ;

22 Kag isa ka lalaki nga kanding sa halad tungud sang salâ, walay labut sang halad nga sinunog nga dayon, patí ang iya halad nga kalan-on kag ang iya halad nga ilimnon.

23 Kag sa ikap-at ka adlaw *magahalalad kamo* sing napúlô ka tinday nga baka, duha ka karnero, napúlô kag apat ka kordero nga walay dagta, nga isa ka tuig ang edad ;

24 Ang ila mga halad nga kalan-on kag ang ila mga halad nga ilimnon nga sa mga tinday sang baka, nga sa mga karnero kag nga sa mga kordero, siling sang kadamuon nila, sono sa tulumanon ;

25 Kag isa ka lalaki nga kanding sa halad tungud sang salâ, walay labut sang halad nga sinunog nga dayon, patí ang iya halad nga kalan-on kag ang iya halad nga ilimnon.

26 Kag sa ikalima ka adlaw, *magahalalad kamo* sing siam ka tinday nga baka, duha ka karnero kag napúlô kag apat ka kordero nga walay dagta, nga isa ka tuig ang edad ;

27 Kag ang ila mga halad nga kalan-on kag ang ila mga halad nga ilimnon, nga sa mga tinday nga baka, nga sa mga karnero kag nga sa mga kordero,

siling sang kadamuon nila, sono sa tulumanon ;

28 Kag isa ka lalaki nga kanding sa halad tungud sang salâ, walay labut sang halad nga sinunog nga dayon, patí ang iya halad nga kalan-on kag ang iya halad nga ilimnon.

29 Kag sa ikan-um ka adlaw, *magahalalad kamo* sing walo ka tinday nga baka, duha ka karnero kag napúlô kag apat ka kordero nga walay dagta, nga isa ka tuig ang edad ;

30 Kag ang ila mga halad nga kalan-on kag ang ila mga halad nga ilimnon, nga sa mga tinday sang baka, nga sa mga karnero kag nga sa mga kordero, siling sang kadamuon nila, sono sang tulumanon ;

31 Kag isa ka lalaki nga kanding sa halad tungud sang salâ, walay labut sang halad nga sinunog nga dayon, patí ang iya halad nga kalan-on kag ang iya halad nga ilimnon.

32 Kag sa ikapito ka adlaw *magahalalad kamo* sing pito ka tinday nga baka, duha ka karnero kag napúlô kag apat ka kordero nga walay dagta, nga isa ka tuig ang edad ;

33 Kag ang ila mga halad nga kalan-on kag ang ila mga halad nga ilimnon, nga sa mga tinday nga baka, nga sa mga karnero kag nga sa mga kordero, siling sang kadamuon nila, sono sa tulumanon ;

34 Kag isa ka lalaki nga kanding sa halad tungud sang salâ, walay labut sang halad nga sinunog nga dayon, patí ang iya halad nga kalan-on kag ang iya halad nga ilimnon.

35 Kag sa ikawalo ka adlaw may isa kamo ka pagtilipon nga maligdong : indi kamo maghigilimo sang bisan ano nga pagpangabudlay nga inalagad.

36 Kag magahalalad kamo sa halad nga sinunog, sa halad nga pinadabdab, sa baho nga kalahamut-an kay Iehoba, sing isa ka tinday nga baka, isa ka karnero kag pito ka kordero nga walay dagta, nga isa ka tuig ang edad ;

37 Ang ila halad nga kalan-on kag ang ila mga halad nga ilimnon, nga sa tinday nga baka, nga sa karnero kag nga sa mga kordero, siling sang kadamuon nila, sono sa tulumanon ;

38 Kag isa ka lalaki nga kanding sa halad tungud sang salâ, walay labut sang halad nga sinunog nga dayon, patí

ang iya halad nga kalan-on kag ang iya halad nga ilimnon.

39 Ini nga mga butang pagaihalad ninyo kay Iehoba sa inyo mga pinat-in nga dag-on, walay labut sang inyo mga halad nga sinaad, kag sang inyo mga halad nga kinabubut-on, sang inyo mga halad nga sinunog, sang inyo mga halad nga kalan-on, sang inyo mga halad nga ilimnon kag sang inyo mga halad sa paghidaet."

Kasogoon nahanungud sang mga panaad nga ginhimo sang mga babae.

**30** KAG si Moises naghambal sa mga inanak ni Israel, sono sa tanan nga ginsogo ni Iehoba sa iya.

2 Kag naghambal si Moises sa mga pangolo sang mga kabikahan sang mga inanak ni Israel, nga nagasiling: "Ini amo ang ginsogo ni Iehoba.

3 Bisan sin-o nga maghimo sing panaad kay Iehoba, kon maghimo sia sing panumpa nga magpahigot sing katungdanan nahanungud sa iya kalág, indi niya paglalison ang iya polong: pagahimoon niya sono sa tanan nga nag-gowa sa iya bâbâ.

4 Kon ang isa ka babae maghimo sing panaad kay Iehoba kag magpahigot sing katungdanan sa iya pagkapamatan-on sa baláy sang iya amay,

5 Kag kon ang iya amay nakabati sang iya panaad kag sang katungdanan nga ginhigot niya sa iya kalág, kag kon ang iya amay maghipus nahanungud sa iya, ang tanan nga iya mga panaad manginmalig-on, kag ang tanan nga katungdanan nga ginhigot niya sa iya kalág, magamalig-on.

6 Apang kon pagdili-an ini sang iya amay, sa adlaw nga mabati-an niya sia, manginwalaypulus ang bisan ano sang iya mga panaad kag mga katungdanan, nga ginhigot niya sa iya kalág, kag pagapatawaron sia ni Iehoba, tungud kay gindumili ini sang iya amay.

7 Apang kon sia minyo na, kag maghimo sia sing mga panaad, kag kon magmitlang ang iya mga bibig sing polong nga hinali nga naghigot sang iya kalág,

8 Kag kon ang iya bana makabati sini, kag kon sia maghipus sa iya sa adlaw nga sia makabati sini, ang mga panaad niya manginmalig-on kag ang

mga katungdanan nga ginhigot niya sa iya kalág, manginmalig-on.

9 Apang kon magdumili sini ang iya bana, sa adlaw nga mabatian niya ini, niyan manginwalaypulus ang panaad nga ginhimo niya kag ang polong nga hinali, nga ginmitlang sang iya mga bibig, nga tungud sa iya ginhigot niya sa iya kalág; kag pagapatawaron sia ni Iehoba.

10 Apang ang panaad sang bálo kon sang binulagan, ang tanan nga ginhigot niya sa iya kalág, manginmalig-on batok sa iya.

11 Kag kon mahimo niya ang panaad sa baláy sang iya bana, kag kon ginhigotan niya ang iya kalág sang katungdanan sa panumpa,

12 Kag kon ang iya bana nakabati sini, kag maghipus sa iya kag walâ niya pagdumili ini, niyan ang tanan niya nga mga saad manginmalig-on, kag ang tanan nga katungdanan nga ginhigot niya sa iya kalág, manginmalig-on;

13 Apang kon ginpakawalaypulus ini sang iya bana sa adlaw nga nabati-an niya ini, manginwalaypulus ang bisan ano nga nagkowa sa iya mga bibig nahanungud sa iya mga panaad kag nahanungud sa katungdanan sang iya kalág; ginpakawalaypulus sila sang iya bana, kag pagapatawaron ini ni Iehoba.

14 Ang tanan nga panaad kag ang tanan nga panumpa, nga tungud sa iya ginpilit sa pagpasubu sang iya kalág, mapamatud-an ini sang iya bana, kon mapawalaypulus ini sang iya bana.

15 Apang kon ang iya bana maghipus sing bug-os sa iya sa adlawadlaw, niyan ginapamatud-an niya ang tanan niya nga mga panaad kag ang tanan niya nga mga katungdanan nga yara sa ibabaw niya: ginapamatud-an niya sila tungud kay maghipus sia sa adlaw nga nabati-an niya sila.

16 Apang kon ginpakawalaypulus niya sila, sa tapus nga mabatian niya sila, niyan sia magadalá sang salâ sang asawa."

17 Ini among mga palatukuran nga ginsogo ni Iehoba kay Moises, sa tunga sang lalaki kag sang iya asaw, sa tunga sang amay kag sang iya anak nga babae sa iya pagkapamatan-on sa baláy sang iya amay.



Ang pagdaug sang Israel sa mġa Madianinhon.

**31** KAG naghambal si Iehoba kay Moises, nġa nagasiling:

2 "Ibutang sa buhat ang pagpapa-nimalus sang mġa inanak ni Israel sa ibabaw sang mġa Madianinhon, kag sa tapus sini, pagaisimpon ka sa imo mġa banwa."

3 Kag si Moises naghambal sa banwa, nġa nagasiling: "Magsalangkap-kamo sa tunġa ninyo sang mġa tawo nġa sa pag-awayan, kag magkaladto sila batok sa Madian sa pagbutang sa buhat sang pagpanimalus ni Iehoba batok sa Madian."

4 Magapadalá kamo sa pag-awayan sing isa ka libo ka tawo sa tagsa ka kabikahan, sa tanan nġa mġa kabikahan sa Israel.

5 Busa, ginpinig sa tunġa sang mġa linibo ni Israel ang isa ka libo sa tagsa ka kabikahan, napulô kag duha ka libo nġa nasangkap sing hinganiban nġa sa pag-awayan.

6 Kag ginpadalá sila ni Moises, ang isa ka libo sa tagsa ka kabikahan, sa pag-awayan upud si Pineas, anak ni Eleasar nġa saserdote, patí ang mġa balaan nġa suludlan kag ang mġa bud-yong sa iya kamut nġa sa pagpatunog."

7 Kag nag-alaway sila batok sa Madian, sono sang ginsogo ni Iehoba kay Moises; kag ginpatay nila ang tanan nġa mġa lalaki.

8 Kag ginpatay man nila ang mġa hari sa Madian, labut pa sang ila mġa ginpamatay: si Ebi, si Rekem, si Sur, si Hur kag si Reba, lima ka hari sa Madian; ginpatay man nila sa hinganiban si Balaam, anak ni Beor.

9 Kag gindalá nġa mġa bihag sang mġa inanak ni Israel ang mġa babae sang mġa Madianinhon kag ang ila mġa kabataan nġa magamay, kag gin-ati man nila ang tanan nila nġa mġa sapat, ang tanan nila nġa mġa kahayupan kag ang tanan nila nġa mġa pagkabutang.

10 Kag tinutdan nila ang tanan nġa mġa banwa, nġa ila ginapuy-an kag ang tanan nila nġa mġa minoro.

11 Kag kinuha nila ang tanan nġa inagaw kag ang tanan nġa nadakpan sa mġa tawo kag sa mġa sapat.

12 Kag gindalá nila kay Moises kag kay Eleasar nġa saserdote kag sa katilingban sang mġa inanak ni Israel, ang mġa bihag, ang nadakpan kag ang

inagaw, sa dulugan sa mġa kapatagan sa Moab, nġa yara malapit sa Iordan sa Ieriko.

13 Kag naggolowa si Moises kag si Eleasar nġa saserdote, kag ang tanan nġa mġa dunganon sang katilingban sa pagbaton sa ila sa gowa sang dulugan.

14 Kag naakig si Moises batok sa mġa pangolo sang kasoldadosan, nġa mġa pangolo sang mġa linibo kag mġa pangolo sang mġa ginatus, nġa nagpauli gikan sa ginkadtoan nġa pag-awayan.

15 Kag nagsiling sa ila si Moises: "¿Ginbuhi ninyo bala ang tanan nġa mġa babae?"

16 Yari karon, ini sila, sa laygay ni Balaan, nanginkabangdanan sang paglalis sang mġa inanak ni Israel batok kay Iehoba sa butang sa Peor, kag sa *sini* nag-abut ang kamatay sa tunġa sang katilingban ni Iehoba.

17 Busa karon, pamatya-ninyo ang tanan nġa mġa lalaki sa tunġa sang mġa kabataan; kag pamatya *man* ninyo ang tanan nġa mġa babae, nġa nakakilala sing lalaki.

18 Apang buhia-ninyo nġa sa inyo ang tanan nġa mġa bátâ nġa babae, nġa waiâ makakilala sing lalaki.

19 Kag kamo, magpalabilin-kamo sa gowa sang dulugan sa pito ka adlaw: tanan kamo nġa nakapatay sing tawo kag tanan kamo nġa nakakamlut sing minatay, magapalaninlo kamo sang salâ sa ikatlo kag sa ikapito ka adlaw, kamo kag ang inyo mġa bihag.

20 Kag pagatinloan man ninyo sang salâ ang tanan nġa mġa panapton, ang tanan nġa butang nġa panit, ang tanan nġa nahimo sa bulbul sang kanding kag ang tanan nġa gamit nġa kahoy."

21 Kag si Eleasar nġa saserdote nagsiling sa mġa tawo sang kasoldadosan, nġa nagkaladto sa pag-awayan: "Ini among palatukuran sang kasogoan, nġa ginsogo ni Iehoba kay Moises:

22 Ang tanan nġa bulawan, ang pilak, ang saway, ang salsalon, ang estanyo kag ang tinga;

23 Ang tanan nġa butang nġa nagabatô sa kalayo, pagapaagihon ninyo sia sa kalayo, kag manginmatinlo sia; walay sapayan, pagaulayon man sia sa mġa tubig sa kahigkoan kag ang tanan nġa mġa indi nagabatô sa kalayo, pagapaagihon ninyo ini sa tubig,

24 Kag pagabunakan ninyo ang inyo mġa panapton sa ikapito ka adlaw, kag sa sini manginmatinlo kamo; kag sa tapus sini magasululud kamo sa dulugan."

25 Kag si Iehoba naghambal kay Moises nġa nagsiling:

26 "Isipa ang mġa nadakpan nġa bihag sa mġa tawo kag sa mġa sapat, ikaw kag ang saserdote nġa si Eleasar, kag ang mġa pangolo sang mġa giniklanan sang katilingban;

27 Kag pagatunġon mo ang nadakpan sa mġa nagpakigaway, nġa naghalalin sa pag-awayan, kag sa bug-os nġa katilingban.

28 Kag pagapainon mo nġa kay Iehoba ang buhis sang mġa tawo sa pag-awayan, nġa naghalalin sa pag-awayan, sa tagsa ka lima ka gatus, isa, sang mġa tawo kag sang mġa baka, sang mġa asno kag sang mġa obeha.

29 Sa katunġa nila pagakuhaon ninyo ini, kag pagaihatag mo ini kay Eleasar nġa saserdote subung nġa halad nġa binayaw kay Iehoba.

30 Kag sa katunġa, nġa *nahanunġud* sa mġa inanak ni Israel, magakuha ka sang buhis, isa sa tagsa ka ikalim-an, sang mġa tawo, sang mġa baka, sang mġa asno kag sang mġa obeha, sa tanan nġa kahayupan; kag pagaihatag mo sila sa mġa Lebinhon nġa mġa manugbantay sang tinulin sa Puluy-an ni Iehoba."

31 Kag ginhimo ni Moises kag ni Eleasar nġa saserdote, sono sang ginsogo ni Iehoba kay Moises.

32 Kag ang nadakpan, ang nabilin sang hinublas, nġa ginkuha sang mġa tawo sang kasoldadosan, anum ka gatus kag kapitoan kag lima ka libo ka obeha,

33 Kag kapitoan kag duha ka libo ka baka,

34 Kag kapitoan kag isa ka libo ka asno;

35 Kag ang kabilogan: katloan kag duha ka libo ka kalġag nġa tawohanon, sa mġa babae nġa walġa makakila sing lalaki.

36 Kag ang katunġa sang bahin sang mġa naghalalin sa pag-awayan, ang kadamuon nila nangintatlo ka gatus katloan kag pito ka libo kag lima ka gatus ka mġa obeha.

37 Kag ang buhis nġa sa kay Iehoba

sa mġa obeha, nangin anum ka gatus kapitoan kag lima;

38 Kag sa mġa baka, katloan kag anum ka libo: kag sa ila, ang buhis nġa sa kay Iehoba, nanginkapitoan kag duha.

39 Kag sa mġa asno, katloan ka libo kag lima ka gatus: kag sa ila ang buhis nġa kay Iehoba, nanginkan-uman kag isa.

40 Kag sa mġa kalġag nġa tawohanon, napulol kag anum ka libo: kag sa ila ang buhis nġa kay Iehoba, nanginkatloan kag duha ka kalġag.

41 Kag ginhatag ni Moises ang buhis kay Eleasar nġa saserdote sa halad nġa binayaw kay Iehoba, sono sang ginsogo ni Iehoba kay Moises.

42 Kag sa katunġa sang mġa inanak ni Israel, nġa ginpain ni Moises sa mġa tawo sang kasoldadosan,

43 *Kon sayoron* ang katunġa sang katilingban, nangintatlo ka gatus katloan kag pito ka libo kag lima ka gatus ka obeha,

44 Katloan kag anum ka libo ka baka,

45 Katloan kag libo kag lima ka gatus ka asno,

46 Napulol kag anum ka libo ka kalġag nġa tawohanon.

47 Sa sining katunġa sang mġa inanak ni Israel, nagkuha si Moises sing buhis, isa sa tagsa ka kalim-an sang mġa tawo kag sang mġa sapat; kag ginpanghatag niya sila sa mġa Lebinhon, nġa mġa manugbantay sang tinulin sang Puluy-an ni Iehoba, sono sang ginsogo ni Iehoba kay Moises.

48 Kag ang mġa pangolo sang mġa linibo sang kasoldadosan, nġa mġa pangolo sang linibo, kag ang mġa pangolo sang ginatus, nagpalalapit kay Moises.

49 Kag nagsililing sila kay Moises: "Ang imo mġa ulipon nagsisip sang mġa tawo sa pag-awayan, nġa yari sa amon kagamhanan, kag walġa sing nakulang bisan isa sa amon.

50 Kag nagadalġ kami, subung nġa halad kay Iehoba, ang tagsatagsa sang iya nakuha, sa mġa huyas nġa bulawan, mġa magamay nġa talikala, mġa pulsera, mġa singsing, mġa aritos kag mġa kulintas, sa paghimo sing katumbasan tunġud sang amon mġa kalġag sa atubangan ni Iehoba."

51 Kag si Moises kag si Eleasar nġa saserdote nagbalaton sa ila sang bula-



wan, sang tanan nga mga huyas nga nahuman.

52 Kag ang tanan nga bulawan sang halad nga binayaw, nga ginhalad nila kay Iehoba, nanginnapulô kag anum ka libo pito ka gatus kag kalim-an ka siklo gikan sa mga pangolo sang linibo kag gikan sang mga pangolo sang ginatus.

53 Ang mga tawo sang kasoldadosan nag-ati ang tagsatagsa nga sa iya.

54 Kag ginbaton ni Moises kag ni Eleasar nga saserdote ang bulawan sang mga pangolo sang linibo kag sang ginatus, kag ginsulud nila ini sa Layanglayang sang pakigkitaan, nga sa halandumanan sang mga inanak ni Israel sa atubangan ni Iehoba.

Ang kadutaan sa Galaad nga ginhatag sa mga kabikahan ni Gad kag ni Ruben.

**32** KAG ang mga anak ni Ruben kag ang mga anak ni Gad may isa ka daku gid nga kadam-an sang kahayupan; kag nakita nila ang duta ni Iaser kag ni Galaad, kag yari karon, nga ang amo nga duta angay nga sa kahayupan.

2 Kag nag-alabut ang mga anak ni Gad kag ang mga anak ni Ruben, kag naghalambal sila kay Moises kag kay Eleasar, nga saserdote, kag sa mga dunganon sang katilingban, nga nagsililing:

3 “Ang Atarot, Dibon, Iaser, Nimra, Hesbon, Eleale, Sebam, Nebo kag ang Beon,

4 Ang duta nga ginpilas ni Iehoba sa atubangan sang katilingban ni Israel, among angay nga duta nga sa kahayupan, kag ang imo nga ulipon may kahayupan.”

5 Kag nagsililing sila: “Kon nakakita kami sing bugay sa imo nga mata, ihatag ini nga duta sa imo nga ulipon nga kaugalingon nila; indì kami pagpatabuka sang Iordan.”

6 Kag nagsiling si Moises sa mga anak ni Gad kag sa mga anak ni Ruben: “Magakaladto bala ang inyo nga útud sa pag-awayan kag kamo magapalabilin diri?

7 Kag kay nga bala ginpalas-ay ninyo ang tagiposoon sang mga inanak ni Israel, agud nga indì sila mag-agì sa duta, nga ginhatag ni Iehoba sa ila?

8 Amo ini ang ginhimo sang inyo nga ginikanan, sang pagpadalà ko sa ila

kutub sa Kades-Barnea, sa pagtan-aw sang duta.

9 Nagtalaklad sila tubtub sa nalupayakan sa Eskol, kag gintan-aw nila ang duta, kag ginpalas-ay nila ang tagiposoon sang mga inanak ni Israel, agud nga indì magkaladto sila sa duta, nga ginhatag sa ila ni Iehoba.

10 Kag ang kaakig ni Iehoba nagsiga sadtong adlaw, kag nagsumpa sia, nga nagasiling:

11 Walà sing bisan sin-o sang mga tawo, nga nagtalaklad gikan sa Egipto, sa duha ka pulô ka tuig ang edad pa ibabaw, nga makakita sang duta nga ginsumpa ko kay Abraham, kay Isaak kag kay Iakob; tungud kay walà sila magsunud sa akon sing himpit gid,

12 Luwas si Kaleb, anak ni Iepune nga Kenisinhon, kag si Iosue, anak ni Nun, kay nagsulunud sila sing himpit gid kay Iehoba.

13 Kag ang kaakig ni Iehoba nagsiga batok sa Israel, kag pinalakat niya sila nga mga talangtalang sa kap-atan ka tuig sa kahanayakan, tubtub nga napapas yadtong bug-os nga kaliwatan, nga naghimo sing kalainan sa mga mata ni Iehoba.

14 Kag yari karon, kamo nagailis sa inyo nga ginikanan, nga isa ka kaliwat sang mga makasasalà, sa pagdugang pa gid sang kaakig ni Iehoba batok sa Israel.

15 Kay kon kamo magtalalikod sa olehe ni Iehoba, sia magabiya liwan sa ila sa kahanayakan, kag sa *sini* kamo magalaglag sining bug-os nga banwa.”

16 Kag sila nagpalalapit sa iya kag nagsililing: “Magapalatindug kami diri sing mga palasudlan nga sa amon nga kahayupan kag mga kabanwaan nga sa amon nga kabataan.

17 Apang kami magasangkap sing hinganiban sa madali, sa paglakat sa una sang mga inanak ni Israel, tubtub nga mapasulud namon sila sa ila duug; kag ang amon nga kabataan magapuluyô sa mga kabanwaan nga pinabakud, bangud sang mga pumuluyô *sining* kadutaan.

18 Indì kami magpalauli sa amon nga baláy, tubtub nga ang tagsatagsa sang mga inanak ni Israel magiagiya sang iya panublion.

19 Kay kami walà sing panublion upud sa ila sa tabok sang Iordan, bisan

sa unhan pa; tungud kay ang amon panublion naigo na sa sini nga bahin sang Iordan, nayon sa Sidlangan."

20 Kag si Moises nagsiling sa ila: "Kon himoon ninyo ini, kon magsangkap kamo sing hinangiban sa paglakat sa atubangan ni Iehoba sa pag-awayan,

21 Kag kon ang tanan sa inyo nga mga nasangkap sing hinangiban magtabok sa Iordan sa atubangan ni Iehoba, tubtub nga masobol niya ang iya mga kaaway sa atubangan niya,

22 Kag manginsakup ang kadutaan sa atubangan ni Iehoba, kag sa gilayon magpalauli kamo, manginluwas kamo sa kasal-anan nga kay Iehoba kag nga kay Israel kag mangintagiya kamo sini nga duta sa atubangan ni Iehoba.

23 Apang kon indi ninyo paghimoon ang subung sini, yari karon, nga nakasalâ kamo batok kay Iehoba; kag masayoran-ninyo nga pagalambuton kamo sang inyo salâ.

24 Palatindug-kamo sing mga kabanwaan sa inyo mga kabataan, kag mga palasudlan nga sa inyo mga obehâ; kag himoa-ninyo ang ginmitlang sang inyo bâbâ."

25 Kag naghambal ang mga anak ni Gad kag ang mga anak ni Ruben kay Moises, nga nagsililing: "Ang inyo mga ulipon magahilimo, sono sang ginsogo sa amon sang akon ginoo.

26 Ang amon mga kabataan, ang amon mga kababayan, ang amon mga kahayupan kag ang tanan namon nga mga sapat magapuluyô didto sa mga kabanwaan sa Galaad.

27 Kag ang imo mga ulipon, ang tanan nga mga tawo nga mga sangkap sing hinganiban sang kasoldadosan, magakaladto sa pag-awayan sa atubangan ni Iehoba, sono sang ginasiling sang akon ginoo."

28 Niyan si Moises nagbilin nahanungud sa ila kay Eleasar, nga saserdote, kag kay Iosue, anak ni Nun, kag sa mga pangolo sang mga ginikanan sang mga kabikahan sang mga inanâk ni Israel.

29 Kag nagsiling sa ila si Moises: "Kon ang mga anak ni Gad kag ang mga anak ni Ruben magtalabok upud sa inyo sang Iordan, ang tanan nga napanangkap sing hinganiban nga sa pag-awayan sa atubangan ni Iehoba, kag kon ang duta nasakup na sa atubangan

ninyo, niyan pagaihatag ninyo sa ila ang duta sang Galaad nga sa kaugalingon nila.

30 Apang kon indi sila magtalabok nga mga sangkap sing hinganiban upud sa inyo, niyan magabaton sila sang pagkakaugalingon sa tungâ ninyo sa duta sa Kanaan."

31 Kag ang mga anak ni Gad kag ang mga anak ni Ruben nagsalabat, nga nagsililing: "Pagahimoon namon sono sang ginsiling ni Iehoba sa imo mga ulipon:

32 Magatalabok kami nga mga sangkap sing hinganiban sa atubangan ni Iehoba, sa duta sang Kanaan, kag ang pagkakaugalingon sang amon panublion manginsasini nga luyo sang Iordan."

33 Kag ginhatag ni Moises sa ila, sa mga anak ni Gad, sa mga anak ni Ruben kag sa katungâ sang kabikahan ni Manases, anak ni Iose, ang ginharian ni Sihon, hari sang mga Amorinhon, kag ang ginharian ni Og, hari sang Basan: ang duta, sono sa iya mga kabanwaan, sa sulud sang ila mga kadulunan, ang mga kabanwaan sang kadutaan sa palibot.

34 Kag ginpatindug sang mga anak ni Gad ang Dibon, ang Atarot kag ang Aroer;

35 Ang Atrot-Sopan, Iaser kag Iogbaha,

36 Bet-Nimra kag ang Bet-Haran: mga banwa nga pinabakud, kag mga palasudlan nga sa mga obehâ.

37 Kag ginpatindug sang mga anak ni Ruben ang Hesbon, Eleale kag Kiriathaim,

38 Nebo, Baal-Meon (nga pinangilisan ang mga ngalan) kag ang Sibma; kag ginbutangan nila sing bag-o nga mga ngalan ang mga banwa nga ila ginpatindug.

39 Kag ang mga anak ni Makir, anak ni Manases, nagkaladto sa Galaad, kag ginkuha nila ini, kag ginsobol nila ang mga Amorinhon nga yadto didto.

40 Kag ginhatag ni Moises ang Galaad kay Makir, anak ni Manases, nga sia nagpuyô sa iya.

41 Kag si Iair, anak ni Manases, nagkadto kag nagkuha sang ila mga minoro, kag ginhingalan niya sila nga kaminoroan ni Iair.

42 Kag si Noba nagkadto kag nagkuha sang Kenat kag sang iya mga mino-



ro, kag ginhingalanan niya sia nga Noba, sono gid sang iya ngalan.

Ang mga pagtaliwan kag ang mga pagdulog sang mga Israelinhon, kutub sang ila paggowa sa Egipto tubtub nga nakatabok sila sang Iordan.

**33** YARI karon ang mga pagpanlakan sang mga inanak ni Israel, sang paggulowa nila sa duta sang Egipto, sono sang ila mga pinanungpanong sa idalum sang kagamhanan ni Moises kag ni Aaron.

2 Kag ginsulat ni Moises ang ila mga pagtalaliwan, sono sa ila mga dulugan, sa sogo ni Iehoba; kag yari karon ang ila mga dulugan, sono sang ila mga pagtalaliwan.

3 Gikan sa Rameses nagtalaliwan sila sa bulan nga nahauna. Sa napulô kag lima ka adlaw sang bulan nga nahauna, sang adlaw nga ikaduha sang paskua, nagtalaliwan ang mga inanak ni Israel nga may kamut nga binayaw sa mga mata sang tanan nga mga Egiptohanon,

4 Sang nagapanlubung ang mga Egiptohanon sang mga ginpamatay ni Iehoba sa ila, *kon sayoron* ang tanan nga mga panganay, sang ginhukman man ni Iehoba ang ila gid mga dios.

5 Busa, nagtalaliwan ang mga inanak ni Israel gikan sa Rameses, kag pinahamtang nila ang dulugan sa Sukot.

6 Kag nagtalaliwan sila sa Sukot, kag pinahamtang nila ang dulugan sa Etam, nga yara sa ukbung sang kahanayakan.

7 Kag sang pagtalaliwan nila gikan sa Etam, nagbalalik sila sa Pi-hahiro, nga yara sa atubangan sang Baai-Sepon, kag pinahamtang nila ang dulugan sa atubangan sang Migdol.

8 Kag sang pagtalaliwan nila gikan sa atubangan sang Hahiro, nag-alagi sila sa tunga sang dagat pa kahanayakan; kag naglalakat sila sing tatlo ka adlaw nga lalakton sa kahanayakan sang Etam, kag pinahamtang nila ang dulugan sa Mara.

9 Kag nagtalaliwan sila gikan sa Mara kag nag-alabut sila sa Elim, kag sa Elim may napulô kag duha ka tuburan sang tubig kag kapitoan ka mga kahoy nga paklang; kag pinahamtang nila didto ang dulugan.

10 Kag nagtalaliwan sila gikan sa

Elim kag pinahamtang nila ang dulugan malapit sa dagat nga Mapula.

11 Nagtalaliwan sila gikan sa dagat nga Mapula kag pinahamtang nila ang dulugan sa kahanayakan sang Sin.

12 Nagtalaliwan sila gikan sa kahanayakan sang Sin kag pinahamtang nila ang dulugan sa Dopka.

13 Nagtalaliwan sila gikan sa Dopka kag pinahamtang nila ang dulugan sa Alus.

14 Nagtalaliwan sila gikan sa Alus kag pinahamtang nila ang dulugan sa Repidim, nga didto walâ sing tubig, agud nga ang banwa maginum.

15 Nagtalaliwan sila gikan sa Repidim kag pinahamtang nila ang dulugan sa kahanayakan sa Sinai.

16 Nagtalaliwan sila gikan sa kahanayakan sa Sinai kag pinahamtang nila ang dulugan sa Kibrot-Hataab.

17 Nagtalaliwan sila gikan sa Kibrot-Hataab kag pinahamtang nila ang dulugan sa Haserot.

18 Nagtalaliwan sila gikan sa Haserot kag pinahamtang nila ang dulugan sa Ritma.

19 Nagtalaliwan sila gikan sa Ritma kag pinahamtang nila ang dulugan sa Rimón-Peres.

20 Nagtalaliwan sila gikan sa Rimón-Peres kag pinahamtang nila ang dulugan sa Libna.

21 Nagtalaliwan sila gikan sa Libna kag pinahamtang nila ang dulugan sa Risa.

22 Nagtalaliwan sila gikan sa Risa kag pinahamtang nila ang dulugan sa Kelata.

23 Nagtalaliwan sila gikan sa Kelata kag pinahamtang nila ang dulugan sa bukid sang Seper.

24 Nagtalaliwan sila gikan sa bukid sang Seper kag pinahamtang nila ang dulugan sa Harada.

25 Nagtalaliwan sila gikan sa Harada kag pinahamtang nila ang dulugan sa Makelot.

26 Nagtalaliwan sila gikan sa Makelot kag pinahamtang nila ang dulugan sa Tahat.

27 Nagtalaliwan sila gikan sa Tahat kag pinahamtang nila ang dulugan sa Tera.

28 Nagtalaliwan sila gikan sa Tera kag pinahamtang nila ang dulugan sa Mitka.

29 Nagtalaliwan sila gikan sa Mitka kag pinahamtang nila ang dulugan sa Hasmona.

30 Nagtalaliwan sila gikan sa Hasmona kag pinahamtang nila ang dulugan sa Moserot.

31 Nagtalaliwan sila gikan sa Moserot kag pinahamtang nila ang dulugan sa Bene-Iaakan.

32 Nagtalaliwan sila gikan sa Bene-Iaakan kag pinahamtang nila ang dulugan sa Hor-Gidgad.

33 Nagtalaliwan sila gikan sa Hor-Gidgad kag pinahamtang nila ang dulugan sa Iotbat.

34 Nagtalaliwan sila gikan sa Iotbat kag pinahamtang nila ang dulugan sa Abrona.

35 Nagtalaliwan sila gikan sa Abrona kag pinahamtang nila ang dulugan sa Esion-Geber.

36 Nagtalaliwan sila gikan sa Esion-Geber kag pinahamtang nila ang dulugan sa kahanayakan sang Sin (nga among Kades).

37 Nagtalaliwan sila gikan sa Kades kag pinahamtang nila ang dulugan sa bukid sang Hor, sa ukbung sang duta sang Edom.

38 Kag si Aaron nga saserdote, nagtukad sa bukid sang Hor, sa sogo ni Iehoba, kag napatay sia didto sa kapat-an ka tuig kutub sang paggowa sang mga inanak ni Israel sa duta sang Egipto, sa bulan nga ikalima, sa nahauna sang bulan.

39 Kag si Aaron nagaedad sing isa ka gatus kag duha ka pulô kag tatlo ka tuig sang pagkamatay niya, sa bukid sang Hor.

40 Kag ang Kanaanhon, hari sang Arad, nga nagapuyô sa Bagatnan sa duta sang Kanaan nabati-an niya ang pag-abut sang mga inanak ni Israel.

41 Kag nagtalaliwan sila gikan sa bukid sang Hor kag pinahamtang nila ang dulugan sa Salmona.

42 Nagtalaliwan sila gikan sa Salmona kag pinahamtang nila ang dulugan sa Punon.

43 Nagtalaliwan sila gikan sa Punon kag pinahamtang nila ang dulugan sa Obot.

44 Nagtalaliwan sila gikan sa Obot kag pinahamtang nila ang dulugan sa Iye-Abarim, sa kadulunan sa Moab.

45 Nagtalaliwan sila gikan sa Iye-

Abarim kag pinahamtang nila ang dulugan sa Dibon-Gad.

46 Nagtalaliwan sila gikan sa Dibon-Gad kag pinahamtang nila ang dulugan sa Almon-Diblathaim.

47 Nagtalaliwan sila gikan sa Almon-Diblathaim kag pinahamtang nila ang dulugan sa mga bukid sang Abarim, sa atubangan sang Nebo.

48 Nagtalaliwan sila gikan sa mga bukid sang Abarim kag pinahamtang nila ang dulugan sa mga kapatagan sang Moab malapit sa Iordan sa Ieriko.

49 Pinahamtang nila ang dulugan malapit sa Iordan kutub sa Bet-Iesimot tubtub sa Abel-Sitim, sa mga kapatagan sang Moab.

50 Kag naghambal si Iehoba kay Moises sa mga kapatagan sang Moab malapit sa Iordan sa Ieriko, nga nagasiling:

51 Ihambal sa mga inanak ni Israel kag isiling sa ila: "Kon makatabok na kamo sa Iordan pa duta sa Kanaan,

52 Pagasobolon-ninyo ang tanan nga mga pumuluyô sang kadutaan sa atubangan ninyo: pagalaglagon ninyo ang tanan nila nga mga larawan nga tinigib pagapanlaglagon ninyo ang tanan nila nga mga larawan nga tinunaw, kag pagapangub-on ninyo ang tanan nila nga mga mataas nga duug;

53 Kag magatalagiya kamo sang duta kag magpuluyô kamo sa iya; kay ginhatag ko sa inyo ang duta sa pagtagiya sa iya.

54 Kag pagapanublion ninyo ang duta sa papalad, sono sa inyo mga panimalay: sa mga labing madamu pagaihatag ninyo ang labing daku nga panublion; kag sa mga diyotay pagaihatag ninyo ang diyotay man nga panublion: kon diin maholog ang kapalaran sang tagsa-tagsa, didto gid ang iya: sono sa mga kabikahan sang inyo mga ginikanan magapalanubli kamo.

55 Kag kon indi ninyo pagsobolon ang mga pumuluyô sang kadutaan sa atubangan ninyo, mahanabu nga yadtong mga igabilin ninyo sa ila, mangin mga tunok sa inyo mga mata, kag manginsuyak sa inyo mga kilid, kag magapigos sila sa inyo sa duta sa diin kamo magapuluyô.

56 Kag magakahanabun nga, sono sang gintapat ko nga pagahimoon ko sa ila, amo man ang pagahimoon ko sa inyo."



Mga dulunan sang duta nga sinaad.

**34** KAG si Iehoba naghambal kay Moises, nga nagasiling:

2 “Sogoa ang mga inanak ni Israel kag isiling sa ila: kon nakasulud na kamo sa duta sang Kanaan, yari karon ang duta nga sa papalad maigo sa inyo nga panublion: ang duta sang Kanaan, sono sa ila mga kadulunan:

3 Mangininyo dulunan sa Bagatnan kutub sa kahanayakan sa Sin, sa obay sang Edom; sa bagay nga ang inyo dulunan nga nabagtnan manginkutub sa ukbung sang dagat nga Maasin, nayon sa Sidlangan.

4 Kag ang inyo dulunan magaliko sa Bagatnan sa tulukaran sang Akrabim, kag magaagi nayon sa Sin, kag magagowa sa bagatnan sang Kades-Barnea; kag magahalín sia sa Hasar-Adar kag magaagi tubtub sa Asmon.

5 Kag ang dulunan magaliko kutub sa Asmon nayon sa kasulgan sang Egipto kag magagowa sia sa kadagatan,

6 Kag ang inyo dulunan sa Katundan mangin ang daku nga dagat: ini mangin inyo dulunan sa Katundan.

7 Kag yari karon, ang inyo dulunan sa Aminhan: Kutub sa duku nga dagat pagapat-inan ninyo nga sa inyo ang bukid sang Hor;

8 Kutub sa bukid sang Hor pagapat-inan ninyo tubtub sa salamputan sa Hamat, kag ang dulunan magagowa nayon sa Sedad;

9 Kag ini nga dulunan magahalín nayon sa Sipron kag magagowa sa Hasar-Enan: ini mangininyo dulunan sa Aminhan.

10 Kag pagapat-inan ninyo subung nga inyo dulunan sa Sidlangan kutub sa Hasar-Enan tubtub sa Sepham;

11 Kag magadulhog ini nga dulunan kutub sa Sepham nayon sa Rebla sa sidlangan sang Ain: magadulhog sia kag magalambut sa binit sang dagat sa Kineret sa Sidlangan:

12 Kag ini nga dulunan magadulhog nayon sa Iordan, kag magagowa sa dagat nga Maasin. Ini mangininyo duta, sono sa ila mga kadulunan, palibot.”

13 Kag si Moises nagsogo sa mga inanak ni Israel, nga nagasiling: “Ini amo ang duta nga pagapanublion ninyo sa papalad, nga ginpahatag ni Iehoba

nga sa siam ka kabikahan, kag sa isa ka tunga ka kabikahan ni Manases.

14 Kay ang kabikahan sang mga anak ni Ruben, sono sang ila mga panimalay nga inamay, kag ang kabikahan sang mga anak ni Gad, sono sang ila mga panimalay nga inamay, kag ang katunga sang kabikahan ni Manases, nakabaton na sang ila panublion.

15 Ang duha ka kabikahan kag ang katunga nga kabikahan nagbaton na sang ila panublion sa isa ka luyo sang Iordan sa Ieriko, sa Sidlangan, nayon sa Bulut-lakan.”

16 Kag naghambal si Iehoba kay Moises, nga nagasiling:

17 “Yari karon ang mga ngalan sang mga lalaki nga magapamahat sa inyo sang duta nga panublion: si Eleasar, nga saserdote, kag si Iosue, anak ni Nun.

18 Kag magakuha kamo man sa tagsa ka kabikahan sing isa ka dunganon, sa pagpamahat sang duta nga panublion.

19 Kag ini amo ang mga ngalan sang mga lalaki: Sa kabikahan ni Iuda: si Kaleb, anak ni Iepune;

20 Sa kabikahan sang mga anak ni Simeon: si Samuel, anak ni Amihud;

21 Sa kabikahan ni Benyamin: si Elidad, anak ni Kislón;

22 Sa kabikahan sang mga anak ni Dan: ang dunganon nga si Buki, anak ni Iogli;

23 Sa mga anak ni Iose: sa kabikahan sang mga anak ni Manases: ang dunganon nga si Haniel, anak ni Ephod;

24 Kag sa kabikahan sang mga anak ni Epraim: ang dunganon nga si Kemuel, anak ni Siptan;

25 Sa kabikahan sang mga anak ni Sabulon: ang dunganon nga si Elisapan, anak ni Parnak;

26 Sa kabikahan sang mga anak ni Isakar: ang dunganon nga si Patiel, anak ni Asam;

27 Sa kabikahan sang mga anak ni Aser: ang dunganon nga si Ahiud, anak ni Selomi;

28 Kag sa kabikahan sang mga anak ni Neptali: ang dunganon nga si Pedahel, anak ni Amihud.

29 Ini sila amo ang mga ginsogo ni Iehoba, nga magpalamahat sila sang panublion sa mga inanak ni Israel, sa duta sang Kanaan.

Mga banwa nga sa mga Lebinhon.—Mga banwa nga dalangpan.

**35** KAG naghambal si Iehoba kay Moises, sa mga kapatagan ni Moab, malapit sa Iordan, sa Ieriko, nga nagasiling:

2 “Sogoa ang mga inanak ni Israel, nga paghatagan nila ang mga Lebinhon sang ila panublion, nga manginila kaugalingon, sing mga kabanwaanang nga ila pagpuy-an. Kag pagaihatag man ninyo sa mga Lebinhon ang mga palahalban nga sa sining mga kabanwaanang sa palibot nila.

3 Kag may ila sila nga mga banwa nga pagapuy-an, kag ang mga palahalban nila manginsaila mga kahayupan kag nga sa ila mga kaugalingon, kag nga sa tanan nila nga mga kasapatan.

4 Kag ang palahalban sang mga banwa nga pagaihatag ninyo sa mga Lebinhon manginisa ka libo ka maniko sa palibot, kutub sa kuta sang banwa nayon sa gowa.

5 Pagatakson ninyo sa gowa sang banwa, nayon sa Sidlangan, duha ka libo ka maniko; nayon sa Bagatnan, duha ka libo ka maniko; nayon sa Katundan duha ka libo ka maniko; kag nayon sa Aminhan, duha ka libo ka maniko; kag ang banwa dira sa tunga: ini manginpalahalban sang ila mga kabanwaanang.

6 Kag ang mga banwa nga pagaihatag ninyo sa mga Lebinhon anum ka banwa nga mangindalangpan, nga pagaihatag ninyo sila, agud nga ang nakapatay sa masigkatawo magdangup didto; kag labut pa sini, sa ila pagaihatag ninyo ang kap-atan kag duha ka banwa.

7 Ang tanan nga mga banwa nga pagaihatag ninyo nga panublion sa mga Lebinhon, mangin kap-atan kag walo ka banwa, ang mga banwa pati ang ila mga palahalban.

8 Kag nahanungud sang mga banwa nga pagaihatag ninyo gikan sa kaugalingon sang mga inanak ni Israel, *kon sayoron* nga magakuha kamo sing madamu sa mga may madamu, kag magakuha kamo sing diyotay sa mga may diyotay: ang tagsatagsa magagikan sa ila mga kabanwaanang sa mga Lebinhon, sono sa ila panublion nga ginpanubli.”

9 Kag si Iehoba naghambal kay Moises, nga nagasiling:

10 “Ihambal sa mga inanak ni Israel,

kag isiling sa ila: Kon nakatabok na kamo sang Iordan pa duta sa Kanaan,

11 Magapili kamo sang mga banwa nga manginkabanwaanang nga dalangpan nga sa inyo, nga didto magpalagyo ang nakapatay sing tawo, nga makapilas sa kamatayon sang isa, sing indi hungud.

12 Kag mangininyo yadto nga mga banwa nga dalangpan batok sang manugtimalus, agud nga indi mapatay ang nakapatay sing masigkatawo tubtub nga makaatubang sia sa hulukmanan sang katipunan.

13 Kag sa mga kabanwaanang nga pagaihatag ninyo sa mga Lebinhon, mangin anum ka banwa nga dalangpan nga sa inyo.

14 Tatlo ka banwa ang pagaihatag ninyo sa isa ka bahin sang Iordan, kag tatlo ka banwa ang pagaihatag ninyo sa duta sa Kanaan: manginkabanwaanang nga dalangpan sila.

15 Ining anum ka banwa mangindalangpan sa mga inanak ni Israel, sa dumuluong kag sa manugdapon sa tunga nila, agud nga magpalagyo didto ang bisan sin-o nga makapilas sa kamatayon sang isa sing indi hungud.

16 Kag kon ginpilas niya sia sa hinaniban nga salsalon kag mapatay sia, nakapatay sia sing tawo; sa pagkamatuud, ang nakapatay sing tawo, pagapatyon sia.

17 Kag kon ginpilas niya sia nga may bató sa kamut nga tungud sa iya ang isa sarang mapatay, kag mapatay sia, nakapatay sia sing tawo; sa pagkamatuud, ang nakapatay sing tawo, pagapatyon sia.

18 Kag kon ginpilas niya sia nga may barakol sa kamut nga tungud sini isa sarang mapatay, kag mapatay sia, nakapatay sia sing tawo; sa pagkamatuud, ang nakapatay sing tawo, pagapatyon sia.

19 (Ang manugtimalus gid sang dugo magapatay sa nakapatay sing tawo; kon makit-an niya sia, pagapatayon niya sia).

20 Kag kon tungud sa dumut gintiklod niya sia, kon hinaboy niya sia sing *bisan* amo sa pagpuut, sa bagay nga mapatay sia;

21 Kag kon tungud sang pag-away nila, ginpilas niya sia sang iya kamut, kag napatay sia, ang manugpilas, sa pagkamatuud, pagapatyon: amo sia ang naka-



patay sing tawo; ang manugtimalus sang dugo magapatay sa nakapatay sing tawo, kon makit-an niya sia.

22 Apang kon sa hinali gintiklod niya sia sa walay gin-awayan, kon magpilák sia sing bisan ano sa ibabaw niya sa walay pagpuut,

23 Subung man, kon sa walâ niya sia makit-i, hinologan niya sa ibabaw niya sing bató, nga sa iya ang isa sarang mapatay, kag mapatay sia, kag indi niya sia kaaway, kag walâ maghimulat sang iya kalainan,

24 Niyan ang katipunan magahukom sono sining mga tulumanon, sa tungâ sang manugpilas kag sang manugtimalus sang dugo.

25 Kag ang katipunan magaluwas sang nakapatay sing tawo sa kamut sang manugtimalus sang dugo, kag ang katipunan magapapauli sa iya sa iya banwa nga dalangpan, nga didto magdangup sia, kag magapuyô sia sa iya tubtub nga mapatay ang pinapakamataas nga saserdote, nga ginhidhiran sang balaan nga lana.

26 Kag kon ang nakapatay sing tawo maggowa sa luwas sa dulunan sang iya banwa nga dalangpan, nga didto sia magdangup,

27 Kag ang manugtimalus sang dugo makakita sa iya sa luwas sang dulunan sang banwa nga iya dalangpan, kag kon ang manugtimalus sang dugo magpatay sa nakapatay sing tawo, indi sia mabangdanan sang salâ sa dugo.

28 Kay sa iya banwa nga dalangpan dapat sia magpuyô tubtub nga mapatay ang pinapakamataas nga saserdote: kag sa tapus nga mapatay ang pinapakamataas nga saserdote, ang nakapatay sing tawo magapauli sa duta nga iya kaugalingon.

29 Ini mangininyo isa ka palatukuran nga sa katadlungan nga sa inyo mga kaliwatan, sa tanan ninyo nga mga puluy-an.

30 Bisan sin-o nga magpilas sa isa, sa panumbung sang mga saksi, pagapatayon ang nakapatay sing tawo; apang ang isa lamang ka saksi indi tuman batok sa bisan kay sin-o, agud nga pagpatyon sia.

31 Kag indi kamo magbalaton sing gawad tungud sang kabuhi sang nakapatay sing tawo, nga takus sia sa kamatayon; sa pagkamatuud, pagapatyon sia.

32 Kag indi man kamo magbalaton sing gawad tungud sadtong nagpalagyo sa iya banwa nga dalangpan, agud nga magpauli sa pagpuyô sa iya duta tubtub nga mapatay ang saserdote.

33 Indi ninyo pagdagtaan ang duta nga didto kamo; kay ang dugo amo ang nagadagta sang duta, kag indi mahimo ang katumbasan tungud sang duta, tungud sang dugo nga ginula sa iya, kondi tungud sang dugo sadtong nagula sa iya.

34 Kag dili ninyo paghigkoan ang duta nga inyo ginapuy-an, nga sa tungâ niya nagapuyô ako; kay ako si Iehoba nagapuyô sa tungâ sang mga inanak ni Israel.

Ginadumili sa mga anak nga batae nga mga manunubli sa pagbana luwas sa ila kabikahan.

**36** KAG ang mga pangolo sang mga ginikanan sang panimaláy sang mga anak ni Galaad, anak ni Makir, anak ni Manases, sa mga panimaláy sang mga anak ni Iose, nagpalalapit kag naghalaambal sa atubangan ni Moises kag sa atubangan sang mga dunganon nga mga pangolo sang mga ginikanan sang mga inanak ni Israel;

2 Kag nagsililing sila: "Si Iehoba nagsogo sa akon ginoo, nga tungud sa papalad pagaihatag ang duta nga panublion sa mga inanak ni Israel; nagsogo man si Iehoba sa akon ginoo, nga pagaihatag ang panublion ni Salpaad, nga amon utud, sa iya mga anak nga babae.

3 Kon magabalana sila sa isa sang mga anak sang iban nga mga kabikahan sang mga inanak ni Israel, ang panublion nila pagakuhaon sa panublion sang aton mga ginikanan, kag pagaidugang sa panublion sang kabikahan nga ila pagaminyoan, kag pagakuhaon sia sa kapalaran sang aton panublion.

4 Kag kon mag-abut ang Paghilunyaw sang mga inanak ni Israel, ang panublion nila pagaidugang sa panublion sang kabikahan sang ila bana, kag ang panublion nila pagakuhaon sa panublion sang kabikahan sang aton mga ginikanan."

5 Kag si Moises nagsogo sa mga inanak ni Israel, sono sang ginsogo ni Iehoba, nga nagsiling: "Ang kabika-

han sang m̃ga anak ni Iose nagahambal sing matadlung gid.

6 Yari karon, ang ginasogo ni Iehoba nahanungud sang m̃ga anak ñga babae ni Salpaad, ñga nagasiling: Magpalaminyo sila subung sang minamaayo nila; lamang ñga magbalana sila sa sulúd sang panimaláy sa kabikahan sang ila amay;

7 Agud ñga ang panublion sang m̃ga inanak ni Israel indi maglatonlaton sa kabikahan kag sa kabikakan, kay ang m̃ga inanak ni Israel magtilingub ang tagsatagsa sa panublion sang kabikahan sang ila m̃ga ginikanan;

8 Kag ang tanan ñga anak ñga babae ñga may panublion sa tungâ sang m̃ga kabikahan sang m̃ga inanak ni Israel, dapat magpaminyo sa bisan sin-o sang panimaláy sang kabikahan sang iya ginikanan, agud ñga ang m̃ga inanak ni Israel magtalagiya ang tagsatagsa sang panublion sang ila m̃ga ginikanan;

9 Kag indi magalatonlaton ang panublion gikan sa isa ka kabikahan sa isa; kay ang m̃ga kabikahan sang m̃ga inanak ni Israel magatilingub ang tagsatagsa sa iya panublion."

10 Sono sang ginsogo ni Iehoba kay Moises, amo ini ang ginhimo sang m̃ga anak ñga babae ni Salpaad.

11 Kag sa sini si Maala, si Tirsa, si Hogla, si Milka kag si Noa, m̃ga anak ñga babae ni Salpaad, nagbalana sila sa m̃ga anak ñga lalaki sang ila m̃ga batâ:

12 Nagpalamana sila sa m̃ga panimaláy sang m̃ga anak ni Manases, anak ni Iose; kag ang panublion nila nabilin sa kabikahan sang panimaláy sang ila ginikanan.

13 Ini among m̃ga sogo kag m̃ga tulumanon ñga ginsogo ni Iehoba, sa kamut ni Moises, sa m̃ga inanak ni Israel, sa m̃ga kapatagan sang Moab, malapit sa Iordan sa Ieriko.



# ANG IKALIMA NGA TOLON-AN

NI MOISES

NGA GINAHINGĀLANAN

## DEUTERONOMIO.

Ginpapahanumdum ni Moises sa banwa ang daku  
nga mga kahanabuan, nga nagkahanabu  
sa kahanayakan.

1 YARI karon ang mga polong nga  
ginhambal ni Moises sa bug-os nga  
Israel sa isa ka luyo sang Iordan sa  
kahanayakan, sa kapatagan sa atubangan  
sang Sup, sa tunga sang Paran kag  
Topel, Laban, Haserot kag Di-sahab.

2 May napulô kag isa ka adlaw kutub  
sa Horeb dalan sang bukid sang Seir  
tubtub sa Kades-Barnea.

3 Kag nahanabu nga, sa kap-atan ka  
tuig, sa bulan nga ikapulô kag isa, sa  
pamunô sang bulan, si Moises naghambal  
sa mga inanak ni Israel, sono sa  
tanan nga ginsogo sa iya ni Iehoba nga  
sa ila ;

4 Sa tapus nga ginpilas niya si Sihon,  
hari sang mga Amorinhon, nga nagapuyô  
sa Hesbon, kag si Og, hari  
sang Basan, nga nagapuyô sa Astarot,  
sa Edrei.

5 Sa isa ka luyo sang Iordan, sa duta  
ni Moab, nagsugud si Moises sa pagta-  
lastas sini nga kasogoan, nga naga-  
siling :

6 "Si Iehoba, nga aton Dios, nag-  
hambal sa aton sa Horeb, nga naga-  
siling : Dugay na ang pagpuyô ninyo  
sa sini nga bukid.

7 Balalik-kamo, pagtalaliwan-kamo  
kag kaladto-kamo sa bukid sang mga  
Amorinhon, kag sa tanan nila nga mga  
kasilingan, sa kapatagan, sa bukid kag  
sa nalupyan, kag sa Bagatnan kag sa  
baybayon, *kon sayoron* sa duta sang mga  
Kanaanhon kag sa Libano, tubtub sa  
daku nga subâ, ang subâ nga Euprates.

8 Tan-awa-ninyo, ginpahamtang ko  
ang duta sa inyo atubangan : sulud-  
kamo kag magtagiya sang duta, nga  
ginsumpa ni Iehoba sa inyo mga  
ginikanan, kay Abraham, kay Isak kag

kay Iakob, nga pagaihatag niya sa ila,  
kag sa ila kaliwatan sa olehe nila.

9 Kag niyan naghambal ako sa inyo,  
nga nagasiling : Indi ako sarang maka-  
dalâ sa inyo, nga ako lamang.

10 Si Iehoba, nga inyo Dios, nag-  
padamu sa inyo kag, yari karon, kamo  
sa karon nga adlaw subung sang mga  
bitoon sang langit sa kadamuon.

11 Si Iehoba, ang Dios sang inyo mga  
ginikanan, magpadamu sa inyo sing  
makalibo pa sang kadamuon ninyo  
karon, kag magpakamaayo sa inyo, so-  
no sang ginpanaad niya sa inyo.

12 ; Paano bala ang pagkadalâ ko,  
nga ako lamang, sang inyo lulan, sang  
inyo mga kabug-aton kag sang inyo  
mga kasuayon ?

13 Hatagi-ninyo ako, sono sa inyo  
mga kabikahan, sing mga tawo nga mga  
maalam, mga mahibaloanon kag mga  
kilala, agud nga igbutang ko sila nga  
mga pangolo ninyo.

14 Kag nagsalabat kamo sa akon kag  
nagsililing : Maayo nga paghimoon na-  
mon ang ginsiling mo.

15 Kagnagkuha ako sang mga pangolo  
sang inyo mga kabikahan, mga tawo  
nga maalam kag mga kilala, kag ginbu-  
tang ko sila nga mga pangolo ninyo,  
mga pangolo sa linibo, mga pangolo sa  
ginatus, mga pangolo sa kinalim-an,  
mga pangolo sa tinagpulô kag mga  
manughukom sang inyo mga kabikahan.

16 Niyan nagsogo ako sa inyo mga  
manughukom, nga nagasiling : Pala-  
mati-kamo sang *mga panumbong* sa  
tunga sang inyo mga utud, kag hukmi-  
ninyo sing matudlung gid ang tagsatagsa  
ka tawo kag ang iya utud, kag ang du-  
muluong nga yara sa iya.

17 Walâ kamo sing palabihon sa  
mga tawo sa paghukom : ang magamay,  
subung man ang dalagku, pagapamatian  
ninyo ; indi kamo magkahadluk sang  
nawung sang tawo, kay ang paghukom

iya sang Dios. Kag kon ang kasaba manginlakas kaiwat sa inyo, pagadalhon ninyo sia sa akon, kag pagapamatian ko sia.

18 Niyan ginsogo ko sa inyo ang tanan nga mga butang nga dapat paghi-moon ninyo.

19 Kag nagtataliwan kita gikan sa Horeb, kag ginlibot naton yadtong bug-os nga daku kag makahaladluk nga kahanayakan, nga nakit-an ninyo, sa dalan sang bukid sang mga Amorphon, sono sang ginsogo sa aton ni Iehoba, nga aton Dios, kag naglambut kita tubtub sa Kades-Barnea.

20 Kag nagsiling ako sa inyo: Nag-abut kamo sa bukid sang mga Amorphon, nga ginahatag sa aton ni Iehoba, nga aton Dios.

21 Yari karon, si Iehoba nga imo Dios nagbutang sa atubangan nimo sang duta: taklad-ka kag tagiyaha sia, sono sang ginsiling sa imo ni Iehoba, nga Dios sang imo mga ginikanan: indi ka magkahadluk kag indi ka magkaha-ngawa.

22 Kag nagpalalapit kamo sa akon, tanan kamo, kag nagsililing kamo: magpadala kita sing mga lalaki sa una naton, nga magusisa sila sang duta nga sa aton kag maghatag sa aton sing kasayoran sang dalan, nga sa iya magatalaklad kita, kag sang mga kabanwaanang nga aton pagaabutan:

23 Kag ini nanginbutang nga maayo sa inyo mga mata; kag nagkuha ako sa tunga ninyo sing napulo kag duha ka tawo, isa ka tawo sa tagsa ka kabikahan.

24 Kag nagbalalik sila kag nagtulukad sa bukid, kag naglambut sila tubtub sa nalupyan sang Eskol, kag ginusisa nila ang duta.

25 Kag nagkuluha sila sang bunga sang kadutaan, nga ginbitbit nila, kag gindala nila sila sa amon, kag naghatag sila sa amon sing kasayoran, kag nagsililing: Maayo ang duta, nga ginahatag sa aton ni Iehoba, nga aton Dios.

26 Apang wala kamo magbuut sa pagtaklad, kondi nagmalalison kamo batok sang sogo ni Iehoba, nga inyo Dios.

27 Kag nagkulumud kamo sa inyo mga layanglayang, nga nagsililing: Tungud kay nagadumut sa aton si Iehoba, ginpagowa niya kita sa duta sang Egipto sa pagtugyan sa aton sa mga ka-

mut sang mga Amorphon, sa paglaglag sa aton.

28 Sa diin bala kita magatakad? Ang aton mga utud nagpatunaw sang aton tagiposoan, nga nagsililing: Ining banwa among labing daku kag labing mataas pa sa aton: ang mga banwa mga dalagku kag napanglig-on tubtub sa langit, kag labut pa, didto nakita man namon ang mga anak sang mga Amorphon.

29 Kag nagsiling ako sa inyo: Indi kamo magkahangawa kag indi kamo magkalahadluk sa ila.

30 Si Iehoba, nga inyo Dios, nga nagana sa inyo, sia gid magapakigaway tungud sa inyo, sono sa tanan nga ginimo niya tungud sa inyo sa Egipto sa atubangan sang inyo mga mata.

31 Kag sa kahanayakan man nga imo nakita, nga didto si Iehoba, nga imo Dios, nagdala sa imo, subung sang isa ka tawo nga nagadala sang iya anak, sa bug-os nga dalanon nga inyo ginlaktan tubtub sang inyo pag-abut sa sini nga duug.

32 Walay sapayan sini, wala kamo magtoloo kay Iehoba, nga inyo Dios,

33 Nga sia, sa pagpangita sa inyo sing duug, nga pagapahamtangan ninyo sing dulugan, nagana sa inyo sa dalanon sa kalayo sa gab-i sa pagpaathag sa inyo sang dalan, nga inyo pagalakatan, kag sa adlaw, sa isa ka panganud.

34 Kag nabatian ni Iehoba ang tungud sang inyo mga polong, kag naakig sia kag nagsumpa sia, nga nagsiling:

35 Wala sing bisan sin-o sa sining mga tawo, sining malain nga kaliwatan, nga makakita sang maayo nga duta, nga ginsumpaan ko nga pagaihatag sa inyo mga ginikanan,

36 Luwas si Kaleb, anak ni Iepune. Sia makakita sa iya, sia; kag sa iya kag sa iya mga anak pagaihatag ko ang duta nga iya gintapakan, kay sia nagsunud sing bug-os gid kay Iehoba.

37 Kag batok man sa akon naakig si Iehoba, bangud sa inyo, nga nagsiling: Ikaw man indi makasulud didto.

38 Si Iosue, anak ni Nun, nga nagatindug sa atubangan nimo, sia magasulud didto. Pasaliga sia, kay sia magpapanubli sa Israel.

39 Kag ang inyo mga kabataan nga magamay nga inyo ginsiling: Manginisa ka inagaw; kag ang inyo mga anak, nga karon wala sila makakilala sang



maayo kag sang malain, sila magasululúdidto. Sa ila pagaihaitag ko sia, kag sila magatagiya sa iya.

40 Kag kamo, balalik-kamo, kag lalakat-kamo pa kahanayakan sa dalanon sang dagat nga Mupula.

41 Kag nagsalabat kamo kag nagsiling sa akon: Nakasalâ kami batok kay Iehoba. Magatalaklad kami kag magapakigaway kami, sono sa tanan nga gin-sogo ni Iehoba sa amon. Kag nagtalak-lus kamo ang tagsatagsa sang inyo mga hinganiban sa pag-awayan, kag nagpa-langahas kamo sa pagtaklad sa bukid.

42 Kag si Iehoba nagsiling sa akon: Isiling sa ila: Dili kamo magtalaklad, kag dili kamo magpakigaway, kay walâ ako sa tungâ ninyo, *agud* [nga] indi kamo magkalapilas sa atubangan sang inyo mga kaaway.

43 Kag naghambal ako sa inyo, kag walâ kamo magpamati; hinonoo, nagmalalison kamo batok sa sogo ni Iehoba, kag nanginpunô kamo sa palabibili kag nagtulukad kamo sa bukid.

44 Kag ang mga Amorinhon, nga nagapuluyô sini nga bukid, nagsulugata sa inyo, kag naglalagas sila sa inyo, sono sang ginahimo sang mga putyokan, kag dinaug kamo nila sa Seir, tubtub sa Horma.

45 Kag nagbalalik kamo, kag naghilibi kamo sa atubangan ni Iehoba; apang si Iehoba walâ magpamati sang inyo tingug, bisan nagdungug sia sa inyo.

46 Kag nagpuluyô kamo sa Kades sing madamu nga mga adlaw, sono sang mga adlaw nga didto ginpuyô ninyo.

**2** KAG nagbalalik kita, kag nagtalaliwan kita sa kahanayakan sa dalanon sang dagat nga Mapula, sono sang ginsiling sa akon ni Iehoba, kag ginlibot naton ang bukid sang Seir sa madamu nga mga adlaw.

2 Kag si Iehoba naghambal sa akon, nga nagasiling:

3 Tuman na ang paglibot ninyo sa sini nga bukid, balalik-kamo nayon sa Aminhan.

4 Kag sogoa ang banwa, nga nagasiling: Magaalagi kamo sa mga dulunan sang inyo mga útud, ang mga anak ni Esau, nga nagapuluyô sa Seir, kag sila magakalahadluk sa inyo, apang kamo maghalalong sing daku.

5 Dili ninyo paggamohon sila, kay indi ako maghatag sa inyo sang duta nila, bisan isa lang ka tapak, tungud kay ginhatag ko kay Esau ang bukid sang Seir nga iya kaugalingon.

6 Magabalakal kamo sa ila, sa bili sang pilak, sang mga kalan-on nga pagakaanon ninyo; kag magabalakal man kamo, sa bili sang pilak, sa ila, sang tubig nga inyo pagaimnon.

7 Kay si Iehoba, nga imo Dios, nagpakamaayo sa imo sa tanan nga binuhatan sang imo mga kamut: sia nakasayud sang imo paglakat sa sining daku nga kahanayakan. Sining kap-atan ka tuig si Iehoba, nga imo Dios, nagúpud sa imo, kag walâ sing bisan ano nga butang nga nakulang sa imo.

8 Kagnagliligad kita sa aton mga útud, nga mga anak ni Esau, nga nagapuluyô sa Seir, sa dalanon sang kapatagan, kag sang Elat kag sang Esion-Geber; kag nagbalalik kita, kag nag-alagi kita sa dalan sang kahanayakan sang Moab.

9 Kag si Iehoba nagsiling sa akon: Dili mo pagpakalisdon ang Moab, kag dili kamo magpakigaway sa ila, kay indi ako magahatag gid sa imo sing kaugalingon sa ila duta, tungud kay ginhatag ko ang Ar nga kaugalingon sa mga anak ni Lot.

10 (Ang mga Emitinhon nagpuluyô didto anay; banwa nga daku, madamu kag mataaas subung sang mga Anakinhon.)

11 Ginbilang man sila nga mga Repaiminhon, subung sang mga Anakinhon; apang ang mga Moabinhon nagatawag sa ila nga mga Eminhon.

12 Ang mga Horinhon man nagpuluyô anay sa Seir; kag ginsobol sila sang mga anak ni Esau, kag ginlaglag sila nila sa atubangan nila, kag nagpuluyô sila sa salili nila, subung sang ginhimo sang Israel sa duta nga iya kaugalingon, nga ginhatag sa iya ni Iehoba.)

13 Tilindug-kamo karon, kag talabok-kamo sa kasulgan sang Sared. Kag nagtalabok kita sa kasulgan sang Sared.

14 Kag ang mga adlaw nga ginlakat naton kutub sa Kades-Barnea tubtub nga gintabok naton ang kasulgan sang Sared, nanginkatloan kag walo ka tuig; tubtub nga naubus ang bug-os nga kaliwatan sang mga tawo sa pag-awayan sa tunga sang dulugan, sono sang ginsumpa ni Iehoba sa ila.

15 Kag ang kamut ni Iehoba man nanginbatok sa ila sa paglaglag sa ila sa tungâ sang dulugan, tubtub nga nagkalaubus sila.

16 Kag nahanabu nga, sang pagkaubus na mamatay ang tanan nga mga tawo sa pag-awayan, sa tungâ sang banwa.

17 Si Iehoba naghambal sa akon, nga nagasiling:

18 Karon magaagi ka sa dulunan sang Moab malapit sa Ar;

19 Kag kon magpalapit ka na sa atubangan sang mga anak ni Amon, indi mo sila pagpakalisdon kag indi ka magpakigaway sa ila, kay indi gid ako maghatag sa imo sing kaugalingon sa duta sang mga anak ni Amon, tungud kay ginhatag ko sia nga kaugalingon sa mga anak ni Lot.

20 (Ginbilang man ini sia nga duta sang mga Repaiminhon: ang mga Repaiminhon nagpuluyô didto anay, kag ang mga Amoninhon nagtawag sa ila nga Samsuminhon;

21 Banwa nga daku, madamu kag mataas subung sang mga Anakinhon; nga ginlaglag sila ni Iehoba sa atubangan sang mga Amoninhon, kag ginsobol sila nila kag nagpuluyô sila sa salili nila.

22 Subung sang ginhimo niya sa mga anak ni Esau, nga nagapuluyô sa Seir, nga sa atubangan nila ginlaglag niya ang mga Horinhon, kag nga ginsobol nila sila kag nagapuluyô sila sa salili nila, tubtub karon.

23 Kag nahanungud sang mga Hebinhon, nga nagpuluyô sa Haserin, tubtub sa Gasa, ang mga Kaptorinhon, nga naggilikan sa Kaptor, ginlaglag nila sila kag nagpuluyô sila sa salili nila.)

24 Tilindug-kamo, talaliwan-kamo kag talabok-kamo sa kasulgan sang Arnon. Yari karon, gintugyan ko sa imo kamut si Sihon nga Amorinhon, hari sang Hesbon kag ang iya duta: Sugdi, tagiya-ha kag pakigaway-ka batok sa iya.

25 Karon pagasugdan ko sa pagbutang ang kahadluk kag ang kahanğawa sa imo sa ibabaw sang mga banwa sa idalum sang bug-os nga kalangitan; sa bagay nga mabatian nila ang imo kabantugan kag magakulurug sila, kag magakalasakit gid sila sa atubangan nimo.

26 Kag nagpadalâ ako sing mga manugtunda kutub sa kahanayakan sang

Kademot kay Sihon, hari sang Hesbon, nga may mga polong sa paghidaet, nga nagasiling:

27 Nga makaagi ako kunta sa imo duta. Pagausuyon ko gid ang dalan; indi ako magalipas sa too, bisan sa walâ.

28 Ang kalan-on nga pagakaanon ko pagabaligyaan mo ako sa bili sang pilak, kag ang tubig man, nga pagaimnon ko, pagaihatag mo sia sa akon sa bili sang pilak; lamang nga mag-agi ako sa akon mga tiil:

29 Subung sang ginhimo sa akon sang mga anak ni Esau, nga nagapuluyô sa Seir, kag sang mga Moabinhon, nga nagapuluyô sa Ar, tubtub nga nagatabok ako sang Iordan sa duta, nga ginahatag sa amon ni Iehoba, nga amon Dios.

30 Apang si Sihon, hari sang Hesbon, indi sia buut magtugut sa aton sa pagagi sa luyo niya, kay ginpatig-a ni Iehoba, nga imo Dios, ang iya espiritu, kag ginpakibolan niya ang iya tagiposoon, sa pagtugyan sa iya sa imo kamut, subung nga *makiita mo karon*.

31 Kag si Iehoba nagsiling sa akon: Yari karon, ginsugdan ko sa pagtugyan, sa atubangan nimo, kay Sihon kag sa iya duta. Sugdi, tagiyaha, kag ikaw magatagiya sang iya duta.

32 Kag si Sihon, sia kag ang bug-os niya nga banwa, naggowa sa pagsugata sa aton sa pagpakigaway sa lahas.

33 Apang si Iehoba, nga aton Dios, nagtugyan sa iya sa atubangan naton, kag ginpilas naton sia, kag ang iya mga anak, kag ang bug-os niya nga banwa.

34 Kag niyan ginkuha naton ang tanan niya nga mga banwa, kag ginlaglag naton ang tanan niya nga mga kabanwaan: ang mga lalaki, mga babae kag mga kabataan, nga walâ kita magpapalagyo sa ila.

35 Lamang gin-ati naton nga sa aton ang mga kahayupan kag ang inagaw sa mga banwa, nga ginkuha naton.

36 Kutub sa Aroer, nga ara sa luyo sang pangpang sang kasulgan sang Arnon, kag ang banwa nga yara sa kasulgan tubtub sa Galaad, walâ sing banwa nga tuman ka taas nga sa aton: ang tanan gintugyan ni Iehoba, nga aton Dios, sa atubangan naton.

37 Lamang walâ ka makapalapit sa duta sang mga anak ni Amon, bisan sa bug-os nga pangpang sang kasulgan sang labok, bisan sa mga banwa sa



bukid, bisan sa tanan nga duug nga gin-dumili ni Iehoba, nga aton Dios, sa imo.

**3** KAG nagbalalik kita kag nagtalaklad kita sa dalan sang Basan. Kag si Og, hari sa Basan, naggowa, sia kag ang bug-os niya nga banwa, sa pagsugata sa aton sa pagpakigaway, sa Edrei.

2 Kag si Iehoba nagsiling sa akon: Dili ka magkahadluk sa iya, kay gintugyan ko sia sa imo kamut, sia kag ang bug-os niya nga banwa, kag ang iya duta; kag pagahimoon mo sa iya, subung sang ginhimo mo kay Sihon, hari sang mga Amorinhon, nga nagpuyô sa Hesbon.

3 Kag gintugyan man ni Iehoba, nga aton Dios, sa aton kamut si Og, hari sa Basan, kag ang iya bug-os nga banwa, nga ginpilas naton sia tubtub nga walay bisan sin-o nga nakapalagyo sang mga iya.

4 Kag niyan ginkuha naton ang tanan niya nga mga kabanwaan: walâ sing banwa nga walâ naton makuha sa ila: kan-uman ka banwa, ang bug-os nga kadutaan sang Argob, ang ginharian ni Og, sa Basan.

5 Ini tanan nga mga kabanwaan nga pinabakud sila sa mataas nga mga kuta nga may mga gawang kag mga pintal, labut pa sang madamu gid nga kabanwaan nga walay kuta.

6 Kag pinanlaglag naton sila sing bug-os gid, subung sang ginhimo naton kay Sihon, hari sa Hesbon; ginlaglag naton ang tanan nga mga kabanwaan: ang mga lalaki, mga babae kag mga kabataan.

7 Kag gin-ati naton nga sa aton ang tanan nga mga kahayupan kag ang inagaw sa mga kabanwaan.

8 Ginkuha naton, sa sadto nga dagon, sa kamut sang duha ka hari sang mga Amorinhon, ang duta nga yara sa isa ka luyo sang Iordan, kutub sa kasulgan sang Arnon tubtub sa bukid sang Hermon.

9 (Ang mga Sidoninhon nagatawag sang Hermon nga Sirion, kag ang mga Amorinhon nagatawag sini nga Senir.)

10 Ginkuha naton ang tanan nga mga kabanwaan sang kapatagan, ang bug-os nga Galaad kag ang bug-os nga Basan tubtub sa Salka kag sa Edrei, nga mga kabanwaan sang ginharian ni Og, sa Basan.

11 Kay si Og, hari sa Basan, amo lamang ang nabilin sa nabilin sang mga Repaiminhon. Yari karon, ang iya higda-an, isa ka higdaan nga salsalon. ¿Walâ bala ini sa Raba sa mga anak ni Amon? Ang iya kalabaon siam ka maniko, kag ang iya kasankaron apat ka maniko, sono sang siko sang isa ka tawo.

12 Kag nagtagiya kita sini nga duta sa sadtong panag-on. Kutub sa Aroer nga yara sa ibabaw sang kasulgan sang Arnon, kag ang katungâ sang bukid sang Galaad kag ang iya mga kabanwaan ginhatag ko sila sa mga Rubeninhon kag sa mga Gadinhon;

13 Kag ang nabilin sa Galaad kag ang bug-os nga Basan, ginharian ni Og, ginhatag ko sila sa katungâ nga kabikahan ni Manases: ang bug-os nga kadutaan sang Argob, patî ang bug-os nga Basan, amo ini ginahingalanang nga duta sang mga Repaiminhon.

14 Si Iair, anak ni Manases, nagkuha sang bug-os nga kadutaan sang Argob tubtub sa dulunan sang mga Gesurinhon kag sang mga Maakanhon, kag tubtub karon ang mga banwa sa Basan ginatawag sila sa iya gid nga ngalan: mga banwa ni Iair.

15 Kag kay Makir ginhatag ko ang Galaad.

16 Kag sa mga Rubeninhon kag sa mga Gadinhon ginhatag ko kutub sa Galaad tubtub sa kasulgan sang Arnon, ang katungâ sang kasulgan amo ang dulanan, kag tubtub sa kasulgan sang labok, nga dulunan sang mga anak ni Amon;

17 Kag ang kapatagan man, ang Iordan amo ang dulunan kutub sa Kinneret tubtub sa dagat sang kapatagan, ang dagat nga Maasin,\* sa kunsaran sang Pisga, nayon sa Sidlangan.

18 Kag niyan nagasogo ako sa inyo, nga nagasiling: Si Iehoba, nga inyo Dios, naghatag sa inyo sini nga duta sa pagtagiya sa iya. Kamo tanan nga mga tawo nga maisug, magaalagi kamo, nga mga sangkap sa hinganiban, sa atubang sang inyo mga útud, ang mga inanak ni Israel.

19 Lamang ang inyo mga babae, ang inyo mga kabataan kag ang inyo mga

\* *Dagat nga Maasin*, dagat nga Patay.

kahayupan (nakahibalo ako nga may madamu kamo nga kahayupan) magapuluyô sa inyo nga kabanwaan, nga ginhatag ko sa inyo,

20 Tubtub nga si Iehoba magpapa-huway sa inyo mga útud, subung sa inyo, kag magtalagiya man sila sang duta, nga ginhatag sa ila ni Iehoba, nga inyo Dios, sa isa ka luyo sang Iordan; kag magapalauli kamo ang tagsatagsa sa iya kaugalingon nga pagkabutang, nga ginhatag ko sa inyo.

21 Niyan nagsogo man ako kay Iosue, nga nagasiling: Ang imo mga mata nakakita sang tanan nga ginhimo ni Iehoba, nga inyo Dios, sa sining duha ka hari: amo ining pagahimoon ni Iehoba sa tanan nga mga ginharian nga pagaagihan mo.

22 Dili kamo magkalahadluk sa ila, kay si Iehoba nga inyo Dios, amo gid ang nagapakigaway tungud sa inyo.

23 Kag sadto nga dag-on nag-ampo ako kay Iehoba, nga nagasiling:

24 Ginoo ngasi Iehoba, ikaw nagsugud sa pagpakita sa imo ulipon sang imo pagkadaku, kag sang imo kamut nga gamhanan: kay ; ano nga dios bala sa langit kon sa duta, nga sarang makahimo sing mga buluhaton kag sing mga kaisug nga makatilingala subung sang mga binuhatan mo?

25 Tuguti ako, nga magtabok ako kag magtan-aw sadtong maayo nga duta, nga yara sa pihak sang Iordan, yadtong magayon nga bukid kag ang Libano.

26 Apang si Iehoba naakig batok sa akon bangud sa inyo, kag walâ sia magpamati sa akon; kag nagsiling sa akon si Iehoba: Tuman na: dili ka na maghambal liwan sa akon nahanungud sini nga butang.

27 Tukad ka sa putokputokan sang Pisga, kag bayawa ang imo mga mata nayon sa Katundan kag nayon sa Aminhan, kag nayon sa Bagatnan kag nayon sa Sidlangan, kag tuluka sang imo mga mata; kay indi ka sarang makatabok sa sini nga Iordan.

28 Kag sogo si Iosue, kag pasaliga sia kag palig-ona sia; kay sia magaagi sa atubangan sini nga banwa, kag sia among magapalagiya sa ila sang duta, nga makita mo.

29 Kag nagpuluyô kita sa nalupyakan sa atubangan sang Bet-Peor.

Si Moises nagalaygay sa mga Israelinon nga magpaladayon sila nga mga matutum kay Iehoba.

4 BUSA karon, Israel, pamatii ang mga palatukuran kag ang mga tulumanon, nga ginatudlo ko sa inyo, sa pagbutang sa ila sa buhat, agud nga magkalabuhi kamo kag magsululud kamo, sa pagtagiya sang duta, nga ginahatag sa inyo ni Iehoba, nga Dios sang inyo mga ginikanan.

2 Di'i kamo magdugang sing bisan ano sa polong, nga ginasogo ko sa inyo, kag dili kamo magbuhin sing bisan ano sa iya, agud nga matuman ninyo ang mga sogo ni Iehoba, nga inyo Dios, nga ginasogo ko sa inyo.

3 Ang inyo gid mga mata nakakita sang ginhimo ni Iehoba bangud sang Baal-Peor; kay ang tanan nga mga tawo nga nagsulunud kay Baal-Peor, ginlaglag sila ni Iehoba, nga imo Dios, sa tungâ ninyo.

4 Apang kamo, nga nagtalapik kay Iehoba, nga inyo Dios, tanan kamo mga buhi karon.

5 Tan-awa-ninyo, ako nagtudlo sa inyo sing mga palatukuran kag mga tulumanon, sono sang ginsogo ni Iehoba, nga akon Dios, sa akon, agud nga pagibutang ninyo sila sa buhat sa duta, diin magsululud kamo sa pagtagiya sa iya.

6 Busa, bantayi-ninyo sila kag ibutang ninyo sila sa buhat; kay ini among inyo kaalam kag ang inyo ihibalo, sa mga mata sang mga katawohan, nga sila magapalamati sining tanan nga mga palatukuran, kag magasililing sila: Sa pagkamatuud ining daku nga katawohan among banwa nga maalam kag mahibaloanon.

7 Kag ; ano bala ang daku nga katawohan nga may mga dios nga malapit sa iya, subung kay Iehoba, nga inyo Dios, sa gihapon nga pagtawgon naton sia?

8 Kag ; ano bala ang daku nga katawohan nga may mga palatukuran kag mga tulumanon nga matarung, subung sining tanan nga kasogoon, nga ginabutang ko karon sa atubangan ninyo?

9 Lamang, mag-andam-ka sa imo kag bantayi sing maayo ang imo kalâg, basi pa hikalimtan mo ang mga butang nga nakita sang imo gid mga mata, kag basi pa magpalayô sila sa imo tagiposoon,



sa tanan nga mga adlaw sang imo kabuhi; kondi ipakilala sila sa imo mga anak kag sa mga anak sang imo mga anak.

10 Sang adlaw nga nag-atubang ka kay Iehoba, nga imo Dios, sa Horeb, sang si Iehoba nagsiling sa akon: I-tipon ako sang banwa, kag pagapapamation ko sila sang akon mga polong, agud nga magtoon sila sa pagkahadluk sa akon sa tanan nga mga adlaw, nga magakalabuhi sila sa ibabaw sang duta, kag agud nga pagitudlo nila sila sa ila mga anak;

11 Niyan nagpalalapit kamo, kag didto kamo sa kunsaran sang bukid; kag ang bukid nagdabdab sing kalayo tubtub sa alibutud sang mga langit; kag may mga kadulum, nga gal-um kag mga kadudulman nga pitipit.

12 Kag naghambal si Iehoba sa inyo sa tunga sang kalayo: nabatian ninyo ang tingug sang mga polong, apang walâ kamo sing nakita nga bisan ano nga dagway, lamang *ginpamatian* ang isa ka tingug.

13 Kag ginbantala niya sa inyo ang iya katipan, ang napulô ka polong, nga ginsogo niya sa inyo, nga ibutang ninyo sa buhat, kag ginsulat niya sila sa ibabaw sang duha ka tapi nga batô.

14 Sa sadto nga dag-on nagsgogo man si Iehoba sa akon nga pagtudloan ko kamo sang mga palatukuran kag sang mga tulumanon, agud nga pagibutang ninyo sila sa buhat, sa duta diin magasululud kamo sa pagtagiya sa iya.

15 Busa, pagaandaman ninyo sing maayo ang inyo mga kalâg; kay walâ sing bisan ano nga dagway nga nakita ninyo, sang adlaw nga si Iehoba naghambal sa inyo sa Horeb sa tungâ sang kalayo;

16 Basi pa nga magkaladunut kamo kag maghilimo kamo nga sa inyo sing mga larawan nga tinigban sa kaangay sang bisan ano nga dagway, dagway sang lalaki kon sang babae;

17 Bisang dagway sang bisan ano nga sapat nga yara sa duta, bisang dagway sang bisan ano nga pispis nga pakpak, nga nagalupad sa langit;

18 Bisang dagway sang bisan ano nga sapat nga nagaguyud sa duta, bisang dagway sang bisan ano nga isda, nga yara sa mga tubig sa idalum sang duta;

19 Kag basi pa nga, sa pagbayaw mo

sang mga mata sa kalangitan kag makakita mo ang adlaw kag ang bulan, kag ang mga bitoon kag ang bug-os nga kasoldadosan sang langit, mabuyok ka sa pagyaub sa atubangan nila kag sa pag-alagad sa ila; butang nga ginhatag ni Iehoba, nga imo Dios, subung nga bahin sang tanan nga mga katawohan sa idalum sang tanan nga kalangitan.

20 Apang sa inyo, si Iehoba nagkuha sa inyo kag ginkuha niya kamo sa dapug nga salsalon, sa Egipto, agud nga magmanginbanwa niya kamo nga panublion, subung nga *ginatan-aw* ninyo karon.

21 Kag si Iehoba naakig batok sa akon bangud sa inyo, kag nagsumpa sia, nga indi ako makatabok sang Iordan kag indi ako makasulud sa maayo nga duta, nga ginahatag nga panublion sa imo ni Iehoba, nga imo Dios.

22 Apang ako dapat nga mapatay sa sini nga duta, kag indi ako sarang makatabok sang Iordan; apang kamo magatalabok kag magatalagiya sadtong maayo nga duta.

23 Magalandam-kamo, basi pa nga malipatan ninyo ang katipan ni Iehoba, nga inyo Dios, nga ginhimo niya sa inyo, kag *basi pa* maghilimo kamo sing bisan ano nga larawan nga tinigban, sa kaangay sang bisan ano nga butang nga gindumili ni Iehoba, nga imo Dios, sa imo;

24 Kay si Iehoba, nga imo Dios, among isa ka kalayo nga manughalunhon, isa ka Dios nga maimon.

25 Kon makapanganak na kamo sing mga anak kag mga apô, kag magtiligulang na kamo sa duta, kag kon magkaladunut kamo, kag maghilimo kamo sing mga larawan nga tinigban sa kaangay sang bisan ano nga butang, kag maghilimo kamo sing malain sa mga mata ni Iehoba, nga inyo Dios, sa pagpaakig sa iya;

26 Ginabutang ko karon nga saksi batok sa inyo ang langit kag ang duta, nga magakalamatay kamo, magakalamatay kamo sing madali gid sa ibabaw sang duta, nga sa pagtabok sang Iordan, nagalalakat kamo sa pagtagiya sa iya: indi maglalawig kamo sang inyo mga adlaw sa iya, kondi nga pagapanlaglagon kamo sing bug-os gid.

27 Kag si Iehoba magapaalaplaag sa inyo sa tungâ sang mga katawohan, kag

magakalabilin kamo nga pila ka bilog lamang sa kadamuon sa tungâ sang mga katawoban, nga pagadalhan sa inyo ni Iehoba.

28 Kag magaalalagad kamo didto sa mga dios, nga binubatan sang mga kamut sang mga tawo, *mga dios* nga kahoy kag nga bató, nga indi makakita, bisan makabati, bisan makakaon, bisan makapaninghot;

29 Apang tubtub didto, pagapanngitaon mo si Iehoba, nga imo Dios; kag makit-an mo sia, kon pagpanngitaon mo sia sa bug-os mo nga tagiposoong kag sa bug-os mo nga kalág.

30 Kon yara ka sa kasakitan gid, kag mag-alabut sa imo ining tanan nga mga butang sa olehe nga mga adlaw, magabalik ka kay Iehoba, nga imo Dios, kag magapamati ka sang iya tingug.

31 Kay si Iehoba, nga imo Dios, among Dios nga maloloyon: indi magabiya sia sa imo, kag indi magalaglag sa imo, kag indi magakalimot sia sang katipan sang imo nga ginikanan, nga ginsumpa niya sa ila.

32 Busa, magpamangkot-ka sang mga nagliligad nga panag-on, nga naguluna sa imo, kutub sang adlaw nga gintuga sang Dios ang tawo sa ibabaw sang duta, kag kutub sa isa ka ukbung sang langit tubtub sa isa ka ukbung: ¿nahanabu bala ang kaangay nga butang sa sining daku nga butang, kag nabatian mo ang daw nagaangayangay sini?

33 ¿Nabatian bala sang isa ka banwa ang tingug sang Dios, nga naghambal gikan sa tungâ sang kalayo, subung sang nabatian mo, kag nagkabuhi ka?

34 Kon, ¿nagtilaw bala ang isa ka Dios sa pagkari sa pagkuha nga sa iya sing isa ka katawohan gikan sa tungâ sang isa ka katawohan, nga may mga pagtilaw, may mga talandaan kag may mga kalatingalahan, kag tungud sang paglinaway, kag tungud sang makusug nga kamut, kag tungud sang inuntay nga butkon, kag nga may dalagku nga mga kakugmat, sono sa tanan nga ginhi-mo ni Iehoba, nga imo Dios, nga sa inyo sa Egipto sa atubangan sang imo gid mga mata?

35 Sa imo ginpakita ina, agud nga makasayud ka, nga si Iehoba amo lamang ang Dios kag walâ na sing iban luwas sa iya.

36 Gikan sa langit ginpabati niya ikaw sang iya tingug sa pagtudlo sa imo;

kag sa ibabaw sang duta ginpakita niya sa imo ang iya daku nga kalayo, kag nabatian mo ang iya mga polong gikan sa tungâ sang kalayo.

37 Kag tungud kay ginbigugma man niya ang imo mga ginikanan, ginpili niya ang imo kaliwatan sa olehe nila, kag ginpagowa niya ikaw sa Egipto, sa atubangan niya, tungud sang iya daku nga gahum,

38 Sa pagsobol sa atubangan nimo sing mga katawohan nga labing dalagku kag labing mga makusug pa sa imo, sa pagpasulud sa imo sa ila duta, kag paghatag sini sa imo nga panublion, subung sang *ginatan-aw* mo karon.

39 Busa, magsayud-ka karon nga adlaw kag panumduma sa imo tagiposoong, nga si Iehoba lamang amo ang Dios sa kalangitan pa ibabaw kag sa ibabaw sang duta pa idalum: walâ na gid sing iban.

40 Bantayi ang iya mga palatukuran kag ang iya mga sogo, nga ginasogo ko karon sa inyo, agud nga sa imo may kaayohan kag sa imo mga anak sa olehe nimo, kag nga pagpalawigon mo ang imo mga adlaw sa ibabaw sang duta, nga ginahatag sa imo ni Iehoba nga imo Dios, sa gihapon."

Mga banwa nga dalangpan sa Sidlangan sang Iordan.

41 Niyan ginpain ni Moises ang tatlo ka banwa sa isa ka luyo sang Iordan nayon sa sulubangan sang adlaw.

42 Agud nga magpalagyo didto ang nakapatay sing tawo, nga makapatay sa iya masigkatawo sing indi hungud, nga walâ niya pagdumti sia, bisan kahapon, bisan sa isa kahapon, kag nga sa makapalagyo sia sa sining mga banwa, magkabuhi sia;

43 *Kon sayoron*: ang Beser sa kahana-yakan, sa duta sang kapatagan, nga sa mga Rubeninhon; ang Ramot, sa Galaad, nga sa mga Gadinhon; kag ang Golam, sa Basan, nga sa mga Manasin-hon.

Ang Pagsulit sang Napulo ka Sogo.

44 Busa, ini among kasogoan nga ginpahamtang ni Moises sa atubangan sang mga inanak ni Israel.

45 Ini among mga pagkamatuud, mga palatukuran kag nga tulumanon, nga



ginmitlang ni Moises sa mga inanak ni Israel, sang naggulowa sila sa Egipto,

46 Sa isa ka luyo sang Iordan, sa nalupyakan, sa atubangan sang Bet-Peor, sa duta ni Sihon, hari sang mga Amorinhon, nga nagpuluyô sa Hesbon, nga ginpilas ni Moises kag sang mga inanak ni Israel, sang nakagowa na sila sa Egipto.

47 Kag nagtalagiya sila sang iya duta kag sang duta ni Og, hari sa Basan, duha ka hari sang mga Amorinhon, nga yara sa isa ka luyo sang Iordan, nayon sa sulubangan sang adlaw :

48 Kubtub sa Aroer, nga ara sa pangpang sang kasulgan sang Arnon, tubtub sa bukid sang Sion (nga among Hermon):

49 Kag ang bug-os nga kapatagan sa isa ka luyo sang Iordan, nayon sa Sidlangan, tubtub sa dagat sang kapatagan, sa kunsaran sang Pisga.

**5** KAG ginpatipon ni Moises ang bug-os nga Israel, kag nagsiling sa ila : "Pamatii, Israel, ang mga palatukuran kag ang mga tulumanon, nga ginamitlang ko karon sa inyo mga idulungug. Pagaton-an ninyo sila kag pagaandaman ninyo ang pagbutang sa ila sa buhat.

2 Si Iehoba, nga aton Dios, naghimo sing isa ka katipan sa aton sa Horeb.

3 Indi sa aton mga ginikanan ginhimo ni Iehoba ini nga katipan; kondi sa aton, sa aton tanan nga yari diri gid nga mga buhi karon.

4 Sa atubangay nagpakighambal sa aton si Iehoba sa bukid gikan sa tungâ sang kalayo.

5 Kag ako sadto didto sa tungâ ninyo kag ni Iehoba, sa pagpatpat sa inyo sang polong ni Iehoba; kay nagkalahadluk kamo sa atubangan sang kalayo, kag walâ kamo magtulukad sa bukid. *Naghambal sia*, nga nagasiling :

6 Ako amo si Iehoba, nga imo Dios, nga nagpagowa sa imo sa duta sang Egipto, sa baláy sang mga ulipon.

7 Dili ka maghuput sing liwan nga mga dios sa atubangan nakon.

8 Dili ka maghimo nga sa imo sing larawan nga tinigban, bisan ano nga butang nga kaangay sang didto sa ibabaw sang langit, bisan sang didto sa idalum sang duta, bisan sang didto sa mga tubig sa idalum sang duta.

9 Dili ka magyaub sa ila, kag dili ka

magtahud sa ila; kay ako si Iehoba, nga imo Dios, Dios nga maimon, nga nagaduaw sang kalautan sang mga ginikanan sa ibabaw sang mga anak tubtub sa ikatlo kag sa ikap-at ka kaliwatan sang mga nagadulumut sa akon;

10 Kag nga nagakalooy sa linibo sa mga nagahigugma sa akon kag nagabantay sang akon mga sogo.

11 Dili mo paggamiton ang ngalan ni Iehoba, nga imo Dios, sa walay kapuslanan, kay indi pagkabigon ni Iehoba nga walâ sing salâ ang maggamit sang iya ngalan sa walâ sing kapuslanan.

12 Bantayan-mo ang adlaw nga inugpahuway sa pagpakabalaan sa iya, sono sang ginsogo ni Iehoba, nga imo Dios, sa imo.

13 Sa anum ka adlaw magapangabudlay ka kag magahimo ka sang tanan nga imo buluhaton.

14 Apang ang ikapito ka adlaw amo ang isa ka *adlaw* nga inugpahuway kay Iehoba, nga imo Dios: dili ka maghimo sing bisan ano nga buluhaton, ikaw, bisan ang imo anak nga lalaki, bisan ang imo anak nga babae, bisan ang imo ulipon nga lalaki, bisan ang imo ulipon nga babae, bisan ang imo baka, bisan ang imo asno, bisan ano sang imo mga sapat, bisan ang dumuluong nga yara sa sulúd sang imo mga gawang; agud nga magpahuway ang imo ulipon nga lalaki kag ang imo ulipon nga babae subung sa imo.

15 Kag panumduma, nga ikaw nanginulipon *man* sa duta sang Egipto, kag nga si Iehoba, nga imo Dios, nagpagowa sa imo didto sa makusug nga kamut kag inuntay nga butkon: tungud sini si Iehoba, nga imo Dios, nagsogo sa imo, nga magbantay ka sang adlaw nga inugpahuway.

16 Tahoron-mo ang imo amay kag ang imo ilóy, sono sang ginsogo sa imo ni Iehoba, nga imo Dios, agud nga maglawig ang imo mga adlaw kag agud nga sa imo may kaayohan sa ibabaw sang duta, nga ginahatag sa imo ni Iehoba, nga imo Dios.

17 Dili ka magpatay.

18 Dili ka magpanglahi.

19 Dili ka magpangawat.

20 Dili ka magsaksi sing butig batok sa imo masigkatawo.

21 Dili mo pagkaibugan ang asawa sang imo isigkatawo; dili mo pagkai-

bugan ang baláy sang imo isigkatawo, bisan ang iya duta, bisan ang iya ulipon nga lalaki, bisan ang iya ulipon nga babae, bisan ang iya baka, bisan ang iya asno, bisan ano nga butang nga iya sang imo masigkatawo.

22 Ini nga mga polong ginhambal ni Iehoba sa bug-os ninyo nga katilingban sa bukid, gikan sa tungâ sang kalayo, sang panganud kag sang pitipit nga kadudulman, sa daku nga tingug, kag walâ na niya pagdugangi. Kag ginsulat niya sila sa ibabaw sang duha ka tapi nga bató, kag ginhatag niya sila sa akon.

23 Kag sang nakabati kamo sang tingug gikan sa tungâ sang kadudulman kag nakita ninyo ang bukid nga nagadabdag sang kalayo, nahanabu nga nagpalalapit kamo sa akon, ang tanan ninyo nga mga pangolo sang kabikahan kag ang inyo mga tigulang.

24 Kag nagsililing kamo: Yari karon, si Iehoba, nga aton Dios, nagpakita sa aton sang iya himaya kag sang iya pagkadaku, kag nabatian naton ang iya tingug gikan sa tungâ sang kalayo: karon nakita naton, nga si Iehoba naghambal sa tawo kag nga ang tawo nagakabuhi.

25 Busa karon, ¿Kay nga bala magakalamatay kita? Kay ining daku nga kalayo magaupud sa aton: kon makabati kita liwan sang tingug ni Iehoba, nga aton Dios, magakalamatay kita.

26 Kay ¿sin-o bala sa tanan nga unud nga nakapamati subung sa aton sang tingug sang Dios nga buhi, nga naghambal gikan sa tungâ sang kalayo, kag nagkabuhi sia?

27 Palapit-ka kag pamatii ang tanan nga mga butang, nga pagaisiling ni Iehoba, nga aton Dios; kag ikaw, ikaw magahambal sa amon sang tanan nga pagaisiling sa imo ni Iehoba, nga aton Dios, kag kami magapalamati kag pagahimoon namon ini.

28 Kag nabatian si Iehoba ang tingug sang inyo mga polong, sang naghambal kamo sa akon; kag nagsiling sa akon si Iehoba: Nabatian ko ang tingug sang mga polong sini nga bauwa, nga sila nagsililing sa imo: ginsililing nila sing maayo ang tanan nga ginhambal nila.

29 ¿Kabay pa nga gihapon may ila sila sini nga tagiposoon, agud nga magkahadluk sila sa akon kag mag-

bantay sila sang tanan nakon nga mga sogo, agud nga sa ila kag sa ila mga anak may kaayohan sa gihapon!

30 Kadto-ka, isiling sa ila: Palauli-kamo sa inyo mga layanglayang;

31 Apang ikaw, magpabilin-ka diri sa akon, kag pagaisiling ko sa imo ang tanan nga mga sogo, kag mga palatukuran kag mga tumanon, nga pagaitudlo mo sa ila, agud nga pagabutang nila sila sa buhat, sa duta nga ginahatag ko so ila sa pagtagiya sa iya.

32 Busa, alandami-ninyo sa paghimo sono sang ginsogo ni Iehoba, nga inyo Dios, sa inyo: dili kamo maglilipas bisan sa too, bisan sa walá.

33 Magalalakat kamo sa tanan nga dalan, nga ginsogo sa inyo ni Iehoba, nga inyo Dios, agud nga magkalabuhi kamo kag kamo may kaayohan kag pagapalawigon ninyo ang inyo mga adlaw sa duta, nga pagatagiyahon ninyo.

Mga laygay sa pagkamatinumanon.

**6** KAG, yari karon, ang sogo, ang mga palatukuran kag ang mga tumanon, nga ginsogo ni Iehoba, nga inyo Dios, nga pagitudlo ko sa inyo, agud nga pagibutang ninyo sila sa buhat sa duta, nga inyo ginakadtoan sa pagtagiya sa iya:

2 Agud nga magkahadluk ka kay Iehoba, nga imo Dios, nga magbantay ka sa bug-os nga mga adlaw sang imo kabuhi sang tanan niya nga mga palatukuran kag sang iya mga sogo, nga ginsogo ko sa imo, ikaw ang imo anak, kag ang anak sang imo anak, kag agud nga maglalawig ang imo mga adlaw.

3 Magapamati ka, Israel, kag magandam ka sa pagbutang sa ila sa buhat, agud nga may kaayohan ka, kag agud nga magdamu ka gid, sa duta nga nagailig sing gatas kag dugos, sono sang ginsiling sa inyo ni Iehoba, ang Dios sang imo mga ginikanan.

4 Pamati-ka, Israel: Si Iehoba amo ang aton Dios, si Iehoba lamang.

5 Kag magahigugma ka kay Iehoba, nga imo Dios, sa bug-os mo nga tagiposoon, kag sa bug-os mo nga kalág kag sa bug-os mo nga kusug.

6 Kag ini nga mga polong nga ginsogo ko karon sa imo, manginsaibabaw sang imo tagiposoon.



7 Kag pagapadutlon mo sila sa imo mġa anak, kag pagaihambal mo sila sa nagalingkod ka sa imo baláy, kag sa nagalakat ka sa dalan, kag sa paghigda mo kag kon magbanġon ka.

8 Kag pagaisabud mo sila nġa tandanan sa imo kamut, kag mangġintandaan sila sa agtang sa tunġa sang imo mġa mata.

9 Kag pagaisulat mo sila sa mġa bakalan sang imo baláy kag sa imo mġa gawang.

10 Kag sang napasulúd ka na ni Iehoba, nġa imo Dios, sa duta, nġa ginsumpa niya sa imo mġa ginikanan, kay Abraham, kay Isaak kag kay Iakob, nġa pagaihatag sia niya sa imo : *kon sayoron*, mġa kabanwaan nġa dalagku kag mġa maayo, nġa walá ka magpatindug,

11 Kag mġa baláy nġa punó sang tanan nġa kaayohan, nġa walá mo pagpun-a ; kag mġa bobon nġa pinakutkut, nġa walá mo pagkutkuta ; mġa ulubasan kag mġa kaolibahan, nġa walá mo pagtamni ; kag magakaon ka kag mabusug ka ;

12 Niyan mag-andam-ka, basi pa nġa magkalipat ka kay Iehoba, nġa nagpagowa sa imo sa duta sang Egipto sa baláy sang mġa ulipon.

13 Kay Iehoba, nġa imo Dios, magakahadluk ka, kag sa iya magaalagad ka, kag tungud sang iya nġalan magasumpa ka.

14 Dili kamo magalalakat sa olehe sang liwan nġa mġa dios, sang mġa dios sang mġa katawohan, nġa yara sa palibot ninyo.

15 Kay si Iehoba, nġa imo Dios, nġa yara sa tunġa nimo, among Dios nġa maimon ; basi pa nġa magsiga ang kakig ni Iehoba, nġa imo Dios, batok sa imo, kag paglaglagon ka niya sa ibabaw sang kadaygan sang duta.

16 Kag dili ninyo pagsulayon si Iehoba, nġa inyo Dios, subung sang pagsuláy ninyo sa iya sa Masa.

17 Pagabantayan ninyo sing mainandamon gid ang mġa sogo ni Iehoba, nġa inyo Dios, kag ang iya mġa pagpamatuud, kag ang iya mġa palatukuran, nġa ginsogo niya sa imo.

18 Kag pagahimoon mo ang matadlung kag maayo sa mġa mata ni Iehoba, agud nġa may kaayohon ka, kag nġa magsulúd ka kag magtagiya sadtong ma-

ayo nġa duta, nġa ginsumpa ni Iehoba sa imo mġa ginikanan,

19 Nġa nagasobol sang tanan mo nġa mġa kaaway sa atubang nimo, sono sang ginsiling ni Iehoba.

20 Kon sa buas nġa adlaw magpamangkot sa imo ang imo anak, nġa nagasiling : ¿Ano bala ang kahologan sang mġa pagpamatuud, sang mġa palatukuran kag sang mġa tulumanon, nġa ginsogo sa inyo ni Iehoba, nġa aton Dios ?

21 Magasiling ka sa imo anak : Kami mġa ulipon sadto ni Paraon sa Egipto kag si Iehoba nagpagowa sa amon gikan sa Egipto, tungud sa makusug nġa kamut ;

22 Kag si Iehoba naghimo sing mġa talandaan kag mġa kalatingalahan nġa dalagku kag makalaglag batok sa Egipto, batok kay Paraon kag batok sa bug-os niya nġa baláy, sa atubang sang amon mġa mata.

23 Kag ginpagowa niya kami didto, sa pagdalá sa amon *diri* kag sa paghatag sa amon sini nġa duta, nġa ginsumpa niya sa amon mġa ginikanan ;

24 Kag nagsogo sa amon si Iehoba, nġa pagibutang namon sa buhat ining tanan nġa mġa palatukuran, kag nġa magkahadluk kami kay Iehoba, nġa amon Dios, agud nġa may kaayohan kami sa gihapon, kag agud nġa pagbuhion niya kami, subung sang *ginatanaw* karon.

25 Kag ini mangġinkatarungan nġa sa aton, nġa mag-andam kita sa pagbutang sa buhat sining tanan nġa sogo sa atubang ni Iehoba, nġa aton Dios, sono sang ginsogo niya sa aton.

Sogo sa paglaglag sang mġa Kanaanhon kag sang  
ila mġa diosdios .

**7** KON napasulúd ka na ni Iehoba, nġa imo Dios, sa duta sa diin nagalakat ka sa pagtagiya sa iya, kag napanobol na niya sa atubang nimo ang madamu nġa mġa katawohan, ang mġa Hetinhon, ang mġa Gergesinhon, ang mġa Amorinhon, ang mġa Kanaanhon, ang mġa Peresinhon, ang mġa Hebinhon kag ang mġa Iebusinhon, pito ka katawohan nġa labi paka dalagku kag labing mġa makusug pa sa imo,

2 Kag kon natugyan na sila ni Iehoba, nġa imo Dios, sa atubang nimo, kag

napilas mo na sila, pagatagudilian mo gid sila : dili ka magpakigkatipan sa ila, kag dili ka magkalooy sa ila.

3 Dili ka magpangasawa sa ila : dili ka maghatag sang imo anak nga babae sa iya anak nga lalaki, kag dili ka magkuha sang iya anak nga babae nga sa imo anak nga lalaki.

4 Kay pagapatalikdon *nila* ang imo anak sa olehe nakon, kag magaalagad sila sa liwan nga mga dios, kag ang kasingkal ni Iehoba magasiga batok sa inyo, kag pagalaglagon ka niya sa madali.

5 Busa, amo ini ang pagahimoon ninyo sa ila : pagalaglagon ninyo ang ila mga halaran, pagapangdugmukon ninyo ang ila mga larawan, pagapamudlon ninyo ang ila mga Asherim, kag panunugon ninyo sa kalayo ang ila mga larawan nga tinigban ;

6 Kay amo ikaw ang banwa nga balaan nga kay Iehoba, nga imo Dios : si Iehoba, nga imo Dios, nagpili sa imo, agud nga manginbanwa ikaw niya nga pinasahi gikan sa tungâ sang tanan nga mga katawohan nga yara sa ibabaw sang kadayagan sang duta.

7 Indi tungud kay kamo labing madamu sang tanan nga mga banwa ginbigugma kamo ni Iehoba kag ginpili kamo niya, kay kamo among labing diyotay sang tanan nga mga banwa ;

8 Kondi tungud kay si Iehoba nagahigugma sa inyo, kag tungud kay nagabantay sia sang panumpa, nga ginsumpa niya sa inyo mga ginikanan, *tungud sini* ginpagowa kamo ni Iehoba sa makusug nga kamut, kag gintubus niya kamo sa baláy sang mga ulipon, sa kamut ni Paraon, nga hari sa Egipto.

9 Kag makilala mo, nga si Iehoba, nga imo Dios, among Dios, ang Dios nga matutum, nga nagabantay sang katipan kag sang kalooy sa mga nagahigugma sa iya kag nga nagabantay sang iya mga sogo tubtub sa linibo nga kaliwatan ;

10 Kag sa mga nagadulumut sa iya, ginabayaran niya sa ila nawung nga sa paglaglag sa ila : walâ sia magapadugay sa nagadumut sa iya : sa iya gid nawung pagaihatag niya sa iya ang bayad.

11 Kag pagabantayan mo ang sogo, ang mga palatukuran kag ang mga tulumanon, nga ginasogo ko karon sa imo, nga pagibutang mo sila sa buhat.

12 Kag mahanabu nga, tungud kay

nagpamati kamo sining mga tulumanon kag kay ginbantayan nimo sila, kag ginbutang ninyo sa buhat sila, si Iehoba nga imo Dios magabantay, nga sa imo, sang katipan kag sang kalooy, nga ginsumpâ niya sa imo mga ginikanan :

13 Kag pagahigugmaon, kag pagapadamuon ka niya ; kag pagapakamaayohon niya ang bunga sang imo tian, kag ang bunga sang imo duta, ang imo trigo, imo duga sang ubas kag ang imo lana, ang binata sang imo mga baka kag ang mga magamay sang imo mga obeha, sia ibabaw sang duta nga ginsumpa niya sa imo mga ginikanan, nga pagaihatag niya sia sa imo.

14 Manginpinapakamaayo ka labi pa sang tanan nga mga banwa : walâ sa tungâ nimo sing ba-was, bisan lalaki, bisan babae, bisan sa tungâ sang imo mga sapat.

15 Pagaipalayô sa imo ni Iehoba ang tanan nga balatian kag ang tanan nga mga kalalat-an sang Egipto, nga nakilala mo ; indi niya pagaibutang sila sa ibabaw nimo, kondi nga pagaibutang niya sila sa ibabaw sang tanan nga magadulumut sa imo.

16 Kag pagahalunhonon mo ang tanan nga mga katawohan, nga ginahatag sa imo ni Iehoba, nga imo Dios ; ang imo mga mata manginwalay kalooy sa ila ; kag indi ka magaalagad sa ila mga dios, kay ini manginsiod sa imo.

17 Kon nagasiling ka sa imo tagipsoon : Ining mga katawohan labi pa ka damu sa akon, { paano bala ang pagkasarang ko sa pagsobol sa ila ?

18 Dili ka mahadluk sa ila. Panumduma sing maayo ang ginhimo ni Iehoba, nga imo Dios, kay Paraon kag sa bug-os nga Egipto.

19 *Dumduma* ang mga dalagku nga mga pagtilaw nga nakita sang imo mga mata, ang mga talandaan kag ang mga kalatingalahan, kag ang mabaskug nga kamut kag ang butkon nga inuntay, nga ginpagowa sa imo ni Iehoba, nga imo Dios. Amo man ini ang pagahimoon ni Iehoba, nga imo Dios, sa tanan nga mga banwa nga imo ginakahadlukan.

20 Labut pa sini, si Iehoba, nga imo Dios magapadalâ batok sa ila sing mga alingayo tubtub nga magkalamatay ang mga nagakalabilin kag ang mga nagapalanago sa atubangan nimo.



21 Dili ka magkakugmat sa atubanghan nila, kay si Iehoba, nga imo Dios, yara sa tunga nimo, Dios nga daku kag makahaladluk.

22 Kag si Iehoba, nga imo Dios, magasobol sini nga mga katawohan sa atubangan nimo sa inanay: indi ka sarang makaubus sa ila sa gilayon, basi pa nga ang kasapatan sang latagon magdalamu batok sa imo.

23 Apang si Iehoba, nga imo Dios, magatugyan sa ila sa atubangan nimo, kag sia magapilas sa ila sa daku nga pagpilas, tubtub nga magkalalaglag sila.

24 Kag pagaitugyan man niya ang ila mga hari sa imo kamut, kag pagalaglagon mo ang ila ngalan sa idalum sang langit. Walâ sing bisan sin-o nga makagatubang sa imo, tubtub nga malaglag mo na sila.

25 Pagasunugon mo sa kalayo ang mga larawan nga tinigban sang ila mga dios: dili mo pagkaibugan ang pilak kag ang bulawan nga yara sa ibabaw nila, bisan magkuha ka sini nga sa imo, basi pa nga magmanginsiod mo sia; kay isa ka kangil-aran ini nga kay Iehoba, nga imo Dios.

26 Kag dili mo pagpasudlon ang kangil-aran sa imo baláy, agud nga indi ka magmangintinaagudilian subung sa iya: pagadumtan mo sia sing bug-os, kag pagakangil-aran mo sia sing bug-os, kay tinagudilian sia.

Ang mga kaayohan sang Dios among kabang-danan sang pagkamatagubaluson.

**8** ANDAMI-ninyo sa pagbutang sa buhat ang tanan nga mga sogo, nga ginasogo ko sa inyo karon, agud nga magkalabuhi kamo kag magdalamu kamo, kag magsululud kamo sa pagtagiya sang duta, nga ginsumpa ni Iehoba sa inyo mga ginikanan.

2 Panumduma ang tanan nga dalanon nga ginpalaktan sa imo ni Iehoba, nga imo Dios, sining kap-atan ka tuig sa kahanayakan, sa pagpapaubus sa imo, sa pagtilaw sa imo, sa pagkilala sang yara sa imo tagiposoon: kon pagabantayan mo, kon dili, ang iya nga sogo.

3 Ginpapaubus ka niya, ginpagutuman ka niya, kag ginpakaon ka niya sang mana, nga walâ mo makilal-i, bisan nakilala ini sang imo mga ginikanan, sa pagpahibalo sa imo, nga indi lamang sa

tinapay nagakabuhi ang tawo, kondi nga sa tanan nga nagagowa sa bâbâ ni Iehoba, nagakabuhi ang tawo.

4 Sa sining kap-atan ka tuig, ang imo panapton walâ gid maglapat sa ibabaw nimo, bisan nagbanug ang imo tiil.

5 Kilalaha sa imo tagiposoon, nga subung sang isa ka tawo nagasilot sa iya anak, amo man si Iehoba, nga imo Dios, nagasilot sa imo.

6 *Busa*, pagabantayan mo ang mga sogo ni Iehoba, nga imo Dios, agud nga maglakat ka sa iya mga dalanon kag magkahadluk ka sa ya.

7 Kay si Iehoba, nga imo Dios, magapasulud sa imo sa isa ka maayo nga duta: duta sang mga kasulgan sang mga tubig, sang mga tuburan kag sang mga danaw, diin nagailig ang mga *tubig* sa mga nalupyakan kag sa mga kabukiran;

8 Duta sang trigo kag sang sebada, kag sang mga ulubasan, kag sang mga kaigosan kag sang mga granada; duta sang mga kaolibahan sa lana, kag sa dugos;

9 Duta, nga sa iya indi ka makakaon sing tinapay nga may kaiwat, nga didto walâ gid sing makulang sa imo, duta nga ang iya mga batô among salsalon, kag sa iya mga bukid magakali ka sing tumbaga.

10 Magakaon ka kag mabusug ka, kag magapakamaayo ka kay Iehoba, nga imo Dios, tungud sang maayo nga duta, nga ginhatag niya sa imo.

11 Andam-ka, basi pa nga magkalimot ka kay Iehoba, nga imo Dios, sa indi pagtuman sang iya mga sogo, sang iya mga tulumanon kag sang iya mga palatukuran, nga ginasogo ko karon sa imo;

12 Basi nga, kon makakaon ka na kag mabusug ka na, kag kon makapatindug ka na sing mga maayo nga baláy kag nga nakapuyô ka na sa ila;

13 Kon magdalamu na ang imo mga kabakahan kag ang imo mga obaha, kag magbugana na ang pilak kag ang bulawan sa imo, kag magdamu na ang tanan nga yara sa imo,

14 Ang imo tagiposoon magtaas kag magkalipat ka kay Iehoba, nga imo Dios, nga nagpagowa sa imo sa duta sang Egipto, sa baláy sang mga ulipon;

15 Nga nagpalakat sa imo sa sining daku kag makakulugmat nga kahanayakan sang mga masingkal nga mga manug kag sang mga iwiiwi, kag sa mga

duug nga mamala nga didto walâ gid sing tubig; nga sia nagpatubud sing tubig sa batô nga santikan;

16 Nga sa kahanayakan nagsagud sa imo sang mana, nga ang imo ginikanan walâ makakilala sa iya, sa pagpapaubus sa imo kag sa pagtilaw sa imo, agud nga sa katapusan sa paghimo sa imo sing kaayohan.

17 *Busa mag-andam-ka*, basi nga masiling ka sa imo tagiposoon: Ang akon gahum kag ang kusug sang akon kamut nagdalâ sa akon sining mangad.

18 Apang magpanumdum-ka kay Iehoba, nga imo Dios; kay amo sia nga nagahatag sa imo sing gahum sa paghimo sang mga mangad, agud nga maligon ang iya katipan, nga ginsumpa niya sa imo mga ginikanan, subung sang *ginatan-aw* sa karon nga adlaw.

19 Kag mahanabu nga, kon pagkalimtan mo si Iehoba, nga imo Dios, kag maglakat ka sa olehe sang liwan nga mga dios, kag mag-alagad ka sa ila, kag sa atubangan nila magyaub ka, ginapamatud-an ko ini karon nga adlaw batok sa inyo, nga sa pagkamatuud, magakalamatay kamo.

20 Magakalamatay kamo subung sang mga katawohan, nga pagalaglagon ni Iehoba sa atubangan ninyo, tungud kay walâ ninyo pagpamati ang tingug ni Iehoba, nga inyo Dios.

*Nagapapanumdum si Moises sa mga Israelinhon sang ila mga pagkamalalison.*

**9** PAMATI-KA, Israel: Ikaw magatabok karon sang Iordan kag magsulud ka sa pagtagiya sang mga katawohan nga labing dalagku kag labing makusug pa sa imo; mga kabanwaanang dalagku kag napanlig-on tubtub sa langit;

2 Isa ka banwa nga daku kag mataas, mga anak sang mga Anakinhon, nga nakilalan mo, kag nabatian mo nga ginasing: ¿Sin-o bala ang makaatubang sa mga anak ni Anak?

3 Busa, mahibaloan karon nga adlaw, nga si Iehoba, nga imo Dios, among magaina sa imo nga subung sang kalayo nga manughalunhon: sia magalaglag sa ila, sia ang magapapaubus sa ila sa atubangan nimo; kag pagatabugon mo sila, kag pagapapason mo sila sa madali

gid, sono sang ginsiling ni Iehoba sa imo.

4 Sang nasobol na sila ni Iehoba, nga imo Dios, sa atubangan mo, dili ka maghambal sa imo tagiposoon, nga nagasing: tungud sang akon katarungan ginpasulud ako ni Iehoba sa pagtagiya sining duta; kay tungud sang kalautan sini nga mga katawohan pagasobolon sila ni Iehoba sa atubangan mo.

5 Indi tungud sang imo katarungan kag indi tungud sang katadlungan sang imo tagiposoon magasulud ka sa pagtagiya sang ila duta; kondi tungud sang kalautan sining mga katawohan pagasobolon sila ni Iehoba, nga imo Dios, sa atubangan mo, kag agud nga maglig-on ang polong nga ginsumpa ni Iehoba sa imo mga ginikanan, kay Abraham, kay Isaak kag kay Iakob.

6 Busa ngani mahibaloan mo, nga indi tungud sang imo katarungan ginahatag sa imo ni Iehoba, nga imo Dios, ining maayo nga duta sa pagtagiya sa iya, kay amo ikaw ang isa ka banwa nga matig-a sing tangkogo.

7 Panumduma, dili ka magkalipat, kon paano nga ginpaakig mo si Iehoba, nga imo Dios, sa kahanayakan: kutub sang adlaw nga naggowa ka sa duta sang Egipto tubtub sang inyo pag-abut sa sini nga duug, nagnanginmalalison kamo batok kay Iehoba.

8 Kag bisan pa sa Horeb ginpaakig ninyo si Iehoba, kag nagsingkal si Iehoba batok sa inyo sa paglaglag sa inyo.

9 Sang nagtukad ako sa bukid, sa pagbaton sang mga tapi nga batô, sang mga tapi sang katipan nga ginhimo ni Iehoba sa inyo, niyan nagpuyô ako didto sa bukid sing kap-atan ka adlaw kag kap-atan ka gab-i; walâ ako magkaon sing tinapay kag walâ ako maginum sing tubig:

10 Kag ginhatag sa akon ni Iehoba ang duha ka tapi nga batô, nga rapanulatan sang tudlo sang Dios; kag sa ibabaw nila *napanulat*, sono sa tanan nga mga polong, nga ginhambal ni Iehoba sa inyo sa bukid, gikan sa tungâ sang kalayo, sang adlaw sang pagtilipon.

11 Kag sa katapusan sang kap-atan ka adlaw kag kap-atan ka gab-i, nahanabu nga ginahatag sa akon ni Iehoba ang duha ka tapi nga batô, ang mga tapi sang katipan.



12 Kag nagsiling sa akon si Iehoba: Tindug-ka, panaug-ka sing madali diri, kay ang imo banwa nadunut, *ang banwa* nga ginpagowa mo sa Egipto: Naglilipas sila sing madali sa dalan nga ginsogo ko sa ila: nagbuhat sila nga sa ila sing isa ka larawan nga tinunaw.

13 Kag naghambal man si Iehoba sa akon, nga nagasiling: Nakit-an ko ining banwa, kag yari karon, nga sia among banwa nga matig-a sing tangkogo:

14 Pabayai ako, agud nga paglaglagon ko sila, kag panason ko ang ila ngalan sa idalum sang langit, kag magahimo ako sa imo sing isa ka katawohan nga labing gamhanan kag labing madamu pa sa ila.

15 Kag nagpauli ako, kag nagdulhog ako sa bukid, kag nagdabdab ang bukid sang kalayo, kag ang duha ka tapi sang katipan yari sa *akon* duha ka kamut.

16 Kag nakita ko, kag yari karon, nga nagpalakasala kamo batok kay Iehoba, nga inyo Dios; naghilimo kamo nga sa inyo sing isa ka tinday nga baka nga tinunaw; naghilipas kamo sing madali sa dalan, nga ginsogo ni Iehoba sa inyo.

17 Niyan ginkaptan ko ang duha ka tapi, kag ginpus-ang ko sila sang akon duha ka kamut, kag ginboong ko sila sa atubangan sang inyo mga mata.

18 Kag naghapa ako sa atubangan ni Iehoba, subung sang sadto anay, sa sulud sang kap-atan ka adlaw kag kap-atan ka gab-i; walâ ako magkaon sing tinapay kag walâ ako maginum sing tubig, bangud sang tanan ninyo nga sala, nga inyo ginhimo, nga nagahimo kamo sang malain sa mga mata ni Iehoba sa pagpaakig sa iya.

19 Kay ginkugmat ako sa atubangan sang kaakig kag kasingkal, nga ginkakig ni Iehoba batok sa inyo sa paglaglag sa inyo. Kag si Iehoba nagpamati pa sa akon sa sini nga oras.

20 Batok kay Aaron man naakig sing daku si Iehoba sa paglaglag sa iya; kag nangamuyo man ako tungud kay Aaron sadtong oras.

21 Kag ang inyo sala, ang tinday nga baka, nga inyo ginbuhat ginkuha ko, kag ginsunog ko ini sa kalayo, kag ginbukbuk ko ini kag ginligis ko ini sing maayo tubtub nga nanginsubung sang yab-ok;

kag ginsabwag ko ang iya yab-ok sa kasulgan, nga nagadulhog gikan sa bukid.

22 Kag sa Tabera *man* kag sa Masa, kag sa Kibrot-hataaba ginpaakig ninyo si Iehoba.

23 Kag sang ginpadala kamo ni Iehoba kutub sa Kades-Barnea, nga nagasiling: Talaklad-kamo kag talagiya-kamo sang duta, nga ginhatag ko sa inyo, nagmalalison kamo batok sang sogo ni Iehoba, nga inyo Dios, kag walâ ninyo pagpatiha sia kag walâ ninyo pagpamati ang iya tungud.

24 Nanginmalalison kamo kay Iehoba kutub sang adlaw nga nakilala ko kamo.

25 Busa, naghapa ako sa atubangan ni Iehoba sa sulud sang kap-atan ka adlaw kag kap-atan ka gab-i, nga didto naghapa ako; kay si Iehoba nagsiling, nga pagalaglagon kamo niya.

26 Kag nangamuyo ako kay Iehoba, nga nagasiling: Ginoo nga si Iehoba, ayaw paglaglaga ang imo banwa kag ang imo panublion, nga *imo* gintubus tungud sang imo pagkadaku, nga ginpagowa mo sia gikan sa Egipto sa *imo* makusug nga kamut.

27 Panumduma ang imo mga ulipon nga si Abraham, si Isaak, kag si Jakob: ayaw pagtuluka ang katig-ahon sini nga banwa kag ang iya kalautan, kag ang iya sala;

28 Agud nga indi magsiling ang duta, nga ginkuhaan mo sa amon: Tungud kay walâ makasarang si Iehoba sa pagpasulud sa ila sa duta, nga ginsiling sa ila, kag tungud kay nagdumut sa ila, ginpagowa sila niya sa pagpatay sa ila sa kahanayakan.

29 *Walay sapalayan*, sila among imo banwa kag ang imo panublion, nga ginpagowa mo sa imo daku nga gahum kag sa imo inuntay nga butkon.

**10** SADTO nga dag-on nagsiling sa akon si Iehoba: Basbas-ka sing duha ka tapi nga batô subung sang mga nahauna, kag tukad-ka sa akon sa bukid; kag humimo-ka man sing isa ka kaban nga kahoy,

2 Kag pagaisulat ko sa mga tapi ang mga polong nga didto anay sa ibabaw sang mga rahauna nga tapi, nga imo ginboong, kag pagaibutang mo sila sa kaban.

3 Kag naghimo ako sing isa ka kaban nga kahoy nga akasia, kag nagbas-

bas ako sing duha ka tapi nga bató nga subung sang mga nahauna, kag nagtukad ako sa bukid nga may duha ka tapi sa akon kamut.

4 Kag ginsulat niya sa mga tapi, sono sa nahauna nga sinulat, ang napulô ka mga polong, nga ginhambal ni Iehoba sa inyo sa bukid gikan sa tungâ sang kalayo, sang adlaw sang pagtilipon; kag ginhatag sila ni Iehoba sa akon.

5 Kag nagpauli ako, kag nagdulhog ako sa bukid, kag ginbutang ko ang mga tapi sa kaban nga akon ginhimo; kag yadto didto sila, sono sang ginsogo sa akon ni Iehoba.

6 Kag ang mga inanak ni Israel nagtalaliwan kutub sang mga bobon sa Bene-Iaakan pa Mosera. Didto napatay si Aaron kag didto ginlubung sia; kag sa tal-us niya si Eleasar, nga anak niya, nagpanghikot sang pagkasaserdote.

7 Kag gikan didto nagtalaliwan sila pa Gudgod, kag gikan sa Gudgod pa Iotbat, duta sa mga kasulgan sang mga tubig.

8 Sadto nga dag-on pinain ni Iehoba ang kabikahan ni Lebi sa pagdalá sang kaban sang katipan ni Iehoba, agud nga dira sia sa atubangan ni Iehoba sa pag-alagad sa iya, kag sa pagpakamaayo sang banwa sa iya ngalan tub-tub karon.

9 Tungud sini, si Lebi walâ sing bahin, bisan panublion upud sang iya mga útud: si Iehoba gid among iya panublion, subung nga ginsiling sa iya ni Iehoba, nga imo Dios.

Bag-ong laygay sa pagkamatinaumanon.

10 Kag didto ako sa bukid, subung sang mga nahauna nga adlaw, sing kapat-an ka adlaw kag kapat-an ka gab-i; kag si Iehoba nagpamati man sa akon sa sini nga oras, kag si Iehoba walâ magbuut sa paglaglag sa imo.

11 Kag nagsiling si Iehoba sa akon: Tindug-ka, lakat kag taliwan-ka sing úna sa banwa, agud nga magsulúd sila kag magtalagiya sang duta, nga ginsumpa ko sa ila mga ginikanan, nga pagaihatag ko sa ila.

12 Busa karon, Israel, ano bala ang ginapanngayo sa imo ni Iehoba, nga imo Dios, kondi lamang nga magkahadluk ka kay Iehoba, nga imo Dios, agud nga maglakat ka sa tanan niya nga mga

dalanon, kag nga maghigugma ka sa iya, kag mag-alagad ka kay Iehoba, nga imo Dios, sa bug-os mo nga tagiposoong kag sa bug-os mo nga kalag,

13 Nga magbantay ka sang mga sogo ni Iehoba, kag sang iya mga palatukuran, nga ginasogo ko karon sa imo, nga imo kaayohan?

14 Yari karon, ang mga langit kag ang mga langit sang mga langit, ang duta kag ang tanan nga mga butang nga yara sa iya, nahanungud kay Iehoba, nga imo Dios.

15 Apang lamang sa imo mga ginikanan nagpilit si Iehoba sa paghigugma sa ila, kag sa olehe nila, nagpili sia sang ila kaliwatan, sa inyo gid, sa tungâ sang tanan nga katawohan, subung sang ginalan-aw ninyo karon.

16 Busa, tulia-ninyo ang inyo mga tagiposoong, kag indi na ninyo pagpagtig-ahon ang inyo tangkogo.

17 Kay si Iehoba, nga inyo Dios, among Dios sang mga dios, ang Ginoo sang mga ginoo, ang Dios nga daku, gamhanan kag makahaladluk; nga walâ sia sing ginapilian sa mga tawo, kag walâ sia magabaton sang mga hipip;

18 Nga nagahimo sing katarungan sa ilo kag sa bálo nga babae, kag nagahigugma sa dumuluong, nga nagahatag sa iya sing tinapay kag panapton.

19 Ngani magahigugma kamo sa dumuluong, kay nangindumuluong kamo man sa duta sang Egipto.

20 Magakahadluk-ka kay Iehoba, nga imo Dios; sa iya magaalagad ka, sa iya magapilit ka, kag tungud sang iya ngalan magasumpa ka.

21 Sia amo ang imo pagdayaw, kag sia amo ang imo Dios, nga naghimo tungud sa imo sining mga dalagku kag makahaladluk nga mga binuhatan, nga nakita sang imo mga nata.

22 Ang imo mga ginikanan nagdulhog pa Egipto kaupud sang kapitoan ka kalág, kag karon si Iehoba, nga imo Dios, naghimo sa imo nga ang kadamuon mo subung sang mga bitoon sang langit.

11 BUSA, pagahigugmaon mo si Iehoba, nga imo Dios, kag pagabantayan mo ang iya tinulin, ang iya mga palatukuran, ang iya mga tulumanon kag ang iya mga sogo, sa tanan nga mga adlaw.



2 Kag kilalaha-ninyo karon (kay walâ ako *magahambal* sa inyo mga anak, nga walâ makasayud kag walâ makakita sang panabdong ni Iehoba, nga inyo Dios), *kilalaha-ninyo* ang iya kadaku, ang iya makusug nga kamut, kag ang iya inuntay nga butkon,

3 Kag ang iya mga talandaan, kag ang iya mga binuhatan, nga ginhimo niya sa tunga sang Egipto kay Paraon, nga hari sa Egipto, kag sa bug-os niya nga duta;

4 Kag ang ginhimo niya sa kasoldadosan sang Egipto, sa iya mga kabayo, kag sa iya mga kanga; kon paano ang iya pagpabalud sang mga tubig sang dagat nga Mapula sa ibabaw nila, sang sila naglalagas sa inyo, kag si Iehoba naglaglag sa ila tubtub karon,

5 Kag ang ginhimo niya sa inyo sa kahanayakan, tubtub nga nag-abut kamo sa sini nga duug;

6 Kag ang ginhimo niya kay Datan kag kay Abiram, nga mga anak ni Eliab, anak ni Ruben, sang pagbukâ sang duta sang iya bâbâ kag naglamon sa ila kag sang ila mga panimalây, kag sang ila mga layanglayang, kag sang tanan nga butang nga buhi nga nahanungud sa ila, sa tunga sang bug-os nga Israel.

7 Kay ang inyo mga mata nakakita sang tanan nga mga dalagku nga binuhatan, nga ginhimo ni Iehoba.

8 Busa, pagabantayan ninyo ang tanan nga sogo, nga ginasogo ko karon sa inyo, agud nga magmamangmakusug kamo kag magasululud kamo kag magatalagiya kamo sang duta, sa diin magaliton kamo sa pagtagiya sa iya;

9 Kag agud nga maglalawig ang inyo mga adlaw sa ibabaw sang duta, nga ginsumpa ni Iehoba sa inyo mga ginikanan, nga pagaihatag ninyo sia sa ila kag sa ila mga kaliwatan, duta nga nagailig ang gatas kag dugos.

10 Kay ang duta nga imo ginasudlan sa pagtagiya sa iya, indi subung sang duta sa Egipto, nga inyo ginhalinan, nga didto nagasabwag ka sang imo binhi, kag ginabunyagan mo sia sang imo tiil, subung sang isa ka katamnan sang mga ulutanon.

11 Ang duta nga inyo pagakadtoan sa pagtagiya sa iya, among duta sang mga kabukiran kag sang mga nalupyakan: nagainum sia sing tubig sa ulan sang langit.

12 Among duta nga ginaalila ni Iehoba, nga imo Dios, nga yara gihapon sa ibabaw niya ang mga mata ni Iehoba, nga imo Dios, kutub pa sa pamúnô sang tuig tubtub sa katapusan sang tuig.

13 Kag kon pamatian ninyo sing matalupangdon gid ang akon mga sogo, nga ginasogo ko karon sa inyo, nga higugmaon ninyo si Iehoba, nga inyo Dios, kag alagdon ninyo sia sa bug-os ninyo nga tagiposoon kag sa bug-os ninyo nga kalág,

14 Mahanabu nga pagaihatag ko ang ulan sa inyo duta sa iya dag-on, nga nahauna nga ulan kag mga naolehe nga ulan; kag magatipon ka sang imo trigo, sang imo duga sang ubas kag sang imo lana,

15 Kag magahatag ako sing hilamon sa imo latagon nga sa imo kahayapan, kag magakaon ka kag mabusug ka.

16 Andami-ninyo, basi pa nga mada-yaan ang inyo tagiposoon kag nga maglilipas kamo, kag nga mag-alagad kamo sa liwan nga mga dios kag nga maglayaub kamo sa atubangan nila.

17 Kay magasiga ang kasingkal ni Iehoba batok sa inyo, kag pagatakpan niya ang mga langit, kag walâ na sing ulan, kag ang duta indi na magapamunga, kag sa madali magakalamatay kamo sa ibabaw sang maayo nga duta, nga ginahatag ni Iehoba sa inyo.

18 Busa, ipahamtang-ninyo ining akon mga polong sa inyo tagiposoon kag sa inyo kalág, kag isabud ninyo sila nga tandaan sa inyo mga kamut kag mangintandaan sa agtang sa tunga sang inyo mga mata.

19 Kag pagaitoon mo sila sa imo mga anak, nga nagahambal sa ila, kon magapungko ka sa imo baláy kag kon magalakat ka sa dalanon, kon maghigda ka kag kon magbangon ka.

20 Kag pagaisulat mo sila sa mga bakalan sang imo baláy kag sa imo mga gawang,

21 Agud nga magdaiamu ang inyo mga adlaw kag ang mga adlaw sang inyo mga anak sa ibabaw sang duta, nga ginsumpa ni Iehoba sa inyo mga ginikanan, nga pagaihatag niya sa ila, subung sang mga adlaw sang mga langit sa ibabaw sang duta.

22 Kay kon pagbantayan ninyo sing mainandamon gid ining tanan nga sogo, nga ginasogo ko karon sa inyo sa pag-

butangsa iya sa buhat kag sa paghigugma kay Iehoba, nga inyo Dios, kag sa paglakat sa tanan niya nga mga dalanon kag sa pagpilit sa iya,

23 Pagasobolon man ni Iehoba sa atubangan ninyo ining tanan nga mga katawohan, kag magatalagiya kamo sang mga katawohan nga labing dalagku kag labing mga makusug pa sa inyo.

24 Ang tanan nga duug nga pagtapakan sang inyo tiil, mangininyo ; mangininyo dulunan kutub sa kahanayakan tubtub sa Libano, kutub sa subâ, ang subâ nga Euprates, tubtub sa dagat nga sa Katundan.

25 Walâ bisan sin-o nga makaatubang sa inyo ; pagaibutang ni Iehoba ang kulba kag kahadluk gikan sa inyo sa ibabaw sang nawung sang bug-os nga duta nga pagatapkan ninyo, sono sang ginsiling niya sa inyo.

26 Yari karon, ginabutang ko sa atubangan ninyo karon ang pagpakamaayo kag ang pagpakamalaut :

27 Ang pagpakamaayo, kon pagpamatian ninyo ang mga sogo ni Iehoba, nga inyo Dios, nga ginasogo ko karon sa inyo :

28 Kag ang pagpakamalaut, kon indi ninyo pagpamatian ang mga sogo ni Iehoba, nga inyo Dios, kag kon maglilipas kamo sang dalan, nga ginasogo ko karon sa inyo, sa pagsunud sa liwan nga mga dios, nga walâ ninyo makilali.

29 Kag mahanabu nga, kon napasulid ka na ni Iehoba, nga imo Dios, sa duta, diin nagakadto ka sa pagtagiya sa iya, pagaibutang mo ang pagpakamaayo sa ibabaw sang bukid nga Gerisim kag ang pagpakamalaut sa ibabaw sang bukid nga Ebal.

30 Ini nga mga bukid ; walâ bala ini sila didto sa pihak sang Iordan, sa likod sang dalan nga nakatundan, sa duta sang Kanaanhon nga nagapuyô sa kapatagan sa atubangan sang Gilgal, sa luyo sang katerebintohan sang More ?

31 Kay magatalabok na kamo sang Iordan sa pagsulid kag sa pagtagiya sang duta, nga ginahatag sa inyo ni Iehoba, nga inyo Dios ; kag magatagiya kamo sa iya kag magapuluyô kamo sa iya.

32 Kag magaandam kamo sa pagbutang sa buhat sang tanan nga mga palatukuran kag sang tanan nga mga tulu-

manon, nga ginabutang ko karon sa atubangan ninyo.

Ang bugtong nga balaan nga puluyan.

12 INI among mga palatukuran kag mga tulumanon nga pagaandaman ninyo sa pagbutang sa ila sa buhat, sa duta nga ginahatag sa inyo ni Iehoba, ang Dios sang inyo mga gnikanan, agud nga magtaiya kamo sa iya, sa tanan nga mga adlaw nga magkabuhi kamo sa ibabaw sang duta.

2 Pagalaglagon ninyo sing bug-os ang tanan nga mga duug, nga didto ang mga katawohan, nga inyo pagasobolon, nagaalalagad sa ila mga dios, sa ibabaw sang mga mataas nga bukid, kag sa ibabaw sang mga kabakoloran kag sa idalum sang tanan nga madabung nga mga kahoy.

3 Pagalaglagon man ninyo ang ila mga halaran kag pagapamoongon ninyo ang ila mga larawan, kag pagasuugon ninyo sa kalayo ang ila mga Asherim, kag pagapudlon ninyo ang mga larawan nga tinigban sang ila mga dios, kag pagapanason ninyo ang ila ngalan sa sadtong duug.

4 Dili kamo magbuluhat sing subung sini kay Iehoba, nga inyo Dios ;

5 Kondi nga pagapangitaon ninyo ang iya Puluy-an sa dung nga pagapilion ni Iehoba, nga inyo Dios, sa tungâ sang tanan ninyo nga mga kabikahan sa pagbutang didto sang iya ngalan, kag magakaladto kamo didto.

6 Didto pagadalhon ninyo ang inyo mga halad nga sinunog, kag ang inyo mga halad, kag ang inyo mga ikapulô, kag ang halad nga binayaw sang inyo mga kamut, kag ang inyo mga panaad, kag ang inyo mga halad nga kinabubuton, kag ang mga panganay sang inyo mga baka kag sang inyo mga obeha.

7 Kag didto pagakaanon ninyo sila sa atubangan ni Iehoba, nga inyo Dios, kag magakalalipay kamo, kamo kag ang inyo mga panimalây, sa tanan nga mga buluhaton sang inyo mga kamut, kag nga sa ila ginpakamaayo sa imo ni Iehoba, nga imo Dios.

8 Dili ninyo pagahimoon, sono sang tanan nga ginahimo naton karon diri, ang tagsatagsa sang tanan nga ginapakatadlung niya sa iya gid mga mata ;

9 Kay tubtub karon walâ pa kamo



makasulúd sa kapahuwayan kag sa panublion, nga ginahatag sa inyo ni Iehoba, nga inyo Dios.

10 Kag magatalabok kamo sang Iordan, kag magapuluyô kamo sa duta, nga ginapapanubli sa inyo ni Iehoba, nga inyo Dios, kag sia magapapahuway sa inyo sa tanan ninyo nga mga kaaway sa palibot, kag magapuluyô kamo nga mga malig-on.

11 Kag may duug nga pagapilion ni Iehoba, nga inyo Dios, sa pagpapuyô sa iya sang iya ngalan. Pagadal-on ninyo didto ang tanan nga ginasogo ko sa inyo: ang inyo mga halad nga sinunog, ang inyo mga halad, ang inyo mga ikapulô kag ang mga halad nga binayaw sang inyo mga kamut, kag ang tanan nga mga pinasahi nga halad sang panad, nga ginpanaad ninyo kay Iehoba.

12 Kag magakalipay kamo sa atubangan ni Iehoba, nga inyo Dios, kamo, ang inyo mga anak nga lalaki kag ang inyo mga anak nga babae, ang inyo mga ulipon nga lalaki kag ang mga ulipon nga babae, kag ang Lebinhon nga yara sa sulúd sang inyo mga gawang, kay sia walâ sing bahin, bisan panublion upud sa inyo.

13 Andam-ka, sa paghalad sang imo mga halad nga sinunog sa bisan ano nga duug nga makita mo;

14 Kondi sa duug nga pagapilion ni Iehoba sa isa sang imo mga kabikahan, didto magahalad ka sang imo mga halad nga sinunog kag didto magahimo ka sang tanan nga ginasogo ko sa imo.

15 Walay sapayan, sono sa kailâ sang imo kalâg sarang ka makaihaw kag makakaon sing unud, sa sulúd sang tanan mo nga mga gawang, sono sang pagpakamaayo nga kinahatag sa imo ni Iehoba, nga imo Dios: ang mahigko kag ang matinlo magakaon sa iya, subung sang pagkaon sang gasela kag sang usa.

16 Lamang nga dili kamo magkaon sing dugo: pagaulaon ninyo sia sa ibabaw sang duta subung sang tubig.

17 Dili ka sarang makakaon, sa sulúd sang imo gawang, sang ikapulô sang imo trigo, sang imo duga sang ubas, kag sang imo lana, bisan sang mga pangay sang imo mga baka kag sang imo mga obehâ, bisan sang tanan mo nga mga halad nga pinanaad nga ginpanaad mo, bisan sang imo mga halad sa kina-

bubut-on, bisan sang mga halad nga binayaw sang imo mga kamut.

18 Apang sa atubangan ni Iehoba, nga imo Dios, pagakaonon mo sila sa duug nga pagapilion ni Iehoba, nga imo Dios: ikaw, ang imo anak nga lalaki kag ang imo anak nga babae, ang imo ulipon nga lalaki kag ang imo ulipon nga babae, kag ang Lebinhon nga yara sa sulúd sang imo mga gawang; kag magakalipay ka sa atubangan ni Iehoba, nga imo Dios, sa tanan nga buluhaton sang imo kamut.

19 Andam-ka, basi pa nga malipatan mo ang Lebinhon, sa tanan nga mga adlaw sang imo pagkabuhi sa ibabaw sang duta.

20 Kon mapalapad na ni Iehoba, nga imo Dios, ang imo mga dulunan, sono sang ginsiling niya sa imo, kag magsiling ka: Magakaon ako sing unud, kay nagakailâ ang imo kalâg sa pagkaon sing unud; sono sa tanan nga kailâ sang imo kalâg sarang ka makakaon sing unud.

21 Kon malayô sa imo ang duug nga ginpili ni Iehoba, nga imo Dios, sa pagbutang didto sang iya ngalan, magaihaw ka sa imo mga baka kag sa imo mga obehâ, nga kinahatag sa imo ni Iehoba, subung sang ginsogo ko sa imo, kag magakaon ka sa iya sa sulúd sang imo mga gawang, sono sang tanan nga kailâ sang imo kalâg.

22 Nagakaon ka sa iya subung sang pagkaon sa gasela kag sa usa: ang mahigko kag ang matinlo magakalaon sa ila sing tingub.

23 Lamang nga magmalig-on ka sa pagpugung sa pagkaon sing dugo: kay ang dugo among kabuhi; kag dili ka magakaon sang kabuhi tingub sang unud.

24 Dili mo sia pagkaonon; pagaiula mo sia sa ibabaw sang duta subung sang tubig.

25 Dili mo sia pagkaonon, agud nga may kaayohan ka, ikaw kag ang imo mga anak sa olehe nimo, kon maghimo ka sang matadlung sa mga mata ni Iehoba.

26 Apang ang mga butang nga ginapakabalaan, nga nahanungud sa imo, kag ang mga ginpanaad mo, pagakuhaon mo sila kag magakadto ka sa duug nga pagapilion ni Iehoba.

27 Kag pagaihalad mo ang imo mga

halad nga sinunog, ang unud kag ang dugo, sa ibabaw sang halaran ni Iehoba, nga imo Dios; apang sa nahanungud sang *iban* mo nga mga halad, pagaiula ang dugo sa ibabaw sang halaran ni Iehoba, nga imo Dios, kag pagakaonon mo ang unud.

28 Bantayi kag pamatli ining tanan nga mga butang, nga ginasogo ko sa imo, agud nga may kaayohan ka, ikaw kag ang imo mga anak sa oleho nimo sa gihapon, kon maghimo ka sang maayo kag sang matadlung sa mga mata ni Iehoba, nga imo Dios.

29 Kon nalaglag na, sa imo atubanghan, ni Iehoba, nga imo Dios, ang mga katawohan, nga didto nagakadto ka sa pagtagiya sa ila, kag sang masobol mo na sila kag magpuyô ka sa ila duta,

30 Adam-ka, basi pa nga masiod ka sa pagsunud mo sa olehe nila, sa tapus nga napanlaglag sila sa imo atubangan, kag basi pa nga magpamangkot ka nahanungud sa ila mga dios, nga nagasiling: ¿ Paano bala ang pag-alagad sining mga katawohan sa ila mga dios? Amo man ini ang pagahimoon ko.

31 Dili ka magahimo sing subung sini kay Iehoba, nga imo Dios; kay ang tanan nga kangil-aran nga ginadumtan ni Iehoba, ginhimo nila sa ila mga dios; kay ang ila gid nga mga anak nga lalaki kag ang ila mga anak nga babae ginpanunog nila sa kalayo nga sa ila mga dios.

32 Mag-andam-kamo sa pagbutang sa buhat sang tanan nga mga butang nga ginsoyo ko sa inyo, dili ka magdugang sing bisan ano sa iya, kag dili ka magbuhin sing bisan ano sa iya.

Silot sang mga butig nga mga manalagna kag  
sang mga diwatahan, nga magabalanon  
sa Israel.

**13** KON magbangon sa tunga nimo ang isa ka manalagna, kon manugdamgo sang mga damgo, nga maghatag sa imo sing isa ka talandaan kon katingalahan,

2 Kag mahanabu ang talandaan kon ang katingalahan, nga ginhambal niya sa imo, nga nagasiling: masunud-kita sang liwan nga mga dios, mga *dios* nga walâ mo makilal-i, kag mag-alalagad-kita sa ila;

3 Dili ka magpamati sang mga polong

sining manalagna kon sining manugdamgo sang mga damgo, kay si Iehoba, nga inyo Dios, nagatilaw sa inyo sa paghibalo kon ginahigugma ninyo si Iehoba, nga inyo Dios, sa bug-os ninyo nga tagiposoon kag sa bug-os ninyo nga kalág.

4 Sa olehe ni Iehoba, nga inyo Dios, magalalakat kamo, kag sa iya magakalahadluk kamo, kag pagabantayan ninyo ang iya mga sogo, kag pagapamatian ninyo ang iya tingug, kag pagaalagdon ninyo sia, kag sa iya magapililit kamo.

5 Kag ini nga manalagna kon ini nga manugdamgo sang mga damgo pagapatyon sia; kay naghambal sia sing pagkamalalison batok kay Iehoba nga inyo Dios (nga nagpagowa sa inyo sa duta sang Egipto kag nga nagtubus sa inyo sa baláy sang mga ulipon), agud nga maglipas ka sa dalan, nga ginsoyo sa imo ni Iehoba, nga imo Dios, nga imo pagalaktan. Kag pagapanason mo ang malauton sa tunga nimo.

6 Kon ang imo útud nga lalaki, anak nga lalaki sang imo ilôy, kon ang imo anak nga lalaki, kon ang imo anak nga babae, kon ang imo asawa, kon ang imo abyan nga daw subung sang imo kalág, magpabuyok sa imo sa hilum gid, nga nagasiling: Kaladto-kita kag mag-alalagad-kita sa liwan nga mga dios, mga *dios* nga walâ maki-lal-i, bisan ikaw, bisan ang imo mga ginikanan,

7 Sa mga dios sang mga kataowhan, nga nagalilibot sa inyo, bisan sia malapit sa imo, bisan sia malayô sa imo, kutub sa isa ka ukbung sang duta tubtub sa isa ka ukbung sang duta;

8 Dili ka magpahanugut sa iya, kag dili ka magpamati sa iya, ang imo mata dili magpatawad sa iya, kag dili ka magkaloooy sa iya, kag dili mo pagtagoan sia;

9 Kondi nga pagapatyon mo sia, sa pagkamatuud; ang imo kamut manginahauna sa ibabaw niya sa pagpatay sa iya, kag ugaling ang kamut sang bug-os nga banwa.

10 Kag pagabatohon mo sia, kag matay sia; kay naghimulat sia sa pagpalayô sa imo kay Iehoba nga imo Dios, nga nagpagowa sa imo sa duta sang Egipto, sa baláy sang mga ulipon.

11 Kag ang bug-os nga Israel maga-



pamati sini kag magakahadluk, kag indi na magbalik sa paghimo sing subung nga kalainan sa tungâ nimo.

12 Kon mabatian mo ang hambal sa isa sang mga kabanwaan, nga ginahatag sa imo ni Iehoba, nga imo Dios, sa pagpuyô didto, nga nagasiling :

13 Mga tawo nga mga anak ni Belial, naglutaw sa tungâ nimo, nga nagguyud sila sa mga pumuluyô sang imo kabanwaan, nga nagasiling : Kaladto-kita kag mag-alalagad kita sa liwan nga mga dios, nga walâ ninyo makilal-i,

14 Pagaussisaon mo kag pagapanġitaon mo, kag pagapamangkoton mo sing matul-id gid, kag yari karon, ang kamatooran, ang butang nga matuud, nga ining kangil-aran nahimo sa tungâ nimo ;

15 Niyan, sa walâ sing pangduhaduha, pagapilason mo sa sulab sang hinganiban ang mga pumuluyô sadto nga banwa, nga pagalaglagon mo sia sing bug-os gid, patî ang tanan nga yara sa iya, kag ang iya nga kahayupan, sa sulab sang hinganiban.

16 Kag pagatiponon mo ang tanan niya nga inagaw sa tungâ sang iya dalan, kag pagasunugon mo sa kalayo sing bug-os gid ang banwa kag ang tanan niya nga inagaw, nga kay Iehoba nga imo Dios : kag manginisa sia ka tinumpok sa gihapon, kag indi na gid sia pagapatindugon liwan.

17 Kag walâ gid sing magpilit sa bisan ano nga imo lamut sang tinagudilian, agud nga si Iehoba magbalik sa kasingkal sang iya kaakig, kag maghatag sa imo sang iya nga pagkalolo, kag maghikalooy sa imo kag magpadamu sa imo, sono sang ginumpa niya sa imo nga ginikanan ;

18 Kon magpamati ka sang tingug ni Iehoba, nga imo Dios, sa pagbantay sang tanan niya nga mga sogo, nga ginasogo ko karon sa imo kag sa paghimo sang matadlung sa mga mata ni Iehoba, nga imo Dios.

Ang mga sapat nga mga matinlo kag mga mahigko.

**14** KAMO among mga anak ni Iehoba, nga inyo Dios : dili kamo magpanġudlis, kag dili kamo magpaupaw sa tungâ sang inyo nga mata, tungud sang isa ka minatay.

2 Kay ikaw among banwa nga balaan kay Iehoba, nga imo Dios, kag si Iehoba

nagpili sa imo, agud nga manginisa ka banwa ka nga pinasahi sa iya sa tungâ sang tanan nga mga banwa, nga yara sa kadaygan sang duta.

3 Dili ka magkaon sing bisan ano nga kalangil-aran.

4 Yari karon, ang mga sapat nga pagakaonon ninyo : ang baka, ang obeha kag ang kanding,

5 Ang usa, ang gasela kag ang lalaking usa, ang kanding nga talonon kag ang akko, kag ang dison, kag ang teo kag ang Semer.\*

6 Kag ang tanan nga sapat nga may koko nga napihak, kag nga may tiil nga napihak sing bug-os gid sa duha ka koko kag nagapanġusang, sa tungâ sang mga sapat, ina pagakaonon ninyo.

7 Apang ini sila dili ninyo pagakaonon, sa mga nagapalanġusang, kon sa mga may koko nga pinihak gid : ang kamelyo, ang liebre kag ang daman, kay nagapalanġusang sila, apang walâ sing koko nga pinihak gid : manginmahigko sila sa inyo.

8 Kag ang babuy, kay sia may koko nga panihak gid, apang walâ magapanġusang : manginmahigko sia sa inyo. Dili kamo magkalaon sa ila unud, bisan magkalamlut kamo sang ila nga lawas nga patay.

9 Yari karon ang pagakaonon ninyo sa tanan nga yara sa mga tubig : ang tanan nga may mga kapay kag mga himbis pagakaonon ninyo ;

10 Apang ang tanan nga walâ sing mga kapay kag mga himbis, dili ninyo pagakaonon : manginmahigko sila sa inyo.

11 Ang tanan nga pispis nga matinlo pagakaonon ninyo.

12 Apang ini sila amo ang indi ninyo magakaon : ang agila, ang manugboong sing tul-an kag ang agila sa dagat ;

13 Kag ang asor, kag ang halkan, kag ang milano, siling sang ila naigoan.

14 Kag ang tanan nga uwak, sono sang iya naigoan.

15 Kag ang avestrus, ang tahemas, kag ang gabiota, kag ang dapay, sono sang ila naigoan,

16 Kag ang bukaw nga magamay, ang bukaw nga dalagku, kag ang tansemet,

\*Akko, dison, tea, semer, ayhan nga nagakalainlain nga mga gasela.

17 Kag ang pelikano, ang buitre kag ang somormoho,

18 Kag ang siguenya kag ang garasa, sono sang ila naigoan, kag ang abubilya kag ang kabug.

19 Ang tanan man nga sapat nga magamay nga pakpakan manginmahigko sa inyo: dili kamo magkalaon sa ila.

20 Ang tanan nga pispis nga matinlo pagakaonon ninyo.

21 Walâ sing bisan ano nga butang nga napatay nga pagakaonon ninyo: pagaihatag mo ini sa dumuluong, nga yara sa sulúd sang imo mga gawang, agud nga sia magkaon sa iya: kon ibaligya mo sia sa isa ka dumuluong; kay ikaw among isa ka banwa nga balaan kay Iehoba nga imo Dios. Dili mo pagalutoon ang tinday nga kanding sa gatas sang iya gid ilóy.

#### Ang ikapulo.

22 Pagapainon mo sing matul-id gid ang ikapulô sang tanan nga patubas sang imo b'nhí, nga nagagikan sa imo latagon sa tuigtuig.

23 Kag magakaon ka sa atubangan ni Iehoba, nga imo Dios, sa duug nga pagapilion niya sa pagpapuyô didto sang iya ngalan, sang ikapulô sang imo uyas, sang imo duga sang ubas, kag sang imo lana, kag sang mga panganay sang imo mga kabakahan kag sang imo mga obeha, agud magtoon ka sa pagkahadluk kay Iehoba, nga imo Dios, sa gihapon.

24 Kag kon tama ka lawig sa imo ang dalanon, sa bagay nga indi mo sarang madalâ ang ikapulô, tungud kay malayô sa imo ang duug nga pinili ni Iehoba, nga imo Dios, sa pagbutang didto sang iya ngalan, sang si Iehoba, nga imo Dios, nagpakamaayo sa imo,

25 Niyan pagapilakon mo ini kag ihigot mo ang pilak sa imo kamut, kag magakadto ka sa duug nga pagapilion ni Iehoba, nga imo Dios.

26 Kag pagaihatag mo ang pilak tungud sang tanan nga mailaan sang imo kalág, sa mga baka kon sa mga obeha, kon sa duga sang ubas, kon sa ilimnon nga maisug, kon sa bisan ano nga butang nga pagapangayoon sang imo kalág: kag pagakaonon mo didto sa atubangan ni Iehoba, nga imo

Dios, kag magakasadya ka, ikaw kag ang imo panimaláy.

27 Kag dili mo pagabayaang ang Lebinhon, nga yara sa sulúd sang imo mga gawang, kay walâ sia sing bahin, bisan panublion kaupud nimo.

28 Sa katapusan sang tagsa ka tatlo ka tuig, magakuha ka sang tanan nga ikapulô sang imo mga patubas sadto nga tuig, kag pagatagooon mo ini sa sulúd sang imo mga gawang.

29 Kag magaabut ang Lebinhon (nga walâ sing bahin, bisan panublion kaupud nimo), kag ang dumuluong, kag ang ilo, kag ang bálo nga babae, nga yara sa sulúd sang imo mga gawang, kag magakalaon sila kag magkalabusug sila, agud nga si Iehoba, nga imo Dios, magpakamaayo sa imo sa tanan nga buluhaton, nga pagahimoon sang imo kamut.

#### Ang tuig sang pagpasaylo.

15 SA katapusan sang ikapito ka tuig magahimo ka sing pagpasaylo.

2 Kag ini amo ang solondan sang pagpasaylo: Ang tanan nga nautangan magapasaylo sang iya napahulam sa iya masigkatawo: indi na niya pagapiliton ang iya masigkatawo kon ang iya útud, kay ginbantala na ang pagpasaylo ni Iehoba.

3 Sa dumuluong sarang ka makapilit; apang ang imol, nga yara sa imo útud, pagapasaylohon ini sang imo kamut,

4 Agud nga walâ na sing imol sa tungâ nimo, kay si Iehoba magapakamaayo sa imo sing bugana gid sa duta, nga ginahatag sa imo nga panublion ni Iehoba, nga imo Dios, agud nga magtagiya ka sa iya.

5 Lamang nga magpamati ka sing matalupangdon gid sang tungug ni Iehoba, nga imo Dios, nga mag-andam ka sa pagbutang sa buhat sining tanan nga sogo, nga ginasogo ko sa imo karon.

6 Kay magapakamaayohon ka ni Iehoba, nga imo Dios, sono sang ginsiling niya sa imo: magapahulam ka sa madamu nga mga katawohan, apang ikaw indi magapanghulam; kag magagino ka sa ibabaw sang madamu nga mga katawohan, apang sila indi magagilino sa ibabaw nimo.



Ang mga imol kag ang mga ulipon.

7 Kon may yara na sa imo nga imol, nga isa sang imo nga útud sa isa sang imo nga banwa, sa duta, nga ginahatag sa imo ni Iehoba, nga imo Dios, dili mo pagpatig-ahon ang imo tagiposoan kag dili mo pagkuomon ang imo kamut sa imo útud nga imol ;

8 Kondi humlaron mo ang imo kamut sing maalwan gid sa iya, kag pagapahulamon mo sia sing tuman nga sa kinahanglan nga ginaantus niya.

9 Mag-andam-ka nga walâ sa imo tagiposoan sang malauton nga panghuna-huna sa pagsiling : Ang ikapito ka tuig, ang tuig sa pagpasaylo malapit na ; kag nga indi magmalauton ang imo mata batok sa imo útud nga imol, kag nga indi ka maghatag sa iya ; kay magatuwaw sia kay Iehoba batok sa imo, kag may salâ sa imo.

10 Pagaihatag mo sa iya sing maalwan gid, kag indi magkasakit ang imo tagiposoan kon maghatag ka *sini* sa iya ; kay bangud sini pagapakamaayohon ka ni Iehoba, nga imo Dios, sa tanan mo nga mga buluhaton kag sa sadtong tanan nga pagabutangan mo sang imo kamut.

11 Kay ang imol indi madula sa tungâ sang kadutaan. Tungud sini nagasogo ako sa imo, nga nagasiling : Pagahumlaron mo ang imo kamut sing maalwan gid sa imo útud, sa imo makalolooy, sa imo imol sa imo duta.

12 Kon ang imo útud nga lalaki kon babae, sa *tungâ* sang mga Hebreinhon, magbaligya sa iya sa imo, magaalagad sia sa imo sing anum ka tuig, kag sa ikapito ka tuig, pahalinson mo sia nga luwas sa imo.

13 Kag kon magpahalín ka sa iya nga luwas sa imo, dili mo sia pagpahalinson nga walâ sing dalâ.

14 Pagapapas-anon mo sia sang imo nga obeha, sang imo linasan, kag sang imo ipitan : pagahatagan mo sia sadtong ginpakamaayo sa imo ni Iehoba, nga imo Dios.

15 Kag magapanumdum ka nga ikaw naninginulipon sa duta sang Egipto, kag nga si Iehoba, nga imo Dios, nagtubus sa imo ; ngani ginasogo ko ini sa imo karon.

16 Apang kon mahanabu, nga sia magsiling sa imo : Indi ako magahalín sa imo, tungud kay ginahigugma ko ikaw

kag ang imo panimaláy, kag tungud kay maayo sia upud sa imo ;

17 Niyan magakuha ka sing isa ka dulat, kag pagabohoan mo ang iya dalungan batok sa gawang, kag manginulipon mo sia sa gihapon : sa amo man nga bagay pagahimoon mo sa imo ulipon nga babae.

18 Indi mo pagpakatig-ahon sa imo nga mata, kon magpahalín ka sa iya nga luwas sa imo, kay nag-alagad sia sa imo sing anum ka tuig, *nga takus* sing dapli nga sohol sang isa ka mamumugon ; kag si Iehoba, nga imo Dios, magapakamaayo sa imo sa tanan nga pagabuhaton mo.

Ang mga panganay sang kahayupan.

19 Pagapakabalaanon mo kay Iehoba, nga imo Dios, ang tanan nga panganay nga lalaki, nga matawo sa imo nga baka kag sa imo nga obeha. Dili mo pagpapangabudlayon ang panganay sang imo nga baka, kag dili mo pagbulogon ang panganay sang imo nga obeha.

20 Pagakaanon mo sila sa tuigtuig, ikaw kag ang imo panimaláy, sa atubangan ni Iehoba, nga imo Dios, sa duug nga pagapilion ni Iehoba.

21 Apang kon ang sapat may kulang sa lawas, kon bulag sia, kon piang, kon may iban nga nakulang nga malain, dili mo sia pagpakabalaanon kay Iehoba, nga imo Dios.

22 Pagakaanon mo sia sa sulúd sang imo nga gawang ; ang mahigko kag ang matinlo sing tingub gid *magakalaon* sa iya, subung sang *pagkaon* sang gasela kag sang usa.

23 Lamang, nga dili mo pagkaanon ang iya dugo : pagaulaon mo sia sa ibabaw sang duta, subung sang tubig.

Ang dalagku nga mga piesta nga tinuig.

**16** PAGABANTAYAN mo ang bulan sa Abib, kag magahiwat ka sang paskua kay Iehoba, nga imo Dios ; kay sa bulan sa Abib ginpagowa ka ni Iehoba, nga imo Dios, sa Egipto, sa kagab-ihon.

2 Kag pagaiha'ad mo ang Paskua kay Iehoba, nga imo Dios, nga mga obeha kag nga mga baka, sa duug nga pagapilion ni Iehoba sa pagpapuyô didto sang iya ngalan.

3 Dili mo *sia* pagkaonon upud sang tinapay nga may tapay; sa pito ka adlaw pagakaonon mo *sia* upud sang tinapay nga walay tapay (tinapay nga sa pagpaubus; kay sa madali gid naggowa ka sa duta sang Egipto), agud nga magpanumdum ka sang adlaw nga naggowa ka sa duta sang Egipto sa tanan nga mga adlaw sang imo kabuhi.

4 Kag walâ sing tapay nga makakita sa imo sa bug-os mo nga mga kadulunan sa pito ka adlaw; kag sa unud nga pagaihalad mo sa kahaponon sang nahauua nga adlaw, walâ gid sing mabilin tubtub sa aga.

5 Dili ka sarang makaghalad sang paskua sa bisan diin sang imo nga banwa, nga ginahatag sa imo ni Iehoba, nga imo Dios;

6 Kondi *lamang* sa duug nga pagapilion ni Iehoba, nga imo Dios, sa pagpapuyô didto sang iya ngalan: didto pagaihalad mo ang paskua, sa kahaponon sa pagsalup sang adlaw, sa sadtong dagon gid nga naghalin ka sa Egipto:

7 Kag pagalutoon mo *sia* kag pagakaonon mo *sia* sa duug, nga pagapilion ni Iehoba, nga imo Dios; kag sa pagkaaga magapauli ka kag magasulúd ka sa imo nga layanglayang.

8 Sa anum ka adlaw magakaon ka sing tinapay nga walay tapay: kag sa ikapito ka adlaw may pagtilipon nga maligdong kay Iehoba, nga imo Dios: dili ka maghimo sing bisan ano nga buluhaton sa iya.

9 Magaisip ka nga sa imo sing pito ka semana: kutub nga magsugud ka sa paggalab sang mga uhay, magsugud ka sa pagisip sang pito ka semana;

10 Kag magahiwat ka sang piesta sang mga Semana kay Iehoba nga imo Dios; ang pagaihalad mo manginsono sa kaalwan nga kabubut-on sang imo kamut, sono sang ginpakamaayo sa imo ni Iehoba, nga imo Dios.

11 Kag magakalipay ka sa atubangan ni Iehoba, nga imo Dios, ikaw kag ang imo anak nga lalaki, kag ang imo anak nga babae, kag ang imo ulipon nga lalaki kag ang imo ulipon nga babae, kag ang Lebinhon nga yara sa sulúd sang imo nga gawang, kag ang dumuluong kag ang ilo, kag ang bálo nga babae, nga yara sa tungâ nimo, sa duug nga pagapilion ni Iehoba, nga imo Dios, sa pagpapuyô didto sang iya ngalan.

12 Kag pagapanumdumon mo nga nanginulipon ka sa Egipto, kag magabantay ka kag pagaibutang mo sa buhat ini nga mga palatukuran.

13 Pagahiwaton mo ang piesta sang mga payagpayag sa pito ka adlaw, sang nakahimos ka na sang *patubas* sang imo linasan kag sang imo ipitan.

14 Kag magakalipay ka sa imo piesta, ikaw kag ang imo nga lalaki, kag ang imo anak nga babae, kag ang imo ulipon nga lalaki kag ang imo ulipon nga babae, kag ang Lebinhon, kag ang dumuluong, kag ang ilo, kag ang bálo nga babae, nga yara sa sulúd sang imo nga gawang.

15 Sa sulúd sang pito ka adlaw pagahiwaton mo ang piesta kay Iehoba, nga imo Dios, sa duug nga pagapilion ni Iehoba; kay pagapakamaayohon ka ni Iehoba, nga imo Dios, sa tanan mo nga mga patubas kag sa tanan nga mga buluhaton sang imo nga kamut, kag manginmalipayon ka sing bug-os gid.

16 Sa makakatlo sa tagsa ka tuig magaatubang ang tanan mo nga lalaki kay Iehoba, nga imo Dios, sa duug nga pagapilion niya: sa piesta sang mga Tinapay nga walay tapay, sa piesta sang mga Semana, kag sa piesta sang mga Payagpayag. Kag dili sila magaalatubang nga mga walay dalá kay Iehoba:

17 Ang tagsatagsa *magadalá*, sono sang iya masarangnan sang iya kamut, sono sa pagpakamaayo nga ginhatag ni Iehoba, nga imo Dios, sa imo.

Ang mga manugtatap sang katarungan—Mga katungdanan sang mga manuhukom kag sang mga hari.

18 Magabutang ka nga sa imo sing mga hukom kag sing mga punoan sa tanan mo nga mga kabanwaan, nga ginahatag sa imo ni Iehoba, nga imo Dios, sono sa imo nga kabikahan; kag pagahukman nila ang banwa sa paghukom nga matarung.

19 Dili mo pagpatikoon ang katadlungan; dili ka magpasulabi sing mga tawo, dili ka magbaton sing mga hamham; kay ang hamham nagabulag sang mga mata sang mga maalam, kag nagapatiko sang mga polong sang mga matarung.

20 Ang katarungan, ang katarungan, pagasundon mo, agud nga magkabuhi ka kag magtagiya ka sang duta, nga



ginahatag sa imo ni Iehoba, nga imo Dios.

21 Dili ka magtanum nga sa imo sing mga Asherim sang bisan ano nga kahoy sa luyo sang halaran ni Iehoba, nga imo Dios, nga pagahimoon mo nga sa imo.

22 Kag dili ka magpatindug sing haligi nga larawan, *butang* nga ginadumtan ni Iehoba, nga imo Dios.

**17** DILI ka maghalad kay Iehoba, nga imo Dios, sing baka kon obeha, nga sa iya may dagta kon bisan ano nga kulang; kay kalangil-aran ini kay Iehoba, nga imo Dios.

2 Kon makit-an sa tungâ nimo, sa isa sang mga kabanwanan nga ginahatag sa imo ni Iehoba, nga imo Dios, ang lalaki kon babae, nga nakahimo sang malain sa mga mata ni Iehoba, nga imo Dios, nga naglapas sang iya katipan,

3 Nga nagkadto kag nag-alagad sa liwan nga mga dios, kag nga nagyaub sa atubangan nila, kon sa atubangan sang adlaw, kon sa atubangan sang bulan, kon sa atubangan sang bug-os nga kasoldadosan sang mga langit, *butang* nga walâ ko ginsogo;

4 Sang ginpahibalo ini sa imo, kag nga nabatian mo ini, niyan pagausisaon mo sing maayo, kag yari karon, kon matuud kag butang nga malig-on, nga ini nga kalangil-aran ginhimo sa Israel:

5 Niyan pagapagowaon mo sa imo mga gawang ang amo nga tawo kon ang amo nga babae, nga naghimo sining malain nga butang (bisan sia lalaki, bisan sia babae), kag pagabatohon mo sila sing mga batô, kag magakalamatay sila.

6 Sa bâbâ sang duha ka saksi, kon tatlo ka saksi, mapatay ang takus sa kamatayon: indi sia mapatay sa bâbâ sang isa *lamang* ka saksi.

7 Ang kamut sang mga saksi mangin ang nahauna sa ibabaw niya sa pagpatay sa iya, kag ugaling ang kamut sang bug-os nga banwa; sa *sini* pagapapason mo ang malain sa tungâ nimo.

8 Kon ang kasaba tuman ka maiwat sa imo sa paghukom, sa tungâ sang dugo kag dugo, sa tungâ sang kasuayon kag kasuayon, sa tungâ sang pilas kag pilas, nga among kabangdanan sang kasaba sa sulûd sang imo mga gawang, magatindug ka kag magataklad ka sa

duug, nga pagapilion ni Iehoba, nga imo Dios;

9 Kag magakadto ka sa mga saserdote, nga mga Lebinhon, kag sa hukom sa sadtong mga adlaw; kag pagapamankoton mo sila, kag sila magatudlo sa imo sang polong sang katarungan;

10 Kag pagahimoon mo, sono sa polong nga gintudlo nila sa imo kutub sadtong duug, nga pagapilion ni Iehoba, kag pagaandaman mo sing maayo sa paghimo sono sang tanan nga pagaitudlo nila sa imo.

11 Pagahimoon mo, sono sang kaso-goan nga pagaitudlo nila sa imo kag sono sang katarungan nga pagaisiling nila sa imo: dili ka maglipas sang polong, nga pagaitudlo nila sa imo, bisan sa too, bisan sa walâ.

12 Kag ang tawo nga maghimo nga may palabilabi, nga indi magpamati sa saserdote, nga yara sa paghikot didto sang pag-alagdan kay Iehoba, nga imo Dios, bisan sa hukom, ang amo nga tawo mapatay: kag pagapapason mo ang malain sa *tungâ* sang Israel.

13 Kag ang bug-os nga banwa magapamati sini, kag magakahadluk kag indi na sia magpalabilabi.

14 Kon nakasulûd ka na sa duta, nga ginahatag sa imo ni Iehoba, nga imo Dios, kag magtagiya ka na sa iya kag magpuyô ka na sa iya, kon magsiling ka: Buut ako magabutang sing isa ka hari sa ibabaw nakon, subung sang tanan nga mga katawohan nga yari sa palibut nakon;

15 Sa pagkamatuud, pagaibutang mo nga hari sa ibabaw nimo yadtong pagapilion ni Iehoba, nga imo Dios. Pagaibutang mo nga hari sa ibabaw nimo ang isa sa tungâ sang imo mga útud: indi ka sarang makabutang sa ibabaw nimo sa isa ka dumuluong, nga isa ka tawo nga indi ang imo útud.

16 Lamang nga indi magpadamu sia nga sa iya sing mga kabayo, kag nga indi niya pagpabalikon ang banwa sa Egipto sa pagpadamu sang mga kabayo: kay si Iehoba nagsiling sa imo: Dili na kamo magbalalik sa sini nga dalan.

17 Kag nga indi magpadamu sia nga sa iya sing mga babae, agud nga indi magtalikod ang iya tagiposoon sa akon; bisan magpadamu gid sia nga sa iya sing bulawan kag sing pilak.

18 Kag mahanabu nga, kon magling-

kod sia sa lingkoran nga harianon sang iya ginharian, pagaisulat niya nga sa iya sa isa ka tolon-an ang isa ka huwad sini nga kasogoon, nga *yara* sa atubangan sang mga saserdote nga mga Lebinhon ;

19 Kag ini dira sa malapit sa iya, kag magabasa sia sa iya sa tanan nga mga adlaw sang iya kabuhi, agud nga magtoon sia sa pagkahadluk kay Iehoba, nga iya Dios, kag sa pagbantay sang tanan nga mga polong sini nga kasogoon kag sining mga palatukuran, sa pagbutang sa ila sa buhat ;

20 Agud nga indi maglabaw ang iya tagiposoon sa ibabaw sang iya mga útud, bisan maglipas sia sa sogo sa too, kon sa walá, agud nga maglawig sia sang mga adlaw sang iya ginharian, sia kag ang iya mga anak, sa tunghang sang Israel.

Ang mga balayran sa mga saserdote kag sa mga Lebinhon.

**18** ANG mga saserdote, nga mga Lebinhon, ang bug-os nga kabikahan ni Lebi, walá sila sing bahin, bisan panublion upud sa Israel : magakalaon sila sa mga halad nga pinadabdab kay Iehoba kag sa iya panublion.

2 *Tungud sini*, walá sila sing panublion sa tunghang sang ila mga útud : si Iehoba amo ang ila panublion, sono sang ginsiling niya sa ila.

3 Kag maginamo ini ang balayran sa mga saserdote gikan sa banwa, gikan sa mga nagahalalad sang isa ka halad, bisan sia baka, bisan sia obeha : pagaihatag nila sa saserdote ang likod, kag ang duha ka sulang, kag ang binagwang.

4 Pagaihatag mo sa iya ang mga panganyay sang imo trigo, sang imo duga sang ubas kag sang imo lana, kag ang mga panganyay sang bulbul sang imo mga obeha.

5 Kay ginpili sia ni Iehoba, nga imo Dios sa tunghang sang tanan nga mga kabikahan, agud nga didto sia sa *atubangan niya* sa pag-alagad sa ngalan ni Iehoba, sia kag ang iya mga anak, sa gihapon.

6 Kag kon ang Lebinhon nagaabut gikan sa isa sang imo nga kabanwaan sa bugos nga Israel, nga didto nagapanlugayaw sia kag magabut sia nga may bug-os nga handum sang iya kalag sa dung nga pagapilion ni Iehoba,

7 Niyan magapanghikot sia sa ngalan ni Iehoba, nga iya Dios, subung sang

tanan niya nga mga útud, nga mga Lebinhon nga nagatindug sila didto sa atubangan ni Iehoba.

8 Pagapakaonon sia sing kaangay nga bahin *sang iban*, labut pa sang mga mabaligya sang mga pagkabutang sang iya mga ginikanan.

Silot sang mga manugpakot.

9 Kon magabut ka na sa duta, nga ginahatag sa imo ni Iehoba, nga imo Dios, dili ka magtoon sa paghimo, sono sang mga kalangil-aran sadto nga mga katawohan.

10 Dili makit-an sa imo ang bisan sin-o nga magpaagi sa kalayo sa iya anak nga lalaki kon sa iya anak nga babae : bisan sin-o nga maggamit sang pagpamakot, bisan manuglagpat, bisan manugwili, bisan babaylan,

11 Bisang manughimalad, bisan manugpapamangkot sa mga espiritu, bisan manugpakot sang kapalaran, bisan manugpapamangkot sa mga minatay.

12 Kay ang bisan sin-o nga maghimo sini nga mga butang, kalangil-aran sia kay Iehoba, kag tungud sini nga mga kalangil-aran ginasobol sila ni Iehoba, nga imo Dios, sa imo atubangan.

13 Magamanginhimpit ka kay Iehoba nga imo Dios.

14 Kay ini nga mga katawohan, nga pagasobolon mo nagapalamati sang mga manuglagpat kag sang mga manugpakot ; apang nahanungud sa imo, indi gintugut ni Iehoba sa imo ang paghimo sini.

Panaad sang isa ka daku nga Manalagna.

15 Pagabangonon ni Iehoba, nga imo Dios, sa imo ang isa ka manalagna, subung sa akon, gikan sa tunghang nimo, sa tunghang sang imo mga útud : sa iya magapalamati kamo.

16 Sono sa tanan nga ginpangayo mo kay Iehoba, nga imo Dios, sa Horeb, sa adlaw sang pagtilipon, nga nagasiling : Indi na ako kunta magpamati liwan sang tingug ni Iehoba, nga akon Dios, bisan magtan-aw pa ako sining daku nga kalayo, agud nga indi ako mamatay ;

17 Kag si Iehoba nagsiling sa akon : ginsiling nila sing maayo ang ila ginhambal.

18 Manalagna pagapabangonon ko sa



ila sa tungâ sang imo mġa útud, subung sa imo ; kag pagaibutang ko ang akon mġa polong sa iya bâbâ, kag sia magahambal sa ila sang tanan nga pagaisogo ko sa iya.

19 Apang mahanabu, nġa bisan sin-o nġa indi magpamati sang mġa polong, nġa pagaihambal niya sa akon nġalan, ako gid magapanġayo sa iya sing husay.

20 Apang ang manalagna nġa magpanġahas sa paghambal sing polong sa akon nġalan, nġa walâ ko igsogo nġa pagihambal niya, kon nġa maghambal sa nġalan sang liwan nġa mġa dios, ang amo nġa manalagna mamatay.

21 Kag kon magsiling ka sa imo tagiposoan : ġ Paano ang pagkilala namon sang polong, nġa walâ pagihambal ni Iehoba ?

22 Kon ang manalagna maghambal sa nġalan ni Iehoba, kag indi mahanabu ang amo nġa butang bisan mag-abut, ini among polong nġa walâ ighambal ni Iehoba : sa kakahas ginambal ini sang amo nġa manalagna ; dili ka magkahadluk sa iya.

Ang mġa banwa nġa dalangpan.

19 KON napapas na ni Iehoba, nġa imo Dios, ang mġa katawohan, nġa ang ila duta ginahatag sa imo ni Iehoba, nġa imo Dios, kag ikaw magtagiya na sa iya kag magpuyô ka sa ila mġa kabanwaan kag sa ila mġa balây,

2 Magapain ka nġa sa imo sing tatlo ka banwa sa tungâ sang duta, nġa ginahatag sa imo ni Iehoba, nġa imo Dios, sa pagtagiya sa iya.

3 Magaaman ka sa imo sang dalan kag pagabahinon mo so tatlo ka bahin ang dulunan sang imo duta, nġa ginapanubli sa imo ni Iehoba, nġa imo Dios : manginamo ini, agud nġa ang tanan nġa makapatay sing tawo magpalagyo didto.

4 Kag yari karon ang solondan sang nakapatay sing tawo, nġa magpalagyo didto, agud nġa mabuhi sia. Yadtong magpilas sa iya masigkatawo sing indi hungud, kag nġa sa iya walâ sing dumut kutub kahapon, bisan sang isa kahapon :

5 Subung pananglit, kon ang isa ka tawo, magkadto sa bukid kaipud sang iya masigkatawo sa pagpulud sing kahoy, kag sang paglabo niya sang wasay sa pagpulud sang kahoy, nagalasik sa

patok ang salsalon, kag nagaigo sa iya masigkatawo, kag nġa sia mapatay : ini sia magapalagyo sa isa sining mġa banwa, agud nġa mabuhi sia ;

6 Basi pa nġa ang manugtimalus sang dugo, kon magsiga ang iya tagiposoan, maglagas sa nakapatay kag malambut niya sia tungud kay malawig ang dalanon, kag pagpilason niya sia sa kamatayon ; bisan indi takus sia sang kamatayon, tungud kay walâ sia niya pagdumti kutub kahapon, bisan sa isa kahapon.

7 Tungud sini nagasogo ako sa imo, nġa nagasiling : Magapain ka nġa sa imo sing tatlo ka banwa.

8 Kag kon pagpasangkaron ni Iehoba, nġa imo Dios, ang imo dulunan, sono sang ginsumpa niya sa imo mġa ginikanan, kag pagaihatag niya sa imo ang bug-os nġa duta, nġa ginpanaan niya nġa ihatag sa imo mġa ginikanan.

9 Kon pagbantayan mo ining tanan nġa sogo, nġa ginasogo ko karon sa imo, sa pagbutang sa iya sa buhat, nġa higugmaon mo si Iehoba, nġa imo Dios, kag nġa maglakat ka sa iya mġa dalanon sa gihapon, niyan magadugang ka nġa sa imo sing tatlo pa ka banwa, labut pa sining tatlo ;

10 Agud nġa indi magula sing dugo nġa walay salâ sa tungâ sang duta, nġa ginahatag sa imo nġa panublion ni Iehoba, nġa imo Dios, kag nġa walâ na sing dugo sa ibabaw nimo.

11 Apang, kon may tawo nġa magdumut sa iya masigkatawo kag magbangnan sa iya, kag magtindug batok sa iya, kag magpilas sa iya sa kamatayon, kag mapatay sia, kag magpalagyo sa isa sini nġa kabanwaan ;

12 Niyan ang mġa tigulang sang iya banwa magapadalâ kag magakuha sa iya didto, kag pagaitugyan sia nila sa kamut sang manugtimalus sang dugo, kag mapatay sia.

13 Ang imo mata manginwalay ka-looy sa iya, kag pagapanason mo sa Israel ang dugo nġa walay salâ, kag may kaayohan ka.

Silot sang mġa nagalaksam sang mġa dulunan, kag sang mġa butig nġa mġa saksi.

14 Dili mo paglaksamon ang dulunan sang imo masigkatawo, nġa ginbutang sang mġa katigulangan sa panublion,

nga pagapanublion mo sa duta, nga ginahatag sa imo ni Iehoba, nga imo Dios, sa pagtagiya sa iya.

15 Indi tuman ang isa lamang ka saksi batok sa bisan kay sin-o, sa bisan ano nga kasal-anan, kon sa bisan ano nga salâ, sa bisan ano nga salâ nga mahimo niya: sa bâbâ sang duha ka saksi, kon sa bâbâ sang tatlo ka saksi, pagapalig-onon ang butang.

16 Kon may magtindug nga isa ka dimatarung nga saksi batok sa iban sa pagsumbung batok sa iya sing isa ka salâ,

17 Niyan ang duha ka tawo, nga nagakasaba, magaalatubang kay Iehoba, sa atubangan sang mga saserdote kag sang mga hukom nga didto sa sadtong mga adlaw.

18 Kag pagausisaon sing maayo sang mga hukom; kag yari karon, kon ang saksi among saksi nga butigon kag nga nagsaksi sing butig batok sa iya útud,

19 Pagahimoon ninyo sa iya, sono sang ginahunahuna niya batok sa iya útud, kag pagapapason mo ang malain gikan sa tungâ nimo.

20 Kag ang mga mabilin, magapalamati kag magakalahadluk, kag indi na magliliwan sa paghimo sing subung nga kalautan sa tungâ nimo.

21 Ang imo mata manginwalay ka-looy: kabuhi tungud sa kabuhi, mata tungud sa mata, ngipon tungud sa ngipon, kamut tungud sa kamut, tiil tungud sa tiil.

Mga kasogoon sang pag-awayan.

**20** KON maggowa ka sa pag-awayan batok sa imo kaaway, kag makitan mo ang mga kabayo kag mga kanga, isa ka banwa nga labi pa ka daku sa imo, dili ka magakahadluk sa ila; kay si Iehoba, nga imo Dios, yara kaúpud nimo, sia gid nga nagpagowa sa imo gikan sa duta sa Egipto.

2 Kag kon magpalalapit kamo sa pagpakigaway, magaúna ang saserdote kag magahambal sia sa banwa,

3 Kag magasiling sia sa ila: Pamatika, Israel: magapalalapit kamo karon sa pagpakigaway batok sang inyo mga kaaway: indi magmaluya ang inyo tagiposoon, indi kamo magkalahadluk, indi kamo magkahanğawa, kag indi man kamo magmatalaw sa atubangan nila;

4 Kay si Iehoba, nga imo Dios, nagaúpud sa inyo sa pagpakigaway tungud sa inyo batok sa inyo mga kaaway, sa pagluwas sa inyo.

5 Kag ang mga puno-an magahambal sa banwa, nga nagasiling: ¿Sin-o bala ang tawo nga magpatindug sing bag-o nga baláy kag walâ niya paggamita? Maglakat sia, kag magpauli sa iya baláy, basi pa nga mapatay sia sa pag-awayan, kag iban nga lain nga tawo ang maggamit sa iya.

6 Kag ¿sin-o bala ang tawo nga nagtanum sing ulubasan kag walâ pa sia makaagum sang iya bunga? Maglakat sia kag magpauli sa iya baláy, basi pa nga mapatay sia sa pag-awayan, kag iban nga tawo ang magpulus sa iya.

7 Kag ¿sin-o bala ang tawo nga nakapanug-an sa babae kag walâ sia niya mapangasawa? Maglakat sia kag magpauli sa iya baláy, basi pa nga mapatay sia sa pag-awayan, kag iban nga tawo ang makapangasawa sa iya.

8 Kag ang mga punoan magapaladasyon sa paghambal sa banwa, kag magasiling sila: ¿Sin-o bala ang tawo nga mahadlukon kag mapigaw sa tagiposoon? Maglakat sia, kag mapauli sa iya baláy, agud nga ang mga tagiposoon sang iya mga útud indi matunaw subung sang iya tagiposoon.

9 Kag kon ang mga punoan makagatapus na sa paghambal sa banwa, niyan pagapanğolohan nila ang kasoldadasan sa úna sang banwa.

10 Kon magpalapit ka sa isa ka banwa sa pagpakigway batok sa iya, pagaagdahon mo sia sa paghidaet;

11 Kag kon magsabat sia sa imo: Paghidaet, kag magbukas sia sa imo *sang mga gawang*, ang bug-os nga banwa nga makitan mo nga yara sa iya, manginimo-manugbuhis kag magaalagad sia sa imo.

12 Apang kon indi sia magpakig-hidaet sa imo, kag magsumpung sa imo sa pagpakigaway kag malikupan mo sia,

13 Kag sa pagtugyan sa iya ni Iehoba, nga imo Dios, sa imo kamut, pagapilason mo ang tanan niya nga lalaki sa sulab sang hinganiban.

14 Apang ang mga babae, ang mga kabataan, ang mga kahayupan kag ang tanan nga yara sa banwa, ang tanan niya nga inagaw, pagaatihon mo nga sa imo; kag magakaon ka sang inagaw.



sang imo kaaway, nga ginhatag sa imo ni Iehoba, nga imo Dios.

15 Amo ini ang pagahimoon mo sa tanan nga mga kabanwaan, nga yadto sa malayô gid sa imo kag nga indi iya sang mga kabanwaan sini nga mga katawohan.

16 Apang sa mga kabanwaan sini nga mga banwa, nga ginahatag sa imo ni Iehoba, nga imo Dios, nga panublion, walâ ka sing pagaibilin sang bisan ano nga nagaginhawa ;

17 Kondi nga pagalagiagon mo sila sing bug-os gid : ang Hetinhon kag ang Amorinhon, ang Kanaanhon kag ang Peresinhon, ang Hebinhon kag ang Iebusinhon, sono sang ginsogo sa imo ni Iehoba, nga imo Dios ;

18 Agud nga indi kamo nila pagtudloan sa paghimo sono sang tanan nga mga kalangil-aran, nga ginahimo nila sa ila mga dios, kag nga magpakasalâ kamo batok hay Iehoba, nga imo Dios ;

19 Kon paglibutan mo ang isa ka banwa sa madamu nga mga adlaw, nga nagapakigaway ka batok sa iya sa pagkuha sa iya, dili mo pagpamudlon ang iya nga kakahoyan, nga nagabayaw sang wasay batok sa ila, kay sa ila bunga magakaon ka, kag dili mo pagpamudlon sila sa paggamit sa *ila* sa buluhaton sang paglibot sa atubangan mo ; kay ang kahoy sang latagon *among kabuhian* sang tawo.

20 Walay sapayan, ang kahoy nga masayoran mo nga indi kahoy nga sa pagkaon, pagapamudlon mo, kag pagapamukanon mo sila, kag magatukud ka sing mga kabakuran nga sa paglibot batok sa banwa, nga nagapakigaway batok sa imo, tuhtub nga mapukan *mo* sia.

Katumbasan sa tago nga pagpatay sing tawo.

**21** KON may makit-an sa duta, nga ginahatag sa imo ni Iehoba, nga imo Dios sa pagtagiya sa iya, sing minatay nga nahamayang sa mga latagon, kag indi masayoran nga kon sin-ang nagpilas sa iya,

2 Niyan ang imo nga tiguiang kag ang imo nga hukom magagulowa, kag magatakus sila *sang kalayoon* tuhtub sa mga banwa nga yara sa palibot sang minatay.

3 Kag mahanabu, nga ang banwa nga labing malapit sa minatay, kon sayoron ang mga tigulan sadto nga banwa magakuha sa kabakahan sang isa ka tinday nga babae, nga walâ pa maggamit kag walâ mabutangi sing singkaw.

4 Kag ang tinday nga babae sang baka pagadalhon sang mga tigulang sadto nga banwa sa isa ka kasulgan, nga nagailig sing dayon gid, nga diin walâ mapanguma kag walâ matamni, kag didto pagagolgolon nila ang liog sang tinday nga baka sa sulgan.

5 Kag magapalapit ang mga saserdote, nga mga anak ni Lebi ; kay sila among pinili ni Iehoba, nga imo Dios, agud nga mag-alagad sa iya sila kag magpakamaayo sang ngalan ni Iehoba ; kag ang ila bâbâ magatapat sang tanan nga kasaba kag sang tanan nga pilas.

6 Kag ang tanan nga mga tigulang sadto nga banwa nga labing malapit sa minatay, magapalanghunaw sang ila mga kamut sa ibabaw sang tinday nga babae sang baka, nga gingolgolan nila sing liog sa kasulgan.

7 Kag magahalambal sila kag magasililing : Ang amon nga kamut walâ magula sini nga dugo, bisan ang amon nga mata walâ makakita sa iya ;

8 Tumbasi ang imo banwa nga Israel, nga gintubus mo, oh Iehoba ; kag ayaw igbutang ang dugo nga walay salâ sa tungâ sang imo banwa nga Israel. Kag pagatumbasan yadtong dugo nga sa ila.

9 Kag ikaw magapanas sang dugo nga walay salâ sa tungâ nimo, kay pagahimoon mo ang matadlung sa mga mata ni Iehoba.

Nahanungud sang mga babae nga nadakpan sa pag-awayan.

10 Kon maggowa ka sa pag-awayan batok sa imo nga kaaway kag pagitugyan sila sa imo kamut ni Iehoba, nga imo Dios, kag pagdalhon mo sila nga mga bihag ;

11 Kag kon makit-an mo sa tungâ sang mga bihag ang isa ka babae nga maayoayo, kag maluyagan mo sia kag pagkuhaon mo sia sa pagpangasawa sa iya,

12 Pagadalhon mo sia sa imo balây, kag sia magabulog sang iya olo, kag magapanghingoko sia.

13 Kag pagaubahon niya ang panap-

ton sang iya pagkabihag; kag magapabilin sia sa imo baláy, kag magahibi sia sa iya amay kag sa iya ilóy sa bug-os nga isa ka bulan; kag sa tapus sini, magasulúd ka sa iya, kag ikaw manginbana niya kag sia manginasawa nimo.

14 Kag kon indi sia makalipay sa imo, pagapabayaan mo sia, sono sang iya kaugalingon nga kabubut-on, kag indi mo sia sarang mabaligya sa pilak, kag indi mo sia paguliponon, kay ginpapabus mo sia.

Ang katadlungan sa pagkapananganay.

15 Kon ang isa ka tawo may duha ka asawa, ang isa nahagugmaan kag ang isa naakigan, kag ang nahagugmaan kag ang naakigan mag-alanak sing mga lalaki sa iya, kag ang panganay anak sang naakigan,

16 Niyan, sa adlaw nga magpapanubli sia sa iya mga anak sang iya pagkabutang, indi sia sarang makahatag sang pagkapananganay sa anak sang nahagugmaan sa pagpasulabi sa anak sang naakigan, nga among *matuud nga panganganay*;

17 Kondi pagakilalahon niya nga panganay ang anak sang naakigan, nga pagihatag sa iya ang dapli nga bahin sang tanan nga makita nga iya; kay yadto amo ang pamúnô sang iya kusug: ang katadlungan sang pagkapananganay nahanungud sa iya.

Nahanungud sang mga anak nga malalison.

18 Kon ang isa ka tawo may anak nga masinumpunгон kag malalison, nga indi magpamati sa tingug sang iya amay, bisan sa tingug sang iya ilóy; kag nga bisan pa pagsilotan sia, indi magpamati sa ila,

19 Niyan pagadakpon sia sang iya amay kag sang iya ilóy, kag pagapagowaon sia nila sa mga tigulang sang iya banwa kag sa gawang sang iya duug,

20 Kag magasiling sila sa mga tigulang sang ila banwa: Ini nga amon anak masinumpunгон kag malalison, walâ sia magapamati sa amon tingug: among mahakog kag palainum sia.

21 Niyan ang tanan nga mga tawo sa iya banwa magabalató sa iya kag mapatay sia: panason mo ang malain sa tungâ

nimo, kag ang bug-os nga Israel magapamati kag magakahadluk.

Lulubngan sang mga binitay.

22 Kon sa isa ka tawo may salâ nga takus sa kamatayon kag pagapatyon sia, kag nga ginbitay mo sia sa isa ka kahoy,

23 Indi magapabilin ang iya bangkay sa kahoy sa bug-os nga gab-i, kondi sa walay balibad pagailubung mo ang iya bangkay sa sina gid nga adlaw: kay pinapakamalaut sang Dios ang binitay sa kahoy; kag indi mo pagdagtaan ang duta, nga ginahatag sa imo ni Iehoba, nga imo Dios, nga panublion.

Nahanungud sang mga sapat nga nadula.

**22** KON makita mo, nga nadula ang baka sang imo útud kon ang iya obehá, dili ka magtago sa ila: pagapabalikon mo sila, sa walay balibad sa imo útud.

2 Kag kon ang imo útud indi mo kaingod kag kon walâ mo sia makilal-i, pagadalhon mo *sia* sa imo baláy; kag didto sia sa imo, tubtub nga pagpangitaon sia sang imo útud, kag pagaiuli mo sia sa iya.

3 Amo man ini ang pagahimoon mo man sa iya asno; amo man ini ang pagahimoon mo sa iya panapton; kag amo man ini ang pagahimoon mo sa tanan nga mga butang nga nadula sa imo útud, nga gindula niya kag makita mo. Indi ka sarang makatago.

4 Kon makita mo ang asno sang imo útud, kon ang iya baka, nga napukan sa dalan, dili ka magtago sa ila: sa walay balibad pagabuligan mo sia sa pagbangon sa ila.

Ginadumilian ang iban nga mga pamatasan.

5 Dili magpanaput ang babae sang panapton sang lalaki, kag dili magpanaput ang lalaki sang panapton sang babae, kay bisan sin-o nga maghimo sini kalangil-aran sia kay Iehoba, nga imo Dios.

6 Kon masalapuan mo sa atubangan mo sa dalanon ang isa ka pugad sang pispis sa bisan ano nga kahoy, kon sa ibabaw sang duta, nga may mga buto kon mga itlog, kag ang ilóy nagaluub sa ibabaw sang mga buto, kon sa ibabaw



sang mga itlog, dili mo pagkuhaon ang ilóy upud sang iya mga buto.

7 Sa walay balibad pagabuhian mo ang ilóy, kag pagakuhaon mo *lamang* ang mga buto nga sa imo, agud nga may kaayohan ka kag pagpalawigon mo ang imo mga adlaw.

8 Kon magbangon ka sing bag-o nga baláy, maghimo ka sing alubaybay sa imo alibubungan, agud nga indi ka magbutang sing dugo sa imo baláy, basi pa kon sa iya may maholog.

9 Indi mo pagsab-ugan ang kaubasan sang sarisari nga binhi, basi pa nga pagkuhaon sa imo ang kabug-osang binhi nga ginsab-ug mo kag ang patubas sang kaubasan.

10 Dili ka mag-arado nga tingub ang baka kag ang asno.

11 Dili ka magpanaput sang panapton nga sinamayan sang bulbul sang karnero kag lino nga *hinabol* sing tingub.

12 Magahimo ka nga sa imo sing mga pakawilkawil sa ibabaw sang apat ka sidsid sang imo inugtabon, nga ginatabon mo sa imo.

*Nahanungud sa mga sinumbung nga babae.*

13 Kon ang isa ka tawo magpangasawa, kag sa nakasulúd na sia sa iya, *kon mahanabu* nga maakigan niya sia,

14 Kag pahanungdan niya sing mga buhat nga makahuluya kag ipalapnag niya batok sa iya ang malain nga kabantugan, kag nagsiling: Nagpangasawa ako sa sini nga babae, apang sa pagpalapit ko sa iya, walâ ako sing nakit-an sa iya nga pagkaulay,

15 Ang amay kag ang ilóy sang pamatan-on nga babae, magakuha sang mga *tandaan* sang pagkaulay sang pamatan-on nga babae, kag pagadalhon nila sila sa mga tigulang sang banwa, sa gawang.

16 Kag ang amay sang pamatan-on nga babae magasiling sa mga tigulang: Ginpaasawa ko ang akon anak nga babae sa sini nga tawo, kag ginakaakigan niya sia;

17 Kag yari karon, nga ginpahanungdan niya sia sing mga buhat nga makahuluya, nga nagasiling: Walâ ako sing nakita sa imo anak nga babae sang *mga tandaan* sa pagkaulay; kag yari karon ang *mga tandaan* sang pagkaulay sang akon anak nga babae. Kag pagaihum-

lad nila ang panapton sa atubangan sang mga tigulang sang banwa.

18 Kag pagadakpon sang mga tigulang sadto nga banwa ang amo nga tawo, kag pagasiloton nila sia;

19 Kag pagapabayaron nila sia sing isa ka gatus ka *siklo* nga pilak, nga pagaihatag nila sila sa amay sang pamatan-on nga babae, tungud kay nagpalapnag sia sing malain nga kabantugan batok sa isa ka ulay sa Israel; kag sia manginiya asawa, nga indi niya sia sarang matabog sa tanan niya nga mga adlaw.

20 Kag kon ini manginmatuud, nga walâ sing makita nga pagkaulay sa pamatanon nga babae,

21 Pagapagowaon nila ang pamatan-on nga babae sa gawang sang baláy sang iya amay, kag ang mga tawo sa iya banwa magabató sa iya, kag sia mapatay, kay naghimo sia sing pagpasipala sa Israel, nga nagpanghilahi sia sa baláy sang iya amay; kag pagapapason mo ang malain sa tungâ nimo.

*Ang paghilimata nga indi igo sa kasogean.*

22 Kon makit-an ang isa ka taw, nga nagadulóg sa isa ka babae, nga minyo sila nga duha, pagapatyon ang tawo nga nagdulóg sa babae kag ang *amo gid* nga babae; kag pagapapason mo ang malain sa *tungâ* sang Israel.

23 Kon ang isa ka pamatan-on nga babae nga ulay, nga natug-an sa isa ka lalaki, kag sang nakita sia sang isa sa sulúd sang banwa kag magdulóg sa iya,

24 Pagapagowaon ninyo sila nga duha sa gawang sadto nga banwa, kag pagabatohon ninyo sila, kag magkalamatay sila: ang pamatan-on nga babae, kay walâ magsingit sang yara sia sa banwa; kag ang lalaki tungud kay ginpapaubus niya ang ginapangasawa sang iya isigkatawo, kag pagapapason mo ang malain sa *tungâ* nimo.

25 Kag kon makit-an sang lalaki ang pamatan-on nga babae nga tinug-an, sa latagon, kag pagluguson sia sadtong lalaki kag magdulóg sa iya, niyan matatay ang lalaki lamang, nga nagdulóg sa iya.

26 Kag ang pamamatan-on nga babae indi mo gid sia pag-anhon; walay salâ sa pamatan-on nga babae *nga takus* sa kamatayon, kay amo gid ini ang naga-

kahanabu kon ang isa ka tawo nagatindug batok sa iya isigkatawo kag ginapilas niya sia sa kamatayon.

27 Kay sa latagon nakita niya sia, kag nagsingit ang tinug-an nga pamatan-on nga babae, apang walâ sing sin-o nga magluwas sa iya.

28 Kon makit-an sang isa ka lalaki ang isa ka babae nga pamatan-on nga ulay, nga walâ magtug-an, kag dakpon niya sia kag magdulóg sa iya, kag masapwan sila,

29 Ang lalaki nga nagdulóg sa iya magahatag sa amay sang pamatan-on sing kalim-an ka siklo nga pilak, kag sia manginiya asawa : tungud kay ginpapaubus niya sia, sia indi sarang makatabog sa iya sa tanan niya nga mga adlaw.

30 Walay bisan sin-o nga makakuha sang asawa sang iya amay, bisan magtukib sang sidsid *sang tabon* sang iya amay.

Nahanungud sang mga tawo nga sinikway sa mga katipunan nga balaan.

**23** ANG kapon, bisan sia pinalpag, bisan sia pinilas, indi sia makasulúd sa katilingban ni Iehoba.

2 Ang unon indi makasulúd sa katilingban ni Iehoba : bisan tubtub sa ikapulô ka kliwatan niya, indi makasulúd sia sa katilingban ni Iehoba.

3 Ang Amorinhon kag ang Moabinhon indi makasulúd sa katilingban ni Iehoba : bisan tubtub sa ikapulô nila nga kaliwatan, indi sila makasulúd sa katilingban ni Iehoba, sa gihapon ;

4 Tungud kay walâ sila maggulowa sa atubangan ninyo nga may tinapay kag may tubig sa dalan, sang naggulowa kamo sa Egipto ; kag kay ginhinakayan nila batok sa imo si Balaam, anak ni Beor, sa Petor, sa Mesopotamia, sa pagpakamalaut sa imo.

5 Apang si Iehoba, nga imo Dios, walâ maluyag magpamati kay Balaam ; kondi si Iehoba, nga imo Dios, nagbaylo nga sa imo sang pagpakamalaut sa pagkamaayo ; kay ginahigugma ka ni Iehoba, nga imo Dios.

6 Indi ka maghimulat sang ila kalinong, bisan sang ila kaayohan sa tanan mo nga mga adlaw sa gihapon.

7 Dili mo pagkangil-aran ang Edominhon, kay sia útud mo ; dili mo pagkangil-aran ang Egiptohanon, kay nangindumuluong ka sa iya duta ;

8 Ang mga anak nga magkalatawo sa ila sa ikatlo ka kaliwatan, sarang sila makasulúd sa katilingban ni Iehoba.

Nahanungud sang pagkapuli sa dulugan.

9 Kon maggowa ka sa dulugan batok sa imo nga kaaway, mag-andam-ka sa tanan nga butang nga malain.

10 Kon sa tungâ nimo may isa ka tawo nga mahigko sia, bangud sang isa ka butang nga nahanabu sa gab-i, magagowa sia sa dulugan, indi sia magasulúd sa dulugan.

11 Kag kon mag-abut na ang gab-i, magapanghugas sia sang tubig, kag kon matunod na ang adlaw, magasulúd sia sa dulugan.

12 Kag ikaw may isa ka suuk, sa gowa sang dulugan, kag ikaw magagowa didto sa gowa.

13 Kag ikaw may isa ka pala sa tungâ sang imo galamiton, kag kon magkatin-katin ka sa gowa, pagakutkutan mo sia kag pagatabunan mo ang naggowa sa imo.

14 Kay si Iehoba, nga imo Dios, nagalakat sa tungâ sang imo dulugan sa pagluwas sa imo kag sa pagtugyan sang imo nga kaaway sa atubangan nimo : *ngani* ang imo dulugan magmanginbalaan, basi pa nga makit-an ni Iehoba sa tungâ nimo ang mga butang nga makahuluya kag magtalikod sia sa imo.

Nahanungud sa mga ulipon nga palatagyo.—Nahanungud sang mga bigaon.—Nahanungud sang pagpasaka sang pilak.—Nahanungud sang mga panaad.

15 Dili mo pagitugyan sa iya agalon ang ulipon, nga nagdangup sa imo gikan sa iya agalon.

16 Upud sa imo magapuyô sia, sa tungâ nimo, sa bisan diin nga duug nga pagapilion niya, sa isa sang imo nga kabanwaan, nga didto ginapakamaayo niya ; dili mo sia pagpiguson.

17 Walâ sing bisan sin-o sang mga anak nga babae sa Israel nga magbigaon, bisan sin-o sang mga anak nga lalaki sa Israel nga magbigaon.

18 Dili ka magadalâ sang sohoi sang bigaon, bisan sang bili sang ido, nga sa bisan ano nga halad nga sinaad sa balay ni Iehoba, nga imo Dios ; kay sila nga duha nga kalangil-aran kay Iehoba.



19 Indi ka magpangayo sa imo útud sing saka: bisan saka sa pilak, bisan saka sa mġa kalan-on, bisan saka sa bisan ano nġa butang nġa sa masunsun ginapangayoan sing saka.

20 Sa dumuluong magapasaka ka, apang indi mo pagpasakaan ang imo útud, agud nġa pagpakamaayohon ka ni Iehoba, nġa imo Dios, sa tanan nġa buluhaton sang imo kamut, sa duta nġa pagasudlan mo sa pagtagiya sa iya.

21 Kon maghimo ka sing isa ka panaad kay Iehoba, nġa imo Dios, ayaw pagpadugaya ang pagtuman sa iya; kay sa walay balibad pagapangayoon ini sa imo ni Iehoba, nġa imo Dios, kag may salá sa imo.

22 Kag kon magpugung ka sa paghimo sing panaad, walá sing salá sa imo.

23 Ang magagowa sa imo bibig, pagabantayan kag pagibutang mo sa buhat, sono sang ginpanaad mo kay Iehoba, nġa imo Dios, ang halad nġa kinabubut-on nġa ginmitlang sang imo bába.

24 Kon magsulúd ka sa kaubasan sang imo isigkatawo, sarang ka maka-kaon sing ubas sa imo luyag kag mabusug ka sa ila, apang indi mo sila masulúd sa imo tabig.

25 Kon magsulúd ka sa alanyon sang imo isigkatawo, sarang ka makapangutol sang mġa uhay; apang indi ka maggamit sang kayug sa alanyon sang imo isigkatatawo.

Kasogean nahanungud sa pagbulag sa asawa.

**24** KON ang isa ka tawo magpangasawa sa isa ka babae kag magpakasal sa iya, kon mahanabu nġa sia dili makapahamuut sa iya mġa mata, tungud kay nakit-an niya sa iya ang butang nġa makahuluya, sarang sia makasulat sang surat sa pagbulagay, kag ibutang niya ini sa kamut sang babae, kag tabugon sia sa iya baláy.

2 Kag sa makahalín sia sa baláy sang iya bana, sia sarang makalakat kag makabana liwan.

3 Apang kon pagkaakigan sia sang iya ikaduha nġa bana, kag magsulat sia sang surat sa pagbulagay kag ibutang niya ini sa iya kamut, kag tabugon niya sia sa iya baláy, kag kon patay na ang

ikaduha ka bana nġa nagpangasawa sa iya;

4 Ang iya nahauna nġa bana, nġa nagtabog sa iya, indi sarang makakuha sa iya liwan, agud nġa magmanginasawa niya sia sa tapus nġa sia nakapadagta; kay ini among kalangil-aran kay Iehoba; kag indi pagpapas-aní sang salá ang duta, nġa ginahatag sa imo nġa panublion ni Iehoba, nġa imo Dios.

5 Kon ang isa ka tawo magpangasawa sing bag-o lamang, dili maggowa sia sa pag-awayan, bisan magpangalima sang bisan ano nġa buluhaton: manginhilway sia nġa sa iya baláy sa isa ka tuig, kag maglipay sia sa babae nġa iya ginpangasawa.

Nahanungud sang mġa inugpalig-on—Nahanungud sa pagkawit sa mġa tawo.—Nahanungud sang tabukaw.

6 Dili ka magkuha sang galingan, bisan sang bató saibabaw subung nġa inugpalig-on; kay ini amo ang pagbaton sang kabuhi nġa inugpalig-on.

7 Kon makit-an ang isa ka tawo, nġa nakapangawat sa isa sa tungá sang iya mġa útud, sa tungá sang mġa inanak ni Israel, kag ginulipon sia niya kag ginbaligya sia niya, ang amo nġa makawat mapatay; kag pagapanason mo ang kalainan sa tungá nimo.

8 Sa nahanungud sang kalalat-an sang tabukaw, mag-adam-ka sa pagbantay sing matul-id gid sang tanan nġa pagaitudlo sa imo sang mġa saserdote, nġa mġa Lebinhon: pagaandaman ninyo sa paghimo, sono sang ginsogo ko sa ila.

9 Panumduma ang ginhimo ni Iehoba, nġa imo Dios, kay Maria, sa dalan, sang naggulowa kamo sa Egipto.

10 Kon magpahulam ka sa imo isigkatawo sang bisan ano nġa butang nġa may saka, indi ka magsulúd sa iya baláy sa pagkuha sang iya inugpalig-on.

11 Magapabilin ka sa gowa, kag ang tawo nġa ginpahulam mo magadalá sa imo sa gowa sang inugpalig-on;

12 Kag kon ang tawo imol, indi ka maghigda upud sang iya inugpalig-on.

13 Sa walay balibad pagaiuli mo ang inugpalig-on sa pagsalup sang adlaw, kag magahigda sia sa iya panapton kag magapakamaayo sia sa imo; kag ini manginkatarungan mo sa atubangan ni Iehoba, nġa imo Dios.

14 Dili mo pagpiguson ang mamumugon nga imol kag makalolooy, bisan sia sa tungâ sang imo mga útud, bisan sia sa tungâ sang mga dumuluong nga yara sa imo duta, sa sulud sang imo mga gawang.

15 Pagahatagan mo sia sang iya sohol tungud sang iya adlaw, kag sa walâ pa matunud ang adlaw sa ibabaw niya, kay sia imol kag ginahandum niya ang iya sohol; basi pa nga magtuaw sia batok sa imo kay Iehoba kag manginsalâ ini sa imo.

16 Ang mga amay indi mapatay tungud sang ila mga anak, kag ang mga anak indi mapatay tungud sang ila mga amay: ang tagsatagsa mapatay tungud sa iya *kaugalinzon* nga salâ.

Nahanungud sang pagkalooy sa mga bálo nga babae, sa mga ilo kag sa mga dumuluong.

17 Dili mo pagpatikoon ang katadlungan sang dumuluong kag sang ilo, kag indi ka magbaton sang panap-ton sang bálo nga babae nga inugpaligon.

18 Magapanumdum ka, nga ikaw nanġinulipon sa Egipto, kag nga gintubus ka kutub didto ni Iehoba, nga imo Dios; ngani ginsogo ko sa imo, nga maghimo ka sini.

19 Kon mag-ani ka sang imo alanyon sa imo latagon, kag malipatan mo ang isa ka upung sa latagon, indi ka magbalik sa pagkuha sa iya: manginiya ini sang dumuluong, sang ilo kag sang bálo nga babae, agud nga pagpakamaayohon ka ni Iehoba, nga imo Dios, sa tanan nga buluhaton sang imo mga kamut.

20 Kon magpalaspas ka sang imo kahoy nga oliba, dili mo pagipausisa ang mga sangâ liwan: ini manginiya sang dumuluong, sang ilo kag sang bálo nga babae.

21 Kon magpamupo ka sang imo kaubasan, dili mo pagipausoy liwan: ini manginiya sang dumuluong, sang ilo kag sang bálo nga babae.

22 Pagapanamdumon mo, nga nanġinulipon ka sa duta sang Egipto; ngani ginasogo ko ikaw, nga maghimo ka sini.

Ang pagbunala nga indi maglabi sa kap-atan ka lapdus.

25 Kon may kasaba sa tungâ sang duha ka tawo, kag magpalapit sila sa hulukmanan, agud nga paghukman sila sang *mga hukom*, ini sila magapamatarung sa maturung, kag magatagudili sa malain.

2 Kag kon ang malain takus sia nga paghampakon, ang hukom magapahapa sa iya sa duta, kag sa iya atubangan pagapahampak niya sia sa *kadamuon* sang linapdus nga nagakaigo sa iya kasalanan.

3 Kon hampakon sia niya sing kapatan *ka lapdus*, indi maglabaw sia sa ila; basi pa nga, kon maglabaw sia sini, nga bunalon sia niya sing madamu nga linapdus kapin sini sa ila, ang imo útud magmanginbanyaga sa imo mga mata.

4 Dili mo pagsukimahan ang baka nga nagalinas.

Nahanungud sa pagba a sa bayaw nga lalaki.

5 Kon ang mga magútud magpuluyô sing tingub, kag mapatay ang isa sa ila nga walay anak nga lalaki, ang asawa sang patay indi magbana sa luwas sa isa ka dumuluong; ang iya bayâw nga lalaki magapalapit sa iya kag magapanġasawa sa iya, kag magatuman sa iya sang katungdanan sang bayâw.

6 Kag magamanginamo, nga ang pangnanay nga pagai anak niya, magailis sa ngalan sang iya útud nga patay, agud nga indi mapanas sa Israel ang iya ngalan.

7 Kag kon ang lalaki indi maluyag magpanġasawa sa iya bayâw nga babae, ang iya bayâw nga babae magataklad sa gawang sang *banwa* sa mga tigulang kag magasiling: Nagapangindi ang akon bayâw nga lalaki sa pagpatindug sang ngalan sang iya útud sa Israel: indi sia maluyag magtuman upud sa akon sang katungdanan sang bayâw.

8 Niyan pagatawgon sia sang mga tigulang sang iya banwa, kag pagahambalon sia nila; kag kon magmatig-a sia, nga nagasiling: Indi ako buut magpanġasawa sa iya;

9 Ang iya bayaw nga babae magapalapit sa iya sa atubangan sang mga tigulang kag pagakuhaan sia niya sing sapin sa tiil, kag pagaduplaan sia niya sa iya nawung, kag magasabat sia, nga



nagasiling: Amo ini kag amo ini ang pagahimoon sa tawo, nga indi maluyag magpatindug sang panimaláy sang iya útud.”

10 Kag pagaihatag sa iya ini nga ngalan sa Israel: Ang baláy sang inubahan sing sapin.

11 Kon ang mga tawo magaalalaway sing tingub, ang isa sa isa, kag mag-abut ang asawa sang isa sa ila sa pagluwas sa iya bana sa kamut sadtong nagapilas sa iya, kag sa paguntay niya sang kamut, madakup sia niya sa mga bahin nga kalahuluyan;

12 Pagautdan mo sia sang kamut: ang imo mata indi magkaloooy sa iya.

Nabanungud sang mga itilimbang kag mga sulukban nga matarung.

13 Dili ka maghuput sa imo puyô sing itilimbang nga daku kag itilimbang nga diyotay.

14 Dili ka maghuput sa imo baláy sing epa nga daku kag epa nga diyotay.

15 Magahuput ka sing itilimbang nga nagakaigo kag matarung: magahuput ka sing epa nga nagakaigo kag matarung, agud nga maglalawig ang imo mga adlaw sa duta, nga ginahatag sa imo ni Iehoba nga imo Dios.

16 Kay kalangil-aran ni Iehoba, nga imo Dios, yadtong tanan nga nagahimo sang amo nga mga butang kag yadtong tanan nga nagahimo sing dimatarung.

Si Amalek pagaiaglagon.

17 Panumduma ang ginhimo sa imo ni Amalek sa dalanon, sang naggowa kami gikan sa Egipto,

18 Kon paano nga nagsugata sia sa imo sa dalanon kag ginpilas niya ang mga labing naolehe sa imo, kag ang tanan nga mga maluya sa olehe nimo, sang ikaw ginabugatan kag ginabudlayan, kag walâ gid sia sing kahadluk sa Dios.

19 Kag mahanabu, nga kon si Iehoba, nga imo Dios, maghatag sa imo sing pagpahuway sa tanan mo nga mga kawaway sa palibot, sa duta nga ginahatag sa imo ni Iehoba, nga imo Dios, nga panublion, agud nga magtagiya ka sa iya, pagapanason mo ang handumanan ni Amelek sa idalum sang langit: dili pagkalipati ini.

Ang mga panganay—Ang mga ikapulo sa ikatlo ka tuig.

26 KON mag-abut ka na sa duta, nga ginahatag sa imo ni Iehoba, nga imo Dios, nga panublion, kag magtagiya ka sa iya kag magpuyô ka sa iya,

2 Niyan magakuha ka sang mga panganay sang tanan nga mga bunga sang duta, nga matipon mo sa duta, nga ginahatag sa imo ni Iehoba, nga imo Dios, kag pagaibutang mo sila sa isa ka tabig, kag magakadto ka sa duug, nga pagapilion ni Iehoba, nga imo Dios, sa pagpapuyô didto sang iya ngalan.

3 Kag magakadto ka sa saserdote, nga yara sa sadtong mga adlaw, kag magasiling ka sa iya: Ginapahayag ko karon kay Iehoba, nga imo Dios, nga nag-abut ako sa duta, nga ginsumpa ni Iehoba sa amon mga ginikanan, nga pagaihatag niya sa amon;

4 Kag pagakuhaon sang saserdote ang tabig sa iya kamut, kag pagaibutang niya ini sa atubangan sang halaran ni Iehoba, nga imo Dios.

5 Kag magahambal ka kag magasiling ka sa atubangan ni Iehoba, nga imo Dios: Ang isa ka Araminhon nga libudlibud nanginakon amay, nga nagdulhog sia sa Egipto kag nag-abut didto subung sang dumuluong upud sang pila ka tawo, kag didto nanginisa sia ka katawohan nga daku, gamhanan kag madamu.

6 Kag ginpasipalahan kami sang mga Egiptohanon kag ginpapaubus nila kami, kag ginbutangan nila kami sing mabug-at nga kahiolipnan;

7 Kag nagtuaw kami kay Iehoba, ang Dios sang amon mga ginikanan, kag ginpamatian ni Iehoba ang amon tingug, kag gintulok niya ang amon kalisdanan, kag ang amon pangabudlay, kag ang pagpigos sa amon;

8 Kag ginpagowa kami ni Iehoba gikan sa Egipto sa kamut nga gamhanan kag sa butkon nga inuntay, kag may daku nga kahadlukan, kag may mga talandaan kag may mga kalatingalahan;

9 Kag ginpasulud niya kami sa sini nga duug, kag ginhatag niya sa amon ini nga duta, duta nga nagailig ang gatas kag dugos.

10 Kag yari karon, ginadalâ ko ang mga panganay sang mga bunga sang duta, nga ginahatag mo sa akon, oh Ie-

hoba. Kag pagaibutang mo sila sa atubangan ni Iehoba, nga imo Dios, kag magasimba ka sa atubangan ni Iehoba, nga imo Dios.

11 Kag magakalipay ka sa tanan nga kaayohan, nga ginhatag sa imo ni Iehoba, nga imo Dios, sa imo kag sa imo panimaláy; *magakalipay ka*, ikaw kag ang Lebinhon, kag ang dumuluong nga yara sa tungâ nimo.

12 Kon nakatapus ka na sa pagpain sang ikapulô sang imo mga patubas, sa ikatlo ka tuig, ang tuig sang ikapulô, pagaihatag mo ini sa Lebinhon, sa dumuluong, sa ilo kag sa bálo nga babae, agud nga magkalaon sila sa sulúd sang imo mga gawang, kag magkalabusug sila.

13 Kag magasiling ka sa atubangan ni Iehoba, nga imo Dios: Ginkuha ko sa akon baláy ang mga butang nga balaan, kag ginhatag ko man sila sa Lebinhon, sa dumuluong, sa ilo kag sa bálo nga babae, sono sa tanan nga sogo nga ginsogo mo sa akon; walâ ako maglapas sang imo mga sogo, bisan ginkalipatan ko sila.

14 Walâ gid ako sing ginkaon sa ila sa akon paglalaw, bisan naguyang ako sa ila sa mga kahigkoan, bisan naghatag ako sa ila nga sa mga minatay: ginpamatian ko ang tingug ni Iehoba, nga akon Dios: ginhimo ko, sono sa tanan nga ginsogo mo sa akon.

15 Tamda kutub sa kalanġitan, kutub sa puluy-an sang imo pagkabalaan, kag pakamaayoha ang imo banwa nga Israel kag ang duta, nga ginhatag mo sa amon, sono sang ginsumpâ mo sa amon mga ginikanan, duta nga nagailig ang gatas kag dugos.

16 Karon si Iehoba, nga imo Dios, nagasogo sa imo, nga pagibutang mo sa buhat ining mga palatukuran kag mga tulumanon: pagabantayan mo sila, kag pagatumanon mo sila sa bug-os mo nga tagiposoon, kag sa bug-os mo nga kalág.

17 Ginpapaahayag mo karon si Iehoba, nga sia amo ang imo Dios, kag nga magalakat ka sa iya-mga dalanon, kag magabantay ka sang iya mga palatukuran, sang iya mga sogo kag sang iya mga tulumanon, kag nga magapamati ka sang iya tingug;

18 Kag si Iehoba nagpahayag karon, nga ikaw among iya banwa nga pinasahi, sono sang ginsiling niya sa imo, agud

nga magbantay ka sang tanan niya nga mga sogo,

19 Kag nga pagpakataason ka gid niya sa ibabaw sang tanan nga mga katawohan, nga ginhimo niya, sa kadayawan, kag sa kabantugan kag sa himaya, kag nga ikaw manginisa ka banwa nga balaan kay Iehoba, nga imo Dios, sono sang ginsiling niya.

Ang halaran nga pagapatindugon sa tabok sang Iordan sa pagtigib sang kasogoon sa iya—Mga ginmitlang nga pagpakamaayo sa ibabaw sang bukid nga

Gerisim kag nga pagpakamalaot sa ibabaw sang bukid nga Ebal.

**27** KAG si Moises upud sang mga tigulang sa Israel nagsogo sa banwa, nga nagasiling: “Bantay-ninyo ang tanan nga sogo nga ginasogo ko karon sa inyo.

2 Kag mahanabu, nga sa adlaw nga makatabok kamo sang Iordan pa duta, nga ginahatag sa imo ni Iehoba, nga imo Dios, magapatindug ka sing dalagku nga mga bató, kag pagahapulason mo sila sang apog.

3 Kag pagaisulat mo sa ibabaw nila ang tanan nga mga polong sining kasogoon, kon makatabok ka na sa pagsulúd sa duta, nga ginahatag sa imo ni Iehoba, nga imo Dios, nga nagailig ang gatas kag dugos, sono sang ginsaad sa imo ni Iehoba, ang Dios sang imo mga ginikanan.

4 Kag kon makatabok na kamo sang Iordan, pagapatindugon ninyo ining mga bató, sono sang ginasogo ko sa inyo karon, sa bukid nga Ebal, kag pagahapulason mo sila sang apog.

5 Kag magapatindug ka didto sing isa ka halaran kay Iehoba, nga imo Dios, halaran nga mga bató, nga sa ibabaw nila indi ka magbayaw sing *galamiton* nga salsalon.

6 Sa mga bató nga bilog pagapatindugon mo yadtong halaran kay Iehoba, nga imo Dios, kag pagaihalad mo sa ibabaw niya ang mga halad nga sinunog kay Iehoba, nga imo Dios;

7 Kag magahalad ka sang mga halad sa paghidaet kag magakaon ka didto, kag magakalipay ka sa atubangan ni Iehoba, nga imo Dios.

8 Kag pagaisulat mo sa ibabaw sad-tong mga bató ang tanan nga mga po-



long sa sini nga kasogoon, nga pagitigib mo sila sing maayo.”

9 Kag si Moises, upud sang mga saserdote nga Lebinhon, naghambal sa bug-os nga Israel, nga nagasiling: “Hipus-ka kag pamati-ka, oh Israel. Karon manginbanwa ka ni Iehoba, nga imo Dios:

10 Pamatii ang tingug ni Iehoba, nga imo Dios, kag ibutang sa buhat ining mga sogo kag ining mga palatukuran, nga ginasogo ko karon sa imo.”

11 Kag si Moises nagsogo sa banwa sa sadtong adlaw, nga nagasiling:

12 “Kon nakatabok na kamo sang Iordan, ini sila didto sa ibabaw sang bukid nga Gerisim sa pagpakamaayo sa banwa: si Simeon, si Lebi, si Iuda, si Isakar, si Jose, kag si Benyamin;

13 Kag ini sila didto sa ibabaw sang bukid nga Ebal sa pagpakamalaat: si Ruben, si Gad, si Aser, si Sabulon, si Dan kag si Neptali.

14 Niyan ang mga Lebinhon magasalabat kag magasiling sa tanan nga mga tawo sa Israel, sa mataas nga tingug:

15 Pinapakmalaat ang tawo, nga nagahimo sing larawan nga tinigban kon tinunaw, butang ini nga kalangil-aran kay Iehoba, buhat sang kamut sang panday, kag nga nagabutang sa iya sa tago nga duug. Kag magasabat kag magasiling ang bug-os nga banwa: Kabay pa.

16 Pinapakamalaat ang nagatamay sa iya amay kag sa iya ilóy. Kag magasiling ang bug-os nga banwa: Kabay pa.

17 Pinapakamalaat ang nagalaksam sang mga dulunan sang iya isigkatawo. Kag magasiling ang bug-os nga banwa: Kabay pa.

18 Pinapakamalaat ang nagapatalang sa bulag sa dalanon. Kag magasiling ang bug-os nga banwa: Kabay pa.

19 Pinapakamalaat ang nagapatiko sang katadlungan sang dumuluong, sang ilo kag sang bálo nga babae. Kag magasiling ang bug-os nga banwa: Kabay pa.

20 Pinapakamalaat ang nagadulóg sa asawa sang iya amay, kay ginsukib niya ang sidsid sang tabon sang iya amay. Kag magasiling ang bug-os nga banwa: Kabay pa.

21 Pinapakamalaat ang nagadulóg sa bisan ano nga sapat. Kag magasiling ang bug-os nga banwa: Kabay pa.

22 Pinapakamalaat ang nagadulóg sa

iya útud nga babae, anak nga babae sang iya amay, kon anak nga babae sang iya ilóy. Kag magasiling ang bug-os nga banwa: Kabay pa.

23 Pinapakamalaat ang nagadulóg sa iya ugangan nga babae. Kag magasiling ang bug-os nga banwa: Kabay pa.

24 Pinapakamalaat ang nagapatay sa tago gid sa iya isigkatawo. Kag magasiling ang bug-os nga banwa: Kabay pa.

25 Pinapakamalaat ang nagapahamham sa pagpilas sa kamatayon sang tawo nga walay salá. Kag magasiling ang bug-os nga banwa: Kabay pa.

26 Pinapakamalaat ang walá magatuman sa mga polong sining kasogoon sa pagbutang sa ila sa buhat. Kag magasiling ang bug-os nga banwa: Kabay pa.

Mga pagpakamaayo kag mga pagpakamalaat.

**28** KAG mahanabu nga, kon magpamati ka sing matalupangdon gid sang tingug ni Iehoba, nga imo Dios, sa pag-andam sa pagbutang sa buhat sining tanan nga mga sogo, nga ginasogo ko karon sa imo, si Iehoba, nga imo Dios, magapakataas sa imo sa ibabaw sang tanan nga katawohan sang duta.

2 Kag magaalabut sa ibabaw nimo ining tanan nga mga pagpakamaayo; kag pagalambuton ka nila, kon magpamati ka sang tingug ni Iehoba, nga imo Dios:

3 Pinapakamaayo ka sa banwa kag pinapakamaayo ka sa mga latagon;

4 Pinapakamaayo ang bunga sang imo tian kag ang bunga sang imo duta, kag ang bunga sang imo hayup kag ang tinúbô sang imo kabakahan, kag ang mga magamay sang imo mga obeha;

5 Pinapakamaayo ang imo tabig kag ang imo lusong.

6 Pinapakamaayo ang imo pagsulúd kag pinapakamaayo ang imo paggowa.

7 Pagahimoon ni Iehoba, nga ang imo mga kaaway, nga nagatilindug batok sa imo, pagpamilason sila sa atubangan nimo; sa isa lamang ka dalan magagulowa sila batok sa imo, apang sa pito ka dalan magapalalagyo sila sa atubangan nimo.

8 Pagaipadalá ni Iehoba ang iya pagpakamaayo sa ibabaw nimo, sa imo mga tambobo kag sa tanan nga buluhaton sang imo kamut, kag sia magapakama-

ayo sa imo sa duta, nga ginahatag sa imo ni Iehoba, nga imo Dios.

9 Si Iehoba nagapatindug sa imo nga banwa niya nga balaan, sono sang ginsumpa niya sa imo, kon magbantay ka sang mga sogo ni Iehoba, nga imo Dios, kag kon maglakat ka sa iya mga dalanon.

10 Kag ang tanan nga mga banwa sang duta makakita, nga ikaw ginhingalanang sang ngalan ni Iehoba, kag pagakahadlukan ka nila.

11 Kag si Iehoba magapadagaya sa imo, nga sa kaayohan mo, sa *pagpadamu* sang bunga sang imo tian, sang bunga sang imo mga kahayupan kag sang bunga sang imo duta, sa ibabaw sang duta nga ginsumpa ni Iehoba sa imo mga ginikanan, nga pagaihatag niya sa imo.

12 Pagabuksan ni Iehoba nga sa imo ang langit, ang iya maayo nga bahandi, sa paghatag sang ulan sa imo duta sa iya panag-on kag sa pagpakamaayo sang tanan nga baluhaton sang imo mga kamut. Ikaw magapahulam sa madamu nga mga katawohan, apang ikaw indi magpanghulam.

13 Kag si Iehoba magabutang sa imo nga olo kag indi ikog; kag didto ka lamang sa ibabaw, kag indi ka didto sa idalum, kon magpamati ka sang mga sogo ni Iehoba, nga imo Dios, nga ginasogo ko karon sa imo, sa pagbantay sa ila kag pagbutang sa ila sa buhat,

14 Kag indi ka maglipas sa too, bisan sa walá, sang ginasogo ko karon sa imo, sa paglakat sa olehe sang liwan nga mga dios nga sa pag-alagad sa ila.

15 Apang mahanabu nga, kon indi ka magpamati sang tingug ni Iehoba, nga imo Dios, sa pag-andam sa paghimo sang tanan niya nga mga sogo kag mga palatukuran, nga ginasogo ko karon sa imo, magakalari sa ibabaw nimo kag pagalambutan ka sining tanan nga mga pagpakamalaut:

16 Pinapakamalaut ka sa banwa kag pinapakamalaut ka sa mga latagon;

17 Pinapakamalaut ang imo tabig kag ang imo lusong;

18 Pinapakamalaut ang bunga sang imo tian kag bunga sang imo duta, ang pagtúbô sang imo mga kabakahan kag ang mga magamay sang imo mga obeha;

19 Pinapakamalaut ka sa imo pag-

sulúd kag pinapakamalaut ka sa imo paggowa.

20 Si Iehoba magapadalá sa ibabaw nimo sing pagpakamalaut, kag kalisang, kag pagsabdong sa tanan nga buluhaton sang imo kamut, tuhtub nga malaglag ka, kag tuhtub nga madula ka sa madali, bangud sang kalainan sang imo mga binuhatan, nga tungud sa ila ginbayaan mo ako.

21 Pagahimoon ni Iehoba nga magpilít sa imo ang kamatay, tuhtub nga mapapas ka sa ibabaw sang duta, nga didto magasulúd ka sa pagtagiya sa iya.

22 Pagapilason ka ni Iehoba sang anus, kag sang hilanat, kag sang palamanug, kag sang kasingkal, kag sang hinganiban, kag sang panlaya, kag sang gusim, kag *ini sila* magalagas sa imo tuhtub nga madula ka.

23 Kag ang langit, nga yara sa ibabaw sang imo olo, mangintumbaga, kag ang duta nga yara sa idalum nimo, manginsalsalon.

24 Sa *baylo* sang ulan sa imo duta, si Iehoba magahatag sa imo sing yabok kag abó; kutub sa kalangitan magapalanaug sila tuhtub nga malaglag ka.

25 Pagahimoon ni Iehoba nga pagpilason ka sa atubangan sang imo mga kaaway. Sa isa lamang ka dalan magagowa ka batok sa ila, apang sa pito ka dalan magapalagyo ka sa atubangan nila, kag manginhampanganan ka sa tanan nga mga ginharian sang duta;

26 Kag ang imo mga bangkay mangintuluk-on sang tanan nga mga pispis sang langit kag *kalan-on* sang mga sapat sang duta, kag walay sin-o nga magakahadluk sa ila.

27 Kag si Iehoba magapilas sa imo sang hubag nga nagabuadad sa Egipto, kag sang mga hubag sa kagalan, kag sang katol, kag kagidkid, nga indi sarang mabolóng.

28 Si Iehoba magapilas sa imo sang paglasang, kag sang kabulag, kag sang kabuang.

29 Kag magapanghikap ka sa kasanag sang kaudtohon, subung sang pagpanghikap sang bulag sa kadudulman, kag indi ka pagpauswagon sa imo mga dalanon. Lamang pagapiguson kag pagakawatan ka sa tanan nga mga adlaw, kag walay sin-o nga magaluwas sa imo.

30 Ikaw magapangasawa kag iban



nga tawo ang magadulóg sa iya ; magapatindug ka sing baláy kag indi ka makapuyô sa iya ; magatanum ka sing kaubasan kag indi ka makapamupo sa iya.

31 Ang imo baka pagapugutan sa atubangan sang imo mga mata, kag indi ka makakaon sa iya ; ang imo asno pagaagawon sa imo gid atubangan, kag indi ini magbalik sa imo ; ang imo mga obeha pagaipanugyan sa imo mga kaaway kag walay sin-o nga magaluwas sa *ila*.

32 Pagaipanugyan sa liwan nga banwa ang imo mga anak nga lalaki kag mga babae, kag pagatan-awon sila sang imo mga mata, kag magalapyo ka tungud sa *ila* sa bug-os nga adlaw, kag ang imo kamut walâ gid sing kusug.

33 Ang bunga sang imo duta kag ang tanan mo nga mga pinangumahan, pagakaonon sila sang isa ka banwa nga walâ mo makilala, kag lamang pagapi-guson ka kag pagapasipalahan ka sa tanan nga mga adlaw.

34 Kag magalasang ka, bangud sang makita sang imo gid nga mga mata.

35 Pagapilason ka ni Iehoba sang hubag nga makapatay sa mga tuhod kag sa mga paa, nga sa iya indi ka sarang makabulóng, *pagapilason* ka pa niya kutub sa dapadapa sang imo tiil tubtub sa imo alimpulos.

36 Pagapalakton ka ni Iehoba, ikaw kag ang hari nga ginbutang mo sa ibabaw nimo, pa katawohan nga walâ mo makilal-i, bisan ikaw, bisan ang imo mga ginikanan ; kag didto magaalagad ka sa liwan nga mga dios nga kahoy kag nga bato.

37 Kag ikaw manginisa ka kahalanga-wan, kag isa ka hulobaton, kag isa ka kaladlawan sa tungâ sang tanan nga mga banwa sa diin pagadalhon ka ni Iehoba.

38 Magasab-ug ka sing madamu nga binhi sa latagon kag magapatubas ka sing diyotay, kay pagahalunhonon ini sang apan.

39 Magatanum ka kag magapanguma ka sing mga kaubasan, kag indi ka makainum sing alak, bisan makapamupo ka sing *ubas* ; kay pagakaonon ini sila sang ulod.

40 May mga kaolibahan ka sa tanan mo nga mga dulunan, kag indi ka ma-

kapanghaplas sang lana, kay magakapulak ang imo mga olibo.

41 Magpanganak ka sing mga anak nga lalaki kag mga babae, kag indi sila manginimo, kay pagabihagon sila.

42 Ang tanan mo nga kakahoyan kag ang bunga sang imo duta pagatagiyahon sang apan.

43 Ang dumuluong nga yara sa tungâ nimo magaatamat sing taas sa ibabaw nimo, kag ikaw magaatamat sing ubus :

44 Sia magahulam sa imo, kag ikaw indi makahulam sa iya ; sia manginolo kag ikaw manginikog.

45 Ining tanan nga mga pagpakamala magaalabut sa ibabaw nimo, kag pagalagson ka nila kag pagalambuton ka nila tubtub nga malaglag ka ; tungud kay walâ ka magpamati sang tingug ni Iehoba, nga imo Dios, sa pagbantay sang iya mga sogo kag sang iya mga palatukuran, nga ginsogo niya sa imo ;

46 Kag sila magakalabilin sa imo nga talandaan kag nga kalatingalahan, kag sa imo kaliwatan sa gihapon.

47 Tungud kay walâ ka mag-alagad kay Iehoba, nga imo Dios, nga may kasadya kag may kalipay sa tagiposoon, bangud sang kabugana sang tanan nga mga butang,

48 Ikaw magaalagad, nga may gutum, nga may uhaw, nga may kahubo kag kinahanglan sang tanan nga mga butang, sa imo mga kaaway, nga pagaipadalâ ni Iehoba batok sa imo ; kag sia magabutang sing isa ka singkaw nga salsalon sa ibabaw sang imo tangkugo, tubtub nga malaglag ka niya.

49 Si Iehoba magadalâ sa ibabaw nimo sing isa ka katawohan sa malayô, kutub sa mga ukbung sang duta, sa bagay nga nagalupad ang agila, katawohan nga indi ka makahanup sang iya hambal ;

50 Katawohan nga mapintas sing nawung, nga walâ sing katahuran sa tigulang, kag walâ sing kalooy sa bátâ ;

51 Nga magakaon sang bunga sang imo kahayupan kag sang bunga sang imo duta, tubtub nga malaglag ka ; kay indi sia magbilin sa imo sing trigo, bisan duga sang ubas, bisan lana, bisan sang tinúbô sang imo mga kabakahan, bisan sang mga magamay sang imo obeha, tubtub nga malaglag ka na niya.

52 Pagalibutan ka niya sa tanan mo

nga mga kabanwaan, tuhtub nga magkalapukan ang imo mga kuta nga mataas kag pinabakud, nga ginasaligan mo, sa bug-os mo nga duta; pagalibutan ka niya sa tanan mo nga mga kabanwaan sa bug-os mo nga duta, nga kinahatag sa imo ni Iehoba, nga imo Dios.

53 Magakaon ka sang bunga sang imo tian, sang unud sang imo mga anak nga lalaki kag sang imo anak nga babae, nga kinahatag sa imo ni Iehoba, nga imo Dios, sa paglibot kag sa kapiot nga pagaipigos sa imo sang imo mga kaaway.

54 Ang tawo nga mahomok kag ang labing maluya sa tunga nimo, ang iya mata manginmalauton sa iya utud kag sa asawa sang iya tagiposoon, kag sa nabilin sang iya mga anak, nga nagkalabilin,

55 Sa bagay nga indi sia na maghatag sa bisan kay sin-o sa ila sang unud sang iya mga anak nga pagakaonon niya, tungud kay walâ gid sing nabilin sa iya sa paglibot kag sang kapiot nga ginipigos sa iya sang iya mga kaaway sa sulud sang tanan mo nga mga kabanwaan.

56 Ang babae nga mahomok kag *labing* maluya sa tunga nimo, nga mas-a walâ makatilaw sa pagtapak sang iya tiil sa duta, sa lunsay nga pagkaluya kag pagkahomok, ang iya mata manginmalauton sa bana sang iya tagiposoon, kag sa iya anak nga lalaki kag sa iya anak nga babae,

57 Kag *sia magadumili sa ila* sang inunlan nga naggowa sa tunga sang iya mga tiil, kag sang mga anak nga gin-anak niya; kaysia magakaon sa ila sa tago gid, sa kakulang sang tanan nga butang, sa paglibot kag sa kapiot nga pagaipigos sa imo sang imo mga kaaway sa sulud sang imo mga kabanwaan.

58 Kon indi ka mag-andam sa pagbutang sa buhat sang tanan nga mga polong sini nga kasogoon, nga mga napanulat sa sini nga tolon-an, agud nga magkahadluk ka sini nga ngalan nga mahimayaon kag makahaladluk ni Iehoba, nga imo Dios,

59 Pagahimoon ni Iehoba nga magmanginkatingalahan ang imo mga kalalat-an kag ang mga kalalat-an sang imo kaliwatan, mga kalalat-an nga dalagku kag madugay, kag mga balatian nga makamamatay kag madugay.

60 Kag pagadalhon niya liwan sa ibabaw nimo ang tanan nga mga kasakitan sa Egipto, nga ginkahadlukan mo, kag sila magatalapik sa imo.

61 Labat pa, pagadalhon ni Iehoba sa ibabaw nimo ang tanan nga mga balatian kag ang tanan nga mga kalalat-an, nga walâ mapanulat sa tolon-an sining kasogoon, tuhtub nga malaglag ka.

62 Kag pila lamang ka bilog ang mabilin sa inyo, sa tapus nga nanginsubung kamo sang kabitoonan sang langit sa kadamuon, tungud kay walâ kamo magpamati sang tingug ni Iehoba, nga inyo Dios.

63 Kag mahanabu nga, siling nga nagakalipay si Iehoba sa ibabaw ninyo sa paghimo sa inyo nga mga bulahan kag sa pagpadamu sa inyo, subung man magakalipay si Iehoba sa ibabaw ninyo sa pagpadula sa inyo kag sa paglaglag sa inyo, kag pagagabuton kamo sa duta sa diin nagsulud ka sa pagtagiya sa iya :

64 Pagaiwaraag ka ni Iehoba sa tunga sang tanan nga mga banwa, kutub sa isa ka ukbung sang duta tuhtub sa isa ka ukbung sang duta; kag magaalagad ka didto sa liwan nga mga dios, nga walâ mo makilal-i, bisan ikaw, bisan ang imo mga ginikanan, *mga dios* nga kahoy kag nga batô.

65 Kag sa tunga sadto nga mga katawohan indi ka gid makapahuway, bisan may pahuway nga sa dapadapa sang imo tiil; kay didto pagahatagan ka ni Iehoba sing tagiposoon nga mahadlukon kag kalapyo sa mga mata, kag malunad nga kalâg.

66 Kag ang imo kabuhi nabitay sa atubangan nimo, kag magakurug ka sa adlaw kag sa gab-i, kag walâ ka gid sing kalig-unan sang imo kabuhi.

67 Sa aga magasiling ka : ; Kabay pa nga manginhapon ! kag sa hapon magasiling ka : ; Kabay pa nga manginaga ! bangud sang kakugmat nga pagakakugmatan sang imo tagiposoon, kag bangud sang pagatan-awon sang imo gid mga mata.

68 Kag pagapabalikon ka ni Iehoba sa Egipto sa mga sakayan, tungud sang dalan nga sa iya nagsiling sia sa imo : Indi ka na makakita liwan sini. Kag didto pagaipananyag kamo sa baligya sa inyo mga kaaway nga mga ulipon nga lalaki kag nga mga ulpon nga



babae, kag walay sin-o nga magabakal sa inyo."

Ang ginliwan nga pagpakigkatipan.

**29** INI sila amo ang mga polong sang katipan, nga ginsogo ni Iehoba kay Moises, nga pagahimoon niya sa mga inanak ni Israel sa duta sang Moab, labut pa sang katipan, nga ginhimo sa ila sa Horeb.

2 Kag gintawag ni Moises ang bug-os nga Israel kag nagsiling sa ila: "Kamo gid nakakita sang tanan nga ginhimo ni Iehoba sa atubangan sang inyo mga mata sa duta sang Egipto, kay Paraon kag sa tanan niya nga mga alagad, kag sa bug-os niya nga duta:

3 Ang dalagku nga mga pagtilaw, nga nakita sang imo mga mata, ining mga tandaan kag ining dalagku nga katingalahan;

4 Apang tubtub karon nga adlaw walâ kamo paghatagi ni Iehoba sing tagiposoon nga makahanup, bisan mga mata nga makakita, bisan mga idulungug nga makabati.

5 Kag ako nagpalakat sa inyo sa kahanayakan sing kap-atan ka tuig: walâ maglalapat ang mga panapton sa ibabaw ninyo, bisan nagkalatahis ang sapin sa ibabaw sang imo tiil;

6 Walâ kamo makakaon sing tinapay, bisan nakainum kamo sing alak, bisan ilimnon nga makahulubug, agud nga mahibaloan ninyo, nga ako amo si Iehoba, nga inyo Dios.

7 Kag sang pag-alabut ninyo sa sini nga duug, nagsugata sa inyo sa pagpakigaway si Sehon, nga hari sa Heshon, kag si Og, nga hari sa Basan;

8 Kag ginpilas namon sila kag ginkuha namon ang ila duta, kag ginhatag namon sia nga panublion sa mga Rubeninhon kag sa mga Gadinhon kag sa katunga nga kabikahan ni Manases.

9 Busa, bantayi-ninyo ang mga polong sining katipan kag ibutang ninyo sila sa buhat, agud nga maguluswag kamo sa tanan nga pagahimoon ninyo.

10 Yari kamo karon, kamo nga tanan sa atubangan ni Iehoba, nga inyo Dios patí ang mga pangolo sang inyo mga kabikahan, ang inyo mga tigulang kag ang inyo mga punoan, ang tanan nga mga tawo sa Israel;

11 Ang inyo mga kabataan, ang inyo

mga asawa kag ang dumuluong nga yara sa tungâ sang imo dulugan, kutub sa imo manugpangahoy tubtub sa imo manug-sab-og;

12 Agud nga magpakigkatipan ka kay Iehoba, nga imo Dios, kag sa panumpa nga ginahimo karon sa imo ni Iehoba nga imo Dios;

13 Agud nga mahimo ka karon nga iya banwa kag manginimo sia Dios, sono sang ginsiling niya sa imo, kag sono sang ginsumpâ niya sa imo mga ginikanan, kay Abraham, kay Isaak kag kay Iakob.

14 Kag indi lamang ginahimo ko sa inyo ini nga katipan kag ini nga panumpa,

15 Kondi sa sadtong yari diri karon upud sa aton sa atubangan ni Iehoba, nga inyo Dios, kag sa sadtong walâ diri karon upud sa aton;

16 Kay kamo gid nakahibalo kon paano nga nagapuyô kita sa duta sa Egipto, kag kon paano nga nag-alagi kita sa tungâ sang katawohan sa diin nag-alagi kamo.

17 Kag nakita ninyo ang mga kalangilaran nila kag ang ila mga diosdios nga kahoy kag nga bató, pilak kag bulawan, nga yara sa tungâ nila;

18 Basi pa nga may yara sa tungâ ninyo nga lalaki, kon babae, kon panimaláy, kon kabikahan, nga ang iya tagiposoon nagatalikod karon kay Iehoba, nga aton Dios, sa pagkadto sa pag-alagad sa mga dios sining mga katawohan; basi pa nga may yara sa tungâ ninyo nga gamut nga magpatubas sing ilo kag ahenho;

19 Kag *basi pa nga* mahanabu nga, sa pagkabati sang mga polong sining panumpa, may sin-o nga magpakamaayo sa iya tagiposoon, nga nagsiling: May paghidaet ako, bisan pa maglakat ako sa katig-a sang akon tagiposoon, sa bagay nga walaon niya ang binunyagan upud ang pinamala.

20 Indi buut si Iehoba magpatawad sa iya; kay niyan magaasó ang kaakig ni Iehoba kag ang iya mga kaimon batok sang amo nga tawo, kag magakalari sa pagtongtong sa ibabaw niya ang tanan nga mga pagpakamalaut, nga nasulat sa sini nga tolon-an, kag pagapanason ni Iehoba ang iya ngalan sa idalum sang langit.

21 Kag si Iehoba magapain sa iya nga

sa kalalat-an sa tungâ sang tanan nga mnga kabikahan sa Israel, sono sa tanan nga pagpakamalaut sang katipan, nga nasulat sa sini nga tolon-an sang kasogoan.

22 Kag ang inyo mnga anak nga magatiling sa olehe ninyo, kag ang dumuluong nga magaabut gikan sa malayô nga duta, ang palaabuton nga kaliwatan magasiling, kon makita nila ang mnga kalalat-an sadtong duta kag ang mnga balatian nga ginpilas sa iya ni Iehoba :

23 Ini indi liwan kondi asupre kag asin, ining bug-os nga duta indi liwan kondi kasunog ; sia walâ pagatamni, sia walâ gid sing ginapatubas, bisan nagatúbô sa iya ang ano man nga hilamon ; subung sia sang pagkaguba sang Sodoma kag Gomora, sang Adma kag sang Seboim, nga ginlaglag sila ni Iehoba sa iya kaakig kag sa iya kasingkal.

24 Ang tanan nga mnga katawohan magasiling : ¿Kay nгаа bala ginhimo ni Iehoba sing subung sini ini nga duta ? ¿Ano bala ang kasingkal sining daku nga kaakig ?

25 Kag magasalabat sila : Kay ginbayaan nila ang katipan ni Iehoba, ang Dios sang ila mnga ginikanan, nga ini ginhimo niya sa ila, sang ginpagowa niya sila sa duta sang Egipto.

26 Kag naglalakat kag nag-alalagad sila sa liwan nga mnga dios, nga nagyaub sila sa atubangan nila ; mnga dios nga walâ nila makilal-i, kag nga sia walâ maghatag sa ila subung nga panublion ;

27 Ngani nagdabdab ang kaakig ni Iehoba batok sadtong duta sa pagdalá sa ibabaw niya sang tanan nga mnga pagpakamalaut, nga napanulat sa sini nga tolon-an ;

28 Kag sa kaakig kag sa kasingkal kag sa daku nga kaalipungut, gingabut sila ni Iehoba sa ila duta kag ginsobol niya sila sa duta nga dumuluong, sono sang *ginatan-aw* karon.

29 Ang mnga butang nga tinago nahanungud kay Iehoba, nga aton Dios, apang ang mnga butang nga binugna nahanungud sa aton, kag sa aton mnga anak sa gihapon, agud nga pagibutang naton sa buhat ang tanan nga mnga polong sining kasogoan.

Mga panaad sa bauwa nga mahinulsulon

**30** KAG mahanabu nga, kon magabut na sa ibabaw nimo ining

tanang nga mnga butang, ang pagkamaayo kag ang pagpakamalaut, nga ginbutang ko sa imo atubangan, kag nga pagpamalandongon mo sila sa imo tagiposoong sa tungâ sang tanan nga mnga katawohan sa diin ginsobol ka ni Iehoba, nga imo Dios ;

2 Kag magliso ka kay Iehoba, nga imo Dios, kag magpamati ka sang iya tingug, sono sa tanan nga ginasogo ko karon sa imo, ikaw kag ang imo mnga anak, sa bug-os mo nga tagiposoong kag sa bug-os mo nga kalág ;

3 Niyan si Iehoba magapapauli sa imo gikan sa imo kabihagan kag magakalooy sia sa imo, kag pagatiponon ka niya liwan sa tanan nga mnga kabanwaan sa diin ginwaraag ka ni Iehoba, nga imo Dios.

4 Kon ang imo mnga sinobol didto pa sila sa mnga ukbung sang langit, kutub didto pagatiponon ka ni Iehoba, nga imo Dios, kag kutub didto pagakuhaon ka niya.

5 Kag pagadalhon ka ni Iehoba, nga imo Dios, sa duta nga gintagiya sang imo mnga ginikanan, kag ikaw magatagiya sa iya ; kag sia magahimo sa imo sing kaayohan, kag pagapadamuon ka niya sing labi pa sang imo mnga ginikanan.

6 Kag pagatulion ni Iehoba, nga imo Dios, ang imo tagiposoong kag ang tagiposoong sang imo kaliwatan, agud nga maghigugma ka kay Iehoba, nga imo Dios, sa bug-os mo nga tagiposoong kag sa bug-os mo nga kalág, agud nga magkabuhi ka.

7 Kag pagaibutang ni Iehoba, nga imo Dios, ining tanan nga pagpakamalaut sa ibabaw sang imo mnga kaaway kag sa ibabaw sang mnga nagadulumut sa imo, nga sila naglalagas sa imo.

8 Kag ikaw magapamati liwan sang tingug ni Iehoba, kag pagaibutang mo sa buhat ang tanan niya nga mnga sogo, nga ginasogo ko karon sa imo.

9 Kag si Iehoba, nga imo Dios, magapabugana sa imo sa kabulahan sa tanan nga buluhaton sang imo mnga kamut, sa bunga sang imo tian, sa bunga sang imo mnga kasapatan kag sa bunga sang imo duta ; kay magapangalipay liwan si Iehoba sa ibabaw nimo sa paghimo sa imo sing kaayohan, subung sang pagpangalipay niya sa ibabaw sang imo mnga ginikanan,



10 Sang pagpamati mo sang tingug ni Iehoba, nga imo Dios, sa pagbantay sang iya mga sogo kag sang iya mga palatukuran, nga napanulat sa sining tolong-an sang kasogon; kag sang nagbalik ka na kay Iehoba, nga imo Dios, sa bug-os mo nga tagiposoon kag sa bug-os mo nga kalag.

11 Kay ini nga sogo, nga ginasogo ko karon sa imo, dili tuman ka makatili-nga sa imo, bisan malayo sia.

12 Walâ sia sa langit, agud nga magsiling ka : ;Sin-o bala ang magasaka tungud sa aton sa langit, kag magadalâ sini diri sa aton, kag magapapamati sa aton sini, agud nga pagibutang naton sia sa buhat ?

13 Kag walâ sia sa pihak sang dagat, agud nga magsiling ka : ;Sin-o bala ang magatabok tungud sa aton sang dagat, kag magadalâ sini diri sa aton, kag magapapamati sini sa aton, agud nga pagibutang naton sia sa buhat ?

14 Kay yara malapit gid sa imo ang polong, sa imo bâbâ kag sa imo tagiposoon, agud nga pagibutang mo sia sa buhat.

15 Tuluka, ginabutang ko karon sa atubangan nimo ang kabuhi kag ang kayayohan, ang kamatayon kag ang kalainan :

16 Kay ginsogo ko karon sa imo, nga paghigugmaon mo si Iehoba, nga imo Dios, nga maglakat ka sa iya mga dalanon, kag nga magbantay ka sang iya mga sogo, kag sang iya mga palatukuran, kag sang iya mga tulumanon, agud nga magkabuhi ka kag magdamu ka, kag nga si Iehoba, nga imo Dios, magpakamaayo sa imo sa duta sa diin magasulud ka sa pagtagiya sa iya.

17 Apang kon ang imo tagiposoon mahamulag, kag indi ka magpamati, kag magpatiklud ka sa pagyaub sa liwan nga mga dios, kag sa pag-alagad sa ila ;

18 Ginapamatuud ko karon sa imo, nga, sa pagkamatuud, magakaladula kamo, nga indi kamo makapalawig sang inyo mga adlaw sa ibabaw sang duta, sa diin magasulud ka, sa pagtabok sang Iordan, sa pagtagiya sa iya.

19 Ginatawag ko karon nga mga saksi batok sa inyo ang mga langit kag ang duta, nga ginabutang ko sa atubangan mo ang kabuhi kag ang kamatayon, ang pagpakamaayo kag ang pagpakamalaut : busa pili-ka sang kabuhi,

agud nga magkabuhi ka, ikaw kag ang imo kaliwatan ;

20 Nga maghigugma ka kay Iehoba, nga imo Dios, nga magpamati ka sang iya tingug, kag nga magpilit ka sa iya (kay sia amo ang imo kabuhi kag ang kalawig sang imo nga adlaw); agud nga magpuyô ka sa duta, nga ginsumpa ni Iehoba sa imo nga ginikanan, kay Abraham, kay Isaak kag kay Iakob, nga pagaihatag niya sa ila."

Si Iosue salili ni Moises.

**31** KAG nagkadto si Moises kag naghambal sining mga polong sa bug-os nga Israel,

2 Kag nagsiling sia sa ila : "Sini nga adlaw nagaedad na ako sing isa ka gatus kag duha ka pulô ka tuig ; indi na ako sarang makagowa, bisan makasulud pa, kag si Iehoba nagsiling sa akon : Ikaw indi makatabok sini nga Iordan.

3 Si Iehoba, nga imo Dios, magatabok sa una nimo ; sia magalaglag sinang mga katawohan sa atubangan nimo, kag ikaw magatagiya sa ila. Si Iosue amo ang magatabok sa una nimo, sono sang ginsiling ni Iehoba :

4 Kag pagahimoon ni Iehoba sa ila subung sang ginhimo niya kay Sehon kag kay Og, mga hari sang mga Amorinhon, kag sa ila duta, nga ginlaglag niya sila.

5 Kag pagaitugyan sila ni Iehoba sa atubangan ninyo, agud nga paghimo ninyo sa ila sono sa sining tanan nga sogo, nga ginsogo ko sa inyo.

6 Pagpalamakud-kamo kag pagpakaligon-kamo, kag dili kamo magkahadluk, bisan magpalakulba sa atubangan nila, kay si Iehoba, nga imo Dios, among nagaupud sa imo : Indi sia magabiya sa imo, bisan magapatumbaya sa imo."

7 Kag gintawag ni Moises si Iosue, kag nagsiling sa iya sa atubangan sang bug-os nga Israel : "Pagpakabakud-ka pagpakalig-on-ka, kay ikaw magasulud upud sini nga banwa sa duta, nga ginsumpa ni Iehoba, nga pagaihatag niya sila sa imo nga ginikanan, kag ikaw magapapanubli sa iya sa ila.

8 Kag si Iehoba gid among magaua sa imo ; sia manginkaupud nimo ; indi sia magabiya sa imo, bisan magapatumbaya sa imo : indi ka magkahadluk, bisan magpakulba ka."

Ang kasogoon dapat pagbasahon sa tagsa ikapito ka tuig.

9 Kag ginsulat ni Moises ini nga kasogoon, kag ginhatag niya sia sa mga saserdote, nga mga anak ni Lebi, nga nagadalá sang kaban sang katipan ni Iehoba, kag sa tanan nga mga tigulang sa Israel.

10 Kag ginsogo sila ni Moises, nga nagasiling: "Sa katapusan sang tagsa ka ikapito ka tuig, sa panag-on nga pinat-in sang tuig sang pagpasaylo, sa piesta sang mga Payagpayag,

11 Kon magkari ang bug-os nga Israel sa pag-atubang kay Iehoba, nga imo Dios, sa duug nga pagapilion niya, pagabasahon mo ini nga kasogoon sa atubangan sang bug-os nga Israel sa mga idlungung bug.

12 Pagatiponon mo ang banwa, ang mga lalaki, ang mga babae kag ang mga kabataan, kag ang dumuluong, nga yara sa sulúd sang imo mga gawang, agud nga magpalamati sila kag magtoloon sila sa pagkalahadluk kag Iehoba, nga imo Dios, kag mag-alandam sila sa pagbutang sa buhat sang mga polong sining kasogoon.

13 Kag ang mga anak nila nga walá makakilala sa *ila*, magapalamati kag magatoloon sa pagkahadlak kay Iehoba, nga inyo Dios, sa tanan nga mga adlaw nga igapangabuhi ninyo sa ibabaw sang duta, sa diin nagasulúd kamo, nga nagatubok sang Iordan, sa pagtagiya sa iya."

Ang tinagna nga pagkaholog sang Israel.

14 Kag si Iehoba nagsiling kay Moises: "Yari karon, nagapalalapit ang mga adlaw nga imo igakamatay; tawga si Iosue, kag atubang kamo sa Layanglayang sang pakigkitaan, agud nga magsogo ako sa iya *sang dapat niya buhaton*"; kag si Mises kag si Iosue nagkadto kag nag-atubang sa Layanglayang sang pakigkitaan.

15 Kag nagpahayag si Iehoba sa Layanglayang, sa haligi nga panganud, kag naghamtang ang haligi nga panganud sa ibabaw sang gawang sang Layanglayang.

16 Kag si Iehoba nagsiling kay Moises: "Yari karon, nga magatolog ka sa imo mga ginikanan; kag magatindug ini nga banwa kag magapakighi-

lawas sia sa olehe sang mga dios nga dumuluong sang duta, nga didto sia magasulúd sa *pagpuyô* sa tungâ nila; kag magabiya sia sa akon kag magalalis sia sang akon katipan, nga ginhimo ko sa iya.

17 Kag magadabdab ang akon kaakig batok sa iya sa sadtong adlaw, kag pagabayaan ko sia, kag pagatagooon ko sa iya ang akon mawung, sa bagay nga pagaupuron sia kag pagalambuton sia sang madamu nga kalainan kag mga kangitngitan. Kag sia magasiling sa sadtong adlaw: "Indi bala tungud kay walâ sa tungâ nakon ang akon Dios, nga ginlambut ako sining mga kalainan?"

18 Sa walay duhaduha pagatagooon ko ang akon nawung sadtong adlaw, bangud sang tanan nga mga kalainan nga nahimo niya, tungud kay nagaatubang sia sa liwan nga mga dios.

19 Kag karon isulat ninyo ining alambahanon kag itudlo mo ini sa mga inanak ni Israel, nga ibutang mo ini sa *ila bâbâ*, agud nga ining alambahanon manginpagpapamatuud ko batok sa mga inanak ni Israel.

20 Kay ginapasulúd ko ini nga banwa sa duta, nga ginsumpa ko sa *ila* mga ginikanan, duta nga nagailing ang gatas kag ang dugos; kag sang nakakaon sia kag nakainum kag nagtambok, magatubang sia sa liwan nga mga dios, kag magaalagad sia sa *ila*, kag pagatamayon nila ako, kag pagalalison nila ang akon katipan.

21 Kag mahanabu nga, sang nalambut sia sang madamu nga mga kalainan kag kangitngitan, ini nga alambahanon magasabat sa pagsaksi sa iya gid nawung, kay indi pagakalipatan sia sang *bâbâ* sang iya kaliwatan. Kay ginakilala ko ang hinyo nga ginahuman nila karon, sa walâ ko pa sia mapasulúd sa duta, nga ginsumpa ko sa *iya*."

22 Kag si Moises nagsulat sini nga alambahanon sa sadto gid nga adlaw, kag gintoon niya ini sa mga inanak ni Israel.

23 Kag si Iehoba nagsogo kay Iosue, nga anak ni Nun, kag nagsiling sa iya: "Pagpakabakud-ka kag pagpakalig-on-ka, kay ikaw magadul-ong sa Israel pa duta, nga ginsumpa ko sa *ila*; kag ako magaúpud sa imo."

24 Kag nahababu nga, sang pagkatapus ni Moises pagsulat sang mga polong



sini nga kasogoan sa isa ka tolon-an, tuhtub nga natapus niya sila,

25 Si Moises nagsogo sa mga Lebinhon, nga mga manugdalá sang kaban sang katipan ni Iehoba, nga nagasiling:

26 "Kuhaa-ninyo ini nga tolon-an sang kasogoan kag ibutang-ninyo ini sa luyo sang kaban sang katipan ni Iehoba, nga inyo Dios, agud nga mabilin sia didto nga pagpamatuud batok sa imo.

27 Kay ginakilala ko ang imo pagkamalalison kag ang imo pagkatig-a sing tingkoy. Kon sa nagakabuhi pa ako sa tungâ ninyo, nanginmalalison kamo kay Iehoba, ¡labi na gid sa tapus sang akon kamatayon!

28 Tipuna-ninyo sa akon ang tanan nga mga tigulang sang inyo mga kabikahan kag ang inyo mga punoan, agud nga ighambal ko sa ila mga idulungug ining mga polong, kag ibutang ko ang mga langit kag ang duta nga mga saksi batok sa ila.

29 Kay nakahibalo ako, nga sa tapus sang akon kamatayon, magakaladunot kamo, sa pagkamatuud gid, kag nga magalilipas kamo sa dalan, nga ginsogo ko sa inyo, kag nga magaabut sa inyo ang kalainan sa mga adlaw nga palaabuton, kay pagahimoon ninyo ang malain sa mga mata ni Iehoba, nga pagapaakigon ninyo sia sa binuhatan sang inyo mga kamut."

30 Kag si Moises nagmitlang sa mga idulungug sa bug-os nga katilingban sa Israel sang mga polong sining ambahanon, tuhtub nga natapus sila:

Ang alambahanon ni Moises.

**32** ¡MGA langit, dunga-ninyo, kag magahambal ako;

Kag magpamati ang duta sang mga pinolong sang akon babâ!

2 Ang akon pagtolon-an nagatupa subung sang ulan;

Ang akon pololongon nagatolo subung sang tun-ug;

Subung sang dabodabo sa ibabaw sang gutok,

Subung sang mga ulan sa ibabaw sang hilamon.

3 Kay pagaibantala ko ang ngalan ni Iehoba.

Himayaa-ninyo ang aton Dios.

4 Ang Batong bantiling, himpit ang iya binuhatan,

Kay ang tanan niya nga mga dalanon nga katarungan.

Isa sia ka Dios nga matutum kag dimasinumpunon;

Matarung sia kag matadlung.

5 Kon sia naglaglag, indi nga sa iya:

Ang iya mga anak among iya kaugalingon nga kahigkoan,

Kaliwat nga masinumpunon kag makahas.

6 ¡Kay Iehoba bala ginabalus ninyo ang subung sini,

Oh banwa nga buang kag dimaalam?

¡Indi bala sia ang imo amay nga nagaangkon sa imo,

Nga naghimo sa imo kag nagtukud sa imo?

7 Panumduma ang mga adlaw sadto gid;

Talupangda-ninyo ang mga tinuig sang kaliwatan kag kaliwatan:

Pamangkota ang imo amay, kag sia magatoon sa imo,

Sa imo mga tigulang, kag pagasilingan ka nila.

8 Sang ang Mataas gid naghatag sang iya panublion sa mga katawohan,

Sang ginpapain niya sa mga inanak ni Adam,

Sia nagbutang sang mga dulunan sang mga banwa,

Sono sa kadamuon sang mga inanak ni Isiael;

9 Kay ang bahin ni Iehoba amo ang iya banwa,

Si Jakob amo ang lubid sang iya panublion.

10 Nakita niya sia sa isa ka hanayak nga duta,

Sa tungâ sang isa ka kahanayakan nga palauwang kag makakulugmat.

Ginlibutan niya sia, ginahla niya sia,

Ginbantayan niya sia, subung sang tawotawo sang iya mata;

11 Subung sang agila nga nagapukaw sang iya pugad,

Nga nagalupadlupad sa ibabaw sang iya mga buto,

Ginahumlad niya ang iya mga pakpak, ginakuha niya sila,

Ginadalá niya sila sa ibabaw sang iya mga kuyus.

- 12 Si Iehoba lamang ang nagdul-ong sa iya,  
Kag walâ upud sa iya sing bisan ano nga liwan nga dios.
- 13 Ginapasalika niya sia sa ibabaw sang mga kataasan sang duta,  
Kag nagkaon sia sang mga bunga sang latagon.  
Ginpasupsup sia niya sing dugo sa bató,  
Kag sing lana sa bató nga santi-kan ;
- 14 Sang mantika sang mga baka kag sang gatas sang mga obeha,  
Patí sang sapay sang mga kordero,  
Sang mga karnero man sa kaliwat sang Basan kag sang mga lalaki nga kanding,  
Patí sang labing pinili sang trigo.  
Kag ikaw nagingum sing alak nga manamit, sang duga sang ubas.
- 15 Kag si Iesurun\* nagtambok kag nagpanindak ;  
Nagtambok ka, nagbakud ka, gin-putus ka sang *sapay* :  
Niyan ginsikway niya ang Dios nga iya Magbubuhat,  
kag gintamay niya ang bató sang iya kaluwasan.
- 16 Ginpangimong nila sia bangud sang *mga dios* nga dumuluong,  
Kag ginpaakig nila sia tungud sang *ila* kalangil-aran.
- 17 Nag-alagad sila sa mga yawa kag walâ sa Dios,  
Sa mga dios nga walâ nila maki-lala,  
Sa mga bag-o nga *dios* nga mga bag-o nag-abut,  
Nga ang inyo mga ginikanan walâ magkalahadluk sa ila.
- 18 Ginbayaan mo ang Bató nga nag-panganak sa imo,  
Kag ginkalipatan mo ang Dios, nga nag-anak sa imo.
- 19 Kag nakita ini ni Iehoba, kag ginsikway niya *sila*,  
Kay ginpaakig sia sang iya mga anak nga lalaki kag mga babae.
- 20 Kag nagsiling sia : Pagatagoo ko sa ila ang akon nawung,  
Pagatan-awon ko kon manginano ang iya kaolehian ;  
Kay kaliwatan sila nga tuman ka masinumpungon,

- Mga anak nga sa ila walay pagtoo.
- 21 Ginpangimong nila ako sang dili Dios,  
Ginpaakig nila ako sa ila mga walay pulus nga diosdios ;  
Kag ako magapangimong sa ila sang dili banwa,  
Kag pagapaakigon ko sila sa buang nga katawohan.
- 22 Kay ginpadabdab ang isa ka kala-yo sa akon kaakig,  
Nga magadabdab tubtub sa labing madalum sang inpierno ;  
Kag pagaupuron niya ang duta kag ang iya mga patubas,  
Kag magasunug sang mga sadsaran sang kabukiran.
- 23 Pagatipunon ko ang mga kalainan sa ibabaw nila ;  
Pagauruton ko batok sa ila ang akon mga baslay.
- 24 Magahalaplay sila sa kagutum,  
Pagahalalunhunon sila sang *hılanat* nga masingkal  
Kag sang mapait nga kamatay ;  
Kag pagaipadalá ko batok sa ila ang ngipon sang mga mapintas nga sapat,  
Patí sang dalit sang mga man-ug sang yab-ok.
- 25 Sa gowa magapanghapay ang hinganiban,  
Sa sulúd *magahari* ang kakugmat,  
Ang olitawo subung man ang ulay *magakaladula*,  
Ang bátâ nga nagasoso, subung man ang tawo nga ubanon.
- 26 Nagsiling ako : Pagadulaon ko sila, pagapanason ko sila kunta sa tungâ sang mga handumanan nila,  
Kon walâ ako magkahadluk sang kaakig sang kaaway,
- 27 Nga ang iya mga kasumpung magtamay sini,  
Kag nga magsiling sila : Ang amon kamut tuman kataas,  
Kag indi nga amo si Iehoba ang naghimo sini nga tanan.
- 28 Kay isa sila ka katawohan nga nagbuang,  
Kag walay ihibalo sa ila.
- 29 ¡ Oh, kon maalam sila, ginpamalandong nila kunta ini,  
Ginhangup nila kunta ang ila kaolehian !

\* Iesurun, Israel.



- 30 ; Paano bala ang pagkasarang paglagas sang isa sa isa ka libo,  
Kag pagpapalagyo sang duha sa napulô ka libo,  
Kon ang ila Batô nga bantiling walâ kunta magbaligya sa ila,  
Kag si Iehoba walâ magtugyan sa ila?
- 31 Kag ang ila batong bantiling indi subung sia sang aton Batong bantiling;  
Kag ang aton gid mġa kaaway, *mangin* mġa hukom sa iya.
- 32 Kay ang kaubasan sa Sodoma among kaubasan nila,  
Kag *kinuha* sia sa mġa latagon sang Gomora:  
Ang ila mġa ubas among mġa ubas nga hilo,  
Kag mġa mapait ang ila mġa binulig.
- 33 Hilo sang mġa dragon among ila alak,  
Kag dalit nga mapintas sang mġa man-ug nga dalitan.
- 34 ; Ayhan walâ ko bala pagatagoa ini upud sa akon,  
Nga pinat-inan sa tunġa sang akon mġa bahandi?
- 35 Akon ang pagpanimalus kag ang pagbalus,  
Sa panag-on sang makadalin-as ang iya tiil,  
Kay malapit na ang adlaw sang iya kalalat-an,  
Kag nagadalalidali ang mġa *kala-inan* nga natigana sa ila.
- 36 Kay pagahukman ni Iehoba ang iya banwa,  
Kag magakalooy sia sa iya mġa ulipon,  
Kon makita niya nga nagpalayô sa ila ang kusug,  
Kag nga natapus ang tanan,  
Ang ginaalila subung man ang ginabayaan.
- 37 Kag magasiling sia: ; Diin bala ang ila mġa dios,  
Ang batong bantiling nga ginpalipdan nila;
- 38 Ang mġa *dios* nagkalaon sang sa-pay sang ila mġa halad,  
Kag nagilinum sang alak sang ila mġa halad nga ilimnon?  
; Nga magtilindug sila kag magbulig sila sa inyo,

Nga pagihumlad nila sa ibabaw ninyo ang ila panabang!

- 39 Tan-awa-ninyo karon, nga ako, ako gid lamang,  
Kag walay liwan nga Dios sa luyo nakon:  
Ako among nagapatay, kag ako among nagabuhî,  
Ako ang nagapilas, kag ako ang nagabulông,  
Kag walay sin-o nga makaluwas sa akon kamut.
- 40 Kay ginabayaw ko sa langit ang akon kamut,  
Kag nagasiling ako; ; Ako naga-kabubi sa gihapon!
- 41 Kon bairon ko ang akon masidlak nga hinganiban,  
Kag kon magpamolo ang akon kamut sang paghukom,  
Pagaipanagtag ko ang pagtimalus sa akon mġa kasumpung,  
Kag pagaihatag ko ang balus sa mġa nagadulumut sa akon.
- 42 Pagahugbon ko sa dugo ang akon mġa baslay,  
Kag ang akon hinganiban magahahunhon sang unud:  
Sang dugo sang mġa patay kag sang mġa bihag,  
Sang olo sang mġa pangolo sang kaaway.
- 43 ; Hinugyaw-kamo, oh katawohan, nga amo ang iya banwa!  
Kay magatimalus sia sang dugo sang iya mġa ulipon,  
Kag pagaipanagtag niya ang pagpanimalus sa iya mġa kasumpung,  
Kag magahimo sia sing katumbasan tunġud sa iya duta, *tunġud* sa iya banwa."
- 44 Kag si Moises nag-abut kag naghambal sang tanan nga mġa polong sining ambahanon sa mġa idulungug sang banwa, sia kag si Iosue, anak ni Nun.
- 45 Kag sang nakatapus si Moises sa paghambal sining tanan nga mġa polong sa bug-os nga Israel,
- 46 Nagsiling sia sa ila: "Ibutang-ninyo ang inyo tagiposoan sa sining tanan nga mġa polong, nga ginasakihan ko karon batok sa inyo, agud nga pagisogo ninyo sa inyo mġa anak, kag agud nga mag-andam sila sa pagbutang

sa buhat sang tanan nga mga polong sining kasogoan.

47 Kay ini indi polong nga walay pulus sa inyo, kondi nga amo sia ang inyo gid kabuhi, kag tungud sini nga polong pagapalawigon ninyo ang inyo mga adlaw sa ibabaw sang duta, sa diin nagasulud kamo, sa pagtabok sang Iordan, sa pagtagiya sa iya."

48 Sa sini gid nga adlaw si Iehoba naghambal kay Moises, nga nagsiling:

49 "Tukad-ka sa sinang bukid sa Abarim, sa bukid nga Nebo, nga nahamtang sa duta sang Moab, nga nagaatubang sa Ieriko; kag tuluka ang duta sang Kanaan, nga pagaihatag ko sa mga inanak ni Israel, agud nga magtalagiya sila sa iya.

50 Kag mapatay ka sa bukid sa diin magatukad ka, kag pagaisimpon ka sa imo mga banwa, subung kay Aaron, nga imo utud, napatay sa bukid nga Hor, kag ginsimpon sia sa iya mga banwa.

51 Tungud kay naglalalis kamo batok sa akon sa tunga sang mga inanak ni Israel sa luyo sang mga tubig sa Meriba sa Kades, sa kahanayakan sa Sin; tungud kay walâ ninyo ako pagpakabalaana sa tunga sang mga inanak ni Israel.

52 Kay makakita ka sang duta sa atubangan mo, apang indi ka makasulud didto sa kadutaan, nga ginahatag ko sa mga inanak ni Israel."

Ginapakamaayo ni Moises ang napulo  
kag duha ka kabikahan.

**33** KAG ini amo ang pagpakamaayo, nga ginapakamaayo ni Moises, nga tawo sang Dios, sa mga inanak ni Israel, sa walâ pa sia mapatay.

2 Nagsiling sia:

"Si Iehoba nag-abut gikan sa Sinai;

Kutub sa Seir nagtindug sia nga sa ila *subung sang adlaw*,

Nagsilak sia kutub sa bukid nga Paran.

Sia nag-abut gikan sa *tunga* sang linibolibo nga mga balaan;

Sa iya kamut nga too *naggikan* nga sa ila ang kalayo sang kasogcan.

3 Sa pagkamatuud, ginahigugma niya ang mga banwa;

Ang tanan mo nga mga balaan yara sa imo kamut:

Kag sila nagalilingkod sa imo mga tiil;

Ang *tagsatagsa* nagabaton sang imo mga polong.

4 Si Moises nagsogo sa amon sang kasogoan,

Nga panublion sang katilingban ni Iakob.

5 Kag sia amo ang hari sa Iesurun, Sang nagtilipon ang mga pangolo sang banwa,

Subung man ang mga kabikahan sa Israel.

6 Magkabuhi kunta si Ruben kag indi mamatay,

Bisan pa diyotay ang iya mga tawo."

7 Kag ini amo ang *pagpakamaayo* ni Iuda; kag nagsiling sia:

"Pamatii, Iehoba, ang tingug ni Iuda,

Kag pakaria sia sa iya banwa:

Nga ang iya mga kamut magpakig-away kunta nga sa iya,

Kag magmanginkabulig niya kunta batok sa iya mga kasumpung."

8 Kag nagsiling sia nahanungud kay Lebi:

"Ang imo Tumim kag ang imo Urim yara sa nagahigugma sa imo,

Nga gintilawan mo sia sa Masa, Nga sa iya nagpakigsuay sia sa mga tubig sang Meriba;

9 Nga nagsiling sa iya amay kag sa iya iloy: Walâ ko sila maki-lala:

Bisan nakakilala sia sa iya mga utud nga lalaki,

Kag walâ magsapak sa iya kaulingon nga mga anak;

Kay nagbalantay sila sang imo polong,

Kag nagtuluman sang imo katipan.

10 Sila magapanoon sang imo mga tulumanon kay Iakob,

Kag sang imo kasogoan kay Israel.

Magabutang sila sing insienso sa atubangan mo,

Kag mga halad nga sinunog nga lunsay sa ibabaw sang imo halaran.

11 Oh Iehoba, pakamaayoha ang iya kusug,



Kag nga ang binuhatan sang iya  
mga kamut manginkalahamut-an  
mo.  
Pilasa ang mga taludtud sang mga  
nagatilindug batok sa iya,  
Kag sang mga nagadulumut sa  
iya, agud nga indi sila magti-  
lindug liwan,”

12 Nagsiling sia nahanungud kay  
Benyamin:  
“Ini among nahagugmaan ni  
Iehoba: Sia magapuyô nga ma-  
lig-on sa luyo niya;  
Kag *si Iehoba* nagatabon sa iya sa  
bug-os nga adlaw,  
Kag sia magapuyô sa tungâ sang  
iya mga abaga.”

13 Kag nagsiling sia nahanungud kay  
Iose:  
“Ang iya duta pagapakamaayohon  
ni Iehoba  
Sang mga labing malahalon nga  
yara sa mga langit sa tun-ug,  
Kag sang kaidadalman nga naga-  
hamyang sa idalum;

14 Kag sang labing malahalon nga  
patubas sang adlaw,  
Kag sang labing malahalon nga  
mga bunga sang mga bulan;

15 Kag sang labing maayo sang mga  
kabukiran nga daan;  
Kag sang mga labing malahalon  
sang mga bakolod nga walay  
katubtuban;

16 Kag sang mga *butang* nga labing  
malahalon sang duta kag sang  
iya kabug-osan.  
Kag nga ang pahanayon sadtong  
nagpuyô sa sapinit  
Mag-abut kunta sa ibabaw sang  
olo ni Iose,  
Sa ibabaw sang alimpulos sang  
Nasir, ang *pinain* sa tungâ sang  
iya mga utud.

17 Ang panganay sang kabakahan  
among himaya niya:  
Ang iya mga sungay subung sang  
mga sungay sang baka nga talo-  
non;  
Sa ila pagasungayon niya ang  
*tanang* nga mga banwa sing tingub  
tubtub sa mga ukbung sang duta.  
Ini sila among mga linibolibo ni  
Epraim,  
Kag ini sila among mga linibolibo  
ni Manases.”

18 Kag nagsiling sia nahanungud kay  
Sabulon:  
“Oh Sabulon, pangalipay-ka sa  
imo mga gulowaan,  
Kag ikaw, Isakar, sa imo mga la-  
yanglayang.

19 Pagatawgon nila ang banwa sa  
bukid;  
Didto magahalalad sila sang mga  
halad sa katarungan:  
Kay pagasuyupon nila ang kabu-  
gana sang mga dagat,  
Kag ang mga bahandi, nga gina-  
tago sang mga balas.”

20 Kag nagsiling sia nahanungud kay  
Gad:  
“Pakamaayohon kunta yadtong  
nagapalapad kay Gad.  
Subung sang leon nga babae *naga-  
pahuway* sia sa iya puluy-an,  
Kag ginakusnit niya ang butkon,  
subung man ang alimpulos.

21 Sia nagpanigana sang mga pangā-  
nay sang duta.  
Kay didto gintago sa iya ang bahin  
sang manugtugi sang kasogoan,  
Kag nagalakat sia *upud* sang pa-  
ngolo sang banwa:  
Ginbutang niya sa buhat ang mga  
katarungan ni Iehoba,  
Kag ang iya mga tulumanon nga  
kay Israel.”

22 Kag nagsiling sia nahanungud kay  
Dan:  
“Si Dan among leon nga diyotay,  
Nga magalumpat gikan sa Basan.”

23 Kag nagsiling sia nahanungud kay  
Neptali:  
“Oh Neptali, nga nabusug ka sang  
mga pahanayon,  
Kag napun-an ka sang pagpakama-  
ayo ni Iehoba.  
Tagiya-ka sang Katundan kag  
sang Bagatnan.”

24 Kag nagsiling sia nahanungud kay  
Aser:  
“Si Aser pagapakamaayohon sa  
*madamu* nga mga anak:  
Manginkalahamut-an sia sang iya  
mga utud,  
Kag pagadiguson niya sa lana ang  
iya tiil.

25 Mga salsalon kag tumbaga ang iya  
mga pintal,  
Kag ang imo kalinong *magadugay*  
subung sang imo kaadlawan.”

26 Walâ gid sing kaangay ang Dios ni Iesurun,  
 Nga sang nadula sia sa ibabaw sang kalangitan *nagapalapit* sia sa pagbulig sa imo.

Kag sa iya pagkaharianon *ginadalâ* sia sa ibabaw sang kapanganuran.

27 Ang imo dalangpan amo ang Dios sang mga katuigan,

Kag ang mga butkon nga walay katubtuban yara sa idalum *nimo*.  
 Sa atubangan nimo ginatabog niya ang kaaway,

Kag nagasiling sia : ¡Laglaga sia!

28 Apang si Israel nagapuyô sing pain nga masinalig-on ;

Ang tuburan ni Iakob didto sia sa isa ka duta sang trigo kag sang duga sang ubas.

Hoo, sang iya langit nagapatolo sia sang tun-ug.

29 Bulahan ka, oh Israel. ¡Sin-o ang subung sa imo ;

Oh banwa nga linuwas ni Iehoba, Ang taming sang imo pagtabang kag ang hinganiban sang imo pagkadaku!

Apang ang imo mga kaaway magahililum sa atubangan nimo,

Kag pagalapakon mo ang ila mga duug nga mataas."

Kamatayan kag lulubngan ni Moises.

**34** KAG si Moises nagtaklad gikan sa mga kapatagan sang Moab pa bukid sang Nebo, pa putokputokan sang Pisga nga tampad sa Ieriko. Kag pina-kita sa iya ni Iehoba ang bug-os nga duta *kutub* sa Galaad tubtub sa Dan ;

2 Kag ang bug-os nga Neptali, kag ang duta sa Ephraim, kag sa Manases kag ang bug-os nga duta sa Iuda tubtub sa dagat sa Katundan.

3 Kag ang Bagatnam, kag ang kapatagan sang *Iordan*, kag ang nalupyakan sang Ieriko, mga kabanwaanang sang mga kahoy nga paklang, tubtub sa Soar.

4 Kag nagsiling sa iya si Iehoba : "Ini amo ang duta nga ginsumpa ko kay Abraham, kag kay Isaak, kag kay Iakob, nga nagasiling : Sa imo kalawatan pagaihatag ko sia. Ginapakita ko sia sa imo mga mata, apang indi ka makatabok didto."

5 Kag napatay didto si Moises, nga ulipon ni Iehoba, sa duta sa Moab, sono sang sogo ni Iehoba.

6 Kag ginlubung sia niya sa nalupya-kan sa duta sang Moab, sa tampad sang Bet-Peor ; kag walâ sing bisan sin-ong nakasayud sang iya lulubngan tubtub karon.

7 Kag si Moises nagaedad sing isa ka gatus kag duha ka pulô ka tuig sang pagkapatay niya. Ang iya mga mata walâ gid magdululum, bisan nagluya ang iya kusug.

8 Kag naghilibi ang mga inanak ni Israel kay Moises sa mga kapatagan sang Moab, sing katloan ka adlaw. Kag sa sini nagkalatapus ang mga adlaw sang paghibi sa lalaw tungud kay Moises.

9 Kag si Iosue, anak ni Nun, ginpunô sang Espiritu sang kaalam, kay si Moises naghambuy sang iya mga kamut sa ibabaw niya. Kag ang mga anak ni Israel nagpalamati sa iya, kag naghilimo sila subung sang ginsogo ni Iehoba kay Moises.

10 Kag walâ na gid sing nakabangon nga manalagna sa Israel subung kay Moises, nga sa iya nakilala ni Iehoba sa nawung kag nawung ;

11 Bisan sa tanan nga mga talandaan kag kalatingalahan, nga ginpadalâ sia ni Iehoba sa paghimo sa duta sang Egipto batok kay Paraon kag batok sa tanan niya nga mga ulipon, kag batok sa bug-os niya nga duta ;

12 Bisan sa yadtong tanan nga kamut nga makagagahum, kag sa sadtong tanan nga daku gid nga kalahangyusan, nga ginhimo ni Moises sa mga mata sang bug-os nga Israel.



# SI IOSUE.

Si Iosue nagailis kay Moises kag nagasogo  
sia sa banwa sa pag-aman sa  
pagtabok sang Iordan.

1 KAG nahanabu, sa tapus sang pag-kamatay ni Moises, ulipon ni Iehoba, nga si Iehoba naghambal kay Iosue, anak ni Nun, manugalagad ni Moises, nga nagasiling:

2 "Ang akon ulipon nga si Moises napatay: busa, tindug-ka karon kag tabok-ka sini nga Iordan, ikaw kag ining bug-os nga banwa, mapaduta, nga ginhatag ko sa ila, sa mga inanak ni Israel.

3 Kinahatag ko sa inyo, subung sang ginsiling ko kay Moises, ang bug-os nga duug nga pagtapakan sang dapadapa sang inyo tiil:

4 Kutub sa kahanayakan kag ini nga Libano, tuhtub sa daku nga subâ nga Euprates, ang bug-os nga duta sang mga Hetinhon, tuhtub sa daku nga subâ nayon sa Katundan, manginiyo du-lunan.

5 Walâ sing bisan sin-o nga sarang makaatubang sa imo sa tanan nga mga adlaw sang imo kabuhi: subung sang nanginkaupud ako ni Moises, manginkaupud ako nimo; indi ko ikaw pag-bayaan, kag indi ko ikaw pagpatumbayaan.

6 Pagpakabakud-ka kag pagpakalig-on-ka: kay igapapanubli mo sa sini nga banwa ang duta, nga ginsumpa ko sa iya nga ginikanan, nga igahatag ko sa ila.

7 Lamang magpakabakud-ka, kag magmakalig-on-ka gid, sa pag-andam paghimo sono sa bug-os nga kasogoan, nga ginsogo sa imo sang akon ulipon nga si Moises: dili ka magbulag sa iya, bisan pa too, bisan pa walâ, agud nga maghimo ka sing maalam gid sa bisan diin ka magkadto.

8 Ining tolon-an sang kasogoan dili

gid mahamulag sa imo bâbâ, kag sa adlaw kag sa gab-i magpamalandong-ka sa iya, agud nga mag-andam ka sa paghimo, sono sa tanan nga nasulat sa iya; kay niyan pagabuganaon mo ang imo dalanon, kag niyan magahimo ka sing maalam gid.

9 Walâ bala ako magsogo sa imo: Magpakabakud-ka, kag magpakalig-on-ka? Dili ka magkahadluk kag indi ka magmatalaw, kay si Iehoba, nga imo Dios, manginkaupud nimo bisan kon diin ka magkadto."

10 Kag si Iosue nagsogo sa mga pangolo sang banwa, nga nagasiling:

11 "Mag-alagi-kamo sa tungâ sang dulugan, kag sogoa-ninyo ang banwa sa pagsiling: Mag-aman-kamo sing balon, kay sa sulud sang tatlo ka adlaw magatubok kamo sang Iordan, agud nga magsulud kamo sa pagtagiya sang duta, nga ginahatag sa inyo ni Iehoba, nga inyo Dios, sa pagtagiya sa iya."

12 Naghambal man si Iosue sa mga Rubeninhon, sa mga Gadinhon, kag sa katungâ sang kabikahan ni Manases, nga nagasiling:

13 "Magpalanumdum-kamo sang po-long, nga si Moises, ulipon ni Iehoba, nagsogo sa inyo, nga nagasiling: Si Iehoba, nga inyo Dios, naghatag sa inyo sing pagpahuway kag naghatag sia sa inyo sini nga duta.

14 Ang inyo mga kababainan, ang inyo mga kabataan kag ang inyo mga sapat, magakalabilin sa duta, nga ginhatag sa inyo ni Moises sa isa ka luyo sang Iordan; apang kamo tanan nga mga maisug nga manugaway, magaalagi kamo nga mga sangkap sing hingani-ban sa atubangan sang inyo mga utud, kag magabulag kamo sa ila,

15 Tuhtub nga si Iehoba nakaghatag sing pagpahuway sa inyo mga utud, subung sa inyo, kag sila nagatagiya man sang duta, nga ginahatag sa ila ni

Iehoba, nga inyo Dios ; kag *ugaling* magabalalik kamo sa duta sang inyo kagalingon, nga si Moises, ulipon ni Iehoba, naghatag sa inyo sa isa ka luyo sang Iordan, nayon sa Sidlangan, kag pagatagiyahon ninyo sia."

16 Niyan sila nagsalabat kay Iosue, nga nagasililing : "Kami magahilimo sang tanan nga mga butang, nga ginsogo mo sa amon, kag magakaladto kami sa b'san kon diin nga sogoan mo sa amon.

17 Subung nga nagtuman kami kay Moises sa tanan nga mga butang, amo man magatuman kami sa imo : lamang nga magmanginkaupud nimo si Iehoba, nga imo Dios, subung nga nagkaupud sia kay Moises.

18 Bisan sin-o nga masinumpungon sa imo sogo, kag indi magpamati sa imo mga polong sa tanan nga mga butang nga igasogo mo sa amon, nga mamatay sia. Lamang nga magpakabakud ka, kag magpakalig-on ka."

*Mga manugpanilag nga giupadala pa Ieriko.*

2 KAG si Iosue, anak ni Nun, nagpadalá kutub sa Sitim sing duha ka tawo sa pagusisa sa hilum gid *sang duta*, nga sinilingan niya *sila* : "Lakatkamo, libuton-ninyo ang duta kag ang Ieriko." Sila naglalakat ; kag nagsululud sila sa baláy sang isa ka babae nga bigaon, nga ginahingalanan nga si Rahab, kag didto sila naghiligda.

2 Kag kinapahibalo sa hari sang Ieriko, nga nagasililing : "Yari karon, mga tawo sa mga inanak ni Israel nagkari diri sini nga gab-i sa pagusisa sang duta."

3 Niyan ang hari sang Ieriko nagpadalá sa pagsiling kay Rahab : "Pagowaa ang mga tawo nga nag-alabut sa imo, nga nagsululud sa imo baláy ; kay nagkari sila sa pagusisa sang bug-os nga duta."

4 Apang kinuha sang babae ang duha ka tawo, kag tinago niya sila ; kag nagsiling sia : "Matuud nga ang mga tawo nag-alabut sa akon, apang walâ ko masayori kon tagadiin sila :

5 Kag sa pagkatakup sang gawang, sa madulum na, yadto nga mga tawo naghalalin. Ambut kon diin sila magkaladto : sunda-ninyo sila sing madali, nga malambut-ninyo sila."

6 Apang pinasaka niya sila sa ali-

bubungan, kag tinago niya sila sa mga púnô sang lino, nga napanankas niya didto sadto nga alibubungan.

7 Kag ang mga tawo nagsulunud sa ila sa dalanon sang Iordan, tubtub sa mga talabukan ; kag ang gawang tinakpan, sa tapus nga naghalin ang nagsulunud sa ila.

8 Apang sa walâ pa sila maghiligda, nagsaka sia sa ila sa alibubungan, kag nagsiling sa ila :

9 "Nakasayud ako, nga ini nga duta ginhatag sa inyo ni Iehoba ; kay ang kahadluk sang inyo *ngalan* naholog sa ibabaw namon, kag ang tanan nga mga pumuluyô sang kadutaan nagkalutunaw sa atubangan ninyo ;

10 Kay amon nabati-an, nga kon paano ginpamala ni Iehoba ang mga tubig sang dagat nga Mapula sa atubangan ninyo, sang paghalin ninyo sa Egipto, kag ang ginhimo ninyo sa duha ka hari sang mga Amorinhon, nga yadto sila didto sa isa ka luyo sang Iordan, kay Sehon kag kay Og, nga ginawagwag ninyo sila.

11 Kag sa pagkabati sini, natunaw ang amon tagiposoon, kag walâ nay nabilin nga espiritu sa bisan kay sin-o sa atubangan ninyo : kag si Iehoba, nga inyo Dios, among Dios sa ibabaw sa mga langit, kag sa idalum sa duta.

12 Busa, nagapangamuyo karon ako sa inyo, nga sumpaang ako ninyo, tungud kay Iehoba, nga subung sang ginhimo ko sa inyo nga pagkalooy, amo man ang pagahimoon ninyo ang kalooy sa baláy sang akon amay, nga sa sina magahatag kamo sa akon sing isa ka pat-in nga matuud gid,

13 Nga luwason ninyo ang kabuhi sang akon amay, sang akon ilóy, sang akon mga útud nga babae kag lalaki, kag sang tanan nga ila, kag nga luwason ninyo ang amon mga kabuhi sa kamatayon.

14 Kag ang mga tawo nagasililing sa iya : "¡Ang amon kalág *magtugyan* sa kamatayon sa tal us ninyo ! Kon indi ninyo igamitlang ining katuyoan namon, mahanabu nga, kon igatugyan ni Iehoba ang duta, pagahimoon namon ang kalooy kag kamatooran sa inyo."

15 Niyan pinadalos-os niya sila sa galawahan sa isa ka lubid ; kay ang iya baláy yara sa dingding sang kuta, kag sia nagapuyô sa kuta.



16 Kag nagsiling sia sa ila : “Lakat-kamo pa bukid, agud nga ang mga nagsulunud sa inyo, indi makasugata sa inyo; kag magpanago-kamo didto sing tatlo ka adlaw, tubtub nga ang mga nagsulunud sa inyo, makabalik; kag ugaling lumakat-kamo sa inyo dalanon.”

17 Kag sila nagsiling sa iya : “Manģinluwas kami sini nga sumpa, nga ginpasumpa mo sa amon.

18 Yari karon, kon kami magsululud sa duta, ihigot mo ini nga lubid nga karmesi sa galawahan, nga ginpadalosan mo sa amon : kag tiponon mo sa imo baláy ang imo amay, ang imo ilóy, ang imo mga útud kag ang bug-os nga panimaláy sang imo amay.

19 Kag bisan kon sin-o nga maggowa sa mga gawang sang imo baláy sa dalan, ang iya dugo manginsaibabaw sang iya olo, kag kami walay salá. Apang bisan sin-o nga yara sa baláy kaúpud nimo, ang iya dugo manginsa ibabaw sang amon olo, kon paghilabtan sia sing kamut.

20 Kag kon igbuyagyag mo ini nga amon katuyoan, luwas kami sa sini nga sumpa mo, nga ginpasumpa mo sa amon.”

21 Kag sia nagsabat : “Manģinamo subung sang ginsiling ninyo.” Kag pinalakat niya sila, kag naglalakat sila. Kag ginhigot niya ang lubid nga karmesi sa galawahan.

22 Kag sang lumakat sila, nakalambut sila sa bukid; kag didto nagpaladayon sila sing tatlo ka adlaw, tubtub nga nakabalik ang mga nagsulunud sa ila. Kag ang mga nagsulunud sa ila, nangita sa ila sa tanan nga dalanon, apang walá sila makit-i.

23 Kag sang nanumbalik ang duha ka lalaki, nagdulhog sila sa bukid, kag nagtabok kag nag-abut sila kay Iosue, anak ni Nun, kag ginsugid nila sa iya ang tanan nga mga butang, nga nagkalahanabu sa ila.

24 Kag nagsiling sila kay Iosue : “Sa pagkamatuud, si Iehoba nagtugyan sa aton mga kamut sang bug-os nga duta; kag ang tanan man nga mga pumuluyó sang kadutaan nagkalatunaw sa atubangan namon.”

Pagtabok sang Iordan.

3 KAG nagtindug si Iosue sang aga pa gid, kag nagtalaliwan sila gikan sa Sitim, kag nag-abut sila tubtub sa Iordan, sia kag ang tanan nga mga inanak ni Israel, kag naghiligda anay sila didto sa walá pa magtabok.

2 Kag sa pagligad sang ikatlo ka adlaw, ang mga pangolo nag-alagi sa tungá sang dulugan,

3 Kag nagsogo sila sa banwa, nga nagasililing : “Kon makit-an ninyo ang kaban sang katipan ni Iehoba, nga inyo Dios, kag ang mga saserdote kag ang mga Lebinhon, nga nagadalá sa iya, magahalalin man kamo gikan sa inyo duug, kag magalalakat kamo sa olehe niya.

4 Apang sa tungá ninyo kag sa iya may antad nga takus nga subung sang duha ka libo ka maniko. Kag indi kamo magpalapit sa iya, agud nga inyo masayoran ang dalanon kon diin kamo dapat magpakadto : tungud kay walá kamo sadto makaagi sini nga dalanon.”

5 Kag si Iosue nagsiling sa banwa : “Magpakabalaan-kamo, kay si Iehoba magahimo buas sa tungá ninyo sing mga kalatingalahan.”

6 Kag naghambal si Iosue sa mga saserdote, nga nagasililing : “Kuhaa-ninyo ang kaban sang katipan, kag magúna kamo sa banwa.” Kag gindala nila ang kaban sang katipan, kag nagulúna sila sa banwa.

7 Kag si Iehoba nagsiling kay Iosue : “Karon nga adlaw magasugud ako sa pagpadaku sa imo sa atubangan sang mga mata sang bug-os nga Israel, agud nga makahibalo sila, nga subung sang pagkaúpud ko sadto kay Moises, magakaúpud man ako sa imo.

8 Kag ikaw, magsogo-ka sa mga saserdote, nga nagadalá sang kaban sang katipan, sa pagsiling sa ila : Kon makasulud kamo tubtub sa binit sang mga tubig sang Iordan, magadulúlog kamo sa Iordan.”

9 Kag si Iosue nagsiling sa mga anak ni Israel : “Kari-kamo diri, kag pamatikamo sang mga polong ni Iehoba, nga inyo Dios.”

10 Kag nagsiling si Iosue : “Sa sini makilala ninyo, nga ang Dios nga buhi, yara sa tungá ninyo, kag nga pagasubolon niya sa atubangan ninyo ang mga Kanaanhon, ang mga Hetinhon, ang

mga Hebinhon, ang mga Peresinhon, ang mga Geragesinhon, ang mga Amorinhon kag ang mga Iebusinhon.

II Yari karon, ang kaban sang katipan sang Ginoo sang bug-os nga duta mag-agi sa Iordan sa atubangan ninyo.

12 Busa, kuluha-kamo karon sing napúlô kag duha ka tawo sa mga kabikahan ni Israel, sa tagsa ka kabikahan, isa.

13 Kag mahanabu, kon ang mga dapadapa sang tiil sang saserdote, nga nagadalalá sang kaban ni Iehoba, nga Ginoo sang bug-os nga duta, makapahuway sa mga tubig sang Iordan, ang mga tubig sang Iordan pagautdon, ang mga tubig nga nagahalalín sa ibabaw, kag sila magadulúlog sa isa ka pagpulunsuk."

14 Kag, sang paghalín sang banwagikan sa ila mga layanglayang sa pagtabok sang Iordan, kag ang mga saserdote sa úna sang banwa, nga nagadalalá sang kaban sang katipan,

15 Sang ang mga nagadalalá sang kaban, nakalambut sa Iordan, kag nga ang mga tiil sang mga saserdote, nga nagadalalá sang kaban, nagkalabasâ sa bibi sang mga tubig (kay ang Iordan naggaawas sa tanan niya nga mga pangpang sa bug-os nga dag-on sang ani),

16 Nahanabu, nga ang mga tubig nga nagahalalín sa ibabaw, nagdulúlog; kag nagtalaas sa isa ka pagpulunsuk, nga malapit sang Adam, banwa nga yara sa luyo sang Sarton; kag ang mga nagadulhog pa dagat sang Kapatagan, ang dagat nga Maasin, nagkalatiti kag nagkalautúd sila; kag ang banwa nagtabok sa tampad sang Ieriko.

17 Apang ang mga saserdote, nga nagadalalá sang kaban sang katipan ni Iehoba, nagdulúlog sing malig-on sa mamala, sa tungâ sang Iordan; kag ang bug-os nga Israel nag-agi sa mamala, tubtub nga ang bug-os nga katawohan nakatabok gid sang Iordan.

Napulo kag duha ka bato nga ginpatindug sa halandumanan.

**4** KAG nahanabu nga, sang ang bug-os nga katawohan nakatapus sa pagtabok sang Iordan, si Iehoba naghambal kay Iosue nga nagasiling:

2 "Kuha-kamo sa banwa sing napúlô kag duha ka tawo, isa ka tawo sa tagsatagsa ka kabikahan.

3 Kag sogoa-ninyo sila, nga nagasi-

ling: Kuha-kamo sa tungâ sang Iordan, sa duug nga didto nagtilindug sing malig-on ang mga tiil sang mga saserdote sing napúlô kag duha ka bató, nga dalhon ninyo sa pagtabok kaupud ninyo, kag nga ipahamtang ninyo sa hulunan kon diin kamo magahiligda sa sini nga gab-i."

4 Niyan gintawag ni Iosue ang napúlô kag duha ka tawo, nga gintukud niya sa tungâ sang mga inanak ni Israel, isa ka tawo sa tagsa ka kabikahan.

5 Kag nagsiling sa ila si Iosue: "Magtalabok-kamo sa atubangan sang kaban ni Iehoba, nga inyo Dios, sa tungâ sang Iordan; kag ang tagsatagsa sa inyo magpas-an sa iya abaga sing isa ka bató, sono sa isip sang mga kabikahan sang mga inanak ni Israel,

6 Agud nga ini mangitandaan sa tungâ ninyo. *Kag* kon ang inyo mga anak magpamangkot sa ila mga amay buas, nga nagasiling: ¿Ano sa inyo ini nga mga bató?

7 Pagasabton ninyo sila: Tungud kay ang mga tubig sang Iordan nagkalautúd sa atubangan sang kaban sang katipan ni Iehoba, sang nagtabok sia sa Iordan, ang mga tubig sang Iordan nagkalautúd: kag ini nga mga bató manginhalandumanan sang mga inanak ni Israel sa gihapon."

8 Kag ang mga inanak ni Israel naghilimo sing subung sini, siling sang ginsogo sa ila ni Iosue: kag nagkuluha sila sing napúlô kag duha ka bató gikan sa tungâ sang Iordan, subung nga ginsiling ni Iehoba, kay Iosue, sono sang isip sang mga kabikahan sang mga anak ni Israel, kag pinadalá nila sila sa hulunan, kag pinahamtang sila nila didto.

9 Si Iosue nagpatindug man sing napúlô kag duha ka bató sa tungâ sang Iordan, sa duug nga didto nagdulúlog ang mga tiil sang mga saserdote, nga nagdalalá sang kaban sang katipan, kag didto sila tubtub karon.

10 Kag ang mga saserdote, nga nagadalalá sang kaban, nagdulúlog sa tungâ sang Iordan, tubtub nga naubus ang tanan nga ginsogo ni Iehoba kay Iosue, nga ighambal niya sa banwa, sono sa tanan nga ginsogo ni Moises kay Iosue. Kag ang banwa nagdalidali sa pagtabok.

11 Kag sang nakatapus sa pagtabok ang bug-os nga banwa, nagtabok man ang kaban ni Iehoba, kag ang mga sa-



serdote nagtalabok man sa atubangan sang banwa.

12 Ang mga anak man ni Ruben, kag ang mga anak ni Gad, kag ang katunga sang kabikahan ni Manases, nagtalabok nga mga sangkap sing hinganiban sa atubangan sang mga anak ni Israel, subung sang ginsiling sa ila ni Moises:

13 Mga kap-atan ka libo ka tawo, nga nasangkapan nga sa kasoldadosan, nagtalabok sa atubangan ni Iehoba, sa pag-awayan sa mga kapatagan sa Ieriko.

14 Sadto nga adlaw ginpakadaku ni Iehoba si Iosue sa mga mata sang bug-os nga Israel; kag ginkahadlukan nila sia, subung sang pagkahadluk nila kay Moises, sa tanan nga mga adlaw sang iya kabuhi.

15 Kag si Iehoba naghambal kay Iosue, nga nagasiling:

16 "Sogoa ang mga saserdote, nga nagadalala sang kaban sang pagpamatuud, nga magtalakas sila sa Iordan."

17 Kag ginsogo ni Iosue ang mga saserdote, nga nagasiling: "Talakas-kamo sa Iordan."

18 Kag sang ang mga saserdote, nga nagadalala sang kaban sang katipan ni Iehoba, nagtalakas sa tunga sang Iordan, kag nga ang mga dapadapa sang mga tiil sang mga saserdote nagtapak pa mamala, nahanabu nga ang mga tubig sang Iordan nagululi sa ila nahamtangan, nga nagaililig subung sang kaha-pon kag sang sia kahapon sa ibabaw sang tanan niya nga mga pangpang.

19 Kag ang banwa nagtakas sa Iordan sang ikapulô sang bulan nga nahauna, kag pinahamtang nila ang dulugan sa Gilgal, sa ukbung nga nasidlangan sang Ieriko.

20 Kag pinatindug ni Iosue sa Gilgal ang napulô kag duha ka batô, nga gin-dala nila gikan sa Iordan;

21 Kag naghambal sia sa mga inank ni Israel, nga nagasiling: "Kon buas mamangkot sa ila mga ginikanan ang inyo nga anak, nga nagasiling: ¿Ano sa inyo bala ini nga mga batô?"

22 Igatudlo ninyo sa inyo mga anak, nga nagasiling: Si Israel nagtabok sa mamala sa sini nga Iordan;

23 Kay ginpamala ni Iehoba, nga inyo Dios, ang mga tubig sang Iordan sa atubangan ninyo, tubtub nga nakatabok kamo, subung nga ginhimo ni Iehoba, nga inyo Dios, sa dagat nga Mapula, nga

nagmala sia sa atubangan naton tubtub nga nakatabok kita,

24 Agud nga ang tanan nga mga banwa sang duta magkilala, nga ang kamut ni Iehoba among makusug; agud nga magkahaluk kamo kay Iehoba, nga inyo Dios, sa tanan nga mga dag-on."

5 KAG sang ang tanan nga mga hari sang mga Amorinhon, nga didto sila sa isa ka luyo sang Iordan nayon sa Katundan, kag ang tanan nga mga hari sang mga Kanaanhon, nga didto malapit sa dagat, nakabati sang kon ano nga pagpamala ni Iehoba sang mga tubig sang Iordan sa atubangan sang mga inanak ni Israel, tubtub nga nakatabok sila, natunaw ang ila tagiposoon, kag walâ nay espiritu sa ila sa atubangan sang mga inanak ni Israel.

Si Iosue nagatuli sang banwa kag nagahiwat sang Paskua.—Naguntat ang mana.—Ang dunganon sang kasoldadosan ni Iehoba.

2 Kag sadto nga dag-on nagsiling si Iehoba kay Iosue: "Bumuhat-ka sing sundang sa santikan, kag tulia liwan ang mga anak ni Israel sa makaduha."

3 Kag si Iosue naghimo sing mga sundang sa santikan, kag tinuli niya ang mga inanak ni Israel sa bakolod sang mga Haralot.\*

4 Kag, yari karon, ang kabangdanan nga tungud sina nagpanuli sa ila si Iosue: Ang bug-os nga banwa nga naghalin sa Egipto, ang mga lalaki, ang tanan nga mga tawo nga sa pag-awayan, nagkalamatay sila sa kahanayakan sa dalanon, sa tapus nga naghalalin sila sa Egipto.

5 Kay ang bug-os nga banwa nga naghalin, tinuli sia; apang ang bug-os nga banwa nga natawo sa kahanayakan sa dalanon, sa tapus nga nakahalín sia sa Egipto, walâ sing sin-o nga natuli.

6 Kay ang mga inanak ni Israel naglalakat sa kahanayakan sing kap-atan ka tuig, tubtub nga naubus ang bug-os nga katawohan sang mga tawo nga sa pag-awayan, nga naghalin sa Egipto, tungud kay walâ sila magpalamati sang tungug ni Iehoba; nga sa ila nagsumpâ si Iehoba, nga indi sila pagpatan-awon sang duta, nga sinumpa ni Iehoba sa ila

\* Haralot, mga tinuli.

mga ginikanan, nga igahatag niya sa aton, duta nga nagailig ang gatas kag ang dugos.

7 Kag ang mga anak nila, nga ginpatindug niya sa duug nila, pinanuli sila ni Iosue, tungud kay mga ditinuli sila, kay walâ sila mapanuli sa dalanon.

8 Kag sang natapus niya mapanuli ang bug-os nga katawohan, nagpalabilin sila sa ila duug sa dulugan, tubtub nga nag-aláyô sila.

9 Kag si Iehoba nagsiling kay Iosue: “Karon ginpaligid ko gikan sa ibabaw ninyo ang pagpakahuya sang Egpito;” kag ang ngalan sadto nga duug gintawag nga Gilgal\* tubtub karon.

10 Kag ang mga inanak ni Israel nagpahamtang sang dulugan sa Gilgal, kag ginhiwat nila ang Paskua sa ikapulô kag apat ka adlaw sang bulan, sa kahaponon, sa mga kapatagan sang Ieriko.

11 Kag kutub sa madason nga adlaw sang Paskua nagkalaon sila sang nahau-na nga bunga sang duta, sing tinapay nga walay tapay kag sing mga uyas nga sinanlag, sa amo man nga adlaw.

12 Kag ang mana naguntat kutub sa adlaw nga dason, sa tapus sang pagkaon nila sang nahauna nga bunga sang duta; kag ang mga inanak ni Israel walâ na gid sila sing mana, kondi nga nagkalaon sila sang bunga sang duta sang Kanaan, sadto nga tuig.

13 Kag nahanabu nga, sang didto si Iosue malapit sa Ieriko, binayaw niya ang iya mga mata, kag nakita niya ang isa ka lalaki, nga yara sa atubangan niya, nga may isa sia ka hinangiban nga ginabut sa iya kamut. Kag si Iosue nagkadto sa iya kag nagsiling: “¿Tagaamon bala ikaw kon tagakaaway namon?” Kag sia nagsabat:

14 “Indi, kay pangôlo ako sang kasoldadosan ni Iehoba; karon nagkari ako.” Niyan si Iosue naghapa, nagsimba sa iya kag nagsiling sa iya: “¿Ano bala ang ginasing sang akon Ginoo sa iya ulipon?”

15 Kag ang pangôlo sang kasoldadosan ni Iehoba nagsabat kay Iosue: “Hukasa ang imo mga sapin sa imo mga tiil; kay ang duug nga kon diin ka karon among balaan.” Kag amo ining ginhimo ni Iosue.

Ang paglaglag sang Ieriko.—Si Rahab naluwas.

6 APANG ang Ieriko napanakpan kag napamintalan, sa kabangdanan sang mga inanak ni Israel: walâ sing bisan sin-o nga makasulûd, bisan makagowa.

2 Apang si Iehoba nagsiling kay Iosue: “Tan-awa, gintugyan ko sa imo kamut ang Ieriko kag ang iya hari pati ang mga maisug nga manugaway.

3 Busa, libutan-ninyo ang banwa, tanan kamo nga mga tawo nga sa pagawayan, nga paglibuton ang banwa sing makaisa: kag ini pagahimoon mo sing anum ka adlaw.

4 Kag pito ka saserdote magadalâ sing pito ka budyong nga sa Paghilinyugyaw sa atubangan sang kaban; kag sa ikapito ka adlaw pagalibuton ninyo sing makapito ang banwa, kag ang mga saserdote magapatunug sang mga budyong.

5 Kag kon patungon nila sing malawig gid ang sungay sang Paghilinyugyaw, niyan nga mabatian ninyo ang tunugsang budyong, ang bug-os nga banwa magasingit sa daku nga tingug, kag ang kuta sang banwa maholog sa idalum niya, kag ang katawohan magasaka ang tagsatagsa sing matadlung sa iya.

6 Kag sang tinawag si Iosue, anak ni Nun, ang mga saserdote, nagsiling sia sa ila: “Dalhon-ninyo ang kaban sang katipan, kag pito ka saserdote magdalâ sing pito ka budyong sa Paghilinyugyaw sa una sang kaban ni Iehoba.”

7 Kag nagsiling sia sa banwa: “Agi-kamo, kag libuton-ninyo ang banwa, kag ang mga tawo nga nasangkapan sing hinganiban mag-alagi sa atubangan sang kaban ni Iehoba.”

8 Kag nahanabu nga, sang si Iosue nakaghambal sa banwa, ang pito ka saserdote, nga nagadalâ sang pito ka budyong sa Paghilinyugyaw sa atubangan ni Iehoba, naguluna sila kag nagpatunug sang mga budyong: kag ang kaban sang katipan ni Iehoba nagsunud sa ila.

9 Kag ang mga tawo nga nasangkapan sa hinangiban, naguluna sa mga saserdote, nga nagpalatunog sang mga budyong, kag ang banwa nga tingub nagsunud sa olehe sang kaban; nga sang nagalakat, nagpatunog sang mga budyong.

10 Kag si Iosue nagsogo sa banwa,

\* Gilgal, pagkaligid.



n̄ga nagasiling: “Kamo indi magsilingit, kag indi mabatian ang inyo tingug, bisan isa ka polong maggowa sa inyo bâbâ, tubtub sa adlaw n̄ga magsiling ako sa inyo: Silingit-kamo: niyan magsilingit kamo.”

11 Sa sini ginhimo niya n̄ga ang kaban ni Iehoba naglibot sing makaisa sa palibot sang banwa; kag nagsulûd sila liwan sa dulugan, kag naghiligda sila sa dulugan.

12 Kag si Iosue nagbangon sa aga pa gid, kag ang m̄ga saserdote nagdalalâ sang kaban ni Iehoba.

13 Kag ang pito ka saserdote, n̄ga nagadalalâ sang pito ka budyong sa Paghilnugyaw sa atubangan sang kaban ni Iehoba, naglalakat sila; kag sang naglalakat, nagpalatunog sila sang m̄ga budyong; kag ang m̄ga nasangkapan sa hinganiban naguluna sa ila, kag ang katawohan n̄ga tingub nagsunud sa kaban ni Iehoba; n̄ga sang nagalakat, nagpatunog sang m̄ga budyong.

14 Kag ginlibot nila liwan ang banwa sang ikaduha ka adlaw sing makaisa, kag nagpalauli sila sa dulugan. Sa sini naghilimo sila sa anum ka adlaw.

15 Kag sa ikapito ka adlaw nagtilindug sila sa aga pa gid, sa pagbutlak sang pamanagbanag, kag ginlibot nila ang banwa sa amo man n̄ga bagay sing makapito: lamang sini n̄ga adlaw ginlibot nila ang banwa sing makapito.

16 Kag sa napatunog sang m̄ga saserdote ang m̄ga budyong sing makapito, nagsiling si Iosue sa banwa: “Magsilingit kamo, kay ginhatag sa inyo ni Iehoba ang banwa.

17 Apang ang banwa mangintinagdilian kay Iehoba, sia kag ang tanan n̄ga m̄ga butang n̄ga yara sa iya: lamang si Rahab, n̄ga bigaon, magakabuhi patung tanan n̄ga yara sa balây kaupud niya, tungud kay gintago niya ang m̄ga manugtunda, n̄ga ginpadalâ namon.

18 Apang nahanungud sa inyo, magalandam gid kamo sa katinagudilian, basi pa n̄ga sa tapus sang matagudilian ninyo, magkuha kamo sing bisan ano n̄ga butang sang katinagudilian, agud n̄ga indi ninyo mahimo n̄ga tinagudilian ang dulugan ni Israel, kag matublag ninyo sia.

19 Apang ang tanan n̄ga pilak, kag ang tanan n̄ga bulawan, kag ang tanan n̄ga m̄ga suludlan n̄ga tumbaga kag

salsalon, pagaihalad sila kay Iehoba, kag igasulûd sila sa bahandi ni Iehoba.”

20 Niyan ang banwa nagsingit, kag ang m̄ga saserdote nagpalatunog sang m̄ga budyong: kag yari karon, sang ang banwa nakabati sang tunog sang budyong, nagsingit sia sa daku n̄ga pagsingit, kag ang kuta naholog sa ibabaw niya gid. Kag ang katawohan nagsaka gilayon sa banwa, ang tagsatagsa sa natadlungan niya, kag nakuha nila ang banwa.

21 Kag gintagudilian nila ang tanan n̄ga yara sa banwa: m̄ga lalaki kag m̄ga babae, m̄ga pamatan-on kag m̄ga tigulang, patî ang m̄ga baka kag m̄ga obeha, kag m̄ga asno, sa sulab sa hinganiban.

22 Apang si Iosue nagsiling sadto sa duha ka tawo, n̄ga nagulusisa sang duta: “Sulûd-kamo sa balây sang babae n̄ga bigaon, kag pagpagowa-ninyo sa iya ang babae kag ang bug-os n̄ga iya, siling sang inyo ginsumpa sa iya.”

23 Kag ang m̄ga pamatan-on n̄ga m̄ga manugpanilag nagsululûd, kag ginpagowa nila si Rahab kag ang iya amay, kag ang iya ilôy kag ang iya m̄ga útud, kag ang tanan n̄ga iya; kag ginpagowa man nila ang bug-os n̄ga iya kahimataan, kag pinamutang nila sila sa gowa sang dulugan ni Israel.

24 Kag sinunog nila sang kalayo ang banwa, kag ang tanan n̄ga yara sa iya: lamang ginhatag nila sa bahandi sang balây ni Iehoba ang pilak kag ang bulawan, kag ang m̄ga suludlan n̄ga tumbaga kag salsalon.

25 Apang gintugutan ni Iosue, n̄ga magkabuhi si Rahab, kag ang balây sang iya amay, kag ang bug-os n̄ga iya: kag nagpuyô sia sa tungâ sang m̄ga Israelinon tubtub karon, tungud kay gintago niya ang m̄ga manugtunda, n̄ga ginpadalâ ni Iosue sa pagusisa sang Ieriko.

26 Kag sadto n̄ga dag-on pinasumpaan sila ni Iosue, sa pagsiling: “Pinapakamaut sa atubangan ni Iehoba ang tawo, n̄ga magbangon kag magtukud liwan sining banwa sang Ieriko. Sa iya pangnanay ibutang ang ila m̄ga palatukuran, kag sa iya kamanghuran ipahamtang ang ila m̄ga gawang.”

27 Kag, nanginkaupud si Iehoba kay Iosue, kag ang iya kadunganang nagguub sa bug-os n̄ga duta.

Ang sala ni Akan kag ang iya silot.

**7** APANG ang mga anak ni Israel nakahimo sing paglapas sa katinagudilian: kay si Akan, anak ni Karmi, anak ni Sabdi, anak ni Sera, sa kabikahan ni Iuda, nagkuha sang sa tinagudilian; kag ang kaakig ni Iehoba nagsiga batok sa mga anak ni Israel.

2 Kag si Iosue nagpadalá sing mga tawo kutub sa Ieriko pa Hai, nga didto malapit sang Bet-aben, nayon sa Sidlangan sang Bethel, kag naghambal sia sa ila, nga nagasiling: "Talaklad-kamo, kag usisaa-ninyo ang duta." Kag ang mga tawo nagtalaklad, kag ginusisa nila ang Hai.

3 Kag sang pagbalik nila kay Iosue, nagsililing sila sa iya: "Indi magtaklad ang bug-os nga banwa, kondi magtaklad ang may duha kon tatlo ka libo ka tawo, kag magpilas sila sang Hai: indi mo na pagluyaon ang bug-os nga banwa didto, kay diyotay sila sa kadamuon."

4 Kag nagtalaklad didto ang may mga tatlo ka libo ka tawo sang banwa, nga nagpalalagyo sila sa atubangan sang mga taga-Hai.

5 Kag ginipilasan sa ila sang mga taga-Hai ang may katloan kag anum ka tawo; kag ginlagas sila kutub sa gawang tubtub sa Sebarim, kag ginipilasan sila sa dulhugan. Kag natunaw ang tagiposoon sang banwa, kag nangindaw tubig.

6 Niyan kinusnit ni Iosue ang iya mga panapton, kag naghapa sa atubangan sang kaban ni Iehoba tubtub sa hapon, sia kag ang mga tigulang sa Israel; kag sinabwagan nila sing yab-ok ang ila mga olo.

7 Kag si Iosue nagsiling: "Ay, Ginoong Iehoba! Ngaa bala ginpatabok mo ini nga banwa sa Jordan, sa pagtugyan sa amon sa mga kamut sang mga Amorinhon, kag sa paglaglag sa amon? Kabay unta nga nagtapat kami kag nga nagkalabilin kami sa isa ka luyo sang Jordan!"

8 "Oh Ginoo! Anong igasiling ko bala karon, nga si Israel timalikod sa atubangan sang iya mga kaaway?"

9 Kay ang Kanaanhon kag ang tanan nga mga pumuluyô sang duta makabati sini, kag pagalibutan kami nila, kag pagapanason nila ang amon ngalan sa

ibabaw sang duta. Kag anong pagahimoon bala sa imo daku nga Ngalan?"

10 Kag si Iehoba nagsiling kay Iosue: "Bangon-ka, ngaa bala naghapa ka sing subung sini?"

11 Ang Israel nagpakasalâ, kag ginbungkag pa nila ang akon katipan, nga ginsogo ko sa ila; labut pa, nagkuha sila sang tinagudilian, kag ginkawat pa nila sia, kag nagtago man sila sa iya, kag ginbutang pa nila sia nga tingub sa ila mga butang.

12 Tunğud sini ang mga inanak ni Israel indi sarang makaatubang sa atubangan sang ila mga kaaway, kondi nga sa atubangan sang ila mga kaaway magatalikod sila, tunğud kay nahimo sila nga mga tinagudilian. Indi na ako manginkaupud ninyo, kon indi ninyo paglaglagon ang katinagudilian sa tunğâ ninyo.

13 Bangon-ka, balaana ang banwa, kag magsiling: Magbalalaan-kamo nga sa buas, kay si Iehoba, nga Dios ni Israel, nagsiling sing subung sini: May tinagudilian sa tunğâ ninyo, Israel; indi ka sarang makaatubang sa atubangan sang imo mga kaaway, tubtub nga makuha ninyo ang katinagudilian sa tunğâ ninyo.

14 Busa, magapalapit-kamo sing aga pa sono sang inyo mga kabikahan; kag ang kabikahan nga pagbatonon ni Iehoba, magapalapit sono sang iya mga panimalây; kag ang panimalây nga pagbatonon ni Iehoba, magapalapit, sono sang iya mga balây; kag ang balây nga pagbatonon ni Iehoba, magapalapit sono sang iya mga lalaki:

15 Kag ang madakpan nga may tinagudilian, pagasunugon sa kalayo, sia kag ang tanan niya, tunğud kay ginlapas niya ang katipan ni Iehoba, kag nakahimo sila sing kabanyagaan sa Israel."

16 Busa, nagbangon si Iosue sing aga pa gid kag ginpapalapit niya ang Israel, sono sang iya mga kabikahan; kag binaton ang kabikahan ni Iuda.

17 Kag sang pinapalapit niya ang panimalây ni Iuda, binaton sang Dios ang panimalây sang mga Seranhon. Kag sang pinapalapit niya ang panimalây sang mga Seranhon, sono sang mga lalaki, binaton si Sabdi.

18 Kag pinapalapit niya ang iya balây, sono sang mga lalaki, kag binaton



si Akan, anak ni Karmi, anak ni Sabdi, anak ni Sera, sa kabikahan ni Iuda.

19 Niyan si Iosue nagsiling kay Akan: "Anak ko, ginaampo ko sa imo, hatagi karon sing himaya si Iehoba, nga Dios ni Israel, kag hatagi sia sing pagdayaw: kag iasoy karon sa akon, ginaampo ko sa imo, ang ginhimo mo, indi mo ako paglilongan."

20-Kag si Akan nagsabat kay Iosue, nga nagsiling: "Sa pagkamatuud gid, ako nakasalâ batok kay Iehoba, nga Dios ni Israel, kag nakahimo ako sing amo ini kag amo ini:

21 Kag nakit-an ko sa tungâ sang inagaw ang isa ka takurung nga Babilonianahanon nga maayo gid, kag duha ka gatus ka siklo nga pilak, kag isa ka bilog nga bulawan nga kalim-an ka siklo ang kabug-aton, nga akon ginkaibugan kag akon ginkuha; kag yari karon, nga adto natago sa duta sa tungâ sang akon layanglayang, kag sa idalum niya ang pilak."

22 Kag si Iosue nagpadalâ sing mga manugtunda, nga nagdalalagan sila sa iya layanglayang; kag yari karon, natago ang *takurung* sa iya layanglayang, kag ang pilak sa idalum niya.

23 Kag ginkuha nila ini nga butang gikan sa tungâ sang layanglayang, kag pinadalâ nila sila kay Iosue kag sa tanan nga mga inanak ni Israel, kag binutang nila sila sa atubangan ni Iehoba.

24 Niyan si Iosue kag ang bug-os nga Israel kaupud niya, ginkuha nila si Akan, anak ni Sera, kag ang pilak, kag ang takurung, kag ang bilog nga bulawan, kag ang iya mga anak nga lalaki, kag ang iya mga anak nga babae, kag ang iya mga baka, kag ang iya mga asno, kag ang iya mga obeha, kag ang iya layanglayang, kag ang tanan nga iya; kag ginpataklad nila sila sa nalupyakan sa Akor.

25 Kag nagsiling si Iosue: "¿Kay nga bala gintublag mo kami? Tublagon ka ni Iehoba sa karon nga adlaw." Kag ginbalatô sila sang tanan nga mga Israelinon, kag sinunog sila sa kalayo, sa tapus sila pagbatohon.

26 Kag pinatindug nila sa ibabaw niya ang isa ka daku nga tinumpok nga mga batô nga *nagapadayon* tubtub karon. Kag si Iehoba naguli sa kaakig sang iya kasingkal. Kag tungud sini gintawag

yadto nga duug ang nalupyakan sa Akor,\* tubtub karon.

#### Pagdaug kag paglaglag sang Hai.

8 KAG si Iehoba nagsiling kay Iosue: "Dili ka magkahadluk, kag dili ka magkapunaw: dalha kaupud nimo ang bug-os nga banwa nga sa pag-awayan, kag tindug-ka, kag taklad-ka sa Hai. Tan-awa, gintugyan ko sa imo kamut ang hari sang Hai, kag ang iya katawohan, kag ang iya banwa kag ang iya duta.

2 Kag pagahimoon mo sa Hai, kag sa iya hari, subung sang ginhimo mo sa Ieriko kag sa iya hari: lamang nga ang inagaw sa iya kag ang mga sapat pagatihon ninyo nga sa inyo. Magbutang-ka sing pagpuot sa banwa, sa likod niya."

3 Kag nagtindug si Iosue, kag ang bug-os nga katawohan nga sa pag-awayan sa pagtaklad batok sa Hai: kag pinili ni Iosue ang katloan ka libo ka tawo, nga mga maisug nga manugaway, nga pinadalâ niya sing kabab-ihon.

4 Kag nagsogo sia sa ila, nga nagasiling: "Tan-awa, magabutang kamo sing pamuot sa banwa sa likod niya; dili kamo magpahilayô kaayo sa banwa, kag maghalanda-kamo nga tanan.

5 Kag ako, kag ang bug-os nga banwa nga yari kaupud nakon, magapalapit kami sa banwa. Kag mahanabu, kon maggulowa sila batok sa amon, subung sang ginhimo nila anay, nga magapalagyo kami sa atubangan nila:

6 Kag sila magagulowa sa olehe namon tubtub nga mabulag namon sila sa banwa; kay sila magasiling: Nagapalagyo sila sa atubangan naton, subung sang nahauna; *busa* magapalagyo kami sa atubangan nila.

7 Niyan kamo magatilingdug sa pulut-an, kag pagaagawon ninyo ang banwa: kay igatugyan sia sa inyo mga kamut ni Iehoba, nga inyo Dios.

8 Kag kon makuha na ninyo ang banwa, tutdan-ninyo ang banwa sing kalayo; pagahimoon ninyo ini, sono sa polong ni Iehoba: Tan-awa, nga ginsogo ko ina sa inyo."

9 Niyan ginpadalâ sila ni Iosue; kag sila nagkaladto sa pulut-an, kag napa-

\* Akor, walay palad.

hamtang sila sa tunĝa sang Bethel kag sang Hai, sa Katundan sang Hai: kag si Iosue napabilin sadto nĝa gab-i sa tunĝa sang banwa.

10 Kag nagbangon si Iosue sing aga pa gid, kag ginpasisilingan niya ang banwa, kag nagtaklad sia kaupud ang mga tigulang ni Israel, sa atubangan sang banwa batok sa Hai.

11 Kag ang bug-os nĝa katawohan nĝa sa pag-awayan, nĝa kaupud niya, nagtaklad kag nagpalapit; kag nakalambut sila sa atubangan sang banwa, kag pinahamtang nila ang dulugan sa Aminhan sang Hai, kag yara sa tunĝa niya kag Hai ang isa ka nalupyakan.

12 Kag nagkuha sia sing may lima ka libo ka tawo kag pinamutang niya sila sa pulut-an sa tunĝa sang Bethel kag sang Hai, sa Katundan sang banwa.

13 Kag sa sini nagpalahamtang sila sang katawohan, kon sayoron ang bug-os nĝa dulugan nĝa didto sa Aminhan sang banwa, kag ang iya pamuot nĝa *didto* sa Katundan sang banwa; kag nagkadto si Iosue sadto nĝa gab-i sa tunĝa sang nalupyakan.

14 Kag nahanabu, sang nakit-an ini sang hari sang Hai, nagdalidali ang mga tawo sang banwa kag nagbangon sing aga pa gid: kag naggulowa sila sa pag-awayan, sia kag ang bug-os niya nĝa banwa, sa pagsugata sa Israel, sa pinatinan nĝa dag-on sa atubangan sang kapatagan; nĝa walâ makasayud sia nĝa nabutanĝan sia sing puot sa likod sang banwa.

15 Niyan si Iosue kag ang bug-os nĝa Israel, sa nagpapadaug sila sa atubangan nila, nagpalalagyo sila sa dalanon sang kahanayakan.

16 Kag ang bug-os nĝa banwa nĝa yadto sa Hai nagtilipon sa dakung siningit sa paglagas sa ila: kag naglalagas sila kay Iosue, kag nagbulag sila sa banwa.

17 Kag walay nabilin nĝa tawo sa Hai kag sa Bethel, nĝa walâ maggowa sa olehe ni Israel; kag binayaan nila ang banwa nĝa nabuksan kag naglalagas sila sa Israel.

18 Niyan si Iehoba nagsiling kay Iosue: "Untaya ang sumbiling, nĝa yara sa imo kamut, nayon sa Hai, kay igatugyan ko sia sa imo kamut. Kag inuntay ni Iosue nayon sa banwa ang sumbiling, nĝa yara sa iya kamut.

19 Kag sang tumindug sing madagmit gid sa iya duug ang mga yadto sa pulut-an, nagdalalagan sila gilayon, nĝa inuntay niya ang iya kamut; kag nagsululud sila sa banwa, kag nakuha nila sia, kag nagdalidali sila sa pagsunog sing kalayo sa iya

20 Kag sang ang mga taga-Hai nagbalalikid sa olehe, nakit-an nila, kag yari karon, ang aso sang banwa nĝa nagtub-ok nayon sa langit, kag walâ silay kusug sa pagpalagyo, bisan pa isa ka luyo, bisan sa isa; kag ang katawohan nĝa nagapalagyo nayon sa kahanakan, nagbalik batok sa mga nagalagas sa ila.

21 Kay si Iosue kag ang bug-os nĝa Israel, sang nakit-an nila, nĝa ang mga tagapulut-an nag-agaw sang banwa kag nĝa ang aso sang banwa nagtub-ok, nagbalalik sila, kag pinilas nila ang mga taga-Hai.

22 Kag ang iban naggulowa sa banwa sa pagsugata sa ila, sa bagay nĝa ang mga *taga-Hai* yara sa tunĝa sang mga Israelinhon, nĝa may iban sa isa ka luyo, kag ang iban sa isa ka luyo. Kag pinamilas nila sila tubtub nĝa walâ sing bisan sin-o sa ila nĝa nabilin nĝa makapalagyo, bisan makalikaw.

23 Kag kinuha nila nĝa buhi ang hari sang Hai, kag dinalâ sia nila kay Iosue.

24 Kag sang ang mga Israelinhon nakatapus sa pagpapatay sang tanan nĝa pumuluyô sa Hai sa mga latagon, sa kahanayakan diin ginpanlagas sila, kag nĝa ang tanan nagkalaholog sa sulab sa hinangiban tubtub nĝa nagkalaubus gid, niyan ang tanan nĝa mga Israelinhon nagbalalik sa Hai, kag pinilas man sia nila sa hinganiban.

25 Kag ang kadamuon sang mga nagkalaholog sadto nĝa adlaw, mga lalaki kag mga babae, nanginnapulô kag duha ka libo, ang tanan nĝa mga taga-Hai.

26 Kag walâ pagkul-a ni Iosue ang iya kamut, nĝa iya ginuntay upud ang sumbiling, tubtub nĝa gintagudilian niya ang tanan nĝa mga pumuluyô sang Hai.

27 Apanggin-atisang mga Israelinhon nĝa sa ila ang mga sapat kag ang mga inagaw sa banwa, sono sang polong ni Iehoba, nĝa iya ginsogo kay Iosue.

28 Kag sinunog ni Iosue ang Hai, kag ginhimo niya sia nĝa isa ka tumpok nĝa



linaglag nga sa gihapon, nga nabilin tubtub karon.

29 Kag ang hari sang Hai pinakabit niya sa isa ka kahoy tubtub sa hapon, kag sang pagkatunud sang adlaw, nagsogo si Iosue nga kuhaon nila sa kahoy ang iya bangkay, kag ginpilák nila sia sa salamputan sang gawang sang banwa : kag pinatindugan nila sa ibabaw niya sing isa ka daku nga tinumpok sang mga bató, tubtub karon.

*Ginasulat ang Kasogoon sa mga bato, kag ginabasa sa mga bukid sang Geris'im kag Ebal.*

30 Niyan si Iosue nagpatindug sing isa ka halaran kay Iehoba, nga Dios ni Israel, sa bukid sang Ebal,

31 Subung sang ginsogo ni Moises, ulipon ni Iehoba, sa mga anak ni Israel, siling sang nasulat sa tolon-an sang kasogoon ni Moises : isa ka halaran nga mga bilog nga bató, nga sa ibabaw nila walay bisan sin-o nga makabayaw sing salsalon ; kag naghalalad sila sa ibabaw niya sing mga halad nga sinunog kay Iehoba, kag naghalalad sila sing mga halad sa paghidaet.

32 Nagsulat man sia didto, sa mga bató, sang isa ka huwad sang Kasogoon ni Moises, nga iya sinulat sa atubangan sang mga inanak ni Israel.

33 Kag ang bug-os nga Israel, kag ang iya mga tigulang kag ang iya mga pangolo, kag ang iya mga hukom nagtilindug didto sa isa kag isa ka luyo sang kaban, sa atubangan sang mga saserdote, nga mga Lebinhon, nga nagadalá sang kaban sang katipan ni Iehoba ; subung ang dumuluong, subung man ang mga tumanduk, ang katungâ nila yadto sa luyo sang bukid sang Gerisim, kag ang isa ka katungâ sa luyo sang bukid sang Ebal, siling sang sinsogo anay ni Moises, ulipon ni Iehoba, agud nga pagpakamaayohon nila sing una gid ang banwa sang Israel.

34 Sa tapus sini, gimbasa niya ang tanan nga mga polong sang kasogoon, ang mga pagpakamaayo kag ang mga pagpakamalaut, sono sa tanan nga yara nasulat sa tolon-an sang kasogoon.

35 Walay bisan ano nga polong sang tanan nga butang nga ginsogo ni Moises, nga walâ pagbasaha ni Iosue sa atubangan sang bug-os nga katilinan ni Israel, nga mga babae, kag mga kabataan, kag

mga dumuluong nga nagalalakat sa tungâ nila.

*Ang mga Hebreinhon gindayaan sang mga Gabaeoninon. Nakigkatipan sa ila.*

9 KAG nahanabu nga, sang nakabati sila sini nga mga butang, ang tanan nga mga hari nga yara sa isa ka luyo sang Iordan, sa mga bukid kag sa mga kapatagan, kag sa bug-os nga higad sang daku nga dagat, sa atubangan sang Libano, ang mga Hetinhon, ang mga Amorinhon, ang mga Kanaanhon, ang mga Peresinhon, ang mga Hebinhon kag ang mga Iebusinhon,

2 Nagulugyon sila sa isa ka paghilimbon sa pagpakigaway batok kay Iosue kag sa Israel.

3 Apang ang mga pumuluyô sang Gabaeon nakabati sang ginhimo ni Iosue sa Ieriko kag sa Hai.

4 Kag naglalang man sila sing paglimbong : nagkaladto sila kag nagpalamalibad nga mga manugkagon ; kag nagdalalâ sila sing mga lapat nga mga baloyot sa ibabaw sang ila mga asno, kag mga lapat nga mga panit sa alak, nga gisi kag pinanukapan,

5 Kag mga sapin nga mga lapat kag pinanukapan sa ila mga tiil, kag mga lapat nga panapton sa ibabaw nila ; kag ang tanan nga tinapay nga dala nila sa dalanon, kusug kag agop-onon.

6 Kag nag-alabut sila kay Iosue sa dulugan sa Gilgal, kag nagsililing sila sa iya kag sa mga taga-Israel : "Kami nagkari gikan sa duta nga malayô ; busa, himoi kami sing pagpakigkatipan."

7 Kag ang mga Israelinhon nagsalabat sa mga Hebinhon : "Ayhan kamo nagapuyô sa tungâ namon : busa, ¿ano bala ang pagkasarang namon paghimo sa inyo sing pagpakigkatipan?"

8 Kag sila nagsililing kay Iosue : "Amo kaming mga ulipon mo." Kag si Iosue nagsiling sa ila : "¿Sanday sin-o bala kamo, kag diin kamo maghalalín?"

9 Kag sila nagsalabat : "Ang imo ulipon naghalalín gikan sa malayô gid kaayo nga mga duta, sa ngalan ni Iehoba, nga imo Dios ; kay nakabati kami sang iya kabantugan, kag sang tanan nga mga butang nga ginhimo niya sa Egipto,

10 Kag ang tanan nga ginhimo niya sa duha ka hari sang mga Amorinhon,

n̄ga didto sila sa isa ka luyo sang Iordan: kay Sihon, n̄ga hari sang Hesbon, kag kay Og, n̄ga hari sang Basan, n̄ga didto sia sa Astarot.

11 Kag ang amon m̄ga tigulang, kag ang tanan n̄ga m̄ga pumuluyô sa amon duta nagsililing sa amon: Dala-kamo sa inyo m̄ga kamut sing balon n̄ga sa dalanon, kag lakat-kamo sa pagsugata sa ila; kag silingon-ninyo sila: Amo kaming m̄ga ulipon ninyo; kag himo-ininyo kami karon sing pagpakigkatipon.

12 Ining amon tinapay kinuha namon n̄ga mainit pa sa amon baláy n̄ga sa dalanon sang adlaw n̄ga naghalin kami sa pagkari sa inyo: kag yari na, n̄ga karon kusug kag agop-opon.

13 Kag ini man n̄ga m̄ga panit sang alak n̄ga pinamunô namon n̄ga m̄ga bag-o pa, yari sila karon n̄ga gisi na; kag ining amon n̄ga panapto man kag ang amon m̄ga sapin, n̄ga ginatan-aw ninyo, m̄ga lapat na tungud sang tama gid kalawig sang dalanon."

14 Kag ang m̄ga *Israelinhon* nagkuha sang ila balon kag walâ sila magpamangkot sa bâbâ ni Iehoba.

15 Kag si Iosue naghimo sing pakighidaet sa ila, kag nakigkatipan sa ila n̄ga pabayaang ang ila kahuhî; kag ang m̄ga dunganon man sang katilingban nagsulumpa sini sa ila.

16 Sa tapus ang tatlo ka adlaw, sa tapus n̄ga sa ila nakigkatipan sila, nakabati sila n̄ga m̄ga kaingod nila sila, kag n̄ga nagapuluyô sila sa tungâ nila.

17 Kag naglalakat ang m̄ga anak ni Israel, kag sa ikatlo ka adlaw nakalambut sila sa ila m̄ga kabanwaan; kag ang ila m̄ga banwa among Gabaon, ang Kapira, ang Beerot, kag ang Kiriath-earim.

18 Kag walâ sila pagpamilasa sang m̄ga anak ni Israel, tungud kay ang m̄ga dunganon sang katilingban nagsulumpâ sa ila, tungud kay Iehoba, n̄ga Dios ni Israel; apang ang bug-os n̄ga katilingban nagkumud batok sa m̄ga dunganon.

19 Kag ang tanan n̄ga m̄ga dunganon nagsalabat sa bug-os n̄ga katilingban: Kami nagsulumpa sa ila, tungud kay Iehoba, n̄ga Dios ni Israel; n̄gani karon indi kita sarang makatandung sa ila.

20 Ini among paghimoon ta sa ila: pagbayaan ta sila sa pagkabuhi, agud n̄ga indi magkari ang kaakig sa ibabaw

naton sa kabangdanan sang sumpa, n̄ga ginhimo namon sa ila."

21 Kag ang m̄ga dunganon nagsililing sa ila: "Magkalabuhi sila." Kag n̄nginmanugkahoy kag m̄ga manugtubig sila n̄ga sa bug-os n̄ga katilingban, subung sang ginsiling sa ila sang m̄ga dunganon.

22 Kag sang tinawag sila ni Iosue, naghambal sia sa ila, n̄ga nagasiling: "N̄gaa bala n̄ga dinayaan ninyo kami, sa pagsiling: Nagapuluyô kami sa malayô gid kaayo sa inyo, gali n̄ga yari kamo sa tungâ namon?"

23 Busa, kamo karon among m̄ga pinapakamalaut, kag indi kamo magauluntat n̄ga manginulipon, n̄ga manugpangahoy kag m̄ga manugtubig n̄ga sa baláy sang akon Dios."

24 Kag sila nagsalabat kay Iosue, kag nagsililing: "Ginpahanap sa imo m̄ga ulipon, n̄ga si Iehoba, n̄ga imo Dios, nagsogo kay Moises, n̄ga iya ulipon, n̄ga igahatag niya sa inyo ang bug-os n̄ga duta, kag n̄ga paglaglagon niya ang tanan n̄ga m̄ga pumuluyô sang duta sa atubangan ninyo; tungud sina nagkahaladluk gid kami sing daku kaayo, tungud sang amon m̄ga kabuhi sa atubangan ninyo, kag ginhimo namon ini.

25 Busa karon, yari kami sa imo kamut: Ang minamaayo mo kag ginapakamatarung n̄ga pagahimoon sa amon, himoa ina."

26 Kag iya ginhimo sing subung sini: n̄ga linuwas sila niya sa kamut sang m̄ga inanak ni Israel, agud n̄ga indi sila pagpamatyon.

27 Kag ginhimo sila ni Iosue sadto n̄ga adlaw n̄ga m̄ga manugpangahoy kag m̄ga manugtubig n̄ga sa katilingban, kag n̄ga sa halaran ni Iehoba tubtub karon, sa duug n̄ga iya pagapilion.

Dakung pagdaug malapit sa Gabaon.—Malawig n̄ga adlaw sang pag-awayan.—Pagkuha sang sarisari n̄ga m̄ga banwa sa Bagatnan.

10 KAG sang nabatian ni Adonisedek, n̄ga hari sang Ierusalem, n̄ga nakuha ni Iosue ang Hai, kag gintagudilian niya: n̄ga subung sang ginhimo niya sa Ieriko kag sa iya hari, amo man ang ginhimo niya sa Hai kag sa iya hari, kag n̄ga ang m̄ga pumuluyô sang Gabaon naghimo sing



pagpakighidaet sa mga Israelinhon, kag nga yadto sila sa tunga nila,

2 Dinakup sila sing isa ka daku nga kahadluk; kay ang Gabaon among isa ka daku nga banwa, subung sang isa sang mga kabanwaanang nga harianon, kag labing daku sa Hai, kag ang tanan niya nga mga tawo mga maisug.

3 Kag nagpadala si Adoni-sedek, nga hari sang Ierusalem, kay Oham, nga hari sang Hebron, kag kay Piram, nga hari sa Iarmut, kag kay Iapia, nga hari sang Lakis, kag kay Debir, nga hari sang Eglon, nga nagsiling:

4 "Taklad-kamo sa akon, kag buligi ako ninyo, kag pagapilason ta ang Gabaon; kay naghimo sia sing pakighidaet kay Iosue kag sa mga anak ni Israel."

5 Kag lima ka hari sang mga Amorinhon, ang hari sang Ierusalem, ang hari sang Hebron, ang hari sang Iarmut, ang hari sang Lakis, ang hari sang Eglon, nagtilingub kag nagtalaklad sila, sila pati ang tanan nila nga mga kasoldadosan, kag nagpalahamtang sila sing dulugan batok sang Gabaon, kag nakig-away sila batok sa iya.

6 Kag ang mga taga-Gabaon nagpadala kay Iosue sa dulugan sang Gilgal, nga nagsiling: "Ayaw pagkula ang imo mga kamut sa imo mga ulipon; taklad-ka sing madagmit gid sa amon, luwasa kami kag buligi kami: kay ang tanan nga mga hari sang mga Amorinhon, nga nagapuluyô sa mga kabukiran, nagtilingub batok sa amon."

7 Kag nagtaklad si Iosue gikan sa Gilgal, sia kag ang bug-os nga banwa nga sa pakigawayan kaupud niya, kag ang tanan nga mga maisug nga mga manugaway.

8 Kag si Iehoba nagsiling kay Iosue: "Dili ka magkahadluk sa *ila*; kay kinatugyan ko na sila sa imo kamut, kag walay bisan sin-o sa *ila* nga magatindug sa atubangan nimo."

9 Kag si Iosue nag-abut sa *ila* sing hinali; sa bug-os nga gab-i nagtaklad sia gikan sa Gilgal.

10 Kag ginwagwag sila ni Iehoba sa atubangan ni Israel, kag ginpilas niya sila sing isa ka daku nga kamatay sa Gabaon: kag ginlagas niya sila sa dalan sa taklaran sang Bet-Horon, kag ginpilas niya sila tubtub sa Aseka kag tubtub sa Makeda.

11 Kag sang nagapalalagyo sila sa

atubangan sang mga Israelinhon, nga didto sila sa dulhogan sang Bet-Horon, hinologan sila ni Iehoba gikan sa langit sing dalagku nga mga batô, tubtub sa Aseka, nga sa *ila* nagkalamatay sila. Ang mga nagkalamatay sa sining mga batô nga yelo, madamu pa sa mga ginpamatay sa hinganiban sang mga inanak ni Israel.

12 Niyan si Iosue naghambal kay Iehoba, sang adlaw nga gintugyan ni Iehoba ang mga Amorinhon sa atubangan sang mga inanak ni Israel, kag nagsiling sia sa atubangan sang mga inanak in Israel:

"Adlaw, pahimonong-ka sa Gabaon:

Kag ikaw, Bulan, sa nalupyakan sang Ayalon."

13 Kag ang adlaw nagpahimonong kag ang bulan nagdúlog,

Tubtub nga ang katawohan nakapanghimalus sa *ila* mga kaaway. Walâ bala masulat ini sa tolonan, ni Iaser? Kag ang adlaw nagdúlog sa tunga sang langit, kag walâ magdali-dali sa iya pagkatunod sing daw may isa ka adlaw nga bug-os.

14 Kag walâ gid sing subung nga inadlaw, bisan sa una, bisan sa olehe, sang ginpamati-an ni Iehoba ang tingug sang isa ka tawo; kay si Iehoba nagpakigaway tungud kay Israel.

15 Kag si Iosue, kag ang bug-os nga Israel kaupud niya, nagpauli sa dulugan sa Gilgal.

16 Apang yadtong lina ka hari nagpalalagyo kag nagpalanago sa isa ka lungib sa Makeda.

17 Kag ginpahibalo kay Iosue: "Nakit-an ang lima ka hari nga nagpanago sa isa ka lungib sa Makeda."

18 Kag si Iosue nagsiling: "Paligirinyo sing mga batô nga dalagku ang babâ sang lungib, kag butangan-ninyo sing mga tawo sa luyo niya, nga magbantay sa *ila*;

19 Kag kamo indi magdulúlog, kondi lagson-ninyo ang inyo mga kaaway, kag pamilason-ninyo sila nga mga naolehe, nga indi ninyo pagpabayaang nga makasulud sila sa *ila* mga kabanwaanang; kay gintugyan na sila sa inyo mga kamut ni Iehoba, nga inyo Dios."

20 Kag nahanabu nga, sang si Iosue kag ang mga anak ni Israel nakatapus sa pagpilas sa *ila* sing kamatay nga daku

gid kaayo, tuhtub nga nalaglag sila (Ang mga nagkalabilin sa ila nagsululud sa mga kabanwaan nga mga malig-on),

21 Ang bug-os nga banwa nagbalik nga may paghidaet sa dulugan kay Iosue sa Makeda; nga walâ sing sin-o nga maggiho sang iya dila batok sa mga inanak ni Israel.

22 Kag nagsiling si Iosue: "Buksininyo ang bâbâ sang lungib, kag ikuha ako ninyo sa iya sining lima ka hari.

23 Kag naghimo sila sing subung sini, kag ginkuha nila sa lungib yadtong lima ka hari: ang hari sang Ierusalem, ang hari sang Hebron, ang hari sang Iarmut, ang hari sang Lakis, kag ang hari sang Eglon.

24 Kag sang gindala nila kay Iosue yadtong lima ka hari, gintawag ni Iosue ang tanan nga mga lalaki sang Israel, kag nagsiling sa mga pangolo sang mga tawo nga sa pag-awayan, nga nagupud sa iya: "Palapit-kamo, kag ipamutang ninyo ang inyo mga tiil sa ibabaw sang mga liog sini nga mga hari." Kag sila nagpalapit, kag pinamutang nila ang ila mga tiil sa ibabaw sang mga liog nila.

25 Kag si Iosue nagsiling sa ila: "Dili kamo magkahadluk, kag dili kamo magkahanawa, kag magpalamakud-kamo kag magpangalig-on, kay subung sini pagahimoon ni Iehoba sa tanan ninyo nga mga kaaway, nga batok sa ila magpakigaway kamo.

26 Kag sa tapus sini, pinamilas sila ni Iosue, kag pinamatay sila, kag pinamatay sila niya sa lima ka kahoy, kag nabilin sila nga napamatay sa mga kahoy tuhtub sa hapon.

27 Kag nahanabu, sang oras sang pagkatunud sang adlaw, nga nagsogo si Iosue nga pagtaltalon sila sa mga kahoy, kag ipanapuk sila sa lungib, nga didto sila nagpalanago; kag binutangan nila sing dalagku nga mga batô ang bâbâ sang lungib, tuhtub karon nga adlaw.

28 Sadto man nga adlaw nakuha ni Iosue ang Makeda, kag ginpilas niya sia sa sulab sang hinganiban, kag ginatagudilian niya ang iya hari, ang iya mga pumuluyô kag ang tanan sa iya nga may kabuhi, nga walay nabilin bisan ano nga nakapalagyo; kag sa hari sang Makeda ginhimo niya ang subung sang ginhimo niya sa hari sang Ieriko.

29 Kag gikan sa Makeda naglaton si Iosue, kag ang bug-os nga Israel kaupud niya, pa Libna, kag nakigaway sia batok kay Libna:

30 Kag ang *Libna* man kag ang iya hari, tinugyan ni Iehoba sa kamut ni Israel; kag ginpilas niya sia sa sulab sang hinganiban upud ang tanan nga kalag nga didto sa iya, nga walay nabilin bisan ano nga nakapalagyo, kag ginhimo niya sa iya hari subung sang ginhimo niya sa hari sang Ieriko.

31 Kag si Iosue, kag ang bug-os nga Israel kaupud niya, naglaton gikan sa Libna pa Lakis, kag nagbutang sia sing dulugan batok sa iya, kag nagpakigaway batok sa iya.

32 Kag gintugyan ni Iehoba ang Lakis sa kamut ni Israel; kag nakuha niya sia sa ikaduha nga adlaw, kag pinilas sia niya sa sulab sang hinganiban pating tanan nga kalag nga yara sa iya, subung sang tanan nga ginhimo niya sa Libna.

33 Niyan si Horam, nga hari sang Geser, nagtaklad sa pagbulig sa Lakis; apang sia kag ang iya banwa pinilas ni Iosue, tuhtub nga walay nabilin bisan sin-o sa ila nga nakapalagyo.

34 Gikan sa Lakis naglaton si Iosue, kag ang bug-os nga Israel kaupud niya, pa Eglon; kag nagbutang sila sing dulugan batok sa iya, kag nagpakigaway sila batok sa iya.

35 Kag nakuha nila sia sadto man nga adlaw kag ginpilas nila sia sa sulab sang hinganiban; kag sadto nga adlaw gintagudilian niya ang bug-os nga kalag nga yara sa iya, subung sang tanan nga ginhimo niya sa Lakis.

36 Kag si Iosue, kag ang bug-os nga Israel kaupud niya, nagtalaklad gikan sa Eglon pa Hebron, kag nagpakigaway sila batok sa iya.

37 Kag nakuha nila sia, kag ginpilas nila sia sa sulab sang hinganiban, kag ang iya hari kag ang tanan niya nga mga kabanwaan, pating bug-os nga kalag nga yara sa iya, nga walay nabilin bisan sin-o nga nakapalagyo: subung sang tanan nga ginhimo niya sa Eglon: gintagudilian niya sia, patî ang bug-os nga kalag nga yara sa iya.

38 Kag si Iosue, kag ang bug-os nga Israel kaupud niya, nagbalalik nayon sa Debir, kag nagpakigaway sila batok sa iya.



39 Kag nakuha niya sia kag ang iya hari, kag ang tanan nila nga mga kabanwaan; kag ginpilas nila sila sa sulab sang hinganiban, kag gintagudilian nila ang bug-os nga kalág nga yara sa iya, nga walay nabilin bisan sino nga nakapalagyo: subung sang ginhimo niya sa Hebron, amo ining ginhimo niya sa Debir, kag sa iya kari, kag subung sang ginhimo niya sa Libna kag sa iya hari.

40 Pinamilas ni Iosue ang bug-os nga kadutaan, ang bukid, ang Bagatnan, ang mga kapatagan kag ang mga kabakoloran, kag ang tanan nila nga mga hari; nga walay nabilin bisan sin-o nga rakapalagyo: gintagudilian niya ang tanan nga nagaginhawa, subung nga ginsogo sa iya ni Iehoba, nga Dios ni Israel.

41 Kag pinamilas sila ni Iosue kutub sa Kades-Barnea tubtub sa Gasa, kag ang bug-os nga duta sang Gosen tubtub sa Gabaon.

42 Ining tanan nga mga hari kag ang ila mga duta nakuha ni Iosue sa makaisa; kag si Iehoba, ang Dios ni Israel, nagpakigaway tungud kay Israel.

43 Kag nagbalik si Iosue, kag ang bug-os nga Israel kaupud niya, sa dulugan sa Gilgal.

Ang daku nga pag-away malapit sa mga tubig sa Merom.—Mga pagdaug sa Aminhan kag sa nabilin sang duta.

**11** KAG sang nabati-an ini ni Jabin, nga hari sang Hasor, nagpadalá sia kay Iobab, nga hari sang Madon, kag sa hari sang Simron kag sa hari sang Aksap,

2 Kag sa mga hari, nga didto sila sa bahin sang Aminhan sa bukid, kag sa kapatagan sa Bagatnan sang Kinerot, kag sa mga kapatagan, kag sa mga nataasan sang Dor sa Katundan;

3 Kag sa Kanaanhon, nga didto sa Sidlangan kag sa Katundan, sa Amarinhon, sa Hetinhon, sa Peresinhon kag sa Iebusinhon sa bukid, kag sa Hebinhon sa idalum sang Hermon sa duta sang Mispa.

4 Kag ini sila naggulowa, sila kag kaupud nila ang tanan nila nga mga kasoldadosan, banwa nga daku, kaangay sa kadaniun sang balas nga yara sa

higad sang dagat, nga may mga kabayo kag mga kanga sa daku nga kadamuon.

5 Ining tanan nga mga hari nagtingub, kag nag-alabut kag ginbutang nila ang mga dulugan sing tingub, malapit sa mga tubig sang Merom, sa pagpakigaway batok kay Israel.

6 Kag si Iehoba nagsiling kay Iosue: “Dili ka magkahadluk sa ila; kay bus daw sa sini nga oras igatugyan ko ini sila tanan nga mga patay sa atubangan ni Israel: ang ila mga kabayo pagapangitinan mo, kag ang ila mga kanga pagasunugon mo sa kalayo.”

7 Kag si Iosue, kag kaupud niya ang bug-os nga banwa nga sa pag-awayan, naglalakat sila batok sa ila sa hinali sa luyo sang mga tubig sang Merom, kag ginsalakay nila sila.

8 Kag gintugyan sila ni Iehoba sa kamut ni Israel; kag ginpilas sila nila, kag ginlagas nila sila tubtub sa Sidon nga daku, kag tubtub sa Misrepot-maim, tubtub sa nalupyakan sang Mispa pa Sidlangan; kag ginpilas nila sila tubtub nga walâ sing bisan sin-o nga binilin sa ila nga nakapalagyo.

9 Kag ginhimo ni Iosue sa ila siling sang ginsogo ni Iehoba sa iya: pina-ngitinan niya ang ila mga kabayo, kag ang ila mga kanga ginsunog niya sa kalayo.

10 Kag sang si Iosue nagsugud liwan, ginkuha niya ang Asor sa amo man nga dag-on, kag pinilas niya sa hinganiban ang iya hari: kay ang Asor amo anay sadto ang olo sining tanan nga mga ginharian.

11 Kag ginpilas nila sa sulab sang hinganiban ang tanan nga kalág nga yara sa iya, nga gintagudilian nila sila; walay butang nga nabalin nga nagaginhawa, kag ang Asor ginsunog nila sa kalayo.

12 Kag ginkuha ni Iosue ang tanan nga mga kabanwaan: sini nga mga hari, kag ang tanan nga mga hari nila, kag ginpilas niya sila sa sulab sang hinganiban, kag gintagudilian niya sila, sono sang ginsogo sa iya ni Moises, nga ulipon ni Iehoba.

13 Lamang nga walâ pagsunuga ni Israel bisan ano nga mga banwa nga nabilin, nga nagatindug didto sa ila mga kabakoloran, gawas lamang ang Asor, nga sinunog ni Iosue.

14 Kag gin-ati sang mga anak ni

Israel nga sa ila ang tanan nga inagaw kag ang mga kasapatan sini nga mga kabanwaan: kag ang tanan nga mga tawo ginpilas nila sa sulab sang hinganiban, tubtub nga ginlaglag nila sila nga tanan, nga walâ sing bisan ano nga nabilin nga nagaginhawa.

15 Subung sang ginsogo ni Iehoba kay Moises, n̄a iya ulipon, amo man ang ginsogo ni Moises kay Iosue; kag amo man ang ginhimo ni Iosue, nga walay paglipas sa bisan ano nga ginsogo ni Iehoba kay Moises.

16 Kag kinuha ni Iosue ining bug-os nga duta: ang bukid, kag ang bug-os nga Bagatnan, kag ang bug-os nga duta sang Gosen, kag ang mga manubo kag ang mga kapatagan, kag ang bukid ni Israel, kag ang iya manubo,

17 Kutub sa bukid sang Halak, nga nagataklad tubtub sa Seir, tubtub sa Baal-Gad, sa nalupyakan sang Libano, sa kunsaran sang bukid nga Hermon; kinuha niya ang tanan nga mga hari nila, nga ginpilas niya kag pinamatay sila.

18 Sa madamu nga mga adlaw nagpakigaway si Iosue batok sining tanan nga mga hari.

19 Walâ sing banwa nga nakapakighidaet sa mga inanak ni Israel, gawas sang mga Hebinhon nga mga pumuluyô sa Gabaon: ang tanan kinuha nila tungud sa pagpakigaway:

20 Kay naggikan kay Iehoba, nga pinatig-a nila ang ila mga tagiposoan, agud nga magkadto sila nga sa pagpakigaway kay Israel, agud nga pagtagudilian niya sila, nga walâ sa ila sing kalooy, kondi nga paglaglagon niya sila, subung sang ginsogo ni Iehoba kay Moises.

21 Sa amo man nga dag-on nag-abut si Iosue kag gintapus niya ang mga Anakinhon sa kabukiran sang Hebron, sang Debir, kag sang Anab, kag sa bug-os nga kabukiran sa Iuda, kag sa bug-os nga ka bukiran sa Israel: gin-tagudilian sila ni Iosue patí ang ila mga kabanwaan.

22 Kay bisan sin-o sa mga Anakinhon nga nabilin sa duta sang mga inanak ni Israel; lamang nagkalablin sila sa Gasa, sa Gat kag sa Asdod.

23 Busa, kinuha ni Iosue ang bug-os nga duta, sono sa tanan nga ginsogo ni Iehoba kay Moises; kag ginhatag sia

ni Iosue sa mga Israelinhon nga panublion, sono sa ila mga pagpinahat, sono sang ila kabikahan: kag ang duta napahuway sa pagpakigawayan.

Listahan sang mga hari nga nadaug ni Israel.

**12** YARI karon ang mga hari sang duta, nga pinamilas sang mga inanak ni Israel, kag nga ang ila duta gintagiya nila sa isa ka pihak sang Iordan nayon sa Sulubangan, kutub sa kasulgan sang Arnon, tubtub sa bukid sang Hermon, patí ang bug-os nga kapatagan nayon sa Sulubangan:

2 Si Sihon, hari sang mga Amorinhon, nga nagpuyô sa Hesbon, kag nag-gahum kutub sa Aroer, nga yara sa binit sang kasulgan sang Arnon kag sa tungâ sang sapa, kag sa ibabaw sang kapihak sang Galaad, tubtub sa kasulgan nga Iabok, ang dulunan sang mga anak ni Amon:

3 Kag sa ibabaw sang kapatagan tubtub sa dagat sang Kinerot nayon sa Sulubangan, kag kutub sa dagat sang kapatagan, ang dagat nga Maasin, sa dalan sang Bet-iesimot, kag sa Bagatnan, sa kunsaran sang Pisga.

4 *Kag nagtagiya sila man* sang mga dulunan ni Og, nga hari sang Basan, isa ka nabilin sa mga Repainhon, nga nagpuyô sia sa Astarot kag sa Edrei;

5 Kag naggahum sia sa bukid sang Hermon, sa Salka, kag sa bug-os nga Basan, tubtub sa mga dulunan sang mga Gesurinhon kag sang mga Maakanhon, kag ang kapihak sang Galaad, dulunan ni Sihon, nga hari sang Hesbon.

6 Ini sila pinamilas ni Moises, ulipon ni Iehoba, kag sang mga anak ni Israel; kag si Moises, ulipon ni Iehoba, naghatag sadto nga duta sa pagkaugalingon sa mga Rubeninhon, sa mga Gadinhon, kag sa tungâ sang kabikahan ni Manases.

7 Kag yari karon ang mga hari sang duta nga pinamilas ni Iosue, sia kag ang mga inanak ni Israel sa isa ka pihak sang Iordan, nayon sa Katundan, kutub sa Baal-Gad sa nalupyakan sang Libano, tubtub sa bukid sang Halak, nga nagataklad pa Seir (Kag ginhatag ni Iosue ining *duta* sa pagkaugalingon sa kabikahan ni Israel, sono sa ila mga pagpamahat:

8 Sa kabukiran, sa manubo, sa kapatagan, kag sa mga kunsaran, sa kahana-



yakan, kag sa Bagatnan: ang mġa Hetinhon, ang mġa Amorphon, ang mġa Kanaanhon, ang mġa Peresinhon, ang mġa Hebinhon, kag ang mġa Iebusinhon), *kon sayoron*:

9 Ang hari sang Ieriko, isa: kag ang hari sang Hai, nġa yara sa luyo sang Bethel, isa *man*:

10 Ang hari sang Ierusalem, isa: ang hari sang Hebron, isa:

11 Ang hari sang Iarmut, isa: ang hari sang Lakis, isa:

12 Ang hari sang Eglon, isa: ang hari sang Geser, isa:

13 Ang hari sang Debir, isa: ang hari sang Geder, isa:

14 Ang hari sang Horma, isa: ang hari sang Arad, isa:

15 Ang hari sang Libna, isa: ang hari sang Adulam, isa:

16 Ang hari sang Makeda, isa: ang hari sang Bethel, isa:

17 Ang hari sang Tapua, isa: ang hari sang Heper, isa:

18 Ang hari sang Apek, isa: ang hari sang Lasaron, isa:

19 Ang hari sang Madon, isa: ang hari sang Hasor, isa:

20 Ang hari sang Simron-Meron, isa: ang hari sang Aksap, isa:

21 Ang hari sang Taanak, isa: ang hari sang Megido, isa:

22 Ang hari sang Kedes, isa: ang hari sang Iokneam sang Karmelo, isa:

23 Ang hari sang Dor, sa kabakoloran sang Dor, isa: ang hari sang mġa kawatowhan sa Gilgal, isa:

24 Ang hari sang Tirsas, isa: katloan kag isa ka hari sing tingub.

Pagpabat sang duta sa Sidlangan sang Iordau.

**13** KAG si Iosue among tigulang na, nġa sobol sa katigulangon; kag nagsilingsa iya si Iehoba: "Ikaw tigulang na, sobol na sa katigulangon, kag ang duta nġa nabilin pa sa pagtagiya tama gid ka daku.

2 Ini among duta nġa nabilin: ang tanan nġa mġa kadulunan sang mġa Pilistinhon kag ang bug-os nġa mġa Gesurinhon;

3 Kutub sa Sihor, nġa nagailig sa atubangan sang Egipto, tubtub sa dulunan sang Ekron, nayon sa Aminhan, nġa binilang nġa *nahanungud* sa mġa Kanaanhon: *kon sayoron*, sa lima ka gobernador

sang mġa Pilistinhon: ang Gasanhon, ang Asdodinhon, ang Askaloninhon, ang Getinhon kag ang Ekroninhon, subung man *ang dulunan* sang mġa Hebinhon;

4 Sa Bagatnan, ang bug-os nġa duta sang mġa Kanaanhon kag ang Me-ara, nġa iya sang mġa Sidoninhon, tubtub sa Apek, tubtub sa dulunan sang mġa Amorphon:

5 Kag ang duta sang mġa Giblesinhon kag ang bug-os nġa Libano, nayon sa Sulubangan kutub sa Baal-Gad, sa kunsaran sang bukid nġa Hermon, tubtub sa salamputan sang Hamat:

6 Ang tanan nġa mġa pumuluyô sa mġa bukid, kutub sa Libano tubtub sa Misreput-main, ang tanan nġa mġa Sidoninhon. Pagasobolon ko sila sa atubangan sang mġa inanak ni Israel; lamang pagapamahaton mo ining mġa kadutaan sa papalad sa mġa Israelinhon nġa panublion, subung sang ginsogo ko sa imo.

7 Busa, pahata karon ining duta nġa panublion sa siam ka kabikahan, kag sa katungâ sang kabikahan ni Manases.

8 Ang mġa Rubeninhon kag ang mġa Gadinhon upud ang isa ka tungâ ni Manases nagbaton sang ila panublion, nġa ginhatag sa ila ni Moises sa isa ka luyo sang Iordan nayon sa Sulubangan, siling sang ginhatag sa ila ni Moises, nġa ulipon ni Iehoba:

9 Kon sayoron kutub sa Aroer, nġa yara sa binit sang kasulgan sang Arnon, kag ang banwa nġa yara sa tungâ sang kasulgan, kag ang bug-os nġa kapatagan sang Medeba, tubtub sa Dibon,

10 Kag ang tanan nġa mġa kabanwanan ni Sihon, nġa hari sang mġa Amorphon, nġa naghari sa Hesbon, tubtub sa mġa dulunan sang mġa anak ni Amon,

11 Kag ang Galaad, kag ang mġa dulunan sang mġa Gesurinhon kag sang mġa Maakainhon, kag ang bug-os nġa bukid sang Hermon, kag ang bug-os nġa *duta* sang Basan, tubtub sa Salka,

12 Ang bug-os nġa ginharian ni Og, sa Basan, nġa naghari sa Astarot kag sa Edrei (nġa sia ang napabilin sa nagkabilin sa mġa Repainhon), nġa pinilas sila, kag sinobol ni Moises.

13 Apang ang mġa Gesurinhon kag ang mġa Maakainhon walâ pagsobola sang mġa anak ni Israel; kag si Gesur

kag si Maaka nagpuluyô sa tungâ sang mġa inanak ni Israel, tubtub karon.

14 *Apang* sa kabikahan ni Lebi walâ sia maghatag sing panublion: ang mġa halad nġa sinunog kay Iehoba, nġa Dios ni Israel, among ila panublion, subung sang ginsiling niya sa ila.

15 Busa, naghatag si Moises sa kabikahan sang mġa anak ni Ruben sang *iya bahin*, sono sa ila mġa panimaláy.

16 Kag ang kadutaan nila amo kutub sa Aroer, nġa yara sa binit sang kasulgan sang Arnon, kag kutub sa banwa nġa yara sa tungâ sang kasulgan, kag ang bug-os nġa kapatagan sa Medeba:

17 Ang Hesbon pating tanan niya nġa mġa kabanwaan, nġa yara sa kapatagan, ang Dibon, kag ang Bamot-Baal, kag ang Bet-Baal-Meon,

18 Kag ang Iasa, kag ang Kedemot, kag ang Mepaat,

19 Kag ang Kiriataim, kag ang Sibma, kag ang Seret-sahar, sa bukid sang nalupyakan,

20 Kag ang Bet-Peor, ang mġa kunsaran sang Pisga kag ang Bet-iesimot;

21 Kag ang tanan nġa mġa kabanwaan sang ka patagan, kag ang bug-os nġa ginharian ni Sihon, hari sang mġa Amorinhon, nġa naghari sa Hesbon; nġa sia ang pinilas ni Moises, sia kag ang mġa dunganon sang Madian, si Hebi, si Rekem, si Sur, si Hur kag si Reba, mġa dunganon ni Sihon, nġa nagpuluyô sadto nġa duta.

22 Pinatay man sa hinganiban sang mġa inanak ni Israel si Balaam, anak ni Beor, nġa manugpakot, patí ang iban nġa pinamatay nila.

23 Kag ang dulunan sang mġa anak ni Ruben, among Iordan nġa nangindulunan. Ini among panublion sang mġa anak ni Ruben, sono sa ila mġa panimaláy: ang mġa kabanwaan patí ang ila mġa minoro.

24 Kag naghatag si Moises sa kabikahan ni Gad, sa mġa anak ni Gad sang *ila bahin*, sono sa ila mġa panimaláy.

25 Ang mġa dulunan nila among Iaser, kag ang tanan nġa mġa kabanwaan ni Galaad, kag ang katungâ sang duta sang mġa anak ni Amon, tubtub sa Aroer, nġa yara sa atubangan sang Raba,

26 Kag kutub sa Hesbon tubtub sa Ramat-mispe kag sa Betonim, kag ku-

tub sa Mahanaim tubtub sa dulunan sang Debir;

27 Kag, sa nalupyakan, ang Bet-Haram, ang Bet-Nimra, ang Sukot kag ang Sapon, ang nabilin sang ginharian ni Sihon, hari sa Hesbon: ang Iordan nangindulunan tubtub sa ukbung sang dagat sang Kinerot, sa isa ka pihak sang Iordan, nasyon sa Sulubangan.

28 Ini among panublion sang mġa anak ni Gad, tungud sa ila panimaláy: ang mġa kabanwaan patí ang ila mġa minoro.

29 Naghatag man si Moises sang *bahin* sa katungâ sang kabikahan ni Manases: kag ang *bahin* sang katungâ sang kabikahan ni Manases, nanginsono sa ila mġa panimaláy.

30 Ang dulunan nila amo kutub sa Mahanaim, ang bug-os nġa Basan, ang bugos nġa ginharian ni Og, hari sa Basan, kag ang tanan nġa mġa banwa sang Iair, nġa yara sila sa Basan, kanuman ka binanwa.

31 Kag ang katungâ sang Galaad, kag ang Astarot, kag ang Edrei, mġa kabanwaan sang ginharian ni Og, sa Basan, *napalaran* sa mġa anak ni Makir, anak ni Manases, sa katungâ sang mġa anak ni Makir, sono sa ila mġa panimaláy.

32 Ini among mġa panublion nġa ginhatag ni Moises, sa mġa kapatagan ni Moab, sa isa ka pihak sang Iordan sa Ieriko, nasyon sa Sulubangan.

33 Apang sa kabikahan ni Lebi walâ si Moises maghatag sing panublion: si Iehoba, nġa Dios ni Israel, amo ang ila panublion, subung sang ginsiling niya sa ila.

Ang Hebron hinatag sa pagkakaugalingon  
kay Kaleb.

14 INI among mġa panublion nġa ginbaton sang mġa inanak ni Israel sa duta sang Kanaan, nġa pinamhat sa ila ni Eleasar, nġa saserdote, ni Iosue, anak ni Nun, kag sang mġa pangolo sang mġa ginikanan sang mġa kabikahan sang mġa inanak ni Israel,

2 Sono sang pagpapalad sang ila panublion, subung sang ginsogo ni Iehoba tungud kay Moises, nġa sa siam ka kabikahan kag sa *isa* ka katungâ nġa kabikahan.

3 Kay sa duha ka kabikahan kag sa



isa ka tungâ nga kabikahan, ginhatagan sila ni Moises sing panublion sa isa ka pihak sang Iordan; apang sa mga Lebinhon walâ sia maghatag sing panublion sa tungâ nila.

4 Kay ang mga anak ni Iose nanginduha ka kabikahan sila, si Manases kag si Ephraim: kag walâ paghatagi sing pahat ang mga Lebinhon sa duta, kondi lamang sing mga kabanwaanang nga ila pagapuy-an, patí ang ila mga halalban nga sa ila mga kahayupan kag sa ila mga pagkabutang.

5 Subung sang ginsogo ni Iehoba kay Moises, amo ini ang ginhimo sang mga anak ni Israel; kag ginpamahat nila ang duta.

6 Kag ang mga anak ni Iuda nagpalapit kay Iosue sa Gilgal; kag si Kaleb, anak ni Iepone, nga Kenesinhon, nagsiling sa iya: "Ikaw nakasayud sang ginsiling ni Iehoba kay Moises, lalaki sang Dios, sa Kades-Barnea, nahanungud sa akon kag sa imo.

7 Ako nagedad sadto sing kap-atan ka tuig, sang pagpadalâ sa akon ni Moises, nga ulipon ni Iehoba, gikan sa Kades-Barnea sa pagusisa sang duta, kag ginsugid ko sa iya ang butang siling sang sa akon tagiposoon:

8 Apang ang akon mga útud, ang mga nagtalaklad kaupud nakon, ginpalapyo nila ang tagiposoon sang banwa; apang ako nagsunod sing bug-os gid kay Iehoba nga akon Dios.

9 Kag si Moises nagsumpa sadtong adlaw, nga nagasiling: Ang duta nga natapakan sang imo tiil, magmangin sa imo kag sa imo mga anak nga panublion nga dayon: tungud kay nagsunod ka sing bug-os gid kay Iehoba, nga akon Dios.

10 Kag yari karon, sono sang ginsiling niya, ginhimo ni Iehoba nga magkabuhi ako sining kap-atan kag lima ka tuig, kutub nga si Iehoba naghambal sini nga polong kay Moises, sang si Israel naglakat sa kahanayakan: kag yari karon, nga ako nagedad sing kawaloan kag lima ka tuig sa sining adlaw.

11 Sa karon nga adlaw tama ako ka kusug nga subung sang adlaw nga ginpadalâ ako ni Moises: nga kon amo sadto ang akon kusug, amo man sa karon, nga sa pag-awayan, kag sa paggowa kag sa pagsulúd.

12 Busa, ihatag karon sa akon ang bukid, nga among ginhambal ni Iehoba sadto nga adlaw. Kay ikaw nakabati sadto nga adlaw, nga ang mga Anakinhon adto didto, kag nga may didto ang mga dalagku kag mga malig-on nga mga kabanwaanang. Ayhan si Iehoba manginkaupud nakon, kag pagasobolon ko sila, subung sang ginhambal ni Iehoba."

13 Kag ginpakamaayo sia ni Iosue, kag ginhatag niya kay Kaleb, nga anak ni Iepone, ang Hebron nga panublion.

14 Tungud sini ang Hebron nanginiya ni Kaleb, anak ni Iepone, nga Kenesinhon, nga panublion tubtub karon, kay nagsunod sia sing bug-os gid kay Iehoba, nga Dios ni Israel.

15 Apang ang ngalan sang Hebron sadto anay among Kiriath-Arba: amo sadto si Arba ang tawo nga daku sa mga Anakinhon. Kag ang duta nakapahuway nga walâ sing inaway.

#### Ang bahin ni Iuda.

**15** KAG ang kapalaran napapalad sa kabikahan sang mga anak ni Iuda, sono sang ila mga panimaláy, kutub sa dulunan sang Edom, nga may kahanayakan sang Sin nayon sa Bagatnan, sa ukbong sang Bagatnan.

2 Kag ang ila dulunan nayon sang Bagatnan among kutub sa kahigaran sang dagat nga Maasin, kutub sa look nga nagaatubang nayon sa Bagatnan,

3 Kag nagagowa sia nayon sa Bagatnan gikan sa taklaron sang Akrahim, nga nagaagi nayon sa Sin; kag nga nagataklad sa Bagatnan gikan sa Kades-Barnea, kag nagaagi sa Hesron, kag nagataklad nayon sa Adar, kag nagabalik pa Karkaa;

4 Gikan didto nagaagi sia sa Asmon, kag nagagowa sa kasulgan sang Egipto; kag nagagowa ini nga dulunan sa dagat. Ini mangindulunan ninyo sa Bagatnan.

5 Kag ang dulunan sang Sidlangan among dagat nga Maasin tubtub sa gibwangang sang Iordan. Kag ang dulunan sa luyo sang Aminhan, nagahalín sa look sang dagat nga Maasin, sa gibwangang sang Iordan;

6 Kag nagataklad ang dulunan sa Bet-Hogla, kag nagaagi sa Aminhan sa Bet-Araba; kag ang dulunan nagataklad pa Bató ni Bohan, anak ni Ruben;

7 Kag ang dulunan nagataklad sa De-

bir, kutub sa nalupyakan sang Akor, kag nayon sa Aminhan nagapadulong sia nayon sa Gilgal, nga yara sa atubangan sang taklaron sang Adumim, nga yara sia sa Bagatnan sang kasulgan; kag nagaagi ang dulunan sa mga tubig sang Ensemes, kag nagakatapus sia nayon sa Enrojel;

8 Kag nagataklad ang dulunan sa nalupyakan sang anak ni Hinom nayon sa luyo sang Bagatnan sang mga lebusinhon, nga among Ierusalem; kag ini nga dulunan nagataklad sa putokputokan sang bukid nga yara sa atubangan sang nalupyakan sang Hinom pa Katundan, nga yara sa ukbung sang Aminhan sang nalupyakan sang mga Repainhon;

9 Kag ginabadlit ang dulunan kutub sa putokputokan sang bukid tubtub sa tuburan sang mga tubig sang Nepto, kag nagagowa pa mga kabanwaan sang bukid sang Epron; kag ginabadlit ang dulunan sa Baala, nga among Kiriati-earim.

10 Kag kutub sa Baala ang dulunan nagbalik nayon sa Katundan, nayon sa bukid sang Seir, kag nagaagi sa luyo nga Aminhan sang bukid sang Iearim, nga among Kesalon, kag nagadolhog sia pa Bet-Semes, kag nagaagi pa Timna.

11 Kag nagagowa ang dulunan sa luyo nga Aminhan sang Ekron; kag ginabadlit ang dulunan nayon sa Sikron, kag nagaagi sa bukid sang Baala, kag nagagowa sa Iabneel; kag ang gulowaan sang dulunan amo ang dagat.

12 Kag ang dulunan sang Katundan among dagat nga Daku nga nangindulunan. Ini among dulunan sang mga anak ni Iuda, sa palibot, sono sang ila mga panimalay.

13 Apang sono sa sogo ni Iehoba kay Iosue, ginhatagan si Kaleb, anak ni Iepone, sing bahin sa tunga sang mga anak ni Iuda: ang Kiriati-Arba, amay ni Anak (nga among Hebron).

14 Kag sinobol didto ni Kaleb ang tatlo ka batâ ni Anak: Si Sesai, si Aiman kag si Talmai, mga batâ ni Anak.

15 Gikan diri nagtaklad sia batok sa mga pumuluyô sa Debir, kag ang ngalan sang Debir amo anay sadtong Kiriati-seper.

16 Kag nagsiling si Kaleb: "Sa makapilas kay Kiriati-seper kag maku-

ha sia, igahatag ko sa iya nga asawa ang akon anak nga si Aksa."

17 Kag nakuha sia ni Otniel, anak ni Kenas, útud ni Kaleb; kag ginpaasawa niya sa iya ang iya anak nga si Aksa.

18 Kag nahanabu nga, sang pagsulud niya sa iya, ginsugyot niya sia nga mangayô sa iya amay sing isa ka latagon. Kag sia naglusa sa asno: kag si Kaleb nagsiling sa iya: "¿Anong imo?"

19 Kag sia nagsabat: "Tagai ako sing pagpakamaayo; kay ginhatagan mo ako sing duta nga nabagatnan; tagai man ako sing mga tuburan sang tubig." Kag ginhatagan sia niya sing mga tuburan nga sa ibabaw kag sang mga sa idalum.

20 Yari karon ang panublion sang kabikahan sang mga anak ni Iuda, sono sang ila mga panimalay.

21 Ang mga kabanwaan sang mga ukbung sang kabikahan sang mga anak ni Iuda nayon sa dulunan sang Edom, sa Bagatnan, amo: ang Kabseel, ang Eder kag ang Iagur,

22 Ang Kina, ang Dimona kag ang Adada;

23 Ang Kedes, ang Hasor kag ang Itnan;

24 Ang Sip, ang Telem kag ang Bealot;

25 Ang Hasor-hadata kag ang Keriot-Hesron, nga among Hasor;

26 Ang Aman, ang Sema kag ang Molada;

27 Ang Hasar-gada, ang Hesmon kag ang Bet-palet;

28 Ang Hasar-Sual, ang Beer-seba kag ang Besiotia;

29 Ang Baala, ang Heim kag ang Esem;

30 Ang Eltolad, ang Kesil kag ang Horma;

31 Ang Siklag, ang Madmana kag ang Sansana;

32 Ang Lebaot, ang Silhim, ang Ain kag ang Rimon; ang tanan nga mga kabanwaan: duha ka pulô kag siam patí ang ila mga minoro.

33 Sa mga manubo: ang Estaol, ang Sorea kag ang Asena;

34 Ang Sanoa, ang En-Ganim, ang Tapua kag ang Enam;

35 Ang Iarmut, ang Adulam, ang Suko kag ang Aseka;

36 Ang Saraim, ang Aditaim, ang Geder kag ang Gederotaim: napulô



kag apat ka kabanwaan, patí ang íla mġa minoro.

37 Ang Senan, ang Hadasa kag ang Migdal-Gad;

38 Ang Dilan, ang Mispa kag ang Ioteel;

39 Ang Lakis, ang Boskat kag ang Eglon;

40 Ang Kabon, ang Lamas kag ang Kittlis;

41 Ang Gederot, ang Bet-Dagon, ang Naama kag ang Makeda: napúlô kag anum ka kabanwaan patí ang íla mġa minoro.

42 Ang Libna, ang Eter kag ang Asam;

43 Ang Lipta, ang Asena kag ang Nesib;

44 Ang Keila, ang Aksib kag ang Maresa: siam ka kabanwaan patí ang íla mġa minoro.

45 Ang Ekron patí ang iya mġa kabanwaan kag ang iya mġa minoro.

46 Kutub sa Ekron kag sa Katundan, ang tanan nġa mġa yara sa kasilingan sang Asdod, patí ang íla mġa minoro;

47 Ang Asdod patí ang iya mġa kabanwaan kag mġa minoro; ang Gasa patí ang iya mġa kabanwaan kag ang iya mġa minoro, tubtub sa kasulgan sang Egipto, kag ang daku nġa dagat nġa nangindulunan.

48 Kag sa kabukiran: ang Samir, ang Iatir kag ang Suko;

49 Ang Dana, ang Kiriát-Sana, nġa among Debir;

50 Ang Anab, ang Estemo kag ang Anim;

51 Ang Gosen, ang Holon kag ang Gilo: napúlô kag isa ka kabanwaan patí ang íla mġa minoro.

52 Ang Aran, ang Duna kag ang Esan;

53 Ang Ianum, ang Bet-Tapua kag ang Apeka;

54 Ang Humta, ang Kiriát-Arba (nġa among Hebron), kag ang Sior: siam ka kabanwaan patí ang íla mġa minoro.

55 Ang Maon, ang Karmelo, kag ang Sip kag ang Iuta;

56 Ang Iesreel, ang Iokdeam kag ang Sanoa;

57 Ang Kain, ang Gibeá kag ang Timna: napúlô ka kabanwaan patí ang íla mġa minoro.

58 Ang Halhul, ang Bet-sur kag ang Gedor;

59 Ang Maarat, ang Bet anot, kag ang Eltekon: anum ka kabanwaan patí ang íla mġa minoro.

60 Ang Kiriát-Baal nġa among Kiriát-Iearim kag ang Raba: duha ka banwa patí ang íla mġa minoro.

61 Sa kahanayakan: ang Bet-araba, ang Midin kag ang Sekaka;

62 Ang Nibsan, kag ang Banwa sang Asin, sa En-gedi: anum ka kabanwaan patí ang íla mġa minoro.

63 Nahanungud sa mġa Iebusinhon, nġa nagpuluyô sa Ierusalem, ang mġa anak ni Iuda walâ makasobol sa íla; kag ang mġa Iebusinhon nagapuyô sa Ierusalem upud ang mġa anak ni Iuda tubtub karon nġa adlaw.

#### Bahin ni Ephraim.

**16** KAG ang kapalaran napalad sa mġa anak ni Iose kutub sa Iordan sa Ieriko tubtub sa mġa tubig sang Ieriko, nayon sa Sulubangan, ang kahanayakan nġa nagtaklad sa Ieriko pa kabukiran sang Bethel;

2 Kag ang *dulunan* nagagikan sa Bethel pa Lus kag nagaagi pa dulunan sang mġa Arkinhon pa Astarot;

3 Kag napanaug sia sa Katundan nayon sa dulunan sang mġa Iapletinhon, tubtub sa dulunan sang Bet-Horon, sa idalum kag tubtub sa Geser; kag ang gulawaan niya amo ang dagat.

4 Kag nakabaton sing panublion didto ang mġa anak ni Iose, *ni* Manases kag *ni* Ephraim.

5 Kag amo ini ang dulunan sang mġa anak ni Ephraim, sono sa íla mġa panimaláy. Ang dulunan sang íla panublion amo sa Sulubangan: ang Atarot-Adar tubtub sa Bet-Horon, sa ibabaw;

6 Kag ang dulunan napakatundan nayon sa Mikmeta, pa Aminhan, kag nagapanumbalik ini nġa dulunan nayon sa Sidlangan pa Taanat-silo; kag ang dulunan nagbalik sa Sulubangan nayon sa Taanat-Silo, kag nagligad sa iya napa Sulubangan nayon sa Ianoa;

7 Kag gikan sa Ianoa nagadolhog sia pa Atarot kag pa Naarata, kag nagalambut sia sa Ieriko kag nagagowa sa Iordan.

8 Kag gikan sa Tapua ang dulunan napa Katundan sa kasulgan sang Kana, kag ang gulawaan niya amo ang dagat. Ini among panublion sang kabikahan

sang mga anak ni Epraim, sono sa ila mga panimaláy.

9 May mga kabanwaan man nga pinain nga sa mga anak ni Espraim sa tungâ sang panublion sang mga anak ni Manases: ining tanan nga kabanwaan patí ang ila mga minoro.

10 Kag walâ nila masobol ang mga Kanaanhon, nga nagapuyô sa Geser; kag ang mga Kanaanhon nagapuluyô sa tungâ ni Eparim tubtub karon nga adlaw, kag nanġinmagbubuhis sila.

#### Bahin ni Manases.

**17** KAG ginpapalad man nga sa kabikahan ni Manases, kay pang'anay sia ni Iose. Nahanungud kay Makir, pang'anay ni Manases kag amay ni Galaad, tungud kay tawo sia nga sa pagawayan, naiya niya ang Galaad kag ang Basan.

2 Kag may ginpapalad man nga sa iban nga mga anak ni Masases, sono sa ila mga panimaláy: nga sa mga anak ni Abieser, nga sa mga anak ni Helek, nga sa mga anak ni Asriel, nga sa mga anak ni Sikem, nga sa mga anak ni Heper kag nga sa mga anak ni Semida: ini sila among mga anak nga lalaki ni Manases, anak ni Iose, sono sang ila mga panimaláy.

3 Nahanungud kay Seopeahad, anak ni Heper, anak ni Galaad, anak ni Makir anak ni Manases, walâ siay mga anak nga lalaki kondi mga babae; kag yari karon ang mga ngalan sang iya mga anak nga babae: Si Maala, si Noa, si Hogla, si Milka kag si Tirsá.

4 Ini sila nag-atubang kay Eleaser, nga saserdote, sa atubangan ni Iosue, anak ni Nun, kag sa atubangan sang mga dunganon, nga nagasililing: "Si Iehoba nagsogo kay Moises, nga hatagan kami niya sing panublikon sa tungâ sang amon mga útud." Busa ginhatagan sila sing panublion sa tungâ sang mga útud sang ila amay, sono sang sogo ni Iehoba.

5 Kag naholog kay Manases ang napúlô ka bahin labut pa sang duta sa Galaad kag sa Basan, nga yara sa isa ka luyo sang Iordan;

6 Kay ang mga anak nga babae ni Manases nagbalaton sing panublikon sa tungâ sang iya mga anak nga lalaki:

kag ang duta sang Galaad ila sang iban nga mga anak nga lalaki ni Manases.

7 Kag ang dulunan ni Manases among kutub sa Aser tubtub sa Mikmetat, nga yara sa atubangan sang Sike n, kag ang dulunan nagapadulong nayon sa Bagatnan, nayon sa mga pumuluyô sa En-Tapua.

8 Kag ang duta sang Tapua iya ni Manases, apang ang Tapua, nga yara sa dulunan ni Manases, iya sang mga anak ni Epraim.

9 Kag nagadolhog ang dulunan sa kasulgan sang Kana, sa Bagatnan sang kasulgan. Ini nga mga kabanwaan iya ni Epraim, yara sa tungâ sa mga banwa ni Manases. Kag ang dulunan ni Manases among kutub sa Aminhan sang kasulgan, kag ang iya mga gulowaan among dagat.

10 Sa Bagatnan ang duta iya ni Epraim, kag sa Aminhan iya ni Manases; kag ang dagat nanġiniya dulunan. Kag nagakililita sila kay Aser sa Aminhan, kag kay Isakar sa Sulubangan.

11 May iya man si Manases sa Isakar kag sa Aser: ang Bet-sean kag ang ila mga minoro, ang Ibleam kag ang iya mga minoro, ang mga pumuluyô sang Dor kag ang ila mga minoro, ang mga pumuluyô sang Endor kag ang ila mga minoro, ang mga pumuluyô sang Taanak kag ang ila mga minoro, ang mga pumuluyô sang Megido kag ang ila mga minoro: tatlo ka kadutaan nga bakolod.

12 Apang ang mga anak ni Manases walâ sila makasarang pagtagiya sining mga kabanwaan; kag ang mga Kanaanhon naluyag magpuyô sa sadtong duta.

13 Apang sang ang mga anak ni Israel nanġinmabakuk, nahimo nila nga bumuluhi ang mga Kanaanhon, apang walâ nila masobol sing bug-os gid.

14 Kag ang mga anak ni Iose naghalambal kay Iosue, nga nagasililing: "¿Kay ngaa bala ginhatagan mo ako nga panublikon sing isa lamang ka kapalaran kag isa lamang ka bahin, sa akon nga among banwa nga daku, nga si Iehoba nagpakamaayo sa akon sing subung sini tubtub karon?"

15 Kag si Iosue nagsabat sa ila: "Kon amo ikaw ang daku nga banwa, takladka sa talonan, kay umhon-mo didto ang isa ka duta nga sa imo sa duta sang mga Peresinhon kag sang mga



Repainhon, kay ang bukid ni Epraim among makitid nga sa imo."

16 Ang mga anak ni Iose nagsalabat: "Indi tuman sa amon ini nga bukid; kag ang tanan nga mga Kanaanhon, nga nagapuluyô sang duta sang Nalupyakan, may mga kanga nga salsalon; ang mga yara sa Bet-sean kag sa iya mga minoro, kag ang mga yara sa nalupyakan sang Iesreel."

17 Niyan si Iosue nagsabat sa panimaláy ni Iose, kay Epraim kag kay Manases, nga nagasiling: "Ikaw among daku nga banwa, kag may daku ka nga kusug: indi isa lamang ka kapalaran ang manginimo;

18 Kay ang kabukiran manginimo; nga bisan pa kakahoyan, pagaumhon mo sia, kag mauginimo ang iya mga kalaparon: kay pagasobolon mo ang Kanaanhon, bisan pa may kanga nga salsalon, kag bisan pa makusug sila."

Ang Puluy-an ginpahamtang sa Silo.—Ang nabilin sang duta ginapahat tungud sa kapalaran.

**18** KAG ang bug-os nga katilingban sang mga anak ni Israel nagtilingub sa Silo, kag pinahamtang nila didto ang Layanglayang sang pakigkitaan, kag ang duta nagpasakup sa atubangan nila.

2 Apang nagkalabilin sa nga inanak ni Israel ang pito ka kabikahan, nga walâ pa sila mapamahati sang ila panublion;

3 Kag si Iosue nagsiling sa mga inanak ni Israel: "¿Tuhtub san-o pa bala nga magmaluyahon kamo sa pagkadto sa pagtagiya sang duta, nga ginhatag sa inyo ni Iehoba, nga Dios sang inyo mga ginikanan?

4 Magpili-kamo sing tatlo ka lalaki sang tagsa ka kabikahan, nga igpadalâ ko sila; kag sila magtilindug kag maglilibot sila sang duta, kag magbadlit sila sa iya, sono sa ila mga panublion, kag manumbalik sila sa akon.

5 Kag pagpahaton-ninyo sia sa pito ka bahin. Si Iuda magpuyô sa iya dulunan sa Bagatnan, kag ang panimaláy ni Iose magpuyô sa iya dulunan sa Aminhan.

6 Kag kamo, badlitan-ninyo ang duta sa pito ka bahin, kag panalhon-ninyo ang binadlit diri sa akon; kag ako maga-

papalad sa inyo diri sa atubangan ni Iehoba, nga aton Dios.

7 Kay ang mga Lebinhon walay ila nga bahin sa tungâ ninyo, tungud kay ang pagkasaserdote ni Iehoba among panublion nila; kag si Gad man, kag si Ruben kag ang katungâ sang kabikahan ni Manases, nakabaton na sila sang ila panublion sa isa ka pihak sang Iordan pa Sidlangan, panublion nga ginhatag sa ila ni Moises, ulipon ni Iehoba."

8 Kag sang timindug yadto nga mga lalaki, naglalakat sila. Kag nagsogo si Iosue sa mga nagkaladto sa pagbadlit sang duta, nga nagasiling: "Kaladto-kamo, kag libuta-ninyo ang duta, kag badliti-ninyo sia, kag panumbalik-kamo sa akon; kag ako magapapalad nga sa inyo diri sa atubangan ni Iehoba sa Silo.

9 Kag yadto nga mga lalaki nagtilindug, kag ginlibut nila ang duta, kag ginbadlit nila sia sa isa ka tolon-an sono sang mga kabanwaan, sa pito ka bahin, kag nanumbalik sila kay Iosue sa dulugan sa Silo.

10 Kag ginpapalad ni Iosue nga sa ila, sa Silo, sa atubangan ni Iehoba kag didto ginpahat ni Iosue ang duta sa mga anak ni Israel, sono sang ila mga bahin.

#### Bahin ni Benyamin.

11 Kag naggowa ang kapalaran sang kabikahan sang mga anak ni Benyamin, sono sang ila mga panimaláy; kag naggowa ang mga dulunan sang ila kapalaran sa tungâ sang mga anak ni Iuda kag sang mga anak ni Iose.

12 Kag ang dulunan nila sa luyo sa Aminhan gikan sa Iordan: kag ang dulunan nagataklad sa luyo sang Aminhan sa Ieriko; kag nagataklad sia pa bukid, nayon sang Katundan, kag ang iya gulowaan sa kahanayakan sang Bet-aben.

13 Gikan didto nagaagi ang dulunan nayon sa Lus, sa luyo sang Bagatnan sang Lus (nga among Bethel); kag ang dulunan nagadolhog sa Atarot-Adar sa bukid nga yara sa Bagatnan sa Bet-Horon, sa idalum.

14 Kag nagapadayon ang dulunan pa luyo sang Katundan kag nagbalik pa Bagatnan, kutub sa bukid nga yara sa atubangan sang Bet-Horon, nayon sa Bagatnan; kag ang gulowaan niya malapit sa Kiriath-Baal, nga among

Kiriat-iearim, banwa sang mga anak ni Iuda: ini among luyo sang Katundan.

15 Kag ang luyo sang Bagatnan nag-sugud kutub sa ukbung sang Kiriat-iearim, kag ang dulunan napadolong pa Katundan, kag nagagowa pa tuburan sang mga tubig sang Neptoa;

16 Kag nagadolhog ang dulunan sa ukbung sang bukid nga yara sa atubanghan sang nalupyakan sang anak ni Hinom, nga yara sa nalupyakan sang mga Repainhon nayon sa Aminhan: kag nagadolhog sia sa nalupyakan ni Hinom, sa luyo sang Bagatnan sang mga Iebusinhon kag nagadolhog sia pa En-Rogel.

17 Niyan nagapadayon sia pa Aminhan, nagapadulong pa En-semes, nagagowa nayon sa Gelilot, nga yara sa atubangan sang taklaron sang Adumin, kag nagadolhog pa Bató ni Bohan, anak ni Ruben;

18 Kag nagaagi sia sa luyo sang Aminhan, nga yara sa atubangan sang kapatagan, kag nagadolhog sia sa kapatagan.

19 Kag nagaagi ang dulunan sa luyo sang Aminhan sang Bet-Hogla, kag ang dulunan nagagowa sa look nga naaminhan sang dagat nga Maasin nayon sa ukbung sa Bagatnan sang Iordan: ini among dulunan sa Bagatnan.

20 Kag ang Iordan nangindulunan, sa luyo sa Sidlangan. Ini among panublion sang mga anak ni Benyamin, sono sang ila mga dulunan palibot, sono sa ila mga panimaláy.

21 Ang mga kabanwaanang sang kabikahan sang mga anak ni Benyamin, sono sang ila mga panimaláy, amo: ang Ieriko, ang Bet-Hogla kag ang Emekesis;

22 Ang Bet-araba, ang Samaraim kag ang Bethel;

23 Ang Abim, ang Para kag ang Opra;

24 Ang Kepar-Amoni, ang Opni kag ang Geba: napúlô kag duha ka kabanwaanang patí ang ila mga minoro.

25 Ang Gibeon, ang Rama, ang Beerot;

26 Ang Mispa, ang Kepira kag ang Mosa;

27 Ang Rekem, ang Sirpeel kag ang Tarala;

28 Ang Sela, ang Elep, ang Iebus (nga among Ierusalem), ang Gibeat kag

ang Kiriat: napúlô kag apat ka kabanwaanang patí ang ila mga minoro. Ini among panublion sang mga anak ni Benyamin, sono sa ila mga panimaláy.

#### Bahin ni Simeon.

19 ANG ikaduha ka kapalaran nag-gowa sa kay Simeon, sa kabikahan sang mga anak ni Simeon, sono sa ila mga panimaláy; kag ang ila panublion amo sa tungâ sang panublion sang mga anak ni Iuda.

2 Kag may ila sila, sa ila panublion, ang Beer-seba, ang Seba kag ang Molada;

3 Ang Hasar-sual, ang Bala kag ang Esem;

4 Ang Heltolad ang Betul kag ang Horma;

5 Ang Siklag, ang Bet-markabot kag ang Hasar-susa;

6 Ang Bet-lebaot, kag ang Saruhen: napúlô kag tatlo ka kabanwaanang patí ang ila mga minoro.

7 Ang Ain, ang Rimon, ang Eter kag ang Asan: apat ka kabanwaanang patí ang ila mga minoro.

8 Kag ang tanan nga mga minoro nga yara sa palibot sini nga mga kabanwaanang, tubtub sa Baalat-beer, nga among Rama sang Bagatnan. Ini among panublion sang kabikahan sang mga anak ni Simeon, sono sang ila panimaláy.

9 Ginkuha ang panublion sang mga anak ni Simeon sa kapalaran sang mga anak ni Iuda, tungud kay ang bahin sang mga anak ni Iuda among tama ka daku nga sa ila; tungud sini ang mga anak ni Simeon nagbalaton sang panublion sa tungâ sang panublion sang mga anak ni Iuda.

#### Bahin ni Sabulon.

10 Kag ang ikatlo ka kapalaran nag-gowa nga sa mga anak ni Sabulon, sono sang ila panimaláy. Ang kadulunan sang ila panublion amo tubtub sa Sarid.

11 Kag ang ila kadulunan nagataklad nayon sa Katundan kag nayon sa Marala, nagalambut sia sa Dabeset, kag nagalambut sa kasulgan nga yara sa atubangan sang Iokneam.

12 Kag niyan gikan sa Sarid nagbalik sia sa Sidlangan, nayon sa Sulubangan,



sa ibabaw sang dulunan sang Kisilot-Tabor, nagagowa sia sa Dabrat kag nagataklad pa Iapia ;

13 Kag gikan didto nagaagi sia pa Sidlangan, sa Sulubangan, sa Gat-Keper, sa Et-Kasin, kag nagagowa sia pa Rimon, nga nagalambut sa Nea.

14 Kag ang dulunan nagalibot sa iya pa Aminhan, nayon sa Hanaton, kag ang iya gulowaan among nalupyakan sang Ipta-el :

15 Labut pa ang Katat, ang Naalal, ang Simron, ang Ideala kag ang Bethlehem: napúlô kag duha ka kabanwaan patí ang ila mga minoro.

16 Ini among panublion sang mga anak ni Sabulon, sono sang ila panimaláy: ini nga mga kabanwaan patí ang ila mga minoro.

#### Bahin ni Isakar.

17 Ang Ikap-at ka kapalaran nag-gowa sa kay Isakar, nga sa mga anak ni Isakar, sono sa ila mga panimaláy.

18 Kag ang ila dulunan among Iisreel, ang Kesulot kag ang Sunem ;

19 Ang Haparaim, ang Sion kag ang Anaharat ;

20 Ang Rabbit, ang Kision kag ang Ebes ;

21 Ang Reamet, ang En-ganim, ang En-hada kag ang Bet-pases ;

22 Kag nagalambut ang dulunan sa Tabor, sa Sahasima kag sa Bet-semes ; kag nagagowa ang ila dulunan sa Iordan: napúlô kag anum ka kabanwaan patí ang ila mga minoro.

23 Ini among panublion sang kabikahan sang mga anak ni Isakar, sono sa ila mga panimaláy: ini nga mga kabanwaan patí ang ila mga minoro.

#### Bahin ni Aser.

24 Kag naggowa ang ikalima ka kapalaran nga sa kabikahan sang mga anak ni Aser, sono sang ila mga panimaláy.

25 Kag ang ila dulunan among Helikat, ang Hali, ang Beten kag ang Aksap.

26 Ang Alam-melek, ang Ameid kag ang Miseal ; kag nagalambut sia sa Karmelo, sa Katundan, kag sa Sihor-libnat :

27 Kag nagpanumbalik sia nayon sa Sulubangan, nayon sa Bet-Dagon, kag nagalambut sia sa Sabulon kag sa

nalupyakan sang Ipta-el sa Aminhan sang Bet-emek kag sang Nehiel ; kag nagagowa sia nayon sa Kabul, pa walá ;

28 Kag nayon sa Ebron, sa Rehob, sa Hamon kag sa Kana tubtub sa daku nga Sidon ;

29 Kag nagapanumbalik ang dulunan nayon sa Rama kag tubtub sa malig-on nga banwa sang Tiro ; kag nagapanumbalik ang dulunan pa Hosa, kag ang iya gulowaan among dagat, nga nagadulong kutub sa Heleb sa Aksib :

30 Labut pa ang Uma, ang Apek kag ang Rehob: duha ka púlô kag duha ka kabanwaan patí ang ila mga minoro.

31 Ini among panublion sang kabikahan sang mga anak ni Aser, sono sang ila mga panimaláy: ini nga mga kabanwaan patí ang ila mga minoro.

#### Bahin ni Neptali.

32 Ang ikan-um ka kapalaran nag-gowa nga sa mga anak ni Neptali, nga sa mga anak ni Neptali, sono sa ila mga panimaláy.

33 Kag ang ila dulunan among kutub sa Helep, kutub sa terebinto malapit sa Saananim, sa Adami-Nekeb, sa Iabneel, tubtub sa Lakum ; kag nagagowa sia sa Iordan.

34 Kag ang dulunan nagabalik nayon sa Katundan batok sa Asnot-Tabor, nagaagi sia gikan didto pa Hukuka, nagalambut sia sa Sabulon sa Bagatnan, kag nagalambut sia sa Aser sa Katundan, kag sa Iuda, nga ang Iordan yara sa Sulubangan :

35 Labut pa ang mga kabanwaan nga malig-on: ang Sidim, ang Ser, ang Hamat, ang Rakat kag ang Sinerot ;

36 Ang Adama, ang Rama kag ang En-Hasor ;

37 Ang Kades, ang Edrei kag ang Hasor ;

38 Ang Iiron kag ang Migdalel, ang Horem, ang Bet-Anat kag ang Bet-semes: napúlô kag siam ka kabanwaan patí ang ila mga minoro.

39 Ini among panublion sang kabikahan sang mga anak ni Neptali sono sang ila mga panimaláy: ini nga mga kabanwaan patí ang ila mga minoro.

#### Bahin ni Dan.

40 Ang ikapito ka kapalaran naggowa

nga sa kabikahan sang nga anak ni Dan, sono sang ila mga panimaláy.

41 Kag ang dulunan sang ila panublion among Sora, ang Estaol kag ang Ir-semes ;

42 Ang Saalabin, ang Ayalon kag ang Itla ;

43 Ang Elon, ang Timnata, kag ang Ekron ;

44 Ang Elteke, ang Gibeton kag ang Baalat ;

45 Ang Iehud, ang Bene-Berak kag ang Gat-Rimon ;

46 Ang Me-Harkon, ang Rakon, pating dulunan nga yara sa atubangan sang Iope.

47 Kag ang dulunan sang mga anak ni Dan, nanginsaunhan pa sini, kay nagtaklad ang mga anak ni Dan, kag nakigaway batok sa Lesem ; kag nakuha nila sia kag pinilas nila sia sa sulab sang hinganiban, kag ginkaugalingon nila sia kag nagpuluyô sila sa iya ; kag ginngadlan nila ang Lesem nga Dan, sa ngalan ni Dan nga ila amay.

48 Ini among panublion sang kabikahan sang mga anak ni Dan, sono sa ila mga panimaláy : ini nga mga kabanwaan patí ang ila mga minoro.

#### Ang Timnat-sera ginhatag kay Iosue.

49 Kag sang natapus nila pagpamahat ang duta nga sa panublion, sono sang iya mga dulunan, ginhatagan sang mga anak ni Israel sing panublion si Iosue, anak ni Nun, sa tungâ nila.

50 Siling sang sogo ni Iehoba ginhatag nila sa iya ang banwa, nga iya pina-ngayo, ang Timnat-Sera, sa bukid sang Epraim ; kag gintukud niya liwan ang banwa kag nagpuyô sia sa iya.

51 Ini among mga palanublion nga ginpamahat ni Eleaser, nga saserdote, kag ni Iosue, anak ni Nun, kag sang mga pangolo sang mga ginikanan sang mga kabikahan sang mga inanak ni Israel sa tungud sang kapalaran, sa Silo, sa atubangan ni Iehoba, sa salamputan sang Layanglayang sang pakigkitaan ; kag ratapus nila sa pagpamahat ang duta.

Si Iosue nagapat-in sang anum ka banwa nga dalangpan.

**20** KAG naghambal si Iehoba kay Iosue, nga nagasiling :

2 “Hambala ang mga anak ni Israel, nga nagasiling : Ipaunudlo-ninyo nga sa inyo ang nga kabanwaan nga dalangpan, nga ginhambal ko sa inyo nahanungund sa ila tungud kay Moises :

3 Agud nga magpalagyo didto ang nakapatay sing masigkatawo, nga nakapilas sa iban sing indi hungud, nga walâ masayori ; nga manginalaypan ninyo sa manugtimalus sang dugo.

4 Kag ang nakapatay sang masigkatawo magpalagyo sa isa sining mga banwa, kag magadulong sia sa salamputan sang gawang sang banwa, kag magapahayag sia sang iya mga katarungan sa mga idulungug sang mga tigulang sadto nga banwa. Kag sila magabaton sa iya kaupud nila sa sulud sang banwa, kag pagahatagan nila sia sing duug, nga pagapuy-an niya kaupud nila.

5 Kag kon ang manugtimalus sang dugo magalagas sa iya, indi nila igatugyan ang nakapatay sing masigkatawo sa iya kamut, tungud kay nagpilas sia sa iya masigkatawo sing indi hungud kag walâ niya pagdumti sia bisan kahapon, bisan sa isa kahapon.

6 Kag magapabilin sia didto sadto nga banwa, tubtub nga mag-atubang nga paghukman sia sa atubangan sang katilingban, tubtub sa kamatayon sang pinapakamataas nga saserdote, nga amo sadto nga mga adlaw ; niyan ang nakapatay sing masigkatawo magabalik, kag magakadto sia sa iya banwa kag sa iya baláy, sa banwa sa kon diin nga iya pinalagyo-han.

7 Niyan ginpakabalaan nila ang Kades, sa Galilea, sa bukid ni Neptali, kag ang Sikem, sa bukid ni Epraim, kag ang Kiri-at-bera, nga among Hebron, sa bukid ni Iuda.

8 Kag sa isa ka pihak sang Jordan sang Ieriko, pa Sulubangan, ginhatag nila gikan sa kabikahan ni Ruben ang Besar sa kahanayakan, sa kapatagan ; gikan sa kabikahan ni Gad, ang Ramot, sa Galaad ; kag gikan sa kabikahan ni Manases, ang Golan, sa Basan.

9 Ini among mga kabanwaan nga napanudlo, nga sa tanan nga mga anak ni Israel, kag nga sa dumuluong nga nagapanlugayaw sa tungâ nila, agud nga magpalagyo sa ila ang bisan sin-o nga makapilas sing tawo sing indi hungud. Kag sia indi mapatay sa kamut sang manugtimalus sang dugo, tubtub nga



makapahayag sa atubangan sang katingliban.

Mga banwa nga ginhatag sa kabikahan ni Lebi.

**21** KAG ang mga pangolo sang mga ginikanan sang mga Lebinhon nagkalari kay Eleasar nga saserdote, kag kay Iosue, anak ni Nun, kag sa mga pangolo sang mga ginikanan sang mga kabikahan sang mga inanak ni Israel;

2 Kag naghalambal sila sa ila sa Silo, sa duta sang Kanaan, nga nagasililing: "Si Iehoba nagsogo tungud kay Moises, nga pagpanghatagan kami sing mga banwa nga amon pagapuy-an patí ang mga halalban nga sa amon mga kaha-yupan."

3 Niyan, ang mga inanak ni Israel naghatag sa mga Lebinhon, sang sa ila mga panublion, sono sang sogo ni Iehoba, sini nga mga banwa patí ang ila mga halalban.

4 Kag naggowa ang kapalaran nga sa mga panimaláy sang mga Koatinhon. Kag ang mga anak ni Aaron, nga saserdote, nga *sila* sang mga Lebinhon nakabaton tungud sang kapalaran gikan sa kabikahan ni Iuda, kag sa kabikahan ni Simeon, kag sa kabikahan ni Benyamin, napúlô kag tatlo ka banwa.

5 Kag ang iban nga mga anak ni Koat, *nakabaton* tungud sa kapalaran, sing napúlô ka banwa gikan sa mga panimaláy sang kabikahan ni Epraim, kag sa kabikahan ni Dan, kag sa katungâ sang kabikahan ni Manases.

6 Kag ang mga auak ni Gerson *nakabaton*, tungud sang kapalaran, sing napúlô kag tatlo ka kabanwaan gikan sa mga panimaláy sang kabikahan ni Isakar, kag sa kabikahan ni Aser, kag sa kabikahan ni Neptali, kag sa katungâ sang kabikahan ni Manases, sa Basan.

7 Kag ang mga anak ni Merari, sono sang ila mga panimaláy nakabaton sing napúlô kag duha ka banwa gikan sa kabikahan ni Ruben, kag sa kabikahan ni Gad, kag sa kabikahan ni Sabulon.

8 Sa sini ginhatagan sang mga anak ni Israel, tungud sang kapalaran, ang mga Lebinhon, sini nga mga kabanwaan patí ang ila mga halalban, sono sang ginsogo ni Iehoba tungud kay Moises.

9 Busa ginhatag nila gikan sa kabikahan sang mga anak ni Iuda, kag sa ka-

bikahan sang mga anak ni Simeon, ini nga mga banwa nga mga napanghingadlan:

10 Nga sa mga anak ni Aaron, sa mga panimaláy sang mga Koatinhon, sa mga anak ni Lebi (Kay ang unang kapalaran nanginsa ila),

11 Ginhatag nila ang Kiriat-arba, amay ni Anak (nga among Hebron.), sa bukid ni Iuda, patí ang iya mga halalban sa iya palibot.

12 Apang ang mga latagon sang banwa patí ang iya mga minoro ginhatag nila kay Kaleb, anak ni Iepune, nga iya kaugalingon.

13 Busa sa mga anak ni Aaron, nga saserdote, ginhatag nila ang banwa sang dalangpan sa mga nakapatay sing masigkatawo, ang Hebron patí ang iya mga halalban, kag ang Libna patí ang iya mga halalban;

14 Kag ang latir patí ang iya mga halalban kag ang Estemoa patí ang iya halalban;

15 Ang Helon patí ang iya mga halalban kag ang Debir patí ang iya mga halalban;

16 Ang Ain patí ang iya mga halalban, ang Iuta patí ang iya mga halalban kag ang Bet-semes patí ang iya mga halalban: siam ka kabanwaan sining duha ka kabikahan.

17 Kag sang kabikahan ni Benyamin, ang Gibeon patí ang iya mga halalban kag ang Geba patí ang iya mga halalban;

18 Ang Amatot patí ang iya mga halalban, kag ang Almon patí ang iya mga halalban: apat ka kabanwaan.

19 Ang tanan nga mga kabanwaan sang mga saserdote, nga mga anak ni Aaron, napúlô sila kag tatlo patí ang ila mga halalban.

20 Apang ang mga panimaláy sang mga anak ni Koat, ang mga Lebinhon, nga mga nagkalabilin sa mga anak ni Koat, nakabaton sila, tungud sang kapalaran, sing mga banwa sa kabikahan ni Epraim.

21 Kag ginhatag nila sa ila ang Sikem, banwa sang dalangpan sa nakapatay sing masigkatawo, patí ang iya mga halalban, sa bukid ni Epraim, kag ang Geser patí ang iya mga halalban:

22 Kag ang Kibsaim patí ang iya mga halalban kag ang Bet-Horon patí ang iya mga halalban: apat ka kabanwaan.

23 Kag gikan sa kabikaban ni Dan, ang Elteke patí ang iya mġa halalban, kag ang Gibeton patí ang iya mġa halalban;

24 Ang Ayalon patí ang iya mġa halalban, kag ang Gat-Rimon patí ang iya mġa halalban: apat ka kabanwaan.

25 Kag gikan sa katungâ sang kabikaban ni Manases, ang Taanak patí ang iya mġa halalban kag ang Gat-Rimon patí ang iya mġa halalban: duha ka kabanwaan.

26 Ang tanan, napúlô ka kabanwaan patí ang ila mġa halalban nġa sa mġa panimaláy sang mġa nabilin nġa mġa anak ni Koat.

27 Sa mġa anak ni Gerson, sa mġa panimaláy sang mġa Lebinhon, *ginhatag* nila, gikan sa kabikaban ni Manases, ang Golan, sa Basan, banwa sang dalangpan sa mġa nakapatay sing masigkatawo, kag ang Beestera patí ang iya mġa halalban: duha ka kabanwaan.

28 Kag sa kabikaban ni Isakar, ang Kison patí ang iya mġa halalban, kag ang Daberat patí ang iya mġa halalban;

29 Ang Iarmut patí ang iya mġa halalban kag ang En-ganim patí ang iya mġa halalban: apat ka kabanwaan.

30 Kag sa kabikaban ni Aser, ang Miseal patí ang iya mġa halalban, kag ang Abdon patí ang iya mġa halalban;

31 Ang Helkat patí ang iya mġa halalban kag ang Rehob patí ang iya mġa halalban: apat ka kabanwaan.

32 Kag sa kabikaban ni Neptali, ang Kades, sa Galilea, banwa sang dalangpan nġa sa mġa nakapatay sing masigkatawo patí ang iya mġa halalban, ang Hamotdor patí ang iya mġa halalban kag ang Kartan patí ang iya mġa halalban: tatlo ka kabanwaan.

33 Ang tanan nġa mġa kabanwaan sang mġa Gersoninhon, sono sang ila mġa panimaláy: napúlô kag tatlo ka kabanwaan patí ang ila mġa halalban.

34 Kag ang mġa panimaláy sang mġa anak ni Merari, ang mġa Leinhon nġa nagkalabilin, *ginhatag* sa ila gikan sa kabikaban ni Sabulon, ang Iokneam patí ang iya mġa halalban, ang Karta patí ang iya mġa halalban;

35 Ang Dimna patí ang iya mġa halalban, ang Nahalal patí ang iya mġa halalban: apat ka kabanwaan.

36 Kag sa kabikaban ni Ruben, ang

Beser patí ang iya mġa halalban, ang Iasa patí ang iya mġa halalban;

37 Ang Kedemot patí ang iya mġa halalban kag ang Mepaat patí ang iya mġa halalban: apat ka kabanwaan.

38 Kag sa kabikaban ni Gad, ang Ramot sa Galaad, banwa sang dalangpan nġa sa mġa nakapatay sing masigkatawo, patí ang iya mġa halalban kag ang Mahanaim patí ang iya mġa halalban;

39 Ang Hesbon patí ang iya mġa halalban, kag ang Iaser patí ang iya mġa halalban: apat ka kabanwaan.

40 Ining tanan nġa mġa kabanwaan iya sang mġa anak ni Merari, sono sang ila mġa panimaláy nġa nagkalabilin sa mġa panimaláy sang mġa Lebinhon; ang ila kapalaran nanginapúlô kag duha ka kabanwaan.

41 Kag ang tanan nġa mġa kabanwaan sang mġa Lebinhon, sa tungâ sang kaugalingon sang mġa inanak ni Israel: kap-atan kag walo ka kabanwaan patí ang ila mġa halalban.

42 Ini nġa mġa kabanwaan may ila sila sing mġa halalban ang tagsatagsa sa palibot nila: nġa amo ini sa tanan sini nġa mġa banwa.

43 Kag ginhatag ni Iehoba kay Israel ang bug-os nġa duta, nġa iya ginsumpa nġa igahatag sa ila mġa ginikanan; nagtagiya sila sa iya, kag nagpuluyô sila sa iya.

44 Kag si Iehoba naghatag sa ila sing kapahuwayan sa palibot, sono sang tanan nġa ginsumpa niya sa ila mġa ginikanan; kag walâ sing bisan sino sang tanan nila nġa mġa kaaway nġa makatindug batok sa ila: gintugyan ni Iehoba sa ila mġa kamut ang tanan nġa mġa kaaway nila.

45 Walâ sing polong nġa nakulang sang tanan nġa mġa maayo nġa polong, nġa ginhambal ni Iehoba sa baláy ni Israel: natuman ang tanan.

Ang mġa kabikaban ni Ruben, kag ni Gad, kag ang katungâ sang kabikaban ni Manases ginapadala sa ila mġa kaugalingon.

**22** NIYAN gintawag ni Iosue ang mġa Rubeninhon, kag ang mġa Gadinhon kag ang katungâ sang kabikaban ni Manases.

2 Kag nagsiling sia sa ila: "Kamo nagbalantay sang tanan nġa ginsogo sa



inyo ni Moises, nga ulipon ni Iehoba, kag ginpamatian ninyo ang akon tingug sa tanan nga akon ginsogo sa inyo.

3 Walá ninyo pagbayai ang inyo mga útud sa sining malawig nga mga adlaw tubtub karon nga adlaw, kag ginbantayan ninyo ang dapat pagbantayan, nga amo ang sogo ni Iehoba, nga inyo Dios.

4 Kag karon si Iehoba, nga inyo Dios, naghatag sing kapahawayan sa inyo mga útud, sono sang iya ginsiling sa ila : busa karon magbalalik-kamo kag magkaladto kamo sa inyo mga layanglayang, sa duta sang inyo mga kaugalingon, nga ginhatag sa inyo ni Moises, nga ulipon ni Iehoba, sa isa ka pihak sang Iordan.

5 Lamang nga sa kapisan gid pagandaman ninyo ang pagbutang sa buhat sang sogo kag sang kasogoan, nga ginsogo sa inyo ni Moises, nga ulipon ni Iehoba, agud nga paghigugmaon ninyo si Iehoba, nga inyo Dios, kag maglalakat kamo sa tanan nga mga dalan niya, kag pagbantayan ninyo ang iya mga sogo, kag magipilit kamo sa iya, kag magalagad kamo sa iya sa bug-os ninyo nga tagiposoon kag sa bug-os ninyo nga kalag."

6 Kag ginpakamaayo ni Iosue sila, kag pinalakat niya sila. Kag nagkaladto sila sa ila mga layanglayang.

7 Kag ang katungâ sang kabikahan ni Manases ginhatagan ni Moises sing *kaugalingon* sa Basan; kag ang isa ka katungâ ginhatagan ni Iosue sing kaugalingon upud sang ila mga útud, sa isa ka luyo sang Iordan nasyon sa Katundan. Kag subung man, sang pagpadalá sa ila ni Iosue sa ila mga layanglayang, ginpakamaayo niya sila.

8 Kag naghambal sia sa ila, nga nasiling : "Nagabalalik kamo sa inyo mga layanglayang nga may dalagku nga mga mangad kag may madamu gid nga kaayupan, nga may pilak kag bulawan, kag tumbaga kag salsalon, kag madamu gid nga mga panapton. Pagbahinon ninyo ang inagaw sang inyo mga kaaway sa inyo mga kauturan."

9 Kag ang mga anak ni Ruben, kag ang mga anak ni Gad, kag ang katungâ sang kabikahan ni Manases nagbalalik sila kag nagtataliwan gikan sa mga anak ni Israel sa Silo, nga yara sa duta sang Kanaan, sa pagkadto sa duta sang Ga-

laad, sa duta sang ila kaugalingon, nga sa iya nabaton na nila ang kaugalingon, sono sang sogo ni Iehoba, tungud kay Moises.

10 Kag sang nakalambut sila sa mga kadutaan sang Iordan, nga yara sa duta sang Kanaan, ang mga anak ni Ruben kag ang mga anak ni Gad, kag ang katungâ sang kabikahan ni Manases, nagpatindug sila didto sing isa ka halaran malapit sa Iordan, isa ka halaran nga daku sing dagway.

11 Kag ang mga anak ni Israel nakabati sang pagsiling : "Yari karon ang mga anak ni Ruben, kag ang mga anak ni Gad, kag ang katungâ sang kabikahan ni Manases nagpalatindug sila sing isa ka halaran sa atubangan sang duta sa Kanaan, sa mga kadutaan sang Iordan, sa isa ka luyo sang mga anak ni Israel."

12 Kag sang nakabati sini ang mga anak ni Israel, nagtilipon ang bug-os nga katilingban sang mga inanak ni Israel sa Silo, agud nga magtaklad sila sa pagpakigaway batok sa ila.

13 Kag ang mga anak ni Israel nagpadalá sa mga anak ni Ruben, kag sa mga anak ni Gad, kag sa katungâ sang kabikahan ni Manases, sa duta sa Galaad, kay Pinees, nga anak ni Eleasar nga saserdote,

14 Kag sang napúlô ka dunganon kaupud niya, isa ka dunganon sa tagsa ka baláy nga inamay sang tanan nga mga kabikahan ni Israel; kag ang tag-satagsa sa ila amo ang pangolo sa panimaláy nga inamay sa mga linibo ni Israel.

15 Kag sila nagkaladto sa mga anak ni Ruben, kag sa mga anak ni Gad kag sa tungâ sang kabikahan ni Manases sa duta sang Galaad, kag naghalambal sila sa ila, nga nasiling :

16 "Amo ini ang ginasiling sang bug-os nga katilingban ni Iehoba : ¿Ano balá nga pagluib ini nga ginhimo ninyo batok sa Dios ni Israel, sa paguntat karon sa pagsunud kay Iehoba, nga nagapatindug sing halaran sa pagbatok ninyo karon kay Iehoba?

17 ¿Diyotay bala sa amon ang kalainan sa Peor, nga indi pa kita mga matinlo sa iya, tubtub karon nga adlaw, bisan pa nag-abut ang isa ka kalamatay sa katilingban ni Iehoba?

18 Kag kamo, nagpalayô kamo karon kay Iehoba. Yari karon ang maha-

nabu: nagabatok kamo karon kay Iehoba, kag buas maakig sia batok sa bug-os nga katilingban ni Israel.

19 Ngani, kon minamaayo ninyo, nga ang duta nga inyo kaugalingon mahigko, maglaton-kamo sa duta nga kaugalingon ni Iehoba, nga diin nahamtang ang Puluy-an ni Iehoba, kag paghuptan-ninyo ang inyo kaugalingon sa tungâ namon; apang indi kamo magbalatok kay Iehoba, bisan magbalatok-kamo sa amon, nga nagapatindug sing halaran, nga luwas sang halaran ni Iehoba, nga aton Dios.

20 ; Walâ bala makabuhat si Akan, nga anak ni Sera, sing paglalis nahanungud sa katagudilian? Kag nag-abut ang kaakig sa ibabaw sang bug-os nga katilingban ni Israel, kag yadtong tawo walâ madula nga isa lamang tungud sang iya kalainan."

21 Niyan ang mga anak ni Ruben, kag ang mga anak ni Gad, kag ang katunã sang kabikahan ni Manases, nagsalabat kag nagsililing sa mga pangolo sang mga linibo ni Israel:

22 "¡ Ang Dios, ang Dios, si Iehoba! Ang Dios, ang Dios si Iehoba, sia ang makahibalo, sia, kag makahibalo si Israel gid: kon tungud sang pagbatok, kon tungud sang paglalis batok kay Iehoba (indi mo kami pagluwason karon),

23 Nga nagpatindug kami nga sa amon sing halaran, sa paguntat sa pagsunud kay Iehoba, kon sa paghalad sa iya sing mga halad nga sinunog kag mga halad nga kalan-on, kag kon sa paghalad sa iya sing mga halad sa paghidaet, ¡ nga pagpangayoon ini ni Iehoba gid!

24 Kag kon indi namon paghimoon ini tungud sa kahadluk sang isa ka butang, *kon sayoron*, nga buas ang inyo mga anak magasiling sa amon mga anak: ; Ano balá ang pagpakigambit sa inyo kag kay Iehoba, nga Dios ni Israel?

25 Kay sa tungâ namon kag ninyo, mga anak ni Ruben kag mga anak ni Gad, si Iehoba nagbutang sing isa ka dulunan, ang Iordan: walâ kamo sing bahin kay Iehoba. Kag sa sini ang inyo mga anak magahimo, nga ang amon mga anak maguntat sa pagkahadluk kay Iehoba.

26 Tungud sini ginsiling namon: Pagasuguran ta karon sa pagpatindug sing

isa ka halaran, indi nga sa halad nga sinunog, bisan nga sa mga halad,

27 Kay amo ini ang pagpamatuud sa tungâ namon kag ninyo, kag sa tungâ sang mga kaliwatan sa olehe namon, nga paghimoon namon ang pag-alagad kay Iehoba sa atubangan niya, tungud sa amon mga halad nga sinunog, kag tungud sa amon mga halad sa *katumbasan*, kag tungud sa amon mga halad sa paghidaet; agud nga indi magsiling buas ang inyo mga anak sa amon mga anak: Kamo walâ sing bahin kay Iehoba.

28 Ngani, ginsiling namon: Kon mahababu buas, nga magsiling sa amon kon sa amon mga kaliwatan *sini*, niyan magasiling kami: Tan-awa-ninyo ang dagway sang halaran ni Iehoba, nga ginhimo sang amon mga ginikanan, indi nga sa mga halad nga sinunog, bisan sa mga halad, kay amo ini ang pagpamatuud sa tungâ namon kag ninyo.

29 ; Malayô sa amon, nga magbatok kami kay Iehoba, kag nga magbulag kami karon sa pagsunud kay Iehoba, nga nagapatindug sing halaran nga sa mga halad nga sinunog, nga sa mga halad nga kalan-on, kag nga sa mga halad, gawas sang halaran ni Iehoba, nga aton Dios, nga yara sa atubangan sang iya Puluy-an!"

30 Kag si Pinees, nga saserdote, kag ang mga dunganon sang katilingban kag ang mga pangolo sang mga linibo ni Israel, nga yara kaupud niya, nakabati sang mga polong, nga ginhambal sang mga anak ni Ruben, kag sang mga anak ni Manases, kag minamaayo nila ini.

31 Kag nagsiling si Pinees, nga anak sang saserdote nga si Eleasar, sa mga anak ni Ruben, kag sa mga anak ni Gad, kag sa mga anak ni Manases: "Karon nahibaloan naton, nga si Iehoba yari sa tungâ naton, kay walâ ninyo mahimo ang amo nga paglalis batok kay Iehoba. Karon ginluwas ninyo ang mga anak ni Israel sa kamut ni Iehoba."

32 Niyan si Pinees, nga anak sang saserdote nga si Eleasar, kag ang mga dunganon, nagbalalik sila gikan sa mga anak ni Ruben kag sa mga anak ni Gad, sa duta sang Galaad pa duta sa Kanaan, sa mga anak ni Israel; kag nagpamapat sila sa ila sang sabat.

33 Kag ang butang pinakamaayo sa mga mata sang mga anak ni Israel; kag



ang mga anak ni Israel nagpakamaayo sa Dios; kag walá na sila maghalambal sa pagtaklad batok sa ila sa pag-awayan sa paghapay sa duta nga ginapuy-an sang mga anak ni Ruben kag sang mga anak ni Gad.

34 Kag ang mga anak ni Ruben kag ang mga anak ni Gad nagbutang sing ngalan sa halaran; kay sia among Saksi sa tungâ naton, nga si Iehoba amo ang Dios.

Ang laygay ni Iosue sa atubangan sang bug-os nga banwa.

**23** KAG nahanabu, sang nagliligad ang madamu nga mga adlaw, sa tapus nga si Iehoba naghatag sing kapahuwayan kay Israel sa tanan niya nga mga kaaway sa palibot, kag sang si Iosue tigulang na kag sobol na gid sa katigulangon,

2 Nga gintawag niya ang bug-os nga Israel, ang iya mga katigulangan, ang iya mga pangolo, ang iya mga hukom, kag ang iya mga manughikot, kag ginsilingan niya sila: "Ako tigulang na, kag sobol na sa katigulangon.

3 Kag kamo, nakakita kamo sang tanan, nga ginhimo ni Iehoba, nga inyo Dios, sa tanan sini nga mga katawohan sa atubangan ninyo; kay si Iehoba, nga inyo Dios, among nagpakigaway tungud sa inyo.

4 Yari karon, ginpamahat ko sa inyo tungud sa kapalaran, nga sa panublion, sono sa inyo mga kabikahan, ini nga mga katawohan nga nagkalabilin, kutub sa Iordan, upud ang nga katawohan nga ginlaglag ko, tubtub sa daku nga dagat, sa Katundan.

5 Kag si Iehoba gid, nga inyo Dios, magatabog sa ila sa atubangan ninyo kag magasobol sa ila sa atubangan sang inyo mga mata; kag kamo magatagiya sang ila nga duta, siling sang ginhambal sa inyo ni Iehoba, nga inyo Dios.

6 Busa, magpakalig-on-kamo sa pagbantay sing maayo kag sa pagbutang sa buhat sang tanan nga yara nasulat sa tolon-an sang kasogoan ni Moises, nga indi kamo magbulag sa iya, bisan sa too, bisan sa walá;

7 Agud nga indi kamo magsululud sa sining mga katawohan, nga nagkalabilin sa tungâ ninyo, kag nga indi kamo magmilitlang sang ngalan sang ila mga

dios, bisan magsulumpa kamo sa ila mga ngalan, bisan mag-alalagad kamo sa ila, bisan maglayaub kamo sa ila.

8 Apang kay Iehoba, nga inyo Dios, magpililit-kamo, subung sang ginhimo ninyo tubtub karon.

9 Kay ginsobol ni Iehoba sa atubangan ninyo ang dalagku kag mabaskug nga mga katawohan; kag nahanungud sa inyo tubtub karon walay sin-o nga nakasarang magtindug sa atubangan ninyo.

10 Isa ka tawo sa inyo magalagas sa isa ka libo; kay si Iehoba, nga inyo Dios, nagapakigaway tungud sa inyo, subung sang ginsiling niya sa inyo.

11 Tungud sini mag-andam-kamo sing maayo sang inyo mga kalág, nga paghigugmaon ninyo si Iehoba, nga inyo Dios.

12 Kay kon magbalalik kamo kag magkigimpon kamo sa nabilin sining mga katawohan, nga nagakalabilin sa tungâ ninyo, kag kon magpalangasawa kamo sa ila, kag magsululud kamo sa ila, kag sila sa inyo;

13 Masayoran-ninyo, sa pagkamatuum, nga si Iehoba, nga inyo Dios, indi na magpadayon sa pagsobol sa sini nga katawohan sa atubangan ninyo; hinonoo ngani manginsiod sila kag mangintiglapak sa inyo, kag manginhalampak sa inyo mga kilid, kag mangintunuk sa inyo mga mata, tubtub nga magkalapapas kamo sa sini nga maayong duta, nga ginhatag sa inyo ni Iehoba, nga inyo Dios.

14 Kag yari karon, nahanungud sa akon, sining adlaw nagasunud ako sa dalan sang bug-os nga duta. Kag magkilala-kamo, sa bug-os ninyo nga tagiposoan kag sa bug-os ninyo nga kalag, nga walá makulangí sing isa ka polong sang tanan nga mga polong nga maayo, nga ginmitlang sa inyo ni Iehoba, nga inyo Dios: ang tanan magkalatuman nga sa inyo, walay naku-lang sa ila bisan isa.

15 Kag mahanabu nga, subung nga nag-abut sa inyo ang tanan nga polong nga maayo nga ginsiling sa inyo ni Iehoba, nga inyo Dios, amo man pagadalon ni Iehoba sa inyo ang tanan nga mga polong nga malain, tubtub nga magkalapapas kamo sa sining duta nga maayo, nga ginhatag sa inyo ni Iehoba, nga inyo Dios.

16 Kon paglapason ninyo ang pagpakigkatipan ni Iehoba, nga inyo Dios, nga iya ginsogosa sa inyo, kag magkaladto kamo kag mag-alalagad sa liwan nga mga dios kag maglayaub kamo sa ila; niyan ang kaakig ni Iehoba magasiga batok sa inyo, kag magakalapapas kamo sing madali sa s ning duta nga maayo, nga ginhatag niya sa inyo.

Mga katapusan nga mga polong ni Iosue.—Ang banwa nagapanaad sa pag-alagad sa Ginoo.

**24** KAG sang natipon ni Iosue ang mga kabikahan ni Israel sa Sikem, gintawag niya ang mga tigulang ni Israel, kag ang iya mga pangolo, kag ang iya mga hukom, kag ang iya mga manughikot; kag nag-atubang sila sa atubangan sang Dios.

2 Kag si Iosue nagsiling sa bug-os nga banwa: “Amo ini ang ginsiling ni Iehoba, nga Dios ni Israel: Kutub sadto gid nga mga panag-on ang inyo mga ginikanan, si Tare, ang amay ni Abraham kag ang amay ni Nakor, nagpuluyô sa isa ka luyo sang subâ, kag sila nag-alalagad sang mga liwan nga mga dios.

3 Kag ginkuha ko ang inyo amay nga si Abraham gikan sa tabok sang subâ, kag ginpalakat ko sia sa bug-os nga duta sang Kanaan, kag ginpadamu ko ang iya kaliwatan, kag ginhatagan ko sia kay Isaak.

4 Kag ginhatag ko kay Isaak si Iakob kag si Esau; kag kay Esau ginhatag ko ang bukid nga Seir sa pagtagiya sa iya. Kag si Iakob kag ang iya mga anak nagdululhog sa Egipto.

5 Kag ginpadalâ ko si Moises kag si Aaron, kag ginpilas ko ang Egipto, sono sang ginhimo ko sa tungâ nila; kag sa olehe ginpagowa ko kamo gikan didto.

6 Busa ginpagowa ko ang inyo mga ginikanan sa Egipto, kag nag-alabut kamo sa dagat; kag ang mga Egiptohanon naglalagas sa inyong mga ginikanan, nga may mga kanga, kag mga manugkabayo tubtub sa dagat nga Mapula.

7 Kag sang nagsilingit sila kay Iehoba, nagbutang sia sing kadulum sa tungâ ninyo kag sa mga Egiptohanon; kag ginpalambut niya sa ila ang dagat nga tumabon sa ila, kag ang inyo mga mata nakakita sang ginhimo ko sa mga Egiptohanon; kag nagpuluyô kamo sing madamu nga mga adlaw sa kahanayakan.

8 Kag ginpasulud ko kamo sa duta sang mga Amorinhon, nga nagpuluyô sa tabok sang Iordan, kag sila nakig away batok sa inyo, kag gintugyan ko sila sa inyo mga kamut, kag nagtagiya kamo sang ila duta, kag ginlaglag ko sila sa atubangan ninyo.

9 Niyan nagtindug si Balak, anak ni Sipur, nga hari sa Moab, kag nagpagkaway sia batok kay Israel; kag nagpadalâ sia sa pagtawag kay Balaam, anak ni Beor, agud nga paghimalauton kamo.

10 Apang walâ ako magbuut sa pagpamati kay Balaam; kag ginpakamaayo pa kamo niya; kag ginluwas ko kamo sa iya mga kamut.

11 Kag nagtalabok kamo sang Iordan kag nag-abut kamo sa Ieriko; kag ang mga ginoo sang Ieriko nakigaway batok sa inyo, ang mga Amorinhon, ang mga Peresinhon, ang mga Kanaanhon, ang mga Hetinhon, ang mga Gergesinhon, ang mga Hebinhon kag ang mga Iebusinhon; kag gintugyan ko sila sa inyo mga kamut.

12 Kag nagpadalâ ako sing mga alingayo sa atubangan ninyo, nga gintabog rila sila sa atubangan ninyo, ang duha ka mga hari sang mga Amorinhon: indi ini tungud sa imo hinganiban, bisan tungud sa imo pana.

13 Kag ginhatagan ko kamo sing duta, nga walâ ninyo pagumha; kag mga banwa, nga walâ ninyo pagpatinduga; kag sa ila nagapuluyô kamo; kag nagakalaon kamo sa mga ulubasan kag sa mga kaolibahan, nga walâ ninyo igtanum.

14 Busa karon, kahadlukan-ninyo si Iehoba, kag mag-alagad kamo sa iya nga may kahimpitan kag sa kamatooran; kag isikway-ninyo ang mga dios, nga gin-alagdan sang inyo mga ginikanan sa tabok sang subâ kag sa Egipto; kag mag-alalagad-kamo kay Iehoba.

15 Kag kon daw malain sa inyo mga mata ang pag-alagad kay Iehoba, magpili-kamo karon kon sin-o ang inyo pagaalagdon: kon sa mga dios nga sa ila nag-alalagad ang inyo mga ginikanan, sang didto sila sa tabok sang subâ, kon sa mga dios sang mga Amorinhon, nga sa iya duta nagapuluyô kamo. Nahanungud sa akon kag sang akon panimalây, sa kay Iehoba magaalalagad kami.”



16 Kag nagsabat ang banwa kag nagsiling: "¡Malayô sa amon nga bayaan namon si Iehoba sa pag-alagad sa iban nga mga dios!"

17 Kay si Iehoba amo ang aton Dios. Amo sia ang nagpataklad sa aton kag sa aton mga ginikanan gikan sa duta sang Egipto, sa baláy sang mga ulipon, kag nga naghimo sini nga mga dalagku nga kalatingalahan sa atubangan naton, kag nga nagbantay sa aton sa bug-os nga dalanon sa diin kita maglakat kag sa tungâ sang tanan nga mga kabanwaan ang aton gin-agihan.

18 Kag si Iehoba nagtabog sa atubangan naton sang tanan nga mga banwa, kag sang mga Amorinhon, nga mga pumuluýô sa sini nga duta. Busa, kita man magaalagad kay Iehoba, kay amo sia ang aton Dios."

19 Kag nagsiling si Iosue sa banwa: "Indi kamo sarang makaalagad kay Iehoba, kay sia among Dios nga balaan, kag Dios nga maimon: sia indi magapasaylo sang inyo mga paglalis kag sang inyo mga salâ.

20 Kon magbiya kamo kay Iehoba kag mag-alalagad kamo sa mga dios nga dumuluong, magabalik sia kag magatistis sia sa inyo, kag magaupus sa inyo, sa ubus na nga nakabuhat sia sing maayo sa inyo."

21 Niyan nagsiling ang banwa kay Iosue: "Indi; kay pagaalagdon namon si Iehoba."

22 Kag si Iosue nagsiling sa banwa: "Kamo among mga saksi batok sa inyo kaugalingon, nga ginpili ninyo si Iehoba sa pag-alagad sa iya." Kag sila nagsiling: "Mga saksi kami."

23 "Busa karon, isikway-ninyo ang mga dios nga dumuluong, nga yara sa tungâ ninyo, kag buyoka-ninyo ang inyo tagiposoon kay Iehoba, nga Dios ni Israel."

24 Kag ang banwa nagsiling kay Iosue: "Magaalagad kami kay Iehoba, nga amon Dios, kag pagatalupangdon namon ang iya tungug."

25 Kag sa amo nga adlaw ginhimo ni Iosue ang pakigkatipan sa banwa, kag

ginbutangan sia niya sing mga palatukuran kag mga tulumanon, sa Sikem.

26 Kag ginsulat ni Iosue ini nga mga butang sa tolon-an sang kasogoan sang Dios. Kag nagkuha sia sing isa ka daku nga batô, kag pinatindug niya sia didto, sa idalum sang terebinto nga yara sa malapit sang balaan nga puluyan ni Iehoba.

27 Kag nagsiling si Iosue sa bug-os nga banwa: "Yari karon, ini nga batô manginsaksi batok sa aton, kay nakabati sia sang tanan nga mga polong nga ginhambal sa aton ni Iehoba, kag manginsaksi sia batok sa inyo, agud nga indi kamo magpanghiwâlâ sa inyo Dios."

28 Kag ginpadalâ ni Iosue ang banwa, ang tagsatagsa sa iya panublion.

Ang kamatayon ni Iosue kag ni Eleasar.

29 Kag nahanabu, sa tapus sining mga butang, nga napatay si Iosue, anak ni Nun, nga ulipon ni Iehoba, nga nag edad sia sing isa ka gatus kag napulô ka tuig.

30 Kag ginlubung nila sia sa dulunan sang iya panublion sa Timnat-Sera, nga yara sa bukid sa Epraim, sa Aminhan sang bukid sa Gaas.

31 Kag nag-alagad si Israel kay Iehoba sa bug-os nga panag-on ni Iosue, kag sa bug-os nga panag-on sang mga tigulang, nga naglawig sang ila mga adlaw sa olehe ni Iosue, kag nga nakahibalo sila sang tanan nga mga buluhaton ni Iehoba, nga ginhimo niya nga sa kay Israel.

32 Kag ginlubung nila sa Sikem ang mga tul-an ni Iose, nga ang mga anak ni Israel nagdalâ gikan sa Egipto, sa bahin sang latagon, nga ginbakal ni Iakob sa mga anak ni Hemor, nga amay ni Sikem, sa isa ka gatus ka panid nga pilak: kag nanginpanublion sila sang mga anak ni Iose.

33 Kag napatay man si Eleasar, anak ni Aaron; kag ginlubung nila sia sa bakolod ni Pinees, nga iya anak, nga ginhatag sa iya sa kabukiran sa Epraim.

# ANG MĠA MANUGHUKOM.

Mġa bag-ong pagdaug.

1 KAG nahanabu, sa tapus sang kama-tayon ni Iosue, nġa ang mġa anak ni Israel nagpamangkot kay Iehoba, nġa nagasiling: “ġ Sin-o bala sa amon ang magataklad nġa tig-una sa pagpakig-away batok sa mġa Kanaanhon?”

2 Kag si Iehoba nagsabat: “Si Iuda magataklad. Yari karon, nġa gintugyan ko ang duta sa iya mġa kamut.”

3 Kag si Iuda nagsiling kay Simeon, nġa iya útud: “Taklad-ka kaúpod nakon sa akon kapalaran, kag magpakig-away kita batok sa mġa Kanaanhon; kag ako man magakadto kaúpod nimo sa imo kapalaran,” kag si Simeon naglakat kaúpod niya.

4 Kag nagtaklad si Iuda, kag gintugyan ni Iehoba sa iya mġa kamut ang mġa Kanaanhon kag ang mġa Peresinhon; kag sa ila pinamilas nila sa Besek ang napúlô ka libo ka tawo.

5 Kag sa Besek nakita nila si Adoni-Besek, kag nakigaway sila batok sa iya, kag pinilas nila ang mġa Kanaanhon kag ang mġa Peresinhon.

6 Kag si Adoni-Besek nalagyo, kag ginlagas sia nila kag dinakup sia nila, kag inutdan nila sia sing mġa kumalagku sang mġa kamut kag sang mġa tiil.

7 Kag si Adoni-Besek nagsiling: “Kapitoan ka mġa hari, nġa napanġutdan sang mġa kumalagku sang ila mġa kamut kag sang ila mġa tiil, nagapamolot sang mġa momho sa idalum sang akon latok. Subung sang ginhimo ko, among ginbayad sang Dios sa akon.” Kag gindalá nila sia sa Ierusalem, nġa didto sia napatay.

8 Kag nakigaway ang mġa anak ni Iuda sa Ierusalem, kag nakuha nila ang banwa, kag pinalas nila sia sa sulab sang hinganiban, kag tinutdan nila ang banwa.

9 Kag ugaling ang mġa anak ni Iuda

nagdululhog sa pag-away batok sa mġa Kanaanhon, nġa nagapuluyô sa mġa kabukiran, sa Bagatnan, kag sa manubo.

10 Kag naglakat si Iuda batok sa mġa Kanaanhon, nġa nagapuluyô sa Hebron. Ang nġalan sadto sang Hebron anay among Kiriati-Arba; kag pinilas nila si Sesai, kag si Ahiman, kag si Talmai.

11 Kag gikan didto napakadto sia batok sa mġa nagapuluyô sa Debir; kag ang nġalan sang Debir sadto anay among Kiriati-seper.

12 Kag si Kaleb nagsiling: “Ang makapilas sang Kiriati-seper kag makuha sia niya, igapaasawa ko sa iya si Aksa, nġa akon anak.”

13 Kag nakuha ini ni Otniel, anak ni Kenas, manghud ni Kaleb; kag ginpaasawa niya sa iya si Aksa, nġa iya anak.

14 Kag nahanabu, sang pagsulúd nila sa iya, ginsugyot sia niya, nġa mangayo sa iya amay sing isa ka latagon. Kag nagkawas si Aksa sa asno, kag si Kaleb nagsiling sa iya: “ġ Ano ang buut mo?”

15 Niyan si Kaleb nagsabat sa iya: “Hatagan mo ako sing isa ka pagpakamaayo; kay ginhatagan mo ako sing duta nġa nabagatnan: hatagan man ako sing mġa tuburan sang mġa tubig.” Kag ginhatagan sia ni Kaleb sing mġa tuburan sa ibabaw kag mġa tuburan sa idalum.

16 Kag ang mġa anak sang Keninhon, nġa ugangan ni Moises, nagtaklad gikan sa banwa sang mġa kahoy nġa paklang kaúpod sang mġa anak ni Iuda pa kahanayakan ni Iuda, nġa yara sa Bagatnan sang Arad; kag nagkaladto sila kag nagapuluyô kaúpod sang banwa.

17 Kag si Iuda nagkadto kaúpod sang iya útud nġa si Simeon, kag ginpilas nila ang mġa Kanaanhon, nġa nagapuluyô sa Sepat, kag gintagudilian nila sila, kag ginahingalanan nila ang banwa nġa Horma.

18 Ginkuha man ni Iuda ang Gasa



patí ang iya dulunan, kag ang Askalon patí ang iya dulunan, kag ang Ekron patí ang iya dulunan.

19 Kag nagkadto si Iehoba kaúpud ni Iuda, kag gintagiya niya ang kabukiran; apang walâ makasobol sia sang mga pumuluyô sang nalupyakan, kay may mga kanga nga salsalon sila.

20 Kag ginhatag nila ang Hebron kay Kaleb, subung nga ginsiling ni Moises; kag ginsobol niya didto ang tatlo ka batâ ni Anak.

21 Apang ang mga Iebusinhon, nga nagpuluyô sa Ierusalem, walâ pagsobola sang mga anak ni Benyamin; kag ang mga Iebusinhon nagpuluyô kaúpud sang mga anak ni Benyamin sa Ierusalem tubtub karon.

22 Kag ang mga anak ni Iose nagtalaklad man sa Bethel, kag nagúpud sa ila si Iehoba.

23 Kag ang panimaláy ni Iose nagpausisa sa Bethel. Kag ang ngalan sang banwa sadto anay among Lus.

24 Kag ang mga manugbantay nakakita sing isa ka tawo nga nagagowa sa banwa, kag nagsililing sila sa iya: "Ipa-kita sa amon karon ang salamputan sang banwa, kag magagamit kami sing kalooy sa imo."

25 Kag ginpakita niya sa ila ang salamputan sang banwa, kag ginpilas nila ini sa sulab sang hinganiban; apang pinabayaang nila nga maglakat yadto nga tawo patí ang iya panimaláy.

26 Kag ini nga tawo nagkadto sa duta sang mga Hetinhon, kag nagtukud sing isa ka banwa, nga ginangalanan niya nga Lus; kag ini among iya ngalan tubtub karon.

27 Walâ man pagsobola ni Manases ang mga pumuluyô sa Bet-sean, kag ang iya mga minoro, bisan ang Taanak kag ang iya mga minoro; bisan ang mga pumuluyô sang Dor kag ang iya mga minoro; bisan ang mga pumuluyô sa Iibleam kag ang iya mga minoro; bisan ang mga pumuluyô sang Megido kag ang iya mga minoro; kag ang mga Kanaanhon buut gid magpuyô sa sini nga duta.

28 Kag nahanabu, sang si Israel nanġinmabaskug, nga ginhimo niya ang mga Kanaanhon nga bumuluhi; apang walâ nila pagsobola sing bug-os.

29 Walâ man pagsobola ni Epraim ang mga Kanaanhon, nga nagpuluyô sa

Geser; kag ang mga Kanaanhon nagpuluyô sa tungâ nila sa Geser.

30 Walâ man pagsobola ni Sabulon ang mga pumuluyô sa Kitron, bisan ang mga pumuluyô sang Nahalol; kag ang mga Kanaanhon nagpuluyô sa tungâ nila apang nanġinbumuluhi sa iya ini sila.

31 Walâ man pagsobola ni Aser ang mga pumuluyô sa Ako, bisan ang mga pumuluyô sa Sidon, bisan sa Aklab, bisan sa Aksib, bisan sa Helba, bisan sa Apek, bisan sa Rehob.

32 Kag ang mga Aserinhon nagpuluyô sa tungâ sang mga Kanaanhon, nga mga pumuluyô sa duta; kay walâ niya sila pagsobola.

33 Walâ man pagsobola ni Neptali ang mga pumuluyô sa Bet-semes, bisan ang mga pumuluyô sa Bet-Anat, kag nagpuyô sia sa tungâ sang mga Kanaanhon, nga mga pumuluyô sa duta, kag nanġinbumuluhi sa iya ang mga pumuluyô sa Bet-semes, kag ang mga pumuluyô sa Bet-Anat.

34 Kag ginpadusdus sang Amorinhon ang mga anak ni Dan sa bukid; nga walâ nila pagtuguti sa pagdulhog sa nalupyakan.

35 Kag buut ang mga Amorinhon magpuyô sa bukid sang Heres, sa Ayalon kag sa Saalbim; apang ang kamut sang panimaláy ni Iose nanġinmabug-at sa *ibabaw* nila kag ginpanghimo sila nga mga bumuluhi.

36 Kag ang dulunan sang Amorinhon amo kutub sa bukid sang Akrabim, kutub sa Pil-as kag sa ibabaw.

Ang Manugtunda sang Ginoo nagasabdong sa banwa.

**2** KAG ang manugtunda ni Iehoba nagtaklad kutub sa Gilgal pa Bokim, kag nagsiling sia: "Ako ang nagpataklad sa inyo sa Egipto, kag gindalâ ko kamo sa duta, nga akon ginsumpa sa inyo mga ginikanan, kag nagsiling ako: Indi ko gid paglalison ang akon katipan sa inyo;

2 Kag kamo, indi magpakigdampig sa mga pumuluyô sini nga duta: ang ila mga halaran pagadugmukon ninyo. Kag kamo walâ magpamati sang akon tingug. Ngaa bala nga naghimo kamo sini?

3 Tunġud sini, ako nagsiling man: Indi ko na sila pagsobolon gikan sa

atubangan ninyo, kag sila *manġinkasumpung* sa inyo mga kilid, kag ang ila mga dios mangintiglapak sa inyo."

4 Kag sang naghambal ang manugtunda ni Iehoba sini nga mga polong sa tanan nga mga inanak ni Israel, ang katawohan nagtaas sang tingug kag naghibi.

5 Kag ginangalanan nila yadto nga duug nga Bokim,\* kag naghalad sila didto kay Iehoba.

*Kinaugali sang panag-on sang mga hukom.*

6 Kag ginpakadto na ni Iosue ang katawohan, kag ang mga anak ni Israel nagkaladto ang tagsatagsa sa iya panublion sa pagtagiya sang duta.

7 Kag ang katawohan nag-alagad kay Iehoba sa tanan nga mga adlaw ni Iosue kag sa tanan nga mga adlaw sang mga tigulang, nga naglalawig ang ila mga adlaw sa olehe ni Iosue; nga sila nakakita sang tanan nga dalagku nga mga binuhatan ni Iehoba, nga iya ginhimo kay Israel.

8 Kag napatay si Iosue, anak ni Nun, ulipon ni Iehoba, sa edad nga isa ka gatus kag napulô ka tuig.

9 Kag ginlubung nila sia sa mga dulunan sang iya panublion, sa Timnat-Heres, sa bukid sang Epraim, sa Aminhan sang bukid sang Gaas.

10 Kag yadtong bug-os nga kaliwatan ginsimpon man sa ila mga ginikanan; kag bimanġon sa olehe nila ang isa liwan ka kaliwatan, nga walâ kakilala kay Iehoba, bisan ang mga binuhatan, nga iya ginhimo kay Israel.

11 Kag ang mga anak ni Israel naghilimo sing malain sa mga mata ni Iehoba, kag nag-alalagad sila sa mga Baal.

12 Kag ginbayaan nila si Iehoba, ang Dios sang ila mga ginikanan, nga nagpagowa sa ila sa duta sang Egipto, kag nagsulunud sila sa olehe sang mga dios nga dumuluong, nga mga dios sang mga katawohan nga yara sa palibot nila, nga sa ila naglayaub sila, kag ginpainit nila sa kaakig si Iehoba.

13 Kag ginbayaan nila si Iehoba, kag nag-alalagad sila kay Baal kag kay Ashtarot.

14 Kag ang kasingkal ni Iehoba nag-

siga batok kay Israel, nga gintugyan sila niya sa mga kamut sang mga mangangawat, nga naglugus sa ila, kag ginbaligya sila niya sa mga kamut sang ila mga kaaway nga sa palibot: kag walâ sila makasarang pagtindug sa atubangan sang ila mga kaaway.

15 Bisan diin nga maggulowa sila, ang kamut ni Iehoba among batok sa ila nga sa kalainan, siling sang kinasiling ni Iehoba, kag subung sang ginsumpa ni Iehoba sa ila; kag yara sila sa daku nga kalisdanan.

16 Kag si Iehoba nagbangon nga sa ila sing mga Manughukom, nga nagalugas sa ila sa kamut sang mga naglulugus sa ila.

17 Kag walâ man sila magpalamati sa ila mga manughukom, kay nagpanghilahe sila sa olehe sang iban nga mga dios, kag naglayaub sila sa atubangan nila. Nagbululag sila sing madagmit sa dalanon, nga ginlaktan sang ila mga ginikanan, nga nagatuluman sa mga sogo ni Iehoba, nga sila walâ maghilimo sing subung.

18 Kag, sang si Iehoba nagbangon sa ila sing mga Manughukom, si Iehoba yara kaupud sang Manughukom, kag nagluwas sia sa ila sa kamut sang mga kaaway sa bug-os nga kabuhi sang Manughukom; kay si Iehoba naghikalooy sa ila sang ila mga panghayhay, nga ginpanghakroy nila sa atubangan sang mga nagpigis kag nagsakit sa ila.

19 Kag nahanabu, sa pagkamatay sang Manughukom, nga nagbalalik sila kag nagakaladunot nga labi pa sa ila mga ginikanan, nga nagsulunud sila sa iban nga mga dios sa pag-alagad sa ila, kag sa pagyaub sa atubangan nila; kag walâ silay pagbuhin sang ila mga binuhatan kag sang ila matig-a nga dalanon.

20 Kag ang kaakig ni Iehoba nagsiga batok kay Israel, kag nagsiling sia: "Tungud kay ini nga katawohan naglapas sang akon katipan, nga ginsogo ko sa ila mga ginikanan, kag walâ sila magpamati sang akon tingug,

21 Indi ako man magasobol na sing tawo sa atubangan nila sa tungâ sang mga katawohan, nga ginbayaan ni Iosue sang iya pagkamatay;

22 Agud nga tungud sa ila matilawan ko si Israel, kon magabantay sila sang dalan ni Iehoba, nga nagalalakat sila sa

\* *Bokim*, hinibian.



iya, subung sang pagbantay sang ila mga ginikanan, kon indi."

23 Kag ginpabayaan ni Iehoba, nga mabilin yadto nga mga katawohan, kag walâ niya pagsobola sing madali; kay walâ niya sila igtugyan sa kamut ni Iosue.

**3** KAG yari karon ang mga katawohan, nga ginpabayaan ni Iehoba, nga mabilin sa pagtilaw tungud sa ila kay Israel, *kon sayoron*, ang tanan yadtong walâ makakilala sang tanan nga mga pagpakigaway sa Kanaan;

2 *Kag ini*, lamang agud nga ang kalawatan sang mga anak ni Israel makakilala sa ila *kag* agud nga pagtudloan sila sa pagpakigaway, lamang ang mga walâ pa makakilala sang mga úna nga *ilina*way:

3 *Ini nga mga katawohan among* lima ka dunganon sang mga Pilistinhon, kag ang tanan nga mga Kanaanhon, kag ang mga Sidoninhon, kag ang mga Hebinhon, nga nagpuluyô sa bukid sang Libano: kutub sa bukid sang Baal-Hermon tubtub sa salamputan sa Hamat.

4 Kag ini sila among pagtilaw tungud sa ila kay Israel, sa paghibalo kon magatuluman sila sang mga sogo ni Iehoba, nga iya ginsogo sa ila mga ginikanan tungud sang kamut ni Moises.

Si Otniel nagaluwas kay Israel sa kamut sang hari sang Mesopotamia.

5 Kag ang mga inanak ni Israel nagpuluyô sa tungâ sang mga Kanaanhon, mga Hetinhon, mga Amorinhon, mga Persinhon, mga Hebinhon kag mga Iebusinhon.

6 Kag sa mga anak nga babae nila sini nagpalangasawa kag ginhatag nila ang ila gid mga anak nga babae sa mga anak nga lalaki nila, kag nag-alalagad sila sa ila mga dios.

7 Kag ang mga inanak ni Israel naghilimo sing malain sa mga mata ni Iehoba; kag nagkalalimot sila kay Iehoba, nga ila Dios, kag nag-alalagad sila sa mga Baal kag sa mga Asherim.

8 Kag ang kaakig ni Iehoba nagsiga batok kay Israel, kag binaligya niya sila sa kamut ni Kusan-Risataim, hari sa Mesopotamia; kag nag-alalagad ang mga anak ni Israel kay Kusan-Risataim sing walo ka tuig.

9 Kag nagsilingit ang mga anak ni Israel kay Iehoba, kag ginbangon ni Iehoba ang isa ka manluluwas sa mga anak ni Israel, nga nagluwas sa ila, si Otniel, anak ni Kenas, manghud ni Kaleb.

10 Kag ang Espiritu ni Iehoba yara sa ibabaw niya, kag naghukom sia sa Israel; kag naglakat sia sa pagpakigaway. Kag gintugyan ni Iehoba sa iya kamut si Kusan-Risataim, hari sang Aram, kag naglandas ang iya kamut batok kay Kusan-Risataim.

11 Kag naglinong ang duta sing kapatan ka tuig. Kag napatay si Otniel, anak ni Kenas.

Si Ehud nagaluwas kay Israel sa kamut sang hari sang Moab.

12 Kag ang mga anak ni Israel nagpaladayon sa paghimo sing malaut sa mga mata ni Iehoba; kag ginpabaskug ni Iehoba si Eglon, hari sa Moab, batok kay Israel, bungud kay naghilimo sila sing malaut sa mga mata ni Iehoba.

13 Kag gintugub ni Eglon kaupud niya ang mga anak ni Amon kag ni Amalek; kag naglakat sia, kag ginpilas niya si Israel, kag gintagiya niya ang banwa sang mga kahoy nga paklang.

14 Kag nag-alagad ang mga anak ni Israel kay Eglon, hari sa Moab sing napulô kag walo ka tuig.

15 Kag sang nagsilingit ang mga anak ni Israel kay Iehoba, ginbangon ni Iehoba ang isa ka manluluwas sa ila, nga si Ehud, anak ni Gera, nga Benyaminhon, nga walhon sia. Kag ang mga anak ni Israel nagpadalâ kaupud niya sing isa ka dolot kay Eglon, hari sang Moab.

16 Kag si Ehud naghimo sa iya sing isa ka kumpulan nga duhay sulab, nga isa ka maniko ang kalaba; kag tinaklos niya ini sa idalum sang iya mga panapton sa ibabaw sang iya balikawang nga too.

17 Kag ginhatag niya ang dolot kay Eglon, hari ni Moab. Kag si Eglon among tawo nga tama ka tambok.

18 Kag sang nahatag niya ang dolot, pinahalín niya ang mga tawo nga nagadalâ sang dolot.

19 Apang sia gid nagbalik gikan sa Pesilim, nga malapit sa Gilgal, kag nagsiling: "Hari, may isa ako ka polong

n̄ga hilum, n̄ga sa imo.” Kag si Eglon nagsiling: “Hipus-ka” kag naghahalalín didto sa iya ang tanan n̄ga yadto sa atubangan niya.

20 Kag nagsulúd si Ehud sa iya. Kag sia naglingkod sa iya hulut n̄ga sa pangadlawan, n̄ga among sa iya lamang. Kag si Ehud nagsiling sa iya: “May polong ako sang Dios n̄ga sa imo.” Kag sia nagtindug sa lingkoran n̄ga harianon.

21 Kag kinuut ni Ehud ang iya kamut n̄ga walá, gingabut niya ang kampilan sa balikawaug n̄ga too, kag pinasalup niya ini sa iya tiyan;

22 Kag ang púló nagsulúd man sa olehe sang sulab; kag tinabunan sang tambok ang sulab, n̄ga walá niya magabut ang kampilan sa iya tiyan, kag nag-gowa ini sa likod.

23 Kag si Ehud naggowa sa alagyan, gintakpan niya sa olehe niya ang m̄ga gawang sang hulut, kag ginpintalan niya.

24 Kag sang nakagowa na sia, nag-alabut ang m̄ga ulipon *sang hari*; kag sang nakit-an nila, yari karon, n̄ga napanakpan ang m̄ga gawang sang hulut n̄ga may pintal, kag nagsililing sila: “Sa walay duhaduha ginatabunan niya ang iya m̄ga tiil sa hulut n̄ga sa pangadlawan.”

25 Kag naghululat sila tuhtub n̄ga magkalahuya sila; kag yari karon, walá sing sin-o n̄ga nagbukas sang m̄ga gawang sang hulut n̄ga mataas. Kag nagkuha sila sing yawi kag binuksan; kag, yari karon, ang ila ginoo naholog sa duta n̄ga patay.

26 Kag sang nagaduhaduha pa sila, si Ehud nagpalagyo; kag sang inagi niya ang Pesilim, nagpalagyo sia sa Sehira.

27 Kag sang nakasulúd na sia, pinatunog niya ang budyong sa bukid ni Epraim, kag ang m̄ga anak ni Israel nagdululhog kaúpud niya sa bukid, kag sia sa úna nila.

28 Kag sia nagsiling sa ila: “Sunud-kamo sa akon, kay gintugyan ni Iehoba sa inyo m̄ga kamut ang inyo m̄ga kaway n̄ga m̄ga Moabinhon. Kag nagpadulhog sila sa olehe niya, kag ginkuha nila ang m̄ga tabungan sang Iordan sa atubangan sang Moab, kag walá nila pagtuguti sa pag-agi bisan sin-o.

29 Kag sadto n̄ga dag-on pinamilas nila ang Moab, n̄ga may napúlô ka libo,

n̄ga tanan m̄ga makusug kag n̄ga tanan m̄ga tawo n̄ga maisug; kag walay naka-palagyo bisan sin-o.

30 Sa sini, nanginsakup si Moab, sadto n̄ga adlaw, sa idalum sang m̄ga kamut ni Israel; kag naglinong ang duta sing kawaloan ka tuig.

31 Kag sa olehe niya amo sadto si Samgar, anak ni Anat. Kag pinilas niya ang m̄ga Pilistinhon: anum ka gatus ka tawo n̄ga may isa ka sontok sa baka. Kag sia man nagluwas kay Israel.

Ang manalagna n̄ga babae n̄ga si Debora, n̄ga nabuylog ni Barak, nagaluwas kay Israel sa kamut ni labin, hari sa Kanaan.

**4** KAG ang m̄ga anak ni Israel nagpaladayon sa paghimo sing malain sa m̄ga mata ni Iehoba sa *tapus* sang pagkamatay ni Ehud.

2 Kag binaligya sila ni Iehoba sa m̄ga kamut ni labin, hari sa Kanaan, n̄ga naghari sa Asor. Kag ang pangolo sang iya kasoldadosan si Sisera, kag nagpuyô sia sa Haroset-goim.

3 Kag ang m̄ga anak ni Israel nagsilingit kay Iehoba, kay may siam sia ka gatus ka m̄ga kanga n̄ga salsalon. Kag ginpigos niya ang m̄ga anak ni Israel sing maluguson gid sa duha ka púlô ka tuig.

4 Kag si Debora, manalagna n̄ga babae, asawa ni Lapidot, naghukom sadto n̄ga dag-on sa Israel.

5 Kag sia naglingkod sa idalum sang paklang ni Debora sa tungâtungâ sang Rama kag sang Bethel, sa bukid ni Epraim; kag ang m̄ga inanak ni Israel nagtalaklad sa iya, agud n̄ga paghukman sila.

6 Kag sia nagpadalá sa pagtawag kay Barak, anak ni Abinoam, sa Kedes sa Neptali, kag nagsiling sia sa iya: “¿Walá bala magsogo sa imo si Iehoba, n̄ga *nagasiling*: Lakat, kag magpabukid ka sa Tabor, kag kumuha-ka kaúpud nimo sing napúlô ka libo ka tawo sa m̄ga anak ni Neptali, kag sa m̄ga anak ni Sabelon?”

7 Kag pagabuyokon ko batok sa imo nayon sa kasulgan sang Kison si Sisera, pangolo sang kasoldadosan ni labin, patí ang iya m̄ga kanga kag ang iya kadaman; kag igatugyan ko sia sa imo m̄ga kamut.”



8 Kag si Barak nagsiling sa iya: "Kon ikaw magúpud sa akon, ako magalakat; apang kon' indi ka magúpud sa akon, indi ako magkadto."

9 Kag sia nagsiling: "Magaúpud ako, magaúpud ako sa imo; apang indi manginkadungan mo ang dalan nga imo pagalakatan; kay sa kamut sang isa ka babae igabaligya ni Iehoba si Sisera." Kag sang timindug si Debora, nagúpud sia kay Barak pa Kedes.

10 Kag ginpatipon ni Barak si Sabalon kag si Neptali sa Kedes; kag nagtalaklad sa olehe niya ang napúlô ka libo ka tawo; kag si Debora nagtaklad kaúpud niya.

11 (Kag si Heber, nga Kinetinhon, nagbulag sa mga Kinetinhon, anak ni Hobab, ugangan ni Moises, kag ginbutang niya ang iya layanglayang tubtub sa terebinto sang Saanaim, nga yara malapit sa Kedes).

12 Kag ginsugid nila kay Sisera, nga si Barak, anak ni Abinoam, nagtaklad na sa bukid sang Tabor.

13 Niyan ginpatipon ni Sisera ang tanan niya nga mga kanga, siam ka gatus ka kanga nga salsalon patí ang bug-os nga banwa nga yara kaúpud niya kutub sa Haroset-goim tubtub sa kasulgan sang Kison.

14 Kag si Debora nagsiling kay Barak: "Tindug-ka, kay yari karon, ini amo ang adlaw nga si Sisera gintugyan ni Iehoba sa imo mga kamut. ¿Walá bala maglakat si Iehoba sa úna nimo?" Kag si Barak nagdulhog sa bukid sang Tabor, kag ang napúlô ka libo ka tawo sa olehe niya.

15 Kag ginwagwag ni Iehoba si Sisera, kag ang tanan niya nga mga kanga, kag ang bug-os niya nga mga kasoldadosan sa sulab sang hinganiban sa atubangan ni Barak; kag si Sisera naglusad sa iya kanga, kag nalagyo sia nga lakat lang.

16 Kag ginlagas ni Barak ang mga kanga kag ang kasoldadosan, tubtub sa Haroset-goim; kag ang bug-os nga kasoldadosan ni Sisera naholog sa sulab sang hinganiban, tubtub nga walay nabilin bisan isa sa ila.

17 Kag si Sisera nagpalagyo nga lakat pa layanglayang ni Iael, asawa ni Heber, nga Kenitinhon; kay may paghidaet sa tungâ ni Iabin, hari ni Asor, kag sang baláy ni Heber, nga Kenitinhon.

18 Kag sang pagowa ni Iael sa pag-

sugata kay Sisera, nagsiling sia sa iya: "Sulúd-ka, ginoo nakon, sulúd-ka sa akon; dili ka magkahadluk." Kag sia nagsulúd sa iya sa layanglayang, kag gintabunan sia niya sing isa ka habol.

19 Kag sia nagsiling kay Iael: "Ginaampo ko sa imo, nga paimnon mo ako sing diyotay nga tubig, kay ginauhaw ako." Kag binuksan ni Iael ang panit sang gatas, kag pinainum sia, kag gintabunan sia niya.

20 Kag sia nagsiling sa iya: "Tindug-ka sa gawang sang layanglayang, kag mahanabu, nga kon sin-ong mag-abut kag mamangkot sa imo, kag magsiling: may tawo bala diri? sabton-mo: Walâ."

21 Kag si Iael, asawa ni Heber, nagkuha sing isa ka palpal sang layanglayang kag kumaput sing isa ka pakang, kag nagkadto sa iya sing hipus gid, kag iya ginpalapsan sang palpal sa mga dungadungan, nga nagdulut sa duta; kay tama gid ang iya katuyo kag kalapyo, kag napatay sia.

22 Kag yari karon, si Barak, nga nagalagas kay Sisera; kag si Iael nagkowa sa pagsugata sa iya, kag nagsiling sia sa iya: "Kari-ka kag igapakita ko sa imo ang lalaki, nga imo ginapanigita." Kag nagsulúd sia didto sa iya, kag yari karon, si Sisera nagaligid nga patay, nga ratuhog sang palpal ang iya dungadungan.

23 Kag sadto nga adlaw ginpasakup sang Dios si Iabin, hari sang Kanaan, sa atubangan sang mga anak ni Israel.

24 Kag ang kamut sang mga inanak ni Israel naglandas sing labi pa gid batok kay Iabin, hari sang Kanaan, tubtub nga nalaglag nila si Iabin, hari sa Kanaan.

Kalantahon ni Debora.

**5** KAG sadto nga adlaw nag-ambahan si Debora kaúpud ni Barak, anak ni Abinoam, nga nagsiling:

2 "Dayawon-ninyo si Iehoba,

Tungud nga ang mga pangolo nagkuluha sang pagkapangolo sa Israel,

Tungud nga ang banwa naghalad sa iya gid sa maayo nga kabubuton.

3 Pamati-kamo, mga hari; dunga-ninyo, mga dunganon;

- Ako, ako magaabahan sing kalantahan kay Iehoba ;  
Magaambahan ako kay Iehoba, nga Dios ni Israel.
- 4 Sang paghalin mo sa Seir, oh Iehoba,  
Sang pagtaliwan mo sa latagon sang Edom,  
Ang duta nagkurug, kag patí ang mga langit nagtololo,  
Kag patí ang mga gal-um nagtololo sing mga tubig.
- 5 Ang mga bukid nagkalatunaw sa atubangan ni Iehoba,  
Ang amo nga Sinai sa atubangan ni Iehoba, nga Dios ni Israel.
- 6 Sa mga adlaw ni Samgar, anak ni Anat,  
Sa mga adlaw ni Iael, nanginkahanayakan ang mga dalan,  
Kag ang mga manuglakat nagalalakat sa likoliko nga mga banas.
- 7 Ang mga pangolo nagkululang sa Israel, nagkululang sila,  
Tubtub nga ako nga si Debora nagtindug,  
Nagtindug ako nga iloy sa Israel.
- 8 ¿ Ginpili nila bala sing diosdios nga bag-o?  
Niyan ang pakigawayan yara sa mga gawang.  
¿ May nakit-an bala nga kalasag, kon bangkaw sa mga kap-atan ka libo sa Israel?
- 9 Ang akon tagiposoon yara sa mga pangolo ni Israel,  
Sa mga naghalalad sa ila gid sa maayo nga kabubut-on sa tunga sang banwa :  
Dayawon-ninyo si Iehoba,
- 10 Kamo, nga mga nagakalabayon sa mga asno nga babae nga mga maputi,  
Kamo nga nagalingkod sa mga matatum nga mga banig ;  
Kag kamo nga mga nagalalakat sa mga dalanon, pag-ambahan-kamo.
- 11 Malayô sa kagahud sang mga manugpana, sa tunga sang mga palainnan,  
Didto ginahiwat nila ang mga buluhaton nga matarung ni Iehoba,  
Ang mga buluhaton nga matarung sang mga pangolo sa Israel.  
Niyan nagdulhog na ang banwa ni Iehoba sa mga gawang.
- 12 Pagmata-ka, pagmata-ka, Debora :  
Pagmata-ka, pagmata-ka ; magmitlang-ka sing isa ka kalantahan.  
Tindug-ka, Barak, kag dalha ang imo mga bihag, anak ni Abinonam.
- 13 Niyan nagdulhog ang isa ka nabilin sang mga kadalagkuan, kag sang banwa,  
Nagdulhog si Iehoba tungud sa akon batok sang mga tawo nga maisug.
- 14 Sa Epraim nagagikan ang mga may gamut sa Amalek.  
Sa olehe nimo, Benyamin *nagalakat* kaupud sang imo mga kadam-an.  
Gikan sa Makir nagadululhog ang mga pangolo,  
Kag gikan sa Sabulon, ang mga nagadalala sang baras sang eskriba.
- 15 Kag ang akon mga pangolo sa Isakar nagaulupud kay Debora ;  
Kag subung kay Isakar, si Barak man,  
Nagdali sila sa iya mga tikang sa nalupyakan.  
Sa luyo sang mga ililigan ni Ruben may mga dalagku nga mga pagtapat sa tagiposoon.
- 15 ¿ Kay nga bala naglingkod ka sa tunga sang mga palasudlan  
Sa pagpamati sang mga patunog sa mga kahayupan?  
Sa luyo sang mga ililigan ni Ruben may dalagku nga mga pagusisa sang mga tagiposoon.
- 17 Si Galaad nagpabilin sa iya puluyan sa pihak sang Iordan.  
Kag si Dan, ¿ nga bala nabilin sia didto sa mga sakayan?  
Si Aser naglingkod sa higad sang mga dagat,  
Kag nagpabilin sia nga malinong sa iya mga dungkaan.
- 18 Ang Sabulon among banwa nga nagtamay sa iya kabuhi tubtub sa kamatayon,  
Subung man si Neptali sa ibabaw sang mga kataason sang mga latagon.
- 19 Ang mga hari nag-alabut kag nag-alaway sila.  
Niyan nag-alaway ang mga hari sa Kanaan,  
Malapit sa Taauak, sa luyo sang mga tubig sang Megido ;



- Apang walâ silay dinalâ nga daug  
bisan isa ka panid nga pilak.
- 20 Gikan sa mga langit nakigaway  
ang mga bitoon ;  
Kutub sa ila mga panlakatan nakig-  
away sila batok kay Sisera.
- 21 Sinilhig sila sang kasulgan ni  
Kison,  
Ang daan nga kasulgan, ang ka-  
sulgan ni Kison.  
Maninguna-ka, kalág ko, nga may  
kabakud.
- 22 Niyan ang mga koko sang mga  
kabayo nagpalagakpak,  
Tungud sang mga pagdalagan nga  
madasig, tungud sang mga dala-  
gan nga masako sang ila mga  
maisug.
- 23 Pakamalauta-ninyo ang Meros,  
Nagsiling ang manugtunda ni  
Iehoba :  
Pakamalauta, pakamalauta-ninyo  
ang iya mga pumuluyô,  
Kay walâ mag-abut sila nga bulig  
kay Iehoba,  
Nga bulig kay Iehoba, upud sa  
mga makusug.
- 24 Manginbulahan, labi sa mga babae,  
si Iael,  
Asawa ni Heber nga Kenitinhon ;  
Labi sa mga babae nga nagapuluyô  
sa mga layanglayang, mangin-  
bulahan sia.
- 25 Nangayô sia sing tubig ; ginhata-  
gan niya sia sing gatas ;  
Sa tagayan sang mga halangdon  
gintagay niya ang latab.
- 26 Inuntay niya ang iya kamut sa  
palpal,  
Kag ang iya too sa pakang sang  
mga panday ;  
Kag pinakang niya si Sisera : pina-  
litik niya ang iya olo,  
Pinadutlan niya kag linapsan ang  
iya mga dungandungan.
- 27 Sa iya mga tiil nagduko sia, napu-  
kan sia, himamyang sia.  
Sa iya mga tiil nagduko, kag na-  
pukan sia ;  
Kon diin sia nagduko, didto sia na-  
pukan nga patáy.
- 28 Ang ilôy ni Sisera nagtan-aw sa  
galawahan,  
Sa lipud sang mga balatibat, kag  
nagsingit sia :  
Nga bala nadugay pa ang iya  
kanga sa pag-abut ?

¿ Nga bala nagadugay ang pagla-  
kat sang iya mga kanga ?

- 29 Ang mga labing maalam sang iya  
mga ginoo nga bubae nagsabat  
sa iya,  
Kag nagsabat sia sa iya kaugali-  
ngon :
- 30 ¿ Walâ silay nakit-an bala sing ina-  
gaw kag walâ bala sila mag-  
pamahat ?  
Ang isa ka dalaga, duha ka dalaga  
sa tagsa ka tawo.  
Ang inagaw sang mga panapton  
nga linugum kay Sisera ;  
Ang inagaw sang mga binordahan  
nga panapton nga linugum,  
Isa ka panapton nga linugum nga  
binordahan sing makaduha, nga  
sa mga liog sang inagaw.
- 31 Amo ining pagkadula sang tanan  
nimo nga mga kaaway, oh  
Iehoba :  
Apang ang mga nagahigugma sa  
iya, manginsubung sang adlaw  
kon nagasubang sa iya kusug.”  
Kag ang duta naglinong sing kapatán  
ka tuig.

Pinadala sang Dios si Gedeon sa pagluwas kay  
Israel sa mga Madianinhon.

- 6 KAG ang mga inanak ni Israel nag-  
hilimo sing malaut sa mga mata ni  
Iehoba ; kag gintugyan sila ni Iehoba sa  
mga kamut ni Madian sing pito ka tuig.
- 2 Kag ang kamut ni Madian naglan-  
das batok kay Israel, kag ang mga ina-  
nak ni Israel, sa kabangdanan sang mga  
Madianinhon, naghilimo sing mga lu-  
ngib sa mga bukid, kag mga awang, kag  
mga duug nga malig-on.
- 3 Kag nahanabu nga, sang nakapan-  
gas ang mga inanak ni Israel, nagtaklad  
ang Madian, upud si Amalek, kag ang  
mga anak sang Sidlangan : nagtalaklad  
ini sila batok sa ila.
- 4 Kag nagpahamtang sila sing dula-  
gan batok sa ila, kag ginlaglag nila ang  
mga patubas sang duta tubtub nayan sa  
Gasa, kag walâ silay ginbilin nga kalan-  
on sa Israel, bisan mga obeha, bisan mga  
baka, bisan mga asno.
- 5 Kay nagtalaklad sila, sila kag ang ila  
mga kahayupan kag ang ila mga layang-  
layang ; nag-alabut sila nga madamu  
subung sang apan ; sila kag ang ila mga

kamelyo nga indi maisip ; kag nag-ala-but sila sa duta sa paghapay sa iya.

6 Kag si Israel nanginimol gid kaayo bangud kay Madian ; kag ang mga anak ni Israel nagsilingit kay Iehoba.

7 Kag nahanabu, sang ang mga inanak ni Israel nagsilingit kay Iehoba, sa kabangdanan sang Madian,

8 Nga si Iehoba nagpadalá sing isa ka manalagna sa mga anak ni Israel, nga nagasiling sa ila : “ Amo ini ang ginsiling ni Iehoba, nga Dios ni Israel : Ako nagpataklad sa inyo gikan sa Egipto, kag ginpagowa ko kamo sa baláy sang mga ulipon :

9 Kag ako nagluwas sa inyo sa kamut sang mga Egiptohanon, kag sa kamut sang tanan nga mga manugpigis sa inyo, kag ginsobol ko sila sa atubangan ninyo, kag ginhatag ko sa inyo ang ila duta.

10 Kag nagsiling ako sa inyo : Ako amo si Iehoba, nga inyo Dios : dili kamo magakahadluk sa mga dios sang mga Amorinhon, nga sa ila duta nagapuyô kamo ; apang walâ kamo magpamati sa akon tungug.”

11 Kag nag-abut ang manugtunda ni Iehoba kag naglingkod sa idalum sang terebinto, nga yara sa Opra, nga among iya ni Ioas, nga Abieserinhon. Kag ang iya anak nga si Gedeon naglinas sang trigo sa linasan, agud nga matago niya ini sa Madian.

12 Kag ang manugtunda ni Iehoba nagpakita sa iya, kag nagsiling sa iya : “ Si Iehoba among kaupud nimo, manugaway nga maisug.”

13 Kag si Gedeon nagsabat sa iya : “ ¡ Ah, ginoo ko, kon si Iehoba kaupud namon, niyan ¿ nga bala nag-abut sa amon ining tanan ? Kag ¿ diin na bala ang tanan niya nga mga kalatingalahan, nga ginsugilanon sa amon sang amon mga ginikanan, nga nagasiling : ¿ Walâ bala kami pagpataklara ni Iehoba gikan sa Egipto ? Apang karon ginpatumbayan kami ni Iehoba, kay gintugyan kami niya sa kamut sang Madian.”

14 Kag sang ginbalikid sia ni Iehoba, nagsiling sia sa iya : “ Lakat-ka sa sining imo kabakud, kag magaluwas ka kay Israel sa kamut sang Madian : ¿ Walâ ko ikaw bala pagipadalá ? ”

15 Niyan nagsabat sia sa iya : “ Ah, Ginoo ko, ¿ tungud sa ano bala ang pagluwas ko kay Israel ? Yari karon,

ang akon panimaláy amo ang labing imol kay Manases, kag ako amo ang labing bataon sa baláy sang akon amay.”

16 Kag si Iehoba nagsiling sa iya : “ Tungud kay ako manginkaupud nimo, pagapilason mo ang Madian nga subung sang isa lamang ka tawo.”

17 Kag sia nagsiling sa iya : “ Ako nagaampo sa imo, nga, kon nakaagum ako sing bugay sa atubangan mo, tagaan mo ako sing tanda, nga amo ikaw ang nagapakighambal sa akon.

18 Ginaampo ko sa imo, nga indi ka maghalin diri, tubtub nga ako magbalik sa imo, kag magdalá sang akon dolot kag ikabutang ko sia sa atubangan nimo.” Kag sia nagsiling : “ Ako magahulat tubtub nga bumalik ka.”

19 Kag nagsulud si Gedeon, kag naghandanda sia sing isa ka diyotay nga kanding nga lalaki, kag ang isa ka epa nga harina sa mga tinapay nga walay tapay ; kag ginbutang niya ang unud sa isa ka alatalat, kag ginbutang niya ang sabaw sa isa ka kulon ; ugaling gindalá niya sila sa iya sa idalum sang terebinto, kag gindolot niya sila.

20 Kag ang manugtunda sang Dios nagsiling sa iya : “ Kuhaa ang unud kag ang mga tinapay nga walay tapay, kag ibutang mo sila sa ibabaw sini nga bató, kag iula mo ang sabaw.” Kag naghimo sia sing subung sini.

21 Niyan, sang inuntay sang manugtunda ni Iehoba ang sungkud, nga nahup-tan niya sa iya kamut, pinakablit niya ang ukbung sa unud kag sa mga tinapay nga walay tapay ; kag sumaka ang kalayo gikan sa bató, kag ginupud niya ang unud kag ang tinapay nga walay tapay. Kag ang manugtunda ni Iehoba nadula sa atubangan sang iya mga mata.

22 Kag nakita ni Gedeon, nga among manugtunda ni Iehoba. Kag nagsiling si Gedeon : “ ¡ Oh, Ginoong, Iehoba ! ¿ Tungud sini bala nakita ko ang manugtunda ni Iehoba sing guya kag guya ? ”

23 Kag si Iehoba nagsiling sa iya : “ Paghidaet sa imo ; dili ka magkahadluk : indi ka mapatay.”

24 Kag nagtukud didto si Gedeon sing isa ka halaran kay Iehoba, kag gingalanan niya sia nga Iehoba-salom : \*

\* *Iehoba-salom*, si Iehoba nagahatag sing paghidaet.



nga yara sia tuhtub karon sa Opra sang mga Abieserinhon.

25 Kag nahanabu nga, sang amo man nga gab-i, nga nagsiling sa iya si Iehoba: "Kuhaa ang tinday nga lalaki nga iya sang imo amay, kag ang ikaduha nga tinday nga lalaki nga pito ka tuig, kag pagabungkagon mo ang halaran ni Baal, nga iya sang imo amay, kag pagautdon mo man ang Ashera nga yara sa luyo niya.

26 Kag magatukud ka sang isa ka halaran kay Iehoba, nga imo Dios, sa alipukpukan sini nga duug nga maligon nga may kahoy nga igo; kag pagakuhaon mo ang ikaduha ka tinday nga lalaki, kag igahalad mo ang isa ka halad nga sinunog sa ibabaw sang kahoy sang Ashera nga imo ginutud."

27 Kag si Gedeon nagkuha sing napulô ka tawo sa iya nga solagoon, kag ginhimo niya subung sang ginsiling ni Iehoba sa iya. Apang sa kahadluk niya sa panimalay sang iya amay kag sa mga tawo sang banwa, sa paghimo sini sa adlaw, ginhimo niya ini sa gab-i.

28 Kag sa kaagahon, sang pagbangon sang mga tagabanwa sing aga pa gid, yari karon nga ang halaran ni Baal nadugmok na, kag nautud na ang Ashera nga yara sa luyo niya, kag nahalad yadtong ikaduha ka tinday nga lalaki sa ibabaw sang halaran nga natukud na.

29 Kag nagsilingay ang isa sa isa: "¿Sin-o bala ang naghimo sini?" Kag sang pinangita nila kag inusisa, sinilingan sila: "Si Gedeon, anak ni Ioas, among naghimo sina." Kag ang mga tagabanwa nagsililing kay Ioas:

30 "Pagowaa ang imo anak, agud nga mamatay sia, tungud kay gindugmok niya ang halaran ni Baal, kag ginutud niya ang Asera, nga yara sa luyo niya"

31 Kag si Ioas nagsiling sa tanan, nga yara sa luyo niya: "¿Maluyag bala kamo sa pagpakigkasaba tungud kay Baal? ¿Magaluwas kamo bala sa iya? Bisan sin-o ang magpakigkasaba tungud sa iya, mapatay sia sa walâ pa ang aga. Kon dios sia, magpakigkasaba sia tungud sa iya kaugalingon, kay gindugmok ang iya halaran."

32 Kag sadto nga adlaw gintawag si Gedeon nga Ierubaa\*, nga nagsiling:

"Magpakigkasaba si Baal batok sa iya, tungud kay gindukmok niya ang iya halaran."

33 Kag ang tanan nga Madian kag ang Amalek, kag ang mga anak sang Sidlangan, nagtilipon, kag nagtalabok sila sang *Jordan*, kag napahamtang sila sing dulugan sa nalupuyan sa Iesreel.

24 Kag ang Espiritu ni Iehoba nagsuklub kay Gedeon, kag pinatunog niya ang budyong, kag si Ebieser ginpatipon sa olehe niya.

35 Kag nagpadalâ sia sing mga manununda sa bug-os nga Manases, nga sia man ginpatipon sa olehe niya. *Subung man* nagpadalâ sia sing mga manununda sa Aser, kag sa Sabulon, kag sa Neptali, kag sila nagtalaklad sa pagsugata sa ila.

36 Kag si Gedeon nagsiling sa Dios: "Kon buut ka magluwas sa Israel tungud sang akon kamut, subung sang ginsiling mo,

37 Yari karon, ako magabutang si-ning panit nga balahibo sa linasan; kag kon ang tun-og yara lamang sa panit, kag kon mamala ang bug-os nga *iban* nga duta, niyan magahangup ako, nga pagaluwason mo ang Israel sa tungud sang akon kamut, subung sang ginsiling mo."

38 Kag nahanabu sing subung sini. Kag sa madason nga adlaw bumangon sia sa aga pa gid kag pinuga niya ang panit; kag ginpatubud niya ang tun-og sa panit, isa ka ilimnan nga punô sang tubig.

39 Apang si Gedeon nagsiling sa Dios: "Indi magsiga ang imo kaakig batok sa akon; magahambal ako lamang sing isa pa gid: lamang magatila ako liwan sang *butang* karon sa panit. Ginaampo ko sa imo, nga may pagkamala sa panit lamang; kag nga may tun-og sa ibabaw sang bag-os nga duta."

40 Kag sadtong gab-i ginhimo sang Dios sing subung sini: may pagkamala lamang sa panit, kag sa bug-os nga duta yadto ang tun-og.

Tatlo ka gatus nga mga Israelinhon nagapapalagyo sa kasoldadosan ni Madlan

**7** KAG si Ierubaa, nga amo si Gedeon, kag ang bug-os nga banwa nga yara kaupud niya bumangon sa aga pa

\* *Ierubaa*, magpakigkasaba.

gid, kag pinahamtang nila ang dulugan malapit sa tuburan sa Harod. Kag yara sa aminhan niya ang dulugan sang Madian, sa luyo sang kabakoloran sa More, sa nalupyakan.

2 Kag si Iehoba nagsiling kay Gedeon: "Ang banwa nga yara kaúpud nimo tama ka madamu, agud nga igtugyan ko ang Madian sa ila kamut; basi kon magdayaw sa iya si Israel batok sa akon, nga nagasiling: Ang akon kamut among nagluwas sa akon.

3 Kag buhata karon ang pagpabantala sa mga idulungug sang banwa, nga nagasiling: Ang bisan sin-o nga mahaladlukon kag makurugon magbalik sia kag pumauli sia kutub sa bukid sa Galaad." Kag nagbalalik gikan sa tungâ sang banwa ang duha ka púlô kag duha ka libo, kag nabilin ang napúlô ka libo.

4 Kag si Iehoba nagsiling kay Gedeon: "Tama pa gid kadamu ang banwa. Padulhoga sila sa tubig; kag didto pagatilawan ko sila sa imo. Kag igasiling ko sa imo: Ini magaupud sa imo, sia magaupud sa imo. Apang sa bisan kay sin-o nga igasiling ko sa imo: Ini indi magaupud sa imo, sia indi magaupud."

5 Kag ginpadulhog niya ang banwa sa mga tubig. Kag si Iehoba nagsiling kay Gedeon: "Bisan sin-o nga magdilap sing mga tubig sang iya dila, subung sang pagdilap sang ido, yadto sia ibutang mo sing pain; subung man sini, ang bisan sin-o nga magduko, nga nagaluhod sa paginum."

6 Kag ang kadamuon sang mga nagdilap sang mga tubig, sa ila kamut nga ginadalâ sia sa bâbâ, nangintatlo ka gatus ka tawo. Kag ang tanan nga nabilin sang banwa nagduluko, nga nagaluhod sa paginum sang tubig.

7 Kag nagsiling si Iehoba kay Gedeon: "Kaúpud sining tatlo ka gatus ka tawo, nga nagdilap, pagaluwason ko kamo, kag igatugyan ko ang Madian sa imo mga kamut. Kag magkadto ang bug-os nga katawohan ang tagsatagsa sa iya duug."

8 Kag ang banwa nagkuha sing balon sa ila mga kamut kag sang ila mga budyong, kag ginpakadto ni Gedeon ang tanan nga mga taga-Israel, ang tagsatagsa sa iya layanglayang, kag hinawiran niya yadtong tatlo ka gatus

ka tawo. Kag ang dulugan ni Madian yara sa idalum niya, sa nalupyakan.

9 Kag nahanabu sadto nga gab-i, nga si Iehoba nagsiling sa iya: "Tindug-ka kag dulhog-ka sa dulugan, kay kinatugyan ko sia sa imo mga kamut.

10 Kag kon may kahadluk ka sa pagdulhog, dulhog-ka kaúpud ni Pura, nga imo hinuptan nayon sa dulugan.

11 Kag mabatian mo ang ginahambal nila, kag ugaling ang imo mga kamut manginmabaskug, kag magadulhog ka sa dulugan." Kag sia nagdulhog upud si Pura, nga iya hinuptanan, sa ukbung sang mga tinawo sa hinganiban, nga *nagpululaw* sa dulugan.

12 Kag si Madian kag si Amalek, kag ang tanan nga mga anak sang Sidlangan, naghalamyang sa nalupyakan, subung sang kadamuon sang apan, kag ang ila mga kamelyo dimaisip sa kadamuon, subung sang balas nga yara sa higad sang dagat.

13 Kag nag-abut si Gedeon, kag yari karon, nga ang isa ka tawo nagasugilanon sa iya kaúpud sing isa ka damgo, kag nagasiling sia sa iya: "Yari karon, nga ako nagdamgo sing isa ka damgo: nga gintan-aw ko ang isa ka tinapay nga sebadâ, nga nagaligid tubtub sa dulugan ni Madian, kag naglambut tubtub sa layanglayang, kag ginpamilas niya sia kag napukan sia, kag ginsulisulì niya sia, kag ang layanglayang napukan."

14 Kag ang iya kaúpud nagsabat kag nagsiling: "Ini indi iban nga butang kondi among hinganiban ni Gedeon, anak ni Ioas, lalaki ni Israel: gintugyan sang Dios sa iya mga kamut ang Madian kag ang bug-os nga dulugan."

15 Kag sang si Gedeon nakabati sang sugid sang damgo kag sang iya kasaysayan, naghapa sia; kag sang nagbalik sa dulugan ni Israel, nagsiling sia: "Tilindug-kamo, kay kinatugyan ni Iehoba sa inyo mga kamut ang dulugan ni Madian."

16 Kag sang pinutaputa ang tatlo ka gatus ka tawo sa tatlo ka kinabon, ginhatagan niya ang tagsatagsa sa ila sing mga budyong sa ila mga kamut kag mga bangâ nga walay sulúd pating mga isululu sa sulúd sang mga bangâ.

17 Kag nagsiling sia sa ila: "Tumuluk-kamo sa akon, kag maghimo-kamo subung sang *pagahimoon* ko. Yari karon,



nga kon ako maglambut sa ukbung sang dulugan, niyan subung sang pagahimoon ko, amo man ang himoon ninyo.

18 Kon ako magapatunug sang budyong, ako kag ang tanan nga yara upud sa akon, niyan kamo magapalatunog sang mga budyong, kamo man sa palibot sang bug-os nga dulugan, kag magasiling-kamo : ¡Tungud kay Iehoba, kag kay Gedeon!

19 Kag limambut si Gedeon kag ang isa ka gatus ka tawo, nga yara upud sa iya, sa ukbung sang dulugan, sa kamunoan sang pagpulaw sa tungâ ang gab-i, nga bag-o lang nila mailisan ang mga bantay. Kag pinatunog nila ang mga budyong, kag pinamukâ nila ang mga bangâ, nga gindala nila sa ila mga kamut.

20 Ang tatlo ka kinabon nagpalatunog sang mga budyong kag pinamukâ nila ang mga bangâ, kag kinaptan nila sa mga kamut nga walâ ang mga sulo, kag sa mga too ang mga budyong sa pagpatunug. Kag nagsilingit sila : “¡Ang hinganiban ni Iehoba kag ni Gedeon!”

21 Kag napahamtang sila ang tagsa-tagsa sa ila mga duug sa palibot sang dulugan; kag ang bug-os nga dulugan nagdalagan kag nagpalagyo, nga nagsilingit.

22 Kag ang tatlo ka gatus ka tawo nagapalatunog sang mga budyong; kag binutang ni Iehoba ang hinganiban sang tagsatagsa batok sa iya kaupud sa bug-os nga dulugan. Kag ang dulugan nagpalagyo tubtub sa Bet-sita, sa luyo sang Serera, tubtub sa dulunan sang Abel-meola, nayon sa Tabat.

23 Kag ginpatipon ang mga taga-Israel gikan sa Neptali, gikan sa Aser, kag gikan sa bug-os nga Manases, kag ginlagas nila ang Madianhon.

24 Kag si Gedeon nagpadalâ man sing mga manunuanda sa bug-os nga bukid ni Ephraim, nga nagsiling : “Dulhog-kamo sa pagsugata sa Madian kag agawa ninyo sa ila ang mga tubig tubtub sa Bet-bara, kag ang Iordan.” Kag ang tanan nga mga taga-Israel nagtilipon kag ginagaw nila ang mga tubig tubtub sa Bet-bara, kag ang Iordan.

25 Kag gindakup nila ang duha ka mga pangolo sang Madian, si Oreb kag si Seeb; pinatay nila si Oreb sa pil-as sang Oreb, kag si Seeb ginpatay nila sa

linasan sang Seeb, kag ginlagas nila ang Madian kag gindala nila ang mga olo ni Oreb kag ni Seeb kay Gedeon, sa isa ka luyo sang Iordan.

Ang kabikahan ni Ephraim ginapalinong ni Gedeon; ginasilotan niya ang mga taga-Sukot kag taga-Penuel, kag ginasiway niya ang kagam-hanan.—Ang iya kamatayan.

**8** KAG ang mga taga-Ephraim nagsiling sa iya : “¿Ano bala ang ginhimo mo sa amon, nga walâ mo kami pagtawga, sang nagapakadto ka sa pagawayan batok kay Madian?” Kag ginbasol nila sia sing malupigon gid.

2 Kagsia nagsiling sa ila : “¿Ano bala ang ginhimo ko karon nga nagapakig-angay sa inyo? ¿Indi bala ang sigpot sang ubas ni Ephraim labing maayo sang ani sang ubas ni Abieser?”

3 Gintugyan sang Dios sa inyo mga kamut ang mga pangolo sang Madian, nga si Oreb kag si Seeb. Kag ¿ano bala ang nasarangan ko sa paghimo nga nagapaangay sa inyo?” Niyan ang kaakig nila batok sa iya nalugpayan, sang pagsiling niya sining polong.

4 Kag nag-abut si Gedeon sa Iordan; kag nagtabok sia sa iya, sia kag ang tatlo ka gatus ka tawo nga yara kaupud niya, nga pinanlapyo sila, apang walay sapayan nagalagas pa sila.

5 Kag nagsiling sa sa mga taga-Sukot : “Ginaampo ko sa inyo, nga hatagan ninyo sing pila ka tinapay ang katawohan nga nagasunud sa akon, kay napanlapyo sila; kag ako nagalagas kay Seba kag kay Salmuna, nga mga hari sang Madian.

6 Kag ang mga pangolo sang Sukot nagsiling : ¿Yara na bala ang palad sang mga kamut ni Seba kag ni Salmuna sa imo kamut, agud nga maghatag kami sing tinapay sa imo kasoldadosan?”

7 Kag si Gedeon nagsiling : “Tungud sini, kon ikatugyan ni Iehoba sa akon kamut si Seba kag si Salmuna, pagalinason ko ang inyo unud sa mga tunuk kag sa mga bugabuga sang kahanayasia.”

8 Kag gikan didto nagtaklad sia sa Penuel, kag naghambal sia sa ila sa amo man nga bagay. Kag ang mga taga-Penuel nagsabat sa iya sabung sang pagsabat sang mga taga-Sukot.

9 Kag sia naghambal man sa mga taga-Penuel, nga nagsiling : “Kon

ako makabalik sa paghidaet, pagadug-mukon ko ini nga tore."

10 Kay si Seba kag si Salmuna didto sila sa Karkor, kag upud sa ila ang ila dulugan, nga may mga napúlô kag lima ka libo ka tawo, ang tanan nga mga nagkalabilin sa bug-os nga dulugan sang mga anak sang Sidlangan; kag ang mga napukan nanginisa ka gatus kag duha ka púlô ka libo ka tawo, nga nagkalapot sing hinganiban.

11 Kag nagtaklad si Gedeon sa dalan sang mga nagapuluyô sa mga layanglayang sa Sidlangan sang Noba kag sang logba, kag pinilas niya ang dulugan, sang ang dulugan malinong.

12 Kag sang nalagyo si Seba kag si Salmuna, ginlagas sila niya; kag sa nakaptan na ang duha ka hari sang Madian, si Seba kag si Salmuna, pinahanğuyusan niya ang bug-os nga dulugan.

13 Kag si Gedeon, anak ni Ioas, nagpauli gikan sa pag-awayan sa taklaran sang Heres.

14 Kag kumuha sia sing isa ka pamatan-on sa mga taga-Sukot, kag pinamangkot niya sia; kag ginsulat niya sa iya ang mga pangolo sang Sukot kag ang iya mga tigulang, kapitoan kag pito ka mga tawo.

15 Kag nag-abut sia sa mga taga-Sukot, kag nagsiling sia: "Yari karon si Seba kag si Salmuna, nga tungud sa ila ginuligyat ako ninyo, nga nagasiling: 'Yara na bala ang palad sang mga kamut ni Seba kag ni Salmuna sa imo kamut, agud nga maghatag kami sing tinapay sa imo mga tawo nga pinanlapyo?'"

16 Kag kinuha niya ang mga tigulang sang banwa, kag mga sapinit sang kahanayakan, kag mga bugabuga, kag gingamit niya sila sa pagsabdong sang mga tinawo sa Sukot.

17 Subong man gindugmok niya ang tore sa Penuel, kag pinamatay niya ang mga tagabanwa.

18 Kag sumiling sia kay Seba kag kay Salmuna: "¿Ano bala yadtong mga tawo nga pinamatáy ninyo sa Tabor?" Kag sila nagsalabat: "Subong sa imo, amo sila: ang tagsatagsa may dagway sang anak sang hari."

19 Kag sia nagsiling: "Mga útud ko sila, mga anak sang akon ilóy. Magkabuhi si Iehoba, nga kon binuhi ninyo sila, indi ko kamo pagpamatyon karon."

20 Kag nagsiling sia kay Ieter, nga iya panganay: "Tindug-ka, kag pamatya sila." Apang ang pamatan-on walá maggabut sa tagub sang iya hinganiban, kay may kahadluk sia, nga karon bátâ pa sia.

21 Niyan nagsiling sa iya si Seba kag si Salmuna: "Ikaw g'd ang magtindug kag patya kami; kay subong sang lalaki, amo man ang iya kusug." Kag si Gedeon timindug, kag pinatay niya si Seba kag si Salmuna. Kag kinuha niya ang mga puni nga mga lati nga ginadalá sang ila mga kamelyo sa liog.

22 Kag ang mga taga-Israel nagsiling kay Gedeon: "Magmanginginoo-ka namon, ikaw kag ang imo anak, kag ang imo apô; kay ginluwas mo kami sa kamut ni Madian."

23 Apang si Gedeon nagsiling sa ila: "Indi ako manginginoo ninyo, bisan ang akon anak magaginoo sa inyo: si Iehoba magaginoo sa inyo."

24 Kag nagsiling sa ila si Gedeon: "Buut ko paghimoon sa inyo ang isa ka pangayô, nga ang tagsatagsa ihatag niya sa akon ang mga aritos nga yara sa iya hinublas." Kay nagadalá ang mga kaaway sing mga aritos nga bulawan, kay mga Ismaelinhon sila.

25 Kay sila nagsililing: "Sa maayo nga kabubut-on igahatag namon sila." Kag sang binuklad na ang isa ka panapton, pinilák niya didto ang tagsatagsa sang mga aritos nga sa ila hinublas.

26 Kag ang kabug-aton sang mga aritos nga bulawan, nga iya pinangayô, nanginisa ka libo kag pito ka gatus ka siklo nga bulawan: walay labut sang mga lati kag sang mga kabitkabit sang dulungan, kag sang mga panapton nga eskarlata nga gindalá sang mga hari sang Madian, kag walay labut sang mga baliog nga gindalá sang ila mga kamelyo sa liog.

27 Kag sa ila sadto naghimo si Gedeon sing isa ka Epod, nga pinahamtang niya sa iya banwa sa Opra. Kag ang bug-os nga Israel nakighilahe sa olehe niya didto, kag nanginkasandaran sia kay Gedeon kag sa iya bug-os nga baláy.

28 Kag amo ining pagpasakup ni Madian sa atubangan sang mga anak ni Israel, kag walâ na nga mas-a sia makabayaw sang iya oio. Kag naglinong ang duta sing kap-atan ka tuig sa mga adlaw ni Gedeon.



29 Kag si Ierubaal, anak ni Ioas, lumakot kag nagpuyô sa iya baláy.

30 Kag si Gedeon may mga kapitoan ka anak sia nga naghalalín sa iya talod-tod, kay madamu ang iya mga asawa.

31 Kag ang iya babae, nga yadto sa Sikem, nananganak man sing isa ka lalaki; kag binutangan niya sing ngalan nga si Abimelek.

32 Kag napatay si Gedeon, anak ni Ioas, sa maayo nga katigulangon, kag ginlubung sia sa lulubngan sang iya amay nga si Ioas, sa Opra sang mga Abieserinhon.

33 Kag nahanabu nga, sang napatay si Gedeon, ang mga inanak ni Israel nagbalalik kag naninghilahe sa olehe sang mga Baal, kag gintukud nila nga dios nila si Baal-berit.

34 Kag walâ na makadumdum ang mga inanak ni Israel kay Iehoba, nga ila Dios, nga nagluwas sa ila sa kamut sang tanan nila nga mga kaaway sa palibot.

35 Kag walâ sila maggamit sang pasalamat sa baláy ni Ierubaal, ni Gedeon, sono sa tanan nga mga kaayohan, nga ginhimo niya kay Israel.

Mga sala ni Abimelek kag silot sa iya.

9 KAG nagkadto si Abimelek, anak ni Ierubaal, sa Sikem, sa mga útud sang iya ilóy, kag nakighambal sa ila, subung man sa bug-os nga panimaláy sang baláy sang amay sang iya ilóy, nga nagsiling:

2 "Ginaampo ko sa inyo, nga ighambal ninyo sa mga idulungug sang tanan nga mga taga-Sikem: ¿Ano bala ang labing maayo nga sa inyo nga magginoo sa inyo ang kapitoan ka tawo nga tanan mga anak ni Ierubaal, kon nga pagginoohan kamo sang isa lamang *ka lalaki*? Panumduma-ninyo, nga inyo ako tul-an kag inyo unud."

3 Kag naghambal tungud sa iya ang mga útud sang iya ilóy sa mga idulungug sang tanan nga mga taga-Sikem sining tanan nga mga polong, kag ang tagiposoon nila nabuyok kay Abimelek, kay nagsililing sila: "Aton útud sia."

4 Kag ginhatagan nila sia sing kapitoan ka *siklo* nga pilak sang simbahan ni Baal-berit; kag sa iya ginhinakayan ni Abimelek ang mga tawo nga mga matamad kag mapatuyangon, nga nagsulunud sa iya.

5 Kag nagkadto sia sa baláy sang iya amay sa Opra, kag pinatay niya ang iya mga útud nga mga anak ni Ierubaal, kapitoan ka tawo sa ibabaw sang isa ka bató. Apang nabilin si Iotam, ang labing diyotay nga anak ni Ierubaal, kay nanago sia.

6 Kag ang tanan nga mga taga-Sikem pating bug-os nga baláy ni Milo, nagtilipon kag naglalakat sila, kag ginhimo nila nga hari si Abimelek malapit sa terebinto nga handumanan, nga yara sa Sikem.

7 Kag ginsugid ini kay Iotam. Kag kumadto sia kag nagtindug sa putokputokan sang Gerisim. Kag sang binayaw niya ang iya tingug, nagsingit kag nagsiling sia: "Pamatii ako ninyo, mga taga-Sikem, kag nga pagdungon kamo sang Dios.

8 Nagkaladto ang mga kahoy sa paghaplas sing hari sa ibabaw nila; kag nagsiling sila sa olibo: Maghar-ka sa ibabaw namon.

9 Apang ang olibo nagsabat sa ila: ¿Pagabayaang ko bala ang akon lana, nga ang Dios kag ang mga tawo nagapasingug sa akon, sa pagkadto sa paguyug sa ibabaw sang mga kahoy?

10 Kag nagsiling ang mga kahoy sa Igera: Kari-ka, kag maghari-ka sa ibabaw namon.

11 Kag nagsabat ang igera sa ila: ¿Pagabayaang ko bala ang akon katamis, kag ang akon maayo nga bunga, sa pagkadto sa paguyug sa ibabaw sang mga kahoy?

12 Kag nagsiling ang mga kahoy sa pinúnô sang ubas: Kari-ka, maghari-ka sa ibabaw namon.

13 Kag ang pinúnô sang ubas nagsabat sa ila: ¿Pagabayaang ko bala ang akon duga, nga nagalipay sa Dios kag sa mga tawo, sa pagkadto sa paguyug sa ibabaw sang mga kahoy?

14 Niyan ang tanan nga mga kahoy nagsililingsapinit: Kari-ka, maghari-ka sa ibabaw namon.

15 Kag ang sapinit nagsabat sa mga kahoy: Kon sa pagkamatuud maghaplas kamo sa akon nga hari sa ibabaw ninyo, kari-kamo kag pasilong kamo sa idalum sang akon landong; kag kon indi, kalayong maggowa sa sapinit, kag magupus sia sang mga sedro sang Libano.

16 Busa karon, kon sa may kamato-

oran kag may katadlungan nangingawi ninyo sa paghimo nga hari si Abimelek, kag kon maayong ginhimo ninyo kay Ierubaal kag sa iya baláy, kag kon inyo ginbayaran sia sono sang mga binuhatan sang iya mga kamut. . . .

17 Kay ang akon amay nakigaway tungud sa inyo kag pinahamtang niya sa katalagman ang iya kabuhi sa pagluwas sa inyo sa kamut ni Madian;

18 Kag kamo nagtilindug karon batok sa baláy sang akon amay, kag ginpatáy ninyo ang iya mga anak, nga kapitoan ka tawo, sa ibabaw sang isa ka bató, kag ginbutang ninyo nga hari sa ibabaw sang taga-Sikem si Abimelek, anak sang iya hinuptan, tungud kay inyo útud sia;

19 Busa, kon may kamatooran kag may katadlungan nangingawi ninyo karon nahanungud kay Ierubaal kag sa iya baláy, magkalalipay-kamo kay Abimelek, kag sia man magkalalipay sa inyo.

20 Kag kon indi, kalayong maggowa gikan kay Abimelek, nga magupus sa mga taga-Sikem kag sa panimaláy ni Milo; kag kalayong maggowa gikan sa mga taga-Sikem kag sa panimaláy ni Milo, nga magupus kay Abimelek."

21 Kag nagpalagyo si Iotam, kag naglikaw kag nagkadto sia sa Beer, kag nagpuyô sia didto malayô kay Abimelek, nga iya útud.

22 Kag si Abimelek nagpangolo sa ibabaw sang Israel sing tatlo ka tuig.

23 Kag nagpadalá ang Dios sing isa ka espiritu nga malaut sa tunga ni Abimelek kag sa mga taga-Sikem; kag ang mga taga-Sikem nagginawi sing pagkamaluibon batok kay Abimelek;

24 Agud nga ang paglugus nga *nahimona* sa kapitoan ka anak ni Ierubaal kag ang dugo nila maholog kag mahamtang sa ibabaw ni Abimelek, nga ila útud, nga nagpatay sia sa ila sadto, kag sa ibabaw sang taga-Sikem, nga nagpalig-on sang mga kamut niya sa pagpatay sang iya mga útud.

25 Kag binutangán sia sang mga taga-Sikem sing mga pumuluut sa mga putok-putokan sang mga bukid, nga nagapalamangan sa tanan nga mga nagaagi sa luyo nila sa dalanon; kag amo ini ang kinasugid kay Abimelek.

26 Kag si Gaal, anak ni Ebed, nagabut upud ang iya mga útud, kag nagla-

ton sila sa Sikem. Kag ang mga taga-Sikem nanalig sa iya.

27 Kag naggulowa sila sa latagon, pinamupo nila ang ila kaubasan, kag tinapakan nila ang *ubas*, kag naghilimo sila sing mga kalipayan. Kag nagsululud sila sa simbahan sang ila mga dios, kag nagkalaon sila kag nagilinum, kag ginpakamalaut nila si Abimelek.

28 Kag si Gaal, anak ni Ebed, nagsiling: "¿Sin-o balá si Abimelek, kag sin-o si Sikem, agud nga mag-alagad kita sa iya? ¿Indi bala sia anak ni Ierubaal? kag ¿indi bala si Sebul ang iya manughihot? Alagad-kamo sa mga tawo ni Hemor, amay ni Sikem. Apang ¿nga bala magaalagad kita sa iya?"

29 ¡Oh! ¡Sin-o ang magbutang sini nga banwa sa idalum sang akon kamut! Pagasobolon ko kunta si Abimelek." Kag nagsiling sia kay Abimelek: "Dugangí ang imo kasoldadosan, kag gowa-ka."

30 Kag si Sebul, nga manugmando sang banwa, sang nakabati sang mga polong ni Gaal, anak ni Ebed, nagsiga ang iya kaakig.

31 Kag nagpadalá, sia sa madinayaon gid, sing mga manununda kay Abimelek, nga nagsiling: "Yari karon, nga si Gaal, anak ni Ebed, kag ang iya mga útud nag-alabut diri sa Sikem; kag yari karon, ginapainit nila ang banwa batok sa imo.

32 Busa, tindug-ka karon sing kagabihon, ikaw kag ang katawohan nga yara kaupud nimo, kag magbutang-ka sing puut sa latagon.

33 Kag sa kaagahon, sa paggowa sang adlaw, bumangon-ka kag damhagan-mo ang banwa. Kag yari karon, si Gaal kag ang banwa nga yara kaupud niya magagulowa batok sa imo, kag pagahimoon mo sa iya, sono sang pagitanyag sa imo kamut."

34 Kag sang pagtindug ni Abimelek sing kagabihon kag ang bug-os nga banwa nga didto kaupud niya, nagbutang sila sing pamuut batok kay Sikem sa apat ka kinabon.

35 Kag si Gaal, anak ni Ebed, naggow, kag napahamtang sia sa salamputan sang gawang sang banwa. Kag si Abimelek kag ang bug-os nga banwa nga kaupud niya, nagtilindug sa pulut-an.

36 Kag sang gintan-aw ni Gaal ang banwa, nagsiling sia kay Sebul: "Yari



karon, ang banwa nagadulhog gikan sa mga putokputokan sang mga bukid." Kag si Sebul nagsiling sa iya: "Ginatan-aw mo ang landong sang mga bukid nga kaangay sa mga tawo."

37 Apang si Gaal nagsulit sa paghambal, kag nagsiling: "Yadto karon ang banwa nga nagadulhog gikan sa kataasan sang duta, kag isa ka kinabon nagapakari sa dalan sang terebinto sang mga manugpakot."

38 Kag si Sebul nagsabat sa iya: "¿Diin na bala karon yadtong imo bâbâ nga nagsiling ka: ¿Sin-o bala si Abimelek, agud nga mag-alagad kita sa iya? ¿Indi ini bala ang banwa nga gintamay mo? Busa, gowa-ka karon, kag pakigaway-ka batok sa iya."

39 Kag si Gaal naggowa, sa una sang mga taga-Sikem, kag nakigaway sia batok kay Abimelek.

40 Apang ginlagas sia ni Abimelek, nga sa atubangan niya nalagyo sia, kag madamu ang nagkalapukan nga patay, tubtub sa salamputan sang gawang.

41 Kag si Abimelek nabilin sa Aruma; kag ginsobol ni Sebul sa gowa si Gaal kag ang iya nga údud, agud nga indi na sila magpuluyô sa Sikem.

42 Kag nahanabu, sang madason nga adlaw, nga ang banwa naggowa sa latagon; kag ginpahibalo ini kay Abimelek.

43 Kag sang nagkuha sia sing katawohan, ginpahat niya sia sa tatlo ka kinabon; kag binutang niya sia sa pulutan sa latagon. Kag sang pagtan-aw niya, yari karon, ang katawohan nga naggowa sa banwa; kag tumindug sia batok sa ila, kag pinilas niya sila.

44 Kag si Abimelek, kag ang mga kinabon nga kaupud niya, nagdalamhag sila nga may kadalas, kag nagdulúlog sila sa salamputan sang gawang sang banwa. Kag ang *iban* nga duha ka kinabon nagdalamhag sa tanan nga yadto sa latagon, kag pinamilas nila sila.

45 Kag si Abimelek nagpakigaway batok sang banwa sadtong bug-os nga adlaw, kag nakuha niya ang banwa, pinatay niya ang katawohan nga yara sa iya, kag ginlaglag niya ang banwa kag ginsab-ugan niya sing asin.

46 Kag sang nahibalaon ini sang tanan nga mga tagatore sang Sikem,

nagsululud sila sa kuta sang baláy sang dios nga si Berit.

47 Kag ginsugid kay Abimelek, nga nagtililipon ang tanan nga mga tagatore sang Sikem.

48 Niyan si Abimelek nagtaklad sa bukid sang Salmon, sia kag ang bug-os nga katawohan nga kaupud niya. Kag kumuha si Abimelek sing isa ka wasay sa iya kamut kag inutúd niya ang isa ka sangang sang kakahoyan; kag sang binayaw niya, pinas-an niya ini sa iya nga abaga, nga nagsiling sa banwa nga didto kaupud niya: "Ang makita ninyo nga ginabuhat ko, magdali-kamo, himoa-ninyo sing subung sang akon."

49 Kag *amo ini* ang bug-os nga banwa nagutúd man ang tagsatagsa sing sangang, kag nagsulunúd sila kay Abimelek. Kag pinamutang nila sila sa luyo sang kuta, kag tinutdan nila sing kalayo ang kuta sa ibabaw nila, sa bagay nga ang tanan nga mga tagatore sang Sikem nagkalamatay, nga may mga isa ka libo ka tawo kag mga babae.

50 Kag si Abimelek nagkadto sa Tebes; kag binutangan niya sing dulugan sa palibot sang Tebes, kag nakuha niya sia.

51 Kag sa tungâ sadto nga banwa may isa ka tore nga malig-on, nga sa iya nagpaladangup ang tanan nga mga lalaki kag mga babae, kag ang tanan nga tagabanwa; kag sa natakpan nila sa olehe nila ang *gawang*, nagsalaka sila sa atup sang tore.

52 Kag nag-abut si Abimelek sa tore, kag sang sinungoan niya sia, limambut sia sa salamputan sang tore sa pagtutud sa iya.

53 Apang ginholog sang isa ka babae ang isa ka aliling sang galingan sa ibabaw sang olo ni Abimelek, kag na-boong ang iya bagol.

54 Kag sa gilayon nagtawag sia sa iya manugdalâ sang mga hinganiban, kag sinilingan niya: "Gabuta ang imo hinganiban, kag patya ako, agud nga indi pagsilingon nahanungud sa akon: Isa ka babae ang nagpatay sa iya." Kag ginpalapsan sia sang pamatan-on kag napatay sia.

55 Kag sang nakita sang mga Israelinhon nga patay si Abimelek, nagpalakadto ang tagsatagsa sa iya baláy.

56 Kag *amo ini* ang pagbayad sang

Dios kay Abimelek sang kalainan nga iya ginhiro sa iya amay, nga ginpamatay niya ang iya kapitoan ka útud.

57 Kag ang bug-os pa nga kalainan sang mga tawo sa Sikem pinasaguli sang Dios sa ibabaw sang ila mga olo ; kag ang pagpakamalaut ni Iotam, anak ni Ierubaa, nag-abut sa ibabaw nila.

Si Tola kag si Iair nagahukom kay Israel.

**10** KAG sa olehe ni Abimelek, tumindug sa pagluwas kay Israel si Tola, anak ni Pua, nga anak ni Dodo, lalaki sa Isakar ; nga nagpuyô sia sa Samir, sa bukid sang Epraim.

2 Kag naghukom sia sa Israel sing duha ka púlô kag tatlo ka tuig ; kag napatay sia kag ginlubung sa Samir.

3 Kag sa olehe niya tumindug si Iair, nga Galaadnon, nga naghukom sa Israel sing duha ka púlô kag duha ka tuig.

4 Ini sia may katloan ka anak, nga nagakalabay sa katloan ka polyino kag may katloan sila ka banwa, nga ginahingalan nga mga banwa sang Iair tubtub karon, nga sila yara sa duta sa Galaad.

5 Kag napaty si Iair, kag ginlubung sia sa Kamon.

Ang mga Israelinhon, nga napigos sang mga Pilistinhon kag sang mga Amoninhon, nagabiliulsul sila kag ang Dios nagapatawad sa ila.

6 Kag ang mga anak ni Israel nagbalalik sa paghimo sing malaut sa mga mata ni Iehoba, kag nag-alagad sila sa mga Baal kag sa mga Astarot, kag sa mga dios sang Aram, kag sa mga dios sang Sidon, kag sa mga dios sang Moab, kag sa mga dios sang mga anak ni Amon, kag sa mga dios sang mga Pilistinhon ; kag binayaan nila si Iehoba, kag walâ sila mag-alagad sa iya.

7 Kag nagsiga ang kaakig ni Iehoba batok kay Israel, kag binaligya niya sila sa mga kamut sang mga Pilistinhon kag sa mga kamut sang mga anak ni Amon.

8 Kag ini sila nagsakit kag nagpigos sang mga anak ni Israel sadto nga dag-on sing napúlô kag walo ka tuig, sang tanan nga mga anak ni Israel, nga didto sa isa ka luyo sang Iordan sa duta sang Amoninhon, nga among sa Galaad.

9 Kag ang mga anak ni Amon nagtala-

bok sang Iordan sa paghimo sing pakig-away batok kay Iuda kag batok kay Benyamín, kag sa baláy ni Epraim. Kag ang Israel ginpakalisud sing daku gid.

10 Kag ang mga anak ni Israel nagsingit kay Iehoba, nga nagsiling : " Kami nakasalâ batok sa imo, kay amon ginbayaan ang amon Dios, kag nag-alagad kami sa mga Baal."

11 Kag si Iehoba nagsabat sa mga inanak ni Israel : " ¿ Walâ ko bala pagluwasa kamo sa mga Egiptohanon, sa mga Amorinhon, sa mga Amoninhon, kag sa mga Pilistinhon ?

12 Kag ang mga Sidoninhon, ang mga Amalekinhon kag ang mga Maoninhon nagpigos sa inyo, kag nagsilingit kamo sa akon, kag ginluwas ko kamo sa ila mga kamut.

13 Apang kamo, ginbayaan ako ninyo, kag nag-alagad kamo sa mga dios nga dumuluong : ngani indi na ako magluwas sa inyo.

14 Lalakat-kamo, kag magsingit-kamo sa mga dios, nga ginpili ninyo sa inyo ; nga magluwas sila sa inyo sa dag-on sang inyo kalisdanan."

15 Kag ang mga inanak ni Israel nagsalabat kay Iehoba : " Nakasalâ kami : himoa sa amon siling sang minamaayo sa imo mga mata ; lamang luwason mo kami karon nga adlaw."

16 Kag ginpalayo nila sa ila ang mga dios nga dumuluong, kag nag-alagad sila kay Iehoba. Kag ang iya kalâg nagkasakit bangud sang pagpangabudlay ni Israel.

17 Kag ginpatipon ang mga anak ni Amon, kag nagpahamtang sila sing dulugan sa Galaad. Kag subung man nagtilipon ang mga anak ni Israel, kag napahamtang sing dulugan sa Mispâ.

18 Kag ang banwa, ang mga pangolo sa Galaad, nagsinilingay ang isa sa isa : " ¿ Sin-o bala ang magamanginpamúnô sang pagpakigaway batok sa mga anak ni Amon ? Sia manginpangolo sa ibabaw sang tanan nga mga pumuluyô sa Galaad."

Si Iepte nagaluwas kay Israel sa kamut sang mga Amoninhon.—Ang iya saad nga dibinut-anan.

**11** KAG si Iepte, nga Galaadnon, manugaway sia nga maisug, anak sang isa ka bigaon, nga si Iepte pinanganak ni Galaad.



2 Kag ang asawa ni Galaad nagpanganak sa iya sing mga anak; kag sang nagkaladalagku ang mga anak sang asawa, sinobol nila si Iepte, nga nagasiling: "Indi ka magpanubli sa baláy sang amon amay, kay unon ka."

3 Kag nagpalagyo si Iepte gikan sa atubangan sang iya mga útud, kag nagpuyô sia sa duta sang Tob. Kag nagtilingub sa iya ang mga tawo nga mapatuyangon, nga sila kaúpud niya naggulowa sa mga *panikas*.

4 Kag nahanabu nga, sa tapus sang mga inadlaw, ang mga anak ni Amon naghilimo sing pakigaway batok kay Israel.

5 Kag tungud nga ang mga anak ni Amon nagpakigaway batok kay Israel, ang mga tigulang sa Galaad naglakat sa pagkuha kay Iepte gikan sa duta ni Tob.

6 Kag nagsiling sila kay Iepte: "Kari-ka, kag manginpangolo-ka namon, agud nga makigaway kita batok sa mga anak ni Amon."

7 Kag si Iepte nagsiling sa mga tigulang sa Galaad: "Walâ bala ako ninyo pagdumti, kag sinobol ako ninyo sa baláy sang akon amay? Kag nga bala nagakari kamo karon sa akon, kon yari kamo sa kalisdanan?"

8 Kag ang mga tigulang sang Galaad nagsililing kay Iepte: "Tungud man ngani s'ni nga kabangdanan nagbalik kami karon sa imo, agud magkari ka kaúpud namon, kag makigaway batok sa mga anak ni Amon, kag manginpangolo ka namon nga tawan nga pumuluyô sa Galaad."

9 Kag si Iepte nagsiling sa mga tigulang sang Galaad: "Kon magpabalik kamo sa akon, agud nga magpakigaway ako batok sa mga anak ni Amon, kag itugyan sila ni Iehoba sa atubangan akon, manginpangolo bala ako ninyo?"

10 Kag ang mga tigulang sang Galaad nagsililing kay Iepte: "Manginmanugpamati si Iehoba sa tungâ namon, kon indi namon paghimoon subung sang ginsiling mo."

11 Niyan si Iepte nag-abut kaúpud sang mga tigulang sang Galaad, kag gintukud sia sang banwa nga pangolo kag punoan sa ibabaw niya. Kag si Iepte nagmitlang sang tanan niya nga mga polong sa atubangan ni Iehoba sa Mispâ.

12 Kag si Iepte nagpadalâ sing manununda sa hari sang mga Amoninhon, nga nagasiling: "Anong imo bala sa akon, nga nagkari ka sa akon sa paghimo sing pakigawayan sa akon duta?"

13 Kag ang hari sang mga anak ni Amon nagsiling sa mga manununda ni Iepte: "Tungud kay ginkuha ni Israel ang akon duta, sang pagtaklad niya gikan sa Egipto, kutub sa Arnon tubtub sa Iabok, kag tubtub sang Iordan. Kag karon iguli mo ini nga duta sa paghidaet."

14 Kag nagsulit si Iepte sa pagpadalâ sing mga manununda sa hari sang mga anak ni Amon,

15 Kag nagsiling sia sa iya: "Si Iepte nagsiling sing subung sini: Si Israel walâ magkuha sang duta ni Moab, bisan sang duta sang mga anak ni Amon."

16 Kay sang pagtaklad ni Israel gikan sa Egipto, naglakat sia sa kahanayakan tubtub sa dagat nga Mapula, kag limanbut sia sa Kades.

17 Kag si Israel nagpadalâ sing mga manununda sa hari sang Edom, nga nagasiling: Tugutan-mo ako sa pagagi sa imo duta; apang walâ sila, pagpamati sang hari sang Edom. Nagpadalâ man si Israel sa hari sang Moab, nga walâ man sia magbuut. Kag nagpuyô si Israel sa Kades.

18 Kag nagkadto sia sa kahanayakan, kag ginlibot niya ang duta sang Edom, kag ang duta sang Moab, kag nag-abut sia sa luyo sang sulubangan sang duta sang Moab, kag pinahamtang niya ang dulugan sa isa ka pihak sang Arnon; kag walâ sila magsulud sa dulunan sang Moab, kay ang Arnon among dulunan sang Moab.

19 Kag nagpadalâ si Israel sing mga manununda kay Sihon, nga hari sang mga Amorinhon, hari sa Hesbon, kag nagsiling sa iya si Israel: Tugutan-mo kami sa pagagi sa imo duta tubtub sa amon duug.

20 Apang si Sihon walâ magpanalig kay Israel sa pagtugut sa iya sa pagagi sa iya dulunan. Kagsang natipon ni Sihon ang bug-os niya nga katawohan, nagbutang sia sing dulugan sa Iahas; kag nakigaway sia batok kay Israel.

21 Apang si Iehoba, nga Dios ni Israel, nagtugyan kay Sihon kag sang bug-os nga banwa niya sa kamut ni

Israel, kag ginpilas sila niya. Kag gin-tagiya ni Israel ang bug-os nga duta sang Amorinhon, nga mga pumuluyô sadto nga kaulaan.

22 Gintagiya *man* nila ang bug-os nga dulunan sang Amorinhon kutub sa Arnon tubtub sa labok, kag kutub sa kahanayakan tubtub sa Iordan.

23 Kag karon nga si Iehoba, ang Dios ni Israel, nagsobol sa mga Amorinhon sa atubangan ni Israel nga iya banwa, ¿ikaw bala ang magatagiya sa iya?

24 Ang igahatag kunta ni Kemos, nga imo Dios, sa imo nga kaugalingon, ¿indi mo bala pagakaugalingonon? Amo man ang tanan nga ginhatag ni Iehoba, nga amon Dios, sa atubangan namon nga kaugalingon, ini pagakaugalingonon namon.

25 Kag karon, ¿ayhan may pagkalabi ka kay Balak, anak ni Sepor, hari ni Moab? ¿Nagpangahas bala sia sa pagpakigaway batok kay Israel? ¿Nakaghimo bala sia sing pakigaway batok sa ila?

26 Sang si Israel nagpuyô sing tatlo ka gatus ka tuig sa Hesbon kag sa iya mga minoro, sa Aroer kag sa iya mga minoro, kag sa tanan nga mga kabanwaan nga yara sa mga dulunan sang Arnon, ¿kay nga bala walâ ninyo pagbawia sa ila sa amo nga dag-on?

27 Nahanungud sa akon walâ gid ako makasalâ batok sa imo; ikaw, naghimo sing malain sa akon, sa pagpakigaway sa akon. Si Iehoba, nga among hukom, maghukom sia karon sa tungâ sang mga anak ni Israel kag sang mga anak ni Amon."

28 Apang ang hari sang mga anak ni Amon walâ niya pagpamatii ang mga polong ni Iepte, nga ginpadalâ sa iya.

29 Kag ang Espiritu ni Iehoba nagsad sa ibabaw ni Iepte; kag naglaton sia sa Galaad kag sa Manases, kag naglaton sia sa Mispa sa Galaad, kag gikan sa Mispa sa Galaad naglaton sia sa mga anak ni Amon.

30 Kag si Iepte naghimo sing saad kay Iehoba, nga nagsiling: "Kon itugyan mo ang mga anak ni Amon sa akon mga kamut,

31 Bisan sin-o nga maggowa sa mga gawang sang akon baláy sa pagsugata sa akon, kon magpauli ako sa paghidaet gikan sa mga anak ni Amon,

mangin iya sia ni Iehoba, kag igahalad ko sia sa iya sa halad nga sinunog."

32 Kag nagkadto si Iepte sa mga anak ni Amon sa pagpakigaway batok sa ila, kag tinugyan sila ni Iehoba sa iya kamut.

33 Kag pinilas sila niya sa daku nga pagkalaglag kutub sa Aroer tubtub nasyon sa Minit, *kon sayoron* duha ka púlô ka mga banwa, kag tubtub sa Abel-Keramim. Sa sini nagpalasakup ang mga anak ni Amon sa atubangan sang mga anak ni Israel.

34 Kag nag-abut si Iepte sa Mispa sa iya baláy; kag yari karon, ang iya anak nga babae naggowa sa pagsugata sa iya nga may mga tambor kag mga pagsad-sad; kag amo lang sia, ang bugtong *niya*; walay labut sa iya, walâ na sia sing iban nga anak nga lalaki, bisan babae.

35 Kag sang nakit-an sia *ni Iepte*, kinusnit niya ang iya mga panapton, nga nagsiling: "¡Abaw, anak ko! Sa pagkamatuud, ginapalapyo mo ako, kag ikaw among sa mga nagapakalisud sa akon: kay ako nakagbukâ sang akon bâbâ kay Iehoba, kag indi ko na sarang makapasaguli."

36 Niyan sia nagsabat sa iya: "Amay ko, nagbukâ ka sang imo bâbâ kay Iehoba, himoa sa akon ang subung sang naghalin sa imo bâbâ, tungud kay si Iehoba naghimo nga sa imo sing pagtimalus sa imo mga kaaway, nga among mga anak ni Amon."

37 Kag nagsiling sia sa iya amay: "Himoa sa akon ini: Pabayae ako sing duha ka bulan, nga makadto ako kag magdulhog sa mga bukid, kag hiban ko ang akon pagkaulay, ako kag ang akon mga upud nga mga babae."

38 Niyan sia nagsiling: "Lakat-ka." Kag pinabayaang sia niya sing duha ka bulan. Kag naglakat sia patí ang iya kaupdanang, kag hinibian niya ang iya pagkaulay sa mga bukid.

39 Kag nahanabu nga, sang timaliwang duha ka bulan, nagbalik sia sa iya amay kag gintuman niya sa iya ang saad nga nahimo. Kag sia walâ makakilala sang lalaki.

40 Kag nanginpalatukuran ini sa Israel: nga sa tuigtuig nagakaladto ang mga pamatan-on nga babae ni Israel sa pagpasidungug sa anak nga babae ni Iepte, nga Galaadnon, sing apat ka adlaw sa tuig.



Ang mga Epraiminhon ginadaug ni Iepte.

**12** KAG ginpatipon ang mga lalaki ni Epraim, kag sila nag-alagi nayan sa Aminhan, kag nagsiling sila kay Iepte: "¿Kay ngaa bala naglakat ka sa paghimo sing pakigaway batok sa mga anak ni Amon, kag walâ mo kami pagtawga, agud nga magkadto kami kaipud nimo? Kami magasunug sa kala-yo sang imo balây sa ibabaw nimo."

2 Kag si Iepte nagsiling sa ila: "Ako, kag ang akon banwa, may isa kami ka daku nga pagpakigkasuay sa mga anak ni Amon, kag nagtawag ako sa inyo, kag walâ ako ninyo pagluwasa sa ila mga kamut.

3 Kag sang ginatan-aw ko, nga walâ ninyo ako pagluwasa, binutang ko ang akon kalág sa palad sang akon kamut, kag nag-agi ako nayan sa mga anak ni Amon. Kag tinugyan sila ni Iehoba sa akon mga kamut. Kag ¿kay ngaa bala nagtalaklad kamo karon batok sa akon sa pagpakigaway sa akon?"

4 Kag sang gintipon ni Iepte ang tanan nga mga lalaki sang Galaad, nakig-away sia batok kay Epraim. Kag ang mga taga-Galaad ginpilas nila si Epraim, kay nagsiling sila: "Kamo, mga Galaadnon, mga manlalagyo kamo ni Epraim sa tungâ ni Epraim kag sa tungâ ni Manases."

5 Kag gin-agaw sang mga Galaadnon ang mga talabukan sang Iordan sa atubangan sang mga taga-Epraim. Kag nahanabu nga, sang ang isa sang mga manlalagyo sa Epraim, nagsiling: "Butut ako mag-agi," ang mga taga-Galaad namangkot sa iya: "¿Epraiminhon bala ikaw?" Kag kon sia nagsabat: "Indi;"

6 Niyan nagsiling sila sa iya: "Busa, isiling-mo: Shibolet," kag sia nagsiling: "Shibolet," kay indi sia makasarang pagmitlang sing igo gid; niyan gindakap nila sia, kag ginpatay nila sia malapit sang mga talabukan sang Iordan. Kag nagkalamatay sadtong dag-on sa mga taga-Epraim kap-atan kag duha ka libo.

7 Kag ginhukman ni Iepte ang Israel sing anum ka tuig. Kag napatay si Iepte, nga Galaadnon, kag ginlubung sia sa tungâ sang mga banwa sa Galaad.

Si Ibsan, si Elon kag si Abdon mga hukom.

8 Kag sa olehe niya, ginhukman si Israel ni Ibsan, nga taga-Betlehem.

9 Kag may katloan sia ka anak nga lalaki; kag katloan ka mga anak nga babae ginpabana niya sa gowa, kag ginpakari niya gikan sa gowa ang katloan ka anak nga babae, nga sa iya mga anak nga lalaki. Kag ginhukman niya si Israel sing pito ka tuig.

10 Kag napatay si Ibsan, kag ginlubung sia sa Betlehem.

11 Kag sa olehe niya, ginhukman si Israel ni Elon, nga Sabuloninhon. Kag ginhukman niya si Israel sing napulô ka tuig.

12 Kag napatay si Elon, nga Sabuloninhon, kag ginlubung sia sa Ayalon, sa duta ni Sabulon.

13 Kag sa olehe niya, ginhukman si Israel ni Abdon, anak ni Hilel, nga Piratoninhon;

14 Kag may kap-atan sia ka anak nga lalaki kag katloan ka apô nga lalaki, nga nagasalakay sa kapito-an ka poliyino. Kag ginhukman niya si Israel sing walo ka tuig.

15 Kag napatay si Abdon, anak ni Hilel, nga Piratoninhon; kag ginlubung sia sa Piraton, sa duta ni Epraim, sa bukid sang mga Amalekinhon.

Ang mga Israelinhon ginapigos sang mga Pilistinhon.

Pagkatawo ni Samson.

**13** KAG ang mga anak ni Israel nagsulit sa paghimo sang malaut sa mga mata ni Iehoba; kag tinugyan sila ni Iehoba sa kamut sang mga Pilistinhon sing kap-atan ka tuig.

2 Kag may isa sadto ka tawo sa Sora, sa panimalây sang mga Daninhon, nga ginangalanan nga si Manoa. Kag ang iya asawa baw-as, nga walâ gid magpanganak.

3 Kag sa sini nga babae nagpahayag ang manugtunda ni Iehoba, kag nagsiling sa iya: "Yari karon, nga ikaw baw-as, kag walâ ka pagpanganak, apang magapanamkon ka, kag magaanak ka sing isa ka anak nga lalaki.

4 Ngani karon, tan-awa, ginaampo ko sa imo, nga indi ka maginum sing alak, bisan ilimon nga makahulubug, bisan magkaon ka sing butang nga mahigko.

5 Kag yari karon, ikaw magapanamkon kag magaanak sing isa ka anak nga lalaki, kag walay igbululug nga magagi sa iya olo, kay manginnasir sia sa Dios kutub sa tiyan; kag amo sia nga magasugud sa pagluwas kay Israel sa mga kamut sang nga Pilistinhon."

6 Kag nag-abut ang asawa, kag sinugid niya yadto sa iya bana, nga nagsiling: "Isa ka lalaki sang Dios nag-abut sa akon, nga ang iya dagway among daw dagway sang isa ka manugtunda sang Dios, nga makahaladluk sing daku-gid. Kag walâ ako magpamangkot sa iya kon tagadiin sia kag kon sino sia, kag walâ sia magsiling sa akon sang iya ngalan."

7 Apang nagsiling sia sa akon: Yari karon nga ikaw magapanamkon, kag magapananganak sing isa ka anak nga lalaki: kag karon, indi ka maginum sing alak, bisan ilimnon nga makahulubug, kag dili ka magkaon sing butang nga mahigko; kay ang bātâ manginnasir sa Dios kutub sa tiyan tubtub sa adlaw sang iya kamatayon."

8 Kag nangamuyo si Manoa kay Iehoba kag nagsiling: "Oh, Ginoo ko, ginaampo ko sa imo, nga yadtong lalaki sang Dios, nga ginpadalâ mo, magkari sa amon liwan, kag tudloan kami niya sang amon paghimoon sa bātâ nga matawo."

9 Kag ginpamatian sang Dios ang tingug ni Manoa; kag ang manugtunda sang Dios nagbalik liwan sa babae, sang nagalingkod sia sa latagon, apang ang iya bana nga si Manoa walâ dira sa iya.

10 Kag ang babae nagdalagan sing madali gid, kag binalita niya sa iya ang tanan, nga nagsiling sa iya: "Yari karon, nga nagpahayag sa akon ang lalaki, nga nag-abut sa akon sang isa ka adlaw."

11 Kag nagtindug si Manoa, kag nagsunod sa iya asawa; kag sang nakalambut sa lalaki, nagsiling sia sa iya: "¿Amo ikaw bala ang lalaki, nga naghambal sa sini nga babae?" Kag sia nagsiling: "Amo ako."

12 Kag si Manoa nagsiling: "Busa karon, kon matuman ang imo polong, ¿ano bala nga tulumanon sang bātâ kag anong himoon niya?"

13 Kag ang manugtunda ni Iehoba nagsiling kay Manoa: "Ang babae magabantay sang tanan nga mga butang, nga ginsiling ko sa iya:

14 Sia indi magakaon sang butang nga nagahalín sa ulubasan; dili maginum sia sing alak, bisan ilimnon nga makahulubug, kag indi magkaon sing butang nga mahigko: pagabantayan niya ang tanan nga ginsogo ko sa iya."

15 Niyan si Manoa nagsiling sa manugtunda ni Iehoba: "Ginaampo ko sa imo, nga igtugut mo nga maganganangan ka sa amon, kag maghimos kami sing isa ka diiyotay nga kanding, nga igabutang sa atubangan nimo."

16 Kag ang manugtunda ni Iehoba nagsiling kay Manoa: "Bisan pagpangananganon mo ako, indi ako magkaon sang imo tinapay. Kag kon maghimo ka sing halad nga sinunog, ighalad mo sia kay Iehoba." Kay walâ makasayud si Manoa, nga amo sia ang manugtunda ni Iehoba.

17 Kag nagsiling si Manoa sa manugtunda ni Iehoba: "¿Sin-o bala ang imo ngalan, agud nga, kon matuman ang imo polong pagapasidungan ka namon?"

18 Kag ang manugtunda ni Iehoba nagsiling sa iya: "¿Ngaa bala nagapamangkot ka sang akon ngalan? Sia among makatilingala."

19 Kag nagkuha si Manoa sing isa ka diiyotay nga kanding patí ang halad nga kalan-on, kag ginhalad niya ini sa ibabaw sang pil-as kay Iehoba. Kag ang manugtunda naghimo sing isa ka katingalahan, nga ginatuluk ni Manoa kag sang iya asawa.

20 Kay nahanabu nga, sang ang dabdab nagsaka gikan sa halaran nayan pa langit, ang manugtunda ni Iehoba nagsaka man sa dabdab sang halaran; kag sang pagkakita sini ni Manoa kag sang iya asawa, naghalapa sila sa duta.

21 Kag ang manugtunda ni Iehoba indi nagpahayag liwan kay Manoa kag sa iya asawa. Niyan nakilala ni Manoa nga among manugtunda ni Iehoba.

22 Kag nagsiling si Manoa sa iya asawa: "Sa pagkamatuud gid, magakalamatay kita, kay nakakita kita sa Dios."

23 Apang ang iya asawa nagsiling sa iya: "Kon buut kunta kita patyon ni Iehoba, walâ magbaton sa aton mga kamut sang halad nga sinunog, kag sang halad nga kalan-on, bisan pa magpahayag sia sa aton sini nga tanan, bisan pa, sa sini nga dag-on, walâ mag-



bantala sa aton sing kaangay nga mga butang."

24 Kag ang asawa nag-anak sing isa ka anak nga lalaki, kag ginhingalanani niya sia sang ngalan nga si Samson. Kag ang batâ nagtûbô, kag ginpakamaayo sia ni Iehoba.

25 Kag ang Espiritu ni Iehoba nag-sugud sa pagtiklod sa iya sa Mahane-dan, sa tungâ sang Sora kag sang Estaol.

Pagpakasal ni Samson; ang paktakon kag ang iya kasaysayan.

**14** KAG nagdulhog si Samson pa Timna, kag nakita niya sa Timna ang isa ka babae sa mga anak sang mga Pilistinhon.

2 Kag nagtaklad sia liwan kag nanḡa-soy sia sini sa iya amay kag sa iya ilôy, nga nagasiling: "Ako nakakita sa Timna sing isa ka babae sa mga anak sang mga Pilistinhon: kag karon igapaasawa ninyo sia sa akon."

3 Kag ang iya amay kag ang iya ilôy nagsiling sa iya: "¿Walâ bala sing babae sa mga anak nga babae sang imo mga útud, bisan sa bug-os nakon nga banwa, agud nga maglakat ka sa pagkuha sing asawa sa mga Pilistinhon nga ditinuli?" Kag si Samson nagsabat sa iya amay: "Ipaasawa-mo yadto sia sa akon, kay ini sia nagapahamuut sa akon mga mata."

4 Kag ang iya amay kag ang iya ilôy walâ sila makasayud, nga ini naggikan kay Iehoba. Kay sia nagapangita sing kahigayonan batok sa mga Pilistinhon. Sadto nga dag-on ang mga Pilistinhon nagagalalum sa ibabaw ni Israel.

5 Kag si Samson nagdulhog upud ang iya amay kag ang iya ilôy sa Timna. Kag sang limambut sila sa mga ulubasan sang Timna, yari karon, isa ka bataon nga leon nagpakari, nga naganḡorob, ayon sa iya.

6 Kag ang espiritu ni Iehoba nag-hikot sa ibabaw niya, kag gingisi niya ang leon subung sang paggisi sang isa ka diyotay nga kanding, nga walâ sing bisan ano sa iya kamut. Kag walâ niya igsugid sa iya amay, bisan sa iya ilôy, ang iya ginhimo.

7 Kag nag-abut sia, kag naghambal sa babae, nga nagpahamuut sa mga mata ni Samson.

8 Kag sang nagpauli sia sa tapus sang

pila ka adlaw sa pagkuha sa iya, nagbulag sia sa pagtan-aw sang lawas nga garok sang leon; kag yari karon, sa lawas sang leon isa ka pulugyot sang putyokan kag dugus.

9 Kag sang kinuha ini sang mga palad sang iya mga kamut, naglakat sia, nga nagakaon sa dalanon; kag nagkadto sia sa iya amay kag sa iya ilôy, kag ginhatagan man niya sila, kag nagkalaon sila; apang walâ niya igbutyag sa ila nga iya ginkuha ang dugos sa lawas sang leon.

10 Kag nagdulhog ang iya amay sa babae; kag si Samson naghimo didto sing isa ka piesta, kay amo ini ang ginahimo sang mga pamatan-on.

11 Kag nahanabu nga, sang nakita nila sia, kinuha niya ang katloan ka kaúpud nga magúpud sa iya.

12 Kag sa ila nagsiling si Samson: "Ako magatugma karon sa inyo sing isa ka paktakon. Kon sa pito ka adlaw sang piesta mapatpatan ako ninyo, kag ikapabutyag ninyo ini sa akon, magahatag ako sa inyo sing katloan ka bayô kag katloan ka ilislan nga mga panapton.

13 Apang kon indi ninyo masayoran sa pagpatpat sa akon, kanio magahatag sa akon sing katloan ka bayô, kag sing katloan ka ilislan nga mga panapton." Kag sila nagsililing sa iya: "Itugma sa amon ang imo paktakon, kag pagapamhatian namon sia."

14 Niyan nagsiling sia sa ila:

"Gikan sa manugkaon naggowa ang pagkaon,

Kag sa makusug naggowa ang katam-is."

Kag sila walâ makasarang magpatpat sa iya paktakon sa tatlo ka adlaw.

15 Kag nahanabu nga, sang ikapito ka adlaw, nagsiling sila sa asawa ni Samson: "Oloolohi ang imo bana, nga igpatpat niya sa amon ang paktakon, kon indi pagasunogon ka namon sa kalayo, ikaw kag ang baláy sang imo amay. ¿Gin-agda kami ninyo bala, agud nga paghublasan ninyo kami? ¿Indi bala amo?"

16 Kag naghibi ang asawa ni Samson malapit sa iya, kag nagsiling: "Lamang nagadumut ka sa akon, kag walâ ka mahagugma sa akon. Nagtugma ka sing isa ka paktakon sa mga anak sang akon banwa, nga walâ mo igpatpat

sa akon." Kag sia nagsiling sa iya: "Yari karon nga bisan sa akon amay bisan sa akon ilóy walâ ko ikapatpat; kag zigpatpat ko bala ini sa imo?"

17 Kag sia naghibi sa atubangan niya sang pito ka adlaw, nga naglawig ang ila piesta; apang nahanabu nga, sa ikapito ka adlaw pinatpat niya sia sa iya, kay napilitan sia niya. Kag sia nagpatpat sa mga anak sang iya banwa sang pak-takon.

18 Kag sa ikapito ka adlaw, sa walâ pa magsalup ang adlaw, ang mga taga-banwa nagsililing sa iya:

"¿Ano nga butang nga labi pa ka-tam-is sa dugus?"

¿Kag ano nga butang nga labi pa ka kusug sang leon?"

Kag sia nagsiling sa ila: "Kon walâ ninyo kunta pagdaroha sa akon bakia, walâ gid kunta ninyo masapwi ang akon pak-takon."

19 Kag ang Espiritu ni Iehoba naghi-kot sa iya, kag nagdulhog sia sa Askalon, kag pinilas niya ang katloan ka tawo kag kinuha niya ang ila hinublas. Kag gin-hatag niya ang mga ilislan sang mga pa-napton sa mga nakapatpat sang pakta-kon. Kag nagsiga ang iya kaakig, kag nagtaklad sia sa baláy sang iya amay.

20 Kag ang asawa ni Samson *kina-hatag* sa iya upud, nga anay ginakaúpud niya.

Nagadaug si Samson sa mga Pilistinhon.

**15** KAG nahanabu, sa tapus sang pila ka mga adlaw, nga, sa dag-on sang ani sang trigo, nagduaw si Samson sa iya asawa, nga *gindala* ang isa ka kanding nga diyotay, kag nagsiling sia: "Magasulúd ako sa akon asawa sa hulot sa sulúd." Apang ang amay sang asawa walâ magtugut sa iya sa pagsulúd.

2 Kag nagsiling ang amay: "Naghu-nahuna gid ako, nga gindumtan mo sia, kag ginhatag ko sia sa imo upud. Apang ang iya manghod, ¿indi bala maayoayo nga labi sa iya? Busa manginimo sia, ginaampo ko sa imo, nga tal-us niya."

3 Kag si Samson nagsabat sa ila: "Ako sa sini karon, manginwalay salâ sa mga Pilistinhon, kon paghimoan ko sila sing malain."

4 Kag naglakat si Samson kag nagda-kup sing tatlo ka gatus ka sakal, kag kumuha sia sing mga isululo, kag sang

tinalabid niya ang ikog kag ikog, binu-tangan niya sing isa ka isululu sa tungâ sang duha ka ikog.

5 Kag sang tinutdan niya ang mga isululu, ginbuhian niya ang mga sakal sa mga tanum sang mga Pilistinhon, kag ginsunog niya ang mga tumpi kag mga alanihon, kag mga kaolibahan.

6 Kag nagsiling ang mga Pilistinhon: "¿Sin-o bala ang naghimo sini?" Kag kinasiling sa ila: "Si Samson, ang umagad sang Timnatinhon, kay kinuha niya sa iya ang iya asawa kag ginhatag sia sa iya upud." Kag nagtaklad ang mga Pilistinhon, kag ginsunog nila sa kalayo ang asawa kag ang iya amay.

7 Niyan si Samson nagsiling sa ila: "Bisan pa nga kamo naghilimo sing subung sini, magatimalus ako sa inyo, kag ugaling untatan ko."

8 Kag pinamilas niya sila sa paa kag sa balikawang nga may daku nga kama-tay; kag nagdulhog sia, kag nagpuyô sa isa ka litik sang pil-as sa Etam.

9 Kag ang mga Pilistinhon nagtala-laklad kag nagbutang sing dulugan sa Iuda, kag naglapta sila sa Lehi.

10 Kag ang mga lalaki sang Iuda nag-siling sa ila: "¿Nгаа bala nagtalaklad kamo batok sa amon?" Kag sila nag-sililing: "Sa pagdakup kay Samson nag-talaklad kami, sa paghimo sa iya subung sang ginhimo niya sa amon."

11 Kag nagdululhog ang tatlo ka libo ka tawo ni Iuda sa litik sang pil-as sa Etam, kag nagsililing sila kay Samson: "¿Walâ ka bala makasayud nga ang mga Pilistinhon nagagalahum sa ibabaw naton? Kag ¿ano bala ang ginhimo mo sa amon didto?" Kag sia nagsiling sa ila: "Ako naghimo sa ila subung sang ginhimo nila sa akon."

12 Kag sila nagsililing sa iya: "Kami nagdulhog sa pagdakup sa imo, kag sa pagtugyan sa imo sa kamut sang mga Pilistinhon." Kag si Samson nagsiling sa ila: "Sumpa-kamo sa akon, nga indi ako ninyo pagdamhagan."

13 Kag sila naghalambal sa iya, nga nagasiling: "Indi, kondi pagadakpon ka namon, kag igatugyan ka namon sa ila mga kamut; apang indi gid kami magpatay sa imo." Niyan ginhigtan nila sia sing duha ka lubid nga mga bag-o, kag ginpataklad nila sia gikan sa pil-as.

14 Kag nag-abut sia tubtub sa Lehi, kag ang mga Pilistinhon nagsilingit sa



daku nga pagsingit sa pagsugata sa iya. Kag ang Espiritu ni Iehoba naghikot sa iya, kag ang mga lubid nga yara sa iya mga butkon nang nsubung sang lino nga sinunog sa kalayo, kag ang iya mga gapus nagkaladagdag sa iya mga kamut.

15 Kag sang nakit-an niya ang isa ka sulang nga lab-as sang asno, inuntay niya ang kamut kag kinuha niya ini, kag pinilas niya sa iya ang isa ka libo ka tawo.

16 Niyan si Samson nagsiling :

“¡Sa sulang sang isa ka asno, isa ka tinumpok, duha ka tinumpok!  
Sa sulang sang isa ka asno ginpilas ko ang isa ka libo ka tawo.”

17 Kag nahanabu, sang pagkatapus niya sa paghambal, nga pinilák niya ang sulang sa iya kamut, kag ginangalanan niya yadto nga dung nga Ramat-Lehi.\*

18 Kag may daku sia nga kauhaw, kag nagtuaw sia kay Iehoba, kag nagsiling : “Ikaw ang naghatag sining daku nga kaluwasan tungud sang kamut sang imo ulipon : kag ¿mamatay bala ako karon sa kauhaw, kag maholog ako sa mga kamut sang mga ditinuli ?”

19 Kag ginpalitik sang Dios ang pil-as nga gowabon nga didto sa Lehi, kag naggulowa sa iya ang mga tubig, kag nagingum sia, kag nasaguli ang iya espiritu, kag naumpawan sia. Tungud sini, ginhingalanan ini nga En-hakore,† nga sia didto sa Lehi tubtub karon.

20 Kag ginhukman niya ang Israel, sa mga adlaw sang mga Pilistinhon, sing duha ka pôlô ka tuig.

Si Samson ginadayaan ni Delila.—Ang iya kamatayon.

**16** KAG kumadto si Samson sa Gasa, kag nakita niya didto ang isa ka babae nga bigaon, kag nagsulúd sia sa iya.

2 Kag ginsiling sa mga taga-Gasa : “Si Samson nagkari diri.” Kag linibutan nila sia, kag binutangan nila sing puut sadtong bug-os nga gab-i, sa gawang sang banwa. Kag naghilipus sila sadtong bug-os nga gab-i, nga nagsiling : “Tubtub sa kasanag sang kaagakon : niyan pagapatyon ta sia.”

\* *Ramat-Lehi*, bakolad sang sulang.

† *En-hakore*, tuburan sang nagatuaw.

3 Apang si Samson naghigda tubtub sa tungang gab-i, kag sa tungang gab-i nagtangan sia ; kag sang kinaptan niya ang mga takup sang gawang sang banwa, pati ang duha ka haligi, binuklas niya sila pati ang mga pintal, kag pinasan niya sila, kag nagtaklad sia nga dalá sila sa putokputokan sang bukid, nga yara sa tampad sang Hebron.

4 Kag nahanabu, sa tapus sini, nga naghigugma sia sa isa ka babae sa nalupayakan sang Sorek, nga sia ginangalanan nga si Delila.

5 Kag nagtalaklad sa iya ang mga dunganon sang mga Pilistinhon, kag nagsililing sa iya : “Oloolohi sia, kag tanawa kon sa diin magikan ang iya daku nga kusug, kag kon ano nga pagkasarang namon sa paggahum sa iya, kag paga- higtan namon sia sa pagpaubus sa iya. Kag ang tagsatagsa sa amon magahatag sa imo sing isa ka libo kag isa ka gatus ka siklo nga pilak.”

6 Kag si Delila nagsiling kay Samson : “Ginaampo ko sa imo, nga igsaysay mo sa akon ang ginagiklanan sang imo daku nga kusug, kag kon paano ang paggapus sa imo sa pagpaubus sa imo.”

7 Kag nagsiling sa iya si Samson : “Kon paggapuson ako sang pito ka lubid nga lab-as sa pana, nga walâ pa magmala, niyan magamaluya ako, kag manginsubung ako sang bisan sin-o nga tawo.

8 Kag ang mga dunganon sang mga Pilistinhon nagdalalá sa iya sing pito ka lubid nga lab-as sa pana, nga walâ pa magmala, kag sa ila ginapus niya sia.

9 Kag didto ang mga tawo sa pulutan sa baláy niya, sa hulut sa sulúd. Kag si *Delila* nagsiling sa iya : “¡Samson, ang mga Pilistinhon sa ibabaw nimo !” Kag binugto niya ang mga lubid, subung sang pagbugto sang isa ka nahot sang lanut, kon makabatyag sang kalayo. Kag walâ masayori ang *tinago* sang iya kusug.

10 Kag si Delila nagsiling kay Samson : “Yari karon. ikaw nagyubit sa akon, kay nagsiling ka sa akon sing mga butig. Busa karon, isiling mo sa akon, ginaampo ko sa imo, sa ano sarang ka magapus.”

11 Kag si Samson nagsiling sa iya : “Kon gapuson ako sing malig-on gid sing mga lubid nga mga bag-o, nga sa ila walâ sing bisan ano nga nahimo, ako

magaluya kag manginsubung ako sa bisan sin-o nga tawo."

12 Kag si Delila nagkuha sing mga bag-o nga mga lubid, kag ginapus niya sia sa ila. Kag nagsiling sia sa iya: "¡Samson, ang mga Pilistinhon sa ibabaw nimo!" Kag didto ang mga tawo sa pulut-an sa hulut sa sulúd. Kag pina-mugto niya sila sa iya mga butkon subung sang isa ka nahot.

13 Kag si Delila nagsiling kay Samson: "Tuhtub karon ginyubitan mo ako kag ginsiling mo sa akon ang mga kabutigan. Isiling-mo sa akon, sa ano sarang ka paggapuson." Kag nagsiling sia sa iya: "Kon pagihabol mo ang pito ka salapid sang akon olo sa tindug sang panapton."

14 Kag gingapus niya sia sing maligon sa likisan, kag nagsiling sia sa iya: "¡Samson, ang mga Pilistinhon sa ibabaw nimo!" Apang, sang sia nagmata sa iya katuyo, ginábut niya ang likisan sa hablon pati ang tindug sang panapton.

15 Kag sia nagsiling sa Iya: "¡Pano nga pagsiling mo: ako nahagugma sa imo, niyan nga ang imo tagiposoon walá sa akon? Yari karon, nga sing makatlo nga ginyubitan mo ako, kag walá mo pa igpahayag sa akon, kon sa diin ang imo daku nga kusug."

16 Kag nahanabu nga, sang ginpilit sia sa matag-adlaw ni Delila, tungdang sang iya mga polong, kag nga ginpasakit niya sia, ang iya kalág ginpaakig tuhtub sa kamatayon.

17 Kag ginpahayag niya sa iya ang bug-os niya nga tagiposoon, kag nagsiling sia sa iya: "Walá pa gid sing ibululug nga nag-agi sa akon olo; kay ako nasir sang Dios kutub sa tiyan sang akon ilóy. Kon mabulog ako, ang akon kusug mahamulag sa akon, kag mangin-maluya ako kag manginsubung sang tanan nga mga tawo."

18 Kag sang ginatan-aw ni Delila, nga ginpahayag niya sa iya ang bug-os niya nga tagiposoon, nagpadalá sia sa pagtawag sa mga dunganon sang mga Pilistinhon, nga nagasiling: "Taklad-kamo karon, kay ginpahayag niya sa akon ang iya bug-os nga tagiposoon." Kag ang mga dunganon sang mga Pilistinhon nagtalaklad sa iya, kag nagdalá sila sa ila mga kamut sang pilak,

19 Kag ginpatolog niya sia sa ibabaw sang iya mga tuhod; kag nagtawag sia sing isa ka tawo, kag binulogan niya sia sing pito ka salapid sang iya olo, kag sinugdan sia niya sa pagpaubus, kag ang iya kusug nahamulag sa iya.

20 Kag nagsiling sia sa iya: "¡Samson, ang mga Pilistinhon sa ibabaw nimo!" Kag nagmata sia sa iya kato-logon, kag nagsiling sia: "Sa sini karon magagowa ako, subung sang sa iban nga mga tion, kag magapalus ako." Kag walá sia makasayud, nga si Iehoba nahamulag sa iya.

21 Kag dinakup sia sang mga Pilistinhon, kag linukatan sia nila sing mga mata, kag inalá nila sia sa Gasa kag hinigtan sia sing mga talikala nga tum-baga, kag naggaling sia sa baláy sang mga binilango.

22 Kag ang bohok sang iya olo nag-sugud sa pagtúbô, sa tapus sia mabulog.

23 Kag ang mga dunganon sang mga Pilistinhon nagtilipon sa paghalad sing daku nga halad kay Dagon, nga ila dios, kag sa pagkasadya; kay nagsililing sila: "Ang aton dios nagtugyan sa aton mga kamut kay Samson, nga aton kaaway."

24 Kag sang nagatan-aw sini ang banwa, nagdalayaw sila sa ila dios, kag nagsililing sila: "Ang amon dios nagtugyan sa amon mga kamut sang amon kaaway, kag sang manughapay sang amon duta, nga nakapatay sang mada-mu sa amon."

25 Kag nahanabu nga, sang nagkalalipay ang tagiposoon nila, nagsililing sila: "Tawga-ninyo si Samson, agud nga maglingawlingaw sia sa aton." Kag tinawag nila si Samson gikan sa bilangoan. Kag naghimo sia sa atubangan nila sing mga kaladlawan; kag ginpatindug nila sia sa tunga sang mga haligi.

26 Kag si Samson nagsiling sa pamatan-on, nga nagkaput sa iya sa kamut: "Ipapalapit ako, kag pahikapa ako sa mga haligi, nga sa iya ang kalig-onan sang baláy, agud nga magsandig ako sa ila."

27 Kag ang baláy napunô sang mga tawo, lalaki kag mga babae, kag ang tanan nga mga dunganon sang mga Pilistinhon yadto didto. Kag sa ibabaw sang atup may mga tatlo ka libo nga mga lalaki kag mga babae, nga naga-



talan-aw sang paglingawlingaw ni Samson sa ila.

28 Kag nagsingit si Samson kay Iehoba, kag nagsiling: "Ginoo nga Iehoba, dumduma ako karon kag pakusuga ako, ginaampô ko sa imo, sini lamang karon, oh Dios, agud nga sa isa lang ka pagtimalus, tungud sang akon duha ka mata, sarang ako makatimalus sa akon sa mga Pilistinhon."

29 Kag ginkaptan ni Samson ang duha ka haligi sa tungâ, nga sa ibabaw nila nagatungtung ang baláy, kag ginhambuyan niya ang isa sang iya kamut nga too kag ang isa sang iya kamut nga walâ;

30 Kag nagsiling si Samson: "Mapatay ako kaúpud sang mga Pilistinhon." Kag kumuub sia, sa bug-os niya nga kusug, kag naholog ang baláy sa ibabaw sang mga dunganon, kag sa ibabaw sang bug-os nga banwa nga didto sa iya. Kag ang mga patay nga ginpatatay niya sa iya pagkamatay, nanginlabi pa ka damu sang mga ginpatatay niya sa iya kinabuhi.

31 Kag nagdululhog ang iya mga útud, kag ang bug-os nga baláy sang iya amay, kag kinuha nila sia. Kag dinalá nila sia, kag ginlubung nila sia sa tungâ sang Sora kag sang Estaol, sa lulubngan sang iya amay nga si Manoa. Kag sia naghukom sa Israel sing duha ka púlô ka tuig.

Ginatukud ni Mika ang diwata sa iya balay.

**17** KAG may isa sadto ka tawo sa bukid sa Epraim, nga ginangalanan nga si Mika;

2 Kag nagsiling sia sa iya ilóy: "Ang isa ka libo kag isa ka gatus ka *siklo* nga pilak nga kinawat sa imo, nga tungud sa ila nagpanghimaulat ka, nga ginhambal mo man sa akon mga idulungug, yari karon, ini nga pilak yari sa akon: ako ang nakakuha sa iya." Niyan ang ilóy nagsiling sa iya: "Pagpakamaayohon ka ni Iehoba, anak ko."

3 Kag inuli niya sa iya ilóy ang isa ka libo kag isa ka gatus ka *siklo* nga pilak, kag ang iya ilóy nagsiling: "Kinahalad ko ini nga pilak, sang akon kamut, kay Iehoba, tungud sang akon anak, agud nga maghimo sia sing isa ka larawan nga tinigib kag isa ka larawan nga tinunaw; kag karon, ginuli ko ina sa imo."

4 Kag inuli niya sa iya ilóy ang pilak, kag nagkuha ang iya ilóy sing duha ka gatus ka *siklo* nga pilak kag hinatag niya sila sa manugtunaw; kag hinimo niya yadto nga isa ka larawan nga tinigib kag sing isa ka larawan nga tinunaw, kag ini sila yara sa baláy ni Mika.

5 Kag ining tawo, nga si Mika, may isa ka baláy sang mga dios, kag ginhimo niya ang isa ka epod kag mga terapim;\* kag pinakabalaan niya ang isa sang iya mga anak, nga manginsaserdote sa iya.

6 Sadto nga mga adlaw walay hari sa Israel; ang tagsatagsa naghimo sang pinakamatadlung sa iya mga mata.

7 Kag may isa ka pamatan-on sa Betlehem sa Iuda, sa kabikahan ni Iuda, nga Lebinhon sia; kag nagapanlugayaw sia didto.

8 Ini nga tawo naghalin gikan sa banwa sang Betlehem sa Iuda, nga makadto sa pagpanlugayaw sa kon diin makakita sia *sing dung*. Kag sang nagalakat, nag-abut sia sa bukid ni Epraim, sa baláy ni Mika.

9 Kag si Mika nagsiling sa iya: "¿Diin ka bala maghalin!" Kag sia nagsabat: "Ako Lebinhon, nga taga-Betlehem sa Iuda, kag magkadto ako sa pagpanlugayaw sa kon diin nga ako makakita *sing dung*."

10 Niyan si Mika nagsiling sa iya: "Pabilin-ka sa akon baláy, kag magmanginamay ka nakon kag saserdote; kag ako magahatag sa imo sing napúlô ka *siklo* nga pilak sa tinuig, kag ang isa ka ilislan sang panapton, kag ang imo pagkaon." Kag ang Lebinhon nagpabilin.

11 Kag umuyon ang Lebinhon sa pagpuyô kaúpud sadto nga tawo; kag ang pamatan-on nanginsubung nga sa iya sang isa sang iya mga anak.

12 Kag ginpakabalaan ni Mika ang Lebinhon, kag yadto nga pamatan-on nanginsaserdote niya, kag didto sia sa baláy ni Mika.

13 Kag si Mika nagsiling: "Karon nasayoran ko, nga si Iehoba magahimo sa akon sing maayo, tungud kay ang isa ka Lebinhon among akon saserdote."

\* *Terapim*, mga dios sa baláy.

Ang kabikahan ni Dan nagatutud sa banwa  
sang Lais, kag nagapanġawat sang  
mġa larawan ni Mika.

**18** SADTO nġa mġa adlaw walay  
hari sa Israel. Kag sadto nġa  
mġa adlaw ang kabikahan sang mġa  
Daninhon nagapanġita sing isa ka pa-  
nublion nġa pagapuy-an, kay walā pa  
sing bisan ano nġa maholog nġa pa-  
nublion sa iya, tubtub sadtong adlaw  
sa tunġa sa mġa kabikahan ni Israel.

2 Kag ang mġa anak ni Dan nagpa-  
dalā sa ila panimalāy sing lima ka tawo  
sa bug-os nila nġa kadamuan, mġa tawo  
nġa maisug, gikan sa Sora kag sa  
Estaol, agud nġa saladsadon nila ang  
duta kag usisaon sia. Kag nagsiling  
sila sa ila: "Lakat-kamo, kag usisaon-  
ninyo ang duta." Kag nag-abut ini sila  
sa bukid ni Epraim, tubtub sa balāy ni  
Mika, kag didto naghiligda sila.

3 Kag sang didto sila malapit sa balāy  
ni Mika, nakilal-an nila ang tinġug sang  
pamatan-on nġa Lebinhon. Kag sang  
naglipas sila didto, nagsililing sila sa  
iya: "¿Sin-o bala ang nagdalā sa imo  
diri? kag ¿ano bala ang ginahimo mo sa  
sini nġa duug? Kag, ¿anong imo diri?"

4 Kag sia nagsiling sa ila: "Sa sini  
kag sa sini nġa bagay nakighimo sa akon  
si Mika: ginasoholan ako niya, kag na-  
gaalagad ako sa iya nġa saserdote."

5 Kag sila nagsiling sa iya: "Panġu-  
tana-ka karon sa Dios, ginaampo namon  
sa imo, agud nġa amon masayoran kon  
magakaayohan ang amon panlakatan,  
nġa ginahimo namon."

6 Kag ang saserdote nagsiling sa ila:  
"Lakat-kamo sa paghidaet, nġa ang  
inyong panlakatan, nġa ginahimo ninyo,  
yara sa atubangan ni Iehoba."

7 Kag yadtong lima ka tawo nagtali-  
wan, kag nag-alabut sila sa Lais; kag  
nakita nila, nġa ang banwa nġa didto sa  
tunġa niya nagapuluyō sing malig-on,  
sono sa pamatasan sang mġa taga-Sidon,  
mġa malinong kag masinalig-on kag wa-  
lā sing bisan sin-o didto sadto nġa duta,  
nġa magtistis sa bisan ano sa mġa naga-  
tagiya sing mġa kaugalingon, kag ma-  
layō sila sa mġa taga-Sidon, kag walā  
silay pagpakigisayo sa bisan kay sin-o."

8 Kag nagbalalik sila sa ila mġa útud  
sa Sora kag sa Estaol, kag ang ila mġa  
útud nagsililing sa ila: "¿Maanoano  
bala?" Kag sila nagsililing:

9 "Tilindug-kamo kag magtaklad ki-  
ta batok sa ila; kay nakit-an namon ang  
duta, kag yari karon, nġa maayo gid sia.  
Kag kamo nagadulūlog lamang diri.  
Dili kamo magmatinamaron sa paglakat  
kag pagsulūd sa pagtagiya sadtong duta.

10 Kon makalambut kamo didto, ma-  
gaabut kamo sa isa ka katawohan nġa  
masinalig-on, kag ang duta among mala-  
pad; kay gintugyan na sia sang Dios sa  
inyo mġa kamut. Duug ini nġa didto  
walā makulanġi sing bisan ano nġa yara  
sa duta."

11 Kag humalín sila didto, gikan sa  
Sora kag sa Estaol, sa mġa panimalāy  
sang mġa Daninhon, ang anum ka gatus  
ka tawo nġa mġa sangkap sang ila hi-  
nganiban.

12 Kag nagtalaklad sila kag nagpaham-  
tang sing dulugan sa Kiriat-earim, sa  
Iuda; tungud sini ginhingalanen yadto  
nġa duug nġa Mahane-Dan tubtub  
karon. Yari karon, yara sia sa likod  
sang Kiriat-earim.

13 Kag gikan didto nag-alagi sila sa  
bukid ni Epraim, kag nag-alabut sila  
tubtub sa balāy ni Mika.

14 Kag yadtong lima ka tawo nġa  
nagkadto sa pagsaladsad sang duta sang  
Lais, nagsililing sa ila mġa útud: "¿Na-  
kahibalo kamo bala nġa sa sini nġa mġa  
balāy may isa ka epod kag mġa tera-  
pim, kag isa ka larawan nġa tinigib kag  
isa ka larawan nġa tinunaw? Busa,  
talupangda ninyo ang imo pagahimo-  
on."

15 Kag sang paglipas nila didto, nag-  
alabut sila sa balāy sang pamatan-on  
nġa Lebinhon, sa balāy ni Mika, kag  
pinamangkot nila sia kon maanoano sia.

16 Kag ang anum ka gatus ka tawo  
nġa gikan sang mġa anak ni Dan, nġa  
napanaklusan sila sang ila hinganiban,  
nagtindug sa salamputan sang gawang.

17 Kag sang simaka ang lima ka  
tawo, nġa nagkadto sa pagsaladsad  
sang duta, nagsululūd sila didto, kag  
kinuha nila ang larawan nġa tinigib,  
kag ang epod, kag ang mġa terapim,  
kag ang larawan nġa tinunaw. Kag  
nagtindug ang saserdote sa salamputan  
sang gawang upud sang anum ka gatus  
ka tawo nġa mġa napanaklusan sang ila  
hinganiban.

18 Kag sang simulud yadto sila sa  
balāy ni Mika, kinuha nila ang larawan  
nġa tinigib, ang epod, kag ang mġa



terapim, kag ang larawan nga tinunaw. Kag ang saserdote nagsiling sa ila: "¿Ano bala ang ginhimo ninyo?"

19 Kag sila nagsililing sa iya: "Hipus-ka; ibutang mo ang imo kamut sa imo bâbâ, kag kumari-ka upud sa amon, kag manginamay ka namon kag manginsaserdote. ¿Labi bala nga may ayo sa imo ang magranginsaserdote nga sa baláy sang isa lan ang ka tawo, kon manginsaserdote ka sa isa ka kabikahan kag isa ka panimaláy sa Israel?"

20 Kag nagkalipay ang tagiposoon sang saserdote, kag kinuha niya ang epod, kag ang mga terapim, kag ang larawan nga tinigib, kag nagsulúd sa tunghang sang katawohan.

21 Kag nagbalaligid sila kag nagkaladto sila, kag binutang nila ang mga kabataan kag ang kahayupan, kag ang kasangkapan, sa atubangan nila.

22 Kag sang nakapalayô sila sa baláy ni Mika, ang mga tawo nga yadto sa mga baláy nga kasilingan sang baláy ni Mika, nagtilipon kag nagsilimpon sa mga anak ni Dan.

23 Kag nagsilingit sila sa mga anak ni Dan. Kag ini sila nagbalaligid kag nagsililing kay Mika: "¿Ano bala ang buut mo, nga ginatipon mo ang mga tawo sa amo nga siningit?"

24 Kag sia nagsiling: "Ang akon mga dios nga ginhimo ko, inyo ginkuha kag ang saserdote, kag naglalakat kamo. Kag ¿ano pa ang nabilin sa akon? Busa ¿kay nga bala nagsiling kamo sa akon: ¿Ano bala ang buut mo?"

25 Kag ang mga anak ni Dan nagsililing sa iya: "Indi pagpamatian ang imo tingug sa tunghang namon, basi pa magdamhag sa ibabaw ninyo ang mga tawo nga maakigon, kag madula ang imo kabuhi kag ang kabuhi sang imo panimaláy."

26 Kag ang mga anak ni Dan nagpaladayon sa ila dalanon. Kag sang pagkakita ni Mika nga sila mga labing mabaskug pa sa iya, nagbalikid sia kag nagpauli sa iya baláy.

27 Apang sila, sang pagkuha nila sang mga dios nga ginhimo ni Mika kag sang saserdote nga yara sa iya, nag-alabut sila sa Lais, sa isa ka banwa nga malinong kag masinalig-on; kag pinilasan nila sila sa sulab sang hinganiban, kag sinunog nila ang banwa sa kalayo.

28 Kag walâ sing bisan sin-o nga magluwas, kay malayô ini sa Sidon, kag walâ sila sing paghilisayo sa bisan kay sin-o. Kag yari sia sa nalupyakan nga yara malapit sa Bet-Rehob. Kag ginpatindug nila liwan ang banwa, kag nagpuluyô sila sa iya.

29 Kag gintawag nila ang ngalan sang banwa nga Dan, sono sang ngalan ni Dan nga ila amay, nga natawo sa Israel; apang sadto anay ang ngalan sang banwa among Lais.

30 Kag ang mga anak ni Dan nagpatindug nga sa ila sing larawan nga tinigib, kag si Ionatan, nga anak ni Gersom, anak ni Manases, sia kag ang iya mga anak, nanginsaserdote sila nga sa kabikahan sang mga Daninhon, tubtub sa adlaw sang pagkabihag sang duta.

31 Kag napatindug nila sa tunghang nila ang larawan nga tinigib, nga ginhimo ni Mika, sa bug-os nga dag-on nga ang baláy sang Dios didto sa Silo.

Ang makanngingil-ad nga sala sang mga pumuluyo sa Gabaa.

19 KAG sadto nga mga adlaw, walâ sing hari sa Israel, kag nahanabu nga ang isa ka tawo nga Lebinhon, nga nagpanlugayaw sa sulúd pa gid sa bukid sang Ephraim, nga nagkuha sia sing isa ka babae, ang sa iya, sa Betlehem sa Iuda.

2 Kag ang iya babae nagpanglahe sa iban nga tawo, kag naghalin sa iya pa baláy sa iya amay sa Betlehem sa Iuda; kag nagpuyô sia didto sing mga adlaw, nga apat ka bulan.

3 Kag nagtindug ang iya bana, kag nagsunud sa iya sa pagpakighambal sa iya sa tagiposoon, agud nga mapasaguli sa iya. Kag nagdalâ sia sa iya sing isa ka sologoon, kag duha ka asno. Kag sia nagpasulúd sa iya sa baláy sang iya amay; kag sang makit-an sang amay sang pamatan-on nga babae, naggowa sia sa pagsugata sa iya nga malipayon.

4 Kag ang iya uganhan, nga amay sang babae nga pamatan-on, naghawid sa iya; kag nagpabilin sia kaupud niya sing tatlo ka adlaw; kag nagkalaon sila kag nagilinum, kag naghiligda sila didto.

5 Kag nahanabu nga, sang ikap-at ka adlaw, nagbulugtaw sila sa aga pa gid, kag sang nagbanhon sia sa paglakat, ang

amay sang pamatan-on nga babae nagsiling sa iya umagad nga lalaki: "Pabaskugon-mo ang imo tagiposoon sa isa ka hungit nga tinapay, kag ugaling magalakat kamo."

6 Kag naglilingkod sila nga duha sing tingub, kag nagkalaon kag nag-ilinun sila; kag ang amay sang pamatan-on nga babae nagsiling sa bana: "Busa, nagaampo ako sa imo, nga maguyon ka sa paghigda diri sining gab-i, kag magkalipay ang imo tagiposoon."

7 Kag nagtindug ang tawo nga sa paglakat, apang ang ugangan nagpilit sa iya kag nagbalik sia kag naghigda didto.

8 Kag sa ikalima ka adlaw nagbugtaw sia sang aga pa gid sa paglakat; apang nagsiling ang amay sang pamatan-on nga babae: "Paglig-ona ang imo tagiposoon, ginaampo ko sa imo, kag maghulat-ka tubtub nga matunod ang adlaw." Kag nagkalaon sila sing tingub.

9 Kag ang tawo nagtindug sa paglakat, sia kag ang iya babae, kag ang iya sologoon, apang sinilingan sia sang iya ugangan, nga amay sang pamatan-on nga babae: "Yari karon, ang adlaw nagatunod na, nagapalapit ang gab-i, busa maghigda kamo. Yari karon, ang adlaw nagasalup, maghigda-ka diri kag magkalipay ang imo tagiposoon. Kag magbulugtaw-kamo buas sa aga pa gid nga sa inyo paglakat, kag magakadto ka sa imo layanglayang"

10 Apang ang tawo walâ magbuut sa paghigda didto, kondi nga nagtindug sia kag naglakat. Kag nakadangat sia tubtub sa Iebus (nga amo ang Ierusalem). Kag gindala niya sa iya ang duha ka asno nga napaniyahan, kag ang iya babae kaupud niya.

11 Kag sang malapit sila sa Iebus, ang adlaw nagkatunod na gid, kag nagsiling ang sologoon sa iya agalon: "Kari-ka, ginapakilooy ko sa imo, kag maglipas kita nayon sa sina nga banwa sang mga Iebusinhon, kag didto magahigda kita."

12 Kag ang iya agalon nagsabat sa iya: "Indi kita maglipas sa isa ka banwa nga *ginapuy-an* sang mga dumuluong, nga indi sa mga inanak ni Israel, kondi magapadayon kita pa Gabaa."

13 Kag nagsiling sia sa iya sologoon: "Kari-ka, kag magpalapit kita sa isa

sadtong mga duug, kag maghigda kita sa Gabaa kon sa Rama."

14 Busa, nagpaladayon sila kag naglakat; kag natunuran sila sang adlaw sa malapit sa Gibeá, nga iya ni Benyamin.

15 Kag naglipas sila didto, sa pagsulud kag paghigda sa Gibeá. Kag nagsulud sila kag naglilingkod sila sa balaligyaan sang banwa, kay walay sin-o nga nagbaton sa ila sa baláy sa paghigda.

16 Kag, yari karon, ang isa ka tawo nga tigulang, nga nagpauli gikan sa mga latagon sa iya pangabudlayan, sing hapon. Kag ang tawo tagabukid sa Epraim, kag nagpanlugayaw sia subung nga dumuluong sa Gibeá; apang ang mga tawo sang duug mga Benyaminhon.

17 Kag sang ginbayaw niya ang iya mga mata, nakita niya ang manuglakat sa balaligyaan sang banwa. Kag nagsiling ang tigulang: "¿Diin ka makadto? Kag ¿diin ka maghalin?"

18 Kag sia nagsiling sa iya: "Nag-alagi kami gikan sa Betlehem sa Iuda pa sulud pa gid sa bukid sa Epraim. Taga-didto ako, kag nagkadto ako sa Betlehem sa Iuda; apang karon magakadto ako sa baláy ni Iehoba, kag walay bisan sin-o nga nagbaton sa akon sa iya baláy.

19 Walay sapayan may kompay ako kag sebada nga sa amon mga asno, kag may tinapay kag alak nga sa akon, kag sa imo alagad nga babae kag sa sologoon nga nagaupud sa imo mga alagad, nga walâ kami sing nakulang."

20 Kag nagsiling ang tigulang: "Ang paghidaet manginkaupud mo; walâ sing ano man; ang tanan mo nga ginakinahanglan manginsa isip nakon, lamang nga indi ka maghigda sa balaligyaan."

21 Kag pinasulud niya sila sa iya baláy, kag nagsamo sia sing halalbon sa mga asno. Kag sila nagpanghinaw sang ila mga tiil, kag nagkalaon kag nagilinum sila.

22 Kag sang nagkalipay sila sang ila mga tagiposoon, yari karon, ang mga tawo sang banwa, nga mga anak ni Belial, naglilibot sa baláy, kag nagdalambag sa gawang; kag naghambal sila sa tigulang nga tagiya sang baláy, nga nagsililing: "Pagowaa ang tawo nga nagsulud sa imo baláy, agud nga makilala namon sia."

23 Kag ang tawo nga tagiya sang baláy naggowa sa ila, kag nagsiling sa ila:



"Indi, mġa útud ko, ginaampo ko sa inyo, nġa indi kamo maghilimo sa amo nġa kalainan; kay ini nġa tawo nagsulud sa akon baláy, indi kamo maghilimo sing kalgil-aran.

24 Yari karon ang akon anak nġa babae nġa ulay, kag ang babae niya; pagapagowaon ko sila karon sa inyo, kag magpalaubus-kamo sa ila, kag maghilimo kamo sa ila sono sang inyo minamayo; apang sa sini nġa tawo indi kamo maghilimo sining kalgil-aran."

25 Kag yadtong mġa tawo indi maluyag magpamati sa iya. Kag kinaptan sang tawo ang iya babae, kag pinagowa nila sia sa ila. Kag sila nagkilala sa iya kag ginpasipalahan nila sia sa bug-os nġa gab-i tubtub sa aga, kag ginbuhian nila sia sang pagpamanagbanag na.

26 Kag sang pagpamanagbanag, nag-abut ang babae kag napukan sia sa salamputon sang gawang sang baláy sang tawo, nġa diin ang iya ginoo, *kag didto sia* tubtub nġa nagsidlak ang adlaw.

27 Kag nagbangon sa aga ang iya ginoo, kag binuksan niya ang gawang sang baláy kag naggowa sia sa pagkadto sa iya dalanon; kag yari karon, ang iya babae nġa napukan sa salamputan sang gawang sang baláy, nġa ang mġa kamut sa ibabaw sang talangtang.

28 Kag sia nagsiling sa iya: "Magbangon-ka, kag amo na kita"; kag walay sin-o nġa nagsabat. Niyan ginpahamtang niya sia sa ibabaw sang asno; kag nagtindug ang tawo kag nagkadto sa iya duug.

29 Kag sang nag-abut sia sa iya baláy, nagkuha sia sing isa ka sundang, kag kinaptan niya ang iya babae kag inutud-útud niya sia sono sa iya mġa tul-an, sa napúlô kag duha ka bahin, kag pinadalá niya sia sa bug-os nġa dulunan sa Israel.

30 Kag nahanabu, nġa ang tanan nġa nakakita sadto, nagsiling: "Walâ nġa ma-sa mahanabu, bisan makita sing subung nġa butang kutub sa adlaw nġa ang mġa anak ni Israel nagtalaklad gikan sa duta sa Egipto tubtub karon nġa adlaw. Pamalandonga-ninyo yadto sing maayo; batuna-ninyo ang laygay, kag maghambal-kamo."

Ang kabikahan ni Benyamin daw nagakalaglag.

**20** NIYAN naggulowa ang tanan nġa mġa anak ni Israel, kag ang kati-

lingban ni Israel nagtipon, subung sa isa lamang ka tawo, kutub sa Dan tubtub sa Beer-seba pati ang duta sang Galaad, pa Iehoba sa Mispa.

2 Kag ang mġa pangolo sa bug-os nġa banwa, ang tanan nġa kabikahan ni Israel, nag-alatubang sa katilingban sang banwa sang Dios: mġa apat ka gatus ka libo nġa mġa tawo nġa manuglakat, nġa naggalabut sing hinganiban.

3 Kag ang mġa anak ni Benyamin, nagpalamati nġa ang mġa anak ni Israel nagtaklad sa Mispa. Kag nagsililing ang mġa anak ni Israel: "Isiling-ninyo nġa kon paano nahanabu ining kalainan."

4 Kag nagsabat ang Lebinhon, nġa bana sang babae nġa ginpatay, kag nagsiling: "Ako nag-abut sa Gibeá, nġa iya ni Benyamin, ako kag ang akon babae, sa paghigda.

5 Kag ang mġa taga-Gibeá nagtilindug batok sa akon kag naglilibot sila sa baláy sing gab-i batok sa akon; nagtalapat sila sa pagpatay sa akon, kag sa akon babae, nagpalaubus sila sa iya, sa bagay nġa napatay sia.

6 Kag kinaptan ko ang akon babae kag inutudutud ko sia, kag ginpadalá ko sia sa bug-os nġa kadutaan sang panublion ni Israel; kay nahimo nila ang isa ka salâ nġa dulumtan kag ang isa ka kalgil-aran sa Israel.

7 Yari karon, tanan kamo, mġa anak ni Israel, ihatag-ninyo diri ang inyo paghukom kag laygay."

8 Niyan ang bug-os nġa banwa nagtindug subung sang isa lamang ka tawo, nġa nagsiling: "Walâ sing sin-o sa amon nġa magakadtô sa iya layanglayang, bisan sin-o sa amon nġa magabalik sa iya baláy.

9 Kag ini amo karon ang amon pagahimoon sa Gibeá: batok sa iya magatalaklad kami tungud sa pagpapalad.

10 Kag magakuha kami sing napúlô ka tawo sa taga ka gatus sa tanan nġa kabikahan ni Israel; kag isa ka gatus, sa taga ka libo; kag isa ka libo sa taga ka napúlô ka libo, nġa magpalangita sila sing mġa kalan-on nġa sa banwa, agud nġa, kon mag-abut sila sa Gibeá sa Benyamin, maghilimo sila sa iya sono sang tanan nġa kalgil-aran nġa ginhimo niya sa Israel."

11 Sa sini nagtilipon ang tanan nġa mġa tawo ni Israel botok sa banwa, nġa

naghiliusa subung sang isa lamang ka tawo.

12 Niyan ang mġa kabikahan ni Israel nagpaladalá sing mġa tawo sa bug-os nġa kabikahan ni Benyamin, nġa nagsililing: “¿Ano bala ini nġa kalainan nġa ginhimo sa tunġa ninyo?”

13 Busa, igtugyan-ninyo karon yadtong mġa tawo, nġa mġa anak ni Belial nġa yara sa Gibeá, *agud* nġa pamatyon namon sila, kag pagpanason namon ang kalainan sa Israel.” Apang ang mġa Benyaminhon indi maluyag magpamati sang tingug sang ila mġa útud, nġa mġa inanak ni Israel.

14 Kag ang mġa anak ni Benyamin nagtilipon gikan sa ila mġa banwa sa Gibeá, sa paggowa sa pagpakigaway batok sa mġa anak ni Israel.

15 Kag ang mġa anak ni Benyamin nġa gikan sa kabanwaan, inisip sila sadtong adlaw may mġa duha ka púlô kag anum ka libo ka tawo nġa naggalabut sing hinganiban, walay labut sang mġa pumuluýô sang Gibeá, nġa naisip sila nġa mġa pito ka gatus ka tawo nġa pinili.

16 Sa kabug-osan sini nġa banwa, may pito ka gatus ka mġa tawo nġa pinili nġa mġa walhon, nġa sila tanan sarang makaigo sa paghaboy sing lab-yog sa isa ka bohok nġa walay pag-salá.

17 Kag naisip *man* ang mġa tawo ni Israel, walay labut sa kay Benyamin, may mġa apat ka gatus ka libo ka tawo, nġa naggalabut sing hinganiban, nġa tanan sila mġa tawo nġa sa pag-awayan.

18 Kag nagtilindug ang mġa anak ni Israel kag nagtaklad sila pa Bethel kag nagpanġayô sila sing laygay sa Dios. Kag nagsililing sila: “¿Sin-o bala sa amon ang magtaklad sing úna sa pagpakigaway batok sa mġa anak ni Benyamin?” Kag si Iehoba nagsiling: “Si Iuda ang úna.”

19 Kag nagtilindug ang mġa anak ni Israel sa aga, kag nagbutang sila sing dulugan sa atubangan sang Gibeá.

20 Kag naggulowa ang mġa tawo ni Israel sa pagpakigaway batok kay Benyamin, kag ang mġa tawo ni Israel nagpahamtang sing pasunud sa pag-awayan batok sa ila sa atubangan sang Gibeá.

21 Kag ang mġa anak ni Benyamin naggulowa sa Gibeá, kag ginpamukan

sa duta, sadtong adlaw sa Israel, duha ka púlô kag duha ka libo ka tawo.

22 Apang ang banwa, ang mġa tawo ni Israel, nagilisug liwan, kag nagpahamtang sing pasunud sa pag-awayan sa amo nġa duug, diin ang ginpahamtangan nila sing pasunud sa nahauna nġa adlaw.

23 Kag ang mġa inanak ni Israel nagtalaklad kag naghilibi sila sa atubangan ni Iehoba tubtub sa hapon, kag nagpamangkot sila kay Iehoba, nġa nagsiling: “¿Magapalapit bala ako liwan sa pagpakigaway batok sa mġa anak ni Benyamin nġa akon útud?” Kag nagsiling si Iehoba: “Magtaklad-kamo batok sa iya.”

24 Kag nagpalalapit ang mġa anak ni Israel batok sa mġa anak ni Benyamin sa ikaduha nġa adlaw.

25 Kag naggowa si Benyamin gikan sa Gibeá sa pagsugata sa ila sa ikaduha nġa adlaw, kag ginpamukan sa duta liwan sa tunġa sang mġa anak ni Israel ang napúlô kag walo ka libo ka tawo, nġa tanan sila naggalabut sing hinganiban.

26 Niyan ang tanan nġa mġa inanak ni Israel, kag ang bug-os nġa banwa, nagtalaklad kag nag-alabut sila sa Bethel, kag naghilibi sila, kag naglilingkod sila didto sa atubangan ni Iehoba, kag nagpuluasa sila sadto nġa adlaw tubtub sa hapon; kag naghalalad sila sing mġa halad nġa sinunog, kag sing mġa halad sa paghidaet sa atubangan ni Iehoba.

27 Kag ang mġa anak ni Israel nagpalamangkot kay Iehoba (kay didto ang kaban sang pakigkatipan sang Dios sadto nġa mġa adlaw;

28 Kag si Pinees, nġa anak ni Eleasar, anak ni Aaron, didto sa atubangan niya sadto nġa mġa adlaw), nġa nagsililing: “¿Magapadayon pa bala ako sa paggowa sa pagpakigaway batok sa mġa anak ni Benyamin, nġa akon útud, kon mag-auntat ako?” Kag nagsabat si Iehoba: “Magtalaklad-kamo, kay buas igtugyan ko sila sa inyo mġa kamut.”

29 Kag nagpahamtang si Israel sing mġa pulut-an sa palibot sa Gibeá.

30 Kag ang mġa anak ni Israel nagtalaklad batok sa mġa anak ni Benyamin sa ikatlo ka adlaw, kag nagpahamtang sila sing pasunud sa pag-awayan batok sa Gibeá, subung sang iban nġa mġa adlaw.

31 Kag ang mġa anak ni Benyamin



naggulowa batok sa katawohan, kag nagpalayô sila sa banwa. Kag nagsulugud sila sa pagpilas sang katawohan, nga ginpamatay nila sila, subung sang iban nga mga adlaw, sa mga dalan, nga ang isa sa ila nagataklad pa Bethel, kag ang isa pa Gibeá, sa latagon, daw may mga katloan ka tawo sa Israel.

32 Kag nagsililing ang mga anak ni Benyamin: "Mga pilason sila sa atubangan naton, subung sang nahaua nga adlaw." Apang ang mga inanak ni Israel nagsililing: "Magpalalagyo-kita, kag magapalalayô kita sa ila sa banwa padulong sa mga dalan."

33 Kag ang tanan nga mga tawo ni Israel nagtilindug sa ila duug, kag nagpahamtang sila sa pasunud sa *pag-awayan* sa Baal-tamar, kag ang puut ni Israel naghalalin sa ila duug gikan sa latagon sang Geba.

34 Kag nag-alabut ang napulô ka libo ka mga tawo nga pinili sa bug-os nga Israel batok sa Gibeá, kag ang pag-awayan nagbaskug; apang ang mga Benyaminhon walâ makahibalo nga ang kalainan naglambut na sa ila.

35 Kag si Iehoba nagpilas kay Benyamin sa atubangan ni Israel, kag ang mga anak ni Israel naglaglag, sa Benyamin, sadtong adlaw sing duha ka pulô kag lima ka libo kag isa ka gatus ka tawo, nga tanan sila naggalabut sing hinganiban.

36 Kag nakita sang mga anak ni Benyamin, nga pilason ang mga anak ni Israel; kay ini sila naghatag sing duug kay Benyamin, nga nagsalalig sila sa mga pulut-an, nga ila ginpamutang batok sa Gibeá.

37 Kag ang mga sa pulutlut-an nagdalali kag nagdalamhag sa Gibeá; kag ang mga sa pulutlut-an naguluna kag pinilas nila sa sulab sang hinganiban ang bug-os nga banwa.

38 Kag ang talanda-an nga ginkauyonan sa tungâ sang mga tawo ni Israel kag sa mga pulutlut-an, amo nga magpatub-ok sila sing isa ka daku nga asô sa banwa.

39 Kag ang mga tawo ni Israel nagilisol sa pag-awayan, kag si Benyamin nagsugud sa pagpilas kag pagpatay sang mga tawo ni Israel, nga may mga katloan ka tawo; kay nagsililing sila: "Sa pagkamatuud, mga pilason gid sila

sa atubangan naton subung sang sa nahaua nga pag-away."

40 Niyan nagsugud sa pagtub-ok sa banwa ang daku nga asô, kag nagbalalidik ang mga Benyaminhon, kag, yari karon, ang bug-os nga banwa nagsaka sa aso nayan sa langit.

41 Kag nagbalalidik ang mga tawo ni Israel, kag ang mga tawo ni Benyamin nagkalalisang, kay nakit-an nila nga naglambut na sa ila ang kalainan.

42 Kag nagtalalikod sila sa atubangan sang mga tawo ni Israel sa *pagpalagyo* sa dalan sang kahanayakan; apang ang pag-away nagdangat sa ila; kag ang mga naghalalin sang mga banwa, ginpanlaglag sila nila sa tungâ nila.

43 Kag ginlikupan nila ang mga Benyaminhon, kag ginlalagas nila sila, gintapakan sila sila sa Menuha tubtub sa tampad sa Gibeá, sa luyo sang Sulubangan.

44 Kag nagkalaholog sa Benyamin mga napulô kag walo ka libo ka tawo, nga tanan sila mga tawo nga maisug.

45 Kag nagtalalikod sila, kag nagpalalagyo sila nayan sa kahanayakan sa pilas nga Rimón. Kag ginpangdugos liwan sa mga dalanon ang mga lima ka libo ka tawo; kag ginsulunud nila sila sing malapit tubtub sa Gidom, kag pini-lasan nila sila sing mga duha ka libo ka tawo.

46 Sa sini, ang tanan nga nagkalaholog sadtong adlaw sa mga tawo ni Benyamin, mga duha ka pulô kag lima ka libo ka tawo, nga naggalabut sing hinganiban nga ang tanan sila mga tawo nga maisug.

47 Apang ang mga anum ka gatus ka tawo nagtalalikod kag nagpalalagyo pa kahanayakan sa pil-as nga Rimón, kag nagpuluyô sila sa pil-as nga Rimón sing apat ka bulan.

48 Kag ang mga tawo ni Israel nagbalalik batok sa mga anak ni Benyamin, kag pinilasan nila sila sa sulab sang hinganiban, kutub sa mga tawo sang mga kabanwaanang tubtub sa mga kasapatan kag sa tanan nga nakita nila. Labut pa, ang tanan nga mga kabanwaanang nga ila nasapwan, ila tinutdan.

Ang pagkauli sang kabikahan ni Benyamin.

**21** KAG ang mga tawo ni Israel nagsulumpa sa Mispa, nga nagasi-

liling: "Walay sin-o sa aton, nga magahatag sa iya anak nga babae nga asawa sa mga Benyaminhon.

2 Kag ang katawohan nag-abut sa Bethel, kag naglilingkod sila didto tub-tub sa hapon sa atubangan sang Dios, kag ginbayaw nila ang ila tingug, kag naghilibi sila nga may daku nga panalabiton.

3 Kag nagsililing sila: "Oh Iehoba, nga Dios ni Israel, kay nga bala nahanabu ini kay Israel, nga nakulangan karon sa Israel sing isa ka kabikahan?"

4 Kag nahanabu nga, sang adlaw nga madason, ang banwa nagbangon sing aga pa gid, kag nagpatindug sila didto sing isa ka halaran, kag naghalalad sila didto sing mga halad nga sinunog kag mga halad sa paghidaet.

5 Kag ang mga anak ni Israel nagsililing: "¿Sin-o bala sang tanan nga mga kabikahan ni Israel, nga walâ magtaklad sa katilingban sa atubangan ni Iehoba?" Kay ginhimo ang daku nga pagsumpa batok sa indi magataklad kay Iehoba sa Misa, nga nagasiling: "Sa pagkamatuud pagapatyon sia."

6 Kag naghilinulsul ang mga anak ni Israel sa kabangdanan kay Benyamin, nga ila útud, kag nagsililing sila: "Isa ka kabikahan nautúd karon kay Israel.

7 ¿Ano bala ang pagahimoon naton nga sa ila, nga mga nagkalabilin, agud nga may asawa sila, kay nagsulumpa kita kay Iehoba, nga indi kita maghatag sa ila sang aton nga anak nga babae nga asawa?"

8 Kag nagsililing sila: "¿May tawo bala sang mga kabikahan ni Israel, nga walâ magtaklad kay Iehoba sa Misa?" Kag yari karon, walay tawo gikan sa Iabes sang Galaad, nga nagtaklad pa dulugan, sa katilingban.

9 Kag sang naisip ang banwa liwan, yari karon, nga walay sin-o nga tawo didto sa mga pumuluyô sang Iabes sang Galaad.

10 Kag ang katilingban nagpadalâ didto sing napúlô kag duha ka libo ka tawo sa mga labing maisug; kag ginsogo nila sila, nga nagasililing: "Maglalakat-kamo, kag pilason-ninyo sa sulab sang hinganiban ang mga pumuluyô sang Iabes sang Galaad kaupud sang mga babae kag mga kabataan.

11 Kag amo ini ang pagahimoon ninyo: Pagatagudilian ang tanan nga la-

laki kag ang tanan nga babae, nga nakhulid sa lalaki."

12 Kag nakakita sila sa tungâ sang mga pumuluyô sa Iabes sang Galaad sing mga apat ka gatus ka pamatan-on nga babae nga mga ulay nga walâ maghulid sa lalaki. Kag gindalâ sila nila sa dulugan sa Silo, nga yara sa duta sang Kanaan.

13 Kag ang bug-os nga katilingban nagpadalâ sa paghambal sa mga anak ni Benyamin, nga yadto sa pil-as nga Rimon, kag ginbantala nila sa ila ang paghidaet.

14 Kag nagbalalik ang mga Benyaminhon sadto nga dag-on, kag ginhatagan nila sila sing mga babae, nga ginpamuhi nila sa mga babae sa Iabes sang Galaad; apang walâ makatapud sa tanan.

15 Kag ang banwa naghinulsul sa kabangdanan ni Benyamin, tungud kay si Iehoba naghimo sing litik sa mga kabikahan ni Israel.

16 Kag nagsililing ang mga tigulang sang katilingban: "¿Ano bala ang pagahimoon nga sa mga nagkalabilin, agud nga may mga asawa sila, kay ang mga babae ni Benyamin nagkalaglag sila?"

17 Kag nagsililing sila: "Ang mga nakapalagyo sang Benyamin magsulud liwan sa ila mga kaugalingon, agud nga indi pagpanason ang isa ka kabikahan ni Israel.

18 Walay sapayan, kami indi sarang makaghatag sa ila sing mga babae sa amon mga anak nga babae; kay ang mga anak ni Israel nagsulumpa, nga nagasiling: Malauton yadtong magahatag sing babae sa Benyamin."

19 Kag nagsililing sila: "Yari karon, may isa ka piesta ni Iehoba sa tuigtug sa Silo, nga yara sa Aminhan sang Bethel, sa luyo sang Sulubangan sang dalan, nga nagataklad gikan sa Bethel pa Sikein, kag sa Bagatnan sang Lebona."

20 Kag nagsogo sila sa mga anak ni Benyamin, nga nagasililing: "Kaladto-kamo, kag magpahamtang-kamo sa pulut-an sa mga ulubasan;

21 Kag tan-awa-ninyo, kag yari karon, kon ang mga anak nga babae sa Silo magulowa sa pagsaut sa mga salautan. niyan maggulowa-kamo sa mga ulubasan kag magkuha-kamo ang tagsatagsa sa inyo sang inyo asawa sa mga anak nga



babae sang Silo, kag magkaladto-kamo pa duta ni Benyamin.

22 Kag kon mag-alabut ang ila mga ginikanan kon ang ila mga utud nga lalaki sa pagpakigsuay sa aton, kita magasiling sa ila: Ihatag-ninyo sila sa amon nga hiyas, kay walâ kami magkuha nga sa tagsatagsa sing asawa sa pag-awayan. Kamo, tungud kay indi kamo naghatag sing *mga babae* sa ila, karon manginmakasasalâ kamo, *kon sagmiton ninyo sila*.

23 Kag amo ini ang ginhimo sang mga anak ni Benyamin; nagkuluha sila

sing mga asawa, sono sang ila kadamuon, sa tungâ sang mga palasaut, nga ginlugos nila sila. Kag naglalakat sila kag nagpalaûli sa ila palanublion, kag nagpalatindug sila liwan sing mga banwa kag nagpuluhô didto sa ila.

24 Kag ang mga anak ni Israel nagtalaliwan didto, sadto nga dag-on, ang tagsatagsa sa iya kabikahan kag sa iya panimalây; naghalalin sila didto ang tagsatagsa padulong sa iya palanublion.

25 Sadtong mga adlaw walay hari sa Israel: ang tagsatagsa naghimo sing ginpakamatadlung sa iya mga mata.

## SI RUT.

Si Noemi kag ang iya umagad nga babae.

1 KAG nahanabu, sa mga adlaw nga nagahukom ang mga Manughukom, nga may gutum sa duta sa Israel. Kag ang isa ka lalaki sa Betlehem sa Iuda naglakat sa pagpanlugayaw sa kadutaan sa Moab, sia kag ang iya asawa, kag ang iya duha ka anak nga lalaki.

2 Kag ang ngalan sadtong tawo amo si Elimelek, kag ang ngalan sang iya asawa, si Noemi, kag ang ngalan sang iya duha ka anak nga lalaki amo si Mahalon kag si Kilyon, mga Epratinhon, sa Betlehem sa Iuda. Kag nag-alabut sila sa duta sang Moab, kag nagpuluhô sila didto.

3 Kag namatay si Elimelek, nga bana ni Noemi, kag napabilin sia *didto* upud ang iya duha ka anak nga lalaki.

4 Kag ini sila nagpalangasawa sing mga babae nga Moabinhon. Ang ngalan sang isa amo si Orpa, kag ang ngalan sang isa, si Rut; kag nagpuluhô sila didto sing napûlô ka tuig.

5 Kag nagkalamatay man sila nga duha, si Mahalon kag si Kilyon, kag ginbayaan ang babae sang iya duha ka anak kag sang iya bana.

6 Kag nagtindug sia upud ang iya duha ka umagad nga babae kag nagbalik sia sa kadutaan sang Moab; kay nakabati sia sa duta sang Moab, nga ginduaw

ni Iehoba ang iya banwa sa paghatag sa ila sing tinapay.

7 Kag naggowa sia sa duug, sa diin sia nagpuyô, kag upud sa iya ang iya duha ka umagad nga babae; kag nagsulugud sila sa paglakat sa pagbalik sa duta sang Iuda.

8 Kag si Noemi nagsiling sa iya duha ka umagad nga babae: "Lakat-kamo, balik-kamo ang tagsatagsa sa inyo sa balây sang iya ilôy. Si Iehoba maghimo sa inyo sing pagkaloooy, subung sang ginhimo ninyo sa mga napatay kag sa akon.

9 Tugutan kamo ni Iehoba nga makakita kamo sing kapahuwayan, ang tagsatagsa sa balây sang iya bana." Kag hinalukan sila niya, kag ginbayaw nila ang ila tingug kag naghilibi sila.

10 Kag sila nagsililing sa iya: "*Indi*; apang magapauli kami kaupud nimo sa imo banwa."

11 Kag si Noemi nagsabat: "Balik-kamo, mga anak ko. ¿Kay nga bala *pa gid* nga maupud kamo sa akon? ¿May mga anak pa bala ako nga lalaki sa tiyan, nga mga mangininyo bana?

12 Balik-kamo, mga anak ko, lakat-kamo; kay ako tigulang na sa pagpamana. Kag kon magsiling ako: May paglaum ako, kay bisan pa kon sa sini nga gab-i makapamana ako kag magpanganak ako ayhan sing mga lalaki;

13 ¿Pagahulaton ninyo bala sila tub-

tub nga magkadalagku? ; Buut bala kamo magpugung sa pagpamana? Indi, mga anak ko; matuud nga labi pa ka daku ang akon kapaitan sang sa inyo, kay ang kamut ni Iehoba ginbayaw batok sa akon."

14 Apang sila, sang ginbayaw nila ang ila tingug, naghilibi; kag si Orpa naghaluk sa iya ugangan, apang si Rut nagimpon sa iya.

15 Kag si *Noemi* nagsiling: "Yari karon, ang imo bilas nga babae nagbalik sa iya banwa kag sa iya mga dios. Balik-ka kag sumunud sa imo bilas nga babae."

16 Kag si Rut nagsiling: "Dili ka magpilit sa akon nga magbiya sa imo, nga nagbalik ako malayô sa imo: kay sa bisan diin ikaw makadto, magakadto ako; kag sa bisan diin ikaw magpuyô, ako magapuyô. Ang imo banwa, akon banwa; kag ang imo Dios, akon Dios."

17 Sa diin ikaw mamatay, mamatay ako, kag didto pagailubung ako. Ini pagahimoon ni Iehoba sa akon kag ini pagaidugang sa akon, kon ang iban nga butang sang kamatayon makapabulag sa akon kag sa imo."

18 Kag nakita ni *Noemi*, nga maligon sia sa iya pagtapat sa pagupud sa iya, kag naguntat sa paghambal sa iya.

19 Kag naglalakat sila nga duha tub-tub nga nag-abut sila sa Betlehem. Kag nahanabu nga, sang nagasululud sila sa Betlehem, ang bug-os nga banwa naggubot bangud sa ila, kag nagsililing sila: "¿Indi bala amo ini si *Noemi*?"

20 Kag sia nagsabat sa ila: "Indi ninyo ako pagtawgon nga si *Noemi*,\* kondi tawga-ninyo ako nga si Mara,† kay sa daku nga kapaitan ginbutang ako sang Makagagahum."

21 Ako naglakat nga punô, apang ginpabalik ako ni Iehoba nga walâ sang sulud. ¿Kay nga bala nga ginatawag ninyo ako nga si *Noemi*, sa tapus si Iehoba nagpamatuud batok sa akon, kag ang Makagagahum nagpakalisud sa akon?"

22 Sa sini nagbalik si *Noemi* kag si Rut, nga Moabinhon, nga iya umagad upud sa iya, nga nagbalik sila sa kadutaan sang Moab. Kag nag-abut sila sa Betlehem sa pamúnô sang ani sang mga sebada.

\* *Noemi*, mga kasadyaan ko.

† *Mara*, kapaitan.

Si Rut nagkadto sa pagpanlaghaw sa latagon ni Boas.

2 KAG si *Noemi* may isa ka himata sang iya bana, lalaki nga gamhanan sa mangad, sa panimaláy ni Elimelek, kag ang iya ngalan amo si Boas.

2 Kag si Rut, nga Moabinhon, nagsiling kay *Noemi*: "Tugutan-mo ako sa pagkadto sa latagon, kag nga magpamulot ako sa tungâ sang mga uhay, sa olehe sadtong tawo nga sa iya mga mata makakita ako sing bugay." Kag sia nagsabat sa iya: "Lakat, anak ko."

3 Kag naglakat sia, kag sang pag-abut niya, naglaghaw sia sa latagon sa olehe sang mga mangangani. Kag nahanabu sa walâ paghunahunaa, nga ang bahin sang latagon nahanungud kay Boas, nga amo sa panimaláy ni Elimelek.

4 Kag yari karon, si Boas nag-abut gikan sa Betlehem, kag nagsiling sa mga mangangani: "Si Iehoba magupud sa inyo." Kag sila nagsililing: "Si Iehoba magpakamaayo sa imo."

5 Kag si Boas nagsiling sa iya alagad nga natulinan sang mga mangangani: "¿Sa kay sin-o bala ining pamatan-on nga babae?"

6 Kag ang alagad nga natulinan sang mga mangangani nagsabat kag nagsiling: "Amo ang pamatan-on nga babae nga Moabinhon, amo sia nga nagbalik kaupud ni *Noemi* gikan sa duta sang Moab."

7 Kag nagsiling sia sa *amon*: Tugutan-mo ako sa pagpanlaghaw, kag nga pagtiponon ko sa tungâ sang mga inupung sa olehe sang mga mangangani. Kag nag-abut kag nagpadayon sia diri kutub sa aga pa tubtub karon, luwas lamang ang isa ka tion, nga naglingkod sia sa baláy."

8 Kag si Boas nagsiling kay Rut: "¿Indi bala ikaw magpamati, anak ko? Dili ka magkadto sa pagpanlaghaw sa iban nga latagon, bisan maglabang ka diri, kondi magsimpon ka sa akon mga pamatan-on nga babae."

9 Magsisiling ang imo mga mata sang latagon nga pagaanohon, kag sunda sila. Kag ako ¿indi bala nagsogo ako sa mga pamatan-on nga lalaki, nga indi ka nila pagkuhitan? Kag kon uhawon ka, kadto-ka sa mga ilimnan kag maginum sang tubig, nga pagakuhaon sang mga pamatan-on nga lalaki."



10 Kag sia naghapa kag nagyaub sa duta, kag nagsiling sa iya: "¿Kay ngaa bala nakakita ako sing bugay sa imo mġa mata, agud ngā ikaw magkilala sa akon, ngā dumuluong ako?"

11 Kag si Boas nagsabat kag nagsiling sa iya: "Ginasugiran ako sang tanan ngā imo ginbuhat sa imo ugangan ngā babae, sa tapus na mapatáy ang imo bana; kag kon paano ngā binayaan mo ang imo amay kag ang imo ilóy, kag ang duta ngā didto ka natawo, kag nagkari ka sa isa ka banwa, ngā walā mo maki-lala kutub kahapon, bisan sa isa kaha-pon.

12 Magbalus si Iehoba sang imo binu-hatan, kag ang imo balus manginhimpit gikan kay Iehoba, ngā Dios ni Israel, ngā sa idalum sang iya mġa pakpak nagkari ka sa pagpasilong."

13 Kag sia nagsiling: "Ginoo ko, kabay pa ngā makakita ako sing bugay sa atubangan sang imo mġa mata; kay ginlipay mo ako, kag naghambal ka sa tagiposoon sang imo alagad, bisan ako indi subung sang isa sang imo mġa sologoon ngā babae."

14 Kag si Boas nagsiling sa iya sa oras sang pagkaon: "Kari-ka diri, kag magkaon sang tinapay, kag itusmog sa langaw ang imo hunġit." Kag naglingkod sia sa luyo sang mġa mangangani, kag sia nagtunghol sa iya sang sinanlag, kag nagkaon sia kag nabusug, kag nagtipig sia sing salin.

15 Kag nagtindug sia sa pagpanlaghaw. Kag nagsogo si Boas sa iya mġa alagad, ngā nagsiling: "Magpanlaghaw sia sa tungā gid sang mġa inupung, kag indi ninyo sia pagpakahuy-an.

16 Kag bisan pa kumuha-kamo *sing diyotay* sa mġa inupong ngā pagabayaan ninyo, ngā iya pagpanglaghawon, kag dili ninyo sia pagsawayon."

17 Kag nanlaghaw sia sa latagon tubtub sa hapon, kag ginlinas niya ang iya napamolot, kag nanginsubung sang isa ka epa sang sebada.

18 Kag ginpas-an niya sia, kag napauli sa banwa; kag ang iya ugangan nakakita sang iya napamolotan. Kag kinuha man niya ang salin ngā iya gintipigan sa tapus na mabusug sia, kag ginhatag niya ini sa iya.

19 Kag nagsiling sa iya ang iya ugangan: "¿Sa diin ka bala magpanlaghaw karon?, kag ¿sa diin ka bala magpanġa-

budlay? Mangġinpakamaayohon ang nakilala sa imo." Kag sia nagpanugid sa iya ugangan, kon sin-o ang iya ginpanġabudlayan, kag nagsiling: "Ang ngalan sang lalaki, ngā sa iya nagpanġabudlay ako karon amo si Boas."

20 Kag si Noemi nagsiling sa iya umagad: "Mangġinpakamaayohon sia ni Iehoba, kay walā sia magdumili sang iya kaayohan bisan sa mġa buhi, bisan sa mġa patay. Kag nagsiling sa iya si Noemi: "Aton himata amo yadtong lalaki, kag sa aton mġa manuggawad amo sia."

21 Kag si Rut, ngā Moabinhon, nagsiling: "Sia nagsiling man sa akon: Simpon-ka sa akon mġa pamatan-on tubtub ngā matapus nila ang tanan ngā akon alanyon."

22 Kag si Noemi nagsiling kay Rut, ngā iya umagad: "Maayo, anak ko, ngā maglakat ka kaúpud sang iya mġa sologoon ngā babae, kag ngā indi ikaw makita nila sa iban ngā latagon."

23 Kag nagsimpon sia sa mġa sologoon ngā babae ni Boas, ngā nagapanlaghaw tubtub ngā matapus ang ani sang mġa sebada, kag sang mġa trigo. Apang nagpuyô sia upud sang iya ugangan.

Ang katadlungan sang gawad.

**3** KAG nagsiling sa iya ang iya ugangan ngā si Noemi: "Anak ko, ¿indi bala ako makapangita sa imo sing kapahuwayan, ngā didto may kaayo ka?"

2 Kag karon si Boas, ngā sa iya mġa sologoon ngā babae nakigúpud ka, ¿indi bala sia ang amon himata? Yari karon, sia magapahangin sa sini ngā gab-i sang sebada sa linasan.

3 Magpanghinaw-ka kag magpanghaplas-ka, kag magpanaput-ka sang imo mġa panapton, kag magdulhog-ka sa linasan. Indi ka magpakilala sa lalaki, tubtub ngā sia makatapus sa pagkaon kag sa paginum.

4 Kag yari karon kon sia maghigda, tatapa ang duug sa diin sia maghigda, kag magkadto-ka, kag buksan-mo ang mġa tiil, kag maghigda-ka didto, kag sia magasiling sang imo pagabuhaton."

5 Kag nagsiling sia sa iya: "Pagabuhaton ko ang tanan ngā imo ginasiling sa akon."

6 Kag nadulhog sia sa linasan, kag

ginhimo niya ang tanan nga ginsogo sa iya sang iya ugangan.

7 Kag sang nakakaon kag nakainun si Boas, kag ang iya tagiposoon nagkalipay, nagkadto sia sa paghigda sa ukbung sang tinumpok. Niyan nagpalapit sia sing hipus gid, kag binuksan niya ang iya mga tiil, kag naghigda sia.

8 Kag nahanabu sa tunga sang gab-i, nga nahadluk ining tawo, kag nagduko; kag yari karon, ang isa ka babae nga yara nagahigda sa iya tiilan.

9 Kag sia nagsiling: "¿Sin-o ka bala?" Kag sia nagsiling: "Ako amo si Rut, nga imo alagad. Ibuklad ang imo pakpak sa ibabaw sang imo alagad; tungud kay ikaw amo ang manuggawad nakon."

10 Kag sia nagsiling: "Pakamaayohon ka ni Iehoba, anak ko; ginpahayag mo ang kapunoan sa imo kaayohan sa katapusan labi pa sa nahauna nga duug, nga walâ ka magsunud sa mga pamatanon nga lalaki, nga mga imol kon mangaranon.

11 Kag karon, dili ka magkahadluk, anak ko; pagahimoon ko sa imo ang tanan nga imo igasiling; kay ang tanan nga gawang sa akon banwa nakahibalo, nga ikaw among babae nga but-anan.

12 Kag karon bisan, sa pagkamatuud, nga ako may katadlungan sa paggawad, may isa pa ka manuggawad nga labing malapit sa akon.

13 Higda-ka; kag sa pagkaaga, kon sia maluyag sa paggawad sa imo, maayo; maggawad sia. Apang kon sia indi buut maggawad sa imo, pagagawaron ko ikaw, magkabuhi si Iehoba. Higda-ka tubtub sa aga."

14 Kag naghigda sia sa iya tiilan tubtub sa aga; kag bimangon sa indi pa magkilalahay ang isa kag isa. Kag si Boas nagsiling: "Indi mahibaloan nga ang babae nagsulud sa linasan."

15 Kag nagsiling sia sa iya: Dalha diri ang baliog, nga yara sa ibabaw nimo, kag sia isalud sia." Kag ginsulud niya ini, kag sia nagsukub sing anum ka *sukub* sang sebada, kag ginuluan niya sia. Kag napauli sia sa banwa.

16 Kag sang pag-abut niya sa iya ugangan, ini sia nagsiling sa iya: "¿Sino bala, anak ko?" Kag sinugid niya sa iya ang tanan nga ginhimo sa sadtong lalaki nga sa iya.

17 Kag nagsiling sia: "Ining anum

ka sukub sang sebada hinatag niya sa akon, kay nagsiling sia sa akon: Indi ka magpauli, nga walay sulud sa imo ugangan."

18 Kag si Noemi nagsiling: "Lingkod-ka, anak ko, tubtub nga mahibaloan mo, kon paano ang maabutan sini nga butang; kay yadto nga tawo indi magapahuway tubtub nga matapus niya ang kasuayon."

Si Boas nagapakasal kay Rut.—Ang pagkatawo ni Obed.

4 KAG si Boas nagtaklad sa gawang, kag naglingkod sia didto. Kag yari karon, nag-agi yadtong manuggawad, nga sa iya naghambal si Boas. Kag nagsiling si Boas sa iya: "Kuan, balik-ka kag lingkod-ka." Kag sia nagbalik kag naglingkod.

2 Kag si Boas nagkuha sing napulô ka lalaki sang mga tigulang sang banwa, kag nagsiling sia: "Lingkod-kamo diri." Kag sila naglilingkod.

3 Kag nagsiling sia sa may katadlungan sang paggawad: "Si Noemi, nga nagbalik sa duta sang Moab, nagbaligya sing isa ka bahin sang latagon, nga nanginiya sang aton utud nga si Eli-melek.

4 Kag ako nagsiling: Buut ako magpahibalo sini sa imo, nga nagsiling: Baklon-mo sia sa atubangan sang mga yari diri nagalingkod, kag sa atubangan sang mga tigulang sang akon banwa. Kon ikaw maluyag sa paggawad, gawara; kag kon indi ka buut maggawad, ipahayag ini sa akon, agud nga ako makahibalo sini; kay luwas sa imo walâ sing iban nga maggawad, kag ako sa olehe sa imo." Kag sia nagsabat: "Akon pagagawaron."

5 Kag nagsiling si Boas: "Sa amo nga adlaw nga maangkon mo ang latagon sa kamut ni Noemi kag ni Rut, nga Moabinhon, asawa sang napatay, magangkon ka man sa iya, agud nga mahangon mo ang ngalan sang patay sa iya palanublion."

6 Kag nagsiling ang manuggawad: "Indi ako sarang makagawad nga sa akon, basi pa nga maglaglag ako sang akon panublion. Ikaw gid, gawara nga sa imo ang may katadlungan ako sa paggawad; kay indi ako sarang makagawad."



7 Kag yari karon ang *ginahimo sadto* sa Israel nahanungud sa paggawad kag sa pagbaylohanay sa paglig-on sa bisan ano nga butang: ang isa naguba sang sapin kag ginhatag niya sa isa. Ini sia amo ang pagpamatuud sa *binanwa* sa Israel.

8 Kag ang manuggawad nagsiling kay Boas: "Angkona nga sa imo." Kag naguba sang iya sapin.

9 Kag si Boas nagsiling sa mga tigulang kag sa bug-os nga banwa: "Kamo amo ang mga saksi, nga ginangkon ko karon sa kamut ni Noemi ang tanan nga butang nga nanġiniya ni Elimelek, kag ang tanan nga nanġiniya ni Kilyon, kag ni Mahalon,

10 Kag nga ginangkon ko man nga asawa si Rut, nga Moabinhon, asawa ni Mahalon, sa pagbanġon sang ngalan sang patay sa iya palanublion, agud nga ang ngalan sang patay indi mautud sa tunga sang iya mga utud nga lalaki, kag sa gawang sang iya duug nga *natawohan*. Kamo amo ang mga saksi sini karon nga adlaw."

11 Kag ang tanan nga mga tawo nga yara sa gawang kag ang mga tigulang nagsililing: "Mga saksi kami. Kabay pa nga si Iehoba maghimo sa babae nga magasulud sa imo balay, subung kay Rakel kag kay Lea, nga sila nga duha nagpatindug sang balay ni Israel. Mangingamhanan ka sa Eprata, kag manginbantug ka sa Betlehem.

12 Kag tungud sa kaliwatan, nga iga-hatag sa imo ni Iehoba sa sining pamatan-on nga babae, ang imo balay manginsubung sang balay ni Peres, nga si Tamar nagpanganak kay Iuda."

13 Kag si Boas nagkuha kay Rut, kag sia nanġiniya asawa; kag sumulud sia sa iya. Kag si Iehoba naghatag sa iya nga magpanamkon, kag ragpa-nganak sia sing isa ka anak nga lalaki.

14 Kag ang mga kababainan nagsililing kay Noemi: "Dalayawon si Iehoba, nga naghimo nga indi makulang sa imo karon ang manuggawad, nga ang iya ngalan manginbantug sa Israel.

15 Kag sia magapasaguli sang imo kalag, kag sia manginmanugsagud sa imo mga uban; kay ang imo umagad, nga nagahigugma sa imo, nga labi pa sia sa imo sang pito ka anak, nagpa-nganak sa iya."

16 Kag sang kinuha ni Noemi ang batâ, binutang niya sia sa iya sabak, kag manginmanugsagud sia niya.

17 Kag ang mga kasilingan nga babae naghingalan sa iya, nga nagasiling: "Sa kay Noemi natawo ang isa ka anak," kag ginhingalanau sia nila nga si Obed. Ini amo ang amay ni Isai, nga amay ni Dabid.

18 Yari karon ang kaliwatan ni Prees: si Peres nagpanganak kay Hesron,

19 Kag si Hesron nagpanganak kay Ram, kag si Ram nagpanganak kay Aminadab.

20 Kag si Aminadab nagpanganak kay Nahason, kag si Nahason nagpanganak kay Salma,

21 Kag si Salmon nagpanganak kay Boas, kag si Boas nagpanganak kay Obed,

22 Kag si Obed nagpanganak kay Isai, kag si Isai nagpanganak kag Dabid.

## ANG NAHAUNA NGA TOLON-AN NI

## SAMUEL.

Ang panaad ni Ana.—Ang pagkatawo ni Samuel.

1 MAY isa ka lalaki sa Ramataim-So-pim, sa kabukiran ni Ephraim, nga ginahingalanan si Elkana, anak nga

lalaki ni Ieroham, anak ni Eliu, anak ni Tohu, anak ni Sup, nga Epratinhon.

2 Kag sia may duha ka asawa. Ang ngalan sang isa amo si Ana kag ang ngalan sang isa, si Penina. Kag si

Penina may mġa anak, apang si Ana walā sing anak.

3 Kag sa tuigtuig nagtaklad ining lalaki gikan sa iya banwa sa pagsimba kag paghalad kay Iekoba sang Sebaot, sa Silo. Kag didto yara ang duha ka anak nġa lalaki ni Eli, nġa si Hopni kag si Pinees, mġa saserdote ni Iehoba.

4 Kag sang nag-abut ang adlaw, si Elkana naghalaad, kag naghatag sia sing mġa bahin kay Penina nġa iya asawa, *kag* sa tagsatagsa sa mġa anak nġa lalaki kag sa mġa anak nġa babae.

5 Apang kay Ana ginhatagan niya sing dapli nġa bahin; kay ginahigugma niya si Ana; apang ginpabaw-as sia ni Iehoba.

6 Kag ang iya ribal nagpainit gid sa iya, agud nġa magpanġakig sia, tungud kay ginpabaw-as sia ni Iehoba.

7 Kag ini ginhimu niya sa tuigtuig. Sa gihapon nġa magtaklad sia sa baláy ni Iehoba, ginpainit sia *ni Penina*; sa bagay nġa sia naghibi kag walā magkaon.

8 Kag si Elkana nġa iya bana nagsiling sa iya: “Ana, ĳ kay nġaa bala naghahi ka? Kag ĳ kay nġaa bala walā ka magkaon? Kag ĳ kay nġaa bala naga-kasubu ang imo tagiposoon? ĳ Indi bala ako labi sa imo sang napúlō ka anak?”

9 Kag nagtindug si Ana sa tapus nġa makakaon kag makainu sa Silo. Kag ang saserdote nġa si Eli naglingkod sa isa ka lingkoran sa luyo sang isa ka bakalan sang gawang sang simbahan ni Iehoba.

10 Kag sia may kapait sa iya kalág, kag nangamuyo sia kay Iehoba kag naghibi sing bugana gid.

11 Kag nanaad sia, nġa nagsiling: “Iehoba sang Sebaot, kon buut ka magtuluk nġa may pagkalooy sang kalisud sang imo ulipon, kag magdumdum ka sa akon, kag indi mo pagkalipatan ang imo ulipon, kag kon tagaan mo ang imo alagad sing isa ka anak nġa lalaki, akon sia pagaihalad kay Iehoba ang tanan nġa mġa adlaw sang iya kabuhi, kag indi mag-agi ang igbululug sa iya olo.”

12 Kag nahanabu nġa, tungud kay sia nagpanġamuyo sing malawig gid sa atubangan ni Iehoba, si Eli nakasat-um sang babā niya.

13 Kag si Ana naghambal sa iya tagiposoon; kag lamang nagagiliho ang iya

mġa bibig, apang ang iya tingug indi mabatian; kag naghunahuna si Eli nġa hubug sia.

14 Niyan si Eli nagsiling sa iya: “ĳ Tuhtub san-o pa bala ang imo pagkahubug? Pahanhan-ka sang imo alak.”

15 Kag si Ana nagsabat sa iya, nġa nagsiling: “Indi, ginoo ko, ako among isa ka babae nġa nasub-an sa iya espiritu. Walā ako maginum sing alak, bisan ilimnon nġa makahubug, kondi nġa ginula ko ang akon kalág sa atubangan ni Iehoba.

16 Dili mo pagkabigon ang imo alagad nġa isa ka anak ni Belial; kag sa kabugana sang akon mġa pagkagha kag sang akon kalisdanan naghambal ako tuhtub karon.”

17 Kag si Eli nagsabat kag nagsiling: “Lakat-ka sa paghidaet; kag ang Dios ni Israel maghatag sa imo sang pangayō, nġa ginbuhat mo sa iya.”

18 Kag sia nagsiling: “Makakita ang imo alagad sing bugay sa atubangan sang imo mġa mata.” Kag naglakat ang babae sa iya dalanon, kag nagkaon; kag walā na ang iya nawung nġa subung sadto.

19 Kag sang tumindug sila sing aga pa gid, nagsilimba sila sa atubangan ni Iehoba; kag nagpalauli sila kag nagpalakadto sila sa iya baláy, sa Rama. Kag nakilala ni Elkana si Ana, nġa iya asawa; kag si Iehoba nakadumdum sa iya.

20 Kag nahanabu nġa, sang lumigad ang dag-on, sa tapus na nġa makapanamkon si Ana, nag-anak sia sing isa ka anak ĳ ĳa lalaki. Kag ginhingalanan niya sia nġa si Samuel,\* *nġa nagsiling*: “Tungud kay ginpanġayō ko sia kay Iehoba.”

21 Kag ang lalaki, nġa si Elkana nagtaklad, upud ang bug-os niya nġa panimaláy sa paghalad kay Iehoba sang halad nġa tinuig kag *sa pagbayad* sang iya panaad.

22 Apang si Ana walā magtaklad; kay nagsiling sia sa iya bana: “Kon ang bátā malutas, pagadalhon ko sia, kag pagpaatubangon ko sia kay Iehoba, kag magapabilin sia didto sa gihapon.

23 Kag si Elkana, nġa iya bana, nagsabat sa iya: “Buhata ang ginapaka-maayo mo; pabilin-ka tuhtub nġa malu-

\* Samuel, pinangayō sa Dios.



tas mo sia. Lamang nga si Iehoba magtuman sang iya polong." Kag nagpabilin ang babae, kag nagpasoso sang iya anak, tubtub nga linutas sia niya.

24 Kag sang nalutas niya sia, ginpatklad sia niya upud sa iya, nga may tatlo ka tinday sang baka, kag isa ka epa sang harina, kag isa ka panit nga alak; kag gindala niya sia sa baláy ni Iehoba sa Silo. Kag ang bátâ bataon pa gid.

25 Kag ginpugutan nila ang tinday sang baka, kag gindala nila ang bátâ kay Eli.

26 Kag sia nagsiling: "Oh, Ginoo ko, buhi ang imo kalág, Ginoo ko, amo ako yadtong babae, nga diri anay kaúpud sa imo, malapit sa imo, nga nagapangamuyo kay Iehoba.

27 Tunğud sini nga bátâ nagapangamuyo ako; kag si Iehoba naghatag sa akon sang akon ginpanğayô sa iya.

28 Tunğud sini ako naghatag sa iya man kay Iehoba: sa bug-os niya nga pagkabuhi pagaihatag sia kay Iehoba." Kag nagasimba sia didto kay Iehoba.

Ang Ambahan ni Ana.

**2** KAG si Ana nangamuyo kag nagsiling:

"Ang akon tagiposoon nagapangalipay kay Iehoba;

Ang akon sunğay ginbayaw kay Iehoba;

Ang akon bâbâ nagbilitad sa ibabaw sang akon mğa kaaway;

Kay nagpangalipay ako sa imo ka-luwasan.

2 Walâ na sing balaan subung kay Iehoba:

Kag walâ na sing iban pa luwas sa imo,

Kag walâ na sing Batong bantiling subung sang amon Dios.

3 Dili ninyo pagpadamuon ang inyo mğa polong nga bugalon;

Kag ang pagkapalabilabihon dili maggowa sa inyo bâbâ;

Kay si Iehoba amo ang isa ka Dios sa kinaadman,

Kag sia nagatimbang sang mğa binuhatan.

4 Ang mğa pana sang mğa makusug ginpamoong;

Kag ang mğa nagkalasandad, ginapangwagkusan sang kabakud.

5 Ang mğa busug, nagahilinakay sa ila sa tinapay;

Kag ang mğa ginpanggutum, nagapalahuway.

Kag ang baw-as nga babae naganak sing pito;

Kag ang may madamu nga mğa anak, nag-asas.

6 Si Iehoba nagapatay, kag sia nagahatag sing kabuhi;

Sia nagapapanaug sa lulubnğan, kag nagapasaka.

7 Si Iehoba nagapaimol, kag sia nagapamangad;

Nagapapaidalum, kag nagabayaw sia.

8 Sia nagapatindug sa yab-ok sang imol,

Kag sa nasitan ginbayaw niya sa ipot,

Sa pagpalingkod sa ila kaúpud sang mğa dunganon;

Kag ginapapanubli niya sila sing isa ka lingkoran sang himaya;

Kay iya ni Iehoba ang mğa sad-saran sang duta,

Nga ginpahamtang niya sa ibabaw nila ang kalibutan.

9 Sia nagabantay sang mğa tiil sang mğa nagahigugma sa iya;

Kag ang mğa malauton nagahilipus sa kadudulman;

Kay indi tunğud sang kusug nga ang tawo gamhanan.

10 Iehoba, pagaboongon ang mğa nagapakigsuay sa iya;

Kag batok sa ila magapandaguub sia kutub sa mğa langit:

Pagahukman ni Iehoba ang mğa ukbung sang duta;

Kag pagahatagan niya sing kabakud ang iya hari,

Kag pagapataason ang sunğay sang iya hinaplas."

11 Kag si Elkana nagpauli sa Rama sa iya baláy;

Kag ang bátâ nanginmanugalagad ni Iehoba sa atubangan sang saserdote nga si Eli.

Mğa kalainan sang mğa anak ni Eli.

12 Kag ang mğa anak ni Eli, mğa anak sila ni Belial; kag walâ sila makakilala kay Iehoba.

13 Kag yari karon, ang pamatasan sang mğa saserdote nga sa banwa: Kon

may maghalad sang halad, nagpakari ang solagoon sang saserdote, sang ang unud ginala-ga pa, nga *nagdali* sia sa iya kamut sing isa ka itulubluk nga tatlo ang taliwis;

14 Kag ginsuntok niya sia sa kawa, kon sa kalaha, kon sa tatso, kon sa kolon; kag ang tanan nga makuha sang itulubluk, ginkuha ini sang saserdote nga sa iya. Sa sini ginhimo nila sa tanan nga Israelinhon nga nag-alabut didto sa Silo.

15 Subung man, sa walâ pa pagsunuga ang tambok, nagapalapit ang solagoon sang saserdote, kag nagsiling sa naga-halad: "Hatag-ka sa akon sing unud nga pagaisugba sa saserdote; indi magkuha sia sa imo sing unud nga linuto, kondi hilaw."

16 Kag kon magsabat sa iya ang tawo: "Sunugon anay ang tambok, kag ugaling magkuha-ka sono sang naluyagan sang imo kalág;" niyan sia nagsabat sa iya: "Indi, kondi karon pagihatag mo sia; kag kon indi, ako magakuha sa iya sa palugus."

17 Kag ang salâ sining mga pamatanon among tuman ka daku sa atubangan ni Iehoba, kag gintamay sang mga tawo ang mga halad kay Iehoba.

18 Kag si Samuel nagaalagad sa atubangan ni Iehoba nga bataon pa, nga nawagkusan sang isa ka epod nga lino.

19 Kag ginabuhatan sia sang iya ilôy sing isa ka bayô nga malaba nga diyotay, kag gindalâ niya sia sa tuigtug, kon magtaklad sia kaupud sang iya bana sa paghalad sang halad nga tinuig.

20 Kag ginpakamaayo ni Eli si Elkana kag ang iya asawa, nga nagasiling: "Si Iehoba maghatag sa imo sing kaliwatan sa sini nga babae, sa baylo sang batâ nga pinangayô niya kay Iehoba." Kag nagpalauli sila sa ila baláy.

21 Kag sang ginduaw ni Iehoba si Ana, nanamkon sia kag nagpanganak sing tatlo ka anak nga lalaki kag duha ka anak nga babae. Kag ang batâ nga si Samuel nagtubô malapit kay Iehoba.

22 Apang si Eli tama na ka tigulang; kag nakabati sia sang tanan nga ginabuhat sang iya mga anak nga lalaki sa bug-os nga Israel, kag nga naghigda sila kaupud sang mga babae, nga nagaalagad sa unud sa gawang sang Layanglayang sang pakigkitaan.

23 Kag nagsiling sia sa ila: "¿Kay

nga bala nagabuluhat kamo sang subung nga mga butang? Kay ako nakabati sa sining bilog nga banwa sang inyo nga malain nga buhat.

24 Indi, mga anak ko; kay indi maayo ang akon ginpamati: ginapalapas ninyo ang banwa ni Iehoba.

25 Kon makasalâ ang tawo batok sa tawo, pagahukman sila sang Dios, apang kon makasalâ sia batok kay Iehoba, ¿sin-o ang magaampo tungud sa iya?" Apang sila walâ magpalamati sang tinugug sang ila amay, kay si Iehoba buut magpatay sa ila.

26 Sa nagatubô pa ang batâ nga si Samuel nanginkahamut-an sia sa atubangan sang Dios subung man sa atubangan sang mga tawo.

Ang pagtagna sang pagkalaglag sang balay ni Eli.

27 Kag nag-abut ang isa ka tawo sang Dios kay Eli, kag nagsiling sia sa iya: "Amo ini ang ginsiling ni Iehoba: ¿Matuud bala nga ako nagpahayag sa baláy sang imo amay, sang didto sia sa Egipto sa baláy ni Paraon,

28 Kag nga akon sia ginpili nga akon saserdote sa tanan nga mga kaliwatan ni Israel, agud nga maghalad sia sa ibabaw sang akon halaran, kag magsunug sia sing insienso, kag magdalâ sia sing epod sa atubangan nakon, kag nga ginhatag ko sa baláy sang imo amay ang tanan nga mga halad tungud sa kalayo sang mga inanak ni Israel?

29 ¿Kay nga bala gintapak ninyo ang akon mga halad, kag ang akon mga halad nga kalan-on, nga akon ginsogo, sa akon Puluy-an? Kag ginpadungan mo ang imo anak sing labi sa akon, agud nga magtalambok kamo sang mga pangnanay sang tanan nga mga halad sang akon banwa nga Israel.

30 Ngani, amo ining ginmitlang ni Iehoba nga Dios ni Israel: Ako nagsiling sing maathag gid nga ang imo baláy kag ang baláy sang imo amay maglalakat sa atubangan nakon sing dayon gid; apang karon amo ining ginmitlang ni Iehoba: Malayô sa akon nga *maghimo* ako sini. Kay pagapadungan ko ang mga nagapaladungug sa akon, kag ang mga nagatamay sa akon mangintalamayon sila.

31 Yari karon, nagaalabut ang mga



adlaw, nga akon pagautdon ang imo butkon kag ang butkon sang baláy sang imo amay, nga sa imo baláy walá sing tigulang.

32 Kag makita mo ang isa ka kasumpung sa akon Puluy-an, sa dag-on nga ang *Dios* magpadalá sang tanan nga kayohan kay Israel. Kag walá sing tigulang sa imo baláy sa gihapon.

33 Kag, sa tungâ sang mga imo, ang tawo nga mga indi ko pag-utdon gikan sa akon halaran, magapadayon sia sa pagupus sang imo mata, kag sa pagpalapyo sang imo kalág, kag ang tanan nga mga salinsing sang imo baláy mamatay sa edad nga lalakin-on.

34 Kag mangintanda sa imo ining magakahanabu sa imo duha ka anak nga lalaki, nga si Opni kag si Pinees; sila nga duha magakalamatáy sa isa ka adlaw.

35 Kag ako magabangon nga sa akon sing isa ka saserdote nga matutum, nga magahimo sono sa akon tagiposoon kag sa akon kalág, kag ako magapatindug sing isa ka baláy nga malig-on, kag magalakat sia sa atubangan sang akon Hinaplas sa tanan nga mga adlaw.

36 Kag mahanabu, nga ang bisan sino nga mabilin sa imo baláy, magakari sa pagyaub sa iya, agud may iya sia sing isa ka bilog nga pilak, kag sing isa ka tinapay, kag magasiling sia: "Ginaampo ko sa imo, nga paimponon mo ako sa isa sang mga tulin sang pagkasaserdote, agud nga makakaon ako sang isa ka hungit nga tinapay."

Ang palanan-awon ni Samuel.

**3** KAG ang bátâ nga si Samuel nag-alagad kay Iehoba sa atubangan ni Eli. Kag ang polong ni Iehoba sa sadtong mga adlaw talagsa lamang: ang palanan-awon nga walá maglapnag.

2 Kag sadto nga panag-on si Eli naghigda sa iya duug (nga ang iya mga mata nagasugud sa pagpalandulum, nga indi sarang makakita sia).

3 Kag sa walá pa mapalong ang lampahan sang Dios kag sang si Samuel naghigda man sa simbahan ni Iehoba, nga didto yara ang kaban sang Dios,

4 Nahanabu, nga si Iehoba nagtawag kay Samuel. Kag sia nagsabat: "Yari ako."

5 Kag nagdalagan sia kay Eli kag nag-

siling: "Yari ako. ¿Kay nga bala gintawag mo ako?" Kag si Eli nagsiling sa iya: "Ako walá magtawag. Balik-ka kag maghigda." Kag sia nagbalik kag naghigda.

6 Kag si Iehoba nagtawag liwan kay Samuel. Kag sang timindug si Samuel. nagkadto sia kay Eli kag nagsiling sa iya: "Yari ako, kay gintawag mo ako." Kag nagsiling si Eli sa iya: "Anak ko, ako walá magtawag. Balik-ka kag maghigda-ka."

7 Kag si Samuel walá pa makakilala kay Iehoba, bisan ang polong ni Iehoba walá pa igpahayag sa iya.

8 Kag si Iehoba nagtawag liwan sa makatlo kay Samuel. Kag sang nagtindug sia, nagpalapit sia kay Eli kag nagsiling sa iya: "Yari ako, gintawag mo ako" Niyan hinangup ni Eli, nga si Iehoba nagpanawag sa bátâ.

9 Kag nagsiling si Eli kay Samuel: "Lakat-ka kag maghigda-ka, kag kon mahanabu nga pagtawgon ka, magasiling ka: Hambal-ka, Iehoba, nga ang imo alagad nagapamati." Kag naglakat si Samuel kag naghigda sa iya duug.

10 Kag nag-abut si Iehoba, kag nagdulog, kag nagtawag subung sang iban nga mga tion: "Samuel, Samuel." Niyan si Samuel nagsiling: "Hambal-ka, nga ang imo alagad nagapamati."

11 Kag si Iehoba nagsiling kay Samuel: "Yari karon, pagahimoon ko ang isa ka butang sa Israel, nga kon sino ang makabati sa iya, pagatinglan ang iya duha ka dulungan."

12 Sa sadto nga adlaw pagatumanon ko batok kay Eli ang tanan nga mga butang nga akon ginsiling nahanungud sa iya baláy, kutub sa ginsuguran tubtub sa katapusan.

13 Kag ginpahibalo ko sa iya, nga ako magahukom sa iya baláy sa gihapon, tungud sang kalainan nga iya nahibaloan. Kay ang iya mga anak nga lalaki nagguyud sa ibabaw nila sing pagpakamalaud, kag sia walá magpugung sa ila.

14 Kag tungud sini ako nagsumpa sa baláy ni Eli, nga ang kalainan sang baláy ni Eli indi matumbasan bisan sang mga halad, bisan sang mga halad nga kalan-on sa gihapon."

15 Kag si Samuel naghigda tubtub sa aga; kag binuksan niya ang mga gawang sang baláy ni Iehoba. Kag si Samuel

nagkahadluk magsugid sang palanan-awon kay Eli.

16 Kag tinawag ni Eli si Samuel kag nagsiling sa iya: "Anak ko, nga si Samuel." Kag sia nagsabat: "Yari ako."

17 Kag nagsiling sia: "¿Ano bala ang polong, nga ginhambal niya sa imo? Ginaampo ko sa imo, nga indi mo sia pagtagoon sa akon. Amo ini ang pagahimoon sa imo sang Dios, kag amo ini ang pagaidugang sa imo, kon tagoon mo sa akon ang isa ka polong sang tanan nga ginhambal niya sa imo."

18 Kag ginsugid ni Samuel sa iya ang tanan nga mga polong kag walâ gid sing gintago sa iya. Kag sia nagsiling: "Amo si Iehoba; himoon niya ang ginapamaayo sa iya mga mata."

19 Kag si Samuel nagdaku, kag si Iehoba nanġinupud niya, kag walâ niya pagiholog sa duta bisan ano sang iya mga polong.

20 Kag ginkilala sang bug-os nga Israel, kutub sa Dan tubtub sa Beer-Seba, nga sa pagkamatuud si Samuel nanġinmanalagna ni Iehoba.

21 Kag si Iehoba nagpahayag liwan sa Silo; kay si Iehoba nagpakita kay Samuel, kay Silo, tungud sang polong ni Iehoba.

Ang mga Pilistinhon nagdaug sa Israel kag kinuha nila ang Kaban.—Ang pagkamatay ni Opni, ni Pinees kag ni Eli.

**4** KAG ang polong ni Samuel nag-abut sa bug-os nga Israel. Kag nag-gowa ang Israel batok sa mga Pilistinhon sa pagpakigaway, kag ginbutang nila ang dulugan malapit sa Ebeneser. Kag ang mga Pilistinhon nagbutang sing dulugan sa Apek.

2 Kag ang mga Pilistinhon nagpahamtang sing pasunud sa pag-awayan batok kay Israel, kag sang pagpakigaway nila, ginpilas si Israel sa atubangan sang mga Pilistinhon, nga ginpilas nila sa pag-awayan nga pinasunud sa latagon may mga apat ka libo ka mga tawo.

3 Kag sang umabut ang banwa sa dulugan, ang mga tigulang sa Israel nagsililing: "¿Kay ngaa bala ginpilas kita karon ni Iehoba sa atubangan sang mga Pilistinhon? Dalhon-naton gikan sa Silo ang kaban sang katipan ni Iehoba, agud nga magkari sa tungâ

naton, kag pagluwason kita niya sa kamut sang aton mga kaaway."

4 Kag ginpadalâ sang banwa sa Silo, kag gindalâ nila gikan didto ang kaban sang katipan ni Iehoba sang Sebaot, nga nagalingkod sa tungâ sang mga kerubin. Kag ang duha ka anak nga lalaki ni Eli, si Hopni kag si Pinees, yadto man didto upud sa kaban sang katipan sang Dios.

5 Kag nahanabu nga, sang ang kaban sang katipan ni Iehoba nag-abut sa dulugan, ang bug-os nga Israel nagsingit sa tama ka daku nga pagsingit, nga nagkurug ang duta.

6 Kag sang pagkabati sang mga Pilistinhon sang tungug sining pagsingit, nagsililing sila: "¿Ano bala ini nga tungug sa daku nga kagahud sa dulugan sang mga Hebreinhon?" Kag nahibaloan nila, nga ang kaban ni Iehoba nag-abut sa dulugan.

7 Kag hinadlukan ang mga Pilistinhon, kag nagsililing sila: "Nag-abut ang Dios sa dulugan" Kag nagsililing sila: "¿Kailo kita! Kay indi subung sini kahapon kag sa isa kahapon.

8 ¿Kailo kita! ¿Sin-o bala ang magaluwas sa aton sa mga kamut sa sinang mga dios nga gamhanan? Ini sila amo ang mga dios gid, nga nagpilas sa mga Egiptohanon sa tanan nga mga kalalat-an sa kahanayakan.

9 Palanikasug-kamo, mga Pilistinhon, kag magpakalalaki-kamo, agud nga indi kamo magpaulipon sa mga Hebreinhon, subung nga sila nagpaulipon sa inyo. Pagpakalalaki-kamo kag mag-away-kamo."

10 Kag ang mga Pilistinhon nag-alaway, kag ang Israel ginpilas kag nagpalagyo ang tagsatagsa sa iya layang-layang; kag tama ka daku ang kinamatay, kag nagkalapukan sa Israel mga katloan ka libo ka tawo nga nagalalakat.

11 Kag ang kaban sang Dios nakuha, kag nagkalamatay ang duha ka anak nga lalaki ni Eli, si Hopni kag si Pinees.

12 Kag nagdalagan ang isa ka tawo ni Benyamin gikan sa pag-awayan nga pinasunud, kag nag-abut sia sa sadto nga adlaw sa Silo, nga nagisi ang iya mga panapton kag may yab-ok sa ibabaw sang iya olo.

13 Kag sang umabut sia, yari karon,



nga si Eli nagalingkod sa isa ka lingkoran, nga nagalaawlaaw sa luyo sang dalan; kay ang iya tagiposoong nagakurug bangud sang kaban sang Dios. Kag sang umabut yadtong tawo sa banwa, nga nagasugid sa banwa *sang nahanabu*, ang bug-os nga banwa nagtuluaw.

14 Kag sang pagkabati ni Eli sang kinagahud sang pagtuaw, nagsiling sia: “¿Ano bala nga tingug ini nga pagginahud?” Kay yadto nga tawo nagdasig, kag nag-abut kag ginsugid ang *tanang* kay Eli.

15 Kag si Eli nagaedad na sing kasiaman kag walo ka tuig, kag ang iya mga mata nabulag na, sa bagay nga indi sia sarang makakita.

16 Kag nagsiling ang tawo kay Eli: “Ako naghalin sa pag-awayan; ako nagpalagyo karon sa inaway.” Kag sia nagsiling: “¿Ano bala ang nahanabu, anak ko?”

17 Kag ang manugbalita nagsabat kag nagsiling: “Ang Israel nagpalagyo sa atubangan sang mga Pilistinhon, kag nahimo man ang daku nga kamatay sa banwa, kag napatay man ang imo duha ka anak nga lalaki, si Hopni kag si Pinees, kag ang kaban sang Dios nakuha.”

18 Kag nahanabu nga, sang pagmitlang niya sang kaban sang Dios, si Eli napukan nga hayang sa lingkoran, sa luyo sang gawang; kag nabali ang liog kag namatay sia, kay tawo sia nga tigulang kag mabug-at. Kag gin hukman niya ang Israel sing kap-atan ka tuig.

19 Kag ang iya umagad nga babae, ang asawa ni Pinees, nga nagabusong kag manuganak, sang nakabati sia sang balita, nga ang kaban sang Dios nakuha na kag nga patay ang iya ugangan nga lalaki kag ang iya bana, nagdoko sia kag nag-anak, kag ginsakitan sia sing hinali.

20 Kag sang nagahimumugto sia, nagsiling sa iya ang mga babae, nga yara sa luyo niya: “Dili ka magkahadluk, kay nag-anak ka sing isa ka batâ nga lalaki.” Apang sia walâ magsabat, bisan magsapak.

21 Kag ginhingalanan niya ang batâ nga si Ikabod,\* nga nagsiling: “Ang himaya ni Israel nagtaliwan na:” ini tungud kay ang kaban sang Dios naku-

ha na, kag bangud sang iya ugangan nga lalaki kag sang iya bana.

22 Kag nagsiling sia: “Nagtaliwan na ang himaya ni Israel, kay ang kaban sang Dios nakuha na.”

Ang kaban sa kadetaan sang mga Pilistinhon.

5 KAG ang mga Pilistinhon, sang nakuha nila ang kaban sang Dios, gindala nila sia kutub sa Ebenser pa Asdod.

2 Kag kinuha sang mga Pilistinhon ang kaban sang Dios, kag sinulud nila sia sa baláy ni Dagon, kag binutang nila sia sa luyo ni Dagon.

3 Kag sa madason nga adlaw ang mga Asdodinhon nagtilindug sa aga pagid, kag yari karon, si Dagon nagahapa sa duta sa atubangan sang kaban ni Iehoba. Kag kinuha nila si Dagon kag inuli nila sia sa iya duug.

4 Kag sang pagtindug nila sing aga pa sang masunud nga adlaw, yari karon, nga si Dagon naholog, nga nagahapa sa duta sa atubangan sang kaban ni Iehoba; kag ang olo ni Dagon kag ang duha ka palad sang iya mga kamut nagkalautud sa halintang, nga nabilin lamang sa kay Dagon ang pundo.

5 Tungud sini ang mga saserdote ni Dagon kag ang tanan nga mga nagasulud sa baláy ni Dagon, walâ magatalapak sang halintang ni Dagon, sa Asdod, tuhtub karon.

6 Kag nagbug-at ang kamut ni Iehoba sa ibabaw sang mga Asdodinhon, kag ginhapay niya sila, kag pinilas niya sila sing mga hubag sa kagalan nga nagabudad, sa Asdod kag sa tanan niya nga mga kadulunan.

7 Kag sang nakita ini sang mga Asdodinhon, nagsililing sila: “Indi pagaibilin sa aton ang kaban sang Dios ni Israel, kay ang iya kamut matig-a sa ibabaw naton kag sa ibabaw sang aton dios nga si Dagon.”

8 Kag ginpadalâ nila sa pagtilipon sa ila sang tanan nga mga dunganon sang mga Pilistinhon, kag nagsililing sila: “¿Ano bala ang amon pagabuhaton sang kaban sang Dios ni Israel?” Kag sila nagsalabat: “Ipasaylo ang kaban sang Dios ni Israel sa Gat.” Kag pinasaylo nila *didto* ang kaban sang Dios ni Israel.

9 Kag nahanabu nga, sang napasaylo

\* *Ikabod*, walay himaya.

nila sia, ang kamut ni Iehoba nanġinbatok sa banwa nġa may daku nġa pagkalisang. Kag pinilas niya ang mġa tawo sa sadto nġa banwa kutub sa labing magamay tubtub sa labing dalagku; kag ang mġa hubag naglulutaw sa ila.

10 Kag pinadalá nila ang kaban sang Dios sa Ekron. Kag sang pagsulú sang kaban sang Dios sa Ekron, ang mġa Ekroninhon nagsilingit, nġa nagasililing: "Ginsaylo nila sa aton ang kaban sang Dios ni Israel sa pagpatay sa aton kag sa aton banwa."

11 Kag ginpadalá nila sa pagtilipon ang tanan nġa mġa dunganon sang mġa Pilistinhon, kag nagasililing sila: "Ipadalá-ninyo ang kaban sang Dios ni Israel, kag ibalik sia sa iya duug, agud nġa indi niya kita pagpatyon, kita kag ang aton banwa." Kay may kalisang tubtub sa kamatayon sa bug-os nġa banwa; ang kamut sang Dios nagbug-at gid didto.

12 Kag ang mġa tawo nġa walá magkalamatay, ginpamilas sila sang mġa hubag kag ang panaghoy sang banwa nagasaka sa langit.

Ang kaban ginulí sa kadutaan ni Israel.

**6** KAG didto ang kaban ni Iehoba sa duta sang mġa Pilistinhon sing pito ka bulan.

2 Kag ang mġa Pilistinhon, sang nagtawag sang mġa saserdote kag sang mġa manugpakot, pinamangkot nila sila: "¿Ano bala ang pagahimoon namon sang kaban ni Iehoba? Isaysay-ninyo sa amon kon paano ang amon pagpadalá sa iya sa iya duug"

3 Kag sila nagsililing: "Kon ipadalá ninyo ang kaban sang Dios ni Israel, indi ninyo pagipadalá nġa walá sing sulú, apang pagabayaran ninyo sia sing isa ka halad tungud sang kasalanan; niyan magaaláyô kamo, kon makilala ninyo kay walá magbulag sa inyo ang iya kamut."

4 Kag sila nagsililing: "¿Ano bala ang manginhalad tungud sang kasalanan, nġa amon pagibayad sa iya?" Kag sila nagsililing: "Sono sa kadamuon sang mġa dunganon sang mġa Pilistinhon, lima ka mġa hubag nġa bulawan, kag lima ka mġa ilaga nġa bulawan, kay ang amo nġa kamatay yara sa

ila nġa tanan, yara man sa inyo mġa dunganon.

5 Kag himoon ninyo ang mġa dagway sang inyo mġa hubag, kag ang mġa dagway sang inyo mġa ilaga, nġa nagalaglag sang duta; kag pagaihatag ninyo ang himaya sa Dios ni Israel, nġa ayhan magahaganhagan ang iya kamut sa ibabaw ninyo, kag sa ibabaw sang inyo mġa dios, kag sa ibabaw sang inyo duta.

6 Apang ¿kay nġaa bala ginapatig-a ninyo ang inyo tagiposoan, subung sang pagpatig-a sang mġa Egiptohanon, kag ni Paraon sang ila tagiposoan? Sang pinahayag niya ang iya kagamhanan sa ibabaw nila, ¿walá bala nila pagtuguti nġa maglalakat sila kag nagtalaliwan sila?

7 Kag kuluha-kamo kag maghilimo-kamo karon sing isa ka kanga nġa bag-o, kag kumuha-kamo sing duha ka baka nġa gatasan, nġa sa ila walá pa mabutangi sing singkaw. Kag itakud-ninyo ang mġa baka sa kanga, kag ibalik-ninyo sa baláy ang ila mġa tinday.

8 Kag kuhaon-ninyo ang kaban ni Iehoba kag itungtung-ninyo sia sa ibabaw sang kanga; kag ibutang-ninyo sa isa ka diyotay nġa kaban sa luyo niya ang mġa huyas nġa bulawan nġa ibayat ninyo sa iya sa halad tungud sang kasalanan; kag pabayaon ninyo sila, kag sia magalakat.

9 Kag tuluka ninyo: Kon magtaklad sia nġa sa dalanon sang kadulunan nayon sa Bet-semes, amo sia nġa nagbuhat sining daku nġa kalainan nġa sa aton; kon indi, mahibaloan ta nġa indi ang iya kamut nġa nagpilas sa aton: among isa ka tabô nġa nahanabu sa aton."

10 Kag yadtong mġa tawo naghilimo sila sini sing subung; kag nagkuluha sila sing duha ka baka nġa gatasan, kag gintakud nila sila sa kanga, kag ginpugo nila sa baláy ang ila mġa tinday.

11 Kag ginbutang nila ang kaban ni Iehoba sa ibabaw sang kanga, kag ang diyotay nġa kaban upud ang mġa ilaga nġa bulawan kag ang mġa dagway sang ila mġa hubag.

12 Kag ang mġa baka naglalakat sa dalanon sing matadlung pa Bet-semes. Kag nagalakat sila sa amo man nġa dalan, nġa nagaima gihapon, nġa walá maglipas bisan sa too, bisan sa walá. Kag ang mġa dunganon sang mġa Pilis-



tinhon nagsulunud sa ila tubtub sa kadulunan sang Bet-semes.

13 Kag ang mga Betsemesinhon nag-alani sang trigo sa nalupyakan; kag sang binayaw nila ang ila mga mata, nakita nila ang kaban, kag nagkalalipay sila sang ila pakakita sa iya.

14 Kag ang kanga nag-abut sa latagon ni Iosue, nga Betsemesinhon, kag nag-dúlog didto; kag didto may isa ka daku nga bató. Kag ginbis-ak nila ang kahoy sang kanga, kag ginhalad nila ang mga baka sa halad nga sinunog kay Iehoba.

15 Kag ginpapanaug sang mga Lebinhon ang kaban ni Iehoha, kag ang diyotay nga kaban nga yara sa luyo niya, nga sa iya yara ang mga huyas nga bulawan, kag binutang nila sia sa ibabaw sang daku nga bató. Kag ang mga tawo sa Bet-semes naghalalad sing mga halad nga sinunog, kag naghalalad sila sing mga halad kay Iehoba sadtong adlaw.

16 Kag sang nakita ini sang lima ka mga dunganon sang mga Pilistinhon. nagbalalik sila sa Ekron sa amo nga adlaw.

17 Kag ini sila amo ang mga hubag nga bulawan, nga ginbayad sang mga Pilistinhon kay Iehoba sa halad tungud sang kasal-anan: sa Asdod, isa; sa Gasa, isa; sa Askalon, isa; sa Gat, isa; sa Ekron, isa.

18 Kag ang mga ilaga nga bulawan, nanginsono sang kadamuon sang tanan nga mga banwa sa mga Pilistinhon, nga nahanungud sa mga lima ka mga dunganon, kutub sa mga banwa nga mabakud, tubtub sa mga atup sang manuguma, tubtub sa daku nga bató sang Panalabiton, nga sa ibabaw niya ginbutang nila ang kaban ni Iehoba, bató nga yara sa latagon ni Iosue, nga Betsemesinhon, tubtub karon.

19 Kag ginpilas ni Iehoba ang mga tawo sa Bet-semes, kay nagtulok sila sa kaban ni Iehoba; kag ginpilas niya, sa tungâ sang banwa, mga kapitoan ka mga tawo sa kalim-an ka libo. Kag ang banwa nagpanalabiton, kay si Iehoba nagpilas sa iya sa daku nga kamatay.

20 Kag ang mga Betsemesinhon nagsililing: “¿Sin-o bala ang sarang makatindug sa atubangan ni Iehoba, ining Dios nga balaan? Kag ¿sa kay sin-o bala magataklad sia kutub sa amon?”

21 Kag nagpaladalá sila sing mga manugbalita sa mga taga-Kiriat-earim,

nga nagsiling: “Ginuli sang mga Pilistinhon ang kaban ni Iehoba: Dulhog-kamo, kag pataklara-ninyo sia sa inyo.”

**7** KAG nag-alabut ang mga taga-Kiriat-earim, kag ginpataklad nila ang kaban ni Iehoba; kag ginsulúd nila sia sa baláy ni Abinadab, sa ibabaw sang bakolod, kag ginpakabalaan nila si Eleasar, nga iya anak nga lalaki, agud nga magbantay sia sang kaban ni Iehoba.

Ang mga Pilistinhon dinaug sa Mispa.

2 Kag nahanabu nga, kutub sang adlaw nga nag-abut ang kaban sa Kiriat-earim, nagliligad ang madamu nga mga dagon; kag sa natapus ang duha ka púlô ka tuig ang bug-os nga baláy ni Israel nagpalanghayhay sa olehe ni Iehoba.

3 Kag si Samuel naghambal sa bug-os nga baláy ni Israel, nga nagsiling: “Kon sa bug-os ninyo nga tagiposoon magbalik kamo kay Iehoba, kuhaaninyo ang mga dios sang mga dumuluong kag ang mga Astarot sa tungâ ninyo, kag pagpaliguna-ninyo ang inyo tagiposoon kay Iehoba, kag sa iya lamang mag-alagad-kamo, kag pagaluwason kamo niya sa kamut sang mga Pilistinhon.”

4 Kag kinuha sang mga anak ni Israel ang mga Baal kag ang mga Astarot, kag nag-alalagad lamang sila kay Iehoba.

5 Kag si Samuel nagsiling: “Tipona-ninyo ang bug-os nga Israel sa Mispa, kag ako magapangamuyo kay Iehoba tungud sa inyo.”

6 Kag nagtilipon sila sa Mispa, kag nagpalanag-ub sila sing tubig kag ginula nila sia sa atubangan ni Iehoba, Kag nagpuluasa sila sadto nga adlaw, kag nagsililing sila: “Batok sa kay Iehoba nakasalâ kami.” Kag ginhukman ni Samuel ang mga inanak ni Israel sa Mispa.

7 Kag sang pagkabati sang mga Pilistinhon, nga ang mga inanak ni Israel nagtilipon sa Mispa, nagtalaklad ang mga dunganon sang mga Pilistinhon batok kay Israel. Kag sang pagkabati sini sang mga inanak ni Israel hinadlukan sila sa atubangan sang mga Pilistinhon.

8 Kag nagsililing ang mga inanak ni Israel kay Samuel: “Dili ka magpalantang sa pagsingit kay Iehoba, nga aton Dios, tungud sa amon, nga luwason

niya kami sa kamut sang mga Pilistinhon."

9 Kag si Samuel nagkuha sing isa ka kordero nga nagasoso pa, kag ginhalad niya sia nga bilog kay Iehoba sa halad nga sinunog; kag nagsingit si Samuel kay Iehoba tungud sa Israel, kag ginpamatian sia ni Iehoba.

10 Kag nahanabu nga, sang si Samuel nagahalad sang halad nga sinunog, ang mga Pilistinhon nagpalalapit, sa pagpakigaway sa mga inanak ni Israel. Apang si Iehoba nagpadaguub sa sadto nga adlaw sa daku nga dinaguhub batok sa mga Pilistinhon, kag ginwagwag niya sila kag ginpangdaug sila sa atubangan ni Israel.

11 Kag sang naghalalin ang mga inanak ni Israel sa Mispa, ginlalagas nila ang mga Pilistinhon, nga ginpamilas sila nila tubtub sa idalum sang Bet-kar.

12 Kag si Samuel nagkuha sing isa ka bató, kag binutang niya sia sa tungá sang Mispa kag sang Sen, kag ginhingalanang sia niya nga Ebeneser,\* nga nagasing: "Tubtub diri ginbuligan kami ni Iehoba."

13 Kag ang mga Pilistinhon ginpaubus, kag walá na magbalalik sila sa kadulunan sang Israel, Kag ang kamut ni Iehoba naninginbatok sa mga Pilistinhon sa bug-os nga panag-on ni Samuel.

14 Kag ginpanguli sa mga inanak ni Israel ang mga kabanwaanang nga kinuha sang mga Pilistinhon sa Israel, kutub sa Ekron tubtub sa Gat. Kag ang ila mga kadulunan ginluwas ni Israel sa mga kamut sang mga Pilistinhon. Kag naninginmay paghidaet sa tungá sang Israel kag sang mga Amorphon.

15 Kag ginhukman ni Samuel si Israel sa bug-os nga panag-on sang iya kabuhi.

16 Kag sa tuigtug nagalibot sia sa Bethel, kag sa Gilgal, kag sa Mispa, kag ginhukman niya si Israel sa sining tanan nga mga duug.

17 Kag nagabalik sia sa Rama kay yadto didto ang iya baláy, kag didto nagahukom sia sa kay Israel; kag didto nagpatindug sia sing isa ka halaran kay Iehoba.

Ang mga Israelinhon nagapalangayo sing hari.

8 KAG sang natigulang na si Samuel, binutang niya ang iya mga anak nga hukom sa ibabaw ni Israel.

2 Kag ang ngalan sang iya anak nga panganay amo si Ioel, kag ang ngalan sang iya ikaduha nga anak, si Abia: nanginhukom sila sa Beer-seba.

3 Kag walá maglalakat ang iya mga anak sa mga dalanon sang ila amay, kondi naglilipas sila sa patubô, nga nagabalaton sing mga hamham, kag ginpatiko nila ang katarungan.

4 Kag ang tanan nga mga tigulang sa Israel nagtilipon, kag nagpalakadto kay Samuel sa Rama;

5 Kag nagsililing sila sa iya: "Yari karon, ikaw tigulang na, kag ang imo mga anak nga lalaki walá maglalakat sa imo mga dalanon, tungud sini tukuran mo kami karon sing isa ka hari, nga maghukom sa amon, subung sang tanan nga mga katawohan."

6 Kag nagpalas-ay kay Samuel ini nga polong, nga ginsiling nila: "Hatagi kami sing hari nga maghukom sa amon." Kag si Samuel nangamuyo kay Iehoba.

7 Kag si Iehoba nagsiling kay Samuel: "Pamatii ang tingug sang banwa sa tanan nga ginasing nila sa imo; kay walá sila magsikway sa imo, kondi ginsikway nila ako, agud nga indi ako maghari sa ibabaw nila.

8 Sono sa tanan nga mga binuhatan nga ginbuhat nila kutub sang adlaw, nga ginpataklad ko sila gikan sa Egipto tubtub karon: subung nga ginhayaan nila ako, kag nag-alalagad sila sing liwan nga mga dios, amo man ang ginhimo nila sa imo.

9 Kag karon, pamatii ang iya tingug; lamang nga pagpamatud-an mo sang maligdong gid batok sa ila, kag pakilalahon-mo sila sang tulumanon sang hari, nga magahari sa ibabaw nila."

10 Kag si Samuel nagsiling sang tanan nga mga polong ni Iehoba sa banwa, nga nagapangayo sa iya sing hari.

11 Kag nagsiling sia: "Ini amo ang tulumanon sang hari, nga magahari sa ibabaw ninyo: Magakuha sia sa inyo mga anak, kag pagaibutang niya sila sa tungá sang iya mga kanga, kag sa tungá sang iya mga manugkabayo, kag magdalalagan sila sa atubangan sang iya kanga.

\* Ebeneser, bató sang pagbulig.



12 Kag pagakuhaon niya sila sa paghimo sa ila nga mga pangolo sa linibo, kag mga pangolo sa kinalim-an, sa pagpangabudlay sa iya mga kaomhan, sa pag-ani sang iya mga alanyon, kag sa paghimo sang iya mga galamiton sa pagawayan, kag sang mga galamiton sang iya mga kanga.

13 Magakuha man sia sa inyo mga anak nga babae, agud nga magmangin-manugpahamot sila, mga manugluto, kag mga manugtinapay.

14 Kag magakuha sia sang inyo mga latagon, kag sang inyo mga ulubasan, kag sa inyo mga maayo nga kaolibahan, kag pagaihatag niya sila sa ila mga ulipon.

15 Kag magakuha sia sing ikapulò sa inyo mga binhi kag sa inyo mga ulubasan, sa paghatag sa iya mga kapon kag sa iya mga ulipon.

16 Kag magakuha sia sang inyo mga alagad nga lalaki, kag sang inyo mga alagad nga babae, kag sang inyo mga pinili nga pamatan-on, kag sa inyo mga asno, kag pagagamiton niya sila sa iya mga buluhaton.

17 Pagakuhaan man niya sing ikapulò ang inyo pinanung; kag manginulipon kamo gid niya.

18 Kag magasilingit kamo sa sadtong adlaw bangud sang inyo hari, nga inyo ginpili; apang si Iehoba indi magpamati sa inyo sa sadtong adlaw."

19 Apang ang banwa indi buut magpamati sang tingug ni Samuel, kondi nga nagsililing sila: "Indi; kondi nga may hari sa ibabaw namon;

20 Kag kami manginsubung man kami sang tanan nga katawohan: ang amon hari magahukom sa amon kag magagowa sa atubangan namon, kag magasakdag sa amon mga pagilinaway."

21 Kag ginpamhatian ni Samuel ang tanan nga mga polong sang banwa, kag ginsulit niya sila sa idulungug ni Iehoba.

22 Kag si Ieboba nagsiling kay Samuel: "Pamatii ang iya tingug, kag tukuri sila sing hari sa ibabaw nila." Kag si Samuel nagsiling sa mga lalaki sa Israel: "Magpalauli ang tagsatagsa sa iya banwa."

Si Saul hinaplas nga hari sa Israel.

9 KAG may isa ka lalaki sa Benyamin, tawo nga manugaway nga maisug, nga ginahingalanan nga si Kis, anak ni Abiel, anak ni Seror, anak ni Bekorat, anak ni Apia, anak sang isa ka Benyamihon.

2 Kag may isa sia ka anak nga lalaki, nga ginahingalanan nga si Saul, pinili kag maayoayo, nga sa mga inanak ni Israel walà na sing liwan nga magmaayoayo pa sa iya; nga nagalabaw sia sa kataason sa bug-os nga banwa, kutub sa abaga pa ibabaw.

3 Kag ang mga asno ni Kis, nga amay ni Saul, nagkaladula; tungud sini si Kis nagsiling kay Saul, nga iya anak: "Dalà-ka karon upud sa imo sing isa sang mga solagoon, kag tindug-ka kag lumakat sa pagpaugita sang mga asno."

4 Kag sia nag-agi sa bukid ni Epraim, ugaling nag-agi sia sa duta sang Salisa, kag walà nila sila makita. Kag nagalagi man sila sa duta sa Saalim, kag walà man nila sila makita. Sang olehe nag-agi sila sa duta sang Iemini, kag walà nila sila makita.

5 Kag sang pag-abut nila sa duta sang Sup, si Saul nagsiling sa solagoon, nga yara upud sa iya: "Kari-ka, mapaulikita, basi pa ang akon amay makalipat sang mga asno kag maglangkag tungud sa aton."

6 Kag sia nagsabat sa iya: "Yari karon, ginaampo ko sa imo, may isa ka tawo sang Dios sa sini nga banwa, nga amo ang lalaki nga talahoron. Ang tanan nga mga butang, nga iya pagaisiling, magakahanabu nga walay kulang. Busa makadto-kita didto; ayhan pagatudloan kita niya sang aton dalanon, sa diin kita magpakadto."

7 Kag si Saul nagsiling sa iya solagoon: "Maayo man; kon makadto kita karon, ¿ano bala ang pagadalhon naton sa lalaki? Walà na sing tinapay sa aton mga balutan, kag walà kita sing amoma nga pagdalhon sa lalaki sang Dios. ¿Ano bala ang yari sa aton?"

8 Kag nagsabat liwan ang solagoon kay Saul, nga nagsiling: "Yari karon may diri sa akon kamut ang ikap-at ka bahin sang isa ka siklo nga pilak; ini pagaihatag ko sa lalaki sang Dios, kag igapakilala niya sa aton ang aton dalanon."

9 (Sadto gid anay, sa Israel, kon magsadto sa pagpamangkot sa Dios, nagsiling sing subung sini: "Kari-kamo, kag makadto kita tubtub sa Manugtuluk;" kay ang manalagna karon, sadto anay ginatawag Manugtuluk.)

10 Kag si Saul nagsiling sa iya solo-goon: "Maayo ang imo ginasiling; kari-ka, makadto-kita." Kag nagpalakadto sila sa banwa nga didto ang lalaki sang Dios.

11 Kag sang nagataklad sila sang taklaron sa banwa, nakita nila ang pila ka mga pamatan-on nga babae nga naggulowa sa pagpanag-ub sing tubig, kag sa ila nagsiling sila: "¿Yari bala diri ang Manugtuluk?"

12 Kag sila nagsalabat sa ila, nga nagasililing: "Hoo, yari karon sia sa atubangan mo. Dalidali-ka karon, kay karon nag-abut sia sa banwa, kay may halad karon nga sa banwa sa ibabaw sang duug nga mataas.

13 Kon magsulud kamo sa banwa, sa pagkamatuud, makita ninyo sia sa walâ pa sia magtaklad sa mataas nga duug sa pagkaon; kay ang banwa indi magakaon tubtub nga sia mag-abut, tungud kay amo sia ang nagapakamaayo sang halad, ugaling nagakalaon ang mga inagda. Ngani, talaklad-kamo karon, kay karon gid makita ninyo sia."

14 Kag sila nagtalaklad sa banwa. Kag sang nag-abut sila sa tungâ sang banwa, yari karon, si Samuel gid nag-gowa sa pagsugata sa ila sa pagtaklad sa mataas nga duug.

15 Kag sa nauna nga adlaw sang pag-abut ni Saul, si Iehoba nagpahayag sa kay Samuel, nga nagsiling:

16 "Buas sa aga sa sini man nga oras, pagaipadalâ ko sa imo ang isa ka lalaki sa duta ni Benyamin, kag pagahaplason mo sia sa pagkahari sa ibabaw sang akon banwa nga Israel; kag pagaluwason niya ang akon banwa sa kamut sang mga Pilistinhon. Kay akon gintuluk ang akon banwa, tungud kay ang iya pagsingit nag-abut tubtub sa akon."

17 Kag sang pagkakita ni Samuel kay Saul, si Iehoba nagsiling sa iya: "Yari karon, ini amo ang lalaki, nga ginhambal ko sa imo. Ini sia magaginoo sa akon banwa."

18 Kag sang pag-abut ni Saul kay Samuel, sa tungâ sang gawang sang

banwa, nagsiling sia sa iya: "Ginaampo ko sa imo, nga tudloan mo ako, kon diin ang baláy sang Manugtuluk."

19 Kag si Samuel nagsabat kay Saul kag nagsiling: "Ako amo ang Manugtuluk. Taklad-ka sing una sa akon sa mataas nga duug: magkaon-kamo karon upud sa akon; kag sa pagkaaga pagapalakton ko ikaw, kag pagaipahayag ko sa imo ang tanan nga yara sa imo tagiposoan.

20 Nahanungud sang mga asno, nga nagkaladula sa imo, nga may tatlo na karon ka adlaw, dili ka maglangkag sa ila; kay nakitan na sila. Apang ¿sa kay sin-o bala ang bug-os nga kaluyag sang baláy ni Israel? ¿Indi bala sa imo kag sa bug-os nga baláy sang imo amay?"

21 Kag si Saul nagsabat kag nagsiling: "¿Indi ako bala Benyaminhon, sa isa sang mga labing diyotay nga kabikahan ni Israel? Kag ang akon panimaláy, ¿indi sia bala ang labing kubus sang tanan nga mga panimaláy sang mga kabikahan ni Benyamin? kag ¿kay ngaa bala nagsiling ka sa akon ang subung nga butang?"

22 Kag kinuha ni Samuel si Saul kag ang iya solagoon, kag ginpasulud sila niya sa balatunan, kag hinatag niya sa ila ang duug sa olohan sang mga inagda, nga may mga katloan sila ka mga tawo.

23 Kag si Samuel nagsiling sa manugluto: "Dalha diri ang bahin nga ginhatag ko sa imo, nga sa sini nagsiling ako sa imo: I butang ini sing pain sa imo luyo."

24 Kag hinakwat sang manugluto ang isa ka balikawang kag ang yara sa ibabaw niya, kag binutang sia niya sa atubangan ni Saul. Kag si Samuel nagsiling: "Yari karon, ang gintago. Ibutang sia sa atubangan mo kag kumaon-ka, kay ini gintago nga sa imo nga sa sini nga tion, sang pagsiling ko: Ginagda ko ang banwa." Kag si Saul nagkaon sa sadtong adlaw kaupud ni Samuel.

25 Ugaling nagdulhog sila sa hitaas nga duug pa banwa, kag si Samuel nagpakighambal kay Saul sa atup.

26 Kag sa masunud nga adlaw nagbulgtaw sila, kag sang pagbayaw sang pamanagbanag, gintawag ni Samuel si Saul, nga yadto sa atup, nga nagsiling: "Tindug-ka, kag pagapalakton ko ikaw."



Kag nagbangon si Saul, kag naggulowa sila nga duha, sia kag si Samuel.

27 Kag sang nagduluhog sila sa ukbung sang banwa, nagsiling si Samuel kay Saul: "Isiling sa pamatan-on nga maguna sia (kag naguna sia), apang ikaw; magdulong-ka karon, kag pagapamatian ko sa imo ang polong sang Dios."

**10** KAG nagkuha si Samuel sing isa ka tibud nga lana kag ginula niya sa olo ni Saul, kag hinalukan sia niya, kag nagsiling: "¿Walâ ka bala paghaplasa ni Iehoba nga pangolo sa ibabaw sang iya panublion?"

2 Karon sa tapus ka nga makabulag sa akon, makita mo ang duha ka tawo sa malapit sang lulubngan ni Rakel, sa kadulunan ni Benyamin, sa Selsa; kag pagasilingan ka nila: Ang mga asno nga imo ginlakat sa pagpangita, nakita na; kag yari karon ang imo amay nagkalipat na sa pagpanumdum sang mga asno, kag nalangkag sia sa inyo, nga nagsiling: ¿Ano bala ang pagabuhaton ko nahanungud sa akon anak?

3 Kag kutub didto magaagi ka malayô pa gid kag magaabut ka sa terebinto sang Tabor. Kag didto pagasugataon ka sang tatlo ka tawo, nga nagatalaklad sa Dios sa Bethel, nga nagadalâ ang isa sing tatlo ka tinday sang kanding, kag ang isa, sing tatlo ka tinapay, kag ang ikatlo, sing isa ka panit nga alak.

4 Kag magapamangkot sila sa imo nga kon paano ka, kag pagatagaan ka nila sing duha ka tinapay, nga pagabatunon mo sila sa mga kamut nila.

5 Sa tapus, magaabut ka sa Gibeaeloim, nga didto yara ang kasoldadosan nga bantay sang mga Pilistinhon. Kag mahanabu nga, kon magsulud ka didto sa banwa, masugata mo ang isa ka panong nga mga manalagna, nga nagaduluhog gikan sa hitaas nga duug, kag sa una nila may mga salterio, kag tambor, kag lantoy kag arpa; nga nagapanagna sila.

6 Kag ang Espiritu ni Iehoba magahikot sa ibabaw nimo, kag magapanagna ka kaupud nila, kag magaliwan ka sa isa ka lain nga tawo.

7 Kag kon mag-abut sa imo ini nga mga tanda, buhata ang magaabut sa imo kamut, kay ang Dios yara sa imo.

8 Kag magadulhog ka sing una sa akon sa Gilgal; kag, yari karon, maga-

dulhog ako sa imo sa paghalad sing mga halad nga sinunog, kag sa paghalad sing nga halad sa paghidaet. Pagahulaton mo ako sing pito ka adlaw, tubtub nga ako mag-abut sa imo, kag magtudlo sa imo sang imo pagahimoon."

9 Kag nahanabu ini, nga sang pagtalikod ni Saul sa pagbulag kay Samuel, nga ang Dios nagliwan sang iya tagipsoon; kag tanan ining mga tanda nagkalahanabu sa sadtong adlaw.

10 Kag sang pag-abut nila didto, sa Gibeaa, yari karon, ang pinanong nga mga manalagna, nagsugata sa iya; kag ang Espiritu sang Dios naghikot sa ibabaw niya, kag nagpanagna sia sa tungâ nila.

11 Kag nahanabu nga, sang ang tanan nga mga nakakilala sa iya anay, nakakita sa iya, kag yari karon, nga nagapanagna sia kaupud sang mga manalagna. Kag ang banwa nagsiling ang isa sa isa: "¿Ano bala ang nahanabu sa anak ni Kis? ¿Si Saul man bala sa tungâ sang mga manalagna?"

12 Kag ang isa sang mga tagadidto nagsabat kag nagsiling: "Kag ¿sin-o bala ang amay nila?" Sa sini nga kabangdanan ining polong nanginhulubaton: "¿Si Saul man bala sa tungâ sang mga manalagna?"

13 Kag sang sia naguntat sa pagpanagna, nag-abut sia sa hitaas nga duug.

14 Kag ang batâ ni Saul nagsiling sa iya kag sa iya sologoon: "¿Sa diin bala kamo magkadto?" Kag sia nagsabat: "Sa pagpangita sang mga asno; kag sang pagkakita namon nga indi sila makita, nagpakadto kami kay Samuel."

15 Kag nagsiling ang batâ ni Saul: "Ako nagaampo sa imo, nga ipahayag mo sa akon kon ano ang ginsiling sa inyo ni Samuel."

16 Kag si Saul nagsabat sa iya batâ: "Nagpahayag sia sa amon sa bunayag gid, nga ang mga asno nakita na." Apang nahanungud sang ginharian, nga ginhambal sa iya ni Samuel, walâ gid sia sing ginsugli.

17 Kag ginpanipon ni Samuel ang banwa kay Iehoba sa Mispaa;

18 Kag nagsiling sia sa mga inanak ni Israel: "Amo ang ginsiling ni Iehoba, ang Dios ni Israel: Ako nagpataklad kay Israel gikan sa Egipto kag ginluwas ko sila sa kamut sang mga Egiptohanon, kag sa kamut sang tanan

nga mga ginharian, nga nagpigos sa inyo.

19 Apang kamo karon nagsikway sa inyo Dios, nga nagluwas sa inyo sang tanan ninyo nga mga kalalat-an kag sang inyo mga kalisdanan. Kag nagsililing kamo sa iya: *Indi*; kondi pagabutangan mo sing hari sa ibabaw namon. Busa karon, mag-alatubang-kamo kay Iehoba sono sang inyo mga kabikahan kag sono sang inyo mga linibolibo."

20 Kag ginpapalapit ni Samuel ang tanan nga mga kabikahan ni Israel, kag ginukuha ang kabikahan ni Benyamin.

21 Kag ginpapalapit niya ang kabikahay ni Benyamin sono sang iya mga panimaláy; kag ginukuha ang panimaláy ni Matri, kag ginukuha si Saul, nga anak ni Kis; apang sang pinangita sia nila, walâ nila sia makita.

22 Kag namangkot sila liwan kay Iehoba: "Walâ bala magkari pa ang isa ka tawo diri?" Kag si Iehoba nagsiling: "Yari karon, nga sia natago sa tungâ sang kasangkapan."

23 Kag nagdalalagan sila kag kinuha nila sia didto; kag nagtindug sia sa tungâ sang banwa kag naglabaw sia sa bug-os nga banwa kutub sa abaga pa ibabaw.

24 Kag si Samuel nagsiling sa bug-os nga banwa: "¿Nakita ninyo bala ang pinili ni Iehoba, nga walâ sing makaangay sa iya sa bug-os nga banwa?" Niyan ang bug-os nga banwa nagsingit, nga nagsiling: "¿Magkabuhi ang hari!"

25 Kag ginhambal ni Samuel ang tulumanon sang ginharian, kag ginsulat niya sia sa isa ka tolon-an, kag iya ginpahamtang sa atubangan ni Iehoba. Kag ginpauli ni Samuel ang bug-os nga banwa, ang tagsatagsa sa iya baláy.

26 Kag si Saul man napauli sa iya baláy sa Gibeá, kag nagulúpud sa iya ang kasoldadosan, nga ang tagiposoon nila gintandug sang Dios.

27 Kag ang pila ka mga anak ni Belial nagsililing: "¿Paano bala ang pagluwas niya sini sa aton?" Kag gintamay sia nila, kag walâ nila sia pagdalhi sing halad. Apang sia nagpakabungul.

Si Saul nagadaug sa mga Amoninhon, kag ginaluwas niya ang banwa sang Iabes sa Galaad.

11 KAG nag aklad si Nahas, nga Amoninhon, kag ginpahamtang niya ang dulugan batok sa Iabes sa Galaad. Kag ang tanan nga mga tawo sa Iabes nagsililing kay Nahas: "Buhat-ka sing katipan sa amon, kag pagaalagdon ka namon."

2 Kag si Nahas, nga Amoninhon, nagsiling sa ila: "Sa sini nga kabtangan magakatipan ako sa inyo, nga sa tagsatagsa sa inyo nga tanan pagalukatan sang mata nga too, kag ibutang ko ini nga kahuluy-an sa ibabaw sang bug-os nga Israel."

3 Kag ang mga tigulang sa Iabes nagsililing sa iya: "Hatagi-kami sing pito ka adlaw, agud makapadalá kami sing mga manugbalita sa tanan nga mga kadulunan sang Israel; kag kon walâ sing bisan sin-o nga makaluwas sa amon, magagulowa kami sa imo."

4 Kag ang mga manugbalita nag-alabut sa Gibeá-Saul, kag nagsililing sila sining mga polong sa mga idulungug sang banwa, kag ang bug-os nga banwa nagbayaw sang tingug kag naghibi.

5 Kag yari karon, si Saul nga nagpauli gikan sa latagon, sa olehe sang iya mga baka. Kag nagsiling si Saul: "¿Ano bala ang ginabatyag sang banwa, nga nagahibi?" Kag ginsugid nila sa iya ang mga polong sang mga tawo sa Iabes.

6 Kag ang Espiritu sang Dios naghi-kot sa ibabaw ni Saul, sa pagkabati sining mga polong; kag nagdabdab s'ng daku gid ang iya kaakig.

7 Kag sang kumuha sia sing duha ka baka, ginpangututudutud niya sila, kag ginpadalá niya sila sa tanan nga mga kadulunan ni Israel sa kamut sang mga manugbalita, nga nagsiling: "Bisan sin-o nga indi maggowa sa olehe ni Saul, kag sa olehe ni Samuel, manginamo ini ang mahimo sa iya mga kabakahan." Kag ang kakugmat ni Iehoba naholog sa ibabaw sang banwa, kag naggulowa sila subung sang isa lamang ka tawo.

8 Kag ginisip niya sila sa Besek; kag nangin tatlo ka gatus ka libo ang mga inanak ni Israel, kag katloan ka libo ang mga lalaki sa Iuda.

9 Kag nagsililing sila sa mga manug-



balita, nga nag-alabut: "Amo ini ang isiling ninyo sa mga tawo sa Iabes sa Galaad: Buas, sa paginit sang adlaw, may kaluwasan kamo." Kag nagkaladto ang mga manugbalita, kag ginpahayag nila sa mga tawo sa Iabes, nga nagkalalipay sila.

10 Kag ang mga tawo sa Iabes nagsililing sa mga Amoninon: "Buas magulowa kami sa inyo, kag pagahimoon ninyo sa amon ang tanan nga ginpaka-maayo ninyo."

11 Kag, sa masunud nga adlaw, ginbahinbahin ni Saul ang banwa sa tatlo ka pinoong; kag nagsululud sila sa tunga sang dulugan nga kaaway sa pagpulaw sang kaagahon, kag pinilas nila ang mga Amoninon tubtub sang paginit sang adlaw, kag ang mga nagkalabilin, ginpaalapaag, kag walâ sing nabilin sing duha sa ila nga tingub.

12 Kag ang banwa nagsiling kay Samuel: "¿Sanday sin-o bala ang nagsiling: maghari bala si Saul sa ibabaw naton? Itugyan-ninyo sa amon ina nga mga tawo, kag pagapatyon namon sila."

13 Kag si Saul nagsiling: "Walâ sing bisan sin-o karon nga mamatay, kay karon nagbuhâ si Iehoba sing kaluwasan sa Israel."

14 Kag si Samuel nagsiling sa banwa: "Kari-kamo, makadto-kita sa Gilgal, agud nga pagbag-ohon naton didto ang ginharian."

15 Kag nagkadto ang bug-os nga banwa sa Gilgal, kag didto ginhimo nila si Saul nga hari sa atubangan ni Iehoba, sa Gilgal. Kag naghalalad sila didto sang mga halad sa paghidaet sa atubangan ni Iehoba. Kag nagkalalipay sila sing daku gid didto, si Saul kag ang tanan nga mga taga-Israel.

Si Samuel nagapahayag nga magabiya sia sang pagkahukom.

**12** KAG si Samuel nagsiling sa bug-os nga Israel: "Yari karon, ako nakabati sang inyo tingug sa tanan nga mga butang, nga inyo ginsiling sa akon, kag nagbutang ako sing hari sa ibabaw ninyo.

2 Kag, yari karon ang inyo hari, nga magauna sa inyo. Kag nahanungud sa akon, tigulang na kag ubanon ako, kag yari karon, ang akon mga anak yari sila upud sa inyo. Kag ako naglakat sa atu-

banan ninyo kutub sang akon pagkamatan-on tubtub sa sini nga adlaw.

3 Yari ako, pagsaksi-kamo batok sa akon sa atubangan ni Iehoba kag sa atubangan sang iya Hinaplas. ¿Sa kay sin-o bala ako nagkuha sing baka? kon ¿sa kay sin-o bala ako nagkuha sing asno? Kag ¿sin-o bala ang akon ginlimolimo? ¿Si sin-o bala ang akon ginpigos? ¿Sa kay sin-o bala nga kamut nakabaton ako sing hamham nga makabulag sang akon mata? Kag igauli ko ini sa inyo."

4 Kag nagsililing sila: "Walâ ka nga mas-a maglimolimo sa amon, bisan magpigos sa amon, bisan nagbaton ka sing bisan ano sa kamut sang bisan sino nga tawo."

5 Kag sia nagsiling sa ila: "Si Iehoba amo ang saksi batok sa inyo, kag ang iya Hinaplas saksi man sa sini nga adlaw, nga walâ kamo sing nasapwan sa akon kamut" Kag ang tagsatagsa nagsabat: "Saksi sia sini."

6 Kag si Samuel nagsiling sa banwa: "Si Iehoba amo ang nagbangon sa kay Moises kag sa kay Aaron, kag nga nagpataklad sa inyo mga ginikanan gikan sa duta sang Egipto.

7 Busa karon, mag-atubang-kamo, kag pagahukman ko kamo sa atubangan ni Iehoba nahanungud sang tanan nga mga matarung nga buluhaton ni Iehoba, nga ginhimo niya sa inyo kag sa inyo mga ginikanan.

8 Sang si Iakob nakasulud sa Egipto, ang mga ginikanan ninyo nagsilingit kay Iehoba, kag si Iehoba nagpadalâ kay Moises kag kay Aaron, nga ginpagowa nila ang inyo mga ginikanan sa Egipto, kag ginpapuyô sila nila sa sini nga duug.

9 Apang ginkalipatan nila si Iehoba, nga ila Dios, kag sia nagbaligya sa ila sa kamut ni Sisera, nga pangolo sang kasoldadosan ni Aser, kag sa kamut sang mga Pilistinhon, kag sa kamut sang hari sa Moab, nga sila nagpalakig-away batok sa ila.

10 Kag sila nagsilingit kay Iehoba, kag nagsililing: Nakasalâ kami, kay amon ginbayaan si Iehoba, kag nag-alagad kami sa mga Baal, kag sa mga Astarot; apang luwasa kami karon sa kamut sang amon mga kaaway, kag pagaalagdon ka namon.

11 Kag si Iehoba nagpadalâ kay

Ierubaal, kag kay Bedan, kag kay Iepte, kag kay Samuel, kag nagluwas sia sa inyo sa kamut sang inyo mga kaaway sa palibot; kag nagpuluyô kamo sing malig-on.

12 Kag sang pagkakita ninyo, nga si Nahas, nga hari sang mga anak ni Amon, nagkari batok sa inyo, nagsiling kamo sa akon: Indi; kondi hari ang magahari sa ibabaw namon, bisan pa ang inyo hari amo si Iehoba, nga inyo Dios.

13 Busa karon tan-awa-ninyo diri ang inyo hari, nga inyo ginpili, nga inyo ginpangayô. Kag, yari karon, si Iehoba nagbutang sa ibabaw ninyo sing hari.

14 Kon magkalahadluk kamo kay Iehoba, kag pag-alagdon ninyo sia, kag pagpamatian ninyo ang iya tungug, kag indi magmalalison kamo sa sogo ni Iehoba, niyan kamo, kag subung man ang hari, nga nagahari sa ibabaw ninyo, mangin manugsunud kamo ni Iehoba, nga inyo Dios.

15 Apang kon indi ninyo pagpamatian ang tungug ni Iehoba, kag kon magmalalison kamo sa mga sogo ni Iehoba, ang kamut ni Iehoba manginbatok sa inyo, subung nga nanginbatok sa inyo mga ginikanan.

16 Labut pa, pag-atubang-kamo karon, kag tulukon-ninyo ining daku nga butang nga pagabuhaton ni Iehoba sa atubangan sang inyo mga mata.

17 Indi bala amo karon ang ani sang trigo? Ako magasingit kay Iehoba kag sia magahatag sing mga daguub kag mga ulan. Niyan makilala kag makita ninyo nga daku ang inyo kalainan sa mga mata ni Iehoba, nga ginbuhat ninyo sa pagpangayô sing hari sa inyo."

18 Kag si Samuel nagsingit kay Iehoba; kag si Iehoba naghatag sing mga daguub kag mga ulan sa sadtong adlaw. Kag ang bug-os nga banwa nagkahadluk sing daku kay Iehoba kag kay Samuel.

19 Kag nagsiling ang bug-os nga banwa kay Samuel: "Ampo-ka kay Iehoba, nga imo Dios, tungud sang imo mga alagad, nga indi kami magkalamatay; kay sa tanan namon nga mga salâ amon gindugang ini nga kalainan, ang pagpangayô sing hari nga sa amon."

20 Kag si Samuel nagsabat sa banwa: "Dili kamo mahadluk. Kamo nagbuluhat sining tanan nga kalainan; apang

dili kamo magtalikod kay Iehoba, kondi alagda-ninyo si Iehoba sa bug-os ninyo nga tagiposoon.

21 Kag dili kamo magbalalik, kay *kayhan* magasulunud kamo sang mga kadayawan nga walay kapuslanan kag indi sila makaluwas, kay mga kadayawan sila.

22 Kay si Iehoba, tungud sang iya daku nga ngalan, indi magbiya sa iya banwa, kay si Iehoba nagbuut sa paghimo sa inyo nga banwa nga sa iya.

23 Nahanungud sa akon, malayô sa akon nga magpakasalâ ako batok kay Iehoba, nga maguntat ako sa pag-ampo tungud sa inyo; apang ako magatudlo sa inyo sang maayo kag sang matadlung nga dalan.

24 Lamang, magkahadluk-kamo sa kay Iehoba, kag alagda-ninyo sia sing minatuud sa bug-os ninyo nga tagiposoon, kay pamalandonga-ninyo kon daw ano ka dalagku nga mga butang ang ginhimo niya sa inyo.

25 Apang kon magbuhat pa kamo sing malain, pagadulaon kamo, kamo kag ang inyo hari.

Ang lugus nga pagsulud sang mga Pilistinhon.—Ang sala ni Saul.

**13** MAY isa ka tuig nga si Saul yara sa iya ginharian; kag sang naghari sia sa ibabaw ni Israel sing duha ka tuig,

2 Nagpili sia sing mga tatlo ka libo ka mga tawo sa Israel; kag didto upud kay Saul ang duha ka libo sa Mikmas kag sa bukid sa Bethel, kag ang isa ka libo didto kay Ionatan sa Gibeasang Benyamin; kag ang nabilin sang banwa ginpadalâ niya ang tagsatagsa sa ila mga layanglayang.

3 Kag ginpilas ni Ionatan ang kasoldadosan nga bantay sang mga Pilistinhon nga yara sa Gibeas; kag nakabati sini ang mga Pilistinhon. Kag ginpatunog ni Saul ang mga budyong sa bug-os nga duta, nga nagsiling: "Magpalamati sini ang mga Hebreinhon."

4 Kag ang bug-os nga Israel nakabati sang pagsiling: "Ginpilas ni Saul ang kasoldadosan nga bantay sang mga Pilistinhon, kag sa sini si Israel ginadumtan sang mga Pilistinhon. Kag ang



banwa ginpatipon sa olehe ni Saul, sa Gilgal.

5 Kag ang mga Pilistinhon nagtilipon sa pagpakigaway kay Israel: katloan ka libo ka mga kanga kag anum ka libo ka mga manugkabayo, kag ang banwa sa kadamuon subung sang balas nga yara sa baybayon. Kag nagtalaklad sila kag nagpahamtang sila sing dulugan sa Mikmas, sa Sidlangan sang Bet-aben.

6 Kag ang mga tawo ni Israel, sang pagkakita nila nga nabutang sila sa mapiyot, kay ang banwa nagapangalisud, nagpanago ang banwa sa mga lungib, sa mga kasapinitan, sa mga pil-as, sa mga kinutkutan kag sa mga bobon.

7 Kag ang mga Hebreinhon nagtalabok sa Iordan *nga nagapalagyo* sa duta sang Gad kag sang Galaad; apang si Saul yadto pa sa Gilgal, kag ang bug-os nga banwa nagakurug sa olehe niya.

8 Kag sia naghulat sang pito ka adlaw, tubtub sa oras nga ginpat-in sa iya ni Samuel; apang si Samuel walâ mag-abut sa Gilgal, kag ang banwa nagaalapaag gikan sa luyo niya.

9 Kag si Saul nagsiling: "Dalhainyo sa akon ang halad nga sinunog kag ang mga halad sa paghidaet." Kag ginhalad niya ang halad nga sinunog.

10 Kag sang iya pagkatapus paghalad sang halad nga sinunog, yari karon, si Samuel nga nag-abut. Kag si Saul nag-sugata sa iya sa pagpakamaayo sa iya.

11 Kag si Samuel nagsiling: "¿Ano bala ang imo ginbuhar?" Kag si Saul nagsiling: Tunôd kay nakita ko, nga ang banwa naglapta gikan sa luyo nakon, kag nga ikaw walâ magkari sa pinat-in nga adlaw, kag nga ang mga Pilistinhon yara sila nga nagtilipon sa Mikmas,

12 Nagsiling ako: Ang mga Pilistinhon magaduluhog karon batok sa akon sa Gilgal, kag walâ pa magpangayô ako sang panabang ni Iehoba. Busa nagpanghas ako kag naghalad ako sing halad nga sinunog."

13 Kagsi Samuel nagsiling kay Saul: "Binuang gid ang ginbuhar mo; walâ mo pagtumana ang sogo ni Iehoba, nga imo Dios, nga iya ginsogo sa imo. Kag karon si Iehoba nagtukud kuntani sang imo ginharian sa ibabaw ni Israel sa gihapon;

14 Apang karon ang imo ginharian indi magapadayon. Si Iehoba nagpa-

ngita sing lalaki sono sang iya tagiposo-on, kag si Iehoba nagsogo nga sia mangingpangolo sa ibabaw sang iya banwa, tungud nga ikaw walâ magtuman sang ginsogo sa imo ni Iehoba.

15 Kag sang tumindug si Samuel, nagtaklad sia gikan sa Gilgal pa Gibeang sang Benyamin. Kag si Saul nagisip sang mga tawo nga yara upud sa iya: nga may mga anum ka gatus ka mga tawo.

16 Kag si Saul kag si Ionatan, nga iya anak, kag ang banwa, nga yara upud sa ila, nagpalabilin sila sa Gibeang sang Benyamin; apang ang mga Pilistinhon nagbutang sang ila dulugan sa Mikmas.

17 Kag naggulowa sa dulugan sang mga Pilistinhon ang tatlo ka kinabon sa pagpanagaw: ang isa ka pinanong nagpadulong sa dalanon pa Opra, nayon sa duta sang Saul,

18 Ang isa ka pinanong nagpadulong sa dalanon pa Bet-Horon, kag ang ikatlo ka pinanong nagpadulong sa dalanon sang dulunan, nga nagaatubang sa nalupayakan sang Seboim, sa kahanayakan.

19 Kag sa bug-os nga duta ni Israel walâ sing makita nga panday sang sal-salon, kay ang mga Pilistinhon nagsiling: "Agud nga ang mga Hebreinhon indi makabuhar sing hinganiban kon bangkaw."

20 Kag ang bug-os nga Israel nagdulhog sa mga Pilistinhon sa pagbaid ang tagsatagsa sang iya punta, sang iya sadol, sang iya wasay, kon sang iya galab;

21 Kon maghabol ang sulab sang mga galab, kon sang mga sadol, kon sang mga kahig, kon sang mga wasay, kon sa pagpakaayo sang isa ka suntok.

22 Kag nahanabu nga, sang adlaw sang paginaway, walâ sing nakita nga hinganiban, bisan bangkaw sa kamut sang bug-os nga banwa nga yara upud kay Saul kag kay Ionatan; lamang ang may iya si Saul kag si Ionatan, nga iya anak.

23 Kag ang kasoldadosan nga bantay sang mga Pilistinhon naggowa sa *pagpahamtang* sang dulugan sa alagyan sa Mikmas.

Ang pagdaug ni Ionatan sa mga Pilistinhon.—Ang pagsumpa nga makahas nga lakas ni Saul.

14 KAG isa sina ka adlaw, nahanabu nga si Ionatan, nga anak ni Saul,

nagsiling sa iya pamatan-on nga nagadalá sang iya mga hinganiban: “Kari-ka, kag magkadto-kita sa kasoldadosan nga bantay sang mga Pilistinhon nga yadto sa isa ka luyo.” Apang walâ niya pagpahibaloa sini ang iya amay.

2 Kag si Saul didto sa ukbung sang Gibeá, sa idalum sang granada, nga yara sa Migron, kag ang banwa nga nagaúpud sa iya may mga anum ka gatus ka tawo.

3 Kag si Ahia, nga anak ni Ahitub, útud ni Ikabod, anak ni Pinees, anak ni Eli, nga saserdote ni Iehoba sa Silo, nagdalá sang epod. Kag ang banwa walâ makahibalo nga si Ionatan nagkadto.

4 Kag sa tunḡa sang mga alagyan sa diin nagahimulat sa pag-agi si Ionatan pa kasoldadosan nga bantay sang mga Pilistinhon, may isa ka tuktuk sang pil-as nga mataliwis sa isa ka luyo, kag isa ka tuktuk sang pil-as sa isa ka luyo. Ang isa ginahingalanan Boses kag ang isa Sene.

5 Kag ang isa sini nga mga tuktuk nahimo nga haligi sa luyo sang Aminhan sa atubang sa Mikmas, kag ang isa, sa luyo sang Bagatnan sa atubang sa Gibeá.

6 Busa, si Ionatan nagsiling sa pamatan-on, nga nagadalá sang iya mga hinganiban: “Kari-ka, makadto-kita sa kasoldadosan nga bantay sining mga ditinuli. Ayhan si Iehoba magahikot tunḡud sa aton; kay walâ sing makasablag kay Iehoba sa pagluwas tunḡud sa madamu kon tunḡud sang diyotay lamang.”

7 Kag ang iya manugdalá sang mga hinganiban nagsabat sa iya: “Himoa ang tanan nga yara sa imo tagiposoan. Dayon-ka, yari karon, ako upud sa imo sono sa imo tagiposoan.

8 Kag si Ionatan nagsiling: “Yari karon, kita magakadto nayon sadtong mga tawo, kag magapalakita kita sa ila.

9 Kon magsiling sila sa aton sing subung sini: Pahimonong kamo didto tubtub nga kami magtingub sa inyo, niyan magapabilin kita sa aton duug kag indi kita magataklad sa ila.

10 Apang kon maksiling sila sa aton sing subung sini: Taklad-kamo sa amon, niyan magataklad kita; kay si

Iehoba nagtugyan sa ila sa aton mga kamut, kag ini manginatón tanda.”

11 Kag nagpalakita sila nga duha sa kasoldadosan nga bantay sang mga Pilistinhon; kag ang mga Pilistinhon nagsililing: “Yari karon ang mga Hebreinhon, nga nagagowa sa mga boho, nga ila ginpanagoan.”

12 Kag ang mga tawo sang *kasoldadosan* nga bantay nagsalabat kay Ionatan kag sa iya manugdalá sang mga hinganiban, kag nagsililing: “Taklad-kamo sa amon, kag pahibaloan kamo namon sing isa ka butang.” Niyan si Ionatan nagsiling sa iya manugdalá sang mga hinganiban: “Taklad-ka sa olehe nakon, kay si Iehoba nagtugyan sa ila sa kamut ni Israel.”

13 Kag si Ionatan nagtaklad, nga gapangayuskayus sa iya mga kamut kag sa iya mga tiil, kag sa olehe niya ang iya manugdalá sang mga hinganiban. Kag ang mga *Pilistinhon* nagakalaholog sa atubangan ni Ionatan, kag ang iya manugdalá sang mga hinganiban nagapatay sa ila sa olehe niya.

14 Kag sa sini nga nahauna nga pag-sangâ ginpilasan ni Ionatan kag sang iya manugdalá sang mga hinganiban, nga may mga duha ka púlô ka tawo, sa sulúd sang kalaparan sang katunḡa nga ginadaro sang duha ka baka sa isa ka adlaw.

15 Kag may pagkulurug sa dulugan, sa mga latagon kag sa tunḡa sang bug-os nga katawohan; kag ang *kasoldadosan* nga bantay kag ang mga nagpalanḡagaw, nagkulurug man sila, kag nagkurug man ang duta; kag ini amo ang isa ka pagkurug nga *nagagikan* sa Dios.

16 Kag ang mga bantay ni Saul sa Gibeá sang Benyamin nagtalan-aw; kag yari karon, ang kadam-an nagakatatunaw, kag nagaalaplaag sa isa kag isa ka luyo.

17 Kag si Saul nagsiling sa banwa nga yara upud sa iya: “Isipa-ninyo, ginaampo ko sa inyo, kag tanawa-ninyo kon sin-o sang mga tagaaton ang nagpakadto. Kag sang naisip nila, nakita nila nga nakulang si Ionatan kag ang iya manugdalá sing mga hinganiban.

18 Kag si Saul nagsiling kay Ahia: “Dalha diri ang kaban sang Dios.” Kay ang kaban sang Dios niyan yadto sa mga inanak ni Israel.

19 Kag nahanabu nga, sang nagaham-



bal pa si Saul sa saserdote, ang kagahud nga didto sa dulugan sang mga Pilistinhon nagadugang pa gid. Niyan si Saul nagsiling sa saserdote: "¡Idúlog ang imo kamut!"

20 Kag si Saul kag ang tanan nga kawatohan nga yara upud sa iya ginpatipon kag nagpalakadto sila sa pag-awayan. Kag yari karon, ang hinganiban sang tagsatagsa batok sa iya kaúpud, kag daku gid ang pagwagwag.

21 Kag ang mga Pilistinhon may mga Hebreinhon, subung sadto anay, nga nagtalaklad upud sa ila sa dulugan, nga naglapta sa palibot, kag ini sila nagtilingub karon sa mga Israelinhon, nga yara kaúpud ni Saul kag ni Ionatan.

22 Kag ang tanan nga mga tawo sa Israel, nga nagpalanago sa bukid ni Ephraim, nakabati, nga ang mga Pilistinhon nagpalalagyo, kag nagtilingub man sila sa ila paglagas sa ilinaway.

23 Kag si Iehoba nagluwas kay Israel sadtong adlaw. Kag ang pagilinaway nagligad sa unhan sang Bet-aben.

24 Apang ang mga tawo sa Israel yara sa kalisdanan sa sadtong adlaw, kay si Saul nagpasumpa sa banwa, nga nagsiling: "Manginmalaut ang bisan sin-o nga magkaon sing tinapay tuhtub sa hapon; kag ako magatimalus sa akon mga kaaway." Ka; walay bisan sin-o sang banwa nga nagtilaw sing tinapay.

25 Kag ang bug-os nga banwa nagsulud sa talonan, kag diin may dugus sa ibabaw sang latagon.

26 Kag sang pagsulúd sang banwa sa talonan, yari karon, nga ang dugus nagailig; apang walá sing bisan sin-o nga nakapalapit sang iya kamut sa iya bâbâ, kay ang banwa nagakahadluk sang sumpa.

27 Apang si Ionatan walâ makabati, sang ang iya amay nagpasumpa sa banwa; kag gindohol niya ang ukbung sang iya bara, nga yara sa iya kamut, kag ginpasalup niya sia sa isa ka udlan sang dugus; kag ginpalambut niya ang iya kamut sa iya bâbâ, kag ang iya mga mata nagsalanag.

28 Kag naghambal ang isa sang banwa, nga nagsiling: "Ang imo amay nagpasumpa sing hayag gid sa banwa, nga nagsiling: Manginmalaut ang tawo nga magkaon karon sing tinapay." Kag ang banwa nagkatup-ay sa gutum.

29 Kag si Ionatan nagsiling: "Ang

akon amay nagapagamo sang banwa. Tanawa-ninyo karon kon paano nga nagsalanag ang akon mga mata, tungud kay nagtilaw ako sing diyotay sa sining dugus.

30 Labi pa gid, kon ang banwa nakakaon karon kunta sang inagaw, nga iya nakita sa mga kaaway nila, ¿walâ bala unta makahimo karon sing labing daku nga kamatay sa mga Pilistinhon?"

31 Kag ginpilas nila sadtong adlaw ang mga Pilistinhon kutub sa Mikmas tuhtub sa Ayalon. Kag ang banwa ginkutuy gid.

32 Kag nagsalakay ang banwa sa inagaw, kag nagkuluha sila sing mga obeha kag mga baka, kag mga tinday sang baka, kag ginpatay nila sila sa duta, kag ang banwa nagkaon sing dugoon.

33 Kag ginsugid nila kay Saul, nga nagsiling: "Ang banwa nakasalâ batok kay Iehoba, nga nagakaon sing dugoon." Kag sia nagsiling: "Kamo nagbuhat sing maluub gid. Paligiraninyo sa akon karon diri ang isa ka daku nga bató."

34 Kag si Saul nagsiling: "Pagalaplaag-kamo sa banwa, kag isilingninyo sa ila: dalhan ako sang tagsatagsa sang iya baka, kag ang tagsatagsa sang iya obeha, kag pagapugutan ninyo sila diri, kag magakaon kamo; kag dili kamo magapakasalâ batok kay Iehoba, nga nagakaon sing dugoon." Kag nagdalá ang bug-os nga banwa ang tagsatagsa sa iya kamut sang iya baka sadtong gab-i kag ginpamugutan sila nila didto.

35 Kag nagpatindug si Saul sing halaran kay Iehoba; ini nga halaran amo ang nahauna nga ginpatindug niya kay Iehoba.

36 Kag nagsiling si Saul: "Dulhog-kita sa kagab-ihon batok sang mga Pilistinhon, kag aton sila pag-atihon tuhtub sa pagkasanag sang aga, kag indi ta sila pagbibilinan nga sa ila sing bisan isa." Kag sila nagsililing: "Buhata ang ginapakamaayo sa imo mga mata." Niyan nagsiling ang saserdote: "Magpalapit-kita diri sa Dios."

37 Kag si Saul namangkot sa Dios: "¿Magadulhog ako bala sa olehe sang mga Pilistinhon? ¿Pagaitugyan mo bala sila sa kamut ni Israel?" Apang sia walâ magsabat sa iya sa sadtong adlaw.

38 Kag si Saul nagsiling: "Magpalapit-kamo diri, kamo nga tanan nga mga

pangolo sang banwa, kag maghibalo-kamo kag magtuluk-kamo kon sa ano nanginsalâ ini karon.

39 Kay, magkabuhi si Iehoba, nga nagaluwas kay Israel, nga bisan pa yara kaupud sia ni Ionatan, nga akon anak, sia mamatay, sa pagkamatuud." Kag walâ sing bisan sin-o sa bug-os nga banwa, nga nagsabat sa iya.

40 Kag nagsiling sia sa bug-os nga Israel: "Kamo magpalahigad sa isa kaluyo, kag ako kag si Ionatan nga akon anak magapahigad kami sa isa ka luyo." Kag ang banwa nagsabat kay Saul: "Buhata ang ginapakamaayo sa imo mga mata."

41 Kag si Saul nagsiling kay Iehoba, nga Dios ni Israel: "Ipahayag ang katarungan." Kag ginkuha si Ionatan kag si Saul; apang ang banwa naluwas.

42 Kag si Saul nagsiling: "Igpapalad ninyo sa tunga nakon kag ni Ionatan, nga akon anak." Kag ginkuha si Ionatan.

43 Kag si Saul nagsiling kay Ionatan: "Ipahayag sa akon kon anong imo ginuhahat." Kag ginpahayag ini ni Ionatan, kag nagsiling: "Sa pagkamatuud, nagtilaw ako sa ukbung sang bara nga ginadalâ ko sa akon kamut sing diyotay nga dugus. Kag yari karon, mamatay ako."

44 Kag si Saul nagsabat: "Amo ini ang pagahimoon sa akon sang Dios kag amo ini ang pagaidugang niya sa akon, nga sa pagkamatuud mamatay ka, Ionatan."

45 Apang ang banwa nagsiling kay Saul: "¿Mamatay bala si Ionatan nga nagbuhat sining daku nga kaluwasan sa Israel? ¡Malayô sa amon! Magkabuhi si Iehoba, nga indi maholog ang isa ka buhok sang iya olo sa duta, kay naghimo sia karon upud sa Dios." Kag si Ionatan ginbawi sang banwa kag walâ sia mamatay.

46 Kag si Saul nagtaklad gikan sa paglagas sa mga Pilistinhon; kag ang mga Pilistinhon nagpalakadto sa ila duug.

Ang mga pag-awayan ni Saul.—Ang iya panimalay.

47 Kag gintag-iya ni Saul ang ginharian sa ibabaw ni Israel, kag nagpakig-away sia sa tanan niya nga mga kaaway sa palibot: batok kay Moab, batok sa mga inanak ni Amon, batok kay Edom,

batok sa mga hari sa Soba, kag batok sa mga Pilistinhon; kag sa bisan diin nga magkadto sia, nanginmanugdaug sia.

48 Kag naghikot sia nga may kagamahanan, kag ginpilas niya si Amalek, kag ginluwas niya si Israel sa kamut sang mga nagapalangagaw sa ila.

49 Kag ang mga anak ni Saul amo si Ionatan, si Isbi kag si Malkisua. Kag ang mga ngalan sang iya duha ka mga anak nga babae amo: ang ngalan sang magulang si Merab, kag ang iya sang manghud, si Mikal.

50 Kag ang ngalan sang asawa ni Saul amo si Ahinoam, anak nga babae ni Ahimaas. Kag ang ngalan sang pangolo sang iya kasoldadosan amo si Abner, anak ni Ner, batâ ni Saul.

51 Kag si Kis, nga amay ni Saul, kag subung man si Ner, amay ni Abner, among anak nga lalaki ni Abiel.

52 Kag ang inaway nangintama ka daku batok sa mga Pilistinhon sa bug-os nga panag-on ni Saul, kag sa bisan kay sin-o nga makita ni Saul nga tawo nga maisug kag tawo nga makusug, ginapaimpon niya sia sa iya.

Ang Dios nagsogo kay Saul, nga laglagon niya ang mga Amelekinhon.—Ang pagkadima-tinumanon ni Saul kag ang katapusang mga pagtagudili sa iya.

**15** KAG si Samuel nagsiling kay Saul: "Si Iehoba nagpadalâ sa akon nga paghaplason ko ikaw nga hari sa ibabaw sang iya banwa nga Israel. Pamatii karon ang tingug sang mga polong ni Iehoba.

2 Amo ini ang ginasiling ni Iehoba sang Sebaot: Magaduaw ako sang ginhimo ni Amalek kay Israel, nga nagbalagbag sia sa dalanon, sang nagtaklad sia gikan sa Egipto.

3 Busa lakat-ka kag pilasa si Amalek; kag pagatagudilian ninyo ang tanan nga iya; indi ka magkalooy sa iya. Kag pagapamatyon mo ang mga lalaki kag ang mga babae, ang mga kabataan kag ang mga nagasuluso, ang mga baka kag ang mga obeha, ang mga kamelyo kag ang mga asno."

4 Kag gintipon ni Saul ang banwa, kag ginisip niya sila sa Talaim, mga duha ka gatus ka libo, nga nagalakat, kag napulô ka libo ka mga tawo ni Iuda.



5 Kag si Saul naglambut sa banwa ni Amelek, kag nagbutang sia sing puot sa nalupayakan.

6 Kag si Saul nagsiling sa mga Kenitinhon: "Lakat-kamo, pauli-kamo, kag dulhog-kamo sa tungâ sang mga Amalekinhon, basi pa nga paglaglagon ko kamo upod sa iya; kag naggamit kamo sing pagkaayo sa tanan nga mga inanak ni Israel sang nagtalaklad sila gikan sa Egipto." Kag nagpalauli ang mga Kenitinhon gikan sa tungâ sang mga Amalekinhon.

7 Kag ginpilas ni Saul si Amelek kutub sa Habila, nga nagapadulong nayon sa Sur, nga yara sa tampad sang Egipto.

8 Kag dinakup niya nga buhi si Agag, nga hari sang Amalek, kag gintagudilian niya ang bug-os nga banwa sa sulab sang hinganiban.

9 Apang si Saul kag ang banwa ginpatawad nila si Agag, subung man ang mga labing maayo sang mga obeha kag sang kabakahan, kag sang mga pinatambok, kag sang mga karnero, kag sang tanan nga maayo, kag indi buut sila magtagudili sa ila; apang ang tanan nga talamayon kag maniwang gintagudilian nila.

10 Kag nag-abut ang polong ni Iehoba kay Samuel, nga nagsiling:

11 "Nagasakit ako, nga gintukud ko nga hari si Saul, kay nagtalikod sia sa akon kag walâ magtuman sia sang akon mga polong." Kag nangakig si Samuel, kag nagsingit kay Iehoba sa bug-os nga yadtong gab-i.

12 Kag nagbugtaw si Samuel sa aga pa gid sa pagsugata kay Saul sa pagka-aga. Kag ginpahibalo si Samuel, nga nagsiling: "Si Saul nagpakadto sa Karmelo, kag yari karon, sia nagpatindug sing isa ka handumanan, kag ugaling nagpadulong sia sa iban nga dung, kag sang nagkadto sia sa unhan, nagdulhog sia sa Gilgal.

13 Kag sang si Samuel nag-abut kay Saul, si Saul nagsiling sa iya: "Manginbulahan ka gikan kay Iehoba. Ako nagtuman sang polong ni Iehoba."

14 Kag si Samuel nagsiling: "¿Ano bala ang ginakahologan sang inimi sang mga obeha kag sang minama sang mga kabakahan, nga ginapamatian ko sang akon nga indulong?"

15 Kag si Saul nagsabat: "Sa mga Amalekinhon gindala nila sila, kay ang

banwa nagpatawad sa labing maayo sang mga obeha, kag sang mga baka, sa paghalad sa ila sa kay Iehoba, nga imo Dios; apang ang nabilin gintagudilian namon."

16 Kag nagsiling si Samuel kay Saul: "¡Pabayai ako! Kag magpahayag ako sa imo sang ginsiling sa akon ni Iehoba sini nga gab-i." Kag sia nagsiling: "Ihambal."

17 Kag si Samuel nagsiling: "¿Indi bala matuud nga kon ikaw diyotay sa imo mga mata, nangipangolo ka sa mga kabikahan ni Israel, kag nga si Iehoba naghaplas sa imo nga hari sa ibabaw ni Israel?"

18 Kag si Iehoba nagpadala sa imo sa isa ka panlakatan, kag nagsiling sia sa imo: "Lakat-ka kag tagudilian-mo yadto nga mga makasasalâ, nga mga Amalekinhon, kag awaya sila tuhtub nga maubus sila sing bug-os gid.

19 Kag ¿kay ngaa walâ mo bala pagpamatii ang tingug ni Iehoba, kondi ginsalakay mo ang inagaw kag ginhimo mo ang malain sa mga mata ni Iehoba?"

20 Kag si Saul nagsiling kay Samuel: "Gintuman ko ang tingug ni Iehoba, kag nagpakadto ako sa panlakatan, nga si Iehoba nagpadala sa akon, kag gindala ko diri si Agag, nga bari sang mga Amalekinhon, kag gintagudilian ko ang mga Amalekinhon;

21 Apang ang banwa nagkuha sang inagaw sang mga obeha kag sang mga baka, ang mga panganay sang gintagudilian, sa paghalad kay Iehoba, nga imo Dios, sa Gilgal."

22 Kag si Samuel nagsiling: "¿Si Iehoba nagpangalipay bala sa mga halad nga sinunog kag sa mga halad subung sang sa pagpamati sang tingug ni Iehoba? Yari karon, ang pagtuman among labing mahal sang mga halad, kag ang pagtalupangud labi sang tambok sang mga karnero.

23 Kay ang pagkamalalison among subung nga sala sang pagpamakot, kag ang pagkatig-a among subung sang pagkababaylan kag sang mga terapim. Tungud kay ikaw nagsikway sang polong ni Iehoba, sia man nagsikway sa imo subung nga hari."

24 Kag si Saul nagsiling kay Samuel: "Ako nakasalâ, kay ginlapas ko ang sogo ni Iehoba kag ang imo mga polong,

kay nagkahadluk ako sa banwa, kag nagpamati ako sa tingug nila.

25 Busa, ginaampo ko, patawara karon ang akon salâ, kag balik-ka sa akon, kag magahapa ako sa atubangan ni Iehoba."

26 Kag si Samuel nagsabat kay Saul: "Indi ako magabalik sa imo; kay ginsikway mo ang polong ni Iehoba, kag si Iehoba nagsikway sa imo, agud nga indi ka na magmanginhari sa ibabaw ni Israel."

27 Kag sang tumalikod si Samuel sa paglakat, dinakup ni Saul ang sidsid sang iya panapton nga nagisi.

28 Kag si Samuel nagsiling sa iya: "Si Iehoba naggisi karon sa imo sa ginharian ni Israel, kag ginhatag niya sia sa imo isigkatawo, nga labing maayo pa sa imo.

29 Kag ang Dimaliwan man sa Israel indi magabutig, bisan magahinulsul sia, kag indi tawo sia, agud nga maghinulsul."

30 Niyan si Saul nagsiling: "Ako nakasalâ; apang ginaampo ko sa imo, nga padungan mo ako sa atubangan sang mga tigulang sang akon banwa, kag sa atubangan ni Israel; balik-ka sa akon kag magahapa ako sa atubangan ni Iehoba, nga imo Dios."

31 Kag nagbalik si Samuel sa kay Saul, kag naghapa si Saul sa atubangan ni Iehoba.

32 Kag si Samuel nagsiling: "Dalhaninyo diri sa akon si Agag, nga hari sang mga Amalekinhon." Kag si Agag nagabut sa iya sing malipayon gid; kay si Agag nagsiling: "Sa pagkamatuud gid nag-agi ang kapaitan sang kamatayon."

33 Kag si Samuel nagsiling: "Subung ang imo hinganiban nagdumili sa mga babae sa ila mga anak; subung man ang imo ilôy pagadumilian sing anak, sa tungâ sang mga babae." Kag ginpangutudutud ni Samuel si Agag sa atubangan ni Iehoba sa Gilgal.

34 Kag si Samuel nagpakadto sa Rama; kag si Saul nagtaklad sa iya baláy sa Gibe-Saul.

35 Kag si Samuel walâ na makakita liwan kay Saul tubtub sa iya kamatayon; kag si Samuel naglalaw kay Saul, kag si Iehoba nagnulsul nga gintukud niya si Saul nga hari sa ibabaw ni Israel.

Si Samuel naghaplas kay Dabid sa pagkahari.

16 KAG nagsiling si Iehoba kay Samuel: "¿Tubtub san-o bala nga magalalaw ka kay Saul, nga ginsikway ko sia, agud nga indi maghari sa ibabaw ni Israel? Pun-a ang imo sungay sang lana kag lakat-ka: ako nagapadalâ sa imo kay Isai, sa Betleheminhon, kay sa tungâ sang iya mga anak nakit-an ko ang hari, nga akon kinahanglan."

2 Kag nagsiling si Samuel: "¿Paano bala ang pagkadto ko? kay si Saul makabati sini, kag pagapatyon niya ako." Kag si Iehoba nagsiling: "Dala-ka sa imo sing isa ka tinday nga babae sang baka, kag magsiling ka: Nagkari ako sa paghalad kay Iehoba.

3 Kag pagatawgon-mo si Isai sa paghalad, kag ako magapahibalo sa imo sang imo pagahimoon, kag magahaplas ka nga sa akon sadtong igasiling ko sa imo."

4 Kag ginhimo ni Samuel subung sang ginsiling sa iya ni Iehoba, kag nagkadto sia sa Betlehem. Kag ang mga tigulang sang banwa naggulowa sa pagsugata sa iya, nga nagakurug, kag nagsililing sila: "¿Makidaiton bala ang imo pagkari?"

5 Kag sia nagsiling: "Makidaiton, Nagakari ako sa paghalad kay Iehoba. Pakabalaana-ninyo, kag kari-kamo kapupud nakon sa paghalad." Kag pina-pakabalaan niya si Isai kag ang iya mga anak nga lalaki, kag gintawag niya sila sa paghalad.

6 Kag nahanabun, sang pag-abut nila, nga nakita niya si Eliab, kag nagsiling sia: "Sa pagkamatuud, ang hinaplas ni Iehoba yara sa iya atubangan."

7 Kag si Iehoba nagsiling kay Samuel: "Dili ka magtuluk sang iya bayhon, bisan ang kadaku sang iya kataas, kay ako nagsikway sa iya. Kay si Iehoba indi nagatan-aw sang ginatanaw sang tawo; kay ang tawo nagatan-aw sang sa gowa, apang si Iehoba nagatan-aw sang tagiposoan."

8 Niyan gintawag ni Isai si Abinadab, kag ginpalabay niya sia sa atubangan ni Samuel; kag sia nagsiling: "Bisan sa iya sini nagpili si Iehoba."

9 Niyan ginpalabay ni Isai si Sama; kag sia nagsiling: "Walâ man ini sia pagpilia ni Iehoba."

10 Kag ginpalabay ni Isai ang iya



pito ka anak nga lalaki sa atubangan ni Samuel; kag si Samuel nagsiling kay Isai: "Si Iehoba walâ magpili sa ila sini."

11 Kag si Samuel nagsiling kay Isai: "¿Amo bala ini sila ang tanan nga pamatan-on?" Kag sia nagsiling: "Nabilin pa ang manghud nga nagapahalab sang mga obeha." Kag si Samuel nagsiling kay Isai: "Pakadtoi kag dalhon sia diri, kay indi kita magalilibot sang latok tubtub nga sia mag-abut diri."

12 Kag ginpakadtoan sia kag ginpakari sia. Kag sia bulagaw, matahum sing pangmata, kag magayon sing panguyahon. Kag si Iehoba nagsiling: "Tindug-ka, kag haplasa sia, nga ini amo sia."

13 Kag kinuha ni Samuel ang sungay sang lana, kag ginhaplas niya sia sa tungâ sang iya mga útud nga lalaki, kag kutub sadtong adlaw kag sa palabuton, ang Espiritu ni Iehoba naghikot kay Dabid, Kag si Samuel nagtindug kag nagpauli sa Rama.

Si Dabid nagaalagad kay Saul.

14 Kag ang Espiritu ni Iehoba nagbulag kay Saul, kag ginasakit sia sang espiritu nga malain gikan kay Iehoba.

15 Kag ang mga solagoon ni Saul nagsiling sa iya: "Yari karon, ang isa ka espiritu nga malain gikan sa Dios nagasakit sa imo,

16 Busa maghambal lamang ang amon ginoo: ang imo mga alagad yara sa atubangan mo, nga magpangita sila sing isa ka tawo nga sampaton sa pagkutingkuting sang arpa, kag kon mag-abut sa imo ang espiritu nga malain gikan sa Dios, magakutingkuting sia sang iya kamut, kag magaáyô ka."

17 Kag si Saul nagsiling sa iya mga alagad: "Pangitai ninyo ako, ginampo ko sa inyo, sing isa nga maayo gid nga magkutingkuting, kag dalhon-ninyo sia sa akon."

18 Kag ang isa sang mga alagad nag-sabat, nga nagasiling: "Yari karon, ako nakakita sa isa ka anak nga lalaki ni Isai, nga Betleheminhon, nga mahibalo magkutingkuting, nga mabakud kag maisug, tawo nga igo sa pag-awayan, sampaton sa pamolong, maayoayo sing bayhon, kag si Iehoba yara upud sa iya."

19 Kag si Saul nagpadalâ sing mga

manugbalita kay Isai, kag nagsiling sia: "Ipadalâ sa akon si Dabid, nga imo anak nga lalaki, nga yara sa mga obeha."

20 Kag si Isai nagkuha sing isa ka asno nga *nalulanan* sing tinapay, isa ka panit nga alak, kag isa ka tinday sang kanding, nga ginpadalâ niya kay Saul sa kamut ni Dabid, nga iya anak.

21 Kag sang umabut si Dabid kay Saul, nagtindug sia sa atubangan niya. Kag ginhigugma niya sia sing daku; kag nanginmanugdalâ sia niya sing hingani-ban.

22 Kag si Saul nagpadalâ sa pagsiling kay Isai: "Ako nagaampo sa imo, nga magpabilin si Dabid kaúpud nakon, kay nakakita sia sing bugay sa akon mga mata."

23 Kag nahanabu nga, kon ang espi-ritu nga malain nga gikan sa Dios yara sa ibabaw ni Saul, si Dabid nagkuha sang arpa kag ginkutingkuting niya sang iya kamut, kag si Saul naumpawan kag maáyô sia, kag ang espiritu nga malain nagbulag sa iya.

Si Dabid nagapatay sa layug nga si Goliat.

**17** KAG ang mga Pilistinhon nagtipon sang iya mga kasoldadosan nga sa pag-awayan; kag nagtilipon sila sa Soko, nga iya ni Iuda, kag nagbutang sila sang dulugan sa tungâ sang Soko kag Aseka, sa Epes-dammim.

2 Kag si Saul kag ang mga tinawo ni Israel nagtilipon, kag nagbutang sang dulugan sa nalupyakan sang Terebinto, kag nagpahamtang sila sing pasunud sa pagaway batok sa mga Pilistinhon.

3 Kag ang mga Pilistinhon yara sila sa isa ka bukid sa isa ka luyo, kag ang mga Israelinhon yara sa isa ka bukid sang isa ka luyo, kag ang nalupyakan sa tungâ nila.

4 Kag naggowa sa dulugan sang mga Pilistinhon ang isa ka lalaki nga paladumug, nga ginhingalanan nga si Goliat, nga taga-Gat, kag may kataas sia nga anum ka maniko kag isa ka dangaw;

5 Kag nagdalâ sia sing isa ka pandong nga saway sa iya olo, kag napanaputan sia sang limbutong nga hinimbis, kag ang kabug-aton sang limbutong nga hinimbis lima ka libo ka mga siklo sa saway.

6 Kag may hapin nga saway sa iya

mga batiis, kag sa tungâ sang iya mga abaga ang isa ka bangkaw nga inugpalayog nga saway.

7 Kag ang ulungan sang iya bangkaw subung sang isa ka likisan sang manug-habol, kag ang taliwis sang iya bangkaw may anum ka gatus ka siklo nga salsa-lon; kag ang iya manugdalâ sing taming nagauna sa iya.

8 Kag nagtindug kag nagsingit sia sa mga pinanong nga pasunud ni Israel, kag nagsiling sia sa ila: "¿Tungud sa ano bala nga naggowa kamo sa pagpakig-away? ¿Indi ako bala ang Pilistinhon kag kamo ang mga ulipon ni Saul? Pili-li-kamo sa tungâ ninyo sing isa ka tawo, nga magkari batok sa akon.

9 Kon sia sarang makapakig-away sa akon kag marilasan niya ako, kami mangininyo mga ulipon; kag kon ako makasarang sing labi pa sa iya kag marilasan ko sia, kamo, manginulipon kamo namon, kag pagaalagdon ninyo kami."

10 Kag nagsiling ang Pilistinhon: "Karon akon ginpakahuy-an ang mga kasoldadosan nga pinasunud ni Israel. Hatagi-ninyo ako sing isa ka tawo, nga mag-away kami nga duha."

11 Kag sang pagkabati ni Saul kag sang bug-os nga Israel sang mga polong sang Pilistinhon, ginpamunaw sila kag nagkalahadluk sila sing daku gid.

12 Kag si Dabid among anak sadtong tawo nga Epratinhon, sa Betlehem sa Iuda, nga ang iya ngalan amo si Isai, nga may walo ka anak nga lalaki sia, kag ining tawo sa panag-on ni Saul among tigulang kag sobol na sa katigulangon sa tungâ sang mga tawo.

13 Kag ang tatlo ka anak nga magulang ni Isai nagkaladto sa pagsunud kay Saul sa pag-awayan. Kag ang mga ngalan sang iya tatlo ka anak, nga nagpalakadto sa pag-awayan, amo si Eliab, ang panganay, ang ikaduha, si Ahinadab, kag ang ikatlo, si Sama.

14 Kag si Dabid amo ang kamanghuran, kag ang tatlo ka magulang nagsuinud kay Saul.

15 Kag kon kaisa si Dabid nagapakadto kag nagapauli kay Saul sa pagbantay sang mga obehâ sang iya amay, sa Betlehem.

16 Kag nagapalapit yadtong Pilistinhon sa kaagahon kag sa kahaponon kag nagpahayag sia sing kap-atan ka adlaw.

17 Kag nagsiling si Isai kay Dabid,

nga iya anak: "Kuha-ka, ginaampo ko sa imo, nga sa imo mga útud sing isa ka epa sa sini nga uyas nga sinanlag, kag ining napúlô ka mga tinapay, kag dalagan ka sa dulugan sa imo mga útud.

18 Magadalâ ka man sining napúlô ka keso sa panglo sang ila linibo, kag pagatan-awon mo kon ang imo mga útud mga maayo sila, kag magkuha-ka sing mga kalig-onan sa ila.

19 Kag si Saul kag sila, kag ang tanan nga mga taga-Israel, yadto sila sa nalupyakan sang Terebinto nga nagapakig-away sa mga Pilistinhon."

20 Kag nagtindug si Dabid sing aga pa gid kag binayaan niya ang mga obehâ sa isa ka manugtatap, ginkuha niya ang iya lulan, kag naglakat sia, subung sang ginsogo sa iya ni Isai. Kag nagabut sia sa mga kanga, sa oras sang paggowa sang kasoldadosan sa pagpahamtang sa pasunud sa pagpakig-awayan, kag nagsilingit sila sang inaway.

21 Kag ang mga Israelinhon kag ang mga Pilistinhon nagpalahamtang sa pag-awayan, ang kasoldadosan batok sa kasoldadosan.

22 Kag ginbayaan ni Dabid ang iya lulan sa kamut sang mga bantay sang mga balon, kag nagdalagan sia sa kasoldadosan; kag sang pag-abut niya, nagpamangkot sia sa iya mga útud kon mga maayo sila.

23 Kag sang nagapakighambal pa sia sa ila, yari karon, yadtong paladumug nga ginahingalanan nga si Goliath, ang Pilistinhon nga taga-Gath, nga nagtaklad gikan sa mga pinanong sang mga Pilistinhon, kag naghambal sia sang amo man nga mga polong, nga nabatian ini sila ni Dabid.

24 Kag ang tanan nga mga tawo sa Israel, nga makakita sadto nga tawo, nagpalalagyo sila sa iya atubangan, kag may daku sila nga kahadluk.

25 Kag ang mga tinawo ni Israel nagsililing: "¿Nakit-an bala ninyo yadto nga tawo, nga nagataklad? Sia nagtaklad sa pagpakahuya kay Israel. Kon may tawo nga makapilas sa iya, ang hari magapamangad sa iya sing dalagku nga mga mangad; kag pagaihatag sa iya ang iya anak nga babae, kag indi pagpabuhison ang baláy sang iya amay sa Israel."

26 Kag naghambal si Dabid sa mga yara sa luyo niya, nga nagsiling:



"¿Ano bala ang pagahimoon sa tawo nga makapilas sa sini nga Pilistinhon, kag magkuha sang kahuluy-an ni Israel? Kay ¿sin-o bala ining Pilistinhon, nga ditinuli sa pagpakahuya sa mga kasoldadosan nga napasunud sang Dios nga buhi?"

27 Kag ang banwa naghambal sa iya sang amo man nga polong, nga nagsiling: "Amo ini ang pagahimoon sa tawo, nga magpilas sa iya."

28 Kag sang pagkabati ni Eliab, nga iya útud nga magulang, nga naghambal sia sa sadtong mga tawo, nagdabdab ang kaakig ni Eliab batok kay David, kag nagsiling sia: "¿Kay ngaa bala nagdulhog ka diri, kag sa kay sin-o bala pagitugyan sadtong diyotay nga mga obeha sa kahanayakan? Ako nakakilala sang imo pagpalabilabi kag sang kalainan sang imo tagiposoon, kay sa pagtan-aw sang inaway nagkari ka."

29 Kag si Dabid nagsiling: "¿Ano bala ang ginhimo ko karon? ¿Indi bala ini isa ka polong lamang?"

30 Kag sang bumulag sa iya, nagsaylo sia sa iban, kag naghambal sia sing amo man nga mga polong sa iya; kag nagsabat sa iya ang banwa subung sang sa úna.

31 Kag ang mga polong, nga ginhambal ni Dabid nabatian kag ginsugid sila kay Saul, nga ginpakari sia niya.

32 Kag si Dabid nagsiling kay Saul: "Indi mapunaw ang tagiposoon ni bisan sin-o bangud sa iya. Ang imo alagad magapakadto kag magapakig-away sa sining Pilistinhon."

33 Kag si Saul nagsiling kay Dabid: "Indi ikaw sarang sa pagkadto batok sadtong Pilistinhon sa pagpakigaway sa iya; kay ikaw pamatan-on pa, kag sia tawo sa pag-awayan kutub sang iya pagkamatan-on."

34 Kag si Dabid nagsabat kay Saul: "Ang imo alagad amo ang manugpahalab sang mga obeha sang iya amay, kag umabut ang isa ka leon, kon ang isa ka oso, kag nagdakup sing isa ka karnero sang pinanong;

35 Kag ako naggowa sa olehe niya, kag ginpilas ko sia, kag ginluwas ko sia sa iya bâbâ. Kag kon magtindug sia batok sa akon, gindakup ko sia sa sulang, kag ginpilas ko sia kag ginpatay ko sia.

36 Bisan Leon sia, bisan oso sia,

ginpilasan sang imo alagad. Kag ini nga Pilistinhon nga ditinuli mangin-subung sang isa sa íla, kay ginpakahuyan niya ang kasoldadosan nga napasunud sang Dios nga buhi."

37 Kag si Dabid nagsiling: "Si Iehoba nga nagluwas sa akon sa koko sang leon, kag sa koko sang oso, sia gid magaluwas man sa akon sa kamut sini nga Pilistinhon." Kag nagsiling si Saul kay Dabid: "Lakat-ka, kag si Iehoba manginúpud sa imo."

38 Kag ginpasaputan ni Saul si Dabid sang iya mga panapton, kag binutang niya sa ibabaw sang iya olo ang isa ka pandong nga saway kag ginpapanaputan sia sing limbutong.

39 Kag gintaklus ni Dabid ang hinganiban ni Saul sa ibabaw sang iya panapton, kag buut sia maglakat, kay walâ sia nga mas-a makatilaw. Kag si Dabid nagsiling kay Saul: "Ako indi sarang makalakat sa sini; kay walâ gid ako makatilaw." Kag kinuha ni Dabid ini sa ibabaw niya.

40 Kag kinuha niya ang iya sunkod sa kamut, kag nagpili sia sing lima ka bató nga mahining sang sapa, kag binutang niya sila sa púyo sang manugbantay sang mga obeha, sa balonan, kag ang iya labyug sa iya kamut, kag nagpadulong sia nayon sa Pilistinhon.

41 Kag ang Pilistinhon nagtaliwan kag sang nagapalapit, nagpalapit sia kay Dabid, kag ang iya manugdalâ sang taming nagúna sa iya.

42 Kag ang Pilistinhon nagtan-aw kag nakita niya si Dabid, kag gintamay niya sia; kay amo sia ang pamatan-on nga bulagaw kag maayoayo sing bayhon.

43 Kag ang Pilistinhon nagsiling kay Dabid: "¿Ido bala ako, agud nga magkari ka sa akon nga may mga bakol?" Kag ang Pilistinhon ginpakamaut niya si Dabid tungud sang iya mga dios.

44 Kag ang Pilistinhon nagsiling kay Dabid: "Kari-ka sa akon; kag pagaihatag ko ang imo unud sa mga kapispisan sang langit kag sa mga kasapatan sang latagon."

45 Niyan si Dabid nagsiling sa Pilistinhon: "Ikaw nagakari sa akon nga may hinganiban, nga may bangkaw, kag nga may bangkaw nga inugpalayug; apang ako nagakari sa imo sa ngalan ni

Iehoba sang Sebaot, ang Dios sang mga kasoldadosan nga napasunud ni Israel, nga imo ginpakahuy-an.

46 Si Iehoba magatugyan sa imo karon sa akon kamut; kag ako magapilas sa imo, kag pagakuhaon ko ang imo olo sa imo, kag pagaihatag ko karon ang mga bangkay sang dulugan sang mga Pilistinhon sa mga kapispisan sang lan- git, kag sa mga kasapatan sang duta; kag makahibalo ang bug-os nga duta, nga may Dios sa Israel.

47 Kag makahibalo ining bug-os nga katilingban, nga si Iehoba walâ magalu- was sa hinganiban kag sa bangkaw. Kay ang pagilinaway iya ni Iehoba, kag gin- tugyan niya kamo sa amon mga kamut."

48 Kag nahanabu nga, sang pagtindug sang Pilistinhon, kag nagpakadto kag nagpalapit sa pagsugata kay Dabid, si Dibid nagdalidali kag nagdalagan nayon sa kasoldadosan batok sa Pilistinhon.

49 Kag sang kinuot ni Dabid ang iya kamut sa balonan, nagkuha sia didto sing isa ka batô, kag linabyug niya sia, kag pinilas niya ang Pilistinhon sa agtang, kag ang batô nagdulôt sa agtang, kag napukan sia sa duta nga hapa.

50 Kag si Dabid sa isa ka labyug kag sa isa ka batô nanġinmakusug pa sia sang Pilistinhon, kag pinilas niya ang Pilistinhon kag pinatay niya sia, kag si Dabid walâ sing hinganiban sa iya kamut.

51 Kag si Dabid nagdalagan kag nag- tindug sa luyo sang Pilistinhon, kag ki- nuha niya ang hinganiban niya, nga ginabut niya sia sa iya tagub, kag pina- tay niya sia, kag sa iya inutûd niya ang olo. Kag sang pagkakita sang mga Pilistinhon, nga ang ila tawo patay na, nagpalalagyo sila.

52 Kag nagtilindug ang mga tawo ni Israel kag ni Iuda, kag nagsilingit sila; kag ginlagas nila ang mga Pilistinhon tubtub sa salamputan sa nalupayan, kag tubtub sa mga gawang sa Ekron. Kag ang Pilistinhon nga mga pilason sa kamatayon nagkalapukan sa dalanon sa Saarim, tubtub sa Gat kag tubtub sa Ekron.

53 Kag ang mga inanak ni Israel nag- balalik sa paglagas sa mga Pilistinhon kag inagawan sila nila sang ila dulugan.

54 Kag ginkuha ni Dabid ang olo sang Pilistinhon kag gindala niya sia sa

Ierusalem; apang binutang niya ang iya mga hinganiban sa iya layanglayang.

55 Kag sang pagkakita ni Saul kay Dabid, nga nagagowa sa pagsugata sa Pilistinhon, nagsilingsia kay Abner, nga pangolo sang kasoldadosan: "Abner, kay sin-o bala nga anak ining pama- tan-on?" Kag si Abner nagsiling:

56 "Magkabuhi ang imo kalag, oh hari, nga walâ ako makahibalo." Kag ang hari nagsiling: "Pamangkot-ka kon sin-o anak ining pamatan-on."

57 Kag sang pagpauli ni Dabid nga nakapatay sang Pilistinhon, kinuha sia ni Abner, kag ginpasulûd niya sia sa atubangan ni Saul, kag yara sa iya ka- mut ang olo sang Palistinhon.

58 Kag si Saul nagsiling sa iya: "Pa- matan-on, kay sin-o bala ikaw nga anak?" Kag si Dabid nagsiling: "Ako amo ang anak sang imo alagad, nga si Isai sa Betlehem."

Si Dabid ginahigugma ni Ionatan kag ginakabisaan ni Saul.

**18** KAG nahanabu nga, sang pagkata- pus niya sa paghambal kay Saul, ang kalag ni Ionatan natingub sa kalag ni Dabid; kag ginahigugma sia ni Ionatan subung sa iya kaugalingon nga kalag.

2 Kag kinuha sia ni Saul sadto gid nga adlaw, kag walâ niya sia pagtuguti sa pagpauli sa balay sang iya amay.

3 Kag naghimo sing katipan si Iona- tan kag si Dabid, kay sia nagahigugma sa iya subung sang iya kaugalingon nga kalag.

4 Kag si Ionatan naguba sang panap- ton nga yara nasul-ub niya, kag hina- tag niya sia kay Dabid, kag ang *iban* nga iya mga panapton patî ang iya hingani- ban, ang iya pana kag ang iya wagkus.

5 Kag naggowa si Dabid sa bisan diin nga ginpadala sia ni Saul, kag nagagi- nawi sia sing mabuut gid. Kag ginhimo sia ni Saul nga pangolo sang mga tawo sa pag-awayan, kag maayo sia sa mga mata sang bug-os nga banwa kag sa mga mata man sang mga alagad ni Saul.

6 Kag nahanabu nga, sang pagpalauli nila sa tapus na nga napatay ni Dabid ang Pilistinhon, naggulowa ang mga babae sa tanan nga mga banwa ni Is- rael, nga nagaalambahan kag nagasili- nadsad sa pagsugata sang hari nga si



Saul, nga may mga tambor, kag may mga pangalipay kag mga tilingting.

7 Kag ang mga babae nga nagakinut-tingkuting, nagsinabtanay kag nagsiling: "Si Saul nagpilas sang iya mga linibo, kag si Dabid sang iya mga tagpulo ka linibo."

8 Kag naakig si Saul sing daku gid, kag ini nga polong nanginmalaut sa iya mga mata, kag nagsiling sia: "Sa kay Dabid ginhatag nila ang tagnapulo ka mga linibo kag sa akon ginhatag nila ang mga linibo; kag ang nakulang lamang sa iya ang ginharian."

9 Kag kutub sadtong adlaw sa sumulunud si Saul nagtuluk kay Dabid sa malain nga panuluk.

10 Kag sa madason nga adlaw nahababu, nga ang espiritu nga malain gikan sa Dios naghikot kay Saul; kay nagpanagna sia sa iya balay. Kag si Dabid nagakutingkuting sa iya kamut subung sang iban nga mga adlaw: kag yara sa kamut ni Saul ang isa ka sumbiling.

11 Kag ginbalabad ni Saul ang sumbiling, nga nagasiling: "Pagailansang ko si Dabid sa dingding;" kag sa makaduha nagpalayo sa iya si Dabid.

12 Apang si Saul nagkahadluk kay Dabid; tungud kay si Iehoba kaupud ni Dabid, kag nagbulag sia kay Saul.

13 Kag pinalayo sia ni Saul sa iya, kag hinimo sia niya nga pangolo sang linibo, kag naggowa si Dabid kag nagsulud sa pangolohan sang banwa.

Si Dabid nanginmanagdala sing hingani-ban sang hari.

14 Kag si Dabid nagginawi sing ma-buut gid sa tanan niya nga mga buluhaton, kag si Iehoba yara upud sa iya.

15 Kag gintan-aw ni Saul, nga nagginawi sia sing ma-buut gid, kag tungud sini nagkahadluk sia sa iya.

16 Kag ang bug-os nga Israel kag Iuda naghigugma kay Dabid, kay sia naggowa kag nagsulud sa atubangan nila.

17 Kag si Saul nagsiling kay Dabid: "Yari karon ang akon anak nga babae nga magulang nga si Merab: pagaihatag ko sia sa imo nga asawa. Lamang nga mangintawo ka nakon nga maisug, kag maghimo ka sang mga pagilinaway ni Iehoba." Kag si Saul nagasiling: "Indi magmanibatok sa iya ang akon ka-

mut: apang ang kamut sang mga Pilistinhon manibatok sa iya."

18 Kag si Dabid nagsabat kay Saul: "Si sin-o bala ako, kag ano bala ang akon pagkabuhi, kag ano bala ang panimalay sang akon amay sa Israel, agud magmaninumagad ako sang hari?"

19 Kag nahanabu nga, sa panag-on sa paghatag kay Merab, nga anak nga babae ni Saul, sa kay Dabid, ginhatag sia nga asawa kay Adriel, nga Meolatinhon.

20 Apang si Mikal, anak nga babae ni Saul, naghigugma kay Dabid. Kag ginsugid ini kay Saul, kag ang butang nakapahamuut sa iya nga mata.

21 Kag si Saul nagsiling: "Pagaihatag ko sia sa iya, agud nga sia manginsiod sa iya, kag agud nga ang kamut sang mga Pilistinhon manibatok sa iya." Kag si Saul nagsiling kay Dabid sing makaduha: "Manginumagad ikaw nakon karon."

22 Kag si Saul nagsogo sa iya nga alagad: "Hambala-ninyo sa tago si Dabid, nga nagasiling sa iya: Yari karon, ang hari nagakahamuut sa imo, kag nahagugmaan ka man sang tanan niya nga mga alagad. Busa karon, manginumagad ka sang hari."

23 Kag ang mga umalagad ni Saul naghilambal sining mga polong sa mga idulungug ni Dabid. Apang si Dabid nagsiling sa ila: "Diyotay bala nga butang sa inyo mga mata ang manginumagad sang hari? Kag ako, isa ka tawo nga imol, kag sa diyotay nga kadunungan."

24 Kag ang mga umalagad ni Saul nagsulugid sini sa iya, nga nagasiling: "Amo ining mga polong nga girsiling ni Dabid."

25 Kag si Saul nagsiling: "Isiling-ninyo ang subung sini kay Dabid: walâ sing bisan ano nga hatag nga makapahamuut sing labi sa hari sang isa ka gatus ka inutud sang tinuli sa mga Pilistinhon, agud nga sia makatimalus sang mga kaaway sang hari." Kag si Saul naghahuna sa pagpukan kay Dabid tungud sang mga kamut sang mga Pilistinhon.

26 Kag ang iya mga alagad nagsulugid kay Dabid sining mga polong, kag nahamutan ini sa mga mata ni Dabid ang pagkamaninumagad sang hari; kag ang panag-on walâ pa matapus.

27 Kag nagtindug si Dabid kag nag-

lakat, sia kag ang iya mġa tinawo, kag pinilas niya ang duha ka gatus ka tawo sang mġa Pilistinhon; kag gindalá ni Dabid ang mġa inutúd sang tinuli nila, kag ginhatag nila ang igo gid nġa isip sa hari, agud nġa sia mahimo nġa umagad sang hari. Kag hinatag ni Saul sa iya nġa asawa ang iya anak nġa babae nġa si Mikal.

28 Apang si Saul, sang nakita niya kag ginkilala niya nġa si Iehoba yara upud kay Dabid kag nġa ang iya anak nġa babae nġa si Mikal nagahigugma sa iya,

29 Nagkahadluk pa gid sia kay Dabid, kag si Saul nanginkaaway ni Dabid sa tanan nġa mġa adlaw.

30 Kag sang nagagulowa ang mġa dunganon sang mġa Pilistinhon, nahanabu nġa, sa tagsatagsa ka oras nġa maggulowa sila, si Dabid nagpahayag sing labi pa kaalam sang tanan nġa mġa alagad ni Saul; kag ang iya nġalan nanginlabin mahal.

Si Ionatan nagaapin kay Dabid.

**19** KAG si Saul naghambal kay Ionatan, nġa iya anak, kag sa tanan niya nġa mġa alagad, agud nġa pagpatyon nila si Dabid. Apang si Ionatan, nġa anak ni Saul, nagapalanga kay Dabid sing daku gid.

2 Kag ginpahibalo ni Ionatan ini kay Dabid, nġa nagasiling: "Si Saul, nġa akon amay, nagahimulat sa pagpatay sa imo. Busa karon, ginaampo ko sa imo, mag-andam-ka karon tungud sa imo kutub sa kaagahon, kag magpanago-ka sa isa ka duug nġa tago.

3 Kag ako magagowa, kag magaingod ako sa akon amay sa latagon sa diin yara ikaw, kag magahambal ako ayon sa imo sa akon amay kag pagatan-awon ko nġa kon ano ayhan, kag pagapahibalo ko ikaw.

4 Kag si Ionatan naghambal kay Saul nġa iya amay sing maayo ayon kay Dabid kag nagsiling sia sa iya: "Indi magpakasalá ang hari batok sa iya alagad, batok kay Dabid, kay walá sia makasalá batok sa imo, kag bisan pa ang iya ginhimo may kapuslanan gid sa imo;

5 Kay sia nagbutang sang iya kabuhi sa palad sang iya kamut, kag ginpilas niya ang mġa Pilistinhon, kag ginhimo ni

Iehoba ang isa ka daku nġa kaluwasan sa bug-os nġa Israel. Ikaw nakakita sini, kag nagpanġalipay ka sa iya. Kag kay nġa bala magapakasalá ka batok sa dugo nġa walá sing salá, sa pagpatay sa kay Dabid sa walá sing kabangdanan?"

6 Kag sang pagkabati ni Saul sang tingug ni Ionatan, nagsumpa sia: "Magkabuhi si Iehoba, nġa indi sia pagapatyon."

7 Kag gintawag ni Ionatan si Dabid, kag ginpahayag niya sa iya ining tanan nġa mġa polong, kag ginpasulúd ni Ionatan si Dabid kay Saul, kag yara sia sa atubangan niya subung sadto nangay.

8 Kag nagsugud liwan ang ilinaway, kag naggowa si Dabid, kag nagpakig-away sia batok sa mġa Pilistinhon, kag pinilas niya sila sa daku nġa kinamatay, kag nagpalalagyo sila sa atubangan niya.

Si Saul nagahimulat sa pagpatay kay Dabid, kag nagdanġup sia sa luyo ni Samuel. Si Saul sa tunġa sang mġa manalagna.

9 Kag ang espiritu nġa malain gikan kay Iehoba nag-abut kay Saul. Kag sang nagalingkod sia sa iya baláy, nġa may isa sia ka sumbiling sa kamut, kag sang si Dabid yara nagakutingkuting sang iya kamut,

10 Si Saul naghimulat sa paglansang kay Dabid sang iya sumbiling sa dingding; apang sia naglikaw sa atubangan ni Saul, kag ginpilas niya sang sumbiling ang dingding. Kag si Dabid nagdala-gan, kag nagpalagyo sadto nġa gab-i.

11 Kag si Saul nagpadalá sing mġa manugbalita sa baláy ni Dabid, agud nġa pagpanilagan nila sia kag pagpatyon sia sa aga. Kag si Mikal nġa iya asawa, nagpahibalo sini kay Dabid, nġa nagasiling: "Kon indi mo pagluwason ang imo kabuhi sini nġa gab-i, buas sa aga pagapatyon ka."

12 Kag gintonton ni Mikal si Dabid sa isa ka talambuan, kag naglakat kag nagpalagyo sia; kag naglikaw sia.

13 Kag si Mikal nagkuha sang terapim kag binutang niya sia sa higdaan; kag pinahamtangan niya sa olohan sing isa ka hinabol nġa bulbul sang kanding, kag tinabunan niya sia sang isa ka panapton.

14 Kag si Saul nagpadalá sing mġa manugbalita sa pagdakup kay Dabid,



kag sia nagsiling sa ila: "Nagabalati-an sia."

15 Kag si Saul nagpadalá *liwan* sing mga manugbalita, agud nga magtan-aw sila kay Dabid, nga nagsiling: "Dalha-ninyo sa akon sia sa iya higdaan, agud nga pagpatyon ko sia."

16 Kag nagsululú ang mga manugbalita, kag yari karon ang terapim yara sa higdaan, kag isa ka hinabol nga bulbul sang kanding sa olohan.

17 Kag si Saul nagsiling kay Mikal: "¿Kay ngaa bala ginlimbongan mo ako sing subung kag gintugutan mo paglakat ang akon kaaway nga nagpalagyo?" Kag si Mikal nagsiling kay Saul: "Sia nagsiling sa akon: Tuguti ako paglakat, ¿kay ngaa bala pagapatyon ko ikaw?"

18 Kag si Dabid nagpalagyo kag naglikaw; kag nagpakadto sia kay Samuel, sa Rama; kag ginsugid niya sa iya ang tanan nga ginbuhat ni Saul sa iya. Kag naglakat sila, sia kag si Samuel, kag nagpulyô sila sa Nayot.

19 Kag ginpahibalo si Saul, nga nagsiling: "Yari karon, nga si Dabid yara sa Nayot, sa Rama."

20 Kag si Saul nagpadalá sing mga manugbalita, nga magadakup kay Dabid. Kag sang pagkakita nila sang isa ka katilingban sang mga manalagna, nga mga nagatalagna, kag kay Samuel nga nagatindug, nga nagadumala sa ila. Kag ang espiritu sang Dios nag-abut sa ibabaw sang mga manugbalita ni Saul, kag nagpalanagna man sila.

21 Kag sang pagsugid sini kay Saul, sia nagpadalá sing iban nga mga manugbalita, kag ini sila nagpalanagna man. Kag si Saul sa makatlo nagpadalá sing mga manugbalita, kag nagpalanagna man sila.

22 Kag sia gid, nagpakadto sa Rama, kag sang pag-abut niya sa daku nga bobon nga yara sa Seku, namangkot sia, nga nagsiling: "¿Diin bala si Samuel kag si Dabid?" Kag ginsabat sia: "Yari karon, yadto sila sa Nayot, sa Rama."

23 Kag nagpakadto sia didto sa nayot sa Rama. Kag nag-abut man sa ibabaw niya ang Espiritu sang Dios, kag nagpadayon sia sa iya dalanon, nga nagapanagna tubtub nga nag-abut sia sa Nayot, sa Rama.

24 Kag naguba sia man sang iya mga panapton, kag nagpanagna man sa atu-

bangán ni Samuel. Kag naghigda sia nga hubo sa duta sadtong bug-os nga adlaw, kag sadtong bug-os nga gab-i, bangud sini ginasiling: "¿Si Saul man bala sa tunga sang mga manalagna?"

Ang kalipan sa tunga ni Dabid kag ni Ionatan.

**20** KAG si Dabid nagpalagyo sa Nayot, sa Rama; kag nag-abut kag nagsiling sia sa atubangan ni Ionatan: "¿Ano bala ang ginhimo ko? ¿ano bala ang akon kalainan? kag ¿ano bala ang akon salâ sa atubangan sang imo amay, nga ginapangita niya ang akon kabuhi?"

2 Kag si Ionatan nagsiling sa iya: "¿Nga ang amo indi mahanabu! Dili ka mamatay. Yari karon, nga ang akon amay dili makahimo sing bisan ano nga butang nga daku, bisan diyotay, nga dili sia magsugid sa akon. ¿Kay ngaa bala nga pagtagoon sa akon sang akon amay ini nga butang? Ini indi manginamo."

3 Kag si Dabid nagsumpa liwan, nga nagsiling: "Ang imo amay nakahibalo sing masanag gid, nga ako nakakita sing bugay sa atubangan sang imo nga mata kag nagsiling ayhan sia: Indi makahibalo sina si Ionatan, agud nga indi magpangalisud sia. Apang sa pagkamatuud gid, magkabuhi si Iehoba kag magkabuhi ang imo kalág, nga walâ gani sing isa ka tikang sa tunga nakon kag sang kamatayon."

4 Kag si Ionatan nagsiling kay Dabid: "Pagahimoon ko sa imo ang tanan nga igasiling sang imo kalág."

5 Kag si Dabid nagsiling kay Ionatan: "Yari karon, nga buas amo ang lati, kag nagalingkod ako sa kinabatasan sa latok malapit sa hari sa pagkaon; tugutan-mo ako sa paglakat kag magapanago ako sa latagon tubtub sa kahaponon sang ikatlo ka *adlaw*."

6 Kon ang imo amay makasapo nga walâ ako, magasiling ka sa iya: Si Dabid nangayô sa akon sing hanoot gid, nga pagtugutan ko sia sa pagdalagan sa Betlehem, nga iya banwa; kay pagaiwaton didto, nga sa bug-os nga panimalay ang halad nga tinuig.

7 Kon sia magsiling: Maayo man, niyan may paghidaet sa imo alagad; apang kon maakig gid sia, mahibalo ka, nga ang kalainan tapat na batok sa iya.

8 Busa, magkalooy-ka sa imo alagad;

kay ginpasulúd mo sa pagkatipan ni Iehoba sa imo ang imo alagad. Kag kon may kalainan sa akon, patyon-mo gid ako ; ¿ kay ngaa bala nga pagdalhon mo ako sa atubangan sang imo amay ? ”

9 Kag si Ionatan nagsiling sa iya : “ ¡ Malayô sa imo ining *panghunahuna*. Kay kon ako makahibalo sing maminatud-on gid, nga ang kalainan nga tinapat sang akon amay, maholog sa imo, niyan ¿ indi sia bala nakon pagisugid sa imo ? ”

10 Kag si Dabid nagsiling kay Ionatan : “ ¿ Sin-o bala ang magapahibalo sa akon, kon ano nga matigdas nga sabat, nga sarang mahimo sa imo sang imo amay ? ”

11 Kag si Ionatan nagsiling kay Dabid : “ Kari-ka kag mapalatagon kita.” Kag nagpalatagon sila nga duha.

12 Niyan si Ionatan nagsiling kay Dabid : “ ¡ Iehoba, nga Dios ni Israel ! Kon masaladsad ko ang akon amay, buas kon sa isa ka buas sa aga sa sini nga oras, kon sia magpahayag nga maayo kay Dabid, kag niyan kon indi ako magpadalá sa imo kag indi ko sa imo pagisugid ini,

13 Si Iehoba maghimo sing subung kay Ionatan kag ini idugang niya. Apang kon ginapakamaayo sang akon amay ang pagbuhat sa imo sing malain, pagaisugid ko man ini sa imo, kag pagapakadtoan ko ikaw kag magalakat ka sa paghidaet. Kag si Iehoba manginkaúpud mo, subung sang iya pagúpud sa akon amay.

14 Kag indi lamang kon ako mabuhi, magagamit ka sa akon sing kaayohan ni Iehoba, nga indi ako mapatay,

15 Kondi man indi mo pagutdon sa walá sing katapusan ang imo kaayohan sa akon baláy, bisan pa pagutdon ni Iehoba ang tagsatagsa sang mga kaaway ni Dabid sa kadaygan sang duta.”

16 Kag naghimo si Ionatan sing katipan sa baláy ni Dabid, nga nagsiling : “ Nga pagpangayoon ini ni Iehoba sa kamut sang mga kaaway ni Dabid.”

17 Kag si Ionatan nagpasumpa liwan kay Dabid, tungud sang paghigugma niya sa iya ; kay ginahingma sia niya subung sang iya *kaugalingon* nga kalág.

18 Kag nagsiling sa iya si Ionatan : “ Buas amo ang lati, kag masapwan ikaw nga kulang, kay ang imo lingkoran magawalá sing sulúd.

19 Kag magahulat ka sa ikatlo ka adlaw, kag magadulhog ka sing madali gid,

kag magakari ka sa duug sa diin nagpanago ka sang adlaw sa sini nga butang. kag magapabilin ka malapit sa bató nga Esel.

20 Kag ako magapana sing tatlo ka baslay nayon sadtong luyo, subung nga nagapana ako sa iligoon.

21 Kag yari karon, magapadalá ako sang sologoon sa *pagsiling* : Lakat-ka, pangítaa ang mga baslay. Kag kon nagsiling ako sa pamatan-on : Yari karon, ang mga baslay nayon diri sa imo, puluton mo siia, kag magkari-ka ; amo ini kay may paghidaet sa imo, kag walá gid *sing kalainan* : magkabuhi si Iehoba.

22 Apang kon ako nagsiling sa pamatan-on sing subung : Yari karon, ang mga baslay sa unhan pa nimo, lakat-ka ; amo ini kay si Iehoba nagapadalá sa imo.

23 Kag nahanungud sa mga polong, nga aton ginpakighambalan ako kag ikaw, yari karon si Iehoba yara sa tungá naton nga duha sa gihapon.”

24 Kag si Dabid nagpanago sa latagon. Kag sang umabut ang lati, naglingkod ang hari sa pagkaon sing tinapay.

25 Kag ang hari naglingkod sa iya lingkoran, subung sang iban nga oras sa lingkoran sa luyo sang dingding.

26 Kag si Ionatan nagtindug, kag naglingkod si Abner sa luyo ni Saul, kag ang duug ni Dabid walay sulúd, apang sadtong adlaw si Saul walá gid sing ginsiling ; kay nagsiling sia sa iya kaugalingon : “ Isa ka butang ang nahababu sa iya ; indi sia matinlo, sa pagkamatuud, indi sia putli.”

27 Kag, sa masunud nga adlaw sang lati, sang ikaduha ka adlaw, ang lingkoran ni Dabid walá sing sulúd. Kag si Saul nagsiling kay Ionatan, nga iya anak : “ ¿ Kay ngaa bala walá magkari sa pagkaon ang anak nga lalaki ni Isai karon, bisan kahapon ? ”

28 Kag si Ionatan nagsabat kay Saul : “ Si Dabid nangayô sa akon sing hanoot gid nga tugutan ko sia sa *pagkadio* tub-tub sa Betlehem.

29 Kag nagsiling sia : Ginaampo ko sa imo nga tugutan mo ako sa pagkadto ; kay may isa ka halad kami sa panimaláy, kag ang akon gid útud ragpasogo sa akon sa *pagtambong*. Busa karon, kon nakakita ako sing bugay sa imo mga mata, tuguti ako sa pagdalagan kag sa



pagduaw sa akon mga útud. Tungud sini walâ makakari sia sa latok sang hari."

30 Kag ang kaakig ni Saul nagsiga batok kay Ionatan, kag nagsiling sia sa iya: "Anak nga mabudhion kag malalison, ¿walâ bala ako makahibalo sing maayo nga ikaw nagpili sa anak ni Isai, nga sa imo pagkahuya kag nga sa pagkahuya sang tian sang imo ilóy?"

31 Kay sa tanan nga panag-on nga ang anak nga lalaki ni Isai nagkabuhi sa ibabaw sang duta, ikaw indi magmangin-malig-on, bisan ang imo ginhari. Busa, ipadalâ karon kag dalha sia diri sa akon, kay takus sia sa kamatayon."

32 Kag si Ionatan nagsabat kay Saul nga iya amay kag nagsiling sa iya: "¿Kay ngaa bala pagapatyon sia? ¿Ano bala ang iya giubuhay?"

33 Kag si Saul nagbalabad sang iya sumbiling batok sa iya sa pagpilas sa iya: kag ginhangup ni Ionatan nga among tinapat sang iya amay ang pagpatay kay Dabid.

34 Kag tumindug si Ionatan sa latok nga may mainit nga kaakig, kag walâ magkaon sang tinapay sang ikaduha ka adlaw sang lati, kay may kasakit sia bangud kay Dabid, tungud kay ang iya amay nagpakahuya sa iya.

35 Kag sang pagkaaga naggowa si Ionatan sa latagon, sa duug nga ginpat-in kay Dabid, kag ang isa ka pamatan-on nga diyotay upud sa iya.

36 Kag nagsiling sia sa iya pamatan-on: "Dalagan, pangitaa, ginaampo ko sa imo, ang mga baslay nga akon igapana." Ang pamatan-on nagadalagan kag si Ionatan nagpana sang baslay, nga nagalapaw sa iya.

37 Kag nag-abut ang pamatan-on sa diin yara ang baslay, nga ginpana ni Ionatan; kag si Ionatan nagsingit sa olehe sang pamatan-on, kag nagsiling: ¿Walâ bala didto ang baslay sa unhan pa nimo?"

38 Kag nagsingit *liwan* si Ionatan sa olehe sang pamatan-on. "¿Dalidali-ka! abtik-ka ¿dili ka magdúlog!" Kag ang pamatan-on ni Ionatan nagpulot sang mga baslay, kag nagpakari sa iya ginoo.

39 Apang walâ sing bisan ano nga ginhangup ang pamatan-on. Lamang si Ionatan kag si Dabid naghinangpanay sang buluhaton.

40 Kag ginhatag ni Ionatan ang iya

mga hinganiban sa pamatan-on, kag nagsiling sa iya: "Lakat-ka, kag dalha sila sa banwa."

41 Kag sang pagtaliwan sang pamatan-on, nagtindug si Dabid sa luyo nga nabagatnan kag naghapa tubtub sa duta kag nagyaub sing makatlo; kag naghalukay sila, kag naghibiay sila, tubtub nga si Dabid naghibi sing mabaskug gid.

42 Kag si Ionatan nagsiling kay Dabid: "Lakat-ka *karon* sa paghidaet, nga kita nga duha nagsumpa tungud sang ngalan ni Iehoba, nga nagsiling: Si Iehoba manginsatungâ sa akon kag sa imo kag sa tunga sang akon kaliwatan kag sang imo kaliwatan sa gihapon."

43 Kag si Dabid nagtindug kag naglakat, kag si Ionatan nagsulúd liwan sa banwa.

Si Dabid nagapalagyo sa Nob, diin nagakeon sia sang tinapay nga balaan, sa olehe sa Gat, sa lungib sa Adulam kag sa duta ni Moab.

21 KAG nag-abut si Dabid sa Nob kay Ahimelek, nga saserdote. Kag si Ahimelek nagdalagan nga nagakurug sa pagsugata kay Dabid, kag nagsiling sia sa iya: "¿Kay ngaa bala isa lamang ikaw kag walâ sing bisan sin-o nga upud sa imo?"

2 Kag nagsiling si Dabid sa saserdote nga si Ahimelek: "Ang hari nagtugyan sa akon sing isa ka buluhaton, kag nagsiling sia sa akon: Walâ sing bisan sin-o nga makahibalo sang bisan ano sang buluhaton, nga tungud sa iya ginapadalâ ko ikaw, kag nga akon ginsogo sa imo. Kag ako nagtudlo sa akon mga solagoon sang isa ka duug.

3 Busa karon ¿ano bala ang yara sa imo kamut? Hatagi ako sing lima ka tinapay, kon ang yara lang."

4 Kag ang saserdote nagsabat kay Dabid kag nagsiling: "Walâ ako sing tinapay nga sa matagadlaw sa kamut, kondi may tinapay nga balaan; kon lamang ang *imo* mga pamatan-on naglikaw sa mga babae."

5 Kag si Dabid nagsabat sa saserdote kag nagsiling sa iya: "Sa pagkamatuud, ang mga babae nabulag sila kutub kahapon kag sa isa kahapon sa akon paghalin; nahanungud sang mga balonan sang mga pamatan-on mga balaan sila. Kag kon ining pagpanlakatan

dibalaan, pagabalaanon sia karon tungud sang mga balonan."

6 Kag ginhatag sa iya sang saserdote ang tinapay nga balaan, kay didto walâ sing *liwan* nga tinapay, kondi ang mga tinapay nga sa dayag, nga kinuha sila sa atubangan ni Iehoba, agud nga pagbutangan didto sing mga tinapay nga mainit, sa adlaw nga pagkuhaon ang iban.

7 Sadtong adlaw yadto didto ang isa sang mga alagad ni Saul, nga hinawiran sa atubangan ni Iehoba, nga ang iya ngalan amo si Doeg, nga Edominhon, nga pangolo sia sang mga manugbantay sang kahayupan ni Saul.

8 Kag si Dabid nagsiling kay Ahimelek: "¿Walâ ka bala diri sa kamut sing bangkaw kon hinganiban? Kay walâ ko madalâ ang akon hinganiban kag ang akon mga galamiton sa pagawayan, kay ang buluhaton sang hari nagakinahanglan sing pagkadali."

9 Kag ang saserdote nagsabat: "Ang hinganiban ni Goliat, ang Pilistinhon, nga imo ginpilas sa nalupyakan sang Terebinto yari diri, nga naputus sa isa ka panapton sa likod sang epod. Kon ikaw buut magkuha sa iya, kuhaa sa iya; kay diri walâ sing liwan, kondi ina." Kag nagsiling si Dabid: "Ihatag sa akon sia."

10 Kag sang nagtindug si Dabid sadtong adlaw, nagpalagyo sia sa atubangan ni Saul, kag nag-abut sia kay Akis, nga hari sa Gat.

11 Kag ang mga alagad ni Akis nagsililing sa iya: "¿Indi amo ini bala si Dabid, ang hari sang duta? ¿Indi amo ini bala, nga sa iya nag-alambahan sa sinabtanay sang sinadsad, nga nagsililing: Si Saul nagpilas sang iya mga linibo kag si Dabid sang iya mga tagpulo ka linibo?"

12 Kag pinahamtang ni Dabid sa iya tagiposoan ining mga polong, kag hinadlukan sia sing daku kay Akis, nga hari sa Gat.

13 Kag nagbaylo sia sang iya ihibalo sa atubangan sang ila mga mata kag nagpakabuang sa tungâ sang mga kamut nila, kag nagkudlit sia sa mga takup sang mga gawang, kag ginpailig niya ang iya laway sa iya bungut.

14 Kag si Akis nagsiling sa iya mga alagad: "Yari karon nagatan-aw ka-

mo nga ining tawo buang, ¿kay nga bala gindalâ ninyo sia sa akon?"

15 ¿Nakulang bala sa akon ang mga buang, nga pagdalhon ninyo diri sini nga magpakabuang sa atubangan nakanon? ¿Magasulud bala ini sia sa akon baláy?"

**22** KAG nagtaliwan si Dabid didto, kag nagdangup sia sa lungib sa Adulam. Kag sang pagkabati sini sang iya mga utud kag sang bug-os nga baláy sang iya amay, nagdululhog sila sa iya didto.

2 Kag nagtilipon sa iya ang tanan nga mga yara sa kalisud, kag ang tanan nga nakautang, kag ang tanan nga mga yara sa kapaitan sa espiritu, kag nanginpangolo sia nila. Kag didto upud sa iya may apat ka gatus ka tawo.

3 Kag naghalin si Dabid didto pa Mispa sa Moab. Kag nagsiling sia sa hari sa Moab: "Ginaampo ko sa imo, nga ang akon amay kag ang akon iloy maghalin sa *pagpuyô* upud sa inyo, tubtub nga mahibaloan ko ang pagabuhaton sang Dios sa akon."

4 Kag gindalâ niya sila sa atubangan sang hari sa Moab, kag nagpuluyô sila upud sa iya sa tanan nga panag-on, nga si Dabid didto sa kuta.

5 Kag ang manalagna nga si Gad nagsiling kay Dabid: "Dili ka magpuyô sa sini nga kuta; lakat-ka kag magsulud-ka sa duta sang Iuda." Kag si Dabid naglakat kag nagsulud sa talon sa Heret.

Ginapapatay ni Saul ang mga saserdote kag ang mga pumuluyo sa Nob.

6 Kag si Saul nakabati nga nakahibalo sing ano man nahanungud kay Dabid, kag sang mga yara upud sa iya. Kag si Saul naglingkod sa Gibeá, sa idalum sang isa ka sambag, sa kahitasaan, kag yara sa iya kamut ang iya bangkaw, kag ang tanan niya nga mga alagad nagatilindug malapit sa iya.

7 Kag si Saul nagsiling sa iya mga alagad, nga nagatilindug malapit sa iya: "Pamati-kamo karon, ginaampo ko sa inyo, mga Benyaminhon; ¿pagahatagan bala kamo nga tanan sang anak ni Isai sing mga latagon kag mga ulubasan? ¿Pagahimoon bala niya kamo tanan



nga mga pangolo sang linibo kag mga pangolo sang ginatus ;

8 Nga tanan kamo naghimbon batok sa akon, kag walay sin-o nga naghutik sa akon, sang ang akon anak nakigkatipan sa anak ni Isai ; kag walâ sing isa sa inyo nga nagakasakit tungud sa akon, kag magsugid sa akon, nga ang akon anak nagpatindug sa akon alagad batok sa akon, agud nga magpoot sa akon, subung sang nagakahanabu karon nga adlaw ? ”

9 Kag si Doeg, nga Edominhon, nga amo ang natukud sa ibabaw sang mga alagad ni Saul, nagsabat kag nagsiling : “ Nakita ko ang anak ni Isai. Nag-abut sia sa Nob, kay Ahimelek, nga anak ni Ahitab.

10 Kag ini sia namangkot kay Iehoba nahanungud sa iya, kag pinabalusan sia niya. Kag ginhatag man sa iya ang hinganiban ni Goliath, nga Pilistinhon.

11 Kag ang hari nagpadalâ sa pagpangita kay Ahimelek, anak ni Ahitob, nga saserdote, kag ang bug-os nga balâ sang iya amay, *kon sayoron* ang mga saserdote nga yara sa Nob. Kag ang tanan nag-abut sa hari.”

12 Kag si Saul nagsiling sa iya : “ Pamatii, ginaampo ko sa imo, anak ni Ahitob.” Kag sia nagsiling : “ Yari ako, ginoo ko.”

13 Kag nagsiling sa iya si Saul : “ ¿ Kay ngaa bala naghilimbon kamo batok sa akon, ikaw kag ang anak ni Isai, nga ginhatagan mo sia sing tinapay, kag isa ka hinganiban, kag namangkot ka nahanungud sa iya sa Dios, agud nga magtindug sia batok sa akon, kag magpuut sa akon, subung sang nahanabu karon nga adlaw ? ”

14 Kag si Ahimelek nagsabat sa hari kag nagsiling : “ Kag ¿ sin-o bala sa tungâ sang tanan mo nga mga alagad amo ang matutum subung kay Dabid, nga amo ang umagad sang hari, kag nga sarang makasulud sa imo salapulon nga tago kag dunganon sa imo balâ ? ”

15 ¿ Nagsugud ako bala kutub karon sa pagpamangkot tungud sa iya sa Dios ? ¿ Malayô sa akon ! Dili pagipahanungud sa akon sang hari bisan ano nga butang sa imo alagad, bisan sa bisan kay sin-o sa bug-os nga balâ sang akon amay. Kay ang imo alagad walâ makahibalo sing bisan ano nga butang sang sini nga buluhaton, bisan daku, bisan diyotay.”

16 Kag ang hari nagsiling : “ Sa pagkamatuud, mamatay ka, Ahimelek, ikaw kag ang bug-os nga panimalây sang imo Amay.”

17 Kag ang hari nagsiling sa mga manugdalagan, nga nagatindug malapit sa iya : “ Balika-ninyo kag patya-ninyo ang mga saserdote ni Iehoba ; kay ang kamut nila yara man kay Dabid, kag nahibaloan nila sing maayo, nga nagpalagyo sia kag walâ nila sia pagisugid sa akon.” Apang ang mga alagad sang hari walâ magbuut sa paguntay sang ila mga kamut sa pagsalakay sa mga saserdote ni Iehoba.

18 Kag nagsiling ang hari kay Doeg : “ Balik-ka kag duksul-ka batok sa mga saserdote.” Kag sang bumalik si Doeg, ang Edominhon, dumuksul sia batok sa mga saserdote. Kag ginpapatay niya sa sadtong adlaw ang kawaloan kag lima ka mga lalaki, nga nagapalanaput sang epod nga lino.

19 Kag sa Nob, banwa sang mga saserdote, pinilas ni Saul sa sulab sang hinganiban, ang mga lalaki kag ang mga babae, mga kabataan kag mga nagasuluso, mga kabakahan kag mga asno, kag mga obehâ, ang tanan sa sulab sang hinganiban.

20 Kag ang isa sang mga anak ni Ahimelek, anak ni Ahitob, nga ginahingalanang nga si Abyatar, nagpalagyo sa olehe ni Dabid.

21 Kag si Abyatar nagbalita kay Dabid kon paano ang pagpapatay ni Saul sang mga saserdote ni Iehoba.

22 Kag si Dabid nagsiling kay Abyatar : “ Ako nakahanungud, nga yadto didto sadtong adlaw si Doeg, nga Edominhon, nga sa walay duhaduha sia nakapanungud kay Saul. Amo ako ang kabangdanan sang kamatayon sang tanan nga mga tawo sa balâ sang imo amay.

23 Pabilin ka upud sa akon, dili ka magkahadluk ; kay kon sin-o ang magpangita sang akon kabuhi, nagapangita man sang imo kabuhi. Kag ikaw magâ upud sa akon subung nga binantayan.”

Si Dabid nagaluwas sa mga pumuluyo sang Keila.—  
Ginalagas sia ni Saul kag nagabag-o sang  
iya katipan kay Ionatan.

**23** KAG ginpahibalo si Dabid, nga nagsiling : “ Yari karon ang mga Pilistinhon nagaaway batok sa

Keila, kag ginakawat nila ang mga linasan."

2 Kag si Dabid nagpamangkot kay Iehoba, nga nagsiling: "¿Magapakadto ako bala sa pagpilas sa sining mga Pilistinhon?" Kag si Iehoba nagsiling kay Dabid: "Lakat-ka kag pilasa ang mga Pilistinhon, kag luwasa ang Keila."

3 Kag ang mga tawo ni Dabid nagsililing sa iya: "Yari karon, kami diri gid sa Iuda may kahadluk kami; labi na gid kon magkadto kita sa Keila batok sang kasoldadosan nga napasunud sang mga Pilistinhon."

4 Kag si Dabid nagbalik sa pagpamangkot kay Iehoba. Kag si Iehoba nagsabat sa iya kag nagsiling: "Tindug-ka, dulhog-ka sa Keila, kay ako magatugyan sa mga Pilistinhon sa imo kamut."

5 Kag naglakat si Dabid upud ang iya mga tinawo sa Keila, kag nagpakigaway sia batok sa mga Pilistinhon, kag gindala niya ang ila mga kahayupan; kag pinilas niya sila sa daku nga kamatay, kag linuwas ni Dabid ang mga taga-Keila.

6 Kag si Abyatar, nga anak ni Ahimelek, nagpalagyo kay Dabid sa Keila, kag nagdulhog sia nga may isa ka epod sa iya kamut.

7 Kag ginsugid kay Saul, nga si Dabid nagsulud sa Keila. Kag si Saul nagsiling: "Ang Dios nagtugyan sa iya sa akon mga kamut; kay sia yara natakan, sang nagsulud sa isa ka banwa nga may mga gawang kag mga pintal."

8 Kag gintawag ni Saul ang bug-os nga banwa sa pag-awayan, sa pagdulhog sa Keila, agud sa pagkibon kay Dabid kag sa iya mga tinawo.

9 Kag nakilala ni Dabid, nga si Saul nagpadugi sining malain nga katuyoan batok sa iya, kag nagsiling sia kay Abyatar, nga saserdote: "Dalha diri ang Epod."

10 Kag si Dabid nagsiling: "Iehoba, nga Dios ni Israel, ang imo alagad may pagkilala nga totoo nga si Saul nagahimulat sa pagkari batok sa Keila, sa paglaglag sang banwa bangud sa akon:

11 ¿Pagaitugyan ako bala sang mga pumuluyô sa Keila sa iya mga kamut? ¿Magadulhog bala si Saul, subung sang nabatian sang imo alagad? Iehoba, nga Dios ni Israel, nagaampo ako sa imo, nga ipahayag mo ini sa imo ala-

gad." Kag si Iehoba nagsiling: "Hoo, magadulhog sia."

12 Kag si Dabid nagsiling: "¿Pagitugyan ako bala sang mga pumuluyô sa Keila, ako kag ang akon tinawo, sa mga kamut ni Saul?" Kag si Iehoba nagsiling: "Pagaitugyan ka nila."

13 Kag si Dabid nagtindug kaupud sang iya mga tinawo, nga may anum ka gatus sila, kag naggolowa sila gikan sa Keila, kag nagpalakadto sila sa bisan diin nga sarang nila makadtoan. Kag ginpahibalo kay Saul, nga si Dabid nagpalagyo sa Keila; kag naguntat sia sa paggowa.

14 Kag si Dabid nagpuyô sa kahanayakan, sa mga duug nga malig-on, kag nagpuyô sia sa kabukiran, sa kahanayakan sa Sip. Kag nagpangita sa iya si Saul sa tanan nga mga adlaw; apang walâ sia pagaitugyan sang Dios sa iya mga kamut.

15 Kag nakita ni Dabid, nga si Saul naggowa sa pagpangita sang iya kabuhi; kag si Dabid yadto sa kahanayakan sa talon nga masiot sa Sip.

16 Kag si Ionatan, nga anak ni Saul, nagtindug kag nagkadto kay Dabid sa talon, kag ginpabakud niya ang iya kamut sa Dios;

17 Kag nagsiling sia sa iya: "Dili ka mahadluk, kay indi ka malambut sang kamut ni Saul, nga akon amay; kag ikaw magahari sa ibabaw ni Israel, kag ako manginikaduha sa olehe mo. Kag ini man si Saul, nga akon amay, makahibalo sing maayo."

18 Kag sila nga duha nagpakigkatipan sa atubangan ni Iehoba. Kag si Dabid nagpabilin sa talon, kag si Ionatan nagpauli sa iya baláy.

19 Kag nagtalaklad ang mga Sipinhon kay Saul sa Gibeá sa pagising: "¿Walâ bala magapanago si Dabid sa tungâ namon sa mga duug nga malig-on sa talon, sa bakolod sa Hakila, nga yara sa too sa patag nga nahapay?"

20 Kag karon, hari, tungud kay ang tanan nga handum sang imo kalág amo ang pagdulhog, dulhog-ka sing madali; kag nahanungud sa amon amo ang pagtugyan sa iya sa kamut sang hari."

21 Kag si Saul nagsiling: "Mga pinapakamaayo kamo ni Iehoba, kay nagkalooy kamo sa akon.

22 Lakat-kamo, ginaampo ko sa inyo, pakisayud-kamo sing labi pa, kag kila-



laha-ninyo kag tan-awa-ninyo ang iya duug, kon diin ang iya tiil, kag kon sin-o ang nakakita sa iya didto; kay ginsiling sa akon, nga sia amo ang tama gid ka malalanon.

23 Tan-awa-ninyo kag kilalaha-ninyo kon diin sang tanan nga mga palanagoan sia nagapanago, kag balik-kamo sa akon nga may balita nga tatoo, kag ako magapakadto upud sa inyo: kon sia yara lang sa duta, ako magapangita sa iya sa tanan sa tunga sang tanan nga mga linibolibo sa Iuda.\*

24 Kag ang mga Sipinhon nagtilindug, kag nagpalakadto sa Sip, sing una kay Saul. Apang si Dabid kag ang iya mga tinawo yara sa kahanayakan sa Maon, sa kapatagan yara sa too sang patag nga nahapay.

25 Kag naglakat si Saul kaupud sang iya mga tinawo sa pagpangita sa iya, kag ginpahibalo ini kay Dabid, kag nagdulhog sia sa pil-as kag nagpuyô sia sa kahanayakan sa Maon. Kag sang pagkabati sini ni Saul, ginlagas niya si Dabid sa kahanayakan sa Maon.

26 Kag si Saul naglakat sa isa ka luyo sang bukid, kag si Dabid kag ang iya mga tinawo sa isa ka luyo sang bukid. Kag si Dabid nagpalagyo sing dalidali sa paguna kay Saul; kag si Saul kag ang iya mga tinawo naghilumulat sa pagkibon kay Dabid kag sa iya mga tinawo, sa pagdakup sa ila.

27 Kag nag-abut ang isa ka manug-balita kay Saul, nga nagasiling: "Dalidali-ka kag pakari-ka; kay ang mga Pilistinhon naghimo sing lugus nga pagsulud sa kadutaan."

28 Kag nagsisol si Saul sa paglagas kay Dabid, kag naglakat sia sa pagsugata sa mga Pilistinhon. Tungud sini ginhingalanan nila yadto nga duug nga Sela-malekot.\*

Si Dabid nagapatawad sang kabuhi ni Saul.

**24** KAG si Dabid nagtaklad kutub didto, kag nagpuyô sa mga duug nga malig-on sa En-gedi.

2 Kag nahanabu nga, sang pagisol ni Saul sa paglagas sa mga Pilistinhon, ginpahibalo sia, nga nagasiling: "Yari

karon, nga si Dabid yara sa kahanayakan sa En-gedi."

3 Kag nagkuha si Saul sing tatlo ka libo ka tawo nga mga pinili sa bug-os nga Israel, kag nagpakadto sia sa pagpangita kay Dabid kag sa iya mga tinawo sa mga pil-as sang mga kanding nga talunon.

4 Kag nag-abut sia sa mga palasudlan sang mga obeha, sa dalanon; kag didto may isa ka lungib, kag nagsulud si Saul sa iya sa pagtabon sang iya mga tiil. Kag si Dabid kag ang iya mga tinawo yadto sila sa sulud gid sang lungib.

5 Kag ang mga tinawo ni Dabid nagsililing sa iya: "Yari karon, ang adlaw nga ginsiling sa imo ni Iehoba: Yari karon, nga ginatugyan ko ang imo mga kaaway sa imo mga kamut. Busa, pagabuhaton mo sa iya ang ginapakamayo sa imo mga mata." Kag nagtindug si Dabid, kag sing maabtik gid inutud niya ang sidsid sang panapton ni Saul.

6 Kag nahanabu sa tapus sini, nga ang tagiposoon ni Dabid nagpilas sa iya, kay ginutud niya ang sidsid sang panapton ni Saul.

7 Kag nagsiling sia sa iya mga tinawo: "Malayô sa akon, nga gikan kay Iehoba nga ako maghimo batok sa akon ginoo, sa hinaplas ni Iehoba, sang amo nga butang, nga ako maguntay sang akon kamut batok sa iya; kay amo sia ang hinaplas ni Iehoba."

8 Kag ginpungan ni Dabid ang iya mga tinawo sa sining mga polong, kag walâ niya sila pagtuguti, nga magtilindug sila batok kay Saul. Kag si Saul, nagtindug sa lungib, kag nagpadayon sang iya paglakat.

9 Kag si Dabid nagtindug *man*, sa tapus sini, kag gumowa sia sa lungib kag nagsingit sa olehe ni Saul, nga nagasiling: "Akon ginoo, oh hari." Kag sang bumalikid si Saul, si Dabid nagyaub sa duta kag naghapa.

10 Kag si Dabid nagsiling kay Saul: "Kag nga bala nagapamati ka sang mga polong sang mga nagasiling sa imo: Yari karon, si Dabid naghilumulat sa paghimo sa imo sing kalainanan?"

11 Yari karon, nakita sang imo mga mata karon nga adlaw, nga si Iehoba nagtugyan sa imo karon sa akon mga kamut sa lungib. Kag ginsiling nga pagpatyon ko ikaw, apang ginpatawad

\* Sela-malekot, pil-as sang mga pagbulag.

ko ikaw, kag nagsiling ako: Indi ko pagauntayon ang akon kamut batok sa akon ginoo, kay hinaplas sia ni Iehoba.

12 Kag tuluka, amay ko, hoo, tuluka pa ang sidsid sang imo panapton sa akon kamut. Tunğud kay ginutud ko ang sidsid sang imo panapton, kag walâ ko ikaw pagpatya, kilalaha kag tan-awa, nga walâ sa akon kamut sing kalainan bisan salâ kag walâ makasâla ako batok sa imo; apang ikaw, nagapangayam sang akon kabuhi sa pagkuha sa iya.

13 Hukman ni Iehoba sa tunğâ nimo kag sa tunğâ nakon, kag magtimalus sa imo si Iehoba tunğud sa akon, apang ang akon kamut indi manginbatok sa imo.

14 Subung nga ginasiling sang holobaton sang mğa tigulang: Sa mğa malauton nagagowa ang kalautan; kag ang akon kamut indi magmanginbatok sa imo.

15 ¿Sa olehe bala ni sin-o nagkowa ang hari sa Israel? ¿Si sin-o bala ang ginalagas mo? ¿Sa isa ka ido nga patáy, sa isa ka bitik!

16 Kag si Iehoba manginhukom, kag pagahukman niya sa tunğâ nakon kag nimo; kag usisaon niya, kag apinan niya ang akon kasaba, kag maghimo sia sing katarungan sa akon, nga luwason niya ako sa imo kamut."

17 Kag nahanabu nga, sang si Dabid nakatapus sa paghambal sining mğa polong kay Saul, si Saul nagsiling: "¿Amo bala ini ang imo tingug, anak ko nga si Dabid?" Kag ginbayaw ni Saul ang iya tingug kag naghibi.

18 Kag nagsiling sia kay Dabid: "Ikaw among labing matarung pa sa akon; kag ginbayaran mo ako sing maayo, kag ako, nagbayad ako sa imo sing malain;

19 Kag ikaw nagpahayag karon, nga nagbuhat ka sa akon sing maayo, kay gintugyan ako ni Iehoba sa imo kamut kag walâ mo ako pagpatya.

20 Kay, kon ang isa ka tawo makakita sang iya kaaway, ¿pagatugutan bala niya sia sa paglakat sa iya dalanon nga ginahimoan sing maayo? Tunğud sini si Iehoba magahimo sa imo sing maayo nga balus sa sini nga ginbuhat mo sa akon, sa sining adlaw.

21 Kag karon, yari karon, ako nakakilala nga, sa pagkamatuud, ikaw ma-

gahari kag nga ang ginharian sa Israel manginmabakud sa imo kamut.

22 Busa ngani, sumpa-ka sa akon karon, tunğud kay Iehoba, nga indi mo pagutdon ang akon kaliwatan sa olehe nakon, bisan pagpanason mo ang akon ngalan sa baláy sang akon amay."

23 Kag si Dabid nagsumpa sini kay Saul, kag nagpauli si Saul sa iya, baláy, kag si Dabid kag ang iya mğa tinawo nagtaklad sa duug nga malig-on.

Ang kamatayon ni Samuel.—Ang pagkaharoharo ni Nabal, kag ang pagkabut-anan ni Abigail.

**25** KAG namatay si Samuel, kag nagtipon ang bug-os nga Israel, kag nagpanalabiton sa iya; kag ginlubung sia nila sa iya baláy sa Rama. Kag si Dabid nagtindug kag nagdulhog sa kahanayakan sa Paran.

2 Kag sa Maon may isa ka tawo nga may buluhaton sa Karmelo, kag ang tawo tama gid ka mangaranon; nga may tatlo sia ka libo ka obeha kag isa ka libo ka kanding. Kag didto sia sa Karmelo sa paggunting sang mğa bulbul sang iya mğa obeha.

3 Ang ngalan sang tawo amo si Nabal, kag ang ngalan sang iya asawa si Abigail. Kag ang babae mahibaloanon gid kag maayoayo sing bayhon; apang ang lalaki matig-a kag malain sing mğa binuhatan; kag sa kaliwatan sia ni Kaleb.

4 Kag nabatian ni Dabid sa kahanayakan, nga si Nabal nagagunting sang bulbul sang iya mğa obeha.

5 Kag si Dabid nagpadalâ sing napulô ka pamatan-on, kag nagsiling sia sa mğa pamatan-on: "Taklad-kamo sa Karmelo, kag kadto-kamo kay Nabal, kag pangayô kamo, sa akon ngalan, sing balita sa paghidaet;

6 Kag isiling-ninyo sa iya ang subung sini: ¿Sa kabuhi! Ang paghidaet sa imo, ang paghidaet sa imo panimaláy, ang paghidaet sa tanan nga imo.

7 Kag karon nakabati ako, nga may mğa manuggunting ka. Ang imo mğa manugbantay nagpuluýô upud sa amon; kag walâ namon sila paghimoi sing lain; kag walâ sila sing nakulang sa bug-os nga dag-on nga didto sila sa Karmelo.

8 Pamangkota ang imo mğa sologon, nga sila magasililing sa imo sini. Tunğud sini makakita ining mğa solo-



goon sing bugay sa imo mġa mata ; kay nagkari kami sa isa ka maayo nġa adlaw. Ginaampo ko sa imo, nġa ihatag mo sa imo mġa alagad kag sa imo anak nġa si Dabid ang yara sa imo kamut."

9 Kag sang pag-alabut sang mġa pamatan-on ni Dabid, ginhambal nila kay Nabal ining tanan nġa mġa polong, sa nġalan ni Dabid, kag naghululat nġa mahipus.

10 Kag si Nabal nagsabat sa mġa pamatan-on ni Dabid kag nagsiling : "ġ Si sin-o bala si Dabid? kag ġ si sin-o bala ang anak ni Isai? May madamu nġa mġa alagad karon, nġa nagalapta gikan sa atubangan sang ila mġa ginoo.

11 ġ Magakuha bala ako karon sang akon tinapay, kag sang akon tubig, kag sang akon inihaw, nġa ginpugutan ko nġa sa akon mġa manugpunting, kag pagaihatag ko sia sa mġa tawo nġa ambut kon tagadiin sila?"

12 Kag nagbalalik ang mġa pamatan-on ni Dabid, nġa nagpalauli sa ila dalanon kag nag-alabut sila, kag nagsulugid sila kay Dabid sining tanan nġa mġa polong.

13 Kag si Dabid nagsiling sa iya mġa tinawo : "Magtaklus ang tagsatagsa sang iya hinganiban." Kag nagtaklus ang tagsatagsa sang iya hinganiban; kag si Dabid nagtaklus man sang iya hinganiban. Kag nagtalaklad sila sa olehe ni Dabid nġa may apat ka gatus ka tawo; kag napabilin ang duha ka gatus sa mġa balon.

14 Apang ang isa sang mġa pamatan-on ni Nabal nagsugid sini kay Abigail, nġa asawa ni Nabal, nġa nagsiling : "Yari karon si Dabid nagpadala sing mġa manugbalita gikan sa kahanayakan sa pagpakamaayo sa amon agalon, kag sia nagyaguta sa ila.

15 Apang yadtong mġa tawo nanġinlabing maayo sa amon; walā sila maghilimo sa amon sing bisan ano nġa kalainan, walā sing bisan ano nġa nakulang sa amon sa bug-os nġa panag-on nġa naglakat kami kaupud sa ila, sang kami didto sa latagon.

16 Nanġinkuta namon sila sa kaadlawan kag sa kagab-ihon, sa bug-os nġa panag-on nġa didto kami kaupud nila, nġa nagapahalab sang mġa obeha.

17 Nġani karon, kilalaha kag tuluka ang imo pagahimoon; kay ang kalainan yara natapat batok sa amon ginoo kag

batok sa bug-os niya nġa balay; kag amo sia ang tama ka anak ni Belial, nġa walā sing sin-o nġa sarang makahambal sa iya."

18 Kag si Abigail nagdalidali, kag nagkuha sing duha ka gatus ka tinapay, kag duha ka panit nġa alak, kag lima ka obeha nġa linuto, kag lima ka sukub sang sinanlag nġa uyas, kag isa ka gatus ka binitay sang ubas nġa binulad kag duha ka gatus ka tinapay sang igos, kag ginlulan niya sila sa mġa asno.

19 Kag sia nagsiling sa iya mġa alagad : "Una-kamo sa akon; yari karon ako magasunod sa inyo." Apang sa iya bana nġa si Nabal walā sia nagsiling.

20 Kag sang nagdulhog sia, nġa nagakabayo sa isa ka asno, sa isa ka bahin nġa natabunan sang bukid, yari karon, si Dabid kag ang iya mġa tinawo nagdulhog sa unhan niya, kag sia nagsugata sa ila.

21 Kag si Dabid nagsiling sadto : "Sa pagkamatuud, walā sing pulus ang pagbantay ko sang tanan nġa iya sini sa kahanayakan, nġa walā gid sing nakulang sang tanan nġa iya; sia nagbalus sa akon sang kalainan tungud sang kaayohan.

22 Amo ini ang paghimoon sang Dios, kag amo ini ang pagidugang sa mġa kaaway ni Dabid, kon ako karon kutub sang kasanag sang adlaw magbilin sang tanan nġa iya bisan pa isa lamang ka tawo."

23 Kag sang pagkakita ni Abigail kay Dabid, naglusad sia sing madali gid sa asno, kag nagyaub sia sa duta sa atubangan ni Dabid, kag naghapa.

24 Kag napahamtang sia sa iya tiilan, kag nagsiling : "Ginoo ko, ang salā manginsaiabaw nakon. Apang, ginaampo ko sa imo, nġa ang imo alagad maghambal sa imo mġa idulungug, kag pamatii ang mġa polong sang imo alagad.

25 Indi pagibutang karon sang akon ginoo ang iya tagiposoan sa sadtong tawo ni Belial, sa sini nġa si Nabal,\* kay sono sang iya nġalan amo sia: ginatawag sia si Nabal, kag ang kabuanġan yara sa iya. Apang ako, nġa imo alagad, walā makakita sang mġa pama-

\* Nabal, buangbuang, banyaga.

tanon sang akon ginoo, nga sa ila ginpadalá mo.

26 Busa karon, ginoo ko, magkabuhi si Iehoba kag magkabuhi ang imo kalág, nga si Iehoba nagpugung sa imo nga mag-abut ka sa pagpatolo sing dugo, kag sa pagluwas sa imo tungud sa imo gid nga kamut. Busa karon, manginsubung kay Nabal ang imo mga kaaway kag ang tanan nga mga nagahilimulat sang kalainan sang akon ginoo.

27 Kag karon ining pagpakamaayo, nga gindalá sang imo alagad sa akon ginoo, among hatag sa mga pamatan-on, nga nagasulunud sa tikang sang akon ginoo.

28 Kag ako nagaampo sa imo, nga patawaron mo sa imo alagad ining salá; kay si Iehoba magahimo, sa pagkamatuud, sing isa ka baláy nga malig-on sa akon ginoo, tungud kay ang akon ginoo nagapakigaway sang mga inaway ni Iehoba, kag walá sing makita nga kalainan sa imo sa tanan mo nga mga adlaw.

29 Kag kon may tawo nga magtindug sa paglagas sa imo kag sa pagpangita sang imo kalág, ang kalág sang akon ginoo pagabugkosan sa bahandi sang kabuhi upud kay Iehoba, nga imo Dios. Kag pagailabyug niya sa malayô ang kalág sang imo nga kaaway sa palad sang labyug.

30 Kag magakahanabu nga, kon si Iehoba maghimo sa akon ginoo, sono sang tanan nga kaayohan nga ginhambal niya nahanungud sa imo, kag magtukud sia sa imo nga pangolo sa ibabaw ni Israel.

31 Ini indi manginkasandaran sa imo, bisan isa ka kasubu sa tagiposoon sang akon ginoo, nga nagpatolo ka sing dugo sa walá sing kabangdanan, bisan nga ang akon ginoo nagluwas sa iya kaugalingon. Kag kon si Iehoba maghimo sing kaayohan sa akon ginoo, niyan dumuma ang imo alagad."

32 Kag si Dabid nagsiling kay Abigail: "Dalayawon si Iehoba, ang Dios ni Israel, nga nagpadalá karon sa imo sa pagsugata sa akon.

33 Kag dalayawon ang imo maayo nga ihibalo kag dalayawon ikaw, nga nagpugung sa akon karon sa pagpatolo sing dugo kag sa pagluwas sa akon sa akon gid nga kamut.

34 Kag magkabuhi si Iehoba, ang

Dios ni Israel, nga nagpugung sa akon sa paghimo sa imo sing kalainan, nga kon ikaw walá magdalidali sa pagkari sa pagsugata sa akon, sa pagkamatuud, walá sing mabilin kay Nabal, kutub sa kasanag sang aga, bisan isa lamang ka lalaki."

35 Kag ginbaton ni Dabid sa iya kamut ang gindalá niya sa iya. Kag nagsiling sia sa iya: "Taklad-ka sa paghidaet sa imo baláy; kag, tan-awa, ginpamatian ko ang imo tingug, kag may pagtahud ako sa imo."

36 Kag si Abigail nag-abut kay Nabal; kag yari karon, sia may isa ka piesta subung nga piesta sang hari, kag ang tagiposoon ni Nabal nagapanglipay sa sulúd niya, kag tama ka hubug sia; kag sia walá magsugid sa iya sing isa ka polong, bisan diotay, bisan daku tub-tub sa kasanag sang aga.

37 Kag sa pagkaaga sang nahuwasan sang alak si Nabal, ginsugiran sia sang iya asawa sadtong mga butang; kag ang iya tagiposoon namatay sa sulúd niya kag nanginsubung sia sang isa ka bató.

38 Kag sang lumigad ang napulô ka adlaw ginpilas ni Iehoba si Nabal, kag namatay sia.

39 Kag sang pagkabati ni Dabid, nga si Nabal patay na, nagsiling sia: "Dalayawon si Iehoba, nga nag-apin sang kasaba sa kahuluy-an nga ginhimo sa akon ni Nabal, kag ginpungan ang imo alagad sa paghimo sang kalainan. Ginpabalik ni Iehoba ang kalainan ni Nabal sa ibabaw sang iya olo." Kag nagpadalá si Dabid sa paghambal kay Abigail, sa pagpangasawa sa iya.

40 Kag ang mga alagad ni Dabid nag-alabut kay Abigail sa Karmelo, kag naghalambal sila sa iya, nga nagasililing: "Si Dabid nagpadalá sa amon sa imo sa pagpangasawa sa imo."

41 Kag sia nagtindug, kag nagyaub sa duta, nga nagsiling: "Yari karon, ang imo alagad magamanginulipon sa naghunaw sang mga tiil sang mga ulipon sang akon ginoo."

42 Kag si Abigail nagdalidali sa pagtindug kag sumakay sia sa isa ka asno, subung man ang lima sang mga pamatan-on nga babae, nga nagasulunud sa iya. Kag sia nagsunud sa mga manugbalita ni Dabid, kag nanginiya asawa sia.

43 Si Dabid nangasawa man kay Ahi-



noam, nga taga-Iesreel ; kag sa sini sila nga duha nanginiya mga asawa.

44 Kag si Saul ginhatag niya ang iya anak nga si Mikal, nga asawa ni Dabid, kay Palti, anak ni Lais, nga taga-Galim.

Si Dabid nagapatawad liwat sang kabuhi ni Saul.

**26** KAG nag-alabut ang mga Sipinhon kay Saul, sa Bibeá, nga nagasingling: “¿Walá bala si Dabid magapanago sa bakolod sa Hakila, nga nagatubang sa patag nga nahapay.

2 Kag si Saul nagtindug kag nagdulhog sa kahanayakan sa Sip, nga upud sa iya sing tatlo ka libo ka mga tawo nga pinili sa Israel, sa pagpangita kay Dabid sa kahanayakan sa Sip.

3 Kag ginbutang ni Saul ang dulugan sa bakolod sa Hakila, nga yara sa atubang sa patag nga nahapay sang dalan. Kag si Dabid nagpuyô sa kahanayakan kag ginhangup niya, nga si Saul nagasunud sa iya sa kahanayakan.

4 Kag si Dabid nagpadalá sing mga manugpanilag, kag ginhangup niya, sa pagkamatuud, nga si Saul nag-abut.

5 Kag si Dabid nagtindug, kag nag-abut sa duug nga didto si Saul nagbutang sang dulugan. Kag nakit-an ni Dabid ang duug sa diin naghigda si Saul, subung man si Abner, anak ni Ner, pangolo sang iya kasoldadosan. Kag si Saul yara nagahigda sa tungâ sang mga kanga, kag ang banwa nahamtang sa dulugan sa palibot niya.

6 Kag si Dabid naghambal kag nagsiling kay Ahimelek, nga Hetinhon, kag kay Abisai anak ni Seruia, útud ni Ioab, nga nagsiling: “¿Sin-o bala ang magadulhog kaúpud nakon kay Saul, sa dulugan?” Kag nagsiling si Abisay: “Ako magadulhog upud sa imo.”

7 Kag si Dabid kag si Abisay nagkaladto sa banwa sing kagab-ihon. Kag yari karon, si Saul nga nagakatolog, nga nagahigda sa tungâ sang mga kanga, kag ang iya bangkaw nabugsok sa duta, sa iya olohan; kag si Abner kag ang banwa nagahiligda sila sa palibot niya.

8 Niyan si Abisay nagsiling kay Dabid: “Karon gintugyan sang Dios ang imo kaaway sa imo mga kamut. Busa karon, ginaampo ko sa imo, nga pagpilasong ko sia sang bangkaw, tubtub sa duta, sa isa ka pagbuno; kag indi ko pagliwaton.”

9 Kag si Dabid nagsabat kay Abisay: “Indi mo sia paglaglagon; kay ¿sin-o bala ang magauntay sang iya kamut batok sang hinaplas ni Iehoba kag manginwalay salá sia?”

10 Kag si Dabid nagsiling: “Magkabuhi si Iehoba, nga si Iehoba lamang ang magpilas sa iya, bisan nga ang iya adlaw mag-abut, kag nga mamatay sia, bisan nga magdulhog sia sa pag-awayan kag madula sia didto.

11 Malayô sa akon, gikan kay Iehoba, nga paguntayon ko ang akon kamut batok sa hinaplas ni Iehoba. Kag ginaampo ko sa imo, kuhaa karon ang bangkaw nga yara sa iya olohan, kag ang bangâ sang tubig, kag maglakat na kita.”

12 Ngani ginkuha ni Dabid ang bangkaw kag ang bangâ sang tubig sa olohan ni Saul, kag naglalakat sila. Kag walâ gid sing nakakita bisan nakahibalo, bisan nakamata kay ang tanan nagakalatolog; kay isa ka hamook nga katologon gikan kay Iehoba naholog sa ibabaw nila.

13 Kag si Dabid napakadto sa isa ka pihak, kag nagtindug sia sa putokputok sang bukid nga malayô; nga may daku nga paghilayô sa tungâ nila.

14 Kag nagsingit si Dabid sa banwa kag kay Abner, anak ni Ner, nga nagasingling: “¿Indi ka bala magsabat, Abner?” Niyan si Abner nagsabat kag nagsiling: “¿Si sin-o ikaw bala nga nagsingit sa hari?”

15 Kag nagsiling si Dabid kay Abner: “¿Indi bala ikaw lalaki? kag ¿sin-o bala ang angay sa imo sa Israel? Ngani ¿kay ngaa bala walâ mo pagbantayi ang hari, nga imo ginoo? Kay nagsulud ang isa sa banwa sa pagpatay sa hari, nga imo ginoo.

16 Ini nga imo ginhimo, indi maayo. Magkabuhi si Iehoba, nga takus kamo sa kamatayan, nga walâ ninyo pagbantayi ang inyo ginoo, ang hinaplas ni Iehoba. Ngani tan-awa karon kon diin na ang bangkaw sang hari kag ang bangâ sang tubig, nga sadto yara sa iya olohan.”

17 Kag nakilala ni Saul ang tingug ni Dabid kag nagsiling: “¿Amo bala ini ang imo tingug, anak ko nga si Dabid?” Kag si Dabid nagsabat: “Amo ang akon tingug, hari, ginoo nakon.”

18 Kag nagsiling sia: “¿Kay ngaa ba-

la nagalagas sing subung ang akon ginoo sa iya alagad? ¿Ano bala ang ginbuhat ko? Kag ¿ano bala nga kalainan ang yari sa akon kamut?

19 Kag karon nagaampo ako sa imo, nga ang hari, nga akon ginoo, magpamati sang mga polong sang iya alagad. Kon amo si Iehoba ang nagapainit sa imo batok sa akon, magpanimaho sia sang mahamut sang isa ka halad. Apang kon mga anak sila sang mga tawo, pagpakamalauton sila sa atubangan ni Iehoba; kay nagtabog sila sa akon karon, agud nga pagpungan ako sa pagimpon sa palanublion ni Iehoba, nga nagasiling: Lakat-ka, mag-alagad-ka sa liwan nga mga dios.

20 Busa karon, indi maholog ang akon dugo sa duta nga malayô sa atubangan ni Iehoba. Kag naggowa ang hari sa Israel sa pagangita sing isa ka bitik, subung sang isa ka tawo nga nagalagas sang isa ka pitaw sa mga kabukiran."

21 Kag si Saul nagsiling: "Nakasala ako. Balik-ka, Dabid, nga anak ko; kay indi na ako magahimo sing kalainan sa imo, tungud kay ang akon kabuhi ginpakamahal karon sa imo mga mata. Yari karon, ako nagbuhat sing binuang gid, kag nagsayup ako sing daku gid."

22 Kag si Dabid nagsabat kag nagsiling: "Yari karon, ang bangkaw sang hari; pakaria diri ang isa sang mga pamatan-on, kag kuhaon niya sia."

23 Kag si Iehoba magabayad sa tagsatagsa sang iya katarungan kag sang iya pagkatutum. Kay si Iehoba nagtugyan sa imo karon sa akon kamut, kag ako walâ magbuut paguntay sang akon kamut sa ibabaw sang hinaplas ni Iehoba.

24 Kag yari karon, subung nga ang imo kalág ginpakamahal gid karon sa akon mga mata, amo man manginmahal gid ang akon kalág sa mga mata ni Iehoba, kag luwason niya ako sa tanan nga kalisdanan."

25 Kag si Saul nagsiling kay Dabid: "Pinakamaayo ikaw, Dabid, nga anak ko; kag sa pagkamatuud, pagahimoon mo, kag magalandas ka." Niyan si Dabid nagpakadto sa iya dalanon, kag si Saul nagpauli sa iya duug.

Si Dabid nagaalagad sa mga Pilistinhon.

**27** KAG si Dabid nagsiling sa iya tagiposoon: "Karon mawala

ako, sa isa ka adlaw sa kamut ni Saul. Walâ na sing liwan nga maayo sa akon kondi nga magpalayô ako sa gilayon sa duta sang mga Pilistinhon. Kag si Saul magauntat sa pagpangita sa akon sa bug-os nga mga kadulunan sang Israel, kag sa *sini* makapalagyo ako sa iya mga kamut."

2 Kag si Dabid nagtindug, sia kag ang anum ka gatus ka tawo, nga yara sa iya, kag nag-alagi sila kay Akis, anak ni Maok, hari sa Gat.

3 Kag nagpuyô si Dabid upud kay Akis sa Gat, sia kag ang iya mga tinawo, ang tagsatagsa upud ang iya panimaláy; si Dabid kag ang iya duha ka asawa, si Ahinoam, nga taga-Jesreel, kag si Abigail, asawa *anay* ni Nabal, nga taga-Karmelo.

4 Kag ginsugid kay Saul nga si Dabid nagpalagyo sa Gat kag walâ na gid sia magpadayon sa pagpangita sa iya.

5 Kag si Dabid nagsiling kay Akis: "Kon karon nakakita ako sing bugay sa imo mga mata, ginaampo ko sa imo, nga paghatagan ako sing duug sa isa sang mga banwa sang latagon, nga akon pagpuy-an; kag ¿kay nga bala magapuyô ang imo alagad upud sa imo sa banwa nga harianon?"

6 Kag ginhatag sa iya ni Akis sad-tong adlaw ang Siklag. Tungud sini ang Siklag nanginiya sang mga hari sa Iuda tubtub karon.

7 Kag ang kadamuan sang mga adlaw, nga ginpuyô ni Dabid sa latagon sang mga Pilistinhon, among isa ka tuig kag apat ka bulan.

8 Kag nagtaklad si Dabid kag ang iya mga tinawo, kag ginhimo nila ang mga lugus nga pagsulúd sa mga Gesurinhon, kag sa mga Girsinhon, kag sa mga Amalekinhon; kay ini nga mga katawohan nagpuluyô sa malawig nga dag-on sa duta, nga nagalakat nayon sa Sur kag tubtub sa duta sang Egipto.

9 Kag ginpilas ni Dabid ang kadutaan, kag wala sing ginabuhi sia bisan lalaki, bisan babae; kag ginkuha niya ang mga obeha kag ang mga baka, ang mga asno, ang mga kamelyo kag ang mga panapton; kag nagpauli sia kag nag-abut sia kay Akis.

10 Kag nagsiling si Akis: "¿Walâ bala kamo maghimo sing pagsulúd karon?" Kag si Dabid nagsiling: "Nayon sa Bagatnan sa Iuda, kag nayon sa



Bagatnan sa mga Ieramelinhon, kag nasyon sa Bagatnan sa mga Kineinhon."

11 Kag si Dabid walay ginabuhi bisan lalaki, bisan babae, sa pagdalá sa Gat; basi pa, nagsiling sia, nga magpanugid sila batok sa amon, nga nagsiling: "Amo ini ang ginhimo ni Dabid. Kag amo ini ang iya pamatasan sa bug-os nga dag-on nga nagpuyô sia sa latagon sang mga Pilistinhon."

12 Kag si Akis nagsalig kay Dabid, kag nagsiling sia: "Sia nahimo nga dulumtan sang iya banwa, sa Israel; kag sa gihapon magamanġinakon ulipon sia."

Si Saul nagapamangkot sa babae nga palapagowa sang mga espiritu sa Endor.

**28** KAG nahanabu nga, sa sadtong mga adlaw, ang mga Pilistinhon nagtipon sang iya mga kasoldadosan sa pagpakigawayan batok kay Israel. Kag si Akis nagsiling kay Dabid: "Nakahibalo-ka sing maayo, nga magagowa ka upud sa akon sa *pagkadto* sa pag-awayan, ikaw kag ang imo mga tinawo."

2 Kag si Dabid nagasabat kay Akis: "Maayo man, makahibalo ka sang pagahimoon sang imo alagad." Kag si Akis nagsiling kay Dabid: "Maayo man, pagahimoon ko ikaw nga bantay sang akon olo sa tanan nga mga adlaw."

3 Kag si Samuel patay na, kag ang bug-os nga Israel naghalaya sa iya, kag ginlubung sia nila sa Rama, sa iya banwa. Kag gintabog ni Saul sa gowa sang kadutaan ang mga manugpagowa sang mga espiritu kag ang mga manugpakot.

4 Kag ang mga pilistinhon nagtilipon kag nagabut sila kag nagbutang sing dulugan sa Sunem; kag gintipon ni Saul ang bug-os nga Israel kag nagbutang sila sing dulugan sa Gilboa.

5 Kag sang pagkakakita ni Saul sang dulugan sang mga Pilistinhon, hinadlukan sia, kag nagkurug ang iya tagiposoon sing daku gid.

6 Kag si Saul nagpamangkot kay Iehoba, apang si Iehoba walâ magsabat sa iya, bisan sa mga damgo, bisan sa Urin, bisan sa mga manalagna.

7 Niyan si Saul nagsiling sa iya mga alagad: "Pangitai-ninyo ako sing isa ka babae nga sampaton sa pagkamanugpagowa sang mga espiritu, agud nga ako

magkadto sa iya kag mamangkot sa iya. Kag ang iya mga alagad nagsililing sa iya: "Yari karon may isa ka babae sa Endor, nga sampaton sa pagkamanugpagowa sang mga espiritu."

8 Kag si Saul nagpanapton sing dipakilala, kag nagsuklub sing iban nga mga panapton. Kag naglakat sia, sia kag ang duha ka tawo nga nagúpud sa iya, kag nag-alabut sila sa sadto nga babae sing kagab-ihon. Kag nagsiling sia sa iya: "Ako nagaampo sa imo, paktonmo sa akon, tungud sang pagpagowa sang mga espiritu, kag pagapasakaon mo sa akon kon sin-o ang akon igasiling sa imo."

9 Kag ang babae nagsiling sa iya: "Yari karon, nakahibalo ka sang ginhimo ni Saul, kon paano nga gintabog niya sa gowa sang kadutaan ang mga manugpagowa sang mga espiritu kag ang mga manugpakot. Kag ikaw; kay ngaa bala ginbutang mo ang siod sa akon kalág sa pagpapatay sa akon?"

10 Kag si Saul nagsumpa sa iya tungud kay Iehoba, nga nagsiling: "Magkahubi si Iehoba, nga walâ sing bisan ano nga kalainan nga mahanabu sa imo tungud sini."

11 Kag ang babae nagsiling: "¿Sin-o bala ang akon pagapasakaon;" kag sia nagsabat: "Pasakaa sa akon si Samuel."

12 Kag sang pagkakita sang babae kay Samuel, nagsingit sia sa mataas nga tingug; kag ang babae naghambal kay Saul, nga nagsiling:

13 "¿Kay ngaa bala ginlimbongan mo ako? Kay ikaw amo si Saul." Kag ang hari nagsiling sa iya: "Indi ka mahadluk apang ¿ano bala ang imo nakita?" Kag ang babae nagsiling kay Saul: "Nakita ko ang isa ka dios nga nagasaka sa duta."

14 Kag sia nagsiling sa iya: "¿Ano bala ang iya dagway?" Kag sia nagsabat: "Nagasaka ang isa ka tigulang, nga naputus sing isa ka habol." Kag nakilala ni Saul nga amo si Samuel; kag nagyaub sia sa duta, kag naghapa sia.

15 Kag si Samuel nagsiling kay Saul: "¿Kay ngaa bala gingamo mo ako sa pagpasaka sa akon?" Kag si Saul nagsiling: "Nagakalisud gid ako, kay ang mga Pilistinhon nagaaway batok sa akon, kag ang Dios nagbulag sa akon, kag indi na nagsabat sa akon, bisan tungud sang mga manalagna, bisan tungud

sang mga damgo. Tungud sini ginpatawag ko ikaw, agud nga ipahibalo mo sa akon ang akon dapat pagahimoon.”

16 Kag si Samuel nagsiling: “Kag kay nga bala mamangkot ka sa akon, sing nagbulag na sa imo si Iehoba kag nanginkaaway mo sia?”

17 Kag si Iehoba nagbuhat nga sa iya gid subung sang ginhambal niya tungud sa akon; kay ginpaksi ni Iehoba ang ginharian gikan sa tunga sang imo kamut, kag ginhatag niya sia sa imo masigkatawo nga si Dabid.

18 Kay ikaw walâ magpamati sang tingug ni Iehoba, bisan naghikot ka sang kasingkal sang iya kaakig batok kay Amalek, tungud sini si Iehoba nagbuhat sa imo sini sa karon nga adlaw.

19 Kag pagaitugyan man ni Iehoba si Israel upud sa imo sa kamut sang mga Pilistinhon; kag buas ikaw kag ang imo mga anak manginkaupud nakon. Pagaitugyan man ni Iehoba ang dulugan ni Israel sa mga kamut sang mga Pilistinhon.”

20 Kag sa gilayon si Saul napukan sa duta sa bug-os niya nga kalaba, kag hinadlukan sia sing daku tungud sang mga polong ni Samuel, nga walâ sing nabilin sa iya nga bisan ano nga kusug; kay sa bug-os sadtong adlaw, kag sa sadto nga gab-i walâ sia makakaon sing tinapay.

21 Kag nag-abut ang babae kay Saul; kag sang nakita niya sia nga nalisang sing daku gid, nagsiling sia sa iya: “Yari karon, nga ang imo alagad nagpamati sa imo tingug, kag ginbutang ko ang akon kabuhi sa palad sang akon kamut, kag ginpamati ko ang mga polong nga imo ginhambal sa akon.

22 Busa karon ginaampo ko sa imo, nga ikaw magpamati man sang tingug sang imo alagad kag igtugut mo nga pagibutang ko sa atubangan mo ang isa ka timo nga tinapay, kag magkaon ka, agud nga magbakud ka sa paglakat sa dalanon.”

23 Kag sia nagdumili *sini*, kag nagsiling: “Indi ako magkaon.” Kag ang iya mga alagad nagpililit sa iya, kag ang babae man, kag sia nagpamati sa ila tingug. Kag nagtindug sia sa salug kag naglingkod sia sa ibabaw sang higdaan.

24 Kag ang babae may isa ka pinatambok nga tinday sang baka sa iya baláy; nga nagdalidali sia sa pagpatay

sa iya, kag nagkuha sia sing harina kag ginlamas niya ini, kag nagluto sa iya sing mga tinapay nga walay tapay.

25 Kag gindala niya ini sila sa atubangan ni Saul kag sang iya mga alagad; kag nagkalaon sila, kag nagtindug sila kag naglalakat sadto gid nga gab-i.

Si Dabid ginsikway sang mga Pilistinhon.

**29** KAG gintipon sang mga Pilistinhon ang tanan nila nga mga dulugan sa Apek. Kag ang mga Israelinhon nagpahamtang na sang dulugan malapit sa tuburan, nga yara sa Iesreel.

2 Kag ang mga dunganon sang mga Pilistinhon nag-alagi sa mga ginatus kag sa mga linibo; kag si Dabid kag ang iya mga tinawo nag-alagi sa olehe, upud kay Akis.

3 Kag nagsililing ang mga pangolo sang mga Pilistinhon: “Sin-o bala ining mga Hebreinhon?” Kag si Akis nagsiling sa mga pangolo sang mga Pilistinhon: “Indi bala amo ini si Dabid, ang alagad ni Saul, nga hari sa Israel, nga yari upud sa akon sining pila ka adlaw, kon pila ka tuig, kag walâ akoy nakita nga butang sa iya, kutub sang adlaw nga nagsaylo sa akon tubtub karon?”

4 Kag ang mga pangolo sang mga Pilistinhon nagkaakig batok sa iya, kag ang mga pangolo sang mga Pilistinhon nagsililing sa iya: “Ipadala ini nga tawo, nga magbalik sa duug nga gintudlo mo sa iya, kag nga indi magdulhog upud sa aton sa pag-awayan, basi pa nga sa pag-awayan manginkaaway naton sia. Kay paano bala ang pagpasaguli sini nga tawo sa iya ginoo? Indi bala manginamo tungud sang mga olo sining mga tawo?”

5 Indi bala amo ini si Dabid, nga sa iya iagaalambahan sa sinabtanay sa mga pagsadsad, nga nagsiling: Si Saul nagpilas sang iya mga linibo, kag si Dabid sang iya tagpulo ka mga linibo.”

6 Kag gintawag ni Akis si Dabid kag nagsiling sa iya: “Magkabuhi si Iehoba, nga ikaw tawo nga matadlung, kag ginpakamahala ko ang imo paggowa kag pagsulud sa dulugan upud sa akon; kay walâ ako makakita sa imo sing kalainan,



kutub sang adlaw nga nag-abut ka sa akon tubtub karon. Apang sa mga mata sang mga dunganon walâ ka mahamut-i.

7 Kag karon balik-ka, kag lakat-ka sa paghidaet, agud nga indi ka maghimo sing malain sa mga mata sang mga dunganon sang mga Pilistinhon."

8 Kag si Dabid nagsiling kay Akis: "¿Ano bala ang ginbuhat ko? Kag ¿ano bala sng nakita mo sa imo alagad, kutub sang adlaw nga yara ako upud sa imo tubtub karon, agud nga ako indi makalakat kag magpakigaway batok sa mga kaaway sang akon ginoo, nga hari?"

9 Kag si Akis nagsabat kay Dabid kag nagsiling: "Nakahibalo ako sini kay ikaw maayo sa akon mga mata, subung sang isa ka manugtunda sang Dios. Lamang ang mga pangolo sa mga Pilistinhon nagsililing: Indi sia magtaklad upud sa aton sa paginaway.

10 Busa karon, tindug-ka sing aga pa gid, ikaw kag ang mga alagad sang imo ginoo, nga nagupud sa imo; kag sang makabangon kamo sing aga pa gid, magtalaliwan-kamo sa pagpamanagbanag."

11 Kag si Dabid nagbangon sing aga pa gid, sia kag ang iya mga tinawo, sa pagtaliwan kutub sa aga sa pagbalik sa duta sang mga Pilistinhon. Kag ang mga Pilistinhon nagtalaklad sa Iesreel.

Ang Siklag hinublasan kag ginsunug.—Ang pagtimalus ni Dabid.

**30** KAG nahanabu, sa ikatlo ka adlaw sang pagsulud ni Dabid kag sang iya mga tinawo sa Siklag, nga ang mga Amalekinhon naghilimo sing isa ka lugus nga pagsulud sa Bagatnan kag sa Siklag, kag ginpilas nila ang Siklag kag gintutdan nila sia.

2 Kag gindala nila nga mga bihag ang mga babae, ang tanan nga yara sa iya, magamay kag dalagku; apang walâ gid sila sing ginpatay, kondi gindala ang tanan, kag naglalakat sila sang ila dalanon.

3 Kag si Dabid kag ang iya mga tinawo nagsululud sa banwa; kag yari karon, nga nasunog sia sa kalayo, kag ang ila mga babae, kag ang ila mga anak nga lalaki kag mga anak nga babae ginpangdala nga bihag.

4 Kag si Dabid kag ang mga tinawo nga yara upud sa iya nagbalayaw sang

ila tingug kag naghilibi, tubtub nga nakulangon sila sing mga kusug nga inughibi.

5 Kag ang duha ka asawa ni Dabid, nga si Ahinoam nga Iesreelinhon, kag si Abigail, nga asawa anay ni Nabal, nga taga-Karmelo, gindala nga mga bihag man sila.

6 Kag si Dabid nagpangalisud gid, kay ang banwa naghambal sa pagbatô sa iya, kay punô sa kapaitan ang kalag sang bug-os nga banwa, ang tagsatagsa tungud sang ila mga anak nga lalaki kag tungud sang ila mga anak nga babae. Apang si Dabid nagpanikasug kay Iehoba, nga iya Dios.

7 Kag si Dabid nagsiling sa saserdote nga si Abyatar, anak ni Ahimelek: "Ginaampo ko sa imo, nga dalhon mo sa akon ang epod." Kag si Abyatar nagdala sang epod kay Dabid.

8 Kag si Dabid nagpamangkot kay Iehoba, nga nagsiling: "¿Magasunud bala ako sa sining pinanung, kag sarang ko bala sia malambut?" Kag sia nagsiling: "Lagsa sia; kay sa pagkamatuud malambut mo sia, kag magaluwas ka."

9 Kag naglakat si Dabid, sia kag ang anum ka gatus ka tawo, nga yara upud sa iya, kag nag-alabut sila tubtub sa kasulgan sa Besor, nga ditdo nagdolulog ang mga nabayaan sa olehe.

10 Kag si Dabid nagpadayon sa paglagas upud ang apat ka gatus ka tawo, kag nagkalabilin sa olehe ang duha ka gatus, kay tama ka budlay sila sa pagtabok sang kasulgan sa Besor.

11 Kag nakita nila sa mga latagon ang isa ka Egiptohanon, nga gindala nila kay Dabid; kag ginhtagan nila siya sing tinapay, kag nagkaon sia kag ginpainum nila sia sing tubig.

12 Ginhatagan man nila sia sing isa ka tipik nga tinapay sang igos, kag duha ka binitay sang uba; nga binulad; kag sang nakakaon sia, naguli sa iya ang espiritu, kay walâ makakaon sia sing tinapay bisan makainum sing tubig sa tatlo ka adlaw kag tatlo ka gab-i.

13 Kag si Dabid nagsiling sa iya: "¿Sa kay sin-o bala nahanungud ikaw? Kag ¿tagadiin ka bala?" Kag nagsabat sia: "Ako amo ang isa ka pamatan-on nga Egiptohanon, alagad sang isa ka Amalekinhon, kag ginbayaan ako sang akon agalon sing mga tatlo na ka adlaw karon, kay nagabalatian ako."

14 Naghimo kami sing isa ka lugus nga pagsulud sa Bagatnan sang mga Keretinhon, kag sa *duta nga* nahatungud sa Iuda, kag sa Bagatnan sang Kaleb; kag gintutdan namon ang Siklag sang kalayo."

15 Kag si Dabid nagsiling sa iya: "¿Pagapaduhugon nro bala ako sa sini nga panong?" Kag sia ragsiling: "Sumpa-ka sa akon tungud sa Dios, nga indi mo ako pagpatyon, bisan itugyan mo ako sa mga kamut sang akon agalon, kag ako magapaduhog sa imo sa sining panong."

16 Kag gindala sia niya didto. Kag, yari karon, nga nagaalapaag sila sa ibabaw sang nawung sang bug-os nga kadutaan, nga nagakalaon kag nagailinum, kag nagasaladya, tungud sang tanan nga daku nga inagaw, nga ginkuha nila sa duta sang mga Pilistinhon kag sa duta sang Iuda.

17 Kag ginpilas sila ni Dabid kutub sa aga tubtub sa hapon sang masunud nga adlaw, kag wala sing bisan sin-o sa ila nga nakapalagyo, kondi apat ka gatus ka mga pamatan-on, nga nagkalabay sa mga kamelyo, kag nagpalalagyo sila.

18 Kag nabawi ni Dabid ang tanan nga ginkuha sang mga Amalekinhon; kag ginluwas man ni Dabid ang iya duha ka asawa.

19 Kag wala gid sing tawo nga nakulang sa ila, bisan magamay bisan dalagku, bisan mga anak nga lalaki, bisan mga babae, bisan inagaw, kag wala sing bisan ano nga ila ginkuha sa ila: ang tanan gindala liwan ni Dabid.

20 Kag ginkuha man ni Dabid ang tanan nga mga obeha kag kabakahan; ang mga naguluna sa pinanong, nagasililing: "Ini amo ang inagaw ni Dabid."

21 Kag nag-abut si Dabid sa duha ka gatus ka mga tawo, nga nabudlay ka tama sa pagsunud sa kay Dabid, nga pinamilin sila sa kasulgan sa Besor. Kag sila naggulowa sa pagsugata kay Dabid kag sa banwa nga yara upud sa iya. Kag sang pag-abut ni Dabid sa mga tinawo, nagpamangkot sia sa ila nahatungud sang ila paghidaet.

22 Kag ang tanan nga mga malain kag mga anak ni Belial, nga gikan sa tunga sang mga nagulupud kay Dabid, naghalambal kag nagsililing: "Tungud kay wala sila magulupud sa aton, indi

naton sila paghatagan sang hinublas nga aton ginbawi, kondi sa tagsatagsa ang iya asawa kag ang iya mga anak; kag kuhaon nila sila kag maglalakat sila."

23 Kag si Dabid nagsiling: "Indi kamo maghimo sina, mga utud ko, sang ginhatag sa aton ni Iehoba, nga sia nagbantay sa aton, kag nagtugyan sa aton mga kamut sing panong, nga nagkari batok sa aton.

24 Kag ¿sin-o bala ang magapamati sa inyo sa sini nga kasaba? Kay manginangay nga bahin ang sang mga nagahalalin sa pag-awayan, kag ang sang mga nagakabilin sa balon: pagapahaton sing alangay."

25 Kag gintukud yadto nga palatukuran kag pamatasan sa Israel, tubtub karon.

26 Kag si Dabid nag-abut sa Siklag, kag nagpadala sia sang inagaw sa mga tigulang sa Iuda, sa iya mga abyan, nga nagsiling: "Yari karon, ang isa ka pagpakamaayo nga sa inyo sang inagaw sa mga kaaway ni Iehoba:"

27 Sa mga yara sa Bethel, kag sa mga yara sa Ramot sa Bagatnan, kag sa mga yara sa Iatir;

28 Kag sa mga yara sa Aroer, kag sa mga yara sa Sipmot, kag sa mga yara sa Estemoa;

29 Kag sa mga yara sa Rakal, kag sa mga yara sa mga banwa sang mga Ieramelinhon, kag sa mga yara sa mga banwa sang mga Kineinhon;

30 Kag sa mga yara sa Horma, kag sa mga yara sa Kor-asan, kag sa mga yara sa Atak;

13 Kag sa mga yara sa Hebron, kag sa tanan nga mga duug nga didto nagkadto kag nagbalik si Dabid upud ang iya mga tinawo.

Pagkalaglag kag kamatayon ni Saul sa Gibeon.

**31** KAG ang mga Pilistinhon nag-alaway kay Israel, kag ang mga tinawo ni Israel nagpalalagyo sa atubangan sang mga Pilistinhon kag nagkalapukan sila nga pilason sa bukid sa Gilboa.

2 Kag ang mga Pilistinhon naglalagas gid kay Saul kag sa iya mga anak; kag ginpilas sang mga Pilistinhon si Ionatan, kag si Aminadab, kag si Melkisua, mga anak ni Saul.

3 Kag nagbaskug ang inaway batok



kay Saul; kag ginlambut sia sang mga manugpana; kag nagkasakit sia sing daku gid sa mga manugpana.

4 Kag si Saul nagsiling sa iya manugdalá sing hinganiban: "Gabuta ang imo hinganiban kag palapsa sa akon sia, basi pa nga magkalari ining mga ditinuli kag pagpalapsan nila ako, kag paglahugan nila ako." Apang ang iya manugdalá sing hinganiban indi buut, kay may daku sia nga kahadluk. Kag kinuha ni Saul ang iya hinganiban, kag nanginpuhan sia sa ibabaw niya.

5 Kag sang nakita sang iya manugdalá sing hinganiban, nga si Saul napatay, nanginpuhan man sia sa ibabaw sang iya hinganiban kag namatay sia *man* upud sa iya.

6 Kag sa sini nga adlaw nagkalamatáy sing tingub si Saul kag ang iya tatlo ka anak nga lalaki, kag ang iya manugdalá sang hinganiban, kag ang tanan niya nga mga tinawo.

7 Kag ang mga tinawo ni Israel, nga yadto sa pihak sang nalupyakan kag ang mga yara sa pihak sang Iordan, sang nakita nila nga ang mga tinawo ni Israel nagpalalagyo, kag nga si Saul kag ang iya mga anak mga patay na, ginbayaan nila ang mga banwa kag nagpalalagyo; kag ang mga Pilistinhon nag-alabut kag nagpuluyô sa ila.

8 Kag nahanabu, sang masunud nga adlaw, nga sang pag-alabut sang mga Pilistinhon sa paguba sa mga minatay, nakita nila si Saul kag ang iya tatlo ka anak nga nagkalapukan sa bukid sa Gilboa.

9 Kag inutdan sia nila sing olo, kag ginubahan sia nila sing mga hinganiban. Kag ginpadalá nila sa 'duta sang mga Pilistinhon sa palibot, agud nga pagaipahibalo ang balita sa mga baláy sang ila mga dios kag sa banwa.

10 Kag binutang nila ang iya mga hinganiban sa baláy ni Astarot, kag ginlansang nila ang iya bangkay sa kuta sa Bet-san.

11 Kag sang pagkabati sang mga pulumuyô sa Iabes sa Galaad sang ginhimo sang mga Pilistinhon kay Saul,

12 Ang tanan nga mga tawo nga maisug nagtilindug kag naglalakat sad-tong bug-os nga bab-i, kag ginkuha nila ang bangkay ni Saul kag ang mga bangkay sang iya mga anak, sa kuta sa Bet-san; kag sang nag-alabut sila sa Iabes, ginsnog nila sila didto.

13 Kag sang kinuha nila ang ila mga tul-an, ginlubung nila sila sa idalum sang sambag sa Iabes, kag nagpuluasa sila sing pito ka adlaw.

## IKADUHA NGA TOLON-AN

NI

## SAMUEL.

Ang kamatayon ni Saul ginpahibalo kay Dabid.

1 KAG nahanabu, sa tapus na namatay si Saul, sang si Dabid nagpauli sang pagpilas sa Amalek, nga nagpuyô sia sing duha ka adlaw sa Siklag.

2 Kag sang ikatlo ka adlaw nahanabu, nga nag-abut ang isa gikan sa dulugan ni Saul, nga mga gisi ang iya mga panap-ton kag ang yab-ok sa ibabaw sang iya olo. Kag sang umabut sia kay Dabid, nagyaub sia sa duta kag naghapa.

3 Kag nagpamangkot sa iya si Dabid:

"¿Sa diin ka bala maghalín?" Kag sia nagsabat: "Nagpalagyo ako gikan sa dulugan ni Israel."

4 Kag si Dabid nagsiling sa iya: "¿Ano bala ang nahanabu? Ginaampo ko sa imo, nga isiling mo ini sa akon." Kag sia nagsabat: "Ang banwa nagpalagyo sa pag-awayan, kag labut pa, madamu man sang banwa ang nagkalapukan kag nagkalamatay; kag nagkalamatay man si Saul kag si Ionatan nga iya anak."

5 Kag si Dabid nagsiling sa pamatan-

on, n̄a naghatag sa iya sang balita : “¿Paano bala ang pagkahibalo mo, n̄a si Saul namatay kag si Ionatan n̄a iya anak?”

6 Kag ang pamatan-on, n̄a naghatag sa iya sang m̄ga balita, nagsabat : “Sa walâ ko paghunahunaa didto ako sa bukid sa Gilboa, kag yari karon nakita ko si Saul n̄a nagahagmak sa iya bangkaw, kag yari karon, ang m̄ga kanga kag ang m̄ga manugkabayo nagilipit sa iya.

7 Kag sang pagbalikid niya, nakita niya ako, kag gintawag niya ako, kag ako nagsiling : Yari ako.

8 Kag sia nagsiling sa akon : ¿Sin-o bala ikaw? Kag ako nagsabat sa iya : Amalekinhon ako.

9 Kag sia nagsiling sa akon : Ako nagaampo sa imo, n̄a magpahamtang ka sa ibabaw nakon kag patyon mo ako ; kay ang kalipong nagdakup sa akon, kay ang akon bug-os n̄a kabuhi sa akon pa.

10 Kag ako nagpahamtang sa ibabaw niya, kag ginpatay ko sia, kay nakahibalo ako n̄a indi sia sarang mabuhi sa tapus ang iya paghagmak sa *ibabaw sang bangkaw* ; kag kinuha ko ang diadema n̄a yara sa iya olo, kag ang singsing n̄a yara sa iya butkon, kag gindalâ ko sila diri sa akon ginoo.”

11 Kag si Dabid, inuyatan niya ang iya m̄ga panapton kag ginisi niya sila ; kag amo man ang tanan n̄a m̄ga tawo n̄a yara upud sa iya.

12 Kag naghalaya sila, kag naghilibi, kag nagpuluasa sila tubtub sa hapon tungud kay Saul, kag tungud kay Ionatan, n̄a iya anak, kag tungud sang banwa ni Iehoba kag tungud sang baláy ni Israel ; kay nagkalapukan sila sa hinganibon.

13 Kag si Dabid nagsiling sa pamatan-on, n̄a ragdalâ sa iya sining balita : “¿Tagadiin ka bala?” Kag sia nagsabat : “Anak ako sang isa ka dumuluong n̄a Amalekinhon.”

14 Kag si Dabid nagsiling sa iya : “¿Paano bala n̄a walâ ka paghadluki sa paguntay sang imo kamut n̄a sa paglaglag sa hinaplas ni Iehoba?”

15 Kag gintawag ni Dabid ang isa sang m̄ga pamatan-on, kag nagsiling sa iya : “Palapit-ka kag salakaya sia.” Kag ginpilas sia niya, kag namatay sia.

16 Kag si Dabid nagsiling sa iya : “Ang imo dugo manginsuibabaw sang

imo olo ; tungud kay ang imo bâbâ nagpamatuud batok sa imo, n̄a nagsiling : Ginpatay ko ang hinaplas ni Iehoba.”

**Panalabiton ni Dabid tungud kay Saul  
kag kay Ionatan.**

17 Kag nagpanalabiton si Dabid tungud kay Saul kag kay Ionatan n̄a iya anak ;

18 Kag sa pagtoon sa m̄ga anak ni Iuda, nagmitlang sia sang *panalabiton* sang Pana ; yari karon n̄a nasulat sia sa tolon-an sang Matarung :

19 “Ang imo himaya, Israel, ginpilas sa kamatayon sa ibabaw sang imo m̄ga kahitaasan :

¿Paano bala ang pagkalapukan sang imo m̄ga isganan?

20 Indi ninyo pagipanugid ini sa Gat, Indi ninyo pagdalhon ang balita sa m̄ga dalan sa Askalon ;

Basi pa n̄a ang m̄ga anak n̄a babae sang m̄ga Pilistinhon magkalalipay,

Basi pa n̄a ang m̄ga anak n̄a babae sang m̄ga ditinuli magkalasadya.

21 M̄ga kabukiran sa Gilboa,  
Walâ na sa ibabaw ninyo bisan tun-ug, bisan ulan, bisan latagon sa m̄ga halad.

Kay didto ginhaboy ang taming sang m̄ga isganan,  
Ang taming ni Saul *subung n̄a walâ* mahaplas sing lana.

22 Sa dugo sang m̄ga nagkalamatay kag sa tambok sang m̄ga isganan,

Ang pana ni Ionatan walâ magbalik gikan sa atubangan sang dugo sang m̄ga patay,

Gikan sa atubangan sang tambok sang m̄ga makusug ;

Kag ang hinganibon ni Saul walâ magpauli n̄a walay kagamhanan.

23 Si Saul kag si Ionatan, n̄a m̄ga hinigugma kag m̄ga nahamut-an sa ila pagkabuhi,

Sa ila kamatayon walâ man sila pagbulaga ;

Labing madasig sang m̄ga agila sila,

Labing makusug sang m̄ga leon.

24 M̄ga anak n̄a babae sa Israel :  
hilibi-kamo tungud kay Saul ;



Nga nagpasaput sa inyo sing karmesi nga may kasadya,  
Nga nagpuni sang inyo mga pagnapton sa mga puni nga bulawan.

25 ; Paano bala ang pagkapukan sang mga isganan sa tunga sang pagawayan?

; Paano nga si Ionatan ginpatay sa imo kahitaasan!

26 May kalisud ako tungud sa imo, utud ko, nga si Ionatan:

Nanginmatam-is gid ikaw sa akon;  
Ang imo gugma sa akon nanginlabing makatilingala,

Nga naglabaw sa gugma sang mga babae.

27 ; Paano bala nga pagkapukan sang mga isganan?

; Paano bala nga nagkaladula ang mga hinganiban sa pagawayan?"

Si Dabid ginbuhat nga hari sa Iuda, kag si Isboset, hari sa Israel.

**2** KAG sa tapus si ni nahanabu, nga si Dabid nagpamangkot kay Iehoba, nga nagasiling: "¿Magataklad ako bala sa isa sang mga banwa sa Iuda?" Kag si Iehoba nagsabat sa iya: "Taklad-ka." Kag si Dabid nagsiling: "¿Sa diin bala ako magataklad?" Kag sia nagsiling sa iya: "Sa Hebron."

2 Kag si Dabid nagtaklad didto kag upud sa iya ang iya duha ka asawa nga si Ahinoam, nga taga-Iesreel, kag si Abigail, asawa *anay* ni Nabal, nga taga-Karmelo.

3 Kag gindala man ni Dabid upud sa iya ang mga tawo nga yara upud sa iya, ang tagsatagsa upud ang iya panimalay; kag nagpuluyô sila sa mga banwa sa Hebron.

4 Kag nag-alabut ang mga tinawo sa Iuda, kag ginhaplas nila didto si Dabid nga hari sa ibabaw sang baláy ni Iuda. Kag ginpahibalo nila si Dabid, nga nagasiling: "Ang mga taga-Iabes sa Galaad amo sila ang naglubung kay Saul."

5 Kag si Dabid nagpadala sing mga manugbalita sa mga taga-Iabes sa Galaad, nga nagasiling sa ila: "Pagapakamaayohon kamo ni Iehoba, nga ginbuhat ninyo ini nga pagkalooy sa

inyo ginoo nga si Saul, nga ginlubung ninyo sia.

6 Busa karon, si Iehoba maghimo sa inyo sing pagkalooy kag kamatooran; kag ako man magahimo sa inyo sing kaayohan, kay ginbuhat ninyo ini.

7 Kag karon magbalakud ang inyo mga kamut kag magilisnganan kamo; kay si Saul, nga inyo ginoo, napatay, kag labut pa, ang baláy ni Iuda naghaplas man sa akon nga hari sa ibabaw nila."

8 Apang si Abner, nga anak ni Ner, pangolo sang kasoldadosan ni Saul, ginkuha niya si Isboset, nga anak nga lalaki ni Saul, kag ginpadala niya sia sa Mahanaim.

9 Kag ginhimo sia niya nga hari sa ibabaw sang Galaad kag sa ibabaw sang mga Asurinhon, kag sa ibabaw sang Iesreel, kag sa ibabaw ni Ephraim, kag sa ibabaw ni Benyamin, kag sa ibabaw sang bug-os nga Israel.

10 Kag Isboset, anak ni Saul, nagaedad sing kap-atan ka tuig sang paghari niya sa ibabaw ni Israel, kag naghari sia sing duha ka tuig. Apang lamang ang baláy ni Iuda nagsunud kay Dabid.

11 Kag ang kadamuon sang mga adlaw, nga naghari si Dabid sa Hebron sa ibabaw sang baláy ni Iuda, among pito ka tuig kag anum ka bulan.

Inaway nga binanwa.—Ang pagilinaway sa Gabaon.

12 Kag si Abner, nga anak ni Ner, naggowa upud ang mga alagad ni Isboset, nga anak ni Saul, sa Mahanaim pa Gabaon.

13 Kag si Ioab, anak ni Seruia, kag ang mga alagad ni Dabid, naggulowa *man*. Kag nagsugataay sila malapit sa punong sa Gabaon, kag nagilingkod ang iban sa isa ka luyo sang punong, kag ang iban sa isa ka luyo sang punong.

14 Kag si Abner nagsiling kay Ioab: "Magtindug karon ang mga pamatan-on kag maghinampang, sa atubangan namon." Kag si Ioab nagsabat: "Magtilindu sila."

15 Niyan nagtilingdug sila sing tagpulo kag duha, tungud kay Benyamin kag tungud kay Isboset, nga anak ni Saul, kag napulo kag duha sa tunga sang mga alagad ni Dabid.

16 Kag ang mga kasumpung nagguni-

tay ang tagsatagsa sa olo, kag nagbinon-anay sang ila hinganiban sa kilid; kag nagkalapukan sila sing tingub. Tunğud sini ginhingalan yadto nga duug nga Helkat-Hasurim,\* nga yara sa Gabaon.

17 Kag sadtong adlaw ang ilinaway nangintama ka baskug; kag si Abner kag ang mga tawo ni Israel ginpandaug sa atubangan sang mga alagad ni Dabid.

18 Kag yadto didto ang tatlo ka anak nga lalaki ni Seruia, nga si Ioab, si Abisai kag si Asael. Kag si Asael makisay sing paniil subung sang isa ka usa sang latagon.

19 Kag si Asael naglagas kay Abner, kag sia walâ magbulag bisan sa too bisan sa walâ sa pagsunod kay Abner.

20 Kag si Abner nagbalikid kag nagsiling: “¿Ikaw bala si Asael? Kag sia nagsabat: “Hoo, amo ako.”

21 Kag si Abner nagsiling sa iya: “Bulag-ka pa too, kon pa walâ, kag dakup-ka sing isa sang mga pamatan-on kag kuhaa nga sa imo ang iya mga hinublas.” Apang si Asael walâ maluyag magbiya sa iya.

22 Kag si Abner nagsiling liwan kay Asael: “¿Palayô-ka sa akon! ¿Kay nga pagapilason ko bala ikaw nga pagpahamyanğon sa duta? kag ¿paano ang pagkasarang ko bala pagbayaw sang akon nawung sa atubangan sang imo útud nga si Ioab?”

23 Kag nagdumili sia sa pagbalik, kag ginpilas sia ni Abner sang ulungan sang iya bangkaw sa tiyan, kag ang bangkaw naggowa sa likod, kag napukan sia kag namatay sa sadto gid nga duug. Kag ang tanan nga mga nagaalabut sa sadto nga duug, nga didto napukan si Asael kag namatay, nagdulúlog sila.

24 Apang si Ioab kag si Abisai naglagas kay Abner, kag sang pagkatunod sang adlaw, nag-alabut sila sa bakolod sa Ama, nga yara nagaatubang sa Gia sa dalan sang kahanayakan sa Gabaon.

25 Kag nagtilipon kay Abner ang mga anak ni Benyamin, kag nanğinisa ka pinanong sila, kag nagdulúlog sila sa putokputok sang bakolod.

26 Kag si Abner nagsingit kay Ioab, nga nagsiling: “¿Pagatukbon bala

ang hinganiban sa gihapon? ¿Walâ ka bala makahibalo nga sa katapusan may kapaitan? ¿Tuhtub bala san-o magadugay ka sa pagsiling sa banwa, nga magisol sila sa paglagas sa ila mga útud?”

27 Kag si Ioab nagsabat: “Magkabuhi ang Dios, nga walâ ka kunta maghambal, kutub pa sining aga ang banwa nakagisol kunta ang tagsatagsa sa paglagas sa iya útud.”

28 Kag si Ioab nagpahuni sang budyong, kag ang bug-os nga banwa nagdulog, kag walâ na maglagas sa Israel, bisan nagpalayon pa ang pag-away.

29 Kag si Abner kag ang iya mga tinawo naglalakat sa kapatagan sadtong bug-os nga gab-i, kag gintabok nila ang Iordan, kag ginlatas nila ang bug-os nga Bitron, kag nag-alabut sila sa Mahanaim.

30 Kag si Ioab man nagsisol sa paglagas kay Abner, kag tinipon niya ang bug-os nga banwa, kag nakulang sang mga alagad ni Dabid napúlô kag siam ka tawo kag si Asael.

31 Kag ang mga alagad ni Dabid nagpilas sa kamatayon sang mga tinawo ni Benyamin kag ni Abner, mga tatlo ka gatus kag kan-uman ka tawo.

32 Kag gindala nila si Asael kag ginlubung nila sia sa lulubngan sang iya amay sa Betlehem. Kag si Ioab kag ang iya mga tinawo naglalakat sadtong bug-os nga gab-i, kag ang pamanagbanag nagbutlak sa ila sa Hebron.

**3** KAG nanğinmalawig ang pagin-away sa tungâ sang baláy ni Saul kag sang baláy ni Dabid. Apang si Dabid nagaamatamat sang pagbakud, kag ang baláy ni Saul nagaamatamat sang pagluya.

Ang mga anak nga nagkalatawo kay Dabid sa Hebron.

2 Kag nagkalatawo ang mga anak kay Dabid, sa Hebron: Ang iya pangnanay amo si Amnon, kay Ahinoam, nga taga-Iesreel;

3 Ang iya ikaduha amo si Kileab, kay Abigail, nga asawa anay ni Nabal, nga taga-Karmelo; kag ang ikatlo amo si Absalom, anak ni Maaka, anak nga babae ni Talmai, nga hari sa Gesur;

4 Ang ikap-at amo si Adonia, anak

\* *Helkat-Asurim*, latagon sang mga sulab.



ni Hagit; kag ang ikalima amo si Sepatia, anak ni Abital;

5 Kag ang ikan-um amo si Itream, kay Eglá, asawa ni Dabid. Ini sia nagkalatawo kay Dabid sa Hebron.

Si Abner nakikgasugtanay kay Dabid sa paghatag sa iya sang bug-os nga ginharian.—Ginpatay sia ni Ioab.

6 Kag nahanabu nga, sang may inaway sa tungâ sang baláy ni Saul kag ni Dabid, nga si Abner nagbakud sa baláy ni Saul.

7 Kag si Saul may isa anay ka babae nga ginahingalanan nga si Rispa, anak nga babae ni Aia. Kag nagsiling si *Isboset* kay Abner: “¿Kay nga bala nagsulúd ka sa babae sang akon amay?”

8 Kag si Abner naakig sing daku gid tungud sang nga polong ni Isboset, kag nagsiling: “¿Olo bala ako sang ido nga nagadampig kay Iuda? Nagabuhát ako karon sing pagkalooy sa baláy ni Saul, nga imo amay, sa iya mga útud, kag sa iya mga abyan, kag walâ ko ikaw pagitugyan sa kamut ni Dabid; kag ikaw karon nagapabangud sa akon sang salâ sini nga babae.

9 Pagahimoon ini sang Dios sa kay Abner kag pagaidugang ini sa iya, hoo, subung nga si Iehoba nagsumpa kay Dabid, amo ini pagahimoon ko sa iya;

10 Nga pagapalitonon ko ang ginharian sang baláy ni Saul, kag pagatukuron ko ang lingkoran nga harianon ni Dabid sa ibabaw ni Israel kag sa ibabaw ni Iuda, kutub sa Dan tubtub sa Beer-seba.”

11 Kag si Isboset walâ makasarang magsabat sing polong kay Abner, tungud sang kahadluk nga yara sa iya.

12 Kag si Abner nagpadalá sing mga manugbalita kay Dabid sa bahin niya, nga nagasililing: “¿Sa kay sin-o balâ ini nga duta?” kag nga nagasililing man: “Magpakigkatipan-ka sa akon; kag yari karon, ang akon kamut manginupud sa imo sa paguli sa imo sang bug-os nga Israel.”

13 Kag si Dabid nagsiling: “Maayo. Magapakigkatipan ako sa imo; apang isa lamang ka butang ang ginapangayo ko sa imo: Indi ka magtan-aw sang akon nawung, kon indi mo anay madalâ si Mikal, anak nga babae ni Saul, kon ikaw magkari sa pagtan-aw sang akon nawung.”

14 Kag si Dabid nagpadalá sing mga manugbalita kay Isboset, anak ni Saul, nga nagasiling: Iuli sa akon ang akon asawa nga si Mikal, nga sa iya nakigtayon ako tungud sang isa ka gatus ka inutúd sang tinuli sang mga Pilistinhon.”

15 Kag ginpadalâ ni Isboset kag ginukha niya sia sa iya bana nga si Paltiel, anak nga lalaki ni Lais.

16 Kag ang iya bana nagúpud sa iya, nga nagalakat kag nagahibi sa olehe niya tubtub sa Bahurim. Kag si Abner nagsiling sa iya: “Lakat, balik-ka.” Niyan sia nagbalik.

17 Kag si Abner nagpkigsapul sa mga tigulang sa Israel, nga nagasiling: “Kahapon kag sa isa kahapon nagapangita kamo kay Dabid, agud nga manginhari sa ibabaw ninyo.

18 Busa karon, himoa-ninyo ini, kay si Iehoba naghambal nahanungud kay Dabid, nga nagasiling: Tungud sang kamut sang akon alagad, nga si Dabid, pagaluwason ko ang akon banwa nga Israel sa kamut sang mga Pilistinhon kag sa kamut sang tanan niya nga mga kaaway.”

19 Kag si Abner naghambal man sa mga idulungug ni Benyamin, kag nagpakadto man si Abner sa Hebron sa pagsiling sa mga idulungug ni Dabid sang tanan nga ginapakamaayo sa mga mata ni Israel kag sa mga mata sang bug-os nga baláy ni Benyamin.

20 Kag nag-abut si Abner kay Dabid sa Hebron, kag upud sa iya ang duha ka púlô ka tawo, kag si Dabid naghimo sing isa ka piesta kay Abner kag sa mga tinawo nga yara sa iya.

21 Kag si Abner nagsiling kay Dabid: “Ako magatindug, kag magapakadto, kag magatipon sa bug-os nga Israel sa hari, nga akon ginoo, agud nga magpakigkatipan sa imo, kag ikaw magahari sa tanan nga didto nga maluyag ang imo kalág.” Kag ginpalakat ni Dabid si Abner, nga napakadto sa paghidaet.

22 Kag yari karon, ang mga alagad ni Dabid kag si Ioab nagpalauli sa panlugayawan, kag nagdalalâ sila sing daku nga inagaw. Kag si Abner walâ na didto kay Dabid, sa Hebron; kay ginpalakat na sia niya, kag sia naglakat sa paghidaet.

23 Kag nag-abut si Ioab kag ang bug-os nga kasoldadosan nga yara upud sa iya, kag ginpahibalo si Ioab, nga

nagasiling: "Si Abner, anak ni Ner, nag-abut sa hari, kag ginpalakat sia niya, kag naglakat sia sa paghidaet."

24 Kag si Ioab nag-abut sa hari, kag nagsiling sa iya: "¿Ano bala ang ginbuhat mo? Yari karon, nag-abut si Abner sa imo, ¿kay ngaa bala ginpalakat mo sia, sa bagay nga naglakat sia nga naluwas?"

25 Ikaw nakahibalo kay Abner, anak ni Ner; nagkari sia sa paglimbong sa imo kag sa pagsayud sang imo paggowa kag sang imo pagsulúd, kag sa pagkilala sang tanan nga imo ginahimo."

26 Kag naggowa si Ioab gikan sa atubangan ni Dabid, kag nagpadalá sia sing mga manugbalita sa olehe ni Abner, nga ginpabalik sia n'la gikan sa bobon sa Sira. Apang si Dabid walâ makahibalo sini.

27 Kag nagbalik si Abner sa Hebron, kag ginpain sia ni Ioab sa tungâ sang gawang *daw* sa paghambal sa iya sa paghidaet; kag didto ginpilas sia niya sa tiyan kag namatay sia, bangud sang dugo ni Asael nga iya útud.

28 Kag sang olehe sang pagkahibalo ni Dabid sini, nagsiling sia: "Ako kag ang akon ginharian mga matinlo sa atubangan ni Iehoba sa gihapon sang dugo ni Abner, anak ni Ner.

29 ¿Nga magbug-at ang *dugo* sa ibabaw sang olo ni Ioab kag sa ibabaw sang bug-os nga baláy sang iya amay! ¿Nga indi madulaan nga mas-a sa baláy ni Ioab sing tawo nga mag-antus sing tagas, bisan sing tabukaw, bisan sing nagapanungkud, bisan sing nagakapukan sa hinganiban, bisan sing nakulangán sing tinapay!"

30 Sa sini si Ioab kag si Abisai, nga iya útud, nagpatay kay Abner; kay sia nagpatay man kay Asael, nga útud nila, sa pag-awayan, sa Gabaon.

31 Kag si Dabid nagsiling kay Ioab kag sa bug-os nga banwa, nga yara upud sa iya: "Gisia-ninyo ang inyo mga panapton, kag magsulul-ub kamo-sing lalaw, kag maghalaya-kamo sa atubangan ni Abner." Kag ang hari nagasunud sa lungon.

32 Kag ginlubung nila si Abner sa Hebron; kag ang hari nagbayaw sang iya tingug, kag naghibi sa lulabngan ni Abner, kag naghibi man ang bug-os nga banwa.

33 Kag nagpanalabiton ang hari sa kay Abner, nga nagasiling:

"¿Namatay si Abner bala subung sang pagkamatay sang isa ka malinapason?"

Ang imo mga kamut walâ mapangapus, bisan napamalitangan ang imo mga tiil;

34 Napukan ka subung sang mga nagakapukan sa atubangan sang mga anak sang pagkamalinapason."

Kag ang bug-os nga banwa naghilibi sa iya.

35 Kag ang bug-os nga banwa nag-abut sa pagpakaon sing tinapay kay Dabid sang adlawon pa; kag si Dabid nagsumpa, nga nagasiling: "¿Ini pagbuhaton sang Dios sa akon kag ini pagidugang sa akon, kon sa walâ pa matunud ang adlaw magtilaw ako sing tinapay kon bisan ano nga butang!"

36 Kag ang bug-os nga banwa naghangup kag nanginmaayo ini sa iya mga mata: ang tanan nga ginhimo sang hari nanginmaayo sa mga mata sang bug-os nga banwa.

37 Kag ang bug-os nga banwa, kag ang bug-os nga Israel nakahangup sad-tong adlaw, nga walâ magikan sa hari ang pagpapatay kay Abner, anak ni Ner.

38 Kag ang hari nagsiling sa iya mga alagad: "¿Walâ bala kamo makahibalo, nga napukan karon sa Israel ang isa ka pangolo kag daku nga tawo?"

39 Kag karon maluya pa ako, bisan hinaplas ako nga hari; kag yadto nga mga tawo, nga mga anak ni Seruia, mga labi ka mabaskug sa akon. Si Iehoba magtumbas sa manugbuhát sang kalainan, sono sang iya kalainan."

SI Isboset ginpatay kag si Dabid nagatimalus sa iya.

**4** KAG sang pagkabati sang anak ni Saul, nga si Abner ginpatay sa Hebron, nagpalanyuyu ang iya mga kamut, kag nagkalalisang ang bug-os nga Israel.

2 Kag ang anak nga lalaki ni Saul may duha ka lalaki nga amo sila ang mga pangolo sang mga pinanong; ang ngalan sang isa amo si Baana, kag ang ngalan sang ikaduha, si Rekab, nga mga anak sila ni Rimón, Beerotinhon, sa tungâ sang mga anak ni Benyamin; kay ang Beerot naisip man kay Benyamin,



3 Kag ang mġa Beerotinhon nagpalagyo pa Gitaim, kag nanġinmanugpanlugayaw sila didto tubtub karon.

4 Kag si Ionatan, nġa anak ni Saul, may isa ka anak nġa lalaki nġa piang ang mġa tiil. Nagaedad sia sing lima ka tuig, sang pag-abut sang balita nahanungud kay Saul kag kay Ionatan gikan sa Iesreel; kag ang iya manuglibang nagkuha sa iya kag nagpalagyo; kag sang nagapalagyo sia nġa madasig, naholog ang *bâtâ* kag napiang; kag ang iya nġalan amo si Mepiboset.

5 Kag ang mġa anak ni Rimon, nġa Beerotinhon, nġa amo si Rekab kag si Baana, naglalakat kag nagsululud sa labing mainit sang adlaw sa baláy ni Isboset, nġa naghigda sia sa pagpahaway sa udtong adlaw.

6 Kag nagsululud sila sa tunġa sang baláy, subung nġa daw magahakut sang trigo; kag ginpilas nila sia sa tiyan. Kag nagpalagyo si Rekab kag si Baana, nġa iya útud.

7 Kag nagsululud sila sa baláy, sang sia nagahigda sa iya higdaan, sa iya hulut nġa tolologan, kag ginpilas sia nila, kag ginpatay sia nila, kag ginutud nila ang iya olo. Kag kinuha nila ang olo niya, kag naglalakat sila sang bug-os nġa gab-i sa dalan sang kapatagan.

8 Kag gindalá nila ang olo ni Isboset kay Dabid, sa Hebron, kag nagsililing sila sa hari: "Yari karon ang olo ni Isboset, anak ni Saul, nġa imo kaaway, nġa nagapangita sang imo kalág. Si Iehoba nagtimalus karon sa hari, nġa akon ginoo, kay Saul kag sa iya kaliwatan."

9 Kag si Dabid nagsabat kay Rekab kag sa iya útud, nġa si Baana, nġa anak ni Rimon, nġa Beerotinhon, kag nagsiling sia sa ila: "Magkabuhi si Iehoba nġa nagtubus sang akan kalág sa bug-os niya nġa mġa kalisdanan,

10 Nġa ang nagsugid sa akon, nġa nagsiling: ¡ Yari karon, si Saul namatay! kag nġa sia sa iya kaugalingon nġa mġa mata subung nġa isa ka manugbalita sang mġa maayong balita, gindakup ko sia kag ginpatay ko sia sa Siklag, sa *nagahulat* sia nġa ako magbalus sa iya tungud sang iya maayong balita,

11 ¡ Labi na gid sang ang mġa malain nġa tawo, nġa nagpatay sa isa ka tawo nġa matarung, sa iya baláy, kag sa ibabaw sang iya higdaan! Busa karon, ¡ in-

di bala ako magpanġayô sing tapat sang iya dugo sa inyo mġa kamut, kag pagapanason kamo sa duta?"

12 Niyan si Dabid nagsogo sa mġa pamatan-on, kag ginpatay nila sila, kag ginutdan nila sila sing mġa kamut kag mġa tiil, kag ginbitay nila sila sa binit sang punong sa Hebron. Apang ginkuha nila ang olo ni Isboset kag ginlubung nila sia sa lulubnġan ni Abner, sa Hebron.

Si Dabid ginakilala nġa hari sang tanan nġa mġa kabikahan; nagatagiya sia sang Ierusalem, kag nagadaug sa mġa Pilistinhon.

**5** KAG nag-abut ang tanan nġa mġa kabikahan ni Israel kay Dabid sa Hebron, kag naghalambal, nġa nagsiling: "Yari karon, kami mġa imo tul-an kag imo unud.

2 Bisan pa sa mġa dag-on nġa nagliligad, sang si Saul nagahari sa ibabaw naton, ikaw nagapagowa kag nagapapulud sa kay Israel; kag si Iehoba nagsiling sa imo: Ikaw magapahalab sa akon banwa nġa Israel, kag ikaw manginmanugdul-ong ni Israel."

3 Kag nag-alabut, sa Hebron, ang tanan nġa mġa tigulang sa Israel sa hari; kag ang hari nġa si Dabid naghimo sa ila sing pakigkatipan sa Hebron sa atubangan ni Iehoba; kag ginhaplas nila si Dabid nġa hari sa ibabaw ni Israel.

4 Si Dabid nagaedad sing katloan ka tuig, sang naghari sia, kag naghari sia sing kap-atan ka tuig.

5 Sa Hebron naghari sia sa ibabaw sang Iuda sing pito ka tuig kag anum ka bulan, kag sa Ierusalem naghari sia sing katloan kag tatlo ka tuig sa ibabaw sang bug-os nġa Israel kag sang Iuda.

6 Kag ang hari upud ang iya mġa tinawo nagpalakadto sa Ierusalem, batok sa mġa Iebusiuhon nġa mġa pumulu-yô sang duta. Kag naghalambal sila kay Dabid, nġa nagsililing: "Ikaw indi makasulud diri; bisan pa ang mġa bulag kag ang mġa piang magatabog sa imo;" nġa nagsiling *nġani*: "Si Dabid indi makasulud diri."

7 Kag ginkuha ni Dabid ang kuta sang Sion (nġa amo ang banwa ni Dabid).

8 Kag nagsiling si Dabid sadtong adlaw: "¡ Manginbulahan ang bisan

sino nga makapilas sa mga Iebusinhon kag makalambut tuhtub sa daganasan kag sa sinang mga piang kag sinang mga bulag, nga ginadumtan sila sang kalág ni Dabid!" Tunôd sini ginasiling: "Dili makasulôd sa Baláy ang bulag, bisan ang piang."

9 Kag si Dabid nagpuyô sa kuta, kag ginhingalanan niya ini nga Banwa ni Dabid. Kag nagabaláy si Dabid sa palibot kutub sa Milo pa sulôd.

10 Kag si Dabid naguswag kag nagdaku, kay si Iehoba sang Sebaot yara upud sa iya.

11 Kag si Hiram, nga hari sa Tiro, nagpadalá *man* sing mga manugbalita kay Dabid, kag sing kahoy nga sedro, kag sing mga panday, kag sing mga panday sa bató, agud nga magpatindug sila sing isa ka baláy kay Dabid.

12 Kag ginkilala ni Dabid, nga si Iehoba nagpalig-on sa iya nga hari sa ibabaw ni Israel, kag nga ginbayaw niya ang iya ginharian, bangud sang iya banwa nga Israel.

13 Kag si Dabid nagkuha pa sing mga babae kag mga asawa sa Ierusalem, sa tapus na nga nakaabut sia gikan sa Hebron; kag nagkalatawo pa sa iya sing mga anak nga lalaki kag mga anak nga babae.

14 Kag yari karon ang mga ngalan sang mga nagkalatawo sa iya sa Ierusalem: Si Samua, kag si Sobab, kag si Natan kag si Salomon;

15 Kag si Ibhar, kag si Elisua, kag si Nepeg kag si Iapia;

16 Kag si Elisama, kag si Eliada kag si Elipelet.

17 Kag sang nakabati ang mga Pilistinhon, nga si Dabid ginhaplas nga hari sa ibabaw ni Israel, ang tanan nga mga Pilistinhon nagtalaklad sa pagpangita kay Dabid. Kag sang pagkabati sini ni Dabid, nagdulhog sia sa kuta.

18 Kag nag-alabut ang mga Pilistinhon, kag naglalapnag sila sa nalupyan sang Rapaim.

19 Kag si Dabid nagpamangkot kay Iehoba, nga nagasiling: "¿Magataklad ako bala batok sa mga Pilistinhon? ¿Pagaitugyan mo sila bala sa akon kamut?" Kag si Iehoba nagsiling kay Dabid: "Taklad-ka, kay sa pagkamatuud gid, pagaitugyan ko ang mga Pilistinhon sa imo kamut."

20 Kag si Dabid nag-abut sa Baal-pe-

rasim. Kag didto ginpilas sila ni Dabid, kag nagsiling sia: "Ginboong ni Iehoba ang akon mga kaaway sa atubangnan nakon, subung sang pagboong sang tubig sang iya pangpang." Tunôd sini ginhingalanan niya yadto nga duug nga Baal-perasim.\*

21 Kag ginbayaan nila didto ang ila mga larawan, kag si Dabid kag ang iya mga tinawo nagdalá sa ila.

22 Kag ang mga Pilistinhon nagtalaklad liwan kag naglapta sa nalupyan sang Repaim.

23 Kag namangkot si Dabid kay Iehoba, kag sia nagsabat sa iya: "Dili ka magtaklad, libuti sila kag magaabut ka batok sa ila sa atubangan sang mga kahoy nga Bakka.

24 Kag kon makabati ka sing linapak-lapak sa tuyoktuyokan sang mga kahoy nga Bakka, niyan magdalidali ka, kag niyan si Iehoba naggowa na sa atubangan mo sa pagpilas sang dulugan sang mga Pilistinhon."

25 Kag ginhimo ni Dabid ang subung sini, sono sang ginsogo sa iya ni Iehoba, kag ginpilas niya ang mga Pilistinhon kutub sa Geba tuhtub nga uma-but sa Geser.

Ginpaliton ni Dabid ang Kaban pa Ierusalem.

**6** KAG si Dabid nagtipon liwan sang tanan nga mga pinili sa Israel, sing mga katloan ka libo.

2 Kag nagtindug si Dabid, subung man ang bug-os nga banwa nga yara sa iya, kag nagtaliwan sia sa Baale-Iuda, sa pagpataklad gikan didto sang kaban sang Dios, nga sa ibabaw niya ginatawag ang Ngalan, ang Ngalan ni Iehoba sang Sebaot, nga nagapuyô sa tunga sang mga Kerubin, sa ibabaw nila.

3 Kag ginlulan nila ang kaban sang Dios sa ibabaw sang isa ka bag-o nga kanga, kag gindalá nila sia gikan sa baláy ni Abinadab, nga yara sa bakolod; kag si Ussa kag si Ahio, nga mga anak ni Abinadab, nagdulul-ong sang bag-ong kanga.

4 Kag ginkuha nila *ini* sa baláy ni Abinadab, nga yara sa bakolod upud ang kaban sang Dios; kag si Ahio naguna sa kaban.

5 Kag si Dabid kag ang bug-os nga

\* *Baal-perasim*, manugboong.



baláy ni Israel nagapatunug sa atubangan ni Iehoba sang tanan nga nagakalainlain nga mga palatungon nga kahoy nga sipres, kag sang mga arpa kag sang mga salterio, kag mga tambor, kag mga sistro kag mga apiping.

6 Kag sang pag-abut nila sa linasan ni Nakon, si Ussa nag-untay sang *kamut* sa kaban sang Dios kag inuyatan niya sia, kay ang mga baka naghulublag.

7 Kag ang kaakig ni Iehoba nagdab-dab batok kay Ussa, kag ginpilas sia didto sang Dios tungud sang iya kakahas; kag didto namatay sia sa luyo sang kaban sang Dios.

8 Kag si Dabid naakig, tungud kay ginhimo ni Iehoba ang isa ka pagboong kay Ussa; kag ginhingalanan niya yadto nga duug nga Peres-Ussa,\* tuhtub karon.

9 Kag hinadlukan si Dabid kay Iehoba sadtong adlaw, kag nagsiling sia: "¿Paano bala ang pagsulud sa akon sang kaban ni Iehoba?"

10 Kag si Dabid walá magbuut pagpadalá sang kaban ni Iehoba sa iya sa banwa ni Dabid; apang ginpaisol sia ni Dabid sa baláy ni Obed-Edom, nga Gitinhon.

11 Kag nabilin ang kaban ni Iehoba sa baláy ni Obed-Edom, nga Gitinhon, sing tatlo ka bulan; kag ginpakamaayo ni Iehoba si Obed-Edom, kag ang bug-os niya nga baláy.

12 Kag ginpahibalo ang hari nga si Dabid, nga nagasiling: "Ginpakamaayo ni Iehoba ang baláy ni Obed-Edom kag ang tanan nga iya, bangud sang kaban sang Dios." Niyan si Dabid napa-kadto didto, kag ginpataklad niya ang kaban sang Dios gikan sa baláy ni Obed-Edom pa banwa ni Dabid nga may kalipay.

13 Kag sang ang mga nagadalá sang kaban ni Iehoba nakalakat sing anum ka tikang, naghalalad sila sing isa ka baka kag isa ka pinatambok nga tinday sang baka.

14 Kag si Dabid nagsadsad sa bug-os niya nga kusug sa atubangan ni Iehoba, kag si Dabid nawagkusan sing isa ka epod nga lino.

15 Sa *sini* si Dabid kag ang bug-os nga baláy ni Israel nagpataklad sang

kaban ni Iehoba, nga may mga kinasadya kag pinatunug sang budyong.

16 Kag sang pag-abut sang kaban ni Iehoba sa banwa ni Dabid, nahanabu nga si Mikal, anak nga babae ni Saul, naggowa kutub sa isa ka talambuan, kag nakita niya ang hari nga si Dabid, nga nagaliktin kag nagasadsad sa atubangan ni Iehoba; kag gintamay niya sia sa iya tagiposoon.

17 Kag gindalá nila ang kaban, ni Iehoba, kag ginbutang nila sia sa iya duug, sa tungá sang isa ka layanglayang, nga ginhumlad sa iya ni Dabid. Kag si Dabid naghalad sing mga halad nga sinunog kag mga halad sa paghidaet sa atubangan ni Iehoba.

18 Kag sang pagkatapus sa paghalad ni Dabid sang mga halad nga sinunog kag sang mga halad sa paghidaet, ginpakamaayo niya ang banwa sa ngalan ni Iehoba sang Sebaot.

19 Kag nagpanagtag sia sa bug-os nga banwa kag sa tagsatagsa sang tanan nga kadam-an sa Israel, sa mga lalaki subung man sa mga babae, sing isa ka tinapay kag isa ka hiwa sang unud, kag isa ka tinapay sang ubas nga binulad. Kag ang bug-os nga banwa nagpalauli ang tagsatagsa sa iya baláy.

20 Ugaling si Dabid nagpauli sa ginpakamaayo sang iya baláy. Kag sang naggowa si Mikal sa pagsugata kay Dabid, nagsiling sia: "¿Daw ano ka mahimayaon karon ang hari sa Israel, nga naguba karon sa atubangan sang mga sologoon nga babae sang iya mga alagad, subung sang paguba sang isa ka walay huya!"

21 Kag si Dabid nagsabat kay Mikal: "Sa atubangan ni Iehoba, nga nagpili sing labi sa akon sang sa imo amay kag sa bug-os nga iya baláy, nga nagso-go sa akon nga manginpangolo ako sa ibabaw sang banwa ni Iehoba, sa ibabaw ni Israel. Kag magakasadya ako sa atubangan ni Iehoba;

22 Kag magahimo ako nga labing talamayon sang sini, kag magamanginkubus sa akon kaugalingon nga mga mata. Kag sa atubangan sang mga sologoon nga babae, nga ginsiling mo sa akon, pagapasidungan ako nila."

23 Kag si Mikal, nga anak nga babae ni Saul, walá nga mas-a magpanganak tuhtub sa adlaw sang iya kamatayon,

\* *Peres-Ussa*, pagboong kay Ussa.

Ang Dios indi nagatugut nga si Dabid magpa-  
tindug sa iya sing simbahan.

**7** KAG sang nagapuyô na ang hari sa iya baláy, kag si Iehoba naghatag sa iya sing pahuway sang tanan niya nga mga kaaway sa palibot,

2 Nahanabu, nga ang hari nagsiling sa manalagna nga si Natan: "Yari karon nga ako nagapuyô sa isa ka baláy nga sedro kag ang kaban sang Dios yara sa tungâ sang mga kumbung."

3 KAG si Natan nagsiling sa hari: "Lakat-ka, kag himoa ang tanan nga yara sa imo tagiposoon, kay si Iehoba upud sa imo."

4 KAG nahanabu sadto gid nga gab-i, nga si Iehoba naghambal kay Natan, nga nagasiling:

5 "Lakat-ka kag isiling sa akon alagad nga si Dabid: Amo ini ang ginsiling ni Iehoba: ¿Ikaw magapatindug bala sa akon sing baláy, nga akon pagapuy-an?

6 Kay walâ ako magpuyô sa isa ka baláy kutub sang adlaw nga ginpataklad ko ang mga inanak ni Israel gikan sa Egipto tubtub karon, kondi nga naglakat ako sa isa ka layanglayang kag sa isa ka puluy-an nga *madaladalâ*.

7 Sa tanan nga duug nga ginlaktan ko upud ang tanan nga mga inanak ni Israel, ¿naghambal bala ako sing polong sa isa sang mga kabikahan ni Israel, nga sa iya nagsogo ako nga pahalbon niya ang akon banwa nga Israel, nga nagasiling: ¿Kay ngaa bala walâ ninyo ako pagpatindugi sing baláy nga mga sedro?

8 Busa karon, igapamolong mo sa akon alagad nga si Dabid: Amo ini ang ginsiling ni Iehoba sang Sebaot: Ako nagkuha sa imo sa halaban, sa diin nagasunud ka sa mga obehâ, agud nga manginmanugdumala ka sang akon banwa, sa ibabaw ni Israel.

9 KAG yara ako upud sa imo sa tanan nga duug nga imo ginlaktan, kag sa atubangan mo ginpangutud ko ang tanan nga imo mga kaaway; kag ginhimo ko ang daku nga ngalan sa imo, subung sang ngalan sang mga kadalagkuan nga yara sa duta.

10 KAG nagpahamtang ako sing duug sa akon banwa nga Israel, kag ako nagtanum sa iya, kag nagpuyô sia sa iya duug; kag indi na gid sia pagagamohon, kag ang mga anak sang pagkamalalison

indi na magapadayon sa pagpaubus sa iya, subung sang sa ginsuguran,

11 KAG kutub sang adlaw nga ginbutangan ko sing mga hukom sa ibabaw sang akon banwa nga Israel. KAG ako naghatag sa imo sing pagpahuway sang tanan nga imo mga kaaway, kag si Iehoba nagpahibalo sa imo, nga si Iehoba buut maghimo sa imo sing baláy.

12 KAG kon ang imo mga adlaw matuman na kag magtolog ka upud sa imo mga ginikanan, ako magabangon sang imo kaliwatan, sa olehe nimo, nga magagikan sa imo mga kasudlan, kag pagapalig-onon ko ang iya ginharian.

13 Sia magapatindug sing baláy sa akon ngalan, kag ako magapalig-on sa gihapon sang lingkoran nga harianon sang iya ginharian.

14 Ako manginamay niya, kag sia manginanak ko; kag kon sia maghimo sing kalainan, ako magasilot sa iya nga may bilogon sang mga tawo, kag may mga labhag sang mga anak sang mga tawo.

15 Apang ang akon kalooy indi magpalayô sa iya, subung sang pagpalayô ko sa iya kay Saul, nga ginkuha ko sa atubangan mo.

16 KAG pagapalig-onon ang imo baláy kag ang imo ginharian sa gihapon sa atubangan mo; kag ang imo lingkoran nga harianon magamalig-on sa gihapon."

17 KAG sono sa sining tanan nga mga polong kag sono sa sining tanan nga palanan-awon, ginhambal ni Natan kay Dabid.

18 KAG ang hari nga si Dabid nag-sulud kag naglingkod sa atubangan ni Iehoba, kag nagsiling: "Ginoo nga si Iehoba, ¿si sin-o ako bala kag ano ang akon baláy, agud nga pagdalhon mo ako tubtub diri?

19 KAG labut pa, ini nanginbutang pa nga diyotay sa imo mga mata, Ginoo nga si Iehoba; kag naghambal ka man nahanungud sang baláy sang imo alagad nga sa malayô nga panag-on; kag ¿amo bala ini ang kasogoan sang tawo, Ginoo nga si Iehoba?

20 KAG ¿ano pa bala ang igapadayon ni Dabid nga pagaisiling sa imo? Kay ikaw nakakilala sang imo alagad, Ginoo nga si Iehoba.

21 Bangud sang imo polong kag sono



sa imo tagiposoan, ginbuhat mo ining tanan nga pagkadaku, nga ginpahibalo mo *sia* sa imo alagad.

22 Tunğud sini, ikaw amo ang daku, Iehoba nga Dios; kay walà sing sin-o nga subung sa imo, bisan may Dios luwas sa imo, sono sang tanan nga amon nabatian sang amon mga idu-lungug.

23 Kag ;sin-o bala ang kaangay sa imo banwa, subung sang Israel, katawohan nga bugtong sa duta, nga ang Dios gid nagpakari sa pagtubus nga sa iya, agud nga manginbanwa niya, kag agud nga makahimo sa iya sing ngalan, kag sa pagbuhat sining dalagku nga butang, kag s ng mga makalilisang nga mga butang nga sa imo duta, sa atubangan sang imo banwa, nga imo gintubus nga sa imo sa Egipto, sa mga katawohan kag sa ila mga dios?

24 Kag ikaw nagpabakud sa imo banwa nga Israel sa paghimo sing isa ka banwa nga sa imo sa gihapon. Kag ikaw, oh Iehoba, nanginila Dios.

25 Busa karon, Iehoba nga Dios, tumana sa gihapon ang polong nga imo ginhambal nahanungud sa imo alagad kag nahanungud sa iya baláy, kag himo-a sono sa imo ginhambal;

26 Kag nga ang imo ngalan magma-ngindaku sa gihapon, nga nagasiling: Si Iehoba sang Sebaot amo ang Dios sa ibabaw ni Israel; kag nga ang baláy sang imo alagad nga si Dabid magma-lig-on sa atubangan mo.

27 Kay ikaw, Iehoba sang Sebaot, nga Dios ni Israel, nagpahayag ka sa imo alagad, nga nagasiling: Ako magapatindug sa imo sing baláy; tunğud sini ang imo alagad nakakita sa iya tagiposoan sa paghimo sa atubangan mo sini nga pangamuyo.

28 Kag karon, Iehoba nga Dios, ikaw amo ang Dios kag ang imo mga polong among kamatooran, kag ikaw nagpanaad sa imo alagad sini nga kaayohan.

29 Kag karon, kahamut-i ang pagpakamaayo sang baláy sang imo alagad, agud nga magpadayon sia sa atubangan mo sa gihapon; kay ikaw, Iehoba nga Dios, nagsiling sini, kag tunğud sang imo pagpakamaayo, pagapakamaayohon ang baláy sang imo alagad sa gihapon."

Si Dabid nagasakup sa mga Moabinhon, sa mga Sobanhon, kag sa mga Araminhon kon Sirihanon.—Ang iya mataas nga mga alagad.

8 KAG sa tapus sini, nahanabu nga ginpilas ni Dabid ang mga Pilistinhon kag ginpasakup sila niya; kag ginkuha ni Dabid ang pitik sang banwang pangolo sa kamut sang mga Pilistinhon.

2 Kag ginpilas niya ang mga Moabinhon kag gintakus niya sila sang lubid, nga ginpahigda sila niya sa duta. Kag nagtakus sia sing duha ka lubid nga sa pagpatay sa ila, kag isa ka himpit nga lubid nga sa pagtugut nga magkabuhi sila. Kag ang mga Moabinhon manginsinakup ni Dabid, kag nagdalalá sila sing mga dolot.

3 Kag ginpilas ni Dabid si Hadadeser, anak ni Reob, nga hari sa Soba, sang paglakat niya sa pagkuha liwan sang iya kagamhanan sa luyo sang Subâ;

4 Kag si Dabid nagkuha sa iya sing isa ka libo kag pito ka gatus ka mga manugkabayo, kag duha ka púlô ka libo ka tawo nga mga naglalakat: kag ginkintinan ni Dabid ang mga kabayo sang tanan nga mga kanga; apang ginhawiran niya sa ila nga sa isa ka gatus ka kanga.

5 Kag nag-alabut ang mga Araminhon gikan sa Damasko sa pagbulig kay Adadeser, nga hari sa Soba, kag ginpilas ni Dabid sa mga Araminhon ang duha ka púlô kag duha ka libo ka tawo.

6 Kag si Dabid nagbutang sing mga soldado nga bantay sa Aram sa Damasko, kag ang mga Araminhon nanginsinakup ni Dabid, nga nagadalalá sa iya sing dólô. Kag ginluwas ni Iehoba si Dabid, sa bisan diin nga magkadto sia.

7 Kag ginkuha ni Dabid ang mga taming nga bulawan, nga iya sadto sang mga alagad ni Hadadeser, kag ginpadalá niya sila sa Ierusalem.

8 Subung man sa Beta kag sa Berotai, mga kabanwanan ni Hadadeser, ginkuha sang hari nga si Dabid ang madamugid nga tumbaga.

9 Kag si Toi, nga hari sa Hamat, nakabati nga si Dabid nagpilas sang bug-os nga kasoldadosan ni Hadadeser;

10 Kag ginpadalá ni Toi si Ioram, nga iya anak, sa hari nga si Dabid, sa pagabiabi sa iya sing makigdaigon gid, kag sa pagpakamaayo sa iya tunğud kay

nakigaway sia batok kay Hadadeser kag iya ginpilas; kay si Toi nagaway kay Hadadeser. Kag yara sa kamut ni Ioram ang mga suludlan nga pilak, kag ang mga suludlan nga bulawan kag ang mga suludlan nga tumbaga.

11 Kag ini sila ginhalad sang hari nga si Dabid kay Iehoba, upud ang pilak kag ang bulawan nga nahalad na niya gikan sa tanan nga mga katawohan nga ginpanakup niya:

12 Gikan sa Aram, sa Moab, sa mga anak ni Amon, sa mga Pilistinhon, sa Amelek, kag sa inagaw kay Hadadeser, anak ni Rehob, nga hari sa Soba.

13 Kag si Dabid naghimo sa iya sing ngalan, sang pagbalik niya sa pagpilas sa Aram, sa nalupyakan sang Asin, sa *kadamuon* sang napúlô kag walo ka libo ka tawo.

14 Kag ginbutangan niya sing mga soldado nga bantay sa EDOM; sa bug-os nga EDOM ginbutangan niya sing mga soldado nga bantay, kag ang bug-os nga EDOM nanginsakup ni Dabid. Kag ginluwas ni Iehoba si Dabid sa bisan diin nga magkadto sia.

15 Kag si Dabid naghari sa ibabaw sang bug-os nga Israel; kag ginhimo ni Dabid ang katadlungan kag katarungan sa bug-os niya nga banwa.

16 Kag si Ioab, nga anak ni Seruia, amo ang pangolo sang kasoldadosan; kag si Iosapat, nga anak ni Ailud, amo ang manugsulat sang mga Kronika.

17 Kag si Sadok, nga anak ni Ahitub, kag si Ahimelek, nga anak ni Abyatar, amo ang mga saserdote, kag si Seraia among eskriba.

18 Kag si Benaia, nga anak ni Ioiada, amo ang pangolo sang mga Keretinhon kag mga Peletinhon; kag ang mga anak nga lalaki ni Dabid amo ang mga saserdote.

Ang pagkalooy ni Dabid nga sa kay Mepiboset, nga anak ni Ionatan.

**9** KAG si Dabid nagsiling: “¿May nabilin pa bala sa baláy ni Saul, nga sa iya magkalooy ako bangud kay Ionatan?”

2 Kag may isa ka alagad sa baláy ni Saul, nga ginahingalanan nga si Siba, kag gintawag nila sia kay Dabid; kag ang hari nagsiling sa iya: “¿Amo ikaw

bala si Siba?” Kag sia nagsabat: “Ang imo alagad.”

3 Kag ang hari nagsiling: “¿Walâ na bala sing bisan sin-o nga nabilin sa baláy ni Saul, nga sa iya maggamit ako sing kalooy sang Dios?” Kag si Siba nagsiling sa hari: “Nabilin pa ang isa ka anak nga lalaki ni Ionatan, nga piang ang mga tiil.”

4 Kag ang hari nagsiling sa iya: “¿Sa diin bala sia?” Kag si Siba nagsabat sa hari: “Yari karon, yara sa baláy ni Makir, nga anak ni Amiel, sa Lodebar.”

5 Kag ginpadalâ sang hari nga si Dabid, kag ginpakuha sia sa baláy ni Makir, nga anak ni Amiel, sa Lodebar.

6 Kag sang umabut si Mepiboset, anak ni Ionatan, nga anak ni Saul, kay Dabid, naghapa kag nagyaub sia. Kag si Dabid nagsiling: “Mepiboset.” Kag sia nagsiling: “Yari karon ang imo alagad.”

7 Kag si Dabid nagsiling sa iya: “Dili ka magkahadluk, kay ako, sa pagkamatuud, magahikalooy sa imo bangud kay Ionatan, nga imo amay, kag pagaipauli ko sa imo ang tanan nga mga duta ni Saul, nga imo amay, kag ikaw magakaon gihapon sing tinapay sa akon latok.”

8 Kag sang nagyaub, nagsiling sia: “¿Sin-o bala ang imo alagad, agud nga magbalikid ka sa isa ka ido nga patay subung sa akon?”

9 Kag gintawag sang hari si Siba, nga alagad ni Saul, kag nagsiling sa iya: “Ang tanan nga iya anay ni Saul kag iya sang bug-os niya nga baláy, ginhatag ko sa anak sang imo ginoo.

10 Kag ikaw magapanguma sini nga duta nga sa iya, ikaw kag ang imo mga anak kag ang imo mga alagad; kag pagadalhan mo *sing mga patubas*, agud nga ang anak sang imo ginoo may tinapay sa pagkaon. Apang si Mepiboset, nga anak sang imo ginoo, magakaon sa gihapon sing tinapay sa akon latok.” Kag si Siba may napúlô kag lima ka anak, kag duha ka púlô ka alagad.

11 Niyan si Siba nagsiling sa hari: “Sono sang tanan nga giusogo sang hari, nga akon ginoo, sa iya alagad amo ang pagabuhaton sang imo alagad.” “Kag si Mepiboset nagakaon na sa akon latok, subung sang isa sang mga anak sang hari.”

12 Kag si Mepiboset may isa ka anak



nga lalaki nga diyotay, nga ginhingalan nga si Mika. Kag ang tanan nga mga nagapuluyô sa baláy ni Siba mga alagad sila ni Mepiboset.

13 Kag nagpuyô si Mepiboset sa Ierusalem; kay nagkaon sia gihapon sa latok sang hari. Kag sia piang sa duha ka tilil.

Ang mga Amoninhon kag ang mga Siriahanon, kon Araminhon, ginapandaug kag ginasakup sila.

**10** KAG sa tapus sini, nahanabu nga namatay ang hari sang mga inanak ni Amon; kag naghari sa ilis niya si Hanun, nga iya anak.

2 Kag nagsiling si Dabid: "Ako magakalooy kay Hanun, nga anak ni Nahas, subung nga nagkalooy sa akon ang iya amay. Kag ginpadalá ni Dabid ang iya mga alagad sa paglipay sa iya tungud sang iya amay; kag ang mga alagad ni Dabid nag-alabut sa duta sang mga inanak ni Amon.

3 Kag ang mga pangolo sang mga inanak ni Amon nagsililing kay Hanun, nga ila ginoo: "¿Sa imo mga mata bala, nga sa pagpadungug sa imo amay, nga si Dabid nagapadalá sing mga manuglipay sa imo? ¿Walâ bala magpadalá si Dabid sang iya mga alagad sa imo sa pagusisa kag sa pagsaladsad sang banwa, sa paglaglag sa iya?"

4 Kag gindakup ni Hanun ang mga alagad ni Dabid, kag ginkiskisan niya sila sang katungâ sang bungut, kag ginutdan niya ang ila mga panapton sa tungâ tubtub sa mga balikawang, kag ginpalakat niya sila.

5 Sang pagpahibalo sini sa kay Dabid, nagpadalá sia sa pagsugata sa ila; kay ini nga mga tawo nagkalahuya sing tama gid. Kag nagsiling sa ila ang hari: "Magpalabilin-kamo sa Ieriko tubtub nga tuboan sang bungut, kag ugaling magpalauli-kamo."

6 Kag nakita sang mga inanak ni Amon, nga nangindinumtan sila ni Dabid; kag nagpaladalá ang mga inanak ni Amon kag nagsolohol sila sa mga Araminhon sa Bet-Reob, kag sa mga Araminhon sa Soba, mga duha ka púlô ka libo ka tawo nga nagalalakat; kag sa hari sa Maaka, mga isa ka libo ka tawo, kag sa mga sa Tob, mga napúlô kag duha ka libo ka tawo.

7 Kag sang pagkabati ni Dabid sini,

ginpadalá niya si Ioab upud ang bug-os nga kasoldadosan, ang mga tawo nga maisug.

8 Kag naggulowa ang mga inanak ni Amon, kag nagpalasunud sila nga sa pagpakigawayan sa salamputan sang gawang; apang ang mga Araminhon sa Soba kag sa Reob, kag ang mga tinawo sa Tob kag sa Maaka, nga didto sila pumahamtang sing pain sa latagon.

9 Kag nakita ni Ioab, nga ang paginaway yara batok sa iya, sa atubangan kag sa likod, kag nagpili sia sa tanan nga mga pinili sa Israel, kag nagpasunud sia sa ila batok sa mga Araminhon.

10 Kag ang nabilin sang banwa gintugyan niya sa kamut ni Abisai, nga iya útud; kag ginpasunud niya sia batok sa mga inanak ni Amon.

11 Kag nagsiling sia sa iya: "Kon ang mga Araminhon magmanginlabin mabakud sa akon, ikaw magaluwas sa akon; apang kon ang mga inanak ni Amon magmanginlabin mabakud sa imo, ako magakari kag magaluwas sa imo.

12 Magpakabakud-ka kag magpakalalaki-kita tungud sang aton banwa, kag tungud sang mga banwa sang aton Dios; kag kabay pa nga himoon ni Iehoba ang ginapakamaayô sa iya mga mata."

13 Kag nagpalapit si Ioab kag ang banwa nga yara upud sa iya sa pagpakigaway batok sa mga Araminhon; apang sila nagpalalagyo sa atubangan niya.

14 Kag ang mga inanak ni Amon, sang pagkakita nila nga ang mga Araminhon nagpalalagyo, nagpalalagyo man sila sa atubangan ri Abisai kag nagsululúd sila sa banwa. Kag si Ioab nagbalik gikan sa mga inanak ni Amon, kag nagsulúd sa Ierusalem.

15 Kag, sang pagkakita sang mga Araminhon nga ginpandaug sila sa atubangan ni Israel, nagtilipon sila liwan sing tingub.

16 Kag nagpadalá si Adadeser kag nagpagowa sa mga Araminhon nga yara sa isa ka luyo sang subâ; kag nag-alabut sila sa Elam upud kay Sobak, nga pangolo sang kasoldadosan ni Hadadeser, nga sa olohan.

17 Kag ginpahibalo si Dabid sini; kag gintipon niya ang bug-os nga Israel, kag nagtabok sia sa Iordan kag nag-abut sa Elam. Kag ang mga Araminhon

nagpalasunud sa pagsugata kay Dabid kag nagpalakigaway sa iya.

18 Apang ang Aram nagpalagyo sa atubangan ni Israel; kag ginpatay ni Dabid sa mga Araminhon ang mga *tinawo* sang pito ka gatus ka mga kanga kag kap-atan ka libo ka manugkabayo; kag ginpilas *man* niya si Sobak nga pangolo sang kasoldadosan, kag namatay sia didto.

19 Kag nakit-an sang tanan nga mga hari nga ginsakupan ni Hadadeser, nga ginpandaug sila sa atubangan ni Israel. kag naghilimo sila sing paghidaet kay Israel kag nagpalasakup sila sa iya. Kag ang Aram nagkahadluk sa pagbulig pa sa mga inanak ni Amon.

Si Dabid nakasala sa pagpanglahe kag sa pagpatay sa masigkatawo.

**11** KAG nahanabu nga, sa nagbalik nga tuig, sa dag-on nga nagagulowa ang mga hari sa *pag-awayan*, nga si Dabid nagpadalá kay Ioab, kag sa iya mga alagad upud sa iya kagsa bug-os nga Israel, kag ginhapay nila ang *kadutaan* sang mga anak ni Amon, kag ginlibotan nila ang Raba; apang si Dabid nabilin sa Ierusalem.

2 Kag nahanabu nga, sang bumangon si Dabid sa iya higdaan, sa oras sang kahaponon, nagadayandayan sia sa atup sang baláy nga harianon. Kag kutub sa atup nakita niya ang isa ka babae, nga nagpaligus; kag ang babae tama gid kaayoayo sa pagtan-aw.

3 Kag si Dabid nagpadalá sa pagpamangkot tungud sadtong babae; kag ginsilingan sia: “¿Indi bala ini si Batseba, nga anak ni Eliam, nga asawa ni Uria nga Hetinhon?”

4 Kag si Dabid nagpadalá sing mga manugbalita, kag nagkuha sa iya; kag sia nagsulúd sa iya, kag sia nagbigda upud sa iya (kag nagtinlo sia sang iya kahigkoan), kag napauli sia sa iya baláy.

5 Kag ini nga babae nanamkon; kag nagpadalá sia kag nagpahayag sini kay Dabid, nga nagasiling: “Ako nagabusong.”

6 Kag si Dabid nagpadalá sa *pagsiling* kay Ioab: “Ipadalá sa akon si Uria, nga Hetinhon;” Kag ginpadalá sia ni Ioab kay Dabid.

7 Kag si Uria nag-abut sa iya, kag ginpamangkot sia ni Dabid tungud sang

maayo nga lawas ni Ioab, kag tungud sang maayo nga lawas sang banwa, kag subung man nahanungud sang pag-*ilina*way.

8 Kag si Dabid nagsiling kay Uria: “Dulhog ka sa imo baláy, kag hinawan mo ang imo mga tiil.” Kag gumowa si Uria sa baláy sang hari, kag naggowa ang isa ka dólot sang hari sa olehe niya.

9 Kag si Uria naghigda sa gawang sang baláy sang hari upud ang tanan nga mga alagad sang iya ginoo, kag walâ magdulhog sia sa iya baláy.

10 Kag ginpahibalo nila sini si Dabid, nga nagasiling: “Si Uria walâ magdulhog sa iya baláy.” Kag si Dabid nagsiling kay Uria: “¿Walâ ka bala mag-abut gikan sa panlakatan? ¿Kay nga bala walâ ka magdulhog sa imo baláy?”

11 Kag si Uria nagsabat kay Dabid: “Ang kaban, kag si Israel, kag si Iuda nagapuluyô sa idalum sang mga kadahonan; kag ang akon ginoo nga si Ioab kag ang mga alagad sang akon ginoo nagaduilog sa ibabaw sang kadayagan sang latagon; kag ako, ¿maga-sulúd ako bala sa akon baláy sa pagkaon kag paginum kag sa pagtolog upud sa akon asawa? Magkabuhi ka kag magkabuhi ang imo kalág, nga ako indi magahimo sang amo nga butang.”

12 Kag si Dabid nagsiling kay Uria: “Pabilin-ka pa diri karon nga adlaw, kag buas sa aga pagapalakton ko ikaw.” Kag nagpabilin si Uria sa Ierusalem sadtong adlaw kag sa masunud nga adlaw.

13 Kag si Dabid nagtawag sa iya, kag nagkaon kag nagingum sia sa atubangan niya; kag ginhubug niya sia. Kag sa pagkagab-i naggowa sia sa paghigda sa iya higdaan upud ang mga alagad sang iya ginoo, apang walâ sia magdulhog sa iya baláy.

14 Kag nahanabu sang pagkaaga, nga nagsulat si Dabid kay Ioab sing isa ka sulat, nga ginpadalá niya sia sa kamut ni Uria.

15 Kag ginsulat niya sa sulat, nga nagasiling: “Paunahon-mo si Uria sa pagilinaaway nga labing masingkal, kag pabaya-an-ninyo sia, agud nga mapilas kag mapatay sia.”

16 Amo ini ang nahanabu nga, sang ginlibutan ni Ioab ang banwa, ginbutang niya si Uria sa duug nga didto



nahibaloan niya nga yara ang mga tawo nga labing maisug.

17 Kag naggulowa ang mga tagabanwa kag nagpalakigway kay Ioab; kag nagkalapukan ang iban sang mga tinawo; bisan pa sang mga alagad ni Dabid, kag namatay man si Uria, nga Hetinhon.

18 Kag si Ioab nagpadalá kag nagpahibalo kay Dabid sang tanan nga mga butang nahanungud sang pagilinaway.

19 Kag nagsogo sia sa manugbalita, nga nagsiling: "Kon makatapus ka sa pagsugid sa hari sang tanan nga nagkahanabu nahanungud sang pagilinaway;

20 Kon mahanabu nga magsaka ang kaakig sang hari kag nga magsiling sia sa imo: ¿Kay nga bala nagpalapit kamo sa banwa sa pagpakigaway? ¿Walá bala kamo makahibalo nga nagahaboy gikan sa ibabaw sang kuta?

21 ¿Sin-o bala ang nagpilas kay Abimelek, nga anak ni Ierubeset? ¿Walá bala paghologi sang isa ka babae gikan sa kuta sang bató nga nagabuyong sa galingan, kag namatay sia sa Tebes? ¿Kay nga bala nagpalalapit kamo sa kuta? Niyan ikaw magasiling: Namatay man ang imo alagad nga si Uria, nga Hetinhon."

22 Kag naglakat ang manugbalita, kag sang imabut, nagsugid sia kay Dabid sang tanan nga ginpadalá sa iya ni Ioab.

23 Kag ang manugbalita nagsiling kay Dabid: "Ginlandas kami sadtong mga tawo; kag nagulowa sila batok sa amon sa latagon, apang ginsalakay namon sila tubtub sa salamputan sang gawang.

24 Kag ang mga manugpana nagpalana batok sa imo nga alagad kutub sa ibabaw sang kuta; kag nagkalamatay ang iban sang mga alagad sang hari, kag namatay man ang imo alagad nga si Uria, nga Hetinhon."

25 Kag si Dabid nagsiling sa manugbalita: "Pagaisiling mo ang subung sini kay Ioab: Indi magamanginnalain ining hitabo, kay ang hinganiban naghahonhon bisan diri bisan didto. Awaya sing labing mabaskug ang banwa kag wagwaga sia. Kag ikaw magpakabakud sa iya."

26 Kag sang pagkabati sang asawa ni Uria, nga ang iya bana nga si Uria napatay, naghaya sia tungud sang iya bana.

27 Kag sang lumigad ang lalaw, si Dabid nagpadalá kag ginpakuha sia sa

iya baláy, kag sia nanginiya asawa, kag nag-anak sia sa iya sing isa ka anak nga lalaki. Apang ini nga ginbuhat ni Dabid, nanginmalaut sa mga mata ni Iehoba.

Ang paghinulsul ni Dabid kag ang silot sa iya.

**12** KAG ginpadalá ni Iehoba si Natan kay Dabid. Kag sang pag-abut niya sa iya, nagsiling sia sa iya: "May duha ka tawo sa isa ka banwa: ang isa mangaran kag ang isa imol.

2 Ang mangaran may mga obeha kag mga baka sing bugana gid.

3 Apang ang imol walá na sing liwan nga iya, kondi isa lamang ka tinday sang kordero, nga iya ginbakal kag ginsagud; kag nagdaku sia upud sa iya kag upud sa iya mga anak sing tingub. Sia nagkaon sang iya gid nga hungit, kag naginum sang iya gid nga ilimnon, kag nagtolog sa iya sabak kag ginapakasubung sia niya sing isa ka anak nga babae.

4 Kag nag-abut ang isa ka manugpanlakatan sa tawo nga mangaran, kag maiwat sa iya ang pagkuha sa iya mga obeha kag sa iya mga kabakahan sa pagluto sa manugpanlakatan nga nag-abut sa iya, kondi nga ginkuha niya ang tinday sang kordero sadtong tawo nga imol, kag ginluto niya sia nga sa tawo nga nag-abut sa iya."

5 Niyan nagdabdad ang kaakig ni Dabid sing daku gid batok sadto nga tawo; kag nagsiling sia kay Natan: "Magkabuhi si Iehoba, nga ang nagbuhat sini, takus sia sa kamatayon.

6 Kag sia magabayad sang tinday sang kordero sing makap-at, kay nagbuhat sia sina, kag walá sia sing kalooy."

7 Kag si Natan nagsiling kay Dabid: "Amo ikaw ini nga tawo. Amo ini ang ginsiling ni Iehoba, ang Dios ni Israel: Ako naghaplas sa imo nga hari sa ibabaw ni Israel, kag ginluwas ko ikaw sa kamut ni Saul.

8 Kag ako naghatag sa imo sang baláy sang imo ginoo kag sang mga asawa sang imo ginoo, sa imo sabak. Labut sini, ginhatag ko sa imo ang baláy ni Israel kag ni Iuda; kag kon ini diyotay, ako nagdugang kunta sa imo sini kon sadto nga mga butang.

9 ¿Kay nga bala gintamay mo ang polong ni Iehoba sa paghimo sing ma-

lain sa atubangan sang iya mga mata? Ginpilas mo sa hinganiban si Uriah, nga Hetinhon, kag ginkuha mo nga imo asawa ang iya asawa; kag ginpatay mo sia sa hinganiban sang mga inanak ni Amon.

10 Busa karon, indi magbulag nga mas-a sa imo balay ang hinganiban, tungud nga gintamay mo ako, kag ginkuha mo ang asawa ni Uriah, nga Hetinhon, agud nga manginimo asawa.

11 Amo ini ang ginsiling ni Iehoba: Yari karon, pagapatindugon ko sa ibabaw mo ang kalainan sang imo gid balay; kag pagakuhaon ko ang imo mga asawa sa atubangan sang imo mga mata, kag pagaihatag ko sila sa *isa* sang imo isigkatawo, nga magahigda sia upud sang imo mga asawa sa atubangan sini nga adlaw.

12 Kay ginbuhat mo ini sa tago, apang pagabuhaton ko ini sa atubangan sang bug-os nga Israel kag sa atubangan sang adlaw."

13 Kag si Dabid nagsiling kay Natan: "Nakasala ako batok kay Iehoba." Kag si Natan nagsiling kay Dabid: "Ginpatawad man ni Iehoba ang imo sala: indi ka mamatay.

14 Apang, tungud kay sa sini nga binuhatan ginpapasipalahan mo sa mga kaaway ni Iehoba, ang anak nga natawo sa imo, mamatay, sa pagkamatuud gid."

15 Kag si Natan nagpauli sa iya balay. Kag ginpilas ni Iehoba ang batâ, nga gin-anak sang asawa ni Uriah kay Dabid, kag nagbalatian sing sa kamatayon.

16 Kag si Dabid nagpangita sa Dios tungud sang batâ; kag nagpuasa gid si Dabid; kag nagsulud sia kag naghigda sa duta sa bug-os nga gab-i.

17 Kag nagtilindug ang mga tigulang sang iya balay kag nagtinguha sila sa pagpatindug sa iya sa duta; apang sia walâ magbuut, bisan magkaon upud sa ila sing tinapay.

18 Kag nahanabu, sa ikapito ka adlaw, nga namatay ang batâ; kag ang iya mga alagad walâ magpalangahas sa pagpahibalo sa iya, nga ang batâ patay na; kag nagasililing sila: "Yari karon, sang nagakabuhi pa ang batâ, naghambal kita sa iya, kag indi sia maluyag magpamati sang aton tingug, (paano bala ang pagsiling ta sa iya: Ang batâ

namatay? Ayhan pagahimoon niya kon ano nga kalainan.

19 Apang sang pagkakita ni Dabid sa iya mga alagad, nga nagahilidonghiong, ginhangup niya nga ang batâ patay na. Kag si Dabid nagsiling sa iya mga alagad: "¿Patay bala ang batâ?" Kag sila nagsalabat: "Patay."

20 Niyan si Dabid nagtindug sa duta, kag nagpanghunaw kag nagpanghaplas, kag nagilis sang iya mga panapton; kag nagsulud sia sa balay ni Iehoba kag naghapa; kag nagpauli sia sa iya balay; kag nangayô sia nga pagbutangan sia nila sing tinapay, kag nagkaon sia.

21 Kag nagsililing sa iya ang iya mga alagad: "¿Ano bala ini nga imo ginhimo? Tungud sang batâ nga sang buhi pa, nagpuasa ka kag naghibi ka; kag sang patay sia, nagatindug ka kag nagakaon ka sing tinapay."

22 Kag sia nagsabat: "Sang nagakabuhi pa ang batâ, ako nagpuasa kag naghibi, nga nagasiling: ¿Ayhan ang Dios magkaloo sa akon, sa bagay nga mabuhi ang batâ?

23 Apang karon nga napatay na, ¿kay nga pa bala nga magpuasa? ¿Sarang ako bala makapabalik sa iya? Ako makadto sa iya, apang sia indi magabalik sa akon."

24 Kag ginlipay ni Dabid si Batseba, nga iya asawa; kag sang nagsulud sa iya, nagtolog sia upud sa iya, kag nag-anak sia sing isa ka nanak nga lalaki, kag ginhingalanan niya sia nga si Salomon. Kag si Iehoba naghigugma sa iya.

25 Kag ginpadala niya sia sa kamut ni Natan, nga manalagna, kag gintawag niya ang iya ngalan nga si Iedidia,\* bangud kay Iehoba.

26 Kag si Iobab nag-away batok sa Raba sang mga inanak ni Amon, kag ginkuha niya ang banwang harianon.

27 Kag si Iobab nagpadala sing mga manugbalita kay Dabid, nga nagasiling: "Ako nagpakigaway batok sa Raba, kag ginkuha ko ang banwa gid sang tubig.

28 Busa karon, tipona ang banwa nga nabilin kag butang-ka sing dulugan batok sa banwa kag kuhaa sia; basi pa kon makuha ko ang banwa, pagatawgon sia sa akon ngalan."

29 Kag gintipon ni Dabid ang bus-os

\* Iedidia, pinalanga ni Iehoba.



nga banwa, kag napakadto batok sa Raba, kag gin-away niya sia kag gin-kuha niya sia.

30 Kag ginkuha niya ang purung-purung sang ila hari sa iya olo; kag ang iya timbang isa ka talanton sa bula-wan kag sa mga bató nga matahum; kag ginbutang ini sa olo ni Dabid, kag nagdalá sia sing tama ka bugana nga inagaw gikan sa banwa.

31 Kag nahanungud sang banwa, nga yara sa iya, ginpagowa niya sia, kag ginbutang niya sia sa mga lagari, kag sa mga pakalas nga salsalon, kag sa mga wasay nga salsalon; kag ginpaagi niya sila sa horno sang mga tisa: kag amo man ang ginhimo niya sa tanan nga mga banwa sang mga inanak ni Amon. Kag si Dabid nagbalik upud sang bug-os nga banwa sa Ierusalem.

Ang pagpakighilawas ni Amnon.—Ang iya kamatayon.

**13** KAG sa tapus sini, nahanabu nga si Absalom, nga anak ni Dabid, may isa ka maayoayo nga útud nga babae, nga ginhingalanan nga si Tamar; kag ginhigugma sia ni Amnon, nga anak ni Dabid.

2 Kag si Amnon nagapangasubu tub-tub nga nagbalatian bangud kay Tamar, nga iya útud nga babae; kay tungud nga sia ulay, tama ka maiwat sa mga mata ni Amnon ang paghimo sa iya sang ano man.

3 Kag si Amnon may isa ka abyan, nga ginhingalanan nga si Ionadab, anak ni Simea, nga útud ni Dabid. Kag si Ionadab amo ang isa ka tawo nga tama gid ka malalangon.

4 Kag ini sia nagsiling sa iya: “;Kay ngaa bala naganawang ka sing subung sa adlawadlaw, ikaw nga anak sang hari? ;Indi mo bala pagisugid ini sa akon?” Kag si Amnon nagsabat sa iya: “Ako nagahigugma kay Tamar, ang útud nga babae ni Absalom, nga akon útud.”

5 Kag si Ionadab nagsiling sa iya: “Higda-ka sa imo higdaan kag magpakamasakit-ka; kag kon ang imo amay magkari sa pagduaw sa imo, isiling mo sa iya: Ginaampo ko sa imo, nga magkari ang akon útud nga si Tamar, agud nga magpakaon sa akon sing tinapay: mag-aman sia sing pagkaon sa atuba-

ngan sang akon mga mata, agud nga akon ini makita kag nga makaon ko ini sa iya kamut.”

6 Kag si Amnon naghigda kag nagpakamasakit, kag nag-abut ang hari sa pagduaw sa iya; kag si Amnon nagsiling sa hari: “Nagaampo ako sa imo, nga magkari ang akon útud nga si Tamar kag maghimo sa atubangan sang akon mga mata sing duha ka kalan-onon, nga kaonon ko sa iya kamut.”

7 Kag si Dabid nagpadalá sa nagsiling kay Tamar, sa iya baláy: “Kadto-ka karon sa baláy ni Amnon, nga imo útud, kag mag-aman-ka sa iya sing pagkaon.”

8 Kag si Tamar napakadto sa baláy sang iya útud, nga si Amnon, nga sia naghigda. Kag sia nagkuha sing linamas kag ginlamas niya, kag naghimo sing mga kalan-onon sa atubangan sang iya mga mata, kag ginluto niya ang mga kalan-onon.

9 Kag kinuha niya ang kalaha kag inula niya sila sa atubangan niya; apang sia walâ magbuut sa pagkaon. Kag si Amnon nagsiling: “Pagowaa diri ang tanan.” Kag ang tanan naggulowa gikan sa iya atubangan.

10 Kag si Amnon nagsiling kay Tamar: “Dalha diri ang pagkaon sa hulut nga sa sulúd, agud nga ako magkaon sa imo kamut.” Kag sang kinuha ni Tamar ang mga kalan-onon, nga iya ginhimo, gindalá niya sila sa iya útud, nga si Amnon, sa hulut.

11 Kag sang induhol niya sila sa iya, agud nga magkaon sia, gindakup niya sia, nga nagsiling sa iya: “Kari-ka, útud ko; higda-ka upud sa akon.”

12 Kag sia nagsabat sa iya: “Indi, útud ko, indi mo ako pagpaubson, kay indi ginahimo ang subung sa Israel. Dili ka maghimo sini nga kangil-aran.

13 Kay ;sa diin ko bala pagadalhon ang akon kahuluy-an? Kag ikaw manginsubung sing isa sang mga kangil-aran sa Israel. Busa gin-ampo ko sa imo karon, nga hambalon mo ang hari, kay sia indi magapangindi sa akon sa imo.”

14 Kag sia walâ magpamati sa iya, kondi kay sia labi ka kusug sa iya, ginpapaubus sia niya kag naghigda sa iya.

15 Kag si Amnon nagdumut sa iya sa daku gid nga dumut, kay ang dumut nga gindumut niya sa iya, nanginlabi ka da-

ku sang gugma nga iya ginhigugma sa iya. Kag si Amnon nagsiling sa iya: "Tindug-ka kag lakat-ka:"

16 Kag sia nagsabat sa iya: "Dili pagbuhata ini nga kalainan, nga labing daku sa isa nga ginbuhat mo sa akon, sa pagtabog sa akon." Apang sia walâ magbuut magpamati sa iya.

17 Kag gintawag niya ang iya sologoon, nga nagaalagad sa iya, kag nagsiling: "Itabog ako sini nga babae sa malayô sa akon sa dalan, kag takpi ang gawang nga may pintal sa olehe niya."

18 Kag sia nagpanaput sing isa ka panapton nga nagalinainlain sing duag, kay ang amo nga mga panapton ginapanaput sang mga ulay nga anak nga babae sang mga hari. Kag ginpagowa sia sa dalan sang iya sologoon, kag gintakup niya ang gawang nga may pintal sa olehe niya.

19 Niyan si Tamar nagkuha sing abô kag *ginbutang niya* sia sa ibabaw sang iya olo, kag gingisi niya ang panapton nga nagalinainlain sing duag, nga ginapanaput niya, kag binutang niya ang mga kamut sa ibabaw sang iya olo, kag naglakat nga nagasingit sia.

20 Kag nagsiling sa iya ang iya útud, nga si Absalom: "¿Didto bala sa imo ang imo útud nga si Amnon? Busa, hipus-ka karon, útud ko nga babae: útud mo sia; dili mo pagibutang ang imo tagiposoon sini nga butang." Kag si Tamar nagpuyô nga isa lamang sa baláy ni Absalom, nga iya útud.

21 Kag sang pagkabati sini nga tanan sang hari, nga si Dabid, naakig sia sing daku gid.

22 Kag si Absalom walâ maghambal kay Amnon sing malain, bisan maayo. Kay si Absalom nagadumut kay Amnon, bangud kay ginpapaubus niya si Tamar, nga iga útud.

23 Kag sang lumigad ang duha ka tuig, nahanabu nga si Absalom may mga manugalot sang mga obeha sa Baal-Hasor, nga yara malapit sa Ephraim. Kag gin-agda ni Absalom ang tanan nga mga anak sang hari.

24 Kag si Absalom nagkadto sa hari, kag nagsiling: "Yari karon ginaampo ko sa imo, ang imo alagad may mga manugalot sang mga obeha: ginaampo ko sa imo, nga magúpud ang hari kag ang iya mga alagad sa imo alagad."

25 Kag ang hari nagsabat kay Absa-

lom: "Indi, anak ko. Indi kita magkadto nga tanan, agud nga indi kami manginmabug-at sa imo." Kag ginpilit niya sia, kag si Dabid walâ magbuut sa pagkadto didto. Apang ginpakamaayo niya sia.

26 Kag si Absalom nagsiling: "Kon indi, ginaampo ko sa imo, nga magúpud sa amon si Amnon nga akon útud. Kag ang hari nagsiling sa iya, ¿kay nga bala magúpud sia sa imo?"

27 Apang si Absalom nagpilit sa iya, kag ginpaúpud niya sa iya si Amnon kag ang tanan nga mga anak sang hari.

28 Kag si Absalom nagsogo sa iya mga sologoon, nga nagasiling: Tata-pa-ninyo sing maayo kon ang tagiposoon ni Amnon magapangalipay sang alak, kag sa magsiling ako sa inyo: ¿Pilasa-ninyo si Amnon! Niyan patya-ninyo sia; kag dili kamo magkahadluk, ¿kay indi bala ako ang nagsogo sa inyo? Pagpakabakud-kamo kag magpakaisug-kamo."

29 Kag ang mga sologoon ni Absalom naghilimo kay Amnon subung sang nagsogo sa ila ni Absalom. Niyan nagtilindug ang tanan nga mga anak sang hari, kag nagsalakay ang tagsatagsa sa ila mga mulo kag nagpalalagyo.

30 Kag sang sa dalan pa sila, nag-abut kay Dabid ang higonghigong, nga nagasiling: "Ginpatay ni Absalom ang tanan nga mga anak sang hari, nga walâ gid sa ila sing nabilin bisan isa."

31 Kag sang tumindug ang hari, gingisi niya ang iya mga panapton, kag naghigda sia sa duta; kag ang tanan niya nga alagad didto man sila, nga napang gisi ang ila mga panapton.

32 Kag si Ionadab, nga anak ni Simea, nga mga útud ni Dabid, naghambal kag nagsiling: "Dili magsiling ang akon ginoo, nga ginpamatáy ang tanan nga mga anak nga pamatan-on sang hari; kay lamang si Amnon amo ang patay; kay ang bâbâ ni Absalom nagtapat sini kutub sang adlaw nga ginpapaubus ni Amnon si Tamar nga iya útud.

33 Busa karon, dili pagibutang sang hari, nga akon ginoo, sa iya tagiposoon ini nga butang, nga nagasiling: Ang tanan nga mga anak sang hari nagkalamatay, kay lamang si Amnon amo ang patay."

34 Kag si Absalom nagpalagyo. Kag ang pamatan-on, nga nagapahamtang nga manugbantay, sang binayaw niya



ang iya mġa mata, nagtoluk, kag yari karon, ang isa ka kadam-an nġa nagapakari sa dalan nġa sa likod sa kilid sang bukid.

35 Kag si Ionadab nagsiling sa hari: "Yari karon, ang mġa anak sang hari nġa nagapalakari. Subung sang ginsiling sa imo sang imo alagad, amo man ang nahanabu."

36 Kag sang pagkatapus niya sa paghambal, yari karon ang mġa anak sang hari nag-alabut kag nagbalayaw sang ila tungug kag naghilibi. Kag ang hari man kag ang tanan niya nġa mġa alagad naghilibi sa tama gid nġa mġa paghaya.

37 Apang si Absalom nagpalagyo kag nagpakadto kay Talmai, anak ni Amihud, nġa hari sa Gesur. Kag si Dabid naghaya tungud sang iya anak sa tanan nġa mġa adlaw.

38 Kag si Absalom, sang nagpalagyo, nagpakadto sia sa Gesur kag nagpuyô didto sing tatlo ka tuig.

39 Kag ang *kaakig sang* hari nġa si Dabid naguntat sa pagkadto batok kay Absalom, kay nalipay na sia nahanungud kay Amnon nġa napatay.

Si Absalom ginpapabalik sa Ierusalem.

**14** KAG sang nakilala ni Ioab, anak ni Seruia, nġa ang tagiposoon sang hari yara kay Absalom,

2 Ginpadalâ ni Ioab si Tekoa kag nagpakari kutub didto sing isa ka babae nġa malalangon, kag nagsiling sa iya: "Ako nagaampo sa imo, nġa magpakalalaw ka kag magsuklub ka sang panapton nġa sa lalaw; kag indi ka magpanghaplas sang lana, kondi nġa magpakababae ka nġa subung nġa ikaw nagdalâ sing lalaw sing malawig nġa dag-on tungud sang *isa* ka patay.

3 Kag magasulud ka sa hari kag magahambal ka sa iya sa sini nġa bagay." Kag ginbutang ni Ioab ang mġa polong sa iya bâbâ.

4 Kag yadtong babae, nġa Tekoinhon, naghambal sa hari, kag humapa sa duta kag nagtahud, kag nagsiling: "Ġ Buligi *ako*, oh hari!"

5 Kag ang hari nagsiling sa iya: "Ġ Ano bala ang buut mo?" Kag sia nagsiling: "Ako, sa pagkamatuud, among isa ka babae nġa bâlo kag ang akon bana napatay.

6 Kag ang imo alagad may duha ka

anak nġa lalaki, kag sila nġa duha nag-ilinaway sa latagon; kag sang walâ sing sin-o nġa makatambag sa ila, ginpilas ang isa sang isa, kag ginpatay niya sia.

7 Kag yari karon ang bug-os nġa kahimataan nagtindug batok sa imo alagad, nġa nagsiling: Itugyan ang nagpatay sa iya utud, agud nġa pagpatyon namon sia tungud sang kabuhi sang iya utud nġa iya ginpatay, kag nġa lagiagon man namon ang manunubli. Sa sini pagapalongon nila ang бага nġa nabilin sa akon, sa bagay nġa indi magbilin sa akon bana sing nġalan, bisan kaliwat sa ibabaw sang duta."

8 Kag ang hari nagsiling sa babae: "Pauli-ka sa imo balây; kag ako magasogo nahanungud sa imo."

9 Kag ang babae, nġa Tekoinhon, nagsiling sa hari: "Oh hari, nġa akon ginoo, ang kalainan maholog sa ibabaw nakon kag sa ibabaw sang balây sang akon amay, kag ang hari kag ang iya lingkoran nġa harianon walâ sing salâ sa sini.

10 Kag ang hari nagsiling: "Ang maghambal batok sa imo, dalha sia diri sa akon, kag indi na magkuhit liwan sa imo."

11 Kag sia nagsiling: "Ginaampo ko sa imo, oh hari, nġa magpanumdum ka kay Iehoba, nġa imo Dios, agud nġa indi ang manugtimalus sang dugo magdugang sang kalaglagan kag nġa indi paglaglagan ang akon anak." Kag sia nagsabat: "Magkabuhi si Iehoba, nġa indi maholog bisan isa ka bohok sang olo sang imo anak sa duta."

12 Kag ang babae nagsiling: "Ginaampo ko sa imo, nġa maghambal ang imo alagad sing isa ka polong sa hari, nġa akon ginoo." Kag sia nagsiling: "Hambal."

13 Niyan ang babae nagsiling: "Ġ Kay nġaa-bala nagahunahuna ka sing amo batok sang banwa sang Dios? Kag sa nagahambal ang hari sini nġa polong, daw subung sang nakasalâ sia, tungud nġa ang hari walâ magpapauli sa iya sinobol.

14 Kay sa pagkamatuud, mamatay kita: manginsubung kita sang mġa tubig nġa ginula sa duta, nġa indi sarang sila matipon liwan; kag ang Dios indi nagakuha sang isa ka kalâg, kondi nġa nagapadugi sing kalalangon,

agud nga ang iya sinobol indi mangin-malayô sa iya.

15 Busa karon, kon ako magkari sa pagsiling sini sa hari, nga akon ginoo, amo kay ang banwa nagpahadluk sa akon; kag ang imo alagad nagsiling: Magahambal ako karon sa hari; ayhan pagabuhaton niya ang pagaisiling sang iya alagad;

16 Kay ang hari magapamati sa iya alagad sa pagluwas sa iya sa kamut sang tawo nga buut maglaglag sa akon kag sa akon anak sing tingub gid, sa panublion sang Dios.

17 Kag ang imo alagad nagsiling: Ginaampo ko sa imo, nga ang mga polong sang hari, nga akon ginoo, manginkalinungan; kay subung sang isa ka manugtunda sang Dios amo man ang hari, nga akon ginoo, sa pagpamati sang maayo kag sang malain. Kag si Iehoba, nga imo Dios, manginkaúpud mo."

18 Kag ang hari nagsabat kag nagsiling sa babae: "Ako nagaampo sa imo, nga indi mo gid pagtagoon sa akon ang isa ka butang, nga akon pagaipamangkot sa imo." Kag ang babae nagsabat: "Maghambal ang hari nga akon ginoo."

19 Kag ang hari nagsiling: "Walâ bala ang kamut ni Ioab sa imo sa sining tanan?" Kag ang babae nagsabat kag nagsiling: "Magkabuhi ang imo kalág, oh hari, nga akon ginoo, nga indi dapat *magbulag* sa too bisan sa walâ sa tanan nga ginhambal sang hari, nga akon ginoo, kay ang imo alagad nga si Ioab, sia gid nagsogo *sini* sa akon, kag sia ang nagbutang sa bâbâ sang imo alagad sining tanan nga mga polong;

20 Sa pagbaylo sang dagway sang butang ginbuhat ini ni Ioab, nga imo alagad; kag ang akon ginoo may kaalam, sono sang kaalam sang isa ka manugtunda sang Dios, sa pagkilala sang tanan nga yara sa duta."

21 Kag ang hari nagsiling kay Ioab: "Yari karon, ako magahimo sini. Lakat-ka, kag papaulia ang pamatan-on nga si Absalom."

22 Kag si Ioab naghapa sa duta kag nagtahud, kag ginpakamaayo niya ang hari, kag si Ioab nagsiling: "Karon ginahangup sang imo alagad, nga nakakita ako sing bugay sa imo mga mata,

hari nga akon ginoo, kay ginbuhat sang hari ang ginsiling sang iya alagad."

23 Kag si Ioab nagtindug kag nagpakadto sa Gesur, kag ginpapauli niya si Absalom sa Ierusalem.

24 Kag ang hari nagsiling: "Magkadto sia sa iya baláy, kag indi magtan-aw sang akon nawung." Kag si Absalom nagpauli sa iya baláy, kag walâ magtan-aw sang nawung sang hari.

25 Kag walâ sing tawo nga labing maayoayo sa bug-os nga Israel subung kay Absalom, nga dalayawon sing daku gid. Kutub sa dapadapa tubtub sa alimpulos walâ sa iya sing dagta nga lawasnon.

26 Kag kon magpagunting sia sang buhok (kag ginaguntingan niya sa tuig-tuig, kay nagabug-at sa iya ang buhok, kag tungud sini ginapaguntingan niya), ang iya buhok nagatimbang sing duha ka gatus ka siklo sa timbang nga hari-anon.

27 Kag nagkalatawo kay Absalom ang tatlo ka anak nga lalaki kag isa ka anak nga babae, nga giuhingalanan nga si Tamar, nga maayoayo sia nga tan-awon.

28 Kag nagpuyô si Absalom sa sulúd sang duha ka tuig sa Ierusalem, kag walâ sia makakita sang nawung sang hari.

29 Kag nagpadalâ sia sa *pagpangita* kay Ioab, agud nga ipadalâ sia niya sa hari. Apang si Ioab walâ magbuut magkadto sa iya; kag nagpakadto sa iya sa makaduha, apang sia walâ magbuut magkadto didto.

30 Kag nagsiling si Absalom sa iya mga alagad: "Yari karon, ang latagon ni Ioab nga malapit sa akon, nga didto may mga sebada sia. Lakat-kamo, kag tutdi-ninyo sia." Kag gintutdan sang mga alagad ni Absalom ang latagon.

31 Niyan nagtindug si Ioab kag napakadto kay Absalom sa iya baláy, kag nagsiling sa iya: "¿Kay nga bala gintutdan sang imo mga alagad ang akon latagon?"

32 Kag si Absalom nagsiling kay Ioab: "Yari karon, nagpadalâ ako sa imo, nga nagasiling: Magkari-ka diri kag igapadalâ ko ikaw sa hari, nga pagaisiling mo sa iya: ¿Kay nga bala nga nagbalik ako gikan sa Gesur? Labi nga *maayo* pa sa akon nga magpuyô didto. Kag karon buut ako magtan-aw sang



guya sang hari ; kag kon may salâ sa akon, patya ako."

33 Kag si loab nagsulûd sa hari kag ginpahibalo niya sia sini. Kag gintawag niya si Absalom, nga nag-abut sa hari kag naghapa sa duta sa atubangan sang hari, kag ang hari naghaluk kay Absalom.

Ang pagkamabinafoon ni Absalom.—Ang pagpalagyo ni Dabid.

**15** KAG sa tapus sini, nahanabu nga si Absalom naghimulat sing mga kanga kag mga kabayo kag kalim-an ka tawo, mga nagdalalagan sa unhan niya.

2 Kag sa aga pa gid nagabangon si Absalom kag nagatindug sa isa ka higad sang dalan sang gawang ; kag sa kay bisan sin-o nga may kasaba, nga ginpadalâ sa iya sa hari sa paghukom, si Absalom nagtawag sa iya kag nagsiling : " ; Tagadiin ka bala nga banwa ? " Kag sia nagsabat : " Ang imo alagad amo sa isa sang mga kabikahan ni Israel."

3 Niyan si Absalom nagsiling sa iya : " Tuluk-ka, ang imo kasaba maayo kag matarung ; apang walâ ka sing mananabang sang hari nga magpamati sa imo."

4 Kagsi Absalom nagsiling : " Kabay pa nga ibutang ako nga hukom sa duta, agud nga magkalari sa akon ang tanan nga may mga kasaba, kon hulusayon, kag ako magabuhat sa ila sing katarungan."

5 Kag nagkahanabu, nga kon ang isa nag-abut sa pagyaub sa iya, sia naguntay sang kamut kag gindakup niya kag ginhalukan niya.

6 Kag sa sini nga bagay ginhimo niya sa bug-os nga Israel nga nagapalakari sa pagpahukom sa hari, kag sa sini nagbihag si Absalom sang tagiposoon sang mga Israelinhon.

7 Kag nahanabu sa katapusan sang kap-atan ka tuig, nga si Absalom nagsiling sa hari : " Ako nagaampo sa imo, nga tugutan mo ako sa pagkadto sa Hebron, sa pagbayad sang akon panaad, nga ginhimo ko kay Iehoba.

8 Kay ang imo alagad nagpanaad, sang didto pa sa Gesur sa Aram, nga nagsiling : Kon pabalikon ako ni Iehoba sa Ierusalem, pagaalagdon ko si Iehoba.

9 Kag ang hari nagsiling sa iya :

" Lakat-ka sa paghidaet." Kag sia nagtindug kag napakadto sa Hebron.

10 Apang si Absalom nagpadalâ sing mga manugpanilag sa tanan nga mga kabikahan ni Israel, nga nagsiling : " Kon mahatian ninyo ang tunug sang, budyong magasiling kamo : Si Absalom nagahari sa Hebron."

11 Kag nagulûpud kay Absalom ang duha ka gatus ka tawo gikan sa Ierusalem, nga iya ginpangagda, nga nagalakat sila sa ila kabunayag, kag walâ gid sila sing nahibaloan.

12 Kag sang si Absalom naghalad sang iya mga halad, ginpatawag nila si Ahitopel, nga Giloninhon, ang palangkuton ni Dabid, gikan sa iya banwa sa Gilo. Kag ang pagsilinumpanay nagingmabakud, kay nag-amatamat sing pagdaku ang banwa kay Absalom.

13 Kag nag-abut ang isa ka tawo, nga nagsugid kay Dabid, nga nagsiling. " Ang tagiposoon sang mga tinawo ni Israel nagasulunud kay Absalom."

14 Kag si Dabid nagsiling sa tanan niya nga mga alagad, nga yara upud sa iya sa Ierusalem : " Tilindug-kamo kag malagyo-kita, kay indi kita sarang makapalagyo sa atubangan ni Absalom. Dalidali-kamo sa paglakat, basi pa nga magdalidali sia kag nga malambut niya kita, kag iholog niya ang kalainan sa ibabaw naton kag pilason niya ang banwa sa sulab sang hinganiban."

15 Kag ang mga alagad sang hari nagsililing sa hari : " Yari karon, ang imo mga alagad nagahalanda sa tanan nga pagapilion sang amon ginoo."

16 Kag ang hari naggowa kag ang bug-os niya nga panimalây sa olehe niya. Kag ginbilin sang hari ang napulô ka babae, agud nga magbantay sila sang balây.

17 Kag naggowa ang hari kag ang tanan nga mga tawo sa olehe niya ; kag nagdulûlog sila sa Bat-merkak.

18 Kag ang tanan niya nga mga alagad nagaliligad sa iya luyo ; kag ang tanan nga mga Keretinhon kag ang tanan nga mga Peletinhon, kag ang tanan nga mga Gitinhon, ang kadamuon anum ka gatus ka tawo, nga naghalalin sa Gat sa olehe niya, nagulûna sa hari.

19 Kag ang hari nagsiling kay Itai, nga Gitinhon : " ; Kay ngaa bala nagkari ka man upud sa amon ? Balik-ka, kag magpabilin-ka sa hari ; kay ikaw

dumuluong kag sinobol man sa imo kaugalingon nga duug.

20 Kahapon nag-abut ka, kag ¿karon pagapatalangon ko bala ikaw upud sa amon halin diri pakadto didto? Nahanungud sa akon, magalakat ako kon diin ang akon pagakadtoan. Balik-ka kag dalha sa imo ang imo mga utud. Ang pagkalooy kag ang kamatooran *manginkaupud nimo.*"

21 Kag si Itai nagsabat sa hari, nga nagsiling: "Magkabuhi ang Dios kag magkabuhi ang hari, nga akon ginoo, nga sa duug nga didto ang hari, nga akon ginoo, bisan sa kamatayon bisan sa kabuhi, didto man yara ang imo alagad."

22 Kag si Dabid nagsiling kay Itai: "Kari-ka kag una-ka." Kag naguna si Itai, nga Gitinhon, kag ang tanan niya nga mga tawo, kag ang tanan nga mga kabataan nga upud sa iya.

23 Kag ang bug-os nga kadutaan naghibi sa mataas nga tingug, kag ang bug-os nga banwa nagtabok: ang hari nagtabok sa kasulgan sang Kedron, kag ang bug-os nga banwa nagtabok nayon sa dalan sang kahanayakan.

24 Kag yari karon, si Sadok man, kag upud sa iya, ang tanan nga mga Lebinhon, nga nagadalá sang kaban sang kati-pan sang Dios, kag ginpahamtang nila ang kaban sang Dios, kag si Abyatar nagtaklad man tuhtub nga ang katawohan nakatapus sa paggowa sa banwa.

25 Kag ang hari nagsiling kay Sadok: "Ibalik ang kaban sang Dios sa banwa: kon ako makakita sing bugay sa mga mata ni Iehoba, sia magabalik sa akon, kag pagaipakita niya s'a sa akon, kag ang iya pulu-yan;

26 Kag kon sia magsiling sing subung sini: Walá ako sing kahamuut sa imo; yari ako, buhata sa akon ang ginapakamaayo sa iya mga mata."

27 Nagsiling pa ang hari kay Sadok, nga saserdote: "¿Indi bala ikaw ang manugtulok? Balik-ka sa paghidaet sa banwa, patí ang inyo duha ka anak, ang imo anak nga si Ahimaas, kag si Ionatan, nga anak ni Abyatar, upud sa inyo.

28 Tuluka-ninyo, nga ako magahulat sa mga kapatagan sang kahanayakan tuhtub nga mag-abut ang isa ka taga sa inyo, nga magpahibalo sa akon.

29 Kag ginbalik ni Sadok kag ni

Abyatar ang kaban sang Dios sa Ierusalem; kag nagpabilin sila didto.

30 Kag si Dabid nagtaklad sa taklaron sang mga Olibo, kag nagahibi sia sang s'a nagatakad; kag nagputus sia sang iya olo kag naglakat nga walá sing sapin; kag ang bug-os man nga banwa nga yara upud sa iya nagputus ang tagsatagsa sang iya olo, kag nagtalaklad sila, nga nagahilibi sang nagatakad.

31 Kag ginsugid kay Dabid, nga nagsiling: "Si Ahitopel yara sa tungá sang mga nagsulumpaang upud kay Absalom." Niyan si Dabid nagsiling: "Oh Iehoba, ginaampo ko sa imo, pa-buangá karon ang laygay ni Ahitopel."

32 Kag sang nagtaklad si Dabid sa putokputokan, sa diin naghapa sia sa atubangan sang Dios, yari karon, si Husai, nga Arkinhon, nagsugata sa iya, nga ang iya bayô gisi kag duta sa ibabaw sang iya olo.

33 Kag si Dabid nagsiling sa iya: "Kon magúpud ka sa akon, manginlulan ka nakon.

34 Apang kon magbalik ka sa banwa kag magsiling kay Absalom: Hari, ako manginimo alagad; sadto anay nanginalagad ako sang imo amay, kag karon alagad mo ako; niyan ikaw magawálâ nga sa akon sang laygay ni Ahitopel.

35 Kag ¿walá bala didto sa imo si Sadok kag si Abyatar, nga mga saserdote? Tungud sini ang tanan nga imo mabatian sa baláy sang hari, pagaisugid mo kay Sadok kag kay Abyatar, nga mga saserdote.

36 Yari karon, yara upud sa ila ang ila duha ka anak, si Ahimaas, *anak* ni Sadok, kag si Ionatan, *anak* ni Abiatar; kag sa kamut nila pagaipadalá ninyo sa akon ang tanan nga inyo mabatian."

37 Sa sini nagpauli si Husai, nga abyan ni Dabid, sa banwa, kag si Absalom nagsulúd sa Ierusalem.

**16** KAG sang si Dabid nagligad sing diyot sa putokputokan, yari karon si Siba, nga sologoon ni Mepiboset, nagsugata sa iya, nga may duha ka asno nga napaniyahan, kag sa ibabaw nila duha ka gatus ka tinapay, kag isa ka gatus ka binitay nga ubas nga mamala, isa ka gatus sang bunga sa tingadlaw, kag isa ka panit nga alak.

2 Kag ang hari nagsiling kay Siba: "¿Ano bala ang buut mo sini? Kag si



Siba nagsiling: "Ang m̄ga asno among kalabayhan n̄ga sa panimaláy sang hari; ang m̄ga tinapay kag ang m̄ga bunga sa tingadlaw n̄ga sa m̄ga pamatan-on n̄ga kalan-on; kag ang alak, ilimnon n̄ga sa pagabudlayon sa kahanayakan."

3 Kag ang hari nagsiling: "¿Diin bala ang anak n̄ga lalaki sang imo ginoo?" Kag si Siba nagsiling sa hari: "Yari karon, sia nagpabilin sa Ierusalem, kay nagsiling sia: Karon pagaiuli sa akon sang baláy ni Israel ang ginharian sang akon amay."

4 Kag ang hari nagsiling kay Siba: "Yari karon, manginimo ang tanan n̄ga iya ni Mepiboset." Kag si Siba nagsabat: "Ako nagayaub sa duta. Makakita ako sing bugay sa atubangan mo, oh hari, n̄ga akon ginoo."

5 Kag sang nag-abut ang hari n̄ga si Dabid tubtub sa Bahurim, yari karon, naggowa ang isa sang panimaláy sang baláy ni Saul, n̄ga ginhingalanan n̄ga si Simei, anak ni Gera, n̄ga sang nagalakat sia, nagapanghimalaut.

6 Kag nagahaboy sia sing m̄ga bató batok kay Dabid kag batok sa tanan n̄ga m̄ga alagad sang hari, n̄ga si Dabid, kag sa bug-os n̄ga banwa kag sa tanan n̄ga m̄ga maisug n̄ga tawo, n̄ga yara sila sa iya too kag sa iya walá.

7 Kag sa sini n̄ga bagay nagsiling si Simei, n̄ga nagapanghimalaut: "Halín, halín, lalaki n̄ga dugoon, kag tawo ni Belial.

8 Si Iehoba naguli sa imo sang bayad sang tanan n̄ga dugo sa baláy ni Saul, n̄ga sa baylo niya naghari ka; kag si Iehoba nagtugyan sang ginharian sa kamut sang imo anak n̄ga si Absalom; kag yari karon, yara ka sa imo kaugalingon n̄ga kalainan, kay lalaki ka n̄ga dugoon."

9 Niyan si Abisai, n̄ga anak ni, Seruia nagsiling sa hari: "¿Kay n̄ga bala nagapanghimalaut ining patay n̄ga ido sa hari, n̄ga akon ginoo. Tuguti n̄ga paagihon ako kag pagutdon ko ang iya olo."

10 Kag ang hari nagsiling: "¿Anong labut ko sa inyo, m̄ga anak ni Seruia? Magpanghimalaut sia, kay si Iehoba nagsiling sa iya: Maghimalaut-ka kay Dabid. Busa ¿sin-o ang magasiling sa iya: Kay n̄ga bala ginahimo mo ang subung sini?"

11 Si Dabid nagsiling kay Abisai kag

sa tanan niya n̄ga m̄ga alagad: "Yari karon ang akon anak, n̄ga naghalín sa akon m̄ga kasudlan, nagapangita sang akon kabuhi: ¡labi na gid karon ining Benyaminhon! Pabayai sia, kag n̄ga magpanghimalaut sia, kay si Iehoba nagsiling sini sa iya.

12 Ayhan pagatulukon ni Iehoba ang akon pagpaubus, kag pagapakarion ni Iehoba sa akon ang kaayohan sa baylo sang m̄ga pagpanghimalaut sa karon n̄ga adlaw."

13 Kag si Dabid kag ang iya m̄ga tinawo naglalakat sa ila dalanon, kag si Simei nagalakat sa kilid sang bukid sa luyo nila, kag sang nagalakat, nagapanghimalaut sia kag nagahaboy sing m̄ga bató nayon sa iya, kag nagasabwag sing yab-ok.

14 Kag ang hari, kag ang bug-os n̄ga banwa n̄ga yara upud sa iya, nag-alabut n̄ga binudlay, kag nagpalaumpaw sila didto.

Ang Laygay ni Ahitopel kag ang iya ni Husai.

15 Kag sa sini si Absalom kag ang bug-os n̄ga banwa, ang m̄ga tinawo sa Israel, nagsululúd sa Ierusalem kag upud sa iya si Ahitopel.

16 Kag nahanabu n̄ga, sang si Husai n̄ga Akinhon, n̄ga abyan ni Dabid, nag-abut kay Absalom, nagsiling si Husai kay Absalom: "¿Magkabuhi ang hari; magkabuhi ang hari!" Kag si Absalom nagsiling kay Husai:

17 "¿Ini amo bala ang imo pagpalanga n̄ga sa imo abyan? ¿Kay n̄ga bala n̄ga walá ka magúpud sa imo abyan?"

18 Kag si Husai nagsabat kay Absalom: "Índi, kon ang pagpilion ni Iehoba kag sining bug-os n̄ga banwa kag sang tanan n̄ga m̄ga lalaki sa Israel, sa iya buut ako magpahanungud kag sa iya magapuyô ako.

19 Kag labut pa ¿sa kay sin-o bala ako magaalagad, kondi sa iya anak? Subung n̄ga nag-alagad ako sa imo amay, subung man pagaalagdon ko ikaw.

20 Kag si Absalom nagsiling kay Ahitopel: "Pamangkotanay-kamo kon ano ang aton pagahimoon."

21 Kag si Ahitopel nagsiling kay Absalom: "Sulúd-ka sa m̄ga babae sang imo amay, n̄ga ginbayaan niya sa pagbantay sang baláy. Kag kon ang bug-os

nġa banwa sa Israel magpamati, nġa nahimo ka nġa dulumtan sa imo amay, magapalanikasug ang nġa kamut sang tanan nġa yara sa imo."

22 Kag naghulumlad sila sing layang-layang kay Absalom sa ibabaw sang atup; kag nagsulúd si Absalom sa mġa babae sang iya amay sa mġa mata sang bug-os nġa Israel.

23 Kag ang laygay nġa ginhatag ni Ahitopel sa sadtong mġa adlaw, subung nġa nagapalamangkot sila sa polong sang Dios. Amo ini ang tanan nġa laygay ni Ahitopel kay Dabid, subung man kay Absalom.

**17** NIYAN si Ahitopel nagsiling kay Absalom: "Tuguti ako, nġa magpili karon sing napúlô kag duha ka libo ka mġa tawo, kag nġa magtindug ako kag paglagson ko si Dabid sa sini nġa gab-i;

2 Kag maglambut ako sa ibabaw niya kon sia nabudlay kag maluya ang iya mġa kamut, kag pagapahadlukon ko sia; kag ang bug-os nġa banwa nġa yara upud sa iya magapalagyo, kag pagapilason ko ang hari lamang.

3 Kag pagapabalikon ko ang bug-os nġa banwa sa imo: ang pagbalik sang tawo nġa imo ginapangita amo ang pagbalik sang tanan, kag ang bug-os nġa banwa magahidaet."

4 Kag ini nġa polong ginpakamatarung sa mġa mata ni Absalom kag sa mġa mata sang tanan nġa mġa tigulang sa Israel.

5 Kag si Absalom nagsiling: "Tawga man karon si Husai, nġa Arkinhon, agud nġa sa iya mamati man kita sang iya pagaisiling.

6 Kag sang pag-abut ni Husai kay Absalom, naghambal si Absalom, sa iya nġa nagsiling: "Amo ini ang polong ni Ahitopel: pagahimoon naton bala ang iya ginsiling? Kon indi, hambalka."

7 Kag si Husai nagsiling kay Absalom: "Ang laygay nġa sa karon ginhatag ni Ahitopel indi maayo."

8 Kag nagsiling si Husai: "Ikaw nakahibalo, nġa ang imo amay kag ang iya mġa tinawo, mġa tawo nġa mġa maisug kag mġa mapait sa kalág subung sang oso nġa babae, sang ginkuhaan sia nila sing mġa totoy sa latagon; kag ang imo amay among isa ka tawo sa pag-

awayan nġa walâ magahigda sa kagabihon upud sang banwa.

9 Yari karon, sia tinago karon sa isa ka boho kon sa iban nġa duug. Kag kon mahanabu, nġa angiban mapukan sa ila sa kamunoan, kag nġa mabastian ini, ang makabati magasiling: May isa ka pagkamatay sa mġa nagasulunud kay Absalom.

10 Kag bisan pa ining tawo nġa maisug, nġa ang iya tagiposoan subung sang tagiposoan sang leon, sa pagkamatuud, magakatunaw; kay ang bug-os nġa Israel nakahibalo nġa ang imo amay among tawo nġa makusug kag nġa ang mġa yara upud sa iya mġa maisug.

11 Busa, nagalaygay ako, nġa ang bug-os nġa Israel magtipon sa imo kutub sa Dan, tubtub sa Beer-seba, sa kadamuon subung sang balas nġa yara sa baybayon sang dagat, kag nġa ikaw gid magkadto sa pag-awayan.

12 Kag malambut naton sia sa bisan diin nġa duug nġa didto sia, kag *maholog* kita sa ibabaw niya subung sang pagkaholog sang tun-og sa ibabaw sang duta; kag walay mabilin sa iya kag sa tanan nġa mġa yara upud sa iya sing bisan isa.

13 Kag kon magdangup sia sa isa ka banwa, ang tanan nġa mġa Israelinhon magahigut sing mġa lubid sa sadtong banwa kag pagaguyoron sia naton tubtub sa subâ, tubtub nġa walâ sing makita sa iya bisan isa ka bató."

14 Kag si Absalom kag ang tanan nġa mġa tinawo sa Israel nagsililing: "Ang laygay ni Husai, nġa Arkinhon, among labing maayo sang laygay ni Ahitopel." Kay si Iehoba nagsogo, nġa ang maayo nġa laygay ni Ahitopel mawasdak, agud nġa si Iehoba magpakari sang kalainan sa ibabaw ni Absalom.

15 Kag si Husai nagsiling kay Sadok kag kay Abyatar, nġa mġa saserdote: "Amo ini, kag amo ini ang ginlaygay ni Ahitopel kay Absalom kag sa mġa tigulang sa Israel, kag amo ini kag amo ini ang ginlaygay ko.

16 Busa karon, magpadalâ kamo sa gilayon gid, kag magpahibalo kamo kay Dabid, nġa nagsiling: Dili ka magpabilin karon sa gab-i sa mġa kapatagan sang kahanayakan, kondi magtabok, magtabok-ka agud nġa ang hari indi paghalonhonon kag ang bug-os nġa banwa, nġa yara upud sa iya."



17 Kag si Ionatan kag si Ahimaas yara sila sa En-rogel, kag ang isa ka sologoon nga babae nagkadto kag nagpahibalo sa ila, agud nga magkadto sila sa pagbalita kay Dabid; kay indi sila sarang makapahayag sa pagsulúd sa banwa.

18 Kag nakita sila sang isa ka pamatan-on, nga nagpahibalo sini kay Absalom. Kag sila nga duha naglalakat sing madali kag nag-alabut sila sa baláy sang isa ka tawo sa Bahurim, nga may isa ka bobon sia sa iya kudal, kag sa iya nagsululúd sila.

19 Kag sang kumuha ang asawa sang isa ka habol, ginhumlad niya sia sa ibabaw sang bâbâ sang bobon, kag iya ginsabwagan sa ibabaw niya sing uyas nga ginaling, agud nga walâ gid sing mahibaloan.

20 Kag sang pag-abut sang mga sologoon ni Absalom sa sini nga babae, sa sulúd sang babáy, nagsililing sila: "¿Diin bala si Ahimaas kag si Ionatan?" Kag ang babae nagsiling sa ila: "Nakatabok na sila sa labnasan." Kag sang pinangita nila sila, kag walâ nila makita sila, nagpalauli sila sa Ierusalem.

21 Kag sang nakalakat na sila, ini sila naggulowa sa bobon kag naglalakat kag nagsulugid sa hari nga si Dabid; kag nagsiling sila kay Dabid: "Tilindug-kamo kag magdalidali-kamo sa pagtabok sa tubig, kay si Ahitopel naghatag sang amo nga laygay batok sa inyo."

22 Kag si Dabid nagtindug kag ang bug-os nga banwa nga yara upud sa iya, kag nagtalabok sila sa Iordan; kag sang pagpamanagbanag, walâ sing bisan isa nga nagkulang nga walâ makatabok sang Iordan.

23 Kag sang nakita ni Ahitopel nga walâ na pagasunda ang iya laygay, nagsiya sang iya asno, kag nagtindug sia kag nagpauli sa iya baláy, sa iya banwa; kag sa tapus sia makaaman nahanungud sa iya baláy, naghikog sia; kag namatay sia kag ginlubung sila sa lubnagan sang iya amay.

Ang pagkalaglag kay Absalom kag ang kamatayon niya.

24 Kag si Dabid nag-abut sa Mahanaim, kag si Absalom nagtabok sa Iordan, sia kag ang tanan nga tinawo sa Israel upud sa iya,

25 Kag si Absalom nagbutang kay Amasa sa ibabaw sang kasoldadosan sa baylo kay Ioab. Kag si Amasa among anak sang isa ka lalaki nga ginahingalan nga si Itra, nga Iesreelinhon, nga nagsulúd kay Abigal, anak nga babae ni Nahas, útud nga babae ni Seruia, nga ilóy ni Ioab.

26 Kag nagbutang sia sing dulugan sa Israel kag si Absalom, sa duta sa Galaad.

27 Kag sang pag-abut ni Dabid sa Mahanaim, si Sobi, nga anak ni Nahas, nga taga-Raba sang mga inanak ni Amon, kag si Makir, nga anak ni Amiel, nga taga-Lodebar, kag si Barsilai, nga Galaadinhon, nga taga-Rogelim,

28 Gindalalâ nila kay Dabid kag sa banwa nga yara upud sa iya, ang mga higdaan, mga lahang, mga suludlan nga lunang, trigo, sebada, harina kag mga uyas nga sinanlag, mga patani, mga bala-tong kag *iban* nga mga sinanlag;

29 Dugus, mantika, mga obeha, kag mga keso sang kabakahan, agud magkalaon sila; kay nagsililing sila: "Ang banwa nagutom, kag nabudlay kag nauhaw sa kahanayakan.

**18** KAG si Dabid nagisip sang banwa nga yara upud sa iya, kag nagbutang sa ibabaw nila sing mga pangolo sang mga linibo, kag pangolo sang ginatus.

2 Kag ginpadalâ ni Dabid ang banwa, ang tatlo ka bahin sa idalum sang kamut ni Ioab, kag ang isa ka ikatlo ka bahin sa idalum sang kamut ni Abisai, anak ni Seruia, útud ni Ioab; kag ang isa ka tatlo ka bahin sa idalum sang kamut ni Itai, nga Gitinhon. Kag ang hari nagsiling sa banwa: "Ako man magagowa upud sa inyo."

3 Apang ang banwa nagsiling: "Dili ka maggowa, kay kon kami malagyo indi sila magsapak sa amon; kag *bisan* mamatay ang katungâ sa amon, indi sila magsapak sa amon. Apang ikaw karon subung sang napúlô ka libo sa amon. Busa labing maayo karon nga ikaw magbulig sa amon kutub sa banwa."

4 Kag ang hari nagsiling sa ila: "Pagabuhaton ko ang ginpakamaayo sa inyo mga mata." Kag nagtindug ang hari sa luyo sang gawang, sang naga-

gowa ang banwa sa ginatusgatus kag sa linibolibo.

5 Kag ang hari nagsogo kay Ioab, kay Abisai kag kay Itai, nga nagasiling "Paggamiti-ninyo sing kahomok ang pamatan-on nga si Absalom bangud sa akon." Kag ang bug-os nga banwa nakabati sang sogo sang hari sa tanan nga mga pangolo nahanungud kay Absalom.

6 Kag naggowa ang banwa sa latagon batok kay Israel, kag nagilinaway sila sa talon sa Ephraim.

7 Kag didto napilas ang banwa ni Israel sa atubangan sang mga alagad ni Dabid, kag sa sadtong adlaw nanngindaku ang pagpamatay : ang duha ka pulô ka libo ka tawo.

8 Kag ang inaway naglapnag sa bug-os nga duta, kag ang talon naghalunhon sing labi nga katawohan sadtong adlaw sang ginhalunhon sang hinganiban.

9 Kag nasapwan si Absalom sa atubangan sang mga alagad ni Dabid. Kag si Absalom nagsakay sa isa ka mula, kag ang mula nagsuhot sa idalum sang mga sangang masiot sang isa ka daku nga terebinto, kag nasakup ang olo ni Absalom sang terebinto kag nabilin sia sa tunga sang langit kag sang duta, nga ang mula nga iya ginasakyan, naguna.

10 Kag sang nakita sia sang isa ka tawo, nagpahibalo sia kay Ioab, nga nagasiling : "Yari karon nakita ko si Absalom, nga nagakabit sa isa ka terebinto."

11 Kag si Ioab nagsabat sa tawo, nga nagahatag sa iya sining balita : "Yari karon, ikaw nakakita sa iya, kay nga walâ mo sia pagpilasa didto, nga maholog sa duta? Kag katungdanan nakon ang pagpahatag sa imo sing napulô ka siklo nga pilak kag isa ka wagkus."

12 Kag ang tawo nagsiling kay Ioab : "Bisan pagtimbangon ko sa palad sang akon mga kamut ang isa ka libo ka siklo nga pilak, indi ko pagauntayon ang akon kamut batok sa anak sang hari; kay sa aton mga dulungan nagsogo ang hari sa imo, kag kay Abisai kag kay Itai, nga nagasiling : Mag-andam ang tagsatagsa sa pamatan-on nga si Absalom."

13 Sa liwan nga bagay, kon ako naghimo sing pagluib batok sa iya kabuhi,

sa hari walâ gid sing matago, kag ikaw gid magamanginsaksi batok sa akon.

14 Kag si Ioab nagsabat : "Indi ako maghulat sa atubangan mo." Kag sang kumuha sing tatlo ka baslay sa iya mga kamut, dinugkal niya sila sa tigiposoan ni Absalom, nga nagakabuhi pa sa tunga sang terebinto.

15 Kag sang ginlibutan sia sang napulô ka pamatanon, nga mga manugdalâ sing hinganiban ni Ioab, ginpilas niya si Absalom, kag ginpatay nila sia.

16 Kag si Ioab nagpatunug sang bud-yong, kag ang banwa nagisol sa paglagas kay Israel; kay si Ioab nagpasaylo sa banwa.

17 Kag kinuha nila si Absalom kag ginholog nila sia sa isa ka daku nga boho sa talon, kag nagpalatindug sila sa ibabaw niya sing isa ka daku gid nga tinumpok nga mga batô. Kag ang bug-os nga Israel nagpalagyo ang tagsatagsa sa iya layanglayang.

18 Kag si Absalom sa iya pagkabuhi nagkuha kag nagpatindug sing isa ka handuman, nga yara sa Nalupyakan sang hari; kay nagsiling sia : "Ako walâ sing anak nga magtipig sang handuman sang akon ngalan." Kag gintawag niya yadto nga handumanan sa iya ngalan; kag gintawag ini nga Handumanan ni Absalom, tubtub karon.

Si Dabid nagahibi kay Absalom.

19 Kag si Ahimaas, nga anak ni Sadok, nagsiling : "Tuguti, nga magdalagan ako karon kag maghatag sang maayo nga balita sa hari, kon paano nga si Iehoba naghimo sa iya sing katarungan sa kamut sang iya mga kaaway."

20 Kag si Ioab nagsiling sa iya : "Karon, dili ka magdalâ sang mga maayo nga balita; pagadalhon mo ang mga balita sa isa ka adlaw; apang dili mo pagdalhon karon, kay ang anak sang hari napatay."

21 Kag si Ioab nagsiling sa isa ka Kusinhon : "Lakat-ka kag isiling-mo sa hari ang nakita mo." Kag ang Kusinhon nagyaub kay Ioab, kag nagdalagan.

22 Kag si Ahimaas, nga anak ni Sadok, nagsiling liwan kay Ioab : "Bisan ano ang mahanabu, tuguti ako sa pagdalagan man karon sa olehe sang Kusinhon." Kag si Ioab nagsiling :



"Anak ko; ¿kay n̄гаа bala magadalagan ka, kay ang balita indi makahatag sa imo sing balus?"

23 *Apang sia nagsabat*: "Bisan ano ang mahanabu, ako magadalagan." Kag sia nagsiling sa iya: "Dalagan-ka." Kag nagdalagan si Ahimaas sa dalan sang ginsakpan *sang Iordan* kag nagúna sia sa Kusinhon.

24 Kag si Dabid yara nagalingkod sa tungâ sang duha ka gawang; kag ang manuglaaw napakadto sa atup sang gawang sa kuta; kag sang binayaw niya ang iya m̄гаа mata, nagtulok sia, kag yari karon ang isa ka tawo n̄гаа nagadalagan n̄гаа isa lamang.

25 Kag ang manuglaaw nagsingit kag ginpahibalo niya *ini* sa hari. Kag ang hari nagsiling: "Kon isa lamang sia, m̄гаа maayong balita ang iya ginadalâ sa iya babâ." Kag sang nagalakat, nagapalapit sia.

26 Kag ang manuglaaw nakakita sing isa liwan ka tawo n̄гаа nagadalagan; kag ang manuglaaw nagsingit sa bantay sang gawang, n̄гаа nagasiling: "Yari karon ang isa ka tawo, n̄гаа nagadalagan n̄гаа isa lamang." Kag ang hari nagsiling: "Ini man nagadalâ sing balita."

27 Kag ang manuglaaw nagsiling: "Ang dalagan sang nahauna daw subung sang dalagan ni Ahimaas, nga anak ni Sadok." Kag nagsiling ang hari: "Ini sia among tawo n̄гаа maayo, kag nagadalâ sang maayong balita."

28 Kag si Ahimaas nagsingit kag nagsiling sa hari: "¿Paghidaet!" Kag nagyaub sia sa duta sa atubangan sang hari, kag nagsiling sia: "Dalayawon si Iehoba, n̄гаа imo Dios, n̄гаа nagtugyan sa m̄гаа tawo, n̄гаа nagbalayaw sang ila m̄гаа kamut batok sang hari, n̄гаа amon ginoo."

29 Kag ang hari nagsiling: "¿May paghidaet bala n̄гаа sa pamatan-on, n̄гаа kay Absalom?" Kag si Ahimaas nagsiling: "Nakita ko ang isa ka daku n̄гаа ginahud, sang pagdalâ ni Ioab sa alagad sang hari kag sang imo alagad, apang walâ ako makahibalo kon ano ina."

30 Kag ang hari nagsiling: "Liso-ka, kag didto ka." Kag sia nagliso kag nagtindug didto.

31 Kag, yari karon, ang Kusinhon nag-abut, kag nagsiling: "Batona ang mayong balita, oh hari, n̄гаа akon ginoo,

kay karon si Iehoba naghimo sing kata-rungan *sa imo*, sa kamut sang tanan n̄гаа m̄гаа nagtilindug batok sa imo."

32 Kag ang hari nagsiling sa Kusinhon: "¿May paghidaet bala n̄гаа sa pamatan-on, kay Absalom?" Kag ang Kusinhon nagsiling: "Ang m̄гаа kaaway sang hari, n̄гаа akon ginoo, kag ang tanan n̄гаа m̄гаа nagtilindug batok sa imo sa pagdaut sa imo, manginsubung sila sad-tong pamatan-on."

33 Niyan ang hari *natandog gid*, kag nagsaka sa puluy-an sa ibabaw sang gawang kag naghibi. Kag sang nagalakat, nagasiling sia sing subung: "¿Anak ko n̄гаа si Absalom! ¿Anak ko, anak ko n̄гаа si Absalom! ¿Kabay pa n̄гаа gintugutan ako n̄гаа mamatay sa tigaylo sa imo! ¿Absalom, anak ko, anak ko!"

19 KAG ginpahibalo si Ioab: "Yari karon, ang hari nagahibi kag nagalalaw tungud kay Absalom."

2 Kag sadtong adlaw ang kaluwasan *nabaylo* sa lalaw n̄гаа sa bug-os n̄гаа banwa, kay nakabati ang banwa sing hambal sadtong adlaw: "Ang hari may kasakit tungud sang iya anak."

3 Kag nagsulúd ang katawohan sa sadtong adlaw sa banwa sing tago, subung sang pagsulúd sing panago sang katawohan n̄гаа pinakahuluy-an, tungud kay nagpalalagyo sila sa pag-awayan.

4 Kag ang hari nagtabon sang iya nawung, kag nagasingit sia sa mataas n̄гаа tingug: "¿Anak ko, n̄гаа si Absalom! "¿Absalom, anak ko, anak ko!"

5 Kag si Ioab nagsulúd sa balâ sang hari, kag nagsiling sa iya: "Karon ginpakahuyan mo ang m̄гаа nawung sang tanan n̄гаа imo m̄гаа alagad, n̄гаа nagluwas karon sang imo kabuhi, kag sang kabuhi sang imo m̄гаа anak n̄гаа babae, kag sang kabuhi sang imo m̄гаа asawa, kag sang kabuhi sang imo m̄гаа babae."

6 Nagahigugma ka sa m̄гаа nagadulmut sa imo, kag nagadumut ka sa m̄гаа nagahigugma sa imo; kay karon nagpahayag ka, n̄гаа ang m̄гаа dunganon kag m̄гаа alagad walâ na gid sa imo; kay karon nakahibalo ako, n̄гаа kon si Absalom magkabuhi kag kita n̄гаа tanan nagkalamatay kunta karon, niyan ini magapahamuut sa imo.

7 Busa, tindug-ka karon, maggowa

kag hambal-ka sa tagiposoon sang imo mġa alagad; kay nagasumpa ako tungud kay Iehoba, nġa kon indi ka maggowa, walā sing bisan isa nġa mabilin sa imo karon sa gab-i; kag ini magamanġinlabing malain sa imo sang tanan nġa kalinan nġa nag-alabut sa imo, kutub sang imo pagkapamatan-on tubtub karon."

8 Kag nagtindug ang hari, kag naglingkod sa gawang; kag ginpahibalo ini sa bug-os nġa banwa, nġa nagasiling: "Yari karon, ang hari nagalingkod sa gawang." Kag nag-abut ang bug-os nġa banwa sa atubangan sang hari. Apang si Israel nagpalagyo na ang tag-satagsa sa iya layanglayang.

Ang pagbalik sang hari nġa si Dabid  
sa Ierusalem.

9 Kag ang bug-os nġa banwa nagapagkigsuay sa tanan nġa mġa kabikahan ni Israel, nġa nagasiling: "Ang hari nagluwas sa amon sa kamut sang amon mġa kaaway; sia amo ang nagluwas sa amon sa kamut sang mġa Pilsitinhon, kag karon nagpalagyo na sia sa duta sa atubangan ni Absalom.

10 Kag si Absalom, nġa amon ginhaplas sa ibabaw namon, napatay sa pag-awayan; nġani karon, kay nġaa bala walā kamo maghambal sa pagpabalik sa hari?"

11 Kag ang hari nġa si Dabid nagpaladalā kay Sadok, kag kay Abyatar, nġa mġa saserdote, nġa nagasiling: "Hambala-ninyo ang mġa tigulang sa Iuda, kag isiling-ninyo sa ila: kay nġaa bala nagapaolehe kamo sa pagpapauli sa hari sa iya baláy? Kay ang polong sang bug-os nġa Israel nag-abut na sa hari sa iya baláy.

12 Kamo among akon mġa útud, kamo akon mġa tul-an kag akon unud; kag, kay nġaa bala nagapaolehe kamo sa pagpabalik sa hari?"

13 Kag isiling-ninyo kay Amasa: kay indi bala ikaw akon tul-an kag akon unud? Amo ini ang pagbuhaton sang Dios sa akon kag amo ini ang pagidugang sa akon, kon indi ka mangin pangolo sang kasoldadosan sa atubangan nakon sa gihapon sa tal-us ni Ioab."

14 Kag nabuyok niya ang tagiposoon sang tanan nġa mġa tawo sa Iuda subung sang isa lamang ka tawo; kag

nagpaladalā sila sa *pagsiling* sa hari: "Balik-ka, kag ang tanan nġa imo mġa alagad."

15 Kag ang hari nagpauli kag nag-abut tubtub sa Iordan; kag si Iuda nag-abut sa Gilgal sa pagsugata sa hari, sa pagpatabok sa iya sa Iordan.

16 Kag si Simei, anak ni Gera, nġa Benyaminhon, nġa taga-Bahurim, nagdalidalid kag nagdulhog upud sang mġa tinawo ni Iuda, sa pagsugata sa hari nġa si Dabid.

17 Kag upud sa iya ang isa ka libo ka tawo gikan sa Benyamin, kag si Siba, nġa sologoon sang baláy ni Saul, upud ang iya napulô kag lima ka anak kag ang iya duha ka pulô ka alagad; kag nagtalabok sila sa Iordan sa atubangan sang hari.

18 Kag nagtabok ang balsa sa pagtabok sa panimaláy sang hari, kag sa paghimo sang ginapakamaayo sa iya mġa mata. Kag si Simei, nġa anak ni Gera, naghapa sa atubangan sang hari, sang sia nagatabok sa Iordan;

19 Kag nagsiling sia sa hari: "Indi pagisipon sa akon sang akon ginoo ang akon kasal-anan; kag indi pagpanumdumon-mo ang ginhimo sang imo alagad sing pagkamalalison sang adlaw nġa ang hari, nġa akon ginoo, naggowa sa Ierusalem, sa bagay nġa ang hari magbutang sini sa iya tagiposoon.

20 Kay ako, nġa imo alagad, nagakilala nġa nakasalā ako, kag yari karon nagkari ako ang nahauna sa bug-os nġa baláy ni Iose sa pagdulhog sa pagsugata sang hari, nġa akon ginoo."

21 Apang si Abisai, anak ni Seruia, nagsabat kag nagsiling: "Indi bala mapatay tungud sini si Simei, nġa nagpanghimalaut sa hinaplas ni Iehoba?"

22 Kag si Dabid nagsiling: "Ano bala ang inyo sa akon, mġa anak ni Seruia, nġa magmanġinkasumpung nakon kamo karon? Mapatay bala karon ang isa ka tawo sa Israel? Walā bala ako makakilala, nġa karon mangin-hari ako sa ibabaw ni Israel?"

23 Kag nagsiling ang hari kay Simei: "Indi ka mamatay." Kag ang hari nagsumpa sini sa iya.

24 Kag si Mepiboset, nġa anak ni Saul, nagdulhog sa pagsugata sa hari; kag walā sia makatinlo sang iya mġa tiil, bisan makagunting sang iya bungut, bisan makabunak man sang iya mġa



panapton, kutub sang adlaw nga naggo-wa ang hari tubtub sang adlaw nga nag-abut sia sa paghidaet.

25 Kag nahanabu, sang pag-abut niya sa Ierusalem sa pagsugata sa hari, nga ang hari nagsiling sa iya: "Mepiboset, kay nga bala walâ ka magúpud sa akon?"

26 Kag sia nagsiling: "Oh hari, nga ginoo ko, ang akon alagad naglimbong sa akon, kay ang imo alagad nagsiling: Pagasiyahan ko ang isa ka asno, kag masakay ako sa iya, kag magápud ako sa hari; kay ang imo alagad piang.

27 Kag ginbutangbutangan niya ang imo alagad sa atubangan sang hari, nga akon ginoo. Apang ang hari, nga akon ginoo, subung sing isa ka manugtunda sang Dios. Busa himoa ang ginapaka-maayo sa imo nga mata;

28 Kay ang bug-os nga baláy sang akon nga tawo lamang nga takus sa kamatayon sa atubangan sang hari, nga akon ginoo; kag ginbutang mo ang imo alagad sa tungâ sang mga nagakalaon sa imo latok. Busa ano bala nga katadlungan pa ang akon? Ano pa bala nga magmulay ako batok sa hari?"

29 Kag ang hari nagsiling sa iya: "Kay nga pa nagahambal ka sing mga polong? Ako nagsiling: Ikaw kag si Siba, pagabahinon ninyo ang latagon."

30 Kag si Mepiboset nagsiling sa hari: "Nga kuhaon niya ang tanan, tungud kay ang hari, nga akon ginoo, nagbalik sa paghidaet sa iya baláy."

31 Kag si Barsilai nga Giladinhon nagduluhog man gikan sa Rogelim; kag nagtabok sa Iordan upud sa hari, sa pagdul-ong sa iya sa tabok sang Iordan.

32 Kag si Barsilai tama na gid kati-gulang, mga kawaloan ka tuig ang iya edad; kag ginsakdag niya ang hari, sang didto sia sa Mahanaim, kay isa ka tawo sia nga tama gid ka mangaran.

33 Kag ang hari nagsiling kay Barsilai: "Tabok-ka upud sa akon, kag ako masakdag sa imo upud sa akon sa Ierusalem."

34 Apang si Barsilai nagsiling sa hari: "Kapid-an pa bala ang mga adlaw sang katuigan sang akon pagkabuhi, agud nga ako magtaklad upud sa hari sa Ierusalem.

35 Ako sa karon nga adlaw nagaedad sing kawaloan ka tuig; makakilala pa

ako bala nga kon ano ang maayo kag kon ano ang malain; Magabatyag bala karon sing kanamit ang imo alagad sang iya pagakaonon kag pagaimnon? Makapamati pa ako bala sang tingug sang mga manugambahan nga lalaki kag sang mga manugambahan nga babae? Kay kay nga pa bala nga manginlulan ang imo alagad sa hari, nga akon ginoo?

36 Halus makatabok ang imo alagad sang Iordan upud sang hari; kag kay nga bala nga pagahatagan ako sang hari sing subung ka daku nga balus?

37 Ako nagaampo sa imo, nga pabalik mo ang imo alagad, agud nga matay ako sa akon banwa, malapit sang lulubngan sang akon amay kag sang akon ilóy. Kag yari karon, ang imo alagad nga si Kimham, nagatabok sia upud sang hari, nga akon ginoo: buhata sa iya ang ginapakamaayo sang imo nga mata."

38 Kag ang hari nagsiling: "Karon magtabok upud sa akon si Kimham, kag pagahimoon ko sa iya ang ginapakamaayo sang imo nga mata; kag ang tanan nga imo pagakaluyagan sa akon, akon pagabuhaton sa imo."

39 Kag sang ang bug-os nga banwa nagtabok sa Iordan, ang hari man nagtabok; kag ang hari naghaluk kay Barsilai, kag ginpakamaayo sia; kag sia nagbalik sa iya duug.

40 Kag ang hari nag-agi sa Gilgal, kag upud sa iya nag-agi si Kimham: kag ang bug-os nga banwa ni Iuda, kag ang katungâ man sang banwa ni Israel nagpatabok sang hari sa Iordan.

Ang pagluib kag ang pagkamatay ni Seba.—  
Katapusan sang inaway nga binaawa.

41 Kag, yari karon, ang tanan nga mga lalaki sa Israel nagpalapit sa hari, kag nagsililing sila sa iya: "Kay nga bala ang amon mga útud, ang mga tawo sa Iuda, nagkawat sila sa imo, kag magpatabok sila sa Iordan sa hari, kag sa iya panimaláy, kag sa tanan nga mga tinawo ni Dabid upud sa iya?"

42 Kag ang tanan nga mga tawo sa Iuda nagsalabat sa tanan nga mga tinawo sa Israel: "Kay ang hari amon himata, kag kay nga bala nagapalangakig kamo sa sini? Nakakaon bala kami sing diyot nga iya sang hari?"

¿Nakabaton bala kami sa iya sing amo-ma?"

43 Kag nagsalabat ang mga tinawo sa Israel kag nagsililing sa mga tinawo sa Iuda: "May napúlô kami ka bahin sa hari, kag nga sa amo nga sa Dabid labi pa kami sang sa inyo; ¿kay nga bala ginpakakubus ninyo kami? ¿Iudi bala ang amon polong ang nahauna sa pagpauli sa amon hari?" Kag ang polong sang mga tinawo sa Iuda nanginlabi ka tigdas sang iya sang mga tinawo sa Israel.

**20** KAG nahanabu, nga yadto didto ang isa ka tawo ni Belial nga ginahingalanan nga si Seba, anak ni Bikri, nga Benyaminhon; nga nagpatunog sia sang budyong, kag nagsiling: "Walâ kita aton sing bahin kay Dabid, bisan panublion sa anak ni Isai: ¿Israel, ang tagsatagsa sa iya mga layanglayang!"

2 Kag nagbiliya kay Dabid ang tanan, nga mga tinawo sa Israel sa pagsulunud kay Seba, nga anak ni Bikri; apang ang mga tinawo sa Iuda nagsilimpon sa ila hari, kutub sa Iordan tubtub sa Ierusalem.

3 Kag sang pag-abut ni Dabid sa iya baláy, sa Ierusalem, ginkuha sang hari ang napúlô niya ka babae, nga ginbilin sa pagbantay sang baláy, kag binutang niya sila sa isa ka baláy, nga diin ginbantayan sila, kag ginsakdag niya sila, apang walâ na gid nga mas-a magsulúd sia sa ila; kondi gintakpan sila sa baláy tubtub sa adlaw sang ila kamatayon, nga nagakabuhi sa pagkabalo.

4 Kag nagsiling ang hari kay Amasa: "Itipon ako sang mga tinawo sa Iuda sa sulúd sang tatlo ka adlaw, kag niyan diri ka man."

5 Naglakat si Amasa sa pagtipon sa mga tawo sa Iuda, apang nagdugay sia sing labi sang panag-on nga ginpat-in sa iya;

6 Kag si Dabid nagsiling kay Abisai: "Si Seba, nga anak ni Bikri, magabuhat sa aton karon sing labi nga kalainan kay Absalom. Kuha-ka sang mga alagad sang imo ginoo, kag lagsa sia, basi pa nga makaabut sa mga banwa nga malig-on kag madula sia sa aton mga mata."

7 Niyan naggulowa sa olehe niya ang mga tawo ni Ioab, kag ang mga

Keretinhon kag ang mga Peletinhon, kag ang tanan nga mga maisug; naggulowa sila sa Ierusalem sa paglagas kay Seba, nga anak ni Bikri.

8 Kag sang didto sila malapit sang daku nga Bató, nga yara sa Gabaon, nagsugata sa ila si Amasa. Kag si Ioab nagapanaput sang iya panapton nga ginsuklub niya, kag sa ibabaw niya ang wagkus sa hinangiban, nga nahugut sa iya hawak sa iya tagub; kag sang paggowa niya, ang *hinangiban* naholog.

9 Kag si Ioab nagsiling kay Amasa: "¿May paghidaet ka bala, útud ko?" Kag gindakup ni Ioab si Amasa sa bungut sang kamut nga too sa paghaluk sa iya.

10 Kag si Amasa walâ magpangaman sang hinangiban nga yara sa kamut ni Ioab, kag ginpilas sia ni Ioab sa iya sa tiyan, kag nagkayat ang iya mga kasudlan sa duta, nga walâ na sia pagpilasa liwan; kag napatay si Amasa. Kag si Ioab kag ang iya útud nga si Abisai naglagas kay Seba, nga anak ni Bikri.

11 Kag ang isa sang mga pamatan-on ni Ioab nagdúlog sa luyo niya, kag nagsiling: "Bisan sin-o nga nagapamuut kay Ioab, kag nagapahanayon kay Dabid, magsunud sia kay Ioab.

12 Kag si Amasa nagabolobaliskad sa iya dugo sa tungâ sang dalan. Kag sang nakita sadto nga tawo, nga ang bug-os nga banwa nagdúlog, ginuyud niya si Amasa sa gowa sang dalan sa latagon, kag gintabunan sia niya sing isa ka panapton; kay ginatan-aw niya nga ang tanan nga nagaalagi, nagadulúlog sa luyo niya.

13 Sang pagkaguyud sa iya sa dalan, ang tanan nga tawo nagsulunud kay Ioab sa paglagas kay Seba, nga anak ni Bikri.

14 Kag ginlakbay niya ang tanan nga mga kabikahan sa Israel, tubtub sa Abel kag Bet-maaka, kag ang tanan nga mga Berinhon; kag nagtilipon sila kag nagsulunud man sa iya.

15 Kag nag-alabut sila kag ginlibutan nila sia sa Abel sa Bet-maaka, kag nagtalampok sila batok sa banwa sing tap-ok, nga nagasandig batok sa unhan nga kuta; kag ang bug-os nga banwa nga yara upud kay Ioab nagakutkut sa pagpukan sang kuta.

16 Kag isa ka babae nga mangin-



alamon nagsingit gikan sa banwa: "Pamati-kamo, pamati-kamo; ginaam-po ko sa inyo, nga isiling ninyo kay Ioab: Magpalapit-ka diri, agud nga ako maghambal sa imo."

17 Kag sia nagpalapit; kag nagsiling ang babae: "¿Amo ikaw bala si Ioab?" Kag sia nagsabat. "Amo ako." Kag sia nagsiling sa iya: "Pamati ang mga polong sang imo alagad." Kag sia nagsiling: "Nagapamati ako."

18 Kag naghambal sia *liwan* nga nagsiling: "Dapat ginhambal kunta sing una anay sa pagsiling: Kinahanglan magpamangkot sa Abel, kag sa sini nagkatapus kunta *ini*."

19 Ako amo ang isa ka babae sang mga makigdaiton kag mga matutum sa Israel; kag ikaw nagahimulat sa paglaglag sang isa ka banwa, nga amo ang isa ka ilóy sa Israel. ¿Kay ngaa bala pagahalunhonon mo ang panublion ni Iehoba?"

20 Kag si Ioab nagsabat, kag nagsiling: "Malayô, malayô sa akon nga ako maghalunhon, bisan magguba."

21 Ang butang indi amo ini; kondi ang isa ka tawo sa bukid nga Epraim, nga ginahingalanan nga si Seba, anak ni Bikri, nagbayaw sang iya kamut batok sa hari, batok kay Dabid. Itugyan-ninyo sia, sia lamang, kag magahalin ako sa banwa." Kag ang babae nagsiling kay Ioab. "Yari karon ang iya olo pagaiholog sa imo kutub sa kuta."

22 Kag ang babae napakadto sa bug-os nga banwa upud ang iya kaalan. Kag ginutúd nila ang olo ni Seba, anak ni Bikri, kag ginaholog nila sia kay Ioab. Kag sia nagpatunog sang budyong, kag nag-alaplaag sila gikan sa atubangan sang banwa ang tagsatagsa sa iya ia-anglayang; kag si Ioab nagbalik sa hari sa Ierusalem.

23 Kag nanginpangolo si Ioab sa ibabaw sang bug-os nga kasoldadosan sa Israel, kag si Benaia, nga anak ni Ioia-da, sa ibabaw sang mga Keretinhon kag mga Peletinhon;

24 Kag si Adoram sa ibabaw sang mga buhis nga binanwa; kag si Iosapat, nga anak ni Ahilud, among manugsulat sang Kronika;

25 Kag si Seia among eskriba, kag si Sadok kag si Abyatar, mga saserdote;

26 Kag si Ira, nga lairinhon, nangin-saserdote man ni Dabid.

Gutum sa-Israel.—Ang mga Gabaoninhon kag ang balay ni Saul.

**21** KAG sa mga kaadlawan ni Dabid nag-abut ang gutum sa sulúd sang tatlo ka tuig, sa tuigtuig. Kag si Dabid nagpangita sang nawung ni Iehoba, kag si Iehoba nagsiling sa iya: "Ini tungud kay Saul kag tungud sang iya baláy sa dugo, kay nagpatay sia sang mga Gabaoninhon."

2 Kag gintawag sang hari ang mga Gabaoninhon, kag ginhambal niya sila. Kag ang mga Gabaoninhon indi sila mga inanak ni Israel, kondi ang nabilin sang mga Amorinhon, nga sa ila ang mga inanak ni Israel naghimo sing panumpa. Kag si Saul naghimulat sa pagpatay sa ila bangud sa iya kabalaka sa mga inanak ni Israel kag ni Iuda.

3 Busa nagsiling si Dabid sa mga Gabaoninhon: "¿Ano bala ang pagabuhaton ko sa inyo, kag bangud sa ano magahimo ako sang katumbasan, agud nga pagpakamaayohon ninyo ang panublion ni Iehoba?"

4 Kag ang mga Gabaoninhon nagsiling sa iya: "Indi *kasuayon* ini sa aton sang pilak, bisan sang bulawan kay Saul kag sa iya baláy; bisan dapat naton pagpatyon bisan sin-o sa Israel." Kag sia nagsiling sa ila: "Ang inyo pagaisiling pagabuhaton ko sa inyo."

5 Kag sila nagsililing sa hari: "Yad-tong tawo nga naglaglag sa amon kag nagpasohot batok sa amon, agud nga paglaglagon kami, sa walâ sing ibilin sa amon sa bug-os nga kadulunan sa Israel;

6 Ihatag mo sa amon ang pito ka laki sa ila mga inanak, agud nga bitayon namon sila sa atubangan ni Iehoba sa Gibeá sa Saul, nga pinili ni Iehoba. Kag ang hari nagsiling: "Pagaihatag ko sila."

7 Apang ginpatawad sang hari si Mepiboset, nga anak ni Ionatan, anak ni Saul, tungud sang panumpa ni Iehoba, nga yara sa tungâ nila, sa tungâ ni Dabid kag ni Ionatan, nga anak ni Saul.

8 Apang nagkuha ang hari sang duha ka anak ni Rispa, anak nga babae ni Aia, nga sa ila nag-anak sia kay Saul, si Armoni kag si Mepiboset; kag lima sang mga anak ni Mikal, anak nga babae ni Saul, nga sa ila gin-anak niya kay Adriel, anak ni Barsilai, nga Meholatinhon;

9 Kag gintugyan niya sila sa mga kamut sang mga Gabaoninhon, nga ginbitay sila nila sa bukid sa atubangan ni Iehoba; kay nagkalamatay sing tingub yadtong pito. Kag ginpatay sila sang nahauna nga mga adlaw sang ani, sa pamuno sang ani sang mga sebada.

10 Kag si Risa, nga anak nga babae ni Aia, nagkuha sing isa ka panapton nga lalaw, kag hinumlad niya ini sa ibabaw sang isa ka batong bantiling, kutub sang pamuno sang ani, tubtub nga nagulan sa ibabaw nila sing tubig sang langit; kag walâ sia magtugut sa bisan ano nga pispis sang langit nga magholon sa ibabaw nila sa kaadlawan, bisan mga sapat nga mapintas sang latagon sa kagab-ihon.

11 Kag ginsugid kay Dabid ang ginahimo ni Risa, anak nga babae ni Aia, nga babae ni Saul.

12 Kag si Dabid nagpakadto, kag ginkuha niya ang mga tul-an ni Saul kag ang mga tul-an ni Ionatan, nga iya anak, sang mga taga-Iabes-Galaad, nga ginta-kaw nila sa balaligyaan sa Bet-san, nga didto ginbitay sila sang mga Pilistinhon, sang adlaw nga ginpilas sang mga Pilistinhon si Saul sa Gilboa.

13 Kag ginpadalâ niya gikan didto ang mga tul-an ni Saul, kag ang mga tul-an ni Ionatan nga iya anak; kag gintipon man ang mga tul-an sang mga ginpamity.

14 Kag ginlubung sila nila upud sang mga tul-an ni Saul kag ni Ionatan sa duta ni Benyamin sa Sela, sa lulubngan ni Kis, nga iya amay. Ginhimo nila ang tanan nga ginsogo sang hari. Kag sa tapus sini ang Dios nagmahinoklogon sa kadutaan.

Ang kamatayan sang iban nga mga layug  
nga mga Pilistinhon.

15 Kag ang mga Pilistinhon nakig-away liwan batok sa Israel. Kag si Dabid nagdulhog, kag ang iya mga alagad upud sa iya, kag nagpalakigaway sila batok sa mga Pilistinhon, kag si Dabid binudlay.

16 Kag si Isbi-benob, nga amo sia sang mga inanak sang layug, kag nga may bangkaw sia nga ang kabug-aton sang iya salsalon among tatlo ka gatus ka siklo nga saway, kag nga nagataklus sia sang isa ka bag-o nga hinga-

niban, naghambal sia sa pagpilas kay Dabid.

17 Apang si Abisai, nga anak ni Seruia, nagtabang sa iya, kag ginpilas niya ang Pilistinhon kag ginpatay niya sia. Niyan ang mga tinawo ni Dabid nagsulumpa sa iya, nga nagasiling: "Indi na gid nga mas-a maggowa ka upud sa amon sa pag-awayan, basi pa pagpalongon mo ang lamprahan sa Israel."

18 Kag sang olehe, may isa na man ka pagilinaway sa Gob batok sa mga Pilistinhon. Niyan si Sibekai, nga Husatinhon, nagpilas kay Sap, nga amo sa mga anak sang layug.

19 Kag may isa pa ka pagilinaway batok sa mga Pilistinhon, sa Gob. Kag si Elhanan, nga anak ni Iaare-Oregim, nga Betleheminhon, nagpilas kay Goliath, nga Gitinhon, nga ang olongan sang iya bangkaw subung sang isa ka likisan sang mga manughabol.

20 Kag may isa pa ka pagilinaway sa Gat, nga didto may isa ka tawo nga mataas gid, nga may anum sia ka tudlo sa *tagsa ka kamut*, kag anum man sa *tagsa ka tiil*: duha ka pulô kag apat sa kabilogan, nga sia man natawo sa layug.

21 Kag tungud kay ginhikayan niya ang Israel, si Ionatan, nga anak ni Simea, nga útud ni Dabid, nagpilas sa iya.

22 Ini sila nga apat nagkalatawo sa layug, sa Gat; kag nagkalapukan sila tungud sa kamut ni Dabid, kag tungud sa kamut sang iya mga alagad.

Alambahanon sang mga Pagpasalamat ni Dabid.

**22** KAG si Dabid naghambal kay Iehoba sang mga polong sini nga alambahanon sang adlaw, nga si Iehoba nagluwas sa iya sa kamut sang tanan niya nga mga kaaway kag sa kamut ni Saul:

2 Kag nagsiling sia:

"Si Iehoba among akon Batong Bantiling, kag ang akon kuta, kag ang akon manugpatimawa, ang akon gid.

3 Dios, ang akon batong Bantiling, sa iya magapasilong ako;

Ang akon kalasag, kag ang sungay sang akon kaluwasan, ang akon mataas nga tore, kag ang akon palasilongan;

Ang akon Manunubus, nga nagaluwas sa akon sa lugus.



- 4 Nagatawag ako kay Iehoba, nga iligoon sang akon mga pagdayaw :  
Kag naluwas ako sa akon mga kaaway.
- 5 Kay ginlibutan ako sang mga hanol sang kamatayon,  
Kag ang mga kasulgan sang kalaglagan nagpakugmat sa akon.
- 6 Ginlikupan ako sang mga higot sang inpierno,  
Kag ang mga siod sang kamatayon nagkibot sa akon.
- 7 Sa akon mga kalisdanan gintawag ko si Iehoba ;  
Kag nagsingit ako sa akon Dios :  
Kag sia nagpamati sang akon tingug kutub sa iya simbahan,  
Kag ang akon paningit *nag-abut* sa iya mga idlulungug.
- 8 Ang duta naguyug kag nagkurug ;  
Ang mga sadsaran sang mga langit ginpagiho,  
Kag naguluyug, kay sia naakig.
- 9 Naggowa ang asó sa iya mga ilong ;  
Kag ang kalayo, nga naggowa sa iya bâbâ, nagupus.  
Ang mga бага nga naggowa sa iya nagdalabdab,
- 10 Gintonton niya ang mga langit kag nanaug sia ;  
Kag madamul nga kadulum sa idalum sang iya mga tiil.
- 11 Kag nagsakay sia sa ibabaw sang kerubin, kag naglupad ;  
Nagpahayag sia sa ibabaw sang mga pakpak sang hangin.
- 12 Kag ginbutang niya ang mga kadudulman sa palibot niya subung sang layanglayang,  
Kadamuan nga tubig, mga madamul nga gal-um.
- 13 Sa kasilaw sang iya atubangan nagdabdab ang mga бага.
- 14 Nagpadaguub si Iehoba kutub sa mga langit,  
Kag ang Labing Mataas nagpabati sang iya tingug.
- 15 Nagpana sia sing mga baslay, kag ginpaalaplaag niya ang akon mga *kaaway* ;  
Ginpapanlinti niya, kag ginwagwag niya sila.
- 16 Niyan nagpalahayag ang mga iligan sang dagat,  
Ang mga sadsaran sang kalibutan ginpamuksan,

- Tungud sang pagsabdong ni Iehoba,  
Sang unus sang ginhawa sang iya mga ilong.
- 17 Ginuntay niya ang *iya kamut* gikan sa kahitaasan, gindakup niya ako ;  
Kag kinuha niya ako sa madamu nga mga tubig.
- 18 Ginluwas niya ako sang akon mabakud nga kaaway :  
Sa sadtong mga nagadumut sa akon, nga mga labing mabakud pa sa akon.
- 19 Ginsalakay nila ako sa adlaw sang akon kalalat-an ;  
Apang si Iehoba naniginakon panabang.
- 20 Ginpagowa niya ako sa kalaparan ;  
Ginluwas niya ako, kay ginkaluyagan niya ako.
- 21 Ginbalusan ako ni Iehoba sono sa akon katarungan :  
Sono sa katinlo sang akon mga kamut, ginbalusan niya ako.
- 22 Kay ginbantayan ko ang mga dalanon ni Iehoba,  
Kag walâ ako magbulag, sa walâ gid pagtahud, sa akon Dios.
- 23 Kay sa atubangan nakon yari ang tanan niya nga mga tulumanon ;  
Kag walâ ako magapalayô sa akon sang iya mga palatukuran.
- 24 Kag nagapahayag ako nga himpit sa iya,  
Kag nagabantay ako sa akon, sa akon kalautan.
- 25 Tungud sini ginbalusan ako ni Iehoba, sono sa akon katarungan,  
Sono sa akon katinlo sa atubangan sang iya mga mata.
- 26 Sa nagahigugma, nagapahayag ka sing gugma ;  
Sa tawo nga matadlung, nagapahayag ka sing katadlung ;
- 27 Sa putli nagapahayag ka sing kaputli ;  
Apang sa malalison nagapahayag ka sono sa iya pagkamalalang.
- 28 Kag ikaw nagaluwas sa banwa nga mapainubuson,  
Apang ang imo mga mata sa ibabaw sang mga palabilabihon, nga ginapakubus mo.
- 29 Kay ikaw among akon sulo, oh Iehoba ;

- Kag si Iehoba nagapasanag sang akon m̃ga kadudulman.
- 30 Kay sa imo ginasalakay ko ang kasoldadosan ;  
Upud sa akon Dios ginaliktin ko ang kuta.
- 31 Ang Dios, himpit ang iya dalanon ;  
Ang polong ni Iehoba inulay sa tolonawan.  
Sia amo ang kalasag sang tanan ñga m̃ga nagapasilong sa iya.
- 32 Kay ¿ sin-o bala ang Dios, kondi si Iehoba ?  
Kag ¿ kon sin-o bala ang Batong bantiling, kondi ang aton Dios ?
- 33 Ang Dios among akon mabakud ñga kuta,  
Kag sia ang nagahawan sing himpit sang akon dalanon.
- 34 Sia ang nagahimo sang akon m̃ga tiil subung sang iya sang m̃ga usa,  
Kag sia ang nagapalig-on sa akon sa akon m̃ga kahitaasan.
- 35 Sia ang nagasampat sang akon m̃ga kamut ñga sa pagilinaaway,  
Kag ang akon m̃ga butkon naga-santing sang pana ñga saway.
- 36 Ikaw nagahatag man sa akon sang kalasag sang imo kaluwasan,  
Kag ang imo kaayohan nagpakadaku sa akon.
- 37 Ginapalapad mo ang akon m̃ga tikang sa idalum nakon ;  
Kag ang akon m̃ga tiil wala magakaladanlog.
- 38 Ginalagas ko ang akon m̃ga kaaway kag ginalaglag ko sila ;  
Kag walâ ako magabalik tubtub ñga wala ko sila maorot.
- 39 Ginaupûd ko sila kag ginadogmok ko sila kag indi sila makatindug ;  
Kag nagakalapukan sila sa idalum sang akon m̃ga tiil.
- 40 Kag ginawagkusan mo ako sing kabakud ñga sa pag-awayan ;  
Kag ginapasakup mo sa idalum nakon ang akon m̃ga kasumpung.
- 41 Ikaw nagapatalikod sa akon sang akon m̃ga kaaway,  
Kag ginalaglag ko ang m̃ga nagadulumut sa akon.
- 42 Nagalilingas sila, kag walâ sing sin-o ñga magaluwas sa ila ;  
*Nagatawag* sila kay Iehoba, apang walâ sia magasabat sa ila.
- 43 Ginabukbuk ko sila subung sang yab-ok sang duta,

- Ginalinas ko sila kag ginatapakan ko sila subung sang lunang sa m̃ga dalan,
- 44 Ikaw nagaluwas man sa akon sa m̃ga pagsilinuay sang akon banwa ;  
Ikaw nagabantay sa akon, agud ñga manginpañgolo ako sang m̃ga katawohan :  
Ang banwa ñga walâ ko makilala, nagaalagad sa akon.
- 45 Ang m̃ga anak sang dumuluong nagapolopasakup sa akon :  
Ñga sa pagkabati nila sa akon, nagatuluman sila.
- 46 Ang m̃ga anak sang dumuluong nagakalatup-ay ñga walay kusug,  
Kag nagawalagkus sa pagpalagyo gikan sa ila m̃ga duug ñga malig-on.
- 47 Si Iehoba nagakabuhi, kag pakamaayohon ang akon Batong bantiling ;  
Magmangindalayawon ang Dios, ang Batong bantiling sang akon kaluwasan :
- 48 Ang Dios ñga nagpanimalus sa akon,  
Kag nagapakubus sang m̃ga banwa sa idalum nakon,
- 49 Kag nagakuha sa akon sa tungâ sang akon m̃ga kaaway ;  
Ikaw nagabayaw sa akon sa ibabaw sang akon m̃ga kasumpung,  
Ginaluwas mo ako sa tawo ñga malugus.
- 50 Tungud sini pagapasalamatan ko ikaw sa tungâ sang m̃ga katawohan, oh Iehoba.  
Kag pagaambahanon ko ang imo ngalan.
- 51 Sia nagahatag sing dalagku ñga m̃ga kaluwasan sa iya hari,  
Kag nagapahayag sing bugay sa iya hinaplas,  
Sa kay Dabid kag sa iya kaliwatan sa gihapon."

Katapusan ñga m̃ga polong ni Dabid.

- 23** YARI karon ang katapusan ñga m̃ga polong ni Dabid :  
Nagasiling si Dabid, ñga anak ni Isai,  
Nagasiling ang lalaki ñga ginbayaw sa mataas,  
Ang ginhaplas sang Dios ni Iakob.



Ang matam-is nga manug-ambahan sa Israel:

2 Ang Espiritu ni Iehoba naghambal tungud sa akon,

Kag ang iya polong yara sa akon dila.

3 Ang Dios ni Israel nagsiling, Naghambal sa akon ang Batong bantiling ni Israel:

Ang isa ka Matarung manginmanug-gahum sa tungâ sang mga tawo, Isa ka manuggahum nga may kahadluk sa Dios,

4 Kag manginsubung sang kasanag sang kaagahon kon magsubang ang adlaw,

Sa isa ka aga nga walâ sing gal-um, Nga ang iya silak *nagapatûbô* sang hilamon sa duta sa tapus na ang ulan.

5 Kay ¿indi bala subung sini ang akon baláy sa atubangan sang Dios, Tungud kay sia naghimo sa akon sing katipan nga dayon,

Nga may maayong kahusayan sa tanan kag malig-on?

Kay ini amo ang bug-os nga kalu-wasan kag ang bug-os ko nga handum,

Busa ¿indi bala niya pagapatuboon?

6 Apang ang mga Belial subung sila nga tanan sang mga tunok nga sinikway,

Kay indi sarang sila mapolot sang kamut;

7 Kag ang buut magtandug sa ila Nagapanghinganib sia sing salsalon kag sang olongan sang bangkaw,

Kag ginasunog sila sing bug-os sa kalayo sa amo nga duug."

Ang mga pinasahi nga mga manugaway ni Dabid.

8 Yari karon ang mga ngalan sang mga maisug ni Dabid: Si Ioseb-Basebet, nga Takemoninhon, pangolo sang mga labing maayo nga manugaway. Ini sia nagbalabad sang iya bangkaw batok sa walo ka gatus, nga ginpilas sa kamatayon sing makaisa.

9 Kag ang madason sini, si Eleasar, nga anak ni Dodo, anak sang isa ka Ahohinhon, nga amo sang mga tatlo ka maisug, nga yara upud kay Dabid, sang paghikay nila sa mga Pilistinhon, nga nagtilipon didto sa pag-awayan, sang ang mga tinawo ni Israel nagtaklad.

10 Ini sia nagtindug kag ginpilas niya ang mga Pilistinhon tubtub nga naluya ang iya kamut, kag nagpilit sa hinganiban; kag si Iehoba nagbuhat sing daku nga kaluwasan sadtong adlaw; kag nagbalik ang banwa sa olehe niya lamang sa pagkuha sang hinublas.

11 Kag ang madason sini, si Sama, anak ni Age, nga Hararinhon. Kag sang pagtilipon sang mga Pilistinhon sa isa ka kinabon, sa diin may isa didto ka gikas nga latagon nga napunô sing mga balatong (kag ang banwa nagpalagyo na sa atubangan sang mga Pilistinhon),

12 Niyan sia nagpahamtang sa tungâ sang latagon kag gintabangan niya sia, kag ginpilas niya ang mga Pilistinhon; kag si Iehoba nagbuhat sing isa ka daku nga kaluwasan.

13 Kag ang tatlo sang mga katloan nga mga pangolo nagdululhog kag nagpalakadto, sa panag-on sang ani, kay Dabid sa lungib sa Adulam; sang ang kasoldadosan sang mga Pilistinhon nahamtang sa nalupyakan sang Repaim.

14 Niyan si Dabid yara sa kabakuran kag ang bantay nga kasoldadosan sang mga Pilistinhon yari sa Betlehem.

15 Kag naghandum si Dabid, kag nagsiling: "¿Sin-o bala ang makapainum sa akon sang tubig sang bobon sa Betlehem, nga yara malapit sa gawang?"

16 Kag ang tatlo ka mga maisug nagpahawa sa dulugan sang mga Pilistinhon, kag nagpanag-ub sila sang tubig sang bobon sa Betlehem, nga yara malapit sa gawang, kag kinuha nila kag gindala nila ini kay Dabid. Apang sia walâ magbuut sa paginum sa iya, kondi ginula niya sia kay Iehoba, kag nagsiling:

17 "Manginmalayô sa akon, oh Iehoba, nga ako maghimo sini. ¿Indi bala ini ang dugo sang mga lalaki nga ginbutang nila sa katalagman ang ila kabuhi sa pagkadto didto?" Kag walâ sia magbuut sa paginum sa iya. Yari diri ang ginhimo sining tatlo ka maisug.

18 Kag si Abisai, nga utud ni Ioab, anak ni Seruia, amo ang pangolo sang tatlo. Kag nagbalabad sia sang iya bangkaw batok sa tatlo ka gatus, nga ginpilas niya sa kamatayon; kag sa ila nga tatlo, sia ang bantug.

19 Sia ang labing dunganon sa ila nga tatlo kag nanginpangolo sia nila; apang

walâ sia makatupung sa tatlo nga m<sup>ga</sup> *nahauna*.

20 Kag si Benaia, anak ni Ioiada, anak sang isa ka maisug nga lalaki nga daku sa m<sup>ga</sup> kabansagan, nga taga-Kabseel. Ini sia nagpilas sang duha ka Ariel sa Moab; kag sia nagpanaug man sa tun<sup>ga</sup> sang isa ka bobon. sa dag-on sang niebe, kag ginpilas niya ang isa ka leon.

21 Ginpilas man niya ang tawo nga Egiptohanon nga *maayo* sing bayhon: ang Egiptohanon may isa ka bangkaw sa iya kamut, kag nagdulhog sia sa iya nga may isa ka sungkod, kag gin-agaw niya sa kamut sang Egiptohanon ang bangkaw, kag ginpatay niya ini sang iya kaulingon nga bangkaw.

22 Ini ginhimo ni Benaia, nga anak ni Ioiada, kag may ngalan sia sa tun<sup>ga</sup> sining tatlo nga m<sup>ga</sup> maisug.

23 Sa ila nga katloan nanginlabing dunganon sia; apang walâ sia makatupung sa tatlo nga m<sup>ga</sup> *nahauna*. Kag ginbutang sia ni Dabid sa iya palangkoton nga tinago.

24 Si Asael, nga útud ni Ioab, sa tun<sup>ga</sup> sang katloan; si Elhanan, nga anak ni Dodo, nga taga-Betlehem;

25 Si Samma, nga taga-Harod; si Elika, nga taga-Harod;

26 Si Heles, nga taga-Palet; si Ira, nga anak ni Ikes, nga taga-Tekoa;

27 Si Abieser, nga taga-Anatot; si Mebunai, nga Husanhon;

28 Si Salmon, nga Hahohinhon; si Maharai, nga taga-Netopa;

29 Si Heleb, nga anak ni Baana, nga taga-Netopa; si Itai, nga anak ni Ribai, nga taga-Gibea sa m<sup>ga</sup> anak ni Benyamin;

30 Si Benaia, nga taga-Piraton; si Hildai nga taga-Nahale-Gaas;

31 Si Albion, nga taga-Arba; si Asmabet, nga taga-Barhum;

32 Si Eliahaba, nga taga-Saalbon; si Beneiasen, si Ionatan;

33 Si Sama, nga Hararinhon; si Ahiam nga anak ni Sarar, nga taga-Arar;

34 Si Elipelet, nga anak ni Ahasbai, nga anak sang isa ka Maakatinhon; si Eliam, nga anak ni Ahitopel, nga taga-Gilon;

35 Si Hesrai, nga taga-Karmelo; si Paarai, nga taga-Arab;

36 Si Igal, nga anak ni Natan, nga taga-Soba; si Bani, nga taga-Gad.

37 Si Selek, nga Amoninhon; si Na-

harai, nga Beerotinhon, manugdalâ sing hinganiban ni Ioab, nga anak ni Seruia;

38 Si Ira, nga taga-Ieter; si Gareb nga taga-Ieter;

39 Si Urias, nga Hetinhon: tanan sila katloan kag pito.

Ang pagisip sang banwa.—Ang kamatay sa Israel.

**24** KAG ang kaakig ni Iehoba nagdabab liwan batok sa Israel, kag ginsugyot niya si Dabid batok sa ila, nga nagasiling: “Lakat-ka, isipa si Israel kag si Iuda.”

2 Kag nagsiling ang hari kay Ioab, nga pangolo sang kasoldadosan, nga yara upud sa iya: “Libuta ang tanan nga m<sup>ga</sup> kabikahan ni Israel kutub sa Dan tubtub sa Beer-seba, kag isipa ang banwa, agud nga ako makahibalo sang kadamuon sang banwa.”

3 Kag si Ioab nagsabat sa hari: “Dugangan pa unta ni Iehoba, nga imo Dios, ang banwa sing makagatus labi sang yara, kag nga makita sia sang m<sup>ga</sup> mata sang hari, nga akon ginoo, apang kay nga bala nahamuut sini ang hari nga akon ginoo?”

4 Apang ang polong sang hari naglandas batok kay Ioab kag batok sa m<sup>ga</sup> pangolo sang kasoldadosan; kag si Ioab naggowa upud sang m<sup>ga</sup> pangolo sang kasoldadosan sa atubangan sang hari sa pagisip sang banwa sa Israel.

5 Kag sang nakatabok sila sa Iordan, nagbutang sila sing dulugan sa Aroer sa too sang banwa, nga yara sa tun<sup>ga</sup> sang kasulgan sa Gad kag nayon sa Iaser.

6 Kag naglambut sila sa Galaad, kag sa dutang Tatim-hodsi, kag naglambut sila sa Dan-Iaan kag sa palibot sang Sidon.

7 Kag naglambut sila sa banwa nga malig-on sa Tiro, kag sa tanan nga m<sup>ga</sup> banwa sang m<sup>ga</sup> Hebinhon kag sang m<sup>ga</sup> Kanaanhon; kag naggulowa sila nayon sa Bagatnan sa Iuda, pa Beer-seba.

8 Kag nalibot nila ang bug-os nga kadutaan kag nag-alabut sila sa Ierusalem, sa pagkatapus na sang siam ka bulan kag duha ka pulô ka adlaw.

9 Kag si Ioab naghatag sing husay sang kadamuon sang banwa sa hari; kag ang m<sup>ga</sup> taga-Israel nanginwalo



ka gatus ka libo ka tawo nga maku-sug, nga nagagabut sing hinganiban, kag ang mga taga-Iuda, naninginlima ka gatus ka libo ka tawo.

10 Kag sang naisip na ni Dabid ang banwa, nagnutnūt sa iya ang iya tagiposoon; kag si Dabid nagsiling kay Iehoba: "Ako nakasalâ sing daku gid, tungud kay ginhimo ko *ini*; apang karon, oh Iehoba, nagaampo ako sa imo, nga pasaylohon mo ang salâ sang imo alagad, kay ako naghimo sini sing binuang gid."

11 Kag sang pagkaaga, sang si Dabid nakabangon na, nag-abut ang polong ni Iehoba kay Gad, nga manalagna, nga manugtuluk ni Dabid, nga nagsiling:

12 "Lakat-ka kag isiling-mo kay Dabid: Amo ini ang ginsiling ni Iehoba: Tatlo ka butang ang ginapaatubang ko sa imo: magpili-ka sing isa sa ila nga akan pagahimoon."

13 Kag nagpakadto si Gad kay Dabid kag ginpahibalo sia niya, kag ginsilingan sia niya: "¿Ano bala ang magaabut sa imo: ang pito ka tuig nga gutum sa imo duta, kon tatlo ka bulan nga pagpalagyo sa atubangan sang imo mga kaaway, nga sila magalagas sa imo, kon tatlo ka adlaw nga pagkamatay sa duta? Huna-hunaa karon kag tan-awa kon ano ang akan pagaaisabat sa Nagpadalâ sa akan."

14 Niya si Dabid nagsiling kay Gad: "Yari ako sa daku nga kalisud. Ginnaampo ko, nga maholog kami sa kamut ni Iehoba, kay ang iya mga kalooy dalagku, kag indi ako maholog sa kamut sang mga tawo."

15 Kag si Iehoba nagpadalâ sing kamatay sa Israel kutub sa aga tubtub sa dag-on nga pinat-in; kag nagkalamatay sa banwa, kutub sa Dan tubtub sa Beer-seba, kapitoan ka libo ka tawo.

16 Kag sang paguntay sang manugtunda sang iya kamut sa ibabaw sang Ierusalem sa paglaglag sa iya, si Iehoba nagpangalisud sa sadtong kalainan, kag nagsiling sia sa manugtunda, nga nagalaglag sang banwa:

"¿Tuman na! Idúlog karon ang imo kamut." Kag ang manugtunda ni Iehoba yara malapit sa linasan ni Arauna, nga lebusinhon.

17 Kag si Dabid nagsiling kay Ieho-

ba, sang pagkakita niya sa manugtunda, nga nagapilas sa banwa: "Yari karon, ako ang nakasalâ, ako ang naghimo sang kalainan; apang ining mga obeha ¿ano bala ang ginhimo nila? Ginaampo ko sa imo, nga ang imo kamut manginbatok sa akan, kag batok sa baláy sang akan amay."

18 Kag si Gad nag-abut kay Dabid sadtong adlaw, kag nagsiling sa iya: "Taklad-ka kag patindug-ka sing isa ka halaran kay Iehoba sa linasan ni Arauna, nga Iebusinhon."

19 Kag nagtaklad si Dabid, sono sang ginsiling ni Gad, subung sang ginsogo sa iya ni Iehoba.

20 Kag sang tumulok si Arauna, nakita niya ang hari kag ang iya mga alagad, nga nagapalakara sa iya; kag sang gumowa si Arauna, nagyaub sia nga nagahapa sa atubangan sang hari.

21 Kag si Arauna nagsiling: "¿Kay nga bala nagkari ang akan ginoo, ang hari, sa iya alagad?" Kag si Dabid nagsiling: "Sa pagbakal sa imo sang linasan, agud nga pagpatindugan sang halaran ni Iehoba, kag agud nga ining kamatay magisol sa banwa."

22 Kag si Arauna nagsiling kay Dabid: "Kuhaa kag maghalad ang akan ginoo, ang hari, sang ginapakamaayo sa iya mga mata. Yari karon ang mga baka nga sa halad nga sinunug, kag ang mga ligis nga inuglinas kag ang mga galamiton sang mga baka nga sa gatong;

23 Ini tanan, oh hari, ginahatag ni Arauna sa hari." Kag si Arauna nagsiling sa hari: "Si Iehoba, nga imo Dios, magpahuyon sa imo."

24 Kag ang hari nagsiling kay Arauna: "Indi, kondi pagabaklon ko sa imo nga may bili; kag indi ako magahalad kay Iehoba, nga akan Dios, sing mga halad nga sinunog nga walâ sing bayad." Niyan ginbakal ni Dabid ang linasan kag ang mga baka sa kalim-an ka siklo nga pilak.

25 Kag nagpatindug didto si Dabid sing isa ka halaran kay Iehoba, kag nagahalad sia sing mga halad nga sinunog kag mga halad sa paghidaet; kag si Iehoba nalugpayan sa duta kag ginpaisol ang kamatay sa Israel.

# ANG NAHAUNA NGA TOLON-AN SANG MGA H A R I.

Katigulangon ni Dabid.—Si Adonia nagahunahuna nga magmanġinhari.—Si Salomon ginapahamtang ni Dabid nga ilis niya.

1 SANG tigulang na ang hari nga si Dabid kag sobol na sa katigulangon, ginkunopan sia nila sing mga panapton, apang walâ sia paginit.

2 Kag nagsililing sa iya ang iya mga alagad: "Panġitai ang akon ginoo, ang hari, sing isa ka pamatan-on nga ulay, agud nga mag-atubang sia sa hari kag magsagud sa iya, kag magtolog sa imo sabak kag magapainit sa akon ginoo, ang hari."

3 Kag nagpalangita sila sing isa ka pamatan-on nga magayon sa bug-os nga kadulunan sa Israel; kag nakita nila si Abisag, nga Sunamihon, kag gindala nila sia sa hari.

4 Kag ang pamatan-on magayon gid, kag nagasagud sia sa hari kag nagalagad sa iya; apang ang hari walâ nga mas-a makakilala sa iya.

5 Kag si Adonia, nga anak ni Hagit, nagtindug, nga nagasiling: "Ako magahari." Kag nagkaugalingon sia sing mga kanga kag mga manugkabayo, kag kalim-an ka tawo nga magdalalagan sa atubangan niya.

6 Kag ang iya amay walâ nga mas-a magpasubu sa iya sa tanan niya nga mga adlaw, nga nagasiling sa iya: "ĜKay ngaa bala nagahimo ka sini?" Kag ini man magayon sia sa itululuk, kag ginpanġanak sia nga nagdason kay Absalom.

7 Kag nakigsapul sia kay Ioab, nga anak ni Seruia, kag kay Abyatar, nga saserdote, nga nagbululig kay nagsulunud sila kay Adonia.

8 Kag si Sadok, nga saserdote, kag si Benaia, nga anak ni Ioiada, kag si Natan, nga manalagna, kag si Simei kag si Rei, kag ang mga isganang ni Dabid, walâ magasulunud sila kay Adonia.

9 Kag si Adonia naghalad sing mga obeha kag mga baka, kag mga pinatambok malapit sang batô sa Sohelet, nga yara sa luyo sang En-Rogel; kag ginagda niya ang tanan niya nga mga utud, nga mga anak sang hari, kag ang tanan nga mga lalaki sa Iuda, nga mga alagad sang hari.

10 Apang walâ niya pag-agdaha si Natan, nga manalagna, bisan si Benaia, bisan ang mga isganang, bisan si Salomon, nga iya utud.

11 Kag si Natan naghambal kay Batseba, nga ilôy ni Salomon, nga nagasiling: "ĜWalâ ka bala makabati, nga nagahari si Adonia, nga anak ni Hagit, nga walâ makahibalo sini si Dabid nga aton ginoo?"

12 Kag, kari-ka karon, ginaampo ko sa imo, kag paghatagan ko ikaw sing laygay, agud nga maluwas mo ang imo kabuhi kag ang kabuhi sang imo anak nga si Salomon.

13 Lakat-ka sulud-ka sa hari, nga si Dabid, kag isiling-mo sa iya: "Hari, nga akon ginoo, walâ ka bala magsumpa sa imo alagad, nga nagasiling: Sa pagkamatuud si Salomon, nga imo anak magahari sa olehe nakon, kag sia magalingkod sa akon lingkoran, nga hari-anon? ĜKay ngaa bala nagahari si Adonia?"

14 Yari karon, sa nagahambal pa ikaw sa hari, ako magasulud sa olehe mo, kag pagahimun-an ko ang imo mga polong."

15 Kag si Batseba nagsulud sa hari sa hulut sa sulud, kag ang hari tama na gid ka tigulang, kag si Abisag, nga Sunamihon, nagalagad sa hari.

16 Kag si Batseba nagyaub kag nagtahud sa hari. Kag ang hari nagsiling sa iya: "ĜAno bala ang buut mo?"

17 Kag sia nagsabat sa iya: "Ginoo ko, ikaw gid ang nagsumpa sa imo alagad, tungud kay Iehoba, nga imo Dios,



*n̄ga n̄gasiling*: Sa pagkamatuud si Salomon, n̄ga imo anak, magahari sa olehe nakon, kag sia magalingkod sa akon lingkoran n̄ga harianon.

18 Kag yari karon, si Adonia naga-hari, kag karon ikaw, oh hari, n̄ga akon ginoo, walā mo mahibalo i ni."

19 Kag naghalad sia sing m̄ga baka, kag m̄ga pinatambok, kag madamu n̄ga m̄ga obeha. Kag gin-agda niya ang tanan n̄ga m̄ga anak sang hari, kag si Abyatar, n̄ga saserdote, kag si Ioab n̄ga pangōlo sang kasoldadosan; apang kay Salomon, n̄ga imo alagad, walā niya pag-agdaha.

20 Kag ikaw, hari, n̄ga akon ginoo, ang m̄ga mata sang bug-os n̄ga Israel yara sa imo, agud n̄ga ipahayag mo sa ila kon sin-o ang magalingkod sa lingkoran n̄ga harianon sang hari, n̄ga akon ginoo, sa olehe niya.

21 Kag mahanabu, kon ang hari, n̄ga akon ginoo, magtolog upud sa iya m̄ga ginikanan, n̄ga ako kag ang akon anak n̄ga si Salomon *pagaisipon* kami n̄ga m̄ga makasasalā."

22 Kag yari karon, sang nagahambal pa sia sa hari, si Natan n̄ga manalagna nag-abut.

23 Kag ginpahibalo nila ang hari, n̄ga n̄gasiling: "Yari karon si Natan, ang nanalagna." Kag sang pagsulūd niya sa hari, n̄gyaub sia n̄ga nagahapa sa atubangan sang hari.

24 Kag si Natan n̄gsiling: "Hari, n̄ga akon ginoo, i n̄gsiling ka bala: Si Adonia magahari sa olehe nakon, kag sia ang magalingkod sa akon lingkoran n̄ga harianon?"

25 Kay karon nagduihog sia, kag naghalad sia sang m̄ga baka, kag sang m̄ga pinatambok, kag madamu n̄ga m̄ga obeha; kag gin-agda niya ang tanan n̄ga m̄ga anak sang hari, kag ang m̄ga pangōlo sang kasoldadosan, kag si Abyatar n̄ga saserdote; kag yari karon, nagakilinaon kag nagailinum sila sa atubangan niya kag n̄gasiling sila: i Magkabuhi ang hari n̄ga si Adonia!

26 Apang indi gin-agda niya ako, n̄ga imo alagad, bisan si Sadok, n̄ga saserdote, bisan si Benaia, n̄ga anak ni Ioia-da, bisan si Salomon, n̄ga imo alagad.

27 i Naggikan bala ini sa hari, n̄ga akon ginoo, n̄ga walā ka magpahayag sa imo alagad kon sin-o ang magaling-

kod sa lingkoran n̄ga harianon sang hari, n̄ga akon ginoo, sa olehe niya?"

28 Kag ang hari n̄ga si Dabid nagsabat kag n̄gsiling: "Itawag ako kay Batseba." Kag sia nagsulūd sa atubangan sang hari kag nagtindug sa atubangan sang hari.

29 Kag ang hari nagsumpa, n̄ga n̄gasiling: "Magkabuhi si Iehoba, n̄ga nagtubus sa akon kalág sa tanan n̄ga kalisdanan,

30 N̄ga sono sang akon ginsumpa sa imo tungud kay Iehoba, n̄ga Dios ni Israel, n̄ga n̄gasiling: Sa pagkamatuud, ang imo anak n̄ga si Salomon magahari sa olehe nakon, kag amo sia ang magalingkod sa akon lingkoran n̄ga harianon n̄ga salili nakon; n̄ga karon amo ini ang akon pagabuhaton."

31 Kag si Batseba n̄gyaub kag nagahapa, kag nagtahud sa hari, n̄ga n̄gasiling: "i Magkabuhi ang akon ginoo, ang hari n̄ga si Dabid, n̄ga sa gihapon!"

32 Kag ang hari n̄ga si Dabid n̄gsiling: "Itawag ako kay Sadok, n̄ga saserdote, kag kay Natan n̄ga manalagna, kag kay Benaia, n̄ga anak ni Ioia-da." Kag sila nagsululūd sa atubangan sang hari.

33 Kag ang hari n̄gsiling sa ila: "Kuha-kamo upud sa inyo sang m̄ga alagad sang inyo ginoo, kag pasakyaninyo si Salomon, n̄ga akon anak, sa akon mula, kag padulhugon-ninyo sia sa Gihon.

34 Kag didto pagahaplason sia ni Sadok, n̄ga saserdote, kag ni Natan n̄ga manalagna, n̄ga hari sa ibabaw ni Israel. Kag magpalatunog-kamo sang budyong, n̄ga n̄gasiling: i Magkabuhi ang hari n̄ga si Salomon!

35 Kag magataklad kamo sa olehe niya, kag magataklad sia kag magalingkod sa akon lingkoran n̄ga harianon; kag magahari sia n̄ga salili nakon. Kay amo sia, n̄ga tungud sang akon sogo, manginmanugdumala sa ibabaw ni Israel kag sa ibabaw ni Iuda."

36 Kag si Benaia, n̄ga anak ni Ioia-da, nagsabat sa hari kag n̄gsiling: "i Kabay pa! Amo man n̄gsiling si Iehoba, ang Dios sang hari, n̄ga akon ginoo.

37 Subung n̄ga si Iehoba nanginkaupud sang hari, n̄ga akon ginoo, amo man karon manginkaupud sia ni Salomon, kag pagpadakuon niya ang iya lingkoran

nga harianon labi pa sang lingkoran nga harianon sang hari nga si Dabid, nga akon ginoo."

38 Kag nagdulhog si Sadok, nga saserdote, kag si Natan, nga manalagna, kag si Benaia, nga anak ni Ioiada, kag ang mga Keretinhon kag ang mga Peletinhon; kag ginpasakay nila si Salomon sa mula sang hari nga si Dabid, kag gindala nila sia sa Gihon.

39 Kag si Sadok, nga saserdote, nagkuha sang sungay nga sa lana sa layang-layang ni Iehoba kag ginhaplas niya si Salomon. Kag nagpalatunog sila sang budyong, kag nagsiling ang bug-os nga banwa: "Magkabuhi ang hari nga si Salomon!"

40 Kag ang bug-os nga banwa nagtaklad sa olehe niya, kag nagpalatunog ang mga katawohan sang mga lantoy kag nagkalalipay sila sing daku, nga ang duta naglitik sa tingug nila.

41 Kag si Adonia nakabati sini kag ang tanan nga mga inagda nga yara upud sa iya, sang nakatapus na sila sa pagkaon. Kag sang pagkabati ni Ioab sang tunog sang budyong, nagsiling sia: "Kag nga bala ini nga siningit sa banwa sa kagahud?"

42 Sang nagahambal pa sia, yari karon, si Ionatan, nga anak ni Abyatar nga saserdote, nag-abut. Kag nagsiling si Adonia: "Kari-ka, kay ikaw amo ang tawo nga maisug, kag nagadalá ka sing mga maayong balita."

43 Kag si Ionatan nagsabat, kag nagsiling kay Adonia: "Hinonoo ngani, ang aton ginoo, ang hari nga si Dabid, naghimo nga hari kay Salomon."

44 Kag ang hari nagpadalá upud sa iya kay Sadok, nga saserdote, kag kay Natan, nga manalagna, kag kay Benaia, nga anak ni Ioiada, kag sa mga Keretinhon kag sa mga Peletinhon; nga ginpasakay nila sia sa mula sang hari.

45 Kag si Sadok, nga saserdote, kag si Natan, nga manalagna, naghaplas sa iya nga hari sa Gihon; kag kutub didto nagtalaklad sila, nga nagapalangalipay, kag ang banwa yara sa kagubut. Ini amo ang kinagahud nga inyo nabatian.

46 Kag si Salomon gid naglingkod man sa lingkoran nga harianon sang ginharian.

47 Kag bisan pa, ang mga alagad sang hari nag-alabut sa pagpakamaayo sa

sa aton ginoo, ang hari nga si Dabid, nga nagasiling: Ang Dios maghimo sa ngalan ni Salomon nga labing maayo sang imo ngalan; kag pagpadakuon niya ang iya lingkoran nga harianon nga labi pa sang sa imo lingkoran nga harianon. Kag ang hari nagyaub sa iya higdaan.

48 Kag ang hari gid naghambal man sing subung sini: Pakamaayohon si Iehoba, ang Dios ni Israel, nga naghatag karon kon sin-o ang magalingkod sa akon lingkoran nga harianon, nga makita ko sia sang akon mga mata."

49 Niyang tanan nga mga inagda ni Adonia nagkulurug, kag nagtilindug sila, kag ang tagsatagsa napakadto sa iya dalan.

50 Apang si Adonia, sang nahadluk sia sa atubangan ni Salomon, nagtindug kag naglakat sia kag nagkaput sang mga sungay sang halaran.

51 Kag ginpahibalo ini kay Salomon, nga nagasiling: "Yari karon, nga si Adonia may kahadluk sa hari nga si Salomon, kag yari karon ginkaptan niya ang mga sungay sang halaran, nga nagsiling: Magsumpa karon sa akon ang hari nga si Salomon, nga indi magpatay sia sa hinganiban sa iya alagad."

52 Kag si Salomon nagsiling: "Kon sia ang magpahayag nga tawo nga matarung, bisan isa sang iya mga bohok maholog sa duta, apang kon makakita sing kalainan sa iya, mamatay sia."

53 Kag nagpadalá ang hari nga si Salomon, kag ginpapanaug nila sia gikan sa halaran; kag sia nag-abut kag nagyaub sa atubangan sang hari nga si Salomon. Kag si Salomon nagsiling sa iya: "Lakat-ka sa imo baláy."

Katapusan nga mga sogo ni Dabid.—Ang iya kamatayon.

**2** KAG nagpalapit na ang mga adlaw ni Dabid nga sa pagkamatay. Kag nagsogo sia kay Salomon, nga iya anak, nga nagasiling:

2 "Ako nagalakat sa dalan sang bug-os nga duta: Magpakabakud-ka kag pagpakalalaki-ka.

3 Bantayi ang tugon ni Iehoba, nga imo Dios, sa paglakat sa iya mga dalanon, kag sa pagbantay sang iya mga palatukuran, sang iya mga sogo, kag sang iya mga tulumanon, kag sang iya mga



pagpamatuud, subung sang nasulat sa kasogoon ni Moises, agud nga maghimo ka sing manginalamon gid sa tanan nga imo pagabuhaton kag sa bisan diin nga imo pagapadulungan;

4 Agud nga pagtumanon ni Iehoha ang polong, nga ginhambal niya sa akon, nga nagasiling: Kon ang imo mga anak magbalantay sang ila dalan sa paglakat sing matutum gid sa atubangan nakon, sa bug-os nila nga tagiposoon kag sa bug-os nila nga kalag, dili nga mas-a makulang sa imo, siling niya, ang salili sa lingkoran nga harianon sa Israel.

5 Ikaw gid nakahibalo na sang ginbuhat sa akon ni Ioab, nga anak ni Seruia, sang ginhimo niya sa duha ka mga pangolo sang kasoldadosan sa Israel, kay Abner, nga anak ni Ner, kag kay Amasa, nga anak ni Ieter, kon paano nga ginpatay niya sila: ginula niya ang dugo sang inaway, sa *dag-on* sa paghidaet, kag ginbutang niya ang dugo sang inaway sa iya wagkus nga yara sa iya hawak, kag sa iya mga sapin nga yara sa iya mga tiil.

6 Ikaw magahimo sa iya sono sang imo kaalam, kag indi mo pagitugyan nga magpanaug ang iya mga uban sa lulubngan sa paghidaet.

7 Apang sa mga anak ni Barsilai, nga Galaadinhon, maghikaloooy-ka sa ila, kag manginamo sila ang mga magakalaon sa imo latok; kay sila nagpalakari sing subung sini sa akon, sang nagapalagyo ako sa atubangan ni Absalom, nga imo utud.

8 Kag, yari karon, yara malapit sa imo si Simei, nga anak ni Gera, nga Benyaminhon, nga taga-Baurim: sia nagpanghimalaut sa akon sa mga makahaladluk nga pagpakamalaut, sang adlaw nga ako nagpakadto sa Mahanaim. Apang sia nagdulhog sa pagbaton sa akon sa Iordan, kag ako nagsumpa sa iya tungud kay Iehoba, nga nagasiling: Ako indi magpatay sa imo sa hinganiban.

9 Busa karon, dili mo sia pagkabigon nga walay sala, kay tawo ka nga maalam, kag nakahibalo ka kon ano ang imo pagabuhaton sa iya, kag pagapapanaugon mo ang iya mga uban nga may dugo sa lulubngan."

10 Kag si Dabid nagtolog upud sa iya mga ginikanan, kag ginlubung sia sa banwa ni Dabid.

11 Kag ang mga adlaw, nga naghari si Dabid sa ibabaw ni Israel nanginkapatan ka tuig: naghari sia sing pito ka tuig sa Hebron, kag naghari sia sing katlonan kag tatlo ka tuig sa Ierusalem.

12 Kag naglingkod si Salomon sa lingkoran nga harianon ni Dabid, nga iya amay; kag ang iya ginharian nanginmabakud gid.

Ang silot kay Adonia, kay Abyatar, kay Ioab kag kay Simei.

13 Kag si Adonia, nga anak ni Hagit, nagpakadto kay Batseba, nga iloy ni Salomon. Kag sia nagsiling sa iya: "Sa paghidaet bala ang imo pagkari?" Kag sia nagsabat: "Sa paghidaet."

14 Kag nagsiling sia: "May igasiling ako sa imo nga isa ka taga." Kag sia nagsiling: "Ihambal."

15 Kag sia nagsiling: "Ikaw nakahibalo, nga ang ginharian nahanungud sa akon, kag nga ang bug-os nga Israel nagbutang sa akon sang iya nawung, agud nga ako manginhari; apang ang ginharian ginpaliton, kag nanginiya sang akon utud, kay nagagikan kay Iehoba nga nanginiya."

16 Kag karon nagahimo ako sa imo sang isa ka pangayo; dili mo ako pagdumilian." Kag sia nagsiling sa iya: "Hambal-ka."

17 Kag sia nagsiling: "Ako naga-ampo sa imo, nga hambalon mo ang hari nga si Salomon (kay sia indi magdumili sa imo), agud nga ipaasawa niya sa akon si Abisag, nga Sunaminhon."

18 Kag si Batseba nagsiling: "Mawayo; ako magahambal sa hari tungud sa imo."

19 Busa, si Batseba nagsulud sa hari nga si Salomon sa paghambal sa iya tungud kay Adonia. Kag ang hari nagtindug sa pagsugata sa iya, kag nagyaub sia sa atubangan niya; kag naglingkod sia sa iya lingkoran nga harianon; kag nagpabutang sia sing isa ka lingkoran sa iloy sang hari, kag naglingkod sia sa iya too.

20 Kag sia nagsiling: "Isa ka diyo-tay nga pangayo ang ginapanabay ko sa imo, dili mo ako pagdumilian." Kag ang hari nagsiling sa iya: "Pangayo-ka, iloy ko; kag indi ako magdumili sa imo."

21 Kag sia nagsiling: "Ipaasawa si

Abisag, nga Sunaminhon, sa imo útud nga si Adonia."

22 Kag ang hari, nga si Salomon, nagsabat kag nagsiling sa iya ilóy, "¿Kay nga bala ginapangayô mo si Abisag, nga Sunaminhon, nga sa kay Adonia? Pangayoa man nga sa iya ang ginharian, kay sia among akon útud nga magulang, hoo, nga sa iya, kag nga sa kay Abyatar nga saserdote, kag nga sa kay Ioab, nga anak ni Seruia."

23 Niyan ang hari nga sa Salomon nagsumpa tungud kay Iehoba, nga nagsiling: "Amo ini ang pagbuhaton sang Dios sa akon kag amo ini ang pagidugang sa aton, nga sa pagkamatuud, batok sang iya kabuhi naghambal si Adonia sini nga polong."

24 Busa karon, magkabuhi si Iehoba, nga nagpalig-on sa akon kag nagbutang sa akon sa ibabaw sang lingkoran nga harianon ni Dabid, nga akon amay, kag nga nagbuhat sa akon sing baláy, subung nga ginsiling niya sa akon, nga sa pagkamatuud, karon gid nga adlaw si Adonia pagapatyon."

25 Kay ang hari, nga si Salomon, nagpadalá tungud sa kamut ni Benaia, nga anak ni Ioiada, nga nagsalakay sa ibabaw niya, kag namatay sia.

26 Kag nahanungud kay Abyatar, nga saserdote, nagsiling ang hari: "Lakat-ka sa Anatot, sa imo mga latagon, kay ikaw takus man sa kamatayon. Apang indi ikaw pagapatyon karon, tungud nga nagdalá ka sang kaban sang Ginoo nga si Iehoba sa atubangan ni Dabid, nga akon amay, kag *labut pa* gin-antus mo ang tanan nga mga gin-antus sang akon amay."

27 Kag gintabog ni Salomon si Abyatar sang pagkasaserdote ni Iehoba, agud nga matuman ang polong ni Iehoba, nga ginsiling niya sa ibabaw sang baláy ni Eli sa Silo.

28 Kag nag-abut ang balita tubtub kay Ioab (kay si Ioab man nakigdapig kay Adonia, bisan walâ sia magdapig kay Absalom); kag si Ioab nagpalagyo sa Layanglayang ni Iehoba, kag nagpanguyat sa mga sungay sang halaran.

29 Kag ginpahibalo si Salomon, nga si Ioab nagpalagyo sa Layanglayang ni Iehoba, kag nga yara sia sa luyo sang halaran. Kag ginpadalá ni Salomon si Benaia, nga anak ni Ioiada, nga nagasi-

ling sa iya: "Lakat-ka kag salakay-ka sa ibabaw niya."

30 Kag si Benaia nag-abut sa Layanglayang ni Iehoba, kag nagsiling kay Ioab: "Amo ini ang ginasiling sang hari: Maggowa-ka." Kag sia nagsiling: "Indi, kondi mamatay ako diri." Kag si Benaia nagsugid sang sabat sa hari, nga nagsiling: "Amo ini ang ginhambal ni Ioab, kag amo ini ang ginsabat niya sa akon."

31 Kag ang hari nagsiling sa iya: "Buhata sono sang iya ginsiling, kag patya sia, kag ilubung sia; sa sini pagakuhaon mo sa akon kag sa baláy sang akon amay ang dugo nga walay salâ nga ginula ni Ioab."

32 Kag pagapabalikon ni Iehoba ang iya dugo sa ibabaw sang iya olo; kay sia nagsalakay sa ibabaw sang duha ka lalaki nga labing matarung kag maayo sa iya, nga ginpatay niya sila sa hinganiban, nga walâ gid makahibalo ang akon amay nga si Dabid: si Abner, nga anak ni Ner, pangolo sang kasoldadosan sa Israel, kag si Amasa, nga anak ni Ieter, pangolo sang kasoldadosan sa Iuda.

33 Ang dugo nila pagapabalikon sa ibabaw sang olo ni Ioab, kag sa ibabaw sang olo sang iya kaliwatan sa gihapon. Apang sa ibabaw ni Dabid, kag sa ibabaw sang iya kaliwatan, kag sa ibabaw sang iya baláy, kag sa ibabaw sang iya lingkoran nga harianon, sa gihapon gid, may paghidaet gikan sa kay Iehoba."

34 Kag si Benaia, nga anak ni Ioiada, nagtaklad kag nagsalakay sa ibabaw niya, kag ginpatay niya sia; kag ginlubung niya sia sa iya baláy, sa kahanayakan.

35 Kag ginbutang sang hari si Benaia, nga anak ni Ioiada, sa tal-us ni Ioab, sa ibabaw sang kasoldadosan; kag si Sado, nga saserdote, ginbutang sang hari sa ilis ni Abyatar.

36 Kag ginpakadtoan sang hari kag ginpatawag si Simei, kag nagsiling sa iya: "Patindug-ka sing isa ka baláy sa Ierusalem, kag magpuyô-ka didto, kag dili ka maggowa didto sa bisan diin."

37 Kag mahanabu nga, sang adlaw nga maggowa ka kag magtabok ka sa kasulgan sang Kedron, mahibaloan mo sing maayo nga mamatay ka, sa pagka-



matuud, kag ang imo dugo maholog sa ibabaw sang imo olo."

38 Kag si Simei nagsiling sa hari: "Ining polong maayo; subung sang ginsiling sang hari, nga akon ginoo, amo ini ang pagahimoon sang imo alagad. Kag nagpuyô si Simei sa Ierusalem sing madamu nga mga adlaw.

39 Kag nahanabu, sang lumigad ang tatlo ka tuig, nga nagpalalagyo ang duha ka mga alagad ni Simei kay Akis, anak ni Maaka, nga hari sa Gat. Kag ginpahibalo si Simei, nga nagasiling: "Yari karon, nga ang imo mga alagad yadto sila sa Gat."

40 Kag si Simei nagtindug, kag nagsiya sang iya asno kag napakadto kay Akis sa Gat, sa pagpangita sang iya mga alagad; kag napakadto si Simei kag ginpabalik niya ang iya mga alagad gikan sa Gat.

41 Kag ginsiling kay Salomon, nga si Simei naglakat gikan sa Ierusalem tub-tub sa Gat, kag nga nagbalik na.

42 Kag ang hari nagpadalâ kag gintawag niya si Simei, kag nagsiling sia sa iya: "¿Walâ bala ako magpasumpa sa imo tungud kay Iehoba, kag walâ bala ako magpamatuud sa imo, nga nagasiling: Ang adlaw nga maggowa ka kag magkadto ka diri kon didto, mahibalo-an mo sing maayo, sa pagkamatuud, nga mamatay ka, kag ikaw nagsiling sa akon: Ining polong maayo; nabati-an ko.

43 Busa, ¿ kay nga bala walâ mo pagbantayi ang panumpa ni Iehoba kag ang sogo, nga akon ginsogo sa imo?"

44 Labut sini, nagsiling ang hari kay Simei: "Ikaw nakahibalo sang tanan nga kalainan, nga ginhimo mo kay Dabid, nga akon amay, nga ang imo tagiposoan nakahibalo sing maayo; si Iehoba magapabalik sang kalainan sa ibabaw sang imo olo;

45 Kag ang hari nga si Salomon pagapakamaayohon, kag ang lingkoran nga harianon ni Dabid magamanginmaligon sa gihapon sa atubangan ni Iehoba."

46 Kag ang hari nagsogo kay Benaia, anak ni Ioiada, kag naggowa sia kag nagpilas sa iya, kag namatay sia. Kag ang ginharian ginpalig-on sa kamut ni Salomon.

Ang pagkasal kay Salomon.—Ang iya palanan-awon sa Gabaon.—Nangayo sia kag nakadangat sang kaalam.

**3** KAG si Salomon nakighimata kay Paraon, nga hari sa Egipto, kag ginpangasawa niya ang anak nga babae ni Paraon; kag gindalâ niya sia sa banwa ni Dabid, tubtub nga matapus niya sa pagpatindug ang iya baláy, kag ang baláy ni Iehoba, kag ang mga kuta sang Ierusalem palibot.

2 Lamang ang banwa naghalad sa mga kataasan, kay walâ sing Baláy nga pinatindug sa ngalan ni Iehoba tubtub sadtong mga adlaw.

3 Kag si Salomon naghigugma kay Iehoba, nga nagalakat sa mga palatukuran sang iya amay, nga si Dabid. Lamang nga naghalad sia kag nagsunug sing mga pahamut sa mga kataasan.

4 Kag nagpakadto ang hari sa Gabaon sa paghalad didto, kay ini amo ang dakung duug nga mataas. Isa ka libo ka mga halad nga sinunog ginhalad ni Salomon sa ibabaw sadtong halaran.

5 Kag si Iehoba nagpakita kay Salomon sa Gabaon, sang isa ka gab-i sa isa ka damgo; kag nagsiling sa iya ang Dios: "Pangayô-ka sang akon igahatag sa imo."

6 Kag si Salomon nagsiling: "Ikaw naghimo sing daku nga kalooy sa imo alagad nga si Dabid, nga akon amay, siling nga sia naglakat sa atubangan mo sa kamataoran, sa katarungan, kag may katadlungan sa tagiposoan nga sa imo; kag ikaw nagbantay sa iya sining daku nga kalooy, nga ginhatag mo sa iya ang anak, nga nagalingkod sa iya lingkoran nga harianon, subung nga *nagakahanabu* sa sining adlaw.

7 Busa karon, Iehoba, nga Dios nakon, ikaw gid nagpahari sa imo alagad sa salili ni Dabid, nga akon amay; kag ako, diyotay nga pamatan-on, nga indi ako makahibalo kon paano ang pagsulúd bisan paggowa;

8 Kag ang imo alagad yara sa tungâ sang imo banwa, nga imo ginpili, isa ka banwa nga daku, nga indi sarang maisip, tungud sang iya kadamuon.

9 Busa, ihatag sa imo alagad ang tagiposoan nga matinumanon, sa paghukom sa imo banwa, sa pagkilala sang maayo kag sang malain. Kay ¿sin-o

bala ang sarang makahukom sining imo banwa nga labing daku? "

10 Kag nanġinmaayo ining polong sa mġa mata sang Ginoo, tungud kay si Salomon nagpangayô sini.

11 Kag ang Dios nagsiling sa iya: "Tungud kay nagpangayô ka sini kag walâ ka magpangayô nga sa imo sing madamu nga mġa adlaw, bisan nagpangayô ka nga sa imo sing mġa mangad, bisan ginpangayô mo ang kabuhi sang imo mġa kaaway, apang nangayô ka nga sa imo sing ihibalo sa paghangup sang paghukom,

12 Yari karon, pagahimoon ko ini sono sa imo mġa polong: Yari karon, nga pagahatagan ko ikaw sing tagiposoon nga maalam kag mahinantupon; nga walâ sing liwan nga úna sa imo, subung sa imo, bisan may iban nga magatindug sa olehe nimo, subung sa imo.

13 Labut pa, pagahatagan ko ikaw pa man sang mġa butang, nga walâ mo pagpangayoa, sang mġa mangad kag sang himaya, nga sa tungâ sang mġa hari walâ sing bisan sin-o nga subung sa imo sa tanan mo nga mġa adlaw.

14 Kag kon maglakat ka sa akon mġa dalanon, nga nagabantay sang akon mġa palatukuran kag sang akon mġa sogo, subung sang paglakat ni Dabid, nga imo amay, pagapalawigon ko ang imo mġa adlaw."

15 Kag sang pagmata ni Salomon, yari karon, nga damgo *lamang*. Kag nag-abut sia sa Ierusalem, kag nag-atubang sa kaban sang katipan ni Iehoba; kag naghalad sia sing mġa halad nga sinunog, kag naghalad sia sing mġa halad sa paghidaet. Kag naghimo man sia sing kalipayan sa tanan nga iya mġa alagad.

16 Kag nag-alabut ang duha ka babae, nga mġa bigaon, sa hari kag nag-alatubang sa iya.

17 Kag nagsiling ang isa ka babae: "¡Ay! Ginoo ko, ako kag ini nga babae nagapuyô kami sa isa lamang ka baláy, kag ako nag-anak nga *nagapuyô* upud sa iya sa sini nga baláy.

18 Kag nahanabu, sang ikatlo ka adlaw sa tapus na ako mag-anak, nga ini sia nag-anak man. Nagpuyô kami sing tingub: walâ sing bisan sin-o nga dumuluong sa baláy, kondi kami nga duha sa baláy.

19 Kag sang isa ka gab-i ang anak nga

lalaki sini nga babae namatay, kay napintalan niya sia.

20 Kag nagtindug sia sa tungang gab-i, kag ġinkuha niya ang akon anak nga lalaki sa luyo nakon, sang *ako*, nga imo alagad, nagkatolog, kag ginbutang niya sia sa iya sabak; kag ginbutang niya sa akon sabak ang iya anak nga lalaki nga patay.

21 Kag sang pagbangon ko, sang kaa-gahon, sa pagpasoso sa akon anak, yari karon, nga patay na sia. Apang ginusisa ko sia, sang pagkaaga, kag nakita ko, nga indi amo ang akon anak, nga ġin-anak ko."

22 Kag ang isa ka babae nagsiling: "Indi; ang akon anak among nagakabuhi, kag ang imo anak among patay." Kag ang isa nagsiling *liwan*: "Indi; ang imo anak amo ang patay, kag ang akon anak amo ang nagakabuhi." Amo ini ang ginahambal nila sa atubangan sang hari.

23 Niyan ang hari nagsiling: "Ini sia nagsiling: Ini sia amo ang akon anak, ang nagakabuhi, kag ang imo anak among patay. Kag ang isa nagsiling: Indi, kay ang imo anak among patay, kag ang akon anak among nagakabuhi."

24 Kag ang hari nagsiling: "Dalhi ako ninyo sing isa ka hinganiban. Kag nagdalá sila sing isa ka hinganiban sa atubangan sang hari.

25 Kag ang hari nagsiling: "Piha-ka-ninyo sa tungâ ang bátâ nga buhi, kag ihatag-ninyo ang tungâ sa isa kag ang isa katungâ sa isa."

26 Kag ang babae, nga amo ang tag-ya sang anak nga buhi, nagsiling sa hari, kay ang iya mġa kasudlan nagdabdab tungud sang iya anak, kag nagsiling sia: "¡Ay! Ginoo ko, ihatag sa iya sini ang bátâ nga buhi, kag indi gid sia pagpatya sa bisan ano nga bagay;" sang ang isa nagsiling: "Indi manginakon, bisan manginimo; pihaka-ninyo sia."

27 Kag ang hari naghambal kag nagsiling: "Ihatag-ninyo sa sina ang anak nga buhi, kag indi gid ninyo sia pagpatya: sia amo ang iya ilóy."

28 Kag ang bug-os nga Israel nakabati sadtong paghukom, nga ginhatag sang hari, kag nagkalahadluk sila sa hari; kay nakita nila, nga yara sa iya ang kaalam sang Dios, nga sa paghukom.



Mga gobernador nga pangolo ni Salomon.—  
Ang himaya sang iya ginharian.

4 KAG ang hari nga si Salomon na-nghinari sa ibabaw sang bug-os nga Israel.

2 Kag yari karon, ang iya mga dunganon: Si Asaria, anak ni Sadok, among saserdote.

3 Si Eliorep kag si Ahiya, mga anak ni Sisa, nga mga eskriba sila; si Iosapat, anak ni Ailud, manugsulat sia sang mga Kronika;

4 Kag si Benaia, anak ni Ioiada, among pangolo sang kasoldadosan. Si Sadok kag si Abyatar, mga saserdote sila;

5 Kag si Asaria, anak ni Natan, amo ang pangolo sang mga gobernador; kag si Sabud, anak ni Natan, among saserdote, nga Abyan sang hari;

6 Kag si Ahisar, tulugyanan sia sang baláy nga *harianon*; kag si Adoniram, anak ni Abia, pangolô sang mga buhis nga binanwa.

7 Kag si Salomon may napulô kag duha ka gobernador sa ibabaw sang bug-os nga Israel, nga nagaaman sa pagsakdag sa hari kag sa iya panimalay. Ang tagsatagsa sa ila may katungdanan sila sa pag-aman sang pagsakdag sa isa ka bulan sang tuig.

8 Kag ini amo ang mga ngalan nila: Si Ben-Hur, sa bukid sa Epraim;

9 Si Ben-Deker, sa Makas, kag sa Salbim, kag sa Bet-semes, kag sa Elon-bet-hanan;

10 Si Ben-Hesed, sa Arubot; iya man ang Soko kag ang bug-os nga duta sa Eper;

11 Si Ben-Abinadab, sa bug-os nga kataasan sa Dor, nga asawa niya sini si Tapat, nga anak ni Salomon;

12 Si Baana, nga anak ni Ailud, sa Taanak kag sa Megido kag sa bug-os nga Bet-sean, nga yara sa luyo sa Saretan, sa naidalum sa Iesreel, kutub sa Bet-sean tuhtub sa Abel-mehola, tuhtub sa unhan pa sang Iokmeam;

13 Si Ben-Geber, sa Ramot-Galaad, nga iya man ang mga kabanwaan ni Iair, anak ni Manases, nga yara sa Galaad; iya man ang kadutaan sa Argob, nga yara sa Basan: kan-uman ka mga banwa nga dalagku, nga may kuta kag mga pital nga saway;

14 Si Ahinadab, nga anak ni Iddo, sa luyo sang Mahanaim;

15 Si Ahimaas, sa Neptali; ini sia na-ngasawa man kay Basemat, nga anak ni Salomon;

16 Si Baana, anak ni Husai, sa Aser kag sa Alot;

17 Si Iosapat, nga anak ni Parua, sa Isakar;

18 Si Simeï, anak ni Ela, sa Benyamin;

19 Si Geber, nga anak ni Uri, sa duta sa Galaad, ang duta ni Sihon, nga hari sa mga Amorphon, kag ni Og nga hari sa Basan; kag isa lamang ang gobernador sa sadtong duta.

20 Si Iuda kag si Israel nga madamu sila subung sang balas nga yara sa luyo sang dagat sa kadamuon, nga nagakalaon kag nagailinum kag nagapalangilipay sila.

21 Kag si Salomon naggahum sa ibabaw sang tanan nga mga ginharian kutub sa Subâ sang duta sang mga Pilistinon, tuhtub sa dulunan sang Egipto; nagdalalâ sila sing amoma kag nagalagad sila kay Salomon sa tanan nga mga adlaw sang iya kabuhi.

22 Kag ang latok ni Salomon, sa tag-sa ka adlaw among katloan ka koros sang harina nga malum-ok kag kanuman ka koros nga harina;

23 Napulô ka baka nga pinatambok kag duha ka pulô ka baka nga sa halalban, kag isa ka gatus ka obeha, walay labut ang mga usa, nga gasela, nga usa nga lalaki kag mga pispis nga pinatambok.

24 Kay sia naggahum sa bug-os nga *kadutaan* nga yara sa tabok sang Subâ, kutub sa Tipsa tuhtub sa Gasa, sa ibabaw sang tanan nga mga hari sa tabok sang subâ; kag may paghidaet sia sa tanan nga mga luyo sa palibot niya.

25 Kag si Iuda kag si Israel nagapalangabuhì nga mga malig-on, ang tagsatagsa sa idalum sang iya palapala kon sa idalum sang iya igerà, kutub sa Dan tuhtub sa Beer-seba, sa tanan nga mga adlaw ni Salomon.

26 Kag si Salomon may kap-atan ka libo ka palasudlan nga sa mga kabayo nga sa iya mga kanga, kag napulô kag duha ka libo ka manugkabayo.

27 Kag ining mga gobernador nag-aman sa pagsakdag sa hari nga si Salomon kag sa tanan nga mga nagpalapit sa latok sang hari nga si Salomon, ang tag-

satagsa isa ka bulan. Kag indi sila nag-tugut nga makulangan sing ano man.

28 Nagpadalá man sila sing sebada kag dagami nga sa mga kabayo kag mga kabayo nga madasig, sa duug nga didto yara sila, ang tagsatagsa sono sang bilin nga yara sa iya.

Ang mga sinulat ni Salomon.

29 Kag ginhatagan sang Dios si Salomon sing kaalam kag ihibalo sing bugana gid kag sang kasangkad sa tagiposon, subung sang balas nga yara sa baybayon sang dagat.

30 Kag ang kaalam ni Salomon naglabaw sa kaalam sang tanan nga mga inanak sang Sidlangan kag sang tanan nga kaalam sang mga taga-Egipto.

31 Kag nanġinlabi pa kaalam sia sang tanan nga mga tawo, labi pa kay Etan, nga Esrainhon, kag kay Heman, kag kay Kalkol, kag kay Darda, nga anak ni Mahol. Kag nanġinbantug ang iya ngalan sa tanan nga mga katawohan sa palibot.

32 Kag nagmitlang sia sing tatlo ka libo ka mga hulobaton, kag ang iya mga kalantahon nanġinisa ka libo kag lima.

33 Kag naghambal sia *man* nahanungud sang mga kahoy, kutub sa sedro sang Libano tubtub sa hisopo nga nagatúbô sa mga dingding; kag naghambal *man* sia nahanungud sang mga kasapatan, sang mga kapispisan, sang mga nagaguluyod sang ila tiyan kag sang mga kaisdaan.

34 Kag ang mga tawo nag-alabut gikan sa tanan nga mga kabanwaan sa pagpamati sang kaalam ni Salomon, kag gikan sa tanan nga mga hari sang duta, kag didto nag-abut ang *kabantugan* sang iya kaalam.

Si Salomon nakigdampig kay Hiram, nga hari sa Tiro, kag nagaaman sang pagpatindug sang Simbahan.

**5** KAG si Hiram, nga hari sa Tiro, nagpadalá man sang iya mga alagad kay Salomon, sang pakabati niya nga ginhaplas ini sia nga hari sa salili sang iya Amay; kay si Hiram gihapon nanġinabyan ni Dabid.

2 Kag si Salomon nagpadalá kay Hiram sa pagsiling:

3 "Ikaw nakahibalo sing maayo, nga ang akon amay nga si Dabid walâ ma-

kasarang pagpatindug sang Baláy sa ngalan ni Iehoba, nga iya Dios, tungud sang mga pagilina-way nga naglibot sa iya, tubtub nga si Iehoba nagbutang sang iya mga kaaway sa idalum sang mga dapadapa sang iya mga tiil.

4 Apang karon si Iehoba, nga akon Dios, naghatag sa akon, sing pagpahaway sa tanan nga mga luyo; nga walâ bisan kasumpung, bisan malain nga pag-sugata.

5 Kag, yari karon, ako nagatapat sa pagpatindug sang Baláy sa ngalan ni Iehoba, nga akon Dios, subung nga ginhambal ini ni Iehoba kay Dabid, nga akon amay, nga nagasiling: Ang imo anak nga pagaibutang ko sa salili nimo sa imo lingkoran nga harianon, sia magapatindug sang Baláy nga sa akon ngalan.

6 Busa karon, sogo-ka, nga pagpudlan nila ako sing mga sedro sa Libano kag nga ang akon mga alagad magulúpud sang imo mga alagad, kag ako magahatag sa imo tungud sang imo mga alagad sang sohol nga pagaisiling mo; kay ikaw nakahibalo sing maayo, nga walâ gid sa amon nga makahibalo sa pagpulúd sang mga kahoy, subung sang mga Sindoninhon."

7 Kag sang pagkabati ni Hiram sang mga polong ni Salomon, nagkalipay sia sing daku gid, kag nagsiling sia: "Dalayawon karon si Iehoba, nga naghatag sing anak nga maalam kay Dabid sa ibabaw sini nga banwa nga daku."

8 Kag si Hiram nagpadalá kay Salomon, sa pagsiling: "Nabatian ko ang imo ginpadalá sa *pagsiling* sa akon. Pagahimoon ko ang tanan nga imo luyag nahanungud sang kahoy nga sedro, kag sang kahoy nga sipres.

9 Ang akon mga alagad magapadulhog sa ila kutub sa Libano pa dagat, kag pagalantayon ko sila sa dagat tubtub sa duug, nga pagaitudlo mo sa akon; kag didto pagapahubaran ko sila kag pagabatunon mo sila. Kag ikaw magahimo sang akon kabubut-on sa pagpakaon sa akon panimaláy."

10 Kag si Hiram naghatag kay Salomon sing kahoy nga sedro, kag kahoy nga sipres, ang tanan nga iya naluyagan.

11 Kag si Salomon naghatag kay Hiram sing duha ka púlô ka libo ka koros nga trigo nga kalan-on sang iya panimaláy, kag duha ka púlô ka koros nga



lana nga binayo. Naghatag sini si Salomon kay Hiram sa tagsa ka tuig.

12 Kag si Iehoba naghatag kay Salomon sing kaalam, subung sang iya gin-siling sa iya. Kag may paghidaet sa tungâ ni Hiram kag ni Salomon, kag naghimo sila nga duha sing pagpakigkatipan.

13 Kag ginpadagyaw sang hari nga si Salomon ang bug-os nga Israel; kag ang dagyaw nanginkatloan ka libo ka tawo.

14 Kag ginpadalâ niya sila sa Libano, sa tagpûlô ka libo sa tagsa ka bulan, sa ila paginilisilis: *sa bagay* nga nagpuyô sila sing isa ka bulan sa Libano kag duha ka bulan sa ila mga baláy. Kag si Adoniram nanginpangôlo sadtong dagyaw.

15 Kag may kapitoan *man* ka libo si Salomon nga mga manugdalâ sang mga lulan, kag kawaloan ka libo nga mga manugutûd sa bukid:

16 Walay labut sang mga gobernador nga pangôlo ni Salomon, nga yara sila sa ibabaw sang buluhaton, *sa isip* nga may tatlo ka libo kag tatlo ka gatus, nga may kagamhanan sa ibabaw sang banwa nga nagapangabudlay.

17 Kag ang hari nagsogo, nga magkuha sila sing dalagku nga mga bató, mga bató nga may bili, nga sa paghimo sang mga sadsaran sang Baláy nga may mga binasbasan nga mga bató.

18 Kag ang mga manugbaláy ni Salomon kag ang mga manugbaláy ni Hiram, kag ang mga Giblainhon nagpalangutûd kag nag-alaman sang kahoy kag sang mga bató sa pagpatindug sang Baláy.

#### Ang pagpatindug sang Simbahan.

**6** KAG nahanabu, sa tuig nga apat ka gatus kag kawaloan, sa tapus na nga nakahalín ang mga inanak ni Israel sa Egipto, sa ikapat ka tuig sang pagsugud sang ginharian ni Salomon sa ibabaw ni Israel, sa bulan nga Sib, nga amo ang ikaduha ka bulan, nga *nagsugud* sia sa pagpatindug sang Baláy ni Iehoba.

2 Kag ang Baláy nga ginpatindug sang hari nga si Salomon kay Iehoba may kan-uman ka maniko ang kalaba, kag duha ka pûlô ang kasangkad, kag katloan ka mga maniko ang kataas.

3 Kag ang silong sa atubangan sang Simbahan sang Baláy may duha ka pûlô ka maniko ang kalaba, siling sang ka-

sangkad sang Baláy, kag napûlô ka maniko ang iya kasangkad sa atubangan sang Baláy.

4 Kag naghimo sia sa Baláy sing mga talambuan nga nataktan sang mga bala-tibat.

5 Kag nagpatindug sia man sa luyo sang dingding sang Baláy sing mga panalغان sa palibot batok sa mga dingding sang Baláy sa palibot sang Simbahan kag sang orakulo;\* kag naghimo sia sing mga hulut sa kilid sa palibot.

6 Ang panalغان nga naidalum among lima ka maniko ang kasangkad, kag ang sa tungâ anum ka maniko ang kasangkad, kag ang ikatlo pito ka mga maniko ang kasangkad; kay sa gowa naghimo sia sing mga buhin sa Baláy, sa palibot, agud nga indi ang mga busalug magangut sa mga dingding sang Baláy.

7 Kag ang Baláy, sang pagpatindug, ginpatindug sia nila sa mga bató nga napamasbasan na sa lulukata, sa bagay nga kon patindugon nila sia, indi mabatian bisan pakang, bisan wasay, bisan anong galamiton nga salsalon sa Baláy.

8 Ang gawang sang hulut nga natungâ yara sa natoo nga luyo sang Baláy; kag nagasalaka sila sa isa ka hagdan nga nagalibot sa *salug* nga tungâ, kag kutub sining sa tungâ, pa ikatlo.

9 Sang ginpatindug niya ang Baláy kag gintapus niya sia, gin-aptan niya ang Baláy sing mga sukug kag talaytay nga mga tapi nga sedro.

10 Kag ginpatindug niya ang mga salug batok sa bug-os nga baláy, sa kataason nga lima ka maniko *ang tagsa ka salug*; kag nagahalamboy sila sa Baláy nga may mga kahoy nga sedro.

11 Kag ang polong ni Iehoba nagabut kay Salomon, nga nagasiling:

12 "Nahanungud sini nga Baláy, nga imo ginapatindug, kon maglakat ka sa akon mga palatukuran, kag kon magbutang ka sa buhat sang akon mga tulumanon, kag kon bantayan mo ang tanan nga akon mga sogo, nga maglakat ka sa ila, niyan pagatumanon ko sa imo ang akon polong, nga ginhambal ko kay Dabid nga imo amay.

13 Kag magapuyô ako sa tungâ sang mga inanak ni Israel, kag indi ko pagbayaan ang akon banwa nga Israel."

\* *Orakulo*, halambalan, ang duug nga labing balaan, b. 16.

14 Kag ginpatindug ni Salomon ang Baláy kag ginhuman niya ini.

15 Kag gindagpakan niya ang mġa dingding sang Baláy nġa sa sulúd sang mġa tapi nġa sedro : kag ginpandagpakan niya sing kahoy sa sulúd kutub sa salug sang Baláy tuhtub sa angkub sang atup ; gintaklapan man niya ang salug sing tapi nġa sipres.

16 Kag gindagpakan niya ang duha ka-púlô ka maniko, sa bahin nġa labing nasulúd sang Baláy, sang mġa tapi nġa sedro kutub sa salug tuhtub sa *angkub* sang mġa dingding ; gindagpakan niya sila sa sulúd nġa sa orakulo, ang duug nġa labing blaaan.

17 Kag ang Baláy, nġa amo ang simbahan, may kap-atan ka maniko nġa sa atubangan.

18 Kag ang baláy sa sulúd nadagpakan sing sedro, nġa napanigban sing mġa oloatimon nġa talunon kag mġa bukad nġa mġa bulak : ang tanan sedro, walâ gid sing makita nġa batô.

19 Kag sa tungâ sang Baláy sa sulúd nag-aman sia sing isa ka orakulo sa pagbutang didto sang kaban sang katiplan ni Iehoba.

20 Kag ang orakulo may duha ka púlô ka maniko nġa kalaba nġa sa atubangan, kag duha ka púlô nġa kasangkad, kag duha ka púlô nġa kataas ; kag ginhalupan niya ini sing bulawan nġa labing ulay. Kag gindagpakan man niya ang halaran sing sedro.

21 Kag ginhalupan ni Salomon sing bulawan nġa ulay ang baláy sa sulúd, kag ginpahaiughugan niya nġa may mġa talikala nġa bulawan ang kumbung sa atubangan sang orakulo, kag ginhalupan niya ini sing bulawan.

22 Kag ginhalupan niya sing bulawan ang bug-os nġa Baláy, ang bug-os nġa Baláy tuhtub nġa nahuman ; ang bug-os nġa halaran, nġa nagduut sa orakulo, ginhalupan niya sing bulawan.

23 Kag naghimo man sia sa orakulo sing duha ka kerubin nġa kahoy nġa olibo nġa talunon, ang tagsatagsa napúlô ka mġa maniko ang kataason.

24 Kag ang isa ka pakpak sang kerubin may lima ka maniko, kag ang ikaduha nġa pakpak sang kerubin lima *man* ka maniko : napúlô ka maniko kutub sa ukbung sang isa ka pakpak tuhtub sa ukbung sang isa.

25 Kag ang ikaduha ka kerubin may

napúlô ka maniko : ang duha ka kerubin may isa sila lamang ka takus kag may isa lamang ka dagway.

26 Ang kataason sang nahauna may napúlô ka maniko, kag subung man ang ikaduha.

27 Kag ginbutang niya ang mġa kerubin sa tungâ sang Baláy nġa sa sulúd. Kag ang mġa kerubin nagahulumlad sang ila mġa pakpak, sa bagay nġa ang pakpak sang isa nagaduut sa isa ka dingding, kag ang pakpak sang ikaduha ka kerubin nagaduut sa pihak nġa dingding, kag ang iban nġa duha nila ka mġa pakpak nagaduutanay ang isa sa isa sa tungâ sang Baláy.

28 Kag ginhalupan niya sing bulawan ang mġa kerubin.

29 Kag ginpanigban niya ang tanan nġa mġa dingding sang baláy sa palibot, nġa ginpanigban niya sila sa mġa dagway nġa tiyondo sang mġa kerubin, kag sang mġa paklang, kag sang mġa bukad nġa mġa bulak, sa sulúd kag sa gowa.

30 Kag ginhalupan niya sing bulawan ang salug sang baláy, sa sulúd kag sa gowa.

31 Kag nġa sa salamputan sang orakulo naghimo sia sing gawang nġa kahoy nġa olibo nġa talunon ; kag ang mġa bakalan *upud* ang mġa haligi among ikalima ka bahin sang dingding.

32 Ang duha ka takup sang gawang amo sila ang kahoy nġa olibo nġa talunon ; kag ginpanigban sila niya sing mġa dagway sang mġa kerubin, kag sang mġa paklang kag sang mġa bukad nġa bulak ; kag ginhalupan niya sila sing bulawan, kag ginhalupan niya sing bulawan ang mġa kerubin kag ang mġa paklang.

33 Subung man naghimo sia, nġa sa gawang sang Simbahan, sing mġa haligi nġa kahoy nġa olibo nġa talunon sa ikap-at ka bahin sang dingding,

34 Kag sang duha ka takup nġa kahoy nġa sipres : ang nahauna nġa takup may duha ka panid nġa sarang mapilopilo kag ang ikaduha ka takup may duha ka panid nġa sarang mapilopilo.

35 Kag ginpanigib niya sa ila ang mġa kerubin, kag ang mġa paklang, kag ang mġa bukad nġa mġa bulak ; kag ginhalupan niya sila sing bulawan, nġa nataklap sa mġa tinigban.

36 Kag ginpatindug niya ang patyo nġa sa sulúd sa tatlo ka obay nġa mġa



bató nga binasbasan, kag sa isa ka obay nga mga balayan nga sedro.

37 Sa ikap-at ka tuig ni *Salomon*, sa bulan sang Sib, ginpahantang ang mga sadsaran sang baláy ni Iehoba.

38 Kag sa ikapulô kag isa ka tuig, sa bulan sang Bul, nga amo ang bulan nga ikawalo, ginhuman ang Baláy, sono sang tanan niya nga mga polong kag sono sang tanan niya nga mga tulumanon: ginpatindug sia sa pito ka tuig.

Ang pagpatindug sang harianon nga balay ni *Salomon*.

7 SI *Salomon* nagpatindug man sang iya baláy; sa napulô kag tatlo ka tuig ginhuman niya sing bug-os ang iya baláy:

2 *Busa* ginpatindug niya ang baláy sang Talon sa Libano. May isa ka gatus ka maniko sia nga kalaba, kag kalim-an ka maniko nga kasangkad, kag katloan ka maniko nga kataas, sa ibabaw sang apat ka mga obay nga haligi nga sedro, nga may mga balayan nga sedro sa ibabaw sang mga haligi.

3 Kag napanagpakan sia sang mga tapi nga sedro sa ibabaw, sa ibabaw sang mga hulut nga nagatolongtong sa kap-atan kag lima ka mga haligi, napulô kag lima sa tagsa ka obay.

4 Kag may tatlo ka obay nga mga balayan kag may mga talambuan nga naga-atubang sang mga talambuan, sa tatlo ka obay.

5 Kag ang tanan nga mga gawang kag mga bakalan nga kasalo sila, sa mga balayan; kag ang mga talambuan nagaatubang sa mga talambuan, sa tatlo ka obay.

6 Naghimo man sia sang Silong sang mga haligi, nga may kalim-an ka maniko ang kalaba kag katloan ka maniko ang kasangkad, kag isa ka silong sa atubangan nila, nga may mga haligi man, kag may isa ka atangan sa alintaga sa atubangan nila.

7 Kag naghimo man sia sang Silong sang lingkoran nga harianon, nga sa silong nga hulukmanan, nga didto sia naghukom, kag gindagpakan niya sia sang sedro, kutub sa isa ka salug tubtub sa isa.

8 Kag ang iya baláy, nga ginpuy-an niya, sa iban nga patyo, nga yara sa sulúd sang silong, among kaangay nga

pagtukud. Kag nagpatindug man si *Salomon* sing isa ka baláy nga kaangay sini nga silong nga sa anak nga babae ni *Paraon*, nga iya ginpangasawa.

9 Ining tanan nga mga pagtukud among mga bató nga mga mahal, nga ginpangutud sa talaksan kag ginpanglagari sang lagari, sa sulúd subung sang sa sagowa, kutub sa sadsaran tubtub sa angkub, kag sa sagowa tubtub sa daku nga patyo.

10 Ang mga sadsaran among mga bató nga mga mahal, mga dalagku nga mga bató, mga bató nga tagpulô ka maniko kag mga bató nga tagwalo ka maniko.

11 Kag sa ibabaw among mga bató nga mga mahal, nga napamasbasan sono sang mga takus, kag kahoy nga sedro.

12 Kag sa daku nga patyo sa palibot may tatlo ka obay nga mga bató nga napamasbasan kag isa ka obay nga mga balayan nga sedro; kag subung man sa patyo nga sa sulúd sang Baláy ni Iehoba kag sa silong sang Baláy.

Mga puni kag mga galamiton sang Simbahan.

13 Kag ang hari nga si *Salomon* nagpadalá sa pagpangita kay *Hiram*, kag ginpakari niya sia gikan sa Tiro.

14 Anak sia sang isa ka bálo nga baba sang kaliwatan ni *Neptali* kag ang iya amay nangintaga-Tiro, nga manugpangabudlay sa tumbaga; kag punô sia sing kaalam kag sa ihibalo kag sa kinaadman sa paghimo sang tanan nga mga buluhaton sa tumbaga. Kag nag-abut sia sa hari nga si *Salomon*, kag naghimo sia sang tanan niya nga buluhaton.

15 Kag ginhuman niya ang duha ka haligi nga tumbaga. Ang kataason sang isa sa ila among napulô kag walo ka maniko, kag ang isa ka lubid nga napulô kag duha ka maniko sarang makatakus sang kanipulunon sang ikaduha.

16 Naghimo man sia sing duha ka oloolo sang tinunaw nga tumbaga, agud nga pagibutang sila sa ibabaw sang mga ukbung sang mga haligi. Ang kataason sang nahauna nga oloolo among lima ka maniko, kag ang kataason sang ikaduha ka oloolo, lima ka maniko.

17 May mga linala sa dagway sang pinuna, kag mga lugway sa dagway nga tinalikala, nga sa mga oloolo nga yara sa mga ukbung sang mga haligi: pito nga sa nahauna kag pito nga sa ikaduha ka oloolo.

18 Kag ginhimo niya ang mga haligi: kag may duha ka obay nga mga granada sa palibot sa ibabaw sang nahauna nga linala sa pagtabon sang mga oloolo, nga yara sa mga ukbung sang mga haligi; kag amo man ang ginhimo niya sa ikaduha ka oloolo.

19 Kag ang mga oloolo nga yara sa ibabaw sang mga haligi, sa silong, nga nahimo sila sa dagway sang lirio, may apat sila ka maniko.

20 Kag ang mga oloolo nga yara sa ibabaw sang duha ka haligi labing mga mataas pa, nga nagaingod sang habok nga manipulon nga yara sa likod sang linala, kag ang mga granada mga duha ka gatus sa inobay, palibot, sa ibabaw sang ikaduha ka oloolo.

21 Kag ginpatindug niya ang mga haligi malapit sa silong sang Simbahan; kag sang ginpatindug niya ang haligi sa too, ginhingalanen niya sia nga Iakin; kag sang pinatindug niya ang haligi sa walá ginhingalanen niya sia nga Bohas.

22 Kag sa mga ukbung sang mga haligi may isa ka dagway nga lirio. Kag natapus ang buluhaton sang mga haligi.

23 Kag naghimo sia sing isa ka dagat sa tumbaga nga tinunaw nga mga napúlô ka maniko gikan sa isa ka luyo pa isa, nga manipolon gid, kag ang iya kadalumon lima ka maniko; ang isa ka lubid nga katloan ka maniko nakalibot gid sa iya.

24 Kag ginalibutan sia, sa idalum sang iya bibig, sang mga oloatimon sa palibot, napúlô sa tagsa ka maniko, nga nagalilibot sa dagat sa palibot gid; ang mga oloatimon yara sa duha ka obay, nga ginpanunaw sila *upud sa iya* sang sia gintunaw.

25 Kag natungtung sia sa ibabaw sang napúlô kag duha ka baka, nga ang tatlo nagatulok sa Aminhan kag ang tatlo nagatulok sa Katundan, kag ang tatlo nagatulok sa Bagatnan, kag ang tatlo nagatulok sa Sdlangan. Sa ibabaw nila yara ang dagat pa ibabaw, kag ang mga buli nila yara nayan sa sulúd.

26 Ang kadamol sini among isa ka dangaw, kag ang iya bibig nabasbasan subung sang bibig sang isa ka tagayan, sa dagway sang bukad sang lirio; kag makaigo sa iya ang duha ka libo ka bat.

27 Kag naghimo *man* sia sing napúlô ka tunlungtungan nga tumbaga, nga ang

kalaba sang tagsa ka tunlungtungan among apat ka maniko, kag ang kasangkad, apat ka maniko, kag tatlo ka maniko ang kataas.

28 Kag yari karon ang dagway sining mga tunlungtungan: may mga bandehado sila kag ang mga bandehado yara sa tungâ sang mga unayan.

29 Kag sa ibabaw sang mga bandehado, nga yara sa tungâ sang mga unayan may mga leon, mga baka kag mga kerubin; kag sa ibabaw sang mga unayan may isa ka tunlungtungan nga sa ibabaw; kag sa idalum may mga leon kag mga baka kag mga girnaldâ nga nagakalabit.

30 Ang tagsa ka tunlungtungan may apat ka aliling nga tumbaga kag mga bangtan nga tumbaga; kag sa ila apat ka pamusud may mga abaga. Kag ang mga abaga mga tinunaw sa idalum sang batiya sa kilid sang tagsatagsa ka girnaldâ.

31 Kag ang, bâbâ, nga yara sa sulúd sang oloolo kag nga sa ibabaw, among isa ka maniko; kag ang bâbâ sang oloolo among tungâ sang manipulon, sa dagway sa tunlungtungan, nga isa ka maniko kag tungâ, kag sa ibabaw sang iya bâbâ may mga tinigban man; kag ang ila mga bandehado mga kasilo *sila*, indi mga manipulon.

32 Kag ang apat ka aliling yadto sila sa idalum sang mga bandehado, kag ang mga singit sang mga aliling yara sa tunlungtungan: kag ang kataason sang tagsa ka aliling isa ka maniko kag tungâ.

33 Kag ang dagway sang mga aliling subung sang dagway sang mga aliling sang isa ka kanga: ang ila mga singit, mga pikit, mga gusuk, kag ang ila mga kaangtan ang tanan tinunaw;

34 Kag may apat ka abaga sa apat ka pamusud sa tagsa ka tunlungtungan; ang mga abaga sang tunlungtungan unay sa iya.

35 Kag sa nataasan sang tunlungtungan, tungâ ka maniko ang kataason, may katungâ sang manipulon sa bug-os nga palibot; kag sa ibabaw sang tunlungtungan, ang iya mga singit kag ang iya mga bandehado, nga unay sa iya.

36 Kag gintigban niya ang mga tapi sang mga singit kag sang iya mga bandehado sing mga kerubin, kag mga leon, kag mga paklang, sono sang kala-



paron sang tagsatagsa kag mġa giralda sa palibot.

37 Sa sini raghimo sia sing napŭlŭ ka tulungtungġan : tanan sila sa isa lamang ka tunaw, sa isa lamang ka takus, kag sa isa lamang ka dagway.

38 Naghimo man sia sing napŭlŭ ka batiya sa tumbagġa : ang tagsa ka batiya makaigo ang kap-atan ka bat, kag ang tagsatagsa ka batiya apat ka maniko ; ang tagsa ka batiya yara sa ibabaw sang isa ka tulungtungġan, ngġa sa napŭlŭ ka mġa tulungtungġan.

39 Kag ginbutang niya ang lima ka tulungtungġan sa luyo ngġa too sang Balġy, kag ang lima sa luyo ngġa walġa sang Balġy. Kag ginpahamtang niya ang dagat sa luyo ngġa too sang Balġy nayon sa Sidlangġan, sa tampad sa Bagatanġan.

40 Kag naghimo si Hiram sing mġa alabohan, kag mġa sudsud, kag mġa yahong. Kag gintapus ni Hiram ang tanan ngġa buluhaton, ngġa ginhimo niya kag Salomon, ngġa sa Balġy ni Iehoba :

41 Ang duha ka haligi, kag ang duha ka manipulon sang mġa ololo, ngġa yadto sa nataasan sang mġa haligi ; kag ang duha ka mġa linala ngġa sa pagtabon sang duha ka mġa manipulon sang mġa ololo, ngġa yadto sila sa ibabaw sang nataasan sang mġa haligi ;

42 Kag ang apat ka gatus ka mġa granada, ngġa sa duha ka mġa linala, duha ka obay ngġa mġa granada sa tagsa ka linala, ngġa sa pagtabon sang duha ka manipulon sang mġa ololo, ngġa yadto sa nataasan sang mġa haligi ;

43 Kag ang napŭlŭ ka mġa tulungtungġan, kag ang napŭlŭ ka mġa batiya sa ibabaw sang mġa tulungtungġan ;

44 Kag ang dagat ngġa bugtong, kag ang napŭlŭ kag duha ka mġa baka sa idalum sang dagat ;

45 Kag ang mġa alabohan, kag ang mġa sudsud, kag ang mġa yahong ; kag ang tanan ngġa mġa gamit, ngġa ginhimo sa pinahining ngġa tumbaga ni Hiram sa hari ngġa si Salomon ngġa sa Balġy ni Iehoba.

46 Gintunaw ini sila sang hari, sa kadulunan sang Iordan, sa duta ngġa hinishinison sa tungġa sang Sukot kag Sartan.

47 Kag nahanungud sining tanan ngġa mġa gamit ginbayaan ni Salomon ngġa walġa magtimbang sa ila, tungud sang da-

ku gid ngġa kadamuon *nila* : ang timbang sang tumbaga walġa pagusisaa.

48 Kag ginhimo ni Salomon ang tanan ngġa mġa kasangkapan ngġa didto sa balġy ni Iehoba : ang halaran ngġa bulawan, kag ang latok ngġa bulawan, ngġa yara sa iya ang mġa tinapay sang pahayag ;

49 Kag ang mġa sadngġan ngġa bulawan ngġa ulay, ang lima sa too, kag ang lima sa walġa, sa atubangġan sang ora-kulo ; kag ang mġa bulak, kag ang mġa lamprahan kag ang mġa kimpit ngġa bulawan :

50 Kag ang mġa batiya, ang mġa kimpit, ang mġa yahong, ang mġa tagayan, kag ang mġa insensario, ngġa bulawan ngġa ulay gid ; kag ang mġa bisagra ngġa bulawan ngġa sa mġa gawang sang Balġy, sa nasulŭd, sa duug ngġa labing balaan, kag ngġa sa mġa gawang sang Balġy sang Simbahan.

51 Kag ang bug-os ngġa buluhaton, ngġa ginhimo sang hari ngġa si Salomon ngġa sa Balġy ni Iehoba, nahuman sing bug-os gid. Kag ginpadalġa ni Salomon ang ginbalaan ni Dabid ngġa iya amay : ang pilak, ang bulawan kag ang mġa gamit, kag ginbutang niya sila sa mġa bahandi sang Balġy ni Iehoba.

Ang pagpahanungud sang Simbahan.

8 NIYAN gintipon ni Salomon ang mġa tigulang sa Israel kag ang tanan ngġa mġa pangŭlo sang mġa kabikahan, ang mġa dunganon sang mġa amay sang mġa inanak ni Israel, sa hari ngġa si Salomon sa Ierusalem, sa pagpataklad sang kaban sang katipan ni Iehoba gikan sa banwa ni Dabid, ngġa amo ang Sion.

2 Kag nagtilipon sa hari ngġa si Salomon ang tanan ngġa mġa tawo sa Israel, sa piesta, sa bulan sang Etanim, ngġa amo ang ikapito ka bulan.

3 Kag sang nag-alabut ang tanan ngġa mġa tigulang sa Israel, gindalġa sang mġa saserdote ang kaban.

4 Kag ginpataklad nila ang kaban ni Iehoba, kag ang Layanglayang sang pakigkitaan kag ang tanan ngġa mġa gamit ngġa mġa balaan ngġa yara sa Layanglayang, kag ginpataklad sila sang mġa saserdote kag sang mġa Lebinhon.

5 Kag ang hari ngġa si Salomon kag ang bug-os ngġa katilingban sa Israel,

n̄ga nagtilipon sa iya, yara sila upud sa iya sa atubangan sang kaban, n̄ga nagahalad sing m̄ga obeha kag m̄ga baka, n̄ga tungud sang kadamuon indi sila sarang maisip.

6 Kag ginpasulúd sang m̄ga saserdote ang kaban sang katipan ni Iehoba, sa iya duug, sa orakulo sang Baláy, sa duug n̄ga labing balaan sa idalum sang m̄ga pakpak sang m̄ga kerubin.

7 Kay ang m̄ga kerubin nagahulumlalad sang ila m̄ga pakpak nayon sa ibabaw sang duug sang kaban, kag sa ini ginatubunan sang m̄ga kerubin ang kaban kag ang iya m̄ga yayongan sa ibabaw.

8 Kag ang m̄ga yayongan may tama ka kalabaon n̄ga makita ang iya m̄ga olo kutub sa duug n̄ga balaan, sa atubangan sang orakulo; apang indi sila makita kutub sa gowa, kag didto sila tubtub karon.

9 Walâ gid sing bisan ano sa kaban luwas lamang sang duha ka tapi n̄ga batô n̄ga ginbutang ni Moises sa Oreb, sang didto si Iehoba nakigkatipan sa m̄ga inanak ni Israel, sang paghalín nila sa duta sa Egipto,

10 Kag nahanabu sang paggowâ sang m̄ga saserdote sa duug n̄ga balaan, n̄ga ang panganud nagpunô sang Baláy ni Iehoba;

11 Kag ang m̄ga saserdote walâ makasarang magtindug sa pag-alagad bangud sang panganud; kay ang himaya ni Iehoba nagpunô na sang Baláy ni Iehoba.

Pololon̄gon kag palangayoon ni Salomon n̄ga sa paghalad sang Simbahan.

12 Niyan nagsiling si Salomon: "Si Iehoba nagsiling, n̄ga sia magapuyô sa kadudulman.

13 Nakapatindug na ako sing isa ka Baláy n̄ga puluy-an n̄ga sa imo, isa ka puluy-an agud n̄ga magpuyô ka sa iya sa ginapon."

14 Kag ginbalikid sang hari ang iya nawung, kag ginpakamaayo niya ang bug-os n̄ga katilingban sa Israel; kag ang bug-os n̄ga katilingban sa Israel nagatindug.

15 Kag nagsiling sia: "Pakamaayohon si Iehoba, n̄ga Dios ni Israel, n̄ga naghambal sa iya bâbâ kay Dabid, n̄ga akon amay, kag sa iya kamut gintuman niya ang iya polong, n̄ga nagsiling:

16 Kutub sang adlaw n̄ga ginpagowa ko ang akon banwa n̄ga Israel gikan sa Egipto, walâ ako magpili sing banwa sa tanan n̄ga m̄ga kabikahan sa Israel, n̄ga pagpatindug sang baláy, n̄ga sa iya yara ang akon n̄galan, apang ginpili ko si Dabid, agud n̄ga maghari sa akon banwa n̄ga Israel.

17 Kag si Dabid, n̄ga akon amay naghuput sa iya tagiposoon sang pagpatindug sing baláy n̄ga sa n̄galan ni Iehoba, n̄ga Dios ni Israel.

18 Kag si Iehoba nagsiling kay Dabid, n̄ga akon amay: "Tungud n̄ga ikaw naghuput sa imo tagiposoon sa pagpatindug sing baláy n̄ga sa akon n̄galan, naghimo ka sing maayo sa paghuput sini sa imo tagiposoon.

19 Walay sapayan, indi ikaw amo ang magapatindug sing baláy, kondi ang imo anak, n̄ga magagowa sa imo m̄ga taludtud, sia magapatindug sing baláy n̄ga sa akon n̄galan.

20 Kag gintuman ni Iehoba ang iya polong, n̄ga ginmitlang niya; kag ginpatindug ako sa salili ni Dabid, n̄ga akon amay, kag ginpalingkod ako sa lingkoran n̄ga harianon sa Israel, subung sang ginsiling ni Iehoba; kag ginpatindug ko ang Baláy n̄ga sa n̄galan ni Iehoba, n̄ga Dios ni Israel.

21 Kag nagbutang ako sa iya sing duug n̄ga sa kaban, n̄ga sa iya yara ang katipan ni Iehoba, n̄ga ginhimo niya sa aton n̄ga ginikanan, sang pagpagowa niya sa ila sa duta sang Egipto."

22 Kag nagtindug si Salomon sa atubangan sang halaran ni Iehoba, sa atubangan sang bug-os n̄ga katilingban sa Israel, kag nagbayaw sia sang iya m̄ga kamut sa langit,

23 Kag nagsiling sia: "Oh Iehoba, Dios ni Israel, walâ sing Dios n̄ga subung sa imo sa m̄ga langit sa ibabaw, bisan sa idalum sa duta, n̄ga nagabantay ka sang katipan kag sang kalooy sa imo m̄ga alagad, n̄ga nagalalakat sa atubangan mo sa bug-os nila n̄ga tagiposoon.

24 Kay gimbantayan mo sa imong alagad n̄ga si Dibid, n̄ga akon amay ang ginsiling mo sa iya: ginsiling mo *ini* sang imo bâbâ, kag sa imo kamut gintuman mo ang imo polong, subung sang makita sining adlaw.

25 Busa karon, Iehoba, Dios ni Israel, tumana sa imong alagad n̄ga si Dabid, n̄ga akon amay, ang ginpanaad mo sa



iya, nga nagasiling: Indi makulang ang lalaki sa imo, sa atubangan nakon, nga maglingkod sa lingkoran nga hari-anon sa Israel, lamang nga ang imo mga anak magbalantay sang ila dalanon, nga maglalakat sila sa atubangan nakon, subung nga ikaw naglakat sa atubangan nakon.

26 Busa karon, Dios sa Israel, gina-ampo ko sa imo, nga magmalig-on ang imo polong, nga ginmitlang mo sa imo alagad nga si Dabid, nga akon amay.

27 Apang matuud bala nga ang Dios magapuyô sa ibabaw sang duta? Yari karon, nga ang mga langit kag ang mga langit sang mga langit indi sarang sila sa imo makapahaigo, labi na gid ining baláy nga akon ginpatindug sa imo.

28 Walay sapayan, linga ang pangamuyo sang imo alagad kag ang iya palangayoon, oh Iehoba, nga akon Dios, sa pagpamati sang pagsingit kag sang pangamuyo sang imo alagad, nga nagahimo sia karon sa atubangan mo;

29 Agud nga magmuluklat ang imo mga mata sa adlaw kag sa gab-i sa ibabaw sining Baláy, sa ibabaw sang duug, nga imo ginsiling: Ang akon ngalan *magapuyô* didto, kag agud nga magapamati ka sang pangamuyo, nga pagahimoon sang imo alagad sa sini nga duug.

30 Kag magpamati-ka sang pangamuyo sang imo alagad kag sang imo banwa nga Israel, kon magpalangamuyo sila nayon sa sini nga duug; busa pamatianmo sa mga langit, sa imo duug nga puluy-an; pamatii kag patawara,

31 Kon ang isa ka tawo magpakasalâ batok sa iya isigkatawo, kag pagapiliton sia sing panumpâ, nga papanumpaon sia, kag sia magkari kag magpanumpâ sa atubangan sang imo halaran sa sini nga Baláy;

32 *Niyan* pamatii kutub sa mga langit, kag buhata kag hukmi ang imo mga alagad, nga pagtagudilian mo ang malauton, nga ipabalik ang iya pagginawi sa ibabaw sang iya olo, kag nga pagpakamarungon mo ang matarung, sa paghatag sa iya sono sang iya katarungan.

33 Kon ang imo banwang Israel pagdag-on sa atubangan sang iya mga kawaway, tungud nga nakasalâ sila batok sa imo, kag kon sa imo magbalalik sila kag pagdayawon nila ang imo ngalan,

kag magpalangamuyo sila, kag magpalakilooy sa imo sa sini nga Baláy;

34 *Niyan* pamatii sila sa mga langit kag patawara ang salâ sang imo banwang Israel, kag iuli sila sa duta, nga ginhatag mo sa ila mga ginikanan.

35 Kon ang mga langit pagtakpan kag indi magulan, tungud nga sila nakasalâ batok sa imo, kag kon magpalangamuyo sila sa imo sa sini nga duug, kag pagdayawon nila ang imo ngalan, kag talikdan nila ang ila salâ, sang ikaw magapapaubus sa ila;

36 *Niyan* pamatii sila sa mga langit, kag patawara ang salâ sang imo mga alagad kag sang imo banwang Israel, kay gintudloan mo sila sang maayo nga dalan, nga ila pagalakatan; kag ihatag sa ila ang mga ulan sa ibabaw sang imo duta, nga ginhatag mo sa imo banwa nga palanublion.

37 Kon sa duta may gutum, kon may kamatay, kon may panlaya kag gusim, *kon* apan, *kon* lukso, *kon* paglibutan sia sang iya mga kaaway sa duta nga didto ang iya mga gawang, sa tanan nga kalalat-an, sa tanan nga balatian;

38 Sa tanan nga pangamuyo, sa tanan nga pagpakilooy, nga pagabuhaton sang bisan sin-o nga tawo kon sang bug-os nga banwang Israel; sang makakilala ang tagsatagsa sang kalalat-an sang iya tagiposoon, kag paguntayon nila ang ila mga kamut nayon sa sini nga baláy;

39 *Niyan* pamatii sila sa mga langit, nga lingkoran sang imo puluy-an, kag patawara sila kag himoa, kag ihatag sa tagsatagsa, sono sa ila mga dalanon, ikaw nga nakakilala sang ila tagiposoon (kay lamang ikaw nakakilala sang tagiposoon sang tanan nga mga anak sang mga tawo);

40 Agud nga magkahadluk sila sa imo sa tanan nga mga adlaw nga magakabuhi sila sa ibabaw sang nawung sang duta, nga ginhatag mo sa amon mga ginikanan.

41 Labut pa, nahanungud sa dumuluong, nga indi iya sang imo banwang Israel, nga magkari gikan sa malayô nga duta, bangud sang imo ngalan

42 (Kay mabatian nila ang imo daku nga ngalan kag ang imo mabaskug nga kamut, kag ang imo inuntay nga butkon); kon magkalari sila sa pagpangamuyo sa sini nga baláy;

43 *Niyan* pamatii sa mga langit, nga

lingkoran sang imo puluy-an, kag buhata, sono sa yadtong tanan nga pagapangayoon sa imo sining dumuluong, agud nga ang tanan nga mga banwa sa duta makakilala sang imo ngalan, kag magkalahadluk sila sa imo, subung sang imo banwang Israel, kag makahibalo sila, nga ang imo ngalan among ginatawag sa ibabaw sini nga Baláy, nga akon ginpatindug.

44 Kon ang imo banwa maggowa sa pag-awayan batok sa iya mga kaaway, sa dalan nga pagapakadtoan mo sa ila, kag mangamuyo sila kay Iehoba nayon sa banwa, nga imo ginpili kag nayon sa Baláy nga akon ginpatindug sa imo ngalan;

45 *Niyan* pamatian mo sa mga langit ang ila pangamuyo kag ang ila pagpakilooy, kag himoon mo sa ila ang katadlungan.

46 Kon makasalâ sila batok sa imo (kay walay tawo nga walâ makasalâ), kag maakig ka batok sa ila, kag itugyan mo sila sa atubangan sang kaaway, kag ang mga magbihag sa ila, pagadalhon sila nga mga bihag sa duta sang kaaway, malayô kon malapit;

47 *Niyan* kon maulian sila sa ila kaulingon, sa duta nga didto nabihag sila; kon magliliso sila kag magpakilooy sila sa imo, sa duta sang mga nagbilihag sa ila, nga nagasiling: Nakasalâ kami kag naghimo kami sing malain; sing madauton gid nagbuhat kami,

48 Kag kon magliliso sila sa imo sa bug-os nila nga tagiposoon kag sa bug-os nila nga kalág, sa duta sang ila mga kaaway, nga nagdalá sa ila nga mga bihag, kag kon magpalangamuyo sila, nga nagabalikid nayon sa ila duta, nga imo ginhatag sa ila mga ginikanan, sa banwa nga imo ginpili kag nayon sa Baláy, nga akon ginpatindug nga sa imo ngalan;

49 *Niyan* pamatii sa mga langit, nga lingkoran sang imo puluy-an, ang ila pangamuyo kag ang ila mga pakilooy, kag himoon-mo sa ila ang katadlungan;

50 Kag patawara ang imo banwa sang salâ nga nahimo batok sa imo, kag sang tanan nila nga mga paglalis, nga ginalalis nila batok sa imo; kag buhaton mo sila nga iligoon sang kalooy sa atubangan sang nagdalalá sa ila nga mga bihag, kag nga may pagkalooy sila sa ila;

51 Kay sila among imo banwa kag imo palanublion, nga ginpagowa mo sa Egipto, gikan sa tungâ sang dapug nga salsalon;

52 Nga ang imo mga mata magmuklat sa pagpakilooy sang imo alagad, kag sa pagpakilooy sang imo banwang Israel, sa pagpamati sa ila sa tanan nga magpalanawag sila sa imo.

53 Kay ginpain mo sila nga sa imo, nga imo panublion, sa tanan nga mga banwa sa duta, subung nga ginsiling mo tungud kay Moises, nga imo alagad, sang pagpagowa mo sa amon mga ginikanan sa Egipto, oh Ginoo nga si Iehoba."

54 Kag nahanabu nga, sang pagkatapus ni Salomon sa paghimo sining tanan nga pangamuyo kag sining pagpakilooy kay Iehoba, nagtindug sia sa atubangan sang halaran ni Iehoba, nga didto sia naglohod kag nga nagbayaw sia sang iya mga kamut sa langit.

55 Kag sang nakatindug sia, ginpakamaayo niya ang bug-os nga katilingban sa Israel, nga nagasiling sa mataas nga tingug:

56 "Dalayawon si Iehoba, nga naghatag sing pagpahuway sa iya banwang Israel, sono sang tanan nga iya ginsiling: Bisan isa ka polong walâ magkulang sang tanan nga iya maayo nga polong, nga ginmitlang niya sa lalang ni Moises, nga iya alagad.

57 Manginkaúpud naton si Iehoba, nga amon Dios, subung nga nanginkaúpud sang aton mga ginikanan; kag nga indi kita niya pagbulagan, bisan pagbayaan,

58 Agud nga ipaduyog niya ang aton tagiposoon nayon sa iya, agud nga maglakat kita sa tanan niya nga mga dalanon, kag bantayan naton ang iya mga sogo, ang iya mga palatukuran kag ang iya mga tulumanon, nga ginsogo niya sa aton mga ginikanan.

59 Kag kabay pa nga ining mga polong, nga akon ginapangamuyo karon sa atubangan ni Iehoba, magmalapit sila kay Iehoba, nga aton Dios, sa adlaw kag sa gab-i, agud nga paghimoon niya ang katadlungan sa iya alagad, kag ang katadlungan sa iya banwa nga Israel, sa matagadlaw ang butang sang adlaw,

60 Agud nga ang tanan nga mga banwa sa duta makahibalo, nga si Ieho-



ba among Dios, kag nga walâ na sing liwan.

61 Busa, kabay pa nga ang inyo tagiposoon magmanġinhimpit nga sa kay Iehoba, nga aton Dios, sa paglakat sa iya mġa palatukuran kag sa pagbantay sang iya mġa sogo, subung sang karon nga adlaw."

62 Kag ang hari, kag ang bug-os nga Israel upud sa iya, naghalalad sila sing mġa halad sa atubangġan ni Iehoba.

63 Kag naghalad si Salomon, nga sa mġa halad sa paghidaet, nga ginhalad niya sila kay Iehoba, sing duha ka pŭlô kag duha ka libo ka baka, kag isa ka gatus kag duha ka pŭlô ka libo ka obeha. Sa *sini* ginpahanungud sang hari kag sang tanan nga mġa inanak ni Israel ang Baláy ni Iehoba.

64 Sadto gid nga adlaw ginpakabalaan sang hari ang tungâ sang patyo, nga yara sa atubangġan sang Baláy ni Iehoba, kay naghalad sia didto sing mġa halad nga sinunog kag sing mġa halad nga kalan-on, kag sang mġa tambok sang mġa halad sa paghidaet, tungud kay ang halaran nga tumbaga, nga yara sa atubangġan ni Iehoba, tama ka diyotay nga indi magigo sa iya ang mġa halad nga sinunog, kag ang mġa halad nga kalan-on kag ang mġa tambok sang mġa halad sa paghidaet.

65 Sa sadto nga dag-on si Salomon naghimo sing piesta, kag upud sa iya ang bug-os nga Israel: kutub sa salamputan sa Amat tubtub sa sapa sang Egipto, ang isa ka daku nga katilingban sa atubangġan ni Iehoba, nga aton Dios, sa pito ka adlaw kag pito pa ka adlaw, *kon sayoron*, sa napŭlô kag apat ka adlaw.

66 Sa ikawalo ka adlaw ginpapauli niya ang banwa; kag sila nagpakamaayo sa hari, kag nagpalauli sila sa ila mġa layanglayang nga mġa malipayon, kag mġa bulahan sa tagiposoon, tungud sang tanan nga mġa kaayohan, nga ginhimo ni Iehoba kay Dabid, nga iya alagad, kag sa Israel, nga iya banwa.

*Ikaduha nga pagpahayag sang Dios kay Salomon.*

**9** KAG sang pagkatapus ni Salomon sang buluhaton sang Baláy ni Iehoba kag sang baláy sang hari, kag sang tanan nga kahamut-an nga buut niya paghimoon;

2 Nahanabu, nga si Iehoba nagpahayag kay Salomon sa makaduha, subung sang pagpahayag niya sa iya sa Gabaon.

3 Kag nagsiling sa iya si Iehoba: "Ginpamatian ko ang imo pangamuyo kag ang imo pagpakilooy, nga ginhimo mo sa akon atubangġan: ginpakabalaan ko ini nga Baláy, nga imo ginpatindug, sa pagbutang sa iya sang akon ngalan sa gihapon; kag sa iya yara ang akon mġa mata kag ang akon tagiposoon sa tanan nga mġa adlaw.

4 Kag kon ikaw maglakat sa atubangġan nakon, subung sang paglakat ni Dabid, nga imo amay, sa pagkalubus sa tagiposoon, kag sa katadlungan sa pagbuhat sono sang tanan nga akon ginsogo sa imo, kag sa pagbantay sang akon mġa palatukuran, kag sang akon mġa tulumanon;

5 *Niyan* pagapalig-unon ko ang lingkoran nga harianon sang imo ginharian sa ibabaw ni Israel sa gihapon, subung sang ginhambal ko kay Dabid, nga imo amay, nga nagasiling: Indi magakulang sa imo ang lalaki sa lingkoran nga harianon sa Israel.

6 *Apang* kon magtalikod kamo sa akon, kamo kag ang inyo mġa anak, kag indi ninyo pagbantayan ang akon mġa sogo kag ang akon mġa palatukuran, nga ginabutang ko sa atubangġan ninyo, kondi nga magpalakadto kamo kag mag-alalagad kamo sa liwan nga mġa dios, nga nagalayaub kamo sa atubangġan nila;

7 Pagapanason ko si Israel sa ibabaw sang nawung sang duta, nga akon ginhatag sa ila; kag ini nga baláy, nga akon ginpakabalaan nga sa akon ngalan, akon pagaisikway sa atubangġan nakon, kag si Israel manginhulobaton kag kaladlawan sa tungâ sang tanan nga mġa banwa.

8 Kag nahanungud sini nga baláy, nga tama ka mataas, bisan sin-o nga makaagi sa iya, makibut kag makapanihol; kag magasiling: *ġKay* nga bala ginhimo ni Iehoba ang subung sini sa sini nga duta kag sa sini nga baláy?

9 Kag magasiling: Tungud nga ginbayaan nila si Iehoba, nga ila Dios, nga nagpagowa sa ila mġa ginikanan sa duta sang Egipto, kag nagilimon sila sa liwan nga mġa dios kag naglayaub sila sa atubangġan nila, kag gin-alagad nila

sila ; tungud sini ginpakari ni Iehoba sa ibabaw nila ining tanan nga kalainan."

Mga banwa nga ginpatindug ni Salomon.—Ang iya mga sakayan.

10 Kag, sang lumigad na ang duha ka púlô ka tuig, nga si Salomon nakapatin-dug na sang duha ka baláy, ang Baláy ni Iehoba kag ang baláy sang hari ;

11 Nahanabu, nga si Hiram, nga hari sa Tiro, sang naghatag sia kay Salomon sing kahoy nga sedro kag sipres, kag bulawan, sono sang iya luyag, niyan ang hari nga si Salomon naghatag kay Hiram sing duha ka púlô ka mga banwa sa duta sa Galilea.

12 Kag si Hiram naggowa gikan sa Tiro sa pagtan-aw sang mga banwa, nga ginhatag sa iya ni Salomon, kag walá sila mahamuti sa iya mga mata.

13 Kag nagsiling sia : "¿Ano bala ining mga banwa, nga ginhatag mo sa akon, útud ko?" Kag ginhingalanan niya sila : "Ang Duta sa Kabul," nga among ngalan *nila* tubtub karon.

14 Kag si Hiram nagpadalá sa hari sing isa ka gatus kag duha ka púlô ka talanton nga bulawan.

15 Kag ini amo ang katarungan sang dagyaw, nga ginbutang sang hari nga si Salomon, sa pagpatindug sang Baláy ni Iehoba kag sang iya baláy kag sa Milo, kag sang kuta sa Ierusalem, kag sa Asor, kag sa Megido, kag sa Geser.

16 Si Paraon, nga hari sa Egipto, nakatakad kag nakakuha sang Geser kag ginsunog niya sia sa kalayo, kag ginpatay niya ang mga Kanaanhon, nga nagapuluyô sa banwa ; kag ginhatag niya sia nga hatag sa iya anak nga babae, nga asawa ni Salomon.

17 Busa, ginpatindug ni Salomon ang Geser kag ang Bet-horon nga sa Idalum.

18 Kag ang Baalat, kag ang Tamor, sa kahanayakan, sa duta,

19 Subung man ang tanan nga mga banwa sang kasangkapan nga iya ni Salomon, kag ang mga banwa nga sa mga kanga, kag ang mga banwa nga sa mga manugkabayo, kag ang tanan nga nahamut-an ni Salomon sa pagpatindug sa Ierusalem, sa Libano kag sa bug-os nga duta sang iya ginharian.

20 Nahanungud sa tanan nga mga katawohan, nga nagkalabilin sa mga Amorinhon, sa mga Hetinhon, sa mga

Peresinhon, kag sa sa mga Hebinhon kag sa mga Iebusinhon, nga indi sila nahanungud sa mga inanak ni Israel ;

21 Sa ila mga inanak nga nagkalabilin sa duta sa olehe nila, nga walá matagudilii sang mga inanak ni Israel, ginhimo ni Salomon nga dagyaw nga sa mga pagpangabudlay nga inalagad tubtub karon.

22 Kag walay bisan sin-o sang mga inanak ni Israel nga ginbutang ni Salomon sa kahioliipnan, kay mga tawo sila sa pag-awayan, kag ang iya mga solo-goon, kag ang iya mga dunganon, kag ang iya mga pangolo, kag ang mga manugmando sang iya mga kanga kag sang iya mga manugkabayo.

23 Yari karon ang *isip* sang mga pangolo sang mga gobernador sang mga buluhaton ni Salomon, mga lima sila ka gatus kag kalim-an, nga yara sila sa ibabaw sang banwa, nga naga-pangabudlay sa buluhaton.

24 Apang nagtaklad ang anak nga babae ni Paraon gikan sa banwa ni Dabid sa iya baláy, nga ginpatindug sa iya ni *Salomon* ; niyan ginpatindug niya ang Milo.

25 Kag si Salomon naghalad sing makatlo sa tagsa ka tuig sing mga halad nga sinunog kag mga halad sa paghidaet sa ibabaw sang halaran, nga iya ginpatindug kay Iehoba ; kag nagsunog sia sing mga pahamot sa ibabaw niya, nga yara sa atubangan ni Iehoba, kag ginhuman niya ang baláy.

26 Naghimo man ang hari nga si Salomon sing isa ka kasakayanan sa Esion-Geber, nga yara malapit sa Elat, sa bay-bayon sang dagat nga Mapula, sa duta sa Edom.

27 Kag ginpadalá ni Hiram ang iya mga alagad nga mga sakayanon nga mga sampaton sa dagat, sa kasakayanan upud sang mga alagd ni Salomon.

28 Kag nagpalakadto sila sa Opir, kag nagkuluha sila didto sing bulawan, nga apat ka gatus kag duha ka púlô ka talanton, kag gindalá nila ini sa hari nga si Salomon.

Ang hari nga babae sa Seba nag-abut sa pagtan-aw kay Salomon.

10 KAG sang nabatian sang hari nga babae sa Seba ang kabantugan ni Salomon, nga sa ngalan ni Iehoba, nag-



abut sia sa pagtilaw sa iya nga may mga paktakon.

2 Kag nag-abut sia sa Ierusalem upud ang labing daku nga buylog, nga *may* mga kamelyo, nga nagadalala sing mga pahamut kag sing bulawan sa bugana gid, kag sing mga bató nga mga malahalón. Kag nag-abut sia kay Salomon, kag ginpahayag niya sa iya ang tanan nga yara sa iya tagiposoon.

3 Kag si Salomon nagsaysay sa iya sang tanan niya nga mga polong: walá sing bisan ano nga natago sa hari, nga walá pagisaysay sa iya.

4 Kag sang ang hari nga babae sa Seba nakakita sang tanan nga kaalam ni Salomon kag sang baláy nga iya ginpatindug,

5 Kag sang mga pagkaon sa iya latok, sang paglingkod sang iya mga alagad, sang pag-alagad sang iya mga sologoon kag sang ila mga panapton, sang iya mga manugtagay, kag sang iya mga halad nga sinunog, nga ginahalad sa baláy ni Iehoba, walâ na sia sing ginhawa.

6 Kag nagsiling sia sa hari: "Matuud ang akon nabatian sa akon duta sang imo mga pinoiongan kag sang imo kaalam."

7 Apang ako walâ magtoo sini nga mga butang, tubtub nga nagkari ako kag ang akon mga mata nakakita sa *ila*. Kag yari karon nga bisan pa ang katungâ walá pagisugid sa akon: ang imo kaalam kag kauswagan nagalabaw sang tanan nga kabantugan nga akon nabatian.

8 Mga bulahan ang imo mga tinawo, mga bulahan ang imo mga alagad, nga yara sila sa dayon gid sa imo atubangan, nga nagapalamati sila sang imo kaalam.

9 Pagpakamaayohon si Iehoba, nga imo Dios, nga nahamuut sa imo, sa pagbutang sa imo sa lingkoran nga harianon sa Israel. Tungud kay si Iehoba naghigugma sa gihapon kay Israel, ginbutang ka niya nga hari, agud nga maghimo ka sing katadlungan kag katarungan."

10 Kag naghatag sia sa hari sing isa ka gatus kag duha ka púlô ka talanton nga bulawan, kag sing madamu gid nga mga pahamut kag sang mga bató nga malahalón. Walâ na gid mag-abut ang tama ka kabugana sang mga pahamut sang ginhatag sang hari nga babae sa Seba sa hari nga si Salomon.

11 Kag ang kasakayanan ni Hiram, nga nagdalá sing bulawan gikan sa Opir nagdalá man gikan sa Opir sing madamu gid nga kahoy nga sandalo kag mga bató nga malahalón.

12 Kag sa kahoy nga sandalo naghimo ang hari sing mga talangtang nga sa baláy ni Iehoba kag nga sa mga baláy sang hari, sing mga arpa man kag mga salterio nga sa mga manugkanta. Walâ na gid mag-abut ang kasubung nga kahoy nga sandalo, bisan nakit-an tubtub karon.

Mangad, pagkahalangdon, kag himaya ni Salomon.

13 Kag ang hari nga si Salomon naghatag sa hari nga babae sa Seba sang tanan nga iya naluyagan sa pagpangayo sa iya, walay labut sang ginhatag sa iya ni Salomon, subung sang *masarangan* sang kamut sang hari nga si Salomon. Kag sia napauli kag napakadto sa iya duta, sia kag ang iya mga sologoon.

14 Ang kabug-aton sang bulawan nga nag-abut kay Salomon sa tagsa ka tuig among anum ka gatus kan-uman kag anum ka talanton nga bulawan;

15 Walay labut ang *ginbaton* niya sang mga manuglibud, kag sang palangitan-an sang mga manugbaligay, kag sang tanan nga mga hari sang banwa nga kalibugan kag sang mga gobernador sang duta.

16 Kag nagbuhat man ang hari nga si Salomon sing duha ka gatus ka taming nga bulawan nga pinakang, nga naga-gamit nga sa tagsa ka taming sing anum ka gatus ka siklo nga bulawan.

17 Kag tatlo man ka gatus ka kalasag nga bulawan nga pinakang, nga naga-gamit sa tagsa ka kalasag sing tatlo ka mina nga bulawan; kag ginbutang sila sang hari sa baláy sang Talon sang Libano.

18 Naghimo man ang hari sing isa ka daku nga lingkoran nga harianon nga tiposo, kag ginhalupan niya ini sang bulawan nga ulay;

19 Ang lingkoran nga harianon may anum ka alintaga kag ang naibabaw niya matipulon nga sa idagan; kag sa isa ka bahin kag sa isa may mga halambuyan nga malapit sa lingkoran, kag duha ka leon nga nagatindug sa ingod sang mga halambuyan.

20 Kag napúlô kag duha ka leon nga nagatindug sa ibabaw sang mga

alintaga, sa isa ka bahin kag sa isa. Walâ sing bisan ano nga kasubung, nga ginhimo nga sa bisan ano nga ginharian.

21 Kag ang tanan nga mga ilimnan sang hari nga si Salomon mga bulawan, kag subung man ang tanan nga mga lahang sang baláy sang Talon sang Libano among lunsay nga bulawan; walâ gid sing pilak. Sa kaadlawan ni Salomon ang pilak walâ pagpakamahal.

22 Kay ang hari may kasakayanan, nga nagpanakayon sa Tarsis upud ang kasakayanan ni Hiram: sa makaisa sa tagsa ka tatlo ka tuig nag-abut ang kasakayanan gikan sa Tarsis, kag nagdalâ sing bulawan, sing pilak, sing tiposo, sing mga amô kag mga pabo.

23 Kag ang hari nga si Salomon nanġinlabaw sa tanan nga mga hari sang duta sa mangad kag sa kaalam.

24 Kag ang bug-os nga duta naghimulat *pagtan-aw* sang nawung ni Salomon sa pagpamati sang iya kaalam, nga ginbutang sang Dios sa iya tagiposo.

25 Kag ang tagsatagsa nagdalâ sa iya sang iya dólót: mga suludlan nga bulawan, mga suludlan nga pilak, mga panapton, mga hinganiban, mga pahamut, mga kabayo, kag mga mula, sa tuigtuig.

26 Kag gintipon ni Salomon ang mga kanga kag ang mga manugkabayo: kag may isa ka libo kag apat ka gatus ka kanga kag napúlô kag duha ka libo ka manugkabayo, nga iya ginpamutang sa mga kabanwaan nga sa mga kanga, kag upud sa hari sa Ierusalem.

27 Kag ginhimo sang hari, nga *pagpakamahalon* sa Ierusalem ang pilak subung nga mga bató, kag ang mga sedro subung sang mga sikomoro, nga yara sa mga manubo, nga may tama ka damu.

28 Kag ang duug nga ginkuhaan sang mga kabayo ni Salomon among Egipto; kag gindalâ sila sa pinanong: ang mga manugbaligya sang hari nagkaladto sa pagpanġita sing panong sa bili nga *kasugtanan*.

29 Kag ginpataklad kag ginpagowa sa Egipto ang kanga sa *bili* nga anum ka gatus ka siklo nga pilak, kag ang kabayo sa isa ka gatus kag kalim-an; kag sa sini gindalâ man nila sila, upud

sa ila, nga sa tanan nga mga hari sang mga Hetinhon kag sang mga Araminhon.

Si Salomon ginapabuyo sa diwatahan.—Kaakig sang Dios batok sa iya.

**11** APANG ang hari nga si Salomon naghigugma, walay labut sang anak nga babae ni Paraon, sa madamu nga mga babae nga mga dumuluong: sa mga Moabinhon, sa mga Amoninhon, sa mga Edominhon, sa mga Sidoninhon kag sa mga Hetinhon;

2 Nga sa mga katawohan nila sini nagsiling si Iehoba sa mga inanak ni Israel: “Indi kamo magsululú sa ila, bisan sila magsululú sa inyo; kag sa pagkamatuud gid, pagapaisolon nila ang inyo mga tagiposo sa olehe sang ila mga dios.” Sa ila sini nga mga katawohan nakigimpon si Salomon tungud sang gugma.

3 Kag naghuput sia sing pito ka gatus ka asawa nga mga harianon nga anak nga babae, kag tatlo ka gatus ka mga babae, kag ang iya mga babae nagpaisol sang iya tagiposo.

4 Kay, sang si Salomon tigulang na, ginpaisol sang iya mga babae ang iya tagiposo sa olehe sang liwan nga mga dios; kag ang iya tagiposo indi na himpit kay Iehoba, nga iya Dios, subung sang tagiposo sang iya amay nga si Dabid.

5 Kay si Salomon nagsunud kay Asarot, Dios nga babae sang mga idoninhon, kag kay Milkom, nga kаланġil-aran sang mga Amoninhon.

6 Kag ginhimo ni Salomon ang malain sa mga mata ni Iehoba, kag indi nagsunud sia sing himpit kay Iehoba, subung kay Dabid, nga iya amay.

7 Niyan si Salomon nagpatindug sing isa ka duug nga mataas kay Kemos, nga kаланġil-aran sa Moab, sa bukid nga nagatubang sa Ierusalem, kag kay Molok, nga kаланġil-aran sang mga inanak ni Amon.

8 Kag amo ini ang ginhimo niya nga sa tanan nga iya mga babae nga mga dumuluong, nga nagpasunog sila sing mga pahamut kag nga naghalalad sila sa ila mga dios.

9 Kag naakig si Iehoba batok kay Salomon, tungud nga nagtalang ang iya tagiposo kay Iehoba nga Dios ni Is-



rael, nga nakapahayag sa iya sing maka-duha.

10 Kag nagsogo sia sa iya, nahanu-  
ngud sini, nga indi magsunud sia sa  
liwan nga mga dios; apang sia walâ  
magbantay sang ginsogo sa iya ni Iehoba.

11 Kag nagsiling si Iehoba kay Salomon: "Tungud nga ini yara sa imo, kag walâ mo pagbantayi ang akon kati-  
pan kag ang akon mga palatukuran, nga  
ginsogo ko sa imo, pagsabniton ko ang  
ginharian sa imo, kag pagaitugyan ko  
ini sa imo alagad.

12 Lamang nga indi ko paghimoon  
ini sa imo mga adlaw, tungud sa paghi-  
gugma kay Dabid, nga imo amay: paga-  
sabniton ko, ini sa kamut sang imo anak.

13 Walay sapayan, indi pagsabniton  
ko ang bug-os nga ginharian; kondi  
nga pagaihatag ko ang isa ka kabikahan  
sa imo anak, tungud sa paghigugma kay  
Dabid, nga akon alagad, kag tungud sa  
paghigugma sa Ierusalem, nga akon  
ginpili.

Ang mga kaaway ni Salomon.

14 Kag ginpatindug ni Iehoba ang isa  
ka kasumpung kay Salomon, si Hadad,  
nga Edominkon, sa kaliwatan nga hari-  
anon, nga yara sa Edom.

15 Kay nahanabu, sang si Dabid didto  
sa Edom, sang pagtaklad ni Ioab, nga  
pangolo sang kasoldadosan, sa paglu-  
bung sa mga minatay, kag ginpatay  
niya ang tanan nga mga lalaki, sa Edom.

16 (Kay nagpuyô didto si Ioab sing  
anum ka bulan upud ang bug-os nga Is-  
rael, tubtub nga napapas niya ang tanan  
nga lalaki sa Edom),

17 Nga si Hadad nagpalagyo upud  
ang mga tawo nga Edominhon sang mga  
alagad sang iya amay, sa pagkadto sa  
Egipto; nga si Hadad sadto batâ pa.

18 Kag nagtilindug sila gikan sa Ma-  
dian kag nagpalakadto sa Paran; kag  
nagkuluha sila upud sa ila sing mga  
tawo sa Paran, kag nag-alabut sila sa  
Egipto kay Paraon, nga hari sa Egipto,  
nga naghatag sa iya sing baláy, kag gin-  
tagaan sia sing mga kalan-on kag gin-  
tagaan pa sia sing duta.

19 Kag nakakita si Hadad sing bugay  
sa mga mata ni Paraon, nga ginhatagsa  
iya nga asawa ang útud sang iya gid

asawa, ang útud sang hari nga babae nga  
si Tapenes.

20 Kag ang útud nga babae ni Tapenes  
nag-anak sa iya sing isa ka anak nga  
lalaki, nga si Genubat, nga ginlutas ni  
Tapenes sa sulúd sang baláy ni Paraon;  
kag si Genubat yara sa baláy ni Paraon,  
sa tungâ sang mga anak ni Paraon.

21 Kag sang pagkabati ni Hadad, sa  
Egipto, nga si Dabid nagtolog upud sa  
iya nga ginikanan, kag nga si Ioab nga  
pangolo sang kasoldadosan patay na, si  
Hadad nagsiling kay Paraon: "Tuguti  
ako sa pagkadto sa akon duta."

22 Kag nagsiling sa iya si Paraon:  
"Apang ano bala ang nakulang sa imo  
diri sa akon, nga nagahimulat ka sa pag-  
kadto sa imo duta?" Kag sia nagsiling  
sa iya: "Walâ gid; apang papaulia  
ako, papulia ako."

23 Kag ginpatindug man sa iya sang  
Dios nga kaaway, si Reson, nga anak  
ni Eliada, nga nagpalagyo sa iya agalon,  
nga si Hadadeser, nga hari sa Soba.

24 Kag nagtipon sia sing katawohan  
sa iya, kag nahimo sia nga pangolo  
sang isa ka kinabon, sang ginwagwag ni  
Dabid ang mga taga-Soba. Kag nagpa-  
lakadto sila sa Damasko, kag nagpuluyô  
sila didto, kag naghalari sila sa Damas-  
ko.

25 Kag nanginkasumpung sia ni Is-  
rael sa tanan nga mga adlaw ni Salo-  
mon, labut pa sang kalainan nga gin-  
himo ni Hadad; kag nagdumut sia kay  
Israel, kag naghari sia sa ibabaw sang  
Aram.

Si Ahia nagatagna kay Ieroboam sang iya  
ginharian.

26 Subung man si Ieroboam, nga  
anak ni Nabat, nga Epratinhon, sa Se-  
reda, nga alagad ni Salomon, nga ang  
iya ilôy ginahingalanan nga si Serua,  
babae nga bálo, naghayaw sia sang iya  
kamut batok sa hari.

27 Kag ang kabangdanang kay ngaa  
ini sia naghayaw sang kamut batok sa  
hari, amo ini: sang nagapatindug si  
Salomon sa Milo, gintakpan niya ang  
litik sang banwa ni Dabid, nga iya  
amay.

28 Kag si Ieroboam among tawo nga  
makusug kag maisug; kag nakita ni  
Salomon ang pamatan-on nga kon paano  
ang pagpangabudlay niya sa buluhaton,

kag ginbutang sia niya sa ibabaw sang tanan nga buluhaton sa baláy ni Iose.

29 Kag nahanabu, sa sadto nga dag-on, nga gumowa si Ieroboam sa Ierusalem, kag nga ang manalagna nga si Ahia, nga taga-Silo, nagsugata sa iya sa dalanon, kag ini sia naputus sang isa ka panapton nga bag-o, kag sila nga duha lamang ang yara sa latagon.

30 Kag sang inuyatan ni Ahia ang kunup nga bag-o nga yara sa ibabaw niya, gingisi niya sia sa napúlô kag duha ka gihay.

31 Kag nagsililing sia kay Ieroboam: "Batuna nga sa imo ang napúlô ka gihay, kay amo ini ang ginsiling ni Iehoba, nga Dios ni Israel: Yari karon, nga pagasabnito ko ang ginharian sa kamut ni Salomon, kag pagaihatag ko sa imo ang napúlô ka kabikahan.

32 Kag sia magahuput nga sa iya sang isa ka kabikahan, tungud sa paghiguma kay Dabid, nga akon alagad, kag tungud sa paghigugma sa Ierusalem, banwa nga akon ginpili sa tanan nga mga kabikahan sa Israel;

33 Tungud kay ginbayaan nila ako, kag nagyaub sila sa atubangan ni Astarot, dios nga babae sang mga Sidoninhon, sa atubangan ni Kemos, nga dios sa Moab, kag sa atubaagan ni Milkom, nga dios sang mga inanak ni Amon; kag walâ sila maglalakat sa akon mga dalanon sa paghimo sing matadlung sa atubangan sang akon mga mata, kag sang akon mga palatukuran kag sang akon mga tumanon, subung sang *ginhimo* ni Dabid, nga iya amay.

34 Walay sapayan, indi gid nakon pagkuhaon ang bug-os niya nga ginharian sa iya mga kamut; kay gintukod ko sia nga dunganon sa tanan nga mga adlaw sang iya kabuhi, tungud sa paghiguma kay Dabid, nga akon alagad, nga ginpili ko sia, kag nga nagbantay sia sang akon mga sogo kag sang akon mga palatukuran;

35 Apang pagakuhaon ko ang ginharian sa kamut sang iya anak, kag pagaihatag ko ini sa imo, *kon sayoron* ang napúlô ka kabikahan;

36 Kag sa iya anak pagaihatag ko ang isa ka kabikahan, agud nga ang akon alagad nga si Dabid may lamparahan sa tanan nga mga adlaw sa atubangan nakon sa Ierusalem, banwa nga

ginpili ko sa akon, sa pagbutang sa iya sang akon ngalan.

37 Busa, pagakuhaon ko ikaw, kag ikaw magahari sa tanan nga mga butang nga pagahandumon sang imo kalág, kag manginhari ka sa ibabaw ni Israel.

38 Kag magakahanabu nga, kon magpamati ka sang tanan nga mga butang nga igasogo ko sa imo, kag maglakat ka sa akon mga dalanon kag himoon mo ang matadlung sa akon mga mata, nga pagbantayan mo ang akon mga palatukuran kag ang akon mga sogo, subung sang ginhimo ni Dabid, nga akon alagad, ako magaúpud sa imo kag pagapatindugan ko ikaw sing baláy nga malig-on, subung sang ginpatindug ko kay Dabid, kag pagaihatag ko sa imo ang Israel.

39 Kag bargud sini pagpaubson ko ang kaliwatan ni Dabid, apang indi sa gihapon."

40 Kag si Salomon naghimulat sa pagpatay kay Ieroboam; apang sang tumindug si Ieroboam, nagpalagyo sia sa Egipto kay Sisak, nga hari sa Egipto, kag nagpuyô sia sa Egipto tubtub sang pagkamatay ni Salomon.

#### Ang pagkamatay ni Salomon.

41 Ang iban sang mga binuhatan ni Salomon, kag ang tanan nga mga butang nga iya ginhimo, kag ang iya kaalam, walâ bala sila mapanulat sa tolon-an sang mga binuhatan ni Solomon?

42 Kag ang mga adlaw nga naghari si Salomon sa Ierusalem sa ibabaw sang bug-os nga Israel, nanginkap-atan ka tuig.

43 Kag nagtolog si Salomon upud sang iya mga ginikanan, kag ginlubung sia sa banwa sang iya amay nga si Dabid; kag naghari nga salili niya si Roboam nga iya anak.

Nagmalalison ang napulo ka kabikahan kag ginhimo nila si Roboam nga hari.

**12** KAG nagpakadto si Roboam sa Sikem; kay ang bug-os nga Israel nag-abut sa Sikem sa paghimo sa iya nga hari.

2 Kag nahanabu, sang pagkabati sini ni Ieroboam, nga anak ni Nabat (nga didto sia sa Egipto, kay nagpalagyo



sia sa atubangan sang hari nga si Salomon, kag nagpuyô pa sia sa Egipto,

3 Kag ginpakadtoan nila kag gintawag nila ini) nga si Roboam kag ang bug-os nga katilingban sa Israel nag-alabut kag ginhalambal nila si Roboam, nga nagasiling:

4 "Ang imo amay nagpabug-at sang anion singkaw, apang karon pamag-ana sing *diyot* ang matig-a nga pag-alagdan sang imo amay kag ang mabug-at nga singkaw, nga ginbutang niya sa ibabaw namon, kag pagaalagdon ka namon."

5 Kag sia nagsiling sa ila: "Lakatkamo kag sa ikatlo ka adlaw, balik-kamo sa akon." Kag ang banwa nagpauli.

6 Kag ang hari nga si Roboam nakig-sapul sa mga tigulang, nga nagtalam-bong sa atubangan ni Salomon, nga iya amay, sang nagakabuhi pa sia, nga nagasiling: "¿Ano bala ang ikalaygay ninyo, nga igasabat ko sa sini nga banwa?"

7 Kag sila naghahambal sa iya, nga nagasiling: "Kon ikaw amo karon ang alagad sini nga banwa, kon kag pag-alagdon mo sila, kag kon magsabat ka sa ila kag maghambal sing mga maayo nga polong, sila magaalagad sa imo sa gihapon."

8 Apang binayaan niya ang laygay, nga ginhatag sa iya sang mga tigulang, kag nagpamangkot sia sang mga pamatan-on, nga nagkadalagku upud sa iya, nga yara sila sa atubangan niya.

9 Kag nagsiling sia sa ila: "¿Ano bala ang igalaygay ninyo, nga igasabat naton sa sini nga banwa, nga naghambal sa akon, nga nagasiling: Pamag-ana sing *diyot* ang singkaw, nga ginbutang sang imo amay sa ibabaw namon?"

10 Kag ang mga pamatan-on, nga nagkadalagku upud sa iya, nagsalabat sa iya, nga nagasiling: "Amo ini ang pagaisiling mo sa sini nga banwa, nga naghambal sa imo, nga nagasiling: Ang imo amay nagpabug-at sang amon singkaw, apang ikaw magpamag-an sa amon sing *diyot*, amo ini ang pagaihambal mo sa ila: Ang kamalingking nakon among labing mabahal sang mga taludtud sang akon amay;

11 Busa karon, ang akon amay naglulan sa inyo sing mabug-at nga singkaw; apang ako magadugang sang kabug-at sa inyo singkaw. Ang akon amay nag-

silot sa inyo sa mga bunal, apang ako magasilot sa inyo sa mga timbaba."

12 Kag sa ikatlo ka adlaw nag-abut si Ieroboam upud ang bug-os nga banwa kay Roboam, siling sang ginsogo sang hari, nga nagasiling: "Balik-kamo sa akon sa ikatlo ka adlaw."

13 Kag ang hari nagsabat sa banwa sing matigdas gid, kag nagbiya sia sang laygay, nga ginhatag sa iya sang mga tigulang;

14 Kag naghambal sia sa ila sono sang laygay sang mga pamatan-on, nga nagasiling: "Ang akon amay nagpabug-at sang inyo singkaw, apang ako magadugang sang kabut-at sa inyo singkaw: ang akon amay nagsilot sa inyo sing mga bunal, apang ako magasilot sa inyo sing mga timbaba."

15 Kag ang hari walâ magpamati sa banwa, kay amo ang binubuut ni Iehoba sa pagtuman sang polong ni Iehoba nga kinahambal tungud kay Ahia, nga taga-Silo, kay Ieroboam, nga anak ni Nabat.

16 Kag sang pagkakita sang bug-os nga Israel, nga ang hari walâ magpamati sa ila, nagsabat sila sa iya sining polong, nga nagasiling: "¿Ano bala ang bahin namon kay Dabid? Walâ *kami* sing palanublion sa anak ni Isai. ¡Israel, sa imo mga puluy-an! ¡Tan-awa karon sa imo baláy, Dabid!" Niyan si Israel nagpauli sa ila mga layanglayang.

17 Apang nahanungud sang mga inanak ni Israel, nga nagpuluyô sa mga banwa sa Iuda, si Roboam naghari sa ibabaw nila.

18 Kag ginpadalâ sang hari nga si Roboam si Adoram, nga yara sa ibabaw sang mga dagyaw; apang ginbatô sia sang bug-os nga Israel, kag namatay sia. Kag ang hari nga si Roboam nagdalidali sa pagsaka sa isa ka kanga sa pagpalagyo sa Ierusalem.

19 Sa *sini* naglalis si Israel batok sa baláy ni Dabid tubtub karon.

20 Kag nahanabu nga, sang pagkabati sang bug-os nga Israel, nga si Ieroboam nagbalik, ginpakadtoan nila, kag gintawag nila sia sa katilingban, kag ginhimo nila sia nga hari sa ibabaw sang bug-os nga Israel. Kag sia walâ gid sing kabikahan nga nagsunud sa baláy ni Dabid, kondi lamang ang kabikahan ni Iuda.

21 Kag sang pag-abut ni Roboam sa Ierusalem, gintipon niya ang bug-os nga

baláy ni Iuda kag ang kabikahan ni Benyamin, isa ka gatus kag kawaloan ka libo ka tawo nga mga pinili sa pag-awayan, sa pagpakigaway sa baláy ni Israel, agud sa pagpabalik sang ginharian kay Roboam, nga anak ni Salomon.

22 Apang ang polong ni Iehoba nag-abut kay Semaia, nga lalaki sang Dios, nga nagasiling:

23 "Hambala si Roboam, nga anak ni Salomon, nga hari sa Iuda, kag ang bug-os nga baláy ni Iuda kag ni Benyamin, kag ang iban sang banwa, nga nagasiling:

24 "Amo ini ang ginasiling ni Iehoba: Dili kamo magtaklad, bisan mag-alaway kamo batok sa inyo mga útud, nga mga anak ni Israel. Palauli-kamo ang tag-satagsa sa iya baláy; kay gikan sa akon nga ini nahanabu." Kag sila nagpalamati sang polong sang Dios, kag nagpalauli sila, sa pagkadto sono sang polong ni Iehoba.

Si Ieroboam nagtukud sang pagsimba sa mga diosdios.

25 Kag ginpatindug ni Ieroboam ang Sikem sa bukid sa Epraim, kag nagpuyô sa iya; kag humalín sia didto, kag ginpatindug niya ang Penuel.

26 Kag nagsiling si Ieroboam sa iya tagiposoon: "Karon magabalik ang ginharian sa baláy ni Dabid.

27 Kon ini nga banwa magtaklad sa paghalad sing mga halad sa Baláy ni Iehoba sa Ierusalem, niyan ang tagiposoon sini nga banwa magaliso sa iya ginoo nga si Roboam, nga hari sa Iuda; kag pagapatyon nila ako, kag magabalik sila kay Roboam, nga hari sa Iuda."

28 Kag ang hari nagpakigsapul kag naghimo sia sing duha ka tinday sang baka nga bulawan, kag nagsiling sia sa iya banwa: "Tuman na ang mga dag-on sang pagtaklad ninyo sa Ierusalem: yari karon ang imo dios, oh Israel, nga nagpatakla sa imo sa duta sa Egipto."

29 Kag ginbutang niya ang isa sa Bethel kag ang isa ginbutang niya sa Dan.

30 Kag ini nanginsalâ, kag ang banwa nagpakadto tubtub sa Dan sa atubangan sang isa sang mga tinday sang baka.

31 Naghimo man sia sing baláy sa mga kataasan, kag naghimo sia sing mga

saserdote nga nagkuha sa bug-os nga banwa, kag nga indi sila sang mga inanak ni Lebi.

32 Kag si Ieroboam nagtukud sing isa ka piesta, sa bulan nga ikawalo, sa ikapúlô kag lima sang bulan, kaangay sang piesta nga *ginahiwat* sa Iuda; kag nagsaka sia sa halaran. Amo ini ang ginhimo niya sa Bethel, sa paghalad sa mga tinday sang baka, nga iya ginhimo, kag ginpahamtang man niya sa Bethel ang mga saserdote sang mga kataasan, nga iya ginbuhat.

33 Kag nagsaka sia sa halaran, nga iya ginhimo sa Bethel, sa ikapúlô kag lima sang bulan nga ikawalo, ang bulan nga iya kinapatuga sa iya *gid* nga tagiposoon; kag naghimo sia sing piesta sa mga inanak ni Israel, kag nagsaka sia sa halaran sa pagsunog sing mga pahamut.

Sa Bethel ginsabdong si Ieroboam sang isa ka manalagna.

**13** KAG, yari karon, nga ang isa ka lalaki sang Dios, tungud sang polong ni Iehoba, nag-abut gikan sa Iuda pa Bethel, sang si Ieroboam yari sa halaran sa pagsunog sing mga pahamut;

2 Kag nagsingit sia batok sa halaran, tungud sang polong ni Iehoba, kag nagsiling: "Halaran, halaran, amo ini ang ginasiling ni Iehoba: Yari karon, nga sa baláy ni Dabid magapakatawo ang isa ka anak nga lalaki, nga pagahingalanang nga si Josia, kag sia magahalad sa ibabaw nimo sa mga saserdote sang mga kataasan, nga nagasulunog sa ibabaw nimo sing mga pahamut, kag sa ibabaw nimo magasulunog sila sing mga tul-an sang mga tawo."

3 Kag sadto gid nga adlaw, naghatag sia sing isa ka tanda, nga nagasiling: "Ini amo ang tanda, nga si Iehoba naghambal: Yari karon, nga ang halaran maboong, kag ang abó nga yara sa ibabaw niya pagaulaon."

4 Kag, sang pagkabati sang hari sang polong sang lalaki sang Dios, nga nagsingit batok sa halaran sa Bethel, ginuntay ni Ieroboam ang iya kamut kutub sa halaran, nga nagasiling: "¡Dakpaninyo sia! Kag ang kamut nga kinauntay batok sa iya, nagmala, nga indi na niya sarang mapatiko.

5 Kag ang halaran man naboong kag



ginula ang abó sang halaran, sono sang tanda nga kinahatag sang lalaki sang Dios, tungud sang polong ni Iehoba.

6 Kag ang hari, naghambal kag nagsiling sa lalaki sang Dios: "Ginaampo ko sa imo, nga ipakilooy mo kay Iehoba, nga imo Dios, kag nga pangamuyo ka tungud sa akon, agud nga iuli sa akon ang akon kamut." Kag ang lalaki sang Dios nagpakilooy kay Iehoba, kag ang kamut sang hari nahaulian, kag nangin-subung sang una.

7 Kag ang hari nagsiling sa lalaki sang Dios: "Kari-ka sa baláy upud sa akon, kag magpahauli ka, kag pagahatagan ko ikaw sing isa ka dólot."

8 Apang ang lalaki sang Dios nagsiling sa hari: "Kon ihatag mo sa akon ang katungâ sang imo baláy, indi ako magúpud sa imo, bisan magakaon ako sing tinapay, bisan magainum ako sing tubig sa sini nga duug.

9 Kay amo ini ang nasogo sa akon, tungud sang polong ni Iehoba, nga nagasiling: Indi ka magkaon sing tinapáy, bisan maginum ka sing tubig, bisan magbalik ka sa dalan, nga imo linaktan."

10 Kag napakadto sia sa isa ka dalan, kag walâ sia magbalik sa dalan, sa diin nag-abut sia pa Bethel.

**Ang dimatinumanon nga manalagna.**

11 Kag sa amo nga dag-on nagpuyò sa Bethel ang isa ka tigulang nga manalagna, kag sa iya nag-abut ang iya anak nga lalaki, kag nagsugid sa iya sang tanan nga kinahimo sang lalaki sang Dios sadtong adlaw sa Bethel, kag sang mga polong, nga kinahambal niya sa hari; kag sila nagsulugid sa ila sa ila amay.

12 Kag ang ila amay nagsiling sa ila: "¿Sa ano bala nga dalan nagpakadto sia?" Kag ang iya mga anak nakakita sang dalan, sa diin nagpakadto ang lalaki sang Dios, nga nag-abut gikan sa Iuda.

13 Kag sia nagsiling sa iya mga anak: "Siyahi-ninyo sa akon ang asno." Kag ginsiyahan nila ang asno, kag nagsakay sia sa iya.

14 Kag nagsunud sia sa lalaki sang Dios, kag nakita niya sia, nga nagalingkod sa idalum sang isa ka terebinto; kag nagsiling sia sa iya: "¿Amo bala ikaw ang lalaki sang Dios, nga nag-

abut gikan sa Iuda?" Kag sia nagsiling: "Amo ako."

15 Kag nagsiling sia sa iya: "Upud-ka sa akon sa baláy kag kaon-ka sing tinapay."

16 Apang sia nagsabat: "Indi ako sarang makabalik upud sa imo, bisan magsulú upud sa imo; kag indi ako magakaon sing tinapay, bisan magainum sing tubig upud sa imo sa sini nga duug;

17 Kay ginsilingan ako, tungud sang polong sang Dios: Indi ka magakaon sing tinapay, bisan magainum ka sing tubig didto, bisan magabalik ka sa dalan nga imo ginlaktan."

18 Kag sia nagsiling sa iya: "Ako manalagna man nga subung sa imo; kag isa ka manugtunda ang naghambal sa akon, tungud sa polong ni Iehoba, nga nagasiling: Pabalika sia upud sa imo sa imo baláy, agud nga magkaon sia sing tinapay, kag maginum sia sing tubig." Apang ginbutigan niya sia.

19 Kag nagbalik sia upud sa iya, kag magkaon sia sang tinapay sa iya baláy, kag naginum sia sing tubig.

20 Kag nahanabu nga, sang didto sila sa latok, nag-abut ang polong ni Iehoba sa manalagna, nga nagpabalik sa iya.

21 Kag nagsingit sia sa lalaki sang Dios, nga nag-abut gikan sa Iuda, nga nagasiling: "Amo ini ang ginasiling ni Iehoba: Tungud kay nagmalalison ka sa polong ni Iehoba, kag walâ mo pagtumana ang sogo, nga ginsogo sa imo ni Iehoba, nga imo Dios;

22 Kondi nga nagbalik ka, kag nagkaon ka sang tinapay kag nag-inum ka sang tubig, sa duug nga ginsiling ko sa imo: Indi ka magakaon sing tinapáy, bisan magainum ka sing tubig, indi makasulú ang imo bangkay sa lulubngan sang imo nga ginikanan."

23 Kag sang ang manalagna, nga ginpabalik niya, nakaon sang tinapay kag nakainum, nagsiya sia nga sa iya sang asno.

24 Kag naglakat sia, kag nakasugata sia sing isa ka leon sa dalan, kag ginpatay sia niya. Kag ang iya bangkay nahamyang sa dalan, kag ang asno yara sa luyo niya, kag ang leon yara man sa luyo sang bangkay.

25 Kag yari karon, ang mga tawo nag-alagi, kag nakita nila ang bangkay nga nahamyang sa dalan, kag ang leon, nga yara sa luyo sang bangkay. Kag

nag-alabut sila, kag ginsugid nila ini sa banwa, nga didto nagapuyô ang manalagna nga tigulang.

26 Kag sang pagkabati sang manalagna, nga nagpabalik sini sa dalan, nagsiling sia: "Amo ang lalaki sang Dios, nga nagmalalison sa sogo ni Iehoba; kag gintugyan sia ni Iehoba sa leon, nga nagkusnit sa iya kag nagpatay sa iya, sono sa polong ni Iehoba, nga iya ginsiling sa iya."

27 Kag naghambal sia sa iya mga anak, nga nagasiling: "Siyahi-ninyo ako sang asno." Kag sila nagsiya sini.

28 Kag sia napakadto, kag nakita niya ang iya lawas, nga nagahamyang sa dalan, kag ang asno kag ang leon yara sila sa luyo sang bangkay: ang leon walâ magkaon sang bangkay, bisan nagkusnit sa asno.

29 Kag sang hinakwat sang manalagna ang bangkay sang lalaki sang Dios, ginbutang niya sia sa ibabaw sang asno, kag gindalâ niya sia. Kag nag-abut sia sa banwa sang tigulang nga manalagna sa paghaya kag sa paglubung sa iya.

30 Kag ginbutang niya ang iya bangkay sa iya lulubngan; kag naghalaya sila sa iya, nga nagasiling: "¡Ay, útud ko!"

31 Kag sang nalubung na niya sia, naghambal sia sa iya mga anak, nga nagasiling: "Kon ako ang mamatay, ilubung-ninyo ako sa lulubngan, nga ginlubngan sang lalaki sang Dios: igabutang ninyo ang akon mga tul-an sa luyo sang sa iya mga tul-an.

32 Kay sa pagkamatuud magaabut ang iya ginsingit, tungud sa polong ni Iehoba, batok sang halaran nga yara sa Bethel, kag batok sa tanan nga mga baláy sang kataasan, nga yara sila sa mga kabanwaan sa Samaria."

33 Sa tapus sini, walâ na magisol si Ieroboam sa iya malain nga dalan, kondi naghimo liwan sing mga saserdote sang mga kataasan sang tanan nga mga tawo sang banwa. Kag ginpahanungud niya ang bisan sin-o nga naluyag, kag nanginisa ka saserdote sia sa mga kataasan.

34 Kag ini nanginsalâ sa baláy ni Ieroboam, tubtub nga pagpadulaon sia kag paglaglagon sia sa ibabaw sang kadayang sang duta.

Si Ahia nagatagna sang pagkaguba ni Ieroboam.

14 SA sadto nga dag-on si Abia, nga anak ni Ieroboam, nagmasakit.

2 Kag si Ieroboam nagsiling sa iya asawa: "Tindug-ka, ginaampo ko sa imo, panapton-ka sa dipagpakilala, agud nga dili ka nila makilala nga asawa ka ni Ieroboam, kag pakadto-ka sa Silo. Yari karon, didto si Ahia, nga manalagna, nga nagmitlang nahanungud sa akon, nga ako magmanginhari sa ibabaw sini nga banwa.

3 Kag dalâ-ka sa imo kamut sing napúlô ka tinapay, kag mga torta kag isa ka tibud nga dugus, kag pakadto-ka sa iya, kag sia magapahibalo sa imo kon ano ang maabutan sini nga bátâ."

4 Kag ang asawa ni Ieroboam naghimo sing subung sini: nagtindug sia kag nagpakadto sia sa Silo, kag nag-abut sia sa baláy ni Ahia. Kag indi na sarang makakita si Ahia, kay ang iya mga mata nagdúlog na bangud sang iya katigulangon.

5 Apang si Iehoba nagsiling kay Ahia: "Yari karon, ang asawa ni Ieroboam magakari sa pagpamangkot sa imo tungud sang iya anak, nga nagamasakit. Amo ini kag amo ini ang imo igasiling sa iya. Kag kon sia mag-abut, magapakaliwan sia."

6 Kag sang pagkabati ni Ahia sang lagpok sang iya mga tiil, sang nagsulúd sia sa gawang, nagsiling sia: "Sulúd-ka, asawa ni Ieroboam. ¡Kay nga bala nagapakaliwan ka? Apang ako ginpadalâ sa imo nga may balita nga matigdas.

7 Lakat-ka, kag isiling kay Ieroboam: Amo ini ang ginasiling ni Iehoba, nga Dios ni Israel: Tungud nga ginpatindug ko ikaw sa tungâ sang banwa, kag ginhimo ko ikaw nga dunganon sa ibabaw sang akon banwa sa Israel;

8 Kag ginboong ko ang ginharian, nga ginkuha ko gikan sa baláy ni Dabid, kag gintugyan ko ini sa imo; kag ikaw walâ magmanginsubung kay Dabid, nga akon alagad, nga nagtuman sang akon mga sogo kag naglakat sa olehe nakon sa bug-os niya nga tagiposoon, nga nagahimo lamang sang matadlung sa atubangan sang akon mga mata;

9 Kondi ginhimo mo ang malain labi pa sang tanan nga mga nanginúna sa imo, kag naglakat ka kag naghimo ka sing



liwan nga mga dios, kag mga larawan nga tinunaw, sa pagpaakig sa akon, kag ginsikway mo ako sa likod mo.

10 Tungud sini, yari karon, nga ginapadalá ko ang kalainan sa ibabaw sang baláy ni Ieroboam, kag akon pagautdon kay Ieroboam ang tanan gid nga lalaki, ang gin-alila subung man ang gimbayaan sa Israel, kag pagasilhigon ko ang panimaláy ni Ieroboam, subung sang pagsilhig sang ipot tubtub nga maorot.

11 Ang mamatay sa *panimaláy* ni Ieroboam sa banwa, pagakaonon sia sang mga ido, kag ang mamatay sa lagon, pagakaonon sia sa mga kapispisan sang langit; kay si Iehoba ang naghambal.

12 Kag ikaw tindug-ka, kag pauli-ka sa imo baláy: sang pagsulúd sang imo mga tiil sa banwa, mamatay ang bátá.

13 Kag ang bug-os nga Israel magahaya sa iya, kag pagailubung nila sia; kay sia lamang ang sa *panimaláy* ni Ieroboam nga makasulúd sa lulubngan, tungud kay sa iya *lamang*, sa panimaláy ni Ieroboam, nakit-an ang diyot nga maayo sa atubangan ni Iehoba, nga Dios ni Israel,

14 Kag si Iehoba magapatindug sing isa ka hari sa ibabaw ni Israel, nga sia magutúd sang panimaláy ni Ieroboam karon nga adlaw. Kag ano bala kon magkahanabu ini karon?

15 Kag pagapilason ni Iehoba si Israel, subung sang kawayan nga ginayug sa sulúd sang mga tubig, kag pagasabniton niya si Israel sa sining maayong duta, nga iya ginhatag sa ila mga ginikanan, kag pagalaptahon niya sila sa tabok sang Subá, tungud kay ginbuhat nila nga sa ila ang mga Asherim, nga nagpaakig kay Iehoba:

16 Kag pagaitugyan niya si Israel, tungud sang mga salá ni Ieroboam, nga sa iya nakasalá sia kag ginpapakasalá niya si Israel."

17 Kag ang asawa ni Ieroboam nagtindug kag naglakat, kag nagabut sa Tirsa; kag sang pagsulúd niya sa atangan sang baláy, ang bátá namatay.

18 Kag ginlubung nila sia kag naghaya sa iya ang bug-os nga Israel, sono sang polong ni Iehoba, nga iya ginmitlang tungud sang iya alagad nga si Ahia nga manalagna.

19 Kag ang iban nga mga binuhatan ni Ieroboam, nga kon paano nga paghimo niya sang ilinaway kag kon paano ang iya

paghari, yari karon ang tanan nasulat na sa tolon-an sang mga Kronika sang mga hari sa Israel.

20 Kag ang mga adlaw nga naghari si Ieroboam, nanginduha ka pulô kag duha ka tuig. Kag nagtolog sia upud sa iya mga ginikanan, kag naghari nga salili niya si Nadab, nga iya anak.

Pagdiwata kag pagkadunot ni Iuda sa idalum sang kagamhanan ni Roboam.

21 Kag si Roboam, anak ni Salomon, naghari sa Iuda. Si Roboam nagaedad sing kap-atan kag isa ka tuig, sang pagsugud niya sa paghari; kag naghari sia sing napulô kag pito ka tuig sa Ierusalem, banwa nga ginpili ni Iehoba sa tanan nga mga kabikahan ni Israel, sa pagbutang didto sang iya ngalan. Ang ngalan sang iya ilóy amo si Naama, nga Amoninhon.

22 Kag si Iuda naghimo sing malain sa mga mata ni Iehoba, kag ginpaakig nila sia sing labi sang tanan nga ginhimo sang ila mga ginikanan tungud sa ila mga salá, nga ginpamuhat nila.

23 Kay sila man nagpalatindug sing mga mataas nga duug, nga may mga larawan kag mga Asherim, sa tanan nga bakolod nga mataas, kag sa idalum sang tanan nga kahoy nga madabung.

24 Kag may didto man nga mga Sodominhon sa duta. Kag ginhimo nila sono sang tanan nga mga kalangilaran sang mga katawohan, nga ginsobol ni Iehoba sa atubangan sang mga inanak ni Israel.

25 Kag nahanabu sa ikalima ka tuig sang hari nga si Roboam, nga nagtaklad si Sisak, nga hari sa Egipto, batok sa Ierusalem.

26 Kag ginkuha niya ang mga bahandi sang Baláy ni Iehoba kag ang mga bahandi sang baláy sang hari: ginkuha niya ang tanan. Kag ginkuha man niya ang tanan nga mga taming nga bulawan, nga ginpahimo ni Salomon.

27 Kag sa baylo nila naghimo ang hari nga si Roboam sing mga taming nga tumbaga, kag ginsalig niya sila sa mga kamut sang mga pangolo sang mga manugdalagan, nga nagabalantay sila sang salamputan sang baláy sang hari.

28 Kag sa gihapon nga ang hari mag-

sulúd sa baláy ni Iehoba, ang mġa manugdalagan nagdalalá sa ila, kag ginauli nila sila sa hulut sang mġa manugdalagan.

29 Kag ang iban sang mġa binuhatan ni Roboam, kag ang tanan mġa butang nġa iya ginhimo, ¿ walá bala mapanulat ini sa tolon-an sang mġa Kronika sang mġa hari sa Iuda?

30 Kag may ilinaway sa tungâ ni Roboam kag ni Ieroboam sa tanan nġa mġa adlaw.

31 Kag nagtolog si Roboam upud sa iya mġa ginikanan, kag ginlubung sia upud sa iya mġa ginikanan sa banwa ni Dabid. Kag ang nġalan sang iya ilóy amo si Naama, nġa Amoninhon. Kag naghari nġa salili niya si Abiam, nġa iya anak.

Si Abiam nġa hari sa Iuda.

**15** SA tuig nġa ikapúlô kag walo sang hari nġa si Ieroboam, nġa anak ni Nabat, si Abiam nagsugud sa paghari sa ibabaw sang Iuda.

2 Naghari sia sa Ierusalem sing tatlo ka tuig; kag ang nġalan sang iya ilóy amo si Maaka, anak nġa babae ni Abisalom.

3 Kag naglakat sia sa tanan nġa mġa salá, nġa ginhimo sang iya amay, sa walá pa sia, kag indi himpit ang iya tagiposoong kay Iehoba, nġa iya Dios, subung sang tagiposoong ni Dabid, nġa iya amay.

4 Walay sapayan, tungud sa paghigugma kay Dabid, ginhatag sa iya ni Iehoba, nġa iya Dios, ang isa ka lamprahan sa Ierusalem, nġa ginpatindug sa iya ang iya anak nġa lalaki sa olehe niya, kag nġa ginpalig-on niya ang Ierusalem.

5 Kay si Dabid naghimo sang matadlung sa atubangan sang mġa mata ni Iehoba, kag walá magbulag sia sa bisan ano nġa ginsogo niya sa iya, sa tanan nġa mġa adlaw sang iya kabuhi, luwas lamang sa nahanungud kay Uriah, nġa Hetinhon.

6 Kag may ilinaway sa tungâ ni Roboam kag ni Ieroboam sa tanan nġa mġa adlaw sang ila kabuhi.

7 Kag ang iban sang mġa binuhatan ni Abiam, kag ang tanan nġa mġa butang nġa iya ginhimo, ¿ walá bala mapanulat sila sa tolon-an sang mġa Kronika sang mġa hari sa Iuda? Kag may inaway sa tungâ ni Abiam kag ni Ieroboam.

8 Kag nagtolog si Abiam upud sang iya mġa ginikanan, kag ginlubung sia sa banwa ni Dabid, kag naghari nġa salili niya si Asa, nġa iya anak.

Si Asa nġa hari sa Iuda.

9 Sa ikaduha ka púlô ka tuig ni Ieroboam, nġa hari sa Israel, si Asa nagsugud sa paghari sa ibabaw ni Iuda.

10 Kag naghari sia sing kap-atan kag isa ka tuig sa Ierusalem; kag ang nġalan sang iya ilóy amo si Maaka, anak nġa babae ni Abisalom.

11 Kag si Asa naghimo sing matadlung sa atubangan sang mġa mata ni Iehoba, subung kay Dabid, nġa iya amay.

12 Kag ginsobol niya ang mġa Sodominhon sa duta, kag ginkuha niya ang tanan nġa mġa larawan, nġa ginhimo sang iya mġa ginikanan.

13 Kag bisan pa, nahanungud kay Maaka nġa iya ilóy, ginkuhaan niya sia sa pagkahari nġa babae, kag naghimo sia sing isa ka kalangil-aran nġa larawan kay Ashera; kag ginutúd ni Asa ang larawan sang iya ilóy, kag ginsunog niya ini sa luyo sang kasulgan nġa Kedron.

14 Apang ang mġa duug nġa mataas walá mapanguha; kag walay sapayan, ang tagiposoong ni Asa nanginhimpit nġa sa kay Iehoba sa bug-os niya nġa pagkabuhi.

15 Kag gindalá man niya sa Baláy ni Iehoba ang ginbalaan sang iya amay, kag ang iya gid ginbalaan: pilak, kag bulawan, kag mġa gamit.

16 Kag may ilinaway sa tungâ ni Asa kag ni Baasa, nġa hari sa Israel, sa tanan nġa mġa adlaw nila.

17 Kag nagtaklad si Baasa, nġa hari sa Israel, batok sa Iuda, kag ginpatindug niya ang Rama, agud nġa indi pagtugutan sa paggowa, bisan sa pagsulúd ang bisan sin-o sang mġa sinakpan ni Asa, nġa hari sa Iuda.

18 Kag kinuha ni Asa ang tanan nġa pilak kag bulawan, nġa nagkabilin sa mġa bahandi sang Baláy ni Iehoba, kag sa mġa bahandi sang baláy sang hari kag gintugyan niya sila sa mġa kamut sang iya mġa alagad; kag ginpadalá sila sang hari nġa si Asa kay Benhadad, nġa anak ni Tabrimon, nġa anak ni Hesion, nġa hari sa Aram, nġa nagpuyô sa Damasko, nġa nagasiling:

19 "May katipan sa tungâ nakon kag



sa imo, kag sa tungâ sang akon amay kag sang imo amay: Yari karon, ako nagapadalâ sa imo sing isa ka dôlot nga pilak kag bulawan. Lakat-ka, kag boongâ ang imo katipan kay Baasa, nga hari sa Israel, agud nga magpalayô sia sa akon."

20 Kag si Ben-Hadad nagpamati sa hari nga si Asa, kag ginpadalâ niya ang mga pangolo sang iya mga kasoldadosan batok sa mga kabanwaan sa Israel, kag ginpilas niya ang Iyon, kag ang Dan, kag ang Abel-Bet-maaka, kag ang bug-os nga Kinerot, upud ang bug-os nga duta sa Neptali.

21 Kag sang pagkabati sini ni Baasa, naguntat sia sa pagpatindug sang Rama, kag nagpuyô sia sa Tirsâ.

22 Kag ang hari nga si Asa nagpatipon sang bug-os nga Israel, sa walâ gid sing nalasik, kag gindalâ nila ang mga batô kag ang mga kahoy, nga ginpatindug ni Baasa sa Rama; kag ang hari nga si Asa nagpatindug sa ila sa Geba sa Benyamin kag sa Mispâ.

23 Apang ang iban sang tanan nga mga binuhatan ni Asa kag ang tanan niya nga kagamhanan, kag ang tanan nga iya ginhimo, kag ang mga kabanwaan nga iya ginpatindug, ¿ walâ bala masulat ini sa tolon-an sang mga Kronika sang mga hari sa Iuda?

Apang sa panag-on sang iya katigulangon nanginmasakit sia sa iya mga tiil.

24 Kag nagtolog si Asa upud sang iya mga ginikanan, kag ginlubung sia sa banwa ni Dabid, nga iya Amay; kag naghari nga salili niya si Iosapat, nga iya anak.

Ginaguba ni Baasa ang balay ni Ieroboam kag naghari sia sa ibabaw ni Israel.

25 Kag si Nadab, nga anak ni Ieroboam, nagsugud sa paghari sa ibabaw ni Israel sa ikaduha ka tuig ni Asa, nga hari sa Iuda; kag naghari sia sing duha ka tuig sa ibabaw ni Israel.

26 Kag ginhimo niya ang malain sa atubangan sang mga mata ni Iehoba, nga naglakat sia sa dalan sang iya amay kag sa iya mga salâ, nga tungud sini ginpapakasalâ niya si Israel.

27 Kag si Baasa, nga anak ni Ahia, nga sa panimalây ni Isakar, nagpuhon batok sa iya; kag ginpilas sia ni Baasa, sa Gibeton, nga nahanungud sa mga

Pilistinhon, sang nalibutan ni Nadab kag sang bug-os nga Israel ang Gibeton.

28 Ginpatay ini ni Baasa sa ikatlo ka tuig ni Asa, nga hari sa Iuda, kag naghari sia nga salili niya.

29 Kag kutub nga nanginhari sia, ginpilas niya ang bug-os nga panimalây ni Ieroboam, kag walâ sia sing ginbiling kay Ieroboam nga nagaginhawa, tubtub nga nalaglag niya sia sono sang polong ni Iehoba, nga iya ginmitlang tungud sang iya alagad nga si Ahia, nga taga-Silo,

30 Tungud sang mga salâ ni Ieroboam, nga tungud sa ila ginpakasal-an niya, nga tungud sa ila ginpapakasalâ niya si Israel, sang pagpaakig nga ginpaakig niya si Iehoba, nga Dios ni Israel.

31 Kag ang iban sang mga binuhatan ni Nadab, kag ang tanan nga iya ginhimo, ¿ walâ bala tanan masulat sa tolon-an sang mga Kronika sang mga hari sa Israel?

32 Kag may inaway sa tungâ ni Asa kag ni Baasa, nga hari sa Israel, sa bug-os nga mga adlaw nila.

33 Sa ikatlo ka tuig ni Asa, nga hari sa Iuda, nagsugud sa paghari si Baasa, nga anak ni Ahia, sa ibabaw sang bug-os nga Israel sa Tirsâ; kag naghari sia sing duha ka pûlô kag apat ka tuig.

34 Kag ginhimo niya ang malain sa mga mata ni Iehoba, kag naglakat sia sa dalanon ni Ieroboam, kag sa iya salâ, nga tungud sini nagpapakasalâ sia kay Israel.

**16** KAG nag-abut ang polong ni Iehoba kay Iehu, anak ni Hanani, batok kay Baasa, nga nagasiling:

2 "Tungud kay ako nagpatindug sa imo sa yab-ok kag ginbutang ko ikaw nga dunganon sa ibabaw sang akon banwa nga Israel, kag ikaw naglakat sa dalanon ni Ieroboam, kag ginpapakasalâ mo ang akon banwa nga Israel, nga sa pagpaakig sa akon tungud sang ila mga salâ;

3 Yari karon, pagasilhigon ko si Baasa kag ang iya panimalây; kag pagai-butang ko ang imo balây, subung sang balây ni Ieroboam, nga anak ni Nabat.

4 Ang mamatay sa *panimalây* ni Baasa sa banwa, pagakaonon sia sang mga ido; kag ang mamatay sa iya sa lagoon, pagakaonon sia sang mga kapisipan sang langit."

5 Kag ang iban sang mġa binuhatan ni Baasa kag ang iya ginhimo, kag ang iya kagamhanan, ¿ walā bala masulat sa tolon-an sang mġa Kronika sang mġa hari sa Israel?

6 Kag nagtolog si Baasa upud sang iya mġa ginikanan, kag ginlubung sia sa Tirsā; kag naghari nġa salili niya si Ela, nġa iya anak.

7 Apang ang polong ni Iehoba nag-abut man kay Iehu, nġa manalagna, nġa anak ni Hanani, batok kay Baasa kag batok sa iya panimaláy, bangud sang tanan nġa kalainan, nġa iya ginhimo sa atubangan sang mġa mata ni Iehoba, nġa nagapaakig sa iya sa mġa binuhatan sang iya mġa kamut, nġa nanginsubung sang baláy ni Ieroboam, kag tungud kay ginpatáy man sia niya.

Si Simri kag si Omri, mġa hari sa Israel.

8 Sa tuig nġa ikaduha ka púlô kag anum ni Asa, nġa hari sa Iuda, nagsugud sa paghari si Ela, nġa anak ni Baasa, sa ibabaw ni Israel sa Tirsā, kag naghari sia sing duha ka tuig.

9 Kag nagpuhon batok sa iya ang iya alagad nġa si Simri, pangolo sang katungâ sang mġa kanga. Kag sang didto sia sa Tirsā, nġa nagainum kag nahobog, sa baláy ni Arsa, nġa tulugyanan sa ibabaw sang baláy sa Tirsā;

10 Nag-abut si Simri kag nagpilas kag nagpatay sa iya sa ikaduha ka púlô kag pito ka tuig ni Asa, nġa hari sa Iuda; kag naghari sia nġa salili niya.

11 Kag nahanabu, sang pagsugud niya sa paghari kag sang nagalingkod sia sa iya lingkoran nġa harianon, nġa ginpilas niya ang bug-os nġa baláy ni Baasa, nġa walā sia sing ginbilin bisan isa ka tawo, bisan ang iya mġa himata, bisan ang iya mġa abyan.

12 Kag ginlaglag ni Simri ang bug-os nġa baláy ni Baasa, sono sa polong ni Iehoba, nġa iya ginsiling kay Baasa, bangud sang manalagna nġa si Iehu,

13 Nahanungud sang tanan nġa mġa salâ ni Baasa, kag sang mġa salâ ni Ela, nġa iya anak, nġa tungud sa ila nakasalâ sila kag nġa tungud sa ila ginpakasalâ nila si Israel, nġa nagpaakig kay Iehoba, nġa Dios ni Israel, sa ila mġa kadayawan.

14 Kag ang iban nġa mġa binuhatan ni Ela, kag ang tanan nġa iya ginhimo,

¿ walā bala masulat sa tolon-an sang mġa Kronika sang mġa hari sa Israel?

15 Sa ikaduha ka púlô kag pito ka tuig ni Asa, nġa hari sa Iuda, nagsugud sa paghari si Simri, kag naghari sia sing pito ka adlaw sa Tirsā, kag ang banwa nagbutang sing dulugan batok sang Gibeton, nġa banwa sang mġa Pilistinhon.

16 Kag ang banwa nġa yara sa dulugan nakabati sang ginasiling: "Si Simri nagpuhon, kag ginpatay niya ang hari. Kag sa amo gid nġa adlaw, sa dulugan ang bug-os nġa Israel naghimo kay Omri, nġa pangolo sang kasoldadosan, nġa hari sa ibabaw ni Israel.

17 Kag si Omri kag upud sa iya ang bug-os nġa Israel nagtaklad gikan sa Gibeton kag ginlibutan nila ang Tirsā.

18 Kag sang pagkakita ni Simri, nġa nakuha na ang banwa, nagsulúd sia sa baláy nġa harianon sa baláy sang hari, kag gintutdan niya ang baláy sang hari, kag ginsunog niya sia sa ibabaw niya; kag namatay sia,

19 Bangud sang iya mġa salâ, nġa tungud sa ila nakasalâ sia, nġa nagahimo sing malain sa mġa mata ni Iehoba, kag nġa naglakat sia sa mġa dalanon ni Ieroboam kag sa iya salâ, nġa ginhimo niya, nġa sa pagpapakasalâ kay Israel.

20 Kag ang iban nġa mġa binuhatan ni Simri, kag ang pagpuhon nġa iya ginpadugi, ¿ walā bala masulat sa tolon-an sang mġa Kronika sa mġa hari sa Israel?

21 Niyan ang banwang Israel gintungâ: ang katungâ sang banwa nagsunud kay Tibni, nġa anak ni Ginat, sa paghimo sini nġa hari, kag ang isa ka katungâ nagsunud kay Omri.

22 Apang ang banwa nġa nagasunud kay Omri, nakasarang sing labi sa banwa nġa nagsunud kay Tibni, nġa anak ni Ginat, kag si Tibni namatay, kag si Omri naghari.

23 Sa ikakatloan kag isa ka tuig ni Asa, nġa hari sa Iuda, nagsugud sa paghari si Omri sa ibabaw ni Israel; kag naghari sia sing napúlô kag duha ka tuig: sa Tirsā naghari sia sing anum ka tuig.

24 Kag ginbakal niya kay Semer ang bukid sa Samaria sa duha ka talanton nġa pilak, kag nagbaláy sa ibabaw sang bukid, kag ginhingalanan niya ang banwa, nġa iya ginpatindug, nġa Samaria, sono sa ngalan ni Semer nġa tagiya any sang bukid.



25 Si Omri naghimo sang malain sa mġa mata ni Iehoba, kag naghimo sia sing labi pa ka lain sang tanan nġa mġa nanginuna sa iya.

26 Kay naglakat sia sa tanan nġa mġa dalanon ni Ieroboam, nġa anak ni Nabat, kag sa iya mġa salā, nġa tungud sa ila ginpapakasalā niya si Israel, nġa nagpaakig kay Iehoba, nġa Dios sa Israel, upud ang iya mġa kadayawan.

27 Kag ang iban sang mġa binuhatan ni Omri kag ang iya ginhimo, kag ang mġa kaisug nġa iya ginhimo, iwalā bala masulat sa tolon-an sang mġa Kronika sang mġa hari sa Israel?

28 Kag si Omri nagtolog upud sa iya mġa ginikanan, kag ginlubung sia sa Samaria, kag naghari nġa salili niya si Akab, nġa iya anak.

Ang pagdiwata ni Akab, nġa hari sa Israel.

29 Kag nagsugud si Akab, nġa anak ni Omri, sa paghari sa ibabaw ni Israel sang ikakatloan kag walo ka tuig ni Asa, nġa hari sa Iuda. Kag naghari si Akab, nġa anak ni Omri, sa ibabaw ni Israel, sa Samaria, sing duha ka púlō kag duha ka tuig.

30 Kag si Akab, nġa anak ni Omri, naghimo sang malain sa mġa mata ni Iehoba, nġa labaw sa tanan nġa nanginuna sa iya.

31 Kag kay daw nangindiyotay nġa butang nġa sa iya ang paglakat sa mġa salā ni Ieroboam, nġa anak ni Nabat, ginpanġasawa niya si Iesabel, nġa anak nġa babae ni Etbaal, nġa hari sang mġa Sidoninhon; kag nagpakadto sia kag nag-alagad sia kay Baal, kag nagyaub sia sa atubangan niya.

32 Kag nagpatindug sia sing halaran kay Baal, sa baláy ni Baal, nġa iya ginpatindug sa Samaria.

33 Kag si Akab naghimo man sing Ashera. Kag si Akab nagpalabaw pa sa pagpaakig kay Iehoba, nġa Dios sa Israel, labi pa sang tanan nġa mġa hari sa Israel, nġa nanginuna sa iya.

34 Sa iya panag-on si Hiel, nġa Bethelinhon, nagpatindug liwan sang Ieriko. Kay Abiram, ang iya panġanay, ginbutang niya ang mġa sadsaran sa iya, kag kay Segub, ang iya kamanghoran, ginbutang niya ang iya mġa gawang, sono sang polong ni Iehoba, nġa ginmitlang

niya tungud kay Iosue, nġa anak ni Nun.

Ang manalagna nġa si Elías sa sapa sa Kerit, kag sa balay sang balo nġa babae sa Sarepta.

17 KAG si Elias, nġa Tisbinhon, nġa isa sang mġa umalagi sa Galaad, nagsiling kay Akab: "Magkabuhi si Iehoba, nġa Dios sa Israel, nġa sa atubangan niya yari ako, nġa dili na magaulan bisan may tun-og, sa sining mġa tuig, kondi tungud sang akon polong."

2 Kag nag-abut sa iya ang polong ni Iehoba, nġa nagsiling:

3 "Halín-ka diri, kag balik-ka nayon sa Sidlangan, kag panago-ka sa kasulgan sa Kerit, nġa yara sa atubangan sang Iordan.

4 Kag magainum ka sa kasulgan; kag ako nagsogo sa mġa uwak, nġa paghatagan ka nila didto sing pagkaon."

5 Kag sia naglakat, kag ginhimo niya sono sang polong ni Iehoba: nagpakadto sia kag nagpuyō sia sa luyo sang kasulgan nġa Kerit, nġa yara sa atubangan sang Iordan.

6 Kag ang mġa uwak nagdalá sa iya sing tinapay kag unud sa aga, kag tinapay kag unud sa hapon, kag nagingum sia sa kasulgan.

7 Kag nahanabu, sa tapus sang pila ka adlaw, nagmala ang kasulgan, kay walā na magulan sa ibabaw sang duta.

8 Kag nag-abut sa iya ang polong ni Iehoba, nġa nagsiling:

9 "Tindug-ka, lakat-ka sa Sarepta, nġa nahanungud sa Sidon, kag magpuyō-ka didto: yari karon nagsogo ako didto sing isa ka babae nġa bálo, nġa magsagud sa imo."

10 Niyan sia nagtindug kag napakadto sa Sarepta. Kag sang pag-abut niya sa gawang sang banwa, yari karon, ang isa ka bálo nġa babae, nġa nagapamolot sing mġa gatong; kag iya sia gintawag, kag nagsiling sa iya: "Nagaampo ako sa imo, nġa dalhan mo ako sing diyotay nġa tubig sa isa ka ilimnan, agud nġa maginum ako."

11 Kag sang nagalakat sia sa pagkuha sa iya, nagtawag sia liwan sa iya, kag nagsiling: "Nagaampo ako sa imo, nġa dalhan mo ako sing isa ka timo nġa tinapay sa imo kamut."

12 Kag sia nagsiling: "Magkabuhi

si lehoha, nga imo Dios, nga walâ ako bisan isa ka torta, nga may isa gid lamang ako ka hakup nga harina sa tadyaw, kag diyotay nga lana sa isa ka tibud: kag yari karon, nagapamolot ako sing duha ka gatong, kag magasulúd ako kag magahimos ako sini nga sa akon kag nga sa akon anak nga lalaki, kag sang makakaon kami, magakalamatay kami.”

13 Kag si Elias nagsiling sa iya: “Dili ka mahadluk; sulúd-ka; himoa subung sang imo ginsiling; apang himoi ako sing úna sa iya sing isa ka diyotay nga torta, kag dalha sia diri sa akon sa go-wa, kag ugaling magahimo ka sang sa imo kag sang sa imo anak nga lalaki.

14 Kay si Iehoba, nga Dios sa Israel, nagsiling sing subung sini: Ang tadyaw sang harina indi maubusan, bisan mabuhinan ang tibud sang lana tubtub sad-tong adlaw nga si Iehoba magapaúlan sa ibabaw sang kadaygan sang duta.”

15 Kag naglakat sia kag ginhimo niya, subung sang polong ni Elias; kag nagkaon sia kag ang babae kag ang iya panimaláy sing *madamu* nga mga adlaw.

16 Kag ang tadyaw sang harina walâ maubusi, bisan nagbuhin ang tibud sang lana, sono sang polong ni Iehoba nga kinasiling tungud kay Elias.

17 Sa tapus sining mga butang, nahanabu nga nagmasakit ang anak nga lalaki sang tagbaláy; kag ang balatian nangintama ka bug-at, nga walâ na sia sing gininhawa.

18 Kag sia nagsiling kay Elias: “¿Ano bala ang akon sa imo, lalaki sang Dios? ¿Nagkari ka bala sa akon sa pagpanumdum sang akon mga salâ, kag sa pagpatay sang akon anak?”

19 Kag sia nagsiling sa iya: “Ihatag sa akon ang imo anak.” Niyan ginukuha niya ini sa iya sabak, kag gindala niya sia sa hulut nga mataas, nga didto nagpuyô sia, kag ginpahigda niya sia sa ibabaw sang iya higdaan.

20 Kag nagsingit sia kay Iehoba, nga nagsiling: “Iehoba, nga akon Dios, ginpakari mo man bala ang kalainan sa bálo, nga sa iya baláy nagapuyô ako, agud nga pagpatyon ang iya anak.”

21 Kag ginhap-an niya ang bátâ sing makatlo, kag nagsingit sia kay Iehoba, kag nagsiling: “Iehoba, nga akon Dios, ginaampo ko sa imo, nga ipasulúd mo liwan ang kalág sini nga bátâ sa iya.”

22 Kag ginpamhatian ni Iehoba ang

tingug ni Elias, kag ang kalág sang bátâ nagsulúd liwan sa iya, kag nabuhi liwan sia.

23 Kag kinuha ni Elias ang bátâ, kag ginpapanaug niya ini gikan sa hulut nga mataas sa baláy, kag ginhatag niya sia sa iya ilóy. Kag si Elias nagsiling: Yari karon ang imo anak nagakabuhi.”

24 Kag ang babae nagsiling kay Elias: “Karon nakilala ko, nga ikaw amo ang lalaki sang Dios, kag nga ang polong ni Iehoba sa imo bâbâ among kamatooran.

Si Elias kag ang mga manalagna ni Baal.

18 KAG sang lumigad na ang mada-mu nga mga adlaw, nag-abut ang polong ni Iehoba kay Elias, sa ikatlo ka tuig nga nagsiling: “Lakat-ka, pakita-ka kay Akab; kag ako magapaulan sa ibabaw sang kadaygan sang duta.”

2 Kag si Elias nagkadto sa pagpahayag kay Akab. Kag may daku nga gutum sa sadto nga dag-on sa Samaria.

3 Kag gintawag ni Akab si Abdias, nga iya tulugyanan sa baláy. Kag ang amo nga Abdias mahadlukon gid kay Iehoba.

4 Kay sang si Iesabel nagalaglag sa mga manalagna ni Iehoba, ginukuha ni Abdias ang isa ka gatus ka manalagna, nga gintago niya sila sa tagkinalim-an sa tagsa ka lungib, kag ginsagud niya sila sang tinapay kag tubig.

5 Kag nagsiling si Akab kay Abdias: “Lakat-ka sa kadutaan sa tanan nga mga tuburan sang tubig kag sa tanan nga mga kasulgan ayhan makakita kita sing halalban, nga makabuhi sa mga kabayo kag sa mga mula, kag indi ta pagalaglagon ang kasapatan.”

6 Kag ginbahinbahin nila ang kadutaan, sa paglibot sini: si Akab napakadto nga isa lamang sa isa ka dalan, kag si Abdias napakadto nga isa lamang sa isa liwan ka dalan.

7 Kag sang si Abdias yara sa dalan, yari karon, nasugata niya si Elias. Kag nakilala niya sia kag naghapa kag nagsiling: “¿Amo bala ikaw ang akon ginoo nga si Elias?”

8 Kag sia nagsabat: “Amo ako. Lakat-ka, isiling sa imo ginoo: Yari karon si Elias.”

9 Apang sia nagsiling: “¿Ano bala ang akon ginpakasal-an, agud nga imo



itugyan ang imo alagad sa kamut ni Akab, agud nga patyon niya ako?

10 Magkabuhi si Iehoba, nga imo Dios, nga walâ gid sing katawohan, bisan ginharian nga didto ang akon ginoo walâ magpadalâ sa pagpangita sa imo; kag sang nagsiling sila: Walâ sia diri, niyan ginpasumpa niya ang ginharian kag ang katawohan, nga walâ makakita sa imo.

11 Kag karon ikaw nagsiling: Lakat-ka, isiling sa imo ginoo: Yari diri si Elias.

12 Kag magakahanabu, nga sa makatalikod ako sa imo, ang Espiritu ni Iehoba magadalâ sa imo sa diin nga walâ nakon mahibalo; kag sa pagkadto nakon sa pagbalita kay Akab, kag indi ka niya makita, pagpatyon niya ako; kag walay sapayan ang imo alagad nahadluk kay Iehoba kutub sang akon pagkabata.

13 ¿Wala bala pagisiling sa akon ginoo ang ginhimo ko sang ginapatay ni Iesabel ang mga manalagna ni Iehoba? Gintago ko ang isa ka gatus ka lalaki sang mga manalagna ni Iehoba, sa tagkalim-an sa tagsa ka lungib, kag ginsagud ko sila sang tinapay kag tubig.

14 Kag karon nagsiling ka: Lakat-ka, kag isiling sa imo ginoo: Yari diri si Elias. Apang pagpatyon niya ako."

15 Kag nagsiling sa iya si Elias: Magkabuhi si Iehoba sang Sebaot, nga sa atubangan niya yara ako, nga karon magapakita ako sa iya."

16 Kag si Abdias naglakat sa pagsugata kay Akab, kag nagsugid sia sini sa iya. Kag si Akab nagkadto sa pagsugata kay Elias.

17 Kag sang nakita ni Akab si Elias, nagsiling sa iya si Akab: "¿Amo ikaw bala ang tawo nga nagapagamo sa Israel?"

18 Kag sia nagsabat: "Ako wala magapagamo sa Israel, kondi ikaw kag ang baláy sang imo amay, nga nagbiya kamo sang mga sogo ni Iehoba, kag nga nagsunud ka sa mga Baal.

19 Kag, padalâ-ka karon kag tipuna sa akon ang bug-os nga Israel sa bukid nga Karmelo, kag ang apat ka gatus kag kalim-an ka mga manalagna ni Baal, kag ang apat ka gatus ka mga manalagna sang Ashera, nga nagakalaon sa latok ni Iesabel."

20 Kag si Akab nagpadalâ sa tanan nga mga inanak ni Israel, kag gintipon

niya ang mga manalagna sa bukid nga Karmelo.

21 Kag sang nagpalapit si Elias sa bug-os nga banwa, nagsiling sia: ¿"Tub-tub bala san-o magpiliniang kamo sa tungâ sang duha ka kilid? Kon si Iehoba among Dios, sunda-ninyo sia; kag kon si Baal, sunda-ninyo sia." Kag ang banwa walâ magsabat bisan isa ka polong.

22 Kag si Elias nagsiling sa banwa: "Ako lamang ang nabilin nga manalagna ni Iehoba; apang ang mga manalagna ni Baal may apat ka gatus kag kalim-an ka tawo.

23 Busa, hatagi kami sing duha ka tinday nga baka; magapilili sila nga sa ila sang isa sang mga tinday nga baka, kag pagautuduturon sia nila, kag pagaibutang nila sia sa ibabaw sang gatong, apang indi nila pagabutangan sang kalayo sia; kag ako magahanda sang isa ka tinday nga baka, kag pagaibutang ko ini sa ibabaw sang gatong, kag indi ako magabutang sing kalayo sa iya.

24 Kag magatawag kamo sa ngalan sang inyo dios, kag ako magapanawag sa ngalan ni Iehoba. Kag ang Dios nga magsabat tungud sa kalayo, ini magamangin-Dios." Kag ang bug-os nga banwa nagsabat, nga nagsiling: "Maya ini nga polong?"

25 Kag si Elias nagsiling sa mga manalagna ni Baal: "Pilili-kamo nga sa inyo sing isa ka baka, kag amana-ninyo sia anay, kay kamo among labaw sa kadamuon: kag panawag-kamo sa ngalan sang inyo dios, apang indi ninyo pagbutangan sang kalayo."

26 Kag ginkuha nila ang tinday nga baka, nga ginhatag sa ila, kag ginhandang nila sia, kag gintawag nila ang ngalan ni Baal, kutub sa aga tubtub sa udto, nga nagsiling: "Baal, sabta kami." Apang walay tingug, bisan pagsabat. Kag sila nagalinumpatlumpat sa palibot sang halaran nga ginhimo nila.

27 Kag nahanabu, sang udto, nga si Elias naguligay sa ila, kag nagsiling: "Silingit-kamo sa mabaskug nga tingug, kay dios sia. Apang nagapamalandong, sia; kon nagpalayo sia, kon sa panlakanan sia. ¿Ayhan bala nagakatolog sia kag magamata sia?"

28 Kag sila nagatuluwaw sa mabaskug nga mga tingug, kag nagapilas sila sa ila sang mga sundang kag sang mga budyak,

sono sa ila pamatasan, tubtub nga mag-ilig ang dugo sa ibabaw nila.

29 Kag sang nagligad ang udto, nagtalagna sila tubtub sa oras sang halad sang dólót, kag walay tingug, bisan pag-sabat, bisan tanda sa pagtalupangud.

30 Kag si Elias nagsiling sa bug-os nga banwa: "Palalapit-kamo sa akon." Kag ang bug-os nga banwa nagpalapit sa iya; kag ginkaáyô niya ang halaran ni Iehoba, nga naguba.

31 Kag nagkuha si Elias sang napúlô kag duha ka bató, sono sang kadamuon sang mga kabikahan sang mga anak ni Iakob, nga nag-abut sa iya ang polong ni Iehoba, nga nagsiling: "Si Israel magamanginimo nañalan."

32 Kag sa sining mga bató ginpatindug niya ang isa ka halaran sa ngalan ni Iehoba; kag naghimo sia sa palibot sang halaran sing isa ka silog nga daw mai-goan sang duha ka sukub sang binhi.

33 Kag gimbálay niya ang gatong, kag ginutudutúd niya ang tinday nga baba, kag ginbutang niya ini sa ibabaw sang gatong.

34 Kag nagsiling sia: "Pun-a-ninyo ang apat ka bangâ sang tubig, kag iula-ninyo sia sa ibabaw sang halad nga sinunog, kag sa ibabaw sang gatong." Kag nagsiling sia: "Himoa-ninyo ini sing makaduha." Kag sa liwan ginhimo nila ini. Kag nagsiling sia: "Himoa-ninyo ini sing makatlo." Kag sa makatlo ginhimo nila ini.

35 Kag ang tubig nagilig sa palibot sang halaran; kag napunô man sang tubig ang silog.

36 Kag sa oras sang paghalad sang halad nga sinunog, nagpalapit ang manalagna nga si Elias, kag nagsiling: "Iehoba, Dios ni Abraham, ni Isaak, kag ni Israel, makilala karon nga ikaw among Dios sa Israel, kag nga ako among imo alagad, kag nga tungud sang imo sogo ginhimo ko ining tanan nga mga butang.

37 Sabta ako, Iehoba, sabta ako, agud nga ini nga banwa magkilala nga ikaw, oh Iehoba, amo ikaw ang Dios, kag nga ikaw gid magpabalik sang tagiposoan nila."

38 Kag naholog ang kalayo ni Iehoba, kag nagupúd sia sang halad nga sinunog kag sang gatong, kag sang mga bató, kag sang yab-ok, kag gindilaan pa niya ang tubig nga yadto sa silog.

39 Kag sang nakita ini sang bug-os

nga banwa, naghalapa sila, kag nagsiling: "Si Iehoba among Dios, si Iehoba among Dios."

40 Kag nagsiling sa ila si Elias: "Dalakpa-ninyo ang mga manalagna ni Baal, nga walâ gid sing magpalagyo." Kag gindalakup nila sila. Kag ginpadulhog sila ni Elias sa kasulgan sa Kison, kag didto ginpugutan niya sila.

41 Kag niyan si Elias nagsiling kay Akab: "Taklad-ka karon, kag inum-ka, kay may tingug sang huganas sang ulan."

42 Kag nagtaklad si Akab sa pagkaon kag sa pag-inum; apang si Elias nagtukad sa putokputokan sang Karmelo, kag sang naghapa sa duta, ginbutang niya ang iya tungung sa tungâ sang iya mga tuhod.

43 Kag nagsiling sia sa iya solagoon; "Taklad-ka karon, ginaampo ko sa imo kag tulok-ka nayon sa dagat." Kag sia nagtaklad, kag nagtulok, kag nagsiling: "Wala gid sing ano." Kag nagsiling sia: "Balik-ka sing makapito."

44 Kag sa makapito nahanabu, nga nagsiling sia: "Yari karon ang isa ka diyotay nga gal-um, subung sang palad sang kamut sang isa ka tawo, nga nagsaka gikan sa dagat." Kag si Elias nagsiling: "Taklad-ka kag isiling-mo kay Akab: Magtakud kag magdulhog-ka, agud indi ka pagupangon sang ulan."

45 Kag nahanabu, sa sulúd sang isa ka tion, nga ang mga langit nagdululum nga may mga gal-um kag hangin, kag may isa ka daku nga ulan. Kag si Akab, nagsaka sa kanga kag nagkadto sa Iesreel.

46 Kag ang kamut ni Iehoba naningin sa ibabaw ni Elias, kag sia nagwagkus sang iya mga hawak, kag nagdalagan sa atubangan ni Akab, tubtub nayon sa Iesreel.

Nagapalagyo si Elias sa atubangan ni Iesabel tubtub sa Horeb.

**19** KAG si Akab nagbalita kay Iesabel sang tanan nga ginhimo ni Elias, kag kon paano nga ginpamatay niya sa hinganiban ang tanan nga mga manalagna;

2 Kag nagpadalá si Iesabel kay Elias sang isa ka manugbalita, nga nagasing: "Maghilimo sing subung sini ang mga dios, kag sing subung magdulugang sila, kon boas sa sining oras indi ko



mabutang ang imo kabuhi subung sang kabuhi sang isa sa ila."

3 Kag sang nakita niya ini, nagtindug sia kag naglakat sa *pagluwas* sang iya kabuhi. Kag nag-abut sia sa Beer-seba, nga nahanungud sa Iuda, kag ginbayaan niya didto ang iya sologoon.

4 Kagsia nagpakadto sa kahanayakan sing isa ka adlaw nga panlakatan, kag nagkadto sia sa paglingkod sa idalum sang isa ka enebro; kag nagpangayô sia sang kamatayon nga sa iya kalág, nga nagasiling: "Tuman na, oh Iehoba; kuhaa ang akon kalág, kay indi ako labi kaayo pa sang akon mga ginikanan."

5 Kag naghigda sia, kag natologan sia sa idalum sang isa ka enebro, kag yari karon, ang isa ka manugtunda nagkuhit sa iya, kag nagsiling sa iya: "Tindug-ka, kaon-ka."

6 Kag nagtulok sia, kag yari karon, sa iya olohan ang isa ka torta nga linuto sa ibabaw sang mga bató nga mainit, kag isa ka bangâ nga tubig; kag nagkaon sia kag nag-inum, kag nagbalik sia sa pagtolog.

7 Kag sang nagbalik ang manugtunda ni Iehoba sa makaduha, nagkuhit sia sa iya, nga nagasiling: "Tindug-ka, kaon-ka; kay tama pa kalawig ang dalanon nga sa imo.

8 Busa, nagtindug sia, kag nagkaon kag, naginum, kag naglakat sia sa kapag-unan sa sadtong pagkaon sing kap-atan ka adlaw kag kap-atan ka gab-i, tuhtub sa Horeb nga bukid sang Dios.

9 Kag didto, nagsulúd sia sa lungib, nga didto sia naglugda. Kag yari karon, sa iya nag-abut ang polong ni Iehoba, kag nagsiling sia sa iya: "¿Ano bala ang ginahimo mo diri, Elias?"

10 Kag sia nagsabat: "Sinabnit ako sang kaimon tungud kay Iehoba, nga Dios sang Sebaot; kay ang mga inanak ni Israel nagbiliya sang imo katipan, ginpanguba nila ang imo mga halaran, kag ginpatay nila sa hinganiban ang imo mga manalagna, kag ako lamang ang nabilin; kag ginapanigita nila ang akon kabuhi sa pagkuha sa iya."

11 Kagsia nagsiling: "Gowa-ka, kag tindug-ka sa bukid sa atubangan ni Iehoba. Kag yari karon, si Iehoba nga magaagi; kag ang isa ka duku kag gamhanan nga hangin nga nagaboong sang mga bukid kag nagapugday sang mga pil-as sa atubangan ni Iehoba; apang

si Iehoba walâ sa hangin. Kag sa olehe sang hangin, isa ka linog; apang si Iehoba walâ sa linog.

12 Kag sa olehe sang linog, isa ka kalayo; apang si Iehoba walâ sa kalayo. Kag sa olehe sang kalayo, isa ka tingug nga matam-is kag mahomok."

13 Kag sang nabatian ini ni Elias, gintabunan niya ang iya nawung sang iya kunup, kag naggowa, kag nagdúlog sia sa salamputan sang lungib. Kag yari karon, nag-abut ang isa ka tingug sa iya, nga nagasiling: "¿Ano bala ang ginahimo mo diri, Elias?"

14 Kag sia nagsiling: "Ginsabnit ako sang isa ka kaimon tungud kay Iehoba, nga Dios sang Sebaot; kay ang mga inanak ni Israel nagbiliya sang imo katipan, ginpanguba nila ang imo mga halaran, kag ginpamatáy nila sa hinganiban ang imo mga manalagna, kag ako lamang ang nabilin, kag ginapanigita nila ang akon kabuhi sa pagkuha sa iya."

15 Kag nagsiling sa iya si Iehoba: "Lakat, balik-ka sa imo dalan, sa kahanayakan sang Damasko; kag magasulúd-ka, kag magahaplas ka kay Hasael nga hari sa Aram;

16 Kag kay Iehu, anak ni Nimsi, pagahaplason mo nga hari sa ibabaw sang Israel. Kag kay Eliseo, anak ni Sapat, nga taga-Abelmehula, pagahaplason mo nga manalagna nga salili nimo.

17 Kag mahanabu, nga ang magpalagyo sa hinganiban ni Hasael, pagapatyon ini ni Iehu; kag ang magpalagyo sa hinganiban ni Iehu, si Eliseo magapatay sa iya.

18 Kag pagaibilin ko sa Israel ang pito ka libo, ang tanan nga mga tuhod nga walâ magluhod kay Baal, kag ang tanan nga mga bâbâ nga walâ maghalaluk sini."

19 Kag nagtaliwan sia didto, kag nakita niya si Eliseo, anak ni Sapat, nga nagadaro, nga may napúlô kag duha ka tagduhaduha ka baka sa úna niya, kag sia yara upud sa ikapúlô kag duha. Kag si Elias nag-agi nayon sa iya, kag ginahiboy niya sa ibabaw niya ang iya kunup.

20 Kag sang binayaan niya ang mga baka, nagadalagan sia sa olehe ni Elias, kag nagsiling: "Ginaampo ko sa imo, nga pahalukon mo ako anay sa akon amay kag sa akon ilóy, kag ugaling magaupud ako sa imo. Kag sia nagsiling

sa iya: "Lakat, kag balik-ka. Apang, ano bala ang ginhimo ko sa imo?"

21 Kag nagbalik sia sa olehe niya, kag nagkuha sia sing duha ka baka, kag gin-ihaw niya sila, kag ginluto niya ang unud nila sa mga galamiton sang mga baka, kag ginhatag niya sia sa banwa, kag nagkalalaon sila, kag nagtindug sia kag naglakat sa olehe ni Elias, kag nagalagad sia sa iya.

Inaway sa tunga ni Akab kag ni Ben-Hadad,  
hari sa Aram, kon Siria.

**20** KAG si Ben-Hadad, hari sa Aram, nagtipon sa bug-os niya nga kagamhanan, kag yara upud sa iya katloan kag duha ka hari, kag mga kabayo, kag mga kanga. Kag nagtaklad sia kag ginlibutan niya ang Samaria, kag ginaway niya sia.

2 Kag nagpadala sia sing mga manugbalita sa banwa kay Akab, nga hari sa Israel, kag nagsiling sia sa iya:

3 "Amo ining ginsiling ni Ben-Hadad: Ang imo pilak kag ang imo bulawan akon, kag ang imo mga kababaynan kag ang imo mga anak nga mga mayoayo, akon sila."

4 Kag ang hari sa Israel nagsabat, kag nagsiling: "Subung sang imo ginsiling, hari nga ginoo ko, imo ako, kag ang tanan nga akon."

5 Kag sang nagbalalik ang mga manugbalita, nagsiling sila: "Amo ining ginsiling ni Ben-Hadad, nga nagsiling: Sang nagpadala ako sa imo sa pagsiling: Ang imo pilak kag bulawan, kag ang imo mga kababaynan kag ang imo mga anak pagaihatag mo sa akon:

6 Manginmatuud gid nga buas sa sining oras nagpadala ako sa imo sang akon mga alagad, nga sila magaulusisa sang imo balay kag sang mga balay sang imo mga alagad, kag pagakuhaon sila nila sa ila mga kamut kag pagadalon nila ang tanan nga mahamut-an sa imo mga mata."

7 Kag gintawag sang hari sa Israel ang tanan nga mga tigulang sang duta, kag nagsiling: "Hangpa-ninyo, kag tanawa-ninyo karon, nga amo ang aton kailanan nga ginapangita sining tawo; kay nagpadala sia sa akon sa pagpangayo sang akon mga kababaynan, kag sang akon mga anak, kag sang akon pilak,

kag sang akon bulawan, kag ako wala magdumili sini sa iya."

8 Kag ang tanan nga mga tigulang, kag ang bug-os nga banwa nagsalabat sa iya: "Indi ka magpamati sa iya, bisan magpahauyon."

9 Kag sia nagsabat sa mga manugbalita ni Ben-Hadad: "Isiling-ninyo sa hari, nga akon ginoo: Pagahimoon ko ang tanan nga ginsogo mo sa imo alagad sa nahauna; apang ini indi ako sarang makahimo." Kag ang mga manugbalita naglalakat, kag ginhatag nila sa iya ang sabat.

10 Kag si Ben-Hadad nagpadala sa iya sa pagsiling: "Amo ini ang paghimo sa akon sang mga dios, kag amo ini ang magdulugang sa akon, kon ang yab-ok sa Samaria mangintuman sa pagpunô sang mga kamut sang bug-os nga banwa, nga nagasunud sa akon."

11 Kag ang hari sa Israel nagsabat kag nagsiling: "Isiling-ninyo sa iya, nga indi magdayaw sa iya ang nagapangwagkus sang *hinangiban* subung sang nagakuha sini."

12 Kag sang nabatian ni Ben-Hadad ini nga polong, sang nagainum sia upud sang mga hari sa mga payag, nagsiling sia sa iya mga alagad: "Pahamtangkamo sang pasunud." Kag sila nagpahamtang sing pasunud batok sa banwa.

13 Kag yari karon, ang isa ka manalagna nagpalapit kay Akab, hari sa Israel, kag nagsiling sa iya: "Amo ining ginsiling ni Iehoba: Nakita mo bala inang duku nga kadam-an? Yari karon, igatugyan ko sia karon sa imo kamut, agud nga magkilala ka nga ako amo si Iehoba."

14 Kag nagsabat si Akab: "¿Tungud bala sa kay sin-o?" Kag sia nagsiling: "Amo ining ginsiling ni Iehoba: Tungud sang mga solagoon sang mga dunganon sang mga probinsia." Kag si Akab nagsiling: "Sin-o bala ang magasugod sang inaway?" Kag sia nagsabat: "Ikaw."

15 Kag ginusisa niya ang mga solagoon sang mga dunganon sang mga probinsia, nga nanginduha ka gatus katloan kag duha sila. Ugaling ginusisa niya ang bug-os nga banwa, ang tanan nga mga inanak ni Israel, nga *nanginipito* ka libo sila.

16 Kag naghimo sila sing paggowa sa Bagatnan; kag si Ben-Hadad yara sa



payagpayag nga nagainum, nga hubug sia kag ang mga hari, ang katloan kag duha ka hari nga nagbululig sa iya.

17 Kag ang mga sologoon sang mga dunganon sang mga probinsia, ang mga naggulowa sing una. Kag kinapadalá ni Ben-Hadad, kag nagsugid sa iya, nga nagasiling: "Naggulowa ang mga tawo gkan sa Samaria."

18 Kag nagsiling sia: "Kon sa paghidaet nga nagulowa sila, pandakpa-ninyo sila nga mga buhi; kag kon sa pag-away nga naggulowa sila, pandakpa-ninyo sila nga mga buhi."

19 Busa ini sila naggulowa gikan sa banwa, ang mga sologoon sang mga dunganon sang mga probinsia *sing una* kag sa olehe nila nagsunud ang kasoldadosan.

20 Kag ginpilas sang tagsatagsa ang iya tawo; kag nagpalalagyo ang mga taga-Aram kag ginlagas sila sang Israel. Kag si Ben-Hadad, nga hari sa Aram, nagpalagyo sa isa ka kabayo upud sang pila ka manugkabayo.

21 Kag naggowa ang hari sa Israel, kag ginpilas niya ang mga kabayo kag ang mga kanga; kag ginpilas niya ang Aram nga may dakung kinamatay.

22 Kag nag-abut ang manalagna sa hari sa Israel, kag nagsiling sa iya: "Lakat, pamag-on-ka, kag hangpa kag tan-awa ang imo pagahimoon; kay sa pagbalik sang tuig ang hari sa Aram magataklad batok sa imo."

23 Kag ang mga alagad sang hari sa Aram nagsililing sa iya: "Ang ila mga dios mga dios sang mga kabukiran; tungud sini naglandas sila sa aton; apang mag-away kita sa ila sa kapatagan, kag tan-awon naton kon indi naton sila malandas."

24 Busa, himoa ang subung sini: Kuhaa ang mga hari ang tagsatagsa sa iya nahamtangan, kag butangi sang mga pangolo nga salili nila.

25 Kag ikaw, kuha-ka sing isa ka kasoldadosan nga sa imo, subung sang kasoldadosan nga gindula mo, kag sang kadamuon nga mga kabayo, subung sang mga kabayo mo anay, kag sang kadamuon nga mga kanga, subung sang mga kanga mo anay; magpakigaway kita sa ila sa kapatagan, kag *tan-awon naton* kon indi naton sila malandas." Kag sia nagpamati sang tingug nila, kag ginhimo niya ang subung sini.

26 Kag nahanabu, sang pagbalik sang tuig nga ginusisa ni Ben-Hadad ang Aram, kag nagtaklad sia sa Apek sa pag-away batok sa Israel.

27 Kag ang mga inanak ni Israel ginpausisa man, kag nakaaman sila sang mga balon kag naglalakat sila sa pagsugata sa ila. Kag nagpalahamtang sing dulugan ang mga inanak ni Israel sa atubangan nila, subung sang duha ka kinabon nga magamay sang mga kanding, kag ginpunô sang mga taga-Aram ang duta.

28 Kag sang nagpalapit ang tawo sang Dios, naghambal sia sa hari ni Israel, nga nagasiling: "Amo ining ginasiling ni Iehoba: Tungud kay nagsililing ang Aram, nga si Iehoba among Dios sang kabukiran kag indi Dios sang mga nalupyakan, pagaitugyan ko ining bug-os nga dakung kadam-an sa imo kamut, kag magkilala kamo, nga ako amo si Iehoba."

29 Sa pito ka adlaw nagpahamtang sila sang dulugan ang mga iban sa atubangan sang mga iban. Kag sa ikapito ka adlaw nagilinaway, kag ginpilas sang mga inanak ni Israel ang Aram, nga ginpamatay nila sa isa ka adlaw, ang isa ka gatus ka libo ka tawo nga nagalalakat.

30 Kag ang iban nagpalagyo sa Apek, sa banwa; kag ang kuta napukan sa ibabaw sang duha ka púlô kag pito ka libo ka tawo nga nagkalabilin. Kag si Ben-Hadad nagpalagyo *man* kag nagsulúd sia sa banwa, kag *nagapanago* sia sa hulot kag sa hulot.

31 Kag ang iya mga alagad nagsililing sa iya: "Yari karon, nakabati kami sang mga hari sang baláy sa Israel nga mga maloloy-on sila nga mga hari. Tuguti nga kita magbutang sing mga panapton nga masinakiton sa aton mga hawak, kag mga lubid sa aton mga olo, kag nga maggulowa kita sa hari sa Israel: ayhan pagapabayaan niya nga magkabuhi ang imo kalág."

32 Kag ginwagkusan nila ang ila mga hawak sang mga panapton nga masinakiton, kag mga lubid sa ila olo, kag nag-alabut sila sa hari sa Israel, kag nagsililing sila: "Ang imo alagad nga si Ben-Hadad nagasiling: Ginaampo ko sa imo, nga magkabuhi ang akou kalág." Kag si Akab nagsiling: "Nagkabuhi pa bala sia? Akon útud sia."

33 Ini ginpakamaayo nga timaan sad-tong mga tawo, kag sa madali ginsaligan nila ini nga polong, kag nagsililing sila: "Ang imo útud nga si Ben-Hadad." Kag sia nagsiling: "Lakat-kamo, kag dalha-ninyo sia diri." Kag si Ben-Hadad naggowa pakadto sa iya, kag ginpasaka niya sia sa isa ka kanga.

34 Kag nagsiling sa iya si *Ben-Hadad*: "Ang mga banwa nga ginkuha sang akon amay sa imo amay, pagaiuli ko sila sa imo; kag maghimo ka sing mga dalan sa Damasko nga sa imo, subung sang ginhimo sang akon amay sa Samaria." "Kag ako, *nagsiling si Akab*, sa sini nga katipan magatugut ako sa imo nga magkadto ka." Kag naghimo sia sa iya sing katipan, kag gintugutan niya nga magkadto sia.

35 Kag ang isa ka tawo sang mga inanak sang mga manalagna nagsiling sa iya kaupud, sa polong sang Dios: "Pilasa ako, ginaampo ko sa imo." Apang ini nga tawo nagdumili sa pagpilas sa iya.

36 Kag sia nagsiling sa iya: "Tungud kay walâ ka magpamati sa polong ni Iehoba, yari karon, nga sa pagbulag mo sa akon, pagapilason ka sang isa ka leon." Kag sang pagbulag niya sa iya, nasugata sia sang isa ka leon, kag ginpilas niya sia.

37 Ugaling nasugata niya ang isa ka tawo, kag nagsiling sia: "Pilasa ako, ginaampo ko sa imo." Kag ang tawo nagpilas sa iya, nagpilas sia sa iya kag ginhimoan sia sing pilas.

38 Kag ang manalagna naglakat, kag nagtindug sia sa dalan sang hari, kag nagsuklub sia sa indi pagpakilala, nga may tabon sa ibabaw sang mga mata.

39 Kag sang nagaagi ang hari, sia nagsingit kag nagsiling sa hari: "Ang imo alagad naggowa sa tungâ sang ilin-away, kag yari karon ang isa ka tawo nagbulag kag nagdalâ sia sa akon sing isa ka tawo, nga nagsiling: Bantayi ini nga tawo. Kag kon madula sia, ang imo kalâg magamanġintungud sang iya kalâg, kon magabayad ka sing isa ka talanton nga pilak.

40 Kag sang ang imo alagad may kalibangan diri kag didto, ang tawo nadula." Kag ang hari sa Israel nagsiling sa iya: "Ina magamanġinimo paghukom: ikaw gid ang nagtapat."

41 Apang sia sa madali nagkuha sang

tabon sa ibabaw sang iya mga mata, kag nakilala sang hari sa Israel, nga amo sia ang isa sang mga manalagna.

42 Kag sia nagsiling sa iya: "Amo ining ginasiling ni Iehoba: Tungud kay gintugutan mo sa pagkadto gikan sa imo mga kamut ang tawo nga gintagudilian ko, ang imo kalâg magamanġintungud sang iya kalâg, kag ang imo banwa tungud sang iya banwa."

43 Kag ang hari sa Israel nagpauli sa iya balây nga masubo kag maalipung-ton; kag nag-abut sia sa Samaria.

Si Nabot ginapatay tungud sa sogo ni Iesabel.—Si Elias nagatagna sang kapapasan sang balay ni Akab.

21 SA olehe sining mga butang, nahanabu nga si Nabot, nga taga-Iesreel, may isa ka kaubasan sa Iesreel sa luyo sang balây nga harianon ni Akab, nga hari sa Samaria;

2 Kag nga si Akab naghambal kay Nabot, nga nagsiling: "Ihatag sa akon ang imo kaubasan, agud nga paghimoan ko sa iya ang isa ka katamnan sa mga ulutanon, kay malapit sia sa luyo sang akon balây, kag ako magahatag sa imo tungud sa iya sang isa ka kaubasan nga maayo pa sang sini; kag kon ginapakamaayo ini sa imo mga mata, pagabayaran ko ikaw sang iya bili sa kuarta."

3 Kag si Nabot nagsiling kay Akab: "Malayô sa akon sa bahin ni Iehoba, nga ako maghatag sa imo sang panublion sang akon mga ginikanan."

4 Kag nag-abut si Akab sa iya balây nga masubo kag maalipung-ton tungud sang polong, nga kinasiling sa iya ni Nabot, nga taga-Iesreel, nga nagsiling: "Indi ko pagaihatag sa imo ang panublion sang akon mga ginikanan." Kag naghigda sia sa iya higdaan, kag nagtalingi sia, kag walâ magkaon sang tinapay.

5 Kag nag-abut sa iya ang iya asawa nga si Iesabel, kag nagsiling sa iya: "¿Kay nga bala nagakasubo gid ang imo espiritu, kag walâ ka magakaon sang tinapay?"

6 Kag sia nagsabat: "Kay naghambal ako kay Nabot, nga taga-Iesreel, kag nagsiling ako sa iya: Ihatag mo sa akon ang imo kaubasan tungud sa kuarta; ó kon luyag mo ini, pagaha-



tagan ko ikaw sang *isa* ka kaubasan tungud sa iya; kag sia nagsabat: Ako indi magahatag sa imo sang akon kaubasan."

7 Kag si Iesabel, nga iya asawa, nagsiling sa iya: "¿Hari ka bala karon sa ibabaw sang Israel? Tindug-ka, magkaon sang tinapay, kag magkalipay ang imo tagiposoon: ako magahatag sa imo sang kaubasan ni Nabot, nga taga-Iesreel."

8 Kag nagsulat sia sing mga sulat sa ngalan ni Akab, kag ginpat-inan niya sila sang iya pat-in, kag ginpadalá niya sila sa mga tigulang, kag sa mga dunganon nga nagapuluyô sa iya banwa upud kay Nabot.

9 Kag nagsulat sia sa mga sulat nga nagsiling: "Balantala-kamo sang puasa, kag ibutang ninyo si Nabot sa olohan sang banwa;

10 Kag ipahamtang-ninyo ang duha ka tawo, nga mga anak ni Belial sa atubangan niya, nga magsalaksi batok sa iya, nga nagsililing: Ikaw nagpasipala sa Dios kag sa hari. Kag pagpagowaa-ninyo sia, kag batohon-ninyo sia, kag mamatay sia."

11 Kag ang mga tawo sa iya banwa, ang mga tigulang kag ang mga dunganon, nga nagapuluyô sa iya banwa, naghilimo sini, siling sang ginsogo sa ila ni Iesabel, sono sa nasulat sa mga sulat, nga kinapadalá niya sa ila.

12 Nagbalantala sila sang puasa, kag ginpahamtang nila si Nabot sa olohan sang banwa.

13 Kag nag-alabut ang duha ka tawo nga mga anak ni Belial, kag naglilingkod sila sa atubangan niya; kag yadtong mga tawo ni Belial nagsalaksi batok kay Nabot sa atubangan sang banwa, nga nagsililing: "Si Nabot, nagpasipala sa Dios kag sa hari." Kag ginpagowa sia sa gowa sang banwa, kag ginbalatô nila sia sang mga batô, kag namatay sia.

14 Kag nagpaladalá sila sa pagsiling kay Iesabel: "Si Nabot ginbatô kag namatay."

15 Kag sang nabatian ni Iesabel, nga kinabatô kag pinatay si Nabot, nagsiling sia kay Akab: "Tindug-ka kag mag-angkon sang kaubasan ni Nabot, nga taga-Iesreel, nga sia nagdumili sa paghatag sa imo tungud sa kuarta;

kay si Nabot walâ na magakabuhi, kondi nga ginpatay sia."

16 Kag sang nabatian ni Akab nga si Nabot patay na, nagtindug sia sa pagdulhog sa kaubasan ni Nabot, nga taga-Iesreel, nga sa pagtagiya sa iya.

17 Kag nag-abut ang polong ni Iehoba kay Elias, nga Tisbinhon, nga nagasing:

18 Tindug-ka, dulhog-ka sa pagsugata kay Akab, nga hari sa Israel, nga *nagahari* sa Samaria: yari karon sia yara sa kaubasan ni Nabot, nga sa iya nagdulhog sia sa pagtagiya sa iya;

19 Kag pagahambalon mo sia, nga nagsiling: Amo ining ginasing ni Iehoba: ¿Walâ mo bala pagpatya kag gin-angkon man nimo? Kag magahambal ka, nga nagsiling: Amo ining ginasing ni Iehoba: Sa amo gid nga duug nga didto nagdililap ang mga ido sang dugo ni Nabot, ang mga ido magadililap man sang imo dugo, sang imo gid."

20 Kag si Akab nagsiling kay Elias: "¿Nakit-an mo bala ako, kaaway ko?" Kag sia nagsiling: "Nakita ko ikaw, kay nagbaligya ka sa imo sa paghimo sing kalainan sa mga mata ni Iehoba.

21 Yari karon, ako magapakari sang kalainan sa ibabaw nimo, kag pagapasilhigan ko ikaw, kag pagautdon ko kay Akab ang tanan gid nga lalaki, ang ginlalila subung man ang gimbayaan sa Israel.

22 Kag ako magabutang sang imo baláy subung sang baláy ni Ieroboam, anak ni Nebat, kag subung sang baláy ni Baasa, anak ni Ahia, tungud sang pagpaakig nga sa iya ginpaakig mo ako sa kaakig, nga nagapapakasalâ ka sang Israel."

23 Kag amo man naghambal si Iehoba kay Iesabel, nga nagsiling: "Ang mga ido magakalaon kay Iesabel sa kabakuran sang kuta sa Iesreel.

24 Ang sa *panimaláy* ni Akab nga mamatay sa banwa, ang mga ido magakalaon sa iya; kag ang mamatay sa latagon, pagakaonon sia sang mga kapisipsan sang langit."

25 Sa pagkamatuud, walâ gid sing nanginsubung kay Akab, nga nagbaligya sa iya sa paghimo sang malain sa mga mata ni Iehoba, kay si Iesabel, nga iya asawa, nagsugyot sa iya,

26 Kag nga nagginawi sia sa bagay nga kalangil-aran gid, nga nagalakat sa olehe

sang mġa larawan, sono sa tanan nġa ginhilimo sang mġa Amorphon, nġa sila gintabog ni Iehoba sa atubangan sang mġa inanak ni Israel.

27 Kag nahanabu, sang nabatian ni Akab ining mġa polong, nġa gingisi niya ang iya mġa panapton, kag nagbutang sing mġa panapton nġa masinakiton sa ibabaw sang iya unud, kag nagpuasa sia ; kag naghigda sia sa panapton nġa masinakiton, kag naglakat sia nġa mahipus.

28 Kag nag-abut ang polong ni Iehoba kay Elias, nġa Tisbinhon, nġa nagsiling :

29 " ħ Nakit-an mo bala kon paano nġa si Akab nagpapaubus sa atubangan nakon ? Kay tungud nġa nagpaubus sia sa atubangan nakon, indi ko pagapakarion ang kalainan sa iya mġa kaadlawan : sa mġa kaadlawan sang iya anak pagapakarion ko ang kalainan sa ibabaw sang iya balay."

Si Akab nagapakigkatipan kay Iosapat, hari sa Iuda ; ginasiway niya ang laygay ni Mikeas, kag ginpatay sia sa pag-away.

**22** MAY kalinong sa sulud sang tatlo ka tuig, nġa walā sing inaway sa tungā sang Aram kag sang Israel.

2 Kag nagkahanabu, sang ikatlo ka tuig, nġa si Iosapat, nġa hari sa Iuda, nagdulhog sa hari sa Israel.

3 Kag ang hari sa Israel nagsiling sa iya mġa alagad : " ħ Walā bala kamo makahibalo nġa aton ang Ramot sa Galaad ? Kag kita nagahilipus nġa walā magakuha liwan sa iya sa kamut sang hari sa Aram."

4 Kag nagsiling sia kay Iosapat : " ħ Magaúpud ka sa akon bala sa pag-away batok sa Ramot sa Galaad ?" Kag si Iosapat nagsabat sa hari sa Israel : " Subung ako, amo man ikaw ; kag subung ang akon banwa, amo man ang imo banwa ; kag subung ang akon mġa kabayo, amo man ang imo mġa kabayo."

5 Kag nagsiling si Iosapat sa hari sa Israel : " Ginaampo ko sa imo, nġa magpamangkot ka anay sa polong ni Iehoba."

6 Kag gintipon sang hari sa Israel ang mġa manalagna, daw mġa apat ka gatus ka tawo, kag nagsiling sia sa ila : " ħ Magakadto bala ako sa pag-away batok sa Ramot sa Galaad, kon pagabayaan

ko ini ?" Kag sila nagsililing : " Taklad-ka, kag ang Ginoo magatugyan sa iya sa mġa kamut sang hari."

7 Kag nagsiling si Iosapat : " ħ May isa pa bala diri ka manalagna ni Iehoba, nġa tungud sa iya magpakiana kita ?"

8 Kag ang hari sa Israel nagsiling kay Iosapat : " May isa pa ka lalaki, nġa tungud sa iya sarang kita makapamangkot kay Iehoba, si Mikeas, nġa anak ni Imla ; apang ako nagadumut sa iya, kay walā sia magatagna sa akon sang maayo, kondi malain." Kag si Iosapat nagsiling : " Indi maghambal ang hari sing subung sina."

9 Kag ang hari sa Israel nagtawag sa isa ka kapon, kag nagsiling sa iya : " Pakaria sa madali si Mikeas, nġa anak ni Imla."

10 Kag ang hari sa Israel, kag si Iosapat, nġa hari sa Iuda, nagalingkod ang tagsatagsa sa ila sa iya lingkaran nġa harianon, nġa nagapalanaput sang mġa panapton nġa *harianon*, sa isa ka linasan sa luyo sang salamputan sang gawang sa Samaria ; kag ang tanan nġa mġa manalagna nagtalagna sa atubangan nila.

11 Kag si Sedekias, anak ni Kanaana, naghimo nġa sa iya sang pila ka mġa sungay nġa salsalon, kag nagsiling : " Amo ining ginasing ni Iehoba : Sa ila sini pagasungayon mo ang mġa Araminhon tubtub nġa maubus sila."

12 Kag ang tanan nġa mġa manalagna nagtalagna sa amo man nġa bagay, nġa nagasililing : " Taklad-ka sa Ramot sa Galaad, kag pagpauswagon-ka, nġa si Iehoba magatugyan sa iya sa kamut sang hari."

13 Kag ang manugbalita, nġa nagkadto sa pagtawag kay Mikeas, naghambal sa iya, nġa nagasing : " Yari karon, ang mġa polong sang mġa manalagna sa isa ka bâbâ *nagabalita* sa hari sang maayo : ginaampo ko sa imo, nġa ang imo polong magmanġinsono sa polong sang isa sa ila, kag magmitlang-ka sing maayo."

14 Kag si Mikeas nagsiling : " Magkabuhi si Iehoba, nġa ang pagaihambal sa akon ni Iehoba, ina pagamitlangon ko."

15 Kag nag-abut sia sa hari, kag ang hari nagsiling sa iya : " Mikeas, ħ magakadto kami bala sa pag-away batok sa Ramot sa Galaad, kon pagabayaan sia namon ?" Kag sia nagsabat : " Taklad-



ka, kag maguſwag-ka, kag si Iehoba magatugyan sa iya sa kamut sang hari.”

16 Kag ang hari nagsiling sa iya: “¿Tubtub sa makapila bala magapakigsumpa ako sa imo, nga indi ka magsiling sa akon kondi ang kamatooran sa ngalan ni Iehoba?”

17 Kagsia nagsiling: “Nakita ko ang bug-os nga Israel, nga nagalalapta sa mga kabukiran, subung nga mga obeha nga walâ sila sing manugbantay; kag si Iehoba nagsiling: Walâ ini sila sing ginoo; magpauli ang tagsatagsa sa iya baláy sa paghidaet.”

18 Kag ang hari sa Israel nagsiling kay Iosapat: “¿Walâ bala ako magsiling sa imo, nga nahanungud sa akon indi sia magatagna sing maayo kondi sing malain?”

19 Kag nagsiling si Mikeas: “Tungud sini pamatii ang polong ni Iehoba: Nakita ko si Iehoba, nga nagalingkod sa iya lingkoran nga harianon, kag ang bug-os nga kasoldadosan sang mga langit yadto sa luyo niya, sa iya too kag sa iya walâ.

20 Kag si Iehoba nagsiling: ¿Sinobala ang magagaritgarit kay Akab, agud nga magtaklad sia, kag mapukan sa Ramot sa Galaad? Kag ang isa nagsiling sa isa ka bagay kag ang isa nagsiling sa isa.

21 Kag naggowa ang isa ka espiritu, kag nag-atubang kay Iehoba, kag nagsiling: Ako magagaritgarit sa iya. Kag si Iehoba nagsiling sa iya: ¿Sa ano bala nga bagay?

22 Kag sia nagsiling: Ako magagowa, kag magamanginespiritu ako sa butig sa bâbâ sang sining tanan niyang mga manalagna. Kag sia nagsiling: Ikaw magagaritgarit sa iya, kag makadangat ka man sang katuyoan. Gowa-ka kag himo-a ang subung sini.

23 Kag yari karon, si Iehoba nagbutang sa isa ka espiritu sa butig sa bâbâ sang tanan sining imong mga manalagna; kag si Iehoba nagmitlang sing malain sa ibabaw nimo.”

24 Kag nagpalapit si Sedekias, anak ni Kanaana, kag ginumbag niya si Mikeas sa pisngi, kag nagsiling: “¿Sa diin bala nag-agi sa akon ang espiritu ni Iehoba nga sa paghambal sa imo?”

25 Kag si Mikeas nagsiling: “Yari karon ikaw magatan-aw sini sa sadtong

adlaw, kon ikaw magapanuludsulúd sa hulot kag sa hulot, sa pagpanago mo.”

26 Kag ang hari sa Israel nagsiling: “Kuhaa si Mikeas, kag dalhon mo sia liwan kay Amon nga manugmando sang banwa, kag kay loas, nga anak sang hari.

27 Kag magasiling ka: Amo ining ginasing sang hari: Isulúd-ninyo ini sa bilangoan, kag saguron-ninyo sia sang tinapay sa kasulub-an kag sang tubig sa kasulub-an, tubtub nga ako magbalik sa paghidaet.”

28 Kag nagsiling si Mikeas: “Kon ayhan gid magpauli ka sa paghidaet, si Iehoba walâ maghambal tungud sa akon.” Kag nagsiling sia: “Palamati-kamo *sini*, mga banwang tanan.”

29 Kag nagtaklad ang hari sa Israel upud kay Iosapat, hari sa Iuda, sa Ramot sa Galaad.

30 Kag ang hari sa Israel nagsiling kay Iosapat: “Magasuklub ako sing panapton nga dipagpakilala sa pagsulúd sa pag-awayan; kag ikaw, magpanaput-ka sang imo mga panapton *nga harianon*.” Kag ang hari sa Israel nagsuklub sang panapton nga indi makilala, kag nagsulúd sia sa pag-awayan.

31 Apang ang hari sa Aram nagsogo sa iya katloan kag duha ka pangolo sang mga kanga, nga nagsiling: “Indi kamo mag-alaway bisan sa daku, bisan sa magamay, kondi lamang sa hari sa Israel.”

32 Kag nahanbu, sang nakita sang mga pangolo sang mga kanga si Iosapat, nagsililing sila: “Sa pagkamatuud gid, ini among hari sa Israel;” kag nagbalalik sila sa iya, nga sa pag-away sa iya; kag si Iosapat nagsingit.

33 Kag sang nakita sang mga pangolo sang mga kanga nga indi amo sia ang hari sa Israel, nagilisol sila sa olehe niya.

34 Kag ang isa ka tawo nagpana sang iya pana nga indi hungud, kag ginpilas niya ang hari sa Israel sa tungâ sang mga kinitaan sang limbutong. Kag si Akab nagsiling sa iya manugkanga: “Pabalika ang imo kamut, kag pagowaa ako sa dulugan, kay pilason ako.”

35 Kag ang inaway nagbaskug sa sadtong adlaw, kag ang hari ginpatindug sa iya kanga sa atubangan sang Aram, kag sa pagkahapon namatay sia. Kag

ang dugo sang pilas nagilig sa sulúd sang kanga.

36 Kag sa pagkatunud sang adlaw nag-gowa ang isa ka pabantala sa dulugan, nga nagasiling : “ Ang tagsatagsa sa iya banwa, kag ang tagsatagsa sa iya duta.”

37 Busa namatay ang hari kag gindalá sia sa Samaria ; kag ginlubung nila ang hari sa Samaria.

38 Kag ginhugasan nila ang kanga sa punong sa Samaria ; kag gindilapan sang mga ido ang dugo ni Akab, sa diin nagapamunak ang mga bigaon, kag ini sono sang polong ni Iehoba, nga ginmitlang niya.

39 Kag ang iban sang mga binuhatan ni Akab, kag ang tanan nga ginhimo niya, kag ang baláy nga tiposo nga ginpatindug niya, kag ang tanan nga mga banwa nga ginpatindug niya, ¿ walâ bala masulat sa tolon-an sang mga Kronika sang mga hari sa Israel ?

40 Kag nagtolog si Akab upud sang iya mga ginikanan, kag naghari nga salili niya si Okosias, nga iya anak.

Si Iosapat, hari sa Iuda ; si Okosias hari sa Israel.

41 Kag si Iosapat, anak ni Asa, nagsugud sa paghari sa ibabaw sang Iuda sa ikap-at ka tuig ni Akab, nga hari sa Israel.

42 Kag nagsugud sa paghari si Iosapat, sang nagaedad sia sing katloan kag lima ka tuig, kag naghari sia sing duha ka púlô kag lima ka tuig sa Ierusalem. Ang ngalan sang iya ilóy amo si Asuba, anak nga babae ni Silhi.

43 Kag naglakat sia sa bug-os nga dalanon ni Asa, nga iya amay, nga walâ maglipas sa iya, nga nagahimo sang matadlung sa mga mata ni Iehoba.

44 Lamang nga walâ mapanguha ang mga mataas nga duug, nga nagahafad pa ang banwa kag nagasunog sing mga pahamut sa mga mataas nga duug.

45 Kag si Iosapat nagpakighidaet sa hari sa Israel.

46 Kag ang iban sang mga binuhatan ni Iosapat, kag ang iya mga kabantugan, kag ang mga inaway nga ginhimo niya, ¿ walâ bala masulat sa tolon-an sang mga Kronika sang mga hari sa Iuda ?

47 Ginsilhig niya sa duta ang nabilin sang mga Sodominhon, nga nagkalabilin sa panag-on ni Asa, nga iya amay.

48 Kag walâ sing hari sa Edom ; may manugdumala sia sa baylo sang hari.

49 Naghimo si Iosapat sing mga sakayan sa Tarsis, sa pagkadto sa Opir sa pagpangita sing bulawan ; apang walâ sila maglalakat, kay nagkalaboong sila sa Esion-Geber.

50 Niyan si Okosias, anak ni Akab, nagsiling kay Iosapat : “ Maglalakat ang akon mga alagad upud sang imo mga alagad sa mga sakayan.” Apang si Iosapat walâ magbuut.

51 Kag nagtolog si Iosapat upud sang iya mga ginikanan, kag ginlubung sia upud sang iya mga ginikanan, sa banwa ni Dabid, nga iya amay : kag sa salili niya naghari si Ioram, nga iya anak.

52 Kag si Okosias, anak ni Akab, nagsugud sa paghari sa ibabaw sang Israel, sa Samaria, sa tuig nga ikapúlô kag pito ni Iosapat, nga hari sa Iuda ; kag naghari sia sing duha ka tuig sa ibabaw sang Israel.

53 Kag naghimo sia sang malain sa mga mata ni Iehoba, kag naglakat sia sa dalanon sang iya amay, kag sa dalanon sang iya ilóy, kag sa dalanon ni Ieroboam, anak ni Nabat, nga nagpapakasalâ sa Israel :

54 Kag nag-alagad sia kay Baal, kag nagyaub sia sa atubangan niya, kag ginpaakig niya si Iehoba, nga Dios sa Israel, sono sa tanan nga ginhimo sang iya amay.



# IKADUHA NGA TOLON-AN SANG MGA H A R I.

Balatian ni Okosias, hari sa Isarel.—Ang pagpatunga ni Elias.—Kamatayon ni Okosias.

1 SA ubus sang kamatayon ni Akab, nagmalalison ang Moab batok sa Israel.

2 Kag si Okosias naholog gikan sa balibat sang hulut nga mataas nga didto sa Samaria, kag nagbalatian sia. Kag nagpadala sia sing mga manugbalita, kag nagsiling sia sa ila: "Lakat kag pamangkot-kamo kay Baal-sebub, nga dios sa Ekron, sa pagkilala kon magayô pa ako sa sini nga balatian."

3 Kag ang manugtunda ni Iehoba nagsiling kay Elias, nga Tisbinhon: "Tindug-ka kag magtaklad-ka sa pagsugata sa mga manugbalita sang hari sa Samaria, kag magsiling-ka sa ila: ?Walâ bala sing Dios sa Israel, nga kamo nagakadto sa pagpamangkot kay Baalsebub, nga dios sa Ekron?"

4 Tungud sini amo ining ginasing ni Iehoba: Sa higdaan nga ginsakaan mo, indi ka magapanuag, kondi mamatay ka, sa pagkamatuud gid." Kag si Elias naglakat.

5 Kag nagbalalik ang mga manugbalita sa hari, kag nagsiling sia sa ila: "Busa ?kay nga bala nagbalalik kamo?"

6 Kag sila nagsililing sa iya: "Nagsugata sa amon ang isa ka lalaki, nga nagsiling sa amon: Lakat-kamo, balalik-kamo sa hari nga nagpadala sa inyo, kag isiling-ninyo sa iya: Amo ining ginasing ni Iehoba: ?Walâ bala sing Dios sa Israel, nga ikaw nagapadala sa pagpamangkot kay Baal-sebub, nga dios sa Ekron? Tungud sini, sa higdaan nga ginsakaan mo, indi ka magapanauag, kondi mamatay ka, sa pagkamatuud."

7 Kag sia nagsiling sa ila: "¿Año bala ang bayhon sadtong lalaki, nga nag-

taklad sa pagsugata sa inyo, kag nagsiling sa inyo sining mga polong?"

8 Kag sila nagsililing sa iya: "Isa ka lalaki nga nagpanaput sing balahibo kag nawagkusan sa iya mga hawak sang isa ka wagkus nga panit." Kag sia nagsiling: "Si Elias, nga Tisbinhon, amo sia."

9 Kag nagpadala sia sa iya sang isa ka pangolo sa kalim-an upud sang iya mga kalim-an, nga sia nagtukad sa iya; kag yari karon, sia naglingkod sa putokputokan sang bukid. Kag sia nagsiling sa iya: "Tawo sang Dios, ang hari nagasing: Magdulhog-ka."

10 Kag si Elias nagsabat kag nagsiling sa pangolo sa kalim-an: "Maayo man, kon ako ang tawo sang Dios, magpanauag ang kalayo sang langit, kag magupus sa imo kag sa imo mga kalim-an." Kag nagpanauag ang kalayo sa langit, nga nagupus sa iya sini kag sa iya mga kalim-an.

11 Kag ang hari nagpadala liwan sa iya sang isa ka pangolo sa kalim-an upud ang iya mga kalim-an, kag naghambal sia sa iya kag nagsiling: "Tawo sang Dios, ang hari nagsiling sing subung sini: Dulhog-ka sa madali."

12 Kag nagsabat si Elias, kag nagsiling sa iya: "Kon ako ang tawo sang Dios, magpanauag ang kalayo sang langit, kag magupus sa imo kag sa imo mga kalim-an." Kag nagpanauag ang kalayo sang langit, nga nagupus sa iya sini kag sa iya mga kalim-an.

13 Kag nagpadala sia liwan sang ikatlo ka pangolo sa kalim-an upud ang iya mga kalim-an; kag tumukad yadtong ikatlo ka pangolo sa kalim-an, kag nagabut sia kag nagluhod sa atubangan ni Elias, kag nagampo sia sa iya, nga nagsiling: "Tawo sang Dios, ginaampo ko sa imo, nga magmaningmahal ang akon kalag kag ang kalag sining mga kalim-

an nga mga alagad mo sa atubangan sang imo mga mata.

14 Yari karon, nagpanaug ang kalayo sang langit, kag nag-upus sang duha nga nahanang mga pangolo sa kalim-an upud ang ila tagkalim-an; apang karon, nga magmaningmahal ang akon kalag sa atubangan sang imo mga mata."

15 Kag ang manugtunda ni Iehoba nagsiling kay Elias: "Dulhog-ka upud sa iya; walâ ka sing kahadluk bangud sa iya." Kag sia nagtindug kag nagdulhog upud sa iya sa hari.

16 Kag nagsiling sia sa iya: "Amo ining ginasiling ni Iehoba: Tungud kay nagpadalâ ka sing mga manugbalita sa pagpamangkot kay Baal-sebub, nga dios sa Ekron, i walâ bala sing Dios sa Israel nga sa pagpamangkot sa iya polong? Bangud sini indi ka magapanaug sa higdaan, nga ginsakaan mo, kay mamatay ka, sa pagkamatuud."

17 Kag namatay sia, sono sa polong ni Iehoba, nga ginmitlang ni Elias; kag naghari nga salili niya si Ioram, sa ikaduha ka tuig ni Ioram, anak ni Iosapat, nga hari sa Iuda; kay sia walâ sing anak.

18 Kag ang iban sang mga binuhatan ni Okosias, nga ginhimo niya, i walâ bala masulat sa tolon-an sang mga Kronika sang mga hari sa Israel?

Si Elias ginlitan sa langit.

2 KAG nahanabu, sang ginpakayab ni Iehoba si Elias sa isa ka alimpulos sa langit, nga si Elias nagkadto upud kay Eliseo, sa Gilgal.

2 Kag nagsiling si Elias kay Eliseo: "Pabilin-ka diri, ginaampo ko sa imo, kay ginpadalâ ako ni Iehoba sa Bethel." Kag si Eliseo nagsiling: "Magkabuhi si Iehoba, kag magkabuhi ang imo kalag, nga indi ako magabiya sa imo." Kag nagduluhog sila sa Bethel.

3 Kag ang mga anak sang mga manalagna nga didto sa Bethel, naggulowa kay Eliseo kag nagsililing sa iya: "i Nakahibalo ka bala, nga pagakuhaon ni Iehoba karon ang imo ginoo sa ibabaw sang imo olo?" Kag sia nagsiling: "Hoo, ako mau nakahibalo sini; hilipus-kamo."

4 Kag si Elias nagsiling sa iya: "Eliseo, ginaampo ko sa imo, pabilin-ka diri, kay ginapadalâ ako ni Iehoba sa Ieriko." Kag sia nagsiling: "Magkabuhi si Ie-

hoba, kag magkabuhi ang imo kalag, nga indi ako magbiya sa imo." Kag nag-alabut sila sa Ieriko.

5 Kag nagpalalapit kay Eliseo ang mga anak sang mga manalagna, nga didto sa Ieriko, kag nagsililing sila sa iya: "i Nakahibalo ka bala nga pagakuhaon ni Iehoba karon ang imo ginoo sa ibabaw sang imo olo?" Kag sia nagsabat: "Hoo, ako man nakahibalo sini, hilipus-kamo."

6 Kag si Elias nagsiling sa iya: "Ginaampo ko sa imo, nga magpabilin ka diri, kay ginpadalâ ako ni Iehoba sa Iordan." Kag sia nagsiling: "Magkabuhi si Iehoba, kag magkabuhi ang imo kalag, nga indi ako magabiya sa imo." Kag naglakat sila nga duha.

7 Kag nag-alabut ang kalim-an ka laki sang mga anak sang mga manalagna, kag nagduluhog sila sa atubang, sa malayô: kag sila nga duha nagdulog sa luyo sang Iordan.

8 Kag kinuha ni Elias ang iya kunup, kag ginpiod niya ini, kag ginlampusan niya ang mga tubig, nga naghalawa sila sa pihak kag pihak; kag nagtabok sila nga duha sa mamala.

9 Kag sang nakatabok sila, si Elias nagsiling kay Eliseo: "Pangayô-ka sang dapat ko paghimoon tungud sa imo, nga sa walâ pa ako pagkuhaa sa luyo nimo." Kag nagsiling si Eliseo: "Ginaampo ko sa imo, nga ang duha ka bahin sang imo espiritu magmaninginsa ibabaw nakon."

10 Kag sia nagsiling sa iya: "Butang nga maiwat ginpangayô mo. Kon makita mo ako, kon pagkuhaon na ako sa imo, amo ining pagahimoon sa imo: apang kon indi, indi man manginamo."

11 Kag nahanabu, sang nagalakat sila nga nagahambalanay, yari karon ang isa ka kanga nga kalayo, nga may mga kabayo nga kalayo, nga nagulang sa ila nga duha. Kag si Elias nagkayab sa langit sa isa ka alimpulos.

12 Kag nakita ini ni Eliseo, kag nagsingit sia: "i Amay ko; amay ko, kanga sa Israel kag ang iya nga manugkalabayo!" Kag walâ nga mas-a makita niya sia. Kag ginunitan niya ang iya mga panapton, kag gingisi niya sila sa duha ka bahin.



Hilikuton ni Eliseo.—Ang iya mġa kalatingalahan.

13 Kag ginhawkat niya ang kunup ni Elias, nġa naholog sa iya, kag nagbalik sia kag nagdúlog sia sa pangpang sang Iordan.

14 Kag kinuha niya ang kunup ni Elias, nġa naholog sa iya, kag ginlampusan niya ang mġa tubig, kag nagsiling: “¿Diin bala si Iehoba, ang Dios ni Elias?” Kag sia man naglampus gid sang mġa tubig nġa naghalawa sa pihak kag pihak; kag nagtabok si Eliseo.

15 Kag sang nakita ini sang mġa anak sang mġa manalagna, nġa didto sila sa Ieriko, sa pihak, nagsililing sila: “Ang espiritu ni Elias nagtongtong sa ibabaw ni Eliseo.” Kag nag-alabut sila sa pagsugata sa iya, kag naglayaub sila sa atubangan niya sa duta.

16 Kag nagsililing sila sa iya: “Yari karon, may kalim-an ka lalaki nġa mġa makusug upud sang imo mġa alagad; tuguti nġa sila maglalakat kag magpalangita sa imo ginoo; basi pa nġa gindala sia sang Espiritu ni Iehoba kag ginholog sia sa isa ka bukid, kon sa isa ka nalupyakan.” Kag sia nagsiling sa ila: “Indi kamo magapaladalá.”

17 Apang ginpilit nila sia, tuhtub nġa sang nahuya sia, nagsiling: “Ipadalaninyo.” Kag ginpadala nila ang kaliman ka tawo, nġa ginpalangita nila sia sing tatlo ka adlaw, apang walá nila makita sia.

18 Kag sang nagbalalik sila sa iya, nġa nagpabilin sia sa Ieriko, nagsiling sia sa ila: “¿Walá bala ako nagsiling sa inyo: Indi kamo maglalakat?”

19 Kag ang mġa tawo sang banwa nagsililing kay Eliseo: “Yari karon ang kapuluy-anan sini nġa banwa maayo, subung nġa ginatan-aw sang akon ginoo; apang ang mġa tubig malain, kag ang duta nasakup sa mġa pagkaholog.”

20 Kag sia nagsiling: “Dal-i-ninyo ako diri sing isa ka yahong nġa bag-o kag sudli-ninyo sia sing asin.” Kag gindalhan nila sia sini.”

21 Kag naggowa sia nayon sa mġa ginatubdan sang mġa tubig, kag ginholog niya sa sulúd ang asin; kag nagsiling sia: “Amo ining ginasiling ni Iehoba: Gin-áyô ko ining mġa tubig, kag

walá na sa iya sing kamatayon bisan pagkaholog.”

22 Kag nag-aláyô ang mġa tubig tub-tub karon, sono sa polong nġa ginmitlang ni Eliseo.

23 Nagtaklad sia kutub didto pa Bethel; kag sang nagataklad sia sa dalan, naggulowa ang mġa kabataan sang banwa, kag sila nagululigayat sa iya, nġa nagsiling: “Upaw, taklad-ka; upaw, taklad-ka.”

24 Kag sang bumalikid sia, nakita niya sila, kag ginpanghimalaut niya sila sa ngalan ni Iehoba. Kag naggulowa ang duha ka oso sa talon, kag ginkusnit nila sa ila ang kap-atan kag duha ka kabataan.

25 Kutub didto nagkadto sia sa bukid sa Karmelo, nġa kutub didto nagbalik sia sa Samaria.

Makatingala nġa pagkaluwas sang mġa kasoldadosan nġa nagdalampiganay sa Iuda, sa Israel, kag sa Edom.

**3** KAG si Ioram, nġa anak ni Akab, nagsugud sa paghari sa Samaria sa ibabaw sang Israel sang tuig nġa napúlô kag walo ni Iosapat, nġa hari sa Iuda, kag naghari sia sing napúlô kag duha ka tuig.

2 Kag naghimo sia sang malain sa mġa mata ni Iehoba, apang indi subung sang iya amay kag sang iya ilóy; kay ginkuha niya ang larawan ni Baal, nġa ginhimo sang iya amay.

3 Lamang nġa nagdampig sia sa mġa salá ni Ieroboam, anak ni Nabat, nġa tungud sa ila nagpapakasalá sia sa Israel; kag walá sia magisol sa ila.

4 Kag si Mesa, nġa hari sa Moab, nġa tagiya sang mġa obeha kag nagabayad sia sang buhis sa hari sa Israel sing isa ka gatus ka kordero, kag sang bulbul sang isa ka gatus ka karnero.

5 Apang nahanabu sang patay na si Akab, nġa ang hari sa Moab naglalis batok sa hari sa Israel.

6 Kag niyan naggowa gikan sa Samaria ang hari nġa si Ioram, kag nagusisa sia sang bug-os nġa Israel.

7 Kag nagkadto sia kag ginpadala sa pagsiling kay Iosapat, nġa hari sa Iuda: “Ang hari sa Moab naglalis batok sa akon: ¿magakadto ka bala upud sa akon sa pag-away batok sa Moab?” Kag sia nagsiling: “Magataklad ako, kay su-

bung nga ako, amo man ikaw ; subung ang akon banwa, amo man ang imo banwa ; subung ang akon mga kabayo, amo man ang imo mga kabayo."

8 Kag nagsiling sia : "¿Sa ano bala nga dalan magataklad kita?" Kag sia nagsiling : "Sa dalan sang kahanayakan sa Edom."

9 Kag naglalakat sila, ang hari sa Israel, kag ang hari sa Iuda kag ang hari sa Edom. Kag sang nakalibot sila sing pito ka adlaw nga dalanon, ginkulang sila sang tubig nga sa dulugan, kag nga sa mga sapat nga nagulupud sa ila.

10 Kag ang hari sa Israel nagsiling : "¡Ah! Kay gintawag ni Iehoba ining tatlo ka hari nga sa pagtugyan sa ila sa mga kamut sang mga Moabinhon."

11 Apangsi Iosapat nagsiling : "¿Walâ bala diri sing manalagna ni Iehoba, agud nga magpamangkot kita kay Iehoba tungud sa iya?" Kag ang isa sang mga alagad sang hari sa Israel nagsabat kag nagsiling : "Yari si Eliseo, anak ni Sapat, nga nagula sang tubig sa mga kamut ni Elias."

12 Kag si Iosapat nagsiling : "Ang polong ni Iehoba yara sa iya." Kag nagdulhog sa iya ang hari sa Israel, kag si Iosapat kag ang hari sa Edom.

13 Kag si Eliseo nagsiling sa hari sa Israel : "¿Ano bala ang akon sa imo? Lakat-ka sa mga manalagna sang imo amay kag sa mga manalagna sang imo ilôy." Kag ang hari sa Israel nagsiling sa iya : "Indi ; kay gintawag ni Iehoba ining tatlo ka hari nga sa pagtugyan sa ila sa mga kamut sang mga Moabinhon."

14 Kag si Eliseo nagsiling : "Magkabuhi si Iehoba sang Sebaot, nga sa iya atubangan yari ako, nga kon walâ ako sing pagtahud kay Iosapat, nga hari sa Iuda, indi ako magatulok sa imo, bisan magtan-aw ako sa imo.

15 Kag karon, dalhi-ninyo ako sing isa ka manugkuting sang arpa." Kag nahanabu, sang nagakuting ang manugkuting sang arpa, nga ang kamut ni Iehoba nag-abut sa ibabaw ni Eliseo.

16 Kag nagsiling sia : "Amo ining ginasing ni Iehoba : Hilimo-kamo sing mga awang kag mga awang sa sini nga kasulgan.

17 Kag amo ining ginasing ni Iehoba : Indi kamo makakita sing hanġin, hisan makakita kamo sing ulan, kag

ini nga [kasulgan magakalapunô sang tubig, kag magailinum kamo, kamo kag ang inyo mga kasapatan, kag ang inyo mga kahayupan.

18 Kag ini among butang nga mahapus sa mga mata ni Iehoba ; kag pagaitugyan man niya ang mga Moabinhon sa inyo mga kamut.

19 Kag kamo magapilas sang bag-os nga banwa nga pinalig-on, kag sang tanan nga mga banwa nga pinasahi, kag pagapanghapayon ninyo ang tanan nga maayong kahoy, kag pagatampokan ninyo ang tanan nga mga tuburan sang mga tubig, kag pagapanlaglagon ninyo sa mga batô ang tanan nga mga labing maayo nga latagon."

20 Kag nahanabu nga, sa pagkaaga, sang oras sang paghalad sang halad, yari karon, nag-abut ang tubig sa dalan sa Edom, kag ang duta napunô sang tubig.

21 Kag ang tanan nga Moab, sang nabatian nila nga ang mga hari nagatalaklad sa pag-away batok sa ila, nagtilipon sila, kutub sa tanan nga mga nagawalagus sing wagkus pa ibabaw, kag nagtilindug sila sa kadulunan.

22 Kag sang nagtilindug sila sa aga pa gid, kag nagsubang ang adlaw sa ibabaw sang mga tubig, nakita sang mga Moabinhon, sa atubang nila, ang mga tubig nga mapula subung sang dugo.

23 Kag nagsililing sila : "Ini among dugo. Ang mga hari naglinaglagay, sa pagkamatuud, kag nagpinilasay ang isa kag isa. Busa karon : ¡Moab, sa inagaw!"

24 Apang sang naglambut sila sa dulugan sa Israel, nagtililindug ang mga Israelinhon, kag ginpilas nila ang Moab, nga nagpalagyo sa atubangan nila, kag nagsululud sila sa duta kag ginpilas nila ang Moab ;

25 Kag ginhalapay nila ang mga kabanwaan, kag ang tagsa ka tawo naghaboy sang iya batô sa mga maayo nga latagon, kag ginpamunô nila sila, kag ginpanap-ukan man nila ang tanan nga mga tuburan sang mga tubig, kag ginpamukan nila ang tanan nga mga maayong kahoy, tubtub nga gimbayaan nila lamang nga nagatindug ang Kir-hareset. Walay sapayan, ang mga manughabyog naglilibot sa iya kag naghalabyug sa iya.

26 Kag sang nakita sang hari sa Moab, nga ang inaway naglandas sa iya, nagkuha sia upud sa iya sing pito ka gatus



ka tawo nga nagauluyat sang kampilan, nga sa paggahit pa luyo sang hari sa Edom : apang walâ sila makasarang.

27 Niyan ginkuha niya ang iya anak, ang panganay, nga dapat maghari nga salili niya, kag ginhalad niya sia sa halad nga sinunog sa ibabaw sang kuta ; kag may daku nga kaalipungut sa Israel, kag ginbayaan nila sia, kag nagtaliwan kag nagpalauli sila sa ila duta.

Ang lana sang bala nga babae ; ang anak nga lalaki sang Sunaminhon ; ang kamatayon sa kolon ; ang duha ka pulo ka tinapay nga sebada.

**4** KAG ang isa ka babae, sang mga asawa sang mga anak sang mga manalagna, nagtuaw kay Eliseo, nga nagsiling : “ Ang imo alagad, nga akon bana, napatay, kag ikaw nakahibalo sing maayo nga ang imo alagad mahadlukan kay Iehoba ; kag nag-abut ang nautangan nga sa pagkuha sang akon duha ka anak nga sa pagulipon sa ila.”

2 Kag si Eliseo nagsiling sa iya : “ ¿ Ano bala ang pagahimoon ko sa imo ? Isiling sa akon : ¿ ano bala ang yara sa imo baláy ? ” Kag sia nagsiling : “ Ang imo alagad nga babae, walâ gid sing ano nga butang sa baláy, kondi ang isa ka tibudtibod nga lana.”

3 Kag sia nagsiling sa iya : “ Lakat-ka, panghulam-ka nga sa imo sing mga suludlan sa imo dalan sa tanan mo nga mga kasilingan : mga suludlan nga walay sulúd nga indi diyotay.

4 Sumulud-ka ugaling, kag takpan mo ang gawang sa olehe nimo kag sa olehe sang imo mga anak ; kag ibôbô mo sa tanan nga mga suludlan, kag painon-mo ang punô na.”

5 Kag nagtaliwan sa iya ang babae, kag gintakpan niya ang gawan sa olehe niya kag sa olehe sang iya mga anak ; kag sila nagdalalâ sa iya sang mga suludlan, kag ginboboan niya.

6 Kag nahanabu, sang punô na ang mga suludlan, nga nagsiling sia sa iya anak : “ Dalhi pa ako sing isa ka suludlan.” Kag sia nagsiling : “ Walâ na sing suludlan.” Niyan nag-untat ang lana.

7 Kag nagkadto sia kag ginsugid niya ini sa tawo sang Dios, kag nagsiling sia : “ Lakat-ka, kag ibaligya ang lana, kag bayari ang imo utang ; kag ikaw

kag ang imo mga anak magpalangabuhin kamo sang mabilin.”

8 Kag nahanabu sang isa ka adlaw nga nag-agi si Eliseo sa Sunem, kag may isa didto ka babae nga mangaranon ; kag sia nagpilit sa iya nga magkaon sia sang tinapay. Kag sa gihapon nga nag-agi sia didto, naghapit sia sa iya baláy sa pagkaon sang tinapay.

9 Kag sia nagsiling sa iya bana : “ Yari karon, ginahanap ko, nga ini nga tawo, nga nagaagi sa aton baláy sa gihapon, among balaan nga tawo sang Dios.

10 Ginaampo ko sa imo, nga maghimo kita sing isa ka diyotay nga hulut nga mataas sa dingding kag magbutang kita nga sa iya sing higdaan, kag sing latok, kag sing lingkoran, kag sing sadnagan, agud nga kon mag-abut sia sa aton, maghapit sia sa iya.

11 Kag sang isa ka adlaw nahanabu, nga nag-abut sia didto, kag nga naghapit sia sa hulut nga mataas kag naghigda sa iya.

12 Kag nagsiling sia kay Giesi, nga iya sologoon : “ Tawga inang Sunaminhon nga babae.” Kag gintawag niya sia, kag nag-atubang sia sa atubangan niya.

13 Kag nagsiling sia kay Giesi : “ Isiling-mo sa iya, ginaampo ko sa imo : Yari karon, ikaw nagpahayag sa amon sining tanan nga mainakupon, ¿ ano bala ang pagahimoon ko tungud sa imo ? ¿ Kinahanglan bala nga maghambal ako tungud sa imo sa hari, kon sa pangolo sang kasoldadosan ? ” Kag sia nagsiling : “ Ako nagapuyô sa tungâ sang akon banwa.”

14 Kag sia nagsiling : “ Busa ¿ ano bala ang pagahimoon tungud sa iya ? ” Kag si Giesi nagsiling : “ Yari karon, sia walay anak, kag ang iya bana tigulang na.”

15 Kag nagsiling sia “ Tawga sia.” Kag gintawag niya sia, kag sia nagdúlog sa gawang.

16 Kag sia nagsiling : “ Sa sini gid nga panag-on, sang pagbalik sang tuig, magahakus ka sang isa ka anak nga lalaki.” Kag sia nagsiling : “ Indi gid, ginoo ko, tawo sang Dios, ayaw pagbutigi ang imo alagad nga babae.”

17 Apang ang babae nanamkon, kag nag-anak sang isa ka anak nga lalaki sa

sadtong panag-on, n̄ga ginsiling sa iya ni Eliseo, sang pagbalik sang tuig.

18 Kag nagdaku ang bātā, kag sang isa ka adlaw nahanabu, n̄ga naggowa sia sa iya amay sa m̄ga manugani.

19 Kag nagsiling sia sa iya amay: “¡Ang akon olo, ang akon olo!” Kag nagsiling sia sa isa ka sologoon: “Dalha sia sa iya ilóy.”

20 Kag ginkuha niya sia, kag gindalá niya sia sa iya ilóy; kag didto naglingkod sia sa ibabaw sang iya m̄ga tuhod tubtub sa udto, kag namatay sia.

21 Kag sia nagsaka, kag ginbutang niya sia sa ibabaw sang higdaan sang tawo sang Dios; kag sang tinakpan niya ang *gawang*, naggowa sia.

22 Kag gintawag niya ang iya bana, kag nagsiling sa iya: “Ginaampo ko sa imo: Padalhi ako sang isa sang imo m̄ga sologoon, kag ang isa sang m̄ga asno n̄ga bakia; buut ako magdalagan sa tawo sang Dios, kag magabalik ako.”

23 Kag sia nagsiling: “N̄ga bala n̄ga magakadto ka sa iya karon? Indi lati, bisan sabado.” Kag sia nagsabat: “Paghidaet.”

24 Kag ginpahampiloan niya ang asno n̄ga bakia, kag nagsiling sia sa iya pamatan-on: “Dayon kag lakat-ka, kag indi ka maglangan sa akon sa panlakatan, kondi kon ako magsiling sa imo sini.”

25 Kag naglakat sia, kag nag-abut sa tawo sang Dios, sa bukid sang Karmelo. Kag nahanabu, sang nakita sia sa malayô sang tawo sang Dios, n̄ga sia nagsiling kay Giesi, n̄ga iya sologoon: “Yari karon inang Suraminhon n̄ga babae.

26 Ginaampo ko sa imo, n̄ga magdalagan ka karon sa pagsugata sa iya, kag isiling-mo sa iya: “May paghidaet sa imo bala, paghidaet sa imo bana, kag paghidaet sa imo anak?” Kag sia nagsiling: “Paghidaet.”

27 Ugaling nag-abut sia sa tawo sang Dios sa bukid, kag nagbating sia sa iya m̄ga tiil. Kag nagpalapit si Giesi n̄ga sa paghukas sa iya; apang ang tawo sang Dios nagsiling sa iya: “Pabayai sia, kay ang iya kalág punô sa kapaitan, kag si Iehoba naglikum sini sa akon kag walâ niya igpahayag ini sa akon.”

28 Kag sia nagsiling: “¿Nagpangayô bala ako sang isa ka anak sa akon ginoo? ¿Walâ bala ako magsiling sa imo: Ayaw ako pagdayai?”

29 Kag nagsiling sia kay Giesi:

‘Wagkusi ang imo m̄ga hawak, kag kuhaa ang akon sungkod sang imo kamut, kag lakat-ka; kag kon sin-o ang magsugata sa imo, indi ka mag-abiabi sa iya, kag kon sin-o ang mag-abiabi sa imo, indi ka magsabat sa iya. Kag pagai-butang mo ang akon sungkod sa ibabaw sang nawung sang bātā.

30 Kag nagsiling ang ilóy sang bata: “Magkabuhi si Iehoba, kag magkabuhi ang imo kalág, n̄ga indi ako magabiya sa imo.”

31 Kag nagtindug sia kag nagsunud sa iya. Kag si Giesi naguna sa ila, kag ginbutang niya ang sungkod sa ibabaw sang nawung sang bātā, apang walâ sing tingug, bisan tanda sa pagtalupangud. Kag nagbalik sia sa pagsugata kay Eliseo, kag ginsugid niya ini sa iya, n̄ga nagsiling: “Ang pamatan-on indi nagmata.”

32 Kag sang nagsulúd si Eliseo sa baláy, yari karon, ang pamatan-on patay, n̄ga nagahamyang sa iya higdaan.

33 Kag sumulúd sia kag gintakup niya ang gawang sa olehe nila n̄ga duha, kag nagpangamuyo sia kay Iehoba.

34 Kag nagsaka sia, kag naghapa sia sa ibabaw sang bātā, kag ginbutang niya ang iya bâbâ sa ibabaw sang bâbâ niya, kag ang iya m̄ga mata sa ibabaw sang iya m̄ga mata, kag ang iya m̄ga kamut sa ibabaw sang iya m̄ga kamut, kag naguntay sia sa ibabaw niya, kag naginit liwan ang unud sang bātā.

35 Kag nagsilol sia kag nagdayandayan sia sa baláy pa diri pa didto, kag nagsaka sia kag naguntay sa ibabaw niya. Kag ang pamatan-on nanimahaon sing makapito, kag nagmuklat ang iya m̄ga mata.

36 Kag gintawag niya si Giesi, kag nagsiling sa iya: “Tawga inang Suraminhon n̄ga babae.” Kag gintawag niya sia kag nag-abut sia sa iya, kag nagsiling sia: “Hakwata ang imo anak.”

37 Kag nag-abut sia, kag naghapa sa iya m̄ga tiil kag nagyaub sa duta; kag ginkuha niya ang iya anak kag naggowa sia.

38 Kag sang si Eliseo nagbalik sa Gilgal, may daku n̄ga gutum sa duta. Kag ang m̄ga inanang sang m̄ga manalagna naglilingkod sa atubangan niya; kag nagsiling sia sa iya sologoon: “Butang-ka sang isa ka daku n̄ga kolon,



kag luto-ka sing utan nga sa mga anak sang mga manalagna.”

39 Kag naggowa ang isa sa latagon sa pagkuha sing mga ulutanon, kag nakita niya ang isa ka balagon nga talonon, kag nagkuha sia sa iya sing mga kalubay nga talonon nga punò ang iya panapton; kag nagbalik sia kag kinihad-kihad niya sila sa kolon sa utan, kay walà sila makilal-i.

40 Kag ginula ini agud nga magkalaon ining mga tawo; kag nahanabu nga, sang nagakalaon sila sini nga utan, nagsiliningit sila, nga nagasiling: “Tawo sang Dios, ang kamatayon yara sa kolon.” Kag walà nila masarangì sa pagkaon ini.

41 Kag sia nagsiling: “Dalá-kamo *diri* sing harina.” Kag ginsabwag niya sia sa kolon, kag nagsiling sia: “Iula sia sa mga tinawo, kag nga magkalaon sila.” Kag walà na gid sing malain sa kolon.

42 Kag nag-abut ang isa ka tawo gikan sa Baal-salisa, nga nagdalá sia sa tawo sang Dios sing mga tinapay sang mga panganay, duha ka púlò ka tinapay nga sebada, patí sang uhay sang trigo nga bag-o sa iya baluyot. Kag sia nagsiling: “Ihatag sa mga tinawo, agud nga magkalaon sila.”

43 Kag nagsabat ang iya manugalagad: “Paano bala nga pagbutang ko sini sa atubangan sang isa ka gatus ka tawo?” Apang sia nagsiling: “Ihatag sa mga tinawo, agud nga magkalaon sila; kay amo ining ginasiling ni Iehoba: Magakalaon sila, kag may mabilin sa iya,”

44 Kag ginbutang niya ini sa atubangan nila, kag nagkalaon sila, kag may nabilin sa iya, sono sa polong ni Iehoba.

Si Naaman nga taga-Aram, kon Siriahanon, nga gin-ayo kag si Giesi nga ginpiyas sang tabukaw.

5 SI Naaman, nga pangolo sang kasoldadosan sang hari sa Aram, amo sia ang isa ka daku nga lalaki sa atubangan sang iya ginoo, kag sa mataas nga pagpakamahal, kay tungud sa iya ginluwas ni Iehoba ang Aram. Kag ini nga tawo, nga maisug nga manugaway, tabukawon sia.

2 Kag ang mga Araminhon naggulowa sa pinanong, kag gindalá nila nga bihag

gikan sa duta sa Israel ang isa ka diyotay nga pamatan-on nga babae; nga sia nag-alagad sa asawa ni Naaman.

3 Kag nagsiling sia sa iya ginoo nga babae: “Kabay pa nga ang akon ginoo mag-atubang sa atubangan sang manalagna nga yara sa Samaria. Niyang pagaluwason niya sia sa iya tabukaw.”

4 Kag sang nagsulúd si Naamau, ginpahayag niya ini sa iya ginoo, nga nagasiling: “Ang diyotay nga pamatan-on nga babae nga tagaduta sa Israel nagsiling sing amo ini kag ini.”

5 Kag nagsiling sa iya ang hari sa Aram: “Taliwan, lakat-ka kag ako magapadalá sing sulat sa hari sa Israel. Kag naglakat sia, nga nagadalá sia upud sa iya sang napúlò ka talonton nga pí-lak, kag anum ka libo ka panid nga bulawan, kag napúlò ka ilislan nga panap-ton.

6 Kag gindalá niya ang sulat sa hari sa Israel, nga nagasiling: “Kag karon kon mag-abut sa imo ining sulat, yari karon, *masayud ka*, nga ginapadalá ko sa imo ang akon alagad nga si Naaman, agud nga pagluwason mo sia sa iya tabukaw.”

7 Kag sang nabása sang hari sa Israel ang sulat, ginkusnit niya ang iya mga panapton; kag nagsiling sia: “¿Dios bala ako, nga magpatay kag maghatag ako sing kabuhi, nga ini ginapadalá sa akon, agud nga pagluwason ko ang isa ka tawo sa iya tabukaw? Apang kilalaha, ginaampo ko sa inyo, kag tan-awa kon paano nga nagapangita sia sing kahigayonan batok sa akon.

8 Kag sang nabatian ini ni Eliseo, nga tawo sang Dios, nga kinusnit sang hari sa Israel ang iya mga panapton, nagpadalá sia sa pagsiling sa hari: “¿Kay ngaa bala ginkusnit mo ang imo mga panapton? Magkari karon sia sa akon, ginaampo ko sa imo, kag mahibaloan niya, nga may manalagna sa Israel.”

9 Kag nag-abut si Naaman upud sang iya mga kabayo kag upud sang iya kanga, kag nagdúlog sia sa mga gawang sang baláy ni Eliseo.

10 Niyang si Eliseo nagpadalá sang isa ka manugbalita sa pagsiling sa iya: “Lakat-ka, kag panghugas ka sing makapito sa Iordan, kag ang imo unud manginmaayo, kag magamatinlo ka.”

11 Kag naakig si Naaman, kag nagkadto kag nagsiling sia: “Yari karon,

ako nagsiling : sia magagowa, sa pagka-matuud, sa akon, kag nagatindug sia, kag pagatawgon niya ang nġalan ni Iehoba, nġa iya Dios, kag magahikap sia sang iya kamut sang bahin *nġa tabukawon*, kag pagaluwason ang tabukawon.

12 Ang Abana kag ang Parpar, nġa mġa subâ sa Damasko, ĳindi bala sila la bing maayo sang tanan nġa mġa tubig sa Israel? ĳIndi ako bala sarang makaghugas sa akon sa ila, kag manginmatinlo ako?" Kag nagbalik sia, kag naglakat nġa maalipungton.

13 Apang ang iya mġa solagoon nagpalalapit sa iya kag naghalambal sa iya, nġa nagsiling : "Amay ko, kon ang manalagna magsiling sa imo sing isa ka daku nġa butang, ĳindi bala sia paghimoon? ĳLabi na gid kon magsiling sia sa imo? Panghugas-ka, kag magamatinlo ka?"

14 Kag sia nagdulhog, kag naglumoy sia sing makapito sa Iordan, sono sa polong sang tawo sang Dios. Kag ang iya unud nanginsubung sang unud sang isa ka bātâ, kag nanginmatinlo sia.

15 Kag nagbalik sia sa tawo sang Dios, sia kag ang bug-os niya nġa kaupdanan, kag nag-abut sia kag nagtindug sia sa atubangan niya, kag nagsiling : "Yari karon, ginakilala ko, nġa karon walay Dios sa bug-os nġa duta, kondi sa Israel. Kag karon ginaampo ko sa imo, nġa magbaton ka sing isa ka *dōlot*, nġa pinakamaayo sang imo alagad."

16 Apang sia nagsiling : "Magkabuhi si Iehona, nġa sa atubangan niya yari ako, nġa indi ako magabaton sini, kag ginpilit nila sia nġa magbaton sa iya; kag sia nagdumili sa iya.

17 Kag si Naaman nagsiling : "Kon ini indi sarang, ginaampo ko sa imo, nġa paghatagan ang imo alagad sang isa ka lulan sang duha ka mula sa sadtong duta, kay kutub karon ang imo alagad indi na magahalad sang halad nġa sinunog, bisan halad, sa iban nġa mġa dios, kondi kay Iehoba.

18 Sa sini magpatawad si Iehoba sa imo alagad : nġa kon ang akon ginoo magsulūd sa baláy ni Rimon sa pagsimba sa iya didto kag maghamboy sia sa ibabaw sang akon kamut, kon ako magyaub sa baláy ni Rimon; kon magyaub ako sa baláy ni Rimon, nġa si Iehoba magpatawad sini sa imo alagad."

19 Kag sia nagsiling sa iya : "Lakat-ka sa paghidaet." Kag nagpalayō sia sa iya sing pila ka kalayoon.

20 Kag si Giesi, nġa solagoon ni Eliseo, nġa tawo sang Dios, nagsiling : "Yari karon, ang akon ginoo, nagpasaylo sa sini nġa Araminhon nġa si Naaman, nġa walâ magbaton sa iya kamut sang mġa butang nġa gindalâ niya. Magkabuhi si Iehoba, nġa magadalagan ako sa olehe niya, kag magakuha ako sa iya sing ano nġa butang."

21 Kag ginlagas ni Giesi si Naaman; kag sang nakita ni Naaman, nġa may nagadalagan sa olehe niya, nagpanaug sia sa kanga sa pagsugata sa iya, kag nagsiling sia sa iya : "ĳMay paghidaet bala?"

22 Kag sia nagsiling : "Paghidaet. Ang akon ginoo nagapadalâ sa akon nġa nagsiling : Yari karon, nag-alabut sa akon sa sini nġa oras, gikan sa bukid sa Epraim, ang duha ka pamatan-on nġa mġa anak sang mġa manalagna : ginaampo ko sa imo, nġa maghatag ka sa ila sing isa ka talanton nġa pilak, kag duha ka ilisan nġa panapton."

23 Kag si Naaman nagsiling : "Ginaampo ko sa imo, nġa magkuha ka sang duha ka talanton. Kag ginpilit niya sia, kag ginputus niya ang duha ka talanton nġa pilak sa duha ka sako, kag duha ka ilisan nġa panapton; kag ginhatag niya sila sa duha sang iya mġa solagoon, nġa nagdalalâ sa ila sa úna niya.

24 Kag sang nag-abut sia sa bakolod, ginkuha niya sia sa kamut nila, kag gintago niya sila sa baláy. Kag ginpapauli niya ining mġa tawo, kag naglalakat sila.

25 Kag sia nagsulūd, kag nagtindug sia sa atubangan sang iya ginoo, kag si Eliseo nagsiling sa iya : "ĳSa diin ka bala maghalin, Giesi?" Kag, sia nagsiling : "Ang imo alagad walâ magkadto sa bisan diri, bisan didto."

26 Kag nagsiling sia sa iya : "ĳWalâ man bala magkadto ang akon tagipoon, saug nagbalik ang tawo sa iya kanga sa pagsugata sa imo? ĳPanag-on bala ini sa pagkuha sing pilak, kag sa pagkuha sang mġa panapton, kag mġa kaolibahan, kag mġa kaubasan, kag mġa obeha, kag mġa kabakahan, kag mġa alagad nġa lalaki kag mġa babae?"

27 Ang tabukaw ni Naaman magatapik sa imo, kag sa imo kaliwatan sa gihapon." Kag si Giesi naghalin sa atu-



bang'an niya nga tabukawon, *maputi* su bung sang niebe.

And wasay nga nagalutaw.—Ang mga Araminhon kon Siriahanon nga pinamilas sa kabulag.

6 KAG ang mga anak sang mga manalagna nagsililing kay Eliseo: "Yari karon, ang duug nga sa iya nagapuluyô kami upud sa imo, tama ka kitid sa amon:

2 Tuguti nga magkadto kami sa Iordan, kag magkuluha kita didto ang tagsatagsa sing isa ka balayanon, kag maghilimo kita diri sing duug, nga sa iya magpuluyô kita." Kag sia nagsiling: "Lakat-kamo."

3 Kag nagsiling ang isa: "Ginaampo ko sa imo, nga maluyag ka magupud sa imo mga alagad." Kag sia nagsabat: "Ako magakadto."

4 Kag naglakat sia upud sa ila, kag nag-alabut sila sa Iordan, kag nagpalangtutud sila sing mga kahoy.

5 Kag nahanabu nga, sang nagapukan ang isa sa ila sang isa ka kahoy, naholog ang iya salsalon sa tubig; kag nagsingit sia kag nagsiling: "¡ Ah, ginoo ko, nga hinulaman sia!

6 Kag ang tawo sang Dios nagsiling: "Sa diin bala nahulog sia?" Kag sia nagtudlo sa iya sang duug, kag nagutud sia sing isa ka bugsok, kag ginhaboy niya sia didto, kag ginpakubag niya ang salsalon.

7 Kag nagsiling sia: "Kuhaa sia" Kag ginuntay niya ang kamut kag gin-kuha niya sia.

8 May pagpakigaway ang hari sa Aram batok sa Israel; kag nagpamangkot sia sa iya mga alagad, nga nagasing: "Sa sini kag sa sini nga duug pagapahamtang ko ang akon dulagan."

9 Kag ang tawo sang Dios nagpadala sa pagsiling sa hari sa Israel: "Andamka nga indi ka mag-agi sa amo nga duug, kay ang mga Araminhon nagaduhog didto."

10 Kag ang hari sa Israel nagpadala sa sadtong duug, nga kinasiling kag ginsaysay sang tawo sang Dios, kag nagbantay sia didto; ini indi sa makaisa bisan sa makaduha lamang.

11 Kag ang tapiposoon sang hari sa Aram ginpalibog sa sini; kag nagtawag sia sang iya mga alagad, kag nagsiling sa ila: "Indi kamo bala magapahibalo

sa akon kon sin-o sang mga aton, nga iya sang hari sa Israel?

12 Kag ang isa sang mga alagad nagsiling: "Walâ, hari, nga ginoo ko; kondi nga ang manalagna, nga si Eliseo nga yadto sa Israel, sia nagapahibalo sa hari sa Israel sang mga polong, nga imo ginahambal sa imo hulot nga tologan."

13 Kag sia nagsiling: "Lakat-kamo, kag tuluka-ninyo kon diin sia, kag magapadalâ ako sa pagdakup sa iya." Kag ginpahibalo sa iya: "Yari karon, sia yadto sa Dotan.

14 Kag nagpadalâ ang hari didto sing mga kabayo kag mga kanga, kag isa ka dakung kasoldadosan, nga nag-alabutsila sa kagab-ihon, kag ginlibutan nila ang banwa.

15 Kag nagtindug, sing aga pa gid, ang nagaalagad sa tawo sang Dios, kag naggowâ sia, kag yari karon, nga nalibutan sang kasoldadosan ang banwa kag ang mga kabayo kag mga kanga. Kag ang iya sologoon nagsiling sa iya: "¡ Ah, ginoo ko! ¿ Ano bala ang aton pagahimoon?"

16 Kag sia nagsiling: "Indi ka magkahadluk, kay labi pa ang mga yari upud sa aton sang mga yara upud sa ila."

17 Kag nagpangamuyo si Eliseo, kag nagsiling: "Ginaampo ko sa imo, oh Iehoba, nga pagpamuklaton mo ang iya mga mata, agud nga makakita sia." Kag ginpamuklat ni Iehoba ang mga mata sang pamatan-on, kag nagtulok siya; kag yari karon nga ang bukid napunô sang mga kabayo, kag sang mga kanga nga kalayo, sa palibot ni Eliseo.

18 Kag nagdululhog sila sa iya, kag nagpangamuyo si Eliseo kay Iehoba, kag nagsiling: "Ginaampo ko sa imo, nga pagpilas mo inang katawohan sa kabulag." Kag ginpilas niya sila sa kabulag, sono sang siniling ni Eliseo.

19 Kag nagsiling sa ila si Eliseo: "Indi amo ini ang dalan, bisan amo ina ang banwa: sunud-kamo sa akon, nga ako magatuytuy sa inyo sa tawo, nga ginapanigita ninyo." Kag gintuytuyan niya sila pa Samaria.

20 Kag nahanabu, sang nagsululud sila sa Samaria, nga nagsiling si Eliseo: "Iehoba, pamuklata ang mga mata sining mga tinawo, agud nga makakita sila." Kag ginpamuklat ni Iehoba ang

ila mga mata, kag nagtululok sila, kag yari karon *yadto na sila* sa tungâ sang Samaria.

21 Kag ang Hari sa Israel nagsiling kay Eliseo, sang nakita niya sila: “Pagapamilason ko bala sila, amay ko?”

22 Kag sia nagsiling: “Ayaw sila pagpamilasa. Magapilas ka bala sa mga ginpamihag mo sang imo kampilan kag sang imo pana? Butang-ka sa atubangan nila sang tinapay kag tubig, agud nga magkalaon kag magilinum sila, kag magkaladto sila sa ila ginoo.”

23 Kag ginhimooan niya sila sang daku nga pagkaon, kag nagkalaon kag nagilinum sila; ugaling ginpadalâ niya sila, kag sila nagpalakadto sa ila ginoo. Kag ang mga kasoldadosan sang Aram wala na magbalalik sa pagsulûd sa duta sa Israel

Paglibot kag pagbawi nga makatilingala sa Samaria.

24 Sa tapus sini, nahanabu nga si Ben-Hadad, nga hari sa Aram, nagtipon sang bug-os niya nga dulugan, kag nagtaklad sia kag ginlibutan niya ang Samaria.

25 Kag may daku nga gutum sa Samaria; kag yari karon ginlibutan sia sing mapiot gid, tubtub nga ang olo sang isa ka asno nabaligya na sa kawaloan ka *siklo* nga pilak, kag ang ikap-at ka bahin sang isa ka kab nga iti sang mga salampati, sa lima ka *siklo* nga pilak.

26 Kag sang nagligad ang hari sa Israel sa kuta, ang isa ka babae nagsingit sa iya, nga nagasiling: “Luwasa ako, hari, nga ginoo ko.”

27 Kag sia nagsiling: “Kon indi si Iehoba magluwas sa imo, sa diin ko bala ikaw pagaluwason, sa linasan bala, kon sa ipitan?”

28 Kag nagsiling sa iya ang hari: “Anong imo?” Kag sia nagsabat: “Ini nga babae nagsiling sa akon: Dalha diri ang imo anak, kag magkaon kita sini karon, kag buas pagakaonon naton ang akon anak.

29 Busa, ginluto namon ang akon, anak, kag ginkaon namon sia. Kag sang adlaw nga madason ako nagsiling sa iya: Dalha diri ang imo anak, kag magkalaon kita sa iya. Apang gintago niya ang iya anak.”

30 Kag sang nabatian sang hari ang mga polong sadtong babae, gingisi niya ang iya mga panapton; kag sang nagagi sia sa kuta, nakit-an sia sang banwa, kag yari karon may panapton sia nga masinakiton sa ibabaw sang iya unud sa sulûd gid.

31 Kag nagsiling ang hari: “Amo ining paghimoon sang Dios sa akon, kag amo ini ang pagidugang, kon ang olo ni Eliseo, nga anak ni Sapat, magpabilin sa ibabaw niya karon nga adlaw.”

32 Kag si Eliseo naglingkod sa iya baláy, kag upud sa iya naglilingkod ang mga tigulang; kag ang *hari* nagpadalâ sa iya sang isa ka tawo sa atubangan niya. Apang sang walâ pa magabut ang manugbalita sa iya, nagsiling sia sa mga tigulang: “Walâ bala ninyo makita kon paano nga ining anak sang manugpatay sang tawo nagapadalâ sa akon sa pagkuha sang akon olo? Busa, tuluka-ninyo, kag kon magabut ang manugbalita, takpan-ninyo ang gawang, kag itiklod-ninyo sia sa gawang. Walâ bala sa olehe niya ang kagahud sang mga tiil sang iya agalon?”

33 Sang nagahambal pa sia sa ila, yari karon, ang manugbalita nga nagadulhog sa iya, kag nagsiling: “Yari karon ining kalautan nagagikan kay Iehoba. Kay nga bala magahulat pa ako kay Iehoba?”

**7** NIYAN nagsiling si Eliseo: “Palamati-kamo sang polong ni Iehoba: Amo ining ginasing ni Iehoba: Buas sa sining oras *magabili* ang isa ka sukub sang harina nga malum-ok sang isa ka siklo, kag ang duha ka sukub nga sebada, sang isa ka siklo, sa gawang sang Samaria.

2 Kag ang pangolo, nga sa ibabaw sang iya kamut nagahamboy ang hari, nagsabat sa tawo sang Dios, kag nagsiling: “Kon si Iehoba maghimo sing mga talambuan sa langit, magakanabu bala ini?” Kag sia nagsiling: “Yari karon, pagatan-awon mo ini sang imo mga mata, apang indi ka magakaon sa iya.”

3 Kag may apat ka tawo nga mga tabukawon sa salamputan sang gawang, nga nagsinilingay ang isa sa isa: “Kay nga bala magapabilin kita diri tubtub nga magkalamatay kita?”



4 Kon magsiling kita: Magsulúd kita sa banwa, ang gutum yara sa banwa kag magakalamatay kita didto; kag kon magpalabilin kita diri, magakalamatay *man* kita. Busa, kari-kamo, kag magpaningholog kita sa dulugan sang Aram: kon sila magtugut sa aton, nga magkabuhi kita, magakalabuhi kita; kag kon pagpatyon kita nila, magakalamatay kita."

5 Kag nagtilindug sila sa pagkasirum sa pagkadto sa dulugan sang Aram; kag sang nag-abut sila sa dulugan sang Aram, yari karon, walâ didto sing tawo.

6 *Kay* ginhimo sang Ginoo nga sa dulugan sang Aram mabatian ang dinagubdub sang mga kanga, kag kinagahud sang mga kabayo, kag dinaguhub sang isa ka dakung kasoldadosan; kag nagsinilingay ang iban sa mga iban: "Yari karon ang hari sa Israel nagsohol batok sa aton sa mga hari sang mga Hetinhon, kag sa mga hari sang mga Egiptohanon, agud nga mag-alabut sila batok sa aton."

7 Kag nagtilindug kag nagpalalagyo sila sa pagkasirum, nga ginbayaan nila ang ila mga layanglayang, ang ila mga kabayo, ang ila mga asno, kag ang dulugan subung nga yara sia, kag nagpalalagyo sila sa *pagluwas* sang ila mga kabuhi.

8 Kag nagkaladto ang mga tabukawon sa ukbung sang dulugan kag nagsululúd sila sa isa ka layanglayang, kag nagkalaon kag nagilinum sila, kag nagdalá sila gikan didto sing pilak kag bulawan, kag sing mga panapton, kag naglalakat sila, kag gintago nila sila. Kag nagbalalik sila kag nagsululúd sila sa isa pa ka layanglayang, kag gikan didto nagdalalá man sila kag naglalakat sila kag gintago nila ang *hinublas*.

9 Kag nagsinilingay ang isa sa isa: "Walâ kita magahimo sang maayo. Karon among adlaw sa maayong balita, kag kita nagahipus: kon maghulat kita tubtub sa kapawa sang aga, pagalambuton kita sang *aton* kalainan. Busa kari-kamo, maglakat-kita karon, kag maghagtag-kita sang balita sa baláy sang hari.

10 Kag nagkaladto sila kag nagsilingit sila sa mga bantay sang gawang sang banwa, kag nagpahibalo sila sa ila, nga nagasiling: "Nagsululúd kami sa dulugan sang Aram, kag yari karon, walâ didto sing tawo, bisan tingug sang tawo, kondi ang mga kabayo nga napangaid,

ang mga asno man nga napangaid, kag ang mga layanglayang subung nga yara sila.

11 Kag gintawang ang mga manugbantay sang gawang, kag ginsugid nila ini sa sulúd sa baláy sang hari.

12 Kag nagtindug ang hari sa kagabihon, kag nagsiling sia sa iya nga alagad: "Tuguti ako, nga magpahibalo sa inyo sang ginhimo sa aton sang mga Araminhon. Sila nakahibalo nga may gutum kita, kag naghalalín sila sa dulugan sa pagpanago sa latagon, nga nagasiling: Kon magagulowa sila sa banwa, pagapandakpon naton sila nga mga buhi, kag magasululúd kita sa banwa."

13 Kag nagsabat ang isa sang iya nga alagad, kag nagsiling: "Magkuha karon sang lima sang mga kabayo nga nagkalabilin sa banwa; yari karon, sila subung sang bug-os nga kadam-an sa Israel, nga nabilin sa iya; yari karon, sila man subung sang bug-os nga kadamuon sa Israel, nga naupúd na. Magpadalá-kita sa ila, kag magatan-aw kita."

14 Kag nagkuluha sila sang duha ka kanga patí ang ila mga kabayo, kag ginpadalá sila sang hari sa olehe sang dulugan sang Aram, nga nagasiling: "Lakat-kamo, kag tan-awa-ninyo."

15 Kag ginsunud nila sila tubtub sa Iordan: kag yari karon, ang bug-os nga dalan napunó sang mga panapton kag mga gamit nga kinahabuy sang mga Araminhon sa kasakoon. Kag nagbalalik ang mga manugbalita, kag ginpahibalo nila *ini* sa hari.

16 Kag ang banwa naggowa, kag gin-ati nila ang dulugan sang Aram. Sa bagay nga *ginbaligya* ang isa ka sukub sang harina nga malum-ok sa isa ka siklo, kag duha ka sukub nga sebada sa isa ka siklo, sono sang poiong ni Iehoba.

17 Kag gintulin sang hari ang gawang sa pangolo, nga sa ibabaw sang iya kamut nagahamboy sia; kag gintapak sia sang banwa sa salamputan, kag namatay sia, sono sang kinasiling sang tawo sang Dios, nga ginhambal niya, sang ang hari nagpanaug sa iya.

18 *Kay* sang paghambal sang tawo sang Dios sa hari, nga nagasiling: "Duha ka sukub nga sebada sa isa ka siklo, kag ang sukub sang harina nga malum-ok *pagabaligya* sa isa ka siklo

buas sa sining oras sa gawang sang Samaria ; ”

19 Nagsabat yadtong pangōlo sa tawo sang Dios, nga nagasiling: “ ¡ Hoo ! Si Iehoba magahimo sing mga talambuan sa langit, ¿ mahanabu bala ang kaangay sini nga butang ? ” Kag nagsiling si Eliseo: “ Ikaw makakita sini sa imo mga mata, apang indi ka magakaon sa iya.”

20 Kag amo ini ang nahanabu sa iya: ang banwa nagtapak sa iya sa gawang, kag namatay sia.

Pito ka tuig nga gutum.—Ang mga pagkabutang sang Sunaminhon nga babae.

**8** KAG naghambal si Eliseo sa sad-tong babae, nga ang iya anak ginbuhi niya, nga nagasiling: “ Tindug-ka, lakat-ka, ikaw kag ang bug-os mo nga baláy sa pagpanlugayaw sa diin masarang mo ; kay gintawag ni Iehoba ang gutum, nga nagaabut man sa ibabaw sang duta sing pito ka tuig.”

2 Kag ang babae nagtindug, kag ginhimo niya, subung sang ginsiling sa iya sang tawo sang Dios. Kag naglakat sia kag ang iya panimaláy, kag nagpanlugayaw sia sa duta sang mga Pilistinhon sing pito ka tuig.

3 Kag nahanabu, sang nagliligad ang pito ka tuig nga ang babae nagbalik gikan sa duta sang mga Pilistinhon. Kag naggowa sia sa pagpangayô sa hari tungud sang iya baláy, kag tungud sang iya latagon.

4 Kag ang hari naghambal kay Giesi, solagoon sang tawo sang Dios, nga nagasiling sa iya: “ Ginaampo ko sa imo nga sugiran mo ako sang tanan nga daku nga mga butang nga ginhimo ni Eliseo.”

5 Kag sang ginsugid niya sa hari kon paano nga ginbuhi niya ang patay, yari karon ang babae, nga ang iya anak ginbuhi niya, nga nag-abut sa pagpangayô sa hari nahanungud sang iya baláy, kag nahanungud sang iya latagon ; kag nagsiling si Giesi: “ Hari, nga ginoo ko: yari karon ang babae, kag yari karon ang iya anak, nga ginbuhi sia ni Eliseo.”

6 Kag nagpamangkot ang hari sa babae, kag sia nagsugid sa iya sini. Kag ang hari naghatag sa iya sang isa ka kapon, nga nagsiling sa iya: “ Ipangili mo sa iya ang tanan nga mga butang nga iya, kag ang tanan nga mga patubas

sang mga duta, kutub sang adlaw nga nagbiya sia sang kadutaan tubtub karon.”

Si Hasael naninhari sa Aram, kon Siria.

7 Si Eliseo nagkadto sa Damasko, kag si Ben-Hadad, nga hari sa Aram, nagmasakit ; kag ginpahibalo sia, nga nagasiling: “ Ang tawo sang Dios nag-abut diri.”

8 Kag ang hari nagsiling kay Hasael: “ Kuha-ka sa imo kamut sing isa ka dólol, kag lakat-ka sa pagsugata sa tawo sang Dios, kag magpamangkot-ka tungud sa iya kay Iehoba, nga nagasiling: “ ¿ Magaáyô bala ako sa sini nga balatian ? ”

9 Kag si Hasael nagkadto sa pagsugata sa iya, kag kinuha niya ang isa ka dólol sang iya kamut, kag ang tanan nga labing mahal sa Damasko, ang lulan sang kap-atan ka kamelyo, kag nag-abut sia kag nagtindug sa atubangan niya, kag nagsiling: “ Ang imo anak nga si Ben-Hadad, nga hari sa Aram, nagpadalá sa akon sa imo, nga nagasiling: “ ¿ Magaáyô bala ako sa sini nga balatian ? ”

10 Kag si Eliseo nagiling sa iya: “ Lakat kag isiling-mo sa iya: “ Sa pagkaniatuud gid, sarang ka mag-áyô ; apang si Iehoba nagpahayag sa akon nga sia mamatay, sa pagkaniatuud gid.

11 Kag ang tawo sang Dios nagtadlung sang iya guya sa iya, kag nagpasiling sa iya tubtub nga nalibog kag naghibi sia.

12 Kag nagsiling sa iya si Hasael: “ ¿ Kay nga bala nagahibi ang akon ginoo ? ” Kag sia nagsabat: “ Kay nahibaloan ko ang kalainan nga pagahimoon mo sa mga inanak ni Israel: sa iya mga banwa nga malig-on pagatutdan mo sang kalayo, kag pagapatyon mo sa hinganiban ang iya mga pamatan-on, kag pagapandugmukon mo ang iya mga kabataan, kag pagapamusbusan mo ang iya mga nagabulusong.”

13 Kag si Hasael nagsiling: “ Apang ¿ sino-o bala ang imo alagad, ining ido, nga magahimo sining daku nga butang ? ” Kag nagsiling si Eliseo: “ Si Iehoba nagpakita sa akon, nga ikaw magamaninhari sa ibabaw sang Aram.”

14 Kag sia nagkadto gikan kay Eliseo, kag nag-abut sia sa iya ginoo, nga nagasiling sa iya: “ ¿ Ano bala ang



ginsiling ni Eliseo sa imo?" Kag sia nagsiling: "Sa pagkamatund sarang ka mag-áyô."

15 Kag nahanabu, sang madason nga adlaw nga nagkuha sia sing isa ka tabon nga madamul; kag gintusmug niya ini sa tubig, kag ginhumlad niya ini sa nawung *sang hari*, kag namatay sia; kag naghari si Hasael nga salili niya.

Si Ioram kag si Okosias, mga hari sa Iuda.

16 Sa ikalima ka tuig ni Ioram, nga anak ni Akab, nga hari sa Israel, kag ni Iosapat, nga hari sa Iuda, nagsugud sa paghari si Ioram, nga anak ni Iosapat, nga hari sa Iuda.

17 Nagsugud sia sa paghari sang nagaedad sia sing katloan kag duha ka tuig, kag naghari sia sing walo ka tuig sa Ierusalem.

18 Kag naglakat sia sa dalanon sang mga hari sa Israel, subung sang ginhimo sang baláy ni Akab; kay isa ka anak nga babae ni Akab nanginiya asawa, kag ginhimo niya ang malain sa mga mata ni Iehoba.

19 Apang si Iehoba walá magbuut paglaglag sa Iuda, bangud kay Dabid, nga iya alagad, subung sang ginsiling niya sa iya, nga pagahatagan niya sia sang lampiran nga sa iya mga inanak sa gihapon.

20 Sa iya panag-on naglalis ang Edom sa idalum sang kamut ni Iuda, kag nagtukud sila sing hari sa ibabaw nila.

21 Kag si Ioram naglitan sa Seir, kag ang tanan niya nga mga kanga upud sa iya; kag sang nagtindug sia sa kagabihon, ginpilas niya ang Edom, nga kinalibutan niya sia, kag ang mga pangolo sang mga kanga; kag ang banwa nagpalagyo sa ila mga layanglayang.

22 Kag naglalis ang Edom sa idalum sang kamut ni Iuda tubtub karon. Niyan naglalis *man* ang Libna, sa amo gid nga panag-on.

23 Kag ang iban sang mga binuhatan ni Ioram, kag ang tanan nga ginhimo niya, walá bala masulat sa tolon-an sang mga Kronika sang mga hari sa Iuda?

24 Kag nagtolog si Ioram upud sang iya mga ginikanan, kag ginlubung sia upud sang iya mga ginikanan sa baniwa ni Dabid; kag naghari si Okosias, nga iya anak nga salili niya.

25 Sa tuig nga ikapulô kag duha ni Ioram, nga anak ni Akab, hari sa Israel, nagsugud sa paghari si Okosias, anak ni Ioram, nga hari sa Iuda.

26 Nagsugud sa paghari si Okosias, sang nagaedad sia sing duha ka pulô kag duha ka tuig, kag naghari sia sing isa ka tuig sa Ierusalem. Ang ngalan sang iya ilôy amo si Atalia, anak nga babae ni Omri, nga hari sa Israel.

27 Kag naglakat sia sa dalanon sang baláy ni Akab, kag ginhimo niya ang malain sa mga mata ni Iehoba, subung sang baláy ni Akab, kay umagad sia sang baláy ni Akab.

28 Kag naglakat sia sa pag-awayan upud kay Ioram, nga anak ni Akab, sa Ramot sa Galaad, batok kay Hasael, nga hari sa Aram; kag ginpilas sang mga Araminhon si Ioram.

29 Kag ang hari nga si Ioram nagbalik sa Iesreel, sa pagbulóng sang mga pilas nga ginhimo sa iya sang mga Araminhon, sa atubangan sang Rama, sang nag-away sia batok kay Hasael, nga hari sa Aram. Kag nagdulhog si Okosias, nga anak ni Ioram, hari sa Iuda, sa pagduaw kay Ioram, nga anak ni Akab, sa Iesreel, kay nagabalatian siya.

Si Iehu hinaplas nga hari sa Israel, ginapatay niya ang mga hari sa Israel kag sa Iuda.—  
Kamatayon ni Iesabel.

**9** KAG ang manalagna nga si Eliseo nagtawag sa isa sang mga anak sang mga manalagna, kag nagsiling ka sa iya: "Wagkusi ang imo mga hawak, kag kuhaa ina nga tibud sang lana sa imo kamut, kag lakat-ka sa Ramot sa Galaad.

2 Kag kon mag-abut ka didto, tanawa kon *diin* si Iehu, anak ni Iosapat, nga anak ni Nimsi; kag magsulúd-ka kag pagahimoon mo, nga magtindug sia sa tungâ sang iya mga útud, kag pagapasudlon mo sia sa isa ka hulut sa sulúd.

3 Kag pagakuhaon mo ang tibud sang lana, kag pagaibóbo mo sia sa ibabaw sang iya olo, kag masaling ka: "Amo ining ginasing ni Iehoba: Ako naghaplas sa imo nga hari sa ibabaw sang Israel. Kag magabukas ka sang gawang kag magapalagyo ka, kag indi ka magahulat."

4 Kag naglakat ang pamatan-on, ang pamatan-on sang manalagna, sa Ramot sa Galaad.

5 Kag sang nagsulúd sia, yari karon nga ang mga pangolo sang kasoldadosan nagalilingkod didto. Kag sia nagsiling: "Pangolo, may isa ka polong ako nga sa imo." Kag si Iehu nagsiling: "¿Sa kay sin-o bala sa amon nga tanan?" Kag sia nagsiling: "Sa imo, pangolo."

6 Kag si Iehu nagtindug, kag nagsulúd sa baláy; kag ang *manalagna* nagbobo sang lana sa ibabaw sang iya olo, kag nagsiling sa iya: "Amo ining ginasing ni Iehoba, nga Dios ni Israel: Ako naghaplas sa imo nga hari sa ibabaw sang banwa ni Iehoba, sa ibabaw sang Israel;

7 Kag pagapilason mo ang baláy ni Akab, nga imo ginoo, agud nga ako magtimalus sang dugo sang akon mga alagad nga mga manalagna, kag sang dugo sang tanan nga mga alagad ni Iehoba, sa kamut ni Iesabel.

8 Kag mawála ang bug-os nga baláy ni Akab, kag pagautdon ko kay Akab ang tanan gid nga lalaki, ang gin-alila, subung man ang ginbayaan sa Israel.

9 Kag pagaibutang ko ang baláy ni Akab subung sang baláy ni Ieroboam, anak ni Nabat, kag subung sang baláy ni Baasa, nga anak ni Ahia.

10 Kag nahanungud kay Iesabel, pagakaonon sia sang mga ido sa latagon sa Iesreel, kag walay sin-o nga magalubung sa iya." Kag ginbuksan niya ang gawang, kag nagpalagyo sia.

11 Kag naggowa si Iehu sa mga alagad sang iya ginoo; kag ginsilingan sia: "¿May paghidaet bala? ¿Kay nga bala nagkari sa imo yadtong buang?" "Kag sia nagsiling sa ila: "Nakilala ninyo ang tawo kag ang iya mga polong."

12 Kagsila nagsililing: "¿Butig! Ipa-hayag sa amon ini karon." Kag sia nagsiling: "Amo ini kag amo ining ginhambal niya sa akon, nga nagsiling: Amo ining ginasing ni Iehoba: Ako naghaplas sa imo nga hari sa ibabaw sang Israel."

13 Kag nagdalali sila kag nagkuha ang tagsatagsa sa iya panapton, kag ginbutang nila sila sa idalum niya sa amo nga halintang, kag nagpalatunog sila sing budyong, kag nagsililing sila: "Si Iehu among hari."

14 Kag sang si Iehu, anak ni Iosapat, nga anak ni Nimsi, nagpuhon batok kay Ioram, si Ioram nagbantay sa Ramot sa

Galaad, siá kag ang bug-os nga Israel, bangud kay Hasael, nga hari sa Aram.

15 Kag nagbalik na ang hari nga si Ioram sa Iesreel, sa pagbulóng sang mga pilas, nga kinahimo sa iya sang mga Araminhon, nga nag-away batok kay Hasael, nga hari sa Aram. Kag si Iehu nagsiling: "Kon among inyo kabubuton walay sin-o nga manugpalagyo nga maggowa sa banwa, sa pagkadto sa paghatag sang mga balita sa Iesreel."

16 Kag si Iehu nagsakay sa kanga, kag nagpakadto sa Iesreel, kay si Ioram yadto didto sa iya higdaan; kag si Okosias man, nga hari sa Iuda, nagdulhog sa pagduaw kay Ioram.

17 Kag ang manuglantaw nagtindug sa tore sa Iesreel, kag nakita niya ang pinanong ni Iehu, nga nagapakari, kag nagsiling sia: "Ako nagatan-aw sing isa ka pinanong." Kag si Ioram nagsiling: "Kuha-ka sang isa ka manugkabayo, kag ipadalá sa pagsugata sa ila, kag nga magsiling sia sa ila: ¿May pagkidaet bala?"

18 Kag ang isa ka tawo nga nagakabay, nagkadto sa pagsugata kay Iehu, kag nagsiling: "Ang hari nagsiling sing subung sini: ¿May paghidaet bala?" Kag si Iehu nagsiling: "Ano bala ang labut mo sang paghidaet? Balik ka sa olehe nakon." Kag ang manuglantaw nagpahibalo sa hari, nga nagsiling: "Ang manugbalita nag-abut tubtub sa ila, kag walá magabalik."

19 Kag nagpadalá sia liwan sang isa nga nagakabay, nga nag-abut sa ila kag nagsiling: "Ang hari nagsiling sing subung sini: ¿May paghidaet bala?" Kag si Iehu nagsiling: "¿Ano bala ang labut mo sang paghidaet? Balik ka sa olehe nakon."

20 Kag ang manuglantaw nagpahibalo, nga nagsiling: "Ini man nag-abut sa ila, kag walá magabalik; kag ang pagdumala subung sang pagdumala ni Iehu, anak ni Nimsi, kay nagadumala sia nga may kasingkal."

21 Kagsi Ioram nagsiling: "¿Takud!" Kag sang natakdan ang kanga, naggowa si Ioram, nga hari sa Israel, upud si Okosias, nga hari sa Iuda, ang tagsatagsa sa iya kanga; kag naggulowa sila sa pagsugata kay Iehu, nga nakita nila sia sa latagon ni Nabot, nga taga-Iesreel.

22 Kag sang nakita ni Ioram si Iehu,



nagsiling sia sa iya: “¿May paghidaet bala, Iehu?” Kag sia nagsabat: “¿Ano bala nga paghidaet, nga nagapadayon pa ang mga pagpanghilahe ni Iesabel, nga imo ilóy, kag ang iya madamu nga mga pagdiwata?”

23 Kag sang ginliso ni Ioram ang iya mga kamut, nalagyo sia kag nagsiling sia kay Okosias: “Budhi, Okosias.”

24 Kag si Iehu nagkuha sang pana sa iya kamut, kag ginpilas niya si Ioram sa tungâ sang mga likod, kag ang baslay naggowa sa iya tagiposoon kag naholog sia sa iya kanga.

25 Kag nagsiling si Iehu kay Bidkar, nga iya pangolo: “Kuhaa sia kag ihaboy sia sa isa ka bahin sang latagon ni Nabot, nga taga-Iesreel; kay panumduma nga, sang ikaw kag ako nagtingub upud sang manugkabayo, nga naglakat sing tagduhaduha sa olehe ni Akab, nga iya amay, si Iehoba nagmitlang sini nga paghukom batok sa iya, nga nagsiling:

26 Sa pagkamatuud, nga nakita ko kahapon ang dugo ni Nabot, kag ang dugo sang iya mga anak, nagsiling si Iehoba; kag magahatag ako sa imo sang bayad sa sini nga bahin, nagsiling si Iehoba. Busa kuhaa sia karon, kag ihaboy sia sa bahin sang latagon, sono sa polong ni Iehoba.”

27 Kag sang nakita ini ni Okosias, nga hari sa Iuda, nagpalagyo sia sa dalan sang baláy sang katamnan; kag ginlagas sia ni Iehu, nga nagsiling: “Pilasa man ninyo ini sia sa kanga.” Kag ginpilas nila sia sa taklaran sa Gur, sa luyo sa Iebleam; kag sia nagpalagyo sa Megido, kag namatay sia didto.

28 Kag gindala sia sang iya mga alagad sa isa ka kanga sa Ierusalem, kag didto ginlubung nila sia sa iya lulubngan upud sang iya mga ginikanan, sa banwa ni Dabid.

29 Sa ikapulô kag isa ka tuig ni Ioram, nga anak ni Akab, nagsugod sa paghari si Okosias sa ibabaw sang Iuda.

30 Kag nag-abut si Iehu sa Iesreel: kag sang nabatian ini ni Iesabel, nagbutang sia sing duag sa iya mga mata kag ginpunihan niya ang iya olo, kag nagtamad sa isa ka talambuan.

31 Kag sang nagsulud si Iehu sa gawang, sia nagsiling: “¿May paghidaet bala? Simri, manugpatay sang iya ginoo.”

32 Kag sang binayaw niya ang iya

nawung nayon sa talambuan, nagsiling sia: “¿Sin-o bala ang sa akon? ¿Sin-o bala?” Kag nagtalamud nayon sa iya ang duha kon tatlo ka kapon.

33 Kag sia nagsiling: “Itagbong-ninyo sia” Kag gintagbong nila sia; kag ang iya dugo nagsablig sa dingding, kag sa mga kabayo, kag gintapak niya sia.

34 Kag nagsulud sia kag nagkaon kag naginum; ugaling nagsiling sia: “Atipana sing diyotay yadtong pinakamalaut, kag ilubung-ninyo sia, kay anak nga babae sia sang hari.”

35 Apang sang nagkaladto sila sa paglubung sa iya, walâ na sila sing nakita sa iya kondi ang bagol kag ang mga tiil, kag ang mga palad sang mga kamut.

36 Kag nagbalalik sila, kag ginsulugid nila ini. Kag sia nagsiling: “Angpolong sang Dios amo ini, nga sia naghambal tungud sang iya alagad, nga si Elias nga Tisbinhon, nga nagsiling: Sa latagon sa Iesreel pagakaanon sang mga ido ang mga unud ni Iesabel.”

37 Kag ang bangkay ni Iesabel manginsubung sang ipot sa ibabaw sang kadaygan sang duta, sa bahin sa Iesreel, sa bagay nga walay sin-o nga sarang makasiling: Ini amo si Iesabel.

Pagpapas sang panimalay ni Akab kag sang mga manalagna ni Baal.

10 KAG si Akab may kapitoan ka anak sa Samaria; kag si Iehu nagsulat sing mga sulat, kag ginpadala niya sila sa Samaria sa mga pangolo sa Iesreel, sang mga tigulang, kag sa mga manuglibang sang mga anak ni Akab, nga nagsiling:

2 “Kag karon, kon mag-abut iningsulat sa inyo, kamo nga yara sa inyo ang mga anak sang inyo ginoo, kag yara sa inyo ang mga kanga kag mga kabayo, kag ang banwa nga malig-on, kag ang mga hinganiban:

3 Tan-awa-ninyo kon sin-o ang anak sang inyo ginoo nga labing maayo kag labing matadlung, kag ibutang-ninyo sia sa lingkoran nga harianon sang iya amay; kag pag-away-kamo tungud sang baláy sang inyo ginoo.”

4 Apang sila ginhadlukan sing daku, kag nagsiling: “Yari karon ang duha ka hari walâ makasarang pagtindug sa

atubangan niya, kag kami, ¿paano bala ang pagkasarang namon sa pagbatô sa iya?"

5 Kag ang tululinan sang baláy, kag ang manugdumala sang banwa, kag ang mga tigulang, kag ang mga manuglibang sang mga bátâ, nagpaladalá sa pagsiling kay Iehu: "Imo kami nga mga alagad, kag pagahimoon namon ang tanan nga igasiling mo sa amon. Indi namon pagihatag ang ginharian sa bisan kay sin-o; paghimoon-mo ang maayo sa imo mga mata."

6 Kag sia nagsulat sa ila sing sulat sa makaduha, nga nagsiling: "Kon kamo mga akon, kag kon magpalamati kamo sang akon tingug, kuhaa-ninyo ang mga olo sining mga tawo, nga mga anak sang inyo ginoo, kag kalari-kamo buas sa sining oras sa akon, sa Iesreel." Kag ang mga anak sang hari, nga kapitoan ka lalaki yadto sila upud sang mga dunganon sang banwa, nga nagasalagud sa ila.

7 Kag sang nag-abut ang sulat sa ila, ginkuluha nila ang mga anak sang hari kag ginpamugutan nila ang kapitoan ka lalaki, kag ginbulutang nila ang ila mga olo sa mga tabig, kag ginpaladalá nila sila sa Iesreel.

8 Kag nag-abut ang manugbalita kag nagpahibalo sa iya, nga nagsiling: "Gindalalá nila *diri* ang mga olo sang mga anak sang hari." Kag sia nagsiling: "Ibutang sila sa duha ka tumpok sa salamputan sang gawang tubtub sa aga."

9 Sang pag-abut sang aga, naggowa sia kag nagatindug sia *didto*, kag nagsiling sia sa bug-os nga banwa: "Kamo mga matarung. Yari karon, ako nagpuhon batok sa akon ginoo, kag ginpatay ko sia; apang ¿sin-o bala ang nagpilas sa sining tanan?"

10 Maghilibalo-kamo karon, nga sa polong ni Iehoba, nga ginhambal sa ibabaw sang baláy ni Akab, nga walâ gid sing maholog sa duha; kag nga ginhimo ni Iehoba ang ginsiling niya tungud sa iya alagad nga si Elias."

11 Kag ginpatay ni Iehu ang tanan nga mga nagkalabilin sa baláy ni Akab sa Iesreel, kag ang tanan niya nga mga dunganon, kag ang tanan niya nga mga abyan nga hirop, kag ang iya mga saserdote, tubtub nga walâ gid sing nabilin nga nagpalagyo.

12 Kag nagtindug sia, kag nagtaliwan,

kag nagkadto sa Samaria. Kag sang didto sia sa Bet-eked sang mga Manugbantay sang obeha, sa luyo sang dalan,

13 Nakita ni Iehu didto ang mga útud ni Okosias, nga hari sa Iuda, kag nagsiling sia sa *ila*: "¿Sin-o bala kamo?" Kag sila nagsililing: "Mga útud kami ni Okosias, kag nagdulhog kami sa pagabiabi sa mga anak sang hari kag sa mga anak sang haring babae."

14 Kag sia nagsiling: "Pandakpaninyo sila nga buhi." Kag sang napanakap nila sila nga mga buhi, ginpamugatan nila sila sa luyo sang bobon sang Bet-eked, kap-atan kag duha ka lalaki, nga walâ gid sing ginbilin sa ila.

15 Kag sang tumaliwan sia didto, nasugata niya si Ionadab, anak ni Rekab, nga *nagkari* sa pagsugata sa iya; kag ginpapakamaayo niya sia kag nagsiling sa iya: "¿Matadlung bala ang imo tagiposoon, subung sang akon nga matadlung nayon sa imo tagiposoon?" Kag si Ionadab nagsiling: "Amo sia" "Kon amo sia, *ginsulit* niya, idawo sa akon ang kamut." Kag sia naghatag sa iya sang kamut. Kag ginpasaka ni Iehu sia sa kanga upud sa iya.

16 Kag nagsiling sia: "Kari-ka upud sa akon kag makita mo ang akon kakugi tungud kay Iehoba." Kag ginpalakat nila sia sa iya kanga.

17 Kag nagsulúd si *Iehu* sa Samaria, kag ginpilas niya ang tanan nga nagkalabilin pa kay Akab sa Samaria, tubtub nga nalaglag sila, sono sa polong ni Iehoha, nga kinasiling tungud kay Elias.

18 Kag gintipon ni Iehu ang bug-os nga banwa kag nagsiling sa ila: "Si Akab nag-alagad sing diyotay kay Baal; apang si Iehu magaalagad sa iya sing daku.

19 Busa karon, itipon-ninyo ako sa tanan nga mga manalagna ni Baal, sa tanan niya nga mga alagad, kag sa tanan niya nga mga saserdote, nga indi magkulang sing isa, kay may isa ka daku ako nga halad nga sa kay Baal. Bisin sin-o nga magkulang, indi mabuhi." Ini ginhimo ni Iehu nga may kalalangsa paglaglag sang mga nagaalagad kay Baal.

20 Kag nagsiling si Iehu: "Pakabalaan kamo sang isa ka pagtilipon nga maligdong kay Baal." Kag sila nagbantala sa iya.

21 Kag nagpadalá si Iehu sa bug-os nga Israel, kag nag-alabut ang tanan



n̄ga m̄ga alagad ni Baal, n̄ga walà gid sing nagkulang n̄ga walà mag-abut. Kag nagsululūd sila sa baláy ni Baal; kag ang baláy ni Baal napunô sa ukbung kag ukbung.

22 Kag nagsiling sia sa manugtatap-sang m̄ga panapton: "Pagowaa ang m̄ga panapton n̄ga sa tanan n̄ga m̄ga alagad ni Baal:" Kag sia nagkuha sa ila sing m̄ga panapton.

23 Kag nagsulūd si Iehu upud kay Ionadab, n̄ga anak ni Rekab, sa baláy ni Baal, kag nagsiling sia sa m̄ga alagad ni Baal: "Usisaa kag tan-awa-ninyo; n̄ga walà diri sa tungâ ninyo sing isa sang m̄ga alagad ni Iehoba, kondi lamang ang m̄ga alagad ni Baal."

24 Kag nagsululūd sila sa paghimo sang m̄ga halad kag m̄ga halad n̄ga sinunog, kag nagpahamtang si Iehu sang kawaloan ka tawo sa gowa, kag nagsiling sia sa *ila*: "Bisan sin-o n̄ga magtugut sa pagpapalagyo sang isa sadtong m̄ga tawo, n̄ga ginbutang ko sa inyo m̄ga kamut, ang iya kahuhi *igapan̄ako* tungud sang kabuhi niya."

25 Kag nahanabu sang nakatapus sila sa paghalad sang halad n̄ga sinunog, n̄ga si Iehu nagsiling sa m̄ga manugdalagan kag sa m̄ga manugaway: "Sulūd-kamo kag pilasa-ninyo sila; kag n̄ga walà gid sing maggowa." Kag ginpilas nila sila sa sulab sang hinganiban kag ginpanobol nila sila pa *gowa*; kag nagkaladto sila tubtub sa banwa sang simbahan ni Baal.

26 Kag ginkuluha nila ang m̄ga laranan sa baláy ni Baal, kag ginsunog nila sila.

27 Kag ginwas-ag nila ang larawan ni Baal, kag ginguluba nila ang baláy ni Baal, kag ginhimo nila sia n̄ga m̄ga palamus-unan tubtub karon.

28 Kag ginlaglag ni Iehu si Baal sa Israel.

Pagdiwata kag pagkamatay ni Iehu.

29 Apang nahanungud sang m̄ga salà ni Ieroboam, n̄ga anak ni Nabat, n̄ga tungud sa ila ginpapakasalà niya si Israel, si Iehu walà magisol sa ila, *kon sayoron* sang m̄ga tinday sang baka n̄ga bulawan, n̄ga yadto sa Bethel kag yadto sa Dan.

30 Kag si Iehoba nagsiling kay Iehu: "Tungud kay naghimo ka sang maayo, n̄ga nagabuhat ka sang matadlung sa atubangan sang akon m̄ga mata, kag

ginhimo mo sa baláy ni Akab, sono sa tanan n̄ga yari sa akon tagiposoan, ang imo m̄ga anak magalilingkod sa ibabaw sang lingkoran n̄ga harianon sa Israel tubtub sa ikapat ka kaliwatan."

31 Apang si Iehu walà mag-andam sa paglakat sa kasogoan ni Iehoba, n̄ga Dios ni Israel, sa bug-os niya n̄ga tagiposoan, bisan nagisol sia sa m̄ga salà ni Ieroboam, n̄ga tungud sa ila ginpapakasalà niya si Israel.

32 Sa sadtong m̄ga adlaw nagsugud si Iehoba sa pagutūd sang Israel. Kag ginpilas sila ni Hasael sa tanan n̄ga m̄ga kadulunan sa Israel:

33 Kutub sa Iordan, nayon sa Sulu-bangan, ang bug-os n̄ga duta sa Galaad, ang m̄ga Gadinhon, kag ang m̄ga Rubeninhon, kag ang m̄ga Manasinhon; kutub sa Aroer, n̄ga yara sa ibabaw sang kasulgan sa Arnon, tubtub sa Galaad kag sa Basan.

34 Kag ang iban sang m̄ga binuhatan ni Iehu, kag ang tanan n̄ga ginhimo niya, kag ang bug-os niya n̄ga kabantugan, walà bala masulat sa tolon-an sang m̄ga Kronika sang m̄ga hari sa Israel?

35 Kag nagtolog si Iehu upud sang iya m̄ga ginikanan, kag ginlubung nila sia sa Samaria; kag naghari n̄ga salili niya si Ioakas, n̄ga iya anak.

36 Ang panag-on n̄ga naghari si Iehu sa ibabaw sang Israel sa Samaria, nanginduha ka pūlô kag walo ka tuig.

Ginapapas ni Atalia ang panimalay n̄ga harianon kag naghari sia sa ibabaw sang Iuda.—Pagkaluwas ni Ioas.—Silot kay Atalia.

**11** KAG si Atalia, ilóy ni Okosias, sang nakita niya, n̄ga ang iya anak patay na, nagtindug sia kag ginlaglag niya ang bug-os n̄ga kaliwatan n̄ga harianon.

2 Apang si Iosaba, anak n̄ga babae sang hari n̄ga si Ioram, n̄ga útud n̄ga babae ni Okosias, nagkuha kay Ioas, n̄ga anak ni Okosias, kag ginkawat niya sia sa tungâ sang m̄ga anak sang hari, n̄ga ginapamatay, kag *gintago* niya sia kag ang iya sisiwa sa hulut sang m̄ga higdaan, kag gintago sia sa atubangan ni Atalia, kag walà sia mapatay.

3 Kag gintago sia didto upud sa iya sa Baláy ni Iehoba sing anum ka tuig. Kag si Atalia naghari sa ibabaw sang kadutaan.

4 Apang sang ikapito ka tuig nag-

padalá si Ioiada kag nagkuha sang pangôlo sang ginatus sang mġa Karinhon kag sang mġa manugdalagan, kag ginpasulúd niya sila nayon sa iya sa Baláy ni Iehoba; kag naghimo sia sa ila sing pakigkatipan, nġa ginpasumpa niya sila sa Baláy ni Iehoba; kag ginpakita niya sa ila ang anak nġa lalaki sang hari.

5 Kag nagsogo sia sa ila, nġa nagsiling: "Ini amo ang inyo pagahimoon: ang ikatlo ka bahin sa inyo, ang magsululúd sa *pag-alagdan* sa sabado, magabantay sila sa baláy sang hari.

6 Kag ang isa ka ikatlo ka bahin didto sila sa gawang sang Bagatnan; kag ang isa ka ikatlo ka bahin, sa gawang nġa sa likod sang mġa manugdalagan; kag amo ini pagabantayan ninyo ang baláy, nġa pagadumilian ang tanan nġa magsulúd.

7 Kag ang duha ka bahin sa inyo, nġa amo ang tanan nġa nagahalin sa *pag-alagdan* sa sabado, magabantay kamo sa Baláy ni Iehoba, sa luyo sang hari.

8 Kag pagalibutan ninyo ang hari sa palibot gid, nġa ang tagsatagsa may mġa hinganiban sa mġa kamut, kag bisan sin-o nġa magsulúd sa sining mġa pinasunod, pagapatyon sia, kag manginúpud kamo sa hari kon maggowa sia, kag kon magsulúd sia."

9 Kag, ang mġa pangôlo sang ginatus naghilimo sang tanan, subung sang ginsogo sa ila sang saserdote nġa si Ioiada; kag nagkuha sila ang tagsatagsa sang iya mġa tawo nġa amo ang mġa magsululúd sa *pag-alagdan* sa sabado, kag ang mġa naghalin sa sabado; kag nagsululúd sila kay Ioiada nġa saserdote.

10 Kag ginhatag sang saserdote sa mġa pangôlo sang ginatus ang mġa bangkaw kag ang mġa taming nġa iya sadto sang hari nġa si Dabid, nġa yari sa Baláy ni Iehoba.

11 Kag ang mġa manugdalagan, nġa ang tagsatagsa may mġa hinganiban sa ila mġa kamut, nahamtang sila kutub sa kilid nġa too sang Baláy tubtub sa kilid nġa walá, nayon sa halaran kag nayon sa Baláy malapit sa hari sa palibot.

12 Kag ginpagowa ni Ioiada ang anak sang hari, kag ginbutang niya sa iya ang purungpurung kag ang pagpamatuud; kag ginhimo nila sia nġa hari, nġa ginhaplas nila sia, kag nagpamalampak

sila, kag nagsililing: "Magkabuhi ang hari."

13 Kag sang nabatian ni Atalia ang dinaguhub sang mġa manugdalagan, kag ang *kagahud* sang banwa, nagsulúd sia sa banwa sa Baláy ni Iehoba.

14 Kag sang nagtulok sia, yari karon ang hari nġa nagatindug sa luyo sang haligi, sono sa pamatasan; kag ang mġa pangôlo, kag ang mġa budyong sa luyo sang hari; kag ang bug-os nġa banwa sang kadutaan sa Iuda nagkalasadya kag nagpalatunog sang mġa budyong. Niyan si Atalia, sang ginisi niya ang iya mġa panapton, nagsingit: "¡Budhi, budhi!"

15 Apang ang saserdote nġa si Ioiada nagsogo sa mġa pangôlo sang ginatus, nġa mġa manugmando sang kasoldadosan, kag nagsiling sa ila: "Pagowaa-ninyo sia sa mġa pasunud kag patyaninyo sa hinangiban ang magsunud sa iya;" kay ang saserdote nagsiling nġa indi nila sia pagpatyon sa Baláy ni Iehoba.

16 Kag ginhawaan nila sia kag nagsulúd sia sa dalan, sa diin nagsululúd ang mġa kabayo sa baláy sang hari, kag ginpatay nila sia didto.

17 Kag si Ioiada naghimo sing katipan sa tungâ ni Iehoba, kag sang hari kag sang banwa, agud nġa manginbanwa sila ni Iehoba; kag *subung man* sa tungâ sang hari kag sang banwa.

18 Kag ang bug-os nġa banwa sang duta nagsulúd sa baláy ni Baal, kag ginguba nila sia: ginwas-ag nila sing bug-os gid ang iya mġa halaran kag ang iya mġa larawan, kag ginpatay nila si Matan, nġa saserdote ni Baal, sa atubangan sang mġa halaran. Kag ang saserdote nagbutang sing manugtatap sa ibabaw sang Baláy ni Iehoba.

19 Kag ginkuha niya ang mġa pangôlo sang ginatus, ang mġa Karinhon, kag ang mġa manugdalagan, kag ang bug-os nġa banwa sang duta, kag ginpadulhog nila ang hari kutub sa Baláy ni Iehoba, kag nagsulúd sila sa baláy sang hari sa dalan sang gawang sang mġa manugdalagan; kag naglingkod si Ioas sa ibabaw sang lingkoran nġa hari-anon sang mġa hari.

20 Kag ang tug-os nġa banwa sang duta nagkalipay, kag ang banwa naglinong; kag ginpatay nila si Atalia sa hinganiban sa baláy sang hari.



21 Nagsugud si Ioas sa paghari sang nagaedad sia sing pito ka tuig.

Ginharian ni Ioas ; pagpanas sang diwata kag pagkaayo sang simbahan.

12 SA ikapito ka tuig ni Iehu nagsugud sa paghari si Ioas, kag naghari sia sing kap-atan ka tuig sa Ierusalem ; kag ang ngalan sang iya ilóy amo si Sibia, nga taga-Beer-seba.

2 Kag si Ioas naghimo sang matadlung sa mga mata ni Iehoba sang bug-os nga panag-on, nga gintudloan sia sang saserdote nga si Ioiada.

3 Lamang nga walâ mapanguha ang mga mataas nga duug, nga ang banwa naghalad kag nagsunog pa sang mga pahamut sa mga duug nga mataas.

4 Kag si Ioas nagsiling sa mga saserdote : “Ang tanan nga kuarta sang mga butang nga balaan, nga gindala sa Baláy ni Iehoba, ang kuarta nga may bili karon, ang kuarta nga *ginabayad* sang tagsatagsa tungud sang iya kalág, sono sang iya kabiliyanan, ang tanan nga kuarta nga nagagikan sa tagiposoon sang bisan sin-o sa pagdalá sa Baláy ni Iehoba,

5 Pagbatonon ini sang mga saserdote sa ila, ang tagsatagsa sang iya mga kilala, kag pagkapolan nila ang mga litik sang Baláy sa bisan diin nga may litik.

6 Kag sang tuig nga duha ka púlô kag tatlo sang hari nga si Ioas walâ pa makapoli sang mga saserdote ang mga litik sang Baláy.

7 Kag sang gintawag sang hari nga si Ioas ang saserdote nga si Ioiada, kag ang iban nga mga saserdote, nagsiling sia sa ila : “Kay ngaa walâ ninyo pagkapuli ang mga litik sang Baláy? Kag karon, indi na kamo magbalaton sing kuarta sa inyo mga kilala, kondi ihatag ninyo ini nga sa *pagkapol* sang mga litik sang Baláy.”

8 Kag ang mga saserdote nagpalahanugut sa indi na pagbaton sa banwa sing kuarta, kag nga indi katungdanan na nila ang pagkapol sang mga litik sang Baláy.

9 Kag si Ioiada nga saserdote, nagkuha sing isa ka kaban, kag ginhimoan niya sa takup sing isa ka boho, kag ginbutang niya sia sa luyo sang halaran, sa too kon magsulúd sa Baláy ni Iehoba ; kag ang mga saserdote nga nagba-

lantay sang gawang, ginbutang nila didto ang tanan nga kuarta nga ginasulúd sa Baláy ni Iehoba.

10 Kag sang ginatan-aw nila, nga may madamu na nga kuarta sa kaban, nagtaklad ang manugsulat sang hari, kag ang daku nga saserdote, kag ginhigan nila kag ginisip nila ang kuarta, nga makita nila sa Baláy ni Iehoba ;

11 Kag naghalatag sila sang kuarta nga natimbang sa kamut sang mga nagahilimo sang buluhaton, nga gintulin sa Baláy ni Iehoba ; nga sila naghatag sini sa *pagbayad* sa mga panday kag sa mga manugpatindug sang baláy ni Iehoba,

12 Kag sa mga albanyil, kag sa mga manugbasbas sang bató, kag sa pagbakal sang kahoy kag sang mga bató nga binas-basan, nga sa pagkapol sang mga litik sang Baláy ni Iehoba ; kag sa tanan nga ginagasto nga sa pagkaáyô sang Baláy.

13 Apang sa sadtong kuarta nga gindala sa Baláy ni Iehoba, walâ sila maghilimo nga sa Baláy ni Iehoba sang mga yahong nga pilak, bisan mga kimpit, bisan mga batiya, bisan mga budyong, bisan ano nga gamit nga bulawan kon pilak ;

14 Kondi ginhatag nila ini sa mga nagahilimo sang buluhaton, kag upud sa iya ginkaáyô nila ang Baláy ni Iehoba.

15 Kag walâ pagpangayoi sing isip sa mga tawo, nga sa ila mga kamut ginatugyan ang kuarta, agud nga sila maghalatag sini sa mga nagahilimo sang buluhaton ; kay sila naggawai nga may katutum.

16 Ang kuarta tungud sang mga halad sa kasal-anan, kag ang kuarta tungud sang mga halad tungud sang salâ indi ginadalá sa Baláy ni Iehoba ; ini nga kuarta nahanungud sa mga saserdote.

17 Niyan nagtaklad si Hasael, nga hari sa Aram, kag nag-away batok sa Gat, kag ginkuha niya sia ; kag ginbutang ni Hasael ang iya nawung sa pagtaklad batok sa Ierusalem.

18 Kag ginkuha ni Ioas, nga hari sa Iuda, ang tanan nga mga butang nga balaan nga ginbalaan ni Iosapat, kag ni Ioram, kag ni Okosias, nga iya mga ginikanan, nga mga hari, sa Iuda, kag ang ginbalaan *gid* niya, kag ang tanan nga bulawan nga nakita sa mga bahandi sang Baláy ni Iehoba kag sa baláy sang hari, kag ginpadalá niya ini kay Hasael, nga hari sa Aram, nga nagbalik sa Ierusalem.

19 Kag ang iban sang mġa binuhatan ni Ioas, kag ang tanan nġa ginhimo niya, ġ walā bala masulat sa tolon-an sang mġa Kronika sang mġa hari sa Iuda?

20 Kag nagtililindug ang iya mġa alagad, kag nagpadugi sila sing puhon, kag ginpilas nila si Ioas sa baláy sa Milo, nġa nagapadulhog nayon sa Sila.

21 Kag ginpilas sia ni Iosakar, nġa anak ni Simeat, kag ni Iosabab, nġa anak ni Somer, nġa iya mġa alagad, kag namatay sia. Kag ginlubung nila sia upud sa iya mġa ginikanaan sa banwa ni Dabid, kag naghari nġa salili niya si Amasias, kag iya anak.

Si Ioakas kag si Ioas, mġa hari sa Israel.

**13** SA tuig nġa duha ka púlò kag tatlo ni Ioas, nġa anak ni Okosias, nġa hari sa Iuda, nagsugud sa paghari si Ioakas, nġa anak ni Iehu, sa ibabaw sang Israel sa Samaria; *kag naghari* sia sing napúlò kag pito ka tuig.

2 Kag ginhimo niya ang malain sa mġa mata ni Iehoba, kag ginsunud niya ang mġa salā ni Ieroboam, nġa anak ni Nabat, nġa tungud sa ila ginpapakasalā niya si Israel, kag walā sia magisol sa ila.

3 Kag nagdabdab ang kaakig ni Iehoba batok sa Israel, kag gintugyan niya sila sa kamut ni Hasael, nġa hari sa Aram, kag sa kamut ni Ben-Hadad, nġa anak ni Hasael, sa bug-os sadto nġa panag-on.

4 Apang si Ioakas nagpanġamuyo sa nawung ni Iehoba, kag si Iehoba nagpamati sa iya; kay gintulok niya ang pagpigis sa Israel, kay ginapigis sila sang hari sa Aram.

5 Kag si Iehoba naghatag sing manlu-luwas sa Israel, kag naghalalín sila sa idalum sang kamut sang Aram; kag nagpuluyò ang mġa inanak ni Israel sa ila mġa layanglayang, subung sadto.

6 Walay sapayan, walā sila magilisol sa mġa salā sang baláy ni Ieroboam, nġa tungud sa ila ginpapakasalā niya si Israel: sa ila naglalakat sila, kag ang Ashera gid nagpadayon nġa nagatindug sa Samaria.

7 Kay walā sing mabilin nġa tinawo kay Ioakas, kondi kalim-an ka mġa manugkalabayo, kag napúlò ka kanga, kag napúlò ka libo ka tawo nġa nagalalakat; kay ang hari sa Aram nagpa-

pas sa ila, kag nagbutang sa ila subung sang yab-ok nġa ginalinas.

8 Kag ang iban sang mġa binuhatan ni Ioakas, kag ang tanan nġa ginhimo niya, kag ang iya mġa kabantugan, ġ walā bala masulat sa tolon-an sang mġa Kronika sang mġa hari sa Israel?

9 Kag nagtolog si Ioakas upud sang iya mġa ginikanaan, kag ginlubung nila sia sa Samaria: kag naghari sa salili niya si Ioas nġa iya anak.

10 Sa tuig nġa ikakatloan kag pito ni Ioas, hari sa Iuda, nagsugud sa paghari si Ioas, nġa anak ni Ioakas, sa ibabaw sang Israel sa Samaria, *kag naghari* sia sing napúlò kag anum ka tuig.

11 Kag ginhimo niya ang malain sa mġa mata ni Iehoba: walā sia magisol sa tanan nġa mġa salā ni Ieroboam, nġa anak ni Nabat, nġa tungud sa ila ginpapakasalā niya si Israel; kondi sa ila naglakat sia.

12 Kag ang iban sang mġa binuhatan ni Ioas, kag ang tanan nġa ginhimo niya, kag ang iya mġa kabantugan, sang nag-away sia batok kay Amasias, nġa hari sa Iuda, ġ walā bala masulat sa tolon-an sang mġa Kronika sang mġa hari sa Israel?"

13 Kag nagtolog si Ioas upud sang iya mġa ginikanaan, kag naglingkod si Ieroboam sa ibabaw sang iya lingkoran nġa harianon. Kag si Ioas ginlubung sa Samaria upud sang mġa hari sa Israel.

Ang kamatayon ni Eliseo.

14 Kag nagbalatian si Eliseo sa sadtong iya balatian, nġa sa iya namatay sia. Kag nagdulhog sa iya si Ioas, nġa hari sa Israel; kag sang nagahibi sia sa ibabaw sang iya nawung, nagsiling sia: "ġ Amay ko, amay ko, kanga ni Israel kag ang iya manugkabayo!"

15 Kag nagsiling sa iya si Eliseo: "Kuha-ka sang isa ka pana kag sing pila ka mġa baslay." Niyan nagkuha sia sang isa ka pana kag sing mġa basláy.

16 Kag nagsiling si Eliseo sa hari sa Israel: "Ibutang ang imo kamut sa ibabaw sang pana." Kag sang ginbutang niya ang iya kamut sa ibabaw sang pana, ginbutang ni Eliseo ang iya mġa kamut sa ibabaw sang mġa kamut sang hari;

17 Kag nagsiling sia: "Buksi ang ang talambuan nayon sa Sidlangan."



Kag sang nabuksan niya sia, nagsiling si Eliseo: "Pana-ka." Kag nagpana sia; kag nagsiling si *Eliseo*: "Baslay sa kaluwasan ni Iehoba, kag baslay sa kaluwasan batok sa Aram: pagapilason mo ang Aram sa Apek, tubtub nga maubus sila."

18 Kag nagsiling sia liwan: "Kuhaa ang mga baslay." Kag ginkuha niya sila. Kag nagsiling sia sa hari sa Israel: "¡Pilasa ang duta!" Kag ginpilas niya sia sing makatlo kag naguntat sia.

19 Kag ang tawo sang Dios, nagpangakig batok sa iya kag nagsiling: "*Dapat mo kunta pagpilason sing makalima kon makan-um; niyan pagapilason mo unta ang Aram tubtub nga maubus sia; apang karon pagapilason mo sa makatlo ang Aram.*"

20 Kag namatay si Eliseo, kag ginlubung sia. Kag nagsulud ang mga pinanong nga mga Moabinhon sa duta, sang pag-abut sang *bag-ong* tuig.

21 Kag nahanabu nga, sang paglubung sang isa ka tawo, yari karon nga nakitan nga nagapakari ang pinanong; kag ginholog nila ang tawo sa lulubngan ni Eliseo. Kag sang pagduut sang tawo sa mga tul-an ni Eliseo, nabuhi liwan sia, kag nagtindug sa ibabaw sang iya mga tiil.

22 Kag si Hasael, nga hari sa Aram, nagpigos sa Israel sa bug-os nga panaon ni Ioakas.

23 Kag si Iehoba nagkalooy sa ila, kag nahanoklog sa ila, kag nagbalikid sia sa ila, tungud sang iya katipan kay Abraham, kay Isaak kag kay Iakob; kag walâ sia magbuut sa paglaglag sa ila, bisan sa pagsikway sa ila sa atubangan niya tubtub karon.

24 Kag namatay si Hasael, nga hari sa Aram, kag naghari nga salili niya si Ben-Hadad, nga iya anak.

25 Kag si Ioas, nga anak ni Ioakas, ginkuha niya liwan sa kamut ni Ben-Hadad, nga anak ni Hasael, ang mga kabanwaan nga ginkuha niya sa kamut ni Ioakas nga iya amay, sa pag-awayan. Ginpilas ini ni Ioas sa makatlo, kag ginkuha niya liwan ang mga kabanwaan sa Israel.

Si Amasias, hari sa Iuda.—Si Ioas kag si Ieroboam II, mga hari sa Israel.

sugud sa paghari si Amasias, nga anak ni Ioas, hari sa Iuda.

2 Sang nagsugud sia sa paghari, nagaad sia sing duha ka pulô kag lima ka tuig, kag duha ka pulô kag siam ka tuig naghari sia sa Ierusalem; kag ang ngalan sang iya ilôy amo si Ioadan, nga taga-Ierusalem.

3 Kag ginhimo niya ang matadlung sa mga mata ni Iehoba, apang indi subung kay Dabid, nga iya amay; ginhimo niya, sono sa tanan nga ginhimo ni Ioas, nga iya amay.

4 Lamang nga ang mga mataas nga duug walâ mapanguha, nga ang banwa naghalad kag nagsunog pa sang mga pahamut sa mga mataas nga duug.

5 Kag nahanabu, sang ginpalig-on ang ginharian sa iya kamut, nga ginpilas niya ang iya mga alagad, nga nagpalatay sa hari, nga iya amay.

6 Apang walâ sia magpatay sa mga anak sang mga nagpililas sa iya, sono sa nasulat sa tolon-an sang kasogoon ni Moises, nga didto si Iehoba nagsogo, nga nagsiling: "Ang mga amay indi mapatay tungud sang *ila* mga anak, kag ang mga anak indi mapatay tungud sang *ila* mga amay; apang ang tagsatagsa mapatay tungud sang iya salâ."

7 Nagpilas sia sang napulô ka libo ka tawo sa Edom sa nalupayakan sang Asin, kag ginkuha niya ang Sela, sa inaway, kag gintawag niya sia nga lokteel, tubtub karon.

8 Niyan si Amasias nagpadalâ sang mga manugbalita kay Ioas, nga anak ni Ioakas, anak ni Iehu, nga hari sa Israel, nga nagsiling: "Kari-ka, kag magkitay kita sa nawung kag nawung."

9 Kag si Ioas, nga hari sa Israel, nagpadalâ sa pagsiling kay Amasias, nga hari sa Iuda: "Ang sapinit nga yara sa Libano, nagpadalâ sa pagsiling sa sedro nga yara sa Libano: Ihatag ang imo anak nga babae nga asawa sa akon anak nga lalaki. Kag nag-alagi ang mga mapintas nga kasapatan, nga yadto sa Libano, kag gintapak nila ang sapinit.

10 Sa pagkamatuud, ginpilas mo ang Edom, kag ang imo tagiposoon nagpakataas sa imo. Magkalipay-ka sa imo himaya, apang magpuyô ka sa imo balây. Kag kay nga bala nagahilabut ka sing kalalat-an, agud nga maholog ka, kag ang Iuda upud sa imo?"

11 Apang si Amasias walâ magpa-

14 SA tuig nga ikaduha ni Ioas, anak ni Ioakas, nga hari sa Israel, nag-

mati sa iya. Kag nagtaklad si Ioas, nga hari sa Israel, kag nagkilitaay sila sa nawung kag nawung, sia kag si Amasias, nga hari sa Iuda, sa Betsemes, nga iya sang Iuda.

12 Kag ang Iuda nabunkag sa atubangang sang Israel, kag nagpalalagyo sila, ang tagsatagsa sa iya puluy-an.

13 Kag si Ioas, nga hari sa Israel, nagdakup, sa Bet-semes, kay Amasias, nga hari sa Iuda, nga anak ni Ioas, nga anak ni Okosias; kag nag-abut sia sa Ierusalem, kag ginguba niya ang kuta sa Ierusalem kutub sa gawang ni Epraim tubtub sa gawang sang Pamusud, nga apat ka gatus ka maniko.

14 Kag ginkuha niya ang tanan nga bulawan kag ang pilak, kag ang tanan nga mga suludlan, nga nakita sa Baláy ni Iehoba kag sa mga bahandi sang baláy sang hari, kag ang mga inugpalig-on man kag nagbalik sia sa Samaria.

15 Kag Ang iban sang mga binuhatan ni Ioas, nga ginbuhat niya, kag ang iya mga kabantugan, kag ang pag-away niya batok kay Amasias, nga hari sa Iuda, ¿ walá bala masulat sa tolong-an sang mga Kronika sang mga hari sa Israel?

16 Kag nagtolog si Ioas upud sang iya mga ginikanan, kag ginlubung sia sa Samaria upud sang mga hari sa Israel; kag naghari nga salili niya si Ieroboam, nga iya anak.

17 Kag si Amasias, nga anak ni Ioas, hari sa Iuda, nagkabuhi sing napúlô kag lima ka tuig, sa tapus sang kamatayon ni Ioas, anak ni Ioakhas, nga hari sa Israel.

18 Kag ang iban sang mga binuhatan ni Amasias, ¿ walá bala masulat sa tolong-an sang mga Kronika sang mga hari sa Iuda?

19 Kag nagpadugi sila sing puhon batok sa iya sa Ierusalem, kag nagpalagyo sia sa Lakis; apang nagpaladalá sila sa olehe niya sa Lakis, kag didto ginpatay nila sia.

20 Kag gindala nila sia sa ibabaw sang mga kabayo, kag ginlubung nila sia sa Ierusalem upud sang iya mga ginikanan, sa banwa ni Dabid.

21 Kag ang bug-os nga banwa sa Iuda nagkuha kay Asarias, nga nagaedad sia sing napúlô kag anum ka tuig, kag ginhimo nila sia nga hari nga salili ni Amasias, nga iya amay.

22 Ginpatindug niya ang Elat, kag ginuli niya sia sa Iuda, sang olehe nga

ang hari nagtolog upud sang iya mga ginikanan.

23 Sang tuig nga napúlô kag lima ni Amasias, nga anak ni Ioas, nga hari sa Iuda, nagsugud sa paghari si Ieroboam, nga anak ni Ioas, sa ibabaw sang Israel, sa Samaria; kag naghari sia sing kap-atan kag isa ka tuig.

24 Kag ginhimo niya ang malain sa mga mata ni Iehoba, kag walá sia magisol sa tanan nga mga salá ni Ieroboam, nga anak ni Nabat, nga tungud sa ila ginpapakasala niya si Israel.

25 Sia naguli sang mga kadulunan sa Israel kutub sa salamputan sa Hamat tubtub sa dagat sang Kapatagan, sono sa polong ni Iehoba, nga Dios sa Israel, nga kinahambal niya tungud sang iya alagad nga manalagna nga si Ionas, nga anak ni Amitai, nga taga-Gat-Heper.

26 Tungud kay gintulok ni Iehoba, nga ang kalisdanan sa Israel nanginmapait gid, nga walá na sing nabilin nga gin-alila, bisan binayaan, kag walá bisan sin-o nga magbulig sa Israel.

27 Kag si Iehoba walá magtapat sa pagpanas sang ngalan ni Israel sa idalum sang langit; kag ginluwas niya sila tungud sa kamut ni Ieroboam, nga anak ni Ioas.

28 Kag ang iban sang mga binuhatan ni Ieroboam, kag ang tanan nga ginhimo niya, kag ang iya mga kabantugan, sa mga inaway nga ginhimo niya, kag kon paano nga ginuli niya sa Israel ang Damasko kag ang Hamat, nga amay niya sang Iuda, ¿ walá bala masulat sa tolong-an sang mga Kronika sang mga hari sa Israel?

29 Kag nagtolog si Ieroboam upud sang iya mga ginikanan, upud ang mga hari sa Israel; kag naghari nga salili niya si Sakarias, nga iya anak.

Si Asarias (Usia), hari sa Iuda.

**15** SA tuig nga ikaduha ka púlô kag pito ni Ieroboam, nga hari sa Israel, nagsugud sa paghari si Asarias, nga anak ni Amasias, nga hari sa Iuda.

2 Sang nagsugud sia sa paghari nagaedad sia sing napúlô kag anum ka tuig, kag naghari sia sa Ierusalem sing kaliman kag duha ka tuig. Kag ang ngalan sang iya ilóy amo si Iekolia, nga taga-Ierusalem.

3 Kag ginhimo niya ang matadlung



sa mġa mata ni Iehoba, sono sa tanan nġa mġa butang nġa ginhimo ni Asarias, nġa iya amay.

4 Lamang nġa walā makuha ang mġa mataas nġa duug, nġa ang banwa naghalad kag nagsunog pa sang mġa pamut sa mġa mataas nġa duug.

5 Apang ginpilas ni Iehoba ang hari, kag nangintabukawon sia tubtub sa adlaw sang iya kamatayon, kag nagpuyō sia sa baláy sang mġa masakit; kag si Iotam, nġa anak sang hari, naggahum sa baláy sang hari, nġa nagahukom sa banwa sang duta.

6 Kag ang iban sang mġa binuhatan ni Asarias, kag ang tanan nġa ginhimo niya, ; walā bala masulat sa tolon-an sang mġa Kronika sang mġa hari sa Iuda?

7 Kag nagtolog si Asarias upud sang iya mġa ginikanan, kag ginlubung sia upud sang iya mġa ginikanan sa banwa ni Dabid; kag naghari nġa salili niya si Iotam, nġa iya anak.

Si Sakarias, si Salum, si Manahem, si Pekasia kag si Peka, mġa hari sa Israel.—Ang pagsalakay sang mġa itaga-Asur, kon mġa Asiriahanon.

8 Sa tuig nġa ikakatloan kag walo ni Asarias, nġa hari sa Iuda, naghari si Sakarias, anak ni Ieroboam, sa ibabaw sang Israel sing anum ka bulan.

9 Kag ginhimo niya ang malain sa mġa mata ni Iehoba, subung sang ginpanghimo sang iya mġa ginikanan: walā sia magisol sa mġa salā ni Ieroboam, anak ni Nabat, nġa tungud sa ila ginpapakasalā niya si Israel.

10 Kag si Salum, nġa anak ni Iabes, nagpuhon batok sa iya, kag ginpilas niya sia sa atubangan sang banwa, kag ginpatay niya sia; kag naghari sia nġa salili niya.

11 Kag ang iban sang mġa binuhatan ni Sakarias, yari karon, nasulat sila sa tolon-an sang mġa Kronika sang mġa hari sa Israel.

12 Amo ini ang polong ni Iehoba nġa ginhambal kay Iehu, nġa nagasiling: "Ang imo mġa anak tubtub sa ikap-at ka kaliwatan magalilingkod sa lingkoran nġa harianon sa Israel." Kag nanginamo ini.

13 Si Salum, nġa anak ni Iabes, nagsugud sa paghari sa tuig nġa ikakatloan

kag siam ni Usia, nġa hari sa Iuda, kag sia naghari sa dag-on nġa isa ka bulan sa Samaria.

14 Kag nagtaklad si Manahem, nġa anak ni Gadi, gikan sa Tirsā, kag nagsulūd sia sa Samaria, kag ginpilas niya si Salum, nġa anak ni Iabes, sa Samaria, kag ginpatay niya sia; kag naghari sia nġa salili niya.

15 Kag ang iban sang mġa binuhatan ni Salum, kag ang puhon nġa iya ginpadugi, yari karon, nasulat sila sa tolon-an sang mġa Kronika sang mġa hari sa Israel.

16 Niyan ginpilas ni Manahem ang Tipsa, kag ang tanan nġa yadto sa iya, kag ang iya mġa kadulunan kutub sa Tirsā; kag ginpilas niya sia, kay walā nila sia pagbuksi, kag ginbusbusan niya ang tanan niya nġa mġa nagabulusung.

17 Sa tuig nġa ikakatloan kag siam ni Asarias, nġa hari sa Iuda, nagsugud sa paghari si Manahem, nġa anak ni Gadi; naghari sia sa ibabaw sang Israel sing napulō ka tuig sa Samaria.

18 Kag ginhimo niya ang malain sa mġa mata ni Iehoba. Walā magisol sia sa tanan niya nġa mġa adlaw sa mġa salā ni Ieroboam, nġa anak ni Nabat, nġa tungud sa ila ginpapakasalā niya si Israel.

19 Kag nagkadto si Pul, nġa hari sa Asur, batok sa duta sa Israel; kag naghatag si Manahem kay Pul sing isa ka libo ka talanton nġa pilak, agud nġa maghatag sa iya sing makusug nġa kamut sa pagpalig-on sang ginharian sa iya kamut.

20 Kag sa paghatag sini nġa pilak sa hari sang Asur, si Manahem nagpabuhis sa Israel sa tanan nġa mġa may mangad, sa tagsatagsa tagkalim-an ka siklo nġa pilak; kag ang hari sa Asur nagpauli, kag walā magpabilin didto sa duta sa Israel.

21 Kag ang iban sang mġa binuhatan ni Manahem, kag ang tanan nġa ginhimo niya, ; walā bala masulat sa tolon-an sang mġa Kronika sang mġa hari sa Israel?

22 Kag nagtolog si Manahem upud sang iya mġa ginikanan, kag naghari nġa salili niya si Pekaia, nġa iya anak.

23 Sa tuig nġa ikakalim-an ni Asarias, hari sa Iuda, nagsugud sa paghari si Pekaia, nġa anak ni Manahem, sa ibabaw

sang Israel, sa Samaria; *kag naghari sia sing duha ka tuig.*

24 Ginhimo niya ang malain sa mga mata ni Iehoba; walâ sia magisol sa mga salâ ni Ieroboan, nga anak ni Nabat, nga tungud sa ila ginpapakasalâ niya si Israel.

25 Kag batok sa iya nagpuhon si Peka, nga anak ni Remalias, nga manugaway niya, kag ginpilas niya sia sa Samaria, sa balây nga harianon nga balây sang hari, upud ni Argob kag ni Arie; kag upud sa iya ang kalim-an ka tawo sang mga inanak sang mga Galaadinhon; kag ginpatay niya sia, kag naghari sia nga salili niya.

26 Kag ang iban sang mga binuhatan ni Pekaia, kag ang tanan nga ginhimo niya, yari karon, nasulat sa tolon-an sang mga Kronika sang mga hari sa Israel.

27 Sa tuig nga ikakalim-an kag duha ni Asarias, nga hari sa Iuda, nagsugud sa paghari si Peka, anak ni Remalias, sa ibabaw sang Israel, sa Samaria, kag *naghari* sia sing duha ka pûlô ka tuig.

28 Kag ginhimo niya ang malain sa mga mata ni Iehoba: walâ sia magisol sa mga salâ ni Ieroboan, anak ni Nabat, nga tungud sa ila ginpapakasalâ niya si Israel.

29 Sa mga kaadlawan ni Peka, nga hari sa Israel, nag-abut si Tiglat-Pileser, nga hari sang Asur, kag ginkuha niya ang Yon, ang Abel-Bet-maaka, kag Yanoa, kag Kades, kag Asor, kag Galaad, kag Galilea, ang bug-os nga duta sa Nep-tali, kag ginpaliton niya sila sa Asur.

30 Kag si Osea, nga anak ni Ela, nagpadugi sing puhon batok kay Peka, nga anak ni Remalias, kag ginpilas niya sia, kag ginpatay niya sia; kag naghari sia nga salili niya sa ikaduha ka pûlô ka tuig ni Iotam, nga anak ni Usia.

31 Kag ang iban sang mga binuhatan ni Peka, kag ang tanan nga ginhimo niya, yari karon, nasulat sa tolon-an sang mga Kronika sang mga hari sa Israel.

*Si Iotam, hari sa Iuda.*

32 Sa ikaduha ka tuig ni Peka, nga anak ni Remalias, hari sa Israel, nagsugud sa paghari si Iotam, nga anak ni Usia, nga hari sa Iuda.

33 Sang nagsugud sia sa paghari nagaedad sia sing duha ka pûlô kag lima ka tuig, kag naghari sia sing napûlô kag

anum ka tuig sa Ierusalem. Ang nga-lan sang iya ilôy amo si Ierusa, nga anak ni Sadok.

34 Kag sia naghimo sang matadlung sa mga mata ni Iehoba; naghimo sia sono sa tanan nga mga butang nga ginhimo sang iya amay, nga si Usia.

35 Lamang nga walâ mapanguha ang mga mataas nga duug, nga ang banwa naghalad pa, kag nagsunog sang mga pahamut sa mga mataas nga duug. Amo sia ang nagpatindug sang gawang nga mataas sang Balây ni Iehoba.

36 Kag ang iban sang mga binuhatan ni Iotam, kag ang tanan nga ginhimo niya, walâ bala masulat sa tolon-an sang mga Kronika sang mga hari sa Iuda?

37 Sa sadtong mga adlaw nagsugud si Iehoba sa pagpadalâ batok sa Iuda kay Resin, hari sa Aram, kag kay Peka, nga anak ni Remalias.

38 Kag nagtolog si Iotam upud sang iya mga ginikanan, kag ginlubung sia upud sang iya mga ginikanan sa banwa ni Dabid, nga iya amay; kag naghari nga salili niya si Akas, nga iya anak.

*Si Akas, hari sa Iuda.*

**16** SA tuig nga ikapûlô kag pito ni Peka, nga anak ni Remalias, nagsugud sa paghari si Akas, nga anak ni Iotam, nga hari sa Iuda.

2 Sang nagsugud sa paghari si Akas, nagaedad sia sing duha ka pûlô ka tuig, kag naghari sia sing napûlô kag anum ka tiug sa Ierusalem; kag walâ sia naghimo sang matadlung sa mga mata ni Iehoba, nga iya Dios, subung kay Dabid, nga iya amay;

3 Kag naglakat sia sa dalanon sang mga hari sa Israel, kag ginpaagi pa niya ang iya anak sa kalayo, sono sang mga kalangil-aran sang mga katawohan, nga ginsobol ni Iehoba sa atubangan sang mga inanak ni Israel.

4 Kag naghalad sia, kag nagsunog sia sang mga pahamut sa mga mataas nga duug, kag sa ibabaw sang mga kabakoloran, kag sa idalum sang tanan nga kahoy nga madabung.

5 Niyan si Resin, nga hari sa Aram kag si Peka, nga anak ni Remalias, nga hari sa Israel, nagtaklad sa pagpakigaway batok sa Ierusalem, kag ginlibutan



nila si Akas; apang walâ sila makasaring sa pagdaug sa iya.

6 Sa sadtong panag-on si Resin, nga hari sa Aram, naguli sang Elat nga sa mga Araminhon, kag gintabog niya ang mga Iudio sa Elat; kag ang nga Araminhon nagsululûd sa Elat, kag nagpuluyô sila didto tubtub karon.

7 Kag si Akas nagpadalâ sing mga manugbalita kay Tiglat-Pileser, hari sa Asur, nga nagasiling: "Ako among imo alagad kag imo anak: Taklad-ka kag luwasa ako sa kamut sang hari sa Aram, kag sa kamut sang hari sa Israel, nga nagtililindug sila batok sa akon."

8 Kag sang nagkuha si Akas sang pilak kag bulawan, nga nakita sa Baláy ni Iehoba kag sa mga bahandi sang baláy sang hari, nagpadalâ sia sini nga dôlot sa hari sa Asur.

9 Kag ang hari sa Asur nagpamati sa iya; kag nagtaklad ang hari sa Asur batok sa Damasko, kag ginkuha niya sia, kag ginpaliton niya ang mga *pumuhuyô* sa Kir, kag ginpatay niya si Resin.

10 Kag naglakat ang hari, nga si Akas sa pagsugata kay Tiglat-Pileser, nga hari sa Asur, sa Damasko; kag nakita sang hari nga si Akas ang halaran nga yadto sa Damasko, kag ginpadalâ niya kay Uria, nga saserdote, ang nabadlit kag ang solondan sang halaran sono sa tanan niya nga bayhon.

11 Kag si Uria, nga saserdote, nagpatindug sang halaran; si Uria, nga saserdote, naghimo sa iya sono sa tanan nga ginpadalâ sang hari nga si Akas gikan sa Damasko, sa walâ pa ang hari nga si Akas magpauli gikan sa Damasko.

12 Kag nag-abut ang hari gikan sa Damasko, kag nakita niya ang halaran; kag nagpalapit ang hari sa halaran, kag nagsaka sia sa iya;

13 Kag ginpasunog niya ang iya halad nga sinunog kag ang iya dôlot, kag ginula niya ang iya halad nga ilimnon, kag ginsablig niya ang dugo sang iya mga halad sa paghidaet sa ibabaw sang halaran.

14 Kag nahanungud sang halaran nga tumbaga, nga yadto sa atubangan ni Iehoba, ginpaidog niya sia sa *Aminhan*, gikan sa atubangan sang Baláy, gikan sa tungâ sang iya halaran kag sang Baláy ni Iehoba, kag ginbutang niya sia sa

kilid sang iya halaran nayon sa Aminhan.

15 Kag nagsogo ang hari nga si Akas sa saserdote nga si Uria, nga nagasiling: "Sa dakung halaran pagaipasunog mo ang halad nga sinunog sang aga kag ang halad nga kalan-on sang hapon, kag ang halad nga sinunog sang hari kag ang iya halad nga kalan-on, kag *subung man* ang halad nga sinunog sang bug-os nga banwa sang duta, kag ang iya halad nga kalan-on, kag ang iya mga halad nga ilimnon; kag pagaisablig mo sa ibabaw niya ang tanan nga dugo sang halad nga sinunog kag ang tanan nga dugo sang halad; kag ang halaran nga tumbaga magamanginakon nga sa pagpamangkot didto.

16 Kag ginhimo sang saserdote nga si Uria, sono sa tanan nga ginsogo sa iya sang hari nga si Akas.

17 Kag ginkuha sang hari nga si Akas ang mga bandehado sang mga tulungtungan, kag ginkuha niya sa ila ang mga batiya; ginpapanaug man niya ang dagat gikan sa ibabaw sang mga baka nga tumbaga nga yadto sila sa idalum niya, kag ginbutang niya ini sa ibabaw sang isa ka palatungan nga batô.

18 Kag bangud sang hari sa Asur, ginilisan niya, sa Baláy ni Iehoba, ang natabunan nga *alagyan nga* sabado nga kinapatindug sa Baláy, subung man ang salamputan sang hari, sa *salamputan* nga sa gowa.

19 Kag ang iban sang mga binuhatan ni Akas, nga ginhimo niya, walâ bala masulat sa tolon-an sang mga Kronika sang mga hari sa Iuda?

20 Kag nagtolog ang hari nga si Akas upud sang iya mga ginikanan, kag ginlubung sia upud sang iya mga ginikanan sa banwa ni Dabid; kag naghari nga salili niya si Esekias, nga iya anak.

Si Osea kalapusan nga hari sa Israel.—Si Salmasar nagatagiya sang Samaria, kag ginadala niya nga mga bihag ang napulo kag duha ka kabikaban.

17 SA tuig nga ikapulô kag duha ni Akas, nga hari sa Iuda, nagsugud sa paghari si Osea, nga anak ni Ela, sa Samaria, sa ibabaw sang Israel; kag naghari sia sing siam ka tuig.

2 Kag ginhimo niya ang malain sa mga mata ni Iehoba; apang indi subung

sang mġa hari sa Israel, nġa mġa na-nġinuna sa iya.

3 Batok sa iya sini nagtaklad si Salmanasar, nġa hari sang Asur, kag si Osea nahimo nġa iya alagad, kag nagabayad sia sa iya sang buhis.

4 Apang nakita sang hari sa Asur kay Osea ang isa ka puhon; kay nagpadalá sia sing mġa manugbalita kay So, nġa hari sa Egipto, kag walá magabayad sang buhis sa hari sa Asur, subung sang *ginhimo niya* sa tuigtuig. Kag gintakpan sia sang hari sa Asur kag gingapus sia sa bilangoan.

5 Kag ang hari sa Asur nagtaklad sa bug-os nġa kadutaan, kag nagtaklad sia sa Samaria, kag ginlibutan niya ini sing tatlo ka tuig.

6 Sa tuig nġa ikasiam ni Osea ginkuha sang hari sa Asur ang Samaria, kag ginpaliton niya ang Israel sa Asur; kag ginpapuyô niya sila sa Hala, kag sa ibabaw sang Habor, nġa subâ sa Gosan, kag sa mġa kabanwaan sang mġa Medinhon.

7 Kag nahanabu, nġa nagpalakasalâ ang mġa inanak ni Israel batok kay Iehoba, nġa ila Dios, nġa nagpataklad sa ila gikan sa duta sa Egipto, gikan sa idalum sang kamut ni Paraon, nġa hari sa Egipto, kag nagkalahadluk sila sa liwan nġa mġa dios.

8 Kag naglalakat sila sono sa mġa palatukuran sang mġa katawohan nġa ginsobol ni Iehoba sa atubangan sang mġa inanak ni Israel, kag sono sang ginhimo sang mġa hari sa Israel.

9 Kag ang mġa inanak ni Israel naghilimo sa tago batok kay Iehoba, nġa ila Dios, sang mġa butang nġa indi maayo; nġa nagpalatindug sila sang mġa mataas nġa duug sa tanan nila nġa mġa kabanwaan, kutub sa mġa tore sang mġa lalantawan tubtub sa mġa kabanwaan nġa mġa mabakud.

10 Kag nagpalatindug sila nġa sa ila sing mġa larawan kag mġa Ashera sa tanan nġa bakolod nġa mataas, kag sa idalum sang tanan nġa kahoy nġa madabung.

11 Kag nagsulunog sila didto sang mġa pahamut sa tanan nġa mġa mataas nġa duug, subung sang mġa katawohan nġa ginpaliton ni Iehoba sa atubangan nila; kag naghilimo sila sang mġa butang nġa malain, nġa sa pagpaakig kay Iehoba;

12 Kay nagaalagad sila sa mġa larawan nġa nahanungud sa ila si Iehoba nagsiling sa ila: "Dili kamo maghilimo sini."

13 Si Iehoba nagpamatuud batok sa Israel, kag batok sa Iuda, sa kamut sang tanan nġa mġa manalagna, kag sang tanan nġa mġa manugtuluk, nġa nagsiling: "Talalikod-kamo sa inyo mġa malain nġa mġa dalanon, kag bantayininyo ang akon mġa sogo kag ang akon mġa tulumanon, sono sa tanan nġa mġa kasogoan, nġa ginsogo ko sa inyo mġa ginikanan, kag nġa ginpadalâ ko sa inyo sa kamut sang akon mġa alagad nġa mġa manalagna."

14 Apang sila walâ magpamati, kondi ginpalatig-a nila ang ila mġa tingkoy, subung sang tingkoy sang ila mġa ginikanan, nġa walâ sila magtoloo kay Iehoba, nġa ila Dios.

15 Kag ginsikway nila ang iya mġa palatukuran, kag ang iya katipan nġa ginkatipan niya sa ila mġa ginikanan, kag ang iya mġa pagpamatuud nġa tungud sa ila ginlaygay niya sa ila; kag nagsulunod sila sa kadayawan, nġa nanginkadayawan sila, kag sa mġa katawohan nġa yadto sa palibot nila, nġa nahanungud sa ila si Iehoba nagsogo, nġa indi sila maghilimo subung sa ila.

16 Kag gimbayaan nila ang tanan nġa mġa sogo ni Iehoba, nġa ila Dios, kag naghilimo sila sang mġa larawan nġa tinunaw, nġa duha ka tinday sang baka, kag sang mġa Asherim, kag naglayaub sila sa bug-os nġa kasoldadosan sang langit, kag nag-alalagad sila kay Baal.

17 Kag ginpalaagi nila sa kalayo ang ila mġa anak nġa lalaki kag babae; kag naghilimo sila sing mġa pagpakot kag mġa kawilihan, kag ginbaligya nila sila-gid sa paghimo sang malain sa mġa mata ni Iehoba, sa pagpaakig sa iya.

18 Kag si Iehoba naakig sing daku gid batok sa Israel, kag ginkuha niya sila sa atubangan sang iya nawung; nġa walay nabilin kondi lamang ang kabikahan ni Iuda.

19 Apang bisan pa ang Iuda walâ magbantay sa mġa sogo ni Iehoba, nġa iya Dios, kag naglalakat sila sa mġa palatukuran nġa ginhimo ni Israel.

20 Kag ginsikway ni Iehoba ang bug-os nġa kaliwat ni Israel, kag ginpakalisud niya sila, kag gintugyan niya sila



sa mġa kamut sang mġa manugsalakay, tubtub nġa masobol sila sa malayô sa iya atubangan.

21 Kay gingisi niya ang Israel sa baláy ni Dabid, kag sila naghimo nġa hari kay Ieroboam, nġa anak ni Nabat, kag ginpaisol ni Ieroboam ang Israel sa pag-su nud kay Iehoba, kag ginpapakasalâ niya sila sing daku nġa salâ.

22 Kag ang mġa inanak ni Israel naglalakat sa tanan nġa mġa salâ ni Ieroboam, nġa ginhimo niya; walâ sila magisol sa ila,

23 Tubtub nġa ginkuha ni Iehoba ang Israel sa atubangan sang iya nawung, subung sang ginsiling niya sa kamut sang tanan nġa mġa manalagna nġa iya mġa alagad. Kag ang Israel ginpaliton gikan sa ila duta pa Asur, tubtub karon.

Ang duta sa Isarel napuno sang mġa diwataan.

24 Kag nagdalâ ang hari sa Asur sang *tinawo* sa Babilonia, kag sa Kuta, kag sa Aba, kag sa Hamat, kag sa Separbaim, kag ginpapuyô niya sila sa mġa kabanwaan sa Samaria, nġa salili sang mġa inanak ni Israel; kag nagtagiya sila sa Samaria, kag nagpuluyô sila sa iya mġa kabanwaan.

25 Kag nahanabu, sang nagsulugud sila sa pagpuyô didto, nġa walâ sila mahadluk kay Iehoba; kag nagpadalâ si Iehoba batok sa ila sing mġa leon nġa nagapalamatay sa ila.

26 Kag naghalambal sila sa hari sa Asur, nġa nagasiling: "Ang mġa katawohan nġa imo ginpaliton, kag ginpapuyô mo sa mġa kabanwaan sa Samaria, walâ makahibalo sang tulumanon sang Dios sa sadtong duta, kag sia nagpadalâ sing mġa leon sa ila, kag yari karon, ang mġa leon magapamatay sa ila, kay walâ sila nakahibalo sang palatukuran sang Dios sang duta."

27 Kag ang hari sa Asur nagsogo, nġa nagasiling: "Pakadtoa didto ang isa sang mġa saserdote, nġa ginpaliton ninyo diri gikan didto, kag magkadto sia kag magpuyô didto, kag magtudlo sia sa ila sang palatukuran sang Dios sang kadutaan.

28 Kag nag-abut ang isa sang mġa saserdote nġa pinaliton nila gikan sa Samaria, kag nagpuyô sia sa Bethel, kag nagtudlo sia sa ila kon paano ang pagkahadluk nila kay Iehoba.

29 Apang ang tagsa ka katawohan naghimo sang iya mġa dios nġa sa iya, ang tagsa ka katawohan sa banwa nġa ginapuy-an niya, kag ginbulutang nila sila sa mġa baláy sang mġa mataas nġa duug, nġa ginhimo sang mġa Samariahanon;

30 Ang mġa taga-Babilonia naghilimo sang Sukot-Benot, kag ang mġa taga-Kut naghilimo sang Nergal, kag ang mġa taga-Hamat naghilimo sang Asima;

31 Ang mġa Abinhon naghilimo sang Nibas kag sang Tartak, kag ang mġa Separbainhon nagasulunog sa ila mġa anak sa kalayo kay Adramelek kag kay Anamelek, nġa mġa dios sang Separbaim.

32 Kag nagakalahadluk sila *man* kay Iehoba; kag naghilimo sila nġa sa ila sing mġa saserdote sang mġa mataas nġa duug sa bisan kon sin-o, nġa sila nagahalalad nġa sa ila sa mġa baláy sang mġa mataas nġa duug.

33 Nagkalahadluk sila kay Iehoba kag nag-alagad sila sang ila mġa dios, sono sang pamatasan sang mġa katawohan, sa diin ginpaliton sila.

34 Tubtub karon ginahimo nila subungsang nahauna nila nġa mġa batasan; nġa walâ magakalahadluk sila kay Iehoba *lamang*, bisan ginahimo nila sono sang ila mġa palatukuran kag sang ila mġa tulumanon, bisan sono sang kasogoon kag sang sogo, nġa ginsogo ni Iehoba sa mġa anak ni Iakob, nġa sa iya ginbutang niya ang nġalan nġa si Israel.

35 Kag si Iehoba naghimo sing katiapan sa ila kag nagsogo sia sa ila, nġa nagasiling: "Dili kamo magkalahadluk sa iban nġa mġa dios, bisan maglayaubkamo sa atubangan nila, bisan magalagadkamo sa ila, bisan maghalaladkamo sa ila;

36 Apang kay Iehoba, nġa nagpatak-lad sa inyo gikan sa duta sa Egipto nġa may daku nġa gahum kag butkon nġa inuntay, sa atubangan sa iya sini maglayaubkamo, kag sa iya sini maghalaladkamo.

37 Kag ang mġa palatukuran, kag ang tulumanon, kag ang kasogoon, kag ang sogo nġa ginhatag niya sa inyo nġa sinulat, magandam kamo sa pagtuman sa tanan nġa adlaw, kag indi kamo magkalahadluk sa liwan nġa mġa dios.

38 Kag indi kamo magkalalipat sang

katipan, nga ginhimo ko sa inyo; kag dili kamo magkalahadluk sa liwan nga mga dios.

39 Apang magkalahadluk-kamo kay Iehoba, nga inyo Dios, kag sia gid magabawi sa inyo sa kamut sang tanan ninyo nga mga kaaway."

40 Apang walâ sila magpamati, kon-di ginhimo nila sono sang ila nahauna nga pamatasan.

41 Kag yadtong mga katawohan nagkalahadluk kay Iehoba kag nag-alalagad sila sa ila mga dios: ang ila man nga mga anak, kag ang ila mga kaapohan, nagahilimo tubtub karon sang ginhimo sang ila mga ginikanan.

Si Esekias, hari sa Iuda.—Ginalibutan ni Senakerib ang Ierusalem. Pangamuyo ni Esekias, kag kalaglagan sang kaso'dadosan sang Asur.

**18** KAG nahanabu, sa ikatlo ka tuig ni Osea, nga anak ni Ela, nga hari sa Israel, nga nagsugud sa paghari si Esekias, anak ni Akas, nga hari sa Iuda.

2 Sang nagsugud sia sa paghari, nagcaedad sia sing *duha* ka pûlô kag lima ka tuig, kag naghari sia sing *duha* ka pûlô kag siam ka tuig sa Ierusalem. Ang ngalan sang iya ilôy amo si Abi, nga anak ni Sakarias.

3 Ginhimo niya ang matadlung sa mga mata ni Iehoba, sono sa tanan nga ginhimo ni Dabid, nga iya amay.

4 Sia nagkuha sang mga mataas nga duug kag gindugmok niya ang mga lara-wan, kag ginutûd niya ang mga Asherim, kag gintipiktipik niya ang man-ug nga tumbaga, nga ginhimo ni Moises; kay tubtub sadtong mga adlaw ginsunugan sing mga pahamut sang mga inanak ni Israel sa atubangan niya; kag ginhi-ngalanan niya nga si Nehustan.

5 Sia naglaum kay Iehoba, nga Dios ni Israel, kag sa olehe niya walâ sing kaangay sa iya sang tanan nga mga hari sa Iuda, bisan man sa tungâ sang mga nagulûna sa iya.

6 Kay nagpakigimpon sia kay Iehoba, kag walâ magisol sa iya, kondi nga gimbantayan niya ang mga sogo, nga ginsogo ni Iehoba kay Moises.

7 Kag si Iehoba nagûpud sa iya. Kag sa tanan nga mga butang nga ginagawaan niya, nagabugana sia. Sia nagla-

lis batok sa hari sa Asur, kag walâ mag-alagad sa iya.

8 Ginpilas man niya ang mga Pilistinhon tubtub sa Gasa, subung man ang iya mga kadulunan, kutub sa mga tore sang mga lalantawan tubtub sa banwang pinabakud.

9 Nahanabu, sa ikapat ka tuig sang hari nga si Esekias, nga among tuig nga ikapito ni Osea, nga anak ni Ela, hari sa Israel, nga nagtaklad si Salmanasar, nga hari sang Asur, batok sa Samaria, kag ginlibutan niya sia.

10 Kag nakuha nila sia sang natapus ang tatlo ka tuig, sa ikan-um ka tuig ni Esekias, nga amo sia ang ikasiam ka tuig ni Osea, nga hari sa Israel, nga nakuha ang Samaria.

11 Kag ginpaliton sang hari sa Asur ang Israel sa Asur, kag ginpahamtang niya sila sa Hala, kag sa ibabaw sang Habor, nga subâ sa Gosan, kag sa mga kabanwaan sang mga Medinhon;

12 Tungud kay walâ sila magpamati sang tungug ni Iehoba, nga ila Dios, kondi ginlapas nila ang iya katipan, kag ang tanan nga ginsogo ni Moises, nga alagad ni Iehoba: walâ sila magpamati, bisan naghilimo sila sini.

13 Kag sa ikapûlô kag apat ka tuig sang hari nga si Esekias, nagtaklad si Senakerib, nga hari sa Asur, batok sa tanan nga mga kabanwaan sang mga mabakud sa Iuda, kag ginkuha niya sila.

14 Kag ang hari nga si Esekias, nagpadalâ sa pagsiling sa hari sa Asur sa Lakis: "Ako nakasalâ. Halin-ka sa akon; ang igabutang mo sa akon, pagadal-on ko." Kag ang hari sa Asur nagpabayad kay Esekias, nga hari sa Iuda, sang tatlo ka gatus ka talanton nga pilak, kag katloan ka talanton nga bulawan.

15 Kag ginhatag ni Esekias ang tanan nga pilak nga nakita sa Baláy ni Iehoba, kag sa mga bahandi sang baláy sang hari.

16 Kag sadto nga panag-on ginutûd ni Esekias ang mga gawang sang simbahan ni Iehoba, kag ang mga haligi nga si Esekias, nga hari sa Iuda, nagpahalup sang *bulawan*, kag ginhatag niya ini sa hari sa Asur.

17 Kag ang hari sa Asur nagpadalâ kay Tartan kag kay Rab-saris, kag kay Rabsake upud ang isa ka daku nga kasoldadosan, kutub sa Lakis, sa hari nga si Esekias, pa Ierusalem; kag nag-



talaklad sila kag nag-alabut sa Ierusalem. Kag sang nakataklad kagsang nag-alabut sila, nagdulúlog sila sa luyo sang kalog sang punong sa ibabaw, nga didto sa luyo sang dalan sang latagon sang Manuglugom.

18 Kag gintawag nila ang hari; kag naggowa sa ila si Eliakim, nga anak ni Hilkia, nga among tululinan sang baláy sang *hari*, kag si Sebna, nga eskriba, kag si Ioa, nga anak ni Asap, nga manugsulat sang mga Kronika.

19 Kag nagsiling sa ila si Rabsake: "Isiling, ginaampo ko sa inyo kay Esekias: Amo ining ginasing sang dakung hari, sang hari sa Asur:

20 "¿Ano nga pagsalig bala sa sinang imo ginasaligan? Nagasiling ka *sing mayo*; *apang* among mga polong sa mga bibig. *May* kinahanglan sing kasapulanan kag panikasug nga sa pag-awayan. ¿Sa kay sino-o bala ikaw nagasalig, nga nagmalalison ka batok sa akon?

21 Yari karon, ikaw nagasalig sa sinang sungkod nga kawayan nga balbag sa Egipto, nga kon may isa nga magpanukud sa iya, masasulud sia sa iya kamut, kag magalapus sa iya. Amo ini si Paraon, nga hari sa Egipto, nga sa tanan nga mga magsalalig sa iya.

22 Kag kon magsiling ka sa akon: Kami nagasalig kay Iehoba, nga amon Dios: ¿indi bala amo sia gid, nga ang iya mga mataas nga dung kag mga halaran ginkuha ni Esekias, sang nagsiling sia sa Iuda kag sa Ierusalem: Sa atubangan sini nga halaram magayaub kamo, Ierusalem?

23 Kag karon, ginaampo ko sa imo, nga makigkasugtanay ka sa akon ginoo, nga hari sa Asur, kag ako magahatag sa imo sang duha ka libo ka kabayo, kon ikaw makasarang pagpatigayon sing mga *tinawo*, nga magkabayo sa ila.

24 Busa, ¿paano bala ang pagpatalingi mo sang nawung sang isa lamang ka pangolo sang labing diyotay sang mga alagad sang akon ginoo? Apang nagasalig ka sa Egipto tungud sang mga kanga kag sang mga manugkabayo.

25 ¿Nagtaklad bala ako karon nga walá si Iehoba batok sa sini nga lugar nga sa paglaglag sa iya? Si Iehoba gid ang nagsiling sa akon: Taklad-ka batok sa sining duta, kag laglaga sia?"

26 Kag nagsiling si Eliakim, nga anak ni Hilkia, kag si Sebna, kag si Ioa, kay

Rabsake: "Ginaampo ko sa imo, nga maghambal ka sa imo mga alagad sang inaraminhon, kay kami makahanġupsini, kag indi ka maghambal sa amon sa hinudio sa mga idulungug sang banwa, nga yara sa ibabaw sang kuta."

27 Kag si Rabsake nagsiling sa ila: "¿Ginpadalá bala ako sang akon ginoo sa imo ginoo kon sa imo, nga sa pagsiling sining mga polong? ¿Indi bala nga sa mga tawo, nga yara sa ibabaw sang kuta, sa pagkaon sang ila ipot kag paginum sang ila ihi upud sa inyo?"

28 Kag nagtindug si Rabsake, kag nagtuaw sa daku nga tingug sa hinudio, kag naghambal, nga nagasiling: "Palamati-kamo sang polong sang daku nga hari, sang hari sa Asur;

29 Amo ining ginasing sang hari: Indi kamo magpalimbong kay Esekias, kay indi sia makasarang sa pagluwas sa inyo sa akon kamut.

30 Kag indi magpasalig sia sa inyo kay Iehoba, nga nagasiling: Sa pagkamatuud, pagaluwason kita ni Iehoba, kag ini nga banwa indi pagaitugyan sa kamut sang hari sa Asur.

31 Indi kamo magpalamati kay Esekias, kay amo ining ginasing sang hari sa Asur: Palakighidaet-kamo sa akon kag gulowa-kamo sa akon; kag ang tagsatagsa magakaon sang iya kaubasan, kag ang tagsatagsa sang iya igera, kag ang tagsatagsa magainum sang mga tubig sang iya bobon,

32 Tubtub nga ako mag-abut kag magdalá ako sa inyo sa isa ka duta subung sang inyo duta, duta nga sa trigokag sa duga sang ubas, duta nga sa tinapay kag sa mga kaubasan, duta sang mga oliba, sang lana kag sang dugus; kag magakalabuhi kamo, kag indi kamo magakalamatay. Indi kamo magpalamati kay Esekias, kay nagasugyot sia sa inyo, nga nagasiling: Si Iehoba magaluwas sa aton.

33 Ang mga dios sang mga katawohan ¿nagluwas sila bala sang tagsatagsa sa iya duta sa kamut sang hari sa Asur?

34 ¿Diin bala ang mga dios sa Hamat kag sa Arpad? ¿Diin bala ang mga dios sa Separbaim, sa Hena, kag sa Iba? ¿Nagluwas bala sila sa Samaria sa akon kamut?

35 ¿Mga sin-o bala sang tanan nga mga dios sining mga kadutaan nga nagluwas sang ila duta sa akon kamut, agud

n̄ga si Iehoba magluwas sa akon kamut sang Ierusalem? ”

36 Kag ang banwa naghipus, n̄ga wal̄a magsabat sa iya sing polong; kay may sogo sang hari, n̄ga nagasiling: “Indi kamo magsalabat sa iya.”

37 Kag si Eliakim, anak ni Hilkia, tululinan sang baláy, kag si Sebna n̄ga eskriba, kag si Ioa, n̄ga anak ni Asap, n̄ga manugsulat sang m̄ga Kronika, nag-alabut kay Esekias n̄ga gisi ang ila m̄ga panapton, kag ginpatpat nila sa iya ang m̄ga polong ni Rabsake.

19 KAG nahanabu n̄ga, sang nabatian ini sang hari n̄ga si Esekias, gingisi niya ang iya m̄ga panapton, kag nagputus sia sang panapton n̄ga masinakiton, kag nagsulúd sia sa Baláy ni Iehoba.

2 Kag ginpadalá niya si Eliakim, n̄ga tululinan sang baláy, kag si Sebna n̄ga esriba, kag ang m̄ga tigulang sang m̄ga saserdote, n̄ga m̄ga nagputus sang panapton n̄ga masinakiton, kay Isaias, n̄ga manalagna, n̄ga anak ni Amos.

3 Kag nagsililing sila sa iya: “Amo ining ginsiling ni Esekias: Ini n̄ga adlaw among adlaw sa kalisud, sa sabdong, kag sa pagpakahuya; kay ang m̄ga anak nag-alabut tubtub sa pagkatawo, kag ang nagaanak walay m̄ga kusug.

4 Ayhan nagpamati kunta si Iehoba, n̄ga imo Dios, sang tanan n̄ga m̄ga polong ni Rabsake, n̄ga ginpadalá sang hari sa Asur, n̄ga iya ginoo, sa pagpasipala sa Dios n̄ga buhi, kag n̄ga magasabdong sia sang m̄ga polong, n̄ga nabatian ni Iehoba, n̄ga imo Dios. Ngani, magbayaw-ka sing pangamuyo tungud sang m̄ga nabilin n̄ga yari pa sila.”

5 Kag nag-alabut ang m̄ga alagad sang hari n̄ga si Esekias kay Isaias.

6 Kag si Isaias nagsiling sa ila: “Amo ini ang pagaisiling ninyo sa inyo ginoo: Amo ining ginasing ni Iehoba: Indi ka magkahadluk tungud sa m̄ga polong n̄ga nabatian mo, n̄ga sa ila ginpakahuy-an ako sang m̄ga alagad sang hari sa Asur.

7 Yari karon, magabutang ako sa iya sing isa ka espiritu, n̄ga kon magapamati sia sing higonghigong, magabalik sia sa iya duta, kag pagahimoon ko, n̄ga sa iya duta mapukan sia sa hingnaniban.”

8 Kag napauli si Rabsake, kag nakita niya ang hari sa Asur, n̄ga nagaaway

batok sa Libna; kay nabatian niya, n̄ga sia nagtaliwan sa Lakis.

9 Kag nabatian niya ang siling nahanungud kay Tiraka, n̄ga hari sa Kus: “Yari karon, naggowa sia n̄ga sa pagpakigaway sa imo.” Kag nagpadalá sia liwan sing m̄ga manugbalita kay Esekias, n̄ga nagasiling:

10 “Amo ining pagaisiling ninyo kay Esekias, n̄ga hari sa Iuda, n̄ga nagasiling: Indi ka magpalimbong sa imo Dios, n̄ga sa iya nagasalig ka, n̄ga sa pagsiling: Ang Ierusalem indi pagaitugyan sa kamut sang hari sa Asur.

II Yari karon, ikaw nakabati sang ginhilimo sang m̄ga hari sa Asur sa tanan n̄ga m̄ga duta, n̄ga gintagudilian nila sila; kag ikaw, ¿pagaluwason ka bala?

12 ¿Ginluwas bala sila sang m̄ga dios sang m̄ga katawohan, n̄ga ginpanlaglag sang akon m̄ga ginikanan, n̄ga amo: ang Gosan, kag ang Haran, kag ang Resep, kag ang m̄ga inanak ni Eden n̄ga yadto sila sa Telasar?

13 ¿Diin bala ang hari sa Hamat, kag ang hari sa Arpad, kag ang hari sang banwa sa Sepharbaim, sa Hena kag sa Iba?”

14 Kag ginbaton ni Esekias ang sulat sa kamut sang m̄ga manugbalita; kag sa tapus n̄ga nabasa niya sia, nagsaka sia sa Baláy ni Iehoba, kag ginbilad sia ni Esekias sa atubangan ni Iehoba.

15 Kag nagpangamuyo si Esekias sa atubangan ni Iehoba, kag nagsiling: “Ieboba n̄ga Dios sa Israel, n̄ga nagapuyô ka sa tungâ sang m̄ga kerubin, ikaw lamang among Dios sang tanan n̄ga m̄ga ginharian sang duta; ikaw ang naghimo sang langit kag sang duta.

16 Ilingig, oh Iehoba, ang imo idulungug, kag magpamati-ka. Muklata, oh Iehoba, ang imo m̄ga mata, kag magtulok-ka; kag magpamatika sang m̄ga polong ni Senakerib, n̄ga ginpadalá niya sa pagpakahuya sa Dios n̄ga buhi.

17 Matuud, oh Iehoba, n̄ga ang m̄ga hari sa Asur naghapay sang m̄ga katawohan kag sang ila m̄ga duta;

18 Kag n̄ga gintugyan nila sa kalayo ang ila m̄ga dios, tungud kay indi m̄ga dios sila, kondi binuhatan sang m̄ga kamut sang m̄ga tawo, n̄ga kahoy kag n̄ga bató, kag ginlaglag nila sila.

19 Busa karon, oh Iehoba, n̄ga Dios namon, luwasa kami, ginaampo ko sa



imo, sa iya kamut, agud nga magkilala ang tanan nga mga ginharian sang duta, nga ikaw lamang, Iehoba, among Dios.”

20 Kag si Isaias, nga anak ni Amos, nagpadala sa pagsiling kay Esekias: “Amo ining ginasing ni Iehoba, nga Dios sa Israel: Ang gin-ampo mo sa akon nahanungud kay Senakerib, nga hari sa Asur, ginpamatian ko.

21 Ini among polong ni Iehoba, nga ginhambal niya batok sa iya: Gintamay ka, ginpasipalahan ka sang ulay, nga anak nga babae sa Sion. Naglungo sang iya olo sa olehe nimo ang anak nga babae sa Ierusalem.

22 ¿Sa kay sin-o bala nagpasipala kag nagpakahuya ka? Kay ¿batok kay sin-o bala nagbayaw ka sing tingug? Ginbayaw mo sa mataas ang imo mga mata batok sa Balaan sa Israel.

23 Sa kamut sang imo mga manug-balita ginpasipalahan mo ang Ginoo, kag nagsiling ka: Sa kadamuon sang akon mga kanga nagtaklad ako sa mga putokputokan sang mga bukid, sa mga bahin sa sulúd gid sang Libano. Pagautdon ko ang iya mga labing mataas nga sedro, ang iya mga sipres nga mga pinili; magalambut ako sa iya kata-pusan nga puluy-an, sa talon sang iya katamnan.

24 Ako nagkutkut, kag nagingum ako sang mga tubig nga dumuluong, kag pagapamalhon ko sa mga dapadapa sang akon mga tiil ang tanan nga mga subá sa Matsor.

25 ¿Walá ka bala makabati, nga sa dugay na nga mga panag-on ginhimo ko ini? ¿nga sa mga adlaw nga daan ginhuman ko ini? Kag karon ginapakari ko ini, kag didto ikaw sa paghapay sang mga kabanwaan nga mga mabakud sa mga tinumpok sang mga nagub-an.

26 Kag ang iya mga pumuluyô, nga mga malip-ot sa mga kamut, mga linap-yo kag mga nagasalalimuang, nga sila *subung* sang hilamon sa latagon, kag sang gamhon nga linghod, kag *subung* sang hilamon sa mga atup, kag sang patubas nga laya nga walá pa magulang.

27 Nahibaloan ko ang imo pagpahamtang, ang imo pagowa kag ang imo pagsulúd, kag ang imo kasingkal batok sa akon.

28 Tungud kay naakig ka batok sa akon, kag ang imo pagkabugalon nagsaka

sa akon mga idulungug, ako magabutang sang akon tohog sa imo mga ilong, kag ang akon bokado sa imo mga bibig, kag pagapabalikon ko ikaw sa dalanon sa diin ka naghaling.

29 Kag ini magamangintanda sa imo: Sa sini nga tuig nagakaon ka sang magatúbô sa iya kaugalingon, kag sa ika-duha ka tuig sang magatúbô sa iya kaugalingon; kag sa ikatlo ka tuig magasab-ug kamo, kag magaalani kamo, magatalanum kamo sang mga kaubasan kag magakalaon kamo sang bunga nila.

30 Kag nahanungud sang nakapalagyo sa baláy ni Iuda, ang nasalin sang nabilin sa iya magapangamut liwan sa idalum, kag magadalá sing bunga sa ibabaw.

31 Kay magagowa sa Ierusalem ang isa ka nabilin, kag sa bukid sa Sion, ang mga nagpalalagyo. Ang kaimon ni Iehoba sang Sebaot magahimo sini.

32 Tungud sini amo ining ginasing ni Iehoba nahanungud sang hari sa Asur: Indi sia magaabut sa sini nga banwa, bisan magapana sia sing mga baslay sa iya, indi magapakita sa atubangan niya ang taming, bisan magapatindug sia sing tap-ok batok sa iya.

33 Sa dalan nga iya ginkarian, magabalik sia, kag indi sia maga-abut sa sini nga banwa, siling ni Iehoba.

34 Kay pagatabangan ko ini nga banwa nga sa pagluwas sa iya, tungud sa kabangdanan sa akon, kag tungud sa kabangdanan ni Dabid, nga akon alagad.”

35 Kag nahanabu nga, sang amo gid nga gab-i, naggowa ang manugtunda ni Iehoba, kag ginpilas niya sa dulugan sang Asur ang isa ka gatus kawaloan kag lima ka libo; kag sang pagbangon nila sa kaagahon, yari karon tanan sila mga lawas nga patay.

36 Kag si Senakerib, nga hari sa Asur, nagpatindug sang dulugan, kag naglakat kag nagbalik kag nagpuyô sa Ninibe.

37 Kag nahanabu, sang nagayaub sia sa baláy ni Nisrok, nga iya dios, nga si Adramelek kag si Sareser, nga iya mga anak, nagpilas sa iya sa hinganiban; kag nagpalalagyo sila sa duta sa Ararat; kag naghari nga salili niya si Esarhadon, nga iya anak.

Balatan ni Esekias kag pag-ayo sa iya.

**20** SA sadtong mga adlaw nagbalatian sa kamatayon si Esekias. Kag nag-abut sa iya si Isaias nga manalagna, nga anak ni Amos, kag nagsiling as iya: "Amo ini ang ginasing ni Iehoba: Himosa ang imo baláy, kay mamatay ka, kag indi ka magakabuhi."

2 Kag ginliso niya ang iya nawung sa dingding, kag nagpangamuyo sia kay Iehoba, kag nagsiling:

3 "Ginaampo ko sa imo, oh Iehoba, nga magpanumdum ka, nga naglakat ako sa atubangan nimo sa kamatooran kag sa lubus nga tagiposoon, kag nga ginhimo ko ang maayo sa imo mga mata." Kag naghibi si Esekias sa isa ka daku nga paghibi.

4 Kag nahanabu, sang walâ pa makagowa si Isaias tubtub sa tungâ sang patyo, nag-abut ang polong ni Iehoba sa iya, nga nagasing:

5 "Balik-ka kag isiling-mo kay Esekias, nga pangolo sa akon banwa: Amo ining ginasing ni Iehoba, nga Dios ni Dabid, nga imo amay: Ginpamatian ko ang imo pangamuyo, kag nakita ko ang imo mga luha: pagaayohon ko ikaw; sa ikatlo ka adlaw magasaka ka sa baláy ni Iehoba.

6 Kag pagadugangan ko ang imo mga adlaw sing napúlô kag lima ka tuig, kag pagaluwason ko ikaw kag ini nga banwa sa kamut sang hari sa Asur; kag pagatabangan ko ini nga banwa, sa kabangdanan sa akon, kag sa kabangdanan ni Dabid, nga akon alagad."

7 Kag nagsiling si Isaias: "Kuha-kamo sang linamas nga igos." Kag sang ginkuha nila ini, ginbutang nila sia sa ibabaw sang pilas, kag nag-áyô sia.

8 Kag si Esekias nagsiling kay Isaias: "¿Ano bala nga tanda nga pagaayohon ako ni Iehoba, kag nga magasaka ako sa baláy ni Iehoba sa ikatlo ka adlaw?"

9 Kag nagsabat si Isaias: "Ina mangintanda sa imo gikan kay Iehoba, nga pagahimoon ni Iehoba ang iya ginmitlang: ¿Magakadto bala ang landong sing napúlô ka alintaga, kon magabalik sia sing napúlô ka alintaga?"

10 Kag si Esekias nagsabat: "Among mahapus nga butang nga ang landong maghuyog sing napúlô ka alintaga. Indi; nga ang landong magbalik sing napúlô ka alintaga."

11 Kag ang manalagna, nga si Isaias, nagtuaw kay Iehoba, nga ginpabalik niya ang landong sing napúlô ka alintaga sa mga alintaga ni Akas, sa mga alintaga nga nagpanaug.

Nakasala si Esekias, nga nagapakita sang iya mga bahandi sa mga manughalita sang hari sa Babilonia.

12 Sa sadtong panag-on si Berodak-Baladan, nga anak ni Baladan, nga hari sa Babilonia, nagpadalá sing mga sulat kag isa ka dólô kay Esekias, kay nabatian niya, nga si Esekias nagbalatian.

13 Kag ginpamatian sila ni Esekias, kag ginpakita niya sa ila ang bug-os nga baláy sang iya mga malahalon nga mga butang: ang pilak kag ang bulawan, kag ang mga pahamut, kag ang mga lana nga mahamut, kag ang bug-os nga baláy sang iya mga hinganiban, kag ang tanan nga yara sa iya mga bahandi. Walâ gid sing bisan ano nga walâ pagipakita ni Esekias sa ila, sa iya baláy kag sa bug-os niya nga ginharian.

14 Kag ang manalagna, nga si Isaias, nagkadto sa hari nga si Esekias, kag nagsiling sa iya: "¿Anong ginsililing bala sadtong mga lalaki, kag sa diin sila naggilikan *pakari* sa imo?" Kag si Esekias nagsiling sa iya: "Sa malayô nga duta naggilikan sila, sa Babilonia."

15 Kag sia nagsiling: "¿Anong nakita nila bala sa imo baláy?" Kag si Esekias nagsiling: "Nakita nila ang tanan nga yara sa akon baláy; walâ gid sing ano sa akon mga bahandi, nga walâ ko igpakita sa ila."

16 Kag si Isaias nagsiling kay Esekias: "Pamatii ang polong ni Iehoba:

17 Yari karon, nagaalabut ang mga adlaw, nga ang tanan nga yara sa imo baláy, kag ang tanan nga ginbahandi sang imo mga ginikanan tubtub karon, pagadal-on sa Babilonia, nga walâ gid sing mabilin, nagsiling si Iehoba

18 Kag sa imo mga anak, nga naggulowa sa imo, nga ginpanganak mo, pagakuhaon sila, kag magamanginkapon sila sa harianon nga baláy sang hari sa Babilonia."

19 Kag si Esekias nagsiling kay Isaias: "Ang polong ni Iehoba, nga ginhambal mo, maayo." Kag nagsiling pa sia: "Kon lamang may paghidaet kag kalig-onan sa akon mga kaadlawan."



20 Kag ang iban sang mġa binuhatan ni Esekias, kag ang tanan niya nġa mġa kabantugan, kag kon paano ang pagbuhat niya sang punong kag sang kalog, kag ginsulúđ niya ang mġa tubig sa banwa, ; walá bala masulat sa tolon-an sang mġa Kronika sang mġa hari sa Iuda?

21 Kag nagtolog si Esekias upud sang iya mġa ginikanan, kag naghari nġa salili niya si Manases, nġa iya anak.

Ang ginharian sang madauton nġa si Manases.

**21** NAGSUGUD sa paghari si Manases, sang nagaedad sia sing napúlô kag duha ka tuig, kag naghari sia sing kalim-an kag lima ka tuig sa Ierusalem. Ang nġalan sang iya ilóy amo si Hepsiba.

2 Kag ginhimo niya ang malain sa mġa mata ni Iehoba, sono sang mġa kalangil-aran sang mġa katawohan nġa ginsobol ni Iehoba sa atubangan sang mġa inanak ni Israel.

3 Kag sia nagpatindug liwan sang mġa mataas nġa duug, nġa ginguba ni Esekias, nġa iya amay, kag nagpatindug sia sing mġa halaran kay Baal, kag naghimo sia sing isa ka Ashera, subung sang ginhimo ni Akab, nġa hari sa Israel; kag nagyaub sia sa atubangan sang bug-os nga kasoldadosan sang langit kag nag-alagad sia sa ila.

4 Subung man nagpatindug sia sang halaran sa Baláy ni Iehoba, nġa nahanungud sa iya nagsiling si Iehoba: "Pagaibutang ko ang akon nġalan sa Ierusalem."

5 Kag nagpatindug sia sing mġa halaran nġa sa bug-os nġa kasoldadosan sang langit sa duha ka patyo sang Baláy ni Iehoba.

6 Kag ginpaagi niya sa kalayo ang iya anak, kag nagbutang sia sa buhat sang mġa malilihion kag sang mġa kawilihan, kag nagtukod sia sing mġa manugpagowa sang espiritu kag mġa manugpakot, kag ginpadamu niya ang paghimo sang malain sa mġa mata ni Iehoba, nġa sa pagpaakig sa iya.

7 Kag nagbutang sia sang larawan nġa tinignan ni Ashera, nġa ginhimo niya, sa baláy nġa nahanungud sa iya nagsiling si Iehoba kay Dabid, kag kay Salomon, nġa iya anak: "Pagaibutang ko ang akon nġalan sa gihapon sa sini nġa

baláy kag sa Ierusalem, nġa ginpili ko sa tanan nġa mġa kabikahan sa Israel.

8 Kag indi ko na pagahimoon, nġa ang tiil ni Israel magpanlugayaw nġa malayô sa duta, nġa ginhatag ko sa ila mġa ginikanan, lamang nġa mag-alandam sila sa paghimo sono sa tanan nġa mġa butang nġa ginsogo ko sa ila, kag sono sa tanan nġa kasogoan, nġa ginsogo sa ila sang akon alagad nġa si Moises."

9 Apang walá sila magpalamati, kag ginpatalang sila ni Manases nġa maghili-mo sila sing labi pa kalain sang mġa katawohan, nġa ginlalag ni Iehoba sa atubangan sang mġa inanak ni Israel.

10 Kag naghambal si Iehoba sa kamut sang iya mġa alagad, nġa mġa manalagna, nġa nagasiling:

11 "Tungud kay si Manases, nġa hari sa Iuda, nagbutang sa buhat sining mġa kalangil-aran, kag naghimo sing labi pa ka lain sa tanan nġa ginhimo sang mġa Amorinhon, nġa nanginúna sa iya, kag nġa nagpakasalá\* man kay Iuda tungud sa ila mġa dios;

12 Tungud sini amo ining ginasiling ni Iehoba, nġa Dios sa Israel: Yari karon, ginadalá ko diri ang amo nġa malain sa ibabaw sang Ierusalem kag sa ibabaw sang Iuda, nġa ang magpamati sini pagatinglan ang duha niya ka idulung.

13 Kag pagauntayon ko sa ibabaw sang Ierusalem ang lubid sa Samaria, kag ang tonton sang baláy ni Akab: kag ako magatinlo sa Ierusalem subung sang pagtinlo sa isa ka pingan, nġa sa tapus na nġa natinloan, ginapakolob nila sia.

14 Kag pagaisikway ko ang nabilin sang akon panublion, kag pagaitugyan ko sila sa mġa kamut sang ila mġa kaway, kag mangininagaw kag manginhinublas sila sa tanan nila nġa mġa kaway;

15 Tungud kay ginhimo nila ang malain sa akon mġa mata, kag nġa ginpaakig nila ako, kutub sang adlaw nġa ang ila mġa ginikanan naggowa gikan sa Egipto tubtub karon."

16 Labut pa, ginula ni Manases ang dugo nġa walay salá sa kabugana gid, tubtub nġa napunô ang Ierusalem sa ukbung kag ukbung; labut pa sang iya salá, nġa tungud sa iya ginpapakasalá

niya ang Iuda, agud nga maghimo sia sang malain sa mga mata ni Iehoba.

17 Kag ang iban sang mga binuhatan ni Manases, kag ang tanan nga ginhimo niya, kag ang iya salá nga ginbuhat niya, ¿ walá bala masulat sa tolon-an sang mga Kronika sang mga hari sa Iuda?

18 Kag nagtolog si Manases upud sa iya mga ginikanan, kag ginlubung sia sa katamnan sang iya baláy, sa katamnan ni Ussa, kag naghari nga salili niya si Amon, nga iya anak.

Si Amon, hari sa Iuda.

19 Nagsugud sa paghari si Amon sang nagaedad sia sing duha ka púlò kag duha ka tuig, kag naghari sia sa Ierusalem sing duha ka tuig; kag ang ngalan sang iya ilóy amo si Mesulemet, nga anak ni Harus, nga taga-Iotba.

20 Kag ginhimo niya ang malain sa mga mata ni Iehoba, subung sang ginhimo ni Manases, nga iya amay.

21 Kag naglakat sia sa tanan nga mga dalanon, nga ginlaktan sang iya amay; kag nag-alagad sia sa mga lara-wan nga sa ila nag-alagad ang iya amay, kag nagyaub sia sa atubangan nila.

22 Kag ginbayaan niya si Iehoba, nga Dios sang iya mga ginikanan, kag walá maglakat sia sa dalanon ni Iehoba.

23 Kag ang mga alagad ni Amon nagpuluhon batok sa iya, kag ginpatay nila ang hari sa iya baláy.

24 Kag ang banwa sang duta nagpilas sa tanan nga mga nagpuluhon batok sa hari nga si Amon, kag ang banwa sang duta naghimo nga hari nga salili niya kay Iosias, nga iya anak.

25 Kag ang iban sang mga binuhatan ni Amon, nga ginhimo niya, ¿ walá bala masulat sa tolon-an sang mga Kronika sang mga hari sa Iuda?

26 Kag ginlubung sia sa iya lulubngan, sa katamnan ni Ussa; kag naghari nga salili niya si Iosias, nga iya anak.

Paghari kag mga pagbaylo ni Iosias.—Ang tolon-an sang kasogon nga nakita sa Simbahan.

Ang pagkuha sang diwata.

Paghiwat sang Paskua.

**22** SANG pagsugud ni Iosias sa paghari, nagaedad sia sing walo ka tuig, kag naghari sia sa Ierusalem sing katloan kag isa ka tuig. Kag ang nga-

lan sang iya ilóy amo si Idida, nga anak ni Adaia, nga taga-Boskat.

2 Kag ginhimo niya ang matadlung sa mga mata ni Iehoba, kag naglakat sia sa tanan nga dalanon ni Dabid, nga iya amay, nga walá maglipas sa too, bisan sa walá.

3 Kag nahanabu, sa ikapúlò kag walo ka tuig sang hari nga si Iosias, nga nagpadalá ang hari kay Sapan nga eskriba, nga anak ni Asalia, nga anak ni Mesulam, sa baláy ni Iehoba, nga nagasiling:

4 “Taklad-ka kay Hilikia, nga pinakamataas nga saserdote: nga pagisipon niya ang tanan nga kuarta nga ginpadalá sa Baláy ni Iehoba, kag nga gintipon sa banwa sang mga manugbantay sang gawang,

5 Kag nga igtugyan nila ini sa mga kamut sang mga nagahilimo sang buluhaton, nga natulinan sila sa Baláy ni Iehoba, kag nga pagihatag nila ini sa mga nagahilimo sang buluhaton sa Baláy, nga sa pagkaáyô sang mga litik sang Baláy:

6 Sa mga panday, sa mga manugtukud, kag sa mga albanyil, nga sa pagpabakal sing kahoy kag bató nga binas-basan, nga sa pagkaáyô sang Baláy.

7 Kag nga indi sila pagpangayoan sing husay sang kuarta nga gintugyan sa ila mga kamut, kay sila nagagawi nga may katutum.

8 Niyan nagsiling ang pinapakamataas nga saserdote nga si Hilikia kay Sapan nga eskriba: “Ang tolon-an sang kasogon nakita ko sa Baláy ni Iehoba.” Kag ginhatag ni Hilikias ang tolon-an kay Sapan, kag ginbása niya ini.

9 Kag nagkadto si Sapan, nga eskriba, sa hari, kag naghatag sia sa hari sang sugid, kag nagsiling: “Ginula sang imo mga alagad ang kuarta, nga nakita sa simbahan, kag gintugyan nila sia sa mga kamut sang mga nagahilimo sang buluhaton, nga natulinan sila sa Baláy ni Iehoba.”

10 Kag si Sapan, nga eskriba, nagsugid man sa hari, nga nagasiling: “Si Hilikia nga saserdote, naghatag sa akon sing isa ka tolon-an.” Kag ginbása ini ni Sapan sa atubangan sang hari.

11 Kag nahanabu, sang nabatian sang hari ang mga polong sang tolon-an sang kasogon, nga gingisi niya ang iya mga panapton.

12 Kag nagsogo ang hari kay Hilikia,



nga saserdote, kag kay Ahikam, nga anak ni Sapan, kag kay Akbor, nga anak ni Mikaia, kag kay Sapan, nga eskriba, kag kay Asaia, nga alagad sang hari, nga nagasiling:

13 “Lakat-kamo kag pamangkota-nin-  
yo si Iehoba tungud sa akon, kag tungud  
sa banwa, kag tungud sa bug-os nga  
Iuda, nahanungud sa mga polong sini  
nga tolon-an, nga nakita; kay dakung  
kasingkal ni Iehoba amo ang nagdabdab  
batok sa aton, tungud kay ang aton mga  
ginikanan walá magpamati sang mga  
polong sining tolon-an, nga sa paghimo  
sono sa tanan nga ginsulat sa iya nga sa  
aton.”

14 Kag nagkadto si Hilkia, nga saser-  
dote, kag si Ahikam, kag si Akbor, kag  
si Sapan kag si Asaia, kay Hulda nga  
manalagnang babae, nga asawa ni Salum,  
anak ni Tikba, anak ni Karkas, nga bantay  
sang mga panapton, nga nagapuyô sia  
sa Ierusalem, sa ikaduha ka bahin sang  
banwa, kag naghalambal sila sa iya.

15 Kag sia nagsiling sa ila: “Amo  
ining ginasingling ni Iehoba, nga Dios sa  
Israel: Isiling-ninyo sa lalaki, nga nag-  
padalá sa inyo sa akon:

16 Amo ining ginasingling ni Iehoba:  
Yari karon, igapadalá ko *diri* ang kalaut  
sa ibabaw sini nga duug, kag sa ibabaw  
sang iya mga pumuluyô, *sono* sa tanan  
nga mga polong sang tolon-an, nga gin-  
bása sang hari sa Iuda.

17 Tungud kay ginbayaan nila ako,  
kag nagsulunog sila sing mga pahamut  
sa liwan nga mga dios sa pagpaakig sa  
akon tungud sang tanan nga mga binuha-  
tan sang ila mga kamut, ang akon kasing-  
kal nagadabdab batok sini nga duug kag  
indi magapalong.

18 Apang nahanungud sang hari sa  
Iuda, nga nagpadalá sa inyo, agud nga  
magpalamangkot kamo kay Iehoba, ma-  
gasililing kamo sa iya sing amo ini:  
Amo ining ginasingling ni Iehoba, nga  
Dios ni Israel *nahanungud* sang mga  
polong, nga nabatian mo:

19 Tungud kay ang imo tagiposoan  
naghumok, kag nagpaubus ka sa atuba-  
ngan ni Iehoba, sang pagkabati mo  
sang ginmitlang ko batok sini nga duug  
kag batok sa iya mga pumuluyô, *kon  
sayoron* nga pagahapayon sila kag paga-  
himalauton sila, kag tungud kay gingisi  
mo ang imo mga panapton, kag naghibi

ka sa akon atubangan, ako man nagpa-  
mati, siling ni Iehoba.

20 Tungud sini ako magapatipon sa  
imo sa imo mga ginikanan, kag ikaw  
pagatiponan sa paghidaet sa imo lu-  
lubngan, kag indi makakita ang imo  
mga mata sang tanan nga kalaut nga  
igapadalá ko *diri* sa ibabaw sini nga  
duug.” Kag ginsugid nila sa hari *ini* nga  
polong.

**23** KAG ang hari nagpadalá, kag  
nagtipon sa iya sang tanan nga  
mga tigulang sa Iuda kag sa Ierusalem.

2 Kag nagsaka ang hari sa Baláy ni  
Iehoba, kag upud sa iya ang tanan nga  
mga tawo sa Iuda, kag ang tanan nga  
mga pumuluyô sa Ierusalem, kag ang  
mga saserdote, kag ang mga manalagna,  
kag ang bug-os nga banwa kutub sa  
labing diyotay tubtub sa labing daku;  
kag ginbása niya, nga nagapamati sila,  
ang tanan nga mga polong sang katipan,  
nga nakita sa Baláy ni Iehoba.

3 Kag nagtindig ang hari sa luyo sang  
haligi, kag nagpakigkatipan sia sa atu-  
bangan ni Iehoba, nga magalalakat sila  
sa olehe ni Iehoba, kag magabalantay  
sang iya mga sogo kag sang iya mga  
pagpamatuud, kag sang iya mga pala-  
tukuran sa bug-os nila nga tagiposoan,  
kag sa bug-os nila nga kalág, sa pagtu-  
man sang mga polong sining katipan,  
nga napanulat sa sadtong tolon-an. Kag  
ang bug-os nga banwa nagpakigambit  
sang katipan.

4 Kag nagsogo ang hari sa pinapaka-  
mataas nga saserdote, nga si Hilkia,  
kag sa mga saserdote nga sa ikaduha ka  
alintaga, kag sa mga manugbantay sang  
gawang, nga pagkuhaon nila sa simba-  
han ni Iehoba ang tanan nga mga gamit,  
nga ginhimo sila nga sa kay Baal kag  
nga sa Ashera, kag nga sa bug-os nga  
kasoldadosan sang langit; kag ginsunog  
niya sila sa gowa sang Ierusalem sa  
latagon sang Kedron, kag ginpadalá niya  
ang mga abó nila sa Bethel.

5 Kag ginkuha niya ang mga saserdote  
sang mga larawan, nga gintukud sang  
mga hari sa Iuda, agud nga magsulunog  
sila sing mga pahamut sa mga mataas  
nga duug sa mga kabanwaan sa Iuda  
kag sa mga palibot sang Ierusalem. Kag  
ang mga nagasulunog sing mga pahamut  
kay Baal, sa adlaw kag sa bulan, kag sa

sodiako, kag sa bug-os nga kasoldadosan sang langit.

6 Ginpapelak niya ang Ashera sa baláy ni Iehoba, sa gowa sang Ierusalem, sa kasulgan sang Kedron, kag ginsunog niya sia sa kasulgan sang Kedron, kag gindugmok niya sia nga yab-ok kag ginholog niya ang yab-ok niya sa ibabaw sang mga lulubngan sang mga anak sang banwa.

7 Kag ginguba niya ang mga baláy sang mga sodomihon nga yadto sa baláy ni Iehoba, nga sa ila nagahalabol ang mga babae sang mga layanglayang nga sa Ashera.

8 Kag ginpakari niya ang tanan nga mga saserdote sa mga kabanwaan sa Iuda, kag ginhigkoan niya ang mga mataas nga duug, nga didto ang mga saserdote nagasulunog sing mga pahamut, kutub sa Geba tubtub sa Beer-seba; kag ginguba niya ang mga mataas nga duug sang mga gawang nga yadto sila sa salamputan sang gawang ni Iosue, pangolo sang banwa, nga yadto sa kamut nga walá, sa gawang sang banwa.

9 Apang ang mga saserdote sang mga mataas nga duug walá magtalaklad sa halaran ni Iehoba sa Ierusalem; apang nagkalaon sila sang mga tinapay nga walay tapay sa tungá sang ila nga útud,

10 Kag ginhigkoan niya ang Topet, nga yadto sa nalupyakan sang anak ni Hinom, agud nga walá sing magpaagi pa sang iya anak nga lalaki kon sa iya anak nga babae sa kalayo kay Molok.

11 Kag ginkuha niya ang mga kabayo, nga ginhalad sang mga hari sa Iuda sa adlaw, sa salamputan sang Baláy ni Iehoba, sa luyo sang hulot ni Netan-melek, nga kapon, nga yara sa Parbaraim, kag ginsunog niya sa kalayo ang mga kanga sang adlaw.

12 Kag ginguba sang hari ang mga halaran nga yadto sa ibabaw sang atup sang hulut nga mataas ni Akas, nga ginhimo sang mga hari sa Iuda, kag ang mga halaran nga ginhimo ni Manases sa duha ka patyo ang Baláy ni Iehoba, kag nagdalagan sia kutub didto kag nagpapelak sang yab-ok nila sa kasulgan sang Kedron,

13 Kag ginhigkoan sang hari ang mga mataas nga duug nga yadto sa atubangan sang Ierusalem, sa kamut nga too sang bukid sang Kalaglagan, nga ginpatindug sila ni Salomon, nga hari sa Israel, kay

Astarot, nga kalanġil-aran sang mga Siodonihon, kag kay Kemos, nga kalanġil-aran ni Moab, kag kay Milkom, nga kalanġil-aran sang mga inanak ni Amon.

14 Kag gindugmok niya ang mga larawan, kag ginutúd niya ang mga Asherim, kag ginpunô niya ang mga duug nila sa mga tul-an sang mga tawo.

15 Kag subung man ang halaran nga yadto sa Bethel kag ang mataas nga duug nga ginhimo ni Ieroboam, nga anak ni Nabat, nga tungud sa iya ginpapakasala niya si Israel, yadtong halaran gid kag ang mataas nga duug ginlaglag niya; kag ginsunog niya ang mataas nga duug kag gindugmok niya sia nga yab-ok, kag ginsunog niya ang Ashera.

16 Kag nagbalik si Iosias, kag sang nakita niya ang mga lulubngan nga yadto didto sa bukid, nagpadalá sia kag nagkuha sang mga tul-an sa mga lulubngan, kag ginsunog niya sila sa ibabaw sang halaran, kag ginhigkoan niya sia sono sa polong ni Iehoba, nga ginbantalá sang tawo sang Dios, nga ginsingit niya ining mga butang.

17 Kag ang hari nagsiling: “; Ano bala nga pahanumdum ining ginatan-aw ko?” Kag ang mga tagabanwa nagsililing sa iya: “Ini amo ang lulubngan sang tawo sang Dios, nga nag-abut gikan sa Iuda, kag nagsingit batok sa halaran sa Bethel sang mga butang, nga ginhimo mo.”

18 Kag sia nagsiling: “Bayai-ninyo sia; walay sin-o nga maggiho sang iya mga tul-an.” Kag gintago nila ang iya mga tul-an, kag ang mga tul-an sang manalagna, nga nag-abut gikan sa Samaria.

19 Kag subung man ang tanan nga mga baláy sang mga mataas nga duug nga yadto sa mga kabanwaan sa Samaria, nga ginhimo sila sang mga hari sa Israel sa pagpaagik kay Iehoba, ginkuha sila ni Iosias, kag naghimo sia sa sila subung sang ginhimo niya sa Bethel.

20 Kag ginhalad niya sa ibabaw sang mga halaran ang tanan nga mga saserdotes sang mga mataas nga duug nga yadto didto, kag ginsunog niya sa ibabaw nila ang mga tul-an sang mga tawo; kag nagpauli sia sa Ierusalem.

21 Kag nagsogo ang hari sa bug-os nga banwa, nga nagsiling: “Hilimo-kamo sang Paskua kay Iehoba, nga inyo



Dios, sono sa nasulat sa tolon-an sini nga katipan."

22 Walâ gid mahimo ang subung nga Paskua kutub sa mġa panag-on sang mġa Hukom nga naghulukom sa Israel, bisan sa tanan nga mġa panag-on sang mġa hari sa Israel kag sang mġa hari sa Iuda.

23 Apang sa ikapúlô kag walo ka tuig sang hari, nga si Iosias, ginhimo yadtong Paskua kay Iehoba sa Ierusalem.

24 Kag subung man ginkuha ni Iosias ang mġa manugpagowa sang mġa espi-ritu, kag ang mġa manugpakot, kag ang mġa terapin, kag ang mġa lawaran kag ang tanan nga mġa kalanġil-aran nga makita sa duta sa Iuda kagsa Ierusalem, nga sa pagtuman sang mġa polong sang kasogoan, nga napanulat sa tolon-an, nga nakita sang saserdote nga si Hiikia sa Baláy ni Iehoba.

25 Sa úna niya walâ gid sing hari nga subung sa iya, nga nagliso kay Iehoba sa bug-os niya nga tagiposoon, kag sa bug-os niya nga kalág, kag sa bug-os niya nga kusug, sono sa tanan nga kasogoan ni Moises; bisan sa olehe niya nagtindug ang isa nga subung sa iya.

26 Walay sapayan, walâ na maguli si Iehoba sang dabdab sang iya daku nga kaakig; kay nagsiga ang iya kaakig batok kay Iuda, tungud sang tanan nga mġa pagpaakig, nga ginpaakig sa iya ni Manases.

27 Kag nagsiling si Iehoba: "Pagakuhaon ko man sa akon atubangan ang Iuda, subung nga ginkuha ko ang Israel, kag pagaisikway ko ini nga banwang Ierusalem, nga ginpili ko, kag ang baláy nga nahanungud sa iya nagsiling ako: Ang akon ngalan magapuyô didto."

23 Kag ang iban sang mġa binuhatan ni Iosias, kag ang tanan nga ginhimo niya, i walâ bala tanan masulat sa tolon-an sang mġa Kronika sang mġa hari sa Iuda?

29 Sa iya mġa adlaw, si Paraon-Neko, nga hari sa Egipto, nagtaklad batok sa hari sa Asur sa subâ sa Euprates, kag naggowâ batok sa iya ang hari nga si Iosias; apang sang nakita sia ni *Neko*, ginpatay niya sia sa Megido.

30 Kag ginbutang sia sang iya mġa alagad sa isa ka kanga, kag gindalâ nila sia nga patay gikan sa Megido pa Ierusalem, kag ginlubung nila sia sa iya lulubngan. Kag ang banwa sang duta

nagkuha kay Ioakas, nga anak ni Iosias, kag ginhaplas nila sia, kag ginhimo nila sia nga hari nga salili sang iya amay.

Si Ioakas, si Ioiakim kag si Ioiakin, mġa hari sa Iuda.

31 Nagsugud sa paghari si Ioakas, sang nagaedad sia sing duha ka púlô kag tatlo ka tuig, kag naghari sia sing tatlo ka bulan sa Ierusalem. Kag ang ngalan sang iya ilóy amo si Amutal, nga anak nga babae ni Ieremias, nga taga-Libna.

32 Kag ginhimo niya ang malain sa mġa mata ni Iehoba, sono sa tanan nga ginhimo sang iya mġa ginikanan.

33 Kag ginbilango sia ni Paraon-Neko, sa Ribla, sa duta sa Hamat, agud nga indi maghari sia sa Ierusalem; kag ginsilotan niya ang duta sang isa ka bayad nga isa ka gatus ka talanton nga pilak kag isa ka talanton nga bulawan.

34 Kag ginhimo ni Paraon-Neko nga hari si Eliakim, nga anak ni Iosias, nga salili ni Iosias, nga iya amay, kag ginilisan niya ang iya ngalan sa kay Ioiakim; kag ginkuha niya si Ioakas, kag nagkadto sia sa Egipto, kag namatay sia didto.

35 Kag si Ioiakim naghatag kay Paraon sang pilak kag sang bulawan; apang ginpabilihan niya ang duta sa Iuda nga sa paghatag sining kuarta, sono sa sogo ni Paraon; kag nagsukot sia sang pilak kag bulawan sa banwa sang duta, sa tagsatagsa sono sang iya kabilihanan, nga sa paghatag kay Paraon-Neko.

36 Nagsugud sa paghari si Ioiakim sang nagaedad sia sing duha ka púlô kag lima ka tuig, kag naghari sia sing napúlô kag isa ka tuig sa Ierusalem. Kag ang ngalan sang iya ilóy, amo si Sebuda, nga anak ni Pedaia, nga taga-Ruma.

37 Kag ginhimo niya ang malain sa mġa mata ni Iehoba, sono sa tanan nga ginhimo sang iya mġa ginikanan.

**24** SA iya panag-on nagtaklad si Nabukodonosor, nga hari sa Babilonia, nga sa iya nag-alagad si Ioiakim sing tatlo ka tuig; ugaling nagbalik sia kag naglalis batok sa iya.

2 Kag si Iehoba nagpadalâ batok sa iya sang mġa kasoldadosan nga mġa Kaldeinhon, kag mġa kasoldadosan nga mġa Araminhon, kag mġa kasoldadosan

nga mga Moabinhon, kag mga kasoldadosan sang mga anak ni Amon; kag ginpadala niya sila batok sa Iuda sa paglaglag sa iya, sono sang polong ni Iehoba nga ginhambal niya tungud sa iya mga alagad nga mga manalagna.

3 Sa pagkamatuud gid, nag-abut ini batok sa Iuda tungud sang sogo ni Iehoba nga sa pagkuha sa iya sa iya atubangan, tungud sang mga sala ni Manases, sono sang tanan nga ginhimo niya:

4 Subung man tungud sang dugo nga walay sala nga ginula niya; kay ginpunô niya ang Ierusalem sa dugo nga walay sala; kag si Iehoba walâ magbuut sa pagpatawad.

5 Kag ang iban sang mga binuhatan ni Ioiakim, kag ang tanan nga ginhimo niya, walâ bala masulat sa tolon-an sang mga Kronika sang mga hari sa Iuda?

6 Kag nagtolog si Ioiakim upud sa iya mga ginikanan, kag naghari nga salili niya si Ioiakin, nga iya anak.

7 Kag ang hari sa Egipto walâ na maggowa sa iya duta; kay ang hari sa Babilonia nagkuha sang tanan nga iya sang hari sa Egipto, kutub sa kasulgan sang Egipto tubtub sa subâ sang Euprates.

8 Nagsugud sa paghari si Ioiakin sang nagaedad sia sing napûlô kag walo ka tuig, kag naghari sia sa Ierusalem sing tatlo ka bulan. Kag ang ngalan sang iya ilôy amo si Neusta, nga anak ni Elnatan, nga taga-Ierusalem.

9 Kag ginhimo niya ang malain sa mga mata ni Iehoba, sono sang tanan nga ginhimo sang iya amay.

#### Ang pamuno sang kabikahan.

10 Sa sadtong panag-on nagtalaklad ang mga alagad ni Nabukodonosor, nga hari sa Babilonia, batok sa Ierusalem, kag ang banwa ginsugdan sa paglibot.

11 Kag nag-abut si Nabukodonosor, nga hari sa Babilonia, batok sa banwa, sang ginalibutan pa sia sang iya mga alagad.

12 Kag naggowa si Ioiakin, nga hari sa Iuda, sa hari sa Babilonia, sia kag ang iya ilôy, kag ang iya mga alagad, kag ang iya mga dunganon, kag ang iya mga kapon. Kag gindakup sia sang hari sa Babilonia sa ikawalo ka tuig sang iya paghari.

13 Kag ginkuha niya didto ang tanan nga mga bahandi sang Baláy ni Iehoba, kag ang mga bahandi sang baláy sang hari, kag gintipiktik niya ang tanan nga mga gamit nga bulawan, nga ginhimo ni Salomon, nga hari sa Israel, nga sa simbahan ni Iehoba, subung sang ginmitlang ni Iehoba.

14 Kag ginpaliton niya sa kabihagan ang bug-os nga Ierusalem, ang tanan nga mga dunganon, kag ang tanan nga mga tawo nga maisug, napûlô ka libo ka mga bihag; upud ang tanan nga mga panday kag mga panday sa salsalon, nga walâ gid sing nabilin, luwas ang mga labing imol sa banwa sang duta.

15 Kag ginpaliton niya si Ioiakin sa Babilonia; kag ginpaliton niya nga bihag gikan sa Ierusalem pa Babilonia ang ilôy sang hari, kag ang mga asawa sang hari, kag ang iya mga kapon, kag ang mga gamhahan sang duta;

16 Ang tanan nga mga tawo nga maisug, nga pito ka libo sila, kag ang mga panday kag ang mga panday sa salsalon, nga isa ka libo sila, ang tanan nga mga makusug nga sa paghimo sang inaway; kag gindala sila nga mga bihag sang hari pa Babilonia.

Si Sedekias katapusan nga hari sa Iuda.—Ginalaglag ni Nabukodonosor ang Ierusalem, kag ginadala niya nga bihag ang banwa sang Iuda.

17 Kag ang hari sa Babilonia naghimo nga hari nga salili ni Ioiakin kay Matanias, nga iya batâ, kag ginilisan niya ang iya ngalan sa kay Sedekias.

18 Nagsugud sa paghari si Sedekias sang nagaedad sia sing duha ka pûlô kag isa ka tuig, kag naghari sia sing napûlô kag isa ka tuig sa Ierusalem. Kag ang ngalan sang iya ilôy amo si Amutal, nga anak ni Ieremias, nga taga-Libna.

19 Kag ginhimo niya ang malain sa mga mata ni Iehoba, sono sang tanan nga ginhimo ni Ioiakim.

20 Kay tungud sang kaakig ni Iehoba batok sa Ierusalem kag batok sa Iuda, tubtub nga gintabog niya sila sa iya atubangan, naglalis si Sedekias batok sa hari sa Babilonia.

**25** KAG nahanabu, sa ikasiam ka tuig sang iya paghari, sa bulan nga ikapûlô, sa ikapûlô sang bulan nga



si Nabukodonosor, nga hari sa Babilonia, nag-abut, sia kag ang tanan niya nga kasoldadosan, batok sa Ierusalem, kag nagpahamtang sia sing dulugan batok sa iya, kag nagpalatindug sila batok sa iya sing mga kapag-unan sa palibot.

2 Kag nalibutan ang banwa tubtub sang ikapulô kag isa ka tuig sang hari nga si Sedekias.

3 Sa ikasiam sang bulan naglandas ang gutum sa banwa, kag walâ na sing tinapay nga sa banwa sang duta.

4 Kag nahimo ang litik sa banwa, kag *nagpalalagyo* sa kagab-ihon ang tanan nga mga tawo sa pag-awayan, sa dalan sang gawang nga yara sa tungâ sang duha ka kuta, malapit sa katamnan sang hari, sang yara ang mga Kaldeinhon batok sa banwa sa palibot; kag *ang hari* napakadto sa dalan sang kapatagan.

5 Kag ang kasoldadosan sang mga Kaldeinhon nagsunud sa hari, kag gindakup niya sia sa mga kapatagan sa Ieriko, kag nag-alaplaag sa iya ang bug-os niya nga kasoldadosan.

6 Kag gindakup nila ang hari, kag ginpatklad nila sia sa hari sa Babilonia sa Ribla, nga didto nagmilitlang sila sing paghukom batok sa iya.

7 Kag ginpamugutan nila ang mga anak ni Sedekias sa iya atubangan, kag kay Sedekias ginlukat nila ang mga mata; kag sang nagapus sang mga talikala nga tumbaga, gindala nila sia sa Babilonia.

8 Kag sa bulan nga ikalima, sa ikapito sang bulan, nga amo ang ikapulô kag siam ka tuig ni Nabukodonosor, nga hari sa Babilonia, nagsulud sa Ierusalem si Nabusaradan, nga pangolo sang mga bantay, nga alagad sang hari sa Babilonia.

9 Kag ginsunog niya ang Baláy ni Iehoba, kag ang baláy sang hari, kag ang tanan nga mga kabalayan sa Ierusalem; kag ang tanan nga mga baláy sang mga dunganon ginsunog niya sa kalayo.

10 Kag ang tanan nga kasoldadosan sang mga Kaldeinhon, nga yadto upud sang pangolo sang mga bantay, nagguba sang mga kuta sang Ierusalem pa libot.

11 Kag nahanungud sang nabilin sa banwa, sang mga nagkalabilin didto sa banwa, kag sang mga manugpalagyo, nga nagsilimpon sa hari sa Babilonia, kag

sang mga nagkalabilin sang kadam-an, ginpaliton sila ni Nabusaradan, nga pangolo sang mga bantay.

12 Walay sapayan, sa tungâ sang mga labing imol sang duta ginpabayaan ni Nabusaradan, nga pangolo sang mga bantay, ang iban, agud nga manginmanugubas kag mangunguma sila.

13 Kag ginpamoong sang mga Kaldeinhon ang mga haligi nga tumbaga, nga yadto sa Baláy ni Iehoba, kag ang mga tulungtungân, kag ang dagat nga tumbaga, nga yadto sa Baláy ni Iehoba, kag gindala nila ang tumbaga nila sa Babilonia.

14 Ginkuha man nila ang mga alabohan, kag ang mga sudsud, kag ang mga kimpit, kag ang mga luwag, kag ang tanan nga mga gamit nga tumbaga, nga sa ila nag-alalagad sila.

15 Kag ang mga insensario, ang mga batiya, ang tanan nga bulawan subung nga bulawan, kag ang tanan nga pilak subung nga pilak, ang *tanan* gindala sang pangolo sang mga bantay.

16 Nahanungud sang duha ka haligi, sang dagat nga bugtong kag sang mga tulungtungân, nga ginhiro ni Salomon nga sa Baláy ni Iehoba: walâ sing timbang nga sa tumbaga sinang tanan nga mga gamit.

17 Ang kataason sang isa ka haligi nanginnapulô kag walo ka maniko, kag may isa ka oloolo nga tumbaga sa ibabaw; kag ang kataason sang oloolo nangintatlo ka maniko, kag sa ibabaw sang oloolo may isa ka linala kag mga granada sa palibot, ang tanan tumbaga; kag kaangay sa sini sa ila may iya ang ikaduha ka haligi upud ang linala.

18 Kag ginkuha sang pangolo sang mga bantay si Seraia, nga pangolo nga saserdote, kag si Saponias nga ikaduha nga saserdote, kag ang tatlo ka bantay sang atangan.

19 Kag sa banwa nagkuha sia sang isa ka kapon, nga amo sia ang tinulinan sang tinawo sa pag-awayan, kag lima ka lalaki sang mga nagatalan-aw sang nawung sang hari, nga nakita sila sa banwa, kag ang pangolo nga eskriba sang kasoldadosan, nga tinulinan sa paglista sang tinawo sang kadutaan, kag kanuman ka lalaki sa tungâ sang banwa sang duta, nga nakita nila sa banwa.

20 Ginkuha ini sila ni Nabusaradan, nga pangolo sang mga bantay, kag

gindalá niya sila sa Ribla, sa hari sa Babilonia.

21 Kag ginpilas kag ginpatay sila, sa Ribla, sang hari sa Babilonia, sa duta nga Hamat. Kag ginpaliton ang Iuda gikan sa ibabaw sang iya duta.

22 Kag nahanungud sang banwa nga nabilin sa duta sa Iuda kag nga si Nabukudonosor, nga hari sa Babilonia, nagpabilin, ginbutangsang hari nga gobernador sa ibabaw nila si Gedalias, nga anak ni Ahikam, nga anak ni Sapan.

23 Kag sang nakabati ang tanan nga mga pangolo sang kasoldadosan, sila kag ang ila mga tinawo, nga ginbutang sang hari sa Babilonia nga gobernador si Gedalias, nag-alabut sila kay Gedalias sa Mispá, kon sayoron si Ismael, nga anak ni Netanias, kag si Iohanan, nga anak ni Kareá, kag si Seraia, anak ni Tanhumet, nga taga-Netopá, kag si Iasanias, nga anak Maakanhon, sila kag ang ila mga tinawo.

24 Kag si Gedalias nagsumpa sa ila, sa ila kag sa ila mga tinawo, kag nagsiling sa ila: "Indi kamo magkalahadluk nga magmanġinalagad kamo sang mga Kaldeinhon; puluyô-kamo sa duta, kag alalagad-kamo sa hari sa Babilonia, kag may kaayo kamo.

25 Apang nahanabu sa bulan nga ikapito, nga nag-abut si Ismael, nga anak ni Metanias, anak ni Elisama, sa kaliwatan nga harianon, kag ang napúlô ka lalaki

upud sa iya, kag ginpilas nila si Gedalias, kag namatay sia, subung man ang nga Iudio kag ang mga Kaldeinhon nga yadto upud sa iya sa Mispá.

26 Kag ang bug-os nga banwa, kutub sa labing magamay tubtub sa labing dalagku kag ang mga pangolo sang kasoldadosan, nagtilindug sila kag nagkaladto sila sa Egipto, kay nahadluk sila sa mga Kaldeinhon.

27 Kag nahanabu, sa ikakatloan kag pito ka tuig sang paglitan kay Ioiakin, nga hari sa Iuda, sa bulan nga ikapúlô kag duha, sa ikaduha ka púlô kag pito sang bulan, nga si Ebil-Merodak, nga hari sa Babilonia, sa tuig nga pagsugud niya sa paghari, ginbayaw niya ang olo ni Ioiakin, nga hari sa Iuda, nga ginkuha sia sa bilangoan,

38 Kag naghambal sia sa iya sing maayo, kag ginbutang niya ang iya lingkoran sa ibabaw sang lingkoran sang mga hari nga upud sa iya sa Babilonia.

29 Kag ginilisan niya ang iya mga panapton sa bilangoan, kag nagkaon sia sing tinapay gihapon sa atubangan niya sa tanan nga mga adlaw sang iya kabuhi.

30 Kag nahanungud sang iya ikabuhi, ginhatag sa iya ang iya ikabuhi nga dalayon gikan sa hari, sa adlawadlaw, sang tanan nga mga adlaw sang iya kabuhi.

## ANG NAHAUNA NGA TOLON-AN SANG MGA KRONIKA.

Ang napulo ka mga pinakaamay, kutub kay Adam tubtub kay Noe.—Ang mga anak ni Noe kag ang ila mga kaliwatan.

- 1 Si Adam, si Set, si Enos;
- 2 Si Kainan, si Mahalaleel, si Iared;
- 3 Si Enok, si Matusalem, si Lamek;
- 4 Si Noe, si Sem, si Kam kag si Iapet.
- 5 Ang mga anak ni Iapet: si Gomer,

si Magog, si Madai, si laban, si Tubal, si Mesek kag si Tiras.

6 Ang mga anak ni Gomer: si Askenas, si Ripat kag si Togarma.

7 Ang mga anak ni Iaban: si Elisa, si Tarsis, si Kitim kag si Dodanim.

8 Ang mga anak ni Kam: si Kus, si Misraim, si Put kag si Kanaan.

9 Ang mga anak ni Kus: si Seba, si



Habila, si Sabta, si Raama kag si Sabteka. Kag ang mga anak ni Raama : si Saba kag si Dedan.

10 Si Kus nagpanganak kay Nimrod : ini sia nagsugud sa pagkagamhanan sa duta.

11 Si Misraim nagpanganak kay Ludim, kay Anamim, kay Leabim, kay Naptuim,

12 Kay Patrusim kag kay Kasluim : sa ila sini naggilikan ang mga Pilistinhon kag ang mga Kaptorinhon.

13 Si Kanaan nagpanganak kay Sidon, nga iya panganay, kag kay Het,

14 Kag sa Hetinhon, kag sa Iebusinhon kag sa Amorinhon, kag sa Gergesinhon,

15 Kag sa Hebinhon, kag sa Arkinhon kag sa Sininhon ;

16 Kag sa Arbadinhon, kag sa Semarinhon kag sa Hamatinhon.

17 Ang mga anak ni Sem : si Elam, si Asur, si Arpaksad, si Lud, si Aram, si Us, si Hul, si Geter kag si Mesek.

18 Si Arpaksad nagpanganak kay Sela, kag, si Sela nagpanganak kay Heber.

19 Kag kay Heber nagkalataw ang duha ka anak nga lalaki : ang ngalan sang isa amo si Peleg, tungud kay sa iya mga kaadlawan ginpahatpahat ang duta, kag ang ngalan sang iya utud amo si Ioktan.

20 Kag si Ioktan nagpanganak kay Elmodad, kay Seleph, kay Hasarmabet kag kay Iera.

21 Kay Hadoram, kay Usal, kay Dikla ;

22 Kay Hebal, kay Abimael, kay Saba ;

23 Kay Opir, kay Habila kag kay Iobab, tanan sila mga anak ni Ioktan.

Ang napulo ka mga pinakaamay kutub kay Sem tubtub kay Abraham.—Ang mga anak ni Abraham kag ang ila mga kaliwatan.

24 Si Sem, si Arpaksad, si Sela ;

25 Si Heber, si Peleg, si Reu ;

26 Si Serug, si Nakor, si Tare ;

27 Si Abram, nga sia amo si Abraham.

28 Ang mga anak ni Abraham : si Isaak kag si Ismael.

29 Kag ini sila among ila mga kaliwatan : ang panganay ni Ismael : si

Nabayot ; sang olehe si Sedar, si Adbeel, si Mibsam ;

30 Si Misma, si Duma, si Masa, si Hadad, si Tema ;

31 Si Ietur, si Napis kag si Kedma. Ini sila amo ang mga anak ni Ismael.

32 Kag ang mga anak ni Ketura, nga babae ni Abraham, nag-anak kay Simran, kay Ioksan, kay Medan, kay Madian, kay Iesbak kag kay Sua. Ang mga anak ni Ioksan : si Seba kag si Dedan.

33 Kag ang mga anak ni Madian : si Epa, si Eper, si Henok, si Abida kag si Elda : ining tanan naningin mga anak ni Ketura.

34 Kag si Abraham napanganak kay Isaak. Ang mga anak ni Isaak : si Esau kag si Israel.

35 Ang mga anak ni Esau : Si Elipas, si Rehuel, si Ieus, si Ialam kag si Kore.

36 Ang mga anak ni Elipas : si Teman, si Omar, si Sepi, si Gatam, si Kenas, si Timna kag si Amalek.

37 Ang mga anak ni Rehuel : si Nahat, si Sera, si Sama kag si Misa.

38 Ang mga anak ni Seir : si Lotan, si Sobal, si Sibeon, si Ana, si Dison, si Eser kag si Disan.

39 Ang mga anak ni Lotan : si Hori kag si Homan ; kag si Timna naningin-utud nga babae ni Lotan.

40 Ang mga anak ni Sobal : si Alyan, si Manahat, si Ebal, si Sepi kag si Onam. Ang mga anak ni Sibeon : si Aya kag si Ana.

41 Ang mga anak ni Ana : si Dison. Ang mga anak ni Dison : si Hamran, si Esban, si Itran kag si Keran.

42 Ang mga anak ni Eser : si Bilan, si Saaban kag si Iakaan. Ang mga anak ni Disan : si Hus kag si Aran.

43 Yari karon ang mga hari nga naghalari sa duta ni Edom, sa walà pa magpahari sang hari sa ibabaw sang mga inanak ni Israel : si Bela, nga anak nga lalaki ni Beor. Kag ang ngalan sang iya banwa among Dinaba.

44 Kag sang pagkapatay ni Bela, naghari nga salili niya si Iobab, nga anak ni Sera, nga taga-Bosra.

45 Kag sang pagkapatay ni Iobab, naghari nga salili niya si Husam, sa duta sang mga Temaninhon.

46 Sang pagkapatay ni Husan, naghari nga salili niya si Adad, nga anak ni Bedad ; nga ginpilas niya si Madian sa

latagon sang Moab ; kag ang n̄galan sang iya banwa among Abit.

47 Sang pagkapatay ni Adad, naghari n̄ga salili niya si Samla, n̄ga taga-Masreka.

48 Sang pagkapatay ni Samla, naghari n̄ga salili niya si Saul, n̄ga taga-Kehobot sang subā.

49 Sang pagkapatay ni Saul, naghari n̄ga salili niya, si Baal-Hanan, n̄ga anak ni Akbor.

50 Sang pagkapatay ni Baal-Hanan, naghari n̄ga salili niya si Adad, n̄ga ang n̄galan sang iya banwa among Pai ; kag ang n̄galan sang iya asawa si Mehetabel, anak n̄ga babae ni Matred, n̄ga anak n̄ga babae ni Me-sahab.

51 Kag napatay si Adad. Kag may m̄ga pangolo sa Edom : ang pangolo n̄ga si Timna, ang pangolo n̄ga si Alya, ang pangolo n̄ga si Ietet ;

52 Ang pangolo n̄ga si Oholibama, ang pangolo n̄ga si Ela, ang pangolo n̄ga si Pinon ;

53 Ang pangolo n̄ga si Kenas, ang pangolo n̄ga si Teman, ang pangolo n̄ga si Mibsar ;

54 Ang pangolo n̄ga si Magdiel, ang pangolo n̄ga si Iram. Ini sila nangin-pangolo sa Edom.

Ang napulo kag duha ka m̄ga anak ni Israel,  
kag ang m̄ga kaliwatan ni Iuda.

**2** YARI karon ang m̄ga anak ni Israel : si Ruben, si Simeon, si Lebi, si Iuda, si Isakar, si Sabulon ;

2 Si Dan, si Iose, si Benyamin, si Neptali, si Gad kag si Aser.

3 Ang m̄ga anak ni Iuda : si Er, si Onan kag si Sela. Nagkalatawo sa iya ining tatlo sa anak n̄ga babae ni Sua, n̄ga Kanaanhon. Kag si Er, n̄ga pang-anay ni Iuda, nanginmalain sa m̄ga mata ni Iehoba, kag ginpatay niya sia.

4 Kag si Tamar, n̄ga iya umagad n̄ga babae, nag-anak sa iya kay Peres kag kay Sera. Ang tanan n̄ga m̄ga anak ni Iuda nanginlima.

5 Ang m̄ga anak ni Peres : si Hesron kag si Hamul.

6 Kag ang m̄ga anak ni Sera : si Simri, si Etan ; si Heman, si Kalkol kag si Dara : tanan sila, lima.

7 Ang m̄ga anak ni Karmi : si Akar, n̄ga naggamo sa Israel, sang naglapas sia nahanungud sang tinagudilian,

8 Kag ang m̄ga anak ni Etan : si Asaria.

9 Kag ang m̄ga anak n̄ga nagkalatawo kay Hesron : si Ieramiel, si Ram kag si Kelubai.

10 Kag si Ram nagpanganak kay Aminadab ; kag si Aminadab nagpanganak kay Naason, n̄ga pangolo sang m̄ga inanak ni Iuda.

11 Kag si Naason nagpanganak kay Salma ; kag si Salma nagpanganak kay Boos ;

12 Kag si Boos nagpanganak kay Obed ; kag si Obed nagpanganak kay Isai ;

13 Kag si Isai nagpanganak kay Eliab, n̄ga iya pang-anay ; kag kay Abinadab, ang ikaduha ; kag kay Siam, ang ikatlo ;

14 Kay Nataneel, ang ikap-at ; kay Radai, ang ikalima ;

15 Kay Osem, ang ikan-um ; kay David, ang ikapito.

16 Kag ang ila m̄ga útud n̄ga babae si Sarbia kag si Abigail. Ang m̄ga anak ni Sarbia nangintatlo : si Abisai, si Ioab kag si Asael.

17 Kag si Abigail nagpanganak kay Amasa, n̄ga ang amay ni Amasa amo si Ieter, n̄ga Ismaelinhon.

18 Kag si Kaleb, n̄ga anak ni Hesron, nagpanganak sing m̄ga anak kay Asuba, n̄ga iya asawa, kag kay Beriot ; kag yari karon ang m̄ga anak niya : si Ieser, si Sobab kag si Ardon.

19 Kag sang pagkapatay ni Asuba, ginpangasawa ni Kaleb si Eprata, n̄ga sa iya nagpanganak sia kay Hur.

20 Kag si Hur nagpanganak kay Uri ; kag si Uri nagpanganak kay Besaleel.

21 Sang olehe nagsulúd si Herson sa anak n̄ga babae ni Makir, n̄ga amay ni Galaad, n̄ga ginpangasawa niya sia, sang nagaedad sia sing kan-uman ka tuig ; kag sia nagpanganak sa iya kay Segub.

22 Kag si Segub nagpanganak kay Iair, n̄ga sia nagtagiya sang duha ka púlò kag tatlo ka m̄ga kabanwaan sa duta sa Galaad.

23 Kag ginkuha niya kay Gesur kag kay Aram ang m̄ga banwa ni Iair, ang Kenat patí ang iya m̄ga minoro, n̄ga m̄ga kan-uman ka banwa. Ining tanan m̄ga anak ni Makir, n̄ga amay ni Galaad.

24 Kag sang napatay si Hesron sa Kaleb-Eprata, si Abia n̄ga asawa



ni Hesron nag-anak sa iya kay Asur, nga amay ni Tekoa.

25 Kag ang mga anak ni Ierameel, nga panganay ni Hesron, nanġinamo si Ram, ang iya panganay, kag si Bana, kag si Orem, kag si Osem kag si Abia.

26 Kag si Ierameel may isa ka asawa nga ginahingalanan nga si Atara, nga nanġinilóy ni Onam.

27 Kag ang mga anak ni Ram, nga panganay ni Ierameel, nanġinamo si Maas, si Iamin, kag si Eker.

28 Kag ang mga anak ni Onam nanġinamo si Samai kag si Iada. Ang mga anak ni Samai: si Nadab kag si Abisur.

29 Kag ang ngalan sang asawa ni Abisur amo si Abihail, nga sa iya nag-anak sia kay Aban kag kay Molid.

30 Kag ang mga anak ni Nadab: si Seled kag si Apaim. Kag si Seled namatay nga walâ sing mga anak.

31 Kag ang mga anak ni Apaim: si Isi; kag ang mga anak ni Isi: si Sesan. Kag ang mga anak ni Sesan: si Alai.

32 Ang mga anak ni Iada, útud nga lalaki ni Simai: si Ieter kag si Ionatan. Kag namatay si Ieter nga walâ sing mga anak.

33 Kag ang mga anak ni Ionatan: si Pelet kag si Sasa. Ini sila nanġin mga anak ni Ierameel.

34 Kag si Sesan walâ sing mga anak nga lalaki, kondi mga anak nga babae. Kag si Sesan may isa ka alagad nga Egiptohanon, nga ginahingalanan nga si Iara.

35 Kag ginpaasawa ni Sesan kay Iara, nga iya alagad, ang iya anak nga babae; kag sia nag-anak sa iya kay Atai.

36 Kag si Atai nagpanganak kay Natan, kag si Natan nagpanganak kay Sabad;

37 Kag si Sabad nagpanganak kay Eplal, kag si Eplal nagpanganak kay Obed;

38 Kag si Obed nagpanganak kay Iehu, kag si Iehu nagpanganak kay Asarias;

39 Kag si Asarias nagpanganak kay Heles, kag si Heles nagpanganak kay Elasa;

40 Kag si Elasa nagpanganak kay Sismai, kag si Sismai nagpanganak kay Salum;

41 Kag si Salum nagpanganak kay

Iekamia, kag si Iekamia nagpanganak kay Elisama.

42 Kag ang mga anak ni Kaleb, nga útud ni Ierameel: si Mesa, ang iya panganay, nga nanġinamay ni Sip; kag ang mga anak ni Maresa, nga amay ni Hebron.

43 Kag ang mga anak ni Hebron: si Kore, si Tapua, si Rekem kag si Sema.

44 Kag si Sema nagpanganak kay Raham, nga amay ni Iorkeam; kag si Rekem nagpanganak kay Samai.

45 Kag ang anak ni Samai si Maon; kag si Maon, nanġinamay ni Batsur.

46 Kag si Epa, babae ni Kaleb, nag-anak sa iya kay Karan, kay Mosa kag kay Gases. Kag si Karan nagpanganak kay Gases.

47 Kag ang mga anak ni Iadai: si Regem, si Iotam, si Gesan, si Pelet, si Epa kag si Saap.

48 Si Maaka, nga babae ni Kaleb, nag-anak sa iya kay Seber kag kay Tirana.

49 Kag ginpanganak man niya sa iya si Saap, nga amay ni Madmana, kag si Seba, nga amay ni Makbena kag amay ni Gibeaa. Kag si Aksa nanġin-anak nga babae ni Kaleb.

50 Ini sila mga anak ni Kaleb, nga anak ni Hur, nga panganay ni Eprata: si Sobal, nga amay ni Kiriati-earim;

51 Si Salma, nga amay ni Betlehem; si Arep, nga amay ni Bet-gader.

52 Kag si Sobal, nga amay ni Kiriati-earim, may mga anak: si Haroe, ang katungâ sang Menuhot.

53 Kag ang mga panimaláy ni Kiriati-earim: ang mga Itreinthon, ang mga Putinthon, ang mga Sumatinthon kag ang mga Misrainthon; nga sa ila naggilikan ang mga Sorainthon, kag ang mga Estaolinhon.

54 Ang mga anak ni Salma: si Betlehem kag ang mga Netopatinthon, Atarot Bet-Ioab kag ang katungâ sang mga Manahetinhon, nga mga Soretinhon;

55 Kag ang mga panimaláy sang mga eskriba, nga nagapuluyô sa Iabes, ang mga Tiratinthon, ang mga Simatinthon, ang mga Sukatinthon. Amo ini sila ang mga Kininhon nga naggilikan kay Hamat, nga amay sang baláy ni Rekab.

Mga kaliwatan ni Dabid.

**3** INI sila among mga anak ni Dabid, nga nagkalatawo sa iya sa Hebron: Ang panganay, si Amnon, kay Ahinoam nga taga-Iesreel: ang ikaduha, si Daniel, kay Abigail, nga taga-Karmelo:

2 Ang ikatlo, si Absalom, nga anak ni Maaka, anak nga babae ni Talmi, nga hari sa Gesur; ang ikap-at, si Adonias, nga anak ni Agit;

3 Ang ikalima, si Sepatias, kay Abital; ang ikan-um, si Itream, kay Eglai, nga iya asawa.

4 Ining anum nagkalatawo sa iya sa Hebron, diin naghari sia sing pito ka tuig kag anum ka bulan; kag sa olehe naghari sia sing katloan kag tatlo ka tuig sa Ierusalem.

5 Kag ini sila nagkalatawo sa iya sa Ierusalem: si Simea, si Sobab, si Natan kag si Salomon, apat ka anak kay Batseua, nga anak nga babae ni Amiel:

6 Kag si Ibar, si Elisama, si Elipelet;

7 Si Noga, si Nepeg, si Iapia;

8 Si Elisama, si Eliada kag si Elipelet: siam sila.

9 Ining tanan nangin mga anak ni Dabid, walay labut sang mga anak sang iya nga babae; kag si Tamar utud nila nga babae.

10 Ang anak ni Salomon amo si Roboam, nga ang iya anak, si Abia; nga ang iya anak, si Asa; nga ang iya anak, si Iosapat;

11 Nga ang iya anak, si Ioram; nga ang iya anak, si Okosias; nga ang iya anak, si Ioas;

12 Nga ang iya anak, si Amasias; nga ang iya anak, si Asarias; nga ang iya anak, si Iotam;

13 Nga ang iya anak, si Akas; nga ang iya anak, si Esekias; nga ang iya anak, si Manases;

14 Nga ang iya anak, si Amon; nga ang iya anak, si Iosias.

15 Kag ang mga anak ni Iosias: ang panganay, si Iohanan; ang ikaduha, si Ioiakim; ang ikatlo, si Sedekias; ang ikap-at, si Salum.

16 Kag ang mga anak ni Ioiakim: si Iekonias, nga iya anak; si Sedekias, nga iya anak.

17 Kag ang mga anak ni Iekonias nga bihag: si Salatiel, nga iya anak,

18 Kag si Malkiram, si Pedaia, si Senasar, si Iekamia, si Hosama kag si Nedabia.

19 Kag ang mga anak ni Pedaia: si Sorobabel kag si Simi. Kag ang mga anak ni Sorobabel: si Mesulam, si Hananias kag si Selomit, nga iya utud nga babae;

20 Sa olehe si Hasuba, si Ohel, si Berekias, si Hasadia kag si Iusab-Hesed: lima sila.

21 Kag ang mga anak ni Hananias: si Pelatias kag si Iesaias, nga mga anak ni Repaias, mga anak ni Arnan, mga anak ni Obdias kag mga anak ni Sekanias.

22 Ang mga anak ni Sekanias: si Semaia; kag ang mga anak ni Semaia: si Hatus, si Igal, si Barias, si Nearias kag si Sapat: anum sila.

23 Kag ang mga anak ni Nearias: si Elioenai, si Esekias kag si Asrikam: tatlo sila.

24 Kag ang mga anak ni Eleoenai: si Hodabias, si Eliasib, si Palaia, si Akub, si Iohanan, si Delaia kag si Anani: pito sila.

Ang iban nga mga kaliwatan ni Iuda.

**4** ANG mga anak ni Iuda: si Peres, si Hesron, si Karmi, si Hur kag si Sobal.

2 Kag si Reaia, nga anak ni Sobal, nagpanganak kay Iahat; kag si Iahat nagpanganak kay Ahumai kag kay Lahad. Ini sila among mga panimalay sang mga Soratinhon.

3 Kag ini sila mga anak sang amay ni Etam: si Iesreel, si Isma kag si Ibdas; kag ang ngalan sang ila utud nga babae amo si Haselelponi;

4 Kag si Penuel, nga amay ni Gedor, kag si Eser, nga amay ni Husa. Ini sila mga anak ni Hur, panganay ni Eprata, nga amay ni Betlehem.

5 Kag si Asur, nga amay ni Takoa, may duha sia ka asawa: si Hela kag si Naara.

6 Kag sa iya si Naara nag-anak kay Ausam, kay Heper, kay Timeni kag kay Ahastari. Ini sila mga anak ni Naara.

7 Kag ang mga anak ni Hela: si Seret, si Iesohar kag si Etnan.

8 Kag si Kos nagpanganak kay Anub



kag kay Sobeba, kag sang panimaláy ni Aharel, nga anak ni Arum.

9 Kag si Iabes nanġinlabika talahoron sang iya mġa útud; kag ġinhinġalanan sia sang iya ilóy nga si Iabes\*, nga nagasiling: "Tungud kay ġinpanġanak ko sia sa kasakit."

10 Kag gintawag ni Iabes ang Dios ni Israel, nga nagasiling: "¡Oh, kon pagpakamaayohon mo ako, kon pagpakamaayohon mo ako, kag pagpalaparon mo ang akon kadulunan, kag kon ang imo kamut magbuylog sa akon, kag pagbantayan mo ako sa kalaut, agud nga indi ako pagpakalisdon!" Kag ġinhimo sang Dios nga mag-abut sa iya ang iya ġinpanġayô.

11 Kag si Kelub, nga útud ni Suha, nagpanġanak kay Makir, nga sia nanġinamay ni Eston.

12 Kag si Eston nagpanġanak kay Betrapa, kay Pasea kag kay Tehina, nga amay sang banwa sa Nahas. Ini sila amo ang mġa tawo sa Reka.

13 Ang mġa anak ni Kenas: si Otniel kag si Seraia. Ang mġa anak ni Otniel: si Hatat:

14 Kag si Maonatai nagpanġanak kay Opra. Kag si Seraia nagpanġanak kay Ioab, nga amay sang nalupyakan sang mġa panday, kay mġa panday sila.

15 Kag ang mġa anak ni Kaleb, nga anak ni Iepone: si Iru, si Ela kag si Naam, kag ang mġa anak ni Ela, kag si Kenas.

16 Kag ang mġa anak ni Ialeleel: si Sip kag si Sipa, si Tirias kag si Asareel.

17 Kag ang mġa anak ni Esra: si Ieter, si Mered, si Eper kag si Ialon. Kag ang asawa ni Mered nagpanġanak kay Miriam, kay Samai kag kay Isba, nga amay ni Estemoa.

18 Kag ang iya asawa, nga Iudinhon, nagpanġanak kay Iered, nga amay ni Gedor, kag kay Heber, nga amay ni Soko, kag kay Iekutiel, nga amay ni Sanoa. Ini sila mġa anak ni Betia, nga anak nga babae ni Paraon, nga sa iya nangasawa si Mered.

19 Kag ang mġa anak sang asawa ni Hodia, útud nga babae ni Naham: ang amay ni Keila, nga Garminhon, kag si Estemoa, nga Maakanhon.

20 Kag ang mġa anak ni Simon: si Amnon kag si Rina, si Ben-Hanan kag

si Tilon. Kag ang mġa anak ni Isi: si Soet kag si Bensohet.

21 Ang mġa anak ni Sela, nga anak ni Iuda: si Er, nga amay ni Leka, kag si Laada, nga amay ni Maresa, kag ang mġa panimaláy sang baláy nga didto ġinahabol ang lino, sa baláy ni Asbea,

22 Kag si Iokim, kag ang mġa lalaki sa Koseba, kag si Ioas, kag si Sarap, nga naggalahum sila sa Moab kag sa lasubi-lehem. Dumaan ining mġa polong.

23 Ini sila nanġinmaninihon, kag mġa pumuluyô sila sa tunga sang mġa katamnan kag mġa kinudalan; nga sila nagpuluyô didto upud sang hari sa ila buluhaton.

Mġa kaliwatan ni Simeon, kag ang iya mġa pagpandaug.

24 Ang mġa anak ni Simeon: si Nemuel, si Ianim, si Iarib, si Sera kag si Saul;

25 Nga ang iya anak, si Salum; nga ang iya anak, si Mibsam; nga ang iya anak, si Misma.

26 Ang mġa anak ni Misma: si Hamuel, nga iya anak, si Sakur; nga ang iya anak si Simi.

27 Ang mġa anak ni Simi nanġinnapulô kag anum ka anak nga babae; kag ang iya mġa útud walâ magpalamata sing madamu, bisan nagdalamu ang bugos niya nga mġa panimaláy subung sang mġa anak ni Iuda.

28 Kag nagpuluyô sila sa Beer-seba, sa Molada kag sa Hasar-sual;

29 Sa Bila, sa Esem kag sa Tolad, 30 Sa Betuel, sa Horma kag sa Siklag;

31 Sa Betmarkabot, sa Hasasusim, sa Bet-biri kag sa Saaraim. Ini sila nanġinila mġa kabanwaan, tubtub sa ġinharian ni Dabid.

32 Kag ang ila mġa minoro amo ang Etam, ang Ain, ang Rimon, ang Tokem kag ang Asan: lima ka banwa:

33 Kag ang tanan nila nga mġa minoro nga yara sa palibot sinang mġa kabanwaan tubtub sa Baal. Ini nanġinila puluy-an, kag ini ang ila listahan sa panimaláy.

34 Si Mesobab, si Iamlek kag si Iosas, nga anak ni Amasias,

35 Si Ioel kag si Iehu, nga anak ni Iosibias, anak ni Seraia, anak ni Asiel,

\* *Iabes*, manughatag sang kasakit.

36 Kag si Elioenai, si Iakoba, si Ieso-haia, si Asaia, si Adiel, si Iesimiel kag si Benaia,

37 Kag si Sisa, nga anak ni Sipi, anak ni Alon, anak ni Iedaia, anak ni Simri, anak ni Semaia.

38 Ini sila nga sinambit ang ila mga ngalan, nangindunganon sa ila mga panimaláy, kag ang ila mga panimaláy nga inamay ginpadamu sing madamu gid.

39 Kag naglalambut sila tubtub sa salamputan sang Gedor, tubtub sa Sidlangan sang nalupyakan, nga nagapalangita sing mga halalban nga sa ila mga kahayupan.

40 Kag nakakita sila sing madabung kag maayo nga halalban kag duta nga malapad, malinong kag mabuganaon; kay ang mga naggilikan kay Kam nagapuluyô sa iya sadto.

41 Kag ining mga ginpanulat, sono sang *ila* mga ngalan, nag-alabut sa mga kaadlawan ni Esekias, nga hari sa Iuda, kag gintistisan nila ang ila mga layang-layang kag ginpilas nila ang mga Maoninhon nga didto nakit-an, kag gintagudilian nila sila tubtub karon, kag nagpuluyô sila didto sa baylo nila; tungud nga may mga halalban didto nga sa ila mga kahayupan.

42 Kag ang lima ka gatus ka tawo sa ila, sang mga inanak ni Simeon, nagpalakadto sa bukid sa Seir; nga ang mga pangolo nila si Palatia, si Nearias, si Repaias kag si Usiel, nga mga anak ni Isi.

43 Kag ginpililas nila ang mga nabalin sang mga nagpalalagyo gikan kay Amalek, kag nagpuluyô sila didto tubtub karon.

Mga kaliwatan ni Ruben.

**5** ANG mga anak ni Ruben, pang'anay ni Israel (kay sia amo ang pang'anay, kag sang ginpasipalahan niya ang higdaan sang iya amay, ang iya katadlungan sa pagkapananganay ginhatag sa mga anak ni Iose, nga anak ni Israel; kag indi dapat igsulat sia sa mga listahan sang panimaláy, siling sang katadlungan sang pagkapananganay;

2 Kay si Iuda nangingamhanan sa tunga sang iya mga útud, kag ang manugdumala *nagagikan* sa iya: apang

ang katadlungan sa pagkapananganay iya ni Iose):

3 Ang mga anak ni Ruben, nga pang'anay ni Israel: si Enok, si Palu, si Esron kag si Karmi.

4 Ang mga anak ni Ioel: si Semaia, nga iya anak, nga ang iya anak amo si Gog; nga ang iya anak, si Simi;

5 Nga ang iya anak, si Mika; nga iya anak, si Rekaia; nga ang iya anak, si Baal;

6 Nga ang iya anak, si Beera, nga ginpaliton sia ni Tiglat-Pilneser, nga hari sang Asur. Ini among dunganon sang mga Rubeinhon.

7 Kag ang iya mga útud, sono sang ila mga panimaláy, sang napanulat sila sa mga listahan sang panimaláy sono sang ila mga kaliwatan *nanginamo*: ang pangolo nga si Ieiel, kag si Sakarias,

8 Kag si Bela, nga anak ni Asas, anak ni Sema, anak ni Ioel. Ini sia nagpuyô sa Aroer, tubtub sa Nebo kag Baal-Meon.

9 Kag sa Sidlangan nagpuyô sia tubtub sa salamputan sang kahanayakan kutub sa subâ nga Euprates, kay may madamu sila nga mga kahayupan sa duta sa Galaad.

10 Kag sa mga kaadlawan ni Saul nag-alaway sila batok sa mga Agarinhon, nga nagkalapukan sila sa ila mga kamut; kag sila nagpuluyô sa ila mga layang-layang sa ibabaw sang bug-os nga ka-daygan nga nasidlangan sa Galaad.

Mga kaliwatan ni Gad.

11 Kag ang mga anak ni Gad nagpuluyô sa atubangan nila sa duta sa Basan, tubtub sa Salka.

12 Ang pangolo nga si Ioel, kag si Sepam, ang ikaduha; ugaling si Ianai kag si Sapat, sa Basan.

13 Kag ang ila mga útud, sono sang ila mga panimaláy nga inamay: si Mikael, si Mesulam, si Seba, si Iorai, si Iakan, si Sia kag si Heber: pito sila.

14 Ini sila mga anak ni Abihail, nga anak ni Huri, anak ni Iaroa, anak ni Galaad, anak ni Mikael, anak ni Iesisai, anak ni Iado, anak ni Bus:

15 Si Ahi, anak ni Abdiel, anak ni Guni, *nanginang* pangolo sang ila panimaláy nga inamay:

16 Kag sila nagpuluyô sa Galaad, sa Basan, kag sa ila mga minoro, kag sa



tanang nga mga halalban sa Saron tubtub sa ila gulowaan.

17 Ining tanan napanulat sa mga listahan sang panimaláy sa mga kaadlawan ni Iotam, nga hari sa Iuda, kag sa mga kaadlawan ni Ieroboam, nga hari sa Israel.

18 Ang mga inanak ni Ruben, kag ang mga Gadinhon, kag ang kabikahan nga katungâ ni Manases, nga mga tawo nga maisug, nga makadalá sang taming kag kumpulan, nga makapasanting sang pana, kag mga sampaton sa pag-awayan, nangin nga kap-atan kag apat ka libo pito ka gatus kag kan-uman sila, nga nagagulowa sa pag-awayan.

19 Kag nagpalakigaway sila sa mga Agarinhon, kag kay Ietur, kag kay Napis kag kay Nodab.

20 Kag ginbuligan sila batok sa ila, kag ang mga Agarinhon, kag ang tanan nga yadto upud sa ila nagpalanugyan sa ila mga kamut; kay nagsilingit sila sa Dios sa pag-awayan, kag ginuyonan niya ang ila pakilooy kag nagsalalig sila sa iya.

21 Kag gindakup nila ang ila mga kahayupan: kalim-an ka libo ka mga kamelyo, duha ka gatus kag kalim-an ka libo ka mga obeha, duha ka libo ka mga asno, kag isa ka gatus ka libo ka mga tawo.

22 Kay nagkalapukan ang daku nga kadam-an nga mga pilason sa kamatayon, kay ang pagilinaway iya sang Dios. Kag nagpuluyô sila sa ila mga duug tubtub sang pagliton.

Mga kaliwatan sang kabikahan nga katungâ ni Manases.

23 Kag ang mga anak sang katungâ nga kabikahan ni Manases nagpuluyô man sa sining duta, kutub sa Basan tubtub sa Baal-Hermon kag Senir, kag sa bukid sang Hermon; kag madamu sila.

24 Kag yari karon ang mga pangolo sang ila mga panimaláy nga inamay: si Eper, si Isi, si Eliel, si Asriel, si Ieremias, si Hodabia kag si Iadiel, nga mga manugaway nga maisug, mgalalaki nga bantug, mga pangolo sang ila mga panimaláy nga inamay.

25 Kag nagmalalison sila batok sa Dios sang ila mga ginikanan, kag nagpalanghilahe sila sa olehe sang mga dios sang mga katawohan sang duta, nga

ginlaglag sila ni Iehoba sa atubangan nila.

26 Kag ang Dios sa Israel nagpainit sang espiritu ni Pul, nga hari sa Asur, kag sang espiritu ni Tiglat-pilneser, nga hari sa Asur, nga sia nagpaliton sa mga Rubeinhon, kag sa mga Gadinhon kag sa katungâ nga kabikahan ni Manases, kag gindalá niya sila sa Hala, kag sa Habor, kag sa Hara, kag sa subâ sang Gosan, tubtub karon.

Mga kaliwatan ni Lebi; ang ila mga puluy-an kag ang ila mga tulumanon.

6 ANG mga anak ni Lebi: si Gerson, si Koat kag si Merari.

2 Ang mga anak ni Koat: si Amram, si Isar, si Hebron kag si Usiel.

3 Kag ang mga anak ni Amram: si Aaron, si Moises kag si Maria. Kag ang mga anak ni Aaron: si Nadab, si Abiu, si Eleasar kag si Itamar.

4 Si Eleasar nagpanganak kay Pinees; si Pinees nagpanganak kay Abisua.

5 Kag si Abisua nagpanganak kay Buki, kag si Buki nagpanganak kay Usi.

6 Kag si Usi nagpanganak kay Seraia, kag si Seraia nagpanganak kay Meraiot

7 Si Meraiot nagpanganak kay Amarias, kag si Amarias nagpanganak kay Ahitub.

8 Kag si Ahitub nagpanganak kay Sadok, kag si Sadok nagpanganak kay Akimaas.

9 Kag si Akimaas nagpanganak kay Asarias, kag si Asarias nagpanganak kay Iohanan.

10 Kag si Iohanan nagpanganak kay Asarias, nga nanginsaserdote sa Baláy nga ginpatindug ni Salomon sa Ierusalem.

11 Kag si Asarias nagpanganak kay Amarias, kag si Amarias nagpanganak kay Ahitub.

12 Kag si Ahitub nagpanganak kay Sadok, kag si Sadok nagpanganak kay Salum.

13 Kag si Salum nagpanganak kay Hilkia, kag si Hilkia nagpanganak kay Asarias.

14 Kag si Asarias nagpanganak kay Seraia, kag si Seraia nagpanganak kay Iosadak.

15 Kag si Iosadak naghalin, sang

ginpaliton ni Iehoba ang Iuda kag ang Ierusalem sa kamut ni Nabukodonosor.

16 Ang mga anak ni Lebi : si Gersom, si Koat kag si Merari.

17 Kag yari karon ang mga ngalan sang mga anak ni Gersom : si Libni kag si Simi.

18 Kag ang mga anak ni Koat : si Amram, si Isar, si Hebron kag si Usiel.

19 Ang mga anak ni Merari : si Mali kag si Musi. Ini sila ang mga panimaláy sang mga Lebinhon, sono sang iya mga amay.

20 Sa kay Gerson : si Libni, nga iya anak ; nga ang iya anak, si Iahat ; nga ang iya anak, si Simna ;

21 Nga ang iya anak, si Ioab ; nga ang iya anak, si Iddo ; nga ang iya anak, si Sara ; nga ang iya anak, si Ieatrai.

22 Ang mga anak ni Koat : si Aminadab, nga iya anak ; nga ang iya anak, si Kore ; nga ang iya anak, si Asir,

23 Nga ang iya anak, si Elkana ; nga ang iya anak, si Ebiasap ; nga ang iya anak, si Asir ;

24 Nga ang iya anak, si Tahat ; nga ang iya anak, si Uriel ; nga ang iya anak, si Usias ; nga ang iya anak, si Saul.

25 Kag ang mga anak ni Elkana : si Amasai kag si Akimot.

26 Si Elkana : nga ang iya anak, si Elkana ; nga ang iya anak, si Sopar ; nga ang iya anak, si Nahat ;

27 Nga ang iya anak, si Eliab ; nga ang iya anak, si Ieroham ; nga ang iya anak si Elkana.

28 Ang mga anak ni Samuel : ang panganay si Basni, kag si Abias.

29 Ang mga anak ni Merari : si Mali, nga ang iya anak, si Libni ; nga ang iya anak, si Simei ; nga ang iya anak, si Ussa ;

30 Nga ang iya anak, si Simea ; nga ang iya anak, si Hagia ; nga ang iya anak, si Aasaia.

31 Kag yari karon ang mga gintukud ni Dabid nga sa pagdumala sang pag-ambahan sa Baláy ni Iehoba, sa tapus na nga ang arka nagpahuway.

32 Sila nagahilimo sing pag-alagdan, sang kalantahan sa Puluy-an sang Layanglayang sang pakigkitaan, tubtub nga ginpatindug ni Salomon ang Baláy ni Iehoba sa Ierusalem ; kag didto nagatilindug sila sa *atubangan sang Dios* sono

sang ila tulumanon nga sa ila pag-alagdan.

33 Kag yari karon ang nagtindug sa *atubangan sang Dios*, kaupud sang ila mga anak. Sa mga anak sang mga Koatinhon : Si Heman, nga manugkanta, nga anak ni Ioel, anak ni Samuel,

34 Anak ni Elkana, anak ni Ieroham, anak ni Eliel, anak ni Toa,

35 Anak ni Sup, anak ni Elkana, anak ni Mahat, anak ni Amasai,

36 Anak ni Elkana, anak ni Ioel, anak ni Asarias, anak ni Saponias,

37 Anak ni Tahat, anak ni Aser, anak ni Ebiasap, anak ni Kore,

38 Anak ni Isar, anak ni Koat, anak ni Lebi, anak ni Israel.

39 Kag ang iya útud nga si Asap, nga yara sia sa too niya : si Asap, nga anak ni Berakias, anak ni Simeas,

40 Anak ni Mikael, anak ni Buaseya, anak ni Malkias,

41 Anak ni Etni, anak ni Sera, anak ni Adaya,

42 Anak ni Etan, anak ni Simna anak ni Simi,

43 Anak ni Iahat, anak ni Gerson, anak ni Lebi.

44 Kag ang mga anak ni Merari, nga ila mga útud, yara sila sa walá : si Etan, anak ni Kisi, anak ni Abdi, anak ni Maluk,

45 Anak ni Hasabias, anak ni Amasias, anak ni Hilkia,

46 Anak ni Amsi, anak ni Bani, anak ni Semer,

47 Anak ni Mali, anak ni Musi, anak ni Merari, anak ni Lebi.

48 Kag ang ila mga útud, nga mga Lebinhon, ginhatag sila nga sa tanan nga pag-alagdan sa Puluy-an sang Baláy sang Dios.

49 Kag si Aaron kag ang iya mga anak nagsulunug sang insienso sa ibabaw sang halaran sang mga halad nga sinunog, kag sa ibabaw sang halaran sang pahamut, *nga nagapululaw* sa tanan nga buluhaton sang duug nga labing balaan, kag sa paghalad sang mga katumbasan tungud kay Israel, sono sa tanan nga ginsogo ni Moises, nga alagad sang Dios.

50 Kag yari karon ang mga anak ni Aaron : si Eleasar, nga iya anak ; nga ang iya anak, si Pinees ; nga ang iya anak, si Abisua ;

51 Nga ang iya anak, si Buki ; nga



ang iya anak, si Usi ; nga ang iya anak, si Seraias ;

52 Nga ang iya anak, si Meraiot ; nga ang iya anak, si Amaria ; nga ang iya anak, si Ahitub ;

53 Nga ang iya anak, si Sadok ; nga ang iya anak, si Ahimaas.

54 Kag yari karon ang ila mga puluyan, sono sang ila mga dululugan, sa ila mga kadulunan, kon sayoron nga sa mga anak ni Aaron, sang panimaláy sang mga Koatinhon, kay sa ila naninginamo ang *nahahuna* nga kapaíaran :

55 Busa, ginhatag nila sa ila ang Hebron, sa duta sa Iuda, kag ang iya mga halalban sa palibot ;

56 Apang nahanungud sang mga lategon sang banwa kag sang iya mga minoro ginhatag nila kay Kaleb, nga anak ni Iepune.

57 Sa mga anak ni Aaron ginhatag nila ang mga kabanwaanang nga dalangpan, ang Hebron kag ang Libna patí ang ila mga halalban, ang Iatir kag ang Estemoa patí ang ila mga halalban,

58 Ang Hilén patí ang iya mga halalban, kag ang Debir patí ang iya mga halalban,

59 Ang Asan patí ang iya mga halalban kag ang Bet-semes patí ang iya mga halalban ;

60 Kag gikan sa kabikahan ni Benyamin, ang Geba patí ang iya mga halalban, ang Alemet patí ang iya mga halalban kag ang Anatot patí ang iya mga halalban. Ang tanan nila nga mga kabanwaanang : napúlô kag tatlo, sono sang ila mga panimaláy.

61 Kag sa mga anak ni Koat, nga nagpalabilin, ginhatagan sila sa papalad sing napúlô ka mga banwa, gikan sa panimaláy sang kabikahan ni *Epraim*, sa katungâ sang kabikahan ni *Dan* kag sa katungâ sang kabikahan ni Manases.

62 Sa mga anak ni Gerson, sono sang ila mga panimaláy, *ginhatagan nila* sing napúlô kag tatlo ka mga banwa gikan sa kabikahan ni Isakar, sa kabikahan ni Aser, sa kabikahan ni Neptali kag sa kabikahan ni Manases, sa Basan.

63 Sa mga anak ni Merari, sono sang ila mga panimaláy, *ginhatagan nila* sa papalad sing napúlô kag duha ka banwa, gikan sa kabikahan ni Ruben, sa kabikahan ni Gad kag sa kabikahan ni Sabulon.

64 Kag ginhatagan sang mga inanak

ni Israel ang mga Lebinhon sang mga kabanwaanang patí ang ila mga halalban.

65 Kag ginhatag nila, sa papalad, gikan sa kabikahan sang mga inanak ni Iuda, sa kabikahan sang mga inanak ni Simeon kag sa kabikahan sang mga inanak ni Benyamin, ang mga kabanwaanang, nga ginhingalanang nila sang ila mga ngalan.

66 Kag nga sa iban nga mga panimaláy sang mga anak ni Koat, ang mga kabanwaanang sang ila mga kadulunan nagikan sa kabikahan ni Epraim.

67 Ginhatag nila sa ila ang mga kabanwaanang nga dalangpan, ang Simeon patí ang iya halalban sa bukid sa Epraim kag Geser patí ang iya halalban ;

68 Ang Iokmean patí ang iya halalban, kag ang Bet-Horon patí ang iya halalban,

69 Kag ang Ayalon patí ang iya halalban kag ang Gat-Rimon patí ang iya halalban.

70 Kag gikan sa katungâ nga kabikahan ni Manases, ang Aner patí ang iya halalban kag ang Balaam patí ang iya halalban ; *ini* nga sa panimaláy sang mga anak nga nabilin ni Koat.

71 Sa mga anak ni Gersom *ginhatag nila*, gikan sa panimaláy sang katungâ nga kabikahan ni Manases, ang Golan, sa Basan, patí ang iya halalban kag ang Astarot patí ang iya halalban ;

72 Kag gikan sa kabikahan ni Isakar, ang Kedes patí ang iya halalban, ang Dobrat patí ang iya halalban ;

73 Ang Ramot patí ang iya halalban kag ang Anem patí ang iya halalban.

74 Kag gikan sa kabikahan ni Aser, ang Masal patí ang iya halalban, ang Abdon patí ang iya halalban,

75 Ang Hukok patí ang iya halalban kag ang Rehob patí ang iya halalban ;

76 Kag gikan sa kabikahan ni Neptali, ang Kedes, sa Galilea, patí ang iya halalban, ang Hamon patí ang iya halalban kag ang Kiriathaim patí ang iya halalban.

77 Sa mga anak ni Merari, nga nagkalabilin, *ginhatag nila*, gikan sa kabikahan ni Sabulon, ang Rimono patí ang iya halalban kag ang Tabor patí ang iya halalban ;

78 Kag sa tabok sang Iordan sa Ieri-

ko, sa Sidlangan sang Iordan: gikan sa kabikahan ni Ruben, ang Beser, sa kahanayakan, patí ang iya halalban, kag ang Iasa patí ang iya halalban,

79 Ang Kedemot patí ang iya halalban kag ang Mepaat patí ang iya halalban;

80 Kag gikan sa kabikahan ni Gad, ang Ramot, sa Galaad, patí ang iya halalban, ang Mahanaim patí ang iya halalban,

81 Ang Hesbon patí ang iya halalban kag ang Iaser patí ang iya halalban.

Mga kaliwatan ni Isakar.

**7** NAHANUNĠUD sang mga anak ni Isakar, apat sila: si Tola kag si Pua, si Iasub kag si Simron.

2 Ang mga anak ni Tola: si Usi, si Repaia, si Ieriel, si Iamai, si Iebsam kag si Samuel, nga mga pangolo sang ila mga panimaláy nga inamay ni Tola, mga maisug nga manugaway sa ila mga kaliwatan. Ang ila kadamuon sa panag-on ni Dabid, duha ka púlò kag duha ka libo anum ka gatus.

3 Ang mga anak ni Usi: si Israhias. Kag ang mga anak ni Israhias: si Mikael, si Obadias, si Ioel, si Isias: tanan sila lima ka mga pangolo.

4 Kag nagúpud sa ila, sono sa ila mga kaliwatan, sono sang ila mga panimaláy nga inamay, ang mga pinanong nga kasoldadosan sa pag-awayan, katloan kag anum ka libo ka mga tawo; kay may mga madamu sila nga mga asawa kag mga anak.

5 Kag ang ila mga útud sa tanan nga mga panimaláy ni Isakar, mga maisug nga manugaway sila: ang tanan mga kawaloan kag pito ka libo, nga napanulat sa mga listahan sa panimaláy.

Mga kaliwatan ni Benyamin kag ni Neptali.

6 Ang mga anak ni Benyamin: si Bela, si Beker kag si Iediael: tatlo sila.

7 Ang mga anak ni Bela: si Esbon, si Usi, si Usiel, si Ierimot kag si Iri: lima ka mga pangolo sa mga panimaláy nga inamay, nga mga maisug nga manugaway; nga napanulat sila sa mga listahan sa panimaláy sa *kadamuon* nga duha ka púlò kag duha ka libo katloan kag apat.

8 Kag ang mga anak ni Beker: si Semira, si Ioas, si Elieser, si Elioenai, si Omri, si Ierimot si Abias, si Anatot kag si Alemet: tanan ini sila mga anak ni Beker.

9 Kag napanulat sila sa mga listahan sa panimaláy, sono sang ila mga kaliwatan, subung nga mga pangolo sang ila mga panimaláy nga inamay, nga mga maisug nga manugaway, sa *kadamuon* nga duha ka púlò ka libo kag duha ka gatus ka tawo.

10 Kag ang mga anak ni Iediael: si Bilan. Kag ang mga anak ni Bilan: si Iehus, si Benyamin, si Aod, si Kanaana, si Setan, si Tarsis kag si Ahisaar.

11 Ining tanan mga anak ni Iediael, sono sang mga pangolo sang mga amay, nga mga maisug nga manugaway, sa *kadamuon* nga napúlò kag pito ka libo kag duha ka gatus, nga nagagulowa sa kasoldadosan sa pag-awayan.

12 Kag si Supim kag si Hupim, anak sila ni Ir. Si Husim, anak ni Aher.

13 Ang mga anak ni Neptali: si Iasiel, si Guni, si Ieser kag si Salum, nga mga anak ni Bila.

Mga kaliwatan ni Manases:

14 Ang mga anak ni Manases: si Asriel, nga ginpanganak ini sang iya babae nga Araminhon; sia nagpanganak kay Makir, nga amay ni Galaad.

15 Kag ginpangasawa ni Makir ang útud nga babae ni Hupim kag ni Supim, nga ang ngalan sang iya útud nga babae amo si Maaka; kag ang ngalan sang ikaduha ka anak amo si Selothead. Kag si Selothead nagpanganak sing mga anak nga babae.

16 Kag si Maaka, nga asawa ni Makir, nag-anak sing isa ka anak nga lalaki, kag ginhingalanan sia niya nga si Peres; kag ang ngalan sang iya útud nga lalaki, si Seres. Ang iya mga anak: si Ulam kag si Rekem.

17 Ang mga anak ni Ulam: si Bedan. Ini sila mga anak ni Galaad, anak ni Makir, anak ni Manases.

18 Kag ang iya útud nga babae nga si Moleket nagpanganak kay Isod, kay Abieser kag kay Mala.

19 Kag ang mga anak ni Semida nanginamo si Ahian, si Sikem, si Liki kag si Aniam.



## Mga kaliwatan ni Epraim.

20 Ang mġa anak ni Epraim : si Sutela si Bered, nġa iya anak; nġa ang iya anak, si Tahat; nġa ang iya anak, si Elada; nġa ang iya anak, si Tahat;

21 Nġa ang iya anak, si Sabad; nġa ang iya anak, si Sutela; sa olehe, si Eser kag si Elad. Kag ang mġa tinawo ni Gat nġa mġa tumanduk sa sining duta, nagpamatay sa ila, kay nagdulul-hog sila sa pagkuha sang ila mġa kahayupan.

22 Kag si Epraim, nġa ila amay, naglalaw sa malawig nġa mġa adlaw, kag nag-alabut ang iya mġa útud sa paglipay sa ila.

23 Ugaling nagsulúd sia sa iya asawa, kag sia nanamkon kag nag-anak sing isa ka anak nġa lalaki, nġa ginhingalanan niya sia nġa si Beria\*; tungud kay may kalisud sa iya baláy.

24 Kag ang iya anak nġa babae amo si Seera; kag sia nagpatindug sang Bet-Horon, ang manubo kag ang mataas, kag sang Usen-Seera.

25 Kag ang iya anak, si Repa; nġa ang iya anak, si Resep; nġa ang iya anak, si Tela; nġa ang iya anak, si Tahan;

26 Nġa ang iya anak, si Laedan; nġa ang iya anak, si Amiud; nġa ang iya anak, si Elisama;

27 Nġa ang iya anak, si Nun; nġa ang iya anak, si Iosue.

28 Kag ang ila kaugalingon kag ang puluy-an nila amo ang Bethel patí ang iya mġa minoro, kag sa Sidlangan ang Naaran, kag sa Katundan ang Geser patí ang iya mġa minoro, kag ang Sikem patí ang iya mġa minoro, tubtub sa Gasa patí ang iya mġa minoro.

29 Kag sa luyo sang mġa anak ni Manases, yara ang Bet-sean patí ang iya mġa minoro, ang Taanak patí ang iya mġa minoro, ang Megido patí ang iya mġa minoro, ang Dor patí ang iya mġa minoro. Sa sining mġa *duug* nagpuluyô ang mġa anak ni Iose, nġa anak ni Israel.

## Mga kaliwatan ni Aser.

30 Ang mġa anak ni Aser : si Imna,

\* *Beria*, sa kalalat-an.

si Isba, si Isbi, si Beria, kag si Serak nġa ila útud nġa babae.

31 Ang mġa anak ni Beria : si Heber kag si Malkiel, nġa sia among amay ni Birsabit.

32 Kag si Heber nagpanganak kay Iaplet, kay Semer, kay Hotam kag kay Sua, nġa útud nila nġa babae.

33 Kag ang mġa anak ni Iaplet : si Pasak, si Bimal kag si Asbat; ini sila mġa anak ni Iaplet.

34 Kag ang mġa anak ni Semer : si Ahi, si Roga, si Iehuba kag si Aram.

35 Kag ang mġa anak ni Helem, nġa iya útud : si Sopa, si Imna, si Seles kag si Amal.

36 Ang mġa anak ni Sopa : si Sua, si Harneper, si Sual, si Beri kag si Imra;

37 Si Beser, si Hod, si Sama, si Silsa, si Ietran kag si Beera.

38 Kag ang mġa anak ni Ieter : si Iepune, si Pispa kag si Ara.

39 Kag ang mġa anak ni Ula : si Ara, si Haniel kag si Resia.

40 Ining tanan mġa anak ni Aser, nġa pangolo sang mġa panimaláy nġa inamay, nġa mġa tawo nġa pinili, mġa maisug nġa manugaway, mġa pangolo sang mġa dunganon. Ini sila napanulat sa listahan sang kasoldadosan nġa sa pagawayan, sa kadamuon nġa duha ka pulô kag anum ka libo ka mġa tawo.

## Mga kaliwatan ni Benjamin kag ni Saul.

8 SI Benjamin nagpanganak kay Bela, nġa iya panganay, kay Asbel, ang ikaduha, kag kay Ara, ang ikatlo,

2 Kay Noha, ang ikap-at, kay Rapa, ang ikalima.

3 Kag may mġa anak si Bela : si Adar, si Gera si Abiud,

4 Si Abisua, si Naaman, si Ahan,

5 Si Gera, si Sepupan kag si Huram.

6 Kag yari karon ang mġa anak ni Ehud : ini sila amo ang mġa pangolo sang mġa amay sang mġa pumuluyô sa Geba, kag ginpanlitan sila nila sa Manahat:

7 Si Naaman, si Akias kag si Gera : ini nagpaliton sa ila. Kag nagpanganak sia kay Ussa kag kay Ahihud.

8 Kag si Saharaim nagpanganak sing mġa anak sa mġa latagon sa Moab, sa tapus na nġa iya ginpadalá si Husim kag si Baara, nġa iya mġa asawa.

9 Busa nagpanganak sia, sa kay Hodes nga iya asawa, kay Iobab, kay Sibias, kay Mesa, kay Malkam,

10 Kay Ieus, kay Sahias kag kay Mirma. Ini sila amo ang iya mga anak, nga mga pangolo sa mga amay.

11 Kag sa kay Husim nagpanganak sia kay Abitob kag kay Elpaal.

12 Kag ang mga anak ni Elpaal: si Heber, si Misam kag si Semed (nga sia nagpatindug sang Ono kag sang Lod patí ang ila mga minoro),

13 Kag si Berias kag si Sema. Ini sila nanġinpangolo sang mga amay sang mga pumuluyô sa Ayalon; ini sila nagpapalagyô sang mga pumuluyô sa Gat:

14 Kag si Ahio, si Sasak, si Ieremot,

15 Si Sebadias, si Arad, si Adar,

16 Si Mikael, si Ispa kag si Ioha, nga mga anak ni Berias.

17 Kag si Sebadias, si Mesulam, si Hiski, si Heber,

18 Si Ismarai, si Islia kag si Iobab, nga mga anak ni Elpaal.

19 Kag si Iakim, si Sikri, si Sabdi,

20 Si Elienai, si Silitai, si Eliel,

21 Si Adaya, si Baraya kag si Simrat, nga mga anak ni Simi.

22 Kag si Ispan, si Heber, si Eliel,

23 Si Abdon, si Sikri, si Hanan,

24 Si Hamanias, si Elam, si Anatotias,

25 Si Ipdata kag si Penuel, nga mga anak ni Sasak.

26 Kag si Samserai, si Seharia, si Atalia,

27 Si Iaeresias, si Elia kag si Sikri, nga mga anak ni Ieroham.

28 Ini sila nanġinpangolo sang mga amay, sono sa ila mga kaliwat, mga pangolo sila; ini sila nagpuluyô sa Ierusalem.

29 Kag sa Gabaon nagpuyô ang amay ni Gabaon, kag ang ngalan sang iya asawa amo si Maaka.

30 Kag ang iya anak, nga panganay, si Abdon; ugaling si Sur, si Kis, si Baal, si Nadab,

31 Si Gedor, si Ahio kag si Seker.

32 Kag si Miklot nagpanganak kay Simea. Ini man sila nagpuluyô sa atubangan sang ila mga útud sa Ierusalem, upud sang ila mga útud.

33 Kag si Ner nagpanganak kay Kis, kag si Kis nagpanganak kay Saul, kag si Saul nagpanganak kay Ionatan, kay Malkisua, kay Abinadab kag kay Esbaal.

34 Kag ang anak ni Ionatan amo si

Meribaa, kag si Meribaa nagpanganak kay Mika.

35 Kag ang mga anak ni Mika: si Piton, si Melek, si Tarea kag si Akas.

36 Kag si Akas nagpanganak kay Ioad, kag si Ioad nagpanganak kay Alemet, kay Asmabet kag kay Simri; kag si Simri nagpanganak kay Mosa.

37 Kag si Mosa nagpanganak kay Binea; nga ang iya anak, si Rapa; nga ang iya anak, si Elasa; nga ang iya anak, si Asel.

38 Kag si Asel may anum sia ka anak, nga ang ila mga ngalan amo: si Asrikam, si Bokru, si Ismael, si Searias, si Obadias kag si Hanan: ining tanan mga anak ni Asel.

39 Kag ang mga anak ni Esek, nga iya útud: si Ulam, nga iya panganay, si Ieus, ang ikaduha, si Elipelet, ang ikatlo.

40 Kag ang mga anak ni Ulam mga maisug nga manugaway sila, mga tinawo nga makapasanting sing pana; kag may madamu sila nga mga anak kag mga apô, isa ka gatus kag kalim-an. Ining tanan nanġinsatunġa sang mga anak ni Benyamin.

Mga pumuluyo sa Ierusalem sa pagbalik gikan sa kabihagan.

9 BUSA, ini sila nga tanan sa Israel napanulat sa mga listahan sang panimaláy, kag yari karon nga ginpanulat sila sa tolon-an sang mga hari sa Israel. Kag ginpaliton ang Iuda sa Babilonia, bungud sang iya pagkamalalison.

2 Kag ang mga nahauna nga mga pumuluyô, nga nagpuluyô sa ila mga kaugalingon sa ila mga kabanwaan, mga Israelinhon sila, mga saserdote, mga Lebinhon kag mga Netinhon.

3 Kag sa Ierusalem nagpuyô ang isa ka bahin sang mga inanak ni Iuda, sang mga inanak ni Benyamin, kag sang mga inanak ni Epraim kag ni Manases:

4 Si Utai, nga anak ni Amiud, anak ni Omri, anak ni Imri, anak ni Bani, sa mga anak ni Peres, nga anak ni Iuda.

5 Kag sa mga Siloninhon, si Asaia, ang panganay, kag ang iya mga anak.

6 Kag sa mga anak ni Sara, si Ieuel kag ang iya mga útud: anum ka gatus kag kasiaman.

7 Kag sa mga anak ni Benyamin, si Salu, anak ni Mesulam, anak ni Hodabia, anak ni Asenua;



8 Kag si Ibnia, nga anak ni Ieroham; kag si Ela, anak ni Usi, anak ni Mikri, kag si Mesulam, anak ni Sepatias, anak ni Reuel, anak ni Ibnia,

9 Kag ang iya mga útud, tungud sa ila mga kaliwat: siam ka gatus kaliman kag anum. Ining tanan nga mga tawo nanginpangolo sang mga amay nga sa ila mga panimaláy nga inamay.

10 Kag sa mga saserdote: si Gedaya, si Ioerib, si Iakin,

11 Si Asaria, anak ni Hilkia, anak ni Misulam, anak ni Sadok, anak ni Merayot, anak ni Ahitob, dunganon sa Baláy sang Dios;

12 Kag si Adaia, anak ni Ieroham, anak ni Pasur, anak ni Malkias; kag si Masai, anak ni Adiel, anak ni Iasera, anak ni Masulam, anak ni Mesilemit, anak ni Imer,

13 Kag ang ila mga útud nga mga pangolo sang ila mga panimaláy nga inamay: isa ka libo pito ka gatus kanuman ka mga tawo nga maisug nga sa buluhaton sang pag-alagdan sa Baláy sang Dios.

14 Kag sa mga Lebinhon: si Semaia, anak ni Hasub, anak ni Asrikam, anak ni Hasabias, sa mga anak ni Merari;

15 Kag si Bakbakar, si Heres kag si Galal, kag si Matania, anak ni Mika, anak ni Sikri, anak ni Asap;

16 Kag si Obadias, anak ni Semaia, anak ni Galal, anak ni Iedutun; kag si Berekias, anak ni Asa, anak ni Elkana, nga nagpuyô sia sa mga minoro sa Netopatinhon.

17 Kag ang mga manugbantay sang, gawang: si Salum, si Akub, si Talmon si Ahiman kag ang ila mga útud; si Salum among pangolo.

18 Kag tubtub karon, yara sila sa gawang sang hari, sa Sulubangan; nangimanugbantay sila sang mga gawang, sono sang mga dululugan sang mga anak ni Lebi.

19 Kag si Salum, nga anak ni Kore, anak ni Abiasap, anak ni Kore, patí ang mga Korinhon, nga iya mga útud sa baláy sang iya amay, nangintululinan sila sa buluhaton sang pag-alagdan, nga nagabalantay sang mga atangan sang Layanglayang; kag ang ila mga amay nangintululinan sila sang dulugan ni Iehoba, nga nagabalantay sang salamputan.

20 Si Pinees, nga anak ni Eleasar,

nanginmanugdumala nila anay; kag si Iehoba upud sa iya.

21 Si Sakarias, nga anak ni Mesele-mia, nanginmanugbantay sang gawang sang Layanglayang sang pakigkitaan.

22 Ining tanan, mga pinili nga sa mga manugbantay sang mga atangan, mga duha ka gatus kag napulô kag duha sila. Napanulat sila sa mga listahan sang panimaláy, sono sa ila mga minoro. Si Dabid kag si Samuel, nga manugtuluk, nagtulukud sa ila sa ila *tulin* nga pagkatutum.

23 Ini sila, kag ang ila mga anak, mga tululinan sila sang mga gawang sang Baláy ni Iehoba, sang Baláy sang Layanglayang, sa pagbantay sa ila.

24 Kag may mga manugbantay sang mga gawang nayon sa apat ka hangin, sa Sidlangan, sa Katundan, sa Aminhan, kag sa Bagatnan.

25 Kag ang ila mga útud, sono sa ila mga minoro may katungdanan sa pagkari, sing dag-ondag-on, sa pagúpud sa ila sing pito ka adlaw;

26 Kay ang *tulin* sang pagkatutum nahanungud sa apat ka pangolo nga manugbantay sang gawang. Mga Lebinhon sila, kag mga tululinan sila sa mga hulut, kag sa mga bahandi sang Baláy sang Dios.

27 Ini sila nagahiligda sa palibot sang Baláy sang Dios, kay mga tululinan sila sang pagbantay, kag mga tululinan sila sang yawi sa *pagbukas* sa tanan nga mga aga.

28 May iban sa ila nga mga tululinan sang mga gamit sang pag-alagdan, nga ginaisip nila sila sa pagpasulúd, kag ginaisip nila sila sa pagpagowa.

29 Kag ang iban sa ila natudlo sa pagtatap sang mga galamiton, sang tanan nga mga gamit sang balaan nga Puluyan, kag sang harina nga malum-ok, kag sang alak, kag sang lana, kag sang insienso kag sang mga pahamut.

30 Kag may mga anak sang mga saserdote, nga nagasamo sang mga pagaman sa mga pahamut.

31 Kag si Matatias, ang isa sang mga Lebinhon, nga panganyay ni Salum, nga Korinhon, may tulin sia sang buluhaton sang mga torta nga linuto sa kalaha.

32 Kag ang iban sang mga anak sang mga Koatinhon, sa tunga sang iya mga útud, may tulin sila sang mga tinapay

sang pahayag, nga sa pag-aman sa ila sa tagsa ka sabado.

33 Kag ini sila mga manugkanta, mga pangolo sang mga amay sang mga Lebinhon, *nga sila yara sa mga hulut, nga naluwas sa iban nga mga hilikuton*, kay sa adlaw kag sa gab-i nagpululaw sila sa ila buluhaton.

34 Ini sila among mga pangolo sang mga amay sang mga Lebinhon, nga mga pangolo sono sa ila mga kaliwatan; ini sila nagpuluyô sa Ierusalem.

35 Kag sa Gabaon nagpuyô ang amay ni Gabaon, si Iehiel, nga ang ngalan sang iya asawa amo si Maaka.

36 Kag ang iya anak, nga panganay, si Abdon, ugaling si Sur, si Kis, si Baal, si Ner, si Nadab,

37 Si Gedor, si Ahio, si Sakarias kag si Miklot.

38 Kag si Miklot nagpanganak kay Simeam. Kag ini sila nagpuluyô man sa Ierusalem sa atubangan sang ila mga útud.

39 Kag si Ner nagpanganak kay Kis, kag si Kis nagpanganak kay Saul, kag si Saul nagpanganak kay Ionatan, kay Malkisua, kay Abinadab kag kay Esbaal.

40 Kag ang anak ni Ionatan amo si Meribaal, kag si Meribaal nagpanganak kay Mika.

41 Kag ang mga anak ni Mika: si Piton, si Melek, si Tarea *kag si Akas*.

42 Kag si Akas nagpanganak kay Iara, kag si Iara nagpanganak kay Alemet, kay Asmabet kag kay Simri, kag si Simri nagpanganak kay Mosa,

43 Kag si Mosa nagpanganak kay Binea, nga ang iya anak, si Repaia; nga ang iya anak, si Elasa; nga ang iya anak, si Asel.

44 Kag si Asel nagpanganak sing anum ka mga anak nga lalaki, nga ang mga ngalan nila amo: si Asrikam, si Bokru, si Ismael, si Searia, si Obadias kag si Hanan. Ini sila nanġin mga anak ni Asel.

Kamatayon ni Saul kag sang iya mga anak.

**10** KAG ang mga Pilistinhon nag-alaway kay Israel, kag ang mga tinawo ni Israel nagpalalagyô sa atubangan sang mga Pilistinhon, kag nagkalapukan sila nga mga pilason sa bukid sa Gilboa.

2 Kag ang mga Pilistinhon naglalagas

gid kay Saul kag sa iya mga anak; kag ginpilas sang mga Pilistinhon si Ionatan, kag si Abinadab kag si Malkisua, nga mga anak ni Saul.

3 Kag nagbaskug ang inaway batok kay Saul, kag ginlambut sia sang mga manugpana; kag nagkalisang sia sa mga manugpana.

4 Kag si Saul nagsiling sa iya manugdalá sang hinganiban: "Gabuta ang imo hinganiban, kag palapsa sa akon sia, basi pa nga magkalari ining mga ditinuli kag paglahugan nila ako." Apang ang iya manugdalá sang hinganiban indi buut, kay may daku sia nga kahadluk. ~~Kag kinuha ni Saul ang hinganiban kag nanġinpuhan sia sa ibabaw niya.~~

5 Kag sang nakita sang iya manugdalá sang hinganiban, nga si Saul patay na, nanġinpuhan man sia sa ibabaw sang iya hinganiban, kag nanġinmatay sia.

6 Sa sini namatay si Saul kag ang iya mga anak, kag ang bug-os niya nga panimaláy; nagkalamatay sila sing tingub.

7 Kag nakita sang tanan nga mga tinawo ni Israel nga *nagpuluyô* sa nalupayakan, nga nagpalalagyo sila, kag nga si Saul kag ang iya mga anak mga patay na; kag ginbayaan nila ang ila mga kabanwaan kag nagpalalagyo sila. Kag nag-alabut *ang* mga Pilistinhon, kag nagpuluyô sa ila.

8 Kag nahanabu, sang madason nga adlaw, nga nag-alabut ang mga Pilistinhon sa paguba sang mga patay, kag nakita nila si Saul kag ang iya mga anak nga nagkalapukan sa bukid sa Gilboa;

9 Kag ginubahan sia nila, kag ginkuluha nila ang iya olo kag ang iya mga hinganiban. Kag ginpaladalá nila sa duta sang mga Pilistinhon sa palibot, agud nga pagaipahibalo ang balita sa ila mga diosdios kag sa banwa.

10 Kag binutang nila ang iya mga hinganiban sa baláy sang ila dios, kag ginlansang nila ang iya olo sa baláy ni Dagon.

11 Kag nabatian sang bug-os nga Iabes sa Galaad ang tanan nga ginhimo sang mga Pilistinhon kay Saul.

12 Kag nagtililindug ang tanan nga mga maisug nga mga tawo, kag ginkuluha nila ang bangkay ni Saul, kag ang mga bangkay sang iya mga anak, kag gindadalá nila sila sa Iabes. Kag ginlu-



lubong nila ang ila mġa tul-an sa idalum sang terebinto sa Iabes, kag nagpuluasa sila sing pito ka adlaw.

13 Namatay si Saul tungud sang iya pagkamalalison, nġa tungud sa iya ginlapas niya batok kay Iehoba, nahanungud sang polong ni Iehoba, nġa walā niya sia pagtumana; kag tungud kay nagpamangkot man sia sa mġa manugpagowa sang mġa espiritu sa pagpamangkot sa ila,

14 Nġa walā magpamangkot kay Iehoba. *Kag tungud sini* ginpatay niya sia, kag ginpahālin niya ang ginharian kay Dabid, nġa anak ni Isai.

Si Dabid nġa nahimo nġa hari, nagakuha sang Ierusalem.

**11** NIYAN ang bug-os nġa Israel nagtipon kay Dabid, sa Hebron, nġa nagasiling: “Yari karon, kami mġa imo tul-an kag imo unud,

2 Kag labut pa sadto, sang si Saul nagahari pa, ikaw nagpagowa kag nagpasulūd sa kay Israel. Kag si Iehoba, nġa imo Dios, nagsiling man sa imo: Ikaw magapahalab sa akon banwa nġa Israel, kag ikaw manginmanugdul-ong ni Israel nġa akon banwa.”

3 Kag nag-alabut, sa Hebron, ang tanan nġa mġa tigulang sa Israel sa hari, kag si Dabid naghimo sa ila sing pakigkatipan sa Hebron sa atubangan ni Iehoba; kag ginhaplas nila si Dabid nġa hari sa ibabaw ni Israel, sono sang polong ni Iehoba, sa kamut ni Samuel.

4 Kag si Dabid upud ang bug-os nġa Israel nagkadto sa Ierusalem (nġa sia among Iebus); kag didto ang mġa Iebusinhon nġa mġa pumuluyō sa sadto nġa duta.

5 Kag ang mġa pumuluyō sa Iebus nagsililing kay Dabid: “Indi ka makasulūd diri.” Walay sapayan si Dabid nagkuha sang kabakuran sa Sion, nġa among banwa ni Dabid.

6 Kag si Dabid nagsiling: “Ang ūna nġa magpilas sa mġa Iebusinhon, mangindunganon kag pangōlo sia.” Kag si Ioab, nġa anak ni Sarbia, nagtaklad sing ūna, kag ginhimo sia nġa pangōlo.

7 Kag si Dabid nagpuyō sa kuta; kag tungud sini ginhingalanan nila ini nġa Banwa ni Dabid.

8 Kag ginpatindug niya ang banwa sa palibot, kutub sa Milo sa bu-gos nġa

palibot; kag ginkaáyō ni Ioab ang nabilin sang banwa.

9 Kag si Dabid naguswag kag nagdaku, kag si Iehoba sang Sebaot yara upud sa iya.

Mġa tinawo nġa mġa maisug ni Dabid.

10 Kag yari karon ang mġa pangōlo sang mġa tawo nġa maisug, nġa iya ni Dabid, nġa nagpahayag sila nġa maligon nġa sa iya, sa ginharian niya, upud sang bug-os nġa Israel, sa paghimo sa iya nġa hari, sono sang polong ni Iehoba nahanungud sa Israel.

11 Kag yari karon ang kadamuon sang mġa maisug, nġa iya ni Dabid: si Iasobeam, nġa anak sang isa ka Hakmoninhon, pangōlo sang mġa manugaway. Sia nagbalabad sang iya bangkaw batok sa tatlo ka gatus ka tawo, nġa ginpilas niya sila sa kamatayon sing makaisa lamang.

12 Sa olehe niya, si Eleasar, nġa anak ni Dodo, nġa Ahohitinhon; nġa sia amo ang isa sang tatlo ka mġa maisug.

13 Ini nagupud kay Dabid sa Pasdamin. Ang mġa Pilistinhon nagtilingub didto nġa sa pag-awayan; kag didto ang isa ka bahin nġa duta nġa punō sang sebada, kag nagpalagyo ang banwa sa atubangan sang mġa Pilistinhon;

14 Kag nagpahamtang sila sa tungā sang latagon, kag gin-apanan nila sia, kag ginpilas nila ang mġa Pilistinhon; kag ginluwas sila ni Iehoba nġa may daku nġa kaluwasan.

15 Kag ang tatlo sang mġa katloan nġa mġa pangōlo nagdululhog sa pil-as ni Dabid, sa lungib ni Adulam; kag ang dulugan sang mġa Pilistinhon nahamtang sa nalupyakan sang mġa Repainhon.

16 Niyan si Dabid yara sa kabakuran, kag niyan ang bantay nġa kasoldadosan sang mġa Pilistinhon yara sa Betlehem.

17 Kag naghandum si Dabid, kag nagsiling: “;Sin-o bala ang makapainum sa akon sang tubig sang bobon sa Betlehem, nġa yara malapit sa gawang?”

18 Kag ang tatlo ka maisug nagpahawa sa dulugan sang mġa Pilistinhon, kag nagpanagub sila sang tubig sang bobon sa Betlehem, nġa yara malapit sa gawang, kag kinuha nila kag gindalā nila ini kay Dabid; apang si Dabid

walâ magbuut sa paginum sa iya, kondi ginula niya sia kay Iehoba, kag nag-siling:

19 “Manġinmalayô sa akon, tungud sa akon Dios, nġa ako maghimo sini. ġPaano? ġmagainum bala ako sang dugo sining mġa lalaki nġa ginbutang ang ila kabuhi sa katalagman? Kay sa *bili* sang ila mġa kabuhi gindalâ nila sia diri.” Kag walâ sia magbuut sa paginum sa iya. Yari karon ang ginhilimo sining tatlo ka mġa maisug.

20 Kag si Abisai, nġa útud ni Ioab, amo ang pangôlo sang tatlo. Nagbalabad sia sang iya bangkaw batok sa tatlo ka gatus, nġa ginpilas niya sa kamatayon, kag sa sining tatlo sia ang bantug.

21 Sa *sining* tatlo, sia ang nanġinlabing dunganon sa *iban* nġa duha, kag nanġinpangôlo sia nila, apang walâ makatupung sa tatlo *nġa mġa nahauna*.

22 Si Benaia, nġa anak ni Ioiada, nġa anak sang isa ka maisug nġa lalaki nġa daku sa mġa kabansagan nġa taga-Kabseel. Ini sia nagpilas sang duha ka Ariel sa Moab; kag sia nagpanaug man sa tungâ sang isa ka bobon, sa dag-on sang niebe, kag ginpilas niya ang isa ka leon.

23 Ginpilas man niya ang tawo nġa Egiptohanon, ang tawo nġa may lima ka maniko sa kataason: ang Egiptohanon may isa ka bangkaw sa iya kamut nġa subung sang likisan sang manughabol; kag nagdulhog sia sa iya nġa may isa ka sungkod, kag gin-agaw niya sa kamut sang Egiptohanon ang bangkaw, kag ginpatay niya sia sang iya kaugalingon nġa bangkaw.

24 Ini ginhimo ni Benaia, nġa anak ni Ioiada, kag may nġalan sia sa tungâ sining tatlo nġa mġa maisug.

25 Yari karon, nanġinlabing dunganon sia sang katloan, apang walâ sia makatupung sa tatlo *nġa mġa nahauna*. Kag ginbutang sia ni Dabid sa iya palangkuton nġa tinago.

26 Kag ang mġa maisug sang mġa kasoldadosan: si Asael, nġa útud ni Ioab; kag si Elkanan, nġa anak ni Dodo, nġa taga-Betlehem;

27 Si Samot, nġa taga-Aror; si Heles, nġa Peloninhon;

28 Si Ira, anak ni Ikes, nġa taga-Te-koa; si Abieser, nġa taga-Anatot;

29 Si Sibekai, nġa Husatinhon; si Elai, nġa Ahohinhon;

30 Si Maharai, nġa taga-Netopa; si Heled, anak ni Baana, nġa taga-Netopa;

31 Si Itai, anak ni Ribai, nġa taga-Gibeá, sa mġa inanak ni Benyamin; si Benaia, nġa taga-Piraton;

32 Si Hurai, nġa taga-Nahale Gaas; si Abiel, nġa taga-Arba;

33 Si Asmabet, nġa taga-Baharum; si Eliaba, nġa taga-Saalbon;

34 Si Bene-Asem, nġa Gisoninhon; si Ionatan, anak ni Sage, nġa Ararinhon;

35 Si Ahiam, anak ni Sakar, nġa Ararinhon; si Elipal, nġa anak ni Ur;

36 Si Heper, nġa Mekeratinhon; si Ahia, nġa Peloninhon;

37 Si Hesro, nġa taga-Karmelo; si Naari, nġa anak ni Esbai;

38 Si Ioel, nġa útud ni Natan; si Mibar, nġa anak ni Hagri;

39 Si Seleke, nġa Amoninhon; si Naraia, nġa Berotinhon, nġa manugdalâ sang hinganiban ni Ioab, nġa anak ni Sarbia;

40 Si Ira, nġa taga-Ieter; si Gared, nġa Taga-Ieter;

41 Si Uriá, nġa Hetinhon; si Sabad, anak ni Alai;

42 Si Adina, nġa anak ni Sisa, nġa Rubeninhon, pangôlo sang mġa Rubeninhon, kag upud sa iya ang katloan;

43 Si Hanan, nġa anak ni Maaka, kag si Iosapat, nġa Mitninhon;

44 Si Usia, nġa taga-Astarot; si Samua, kag si Iehiel, nġa anak ni Hotam, nġa taga-Aroer;

45 Si Iediael, nġa anak ni Simri, kag si Ioha, nġa iya útud, nġa mġa Tisitinhon;

46 Si Eliel, nġa taga-Mahabim; si Ieribai, kag si Ioasabia, nġa mġa anak ni Elnaam; kag si Itma, nġa Moabinhon;

47 Si Eliel kag si Obed, kag si Iaasiel-Mesobaia.

Mġa manugaway nġa nagtġilingub kay Dabid sa nagakabuni pa si Saul.

**12** KAG yari karon ang mġa nagkaladto kay Dabid sa Siklag, sang sia nagapanago pa bangud kay Saul, nġa anak ni Kis; kag amo sila sang mġa maisug nġa iya mġa manugbulig sa pagawayan;

2 Nġa nasangkapan sila sang mġa panna, nġa nagahalabyug sila sang mġa batô sa kamut nġa too kag sa kamut nġa walâ, kag nagapana sang mġa baslay



nğa may pana; naggilikan sila sa mğa útud ni Saul, nğa mğa Benyaminhon :

3 Ang pangolo si Ahieser, kag si Iosas, nğa *duha* ka anak ni Semaa, nğa taga-Gibea; sa olehe si Iesiel kag si Pelet, mğa anak ni Asmabet; kag si Beraka, kag si Iehu, nğa Taga-Anatot;

4 Kag si Ismaia nğa Gabaoninhon, nğa maisug nğa tawo sa tungâ sang katloan, kag labi pa sang mğa katloan; kag si Ieremias, si Iahasiel, si Ioanan, kag si Iosabad, nğa taga-Gedera;

5 Si Elusai, si Ierimot, si Bealia, si Semaria kag si Sepatia, nğa Harupinhon;

6 Si Elkana, si Isia, si Asareel, si Ioeser kag si Iasobeam, nğa mğa Koratinhon;

7 Si Ioela kag si Sebadia, nğa mğa anak ni Ieroham, nğa taga-Gedor.

8 Kag sa mğa Gadinhon *may mğa* nagbululag sa *pagimpon* kay Dabid sa kabakuran sa kahanayakan, nğa mğa maisug nğa manugaway, mğa tinawo nğa anğay sa kasoldadosan nğa sa pag-awayan, mğa nasangkapan sang taming kag bangkaw, nğa kaangay sa mğa leon, kag mğa madasig subung sang mğa usa sa mğa kabukiran:

9 Si Eser, ang pangolo; si Obadia, ang ikaduha; si Eliab, ang ikatlo;

10 Si Mismana, ang ikap-at; si Ieremias, ang ikalima;

11 Si Atai, ang ikan-um; si Eliel, ang ikapito;

12 Si Iohanan, ang ikawalo; si Elsbad, ang ikasiam;

13 Si Ieremias, ang ikapulô; si Makbanai, ang ikapulô kag isa.

14 Ini sila nanginsa tungâ sang mğa anak ni Gad, mğa pangolo sang kasoldadosan; ang isa lamang, ang labing diyotay sa ila, tupung sia sa isa ka gatus, kag ang labing daku, sa isa ka libo.

15 Ini sila among mğa nagtalabok sa Iordan sang nahauna nğa bulan, sang nangawas sia sa ibabaw sang tanan niya nğa mğa pangpang, kag ginpapalagyo nila ang tanan nğa mğa *pumuluyô* sa nalupyakan, sa Sidlangan kag sa Katudan.

16 Kag sa mğa inanak ni Benyamin kag ni Iuda nag-alabut *ang mğa tinawo* kay Dabid sa kabakuran.

17 Kag si Dabid naggowa sa ila, kag naghambal sa ila, nğa nagasiling: "Kon magkalari kamo sa akon sa paghidaet

kag sa pagbulig sa akon, ang akon tagiposoon pagaisimpon sa inyo; apang kon sa pagbudhi sa akon sa *kamut* sang akon mğa kaaway, bisan pa walâ sing paglugus sa akon mğa kamut, ang Dios sang anion mğa ginikanan magtan-aw sini, kag maghimo sing katarungan.

18 Kag ang Espiritu nag-abut kay Amasal, nğa pangolo sang mğa manugaway, nğa *nagasiling*:

"Mğa imo kami, oh Dabid,

Kag upud sa imo, oh anak ni Isai.

Paghidaet, paghidaet sa imo,

Kag paghidaet sa nagabulig sa imo,

Kay ang imo Dios nagabulig sa imo."

Kag si Dabid nagbaton sa ila, kag ginbutang niya sila sa tungâ sang mğa pangolo sang mğa kinabon.

19 Kag sa Manases nagsalaylo *man ang mğa tinawo* kay Dabid, sang nagkadto sia upud sang mğa Pilistinhon batok kay Saul sa pag-away sa iya; apang *si Dabid kag ang iya mğa tinawo* indi nagbululig sa ila, kay sa tapus sang kasapulanang, gintabog sia sang mğa gobernador nğa Pilistinhon, nğa *nagasiling*: "Magasaylo sia sa ila ginoo nğa si Saul, sa bili sang aton mğa olo."

20 Sang nagkadto sia sa Siklag, nagsalaylo sa iya gikan sa *mğa anak* ni Manases: si Adna, si Iosabad, si Iediael, si Mikael, si Iosabad, si Eliu kag si Siletai, nğa mğa pangolo sang mğa linibo ni Manases.

21 Kag ini sila nagbululig kay Dabid batok sadtong kinabon, kay sila nğa tanan mğa maisug nğa manugaway, kag nanginpangolo sila sa kasoldadosan.

22 Kay sa tanan nğa mğa adlaw nag-abut ang mğa *tinawo* sa pagbulig kay Dabid, tubtub nğa nahimo nğa dakung kasoldadosan, subung sang kasoldadosan sang Dios.

*Mğa mangangaway sang napulo kag duha ka kabikahan nğa nag-alabut sa Hebron sa paghimo nğa hari kay Dabid.*

23 Kag yari karon ang kadamuon, sa binilog, sang mğa nasangkapan nğa sa kasoldadosan nğa nag-alabut kay Dabid sa Hebron, sa pagpaliton sa iya sang ginharian ni Saul, sono sa polong ni Iehoba.

24 Ang mğa inanak ni Iuda, nğa naga-dalalâ sing taming kag sing sumbiling,

anum ka libo kag walo ka gatus, nga nasangkapan nga sa kasoldadosan.

25 Sa mga inanak ni Simeon, mga maisug nga manug-away nga sa kasoldadosan, pito ka libo kag isa ka gatus.

26 Sa mga inanak ni Lebi, apat ka libo kag anum ka gatus.

27 Kag si Ioiada, nga manugdumala sang *mga sa kaliwatan* ni Aaron kag upud sa iya, tatlo ka libo kag pito ka gatus:

28 Kag si Sadok, pamatan-on nga maisug nga manugaway, kag ang panimaláy sang iya amay, duha ka púlô kag duha ka pangôlo.

29 Kag sa mga inanak ni Benjamin, nga mga útud ni Saul, tatlo ka libo; kag tubtub sadtong panag-on ang kalabanan sa ila nagbalantay sang tinulin sa baláy ni Saul.

30 Kag sa mga inanak ni Ephraim, duha ka púlô ka libo kag walo ka gatus, nga mga maisug nga manugaway nga mga tawo nga bantug, sono sang ila mga panimaláy nga inamay.

31 Kag sa katungâ nga kabikahan ni Manases, napúlô kag walo ka libo, nga napanudlo sila sono sa ila ngalan sa pagkadto sa paghimo kay Dabid nga hari.

32 Kag sa mga inanak ni Isakar, nga mga mahangponon sa mga panag-on, nga nakahibalo sila sang dapat paghimo-on ni Israel: ang ila mga pangôlo nanginduha ka gatus kag ang tanan nila nga mga útud *nasakup* sa ila sogo.

33 Kag sa Sabulon, ang *mga tinawo* nga nagakaladto sa kasoldadosan, nga mga nasangkap nga sa pag-awayan sang tanan nga mga hinganiban sa pag-awayan, kalim-an ka libo, nga napasunud nga sa pag-awayan kag nga walâ sing agiposo-on nga napihak.

34 Kag sa Neptali, isa ka libo ka mga pangôlo, kag upud sa ila, katloan kag pito ka libo, nga nagadalalâ sing taming kag bangkaw.

35 Kag sa mga Daninhon, mga nasangkap sa *mga hinganiban* nga sa pag-awayan, duha ka púlô kag walo ka libo anum ka gatus.

36 Kag sa Aser, *mga tinawo* nga nagakaladto sa kasoldadosan sa pagpasunud sa pag-away, kap-atan ka libo:

37 Kag sa tabok sang Iordan, sa mga Rubeninhon kag sa mga Gadinhon, kag sa katungâ nga kabikahan ni Manases, upud sang tanan nga hinganiban sang

isa ka kasoldadosan sa pag-awayan, isa ka gatus duha ka púlô ka libo.

38 Ining tanan nga mga tawo sa pag-awayan, nga napasunud sa pakigawayan, nag-alabut nga may tagiposo-on nga himpit sa Hebron, sa paghimo kay Dabid nga hari sa ibabaw sang bug-os nga Israel; kag bisan pa ang iban nga tanan sa Israel yara sa amo gid nga tagiposo-on nga sa paghimo kay Dabid nga hari.

39 Kag tatlo ka adlaw sila didto upud kay Dabid, nga nagakilinaon kag nagailinum sila, kay ang ila mga útud nagalaman nga sa ila.

40 Kag bisan pa ang mga kasilingan nila tubtub sa Isakar, sa Sabulon, kag sa Neptali, nagdalalâ sila sing tinapay sa mga asno, sa mga kamelyo, sa mga mula kag sa mga baka, kon *sayoron* mga kalan-on nga harina, nga tinapay, nga higos, kag nga ubas nga binulad, kag nga alak, kag nga lana, kag nga baka, kag nga obeha sa bugana, kay sa Israel may kasadya.

Ang kaban gintago ni Dabid sa balay ni Obed-Edom.

**13** NIYAN si Dabid nakigsapul sa mga pangôlo sang mga linibo kag sang mga ginatus, sa tanan nga mga pangôlo *sang banwa*.

2 Kag nagsiling si Dabid sa bug-os nga katilingban sa Israel: "Kon minamaayo ninyo, kag ini gikan kay Iehoba, nga aton Dios, magpadalâ kita sa tanan nga mga bahin sa aton mga útud nga nagkalabilin sa tanan nga mga duta sa Israel, kag upud sa ila sa mga saserdote kag mga Lebinhon, sa ila mga kabanwaan kag sa ila mga halalban, nga magtilingub sila upud sa aton;

3 Kag dalhon naton diri ang kaban sang aton Dios sa aton, kay sa mga adlaw ni Saul, walâ kita magdangup sa iya."

4 Kag nagsiling ang bug-os nga katilingban nga paghimo-on ang subung sini, kay ang butang nahamut-an sa bug-os nga banwa.

5 Kag gintipon ni Dabid ang bug-os nga Israel, kutub sa Sihor sa Egipto tubtub sa salamputan sang Hamat, sa pagpakari sang kaban sang Dios gikan sa Kiriath-earim.

6 Kag nagtaklad si Dabid upud sang bug-os nga Israel sa Baala sa Kiriath-earim.



rim, nga nahanungud sa Iuda, nga sa pagpataklad didto sang kaban ni Iehoba nga Dios, nga nagapuyô sa tungâ sang mga kerubin, nga sa ibabaw niya ginatawag ang *iya* ngalan.

7 Kag ginlulan nila ang kaban sang Dios sa ibabaw sang isa ka bag-o nga kanga kag *gindala nila sia* gikan sa baláy ni Abinadab; kag si Ussa kag ang *iya* útud nagdulul-ong sang kanga;

8 Kag si Dabid kag ang bug-os nga Israel nagapatunug sa atubangan sang Dios sa bug-os nila nga kusug, nga may mga kalantahon kag mga arpa, mga salterio, mga tambor, mga apiping kag mga budyong.

9 Kag sang pag-abut nila sa linasan sang Kidon, naguntay si Ussa sang *iya* kamut sa pagkaput sang kaban, kay ang mga baka naghulublag.

10 Kag ang kaakig ni Iehoba nagdab-dab batok kay Ussa, kag ginpilas niya *sia*, kay naguntay *sia* sang *iya* kamut sa kaban, kag namatay *sia* didto sa atubangan sang Dios.

11 Kag si Dabid naakig tungud kay ginhimo ni Iehoba ang isa ka pagboong kay Ussa; kag ginhingalanan niya yadto nga duug nga Peres-Ussa, tubtub karon.

12 Kag hinadlukan si Dabid sa Dios sadtong adlaw, kag nagsiling *sia*; “¿Pano bala ang pagsulúd ko sa akon baláy sang arka sang Dios?”

13 Kag walá pagdal-a ni Dabid ang kaban sa *iya* baláy sa banwa ni Dabid, kondi ginpaisol niya *sia* sa baláy ni Obed-Edom nga Etinhon.

14 Kag ang kaban sang Dios napabilin didto sa baláy ni Obed-Edom, sa *iya* baláy, sing tatlo ka bulan; kag ginpakamaayo ni Iehoba ang baláy ni Obed-Edom, kag ang tanan nga mga butang nga nahanungud sa *iya*.

Si Dabid nagapakigkatipan kay Hiram, kag nagapaalapaag sa mga Pilistinhon.

**14** KAG si Hiram, nga hari sa Tiro, nagpadalá sing mga manugbalita kay Dabid, kag sang kahoy nga sedro, kag sing mga panday sa bató, kag sing mga panday, agud nga magpatindug sila sa *iya* sing isa ka baláy.

2 Kag ginkilala ni Dabid, nga si Iehoba nagpalig-on sa *iya* nga hari sa ibabaw sang Israel, kag nga ginbayaw niya ang

*iya* ginharian, bangud sang *iya* banwa nga Israel.

3 Kag si Dabid nagkuha pa sing mga babae sa Ierusalem; kag si Dabid nagpanganak pa sing mga anak nga lalaki kag mga babae.

4 Kag yari karon ang mga ngalan sang mga nagkalatawo sa *iya* sa Ierusalem: si Samua, si Sobab, si Natan, kag si Salomon,

5 Si Ibar, si Elisua si Elpelet,

6 Si Noga, si Nepeg, si Iapia,

7 Si Elisama, si Beliada kag si Elpelet.

8 Kag sang nakabati ang mga Pilistinhon, nga si Dabid ginhaplas nga hari sa ibabaw sang bug-os nga Israel, ang tanan nga mga Pilistinhon nagtalaklad sa pagpangita kay Dabid. Kag sang pagkabati sini ni Dabid, naggowa *sia* batok sa *ila*.

9 Kag nag-alabut ang mga Pilistinhon, kag naghilimo sila sing lugus nga pagsulúd sa nalupyakan sang mga Repainhon.

10 Kag si Dabid nagpamangkot sa Dios, nga nagasiling: “¿Magataklad ako bala batok sa mga Pilistinhon? ¿Pagaitugyan mo sila bala sa akon kamut?” Kag si Iehoba nagsiling sa *iya*: “Taklad-ka, kag ako magatugyan sa *ila* sa imo mga kamut.”

11 Kag nagtalaklad sila sa Baal-perasim, kag didto ginpilas sila ni Dabid, kag nagsiling si Dabid: “Ginboong sang Dios ang akon mga kaaway tungud sa akon kamut, subung sang pagboong sang tubig *sang iya pangpang*.” Tungud sini ginhingalanan nila yadto nga duug nga Baal-perasim.

12 Kag gimbayaan nila didto ang *ila* mga dios, kag si Dabid nagsiling nga paglaglagon kag ginsunog nila sila sa kalayo.

13 Kag ang mga Pilistinhon naghilimo liwan sing lugus nga pagsulúd sa nalupyakan.

14 Kag si Dabid nagpamangkot liwan sa Dios, kag ang Dios nagsiling sa *iya*: “Dili ka magtaklad sa olehe nila; balik-ka nga magpalayô sa *ila*, kag magaabut ka batok sa *ila* sa atubangan sang mga kahoy nga Bakka;

15 Kag kon makabati ka sing linapaklapak sa tuyoktuyokan sang mga kahoy nga Bakka, niyan magagowa ka sa pagpakigaway; kay ang Dios naggowa na

sa atubangān nimo sa pagpilas sang dulugan sang mga Pilistinhon."

16 Kag ginhimo ni Dabid subung sang ginsogo sa iya sang Dios, kag ginpilas nila ang dulugan sang mga Pilistinhon kutub sa Gabaon tubtub sa Gesser.

17 Kag naglapnag ang kabantugan ni Dabid sa sadtong tanan nga mga kadutaan; kag ginbutang ni Iehoba ang kahadluk sa iya ngalan sa ibabaw sang tanan nga mga katawohan.

Ginapalitan ni Dabid ang kaban sa Ierusalem, kag ginapasunod niya liwan ang pag-alagdan nga diosnon.

**15** KAG naghimo sia sing mga baláy nga sa iya sa banwa ni Dabid, kag nag-aman sia sing isa ka duug nga sa kaban sang Dios, kag ginhumlad niya nga sa iya ang isa ka layanglayang.

2 Niyan nagsiling si Dabid: "Ang kaban sang Dios dili dapat pagdalhon sang iban kondi sang mga Lebinhon, kay ginpili sila ni Iehoba, agud nga magdala sila sang kaban ni Iehoba kag mag-alagad sa iya sa gihapon.

3 Kag gintipon ni Dabid ang bug-os nga Israel sa Ierusalem, sa pagpataklad sang arka ni Iehoba sa duug, nga ginaman niya sa iya.

4 Gintipon *man* ni Dabid ang mga inanak ni Aaron kag ang mga Lebinhon:

5 Sa mga anak ni Koat, si Uriel, ang pangolo, kag ang iya mga útud, isa ka gatus kag duha ka púlò;

6 Sa mga anak ni Merari, si Asaia, ang pangolo, kag ang iya mga útud, duha ka gatus kag duha ka púlò;

7 Sa mga anak ni Gerson, si Ioel, ang pangolo, kag ang iya mga útud, isa ka gatus kag katloan;

8 Sa mga anak ni Elisapan, si Semeia, ang pangolo, kag ang iya mga útud, duha ka gatus;

9 Sa mga anak ni Hebron, si Eliel, ang pangolo, kag ang iya mga útud, kawaloan;

10 Sa mga anak ni Usiel, si Amina-dab, ang pangolo, kag ang iya mga útud, isa ka gatus napulò kag duha.

11 Kag gintawag ni Dabid si Sadok kag si Abyatar, nga mga saserdote, kag ang mga Lebinhon, si Uriel, si Asaia, si

Ioel, si Semaia, si Eliel, kag si Amina-dab;

12 Kag nagsiling sia sa ila: "Mga pangolo kamo sang mga ginikanan sang mga Lebinhon: palakabalaan-kamo, kamo kag ang inyo mga útud, kag patak-laron-ninyo ang kaban ni Iehoba, nga Dios sa Israel, sa *duug nga gin-aman ko sa iya*;

13 Kay tungud nga walâ ninyo pagdalha sia sang úna, si Iehoba, nga aton Dios, naghimo sa tungâ naton sing kaboonan, tungud kay walâ naton sia pagpangitaa sono sang tulumanon.

14 Kag ang mga saserdote kag ang mga Lebinhon nagpalakabalaan sa ila kaugalingon sa pagpataklad sang kaban ni Iehoba, nga Dios sa Israel.

15 Kag gindalalâ sang mga anak sang mga Lebinhon ang arka sang Dios, sa ibabaw sang ila mga abaga, tungud sang mga yayongan sa ibabaw nila, subung sang ginsogo ni Moises, sono sa polong ni Iehoba.

16 Kag nagsiling si Dabid sa mga pangolo sang mga Lebinhon, nga magtukud sila sa ila mga útud sing mga manugkanta, nga may mga tulungon nga may mga salterio, kag mga arpa, kag mga apiping, nga magapalatunug sila, nga nagabalayaw sang tingug nga sa kasadyahan.

17 Gintukud sang mga Lebinhon si Heman, nga anak ni Ioel, kag sa tungâ sang iya mga útud, si Asap, nga anak ni Berekias, kag sa tungâ sang mga anak ni Merari, sa ila mga útud, si Etan, nga anak ni Kusaias;

18 Kag upud sa ila, sa ila mga útud, sa ikadua ka pasunod, si Sakarias, si Ben, si Iaaiel, si Semiramot, si Iehiel, si Uni, si Eliab, si Benai, si Maasias, si Matitias, si Elipele, si Miknias, si Obed-Edom kag si Iehiel, nga mga manugbantay sang gawang.

19 Kag ang mga manugkanta, si Heman, si Asap kag si Etan, may mga apiping nga tumbaga sila, nga nagapatunug sila.

20 Kag si Sakarias, si Iaasiel si Semiramot, si Iehiel, si Uni, si Eliab, si Maasias kag si Benaia, may mga salterio sila sa *paagi ni Alamot*:

21 Kag si Matitias, si Elipele, si Miknias, si Obed-Edom, si Iehiel kag si Asasias, may mga arpa sila sa *paagi ni*



Seminit, sa pagdumala sang kalantahon.

22 Kag si Kenanias, nga pangolo sang mga Lebinhon sa musika, nagdumala sang musika, kay mahibaloanon sia.

23 Kag si Berekias kag si Elkana, mga manugbantay sila sang gawang sang kaban.

24 Kag si Sobanias, si Iosapat, si Nataneel, si Amasias, si Sakarias, si Benaia kag si Elieser, nga mga saserdote, nagapalatunog sang mga budyong sa atubangan sang kaban sang Dios; kag si Obed-Edom kag si Iehias mga manugbantay sila sang gawang sang arka.

25 Si Dabid kag ang mga tigulang sa Israel kag ang mga pangolo sang mga lini-bo, nagkaladto sa pagpataklad sang kaban sang katipan ni Iehoba gikan sa baláy ni Obed-Edom nga may kasadya.

26 Kag nahanabu, sang ginabuligan sang Dios, ang mga Lebinhon nga nagadalalá sang kaban sang katipan ni Iehoba, naghalalad sila sing pito ka tinday nga lalaki sang baka kag pito ka karnero.

27 Kag si Dabid nagpanaput sang panapton nga lino nga manipis, subung man ang tanan nga mga Lebinhon, nga nagdalalá sang kaban, kag ang mga manugkanta, kag si Kenanias, nga pangolo sang musika, nga nagkalanta. Nagdalalá *man* si Dabid sa ibabaw niya sing isa ka epod nga lino.

28 Kag ginpataklad sang bug-os nga Israel ang kaban sang katipan ni Iehoba, nga may hilinguyaw kag sa tunog sang mga sungay, mga budyong kag mga apiping, nga nagapatunug sang mga salterio kag sang mga arpa.

29 Kag sang pagsulúd sang kaban sang katipan ni Iehoba sa banwa ni Dabid, si Mikal, nga anak nga babae ni Saul, naggowa sa talambuan, kag nakita niya ang hari nga si Dabid, nga nagalumpat sa kalipay kag nagahampang, kag gintamay niya sia sa iya tagiposoon.

**16** KAG gindalalá nila ang kaban sang Dios, kag ginpahamtang nila sia sa tunga sang layanglayang, nga ginhumlad ni Dabid nga sa iya; kag naghalalad sila sang mga halad nga sinunog kag mga halad sa paghidaet sa atubangan sang Dios.

2 Kag sang pagkatapus ni Dabid sa paghalad sang mga halad nga sinunog

kag sang mga halad sa paghidaet, ginpakamaayo niya ang banwa sa ngalan ni Iehoba.

3 Kag ginpanagtag niya sa bug-os nga Israel, sa mga lalaki subung man sa mga babae, sa tagsatagsa, ang isa ka torta nga tinapay, ang isa ka gulut nga unud, kag isa ka tinapay *sang ubas nga binulad*.

4 Kag ginbutang niya sa atubangan sang kaban ni Iehoba ang mga Lebinhon sa paghimo sang pag-alagdan, agud nga magpalanumdum kag magdalayaw sila kag magolog sila kay Iehoba, nga Dios sa Israel:

5 Si Asap, ang pangolo, kag si Sakarias, ang ikaduha sa olehe niya; si Ieiel, si Semiramot, si Iehiel, si Matitias, si Eliab, si Benaia, si Obed-Edom kag si Iehiel, nga may mga tulungan nga mga salterio kag mga arpa; kag si Asap nagapatunog sang mga apiping.

6 Kag ang mga saserdote nga si Benaia kag si Iahasiel *nagpatunug* sing dayon nga may mga budyong, sa atubangan sang kaban sang katipan sang Dios.

#### Kalantahon ni Dabid.

7 Niyan, sa sadtong adlaw, sa naha-una ginbutang ni Dabid ang tulin sa pagdayaw kay Iehoba sa kamut ni Asap kag sang iya mga útud:

8 "Dayawa-ninyo si Iehoba, tawga-ninyo ang iya ngalan:

Ipakilala-ninyo ang iya mga binuhatan sa mga katawohan.

9 Kantahi-ninyo sia, kantahi-ninyo sia sing mga alambahanon;

Halambal-kamo sang tanan niya nga mga kalatingalahan.

10 Paghilimaya-kamo sa iya balaan nga ngalan;

Magkalipay ang tagiposoon sang nagapalangita kay Iehoba.

11 Pangitaa-ninyo si Iehoba kag ang iya kabakuran,

Pangitaa-ninyo sa gihapon ang iya nawung.

12 Panumduma-ninyo ang iya mga kalatingalahan nga ginhimo niya: Ang iya mga kalatingalahan, kag ang mga katadlungan sang iya babâ,

13 Oh kamo, kaliwatan ni Israel, nga iya alagad,

- Kamo nga mga anak ni Iakob, nga iya mga pinili.
- 14 Sia amo si Iehoba, nga aton Dios: Sa bug-os nga duta amo ang iya paghukom.
- 15 Palanumdum-kamo sang iya katippan sa gihapon, Sang polong nga ginsogo niya nga sa linibolibo ka kaliwatan ;
- 16 Sang katipan nga ginhimo niya kay Abraham, Kag sang iya ginsumpa kay Isaak.
- 17 Kag gintukud niya sia kay Iakob nga palatukuran, Kay Israel nga walay katubtuban nga katipan,
- 18 Nga nagasiling: Sa imo pagai-hatag ko ang duta nga Kanaan, Nga bahin sang inyo panublion ;
- 19 Sang kamo diyotay pa lamang nga mga tawo sa kadamuon, Diyotay gid kag mga dumuluong sa iya.
- 20 Kag sang naglalakat sila sa katawohan kag sa katawohan, Sa isa ka ginharian pa isa ka banwa,
- 21 Walâ niya pagitugut, nga ang bisan sin-o nga tawo magpakalisud sa ila ; Kag bangud sa ila ginsabdong niya ang mga hari,
- 22 Nga nagasiling: indi ninyo pagtandugon ang akon mga hinaplas, Bisan paghimoan ninyo sing kalainan ang akon mga manalagna.
- 23 Pag-ambahan-kamo kay Iehoba, bug-os nga duta ; Ibantala-ninyo sa adlawadiaw ang iya kaluwasan.
- 24 Isugid-ninyo sa tungâ sang mga katawohan ang iya himaya, Sa tanan nga mga banwa, ang iya mga kalatingalahan.
- 25 Kay daku si Iehoba, kag takus gid sang labing daku nga pagdayaw, Makahaladluk sia labi sa tanan nga mga dios.
- 26 Kay ang tanan nga mga dios sang mga katawohan mga larawan ; Apang si Iehoba ang naghimo sang mga langit.
- 27 Ang kadunganan kag ang pagkahalangdon yara sa atubangan niya ; Ang kabaskug kag kalipay yara sa iya duug.

- 28 Hatagi ninyo si Iehoba, oh mga panimalây sang mga katawohan, Hatagi ninyo si Iehoba sang himaya kag sang kalig-unan.
- 29 Hatagi si Iehoba sang himaya, nga nagakaigo sa iya ngalan : Dalalâ-kamo sing mga halad, kag sulûd-kamo sa atubangan niya ; Layaub-kamo sa atubangan ni Iehoba sa kagayonan sang iya pagkabalaan.
- 30 Magkurug, bug-os nga duta, sa iya atubangan ; Yari karon ang kalibutan napaligon kag indi mationg.
- 31 Magkaiasadya ang mga kalangitan, kag magkalipay ang duta, Kag magsililing sa tungâ sang mga katawohan : Nagahari si Iehoba.
- 32 Magngurub ang dagat, kag ang iya kabug-osan ; Magkasadya ang latagon kag ang tanan nga yara sa iya.
- 33 Niyang tanan nga mga kahoy, sa kagulangan magahulugyaw sa atubangan ni Iehoba, Kay nagakari sia sa paghukom sang duta.
- 34 Dayawa-ninyo si Iehoba, kay maayo sia : Kay amo sa gihapon ang iya kalooy.
- 35 Kag isiling ninyo : Luwasa kami, oh Dios, nga kaluwasan namon, Kag tipuna kami kag bawia kami sa mga katawohan, Agud nga dayawon namon ang imo balaan nga ngalan, Kag nga maghilimaya kami sa mga pagdayaw sa imo.
- 36 Dalayawon si Iehoba, nga Dios sa Israel, sa walay katapusan kag sa walay katapusan.”
- Kag nagsiling ang bug-os nga banwa: “Kabay pa,” kag nagdayaw sia kay Iehoba.
- Ang Puluy-an sang kahanayakan nabilin sa Gabaon.
- 37 Kag ginbayaan ni Dabid didto, sa atubangan sang kaban sang katipan ni Iehoba, si Asap kag ang iya mga útud, agud nga mag-alagad sila sing dayon sa atubangan sang kaban, sang tagsa ka butang sa iya adlaw.
- 38 Kag si Obed-Edom kag ang iya



mga útud, kan-uman kag walo sila, si Obed-Edom, nga anak ni Iedutun, kag si Hosa nanġinmanugbantay sila sang gawang.

39 Kag *giutukud* niya si Sadok, nga saserdote, kag ang iya mga útud, nga mga saserdote, sa atubangan sang puluyan ni Iehoba, sa mataas nga duug nga yadto sa Gabaon,

40 Agud nga maghalalad sila sing mga halad nga sinunog kay Iehoba, sa ibabaw sang halaran sang mga halad nga sinunog sing dayon gid sa aga kag sa hapon, kag sono sa tanan nga nasulat sa kasogon ni Iehoba, nga iya ginsogo kay Israel.

41 Kag upud sa ila si Heman kag si Iedutun, kag ang iban nga mga *Lebinhon* nga pinili, nga mga ginpamat-inan sono sang ila nga ngalan, sa paghimaya kay Iehoba, kay amo sa gihapon ang iya kalooy;

42 Kag upud sa ila si Heman kag si Iedutun, nga may mga budyong kag mga apiping nga sa mga nagapatunog sa *ila patí* sang iban nga mga tulungan sa musika sang Dios; kag ang mga anak ni Iedutun yara sila sa mga gawang.

43 Kag ang bug-os nga banwa nagpakadto, ang tagsatagsa sa iya baláy; kag si Dabid nagpauli sa pagpakamaayo sang iya baláy.

Ang Dios wala nagatugot nga si Dabid magpatindug sa iya sing Simbahan.—Ang ginharian nga dayon ginapanaad sa balay ni Dabid.

**17** KAG, sang nagalingkod si Dabid sa iya baláy, nahanabu nga nagsiling si Dabid sa manalagna nga si Natan: “Yari karon nga ako nagapuyô sa isa ka baláy nga sedro, kag ang kaban sang katipan ni Iehoba sa idalum sang mga kumbung.”

2 Kag si Natan nagsiling kay Dabid: “Himoa ang tanan nga yara sa imo tagipsoon, kay ang Dios upud sa imo.”

3 Kag nahanabu sa sadto gid nga gab-i, nga ang polong sang Dios nagabut kay Natan, nga nagasiling:

4 “Lakat-ka kag isiling kay Dabid, nga akan alagad: Amo ini ang ginasing ni Iehoba: Indi amo ikaw ang magapatindug sang baláy nga akan pagapuy-an;

5 Kay walâ ako magpuyô sa isa ka baláy kutub sang adlaw nga ginpataklad

ko ang mga inanak ni Israel *gikan sa Egipto* tubtub karon; kondi nga naglakat ako sa layanglayang kag sa layanglayang, kag sa isa ka puluy-an pa isa ka puluy-an.

6 Sa tanan nga *duug* nga ginlaktan ko upud sang bug-os nga Israel, ¿naghambal bala ako sing polong sa isa sang mga hukom sa Israel, nga sa iya nagsogo ako, nga pahalbon niya ang akan banwa, nga nagasiling: ¿Kay nga bala walâ ninyo ako pagpatindugi sang isa ka baláy nga sedro?

7 Busa karon igapamolong mo sa akan alagad nga si Dabid: Amo ining ginasing ni Iehoba sang Sebaot: Ako nagkuha sa imo sa halalban nga sa nagasuud ka sang mga obeha, agud nga manginmanugdumala ka sang akan banwa nga Israel;

8 Kag yara ako upud sa imo sa tanan nga *duug* nga imo ginlaktan, kag sa atubangan mo ginpanġutúd ko ang tanan nga imo nga kaaway, kag ginhimo ko ang isa ka ngalan sa imo, subung sang ngalan sang mga kadalagkuan nga yara sa duta.

9 Kag nagpahamtang ako sing *duug* sa akan banwa nga Israel, kag ako nagtanum sa iya, kag nagpuyô sia sa iya *duug*, kay indi na gid sia pagagamohon; kag ang mga anak sang pagkamalalison indi na magapadayon sa pagupúd sa iya, subung sang sa ginsuguran,

10 Kag kutub sang mga adlaw nga ginbutangan ko sing mga hukom ang akan banwa nga Israel. Kag ginpaubus ko ang tanan mo nga mga kaaway, kag nagpahibalo ako sa imo, nga si Iehoba magapatindug sa imo sing baláy.

11 Kag mahanabu nga, kon ang imo mga adlaw matuman na nga sa pagpakadto mo upud sa imo nga ginikanan, ako magabangon sang imo kaliwatan sa olehe nimo, nga sia mangin sa imo nga anak, kag pagapalig-onon ko ang iya ginharian.

12 Sia magapatindug sa akan sing baláy kag ako magapalig-on sa gihapon sang iya lingkoran nga harianon.

13 Ako manginamay niya, kag sia manginanak ko; kag indi ko pagakuhaon sa iya ang akan kalooy, subung nga ginkuha ko ini sa sadtong nanġinauna sa imo;

14 Apang pagatukuron ko sia sa akan baláy kag sa akan ginharian sa gihapon;

kag ang iya lingkoran nga harianon manginmalig-on sa gihapon."

15 Sono sa sining tanan nga mga polong, kag sono sa sining tanan nga palanan-awon, amo ining ginhambal ni Natan kay Dabid.

16 Kag ang hari nga si Dabid nagsulud kag naglingkod sa atubangan ni Iehoba, kag nagsiling: "Iehoba nga Dios, ¿si sin-o ako bala kag ano ang akon baláy, agud nga pagdalhon mo ako tubtub diri?"

17 Kag ini naninginbutang pa nga diyotay sa imo mga mata, oh Dios; naghambal ka man nahanungud sang baláy sang imo alagad nga sa malayô nga dag-on, kag gintulok mo ako subung sang mga tawo, ikaw nga sa mga mataas nga duug amo si Iehoba nga Dios.

18 ¿Ano pa bala ang igapadayon ni Dabid sa pagsiling sa imo nahanungud sang himaya nga imo *ginhatag* sa imo alagad? Kay ikaw nakakilala sa imo alagad.

19 Oh Iehoba, bangud sang imo alagad, kag sono sang imo tagiposoon, ginhimo mo ining tanan nga pagkadaku sa pagpahibalo sa iya sining tanan nga dalagku nga mga butang.

20 Iehoba, walâ sing sin-o nga subung sa imo, bisan may Dios luwas sa imo, sono sang tanan nga amon nabatian sa amon mga idulungug.

21 ¿Kag sin-o bala subung sang imo banwa nga Israel, katawohan nga bugtong sa duta, nga ang Dios nagkari sa pagtubus nga sa iya, agud nga manginbanwa niya, kag agud nga makahimo sa imo sing ngalan, tungud sang mga butang nga dalagku kag makahaladluk, nga nagatabog sang mga katawohan sa atubangan sang imo banwa, nga imo gintubus sa Egipto?

22 Kag ginpatindug mo ang imo banwa nga Israel nga banwa mo sa gihapon; kag ikaw, Iehoba, nanġiniya Dios.

23 Busa karon, Iehoba, ang polong nga imo ginhambal nahanungud sa imo alagad kag nahanungud sa iya baláy, magmalig-on sa gihapon, kag himoa sono sang imo ginhambal;

24 Nga magmalig-on sia, agud nga ang imo ngalan magmangindaku sa gihapon, nga nagasiling: Si Iehoba sang Sebaot, ang Dios ni Israel, among Dios nga sa Israel; kag nga ang baláy

sang imo alagad nga si Dabid magmalig-on sa atubangan mo.

25 Kay ikaw gid, Dios ko, ginpahayag mo sa imo alagad, nga pagapatindugan mo sia sing baláy; tungud sini nakakita ang imo alagad sing pangamuyo sa paghimo sa imo atubangan.

26 Kag karon, Iehoba, ikaw amo ang Dios, kag ikaw nagpanaad sa imo alagad sining kaayohan.

27 Kag karon, kahamut-i ang pagpakamaayo sang baláy sang imo alagad, agud nga magpadayon sia sa atubangan mo sa gihapon; kay ikaw, Iehoba, ang ginapakamaayo mo, ginpapakamaayo sia sa gihapon."

Mga pagdaug ni Dabid sa ibabaw sang mga Pilistinhon, sang mga Moabinhon, sang mga Siriatanion, kag sang mga Iduminhon.—Ang iya mga tululinan nga mga pangolo.

**18** KAG sa tapus sini, nahanabu, nga ginpilas ni Dabid ang mga Pilistinhon, kag ginpasakup sila niya; kag ginkuha niya ang Gat kag ang iya mga minoro sa kamut sang mga Pilistinhon.

2 Kag ginpilas niya ang Moab, kag ang mga Moabinhon nanġinsinasakup ni Dabid, nga nagadalalá sila sa iya sing mga dólót.

3 Kag ginpilas ni Dabid si Adareser, nga hari sa Soba, nayan sa Hamat, sang nagkadto sia sa pagbutang sang iya kamut sa ibabaw sang subâ nga Euprates,

4 Kag si Dabid nagkuha sa iya sing isa ka libo ka kanga, kag pito ka libo ka mga manugkabayo, kag duha ka púlô ka libo ka tawo nga mga nagalalakat; kag ginkitinan ni Dabid ang mga kabayo sang tanan nga mga kanga; apang ginhawiran niya sa ila ang mga kabayo nga sa isa ka gatus ka kanga.

5 Kagnag-alabut ang mga Araminhon gikan sa Damasko sa pagbulig kay Adareser, nga hari sa Soba, kag ginpilas ni Dabid sa mga Araminhon, duha ka púlô kag duha ka libo ka tawo.

6 Kag si Dabid nagbutang sing mga soldado nga bantay sa Aram sa Damasko, kag ang Aram nanġinsakup ni Dabid, nga nagadalá sila sing mga dólót sa iya. Kag ginluwas ni Iehoba si Dabid sa bisan diin nga magkadto sia.

7 Kag ginkuha ni Dabid ang mga taming nga bulawan, nga ila sadto sang



mga alagad ni Hadareser, kag ginpadalá niya sila sa Ierusalem.

8 Kag sa Tibet kag sa Kun, nga mga kabanwaan ni Hadareser, ginkuha ni Dabid ang madamu gid nga tumbaga, nga sa iya ginhimo ni Salomon ang dagat nga tumbaga, ang mga haligi kag ang mga gamit nga tumbaga.

9 Kag si Tou, nga hari sa Hamat, nakabati nga si Dabid nagpilas sang bug-os nga kasoldadosan ni Hadareser, nga hari sa Soba ;

10 Kag ginpadalá niya si Hadoram, nga iya anak, sa hari nga si Dabid, sa pag-abiabi sa iya, kag sa pagpakamaayo sa iya, tungud kay nakigaway sia batok kay Hadareser kag iya ginpilas ; kay si Tou nag-away gihapon batok kay Hadareser. *Kag gindalá ni Hadoram* ang tanan nga mga nagakalainlain nga mga suludlan nga bulawan, nga pilak kag nga tumbaga.

11 Ini sila ginhalad man sang hari nga si Dabid kay Iehoba, upud ang pilak kag bulawan nga gindalá niya gikan sa tanan nga mga katawohan, sa Edom, sa Moab, sa mga inanak ni Amon, sa mga Pilistinhon kag sa Amalek.

12 Kag si Abisai, nga anak ni Seruia, nagpilas sang Edom sa nalupyakan sang Asin sa *isip* sang napúlô kag walo ka libo ka tawo.

13 Kag ginbutang niya sing mga soldado nga bantay sa Edom, kag ang bug-os nga Edom nanginsakup ni Dabid. Kag ginluwas ni Iehoba si Dabid sa bisan diin nga magkadto sia.

14 Kag si Dabid naghari sa ibabaw sang bug-os nga Israel, kag ginhimo niya ang katadlungan kag katarungan sa bug-os niya nga banwa.

15 Kag si Ioab, nga anak ni Seruia, amo ang pangolo sang kasoldadosan ; kag si Iosapat, nga anak ni Ahitub, mangsulat sang mga Kronika ;

16 Kag si Sadok, nga anak ni Ahitub, kag si Abimelek, nga anak ni Abyatar, amo ang mga saserdote ; kag si Sabsa, eskriba ;

17 Kag si Benaia, nga anak ni Ioiada, among *tululinan* sang mga Keretinhon kag mga Peletinhon ; kag ang mga anak nga lalaki ni Dabid among mga nahauna sa luyo sang hari.

Ang hari sang mga Amoninhon nagapasipala sang mga manugkagon ni Dabid.—Pag-alaplaag sang mga Amoninhon kag sang iya mga kadampig.

19 KAG sa tapus sini nahanabu, nga namatay si Naas, nga hari sang mga inanak ni Amon, kag naghari nga salili niya ang iya anak.

2 Kag nagsiling si Dabid : “Ako magakalooy kay Hanun, nga anak ni Naas, subung nga ang iya amay nagkalooy man sa akon.” Kag ginpadalá ni Dabid ang mga manugbalita sa paglipay sa iya tungud sang iya amay. Kag ang mga alagad ni Dabid nag-alabut sa duta sang mga inanak ni Amon, kay Hanun, sa paglipay sa iya.

3 Kag ang mga pangolo sang mga inanak ni Amon nagsililing kay Hanun : “¿Sa imo mga mata bala nga sa pagpadungug sa imo amay, nga si Dabid nagpadalá sing mga manuglipay sa imo? ¿Indi bala nga sa pugusisa sang *banwa*, kag sa paglaglag sa iya kag sa pagsaladsad sang duta, nga nagkalari ang iya mga alagad sa imo?”

4 Kag gindakup ni Hanun ang mga alagad ni Dabid, kag ginpaalutan niya sila, kag ginpautdan niya ang ila mga panapton sa katungâ tubtub sa mga balikawang, kag ginpalakat niya sila.

5 Kag nag-alabut ang mga tawo sa pagsugid nahanungud sadtong mga lalaki sa kay Dabid, kag nagpadalá sia sa pagsugata sa ila, kay ini nga mga tawo nagkalahuya sing tama gid ; kag nagsiling sa ila ang hari : “Magpalabilin-kamo sa Ieriko tubtub nga magtúbô ang inyo bungut, kag ugaling magpalauli kamo.”

6 Kag nakita sang mga inanak ni Amon nga nangindinumtan sila ni Dabid, kag si Hanun kag ang mga inanak ni Amon nagpadalá sing isa ka libo ka talanton nga pilak nga sa inogsolah sing mga kanga kag sing mga manugkabayo sa Aram-Naharaim, kag sa Aram-Maaka kag sa Soba.

7 Kag nagsolah sila sang katloan kag duha ka libo ka mga kanga, kag sa hari sa Maaka patí ang iya banwa, nga sila nag-alabut kag nagbutang sing dulugan sa atubangan sang Medeba. Kag nagtilipon ang mga inanak ni Amon gikan sa ila mga kabanwaan, kag nag-alabut sila sa pag-awayan.

8 Sang pagkahibalo sini ni Dabid,

ginpadalá niya si Ioab upud ang bug-os nga kasoldadosan, ang mga maisug nga mga tawo.

9 Kag naggulowa ang mga inanak ni Amon, kag nagpalasunud sila nga sa pagpakig-awayan sa salamputan sang banwa; kag ang mga hari nga nag-alabut, nga didto sila pumahamtang sing pain sa latagon.

10 Kag nakita ni Ioab nga may *duha ka* naatubangan nga alawayon batok sa iya, sa atubangan kag sa likod, kag nagpili sia sa tanan nga mga pinili sa Israel, kag nagpasunud sia sa ila batok sa mga Araminhon.

11 Kag ang nabilin sang banwa gintugyan niya sa kamut ni Abisai, nga iya útud, kag ginpasunud niya sia, batok sa mga inanak ni Amon.

12 Kag nagsiling sia sa iya: "Kon ang mga Araminhon manginlabin mabakud sa akon, ikaw magaluwas sa akon; apang kon ang mga inanak ni Amon manginlabin mabakud sa imo, ako magaluwas sa imo.

13 Pagpakabakud-ka, kag magpakalalaki-kita tungud sang aton banwa, kag tungud sang mga banwa sang aton Dios, kag kabay pa nga himoon ni Iehoba ang ginapakamaayo sa iya mga mata."

14 Kag nagpalapit si Ioab, kag ang banwa nga yara upud sa iya, sa pagpakigaway batok sa mga Araminhon; apang sila nagpalalagyo sa atubangan niya.

15 Kag ang mga inanak ni Amon, sang pagkakita nila nga ang mga Araminhon nagpalalagyo, nagpalalagyo man sila sa atubangan ni Abisai, nga iya útud, kag nagsululúd sila sa banwa. Kag si Ioab nagsulúd sa Ierusalem.

16 Kag sang pagkakita sang mga Araminhon nga ginpandaug sila sa atubangan ni Israel, nagpaladalá sila sing mga manugbalita, kag ginpagowa nila ang mga Araminhon, nga yadto sa tabok sang subâ, kag si Sopak, nga pangolo sang kasoldadosan ni Hadareser, sa atubangan nila.

17 Kag ginpahibalo ini kay Dabid, nga gintipon niya ang bug-os nga Israel, kag nagtabok sia sang Iordan, kag nag-abut sa ila kag nagpasunud batok sa ila. Kag ginpasunud ni Dabid nga sa pagpakigawayan batok sa mga *tinawo* ni Aram, kag nag-alaway sila batok sa iya.

18 Apang ang Aram nagpalagyo sa atubangan ni Israel; kag ginpatay ni Dabid sa mga Araminhon ang *mga tinawo* sang pito ka libo ka mga kanga kag kap-atan ka libo ka tawo nga nagalalakat, kag ginpatay niya si Sopak, nga pangolo sang kasoldadosan.

19 Kag nakita sang mga alagad ni Hadareser, nga ginpandaug sila sa atubangan sang Israel, kag naghilimo sila sing paghidaet kay Dabid, kag nagpala-sakup sila sa iya. Kag ang Aram indi na baut inagbulig sa mga inanak ni Amon.

**20** KAG nahanabu nga, sa pagbalik sang tuig, sa dag-on nga nagagulowa ang mga hari sa *pag-awayan*, nga gindalá ni Ioab ang mga kasoldadosan, kag ginhapay niya ang duta sang mga inanak ni Amon, kag nagkadto sia kag naglibot sa Raba; spang si Dabid nabilin sa Ierusalem. Kag ginpilas ni Ioab ang Raba, kag ginlaglag niya sia.

2 Kag ginkuha ni Dabid ang purung-purung sang ila hari sa ibabaw sang iya olo, kag nakita niya nga ang iya timbang among isa ka talanton nga bu-lawan, kag may yara sa iya nga mga matahum nga mga bató; kag ginbutang sia sa ibabaw sang olo ni Dabid; kag nagdalá sia sing tama ka bugana nga inagaw gikan sa banwa.

3 Nahanungud sang banwa nga yara sa iya, ginpagowa niya sia, kag ginutúd niya sila sang mga lagari, kag sang mga pakalas nga salsalon kag sang mga wasay. Kag amo man ang ginhimo ni Dabid sa tanan nga mga banwa sang mga inanak ni Amon. Kag si Dabid nagbalik upud sang bug-os nga banwa sa Ierusalem.

Iban nga mga pagdaug sa mga Pilistinhon.

4 Sa tapus sini ginbangon ang inaway sa Geser batok sa mga Pilistinhon. Niyan ginpilas ni Sibkai, nga Husatinhon, si Sipai, nga isa sang mga anak sang layug, kag ginpandaug sila.

5 Kag may isa pa ka pagilinaway batok sa mga Pilistinhon. Kag si Elkanan, nga anak ni Iair, nagpilas kay Lami, nga útud ni Goliat, nga Gitinhon, nga ang olongan sang iya bangkaw subung sang isa ka likisan sang mga manughabol.

6 Kag may isa pa ka pagilinaway sa Gat, nga didto may isa ka tawo nga ma-



taas gid nga may anum sia ka tudlo sa *tagsa ka kamut* kag anum sa *tagsa ka tiil*, duha ka pulô kag apat sa *kabilogan*, nga sia man natawo sa layug.

7 Kag tungud kay ginhiikayan niya ang Israel, si Ionatan, nga anak ni Si-ma, nga útud ni Dabid, nagpilas sa iya.

8 Ini sila nagkalatawo sa layug, sa Gat; kag nagkalapukan sila sa kamut ni Dabid kag tungud sa kamut sang iya mga alagad.

Pagisip sang banwa; kamatay sa Israel.

**21** APANG si Satanas nagtindug ba-tok sa Israel, kag ginsugyot niya si Dabid nga pagisipon niya ang Israel.

2 Kag nagsiling si Dabid kay Ioab kag sa mga dunganon sang banwa: "Lakat kamo, isipa-ninyo ang Israel, kutub sa Beer-seba tuhtub sa Dan, kag isugid-ninyo sa akon, agud nga mahibaloan ko ang kadamuon."

3 Kag nagsiling si Ioab: "Kabay pa nga si Iehoba magdugang sa iya banwa sing ginatus ka tagginatus sang iya kadamuon. ¿Indi bala ang tanan, ginoo ko, nga hari, mga alagad sang akon ginoo? ¿Kay nga bala nagahimulat ang akon ginoo sini? ¿Kay nga bala mangin-takus sang silot si Israel sini?"

4 Kag ang sogo sang hari naglabaw kay Ioab. Kag si Ioab naggowa, kag naglibot sa bug-os nga Israel; ugaling nagbalik sia sa Ierusalem.

5 Kag naghatag si Ioab sang isip sang kadamuon sang banwa kay Dabid: sa bug-os nga Israel may isa ka laksa kag isa ka gatus ka libo ka mga tawo nga nagakaput sang hinganiban, kag sa Iuda apat ka gatus kag kapitoan ka libo nga mga nagakaput sang hinganiban.

6 Sa ila sini walâ pagpangisipa ang Lebi, bisan ang Benyamin, kay ining po-long sang hari kangil-aran kay Ioab.

7 Kag ini malaut sa mga mata sang Dios, kag ginpilas niya ang Israel.

8 Kag nagsiling si Dabid sa Dios: "Nakasalâ ako sing daku gid sa paghimo sini: ginaampo ko nga paligara ang kalautan sang imo alagad, kay ako naghi-mo sing kabuang gid."

9 Kag si Iehoba naghambal kay Gad nga manugtuluk ni Dabid, nga naga-siling:

10 "Lakat-ka kag ihambal kay Da-bid, kag isiling sa iya: Amo ining gi-

nasiling ni Iehoba: Tatlo ka mga bu-tang ginapaatubang ko sa imo; pili-ka sing isa sa ila, nga pagahimoon ko sa imo."

11 Kag sang nag-abut si Gad kay Da-bid, nagsiling sia sa iya: "Amo ining ginasing ni Iehoba:

12 Batona nga sa imo, ang tatlo ka tuig nga gutum, kon ang paglaglag, sa tatlo ka bulan, sa atubangan sang imo mga kasumpung nga malambut ka sang hinganiban sang imo mga kaaway, kon ang kampilan ni Iehoba kag ang kinamatay sang duta sang *Israel*, sa tatlo ka adlaw, nga ang manugtunda ni Iehoba maglaglag sa bug-os nga kadutaan. Kag karon mulalunga, kon ano ang pagai-sabat ko sa nagpadalâ sa akon."

13 Kag si Dabid nagsiling kay Gad: "Yari ako sa daku nga kalilisdan: naga-ampo ako, nga ako maholog sa kamut ni Iehoba, kay ang iya mga kahinoklog madamu gid, kag nga indi ako maholog sa kamut sang mga tawo."

14 Kag ginpadalâ ni Iehoba ang kinamatay sa Israel, kag nagkalapukan sa Israel kapitoan ka libo ka tawo.

15 Kag ginpadalâ ni Iehoba ang manugtunda sa Ierusalem sa paglaglag sa iya; kag sang nagalaglag sia, gintulok ni Iehoba, kag naghinulsul sia sa tlong kalainan, kag nagsiling sia sa manugtunda nga nagalaglag: "Tuman na: pungi ang imo kamut." Kag ang manugtunda ni Iehoba nagdulog sa luyo sang linasan ni Ornan nga lebusinhon.

16 Kag ginbayaw ni Dabid ang iya mga mata, kag nakita niya ang manugtunda ni Iehoba, nga yara sa tungâ sang langit kag sang duta, nga may isa ka hinganiban nga ginabut sa iya kamut, nga nauntay sa ibabaw sang Ierusalem. Kag si Dabid kag ang mga tigulang naghalapa sila nga mga naputus sing mga panapton sa lalaw.

17 Kag si Dabid nagsiling sa Dios: "¿Indi bala ako ang nagpaisip sang banwa? Ako gid amo ang nakasalâ, kag sa pagkamatuud gid, ginhimo ko ang mala-in; kag inang mga obaha, ¿anong ginhi-mo nila? Iehoba, nga akon Dios, ang imo kamut manginbatok sa akon karon kag batok sa balâ sang akon amay, kag indi na paghimo ang kalalat-an sa tungâ sang imo banwa."

18 Kag ang manugtunda ni Iehoba nagsogo kay Gad, nga magsiling sia.

kay Dabid, nga magtaklad si Dabid sa pagpatindug sing isa ka halaran kay Iehoba sa linasan ni Ornan, nga Iebusinhon.

19 Kag si Dabid nagtaklad sono sa polong ni Gad, nga ginmitlang niya sa ngalan ni Iehoba.

20 Kag sang bumalikid si Ornan, nakita niya ang manugtunda kag nagpalanago sila, sia kag ang iya apat ka anak upud sa iya. Kag si Ornan nagalinang sang trigo.

21 Kag nag-abut si Dabid kay Ornan; kag nagtulok si Ornan, kag nakita niya si Dabid, kag naggow sa sia sa linasan kag naghapa sa atubangan ni Dabid.

22 Kag nagsiling si Dabid kay Ornan: "Ihatag sa akon *ini* nga duug sang linasan, agud nga sa iya magpatindug ako sang isa ka halaran kay Iehoba; ihatag mo sia sa akon sa iya nagakaigo nga bili, agud nga maguntat ining kalalat-an gikan sa ibabaw sang banwa.

23 Kag si Ornan nagsiling kay Dabid: "Kuhaa sia nga sa imo, kag maghimo ang akon ginoo nga hari, sang minamaayo sa iya mga mata. Yari karon, magahatag ako sining mga baka nga sa halad nga sinunog, kag sang mga ligis nga inuglinas nga sa gatong, kag sang trigo nga sa halad nga kalan-on: ako nagahatag sining tanan."

24 Kag ang hari, nga si Dabid, nagsiling kay Ornan: "Indi, kondi nga buut ako magbakal sa bug-os nga bili; kay indi ako magabaton nga kay Iehoba sang imo, bisan magahalad ako sang halad nga sinunog, nga walâ gid sing bili sa akon."

25 Kag ginhatag ni Dabid kay Ornan tungud sining duug anum ka gatus ka siklo nga bulawan nga tinimbang.

26 Kag nagpatindug didto si Dabid sang isa ka halaran kay Iehoba, kag sa iya naghalad sia sang mga halad nga sinunog kag sang mga halad sa paghidaet; kag nagtawag sia kay Iehoba, nga nagsabat sa iya tungud sa kalayo gikan sa mga langit sa halaran sang halad nga sinunog.

27 Kag naghambal si Iehoba sa manugtunda, kag gintagub niya ang iya hinganiban.

28 Sa sadtong panag-on, sang nakita ni Dabid nga ginpamhatian sia ni Iehoba sa linasan ni Ornan, nga Iebusinhon, naghalad sia didto.

29 Ang Puluy-an ni Iehoba nga ginhimo ni Moises sa kahanayakan, kag ang halaran sang mga halad nga sinunog, yadto, sa sadtong panag-on, sa mataas nga duug sa Gabaon.

30 Kag si Dabid walâ makasarang sa pag-atubang sa sini nga halaran sa pagpangita sa Dios, kay nalisang sia bangud sang hinganiban sang manugtunda ni Iehoba.

Mga gin-aman ni Dabid nga sa pagpatindug sang Simbahan.

**22** KAG nagsiling si Dakid: "Diri gid *patindugon* ang Baláy ni Iehoba nga Dios, kag diri ang halaran sang mga halad nga sinunog nga sa Israel.

2 Kag nagsogo si Dabid, nga magtilipon ang mga dumuluong nga yara sa duta sa Israel, kag nagtukud sia sing mga manugbasbas sang *bató*, nga magbalasbas sila sang mga bató nga binasbasan sa pagpatindug sang Baláy sang Dios.

3 Kag naghanda si Dabid sang madamu nga salsalon nga sa mga lansang, nga sa mga panid sang mga gawang, kag nga sa mga ginkitaan kag sing tumbaga nga tama ka bugana, nga walay timbang, kag kahoy nga sedro nga walay isip;

4 Kay ang mga Sidoninhon kag ang mga Tirohanon nagdalalâ kay Dabid sang kahoy nga sedro sa kabugana.

5 Kay nagsiling si Dabid: "Si Salomon, nga akon anak, bátâ kag linghod pa, kag ang baláy nga inugpatindug kay Iehoba dapat nga nannginmataas gid sa kabantugan kag sa himaya sa tanan nga mga duta; busa karon, ako magamaan sa iya sing mga aman. Kag ginhimo ni Dabid ang mga aman sa kabugana sa walâ pa sia mapatay.

6 Kag gintawag ni Dabid si Salomon, nga iya anak, kag ginsogo niya sia nga magpatindug sia sang baláy kay Iehoba nga Dios sa Israel.

7 Kag nagsiling si Dabid kay Salomon: "Anak ko, sa akon tagiposoon naghuput ako sa pagpatindug sang Simbahan sa ngalan ni Iehoba, nga akon Dios.

8 Apang nag-abut sa akon ang polong ni Iehoba, nga nagsiling: "Ikaw nagula sang madamu nga dugo, kag nag-



himo ka sing dalagku nga mga paginaway; dili ka magapatindug sang Baláy sa akon ngalan, kay nagula ka sang madamu nga dugo sa duta sa atubangan nakan.

9 Yari karon, matawo sa imo ang isa ka anak nga lalaki, nga magamangintawo sia sa kapahuwayan, kay pagahatagan ko sia sing kapahuwayan sa tanan niya nga mga kaaway, sa palibot: kay ang iya ngalan mangin-Salomon; \* kag ako magahatag sang paghidaet kag sang kalinong sa ibabaw sa Israel sa iya nga kaadlawan.

10 Sia magapatindug sing Baláy sa akon ngalan; kag sia manginanak ko, kag ako magamanginamay niya; kag pagapalig-onon ko ang lingkoran nga harianon sang iya ginharian sa ibabaw sang Israel sa gihapon.

11 Busa karon, anak ko, magmanginkaúpud mo si Iehoba sa pagpabugana sa imo, kag nga magpatindug ka sang Baláy kay Iehoba, nga imo Dios, subung sang ginmitlang niya nahanungud sa imo.

12 Lamang nga si Iehoba maghatag sa imo sang ihibalo kag kabut-anan, kag nga sia magsogo sa imo *sa paghari* sa ibabaw sang Israel sa pagbantay sang kasogoon ni Iehoba, nga imo Dios.

13 Niyan magabugana ka, kon maghalung ka sa pagbutang sa buhat sang mga palatukuran kag sang mga tulumanon, nga ginsogo ni Iehoba kay Moises nga sa Israel. Busa, magpakabaskug-ka, magmalig-on ka; dili ka magkahadluk, bisan magpunaw ka.

14 Kag yari karon, ako sa akon kasakit, nag-aman ako nga sa Baláy ni Iehoba sang isa ka gatus ka libo ka talanton nga bulawan, kag isa ka laksa ka talanton nga pilak, kag walâ sing timbang ang tumbaga bisan ang salsalon, kay may bugana gid sa ila. Subung man nag-aman ako sing kahoy kag sang mga bató, nga sa iya ikaw magadugang.

15 Kag yara upud sa imo ang madamu nga mga manugpangabudlay, nga mga manugbasbas sang bató, mga albanyil, mga panday kag ang tanan nga bagay nga mga sampaton sa buluhaton nga tanan.

16 Nahanungud sa bulawan, sa pilak, sa tumbaga, kag sa salsalon, walay isip

\* *Salomon*, ang makidaiton.

sa ila. Tindug-ka kag magbuhat-ka, kag nga si Iehoba magúpud sa imo."

17 Kag nagsogo si Dabid sa tanan nga mga pangolo sa Israel, nga magbulig sila kay Saloman, nga iya anak, *nga nagasiling*:

18 ; "Indi bala upud sa inyo si Iehoba, nga inyo Dios, kag walâ bala maghatag sa inyo sing kapahuwayan sa bug-os nga palibot? Kay sia nagtugyan sa akon mga kamut sang mga pumuluyô sang duta, kag ang duta nasakup sa atubangan ni Iehoba, kag sa atubangan sang iya banwa.

19 Ibutang-ninyo karon ang inyo mga tagiposoon kag ang inyo mga kalág sa pagpangita kay Iehoba, nga inyo Dios; kag tililindug-kamo kag patinduganinyo ang balaan nga Puluy-an sang Dios nga si Iehoba, agud nga pagdalhon ang kaban sang katipan ni Iehoba, kag ang mga gamit sang balaan nga puluyan sang Dios, sa Baláy nga pagapatindugon nga sa ngalan ni Iehoba."

Ang isip kag ang mga tulin sang mga Lebihon.

**23** SANG si Dabid tigulang na, kag busug na sa kaadlawan, ginhimo niya si Salomon nga iya anak, nga hari sa ibabaw ni Israel.

2 Kag gintipon niya ang tanan nga mga pangolo sa Israel, kag ang mga saserdote kag ang mga Lebinhon.

3 Kag ginpangisip ang mga Lebinhon kutub sa katloan ka tuig pa ibabaw; kag ang kadamuon nila, sa binilogbilog, sono sang ila mga tawo, katloan kag walo ka libo.

4 *Kag nagsiling si Dabid*: "Nga gikan sa ila sini duha ka pulô kag apat ka libo nga sa pagdumala sang buluhaton sang Baláy ni Iehoba; kag ang anum ka libo, mga punoan kag mga hukom;

5 Kag apat pa ka libo, mga manugbantay sang gawang, kag apat ka libo nga sa pagdayaw sa Dios, nga may mga tulungon nga ginhimo ko, nga sa paghatag sing mga pagdayaw."

6 Kag ginbahinbahin sila ni Dabid sa pinainpain, sono sang mga inanak ni Lebi, si Gerson, si Koat kag si Merari.

7 Sa mga Gersoninhon: si Laedan kag si Simi.

8 Ang mga anak ni Laedan: ang pangolo si Iehiel, si Setam kag si Ioel, tatlo sila.

9 Ang mga anak ni Simi : si Selomit, si Hasiel kag si Haran, tatlo sila. Ini sila mga pangolo sang mga amay sa mga *panimaláy* ni Laedan.

10 Kag ang mga anak ni Simi : si Iahat, si Sina, si Ieus kag si Berias. Ining apat mga anak ni Simi.

11 Si Iahat among pangolo, kag si Sina ang ikaduha ; apang si Ieus kag si Berias walay madamu sila nga mga anak, nga sila naghimo sang isa *lamang* ka panimaláy nga inamay sa listahon.

12 Ang mga anak ni Koat : si Amram, si Isar, si Hebron kag si Usiel : apat sila.

13 Ang mga anak ni Amram : si Aaron kag si Moises. Si Aaron ginpain, nga sa pagkabalaan subung nga labing balaan, sia kag ang iya mga anak, sa gihapon, agud nga magsulunog sila sang mga pahamut sa atubangan ni Iehoba, sa paghimo sang iya pag-alagdan, kag sa pagpakamaayo sang *banwa* sa iya ngalan, sa gihapon.

14 Nahanungud sang mga anak ni Moises, nga tawo sang Dios, nakabig sila sa kabikahan ni Lebi.

15 Ang mga anak ni Moises : si Gersom kag si Elieser.

16 Kag ang mga anak ni Gersom : si Sebel, ang pangolo.

17 Kag ang mga anak ni Elieser amo : si Rehabia, ang pangolo ; kag si Elieser, walâ na sing iban nga mga anak ; apang ang mga anak ni Rehabia nanginmadamu gid sila.

18 Ang mga anak ni Iesar : si Selomit, ang pangolo.

19 Ang mga anak ni Hebron : si Ieria, ang pangolo ; si Amarias, ang ikaduha ; si Iahasiel, ang ikatlo ; kag si Tekameam, ang ikap-at.

20 Ang mga anak ni Usiel : si Mika, ang pangolo, kag si Isia, ang ikaduha.

21 Ang mga anak ni Merari : si Mali kag si Musi. Ang mga anak ni Mali : si Eleasar kag si Kis.

22 Kag sangnamatay si Eleasar, walâ sia sing mga anak nga lalaki, kondi *lamang* mga anak nga babae ; kag ang mga anak ni Kis, nga ila mga útud, nagpalalangasawa sa ila.

23 Ang mga anak ni Musi : si Mali, si Eder kag si Ieremot, tatlo sila.

24 Ini sila among mga inanak ni Lebi, sono sang mga panimaláy nga inamay, mga pangolo sang mga amay, sono sang ila listahan nga ginpangisip sa ila mga

ngalan, sa binatobato. Naghilimo sila sang buluhaton sang pag-alagdan sa Baláy ni Iehoba, kutub sa duha ka púlô ka tuig pa ibabaw ;

25 Kay si Dabid nagsiling : “ Si Iehoba, nga Dios sa Israel, naghatag sang kapahuwayan sa iya banwa, kag sia magapuyô sa Ierusalem sa gihapon.

26 Kag subung man nahanungud sang mga Lebinhon, indi na magadalalâ sila sang Puluy-an, kag ang tanan niya nga mga gamit nga sa iya pag-alagdan.”

27 Kay sono sa mga katapusan nga mga polong ni Dabid, ginhimo ang isip sang mga inanak ni Lebi kutub sa duha ka púlô ka tuig pa ibabaw :

28 Kay ang ila duug yara sa luyo sang mga anak ni Aaron nga sa pag-alagdan sa Baláy ni Iehoba ; mga tinulinan sila sang mga patyo kag sang mga hulut, kag sa pagpaninlo sang tanan nga mga butang nga balaan, kag sa buluhaton sang pag-alagdan sa Baláy sang Dios ;

29 Nagtatap sila sa mga tinapay nga sa pagbutang sa pasunud kag sa harina nga malum-ok nga sa halad nga kalan-on, kag sa mga tinapay nga walay tapay, kag sa ginaluto sa kalaha kag sa pinirito, kag sa tanan nga sulukban sa suludlan kag sa kalabaon ;

30 Kag agud nga magtilindug sila sa *atubangan sang Dios* sa tagsa ka aga sa pagdayaw kag sa pagolog kay Iehoba, kag subung man sa hapon ;

31 Kag sa paghalad sang tanan nga mga halad nga sinunog kay Iehoba sa mga sabado, sa mga Lati, kag sa mga piesta nga pinat-in, sa isip sono sang tulumanon nahanungud sini nga mga butang sa dayon gid, sa atubangan ni Iehoba.

32 Kag nagbalantay sila sang tulin sang Layanglayang sang pakigkitaan, kag sang tulin sang balaan nga Puluy-an kag sang tulin sang mga anak ni Aaron, nga ila mga útud, nga sa pag-alagdan sang Baláy ni Iehoba.

Ang mga saserdote ginbahinbahin sa duha ka pulo kag apat ka pasunud.

**24** KAG nahanungud sang mga anak ni Aaron, *yari karon* ang ila binahinbahin : Ang mga anak ni Aaron : si Nadab, si Abiu, si Eleasar kag si Itamar.

2 Apang si Nadab kag si Abiu nagkalamatay sing úna sa ila amay, kag walâ



sila sing mga anak ; kag si Eleasar kag si Itamar nagpanghikot sang pagkasa-serdote.

3 Kag si Dabid upud si Sadok, sa mga inanak ni Eleasar, kag si Ahimelek, sa mga inanak ni Itamar, ginbahin niya sila, sono sang ila listahan, sa ila pag-alagdan.

4 Kag nakita ang mga inanak ni Eleasar nga may labing madamu sila nga binilog sang mga tawo sa mga inanak ni Itamar ; kag ginpamahinbahin niya sila *subung sang masunud* : Sa mga inanak ni Eleasar, napúlô kag anum ka mga pangôlo sang mga panimaláy nga inamay ; kag sa mga inanak ni Itamar, walo ka *pangôlo* sang mga panimaláy nga inamay.

5 Kag ginbalahinbahin sila sa papalad ang iban sa iban, kay ang mga pangôlo sang balaan nga puluy-an kag ang mga pangôlo sang Dios *ginpanguha* sila gikan sa mga inanak ni Eleasar kag sa mga inanak ni Itamar.

6 Si Semaia, nga eskriba, nga anak ni Natanael, sa tunga sang mga Lebinhon, nagsulat sa ila sa atubangan sang hari kag sang mga dunganon, kag ni Sadok, nga saserdote, kag ni Ahimelek, nga anak ni Abyatar, kag sang mga pangôlo sang mga ginikanan sang mga saserdote kag sang mga Lebinhon : ginkuha *nila* ang isa ka panimaláy nga inamay kay Eleasar, kag ginkuha sa amo nga bagay ang isa kay Itamar.

7 Ang nahauna nga kapalaran naggo-wa nga sa kay Ioiarib ; ang ikaduha sa kay Iedaia ;

8 Ang ikatlo kay Harim, ang ikap-at kay Seorim ;

9 Ang ikalima kay Malkias ; ang ikan-um kay Miyamin ;

10 Ang ikapito kay Kos ; ang ikawalo kay Abias ;

11 Ang ikasiam kay Iesua : ang ikapúlô kay Sekania ;

12 Ang ikapúlô kag isa kay Eliasib ; ang ikapúlô kag duha kay Iakim ;

13 Ang ikapúlô kag tatlo kay Upa ; ang ikapúlô kag apat kay Iesabeab ;

14 Ang ikapúlô kag lima kay Bilga, ang ikapúlô kag anum kay Imer ;

15 Ang ikapúlô kag pito kay Hesir ; ang ikapúlô kag walo kay Apises ;

16 Ang ikapúlô kag siyam kay Petaya ; ang ikaduha ka púlô kay Hesekiel ;

17 Ang ikaduha ka púlô kag isa kay

Iakin ; ang ikaduha ka púlô kag duha kay Gamul ;

18 Ang ikaduha ka púlô kag tatlo kay Delaya ; ang ikaduha ka púlô kag apat kay Maasia.

19 Ini sila amo ang pagisip sa ila nga sa ila pag-alagdan, sa pagsulúd sa Baláy ni Iehoba, sono sa ila tulumanon, nga gintukud ni Aaron, nga ila amay, siling nga ginsogo sa iya ni Iehoba, nga Dios sa Israel.

Mga pangôlo sang panimalay sang mga Lebinhon.

20 Kag nahanugud sang mga inanak ni Lebi nga nagkalabilin, yari karon ang ila mga pangôlo : sa mga anak ni Amram, si Subael ; sa mga anak ni Subael, si Iehedias.

21 Sa kay Rehabias : sa mga anak ni Rehabias, ang pangôlo nga si Isias.

22 Sa mga Isarinhon, si Selemot ; sa mga anak ni Selemot, si Iahat.

23 Kag sa mga anak ni *Hebron* : si Ieria ; si Amarias, ang ikaduha ; si Iahasiel, ang ikatlo ; si Iekameam, ang ikapat.

24 Ang mga anak ni Usiel : si Mika ; sa mga anak ni Mika, si Samir ;

25 Ang útud ni Mika, si Isias ; sa mga anak ni Isias, si Sakarias.

26 Ang mga anak ni Merari : si Mali, kag si Musi ; ang mga anak ni Iaasias, si Beno.

27 Ang mga anak ni Merari : sa kay Iaasias, si Beno, si Soam, si Sakur kag si Ibri.

28 Sa kay Mali, si Eleasar, nga ini sia walâ sang mga anak.

29 Sa kay Kis, ang mga anak ni Kis, si Ierameel.

30 Kag ang mga anak ni Musi : si Mali, si Eder kag si Ierimot. Ini sila mga anak sang mga Lebinhon, sono sa mga panimaláy nga inamay.

31 Kag ini man sila nagpapalad, subung sang ila mga útud, ang mga inanak ni Aaron, sa atubangan sang hari nga si Dabid, kag ni Sadok, kag ni Ahimelek kag sang mga pangôlo sang mga amay sang mga saserdote kag sang mga Lebinhon : ang mga pangôlo sang mga amay kaangay gid sang manghud sang ila mga útud.

Pagisip kag m̃ga buluhaton sang m̃ga musiko  
ñga balaan.

**25** KAG ginpain ni Dabid kag sang m̃ga pang̃olo sang kasoldadosan ñga sa pag-alagdan ang m̃ga sa tung̃a sang m̃ga anak ni Asap kag ni Heman, kag ni Iedutun, ñga nagatalagna ñga may m̃ga arpa, m̃ga salterio kag m̃ga apiping; kag yari karon ang kadamuon sang m̃ga tawo ñga *nahamtang* sa buluhaton ñga sa ila pag-alagdan:

2 Sa m̃ga anak ni Asap: si Sakur, si Iose, si Nitania kag si Asarela, m̃ga anak ni Asap, sa idalum sang pagdumala ni Asap, ñga nagatagna sia sa idalum sang pagdumala sang hari.

3 Sa kay Iedutun: ang m̃ga anak ni Iedutun: si Gedalias, si Sesi, si Iesaias, si Hasabias, si Matatias kag si *Semi*: anum sila, sa idalum sang kamut sang ila amay ñga si Iedutun, ñga nagatagna sia ñga may arpa sa pagdayaw kag sa pagolog kay Iehoba.

4 Sa kay Heman, ang m̃ga anak ni Heman: si Bukias, si Matanias, si Ussiel, si Sebucl, si Ierimot, si Hanania, si Hanani, si Eliata, si Gidalti, si Romanti-eser, si Iosbekasa, si Maloti, si Hotir kag si Mahasiot.

5 Ini sila ñga tanan, ñga m̃ga anak ni Heman, ñga manugtuluk sang hari sa m̃ga polong sang Dios, ñga sa paghayaw sang *tunug* sang sunḡay. Kag ginhatagan sang Dios si Henan sang napulô kag apat ka anak ñga lalaki kag tatlo ka anak ñga babae.

6 KAG ining tanan yara sa idalum sang pagdumala sang ila amay, sa pag-ambahan sa Baláy ni Iehoba, ñga may m̃ga apiping, m̃ga salterio, kag m̃ga arpa, ñga sa pag-alagdan sang Baláy sang Dios. Si Asap, si Iedutun kag si Heman yara sila sa idalum sang pagdumala sang hari.

7 KAG ang kadamuon nila patí ang ila m̃ga útud ñga m̃ga ginton-an sa pag-ambahan kay Iehoba, sila ñga tanan ñga m̃ga sampaton, nanginduha ka gatus kawaloan kag walo sila.

8 KAG nagpapalad sila sang *ila* m̃ga tulin, ang diyotay subung man ang daku, ang sampaton subung man ang gintoton-an.

9 Ang nahauna ñga kapalaran naggo-wa sa kay Asap, kay Iose. Ang ikaduha, kay Gedalias, ñga sia patí ang iya m̃ga

útud kag ang iya m̃ga anak, napulô kag duha sila.

10 Ang ikatlo kay Sakur, ñga sia patí ang iya m̃ga anak kag ang iya m̃ga útud, napulô kag duha sila.

11 Ang ikapat kay Isri, ñga sia patí ang iya m̃ga anak kag ang iya m̃ga útud, napulô kag duha sila.

12 Ang ikalima kay Netanias, ñga sia patí ang iya m̃ga anak kag ang iya m̃ga útud, napulô kag duha sila.

13 Ang ikan-um kay Bukias, ñga sia patí ang iya m̃ga anak kag ang iya m̃ga útud, napulô kag duha sila.

14 Ang ikapito kay Iesarela, ñga sia patí ang iya m̃ga anak kag ang iya m̃ga útud, napulô kag duha sila.

15 Ang ikawalo kay Iesaias, ñga sia patí ang iya m̃ga anak kag ang iya m̃ga útud, napulô kag duha sila.

16 Ang ikasiam kay Matanias, ñga sia patí ang iya m̃ga anak kag ang iya m̃ga útud, napulô kag duha sila.

17 Ang ikapulô kay Sime, ñga sia patí ang iya m̃ga anak kag ang iya m̃ga útud, napulô kag duha sila.

18 Ang ikapulô kag isa kay Asareel, ñga sia patí ang iya m̃ga anak kag ang iya m̃ga útud, napulô kag duha sila.

19 Ang ikapulô kag duha kay Hasabias, ñga sia patí ang iya m̃ga anak kag ang iya m̃ga útud, napulô kag duha sila.

20 Ang ikapulô kag tatlo kay Subael, ñga sia patí ang iya m̃ga anak kag ang iya m̃ga útud, napulô kag duha sila.

21 Ang ikapulô kag apat kay Matitias, ñga sia patí ang iya m̃ga anak kag ang iya m̃ga útud, napulô kag duha sila.

22 Ang ikapulô kag lima kay Ierimot, ñga sia patí ang iya m̃ga anak kag ang iya m̃ga útud, napulô kag duha sila.

23 Ang ikapulô kag anum kay Hanania, ñga sia patí ang iya m̃ga anak kag ang iya m̃ga útud, napulô kag duha sila.

24 Ang ikapulô kag pito kay Iosbekasa, ñga sia patí ang iya m̃ga anak kag ang iya m̃ga útud, napulô kag duha sila.

25 Ang ikapulô kag walo kay Hanani, ñga sia patí ang iya m̃ga anak kag ang iya m̃ga útud, napulô kag duha sila.

26 Ang ikapulô kag siam kay Maloti, ñga sia patí ang iya m̃ga anak kag ang iya m̃ga útud, napulô kag duha sila.

27 Ang ikaduha ka pulô kay Eliata, ñga sia patí ang iya m̃ga anak kag ang iya m̃ga útud, napulô kag duha sila.

28 Ang ikaduha ka pulô kag isa kay



Hotir, nga sia patí ang iya mga anak kag ang iya mga útud, napúlô kag duha sila.

29 Ang ikaduha ka púlô kag duha kay Gidalti, nga sia patí ang iya mga anak kag ang iya mga útud, napúlô kag duha sila.

30 Ang ikaduha ka púlô kag tatlo kay Mahasiot, nga sia patí ang iya mga anak kag ang iya mga útud, napúlô kag duha sila.

31 Ang ikaduha ka púlô kag apat kay Romani-eser, nga sia patí ang iya mga anak kag ang iya mga útud, napúlô kag duha sila.

Ang Isip sang mga manugbantay sang gawang sang Simbahan.

**26** YARI karon nahanungud sa mga pagbinahinbahin sang mga manugbantay sang gawang, nga sa mga Korinhon: si Meselemia, nga anak ni Kore, sang mga anak ni Asap.

2 Kag may mga anak si Meselemia: si Sakarias, ang panganay; si Iediel, ang ikaduha; si Sebadias, ang ikatlo; si Iatniel, ang ikapat;

3 Si Elam, ang ikalima; si Iohanan, ang ikan-um; si Elioenai, ang ikapito.

4 Kag may mga anak si Obed-Edom: si Semaia, ang panganay; si Iosabad, ang ikaduha; si Ioa, ang ikatlo; si Sakar, ang ikapat; si Natanael, ang ikalima;

5 Si Amiel, ang ikan-um; si Isakar, ang ikapito; si Peuletai, ang ikawalo, kay ang Dios nagpakamaayo sa iya.

6 Kag kay Semaia, nga iya anak, nagkalatawo ang mga anak, nga mga ginoo sa ibabaw sang baláy sang ila mga amay, kay mga lalaki sila nga mga gamhanan.

7 Ang mga anak ni Semaia: si Otni, si Rapael, si Ibed kag si Elsabad, ang ila mga útud, mga tawo nga mga maisug, si Eliu kag si Samakias.

8 Ining tanan, sa mga inanak ni Obed-Edom; sila patí ang ila mga anak kag ang ila mga útud, mga tawo nga mga maisug kag mga mabakud nga sa pag-alagdan: kan-uman kag duha sila sa kalikatan ni Obed-Edom.

9 Kag si Meselemia may mga anak kag mga útud, mga tawo nga maisug, napúlô kag walo sila.

10 Kag si Hosa, sa mga anak ni Merari, may mga anak: si Simri, ang

pangolo (kay bisan pa sia indi among panganay, ginbutang sia sang iya amay nga pangolo);

11 Si Hilkias, ang ikaduha; si Tebalias, ang ikatlo; si Sakarias, ang ikapat: ang tanan nga mga anak ni Hosa kag ang ila mga útud, napúlô kag tatlo sila.

12 Sa sini nga mga binahinbahin sang mga manugbantay sang gawang *naholog* ang *papalad* sang mga bantay, sono sang binato sang mga tawo, ang tanan subung sang sa ila mga útud, sa pag-alagdan sa Baláy ni Iehoba.

13 Kag nagpapalad sila, ang diyotay subung man ang daku, sono sang ila mga panimaláy nga inamay, nga sa tagsa ka gawang.

14 Kag naholog ang kapalaran kay Selemia sa luyo sang Sidlangan. Kag ginpapalaran nila kay Sakarias, nga iya anak, manuglaygay nga mahibaloanon, kag naggowa ang iya kapalaran sa luyo sang Aminhan.

15 Kag kay Obed-Edom, sa luyo sang Bagatnan, kag sa iya mga anak ang baláy sang mga kamalig.

16 Kay Supim kag kay Hosa, sa luyo sang Katundan patí ang gawang ni Saleket, sa dalan sang salakaan: ang isa ka bantay sa atubangan sang isa.

17 Sa luyo sang Sidlangan yara ang anum ka Lebinhon: sa luyo sang Aminhan apat sa tagsa ka adlaw; sa luyo sang Bagatnan apat sa tagsa ka adlaw, kag sa tagsa ka kamalig duha;

18 Sa luyo sang Parbar, sa luyo sang Katundan, apat nayon sa dalan kag duha nayon sa Parbar.

19 Ini sila amo ang mga binahinbahin sang mga manugbantay sang gawang sa tungâ sang mga anak sang mga Korinhon, kag sang mga anak ni Merari.

Mga manugbantay sang mga balaan nga nga bahandi.

20 Kag sa mga Lebinhon, si Ahias among tululinan sang mga bahandi sang Baláy sang Dios kag sang mga bahandi sang mga balaan nga mga butang.

21 Ang mga anak ni Ladean, ang mga anak sang mga Gersoninhon tungud kay Ladean, ang mga pangolo sang mga amay sang *panimaláy* ni Ladean, nga Gersoninhon: si Iehieli;

22 Ang mga anak ni Iehieli: si Se-

tam kag si Ioel, nga iya útud, mga tululinan sila sang mga bahandi sang Baláy ni Iehoba.

23 Sa mga Amraminhon, sa mga Isarinhon, sa mga Hebroninhon, sa mga Usielinhon,

24 Si Sebucl, nga anak ni Gersom, nga anak ni Moises, among manugdumala sang mga tululinan sang mga bahandi.

25 Kag ang iya mga útud tungud kay Elieser : ang anak niya sini, si Rehabia ; nga ang iya anak, si Isaias ; nga ang iya anak, si Ioram ; nga ang iya anak, si Sikri ; nga ang iya anak, si Selomit.

26 Ining si Selomit kag ang iya mga útud tinulinan sila sa tanan nga mga bahandi sang mga balaan nga mga butang, nga ginpakabalaan sang hari nga si Dabid, kag sang mga pangolo sang mga amay, kag sang mga pangolo sang mga linibo, kag sang mga ginatus, kag sang mga pangolo sang kasoldadosan ;

27 Kag ini sila ginpakabalaan nila nga sa pagsakdag sang Baláy ni Iehoba, gikan sa mga pagilinaaway kag sa mga inagaw.

28 Kag ang tanan nga mga butang nga ginpakabalaan ni Samuel, nga manugtulok, kag ni Saul, nga anak ni Kis, kag ni Abner, nga anak ni Ner, kag ni Ioab, nga anak ni Sarbia, kag ang ginpakabalaan ni bisan sin-o, ang tanan *nahamtang* sa idalum sang kamut ri Selomit kag sang iya mga útud.

Mga Lebinhon nga mga ginhimo nga mga gobernador kag mga hukom.

29 Sa mga Isarinhon, si Kenania kag ang iya mga anak, *ginsimpon* sa mga buluhaton nga sa gowa, nga mga tululinan sila sa ibabaw sang Israel, subung nga manugtatap kag mga hukom.

30 Sa mga Hebroninhon, si Hasabias kag ang iya mga útud, isa ka libo kag pito ka gatus ka mga tawo nga maisug, nangintululinan sila sang pagtatap sa Israel, sa tabok sang Iordan, sa Katundan, sa tanan nga buluhaton ni Iehoba kag sa pag-alagdan sang hari.

31 Sa mga Hebroninhon (nahanungud sang mga Hebroninhon ginhimo ang pagpangita sono sang ila kaliwatan, sono sang *ila* amay, sa tuig nga ikakapatan sang paghari ni Dabid, kag nakita sa tungâ nila ang mga mabakud kag mga maisug sa Ieser sang Galaad),

32 Si Ieria, nga pangolo, kag ang

ila mga útud, mga tawo nga maisug, duha ka libo kag pito ka gatus nga mga pangolo sang mga amay. Kag ginbutang sila sang hari nga si Dabid sa ibabaw sang mga Rubeninhon, mga Gadinhon, kag sa ibabaw sang katungâ nga kabikahan ni Manases, nga sa tanan nga mga buluhaton sang Dios kag sang tanan nga buluhaton sang hari.

Ang kasoldadosan kag ang ila mga punoan

**27** KAG *yari karon* ang tanan nga mga inanak ni Israel sono sang iya kadamuon, ang mga pangolo sang mga amay, ang mga pangolo sang mga linibo kag sang mga ginatus, kag sang ila mga manugtatap nga yara sa pag-alagdan sang hari sa tanan nga nahanungud sang mga binahinbahin, nga nagasululud sila sa *pag-alagdan* kag nga nagagulowa sa iya sa bulanbulan, sa sulud sang tanan nga mga bulan sang tuig : sa tagsa ka binahin, duha ka púlô kag apat ka libo ka tinawo.

2 Sa ibabaw sang nahauna nga binahin, sang nahauna nga bulan, yara si Iasobeam, nga anak ni Sabdiel ; kag sa iya binahin may duha ka púlô kag apat ka libo.

3 Amo sia sa mga anak ni Peres, ang pangolo sang tanan nga mga pangolo sang mga pinanung nga kasoldadosan ; sa nahauna nga bulan sia.

4 Sa ibabaw sang binahin sang ikaduha ka bulan yara si Dodai, nga Ahohinhon ; kag sa iya binahin si Miklot, ang manugdumala, nga sa iya binahin may duha ka púlô kag apat ka libo.

5 Ang pangolo sang ikatlo ka pinanung nga kasoldadosan, nga sa ikatlo ka bulan, amo si Benaia, ang pangolo, nga anak ni Ioiada, nga saserdote, kag sa iya binahin may duha ka púlô kag apat ka libo.

6 Ini nga si Benaia among maisug sa tungâ sang katloan, kag sa ibabaw sia sang katloan, kag si Amisadab, nga iya anak amo ang *manugdumala* sang iya binahin.

7 Ang ikap-at, nga sa ikap-at ka bulan, amo si Asael, nga útud ni Ioab, kag sa olehe niya si Sebadias nga iya anak ; kag sa iya binahin may duha ka púlô kag apat ka libo.

8 Ang ikalima, nga sa ikalima ka bulan, amo ang pangolo nga si Sambut,



nga Isratinhon ; kag sa iya binahin may duha ka púlô kag apat ka libo.

9 Ang ikan-um, nga sa ikan-um ka bulan, amo si Kira, anak ni Ikes, nga taga-Tekoa ; kag sa iya binahin duha ka púlô kag apat ka libo.

10 Ang ikapito, nga sa ikapito ka bulan, amo si Heles nga Peloninhon, sa mga inanak ni Epraim ; kag sa iya binahin duha ka púlô kag apat ka libo.

11 Ang ikawalo, nga sa ikawalo ka bulan, amo si Sibekai, nga Husatinhon, sa *kaliwatan* sang mga Sarinhon ; kag sa iya binahin duha ka púlô kag apat ka libo.

12 Ang ikasiam, nga sa ikasiam ka bulan, amo si Abieser, nga taga-Anatot, sang mga Benyaminhon ; kag sa iya binahin duha ka púlô kag apat ka libo.

13 Ang ikapúlô, nga sa ikapúlô ka bulan, amo si Maharai, nga taga-Netopa, sang mga Sarinhon ; kag sa iya binahin duha ka púlô kag apat ka libo.

14 Ang ikapúlô kag isa, nga sa ikapúlô kag isa ka bulan, amo si Benaia, nga taga-Piraton, sa mga inanak ni Epraim ; kag sa iya binahin duha ka púlô kag apat ka libo.

15 Ang ikapúlô kag duha, nga sa ikapúlô kag duha ka bulan, amo si Heldai, nga taga-Netopa, sa *kaliwatan* ni Otniel ; kag sa iya binahin duha ka púlô kag apat ka libo.

Ang mga pangôlo sang napulo kag duha ka kabikahan.

16 Kag sa ibabaw sang mga kabikahan sa Israel : ang manugdumala sang mga Rubeninhon amo si Elieser, nga anak ni Sikri : sang mga Simeoninhon, si Sepatias, nga anak ni Maaka ;

17 Sang mga Lebinhon, si Hasabias, nga anak ni Kemuel ; sa *kaliwatan* ni Aaron, si Sadok ;

18 Sa kay Iuda, si Eliu, sa tungâ sang mga útud ni Dabid : sa kay Isakar, si Omri, nga anak ni Mikael ;

19 Sa kay Sabulon, si Ismaias, nga anak ni Abdias : sa kay Neptali, si Ierimot, nga anak ni Asriel ;

20 Sang mga anak ni Epraim, si Oseas, nga anak ni Asasia ; sang katungâ nga kabikahan ni Manases, si Ioel, nga anak ni Pedaia ;

21 Sang katungâ nga kabikahan ni Manases sa Galaad, si Iddo, nga anak

ni Sakarias ; sa kay Benyamin, si Iaasiel, nga anak ni Abner ;

22 Sa kay Dan, si Asarael, nga anak ni Ieroham. Ini sila nanginpanôlo sang mga kabikahan sa Israel.

23 Kag si Dabid walâ magkuha sang kadamuan kutub sang mga nagaedad sing duha ka púlô ka tuig pa idalum, kay ginsiling ni Iehoba, nga iya pagapadamuon si Israel subung sang mga kabitoonan sang langit.

24 Ginsugdan sa pag-isip ni Ioab, nga anak ni Sarbia, apang walâ niya matapus, kag tungud sini nag-abut ang kaakig sa ibabaw ni Israel, kag ang iya isip walâ masulud sa mga isip sa mga Kronika sang hari nga si Dabid.

Iban pa nga mga tululinan ni Dabid.

25 Si Asmabet, nga anak ni Adiel, tululinan sia sang mga bahandi sang hari ; kag si Ionatan, nga anak ni Hosias, sang mga kamalig nga yara sa mga latagon kag sang mga kabanwaan, kag sang mga minoro kag sang mga tore ;

26 Kag si Esri, nga anak ni Kelub sang mga manugpangabudlay sa paguma sang duta ;

27 Kag si Simi, nga taga-Rama, sang mga kaubasan ; kag si Sabdi, nga taga-Sepam, sang yara sa mga kaubasan sa mga damisag sang alak.

28 Kag si Baal-Hanan, nga taga-Geder, sang mga kaolibahan kag mga kasikomorohan nga yara sa mga duta nga manubo ; kag si Ioas, sang mga kamalig sang lana.

29 Kag si Sitrai, nga taga-Saron, sang mga kabakahan nga nagahalalab sa Saron ; kag si Sapat, nga anak ni Adlai, sang mga kabakahan nga yadto sa mga nalupyakan ;

30 Kag si Obil, nga Ismaelinhon, sang mga kamelyo ; kag si Iedias, nga taga-Meronot, sang mga asno.

31 Kag si Iasis, nga Agarinhon, sang mga obeha. Iuing tanan among mga pangôlo sang mga pagkabutang sang hari nga si Dabid.

32 Kag si Ionatan, nga batâ ni Dabid, among palangkoton sang hari ; tawo nga mahibaloanon kag eskriba sia. Kag si Iehiel, nga anak ni Hakmoni, yadto sia upud sa mga anak sang hari.

33 Kag si Akitopel among palangku-

ton sang hari ; kag si Husai, nga Arkinhon, abyan sia sang hari.

34 Sa olehe ni Akitopel amo si Ioia-da, nga anak ni Benaia, kag si Abyatar. Kag si Ioab among pangolo sang kasoldadosan sang hari.

Mga tugon ni Dabid kay Salomon nahanungud sa pagpatindug sang Simbahan.

**28** KAG gintipon ni Dabid sa Ierusalem ang tanau nga mga pangolo sa Israel, ang mga pangolo sang mga kabikahan, kag ang mga punoan sang mga binahin, nga nagaalalagad sa hari, kag ang mga pangolo sang linibo kag mga ginatus, kag ang mga pangolo sang tanan nga mga pagkabutang, kag sang mga kahayupan sang hari, kag sang iya mga anak, pati ang mga kapon kag ang mga makusug kag ang tanan nga mga maisug nga manugaway.

2 Kag nagtindug ang hari nga si Dabid, kag nagsiling sia : “Pamatii-ninyo ako, mga útud nakon, kag banwa nakon. Ginhuatan ko sa akon tagiposoon ang pagpatindug sang isa ka Baláy sa kapahuwayan nga sa kaban sang katipan ni Iehoba, kag nga sa talapakan sang mga tiil sang aton Dios, kag naghimo ako sing mga pag-aman nga sa pagpatindug.

3 Apang ang Dios nagsiling sa akon : Ikaw indi magapatindug sang Baláy sa akon ngalan ; kag tawo ikaw sa pagawayan, kag nagula ka sing madamu nga dugo.

4 Apang si Iehoba, nga Dios sa Israel, nagpili sa akon sa bug-os nga baláy sang akon amay, agud nga sa dayon gid magmanginhari ako sa ibabaw sang Israel ; kay si Iuda ginpili niya nga manugdumala, kag sa baláy ni Iuda, ang panimaláy sang akon amay, kag sa mga anak sang akon amay nahamuut sia sa akon nga sa paghimo sa akon nga hari sa bug-os nga Israel.

5 Kag sa tanan ko nga mga anak (kay ginhatagan ako ni Iehoba sang madamu nga mga anak) ginpili niya ang akon anak nga si Salomon, agud nga maglingkod sia sa lingkoran nga harianon sang ginharian ni Iehoba sa ibabaw sang Israel.

6 Kag nagsiling sia sa akon : Si Salomon, nga imo anak, sia magapatindug sang akon Baláy kag sang akon mga

patyo ; kay ginpili ko sia nga akon anak, kag ako manginamay niya.

7 Kag pagapalig-unon ko ang iya ginharian sa gihapon, kon sia magpanikasug sa pagbutang sa buhat sang akon mga sogo kag sang akon mga tulumanon subung sa karon nga adlaw.

8 Kag karon, sa atubangan sang mga mata sang bug-os nga Israel nga among, katilingban ni Iehoba, kag sa mga idulungug sang aton Dios : Bantai-ninyo kag usisaa-ninyo ang tanan nga mga sogo ni Iehoba, nga inyo Dios, agud nga mangintagiya kamo sining maayo nga duta, kag nga mapanubli ninyo sia sa inyo mga anak sa olehe ninyo sing dayon gid.

9 Kag ikaw, Salomon, anak ko, kilalaha ang Dios sang imo amay, kag alagda sia sa bug-os nga tagiposoon kag sa kalág nga nagakahamuut sa iya ; kay si Iehoba nagatungkad sang tanan nga mga tagiposoon, kag ginahantup niya ang tanan nga tinotuyo sang mga hunahuna. Kon ikaw magpangita sa iya, sia magapakita sa imo ; apang kon bayaan mo sia, sia magasikway sa imo sa gihapon.

10 Tan-aw-ka karon, nga si Iehoba nagpili sa imo, agud nga magpatindug ka sang baláy nga sa balaan nga puluyan. Pagpakabaskug-ka kag himoa.”

11 Kag ginhatag ni Dabid kay Salomon, nga iya anak, ang dagway sang alagyan, kag sang iya mga baláy, kag sang iya mga bahandi, kag sang iya mga hulut nga mataas ; kag sang iya mga hulut nga sa sulúd kag sang baláy nga palatumbasan.

12 *Ginhatag niya sa iya ang dagway sang tanan nga buut niya, tungud sa Espiritu, nahanungud sang mga patyo sang Baláy ni Iehoba, kag sang tanan nga mga hulut, sa palibot, nga sa mga bahandi sang Baláy sang Dios, kag nga sa mga bahandi sang mga balaan nga mga butang ;*

13 Kag nga sa mga binahinbahin sang mga saserdote kag sang mga Lebinhon, kag nga sa tanan nga mga buluhaton sang pag-alagdan sang Baláy ni Iehoba, kag nga sa tanan nga mga gamit sang pag-alagdan sang Baláy ni Iehoba.

14 Kag *ginhatag niya sa iya nga sa mga butang nga bulawan, sa timbang, nga sa buluhaton sa bulawan, nga sa tanan nga gamit sa tagsa ka naigoan sang*



pag-alagdan kag sa timbang nga sa tanan nga mga gamit nga pilak, nga sa tanan nga mga gamit sang tagsa ka nai-goan sang pag-alagdan.

15 *Ginahatag niya sa iya* ang timbang sang mga sadnghan nga bulawan kag sang ila mga lamparahan nga bulawan, ang timbang sang bulawan nga sa tagsa ka sadnghan pati sang iya mga lamparahan, kag ang *timbang* nga sa mga sadnghan nga pilak, ang timbang nga sa tagsa ka sadnghan kag sang iya mga lamparahan, sono sang pag-alagdan sang tagsa ka sadnghan.

16 *Ginahatag niya sa iya* ang bulawan, sa timbang, nga sa mga latok sa pag-pasunud sang mga *tinapay*, nga sa tagsa ka latok, ang pilak nga sa mga latok nga pilak

17 *Kag amo man* ang bulawan nga ulay nga sa mga suutok, nga sa mga kam-aw, kag nga sa mga tagayan kag ang *bulawan* nga sa mga yahong nga bulawan, sa timbang, nga sa tagsa ka yahong; kag ang *pilak* nga sa mga yahong nga pilak, sa timbang, nga sa tagsa ka yahong;

18 Kag nga sa halaran sang pahamut, ang bulawan nga ulay, sa timbang; kag ang binadlit sang kanga kag sang mga kerubin nga bulawan, nga nagahulumlal sang *ila mga pakpak*, nga nagatalabon sang kaban sang katipan ni Iehoba.

19 Ining tanan nga mga butang, *nagsiling si Dabid*, napanulat sang kamut ni Iehoba nga nagpahangup sa akon sini; ang tanan nga mga buluhaton *magsasunud* sining huwaran.

20 Nagsiling pa si Dabid kay Salomon, nga iya anak: "Pakabaskug-ka, kag pakalig-on-ka kag himoa. Dili ka magkahadluk, bisan mapunaw, kay ang Dios nga si Iehoba, nga akon Dios, magaupud sa imo: sia indi magabiya sa imo, bisan magpatumbaya sa imo, tub-tub nga matapus mo ang bug-os nga buluhaton, nga sa pag-alagdan sang Baláy ni Iehoba.

21 Kag yari karon ang mga binahin-bahin sang mga saserdote kag mga Lebinhon, nga sa bug-os nga pag-alagdan sang Baláy sang Dios; kag yara upud sa imo, nga sa bug-os nga buluhaton, ang tanan nga mga tawo nga maayo sing kabubut-on nga sampaton nga sa tanan nga pag-alagdan; kag ang mga dunganon, kag ang bug-os nga banwa

didto sila sa *paghimo* sang tanan mo nga mga polong."

Mga halad nga sa kabubut-on nga sa Simbahan.

29 KAG nagsiling ang hari nga si Dabid sa bug-os nga katilingban: "Si Salomon nga akon anak, nga sia lamang ang ginpili sang Dios, bataon sia kag lanubo, kag ang buluhaton daku, kay ining Puluy-an indi nga sa isa ka tawo, kondi nga sa kay Iehoba nga Dios.

2 Kag ako sa bug-os ko nga gahum gin-aman ko nga sa Baláy sang akon Dios ang bulawan nga sa mga butang nga bulawan, kag ang pilak nga sa mga butang nga pilak, kag ang tumbaga nga sa mga butang nga tumbaga, kag ang salsalon nga sa mga butang nga salsalon, kag ang kahoy nga sa mga butang nga kahoy, kag ang mga bató nga oniks, kag mga bató nga sa pag-tampok, kag mga bató nga mga duagon, kag mga bató nga iaspe kag ang tanan nga mga nagakalainlain nga bató nga malahalón kag mga bató nga marmol nga maputi sa bugana gid.

3 Kag labut sini, sa akon gugma sa Baláy sang akon Dios, ang nahanungud gid sa akon sa bulawan kag sa pilak, ginahatag ko sa Baláy sang akon Dios, labut pa sang tanan nga akon gin-aman nga sa Baláy sang puluy-an nga balaan:

4 Tatlo ka libo ka talanton nga bulawan, bulawan sa Opir, kag pito ka libo ka talanton nga pilak nga inulay nga sa paghalup sang mga dingding sang mga balay;

5 Ang bulawan, nga sa mga butang nga bulawan, kag ang pilak nga sa mga butang nga pilak, kag nga sa tanan nga buluhaton sang mga kamut sang mga panday. {Kag sin-o karon bala ang nagahalad sing kabubut-on gid nga sa pagpahangup sa iya kay Iehoba?"

6 Kag ang mga pangolo sang mga amay, kag ang mga pangolo sang mga kabikahan sa Israel, kag ang mga pangolo sang linibo kag sang mga ginatus, kag ang mga pangolo sang mga pagkabutang sang hari, naghalalad sila sing kinabubut-on gid.

7 Kag naghalatag sila nga sa pag-alagdan sang Baláy sang Dios sing lima ka libo ka talanton nga bulawan, kag napúlô ka libo ka mga dariko, kag napúlô

ka libo ka talanton nga pilak, kag napúlô kag walo ka libo ka talanton nga tumbaga, kag isa ka gatus ka libo ka talanton nga salsalon.

8 Kag ang may iya nga mga bató nga *malahalón*, ginhatag niya sila nga sa bahandi sang Baláy ni Iehoba, sa kamut ni Iehiel, nga Gersoninhon.

9 Kag nagkalalipay ang banwa tungud kay nakaamot sila sa kabubut-on gid; kay sa bug-os nga tagiposoon naghalalad sila kay Iehoba sang ila mga halad nga kinabubut-on, kag ang hari nga si Dabid man nagkalipay sa dakung kalipay.

Pangamuyo ni Dabid.—Ang iya kamatayon.

10 Kag si Dabid nagpakamaayo kay Iehoha sa mga mata sang bug-os nga katilingban, kag nagsiling si Dabid: “Mangindalayawon ka, oh Iehoba, Dios sang amon amay nga si Israel, sa walay katapusan kag sa walay katapusan.

11 Imo, oh Iehoba, ang pagkadaku, kag ang gahum, kag ang himaya, ang pagdaug kag ang pagkahalangdon. Kay ang tanan nga yara sa mga langit kag sa duta *imo*. Imo, oh Iehoba, ang ginharian, kag nagabayaw ikaw nga pangolo sa ibabaw sang tanan.

12 Ang mangad kag ang himaya nagagikan sila sa imo atubangan kag ikaw nagahari sa tanan. Sa imo kamut yara ang kagamhanan kag ang ka-bas kugan, kag sa imo kamut ang *gahum* sa pagkadaku kag sa paglig-on sang tanan nga mga butang.

13 Kag karon, Dios namon, kami nagadalayaw sa imo, kag ginaolog namon ang imo ngalan nga mahimayaon.

14 Kay ¿sin-o bala ako, kag sin-o ang akon banwa, agud nga sarang kami makahalad sa sini sing sa kinabubut-on? Kay ang tanan nagagikan sa imo kag gikan sa imo kamut ang amon ginahatag sa imo.

15 Kay kami mga dumuhong kag mga manugdapon sa atubangan nimo, subung sang tanan namon nga mga ginikanan; ang amon mga kaadlawan subung sang landong sa ibabaw sang duta, kag walá sing paglaum.

16 Oh Iehoba, nga Dios namon, ining bug-os nga kadamuon sang mga butang nga amon gintipon nga sa pagpatindug sang Baláy sa ngalan sang imo pagka-

balaan, nagagikan sa imo kamut; kag ang tanan imo.

17 Kag nakahibalo ako, Dios ko, nga ikaw nagatungkad sang mga tagiposoon, kag nga ang katadlung nagapahamuut sa imo. Ako sa katadlung sang akon tagiposoon sa kabubut-on gid ginhalad ko sa imo ining tanan nga mga butang, kag karon nakita ko nga may kasadya nga ang imo banwa, nga yari diri karon, naghalad sining mga dúlot nga kinabubut-on.

18 Iehoba, nga Dios ni Abraham, ni Isaak, kag ni Israel, nga amon mga ginikanan, magbantay-ka sa tagiposoon sang imo banwa sa gihapon gid sining tinotuyo sang ila mga hunahuna, kag palig-ona ang ila mga tagiposoon sa imo.

19 Kag hatagi ang akon anak nga si Salomon sing tagiposoon nga himpit, agud nga magbantay sia sang imo mga sogo, saug imo mga pagpamatuud kag sang imo mga palatukuran, agud nga maghimo sia sang tanan nga mga butang kag magpatindug sa imo sang Puluy-an, nga sa iya ginhimo ko ang pag-aman.”

20 Kag nagsiling si Dabid sa bug-os nga katilingban: “Busa, pagkamayohaninyo karon si Iehoba, nga inyo Dios.” Kag ang bug-os nga katilingban nagpakamaayo kay Iehoba, nga Dios sang ila mga ginikanan, kag naglayaub sila kag nagsilimba sila sa atubangan ni Iehoba kag sa atubangan sang hari.

21 Kag sa adlaw nga madason naghalalad sila sing mga halad kay Iehoba, kag naghalalad sila kay Iehoba sang mga halad nga sinunog: isa ka libo ka tinday sang baka, isa ka libo ka karnero, isa ka libo ka kordero patí ang ila mga halad nga ilimnon, kag madamu gid nga mga halad tungud sang bug-os nga Israel.

22 Kag nagkalaon kag nag-ilinun sila sa atubangan ni Iehoba sadtong adlaw nga may daku nga kalipay. Kag ginhimo nila sa makaduha, nga hari si Salomon nga anak ni Dabid, kag ginhaplas nila sia nga kay Iehoba, subung nga manugdumala sang *banwa*, kag si Sadok subung nga saserdote.

23 Kag naglingkod si Salomon nga hari sa lingkoran nga harianon ni Iehoba, sa ilis ni Dabid nga iya amay, kag nag-



bugana sia, kag nagtuman sa iya ang bug-os nga Israel.

24 Kag ang tanan nga mga dunganon kag mga gamhanan, kag ang tanan nga mga anak sang hari nga si Dabid, nagpalasakup sa hari nga si Salomon.

25 Kag ginpakadaku ni Iehoba sing tuman gid si Salomon sa mga mata sang bug-os nga Israel, kag ginhatag niya sa iya ang isa ka pagkahalangdon nga harianon nga walà gid sing sin-o nga hari, nga nakahuput nga una sa iya sa Israel.

26 Si Dabid, nga anak ni Isai, naghari sa ibabaw sang bug-os nga Israel.

27 Kag ang panag-on nga naghari sia sa ibabaw ni Israel nanginkap-atan ka tuig: naghari sia sing pito ka tuig sa Hebron, kag naghari sia sing katloan kag tatlo ka tuig sa Ierusalem.

28 Kag namatay sia sa maayong katigulangon, nga punô sang mga kaadlawan, sang mga mangad kag sang himaya; kag naghari nga salili niya si Salomon, nga iya anak.

29 Kag ang mga binuhatan sang hari nga si Dabid, ang mga nahauna kag ang mga naolehe, yari karôn, ginpanulat sila sa mga binuhatan ni Samuel, kag sa mga binuhatan ni Natan nga manalagna, kag sa mga binuhatan ni Gad nga manugtulok,

30 Pati ang bug-os niya nga ginhari-an, kag ang iya mga binuhatan nga bantug, kag ang mga panag-on nga nagliligad sa ibabaw niya, kag sa ibabaw ni Israel, kag sa ibabaw sang tanan nga mga ginharian sang mga duta.

## ANG IKADUHA NGA TOLON-AN SANG MGA KRONIKA.

Si Salomon nagapanḡayo kag nakadaḡat sang kaalam.

1 SI Salomon, nga anak ni Dabid, ginpalig-on sa iya ginharian; kag nagupud sa iya si Iehoba, nga iya Dios, kag ginpakadaku sia niya sing tuman gid.

2 Kag ginhambal ni Salomon ang bug-os nga Israel, ang mga pangolo sang mga linibo kag sang mga ginatus, kag ang mga hukom, kag ang tanan nga mga dunganon sang bug-os nga Israel, nga mga pangolo sang mga panimaláy.

3 Kag nagkadto si Salomon kag upud sa iya ang bug-os nga katilingban, sa mataas nga duug nga yadto sa Gabaon; kay didto ang Layanglayang sang pakigkitaan sang Dios, nga ginhimo ni Moises, nga alagad ni Iehoba, sa kahanayakan.

4 Apang nahanungud sang kaban sang Dios, ginpataklad sia ni Dabid gikan sa Kiriath-earim pa duug nga

gin-aman ni Dabid sa iya; kay ginhumlaran niya sia sang isa ka layanglayang sa Ierusalem.

5 Kag ang halaran nga tumbaga, nga ginhimo ni Besalel, nga anak ni Uri, anak ni Hur, yadto didto, sa atubangan sang Puluy-an ni Iehoba. Kag si Salomon kag ang katipunan nagpalangita kay Iehoba didto.

6 Kag si Salomon naghalad didto sa atubangan ni Iehoba, sa halaran nga tumbaga, nga nahanungud sa Layanglayang sang pakigkitaan; kag naghalad sia sing isa ka libo ka mga halad nga sinunog sa ibabaw sini nga halaran.

7 Kag sadto gid nga gab-i nagpakita ang Dios kay Salomon, kag nagsiling sa iya: "Pangayô-ka sang dapat nga ighatag ko sa imo."

8 Kag si Salomon nagsiling sa Dios: "Ikaw naghimo kay Dabid, nga akon amay, sang daku nga kalooy, kag ako ginhimo mo nga hari nga salili niya.

9 Busa, palig-ona karon, oh Iehoba nga Dios, ang imo polong kay Dabid, nga akon amay; kay ikaw naghimo sa akon nga hari sa ibabaw sang isa ka banwa nga ang kadamuon subung sang yab-ok sang duta.

10 Hatagi ako karon sang kaalam kag kinaadman, nga agud sarang ako makagowa kag makasulúd sa atubangan sini nga banwa; kay ¿sin-o bala ang makasarang paghukom sining imo banwa nga tama ka daku?"

11 Kag ang Dios nagsiling kay Salomon: "Tungud kay nanginamo ini sa imo tagiposoan, nga walá ka magpaugayô sing mga mangad, mga pagkabutang kag ang himaya, bisan ang kabuhi sang mga nagadumut sa imo; bisan nagpangayô ka sing malawig nga mga adlaw, kondi nga nagpangayô ka nga sa imo sang kaalam kag kinaadman nga sa paghukom sa akon banwa, nga sa ibabaw niya ginhimo ko ikaw nga hari,

12 Ang kaalam kag ang kinaadman nahatag sa imo; kag pagahatagan ko man ikaw sing mga mangad, kag sing mga pagkabutang kag himaya, nga walá gid maiya sang mga hari, nga nanginura sa imo, kag subung man sa olehe nimo walá sing bisan sin-o nga may iya sa ila."

13 Kag nagbalik si Salomon sa Ierusalem gikan sa mataas nga duug, nga yadto sa Gabaon, sa atubangan sang Layanglayang sang pakigkitaan; kag naghari sia sa ibabaw sang Israel.

*Mga kanga kag mga manugpangabayo ni Salomon.*

14 Kag gintipon ni Salomon ang mga kanga kag ang mga manugkabayo; kag may iya sia nga isa ka libo kag apat ka gatus ka kanga kag napúlô kag duha ka libo ka manugkabayo; kag ginpahamtang niya sila sa mga kabanwaan sang mga kanga kag upud sa hari sa Ierusalem.

15 Kag ginhimo sang hari nga ang pilak kag ang bulawan, sa Ierusalem, pagpakamahalon subung nga mga bató, kag ang mga sedro subung nga mga sikomoro nga nagatulúbô sa mga manubo, tungud sang kabuganaan nila.

16 Kag ang duug nga ginkuhaan ni Salomon sang iya mga kabayo among Egipto; kag sa pinanong: ang mga manugbaligya sang hari nagakadto didto

sa pagpangita sing panong sa bili nga ginakasugtanan.

17 Kag gintaklad kag ginpagowa nila gikan sa Egipto ang isa ka kanga sa anum ka gatus ka mga siklo nga pilak, kag ang isa ka kabayo sa isa ka gatus kag kalim-an; kag sa amo ini gindala nila sa ila nga sa tanan nga mga hari sang mga Hebinhon, kag nga sa mga hari sa Aram.

*Si Salomon naghisugot kay Hiram, kag ang mga amay nga sa pagpatindug sang Simbahan.*

**2** NAGTAPAT si Salomon sa pagpatindug sang Baláy nga sa ngalan ni Iehoba, kag isa ka baláy nga harianon nga sa iya.

2 Kag nag-isip si Salomon sang kanuman ka libo ka mga manugdalá sang lulan, kag kawaloan ka libo ka mga tawo nga magpalamulud sa bukid, kag tatlo ka libo kag anum ka gatus nga mga manugdumala sa ila.

3 Kag nagpasogo si Salomon kay Hiram, nga hari sa Tiro, nga nagsiling: *Himoa sa akon* subung sang ginhimo mo kay Dabid, nga akon amay, nga nagpadalá ka sa iya sang mga sedro, agud nga magpatindug sia nga sa iya sang baláy nga pagpuy-an niya.

4 Yari karon, ako magapatindug sang Baláy nga sa ngalan ni Iehoba, nga akon Dios, nga sa pagpakabalaan sini sa iya, nga sa pagsunog sang mga pahamut nga maamyon sa atubangan niya, kag nga sa palahamtangan sing dayon sang mga tinapay nga *pahayag*, kag nga sa mga halad nga sinunog sa aga kag sa hapon, sa mga sabado kag sa mga lati, kag sa mga piesta nga pinat-in ni Iehoha, nga amon Dios, nga among katungdanan sing dayon gid nga sa Israel.

5 Kag ang baláy nga pagapatindugon ko, magamangindaku; kay ang Dios namon daku sia sa ibabaw sang tanan nga mga dios.

6 Apang ¿sin-o bala ang may gahum sa pagpatindug sa iya sang Baláy; nga ang mga langit, kag ang mga langit sang mga langit, indi sarang makaigo sa iya? Kag ¿sin-o bala ako, nga magpatindug sa iya sang Baláy, kondi nga sa pagpasunog sing mga *pahamut* sa atubangan niya?

7 Busa, padalhi ako karon sang isa ka tawo nga sampaton sa pagpangabudlay



sa bulawan, sa pilak, sa tumbaga kag sa salsalon, sa eskarlata kag sa karmesi, kag sa purpura, kag nga mahibalo magpanigib sing mga tinigban, *agud nga magpangabudlay* sia upud ang mga sampaton nga yari upud sa akon sa Iuda kag sa Ierusalem, nga gin-aman sila ni Dabid, nga akon amay.

8 Padalhi *man* ako gikan sa Libano, sang kahoy nga sedro, nga sipres kag nga sandelo; kay nakahibalo ako, nga ang imo mga alagad mahibalo magpulud sang mga kahoy sa Libano. Kag yari karon ang akon mga alagad *magalalakat* upud sang imo mga alagad,

9 Kag pagaamanan nila ako sing kahoy sa kabugana, kay ang Baláy nga pagapatindugon ko, magamangindaku kag makatingala.

10 Kag yari karon, nga sa mga manugpulud nga imong mga alagad, nga magapangutúd sang mga kahoy, magahatag ako sing duha ka púlô ka libo ka mga koro nga trigo nga lininas, kag duha ka púlô ka libo ka mga koro nga sebada, kag duha ka púlô ka mga bat nga alak, kag duha ka púlô ka mga bat nga lana."

11 Kag si Hiram, nga hari sa Tiro, nagsabat sa isa ka sulat, nga ginpadalá niya kay Salomon: "Tungud kay ginbigugma ni Iehoba ang iya banwa, ginbutang ka niya nga hari sa ibabaw nila."

12 Kag *labut pa*, nagsiling si Hiram: "Dalayawon si Iehoba, nga Dios sa Israel, nga naghimo sang mga langit kag sang duta, nga naghatag sa hari, nga si Dabid, sang anak nga maalam, mahangponon kag mahibaloanon, nga buut magpatindug sang Baláy kay Iehoba, kag sang baláy nga harianon nga sa iya."

13 Busa karon, nagapadalá ako sa imo sang isa ka tawo nga sampaton, nga mahibaloanon, *nga amo* si Hiram-Abb.

14 Anak sia sang isa ka babae sang mga inanak nga babae ni Dan, apang ang iya amay naningin-Tirohanon. Mahibalo sia magpangabudlay sa bulawan kag sa pilak, sa tumbaga kag sa salsalon, sa batô kag sa kahoy, sa eskariata, sa purpura, sa lino kag sa karmesi; *subung man* sa pagpanigib sang tanan nga mga tinigban kag pagpadugi sang tanan nga mga pagbadlit nga *pagaipahimo* sa iya. *Magapangabudlay* sia upud ang imong mga tinawo nga mga sampaton,

kag upud sang mga tinawo nga sampaton sang akon ginoo nga si Dabid, nga imo amay.

15 Busa karon, magpadalá ang akon ginoo sa iya mga alagad sang trigo kag sang sebada, kag sang lana, kag sang alak, nga iya ginsiling.

16 Kag kami magapalamulud sang mga kahoy sa Libano, nga kinahanglan mo, kag pagadalhon namon dira sa imo sa mga linantay sa dagat tubtub sa Iope, kag ikaw magapadalá sa ila tubtab sa Ierusalem."

17 Kag ginisip ni Salomon ang tanan nga mga tawo nga mga dumuluong nga yara sa duta sa Israel, sono sang isip nga ginhimo sa ila ni Dabid, nga iya amay; kag nakita sa ila ang isa ka gatus kalim-an kag tatlo ka libo kag anum ka gatus.

18 Kag ginhimo niya sa ila ang kapi-toan ka libo nga manugdalá sang mga luluan, kag kawaloan ka libo nga manugpalamulud sa bukid, kag tatlo ka libo kag anum ka gatus nga mga manugdumala nga sa pagpangabudlay sa banwa.

Ang pagpa'ukud sang Simbahan.

**3** KAG ginsugdan ni Salomon sa pagpatindug ang Baláy ni Iehoba sa Ierusalem sa bukid nga Moria, nga diin nagpakita si *Iehoba* kay Dabid, nga iya amay, sa duug nga gin-aman ni Dabid sa linasan ni Ornan, nga Iebu-sinhon.

2 Kag nagsugud sia sa pagpatindug sa ikaduha nga adlaw sa ikaduha ka bulan, sa ikap-at ka tuig sang iya paghari.

3 Kag yari karon ang mga talaksan sang mga sadsaran nga ginbutang ni Salomon sa pagpatindug sang Baláy sang Dios: Ang kalabaon, sa maniko sa dumaan nga takus, kan-uman ka mga maniko, kag ang kasangkaron duha ka púlô ka maniko.

4 Kag ang silong nga yara sa atubang sang *Baláy*, nga ang kalabaon niya siling sang kasangkaron sang baláy, duha ka púlô ka maniko, kag ang iya kataason isa ka gatus kag duha ka púlô; kag ginhalupan niya sia sa sulúd sang bulawan nga ulay.

5 Kag gindagpakman niya ang daku nga Baláy sang kahoy nga sipres, kag ginhalupan niya sia sang maayong bula-

wan, nga sa ibabaw niya ginhimoan niya sing mga paklang kag mga talikala.

6 Ginputus *man* niya ang Baláy sang mga malahalón nga mga bató nga sa puni; kag ang bulawan among bulawan sa Parbaim.

7 Kag ginhalupan niya ang Baláy sing bulawan, ang mga balayan, ang mga atangan, ang mga dingding kag ang mga takup *sang mga gawang*; kag gintigib niya ang mga kerubin sa iya mga dingding.

8 Kag ginhimo niya ang baláy sang duug nga labing balaan: ang iya kalabaon, siling sang kasangkaron sang Baláy, duha ka púlô ka maniko; kag ang iya kasangkaron duha ka púlô ka maniko: kag ginhalupan niya sia sang mayong bulawan, nga *nagalambut* sa anum ka gatus ka mga talanton.

9 Kag ang timbang sang mga lansang kalim-an ka mga siklo nga bulawan. Ginhalupan *man* niya sang bulawan ang mga hulut nga mataas.

10 Kag sa sulúd sang duug nga labing balaan naghimo sia sang duha ka kerubin sa buluhaton nga tinigib kag ginhalopan sila sang bulawan.

11 Kag ang kalaba sang mga pakpak sang mga kerubin, duha ka púlô ka maniko: ang isa ka pakpak sang isa, nga lima ka maniko, nagaduut sia tubtub sa dingding sang Baláy; kag ang isa ka pakpak, nga lima ka maniko, nagaduut sia sa pakpak sang isa ka kerubin.

12 Kag ang isa ka pakpak sang ikaduha ka kerubin, nga lima ka maniko, nagaduut sia sa dingding sang Baláy; kag ang isa ka pakpak, nga lima ka maniko, nagingod sia sa pakpak sang isa ka kerubin.

13 Ang mga pakpak sining mga kerubin napanghumlad sa duha ka púlô ka maniko; kag sila nagatilingdug sa ila mga tiil, kag ang ila mga nawung naging talingi nayon sa Baláy.

14 Naghimo *man* sia sang kumbung nga purpura, kag nga eskarlata, kag nga karmesi, kag nga lino nga manipis, kag ginbutangan niya sa ibabaw *niya* sing mga kerubin.

15 Kag sa atubangan sang Baláy naghimo sia sang duha ka mga haligi sa tagkatloan kag lima ka maniko ang kalabaon, kag ang mga ololo nga yara sa ila nataasan, lima ka maniko.

16 Naghimo *man* sia sing mga talika-

la nga sa orakulo, kag ginbutang niya sila sa nataasan sang mga haligi; kag naghimo sia sing isa ka gatus ka mga granada, nga ginbutang niya sila sa mga talikala.

17 Kag ginpatindug niya ang mga haligi sa atubangan sang Simbahan; ang isa sa too, kag ang isa sa walá; kag ang sa too ginhingalanan niya nga Iakin, kag ang sa walá nga Boas.

Ang halaran nga tumbaga; ang dagat sa tinunaw; ang mga gamit nga sa Simbahan.

4 KAG naghimo sia sang isa ka halaran nga tumbaga sa duha ka púlô ka maniko ang kalabaon, kag duha ka púlô ka maniko ang kasangkaron, kag napúlô ka maniko ang kataason.

2 Naghimo *man* sia sang isa ka dagat nga *tumbaga* nga tinunaw, nga manipulon gid, nga may napúlô ka maniko gikan sa isa ka bibig pa isa, kag lima ka maniko ang kadalumon; ang isa ka lubid nga katloan ka maniko makalibut gid sa iya.

3 Kag sa idalum ginalibutan sia sang mga dagway sang baka, sa palibot, sa palibot gid, napúlô sa tagsa ka maniko, sa bug-os nga palibot: ang mga baka *nahamtang* sa duha ka obay nga mga tinunaw upud sa iya sang sia gintunaw.

4 Natungtung sia sa ibabaw sang napúlô kag duha ka mga baka, nga ang tatlo sa ila nagatulok sa Aminhan, ang tatlo nagatulok sa Katundan, kag ang tatlo nagatulok sa Bagatnan, kag ang tatlo nagatulok sa Sidlangan; kag ang dagat yara sa ibabaw nila pa ibabaw, kag ang tanan nila nga mga buli yara nayon sa sulúd.

5 Kag ang kadamol sini among isa ka dangaw, kag ang iya bibig nabasbasan subung sang bibig sang isa ka tagayan sa dagway sang bulak nga lirio; sa sulúd, tatlo ka libo ka bat ang sarang makaigo sa iya.

6 Naghimo *man* sia sang napúlô ka mga batiya, kag ginbutang niya ang lima sa too, kag ang lima sa walá, nga sa pagpanghugas sa ila. Ginatinloan sa ila ang buluhaton sang halad nga sinunug; apang ang dagat amo nga sa mga saserdote sa pagpanghinaw sa iya.

7 Subung *man* naghimo sia sang napúlô ka mga sadngan nga bulawan, sono sang tulumanon nahanungud sa ila, kag



ginbutang niya sila sa Simbahan, lima sa too kag lima sa walá.

8 Kag naghimo sia sing napúlô ka mġa latok, kag ginbutang niya sila sa Simbahan, lima sa too kag lima sa walá. Kag naghimo sia sang isa ka gatus ka mġa yahong nġa bulawan.

9 Kag ginhimo niya ang patyo sang mġa saserdote, kag ang daku nġa patyo, kag ang mġa takup sang *gawang* nġa sa patyo, kag ginhalupan niya sang tumbaga ang mġa takup.

10 Kag ginpahamtang niya ang dagat sa kilid nġa too, nayon sa Sidlangan sa atubang sang Bagatnan.

11 Naghimo man si Hiram sing mġa alabohan, kag mġa sudsud kag mġa yahong. Kag gintapus ni Hiram ang buluhaton, nġa ginhimo niya nġa sa hari nġa si Salomon sa Baláy sang Dios:

12 Duha ka mġa haligi, kag ang mġa manipulon kag ang mġa ooloo nġa yara sa nataasan sang mġa haligi; kag ang duha ka linála nġa sa pagtabon sang duha ka manipulon sang mġa ooloo, nġa yadto sa nataasan sang mġa haligi;

13 Kag ang apat ka gatus ka mġa granada nġa sa duha ka linála, duha ka obay nġa granada nġa sa taga ka linála, sa pagtabon sang duha ka mġa manipulon sang mġa ooloo, nġa yadto sa nataasan sang mġa haligi.

14 Ginhimo *man* niya ang mġa tulungtungán, kag ginhimo niya ang mġa batiya sa ibabaw sang mġa tulungtungán;

15 Kag ang dagat nġa bugtong kag ang napúlô kag duha ka mġa baka sa idalum niya;

16 Kag ang mġa alabohan, kag ang mġa sudsud, kag ang mġa suntok, kag ang tanan niya nġa mġa gamit. Gin-himo sila ni Hiram-Abib sa binuli nġa tumbaga nġa sa hari nġa si Salomon, sa Baláy ni Iehoba.

17 Kag gintunaw sila sang hari sa mġa kadulunan sang Iordan, sa duta nġa hinishinison, sa tungá sang Sukot kag Sereda.

18 Kag ginhimo ni Salomon ang tanan nġa mġa gamit sa daku nġa kabugana, kag walá magusisa sang timbang sang tumbaga.

19 Kag ginhimo ni Salomon ang tanan nġa mġa galamiton nġa yara sa Baláy sang Dios: ang halaran nġa bulawan,

kag ang mġa latok, nġa sa ibabaw nila ang mġa tinapay nġa pahayag;

20 Kag ang mġa sadngan kag ang ila mġa lamprahan nġa bulawan nġa ulay, nġa dapat pagpadabdabon sila sono sang tulumanon sa atubangan sang orakulo;

21 Kag ang mġa bulak, kag ang mġa lamprahan, kag ang mġa kimpit *ginpanghimo* sa bulawan, sa bulawan nġa ulay gid.

22 Kag ang mġa sundang, ang mġa yahong, ang mġa tagayan kag ang mġa insensario, sa bulawan nġa ulay; ang gawang sang Baláy, ang iya mġa takup nġa sa sulúd nġa sa duug nġa labing balaan, kag ang mġa takup sang Baláy sang Simbahan, bulawan *man*.

**5** KAG ang tanan nġa buluhaton nġa ginhimo ni Salomon nġa sa Baláy ni Iehoba, nahuman sing bug-os gid. Kag ginpadalá ni Salomon ang ginpalaan ni Dabid, nġa iya amay: ang pilak, ang bulawan kag ang tanan nġa mġa gamit; ginbutang niya sila sa mġa bahandi sang Baláy sang Dios.

#### Pagpahanungud sang Simbahan.

2 Niyang gintipon ni Salomon ang mġa tigulang sa Israel, kag ang tanan nġa mġa pahgolo sang mġa kabikahan, ang mġa dunganon sang mġa amay, sang mġa inanak ni Israel, sa Ierusalem sa pagpataklad sang kaban sang katipan ni Iehoba gikan sa banwa ni Dabid, nġa among Sion.

3 Kag nagtilipon sa hari ang tanan nġa mġa tinawo sa Israel sa piesta, nġa amo sang bulan nġa ikapito.

4 Kag sang nag-alabut ang tanan nġa mġa tigulang sa Israel, gindalá sang mġa Lebinhon ang kaban.

5 Kag ginpataklad nila ang kaban, kag ang Layanglayang sang pakigkitan, kag ang tanan nġa mġa balaan nġa gamit nġa yara sa Layanglayang; ginpataklad sila sang mġa saserdote *kag* sang mġa Lebinhon.

6 Kag ang hari nġa si Salomon, kag ang bug-os nġa katilingban sa Israel, nġa nagatilipon sa iya, yara sila sa atubangan sang kaban, nġa nagahalalad sang mġa óbeha kag mġa baka, nġa tungud sang kadamuon indi sila sarang makaisip, bisan makasugid.

7 Kag giupasulúd sang mga saserdote ang kaban sang katipan ni Iehoba sa iya duug, sa orakulo sang Baláy, sa duug nga labing balaan, sa idalun sang mga pakpak sang mga kerubin.

8 Kag ang mga kerubin nagahulumlad sang mga pakpak sa ibabaw sang duug sang kaban, kag ginatabunan sang mga kerubin ang kaban kag, ang iya mga yayongan yara sa ibabaw.

9 Kag ang mga yayongan, may tama ka kalabaon nga ang mga olo sang mga yayongan makita kutub sa kaban, sa atubangan sang orakulo, apang indi sila makita kutub sa gowa; kag didto ang kaban tubtub karon.

10 Walá gid sing bisan ano sa kaban, luwas lamang sang duha ka tapi nga ginbutang ni Moises sa Horeb, sang didto si Iehoba nakigkatipan sa mga inanak ni Israel, sang paghalín nila sa Egipto.

11 Kag nahanabu, sang paggowa sang mga saserdote sa balaan nga Puluy-an (kay ang tanan nga mga saserdote nga yadto didto ginpakabalaan sila, kag walá magabalantay sang ila mga paginagisud);

12 Kag ang mga Lebinhon, ang tanan nga mga manugkanta, si Asap, si Heman, si Iedutun, kag ang ila mga anak kag ang ila mga útud, nga napanaputan sang lino nga manipis, nga may mga apiping sila, kag mga salterio, kag mga arpa, nagatilindug sila sa Sidlangan sang halaran; kag upud sa ila ang isa ka gatus kag duha ka pulô ka mga saserdote nga nagapalatunog sang mga budyong.

13 Kag nahanabu, sang ang mga manugbudyong kag ang mga manugkanta naghiliusa subung sang isa lamang ka tawo sa pagpapamati sing isa lamang ka tingug sa pagdayaw kag sa pagpasalamat kay Iehoba, kag sang pagbayaw nila sang tingug nga may mga budyong kag mga ap'ping kag mga tulungon sa musika, kag nga nagdalayaw sila kay Iehoba, nga *nagsiling*:

“Kay maayo sia,

Kay ang iya kalooy amo sa giha-  
pon;”

niyan ang baláy napunô sang isa ka pangnanud, ang baláy ni Iehoba;

14 Kag ang mga saserdote indi makasarang magpadayon *didto* sa pag-alagad bangud sang pangnanud; kay ang himaya ni Iehoba nagpunô sang Baláy sang Dios.

Ang pinulongan kag pangamuyo ni Salomon nga sa pagpahanungud sang Simbahan.

6 NIYAN nagsiling si Salomon: “Si Iehoba nagsiling nga sia magapuyô sa kadulum.

2 Kag ako nagpatindug sang isa ka Baláy nga puluy-an nga sa imo, kag isa ka puluy-an, agud nga magpuyô ka sa iya sa gihapon.”

3 Kag ginbalikid sang hari ang iya nawung, kag ginpakamaayo niya ang bug-os nga katilingban sa Israel, kag ang bug-os nga katilingban sa Israel nagatindug.

4 Kag sia nagsiling: “Pakamaayohon si Iehoba, nga Dios sa Israel, nga naghambal sa iya babâ kay Dabid, nga akon amay, kag sa iya kamut gintuman niya ang iya polong, nga nagsiling:

5 Kutub sang adlaw nga ginpagowa ko ang akon banwa gikan sa duta sa Egipto, walâ ako magpili sing banwa sa tanan nga mga kabikahan sa Israel, nga pagpatindugan sang baláy nga sa iya yara ang akon ngalan, kag walâ ako magpili sing lalaki nga magmaningin pangolo sa ibabaw sang akon banwa nga Israel.

6 Apang ginpili ko ang Ierusalem, agud nga sa iya magpuyô ang akon ngalan, kag si Dabid ginpili ko, agud nga *maghari* sia sa akon banwa nga Israel.

7 Kag si Dabid, nga akon amay, naghuput sa iya tagiposoong sang pagpatindug sing Baláy sa ngalan ni Iehoba, nga Dios sa Israel.

8 Kag si Iehoba nagsiling kay Dabid, nga akon amay: tungud kay naghuput ka sa imo tagiposoong sa pagpatindug sing baláy sa akon ngalan, naghimo ka sing maayo sa paghuput sini sa imo tagiposoong.

9 Walay sapayan, indi ikaw amo ang magapatindug sing Baláy, kondi ang imo anak nga magagowa sa imo mga taludtud, sia magapatindug sing Baláy sa akon ngalan.

10 Kag gintuman ni Iehoba ang iya polong, nga ginmitlang niya; kag ginpatindug ako nga salili ni Dabid, nga akon amay, kag ginpalingkod ako sa lingkoran nga harianon sa Israel, subung sang ginsiling ni Iehoba; kag ginpatindug ko ang Baláy nga sa ngalan ni Iehoba, nga Dios ni Israel.

11 Kag nagbutang ako sa iya sang kaban, nga sa iya yara ang katipan ni



Iehoba, nga ginhimo niya sa mga inanak ni Israel."

12 Kag nagtindug si Salomon sa atubangan sang halaran ni Iehoba, sa atubangan sang bug-os nga katilingban sa Israel, kag ginbayaw niya ang iya mga kamut;

13 Kay si Salomon naghimo sing isa ka walihan nga tumbaga, nga lima ka maniko ang kalaba, kag lima ka maniko ang kasangkad, kag ang kataason tatlo ka maniko, kag ginbutang niya ini sa tungâ sang patyo; kag nagtindug sia sa ibabaw niya, kag ugaling naglohod sia sa atubangan sang bug-os nga katilingban sa Israel, kag ginbayaw niya ang iya mga kamut sa langit kag nagsiling:

14 "Oh Iehoba, Dios ni Israel, walay sing Dios nga subung sa imo sa mga langit, bisan sa duta, nga nagabantay ka sang katipan kag sang kalooy sa imo mga alagad, nga nagalalakat sa atubangan nimo sa bug-os nila nga tagipsoon;

15 Kay ginbantayan mo sa imong alagad nga si Dabid, nga akon amay, ang ginsiling mo sa iya: ginsiling mo *ini* sa iya sa imo bâbâ, kag sa imo kamut gintuman mo ang imo polong, subung sang makita sa sini nga adlaw.

16 Busa karon, Iehoba, Dios ni Israel, tumana sa imo alagad, nga si Dabid, nga akon amay, ang ginpanaad mo sa iya, nga nagsiling: Indi makulang ang lalaki sa imo sa atubangan nakon nga maglingkod sa lingkoran nga harianon sa Israel, lamang nga ang imo mga anak magbalantay sang ila dalanon nga maglalakat sa akon kasogoan, subung sang imo paglakat sa atubangan nakon.

17 Busa karon, oh Iehoba, Dios ni Israel, tumana ang imo polong, nga ginsiling mo sa imong alagad nga si Dabid.

18 Apang; matuod bala nga ang Dios magapuyô upud sang tawo sa duta? Yari karon nga ang mga langit, kag ang mga langit sang mga langit indi sarang sila sa imo makapahaigo, labi na gid ining Balây, nga akon ginpatindug.

19 Walay sapayan, linga ang pangamuyo sang imo alagad kag ang iya palangayoon, oh Iehoba, nga akon Dios, sa pagpamati sang pagsingit kag sang pangamuyo sang imo alagad, nga ginhimo niya sa atubangan mo;

20 Agud nga ang imo mga mata magmuluklat sa adlaw kag sa gab-i sa iba-

baw sining Balây, sa ibabaw sang duug nga imo ginsiling: Ang akon ngalan magapuyô didto, agud nga magpamati ka sang pangamuyo, nga pagahimoon sang imo alagad sa sini nga duug.

21 Kag magpamati-ka sang pangamuyo sang imo alagad kag sang imo banwa nga Isarel, kon magpalangamuyo sila nayon sa sini nga duug, busa magpamati-ka kutub sa mga langit, kutub sa duug sang imo puluy-an; pamatii kag patawara.

22 Kon ang isa magpakasalâ batok sa iya isigkatawo, kag pagapiliton sia sing panumpa nga papanumpaon sia, kag sia magkari kag magpanumpa sa atubangan sang imo halaran sa sini nga Balây,

23 Niyang pamatii kutub sa mga langit, kag buhata kag hukmi ang imo nga alagad, nga ihatag ang bayad sa malauton nga ipabalik ang iya pagginawi sa ibabaw sang iya olo, kag nga pagpakamatarunon mo ang matarung sa paghatag sa iya sono sang iya kata-runan.

24 Kon ang imo banwang Israel pagdag-on sa atubangan sang iya mga kaaway, tungud kay nakasalâ sila batok sa imo, kag kon magbalalik sila sa imo kag pagdayawon nila ang imo ngalan, kag magpalangamuyo sila kag magpalakilooy sa imo sa atubangan nimo sa sini nga Balây,

25 Niyang pamatii sila kutub sa mga langit, kag patawara ang salâ sang imo banwang Israel, kag iuli sila sa duta, nga ginhatag mo sa ila kag sa ila mga gini-kanan.

26 Kon ang mga langit pagtakpan kag indi magulan tungud nga sila nakasalâ batok sa imo; kag kon magpalangamuyo sila sa imo sa sini nga duug, kag pagdayawon nila ang imo ngalan, kag talikdan nila ang ila mga salâ, sang ikaw magapaubus sa ila,

27 Niyang pamatii sila sa mga langit, kag patawara ang salâ sang imo nga alagad, kag sang imo banwa nga Israel, kay gintudloan mo sila sang maayo nga dalan, nga ila pagalaktan; kag ihatag sa ila ang mga ulan sa ibabaw sang imo duta, nga ginhatag mo sa imo banwa nga panublion.

28 Kag kon sa duta may gutum, kon may kamatay, kon may panlaya kag gusim, kon apan, kon lukso; kag kon paglibutan sia sang ila mga kaaway sa

duta nga didto ang iya mga gawang ; sa tanan nga kalalat-an, sa tanan nga bala-tian ;

29 Sa bisan ano nga pangamuyo, sa bisan ano nga pagpakilooy nga pagabu-haton sang bisan sin-o nga tawo, kon sang bug-os nga imo banwang Israel, kon magkilala ang tagsatagsa sang iya kalalat-an kag sang iya kasakit, kag paguntayon nila ang ila mga kamut nayon sa sini nga Baláy,

30 Niyan pamatii sila kutub sa mga langit, nga lingkoran sang imo puluy-an kag patawara. Kag ihatag sa tagsa-tagsa sono sa iya mga dalanon, ikaw nga nakakilala sang iya tagiposoon (kay ikaw lamang ang nakakilala sang tagiposoon sang mga inanak sang tawo) ;

31 Agud nga magkalahadluk sila sa imo, kag maglalakat sila sa imo mga dalanon, sa tanan nga mga adlaw nga magkalabuhi sila sa ibabaw sang nawung sang duta, nga ginhatag mo sa amon mga ginikanan.

32 Labut pa, nahanungud sa dumulu-ong nga indi iya sang imong banwang Israel, nga mag-abut gikan sa malayô nga mga duta bangud sang imo daku nga ngalan, kag sang imo mabaskug nga kamut, kag sang imo inuntay nga but-kon ; kon magkalari sila, kag magpala-ngamuyo nayon sa sini nga Baláy,

33 Pamatii kutub sa mga langit, nga lingkoran sang imo puluy-an, kag buhata sono sa yadtong tanan nga pagapan-gayo-on sa imo sining dumuluong ; agud nga ang tanan nga mga banwa sa duta ma-kakilala sang imo ngalan, kag magkala-hadluk sa imo, subung sang imo banwa nga Israel, kag makahibalo sila nga ang imo ngalan ginatawag sa ibabaw sining Baláy nga akon ginpatindug.

34 Kon ang imo banwa maggowa sa pag-awayan batok sa iya mga kaaway sa dalan nga pagapakadtoan mo sa ila, kag magpalangamuyo sila sa imo nayon sa sining banwa, nga ginpili mo, kag nayon sa Baláy nga akon ginpatindug sa imo ngalan,

35 Niyan pamatii kutub sa mga langit ang ila pangamuyo kag ang ila pag-pakilooy kag himoon-mo sa ila ang katadlungan.

36 Kon makasalâ sila batok sa imo (kay walay tawo nga walâ makasalâ), kag maakig ka batok sa ila, kag itugyan mo sila sa atubangan sang kaaway, kag

ang mga magbihag sa ila, pagadalhon sila nga mga bihag sa duta sang *ila* mga kaaway, malayô kon malapit ;

37 Kon maulian sila sa ila kaugali-ngon, sa duta nga didto nabihag sila ; kon magliliso sila, kag magpakilooy sila sa imo, sa duta sang ila kabihagan, kag magsililing : Nakasalâ kami, nag-himo kami sing malain, madauton gid nagbuhat kami,

38 Kag kon magliliso sila sa imo sa bug-os nila nga tagiposoon kag sa bug-os nila nga kalág, sa duta sang ila kabihagan, sa diin gindalâ sila nga mga bihag, kag kon magpalangamuyo, *nga nagabalikid nayon* sa ila duta, nga imo ginhatag sa ila mga ginikanan, sa banwa nga imo ginpili, kag nayon sa Baláy, nga akon ginpatindug nga sa imo nga-lan,

39 Niyan pamatii kutub sa mga langit, nga lingkoran sang imo puluy-an, ang ila pangamuyo kag ang ila mga paki-looy, kag himoon-mo sa ila ang katad-lungan kag patawara ang imo banwa, sang salâ, nga nahimo batok sa imo.

40 Busa karon, oh Dios ko, ginaampo ko sa imo nga magmuluklat ang imo mga mata, kag magmatalupangdon ang imo mga idulungug sa pangamuyo sa sining duug.

41 Oh Iehoba nga Dios,  
Tindug ka karon nga sa *pagpuyô*  
sa imo palahuwayan,  
Ikaw kag ang kaban sang imo kalig-onan ;

Pagpanaputan sang kaluwasan ang imo mga saserdote, oh Iehoba nga Dios,

Kag mag-alagum sang kaayohan ang imong mga balaan.

42 Iehoba nga Dios, ayaw pagpata-lingia ang nawung sang imo hinaplas ; Panumduma ang mga kalooy kay Dabid, nga imo alagad."

Nagapanaug ang kalayo gikan sa langit kag ang himaya ni Iehoba nagapuno sang Simbahan.  
Mga halad sa pahanungud kag piesta sang mga payagpayag.

**7** KAG sang pagkatapus ni Salomon sa pagpangamuyo, ang kalayo nag-panaug gikan sa mga langit, kag ginupud niya ang halad nga sinunog, kag ang mga halad ; kag ang himaya ni Iehoba nagpunô sang Baláy.



2 Kag indi sarang makasulūd ang mġa saserdote sa Baláy ni Iehoba, kay ang himaya ni Iehoba nagpunō sang Baláy ni Iehoba.

3 Kag sang pagkakita sang tanan nġa mġa inanak ni Israel, nġa nagpanaug ang kalayo kag ang himaya ni Iehoba sa ibabaw sang Baláy, nagduluko sila sa duta, sa salug, kag naghalapa sila nġa nagdalayaw kay Iehoba, nġa *nagasiling* :

“Kay Maayo sia,

Kay ang iya kalooy amo sa gihapon.”

4 Kag ang hari kag ang bug-os nġa banwa naghalalad sing mġa halad sa atubangan ni Iehoba.

5 Kag naghalad ang hari nġa si Salomon sing halad nġa duha ka púlō kag duha ka libo ka mġa baka, kag isa ka gatus kag duha ka púlō ka mġa obeha, kag sa *sini* ginpahanungud ang Baláy sang Dios sang hari kag sang bug-os nġa banwa.

6 Kag ang mġa saserdote nagatilingdug, nġa nagatuman sang ila hilikuton, subung man ang mġa Libinhon upud sang mġa tulungon sa musika ni Iehoba, nġa ginhimo sila sang hari nġa si Dabid nġa sa pagdayaw kay Iehoba, nġa *nagasiling* : “Kay ang iya kalooy amo sa gihapon,” sang si Dabid nagadayaw tungud sa ila. Kag ang mġa saserdote nagpalatunog sang mġa budyong sa atubangan nila, kag ang bug-os nġa Israel nagatilingdug.

7 Kag ginpakabalaan *man* ni Salomon ang tungā sang patyo nġa yara sa atubangan sang Baláy ni Iehoba, tungud kay ginhalad niya didto ang mġa halad nġa sinunog, kag ang mġa sapay sang mġa halad sa paghidaet ; kay sa ha'aran nġa tumbaga, nġa ginhimo ni Salomon, indi sarang makaigo ang mġa halad nġa sinunog, kag ang halad nġa kalan-on kag ang mġa sapay.

8 Kag naghimo si Salomon sing piesta sa pito ka adlaw, kag upud sa iya ang bug-os nġa Israel : isa ka daku nġa katilingban, kutub sa salamputan sang Hamat tubtub sa sapa sang Egipto.

9 Kag sa ikawalo ka adlaw, naghilimo sila sang isa ka pagtilipon nġa maligdong ; kay ginhimo nila ang pahanungud sang halaran sa pito ka adlaw, kag ang piesta sa pito ka adlaw.

10 Kag sa ikaduha ka púlō kag tatlo sang bulan nġa ikapito, ginpadalá niya

ang banwa sa ila mġa layanglayang, nġa may kalipay kag ang tagiposoan nġa malipayon tungud sang mġa kaayohan nġa ginhimo ni Iehoba kay Dabid kag kay Salomon, kag sa iya banwa nġa Israel.

Sabat ni Iehoba sa pangamuyo ni Salomon.

11 Kag ginhuman ni Salomon ang Baláy ni Iehoba, kag ang baláy sang hari ; kag sa tanan nġa nag-abut sa tagiposoan ni Salomon nġa himoon sa Baláy ni Iehoba kag sa iya gid baláy, naga-bugana sia.

12 Kag nagpakita si Iehoba kay Salomon sa kagab-ihon kag nagsiling sa iya : “Ginpamatian ko ang imo pangamuyo, kag ginpili ko nġa sa akon ini nġa duug nġa sa Baláy sa halad.

13 Kon ako magtakup sang mġa langit, kag nġa walay ulan, kag kon magsogo ako sa mġa apan nġa maghalunhon sang duta, kag kon magpadalá ako sang kamatay sa akon banwa ;

14 Kag kon magpaubus ang akon banwa, nġa sa ibabaw nila pagtawgon ang akon ngalan, kag magpalangamuyo sila, kag magpalangita sila sang akon nawung, kag magliliso sila sa ila mġa malain nġa mġa dalanon, niyan pagapamatian ko man kutub sa mġa langit, kag pagapatawaron ko ang ila mġa salá, kag pagaayohon ko ang ila duta.

15 Karon magamuluklat ang akon mġa mata, kag magamatalupangdon ang akon mġa idulungug sa pangamuyo sa sini nġa duug ;

16 Kay karon ginpili kag ginpakabalaan ko ini nġa Baláy, agud nġa magpuyô sa iya ang akon ngalan sa gihapon ; kag dira sa gihapon ang akon mġa mata kag ang akon tagiposoan sa tanan nġa mġa adlaw.

17 Kag ikaw, kon maglakat ka sa atubangan nakon, subung sang paglakat ni Dabid, nġa imo amay, kag maghimo ka sang tanan nġa mġa butang nġa ginsogo ko sa imo, kag magbantay ka sang akon mġa palatukuran kag sang akon mġa tulumanon,

18 Pagapalig-unon ko ang lingkoran nġa harianon sang imo ginharian, subung sang ginkatipan ko kay Dabid, nġa imo amay, nġa *nagasiling* : Indi makulangan sing lalaki nġa maggahum sa Israel.

19 Apang kon kamo magtatalikod, kag magbiliya kamo sang akon mga palatukuran kag sang akon mga sogo, nga ginbutang ko sa atubangan ninyo, kag magkadto kamo sa pag-alagad sa liwan nga mga dios, kag maglayaub kamo sa atubangan nila,

20 Pagagabuton ko kamo sa akon duta, nga ginhatag ko sa inyo; kag ining Baláy nga ginpakabalaan ko nga sa akon ngalan, pagasikwayon ko sia sa atubangan nakon, kag pagaibutang ko sia nga hulubaton kag kaladlawan sang tanan nga mga banwa.

21 Kag ining Baláy nga tama ka daku, nga ang bisan sin-o nga mag-agi sa iya, magakakugmat kag magasiling: ¿Kay ngaa bala ginhimo sing subung sini ni Iehoba ini nga duta kag ini nga Baláy?

22 Kag igasiling: Kay ginbayaan nila si Iehoba, nga Dios sang ila mga ginikanan, nga sia nagpagowa sa ila sa duta sang Egipto, kag nga naghalakus sila sa liwan nga mga dios, kag naglayaub sila sa atubangan nila kag gin-alalagad nila sila; tungud sini ginpakari niya ining tanan nga kalainan sa ibabaw nila."

Iban nga mga ginpatindug ni Salomon.—Ang iya palangitan-an.

**8** KAG sang natapus ang duha ka pulô ka tuig, nga sa sulúd nila ginpatindug ni Salomon ang Baláy ni Iehoba kag ang iya gid nga baláy,

2 Nahanabu nga ginpatindug liwan ni Salomon ang mga kabanwaan, nga ginhatag ni Hiram kay Salomon, kag ginpapyô niya sa ila ang mga inanak ni Israel.

3 Kag nagkadto si Salomon batok sa Hamat sa Soba, kag naglandas sia sa iya.

4 Kag ginpatindug niya ang Tadmor, sa kahanayakan, kag ang tanan nga mga kabanwaan sa mga kasangkapan, nga ginpatindug niya sa Hamat.

5 Kag ginpatindug man niya ang Bet-Horon sa ibabaw, kag ang Bet-Horan sa idalun, mga banwa nga pinabakud nga may mga kuta, mga gawang kag mga pinal;

6 Kag ang Baalat kag ang tanan nga mga kabanwaan sa kasangkapan nga iya ni Salomon, kag ang tanan man nga mga kabanwaan nga sa mga

kanga, kag ang mga kabanwaan nga sa mga manugkabayo; kag ang tanan nga kahamuut-an ni Salomon sa pagpatindug sa Ierusalem, kag sa Libano kag sa bug-os nga duta sang iya gin-harian.

7 Kag ang tanan nga katawohan nga nagkalabilin sang mga Hetinhon, sang mga Amorphon kag mga Peresinhon, sang mga Hebinhon kag mga Iebusinhon, nga indi sila taga-Israel,

8 Ang ila mga anak, nga nagkalabilin sa duta sa olehe nila, tungud kay ang mga inanak ni Israel walâ maglalaglag sa ila, ginhimo ni Salomon nga mga dagyaw tubtub karon.

9 Kag sa mga iranak ni Israel walay ginhimo si Salomon nga mga alagad nga sa iya buluhaton; kay mga tawo sila sa pag-awayan, kag mga pangolo sang ila mga manugaway, kag mga pangolo sang iya mga kanga kag sang iya mga manugkabayo.

10 Kag yari karon ang isip sang mga pangolo nga iya ni Salomon: duha ka gatus kag kalim-an nga may kagamhanan sa ibabaw sang banwa.

11 Kag ginpataklad ni Salomon ang anak nga babae ni Paraon gikan sa banwa ni Dabid sa baláy nga ginpatindug niya nga sa iya; kay nagsiling sia: "Ang akon asawa indi magapuyô sa baláy ni Dabid, nga hari sa Israel, kay ang mga duug nga didto nagsulúd ang kaban ni Iehoba, mga balaan sila."

12 Niyan naghalad si Salomon sang mga halad nga sinunog kag Iehoba sa ibabaw sang halaran ni Iehoba, nga ginpatindug niya sa atubangan sang silong.

13 Kag naghalad sia sa adlawadlaw sang nagakaigo, sono sang sogo ni Moises, sa mga sabado, sa mga lati, kag sa mga pinat-inan nga piesta, sa makatlo sa tuig: sa piesta sang mga Tinapay nga walay tapay, sa piesta sang mga Sinimana, kag sa piesta sang mga Payagpayag.

14 Kag gintukud niya sono sang tulumanon ni Dabid, nga iya amay, ang mga binunghaybunghay sang mga saserdote sa ila mga pag-alagdan, kag ang mga Lebinhon sa ila mga tulin, agud nga magdalayaw sila sa Dios kag mag-alagad sila sa atubangan sang mga saserdote sang tagsa ka butang sa iya adlaw, kag ang mga manugbantay sang gawang sono sang ila binunghaybunghay, sa tagsa



ka gawang; kay amo ini ang sogo ni Dabid, nga tawo sang Dios.

15 Kag walâ sila magbiya sang sogo sang hari nahanungud sa mga saserdote kag sa mga Lebinhon, sa bisan ano nga butang, bisan sa mga bahandi.

16 Kag sa *sini* ang bug-os nga buluhaton ni Salomon naaman na, kutub sang adlaw sang pagtukud sang Baláy ni Iehoba tuhtub nga nahuman. Ang Baláy ni Iehoba nahuman sing bug-os gid.

17 Niyan si Salomon nagkadto sa Esion-Geber kag sa Elot, sa baybayon sang dagat nga *mapula*, sa duta sa Edom.

18 Kag si Hiram nagpadalâ sa iya sang mga sakayan, sa kamut sang iya mga alagad, nga mga sakayanon kag mga alagad nga mga sampaton sa dagat; kag nagkaladto sila upud sang mga alagad ni Salomon sa Opir, kag nagkuluha sila didto sang apat ka gatus kag kaliman ka talanton nga bulawan, nga gindadalâ nila sa hari nga si Salomon.

Ang haring babae sa Seba nag-abut sa pagtan-aw kay Salomon.

9 KAG sang nabatian sang hari nga babae sa Seba ang kabantugan ni Salomon, nag-abut sia sa Ierusalem upud ang isa ka tama ka daku nga kabuylog, nga may mga kamelyo, nga nagadalalâ sing mga pahamut kag sing bulawan nga bugana, kag sing mga bató nga mga malahalon, sa pagsulay kay Salomon nga may mga paktakon. Kag nag-abut sia kay Salomon, kag ginpahayag niya sa iya ang tanan nga yara sa iya tagiposoan.

2 Kag si Salomon nagsaysay sa iya sang tanan niya nga mga polong; kag walâ sing bisan ano nga natago kay Salomon, nga walâ pagisaysay sa iya.

3 Kag sang ang hari nga babae sa Seba nakakita sang kaalam ni Salomon, kag sang baláy nga iya ginpatindug,

4 Kag sang mga pagkaon sa iya latok, kag sang paglingkod sang iya mga alagad, kag sang pag-alagad sang iya mga sologoon, kag sang ila mga panapton kag sang iya mga manugtagay, kag sang ila mga panapton, kag sang iya salakaan sa diin nagasaka sia sa Baláy ni Iehoba, walâ na sia sing ginhawa.

5 Kag nagsiling sia sa hari: "Matuud ang akon nabatian sa akon duta sang imo mga pinolongan kag sang imo kaalam;

6 Apang ako walâ magtoo sang mga polong nila, tuhtub nga nagkari ako, kag ang akon mga mata nakakita sa *ila*. Kag yari karon, nga bisan pa ang katungâ sang kadakuon sang imo kaalam walâ pagisugid sa akon: naglabaw ka sang tanan nga nabatian ko.

7 Mga bulahan ang imo mga tinawo; kag mga bulahan ang imo mga alagad, nga yara sila sa dayon gid sa imo atubangan, nga nagapalamati sila sang imo kaalam.

8 Pagpakamaayohon si Iehoba, nga imo Dios, nga nahamuut sa imo, sa pagbutang sa imo sa iya lingkoran nga harianon, nga hari kay Iehoba, nga imo Dios. Tungud kay ginhigugma sang imo Dios ang Israel, nga sa pagpadayon sa iya sa gihapon, nga ginbutang ikaw niya nga hari sa ibabaw nila, agud nga maghimo ka sing katadlungan kag katarungan."

9 Kag naghatag sia sa hari sang isa ka gatus kag duha ka púlô ka talanto: nga bulawan, kag madamu gid nga mga pahamut kag mga bató nga mga malahalon, nga walâ na gid sing subung nga mga pahamut subung sang mga ginhatag sang hari nga babae sa Seba sa hari nga si Salomon.

10 Ang mga alagad ni Hiram kag ang mga alagad ni Salomon, nga nagdalalâ sang bulawan sa Opir, nagdalalâ man sang kahoy nga sandalo kag mga malahalon nga mga bató.

11 Kag naghimo ang hari sa kahoy nga sandalo sang mga hagdan nga sa Baláy ni Iehoba kag nga sa baláy sang hari, kag sang mga arpa kag mga salterio, nga sa mga manugkanta. Kag walâ nga mas-a makita ang kasubung sadto sa duta sa Iuda.

12 Kag ang hari nga si Salomon naghatag sa hari nga babae sa Seba sang tanan nga iya naluyagan sa pagpangayô sa iya, labut pa sang *bili* nga gindalâ niya sa hari. Kag sia nagpauli kag napakadto sa iya duta, sia kag ang iya mga alagad.

Mga mangad, pagkadaku kag himaya ni Salomon.

13 Kag ang kabug-aton sang bulawan, nga nag-abut kay Salomon sa tagsa ka tuig, among anum ka gatus kan-uman kag anum ka mga talanton nga bulawan,

14 Walay labut ang *ginbaton niya*

sa mġa manuglibud kag sa mġa manugbaligya, nġa gindalá nila, kag sa tanan nġa mġa hari sa Arabia kag sa mġa gobernador sa duta, nġa nagadalalá sing bulawan kag pilak kay Salomon.

15 Kag nagbuhat man ang hari nġa si Salomon sang duha ka gatus ka taming nġa bulawan nġa pinakang, nġa nagagamit nġa sa tagsa ka taming sing anum ka gatus ka *siklo* nġa bulawan nġa pinakang;

16 Kag tatlo *man* ka gatus ka mġa kalasag nġa bulawan nġa pinakang nġa nagagamit nġa sa tagsa ka kalasag sing tatlo ka gatus ka *siklo* nġa bulawan. Kag ginbutang sila sang hari sa baláy sang Talon sang Libano.

17 Kag naghimo *man* ang hari sang isa ka lingkoran nġa harianon nġa tiposo, kag ginhalupan niya ini sang bulawan nġa ulay.

18 Kag ang lingkoran nġa harianon may anum ka mġa alintaga kag ang isa ka talapakan nġa bulawan nġa tingub sa lingkoran nġa harianon, kag mġa halambuyan sa isa kag sa isa ka luyo malapit sa pulungkoan, kag duha ka leon nġa nagatindug sa luyo sang mġa halambuyan,

19 Kag napúlô kag duha ka leon nġa nagatindug didto sa ibabaw sang anum ka alintaga, sang isa kag sang isa ka luyo. Walá sing bisan ano nġa kasubung nġa ginhimo nġa sa bisan ano nġa ginharian.

20 Kag ang tanan nġa ilimian sang hari nġa si Salomon mġa bulawan, kag ang tanan nġa lahang sang baláy sang Talon sang Libano lunsay nġa bulawan. Sa mġa kaadlawan ni Salomon ang pilak walá pagpakamahala.

21 Kay ang mġa sakayan sang hari nagapalakadto sa Tarsis, upud ang mġa alagad ni Hiram, kag makaisa sa tagsa ka tatlo ka tuig nagaalabut ang mġa sakayan gikan sa Tarsis, nġa nagadalalá sila sing bulawan kag sing pilak, sing tango sang mġa elepante, sing mġa amô, kag sing mġa pabo.

22 Kag ang hari nġa si Salomon nanġinlabaw sa tanan nġa mġa hari sang duta sa mangad kag sa kaalam.

23 Kag ang tanan nġa mġa hari sang duta naghilimulat sa *pagtan-aw* sang nawung ni Salomon, sa pagpamati sang iya kaalam, nġa ginbutang sang Dios sa iya tagiposoon.

24 Kag nagdalá sila ang tagsatagsa sang iya dólot: mġa suludlan nġa pilak, mġa suludlan nġa bulawan, mġa panap-ton, mġa hinganiban, mġa pahamut, mġa kabayo kag mġa mula, sa tuiguig.

25 Kag si Salomon may apat ka libo ka mġa palasudlan nġa sa mġa kabayo, kag mġa kanga, kag napúlô kag duha ka libo ka mġa manugkabayo, nġa ginbutang niya sila sa mġa kabanwaanang sang mġa kanga, kag upud sa hari sang Ierusalem.

26 Kag nagginoosia sa ibabaw sang tanan nġa mġa hari kutub sa Subá tub-tub sa duta sang mġa Pilistinhon, kag tubtub sa dulunan sang Egipto.

27 Kag ginhimo sang hari nġa *pagpakamahalon* sa Ierusalem ang pilak subung nġa mġa bató, kag ang mġa sedro subung sang mġa sikomoro nġa yara sa mġa manubo, nġa may tama ka damu.

28 Kag nagkuha sing mġa kabayo nġa sa kay Salomon, gikan sa Egipto kag sa tanan nġa mġa kadutaan.

Kamatayon ni Salomon.

29 Kag ang nabilin sang mġa binuhatan ni Salomon, nġa mġa mahauna kag mġa naolehe, ¿walá bala masulat sa mġa binuhatan ni Natan nġa manalagna, kag sa Tagna ni Ahias, nġa Taga-Silo, kag sa Palanan-awon ni Iddo, nġa manugtulok, batok kay Ieroboam, nġa anak ni Nabat?

30 Kag naghari si Salomon sa Ierusalem sa ibabaw sang bug-os nġa Israel sing kap-atan ka tuig.

31 Kag nagtolog si Salomon upud sa iya mġa ginikanaan, kag ginlubung sia sa banwa ni Dabid, nġa iya amay: kag naghari nġa salili niya si Roboam, nġa iya anak.

Pagbahinbahin sang ginharian.—Si Roboam nġa hari sa Iuda; si Ieroboam nġa hari sa Israel.

**10** KAG nagkadto si Roboam sa Sikem, kag ang bug-os nġa Israel nag-abut sa Sekem sa paghimo sa iya nġa hari.

2. Kag sang nabatian ini ni Ieroboam, nġa anak ni Nabat (nġa didto sia sa Egipto, nġa didto nagpalagyo sia sa atubangan sang hari nġa si Salomon), nagbalik si Ieroboam gikan sa Egipto.



3 Kag ginpakadtoan nila kag ginta-wag nila sia, kag nag-abut si Ieroboam kag ang bug-os nga Israel, kag ginhalambal nila si Roboam, nga nagasiling:

4 “Ang imo amay nagpabug-at sang amon singkaw; kag karon pamag-ana sing *diyot* ang matig-a nga pag-alagdan sang imo amay kag ang mabug-at nga singkaw nga ginbutang niya sa amon, kag pagaalagdon ka namon.”

5 Kag sia nagsiling sa ila: “*Mag-lakat-kamo* sing tatlo ka adlaw.” Kag ang banwa napauli.

6 Kag ang hari nga si Roboam nakig-sapul sa mga tigulang nga nagtalambong sa atubangan ni Salomon, nga iya amay, sang nagakabuhi pa sia, nga nagasiling: “¿Ano bala ang ikalaygay ninyo nga igasabat ko sa sini nga banwa?”

7 Kag sila naghambal, nga nagasiling: “Kon ikaw magmangingmaayo nga sa sini nga banwa, kag magpahamuut ka sa ila, kag maghambal ka sa ila sang mga maayo nga mga polong, sila magaalalagad sa imo sa gihapon.”

8 Apang binayaan niya ang laygay nga ginhatag sa iya sang mga tigulang, kag nagpamangkot sia sang mga pamatan-on nga nagkadalagku upud sa iya, kag nga yara sila sa atubangan niya.

9 Kag nagsiling sia sa ila: “¿Ano bala ang igalaygay ninyo, nga igasabat naton sa sini nga banwa, nga naghambal sa akon, nga nagasiling: Pamag-ana sing *diyot* ang singkaw, nga ginbutang sang imo amay sa ibabaw namon?”

10 Kag ang mga pamatan-on nga nagkadalagku upud sa iya, naghambal sa iya, nga nagasiling: “Amo ining pagaisiling mo sa banwa nga naghambal sa imo, nga nagasiling: Ang imo amay nagpabug-at sang amon singkaw, apang ikaw magpamag-an sa anon sing *diyot*: amo ini ang pagaisiling mo sa ila: Ang kamalingking nakon among labing mabahol sang mga taludtud sang akon amay.

11 Busa karon, ang akon amay naglulan sa inyo sing mabug-at nga singkaw, apang ako magadugang sang kabug-at sa inyo singkaw. Ang akon amay nagsilot sa inyo sang mga bunal, apang ako *magasilot* sa inyo sing mga timbaba.”

12 Kag sa ikatlo ka adlaw nag-abut si Ieroboam upud sang bug-os nga banwa kay Roboam, siling sang ginsogo sang

hari, nga nagasiling: “Balik-kamo sa akon sa ikatlo ka adlaw.”

13 Kag ang hari nagsabat sa ila sing matigdas gid; kag nagbiya ang hari nga si Roboam sang laygay sang mga tigulang.

14 Kag naghambal sia sa ila sono sang laygay sang mga pamatan-on, nga nagasiling: “Ang akon amay nagpabug-at sang inyo singkaw, apang ako magadugang sang kabug-at sa inyo singkaw: ang akon amay nagbunal sa inyo sang mga bunal, apang ako *magasilot* sa inyo sing mga timbaba.”

15 Kag ang hari walâ magpamati sa banwa; kay amo ang binubuut sang Dios, sa pagtuman ni Iehoba sang iya polong, nga kinahambal tungud kay Ahias, nga taga-Silo kay Ieroboam, nga anak ni Nabat.

16 Kag sang pagkakita sang bug-os nga Israel, nga ang hari walâ magpamati sa ila, nagsabat ang banwa sa hari, nga nagasiling: “¿Ano bala ang bahin namon kay Dabid? Walâ kami sing panublion sa anak ni Isai. ¡Israel, ang tagsatagsa sa iya puluy-an! ¡Tan-awa karon, Dabid, sa imo baláy!” Kag napukadto ang bug-os nga Israel sa iya nga layanglayang.

17 Apang nahanungud sang mga inanak ni Israel, nga nagpuluyô sa mga banwa sa Iuda, si Roboam naghari sa ibabaw nila.

18 Kag ginpadalâ sang hari nga si Roboam si Adoram, nga yara sa ibabaw sang mga dagyaw; apang ginbatô sia sang mga inanak ni Israel, kag napatay sia. Kag ang hari nga si Roboam, nagdalidali sa pagsakay sa isa ka kanga, sa pagpalagyo sa Ierusalem.

19 Sa *sini* naglalis ang Israel batok sa baláy ni Dabid tubtub karon.

**11** KAG sang pag-abut ni Roboam sa Ierusalem, gintipon niya ang baláy ni Iuda kag ni Benyamin, ang isa ka gatus kag kawaloan ka libo ka mga tawo nga pinili sa pag-awayan, sa pagpakigaway sa Israel nga sa pagpabalik sang ginhari-an kay Roboam.

2 Apang ang polong ni Iehoba nag-abut kay Semaia, nga lalaki sang Dios, nga nagasiling:

3 “Hambala si Roboam, nga anak ni Salomon, nga hari sa Iuda, kag sa bug-os

nga Israel sa Iuda kag sa Benyamin, nga nagasiling:

4 Amo ini ang ginasiling ni Iehoba: Dili kamo magtalaklad, bisan mag-alaway kamo batok sa inyo mga útud. Magpauli ang tagsatagsa sa iya baláy, kay gikan sa akon nga ini nahanabu." Kag sila nagpalamati sang mga polong ni Iehoba, kag ragpalauli sila, kag walá sila magkaladto batok kay Ieroboam.

*Ginalig-on ni Roboam ang iya ginharian.—Nagaa-labut ang mga Lebinhon kag ang mga Israelinhon sa Ierusalem.—Mga asawa kag mga anak ni Roboam.*

5 Kag nagpuyô si Roboam sa Ierusalem, kag nagpatindug sia sing mga kabanwaan nga mabakud sa Iuda.

6 Kag ginpatindug niya ang Betlehem, ang Etam, ang Tekoa,

7 Ang Bet-sur, ang Soko, ang Adulam,

8 Ang Gat, ang Maresa, ang Sip,

9 Ang Adoraim, ang Lakis, ang Aseka,

10 Ang Sora, ang Ahalon kag ang Hebron, nga didto sila sa Iuda kag sa Benyamin, nga mga kabanwaan nga mga mabakud.

11 Kag ginlig-on man niya ang mga kabakuran, kag nagbutang sia sa ila sang mga manugdumala, kag sang mga kamalig nga sa kalan-on, sa alak kag sa lana,

12 Kag sa tagsa ka banwa sing mga taming kag sing mga sumbling; kag ginlig-on niya sila sing tuman gid. Kag nahanungud sa iya ang Iuda kag ang Benyamin.

13 Kag ang mga saserdote kag ang mga Lebinhon nga yadto sa bug-os nga Israel, nagtilipon sa iya gikan sa tanan niya nga mga kadulunan,

14 Kay ginbayaan sang mga Lebinhon ang ila mga minoro kag ang ila mga pagkabutang, kag nagpalakadto sila sa Iuda kag sa Ierusalem: kay gin-sobol sila sa mga hilikutan nga sinasaserdote kay Iehoba ni Ieroboam kag sang iya mga anak.

15 Kag nagtukud sia sing mga saserdote nga sa mga mataas nga duug, kag nga sa mga kanding nga lalaki kag nga sa mga tinday sang baka, nga ginhimo niya.

16 Kag sa olehe nila sadto, gikan sa

tanang nga mga kabikahan sa Israel, ang mga nagbulutang sang ila tagiposoon sa pagpangita kay Iehoba, nga Dios sa Israel, nag-alabut sila sa Ierusalem nga sa paghalad kay Iehoba, nga Dios sang ila mga ginikanan.

17 Kag ginlig-on nila ang ginharian sa Iuda, kag ginpatakud nila kay Roboam, nga anak ni Salomon, sa tatlo ka tuig; kag sa tatlo ka tuig naglalakat sila sa dalanon ni Dabid kag ni Salomon.

18 Kag ginpangasawa ni Roboam si Mahalat, nga anak nga babae ni Gerimot, nga anak ni Dabid, kag si Abihail, nga anak nga babae ni Eliab, nga anak ni Isai;

19 Nga sia nagpanganak sa iya sang mga anak nga lalaki: kay Ieus, kay Semaria kag kay Saham.

20 Sa olehe niya ginpangasawa niya si Maaka, nga anak nga babae ni Absalom, nga sia nagpanganak sa iya kay Abias, kay Atai, kay Sisa kag kay Selomit.

21 Kag ginligugma ni Roboam si Maaka, nga anak nga babae ni Absalom, sing labi sa tanan niya nga mga asawa kag mga babae; kay nangasawa sia sang napulô kag walo kag nagpanginbabae sing kan-uman, kag nagpanganak sia sang duha ka pulô ka mga anak nga lalaki kag kan-uman ka mga anak nga babae.

22 Kag gintukud ni Roboam si Abias, nga anak nga lalaki ni Maaka, nga pangolo kag dunganon sa iya mga útud, kay *buut niya* nga himoon sia nga hari.

23 Kag naggawi sia nga may kaalam, kag ginlapta niya ang tanan niya nga mga anak sa tanan nga mga duta sa Iuda kag sa Benyamin, kag sa tanan nga mga kabanwaan nga mabakud, kag ginhatagan niya sila sing mga kalan-on sa bugana, kag nangayo sing madamu nga mga asawa nga sa ila.

*Ang pagdiwala ni Roboam ginsilotan tuugud sang pagsalakay ni Sisak, hari sa Egipto.*

**12** KAG sang napalig-on ang ginhari-an ni Roboam kag sang nagbakud sia, ginbayaan niya ang kasogoan ni Iehoba, kag ginbayaan sia sang bug-os nga Israel nga kaupud niya.

2 Kag nahanabu sa ikalima ka tuig sang hari nga si Roboam, nga nagtaklad si Sisak, nga hari sa Egipto, batok sa



Ierusalem, tungud kay naglalis sila batok kay Iehoba,

3 Nga may isa ka libo kag duha ka gatus ka mga kanga, kag may kanuman ka libo ka manugkabayo kag walâ sing isip ang banwa nga nagupud sa iya gikan sa Egipto, ang mga Libinhon, ang mga Sukinhon kag mga Kasinhon.

4 Kag ginkuha niya ang mga kabawaanan nga mga mabakud sa Iuda, kag nag-abut sia tubtub sa Ierusalem.

5 Kag nag-abut si Semaia, nga manalagna, kay Roboam kag sa mga dunganon sa Iuda, nga nagakalatipon sa Ierusalem bangud kay Sisak, kag nagsiling sia sa ila: "Amo ining ginasiling ni Iehoba: Kamo, kamo nagbiliya sa akon, kag ako man nagbiya sa inyo sa mga kamut ni Sisak."

6 Kag ang mga dunganon sa Israel kag ang hari nagpalaubus, kag nagsiling: "Matarung amo si Iehoba."

7 Kag sang nakita ni Iehoba, nga nagpalaubus sila, nag-abut ang polong ni Iehoba kay Semaia, nga nagsiling: "Nagpalaubus sila; indi ko sila pagalaglagon, kondi pagatugutan ko sila nga magpalagyo ang iban kag indi na maula ang akon kaakig batok sa Ierusalem tungud sa kamut ni Sisak.

8 Apang magamanginalagad sila niya, kag mahibaloan nila ang ginakalainan sang pag-alagadan sa akon, kag sang pag-alagdan sa mga ginharian sang mga duta.

9 Busa, nagtaklad si Sisak, nga hari sa Egipto, batok sa Ierusalem, kag ginkuha niya ang mga bahandi sang Baláy ni Iehoba, kag ang mga bahandi sang baláy sang hari: ang tanan gindalá niya. Kag ginkuha man niya ang mga taming nga bulawan, nga ginhimo ni Salomon;

10 Kag sa baylo nila naghimo ang hari nga si Roboam sang mga taming nga tumbaga, kag ginsalig niya sila sa mga kamut sang mga pangolo sang mga manugdalagan, nga nagabalantay sila sang salamputan sang baláy sang hari.

11 Kag sa gihapon nga ang hari magsulúd sa Baláy ni Iehoba, ang mga manugdalagan nag-alabut, kag gindalalá nila sila, kag ginauli nila sila sa hulut sang mga manugdalagan.

12 Kag sang nagpaubus sia, ang kaakig ni Iehoba nagpalayô sa iya, sa indi paglaglag sa iya sing bug-os; kag sa

Iuda may mga butang man sadto nga mga maayo.

13 Kag si Roboam naglig-on sa Ierusalem kag naghari; kay si Roboam nagaded sing kap-atan kag isa ka tuig, sang pagsugud niya sa paghari, kag naghari sia sing napulô kag pito ka tuig sa Ierusalem, banwa nga ginpili ni Iehoba sa tanan nga mga kabikahan sa Israel, sa pagbutang didto sang iya ngalan. Kag ang ngalan sang iya ilôy amo si Naama, nga Amoninhon.

14 Kag naghimo sia sang malain, kay walâ magtugyan sia sang iya tagiposon sa pagpangita kay Iehoba.

15 Kag ang mga binuhatan ni Roboam, ang mga nahauna kag ang mga nahaelehe, walâ bala mapanulat sa mga polong ni Semaia, nga manalagna, kag ni Iddo nga manugtuluk, sa listahan sang panimaláy? Kag may mga ilinaway sa tungâ ni Roboam kag ni Ieroboam sa tanan nga mga adlaw.

16 Kag nagtolog si Roboam upud sang iya mga ginikanan, kag ginlubung sia sa banwa ni Dabid; kag naghari nga salili niya si Abia, nga iya anak.

Ang paghari ni Abia; ang iya pag-away batok kay Ieroboam.

13 SA ikapulô kag walo ka tuig sang hari nga si Ieroboam, naghari si Abias sa ibabaw sang Iuda.

2 Kag naghari sia sing tatlo ka tuig sa Ierusalem; kag ang ngalan sang iya ilôy amo si Mikaia, anak nga babae ni Uriel, nga taga-Gabaa. Kag may inaway sa tungâ ni Abias kag ni Ieroboam.

3 Kag nagsugud si Abias sang inaway nga may isa ka kasoldadosan nga mga tawo nga maisug nga sa pag-awayan, nga apat ka gatus ka libo ka mga tawo nga pinili; kag si Ieroboam nagpasunud sang inaway batok sa iya nga may walo ka gatus ka libo ka mga tawo nga pinili, nga mga maisug nga manugaway.

4 Kag nagtindug si Abias sa ibabaw sang bukid sa Semaraim, nga yara sa mga bukid sa Ephraim, kag nagsiling sia: "Pamatii-ninyo ako, Ieroboam, kag bug-os nga Israel.

5 Walâ bala kamo makahibalo nga si Iehoba, nga Dios ni Israel, naghatag sang ginharian kay Dabid sa ibabaw sang Israel sa gihapon, sa iya kag sa iya mga anak, sa katipan sa asin?

6 Apang si Ieroboam, nga anak ni Nabat, alagad ni Salomon, anak ni Dabid, nagtindug kag naglalis batok sa iya ginoo.

7 Kag nagdalaumpig sa iya ang mga tawo nga mga walay pulus, nga mga anak ni Belial, kag nagmalig-on sila batok kay Roboam, nga anak ni Salomon. Kag si Roboam pamatan-on kag maluya sing tagiposoan, kag walâ magpahayag nga mabakud sia sa atubangan niya.

8 Kag karon, kamo nagahuhunahuna sa paglig-on sa inyo batok sang ginharian ni Iehoba, nga yara sa kamut sang mga anak ni Dabid; kay kamo isa ka daku gid nga kadam-an, kag yara sa inyo ang mga tinday sang baka nga bulawan, nga ginhimo ni Ieroboam nga dios nga sa inyo.

9 ; Walâ bala ninyo pagsobola sa inyo ang mga saserdote ni Iehoba, ang mga inanak ni Aaron kag ang mga Lebinhon, kag naghilimo kamo nga sa inyo sing mga saserdote subung sang mga banwa sa iban nga mga duta? Bisan sin-o nga nagkari sa pagbalaan sa iya nga may isa ka tinday sang baka kag pito ka mga karnero, nangiusaserdote sia sang indi dios.

10 Nahanungud sa amon si Iehoba amo ang amon Dios, kag walâ namon sia pagbayai; kag ang mga saserdote nga nagalagad kay Iehoba nga anak sila ni Aaron, kag ang mga Lebinhon yara sila sa ila buluhaton.

11 Kag sa tagsa ka aga kag sa tagsa ka hapon nagasulunog sila kay Iehoba sang mga halad nga sinunog kag sang mga pahamut nga mga maamyon; kag may paagisod kita sang mga tinapay sa ibabaw sang matinlo nga latok, kag sang sadungan nga bulawan patí ang ila mga lamprahan, agud nga magdalabdbab sila sa tagsa ka hapon; kay kami nagabalantay sang ginhatag sa amon ni Iehoba, nga amon Dios, sa pagbantay; apang kamo nagbiliya sa iya.

12 Kag yari karon, ang Dios upud sa amon nga pangolo, kag ang iya mga saserdote patí ang mga budyong sa tunug nga sa kagubut, sa pagpatunog sa kagubut batok sa inyo. Mga inanak ni Israel, ayaw kamo pag-alaway batok kay Iehoba, nga Dios sang inyo mga ginikanan, kay indi kamo magabugana."

13 Kag si Ieroboam nagdumala sing isa ka puut sa pag-abut sa likod nila;

sila yara sa atubangan sang mga taga-Iuda kag ang puut yara sa likod nila.

14 Kag ang mga taga-Iuda nagbalikid, kag yari karon, may pag-away sia sa atubangan kag sa likod. Kag nagpalanawag sila kay Iehoba kag ang mga saserdote nagpalatunog sang mga budyong.

15 Kag ang mga taga-Iuda nagsilingit, kag nahanabu nga, sa pagsilingit sang mga tinawo ni Iuda, ginpilas sang Dios si Ieroboam kag ang bug-os nga Israel sa atubangan ni Abias kag ni Iuda.

16 Kag nagpalalagyo ang mga inanak ni Israel sa atubangan ni Iuda, kag gintugyan sila sang Dios sa ila mga kamut.

17 Kag si Abias kag ang iya banwa nagpilas sa ila sa daku nga pagpamatay kag nagkalapukan nga mga pilason sa kamatayon sa Israel ang lima ka gatus ka libo ka mga tawo nga pinili.

18 Kag ginpaubus ang mga inanak ni Israel sa sadtong panag-on; kag ang mga inanak ni Iuda naglig-on, kay nagsalandig sila kay Iehoba, nga Dios sang ila mga ginikanan.

19 Kag ginlagas ni Abias si Ieroboam, kag ginkuha niya sa iya ang mga kabanwaan: ang Bethel patí ang iya mga minoro, kag ang Iesana patí ang iya mga minoro, kag ang Epron patí ang iya mga minoro.

20 Kag si Ieroboam walâ na sing kusug sa mga kaadlawan ni Abias; kag ginpilas sia ni Iehoba kag namatay sia.

21 Apang nagpamakud si Abias: kag nangasawa sia sing napulô kag apat ka babae, kag nagpanganak sia sing duha ka pulô kag duha ka mga anak nga lalaki kag napulô kag anum ka mga anak nga babae.

22 Kag ang iban sang mga binuhatan ni Abias, ang iya mga dalanon kag ang iya mga polong, nasulat sa Kasaysayan ni Iddo, nga manalagna.

Ang paghari ni Asa; ang iya mga pagdaug sa ibabaw sang mga Kusinhon.

14 KAG nagtolog si Abias upud sang iya mga ginikanan, kag ginlubung nila sia sa banwa ni Dabid; kag naghari nga salili niya si Asa, nga iya anak. Sa iya mga kaadlawan naglinong ang ka-dutaan sa napulô ka tuig.

2 Kag ginhimo ni Asa ang maayo kag



ang matadlung sa mġa mata ni Iehoba, nġa iya Dios ;

3 Kay ginkuha niya ang mġa halaran sang mġa dios nġa dumuluong, kag ang mġa mataas nġa mġa duug, kag ginboong niya ang mġa larawan kag ginutġd niya ang mġa Asherim.

4 Kag nagsogo sia sa Iuda, nġa magpalangita sila kay Iehoba, nġa Dios sang ila mġa ginikanan, kag nġa ibutang nila sa buhat ang kasogoon kag ang sogo.

5 Kag ginkuha niya sa tanan nġa mġa kabanwaan sa Iuda ang mġa mataas nġa duug kag ang mġa haligi nġa larawan sang adlaw. Kag naglinong ang ginharian sa atubangan niya.

6 Kag nagpatindug sia sing mġa kabanwaan nġa mġa mabakud sa Iuda ; tungġd kay may kalinong sa duta, kag walġ sing inaway batok sa iya sa sadtong mġa tuig ; kay ginhatagan sia ni Iehoba sing kapahuwayan.

7 Kag nagsiling sia sa Iuda : "Patin-dugon naton ining mġa kabanwaan, kag palibutan naton sila sang mġa kuta, nġa may mġa tore, mġa gawang, kag mġa pintal : ang duta yara pa sa atubangan naton, kay ginpanġita naton si Iehoba, nġa aton Dios ; ginpanġita naton sia, kag sia naghatag sa aton sing pahaway sa palibot." Kag ginpatindug nila kag nagbugana sila.

8 Si Asa may kasoldadosan nġa tatlo ka gatus ka libo sa Iuda, nġa nagadalalġ sang taming kag sang sumbling : kag sa Benyamin, duha ka gatus kag kawaloan ka libo nġa nagadalalġ sing kalasag kag nagasalanting sang pana ; ining tanan nġa mġa tinawo mġa manugaway nġa maisug sila.

9 Kag naggowa batok sa ila si Sera, nġa Kusinhon, nġa may isa ka kasoldadosan nġa isa ka laksa, kag tatlo ka gatus ka mġa kanga, kag nag-abut sia tub-tub sa Maresa.

10 Kag naggowa si Asa batok sa iya, kag nagpalasunud sila sa inaway sa nalupyakan sa Sepata, malapit sa Maresa.

11 Kag nagsingit si Asa kay Iehoba nġa iya Dios, kag nagsiling sia : "Iehoba, walġ mo pagpalabiha ang pagbulig sang mġa madamu kon sang mġa walġ sing kusug : buligi kami, oh Iehoba, nġa Dios namon, kay sa imo nagsandig kami, kag sa imo nġalan nagkari kami batok sini nġa kadam-an. Ikaw

amo si Iehoba, nġa amon Dios : indi maglandas batok sa imo ang tawo nġa mamalasyon."

12 Kag ginpilas ni Iehoba ang mġa Kusinhon sa atubangan ni Asa kag sa atubangan ni Iuda, kag nagpalalagyo ang mġa Kusinhon.

13 Kag si Asa kag ang banwa nġa yara upud sa iya naglalagas sa ila tub-tub sa Gerar ; kag nagkalapukan ang mġa Kusinhon tubtub nġa walay sin-o sa ila nġa sarang makauli, kay ginpanlaglag sila sa atubangan ni Iehoba kag sang iya kasoldadosan. Kag ginkuhaan sila nila sing daku gid nġa inagaw.

14 Kag ginpilas nila ang tanan nġa mġa kabanwaan sa palibot sang Gerar, kay ang kakugmat kay Iehoba yara sa ibabaw nila, kag gin-ati nila ang tanan nġa mġa kabanwaan, kay yara sa ila ang duku nġa hinublas.

15 Kag ginpilas nila patġ ang mġa payagpayag sang mġa kahayupan, kag gindakup nila ang madamu nġa mġa obeha kag mġa kamelyo. Kag nagbalalik sila sa Jerusalem.

Ginalaglag ni Asa ang diwata.

**15** KAG nag-abut ang Espiritu sang Dios sa ibabaw ni Asarias, nġa anak ni Obed,

2 Kag naggowa sia sa pagsugata kay Asa, kag nagsiling sia sa iya : "Pamatiininyo ako, Asa, kag bug-os nġa Iuda kag Benyamin : Si Iehoba nagaupud sa inyo, kon kamo nagaupud sa iya. Kon pangitaon ninyo sia, makita sia ninyo ; apang kon bayaan ninyo sia, sia man magabiya sa inyo.

3 Sa madamu nġa mġa adlaw ang Israel walġ sing matuud nġa Dios, bisan saserdote nġa nagatudlo, bisan kasogoon.

4 Apang sang yara sila sa kalisdanan, nagbalalik sila kay Iehoba, nġa Dios ni Israel, kag ginpalangita nila sia kag nakita nila sia.

5 Kag sa sadtong mġa panag-on walay paghidaet sa mġa nagagulowa, bisan sa mġa nagasululġd, kay daku nġa mġa kalisang sa ibabaw sang tanan nġa mġa pumuluyġ sang mġa duta.

6 Kag nagalinasay sila, ang isa katawohan sa isa ka katawohan, kag ang isa ka banwa sa isa ka banwa ; kay ang

Dios nagpagubot sa ila sang tanan nga mga kalilisan.

7 Apang kamo, magbakud-kamo, kag indi magluluya ang inyo mga kamut; kay may sohol nga sa inyo binuhatan."

8 Kag sang nabatian ni Asa ang mga polong kag ang mga tagna ni Obed, nga manalagna, nagbakud sia, kag gin-kuha niya ang mga kalangil-aran sa bug-os nga duta ni Iuda kag ni Ben-yamin, kag sa mga kabanwaanang nga iya kinuha sa bukid ni Epraim, kag ginkaáyô niya ang halaran ni Iehoba, nga yara sa atubangan sang alagyan ni Iehoba.

9 Kag ginpatipon niya ang bug-os nga Iuda kag Benyamin, kag ang mga tinawo sa Epraim, sa Manases kag sa Simeon, nga nagpuluyô sa tungâ nila; kay madamu gid ang mga Israelinhon nga nagsalaylo sa iya, kay nakita nila nga si Iehoba, nga ila Dios, yara upud sa iya.

10 Kag nagtilipon sila sa Ierusalem sa ikatlo ka adlaw sang tuig nga ikapulô kag lima sang paghari ni Asa.

11 Kag sa sadto nga adlaw naghalalad sila kay Iehoba sang inagaw, nga gindala nila, nga pito ka gatus ka baka kag pito ka libo ka obeha.

12 Kag nagkalatipan sila nga pagapangitawon nila si Iehoba, ang Dios sang ila mga ginikanan, sa bug-os nila nga tagiposoong kag sa bug-os nila nga kalág;

13 Kag bisan sin-o nga indi magpangita kay Iehoba, nga Dios ni Israel, mamatay sia, ang daku subung man ang diyotay, ang lalaki subung man ang babae.

14 Kag nagsulumpa sila kay Iehoba sa daku nga tingug kag pagsingit, kag sa tunug sang mga budyong kag sang mga sungay.

15 Kag nagkalipay ang bug-os nga Iuda bangud sang panumpa, kay sa bug-os nila nga tagiposoong nagsulumpa sila sini, kag nga sa bug-os nila nga kabubut-on ginpalangita nila sia; kag nga nakit-an sia nila, kag nga ginhatagan sila ni Iehoba sing pahuway sa palibot.

16 Kag bisan pa si Maaka, nga ilôy ni Asa, nga hari, ginkuha niya sia gikan sa pagkahari nga babae, kay naghimo sia sing isa ka kangil-aran kay Ashera; kag ginutúd ni Asa ang iya larawan, kag gin-

dugmok niya ini, kag ginsunog niya sia sa kasulgan sang Kedron.

17 Apang ang mga duug nga mataas walâ mapanguha sa Israel; walay sapayan ang tagiposoong ni Asa nanginhimpit sa tanan niya nga mga adlaw.

18 Kag gindala niya sa Baláy ni Iehoba ang ginbalaan sang iya amay, kag ang iya gid ginbalaan: pilak, bulawan kag mga gamit.

19 Kag walâ na sing inaway tubtub sa katloan kag lima ka tuig sang paghari ni Asa.

Sala nga giuhimo ni Asa, sang nakigkatipan sia sa Siria, batok sa Israel.—Ang iya kamatayan.

**16** SA tuig nga ikakatloan kag anum sang paghari ni Asa, nagtaklad si Baasa, nga hari sa Israel, batok sa Iuda, kag ginpatindug niya ang Rama, agud nga indi pagtugutan sa paggowa bisan sa pagsulud ang bisan sin-o sang mga sinakpan ni Asa, nga hari sa Iuda.

2 Kag nagkuha si Asa sang pilak kag sang bulawan sa mga bahandi sang Baláy ni Iehoba kag sang baláy sang hari, kag ginpadala niya sia kay Ben-Hadad, nga hari sa Aram, nga nagpuyô sa Damasko, nga nagasiling:

3 "May katipan sa tungâ nakon kag sa imo, kag a tungâ sang akon amay kag sang imo amay: yari karon, ako nagapadala sa imo sing pilak kag bulawan. Lakat-ka kag boonga ang imo katipan kay Baasa, nga hari sa Israel, agud nga magpalayô sia sa akon."

4 Kag si Ben-Hadad nagpamati sa hari nga si Asa, kag ginpadala niya ang mga pangolo sang iya mga kasoldadosan batok sa mga kabanwaanang sa Israel, kag ginpilas nila ang Iyon, ang Dan, kag ang Abel-main, kag ang tanan nga mga kamalig sang mga kabanwaanang sa Neptali.

5 Kag sang pagkabati sini ni Baasa, naguntat sia sa pagpatindug sang Rama, kag ginbayaan niya ang iya buluhaton.

6 Kag ginkuha sang hari, nga si Asa, ang bug-os nga Iuda, kag gindalala nila ang mga batô kag ang mga kahoy, nga sa iya ginpatindug ni Baasa ang Rama, kag sa iya ginpatindug niya ang Geba kag Mispa.

7 Sa sadtong panag-on nag-abut si



Hanani, nga manugtulok, kay Asa, nga hari sa Iuda, kag nagsiling sia sa iya: "Tungud kay nagsandig ka sa hari sa Aram kag walâ ka magsandig kay Iehoba, nga imo Dios, tungud sini ang kasoldadosan sang hari sa Aram nagpalagyo sa imo mġa kamut.

8 Ang mġa Kusinhon kag ang mġa Lubinhon, ġindi bala sila isa ka kasoldadosan nga madamu, nga may mġa kanga kag madamu gid nga mġa manugkabayo? Walay sapayan, sang nagsandig ka sadto kay Iehoba, sia nagtugyan sa ila sa imo mġa kamut.

9 Kay ang mġa mata ni Iehoba nagalilibot sang bug-os nga duta, nga sa pagpabakud sa mġa may tagiposoong nga himpit nga sa iya. Sa sini naghimo ka sing binuang gid, kay kutub karon sa palaabuton may mġa ilinaway ka."

10 Kag naakig si Asa batok sa manugtulok kag ginsulud niya sia sa baláy sang bilangoan, kay naakig sia batok sa iya bangud sini. Kag ginpigis ni Asa, sa sadtong panag-on, ang iban sang banwa.

11 Kag yari karon, ang mġa binuhatan ni Asa, ang mġa nahauna kag ang mġa nahaolehe, yari karon, napanulat sila sa Tolon-an sang hari sa Iuda kag sa Israel.

12 Kag sang ikakatloan kag siam ka tuig sang iya paghari nagbalatian si Asa sa iya mġa tiil, kag sa iya balatian walâ niya pagpangitaa si Iehoba, kondi ang mġa manugbulong.

13 Kag nagtolog si Asa upud sang iya mġa ginikanan, kag namatay sia sang tuig nga ikakap-atan kag isa sang iya paghari.

14 Kag ginlubung nila sia sa iya lubngan, nga nakutkut sa banwa ni Dabid, kag ginbutang nila sia sa isa ka langkapan, nga ginpunô nila sia sang mġa pahamut kag sang nagakalainlain nga mġa pangaman sa buluhaton sa palahamutan, kag ginhimo nila sa iya ang isa ka daku gid nga sunog.

Kabugana kag gahum ni Iosapat.

**17** KAG si Iosapat, nga iya anak, raghari nga salili niya, kag nagbakud sia batok sa Israel.

2 Kag nagbutang sia sing kasoldadosan sa tanan nga mġa kabanwaanang nga mġa mabakud sa Iuda, kag nagpa-

hamtang sia sing mġa soldado nga ban-tay sa duta ni Iuda kag sa mġa kabanwaanang sa Epraim, nga nakuha ni Asa, nga iya amay.

3 Kag nagupud si Iehoba kay Iosapat, kag naglakat sia sa mġa nahauna nga mġa dalanon ni Dabid, nga iya amay, kag walâ magpangita sia sa mġa Baal;

4 Kay ginpangita niya ang Dios sang iya amay, kag naglakat sia sa iya mġa sogo, kag indi sono sang mġa binuhatan ni Israel.

5 Kag ginpalig-on ni Iehoba ang ginharian sa iya kamut. Kag ang bug-os nga Iuda naghatag kay Iosapat sing mġa dólót, kag naghuput sia sing mġa mangad kag sing himaya.

6 Kag ginpabaskug ang iya tagiposoong sa mġa dalanon ni Iehoba, kag ginkuha man niya ang mġa mataas nga duug kag ang mġa Ashera sa Iuda.

7 Kag sa ikatlo ka tuig sang iya paghari, ginpadalâ niya ang iya mġa dunganon nga si Ben-hail, si Abdias, si Sakarias, si Nataneel kag si Mikeas, sa pagpanudlo sa mġa kabanwaanang sa Iuda;

8 Kag upud sa ila ang mġa Lebinhon nga si Semaia, si Netanias, si Sebadias, si Asael, si Semiramot, si Ionatan, si Adonias, si Tobias kag si Tob-Adonias, nga mġa Leninhon; kag upud sa ila si Elisama kag si Ioram, nga mġa saserdote.

9 Kag nagpanudlo sila sa Iuda, nga yara sa ila ang tolon-an sang kasogoon ni Iehoba, kag naglilibot sila sa tanan nga mġa kabanwaanang sa Iuda kag nagpalanoon sila sa banwa.

10 Kag naholog ang kakugmat kay Iehoba sa ibabaw sang tanan nga mġa ginharian sang mġa duta, nga yara sa palibot sa Iuda; kag walâ sila maghimo sing inaway batok kay Iosapat.

11 Kag ang isa ka bahin sang mġa Pilistinhon nagdalalâ sing mġa dólót kay Iosapat kag sing pilak nga buhis; bisan pa ang mġa Arabinhon nagdalalâ sa iya sing mġa magamay nga kahayupan: pito kalibo kag pito ka gatus ka mġa karnero, kag pito ka libo kag pito ka gatus ka mġa kanding nga lalaki.

12 Kag nagaamatamat sa pagdaku si Iosapat tubtub sa mataas gid nga alintaga. Kag nagpatindug sia sa Iuda sing mġa harianon nga mġa baláy kag sing mġa kabanwaanang nga sa kasangkapan.

13 Kag may madamu sia nga mġa

buluhaton sa mga kabanwaan sa Iuda, kag mga tawo sa pag-awayan nga mga maisug sa Ierusalem.

14 Kag ini among isip nila sono sang mga balay nga inamay: sa Iuda ang mga pangolo sang mga linibo amo si Adna, nga pangolo, kag upud sa iya ang tatlo ka gatus ka libo ka mga maisug nga manugaway.

15 Kag sa luyo niya, si Iohanan, ang pangolo, kag upud sa iya ang duha ka gatus kag kawaloan ka libo.

16 Kag sa luyo niya, si Amasias, anak ni Sikri, nga nanginhalad sia sing kinabubut-ong kay Iehoba, kag upud sa iya ang duha ka gatus ka libo ka mga maisug nga manugaway,

17 Kag sa Benyamin, si Eliada, nga maisug nga manugaway, kag upud sa iya ang duha ka gatus ka libo nga mga nasangkap sa pana kag taming.

18 Kag sa luyo niya, si Iosabad, kag upud sa iya ang isa ka gatus kag kawaloan ka libo nga nasangkapan sa pag-awayan.

19 Ini sila amo ang mga nag-alagad sa hari, walay labut sang mga ginbutang sang hari sa mga kabanwaan nga mabakud sa bug-os nga Iuda.

Pagpakigkatipan ni Iosapat kay Akab; ang pagpala-kat nila nga duha batok sa mga Sirihanon.—

Tagna ni Mikeas.—Pagkamatay sang hari sa Israel, kag pagpalagyo ni Iosapat.

**18** KAG si Iosapat may mga mangad kag himaya sa bugana, kag nagpakighimata sia kay Akab.

2 Kag sa tapus sang pila ka mga tuig, nagdulhog sia kay Akab sa Samaria; kag ginpatay ni Akab ang mga obehag kag ang mga baka nga bugana nga sa iya kag nga sa tinawo nga yara sa iya; kag ginsugyot niya sia nga magtaklad sia sa Ramot sa Galaad.

3 Kag nagsiling si Akab, nga hari sa Israel kay Iosapat, nga hari sa Iuda; “Magaupud ka bala sa akon sa Ramot sa Galaad?” Kag sia nagsabat: “Subung ako amo man ikaw, kag subung ang akon banwa, amo man ang imo banwa. Kag magaupud ako sa imo sa pag-awayan.”

4 Kag nagsiling si Iosapat sa hari sa Israel: “Ginaampo ko sa imo, nga magpamangkot ka away sa polong ni Iehoba.”

5 Kag gintipon sang hari sa Israel ang apat ka gatus nga manalagna, kag nagsiling sia sa ila: “Magakaladto kami bala sa pag-awayan batok sa Ramot sa Galaad, kon pagabayaon ko sia?” Kag sila nagsililing: “Taklad-ka, kay ang Dios magatugyan sa ila sa kamut sang hari.”

6 Kag nagsiling si Iosapat: “May isa pa bala diri nga manalagna ni Iehoba, nga tungud sa iya magpakiana kita?”

7 Kag ang hari sa Israel nagsiling kay Iosapat: “May isa pa ka lalaki nga tungud sa iya sarang kita makapamangkot kay Iehoba; apang ako nagadumut sa iya, kay walà sia nga mas-a magatagna sa akon sang maayo, kondi gihapon sang malain: ini amo si Mikeas, nga anak ni Imla.” Kag si Iosapat nagsiling: “Indi maghambal ang hari sing subung sini.”

8 Kag ang hari sa Israel nagtawag sa isa ka kapon, kag nagsiling sa iya: “Pakaria sa madali si Mikeas, nga anak ni Imla.”

9 Kag ang hari sa Israel kag si Iosapat, nga hari sa Iuda, naglilingkod ang tagsatagsa sa iya lingkoran nga harianon, nga nagapalanaput sang mga panapton nga harianon; naglilingkod sila sa isa ka linasan sa salamputan sang gawang sa Samaria, kag ang tanan nga mga manalagna nagtalagna sa atubangan nila.

10 Kagsi Sedekias, nga anak ni Kanaan, naghimo nga sa iya sing pila ka mga sungay nga salsalon, kag nagsiling sia: “Amo ining ginasiling ni Iehoba: Sa ila sini pagasungayon mo ang mga Araminhon tubtub nga maubus sila.”

11 Kag ang tanan nga mga manalagna nagtalagna sa amo man nga bagay, nga nagasiling: “Taklad-ka sa Ramot sa Galaad, kag pagapauswagon ka; nga si Iehoba magatugyan sa iya sa kamut sang hari.”

12 Kag ang manugbalita nga nagkadto sa pagtawag kay Mikeas, naghambal sa iya, nga nagasiling: “Yari karon ang mga polong sang mga manalagna sa isa ka babâ *nagabalita* sa hari sing maayo: ginampo ko sa imo nga ang imo polong manginsono sa polong sang isa sa ila, nga magmitlang ka sing maayo.”

13 Kag si Mikeas nagsiling: “Magkabuhi si Iehoba, nga ang pagaihambal



sa skon sang akan Dios, ina pagamitla-  
ngon ko."

14 Kag nag-abut sia sa hari, kag ang  
hari nagsiling sa iya: "Mikeas, ¿ma-  
gakadto kami bala sa pag-away batok  
sa Ramot sa Galaad, kon pagabaya-an  
sia nakon? "Kag sia nagsabat: "Tak-  
lad-kamo, kag maguswag-kamo, nga pa-  
gaipanugyan sila sa inyo mga kamut."

15 Kag ang hari nagsiling sa iya:  
"¿Tubtub sa makapila bala magapakig-  
sumpa ako sa imo, nga indi ka magsiling  
sa akan kondi ang kamatooran sa ngalan  
ni Iehoba?"

16 Kag sia nagsiling: "Nakita ko  
ang bug-os nga Israel, nga naglalapla sa  
mga kabukiran, subung sang mga obeha  
nga walâ sing manugbantay; kag si  
Iehoba nagsiling: Walâ ini sila sing  
ginoo; magpauli ang tagsatagsa sa iya  
baláy sa paghidaet."

17 Kag ang hari sa Israel nagsiling  
kay Iosapat: "Walâ bala ako magsi-  
ling sa imo, nga nahanungud sa akan  
indi sia magatagna sing maayo, kondi  
sing malain?"

18 Kag si Mikeas nagsiling: "Tungud  
sini pamatii-ninyo ang polong ni Ieho-  
ba: Nakita ko si Iehoba, nga nagaling-  
kod sa iya lingkaran nga harianon, kag  
ang bug-os nga kasoldadosan sang mga  
langit yara sa iya too kag sa iya walâ.

19 Kag si Iehoba nagsiling: ¿Sin-o  
bala ang magagaritgarit kay Akab, nga  
hari sa Israel, agud nga magtaklad sia,  
kag mapukan sa Ramot sa Galaad? Kag  
ang isa nagsiling sa isa ka bagay, kag  
ang isa nagsiling sa isa.

20 Apang naggowang ang isa ka espiri-  
tu, kag nag-atubang sia kay Iehoba, kag  
nagsiling: Ako magagaritgarit sa iya.  
Kag si Iehoba nagsiling sa iya: ¿Sa  
ano bala nga bagay?

21 Kag sia nagsiling: Ako nagago-  
wa kag magamanginespiritu ako sa bu-  
tig sa bâbâ sang tanan niya nga mga  
manalagna. Kag sia nagsiling: Ikaw  
magagaritgarit sa iya kag makadangat  
ka man sang katuyoan. Gowa-ka, kag  
himoa ang subung sini.

22 Kag yari karon, si Iehoba nag-  
butang sang isa ka espiritu nga butig  
sa bâbâ sining imo nga mga manalagna;  
kag si Iehoba nagmitlang sing malain sa  
ibabaw nimo."

23 Kag nagpalapit si Sedekias, nga  
anak ni Kanaana, kag ginsumbag niya si

Mikeas sa pisngi, kag nagsiling: "¿Sa  
ano bala nga dalan nag-agi sa akan  
ang espiritu ni Iehoba nga sa paghambal  
sa imo?"

24 Kag si Mikeas nagsiling: "Yari  
karon nga ikaw magatan-aw sini sa sad-  
tong adlaw, kon ikaw magapanuludsud-  
sulud sa hulot kag sa hulot nga sa pag-  
panago."

25 Kag ang hari sa Israel nagsiling:  
"Kuhaa si Mikeas, kag dalha ninyo sia  
kay Amon, nga manugmando sang ban-  
wa, kag kay Ioas, nga anak sang hari.

26 Kag magasiling kamo: Amo ining  
ginasiling sang hari: Isulud-ninyo ini  
sa bilangoan, kag saguron ninyo sia sang  
tilapay sa kasulub-an kag sang tubig sa  
kasulub-an, tubtub nga ako magbalik sa  
paghidaet."

27 Kag nagsiling si Mekias: "Kon  
ayhan gid magpauli ka sa paghidaet, si  
Iehoba walâ maghambal tungud sa  
akon." Kag nagsiling sia: "Palamati-  
kamo sini, mga banwang tanan."

28 Kag nagtaklad ang hari sa Israel,  
upud kay Iosapat, nga hari sa Iuda, sa  
Ramot sa Galaad.

29 Kag ang hari sa Israel nagsiling kay  
Iosapat: "Magasuklub ako sing panap-  
ton nga dipagpakilala sa pagsulud sa  
pag-awayan; kag ikaw, magpanaput-ka  
sang imo mga panapton nga harianon."  
Kag ang hari sa Israel nagsuklub sang  
panapton nga indi makilala kag nagsulud  
sia sa pag-awayan.

30 Kag ang hari sa Aram nagsogo sa  
mga pangolo sang mga kanga, nga yara  
upud sa iya, nga nagsiling: "Indi ka-  
mo mag-alaway bisan sa daku, bisan sa  
magamay, kondi lamang sa hari sa Is-  
rael."

31 Kag nahanabu, sang nakita sang  
mga pangolo si Iosapat, nagsililing sila:  
"Ini amo ang hari sa Israel." Kag  
ginlibutan nila sia sa pag-away sa iya;  
kag si Iosapat nagsingit, kag ginbuligan  
sia ni Iehoba, kag ginpapalayô sila sang  
Dios sa iya.

32 Kag sang nakita sang mga pangolo  
sang mga kanga, nga indi amo sia ang  
hari sa Israel, nagilisol sila sa olehe  
niya.

33 Kag ang isa ka tawo nagpana sang  
iya pana nga indi hungud, kag ginpilas  
niya ang hari sa Israel sa tungâ sang  
mga kinitaan sang limbutong. Kag si A-  
kab nagsiling sa manugkanga: "Pabalika

ang imo kamut kag pagowaa ako sa dulan, kay napilas ako sing daku."

34 Kag ang inaway nagbaskug sa sad-tong adlaw; kag ang hari sa Israel nagtindug sa kanga sa atubangan sang Aram tubtub sa hapon; kag namatay sia sang pagkatunod sang adlaw.

**19** KAG si Iosapat, nga hari sa Iuda, nagbalik sa paghidaet sa iya baláy sa Ierusalem.

2 Kag si Iehu, nga anak ni Hanani, ang manugtuluk, nagowa sa atubangan niya, kag nagsiling sa hari nga si Iosapat: "¿Sa madauton dapat ka bala magbulig? kag ¿ginahigugma mo bala ang mga nagadulumut kay Iehoba? Tungud sini may kaakig batok sa imo gikan sa nawung ni Iehoba.

3 Walay sapayan, nakita sa imo ang mga maayo nga mga butang, kay ginukha mo sa duta ang mga Asherim, kag gintugyan mo ang imo tagiposoon sa pagpangita kay Iehoba."

Mga pagliwan sa mga panghikot sang paghukom ni Iosapat.

4 Kag nagpuyô si Iosapat sa Ierusalem; kag naggowa sia liwan sa tunga sang banwa kutub sa Beer-seba tubtub sa bukid ni Epraim, kag ginpabalik sila niya kay Iehoba, nga Dios sang ila mga ginikanan.

5 Kag nagtukud sia sa duta sing mga hukom sa tanan niya nga mga kabanwaanang nga mabakud sa Iuda, kag sa banwabanwa,

6 Kag nagsiling sia sa mga hukom: "Tuluka-ninyo ang inyo ginahimo; kay indi kamo magahulukom nga sa tawo, kondi nga sa kay Iehoba; nga sia yara upud sa inyo sa tanan nga kasuayon sang paghukom.

7 Kag karon, kabay sa nga nangia-saibabaw ninyo ang kahadluk kay Iehoba: mag-andam-kamo, himoa-ninyo ang *subung sini*, kay sa kay Iehoba, nga aton Dios, walay kalautan, bisan pinasulabi sa mga tawo, bisan pagbaton sang hamham."

8 Kag gintukud man ni Iosapat sa Ierusalem, sang pagbalik sa Ierusalem, ang mga Lebinhon, ang mga saserdote kag ang mga pangolo sang mga amay sa Israel, nga sa paghukom ni Iehoba kag nga sa mga kasaba.

9 Kag nagsogo sia sa ila, nga nagasiling: "Maghilimo-kamo sing subung sini nga may kahadluk kay Iehoba, nga may pagkatutum kag himpit nga tagiposoon.

10 Kag nahanungud sa bisan ano nga kasaba, nga mag-abut sa inyo gikan sa inyo mga útud, nga nagapuluyô sa ila mga kabanwaanang, sa tunga sang dugo kag dugo, sa tunga sang kasogoan kag sogo, kag sang mga palatukuran kag mga tulumanon, igapanudlo ninyo sila, agud nga indi sila magpala-kasalâ batok kay Iehoba, kag nga walay kaakig sa ibabaw ninyo kag sa ibabaw sang inyo mga útud. Maghilimo-kamo sing subung sini, kag indi kamo magpalakasalâ.

11 Kay yari karon, si Amarias, nga saserdote nga pangolo, mangintululinan sia sa inyo sa tanan nga buluhaton ni Iehoba, kag si Sebadias, nga anak ni Ismael, dunganon sang baláy ni Iuda, sa tanan nga buluhaton sang hari; kag subung nga mga punoan yara sa atubangan ninyo ang mga Lebinhon. Pangalig-on-kamo kag himoa-ninyo, kag nga si Iehoba magúpud sa tawo nga maayo."

Pagdaug ni Iosapat sa ibabaw sang mga Moabinhon kag mga Amoninhon.—Katapusan sang iya paghari.

**20** NAHANABU sa olehe sini, nga ang mga inanak ni Moab kag ang mga anak ni Amon, kag upud sa ila ang isa ka bahin sang mga Edominhon, nag-alabut batok kay Iosapat sa pag-away.

2 Kag nag-alabut sila kag nagsulugid kay Iosapat, nga nagasiling: "Batok sa imo nagapakari ang isa ka daku nga kadam-an sa tabok sang dagat, sang Aram; kag yari karon, sila yara sa Hasason-tamar, nga among Engedi.

3 Kag nahadluk si Iosapat; kag ginbutang niya ang iya nawung sa pagpangita kay Iehoba, kag nagpabantala sia sang puasa sa bug-os nga Iuda.

4 Kag nagtilipon ang mga taga-Iuda sa pagpangita sang panabang kay Iehoba, kag gikan sa tanan man nga mga kabanwaanang sa Iuda nag-alabut sila sa pagpangita kay Iehoba.

5 Kag nagtindug si Iosapat sa kati-



lingban sa Iuda kag sa Ierusalem sa Baláy ni Iehoba, sa atubangán sang patyo nga bag-o.

6 Kag nagsiling sia: "Iehoba, nga Dios sang amon mga ginikanan, ¿indi bala ikaw ang Dios sa mga langit, kag indi bala ikaw ang nagahari sa tanan nga mga ginharian sang mga hatawohan? ¿Walá bala sa imo kamut ang kusug kag ang gahum, nga walay sin-o nga sarang makabatok sa imo?"

7 Dios namon, indi bala ikaw ang nagsobol sang mga pumuluyô sining duta sa atubangán sang imong banwa nga Israel, kag nga naghatag sa iya sa kaliwatan ni Abraham, nga imo abyan, sa gihapon?

8 Kag sila nagpuluyô sa iya, kag ginpatindugan ka nila sa iya sang bala-an nga puluy-an sa imo Ngalan, nga nagsiling:

9 Kon mag-abut bisan ano nga malain batok sa amon, ang hinganiban, ang paghukom, kon kinamatay, kon gutum, magatilindug kami sa atubangán sini nga Baláy, kag sa atubangán nimo, kay ang imo Ngalan yara sa sina nga Baláy, kag sa amon mga kalilisan magapalanawag kami sa imo, kag ikaw magapamati kag magaluwas sa amon.

10 Kag karon, yari karon ang mga inanak ni Amon kag ni Moab, kag ang mga sa bukid sa Seir, nga sa duta nila walá ka magtugut nga magsulúd ang Israel, sang nag-abut sila gikan sa duta sa Egipto (kay nagisol sia sa ila, kag walá niya sila paglaglaga),

11 Yari karon, sila nagabalus sa amon, nga nagakalari sa pagsobol sa amon sa imo kaugalingon, nga ikaw nagpatagiya sa amon.

12 ¿Oh Dios namon! ¿indi mo bala pagahukman sila? Kay sa amon walay kusug batok sining daku nga kadam-an, nga nagakari batok sa amon; kag indi kami kahibalo sang amon paghimoon, apang ang amon mga mata nagatutuk sa imo."

13 Kag ang bug-os nga Iuda nagtindug sa atubangán ni Iehoba, patí ang ila mga kabataan, kag ang ila mga asawa kag ang ila mga anak.

14 Kag sa tungâ sang katilingban, nag-abut ang Espiritu ni Iehoba kay Iahasiel, nga anak ni Sakarias, anak ni Benaia, anak ni Ieiel, anak ni Matanias, nga Lebinhon, sa mga anak ni Asap.

15 Kag nagsiling sia: "Talupangdud-kamo, bug-os nga Iuda, kag kamo mga pumuluyô sa Ierusalem, kag ikaw, hari nga si Iosapat: Amo ining ginasiling ni Iehoba sa inyo: Dili kamo magkahadluk, bisan magmatalaw-kamo sa atubangán sinang daku nga kadam-an, kay indi inyo ang inaway, kundi iya sang Dios.

16 Buas magdululhog-kamo batok sa ila; yari karon, sila magatalaklad sa taklaran sa Sis, kag makita ninyo sila sa ukbung sang nalupyakan sa atubangán sang kahanayakan nga Ieruel.

17 Indi sa inyo ang pag-away sa sini nga kasuayon. Mag-atubang-kamo, palahimunong-kamo kag tan-awon-ninyo ang kaluwasan ni Iehoba nga upud sa inyo. Iuda kag Ierusalem, dili kamo magkahadluk, bisan magmatalaw. Gulowa-kamo buas sa atubangán nila, kag si Iehoba magaúpod sa inyo."

18 Kag si Iosapat nagyaub sa duta, kag subung man ang bug-os nga Iuda, kag ang mga pumuluyô sa Ierusalem naghalapa sa atubangán ni Iehoba, kag nagsilimba sila kay Iehoba.

19 Kag ang mga Lebinhon sa tungâ sang mga anak ni Koat kag sa tungâ sang mga anak ni Kore nagtilindug sa pagdayaw kay Iehoba, nga Dios sa Israel, sa daku kag mataas nga tingug.

20 Kag nagtilindug sila sa aga pagid, kag naggulowa sila sa kahanayakan sa Tekoa; kag sang nagagulowa sila, si Iosapat nagtindug didto kag nagsiling: "Pamatii-ninyo ako, Iuda, kag mga pumuluyô sa Ierusalem: Toloo-kamo kay Iehoba, nga inyo Dios, kag mag-malig-on-kamo; toloo-kamo sa iya mga manalagna kag magabugana kamo."

21 Kag may kasapulan sa banwa, kag ginbutangan niya sing mga manugkanta kay Iehoba, sa pagdayaw sa iya sa katahuman sang pagkabalaan, sang nagagulowa sila sa atubangán sang kasoldadosan, kag sa nagsiling:

"Dayawa-ninyo si Iehoba,

Kay ang iya kalooy amo sa gihapon."

22 Kag sang nagsulugud sila nga may paghinugyaw kag may pagdayaw, ginbutang ni Iehoba ang puot batok sa mga inanak ni Amon kag ni Moab, kag batok

sa mga sa bukid sa Seir, nga nagkalari batok kay Iuda, kag ginpilas sila.

23 Kay ang mga anak ni Amon kag ni Moab nagtililindug batok sa mga pumulyo sa bukid sang Seir, sa pagtagudili sa ila kag paglaglag sa ila ; kag sang natapus nila ang mga pumulyô sa Seir, ang tagsatagsa nagbululigay sa ila kaugalingon nga kalaglagan.

24 Kag sang nag-abut ang Iuda sa kataason, nga didto nakita ang kahanayakan, nagtululok sila nayon sa kadam-an, kag yari karon nagahalamyang sa duta ang mga bangkay, nga walâ gid sing nakapalagyo.

25 Kag sang nag-abut si Iosapat kag ang iya banwa sa pag-ati sang inagaw sa ila, nakita nila sa ila ang bugana nga mga mangad sa *tungâ* sang mga bangkay, kag ang mga butang nga malahalón ; kag ginpalanguha nila sa ila, tubtub nga indi sarang madalâ nila sila ; kag nagdugay sila sing tatlo ka adlaw sa pagkuha sang inagaw, kay madamu gid.

26 Kag sang ikap-at ka adlaw nagtilipon sila sa nalupyakan nga Beraka ; kay didto ginpakamaayo nila si Iehoba ; tungud sini ginhingalanan nila yadto nga duug ang nalupyakan nga Beraka tubtub karon.

27 Kag ang bug-os nga katawohan sa Iuda kag sa Ierusalem, kag si Iosapat sa atubangan nila, nagpalauli sila nga nagabalik sa Ierusalem nga may kalipay ; kay si Iehoba naghatag sa ila sang kalipay bangud sang ila mga kaaway.

28 Kag nag-alabut sila sa Ierusalem nga may mga salterio, kag mga arpa, kag mga budyong, sa Baláy ni Iehoba.

29 Kag nag-abut ang kakugmat sa Dios sa ibabaw sang tanan nga mga ginharian sa mga duta nga *kasilingan*, sang nabatian nila, nga si Iehoba nag-away batok sang mga kaaway ni Israel.

30 Kag ang ginharian ni Iosapat nagmalinong, kag ang iya Dios naghatag sa iya sang pahuway sa palibot.

31 Kag si Iosapat naghari sa ibabaw sang Iuda. Nagsugud sia sa paghari, sang nagaedad sia sing katloan kag lima ka tuig, kag naghari sia sing duha ka pulô kag lima ka tuig sa Ierusalem. Ang ngalan sang iya ilóy amo si Asuba, nga anak nga babae ni Silhi.

32 Kag naglakat sia sa dalanon ni Asa, nga iya amay, nga walâ maglipas

sa iya, nga nagahimo sang matadlung sa mga mata ni Iehoba.

33 Lamang nga walâ mapanguha ang mga mataas nga duug, nga ang banwa walâ pa magbutang sang ila mga tagipsoon sa *pagpangita* sa Dios sang ila mga ginikanan.

34 Kag ang iban sang mga binuhatan ni Iosapat, ang mga nahauna kag ang mga nahaolehe, yari karon, napanulat sila sa mga Binuhatan ni Iehu, nga anak ni Hanani, nga ginpasulud sila sa Tolonan sang mga hari sa Israel.

35 Sa olehe sini, si Iosapat, nga hari sa Iuda, nakigimpon kay Okosias, nga hari sa Israel, nga sia nagbutang sa buhat sang pagkamalain.

36 Nakigimpon sia sa iya nga sa paghimo sing mga sakayan nga magkaladto sa Tarsis, kag ginhimo nila ang mga sakayan sa Esion-Geber.

37 Kag si Elieser, nga anak ni Dodaba sa Maresa, nagtagna batok kay Iosapat, nga nagasiling : “Tungud kay nakigimpon ka kay Okosias, ginpalitik ni Iehoba ang imo mga binuhatan.” Kag ang mga sakayan ginboong kag walâ makasarang sa pagkadto sa Tarsis.

Ang dimatinoheron sa Dios nga si Ioram, nga hari sa Iuda.

**21** KAG nagtolog si Iosapat upud sang iya mga ginikanan, kag ginlubung sia upud sang iya mga ginikanan, sa banwa ni Dabid. Kag naghari si Ioram, nga iya anak, nga salili niya.

2 Kag ini sia may mga útud, nga mga anak ni Iosapat : si Asarias, si Ieiel, si Sakarias, si Asarias, si Mikael kag si Sepatias. Ining tanan mga anak ni Iosapat, nga hari sa Israel.

3 Kag ang ila amay naghatag sa ila sing madamu nga mga dólot nga bulawan kag pilak, kag mga malahalón nga mga butang, kag mga kabanwaanang nga mga mabakud sa Iuda ; kag ginhatag niya kay Ioram ang ginharian, kay panganay sia.

4 Kag sang ginbayaw si Ioram sa ginharian sang iya amay, nga nagbakud sia sa iya, ginpatay niya sa hinganiban ang tanan niya nga mga útud, kag subung man ang iban sang mga dunganon sa Israel.

5 Nagsugud si Ioram sa paghari, sang nagaedad sia sing katloan kag duha ka



tuig, kag naghari sia sing walo ka tuig sa Ierusalem.

6 Kag naglakat sia sa dalanon sang mga hari sa Israel, subung sang ginhimo sang baláy ni Akab; kay ang anak nga babae ni Akab nanginiya asawa, kag ginhimo niya ang malain sa mga mata ni Iehoba.

7 Apang si Iehoba walâ magbuut sa paglaglag sang baláy ni Dabid, bangud sang katipan nga ginhimo niya kay Dabid, kag subung sang ginsiling niya sa iya, nga pagahatagan niya sia sang lamprahan nga sa iya kag sa iya mga anak sa gihapon.

8 Sa iya panag-on naglalis ang Edom sa idalum sang kamut ni Iuda, kag nagtukud sila sing hari sa ibabaw nila.

9 Kag si Ioram nagliton upud sang iya mga pangolo, kag ang tanan niya nga mga kanga upud sa iya; kag sang nagtindug sia sa kagab-ihon, ginpilas niya ang Edom kag ang mga pangolo sang mga kanga nga naglibut sa iya.

10 Kag ang Edom naglalis sa idalum sang kamut sang Iuda tubtub karon. Niyan ang Libna naglalis *man* sa amo gid nga panag-on sa idalum sang iya kamut; tungud kay giubayaan niya si Iehoba, nga Dios sang iya mga ginikanan.

11 Labut sini, naghimo sia sing mga mataas nga duug sa mga bukid sa Iuda; kag ginhimo niya nga magpalanghilahe ang mga pumuluyô sa Ierusalem, kag sa iya ginpilît niya ang Iuda.

12 Kag nag-abut sa iya ang isa ka sulat sang manalagna nga si Elias, nga nagasiling: "Amo ining ginasing ni Iehoba, ang Dios ni Dabid, nga imo amay: Tungud kay walâ ka naglakat sa mga dalanon ni Iosapat, nga imo amay, bisan sa mga dalanon ni Asa, nga hari sa Iuda,"

13 Kondi nga naglakat ka sa dalanon sang mga hari sa Israel, kag ginhimo mo nga magpanghilahe ang Iuda kag ang mga pumuluyô sa Ierusalem, subung sang pagpanghilahe sang baláy ni Akab, kag labut pa, ginpamatay mo ang imo mga útud, sa panimaláy sang imo amay, nga sila mga labing maayo pa sa imo:

14 Yari karon, pagapilason ni Iehoba ang imo banwa sa isa ka daku nga kalaralan, kag ang imo mga anak, kag ang imo mga asawa kag ang bug-os mo nga pagkabutang.

15 Kag ikaw mangin dira sa madamu nga mga balatian, sa balatian sang imo mga kasudlan sa tuigtuig, tubtub nga maggulowa sa imo ang mga kasudlan bangud sang balatian."

16 Kag ginpukaw ni Iehoba batok kay Ioram ang espiritu sang mga Pilistinhon kag sang mga Arabinhon, nga nagpuhuyô sila malapit sa mga Kusinhon.

17 Kag nagtalaklad sila batok sa Iuda, kag ginpahawa nila sia, kag ginkuha nila ang tanan nga pagkabutang, nga nakita nila sa baláy sang hari, patí ang iya mga anak kag ang iya mga asawa, nga walay nabilin sa iya nga anak, kondi si Ioakas, nga kamanghuran sang iya mga anak.

18 Sa tapus sining tanan, ginpilas sia ni Iehoba sa mga kasudlan sang isa ka balatian nga indi mabolóng.

19 Kag nahanabu, kutub sa isa ka tuig tubtub sa isa ka tuig, kag sa panag-on sa pagkatapus sang ikaduha ka tuig, nga naggulowa sa iya ang mga kasudlan bangud sang balatian, nga namatay sia sa mapintas nga kantuanan. Kag walâ maghimo sa iya ang iya banwa sing sunog, subung sang sunog sa iya mga ginikanan.

20 Nagsugud sia sa paghari, sang nagaedad sia sing katloan kag duha ka tuig, kag naghari sia sa Ierusalem sing walo ka tuig. Kag nagtaliwan sia nga walâ pagkasub-i. Kag ginlubung nila sia sa banwa ni Dabid, apang walâ sa mga lulubngan sang mga hari.

Si Okosias, hari sa Iuda, ginpatay ni Iehu.

**22** KAG ang mga pumuluyô sa Ierusalem naghilimo nga hari nga salili niya, kay Okosias, nga iya anak nga kamanghuran; kay ang kinabong, nga nag-abut upud sang mga Arabinhon sa dulugan, nagpatay sang tanan nga mga magulang. Kag naghari si Okosias, nga anak ni Ioram, nga hari sa Iuda.

2 Nagsugud sa paghari si Okosias, sang nagaedad sia sing kap-atan kag duha ka tuig; kag naghari sia sing isa ka tuig sa Ierusalem; kag ang ngalan sang iya ilôy amo si Atalia, nga anak nga babae ni Omri.

3 Sia naglakat man sa mga dalanon sang baláy ni Akab; kay ang iya ilôy nanginmanuglaygay niya sa pagbuhat sing madinauton gid.

4 Kag ginhimo niya ang malain sa mga mata ni Iehoba, subung sang baláy ni Akab; kay sa tapus sang pagkamatay sang iya amay nanginmanuglaygay sila sa iya, nga sa iya kalaglagan.

5 Kag naglakat sia man sa mga laygay nila, kag nagkadto sia sa pag-awayan upud kay Ioram, nga anak ni Akab, nga hari sa Isarel, batok kay Hasael, nga hari sa Aram, sa Ramot sa Galaad, kag didto ginpilas sang mga Araminhon si Ioram.

6 Kag nagpauli sia sa pagpabulóng sa Iesreel sang mga pilas, nga ginhimo nila sa iya sa Rama, sang pag-away niya batok kay Hasael, nga hari sa Aram. Kag nagdulhog si Asarias, nga anak ni Ioram, nga hari sa Iuda, sa pagduaw kay Ioram, nga anak ni Akab, sa Iesreel, kay *didto* nagabalatian sia.

7 Kag gikan sa Dios ini nga nanginkagub-an sing bug-os ni Okosias, bangud sang pagkadto niya kay Ioram. Sang nag-abut sia, naggowa sia upud kay Ioram batok kay Iehu, nga anak ni Nimsi, nga ginhaplas sia ni Iehoba, agud nga pagutdon niya ang baláy ni Akab.

8 Kag nahanabu, sang nagahimo sing paghukom si Iehu sa Baláy ni Akab, nga nakita niya ang mga dunganon sa Iuda kag ang mga anak sang mga útud ni Okosias, nga nagaalalagad kay Okosias; kag ginpamatay niya sila.

9 Kag sang pinangita niya si Okosias, nga nagpanago sa Samaria, gindakup sia kag gindala sia kay Iehu, kag ginpalatay sia. Kag ginlubung nila sia, kay nagsililing sila: "Anak sia ni Iosapat, nga sia nagpangita kay Iehoba sa bug-os niya nga tagiposoon." Kag walâ na sing tawo sa baláy ni Okosias nga takus sa paghari."

Ang madanton nga si Atalia nagaagaw sang lingkoran nga harianon ni Iuda.—Si Ioiada, nga saserdote, nagapasaguli sang kaliwatan ni Dabid.

10 Kag si Atalia, nga ilóy ni Okosias, sang nakita niya nga ang iya anak patay na, nagtindug sia kag ginlaglag niya ang bug-os nga kaliwatan nga harianon sang baláy ni Iuda.

11 Apang si Iosabat, nga anak nga babae sang hari, nagkuha kay Ioas, nga anak ni Okosias, kag ginkawat niya sia sa tungâ sang mga anak sang hari, nga

ginapamatay, kag gintago niya sia, sia kag ang iya sisiwa, sa hulut sang mga higdaan. Amo ini gintago sia ni Iosabat, nga anak nga babae sang hari nga si Ioram, asawa ni Ioiada nga saserdote, kay útud sia nga babae ni Okosias, sa atubangan ni Atalia, kag walâ niya pagpatya.

12 Kag gintago sia didto upud sa ila sa Baláy sang Dios sing anum ka tuig. Kag si Atalia naghari sa ibabaw sang kadutaan.

**23** APANG sang ikapito ka tuig nagmabaskug si Ioiada kag ginkuha niya upud sa iya, sa pagpakigkatipan ang mga pangololo sang ginatus: si Asarias, nga anak ni Ioram, kag si Ismael, nga anak ni Iohanan, kag si Asarias, nga anak ni Obed, kag si Maasias, nga anak ni Adaia, kag si Elisapat, nga anak ni Sikri.

2 Kag ginlibot nila ang Iuda kag gintipon nila ang mga Lebinhon sa tanan nga mga kabanwaan sa Iuda, kag ang mga pangulo sang mga amay sa Israel, kag nag-alabut sila sa Ierusalem.

3 Kag ang bug-os nga katilingban nagpakigkatipan sa hari sa Baláy sang Dios. Kag si Ioiada nagsiling sa ila: "Yari karon ang anak sang hari, nga sia magahari, subung sang ginsiling ni Iehoba nahanungud sang mga anak ni Dabid.

4 Yari karon ang inyo pagahimoon: "Ang ikatlo ka bahin sa inyo, nga nagsulúd sa *pag-alagdan* sa sabado, ang mga saserdote subung man ang mga Lebinhon, magabalantay sila sang mga atangan.

5 Kag ang ikatlo ka bahin, sa baláy sang hari; kag ang ikatlo ka bahin sa gawang sang Sadsaran; kag ang bug-os nga banwa didto sia sa mga patyo sang Baláy ni Iehoba.

6 Kag nga walay sin-o nga magsulúd sa baláy ni Iehoba, kondi ang mga saserdote kag ang mga Lebinhon, nga magaalalagad: ini sila magasululúd, kay balaan sila, kag ang bug-os nga banwa magabantay sang tulin ni Iehoba.

7 Kag ang mga Lebinhon magalilibot sa hari sa tanan nga mga duug, ang tag-satagsa nga may iya nga hinganiban sa kamut; kag bisan sin-o nga magsulúd sa Baláy, pagapatyon sia; kag mag-



ulupud-kamo sa hari kon magasulúd, kag kon magagowa sia.

8 Kag ginhilimo sang mġa Lebinhon kag sang bug-os nġa Iuda, sono sang tanan nġa ginsogo ni Ioiada, nġa saserdote; kag ginkuha sang tagsatagsa ang ila mġa tinawo, ang mġa nagasulúd sa *pag-alagdan* sa sabado upud ang mġa nagagulowa sa sabado; kay si Ioiada, nġa saserdote, walâ magpahalín sang mġa binulusbulus.

9 Kag ginhatag ni Ioiada, nġa saserdote, sa mġa pangolo sang ginatus ang mġa bangkaw, kag ang mġa kalasag, kag ang mġa taming nġa iya sang hari nġa si Dabíd, nġa yadto sa Baláy sang Dios.

10 Kag ginpatindug niya ang bug-os nġa banwa, ang tagsatagsa nġa may iya nġa hinganiban sa kamut, kutub sa luyo nġa too sang Baláy tubtub sa luyo nġa walâ sang Baláy nayon sa halaran kag nayon sa Baláy malapit sa hari, sa palibot.

11 Kag ginpagowa nila ang anak sang hari, kag ginbulutang nila sa iya ang purungpurung kag ang pagpamatuud, kag ginhimo nila sia nġa hari; kag ginhaplas sia ni Ioiada kag sang iya mġa anak, kag nagasililing sila: “¡Magkabuhi ang hari!”

12 Kag sang nabatian ni Atalia ang dinaguhub sang banwa, ang mġa *tinawo* nġa nagadalagan, kag ang mġa nagahilimaya sa hari, nagsulúd sia sa banwa sa Baláy ni Iehoba.

13 Kag sang nagtulok sia, yari karon; ang hari nġa nagatindug sa luyo sang iya haligi, sa salamputan; kag ang mġa pangolo kag ang mġa budyong sa luyo sang hari, kag ang bug-os nġa banwa sang duta nagakasadya, kag nagapatunog sang mġa budyong, kag ang mġa manugkanta nġa may mġa tulungan sa musika nagdumala sang pagdayaw. Niyan ginkusnit ni Atalia ang iya mġa panapton kag nagsiling: “¡Budhi, budhi!”

14 Kag ginpagowa sang saserdote nġa si Ioiada ang mġa pangolo sang ginatus nġa mġa manugmando sang kasoldadosan, kag nagsiling sia sa ila: “Pagowaa-ninyo sia sa mġa pasunud; kag ang bisan sin-o nġa magsunod sa iya, mapatay sa hinganiban: kay ang saserdote nagsiling nġa indi nila sia pagpatyon sa Baláy ni Iehoba.”

15 Busa ginhawaan nila sia, kag nag-

sulúd sia sa salamputan sang gawang sang mġa kabayo sa baláy sang hari, kag didto ginpatay nila sia.

16 Kag si Ioiada naghimo sing kati-pan sa iya, kag sa bug-os nġa banwa kag sa hari, agud nġa manginbanwa sila ni Iehoba.

17 Kag ang bug-os nġa banwa nagsulúd sa baláy ni Baal, kag ginguluba nila sia; ginwas-ag nila ang iya mġa halaran kag ang iya mġa larawan, kag ginpatay nila sa atubangan sang mġa halaran si Matan, nġa saserdote ni Baal.

18 Kag si Ioiada nagbutang sang pagkatatap sang Baláy ni Iehoba sa kamut sang mġa saserdote, nġa mġa Lebinhon, nġa kinapanagtag ni Dabíd sa Baláy ni Iehoba, nġa sa paghalad kay Iehoba sang mġa halad nġa sinunog, subung nġa nasulat sa kasogoan ni Moises, nġa may kalipay kag nġa may mġa kalantahon, sono sang mġa sogo ni Dabíd.

19 Kag nagbutang sia sang mġa manugbantay sang gawang sa mġa gawang sang Baláy ni Iehoba, agud nġa indi magsulúd ang bisan sin-o nġa mahigko, sa bisan ano nġa kabangdanan.

20 Kag ginkuha niya ang mġa pangolo sang ginatus, kag ang mġa dunganon, kag ang mġa gobernador sang banwa, kag ang bug-os nġa banwa sang duta, kag ginpadulhog niya ang hari gikan sa Baláy ni Iehoba; kag nagsulúd sila sa baláy sang hari sa tungâ sang gawang nġa mataas; kag ginpalingkod nila ang hari sa ibabaw sang lingkoran nġa harianon sang ginharian.

21 Kag ang bug-os nġa banwa sang duta nagkalipay, kag ang banwa naglinong; kag ginpatay nila si Atalia sa hinganiban.

Ginapakaayo ni Ioas ang simbahan, apang sang patay na si Ioiada naholog sia sa diwata; ginapapatay niya si Sakarias, nġa manalagna, kag napatay sia nġa binoo.

**24** NAGSUGUD sa paghari si Ioas sang nagaedad sia sing pito ka tuig; kag naghari sia sing kap-atan ka tuig sa Ierusalem; kag ang nġalan sang iya ilóy amo si Sibia, nġa taga-Beer-seba.

2 Kag si Ioas naghimo sang matadlung sa mġa mata ni Iehoba sa bug-os nġa mġa kaadlawan ni Ioiada, nġa saserdote.

5 Kag ginpaasaw-an sia ni Ioiada sing duha ka asawa, kag nagpanganak sia sing mga anak nga mga lalaki kag mga babae.

4 Kag nahanabu, sa tapus sini, nga nag-abut sa tagiposoon ni Ioas ang pag-pakaáyô sang Baláy ni Iehoba.

5 Kag gintipon niya ang mga saserdote kag ang mga Lebinhon, kag nagsiling sia sa ila: "Gulowa-kamo sa tungâ sang mga kabanwaan sa Iuda, kag tipon-kamo sing kuarta sa bug-os nga Israel sa pagkaáyô sang Baláy sang inyo Dios, sa tuigtuig; kag magdali kamo sa sining buluhaton." Apang ang mga Lebinhon walâ magdalali.

6 Kag gintawag sang hari si Ioiada, ang ila pangôlo, kag ginsilingan niya sia: "¿Kay ngaa bala walâ mo pagpatumana nga ang mga Lebinhon magdalalâ, gikan sa Iuda kag sa Ierusalem, sang buhis ni Moises, nga alagad ni Iehoba, nga nahamtang sa katilingban sa Israel sa Layanglayang sang pagpamatuud?"

7 Kay si Atalia, yadtong madauton nga babae kag ang iya mga anak, nagguhab sang Baláy sang Dios, kag labut pa gingamit nila ang tanan nga mga butang nga balaan sang Baláy ni Iehoba sa mga Baal."

8 Kagnagsogo ang hari nga maghilimo sila sing isa ka kaban, kag nga ginbutang nila sia sa gowa, sa gawang sang Baláy ni Iehoba.

9 Kag ginpabantala sa Iuda kag sa Ierusalem, nga magdalalâ sila kay Iehoba sang buhis ni Moises, nga alagad sang Dios sa Israel, nga nahamtang sa ibabaw ni Israel sa kahanayakan.

10 Kag ang tanan nga mga dunganon kag ang bug-os nga banwa nagkalalipay, kag nagdalalâ sila kag naghololog sa kaban tubtub nga nakabayad ang tanan.

11 Kag sang nag-abut ang panag-on nga sa pagdalâ sang kaban sa mga tulugyanan sang hari sa kamut sang mga Lebinhon, kag sang ginatan-aw nila nga may madamu nga kuarta, nag-abut ang eskriba sang hari kag ang tululinan sang pangôlo nga saserdote kag ginhawad nila ang kaban, kag ginhakwat nila sia, kag ginuli nila sia sa iya duug: kag amo ini ang ginhimo nila sa adlaw-adlaw, kag nagtipon sila sang mga kuarta sa kabugana.

12 Kag ginhatag sia sang hari, kag

ni Ioiada sa mga naghilimo sang buluhaton sang pag-alagdan sang Baláy ni Iehoba; kag nagsolohol sila sang mga manugbasbas sang bató kag sang mga panday sa pagkaáyô sang baláy ni Iehoba, kag sang mga panday sa salsalon kag sa tumbaga nga sa pagkaáyô sang Baláy ni Iehoba.

13 Kag ang mga naghilimo sang buluhaton nagpangabudlay, kag tungud sang ila mga kamut nakaáyô ang buluhaton, kag ginuli nila ang Baláy sang Dios sa iya kahimtangan, kag ginpabakud nila sia.

14 Kag sang nahuman nila, gindalalâ nila ang nabilin sang kuarta sa hari kag kay Ioiada; kag naghilimo sila sa iya sing mga gamit nga sa pag-alagdan, kag nga sa paghalad sing sinunog kag mga yahong, kag iban nga mga gamit nga bulawan kag pilak. Kag naghalalad sila sang mga halad nga sinunog sing dayon gid sa Baláy ni Iehoba, sa tanan nga mga adlaw ni Ioiada.

15 Kag nagtigulang si Ioiada kag nagingpunô sang mga adlaw kag namatay sia: namatay sia sang nagaedad sing isa ka gatus kag katloan ka tuig.

16 Kag ginlubung nila sia sa banwa ni Dabid upud sang mga hari; tungud kay ginhimo niya ang maayo, sa Israel, kag nga sa Dios kag sa iya Baláy.

17 Kag sang patay na si Ioiada, nagalabut ang mga dunganon sa Iuda, kag naglayaub sa atubangan sang hari; ninyan ang hari nagpamati sa ila.

18 Kag gimbayaan nila ang Baláy ni Iehoba, ang Dios sang ila mga ginikanan, kag nag-alalagad sila sa mga Asherim kag sa mga diosdios; kag may kakig batok sa Iuda kag sa Ierusalem, kay nakasalâ sila bangud sini.

19 Kag ginpadal-an sila ni Iehoba sing mga manalagna, agud nga magpabalik sila sa iya, nga nagpamatuud sila batok sa ila; apang sila walâ magadulungug sa ila.

20 Kag ang Espiritu sang Dios nagsuklub kay Sakarias, nga anak ni Ioiada, nga saserdote, kag sia nagtindug didto sa ibabaw sang banwa kag nagsiling sia sa ila: "Amo ining ginasiling sang Dios: ¿Kay ngaa bala ginalalis ninyo ang mga sogo ni Iehoba? Indi kamo magabugana. Tungud kay gimbayaan ninyo si Iehoba, sia man nagbiya sa inyo."



21 Apang sila naghimbong batok sa iya, kag ginbató nila sia sing mga bató, sa sogo sang hari, sa patyo sang Baláy ni Iehoba.

22 Kag walâ magpanumdum ang hari nga si Ioas sang kalooy, nga ginhimmo sa iya sang iya amay nga si Ioiada kag ginpatay niya ang iya anak, nga sia nagsiling sang pagkamatay niya: "Mag-tan-aw sini si Iehoba, kag magpangita sini."

23 Kag nahanabu, sang pagbalik sang tuig, nga nagtaklad batok sa iya ang kasoldadosan sang Aram, kag nag-abut sa Iuda kag sa Ierusalem; kag ginlaglag nila sa banwa, ang tanan nga mga dunganon sang banwa, kag ginpaladalá nila ang tanan nga mga inagaw sa hari sa Damasko.

24 Kay bisan pa ang kasoldadosan sa Aram nag-abut nga may diyotay nga tinawo, si Iehoba nagtugyan sa ila mga kamut sang isa ka kasoldadosan nga madamu gid, tungud kay ginbayaan nila si Iehoba, nga Dios sang ila mga ginikanan; kag amo ini ang Araminhon naghilimo sang paghukom batok kay Ioas.

25 Kag sang nagpalayô sila sa iya (kay ginbiling nila sia sa daku nga kaantusan) nagpuluhon batok sa iya ang iya mga alagad bangud sang dugo sang mga anak ni Ioiada, nga saserdote, kag ginpatay nila sia sa iya higdaan, kag namatay sia. Kag ginlubung nila sia sa banwa ni Dabid, apang walâ nila iglubung sia sa mga lulubngan sang mga hari.

26 Ang mga nagpuluhon batok sa iya nanginamo si Sabad, nga anak ni Simata nga Amoninhon, kag si Iosabad, nga anak ni Simrit, nga Moabinhon.

27 Nahanungud sa iya mga anak, kag sang pagkadaku sang buhis nga nahamtang sa ibabaw niya kag sang pagkaáyô liwan sang Baláy sang Dios, yari karon, nasulat ini nga mga butang sa kasaysayan sang Tolon-an sang mga hari. Kag naghan nga salili niya si Amasias, nga iya anak.

Si Amasias, hari sa Iuda, nagadaug sa mga Idu-minhon, apang naholog sia sa diwata, kag ginadaug sia ni Ioas, hari sa Israel.—  
Ang iya kamatayon.

25 NAGSUUD sa paghari si Amasias, sang nagdaedad sia sing duha

ka púlô kag lima ka tuig, kag naghari sia sing duha ka púlô kag siyam ka tuig, sa Ierusalem; kag ang ngalan sang iya ilôy si Ioadan, nga taga. Ierusalem.

2 Kag ginhimo niya ang matadlung sa mga mata ni Iehoba, bisan pa indi sa himpit nga tagiposoon.

3 Kag nahanabu, sang paglig-on sang ginharian sa iya, nga ginpatay niya ang iya mga alagad nga nagpilas sang hari, nga iya amay,

4 Apang walâ sia magpatay sang mga anak nila, kay ginhimo niya sono sang nasulat sa kasogoon sa tolon-an ni Moises, nga didto si Iehoba nagsogo, nga nagasiling: "Ang mga amay indi mapatay tungud sang ila mga anak, kag ang mga anak indi mapatay tungud sang ila mga amay; apang ang tagasatagsa mapatay tungud sang iya salâ."

5 Gintipon ni Amasias ang Iuda, kag ginpasunud niya sila sono sang mga panimalây nga inamay, sono sang mga pangolo sang linibo kag sono sang mga pangolo sang ginatus, sa bug-os nga Iuda kag Benyamin; kag ginsulat niya sila sa listahan sa edad nga duha ka púlô ka tuig pa ibabaw, kag nakita niya sa ila ang tatlo ka gatus ka libo ka mga pinili, sa paggowa sa pag-awayan, nga nagakaput sing sumbiling kag sing taming.

6 Kag sa Israel nagsohol sia sing isa ka gatus ka libo ka tawo nga mga maisug sa pag-awayan sa isa ka gatus ka talanton nga pilak.

7 Kag ang isa ka tawo sang Dios nag-abut sa iya, nga nagasiling: "Hari, indi magupud sa imo ang kasoldadosan sa Israel, kay si Iehoba walâ magaúpud sa mga Israelinhon, nga tanan mga inanak ni Ephraim.

8 Apang kon ikaw maglakat upud sa ila, himoa, magmbaskug-ka nga sa pag-awayan, kag ang Dios magapukan sa imo sa atubangan sang mga kaaway: kay sa Dios yara ang gahum sa pagbulig, kag sa pagkapukan."

9 Kag si Amasias nagsiling sa tawo sang Dios: "Kag ano bala ang pagahimoon nahannud sining isa ka gatus ka talanton nga ginhatag ko sa kasoldadosan sa Israel?" Kag ang tawo sang Dios nagsiling: "Iya ni Iehoba ang paghatag sa imo sang labi pa sini."

10 Kag ginpain ni Amasias ang pina-nong, nga nag-abut sa iya gikan sa

Epraim, agud nga magpalauli sila sa ila mga duug; kag sila nagkalaakig sing daku gid batok sa Iuda, kag nagbalalik sila sa ila mga duug nga may kaakig nga masingkal.

11 Kag nagbaskug si Amasias kag gindul-ong niya ang iya banwa, kag nagkadto sia sa nalupyakan sang Asin; kag ginpilas niya sa mga inanak ni Seir ang napúlô ka libo.

12 Kag ang mga inanak ni Iuda nagdakup nga mga buhi *sang iban* nga isa ka napúlô ka libo, nga ginpandalá sila sila sa putokputokan sang pil-as, kag didto ginpangholog nila sila kutub sa putokputokan sang pil-as kag ang tanan nagkalawas-ag.

13 Apang ang mga soldado sang pina-nong, nga ginpapauli ni Amasias, agud nga indi magkadto sila upud sa iya sa pag-awayan, ginhimo nila ang paglugus nga pagsulúd sa mga kabanwaan sa Iuda, kutub sa Samaria tubtub sa Bet-Horon, kag ginpilas nila sa ila ang tatlo ka libo, kag nagkuluha sila sing mada-mu nga inagaw.

14 Kag ugaling sang napauli si Amasias gikan sa pagpamilas sa mga Idumihon, nahanabu nga ginpakari niya upud sa iya ang mga dios sang mga inanak ni Seir, kag ginpatindug niya sila nga mga dios niya, kag nagyaub sia sa atubangan nila, kag nagsunog sia sa ila sing mga pahamut.

15 Kag nagdabdab ang kasingkal ni Iehoba batok kay Amasias, kag nagpandalá sia sa iya sing isa ka manalagna, nga nagsiling sa iya: “¿Kay ngaa bala ginpangita mo ang mga dios sining banwa nga walá magluwas sang ila banwa sa imo mga kamut?”

16 Kag sang ginhambal niya sa hari, nahanabu nga ini sia nagsiling sa iya: “¿Ginhimo ka bala nga manuglaygay sang hari? Untat-ka. ¿Kay ngaa bala pagapilason ka?” Kag naguntat ang manalagna kag nagsiling: “Nakahibalo ako, nga ang Dios nagtapat sa paglaglag sa imo; kay naghimo ka sini kag walá ka magtuman sang akon laygay.”

17 Kag si Amasias, nga hari sa Iuda, nagbaton sing laygay kag nagpandalá kay Ioas, nga anak ni Ioakas, anak ni Iehu, nga hari sa Israel sa pagsiling: “Kari-ka, kag magkitaay kita sa guya kag guya.”

18 Kag si Ioas, nga hari sa Israel, nag-

padalá sa pagsiling kay Amasias, nga hari sa Iuda: “Ang sapinit nga yara sa Libano, nagpadalá sa pagsiling sa sedro nga yara sa Libano: Ihatag ang imo anak nga babae nga asawa sa akon anak nga lalaki. Kag nag-alagi ang mga mapintas nga mga kasapatan nga yadto sa Libano, kag gintapak nila ang sapinit.

19 Ikaw nagasiling: Yari karon, ginpilas ko ang Edom; kag ang imo tagipsoon nagpakataas sa paghimaya sa imo. Karon magpuyô-ka sa imo baláy: ¿kay ngaa bala nagahilabut ka sang kalalatan, agud nga maholog ka kag ang Iuda upud sa imo?”

20 Apang si Amasias walá magpamati sa iya, kay yadto sia gikan sa Dios, sa pagtugyan sa iya sa mga kamut sang *iya mga kaaway*, tungud kay ginpangita nila ang mga dios sa Edom.

21 Kag nagtaklad si Ioas, nga hari sa Israel, kag nagkilitaay sila sa nawung kag nawung, sia kag si Amasias, nga hari sa Iuda, sa Bet-semes nga iya sang Iuda.

22 Kag ang Iuda nabungkag sa atubangan sang Israel, kag nagpalalagyo sila, ang tagsatagsa sa iya puluy-an.

23 Kag si Ioas, nga hari sa Israel, nagdakup sa Bet-semes kay Amasias, nga hari sa Iuda, anak ni Ioas, anak ni Ioakas, kag gindalá niya sia sa Ierusalem; kag ginguba niya ang kuta sang Ierusalem, kutub sa gawang sang Epraim tubtub sa gawang sang Pamusud, apat ka gatus ka maniko.

24 Kag *ginkuha niya* ang tanan nga bulawan kag ang pilak, kag ang tanan nga mga suludlan, nga nakita sa Baláy sang Dios, sa baláy ni Obed-Edom, kag ang mga bahandi sa baláy sang hari, upud ang mga inugpalig-on, kag nagbalik sia sa Samaria.

25 Si Amasias, nga anak ni Ioas, hari sa Iuda, nagkabuhi sing napúlô kag lima ka tuig sa tapus sang kamatayon ni Ioas, nga anak ni Ioakas, nga hari sa Israel.

26 Kag ang iban sang mga binuhatan ni Amasias, ang mga nahauna kag ang mga nahaolehe, ¿walá bala masulat sa Tolon-an sang mga hari sa Iuda kag sa Israel?

27 Kag kutub sang pang-on nga si Amasias nagsol sa pagsunod kay Iehoba, nagpadugi sila sing puhon batok sa iya sa Ierusalem; kag nagpalagyo



sia sa Lakis kag nagpaladalá sila sa olehe niya sa Lakis kag didto ginpatay nila sia.

28 Kag ginpadalá nila sia sa ibabaw sang m̃ga kabayo, kag ginlubung nila sia upud sang iya m̃ga ginikanan sa banwa sa Iuda.

Si Usia, sa tapus na ang isa ka mauswagon nga paghari, nagapasipala sang Simbahan kag namatay nga tabukawen.

**26** KAG ang bug-os nga banwa sa Iuda nagkuha kay Usia, nga nagaedad sing napúlô kag anum ka tuig, kag ginhimo nila sia nga hari nga salili ni Amasias, nga iya amay.

2 Ginpatindug niya ang Elot, kag ginuli niya sia sa Iuda, sang olehe nga ang hari nagtolog upud sang iya m̃ga ginikanan.

3 Si Usia nagsugud sa paghari, sang nagaedad sia sing napúlô kag anum ka tuig, kag paghari sia sing kalim-an kag duha ka tuig sa Ierusalem; kag ang ngalan sang iya ilóy amo si Iekolia, nga taga-Ierusalem.

4 Kag ginhimo niya ang matadlung sa m̃ga mata ni Iehoba, sono sa tanan nga m̃ga butang nga ginhimo ni Amasias nga iya amay.

5 Kag nagpanugyan sia sa pagpangita sa Dios sa m̃ga kaadlawan ni Sakarias, nga mahantupon sa m̃ga palanan-awon sang Dios; kag sa m̃ga adlaw nga ginpangita niya si Iehoba, ginpabugana sia sang Dios.

6 Kag naggowa sia, kag nag-away batok sa m̃ga Pilistinhon, kag ginguba niya ang kuta sa Gat, kag ang kuta sa Iabnia, kag ang kuta sa Asdod; kag nagpatindug sia sing m̃ga kabanwaan sa Asdod, kag sa duta sang m̃ga Pilistinhon.

7 Kag ginbuligan sia sang Dios batok sa m̃ga Pilistinhon, kag batok sa m̃ga Arabinhon nga nagapuluyô sa Gurbal, kag batok sa m̃ga Amoninhon.

8 Kag nagdalá ang m̃ga Amoninhon sing m̃ga dólot kay Usia; kag naban-tuganang iya ngalan tubtub sa salamputan ang Egipto, kay ginpabakud sia sing laká gid.

9 Ka nagpatindug si Usia sing m̃ga tore sa Ierusalem, sa ibabaw sang gawang sang Panusud, kag sa ibabaw sang gawang sang Nalupuyan kag sa ibabaw

sang likoan nga salamputan; kag ginbakud niya sila.

10 Kag nagpatindug sia sing m̃ga tore sa kahanayakan, kag nagkutkut sia sing madamu nga m̃ga bobon; kay may iya sia sang madamu nga m̃ga obeha, sa manubo nga duta kag sa kapatagan, subung man m̃ga mangunguma kag m̃ga manugubas, sa m̃ga bukid kag sa Katamnan, kay maluyagon sia sang panguma.

11 Kag si Usia may iya nga m̃ga kasoldadosan nga nagapakig-away, nga nagagowa sa pag-awayan sa pinanong, sono sang isip nga sa listahan, nga ginhimo sang kamut ni Iehiel, nga eskriba kag ni Maasias nga punoan, nga yara sila sa idalum sang pagdumala ni Hananias, nga isa sang m̃ga dunganon sang hari.

12 Ang bug-os nga kadamuon sang m̃ga pangolo sang m̃ga amay nga m̃ga maisug nga manug-away, nanginduha ka libo kag anum ka gatus.

13 Kag sa idalum sang pagdumalá nila may isa ka kasoldadosan sa pag-awayan nga tatlo ka gatus pito ka libo kag lima ka gatus ka m̃ga tinawo, nga nagapakig-away nga may kusug nga maisug sa pagbulig sa hari batok sang kaaway.

14 Kag naghanda sa ila si Usia nga sa bug-os nga kasoldadosan sang m̃ga taming, kag sang m̃ga sumbiling, kag sang m̃ga pandong, kag sang m̃ga limbutong kag sang m̃ga pana, patí sang m̃ga bató nga sa habyug.

15 Kag naghimo sia sa Ierusalem sang m̃ga makina nga pinadugi sang m̃ga manugpadugi sa pagpahamtang sa ibabaw sang m̃ga tore kag sa ibabaw sang m̃ga likoan nga sa pagpana sang m̃ga baslay kag sang m̃ga dalagku nga m̃ga bató. Kag ang iya kabantugan naglapnag sa malayô, kag ginbuligan sia sing makatingala gid, tubtub nga nagbakud sia.

16 Kag sang naglig-on sia, nagmatinaastaon ang iya tagiposon tubtub sa pagkadunot, kag nagmalalison sia batok kay Iehoba, nga iya Dios, nga nagsulúd sia sa Simbahan ni Iehoba nga sa pagpasunog sang insienso sa halaran sang pahamut.

17 Kag nagsulúd sa olehe niya ang saserdote nga si Asarias, kag upud sa iya kawaloan ka m̃ga saserdote ni Iehoba, nga m̃ga tinawo nga maisug.

18 Kag nagbalatok sila sa hari nga si Usia, kag ginsilingan nila sia: "Indi sa imo, Usia, ang pagsunog sang pahamut

kay Iehoba, kay ini nahanungud sa mga saserdote, nga mga inanak ni Aaron, nga ginpakabalaan sila sa pagpasunog sini. Gowa-ka sa balaan nga puluy-an, kay nagalapas ka, kag *ini* indi magamangin nga sa imo himaya gikan kay Iehoba nga Dios."

19 Kag naakig si Usia; kag may iya sia nga insensario sa iya kamut nga sa pagsunog *sing pahamut*; kag sang nagapangakig sia batok sa mga saserdote, ang tabukaw naggowa sa iya agtang sa atubangan sang mga saserdote, sa Baláy ni Iehoba, sa luyo sang halaran sang pahamut.

20 Kag gintulok sia ni Asarias, nga labing mataas nga saserdote, kag sang tanan nga mga saserdote, kag yari karon, ang tabukaw yara sa iya agtang; kag ginpagowa nila sia sing dalidali didto; kag sia man nagdalidali sa paggowa, kay ginpilas sia ni Iehoba.

21 Kag ang hari nga si Usia nanngin-tabukawon tuhtub sa adlaw sang iya kamatayon, kag nagpuyô sia sa baláy sang mga masakit subung nga tabukawon; tungud kay ginpabulag sia sa Baláy ni Iehoba; kag si Iotam, nga iya anak, naggahum sa baláy sang hari, nga nagahukom sa banwa sang duta.

22 Kag ang iban sang mga binuhatan ni Usia, ang mga nahauna kag ang mga nahaolehe, ginsulat sila ni Isaias nga anak ni Amos, nga manalagna.

23 Kag nagtolog si Usia upud sang iya mga ginikanan, kag ginlubung nila sia upud sang iya mga ginikanan sa latagon nga lulubngan nga sa mga hari; kay nagsililing sila: "Tabukawon sia." Kag naghari nga salili niya si Iotam, nga iya anak.

Si Iotam, hari sa Iuda.

**27** NAGSUGUD sa paghari si Iotam, sang nagaedad sia sing duha ka púlô kag lima ka tuig, kag naghari sia sing napúlô kag anum ka tuig sa Ierusalem. Ang ngalan sang iya ilóy amo si Iesura, nga anak ni Sadok.

2 Kag sia naghimo sang matadlung sa mga mata ni Iehoba, sono sa tanan nga mga butang nga ginhimo ni Usia, nga iya amay; lamang nga walâ magsulúd sia sa Simbahan ni Iehoba, kag ang banwa nangindunot pa.

3 Amo sia ang nagpatindug sang ga-

wang nga mataas sang Baláy ni Iehoba, kag sa kuta sang bakolod nagpatindug sia sing madamu.

4 Kag nagpatindug sia sing mga kabanwaan sa bukid sang Iuda, kag nagpatindug sia sing mga baláy nga hari-anon kag sing mga tore sa mga talon.

5 Nagpakigaway man sia sa hari sang mga inanak ni Amon, nga gindaug niya sila. Kag ginhatagan sia sang mga inanak ni Amon sa sadtong tuig sang isa ka gatus ka talanton nga pilak, kag napúlô ka libo ka koro nga trigo, kag napúlô ka libo nga sebada. Ini among ginbayad sa iya sang mga inanak ni Amon sa ikaduha man ka tuig, kag sa ikatlo.

6 Kag nagbakud si Iotam, tungud kay naglig-on sia sang iya mga dalanon sa atubangan ni Iehoba, nga iya Dios.

7 Kag ang iban sang mga binuhatan ni Iotam, kag ang tanan niya nga mga pagpakig-away, kag ang iya mga dalanon, yari karon, nasulat sila sa Tolon-an sang mga hari sa Israel kag sa Iuda.

8 Nagsugud sia sa paghari, sang nagaedad sia sing duha ka púlô kag lima ka tuig; kag naghari sia sing napúlô kag anum sa Ierusalem.

9 Kag nagtolog si Iotam upud sang iya mga ginikanan, kag ginlubung sia sa banwa ni Dabid; kag naghari nga salili niya si Akas, nga iya anak.

Si Akas, hari sa Iuda.—Ang iya pagdiwata kag ang iya mga kalisdanan.

**28** NAGSUGUD si Akas sa paghari, sang nagaedad sia sing duha ka púlô ka tuig, kag naghari sia sing napúlô kag anum ka tuig sa Ierusalem; kag walâ sia maghimo sang matadlung sa mga mata ni Iehoba, subung kay Dabid, nga iya amay.

2 Kag naglakat sia sa mga dalanon sang mga hari sa Israel, kag labut pa, naghimo sia sing mga larawan nga tinunaw sa mga Baal.

3 Kag nagsunog sia sang *pahamut* sa nalupyakan sang mga inanak ni Hñom, kag ginsunog niya ang iya mga anak sa kalayo, sono sang mga kalargil-aran sang mga katawohan, nga gñsobol ni Iehoba sa atubangan sang mga inanak ni Israel.

4 Kag naghalad sia kag nagsunog sing mga *pahamut* sa mga mataas nga



duug, kag sa ibabaw sang mga kabakoloran, kag sa idalum sang tanan nga kahoy nga madabung.

5 Kag gintugyan sia ni Iehoba, nga iya Dios, sa mga kamut sang hari sang Aram, kag ang mga *Araminhon* nagpili-las sa iya, kag ginkuhaan sia nila sing isa ka daku nga kadam-an nga mga bi-hag, nga gindalalá sila nila sa Damasko; kag gintugyan man sia sa mga kamut sang hari sa Israel, nga nagpilas sa iya sa daku nga kinamatay;

6 Kay si Peka, nga anak ni Remalias, nagpatay sa Iuda, sang isa ka gatus kag duha ka púlô ka libo sa isa ka adlaw, nga tanan sila mga maisug nga tawo, tungud kay ginbayaan nila si Iehoba, Dios sang ila mga ginikanan.

7 Kag si Sikri, tawo nga maisug sa Epraim, nagpatay kay Maasias, nga anak sang hari kag kay Asrikam, nga iya manugdumala sang baláy nga *harianon*, kag kay Elkana, nga ikaduha sa olehe sang hari.

8 Kag gindalá nga mga bihag sang mga inanak ni Israel, sa ila mga útud, ang duha ka gatus ka libo, mga babae, mga kabataan nga lalaki kag mga babae; kag gin-atihan nila sila sang isa ka daku nga inagaw, nga gindalalá nila ang inagaw sa Samaria.

9 Kag didto may isa ka manalagna ni Iehoba, nga ginahingalanang nga si Oded, nga nagkowa sa úna sang kosoldadosan, nga nagpauli sa Samaria, kag nagsiling sia sa ila: "Yari karon, sa iya kasingkal batok kay Iuda, si Iehoba nga Dios sang inyo mga ginikanan, gintugyan niya sila sa inyo mga kamut; kag kamo nagpalatay sa ila nga may kaakig, nga nag-abut ini tubtub sa langit.

10 Kag karon nagahunahuna kamo sa pagsakup sa inyo, subung nga ulipon, sang mga anak nga lalaki kag sang mga anak nga babae sang Iuda kag sang Ierusalem. ¿Indi bala kamo, hoo, kamo gid, makasasalá batok kay Iehoba nga inyo Dios?

11 Kag karon, pamatii-ninyo ako, kag papaulia-ninyo ang mga bihag nga inyo ginbihag sa tungâ sang inyo mga útud; kay ang kasingkal sang kaakig ni Iehoba yara sa ibabaw ninyo."

12 Kag ang iban sang mga lalaki sang mga pangolo sang mga inanak ni Epraim, si Asarias, nga anak ni Iohanan,

si Berekias, nga anak ni Mesilemot, si Eesekias, nga anak ni Salum, kag si Amasa, nga anak ni Hadlai, nagtilindug batok sa mga nag-alabut gikan sa pag-awayan,

13 Kag nagsililing sila sa ila: "Dili kamo magpasulúd diri sinang mga bihag, kay, agud nga paghimoon kita nga makasasalá sa atubangan ni Iehoba, nagahulu-nahuna kamo sa pagdugang sa aton mga salá kag sa aton pagkamakasasalá; sa pagkamatuud, daku ang aton kasal-anan, kag may masingkal nga kaakig sa ibabaw sang Israel."

14 Kag ginbayaan sang tinawo nga nasangkap sang hinganiban ang mga bihag kag ang inagaw sa atubangan sang mga dunganon kag sa atubangan sang bug-os nga katilingban.

15 Kag nagtilindug ang mga tawo nga mga napanudlo, sono sang ila ngalan, kag ginkuluha nila ang mga bihag, kag ginpasaputan nila sang inagaw ang mga hubo sa ila; ginpasaputan nila sila, kag ginpasapinan nila sila, kag ginpakaon kag ginpainum nila sila, kag ginhalaplas nila sila, kag gindul-ong nila sa mga asno ang tanan nga nagakapukan sa *kaluya*, kag gindalá nila sila tubtub sa Ieriko, banwa sang mga kahoy nga paklang malapit sa ila mga útud; kag sila nagpalauli sa Samaria.

16 Sa sadtong panag-on nagpadalá ang hari nga si Akas sa mga hari sa Asur, nga magbululig sila sa iya;

17 Kay, labut sini, ang mga Iduminhon nag-alabut kag nagpilas sang Iuda, kag gindalá nila nga mga bihag.

18 Kag ang mga Pilistinhon naghilimo sing lugus nga pagsulúd sa mga kabanwaanang sang manubo nga duta, kag sa Bagatnan sang Iuda, kag ginkuha nila ang Bet-semes, ang Ahalon ang Gederot, ang Soko pati ang ila mga minoro, kag ang Timna pati ang iya mga minoro, kag ang Gimso pati ang iya mga minoro; kag nagpuluyô sila sa ila.

19 Kag ginpapaubus ni Iehoba ang Iuda, kag ang Akas, nga hari sa Israel; tungud kay ginbuhian niya ang tanan nga pitik sa Iuda kag nga naghimo sia sang tanan nga pagkaniabudhion batok kay Iehoba.

20 Kag nag-abut batok sa iya si Tig-gat-pilneser, nga hari sang Asur, kag ginbilang niya sia nga kaaway, kag walá niya pagpabakura sia.

21 Kay bisan pa ginhublasan ni Akas ang Baláy ni Iehoba, kag ang baláy nga harianon, kag ang iya sang mga dunganon, nga sa paghatag sa hari sang Asur, sia walá magbulig sa iya.

22 Kag sa panag-on sang iya kalisdanan nagpadayon sia sa pagkamabudhion batok kay Iehoba, ang amo gid nga hari nga si Akas.

23 Naghalad sia sa mga dios sa Damasko, nga nagpililas sa iya, kag nagsiling sia: "Tungud kay ang mga dios sang mga hari sa Aram nagabululig sa ila, ako *man* magahalad sa ila, agud nga pagbuligan nila ako." Kag ini sila nanginkagulub-an niya, kag subung man sang bug-os nga Israel.

24 Kag ginhimos ni Akas ang mga gamit sang Baláy sang Dios kag ginpamihakpihak nila sila; kag gintakpan niya ang mga gawang sang Baláy ni Iehoba, kag naghimo sia sa iya sing mga halaran sa Ierusalem sa tanan nga mga duug.

25 Kag naghimo sia sang mga mataas nga duug sa tagsa ka banwa sa Iuda, nga sa pagsunog sang mga *pahamut* sa liwan nga mga dios; kag nagpaakig sia kay Iehoba, nga Dios sang iya mga ginikanan.

26 Kag ang iban sang iya mga binuhatan, kag ang tanan niya nga mga dalanon, nga mga nahauna kag mga nahaolehe, yari karon nasulat sila sa Tolonan sang mga hari sa Iuda kag sa Israel.

27 Kag nagtolog si Akas upud sang iya nga ginikanan, kag ginlubung nila sia sa banwa sa Ierusalem, kay walá nila sia pagilubung sa mga lulubngan sang mga hari sa Israel; kag naghari nga salili niya si Esekias, nga iya anak.

Si Esekias, hari sa Iuda, nagatinlo sang Simbahan.

**29** SI Esekias nagsugud sa paghari, sang nagaedad sia sing duha ka púlô kag lima ka tuig, kag naghari sia sing duha ka púlô kag siam ka tuig sa Ierusalem. Kag ang ngalan sang iya ilóy amo si Abia, nga anak ni Sakarias.

2 Ginhimo niya ang matadlung sa mga mata ni Iehoba, sono sa tanan nga ginhimo ni Dabid, nga iya amay.

3 Nahanungud sa iya, sa nahauna nga tuig sang iya paghari, sa nahauna nga bulan, ginbuksan niya ang mga gawang

sang Baláy ni Iehoba, kag ginkaáyô niya sila.

4 Kag ginpakari niya ang mga saserdote kag mga Lebinhon, kag gintipon niya sila sa balaligyaan sang Sidlangan.

5 Kag nagsiling sia sa ila: "Pamatii-ninyo ako, mga Lebinhon. Magpalakabalaan-kamo karon, kag balaanon-ninyo ang baláy ni Iehoba, nga Dios sang inyo mga ginikanan, kag pagakuhaon niuyo sa balaan nga puluy-an ang kahigkoan;

6 Kay ang aton mga ginikanan naglalalis, kag naghilimo sila sang malain sa mga mata ni Iehoba, nga aton Dios; kag ginbayaan nila sia kag gintalingi nila ang ila mga mata gikan sa Puluy-an ni Iehoba, kag gintalalikdan nila sia;

7 Kag gintakpan pa nila ang mga gawang sang alagyan, kag ginpalong nila ang mga lamparahan, kag walá sila magsulunog sang mga pahamut, bisan naghalalad sila sang halad nga sinunog sa balaan nga Puluy-an sa Dios ni Israel.

8 Kag ang kaakig ni Iehoba yara sa ibabaw sang Iuda kag sang Ierusalem, kag gintugyan niya sila sa paghinakit, kag sa kahapayan, kag sa mga panihol subung nga ginatan-aw ninyo sang inyo mga mata.

9 Kag yari karon, bangud sini ang aton mga ginikanan nagkalapukan sa hinganiban; kag ang aton mga anak nga lalaki, kag ang aton mga anak nga babae, kag ang aton mga asawa yara sa kabihagan.

10 Karon, yara sa akon tagiposoom sa pagpakigkatipan kay Iehoba, nga Dios sa Israel, agud nga magpalayô sa aton ang kaakig sang iya kasingkal.

11 Mga anak ko, indi kamo magpabuyanbuyan karon; kay sa inyo nagpili si Iehoba, agud nga magtindug kamo sa atubangan niya, sa pagpulaw sa iya pag-alagdan, kag nga manginalagad kamo niya kag nga magsulunog kamo sa iya sing *pahamut*."

12 Kag ang mga Lebinhon nagtililindug: si Mahat, nga anak ni Amasai, si Ioel, nga anak ni Asarias, sa mga inanak sang mga Koatinhon; kag ang mga inanak ni Merari: si Kis, nga anak ni Abdi, kag si Asarias, nga anak ni Iehaleleel; kag sa mga Gersoninhon, si Ioa, nga anak ni Sima, kag si Eden, nga anak ni Ioa;

13 Kag sa mga inanak ni Elesapan:



si Simri kag si Iehiel; kag sa mġa inanak ni Asap: si Sakarias kag si Matanias;

14 Kag sa mġa inanak ni Heman: si Iehiel kag si Simi; kag sa mġa inanak ni Iedutun: si Semaia kag si Usiel.

15 Kag nagtilipon sila sa ila mġa útud, kag nagpalakabalaan sila kag nagsululúd sila sono sa sogo sang hari, siling sang mġa polong ni Iehoba, nġa sa pagtinlo sang Baláy ni Iehoba.

16 Kag nagsululúd ang mġa saserdote sa sulúd sang Baláy ni Iehoba nġa sa pagtinlo sa iya; kag ginpagowa nila ang tanan nġa kahigkoan, nġa nakita nila sa simbahan ni Iehoba, sa patyo sang Baláy ni Iehoba, kag ginbaton ini sang mġa Lebinhon sa pagpagowa sa iya sa kasulgan sang Kedron.

17 Kag nagsulugud sila sa pagpakabalaan sa iya sang nahauna nġa adlaw sang nahauna nġa bulan, kag sa ikawalo ka adlaw sang bulan nagsululúd sila sa alagyan ni Iehoba, kag ginpakabalaan nila ang Baláy ni Iehoba sa sulúd sang walo ka adlaw; kag sa ikapúlô kag anum ka adlaw sang nahauna nġa bulan natapus nila.

18 Kag nagsululúd sila sa sulúd sa hari nġa si Esekias, kag nagsililing sila: "Natinloan na namon ang bug-os nġa Baláy ni Iehoba, ang halaran sang halad nġa sinunog kag ang tanan niya nġa mġa gamit, kag ang latok sang mġa tinapay sa pasunud kag ang tanan niya nġa mġa gamit;

19 Subung man gin-aman liwan kag ginpakabalaan namon ang tanan nġa mġa gamit nġa ginsikway sang hari nġa si Akas, sang naghari sia sa iya pagkamabudhion; kag yari karon, yadto sila sa atubangan sang halaran ni Iehoba."

20 Kag nagbangon sa aga pa gid ang hari nġa si Esekias, kag gintipon niya ang mġa pangolo sang banwa; kag nagtaklad sia sa Baláy ni Iehoba.

21 Kag nagdalá sila sang pito ka mġa tinday nġa baka nġa lalaki, kag pito ka karnero, kag pito ka kordero, kag pito ka kanding nġa lalaki, nġa sa halad tungud sang salá nġa sa ginharian, kag nġa sa balaan nġa Puluy-an, kag nġa sa Iuda. Kag nagsiling ang hari sa mġa saserdote, nġa mġa inanak ni Aaron, nġa maghalalad sila sa ila sa ibabaw sang halaran ni Iehoba.

22 Kag ginpugutan nila ang mġa ba-

ka, kag ang mġa saserdote nagbaton sang dugo, kag ginsablig nila ini sa ibabaw sang halaran; kag ginpugutan nila ang mġa karnero, kag ginsablig nila ang dugo sa ibabaw sang halaran. Kag ginpugutan nila ang mġa kordero, kag ginsablig nila ang dugo sa ibabaw sang halaran.

23 Kag ginpapalapit nila ang mġa lalaki nġa kanding sa halad tungud sang salá sa atubangan sang hari kag sa atubangan sang katilingban, kag ginbulutang nila sa ibabaw nila ang ila mġa kamut.

24 Kag ginpugutan sila sang mġa saserdote, kag ginhalad nila ang dugo tungud sang salá, sa ibabaw sang halaran, nġa sa katumbasan tungud sang bug-os nġa Israel; kay tungud sa bug-os nġa Israel nagsiling ang hari nġa paghimoon ang halad nġa sinunog kag ang halad tungud sang salá.

25 Kag ginbutang niya ang mġa Lebinhon sa Baláy ni Iehoba nġa may mġa apiping, kag mġa salterio, kag mġa arpa, sono sang sogo ni Dabid, kag ni Gad, nġa manugtuluk sang hari, kag ni Natan, nġa manalagna; kay ang sogo nagabui gikan sa kamut ni Iehoba, tungud sang kamut sang iya mġa manalagna.

26 Kag nagtilindug didto ang mġa Lebinhon nġa may mġa tulungon sang musika ni Dabid, kag ang mġa saserdote nġa may mġa budyong.

27 Kag nagsogo si Esekias, nġa ihalad ang halad nġa sinunog sa halaran; kag sa oras nġa ginsugdan ang halad nġa sinunog, nagsugud man ang kalantahon ni Iehoba upud ang mġa budyong kag upud ang pagbuylog sang mġa tulungon sang musika ni Dabid, nġa hari sa Israel.

28 Kag ang bug-os nġa katilingban nagyaub, kag ang mġa manugkanta nagkilinanta, kag ang mġa budyong nagpalatunog, ang tanan tubtub nġa natapus ang halad nġa sinunog.

29 Kag sang pagkatapus nila sa paghalad sang halad nġa sinunog, nagduluko ang hari kag ang tanan nġa mġa yara upud sa iya, kag naglayaub sila.

30 Kag ang hari nġa si Esekias kag ang mġa dunganon nagsililing sa mġa Lebinhon nġa magdalayaw sila kay Iehoba upud ang mġa polong ni Dabid, kag ni Asap, nġa manugtuluk; kag sila nagdalayaw sa iya nġa may dakung ka-

lipay, kag naglayaub sila kag naghapa sila.

31 Kag naghambal si Esekias kag nagsiling: "Karon nagpahanungud kamo kay Iehoba; busa palalapit-kamo kag magdalá-kamo sing mga halad kag sing *mga halad* sa pagdayaw sa Baláy ni Iehoba." Kag ang katilingban nagdalá sing mga halad kag mga *halad* sa pagdayaw, kag ang tanan nga tagiposoon nga maayo sing kabubut-on *naghalad* sang mga halad nga sinunog.

32 Kag ang kadamuon sang mga halad nga sinunog, nga gindalá sang katilingban nanginkapitoan ka baka, isa ka gatus ka karnero kag duha ka gatus ka kordero: ini nga tanan nga sa halad nga sinunog kay Iehoba.

33 Kag ang *iban nga* mga butang nga ginbalaan nangin anum ka gatus ka tin-day nga baka, kag tatlo ka libo ka obelaha.

34 Apang diyotay lamang ang mga saserdote, kag indi sila tuman sa pagpamanit sang tanan nga mga halad nga sinunog; kag ang ila mga útud, nga mga Lebinhon, nagbululig sa ila tubtub nga natapus nila ang buluhaton, kag tubtub nga nagpakabalaan ang mga saserdote; kay ang mga Lebinhon labing matadlung sa tagiposoon sang mga saserdote, sa pagpakabalaan sa ila.

35 Kag may mga halad man nga sinunog sa kabugana nga may mga sapay sang mga halad sa paghidaet kag nga may mga halad nga ilimnon. Kag napahauli ang pag-alagdan sang Baláy ni Iehoba.

36 Kag nagkasadya si Esekias kag ang bug-os nga banwa, tungud kay ginaman sang Dios ang banwa; kay ang butang nahuman sa madali gid.

Si Esekias nagahiwat sang Paskua nga may dakung pagtahud.

**30** KAG nagpadalá si Esekias sa bug-os nga Israel kag Iuda, kag nagsulat man sia sing mga sulat sa Epraim kag sa Manases, agud nga magalabut sila sa Ierusalem sa Baláy ni Iehoba, sa paghiwat sang Paskua kay Iehoba, nga Dios ni Israel.

2 Kag nakigsapul ang hari sa mga dunganon kag sa bug-os nga katilingban sa Ierusalem, nga sa paghiwat sang Paskua sa ikaduha ka bulan.

3 Kay sa sadtong panag-on walâ sila makahiwat sa iya, tungud kay walâ sing tuman nga mga saserdote nga mga ginpakabalaan, bisan ang banwa walâ magtipon sa Ierusalem.

4 Kag ang butang nagpahamuut sa mga mata sang hari kag sa mga mata sang bug-os nga katilingban.

5 Kag nagtalapat sila sini sa pagpabantala sa bug-os nga Israel, kutub sa Beer-seba tubtub sa Dan, agud nga magalabut sila sa paghiwat sang Paskua kay Iehoba nga Dios ni Israel, sa Ierusalem; kay sa sulúd sang madamu gid *nga mga tuig* walâ nila mahiwat sia sono sang nasulat.

6 Kag ang mga manugdalagan naglalakat sa bug-os nga Israel kag Iuda, nga may mga sulat sa kamut gikan sa hari kag sa iya mga dunganon, kag sono sang kinasogo sang hari, nga nagasiling: "Mga inanak ni Israel, balalik-kamo kay Iehoba, nga Dios ni Abraham, ni Isaak kag ni Israel, agud nga sia magbalik sa mga sa tungâ ninyo nga nakapalagyo, nga nabayaan sang nabilin, sa kamut sang mga hari sa Asur.

7 Kag indi kamo magmaninginsubung sang inyo mga ginikanan kag subung sang inyo mga útud, nga nagmabudhion bato kay Iehoba, nga Dios sang ila mga ginikanan, sa bagay nga gintugyan niya sila sa kahapayan, subung sang ginatanaw ninyo.

8 Busa karon, indi ninyo pagpakatigahon ang inyo tingkoy, subung sang inyo mga ginikanan; ihatag-ninyo ang kamut kay Iehoba, kag kalari-kamo sa iya balaan nga Puluy-an, nga ginpakabalaan niya sia sa gihapon; kag alagda-ninyo si Iehoba, nga inyo Dios, kag ang kaakig sang iya kasingkal magapalayô sa inyo.

9 Kay kon magbalalik kamo kay Iehoba, ang inyo mga útud kag ang inyo mga anak manginiligoon sang kalooy sa atubangan sang mga nagdalalá sa ila nga mga bihag, kag magabalalik sila sa sini nga duta; kay si Iehoba, nga inyo Dios, mahinoklogon kag maloloy-on, kag indi sia magatalingi sa inyo sang iya nawung kon kamo magbalalik sa iya."

10 Kag ang mga manugdalagan nagalagi sa banwabanwa sa duta sang Epraim kag Manases tubtub sa Sabulon; kag nagkaladlaw kag nagululigyt sila sa ila.

11 Walay sapayan ang iban sa Aser,



sa Manases, kag sa Sabulon nagpalabus kag nag-alabut sila sa Ierusalem.

12 Ang kamut ni Iehoba yara man sa Iuda sa paghatag sa ila sing isa ka tagiposoon, nga sa pagtuman sang balita sang hari kag sang mga dunganon, sono sa polong ni Iehoba.

13 Kag nagtipon sa Ierusalem ang madamu nga tinawo nga sa paghiwat sang piesta sang mga tinapay nga walay tapay sa bulan nga ikaduha: isa ka daku gid nga katipunan.

14 Kag nagtilindug sila kag ginkuha nila ang mga halaran nga yara sa Ierusalem, kag ginkuha nila ang tanan nga mga halaran sa mga pahamut, kag ginhala-boy nila sila sa kasulgan sang Kedron.

15 Kag ginpugutan nila ang Paskua sa ikapulô kag apat sang bulan nga ikaduha; kay ang mga saserdote kag ang mga Lebinhon nagkalahuya kag nagpalakabalaan sila, kag gindalala nila ang mga halad nga sinunog sa Baláy ni Iehoba.

16 Kag nagtilindug sila sa ila mga duug sono sang tulumanon sang kaso-goan ni Moises, nga tawo sang Dios. Ang mga saserdote nagsalablig sang du-go nga *ginbaton* nila sa mga kamut sang mga Lebinhon.

17 Tungud kay may madamu gid sa katilingban nga walâ pa magpakabalaan, ang mga Lebinhon nangintululinan sa pagpugut sang mga paskua tungud sang tanan nga mga walâ magpaninlo, sa pagpakabalaan sa ila nga kay Iehoba.

18 Kag ang isa ka daku nga kadam-an sang banwa, madamu sang mga iya ni Epraim, ni Manases, ni Isakar kag ni Sabulon, nga walâ pa magpaninlo, kag nagkalaon sila sang Paskua, nga indi sono sa nasulat. Apang si Esekias nagpanga muyo tungud sa ila, nga nagasiling: "Si Iehoba, nga among maayo, maghimo sia sing katumbasan tungud sa tanan nga nahanda ang iya tagiposoon sa pagpangita sa Dios,

19 Kay Iehoba, nga Dios sang ila mga ginikanan, bisan pa walâ ini sono sang pagpaninlo sang balaan nga Puluy-an."

20 Kag ginpamatian ni Iehoba si Esekias, kag gin-ayô niya ang banwa.

21 Busa ginhiwat sang mga inanak ni Israel, nga didto sa Ierusalem, ang piesta sang mga tinapay nga walay tapay, sa pito ka adlaw, nga may daku nga ka-

lipay; kag ang mga Lebinhon kag ang mga saserdote nagdalayaw kay Iehoba sa adlawadlaw nga may mga gamhanan nga galamiton ni Iehoba.

22 Kag naghambal si Esekias sa tagiposoon sang tanan nga mga Lebinhon nga may maayo nga ihibalo sa *butang* ni Iehoba; kag nagkalaon sila sang *kinalad* sa piesta sa pito ka adlaw, nga nagahalad sila sang mga halad sa paghidaet, kag nagdalayaw sila kay Iehoba, ang Dios sang ila mga ginikanan.

23 Kag ang bug-os nga katilingban nagtapat, nga maghiliwat sila sing pito pa ka adlaw; kag naghiliwat sila sing pito pa ka adlaw nga may kasadya.

24 Kay si Esekias, nga hari sa Iuda, naghatag nga sa halad nga binayaw sa katilingban sing isa ka libo ka baka nga lalaki, kag pito ka libo ka obeha; kag naghalatag ang mga dunganon sa halad nga binayaw sa katilingban sang isa ka libo ka baka nga lalaki kag napulô ka libo ka obeha; kag nagpalakabalaan ang madamu gid nga mga saserdote.

25 Kag, nagkalipay ang bug-os nga katilingban sa Iuda, kag ang mga saserdote kag ang mga Lebinhon patî ang bug-os nga katilingban, nga nag-alabut gikan sa Israel, kag ang mga dumuluong nga nag-alabut gikan sa duta sa Israel kag ang mga nagapuluyô sa Iuda.

26 Kag may daku nga kasadya sa Ierusalem; kay kutub sang mga kaadlawan ni Salomon, nga anak ni Dabid, nga hari sa Israel, walâ sing bisan ano nga kaangay sa Ierusalem.

27 Kag nagtilindug ang mga saserdote nga mga Lebinhon kag ginpakamaayo nila ang banwa; kag ang tingug nila ginpamatian, kag ang ila pangamuyo nag-abut sa Puluy-an sang iya pagkabalaan, sa mga langit.

**31** KAG sang natapus ining tanan, ang tanan nga mga taga-Israel, nga didto sila, naggulowa sila sa mga kabanwaan sa Iuda, kag ginpamoong nila ang mga larawan kag ginpangutud nila ang mga Asherim, kag ginguluba nila ang mga mataas nga duug kag ang mga halaran sa bug-os nga Iuda kag Benyamin, kag sa Epraim kag sa Manases, tubtub sa himpit nga pagubus. Kag nagpalauli ang mga inanak ni Israel sa ila mga banwa, ang tagsatagsa sa iya kaugalingon.

Ginapalaagisud liwan ni Esekias ang pag-alagdan sang mga Lebinhon.

2 Kag gintukud ni Esekias ang mga binahin sang mga saserdote kag sang mga Lebinhon, sono sa ila mga panghi-kot, ang tagsatag a sono sang iya pag-alagdan, ang mga saserdote subung man ang mga Lebinhon, nga sa halad nga sinunog, kag nga sa mga halad sa paghidaet, agud nga mag-alagad sila, kag agud nga magdalayaw kag magololog sila *kay Iehoba* sa mga gawang sang mga dulugan ni Iehoba.

3 Kag ang pahat sang hari ginkuha sa iya mga pagkabutang nga sa mga halad nga sinunog sa aga kag sa hapon, kag sa mga halad nga sinunog sang mga sabado, kag sa mga lati kag sa mga pinat-in nga piesta, subung sang nasulat sa kasogoon ni Iehoba.

4 Kag nagsiling *man* sia sa banwa, sa mga pumuluyô sa Ierusalem, nga mag-halatag sila sang pahat sa mga saserdote kag sa mga Lebinhon, agud nga mag-mabakud sila sa kasogoon ni Iehoba.

5 Kag sang naglapnag ini nga sogo, ang mga inanak ni Israel nagdalalâ sang madamu nga mga nahaunang mga bunga sang trigo, sang duga sang ubas, sang lana, sang dugos kag sang tanan nga mga patubas sang mga latagon; kag nagdalalâ sila sing bugana sang mga ikapulô sang tanan.

6 Kag ang mga inanak ni Israel kag ni Iuda man, nga nagpuluyô sa mga banwa sa Iuda, nagdalalâ sila man sang ikapulô sang mga baka kag sang mga obeha, kag sang ikapulô sang mga butang nga balaan nga ginbalaan nila *kay Iehoba*, nga ila Dios, kag ginbutang nila sila nga mga tinumpoktumpok.

7 Sa bulan nga ikatlo nagsulugud sila sa pagtukud sadtong mga tinumpoktumpok, kag nahuman nila *sila* sang ikapito ka bulan.

8 Kag si Esekias kag ang mga dunganon nagkaladto sa pagtan-aw sang mga tinumpoktumpok, kag ginpakama-ayo nila si Iehoba kag ang iyang banwa nga Israel.

9 Kag nagpamangkot si Esekias sa mga saserdote kag sa mga Lebinhon nahanungud sang mga tinumpoktumpok.

10 Kag naghambal si Asarias, nga pangolo nga saserdote, sa panimalây ni

Sadok, kag nagsiling: "Kutub nga nagsulugud sa pag-abut diri ang halad nga binayaw sa Balây ni Iehoba, nagkالاon kami kag nagkalabusug kami, kag nasalin sa iya sing bugana; kay ginpakamaayo ni Iehoba ang iya banwa, kag ang nasalin amo ining daku nga kadamuon.

11 Kag nagsogo si Esekias, nga mag-alaman sila sang mga hulot sa Balây ni Iehoba, kag gin-aman nila sila.

12 Kag gindala nila sing matutum gid ang halad nga binayaw kag ang ikapulô, kag ang mga balaan nga butang. Kag si Konanias nga Lebinhon, nangintululinan sa ila, subung nga manugdumala kag si Simi, nga iya útud, ranginikaduha.

13 Kag si Iehiel, si Asasias, si Nahat, si Asael, si Ierimot, si Iosabad, si Eliel, si Ismakias, si Mahat kag si Benaia, nangintulugyanan sa idalum sang pagdumala ni Konanias kag ni Simi, nga iya útud, sa sogo sang hari nga si Esekias, kag ni Asarias, nga manugdumala sa Balây sang Dios.

14 Kag si Kore, nga anak ni Imna, nga Lebinhon, nga manugbantay sang gawang sa Sidlangan, nangintululinan sang mga halad nga kinabubut-on nga ginhilimo sa Dios, sa pagpanagtag sang halad nga binayaw *kay Iehoba* kag sang mga butang nga balaan gid.

15 Kag sa iya luyo, sa mga kabanwaan sang mga saserdote yara si Eden, kag si Minyamin, si Iesua, si Senaia, si Amarias kag si Sekanias, *sa tulin* nga sa pagpanagtag nga may katutum sa ila mga útud, sono sa ila mga binahin, sa dalagku subung man sa magamay,

16 Labut sang mga napanulat sa ila mga kaliwat subung nga mga lalaki sa tatlo ka tuig pa ibabaw, sa tanan nga mga nagasululud sa Balây ni Iehoba, sa tagsa ka adlaw nga sa buluhaton sa adlaw sa pag-alagdan sang ila mga tulin, sono sang ila mga binahin;

17 Kag sa mga saserdote nga napanulat, sono sang ila mga panimalây nga inamay, subung man sa mga Lebinhon, sa edad nga duha ka pulô ka tuig pa ibabaw, sono sa ila mga tulin *kag* sono sang ila mga binahin,

18 Kag sono sang listahan sa tanan nila nga mga kabataan, sa ila mga asawa, sa ila mga anak nga lalaki kag sa ila mga anak nga babae, sa bug-os nga



katilingban ; kay sa ila pagkatutum nagpakabalaan sila nga sa pagkabalaan ;

19 Kag nga sa mga anak ni Aaron, nga mga saserdote, sa mga latagon, sa mga halalban sang ila mga kabanwaan, may mga tawo nga natudlo sa ila ngalan sa pagpanagtag sing mga pahat sa tanan nga mga lalaki sa tungâ sang mga saserdote kag sa tanan nga sa tungâ sang mga Lebinhon nga napanulat sa listahan sang mga panimaláy.

20 Sa sini nga bagay ginhimo ni Esekias sa bug-os nga Iuda, kag ginbuhat niya ang maayo, kag ang matadlung kag ang matuud sa atubangan ni Iehoba, nga iya Dios.

21 Kag sa tanan nga ginsugdan niya sa pag-alagdan sa Baláy sang Dios, kag sa kasogoan kag sa mga sogo, ginpangita niya ang iya Dios, kag ginhimo niya ini sa bug-os niya nga tagiposoon, kag nagbugana sia.

Pagsalakay ni Senakerib.—Ang kalaglagan sang iya kasoldadosan.

**32** SA tapus sining mga butang, kag sining katutum, nag-abut si Senakerib, nga hari sang Asur, kag nagsulúd sa Iuda, kag nagpahamtang sang dulong batok sang mga kabanwaan nga mga mabakud ; kag naghunahuna sia sa pagbukas sing litik sa ila.

2 Kay sang nakita ni Esekias ang pag-abut ni Senakerib, kag ang iya nawung napahamtang sa pagpakigaway sa Ierusalem,

3 Nagpakigsapul sia sa iya mga dunganon, kag sa iya mga maisug nga tawo, nahanungud sa pagtampok sang mga tuburan sang mga tubig nga yadto sa gowa sang banwa, kag nagbululig sila sa iya.

4 Kay nagtipon ang madamu nga banwa ; kag gintampokan nila ang tanan nga mga tuburan kag ang subâ nga nagailig sa tungâ sang kadutaan, nga nagasiling : “ ¿ Kay ngaa bala sa pag-abut sang mga hari sa Asur makakita sila sang madamu nga mga tubig ? ”

5 Kag nagbaskug sia, kag ginpatindug liwan niya ang bug-os nga kuta nga nagkalaguba kag ginpataas niya sia tub-tub sa mga tore, kag ginpatindug niya ang isa pa ka kuta sa gowa ; kag ginbakud niya ang Milo sa banwa ni Dabid, kag naghimo sia sing mga sumbling kag sing mga taming.

6 Kag naghatag sia sing mga pangolo sa pag-awayan sa banwa, kag gintipon niya sila sa iya sa balaligyaan sa gawang sang banwa, kag ginhambal niya sila sa tagiposoon nila, nga nagasiling :

7 “ Palamakud-kamo kag magmalig-on kamo. Dili kamo magkalahadluk, bisan magmatalaw-kamo bangud sang hari sa Asur, bisan bangud sang bug-os niya nga kadam-an nga upud sa iya, kay may madamu sa aton nga labi pa sa iya.

8 Upud sa iya yara ang butkon nga unud, apang upud sa aton yara si Iehoba, nga aton Dios, nga sa pagbulig sa aton, kag sa pag-away sa aton mga pag-awayan.” Kag nagsandig ang banwa sa mga polong ni Esekias, nga hari sa Iuda.

9 Sa tapus sini si Senakerib, nga hari sang Asur, sang didto sia nga nagalibot sang Lakis kag upud sa iya ang bug-os niya nga kagamhanan, ginpadalá niya ang iya nga alagad sa Ierusalem kay Esekias, nga hari sa Iuda, kag sa tanan nga mga taga-Iuda, nga yadto sila sa Ierusalem, nga nagasiling :

10 “ Amo ining ginasiling ni Senakerib, nga hari sang mga Asur : ¿ Sa ano bala nagasalalig kamo, agud nga magpuluyô kamo nga mga nalibutan sa Ierusalem ?

11 ¿ Walâ bala kamo pagsugyota ni Esekias nga sa pagtugyan sa inyo sa kamatayon, sa gutum kag sa uhaw, sang nagasiling sia : Si Iehoba, nga aton Dios, magaluwas sa aton gikan sa kamut sang hari sa Asur ?

12 ¿ Indi bala si Esekias ang nagkuha sang inyo nga mataas nga duug kag sang iya nga halaran, kag walâ bala sia magsogo sa Iuda kag sa Ierusalem nga nagasiling : Sa atubangan sang isa lamang ka halaran magasilimba kamo, kag sa ibabaw niya magasulunog kamo sing pahamut ?

13 ¿ Walâ bala kamo makahibalo sang ginhimo ko, ako kag ang akon mga ginikanan, sa tanan nga mga banwa sang kadutaan ? Ang mga dios sang mga katawohan sang mga kadutaan, ¿ nakasarang bala sila sa pagluwas sang ila duta sa akon kamut ?

14 ¿ Sin-o bala sang tanan nga mga dios sadtong mga katawohan, nga gintagudilian sang akon mga ginikanan, nakasarang sa pagluwas sang iya banwa sa akon kamut, agud nga ang inyo Dios makaluwas sa inyo sa akon kamut ?

15 Kag karon, dili kamo magpalimbong kay Esekias, bisan magsugyot sia sa inyo sing subung sini, bisan magpati kamo sa iya; kay walâ gid sing Dios, sa bisan ano nga katawohan, sa bisan ano nga ginharian nga nakasarang sa pagluwas sang iya banwa sa akon kamut kag sa kamut sang akon mga ginikanan, i labi na gid nga indi makasarang ang inyo mga dios pagluwas sa inyo sa akon kamut?"

16 Kag iban pa nga mga butang ginhalambal sang iya mga alagad batok sa Dios nga si Iehoba, kag batok sa iya alagad nga si Esekias.

17 Nagsulat man sia sang mga sulat nga nagabuyayaw kay Iehoba, nga Dios ni Israel, nga nagahambal batok sa iya, nga nagasiling: "Subung nga ang mga dios sang mga katawohan sang mga kadutaan walâ makasarang sa pagluwas sang iya banwa sa akon kamut, subung man ang Dios ni Esekias, indi sarang makaluwas sang iya banwa sa akon kamut."

18 Kag nagsingit sila sa mabaskug nga tingug sa hinudiyo, sa banwa sa Ierusalem, nga yadto sa kuta, nga sa pagpalisang sa ila kag sa pagpakulba sa ila, nga sa pagkuha sang banwa.

19 Kag naghalambal sila batok sang Dios sa Ierusalem subung nga batok sang mga dios sang mga banwa sang duta, nga binuhatan sila sang kamut sang mga tawo.

20 Kag ang hari nga si Esekias, kag ang manalagna nga si Isaias, nga anak ni Amos nagpalangamuyo tungud sini, kag nagtuluaw sila sa langit.

21 Kag si Iehoba nagpadalâ sang isa ka manugtunda, nga nagpanas sang tanan nga mga maisug nga manugaway, kag ang mga manugdumala, kag ang mga pangolo sa dulugan sang hari sa Asur; kag si *Senakerib* nagpauli nga may kahuya sa nawung sa iya duta; kag sang nagsulud sia sa balâ sang iya dios, didto ginpatay sia sa hinganiban sang mga naggulowa sa iya mga kasudlan.

22 Kag ginluwas ni Iehoba si Esekias kag ang mga pumuluyô sa Ierusalem sa mga kamut ni *Senakerib*, nga hari sa Asur, kag sa mga kamut sang tanan, kag ginbantayan niya sila sa bug-os nga palibot.

23 Kag madamu ang mga nagdalalâ sing halad kay Iehoba, sa Ierusalem, kag sing mga butang nga malahalon kay Esekias, nga hari sa Iuda, nga sa olehe

sini ginpakataas sia sa mga mata sang tanan nga mga katawohan.

Balatian ni Esekias.—Mga manugkagon gikan sa Babilonia.—Mga mangad kag kabugana ni Esekias.—Ang iya kamatayan.

24 Sa sadtong mga adlaw nagbalatian sa kamatayan si Esekias; kag nagpangamuyo sia kay Iehoba, nga naghambal sa iya, kag ginhatagan sia niya sing isa ka tanda.

25 Apang si Esekias walâ magbalus sono sang kaayohan, nga ginhimo sa iya; kondi nga nagmatinaastaason sia sa tagiposoon; kag nag-abut ang kaakig batok sa iya, kag batok sa Iuda kag sa Ierusalem.

26 Kag sang nagpaubus si Esekias sa pagkataas sang iya tagiposoon, sia kag ang mga pumuluyô sa Ierusalem, walâ mag-abut sa ibabaw nila ang kaakig ni Iehoba sa mga kaadlawan ni Esekias.

27 Kag si Esekias may daku gid nga mangad kag daku gid nga himaya, kag naghimo sia sang mga bahandi sang pilak kag sang bulawan, kag sang mga malahalon nga mga batô, kag sang mga pahamut, kag sang mga taming kag sang tanan nga mga huyas nga halandumon;

28 Kag mga tambubo nga sa patubas sa trigo kag sa duga sang ubas, kag sa lana, kag mga palasudlan sang kahayupan sa tagsa ka naigoan, kag mga pina-nong sa mga palasudlan.

29 Nag-angkon man sia sing mga kabanwaan, kag sing mga pinanung sang mga obeha kag sang mga baka sa kabugana gid; kay ginhatagan sia sang Dios sing dalagku gid nga mga pagkabutang.

30 Amo sia, si Esekias, ang nagtam-pok sang tuburan sa ibabaw sang mga tubig sa Gihon, kag ginpailig niya sila sing tadtung pa idalum sa Katundan sang banwa ni Dabid. Kag nagbugana si Esekias sa tanan niya nga mga buluhaton.

31 Kag amo ini, sang pag-abut sang mga manugkagon sang mga dunganon sa Babilonia, nga nagpaladalâ sila sa iya nga sa pagsayud sang katingalahan nga nahanabu sa sadto nga duta sa *Israel*, ginpabayaan sia sang Dios nga sa pagtilaw sa iya, nga sa pagkilala sang tanan nga yara sa iya tagiposoon.

32 Kag ang iban sang mga binuhatan



ni Esekias, kag sang iya maayo nga mga buhat, yari karon ang tanan nasulat sa palanan-awon ni Isaias nga manalagna, nga anak ni Amos, sa Tolon-an sang mga hari sa Iuda kag sa Israel.

33 Kag nagtolog si Esekias upud sang iya mga ginikanan, kag ginlubung nila sia sa taklaran sang mga lulubngan sang mga inanak ni Dabid; kag nagpadungug sa iya ang bug-os nga Iuda kag ang mga pumuluyô sa Ierusalem, sang pagkapatay niya; kag naghari nga salili niya si Manases, nga iya anak.

Si Manases, hari sa Iuda, ginapasaguti niya ang pagdiwata.—Ginabihag sia.—Nagahinulsul sia kag ginauli sia sang Dios sa ibahaw sang iya lingkaran nga harianon.

**33** NAGSUGUD sa paghari si Manases, sang ugaedad sia sing napulô kag duha ka tuig, kag naghari sia sing kalim-an kag lima ka tuig sa Ierusalem.

2 Ginhimo niya ang malain sa mga mata ni Iehoba, sono sang mga kalangilaran sang mga katawohan, nga ginsobol ni Iehoba sa atubangan sang mga inanak ni Israel.

3 Nagpatindug sia liwan sang mga duug nga mataas nga ginguba ni Esekias, nga iya amay, kag nagpatindug sia sing mga halaran sa mga Baal, kag naghimo sia sing mga Asherim, kag nagyaub sia sa atubangan sang bug-os nga kasoldadosan sang mga langit, kag nag-alagad sia sa ila.

4 Kag nagpatindug sia sing mga halaran sa Baláy ni Iehoba, nga nahanungud sa iya nagsiling si Iehoba: "Sa Ierusalem manginamo ang akon ngalan sa gihapon."

5 Kag nagpatindug sia sing mga halaran sa bug-os nga kasoldadosan sang mga langit sa duha ka patyo sang Baláy ni Iehoba.

6 Kag ginpaagi niya ang iya mga anak sa kalayo sa nalupyakan sang mga anak ni Hinom; kag nagbutang sia sa buhat sang mga malilihion, kag sang mga kawilihan, kag sang mga palatkonon, kag nagpatindug sia sang mga manugpagowa sang mga espiritu kag sing mga manugpakot, kag ginpadamu niya ang paghimo sang malain sa mga mata ni Iehoba, nga sa pagpaakig sa iya.

7 Kag nagbutang sia sing isa ka

larawan nga tinigban nga diosdios, nga ginhimo niya, sa Baláy sang Dios, nga nahanungud sa iya nagsiling ang Dios kay Dabid kag kay Salomon, nga iya anak: "Pagaibutang ko angakon ngalan sa gihapon sa sini nga Baláy kag sa Ierusalem, nga ginpili ko sia sa tanan nga mga kabikahan sa Israel;

8 Kag indi ko na pagahimoon nga ang tiil ni Israel magpalayô sa duta, nga gintudlo ko sa inyo mga ginikanan, lamang nga mag-alandamsila sa paghimo sang tanan nga ginsogo ko sa ila, sono sang bug-os nga kasogoan, sang mga palatukuran kag sang mga tulumanon, tungud sa kamut ni Moises."

9 Kag ginpatalang ni Manases ang Iuda kag ang mga pumuluyô sa Ierusalem, nga sa paghimo sing labi pa ka malain sang mga katawohan, nga ginlaglag ni Iehoba sa atubangan sang mga inanak ni Israel.

10 Kag naghambal si Iehoba kay Manases kag sa iya banwa; kag sila walâ magdulungug.

11 Kag gindala ni Iehoba batok sa ila ang mga pangolo sang kasoldadosan sang hari sa Asur, nga gindakup nila si Manases nga may mga kaw-it, kag gingapus nila sia sa mga talikala nga tum-baga, kag gindala nila sia sa Babilonia.

12 Kag sang yara sia sa kalisdanan, nagpakilooy sia sa atubangan ni Iehoba, nga iya Dios, nga nagapaubus sia sing daku gid sa atubangan sang Dios sang ila mga ginikanan.

13 Kag nagpangamuyo sia sa iya, kag gindaug ang Dios sang iya pangamuyo, kag nagpamati sia sang iya pakilooy, kag ginpabalik sia niya sa Ierusalem sa iya ginharian. Kag nakilala ni Manases, nga si Iehoba amo ang Dios.

14 Sa tapus sini, ginpatindug niya ang isa ka kuta sa gowa, sa Katundan sang banwa ni Dabid nayon sa Gihon, sa nalupyakan, kag tubtub sa salamputan sang gawang sang mga Isda, kag ginlibutan niya ang Opel, kag ginbayaw niya ang kuta sing mataas gid; kag ginbutangan niya sing mga pangolo sang kasoldadosan sa tanan nga mga kabanwaanang nga mga mabakud sa Iuda.

15 Kag ginkuha niya ang mga dios sang mga dumuluong, kag ang mga diosdios sa Baláy ni Iehoba, kag ang tanan nga mga halaran nga kinapatin-

dug niya sa bukid sang Baláy ni Iehoba, kag sa Ierusalem, kag ginhaboy niya sila sa gowa sang banwa.

16 Kag ginpatindug niya liwan ang halaran ni Iehoba, kag naghalad sia sa ibabaw niya sang mga halad sa paghidaet kag sa pagdayaw; kag nagsiling sia sa Iuda, nga mag-alalagad sila kay Iehoba, nga Dios ni Israel.

17 Apang ang banwa naghalad pa sa mga mataas nga duug; walay sapayan, lamang kay Iehoba nga ila Dios.

18 Kag ang iban sang mga binuhatan ni Manases, kag ang iya pangamuyo sa iya Dios, kag ang mga polong sang mga manugtulok, nga naghalambal sa iya sa ngalan ni Iehoba, nga Dios ni Israel, yari karon, ang tanan *nasulat* sa mga Kronika sang mga hari sa Israel.

19 Kag ang iya pangamuyo, kag paano nga ginpamatian, kag ang tanan niya nga sala, kag ang iya paglapas, ang mga duug nga didto ginpatindug niya ang mga mataas nga duug, kag ginpatindug niya ang mga Asherim kag ang mga larawan nga tinigban sang walâ pa sia magpaubus, yari karon, ini napanulat sa mga Binuhatan ni Hosai.

20 Kag nagtologsi Manases upud sang iya mga ginikanan, kag ginlubung nila sia sa iya baláy; kag naghari nga salili niya si Amon, nga iya anak.

Ang paghari sang madaunon nga si Amon.

21 Nagsugud sa paghari si Amon, sang nagaedad sia sing duha ka pulô kag duha ka tuig, kag naghari sia sing duha ka tuig sa Ierusalem.

22 Kag ginhimo niya ang malain sa mga mata ni Iehoba, subung sang ginhimo ni Manases, nga iya amay; kag si Amon naghalad sa tanan nga mga larawan nga tinigban, nga ginhimo ni Manases, nga iya amay, kag gin-alagad niya sila.

23 Kag walâ magpaubus sia sa atubangan ni Iehoba, subung sang pagpaubus ni Manases, nga iya amay; kondi nga naglalis sia sing labi pa gid.

24 Kag nagpuhon batok sa iya ang iya mga alagad kag ginpatay nila sia sa iya baláy.

25 Kag ang banwa sang duta nagpilas sa tanan nga mga nagpuhuhon batok sa hari nga si Amon; kag ang banwa sang

duta naghimo nga hari nga salili niya kay Iosias, nga iya anak.

Si Iosias, hari sa Iuda, nagalaglag sang diwata.  
Ang tolon-an sang kasoguan nakita sa Simbahan.

**34** NAGSUGUD sa paghari si Iosias, sang nagaedad sia sing walo ka tuig, kag naghari sia sing katloan kag isa ka tuig sa Ierusalem.

2 Naghimo sia sang matadlung sa mga mata ni Iehoba, kag naglakat sia sa mga dalanon ni Dabid, nga iya amay, nga walâ maglipas sa too, bisan sa walâ.

3 Kag sa ikawalo ka tuig sang iya paghari, sang pamatan-on pa sia, nagsugud sia sa pagpangita sang Dios ni Dabid, nga iya amay; kag sa ikapulô kag duha ka tuig nagsugud sia sa pagtinlo sa Iuda kag sa Ierusalem sang mga mataas nga duug kag sang mga Asherim, kag sang mga larawan nga tinigban, kag sang mga lawaran nga tinunaw.

4 Kag ginguluba nila sa atubangan niya ang mga halaran sang mga Baal, kag ginpangutud niya ang mga haligi sang Adlaw nga yadto sa ibabaw; ginboong niya ang mga Asherim, kag ang mga larawan nga tinigban kag ang mga larawan nga tinunaw, kag gimbukbuk niya sila, kag ginsabwag niya *ang yab-ok* sa ibabaw sang lulubngan sang mga naghalalad sa ila.

5 Kag ginsunog niya ang mga tul-an sang mga saserdote sa ibabaw sang ila mga halaran, kag gintinloan niya ang Iuda kag ang Ierusalem.

6 Kag sa mga kabanwaan sa Manases, sa Ephraim, sa Simeon kag tub-tub sa Neptali, *kon sayoron* sa ila mga kagub-an, sa palibot,

7 Nagguba sia sang mga halaran kag ginlinas niya ang mga Asherim, kag ang mga larawan nga tinigban, kag gimbukbuk niya sila, kag ginpangutud niya ang tanan nga mga haligi sang Adlaw sa bug-os nga duta sa Israel; kag nagbalik sia sa Ierusalem.

8 Kag sa ikapulô kag walo ka tuig sang iya paghari, sa pagpaninlo sang duta, kag sang Baláy, ginpadalâ niya si Sapan, nga anak ni Asalias, kag si Maasias, nga manuggahum sang banwa, kag si Ioa, nga anak ni Ioakas, nga manugsulat sang mga



Kronika, agud nga pagkaayohon nila ang Baláy ni Iehoba, nga ila Dios.

9 Kag nag-alabut sila kay Hilikia, nga pinapakamataas nga saserdote, kag ginhatag nila ang kuarta nga kinasulúd sa Baláy ni Iehoba, nga ang mga Lebinhon nga manugbantay sang atangan nagbalaton sa kamut ni Manases kag ni Epraim, kag sa tanan nga mga nabilin sa Israel, kag sa bug-os nga Iuda, kag sa Benyamin, kag sang mga pumuluyô sa Ierasulem.

10 Kag gintugyan nila sia sa kamut sang mga nagahilimo sang buluhaton, sa mga tululinan sa Baláy ni Iehoba; kag ang nagahilimo sang buluhaton naghala-tag sini sa mga nagapalanğabudlay sa Baláy ni Iehoba, nga sa pagkaáyô kag sa pagbag-o sa iya.

11 Kag gintugyan nila sia sa mga panday kag sa mga manugpatindug, agud nga magbalakal sila sing mga bató nga binasbasan, kag kahoy nga sa inugsumpay kag nga sa paghimo sang pagpamanday sang mga baláy, nga ginlaglag sila sang mga hari sa Iuda.

12 Kag ining mga tawo nagpalanğabudlay nga may katutum sa buluhaton. Kag sa ibabaw nila gintulinan si Iahat, kag si Abdias, nga mga Lebinhon, sa tunga sang mga inanak ni Merari, kag si Sakarias, kag si Mesulam, sa tunga sang mga inanak sang mga Koatinhon, agud nga magdumala sila sang buluhaton: kag ang tanan nga mga Lebinhon, mga sampaton sila sa mga tulungan sa musika.

13 Kag mga tulugyanan sila sang mga manugdalá sang mga lulan kag mga manugdumala sila sang tanan nga mga nagahilimo sang buluhaton sa bisan ano nga pag-alagdan; kag sa mga Lebinhon may mga eskriba, kag mga punoan kag mga manugbantay sang gawang.

14 Kag sang pagkuha sang kuarta nga ginsulúd sa Baláy ni Iehoba, nakita ni Hilikia nga saserdote ang tolon-an sang kasogoon ni Iehoba, nga ginhatag sa kamut ni Moises.

15 Kag naghambal si Hilikia, kag nagsiling kay Sapan, nga eskriba: "Nakita ko ang tolon-an sang kosogoon sa Baláy ni Iehoba." Kag ginhatag ni Hilikia ang tolon-an kay Sapan.

16 Kag gindalá ni Sapan ang tolon-an sa hari kag ginsugid man niya sa hari, nga nagsiling: "Ang tanan nga gin-

tugyan sa kamut sang imo mga alagad, ginatuman nila sia.

17 Ginula nila ang kuarta, nga nakita sa Baláy ni Iehoba, kag gintugyan sia nila sa kamut sang mga ginpanugyanan kag sa kamut sang mga nagahilimo sang buluhaton."

18 Kag nagsugid si Sapan nga eskriba sa hari, nga nagsiling: "Ang saserdote nga si Hilikia naghatag sa akon sing isa ka tolon-an." Kag ginbása ini ni Sapan sa atubangan sang hari.

19 Kag nahanabu, sang pagkabati sang hari sang mga polong sang kasogoon, nga ginkusnit niya ang iya mga panapton.

20 Kag ang hari nagsogo kay Hilikia, kag kay Ahikam, nga anak ni Sapan, kag kay Abdon, nga anak ni Mika, kag kay Sapan, nga eskriba, kag kay Asaia, nga alagad sang hari, nga nagsiling:

21 "Lakat-kamo, kag pakisayud-kamo kay Iehoba nga sa akon, kag sa nabilin sa Israel kag sa Iuda, nahanungud sang mga polong sang tolon-an nga nakita; kay daku ang kasingkal ni Iehoba, nga naula sa ibabaw naton, tungud kay ang aton mga ginikanan walá magbalantay sang polong ni Iehoba, sa paghimo sono sa tanan nga nasulat sa sini nga tolon-an."

22 Kag si Hilikia kag ang mga gintudlo sang hari, nagpalakadto kay Hulda, nga manalagna nga babae, nga asawa ni Salum, nga anak ni Tokat, nga anak ni Hasra, nga bantay sang mga panapton, nga nagapuyô sia sa Ierasulem sa ikaduha ka bahin sang banwa, kag ginhambal nila sa iya sing subung sini.

23 Kag sia nagsiling sa ila: "Amo ining ginasiling ni Iehoba, nga Dios sa Israel: Isiling-ninyo sa lalaki nga nagpadalá sa inyo sa akon: Amo ining ginasiling ni Iehoba:

24 Yari karon, pagadalhon ko ang malain sa ibabaw sini nga duug, kag sa ibabaw sang mga pamuluyô niya, sono sang tanan nga mga pagpakamalaut, nga napanulat sa tolon-an nga ginbása nila sa atubangan sang hari sa Iuda.

25 Tungud kay ginbayaan nila ako kag nagpasunog sila sing pahamut sa liwan nga mga dios, agud nga magpaakig sila sa akon tungud sang tanan nga mga binuhatan sang ila mga kamut, ngani ang akon kasingkal naula sa ibabaw sini nga duug kag indi sia mapalong.

26 Kag nahanungud sang hari sa Iuda, nga nagpadalá sa inyo sa pagpakisayud kay Iehoba, amo ini ang pagaisiling ninyo sa iya: Amo ining ginasiling ni Iehoba, nga Dios ni Israel, nahanungud sang mga polong nga nabatian mo:

27 Tungud kay naghomok ang imo tagiposoon, kag nga nagpaubus ka sa atubangan sang Dios, sang pagkabati sang iya mga polong batok sini nga duug, kag batok sa iya mga pumuluyô; kag tungud kay nagpaubus ka sa atubangan nakon, kag ginkusnit mo ang imo mga panapton, kag naghibi ka sa akon atubangan, ako man nagpamati sa imo, siling ni Iehoba.

28 Yari karon, inagapatipon ako sa imo mga ginikanan, kag ikaw pagatiponan sa paghidaet sa imo lulubngan, kag ang imo mga mata indi makakita sang tanan nga kalainan, nga ginapakari ko sa ibabaw sini nga duug kag sa ibabaw sang iya mga pumuluyô.” Kag ginsugid nila sa hari *ining* polong.

29 Kag ang hari nagpadalá kag gintipon niya ang tanan nga mga tigulang sa Iuda kag sa Ierusalem.

30 Kag nagtaklad ang hari sa Baláy ni Iehoba patí ang tanan nga mga tawo sa Iuda, kag ang mga pumuluyô sa Ierusalem, kag ang mga saserdote, kag ang mga Lebinhon, kag ang bug-os nga banwa, kutub sa labing daku tubtub sa labing diyotay; kag gimbása sa idulungug nila ang tanan nga mga polong sang tolon-an sang katipan, nga nakita sa Baláy ni Iehoba.

31 Kag nagtindug ang hari sa iya duug, kag nagpakigkatipan sia sa atubangan ni Iehoba, sa paglakat sa olehe ni Iehoba, kag sa pagbantay sang iya mga sogo, sang iya mga pagpamatuud, kag sang iya mga palatukuran, sa bug-os niya nga tagiposoon, kag sa bug-os niya nga kalág, sa pagbutang sa buhat sang mga polong sang katipan nga napanulat sa sini nga tolon-an.

32 Kag ginpasulúd niya sa *katipan* ang tanan nga mga yadto sa Ierusalem kag sa Benyamin; kag ang mga pumuluyô sa Ierusalem naghilimo sono sa katipan sang Dios, sang Dios sang ila mga ginikanan.

33 Kag ginkuha ni Iosias ang tanan nga mga kalangil-aran sa tanan nga mga duta nga nahanungud sa mga inanak ni Israel; kag ginhimo niya sa

tanan nga mga didto sa Israel nga mag-alalagad sila kay Iehoba, nga ila Dios. Sa bug-os niya nga panag-on walâ sila magpalalayô sa pagsunud kay Iehoba, nga Dios sang ila mga ginikanan.

Nagakiwat si Iosias sang isa ka daku nga Paskua kay Iehoba.

**35** KAG si Iosias naghimo sang Paskua kay Iehoba, sa Ierusalem; kag ginpugutan nila ang Paskua sa ikapulô kag apat sang nahauna nga bulan.

2 Kag ginbutang niya ang mga saserdote sa ila mga tulin, kag ginpalig-on niya sila sa pag-alagdan sang Baláy ni Iehoba.

3 Kag nagsiling sia sa mga Lebinhon nga nagapalanoon sa bug-os nga Israel, kag nga mga balaan sila kay Iehoba: “Ibutang-ninyo ang kaban nga balaan sa Baláy, nga ginpatindug ni Salomon, nga anak ni Dabid, nga hari sa Israel. Dili ninyo sia pagpas-anon; karon mag-alalagad-kamo kay Iehoba, nga inyo Dios, kag sa iya banwa nga Israel.

4 Halanda-kamo, sono sang mga panimaláy nga inamay, sono sang inyo mga binahinbahin, siling sang nasulat ni Dabid, nga hari sa Israel, kag sono sang nasulat ni Salomon, nga iya anak;

5 Kag magpahamtang-kamo sa balaan nga Puluy-an, sono sang mga sinang nga sang mga panimaláy nga inamay sang inyo mga útud, nga mga anak sang banwa, kag sono sang binahin sang panimaláy nga inamay sang mga Lebinhon.

6 Kag pugutan-ninyo ang Paskua, magbalalaan-kamo kag iaman-ninyo sia sa inyo mga útud, agud nga maghilimo sila sono sang polong, *nga ginhatag* ni Iehoba sa kamut ni Moises.”

7 Kag ginbayaw sang hari nga si Iosias, nga sa mga anak sang banwa, ang mga obeha, ang mga kordero kag mga tinday sang kanding, sa kadamuon nga katloan ka libo, kag tatlo ka libo ka baka, tanan nga sa Paskua, nga sa tanan nga yadto didto: ini nga mga butang ginkuha gikan sa pagkabutang sang hari.

8 Kag ang iya mga dunganon nagbayaw sing halad nga kinabubut-on nga sa banwa, nga sa mga saserdote kag nga sa mga Lebinhon. Si Hilkia, kag si Sakarias kag si Iehiel, nga mga dunganon



sang Baláy sang Dios, naghalatag sa mga saserdote nga sa mga paskua sing duha ka libo anum ka gatus *ka obcha* kag tatlo ka gatus ka baka.

9 Kag si Konanias, si Semaia, kag si Natanael, nga iya mga útud, kag si Hasabias, si Iehiel kag si Iosabad, nga mga dunganon sang mga Lebinhon, nagbayaw sa mga Lebinhon, nga sa mga halad sang mga paskua, sing lima ka libo *ka obcha* kag lima ka gatus ka baka.

10 Sang nahanda ang pag-alagdan, ang mga saserdote nagtilindug sa ila mga duug, subung man ang mga Lebinhon, sono sang ila mga binahin, sono sang sogo sang hari.

11 Kag ginpugutan nila ang Paskua, kag ginsablig sang mga saserdote *ang dugo*, nga *ginbaton* sa ila kamut, kag ang mga Lebinhon nag-alanin.

12 Kag nagpain sila sang mga halad nga sinunog, sa paghatag sa ila sa mga anak sang banwa, sono sa mga sinanga sang mga panimaláy nga inamay, agud nga maghalalad sila sa ila kay Iehoba, sono sang nasulat sa tolon-an ni Moises; kag subung man ginhimo nila sa mga baka.

13 Kag ginsugba nila ang Paskua sa kalayo, sono sang tulumanon; kag nahanungud sang mga butang nga balaan ginluto nila sila sa mga kolon, sa mga kawa kag sa mga dalawasi, kag ginpanagtag nila sila sing madali gid sa bug-os nga banwa.

14 Kag sang olehe naghilimos sila nga sa ila kag nga sa mga saserdote; kay ang mga saserdote, nga mga anak ni Aaron, nagpalangabudlay tubtub sa gab-i sa paghalad sang mga halad nga sinunog kag sang mga sapay; kag ang mga Lebinhon naghilimos nga sa ila gid kag nga sa mga saserdote, nga mga anak ni Aaron.

15 Kag ang mga manugkanta, nga mga anak ni Asap, yadto sila sa ila mga duug sono sa sogo ni Dabid kag ni Asap, kag ni Heman kag ni Iedutum, nga manugtulok sang hari; kag ang mga manugbantay sang gawang yara sa tagsa ka gawang; indi kinahanglan nga magpalalayô sila sa ila pag-alagdan, kay ang ila mga útud ang mga Lebinhon, naghimos nga sa ila.

16 Ginhandang *subung sini* ang tanan nga pag-alagdan kay Iehoba sa sadtong adlaw, nga sa paghimo sang Paskua,

kag sa paghalad sang mga halad nga sinunog sa ibabaw sang halaran ni Iehoba, sono sang sogo sang hari nga si Iosias.

17 Kag ang mga inanak ni Israel nga yadto didto, naghilimo sang Paskua sa sadtong panag-on, kag sang piesta sang mga tinapay nga walay tapay, sa pito ka adlaw.

18 Ang subung nga Paskua walâ nga mas-a mahimo sa Israel, kutub sang mga kaadlawan ni Samuel, nga manalagna; bisan isa sang mga hari sa Israel naghimo sing kasubung nga Paskua, nga ginhimo ni Iosias, nga yadto didto ang mga saserdote kag ang mga Lebinhon, kag ang bug-os nga Iuda kag Israel, patí ang mga pumuluyô sa Ierusalem.

19 Ini nga Paskua ginhiwat sa tuig nga ikapulô kag walo sang hari nga si Iosias.

Si Iosias nagaaway batok kay Neko, nga hari sa Egipto, kag ginpatay sia.

20 Sa tapus sining tanan, sang naaman ni Iosias ang Baláy *ni Iehoba*, si Neko, nga hari sa Egipto, nagtaklad sa pagpakigaway batok sa Karkemis, nga malapit sa Euprates; kag naggowa si Iosias sa pagsugata sa iya.

21 Kag si *Neko* nagpadalâ sing mga manugbalita, nga nagasiling: “Ano bala ang akon sa imo, hari sa Iuda? Ako walâ *magakari* batok sa imo karon, kondi batok sa isa ka baláy nga may pakigaway ako; kag ang Dios nagsiling nga magdali ako. Untat-ka sa pagbatok sa Dios, nga yari sia upud sa akon, agud nga indi sia maglaglag sa imo.”

22 Kag si Iosias walâ magtalingi sang iya nawung sa iya, kondi nagpanapton sia sing dipakilala nga sa pag-away sa iya, kag walâ niya pagpamatii ang mga polong ni Neko, nga *nagikan* sa bâbâ sang Dios; kag nag-abut sia sa pag-away sa nalupyakan sa Megido.

23 Kag ang mga manugpana nagpalana sa hari nga si Iosias. Kag nagsiling ang hari sa iya mga alagad: “Kuhaaninyo ako diri, kay pilason gid ako.”

24 Kag ginkuha sia sang iya mga alagad sa kanga, kag ginpasakay nila sia sa isa nga ikaduha ka kanga, kag gindalâ nila sia sa Ierusalem; kag namatay sia. Kag ginlubung nila sia sa mga lulubngan sang iya mga ginikanan.

Kag ang bug-os nga Iuda kag Ierusalem naglalaw tungud kay Iosias.

25 Kag ginhimo ni Ieremias ang isa ka panalabiton tungud kay Iosias ; kag ang tanan nga mga manugkanta nga mga lalaki kag ang mga manugkanta nga babae nagahalambal sila nahanungud kay Iosias sang ila mga panalabiton tubtub karon nga adlaw ; kag ginhimo nila sa sini nga palatukuran sa Israel. Kag yari karon napanulat ini nga mga butang sa mga Panalabiton.

26 Kag ang iban sang mga binuhatan ni Iosias, kag ang iya mga buhat nga maayo, sono sa nasulat sa kasogoon ni Iehoba,

27 Kag ang iya mga binuhatan, nga mga nahauna subung man ang mga naha-olehe, yari karon, nasulat sila sa Tolon-an sang mga hari sa Israel kag sa Iuda.

Si Ioakas, si Ioiakim kag si Ioiakin, mga hari sa Iuda.

**36** KAG ginkuha sang banwa sang duta ni Iuda si Ioakas, nga anak ni Iosias, kag ginhimo nila sia nga hari nga salili sang iya amay, sa Ierusalem.

2 Nagsugud sa paghari si Ioakas, sang nagaedad sia sing duha ka púlô kag tatlo ka tuig, kag naghari sia sa Ierusalem sing tatlo ka bulan.

3 Kag ginpahalín sia sa *pagkahari* sang hari sa Egipto, sa Ierusalem, kag ginsilotan niya ang duta sa pagbayad sang isa ka gatus ka talanton nga pilak kag sing isa ka talanton nga bulawan.

4 Kag ginhimo sang hari sa Egipto nga hari si Eliakim, nga útud ni Ioakas, sa ibabaw sang Iuda kag sang Ierusalem, kag ginilisan niya ang iya ngalan sa kay Ioiakim. Kag nahanungud kay Ioakas, nga iya útud, ginkuha sia ni Neko kag gindala niya sia sa Egipto.

5 Nagsugud sa paghari si Ioiakim, sang nagaedad sia sing duha ka púlô kag lima ka tuig, kag naghari sia sing napúlô kag isa ka tuig sa Ierusalem. Ginimo niya ang malain sa mga mata ni Iehoba, nga iya Dios.

6 Nagtaklad batok sa iya si Nabukodonosor, nga hari sa Babilonia, kag ginhigtan niya sia sing duha ka talikala nga tumbaga sa pagdala sa iya sa Babilonia.

7 Kag gindala ni Nabukodonosor sa Babilonia ang isa ka bahin sang mga

gamit sang baláy ni Iehoba, kag ginbutang niya sila sa iya simbahan sa Babilonia.

8 Kag ang iban sang mga binuhatan ni Ioiakim, kag ang mga kalangil-aran nga ginimo niya, kag ang nakita sa iya, yari karon, nasulat ining mga butang sa Tolon-an sang mga hari sa Israel kag sa Iuda. Kag naghari nga salili niya si Ioiakin, nga iya anak.

9 Nagsugud sa paghari si Ioiakin sang nagaedad sia sing walo ka tuig, kag naghari sia sa Ierusalem sing tatlo ka bulan kag rapúlô ka adlaw. Ginimo niya ang malain sa mga mata ni Iehoba.

10 Kag sa pagbalik sang tuig, ginpa-kadtoan sang hari nga si Nabukodonosor, kag ginpadalá niya sia sa Babilonia patí ang mga gamit nga mga malahalón sang Baláy ni Iehoba ; kag ginimo niya si Sedekias nga iya útud, nga hari sa Iuda kag sa Ierusalem.

Si Sedekias katapusan nga hari sa Iuda —Ginalag-lag ni Nabukodonosor ang Ierusalem kag ginadala niya nga bihag ang banwa.

11 Nagsugud sa paghari si Sedekias sang nagaedad sia sing duha ka púlô kag isa ka tuig, kag naghari sia sa Ierusalem sing napúlô kag isa ka tuig.

12 Kag ginimo niya ang malain sa mga mata ni Iehoba, nga iya Dios, kag walâ magpaubus sia sa atubangan ni Ieremias nga manalagna, nga ang *iya mga polong* nagagikan sa bâbâ ni Iehoba.

13 Kag naglalis man sia batok kay Nabukodonosor, nga nagpasumpa sa iya tungud sang Dios ; kag ginpatiskog niya ang iya tingkoy kag ginpatig-a niya ang iya tagiposoon, nga sa indi pagbalik kay Iehoba, nga Dios ni Israel.

14 Bisan pa ang tanan nga mga dun-ganon sang mga saserdote, kag ang banwa, nagdalamu sing labi sang ila paglapas, sono sang tanan nga mga kalangil-aran sang mga katawohan ; kag gindagtaan nila ang Baláy ni Iehoba, nga ginpakabalaan niya sa Ierusalem.

15 Kag si Iehoba, nga Dios sang ila mga ginikanan, nagpadalá sa ila tungud sa kamut sang iya nga manugbalita, nga ginpadalá niya sila kutub sa aga, kay sia may kalooy sa iya banwa, kag sa iya *gid* nga puluy-an.

16 Kag sila nagululigyat sa mga



manugbalita sang Dios, kag gintamay nila ang ila mga polong kag nagyubit sila sa iya mga manalagna, tubtub nga nagsaka ang kasingkal ni Iehoba batok sa iya banwa, nga walâ na sing tambal.

17 Kag ginpataklad niya ang hari sang mga Kaldeinhon batok sa ila, kag nagpatay sia sa hinganiban sang ila mga pamatan-on sa baláy sang ila balaan nga puluy-an; kag walâ sia sing kalooy sa pamatan-on bisan sa dalaga, bisan sa tigulang, bisan sa ubanon: ang tanan gintugyan niya sa iya mga kamut.

18 Kag ang tanan nga mga gamit sang Baláy sang Dios, ang mga dalagku kag ang mga magamay, kag ang mga bahandi sang Baláy ni Iehoba, kag ang mga bahandi sang hari kag sang iya mga dunganon, ang tanan gindalâ niya sa Babilonia.

19 Kag ginsunog nila ang Baláy sang Dios, kag ginguba nila ang kuta sa Ierusalem. Kag ginsunog nila sa kalayo ang tanan niya nga mga baláy nga hari-anon, kag ginpanlaglag nila ang tanan nila nga mga butang nga halandumon.

20 Kag ang mga nagkalabilin sa hinganiban, ginpaliton nila sila sa Babilonia, kag naninginalagad sila niya kag sang iya mga anak, tubtub sa paghari sang ginharian sang Persia,

21 Agud nga magkalatuman ang mga polong ni Iehoba sa bâbâ ni Ieremias, tubtub nga ang duta nakaagum sang iya mga sabado: kay ang bug-os nga panagon sang iya kahapayan nagpahuway sia tubtub sang pagkalatuman sang kapitoan ka tuig.

Si Siro nagatugut sa mga ludio sa pagbalik sa Iudea.

22 Kag sa nahauna nga tuig ni Siro, nga hari sa Persia, agud nga matuman ang polong ni Iehoba nga namitlang sa bâbâ ni Ieremias, ginpukaw ni Iehoba ang espiritu ni Siro, nga hari sa Persia, nga nagpabantala sia sa bug-os niya nga ginharian sing pahibalo kag bisan pa sing sulat man, nga nagasiling:

23 “Amo ining ginasiling ni Siro, nga hari sa Persia: Si Iehoba, nga Dios sang mga langit, naghatag sa akon sang tanan nga mga ginharian sang duta; kag nagpanagubilin sia gid sa akon nga pagpatindugan ko sia sing Baláy sa Ierusalem, nga yara sa Iuda. ¿Sin-o bala ang yara sa tungâ ninyo sa bug-os niya nga banwa nga nahanda? Si Iehoba, nga iya Dios, magmanginkaupud niya, kag magtaklad sia.”

## SI ESDRAS.

Ginatugutan ni Siro ang pagbalik sa Ierusalem sang mga ludio nga mga bihag sa Babilonia.

1 KAG sa nahauna nga tuig ni Siro, nga hari sa Persia, agud nga matuman ang polong ni Iehoba, nga namitlang sa bâbâ ni Ieremias, ginpukaw ni Iehoba ang espiritu ni Siro, nga hari sa Persia, nga nagpabantala sia sa bug-os niya nga ginharian sing pahibalo kag bisan pa sing sulat, nga nagasiling:

2 “Amo ining ginasiling ni Siro, nga hari sa Persia: Si Iehoba, nga Dios sang mga langit, naghatag sa akon sang tanan nga mga ginharian sang duta; kag nagpanagubilin sia gid sa akon, nga pagpatindugan ko sia sing Baláy sa Ierusalem, nga yara sa Iuda.

3 ¿Sin-o bala ang yara sa tungâ ninyo sa bug-os niya nga banwa nga nahanda? Ang iya Dios magmanginkaupud niya, kag magtaklad sia sa Ierusalem, nga yara sa Iuda, kag magpatindug sia liwan sang Baláy kay Iehoba, nga Dios sa Israel; sia among Dios, nga yara sa Ierusalem.

4 Kag nahanungud sang tanan nga nagkalabilin, sa tanan nga mga duug nga didto sia magpanlugayaw, ang mga tawo sa iya duug magbululig sa ila sa pilak, sa bulawan, sa pagkabutang kag sa mga kahayupan; sa mga hatag nga kinabubut-on nga sa Baláy sang Dios, nga yara sia sa Ierusalem.

5 Kag natilindug ang mga pangolo sang mga panimaláy sa Iuda kag sa

Benyamin, kag ang mga saserdote kag ang mga Lebinhon, kag ang tanan nga ang iya espiritu ginpukaw sang Dios sa pagtaklad sa pagpatindug sang Baláy ni Iehoba, nga yara sa Ierusalem.

6 Kag ang tanan nga mga yara sa palibot nila, nagpalalig-on sila sang ila mga kamut nga may mga suludlan nga pilak kag bulawan, mga pagkabutang, mga kahayupan kag mga butang nga malahalón, labut pa ang ginhalad nga sa kinabubut-on gid.

7 Kag ginpagowa ni Siro ang mga galamiton sang Baláy ni Iehoba, nga ginpagowa ni Nabukudonosor gikan sa Ierusalem, kag nga ginbutang niya sa baláy sang iya mga dios.

8 Kag ginpagowa sila ni Siro, nga hari sa Persia, sa kamut ni Mitridates, nga manugtipig sang bahandi, nga gintugyan niya sila sa inisip kay Sesbasar, nga dunganon sa Iuda.

9 Kag yari karon ang isip nila: Katloan ka yahong nga bulawan, isa ka libo ka yahong nga pilak, duha ka púlò kag siam ka sundang sa pagihaw,

10 Katloan ka tagayan nga bulawan, apat ka gatus kag napúlò ka tagayan nga pilak sa ikaduha nga bili, isa ka libo ang iban nga mga suludlan.

11 Ang tanan nga mga suludlan nga bulawan kag pilak, lima ka libo kag apat ka gatus. Ang tanan ginpadalá ni Sesbasar, sang ang mga sa kabihagan ginpataklad gikan sa Babilonia pa Ierusalem.

Ang isip sang mga nahaunang mga Israelinhon nga nagbalalik sa Iuda upud kay Sorobabel.

**2** KAG yari karon ang mga inanak sang probinsia, nga nagtalaklad liwan gikan sa kabihagan sang paglitan, nga ginpaliton ni Nabukudonosor, nga hari sa Babilonia, kag nga nagbalalik sa Ierusalem kag sa Iuda, ang tagsatagsa sa iya banwa,

2 Nga sila nag-alabut upud kay Sorobabel: si Iesua, si Nehemias, si Seraia, si Reelaia, si Mardoqueo, si Bilsan, si Mispár, si Bigbai, si Rehú kag si Baana. Ang isip sang mga tawo sang banwa sa Israel:

3 Ang mga inanak ni Paros, duha ka libo isa ka gatus kapitoan kag duha.

4 Ang mga inanak ni Sepatias, tatlo ka gatus kapitoan kag duha.

5 Ang mga inanak ni Ara, pito ka gatus kapitoan kag lima.

6 Ang mga inanak ni Pahat-Moab, sang mga inanak ni Iesua kag ni Ioab, duha ka libo walo ka gatus kag napúlò kag duha.

7 Ang mga inanak ni Elam, isa ka libo duha ka gatus kalim-an kag apat.

8 Ang mga inanak ni Satu, siam ka gatus kap-atan kag lima.

9 Ang mga inanak ni Sakai, pito ka gatus kag kan-uman.

10 Ang mga inanak ni Bani, anum ka gatus kap-atan kag duha.

11 Ang mga inanak ni Babai, anum ka gatus duha ka púlò kag tatlo.

12 Ang mga inanak ni Asgad, isa ka libo duha ka gatus duha ka púlò kag duha.

13 Ang mga inanak ni Adonikam, anum ka gatus kan-uman kag anum.

14 Ang mga inanak ni Bigbai, duha ka libo kalim-an kag anum.

15 Ang mga inanak ni Adin, apat ka gatus kalim-an kag apat.

16 Ang mga inanak ni Ater ni Eseki-as, kasiaman kag walo.

17 Ang mga inanak ni Besai, tatlo ka gatus duha ka púlò kag tatlo.

18 Ang mga inanak ni Iora, isa ka gatus kag napúlò kag duha.

19 Ang mga inanak ni Hasum, duha ka gatus duha ka púlò kag tatlo.

20 Ang mga inanak ni Gibar, kasiaman kag lima.

21 Ang mga inanak ni Betlehem, isa ka gatus duha ka púlò kag tatlo.

22 Ang mga tawo sa Netopa, kalim-an kag anum.

23 Ang mga tawo sa Anatot, isa ka gatus duha ka púlò kag walo.

24 Ang mga inanak sa Asmabet, kap-atan kag duha.

25 Ang mga inanak sa Kiriati-earim, Sepira, kag Beerot, pito ka gatus kap-atan kag tatlo.

26 Ang mga inanak sa Rama kag Geba, anum ka gatus duha ka púlò kag isa.

27 Ang mga tawo sa Mikmas, isa ka gatus duha ka púlò kag duha.

28 Ang mga tawo sa Bethel kag Hai, duha ka gatus ka púlò kag tatlo.

29 Ang mga inanak sa Nebo, kalim-an kag duha.

30 Ang mga inanak sa Magbis, isa ka gatus kalim-an kag anum.



31 Ang mga inanaksang isa ka Elam, isa ka libo duha ka gatus kalim-an kag apat.

32 Ang mga inanak ni Harim, tatlo ka gatus kag duha ka púlô.

33 Ang mga inanak sa Lod sa Hadid kag sa Ono, pito ka gatus duha ka púlô kag lima.

34 Ang mga inanak sa Ieriko, tatlo ka gatus kap-atan kag lima.

35 Ang mga inanak sa Senaa, tatlo ka libo kag anum ka gatus kag katloan.

36 Ang mga saserdote: Ang mga inanak ni Iedaia, sa baláy ni Iesua, siam ka gatus kapitoan kag tatlo.

37 Ang mga inanak ni Imer, isa ka libo kalim-an kag duha.

38 Ang mga inanak ni Pasur, isa ka libo duha ka gatus kap-atan kag pito.

39 Ang mga inanak ni Harim, isa ka libo napúlô kag pito.

40 Ang mga Lebinhon: ang mga inanak ni Iesua kag ni Kadmiel, sa *panimaláy* sang mga inanak ni Odabias, kapi-toan kag apat:

41 Ang mga manugkanta: ang mga inanak ni Asap, isa ka gatus duha ka púlô kag walo.

42 Ang mga inanak sang mga manug-bantay sang gawang: ang mga anak ni Salum, ang mga anak ni Ater, ang mga anak ni Talmon, ang mga anak ni Akub, ang mga anak ni Hatita, ang mga anak ni Sobai: ang tanan isa ka gatus katloan kag siam.

43 Ang mga Netinhon: ang mga anak ni Siha, ang mga anak ni Hasupa, ang mga anak ni Tabaot,

44 Ang mga anak ni Keros, ang mga anak ni Siaba, ang mga anak ni Padon,

45 Ang mga anak ni Lebana, ang mga anak ni Hagaba, ang mga anak ni Akub,

46 Ang mga anak ni Hagab, ang mga anak ni Samlai, ang mga anak ni Hanam,

47 Ang mga anak ni Gidel, ang mga anak ni Gahar, ang mga anak ni Reaia,

48 Ang mga anak ni Resin, ang mga anak ni Nekoda ang mga anak ni Gasam,

49 Ang mga anak ni Ussa, ang mga anak ni Pasea, ang mga anak ni Basai,

50 Ang mga anak ni Asna, ang mga anak ni Meunim, ang mga anak ni Nepusim,

51 Ang mga anak ni Bakbuk, ang

mga anak ni Hakupa, ang mga anak ni Harhur,

52 Ang mga anak ni Baslut, ang mga anak ni Mehida, ang mga anak ni Harsa,

53 Ang mga anak ni Barkos, ang mga anak ni Sisera, ang mga anak ni Tema,

54 Ang mga anak ni Nesia, ang mga anak ni Hatipa.

55 Ang mga anak sang mga alagad ni Salomon, ang mga anak ni Sotai, ang mga anak ni Soperet, ang mga anak ni Peruda,

56 Ang mga anak ni Iaala, ang mga anak ni Darkon, ang mga anak ni Gidel,

57 Ang mga anak ni Sepatias, ang mga anak ni Hatil, ang mga anak ni Pokeret-Hasebaim, ang mga anak ni Ami.

58 Ang tanan nga mga Netinhon, kag ang mga anak sang mga alagad ni Salomon, tatlo ka gatus kasiaman kag duha.

59 Kag yari karon ang nagtalaklad gikan sa Tel-Mela, sa Tel-Harsa, sa Kerub-Adan kag sa Imer, nga walâ sila makasarang magpahayag sang baláy sang ila mga ginikanan, bisan sang ila kaliwat, bisan kon mga taga-Israel sila:

60 Ang mga anak ni Delaia, ang mga anak ni Tobia, ang mga anak ni Nekoda, anum ka gatus kalim-an kag duha.

61 Kag ang mga anak sang mga saserdote, ang mga anak ni Habaia, ang mga anak ni Kos, ang mga anak ni Barsilai, nga ang *iya amay* nagpangasawa sa mga anak nga babae ni Barsilai, nga Galaadinhon, kag ginhingadlan sa ngalan nila:

62 Ini sila nagpalangita sang ginpanulat sa ila sa tungâ sang mga listahan, kag walâ makita, kag ginpanobol sila sa pagkasaserdote.

63 Kag ang gobernador nagsiling sa ila, nga indi sila magkalaon sang mga butang nga mga labing balaan, tubtub nga magtindug ang isa ka saserdote sa *atubangan sang Dios* upud ang mga Urim kag ang mga Tumim.

64 Ang bug-os nga katilingban, nga natingub sa isa *lamang*, nanginkap-atan kag duha ka libo tatlo ka gatus kag kan-uman,

65 Nga walâ maisip ang ila mga alagad nga lalaki kag mga alagad nga babae, nga sila mga pito ka libo tatlo ka gatus katloan kag pito; kag sa ila

may duha ka gatus nga mga manug-kanta nga lalaki kag babae.

66 Ang ila mga kabayo, pito ka gatus katloan kag anum; ang ila mga mula, duha ka gatus kap-atan kag lima;

67 Ang ila mga kamelyo, apat ka gatus katloan kag lima; ang mga asno, anum ka libo pito ka gatus kag duha ka púlô.

68 Kag sa tungâ sang mga pangôlo sang mga ginikanan sang pag-a'abut nila sa Baláy ni Iehoba, nga yara sia sa Ierusalem, may iban nga naghalalad sing kinabubut-on gid nga sa Baláy sang Dios, sa pagpatindug liwan sa iya sa sadsaran niya.

69 Sono sang ila masaranghan naghalatag sila sa bahandi, sang buluhaton sing kan-uman kag isa ka libo ka dariko nga bulawan, kag lima ka libo ka mina nga pilak kag isa ka gatus ka panapton nga sinasaserdote.

70 Kag ang mga saserdote kag ang mga Lebinhon, kag ang mga tawo sang banwa, kag ang mga manugkanta, kag ang mga manugbantay sang gawang, kag ang mga Netinhon, nagpuluyô sa ila mga kabanwaan, kag ang bug-os nga Israel sa ila mga kabanwaan.

Ang pagtukud liwan sang halaran kag sang pagsimba.—Ang pagpahamtang sang mga sadsaran sang Simbahan.

**3** KAG sang nag-abut ang bulan nga ikapito, ang mga inanak ni Israel yara na sa mga kabanwaan; kag nagtipon ang banwa, subung sang isa ka tawo, sa Ierusalem.

2 Kag nagtindug si Iesua, nga anak ni Iosadak, kag ang iya mga útud nga mga saserdote, kag si Sorobabel, nga anak ni Sealtiel, kag ang iya mga útud, kag nagpalatindug sila sang halaran sang Dios ni Israel, sa paghalad sa ibabaw niya sang mga halad nga sinunog, subung nga nasulat sa kasogoan ni Moises, nga lalaki sang Dios.

3 Kag gintukud nila liwan ang halaran sa ibabaw sang iya mga sadsaran, bisan pa may kahadluk sila sa mga banwa sang mga duta nga *kasiligan*, kag naghalalad sila sa ibabaw niya sing mga halad nga sinunog kay Iehoba, sing mga halad nga sinunog sa aga kag sa hapon.

4 Kag ginhimo nila ang piesta sang mga Payagpayag, subung nga nasulat,

kag ang halad nga sinunog sa adlawadlaw, sa isip nga igo, sono sang tulumanon, ang tagsa ka butang sa iya adlaw;

5 Kag sa olehe sini, ang dayon nga halad nga sinunog, kag ang iya sang mga lati kag sang tanan nga mga pinat-inan nga piesta ni Iehoba nga ginpakabalaan, kag ang halad sang tanan nga tawo nga naghalad kay Iehoba sing halad nga kinabubut-on.

6 Kutub sang nahauna nga adlaw sang bulan nga ikapito, nagsulugud sila sa paghalad sang mga halad nga sinunog kay Iehoba, apang ang Simbahan ni Iehoba walâ pa matukud.

7 Kag naghalatag sila sing kuarta sa mga manugbasbas sa bató kag sa mga panday sa kahoy, kag sing mga kalan-on kag mga ilimnon, kag sang lana sa mga Sidoninhon kag sa mga Tironinhon, agud nga magdalalá sila sing kahoy nga sedro gikan sa Libano sa dagat pa Iope, sono sa pagtugut ni Siro, nga hari sa Persia, pahanayon sa ila.

8 Kag sa ikaduha ka tuig sang iya pag-abut sa Baláy sang Dios sa Ierusalem, sa ikaduha ka bulan, nagsulugud sang buluhaton si Sorobabel, nga anak ni Sealtiel, kag si Iesua, nga anak ni Iosadak, kag ang nabilin sang ila mga útud nga mga saserdote kag mga Lebinhon, kag ang tanan nga mga nagbalalik sa Ierusalem gikan sa kabihagan; kag ginbutang nila ang mga Lebinhon, kutub sa edad nga duha ka púlô ka tuig pa ibabaw, agud nga magdumala sila sang buluhaton sang Baláy ni Iehoba.

9 Kag si Iesua, ang iya mga anak kag ang iya mga útud, kag si Kadmiel kag ang iya mga anak, nga mga inanak ni Iuda, nagtilindug subung sing isa lamang ka tawo sa pagdumala sa mga nagapalangabudlay sa buluhaton sa Baláy sang Dios; kag ang mga anak man ni Henadad, upud ang ila mga anak kag ang ila mga útud, nga mga Lebinhon.

10 Kag sang pagtukud sang mga manugtukud sang mga sadsaran sang Simbahan ni Iehoba, ginpatambong nila ang mga saserdote, nga napanapton sing sinasaserdote, nga may mga budyong, kag ang mga Lebinhon nga mga anak ni Asap, nga may mga apiping, agud nga magdalayaw sila kay Iehoba, sono sang pagdumala ni Dabid, nga hari sa Israel.

11 Kag nagsinabtanay sila nga nag-



dalayaw kag nagpasalamat kay Iehoba, nga *nagsililing* :

“Kay maayo sia,

Kay ang iya kalooy amo sa giha-pon sa ibabaw ni Israel.”

Kag ang bug-os nga banwa naghilnugyaw sing daku, nga nagadayaw kay Iehoba, kay ginbutang ang mga sadsaran sang Baláy ni Iehoba.

12 Kag madamu sang mga saserdote kag sang mga Lebinhon, kag sang mga pangolo sang mga ginikanan, nga mga tigulang, nga nakakita sang nahauna nga Baláy sa ibabaw sang iya mga sadsaran, naghilibi sila sa mabaskug nga tingug, nga nagatan-aw sini nga Baláy; kag madamu man ang mga nagbayaw sang ila tingug sa paghinugyaw nga may kalipay.

13 Kag walay bisan sin-o nga sarang makatuhay sang singit sang paghinugyaw sa kalipay kag sang singit sa hinibi sang banwa; kay ang banwa naghinugyaw sing daku gid, nga sa iya nabatian ang kinagahud tubtub sa malayo.

Ginapungan sang mga Samariahanon ang pagbangon sang Simbahan.

4 KAG nabatian sang mga kasumpung ni Iuda kag ni Benyamin, nga ang mga anak sang kabihaanang nagpalatindug sang Simbahan ni Iehoba, nga Dios sa Israel.

2 Kag nagpalalapit sila kay Sorobabel kag sa mga pangolo sang mga ginikanan, kag nagsililing sila sa ila: “Magapalatindug kami upud sa inyo, kay subung sa inyo pagapangitaon namon ang inyo Dios, kag sa iya nagahalad kami kutub sang mga kaadlawan ni Esarhadon, nga hari sa Asur, nga nagpataklad sa amon diri.”

3 Kag nagsiling sa ila si Sorobabel kag si Iesua, kag ang iban nga mga pangolo sang mga ginikanan sa Israel: “Indi sa amon ang pagpatindug upud sa inyo sang Baláy sa amon Dios, kondi kami lamang ang magapatindug sa iya nga kay Iehoba, nga Dios ni Israel, subung sang ginsogo sa amon sang hari nga si Siro, nga hari sa Persia.”

4 Kag ang banwa sang duta nagpaluya sang mga kamut sang banwa sa Iuda, kag nagpahadluk sa ila sa pagpatindug.

5 Kag naghambaham sila batok sa ila

sing mga manuglaygay, sa paglaglag sang ila tinotuyo, kag *ini* sa tanan nga mga adlaw ni Siro, nga hari sa Persia, kag tubtub sang ginharian ni Dario, nga hari sa Persia.

6 Kag sa ginharian ni Asuero, sa pamuno sang iya ginharian, nagsululat sila sing panumbung batok sa mga pumuluho sa Iuda kag sa Ierusalem.

7 Kag sa mga kaadlawan ni Artaherhes, si Baslam, si Mitridates, si Tabeel, kag ang iban nila nga mga kaupdanang nagsululat kay Artaherhes, nga hari sa Persia; kag ang sinulat sang sulat nahimo sa Araminhon, kag nahubad sa Araminhon.

8 Si Rehum, nga pangolo nga harianon, kag si Simsai, nga eskriba, nagsululat sila sing isa ka sulat batok sa Ierusalem sa hari nga si Artaherhes, sa sining mga pinolong:

9 Niyan si Rehum, pangolo nga harianon, kag si Simsai, nga eskriba, kag ang iban nga ila mga kaupdanang ang mga Dininhon, ang mga Aparsakinhon, mga Tarpelinhon, mga Aparsinhon, mga Arkebinhon, mga Babilonianhanon, mga Susaninhon, mga Dehabinhon kag mga Elaminhon;

10 Kag ang iban nga mga banwa, nga ang daku kag mahimayaon nga si Asnapar nagpaliton kag nagpapuyô sa banwa sa Samaria, kag ang mga iban sa tabok sang subâ sang *Euprates*, kag iban pa.

11 Yari karon ang huwad sang sulat nga ila ginpadalâ:

“Sa hari nga si Artaherhes: Ang imong mga alagad, ang mga banwa sa tabok sang subâ, kag iban pa.

12 Magmangindayag sa hari, nga ang mga Iudio, nga nagtalaklad gikan sa imo sa amon, kag nga nag-alabut sa Ierusalem, nagapalatindug sila sang banwa nga malalison kag malain, kag naghuman sila sang iya mga kuta, kag nagakaáyô sang iya mga sadsaran.

13 Busa karon, magmangindayag sa hari, nga kon ini nga banwa mapatindug liwan kag mahuman ang iya mga kuta, sila indi na magabayad sang buhis, bisan sang albitrio, bisan sang amot sa dalanon, kag ini manginkadulaan sa bahandi sang mga hari.

14 Busa karon, tungud kay nag-asinasin sang baláy nga harianon kag indi angay nga magtan-aw kami sang pagdaut sa

hari: bangud sini ginpadalá namon ini sa hari kag ginpahibalo namon ini:

15 Nga *kon* pagpangitaon sa tolon-an sang mga Handumanan sang imo mga ginikanan, makita mo sa tolon-an sang mga Handumanan, kag mahibaloan ni-mo, nga ini nga banwa among banwa nga malalison kag makadaut sa mga hari kag sa mga probinsia, kag nga sa daan nga panag-on nagapadugi sila sing mga pasuhot sa tungâ nila, nga tungud sini ini nga banwa ginlaglag.

16 Ginapahibalo namon ang hari, nga kon ini nga banwa mapatindug liwan, kag mahuman ang iya kuta, tungud sini gid manginwalay kaugalingon ka sa sini nga luyo sang subâ."

17 Ang hari nagpadalá *sini* nga sabat: "Kay Rehum, nga pangolo nga harianon, kag kay Simsai, nga eskriba, kag sa iban nga ila mga kaupdanang naga-puluyô sa Samaria, kag sa mga iban nga bahin nga tabok sang subâ:

"Paghidaet, kag iban pa.

18 Ang sulat nga ginpadalá ninyo sa amon, gimbása sa maathag gid sa atubangnan nakon.

19 Kag tungud sa akon ginhatag ang sogo, kag ginpalangita nila, kag nakita nila, nga yadto nga banwa sa daan nga panag-on nagatindug batok sa mga hari, kag nga sa iya ginpadugi ang mga paglalis kag mga pagpuhon;

20 Kag nga sadto sa ibabaw sang Ierusalem may mga hari nga gamhanan kag mga agalon sang tanan nga didto sa tabok sang subâ, kag nga ginahatag sa ila ang buhis, ang albitrio, kag ang amot sa dalanon.

21 Busa karon, hatag-kamo sing sogo nga maguluntat yadtong mga tawo, kag nga indi mapatindug liwan sina nga banwa, tubtub nga tungud sa akon ighatag ang sogo.

22 Kag andami-ninyo sing maayo, nga indi kamo magkulang sa paghilimo sono sini: ¿kay ngaa bala magadugang ang daut nga sa kalainan sang mga hari?"

23 Niyan, sang ang huwad sang sulat sang hari nga si Artaherhes gimbása sa atubangan ni Rehum kag ni Simsai, nga eskriba, kag sa ila mga kaupdanang nagkaladto sila sing madali gid sa mga Iudio sa Ierusalem, kag ginpauntat nila sila nga may kusug kag butkon.

24 Niyan naguntat ang buluhaton sang Baláy sang Dios, nga yara sa Ieru-

salem; kag naguntat sia tubtub sang ikaduha ka tuig sang ginharian ni Dario, nga hari sa Persia.

Nagadayon liwan ang pagpatindug sang Simbahan kag ginatapus sa idalum sa kagamhanan sang hari nga si Dario.

**5** KAG si Hageo, nga manalagna, kag si Sakarias, nga anak ni Iddo nga manalagna, nga nagtagna na sa mga Iudio, nga yara sa Iuda kag sa Ierusalem, sa ngalan sang Dios sa Israel.

2 Niyan nagtilindug si Sorobabel, nga anak ni Sealiel, kag si Iesua, nga anak ni Iosadek, kag nagsulugud sila sa pagpatindug sang Baláy sang Dios, nga yara sa Ierusalem; kag upud sa ila ang mga manalagna sang Dios, nga nagabululig sa ila.

3 Sa sadtong panag-on nag-abut sa ila si Tatnai, gobernador sa isa ka luyo sang subâ, kag si Setar-Bosnai, kag ang ila mga kaupdanang nagasililing sila sa ila sing subung sini: "¿Sin-o bala ang naghatag sa inyo sang sogo sa pagpatindug sini nga baláy, kag paghuman sining kuta?"

4 Niyan nagsiling kami sa ila sing subung sini nga kon sin-o ang mga ngalan sang mga lalaki nga nagapalatindug sini nga baláy.

5 Apang ang mga mata sang ila Dios didto sa ibabaw sang mga tigulang sang mga Iudio, kag walâ nila pagpauntata sila tubtub nga ang butang maggikan kay Dario; kag niyan nagpaladalá sila sa sulat nahanungud sini.

6 Ang huwad sang sulat nga ginpaladalá ni Tatnai, gobernador sa isa ka luyo sang subâ, kag ni Setar-Bosnai, kag sang ila mga kaupdanang nga mga Arpasakinon, nga didto sila sa isa ka luyo sang subâ, sa hari nga si Dario:

7 Ginpaladalá nila sa iya ang sulat, nga sa iya nasulat sing subung sini: "Sa hari nga si Dario, ang bug-os nga paghidaet.

8 Magmangindayag sa hari, nga nagkadto kami sa probinsia sa Iuda, sa Baláy sang daku nga Dios; kag ginapatindug sia sa dalagku nga bató, kag ang mga kahoy napamutang sa mga dingding, kag ang buluhaton ginahimo sing madasig, kag nagapauswag sa ila mga kamut.

9 Niyan nagpamangkot kami sa mga



tigulang, nga nagasiling sa ila sing subung sini: ¿Sin-o bala ang naghatag sa inyo sang sogo sa pagpatindug sini nga baláy, kag sa paghuman sining kuta?

10 Kag nagpamangkot man kami sa ila sang ila mga ngalan sa pagpahibalo sini sa ila sa imo, sa pagsulat sa *imo* sang mga ngalan sang mga lalaki nga nagapalangolo sa ila.

11 Kag naghatag sila sa amon sing sabat, nga nagasiling sing subung sini: Mga alagad kami sang Dios sang langit kag sang duta, kag nagapalatindug kami liwan sang Baláy nga sa madamu na nga mga tuig sadto nga kinapatindug, nga ginpatindug sia kag ginhuman sang isa ka daku nga hari sa Israel.

12 Apang tungud kay ginpaakig sang amon mga ginikanan ang Dios sang mga kalangitan, gintugyan niya sila sa kamut ni Nabukodonosor, nga hari sa Babilonia, nga Kaldeinhon, kag ginlaglag niya ini nga baláy, kag ginpaliton niya ang banwa sa Babilonia.

13 Walay sapasayan sang nahauna nga tuig ni Siro, nga hari sa Babilonia, ang *amo gid nga* hari nga si Siro naghatag sang sogo sa pagpatindug liwan sini nga Baláy sang Dios.

14 Kag labut pa, ang mga galamiton man nga bulawan kag pilak sang Baláy sang Dios, nga ginkuha ni Nabukodonosor sa simbahan nga yara sa Ierusalem, kag ginpadalá niya sila sa simbahan sa Babilonia, ang hari nga si Siro nagkuha sa ila sa simbahan sa Babiloniya, kag ginpanugyan sila kay Sesbasar, nga gintukud niya nga gobernador.

15 Kag nagsiling sia sa iya: Batuna ining mga galamiton, lakat, kag ibutangmo sila sa Simbahan, nga yara sa Ierusalem, kag nga ang Baláy sang Dios pagpatindugon liwan sa iya duug.

16 Niyan ini si Sesbasar nag-abut, kag nagbutang sang mga sadsaran sang Baláy sang Dios, nga yara sa Ierusalem, kag kutub niyan tubtub karon ginapatin-dug sia, kag walá pa mahuman.

17 Kag karon, kon minamaayo sang hari, magpangita sa baláy sang mga bahandi sang hari, nga yadto didto sa Babilonia, kon amo ini *ang matuud nga* tungud sang hari nga si Siro ginhatag ang sogo sa pagpatindug sini nga Baláy sang Dios sa Ierusalem; kag nga ang hari magpadalá sa amon sang iya kabubuton nahanungud sini."

6 NIYAN ang hari nga si Dario naghatag sang sogo, kag ginpalangita nila sa baláy sang mga sulat, nga didto ginbutang ang mga bahandi, sa Babilonia.

2 Kag nakita sa Ekbatana, sa harianon nga baláy nga didto sa probinsia sa Media, ang isa ka linukot, nga sa sulúd niya nasulat ang isa ka handumanan nga subung sini:

3 "Sa nahauna nga tuig sang hari nga si Siro, ang hari nga si Siro naghatag sang sogo nahanungud sang Baláy sang Dios sa Ierusalem, nga pagpatindugon liwan ining Baláy nga sa duug nga diin ginahalad nila ang mga halad; kag nga ang iya mga sadsaran magmalig-on. Ang iya kataason manginkan-uman ka maniko kag kan-uman ka maniko, ang iya kasangkaron:

4 Nga may tatlo ka obay sang dalagku nga bató, kag isa ka obay sa kahoy nga bag-o; kag ang mga kagastohan pagabayaran sang baláy sang hari.

5 Kag labut pa, ang mga galamiton nga bulawan kag pilak sang Baláy sang Dios, nga ginkuha ni Nabukodonosor sa Simbahan nga yadto sa Ierusalem, kag gindalá niya sila sa Babilonia, pagipanguli, kag magakaladto sila sa Simbahan, nga pagpatindugon sa Ierusalem, sa iya duug, kag ikaw magapahamtang sa ila sa Baláy sang Dios.

6 Busa karon, Tatnai, nga gobernador sa isa ka luyo sang subâ, kag Setar-Bosnai, kag ang ila mga kaupdanan nga mga Aparsakinhon, nga yara kamo sa tabok sang subâ, palalayô-kamo dira.

7 Pabayai-ninyo ang buluhaton sang Baláy sang Dios; nga ang gobernador sang mga Iudio, kag ang mga tigulang sang mga Iudio magpalatindug sila sini nga Baláy sang Dios sa iya duug.

8 Kag tungud sa akon ginahatag ang sogo nahanungud sang inyo pagabuhaton sa sining mga tigulang sang mga Iudio nga sa pagpatindug sining Baláy sang Dios: nga gikan sa mga pagkabutang sang hari, *nga nagagikan* sang buhis sang isa ka luyo sang subâ, ang mga kagastohan pagbayaran sa madali sining mga lalaki, agud nga walay kaulangan,

9 Kag ang manginkinahanglan, bisan mga tinday sang baka, bisan mga karnero, bisan mga kordero nga sa mga halad nga sinunog sa Dios sang mga langit, bisan trigo, bisan asin, bisan alak,

bisan lana, sono sang pagsiling sang m̄ga saserdote n̄ga yara sa Ierusalem, paghatagan sila sa adlawadlaw sa walà sing pagkulang,

10 Agud n̄ga maghalalad sila sang m̄ga baho n̄ga pahamut sa Dios sang m̄ga lan̄git, kag mag-alampo sila tungud sang kabuhi sang hari, kag sang iya m̄ga anak.

11 Kag tungud sa akon ginahatag man ang sogo n̄ga bisan sin-o n̄ga magliwan sining polong, pagaluk-abon ang isa ka kahoy sa iya baláy, kag pagpatindugon ini kag n̄ga mabitay sia kag pagilansang sia; kag ang iya baláy mahimo n̄ga talapukan sang ipot tungud sini.

12 Kag ang Dios, n̄ga nagapapuyô didto sang iya n̄galan, maglaglag sa tanan n̄ga hari kag banwa, n̄ga maguntay sang iya kamut sa pagliwan, sa paglaglag sina n̄ga Baláy sang Dios, n̄ga yara sa Ierusalem. Ako si Dario, naghatag ako sini n̄ga sogo: n̄ga paghimoon sing madali gid *sing subung*."

13 Niyan si Tatnai, n̄ga gobernador sa isa ka luyo sang subâ, kag si Setar-Bosnai, kag ang ila m̄ga kaupdanan, naghilimo sila sing madali gid, sono sang ginpadalâ sang hari n̄ga si Dario.

14 Kag ang m̄ga tigulang sang m̄ga Iudio, nagpalatindug kag naguluswag, *n̄ga binuligan* sang m̄ga tagna ni Hageo, n̄ga manalagna, kag ni Sakarias, n̄ga anak ni Iddo. Kag nagpalatindug sila, kag ginhuman nila, tungud sang sogo sang Dios ni Israel, kag tungud sang sogo ni Siro, ni Dario, kag ni Artaherhes, n̄ga hari sa Persia.

15 Kag ini n̄ga Baláy ginhuman sa ikatlo ka adlaw sang bulan sa Adar, n̄ga amo ang ikan-um ka tuig sang ginharian sang hari n̄ga si Dario.

Ang pagpahanungud sang Simbahan kag ang paghiwat sang Paskua.

16 Kag ang m̄ga inanak ni Israel, ang m̄ga saserdote, kag ang m̄ga Lebinhon, kag ang iban sang m̄ga anak sang kabihagan, naghilimo n̄ga may kalipay sang pahanungud sini n̄ga Baláy sang Dios.

17 Kag naghalalad sila sa pahanungdan sini n̄ga Baláy sang Dios sing isa ka gatus ka m̄ga tinday sang baka, duha ka gatus ka karnero, apat ka gatus ka kordero, kag napúlô kag duha ka m̄ga lalaki n̄ga kanding, tungud sang salâ,

tungud sang bug-os n̄ga Israel, sono sang kadamuon sang m̄ga kabikahan sa Israel.

18 Kag ginbutang nila ang m̄ga saserdote sa ila m̄ga pasunod, kag ang m̄ga Lebinhon sa ila m̄ga binahin, n̄ga sa pag-alagdan sang Dios, n̄ga didto sa Ierusalem, sono sa nasulat sa Tolon-an ni Moises.

19 Kag ang m̄ga anak sang kabihagan naghiliwat sang Paskua sa ikapúlô kag apat sang nahauna n̄ga bulan;

20 Kay ang m̄ga saserdote kag ang m̄ga Lebinhon nagpalaninlo subung sang isa lamang ka tawo: tanan sila m̄ga matinlo: kag ginpugutan nila ang Paskua tungud sa tanan n̄ga m̄ga anak sang pagpaliton kag tungud sa ila m̄ga útud n̄ga m̄ga saserdote, kag tungud sa ila gid kaugalingon.

21 Kag ang m̄ga inanak ni Israel n̄ga nagbalalik gikan sa ginlitunan, nagkالاon sa iya, subung man ang tanan n̄ga m̄ga nagpalalayô sa kahigkaon sang m̄ga katawohan sang duta sa *pagpakig-hiusa* sa ila sa pagpangita kay Iehoba, n̄ga Dios ni Israel.

22 Kag ginhiliwat nila ang piesta sang m̄ga tinapay n̄ga walay tapay sa pito ka adlaw n̄ga may kalipay; tungud kay si Iehoba nagkasadya sa ila, kag nagpaliso sang tagiposoon sang hari sa Asur sa ila, sa pagpalig-on sang ila m̄ga kamut sa buluhaton sa Baláy sang Dios, sang Dios ni Israel.

Ang hari n̄ga si Artaherbes nagapadala kay Esdras sa Ierusalem sa pagtukud liwan sang pag-alagdan n̄ga diosnon.

**7** SA olehe sining m̄ga butang, sa ginharian ni Artaherhes, n̄ga hari sa Persia, si Esdras, n̄ga anak ni Seraia, anak ni Asarias, anak ni Hilkia,

2 Anak ni Salumi, anak ni Sadok, anak ni Ahitub,

3 Anak ni Amarias, anak ni Asarias, anak ni Maraiot,

4 Anak ni Serahias, anak ni Usi, anak ni Buki,

5 Anak ni Abisue, anak ni Pinees, anak ni Eleasar, anak ni Aaron n̄ga pangolo n̄ga saserdote.

6 Ining si Esdras nagtaklad gikan sa Babilonia, n̄ga sia among eskriba n̄ga sampaton sa kasogoan ni Moises, n̄ga ginhatag ni Iehoba, n̄ga Dios ni Is-



rael; kag gintugutan sia sang hari, sang tanan nga iya ginpangayo, siling nga ang kamut ni Iehoba, nga iya Dios yara sa ibabaw niya.

7 Kag ang isa ka bahin sang mga inanak ni Israel, kag sang mga saserdote, kag sang mga Lebinhon, kag sang mga manugkanta, kag sang mga manugbantay sang gawang, kag sang mga Netinhon nagtalaklad upud sa iya sa Ierusalem sa ikapito ka tuig sang hari nga si Artaherhes.

8 Kag nag-abut sia sa Ierusalem sa ikalima ka bulan, sang tuig nga ikapito sang hari.

9 Kag ang nahauna sang nahauna nga bulan amo ang pamunô sang pagtaklad gikan sa Babilonia, kag sa nahauna sang ikalima ka bulan nag-abut sia sa Ierusalem, sono sang maayo nga kamut sang iya Dios sa ibabaw niya.

10 Kay gintugyan ni Esdras ang iya tagiposoon sa pagusisa sang kasogoan ni Iehoba, kag sa pagbutang sa iya sa buhat kag sa pagtoon sa Israel sang mga palatukuran kag sang mga tulumanon.

11 Kag yari karon ang huwad sang sulat nga ginhatag sang hari nga si Artaherhes kay Esdras, nga saserdote, nga eskriba, eskriba sang mga polong sang mga sogo ni Iehoba kag sang iya mga palatukuran nga ginsogo kay Israel:

12 "Si Artaherhes, nga hari sang mga hari, kay Esdras, nga saserdote, nga eskriba nga sampaton sang kasogoan sang Dios sang mga langit, kag iban pa.

13 Tungud sa akon ginasogo, nga ang bisan sin-o sa akon ginharian, nga nahanungud sa banwa ni Israel kag sa iya mga saserdote kag sa mga Lebinhon, nga mag-atubang sa kinabubut-on sa pagkadto sa Ierusalem upud sa imo, sarang magkadto didto;

14 Tungud kay ginpadalá ka sang hari kag sang iya pito ka mga manuglaygay sa pagusisa nahanungud sa Iudea kag sa Ierusalem, sono sa kasogoan sang imo Dios, nga yara sa imo kamut;

15 Kag sa pagdalá sang pilak kag sang bulawan, nga ang hari kag ang iya mga manuglaygay naghalad sa kabubut-on gid sa Dios ni Israel, nga ang iya puluyan didto sa Ierusalem,

16 Subung man sang tanan nga pilak kag bulawan nga makita mo sa bug-os nga probinsia sa Babilonia, upud ang

mga dólot nga sa kabubut-on nga ang banwa kag ang mga saserdote magahalad sila nga sa kabubut-on nga sa Baláy sang ila Dios nga yadto sa Ierusalem;

17 Busa ngani, magabakal ka sing madali gid sa sini nga pilak sing mga tinday sang baka, sing mga karnero, sang mga kordero, patí sang ila mga halad nga kalan-on kag sang ila mga halad nga ilimnon, kag pagaihalad mo sila sa ibabaw sang halaran sang Baláy sang inyo Dios, nga yadto sa Ierusalem.

18 Kag ang minamaayo mo kag sang imo mga útud nga himoon sang nabilin nga pilak kag bulawan, himoa ini sono sang kabubut-on sang inyo Dios.

19 Kag ang mga galamiton nga ginpanugyan sa imo nga sa pag-alagdan sang Baláy sang imo Dios, pagaiuli mo sila sa atubangan sang Dios sa Ierusalem.

20 Kag ang iban nga kinahanglan nga sa Baláy sang imo Dios nga pagaihatag mo, pagaihatag mo ini gikan sa baláy sang mga bahandi sang hari.

21 Kag tungud sa akon, ako nga si Artaherhes nga hari, ginahatag ko ang sogo sa tanan nga mga manugtipig sang bahandi nga sa isa ka luyo sang subâ, nga pagahimoon niya sing madali ang tanan nga pagapangayoon kunta sa inyo ni Esdras, nga saserdote, nga eskriba sang kasogoan sang Dios sang mga langit,

22 Tuhtub sa isa ka gatus ka talanton nga pilak, kag tuhtub sa isa ka gatus ka koro nga trigo, kag tuhtub sa isa ka bat nga alak, kag tuhtub sa isa ka gatus ka bat nga lana, kag asin sa walâ sing takus.

23 Ang tanan nga sono sang sogo sang Dios sang langit, paghimoon sing sibo gid nga sa Baláy sang Dios sang langit: busa, kay nga bala may kaakig batok sa ginharian sang hari kag sang iya mga anak?

24 Kag sa inyo ginapahibalo namon, nga nahanungud sang tanan nga mga saserdote kag mga Lebinhon, kag mga manugkanta, mga manugbantay sang gawang, mga Netinhon kag mga sologoon sang Baláy sang Dios, nga indi igo sa kasogoan ang pagpabuhis sa ila sing bisan aro nga buhis, albitrio bisan amot sa dalanon.

25 Kag ikaw, Esdras, sono sa kaalam

sang imo Dios nga yara sa imo, magtukud-ka sing mga hukom kag mga punoan nga maghukom sang bug-os nga banwa, nga yara sa isa ka luyo sang subâ, sa tanan nga nakakilala sang mga kasogoon sang imo Dios; kag sa walâ makakilala sa ila, pagaton-an ninyo sia.

26 Kag bisan sin-o nga indi magbutang sa buhat sang kasogoon sang imo Dios kag sang kasogoon sang hari, sa madali gid pagahimoan sia sing kata-rungan, kon sa kamatayon, kon sa pagtapok, kon sa pagkuha sang mga man-gad, kon sa bilangoan."

27 Dalayawon si Iehoba, nga Dios sang amon mga ginikanan, nga nagbutang sang amo nga panghunahuna sa tagiposoon sang hari, sa pagpuni sang Baláy ni Iehoba nga yadto sa Ierusalem.

28 Kag ginhumlad niya sa ibabaw nakon ang kalooy sa atubangan sang hari kag sang iya mga manuglaygay, kag sang tanan nga mga dunganon nga mga gamhanan sang hari. Kag ako, pinalig-on ako siling nga ang kamut ni Iehoba, nga akon Dios, yari sa ibabaw nakon, kag gintipon ko ang mga pangolo sa Israel, agud nga magtalaklad sila upud sa akon.

Ang isip sang mga Israelinton nga nagbalalik upud kay Esdras.—Ang ila pagpanlakatan.

**8** KAG yari karon ang mga pangolo sang ila mga ginikanan, kag ang listahan sang kaliwatan sadtong mga nagtalaklad upud sa akon gikan sa Babilonia, sa paghari sang hari nga si Artaherhes:

2 Sa mga inanak ni Pinees, si Gersom; sa mga inanak ni Itamar, si Daniel; sa mga inanak ni Dabid, si Hatus;

3 Sa mga inanak ni Sekanias, sa mga inanak ni Paros, si Sakarias, kag upud sa iya, napanulat sa listahan ang isa ka gatus kag kalim-an ka mga lalaki.

4 Sa mga inanak ni Pakat-Moab, si Elioenai, nga anak ni Seraias, kag upud sa iya duha ka gatus ka mga lalaki;

5 Sa mga inanak ni Sekanias, si Ben-Iahasiel, kag upud sa iya tatlo ka gatus ka mga lalaki;

6 Kag sa mga inanak ni Adim, si Ebed, nga anak ni Ionatan, kag upud sa iya kalim-an ka mga lalaki;

7 Sa mga inanak ni Elam, si Isaia, nga

anak ni Atalias, kag upud sa iya kapito-an ka mga lalaki;

8 Kag sa mga inanak ni Sepatias, si Sebadias, nga anak ni Mikael, kag upud sa iya kawaloan ka mga lalaki;

9 Sa mga inanak ni Ioab, si Obadias, nga anak ni Iehiel, kag upud sa iya duha ka gatus napulô kag walo ka mga lalaki;

10 Kag sa mga inanak ni Selomit, Ben-Iosipias, kag upud sa iya isa ka gatus kag kan-uman ka mga lalaki.

11 Kag sa mga inanak ni Bebai, si Sakarias, nga anak ni Bebai, kag upud sa iya duha ka pulô kag walo ka mga lalaki.

12 Kag sa mga inanak ni Asgad, si Iohanan nga anak ni Hakatan, kag upud sa iya isa ka gatus kag napulô ka mga lalaki.

13 Kag sa mga inanak ni Adonikam, ang mga naolehe, kag yari karon ang ila mga ngalan: si Elipelet, si Ieiel kag si Samaras, kag upud sa ila kan-uman ka mga lalaki.

14 Kag sa mga inanak ni Bigbai, si Utai kag si Sabud, kag upud sa ila kapitoan ka mga lalaki.

15 Kag gintipon ko sila sa luyo sang subâ, nga nagailig nayon sa Ahaba, kag nagpahamtang kami didto sing tatlo ka adlaw: kag gintan-aw ko ang banwa kag ang mga saserdote, kag walâ ko makita didto ang bisan sin-o sang mga inanak ni Gebi.

16 Kag nagpadalâ ako sa pagpangita kay Elieser, kay Ariel, kay Semaías, kay Elnatan, kay Iarib, kay Elnatan, kay Natan, kay Sakarias, kay Mesulam, nga mga pangolo, kag kay Ioarib, kag kay Elnatan, nga mga tawo nga mahibalo-anon.

17 Kag ginsogo ko sila nahanungud kay Iddo, nga pangolo sa duug sang Kasipia, kag ginbutang ko sa babâ nila ang mga polong nga pagaihambal nila kay Iddo, ang ila útud, kag sa mga Netinhon sa duug sang Kasipia, agud nga pagdalhon nila sa amon ang mga tawo nga mag-alagad sa Baláy sang amon Dios.

18 Kag gindalâ nila sa amon, sono sang maayong kamut sang amon Dios sa ibabaw namon, ang isa ka lalaki nga mahibaloanon sang mga inanak ni Mali, nga anak ni Lebi, anak ni Israel, kag si Serebias, kag ang iya mga anak kag ang iya mga útud, napulô kag walo sila

19 Kag si Hasabias, kag upud sa iya,



si Isaia sang mġa inanak ni Merari, nġa iya mġa útud kag ang iya mġa anak, duha ka púlô sila :

20 Kag sa mġa Netihon, nġa si Dabid kag ang mġa dunganon naghatag nġa sa pag-alagdan sang mġa Lebinhon, nangin-duha ka gatus kag duha ka púlô ka mġa Netinhon, nġa tanan sila nasambit sa nġalan.

21 Kag nagbantala ako sing puasa, didto sa luyo sang subâ nġa Ahaba, sa pagpaubus sa amon sa atubangan sang amon Dios, sa pagpanġayô sa iya sang dalan nġa matadlug nġa sa amon kag nġa sa amon mġa kabataan, kag nġa sa amon bug-os nġa pagkabutang.

22 Kay nagkahuya ako magpanġayô sa-harising kusug kag sing mġa manugkaba-yo, nġa magbululig sa amon batok sa kaa-way sa dalanon, kay naghambal na kami sa hari, nġa nagasiling : “ Ang kamut sang amon Dios yara ibabaw sang tanan nġa mġa nagapalangita sa iya nġa sa ila kaayohan ; apang ang iya kusug kag kasingkal sa ibabaw sang tanan nġa mġa nagabiliya sa iya.”

23 Kag nagpuasa kami, kag nagpanġa-yo kami sa amon Dios nahanunġud sini, kag sia nagpamati sa amon.

24 Kag ginpain ko ang napúlô kag duha sang mġa pangôlo sang mġa saserdote, si Serebias kag si Hasabias, kag upud sa ila ang napúlô sang ila mġa útud ;

25 Kag gintimbangan ko sila sang pilak, kag sang bulawan, kag sang mġa galamiton, nġa amo ang halad nġa bina-yaw nġa sa Baláy sang amon Dios, nġa ginbayaw sang hari kag sang iya mġa manuglaygay, kag sang iya mġa dunga-non, kag sang tanan sa Israel nġa didto sila.

26 Kag gintimbang ko sa kamut nila ang anum ka gatus kag kalim-an ka talanton nġa pilak, patí ang mġa galamiton nġa pilak nġa isa ka gatus ka talanton, kag isa ka gatus ka talanton nġa bulawan ;

27 Kag duha ka púlô ka tagayan nġa bulawan, nġa ang iya bili isa ka libo ka dariko, kag duha ka suludlan nġa tumba-ga nġa ulay nġa mahining subung sang bulawan kag malahalon subung sang bulawan.

28 Kag nagsiling ako sa ila : Mġa balaan kamo kay Iehoba kag balaan ang mġa suludlan ; kag ang pilak

kag ang bulawan halad nġa kinabubuton kay Iehoba nġa Dios sang amon mġa ginikanan.

29 Magpululaw-kamo, kag bantayi ninyo sila, tubtub nġa matimbang ninyo sila sa atubangan sang mġa pangôlo sang mġa saserdote kag sang mġa Lebinhon, kag sa atubangan sang mġa pangôlo sang mġa ginikanan sa Israel, sa Ierusalem, sa mġa hulut sang Baláy ni Iehoba.

30 Kag ginbaton sang mġa saserdote kag sang mġa Lebinhon sa timbang ang pilak kag ang bulawan, kag ang mġa galamiton, sa pagdalá sa ila sa Ierusalem sa Baláy sang amon Dios.

31 Kag nagtaliwan kami sa subâ sa Ahaba sang napúlô kag duha sang bulan nġa nahauna, sa pagkadto sa Ierusalem. Kag ang kamut sang amon Dios yara sa ibabaw namon kag sia nagluwas sa amon sa kamut sang kaaway kag sang puut sa dalanon.

32 Kag nag-abut kami sa Ierusalem, kag nagpuyô kami didto sing tatlo ka adlaw.

33 Kag sa ikap-at ka adlaw gintimbang namon ang pilak kag ang bulawan, kag ang mġa galamiton, sa Baláy sang amon Dios, sa kamut ni Meremot, nġa anak ni Urias, nġa saserdote (kag upud sa iya yara si Eleasar, nġa anak ni Pinees, kag upud sa ila, si Iosabad, nġa anak ni Iesua, kag si Nodias, nġa anak ni Binui, nġa mġa Lebinhon sila),

34 Sono sa isip kag sa timbang sang tanan, kag sa amo nġa oras ginsulat yadtong tanan nġa timbang.

35 Kag ang mġa anak sang ginlitanon, nġa nagbalik na gikan sa kabihagan, naghalalad sing mġa halad nġa sinunog sa Dios ni Israel : napúlô kag duha ka tinday sang baka tungud sang bug-os nġa Israel, kasiaman kag anum ka karnero, kapitoan kag pito ka kordero, napúlô kag duha ka lalaki nġa kanding, tungud sang salâ, ang tanan sa halad nġa sinunog kay Iehoba.

36 Kag ginhatag nila ang mġa sulat sang hari sa mġa satrapa sang hari kag sa mġa gobernador sang isa ka luyo sang subâ, nġa sila nagbululig sa banwa kag sa Baláy sang Dios.

Kasulub-an kag pag-ampo ni Esdras bangud sang  
mga pagpalangasawa nila sa mga babae  
nga mga dumuluong.

9 KAG sang natapus ining mga bu-  
tang, ang mga dunganon nagpala-  
pit sa akon, nga nagasiling: "Ang  
banwa sa Israel, kag ang mga saserdote,  
kag ang mga Lebinhon, walâ magbulag  
sang mga kalangil-aran sang mga kata-  
wohan sa mga duta nga *kasilingan*, sang  
mga Kanaanhon, sang mga Hetinhon,  
sang mga Peresinhon, sang mga Iebu-  
sinhon, sang mga Amoninhon, sang mga  
Moabinhon, sang mga Egiptohanon kag  
sang mga Amorinhon ;

2 Kay nagpalangasawa sila sang ila  
mga anak nga babae, nga sa ila kag ngasa  
ila mga anak, kag ang kaliwatan nga  
balaan ginsamoan sang mga katawohan  
sining mga duta ; kag ang kamut sang  
mga dunganon kag sang mga punoan  
nanginnahauna sa sini nga paglalis.

3 KAG sang pagkabati ko sini, gin-  
kusnit ko ang akon panapton kag ang  
akon bayô nga malaba, kag ginganit ko  
ang mga buhok sang akon olo kag ang  
akon bungut, kag naglingkod ako nga  
ginakulbaan.

4 KAG nagtilingub sa akon ang tanan  
nga mga nagkulurug sa mga polong  
sang Dios ni Israel, bangud sang pag-  
lalis sang mga *anak* sang pinaliton ;  
apang ako naglingkod nga ginakulbaan  
tubtub sa halad sang hapon.

5 KAG sa halad sang hapon nagtindug  
ako sa akon pagpaubus nga kinusnit  
ang akon panapton kag ang akon bayô  
nga malaba, kag nagduko ako sa akon  
mga tuhod kag ginbayaw ko ang akon  
mga kamut kay Iehoba, nga akon Dios,

6 KAG nagsiling ako : "Dios ko, na-  
libog ako kag nagakahuya ako sa pag-  
bayaw, oh Dios ko, sang akon nawung  
sa imo, kay ang amon mga kalautan  
nagdalamu sa ibabaw sang *amon* olo ;  
kag ang amon mga salâ nagdaku tubtub  
sa mga langit.

7 Kutub sa mga kaadlawan sang  
amon mga ginikanan tubtub sa sini nga  
adlaw yari kami sa daku nga salâ ; kag  
tungud sang amon mga kalautan, kami,  
ang amon mga hari, kag ang amon mga  
saserdote, ginpanugyan kami sa mga  
kamut sang mga hari sa sining mga  
duta, sa hinganiban, sa kabihagan, sa

agaw kag sa panluspi sa nawung, subung  
sang karon nga adlaw.

8 KAG karon, sa malip-ot nga tion,  
nag-abut ang kalooy ni Iehoba, nga amon  
Dios, sa pagtugut sa amon sang isa ka  
nabilin nga sa pagpalagyo, kag sa pag-  
hatag sa amon sing bugsok sa iya duug  
nga balaan, agud nga pagpasanagonsang  
amon Dios ang amon mga mata, kag  
sa paghatag sa amon sing isa ka diyot  
nga kabuhi sa amon kahioliipnan ;

9 Kay mga ulipon kami ; kag sa amon  
kahioliipnan walâ kami pagbayai sang  
amon Dios, kag ginhumlad niya sa iba-  
baw namon ang iya kalooy sa atubangan  
sang mga hari sa Persia, agud nga  
paghatagan kami sing kabuhi, sa pagpa-  
tindug liwan sang Baláy sang amon  
Dios, kag sa pagbangon liwan sang iya  
mga kalaglagan, kag sa paghatag sa  
amon sing kudal sa Iuda kag sa Ie-  
rusalem.

10 KAG karon, oh Dios namon, ¿ano  
bala ang pagaisiling namon, sa tapus si-  
ni? Kay kami nagbiliya sang imo mga  
sogo,

11 Nga ginsogo mo sila tungud sa  
kamut sang imo mga alagad nga mga  
manalagna, nga nagasiling : Ang duta  
nga sa iya magasululud kamo sa pagtag-  
iya sa iya, duta sia nga mahigko,  
bangud sang kahigkoan sang mga kata-  
wohan sa sadtong mga kadutaan,  
tungud sang mga kalangil-aran nga  
nagkalapunô sila sa iya sa isa kag isa ka  
ukbung sa ila kahigkoan.

12 KAG karon, indi ninyo pagaihatag  
ang inyo mga anak nga babae sa mga  
anak nga lalaki nila, bisan sa ila mga  
anak nga babae magakuluha kamo nga  
sa inyo mga anak nga lalaki ; kag dili  
maghilimulat kamo sang ila paghidaet,  
bisan sang ila kaayohan sa gihapon, agud  
nga magbalaskug kamo, kag magkalaon  
kamo sang labing maayo sang duta, kag  
pagaihatag ninyo sia nga kaugalingon  
sa inyo mga anak sa gihapon.

13 KAG sa tapus sang tanan nga nag-  
alabut sa amon bangud sang amon mga  
malain nga mga binuhatan kag bangud  
sang amon daku nga kasa-anan, sanglit  
kay ikaw, Dios namon, nagsilot sa amon  
sing labing diyotay sang nagakigo sa  
amon mga kalautan, kag ginhatagan mo  
kami sang isa ka kaluwasan nga subung  
sini,

14 ¿Magabalik pa kami bala sa pag-



lapas sang imo mġa sogo, kag sa pagpakighimata sa pag-asawahay sa sining mġa katawohan nġa mġa kalangil-aran? ; Indi ka bala magakaakig batok sa amon tubtub sa pagupud sa amon, nġa walā sing may mabilin, bisan makapalagyo?

15 Iehoba, nġa Dios ni Israel, matarung ka; kay nanġinisa ka nabilin kami nġa mġa nagpalagyo, subung sang *ginatan-aw* sini nġa adlaw. Yari kami sa atubangan nimo sa amon mġa kasalanan; kay walā sing bisan sin-o nġa sarang makatindug sa imo atubangan bangud sini."

Pagsobol sang mġa dumuluong nġa babae.

10 KAG sang nagpangamuyo si Esdras kag nagtuad, nġa nagahibi kag nagahapa sa atubangan sang Balāy sang Dios, nagtingub sa iya ang isa ka labing daku nġa kadam-an sa Israel, nġa mġa lalaki kag mġa babae kag mġa kabataan, kag naghibi ang banwa, nġa nagapatolo sing bugana nġa mġa luha.

2 Kag naghambal si Sekanias, nġa anak ni Iehiel, sang mġa inanak ni Elam, kag nagsiling sia kay Esdras: "Naglalalis kita batok sa aton Dios, kay ginpapuyō namon sa amon ang mġa babae nġa dumuluong sa mġa kabanwaanang sang duta; apang may paglaum pa nġa sa kay Israel nahanungud sini.

3 Kag karon magahimo kita sing kati-pan sa aton Dios, nġa sa pagsobol si-ning tanan nġa mġa babae kag sang mġa nagkalatawo sa ila, sono sang laygay sang Ginoo kag sang mġa nagakulurug sa sogo sang aton Dios: kag himoon ini sono sa kasogoan.

4 Tindug-ka, kay yara sa ibabaw nimo ang buluhaton, kag kami upud sa imo; pagpanikasug-ka kag ibutang ini sa buhat."

5 Kag nagtindug si Esdras, kag ginpa-sumpa niya ang mġa pangolo sang mġa saserdote kag sang mġa Lebinhon, kag sang bug-os nġa Israel, nġa pagahimoon nila sono sa sini nġa polong; kag sila nagsulumpa.

6 Kag nagtindug si Esdras sa atubangan sang Balāy sang Dios, kag nagsulud sia sa hulut ni Iohanan, nġa anak ni Eliasib; kag sang didto sia walā magkaon sing tinapay, bisan mag-inum sang tubig, kay naglalaw sia nahanungud sang paglalalis sang mġa anak sang pinaliton.

7 Kag nagpabantala sila sing pahibalo sa bug-os nġa Iuda kag sa Ierusalem sa tanan nġa mġa anak sang pinaliton, nġa magtilipon sila sa Ierusalem.

8 Kag nahanungud sa tanan nġa tawo nġa indi mag-abut sa sulud sang tatlo ka adlaw, sono sang ginkasugntanan sang mġa pangolo kag sang mġa tigulang, pagatagudilian ang bug-os niya nġa pagkabutang kag pagapabulagon sia gid sa katilingban sang mġa anak sang pinaliton.

9 Kag ang tanan nġa mġa tawo sa Iuda kag sa Benyamin nagtilipon sa Ierusalem sa sulud sang tatlo ka adlaw; ini sa ikasiam ka bulan sa duha ka pulo sang bulan; kag naglingkod ang bug-os nġa banwa sa tilipunan sang Balāy sang Dios, nġa nagakulurug bangud sadtong buluhaton, kag bangud sang mġa ulan.

10 Kag nagtindug si Esdras nġa saserdote, kag nagsiling sa ila: "Kamo naglalalis sa pagpapuyō sang mġa dumuluong nġa babae sa inyo, sa pagdugang sa salā sang Israel.

11 Kag karon, paghilimaya-kamo kay Iehoba, nġa Dios sang inyo mġa ginikanan, kag himoa-ninyo ang iya kabubutan, kag pagbulag-kamo sa mġa katawohan sang duta kag sa mġa dumuluong nġa mġa babae."

12 Kag nagsabat ang bug-os nġa katilingban, kag nagsiling sa mataas nġa tingug: "Dapat namon paghimoon sono sa imo mġa polong.

13 Apang ang banwa madamu, kag ang panag-on sang mġa ulan, kag walay kusug sa pagpadayon sa gowa kag ini indi buluhaton sa isa ka adlaw, bisan sa duha; kay madamu kami nġa mġa malalison sa sini nġa buluhaton.

14 Tuguti ang amon mġa pangolo magtindug didto tungud sang bug-os nġa katilingban; kag nġa ang tanan sa aton mġa kabanwaanang, nġa nagpapuyō sa ila sing mġa dumuluong nġa babae, magkalari sa mġa panag-on nġa pinat-inan, kag upud sa ila ang mġa tigulang sang taga sa banwa kag ang ila mġa hukom, tubtub nġa mapalayō naton sa aton ang kasingkal sang kaakig sang aton Dios nahanungud sining buluhaton."

15 Lamang si Ionatan, nġa anak ni Asael, kag si Ioasias, nġa anak ni Tikba nagbalatok sila sini; kag si

Mesulam kag si Sabetai, nga mga Lebinhon, nagbululig sa ila.

16 Kag amo ining ginhimo sang mga anak sang pinaliton. Kag si Esdras, nga saserdote, kag ang *pila* ka mga lalaki sa mga pangolo sang mga ginikanan, ginpain sila, sono sang panimaláy nga inamay kag tanan sila sono sa ila mga ngalan. Kag naglilingkod sila sang nahauna nga adlaw sang bulan nga ikapulô sa pagusisa sang buluhaton.

17 Kag sa nahauna nga adlaw sang bulan nga nahauna, gintapus nila ang *kasuayon* sa sadtong tanan nga mga tawo nga nagpapuyô sa ila sang mga dumuluong nga babae.

18 Kag sa tungâ sang mga anak sang mga saserdote nga nagpapuyô sang mga dumuluong nga babae, nakit-an *ini sila*: Sa mga anak ni Iesua, nga anak ni Iosadek, kag sa iya mga útud: si Maasias si Elieser, si Iarib kag si Gedalias.

19 Kag naghalatag sila sang ila kamut sa *panaad* sa pagpadalâ sang ila mga asawa, kag tungud kay makasasalâ sila *naghalad* sila sang isa ka karnero sang kinabon nga sa halad tungud sang kasalanan.

20 Kag sa mga anak ni Imer: Si Hanani kag si Sebadias.

21 Kag sa mga anak ni Harim: si Maasias, si Elias, si Semaia, si Iehiel kag si Usias.

22 Kag sa mga anak ni Pasur: si Elioenai, si Maasias, si Ismael, si Natanael, si Iosabad kag si Elasa.

23 Kag sa mga anak sang mga Lebinhon: si Iosabad, si Simi, si Kelaia (nga among si Kelita) si Petahias, si Iuda kag si Elieser.

24 Kag sa mga manugkanta: si Eliasib. Kag sa mga manugbantay sang gawang: si Selum, si Telem kag si Uri.

25 Kag sa Israel: Sa mga anak ni Paros: si Ramia, si Isias, si Malkias, si Miamin, si Eleasar, si Malkias kag si Benaia.

26 Kag sa mga anak ni Elam: si Matanias, si Sakarias, si Iehiel, si Abdi, si Ieremot kag si Elias.

27 Kag sa mga anak ni Satu: si Elioenai, si Eliasib, si Matanias, si Ieremot, si Sabad kag si Asisa.

28 Kag sa mga anak ni Bebai: si Iohanan, si Hananias, si Sabai, kag si Atlai.

29 Kag sa mga anak ni Bani: si Mesulam, si Maluk, si Adaia, si Iasub, si Seal kag si Ramot.

30 Kag sa mga anak ni Pahat-Moab: si Adna, si Kelal, si Benaia, si Maasias, si Matanias, si Besaleel, si Binui kag si Manases.

31 Sa mga anak ni Harim: si Elieser, si Isia, si Malkias, si Semaia, si Simeon,

32 Si Benyamin, si Maluk kag si Semarias.

33 Sa mga anak ni Hasum: si Mate-nai, si Matata, si Sabad, si Elipelet, si Ieremai, si Manases kag si Simi.

34 Sa mga anak ni Bani: si Maadai, si Amram, kag si Uel,

35 Si Benaia, si Bedias, si Keluhi,

36 Si Bantias, si Meremot, si Eleasib,

37 Si Matanias, si Matenai, si Iaasai,

38 Si Bani, si Binui, si Simi,

39 Si Selemias, si Natan, si Adaia,

40 Si Maknadbai, si Sasai, si Sarai,

41 Si Asareel, si Selemias, si Semarias,

42 Si Salum, si Amarias, kag si Iose.

43 Kag sa mga anak ni Nebo: si Iehiel, si Matitias, si Sabad, si Sebina, si Iadai, si Ioel, si Benaia.

44 Ining tanan nagpalangasawa sang mga dumuluong nga mga babae; kag may iban sang mga babae nga nagpalanganak sing mga anak.

## SI NEHEMIAS.

Pag-ampo ni Nehemias tungud sang mga inanak ni Israel.

1 ANG mga polong ni Nehemias, nga anak ni Hakalias. Nahanabu, sa bulan sa Kisleu, sa tuig nga duha ka pulô,

sang didto ako sa Susan, nga puluy-anan nga *harianon*,

2 Nga nag-abut si Hanani, nga isa sang akon mga útud kag upud sa iya ang mga tawo sa Iuda; kag ginpamangkot ko sila tungud sang mga Iudio, nga



nagpalagyo, nga nagkalabilin sa kabiha-  
gan, kag tungud sa Ierusalem.

3 Kag nagsililing sila sa akon: "Ang nabilin, nga mga nagkalabilin sa kabi-  
hagan, didto sa probinsia, yara sila sa  
dakung kalainan kag sa pagpasipala, kag  
ang kuta sa Ierusalem nawas-ag, kag  
ang iya mga gawang ginsunog sa ka-  
layo."

4 Kag sang pagkabati ko sining mga  
polong, naglingkod ako kag naghibi,  
kag naglalaw ako sing pila ka adlaw,  
kag nagpuasa ako kag nangamuyo ako  
sa atubangan sang Dios sang mga langit.

5 Kag nagsiling ako: "Ginaampo ko  
sa imo, oh Iehoba, nga Dios sang mga  
langit, Dios nga daku kag makahalad-  
luk, nga nagabantay sang katipan kag  
sang kalooy sa mga nagahigugma sa imo,  
kag nagabantay sang imo mga sogo;

6 Magmatalupangdon karon ang imo  
idulungug, kag magmuluklat ang imo  
mga mata, sa pagpamati sang pangamu-  
yo sang imo alagad, nga ginapasaka ko  
karon sa imo atubangan sa adlaw kag  
sa gab-i, tungud sa mga inanak ni Israel,  
nga imo mga alagad, nga nagatuad ako  
sang mga salâ sang mga inanak ni Isra-  
el, kay nakasalâ kami batok sa imo; ako  
man kag ang balây sang akon amay,  
nakasalâ kami;

7 Nagginawi kami batok sa imo sing  
malain gid, kag walâ namon pagbanta-  
yi ang imo mga sogo, bisan ang mga  
palatukuran, bisan ang mga tulumanon  
nga ginsogo mo kay Moises nga imo  
alagad.

8 Panumduma karon, ginaampo ko sa  
imo, ang polong nga ginasogo mo kay  
Moises, nga imo alagad, nga nagsiling:  
Kon magamalalison kamo, ako magapa-  
alapaag sa inyo sa mga katawohan;

9 Kag kamo magabalik sa akon, kag  
pagabantayan ninyo ang akon mga so-  
go, kag pagaibutang ninyo sila sa buhat;  
niyan kon ang inyo mga sinobol did-  
to sa ukbung sang mga langit, kutub  
didto pagatipunon ko sila, kag pagadal-  
on ko sila sa duug nga ginpili ko sa  
pagpapuyô didto sang akon ngalan.

10 Kag sila amo ang imo mga alagad,  
kag ang imo banwa, nga sila gintubus  
mo sa imo dakung kabakuran kag sa  
imo makusug nga kamut.

11 Ginaampo ko sa imo, oh Iehoba,  
nga magmatalupangdon karon ang imo  
idulungug sa pangamuyo sang imo

alagad kag sa pangamuyo sang imo  
mga alagad, nga sila nagakalipay sa  
pagkahadluk sa imo ngalan; kag pag-  
pauswaga, ginaampo ko sa imo, ang  
imo alagad karon kag tuguti, nga maka-  
kita sia sing bugay sa atubangan sad-  
tong lalaki." Kay manugtagay ako  
sang hari.

Si Artaherhes nagatugot kay Nehemias sa pagkadto  
sa pagpatindug liwan sang Ierusalem.

2 KAG nahanabu, sa bulan sa Nisan,  
sa tuig nga duha ka pûlô sang hari  
nga si Artaherhes, nga sang yara na ang  
alak sa atubangan niya, ginkuha ko ang  
alak kag ginhatag ko sa hari. Kag  
walâ gid ako magkasubo anay sa iya  
atubangan.

2 Kag nagsiling sa akon ang hari:  
"Kay ngaa bala nagakasubo ang imo  
nawung, kay walâ ka man sing balatian?  
Ini indi liwan kondi kasubu sa tagipo-  
soon." Niyan nagkahadluk ako sing  
daku gid.

3 Kag nagsiling ako sa hari: "Ang  
hari magkabuhi sa gihapon: paano  
bala nga indi magmasubo ang akon  
nawung, sang ang banwa, nga duug  
sang mga lulubngan sang akon mga  
ginikanan, hapay na, kag ang iya mga  
gawang napangupud na sang kalayo?"

4 Kag nagsiling sa akon ang hari:  
"Ano bala ang ginapangayô mo?"  
Niyan nangamuyo ako sa Dios sang  
mga langit,

5 Kag nagsiling ako sa hari: "Kon  
luyag sang hari, kag kon nahamuut ka  
sa imo alagad sa atubangan mo, nga  
ipadalâ mo ako sa Iuda, sa banwa sang  
mga lulubngan, sang akon mga ginika-  
nan, agud nga pagpatindugan ko sia  
liwan."

6 Kag ang hari nagsiling sa akon,  
subung man ang haring babae, nga naga-  
lingkod sa luyo niya: "Tuhtub bala  
san-o ang imo pagpanlakatan, kag san-o  
ka magapauli?" Kag nahamuut ang  
hari sini, kag nagpadalâ sia sa akon kag  
ako nagpat-in sa iya sang panag-on.

7 Kag nagsiling ako sa hari: "Kon  
luyag sang hari, hatagan ako sing mga  
sulat nga sa mga gobernador sa isa ka  
luyo sang subâ, agud nga pagtugutan  
nila ako sa pag-agi, tuhtub nga maka-  
abut ako sa Iuda;

8 Kag sang isa ka sulat kay Asap,

n̄ga bantay sang talon sang hari, agud n̄ga paghatagan niya ako sing kahoy n̄ga sa paghimo sing m̄ga bakalan sang m̄ga gawang sang kalig-unan n̄ga nahanungud sa Baláy ni Iehoba kag n̄ga sa kuta sang banwa, kag sa baláy n̄ga diin ako magasulúd. Kag ginhatag ini sila sa akon sang hari, siling n̄ga ang maayo n̄ga kamut ni Iehoba yara sa ibabaw nakon.

9 Kag nag-abut ako sa m̄ga gobernador sa isa ka luyo sang subá, kag ginhatag ko sa ila ang m̄ga sulat sang hari. Kag ang hari nagpadalá upud sa akon sing m̄ga pangolo sang kasoldadosan kag sing m̄ga manugkabayo.

10 Kag sang nabatian ini ni Sanbalat, n̄ga Horoninhon, kag ni Tobias, n̄ga alagad n̄ga Amoninhon, nagbalatyag sila sing daku gid n̄ga kalas-ay n̄ga mag-abut ang isa ka tawo sa pagpaninguha sang kaayohan sang m̄ga inanak ni Israel.

11 Kag nag-abut ako sa Ierusalem, kag nakapuyô ako didto sing tatlo ka adlaw.

12 Kag nagbangon ako sing gab-i pa, ako kag ang diyotay n̄ga m̄ga tinawo upud sa akon, kag walâ ko igpahayag sa bisan kay sin-o ang ginbutang sang Dios sa akon tagiposoon, n̄ga pagabuhaton ko n̄ga sa Ierusalem; kag walay sapat n̄ga upud sa akon, kondi lamang ang sapat n̄ga akon ginakabayhan.

13 Kag naggowa ako sa gab-i sa gawang sang Nalupyakan kag nayon sa tuburan sang Dragon, kag nayon sa gawang sang Palamus-unan, kag gintalupangud ko ang m̄ga kuta sa Ierusalem n̄ga nagkalaguba, kag ang iya m̄ga gawang n̄ga ginpangupud sang kalayo.

14 Kag nag-agi ako sa gawang sang Tuburan kag sa Punong sang hari; kag walâ sing duug n̄ga pag-agihan sang sapat n̄ga yara sa idalum nakon.

15 Kag nagtaklad ako sa kasulgan sing gab-i kag gintalupangud ko ang kuta; kag nagpauli ako kag nagsulúd ako sa gawang sang Nalupyakan kag nagbalik ako.

16 Kag walâ makahibalo ang m̄ga punoan kon diin ako magkadto, bisau sang akon ginbuhat; kag tuhtub niyan walâ ako inagpahayag sing bisan ano sini sa m̄ga Iudio, bisan sa m̄ga saserdote, bisan sa m̄ga dunganon, bisan sa m̄ga punoan, bisan sa iban n̄ga m̄ga nagapalangabudlay.

17 Kag nagsiling ako sa ila: "Ginatan-aw ninyo ang kalainan n̄ga yari kita sa iya, n̄ga ang Ierusalem naguba na, kag ang iya m̄ga gawang ginpangupud sang kalayo; kari-kamo, kag pagpatindugon-naton ang kuta sang Ierusalem, kag manginindi na kita m̄ga palasipalahan.

18 Kag ginpahayag ko sa ila kon paa-no n̄ga ang kamut sang akon Dios nagmaayo sa ibabaw nakon, kag subung man ang m̄ga polong n̄ga kinahambal sa akon sang hari. Kag nagsililing sila: Magtilindug-kita, kag pagabangonon naton." Kag nagpabaskug sila sang ila m̄ga kamut n̄ga sa paghimo sing maayo.

19 Sang pagkabati sini ni Sanbalat, n̄ga Horoninhon, kag ni Tobias, n̄ga alagad n̄ga Amoninhon, kag ni Gesem, n̄ga Arabinhon, ginuligyat nila kami, kag gintamay nila kami, n̄ga nagsiling: "¿Ano bala ini n̄ga ginahimo ninyo? ¿Magamalalison bala kamo batok sa hari?"

20 Kag ginsabat ko sila, kag ginsilingan ko sila: "Ang Dios sang m̄ga langit, sia gid magapauswag sa amon, kag kami, n̄ga iya m̄ga alagad, magatindug kami kag magatulukud kami; apang kamo walâ sing bahin, bisan katadlungan, bisan handumanan sa Ierusalem."

Ang pagpatindug liwan sang m̄ga gawang kag sang m̄ga kuta sang Ierusalem.

3 KAG sang tumindug si Eliasib, n̄ga pinapakamataas n̄ga saserdote, upud sang iya m̄ga útud n̄ga m̄ga saserdote; kag ginpatindug nila ang gawang sang m̄ga Obeha: ginpakabalaan nila sia kag ginbutang nila sa iya ang m̄ga takup; kag ginpakabalaan nila sia tuhtub sa tore sa Meab, tuhtub sa tore sa Hananeel.

2 Kag sa luyo niya ginpatindug sang m̄ga tawo n̄ga taga-Ieriko; kag sa luyo niya ginpatindug ni Sakur, n̄ga anak ni Imri.

3 Ang gawang sang Isda ginpatindug sang m̄ga anak ni Senaa; ginbutangan nila sia sing m̄ga bakalan kag sing m̄ga takup, sing m̄ga yawihan kag sing m̄ga pintal.

4 Kag sa luyo nila ginpakaayo ni Meremot, n̄ga anak ni Urias, n̄ga anak ni Kos; kag sa luyo nila ginpakaáyô ni Mesulam, n̄ga anak ni Berekias, n̄ga anak



ni Mesesabeel; kag sa luyo nila ginpakaáyô ni Sadok, nga anak ni Baana;

5 Kag sa luyo nila ginpakaáyô sang mga Tekoinhon; apang ang ila mga kadalagkuan walâ magpasakup sa pag-alagdan sang ila Ginoo.

6 Ang gawang nga Daan ginpakaáyô ni Ioiada, nga anak ni Pasea, kag ni Mesulam, nga anak ni Besodias; ginhi-moan nila sia sing mga bakalan, kag ginbutangan nila sia sang iya mga takup, sang mga yawihan kag sang mga pintal.

7 Kag sa luyo nila ginpakaáyô ni Melatias, nga taga-Gabaon, kag ni Iadon, nga taga-Meronot, nga mga tinawo sa Gabaon kag sa Mispâ, nga nahanungud sa lingkoran sang gobernador sa isa ka luyo sang subâ.

8 Sa luyo nila ginpakaáyô ni Usiel, nga anak ni Haraya, nga isa sang mga panday sa pilak; kag sa luyo niya ginpakaáyô ni Hananias, nga isa sang mga manugpahamut; kag ginpabayaan nila ang *kuta nga nabilin* sa Ierusalem tubtub sa kuta nga Malapad.

9 Kag sa luyo nila ginpakaáyô ni Repaias, nga anak ni Hur, nga pangolo sang katungâ sang ginsakpan sa Ierusalem.

10 Kag sa luyo nila ginpakaáyô ni Iedaia, nga anak ni Harumap, kag sa atubangan sang iya baláy; kag sa luyo niya ginpakaáyô ni Hatus, nga anak ni Hasbanias.

11 Si Malkias, nga anak ni Harim, kag si Hasub, nga anak ni Pahat-Moab, ginpakaáyô nila ang isa nga ikaduha ka bahin kag ang tore sang mga Dapog.

12 Kag sa luyo nila ginpakaáyô ni Salum, nga anak ni Lohes, nga pangolo sang *ikaduha ka* katungâ sang ginsakpan sa Ierusalem, sia kag ang iya mga anak nga babae.

13 Ang gawang sang Nalupyakan ginpakaáyô ni Hanun upud sang mga pumuluyô sang Sanoa: ginbangon nila sia, kag ginbutang nila ang iya mga takup, ang mga yawihan, kag ang mga pintal, kag *ginhimo nila* ang isa ka libo ka maniko nga kuta, tubtub sa gawang sang Palamus-unan.

14 Ginbangon ang gawang sang Palamus-unan ni Malkias, nga anak ni Rekab, nga pangolo sang ginsakpan sang Bet-hakerim: sia ang nagbangon sa iya,

kag ginbutang niya sa iya ang mga takup, ang mga yawihan kag ang mga pintal.

15 Kag ang gawang sang Tuburan ginpakaáyô ni Salum, nga anak ni Kol-Hose, nga pangolo sang ginsakpan sa Mispâ: sia nagbangon sa iya, kag ginbutangan niya sia sing mga takup, sing mga yawihan kag sing mga pintal; kag *ginhimo* niya man ang kuta sang punong sa Siloe, nayon sa katamnan sang Hari kag tubtub sa mga alintaga nga nagadulhog gikan sa banwa ni Dabid.

16 Sa olehe niya ginpakaáyô ni Nehemias, nga anak ni Asbuk, nga pangolo sang isa ka katungâ sang ginsakpan sang Bet-sur, tubtub sa atubangan sang mga lulubngan kag tubtub sa punong nga nahuman, kag tubtub sa baláy sang mga Maisug.

17 Sa olehe niya ginpakaáyô sang mga Lebinhon: si Rehum, nga anak ni Banit, nga sa luyo niya ginpakaáyô ni Hasabias, nga pangolo sang katungâ sang ginsakpan sa Seila, tungud sang iya ginsakpan.

18 Sa olehe niya ginpakaáyô sang iya mga útud: si Babai, nga anak ni Henadad, nga pangolo sang *iban* nga katungâ sang ginsakpan sa Seila,

19 Kag si Eser, nga anak ni Iesua, nga pangolo sa Mispâ, nagpakaáyô sa luyo niya sang isa nga ikaduha ka takus, nga nagsugud sa atubangan sang salakaan sang Tilipunan sang kasangkapan sa pag-awayan sang Pamusud.

20 Sa olehe niya nga may kainit ginpakaáyô ni Baruk, nga anak ni Sabai, ang isa nga ikaduha ka takus, kutub sa pamusud tubtub sa gawang sang baláy ni Eliasid, nga pinapakamataas nga saserdote.

21 Sa olehe niya ginpakaáyô ni Mere-mot, nga anak ni Urias, nga anak ni Kos, ang isa nga ikaduha ka takus, kutub sa suludlan sang baláy ni Eliasib tubtub sa ukbung sang baláy ni Eliasib.

22 Sa olehe niya ginpakaáyô sang mga saserdote, nga mga tawo sang dulunan sang *Iordan*.

23 Sa olehe nila ginpakaáyô ni Benyamin kag ni Hasub, sa atubangan sang ila baláy. Sa olehe nila ginpakaáyô ni Asarias, nga anak ni Maasias, anak ni Ananias, sa malapit sa iya baláy.

24 Sa olehe niya ginpakaáyô ni Binui, nga anak ni Henadad, ang isa nga ikadu-

ha ka takus kutub sa baláy ni Asarias, tuhtub sa banga kag tuhtub sa nasikoan.

25 Si Palal, nga anak ni Usai nagkaáyô, nga nagasugud sa atubangan sang banga kag sang tore nga nagagowa, sa baláy nga mataas sang hari, nga yara sa patyo sang bilangoan; sa olehe niya, si Pedaia, nga anak ni Paros;

26 Kag ang mga Netinhon nga *diin* sila nagpuluyô sa bakolod, tuhtub sa atubangan sang gawang sang mga Tubig nasyon sa Sidlangan kag sang tore nga nagagowa.

27 Sa olehe nila ginpakaáyô sang mga Tekoinhon ang isa nga ikaduha ka takus sa atubangan sang daku nga tore nga nagagowa, kag tuhtub sa kuta sa bakolod.

28 Sa ibabaw sang gawang sang mga Kabayo, ginpakaáyô sang mga saserdote, ang tagsatagsa sa atubangan sang iya baláy.

29 Sa olehe nila ginpakaáyô ni Sadok, nga anak ni Imer, sa atubangan sang iya baláy; kag sa olehe niya ginpakaayo ni Semaia, nga anak ni Sekanias, nga bantay sang gawang sa Sidlangan.

30 Sa olehe niya ginpakaáyô ni Hana-nias, nga anak ni Selemias, kag ni Hanun, nga ikan-um ka anak ni Salap, ang isa nga ikaduha ka takus. Sa olehe nila ginpakaáyô ni Mesulam, nga anak ni Berekias, sa atubangan sang iya puluy-an.

31 Sa olehe niya ginpakaáyô ni Malkias, nga anak sang manugpanday sang pilak, tuhtub sa baláy sang mga Netinhon kag sang mga manugbaligya, ang sa atubangan sang gawang sang Ulusisaan kag tuhtub sang hulut nga mataas sang banga.

32 Kag ang sa tungâ sang hulut nga mataas sang banga kag sang gawang sang mga Obeha ginpakaáyô sang mga manugpanday sang pilak kag sang mga manugbaligya.

Puhon sang mga kaaway.—Ginalupit ni Nehemias sing hinanganiban ang banwa.

**4** KAG nahanabu nga, sang pagkabati ni Sanbalat, nga ginabangon namon ang kuta, nangakig sia kag nagdab-dab sa kasingkal, kag naguligyat sia sa mga Iudio;

2 Kag naghambal sia sa atubangan sang iya mga útud kag sa kasoldadosan

sa Samaria, kag nagsiling: “¿Anong ginahimo bala sinang mga mapigaw nga Iudio? ¿Pagatugutan bala sila sa paghimo? ¿Magahalalad bala sila? ¿Pagatapuson bala nila sa isa ka adlaw? ¿Pagabanhawon bala nila sa mga tinumpok sang yab-ok ang mga bató nga ginpanunug?”

3 Kag yara sa luyo niya si Tobias, nga Amoninhon, nga nagsiling: “Bisan pa ang ginapatindug nila, kon ang isa ka milo magsaka sa iya, magaguba sia sang ila kuta nga bató.”

4 Pamatii, oh Dios namon, nga kon paano ginatamay kami, kag iuli ang ila pasipala sa ibabaw sang ila olo, kag itugyan-mo sila sa pangagaw sa isa ka duta sang kabihagan.

5 Kag indi paglikmi ang ila kalautan, bisan ang ila salâ pagapanason mo sa atubangan sang imo nawung; kay ginpakahuy-an nila tungud sang mga pagkaakig ang mga nagapalatindug.

6 Kag ginpatindug namon ang kuta, kag ang bug-os nga kuta nanginbilog tuhtub sa iya tungâ; kag ang banwa may tagiposoon sa pagpangabudlay.

7 Apang nahanabu nga, sang pagkabati ni Sanbalat, kag ni Tobias, kag sang mga Arabinhon, kag sang mga Amoninhon, kag sang mga Asdodinhon, nga ang mga kuta sa Ierusalem nakaáyô na, nga ang mga litik ginsugdan sa pagtakup, nagkalaakig sila sing daku.

8 Kag naghilimbon ang tanan sing tingub sa pagkari sa pagpakigaway sa Ierusalem, kag sa paggamo sa iya.

9 Kag nangamuyo kami sa amon Dios, kag nagbutang kami batok sa ila sing bantay sa adlaw kag sa gab-i, sa pagbantay sa amon tungud sa ila.

10 Kag si Iuda nagsiling: “Ang mga kusug sang mga manughakut nagaluluya, kag ang mga nagub-an madamu, kag indi kita sarang makapatindug sang kuta.”

11 Kag ang aton mga kasumpung nagsililing: “Indi sila makahibalo, bisan makakita sila, tuhtub, nga magsulúd kita sa tungâ nila, kag pagapamatyon naton sila kag pagapadulugon naton ang buluhaton.”

12 Kag nahanabu nga, sang pag-alabut sang mga Iudio nga nagpuluyô sa malapit sa ila, kag nagsililing sini sa amon sing makapulô, gikan sa tanan nga mga



duug, sa diin nagpakari kag nagpakad-to sila sa amon,

13 Ginbutangan ko sing *mga bantay* sa mga nanubuan nga duug sa likod sang kuta, sa mga bahin sang guab; ginbutang ko didto ang banwa sono sa mga pinanimalay, upud ang ila mga hinganiban, upud ang ila mga sumbiling kag upud ang ila mga pana.

14 Kag nagtuluk ako, kag nagtindug ako kag nagsiling ako sa mga lutaw kag sa mga punoan, kag sa nabilin sang banwa: "Indi kamo magkahadluk sa atubangan nila; magpanumidum-kamo sa Ginoo nga daku kag makahaladluk, kag pagpakigaway kamo tungud sa inyo mga útud, tungud sa inyo mga anak, nga lalaki, tnnğud sa inyo mga anak nga babae, tungud sa inyo mga asawa kag sa inyo mga baláy."

15 Kag nahanabu nga, sang pagkabati sang amon mga kaaway, nga nakilala namon ini, ginlaglag sang Dios ang laygay nila, kag nagbalalik kami nga tanan sa kuta, ang tagsatagsa sa iya buluhaton.

16 Kag nahanabu, kutub sadto nga adlaw, nga ang katungâ sang akon mga pamatan-on nagpanğabudlay sa buluhaton, kag ang isa ka katungâ sa ila nagdalâ sang mga sumbiling, kag mga taming, kag mga pana, kag mga limbung, kag ang mga dunganon yara sa likod sang bug-os nga baláy ni Iuda.

17 Ang mga nagbalanğon sang kuta, kag ang mga nagdalâ sing mga lulan, kag ang mga naglulan, nagpalanğabudlay sila sa buluhaton sing isa ka kamut, kag sa isa may hinganiban sila.

18 Kag ang mga nagbalanğon, ang tagsatagsa, may hinganiban sila nga natklus sa ila mga hawak, kag sa sini nagbanğon sila; kag ang nagapatunog sang budyong yara sa luyo nakon.

19 Kag nagsiling ako sa mga lutaw kag sa mga punoan kag sa nabilin sang banwa: "Ang buluhaton daku kag malapad, kag kita naghililayoay sa kuta nga mga malayô ang tagsatagsa sa iya útud.

20 Sa duug nga didto mabatian ninyo ang tinğug sang budyong, magtilipon-kamo didto sa amon: ang aton Dios magapakigaway tungud sa aton.

21 Kag kami nagpanğabudlay sa buluhaton, kag ang katungâ sa ila nagdalâ sang sumbiling, kutub sa pagpamanag-

banag tubtub sa pagsubang sang mga bitoon.

22 Labut pa, sa sadtong panag-on nagsiling man ako sa banwa: "Ang tagsatagsa sa inyo upud ang iya mga sologoon, magahigda sa sulúd sang Ierusalem, agud nga sila yara sa aton sa kagabihon sa pagbantay, kag sa adlaw, sa buluhaton."

23 Kag bisan ako, bisan ang akon mga útud, bisan ang mga tawo nga bantay nga nagasunod sa akon, walâ maguba sang aton panapton: ginhuptan sang tagsatagsa ang hinganiban, nga *kina-hanglan subung* sang tubig.

Si Nehemias nagasogo nga himoan sing katarunğan ang mga imol nga ginapigos tungud sang ila mga utang.—Ang iya dipagkamaisip.

**5** KAG may daku nga pagpanghakroy sang banwa kag sang ila mga asawa batok sa mga Iudio nga ila mga útud.

2 Kag may iban nga nagsililing: "Kami, ang amon mga anak nga lalaki kag ang amon mga anak nga babae mga madamu kami: paghatagan kami sing trigo, agud nga magkaon kami kag magkabuhi."

3 Kag may mga iban nga nagsililing: "Amon ginpamirinda ang amon mga duta, kag ang amon mga kaubasan, kag ang amon mga baláy, sa pagbakal sing trigo sa gutum."

4 Kag may iban nga nagsililing: "Nakahulam kami sing pilak sa ibabaw sang amon mga duta kag sang amon mga kaubasan nga sa buhis sang hari.

5 Walay sapayan, ang amon unud subung sang unud sang amon mga útud; ang amon mga anak nga lalaki subung sang ila mga anak nga lalaki: kag yari karon, ginapasakup namon ang amon mga anak nga lalaki kag ang amon mga anak nga babae sa kahiolipnan, kag may iban sang amon mga anak nga babae nga napanakup, kag walâ sing kusug sa amon mga kamut *sa pag-gawad sa ila*, kag ang amon mga duta kag ang amon mga kaubasan iya na sang iban."

6 Kag naakig ako sing daku gid sang pagkabati ko sang ila panghakroy kag sining mga polong.

7 Kag ang akon tagiposoan nagpamangkot sa sulúd nakon, kag ginsabdong ko ang mga lutaw kag ang mga

punoan, kag nagsiling ako sa ila: "Nagabalaton ang tagsatagsa sa inyo sing saka sa inyo mga útud." Kag gintipon ko ang isa ka daku nga pagtilipon batok sa ila.

8 Kag nagsiling ako sa ila: "Gin-gawad naton sono sang aton nadangatan ang aton mga útud nga mga Iudio, nga kinabaligya sa mga katawohan; kag kamo, i bisan pa magpamaligya man kamo sa inyo mga útud, kag pagaibaligya sila sa aton!" Kag naghilipus sila, kag walâ sila makakita sing sabat.

9 Kag nagsiling ako: "Indi maayo ang inyo ginahimo. i Walâ bala kamo maglalakat sa kahadluk sang aton Dios, agud nga indi manginkahuluy-an sa mga katawohan, nga mga kaaway naton?"

10 Ako man, kag ang akon mga útud, kag ang akon mga sologoon, ginpahulam naton sila sing pilak kag trigo: ginaampo ko sa inyo, pagbayaan ta ini nga utang.

11 Ginaampo ko sa inyo, iguli-ninyo sa ila karon ang ila mga duta, ang ila mga kaubasan, ang ila mga kaolibahan, kag ang ila mga baláy, kag ang ikaisa-kagatus ka bahin sang pilak, kag sang trigo, sang alak kag sang lana nga ginsukot ninyo nga saka."

12 Kag nagsiling sila: "Pagaipanguli namon, kag walâ gid kami sing pagasukton sa ila: pagahimoon namon, sono sang inyo ginasing." Kag gintawag ko ang mga saserdote kag ginpasumpa ko sila, nga pagabuhaton nila sono sa sini nga polong.

13 Labut pa, gintuk-ap ko ang akon panapton, kag nagsiling ako: "Ituk-ap sang Dios sing subung sini gikan sa iya baláy kag sa iya pangabudlayan ang tanan nga tawo, nga indi magtuman sini nga polong, kag sa sini mangintinuk-ap kag manginwalaysulud sia." Kag nagsabat ang bug-os nga katilingban: "Kabay pa." Kag gindayaw nila si Iehoba, kag ginhimo sang banwa sono sa sini nga polong.

14 Labut pa, kutub sang adlaw nga ginsogo man ako *sang hari* nga mangingobernador ako sa ila, sa duta ni Iuda, kutub sang ikaduha ka pulo ka tuig tubtub sa ikakatloan kag duha ka tuig sang hari nga si Artaherhes sa sulud sang napulô kag duha ka tuig, ako kag ang akon mga útud walâ magkaon kami sang tinapay sang gobernador.

15 Kag ang mga nahauna nga mga gobernador, nga nanginuna sa akon, ginpabug-atan nila ang banwa, kag ginkuha nila sa ila ang tinapay kag ang alak, labut pa ang kap-atan ka siklo nga pilak; ang ila mga sologoon man naggilinoos sa ibabaw sang banwa; apang ako walâ maghimo sing subung sini, bangud sang kahadluk sa Dios.

16 Bisan pa sa buluhaton sini nga kuta ginbutang ko ang akon kamut nga may tinguha, kag walâ kami magtagiya sing duta; kag ang tanan nakon nga mga sologoon nagtingub sila didto sa buluhaton.

17 Kag ang mga Iudio kag ang mga punoan sa *kadamuon* sang isa ka gatus kag kalim-an, upud sang mga nag-alabut sa amon sang mga katawohan nga yara sa palibot namon, yara sila sa akon latok.

18 Kag nahanungud sang ginhimos nga sa adlawadlaw, gin-aman nga sa akon ang isa ka baka, ang anum ka obeha nga pinili kag mga pispis; kag sa tagsa ka napulô ka adlaw, ang tanan nga alak sa kabuganaan. Kag bisan pa sining tanan walâ gid ako magpangayô sing tinapay sang gobernador; kay ang pag-alagdan nagbug-at sa ibabaw sining banwa.

19 Dumduma, nga sa kaayohan nakon, Dios ko, ang tanan nga akon gin-himo tungud sini nga banwa.

Mga pagpuhon batok kay Nehemias; ang iya pagtoo kag pagpadayon.

6 KAG nahanabu, sang nabatian ni Sanbalat kag ni Tobias, kag ni Gesem, nga taga-Arabia, kag sang iban nga amon mga kaaway, nga ginbangon ko ang kuta kag nga walâ na sing nabilin sa iya nga litik, tubtub sadtong panag-on, walâ ko mabutang ang mga takup sang mga gawang,

2 Si Sanbalat kag si Gesem nagpaladalâ sa pagsiling sa akon: "Kari-ka, kag magtitingub kita sa mga minoro sang nalupayakan sa Ono." Apang sila naghulunahuna sa paghimo sa akon sing malain.

3 Kag ginpadal-an ko sila sing mga manugbalita, nga nagasing: "Ako nagahimo sing isa ka daku nga buluhaton, kag indi ako sarang makakadto; kay nga bala magpauntat ako sang



buluhaton, nga bayaan ko sia sa pagdulhog sa inyo?"

4 Kag ginpakadtoan nila ako sa makap-at sa amo man nga butang, kag ako, ginpadalá ko sa ila ang amo man nga sabat.

5 Kag ginpadalá ni Sanbalat sa akon, sa pagsiling sing amo man sa makalima, ang iya sologoon nga may sulat nga binukad sa iya kamut,

6 Nga sa iya nasulat: "Nabatian nga ginasiling sa tungâ sang mga katawohan, kag si Gasmu nagasiling sini, nga ikaw kag ang mga Iudio nagahulunahuna kamo sa pag-lalis; kag tungud sini ginabangon mo liwan ang kuta, kag sono sining mga polong manginhari nila ikaw.

7 Kag bisan pa nagbutang ka sing manalagna sa pagbantala sa imo, sa Ierusalem, nga nagasiling: *May* hari sa Iuda. Kag karon pagapamatian sang hari ang amo nga mga polong, ngan kari-ka kag magasilingapul kita sing tingub."

8 Kag nagpadalá ako sa pagsiling sa iya: "Walâ sing ano man nga mga butang, subung sang imo ginasiling, kondi nga sa imo tagiposoon ginapahito mo sila."

9 Kay tanan sila nagpaninguha sa paghadluk sa amon kag nagsililing sila: "Magaluluya ang mga kamut nila sa buluhaton, kag indi sia mahuman." Kag karon paglig-ona ang akon mga kamut, *oh Dios*.

10 Kag nagsulúd ako sa baláy ni Se-maia, nga anak ni Delaia, anak ni Mee-tabeel, nga sia nagpabukot. Kag sia nagsiling sa akon: "Magtilipon-kita sa Baláy sang Dios, sa sulúd sang simbahan, kag takpan naton ang mga gawang sang Simbahan; kay magakari sila sa pagpatay sa imo; karon gid nga gab-i magakari sila sa pagpatay sa imo."

11 Kag nagsiling ako: "¿Isa ka tawo nga subung sa akon magapalagyo sia bala? Kag sin-o bala nga tawo nga subung sa akon nga sarang makasulúd sa Simbahan kag magkabuhi? Indi ako magasulúd sa iya.

12 Kag ginkilala ko nga, yari karon, ang Dios walâ magapadalá sa iya, kondi nga ginmitlang niya ini nga panagna batok sa akon, kay ginsoholan sia ni Tobias kag ni Sanbalat.

13 Kag ang katuyoan, nga ginsoholan sia, amo agud nga mahadluk ako, kag

maghimo sing subung sini, nga nagapakasalâ, kag nga may kabangdanan sila sa pagpabuni sing malain ko nga kadunganan, agud nga pagbutangbutangan ako.

14 Dumduma, Dios ko, si Tobias kag si Sanbalat, sono sa sining ila mga binuhatan kag si Noadias man, nga manalagna nga babae, kag sa iban nga mga manalagna nga nagapaninguha sa pagpakulba sa akon.

15 Kag nahuman gid ang kuta sang duha ka púlô kag lima *sang bulan* sa Elul sa kalim-an kag duha ka adlaw.

16 Kag sang pagkabati sini sang tanan nga amon mga kaaway, ang tanan nga mga katawohan nga yara sa palibot namon nagkalahadluk kag nagkalahuya sila sing daku sa ila gid nga mga mata, kag ginkilala nila nga nahimo ini nga buluhaton gikan sa amon Dios.

17 Sa sadtong mga adlaw man ginpadalá sang mga lutaw sa Iuda ang madamu nga mga sulat kay Tobias, kag ang mga sulat ni Tobias nag-abut sa ila.

18 Kay madamu sa Iuda ang naghiliusa sa iya upud sa panumpa; kay umagad sia ni Sekanias, nga anak ni Ara; kag si Iohanan, nga iya anak nga lalaki nangasawa sa anak nga babae ni Mesulam, nga anak ni Birekias.

19 Ginsugid man nila ang iya mayong binuhatan sa atubangan nakon kag ginpadalá nila sa iya ang akon mga polong. Kag si Tobias nagpadalá sing mga sulat sa pagpakulba sa akon.

Ang mga bantay sang banwa.—Ang isip sang mga nagbalalik upud kay Sorobabel.

**7** KAG nahanabu, sang nabangon na ang kuta kag ginpahamtang ko ang mga gawang, nga ginpahamtang sa ila mga tulin ang mga bantay sang gawang, ang mga manugkanta kag ang mga Lebinhon.

2 Kag ginsogo ko ang akon útud nga si Hanani kag si Hananias, nga pangolo sang baláy nga harianon sa Ierusalem, nahanungud sang Ierusalem, kay ini sia isa ka tawo sa kamatooran kag mahadlukon sa Dios, labi pa sa *iban* nga madamu;

3 Kag nagsiling ako sa ila: "Indi pagbuksan ang mga gawang sang Ierusalem tubtub nga maginit ang adlaw; kag sang yara nagatindug pa *ang mga manugbantay*, pagataktan nila ang mga

gawang kag pamintalan sila. Kāg magbutang-kamo sing mġa bantay sang mġa pumuluyō sa Ierusalem, ang tagsatagsa sa iya balantayan, kag ang tagsatagsa sa atubangan sang iya balay."

4 Kag ang banwa amoy malapad kag daku, kag diyotay ang katawohan sa sulūd niya, kag walā sing mġa balāy nġa napatindug.

5 Kag ginbutang sang Dios sa akon tagiposoon, nġa tipunon ko ang mġa lutaw, kag ang mġa punoan kag ang banwa, agud nġa igasulat sa listahan sang mġa kaliwatan. Kag nakita ko ang tolon-an sang kaliwatan sang mġa nagtalaklad sing ūna, kag nakita ko sa iya nġa nasulat :

6 "Yari karon ang mġa inanak sang probinsia nġa nagtalaklad liwan gikan sa kabihagan sang pagliton, nġa ginpaliton ni Nabukodonosor, nġa hari sa Babilonia, kag nġa nagpalauli sa Ierusalem kag sa Iuda, ang tagsatagsa sa iya banwa ;

7 Nġa sila nag-alabut upud kay Sorobabel, kay Iesua, kay Nehemias, kay Asarias, kay Raamias, kay Nahamani, kay Mardoqueo, kay Bilsan, kay Misperet, kay Bigbay, kay Mehumi, kay Baana. Ang isip sang mġa tawo sang banwa sa Israel :

8 Ang mġa inanak ni Paros, duha ka libo isa ka gatus kapitoan kag duha,

9 Ang mġa inanak ni Sepatias, tatlo ka gatus kapitoan kag duha

10 Ang mġa inanak ni Ara, anum ka gatus kalim-an kag duha.

11 Ang mġa inanak ni Paliat-Moab, sa mġa inanak ni Iesua, kag sa *panimalay* ni Ioab, duha ka libo walo ka gatus kag napulō kag walo.

12 Ang mġa inanak ni Elam, isa ka libo duha ka gatus kalim-an kag apat,

13 Ang mġa inanak ni Satu, walo ka gatus kap-atan kag lima.

14 Ang mġa inanak ni Sakai, pito ka gatus kag kan-uman.

15 Ang mġa inanak ni Binui, anum ka gatus kap-atan kag walo.

16 Ang mġa inanak ni Bebai, anum ka gatus duha ka pulō kag walo.

17 Ang mġa inanak ni Asgad, duha ka libo tatlo ka gatus duha ka pulō kag duha.

18 Ang mġa inanak ni Adonikam, anum ka gatus kan-uman kag pito.

19 Ang mġa inanak ni Bigbai, duha ka libo kan-uman kag pito.

20 Ang mġa inanak ni Adin, anum ka gatus kalim-an kag lima.

21 Ang mġa inanak ni Ater sa panimalay ni Esekias, kasiaman kag walo.

22 Ang mġa inanak ni Hasum, tatlo ka gatus duha ka pulō kag walo.

23 Ang mġa inanak ni Besai, tatlo ka gatus duha ka pulō kag apat.

24 Ang mġa inanak ni Harip, isa ka gatus kag napulō kag duha.

25 Ang mġa inanak ni Gabaon, kasiaman kag lima.

26 Ang mġa tawo sa Betlehem kag sa Netopa, isa kag gatus kawaloan kag walo.

27 Ang mġa tawo sa Anatot, isa ka gatus duha ka pulō kag walo.

28 Ang mġa tawo sa Bet-Asmabet, kap-atan kag duha.

29 Ang mġa tawo sa Kiriat-earim, sa Kapira kag sa Beerot, pito ka gatus kap-atan kag tatlo.

30 Ang mġa tawo sa Kama kag sa Geba, anum ka gatus duha ka pulō kag isa.

31 Ang mġa tawo sa Mikmas, isa ka gatus duha ka pulō kag duha.

32 Ang mġa banwa sa Bethel kag sa Ai, isa ka gatus duha ka pulō kag tatlo.

33 Ang mġa banwa sang isa ka Nebo, kalim-an kag duha.

34 Ang mġa inanak sang isa ka Elam, isa ka libo duha ka gatus kalim-an kag apat.

35 Ang mġa inanak ni Harim, tatlo ka gatus kag duha ka pulō.

36 Ang mġa inanak ni Ieriko, tatlo ka gatus kag lima.

37 Ang mġa anak sa Lod, sa Hadid kag sa Ono, pito ka gatus duha ka pulō kag isa.

38 Ang mġa inanak ni Senaa, tatlo ka libo siam ka gatus kag katloan.

39 Ang mġa saserdote: ang mġa inanak ni Iedaia, sa balāy ni Iesua, siam ka gatus kapitoan kag tatlo.

40 Ang mġa inanak ni Imer, isa ka libo kalim-an kag duha.

41 Ang mġa inanak ni Pasur, isa ka libo duha ka gatus kap-atan kag pito.

42 Ang mġa inanak ni Harim, isa ka libo napulō kag pito.

43 Ang mġa Lebinhon: ang mġa inanak ni Iesua, sa *panimalay* ni Kad-



miel kag sang mġa inanak ni Hodeba, kapitoan kag apat.

44 Ang mġa manugkanta : Ang mġa inanak ni Asap, isa ka gatus kap-atan kag walo.

45 Ang mġa manugbantay sang gawang : ang mġa inanak ni Salum, ang mġa inanak ni Ater, ang mġa inanak ni Talmon, ang mġa inanak ni Akub, ang mġa inanak ni Hatita, ang mġa inanak ni Sobai : isa ka gatus katloan kag walo.

46 Ang mġa Netinhon : ang mġa inanak ni Siha, ang mġa inanak ni Hasupa, ang mġa inanak ni Tabaot,

47 Ang mġa inanak ni Keros, ang mġa inanak ni Sia, ang mġa inanak ni Padon,

48 Ang mġa inanak ni Lebana, ang mġa inanak ni Hagaba, ang mġa inanak ni Salmal,

49 Ang mġa inanak ni Hanan, ang mġa inanak ni Gidel, ang mġa inanak ni Gahar,

50 Ang mġa inanak ni Rehaia, ang mġa inanak ni Resin, ang mġa inanak ni Hikoda,

51 Ang mġa inanak ni Gasam, ang mġa inanak ni Ussa, ang mġa inanak ni Pasea,

52 Ang mġa inanak ni Besai, ang mġa inanak ni Meunim, ang mġa inanak ni Nepusesim,

53 Ang mġa inanak ni Bakbuk, ang mġa inanak ni Hakupa, ang mġa inanak ni Harhur,

54 Ang mġa inanak ni Baslit, ang mġa inanak ni Mehida, ang mġa inanak ni Narsa,

55 Ang mġa inanak ni Barkos, ang mġa inanak ni Sisera, ang mġa inanak ni Tema,

56 Ang mġa inanak ni Nesia, ang mġa inanak ni Hatipa.

57 Ang mġa inanak sang mġa alagad ni Salomon : ang mġa inanak ni Sotai, ang mġa inanak ni Soperet, ang mġa inanak ni Perida,

58 Ang mġa inanak ni Jahala, ang mġa inanak ni Darkon, ang mġa inanak ni Gidel,

59 Ang mġa inanak ni Sepatias, ang mġa inanak ni Hatil, ang mġa inanak ni Pokeret-Hasebaim, ang mġa inanak ni Amon.

60 Ang tatan nġa mġa Netinhon, kag ang mġa anak sang mġa alagad ni Salomon, tatlo ka gatus kasiaman kag duha.

61 Kag yari karon ang mġa nagtalaklad gikan sa Tel-Mela, sa Tel-Harsa, sa Kerub-Adon kag sa Imer ; nġa walā sila makasarang magpahayag sang baláy sang ila mġa ginikanan, bisan sang ila kaliwatan, bisan kon nġa taga-Israel sila :

62 Ang mġa inanak ni Delaia, ang mġa inanak ni Tobias, ang mġa inanak ni Nekoda, anum ka gatus kap-atan kag duha.

63 Kag sa mġa saserdote, ang mġa inanak ni Hobaia, ang mġa inanak ni Kos, ang mġa inanak ni Barsilaa, nġa ang ila amay nagpangasawa sa mġa anak nġa babae ni Barsilai, nġa Galaadinhon, kag ginhingalanan sang nġalan nila.

64 Ini sila nagpangita sa listahan sang ila mġa kaliwatan kag walā makita ; kag ginsobol sila sa pagkasaserdote.

65 Kag nagsiling sa ila ang gobernador, nġa indi sila magkalaon sang mġa butang nġa balaan gid, tubtub nġa magtindug ang saserdote sa atubangan sang Dios nġa may Urim kag Tumim.

66 Ang bug-os nġa katilingban nġa natipon among kap-atan kag duha ka libo tatlo ka gatus kag kan-uman,

67 Nġa walā maisip ang ila mġa alagad nġa lalaki kag mġa babae nġa mġa pito ka libo tatlo ka gatus katloan kag pito sila, nġa sa ila may duha ka gatus kap-atan kag lima ka manugkanta nġa lalaki kag babae.

68 Ang ila mġa kabayo, pito ka gatus katloan kag anum : ang mġa mula, duha ka gatus kap-atan kag lima ;

69 Ang mġa kamelyo, apat ka gatus katloan kag lima : ang mġa asno, anum ka libo pito ka gatus kag duha ka púlô.

70 Kag ang iban sang mġa pangolo sang mġa ginikanan naghalatag sing mġa dólôt, nġa sa buluhaton. Ang gobernador naghatag nġa sa bahandi sing isa ka libo ka dariko nġa bulawan, kalim-an ka yahong kag lima ka gatus kag katloan ka panapton nġa sinasaserdote.

71 Kag sa tungā sang mġa pangolo sang mġa ginikanan may mġa naghalatag nġa sa bahandi sang buluhaton sing duha ka púlô ka libo ka dariko nġa bulawan, kag duha ka libo kag duha ka gatus ka mina nġa pilak.

72 Kag ang ginhatag sang nabilin sang banwa nanginduha ka púlô ka libo ka dariko nġa bulawan, kag duha ka libo

ka mina nga pilak, kag kan-uman kag pito ka panapton nga sinasaserdote.

73 Kag nagpuluyô ang mga saserdote kag ang mga Lebinhon, kag ang mga bantay sang gawang, kag ang mga manugkanta, kag ang mga tagabanwa, kag ang mga Netinhon, kag ang bug-os nga Israel sa ila mga kabanwaan. Kag sang imabut ang ikapito ka bulan, ang mga inanak ni Israel didto na sa ila mga kabanwaan.

Esdras nagebasa sang bantug nga tolon-an sang kasogoan.—Nagahiwat sia sang piesta sang mga Payagpayag.

8 KAG nagtipon ang bug-os nga banwa subung sing isa lamang ka tawo sa nakawaan. nga yara sa atubangan sang gawang sang mga tubig, kag nagsililing sila kay Esdras, nga eskriba, nga dalhon niya ang tolon-an sang kasogoan ni Moises, nga sa iya nagsogo si Iehoba kay Israel.

2 Kag si Esdras, nga saserdote, nagdalâ sang kasogoan sa atubangan sang katilingban, sa mga lalaki subung man sa mga babae, kag sa tanan nga mahangponon sa pagpamati, sang nahauna nga adlaw sang bulan nga ikapito.

3 Kag ginbâsa niya ang tolon-an sa atubangan sang nakawaan nga yara sa atubangan sang gawang sang mga Tubig, kutub sang pamanagbanag tub-tub sang udto ang adlaw sa atubangan sang mga lalaki kag mga babae, kag sang mga mahangponon; kag nagtalupangud ang mga idulungug sang bug-os nga banwa sa tolon-an sang kasogoan.

4 Kag si Esdras, nga eskriba, nagtindug sa ibabaw sang isa ka walihan nga kahoy, nga ila ginbuhat sa sini nga katuyoan. Kag sa luyo niya nagtindug si Matitias, si Sema, si Ania, si Urias, si Hilkia kag si Maasias, sa iya too; kag sa iya walâ si Pedaia, si Misael, si Malkias, si Hasum, si Hasbadana, si Sakarias kag si Mesulam.

5 Kag ginbukad ni Esdras ang tolon-an sa mga mata sang bug-os nga banwa, kay yara sia sa ibabaw pa sang bug-os nga banwa; kag sang pagbukad niya sini, ang bug-os nga banwa nagtilindug.

6 Kag ginpakamaayo ni Esdras si Iehoba, nga Dios nga daku; kag ang bug-os nga banwa nagsabat: "Kabay pa, kabay pa," nga nagabayaw sang ila

mga kamut; kag nagduluko sila, kag naghapa sa atubangan ni Iehoba, nga nagalayaub ang nawung sa duta.

7 Kag si Iesua, si Bani, si Serebias, si Iamin, si Akub, si Sabatai, si Hodias, si Maasias, si Kelita, si Asaria, si Iosabad, si Hanan, si Pelaia kag ang mga Lebinhon ginpahangup nila sa banwa ang kasogoan; kag ang banwa nagpadayon sa iya duug.

8 Kag ginbâsa nila sa tolon-an, ang kasogoan sang Dios sa maathag gid, kag ginasaysay nila ang kahologan, sa bagay nga mahangup nila ang ginbâsa.

9 Kag si Nehemias nga gobernador, kag ang saserdote nga si Esdras nga eskriba, kag ang mga Lebinhon nga naghapangup sa banwa sang kasogoan nagsililing sa bug-os nga banwa: "Ining adlaw among balaan kay Iehoba, nga aton Dios; indi kamo magkalasubo, bisan maghilibi;" kay ang bug-os nga banwa naghibi, nga nagapamati sang mga polong sang kasogoan.

10 Kag nagsililing sila sa ila: "Lakat-kamo, kaon-kamo sing mga tambok, kag inum-kamo sing matam-is nga alak, kag padalhi-ninyo sing mga ginolot ang mga walâ makaaman, kay ining adlaw among balaan sa aton Ginoo; kag indi kamo magkalasubo, kay ang kalipay ni Iehoba among inyo kusug."

11 Kag ang mga Lebinhon nagpahipus sa bug-os nga banwa, nga nagasiling: "Hipus-kamo, kay ining adlaw among balaan, kag indi kamo magsulubo."

12 Kag ang bug-os nga banwa naglakat sa pagkaon kag sa paginum, kag sa pagpadalâ sing mga ginolot, kag sa paghimo sing dakung kasadya, kay nahan-tup nila ang mga polong nga kinatudlo sa ila.

13 Kag sang madason nga adlaw, nagtilipon ang mga pangolo sang mga ginikanan sang bug-os nga banwa, ang mga saserdote kag ang mga Lebinhon, sa palibot ni Esdras, nga eskriba, sa pangangita sing kaalam sa mga polong sang kasogoan.

14 Kag nakita nila nga nasulat sa kasogoan, nga si Iehoba nagsogo tungud sa kamut ni Moises, nga magpuluyô ang mga inanak ni Israel sa mga payagpayag sa piesta sang bulan nga ikapito;

15 Kag nga ipahangup kag ipabantala sa tanan nila nga mga banwa kag sa Ierusalem, nga nagasiling: "Kadto-kamo



sa bukid, kag dalá-kamo sing mga sangá sang olibo nga tinanum, kag mga sangá sang olibo nga talonon, kag mga sangá sang mirto, kag mga kapaklangan, kag mga sangá sang mga kahoy nga mada-bong, nga pagahimoon sing mga payag-payag, subung sang nasulat na."

16 Kag naggowa ang banwa kag nag-dalalá sila sa ila, kag naghilimo sila sing mga payagpayag, ang tagsatagsa sa ibabaw sang iya atup, kag sa ila mga patyo, kag sa mga patyo sang Baláy sang Dios, kag sa nakawaan sang gawang sang mga Tubig, kag sa nakawaan sang gawang ni Epraim.

17 Kag ang bug-os nga katilingban nga nagbalik gikan sa kabihagan, naghimo sing mga payagpayag, kag sa mga payagpayag nagpuluyó sila. Kay kutub sang mga adlaw ni Iosue, nga anak ni Nun, tubtub sadtong adlaw walá makahimo sing subung ang mga inanak ni Israel. Kag may daku gid nga kasadya.

18 Kag ginbása, sa adlawadlaw, ang tolon-an sang kasogoan sang Dios, kutub sang nahauna nga adlaw tubtub sang katapusan nga adlaw. Kag ginhimo nila ang piesta sa pito ka adlaw, kag sa ikawalo ka adlaw ang isa ka pagtilipon nga maligdong, sono sang tulumanon.

Pagpuasa kag pagtuad sang mga sala sang banwa.

9 KAG sang adlaw nga ikaduha ka púlò kag apat sang amo nga bulan nagtililipon ang mga inanak ni Israel sa pagpuasa, nga may mga panapton nga masinakiton kag duta sa ibabaw nila.

2 Kag ang kaliwatan ni Israel nagbulag sa tanan nga mga anak sang dumuluong, kag nagatilindug sila sa *atubangan sang Dios*, kag nagtuluad sila sang ila mga salá kag sang mga kalautan sang ila mga ginikanan.

3 Kag nagatilindug sila sa ila duug kag ginbása nila ang tolon-an sang kasogoan ni Iehoba, nga ila Dios, ang ikapat ka bahin sang adlaw, kag ang ikapat ka bahin nagtuad sila kag naghapa sila sa atubangan ni Iehoba, nga ila Dios.

4 Kag nagtilindug sa ibabaw sang palatungan sang mga Lebinhon si Iesua, si Bani, si Kadmiel, si Iebanias, si Buni, si Serebias, si Bani kag si Kenani, kag

nagsilingit sila sa mataas nga tingug kay Iehoba, nga ila Dios.

5 Kag ang mga Lebinhon, si Iesua kag si Kadmiel, si Bani, si Hasabnias, si Serebias, si Hodaias, si Sebanias kag si Petaia nagsililing: "Tilindug-kamo, pakamaayoha-ninyo si Iehoba, nga inyo Dios, kutub sa walay katapusan tubtub sa walay katapusan. Pakamaayohon ang ngalan sang imo himaya kag pagpamataason sia sa ibabaw sang tanan nga pagpakamaayo kag pagdayaw.

6 Ikaw amo si Iehoba, ikaw lamang; ginhimo mo ang langit, kag ang mga langit sang mga langit, kag ang bug-os nila nga kasoldadosan, ang duta kag ang tanan nga yara sa iya; ang mga kadagatan, kag ang tanan nga yara sa ila, kag ginabuhi mo ining tanan nga mga butang; kag ang mga kasoldadosan sang langit nagahapa sa imo atubangan.

7 Ikaw amo si Iehoba, ang Dios nga nagpili kay Abraham, kag ginpagowa mo sia gikan sa Ur sang mga Kaldeinhon, kag ginbutangan mo sia sang ngalan nga si Abraham.

8 Kag nakita mo nga matutum ang iya tagiposoan sa atubangan mo, kag naghimo ka sa iya sing katipan sa paghatag sa iya sang duta sang mga Kananhon, sang mga Hetinhon, sang mga Amorinhon sang mga Peresinhon, sang mga Iebusinhon kag sang mga Gergesinhon, sa paghatag sa iya sa kaliwatan niya; kag gintuman mo ang imo polong, kay matarung ka.

9 Kag gintuluk mo ang kalisdanan sang amon mga ginikanan sa Egipto, kag ginpamatian mo ang panghakroy nila sa malapit sang dagat nga Mapula.

10 Kag naghimo ka sing mga tandaan kag mga kalatingalahan sa ibabaw ni Paraon kag sa ibabaw sang tanan niya nga mga alagad, kag sa ibabaw sang bug-os nga banwa sa iya duta, kay nahibaloan mo nga sila nagpalabilabi batok sa ila kag naghimo ka nga sa imo sing ngalan, subung sang yari karon nga adlaw.

11 Kag ginpihak mo ang dagat sa atubangan nila, kag nag-alagi sila sa tungá niya sa mamala: kag ang ila mga manuglagas gintagbong mo sa mga kadadalman, subung sing isa ka bató sa mga gamhanan nga tubig.

12 Kag sa isa ka haligi nga panganud ginmandoan mo sila sa adlaw, kag sa isa ka haligi nga kalayo sa gab-i, sa pag-

iwag sa ila sa dalan sa diin sila *maga-lalakat*.

13 Kag sa ibabaw sang bukid sang Sinai nagpanaug ka, kag naghambal ka sa ila kutub sa mga langit, kag ginhatagan mo sila sing mga tulumanon nga matadlung. kag sing mga kasogoan nga matuud, kag sing mga palátukuran kag mga sogo nga mga maayo.

14 Kag ginpahibalo mo sila sang imo balaan nga sabado, kag ginsogo mo sa 11, tungud sa kamut ni Moises, nga imo alagad, ang mga sogo, kag mga palatukuran kag isa ka kasogoan.

15 Kag ginhatagan mo sila sing tinapay sang langit nga sa ila kagutum, kag nga sa ila kauhaw ginpagowaan mo sila sing mga tubig sa bató : kag ginsilingan mo sila nga magsululúd sila sa pagtagiya sang duta, nga tungud sa iya nagsumpa ka nga pagihatag mo ini sa ila.

16 Kag sila, ang amon mga ginikanan, nagpalabilabi kag ginpatig-a nila ang ila tingkoy, kag walá nila pagpamatií ang imo mga sogo.

17 Kag sila nagdumili sa pagpamati, kag indi nakadumdum sila sang imo mga kalatingalahan nga ginhimo mo ayon sa ila, kag ginpatig-a nila ang ila tingkoy, kag sa ila pagkamalalison nagbutang sila nga sa ila sing pangolo sa pagbalik sa ila kahiolipnan. Apang, ikaw among Dios sang mga pagpatawad, maloloyon kag mahinoklogon, madugayon sa pagpangakig kag bugana sing bugay, nga walá mo sila pagbayai.

18 Labut pa, sang paghimo nila nga sa ila sing tinday sang baka nga tinunaw, kag nagsililing : Ini amo ang imo Dios nga nagpataklad sa imo gikan sa Egipto, kag nagbuluhat sila sing dalagku nga mga pasipala sa imo ;

19 Ikaw, tungud sang imo bugana nga mga kalooy, walá mo sila pagbayai sa kahanayakan : ang haligi nga panganud walá magbulag sa ila sa adlaw sa pagmando sa ila sa dalan, bisan ang haligi nga kalayo sa gab-i sa pagiwag sa ila sang dalan nga sa iya nagalalakat sila.

20 Kag ginhatag mo ang imo maayo nga espiritu sa paghimo sa ila nga maalam, kag walá mo pagdumilií ang imo mana sa ila bâbâ, kag ginhatagan mo sila sing tubig sa ila kauhaw.

21 Ginsagud mo sila sing kap-atan ka tuig sa kahanayakan : walá sila makula-

ngi sing bisan ano ; ang ila mga panap-ton walá magkagabok, bisan nagbalanug ang ila mga tiil.

22 Ginhatagan mo sila sing mga gin-harian kag mga banwa, kag ginpanagtag mo ini sila sa ila, sono sa mga ginsakpan : kag gin-angkon nila ang duta ni Sihon, kag ang duta sang hari sa Hesbon, kag ang duta ni Og, nga hari sa Basan.

23 Kag ginpadamu mo ang ila mga inanak subung sang mga bitoon sang langit, kag ginsulúd mo sila sa duta, nga nahanungud sa iya ginsiling mo sa ila mga ginikanan, nga pagasudlan nila sa pagtagiya sa iya.

24 Kag ang mga inanak nagsululúd, kag gin-angkon nila ang duta ; kag ginpasakup mo sa atubangan nila ang mga pumuluyô sang kadutaan, ang mga Kanaanhon, kag gintugyan mo sila sa ila mga kamut, subung man ang ila mga hari kag ang mga banwa sang duta, agud nga paghimoan nila sa ila sono sang ila kabubut-on.

25 Kag nagpanguha sila sing mga banwa nga pinabakud, kag sing duta nga mabungahon, kag nagtagiya sila sing mga baláy nga mga punô sang tanan nga kaayohan, sing mga bobon nga binasbasan, sing mga kaubasan, kag sing mga kaolibahan, kag sing mga kakahoyan nga mabungahon sa dagaya ; kag nagkalaon sila, kag nagkalabusug sila, kag nagtalambok sila kag nagkalabuhi sila sa kalipay, tungud sa imong daku nga kaayo.

26 Kag nagbatok sila, kag naglalis sila batok sa imo, kag ginhaboy nila ang imo kasogoan sa likod nila ; kag ginpamatay nila ang imo mga manalagna, nga nagpamatuud batok sa ila sa pagpaliso sa ila sa imo, kag naghimo sila sing dalagku nga mga pasipala sa imo.

27 Kag gintugyan mo sila sa kamut sang ila mga kasumpung, nga nagpakalisud sa ila, kag sa panag-onsang ila kalislanan, nagsilingit sila sa imo, kag ikaw nagpamati sa ila kutub sa mga langit, kag sono sang imo bugana nga mga kalooy, ginhatagan mo sila sing mga manluluwas, nga nagluwas sa ila sa mga kamut sang ila mga kasumpung.

28 Kag sang nakapahuway sila, naghimo sila liwan sing malain sa atubangan mo, kag gintugyan mo sia sa kamut sang ila mga kaaway, nga naggilinoos sa



ila ; kag nagsiling't sila liwan sa imo, kag ikaw kutub sa mga langit ginapamatian mo sila, kag sono sang imo mga kalooy sa makadamu ginluwas mo sila.

29 Kag nagpamatuud ikaw sa tungâ nila sa pagpabalik sa ila sa imo kasogon ; apang sila nagpalabilabi, kag walâ nila pagpamatii ang imo mga sogo, kon-di nga nagpakasalâ sila batok sa imo mga tulumanon, nga *ginsulat* : Ang tawo nga magbutang sa ila sa buhat, sa ila nagakabuhi sia ; kag naghatag sila sing malalison nga abaga, kag ginpatig-a nila ang ila tingkoy, kag walâ sila magpalamati.

30 Kag nagdugay ka sa ila sing malawig nga mga tuig, kag ginpamatud-an mo sa tungâ nila sang imo Espiritu tungud sang kamut sang imo mga manalagna ; apang walâ sila magpamati, kag gintugyan mo sila sa kamut sang mga kabanwahan sang duta.

31 Apang tungud sang imo bugana nga mga kalooy, walâ mo sila paglaglaga, bisan ginbulagan mo sila, kay Dios ikaw nga maloloy-on kag mahinoklogon.

32 Busa karon, Dios namon, Dios nga daku, makusug kag makahaladluk, nga nagabantay ka sang katipan kag sang bugay, nga walâ pagapakadiyotaya sa imo atubangan ang tanan nga pag-antus nga nakadangat sa amon, sa amon mga hari, sa amon mga dunganon, sa amon mga saserdote, kag sa amon mga manalagna, kag sa amon mga ginikanan, kag sa bug-os nga imo banwa, kutub sa mga adlaw sang mga hari sa Asur, tubtub sini nga adlaw.

33 Apang ikaw among matarung sa tanan nga nag-abut sa ibabaw namon, kay naghimo ka nga may kamatooran gid, apang kami naghimo sing malain gid.

34 Ang amon mga hari, ang amon mga dunganon, ang amon mga saserdote kag ang amon mga ginikanan, walâ nila pag-ibutang sa buhat ang imo kasogon, bisan gintalupangud nila ang imo mga sogo kag ang imo mga pagpamatuud, nga sa ila nagpamatuud ka sa tungâ nila.

35 Kag sila didto sa ila ginharian, kag sa imo bugana nga kaayohan, nga ginhatag mo sa ila, kag sa duta nga malapad kag mabungahon, nga ginbutang mo sa atubangan nila, walâ sila mag-alalagad sa imo, bisan nagliliso sila sa ila malain nga mga binuhatan.

36 Yari karon, nga karon, mga uplipon kami : yari karon, mga ulipon kami sa duta, nga ginhatag mo sa amon mga ginikanan, agud nga magkalaon sang iya bunga kag sang iya kaayohan.

37 Kag nagadamu sia sang iya patubas nga sa mga hari, nga ginbutang mo sa ibabaw namon tungud sang amon mga salâ ; kag sila nagagilino sa ibabaw sang amon mga lawas kag sa ibabaw sang amon mga kasapatan, sono sa ila luyag, kag yari kami karon sa daku nga kalisdanan."

Ang mahal nga pagpakigkatipan sang banwa sa Dios.

38 Kag bangud sining tanan naghimo kami sing matutum nga pagpakigkatipan, kag ginsulat namon sia kag ginpat-inan sia sang amon mga dunganon, sang amon mga Lebinhon kag sang amon mga saserdote.

**10** KAG *ining mga ngalan* yara sa *mga sulat* nga napat-inan : Nehemias, ang gobernador, nga anak ni Hakalias, kag ni Sedekias,

2 Seraia, Asarias, Ieremias,  
3 Pasur, Amarias, Malkias,  
4 Hatus, Sebanias, Maluk,  
5 Harim, Meremot, Obadias,  
6 Daniel, Gineton, Baruk,  
7 Mesulam, Abias, Miamin,  
8 Maasias, Bilgai, Semaia. Ini sila, mga saserdote.

9 Kag ang mga Lebinhon : Iesua, nga anak ni Asanias, Binui sa mga inanak ni Henadad, Kadmiel,

10 Kag ang ila mga útud : Sabanias, Hodias, Selita, Pelaia, Hanan,

11 Mika, Rehob, Hasabias,

12 Saku, Serebias, Sabanias,

13 Hodias Bani, Beninu.

14 Ang mga pangolo sang banwa : Paros, Pahat-Moab, Elam, Satu, Bani,

15 Buni, Asgad, Bebai,

16 Adonias, Bigbai, Adin,

17 Ater, Esekias, Asur,

18 Hodias, Hasum, Besai,

19 Harip, Anatot, Nebai,

20 Magpias, Mesulam, Hesir,

21 Mesesabel, Sadok, Iadua

22 Pelatias, Hanan, Ania,

23 Hoseas, Hananias, Hasub,

24 Lohes, Pila, Sobek,

25 Rehum, Hasabna, Maaseia,

26 Ahias, Hanan, Anan,

27 Maluk, Harim, Baana.

28 Kag ang nabilin sang banwa, ang mga saserdote, ang mga Lebinhon, ang mga manugbantay sang gawang, ang mga manugkanta, ang mga Netinhon, kag ang tanan nga mga nagbulag sang mga kabanwaanang sang mga duta tungud sang kasogoon sang Dios, ang ila mga asawa, ang ila mga anak nga lalaki, kag ang ila mga anak nga babae, ang tanan nga may ihibalo kag pagkilala,

29 Nagtilingub sila sa ila mga útud, sa ila mga lutaw, kag nagsulúd sila sa panghimalaug kag sa pagsumpa nga magalalakat sila sa kasogoon sang Dios, nga ginhatag sa kamut ni Moises, nga alagad sang Dios, kag nga bantayan kag tumanon nila ang tanan nga mga sogo ni Iehoba, nga aton Ginoo, kag ang iya mga tulumanon, kag ang iya mga palatukuran:

30 Nga nagapanaad nga indi namon pagihatag ang amon mga anak nga babae sa mga katawohan sang duta, bisan magkuha kami sang ila mga anak nga babae nga sa amon mga anak nga lalaki;

31 Kag nga kon ang mga katawohan sang duta magdalalá diri sa pagbaligya sing mga ibalaligya kag mga kalan-on sa adlaw nga sabado, walá gid kami sing kuhaon sa ila sa sabado, bisan sa adlaw nga balaan; kag nga paghimoon namon ang pagpasaylo sang tuig nga ikapito, kag nga pagpasaylohon namon ang utang sang tagsatagsa.

32 Nagpalasakup kami man sa mga sogo, nga nagapanaad sa paghatag sa tagsa ka tuig sing tatlo ka bahin sang isa ka siklo, nga sa pag-alagdan sang Baláy sang aton Dios:

33 Nga sa tinapay nga pagpahayag, kag nga sa dayon nga halad nga kalan-on, kag nga sa halad nga sinunug nga dayon sang mga sabado, sang mga lati, nga sa mga pinat-in nga piesta, kag nga sa mga butang nga balaan, kag nga sa mga halad tungud sang salá sa paghimo sing katumbasan tungud kay Israel kag nga sa tanan nga buluhaton sang Baláy sang aton Dios.

34 Magpapalad man kita, ang mga saserdote, ang mga Lebinhon kag subung man ang banwa, nahanungud sang halad sang gatong, sa pagdalá sa iya sa

Baláy sang aton Dios, sono sang mga baláy sang aton nga ginikanan, sa mga panag-on nga mga tinapat, sa tuigtuig, sa pagsunog sa ibabaw sang halaran ni Iehoba, nga aton Dios, subung sang nasulat sa kasogoon:

35 Kag nga pagdalhon naton diri ang mga panganay sang aton duta, kag ang panganay sang tanan nga bunga sang tanan nga kahoy sa tuigtuig sa Baláy ni Iehoba,

36 Kag ang mga panganay sang aton mga anak kag sang aton mga kasapatan, siling sang nasulat sa kasogoon; kag nga pagdalhon naton sa Baláy sang aton Dios, sa mga saserdote nga nagahimo sang pag-alagdan sang Baláy sang aton Dios, ang panganay sang aton mga baka kag sang atong mga obeha.

37 Busa, pagadalhon naton ang mga panganay sang aton mga linamas, kag ang aton mga halad nga binayaw, kag ang bunga sang tanan nga kahoy, ang alak kag ang lana, sa mga saserdote, sa mga hulut sang Baláy sang aton Dios, kag ang ikapulô sang aton duta sa mga Lebinhon; kay ang mga Lebinhon magbalaton sang mga ikapulô sang tanan nga mga banwa sang aton pinangu-mahan.

38 Kag ang saserdote, nga anak ni Aaron, magaupud sa mga Lebinhon, sang ang mga Lebinhon magbalaton sang ikapulô; kag nga pagadalhon sang mga Lebinhon ang ikapulô sang mga ikapulô sa Baláy sang aton Dios, sa mga hulut sa baláy sang bahandi;

39 Kay pagadalhon sang mga inanak ni Israel kag sang mga inanak sang mga Lebinhon ang halad nga binayaw sang trigo, sang duga sang ubas kag sang lana sa mga hulut, nga didto ang mga suludlan sang balaan nga puluy-an, kag ang mga saserdote nga nagahimo sing pag-alagdan, kag ang mga manugbantay sang gawang kag ang mga manugkanta. Kag indi naron pagabayaang ang Baláy sang amon Dios.

Pagpinahatpabat sang mga bag-ong pumuluyo  
sa tunga sang Ierusalem kag sang  
nabilin sang kadutaan.

**11** KAG nagpuluyô ang mga dunganon sang banwa sa Ierusalem; apang ang nabilin sang banwa nagpapalad sa pagpakari sang isa sa napulô nga mag-



puyô sa Ierusalem, nga banwa nga balaan, kag ang siam ka bahin sa iban nga mga banwa.

2 Kag ginpakamaayo sang banwa ang tanan nga mga tawo nga sa kabubut-on gid naghalalad sa pagpuyô sa Ierusalem.

3 Kag yari karon ang mga lutaw sang probinsia, nga nagpuluyô sa Ierusalem; apang sa mga kabanwaan ni Iuda nagpuluyô ang *nabilin* sa Israel: ang mga saserdote, ang mga Lebinhon, ang mga Netihon kag ang mga anak sang mga alagad ni Salomon, ang tagsatagsa sa iya kaugalingon, sa ila mga banwa.

4 Sa Ierusalem nagpuluyô ang bahin sang mga anak ni Iuda kag sang mga anak ni Benyamin. Sa mga inanak ni Iuda: si Ataia, nga anak ni Hosias, nga anak ni Sakarias, anak ni Amarias, anak ni Sepatias, anak ni Mahalaleel, sa mga anak ni Peres;

5 Kag si Maasias, nga anak ni Baruk, anak ni Kolose, anak ni Hasaia, anak ni Adaia, anak ni Ioiarib, anak ni Sakarias, anak sang Siloninhon.

6 Ang tanan nga mga anak ni Peres, nga nagpuluyô sa Ierusalem, nanginmga apat ka gatus kan-uman kag walo ka mga tawo nga maisug.

7 Kag yari karon ang mga anak ni Benyamin: si Salu, nga anak ni Mesulam, anak ni Ioad, anak ni Pedaia, anak ni Kolaia, anak ni Maaseia, anak ni Itiel, anak ni Iesaias.

8 Kag sa olehe niya si Gabai kag si Salai, siam ka gatus duha ka pulo kag walo sila.

9 Kag si Ioel, nga anak ni Sikri, among natulinan sa ila, kag si Iuda, nga anak ni Senua, among ikaduha ka *tinulinan* sa banwa.

10 Sa mga saserdote: si Iedaia, nga anak ni Ioiarib, si Iakin;

11 Si Seraia, nga anak ni Hilkia, nga anak ni Mesulam, anak ni Sadok, anak ni Meraiot, anak ni Ahitub, nga dunganon sang Baláy sa Dios;

12 Kag ang ila mga útud nga naghilimo sang buluhaton sang Baláy, walo ka gatus duha ka pulô kag duha sila: kag si Adaia, nga anak ni Ieroham, anak ni Pelalias, anak ni Asmi, anak ni Sakarias, anak ni Pasur, anak ni Malkias,

13 Kag ang iya mga útud, nga mga pangôlo sang mga ginikanan, duha ka gatus kap-atan kag duha sila; kag si

Amasai, nga anak ni Asareel, anak ni Asai, anak ni Mesilemot, anak ni Imer,

14 Kag ang ila mga útud, nga mga tawo nga maisug nga manugaway, isa ka gatus duha ka pulô kag walo sila; kag ang tululinan sa ila amo si Sabdiel, nga anak ni Gedolim.

15 Kag sang mga Lebinhon: si Se-maia, nga anak ni Hasub, anak ni Asrikam, anak ni Hasabia, anak ni Buni,

16 Kag si Sabitai, kag si Iosabad, sang mga dunganon sang mga Lebinhon, nga mga *tinulinan* sila sang mga buluhaton nga sa gowa sang Baláy sang Dios;

17 Kag si Matanias, nga anak ni Mika, anak ni Sabdi, anak ni Asap, nga pangôlo nga nagapaningug sing una sang pagdayaw sa *panag-on* sang pangamuyo; kag si Bakbukias, ang ikaduha, sa iya mga útud; kag si Abda, nga anak ni Samua, anak ni Galal, anak ni Iedutun.

18 Ang tanan nga mga Lebinhon sa balaan nga banwa nanginduha ka gatus kawaloan kag apat sila.

19 Kag ang mga manugbantay sang gawang: si Akub, si Talmon kag ang ila mga útud, nga mga bantay sang gawang, isa ka gatus kapitoan kag duha sila.

20 Kag ang nabilin ni Israel, ang mga saserdote, kag ang mga Lebinhon, *nagpuluyô* sa tanan nga mga kabanwaan sa Iuda, ang tagsatagsa sa iya panublion.

21 Kag ang mga Netinhon nagapuluyô sa Opel, kag si Siha kag si Gispa amo sila ang mga tinulinan sang mga Netinhon.

22 Ang tinulinan sang mga Lebinhon sa Ierusalem amo si Usi, nga anak ni Bani, anak ni Hasabias, anak ni Matanias, anak ni Mika, sa mga anak ni Asap, nga mga manugkanta, nga *tinulinan* sang buluhaton sang Baláy sang Dios;

23 Kay may sogo sang hari nahana-ngud sa ila kag ang isa ka sohol nga pinat-in nga sa mga manugkanta nga sa tagsa ka adlaw.

24 Kag si Petahias, nga anak ni Mesesabel, sa mga inanak ni Sera, nga anak ni Iuda, yara sa kamut sang hari sa tanan nga buluhaton sang banwa.

25 Kag nahanungud sa mga minoro kag sang ila mga kadutaan: ang iban sang mga inanak ni Iuda nagpuluyô sa

Kiriat-Arba kag sa iya mga minoro, kag sa Dibon kag sa iya mga minoro, kag sa Iekabseel kag sa iya mga minoro,

26 Kag sa Iesua, sa Molada, kag sa Betpelet,

27 Kag sa Hasar-Sual, kag sa Berseba, kag sa iya mga minoro,

28 Kag sa Siklag, kag sa Mekona, kag sa iya mga minoro,

29 Kag sa En-Rimon, sa Sora, sa Iarmut,

30 Sa Sanoa, sa Adulam kag sa ila mga minoro, sa Lakis kag sa iya kadutaan, sa Aseka kag sa iya mga minoro. Kag nagbutang sila sing dulugan kutub sa Beer-seba tubtub sa nalupyakan sa Hinom.

31 Kag ang mga inanak ni Benjamin *nagpuluyô* kutub sa Geba: sa Mikmas, kag sa Aia, kag sa Bethel kag sa iya mga minoro;

32 Sa Anatot, sa Nob, sa Anania,

33 Sa Hasos, sa Rama, sa Gitaim,

34 Sa Hadid, sa Sebuim, sa Nebalat,

35 Sa Lod, kag sa Ono, kag sa nalupyakan sang mga Manugpangabudlay.

36 Kag sa tungâ sang mga Lebinhon may mga binahinbahirin ni Iuda nga *naginpon* kag Benjamin.

Isip sang mga saserdote kag sang mga Lebinhon.

**12** KAG yari karon ang mga saserdote kag ang mga Lebinhon nga nagtalaklad upud kay Sorobabel, nga anak ni Sealtiel, kag upud kay Iesua: Si Seraia, si Jeremias, si Esdras,

2 Si Amarias, si Maluk, si Hatus,

3 Si Sekanias, si Rehum, si Meremot,

4 Si Iddo, si Ginetoi, si Abias,

5 Si Miamin, si Maadias, si Bilga,

6 Si Semaia, si Ioiarib, si Iedaia,

7 Si Salu, si Amok, si Hilkia, si Iedaia. Ini sila amo ang mga pangolo sang mga saserdote kag sang ila mga útud sa mga kaadlawan ni Iesua.

8 Kag ang mga Lebinhon: si Iesua, si Benui, si Kadmiel, si Serebias, si Iuda kag si Matanias, nga upud sa ila mga útud nga tinulinan sang mga pagdayaw;

9 Kag si Bakkukias, kag si Uni, ang ila mga útud, yadto sa atubangan nila sa pagbantay.

10 Kag si Iesua nagpanganak kay Ioiakim, kag si Ioiakim nagpanganak

kay Eliasib, kag si Eliasib nagpanganak kay Ioiada,

11 Kag si Ioiada nagpanganak kay Ionatan, kag si Ionatan nagpanganak kay Iadua.

12 Kag sa mga kaadlawan ni Ioiakim, ang mga pangolo sang mga ginikanan sang mga saserdote amo sila: Kay Seraia, si Meraia; kay Jeremias, si Hananias;

13 Kay Esdras, si Mesulam; kay Amarias, si Iohanan:

14 Kay Meluki, si Ionatan; kay Sebanias, si Iose;

15 Kay Harin, si Adna; kay Meraiot, si Helkai;

16 Kay Iddo, si Sakarias; kay Gineton, si Mesulam.

17 Kay Abias, si Sikri; kay Miniamin, kay Moadias, si Piltai;

18 Kay Bilga, si Samna; kay Semaia, si Ionatan;

19 Kay Ioiarib, si Matinai; kay Ioiada, si Usi;

20 Kay Salai, si Kalai, kay Amok, si Eber,

21 Kay Hilkia, si Hasabias; kay Iedaia, si Natanael.

22 Nahanungud sang mga Lebinhon sa mga kaadlawan ni Eliasib, ni Ioiada, kag ni Iohanan, kag ni Iadua, ginpanulat ang mga pangolo sa mga ginikanan; kag nahanungud sang mga saserdote nahanabu ini sang paghari ni Dario, nga Persiahanon.

23 Ang mga anak ni Lebi, nga mga pangolo sang mga ginikanan, ginpanulat sa tolon-an sang mga Kronika tubtub sa mga kaadlawan ni Iohanan, nga anak ni Eliasib.

24 Ang mga pangolo sang mga Lebinhon amo si Hasabias, si Serebias kag si Iesua, nga anak ni Kadmiel, kag ang ila mga útud upud sa ila sa pagdayaw kag sa pagpasalamat kay *Iehoba* sono sang sogo ni Dabid, nga lalaki sang Dios, ang isa ka bantay nga nagatal-us sa isa.

25 Si Matanias kag si Bakkukias, si Abdias, si Mesulam, si Talmon, si Akub, nga mga bantay, nga mga manugbantay sang gawang, nga nagabantay sang mga kamalig sang mga gawang.

26 Amo ini sila sa mga kaadlawan ni Ioiakim, nga anak ni Iesua, anak ni Iosadak, kag sa mga kaadlawan ni Nehemias nga gobernador, kag sa mga



*adlaw* sang saserdote nga si Esdras, nga eskriba.

Ang pagpahanungud nga mahal sang kuta  
sa Ierusalem.

27 Kag sa pagpahanungud sang kuta sa Ierusalem, ginpangita nila ang mga Lebinhon sa tanan nila nga mga duug, sa pagpakari sa ila sa Ierusalem, sa paghimo sang pagpahanungud nga may kasadya kag nga may mga pagdayaw, kag may mga kalantahon sa *tingug* sang mga api-ping, sang mga salterio kag sang mga harpa,

28 Kag nagtilipon ang mga anak sang mga manugkanta, sa ginsakpan sa palibot sang Ierusalem, subung man sa mga minoro sang mga Netopatinhon,

29 Kag sa Bet-Gilgal, kag sa mga latagon sa Geba, kag sa Asmabet; kay ang mga manugkanta nagpalatindug sing mga minoro sa palibot sang Ierusalem.

30 Kag nagpalaninlo ang mga saserdote kag ang mga Lebinhon, kag gintinloan nila ang banwa, kag ang mga gawang kag ang kuta.

31 Kag ginpasaka ko ang mga dunganon sa Iuda sa ibabaw sang kuta, kag ginbutangan ko sing duha ka dalagku nga pinanung nga nagpasalamat, nga naglalakat: ang isa sa too sa ibabaw sang kuta nayon sang gawang sang Palamusunan;

32 Kag nagasunud sa ila si Osaya, kag ang katungâ sang mga dunganon sa Iuda,

33 Kag si Asarias, si Esdras si Mesulam,

34 Si Iuda si Benyamin, si Semaia, kag si Ieremias.

35 Kag ang *iban* sang mga inanak sang mga saserdote nga may mga budyong, *kon sayoron* si Sakarias, nga anak ni Ionatan, anak ni Semaia, anak ni Matanias, anak ni Mikaia, anak ni Sakur, anak ni Asap:

36 Kag ang iya útud nga si Semaia, kag si Asareel, si Milalai, si Maai, si Natanael, si Iuda kag si Hanani, nga may mga tulungan sang musika ni Dabid, nga lalaki sang Dios; kag si Esdras, nga eskriba, sa atubangan nila.

37 Kag sa gawang sang Tuburan, sa atubangan nila, nagsalaka sila sa mga alintaga sang banwa ni Dabid, sa taklalan sang kuta, sa ibabaw sang baláy ni

Dabid kag tubtub sa gawang sang mga tubig pa Sidlangan.

38 Kag ang ikaduha ka pinanung naglakat sa padulungan nga batok, kag ako sa olehe niya upud sang katungâ sang banwa sa ibabaw sang kuta, kutub sa tore sang mga Dapog, tubtub sa masangkad nga kuta;

39 Kag sa ibabaw sang gawang ni Epraim kag sa Daan nga gawang, kag sa gawang sang Isda kag sang tore sa Hananeel, kag sang tore sa Mea kag tubtub sa gawang sang mga Obeha: kag nagdululog sila sa gawang sang Bilangoan.

40 Kag nagdulog ang duha ka pinanong sa Baláy sang Dios, subung man ako kag ang katungâ sang mga punoan upud sa akon.

41 Kag ang mga saserdote, nga si Eliakim, si Maaseia, si Miniamin, si Mikaia, si Elioenai, si Sakarias, si Hananias, nga may mga budyong sila;

42 Kag si Maasia, si Semaia, si Eleasar, si Usi, si Iohanan, si Malkias, si Elam kag si Eser. Kag ang mga manugkanta ginpabati nila ang *ila tingug*, kag si Israhia amo ang tinulinan.

43 Kag ginhalad sang mga *Israelinhon* sadto nga adlaw ang dalagku nga mga halad, kag nagkalasadya sila; kay ang Dios nagpasadya sa ila nga may daku nga kalipay: nagkalasadya man ang mga babae kag ang mga kabataan, kag ang paghilingyaw sa Ierusalem nabatian sa malayo.

Pagbag-o sang mga ikapulo.

44 Kag sa sadto nga adlaw ginpamutangan sing mga lalaki sa ibabaw sang mga hulut sang mga bahandi, nga sa mga halad nga binayaw, nga sa mga nahauna nga mga bunga, kag nga sa mga ikapulô, sa pagtipon sa ila sa mga latagon sang mga kabanwaan sang mga bahin nga *ginhatag* tungud sang kasogoan sa mga saserdote kag sa mga Lebinhon; kay may kalipay sa Iuda tungud kay ang mga saserdote kag ang mga Lebinhon nagtilindug sa *atubangan ni Iehoba*.

45 Kag ginbantayan nila ang gintulin sa ila sang Dios nga pagbantayan, kag ang gintulin sa ila nga bantayan nga sa pagpaninlo, subung man ang mga manugkanta kag ang mga manugbantay

sang gawang, sono sang sogo ni Dabid kag ni Salomon, nga iya anak ;

46 Kay sadto anay, sa panag-on ni Dabid kag ni Asap, may mga pangolo sang mga manugkanta, kag mga kalan-tahon sa pagdayaw kag sa pagpasalamat sa Dios.

47 Kag sa mga kaadlawan ni Sorobabel kag sa mga kaadlawan ni Nehemias ang bug-os nga Israel, nagahatag sing mga bahin nga kalan-on sa mga manugkanta kag sa mga manugbantay sang gawang, sa tagsa ka adlaw ang butang sa iya adlaw ; kag ginhatag nila ang mga butang nga balaan sa mga Lebinhon, kag ang mga Lebinhon naghatag sing butang nga balaan sa mga inanak ni Aaron.

Ginabadlong ni Nehemias ang pila ka mga kalakasan.

**13** Sadtong adlaw ginbasa ang tolon-an ni Moises, nga nagapamati sa iya ang banwa, kag nakita sa iya nga nasulat, nga ang mga Amonihon kag ang mga Moabinhon indi sila dapat magsulud nga mas-a sa katilingban sang Dios,

2 Tungud nga walâ sila magsugata sa mga inanak ni Israel nga may tinapay kag may tubig, kondi nga ginhiinakayan nila si Balaam batok sa ila, agud nga magpakamalaut sia sa ila ; apang ang aton Dios nagbaylo sang pagpakamalan sa pagpakamaayo.

3 Kag nahanabu nga, sang pagkabati nila sang kasogooan, ginpahilayô nila kay Israel ang tanan nga mga dumuluong.

4 Kag sa una sini, si Eliasib nga saserdote, nga sia ang tinulinan sang hulut sang Baláy sang aton Dios, nga nagpakighimata sia kay Tobias,

5 Gin-amanan niya nga sa iya sing isa ka daku nga hulut, nga sa iya ginbutang sadto ang mga halad nga kalan-on, ang insienso, ang mga suludlan, ang mga ikapulô sang trigo, ang duga sang ubas kag ang lana, nga nasogo nga *ihatag* sa mga Lebinhon, sa manugkanta kag sa mga manugbantay sang gawang ; kag ang halad nga binayaw sang mga saserdote.

6 Apang sa sining tanan, walâ ako sa Ierusalem ; kay sa tuig nga katloan kag duha ni Artaherhes, nga hari sa Babilonia, nagkadto ako sa hari kag sa katapusan

sang tuig nadangat ko sa hari ang akon pangabay.

7 Kag sang umabut ako sa Ierusalem, nahangup ko ang kalainan nga ginhimo ni Eliasib tungud kay Tobias, nga naghimo nga sa iya sing hulut sa mga patyo sang Baláy sang Dios.

8 Kag tungud sini nasakit ako sing daku gid ; kag ginpahaboy ko ang tanan nga mga gamit sang baláy ni Tobias sa gowa sang hulut,

9 Kag nagsogo ako nga tinloan nila ang mga hulut, kag ginpapauli ko didto ang mga gamit sang Baláy sang Dios, ang mga halad nga kalan-on kag ang insienso.

10 Subung man ginhangup ko, nga ang mga bahin sang mga Lebinhon walâ pagihatag sa ila ; kag nga ang mga Lebinhon kag ang mga manugkanta nga naghimo sang buluhaton nagpalagyo ang tagsatagsa sa iya latagon.

11 Kag nagsabdong ako sa mga punoan, kag nagsiling ako : “ ¿Kay nga bala nabayaan ang Baláy sang Dios ? ” Kag gintipon ko sila kag ginbutang ko sila sa ila duug.

12 Kag ang bug-os nga Iuda nagdalâ sa mga bahandi sang ikapulô sang trigo, kag sang duga sang ubas kag sang lana.

13 Kag gintukud ko nga mga pangolo sang mga bahandi, si Selemias, nga saserdote, kag si Sadok, nga eskriba, kag si Pedaia, sa tungâ sang mga Lebinhon ; kag ginimpon ko sa ila si Hanan, nga anak ni Sakur, anak ni Matanias, kay amo sila ang ginpakamatutum, kag sila amo ang tinulinan sa pagpamahat sa iya mga útud.

14 Dumduma ako, oh Dios, tungud sini, kag indi pagpanasa ang akon *buhat nga* maloloy-on, nga ginhimo ko sa Baláy sang akon Dios kag sa iya mga tulumanon.

15 Sa sadtong mga adlaw nakita ko sa Iuda ang iban nga nagatalapak sa mga ipitan sang ubas sa sabado, kag nga nagapasulud sila sing mga inupung, kag ginalulan nila sila sa mga asno, subung man ang alak, kag ang mga ubas kag ang mga igos, kag ang tanan nga bagay sang lulan, kag nga gindalâ nila sila sa Ierusalem sa adlaw nga sabado ; kag ginsabdong ko sila nahanungud sang adlaw nga nagbaligya sila sang kabuhian.



16 Kag ang mga Tirohanon, nga nag-puyô didto, nagdalalâ sing mga isda kag sang tanan nga mga ibalaligya, kag gin-baligya nila sila sa sabado sa mga in-a-nak ni Iuda sa Ierusalem.

17 Kag ginbadlong ko ang mga lutaw sa Iuda, kag nagsiling ako sa ila : “;Ano bala nga kalainan ini nga inyo ginahimo, nga ginapakadibalaan ninyo ang adlaw nga sabado?”

18 ;Walâ bala paghimoa ini sang inyo mga ginikanan, sa bagay nga gin-dalâ sang aton Dios sa ibabaw naton ining tanan nga kalainan kag sa ibabaw sini nga banwa? Kag karon nagapadugang kamo sang kaakig sa ibabaw ni Israel, nga ginapasipalahan ninyo ang sabado.”

19 Kag sang ang mga gawang sang Ierusalem yara sa landong sang walâ pa ang sabado, nagsiling ako nga takpan ang mga gawang, kag nagsiling ako nga indi sila pagbuksan tubtub nga lumigad ang sabado : kag ginbutang ko sa mga gawang ang iban sang akon mga solo-goon, agud nga sa adlaw nga sabado indi makasulûd ang bisan ano nga lulan.

20 Kag naghiligda sa gowa sang Ierusalem sa makaisa kag makaduha ang mga manuglibud kag ang mga manugba-laligya sang tanan nga mga bagay sang ibalaligya.

21 Kag nagsabdong ako sa ila kag nagsiling ako sa ila : “;Kay ngaa bala nagahiligda kamo sa atubangan sang kuta? Kon buhaton ninyo ini liwan, pagadakpon ko kamo.” Kutub niyan walâ na sila magkalari sang sabado.

22 Kag nagsiling ako sa mga Lebinhon, nga magpalanilo sila kag magka-lari sila sa pagbantay sang mga gawang, sa pagpakabalaan sang adlaw nga sa-bado. Tungud sini dumduma man ako, Dios ko, kag kalooyi ako sono sang kadamuon sang imo bugay.

23 Subung man nakita ko sa sadtong mga adlaw, nga ang mga Iudio nagpa-puyô sa ila sang mga babae nga Asdo-

dinhon, nga Amoninhon kag nga Moa-binhon.

24 Kag ang ila mga anak nagahalam-bal sing alangalang sa Asdodinhon, kag indi sila makahibalo maghambal sing hinudio, kondi *lamang* sang hambal sang isa kon isa ka banwa.

25 Kag ginsabdong ko sila, kag gin-pakamalaut ko sila, kag ginpilas ko ang iban sa ila, kag gingabut ko sa ila ang mga bohok, kag ginpasumpa ko sila tungud sang Dios, nga *nagsiling* : “Indi ninyo pagihatag ang inyo mga anak nga babae sa ila mga anak nga lalaki, kag indi kamo magkuluha sang ila mga anak nga babae nga sa inyo mga anak nga lalaki, bisan nga sa inyo.

26 ;Walâ bala makasalâ tungud sini si Salomon, nga hari sa Israel? Sa madamu nga katawohan walâ sing hari nga subung sa iya, nga nahagugmaan sia sang iya Dios, kag ginbutang sia sang Dios nga hari sa ibabaw sang bug-os nga Israel; walay sapayan gin-papakasalâ sia sang mga babae nga mga dumuluong.

27 Kag ;magapamati bala kami sa inyo sa pagbuhat sining tanan nga ka-lainan nga daku, sa paglalis batok sa aton Dios, sa pagpapuyô sa amon sing mga babae nga mga dumuluong?”

28 Kag ang isa sang mga anak ni Ioia-da, nga anak ni Eliasib, nga dakung saser-dote, amo ang umagad ni Sanbalat, nga Horoninhon; kag gintabog ko sia gikan sa atubangan nakon.

29 Dumduma sila, Dios ko, bangud sang mga kahigkoan sang pagkasaser-dote, kag sang katipan sang pagkasaser-dote kag sang mga Lebinhon.

30 Kag gintinloan ko sila sang tanan nga dumuluong, kag gintapat ko ang dapat nga bantayan sang mga saserdote kag sang mga Lebinhon, ang tagsatagsa sa iya gid nga buluhaton,

31 Kag ang nahanungud sang mga halad sang gatong sa mga panag-on nga pinat-in kag sang mga panganay. Dumduma ako, Dios ko, nga sa kaayohan.

# SI ESTER.

Piesta ni Asuero.—Ang haring babae nga si Basti nagapangindi sa pagtambong sa iya.  
Ginbulagan sia.

1 SA mga adlaw ni Asuero, ang amo nga si Asuero nga naghari kutub sa India tubtub sa Kus, sa ibabaw sang isa ka gatus duha ka púlô kag pito ka probinsia,

2 Nahanabu sa sadtong mga adlaw, nga naglingkod ang hari nga si Asuero sa lingkoran nga harianon sa iya gin-harian, nga yara sia sa Susan, nga iya puluy-anan.

3 Sa ikatlo ka tuig sang iya paghari naghimo sia sing isa ka piesta sa tanan niya nga mga dunganon kag mga alagad, sa kasoldadosan sa Persia kag sa Media, sa mga dalagku nga mga ginoo kag sa mga pangolo sang mga probinsia, *nga nagtipon* sa atubangan niya,

4 Nga nagapahayag sang mga mangad sang himaya sang iya ginharian, kag sang pagkataas sang pagkahalangdon sang iya pagkadaku, sa madamu nga mga adlaw, nga isa ka gatus kag kawaloan ka adlaw.

5 Kag sang natuman ining mga adlaw, naghimo ang hari sing piesta sa pito ka adlaw, sa patyo sang katamnan sang baláy nga harianon, sa bug-os nga banwa, kutub sa tigulang tubtub sa bátâ nga yara sa Susan, nga iya puluy-anan.

6 *Nga didto* ang lino nga maputi, kag ang sukla, kag ang mga *hinabol* sa purpura nga nahigtan sang mga lubid nga lino kag nga eskarlata sa mga singsing nga pilak kag sa mga haligi nga marmol nga maputi; *nga didto* may mga salali-ayan nga bulawan kag pilak sa ibabaw sang isa ka salog nga natisaan nga porpiro, kag marmol nga maputi, kag nga tipay kag pakinhason.

7 Kag ginpainum sila sa mga ilimnan nga bulawan, nga mga ilimnan nga nagalinainlain ang iban sa iban, kag ang alak nga harianon bugana, subung nga *sarang ikaghatag* sang kamut sang hari.

8 Kag, sono sang sogo, walâ sing pag-

piliton sa paginum; kay amo ini ang ginsogo sang hari sa tanan nga mga kadalagkuan sang iya baláy, nga himoon sono sang kabubut-on sang tagsatagsa.

9 Subung man ang babae nga hari nga si Basti naghimo sing piesta sa mga babae sa baláy nga harianon sang hari nga si Asuero.

10 Sang ikapito ka adlaw, sang ang tagiposoon sang hari nagamasadya sang alak, nagsogo sia kay Mehuman, kay Bista, kay Harbona, kay Bigta, kay Abagta, kay Setar kag kay Karkas nga mga pito ka mga kapon, nga nag-alalagad sa atubangan sang hari nga si Asuero,

11 Nga dalhon nila ang haring babae nga si Basti sa atubangan sang hari nga may purungpurung nga harianon, sa pagpakita sang iya kagayon sa mga banwa kag sa mga dunganon, kay magayon sia nga tan-awon.

12 Kag ang haring babae nga si Basti nangindi sa pag-atubang sa sogo sang hari, nga ginpaliton sang mga kapon; kag naakig ang hari sing daku gid, kag nagdabdad sa iya ang iya kasingkal.

13 Kag namangkot ang hari sa mga maalam, nga nakahibalo sang mga panag-on (kay amo ini ang pamatasan sang hari nga sa tanan nga mga nakahibalo sang mga kasogoan kag sang katadlungan;

14 Kag ang labing malapit sa iya amo si Karsena, si Setar, si Admata, si Tarsis, si Meres, si Marsena *kag* si Memukan, pito ka mga dunganon sa Persia kag sa Media, nga nagatalan-aw sang nawung sang hari, kag nagalilingkod nga mga nahauna sa ginharian):

15 “Sono sang mga kasogoan, ano bala nga dapat paghimo sang haring babae nga si Basti, tungud nga walâ magtuman sang sogo sang hari nga si Asuero, nga ginpaliton sang mga kapon?”

16 Kag nagsiling si Memukan sa atubangan sang hari kag sang mga dunga-



non: "Dili lamang batok sa hari nakasalâ ang haring babae nga si Basti, kondi batok sa tanan nga mga dunganon kag batok sa tanan nga mga banwa nga yara sa tanan nga mga probinsia sang hari nga si Asuero;

17 Kay ining buhat sang haring babae magalapnag sa tanan nga mga babae sa paghimo sa ila mga bana nga talamayon sa mga mata nila, sa ila igasiling: Ang hari nga si Asuero nagsogo, nga dalhon sa atubangan niya ang haring babae nga si Pasti, kag sia walâ magkadto.

18 Kag kutub karon ang mga babae nga dunganon sa Persia kag sa Media, nga nakabati sang binuhatan sang haring babae, magasililing sing *subung man* sa tanan nga mga dunganon sang hari, kag may daku nga pagtamay kag kaakig.

19 Kon minamaayo sang hari, maggowa ang isa ka sogo nga harianon gikan sa iya, kag isulat sia sa mga kaso-goan sang Persia kag sang Media, kag mangindimailisan, kon sayoron, nga indi na gid magkari si Basti sa atubangan sang hari nga si Asuero; kag nga ihatag sang hari ang iya ginharian sa isa sang iya mga kaupdanan nga babae nga labing maayo sa iya.

20 Kag ang sogo nga pagahimoon sang hari pagaipapamati sa bug-os nga iya ginharian, bisan daku sia, kag ang tanan nga mga babae nagahalatag sing kadunganan sa ila mga bana, kutub sa labing daku tubtub sa labing magamay."

21 Kag nahamut-an ini nga polong sa mga mata sang hari, kag sang mga dunganon; kag ginhimo sang hari sono sang polong ni Memukan:

22 Nagpadalâ sia sing mga sulat sa tanan nga mga probinsia sang hari, satagsaka, probinsia, sono sang iya sulat, kag sa taga ka banwa, sono sang iya pamolong, *nga nagasogo* nga ang tanan nga lalaki mangingino sa iya baláy, kag nga maghambal sia sang pamolong sang iya banwa.

Si Asuero nagapangasawa kay Ester nga ludio.

**2** SANG lumigad ining mga butang, nga naglugpay na ang kaakig sang hari nga si Asuero, nakadumdum sia kay Basti, kag sang iya ginhimo, kag sang ginsogo batok sa iya.

2 Kag nagsililing ang mga solagoon nga nagaalalagad sang hari: "Pangitai

ang hari sing mga dalaga nga mga ulay, nga mga magayon nga tan-awon;

3 Kag maghatag ang hari sing tulin sa tanan nga mga probinsia sang iya ginharian, sa mga tulugyanan nga tiponon nila ang tanan nga mga kadalagahan nga ulay, nga mga magayon nga tan-awon sa Susan nga *iya* puluy-anan, sa baláy sang mga babae, sa talatapon ni Hegai, nga kapon sang hari, nga bantay sang mga babae, kag nga hatagan sila sang ila mga pag-aman.

4 Kag nga ang dalaga nga makapaka-muut sa mga mata sang hari, maghari sa duug ni Basti." Kag ang butang nangingmaayo sa mga mata sang hari, kag ginhimo niya ang subung sini.

5 May isa ka tawo nga Iudio sa Susan, nga puluy-anan, nga ginangalanan nga si Mardoqueo, nga anak ni Iair, anak ni Simi, anak ni Kis, nga Benyaminhon;

6 Nga sia ginpaliton gikan sa Ierusalem upud sang pagkapaliton nga ginpaliton sa dag-on ni Iekonias, nga hari sa Iuda, nga ginpaliton sia ni Nabukodonosor, nga hari sa Babilonia.

7 Kag ginsagud niya si Hadasa, nga amo si Ester, nga anak nga babae sang iya batâ, kay walâ sia sing amay bisan ilôy; kag ang dalaga matahum sing bayhon kag magayon nga tan-awon; kag sa pagkapatay sang iya amay kag sang ilôy, ginkuha sia ni Mardoqueo subung nga iya anak.

8 Kag nahanabu, sang lumapnag na ang polong sang hari kag ang iya sogo, kag sang natipon na ang madamu nga mga dalaga sa Susan, nga puluy-anan, sa talatapon ni Hegai, gindala man si Ester sa baláy sang hari, sa talatapon ni Hegai, nga bantay sang mga babae.

9 Kag ang dalaga nahamut-an sa iya mga mata kag nakakita sing bugay sa atubangan niya; kag ginpahatagan niya sia sing madali gid sang iya mga inaman kag sang iya mga pahat *nga pagkaon*, nga ginhatagan man sia sing pito ka mga dalaga nga pinili sa baláy sang mga babae; kag ginpaliton niya sia, sia pati ang iya mga kadalagahan, sa labing maayo *nga hulut* sang baláy sang mga babae.

10 Si Ester walâ magpahayag sang iya banwa, bisan sang iya giniklanan, kay si Mardoqueo nagsogo sa iya, nga indi niya igsugid ini.

11 Kag sa adlawadlaw si Mardoqueo nagadayandayan sa atubangan sang patyo sang baláy sang mga babae, sa pagsayud

kon paano si Esther, kag kon ano ang paghimoon sa iya.

12 Kag sang pag-abut sang pagbulus-bulus sang tagsa ka mġa dalaga sa pagsulúd sa hari nġa si Asuero, sa ubus na matuman ang sogo nahanungud sa mġa babae, sa sulúd sang napúlô kag duha ka bulan (kay sa sini nagakatuman ang panag-on sang iya mġa pag-aman : anum ka bulan nġa may lana sang mira, kag anum ka bulan nġa may mġa pahamut kag *ang iban* nġa mġa pag-aman sang mġa babae,

13 Nġa sa tapus sini ang dalaga nagsulúd sa hari), ang tanan nġa iya ginpanġayô ginhatag sa iya sa pagúpud sa iya gikan sa baláy sang mġa babae tubtub sa baláy sang hari.

14 Kag nagsulúd sia sa hapon kag sa aga nagpauli sia sa baláy nġa ikaduha sang mġa babae, sa talatapon ni Saasgas, nġa kapon sang hari, nġa bantay sang mġa babae. Walá na sia magsulúd sa hari, basi pa kon ang hari mahamuut sa iya kag pagtawgon sia sa nġalan.

15 Kag sang umabut na ang bulusbulus ni Ester, nġa anak nġa babae ni Abihail, nġa batâ ni Mardoqueo, nġa ginkuha niya subung nġa iya anak, sa pagsulúd sa hari, walá gid sing ano nġa ginpanġayô niya kondi ang ginsiling sa iya ni Hegai, nġa kapon sang hari, nġa bantay sang mġa babae : kag nakakita si Ester sing bugay sa mġa mata sang tanan nġa nakakita sa iya.

16 Kag gindalá si Ester sa hari nġa si Asuero sa baláy nġa harianon, sa bulan nġa ikapúlô, nġa amo ang bulan ni Tebet, sa ikapito ka tuig sang iya paghari.

17 Kag ginhigugma sang hari si Ester labi pa sa tanan nġa mġa babae, kag nakakita sia sing bugay kag kauyonan sa atubangan niya labi pa sa tanan nġa mġa ulay ; kag ginbutang niya ang purungpurung nġa harianon sa iya olo, kag ginhimo niya sia nġa haring babae sa duug ni Basti.

18 Kag naghimo ang hari sing daku nġa piesta sa tanan niya nġa mġa dunganon kag sa iya mġa alagad, ang piesta ni Ester ; kag ginpamag-anan niya ang mġa probinsia, kag naghatag sia sing mġa dólôt, sono sang ikasarang *paghimo* sang kamut sang hari.

19 Kag sang ginpatipon ang mġa ulay

sing makaduha, si Mardoqueo nahamtang sa gawang sang hari,

20 Kag si Ester, sono sang ginsogo sa iya ni Mardoqueo, walá magpahayag sia sang iya ginikanan, bisan sang iya banwa, kay ginhimo ni Ester ang ginsiling sa iya ni Mardoqueo, subung sadto sang ginsagud sia niya.

Si Mardoqueo nakasapo sing isa ka puhon batok sa hari.

21 Sa sadtong mġa adlaw, sang si Mardoqueo nagalingkod sa gawang sang hari, nagkalaakig si Bigtan kag si Teres, ang duha ka nġa kapon sang hari sa tunġa sang mġa bantay sang atangan kag naghilimulat sila sa pagdakup sa hari nġa si Asuero.

22 Kag sang nahibaloan ini ni Mardoqueo, ginsugid niya ini sa haring babae nġa si Ester, kag si Ester nagsiling sini sa hari sa nġalan ni Mardoqueo.

23 Kag ginhimo ang pagsusi sang butang, kag nakita nġa matuud ; kag sila nġa duha ginbitay sa isa ka bitayan. Kag ginsulat ang nahanabu sa tolon-an sang mġa Kronika, sa atubangan sang hari.

Si Haman nġa naakig batok kay Mardoqueo nakadangat sing isa ka sogo nġa sa kalaglagan sang mġa ludio.

3 SA tapus na sining mġa butang, ginpakadaku sang hari nġa si Asuero si Haman, nġa anak ni Hamedata, nġa Agaginhon, kag ginpakataas niya sia, kag ginbutang niya ang iya lingkoran sa ibabaw sang tanan nġa mġa dunganon nġa yara kaúpud niya.

2 Kag ang tanan nġa mġa alagad sang hari, nġa yara sa gawang sang hari, nagaluluhod kag nagalayaub sa atubangan ni Haman ; kay amo ini ang kinasogo sang hari nahanungud sa iya ; apang si Mardoqueo walá magaluhod, bisan magayaub.

3 Kag ang mġa alagad sang hari, nġa yara sa gawang sang hari, nagsililing kay Mardoqueo : “ ¿Kay nġaa bala nġa nagalalis ka sang sogo sang hari ? ”

4 Kag nahanabu nġa, sang ginahambal sia nila sa adlawadlaw kag sang walá sia magapamati sa ila, ginsugid nila ini kay Haman, sa pagtan-aw kon ang mġa polong ni Mardoqueo mġa malig-on ; kay ginpahayag na niya sa ila nġa sia ludio.



5 Kag nakita ni Haman, nga si Mardoqueo walâ magaluhod, bisan magayaub sa atubangan niya ; kag napunô sia sang kasingkal.

6 Apang ginpakaditakus niya ang pagdakup lamang kay Mardoqueo ; kay kinapahayag na sa iya ang banwa ni Mardoqueo ; kag ginhimulatan ni Haman ang paglaglag sang tanan nga mga Iudio, nga yara sa bug-os nga ginharian ni Asuero, sang banwa ni Mardoqueo.

7 Sa nahauna nga bulan, nga amo ang bulan sa Nisan, sa tuig nga ikapulô kag duha sang hari nga si Asuero, ginholog ang Pur, kon sayoron, ang kapalaran sa atubangan ni Haman sa adlawadlaw kag sa bulanbulan, tubtub sang bulan nga ikapulô kag duha, nga amo ang bulan sa Adar.

8 Kag nagsiling si Haman sa hari nga si Asuero : "May isa ka banwa nga nag-alaplaag kag nagbulublag sa mga kabanwaan sa tanan nga mga probinsia sa imo ginharian, kag ang ila mga kasogon nga lain sang mga sang bug-os nga banwa, kag sila walâ magabutang sa buhat sang mga sogo sang hari ; kag sa hari indi angay sa pagpabaya sa ila sa paghidaet.

9 Kon minamaayo sang hari, igulat nga pagpanlaglagon sila ; kag ako magabayad sing napulô ka libo ka talanton nga pilak sa mga kamut sang mga nagapalitikang sang mga buluhaton nga binanwa, agud nga pagdalhon sila sa mga bahandi sang hari.

10 Kag ginhukas sang hari ang iya singsing sa iya kamut, kag ginhatag niya ini kay Haman, nga anak ni Hamedata, nga Agaginhon, nga manugpigos sang mga Iudio.

11 Kag ang hari nagsiling kay Haman : "Ang pilak ginhatag sa imo, kag subung man ining banwa, agud nga maghimo ka sa iya sang ginapakamaayo sa imo nga mata."

12 Kag ginpanawag ang mga eskriba sang hari sa adlaw nga ikapulô kag tatlo sa nahauna nga bulan, kag ginsulat, sono sang tanan nga ginsogo ni Haman, sa mga satrapa sang hari, kag sa mga gobernador sa taga ka probinsia, kag sa mga dunganon sang taga ka banwa ; sa taga ka probinsia sono sang iya panulat, kag sa taga ka banwa sono sang iya pamolong : sa ngalan sang hari

nga si Asuero ginsulat *imi*, kag ginpatinan sang singsing sang hari.

13 Kag ginpadalâ ang mga sulat sa kamut sang mga manugdalagan sa tanan nga mga probinsia sang hari, nga nagsogo sa paglaglag, kag sa pagpatay kag sa pagpapas sa tanan nga mga Iudio, kutub sa pamatan-on tubtub sa tigulang, ang mga kabataan kag mga kababainan, sa isa lamang ka adlaw, sa ikapulô kag tatlo sang bulan nga ikapulô kag duha, nga amo ang bulan sa Adar, kag sa pagagaw sang ila mga pagkabutang.

14 Ang isa ka hinuwad sang sinulat nga dapat ihatag subung nga sogo sa taga ka probinsia, ginbantala sa tanan nga kabanwaan, agud nga makapanganman sila nga sa sadto nga adlaw

15 Kag naghalalín sing madasig ang mga manugdalalagan sa sogo sang hari, kag ang sogo ginhatag sa Susan, nga puluy-anan. Kag ang hari kag si Haman naglilingkod sila sa pag-inum, kag ang banwa sa Susan ginkumat.

Si Ester nagahanda sa pagtabang sa mga Iudio.

**4** SANG pagkahibalo ni Mardoqueo sang tanan nga ginhimo, gingusbat niya ang iya nga panapton, kag nagpanaput sia sing panapton nga masinakiton kag sang abó ; kag naggowa sia sa tungâ sang banwa, nga nagasingit sa daku kag mapait nga pagpanghakhroy ;

2 Kag nag-abut sia tubtub sa atubangan sang gawang sang hari ; kay indi natugut ang pagsulúd sa gawang sang hari nga nagpanaput sing panapton nga masinakiton.

3 Kag sa taga ka probinsia, sa duug nga didto nag-abut ang polong sang hari, kag ang iya sogo, may daku nga lalaw sa mga Iudio, kag puasa, kag hinibi kag panalabiton ; kag panapton nga masinakiton kag abó amo ang higdaan sang kadamuan.

4 Kag nag-alabut ang mga kadalagahan ni Ester kag ang iya kapon, kag nag-sulugid sila sini sa iya. Kag ang haring babae nagkasakit sing daku, kag nagpadalâ sia sing mga panapton nga pagaipapanaput kay Mardoqueo, kag agud nga magkuha sia sang iya panapton nga masinakiton sa iya ; apang sia walâ sa ila magbator.

5 Niyan si Ester naglawag kay Hatak

nga isa sang mga kapon sang hari, nga ginpahamtang sang hari sa atubangan niya, kag ginsogo niya sia sa *pagkadto* kay Mardoqueo, sa pagpakisayud kon ano yadto, kag kay nga.

6 Kag naggowa si Hatak kay Mardoqueo sa balaligyaan sang banwa nga yara sa atubangan sang gawang sang hari.

7 Kag si Mardoqueo nagpahayag sa iya sang tanan nga nagkahanabu pati ang pagsambit sang pilak nga kinasiling ni Haman, nga buut niya igabayad sa mga bahandi sang hari nahanungud sa mga Iudio, sa pagpalaglag sa ila.

8 Kag ginhatagan sia niya sang hinuwad sa sinulat sang sogo nga ginhatag sa Susan, agud nga paglaglagon sila, agud nga ipahayag niya sia kay Ester, kag isugid niya ini; kag ginsogo niya sia, nga magsulud sia sa hari sa pagpakilooy sa iya, kag sa pagpangayo sa atubangan niya sa kauyonan sang iya banwa.

9 Kag nag-abut si Hatak, kag ginsugid niya kay Ester ang mga polong ni Mardoqueo.

10 Kag si Ester nagsiling kay Hatak, kag nagsogo sa iya sa pagsiling kay Mardoqueo:

11 "Ang tanan nga mga alagad sang hari, kag ang banwa sang mga probinsia sang hari nakahibalo, nga bisan sin-o nga lalaki kon babae nga nagasulud sa hari sa patyo nga nasulud, nga walâ pagatawga, ang sogo *nagsiling* gid nahanungud sa iya, nga mamatay sia, luwas lamang yadto nga sa iya ang hari magtunhol sang iya setro nga bulawan, kag magkabuhi sia; kag ako walâ pagtawga sa pagsulud sa hari sa sining katloan ka adlaw."

12 Kag ginsiling nila kay Mardoqueo ang mga polong ni Ester.

13 Kag nagsiling si Mardoqueo, nga sabton nila si Ester: "Indi ka maghunahuna, sa imo kalâg, nga makapalagyo ka sa balây sang hari nga labi sang tanan nga mga Iudio.

14 Kay kon magpadayon ka nga hipus sa sini nga panag-on, ang pagtabang kag ang kaluwasan magagowa nga sa mga Iudio sa liwan nga duug; apang ikaw kag ang balây sang imo amay madula kamo. Kag i sin-o bala ang nakahibalo kon sa isa ka dag-on nga subung sini nga ikaw nakadangat sa ginharian?"

15 Kag si Ester nagsiling, nga sabton nila si Mardoqueo, sini:

16 "Lakat-ka kag tipona ang tanan nga mga Iudio nga yara sa Susan, kag puasa-kamo tungud sa akon, kag indi kamo magkaon, bisan maginum sa tatlo ka adlaw, sa gab-i bisan sa adlaw; ako man upud sa akon mga kadalagahan magapuasa kami sing subung man, kag sa tapus sini magasulud ako sa hari, nga indi ini sono sa sogo; kag kon madula ako, nga madula ako."

17 Kag naglakat si Mardoqueo, kag ginhimo niya sono sa tanan nga ginsogo sa iya ni Ester.

**5** KAG nahanabu, sa ikatlo ka adlaw, nga nagpanaput si Ester sang iya panapton nga harianon, kag nagtindug sia sa patyo sa sulud sang balây sang hari, sa atubangan sang balây sang hari; kag ang hari naglingkod sa iya lingkoran nga harianon sa balây nga harianon sa atubangan sang gawang sang balây.

2 Kag sang pagkakita sang hari sa haring babae nga si Ester nga yara sa patyo, sia nakakita sing bugay sa iya nga mata, kag gintunhol sang hari kay Ester ang iya setro nga bulawan, nga yara sa iya kamut. Kag nagpalapit si Ester, kag ginkamlut niya ang ukbong sang setro.

3 Kag nagsiling ang hari: "i Ano bala ang buut mo, haring babae nga si Ester? i Kag ano bala ang imo pangayoon? Bisan pa ang katungâ sang ginharian pagaihatag sa imo."

4 Kag si Ester nagsiling: "Kon minamaayo sang hari, magkari karon ang hari upud si Haman sa piesta, nga pagahimoon ko sa iya."

5 Kag nagsabat ang hari: "Pangitaa gilayon si Haman, sa paghimo sang ginsiling ni Ester." Kag nag-abut ang hari upud kay Haman sa piesta, nga ginhimo ni Ester.

6 Kag ang hari nagsiling kay Ester, nga sa nagainum pa sia sang alak: "i Ano bala ang imo pakilooy? Pagaitugut sia sa imo. i Ano bala ang imo pangayo? Bisan pa kon ang katungâ sang ginharian pagahimoon ini."

7 Kag nagsabat si Ester, kag nagsiling: "Ang akon pakilooy kag ang akon pangayo, *yari-karon*:

8 Kon nakakita ako sing bugay sa



mga mata sang hari, kag kon minamaayo sang hari ang pagtugut sang akon pakilooy kag paghimo sang akon pangayo, nga magkari ang hari upud kay Haman sa pieata, nga pagahimoon ko sa ila; kag buas pagahimoon ko sono sang polong sang hari."

Si Haman nagahimulat sa pagpatay kay Mardoqueo, apang napilitan sia sa paghatag sa iya sing kadunganan.

9 Kag naggowa si Haman sadto nga adlaw nga malipayon kag masinadyahon sa tagiposoon; apang sang pagkakita ni Haman kay Mardoqueo sa gawang sang hari, nga walâ magtindug bisan naggiho tungud sa iya, napunô si Haman sa kaakig batok kay Mardoqueo.

10 Apang nagpugung si Haman; kag sang nag-abut sia sa iya balây, ginpasogon niya kag ginpakari niya ang iya mga abyan kag si Seres, nga iya asawa.

11 Kag ginsugid sa ila ni Haman ang himaya sang iya mga mangad, kag ang kadamuon sang iya mga anak, kag ang tanan nga ginhimo sang hari sa pagpakadaku sa iya, kag kon paano nga kinapakataas niya sia sa ibabaw sang mga dunganon kag mga alagad sang hari.

12 Kag nagsiling si Haman: "Labut pa, ang haring babae nga si Ester walâ sia magpakari sa bisan kay sin-o upud sang hari sa piesta, nga iya ginhimo, kondi sa akon; kag bisan pa buas naagda ako niya upud sang hari.

13 Apang ining tanan walay pulus sa akon, nga sa gihapon makita ko ang Iudio nga si Mardoqueo, nga nagalingkod sa gawang sang hari.

14 Kag nagsiling sa iya si Seres, nga iya asawa, kag ang tanan niya nga mga abyan: "Magpahimo sing isa ka bitayan nga mataas nga mga kalim-an ka maniko, kag buas sa aga isiling mo sa hari nga bitayon si Mardoqueo sa iya; kag sumulud-ka nga malipayon upud sa hari sa piesta." Kag ang butang ginpakamaayo ni Haman, kag ginpahimo niya ang bitayan.

6 SA sadto nga gab-i nagpalayô ang katologon sa hari, kag nagsiling sia nga dalhon nila sa iya ang tolon-an sang mga Handumanan nga mga Kronika, kag ginbasa sila sa atubangan sang hari.

2 Kag nakita nga nasulat nga si Mardoqueo nagpahibalo nahanungud kay Bigtan kag kay Teres, ang duha ka mga kapon sang hari sa tungâ sang bantay sang atangan, nga naghilimulat sila sa pagdakup sa hari nga si Asuero.

3 Kag nagsiling ang hari: "¿Ano bala nga kadunganan kag ano nga pasahi ang nahimo kay Mardoqueo tungud sini?" Kag nagsalabat ang mga alagad sang hari nga nagaalagad sa iya: "Walâ gid sing nahimo sa iya."

4 Kag nagsiling ang hari: "Sin-o bala ang yara sa patyo?" Kag si Haman nag-abut sa patyo sa gowa sang balây sang hari, sa pagsiling sa hari, nga ipabitay si Mardoqueo, sa bitayan nga iya gin-aman nga sa iya.

5 Kag ang mga alagad sang hari nagsililing sa iya: "Yari karon si Haman nagatindug sa patyo." Kag ang hari nagsiling: "Magsulud sia."

6 Nagsulud si Haman, kag ang hari nagsiling sa iya: "¿Ano bala ang pagahimoon sa tawo nga nahamut-an sang hari sa pagpasidungug sa iya?" Kag si Haman nagsiling sa iya tagiposoon: "¿Sa kay sin-o bala nahamuut ang hari sa paghimo sing kadunganan kondi sa akon?"

7 Kag si Haman nagsabat sa hari: "Sa tawo nga ang hari nahamuut sa pagpasidungug,

8 Dalhon diri ang panapton nga harianon nga ginasuklub sang hari, kag ang kabayo nga ginakabayohan sang hari, kag ang purungpurung nga harianon nga ginbutang sa iya olo;

9 Kag ihatag ang panapton kag ang kabayo sa kamut sang isa sang mga dunganon sang hari, sang mga kadalagkuan nga mga ginoo, kag isuklub sa tawo nga nahamut-an sang hari sa pagpasidungug kag padayandayanon sia nga nagakabayo sa mga dalan sang banwa, kag ibantala sa atubangan niya: Amo ini ang paghimoon sa tawo nga nahamut-an sang hari sa pagpasidungug."

10 Kag ang hari nagsiling kay Haman: "Dalidali-ka, kuhaa ang panapton kag ang kabayo, subung sang imo ginsiling, kag himoon mo ang subung sini sa Iudio nga si Mardoqueo, nga nagalingkod sa gawang sang hari; walâ gid sing bayaan sang tanan nga imo ginsiling."

11 Kag ginkuha ni Haman ang pa-

napton kag ang kabayo, kag ginsuklub niya kay Mardoqueo, kag ginpadayandayan niya sia nga magakabayo sa mga dalan sang banwa, kag ginpabantala niya sa atubangan niya: "Amo ini ang paghimoon sa tawo nga nahamut-an sang hari sa pagpasidungug."

12 Kag si Mardoqueo nagbalik sa gawang sang hari kag si Haman nagpauli nga nagadalalidali gid sa iya baláy nga may lalaw kag natabunan ang iya olo.

13 Ugaling ginsugid ni Haman kay Seres, nga iya asawa, kag sa tanan niya nga mga abyan, ang tanan nga nahanabu sa iya. Kag nagsililing sa iya ang iya mga maalam kag si Seres, nga iya asawa: "Kon sa kaliwatan sang mga ludio ini nga si Mardoqueo, sa atubangan ni sin-o nagsugud ka sa pagkaholog, indi ka makalandas batok sa iya, kondi nga maholog ka sing bug-os sa atubangan niya."

Si Haman nga ginsumbung ni Ester, gintugyan sia sa kamatayan.

14 Nagapakighambal pa sila sa iya, sang ang mga kapon sang hari nagalabut, kag nagdinalidali sila sa pagdalá kay Haman sa piesta nga gin-aman ni Ester.

**7** NAGKADTO ang hari upud kay Haman sa paginum upud sa haring babae nga si Ester.

2 Kag nagsiling liwan ang hari, sang ikaduha ka adlaw, kay Ester, sa naginum pa sing alak: "¿Ano bala ang imo pakilooy, haring babae nga si Ester? Pagaitugut ini sa imo. Kag ¿ano bala ang imo pangayô? Bisan pa ang katungâ sang ginharian, pagahimoon *ini sa imo.*"

3 Kag ang haring babae nga si Ester nagsabat kag nagsiling: "Oh hari, kon nakakita ako sing bugay sa imo mga mata, kag kon nahamut-an sang hari nga ang akon kabuhi pagihatag sa akon tungud sa akon pakilooy, kag ang akon banwa tungud sa akon pangayô;

4 Kay ginbaligya kami, ako kag ang akon banwa, agud nga paglaglagon kami, agud nga pagpamatyon kami, kag papason kami. Kon ginbaligya kami nga mga lalaki kag mga babae, nga manginulipon kami, maghipus kunta

ako; apang ang manugpigis indi makatumbas sang daut, *nga mahimo* sa hari."

5 Kag naghambal ang hari nga si Asuero, kag nagsiling sa haring babae nga si Ester: "Busa ¿sin-o bala kag diin bala ini nga nagpangahas sa pagbuhat sing subung sini?"

6 Kag si Ester nagsiling: "Ang manugpigis kag angkaaway, amo si Haman, ining malauton." Kag nagkibang si Haman sa atubangan sang hari kag sang haring babae.

7 Kag ang hari, sa iya kasingkal nagtindug sa *latok*, nga didto naginum sia sing alak sa *pagkadto* sa katamnan sang baláy nga harianon; kag nagtindug si Haman didto nga nagapakilooy tungud sang iya kabuhi sa haring babae nga si Ester, kay nakita niya nga natapat na ang iya kalainan batok sa iya gikan sa hari.

8 Kag nagpauli ang hari gikan sa katamnan sang baláy nga harianon sa baláy nga ginaimnan sang alak. Kag si Haman nanginpukan sa ibabaw sang higdaan, nga yara si Ester. Kag nagsiling ang hari: "¿Buut bala man sia magpasakup sa haring babae nga *yari* upud sa akon sa baláy?" Naggowa ang polong sa bâbâ sang hari, kag gintabunan ang nawung ni Haman.

9 Kag si Harbona, nga isa sang mga kapon, nagsiling sa atubangan sang hari: "Yari karon ang bitayan man, nga kaliman ka maniko ang kataas, nga ginhimo ni Haman nga sa kay Mardoqueo, nga naghambal sing maayo nga sa hari, yara napatindug sa baláy ni Haman. Kag ang hari nagsiling: "Ibitay-ninyo sia sa iya."

10 Kag ginbitay nila si Haman sa bitayan, nga gin-aman niya nga sa kay Mardoqueo, kag naglugpay ang kasingkal sang hari.

**8** SANG amo nga adlaw, ginhatag sang hari nga si Asuero sa haring babae nga si Ester, ang baláy ni Haman nga manugpigis sang mga ludio, kag si Mardoqueo nagsulúd sa atubangan sang hari; kay ginpahayag ni Ester kon ano ini sia nahanungud sa iya.

2 Kag ginhukas sang hari ang iya singsing, nga iya ginkuha liwan kay Haman, kag ginhatag niya ini kay Mardoqueo. Kag ginbutang ni Ester si Mardoqueo sa ibabaw sang baláy ni Haman.



Sogo nga ginpatatala ni Asuero sa kaayohan  
sang mga Iudio.

3 Kag si Ester naghambal liwan sa atubangan sang hari, kag naghapa sa iya mga tiil, kag naghibi, kag nag-ampo sa iya, nga pakawalaon ang kalainan ni Haman, nga Agaginhon, kag ang iya padugi, nga ginhimo niya batok sa mga Iudio.

4 Kag gintunghol sang hari kay Ester ang setro nga bulawan ; kag si Ester nagbangon kag nagtindug sa atubangan sang hari.

5 Kag nagsiling sia : “Kon minamaayo sang hari, kag kon nakakita ako sing bugay sa atubangan sang hari kag kon matadlung ang butang sa atubangan sang hari, kag nahamut-an ako sa iya mga mata, nga magsulat sa pagwala sang mga sulat nga padugi ni Haman, nga anak ni Amadata, nga Agaginhon, nga nagsulat sa pagpalaglag sa mga Iudio nga yara sa tanan nga mga probinsia sang hari.

6 Kay ; paano bala ang pagkasarang ko pagtan-aw sang kalainan. nga mandangat sang akon banwa ? ; paano ang pagkasarang ko pagtan-aw sang kalaglagan sang akon mga himata ? ”

7 Kag nagsabat ang hari nga si Asuero sa haring babae nga si Ester kag kay Mardoqueo nga Iudio : “ Yari karon, ginhatag ko kay Ester ang balay ni Haman kag ginbitay sia sa bitayan, tungud kay naguntay sia sang iya kamut batok sa mga Iudio.

8 Busa, sulat-kamo sa ngalan sang hari sa kauyonan sang mga Iudio, subung sang minamaayo sa inyo mga mata, kag pat-ini sia sang singsing sang hari ; kay ang sinulat nga ginasulat sa ngalan sang hari kag mapat-inan sia sang singsing sang hari, indi na maliwan sia.”

9 Kag ginpanawag ang mga eskriba sang hari sa amo nga dag-on sa bulan nga ikatlo, nga among Siban, sa duha ka pulô kag tatlo sa ikatlo ka bulan (nga among bulan nga Siban), kag ginsulat, sono sang tanan nga ginsogo ni Mardoqueo, sa mga Iudio, kag sa mga satrapa, kag sa mga gobernador, sa mga dunganon sang mga probinsia, nga yara kutub sa India tubtub sa Kus, ang isa ka gatus duha ka pulô kag pito ka probinsia, sa tagsa ka probinsia sono sa iya panulat, kag sa tagsa ka banwa sono sa

iya hambal, kag sa mga Iudio man, sono sa ila panulat kag sono sa ila hambal.

10 Kag ginsulat ni Mardoqueo sa ngalan sang hari nga si Asuero, kag ginpatinan niya sang singsing sang hari ; kag ginpadala niya ang mga sulat sa mga kamut sang mga manugdalagan nga nagakalabayo, sa mga madasig nga kabayo, sa mga mula nga mga anak sang kabayo.

11 Ining mga sulat nagpahayg, nga ang hari nagatugut sa mga Iudio, nga yara sa tagsatagsa ka kabanwaan, nga magtilipon sila kag nga maghanda sila sa pag-apin sa ila kabuhi, sa paglaglag, kag sa pagpatay kag sa pagpanas sang tanan nga gahum nga nasangkapan sa hingniban sang banwa kag sang probinsia, nga nagpigis sa ila, pati ang mga kabataan kag mga babae, kag sa pag-ati sang ila mga pagkabutang.

12 Kag ini sa isa lamang ka adlaw sa tanan nga mga probinsia sang hari nga si Asuero, sa ikapulô kag tatlo sang bulan nga ikapulô kag duha, nga amo ang bulan sa Adar.

13 Ang isa ka hinuwad sang sinulat nga nahimo nga igahatag nga sogo sa tagsa ka probinsia, ginpahibalo sa tanan nga mga banwa, agud nga ang mga Iudio maghalanda nga sa sadto nga adlaw sa pagtimalus sa ila mga kaaway.

14 Busa, ang mga manugdalagan nga nagakalabayo sa mga madasig nga kabayo, sa mga mula, naglalakat, nga nagadalalidali kag nagadasig, nga nagadalala sang sogo sang hari ; kag ang sogo ginhatag sa Susan, nga puluy-anan.

15 Kag naghalin si Mardoqueo sa atubangan sang hari, nga may panapton nga harianon nga purpura kag maputi nga lino, kag may isa ka daku nga purungpurung nga bulawan, kag isa ka kunup nga lino kag nga eskarlata ; kag ang banwa sa Susan nagasingit kag nagkalipay.

16 Kag nga sa mga Iudio may kapawa kag kasadya, kag kalipay kag kadungan.

17 Kag sa tagsa ka probinsia kag sa tagsa ka banwa, nga didto nag-abut ang polong sang hari kag ang iya sogo may kalipay kag kasadya sa mga Iudio, kag mga piesta kag isa ka adlaw nga piesta. Kag bisan pa madamu sang mga banwa sang duta naningin-Iudio sila, kay ang

kahadluk bangud sang mġa Iudio naholog sa ibabaw nila.

Ginapapas sang mġa Iudio ang ila mġa kaaway.

9 KAG sa bulan nġa ikapulô kag duha, nġa amo ang bulan sa Adar, sa napulô kag tatlo sang bulan, nġa ang polong sang hari kag ang iya sogo dapat ibutang sa buhat, sa adlaw nġa ang mġa kaaway sang mġa Iudio nagahululat nġa maggahum sila sa ila, kag nġa, sang nabaylo na ang butang, ang amo nġa mġa Iudio naggahum sa mġa nagadulumut sa ila ;

2 Ang mġa Iudio nagtilipon sa ila mġa kabanwanan sa tanan nġa mġa probinsia sang hari nġa si Asuero sa pagdakup sa mġa naghilimulat sang ila kalainan ; kag walâ gid sing nagtindug sa atubangan nila, kay ang kahadluk bangud sa ila naholog sa ibabaw sang tanan nġa mġa banwa.

3 Kag ang tanan nġa mġa dunganon sang mġa probinsia, kag ang mġa satrapa, kag ang mġa gobernador, kag ang mġa nagahimo sang mġa pangita sang hari, nagdampig sa mġa Iudio ; kay ang kahadluk bangud kay Mardoqueo naholog sa ibabaw nila.

4 Kay si Mardoqueo among daku sa balâ sang hari, kag ang iya kabantugan nagalapta sa tanan nġa mġa probinsia ; kay ining tawo nġa si Mardoqueo nagamatamat sa pagdaku.

5 Kag ginpilas sang mġa Iudio ang tanan nila nġa mġa kaaway sa paglabô sang hinganiban, kag may kamatay kag may pagkalaglag, kag ginhimo nila sa mġa nagdulumut sa ila sono sa ila kabubuton.

6 Kag sa Susan, nġa puluy-anan, ginpatay kag ginpanlaglag sang mġa Iudio ang lima ka gatus ka mġa tawo ;

7 Kag ginpatay nila si Parsandata, si Dalpon, si Aspata,

8 Si Porata, si Adalia, si Aridata,

9 Si Parmata, si Arisai, si Aridai kag si Baisata,

10 Napulô ka anak ni Haman, nġa anak ni Amadata, nġa manugpigog sang mġa Iudio ; apang sa hinublas walâ sila maghilabut.

11 Sang amo gid nġa adlaw ginpatay sa hari ang kadamuon sang mġa patay sa Susan, nġa puluy-anan.

12 Kag nagsiling ang hari sa haring

babae nġa si Ester : “ Sa Susan, nġa puluy-anan, ginpatay kag ginlaglag sang mġa Iudio ang lima ka gatus ka tawo, kag napulô ka anak ni Haman. ¿ Ano bala ayhan ang ginhimo nila sa iban nġa mġa probinsia sang hari? *Busa*, ¿ ano bala ang imo pakilooy? Pagaihatag sia sa imo. Kag ¿ ano pa ang imo pangayô? Pagahimoon ini.”

13 Kag nagsilig si Ester : “ Kon minamaayo sang hari, nġa itugut man buas sa mġa Iudio sa Susan, nġa himoon nila sono sang sogo nġa sa karon ; kag nġa pakabitan sa bitayan ang napulô ka anak ni Haman.”

14 Kag nagsogo ang hari nġa himoon ang subung sini, kag nġa ighatag sa Susan ang sogo ; kag ginbitay nila ang napulô ka anak ni Haman.

15 Kag ang mġa Iudio nġa yara sa Susan nagtilipon man sila sang napulô kag apat sang bulan sa Adar, kag ginpatay nila sa Susan ang tatlo ka gatus ka tawo ; apang sa hinublas walâ sila maghilabut.

16 Kag ang iban nġa mġa Iudio nġa didto sa mġa probinsia sang hari, nagtilipon sa pag-apin sang ila kabuhi kag sa paghuput sang pahuway sa ila mġa kaaway, kag ginpatay nila sa ila mġa kaaway ang kapitoan kag lima ka libo ; kag sa hinublas walâ sila maghilabut.

17 Nahanabu ini sa adlaw nġa ikapulô kag tatlo sang bulan sa Adar, kag may kapahuwayan sila sa ikapulô kag apat, kag ginhimo nila sa iya nġa adlaw sang piesta kag sang kalipay.

18 Apang ang mġa Iudio, nġa yara sa Susan, nagtilipon sang ikapulô kag tatlo kag sang ikapulô kag apat sang amo nġa bulan ; kag may kapahuwayan sila sa ikapulô kag lima, kag ginhimo nila sa iya nġa adlaw sang piesta kag sang kalipay.

19 Tungud sini ang mġa Iudio nġa umanhon, nġa nagapuluyô sa mġa minoro nġa walâ sing kuta, nagahilimo sila sa ikapulô kag apat sang bulan sa Adar sang adlaw sa kasadya, kag sa konbirado kag sa piesta, nġa sa iya nagapadalalay sila sing mġa dólôt ang isa sa isa.

Paglatang sang piesta sa Purim.

20 Kag nagsulat si *Mardokko* sining mġa butang, kag nagpadalâ sia sing sulat sa tanan nġa mġa Iudio nġa didto sa ta-



nan nga mga probinsia sang hari nga si Asuero sa mga yara sa malapit kag sa nga malayô,

21 Nga *nagasogo* sa ila, nga magtukud sila sa tungâ nila, nga sa tuigtuig maghiwat sila sang adlaw nga ikapulô kag apat sang bulan sa Adar,

22 Subung nga mga adlaw nga ang mga Iudio may kapahuwayan sang ila mga kaaway, kag *subung* nga bulan nga ang ila kasubo nabaylohan sa kalipay, kag ang ila lalaw sa adlaw nga piesta; nga himoon nila sa iya ang mga adlaw sang piesta kag sang kalipay, nga sa iya magpadalahay sila sing mga dôlot ang isa sa isa, kag nga sa iya magpanghatag sila sing mga dôlot sa mga imol.

23 Kag ang mga Iudio nagbaton nga *pamatasan* sang kinasugdan na nila sa paghimo, kag sang ginsulat sa ila ni Mardoqueo.

24 Kay si Haman, nga anak ni Hamadatta, nga Agaginhon, nga manugpigis sang tanan nga mga Iudio, nagpdugi batok sa mga Iudio sa paglaglag sa ila, kag nagholog sia sing Pur, kon sayoron sing kapalaran, sa paglaglag sa ila kag sa pagpapas sa ila.

25 Kag sang *si Ester* nag-abut sa atubangan sang hari, ini sia nagsiling tungud sa mga sulat, nga ang malauton nga padugi, nga ginhimo ni Haman batok sa mga Iudio, maholog sa ibabaw sang iya olo kag nga bitayon sia sa bitayan, sia kag ang iya mga anak.

26 Tungud sini ginhingalanan nila ini nga mga adlaw nga Purim, sa ngalan nga Pur. Busa, tungud sang tanan nga mga polong sini nga sulat, kag tungud sang ila nakita nahanungud sini, kag sang nahanabu sa ila,

27 Gintukod kag ginbaton sang mga Iudio nga sa ila kag nga sa ila kaliwatan, kag nga sa tanan nga mga nagadampig sa ila, nga indi pagkulangon sila sa paghiwat sa tuigtuig sining duha ka adlaw, sono sa ila *solondan* nga nasulat kag sang ila panag-on nga tinapat;

28 Kag nga ining mga adlaw manginhandumanan sila kag paghiwaton sila

sa kaliwatan kag sa kaliwatan, sa tagsa ka panimalây, sa tagsa ka probinsia, kag sa tagsa ka banwa; kag nga ining mga adlaw sa Purim indi maguntat sa mga Iudio, kag nga ang handumanan sa ila indi mapanas sa ila kaliwatan.

29 Kag ang haring babae nga si Ester, nga anak ni Abihail, kag si Mardoqueo nga Iudio, nagsululat sila sa dakung kaagamhanan sa pagpamatuud sining ikaduha ka sulat nahanungud sa Purim.

30 Kag ginpadalâ ni *Mardoqueo* ang mga sulat sa tanan nga mga Iudio, nga yara sa mga isa ka gatus duha kapulô kag pito ka probinsia sang hari nga si Asuero, nga may mga polong sa paghidaet kag sa kamatooran,

31 Sa pagpalig-on sining mga adlaw sa Purim sa iya mga panag-on nga tinapat, sono sang ginlalang sa ila ni Mardoqueo nga Iudio, kag sang haring babae nga si Ester, kag subung nga ginlalang nila nga sa ila gid kag nga sa ila kaliwatan, nahanungud sang ila mga pagpuasa kag sang ila pagpanghakroy.

32 Kag ang sogo ni Ester nagpamatuud sining mga butang sang mga Purim, kag ginsulat ini sa tolon-an.

Pagkadaku kag gahum ni Mardoqueo.

**10** KAG ang hari nga si Asuero nagpahamtang sing isa ka buhis sa ibabaw sang duta kag sang mga kapuloan sang dagat.

2 Kag nahanungud sang tanan nga binuhatan sang iya kagamhanan, kag sang iya mga kabantugan, kag nahanungud sang kasaysayan sang pagkadaku ni Mardoqueo, kag paano nga ginpaka-taas sia sang hari, walâ bala masulat ini sa tolonan sang mga Kronika sang mga hari sa Media kag sa Persia?

3 Kay si Mardoqueo nga Iudio nagingikaduha sa olehe sang hari nga si Asuero, kag daku sa tungâ sang mga Iudio kag nahamut-an sa kadamuan sang iya mga útud, kay naghimulat sia sang kaayohan sang iya banwa, kag nagahambal sia sing paghidaet nga sa tanan nga kaliwatan niya.

# SI IOB.

Si Iob nagapadayon nga matutum sa Dios sa malaut nga kapalaran.

1 MAY isa sadto ka tawo sa duta sa Hus, nga ginhingalanan nga si Iob; kag ini sia among tawo nga himpit kag matadlung, kag mahadlukon sa Dios, kag nahilayô sa kalainan.

2 Kag nagkalatawo sa iya ang pito ka anak nga mga lalaki, kag tatlo ka anak nga mga babae.

3 Kag may kahayupan sia nga pito ka libo ka mga obeha, kag tatlo ka libo ka mga kamelyo, kag lima ka gatus ka pinares nga mga baka, kag lima ka gatus ka mga asno nga bakiya, kag madamu gid nga mga sologoon; yadtong tawo among labing daku sang tanan nga mga anak sang Sidlangan.

4 Kag ang iya mga anak nagkaladto kag naghilimo sing mga kombirado sa mga baláy sang tagsatagsa sa iya adlaw; kag ginpakadtoan nila sa pagtawag sang ila mga utúd nga babae, agud nga magkalaon sila kag magilinum upud sa ila.

5 Kag nahanabu nga, sang nagligad na ang palibud sang mga adlaw sang kombirado, si Iob nagpadalá kag ginpakabalaan niya sila, kag nagbangon sia sa kaagahon kag naghalad sing mga halad nga sinunog, sono sang kadumuon nila nga tanan. Kay nagsiling si Iob: "Ayhan nagpalakasalá ang akon mga anak, kag nagpalasipala sa Dios sa ila mga kasingkasing." Sa sini nga bagay ginhimo niya sa tanan nga mga adlaw.

6 Kag nahanabu sa isa ka adlaw, nga nagsululúd ang mga anak sang Dios sa pag-atubang sa atubangan ni Iehoba. kag nagsulúd man si Satanas sa tungâ nila.

7 Kag si Iehoba nagsiling kay Satanas: "¿Sa diin ka bala maghalín?" Kag nagsabat si Satanas kay Iehoba, kag nagsiling: "Sa paglibotlibot sang duta, kag sa paglakat sa iya."

8 Kag si Iehoba nagsiling kay Satanas: "¿Walâ mo bala pagtalupangda ang

akon alagad nga si Iob? Kay walâ na sing iban nga subung sa iya sa duta, nga tawo nga himpit kag matadlung, mahadlukon sa Dios kag nahilayô sa kalainan."

9 Kag nagsabat si Satanas kay Iehoba kag nagsiling: "¿Nahadluk bala si Iob sa Dios sa walay pulus?"

10 ¿Walâ mo bala pagbutangî sing kudal sa palibot niya kag sa palibot sang iya baláy, kag sa palibot sang tanan nga iya? Ginpakamaayo mo ang kinabudlayan sang iya kamut; kag ang iya kahayupan naglapnag sa ibabaw sang duta.

11 Apang untaya karon ang imo kamut, kag kamluta ang tanan nga iya, kag *makita mo* kon indi ka niya pagpasipalahan sa imo nawung."

12 Kag nagsiling si Iehoba kay Satanas: "Yari karon ang tanan nga iya yara sa imo kamut: lamang indi mo pagibutang gid ang imo kamut sa ibabaw niya." Kag si Satanas naghalín sa atubangan ni Iehoba.

13 Kag sang isa ka adlaw nahanabu, nga ang iya mga anak nga lalaki kag mga babae nagkilinaon, kag nagilinum sing alak sa baláy sang ila útud nga magulang.

14 Kag imabut ang isa ka manugtunda kay Iob *kag* nagsiling: "Gindaro pa ang mga baka, kag ang mga asno nga bakiya naghalalab sa malapit sa ila,

15 Kag gindasmagan sang mga Sabeinhon kag ginpanguha nila sila, kag ginpilasán nila ang mga pamatan-on sa sulab sang hinganiban; kag ako gid lamang ang nakapalagyô sa pagbalita sini sa imo."

16 Sang nagahambal pa ini sia, nag-abut ang isa kag nagsiling: "Ang kalayo sang Dios naholog kutub sa langit, nga nagsunog sang mga obeha kag sang mga pamatan-on, kag ginupúd niya sila, kag ako gid lamang ang nakapalagyo sa pagbalita sini sa imo."

17 Naghambal pa ini sia, kag nag-



abut ang isa kag nagsiling: "Ang mġa Kaldeinhon naghimo sing tatlo ka hugna, kag nagdalasmag sila sa mġa kamelyo, kag ginkuha nila sila, kag ginpilasan nila ang mġa pamatan-on sa sulab sang hinganiban, kag ako gid lamang ang nakapalagyo sa pagbalita sini sa imo."

18 Naghambal pa ini sia, kag nag-abut ang isa kag nagsiling: "Ang imo mġa anak nġa lalaki kag mġa babae nagkilinaon kag nagilinum sila sa baláy sang ila útud nġa magulang."

19 Kag yari karon ang isa ka mabas-kug nġa hanġin naggikan sa isa ka luyo sang kahanayakan kag nagsungo sang apat ka pamusud sang baláy, kag naholog ini sa ibabaw sang mġa pamatan-on, kag nagkalamatay sila; kag ako gid lamang ang nakapalagyo sa pagbalita sini sa imo."

20 Niyan si Iob nagtindug, kag gingisi niya ang iya panapton, kag gin-alotan niya ang iya olo, kag naghapa sia sa duta.

21 Kag nagsiling sia: "Hubo nag-gowa ako sa tiyan sang akon ilóy, kag hubo magabalik ako sa iya. Si Iehoba naghatag, kag si Iehoba nagkuha: nġa pagpakamaayohon ang nġalan ni Iehoba."

22 Sa sining tanan walâ makasalâ si Iob, bisan ginpabangud niya ang bisan ano nġa ditakus sa Dios.

**2** KAG sang isa ka adlaw nahanabu, nġa nag-alabut ang mġa anak sang Dios sa pag-atubang sa atubangan ni Iehoba, kag si Satanang nagsulud man sa tungâ nila sa pag-atubang sa atubangan ni Iehoba.

2 Kag si Iehoba nagsiling kay Satanang: "¿Sa diin ka bala maghalin?" Si Satanang nagsabat kay Iehoba, kag nagsiling: "Sa paglibotlibot sang duta kag-sa paglakat sa iya."

3 Kag si Iehoba nagsiling kay Satanang: "¿Walâ mo bala pagtalupangda ang akon alagad nġa si Iob? Kay walâ na sing iban nġa subung sa iya sa duta, tawo nġa himpit kag matadlung, mahadlukon sa Dios, kag nahilayô sa kalainan. Kag ginhuptan pa niya ang iya kahimpitan, bisan pa gin-agda mo ako batok sa iya, agud nġa paghalonhonon sia sa walay kabangdanan."

4 Kag nagsabat si Satanang kag nag-

siling kay Iehoba: "Panit tungud sang panit; kag ang tanan nġa iya sang tawo, pagaihatag niya tungud sa iyang kabuhi."

5 Busa untaya karon ang imo kamut, kag kamluta ang iya tul-an kag ang iya unud, kag makita mo kon indi ka niya pagpasipalahan sa imo nawung."

6 Kag si Iehoba nagsiling kay Satanang: "Yari karon, sia yara sa imo kamut; apang andami ang iya kabuhi."

7 Kag naghalin si Satanang sa atubangan ni Iehoba kag ginpilas niya si Iob sang hubag nġa nagabuadad kutub sa dapadapa sang tiil tubtub sa alimpu-duhan sang iya olo.

8 Kag nagkuha sia sing isa ka bika nġa inugkalot, kag naglingkod sia sa tungâ sang abô.

9 Niyan nagsiling sa iya ang iya asawa: "¿Ginahuptan pa nimo ang imo pagkatadlung? Pakamaayoha ang Dios, kag panginmatay ka."

10 Kag si Iehoba nagsiling sa iya: "Naghambal ikaw, subung sang ghambal sang isa sadtong mġa babae nġa kulang-kulang. ¿Pagabatunon naton bala ang kaayohan sang Dios, kag ang kalainan indi kita magbaton?" Sa sining tanan walâ makasalâ si Iob sa iya mġa bibig.

Ang mġa abyan ni Iob nagatilipon sa paglipay sa iya.

11 Kag ang tatlo ka mġa abyan ni Iob, nġa si Elipas, nġa Temanhon, kag si Bildad, nġa Suanhon, kag si Sopar, nġa Nahamanhon, nġa sang pagkabati nila sining tanan nġa kalainan, nġa nag-abut sa iya, nag-alabut sila, ang tagsatagsa gikan sa iya duug; kay naghilisapul sila sa pagpalaka ito sing tingub sa pagkalooy sa iya kag sa paglipay sa iya.

12 Kag hinayaw nila ang ila mġa mata kutub sa malayô, kag walâ nila sia makilala, kag naghalaya sila; kag ang tagsatagsa sa ila naggisi sang iya panapton, kag ginsabwagan nila sing yab-ok ang ibabaw sang ila olo nayon sa langit.

13 Kag naglilingkod sila upud sa iya sa duta sing pito ka adlaw kag pito ka gab-i, kag walâ sing bisan sin-o sa ila nġa naghambal sa iya, kay ginatan-aw nila, nġa ang iya kasakit daku gid.

Panalabiton ni Iob.

3 SA tapus sini, ginbukâ ni Iob ang iya bâbâ, kag ginpakamalaut niya ang iya adlaw.

2 Kag si Iob naghambal kag nagsiling:

3 Mawâlâ ang adlaw nga akon ginpa-katawohan,

Kag ang kagab-ihon nga ginsiling: "Lalaki ang ginpanamkon."

4 Yadtong adlaw magmanġinmadulum,

Kag ang Dios dili magpangita sa iya tubtub sa ibabaw;

Bisan sa ibabaw niya magsidlak ang kapawa:

5 Kuhaa sia liwan sa mga kadudulman kag sa landong sang kamatayon;

Magholon sa ibabaw niya ang guum, Pagpakulbaan sia sang kadulum sang adlaw.

6 Sadtong gab-i! Ang kadulum maglikop sa iya;

Nga indi magkalipay sa mga adlaw sang tuig,

Bisan malakip sia sa kadamuon sang mga bulan.

7 Yari karon, magmanġinbaw-as yadto nga bag-i.

Nga indi mag-abut sa iya ang bisan ano nga hinugyaw.

8 Magpakamalaut sa iya ang mga nagapakamalaut sang mga adlaw,

Ang mga sampaton sa pagpatindug sang Lebiatan.

9 Magdululum ang mga bitoon sa iya pagpamanagbanag;

Paghulaton-niya ang kapawa, kag indi mag-abut sia,

Bisan makakita sia sang mga ilalakub sang kaagahon;

10 Tungud kay walâ magtakup sia sang mga gawang sang tiyan nga didto ako,

Bisan gintago niya sa akon mga mata ang kasakitan.

11 Kay nga bala walâ ako mapatay kutub pa sa taguankan?

Kay nga bala walâ ako mabugtoi sing *ginhawa* sa paggowa ko sa tiyan?

12 Kay nga bala ginbaton ako sang mga tuhod?

Kag kay nga bala *nakit-an* ang mga soso nga pagasos-an ko?

13 Kay karon maghamyang unta ako kag magpahuway;

Magtolog ako kunta kag may pahuway ako

14 Kaupud sang mga hari kag kaupud sang mga manuglaygay sa duta,

Nga nagpalatindug sila nga sa ila sing mga balâ nga harianon nga naguba,

15 Kon kaupud sa mga dunganon, nga nag-alangkon sing bulawan,

Nga nagkalapunô ang ila mga balâ sang pilak:

16 Kon subung nga naholog nga natago walâ na ako,

Subung sang mga magamay nga walâ sila makakita sing kapawâ.

17 Didto ang mga malauton nagabiliya sa pagtublag,

Kag didto nagapalahuway ang mga maluya sing kusug.

18 Didto gid nagapalahuway ang mga bihag,

Indi sila makabati sang tinġug sang manugpanukot sang buhis.

19 Yadto didto ang magamay kag ang dalagku,

Kag ang ulipon nga natimawa sa iya agalon.

20 Kay nga bala ginhatag ang kapawâ sa nasakitan,

Kag ang kabuhi sa mga may kapaitan sa kalâg.

21 Nga nagahululat sang kamatayon, kag sia walâ mag-abut,

Kag ginapangita sia nila labi sang mga bahandi,

22 Sa mga nagakalalipay sing tuman gid kaayo,

Kag nagahilimaya kon makita nila ang lulubngan,

23 Sa tawo nga ang iya dalan natago, Kag nga ang Dios naglikup sing kudal sa iya?

24 Kay sa una sang akon tinapay nagaabut ang akon panghayhay;

Kag ang akon mga pagbakho nagailig subung sang mga tubig.

25 Kon nagakatahap ako sing butang nga makalilisang, nagaabut sia sa akon,

Kag nahanabu sa akon, ang akon gin-kahadlukan.

26 Walâ ako sing paghidaet, bisan kalinong, bisan kapahuwayan:

Nag-abut sa akon ang kalisang.



Si Elipas nagasabdong kay lob tungud sang iya mga panalabitan; nagasugid sia sang iya palanan-awon.—Ginapalig-on niya nga ang malaut nga kapalaran amo ang silot sang sala, kag nagalaygay kay lob sa paghiculsul kag sa pagkamatinumanon.

4 KAG nagsabat si Elipas, nga Te-manhon, kag nagsiling:

2 Kon tilawan sa paghambal sa imo, ¿paggamohon ka bala?

Apang ¿sin-o bala ang sarang makapugong sang mga polong?

3 Yari karon, ikaw nagsabdong sa madamu,

Kag sa mga maluya nga kamut nagapabaskug ka;

4 Ang nagapanangalangang, ginapalig-on sang imo nga polong,

Kag ginpabakud mo ang mga tuhod nga nagakoko;

5 Apang karon nga ang *kalainan* nagabut sa imo, nagakalisud ka.

Karon nga nag-abut sia tuhtub sa imo, nagakalisang ka sa iya.

6 Ang imo kahadluk sa *Dios*, ¿indi bala amo ang imo pagsalig?

Kag ang pagkawalay salâ sang mga dalan, ¿indi bala sia ang imo paglaum?

7 Panumduma, ginaampo ko sa imo, ¿sin-o bala ang walay salâ nga madula?

Kag ¿diin bala ang mga matadlung nga pagpanlaglagon?

8 Subung sang nakita ko, ang mga nagadalaro sing kalainan,

Kag nagatanum sing kasakitan amo man ang ila pag-anihon:

9 Nagakadula sila tungud sang gininhawa sang *Dios*,

Kag tungud sang huyup sang iya kasingskal ginaupud sila.

10 Ang ngurub sang leon, kag ang tingug sang nagaima,

Kag ang mga ngipon sang mga magamay ginapamoong sila.

11 Ang mabaskug nga leon mapatay tungud sa kakulang sang tulukbon,

Kag ang mga tutoy sang leon nga babae ginapaaplaag sila.

12 Ginsiling sa akon ang isa ka polong sa tago lamang,

Kag ang akon idulungug nakabati sang higong niya.

13 Sa mga hunahuna nga ginadalâ sang mga palanan-awon sa kagab-ihon,

Sang ang katologon nga hamook maholog sa ibabaw sang mga tawo,

14 Nag-abut sa akon ang isa ka kahangyus kag isa ka pagpalangurug,

Nga nagpakibang sang tanan ko nga mga tul-an:

15 Kag isa ka huyup naglabay sa atubangan ko,

Nga nagpabukag sang bulbul sang akon unud.

16 Nagdulong sia, apang walâ ako makilala sang iya bayhon.

Amo ini ang isa ka dagway sa atubangan sang akon mga mata;

May isa ka tunug nga matam-is; kag nabatian ko ang isa ka tingug:

17 “¿Amo bala ang mamalatyon nga labing matarung pa sa *Dios*,

Kon amo bala ang tawo nga labing matinlo sang nagbuhat sa iya?

18 Yari karon, nga sa iya mga alagad walâ sia pagsalig,

Kag nagapabangud sia sing kabuangan sa iya mga manugtunda:

19 ¿Labi na gid sa mga nagapuluyô sa mga balây nga lunang,

Nga ang iya sadsaran yara sa yab-ok,

Kag ginadugmok sila subung sang mga bokbok!

20 Kutub sa aga tuhtub sa hapon ginapanlaglag siia;

Nga walâ gid sing sin-o nga makamulalong, nagakaladula sila sa gihapon.

21 Sa ila ang lubid nga nagahawid sang kabuhi, ¿indi bala ginagabut?

Nagakalamatay sila, apang walâ sing kaalam.”

5 BUSA karon, paniawag-ka. ¿May magasabat bala sa imo?

Kag ¿sa kay sin-o bala sang mga balaan magabalik ka?

2 Matuud, ang kaakig nagapatay sa buangbuang,

Kag ang kaimon nagapatay sa kulangkulang.

3 Ako nakakita sa buangbuang nga nagapangamut,

Kag sa gilayon ginpakamalaut ko ang iya puluy-an:

4 Ang ila mga anak malayô sa kaluwasan,

Kag sa gawang ginalaglag sila,

Kag walâ sing sin-o nga makaluwas sa ila.

5 Ang ginagutum nagahalunhon sang iya alanyon,

Kag ginakuha pa niya sia sa tungâ sang mga katunukan,

Kag ang sihod nagatolon sang ila mangad ;

6 Kay ang *bunġa* sang kalainan walâ magahalîn sa yab-ok,

Bisan ang kabudlayan nagaulhot sa duta.

7 Kay ang tawo natawo nġa sa kabudlayan, subung sang mġa alipalok nahahalayaw sa paglupad.

8 Apang ako gid, pagapangitaon ko ang Dios nġa Makagagahum,

Kag pagaipanugyan ko sa Dios ang akon mġa kasaba,

9 Nġa sia nagahimo sing mġa butang nġa dalagku kag dimatungkad,

Kag tuman ka damu nġa mġa kalatingalahan, nġa indi sarang maisip.

10 Nagahatag sia sang ulan sa ibabaw sang kadaygan sang duta,

Kag nagapadalâ sia sing mġa tubig sa kadaygan sang mġa latagon.

11 Nagabutang sia sa mġa mapainubuson sa duug nġa mataas,

Kag ang mġa nagasuklub sing panapton sa lalaw ginapatindug sila sa kaluwasan.

12 Nagapanas sia sang mġa katuyoan sang mġa malalang,

Kag ang ila mġa kamut walâ gid makadangat sing kauswagan.

13 Nagadakup sia sa mġa maalam sa kalalangian gid nila,

Kag ang laygay sang mġa malalangon ginapapaholog :

14 Sa adlaw gid nagabuno sila batok sa kadudulman,

Kag sa udtong adlaw nagapanagadsad sila subung sang sa kagab-ihon.

15 Kag amo ini nagaluwas sia sa imo sa ila hinganiban,

Sa ila bâbâ kag sa kamut sang makusug,

16 Sa bagay nġa may paglaum nġa sa makalolooy,

Kag ang pagkamalalison magtakup sang iya bâbâ.

17 Yari karon, bulahan ang tawo nġa ginasabdong sang Dios.

Nġani, ayaw pagtamaya ang pagbadlong sang Makaako.

18 Kay sia amo ang nagahimo sang pilas, kag sia ang magabugkos sa iya :

Sia nagapilas, kag ang iya mġa kamut nagabulóng.

19 Sa anum ka mġa kalisdanan pagaluwason ka niya,

Kag sa ikapito indi makaduut sa imo ang malain.

20 Sa gutum pagatubson ka niya sa kamatayon,

Kag sa pagilinaway sa mġa paglambut sang hinganiban.

21 Sa hampak sang dila pagatabunan ka,

Kag indi ka magkahadluk sang kahapayan kon mag-abut.

22 Sa kahapayan kag sa gutum magakadlaw ka,

Kag indi ka mahadluk sa mġa kasapatan sa latagon ;

23 Kay sa mġa bató sang latagon may pakigkatipan ka,

Kag ang mġa kasapatan nġa mapistas sa latagon magamanġinlinugpayan sila sa imo ;

24 Kag makakita ka nġa may paghidaet sa imo layanglayang ;

Kag magaduaw ka sang imo puluy-an kag walâ sing bisan ano nġa makulang sa imo

25 Kag makakita ka, nġa ang imo kaliwatan madamu,

Kag ang imo tinúbô subung sang hilaon sang duta.

26 Kag sa katigulangon gid magasulúd ka sa lulubnġan,

Subung sang binugkos nġa trigo nġa ginakuha sa iya panag-on.

27 Yari karon ang amon nausisaan, nġa amo gid ini.

Pamatii sia, kag kilalahon mo sia sing maayo

Si Iob nagapahayag nġa ang iya panalabitan may mġa sadsaran, nagasiliag sia nġa nagahandum sang kamatayon, nagatimulang sa iya mġa abyan tungud sang ila pagkadimatarung kag katig-a sang tagipsoon, kag nagapanġayo, sa Dios nġa malooy sa ila kahimtangġan.

**6** KAG, sang sumabat si Iob, nagsiling sia :

2 ; Oh, kon timbangon, kon timbangon, ang akon kalisdanan,

Kag kon igsulúd sing tingub sa timbangon ang kalalat-an !

3 Kay karon mabug-at ini sing labi sang balas sang dagat :

Kag tungud sini ang akon mġa polong nanġinmadalas.

4 Kay ang mġa baslay sang Makaako yari sa akon,



Kag ang iya dalit ginainum sang akon espiritu,

Kag ang mga kakulba sang Dios napahamptang sa pasunod nga pag-awayan batok sa akon.

5 ; Ayhan nagagaab bala ang asno nga talonon sa luyo sang hilamon?

; Nagaima bala ang baka sa luyo sang iya halalban?

6 ; Makaon bala nga walâ sing asin ang matab-ang?

Kon ; may namit bala sa klara sang itlog?

7 Ang akon kalág nagadumili sa pagkamlut sa iya,

Sia subung sang kalan-on nga masumud sa akon.

8 ; Kabay pa nga mag-abut ang akon pinangayô,

Kag nga ang Dios maghatag sa akon sang akon ginahulat!

9 Kabay pa nga makapahamuut sa Dios ang pagmusmus sa akon,

Nga pagbuhian niya ang iya kamut, kag magtapus sa akon,

10 Sa bagay nga manginakon pa kalipay,

Kag pasadyahon ako sa tungâ sang kasakitan nga walâ magautat;

Kay ako walâ magtago sang mga polong sang Balaan.

11 ; Ano bala ang akon kabakuran sa paghulat pa?

Kag ; ano ang akon katapusan, agud nga pagpadugayon ko ang paglaum sang akon kabuhi?

12 ; Ang akon kabakuran amo bala ang kabakuran sang mga batô,

Kon ang akon unud tumbaga bala?

13 ; Indi bala ako nga walay pagtabang sa akon kaugalingon,

Kag ang tanan nga pagbulig ginpapalayo sa akon?

14 Nga may bugay sa abyan nga sa ginalapyo,

Kon indi pagabayaan niya ang kahadluk sang Makagagahum.

15 Ang akon mga útud naninginmabudhion subung sang kasulgan,

Subung sang ililigan sang mga kasulgan nga nagaalagi,

16 Nga inibug tungud sang mga hieo,

Nga sa iya nagakapanas ang niebe;

17 Sa panag-on sang init nagakadula sila,

Sang maginit, nagamala sila sa ila duug.

18 Ang mga karabana nagasulunud sang mga likoan sang ila dalan;

Nagataklad sila sa kahanayakan kag nagakadula sila.

19 Nagatululok ang mga karabana sa Tema,

Ang mga manuglakat sa Seba nagahululat sa ila:

20 Nahuy-an sila tungud sang ila paglaum;

Nagaalabut sila tuhtub sa ila, kag nagakalalibog sila.

21 Karon amo ini nawalâ na kamo:

Nakakita kamo sang kalisang kag nagakalahadluk kamo.

22 ; Nagsiling bala ako sa inyo: "Hagtagi ninyo ako,

Kag sa inyo pagkabutang himoi-ninyo ako sing isa ka dólót?

23 Kon ; luwasa ninyo ako sa kamut sang kasumpung,

Kag tubsa ninyo ako sa gahum sang mga manugpigis?"

24 Tudloi-ninyo ako, kag magahipus ako;

Kag ipatalupangud-ninyo sa akon kon sa ano ako magsayup.

25 ; Nga pagkakusug sang mga polong sa katadlungan!

Apang ang inyo pagsabdong, ; ano bala ang ginasabdong niya?

26 ; Nagahunahuna kamo bala nga magamulay sang mga pinolongan?

Ang mga pololongan sang isa ka naganungonsungon nahanungud sa hangin.

27 ; Hoo, magapapalad man kamo kunta sa ibabaw sang ilo,

Kag magakutkut kamo sing boho sa atubangan sang inyo abyán!

28 Busa karon, kabay pa nga maluyag kamo magbalik sa akon,

Kag, sa pagkamatuud, indi ako magabutig sa inyo nawung.

29 Balik-kamo, ginaampo ko, indi kamo maglakat tuhtub sa pagkamalalison.

Balik-kamo liwan: ang kabangdanan matadlung.

30 ; May kalautan bala sa akon dila?

; Indi bala makapapain ang akon alingnagang sang mga kalalat-an?

**7** ; WALA bala nga sa mga mamalatyon ang isa ka alagdan nga

pagkasoldado sa duta,

Kag ang iya mġa adlaw subung sang adlaw sang mamumugon?

2 Subung sia sang alagad nġa nagabandum sang landong,

Kag subung sang mamumugon nġa nagahulat sang sohol sang iya pagpangabudlay.

3 Amo ini ang pag-angkon ko sang mġa bulan sa pagkamakalolooy,

Kag ang mġa kagab-ihon nġa mġa kailisdan ginpat-in sa akon.

4 Kon nagahigda ako, nagasiling ako: "San-o bala ako magabangon?"

Kag makita ako bala sang pagpalagyo sang kagab-ihon?

Kag tinak-an ako sang bolobaliskad tubtub sa pamanagbanag.

5 Ang akon unud sinaputan sing mġa ulud kag sing mġa kugan nġa nayabokan.

Ang akon panit yupuk kag kalangil-aran.

6 Kag ang akon mġa adlaw nanġin-madasig subung sang lansadera sang manoghabol,

Kag nagakalatapus sila nġa walâ na sang paglaum.

7 Panumduma nġa ang akon kabuhi among isa ka huyup:

Ang akon mġa mata indi na magbalalik sa pagtan-aw sang kaayohan.

8 Ang mġa mata sang mġa nagatalan-aw sa akon, indi na gid sila makakita sa akon;

Ang imo mġa mata *magatulok* sa akon, kag walâ na ako.

9 Ang panganud nagakapanas, kag nagaligad:

Amo man ang nagapanaug sa lulubnġan, indi na magsaka sa iya.

10 Indi na magbalik sia sa iya balây, Bisan ang iya duug makakilala pa sa iya.

11 Nġani, ako indi magapugung sang akon bâbâ,

Pagaihambal ko sa kasulub-an sang akon espiritu,

Kag magapanghayhay ako upud sang kapaita: sang akon kalâg.

12 ;Dagat bala ako, kon dragon,

Nġa pagabutangan mo ako sing bantay?

13 Kon magsiling ako: Pagalipayon ako sang akon higdaan,

Ang akon higdaan magapahaganhagan sang akon mġa pagpanghayhay;

14 Niyan nagalisang ka sa akon sang mġa damgo,

Kag ginahadluk mo ako sa mġa palanan-awon.

15 Kag sa sini ginpakalabing maayo sang akon kalâg ang paghikog, ang kamatayon,

Labi pa sang akon mġa tul-an.

16 Ginatak-an ako sa iya: indi na ako maluyag magpangabuhi nġa sa gihapon.

Nġani, untat-ka, pabaye ako, kay ang akon mġa kaadlawan mġa kadayawan.

17 ;Ano bala ang mamalatyon, agud nġa pagpakadakuon mo sia,

Kag pagtalupangdon mo sia,

18 Kag nġa pagduawon mo sia sa tanan nġa mġa aga,

Kag sa tanan nġa mġa tion pagtilawan mo sia?

19 ;Tubtub pa bala san-o nġa indi mo pagibalik sa akon ang imo mġa mata?

;Indi mo bala ako pagtugutan sing oras sa pagtolon sang akon lawây?

20 Kon nakasalâ ako, ;ano bala ang pagahimoon ko sa imo, oh Manugtatap sang mġa tawo?

;Kay nġaa bala nġa ginbutang mo ako nġa iligoon sa imo mġa bunal,

Tubtub nġa sa akon gid manginmabug-at ako?

21 ;Kay nġaa bala indi mo pagpatawaron ang akon pagkamalalison, kag pagpataliwanon mo ang akon kalautan?

Kay karon magatolog ako sa yab-ok, Pagapangitaon mo ako, kag walâ na ako.

Si Bildad nagapatukod sa mġa kalalat-an ni Iob kag sang iya mġa anak, nġa naghilimo sila sing kon ano nġa kalautan. Nagapakibulig sa pinaniliagan sa pagpazathag, nġa ang pag-antus among bunga sang sala, kag ginasaysay niya ang ketutun sang matarung.

**8** KAG si Bildad, nġa Suanhon, nagsabat kag nagsiling:

2 ;Tubtub pa san-o magahambal ka sang subung nġa mġa butang,

Kag ang mġa polong sang imo bâbâ magamanginmabaskug nġa hangin?

3 ;Ayhan pagapakalainon sang Dios ang katadlungan?

Kon ang Makagagahum, ;magapakalain sia bala sang katarungan?

4 Kon ang imo mġa anak nagpalakasalâ batok sa iya,



Sia nagtugyan sa ila sa kamut sang ila salâ.

5 Kon ikaw gid magpangita sa Dios, Kag mag-ampoka sa Makagagahum,

6 Kon ikaw matinlo kag matadlung ka,

Sa pagkamatuud gid, magapulaw sia sa ibabaw nimo,

Kag pagapatindugon liwan niya ang puluy-an sang imo katarungan:

7 Ang imo pamúnô nangindiotay,

Kag ang imo kaolehian magadagaya sing tuman gid.

8 Ngani pamangkot-ka karon sa mġa pamúnô nġa panag-on,

Kag talupangud-ka sang ginpangita gid sang ila mġa ginikanan,

9 Kay kami kahapon lamang, kag walâ kami makahibalo sing ano man,

Kay ang aton mġa kaadlawan sa ibabaw sang duta subung sang landong.

10 ; Indi bala magtudlo sila sa imo, indi bala magahambal sila sa imo,

Kag indi bala magakuha sila sa ila mġa tagiposoong sang ila mġa pinolonġan?

11 ; Nagatúbô bala ang papiro sa diin nġa walâ sing lunang,

Nagatúbô bala ang tigbaw sa walâ sing tubig?

12 Bisan pa sia sa iya kadabong nġa walâ paggalaba,

Mauna sa tanan nġa hilamon, malaya sia.

13 Amo ini sila ang mġa dalanon sang tanan nġa mġa nagakalipat sa Dios,

Kag ang paglaum sang malauton mawâlâ.

14 Ang iya paglaum pagautdon,

Kag ang iya pagsalig amo ang baláy sang damang.

15 Magahamboy sia sa iya baláy, apang indi sia makapadayon sa pagtindug.

Magakapiyot sia sa iya, apang indi magmabakud.

16 Yari karon, sia punô sang duga sa atubangan sang adlaw,

Kag ang iya mġa salingsing nagagulowa sa ibabaw sang iy katamnan;

17 Nagakalapyotkapyot ang iya mġa gamut sa tumpok sang sagbot;

Magaaman sia sing puluy-an sa tungâ sang mġa batô sang baláy;

18 Apang kon gabuton sia sa iya duug,

Niyan ini sia magapangindi sa iya, nġa nagasiling:

"Walâ ko gid ikaw makita."

19 Ini amo ang kalipay nġa nakita niya sa iya dalanon,

Kag ang iban sa olehe niya nagapalanalingsing sa yab-ok.

20 Yari karon ang Dios walâ magasikway sa walay salâ,

Bisan nagadawo sia sang kamut sang mġa madauton.

21 Sa nagahabok pa ang imo bâbâ sa kadlaw,

Kag ang imo mġa bibig sa hinugyaw,

22 Ang mġa nagakalaakig sa imo, pagapasaputan sila sing kahuya;

Kag ang layanglayang sang mġa malauton, mawâlâ.

Si Iob nagakilala sang katarungan, sang pagkama-kaako kag pagkamakagagahum sang Dios, kag ang k' himitangan sang sala sang tawo; apang ginapalig-on niya nġa ang makut nġa kapalaran, nagagubat sing amo man sa matarung kag sa makasasala.—Sang olehe ginapamalandong niya ang iya mġa kalainan, nġa nagahandum kag nagakahadluk sa dungon sa pagpakigsuay sa Dios, kag nagatapus nġa nagahandum sang kamatayon.

9 KAG si Iob nagsabat kag nagsiling:

2 Sa pagkamatuud gid, ako nakakilala nġa amo ini:

Kag ; paano bala nġa manginmatarung ang mamalatyon sa atubangan sang Dios?

3 Kon buut sia makigsuay sa iya,

Indi sia sarang makasabat sa iya sing isa tungud sang isa ka libo.

4 Sia maalam sa tagiposoong, kag gamhanan sa kabakuran:

; Sin-o bala ang nagbatô sa iya, kag may paghidaet?

5 Ginapahálin niya ang mġa kabukiran,

Nġa walâ sila makakilala, nġa sia nagabaliskad sa ila sa iya kasingkal.

6 Sia nagapagiho sa duta sa iya duug, Kag nagapilaypilay sang iya mġa haigi;

7 Nagasogo sia sa adlaw, kag ang adlaw indi nagasubang:

Kag ginabutang niya sa idalum sang pat-in ang mġa kabitoonan;

8 Sia lamang ang nagahumlad sang mġa kalangitan,

Kag nagalakat sa ibabaw sang mġa nataasan sang dagat;

9 Sia naghimo sang Arkturo, kag sang Orion, kag sang mġa Pleiades,  
Kag sang mġa tinago nġa hulut sa Bagatnan :

10 Sia nagahimo sang mġa butang nġa tama ka dalagku, nġa indi sarang matungkad,

Kag tuman ka damu nġa mġa kalati-nġalahan nġa indi sarang maisip.

11 Yari karon, sia nagaagi sa atubangan nakon, kag ako indi makakita sa iya,

Kag nagalabay sia, kag walâ ko sia matalupangdi.

12 Yari karon, magasabnit sia, kag ; sin-o bala ang magapabalik sa iya :

; Sin-o bala ang magasiling sa iya :

"Anong ginahimo mo ?"

13 Ang Dios indi nagopaisol sang iya kaakig,

Kag sa idalum niya nagadulunguk ang mġa kabulig sang Rahab.

14 Busa nġani, ako, magasabat ako, Magapili ako sa akon mġa polong sa pag-apin sa iya.

15 Bisan pa nġa manginmatarung ako, indi ako magasabat,

Kondi magaampo ako sing bugay sa akon hukum.

16 Kon ako kunta ang magpanawag sa iya, kag sia magsabat sa akon,

Indi pa ako magatoo nġa ginpamatian niya ang akon tingug.

17 Kay ginlaglag niya ako nġa may unos,

Kag ginapadamu niya ang akon mġa pilas nġa walay kabangdanan.

18 Walâ niya ako pagtuguti nġa mauilian ko ang akon gininhawa ;

Apang ginabusug ako niya sing mġa kapaitan.

19 Kon maghambal sang gahum sang mabakud, *nagasiling sia* : " ; Yari ako !"

Kon *nahanungud* sa katarungan, *nagasiling sia* : " ; Sin-o ang magasumbung sa akon ?"

20 Kon ako matarung kunta, pagata gudilian ako sang akon bâbâ ;

Kon himpit kunta ako, sia magapaka-malalison sa akon.

21 ; Ako himpit ! Walâ ako makakilala sang akon kalâg :

Pagaisikway ko ang akon kabuhi.

22 Ang tanan isa lamang : tungud sini ginsiling ko :

Sa himpit kag sa malauton sia naga-upûd sa ila.

23 Kon ang kalat-an nagapatay sing madali,

Nagakadlaw sia sang mġa pagtiilaw sang mġa walay salâ.

24 Ang duta natugyan na sa mġa kamut sang mġa malauton,

Kag sia nagatabon sang nawung sang mġa hukum.

Kon indi *sia*, ; sin-o bala ?

25 Ang akon mġa adlaw nanġin-madasig pa sang isa ka manugdalagan,

Nagpalalagyo sila, kag walâ sila makakita sing kaayohan,

26 Nag-alagi sila subung sang mġa bilos nġa mġa madasig,

Subung sang agila nġa nagapaninghulog sa dalagiton.

27 Kon magsiling ako : "Pagakalimtan ko ang akon pagpanghayhay,

Pagabayaang ko ang akon nawung, kag magapahayag ako nġa malinong,"

28 May kahadluk ako sa akon mġa kasakitan,

Nakahibalo ako nġa indi mo ako pagkabigon nġa walay salâ.

29 Ako among malauton.

; Kay nġaa pa bala nġa mangabudlay ako sing walay pulus ?

30 Bisan pa magpanghugas ako sang tubig sang niebe,

Kag magpanhunaw ako sang akon mġa kamut sa pagkatinlo,

31 Pagaiholog mo pa ako sa boho, Kag ang akon kaugalingon nġa mġa panapton magakanġil-ad sa akon.

32 Kay indi tawo sia subung sa akon, agud nġa ako magsabat sa iya,

Kag magkaladto kami sing tingub gid sa hulukmanan.

33 Walâ sa tungâ naton sing manug-husay,

Nġa magbutang sia sa ibabaw naton nġa duha sang iya kamut.

34 Magkuha sia sa ibabaw nakon sang iya bunal,

Kag ang iya kahanġawa indi magli-sang sa akon ;

35 *Niyan* magahambal ako, kag indi ako magakahadluk sa iya ;

Kay sa akon gid kaugalingon indi amo ina ako.

**10** NATAKA na ang akon kalâg sang akon pagkabuhi :

Pagabuhian ko sa akon ang akon pang-hayhay ;



Magahambal ako n̄ga may kapait sa akon kalág.

2 Magasiling ako sa Dios: Ayaw ako pagtagudilii;

3 Pahangpa ako kay n̄ga nagapakigkasaba ka sa akon.

3 ¿ Ginapakamaayo mo bala n̄ga magpamigos ka,

N̄ga pagisikway mo ang binuhatan sang imo m̄ga kamut,

Kag n̄ga magsilak ka sa ibabaw sang laygay sang m̄ga malauton?

4 ¿ May m̄ga mata ka bala sa unud?

¿ Makatulok ka bala subung sang pagtulok sang mamalatyon?

5 ¿ Ang imo m̄ga adlaw subung man bala sang m̄ga adlaw sang m̄ga mamalatyon?

¿ Kon ang imo m̄ga tinuig subung bala sang m̄ga adlaw sang tawo,

6 Agud n̄ga pagusisaon mo ang akon kalautan

Kag pangitaon mo ang akon salâ,

7 Bisan n̄ga nahibaloan n̄ga ako indi malauton,

Kag n̄ga walay sin-o n̄ga makaluwas sa akon sa imo kamut?

8 Ang imo m̄ga kamut naghuman sa akon kag naghimo sa akon sing bug-os,

Sa palibot gid : kag karon buut mo ako pagalaglagon!

9 Panumduma, ginaampo ko sa imo, n̄ga subung sang lunang ginhatagan mo ako sing dagway;

Kag, ¿ sa yab-ok pagapabalikon mo ako?

10 ¿ Walâ mo bala ako pagiula subung sang gatas,

Kag ginhuman mo ako subung sang keso?

11 Ginpasaputan mo ako sing panit kag unud,

Kag ginhablan mo ako sing m̄ga tul-an kag n̄ga ugat.

12 Kabuhi kag kalooy gintugut mo sa akon,

Kag ginbantayan sang imo pagtatap ang akon espiritu.

13 Kag ining m̄ga butang ginpanago mo sa imo kasingkasing;

Nakahibalo ako n̄ga ini malapit sa imo.

14 Kon nagapakasalâ ako, ikaw magapanilag sa akon,

Kag indi mo ako pagakabigon n̄ga walay salâ sa akon kalautan.

15 Kag kon malain ako, ¿ kailo ako!

Kag kon matarung ako, indi ako mangahas sa pagtan̄ga sang akon olo, N̄ga busug ako sang kahuluy-an,

N̄ga nagatan-aw sang akon pagpau-bus.

16 Kag kon itan̄ga ko ang akon olo, Ginaayam mo ako subung sang leon,

Kag nagadalâ ka liwan sang imo m̄ga kalatingalahan batok sa akon.

17 Pagabag-ohon mo batok sa akon ang imo m̄ga saksi,

Kag pagadamuon mo sa akon ang imo kasingkal;

Nagainililis batok sa akon ang m̄ga kasoldadosan.

18 ¿ Kay n̄ga bala ginpagowa mo ako sa tiyan sang akon ilóy?

Kuntani nabugto ang ginhawa ko, kag walâ ako makita sang bisan ano n̄ga mata.

19 Nanginsubung ako kuntani n̄ga walâ ako mabuhi,

N̄ga gindalâ ako kunta kutub sa tiyan tuhtub sa lulubn̄gan.

20 ¿ Indi bala ang akon m̄ga adlaw diyotay n̄ga butang? Busa. untat na,

Kag bayai ako, agud n̄ga magmalinong ako sing diyot,

21 Sa walâ pa ako maglakat, sa indi na magbalik,

Sa duta sang m̄ga kadudulman kag sa landong sang kamatayon;

22 Duta n̄ga madulum subung sang kagab-ihon n̄ga madulum,

Duta sang landong sang kamatayon kag pagdinalangdalang,

Kag diin ang kasanag sang adlaw subung sang kagab-ihon n̄ga madulum.

Si Sopar nagamulay sing matigdas gid sang kaugalingon n̄ga katarungan ni Iob, kag nagalaygay sa iya n̄ga maghinulsul.

11 KAG si Sopar n̄ga Naamanhon, nag-sabat, kag nagsiling:

2 ¿ Ang m̄ga madamu n̄ga polong walâ bala sing sabat?

¿ Kag ang tawo n̄ga palahambal pagapakatarun̄gon bala sia?

3 ¿ Sa imong walay pulus n̄ga paghambal; magahipus bala ang m̄ga tawo?

¿ Kag nagauligyat ikaw bala n̄ga walâ sing sin-o n̄ga magalibog sa imo,

4 Sa bagay n̄ga magsiling ka: "Ang akon pagtolon-an putli,

Kag ako matinlo sa atubangan sang imo m̄ga mata?"

5 Apang buut ko unta, nga ang Dios maghambal sa imo,

Kag magbukâ ang iya mga bibig batok sa imo,

6 Kag nga magpahayag sia sa imo sang mga tinago sang kaalam,

Subung nga *nagalabaw* sia sa imo sing dapli sa pagkabut-anan;

Niyan makilala mo nga ang Dios nagakalipat sang bahin sang imo kalautan.

7 ? Malambut mo bala ang kadalumon sang Dios ?

Kon ? makadangat ka bala sa kadulunan gid sang Makagagahum ?

8 Mataas ini subung sang mga langit : ? ano ang mahimo mo didto ?

Labing madalum pa ini sang kadadalman : ? paano bala ang pagkilala mo sa iya ?

9 Ang iya takus labing malaba pa sang duta,

Kag labing masangkad pa sang kadagatan.

10 Kon sia mag-agi kon sia magtakup,

Kon tiponon niya, ? sin-o bala ang sarang makabalik sa iya ?

11 Kay sia nakakilala sa mga tawo nga mga malimbongon,

Kag nakita niya ang ila kalautan; kag ? indi bala niya pagsapakon ?

12 Kon ang tawo nga walay ihibalo magamanginmahantupon,

? Ang polyino sang asno nga talonon magapakatawo nga tawo !

13 Kon imo pagpakahusayon ang imo tagiposoon,

Kag untayon mo sa iya ang imo mga kamut :

14 Kon magpalayô ka sang kalautan nga yara sa imo kamut,

Kag indi mo pagtugutan nga magpuyô ang kalainan sa imo layanglayang,

15 Niyan mahayaw mo ang imo nawung nga walâ sing dagta,

Kag magamanginmabakud ka kag indi ka magkahadluk sing bisan ano ;

16 Kay niyan pagakalipatan mo ang imo kalisdanan,

Makadumdum ka sa iya subung sang mga tubig nga nag-alagi :

17 Kag ang imo kabuhi magamangin-masanag labi pa sang nagahingudto ang adlaw ;

Ang kadulum, magamangin subung sang kaagahon :

18 Kag may pagsalig kag may paglaum ka :

Kag kon ikaw ginlibog, magahigda ka nga may pagsalig.

19 Kag magapahuway ka, kag walay sin-o nga magapakugmat sa imo,

Kag madamu ang mga magaampo sa imo sing kalooy.

20 Apang ang mga mata sang mga malain magadululum,

Kag walâ na sila sing dalangpan ; kag ang iya paglaum among huyup sang paghimugto.

Si Iob nagahikay sa iya mga abyan sang pagkaku-  
lang kag pagkawalay pulus sang ila mga sabat ;  
ginadayaw niya ang pagkamakagagahum sang  
Dios ; nagapakitabang sa iya katarungan  
kag nagasaysay sang kalip-otan sang kabuhi.

**12** KAG si Iob nagsabat, kag nagsi-ling :

2 Sa pagkamatuud gid nga kamo amo ang banwa,

Kag upud sa inyo mamatay ang kaalam.

3 May tagiposoon man ako subung sa inyo ;

Indi man ako labing kubus sa inyo :

Kag ? sin-o pa nga indi makahibalo sang amo nga mga butang ?

4 Busa amo ako ang kaladlawan sang akon mga abyan,

Nga nagpanawag ako sa Dios, kag sia nagsabat sa akon :

Ang matarung, ang walay dagta, iligoon sia sang kaladlawon !

5 " ? Tamaysa walay palad ! " Amo ini ang hunahuna sang yara sa kaharayharay.

Ang *tamay* nahanda gid sa mga naga-kadalin-as sang ila mga tiil.

6 Ang mga layanglayang sang mga manughapay may paghidaet,

Kag may kalig-unan nga sa mga naga-paakig sa Dios,

Nga sa mga nagadalâ sang ila dios sa kamut ;

7 Apang, ginaampo ko sa imo, pamangkota ang mga kasapatan, nga sila magatoon sa imo.

Kag sa mga kapispisan sang langit, kag sila magasiling sini sa imo.

8 Kon, maghambal-ka sa duta nga sia magatoon sa imo,

Ang mga kaisdaan sang dagat, paga-sugiran ka nila sini.



9 ; Sin-o bala ang indi makahibalo sa tungâ nila nga tanan,  
Nga ginhimo ini sang kamut ni Ie-hoba?

10 Nga sa iya kamut yara ang kalág sang tanan nga nagakabuhi,  
Kag ang espiritu sang tanan nga unúd nga tawohanon.

11 ; Indi bala ang dulungan nga naga-hukom sang mga pinolongon,  
Subung sang nagatilaw ang ilingag-  
ngag sang mga kalan-on?

12 Sa idalum sang mga uban yara ang kaalam,

Kag ang malawig nga edad nagapafubas sang ihibalo.

13 Sa iya yara ang kaalam kag kabas-kugan,

Sa iya ang laygay kag ang ihibalo.

14 Yari karon, sia magaguba, kag walay sin-o nga sarang makagpasad liwan.

Magabukot sia sang tawo, kag walay sin-o nga magabukas sa iya.

15 Yari karon, kon magpadúlog sia sang mga tubig, magamalala sila ;

Kag kon pagbuhian niya sila, pagalag-lagon nila ang duta.

16 Sa iya yara ang kabakuran kag ang kinaadman,

Iya ang nagatalang, kag ang naga-patalang.

17 Sia nagapadalá sa mga manuglay-gay nga mga hublas,

Kag nagapabuang sa mga hukom.

18 Sia nagahubad sang kagamhanan sang mga hari,

Kag ginahigtan niya sila sing talikala sa mga hawak.

19 Sia nagapadalá sang mga saser-dote nga hublas

Kag nagapukan sa mga gamhanan.

20 Sia nagakuha sang hambal sang mga tawo nga labing malig-on,

Kag nagakuha sang pagkapain sang mga tigulang.

21 Sia nagaula sing pagtamay sa ibabaw sang mga dunganon,

Kag nagapaluya sang hawak sang mga makusug.

22 Ginabuksan niya ang alibutud sang mga kadudulman sang mga butang nga madulum,

Kag ginapagowa niya sa kapawa ang landong sang kamatayon.

23 Sia nagapadamu sang mga katawohan,

Kag sia nagalaglag sa ila.

Sia nagapalapad sang mga katawohan, kag ginapakitid niya sila.

24 Sia nagakuha sang ihibalo sang mga pangolo sang banwa sang duta,

Kag nagapatalang sia sa ila sa isa ka kahanayakan nga walay dalan.

25 Nagapanghikap sila sa kadudulman kag walay kapawa sila,

Kag ginapatalang sila niya subung nga hubog.

**13** YARI karon nga ining tanan nga mga butang nakita sang akon mga mata,

Kag nabatian sang akon mga idu-lungug.

2 Ang inyo nahibaloan, nakahibalo man ako ;

Indi ako labing kubus sa inyo.

3 Apang ako maluyag maghambal sa Makagagahum,

Kag buut ako mag-apin sang akon kasuayon sa atubangan sang Dios.

4 Apang kamo mga manugpahito sing kabutigan,

Tanan kamo mga manugbulóng nga walay pulus.

5 Kabay pa nga maghilipus kamo sing bug-os,

Kay ini magamanginkaalam sa inyo.

6 Pamati-kamo, ginaampo ko sa inyo, sang akon sabat,

Kag magmatalupangdon-kamo sang mga katarungan sang akon mga bibig.

7 ; Magahambal bala kamo nga may pagkamalalison pahayon sa Dios?

Magahambal bala kamo nga sa iya nga may daya?

8 ; Pagapasulabihon bala ninyo ang iya pagkaamo?

Kon ; magapakigkasaba bala kamo nga pahayon sa Dios?

9 ; Maayo bala nga sia magusisa sa inyo?

Kon ; magaulit bala kamo sa iya subung sang pagulit sa tawo?

10 Sia magasaway sa inyo sing matigdas,

Kon sa tago nagapasulabi kamo sang mga tawo.

11 Angiya pagkahalangdon ; indi bala nagapalisang sa inyo?

Kag ang iya kakulba ; indi bala nagabug-at sa ibabaw ninyo?

12 Ang inyo mga pinolong nga handumanan, mga hulubaton nga abó,

Kag ang inyo mġa kabakuran mġa kabakuran nġa lunang.

13 Hipus-kamo sa akon atubangan, kag magahambal ako sa inyo,

Ako, mag-abut sa akon ang bisan ano nġa mag-abut.

14 ;Kay nġaa bala kuhaon ko ang akon unud sang akon mġa ngipon,

Kag pagaibutang ko ang akon kalág sa akon kamut?

15 Yari karon, sia sarang makapatay sa akon, walay paglaum ako;

Lamang pagatabangan ko sa atubangan niya ang akon mġa dalanon.

16 Kag ini magamanginakon kaluwasan,

Nġa indi makasulúd sa iya atubangan ang walay pagtahud sa Dios.

17 Busa pamatii-ninyo nġa may pagtalupangud ang akon pinolongon;

Kag ang akon isiling maglambut sa inyo mġa idlungug.

18 Yari karon, ginaampo ko sa inyo, naghusay ako sang akon kasuayon:

Nakahibalo ako, nġa pagapakatarungon ako.

19 ;Sin-o bala ang maluyag magpagikgasaba sa akon,

Kay kutub sa amo nġa tion, ginapahanugtan ko sa paghipus kag pagtingâ?

20 Duha lamang ka butang ang indi mo paghimoon sa akon.

Niyan indi ako magpanago sa imo nawung:

21 Ipalayô sa akon ang imo kamut,

Kag indi magpalisang sa akon ang imo kahalangaw-an.

22 Ugaling panawag-ka, kag ako magasabat;

Kon ako ang maghambal, kag sabton mo ako.

23 ;Kapid-an bala ang akon mġa kalautan kag ang akon mġa salâ?

Ipakilala sa akon ang akon pagkamalalison kag ang akon salâ.

24 ;Kay nġaa ginatago mo ang imo nawung,

Kag ginaisip mo ako nġa imo kaway?

25 ;Maluyag ka bala magpahangawa sa dahon nġa sinabnit,

Kag maghingabut sa alikabo nġa mamala,

26 Kay nagasulat ka batok sa akon sing mġa kapaitan,

Kag ginapapanubli mo sa akon ang

mġa kalautan sang akon pagkapamatanon?

27 Ginabutang mo man ang akon mġa tiil sa mġa pandug,

Kag ginapanilagan ang tanan ko nġa mġa dalanon;

Nagabadlit ka sing badlit sa palibot sang mġa dapadapa sang akon mġa tiil,

28 Sa nagakahagas ini nġa lawas, subung sang kahoy nġa ginabukbuk,

Subung sang panapton nġa ginautut sang sipit.

14 ANG tawo, nġa natawo sa babae, Halip-ot sing mġa adlaw kag busug sang mġa kalas-ayan.

2 Nagagowa sia subung sang isa kabulak kag ginakutol sia;

Nagapalagyo sia subung sang landong, Kag walâ magapadayon.

3 Kag sa ibabaw sini ginamuklat mo ang imo mġa mata,

Kag ginadalâ mo ako sa hulukmanan upud sa imo.

4 ;Sin-o bala ang makapatinlo sang tawo nġa mahigko? Walâ sing bisan sin-o.

5 Kon ang iya mġa adlaw natapat na, kag ang kadamuon sang ila mġa binulan ginapanandoan nayan sa imo,

Kon ikaw nagbutang sa iya sang mġa dulunan, nġa sa ila indi sia makaligad,

6 Italingi-mo gikan sa iya ang imo mġa mata, agud nġa may pahuway sia,

Tubtub nġa, subung sang mamumugon, mag-agum sia sang iya inadlaw.

7 Kay nġa sa kahoy may paglaum: Kon inutúd sia, magapanalingsing sia

Kag ang iya salingsing indi magauntat.

8 Kon maggulang sa duta ang iya gamut,

Kag ang iya púnô mapatay sa yab-ok,

9 Kutub sa pagkabatyag niya sang tubig, magapangugbus sia,

Kag magapanglumbay sia subung sang tanumtanum:

10 Apang ang tawo mamatay, kag nagahamyang nġa walâ sing kusug,

Kag nagatingâ, ;kag diin sia?

11 Nagataliwan ang mġa tubig sang dagat,

Kag nagahubas ang subâ, kag naga mala sia:

12 Subung man ang tawo, nagahamyang sia kag indi na nagatindug liwan;

Tubtub nġa walâ pa sing langit, indi sia magbugtaw,



Bisan magbangon sia sa iya katologon.

13 Kabay pa nga pagtagoon mo ako sa lulubngan,

Nga tabunan mo tubtub nga malugpay ang imo kaakig,

Nga mabutanngan mo ako sing dulunan nga didto makadumdum ka sa akon.

14 (Kon ang tawo mamatay, ¿mabuhis bala liwan?)

Sa tanan nga mga adlaw sang akon pag-alagdan pagahulaton ko kunta tubtub nga mag-abut ang akon pagliwan:

15 Ikaw magatawag kunta kag ako magasabat sa imo;

Magahandum ka kunta sa binuhatan sang imo mga kamut.

16 Kay karon ginaisip mo ang akon mga tikang,

Kag ¿walâ bala ikaw magapanilag sang akon salâ?

17 Napat-inan sa isa ka púyo ang akon pagkamalalisan,

Ginadugangan ang akon kalautan.

18 Kag walay sapayan ang bukid nga mapukan, nagakalatiphag,

Kag ang bató ginhálin sa iya duug;

19 Ang mga bató ginataisan sang mga tubig,

Ang iya mga pagsanap nagadalâ sang yab-ok sang duta:

Sa amo nga bagay ginapadula mo ang paglaum sang mamalatyon.

20 Ginalandas mo sia sa gihapon kag sia nagataliwan;

Nagabalhin ang imo nawung, kag pagaipadalâ mo sia.

21 Ang iya mga anak mangin mga dunganon, kag sia indi makahibalo sini;

Manginpapaubson sila, kag indi sia makahangup sini.

22 Ang iya unud indi nagabatyag kondi sang iya gid nga mga kasakit,

Kag ang iya kalág yara sa lalaw lamang tungud sa iya kaugalingon.

Si Elipas nagasumbung kay lob sang sala, kay nagapakamatarung sia.—Nagapasanag sia tungud sang pinanlatonlaton nga sugid nga ang mga malauton mga walay palad.

15 KAG si Elipas, nga Temanhon, nagsabat kag nagsiling:

2 ¿Magasabat bala ang maalam tungud sang kinaadman nga walay pulus?

Kag ¿paburakungon bala niya ang iya dughan sang hangin nga timug?

3 Ang pa-pakigsuay sa mga polong, walay pulus,

Kag indi sa mga pinolongon lamang ginakuha ang kapuslanan.

4 Ikaw man nagapanas sang kahadluk kay Iehoba,

Kag nagapugung ka sang pangamuyo sa atubangan sang Dios.

5 Kay ang imo bâbâ nagatoon sa amon sang imo kalautan,

Bisan pa ginpili mo ang panghambal sang mga malalang;

6 Ang imo gid nga bâbâ magatagudili sa imo, kag indi ako,

Kag ang imo mga bibig magapamatuud batok sa imo.

7 ¿Natawo ka bala sing úna sang mga tawo?

Kon ¿nahuman ka bala sing úna sa mga kabakoloran?

8 ¿Nabatian mo bala ang ginsiling sa kasapulan sang Dios?

Kag ¿ginhawiran mo bala nga sa imo ang kaalam?

9 ¿Ano bala ang nahibaloan mo, nga walâ namon mahibalo?

¿Ano bala ang nahantup mo, nga walâ sa amon?

10 Sa tungâ namon may uban man, may tigulang man,

Nga labing mangaranon sa mga kaadlawan sang imo amay.

11 ¿Ginapakadiyotay mo bala ang mga paglipay sang Dios,

Kag ang mga polong nga mahinoklogon nayon sa imo?

12 ¿Kay nga bala nagapadaladalâ ka sa imo tagiposoan,

Kag kay nga nagapalangilay ang imo mga mata,

13 Nga nagapadalâ ka sang imo huyup batok sa Dios

Kag ginapagowa mo ang tama ka damu nga pinolongon sa imo bâbâ?

14 ¿Ano bala nga butang ang tawo, agud nga magmanginmatinlo,

Kag ang natawo sa babae, agud nga magpakamatarung sia?

15 Yari karon, sa iya mga balaan walâ sia magasalig,

Kag bisan ang mga langit mga matinlo sa atubangan sang iya mga mata;

16 ¿Labi na gid ka kubus ang tawo nga kalangil-aran kag dunut,

Nga nagainum sang kalautan subung sang tubig!

17 Pamatii ako, pagatudloan ko ikaw;  
Pagaisugid ko sa imo ang akon nakita,

18 Ang ginasugid sang mga mangin-alamon

Kag walâ nila pagtagoa sia, sa *tapus nga mabaton sia*, sang ila mga ginikanan;

19 Nga sa ila lamang ginhatag ang duta,

Kag walâ mag-agi nga dumuluong sa tungâ nila.

20 Ang malauton nagasakit sa iya gid sa tanan nga mga adlaw sang iya kabuhi,

Kag ang diyotay nga mga tuig ginatago sa tawo nga malugus;

21 Mga dinaguhub nga makalilisang yara sa iya mga idulungug;

Sa tungâ sang paghilidaet nagaabut sa iya ang manughapay.

22 Sia indi nagatoo nga magabalik sia sa mga kadudulman,

Kag tinugyan sia sa hinganiban.

23 Sia nagatalang, nga nagapangita kon diin makita ang tinapay.

Nakahibalo sia nga nahanda na sa iya luyo ang adlaw sang mga kadudulman.

24 Mga kalisdanan kag kahol-anan nagapakugmat sa iya,

Kag nagalandas sila batok sa iya, subung sang isa ka haring mainamanon nga sa pag-awayan.

25 Kay sia naguntay sang iya kamut batok sa Dios,

Kag nagpakabaskug sia batok sa Makagagahum.

26 Sia nagdasmag sa iya sa tingkoy nga matig-a,

Sa likod sa nadamulan sang iya mga taming.

27 Kay gintabunan niya ang iya nawung sang iya katambukon,

Kag ginputus niya sing mga konot-konot ang iya mga pilwarpilwakan.

28 Kag tungud sini nagpuyô sia sa mga banwa nga nabungkag,

Sa mga kabalayan nga walâ ginapuy-i na,

Nga handa nga mangintinumpok nga mga batô.

29 Indi magmangaran sia, bisan magapadayon ang iya magad,

Bisan magalapad sa duta ang iya mga pagkabutang.

30 Indi sia makagowa sa mga kadudulman;

Ang dabdab magapalaya sang iya mga salingsing,

Kag tungud sang gininhawa sang iya bâbâ madula sia.

31 Indi magsalig sia sa kadayawan; kay sia pagadayaan,

Kay ang kadayawan manginiya balus.

32 Sa walâ pa mag-abut ang iya adlaw, magakatuman ini,

Kag ang iya sangâ indi magadabong liwan.

33 Manginsubung sia sang ulubasan, nga nadula ang iya bunga nga hilaw pa,

Kay subung sang kaolibahan nga nagakapulak ang iya bulak.

34 Kay ang katipunan sang mga dimatinahoron sa Dios manginbaw-as.

Kay ang kalayo magaupud sang mga layanglayang, nga didto nagasulud ang mga hamham.

35 Sia nagpanamkon sing kasakit, kag nagapanganak sing kalautan;

Kag ang mga kasudlan niya nagaaman sing limbong.

Nakita ni Iob nga ang iya mga abyan mga manuglipay nga magamo; nagapangasoy sang iya pagkawalay sala, nagapauwag sa Dios, kag wala na sia sing paglaum kondi sa kamatayon.

**16** KAG si Iob nagsabat, kag nagsiling:

2 Nakabati ako sang madamu nga mga butang nga kaangay sini sa ila:

Mga manuglipay nga magamo kamo nga tanan.

3 May katapusan bala ining mga polong nga hanginon?

Kon kay nga bala ining kapaitan kon magsabat ka?

4 Ako man makahambal subung sa inyo,

Kon kamo yara sa akon kahimtanngan,

Ako makapakigupud batok sa inyo sing pinolongon kag pinolongon,

Kag sa ibabaw ninyo magauyug ang akon olo.

5 Ako magapalig-on sa inyo sang akon bâbâ,

Kag ang paglipay sang akon mga bibig magapaumpaw sang inyo kasakit.

6 Kon maghambal ako, ang akon kasakit walâ pagumpaw;

Kag kon maguntat ako, ano bala nga kalautan ang nagpalayô sa akon?

7 Matuud gid, ginbudlay niya ako:



Ginhapay mo ang bug-os nga pani-malay nakon.

8 Sang ginkaptan mo ako, ini manginisa ka saksi,

Kag ang akon kaniwangon nagatindug batok sa akon, sa pagsumbung sa nawung.

9 Ang iya kaakig nagagisi sa akon, kag nagahingabut sa akon ;

Nagapabagrut sia sang iya mga ngipon batok sa akon :

Ang akon kasumpung nagapamudlo batok sa akon sang iya mga mata.

10 Nagabulukâ sila batok sa akon sang ila bâbâ ;

Sa pasipala ginpilasan nila ang akon mga pisngi ;

Batok sa akon nagulugyon sila sing tingub.

11 Ang Dios nga Makagagahum nagtugyau sa akon sa malalison,

Kag sa mga kamut sang mga malauton ginholog niya ako.

12 Malinong ako, kag ginboong niya ako,

Kag ginkuga niya ako, kag ginpihak-pihak niya ako,

Kag ginbutang niya ako nga iligoon niya.

13 Ginlibutan ako sang iya mga mamamana,

Ginpihak niya ang akon mga tagimison, sa walay kalooy,

Ang akon apdo nagaagay sa duta.

14 Ginpalitik mo ako, litik kag litik ;

Nagadusmo sia batok sa akon subung sang isa ka manugaway.

15 Ako nagtahi sing panapton sa kasakit sa ibabaw sang akon panit,

Kag ginpadolot ko ang akon sungay sa yab-ok.

16 Ang akon nawung nagpula sa hibi,

Kag sa ibabaw sang akon mga ilalakub yara ang landong sang kamatayon.

17 Walay sapayan, walâ sing kalautan sa akon mga kamut,

Kag putli ang akon pangamuyo.

18 ¡Oh duta! indi mo pagtabunan ang akon dugo,

Kag walâ na sing duug sa paghipus sa akon pagsingit.

19 Yari karon gid, sa mga langit yadto ang akon saksi,

Kag ang akon manugako yadto sa mga kahitaasan.

20 Ang akon mga abyan nagaululigyat sa akon :

Sa Dios nagahibi ang akon mga mata,  
21 Agud nga maghimo sia sing kata-rungan sa tungâ sang tawo kag sang Dios,

Kag sa tungâ sang anak sang tawo kag sang iya abyan.

22 Kay ang mga tuig nagaalabut, nga ang ila kadamuon ginisip,

Kag ako nagapakadto sa dalan nga didto indi na ako magabalik.

17 ANG akon gininhawa nadula na, nagapalalong ang akon mga adlaw,

Kag naaman na sa akon ang mga lulubngan.

2 ; Walâ na ako bala paglibuti sang mga uligyat,

Kag sang akon mga mata nagadolog sa ibabaw sang ila mga pagkamolomaisug?

3 Busa, butangî karon sing kalig-onan ; magmangingmangangako ka nakon sa imo gid :

¿ Sin-o bala kondi ikaw ang magadawo-anay sa akon?

4 Kay gintakpan mo ang ila tagipsoon sa ihibalo ;

Ngani indi mo sila pagadayawon.

5 Kon ang bisan sin-o magpat-in sa iya mga abyan sa paglugus,

Ang mga mata sang ila mga anak magadululum.

6 Ginbutang ako nga hulubaton sa mga kabanwaan.

Kag ako amo ang ginaduplaan sa guya.

7 Kag ang akon mga mata nagholiday sa kasubu,

Kag ang akon tanan nga bahin sang lawas subung sila sang landong.

8 Ang mga matadlung magakalatî ngala sini,

Kag ang walay salâ magatindug batok sa dimatinohoron sa Dios.

9 Walay sapayan nagapadayon ang matarung sa iya dalanon,

Kag ang matinlo sing mga kamut magadugang sa ka kusug.

10 Apang balalik-kamo nga tanan, kag kari-kamo karon,

Nga walâ ako sing bisan isa nga ma-kita nga maalam sa tungâ ninyo.

11 Nagliligad na ang akon mga adlaw, ang akon mga katuyoan ginlaglag na,

Ining mga bahandi sang akon tagipsoon.

12 Ang gab-i ginhimo nila nga adlaw ;  
Sa atubangan sang kadudulman *siling*  
*nila* nga malapit ang kapawa.

13 Kon ako maghulat sang lulubngan  
nga sa akon baláy,

Kag kon maghimo ako sang akon  
higdaan sa mga kadudulman,

14 Kon ako magsingit sa pagkadunot :  
“Amay ko ikaw” :

Kag sa mga ulud : “Akon ilóy kag  
akon utúd nga babae” ;

15 Busa, ¿diin, diin bala ang akon  
paglaum ?

Ang akon paglaum, ¿sin-o bala ang  
makakita sa iya ?

16 Sa mga pintal sang lulubngan ma-  
gapanaug sia,

Kon may palahuwayan *nga sa tanan*  
sing tingub sa yab-ok.

Si Bildad nagasumbung kay Iob sa pagkamatinaasta-  
ason, kag ginasaysay niya ang kapalaran  
sang mga malauton.

**18** KAG si Bildad, nga Suanhon, nag-  
sabat kag nagsiling :

2 ¿San-o pa bala ninyo butangan sing  
katapusan ang mga pinolongon ?

Pagtalalupangud-kamo kag ugaling  
magahalambal kita.

3 ¿Kay nga bala ginpangabig kita  
nga mga sapat,

Kag sa inyo mga mata nanginkahig-  
koan bala kita ?

4 Oh ikaw, nga nagapihakpihak sang  
imo kalág sa imo kasingkal,

¿Pagabayaang bala ang duta bangud  
sa imo,

Kag pagahalalinon bala sa ila duug ang  
mga pil-as ?

5 Hoo, ang suga sang mga malauton  
pagapalongon,

Kag indi magasidlak ang dabdab sang  
iya kalayo.

6 Ang suga mangikadudulman sa iya  
layanglayang,

Kag magapalong sa ibabaw niya ang  
iya lamprahan.

7 Ang mga tikang sang iya gahum  
pagapakitiron,

Kag pagapukanon sia sang iya man  
laygay :

8 Kay sa sihod pagadalhon sia sang  
iya mga tiil,

Kag sa ibabaw sang pukot magalakat  
sia.

9 Ang siod magagapus sang iya tikod :  
Ang tiglapak magadakup sa iya :

10 Ang isa ka lubid natago nga sa iya  
sa duta,

Kag ang isa ka tiglapak yara sa ba-  
nas.

11 Sa tanan nga duug pagapakugma-  
ton sia sang mga kahadlukan,

Kag pagapapalagyohon sila nila nga  
talangalang sa iya mga tikang.

12 Ang iya kusug madula tungud sang  
gutum,

Kag sa iya luyo pagaihanda nga daan  
ang kalalat-an.

13 Ang panganay sang kamatayon  
magakaon sang iya mga bahin,

Kag magahalunhon sang iya mga ba-  
hin sang lawas.

14 Pagagabuton sia gikan sa iya la-  
yanglayang nga *amo* ang iya kalig-unan,  
Kag pagaiPADALÁ sia sa amatamat sa  
Hari sang mga kakugmat.

15 Sa iya layanglayang magapuyô ang  
iban kag indi na iya ;

Ang asupre pagaiwagwag sa ibabaw  
sang iya puluy-an.

16 Sa idalum magamalala ang iya mga  
gamut,

Kag sa ibabaw pagatotoon ang iya  
mga sangá.

17 Ang iya handumanan madula sa  
duta,

Kag walá sia sing ngalan sa kadaygan  
sang mga latagon.

18 Gikan sa suga pagaiholog sia sa  
kadudulman,

Kag ginsobol sia sa gowa sang kalibu-  
tan.

19 Walá sia sing bátâ, bisan apô sa  
iya banwa,

Walá sia sing nabilin sa duug nga  
iya dalaponan.

20 Ang mga nagaabut sa olehe, naga-  
katingala tungud sang iya adlaw,

Kag ang nagaulúna, ginadakup sang  
takig.

21 Hoo, amo ini sila ang mga puluy-  
an sang mga malalison,

Kag ini amo ang duug sang walá mag-  
kilala sa Dios nga Makagagahum.



Si Iob ginatak-an sa iya m̄ga abyan, ginapasayud niya sa ila ang iya m̄ga kasakit, kag nagapangayo sia sing kalooy.—Ang iya bugtong n̄ga paglaum yadto sa umalabut n̄ga pagkabuhi.

**19** KAG si Iob nagsabat kag nagsiling:

2 ; Tuhtub pa san-o bala papasuboon ninyo ang akon kalág,

Kag pagdugmukon ninyo ako sa m̄ga pinolongon?

3 Yari karon, ginpasipalahan ninyo ako sing makapulô:

Walâ kamo magakahuya sa pagpabungul sa akon.

4 Maayo man, hoo, sa pagkamatuud, nagsayup ako:

Sa akon mapabilin ang akon sayup.

5 Kon kamo, sa pagkamatuud, nagapalabaw sa ibabaw nakon,

Kag ginapahanungud ninyo batok sa akon ang akon pagkatalamayon,

6 Ngani masayud-kamo, n̄ga ang Dios ragpigos sa akon,

Kag ginlikupan niya ako sang iya pukot.

7 Yari karon, nagapaningit ako sa pagpigos, kag walâ ko makabaton sing sabat,

Nagatawag ako sing pakitabang, kag walâ sing katarungan.

8 Ginkutaan niya ang akon dalan, agud n̄ga indi ako makaagi;

Kag sa akon m̄ga banas ginbutangan niya sing m̄ga kadudulman;

9 Ginubahan niya ako sang akon himaya,

Kag kinuha niya ang purungpurung sa akon olo.

10 Gindugmok niya ako sa tanan n̄ga luyo, kag magataliwan ako;

Kag gingabut niya subung sang kahoy ang akon paglaum.

11 Kag ginpadabdab niya batok sa akon ang iya kasingkal,

Kag ginisip niya ako n̄ga isa sang iya m̄ga kaaway.

12 Nagkalari ang ila m̄ga kasoldadosan sing tingub gid, kag ginbayaw nila sa ibabaw nakon ang ila dalanon.

Kag nagapahamtang sila sing dululugan sa palibot sang akon layanglayang.

13 Ginpalayô niya sa akon ang akon m̄ga útud,

Kag ang akon m̄ga kilala mangindumu-  
lung sila sa akon.

14 Nagakadula ang akon m̄ga kahi-  
matahan,

Kag ang m̄ga nagpakilala sa akon,  
nagakalipat sa akon.

15 Ang m̄ga pumuluyô sang akon baláy kag ang akon m̄ga solagoon n̄ga babae ginapakadumuluong nila ako:

Nangindinakilala ako sa ila m̄ga mata.

16 Ginatawag ko ang akon alagad, kag walâ sia magasabat,

Kon nagapangabay ako sa iya sa akon gid n̄ga bâbâ.

17 Ang akon gininhawa nakapataka sa akon asawa,

Kag nagataka ako sang m̄ga anak sang tiyan n̄ga nagdalâ sa akon.

18 Ang m̄ga kabataan nagatalamay pa sa akon;

Kon magtindug ako, nagahalambal sila batok sa akon.

19 Ang tanan n̄ga m̄ga hirup ko naga-  
dalumut, sa akon:

Kag ang m̄ga ginahigugma ko, naga-  
balalik batok sa akon.

20 Ang akon m̄ga tul-an nagapililit sa akon panit kag sa akon unud,

Kag nagapalagyo ako n̄ga may emalye sang akon m̄ga ngipon.

21 Oh kamo, n̄ga akon m̄ga abyan, paghikalooy-kamo sa akon, paghikalooy-kamo sa akon;

Kay ginpilas ako sang kamut sang Dios.

22 ; Kay ngaa bala ginahingabut nin-  
yo ako subung sang Dios n̄ga Makaga-  
gahum,

Kag walâ kamo magakabusug sang akon m̄ga unud?

23 ; Sin-o bala ang makahimo n̄ga ang akon m̄ga pinolongon ipanulat sila,

Sin-o ang makahimo n̄ga isulat sila sa isa ka tolon-an,

24 N̄ga sa tigib n̄ga salsalon kag sa tingâ

Pagaipanigib sila sa bató sa gihapon?

25 Ako, ako makahibalo n̄ga ang akon Mamamawi nagakabuhi,

Kag sa katapusan magatindug sia sa ibabaw sang yab-ok:

26 Kag sa tapus sang paglaglag sang akon panit,

Niyan sa naubahan ang akon unud, magapasisiling ako sa Dios.

27 Ako gid, ako magapasisiling,

Kag ang akon m̄ga mata magatan-aw sa iya, kag indi ang iban:

Ang akon mġa tagimiston nagakala-upud sa sulud nakon.

28 Sang pagsiling ninyo: "¿Paano bala ang paghingabut naton sa iya?"

Kag nġa ang sadsaran sang kasuayon yari sa akon,

29 Magkulurug-kamo sa atubangan sang hinganiban;

Kay ang kasingkal isa sang mġa kalautan nġa ginasilot sang hinganiban,

Agud nġa mahibaloan ninyo nġa may isa ka paghukom.

Si Sopar nagasaysay sang mġa katalat-an nġa nagesilinapaw sa ibabaw sang mġa malauton.

**20** KAG si Sopar, nġa Naamanhon, nagsabat kag nagsiling:

2 Tunġud sini ang akon mġa hunahuna nagapasabat sa akon,

Kag ini among kabangdanan sang kadasig nġa yara sa akon.

3 Nabatian ko ang sabdong nġa, nagapakahuya sa akon;

Apang ang espiritu nagakuha sang akon sabat sang akon ihibalo.

4 ¿Makahibalo ka bala sini sing maayo?

Kutub sang panag-on nġa ginbutang sang Dios ang tawo sa ibabaw sang duta,

5 Ang pagdaug sang mġa malauton malip-ot lamang,

Kag ang kalipay sang dimatinahoron sa Dios nagapadayon sa isa lamang kation.

6 Kon makasaka ang iya pagkamati-naastaason tubtub sa langit,

Kag ang iya olo magsungo sa mġa kapanganoran,

7 Madula sia sa gihapon, subung sang iya ipot.

Ang mġa makakita sa iya magasiling: "¿Diin bala sia?"

8 Subung sang damgo nagalupad sia, kag indi na makita;

Kag nagapanas sia subung sang palananawon sa kagab-ihon.

9 Ang mata nġa nakakita sa iya, indi na gid nġa mas-a makakita sa iya,

Bisan ang iya duug makit-an pa.

10 Ang iya mġa anak magapangita sing pahayonan sang mġa makalolooy,

Kag ang ila mġa kamut magaululi sang *ginkawat* sang ila kusug.

11 Ang iya pagkapamatan-on, nġa napunô sang iya mġa tul-an,

Pagailubung sila sa yab-ok upud sa iya.

12 Tunġud kay ang kalainan nagtam-is sa iya bâbâ,

Kag nġa gintago niya sia sa idalum sang iya dila,

13 Kag nġa ginaalila niya sia, kag walâ niya sia pagbulagi,

Kondi nġa ginahawiran niya sia sa tunġa sang iya alingagnġag,

14 Ang iya tinapay magabalhin sa iya mġa kasudlan, sa sulud niya,

Sa apdo sang man-ug nġa dalitan.

15 Naghalunhon sia sing mġa mangad, apang pagaisuka niya sila:

Sa iya tiyan pagakuhaon sila sang Dios.

16 Ang dalit sang mġa man-ug paga-suyupon niya;

Magapatay sa iya ang dila sang man-ug nġa dalitan.

17 Indi na gid makakita sia sang mġa kasapaan, sang mġa kasubaan,

Sang mġa kasulgan nġa dugos kag mantika.

18 Igauli niya ang bunga sang iya, ginpangabudlayan,

Kag indi sia makatulon; subung sang mangad nġa dapat igauli, sia indi magagum sina.

19 Tunġud kay ginpigos kag ginbayaan niya ang mġa imol,

Nġa nangawat sia sing mġa baláy, kag walâ niya pagpatinduga sila,

20 Tunġud kay, walâ niya pagbatyaga ang kalinong sa iya kahikaw,

Sa tanan nġa labing mahal niya walâ gid sia sing maluwas.

21 Walâ gid sing nabilin sang iya pagpanukub,

Tunġud sini ang iya kaayohan indi magapadayon.

22 Sa kabug-osan sang iya kadagaya yara na sia sa kapiotan,

Ang tanan nġa gingamohan, magabutang sang kamut sa ibabaw niya.

23 Kon maluyag sia sa pagpunô sang iya tian,

Ang Dios magapadalâ sa ibabaw niya sang kasingkal sang iya kaaktig.

Kag pagapaulanon niya ini sa ibabaw niya, sang nagakaon sia.

24 Sang magapalagyo sia sa mġa hinganiban nġa salsalon,

Ang pana nġa saway magalapus sa iya.



25 Ginagabut niya ang *pana* kag nagagowa ini sa iya lawas,  
Kag ang taliwis nagahalín sa iya apdo:

Sa ibabaw niya yara ang mga kakulba sang kamatayon.

26 Ang tanan nga mga kadudulman napanago nga sa iya mga bahandi;

Kalayo nga walâ pagahuypa magahalohon sa iya,

Nga nagaupúd sang mabilin sa iya la-yanglayang.

27 Ang mga kalangitan magapahayag sang iya kalautan,

Kag ang duta magatindug batok sa iya,

28 Ang mga patubas sang iya baláy pagakuhaon sila,

Pagaiwaraag sila sa adlaw sang iya kasingkal.

29 Ini amo ang bahin nga ginaaman sang Dios sa tawo nga malauton,

Kag ang panublion nga ginatudlo sa iya tungud sang Dios nga Makagagahum.

Si Iob nagasabat nga ang mga malauton nagatulubô sa masunsun, sa bagay nga indi kita dapat maghukom sa mga pagbulut-an sang Dios sa mga pahayag nga hapaw.

21 KAG si Iob nagsabat kag nagsiling:

2 Pamatii-ninyo sing matalupangdon gid ang akon pinolongon,

Kag hatagi-ninyo ako sining kalipay;

3 Batasa-ninyo ako kag nga magham-bal ako,

Kag sa tapus na ako makahambal, sa-rang ka makauligyat.

4 Nahanungud sa akon ¿ang akon pagmulay sa tawo bala?

Kag ¿kay nga indi bala ginapagut sang akon espiritu?

5 Tuluka-ninyo ako, kag magkalakug-mat-kamo,

Kag ibutang ninyo ang kamut sa ibabaw sang bâbâ.

6 Kon makadumdum ako sini, naga-kahargawa ako,

Kag gindakup ang akon unud sang takig.

7 ¿Kay nga bala nagakabuhi ang mga malauton?

Nagatiligulang sila, kag nagatulúbô pa sa kagamhanan.

8 Ang ila kaliwatan nagalig-on sa atubangan nila nga malapit sa ila.

Kag ang ila mga salingsing sa atubangan sang ila mga mata,

9 Ang ila mga kabalayan may paghidaet, nga palanilongan sang kahadluk,  
Kag ang bunal sang Dios walâ sa ibabaw nila.

10 Ang ila mga kabakahan nagapalanamkon sa walay pagkulang,

Nagaalanak ang ila mga kabakahan, nga walâ pagkahologi.

11 Ginapadalâ sa gowa ang ila mga kabataan subung sang pinanong,

Kag ang ila mga anak nagalalakat, nga nagalinumpatlumat.

12 Sa tunug sang tambor kag sang arpa nagaalambahan sila,

Kag nagakalipay sila sa tingug sang lantoy.

13 Ginausikan nila ang ila mga kaadlawan sa kaayohan,

Kag sa isa ka tion nagapalanaug sila sa lulubngan.

14 Kag *walay sapayan* nagasiling sila sa Dios: "Palayô-ka sa amon,

Kay indi kami nagakahamuut sang pagkilala sang imo mga dalanon.

15 ¿Sin-o bala ang Makagagahum, agud nga pag-alagdon namon sia?

¿Kag ano ang mapuslan namon, sa pagpangamuyo sa iya?"

16 Vari karon, ¿ang ila kaayohan walâ bala sa kamut nila?

¿Ang laygay sang mga malauton malayô sa akon!

17 ¿Makapila bala mahanabu nga ang lamprahan sang mga malauton pagapalongon,

Nga mag-abut sa ibabaw nila ang ila kalala-an,

Nga sia sa iya kaakig magpamahat sa ila sing mga kasakit;

18 Nga manginsubung sila sang dagami sa atubangan sang hangin,

Kag subung sang alikabok, nga ginagaw sang alimpulos?

19 *Siling ninyo*: Sa iya mga anak pagatagooon sang Dios ang *silot* sang iya kalautan.

Nga magbayad sia sini sa iya, agud nga magkilala sia sini:

20 Makita gid sang iya mga mata ang iya gid nga kalaglagan,

Kag maginum sia sang kaakig sang Makagagahum.

21 Kay ¿ano bala nga kalipay ang maangkon niya sa iya baláy, nga mabilin niya sa olehe niya,

Sang pagapalip-oton ang kadamuon sang iya mga binulan?

22 “Pagatudloan bala ang Dios sing kaalam,

Nga nagahukom sia sa mga yadto sa mga mataas?”

23 Ang isa mamatay sa iya bug-os nga kauswagan;

Ang tanan nga sa iya, yara sa kalig-on kag sa kalinong:

24 Ang ila mga suki mga punô sing gatas,

Kag ang utok sang ila mga tul-an ginasagud.

25 Kag ang isa pa mamatay sa kapaitan sang kalág,

Kag nga walâ gid makatilaw sang kaayohan.

26 Nagahalamyang sila sing tingub sa yab-ok.

Kag ang mga ulud nagatabon sa ila.

27 Yari karon, ako nakakilala sang inyo mga katuyoan,

Kag ang mga pahitohito ninyo batok sa akon sa pagtapus sa akon.

28 Kay nagasiling kamo: “¿Diin bala ang baláy sang dunganon,

Kag diin bala ang layanglayang nga ginagamit nga puluy-an sang mga mala-uton?”

29 ¿Walâ bala kamo magpamankot sa mga nagaalagi sa mga dalanon,

Kag walâ kamo bala nagasapak sang ila mga pat-in?

30 Kay ang malain ginatipigan sa adlaw sang kalaglagan,

Kag ginadul-ong sia sa pahain sa adlaw sang mga kaakig

31 ¿Sin-o bala ang nagapangahas sa pagsumbung sa nawung sang iya dalanon?

Kag sang iya ginhimo, ¿sin-o bala ang nagahatag sa iya sang bayad?

32 Ginadalâ sia sa mga lulubngan

Kag sa ibabaw sang tiondo nagapulaw sia.

33 Ang mga inuklab nga hilamon sang nalupyakan manginmatam-is sa iya;

Kag sa olehe niya nagasulunud ang tanan nga mga tawo,

Kag ang mga nagauluna sa iya mga dimaisip.

34 Busa ¿paano nga ginalipay ninyo ako sing walay pulus?

Walay nabilin sa inyo mga sabat kondi ang pagkadimatutum.

Si Elipas nagasumbung kay lob sa madamu nga mga sayup, kag nagalaygay sa iya nga maghinulsul sia kag ginapahayag niya sa iya ang iya kapuslanan.

**22** KAG si Elipas, nga Temanhon, nagsabat kag nagsiling:

2 ¿Ang tawo may kapuslanan bala sa Dios?

Sa pagkamatuud, ang maalam mangin-kapsulanan sa iya kaugalingon.

3 ¿May kalalipayan bala ang Makaako kon ikaw matarung,

Kon may kapuslanan sa iya, kon ikaw manginhimpit sa imo mga dalanon?

4 ¿Tungud bala sang kahadluk sa imo nga sia nagasabdong sa imo,

Nga nagasulud sia upud sa imo sa hulukmanan?

5 ¿Indi bala ini tungud kay daku ang imo kalainan

Kag ang imo kalautan walay katapusan?

6 Kay nagpangayô ka sing inugpaligon sa imo mga utud nga walâ sing kabangdanan,

Kag ginpauba mo ang mga panapton sang mga hubo;

7 Walâ mo pagpaimna sing tubig ang nabudlay,

Kag gindumili mo ang tinapay sa nagutum;

8 Ang duta iya sang tawo nga gamhanan,

Kag nagpuyô sa iya ang tawo nga lutaw.

9 Ang mga bálo nga babae ginpalakat mo nga walay dalâ,

Kag ang mga butkon sang mga ilo ginpandugmok mo.

10 Tungud sini sa palibot mo ginaladlad ang mga siod,

Kag nagapakulba sa imo ang hinali nga kakugmat;

11 Kon mga kadudulman, nga indi ka makakita sing bisan ano,

Kag ang dalagku nga mga tubig nga nagatalabon sa imo.

12 ¿Walâ bala ang Dios sa kahitaasan sang mga langit?

Tan-awa ang putokputokan sang mga kabitoonan, nga pagkataas sa ila.

13 Kag nagasiling ka: “¿Ano bala ang nahibaloan sang Dios?

¿Sarang bala sia makahukom sa tungâ sang kadudulman?

14 Ang mga kapananganoran amo ang



iya palanagoan, kag indi sia sarang makita,

Kag sa palibot sang langit nagadayan-dayan sia."

15 ; Buut ka bala magabantay sang banas nga daan,

Nga gintapakan sang mga tawong malauton,

16 Nga sila ginpanagaw sa walâ pa ang panag-on,

Nga ang ila sadsaran nanġinisa ka subâ nga nagaawas ?

17 Nagsiling sila sa Dios: "Palayô-ka sa amon,"

Kag *ginpanġayô* nila nga kon ano ang sarang paghimoon sa ila sang Makaako.

18 Walay sapayan, ginpunô niya ang ila mga balâ sing mga kaayohan.

ġ Malayô sa akon ang laygay sang mga malauton !

19 Ang mga matarung makakita sini kag magakalalipay sa iya,

Kag ang walay salâ magauligyat sa ila, *nga nagsiling* :

20 "ġ Ang akon mga kasumpung walâ bala pagpanasa,

Kag indi bala ginupûd sang kalayo ang ila kadagaya ?"

21 Nġani pagpakigabyan-ka gid karon sa iya, kag may paghidaet ka ;

Kag tungud sini magaabut sa imo ang kaayohan.

22 Batuna sa iya bâbâ ang kasogoon, Kag isulûd-mo sa imo tagiposoon ang iya mga polong.

23 Kag kon magbalik ka sa Makaako, pagapatindugon liwan ang imo mga kuta,

Kon igapalayô mo sa imo layangla-yang ang kalautan.

24 Ipilâk sa yab-ok ang bulawan.

Kag ang metal nga Opir sa tungâ sang mga batô sang kasulgan,

25 Kag ang Makaako manginimo bu-lawan ;

Kag sia nga sa imo nanginsubung sang pilak nga natipon tungud sang imo mga kabudlayan.

26 Kay niyan magakalipay ka sa Makagagahum,

Kag pagahayawon mo sa Dios ang imo nawung ;

27 Magapangamuyo ka sa iya, kag sia magapamati sa imo.

Kag ikaw magabayad sa iya sang imo mga panaad.

28 Magatapat ka sing isa man ka pangitan-an, kag magakatuman nga sa imo, Kag sa ibabaw sang imo mga dalanon magabanaag ang suga ;

29 Kon pagpaubson ka kag magsiling ka :

"Ang pagpakadaku *magaabut*."

Ang Dios magaluwas sa may mga mata nga mapainubuson ;

30 Sia magabawi sa tawo nga indi ulay,

Kag mabawi sia tungud sang pagkaputli sang imo mga kamut.

Si Iob nagapalig-on liwan sang iya pagkawalay sala, apang wala magahandum sa pagpanawag-sa Dios, kay ang Dios nagapanago kag nagatuman sang iya binubuot.—Nagasabat sia kay Elipas nga nagaasoy sang mga sala sang mga malauton, nga sila, bisan pa igo na sila sa pag-antus sang mga silot nga walay katapusan, nagaagum sila diri sa idalum sang kahamungayaan.

**23** KAG si Iob nagsabat kag nagsiling :

2 Karon man mapait ang akon mulay !

Ang kamut nga nagapilas sa akon nagabug-at sa akon pagbakho.

3 ġ Kabay pa nga akon mahibaloan nga diin makita ko sia,

Nga sarang ako makalambut sa iya puluy-an !

4 Pagaipahayag ko sa atubangan niya ang akon katadlungan,

Kag pagapun-on ko ang akon bâbâ sing mga katarungan.

5 Makahibalo ako kunta sang mga pinolongon nga pagaisabat niya sa akon,

Kag mahantup ko kunta ang iya pagaisiling sa akon.

6 ġ Magapakigkasaba sia bala sa akon nga may pagkadaku sa kusug ?

Indi : kondi nga nagatalupangud sia sa akon ;

7 Niyan ang matarung magaapin batok sa iya,

Kag makapalagyo ako sa gihapon sa akon hukom.

8 Yari karon, kon ako magapakadto sa Sidlangan, walâ sia didto,

Kag kon sa Katundan, indi ako makatalupangud sa iya.

9 ġ Sa Aminhan bala nga sia maghikot ?

Ako indi makakita sa iya.

ġ Sa Bagatnan bala nga nagapanago sia ?

Ako indi makamululung sa iya.

10 Apang ginakilala niya ang akon dalanon :

Kon magtilaw sia sa akon, magagowa ako subung sang bulawan.

11 Ang akon mġa tiil nagsuon gid sa iya agi,

Ginbantayan ko ang iya dalan, kag walâ ako maglipas.

12 Sa sogo sang iya mġa bibig walâ ako nġa mas-a magpalayô :

Gintipon ko ang mġa polong sang iya bâbâ labi sang akon kaugalingon nġa palatukuran.

13 Apang sia dimationg, ¿sin-o bala ang makapaisol sa iya ?

Ang ginahandum sang iya kalág, ini ginahimo niya ;

14 Kay magatuman sia sang iya gintapat sa akon,

Kag madamu nġa mġa butang nġa subung sini sa ila *ginaligana* yara sa iya.

15 Yari karon, kay nġaa ako nagakalisang sa iya atubangan ;

Kon pamalandongan ko ini, ginakulbaan ako bangud sa iya.

16 Ang Dios nagpahomok sang akon kasingkasing,

Kag ginpakulbaan ako sang Makagagahum.

17 Kay walâ ako pagutda sa atubangan sang mġa kadudulman,

Bisan gintabunan niya ang kadulum sang akon nawung.

**24** ¿KAY nġaa bala walâ mapanago ang mġa panag-on sang Makaako,

Kag kay nġaa bala ang mġa nagakilala sa iya, walâ sila makakita sang iya mġa kaadlawan ?

2 Ginalalakbang ang mġa dulunan, Ginapalangawat ang mġa panong kag ginapahalab nila sila ;

3 Ginadalâ ang asno sang mġa ilo, Ginakuha nġa inugpalig-on ang baka sang bálo nġa babae ;

4 Ginapalipas sa dalan ang mġa imol, Kag ang tanan nġa mġa makalolooy sa duta ginapapanago sila.

5 Yari karon, subung sila sang mġa asno nġa talonan sa kahanayakan,

Nagagulowa sila sa ila buluhaton, nġa nagapangita sa tago sang ila kalan-on ;

Ang kahanayakan amo ang nagasagud sa ila mġa anak.

6 Sa latagon ginaani nila ang ila halaban,

Kag sa ulubasan sang mġa malauton nagapamupo sila sang nġa ubas nġa binayaan.

7 Nagakatolog sila nġa hubo, nġa walâ sing panapton,

Kag sa tugnaw walâ sila sing habol.

8 Sa madlus sang mġa kabukiran nagakalabasâ sila,

Kag tungud nġa walâ sila sing pasilongan, nagapalipud sila sa pil-as.

9 Ginaagaw nila ang mġa ilo sa soso ; Kag ginakuha nila nġa inugpalig-on ang panapton sang imol.

10 Ginapalakat nila ang mġa hubo, nġa walay panapton,

Kag ang mġa nagadalalâ sang ila mġa piuungpung, mġa gutom sila.

11 Sa sulúd sang mġa dingding, Ang mġa nagaipit sang ila mġa olibo,

Ang mġa nagatapak sang ila mġa ipitan, mġa ginuhaw sila.

12 Gikan sa mġa banwa, nġa didto nagapuluyô ini nġa mġa tawo, nagagulowa ang mġa panghakroy,

Kag ang kalág sang mġa pilason sa kamatayon, nagasilingit sa Dios ;

Apang ang Dios walâ magabilang sang pagkatampalasan.

13 Ang iban among mġa nagamalalison batok sa kapawa ;

Walâ nila makilal-i ang ila mġa dalanon,

Bisan nakapuyô sila sa ila mġa banas.

14 Sa pamanagbanag nagatindug ang mamomono, nagapatay sia sa makalolooy kag sa imol,

Kag sa kagab-ihon nagalibotlibot sia subung sang makawat.

15 Ang mata sang makihilawason nagabantay sang masirum,

Nġa nagasiling : "Walâ sing mata nġa makakita sa akon ;

Kag ginatabunan niya ang iya nawung.

16 Sa mġa kadudulman ginalugus nila ang mġa kabalayan,

Kag sa adlaw nagatakup sila sa sulúd sang ila baláy,

Walâ sila makakilala sang kapawa.

17 Kag ang kaagahon sa ila nġa tanan subung sang landong sang kamatayon ;

Kay nakilala nila ang mġa hingulba sang landong sang kamatyon.

18 Mġa maabtik sila subung sang isa ka butang sa kadayagan sang mġa tubig ;



Ang ila bahin pinapakamalaut sa ibabaw sang duta ;

Indi sila nagabalikid sa kilid sang mga kaubasan.

19 Ang tigmala kag ang init nagaagaw sang mga tubig sang niebe.

Amo man ang lulubngan sa mga makasasalâ.

20 Nagakalipat sa ila ang tiyan nga iniloy,

Ang mga ulud nagahimo sa ila sang kalan-on nila.

Walâ na gid sa ila sing handumanan, Kag subung sang isa ka kahoy pagalaglagan ang mga malauton.

21 Sila nagahalunhon sang babae nga baw-as, nga walay batâ,

Kag sa balo nga babae walâ sila sing nahimo nga kaayohan.

22 Walay sapayan, tungud sang iya gahum, ginapalawig niya ang kabuhi sang mga gamhanan,

Nga nagatindug sila, sang walâ gid nila pagtoohi ang kabuhi.

23 Ginatugutan niya sila sing kaligunan kag ginasandigan sila,

Kag ang iya mga mata yadto sa ibabaw sang mga dalanon nila.

24 Ginpandayaw sila ; apang sa makadali walâ na sila :

Kag nagakalamatay sila, kag ginatipon sila subung sang tanan nga mga tawo,

Kag ginapangutol sila subung sang mga ukbung sang mga uhay.

25 Kag kon indi amo ini, ngani ; sin-o ang magahimutig sa akon,

Kag magapakawalay pulus sang akon mga polong ?

Si Bildad nagapahayag, nga ang tawo indi sarang mapamatarung sa atubangan sang Dios.

**25** KAG si Bildad, nga Suanhon, nagsabat kag nagsiling :

2 Ang pagkaginoon kag ang kahadluk yara sa iya ;

Sia nagahimo sang paghidaet sa iya mga kahitaasan.

3 ; May isip bala ang iya mga kasoldadosan ?

Kag ; sa ibabaw ni sin-o bala nga indi nagabayaw ang iya kapawa ?

4 Busa, ; paano bala ang pagpakamatarung sang mamalasyon sa atubangan sang Dios ?

; Kag paano bala manginmatinlo ang natawo sa babae ?

5 Yari karon, ang amo gid nga, bulan indi masidlak,

Bisan ang mga kabitoonan mga matinlo sa atubangan sang iya mga mata ;

6 ; Labi na ang mamalasyon nga among isa ka ulud,

Kag ang anak sang tawo nga among lago lamang.

Si Iob nagasabat kay Bildad, nga wala sia maghambal sa ginakasuyan, kag sa amo man nagadayaw sang pagkadaku sang Dios.

**26** KAG si Iob nagsabat, kag nagsiling :

2 ; Ano nga kabulig bala nga ginahatag mo sa walâ sing kusug ?

; Ano bala nga kaluwasan sa butkon nga walâ sing kabakuran ?

3 ; Ano bala nga lajay sa walâ sing kaalam ?

; Ano bala nga kabugana nga mga katarungan nga napahayag mo ?

4 ; Kay sin-o mo bala pagitudlo tungud sining mga pinolongon ?

Kag ; kay sin-o bala ang espiritu nga sa imo nagagowa ?

5 Ang mga minatay nagakulurug, Kag sa idalum pa gid, ang mga tubig kag ang mga pumuluyô nila.

6 Ang lulubngan hubo sa atubangan niya,

Kag ang inpierno walâ sing tabon.

7 Ginauntay niya ang Aminhan sa ibabaw sang walay unud,

Ginabitay niya ang duta sa ibabaw sang walâ.

8 Nagahigot sia sang mga tubig sa iya mga gal-um, Kag ang mga gal-um walâ magakapihak sa idalum sang iya kabug-at ;

9 Sia nagatago sang kadaygan sang iya lingkoran nga harianon, kag sa ibabaw niya nagahumlad sia sang iya panganud.

10 Ginabadtan niya sing isa ka palibot sa kadaygan sang mga tubig,

Nayon sa ukbung diin ang suga kag ang mga kadudulman nagakilitaay.

11 Ang mga haligi sang langit nagakulurug,

Kag nagakalisang tungud sang iya pahug.

12 Sia nagaokay sang dagat sa iya gahum,

Kag sa iya ihibalo ginapahagup niya ang Rahab.

13 Sa iya huyup nanginmatahum ang kalangitan;

Ang iya kamut naghimo sang Man-ug nga madasig.

14 Yari karon, ini sila mga higad sang iya mga dalanon,

Apang diotay lamang ang kibot nga ginapamatian ta sa iya.

Kag ang daguub sang iya mga kasugan,

¿Sin-o bala ang makahantup sa iya?

Si Iob nagasikway sang panumbung nga nahimo batok sa iya, kag ginapaligon niya nga ang mga malauton sa masunson wala sila pagasiloti. Ang tawo sarang makahuput sing mga buluhaton kag mangad nga wala magaangkon sing matuud nga kaalam.

**27** KAG nagpadayon si Iob sang iya pololongon nga hulubaton kag nagsiling sia:

2 Tungud sang Dios nga buhi, nga nagkuha sang akon katadlungan,

Kag tungud sang Makaako, nga nagpapait sang akon kalag;

3 Nga sa bug-os nga panag-on nga ang akon gininhawa yari sa akon,

Kag ang huyup sang Dios sa akon mga ilong,

4 Sa pagkamatuud, ang akon mga biging indi magahalambal sing kalautan,

Bisan ang akon dila magamitlang sing daya.

5 Malayô sa akon nga magpakamatarung ako sa inyo.

Tubtub sa akon katapusan nga pagtingâ indi ako magatugut, nga pagakuhaon sa akon ang akon pagkawalay salâ:

6 Ang akon katarungan nahawiran ko, kag indi ko sia pagbuhian;

Indi magsabdong ang akon tagiposoon sing bisan ano sang akon mga adlaw.

7 Manginsubung sang malauton ang akon kaaway,

Kag subung sang malalison ang akon kasampung.

8 Kay ¿ano bala ang paglaum sang dimatinahoron sa Dios kon pagutdon sia sang Dios,

Kon pagsabniton sang Dios ang iya kalag?

9 ¿Magapamati bala ang Dios sang iya pagtuaw,

Kon ang kalisdanan mag-abut sa ibabaw niya?

10 ¿Magapangalipay sia bala sa Makaako?

¿Magapanawag bala sia sa Dios sa bug-os nga panag-on?

11 Ako magatudlo sa inyo nga kon paano ang paghikot sang kamut sang Dios;

Indi ko pagtagoon ang yara nga bahin sang Makaako.

12 Yari karon, kamo gid nakakita nga tanan;

Busa ¿kay nga bala nga nagahambal kamo sing mga pololongon nga walay pulus?

13 Ini amo ang pahat nga ang Dios nagahimo sa tawo nga malauton,

Kag ang panublion sang mga malugos, nga nagabaton sila sang Makaako:

14 Kon ang ila mga inanak pagpada-muon, manginsa hinganiban ini;

Kag ang ila mga salingsing indi magakalabusug sang tinapay.

15 Ang mga mabilin sa iya, sa kamatayon pagaipanlubung sila,

Kag ang ila mga bálo nga babae indi magahilibi.

16 Kon magtipon sia sing pilak nga subung sang yab-ok,

Kag kon mag-aman sia sing panapton nga subung sang lunang,

17 Sia gid nagaaman sa ila, apang ang matarung amo ang nagapnaput sa ila,

Kag ang iya pilak ginapamahat sang walay salâ.

18 Ang baláy nga ginapatindug niya subung sang iya sang sipit,

Kag subung sang payagpayag nga ginahimo sang bantay sang ulubasan.

19 Nagahigda sia nga mangaran, apang indi sia ginalubung;

Sa isa ka pamisok sia walâ na:

20 Ang mga kakulba nagalambut sa iya subung sang mga tubig,

Ang alimpulos nagaagaw sa iya sa kagab-ihon;

21 Ginadalâ sia sang timug, kag nagataliwan sia,

Kag sa unos ginapalid sia sing malayô sa iya duug.

22 Ang Dios nagapilas sa iya sa walâ sing kalooy;

Nagapaninguha sia sa pagpalagyo sa iya kamut.



23 Magapamalakpak *sila* sang *ila* mġa kamut sa ibabaw niya,

Kag kutub sa iya gid nġa duug paga-paniholan sia nila.

**28** SA pagkamatuud gid, may gingi-kanan ang pilak,

Kag may duug nġa didto nagagikan ang bulawan nġa ginaulay.

2 Ang salsa'on ginakuha sa yab-ok,

Kag sa bató ginatunaw ang tumbaga.

3 Ginabutangan sang *tawo* sing dulanang ang mġa kadudulman,

Kag ginalapus niya tubtub sa ukbung sang kaidadalman,

Tubtub sa mġa bató nġa yara sa kadulum,

Kag sa landong sang kamatayon.

4 Nagakutkut sia sing mina nġa mala-yô sang pumuluyô sa ibabaw sang *duta* ;

*Didto* kinalimtan *sila* sang *ila* mġa tiil,

*Didto* ginabitay *sila*, nġa nagahabog sa malayô sang mġa mamalatyon.

5 Sa *duta* nagagikan ang tinapay,

Kag sa idalum ginalibog sia subung nġa tungud sang kalayo.

6 Ang iya mġa kabatohan among duug sang mġa sapiro,

Nġa didto may mġa binilog nġa bulawan.

7 Ang iya banas walâ makilal-i sang pispis nġa mananagit,

Bisan ang mata sang halkan makakita sa iya ;

8 Walâ sia matapaki sang mġa sapat nġa mapintas,

Bisan ang leon nakaagi sa iya.

9 Sa santikan ginabutang sang tawo ang iya kamut,

Kag ginawagwag niya sa gamut ang mġa kabukiran.

10 Sa mġa pil-as nagakutkut sia sang mġa subâ,

Kag ang iya mġa mata nakasapo sang tanan nġa malahalon.

11 Ginapungan niya ang mġa subâ sa *ila* ginahalinan,

Kag ginapagowa niya ang natago sa kapawa.

12 Apang ang kaalam, ¿ diin bala ginakuha ?

¿ Kag diin bala ang duug sang ihibalo ?

13 Ang iya bili walâ makilala sang mamalatyon,

Bisan makita sia sa *duta* sang mġa nagakalabuhi.

14 Ang kadadalman nagasiling: "Walâ sia sa akon:"

Kag ang dagat nagasiling: "Bisan sa akon."

15 Indi sia pagihatag tungud sa bulawan,

Bisan ang iya bili mangintimbang sa pilak ;

16 Indi sia sarang mapabilihan sa bulawan sa Opir,

Bisan sa malahalon nġa oniks, bisan sa sapiro.

17 Indi ikapaangay sa iya ang bulawan, bisan ang kristal,

Bisan mabaylo sia sa mġa butang nġa bulawan nġa ulay.

18 Sa *luyo niya* indi ginasambit ang banawug, bisan ang kristal,

Kag ang kaugalingon sang kaalam among labing maayo sang mġa malahalon nġa mġa mutya.

19 Indi makaangay sa iya ang topasio sa Kus,

Bisan sarang mapabilihan sang ulay nġa bulawan.

20 Apang ang kaalam, ¿ sa diin nagagikan bala ?

Kag ¿ diin bala ang duug sang ihibalo ?

21 Kay natabunan sia sa mġa mata sang tanan nġa nagakalabuhi,

Kag sa amo nġa kapispisan sang langit natago sia.

22 Ang inpierno kag ang kamatayon nagasiling :

"Ang iya kabantugan naglambut sa amon mġa idulungug."

23 Ang Dios nakahanġup sang dalan niya,

Kag sia nakakilala sang iya duug ;

24 Kay sia nagatulok tubtub sa mġa ukbung sang *duta*,

Kag nagalantaw sia sa idalum sang bug-os nġa langit.

25 Sa paghatag sing kabug-at sa hanġin,

Kag pagtimbang sang mġa tubig nġa may talaksan ;

26 Sang paghimo niya sing kasogoan sa ulan,

Kag dalan sa kilat sang mġa daguub,

27 Niyan nakita sia niya, kag ginpahayag niya sa iya :

Ginpalig-on niya sia kag gintunkad man niya sia,

28 Kag nagsiling sia sa tawo :

“Yari karon nga ang kahadluk sang Ginoos amo ang kaalam,

Kag ang pagpalayô sa kalainan amo ang ihibalo.”

Si Iob nagalibog sang iya daan nga kahamungaya sa iya karon nga pagkamakalooloy, kag nagapamatuud nga wala sia sing kasaypanan sang mga sala nga sa iya amo pa nila igsumbang.

**29** KAG nagpadayon si Iob sa pagmitlang sang iya pinolongon nga hulubaton, kag nagsiling sia :

2 | Kabay pa nga manginamo ako subung sang sa mga bulan nga nagliligad,

Subung sang sa mga adlaw nga ang Dios nagabantay sa akon !

3 Sang ginapabanaag niya ang iya lamprahan sa ibabaw sang akon olo,

Kag nga sa kadudulman nagalakat ako sa iya kapawa ;

4 Subung sa mga adlaw sang akon pagkagulang,

Sang ang kahirop sang Dios *nagpulaw* sa ibabaw sang akon layanglayang ;

5 Sang ang Makaako didto pa upud sa akon,

Kag ang akon mga anak nagalilibot sa akon ;

6 Sang gindigus ang akon mga tikang sa gatas,

Kag malapit sa akon ang pil-as nagula sing mga subâ nga lana,

7 Sang nagagowa ako sa gawang, sa kahitaasan sang banwa,

Kag sa balaligyaan ginapahimos ko ang akon lingkoran :

8 *Niyan* sa pagtan-awo sang mga pamatan-on sa akon, nagapalanago sila ;

Kag ang mga tigulang nagtilindug kag nagataladlung sila,

9 Ang mga pangolo nagpulugung sang ila mga pinolongon,

Kag ginbutang nila ang kamut sa ibabaw sang ila bâbâ,

10 Ang tingug sang mga dunganon naghipus,

Kag ang ila dila nagapilît sa ila alingagngag ;

11 Kay ang mga idulungug nga nagapalamati sa akon, nagahilingalan sa akon nga bulahan,

Kag ang mga mata nga nagtan-aw sa akon, naghatag sa akon sing pagpamatuud ;

12 Kay ginluwas ko ang makalooloy nga nagsingit,

Kag ang ilo nga walâ sing manugbulig ;

13 Ang pagpakamaayo sang daw madula na nag-abut sa ibabaw nakon,

Kag ginpunô ko sa kalipay ang tagiposoon sang bâlo nga babae ;

14 Nagapanaput ako sang katarungan, kag sia nagapapanaput sa akon ;

Ang akon katadlung nanginsubung sang akon bayô nga malaba kag sang akon turbante ;

15 Ako amo ang mga mata sa bulag, Kag mga tiil sa piang ;

16 Sa mga imol nanginamay ako, Kag ginusisa ko ang kasuayon sang dikilala ;

17 Kag ginboong ko ang mga bangkil sang malauton,

Kag sa iya mga ngipon ginapabuhian ko ang tinukub.

18 Kag nagsiling ako : Sa akon pugad mamatay ako,

Kag subung sang balas manginakon mga adlaw.

19 Ang akon gamut magauntay nayon sa mga tubig,

Kag ang tun-ug magaholog sa kagabihon sa akon mga sangâ.

20 Ang akon kadunganan manginbag-o sa gihapon sa akon,

Kag ang akon pana magabag-o sang iya kusug sa akon kamut.

21 Ginpamatian nila ako kag nagahululat,

Kag nagahilipus sila *sa pagpamati* sa akon laygay.

22 Sa tapus sang akon paghambal, walâ sila magbalikwat,

Kag ang akon pololongon isa ka tunog nga sa ila.

23 Kag ginhulat nila ako subung sang ulan,

Kag ginabukâ nila ang ila bâbâ *subung* sang ulan sang tingin-ot.

24 *Gin-agubay* ko sila sa akon pagkadlaw, kon walâ na sila sing paglaum,

Kag walâ nila pagpadulma ang suga sa akon nawung.

25 Ako nagapili sang dalan nila, kag nagalinkod ako nga pangolo ;

Kag nagapungko ako subung nga hari sa tungâ sang kasoldadosan,

Subung sang nagalipay sang mga tawo nga yara sa lalaw.



**30** KAG karon ang mġa labing kabus sa edad sa akon nagakaladlaw sa akon ;

Nġa ang ila mġa ginikanan indi gin-sapak ko sa pagbutang upud sang mġa ido sang akon kahayupan.

2 KAG ġnġaa pa bala nġa magpulus sa akon ang kusug sang ila mġa kamut ?

Sa ila nagakadula ang katigulanġon

3 Bangud sang kaimolan kag gutum, nagakitkit sila sang isa ka duta nġa upaw, nġa nahapay kag nalaglag na.

4 Nagapangabut sila sing mġa gamut nġa maasin sa tunġa sang mġa katungan,

Kag ang mġa gamut sang enebro amo ang iya tinapay.

5 Ginapanobol sila sa tunġa sang katawohan,

Kag sa olehe nila nagasililingit sila subung sang sa olehe sang makawat ;

6 Sa bagay nġa nagapuluyô sila sa mġa napisungan nġa makahaladluk,

Sa mġa gikab sang duta, kag sa tunġa sang mġa pil-as ;

7 Nagailima sila sa tunġa sang mġa kakahoykahoyan,

Kag nagahigda sila sa idalum sang mġa dalamô :

8 Mġa anak sila sang mġa buangbuang, hoo, mġa anak sang tinawon nġa walay nġalan,

Nġa ginasobol sing makahuhuya gid sa duta.

9 KAG karon ako nanġinkalantahon nila,

Kag nahimo ako nġa iya halambalanon sa pinolongon.

10 Ginakalanġil-aran nila ako, nagapalalayô sila sa akon,

Kag bisan pa may kakahas sila sa pagdupla sa akon nawung.

11 Tunġud kay gintugakan sang Dios ang lubid sang akon *kabuhi* kag ginpaubus niya ako,

Ginawaslik nila ang pitik sa atubanġan sang akon nawung.

12 Ini nġa mġa tampalasan nagatilingdug sa akon too,

Ginatiklod nila ang akon mġa tiil,

Kag ginapahamtang nila batoks sa akon ang ila mġa dalan nġa kalalat-an.

13 Ginaguba nila ang akon banas,

Nagabulig sila sa akon kalaglagan,

Nġa sa ila walâ sing sin-o nġa magadalâ sang pagtabang.

14 Nagakalari sila subung sang lapus nġa masankad nġa guab,  
Nagadalali sila sa akon nġa may kagahud.

15 Ang mġa kakulba nagasalakay batok sa akon,

Ginalagas nila ang akon himaya subung sang hanġin,

Kag ang akon kaluwasan nagataliwan subung sang gal-um.

16 KAG karon ang akon kalâġ naula sa akon:

Ang mġa adlaw sa pagpaubus nagadakup sa akon.

17 Sa kagab-ihon ginabohoan ang akon mġa tul-an,

Kag ang mġa nagakitkit sa akon, walâ magakatolog.

18 Ang kasakitan sa iya kusug nanġin-akon panapton,

Isul-ub niya sa akon subung sang liong sang akon bayô nġa malaba.

19 Ginapukan niya ako sa lunang,

Kag nanġinkaangay ako sang yab-ok kag sang abô.

20 Nagapanawag ako sa imo, kag walâ mo ako pagpamatii.

Nagatindug ako, kag nagatan-aw ka sa akon.

21 Sa akon nanġinmapintas ka ;

Sa kabakuran sang imo kamut ginalagi-gas mo ako.

22 Ginabayaw mo ako sa ibabaw sang hanġin, ginapakabayo mo ako sa ibabaw niya,

Kag ginpahagas mo nġa sa akon ang tanan nġa pagkabutang.

23 Kay nakilala ko, nġa ginadalâ mo ako sa kamatayon,

Kag sa balâġ nġa tinapat sa tanan nġa mġa nagakalabuhi.

24 Apang gikan sa kalaglagan, ġindi bala ginauntay ang kamut ?

Kag sa kalalat-an ġindi bala ginasingitan tunġud sang pagtabang ?

25 ġWalâ bala ako maghibi sa ginasubuan ?

Kag ang akon kalâġ ġwalâ bala magkasubo tunġud sang makalolooy ?

26 KAG sang nagahulat ako sang kaa-yohan, niyan nag-abut ang kalainan ;

Kag sang nagahulat ako sang kapawa, ang kadulum nag-abut.

27 Ang akon mġa kasudlan nagabul-lukal, kag walâ magapalahuway ;

Mġa adlaw sa pagpaubus nagkibot sa akon.

28 Nagalakat ako, sa mġa panapton  
nġa masinulub-on, nġa walā sing silak  
sang adlaw ;

Nagatindug ako sa katilingban, kag na-  
gasingit ako ;

29 Nanġinutud ako sang mġa sakal,  
Kag kaupud sang mġa avestrus.

30 Ang akon panit nag-itum na *kag*  
*nagakaholog* gikan sa ibabaw nakon,

Kag ang akon mġa tul-an nagadab-  
dab sa kainiton.

31 Kag ang akon arpa nanġinlalaw,  
Kag ang akon lantoy nanġintingug  
sang mġa nagahilibi.

**31** NAGHIMO ako sing katipan sa  
akon mġa mata :

Kag ; paano bala nġa magtan-aw pa  
ako sa isa ka ulay ?

2 ; Ano bala nġa pahat ang *ginhatag*  
kunta sa akon sa ibabaw sang Dios,

Kag ano bala nġa panublion sang Ma-  
kaako sang mġa kahitaasan ?

3 ; Walā bala sing kalalat-an nġa sa  
malauton,

Kag sing kalaglagan nġa sa mġa naga-  
hilimo sing kalainan ?

4 ; Walā bala niya makita ang akon  
mġa dalanon,

Kag maisip ang tanan ko nġa mġa  
tikang ?

5 ; Naglakat ako bala nġa may butig,  
Kag ang akon mġa tiil nagdalidali si-  
la sa limbong ?

6 Ang Dios magtimbang sa akon sa  
tinbangan nġa matarung,

Kag makilala niya ang akon pagka-  
walay salā.

7 Kon ang akon mġa tikang naglilipas  
sa dalan,

Kag kon ang akon tagiposoon magsu-  
nud sa akon mġa mata,

Kag kon nagpilīt ang bisan ano nġa  
dagta sa akon mġa kamut,

8 Magtanum ako, kag iban ang mag-  
kaon,

Kag ang akon mġa patubas pagpanga-  
buton.

9 Kon ang akon tagiposoon nalimbo-  
ngan tungud sa babae,

Kag kon nagpanilag ako sa gawang  
sang akon isigkatawo,

10 Maggaling nġa sa iban ang akon  
asawa,

Kag igatugyan sia sa iban.

11 Kay among kalautan kag kalainan  
Nġa dapat silotan sang mġa hukom,

12 Hoo, among kalayo nġa nagahalun-  
hon tubtub sa inpierno,

Kag pagapapason kunta ang bus-os  
ko nġa patubas.

13 ; Ginsikway ko bala ang katad-  
lungan sang akon alagad nġa lalaki kag  
babae,

Sa ila mġa kasuayon sa akon ?

14 ; Ano bala ang akon pagahimoon.  
kon ang Dios magtindug ?

Kag ; ano bala ang akon igasabat sa  
iya, kon magusisa sia ?

15 Ang naghimo sa akon sa tiyan  
; walā bala maghimo sa ila man ?

Kag ; walā bala ang amo nġa *Dios*,  
nġa nag-aman sa aton sa tiyan nġa ini-  
lōy ?

16 ; Gindumili ko bala sa mġa maka-  
lolooy ang ila kahidlaw ?

Kag ; ginpadulum ko bala ang mġa  
mata sang bālo nġa babae ?

17 Kon ; nagkaon ako bala sang akon  
hungit nġa ako gid lamang,

Kag walā magkaon sa iya ang ilo  
sang pahat niya ?

18 Sa pagkamatuud, kutub sang akon  
pagkapamatan-on nagtūbō sia upud sa  
akon subung sang sa balāy sang amay ;

Kag kutub sa tiyan sang akon ilōy  
nagdumala ako sang *bālo* nġa babae.

19 ; Nakakita ako bala nġa nadula  
ang isa nġa walā sing panapton,

Kag sa makalolooy nġa walay tabon ?

20 Sa pagkamatuud, nagpakamaayo  
sa akon ang iya mġa taludtud,

Kay sa bulbul sang akon mġa obeha  
nagmainit sia.

21 Kon ginbayaw ko batok sa ilo ang  
akon kamut,

Sang makita ko ang akon kabulig sa  
gawang,

22 Niyan, ang akon abaga maholog  
sa akon likod,

Kag ang akon butkon nġa boong, mag-  
bulag sa iya tul-an.

23 Kay nagkahadluk ako sang kalalat-  
an sang Dios,

Kay sa kabangdanan sang iya pagka-  
halangdon walā ako sing sarang ma-  
himo.

24 Kon ginbutang ko sa bulawan ang  
akon paglaum,

Kag nagsiling ako sa bulawan : "Akon  
paglaum amo ikaw ;"

25 Kon nagpangalipay ako sing daku  
sa akon mġa mangad,



Kag nga ang akon kamut nakakita sing dagaya nga kaayohan,

26 Kon nagtuluk ako sa adlaw sang nagasidlak sia,  
Kag sa bulan nga masidlak sa iya paglakat,

27 Kag kon ang akon tagiposoong gin-dayaan sa tago,

Kag kon ang akon babâ naghuluk sang akon kamut;

28 Ini manginkalainan man unta nga dapat silotan sa paghukom,

Kay makagdumili ako kunta sa Dios nga yara sa kahitaasan.

29 ; Nagkalipay ako bala sang kalalatan sang nagakaakig sa akon,

Kag naghimaya ako bala, sang sia nalambut sang kalainan?

30 Apang walâ ko pagtuguti sa pagpakasalâ ang akon alingagnag,

Nga nagapangayô sang iya kabuhi nga may pagpakamalaot.

31 Ang mga tawo sang layanglayang walâ bala magsiling:

; Diin bala makakita ang indi ginbusog sang unud sang iya mga sapat?

32 Ang dumuluong walâ makahigda sa kagab-ihon sa gowa;

Ginbuksan ko ang akon mga gawang sa nagapanlakatan.

33 ; Gintabunan ko bala subung kay Adam ang akon mga pagkamalalison,

Nga gintago ko sa akon dughan ang akon kalautan,

34 Kay nahadluk ako sa daku nga kadaman,

Kag ang pagtamay sang mga panimalây nagpahadluk sa akon,

Sa bagay nga naghipus ako, kag walâ ako maggowa sa akon gawang?

35 ; Kabay pa nga may magpamati sa akon!

Yari karon, ang akon pat-in: nga ang Makaako magsabat sa akon,

Kag nga ang akon kasumpung magsulat sang iya panumbung.

36 Sa pagkamatuud, pagapas-anon ko sia sa ibabaw sang akon abaga,

Kag igahigot ko sia subung nga purungpurung.

37 Ako magasaysay sa iya sang kadamuon sang akon mga tikang,

Kag subung nga dunganon magapalapit ako sa iya.

38 Kon ang akon duta nagasingit batok sa akon,

Kag nagahilibi ang akon mga idas sing tingub;

39 Kon ginkaon ko ang iya patubas nga walâ sing bayad,

Kon ginpadula ko ang kabuhi sang iya mga tagiya;

40 Sa baylo sang trigo magtubô ang mga katunukan,

Kag mga tunok sa baylo sang sebada. Nagkatapus na ang mga polong ni Iob.

Si Eliu nagapamalibad sa paghambal; nagasabdong sia kay Iob sa paghingalan niya sa iya nga matarung, kag nagapalig-on nga ang pag-antus sang katuyoan amo ang pagtoon kag ang silot.

**32** KAG naguluntat ining tatlo ka mga tawo sa pagsabat kay Iob, tungud nga sia matarung sa ila mga mata.

2 Niyan nagdabdab ang kaakig ni Eliu, nga anak ni Barakel, nga Businhon, sa panimalây ni Ram: nagdabdab ang iya kaakig batok kay Iob tungud kay nagapakamatarung sia sang iya kalág labi sang sa Dios;

3 Nagdabdab man ang iya kaakig batok sa iya tatlo ka mga abyan, kay walâ na sila sing nakita nga inugsabat, kag walay sapayan ginpakasalâ nila si Iob.

4 Kag si Eliu naghulat, nga si Iob nakatapus sang iya mga polong, kay sila mga tigulang nga labing sobol sa katigulangon sa iya.

5 Apang sang ginatan-aw ni Eliu, nga walâ na sing sabat sa babâ sadtong tatlo ka mga lalaki, ang iya kasingkal nagdabdab.

6 Kag nagsabat si Eliu, nga anak ni Barakel, nga Businhon, kag nagsiling:

Ako ang labing kubus sa inyo sa edad, kag kamo mga tigulang;

Ngani, nagisol ako subung sang ulud, kag nahadluk ako magpahayag sa inyo sang akon kaisipan.

7 Ako nagsiling: "Ang katigulangon magahalambal,

Kag ang kadamuon sang mga tinuig magapahayag sing kaalam."

8 Apang amo ang Espiritu sa mga mamalatyon,

Kag ang huyup sang Makaako, nga nagahimo sa ila nga mahantupon.

9 Indi *gihapon* ang mga sobol sa katigulangon among mga maalam:

Bisan ang mġa tigulang nakahanġup sang katadlungan.

10 Ngani, ako nagasiling: Pamatiininyo ako,

Pagaipahayag ko man ang akon kasisipan.

11 Yari karon, ako naghulat sang inyo mġa polong,

Ginpamatian ko ang inyo mġa hunahuna,

Sa nagapangita pa kamo sing mġa polong;

12 Kag nagmatalupangdon gid ako sa inyo,

Apang, yari karon, nġa walā sing sin-o sa inyo nġa makagdaug kay Iob,

Tunġud sang mġa sabat sa iya mġa polong.

13 Busa indi kamo magsiling: "Kami nakakita sing kaalam;

Ang Dios kag indi ang tawo sarang makapanas sang iya mġa katarunġan.

14 Walā sia magmitlang batok sa akon sang iya mġa pinolongon,

Bisan nagsabat ako sa iya tunġud sang inyo mġa kasanagan.

15 Nagdalangdalang sila, walā na gid sila magsabat;

Gin-agaw sa ila ang ila mġa pinolongon.

16 Ako naghulat, kay walā sila magahalambal,

Kondi nagdululog sila didto, kag walā na gid magasabat.

17 Tunġud sini ako magasabat man sang nahanunġud sa akon;

Pagaipahayag ko man ang akon kasisipan:

18 Kay punō ako sang mġa pinolongon,

Kag ang espiritu sang akon dughan nagapilit sa akon.

19 Yari karon, ang akon dughan subung sia sang alak nġa walā sing sulunġawan,

Subung sang mġa panit nġa bag-o nagabusdik sia.

20 Busa, maghambal ako, kag magginhawa ako;

Magbukā ako sang akon mġa bibig, kag magsabat ako.

21 Indi ako buut magpasulabi sing tawo nġa lutaw,

Bisan magaaloolo ako sa mġa magamay,

22 Kay indi ako mahibalo magaloolo: Sa madali kunta pagagamiton ako sang akon Magbubuhat

**33** NĠANI, Iob, ginaampo ko sa imo, pamatii karon ang akon mġa pinolongon,

Kag dunga ang akon tanan nġa mġa polong.

2 Yari karon, tuguti nġa pagbukaon ko karon ang akon bābā,

Kag nġa ang akon dila maghambal sa akon tutunlan.

3 Ang katarunġan sang akon tagipoon manginakon dila,

Kag ang nahibaloan sang akon mġa bibig magamitlang ako sing lunsay gid.

4 Ang Espiritu sang Dios nagbuhat sa akon,

Kag ang gininhawa sang Makaako naghatag sa akon sing kabuhi.

5 Kon makasarang ka, sabta ako: Iaman ang imo mġa pinolongon sa atubangan nakon, atubang-ka didto.

6 Yari karon, ako subung sa imo sa atubangan sang Dios;

Sa lunang ginhimo man ako.

7 Yari karon ang akon kakugmat indi makalisang sa imo,

Bisan ang akon kabug-aton magma-bugat sa ibabaw nimo.

8 Sa pagkamatuud, ikaw nagsiling sini sa akon mġa idulunġug,

Kag ako nakabati sang tinġug sang imo mġa pinolongon:

9 "Putli ako kag walā sing paglalis; Putli ako kag walā sing kalainan sa akon.

10 Yari karon sia nagpadugi sing, mġa kasuayon batok sa akon,

Kag ginapakakaaway niya ako;

11 Kag ginbutang niya ang akon mġa tiil sa mġa pandug,

Kag ginapanilagan niya ang tanan ko nġa mġa banas."

12 Yari karon, magasabat ako nġa sa sini indi ka matarung,

Kay ang Dios tama ka daku sang tawo.

13 ?Kay nġaa bala nakigkasaba ka batok sa iya?

Kay walā magahatag sia sing husay nahanunġud sang tanan niya nġa mġa butang.

14 Apang ang Dios nagahambal sing makaisa, sing makaduha man,

Kag indi ginasapak sia.

15 Sa isa ka damgo, sa palanan-awon sa kagab-ihon,

Kon ang mahamook nġa katologon maholog sa ibabaw sang mġa tawo,



Kon ginatuyo sila sa ibabaw sang higdaan,

16 Niyan ginabuksan niya ang idulungug sang mga tawo,

Kag ginapat-in niya ang sabdong nga ginahatag niya sa ila,

17 Sa pagpabalik sa tawo sa iya buluhaton, kag sa pagpalayô sa tawo sa iya pagpalabilabi,

18 Sa pagbantay sang iya kalág sa lulubngan,

Kag sang iya kabuhi sa pag-agi sa sulab sang kaaway.

19 Sa ibabaw man sang iya higdaan ginasilotan sia tungud sang kasakit

Kag tungud sang isa ka dayon nga pagdumug sa iya mga tul-an :

20 Niyan ang iya kabuhi nagakasumud sang tinapay,

Kag ang iya kalág, sang kalan-on nga iya ginhandum sadto ;

21 Madula sa atubangan niya ang iya unud,

Kag ang iya mga tul-an, nga sadto indi sila makita, manginhubo.

22 Ang iya kalág nagapalapit sa lulubngan,

Kag ang iya kabuhi sa mga manugpatay.

23 Kon may dira nga sa iya nga isa ka manugtunda,

Isa ka manugpatpat, ang isa sa tungâ sang linibo,

Sa pagpahibalo sa tawo sang iya katungdanan,

24 Sia nagakalooy sa iya kag nagsiling :

“Luwasa sia, agud nga indi magpanaug sia sa lulubngan :

Nakit-an ko ang gawad.”

25 Niyan ang iya unud manginlabin mabaskug sang sa bāt :

Nagabalik sia sa mga adlaw sang iya pagkabata ;

26 Nagapangamuyo sia sa Dios, nga nagakalipay sa iya,

Kag ginapakita niya sa iya ang iya nawung, nga may kalantahon nga mali-payon,

Kag sia nagauli sa tawo sang iya katarungan.

27 Ini sia nagaambahan sa atubangan sang mga tawo kag nagsiling :

“Nakasalâ ako, kag ginpatiko ko ang katadlungan,

Kag walâ niya ako pagpasibangdi ;

28 Nagtubus sia sang akon kalág, agud nga dili mag-agi sa lulubngan,

Kag ang akon kabuhi makakita sang kapawa.”

29 Yari karon, ining tanan nga mga butang ginahimo sang Dios sa tawo,

Sa makaduha kag sa makatlo,

30 Sa pagpalayô sang iya kalág sa lulubngan,

Kag sa pagiwag sa iya sang kapawa sang kabuhi.

31 Dunga, Iob, pamatii ako :

Hipus-ka, kag ako magahambal.

32 Kon may inughambal ka, sabta ako :

Hambal-ka, kay buut ko nga makita ka nga matarung.

33 Kon dili, ikaw, pamati-ka sa akon :

Hipus-ka, kag pagaton-an ko ikaw sing kaalam.

Si Eliu nagapamatuud, nga ang Dios dili nagahimo sing dimatarung, kondi nga ginapain niya ang mga maayo sa mga malain.

**34** KAG nagsabat si Eliu kag nagsiling :

2 Pamati-kamo, mga maalam, sang akon mga pinolongon,

Kag kamo, mga manginalamon, magmatalupangdon-kamo.

3 Kay ang idulungug nagahukom sang mga pololongon,

Subung sang alingagnag nagakinam-kinam sang kalan-on.

4 Pilion-naton nga sa aton ang katadlungan.

Kilalahon-naton sa tungâ naton kon ano ang maayo.

5 Kay si Iob nagsiling : “Matarung ako kag ang Dios nagkuha sa akon sang akon katadlungan ;

6 Bisan pa batok sang akon katadlung, ginapakabutigon ako ;

Ang akon pilas indi sarang mabulóng, bisan walâ ako magmalalison.”

7 ¿May tawo bala subung kay Iob,

Nga nagainum sang uligyat subung sang tubig?

8 Kag nagaúpud sia sa mga naga-hilimo sang kalainan,

Kag nagalakat sia upud sang mga tawo nga malauton.

9 Kay nagsiling sia : “Walâ gid sing kapuslanan ang tawo,

Nga magpahamuut sa Dios.”

10 Ngani, mga lalaki sa tagiposoan, pamatii-ninyo ako :

Malayô sa Dios ang kalainan,  
Kag malayô sa Makaako ang malalison.

11 Kay sia nagabayad sa mġa tawo, sono sang ila mġa binuhatan,

Kag sia magapapangita sa tagsatagsa, sono sa iya banas.

12 Walâ ; sa pagkamatuud, ang Dios indi sarang makahimo sang kalaotan,

Bisan ang Makaako makapatiko sang katadlungan.

13 ; Sin-o bala ang nagpasalig sa iya sang pagsagud sang duta ?

; Kag sin-o bala ang nagtugyan sa iya sang bug-os nga kalibutan ?

14 Kon indi sia magtalupangud kondi sa iya kaugaliñgon,

Kag kon tipunon niya sa iya ang iya Espiritu kag huyup,

15 Ang tanan nga unud kunta maghimumugto sing tingub,

Kag ang tawo magbalik unta sa yabok.

16 Busa, hangpa-ninyo, pamatii ini ; Dunga ang tingug sang akon mġa pinolongon.

17 ; Magahari bala ang nagadumut sang katadlungan ?

; Kag nagahukom ka bala nga malaut sang matarung, sang gamhanan ?

18 ; Nagasiling bala sa hari : “Yawan-on ka ;”

Kag sa mġa dunganon : “Mġa madauton kamo ?”

19 Sia walâ magapasulabi sang mġa tinawo nga mġa dunganon,

Bisan ginatahud niya ang mangaran labi pa sang imol,

Kay tanan sila buhat sang iya mġa kamut.

20 Sa isa ka tion mamatay sila ; sa tungang gab-i ginapakurug ang mġa banwa kag nagataliwan, kag ang mġa gamhanan pinain nga indi ginabuligan sang kamut.

21 Kay ang iya mġa mata yara sa ibabaw sang mġa dalanon sang mġa tawo,

Kag nagatulok sia sang tanan nila nga mġa tikang.

22 Walay kadudulman, bisan landong sang kamatayon,

Nga didto matago ang mġa nagahilimo sing kalainan.

23 Kay sia walâ magakinahanglan sa tawo sa pagtalupangud sing malawig,

Sa pagdalâ sa iya sa Dios sa hulukmanan :

24 Sia magalaglag sa mġa kagamhanan sa walâ sing uluusisa,

Kag pagapatukuron niya ang iban sa iya duug.

25 Ngani, sia nagakilala sang mġa binuhatan nila,

Kag ginapukan niya sila sa kagabihon, kag ginalaglag na sila.

26 Ginabunal niya sila sing pagbunal nga magahud subung nga mġa malauton,

Sa duug nga didto makita sila ;

27 Kay tungud sini nagpalalayô sila sa iya,

Kag walâ nila pagpamalandongâ ang bisan ano sang iya mġa dalanon ;

28 Nga ginpaatubang sa iya ang pag-singit sang makalolooy,

Sa bagay nga makabati sia sang pag-singit sang mġa walay palad.

29 Kag kon sia ang maghatag sing kalinong, ; sin-o bala magasiling nga malauton sia, kag sin-o bala ang makakita sa iya, kon pagtagoon ang iya nawung,

Bisan sia sa isa ka katawohan, bisan sia sa isa man ka tawo,

30 Sa pagtimulang sang ginharian sang tawo nga walay pagtahud sa Dios,

Sa pagpalayô sang mġa tiglapak sa banwa ?

31 Apang ; may nagsiling bala sa Dios :

“Nagadalâ na ako sing silot, indi na ako magapakasalâ ;

32 Tudloi ako sang indi ko makita ; Kon naghimo ako sing malain, indi na gid ako magliwan sa paghimo ?”

33 Busa, ; Sa imo bala luyag dapat sia magsilot sa iya ?

Kay nagpahayag ka sing pagtamay ; Ngani nga sa imo ang pagpili, kag indi nga sa akon.

Busa, ang imo nahibaloan, ihambal mo.

34 Ang mġa tawo ;sa tagiposoon magasiling sa akon,

Subung man ang tawo nga maalam, nga nagpamati sa akon,

35 “Nga si Iob walâ magahambal nga may kaalam,

Kag nga ang iya mġa polong walâ sing ihibalo.”

36 Ginahandum ko nga si Iob pagati-lawan tubtub sa katapusan,

Bangud kay ang iya mġa sabat iya sang mġa tawo nga malauton.

37 Kay sa iya salâ nagadugang sia sang paglalis :



Nagapamalakpak sia sang mġa kamut,  
sa tunġa namon,  
Kag batok sa Dios ginadamu niya ang  
iya mġa polong.

Si Eliu nagapahayag, nġa ang sala sang tawo wala  
magadaut sa Dios, bisan ang iya katarunġan na-  
gapulus sa iya. Nġani ang Dios wala sing kabang-  
danan sa pagpahayag sing pinasulabi. Madamu  
ang-mġa nagapalanawag kag wala sila pagpamati,  
kag tunġud sini magamulay sila batok sa Dios sa  
baylo nġa magdanġup sa iya.

### 35 KAG si Eliu nagsabat kag nagsi- ling:

2 ĩNagahunahuna ka bala nġa ma-  
nġinsono sa katadlungan ining imo gin-  
siling:

Matarung pa ako sa Dios?

3 Kay nagapangayô ka nġa kon ano  
ang imo kapuslanan.

“ĩAno pa bala nġa kapuslanan nakon  
kon makasalâ ako kunta?

4 Ako magasabat sa imo sa akon mġa  
pinolongon,

Kag sa imo mġa kaupdanan upud sa  
imo.

5 Tulok-ka sa mġa lanġit, kag tan-  
awa,

Kag pamalandongâ ang mġa kapa-  
nġanuran: labing mataas sila pa sa  
imo.

6 Kon magpakasalâ ka, ĩano bala ang  
ginapatubas mo sa iya?

Kag kon ang imo mġa pagkamalali-  
son magdalamu, ĩanong imo pagbuha-  
ton?

7 Kon matarung ka, ĩanong pagiha-  
tag mo sa iya?

Kon ĩano bala ang pagbatonon niya  
sa imo kamut?

8 Sa tawo nġa subung sa imo *naga-  
danġat* ang imo pagkamalauton;

Kag sa anak sang tawo, ang imo ka-  
tarunġan.

9 Banġud sang kadamuon sang mġa  
kapigosan nagasingit,

Kag sa idalum sang butkon sang mġa  
kagamhanan nagatuluaw.

10 Apang walâ gid sing nagasiling:  
ĩDiin bala ang Dios nġa akon Magbu-  
buhat,

Nġa nagahatag sing mġa kalantahon  
nġa malipayon sa kagab-ihon,

II Nġa nagahimo sa aton sing labing  
naton-an sa mġa kasapatan sang duta,

Kag labing maalam sang mġa kapis-  
pisan sang lanġit?

12 Didto nagasilingit sila, kag sia  
indi nagapamati,

Tunġud sang palabilabi sang mġa ma-  
laut.

13 Sa pagkamatuud, ang Dios indi na-  
gapamati sang kadayawan,

Bisan maluyag magtulok sa iya ang  
Makaako.

14 Bisan pa magsiling ka nġa indi ka  
magtulok sa iya,

Ang kasuayon yara sa atubangan  
niya; nġani maghulat-ka sa iya.

15 Apang karon tunġud kay sa iya  
kaakig walâ sia magasilot,

Kag tunġud kay indi nagausisa sia nġa  
may katul-id sang mġa paglapas,

Si Iob nagabukâ sang iya bâbâ sa ka-  
dayawan;

Kag nagapadamu sia sing mġa pololo-  
nġon nġa walay kinaadman.

Si Eliu nagadayaw sang katarunġan kag sang gabum  
sang Dios, nġa napamahayag sang pagtuga. Sia  
among kahimpitan gid, bisan pa kita indi  
makahanġup sang iya mġa pagtatap.

### 36 KAG si Eliu nagpadayon kag nagsiling:

2 “Hulata ako sing diyot, kag pa-  
gapahayagan ko ikaw sing mġa pino-  
longon,

Kay may sa ila pa sa *pag-apin* sa Dios.

3 Pagakuhaon ko ang akon kinaad-  
man sa malayô,

Kag ipahanunġud ko ang katarunġan  
sa akon Magbubuhat.

4 Kay, sa pagkamatuud, indi mġa bu-  
tig ang akon mġa pinolongon:

Ang himpit sa kinaadman, yara sa imo.

5 Yari karon, ang Dios among maka-  
gagahum, apang walâ pagtamay sa kay  
bisan sin-o;

Makagagahum sia sa kusug sang iya  
ihibalo.

6 Indi nagatugut sia sang kabuhi sa  
malauton,

Kag sia nagahimo sing katadlungan  
sa mġa pinigos,

7 Indi niya pag-ibulag ang iya mġa  
mata sa mġa matarung;

Kondi nġa ginapalingkod niya sila sa  
lingkoran nġa harianon upud sa mġa  
hari sa gihapon,

Kag ginabayaw sila.

8 Kag nahanungud sang mġa nahig-tan sang mġa talikala,

Nġa nabilango sila sang mġa lubid sa pagpaubus,

9 Sia nagapakilala sa ila sang ila binuhatan kag sang ila pagkamalalison,

Kay nagpakamakusug sila.

10 Ginabuksan niya ang ila mġa idulungug nġa sa pagsabdong,

Kag nagasiling sia sa ila, nġa magliliso sila gikan sa kalautan.

11 Kon pamatian nila, kag pag-alagdon nila sia,

Nagatapus sila sang ila mġa adlaw sa kaayohan,

Kag ang ila mġa katuigan sa mġa kapalipayan.

12 Apang kon indi sila magpamati, nagaagi sila sa idalum sang sulab *sang kaaway*,

Kag nagapahimumugto sila sang ginhawa, nġa walā sing hibalo.

13 Apang ang mġa tagiposoon nġa dimatinahoron sa Dios nagatipon sing kaakig,

*Kag indi sila nagasilingit sa Dios*, kon sia ang maggapus sa ila.

14 Nagakalamatay ang kalāg nila sa ila pagkabataan,

Kag ang iya kabuhi sa tungā sang mġa gintugyan sa pagkabigaon.

15 Ginaluwas niya ang makalolooy sa iya pagpaubus,

Kag sa kasulub-on ginabuksan niya ang ila idulungug.

16 Pagapagowaon ka niya sa bābā sang pagbakho,

Sa kasangkad, sa duug nġa didto walay kakitid,

Kag ang tambok magabugana sa mġa kalan-on sa latok.

17 Kag kon ikaw magbaton sing bugos sang kasuayon sang malauton,

Niyan ang kasuayon kag ang paghukom nagaġakup sa imo.

18 Ang kasingkal indi magatiklod sa imo tubtub sa pasipala,

Kag ang kadakuon sang gawad indi magpalipas sa imo.

19 ĳ Pagasapakon bala niya ang imo mġa mangad?

Bisan ang bulawan, bisan ang tanan nġa mġa katigayonan sang mangad, walay pulus sila sa iya.

20 Ayaw paghanduma ang kagabihon,

Nġa magakaladula ang mġa kabanwaan sa ila duug.

21 Andam-ka, ayaw pagbalik sa kalautan,

Kay ina ginapili mo nġa maayo pa sang pagpaubus.

22 Yarik aron, nagapahayag ang Dios nġa mataas gid sia tungud sang iya kagamhanan:

ĳ Sin-o bala ang nagatudlo subung sa iya?

23 ĳ Sin-o bala ang nagtando sang iya dalanon?

Kag ĳ sin-o bala ang magasiling sa iya: "Pagkamalalison ginhimo mo?"

24 Panumdum-ka sa pagpadaku sang iya mġa binuhatan,

Ginadayaw sila sang mġa katawohan nġa may kalantahon:

25 Ang tanan nġa mġa tawo nagakalatingala sa ila,

Bisan pa ang mġa mamalasyon nagatalan-aw sa ila sa malayō lamang.

26 Yari karon ang Dios daku, kag walā kita makahanġup sa iya;

Nahanġud sang kadamuon sang iya mġa tinuig, dimatunkad sia.

27 Sang pagtipon niya sang mġa tinolo sang tubig,

Nagapatolo sila sang ulan gikan sa iya alisnġaw;

28 Nġa ang mġa gal-um nagapatubud sa iya,

Nġa nagatolo sing bugana sa ibabaw sang mġa tawo.

29 Sa pagkamatuud, ĳ may tawo bala nġa sarang makahanġup sang paghumlad sang mġa gal-um,

Kag sang dinaguhub sang iya layang-layang?

30 Yari karon, ginahumlad niya ang iya kilat sa palibot niya,

Kag ginatabunan niya ang mġa gamut sang kadagatan.

31 Tungud sini nġa mġa butang ginahukman niya ang nġa katawohan,

Kag ginhatagan niya sing kalan-on nġa kadagaya.

32 Ginatabon niya ang iya mġa kamut sa kilat,

Kag ginasogo sia niya batok sadtong nagatimulang.

33 Ang iya daguhub nagabantala sa iya:

Patī ang kahayupan nagapanagna sang iya pag-abut.



**37** HOO, sa sini nagakurug ang akon tagiposoon,

Kag nagalumpat gikan sa iya dung.

2 Pamatii-ninyo, pamatii ang daguub sang iya tingug,

Kag ang tunug nga nagagowa sa iya babâ.

3 Ginamandoan niya ang *daguub* sa idalum sang tanan nga mga kalangitan,

Kag ang iya kilat tubtub sa mga ukbung sang duta.

4 Sa olehe sang kilat nagangurub ang isa ka tingug,

Nagadaguub sia sa tingug nga pagkahalangdon,

Kag hon mabatian ang iya tingug, walâ sia magadugay.

5 Sa iya tingug nagadaguub ang Dios sing makatilingala gid ;

Sia nagahimo sing dalagku nga mga butang, nga kita indi makahangup.

6 Kay sa niebe nagasiling sia: "Panaug ka sa duta,"

Subung man sa hanol sang ulan,

Sa hanol sang mga ulan sang iya kabakuran.

7 Ginapat-inan niya ang kamut sang tanan nga tawo,

Agud nga ang tanan nga mga mamalatyon, nga iya binuhatan, magtoon sa pagkilala sa iya.

8 Ang kasapatan nagasulûd sa ila palanagoan,

Kag nagapuluyô sila sa ila mga ginapuy-an.

9 Sa mga kaidadalman sang *Bagatnan* nagagikan ang alimpulos,

Kag ang tugnaw sa Aminhan.

10 Tungud sa huyup sang Dios ginahuman ang hielo,

Kag ang mga kalaparan nga mga tubig nagabilog.

11 Ginalulan niya ang mga gal-um sa kayami ;

Ginatulud niya sa malayô ang gal-um nga nagadalâ sang iya kilat,

12 Kag ini nagalapta sa tanan nga paladulungan,

Sa pagtuman sang iya mga laygay sa tanan nga ginasogo niya sa iya sa kadaygan sang duta,

13 Nga bisan sia subung nga bunal, subung nga *pagkamaayo* sa ibabaw sang duta,

Bisan sia subung nga bugay nga magpakari.

14 Talupangda ini, Iob ;

Dúlog-ka, kag pamalandonga ang mga kalatingalahan sang Dios.

15 ; Nakahangup ka bala sang pagpanghunahuna sang Dios sa sini nga mga butang,

Kag nga ginapasilak niya ang kapawa sa iya gal-um ?

16 ; Nakahangup ka bala sang mga timbang nga sibo sang mga gal-um ;

Sang mga katingalahan sang Himpit sa kinaadman ?

17 ; Kay nga bala nagamanginmainit ang imo mga panapton,

Kon ang duta nagapahimonong sa idalum sang hangin sang Bagatnan ?

18 ; Sarang ka bala, subung sa iya, makaguntay sang mga gal-um,

*Kag maghimo sa ila* nga malig-on sabung sang salaming nga tinunaw ?

19 Ipahayag sa amon nga kon anong dapat isiling namon sa iya.

Kay kami indi sarang makapahayag sing bisan ano sa iya bangud sang amon mga kadudulman.

20 Kon maghambal kunta ako ; igasugid bala ini sa iya ?

Kon ; sin-o bala ang nagapangayô nga pagatukbon sia ?

21 Yari karon, indi sarang matulok ang kapawa nga nagasidlak sa mga gal-um,

Sang nagakaagi ang hangin kag nagatino sa ila.

22 Nagagikan sa Aminhan ang bula-wanon nga *silak*,

Ang Dios nagasuklub sang isa ka silak nga makahaladluk.

23 Sia among Makagagahum, nga sa iya indi kita makalambut: daku sia sa kagamhanan,

Kag sa paghukom, kag sa kabug-osan nga katarungan, indi sia nagapigos sa bisan kay sin-o.

24 Ngani, magkalahadluk sa iya ang mga tawo :

Sia walâ magapasulabi sa bisan kay sin-o sang mga maalan sa tagiposoon.

Si Iehoba nagsabat kay Iob, kag sa dipaguyon sa pagpamatuud sang iya mga tinotuyo ; nagapatukod sia sa pagkadaku kag kaalam sang iya mga binuhatan sa pagpangayo sing bug-os nga pagsalig.

**38** KAG si Iehoba nagsabat kay Iob kutub sa alibutud sang isa ka madlus, kag nagsiling :

2 ¿Sin-o bala ini nga nagapadulum sang laygay

Sa mga pololongon nga walay kaalam?

3 Karon, wagkusi, subung nga lalaki, ang imo mga hawak;

Ako magapamangkot sa imo, kag pagatudloan mo ako.

4 ¿Diin ka bala sang ako nagatukud sang duta?

Pahibaloa ako, kon may ihibalo ka.

5 ¿Sin-o bala ang nagbutang sa iya sang iya mga takus? kay nagapakamaalam ka sini;

Kon ¿sin-o bala ang naguntay sa ibabaw niya sang lubid?

6 ¿Sa ibabaw sang ano bala nga napatindug ang iya mga sadsaran?

Kon ¿sin-o bala ang nagbutang sang iya bató nga sikohan,

7 Sang magdalayaw sa iya sing tingub ang tanan nga mga kabitoonan sang kaagahon,

Kag nagahulugyaw ang tanan nga mga anak sang Dios?

8 Kag ¿sin-o bala ang nagtakup sang dagat sa sulúd sang mga gawang,

Sang nagalapnag sia sa gowa sa tiyan nga inilóy,

9 Sang paghatag sa iya sing mga pangnanud nga panapton,

Kag nga iya wagkus ang kadudulman;

10 Kag gintapat ko sa iya ang dulunan nga pinat-uran

Kag ginbutangan ko sia sing mga pintal kag mga gawang,

11 Kag nagsiling ako: "Tuhtub diri magaabut ka, kag indi kana kalakbang,

Kag dira magadúlog ang palabilabi sang imo mga balud?"

12 ¿Nagsogo ka bala, sa kaagahon, sa imo mga adlaw,

Kag ginpakilala mo bala sa pamanagbanag ang iya duug,

13 Agud nga likupan niya ang mga kaukbugan sang duta,

Kag nga pagsobolon sa iya ang mga malauton?

14 Nagabalhin sia subung sang lunang sa idalum sang ipalat-in,

Kag nagapalahayag ang tanan nga mga butang subung sang mangaranon nga panapton;

15 Kag ang suga sang mga malauton ginakuha sa ila,

Kag ang butkon nga pinakataas ginabali.

16 ¿Nakasulúd ka bala tuhtub sa mga tuburan sang dagat,

Kag naglakatlatkat ka sa salug sang kaidadalman?

17 ¿Napahayag bala sa imo ang mga gawang sang kainatayon,

Kag nakita mo bala ang mga gawang sang landong sang kamatayon?

18 ¿Gintalupangud mo bala patí ang mga kasangkaron sang duta?

Pahayag-ka, kon makahibalo ka sini nga tanan.

19 ¿Sa diin bala ang dalan nga nagadul-ong pa puluy-an sang suga,

Kag diin bala ang duug sang mga kadudulman?

20 ¿Kag sarang ka bala magkadto sa pagkuha sa ila sa ila mga dulunan,

Kag mahahibalo ka sing maayo sang mga banas sang ila baláy?

21 ¿Nakahibalo ka sini, kay natawo ka sadto,

Kag kay daku ang kadamuon sang imo mga adlaw!

22 ¿Nakasulúd ka bala sa mga tala-goan sang niebe,

Kag nakakita ka bala sang mga tala-goan sang mga bató nga hielu,

23 Nga ginahuptan ko nga sa panagon sang kalisdanan,

Nga sa adlaw sang pagilinaway kag sang pagilnagdo?

24 ¿Sa ano bala nga dalan ginapanagtag ang kapawa,

Kag ginasabwag ang hanġin nga Timug sa ibabaw sang duta?

25 ¿Sin-o bala ang nagkurit sang mga iligan sang hanol,

Kag sang dalan nga sa mga kilat kag sa mga daguub,

26 Nga nagapaulan sa duta nga walâ pagpuy-i,

Sa ibabaw sang kahanayakan nga didto walay tawo,

27 Sa pagpainum sa duug nga nahapay kag hanayak,

Kag sa pagpatúbô sa duta nga nagapatubas sang hilaon nga linghod?

28 ¿May amay bala ang ulan?

Kon ¿sin-o bala ang nagpanganak sang mga tinolo sang tun-og?

29 ¿Sin-o bala ang ilóy sang hielu?

Kag ¿sin-o bala ang nagapanganak sang maputi nga hielu sang langit,

30 Sang ang mga tubig nagapalanago subung sang sa idalum sang tabon nga bató,



Kag nagabilog ang kadaygan sang kaidadalman?

31 ¿Sarang ka bala makahigot sang mga gapus sang mga Pleiades,

Kon makahubad sang mga talikala sang Orion?

32 ¿Makakuha ka bala sa tagsatagsa sa iya panag-on

Sang mga tandaan sang Sodiako,

Kon pagaidul-ong mo ang Arkturo patí ang iya mga anak?

33 ¿Nahibaloan mo bala ang mga kasogoon sang mga langit?

Kon sarang ka bala makatukud sang iya pagkaginoos sa duta?

34 ¿Tuman bala nga ang imo tingug nagalambut sa mga kapananganuran,

Agud nga pagtabunan ka sang mga kasulgan sang mga tubig?

35 Kon pagbuhian mo ang mga kilat, ¿nagalalakat bala sila,

Kag nagasililing sila sa imo: "Yari na kami diri?"

36 ¿Sin-o bala ang nagbutang sing kaalam sa sulúd sang tagiposoon?

Kag ¿Sin-o bala ang naghatag sing ihibalo sa ihibalo?

37 ¿Sin-o bala ang sarang makaisip sang mga gal-um nga may kaalam?

Kag ¿sin-o bala ang nagaula sang mga suludlan nga panit sang mga langit,

38 Sang ang yab-ok nagakatunaw sa isa ka buay,

Kag ang mga inuklab nagtalapik na ang isa sa isa?

39 ¿AYAMON mo bala ang tulukbon nga sa leon nga babae?

¿Kag sin-o bala ang nagabusug sang kagutom sang mga magamay nga leon,

2 Kon nagaluluko sila sa mga lungib, Kag yadto sila sa ila mga palanagoan sa pagpuut?

3 ¿Sin-o bala ang nagaaman sa uwak sang iya kalan-on,

Kon ang iya mga piso nagapalanawag sa Dios,

Nga nagatalangtalang nga walâ sing pagkaon?

4 ¿Nakahibalo ka bala sang panag-on nga ginaanak sang mga kanding nga talonon sa mga pil-as?

¿Nakakita ka bala sa mga usa sang sila nagaanak?

5 ¿Naisip mo bala ang mga binulan sang ila pagbusong,

Kag nakahibalo ka sang panag-on nga ila igapananganak?

6 Nagasilirikutot sila, ginapangowa nila ang ila mga anak, ginaluwas sila sa ila mga sakit:

7 Ang ila mga anak nagabalaskug, nagatulúbô sila sa latagon,

Nagagulowa sila kag walâ magabalik sa ila.

8 ¿Sin-o bala ang nagbuhi sa asno nga talonon,

Kag sin-o bala ang naghubad sang gapus sang asna nga madasig,

9 Nga sa iya nagbutang ako sing baláy sa patag nga hanayak,

Kag sang ila mga puluy-an sa mga duug nga maasin?

10 Nagakadlaw sia sang kagahud sang banwa:

Indi makabati sia sang mga tingug sang manughakot.

11 Sia nagalibot sang mga kabukiran, nga duug sang iya halalban,

Kag nagapangita sia sang tanan nga hilaw pa.

12 ¿Buut ayhan ang baka nga talonon mag-alagad sa imo,

Kon magahigda sia malapit sa imo pasunggan?

13 ¿Pagaigaid mo bala ang baka nga talonon tungud sang iya ihiligot sa idas?

Kon ¿magapakaras bala sia sang mga nalupyakan sa olehe nimo?

14 ¿Magasalig ka bala sa iya, tungud kay daku ang iya kabakuran,

Kag pagaitugyan mo sa iya ang imo buluhaton?

15 ¿Magasalig ka bala sa iya nga pagpasudlon niya ang imo patubas,

Kag nga pagtiponon niya ang trigo sa imo linasan?

16 Ang mga pakpak sang abestrus nagakapaykapay sing malipayon;

Apang ¿amo bala ini ang mga kuyus sang siguenya kon ang iya bulbul?

17 Kay ginabayaan niya sa duta ang iya mga itlog,

Kag sa yab-ok ginapainitan niya sila:

18 Kag nalipatan niya, nga sarang matapakan sila sang tiil,

Kag nga ang mga kasapatan sa latagon sarang makatapak sa ila.

19 Nagabangis sia nga sa iya mga magamay, subung nga sila indi mga iya;

Ang iya pinangabudlayan manginwalay pulus, sa walâ sing kalooy sa iya.

20 Kay ginpalipat sia sang Dios sang kaalam,

Kag walâ sia niya paghatagi sing pahat sa ihibalo.

21 Sa oras sang pagtindug niya sa pagdalagan,

Nagauligyat sia sa kabayo, kag sa iya manugkabayo.

22 ¿Ginahatagan mo bala ang kabayo sing kabakuran?

¿Ginapunihan mo bala ang iya tingkoy sing bungaybungay nga nagapilaypilay?

23 ¿Pagapalumpaton mo bala sia subung sang isa ka apan?

Sa himaya sang iya pusnga among kakugmat.

24 Nagakaykay sia sang duta sa nalup-yakan kag nagakalipay sia sa iya kusug;

Nagasugata sia sang mga hinganiban;

25 Nagakadlaw sia sang kalisang, kag walâ magamatalaw,

Bisan nagaisol sia sa atubangan sang hinganiban.

26 Batok sa iya nagahuni ang baslayan,

Ang masidlak nga bankaw kag sumbling.

27 Ginahalunhon niya ang duta nga may kasingkal kag kaakig,

Kag indi sia makapahimonong sang nagatunog ang budyong.

28 Sa kagahud sang budyong nagasiling sia: "¡Oho!"

Kag kutub sa malayô sia nagapanimaho sang inaway, sang siningit nga nagadaguhub sang mga pangolo, kag sang siningit sang inaway.

29 ¿Nagalupadlupad bala ang dapay tungud sang imo ihibalo,

Kag ginahumlâd niya ang iya mga pakpak nayon sa Bagatnan?

30 Kon ¿nagapalabaw bala ang agila tungud sang imo sogo,

Kag nga nagabutang sia sa mataas sang iya pugad?

31 Sia nagapuyô sa pil-as kag nagaholon sia didto,

Sa kinataliwisang pil-as kag sang mga duug nga mapag-on.

32 Kutub didto nagapuut sia sang kалан-on,

Ang iya mga mata nagapanilag sa malayô gid.

33 Ang iya mga piso nagasupsup sang dugo,

Kag kon diin ang mga bangkay didto sia.

34 Kag nagsabat si Iehoba kay Iob, kag nagsiling:

35 ¿Makigsuay bala sa Makaako ang manugsabdong?

Ang nagsuay sa Dios, magsabat sini.

36 Kag si Iob nagsabat kay Iehoba, kag nagsiling:

37 Yari karon, ako among tala-mayon,

¿Ano bala ang akon igasabat sa imo?

Ang akon kamut ibutang ko sa ibabaw sang akon bâbâ.

38 Sa makaisa naghambal ako, kag indi ako magasabat;

Bisan sa makaduha pa, apang indi ko na paghimoon ini.

**40** KAG nagsabat si Iehoba kay Iob kutub sa alibutud sang madlus kag nagsiling:

2 Wagkusi, karon, subung nga lalaki, ang imo mga hawak;

Ako magapamangkot sa imo, kag pagatudloan mo ako.

3 ¿Buut mo bala pagwalaon ang akon paghukom,

Pagtagudilian mo ako sa pagpakatarung mo sa imo gid?

4 ¿May butkon ka bala subung sang Dios?

¿Sarang ka bala makadaguub nga may tingug subung sa iya?

5 Busa, pamuni-ka karon sang pagkahalangdon kag sang pagkadaku,

Kag panaput-ka sing dungug kag himaya.

6 Sabwag-ka sing mga kasingkal sang imo kaakig,

Kag tuluka ang tanan nga palabilabihon, kag papanluyaha sia.

7 Tuluka ang tanan nga palabilabihon, kag pagpayaubâ sia,

Kag laglaga ang mga malauton sa ila duug,

8 Tagoa sila nga tanan sing tingub sa yab-ok,

Tabuni ang ila mga nawung sa kadulum;

9 Kag ako man magadayaw sa imo, Kay naninginluwas ka kunta sa imo too.

10 Yari karon, ang Behemot, nga ghimimo ko sia subung sa imo:

Nagakaon sia sing hilamon subung sang baka.

11 Yari karon, ang iya kusug yara sa iya mga hawak,



Kag ang iya kabakuran sa mġa kau-  
gatan sang iya tiyan.

12 Ang iya ikog nagagiho subung  
sang isa ka sedro,

Kag ang mġa kaugatan sang iya mġa  
paa nagadilinawodawo ;

13 Ang iya mġa tul-an mġa mabakud,  
subung sang mġa tayhup nġa tumbaga,

Kag ang iya mġa bahin sang lawas  
subung sang mġa pintal nġa salsalon.

14 Sia amo ang pang'anay sang mġa  
dalanon sang Dios.

Ang naghimo sa iya naghatag sa iya  
sang iya sundang.

15 Kay ang mġa kabukiran nagapātu-  
bas sing hilamon nġa sa iya,

Nġa didto ang tanan nġa mġa kasa-  
patan sang mġa latagon nagahalam-  
pang.

16 Nagaluko sia sa idalum sang mġa  
kahoy nġa lotus,

Sa palanagoan sang kakawayanan kag  
sang hunub.

17 Ang mġa kahoy nġa lotus nagata-  
bon sa iya sang ila landong,

Ang mġa sause sang kasulgan nagali-  
bot sa iya.

18 Yari karon, kon ang subâ naga-  
awas, sia indi malingkang.

Kag nagasalig gid sia, kon ang Ior-  
dan magsulúd sa iya bâbâ.

Ĵ May makasarang bala sa pagduksol  
sa guya niya ?

Ĵ Sa pagdakup sa iya nġa may mġa  
sihod sa pagtuhug sang iya sungad ?

**41** Ĵ SARANG mo bala makuha ang  
Lebiatan sang taga ?

Ĵ Mapasalum mo bala ang iya dila sa  
olehe sang bagobago ?

2 Ĵ Sarang ka bala makabutang sing  
lubid sa iya ikog,

Kag matuhog mo bala sang duklat ang  
iya sulang ?

3 Ĵ Magapadamu bala sia sing mġa  
pag-ampo nġa sa imo ?

Kon Ĵ magahambal sia bala sa imo  
sing mġa polong nġa matam-is ?

4 Ĵ Magapakigkatipan bala sia sa imo,  
Agud nġa pagbatonon mo sia nġa  
alagad nġa sa gihapon ?

5 Ĵ Magahampang ka bala sa iya su-  
bung sa pispis,

Kon pagahigtan mo bala sia nġa sa  
imo mġa kabataan nġa babae ?

6 Ĵ Magasimpon bala ang mġa ma-

nġingisda sa paghimo sing palangitan-an  
sa iya ?

Ĵ Pagapahaton nila sia bala sa mġa  
manugbaligya ?

7 Ĵ Pagatabunan mo bala ang iya pa-  
nit sang mġa baslay,

Kon ang iya olo sang sibat sang  
mangingisda ?

8 Ibutang ang imo kamut sa ibabaw  
niya ;

Makadumdum ka sang inaway, kag  
indi ka na gid magbalik.

9 Yari karon, nġa ang paglaum sa  
nagaduksul sa iya, ginalahugan,

Kay bisan sa iya lamang panulok  
Ĵ indi bala pagpunawon ?

10 Walâ gid sing labing makahas nġa  
magpukaw sa iya ;

Busa, Ĵ sin-o bala ang sarang maka-  
tindug sa atubangan nakon ?

11 Ĵ Sin-o bala ang naghatag sa akon  
sing ūna, agud nġa ako maguli sa iya ?

Ang tanan nġa yari sa idalum sang  
langit akon sia.

12 Ako indi maghipus sang iya mġa  
bahin,

Bisan sa nahanungud sang iya kusug,  
bisan sa katahum sang iya bayhon.

13 Ĵ Sin-o bala ang magbukas sang  
atubangan sang iya panapton ?

Ĵ Sin-o bala ang magpangahas sa pag-  
sulúd sa sampaw nġa ilidas sang iya  
mġa ngipon ?

14 Ĵ Sin-o bala ang magabukas sang  
mġa gawang sang iya nawung ?

Sa palibot sang iya mġa ngipon yara  
ang kakugmat.

15 Punô sang palabilabi among mġa  
idas nġa nagahuman sang iya mġa  
taming ;

Nġa natakpan sila, nġa pinat-inan sila  
sing mapiot gid.

16 Ang isa nagatingub sa isa,  
Nġa ang hangin indi makaagi sa  
tungâ nila ;

17 Ang tagsatagsa nagatapik sa iya  
kasilingan,

Nagatingub sila kag indi sila naga-  
bulag.

18 Ang iya mġa pagpanimahaon na-  
gapagowa sing kapawa,

Kag ang iya mġa mata subung sila  
sang mġa ilalakub sang pamanagbanag.

19 Sa iya bâbâ nogagulowa ang mġa  
kilat,

Kag nagapalagyo ang mġa alipalok  
nġa kalayo.

20 Sa iya mġa ilong nagagowa ang asó,

Subung sang sa isa ka kolon sa *ibabaw sanz kalayo* nġa ginatayhupan, kag subung sang sa kawa,

21 Ang iya gininhawa nagasudlib sang mġa uling,

Kag sa iya bâbâ nagagowa ang dab-dab.

22 Sa iya tingkoy nagapuyô ang kabakuran,

Kag nagalumpat sa atubangġan niya ang kakugmat.

23 Ang mġa bahin nġa mahomok sang iya unud ginapapilit.

Yara sila nġa mġa malig-on sa iya, kag indi mationg.

24 Ang iya tagiposoon malig-on subung sang isa ka bató,

Mabakud subung sang naidalum nġa bató sang galingġan.

25 Sa iya pagtindug may kahadluk ang mġa labing makusug;

Kag bangud sang ila kakugmat walâ sila sa ila.

26 Kon magsuntok sa iya nġa may hingġaniban, walay pulus ini,

Subung man ang bangkaw, kag ang sumbiling kag ang limbutong.

27 Ginakabig niya subung sang dagami ang salsalon,

Subung sang gatong nġa gabuk ang tumbaga.

28 Ang lubid sang pana indi makapapalagyo sa iya;

Ang mġa bató sa habiyog nagakahimo sa iya nġa mġa alikabo.

29 Ang pakang ginakabig niya nġa alikabo,

Kag sa uyuguyug sang sumbiling nagakadlaw sia.

30 Sa idalum niya may mġa matalum nġa mġa bika;

Ginahumlad niya ang iya ligis sa ibabaw sang lunang.

31 Ginapabukal niya subung sang isa ka kawa ang mġa kadadalman sang mġa tubig,

Kag ginahimo niya ang dagat subung sang isa ka kolon sang manupahamut.

32 Sa olehe niya ginapasidlak niya ang banas,

Nġa ang kadadalman daw sa uban.

33 Walâ sia sing kaangay sa ibabaw sang duta:

Ginhimo nġa walâ gid sing nahadlukan.

34 Nagatan-aw sia sa *walay kahadluk* sang tanan nġa nagatindug,

Hari sia sa ibabaw sang tanan nġa mġa kasapatan nġa dimaghagup.

Si Iob nagapansub kag nagabatag sing himaya sa Dios; sang olehe nagaampo sia tungud sang iya mġa abyan kag nakadangat sing dapli nġa kaġamungaya sang pameno

**42** KAG si Iob nagsabat kay Iehoba kag nagsiling:

2 Nakilala ko, nġa ang tanan masatangġan mo,

Kag nġa walâ sing sin-o nġa magatimulang sa imo sa pagtuman sa isa ka katuyoan.

3 "¿Sin-o bala ang nagapadulum nġa walay ihibalo sang laygay?"

Nġani ginbuut ko sa pagpahayag sa iya, kag walâ ko sa mahangup;

Mġa butang ini sila nġa tama ka mġa katingalahan sa akon kag walâ ko sila mahibaloi.

4 Pamatii, ginaampo ko sa imo, kag magahambal ako.

Pagapamangkoton ko ikaw, kag ikaw magatudlo sa akon.

5 Ang akon idulungug makabati sa imo,

Apang karon ang akon mata nagatan-aw sa imo.

6 Nġani, nagadumut ako sa akon kagalingon kag nagahinulsul ako

Sa yab-ok kag sa abó.

7 Kag nahanabu nġa sa tapus nġa naghambal si Iehoba sining mġa polong kay Iob, si Iehoba nagsiling kay Elipas, nġa Temanhon: "Ang akon kaakig nagadabdad batok sa imo kag batok sa imo duha ka abyan, kay walâ kamo maghambal nahanungud sa akon sing nagakaigo, subung sang akon alagad nġa si Iob.

8 Busa karon, kumuha-kamo nġa sa inyo sing pito ka tinday nġa baka kag sing pito ka karnero, kag pumakadto-kamo sa akon alagad nġa si Iob kag maghalad-kamo sing halad nġa sinunog tungud sa inyo, kag nġa ang akon alagad nġa si Iob magampo tungud sa inyo. Kay indi ako nagauyon kondi sa iya nawung, agud nġa indi ako maghimo sa inyo *sono sang* inyo kabuangon; tungud kay walâ kamo maghambal nahanungud sa akon sang nagakaigo, subung sang akon alagad nġa si Iob.



9 Kag si Elipas, nga Temanhon, kag si Bildad, nga Suanhon, kag si Sapar, nga Nahamanhon, naglalakat sila kag ginhi-mo nila sono sang ginsiling ni Iehoba sa ila ; kag si Iehoba nagpauyon kay Iob.

10 Kag ginuli ni Iehoba ang daan nga kahimtanghan ni Iob, sa tapus nga makapangamuyo sia tungud sa iya mga abyan ; kag gindugangan niya sing dapli ang tanan nga mga butang nga naningin-nya anay ni Iob.

11 Kag nag-alabut sa iya ang tanan niya nga mga utud nga lalaki kag ang tanan niya nga mga utud nga babae, kag ang tanan nga sadto nagpakilala sa iya, kag nagkalaon sila upud sa iya sing tinapay sa iya baláy ; kag nagbuluy-log sila sa iya, sa iya nga kalisud, kag ginlipay nila sia sa sadtong tanan nga kalainan nga sa ibabaw niya ginpadalá ni Iehoba ; kag ang tagsatagsa sa ila naghatag sa iya sing isa ka panid nga kuarta, kag isa ka singsing nga bulawan.

12 Kag ginpakamaayo ni Iehoba ang

kaolehian ni Iob sing labi sang iya pamúnô. Kag nagtagiya sia sang napúlô kag apat ka libo nga obeha, kag anum ka libo nga kamelyo, kag isa ka libo ka tagduhaduha nga mga baka, kag isa ka libo nga mga asno nga bakiya.

13 Kag may pito sia ka anak nga lalaki kag tatlo ka anak nga babae.

14 Kag ginhingalanan niya ang isa nga si Iemima ; kag ang ikaduha si Kesia ; kag ang ikatlo, si Keren-Hapuk.

15 Kag walâ sing nakita nga mga babae nga mga maayoayo, subung sang mga anak nga babae ni Iob, sa bug-os nga duta ; kag ginhatagan sila sang ila amay sing panublion sa tungâ sang ila mga utud nga lalaki.

16 Kag sa tapus sini nagkabuhi si Iob sing isa ka gatus kag kap-atan ka tuig, kag nakita niya ang iya nga anak, kag ang mga anak sang iya nga anak, tub-tub sa ikap-at ka kaliwatan.

17 Kag namatay si Iob nga tigulang kag punô sing mga adlaw.

# ANG MĀA SALMOS.

## TOLON-AN I.

Kabulahanan sang mġa matarung kag silot  
sang mġa malaut.

1 BULAHAN ang tawo nġa walā malakāt sa mġa pagpakigsapul sa mġa malaut,

Kag walā man magatindug sa dalan sang mġa makasasalā,

Kag walā man magalingkod sa lingkoran sang mġa mayubiton ;

2 Kondi sa kasogoan ni Iehoba yara ang iya kawilihan,

Kag sa kasogoan niya nagapamalandong sia sa adlaw kag sa gab-i.

3 Kag manginsubung sia sang kahoy nġa natanum sa luyo sang mġa kasapaan sang mġa tubig,

Nġa nagabungā sa iya panag-or,

Kag ang iya dahon indi malaya ;

Kag ang tanan nġa ginahimo niya, nagabugana.

4 Indi subung sini ang mġa malaut ;

Kondi subung sang alikabot, nġa ginadaldal sang hangin.

5 Nġani, indi magatilindug ang mġa malaut sa paghukom,

Kag ang mġa makasasalā indi man sa katilinglan sang mġa matarung.

6 Kay kilala ni Iehoba ang dalan sang mġa matarung,

Apang ang dalan sang mġa malaut mawālā.

Mġa pag-away kag pagdaug sang Mesias.

2 KAY nġaa bala nagahilimbong ang katawohan,

Kag ang mġa kabanwaanang nagahulu-nahuna sing walay pulus ?

2 Ang mġa hari sa duta, nagalilingkod  
Kag ang mġa punoan nagasalapul sing tingub

Batok kay Iehoba, kag batok sa iya Hinaplas, nġa nagasililing :

3 "Bugrason-ta ang ila mġa higot,  
Kag ipilāk-naton ang ila mġa lubid."

4 Ang nagapuyō sa kalangitan magakadlaw,

Ang Ginoo magayubit sa ila.

5 Niyan magapamolong sia sa ila sa iya kaakig,

Kag pagalisangon niya sila sa iya kaligutgut :

6 "Binutang ko ang akon hari sa ibabaw sang Sion,

Nġa bukid sang akon pagkabalaan."

7 Pagaisugid ko ang palatukuran :

Si Iehoba nagsiling sa akon : "Ang akon anak amo ikaw ;

Ginpanġanak ko ikaw karon.

8 Panġayō-ka sa akon, kag pagaihatag ko sa imo ang mġa katawohan nġa panublion,

Kag nġa imo kaugalingon ang mġa kaukbugan sang duta.

9 Pagaboongon mo sila nġa may patok nġa salsalon ;

Pagadugmukon mo sila subung sang bangā sang maninohon."

10 Kag karon, mġa hari, magmangin-alamon-kamo ;

Balaton-kamo sing pagsaway, mġa hukom sang duta.

11 Alalagad-kamo kay Iehoba nġa may kahadluk,

Kag kalasadya-kamo nġa may pagkurug.

12 Haluki-ninyo ang Anak nġa lalaki, basi pa nġa indi sia maakig, kag nġa kamo indi magkaladula sa dalanon ;

Kay ang iya kaakig sa madali magadabdad.

Mġa bulahan ang tanan nġa mġa nagapalanilong sa iya.



Pagkatutum sang Dios sa malaut nga kapalaran.

*Salmos ni Dabid, sang nagpalagyo sia sa atubangan ni Absalom, nga iya anak.*

**3** OH Iehoba, i nga pagkadamu sang akon mga kasumpung!  
i Nga pagkadamu sang mga nagati-lindug batok sa akon!

2 i Nga pagkadamu sang mga nagasi-liling sa akon kalág:

“Walá sing kaluwasan nga sa iya sa Dios!” Sela.

3 Apang ikaw, oh Iehoba, amo ang kalasag sa palibot nakon,

Ikaw ang akon himaya kag ang nagapatukhayaw sang akon olo.

4 Sa akon tingug nagatuaw ako kay Iehoba,

Kag sia nagasabat sa akon gikan sa bukid sang iya pagkabalaan. Sela.

5 Nagahigda ako, kag nagatolog, kag nagamata ako; kay si Iehoba nagaagubay sa akon.

6 Indi ako nagakahadluk sa napúlô ka linibo nga mga banwa,

Nga nagakalatay palibot batok sa akon.

7 Tindug-ka, Iehoba; luwasa ako, Dios ko;

Kay ikaw nagapilas sa tanan ko nga mga kaaway sa pisngi;

Ang mga ngipon sang mga malaut ginaboong mo.

8 Nagagikan kay Iehoba ang ka-luwasan;

Ang imo pagkamaayo manginsaiba-baw sang imo banwa. Sela.

Pangamuyo sa Dios sa kalilisdan.

*Sa Pangolo nga musiko. Sa Neginot. Salmos ni Dabid.*

**4** SABTA ako, kon ako magtuaw, oh Dios sang akon katarungan:

*Sang yara* ako sa kalilisdan, ginapahamtang mo ako sa kapalaran.

Malooy-ka sa akon, kag paimatii ang akon pangamuyo.

2 Mga anak sang mga lutaw, i tuhtub pa san-o bala pagakabigon-ninyo nga kahuluy-an ang akon kadunganan?

i Tuhtub pa san-o bala magahigugma kamo sang walay pulus, kag magapangita kamo sang kabutigan? Sela.

3 Busa, mahibaloan-ninyo, nga pinain ni Iehoba ang nagahigugma sa iya;

Si Iehoba nagapamati, kon ako magtuaw sa iya.

4 Magkalalisang-kamo, kag indi kamo magpalakasala.

Maghalambal-kamo sa inyo tagiposo-on, sa inyo higdaan, kag maghilipus-kamo. Sela.

5 Maghalad-kamo sing mga halad sa katarungan,

Kag magsalig-kamo kay Iehoba.

6 Madamu ang nagasiling: “i Sin-o bala ang magapahayag sa akon sang maayo?”

Ibayaw sa amon, oh Iehoba, ang kapawa sang imo nawung.

7 Ikaw nagahatag sing kalipay sa akon tagiposo-on,

Labi pa sa ila sa panag-on nga nagadamu ang ila uyas kag ang duga sang ubas.

8 Nagahigda ako sa kalinong, kag subung man nagakatolog ako;

Kay ikaw lamang, Iehoba, ang naga-papuyô sa akon nga may kalig-unan.

*Mga kalalat-an nga nagahulat sa mga malaut; mga pagpakamaayo nga ginatigana sa mga matarung.*

*Sa Pangolo nga musiko. Sa Nehilot. Salmos ni Dabid.*

**5** LINGA, oh Iehoba, ang akon mga polong:

Talupangda ang akon kainit.

2 Dunga ang tingug sang akon pagambahan, Hari ko, kag Dios ko,

Kay sa imo magapangamuyo ako.

3 Oh Iehoba, sa kaagahon pagapamatian mo ang akon tingug.

Sa kaagahon nagaatubang ako sa imo, kag nagahulat ako.

4 Kay ikaw, indi ka isa ka Dios, nga nagakalipay sa kalautan:

Ang malaut indi makapuyô upud sa imo.

5 Indi makapangatubang sa imo ang mga bugalon.

Nagadumut ka sa tanan nga nagahimo sing kalautan.

6 Pagabungkagon mo ang tanan nga nagahambal sing butig.

Ang tawo nga makidugo kag malimbongon pagakangil-aran ni Iehoba.

7 Kag ako, sa kabugana sang imo kalooy, magasulúd ako sa imo baláy;

Magayaub ako nayon sa Simbahan sang imo pagkabalaan, sa imo kahadluk.

8 Mandoi ako, Iehoba, sa imo kata-rungan, bangud sang akon mga kaaway ;  
Tadlunga sa una nakon ang imo dalan.

9 Kay walay katadlung sa ila bâbâ,  
Ang ila kasudlan mga kagulub-an lamang ;

Lulubngan nga naganganga ang iya totonlan,

Upud sang ila mga dila magaologolog sila.

10 Pakabanyagaa sila, oh Dios,  
Magkaholog sila bangud sang ila gid nga mga pagsinapul.

Bangud sang kadamuon sang ila mga paglalis, pukana sila, kay nagasulumpung sila batok sa imo.

11 Niyan magakalasadya ang tanan nga mga nagapalanilong sa imo ;

Sa gihapon magahinugyaw sila, kay ginaapinan mo sila.

Kag sa imo magakalalipay ang mga nagahigugma sang imo ngalan.

12 Kay ikaw, oh Iehoba, magapaka-maayo sa matarung. Pagalikupan mo sia sing kaayohan, subung sang isa ka kalasag.

Si Dabid nagadangup sa kalooy sang Dios, sa pagdangat sing patawad kag kaluwasan.

*Sa Pangolo nga musiko. Sa Neginot sa Seminit. Salmos ni Dabid.*

**6** IEHOBA, ayaw ako pagsabdonga sa imo kasingkal,

Kag ayaw ako pagsiloti sa imo kaakig.

2 Kalooye ako, oh Iehoba, kay ginahuluyan ako.

Ayoha ako, oh Iehoba, kay ang akon mga tul-an nagakalisang.

3 Subung man ang akon kalag ginalisang kaayo ; kag ikaw, Iehoba, ¿tubtub pa bala san-o ?

4 Balik-ka, oh Iehoba, luwasa ang akon kalag ;

Luwasa ako tungud sang imo kalooy.

5 Kay sa kamatayon walâ na sing nagasambit sa imo ;

¿Sin-o bala ang magadayaw sa imo sa lulubngan ?

6 Linapyo ako sa pagbakho ;

Sa tanan nga kagab-ihon ginapasanaw ko ang akon higdaan,

Ginabunyanan ko ang akon talapakan sang akon mga luha.

7 Ang akon mga mata nagaalas-as sa kasubu,

Nagatiligulang sila bangud sang tanan nga mga pagpiot sa akon.

8 Palayô-kamo sa akon, tanan kamo nga nagahilimo sang kalautan ;

Kay si Iehoba nagapamati sang tingug sang akon paghibi.

9 Si Iehoba nagapamati sang akon pagpakilooy ;

Ginabaton ni Iehoba ang akon pagpa-ngamuyo.

10 Magakalahuya, kag magakalalisang sing daku ang tanan nga mga kaaway nakon ;

Magatalalikod, kag pagapakahuy-an sila sing hinali gid.

Si Dabid, nga nalibutan sang iya mga kaaway, nagasalig sa Dios, kag nagapahayag sang iya pagkawalay sala.

*Sigaion ni Dabid, nga gin-ambahan niya kay Iehoba, nahanungud sa mga polong ni Kus, nga anak ni Benjamin.*

**7** IEHOBA, nga akon Dios, sa imo nagapanilong ako :

Luwasa ako, sa tanan nga nagalagas sa akon, kag patimawaa ako.

2 Basi pa ayhan nga kusniton ang akon kalag subung sang leon nga nagagus-ab, sa walâ singsin-o nga makabawi.

3 Iehoba, nga akon Dios, kon ini gin-himo ko,

Kon may diri sa akon kamut nga kalautan,

4 Kon bayaran ko sing malain ang makidaiton sa akon,

Kag kon ako naghublas sa akon kasumpung sa walay kabangdanan,

5 Paglagson sang kaaway ang akon kalag kag malambut sia ;

Kag lapakon niya sa duta ang akon kabuhi,

Kag hologon sa yab-ok ang akon himaya.

6 Tindug-ka, oh Iehoba, nga may kasingkal.

Panginlabaw-ka sa tungâ sang mga kaakig sang akon mga kasumpung ;

Kag pagmata-ka sa pagkari sa akon. Ginsogo mo ang paghukom.

7 Kag maglibut sa imo ang katipunan sang mga banwa,

Kag sa ibabaw nila magbalik-ka sa mataas.

8 Si Iehoba maghukom kunta sa mga banwa.



Hukmi ako, oh Iehoba, sono sa akon katarungan kag sono sa akon pagkalubus.

9 Matapus karon ang kalaut sang mga banyaga, kag palig-ona ang matarung.

Kay, oh Dios nga matarung, nagatungkad ka sang mga tagiposoon kag sang mga tagimislón.

10 Ang akon taming yara sa Dios,

Nga nagaluwas sa mga matadlung sing tagiposoon.

11 Ang Dios amo ang matarung nga hukom,

Kag isa ka Dios nga nagakaakig sa tanan nga adlaw.

12 Kon ang *malaut* indi magliso, pagabairon niya ang iya hinganiban;

Nasanting na ang iya pana, kag ginaaman na niya,

13 Subung man nakahimos na sia nga sa iya sing mga galamiton nga sa kamatayon,

Ang iya mga baslay, nga pagapadab-dabon niya.

14 Yari karon, ang *madauton* ginaskitan na, nga sa kalaglagan.

Nagapanamkon sia sing pangabudlayan, kag nagaanak sing butig.

15 Nagakutkut sia sing bobon, kag ginapadalum niya,

Kag sa kotkot nga iya ginhimo, maholog sia.

16 Ang iya pagpangabudlay pagapabalikon sa iya olo,

Kag ang iya pagpanlugus magapanaug liwan sa iya alipuduwan.

17 Pagadayawon ko si Iehoba, sono sa iya katarungan,

Kag magaabahan ako sang ngalan ni Iehoba nga Labing-Mataas.

Ang Dios mahimayaon tungud sang iya binubatan  
kag tungud sang iya kaayo bangud sa  
mga tawo.

*Sa Pangolo nga musiko. Sa Gitit. Salmos ni Dabid.*

8 OH Iehoba, nga amon Ginoo, i nga pagkadaku sang imo ngalan sa bug-os nga duta,

Nga pinahamtang mo ang imo himaya sa ibabaw sang kalangitan!

2 Sa bâbâ sang mga magamay kag sang mga nagasoloso tinukud mo ang kalig-unan,

Sa kabangdanan sang imo mga kasampung,

Sa pagpahipus sa kaaway kag sa manugtimalus.

3 Kon magtan-aw ako sang imo kalangitan, mga binubatan sang imo mga tudlo,

Ang bulan kag ang kabitoonan nga imo ginpalig-on,

4 *Nagasiling ako*: "¿Sin-o bala ang tawo, agud nga pagpadumdumon mo sia,

Kag ang anak sang tawo, nga paduawon mo sia?"

5 Kay ginhimo mo sia nga kubusku-bus sa mga manugtunda,

Kag ginpurungpurungan mo sia sing himaya kag kadunganan.

6 Ginapakagino mo sia sa mga binubatan sang imo mga kamut,

Ang tanan ginbutang mo sa idalum sang iya mga tiil:

7 Ang mga obehâ, kag ang mga baka, alangay nga tanan,

Kag subung man ang mga kasapatan sa latagon:

8 Ang mga pispis sa kalangitan, kag ang mga isda sa kadagatan:

Tanantanan nga nagaagi sa mga alagyan sang dagat.

9 Oh Iehoba, Ginoo namon,

i nga pagkadaku sang imo ngalan sa bug-os nga duta!

*Mga pagpasalamat ni Dabid sa Dios sang pagdaug niya sa iya mga kaaway.*

*Sa Pangolo nga musiko. Sa Mutlaben. Salmos ni Dabid.*

9 PAGADAYAWON ko ikaw, oh Iehoba, sa bug-os ko nga tagiposoon;

Pagaipanugid ko ang tanan mo nga mga kalatingalahan.

2 Magakalipay ako kag magahugyaw sa imo;

Igaambahan ko ang imo ngalan, oh Labing-Mataas.

3 Tungud kay nagatalalikod ang akon mga kaaway,

Nagakalapukan kag nagakalawâlâ sila sa atubangan mo.

4 Kay ginaagubay mo ang akon katadlungan kag ang akon kasaba;

Nagalingkod ka sa imo lingkoran nga harianon nga matarung nga hukom.

5 Ginasabdong mo ang mġa katawohan, ginapalaglag mo ang malaut,

Ginapanas mo ang ila nġalan sa gihapon kag sa walay katubtuban.

6 Natapus sa gihapon ang mġa panghapay sang mġa kaaway;

Ang mġa kabanwaan ginbungkag mo,

Ang ila handumanan nadula kaúpod nila.

7 Apang si Iehoba magapadayon sa gihapon;

Ginhanda niya ang iya lingkoran nġa harianon sa paghukom.

8 Kag sia magahukom sa kalibutan nġa may katarungan,

Sia magahukom sa mġa banwa nġa may katadlungan.

9 Kag si Iehoba manginalaypan sang pinigos,

Alaypan sa dag-on sang kalilisan.

10 Kag sa imo magapanalig ang mġa nakakilala sang imo nġalan,

Tungud kay ikaw, oh Iehoba, walâ ka magabiya sang mġa nagapalangita sa imo.

11 Alambahan-kamo kay Iehoba, nġa nagapuyô sa Sion;

Ibalita sa tungâ sang mġa kabanwaan ang iya mġa binuhatan.

12 Kay sang nagaúsisa sia sang dugo, ginapanumidum niya sila;

Walâ sia magakalipat sang pagtuaw sang mġa nalisdan.

13 Kalooye ako, Iehoba;

Tuluka ang kasakit *nġa ginaantus* ko sa mġa nagadulumut sa akon,

Nġa ginabangon mo ako sa mġa gawang sang kamatayon;

14 Agud nġa ikapanugid ko ang tanan mo nġa mġa pagdayaw,

Sa mġa gawang sang anak nġa babae sa Sion,

Magkalipay ako sa imo kaluwasan.

15 Nagsalalup ang katawohan sa boho, nġa ila ginhimô.

Sa siod gid nġa ila gintago, nasiod ang ila mġa tiil.

16 Si Iehoba nagpakilala; sia nag-agubay sang katadlungan;

Ginasiod niya ang malaut sa binuhatan sang iya mġa kamut. Higayon.

Sela.\*

\* *Higayon, Sela*, mġa nġalan sa musika, nġa walay kahologan nġa malig-on.

17 Ang mġa malaut pagapalitonon sa inpierno:

Ang tanan nġa katawohan, nġa naga-kalalimot sa Dios.

18 Kay indi sa gihapon pagahikalimantan ang imol,

Bisan ang paglaum sang mġa imol madula sing dayon.

19 Tindug-ka, oh Iehoba; indi magmakusug ang tawo;

Paghukman kunta ang mġa katawohan sa atubangan nimo.

20 Pahadluka sila, oh Iehoba,

Magkilala ang katawohan nġa mġa tawo lamang sila. Sela.

Si Dabid nagapanġayo sang pagtabang sang Ginoo.

10 : NĠAA bala malayo ka, oh Iehoba,

Kag nagapanago ka sa dag-on sang mġa kalisdanan?

2 Tungud sang palabilabi sang malaut, ginaupud ang imol:

Pagadakpon sila sa mġa pasuhot nġa ila ginapuhon.

3 Kay nagapadayaw ang malaut sang handum sang iya kalág;

Kag mahakug sia, nagapakamaayo sia, gintamay niya si Iehoba.

4 Ang malaut nagasiling nġa may nawung nġa palabilabihon: "Sia walâ magausisa."

"!Walay Dios!" Yari karon ang tanan niya nġa mġa hunahuna.

5 Ang iya mġa dalan mġa malig-on sa tanan nġa dag-on;

Ang imo mġa tulumanon tuman kartaas sa atubangan niya.

Ginahuyup niya ang tanan niya nġa mġa kasumpung.

6 Nagasiling sia sa iya tagiposoan:

"Indi ako mationg bisan san-o nġa dag-on.

Sa kaliwatan kag sa kaliwatan ginalipdan ako batok sa kalainan."

7 Punô ang iya bâbâ sang pagkamalaut, kag sang mġa daya kag sang pagpamigos:

Sa idalum sang iya dila yara ang pangabudlay kag kalautan.

8 Nagapuot sia sa malapit sang mġa kaumhan;

Sa mġa pulut-an ginapatay niya ang walâ sing salâ;

Ang iya mġa mata nagapanilag sa walay palad.



9 Nagatiid sia sa tago, subung sang leon gikan sa iya palanagoan ;

Nagatiid sia sa pag-agaw sa nalisdan :  
Ginaagaw niya ang nalisdan, nga ginaguyud niya upud sang siod niya.

10 Nagakolo sia, nagakuub sia,  
Kag nagakaholog sa idalum sang iya kusug ang mga walay palad.

11 Nagasiling sia sa iya tagiposoon :  
"Nagakalimot ang Dios,  
Ginatago niya ang iya nawung ; walâ gid sia sing makita."

12 Tindug-ka, oh Iehoba nga Dios ;  
bayawa ang imo kamut,

Ayaw pagkalimti ang mga nalisdan.  
13 ; Ngaa bala ginatamay sang malaut ang Dios,

Kag sa iya tagiposoon nagasiling sia :  
"Walâ ikaw magausisa ?"

14 Walay sapayan ikaw nakakita,  
kay ikaw nagatuluk sang pangabudlay kag kalisdanan, sa pagtimalus sa iya tungud sa imo kamut.

Sa imo nagapanugyan ang walay palad ;

Ikaw amo ang dalangpan sang ilo.  
15 Balia ang butkon sang malaut,

Kag usisaon-mo ang kalautan sang tawo nga malaut tubtub nga walâ ka sing masapwa sa iya.

16 Si Iehoba, amo ang Hari nga walay katapusan kag sa gihapon. Ginalaglag ang katawohan sa idalum sang duta.

17 Ang handum sang mga mapainubuson ginpamatian mo, oh Iehoba.

Palig-una ang ila tagiposoon. Magmatalupangdon ang imo idulungug,

18 Sa paghimo sing katadlungan sa ilo kag sa pinigos,

Agud nga ang mamalatyon indi na gid magmanugpamahug sa duta.

Ang Dios nagaluwas sang mga iya, kag  
nagasilot sa mga malaut.

*Sa Pangolo nga musiko. Salmos ni Dabid.*

11 KAY Iehoba nagapanilong ako.  
; Ngaa bala nagasiling kamo sa akon kalâg ;

"Palagyo-kamo sa inyo bukid, subung sang pispis ?

2 Kay yari karon, ang malaut nagabingat sang iya mga pana ;

Ginapaigo nila ang ila baslay sa lubid,  
Sa pagpana sa madulum sa mga matadlung sing tagiposoon.

3 Kon magkalaguba ang mga palaturan, ; ano bala ang pagahimoon sang matarung ?"

4 Si Iehoba yara sa Simbahan sang iya lagkabalaan,

Ang lingkoran nga harianon ni Iehoba yadto sa langit ;

Ang iya mga mata nagatan-aw, ang iya mga ilalakub nagatunkad sa mga anak sang mga tawo.

5 Si Iehoba nagatilaw sa matarung,  
Apang sa malaut kag sa nagahigugma sa paglugus nagadumut ang iya kalâg.

6 Sa mga malaut magapaulan sia sing mga siod,

Sing kalayo kag asupre. Ang mga alimposlos nga kalayo manginbahir sang tagayan nila.

7 Kay si Iehoba nga matarung nagahigugma sang mga buhat nga matarung ;  
Nagatamud ang iya nawung sa tawo nga matadlung.

Ang kabutigan nagahari sa mga tawo ; ang  
Dios maminatun-on.

*Sa Pangolo nga musiko. Sa Seminit.  
Salmos ni Dabid.*

12 LUWASA, oh Iehoba, kay nagkalabus ang mga balaan ;

Kay nagtalaliwan ang mga matutum sa tungâ sang mga anak sang mga tawo.

2 Kabutigan ang ginapakighambal sang tagsatagsa sa masigniya ka tawo ;

Sa mga bibig nga madinayawdayawon, kag sa isa ka tagiposoon nga linapid nagahambal sila.

3 Ginalaglag ni Iehoba ang tanan nga mga bibig nga madinayawdayawon, ang dila nga nagahambal sing mga pagdayawdayaw,

4 Nga nagasiling : "Tungud sang amon mga dilâ magalandas kami ;

Ang amon mga bibig yari sa amon :  
; sin-o bala ang ginoo namon ?"

5 "Tungud sang paghapay sa mga nalisdan, tungud sa mga pagpanghayhay sang mga nasit-an,

Karon magatindug ako," magasiling si Iehoba,

"Pagaihatag ko ang kaluwasan sa sadtong hinuyup."

6 Ang mga polong ni Iehoba, mga polong nga matinlo,

Subang sang pilak nga inulay sa isa ka kolon, sa duta,

Nga tinunaw sing makapito.

7 Ikaw, Iehoba, pagabantayan mo sila ;

Pagaapinan mo sila sa gihapon sa sini nga kaliwatan.

8 Nagadalayandayan sa bisan diin ang mga malaut,

Kon ginapakataas ang labing talamasyon sa tungâ sang mga anak sang mga tawo.

Pagdanup sa Dios sa kalilisdan ; malipayon nga pagsalig sa iya.

*Sa Pangolo nga musiko. Salmos ni Dabid.*

**13** ;TUBTUB pa bala san-o, oh Iehoba ? ;Pagakalimtan mo bala ako sa gihapon ?

;Tuhtub pa bala san-o nga pagpanagoon mo ang imo nawung sa akon ?

2 ;Tuhtub pa bala san-o ikabutang ko ang mga pangaman sa akon kalág,

Ang kasubo sa akon tagiposoon sa adlawadlaw ?

;Tuhtub pa bala sano palabawon mo sa akon ang akon kaaway ?

3 Oh, tuluka kag sabta ako, Iehoba nga akon Dios.

Hatagi sing kapawa ang akon mga mata, basi magtolog ako sa kamatayon,

4 Agud nga indi magsiling ang akon kaaway : "Dinaug ko sia ;"

Kag ang akon mga kasumpung indi magkalalipay, kon makadanlog ako.

5 Apang ako, nagapanalig sa imo kalooy.

Magkalipay kunta ang akon tagiposoon sa imo kaluwasan.

6 Magaambahan ako kay Iehoba,

Kay ginhimo niya sa akon ang kaayohan.

Ang pagkamalauton sang mga tawo.

*Sa Pangolo nga musiko. Salmos ni Dabid.*

**14** NAGASILING ang buangbuang sa iya tagiposoon : "Walay Dios."

Nagakaladunut sila, naghilimo sila sing mga buhat nga makangingil-ad ;

Walâ sing may nagahimo sing maayo.

2 Si Iehoba nagatamud kutub sa mga langit sa mga anaksang mga tawo,

Sa pagtan-aw kon may iban nga mahinantupon, nga nagapangita sa Dios.

3 Ang tanan nagtalalang ; nagkaladunut sila sing tingub :

Wala sing may nagahimo sing maayo, bisan isa lamang.

4 ;Mangingwalâ bala sing pagkilala ang tanan nga mga nagahilimo sing kalautan ?

Ginakaon nila ang akon banwa, subung sang nagakaon sila sing tinapay.

Walâ sila magapanawag kay Iehoba.

5 Didto magakulurug sila sa kahanawa ;

Kay ang Dios yara sa tungâ sang kaliwatan nga matarung.

6 Ginapakahuy-an ninyo ang laygay sang imol ; apang si Iehoba amo ang iya dalangpan.

7 ;Kabay pa nga maggikan sa Sion ang kaluwasan sang Israel !

Kon papaulion ni Iehoba ang mga bihag sang iya banwa, magakasadya si Iakob, kag magakalipay si Israel.

Mga kinaugali sang malud nga matinoohon.

*Salmos ni Dabid.*

**15** IEHOBÂ, ;sin-o bala ang magapuyô sa imo layanglayang ?

;Sin-o bala ang magapuyô sa bukid sang imo pagkabalaan ?

2 Ang nagagawi sing matadlung kag ang nagabuhat sang katarungan,

Kag nagahambal sing kamatooran sa iya tagiposoon :

3 Ang walâ magapatopato sa iya dila,

Bisan nagahimo sing malain sa iya masigkatawo,

Bisan batok sa iya masigkatawo walâ magahuput sing pasipala.

4 Sa iya mga mata dapat pagtamayon ang tampalasan ; kag ginapadungan niya ang mga nagakahadluk kay Iehoba.

Kon nakapanumpa sia sa kalainan niya, walâ sia magabalhin.

5 Sia walâ magahatag sang iya pilak nga sakaan,

Bisan nagabaton sia batok sa walâ sing salâ sing hamham.

Ang nagahimo sini nga mga butang, indi nga mas-a malingkang.

Pagsalig kag kalipay sang nagateo.—Kalig-unan sang kabuhi nga walay katapusan.

*Miktam ni David.*

**16** BANTAYI ako, oh Dios, kay sa imo nagpanilong ako.



2 *Oh kalág ko*, nagasiling ka kay Iehoba :

"Ikaw amo ang Ginoo : luwas sa imo walay kaayohan sa akon.

3 Nahanungud sa mġa balaan nġa yara sa duta,

Sila amo ang mġa mahimayaon,  
Nġa ang bug-os ko nġa kalipay yara sa ila."

4 Nagadamu ang mġa kasakit sad-tong mġa nagadalalagan sa olehe sang iban nġa *dios*.

Indi ako magahalad sang ila mġa halad nġa ilimnon nġa dugo,

Bisan ang akon mġa bibig magamit-lang sang ila mġa nġalan.

5 Si Iehoba amo ang pahat sang akon panublion kag sang akon tagayan ;

Ikaw nagaagubay sang akon kapalaran.

6 Ang mġa lubid naholog nġa sa akon sa mġa duug nġa mahamunġayaon ;

Hoo, matahum ang panublion nġa sa akon.

7 Ginapakamaayo ko si Iehoba, nġa nagalaygay sa akon ;

Sa mġa kagab-ihon pa ginatudloan ako sang akon mġa tagimislon.

8 Si Iehoba ginabutang ko gihapon sa akon atubangġan ;

Tungud kay yara sia sa akon too, indi ako mationġ.

9 Bangud sini nagakalipay ang akon tagiposoan, kag nagasadya ang akon kahimayaan ;

Ang akon man lawas magapahuway sing malig-on.

10 Kay indi mo pagbayaan ang akon kalág sa lulubngġan,

Bisan pagatugutan mo, nġa ang imo balaan makakita sing kaduluntan.

11 Igapakilala mo sa akon ang banas sang kabuhi.

May kabug-osan sang mġa kalipayan sa imo atubangġan,

Mġa kawilihan sa imo too sa gihapon.

Ginapanaming ni Dabid ang katsdiung sang iya tagiposoan kag nagapanalig sia sa katarungan sang Dios sa paghiagum nġa mangġuluwas sia sa iya mġa kaaway.

*Pangamuyo ni Dabid.*

**17** PAMATII, oh Iehoba, ang katarungan ; linga ang akon pagsingit ;  
Dunga ang akon pangamuyo, nġa na-

gagikan sa mġa bibig nġa dimalimbongon.

2 Sa atubangġan sang imo nawung magagowa ang akon katadlungġan.

Ginatulok sang imo mġa mata ang pagkatadlung.

3 Ginatilawan mo ang akon tapiposoan, ginaduaw mo ako sa kagab-ihon ;

Ginasanghid mo ako, tubtub nġa walá ka na sing makit-an.

Tinmapat ako, nġa ang akon bâbâ indi maglapas

4 Nahanungud sang mġa binuhatan sang tawo, tungud sang polong sang imo mġa bibig.

Ako nagalikaw sa mġa banas sang manlulugus.

5 Ang akon mġa tikang nagalig-on sa imo mġa dalanon,

Ang akon mġa tiil indi makadanlog.

6 Busa nagapanawag ako sa imo, kay ikaw magasabat sa akon, oh Dios.

Ilingi sa akon ang imo idulungug, dunga ang akon polong.

7 Ipakita ang imo makatilingġala nġa mġa pagkalooy,

Ikaw nġa nagaluwas, tungud sang imo too, sa mġa nagapanilong *sa imo* batok sa mġa kasumpung.

8 Bantayi ako subung sang maitum sa tawotawo sang mata ;

Tagoa ako sa landong sang imo mġa pakpak,

9 Sa malayô sang mġa malaut, nġa nagalupig sa akon,

Sa akon mġa kaaway nġa mamamata, nġa nagalilibot sa akon.

10 Nagapalabukot sila sa ila katambok :

Sa ila bâbâ nagahalambal sila sing matinaastaason gid.

11 Ginalibutan nila kami karon sa taran namon nġa mġa tikang ;

Ginabutang nila ang ila mġa mata sa pasuhot sa pagpukan sa amon sa duta.

12 Kaangay sila sang leon nġa buut magpanukub,

Kag sang leon nġa pamatan-on, nġa yara sa palanagoan.

13 Tindug-ka, oh Iehoba, Pakigatubang-ka sa iya, idusmo sia.

Luwasang akon kalág sa malaut tungud sang imo hinganiban,

14 Sa mġa tawo tungud sang imo kamut, oh Iehoba,

Sa mga tawo nga kalibutanon, nga ang ila pahat diri sini nga kinabuhi, Kag nga ang ila tiyan ginpunô mo sang imo bahandi ;

Binusug nila ang ila mga anak, kag ginbilin nila ang salin sa ila mga magamay.

15 Ako, sa katarungan magatan-aw ako sang imo nawung ;

Maayawan ako, kon magamata ako sa imo kaangayan.

Kalantahon nga sa pagdayaw kag sa pagpasalamat.

*Sa Pangolo nga musiko. Salmos ni Dabid, nga alagad ni Iehoba, nga ginmitlang niya kay Iehoba ang mga polong sining amahanon, sa adlaw nga linuwas sia ni Iehoba sa kamut sang tanan niya nga mga kaaway kag sa kamut ni Saul. Niyan nagsiling sia :*

**18** AKO nagahigugma gid sa imo, oh Iehoba, nga kalig-unan nakon,

2 Iehoba, Batong bantiling nakon, kag kuta nakon kag akon Mamawi.

Dios nakon, Batong bantiling nakon, nga sa iya nagapanilong ako,

Kalasag nakon, kag ang sungay sang akon kaluwasan kag akon dalangpan.

3 Ginatawag ko si Iehoba, nga takus pagdayawon,

Kag nanginlinuwas ako sa akon kaaway.

4 Linibutan ako sang mga lubid sa kamatayon,

Kag ang kasulgan sang kalautan nagpahadluk sa akon.

5 Ang mga lubid sang lulubnagan nagsabudsabud sa akon ;

Hinologan ako sang mga siod sang kamatayon.

6 Sa akon kalisdanan gintawag ko si Iehoba,

Kag nagsingit ako sa akon Dois ;

Ginpamatian niya ang akon tingug kutub sa iya Simbahan,

Kag ang akon pagsingit nagsaka sa atubangan niya, kag naglambut sa iya mga idulungug.

7 Niyan ang duta ginuyug kag nagkurug,

Kag naghululag ang mga sadsaran sang mga bukid,

Kag nagkilibang, kay nangakig sia.

8 Ang asô imusbung sa iya mga ilong, Kag sa iya bâbâ ang kalayo nga manugupûd ;

Ang mga бага, nga nagagulowa sa iya, nagadalabdab.

9 Kag pinanubo niya ang mga langit, kag nanaug sia ;

Kag ang kadudulman sa idalum sang iya mga tiil.

10 Kag ginkabayhan niya ang isa ka kerubin kag limupad sia,

Kag limupad sia sa ibabaw sang mga pakpak sang hangin.

11 Nagbutang sia sing mga kadudulman nga iya palanagoan,

Nga amo ang layanglayang sa palibot niya,

Nga mga kadululman sang mga tubig, mga gal-um nga madamol sang mga langit.

12 Tungud sang kasilaw sa atubangan niya, ang iya mga gal-um nagliligad,

Nga nagapilak sing mga batô nga yelo kag mga бага.

13 Kag nagdaguub sa mga langit si Iehoba,

Kag ang Labing-Matas nagpabati sang iya tingug,

Nga nagahaboy sing mga batô nga yelo kag mga бага.

14 Kag pinana niya ang iya mga baslay, kag pinaalaplaag niya ang mga kaaway ;

Kag ginwas-agan niya sing mga kilat, kag ginwagwag sila niya.

15 Kag nagpakita ang mga kadadalman sang tubig,

Kag nagdalayag ang mga sadsaran sang kalibutan, sang pagsabdong mo, oh Iehoba,

Sa paghuyup sang hangin sang imo ilong.

16 Inuntay niya ang iya kamut kutub sa kahitaasan ; kinaptan niya ako ;

Kinuha niya ako sa madamu nga mga tubig.

17 Linuwas niya ako sa akon gamhanan nga kaaway,

Kag sa mga nagakaakig sa akon, kay mga labing makusug pa sila sa akon.

18 Dinamhagan ako nila sa adlaw sang akon kalisud,

Apang si Iehoba amo sadto ang akon salandigan.

19 Kag ginpagowa niya ako sa kalaparan.

Linuwas niya ako, kay nahamut-an niya ako.



20 Ginkabig ako ni Iehoba, sono sang akon katarungan;

Sono sang katinloan sang akon mga kamut, ginbayan niya ako.

21 Kay ginsunud ko ang mga dalan ni Iehoba,

Kag walâ ako magbulag sing tinampalasan gid sa akon Dios.

22 Kay ang tanan niya nga mga tulumanon yari sa atubangan nakon,

Kag walâ ko igsikway ang iya mga palatukuran.

23 Kag nainghimpit ako sa iya, kag nag-andam ako sa akon kalautan.

24 Ngani binayaran ako ni Iehoba sono sang akon katarungan,

Sono sang katinloon sang akon mga kamut sa atubangan sang iya mga mata.

25 Sa maloloy-on nagapakita ka nga maloloy-on, kag sa himpit nga tawo, nagapakita ka nga himpit.

26 Nagapakita ka nga matinlo, sa matinlo,

Kag sa banyaga, nagahikot ka sono sang iya kabanyaga.

27 Kag ikaw amo ang nagaluwas sa banwa nga mapainubuson,

Kag nagapapaubus ka sa mga mata nga bugalon.

28 Kay ginapasiga mo ang akon suga: Si Iehoba, nga akon Dios, nagapasidlak sang akon mga kadudulman.

29 Kay kaupud sa imo ginabungkag ko ang isa ka kasoldadosan,

Kag kaupud sang akon Dios ginalik-tin ko ang isa ka kuta.

30 Ang Dios, himpit ang iya dalanon; Inulay ang polong ni Iehoba.

Kalasag sia sang tanan nga nagapalanilong sa iya.

31 Kay isin-o pa bala ang Dios luwas kay Iehoba?

Kag isin-o pa bala ang kuta walay labut sang amon Dios,

32 Sang Dios, nga nagawagkus sa akon sing kusug,

Kag nagahimo nga himpit sang akon dalan?

33 Ginahimo niya ang akon mga tiil subung sang mga tiil sang usa nga libay,

Kag ginapahamtang niya ako sa akon mga kahitaasan.

34 Sia nagatudlo sang akon mga kamut sa pagpakigaway,

Kag ang akon mga butkon makabingat sang pana nga saway.

35 Ginahatagan mo man ako sang taming sang imong kaluwasan;

Kang ang imo too nagaagubay sa akon,

Kag ang imo kaayo nagapadaku sa akon.

36 Ginasangkad mo ang akon mga tikang sa idalum nakon,

Kag walâ makatabinas ang akon mga tiil.

37 Ginalagas ko ang akon mga kaaway, kag ginalambut ko sila,

Kag walâ ako mag-pauli tubtub nga naubus sila.

38 Ginapilas ko sila, kag indi na sila sarang makabangon;

Nagakalapukan sila sa idalum sang akon mga tiil.

39 Kay ginalikusan mo ako sing pagkabaskug sa pagpakigaway,

Ginapasakup mo ang akon mga kaaway sa idalum nakon.

40 Kag ginapatalikod mo sa akon ang akon mga kaaway,

Kag ginalaglag ko ang mga nagadulumut sa akon.

41 Nagatuluwaw sila, kag walay sin-o nga nagaluwas.

*Nagatuluwaw sila kay Iehoba, apang walâ sila niya pagsabta.*

42 Niyan ginadugmok ko sila subung sang yab-ok sa atubangan sang hangin;

Ginatampal ko sila subung sang lunang sa mga dalan.

43 Ginaluwas mo ako sa mga pag-silinuay sang banwa;

Ginabutang mo ako nga pangolo sang mga katawohan;

Ang banwa nga walâ ko makilal-i, nagaalagad sa akon.

44 Lamang nga mabatian nila ako, maingmatinumanon sila sa akon;

Ang mga anak sang mga dumuluong nagalilong sa atubangan nakon.

45 Ang mga anak sang mga dumuluong nagakalapukan nga walay kusug,

Kag nagagulowa sila nga nagakulurug sa ila palanagoan.

46 Nagakabuhi si Iehoba, kag pina-pakamaayo ang akon Batong bantiling.

Pakataason kunta ang Dios sang akon kaluwasan,

47 Ang Dios nga nagahatag sa akon sang mga pagpanimalus,

Kag ginapasakup niya sa akon ang mga banwa,

48 Kag ginabawi niya ako sa akon mga kaaway.

Ikaw gid nagapalabaw sa akon sa akon mga kasumpung,

Ginaluwas mo ako sa tawo nga malugus.

49 Tungud sini pagadayawon ko ikaw sa tunga sang mga katawohan, oh Iehoba,

Kag pagaambahanon ko ang imo ngalan.

50 Ginatugut niya ang dalagku nga mga kaluwasan sa iya hari,

Kag nagahikalooy sia sa iya hinaplas,

Kay Dabid, kag sa iya kaliwatan sa gihapon.

Ang himaya sang Dios makitan sa iya mga binuhat, kag ang mga kalatingatlanan sang iya Kasagoan.

*Sa Pangolo nga musiko. Salmos ni Dabid.*

**19** ANG mga langit nagapalanugid sang himaya sang Dios,

Kag ang kahawaan nagabantala sang binuhatan sang iya mga kamut.

2 Ang isa ka adlaw nagasugid sini sa isa ka adlaw,

Kag ang isa ka gab-i nagapahayag sing kaalam sa isa ka gab-i.

3 Walay sugid kag walay polong Nga ang tingug walà mabatii :

4 Sa bug-os nga duta gimowa ang iya hagunghung,

Kag sa alipuspusan sang kalibutan ang ila mga pololongon.

Sa ila binutang niya ang layang-layang nga sa adlaw.

5 Kag sia subung sang isa ka kala-salon nga nagagowa sa iya hulut ;

Nagakalipay sia subung sang isa ka baganihan sa pagdalagan sa iya dalaganon.

6 Sa isa ka ukbung sang kalangitan ang iya sidlangan,

Kag ang iya paglibot nagalambut tubtub sa isa ka ukbung,

Kag walà gid sing makapanago sa iya kainit.

7 Ang kasogoan ni Iehoba himpit, nga nagapahauli sa kalag ;

Ang pagpamatuud ni Iehoba, matutum, nga nagahimo nga maalam sa tawo nga bunayag.

8 Ang sinosogo ni Iehoba mga matadlung, nga nagalipay sa tagiposoon ;

Ang sogo ni Iehoba, ulay, nga naga-iwag sa mga mata.

9 Ang kahadluk kay Iehoba, matinlo, nga nagapadayon sa gihapon :

Ang mga tulumanon ni Iehoba, mga kamatooran, nga sila mga matarung sing bug-os.

10 Mga kalaluyagan sila nga labi pa sa bulwan, kag labi pa sa madamu nga bulawan nga inulay ;

Kag matam-is nga labi pa sa dugos kag sang nagatolo sa aninila.

11 Ang imo gid ulipon ginapasanagan bangud sa ila ;

Kag sa pagtuman sa ila may daku nga balus.

12 Ang mga kasaypanan ; sin-o bala ang makapain sa ila ?

Ulaya ako sa akon mga kasaypanan nga natago sa akon.

13 Bantayi man ang imo ulipon sa mga pagpalabilabi,

Nga irdi sila maghalari sa akon : niyan manginlubus ako,

Kag manginmatinlo ako sa dalagku nga mga paglalis.

14 Manginkalahamut-an ang mga polong sang akon bâbâ,

Kag ang pagpamalandong sang akon tagiposoon sa atubangan nimo,

Oh Iehoba, Batong bantiling nakon, kag Manunubus nakon.

Ang pangamnyo tungud sang hari, nga nagapakadto sa pag-awayan.

*Sa Pangolo nga musiko. Salmos ni Dabid.*

**20** PAGPAMATIAN ka kunta ni Iehoba sa adlaw sang kalisdanan.

Ang ngalan sang Dios ni Iakob magpahamtang sa imo sa isa ka duug nga mataas.

2 Pagpadalhan ka niya kunta sing bulig kutub sa balaan nga Puluy-an,

Kag kutub sa Sion pag-agubayan ka niya.

3 Pagdumdumon niya kunta ang tanan mo nga mga dólót,

Kag pagbatunon niya subung nga sapay ang imo halad nga sinunog. Sela.

4 Paghatagan ka niya kunta sono sa imo tagiposoon,

Kag pagtumanon niya ang tanan mo nga tinotuyo.

5 Magkalasadya kami kunta tungud sang imo kaluwasan,



Kag magbayaw kami sing bandera sa ngalan sang amon Dios.

Pagtumanon kunta ni Iehoba ang tanan nimo nga pinangayô.

6 Karon ginakilala ko nga si Iehoba nagluwas sa iya hinaplas;

Pagasabton sia niya kutub sa mga langit sang iya pagkabalaan,

Tungud sang kaisug sang kaluwasan sang iya too.

7 Ini sila nagapalanumdum sa mga kanga, kag yadto sila sa mga kabayo; Apang kami, sa ngalan ni Iehoba nga amon Dios.

8 Sila nagalayaub kag nagakalapukan,

Apang kami nagatilindug kag nagatadlung.

9 Oh Iehoba, luwasa ang hari.

Magpamati sia kunta sa amon sa adlaw, nga magtawag kami sa iya.

Ang mga pagpasalamat tungud sang pagdaug.

*Sa Pangolo nga musiko. Salmos ni Dabid.*

**21** NAGAKALIPAY ang hari sa imo kusug, oh Iehoba,

Kag sa imo kaluwasan. I nga pagkada-ku sang iya pagkasadya!

2 Ang handum sang iya tagiposoon ginhatag mo sa iya,

Kag walâ mo igdili sa iya ang pangayô sang iya mga bibig. Sela.

3 Kay ginsugat mo sia sang imo pagpakamaayo nga labing maayo;

Purungpurung nga bulawan nga ulay gintonton mo sa iya olo.

4 Kabuhi pinangayô niya sa imo, kag ginhatagan mo sia,

Ang kalawigon sang mga adlaw, sa mga tinuig sang mga katuigan.

5 Daku ang iya himaya sa imo kaluwasan;

Kadunganan kag kagamhanan ginapunihan mo sia:

6 Kay ginhimo mo sia nga katuyoan sang pagpakamaayo sa gihapon;

Ginapunô mo sia sing kalipay kag kasadya sa imo atubangan.

7 Tungud kay ang hari nagapanalig kay Iehoba,

Kag sa kalooy sang Labing-Mataas, indi sia matong.

8 Pagalambutan sang imo mga kamut ang tanan mo nga mga kaaway,

Pagalambutan pa sang imo too ang mga nagadulumut sa imo.

9 Pagahimoon mo sila subung nga dapog sang kalayo, sa dag-on sang imo pagpadayag sang imo nawung;

Pagahalunhon sila ni Iehoba sa iya kasingkal,

Kag pagaupuron niya sila sang kalayo.

10 Ang ila mga bunga pagapapason mo sa duta,

Kag ang ila kaliwatan sa tungâ sang mga anak sang mga tawo.

11 Kay binadlit nila ang kalaut batok sa imo;

Naghilimbon sila sing mga pasuhot, apang indi sila makalandas.

12 Kay pagapatalikdon mo sila;

Ang imo pana ginapaigo mo sa ila mga nawung.

13 Pagpakataas-ka, oh Iehoba, sa imo kusug.

Magaalambahan kag magadalayaw kami sang imo kagamhanan.

Ang mga alantuson kag ang pagdaug sang Mesias.

*Sa Pangolo nga musiko. Sa Aihélet-hasakar. Salmos ni Dabid.*

**22** DIOS ko, Dios ko, kay nga ba-la ginpabayaan mo ako,

Nga malayô ka sa akon kaluwasan kag sa mga polong sang akon mga panghakruy?

2 Dios ko, nagasngit ako sa adlaw, apang walâ mo ako pagsabta;

Kag sa gab-i, kag walay sa akon sing kalinong.

3 Walay sapayan, ikaw amo ang Balaan,

Nga nagapuyô sa tungâ sang mga pagdayaw sang Israel.

4 Sa imo nagsalalig ang amon mga ginikanan,

Nagsalalig sila, kag ikaw nagluwas sa ila.

5 Nagsilingit sila sa imo, kag ginluwas mo sila;

Nagsalalig sila sa imo, kag walâ sila magkalahuya.

6 Apang ako among ulud, kag indi tawo,

Pasipala sang mga tawo kag tamay sang banwa.

7 Ang tanan nga nakakita sa akon, nagatiliawtiaw sa akon;

Nagapalasambil sila sang mga bibig, nagalinungolungo sila sang olo, nga nagasililing;

8 "Panugyan-ka kay Iehoba, kag pagaluwason ka niya;

Pagabawion ka niya, tunḡud nḡa sa iya nagakahamuut sia."

9 Apang, ikaw amo ang nagkuha sa akon sa tiyan,

Ikaw amo ang nagpasalig sa akon sang didto pa ako sa mḡa dughan sang akon ilóy.

10 Gintugyan ako sa imo kutub sa tiyan nḡa inilóy;

Kutub sa tiyan sang akon ilóy ikaw among akon Dios.

11 Indi ka magpalayô sa akon, kon ang kalisdanan yara malapit na,

Kon walay sin-o nḡa makabulig sa akon.

12 Ginalibutan ako sang madamu nḡa katawohan:

Ang mḡa makusug nḡa tawo sa Basan naglilibot sa akon.

13 Nagangalangḡa sa ibabaw nakon ang ila mḡa bâbâ,

Subung sang leon nḡa palahalunhon kag palangurub.

14 Ginaula ako subung sang mḡa tubig,

Kag nagakalaluta ang tanan ko nḡa mḡa tul-an;

Ang akon tagiposoon subung sang talo,

Nḡa nagakatunaw sa tunḡâ sang akon mḡa kasudlan.

15 Nagamala ang akon kusug subung sang isa ka bika;

Kag ang akon dila nagatapik sa akon langagnḡag,

Kag ginabutang mo ako sa yab-ok sang kamatayon.

16 Kay ginalibutan ako sang mḡa ido;

Ginalibutan ako sang katipunan sang mḡa malauton;

Ginadutan nila ang akon mḡa kamut kag ang akon mḡa tiil.

17 Sarang ko maisip ang tanan ko nḡa mḡa tul-an.

Sila nagatululuk nḡa nagatalupangul sa akon;

18 Ginabahinbahin nila ang akon pnapton,

Kag ginapapalaran nila ang akon naug.

19 Apang ikaw, Iehoba, walâ magapalayô sa akon;

Kabakuran nakon, dalidali ka sa pagbulig sa akon.

20 Luwasa sa hingḡaniban ang akon kalág,

Kag ako, nḡa nagaisaisa lamang, sa gahum sang ido.

21 Bawia ako sa bâbâ sang leon,

Kag sabta ako, nḡa *nagaapin* sa akon sa mḡa sunḡay sang baka nḡa talunon.

22 Pagaipanugid ko ang imo nḡalan sa akon mḡa útud;

Sa tunḡâ sang katilingban pagadaya-won ko ikaw.

23 Kamo nḡa mḡa nagakalahadluk kay Iehoba, magdalayaw-kamo sa iya;

Kamo nḡa kaliwatan nḡa bug-os ni Iakob, himayaa-ninyo sia;

Kag magtalahud-kamo sa iya, kamo, nḡa bug-os nḡa kaliwatan ni Israel.

24 Kay walâ sia magtamay sang pagpaubus sang nalisdan, bisan magkangil-ad sa iya,

Bisan sa iya nagtago sia sang iya nawung,

Kondi nḡa sang nagsingit sia sa iya, ginpamatian niya sia.

25 Manginkatuyoan ikaw sang akon pagdayaw sa daku nḡa katilingban.

Pagabayaran ko ang akon mḡa saad sa atubangan sang mḡa nagakalahadluk sa iya.

26 Magakalaon ang mḡa mahagup kag pagabusgon sila;

Magadalayaw kay Iehoba ang mḡa nagapalangita sa iya;

Magakabuhì ang inyo tagiposoon sa gihapon.

27 Magapalanumdum kay Iehoba ang tanan nḡa mḡa ukbung sang duta kag magabalalik sila sa iya.

Kag ang tanan nḡa mḡa panimaláy sang katawohan magasilimba sa atubangan mo.

28 Kay iya ni Iehoba ang ginharian, Kag sia nagahari sa mḡa katawohan.

29 Magakalaon kag magasilimba ang tanan nḡa mḡa mangaran sang duta;

Magalayaub sa atubangan niya ang tanan nḡa mḡa nagapalanaug sa yab-ok,

Hoo, ang tanan pa nḡa ang iya kalág ginapalapyo.

30 Ang palaabuton nḡa kaliwatan magaalagad sa iya,

Magapalanugid sila sang *himaya* ni Iehoba sa *sumulunud* nḡa kaliwatan.

31 Magakalari sila kag magabalantala sang iya katarungan

Sa banwa nḡa magapakatawo, nḡa iya ginahimo.



Ang kalipay sang tawo, nga ang iya manugbantay amo si Iehoba.

*Salmos ni Dabid.*

**23** SI Iehoba amo ang akon manug-pahalab: walâ sing makulang sa akon.

2 Sa mġa hilaw nga halabon ginapapahuway niya ako.

Sa luyo sang mġa tubig nga malinaw ginatuytuyan niya ako ;

3 Ginapahaulian niya ang akon kalág, Ginatuytuyan niya ako sa mġa banas sang katarungan, bangud sang iya ngalan.

4 Bisan pa maglakat ako sa nalupyan sang landong sang kamatayon,

Walâ ako sing kahadlukan nga kalainan, kay ikaw kaúpod nakon.

Ang imo itulukud kag ang imo sungkod nagapapanikasug sa akon.

5 Nagaaman ka sa akon sing latok sa atubangan sang akon mġa kasumpung :

Ginahaplas mo ang akon olo sing lana, ang akon tagayan nagaawas.

6 Sa pagkamatuud, ang pagkalooy kag ang kaayo nagsunud sa akon sa tanan nga adlaw sang akon kabuhi,

Kag sa baláy ni Iehoba nagapuyô ako sa halawig nga mġa adlaw.

Ang bug-os nga pagkaginoos sang Dios, kag ang pagdaug sang Hari sang kahimayaan.

*Salmos ni Dabid.*

**24** KAUGALINGON ni Iehoba amo ang duta kag ang iya kubugosan,

Ang kalibutan kag ang mġa nagapuluyô sa iya.

2 Kay gintukud niya sia sa ibabaw sang kadagatan,

Kag ginpalig-on niya sia sa ibabaw sang mġa kasubaan.

3 ¿Sin-o bala ang magatukad sa bukid ni Iehoba ?

Kag ¿sin-o ang magapabilin sa iya balaan nga duug?

4 Ang may mġa kamut nga matinlo kag may tagiposoon nga ulay :

Ang walâ magabayaw sang iya kalág sa paglimbong, kag walâ magasumpa nga may daya.

5 Sia magabaton sing pagpakamaayo ni Iehoba,

Kag sang katarungan sa Dios nga iya kaluwasan.

6 Amo ini ang kaliwatan sang mġa nagapalangita sa iya,

Sang mġa nagapalangita sang imo nawung, *Dios* ni Iakob. Sela.

7 Patanga, oh mġa gawang, ang inyo mġa olo ;

Talanga-kamo, mġa gawang nga walay katapusan,

Kag magasulúd ang Hari sang kahimayaan.

8 ¿Sin-o bala ining Hari sang kahimayaan?

Si Iehoba nga makusug kag gamhanan, Si Iehoba nga gamhanan sa pag-awayan.

9 Patanga, oh mġa gawang, ang inyo mġa olo,

Kag talanga-kamo, mġa gawang nga walay katapusan,

Kag magasulúd ang Hari sang kahimayaan.

10 ¿Sin-o bala ining hari sang kahimayaan?

Si Iehoba sang Sebaot, Sia amo ang Hari sang kahimayaan.

Sela.

Si Dabid nagapangamuyo sa Dios nga luwason sia sa iya mġa kaaway kag patawaran sia sang iya mġa sala.

*Salmos ni Dabid.*

**25** SA imo, oh Iehoba, ginabayaw ko ang akon kalág.

2 Dios ko, sa imo nagapanalig ako ;

Indi ako mahuy-an kunta,

Indi magdalaug sa akon ang akon mġa kaaway.

3 Sa pagkamatuud, walâ sing sin-o sang mġa nagahululat sa imo, nga pagapakahuy-an.

Pagapakahuy-an ang mġa nagabuluhat sing maluibon sa walay kabangdanan.

4 Ipakilala sa akon, oh Iehoba, ang imo mġa dalan ;

Tudloi ako sang imo mġa banas.

5 Tuytuyi ako sa imo kamatooran, kag tudloi ako ;

Kay ikaw amo ang Dios sang akon kaluwasan ;

Sa imo nagahululat ako sa bug-os nga adlaw.

6 Dumduma, oh Iehoba, ang imo mġa kahinoklog, kag ang imo mġa kalooy,

Kay amo sila kutub sa walay katubtuban.

7 Ayaw pagpanumduma ang mga kasal-anan sang akon pagkapamatan-on, bisan ang akon mga paglalis.

Sono sang imo pagkalooy dumduma ako,

Tungud sang imo kaayo, oh Iehoba ;

8 Maayo kag matadlung si Iehoba :

Ngani sia nagatudlo sang dalan sa mga makasasalâ.

9 Pagatuytuyan niya ang mga mapainubuson sa mga tulumanon,

Kag pagatudloan niya ang mga mapainubuson sang iya dalan.

10 Ang tanan nga mga banas ni Iehoba mga kalooy kag kamatooran,

Sa mga nagatuluman sang iya katipan kag sang iya mga pagpamatuud.

11 Tungud sang gugma sang imo ngalan, oh Iehoba,

Ginapatawad mo man ang akon salâ, kay daku sia.

12 ¿Sin-o bala ang tawo nga nagakahadluk kay Iekoba ?

Sia magatudlo sa iya sang dalan nga iya pagapilion.

13 Ang iya kalág magapuyô sa kaayohan,

Kag ang iya kaliwatan magapanubli sang duta.

14 Ang kahirup ni Iehoba iya lang sang mga nagakahadluk sa iya,

Kag ang iya pagpakigkatipan nagahatag sa ila sing pagkilala.

15 Ang akon mga mata yara gihapon ayon kay Iehoba,

Kay sia magakuha sang akon mga tiil sa siod.

16 Balikda ako kag kalooyi ako ;

Kay isa lang ako kag ginasakitan ako.

17 Ang mga kalisdanan sang akon tagiposoan nagadulugang :

Pagowaa ako sa akon mga kalisud.

18 Tan-awa ang akon kasakit kag ang kabudlayan,

Kag patawara ang tanan ko nga mga salâ.

19 Tan-awa ang akon mga kaaway, nga nagdalamu,

Kag nagadumut sila sa akon sa isa ka pagdumut nga punô sang palugus.

20 Bantayi ang akon kalág, kag luwasa ako,

Indi ako mahuy-an kunta, kay sa imo ako nagapanilong.

21 Ang pagkalubus kag ang katadlung magbantay sa akon ;

Kay sa imo nagahulat ako.

22 Tubsa, oh Dios, ang Israel

Sa tanan niya nga mga kalisdanan.

Si Dabid nagapangayo sang pagtabang sang Dias, kag ginapahayag niya sa iya ang iya pagkatadlung.

*Salmos ni Dabid.*

**26** HUKMI ako, oh Iehoba ; kay ako, sa akon pagkatadlung naglakat ako,

Kag nagapanalig man ako kay Iehoba ; walâ ako magakalingkang.

2 Tungkara ako, oh Iehoba, kag tilawi ako ;

Ipananghid ang akon mga tagimision kag ang akon tagiposoan.

3 Kay ang imo kalooy yara sa atubangan sang akon mga mata,

Kag sa imo kamatooran nagalakat ako.

4 Walâ ako magalingkod kaupud sang mga tawo nga malimbong,

Kag walâ ako magalakat upud sa mga malikum nga tawo.

5 Ginadumtan ko ang katipunan sang mga nagahiligugma sang kalainan ;

Kag walâ gid ako magalingkod kaupud sang mga tampalasan.

6 Ginahunawan ko ang akon mga kamut sa pagkawalay salâ,

Kag magalakat ako sa palibot sang imo halaran, oh Iehoba ;

7 Sa pagsingit sa tingug sang pagpasalamat,

Kag sa pagpanugid sang tanan mo nga mga kalatingalahan.

8 Iehoba, ang puluy-an sang imo baláy ginahigugma ko,

Kag ang duug nga amo ang puluy-an sang imo himaya.

9 Ayaw pagsabnita ang akon kalág upud sang mga makasasalâ,

Bisan ang akon kabuhi upud sang mga tawo nga makidugoon,

10 Nga sa ila mga kamut yara ang kasal-anan,

Kag ang ila too napunô sang mga hamham.

11 Apang ako nagalakat sa akon pagkatadlung.

Tubsa ako kag kalooyi ako.

12 Ang akon tiil yara sa banas nga matadlung.

Sa mga katilingban pagapakamaayohon ko si Iehoba.



Ang pagsalig sa Dios ; mainit nga paghandum  
sa pag-atubang sa iya.

*Salmos ni Dabid.*

**27** SI Iehoba amo ang akon kapawa  
kag ang akon kaluwasan :

¿ Sin-o bala ang pagakahadlukan ko ?

Si Iehoba among kalig-unan sang akon  
kabuhi :

¿ Sin-o bala ang pagakahangaw-an ko ?

2 Sang pagpalapit batok sa akon sang  
mga malauton,

Sa paghalunhon sang akon unud,

Hoo, ang akon mga kasumpung kag  
ang akon mga kaaway nagakalasandad  
kag nagakalapukan sila.

3 Bi-an magpahamtang sing dulugan  
ang isa ka kasoldadosan batok sa akon,

Indi mahadluk ang akon tagiposoon ;

Bisan batok sa akon magtindug ang  
pakigawayan, niyan punô pa ako sing  
pagsalig.

4 Isa lamang ka butang ang pinang-  
ayo ko kay Iehoba ; ini pagapanğitaon  
ko :

Nga magpuyô ako sa baláy ni Iehoba  
sa tanan nga adlaw sang akon kabuhi,

Sa pagpamalandong sang kagayonan  
ni Iehoba,

Kag sa pagusia sa iya Simbahan.

5 Kay sia magatabon sa akon sa iya  
puluy-an sa adlaw sang kalainan ;

Pagatagoon niya ako sa palasilongan  
sang iya layanglayang ;

Igatungtung niya ako sa ibabaw sang  
isa ka batong bantiling.

6 Busa karon, pagapalabawon niya  
ang akon olo sa ibabaw sang akon mga  
kaaway, nga nagalilibot sa akon.

Kag ako magahalad sa iya Layang-  
layang sing mga halad sa tunug sang  
mga *budyong* nga nagahagunghung.

Magaambahan ako kag magadayaw  
ako kay Iehoba.

7 Dunga, oh Iehoba ; ang akon tingug  
nagapanawag sa imo :

Kaalooyi ako kag sabta ako.

8 Ang akon tagiposoon nagasiling sa  
akon nga sa imo :

" Pangitaa-ninyo ang akon nawung."

Ang imo nawung ginapangita ko, oh  
Iehoba.

9 Ayaw pagtagoa ang imo nawung sa  
akon,

Ayaw igsikway nga may kaakig ang  
imo ulipon.

Ikaw among akon panabang ;

Ayaw ako pagbayai, kag ayaw ako  
pagtalikdi, Dios sang akon kaluwasan.

10 Bisan magbiya sa akon ang akon  
amay kag ang akon ilôy,

Si Iehoba niyan magasapopo sa akon.

11 Tudloi ako, oh Iehoba, sang imo  
dalan,

Kag tuytuyi ako sa banas sang katad-  
lungan,

Sa kabangdanan sang akon mga kaa-  
way.

12 Ayaw ako igtugyan sa kabubut-on  
sang akon mga kasumpung ;

Kay nagatilindug batok sa akon ang  
mga saksi nga butig, nga nagagilinhawa  
sing paglugus.

13 *Nalipong ako kuntani*, kon walâ akoy  
pagtoo nga magatan-aw sang kaayo ni  
Iehoba,

Sa duta sang mga nagakalabuhi.

14 Hulata si Iehoba ;

Pamakud-ka kag papanikasuga ang  
imo tagiposoon.

Hoo, hulata si Iehoba.

Pangamuyo tungud sang kaluwasan ; mga  
pagpasalamat tungud sang mga nag-  
talaliwan nga mga kaluwasan.

*Salmos ni Dabid.*

**28** SA imo nagatawag ako, oh Ieho-  
ba ;

Batong bantiling nakon, ayaw ka pag-  
pabungul sa akon ;

Basi kon ikaw maghipus sa akon ma-  
nginsubung ako

Sang mga nagpalanaug sa lulubngan.

2 Pamatii ang tingug sang akon mga  
pangamuyo, kon magtuaw ako sa imo,

Kon bayawon ko ang akon mga kamut  
nayon sa Puluy-an sang imo pagkaba-  
laan.

3 Ayaw ako pagsagnuya upud sang  
mga malaut,

Kag upud sang mga nagahilimo sing  
kabanyagaan ;

Nga sila nagahambal sang paghidaet  
sa ila mga masigkatawo,

Apang ang kalautan yara sa ila tagi-  
posoon.

4 Hatagi sila sono sa ila mga binuha-  
tan kag sono sa kalautan sang ila mga  
ginahimo,

Hatagi sila sono sang binuhatan sang  
ila mga kamut,

Hatagi sila sang ila bayad.

5 Kay walâ nila pagpaina ang mga binuhatan ni Iehoba,

Bisan pa ang binuhatan sang iya mga kamut;

Pagagub-on kunta sila, kag indi niya sila pagpatindugon.

6 Dalayawon si Iehoba,

Kay nagapamati sia sang tingug sang akon mga pagpangamuyo.

7 Si Iehoba amo ang akon kalig-unan kag ang akon kalasag;

Sa iya nagasalig ang akon tagiposoon, kag binuligan niya ako.

Tungud sini nagakasadya ang akon tagiposoon,

Kag sa akon ambahanon ginadayaw ko sia.

8 Si Iehoba amo ang kusug sang mga iya,

Kag ang kalig-unan sang mga kaluwasan sang iya hinaplas.

9 Luwasa ang imo banwa kag pagpakamaayoha ang imo panublion;

Kag pahalba sila kag pas-ana sila sa gihapon.

*Pag-agda sa pagdayaw sang harianon nga kagamhanan sang Dios.*

*Salmos ni Dabid.*

**29** HATAGI-NINYO si Iehoba, oh mga anak sang mga makusug,

Hatagi-ninyo si Iehoba sang himaya kag sang kalig-unan.

2 Hatagi-ninyo si Iehoba sang himaya nga takus sa iya ngalan.

Maglayaub-kamo sa atubangan ni Iehoba sa puni nga mahimayaon.

3 Ang tingug ni Iehoba yara sa ibabaw sang mga tubig;

Nagapadaguub ang Dios sang himaya:

Si Iehoba nagapahagonghong sa ibabaw sang madamu nga mga tubig.

4 Ang tingug ni Iehoba gamhanan, Ang tingug ni Iehoba punô sang himaya.

5 Ang tingug ni Iehoba nagapukan sang mga sedro,

Kag ginapukan ni Iehoba ang mga sedro sa Libano.

6 Kag ginapalumpatumpat niya sila subung sang mga tinday sang baka,

Ang Libano kag ang Sirion subung sang mga baka nga talonon.

7 Ang tingug ni Iehoba nagabadlitbadlit sing mga dabdab nga kalayo.

8 Ang tingug ni Iehoba nagapakurug sang kahanayakan,

Ginapakurug ni Iehoba ang kahanayakan sa Kades.

9 Ang tingug ni Iehoba nagapaanak sa mga libay,

Kag ginahublasan niya ang mga kagulangan,

Kag sa iya Simbahan ang tanan nagsiling: "¡Himaya!"

10 Si Iehoba naggahum sang anaw, Kag magalingkod si Iehoba nga hari sa gihapon.

11 Si Iehoba magahatag sang kalig-unan sa iya banwa,

Si Iehoba nagapakamaayo sa iya banwa sa paghidaet.

*Ang kaakig sang Dios lamang nagadugay sa isa ka tion; ang iya kaayo wala sing katapusan.*

*Ambahanon sa pagpahanungud sang Baláy. Salmos ni Dabid.*

**30** PAGAPAKALABAWON ko ikaw, oh Iehoba; kay ginbayaw mo ako,

Kag walâ mo paghimoa nga magkalalipay sa akon ang mga kaaway.

2 Iehoba, Dios nakon, sa imo nagsingit ako, kag gin-ayô mo ako.

3 Oh Iehoba, ginpasaka mo ang akon kalag sa lulubngan;

Ginbuhi mo ako liwan, sa tungâ sang mga nagapalanaug sa lulubngan.

4 Ambahan-kamo kay Iehoba, kamo nga mga balaan niya,

Kag pagdayawon-ninyo ang handumanan sang iya pagkabalaan.

5 Kay kon may isa lamang ka tion ang iya kasingkal,

Ang iya bugay nagadugay sa isa ka bug-os nga pagkabuhi.

Sa diin nga sa kahaponon nagapuyô ang hinibi,

Sa kaagahon may singit sa kalipay.

6 Kag nagsiling ako sa akon kabuganaan:

"Indi na gid ako mationg sa giha-pon."

7 Kay ikaw, Iehoba, tungud sang imo pagkamahinoklogon, pinahamtang mo ang akon bukid nga may kalig-unan.

Apang gintago mo ang imo nawung, kag nalisang ako.

8 Sa imo, oh Iehoba, nagatawag ako, Kag sa Ginoo nagaampo ako:



9 “¿Ano bala ang kapuslanan sang akon dugo, kon manaug ako sa lulub-  
ngan?

¿Pagadayawon ka bala sang yab-ok?  
¿magabantala bala sia sang imo kama-  
tooran?

10 Pamatii, oh Iehoba, kag kalooyi  
ako.

Iehoba, magmanġinkabulig ka nakon.”

11 Ginbaylohan mo ang akon pana-  
labiton sang lumpatlumpat nġa mali-  
payon,

Hinubad mo ang akon panapton, nġa  
masinakiton kag ginwagkusan mo ako  
sing kalipay,

12 Agud nġa ang akon himaya mag-  
ambahan sa imo kag indi maghipus.

Iehoba, Dios nakon, magadayaw ako  
sa imo sa gihapon.

Si Dabid nagapanġamuyo sa Dios nġa luwason  
sia; ginadayaw niya sia tunġud sang iya  
mġa kaayo kag nagalaygay sia sa  
pagpanalig sa iya.

*Sa Panġolo nġa musiko. Salmos  
ni Dabid.*

**31** SA imo, oh Iehoba, nagapanilong  
ako:

Indi ako pagpakahuy-an kunta sa gi-  
hapon;

Luwasa ako sa imo katarunġan.

2 Ilinġig sa akon ang imo idulunġug;  
luwasa ako sing madali.

Magmanġin Batong bantiling ka nġa  
kalig-unan,

Nġa kuta nġa mabakud sa pagluwas  
sa akon.

3 Kay ikaw amo ang akon Batong  
bantiling kag ang akon kuta;

Kag tunġud sang imo nġalan pagaman-  
doan mo ako kag pagatuytuyan mo  
ako.

4 Pagapagowaon mo ako sa tiglapak,  
nġa gintago nila nġa sa akon;

Kay ikaw amo ang akon kalig-unan.

5 Sa imo mġa kamut ginatugyan ko  
ang akon espiritu;

Ikaw nagatubus sa akon, oh Iehoba,  
Dios sang Kamatooran.

6 Ginadumtan ko ang mġa nagapililit  
sa mġa kadayawan nġa malimbongon;

Apang ako, kay Iehoba nagasalig ako.

7 Nagahimaya ako kag nagakalipay  
ako sa imo kalooy,

Kay nakakita ka sang akon kasakit,

Nġa nakakilala ka sang mġa kalisda-  
nan sang akon kalág,

8 Kag walâ mo ako pagaitugyan sa  
kamut sang kaaway,

Ginapahamtang mo ang akon mġa tiil  
sa kalaparan.

9 Kalooyi ako, oh Iehoba, nġa yari  
ako sa kalisdanan:

Nagakalahagas sa kalisud ang akon  
mġa mata, ang akon kalág kag ang akon  
mġa kasudlan,

10 Kay ang akon kabuhi nagahagas  
sa kalisud,

Kag ang akon mġa tuig sa pagpanġan-  
duhoy;

Ginalapyô ang akon kusug sa kabang-  
danan sang akon kalautan, kag ang akon  
mġa tul-an nagakalabatas.

11 Banġud sang tanan ko nġa mġa  
kasumpung nanġinpasipala ako,

Bisan pa, sa akon mġa kasilingan na-  
nġindaku nġa pasipala ako

Kag kalangil-aran sa akon mġa kilala.  
Ang mġa makakita sa akon sa gowa,

nagapalalagyo sa akon.

12 Ginakalimtan ako sang *ila* tagipo-  
soon subung sang isa ka patay,

Nabilang ako subung sang isa suludlan  
nġa naboonġ.

13 Kay nakabati ako sang pagpasipala  
sa akon sang kadam-an.

Ang kahadluk sa tanan nġa duug na-  
gaabut sa akon,

Sang nagahilimbon sila sing tingub  
batok sa akon, kag ginapuhon nila ang  
pagkuha sang akon kabuhi.

14 Apang ako nagapanalig sa imo, oh  
Iehoba;

Ako nagasiling: “Ikaw amo ang  
akon Dios.”

15 Sa imo kamut yara ang akon mġa  
panag-on;

Luwasa ako sa kamut sang akon mġa  
kaaway, kag sang akon mġa manlalaga-  
gas.

16 Pabanaaga ang imo nawung sa  
imo ulipon;

Luwasa ako tunġud sang imo kalooy.

17 Indi ako pagpakahuy-an kunta, oh  
Iehoba, kay nagapanawag ako sa imo;

Pagpakahuy-an kunta ang mġa tam-  
palasan; pagpahipuson sila sa lulub-  
ngan.

18 Mag-alapa ang mġa bibig nġa bu-  
tigon,

Nġa nagahalambal batok sa matarung  
sing mġa butang nġa matigdas,

Nga may pagpalabilabi kag pagtamay.  
19 | Nga pagkadaku sang imo kaayo

Nga ginatigana mo nga sa mga naga-  
kahadluk sa imo,

Nga ginhimo mo nga sa mga naga-  
panilong sa imo,

Sa atubangan sang mga anak sang  
tawo!

20 Ginatago mo sila sa palanagoan  
sang imo nawung, nga malayô sa mga  
pasuhot sang tawo:

Ginatabunan mo sila sa isa ka palalip-  
dan, nga malayô sa sinuay sang mga  
dila.

21 Dalayawon si Iehoba,

Kay ginapahayag niya ang iya maka-  
tilingala nga kalooy sa akon, sa banwa  
nga malig-on.

22 Kag nagsiling ako, sa akon kadag-  
mit:

"Ginatabog ako sa malayô sa atuba-  
ngan sang imo mga mata."

Walay sapayan ginapamatian mo ang  
tingug sang akon mga pag-ampo, sang  
ako nagatuaw sa imo.

23 Higugmaa-ninyo si Iehoba, tanan  
kamo nga mga balaan niya.

Sa mga matutum nagabantay si Ie-  
hoba,

Kag nagabayad sing bugana gid sa  
nagabuhat nga may palabilabi.

24 Lilig-on-kamo, pagpanikasugon-  
ninyo ang inyo tagiposoon,

Tanan kamo nga nagahululat kay  
Iehoba.

Ang kabulahanan sang tawo nga pinatawad na ang  
iya mga sala.—Ang pag-agda sa paghinulsul.

*Salmos ni Dabid. Maskil.*

**32** BULAHAN yadto nga ang iya  
mga paglalis pinatawad na, kag  
natabunan na ang iya mga sala.

2 Bulahan ang tawo, nga sa iya walâ  
pagaipahanungud ni Iehoba ang pagka-  
malalison,

Kag nga sa iya espiritu walâ sing  
daya.

3 Sang nagahipus ako, naghalagas  
ang akon mga tul-an

Sa akon pagpanghakroy sa bug-os nga  
adlaw.

4 Kay sa adlaw kag sa gab-i nagbug-  
at sa ibabaw nakon ang imo kamut;

Ang akon duga nabaylo sa kamala  
sang init sa tingadlaw. Sela.

5 Ang akon sala ginpakilala ko sa

imo, kag walâ ako maglikum sang akon  
pagkamalalison.

"Magatuad ako, nagsiling ako, sang  
akon mga paglalis kay Iehoba,"

Kag ikaw nagpatawad sang kalainan  
sang akon sala. Sela.

6 Tungud sini magapangamuyo sa  
imo ang tanan nga balaan sa panag-on  
nga sarang ka makita:

Sa pagkamatud gid, ang paglambas  
sang madamu nga mga tubig indi  
makalambut sa iya.

7 Ikaw amo ang akon dalangpan; gi-  
nabantayan mo ako sa kalilisan,

Ginalibutan mo ako sing mga paghili-  
nugyaw sang kaluwasan.

8 Pagaitoon ko sa imo kag pagaitudlo  
ko sa imo ang dalan, nga dapat mo paga-  
laktan;

Buut ako magalaygay sa imo: ang  
akon mga mata yara sa ibabaw nimo.

9 Dili kamo magpakasubung sang ka-  
bayo, subung sang mula nga walâ siug  
ihibalo;

Nga sa walâ sia sing busal kag pitik,  
nga ginabutang sa iya sa paghagup sa  
iya,

Indi sia nagapalapit sa imo.

10 Madamu nga mga kasakitan nga  
sa malauton;

Apang ang nagahulat kay Iehoba, gi-  
nalibutan sia sang pagkalooy.

11 Pagkalasadya-kamo kay Iehoba  
kag pagkalalipay-kamo, mga matarung;

Kag hilinugyaw-kamo, kamo nga ta-  
nan nga mga matadlung sing tagiposoon.

Kalipay sang matinoon sa pagpamalandong sa  
Dios sa mga binuhatan niya.

**33** MAGHILINUGYAW-KAMO,  
mga matarung, kay Iehoba;

Sa mga matadlung magayon ang pag-  
dayaw.

2 Dayawa-ninyo si Iehoba nga may  
arpa;

Ologon-ninyo sia sa tingug sang sal-  
terio nga may rapulô ka kuwerdas.

3 Ambahanon-ninyo sia sa bag-o nga  
kalantahan,

Kinuskus-kamo sing sinampaton sa  
manamit nga paningug.

4 Kay matadlung ang polong ni  
Iehoba,

Kag ang tanan nga iya binuhatan  
hinimo sa katutum;



5 Sia nagahigugma sang katarungan kag sang katadlungan ;

Ang duta punô sang kalooy ni Iehoba.

6 Tunğud sa polong ni Iehoba nahimo ang kalanğitan,

Kag ang tanan nga kasoldadosan nila tunğud sa huyup sang iya bâbâ.

7 Ginatipon niya subung sang isa ka tumpok ang mga tubig sang dagat ;

Sia nagabutang sang mga kaidadalman sa mga tiliponan.

8 Magkahadluk kay Iehoba ang bug-os nga duta ;

Magtalahud sa iya ang tanan nga mga pumuluyô sa kalibutan.

9 Kay sia nagasiling, kag ang butang nagakahimo ;

Sia nagasogo, kag nagaamo sia.

10 Si Iehoba, ginapakawalay pulus niya ang pagpakigsapul sang mga tawo ;

Kag ginawâlâ niya ang mga tinotuyô sang mga banwa.

11 Ang laygay ni Iehoba magapadayon sa gihapon ;

Ang mga tinutuyô sang iya tagiposoon sa tanan nga mga kaliwatan.

12 Bulahan ang katawohan, nga si Iehoba amo ang iya Dios,

Ang banwa nga iya ginpili nga iya palanublion.

13 Gikan sa kalanğitan nagatamud si Iehoba,

Ginat-an-aw niya ang tanan nga mga anak sang mga tawo.

14 Gikan sa puluy-an sang iya lingkoran ginatamdan niya

Ang tanan nga mga nagapuluyô sa duta.

15 Ang nagahuman sang tagiposoon sang tanan,

Sia nagapamalandong sang tanan niya nga mga binuhatan.

16 Ang hari indi maluwas tunğud sa kadamuon sang kasoldadosan,

Indi makaluwas ang maisug tunğud sa daku nga kusug niya.

17 Walay pulus ang kabayo sa pagluwas,

Bisan makapapalagyo sia sa bisan kay sin-o tunğud sang iya dakung kusug.

18 Yari karon, ang mata ni Iehoba nayan sa mga nagakahadluk sa iya,

Sa mga nagahululat sang iya kalooy,

19 Sa pagluwas sang ila mga kalág sa kamatayon,

Kag sa paghatag sa ila sing kabuhi sa kagutum.

20 Ang amon kalág nagahulat kay Iehoba :

Kabulig namon sia kag sia kalasag namon.

21 Ngani, sa iya nagakalipay ang amon tagiposoon,

Kay sa iya balaan nga ngalan nagsalig kami.

22 Oh Iehoba, magmanğinyari ang imo kalooy sa ibabaw namon,

Siling nga kami nagahululat sa imo.

Ang manugambahan nagadayaw sa Dies, nga ginpamatian ang iya panğamuyo kag nagalaygay sia sa pagkahaluk sa iya, kag sa pagsalig sa iya.

*Salmos ni Dabid, sang nagliwat ang iya nawung sa atubangan ni Abimelek, kag iya sia sinikway, kag lumakat.*

**34** PAGAPAKAMAAYOHON ko si Iehoba sa tanan nga panag-on ;

Ang iya pagdayaw manğinyari giha-pon sa akon bâbâ.

2 Kay Iehoba maghimaya ang akon kalág :

Mabatian kunta ini sang mga mahagup kag magkalalipay sila.

3 Pagadakua-ninyo upud sa akon si Iehoba,

Kag pakataason-naton sing dungan ang iya ngalan.

4 Pinangita ko si Iehoba, kag iya ako pinamatian,

Kag linuwas niya ako sa tanan ko nga mga kahadluk.

5 Sa iya sila nagtululuk, kag naiwagan sila,

Kag ang ila mga guya walâ magakalahuya.

6 Ining makalolooy nagtuaw, kag pinamatian sia ni Iehoba,

Kag linuwas sia sa tanan niya nga mga kalilisan.

7 Arg manugtunda ni Iehoba nagapahamtang sing dulugan sa libot sang mga nagakahadluk sa iya,

Kag ginaluwas niya sila.

8 Kinamkinama-ninyo kag tan-awon nga maayo si Iehoba.

Palaran ang tawo nga nagapanilong sa iya.

9 Kahadluki-ninyo si Iehoba, kamo nga iya mga balaan ;

Kay walâ sing nakulang sa mga nagakahadluk sa iya.

10 Ang mġa leon nġa magamay nawad-an kag ginagutum ;

Apang ang mġa nagapalangita kay Iehoba, indi gid makulangan sang bisan ano nġa kaayohan.

11 Kari-kamo, mġa anak, pamatii-nin-  
yo ako ;

Ang kahadluk ni Iehoba igatudlo ko sa inyo.

12 ; Sin-o ang tawo nġa nagahandum sing kabuhi,

Nġa nagahigugma sing malawig nġa mġa adlaw sa pagtan-aw sing kaayohan ?

13 Andami ang imo dila sa kalainan,  
Kag ang imo mġa bibig sa pagpamolong sing limbong ;

14 Likaw-ka sa kalainan, kag buhata ang maayo ;

Pangitaa ang paghidaet, kag sundonmo sia.

15 Ang mġa mata ni Iehoba yara nayon sa mġa matarung,

Kag *hand*a ang iya mġa idulungug sa pagtuaw nila.

16 Ang nawung ni Iehoba batok sa mġa nagahimo sing kalainan,

Sa pagpanas sa duta sang handumanan nila.

17 Nagatuluaw ang *mġa matarung*,  
kag nagapamati si Iehoba,

Kag ginaluwas sila sa tanan nila nġa mġa kalisdanan.

18 Yari malapit si Iehoba sa mġa boong sing tagiposoon,

Kag ginaluwas niya ang mġa mahinulsulon sa espiritu.

19 Madamu ang mġa kahul-anan sang matarung ;

Apang sa ila nġa tanan ginaluwas sia ni Iehoba.

20 Sia nagabantay sa tanan nila nġa mġa tul-an,

Walâ sing isa sa ila nġa ginaboong.

21 Ang kalaufan nagapatay sa malaut,

Kag ang tanan nġa mġa nagadulumut sa matarung, ginatagudilian.

22 Si Iehoba nagatubus sa kalâg sang iya mġa ulipon,

Kag walâ ginatagudili ang tanan nġa mġa nagapanilong sa iya.

Pan amuyo tungud sang silot sang mġa malauton ;  
ang ila pagkadimatinahoron sa Dios. Pangamuyo kag pagpasalamat tungud sang kaluwasan.

*Salmos ni Dabid.*

**35** PAKIGKASABA-KA, oh Iehoba, sa mġa nagapakigkasaba sa akon ;

Awaya ang mġa nagaaway sa akon ;  
2 Gamita ang taming kag ang kalsag,

Kag tindug-ka sa pagbulig sa akon.

3 Kag gabuta ang bankaw, kag lambai ang tanan nġa mġa nagalagas sa akon.

Silinga ang akon kalâg : “Ako ang imo kaluwasan.”

4 Magkalalibog kag pagputson sang salimuang ang mġa nagapalangita sang akon kalâg ;

Magilisol, kag magpalamula ang mġa nagapaladugi sang kalainan nakon.

5 Manginsubung sila sang alikabot sa atubangan sang hangin,

Kag pagpalagyohon sila kunta sang manugtunda ni Iehoba.

6 Ang ila dalanon manginkadudulman kag mġa kaladanlugan :

Kag paglagson sila kunta sang manugtunda ni Iehoba.

7 Kay sa walâ sing kabangdanan gintago nila nġa sa akon ang ila siod sa isa ka boho ;

Sa walay kabangdanan naghimo sila sing *boho* nġa sa akon kalâg.

8 Abutan sia kunta sing pagkalaglag nġa indi mahibaloan,

Kag ang iya sihod nġa tinago magsiod sa iya ;

Maholog sia, kag nġa sa kalaglagan niya.

9 Kag magakalipay ang akon kalâg kay Iehoba,

Kag magahugyaw sa iya kaluwasan.

10 Ang tanan ko nġa mġa tul-an magasiling : “Iehoba, ; sin-o bala ang subung sa imo,

Nġa ginaluwas mo ang nalisdan sa makusug pa sa iya,

Kag ang imol kag ang nawad-an sa nagahublas sa iya ?”

11 Nagatilindug ang mġa butig nġa mġa saksi ;

Ginapangutana nila sa akon ang walâ ko mahibalo.



12 Binaslan nila ako sing malain tungud sa maayo,

Nga sa pagpasubu sa akon kalág.

13 Apang ako, sang sila nagmalasakit, ang panapton sa kalisdanan amo ang akon saput ;

Ginasakit ko ang akon kalág sa pagpuasa,

Kag ang akon pagpangamuyo nagbali sa akon dughan.

14 Ako nagaginawi subung nga sia akon abyan, kon subung nga sia akon útud ;

Sa napanaputan ako sang panapton sa lalaw, nagaduko ako subung sang nagalalaw sa ilóy.

15 Apang kon ako makasandad, sila nagakalalipay, kag nagatilipon sila ; sila nagaulugyon,

Ang ila mga bakol nagatulupa sa ibabaw nakon, kag ako walâ makahibalo kay nga.

Ginakusnit nila ako, kag walâ sila sing palangan.

16 Kangay sang mga malahug nga tumana ka mga banyaga sa latok

Nagapalabagrut sila sa akon sang ila mga ngipon.

17 Ginoo, tubtub pa san-o pagatanawon mo ini ?

Bawia ang akon kalág sa kalaglagan, nga ginatigana nila sa akon ;

Pagowaa ako sa tungâ sang mga leon nga magamay, nga isa lang ako.

18 Pagadayawon ko ikaw sa daku nga katilingban ;

Pagaologon ko ikaw sa tungâ sang daku nga banwa.

19 Indi magkalalipay kunta sa akon ang akon mga kaaway, nga indi matarung ;

Indi man magpalangilay kunta ang mga nagadumut sa akon sa walay kabangdanan,

20 Kay indi sila nagapamolong sing paghidaet ;

Kag batok sa mga mahagup sa duta nagapaladugi sila sing mga polong nga malimbong.

21 Kag ginhitad nila sa akon ang ila babâ ;

Nagasililing sila : “ ¡ Ha ! ¡ Ha ! nakitan ini sang amon mga mata.”

22 Nakita mo ini, oh Iehoba ; ayaw ka paghipus.

Ginoo, ayaw ka pagpalayô sa akon.

23 Mata-ka, kag pamadmad-ka nga sa akon katadlungan,

Kag nga sa kasuayon nakon, Dios ko, kag Gionoo ko.

24 Buhati ako sing katadlungan, sono sa imo katarungan, Iehoba, Dios nakon, Kag indi sila magkalalipay sa akon.

25 Indi sila magsiling sa ila tagiposon : “ Ha, ini ang buut namon ;”

Indi sila magsiling : “ Nalamon namon sia.”

26 Magkalalibog kag magpalamula sing dungan ang mga nagakalalipay sa kalautan nakon ;

Panaptan sing kahuya kag pasipala ang mga nagapalalabawlabaw batok sa akon.

27 Managhugyaw kag managkalipay, ang mga nagadampig sa akon katarungan ;

Kag magsililing sila gihapon : “ Dalayawon si Iehoba,

Nga may kalipay sang kaayohan sang iya ulipon.”

28 Kag ang akon dila magapanugid sang imo katarungan,

Kag magapanugid sia sang imo pagdayaw sa bug-os nga adlaw.

Ang lakas nga kalainan sang mga dimatinohon sa Dios. Pagdaugup sa Dios nga matarung

kag maayo, agud nga pagluwason niya ang mga iya.

Sa Pangolo nga musiko. Salmos ni Dibid, ulipon ni Iehoba.

**36** ANG pagkamalalison sang tampa-lasan nagasiling sa akon sa sulúd sang akon tagiposoon,

Nga walâ sing kahadluk sa Dios sa atubangan sang iya mga mata.

2 Kay nagaologolog sia sa iya kagalingon nga mga mata,

Nahanungud sa pagpanginsapo sang iya kalautan kag sang pagdumut sini.

3 Ang mga polong sang ila babâ kalautan kag daya ;

Ginsikway niya ang pagbuhat sing maalam gid kag paghimo sing maayo.

4 Sa iya higdaan kalautan ang iya ginapadugi.

Yara sia sa dalan nga indi maayo ; Walâ niya pagadumti ang malain.

5 Iehoba, tubtub sa mga langit ang imo bugay,

Tubtub sa mga panganud ang imo katumtum.

6 Ang imo katarungan subung sang mga bukid sang Dios;

Ang imo mga paghukom amo sila ang kadadalman nga dimatungkad.

Oh Iehoba, ang tawo kag ang hayup imo ginatipigan.

7 | Pagkamalahalon, oh Dios, sang imo bugay!

Tungud sini ang mga anak sang mga tawo nagapasilong sa landong sang imo mga pakpak.

8 Nagakalabusug sila sing bugana gid sang sapay sang imo balay,

Kag ikaw magapainum sa ila sa suba sang imo kawilihan;

9 Kay yara sa imo ang tuburan sang kabuhi,

Sa imo kapawa makakita kami sing kapawa.

10 Padayona ang imo bugay sa mga nagakilala sa imo,

Kag ang imo katarungan sa mga matadlung sing tagiposoon.

11 Indi maglambut sa akon ang tiil sang palabilabihon;

Kag ang kamut sang mga tampalasan indi magpapalagyo sa akon.

12 Didto nagakalapukan ang mga nagahilimo sing kalautan;

Pinanikwang sila, kag walâ maka-bangon.

Ang makasasala, sa masunsun bugana; indi dapat pagkahisaa; sa katapisan lamang ang mga matarung manginubahan.

*Salmos ni David.*

**37** DILI ka magbakag bangud sa mga nagapalanugyan sa kalainan,

Indi ka man mahisa sa mga nagahimo sing kalautan.

2 Kay subung sang hilamon pagagalabon sila sa madali,

Kag magakiligas subung sang hilamon nga lumbay.

3 Magsalig-ka kay Iehoba, kag maghimo ka sing maayo;

Sa nagakabuhi ka sa duta, sa may katutum pakan-on ikaw.

4 Manginkalawilihan mo si Iehoba, Kag sia magahatag sa imo sang mga pinangayô sang imo tagiposoon.

5 Itugyan-mo kay Iehoba ang imo dalan,

Kag magsalig-ka sa iya, kag sia magahimo.

6 Igapahayag niya ang imo katarungan subung sang kapawa

Kag ang imo katadlungan subung sang sidlak sang kaudtohon.

7 Sa hipus tuluk-ka kay Iehoba, kag maghulat sa iya.

Indi ka magbakag, bangud sa naga-bugana sa iya dalanon,

Bangud sang nagadaug sa iya mga pasuhot.

8 Bayai ang kaakig, kag isikway ang kasingkal;

Dili ka magbakag: ini manginpaghimo sing kalainan.

9 Kay ang mga nagapalanugyan sa kalainan, pagapamanason;

Apang ang mga nagahululat kay Iehoba, sila magapanubli sang duta.

10 Kay sa dili madugay, ang malaut walâ na,

Kag nagaussisa ikaw sang iya duug, kag walâ na.

11 Apang ang mga mahagup, magapanubli sang duta,

Kag magakalawili sila sa ila bugana nga kalirong.

12 Ang banyaga nagapuhon batok sa matarung,

Kag nagapabagrut sia sang mga ngipon batok sa iya.

13 Ang Ginoo nagakadlaw sa iya, Kay ginatan-aw niya, nga magaabut ang iya adlaw.

14 Ang mga tampalasan naggalabut sing hinangiban, kag nagbilingat sila sang ila pana,

Sa pagpukan sa makalolooy kag sa nalisdan,

Sa pagpilas sa mga matadlung sing gawi.

15 Ang hinangiban nila magasulud sa ila kaugalingon nga tagiposoon,

Kag ang ila mga pana pagabalion.

16 Labing maayo ang diyot nga iya sang matarung

Sang kabuganaan nga iya sang mada-mu nga mga makasasalâ.

17 Kay ang mga butkon sang banyaga pagabalion,

Apang si Iehoba amo ang nagaagubay sang mga matarung.

18 Kilala ni Iehoba ang mga adlaw sang mga himpit,

Kag ang palanublion nila manginsagihapon.

19 Indi sila mahuy-an sa malaut nga panag-on,



Kag sa mga adlaw sang gutum, 'paga-  
busgon sila.

20 Kay ang mga banyaga magaka-  
ladula,

Kag ang mga kaaway ni Iehoba, ma-  
gakapanas, subung sang puni sang mga  
halaban,

Magakapanas sila nga daw sa asó.

21 Ang banyaga nagahulam, kag walá  
pagbayad;

Apang ang matarung nagahikalooy  
kag nagahatag.

22 Kay ang mga pinakamaayo niya,  
magapanubli sang duta,

Apang ang mga pinakamalaut niya,  
pagapapason.

23 Si Iehoba amo ang nagapalig-on  
sang mga tikang sang tawo nga maayo,

Kag nagakawili sia sang iya dalanon.

24 Kon sia mapukan, indi mapukan  
sing bug-os,

Kay si Iehoba nagaagubay sang iya  
kamut.

25 Nanġinpamatan-on ako, kag nag-  
tigulang na,

Kag walá ako sing makit-an nga ma-  
tarung nga gimbayaan,

Bisan ang iya kaliwatan, nga nagapa-  
kilimos sing tinapay.

26 Sa tanan nga panag-on nagahika-  
looy kag nagapahulam sia,

Kag ang iya kaliwatan ginapakamaa-  
yo.

27 Likawi ang malain, himoa ang  
maayo,

Kag magakabuhi ka sa gihapon.

28 Kay si Iehoba nagahigugma sang  
katadlungan,

Kag walá sia magabiya sa iya mga  
balaan,

Sa gihapon ginabantayan niya sila;

Apang ang kaliwatan sang mga ban-  
yaga ginapapas.

29 Ang mga matarung magapanubli  
sang duta,

Kag magapuyô sila sa gihapon sa iya.

30 Ang bábâ sang matarung nagapa-  
molong sing kaalam,

Kag ang iya dila nagahambal sing ka-  
tadlungan.

31 Ang kasogoan sang iya Dios yara  
sa iya tagiposoan;

Nġani ang ila mga tikang walá maga-  
panġalangalang.

32 Ginatiid sang banyaga ang mata-  
ruig,

Kag ginahimulatan niya nga patyon.

33 Indi pagitugyan sia ni Iehoba sa  
iya mga kamut,

Kag indi man sia pagatagudilian kon  
paghukman sia.

34 Maghulat-ka kay Iehoba, kag hup-  
tan-mo ang iya dalan,

Kag sia magapakataas sa imo nga sa  
pagpanubli sang duta.

Kon pagpapason ang mga makasasa-  
la, makakita ikaw sini.

35 Nakit-an ko ang banyaga nga daku  
sing kagamhanan,

Kag nagagapa sia subung sang kahoy  
nga hilaw sa iya kaugalingon nga duta.

36 Apang sang nag-agi, kag yari  
karon, walá na;

Kag pinangita ko sia, kag walá ko sia  
makit-i.

37 Pamalandonga ang lubus, kag tan-  
awa ang matarung;

Kay may isa ka palaabuton sa tawo  
nga makidaiton,

38 Apang ang mga malalison paga-  
panlaglagon sing dungan;

Ang palaabuton sang mga banyaga,  
pagagabuton.

39 Apang ang kaluwasan sang mga  
matarung nagagikan kay Iehoba;

Sia amo ang kuta sa panag-on sang  
kalisdanan.

40 Kag si Iehoba nagabulig sa ila,  
kag nagabawi sa ila.

Ginapatimawa niya sila sa mga ban-  
yaga, kag ginaluwas niya sila,

Kay sila nagapalanilong sa iya.

Kalisud kag paghinulsul sang mga sala; pag-  
danġup sa Dios sa pag-agum sing patawad  
kag sang kaluwasan.

*Salmos ni Dabid Sa Pagpanumdum.*

**38** IEHOBA, ayaw ako pagsawaya sa  
imo kaakig,

Kag ayaw man ako pagsiloti sa imo  
kasingkal.

2 Kay ang imo mga baslay nagtulupa  
sa akon,

Kag nagtupa ang imo kamut sa akon.

3 Walá sing maayo sa akon lawas  
bangud sang imo panungud;

Kag walá sing kalinong sa akon mga  
tul-an bangud sang akon salá.

4 Kay ang akon kalautan naglalapaw  
sa akon olo;

Subung sang mabug-at nga lulan, nga  
lakas ka bug-at sa akon.

5 Nagakaladunut, nagakalub-uk ang akon mga pilas

Bangud sang akon kabuang.

6 Nagakoko ako, nagapakakubus ako sing lakas gid ;

Nagalalaw ako sa bug-os nga adlaw.

7 Kay ang akon mga hawak napunô sing kaalingaot,

Kag walâ sing maayo sa akon unud.

8 Linapyo ako kag binukbuk sing tu-man gid ;

Nagaugayong ako bangud sang dakung kalisud sang akon tagiposoon.

9 Ginoo, sa atubangan mo yara ang tanan ko nga handum

Kag ang akon panghayhay walâ mata-go sa imo.

10 Ang akon tagiposoon nagapitik, kag nawad-an ako sing kusug ;

Kag bisan pa ang kapawa sang akon mata walâ sa akon.

11 Ang akon mga abyan kag mga kaupdanan malayô sila sa akon kala-lat-an,

Kag ang akon mga himata nagapala-layô sa akon.

12 Kag ang mga nagapanğita sang akon kalág, nagabuluhat sing mga siod ;

Kag ang mga nagahilikot sang akon kalainan, nagapamolong sing polong sa kalaglagan,

Kag nagakulumud sing mga limbong sa bug-os nga adlaw.

13 Apang ako, subung nga daw bu-ngul, walâ magapamati,

Kag subung sang isa ka apa, nga walâ magabungat sang iya bâbâ.

14 Ngani subung ako sang isa ka tawo, nga walâ magapamati,

Kag nga sa iya bâbâ walâ sing mga panalabton.

15 Kay sa imo, oh Iehoba, nagahulat ako.

Ikaw magasabat, Iehoba nga Dios na-  
kon.

16 Kay nagsiling ako : “Nga indi sila magkalipay sa akon.”

Sang ang akon tiil nakadanlog, naga-palalabawlabaw sila sa akon.

17 Kay ako nagahulayhulay na,

Kag ang akon kalisud yara sa atu-bangan ko gihapon.

18 Ngani ginakilala ko ang akon ka-lautan,

Nagakag-as ako tungud sang akon salâ.

19 Kay ang akon mga kaaway mga punô sa kabuhi kag mga makusug ;

Kag madamu ang mga nagadulu-mut sa akon sa walay kabangdanan.

20 Kag sang ginabalusan sing malain ang maayo,

Manginkaaway sila nakon tungud sa pagsunud ko sang maayo.

21 Ayaw ako pagpabayai, oh Iehoba ;

Dios nakon, ayaw ka pagpalayô sa akon.

22 Dalidali ka sa pagbulig sa akon,

Oh Ginoo, kaluwasan nakon.

*Pagtatap sa mga sala nga kaugalingon.—Ang pag-kalip-ot sang kabuhi.—Ang pagtahud sang mga pag-hukom sang Dios, kag ang pangamuyo among pugung uga sa pagkadimapailubon.*

*Sa Panğolo nga musiko. Sa Iedutun.*

*Salmos ni Dabid.*

**39** NAGSILING ako : “Tatapon ko ang akon mga dalan,

Agud nga indi ako makasalâ sa akon dila ;

Pagabusalan ko ang akon bâbâ,

Sang ang banyaga yari batok sa akon.”

2 Nagpakaapa ako sing hipus ; nag-hipus ako, bisan pa nahanungud sa maayo,

Kag nagdaku ang akon kasakit.

3 Naginit ang akon tagiposoon sa sulud nakon,

Kag nagdabdab ang kalayo sa akon pagpamalandong,

Kag niyan naghambal ako sa akon dila.

4 Pahibaloa ako, Iehoba, sang akon katapusan,

Kag ano ang takus sang akon mga adlaw ;

Mahibaloan ko kon daw ano ang katapok nakon.

5 Yari karon, ginhatagan mo ang akon mga kaadlawan sang kalaparan sang palad,

Kag ang akon edad subung sang walâ sa atubangan mo ;

Sa pagkamatuud, ang tanan nga tawo nga nagakabuhi isa lamang ka huyup. Sela.

6 Sa pagkamatuud gid, ang tawo nagadayandayan nga daw landong ;

Sa Pagkamatuud gid, lamang huyup ang hinigung nga ginahimo nila.



Nagatipon sia, kag walâ niya mahibaloi kon sin-o ang magapunpun.

7 Kag karon, Ginoo, {ano bala ang pagahulaton ko?

Ang akon paglaum yara sa imo.

8 Luwasa ako sa tanan ko nga mga paglalis;

Indi mo ako pagpapasipalahan sang buang.

9 Nagpakaapa ako, walâ ko pagpabunngata ang akon bâbâ,

Kay ikaw naghimo sini.

10 Haw-asa sa akon ang imo mga bunal,

Sa bunal sang imo kamut nahagas ako.

11 Ginasilotan mo ang tawo tungud sang mga pagsakit nga ginbutang sa kalautan;

Kag, subung sang bukbuk, ginatunaw mo ang iya mangad nga labing nahamut-an.

Sa pagkamatuud gid, ang tanan nga tawo isa lamang sia ka huyup. Sela.

12 Oh Iehoba, pamatii ang akon pangamuyo, kag linga ang akon pagsingit.

Ayaw ka paghipus sa akon mga luha,

Kay dumuluong ako sa imo,

Kag manugpanlugayaw subung sang tanan ko nga mga ginikanan.

13 Ipalayô sa akon yadtong panuluk, agud nga magpanikasug ako,

Sa walâ pa ako magtaliwan kag walâ na.

Ang nagahulat nga may pagpai'ub pagaluwasan.—

Ang pagtuman labing maayo sa halad.—Panğamuyo, agud madangat ang kaluwasan.

*Sa Pangolo nga musiko. Salmos ni Dabið.*

**40** NAGHULAT ako kay Iehoba sing mapainubuson,

Kag liningig niya ako, kag pinamati-an niya ang akon pagtuaw.

2 Kag pinasaka niya ako sa isa ka boho nga makalaglag sa luwas sang madalum nga lunang.

Kag binutang niya ang akon mga tiil sa ibabaw sang batong bantiling, kag ginpalig-on niya ang akon mga tikang.

3 Kag binutang niya sa akon bâbâ ang bag-o nga ambahanon, ang pagdayaw sa akon Dios.

Ini nakita sang kadam-an, kag nagkahadluk sila,

Kag nagsalalig sila kay Iehoba.

4 Bulahan ang tawo nga pinahamtang niya kay Iehoba ang iya pagsalig,

Kag walâ magatahud sa mga palabilahon, bisan sa mga nagapalanugyan sa kabutigan.

5 Oh Iehoba, Dios nakon, ginpadamu mo ang mga kalatingalahan nga imo ginhimo,

Kag ang imo mga hunahuna pahana-yon sa amon.

Indi sila namon masarangang pagsaysay sing pasunud sa imo;

Kon ako buut magbantala kag magpanugid sa ila,

Labi pa sila sang masarangang ko sa pagisip.

6 Walâ ka mahamuut sang halad kag dólót:

Binuksau mo ang akon mga idulungng;

Walâ ka magpangayô sing halad nga sinunog, bisan halad sa katumbasan.

7 Niyan nagsiling ako: "Yari karon, nagakari ako;

Sa linukut sang tolon-an nasulat na nahanungud sa akon:

8 Ang paghimo sang imo kabubut-on, Dios ko, nahamut-an ko,

Kag ang imo kasogoan yari sa sulúd sang akon kasudlan."

9 Ginabantala ko ang katarungan sa daku nga katiponan;

Yari karon, walâ ko ginapungi ang akon mga bibig;

Iehoba, ikaw nakahibalo sini.

10 Walâ ko pagtagoa ang imo katarungan sa sulúd sang akon tagiposo-

soon; Ang imo katutum kag ang imo kaluwasan ginasiling ko:

Walâ ko pagtagoa ang imo kalooy kag ang imo kamatooran sa daku nga katilingban.

11 Ikaw, Iehoba, ayaw paghawiri sa akon ang imo mga kalooy;

Magbantay sa akon gihapon ang imo kalooy kag ang imo kamatooran.

12 Kay ginalibutan ako sing mga kalaut nga indi maisip;

Inabutan ako sang akon mga kalautan, sa bagay nga indi ako makakita sa ila;

Nagadalamu sila labi pa sa mga buhok sang akon olo, kag binayaan ako sang akon tagiposo.

13 Oh Iehoba, magmahamuut ka pagluwas sa akon;

Iehoba, dali-ka sa pagtabang sa akon.

14 Manginmahuy-an kag magpalamula sila sing tingub,

Ang mga nagapalangita sa paglaglag sang akon kabuhi;

Mag-ilosol kag magmanginwalay dungug

Ang mga nagahandum sang akon kalainan.

15 Pagpamanason sila sa bayad kunta bangud sang ila pagpasipala,

Ang mga nagasililing sa akon: "¡ Ha! ¡ Ha!"

16 Maghulugyaw kag magkalalipay sa imo ang tanan nga nagapangita sa imo;

Kag magsiling gihapon sa mga naghigugma sang imo kaluwasan:

"Pagdayawon kunta si Iehoba."

17 Apang nalisdan ako kag nasit-an;

Si Iehoba magahunahuna sa akon.

Kabulig ko kag mamamawi ko ikaw.

Dios ko, ayaw ka pagdugay.

Ang Dios nagaalila sa mga imol.—Si Dabid nagapanalabitan sang kalautan sang iya mga kaaway, kag nagapanagayo sa Dios sang kaluwasan.

*Sa Pangolo nga musiko. Salmos ni Dabid.*

**41** BULAHAN ang nagaalila sa maluya;

Sa dag-on sang kalainan pagabuhian sia ni Iehoba.

2 Pagabantayan sia ni Iehoba kag pagabuhion sia.

Magamanginbulahan sia sa duta;

Kag indi mo sia igtugyan sa kabubuton sang iya mga kaaway.

3 Pagaagubayon sia ni Iehoba sa higdaan sang kasakit;

Pagapabalhinon mo ang bug-os niya nga higdaan sa iya balatian.

4 Ako nagsiling: Iehoba, malooy-ka sa akon:

Ayoha ang akon kalág, kay nakasalá ako batok sa imo.

5 Ang akon mga kaaway nagahambal sing malain batok sa akon,

*Nga nagapamangkot:* "¡ San-o pa sia bala mamatay, kag madula ang iya ngalan?"

6 Kag kon nagakari sia sa pagduaw sa akon, nagapamolong sia sing kabutigan;

Ang iya tagiposoon nagatumpok nga sa iya gid sang kalautan;

Kag sa nakagowa sa luwas, ginapamolong niya ini.

7 Ang tanan nga mga nagadulumut sa akon, nagahilnutikay sing tingub batok sa akon;

Nagapaladugi sila sang makadaut batok sa akon:

8 "Butang nga makamamatay nagabut sa iya,

Kag ang napukan sa higdaan, indi na makabangon liwat."

9 Bisan pa ang tawo nga akon kahidaet, nga akon ginasaligan, nga naga-kaon sang akon tinapay,

Ginabayaw niya batok sa akon ang iya tikod.

10 Apang ikaw, Iehoba, malooy-ka sa akon, kag pabangona ako,

Kag magbayad ako kunta sa ila.

11 Sa sini ginakilala ko nga nakapahamuut ako sa imo,

Kon ang akon kaaway indi maghugyaw batok sa akon.

12 Kag ako, ginaagubay mo ako sa akon pagkalubus,

Kag ginapahamtang mo ako sa atubangan mo sa gihapon.

13 Magmangindalayawon si Iehoba, ang Dios ni Israel,

Sa mga tinuig sang mga katuigan.

Kabay pa kag kabay pa.

## TOLON-AN II.

Ang manugsulat nagahandum sing mainit gid sa pag-alagad sa Dios sa iya Simbahan.

*Sa Pangolo nga musiko. Maskil sang mga anak ni Kore.*

**42** SILING nga ang usá nagaima tungud sang kasulgan sang mga tubig,

Subung man nagatuaw tungud sa imo, Oh Dios, ang kalág nakon.

2 Ang akon kalág may kauhaw sa Dios, sa Dios nga buhi;

¡ San-o ako magakari kag magaatubang sa Dios?

3 Ang akon mga luha amo ang akon tinapay sa adlaw kag sa gab-i,

Kag ginasilingan ako nila sa bug-os nga adlaw:

"¡ Diin bala ang imo Dios?"

4 Pagapanumdumon ko ini, kag pagaiula ko sa akon ang akon kalág:

Kon paano nga nag-upud ako sa ka-



dam-an kag nagdul-ong ako sa iya sa baláy sang Dios,

Nga may tingug sa kalipay kag sa pagdayaw sang kadam-an, nga nagahilunugyaw.

5 ¿Kay nga bala nagadunguk ka, oh kalág ko,

Kag nagakalisang ka sa akon?

Hulat-ka sa Dios; kay pagadayawon ko pa sia

Tungud sang kaluwasan sang iya nawung.

6 Dios ko, ang akon kalág nagadunguk sa akon,

Ngani nagapanumdum ako sa imo nayon sa duta sang Iordan,

Kag kutub sa mga Hermon, nayon sa bukid sa Misar.

7 Ang isa ka kaidadalman nagatawag sa isa ka kaidadalman, sa kagahud sang iya mga kasulgan.

Ang tanan mo nga mga hanol kag ang tanan mong kabakoloran naglalapaw sa akon.

8 Pagasogoon ni Iehoba ang iya ka-looy sa kaadlawon,

Kag sa kagab-ihon ang iya ambahanon mangin yari sa akon,

Ang pagpangamuyo sa Dios sang akon kabuhi.

9 Magasiling ako sa Dios: "Batong bantiling nakon,

¿Nga bala nalimtan mo ako? ¿Nga bala nagalalaw ako tungud sang pagpigog sang kaaway?"

10 Ang akon mga kaaway nagapaspala sa akon kag ginadogmok nila ang akon mga tulan,

Sang nagasiling sila sa bug-os nga adlaw: "¿Diin bala ang imo Dios?"

11 ¿Nga bala nagadunguk ka, kalág ko?

Kag ¿nga bala nagakalisang ka sa akon?

Maghulat-ka sa Dios, kay pagadayawon ko pa sia,

Sia nga amo ang kaluwasan sang akon nawung kag ang akon Dios.

Pangamuyo sang manugambahan, agud nga pag-dalhon sia sa Puluy-an nga balaan.

**43** HUKMI ako, oh Dios, kag tabangi ang akon kasaba, batok sa katawohan nga banyaga;

Luwasa ako sa tawo nga madaya kag madauton.

2 Kay ikaw amo ang Dios sang akon kabakuran. ¿Kay nga bala ginsikway mo ako?

¿Kay nga bala nagalalaw ako tungud sa pagpigog sang kaaway?

3 Ipadala ang imo kapawa kag ang imo kamatooran; ini *sila* magtuytuy sa akon;

Magmando sila sa akon sa bukid sang imo pagkabalaan,

Kag sa imo mga puluy-an.

4 Niyan magasulúd ako sa halaran sang Dios,

Sa Dios nga amo ang kasadya sang akon kalipay;

Kag pagadayawon ko ikaw nga may arpa, oh Dios, Dios ko.

5 ¿Nga bala nagadunguk ka, oh kalág ko,

Kag nga nagakalisang ka sa akon?

Maghulat-ka sa Dios, kay pagadayawon ko pa sia,

Sia nga amo ang kaluwasan sa akon nawung kag sang akon Dios.

Ang banwa sang Dios nagapahanumdum sang mga kaayohan nga nagligad.—Nagaampo sia nga manginluwas sa mga kalautan nga karon.

*Sa Pangolo nga musiko. Sang mga anak ni Kore. Maskil.*

**44** OH Dios, nakabati kami sang amon mga idulungug, ginpanugid sa amon sang amon mga ginikanan, Ang buhat nga ginhimo mo sa ila mga kaadlawan, sa daan nga mga dagon.

2 Ikaw, gintabog mo sang imo kamut ang *iban* nga mga katawohan, apang pinananum mo sila;

Ginlaglag mo ang *iban* nga mga banwa, apang pinapaaplaag mo sila.

3 Kay walâ nila maiya ang duta sang ila hinganiban,

Kag walâ man sila maluwas sang ila butkon;

Kondi sang imo too, kag sang imo butkon kag sang kapawa sang imo nawung,

Kay nahamut-an mo sila.

4 Ikaw, oh Dios, amo ang akon hari; Magsogo ka sing mga kaluwasan kay Iakob.

5 Sa imo pagasungayon namon ang amon mga kasumpung;

Sa imo ngalan pagapanlapakon namon ang mga nagatilindug batok sa amon.

6 Kay walâ ako magasalig sa akon pana,

Kag ang akon hinganiban indi man makaluwas sa akon.

7 Kay ikaw nagabantay sa amon sa amon mġa kaaway,

Kag pinakahuyan mo ang mġa nagadumut sa amon.

8 Sa Dios nagahimaya kami sa adlaw-adlaw,

Kag sa gihapon pagaologon namon ang imo ngalan. Sela.

9 Apang ginasiway mo kami, kag ginapakahuy-an mo kami,

Kag walâ ka magagowa sa amon mġa kasoldadosan.

10 Ginapaisol mo kami gikan sa kasumpung,

Kag ang mġa nagadulumut sa amon, nagkuluha sing hinublas.

11 Ginabutang mo kami nġa kalan-on subung nġa mġa obeha,

Kag ginapaaplaag mo kami sa tunġa sang katawohan.

12 Ginabaligya mo ang imo banwa sa walay bili,

Kag walâ mo pagpakamahala sila sa mataas nġa bili.

13 Ginahimo mo kami nġa iligoon sang pasipala sang amon mġa kasilingan,

Nġa kaladlawan kag luyubitan sa mġa nagalilibot sa amon.

14 Ginahimo mo kami nġa hulobaton sang katawohan,

Nġa talangotalangoan sang mġa kabanwaan.

15 Sa adlawadlaw ang akon pasipala yari sa atubangan nakon,

Kag natabunan sang kahuluy-an ang akon guya,

16 Sa tingug sang nagapakahuya kag nagabuyayaw sa akon,

Bangud sang kaaway kag sang nagapanimalus.

17 Tanan ini nag-alabut sa amon, kag kami walâ malimut sa imo,

Kag walâ kami nangindimatutum sa imo katipan ;

18 Walâ man magtalikod ang amon tagiposoon,

Bisan magisol ang amon mġa tikang sa imo banas,

19 Sa pagboong mo sa amon sa duug sang mġa sakal,

Kag sa paglikup mo sa amon sang landong sang kamatayon.

20 Kon nakalimut kami sa ngalan sang amon Dios,

Kon ginbayaw namon ang amon mġa kamut sa Dios nġa dumuluong,

21 ;Indi bala pagusisaon ini sang Dios?

Kay ginakilala niya ang mġa ginalikman sang tagiposoon.

22 Apang, bangud sa imo, ginapatay kami sa adlawadlaw,

Ginakabig kami nġa mġa obeha nġa sa ihawan.

23 Pagmata-ka, ;nġa bala nagakatalog ka, Ginoo?

Bangon ka, ayaw ka pagpalayô sa gihapon.

24 ;Kay nġa bala ginatago mo ang imo nawung,

Kag ginakalimtan mo ang amon kalislanan, kag ang pagpigos sa amon?

25 Kay ang amon kalág nagadunguk tubtub sa yab-ok,

Ang amon lawas nagaduut sa duta.

26 Pagbangon-ka sa pagbulig sa amon, Kag tubsa kami tungud sang imo bugay.

Pagtalastas nġa manalagpaon sang paghiliusa nġa espirituhanon ni Kristo kag sang iya iglesia.

*Sa Pangolo nġa musiko. Sa Sosanim. Sang mġa anak ni Kore. Maskil. Ambahanon sa gugma.*

**45** NAGAPAAWAS ang akon tagiposoon sang polong nġa magayon ;

Nagasing ako : Ang akon mġa binuhatan mangin sa hari :

Ang akon dila manginpluma sang madasig nġa manugsulat.

2 Magayon ka labi pa sa mġa anak sa mġa tawo.

Ang bugay nagaagay sa imo mġa bibig ;

Nġani, ginapakamaayo ka sang Dios sa gihapon.

3 Itaklus-mo ang imo hinganiban sa imo hawak, oh Maisug,

Nġa amo ang imo himaya kag ang imo pagkahalangdon.

4 Kag sa imo pagkaharianon, lakat-ka sa pagdaug, idoso ang imo kanga,

Bangud sang kamatooran kag sang katarungan nġa maloloy-on ;

Kag magtudlo sa imo ang imo too sang mġa butang nġa makanġilidlis.



5 Ang imo mġa baslay mġa matalum,  
Ang mġa kabanwaanang magakalapukan sa idalum nimo ;

*Pagapilason nila ang tagiposoon sang mġa kaaway sang hari.*

6 Ang imo lingkoran nġa harianon, oh Dios, nagapadayon sa gihapon kag walay katapusan.

Patok nġa harianon sang katarunġan ang patok nġa harianon sang imo gin-harian.

7 Ginhigugma mo ang katarunġan, kag ginadumtan mo ang kalautan ;

Nġani hinaplas ka sang Dios, sang Dios mo,

Sing lana sa kalipay, labi pa sa imo mġa kaupdanang.

8 Ang tanan mo nġa mġa panapton *nagapalanghamut* sing mira, sing aloe kag kasia,

Sa mġa hulut nġa tiposo, diin nġa ginhugyaw ka nila nġa mġa may kinuskus.

9 Ang mġa anak nġa babae sang mġa hari sa tunga sang imo mġa babae nġa dunganon ;

Yara ang hari nġa babae sa imo too nġa nahuyasan sang bulawan sa Opir.

10 Pamati-ka, anak nġa babae, kag tuluk-ka, kag ilingġi ang imo idulungug,

Kag limuti ang imo banwa, kag ang balay sang imo amay ;

11 Kag paghandumon sang hari ang imo kagayonan,

Kag yaub-ka, kay sia amo ang imo ginoo.

12 Kag ang anak nġa babae sa Tiro, yadto didto nġa may dŏlot.

Magapalangabay sang imo pagbulig ang mġa mangaronon sang banwa.

13 Ang anak nġa babae sang hari sa sulud sang puluy-an, tanan sia mahimayaon :

Hinabol nġa bulawan ang iya panap-ton.

14 Nġa may mġa *panapton* nġa binordahan pagadalhon sia sa hari ;

Sa olehe niya *nagasulunud ang* mġa ulay nġa babae,

Nġa iya mġa kaupdanang nġa babae, nġa ginpakari sa imo.

15 Pagapandalhon sila nġa may paghugyaw kag pagkalipay ;

Magasululud sila sa balay nġa hari-anon sang hari.

16 Sa baylo sang imo mġa ginikangan manginimo mġa anak ;

Yadto sila pagahimoon mo nġa mġa dunganon sa bug-os nġa duta.

17 Himoon ko nġa pagapanumdumon ang imo nġalan sa tanan nġa mġa kaliwatan.

Tunġud sina pagadayawon ka sang kabanwaanang, sa walay katapusan kag sa gihapon.

Himpit nġa pagsalig sang mġa nagatoloo sa Dios.

*Sa Pangŏlo nġa musiko. Sang mġa anak ni Kore. Sa Alamat. Ambahanon.*

**46** ANG Dios amo ang amon dalangpan kag ang *amon* kuta,

Ang isa ka kabulig nġa makita nġa gamhanang sa mġa kalisdanang.

2 Nġani indi kami mahadluk, bisan magbaliskad ang duta,

Bisan maghuyung ang mġa kabukiran nġa *malusud* sa alibutod sang dagat ;

3 Bisan maghalagunung kag magdalakaldakal ang mġa tubig,

Bisan magkulurug ang mġa kabukiran bangud sang iya bugal. Sela.

4 May suba nġa ang iligan niya nagapalipay sa banwa sang Dios,

Nġa amo ang duug nġa balaan sang mġa puluy-an sang Labing-Mataas.

5 Ang Dios yara sa tunga niya, indi sia mationg :

Ang Dios magabulig sa iya sa pagpamanagbanag sang kaagahon.

6 Nagagalahud ang mġa katawohan, nagahulangay ang mġa ginharian :

Nagakatinġug sia, nagakatunaw ang duta.

7 Si Iehoba sang Sebaot yari kaupud namon ;

Ang amon dalangpan amo ang Dios ni Jakob. Sela.

8 Kari-kamo, tan-awa-ninyo ang mġa binuhatang ni Iehoba,

Nġa nagabutang sing kahapayan sa duta.

9 Nġa nagapatunung sa mġa pagilinaway tubtub sa ukbung sang duta,

Nġa nagabali sang pana, nagautud sang bangkaw,

Kag nagasunug sang mġa kanga sa kalayo.

10 "Pahimuyung-kamo, kag kilalahaninyo, nġa ako amo ang Dios,

Nġa pagapalabawon ako sa ibabaw sang mġa katawohan, pagapalabawon ako sa duta."

11 Si Iehoba sang Sebaot yari kaupud namon ;

Ang amon dalangpan amo ang Dios ni Iakob. Sela.

Ang pagdaug sang giharian sang Dios.

*Sa Panğolo nga musiko. Sang mga anak ni Kore. Ambahanon.*

**47** TANAN nga mga banwa, pala-makpak kamo sang mga kamut ; Hinugyaw kamo sa Dios sa tingug sang pagdaug.

2 Kay si Iehoba, ang labing Mataas, kalahadlukan sia ;

Daku sia nga hari sa ibabaw sang bug-os nga duta.

3 Ginapasakup niya ang kabanwaan so aton,

Kag ang katawohan sa idalum sang aton nga tiil.

4 Sia nagapili sa aton sang mga palanublion,

Nga himaya ni Iakob, nga iya hini-gugma. Sela.

5 Ang Dios nagasaka nga may hinug-yaw,

Si Iehoba sa tunug sang budyong.

6 Ologa-ninyo ang Dios, ologa-ninyo ; Ologa-ninyo ang aton hari, ologa-nin-yo.

7 Ang Dios amo ang hari sang bug-os nga duta ;

Ologa-ninyo nga may kaalam.

8 Ang Dios nagahari sa mga katawohan,

Limingkod ang Dios sa ibabaw sang iya balnan nga lingkoran nga harianon.

9 Ang mga dunganon sang kabanwaan nagasilimpon

Sa banwa sang Dios ni Abraham,

10 Kay iya sang Dios ang mga kalasag sang duta :

Sia tuman gid ka taas.

Kagayonan kag mga pinasahi nga bugay sang Ierusalem.

*Ambahanon. Salmos sang mga anak ni Kore.*

**48** DAKU si Iehoba, kag tuman gid ka takus nga pagdayawon,

Sa banwa sang aton Dios, sa bukid sang iya pagkabalaan.

2 Magayon sa kataason, ang kalipay sang bug-os nga duta,

Amo ang bukid nga Sion, sa kaluyohan sang Aminhan,

Ang banwa sang daku nga hari,

3 Nga sa iya mga balay nga harianon ginakilala ang Dios nga dalangpan.

4 Kay yari karon, ang mga hari sa duta nagtilipon didto,

Nagtalaliwan sila nga tanan.

5 Kag nakit-an nila sia, kag sa gilayon nagkalatingala sila,

Nagkalalisang kag nagdalidali sila sa pagpalagyo.

6 Didto inabut sila sing pagkurug, sing kasakit subung sang babae, nga na-gaanak.

7 Sa hangin nga Timug ginaboong mo ang mga sakayan sa Tarsis.

8 Ang nabatian namon, ini amo ang nakit-an namon,

Sa banwa ni Iehoba sang Sebaot, sa banwa sang amon Dios :

Ginapalig-on sia sang Dios sa giha-pon. Sela.

9 Ginahulat namon ang imo kalooy, oh Dios,

Sa tunga sang imo Simbahan.

10 Sono sang imo ngalan, oh Dios, Amo man ang kadayawan mo tubtub sa ukbung sang duta ;

Ang imo too punô sang katarungan.

11 Magkalipay ang bukid sa Sion, Maghulugyaw ang mga anak nga bae ni Iuda,

Tungud sang imo mga paghukom.

12 Maglakat-kamo sa kilid sang Sion, kag libuton-ninyo sia :

Isipa-ninyo ang iya mga tore,

13 Pamalandonga-ninyo ang kabakuran sang iya mga kuta,

Tuluka-ninyo ang iya mga balay nga harianon,

Agud nga igpanugid ninyo ini sa kaliwatan nga palaabuton.

14 Kay ining Dios amo ang aton Dios sa gihapon kag sa gihapon.

Sia magamando sa aton sa ibabaw sang kamatayon.

Kabuangan ang pagsalig sa mga mangad.

*Sa Panğolo nga musiko. Sang mga anak ni Kore. Ambahanon.*

**49** PAMATII-ninyo ini, mga banwang tanan ;

Linga-ninyo, tanan kamo nga mga pumuluyô sang kalibutan,



2 Kamo nġa mġa timawa, subung man kamo nġa mġa halangdon,

Ang mangaranon kag ang imol sing tingub gid.

3 Ang akon bġbġ magapamolong sing kaalam,

Kag ang pamalandong sang akon tagiposoong manginsaihibalo.

4 Pagailingi ko sa mġa halimbawa ang akon idulungug;

Pagasaysayon ko sa arpa ang akon paktakon.

5 ; Nġaa bala magakahadluk ako sa mġa adlaw sang kalautan,

Kon ginalibutan ako sang kalainan sang mġa nagakilitin sa akon?

6 Sila ngasalalig sa ila mġa kahimtanġan,

Kag nagapalabugal sa kabugana sang ila mġa mangad;

7 Walġ sing sin-o nġa sarang sa bisan ano nġa bagay makatubus sa iya utud,

Bisan maghatag sa Dios sang iya gawad.

8 Kay ang katubsanan sang iya kabuhi lakas gid ka mahal,

Kag kinahanglan nġa magpangindi sia

9 Sa pagkabuhi sa gihapon gid,

Kag nġa indi magtan-aw sia sang lulubnġan;

10 Kay makit-an niya sia. Naga-kalamatay ang mġa maalam;

Ang buangbuang kag ang kulangkulang nagakawġlġ sila nġa alangay gid,

Kag ginabilin nila sa iban ang ila mġa mangad.

11 Sa sulud nila, nagahunahuna sila nġa ang ila mġa balġ manginwalay katapusan,

Kag ang ila mġa puluy-an sa kaliwatan kag sa kaliwatan.

Ginahingalanan nila sang ila nġalan ang ila mġa duta.

12 Apang ang tawo sa iya kadunganan walġ magapadayon;

Kaangay sia sa mġa sapat nġa nagakalawġlġ.

13 Amo ini ang ila dalan: may kabuang sa ila;

Walay sapayan, ang mġa nagasulunud sa ila, nagakalahamuut sa ila mġa pinolongan. Sela.

14 Subung sa mġa pinanong nġa kahayupan pagaibutang sila sa lulubnġan;

Ang kamatayon nagahabhab sa ila, Kag ang mġa matadlung manginginoos sa ila sa kaagahon,

Kag ang ila kagayon pagapahagason sa lulubnġan, nġa malayġ sa ila puluy-an.

15 Apang ang Dios magatubus sang akon kabuhi sa gahum sang kamatayon,

Kay iya ako pagakuhaon. Sela.

16 Busa indi ka mahadkuk kon may sin-o nġa nagamangaranon,

Kon magukad ang himaya sang iya balġ;

17 Kay sa pagkamatay niya, walġ gid sia sing pagadalhon,

Bisan magpanaug sa *olehe niya* ang iya himaya.

18 Bisan pa sa magakabuhi sia, naga-pakamaayo sia sa iya kalġ,

Kag nġa pagdayawon ka nila, kay nagapakabulahan ka,

19 Magasimpon ka sa kaliwatan sang imo mġa ginikanan,

Nġa indi na gid sila makakita sing kapawa sa gihapon.

20 Ang tawo nġa yara sa kadunganan, nġa walay ihibalo,

Mangisubung sia sang mġa hayup nġa nagakalawġlġ.

Pagahukman sang Dios ang kalibutan.—Sia maluyag sang pagkamatinumanon kag indi sang halad.

*Salmos ni Asap.*

**50** ANG Makagagahum, ang Dios, si Iehoba, nagapamolong,

Kag gintawag niya ang duta gikan sa Sidlangan tubtub sa Katundan.

2 Sa Sion, nġa kahimpitan sang kagayonan,

Ang Dios nagapakita sang iya sidlak.

3 Ang aton Dios nagakari kag walġ magahipus;

Kalayo nagaupud sa atubangnan niya, Kag sa libot niya may daku nġa bagyo.

4 Ginatawag niya ang mġa langit sa ibabaw,

Kag ang duta, sa paghukum sa iya banwa:

5 "Tipuna-ninyo sa akon ang akon mġa balaan,

Ang mġa nakigkatipan sa akon sa halad."

6 Kag igabantala sang kalangitan ang iya katarungan;

Kay ang Dios gid amo ang hukom. Sela.

7 Pamati-ka, banwa nakon, kag magapamolong ako,

*Pamatii*, Israel, kag magapamatuud ako sa tungâ nimo.

Ako amo ang Dios, ang imo Dios.

8 Walâ ko ikaw pagasabdonga tungud sang imo mġa halad;

Ang imo mġa halad nġa sinunog yari gihapon sa atubangan nakon.

9 Walâ ako magakuha sa imo baláy sang tinday nġa lalaki sang baka,

Bisan ang mġa kanding nġa lalaki sa imo mġa palasudlan.

10 Kay akon ang tanan nġa kasapatan sa talon,

Kag ang mġa kasapatan sa linibo nġa mġa bakolod.

11 Ginakilala ko ang tanan nġa mġa pispis sa kabukiran,

Kag ang mġa nagadalayan sa latagon.

12 Kon ako kunta paggutumon, indi ko ini pagisiling sa imo,

Kay akon ang kalibutan kag ang iya kabug-osan.

13 ¿Magakaon ako ayhan sang unud sang baka,

Kon magainum ako sang dugo sang mġa kanding nġa lalaki?

14 Maghalad-ka sa Dios sing halad sa pagdayaw,

Kag tumanon-mo ang imo mġa saad sa Labing-Mataas.

15 Kag tawgon-mo ako sa adlaw sang kalisdanan:

"Pagaluwason ko ikaw, kag ikaw magahimaya sa akon."

16 Apang, sa malaut nagasiling ang Dios:

"¿Ano ang paghimoon mo bala sa pagpanugid sang akon mġa palatukuran,

Kag paghuput sang akon katipan sa imo bâbâ,

17 Nġa ginadumtan mo ang pagsaway,

Kag ginatalikdan mo ang akon mġa polong?

18 Kon makita mo ang makawat, nagadalagan ka kaupud sa iya,

Kag yara ang bahin mo sa mġa maki-hilahion.

19 Ang imo bâbâ ginatugyan mo sa kalainan,

Kag ang imo dila nagapatok sing limbong.

20 Kon nagalingkod ikaw, nagahambal ikaw batok sa imo útud,

Kag nagapasipala ka sa anak nġa lalaki sang imo ilóy.

21 Yari karon, ini nġa mġa butang

ginhimo mo; kag tungud kay naghipus ako,

Nagahunahuna ikaw nġa, sa pagkamatuud, manginsubung ako sa imo.

Pagasawayon ko ikaw, kag ibutang ko ining tanan sa atubangan sang imo mġa mata.

22 Busa talastason-ninyo ini, kamo nġa nagakalalimot sa Dios,

Basi kon pag-agawon ko kamo, kag walay sin-o nġa magluwas.

23 Ang nagahalad sing pagdayaw, nagahimaya sa akon;

Kag ang nagahusay sing igo sang iya dalanon,

Igapahayag ko sa iya ang kaluwasan sang Dios."

Si Dabid nagatuad sang iya sala kag nagapangabay sa Dios nġa patawaron sia kag baylohan ang iya tagiposoan.

*Sa Panġolo nġa musiko. Salmos ni Dabid; sang nakasulud na sia kay Batsaba, kag nag-abut sa iya si Natan nġa manalagna.*

**51** KALOORYI ako, oh Dios, sono sa imo kalooy;

Sono sa kadamuon sang imo bugay, panasa ang akon mġa paglalis.

2 Hugasi ako sing himpit gid sang akon kalautan,

Kag tinloi ako sang akon salâ.

3 Kay ginakilala ko ang akon mġa paglalis,

Kag ang akon salâ yari gihapon sa atubangan nakon.

4 Sa imo, sa imo lamang nakasalâ ako,

Kag nahimo ko ang malain sa atubangan sang imo mġa mata;

Sa bagay nġa pagkilalahon ikaw nġa matarung sa imo polong,

Kag putli kon ikaw maghukom.

5 Yari karon, sa kalautan natawo ako,

Kag sa salâ ginpanamkon ako sang akon ilóy.

6 Yari karon, ikaw nagahigugma sang kamatooran sa tagiposoan;

Kag sa tago ginapahanġup mo ako sing kaalam.

7 Ulaya ako sang isopo, kag manginmatinlo ako;

Hugasi ako, kag manginmaputi ako labi sang niebe.



8 Papamatia ako sang himaya kag kalipay,

Agud nga magkalalipay ang mga tul-an, nga imo ginboong.

9 Palipdi ang imo nawung sa akon mga salâ,

Kag panasa ang tanan nakon nga mga kalainan.

10 Tugaha sa akon, oh Dios, ang isa ka kasingkasing nga matinlo;

Kag bag-oha ang isa ka espiritu nga matadlung sa sulúd nakon.

11 Ayaw ako pagtabuga sa atubangan mo,

Kag ayaw pagkuhaa sa akon ang imo balaan nga Espiritu.

12 Iuli sa akon ang kalipay sang imo kaluwasan;

Kag ang espiritu nga nahanda sa maayo, mag-agubay sa akon.

13 Niyan pagaitudlo ko sa mga malalison ang imo mga dalanon;

Kag ang mga makasasalâ magliliso sa imo.

14 Luwasa ako sa dugo nga pinatolo, oh Dios, Dios sang akon kaluwasan.

Mag-ambahan ang akon dila sang imo katarungan.

15 Ginoo, patikaba ang akon mga bibig,

Kag magbantala ang akon bâbâ sang imo kadayawan.

16 Kay walâ ka magakawili sang mga halad, nga pagaihalad ko sa imo:

Walâ ka mahamuut sang halad nga sinunog.

17 Ang mga halad sang Dios among espiritu nga mahinulsulon.

Ikaw walâ magatamay sang tagipsoon

Nga boong kag masulub-on, oh Dios.

18 Himoa ang maayo sa Sion sa imo maayo nga luyag;

Patinduga ang mga kuta sa Ierusalem.

19 Niyan magapawili sa imo ang mga halad sa katarungan,

Ang halad nga sinunog,

Kag ang halad nga sinunog sing bugos;

Niyan pagaihalad nila sa ibabaw sang imo halaran ang mga tinday sang baka.

Si Dabid nagatagna sang kalaglagan sang mga malaut, kag nagasalig sa Dios.

*Sa Panğolo nga musiko. Maskil ni Dabid, sang pag-abut ni Doeg, nga Iduminhon, nga nagpahibalo kay Saul, nga nagasiling: "Si Dabid nag-abut sa baláy ni Ahimelek."*

**52** KAY nga bala nagahimaya ka sa kalainan, oh maisug?

Ang kalooy sang Dios dayon gid.

2 Mga pagdaut ginapadugi sang imo dila,

Subung sang labaha nga matalum, ikaw nga nagahimo sing limbong.

3 Ginahigugma mo ang malain labi sang maayo:

Ang butig, labi sang polong sang katarungan. Sela.

4 Ginahigugma mo ang tanan nga mga pololongon nga madauton,

Malimbongon nga dila.

5 Ang Dios man magalaglag sa imo sa gihapon:

Pagadakpon ka niya, kag pagahulbuton ka niya sa imo puluy-an,

Kag pagapanason ka niya sa duta sang mga buhi. Sela,

6 Kag magatalan-aw ang mga matarung sa iya, kag magakalahadluk sila,

Kag magakaladlaw sila sa iya, nga nagasiling:

7 "Yari karon, ang tawo nga walâ maghimo sa Dios nga kapag-unan niya,

Kondi nga nagsalig sia sa kadamuon sang iya nga mangad,

Kag nagpakalig-on sia sa iya kalautan."

8 Apang yari ako subung sang lum-bay nga oliba sa baláy sang Dios;

Sa kalooy sang Dios nagasalig ako sa gihapon kag sa walay katapusan.

9 Pagadayawon ko ikaw sa gihapon tungud sang imo ginahimo;

Kag magahulat ako sa iya imo ngalan, kay maayo sia, sa atubangan sang imo mga balaan.

Pagkamalaut kag pagkadunot sang mga tawo.

*Sa Panğolo nga musiko. Sa Mahalat. Maskil ni Dabid.*

**53** NAGASILING ang buangbuang sa iya tagiposoon: "Walay Dios."

Nagkaladunot sila, kag ginhimo nila nga kalangil-aran ang ila kalautan.

Walâ sing sin-o nga nagahimo sing maayo.

2 Ang Dios kutub sa kalanġitan nagatamud sa mġa inanak sang mġa tawo, Sa pagtan-aw kon may iban nga mahantupon, nga nagapangita sa Dios.

3 Ang tagsatagsa nagtalikod : ang tanan nagkaladunot.

Walâ sing sin-o nga nagahimo sing maayo, walay bisan isa lang.

4 ¿ Walâ bala sing pagkilala ining tanan nga nagahimo sing kalautan?

Ginkaon nila ang akon banwa, subung sang pagkaon nila sang tinapay ;

Sa Dios walâ sila magpalanawag.

5 Sa diin walâ sing kalahadlukan, magakulurug sila sa kahanġawa ;

Kay pagaiwaraag sang Dios ang mġa tul-an sang nagapatindug sing dulugan batok sa imo.

Pagapakahuy-an mo sila, kay ang Dios nagasikway sa ila.

6 ¡ Oh, san-o magaabut kutub sa Sion ang mġa kaluwasan sa Israel !

Kon pagpapaulion sang Dios ang mġa bihag sang iya banwa,

Magahimaya si Iakob kag magakali-pay si Israel.

Panġamuyo ni Dabid, agud luwason sia.

*Sa Panġolo nga musiko. Sa Neginot. Maskil ni Dabid, sang pag-abut sang mġa Sipinhon kag nagsililing kay Saul : "¿ Walâ bala si Dabid magapanago sa aton duta ?"*

**54** OH Dios, luwasa ako tungud sang imo nġalan,

Kag sa imo gahum hukmi ako.

2 Oh Dios, pamatii ang akon panġamuyo,

Dunga ang mġa katarunġan sang akon bâbâ.

3 Kay ang mġa dumuluong nagatindug batok sa akon,

Kag ang mġa malugus nagapalangita sang akon kabuhi :

Walâ nila ginapahamtang ang Dios sa atubangġan nila. Sela.

4 Yari karon, ang Dios amo ang naga-bulig sa akon,

Ang Ginoo yara sa mġa nagaagubay sang akon kabuhi.

5 Sia magauli sang malain sa akon mġa kaaway ;

Papasa sila sono sang imo kamatooran.

6 Sa kabubut-on gid magahalad ako sa imo ;

Pagadayawon ko ang imo nġalan, oh Iehoba, kay maayo sia.

7 Kay ginaluwas niya ako sa tanan nga kalisdanan ; kag ang akon mata nagapahuway sa akon mġa kaaway.

Si Dabid nagapanghakroy sang kalainan sang iya mġa kaaway, nagapadayon sa pagpanġamuyo kag nagasalig sa Dios.

*Sa Panġolo nga musiko. Sa Neginot. Maskil ni Dabid.*

**55** DUNGA, oh Dios, ang akon panġamuyo,

Kag indi ka magpanago sa akon pagampo.

2 Talupangda ako, kag sabta ako.

Ginakugmat ako sa akon panghakroy, kag nagatuaw ako,

3 Bangud sang tingug sang kaaway,

Kag sa atubangġan sang pagpigis sang Madauton ;

Kay ginahaboy nila sa ibabaw nakon ang kalainan,

Kag sa kasingkal ginalagas nila ako.

4 Ang akon tagiposoon masinakiton sa sulúd nakon.

Kag mġa kakugmat sa kamatayon nagkalaholog sa ibabaw nakon.

5 Kahadluk kag kurug nagdululut sa akon,

Kag ang kakugmat naglikup sa akon.

6 Kag nagsiling ako : ¡ Oh, kon may mġa pakpak pa lang ako subung sang salampati,

Magalupad ako kuntani, kag magapangita ako sing puluy-an !

7 Sa pagkamatuud magapalagyo ako kuntani sa malayô :

Magapuyô ako kuntani sa kahanayakan. Sela.

8 Magadalidali ako kuntani sa pagpalagyo sa isa ka palalipdan

Sa hanġin nga buhawihon, sang unos.

9 Gub-a, oh Ginoo, pihakpihaka ang dila nila ;

Kay nakita ko ang linugusay kag binanġig sa banwa.

10 Ginalibot nila sia sa ibabaw sang iya mġa kuta sa adlaw kag sa gab-i,

Kag may kalautan kag pangabudlay sa tungâ niya ;

11 May mġa pagdaut sa tungâ nila,

Kag ang pagpigis kag ang limbong walâ pagpalayô sa iya mġa nakawaan.



12 Kay walâ magapasipala sa akon  
ang isa ka kaaway,

Nga kuntani sia napasaylo ko ;

Kay indi sia ang nagadumut sa akon,  
ang nagatindug batok sa akon,

Makapanago ako kunta sa iya ;

13 Apang ikaw, tawo nga ginpaka-  
angay ko sa akon,

Nga kaupud ko kag pinakahirup ko  
nga abyan :

14 Nga tingub kami nagapahayagay  
sing matam-is gid sang amon mga tinago,

Sa Balay sang Dios nagaupud kami  
sa kadam-an.

15 ; Ang kahapayan sa ibabaw nila !

Magpalanaug sila nga mga buhi sa  
lulubngan,

Kay walay liwan kondi mga kalainan  
sa ila puluy-an, sa tungâ nila.

16 Apang ako magapanawag sa Dios,

Kag si Iehoba magaluwas sa akon.

17 Sa hapon, kag sa aga, kag sa  
udtong adlaw, nagapamalandong kag  
nagabakho ako,

Kag sia magapamati sang akon  
tingug.

18 Pagapagowaon niya ang akon ka-  
lâg sa paghidaet sa pag-awayan nga gi-  
nahimo batok sa akon ;

Kay ang mga batok sa akon madamu  
sila.

19 Ang Dios magapamati, kag maga-  
sabat sa ila,

Kay kutub pa sang kadaanan naga-  
padayon sia. Sela.

Tungud kay walâ sila pagliliwan,

Bisan nagakahadluk sila sa Dios,

20 Nga ginauntay nila ang ila mga  
kamut batok sa mga nagapakighidaet  
sa ila,

Nga ginalalis nila ang ila katipan.

21 Nagadanlog labi pa sang mantika  
ang ila mga pinolong,

Apang may inaway sa ila mga tagi-  
posoon.

Mahomok ang ila mga polong labi pa  
sang lana,

Apang sila mga sundang nga hublas.

22 Itungtung sa ibabaw ni Iehoba  
ang imo lulan, kag sia magaagubay sa  
imo :

Indi sia magtugut nga malingkang sa  
gihapon ang matarung.

23 Apang ikaw, oh Dios, magapa-  
panaug sa ila sa nadaluman sang lulub-  
ngan :

Ang mga tawo nga makidugoon kag

mga malimbongon indi sila makatungâ  
sang ila mga kaadlawan ;

Apang ako nagasalig sa imo.

i Dabid nagapanḡayo sa Dios nga luwason sia niya  
sa iya mga kaaway. Kag nagadayaw sa iya  
tungud sang mga kaluwasan nga nadanḡat niya.

Sa Panḡolo nga musiko. Sa "Mahipus  
nga salampati" sa duug nga malayô gid.  
Miktam ni Dabid, sang gindakup sia sang  
mga Pilistinhon sa Gat.

56 MALOORY ka sa akon, oh Dios,  
kay nagahimulat pagtukub sa  
akon ang mga tawo.

Sa adlawadlaw ginaaway nila ako,  
ginapigos nila ako.

2 Ginahimulatan ako pagtolon sang  
akon mga kaaway sa adlawadlaw ;

Kay madamu ang mga nagaaway  
batok sa akon nga may bugal.

3 Sa adlaw nga magakahadluk ako,

Ako magasalig sa imo.

4 Kag sa Dios pagadayawon ko ang  
iya polong ;

Sa Dios nagasalig ako, indi ako ma-  
gakahadluk.

¿Ano bala ang pagabuhaton sa akon  
sang unud ?

5 Sa tanan nga mga adlaw ginapatiko  
nila ang akon mga polong ;

Kon nagahulunahuna sila sa akon,  
amo gihapon nga sa kalainan.

6 Nagapoloot sila, ginapanilagan nila,  
kag ginatandaan ang akon mga tikang,

Kag nagahululat sila sang akon kabuhi.

7 ¿Makapalagyo bala sila tungud sang  
kalainan ?

Oh Dios, gub-a sa imo kasingkal ang  
mga banwa.

8 Ang akon mga pagbalikbalik gin-  
isip mo.

Isulud sa imo saro ang akon mga  
luha ;

¿Walâ bala sila sa imo tolon-an ?

9 Niyan pagapatalikdon ang akon  
mga kaaway, sa adlaw nga ako magpa-  
nawag.

Ini ginakilala ko, nga ang Dios yari  
sa akon.

10 Sa Dios, pagadayawon ko ang iya  
polong ;

Kay Iehoba pagadayawon ko ang iya  
polong.

11 Sa Dios nagasalig ako : indi ako  
mahadluk.

¿Anong pagahimoon bala sa akon sang tawo?

12 Sa ibabaw nakon, oh Dios, yara ang akon mġa ginpanaad;

Pagahalaran ko ikaw sing mġa pagdayaw.

13 Kay ginluwas mo ang akon kabuhi sa kamatayon,

Kag ang akon mġa tiil sa pagkabulaog,

Agud nġa maglakat ako sa atubangġan sang Dios

Sa Kapawa sang mġa nagakalabuhġ.

Si Dabid nagapanġayo sing panabang batok sa iya mġa kaaway, kag nagadayaw sa Ginoo.

*Sa Panġolo nġa Musiko. Sa "Ayaw paglaglaga." Miktam ni Dabid, sang pagpalagyo niya gikan sa atubangġan ni Saul pa lungib.*

**57** MALOORY-ka sa akon; oh Dios, malooy ka sa akon,

Kay sa imo nagapanilong ang akon kalág,

Kag nagapanilong ako sa landong sang imo mġa pakpak,

Tubtub nġa lumigad ang mġa kala-lat-an.

2 Nagapanawag ako sa Dios nġa Labing-Mataas,

Sa Dios nġa nagahuman sang tanan nġa sa akon.

3 Sia magapadalá kutub sa mġa langit, kag magaluwas sia sa akon.

Ang nagahimulat sa pagtolon sa akon, nagapasipala. Sela.

Ang Dios magapadalá sang iya kalooy kag sang iya kamatooran.

4 Ang akon kabuhi yara sa tunġa sang mġa leon;

Nagahigda ako sa tunġa sang mġa tawo nġa pinadabdab,

Sa mġa inanak sang tawo nġa ang ila mġa ngipon mġa bangkaw kag mġa baslay,

Kag ang ila mġa dila sundang nġa mataliwi.

5 Pakalabaw-ka sa ibabaw sang kalangġitan, oh Dios.

Ang imo himaya magmanġin sa ibabaw sang bug-os nġa duta.

6 Batong ang ginladlad nila sa akon mġa tikang,

Ginpaduko nila ang akon kalág;

Boho ginkutkut nila sa atubangġan nakon:

Sa tunġa niya nagkalaholog sila. Sela.

7 Nalig-on na ang akon tagiposoona, oh Dios, ang akon tagiposoona nalig-on na.

Buut ako magkanta, kag mag ambahan sing mġa salmos.

8 Mata-ka, oh himaya nakon; mataka, salterio kag arpa:

Pagapukawon ko ang pamanagbanag.

9 Pagadayawon ko ikaw sa mġa binanwabanwa, oh Ginoo.

Magaambahan ako sa imo sa mġa kabanwaan.

10 Kay daku tubtub sa mġa kalangġitan ang imo kalooy,

Kag tubtub sa mġa kapangġanuran ang imo kamatooran.

11 Pakalabaw-ka sa ibabaw sang kalangġitan, oh Dios:

Ang imo himaya mangġinsaibabaw sang bug-os nġa duta.

Ang Dios magasilot sang lubha sang mġa malaut, kag pagaluwason niya ang matarung.

*Sa Panġolo nġa musiko. Sa "Ayaw paglaglaga." Miktam ni Dabid.*

**58** ¿MATUUD bala? ¿Kamo naga-hilipus! ¿Indi bala ninyo kuntani igbantala ang katarungġan?

¿Indi bala ninyo kuntani paghukman nġa may katadlungġan, mġa inanak sang mġa tawo?

2 Kondi nġa, sa tagiposoona naga-hilimo kamo sing mġa kalautan:

Ginapakatadlung ninyo ang mġa paglugus sang inyo mġa kamut sa duta.

3 Nag-ilisol ang mġa malauton kutub sa tiyan nġa inilóy.

Nagtalalang kutub pa sa tiyan ang mġa butigon.

4 May dalit sila kaangay sang dalit sang man-ug;

Subung *sila* sang man-ug nġa bungul, nġa nagatakup sang iya idulungug,

5 Nġa walá magapamati sang tingug sang mġa manugwili,

Sang manughimalad nġa sampaton sa pagpamakot.

6 Oh Dios, boongġa ang ila mġa ngipon sa ila mġa bábá;

Boongġa, oh Iehoba, ang mġa bag-ang sang mġa leon nġa magamay.



7 Magkalapanas sila subung sang mġa tubig, nġa nagahubas sa iya kaugalingon; Ang mġa baslay nġa ila ginapana, magmangisubung sang sumpo,

8 Manginsubung sila sang taklong, nġa nagakahagas,

Manginsubung sang nahologan nġa babae, nġa indi nakakita sang adlaw.

9 Sa walā pa ang inyo mġa kolon magbatyag sang *kalayo* sang sapinit,

Ang buhawi mag-agaw sa ila, sa lab-as pa, kag sa nagadabdab na.

10 Magkalipay ang matarung kon magtan-aw sang pagtimalus;

Maghugas sia ang iya mġa tiil sa dugo sang nġa malauton.

11 Niyan magasiling ang mġa tawo:

"Sa Pagkamatuud gid, may bunġa sa matarung,

Sa pagkamatuud gid, may Dios nġa nagahukom sa duta."

Si Dabid nagapangayo sa Dios nġa luwason sia niya, kag nagapahayag sang iya pagkawalay sala.

*Sa Panġolo nġa musiko. Sa "Ayaw paglaglaga." Miktam ni Dabid, sang pagpadalā ni Saul, kag ginbantayan nila ang balāy sa pagpatay sa iya.*

**59** LUWASA ako sa tunġa sang akon mġa kaaway, oh Dios ko;

Apini ako sa mġa nagatilindug batok sa akon.

2 Kuhaa ako sa tunġa sang mġa nagahilimo sing kalainan,

Kag luwasa ako sa mġa tawo nġa mġa makidugoon.

3 Kay yari karon, ginaput-an nila ang akon kabuhi,

Nagatilingub batok sa akon ang mġa makusug,

Indi tunġud sa sayup nakon, bisan sa salā nakon, oh Iehoba.

4 Sa walā sing kalautan sa akon nagadalagan kag nagaalaman sila.

Pagmata-ka sa pagsugat sa akon, kag tan-awa.

5 Kag ikaw, oh Iehoba, Dios sang mġa kasoldadosan, ang Dios ni Israel,

Pagmata-ka sa pagduaw sa tanan nġa mġa katawohan:

Indi ka na maghikalooy sa bisan kay sino sining mġa madauton nġa mġa malalison. Sela.

6 Magapalauli sila sa hapon, kag magatalaghol sila subung sang mġa ido,

Kag pagalibutan nila ang banwa.

7 Yari karon, nagabuluga sila sing mġa pasipala sa ila bābā;

May mġa sundang sa ila mġa bibig,

Kay *nagasiling sila*: "¿Sin-o bala ang makabati?"

8 Apang ikaw, Iehoba, magakadlaw ka sa ila,

Magayubit ka sa tanan nġa mġa katawohan.

9 Batok sa iya kusug, magahulat ako sa imo;

Kay ang Dios amo ang akon palalipdan.

10 Ang akon Dios, sa iya pagkalooy magauna sia sa akon.

Ang Dios nagapapahuway sang akon mata sa ibabaw sang akon mġa kaaway.

11 Indi mo sila pagpatyon, agud nġa ang akon banwa dili makalipat.

Patiogtioga sila sa imo kabakuran, kag papaubusa sila,

Oh Iehoba, nġa taming namon.

12 Ang mġa polong sang ila mġa bibig among mġa salā sang ila bābā.

Subung man pagapandakpon sila sa ila pagpalabilabi,

Kag tunġud sang mġa paghimalaut kag sang mġa kabutigan nġa ginamitlang nila.

13 Tapusa sila nġa may kasingkal, tapusa sila, kag manginwalā na sila:

Kag mahibalo-an nila tubtub sa mġa ukbung sang duta, nġa ang Dios nagagahum kay Iakob. Sela.

14 Kag magapalauli sila, sa hapon, kag magatalaghol sila subung sang mġa ido,

Kag magalilibot sila sa banwa.

15 Magalalakat sila nġa mġa liholiho sa pagpangita sang kalan-on,

Kag magahiligda sila nġa indi magkalabusug.

16 Apang pagakantahon ko ang iya kabakuran,

Kag pagadayawon ko sa aga ang imo kalooy;

Kay nangindalangpan ikaw nakon,

Kag palalipdan sa adlaw sang akon kalisdanan.

17 Kabakuran nakon, sa imo magakanta ako,

Kay ang Dios amo ang akon dalangpan, ang Dios nġa nagahikalooy sa akon.

Panalabiton kag pangamuyo ni Dabid.

*Sa Panğolo nga musiko. Sa Susan-Hedut. Miktam ni Dabid, nga inugpanudlo, sang nagpakigaway sia batok kay Aran-Naharaim kag batok kay Aram-Soba, kag si Ioab nagbalik kag ginpilas niya sa Edom sa nalupyakan sang Asin ang napúlô kag duha ka libo.*

**60** OH Dios, ikaw ang nagsikway sa amon, ginpapaalaplaag mo kami.

Naakig ka ; balik-ka sa amon.

2 Ginpakurug mo ang duta, ginpalitik mo sia ;

Paulia ang ila mga litik, kay naghuyong sia.

3 Ginpakitaan mo ang imo banwa sing mga butang nga matig-a ;

Ginpainum mo kami sang alak sa kagugmat.

4 Ginhatagan mo sing bandera ang mga nagakalahadluk sa imo,

Agud nga bayawon nila sia tungud sang kamatooran. Sela.

5 Agud nga mabawi ang imo mga nahagugmaan,

Luwasa sang imo too, kag pamatii kami.

6 Ang Dios naghambal sa iya balaan nga Puluy-an : "Ako nagakalipay.

Pagabahinon ko ang Sikem, kag pagatakson ko ang nalupyakan sa Sukot.

7 Akon ang Galaad, kag akon man ang Manases,

Kag ang Ephraim among kabakuran sang akon olo,

Ang Iuda amo ang akon manughimo sang mga kasogoan.

8 Ang Moab amo ang Batiya nga akon hunawan ;

Sa ibabaw sang Edom pagaihaboy ko ang akon sapin.

Pilistea, singit-ka sa kalipay sa kauduganan nakon."

9 ¿ Sin-o bala ang nagatiguna sa akon sa banwang pinabakud ?

¿ Sin-o bala ang magadalá sa akon tubtub sa Idumea ?

10 ¿ Indi bala ikaw, oh Dios, nga nagsikway sa amon,

Kag walâ ka magowa, oh Dios, upud sa amon kasoldadosan ?

11 Hatagi kami sing panabang sa kalislanan,

Kay walay pulus lamang ang kaluwasan sang mga tawo.

12 Sa Dios magamanginmandadaug kami,

Kag pagatapakon niya ang amon mga kasumpung.

Si Dabid nagadangup sa Dios.

*Sa Panğolo nga musiko. Sa Negi-not. Salmos ni Dabid.*

**61** PAMATII, oh Dios, ang akon pagpanawag.

Linga ang akon pangamuyo.

2 Kutub sa ukbung sang duta magapanawag ako sa imo, kon ang akon tagiposoon paglapyoon.

Sa Bató nga ginapakalakas ko kataas pagidulog-mo ako.

3 Kay ikaw amo ang akon dalangpan, Kag ang tore sa kabakuran sa atubangan sang kaaway.

4 Ako magapuyô sa imo puluy-an nga sa gihapon ;

Magapasilong ako sa idalum sang pagtabon sang imo mga pakpak.

5 Kay ikaw, oh Dios, nagapamati sang akon mga panaad,

Ginahatagan mo ako sang panublion sang mga nagakalahadluk sa imo ngalan.

6 Pagaidugang mo sa hari ang mga inadlaw sang mga adlaw ;

Ang iya mga tinuig manginsubung sang kaliwatan kag kaliwatan.

7 Magapadayon sia sa gihapon sa atubangan sang Dios.

Amara ang kalooy kag kamatooran, agud nga sila magbantay sa iya.

8 Sa sini pagaambahanon ko ang imo ngalan sa gihapon,

Nga nagatuman sang akon panaad sa adlawadlaw.

Paglaygay sa pagsalig lamang sa Dios.

*Sa Panğolo nga musiko. Sa Iedutun. Salmos ni Dabid.*

**62** ANG akon kalág may kalinong sa Dios lamang :

Sa Iya nagagikan ang akon kaluwasan.

2 Sia lamang ang akon Batong bantiling kag ang akon kaluwasan.

Sia amo ang akon mataas nga palalipdan : indi ako mationg sing daku gid.

3 ¿ Tubtub bala san-o pagduksulan ninyo ang isa ka tawo, nga tingub kamong tanan,

Sa paglaglag sa iya subung sang ding-



ding nġa nagahilay, subung sang kuta,  
nġa ginapapukan?

4 Lamang nagapakigsapol sila sa pag-  
pukan sa iya pagkahalangdon;

Nagakalahamuut sila sang butig:

Nagapakamaayo sila sa ila bġbġ,  
apang nagahimalaut sila sa sulŭd nila.  
Sela.

5 Kalġg ko, sa Dios lamang magpa-  
kalinong-ka,

Kay sa iya nagagikan ang akon pag-  
laum.

6 Sia lamang ang akon Batong ban-  
tiling kag ang akon kaluwasan;

Sia amo ang akon mataas nġa palalip-  
dan: indi ako mationg.

7 Sa Dios natongtong ang akon kalu-  
wasan kag ang akon himaya,

Sa Dios yara ang Batong bantiling  
sang akon kusug kag ang akon palalip-  
dan.

8 Magsalig-kamo sa iya sa tanan nġa  
dag-on, kamo nġa mġa katawohan;

Iula-ninyo sa atubġngan niya ang inyo  
tagiposoong:

Ang Dios amo ang aton palalipdan.  
Sela.

9 Lamang ang walay pulus amo ang  
mġa anak sang mġa kubus,

Kag ang butig amo ang mġa anak  
sang dunganon.

Sa timbangġan mamag-an sila:

Tingub silang tanan mġa kadayawan  
lamang.

10 Ayaw-ninyo pagibutang ang pag-  
salig sa pinigusan,

Kag indi kamo magpalabugal sa hinu-  
blas.

Kon ang mġa mangad nagadulugang,  
indi ninyo pagibutang ang inyo tagi-  
posoon sa ila.

11 Ang Dios naghambal sing ma-  
kaisa;

Nakabati ako sini sing makaduha:

Nġa ang kagamhanan iya sang Dios.

12 Kag sa imo, oh Ginoo, nahanu-  
ngud ang kalooy,

Kay ikaw nagabalus sa tagsatagsa  
sono sang iya binuhatan.

Ang kakugi ni Dabid sa pagpanġita sa Dios.

*Salmos ni Dabid, sang didto sia sa kahana-  
yakan sa Iuda.*

**63** OH Dios, ikaw amo ang akon  
Dios, nagapanġita ako sa imo.

Ang akon kalġg mġy kauhaw sa imo,  
ang akon unud nagahandum sa imo,

Sa duta nġa kigas, nġa nahubsan nġa  
walay tubig.

2 Sa subung sini ginapamalandong ko  
ikaw sa imo balaan nġa puluy-an,

Sa pagtan-aw sang imo gahum kag  
himaya.

3 Kay labing maayo pa ang imo  
kalooy sang kabuhi.

Ang akon mġa bibig nagadalayaw sa  
imo.

4 Sa sini pagapakamaayohon ko ikaw  
sa akon pagkabuhi,

Sa imo nġalan pagabayawon ko ang  
akon mġa kamut.

5 Subung nġa sa otok kag nġa sa  
tambok pagabusgon ang akon kalġg,

Kag sa mġa bibig nġa malipayon  
pagadayawon ko ikaw sang akon bġbġ.

6 Kon makadumdum ako sa imo sa  
akon higdaan,

Nagapamalandong ako sa imo sa mġa  
pagpulaw sa kagab-ihon;

7 Kay ikaw amo ang akon panabang,  
Kag sa landong sang imo mġa pakpak  
magakalipay ako.

8 Ang akon kalġg nagapilġt sa imo, sa  
pagsunod sa imo.

Ang imo too nagasapnay sa akon.

9 Apang ang mġa sa kalaglagan na-  
gapalangġita sang akon kalġg,

Magakalapukan sa mġa duug nġa  
nanubuan sang duta.

10 Pagapanlaglagon sila sa talum  
sang hingġaniban;

Magmġnginbahin sila sang mġa milo.

11 Apang ang hari magapanġalipay  
sa Dios,

Magamġndalayawon ang bisan  
sin-o nġa tungud sa iya nagasumpġa,

Kay ang bġbġ sang mġa nagahalam-  
bal sing butig, pagatakan.

*Si Dabid nagapanġayo kag nagahulat sang  
kaluwasan.*

*Sa Panġolo nġa musiko. Salmos ni Dabid.*

**64** DUNGA, oh Dios, ang akon  
tingug sa akon panġamuyo:

Bantayi ang akon kabuhi sa kahadluk  
sa kaaway.

2 Tabuni ako sa laygay nġa tago sang  
mġa malain,

Kag sang kinagahud sang mġa naga-  
himo sang kalautan.

3 Ginbaid nila ang ila dila subung sang sundang,

Kag subung sang baslay ginapaigo nila ang mga polong nga mapait,

4 Sa pagpana sa tago sa ibabaw sang lubus.

Sa hinali panaon nila sia, kag walâ sila mahadluk.

5 Nagalig-on sila sa ila malauton nga tinutuyô,

Ginabanabana nila nga tagoon ang mga siod,

Nagasililing sila; "¿Sin-o bala ang makakita sa ila?"

6 Nagapadugi sila sing mga kalautan: "Nahanda kami, ang puhon human-na."

Amo ini ang sa sulúd sang tagsatagsa kag ang ila tagiposoon mga madulum.

7 Niyan ang Dios nagapana sa ila:

Sa hinali nagaabut ang baslay; yari karon, mga pilason sila.

8 Ginapanukan sila, ang ila kaugalingon nga dila batok sa ila;

Ang tanan nga mga makakita sa ila, nagapalalagyo.

9 Kag nagakalahadluk ang tanan nga mga tawo;

Kag pagaibantala nila ang binuhatan sang Dios,

Kag mahanḡup nila ang iya binuhatan.

10 Magakalipay ang matarung kay Iehoba, kag magasalig sa iya.

Kag magahilimaya ang tanan nga mga matadlung sa tagiposoon.

*Mga pagdayaw kag mga pagpasalamat tunḡud sang mga kaayohan sang Dios.*

*Sa Pangolo nga musiko. Salmos ni David. Kalantahon.*

**65** SA atubangan nimo, oh Dios, may pagluntad kag pagdayaw sa Sion,

Kag sa imo nagakatuman ang mga panaad.

2 Oh ikaw, nga nagapamati sang pangamuyo:

Sa imo magaabut ang tanan nga unud.

3 Ang mga kalautan nagalandas batok sa akon,

Apang ikaw ang nagatumbas sang amon mga pagkamalalison.

4 Bulahan ang imo nga ginapili, kag ang imo ginapapalapit sa imo,

Agud nga magpuyô sia sa imo mga patyo.

Pagabusgon kami sang kaayohan sang imo baláy,

Sang imo balaan nga Simbahan.

5 Sa mga makahaladluk nga mga butang, sa katarungan ginsabat mo kami,

Oh Dios sang amon kaluwasan,

Paglaum sang tanan nga mga ukbung sang duta,

Kag sang mga labing malayô nga mga ukbung sang dagat.

6 Ikaw, ang nagapabakud sang mga kabukiran sa imo gahum,

Nga nawagkusan sang kaisug,

7 Nga nagahagup sang hinagunung sang mga dagat, kag sang hinagunung sang mga kabaluran,

Kag sang kinagahud sang mga katawohan.

8 Niyan ang mga pumuluyô sang mga ukbung sang duta nagakahadluk sang imo mga kalatingalahan.

Ikaw nagapakanta sa kalipay sa mga gawang sang aga kag sang gab-i;

9 Ginaduaw mo ang duta kag ginabunyagan mo sia sing bugana,

Sa daku gid nga bagay ginapaman-gad mo sia.

Ang subâ sang Dios, punô sing mga tubig.

Nagaaman ka sang uyas nila, kon sa subung sini ginaaman mo ang duta.

10 Ginabunyagan mo sing bugana ang iya mga idas,

Ginatapan mo ang iya mga tinumpok,

Ginapahomok mo sia sa mga ulan,

Ginapakamaayo mo ang iya mga salingsing.

11 Imo ginapurungpurungan ang tuig sang imo mga kaayohan;

Kag ang imo mga agi nagapalatubud sing katambok;

12 Nagatubud sia sa ibabaw sang mga puluy-an sang kahanayakan

Kag ang mga kabakoloran ginalukupan sing kalipay.

13 Ang mga kapatagan nagapalanaput sing mga pinanung,

Kag ang mga nalupyakan nagakalapunô sing mga uyas;

Nagasilingit sila sa kalipay, kag nagakalanta pa sila.



Ang Dios dalayawon tungud sang iya  
mga binuhatan.

*Sa Pangolo nga musiko. Amba-  
hanon. Salmos.*

**66** IBANSAG-ninyo ang Dios nga  
may kalipay, bug-os nga duta.

2 Kantaha-ninyo ang himaya sang iya  
ngalan,

Hatagi-ninyo sia sing himaya sa pag-  
dayaw sa iya.

3 Isiling-ninyo sa Dios: ¡Nga pag-  
kamakahaladluk sang imo mga binu-  
hatan!

Tungud sang kadaku sang imo kaba-  
kuran magapalahilum ang imo mga kaa-  
way sa atubangan mo.

4 Ang bug-os nga duta magasimba sa  
imo,

Kag magaaambahan sa imo,

Kag magaaambahan sila sa imo ngalan.

5 Kari-kamo kag tan-awa-ninyo ang  
mga binuhatan sang Dios;

Makahaladluk sia sa mga binuhatan  
niya nayon sa mga inanak sang mga  
tawo.

6 Ginbaylo niya ang dagat sa ma-  
mala;

Sa suba nagtalabok sila nga lakat:  
didto sa iya nagakalipay kami.

7 Sia nagaginoo upud sang iya kaba-  
kuran sa gihapon;

Ang iya mga mata nagatuluk sa mga  
katawohan.

Ang mga malalison indi magpalaka-  
taas. Sela.

8 Mga banwa pakamaayoha-ninyo,  
ang amon Dios,

Kag ipabati-ninyo ang tingug sang  
pagdayaw sa iya.

9 Sia amo ang nagbutang sa aton  
kalag sing kabuhi,

Kag walâ niya igtugut nga maka-  
danlog ang aton mga tiil.

10 Kay ikaw nagtilaw sa amon, oh  
Dios,

Ginsanghid mo kami subung sang  
pagsanghid sang pilak.

11 Ginsulud mo kami sa sihod;

Ginbutangan mo sing lulan nga ma-  
bug-at ang amon mga pus-on.

12 Ang mga tawo ginpasaka mo sa  
ibabaw sang amon olo;

Nagsulud kami sa kalayo kag sa mga  
tubig,

Apang ginbutang mo kami sa ka-  
laparan.

13 Magasulud ako sa imo balay nga  
may mga halad nga sinunog:

Pagabayaran ko ikaw sang akon mga  
panaad,

14 Nga ginmitlang sang akon mga  
bibig,

Kag ginhambal sang akon bâbâ sang  
yara pa ako sa kalisdanan.

15 Mga sinunog nga halad sang mga  
pinatambok nga hayup pagaihalad ko  
sa imo,

Patî ang pahamut sang mga karnero:  
Magahalad ako sing mga baka kag  
mga lalaking kanding. Sela.

16 Kari-kamo, pamati-kamo nga ta-  
nan nga mga nagakahadluk sa Dios,

Kag pagaisugid ko ang iya ginhimo  
sa akon kalag.

17 Sa akon bâbâ sa iya nagpanawag  
ako,

Kag gindayaw sia sang akon dila.

18 Kon sa akon tagiposoong nakatulok  
ako sa kalautan,

Ang Ginoo walâ magpamati sa akon.

19 Apang, sa pagkamatuud gid, gin-  
pamatian ako sang Dios,

Ginlingig niya ang tingug sang akon  
pag-ampo.

20 Dalayawon ang Dios,

Nga walâ niya igsikway ang akon  
pangamuyo, bisan sa akon, ang iya  
kalooy.

Ang ginharian sang Dios magalapnag sa  
bug-os nga duta.

*Sa Pangolo nga musiko. Sa Neginot.  
Salmos. Ambahanon.*

**67** ANG Dios magkalooy sa amon  
kag magpakamaayo sa amon,

Kag pagpasilakon niya ang iya guya  
sa ibabaw namon, Sela.

2 Agud nga makita sa duta ang imo  
dalan,

Kag ang imo kaluwasan sa tanan nga  
mga katawohan.

3 Magadalayaw sa imo ang mga ban-  
wa, oh Dios,

Magadalayaw sa imo ang tanan nga  
mga banwa.

4 Magakalalipay ang mga katawohan  
kag magaalambahan sila nga may kali-  
pay,

Kay pagahukman mo ang mga banwa  
sa katarungan. Sela.

Kag pagatuytuyan mo ang mga ka-  
tawohan sa duta.

5 Magadalayaw sa imo ang mga banwa, oh Dios,

Magadalayaw sa imo ang tanan nga mga banwa.

6 Ang duta naghatag sang iya bunga; Ang Dios, ang amon Dios, magapaka-maayo sa amon.

7 Ang Dios magapakamaayo sa amon, Kag magakalahadluk sa iya ang tanan nga mga ukbung sang duta.

Mga pagdayaw kag mga pagpasalamat sa  
Dios tungud sang kaluwasan.

*Sa Panglo nga musiko. Salmos ni  
Dabid. Ambahanon.*

**68** NAGATINDUG ang Dios; paga-paalaplaagon ang iya mga kaaway,

Kag magapalalagyo sa iya atubangan ang mga nagakalaakig sa iya.

2 Subung sang pagkapanas sang aso, pagapanason mo sila;

Subung sang paglunay sang talo sa atubangan sang kalayo,

Amo man magakawala ang mga madauton sa atubangan sang Dios.

3 Apang ang mga matarung magakalalipay;

Magahilimaya sila sa atubangan sang Dios,

Kag magalinumpatlumpat sila sa kalipay.

4 Mag-alambahan-kamo sa Dios, pagkalanta-kamo sing mga kalantahon sa iya ngalan.

Ihanda-ninyo ang dalan sang nagalakbay sa kahanayakan.

Si Iehoba ang iya ngalan, kag magkasadya-kamo sa atubangan niya.

5 Amay sang mga ilo, kag mananabang sang mga bala nga babae

Amo ang Dios sa iya balaan nga puluy-an.

6 Ang Dios nagapapuyô sa panimalay sang mga nagaisaisa:

Sia nagadalâ sa mga binilango sa katawayan;

Apang ang mga malalison magapuluyô sa duta nga kigas.

7 Oh Dios, sang ikaw naghalin sa atubangan sang imo banwa,

Sang paglakat mo sa kahanayakan, Sela.

8 Ang duta nagkurug,  
Nagtulubud man ang mga langit sa atubangan sang Dios,

Yadtong Sinai *nagkurug* sa atubangan sang Dios, sang Dios ni Israel.

9 Bugana nga ulan ginsabwag mo, oh Dios,

Ginpalig-on mo ang imo panublion sang binudlay sia.

10 Ang imo pinanong nagpuluyô sa iya,

Nga, sa imo kaayo, oh Dios, gintiganan mo ang imol.

11 Ang Ginoo nagahatagsing polong: Ang mga babae nga manugbantala sang maayong balita, daku sila nga kasoldadosan.

12 "Nagpinalagyo, nagpinalagyo ang mga hari sang mga kasoldadosan:

Kag ang babae nga nagakabilin sa balay, ginapamahat niya ang mga inagaw.

13 Sang naghigda kamo sa tunga sang mga pasilongan sang hayup,

Nangisubung kamo sang mga pakpak sang salampati nga naputus sang pilak,

Kag ang iya mga kuyus may pagkabadyaw nga bulawan.

14 Sang ginpaaplaag sang Makaako ang mga hari sa iya,

Ginaputi ang duta, subung sang niebe sa Salmon."

15 Ang bukid sang Dios among bukid sa Basan,

Ang isa ka bukid nga may madamung mga putokputokan, ang isa ka bukid sa Basan.

16 Kay nga bala ginatamdan ninyo, oh mga bukid sang madamung mga putokputokan,

Ini nga bukid nga ginhigugma sang Dios nga sa iya puluy-an?

Sa pagkamatuud, si Iehoba magapuyô sa iya sa gihapon.

17 Ang mga kanga sang Dios, mga duha ka polo ka libo, mga linibolibo.

Ang Ginoo sa tunga nila, subung sang Sinai, sa balaan nga Puluy-an.

18 Nagsaka ka sa mataas, ginbihag mo ang mga bihag,

Nagkuha ka sing mga hatag sa tunga sang mga tawo,

Kag sa tunga man sang mga malalison, agud nga magpuyô *kaipud* nila si Iehoba nga Dios.

19 Dalayawon ang Ginoo, nga sa adlawadlaw nagapas-an sia sang aton lulan;

Ang Dios amo ang aton kaluwasan. Sela.



20 Ang Dios amo nġa sa amon ang Dios sang kaluwasan ;

Kag iya ni Iehoba nġa Ginoo ang pagluwas sa kamatayon.

21 Sa pagkamatuud, pagapilason sang Dios ang olo sang iya mġa kaaway,

Ang bohokon nġa alimpulos sang nagalakat sa iya mġa salā.

22 Ang Ginoo nagsiling : " Gikan sa Basan pagapabalikon ko,

Pagapabalikon ko sila gikan sa mġa kadadalman sang dagat,

23 Agud nġa ang imo mġa tiil mag-salup sa dugo,

Kag ang dila sang imo mġa ido may iyang bahin sang mġa kaaway."

24 Nakita nila ang imo mġa paglakat, oh Dios,

Ang mġa paglakat sang akon Dios, sang akon Hari, sa balaan nġa Puluy-an.

25 Ang mġa manugkanta nagauluna, ang mġa manugkuskus sa olehe,

Sa tunġa ang mġa manugkanta nġa babae nġa may mġa tambor.

26 Pagapakamaayoha-ninyo ang Dios sa mġa katilingban,

Sa Ginoo, kamo nġa mġa sa kaliwatan ni Israel.

27 Didto yara ang pamatan-on nġa si Benyamin, nġa manginginoos nila,

Ang mġa dunganon sa Iuda upud sa ila katilingban,

Ang mġa dunganon sa Sabulon, ang mġa dunganon sa Neptali.

28 Ang imo Dios nagasogo sa imo kusug.

Palig-una, oh Dios, ang imo ginhimo sa amon.

29 Tunġud sang imo Simbahan sa Ierusalem

Ang mġa hari nagadalalā sa imo sing mġa dōlot.

30 Pungi ang sapat nġa mapintas sa kawayanan,

Ang kadamuon sang mġa lalaking baka patī ang mġa tinday sang baka sang mġa banwa,

Agud nġa mag-alabut sila sa paglayaub sa imo mġa tiil, nġa may mġa pinanid nġa pilak.

Ginapanas niya ang mġa banwa nġa nagakalahamuut sang mġa inaway.

31 Magakalari ang mġa dunganon sa Egipto :

Ang Kus magadalidali sa pag-untay sang iya mġa kamut sa Dios.

32 Mġa ginharian sa duta, pag-alam-bahan kamo sa Dios,

Pag-alambahan kamo sa Ginoo. Sela.

33 Sia nagasaka sa ibabaw sang langit sang mġa langit, nġa amo sila sadto gid.

Yari karon, ginapabati niya ang iya tingug, tingug nġa makagagahum.

34 Ipabangud-ninyo ang kabakuran sa Dios ;

Sa ibabaw ni Israel yara ang iya pag-kahalangdon,

Kag ang iya gahum sa mġa kalanġitan.

35 Makahaladluk ka, oh Dios, kutub sa imo mġa balaan nġa Puluy-an.

Ang Dios ni Israel, nagahatag sing kabakuran kag kusug sa iya banwa.

Dalayawon ang Dios.

Mġa pag-antus nġa lakas ni Dabid, nġa nagapanġa-ninaw sang mġa iya sang Mesias.

Sa Panġolo nġa musiko. Sa Sosanim.

Ni Dabid.

**69** LUWASA ako, oh Dios,

Kay ang mġa tubig nagsulūd sa akon kalāg.

2 Nagalubung ako sa madalum nġa tulugban, sa diin walā na sing tapakan ang tiil,

Nagsulūd ako sa mġa kaidadalman sang mġa tubig, kag ang sulgan nagapasalup sa akon.

3 Binudlay ako sang panawag ; ang akon totonlan napaus na ;

Ginapanlapyo ang akon mġa mata sa paghulat sa akon Dios.

4 Labi pa sang mġa bohok sang akon olo, ang mġa nagakalaakig sa akon sa walay kabangdanan :

Mabakud ang mġa maluyag maglaglag sa akon, nġa akon mġa kaaway sa di gid matarung.

Busa ang walā ko pagkawata, dapat ko karon bayaran.

5 Dios, ikaw nakahibalo sang akon kabuang,

Kag ang akon mġa kasal-anan walā sila matago sa imo.

6 Kabay pa nġa indi mahuy-an bangud sa akon ang mġa nagahululat sa imo, oh Ginoo nġa si Iehoba sang Sebaot.

Kabay pa nġa indi pagpasalimuangon tungud sa akon ang mġa nagapanġita sa imo, oh Dios ni Israel.

7 Kay tungud sang gugma sa imo nag-antus ako sing pasipala ;

Ang kalibug nagtabon sang akon na-wung.

8 Ginkabulungan ako sang akon mga utud,

Kag walâ makilal-i sang mga anak sang akon ilôy.

9 Kay ginupud ako sang kakugi sa imo balây,

Ang mga pasipala sang mga mapasi-palahon sa imo nagakaholog sa ibabaw nakon.

10 Kag naghibi ako sa puasa sang akon kalág,

Kag ini manginpasipala sa akon.

11 Sang nagsuklub ako sing panapton nga masinulub-on,

Nangintiliawtiawan nila ako.

12 Nagahalambal nahanungud sa akon ang mga nagalilingkod sa gawang,

Kag nanginkalantahon ako sang mga manuginum sang makahulubug nga ilim-non.

13 Apang ako nagahimo sang akon pangamuyo sa imo, oh Iehoba, sa panag-on sang imo maayong kabubut-on :

Oh Dios, tungud sang kadamuon sang imo kalooy,

Pamatii ako sa kamatooran sang imo kaluwasan.

14 Kuhaa ako sa lunang, kag indi ako pagpasaluma ;

Manginlinuwas ako sa mga nagakalaakig sa akon kag sa kadadalman sang mga tubig.

15 Walâ ako pagpasalupi sang sulug sang mga tubig,

Bisan ipatulon ako sang kadalumon,

Bisan pagpataktan sang bobon sa ibabaw nakon ang iya bâbâ.

16 Pamatii ako, Iehoba, kay maayo ang imo kalooy :

Sono sa kadamuon sang imo mga pagkalooy, balik ka sa akon.

17 Kag ayaw pagtagoa ang imo nawung sa imo alagad,

Kay nagabakho ako : dali-ka kag pamatii ako.

18 Palapit-ka sa akon kalág, tubsa sia ;

Bawi-a ako bangud sa akon kaaway.

19 Ikaw nakahibalo sang pagpasipala sa akon, kag sang akon kalibug kag sang pagtamay sa akon ;

Sa atubangan mo yara ang tanan ko nga mga kaaway.

20 Ang pasipala nagboong sang akon tagiposoon, kag nagaugtas ako :

Kag naghulat ako kon sin-o ang ma-looy sa akon, kag walâ gid ;

Kag sa mga manuglipay, kag walâ gid ako sing nakita.

21 Ginhatagan nila ako sing apdo nga kalan-on,

Kag sa akon kauhaw ginpainum nila ako sing langaw,

22 Ang ila latok manginsiod sa atubangan nila,

Kag tiglapak sa ila kabugana.

23 Pagpadulumon ang ila mga mata sa pagtan-aw,

Kag pakuruga sa gihapon ang ila mga taludtud,

24 Iula sa ibabaw nila ang imo panungud,

Kag ang kasingkal sang imo kaakigon maglambut sa ila.

25 Kabay pa nga hapayon ang iya balây nga harianon.

Nga sa iya mga payag walâ sing pumuluyô.

26 Kay ginhingabut nila ang imo ginpilas,

Kag ginasugid nila ang mag kasakit sang mga imo ginbuno.

27 Dugangi sing kalainan sa ibabaw sang ila kalainan,

Kag indi sila magsululud sa imo kata-rungan.

28 Pagpanason sila sa tolon-an sang mga buhi,

Kag indi pagipanulat sila upud sa mga matarung.

29 Kag ako nasubuan kag nagakasa-kit,

Ang imo kaluwasan, oh Dios, magapahamtang sa akon sa mataas.

30 Pagadayawon ko ang ngalan sang Dios nga may kalantahon,

Pagpakadakuon ko sia nga may pag-dayaw.

31 Kag makapahamuut ini kay Iehoba labi sang baka,

Kon tinday sang baka nga ginatuboon sing sungay kag mga koko.

32 Makakita sini ang mga mapainubuson kag magakasadya sila ;

Kamo nga nagapalangita sa Dios, magakabuhi ang inyo tagiposoon.

33 Kay si Iehoba nagapamati sa mga makalolooy,

Kag indi nagatamay sa iya mga binilango.



34 Dayawon sia sang m̄ga kalangitan kag sang duta,

Sang m̄ga kadagatan, kag sang tanan n̄ga nagagiliho sa ila.

35 Kay pagaluwason sang Dios ang Sion, kag pagapatindugon niya liwan ang m̄ga kabanwaan ni Iuda;

Kag didto magapuluyô sila, kag magatalagiya sila sa iya,

Kag ang kaliwat sang iya m̄ga alagad magapanubli sa iya,

Kag ang m̄ga nagahigugma sang iya n̄galan, magapuluyô sa iya.

Si Dabid nagaampo sa Dios sang iya panabang.

*Sa Pan̄golo n̄ga musiko. Ni Da-  
bid. Sa Handumanan.*

**70** OH Dios, dali-ka sa pagluwas sa akon;

Dali-ka, oh Iehoba, sa pagtabang sa akon.

2 Man̄ginmahuy-an kag magpalamula

Ang m̄ga nagapan̄gita sang akon kabuhi;

Pagpabalikon kag pagpakahuy-an ang m̄ga nagakalawili sa akon kalautan;

3 Pagpabalikon bangud sang ila kaluhuy-an

Ang m̄ga nagasiling: "¡ Ha, ha !"

4 Magkasadya kag magkalalipay sa imo ang tanan n̄ga nagapan̄gita sa imo,

Kag magsiling gihapon ang m̄ga nagahigugma sa imo kaluwasan:

"¡ Man̄gindaku ang Dios !"

5 Apang ako imol kag nasit-an;

Dali-ka sa akon, oh Dios:

Ikaw amo ang akon panabang kag ang akon Manluwas.

Oh Iehoba, ayaw ka pagdugay.

Si Dabid nagasalig sa Dios, nagapan̄gayo sa iya n̄ga luwason sia sa iya m̄ga kaaway kag pag-epinan sia tubub sa katigulangan, n̄ga tungud sa iya ginahimaya niya ang Dios.

**71** SA imo, oh Iehoba, nagapanilong ako;

Kabay n̄ga mas-a indi ako pagpasalimuangon.

2 Luwasa ako tungud sa imo katarungan kag papalagyoha ako;

Ilingi nayon sa akon ang imo idulungug, kag luwasa ako.

3 Magman̄gin-isa ikaw ka puluy-an nakan sa ibabaw sang Batong bantiling,

Sa diin n̄ga ako sarang makasulud sing dayon gid.

Nagsogo ka sa pagluwas sa akon;

Kay ikaw among akon Batong bantiling kag akon kabakuran.

4 Dios ko, papalagyoha ako sa kamut sang madauton,

Sa kamut sang tawo n̄ga dimatarung kag mapintas.

5 Kay ikaw among akon paglaum, oh Ginoo n̄ga si Iehoba,

N̄ga sa iya nagasalig ako kutub sang akon pagkapamatan-on.

6 Kutub sa tiyan sang akon ilôy nagidag ako sa imo;

Ikaw nagkuha sa akon sa m̄ga kasudlan sang akon ilôy;

Man̄ginsaimo ang akon pagdayaw sa gihapon.

7 Ako among isa ka katingalahan n̄ga sa kadam-an,

Apang ikaw among akon mabakud n̄ga palalipdan.

8 Mapunô ang akon bâbâ sang imo pagdayaw,

Kag sa imo himaya sa bug-os n̄ga adlaw.

9 Ayaw ako igsikway sa panag-on sang katigulangan;

Kon magkulang sa akon ang m̄ga kusug, ayaw ako pagpabayai.

10 Kay ang akon m̄ga kaaway nagahalambal nahanungud sa akon,

Kag ang m̄ga nagapulut sang akon kabuhi, magpinangkutanay,

11 N̄ga nagasililing: "Ang Dios nagabiya sa iya;

Lagsa-ninyo sia, kag dakpa-ninyo sia,

Kay walay sin-o n̄ga magluwas sa iya."

12 Oh Dios, ayaw ka pagpalayô sa akon;

Dios ko, dalidali-ka sa pagbulig sa akon.

13 Pagpakahuy-an kunta kag magkaladula ang m̄ga kasumpung sang akon kalag;

Pagpanabunan kunta sang pasipala kag pagpakahuya ang m̄ga nagapan̄gita sang akon kalainan.

14 Apang ako magahulat sing dayon, Kag pagadugangan ko pa sa tanan n̄ga imo pagdayaw;

15 Ang akon bâbâ magapanugid sang imo katarungan

Kag sang imo kaluwasan sa bug-os n̄ga adlaw;

Kay walà ako makakilala sang kada-muon nila.

16 Magaatubang ako upud sang mga gamhanan nga binuhatan ni Iehoba nga Ginoo ;

Pagaisambit ko ang imo katarungan, ang imo gid lamang.

17 Oh Dios, ginton-an mo ako kutub sang akon pagkapamatan-on,

Kag tubtub karon ginpahayag ko ang imo mga kalatingalahan.

18 Ikaw man, tubtub sa katigulangon, tubtub sa mga uban, indi mo ako pag-bayaan, oh Dios,

Sa bagay nga mabantala ko ang imo kagamhanan sa kaolehian,

Kag ang imo gahum sa tanan nga magaalabut.

19 Ang imo man katarungan, oh Dios, mataas gid,

Ikaw nga nagahimo sang dalagku nga mga butang.

Oh Dios, ¿sin-o bala ang subung sa imo?

20 Ikaw, nga nagpatan-aw sa amon sang madamu kag dalagku nga mga kalisdanan,

Magabuhi pa sa amon,

Kag ikaw magapasaka sa amon gikan sa mga kaidadalman sang duta.

21 Pagapaukaron mo ang akon pag-kadaku,

Kag magabalik ikaw sa paglipay sa akon.

22 Ako man magadayaw sa imo nga may salterio,

Ako *magadayaw* sang imo kamatooran, oh Dios ko.

Magaambahan ako sa imo nga may arpa,

Oh Balaan sa Israel.

23 Ang akon mga bibig magahilinug-yaw,

Kay magaambahan ako sa imo kadtungan,

Kag ang akon man nga kalág nga imo gintubus.

24 Subung man ang akon dila magahambal sang imo katarungan sa adlaw-adlaw;

Tungud kay nagsalimuang, tungud kay nagpalamula ang mga nagapalangita sang akon kalainan.

Ang mahimayaon nga ginharian ni Salomon,  
dagway sang ginharian nga walay  
katubtuban sang Mesias.

*Ni Salomon.*

**72** OH Dios, ihatag ang imo mga paghukom sa hari,

Kag ang imo katarungan sa anak sang hari.

2 Sia magahukom sa imo banwa nga may katarung,

Kag sa imo mga ginpasubo nga may pagkatadlung.

3 Ang mga kabukiran magadalalá sing paghidaet sa banwa,

Kag ang mga kabakoloran sing katarungan.

4 Pagahukman niya ang mga nasubuan sang banwa,

Pagaluwason niya ang mga anak sang makalooloy,

Kag pagalaglagon niya ang mapigusion.

5 Magakalahadluk sila sa imo, kon ang adlaw kag ang bulan nagadugay pa, Sa kaliwatan sang mga kaliwatan.

6 Magapanaug sia subung sang ulan sa ibabaw sang ginalaban nga latagon,

Subung sang tun-og nga bugana nga nagabunyang sang duta.

7 Magapamulak ang matarung sa iya mga kaadlawan,

Kag ang kadam-an sa paghidaet, tubtub nga walà na sing bulan.

8 Kag magagahum sia sa dagat pa dagat,

Kag kutub sa subâ tubtub sa mga ukbung sang duta.

9 Sa atubangan niya magalayaub ang mga nagapuluyô sa kahanayakan ;

Kag ang iya mga kaaway nagadililap sang duta.

10 Ang mga hari sa Tarsis kag sang mga kapuloan magabuluhis sa iya,

Ang mga hari sa Sheba kag sa Seba magahalalad sing mga dólót.

11 Kag magaluluhod sa atubangan niya ang tanan nga mga hari,

Magaalalagad sa iya ang tanan nga mga katawohan.

12 Kay sia magaluwas sa makalooloy nga nagapanawag,

Kag sa nasubuan nga walà sing sin-o nga magtabang sa iya.

13 Magahikalooloy sia sa imol kag sa makalooloy,



Kag pagaluwason niya ang kalág sang mġa imol.

14 Pagatubson niya ang ila mġa kalág sa kapiġosan kag sa kapiotan,

Kag ang dugo nila manginmahal sa iya mġa mata.

15 Kag magakalabuhi sila kag pagaihataġ nila sa iya ang bulawan sa Seba,

Kag magapangamuyo sila tungud sa iya sing dayon gid.

Sa bug-os nġa adlaw pagapakamaayohon sia.

16 Magabugana ang uyas sa duta, sa mġa putokputokan sang mġa kabukiran.

Ang iya bunġa magahuganas subung sang Libano,

Kag ang mġa tagabanwa nagapalamulak subung sang hilamon sang duta.

17 Manginsagihapon ang iya nġalan, Magawalay katubtuban ang iya nġalan sang adlawadlaw pa.

Kag manginpakamaayohon sa iya ang tanan nġa mġa katawohan;

Pagatawgon nila sia nġa bulahan.

18 Dalayawon si Iehoba nġa Dios, ang Dios ni Israel,

Nġa sia lamang ang nagahimo sing mġa kalatingalahan.

19 Kag dalayawon ang iya mahima-yaon nġa nġalan sa gihapon;

Kag ang bug-os nġa duta manginmapunô sang iya himaya.

Kabay pa, kag kabay pa.

20 Natapus na ang mġa pangamuyo ni Dabid, nġa anak ni Isai.

### TOLON-AN III.

Ang kahamanġayaan sang mġa malain kon sang kaisa nagapadnġaduha sang katarunġan sang Dios, apang ang pagpamalalandong sang iya katapusan nagadulcng liwan sa Dios.

*Salmos ni Asap.*

**73** SA pagkamatuud gid maayo ang Dios kay Israel,

Sa mġa matinlo sa tagiposoon.

2 Apang ako, kon halus panagtalang ang akon mġa tiil,

Diyotay lang magkaladanlog ang akon mġa tikang.

3 Kay nagkahisa ako sa mġa buang-buang,

Sang nagatan-aw ako sang kahamanġayaan sang mġa malauton.

4 Kay walâ sing mġa pagsakit nġa sa iya kamatayon,

Kondi nġa ang iya kusug bug-os pa.

5 Walâ sila sa kalabudlayan nġa tawohanon,

Bisan ginabunal sila upud sa iban nġa mġa tawo.

6 Nġani ang palabilabi nagagulonggulong sa ila :

Ang paglugus nagaputus sa ila subung sang panapton,

7 Ang ila mġa mata nagabulutlog sa katambokon,

Ang panghunahuna sang ila tagiposoon walay dulunan.

8 Nagapanguligiyat sila kag nagahamlambal sing malain gid sa palugus.

Nagahalambal sila nġa may pagkamatinaastason.

9 Ginabutang nila sa mġa langit ang ila bâbâ,

Kag ang ila dila nagadayandayan sa duta.

10 Tungud sini ang iya banwa nagabalik diri,

Kag mġa tubig nġa bugana ginatolon nila,

11 Kag nagasililing sila : “ġ Paano ang pagkahibalo sang Dios ?

ġ Kag may pagkilala bala sa Labing-Mataas ? ”

12 Yari karon ining mġa madauton : Mġa malinong sila sa walay katubtuban, nadangat nila ang mġa mangad.

13 Sa pagkamatuud, sa walay pulus gintinloan ko ang akon tagiposoon,

Kag ginhugasan ko ang akon mġa kamut sa pagkawalay salâ ;

14 Kay sa bug-os nġa adlaw ginbunal ako,

Kag ginasilotan ako sa agaaga.

15 Kon magsiling ako : “ Ako malu-yag maghambal sing subung sini,”

Yari karon, akon kinalilong na ang kaliwat sang imo mġa anak.

16 Busa, nagpanghunahuna ako sa pagsayud sini ;

Amo ini sa akon mġa mata ang ma-bug-at nġa pangabudlayan ;

17 Tubtub nġa magsulûd ako sa balaan nġa Puluy-an sang Dios,

Kag ginhangup ko ang kaolehian nila.

18 Sa pagkamatuud, ginbutang mo sila sa mġa kaladanlugan ;

Ikaw nagaholog sa ila sa kalaglagan.

19 ġ Paano nġa ginpanghapay sila sa isa ka tion !

Nagakalatapus sila, nagakalahagas sila tungud sang ila mga kakugmat.

20 Subung sang damgo, sang naga-mata,

Amo man, Ginoo, kon ikaw ang mag-mata, pagatamayon mo ang ila mga pagpahilum.

21 Sang nag-aslum ang akon tagiposo-on,

Kag sang ang akon mga tagimislon nagbalatyag sang mga suntok,

22 Niyan nanginapakok ako kag walâ ako makahangup:

Subung ako sang isa ka sapat sa atubangan mo.

23 Bisan pa, ako nagapuyô gihapon upud sa imo:

Ginkaptan mo ang akon kamut nga too;

24 Pagamandoan mo ako sono sang imo laygay,

Kag sa olehe pagabatunon mo ako sa imo kahimayaan.

25 ; Sin-o bala ang akon sa kalangitan?

Kag luwas sa imo walâ gid ako sing ginahandum sa duta.

26 Ginalapyo ang akon unud kag ang akon tagiposo-on.

Apang ang akon Batong bantiling sa akon tagiposo-on, kag ang akon bahin among Dios sa gihapon.

27 Kay yari karon, ang mga nagapalalayô sa imo, magakaladula sila;

Ikaw nagaguba sa sadtong tanan nga nagapakighilawas sa malayô sa imo.

28 Sa nahanungud sa akon, ang magpalapit sa Dios among akon kaayohan;

Ginabutang ko ang akon pagdangup sa Ginoo nga si Jehoba,

Agud nga pagisipon ko ang tanan mo nga mga binuhatan.

Ang balaan nga Puluy-an pinasipalahan. Ang pangamuyo sa Dios, agud nga makadumdum sia sang iya katipan.

*Maskil ni Asap.*

**74** ; KAY nga bala, oh Dios, ginsikway mo kami sa gihapon?

; Kay nga bala nag-asô ang imo kasingsing batok sa mga obeha sang imo halaban?

2 Panumduma ang imo katilingban nga naangkong mo sadto pa,

Nga gintubus mo, agud nga manginkabikahan sang imo panublion,

Sa sini nga bukid sa Sion, nga didto nagpuyô ka.

3 Bataka ang imo mga tiil sa mga kalaglagan nga walay katubtuban.

Ang kaaway naglaglag sang tanan sa balaan nga Puluy-an.

4 Ang imo mga kaaway nagnulurub bisan pa sa tungâ sang imo mga pagtilipon,

Ginbutang nila ang ila mga tandaan nga talandaan.

5 May palanan-awon nga makita nga daw sang ginabayaw ang mga wasay batok sa madamol nga talon.

6 Kag karon sa mga wasay kag sa mga pakang

Ginapamoong nila ang tanan niya nga mga tinigban.

7 Ginbutang nila sa kalayo ang imo balaan nga Puluy-an,

Ginpasipalahan nila ang Puluy-an sang imo ngalan, nga ginholog nila ini sa duta.

8 Nagsililing sila sa ila tagiposo-on: "Laglagon-naton sila sa makaisa lamang."

Ginpanunog nila ang tanan nga mga tilipunan nga *balay* sang Dios sa duta.

9 Indi na naton makita ang aton mga tandaan;

Walâ na sing manalagna,

Bisan sa aton may sin-o nga makahibalo kon tubtub san-o.

10 ; Tubtub bala san-o, oh Dios, pagapasipalahan kami sang kasumpung?

; Magabuyayaw bala ang kaaway sing dayon gid sang imo ngalan?

11 ; Kay nga bala ginapungan mo ang imo kamut kag ang imo too?

Paggowaa sia sa sabak kag laglaga.

12 Bisan pa, ang Dios sadto pa amo na ang akon hari,

Nga nagahimo sing mga kaluwasan sa tungâ sang duta.

13 Ginpahawa mo ang dagat sang imo kabakuran,

Ginboong mo ang mga olo sang mga dragon sa mga tubig.

14 Ginbalbag mo ang mga olo sang Lebiatan,

Ginhatag mo sia nga pagkaon sa banwa sang mga kahanayakan.

15 Ikaw nagbukas sing mga tuburan kag mga kasulgan,

Ikaw naghubas sang mga masulug nga mga subâ.



16 Imo ang kaadlawon, imo man ang kagab-ihon ;

Ikaw ang nag-aman sang mga kasugaan kag sang adlaw.

17 Ikaw ang nagpahamtang sang tanan nga mga kaukbuñan sang duta :  
Ang init kag ang tugnaw ginhimo mo.

18 Panumduma ini : nga ang kaaway nagpasipala kay Iehoba,

Kag nga ang banwa nga buangbuang nagtamay sang imo ngalan.

19 Ayaw igtugyan sa mga kasapatan ang kalág sang imo tokmo ;

Kag ayaw pagkalipati sa gihapon ang katilingban sang imo mga pinasubo.

20 Tuluka ang katipan.

Kay ang mga nadulman sang duta napunô sila sang mga puluy-an sang palugus.

21 Indi magbalik nga nahuy-an ang pinigos ;

Ang ginasubuan kag ang makalooloy magdalayaw sang imo ngalan.

22 Tindug-ka, oh Dios, apini ang imo kataklungan,

Panumduma kon paano nga ang buangbuang nagapasipala sa imo sa adlaw-adlaw.

23 Ayaw pagkalipati ang mga tingug sang imo mga kaaway,

Ang kinagahud sang mga nagatilindug batok sa imo nga nagasaka sing dayon gid.

Ang manalagna nagadayaw sa Dios, kag nagapanaad nga ipateman niya ang katarungan.

*Sa Panglo nga musiko. Ayaw paglag-laga. Salmos ni Asap. Kalantahon.*

**75** GINADAYAW ikaw namon, oh Dios ;

Ginadayaw namon, kag malapit na ang imo ngalan ;

Ang tanan nagasulugid sang imo mga kalatingalahan.

2 "Sang pinat-inan ko ang dag-on, Ako magahukom sing matadlung gid.

3 Kon magkatunaw ang duta kag ang iya mga pumuluyô,

Ako nagapalig-on sang iya mga hali-gi." Sela.

4 Nagasiling ako sa mga nagadalayaw sa ila : "Indi kamo magdalayaw sa inyo ;"

Kag sa mga malauton : "Indi kamo magpatindug sing sungay :"

5 Ayaw ninyo pagpatinduga sa mataas ang inyo sungay :

Ayaw kamo paghambal, nga nagapataiskug sang liog, sing mga pinolong nga mapasipalahon.

6 Kay bisan sa Sidlangan, bisan sa Katundan,

Bisan sa kahanayakan nagaabut ang pagpakataas.

7 Apang ang Dios among hukom :

Sa sini sia nagapapaubus kag sa sadto nagapataas sia.

8 Kay isa ka tagayan yara sa kamut ni Iehoba kag ang alak nagabukal ;

Punô sia sing panakut, kag ginaula niya gikan sa iya ;

Sa pagkamatuud, ang iya mga labud pagasupsupon kag pagaimnon sang tanan nga mga malauton sa duta.

9 Apang ako magabantala gihapon, Magakanta ako sing mga pagdayaw sa Dios ni Iakob.

10 Kag pagaboongon ko ang tanan nga mga sungay sang mga makasasalá ;

Ang mga sungay sang matarung pagapakataason.

Pagkahalangdon kag gahum sang Dios.

*Sa Panglo nga Musiko. Sa Meginot. Salmos. Kalantahon ni Asap.*

**76** ANG Dios nakilala sa Iuda.

Sa Israel daku ang iya ngalan.

2 Kag sa Salem yara ang iya layang-layang,

Kag ang iya puluy-an sa Sion.

3 Didto ginpanluma niya ang mga kilat sang pana,

Ang taming, kag ang hinganiban kag ang mga galamiton sa pag-awayan. Sela.

4 Mahimayaon ikaw kag makusug labi sang mga kabukiran nga balangaan.

5 Ang mga makusug sa tagiposoong ginpanagawan sila ; nagkalatolog sila sa ila katologon,

Ang mga lalaki nga mga makusug walâ na makakita sang ila mga kamut.

6 Sa imo pagsabdong, oh Dios ni Iakob,

Ang kanga kag ang kabayo nagtolog sing hamook.

7 Ikaw, makahaladluk ikaw.

Kag sin-o bala ang makadúlog sa atubangan mo sa pagsugud sang imo kaakig ?

8 Kutub sa kalangitan nagpabati ka sing paghukom.

Ang duta nagkahadluk kag nagdúlog,  
9 Sang pagtindug mo, oh Dios, sa  
hulukmanan,

Sa pagluwas sa tanan nga mga mahagup sa duta. Sela.

10 Sa pagkamatuud, ang kaakig sang tawo nagadayaw sa imo,

Nagapangambut ikaw sang nabilin sang mga kaakig.

11 Panug-an-kamo kag bayad-kamo kay Iehoba nga inyo Dios.

Ang tanan nga yara sa palibot niya magdalará diri sing dólót sa Makahaladluk.

12 Ginautúd niya ang espiritu sang mga dunganon,

Makahaladluk sia sa mga hari sang duta.

Ang mga pagpakigaway nga sa sulud sang manug-ambahan.—Nakapahauli sing kaisug sang pagpa-numdum niya sang mga makitilingála nga mga binuhatan sang Dios.

*Sa Pangolo nga musiko. Sa Iedutun.  
Salmos ni Asap.*

**77** SA akon tingug nagapanawag ako sa Dios,

Sa Dios nagapanawag ako kag sia magapamati sa akon.

2 Ginapangita ko ang Ginoo sa adlaw sang akon kalisdanan;

Ang akon kamut nauntay sa kagabihon, kag walá magaluya;

Ang akon kalág walá magasikway sing kalipay.

3 Nagapanumdum ako sa Dios kag nagakurug ako,

Nagapamalandong ako kag ginalapyo ang akon espirit. Sela.

4 Ginapamuklat mo ang akon mga mata;

Nalisang ako kag indi ako makahambal.

5 Ginapamalandong ko ang mga adlaw sang nagligad nga panag-on,

Ang mga tuig sang mga kadaanan.

6 Nagapanumdum ako sang akon mga kalantahon sa kagab-ihon,

Nagapamalandong ako kaúpud sang akon tagiposoon,

Kag ang akon espiritu nagasayasad.

7 ? Pagaisikway bala sang Ginoo sa gihapon,

Kag indi na bala magapakabalaslan?

8 ? Natapus na bala sa gihapon ang iya kalooy?

? Natapus na bala ang iya saad nga sa kaliwatan kag sa kaliwatan?

9 ? Ginkalipatan bala sang Dios ang pagkamaloloy-on?

? Gintakpan bala niya sa iya kaakig ang iya mga pagkalooy? Sela.

10 Kag nagsiling ako: Amo ining akon balatian;

Among pagbaylo sing too sang Labing Mataas.

11 Nagapanumdum ako sang mga binuhatan ni Iehoba,

Hoo, nagapanumdum ako sang imo mga daan nga kalatingalahan.

12 Kag ginapamalandong ko sa tanan mo nga mga binuhatan,

Kag ginapainoino ko ang imo mga binuhatan.

13 Oh Dios, sa pagkabalaan among imo dalan.

? Ano nga dios bala nga daku subung sang Dios?

14 Ikaw amo ang Dios nga nagahimo sing mga kalatingalahan;

Ginpakilala mo sa mga katawohan ang imo kabakuran.

15 Gintubus mo sang imo butkon ang imo banwa,

Ang mga inanak ni Iakob kag ni Iose. Sela.

16 Nakakita sa imo ang mga tubig, oh Dios,

Nakakita sa imo ang mga tubig, nagkalahadluk sila,

Nagkulurug sila; ang mga kadadalman naguluyog.

17 Ang mga gal-um nagbuluga sing mga lambas sang tubig;

Nagdalaguhub ang mga panganud;

Ang imo man mga baslay naglulupad gikan diri pa didto.

18 Ang tingug sang imo daguub yara sa alimpulos,

Ginsug-an sang mga kilat ang kalibutan,

Naglingilingi ang duta kag nagkurug.

19 Sa dagat anay ang imo dalan,

Kag ang imo mga banas sa madamu nga mga tubig,

Kag ang imo mga tikang walá maki-lali.

20 Gindul-ong mo subung sang pinanong ang imo banwa,

Sa kamut ni Moises kag ni Aaron.



Kaluwasan nga gintugot sang Dios kay Israel,  
nga nagapadayon sa paglalis. Ang Dios  
nagpili kay Iuda kag kay Dabld sa  
pagpahatub kay Israel.

*Maskil ni Asap.*

**78** DUNGA, banwa ko, ang akon ka-  
sogoan.

Linga sang inyo idulungug ang mga  
polong sang akon babâ.

2 Patikabon ko ang akon babâ sa pa-  
nanglitanan:

Pagaihambal ko ang mga butang nga  
tinago sadto pa.

3 Sang aton nabatian kag nakilala,  
Kag sang ginsugid sang aton mga  
ginikanan,

4 Indi naton sila pagtagoon sa ila mga  
anak,

Pagaisugid naton sa palaabuton nga  
kaliwatan ang mga pagdayaw kay Iehoba,

Kag ang iya kabakuran, kag ang mga  
kalatingalahan nga ginbimo niya.

5 Sia nagtukud sing isa ka pagpama-  
tuud kay Iakob,

Kag nagbutang sing isa ka kasogoan  
sa Israel,

Nga nagsogo sia sa aton mga ginika-  
nan,

Nga ipahibalo nila sa ila mga anak,

6 Agud nga makahibalo sa ila ang  
palaabuton nga kaliwatan kag ang mga  
anak nga magakalatawo:

Nga magtilindug sila kag magsulugid  
sini sa ila mga anak,

7 Agud nga ibutang nila sa Dios ang  
ila pagsalig,

Kag indi nila pagkalipatan ang mga  
binuhatan sang Dios,

Kondi tumanon nila ang iya mga  
sogo,

8 Kag nga indi sila magmanginsubung  
sang ila mga ginikanan, nga kaliwatan  
nga masuayon kag malalison,

Kaliwatan nga walâ maglig-on sang  
ila tagiposoan,

Bisan nanginmatutum sa Dios ang  
ila espiritu.

9 Ang mga inanak ni Epraim, nga mga  
lupit sa hingganiban, nga mga manugpana,

Nagtatalikod sila sa adlaw sang pag-  
inaway.

10 Walâ nila pagbantayi ang katipan  
sang Dios,

Kag ginsikway nila ang paglakat sono  
sa iya kasogoan.

11 Ginkalipatan nila ang iya mga  
binuhatan,

Kag ang iya mga kalatingalahan nga  
kinapakita sa ila.

12 Sa atubangan sang ila mga gini-  
kanaan naghimo sia sing mga kalatinga-  
lahan

Sa duta sa Egipto, sa latagon sa  
Soan.

13 Ginpahawa niya ang dagat kag  
ginpaagi niya sila,

Kag ginpatindug niya ang mga tubig  
subung sang isa ka tinumpok.

14 Kag gindol-ong niya sila sa adla-  
won tungud sang panganud,

Kag sa bug-os nga kagab-ihon tu-  
ngud sang sidlak sang kalayo.

15 Ginpalik niya ang mga bató sa  
kahanayakan,

Kag ginpainum sila niya sing bugana  
gid, subung sang nagagikan sa mga kai-  
dadalman;

16 Kay sa bató ginpatubud niya ang  
mga ilig,

Kag ginpadulhog niya ang mga tubig  
subung sang mga subâ.

17 Apang nagpaladayon pa sila sa  
pagpakasalâ batok sa iya,

Sa paglalis batok sa Labing-Mataas  
sa kahanayakan.

18 Kay ginsuláy nila ang Dios sa ila  
tagiposoan,

Nga nagpalangayô sing pagkaon nga  
sa ila lamang luyag.

19 Kag naghalambal sila batok sa  
Dios, nga nagasiling:

“¿Sarang bala ang Dios makaaman  
sing latok sa kahanayakan?

20 Yari karon ginpilas niya ang bató,  
kag nagililig ang mga tubig,

Kag ang mga kasapaan naglalapta.

¿Sarang man sia bala makahatag sing  
tinapay?

¿Magaaman bala sia sing unud sa iya  
banwa?”

21 Ngani, nakabati si Iehoba kag  
naakig,

Kag nagdabdab ang kalayo batok kay  
Iakob,

Kag ang kasingkal nagsaka man batok  
sa Israel,

22 Tungud kay walâ sila magtoloo sa  
Dios,

Bisan nagsalalig sila sa iya kaluwasan.

23 Walay sapayan, nagsogo sia sa  
mga gal-um sa ibabaw,

Kag nagbukas ang mġa gawang sang langit,

24 Kag ginpaulan niya sa ibabaw nila ang mana nġa kalan-on,

Kag ginhatagan niya sila sing trigo sang mġa langit.

25 Kan-on sang mġa dunganon gin-kaon sang tawo:

Ginpadal-an sila niya sing pagkaon nġa makabulusug.

26 Ginpahuyup niya ang hanġin nġa Timug sa langit,

Kag gindalġ tungud sang iya kabakuran ang hanġin sa Bagatnan;

27 Kag ginpaulan niya sa ibabaw nila ang unud subung sang yab-ok,

Kag mġa kapispisan nġa pakpakan subung sang balas sang dagat.

28 Kag ginholog niya sila sa tunġa sang ila dulugan,

Sa palibot sang ila mġa puluy-an,

29 Kag nagkalaon sila, kag nagkalabusug gid sila.

Busa, gintuman niya sa ila ang ila handum.

30 Walġ pa magkalabusug sila sang ila mġa handum,

Yara pa ang ikaon sa ila bġbġ,

31 Sang pag-abut sa ibabaw nila sang kasingkal sang Dios,

Kag ginpatay niya ang mġa labing matambok sa ila,

Kag ginpukan niya ang mġa pamatan-on sa Israel.

32 Bisan pa siini nġa tanan, nagpaladayon sila sa pagpakasalġ,

Kag walġ sila magtoloo sa iya mġa kalatingalahan.

33 Nġani, ginupud niya ang ila mġa inadlaw sa padayaw

Kag ang ila mġa tinuig sa kalisang.

34 Kon patyon niya sila, niyan ginpangita nila ang Dios,

Niyan nagbalalik sila kag nagpalanġita nġa matinatapon sa iya,

35 Kag makadumdum sila nġa ang Dios among ila Batong bantiling,

Kag ang Labing-Mataas nġa Dios ang ila Mamamawi.

36 Apang gindayawdayaw nila sia sa ila bġbġ,

Kag sa ila dila ginbutigan nila sia;

37 Kay ang ila mġa tagiposoon indi mġa matadlung sa iya,

Bisan nagmalig-on sila sa iya katipan.

38 Apang sia among maloloy-on, nġa

nagahimo sing katumbasan tungud sang kalainan, kag walġ sila niya paglaglaga.

Kag sa masunsun ginpapalayġ niya ang iya kaakig,

Kag walġ niya pagpamat-a ang iya bug-os nġa kaakig.

39 Kag nakadumdum sia nġa mġa unud sila,

Huyup nġa nagapakadto kag walġ magabalik.

40 | Makapid-an nagmalalison sila batok sa iya sa kahanayakan,

Ginpasubu nila sia sa kamuhaymuhayan!

41 Kag nagbalalik sila kag ginasulġy nila ang Dios,

Kag ginbutanġan nila sing dulunan ang Balaan sa Israel.

42 Walġ sila makadumdum na sang iya kamut,

Sang adlaw nġa gintubus sila niya sa kaaway,

43 Sang paghimo niya sa Egipto sang iya mġa tandaan,

Kag sang iya mġa kalatingalahan sa latagon sa Soan.

44 Kag ginbaylohan niya sang dugo ang iya mġa subġ,

Kag ang iya mġa ilig, agud indi sila makainum.

45 Nagpadalġ sia sa tunġa nila sing mġa pinanong nġa mġa langaw, nġa naghahonhon sa ila,

Kag sing mġa paka nġa naglaglag sa ila.

46 Ginhatag man niya sa kusim ang ila bunġa,

Kag ang ila mġa kinabudlayan sa apan.

47 Ang ila mġa kaubasan ginlaglag niya sang ulan nġa mġa batġ nġa hiel.

Kag ang iya mġa sikomoro, sang hiel.

48 Kag gintugyan niya sa mġa kabatohan nġa hiel ang ila mġa kasapatan,

Kag sa mġa dabdab, ang ila mġa kahayupan.

49 Ginpadalġ niya batok sa ila ang kasingkal sang iya kaakig,

Kaalipungut kag panungud kag kalisdanan,

Ang isa ka kagon sang mġa malaut nġa mġa manugtuida.

50 Ginhanda niya ang dalan nġa sa iya kasingkal;

Walġ niya pagpungi ang kabuhi nila sa kamatayon,



Kondi gintugyan niya ang ila kabuhi sa kamatay.

51 Kag ginpilas niya ang tanan nga pang'anay sa Egipto,

Ang mga pamónô sang kusug sa mga payag ni Kam.

52 Niyan ginpagowa niya ang iya banwa subung sang mga obeha,

Kag gindala niya sila sa kahanayakan, subung sang isa ka pinanong.

53 Ginmandoan niya sila nga may kalig-unan, nga indi sila pagtudkan sing kahadluk,

Kag ang dagat nagtabon sa ila mga kaaway.

54 Kag gindala niya sila sa mga kadulunan sang iya balaan nga Puluy-an,

Sa sini nga bukid nga gindaug sang iya kamut nga too.

55 Kag gintabog niya ang mga katawohan sa atubangan nila,

Kag ginbahinbahin niya sa ila sa papalad ang isa ka panublion, bangud sang lubid,

Kag ginpapuyô niya sa mga puluy-an ang mga kabikahan ni Israel.

56 Apang nagsuláy kag nagmalalison sila sa Dios nga Labing-Mataas,

Kag walâ nila paghupti ang iya mga pagpamatuud;

57 Apang nagbalalik sila, kag nagginlinawi sila sing mabudhion subung sang ila mga ginikanan:

Nagbalalik sila subung sang pana nga maluibon.

58 Kag ginpaakig nila sia tungud sang ila mga mataas nga duug,

Kag ginpainit nila sia sa kaimon sa ila mga larawan.

59 Nabatian ini sang Dios kag naakig, Kag sa daku gid nagdumut sia sa Israel.

60 Ngani, ginbayaan niya ang Puluy-an sa Silo,

Ang Layanglayang nga iya ginpuy-an sa tunga sang mga tawo;

61 Kag ginhatag niya sa kabihagan ang iya kabakuran,

Kag ang iya himaya sa mga kamut sang kaaway.

62 Gintugyan man niya ang iya banwa sa hing'aniban,

Kag naakig sia batok sa iya panublion.

63 Ang kalayo naghalunhon sang ila mga pamatan-on,

Kag ang ila mga ulay walâ pagdayawa sa mga kalantahon sa pagkasal.

64 Ang ila mga saserdote nagkalapukan sa hing'aniban,

Kag ang ila mga bálo nga babae walâ magpanalabiton.

65 Niyan nagmata ang Ginoo, kaangay sang nagakatolog,

Subung sang isa ka maisug nga nagingit, nga ginapainit sang alak.

66 Kag ginpilas niya ang iya mga kaaway nga ginpaisol *niya sila*;

Ginhatagan niya sila sing dayon nga pagpasipala.

67 Labut pa, ginsikway niya ang layanglayang ni Iose,

Kag walâ niya pagpilia ang kabikahan ni Ephraim;

68 Kondi nga ginpili niya ang kabikahan ni Iuda,

Ang bukid sa Sion, nga iya sia ginhigugma,

69 Kag ginpatindug niya ang iya balaan nga Puluy-an subung sang mga kataasan,

Subung sang duta nga iya ginsadsaranan sa gihapon.

70 Kag ginpili niya si Dabid, nga iya alagad,

Kag kinuha sia niya sa palasudlan sang mga obeha.

71 Ginpakari sia niya gikan sa mga obeha nga nagapalasoso,

Agud nga magpahalab kay Iakob, nga iya banwa kag kay Israel nga iya panublion.

72 Kag ginpahalab niya sila, sono sang kalubusan sang tagiposoon;

Kag gindul-ong niya sila sa kasampaton sang iya mga kamut.

Ang paghapay sa Ierusalem; pangamuyo sa pagdangat sang panabang sang Dios.

*Salmos ni Asap.*

**79** OH Dios, nagsululúd ang mga katawohan sa imo panublion:

Ginmusingan nila ang Simbahan sang imo pagkabalaan.

Ginhimo nila ang Ierusalem sa tinumpok nga nagub-an.

2 Ginhatag nila ang mga bankay sang imo mga alagad nga pagkaon sang mga kapispisan sang langit,

Ang unud sang imo mga balaan sa mga kasapatan sang duta.

3 Ginula nila ang ila dugo subung

sang tubig sa mġa palibot sang Ierusalem,

Kag walay sin-o nġa maglubung sa ila.

4 Nanġinpalasipalahan kami sang amon mġa kasilingan ;

Gintiawtiawan kag ginlahuglahugan kami sang mġa yari nagalilibot sa amon.

5 ; Tuhtub pa bala san-o, oh Iehoba ?

; Magamaakigon ka bala sa gihapon ?

; Magadabdal bala subung sang kalaoy ang imo kaimon ?

6 Iula ang imo kaakig sa ibabaw sang mġa katawohan, nġa walā makakilala sa imo,

Kag sa ibabaw sang mġa ginharian nġa walā magapanawag sang imo nġalan.

7 Kay ginupūd nila si Iakob,

Kag ang iya puluy-an ginhapay nila.

8 Ayaw pagdumduma batok sa amon ang mġa kalainan nġa daan.

Magkalari sa pagsugat sing madali sa amon ang imo mġa kalooy,

Kay linapyo na gid kami.

9 Buligi kami, oh Dios, nġa kaluwasan namon, tunġud sang hinaya sang imo nġalan.

Kag bawia kami kag patawara kami sang amon mġa salā tunġud sang gugma sang imo nġalan.

10 Kay magasililing ang mġa katawohan : " ; Diin bala ang ila Dios ? "

Magmanginhayag sa mġa katawohan sa atubangan sang amon mġa mata,

Ang pagtimalus sang dugo sang imo mġa alagad, nġa ginpaagay.

11 Maglambut sa imo atubangan ang pagnguynguy sang mġa binilango ;

Sono sang pagkadaku sang imo butkon, bantayi ang mġa napanghukman sa kamatayon.

12 Kag pabalika sa amon mġa kasilingan, sa ila tiyan, sing makapito,

Ang ila pagpasipala, nġa ila ginpakahuya sa imo, oh Iehoba.

13 Kag kami, nġa banwa nimo, kag mġa obehā sang imo halaban,

Pagadayawon ka namon sa gihapon ;

Sa kaliwatan kag sa kaliwatan pagakantahon namon ang imo mġa kadayawan.

Panġamuyo sa Dios tunġud sang pagbantay sang kaebasan sang ġinoo.

*Sa Panġolo nġa musiko. Sa Sosan m. Pagpamatuud. Salmos ni Asap.*

**80** OH manugbantay ni Israel, linga.

Ikaw nġa nagadul-ong kay Iose subung sang pagdul-ong sa mġa obehā,

Nġa yara ka sa tunġa sang mġa kerubin, pagbanaag-ka.

2 Pamāt-a ang imo kaisug sa atubangan ni Epraim, kag ni Benyamin kag ni Manases,

Kag kari-ka sa pagluwas sa amon.

3 Oh Dios, balika kami,

Kag pasilaka ang imo nawung, kag manginmaluwas kami.

4 Iehoba, nġa Dios sang Sebaot,

; Tuhtub pa bala san-o magaasō ang imo kaakig batok sa panġamuyo sang imo banwa ?

5 Ginpakaon mo sila sing tinapay sang mġa luha,

Kag ginpainum mo sila sing mġa luha sa bugana gid.

6 Ginbutang mo kami nġa kasuayon sang amon mġa kasilingan.

Kag ang amon nġa kaaway nagaliniyubitay.

7 Oh Dios sang Sebaot, pabalika kami, Kag pasilaka ang imo nawung, kag manginmaluwas kami.

8 Ginpakari mo ang isa ka púnō sang ubas gikan sa Egipto,

Gintabog mo ang mġa katawohan, kag gintanum mo ini.

9 Gintinloan mo ang dung sa atubangan niya,

Kag ginpangalapakap niya ang ila mġa gamut, kag ginpunō niya ang duta.

10 Ang mġa kabukiran ginpanabunan sang iya landong,

Kag ang mġa sedro sang Dios, sang ila mġa sanġa.

11 Ginuntay niya ang ila mġa balaog tubtub sa dagat

Kag tubtub sa subā ang iya mġa salingsing.

12 ; Kay nġaa bala ginlaglag mo ang ila mġa kudal,

Sa bagay nġa ang tanan nġa mġa nagaalagi sa dalan, magapalamupo sa iya ?

13 Gintadag sia sang baboy nġa talonon,

Kag ginhalab sia sang sapat sang latagon.



14 Oh Dios sang Sebaot, balik-ka karon,

Tuluka kutub sa langit kag talupang-da, kag duawa ang imo kaubasan.

15 Kag bantayi ang pinúnô sang ubas, nga gintanum sang imo too,

Kag ang salingsing nga ginpabaskug mo nga sa imo,

16 Nasunog na sang kalayo, pinukan sia,

Magkaladula sila tungud sang pag-sabdong sang imo nawung.

17 Ang imo kamut manginsaibabaw sang lalaki sang imo too,

Sa ibabaw sang anak sang tawo nga ginpabaskug mo nga sa imo.

18 Sa sini indi na kami magbulag sa imo.

Buhia kami, kag pagatawgon namon ang imo ngalan.

19 Oh Iehoba, nga Dios sang Sebaot papaulia kami;

Pasilaka ang imo nawung, kag magamanginmaluwas kami.

Ang Dios nagabadlong kay Israel sang iya pagka-dimatagubaluson kag sang iya pag-kamalalison.

*Sa Pangolo nga musiko. Sa Gitit.  
Salmos ni Asap.*

**81** MAG-ALAMBAHAN-kamo sa Dios, nga kabakuran naton.

Ang Dios ni Iakob dayawa-ninyo nga may pagkalipay.

2 Kilinanta-kamo sing kalantahon, kag patunga-ninyo ang tambor,

Ang makawiwili nga arpa patí ang salterio.

3 Patunga-ninyo ang sungay sa lati, Sa ugsad, sa adlaw sang aton piesta.

4 Kay tulumanon ini sang Israel, Kasogoan sang Dios ni Iakob.

5 Nga sa pagpamatuud kay Iosee gintukud niya ini,

Sang naggowa sia batok sa duta sa Egipto,

Diin nakabati ako sing halambalanon, nga indi ako makahangup.

6 Ginpalayô ko ang iya abaga sa lulan,

Ang ila mga kamut ginluwas ko sa tabig.

7 Sa kalisdanan nagpanawag ka, kag ako ang nagbawi sa imo.

Ginsabat ko ikaw, nga nagapanago sa daguub,

Gintilawan ko ikaw sa mga tubig sa Meriba. Sela.

8 Pamati-ka, banwa ko, kag magapamatuud ako sa tungâ ninyo:

Israel, kon pamatian mo ako,

9 Walâ na gid sa imo sing liwan nga Dios,

Bisan magyaub-ka sa dios nga dumuluong.

10 Ako amo si Iehoba, nga imo Dios, Nga nagpatukad sa imo gikan sa duta sa Egipto:

Ngangha ang imo bâbâ, kag pagapun-on ko sia.

11 Apang ang akon banwa walâ magpamati sang akon tingug,

Kag si Israel walâ maluyag sa akon.

12 Ngani, ginpabayaan ko sila sa katiga sang ila tagiposoon,

Naglalakat sila sa ila gid nga mga laygay.

13 ¡ Oh, kon nagpamati kunta sa akon ang akon banwa,

Kon sa akon mga dalanon naglakat kunta si Israel!

14 Sa walâ gid sing kakuli ginsakup ko kunta ang ila mga kaaway,

Kag ginpabalik ko kunta ang akon kamut sa ibabaw sang ila mga manug-pigos.

15 Ang mga nagakalaakig kay Iehoba, nagpalasakup kunta sa iya,

Kag ang panag-on nila nanginsagiha-pon.

16 Kag ang Dios nagsakdag sa iya sang sulúd sang trigo,

Kag sa dugus sang bató ginbusug ka kunta niya.

Laygay sa mga hukom, agud nga maghukom sila sing matadlung gid.

*Salmos ni Asap.*

**82** ANG Dios yara sa kasapulanang sang Dios:

Sa tungâ sang mga dios nagahukom sia.

2 ¡ Tuhtub pa bala san-o magahukom kamo sing di gid matarung,

Kag magapamili kamo sing mga tawo sa pahanayon sa mga malauton? Sela.

3 Hukmi-ninyo sa katarungan ang imol kag ang ilo,

Himo-kamo sing katarungan sa nasubuan kag sa makalooloy.

4 Bawia-ninyo ang nasubuan kag ang may kinahanglan;

Bawia-ninyo sia sa kamut sang mġa madauton.

5 Walâ sila makahibalo, walâ sila makahanġup,

Nagalakat sila sa kadudulman :

Nagakindangkindang ang tanan nġa mġa sadsaran sang duta.

6 Ako nagsiling : Mġa dios kamo, Kag tanan kamo mġa anak sang Labing-Mataas.

7 Apang subung nġa mġa tawo magakalamatay kamo,

Kag magakalaholog kamo subung sing isa sang mġa dunganon.

8 Tindug-ka, oh Dios, hukmi ang duta ;

Kay ikaw magapanubli sang tanan nġa mġa katawohan.

Ang mġa katawohan nagapuhon batok kay Israel.  
Panġamuyo sa Dios, agud nġa pagluwason  
sia.

*Kalantahon. Salmos ni Asap.*

**83** OH Dios, ayaw ka paghipus, Ayaw ka pagpabunġul, oh Dios, bisan magpahamunong-ka.

2 Kay yari karon, naganġulurub ang imo mġa kaaway,

Kag ang mġa nagakalaakig sa imo, nagtalalanga.

3 Batok sa imo banwa nagahilimbos sila sing mahilumon gid,

Kag nagasalapol sila batok sa imo mġa pinanabangan.

4 Nagasililing sila : “ Kari-kamo kag upanġon naton sila, agud nġa indi sila magmanġinbanwa,

Kag walâ na gid sing handumanan sang nġalan ni Israel.”

5 Kay nagahilituhug sila tanan sa isa ka tagiposoon ;

Batok sa imo naghimo sila sing katipan :

6 Ang mġa payag sang mġa Iduminhon kag sang mġa Ismaelinhon,

Ang Moab kag ang mġa Agarinhon,

7 Ang Gebal, kag ang Amon kag ang Amalek,

Ang Pilistea kaúpod sang mġa pumulu-yô sa Tiro ;

8 Ang Assur man nagasimpon sa ila : Mġa butkon sila sa mġa inanak ni Lot.

Sela.

9 Himoa sila subung sang sa Madian, Subung kay Sisera, subung kay Iabin sa sapa sa Sison

10 Nġa ginpanlaglag sila sa Endor, Nġa nahimo sila nġa ipot sa duta.

11 Himoa ang ila mġa pangolo subung kay Oreb kag subung kay Seeb,

Kag sa tanan nila nġa mġa dunganon : subung kay Seba kag subung kay Sal-muna,

12 Nġa nagsililing sila : “ Angkonon naton nġa sa aton gid

Ang mġa puluy-an sang Dios.”

13 Dios ko, himoa sila subung nġa mġa alimpulos,

Subung nġa alikabut sa atubangan sang hangin,

14 Subung nġa kalayo nġa nagasunog sang talonan,

Subung sang dabdab nġa tutud sang mġa kabukiran.

15 Sa sini lagsa sila sang imo unos, Kag pakugmata sila sang imo buhawi.

16 Pun-a ang ila mġa nawung sa kahuya,

Agud nġa pagpanġitaon nila ang imo nġalan, oh Iehoba.

17 Kabay nġa pagpakahuy-an sila kag panlisangon sa gihapon,

Kag magpalamula sila kag magkala-dula sila.

18 Kag pagakilalahon nila nġa ikaw lamang, nġa ang imo nġalan, amo si Iehoba,

Amo lamang ang Labing-Mataas sa ibabaw sang bug-os nġa duta.

Kabulehanan sang mġa nagapuluyo sa balaan nġa  
Puluy-an sang Dios.

*Sa Pangolo nġa musiko. Sa Gitit. Sang  
mġa anak ni Kore. Salmos.*

**84** ! DAW ano ka mġa mahigugmaon sang imo mġa puluy-an,  
Oh Iehoba sang Sebaot !

2 Ang akon kalág nagaangkon kag ginalapyo sa paghandum sang mġa ugsaran ni Iehoba ;

Ang akon tagiposoon kag ang akon unud nagahulugyaw sa Dios nġa buhi.

3 Patí pa ang maya nakakita sing baláy,

Kag ang alagit-it sing pugad nġa sa iya, diin ginabutang niya ang iya mġa buto,

Sa Imo mġa halaran, oh Iehoba sang Sebaot,

Hari nakon kag Dios nakon.

4 Mġa bulahan yadtong nagapuluyô sa imo Baláy ;



Sa gihapon magadalayaw sila sa imo.  
Sela.

5 Bulahan ang tawo, nġa ang iya  
kusug yara sa imo,

Nġa sa iya kasingkasing yara ang imo  
mġa dalan.

6 Sang linakbay ang nalupyakan nġa  
Luhaan, ginahimo nila sia nġa duug sang  
mġa tuburan ;

Ang ulan man nġa ūna sang tingula-  
non ginaputus sia sing mġa pagpaka-  
maayo.

7 Nagalakat sila sa kusug kag kusug,  
Tubtub nġa magpahayag sila sa atu-  
bangan sang Dios sa Sion.

8 Oh Iehoba, nġa Dios sang Sebaot,  
pamatii ang akon pangamuyo,

Linga, oh Dios ni Iakob. Sela.

9 Tan-awa, oh Dios, nġa amon kala-  
sag,

Kag tuluka ang guya sang imo hinap-  
las.

10 Kay labing maayo ang isa ka adlaw  
sa imo mġa ugsaran nġa sa isa ka libo  
sa gowa nila.

Ginapasulabi ko ang pagkamanug-  
bantay sang gawang sang baláy sang  
akon Dios,

Sang magapuyô sa mġa puluy-an sang  
malain.

11 Kay ang Dios amo ang adlaw kag  
kalasag ;

Si Iehoba nagahatag sing bugay kag  
sing himaya :

Walâ magadumili sang bisan ano nġa  
kaayohan sa mġa nagaginawi sa kata-  
runġan.

12 Oh Iehoba sang Sebaot,

Bulahan ang tawo, nġa nagasalig sa  
imo.

Sa nagapakalig-on sila sa mġa binaton nġa pagta-  
bang, ang banwa sang Dios nagapanġayo nġa  
mabawi sila sa ila mġa ginaatu-  
bang nġa kasulub-an.

*Sa Pangŋolo nġa musiko. Sang mġa  
anak ni Kore. Salmos*

**85** NANĠINMALOLOY-ON ka sa  
imo duta, oh Iehoba,

Ginpapauli mo ang kabihagan ni  
Iakob.

2 Ginpatawad mo ang kalautan sang  
imo banwa :

Ang tanan nila nġa mġa salâ ginta-  
bunan mo. Sela.

3 Ginpungan mo ang tanan mo nġa  
kaakigon,

Naumpawan ka sang kasingkal sang  
imo kaakig.

4 Iuli sa amon, oh Dios, ang kaluwa-  
san namon,

Kag tapusa ang imo kaakig sa ibabaw  
namon.

5 ; Magakaakig ka pa bala batok sa  
amon sa gihapon ?

; Pagapalawigon mo bala ang imo  
kaakig sa kaliwatan kag sa kaliwatan ?

6 ; Indi ka bala maghatag liwan sa  
amon sing kabuhi,

Agud nġa ang imo banwa magkalipay  
sa imo ?

7 Ipakita sa amon, oh Iehoba, ang  
imo pagkalooy,

Kag ihatag sa amon ang imo kaluwa-  
san.

8 Pagapamatian ko ang pagaihambal  
sang Dios nġa si Iehoba,

Kay magahambal sia sing paghidaet  
sa iya banwa kag sa iya mġa balaan.

Apang indi sila magbalalik sa kabu-  
angan.

9 Sa pagkamatuud gid, malapit na  
ang iya kaluwasan sa mġa nagakahad-  
luk sa iya,

Agud nġa magpuyô ang himaya sa  
aton duta.

10 Ang kalooy kag ang kamatooran  
nagakitaay sila,

Ang katarunġan kag ang paghidaet  
nagahalukay sila.

11 Ang kamatooran nagaulhot sa duta  
Kag ang katarunġan nagatamud kutub  
sa kalangitan.

12 Si Iehoba magahatag man sang  
kaayohan,

Kag ang aton duta magapamunġa.

13 Ang katarunġan magaúna sa iya,  
Kag magahimo sia sa aton sa iya  
mġa tikang sing dalan.

*Si Dabid nagapanġayo sang pagtabang sang Dios.*

*Pangamuyo ni Dabid.*

**86** ILINĠIG, oh Iehoba, ang imo  
idulunġug kag pamatii ako ;

Kay ako nalisdan kag imol.

2 Bantayi ang akon kalág, kay main-  
ampoon ako :

Luwasa, oh Dios ko, ang imo alagad,  
nġa nagasalig sa imo.

3 Kalooye ako, oh Iehoba,

Kay ako nagasingit sa imo sa bug-os nga adlaw.

4 Lipaya ang kalág sang imo alagad ;  
Kay sa imo, oh Ginoo, ginabayaw ko ang akon kalág.

5 Kay ikaw, Ginoo, among maayo kag manugpatawad,

Kag bugana sa kalooy sa tanan nga mga nagtawag sa imo.

6 Pamatii, oh Iehoba, ang akon pangamuyo,

Kag pagdungang ang tingug sang akon pagampo.

7 Sa adlaw sang akon kalisdanan ginatawag ko ikaw,

Kay nagasabat ka sa akon.

8 Oh Ginoo, walay bisan sin-o nga subung sa imo sa tunga sang mga dios ;

Bisan mga binuhatan nga subung sang imo mga binuhatan.

9 Ang tanan nga mga katawohan nga imo ginpanghimo, magakalari kag magasilimba sila sa atubangan mo, Ginoo,

Kag magahilimaya sila sa imo ngalan.

10 Kay ikaw among daku, kag naghimo ka sing mga kalatingalahan.

Ikaw lamang ang Dios.

11 Tudloi ako, oh Iehoba, sang imo dalan :

Magalakat ako sa imo kamatooran.

Isaha ang akon tagiposoon, agud nga magkahadluk ako sa imo ngalan.

12 Pagadayawon ko ikaw, oh Iehoba nga Dios nakon, sa bug-os ko nga tagiposoon,

Kag pagahimayaon ko ang imo ngalan sa gihapon.

13 Kay ang imo kalooy among daku sa akon,

Kag ginluwas mo ang akon kalág sa boho nga madalum.

14 Oh Dios, ang mga palabilabihon nagatilindug batok sa akon,

Kag ang kasapulanang sang mga kalahadlukan nagpangita sa akon kalág,

Kag walâ ka nila igbutang sa atubangan sang ila mga mata.

15 Apang ikaw, Ginoo, among Dios nga maloloy-on kag mabugayon,

Mahinay sa pagpangakig kag bugana sa kalooy kag sa kamatooran.

16 Balikda ako, kag kalooye ako ;

Ihatag-mo ang imo gahum sa imo alagad,

Kag luwason-mo ang anak sang imo alagad nga babae.

17 Himo-ka sa akon sing talandaan nga sa kaayohan,

Agud nga makit-an sia sang mga nagadulumut sa akon kag magakalahuya sila.

Kay ikaw, oh Iehoba, ang nagatabang sa akon kag ang nagalipay sa akon.

Ang Dios nagakalipay sa Sion.

Sa mga anak ni Kore. Salmos.

Kalantahon.

**87** ANG iya sadsaran yadto sa mga kabukiran sa pagkabalaan.

2 Ginahigugma ni Iehoba ang mga gawang sang Sion

Labi sang tanan nga mga puluy-an ni Iakob.

3 Mahimayaon nga mga butang pagaihambal nahanungud sa imo,

Banwa sang Dios. Sela.

4 "Pagaisambit ko ang Rahab, kag ang Babilonia sa mga nakakilala sa akon :

Yari karon, ang Pilistea kag ang Tiro, upud ang Etiopia :

Ini sia natawo didto."

5 Kag nahanungud sa Sion pagaisiling : "Ini kag yadto nagkalatawo sa iya."

Kag pagapabakuron sia sang amo gid nga Labing-Mataas.

6 Kon isipon ni Iehoba ang mga katawohan, pagaisulat :

"Ini natawo didto." Sela.

7 Kag ang mga manugkanta kag mga manugkuskus magasililing :

"Ang tanan namon nga mga tuburan yara sa imo."

.

Ang manugambahan nagasaysay sang mga kalantahon nga nagalibot sa iya kag nagampo sa Dios nga pagbawion sia.

Kalantahon. Salmos sang mga inanak ni Kore. Sa Pangolo nga musiko. Sa Mahalat-Leanot. Maskil ni Heman nga Esrainhon.

**88** OH Iehoba nga Dios sang akon kaluwasan ;

Sa adlaw kag sa gab-i nagapanawag ako sa atubangan mo.

2 Magsulud ang akon pangamuyo sa imo atubangan,

Ilingi ang imo idulunug sa akon pagpanawag.



3 Kay ang akon kalág busug na sa kalainan,

Kag ang akon kabuhi nagapalapit na sa lulubngan.

4 Naisip na ako upud sa mġa nagapalanaug sa boho,

Subung ako sang tawo nġa walay kusug.

5 Nahamyang ako sa tunġa sang mġa minatay,

Subung sang mġa ginpatay nġa naghahamyang sa lulubngan,

Nġa sa ila indi ka na makadumdum,

Kag nġa ginbulag sila sa imo kamut.

6 Ginbutang mo ako sa madalum nġa boho,

Sa kadudulman, sa mġa kaidadalman.

7 Sa ibabaw nakon nagabug-at ang imo kaakig,

Kag pati sang imo mġa hanol ginpasubo mo ako. Sela.

8 Ginpapalayô mo sa akon ang akon mġa kilala;

Ginbutang mo ako nġa kаланġil-aran nila;

Natakpan ako kag indi ako makagowa.

9 Ang akon mġa mata nagakhagas bangud sang akon kalisdanan;

Ginatawag ko ikaw, oh Iehoba, sa adlawadlaw;

Ginauntay ko sa imo ang akon mġa kamut.

10 ; Magahimo ka bala sing mġa kalatingalahan sa mġa minatay?

; Magatilindug bala ang mġa minatay sa pagdayaw sa imo? Sela.

11 ; Pagaisugid bala sa lulubngan ang imo kalooy,

Kon ang imo katutum sa kapahamakan?

12 ; Makilala bala sa mġa kadudulman ang imo kalatingalahan,

Kag ang imo katarungan sa duta sang kalipatan?

13 Apang nahanungud sa akon, sa imo nagapanawag ako, oh Iehoba,

Kag sa kaagahon ang akon pangamuyo nagalambut sa imo.

14 ; Kay nġaa bala, Iehoba, ginasiway mo ang akon kalág?

; Kay nġaa bala ginatago mo sa akon ang imo nawung?

15 Ako among masulub-on kag naghahimumugto ako kutub pa sang akon pagkapamatan-on;

Ginadalá ko ang imo mġa kakugmat, daw nagapanuloy ako.

16 Sa ibabaw nakon nagaliligad ang mġa kasingkal sang imo kaakig,

Ang imo mġa kalisang nagkatapus sa akon.

17 Ginalibutan nila ako sing dayon, subung sang mġa tubig,

Ginalibutan nila ako sing tingub.

18 Ginpapalayô mo sa akon ang abyan kag ang kaúpud,

Kag ang akon mġa kilala anio ang mġa kadudulman.

Ang pagpakigkatipan sang Dios kay Dabid.—Ang Dios magaluwas sa iya banwa.

*Maskil. ni Etan nġa Esrainhon.*

**89** ANG mġa pagkalooy ni Iehoba pagakantahon ko sa dayon gid;

Sa kaliwatan kag sa kaliwatan pagaipakilala sang akon bâbâ ang imo katutum.

2 Kay nagsiling ako: Sa gihapon pagapatindugon ang pagkalooy;

Sa amo gid nġa mġa kаланġitan pagapalig-onon mo ang imo katutum.

3 "Nagpakigkatipan ako sa akon pinili;

Nagsumpa ako kay Dabid, nġa akon alagad, nġa nagasiling:

4 Sa gihapon pagapamatud-an ko ang imo kaliwatan,

Kag pagabangonon ko ang imo lingkoran nġa harianon sa tanan nġa mġa kaliwatan." Sela.

5 Kag pagadayawon sang kаланġitan ang imo kalatingalahan, oh Iehoba

Ang imo man katutum sa katilingban sang mġa balaan.

6 Kay ;sin-o bala sa kаланġitan ang makatupung kay Iehoba?

; Sin-o bala ang makaangay kay Iehoba sa mġa inanak sang mġa gamhanan?

7 Makahaladluk ang Dios sa daku nġa kasapulanang sang mġa balaan,

Kag makahalangawa sa ibabaw sang tanan nġa nagalilibot sa iya.

8 Oh Iehoba, Dios sang Sebaot, ;sin-o bala ang makagagahum nġa subung sa imo, oh Iehoba?

Kag ang imo katutum yara sa palibot nimo.

9 Ikaw may kagamhanan sa ibabaw sang pagpalabilabi sang dagat;

Kon magtilindug ang iya mġa kabaluran, ikaw nagapatinong sa ila.

10 Ikaw naglaglag sang Rahab subung sang isa ka pinatay.

Sa butkon sang imo kabakuran ginpaalapaag mo ang imo mga kaaway.

11 Imo ang mga kalangitan, imo man ang duta.

Ang kalibutan kag ang yara sa iya ikaw ang nagtukud sini.

12 Ang Amihan kag ang Bagatnan, ikaw ang nagtuga sa ila.

Ang Tabor kag ang Hermon magahingyaw sa imo ngalan.

13 Imo ang butkon nga may kaisug;

Makusug ang imo kamut, ginpakataas ang imo too.

14 Ang katarungan kag ang paghukom amo sila ang sadsaran sang imo lingkoran nga harianon;

Ang kalooy kag ang kamatooran nagatuna sa imo nawung.

15 Bulahan ang banwa nga nakakilala sang panawag sang budyong.

Nagalalakat sila, oh Iehoba, sa kapawa sang imo nawung.

16 Sa imo ngalan magakalalipay sila sa bug-os nga adlaw,

Kag sa imo katarungan pagapataason sila.

17 Kay ikaw amo ang pagkahalangdon sang iya kabakuran;

Kag tungud sang imo maayong kabubut-on pagapataason mo ang amon sungay.

18 Kay si Iehoba amo ang amon taming,

Kag ang amon hari amo ang Balaan sa Israel.

19 Niyan nagpakighambal ka sa palanan-awon sa imo mainampoon,

Kag nagsiling ka: "Ako nagbutang sang panabang sa ibabaw sang maisug;

Ginpakadaku ko ang pinili sang akon banwa.

20 Nakita ko si Dabid, nga akon alagad;

Ginhaplas ko sia sang lana sang akon pagkabalaan.

21 Ang akon kamut magamanginmalig-on sa iya,

Ang akon man butkon magamabakud sa iya.

22 Indi sia pagsakupon sang kaaway, Bisan ang anak sang kalaotan makapapaubus sa iya.

23 Apang pagalaglagon ko sa atubangnan niya ang iya mga kaaway,

Kag pagapilason ko ang mga nagakalaakig sa iya.

24 Kag ang akon katutum kag ang akon kalooy manginsaiya;

Kag sa akon ngalan magapakataas sang iya sungay.

25 Pagaibutang ko man ang iya kamut sa dagat,

Kag sa mga kasubaan ang iya too.

26 Sia magatawag sa akon: Amay ko ikaw,

Ang akon Dios kag ang Pil-as sang akon kaluwasan.

27 Magahimo ako sa iya sang pangnanay,

Ang labing labaw sa mga kaharian sang duta

28 Sa gihapon pagahuptan ko sa iya ang akon kalooy;

Ang akon katipan magamalig-on sa iya.

29 Kag pagapadayonon ko sa gihapon ang iya kaliwatan,

Kag ang iya lingkoran nga harianon, subung sang mga inadlaw sang kalangitan.

30 Kon pagbayaan sang iya mga inanak ang akon kasogoan,

Kag indi sila maglalakat sa akon mga katarungan,

31 Kon pasipalahan nila ang akon mga solondan,

Kag indi nila pagtumanon ang akon mga sogo;

32 Niyan pagaduawon ko nga may bunal ang ila pagkamalalison,

Kag sa mga hampak ang ila mga kalautan.

33 Apang indi ko pagkuhaon sa iya ang akon kalooy,

Bisan magtugut ako, nga maglikdang sia sa akon katutum.

34 Indi ko paglalison ang akon katipan,

Bisan baylohan ko ang bisan ano nga naggowa sa akon mga bibig.

35 Sa makaisa lamang nagpanumpa ako sa akon pagkabalaan,

Nga indi ako magbutig kay Dabid:

36 Ang iya kaliwatan magapadayon sa gihapon,

Kag ang iya lingkoran nga harianon subung sang adlaw sa atubangan nakon.

37 Subung sang bulan magamanginmalig-on sia sa gihapon,

Kag may isa ka matutum nga saksi sa mga kapananganuran." Sela.



38 Apang ginsikway mo ang imo hinaplas, ginpapalayô mo sia,

Kag naakig ka batok sa iya.

39 Gindumtan mo ang katipan sang imo alagad,

Ginpasipalahan mo ang iya purung-purung, ginholog mo ini sa duta.

40 Ginpanguba mo ang iya tanan nga mga kudal,

Ginlaglag mo ang iya mga kabakuran.

41 Ginakawatan sia sang tanan nga mga nagaalagi sa dalan;

Pasipala sia sa iya mga kasilingan.

42 Ginpakataas mo ang too sang iya mga sumulumpung,

Ginpakalipay mo ang tanan niya nga mga kaaway.

43 Subung man ginpapilo mo ang sulab sang iya hinganiban,

Kag walâ mo sia pag-agobaya sa pag-awayan.

44 Ginpauntat mo ang iya pagkidlap, Kag ginholog mo sa duta ang iya lingkoran nga harianon.

45 Ginpalip-ot mo ang mga inadlaw sang iya pagkapamatan-on,

Ginputus mo sia sing kahuluy-an.

Sela.

46 ? Tuhtub pa bala san-o, oh Iehoba?

? Magapanago ka bala sa gihapon?

? Magadabdab bala ang imo kaakig subung sang kalayo?

47 Panumduma kon daw ano kalip-ot sang akon panagon:

Sa ano nga kadayawan gintuga mo ang tanan nga mga inanak sang mga tawo.

48 ? Sino bala ang tawo nga sarang makakabuhi, kag indi makakita sang kamatayon?

? Pagaluwason mo bala ang iya kabuhi sa gahum sang lulubngan?

Sela.

49 Ginoo, ? diin na bala ang imo daan nga mga kalooy,

Nga ginsumpa mo kay Dabid tungud sang imo katutum?

50 Ginoo, panumduma ang pagpasipala sa imo mga alagad,

Ako nga nagadalâ sa akon sabak sang tanan nga mga banwa nga mga madamu,

51 Ang mga pasipala sang imo mga kaaway, oh Iehoba,

Ang ila mga pasipala batok sang mga tikang sang imo hinaplas.

52 Dalayawon si Iehoba sa gihapon.

Kabay pa, kag kabay pa.

## TOLON-AN IV.

Ang pagkahuyang sang tawo.—Ang pagbulut-an sang Dios.

*Pangamuyo ni Moises, nga tawo sang Dios.*

**90** GINOO, ikaw nangindalangpan namon sa kaliwatan kag sa kaliwatan.

2 Sa walâ pa magululhot ang mga bukid,

Kag mahuman mo ang duta kag ang kalibutan,

Kutub sa katuigan tuhtub sa katuigan, ikaw amo ang Dios.

3 Ginapabalik mo ang tawo sa yabok,

Kag nagasiling ka: "Magliliso-kamo, mga anak sang mga tawo."

4 Kay ang isa ka libo ka tuig sa atubangan sang imo mga mata,

Subung sang kahapon, nga nagligad, Kag subung sang isa ka hinugna sang kagab-ihon.

5 Ginadaldal mo sila subung sang ba-ha; kaangay sila sang damgo.

Sa aga kaangay sila sang hilamon, nga nagatúbô.

6 Sa aga nagapamulak sia kag nagabag-o;

Sa hapon ginasapsap sia kag ginapamala.

7 Kay sa imo kasingkal ginapangupud kami,

Kag sa imo kaakig ginapanglisang kami.

8 Ginabutang mo ang amon kalainan sa atubangan mo,

Ang amon tinago nga mga salâ, sa kapawa sang imo guya.

9 Kay ang tanan namon nga mga adlaw nagataliwan bangud sang imo kaakig:

Nagatapus kami sang amon nga tuig, subung sang isa ka pagpanghayhay.

10 Ang mga adlaw sang amon katui-gan nga kapitoan ka tuig sila,

Kag bangud sang kabaskug, mga kawaloan ka tuig;

Walay sapayan, ang iya bugal amo lang ang kabudlayan kag kasulub-an;

Kay sa madali nagataliwan sia kag nagalupad kami.

11 ? Sin-o bala ang nakakilala sang gahum sang imo kasingkal,

Kag sang imo kaakig, siling sang kahadluk nga igo sa imo?

12 Tudloi-kami sa pagisip sang amon mga adlaw,

Sa bagay nga makahuput kami sing tagiposoan nga manginalamon.

13 Balik-ka, oh Iehoba. ¿Tuhtub bala san-o?

Kag palugpay-ka nga sa imo mga alagad.

14 Busga-kami, sa aga, sang imo kalooy,

Agud nga mag-alambahan kami kag magkalalipay kami sa tanan namon nga mga adlaw.

15 Lipaya-kami sono sang mga adlaw nga ginpakalisdan mo sa amon,

Kag sono sang mga tuig nga nakakita kami sing kalainan.

16 Ipahayag ang imo mga binuhatan sa imo mga alagad;

Kag ang imo himaya sa ibabaw sang ila mga anak.

17 Kag ang kagayon ni Iehoba, nga amon Dios, manginsaibabaw namon.

Kag lig-ona ang mga binuhatan sang amon mga kamut nga sa amon;

Hoo, lig-ona ang mga binuhatan sang amon mga kamut.

Panabang sang Dios sa mga nagadalangsp sa iya.

**91** ANG nagapuyô sa dalangpan sang Labing-Mataas,

Magapahuway sia sa idalum sang landong sang Makaako.

2 Nagasiling ako nahanungud kay Iehoba: "Sia amo ang akon dalangpan, kag ang akon kuta,

Ang akon Dios, nga sa iya nagasalig ako."

3 Kay sia ang nagaluwas sa imo sa siod sang mangangayam,

Kag sa kamatay nga manuglaglag.

4 Sia magatabon sa imo sang iya mga kakuyusan,

Kag sa idalum sang iya mga pakpak nagapalipod ka.

Ang iya kamatooran among kalasag kag taming.

5 Dili ka mahadluk sang kakugmat sa kagab-ihon,

Bisan sa baslay nga nagalupad sa adlaw,

6 Bisan sa kamatay nga nagalakat sa kadudulman,

Bisan sa paglaglag nga nagapapas sa kaudtohan.

7 Nagakapukan sa imo luyo ang isa ka libo,

Kag napúlô ka libo sa imo too,

Apang sa imo indi makalambut.

8 Lamang magatuluk ka sang imo mga mata,

Kag makit-an mo ang balus sang mga banyaga.

9 Kay ikaw, Iehoba, amo ang akon dalangpan.

Ang Labing-Mataas ginhimo mo nga imo puluy-an.

10 Walâ sing bisan ano nga malain nga mahanabu sa imo,

Bisan ang bisan ano nga kalalat-an magalambut sa imo layanglayang,

11 Kay sia magasogo sa iya mga manugtunda nahanungud sa imo,

Nga bantayan ka nila sa tanan mo nga mga dalanon.

12 Pagakungkunon ka nila sang ila mga kamut,

Agud nga indi makasandad ang imo tiil sa batô.

13 Magalakat ka sa ibabaw sang leon kag sang man-ug nga dalitan,

Sa ibabaw sang bataon nga leon kag sang dragon magatapak ka.

14 "Tungud kay binutang niya sa akon ang iya gugma,

Ako man magaluwas sa iya.

Igabutang ko sia sa mataas, kay ginkilala niya ang akon ngalan.

15 Pagatawgon ako niya, kag ako magasabat sa iya.

Manginkaúpud niya ako sa kalilisdan; Pagaluwason ko sia, kag pagpahimayaon ko sia.

16 Pagabusgon ko sia sa malawig nga mga adlaw,

Kag igapahayag ko sa iya ang akon kaluwasan."

Delayawon si Iehoba tungud sang iya mga binuhatan, tungud sang iya katarungan, kag tungud sang iya kalooy.

*Salmos. Kalantahan nga sa adlaw nga sabado.*

**92** MAAYO ang pagdayaw kay Iehoba

Kag pagkanta sing mga salmos sa imo ngalan, oh Labing-Mataas:

2 Pagbanta!a sa kaagahon sang imo kalooy,

Kag sang imo katutum sa mga kagab-ihon,



3 Sa dekadangordio kag sa salterio,  
Sa paningug nga malolot sang arpa.

4 Kay ginalipay mo ako, oh Iehoba,  
tungud sang imo mġa binuhatan;

5 Sa mġa binuhatan sang imo mġa  
kamut nagahugyaw ako.

! Nġa pagkadalogku sang imo mġa  
binuhatan, oh Iehoba!

Mġa labing walay katubtuban nġa  
kadalumon amo ang imo mġa hunahuna.

6 Ang tawo nġa pakok indi maka-  
kilala,

Kag ang buangbuang indi maka-  
hangup sini.

7 Sang nagalulusot ang mġa malauton  
subung sang hilamon,

Kag nagapamulak ang tanan nġa na-  
gabuluhat sing kalautan,

Ini amo agud nġa pagpanlaglagon  
sila sa gihapon.

8 Apang ikaw, Iehoba, nagapadayon  
sa pagkataas sa gihapon.

9 Kay yari karon ang imo mġa ka-  
away, oh Iehoba,

Kay yari karon magakaladula ang  
imo mġa kaaway;

Pagapalaaplagon ang tanan nġa mġa  
nagabuluhat sing kalautan.

10 Apang ikaw magapakataas sang  
akon sangay subung sang iya sang baka;

Ginahaplas ako sang bag-o nġa lana.

11 Kag magatuluk ang akon mġa  
mata sa mġa nagpalanilag sa akon,

Magapamati ang akon mġa idulungug  
sang hambal nahanungud sa mġa ma-  
lauton, nġa nagatilindug batok sa akon.

12 Ang mġa matarung magapamulak  
subung sang paklang,

Magatulubô sila subung sang sedro  
sa Libano;

13 Ginpananum sila sa baláy ni Ie-  
hoba,

Sa mġa patyo sang akon Dios naga-  
palamulak sila.

14 Sa katigulangon nagabulunga pa  
sila;

Magamanginmadugaon gid kag mġa  
lumbay sila,

15 Sa pagbantala nġa si Iehoba among  
matadlung.

Sia amo ang akon Batong bantiling,  
Kag sa iya walâ ang pagkadikatar-  
rung.

Gabum kag pagkahalangdon sang ginharian  
sang Dios.

**93** SI Iehoba nagahari. Nagpanaput  
sia sing pagkaharianon,  
Nagpanaput si Iehoba, nagwagkus  
sia sing kabakuran.

Ginpalig-on man niya ang kalibutan  
nġa indi maggiho.

2 Malig-on ang imo lingkoran nġa  
harianon kutub sadto pa;

Amo ikaw sa walâ gid sing katub-  
tuban.

3 Nagtalaas ang mġa subâ, oh Iehoba,  
Nagtalaas ang mġa subâ sang ila hu-  
gas,

Nagtalaas ang mġa subâ sang ila mġa  
hanol.

4 Si Iehoba sa kahitaasan makagaga-  
hum,

Labi pa sang hinuganas sang madamu  
nġa mġa tubig,

Labi pa sang mġa gamhanan nġa mġa  
balud sang dagat.

5 Ang imo mġa pagpamatuud mġa  
malig-on gid.

Ang pagkabalaan nagapuni sa imo  
baláy,

Oh Iehoba, sa mġa katuigan kag sa  
gihapon.

Pagpakitabang sa katarungon sang Dios batok  
sô mġa malaio.

**94** IEHOBA, Dios sang mġa pagti-  
malus,

Dios sang mġa pagtimalus, sidlak-ka.

2 Pagpakataas-ka, oh Hukom sang  
duta:

Ihatag ang bayad sa mġa palabilabihon.

3 ! Tubtub pa bala san-o ang mġa  
madauton,

Tubtub pa bala san-o, oh Iehoba, ma-  
gahilimaya ang mġa madauton?

4 Nagabulura sila, kag nagahalambal  
sila sing matinaastaason gid,

Nagapaladayawdayaw ang tanan nġa  
mġa nagahilimo sing kalainan.

5 Ang imo banwa, oh Iehoba, gina-  
laglag nila,

Kag ang imo panublion ginapapaubus  
nila.

6 Ginapatay nila ang bálo nġa babae  
kag ang dumuluong,

Kag ang mġa ilo ginakuhaan nila sing  
kabuhian.

7 Kag nagasiling sila: "Indi makaki-  
ta si Iehoba,

Bisan makahanġup ang Dois ni Iakob.”  
8 Pagtalupangud-kamo, mġa pakok sang banwa ;

Kag kamo nġa mġa kulangkulang, ġ san-o pa kamo magmanġinmaalang ?

9 Ang nagbutang sang idulungug, ġ indi bala makabati ?

Ang naghuman sang mata, ġ indi bala makakita ?

10 Ang nagasilot sa mġa katawohan, ġ walâ bala nagasabdong sia, nġa nagatudlo sa mġa tawo sing kinaadman ?

11 Si Iehoba nakakilala sang mġa hulahuna sang mġa tawo,

Nġa mġa kadayayawan sila.

12 Bulahan ang tawo nġa sa iya ikaw, Iehoba, nagasilot,

Kag sa imo kasogoan pagatudloan mo sia,

13 Agud nġa pagpapahuwayon mo sia sa mġa adlaw sang kasulub-an,

Tubtub nġa makutkutan ang boho nġa sa malauton.

14 kay indi pagbayaan ni Iehoba ang iya banwa,

Bisan pagbulagan niya ang iya panublion.

15 Kay ang paghukom pagaiuli sa katarunġan,

Kag sa olehe nila magalalakat ang tanan nġa mġa matadlung sa tagiposoan.

16 ġ Sin-o bala ang magatindug tungud sa akon batok sa mġa madautan ?

ġ Sin-o bala ang magatal-us sa akon batok sa mġa nagabuluhat sing kalainan ?

17 Kon walâ ako pagbuligi ni Iehoba, Sa madali magapuyô kunta ang akon kalâġ sa kahipusan.

18 Sang ako nagsiling : “ Ang akon tiil nagakadanlog,”

Ang imo kalooy, oh Iehoba, nag-obay sa akon.

19 Sa kadamuan sang akon mġa hulahuna sa sulûd nakon,

Ang imo mġa paglipay nagapasadya sang akon kalâġ.

20 ġ Magatingub bala sa imo ang lingkoran nġa harianon sang mġa kalautan,

Nġa nagahimo sing pagdaut tungud sang sogo ?

21 Nagatililipon sila batok sa kabuhi sang matarangud,

Kag ginatagudilian nila ang dugo nġa walay salâ.

22 Apang si Iehoba nanġinakon dalangpan,

Kag ang akon Dios, nġa amo ang Batong bantiling, nġa akon dalangpan.

23 Kag sia magapabalik sa ibabaw nila sang ila kalautan,

Kag pagalaglagon sila niya tungud sang ila kaugalingon nġa kalainan :

Pagalaglagon sila ni Iehoba, nġa amon Dios.

Pagdapit sa pagdayaw kay Iehoba kag sa pagmamati sang iya tingug.

**95** KARI-kamo, maghulugyaw-kita sing masadya gid kay Iehoba,

Kantahon naton nġa may pagkalipay ang Batong bantiling sang aton kaluwasan.

2 Magdangat-kita sa atubangang sang iya nawung nġa may pagpasalamat,

Maghulugyaw-kita nġa may kalantahon.

3 Kay si Iehoba among daku nġa Dios,

Kag daku nġa hari sa ibabaw sang tanan nġa mġa dios.

4 Sa iya kamut yara ang mġa kaidaldalman sang duta.

Kag ang mġa putokputok sang mġa kabukiran iya sila.

5 Iya man ang dagat, kay sia naghimo sa iya,

Kag ang iya mġa kamut naghuman sang mamala.

6 Kari-kamo, simbahon kag yaubannaton sia,

Magluluhod-kita sa atubangang ni Iehoba, nġa aton Magbubuhat.

7 Kay sia amo ang aton Dios,

Kita ang banwa sang iya halalban, kag ang mġa obeha sa idalum sang iya kamut.

Kon karon pagpamatian ninyo ang iya tingug,

8 Indi ninyo pagpatig-ahon ang inyo tagiposoan subung sang sa Meriba,

Subung sang sa kaadlawan ni Masa sa kahanayakan,

9 Nġa didto ginsulâġ ako sang inyo mġa ginikanan,

Gintilawan nila ako kag nakita nila ang akon binuhatan.

10 Linas-ayan ako sing kap-atan ka tuig sa banwa,

Kag nagsiling ako : “ Banwa ini, nġa nagatalangtalang ang iya tagiposoan,

Kag walâ nila makilala ang akon mġa dalanon.”



11 Ngani nagsumpa ako sa akon kasingkal:

"Indi sila makasulúd sa akon palahawayan."

Paglaygay sa bug-os nga duta nga magdayaw  
kag magkahadluk kay Iehoba.

**96** PAG-AMBAHAN-KAMO kay Iehoba, sa bag-o nga ambahanon. Pag-ambahan-kamo kay Iehoba, bug-os nga duta.

2 Pag-ambahan-kamo kay Iehoba, pagpakamaayohon-ninyo ang iya ngalan,

Ibantala-ninyo sa adlawadlaw ang iya kaluwasan.

3 Igsugid-ninyo sa tungâ sang mga katawohan ang iya himaya,

Sa tanan nga mga banwa, ang iya mga kalatingalahan.

4 Kay daku si Iehoba, kag takus gid sa labing daku nga pagdayaw,

Makahaladluk sia labi sa tanan nga mga dios.

5 Kay ang tanan nga mga dios sang mga katawohan mga larawan;

Apang si Iehoba ang naghimo sang mga langit.

6 Ang kadunganan kag ang kahalangdon yara sa atubangan niya.

Ang kabaskug kag ang katahuman yara sa iya balaan nga Puluy-an.

7 Pagihatag-ninyo kay Iehoba, oh mga panimaláy sang mga katawohan,

Pagihatag-ninyo ang himaya kag ang kabaskug;

8 Pagihatag-ninyo kay Iehoba ang himaya, nga nagakaigo sa iya ngalan;

Pagdala-kamo sing mga halad kag sulúd-kamo sa iya mga ugsaran.

9 Maglayaub-kamo kay Iehoba sa balaan nga kagayon.

Pagkulurug-kamo sa atubangan niya, bug-os nga duta.

10 Igsiling-ninyo sa tungâ sang mga katawohan: "Si Iehoba nagahari:

Ginlig-on man niya ang kalibutan, nga indi mationg.

Pagahukman niya ang katawohan sa katarungan."

11 Magkalipay ang mga langit kag magsadya ang duta,

Magnurub ang dagat kag ang tanan nga yara sa iya.

12 Magkasadya ang latagon kag ang tanan nga yara sa iya;

Niyan ang tanan nga mga kahoy sa kagulangan magahulugyaw

13 Sa atubangan ni Iehoba; kay nagakari sia,

Kay nagakari sia sa paghukom sa duta.

Sia magahukom sa kalibutan nga may katarungan,

Kag sa mga katawohan, sono sang iya katutum.

Pagkahalangdon sang ginharian sang Dios; ang  
silot sa mga malain; laygay sa pag-  
kamaloloy-on kag sa kalipay.

**97** SI Iehoba nagahari. Magkalipay ang duta,

Magsilinadya ang madamu nga mga kapuloan.

2 Ang gal-um kag ang kadudulman sa palibot niya;

Ang katarungan kag ang paghukom amo sila ang sadsaran sang iya lingkoran nga harianon.

3 Ang kalayo nagaúna sa iya

Kag nagasunog sang iya mga kaaway sa palibot.

4 Ang iya mga kilat nagapasanag sang kalibutan;

Ang duta nagatan-aw sini kag nagakurug.

5 Ang mga kabukiran nagakalatunaw, subung sang talo sa atubangan ni Iehoba,

Sa atubangan sang Ginoo sang bug-os nga duta.

6 Ang mga langit nagapatpat sang iya katarungan,

Kag ang tanan nga mga banwa nagatan-aw sang iya himaya.

7 Nagakalahuya ang tanan nga mga nagaalagad sa mga larawan nga tinigban,

Ang mga nagadalayaw sa mga dios.

Ang tanan nga mga dios nagalayaub sa iya.

8 Ang Sion nagapamati sini kag nagakalipay,

Kag ang mga anak nga babae ni Iuda, oh Iehoba,

Nagakalalipay tungud sang imo mga paghukom.

9 Kay ikaw, Iehoba, among Labing-Mataas sa ibabaw sang bug-os nga duta;

Ikaw labaw gid sa ibabaw sang tanan nga mga dios.

10 Kamo nga mga nagahigugma kay Iehoba, pagkaakigi-ninyo ang malain.

Nagabantay sia sang kalág sang iya mga mainampoon.

Sa kamut sang mga madauton ginabawi sila niya.

11 Natanum na ang suga nga sa matarung,

Kag ang kalipay nga sa mga matadlung sa tagiposoon.

12 Pagkalasadya-kamo, mga matarung, kay Iehoba,

Kag dayawa-ninyo ang handumanan sang iya pagkabalaan.

Ang Dios ginadayaw tungud sang pagbantala sang kaluwasan.

*Salmos.*

**98** KALANTA-KAMO kay Iehoba sing bag-o nga kalantahon,

Kay naghimo sia sing mga kalatingalahan:

Ang iya too kag ang iya balaan nga butkon nagluwas sa iya.

2 Ginpakilala ni Iehoba ang iya kaluwasan;

Sa mga mata sang katawohan ginpahayag niya ang iya katarungan.

3 Nakadumdum sia sang iya kalooy kag sang iya katutum nga sa baláy ni Israel.

Ang tanan nga mga ukbung sang duta nakakita sang kaluwasan sang aton Dios.

4 Hinugyaw-kamo sing masinadyahon gid kay Iehoba, bug-os nga duta.

Sa hinali nga pagsingit sa kalipay alambahan-kamo;

5 Alambahan-kamo kay Iehoba nga may arpa,

Nga may arpa kag tingug sa kalantahon.

6 Hinugyaw-kamo nga may mga budyong kag mga sungay

Sa atubangan sang Hari nga si Iehoba.

7 Magngurub ang dagat kag ang tanan nga yara sa iya,

Ang kalibutan kag ang mga nagapulyô sa iya;

8 Ang mga subâ magpamalakpak,

Ang mga kabukiran sa tingub magsingit sa kalipay

9 Sa atubangan ni Iehoba; kay nagakari sia sa paghukom sang duta.

Magahukom sia sang kalibutan nga may katarungan,

Kag sa mga katawohan nga may katadlungan.

Ang pagkadaku sang ginharian sang Dios.

**99** SI Iehoba nagahari. Nagakulurug ang mga katawohan.

Sia nagalingkod sa ibabaw sang mga kerubin: nagalingilingi ang duta.

2 Si Iehoba sa Sion daku sia,

Kag mataas sia sa ibabaw sang tanan nga mga katawohan.

3 Dayawon ang imo daku kag maka-haladluk nga ngalan.

Sia amo ang balaan.

4 Kag dayawon ang kagamhanan sang hari, nga nagahigugma sang katarungan.

Ikaw nagapalig-on sang katadlungan; Ikaw nagahimo kay Iakob sing paghukom kag katarungan.

5 Pakataasa-ninyo si Iehoba nga aton Dios,

Kag layaub-kamo sa talapakan sang iya mga tiil.

Sia amo ang balaan.

6 Si Moises kag si Aaron sa tungâ sang imo mga saserdote,

Kag si Samuel sa tungâ sang mga nagpalanawag sang iya ngalan;

Ginatawag nila si Iehoba, kag sia nagsabat sa ila.

7 Sa haligi nga panganud naghambal sia sa ila.

Ginbantayan nila ang iya mga pagpamatuud kag ang palatukuran nga kinahatag niya sa ila.

8 Iehoba nga amon Dios, ikaw nagsabat sa ila;

Ikaw nanginisa sa ila ka Dios nga manugpatawad,

Kag manugtimalus sang ila mga binuhatan.

9 Pakataasa-ninyo si Iehoba, nga aton Dios,

Kag layaub-kamo sa bukid sang iya pagkabalaan;

Kay si Iehoba, nga aton Dios, amo ang balaan.

Delayawon ang Dios tungud sang iya mga binuhat.

*Salmos sa pagdayaw.*

**100** HILINUGYAW-KAMO sing masinadyahon gid sa Dios, bug-os nga duta.

2 Alagda-ninyo si Iehoba nga may kasadya,



Sulúd-kamo sa atubangán sang iya nawung nga may siningit sa kalipay.

3 Kilalaha-ninyo nga si Iehoba amo ang Dios.

Sia nagbuhat sa aton kag kita indi aton kaugalingon :

Banwa kita niya, kag m̃ga obeha sang iya halalban.

4 Sulúd-kamo sa iya m̃ga gawang nga may m̃ga pagpasalamat,

Sa iya m̃ga patyo nga may pagdayaw. Dayawa-ninyo sia, pakamaayohaninyo ang iya ngalan.

5 Kay si Iehoba maayo ; nga sa giha-pon nagapadayon ang iya kalooy,

Kag ang iya katutum sa kaliwatan kag sa kaliwatan.

Si Dabíd nagapanaad sa Dios nga magalakat sia sa kalubus, kag nga magapalayo sia sa kalainan.

*Salmos ni Dabíd.*

**101** ANG kalooy kag ang paghukom pagakantahon ko ;

Sa imo magakanta ako, oh Iehoba.

2 Magaginawi ako sing binut-anan gid sa dalan sang kahimpitan.

¿San-o ka bala magkari sa akon?

Sa kalubus sa akon tagiposoon magalakat ako sa tungâ sang akon baláy.

3 Indi ko pagibutang sa atubangán sang akon m̃ga mata ang butang nga malaway ;

Ginakaakigan ko ang binuhatan sang m̃ga nagatalalang :

Walâ gid sa ila, nga makapilít sa akon.

4 Ang tagiposoon nga madauton magapalayô sa akon,

Indi ako magakilala sa malauton.

5 Ang nagalibak sa iya isigkatawo sa tago, pagatapuson ko sia.

Indi ako magabatas sa may m̃ga mata nga matinaastaason kag sa may tagiposoon nga palabilabihon.

6 Ang akon m̃ga mata pagaibutang ko sa m̃ga matutum sang duta, agud nga magpulúyô sila upud sa akon.

Ang nagalakat sa dalan sang kahimpitan, ini sia manginakon alagad.

7 Indi makapuyô sa sulúd sang akon baláy ang nagahimo sing limbong ;

Ang nagahambal sing kabutigan indi sia magmalig-on sa atubangán sang akon m̃ga mata.

8 Sa agaaga pagatapuson ko ang tanan nga m̃ga madauton sang duta,

Sa pagpapas sa banwa ni Iehoba sang tanan nga nagabuluhat sing kalautan.

Sa iya mangitngit nga pagbakho ang manugambahan nagapakibulig sa Dios, agud nga iuli niya sa iya una nga kahimtangan ang iya banwa, kag sakmon niya ang duta sa idalum sang iya katumanan.

*Pangamuyo sang makalooloy, kon nagabakho sia, kag sa atubangán ni Iehoba iula niya ang iya panalabitan.*

**102** IEHOBA, pamatii ang akon pangamuyo,

Kag mag-abut sa imo ang akon panaghoy.

2 Ayaw pagtagoa ang imo nawung sa akon.

Sa adlaw sang akon kalisdanan ilingig sa akon ang imo idulungug.

Sa adlaw nga magpanawag ako, dali-ka sa pagsabat sa akon.

3 Kay ang akon m̃ga adlaw nagaka-puas subung sang asó,

Kag ang akon m̃ga tul-an daw inapog sang kasingkal sang dabok ;

4 Ang akon tagiposoon pinilas, subung sang hilamon, kag nalaya ;

Kay nalipat ako sa pagkaon sang akon tinapay.

5 Tungud sang tingug sang akon pagbakho

Ang akon m̃ga tul-an nagpililít sa akon unud.

6 Katulad ako sa pelikano sang kahanayakan,

Subung ako sang murugmon sang kamuhaymuhayan.

7 Nagapulaw ako, kag subung ako sang nagaisaisa nga pispis sa ibabaw sang atup.

8 Sa adlawadlaw ginapasipalahan ako sang akon m̃ga kaaway :

Ang m̃ga nagakalaakig batok sa akon, naghilimbon batok sa akon.

9 Kay nagakaon ako sang abó subung sang tinapay,

Kag ang akon ilimnon ginasaktan ko sing paghibi,

10 Bangud sang imo pagsungud kag sang imo kaakig ;

Kay ginhakwat mo ako kag ginpilák mo ako.

11 Ang akon m̃ga adlaw subung sila sang landong nga nagaligad,

Kag nalaya ako subung sang hilamon.

12 Apang ikaw, Iehoba, nagapadayon sa gihapon,

Kag ang imo handumanan nga sa kaliwatan kag kaliwatan.

13 Ikaw, magatindug ka, kag magahikalooy ka sa Sion;

Kay dag-on na sa pagkalooy sa iya, hoo, ang pinat-in nga panag-on nag-abut na.

14 Kay ang imo mga alagad nagahiliguma sang ila mga bató,

Kag sa yab-ok niya may kalooy sila.

15 Niyan magakalahadluk ang mga katawohan sang ngalan ni Iehoba,

Kag ang tanan nga mga hari sa duta, sang imo himaya;

16 Kon mapatindug ni Iehoba ang Sion,

Sia magapahayag sa iya himaya.

17 Magatalupangud sia sang pangamuyo sang mga binayaan,

Kag walá niya pagatamaya ang pagampo nila.

18 Pagaisulat ini nga sa palaabuton nga kaliwatan,

Kag ang banwa nga pagatugahon, magadayaw kay Iehoba;

19 Kay nagatamud sia gikan sa nataasan sang iya balaan nga Puluy-an.

Si Iehoba nagatamud gikan sa kalangitan pa duta,

20 Sa pagpamati sang paghibubun-ot sang mga binilango,

Sa pagbuhì sa mga ginhukman sa kamatayon,

21 Agud nga ibantala nila sa Sion ang ngalan ni Iehoba,

Kag ang kadayawan niya sa Ierusalem,

22 Kon ang mga katawohan magtilingub sa isa lamang,

Kag ang mga ginharian sa pag-alagad kay Iehoba.

23 Sia nagpaluya sang akon kusug sa dalanon,

Ginpalip-ot niya ang akon mga inadlaw.

24 Nagasiling ako: Dios ko, ayaw ako pagkuhaa sa tungâ sang mga kaadlawan.

Sa kaliwatan sang mga kaliwatan amo ang imo mga tinuig.

25 Ikaw nagtukud sang duta sadto gid,

Kag ang mga kalangitan mga binuhatan sila sang imo mga kamut.

26 Sila magakaladula, apang ikaw magapadayon.

Kag sila nga tanan, subung sang isa ka panapton, magatiligulang,

Subung sang isa ka panapton pagalisan mo sila, kag pagapangilisan sila;

27 Apang ikaw amo gid ikaw,

Kag ang imo mga tinuig indi magkalatapus.

28 Ang mga inanak sang imo mga alagad magapaladayon,

Kag ang imo kaliwatan pagapalig-onon sa imo atubangan.

Pag-agda sa pagdayaw sa Dios tungud sang tanan niya nga mga kaayohan.

*Salmos ni Dabid*

**103** PAKAMAAYOHA si Iehoba, kalág ko;

Kag pakamaayohon sang tanan nakon nga mga kasudlan ang iya balaan nga ngalan.

2 Pakamaayoha si Iehoba, kalág ko,

Kag ayaw pagkalimti ang bisan ano sang iya mga kaayohan:

3 Nga sia among nagapatawad sang tanan mo nga mga kalautan,

Nga sia nagaáyô sang tanan mo nga mga balatian,

4 Nga sia nagabawi sang imo kabuhi sa lulubngan,

Nga sia nagapurungpurung sa imo sing bugay kag sing kalooy,

5 Nga sia nagabusug sing kaayohan sa imo katigulangan,

Sa bagay nga ikaw magpamatan-on subung sang agila.

6 Si Iehoba among nagahimo sang katarungan

Kag katadlungan sa tanan nga mga pinigos.

7 Ang iya mga dalanon gintudlo niya kay Moises,

Kag sa mga inanak ni Israel, ang iya mga binuhatan.

8 Maloloy-on kag mahinoklogon amo si Iehoba,

Mahinay nga sa pagkaakig kag bugana sa pagkalooy.

9 Walâ sia magasabdong sing dalayon,

Bisan sa dalayon nagahuput sia sing kaakig.

10 Walâ sia magkabig sa aton sono sang aton mga kalainan,

Bisan nagbalus sia sa aton sono sang aton mga salâ.



11 Kay subung sang kataasan sang mġa langit sa ibabaw sang duta,

Ginapakadaku niya ang iya pagkalooy sa ibabaw sang mġa nagakahadluk sa iya.

12 Sono sang kalayoon sang sidlangan sa katungdan,

Amo ini ginpapalayô niya sa aton ang aton mġa pagkamalalison.

13 Subung sang amay nġa nagakalooy sa mġa anak,

Nagakalooy si Iehoba sa mġa nagakahadluk sa iya.

14 Kay sia nagakilala sang aton kab-tangan :

Nagadumdum sia nġa kita yab-ok.

15 Ang tawo, subung sang hilamon amo ang iya mġa kaadlawan :

Nagapamulak sia subung sang bulak sang latagon,

16 Nġa nagagi ang hangin sa iya kag nawâlâ sia,

Kag ang iya duug walâ na makakilala sa iya.

17 Apang ang kalooy ni Iehoba kutub sa katuigan kag tubtub sa katuigan sa ibabaw sang mġa nagakahadluk sa iya,

Kag ang iya katarungan sa ibabaw sang mġa anak sang ila mġa anak,

18 Sa ibabaw sang mġa nagatuluman sang iya katipan,

Kag sa mġa nagapanumdum sang iya mġa sogo sa pagbutang sa ila sa buhat.

19 Ginpahamtang ni Iehoba sa mġa langit ang iya lingkoran nġa harianon,

Kag ang iya ginharian nagagahum sa ibabaw sang tanan.

20 Pakamaayoha-ninyo si Iehoba, kamo nġa iya mġa manugtunda,

Mġa makagagahum sa kabakuran, nġa ginatuman ninyo ang iya tulumanon,

Nġa nagasulunud sa tingug sang iya polong.

21 Pakamaayoha-ninyo si Iehoba, kamong tanan nġa iya mġa kasoldadosan,

Kamo nġa mġa manughikot niya, nġa nagahimo sang iya kabubut-on.

22 Pakamaayoha-ninyo si Iehoba, kamong tanan nġa iya mġa binuhatan,

Sa tanan nġa mġa duug sang iya ginharian.

Pakamaayoha si Iehoba, kalág ko.

Ang himaya sang Dios, nġa napabayag sa pagtuga kag sa paghuput sang tanan nġa mġa butang.

**104** PAKAMAAYOHA, kalág ko, si Iehoba.

Iehoba, nġa Dios ko, daku ka gid ; Panapton ka sing himaya kag sang pagkaharianon.

2 Sia ang nagapanabon sing kapawa subung nġa panapton,

Sia nġa nagahumlad sang kalanġitan subung sang isa ka kumbung.

3 Sia nġa nagapahamtang sang mġa balayan sang mġa hulut sa tungâ sang mġa tubig,

Sia ang nagahimo sang mġa kagaluman nġa iya kanga,

Sia ang nagalakat sa ibabaw sang mġa pakpak sang hangin.

4 Sia ang nagahimo sang mġa hangin nġa iya mġa manugtunda,

Sang mġa dabdab nġa kalayo nġa iya mġa manughikot.

5 Sia nagtukud sang duta sa ibabaw sang iya mġa sadsaran ;

Indi sia nġa mas-a malingkang.

6 Gintabunan mo sia sang kaidadalman, subung sang panapton ;

Sa ibabaw sang mġa bukid yadto ang mġa tubig.

7 Sa imo pagsabdong nagpalalagyô sila,

Sa tunug sang imo daguub nagdalalidali sila ;

8 Nagtalaas ang mġa kabukiran, naglunubo ang mġa nalupyakan,

Sa duug nġa imo gintukuran sa ila.

9 Ginbutangan mo sila sing kadulunan, nġa sa iya indi sila maglalakbang,

Bisan magabalik sila sa pagtabon sang duta.

10 Sia amo ang nagapatubud sing mġa tuburan sa mġa nalupyakan ;

Nagaililig sila sa tungâ sang kabukiran.

11 Ginpainum nila ang tanan nġa mġa kasapatan sang latagon ;

Nagapaumpaw sang ila kauhaw ang mġa asno nġa talonon.

12 Sa luyo nila sadto nagapuluyô ang mġa kapisipan sang kalanġitan ;

Sa mġa kasangahan nagahinunihuni sila.

13 Sia nagabunyag sang mġa kabukiran gikan sa iya mġa hulot,

Sa bunġa sang iya mġa binuhatan nagakabusug ang duta.

14 Sia nagapapatubas sing bunġalon nġa sa mġa kasapatan,

Kag sing mġa utanon nġa sa kinahanglan sang tawo ;

Sa sini magpagowa sia sing tinapay sa duta,

15 Kag sang alak nġa nagalipay sang tagiposoon sang tawo,

Kag sang lana nġa nagapakanaw sang nawung,

Kag sang tinapay nġa nagasagud sang tagiposoon sang tawo,

16 Mġa punô sa duga ang mġa kakahoyan ni Iehoba,

Ang mġa sedro sa Libano, nġa gintanum niya.

17 Didto nagapulugad ang kapispi-san.

Ang mġa sipres amo ang paluy-an sang siguenya.

18 Ang mġa mataas nġa bukid nġa sa mġa kanding nġa talonon ;

Ang mġa pil-as mġa palanagoan nġa sa mġa daman.

19 Ginhimo niya ang bulan nġa sa mġa panag-on ;

Ang adlaw nakakilala sang iya katundan.

20 Ginapakari mo ang kadudulman, kag nagaabut ang gab-i,

Sa iya nagagiliho ang tanan nġa mġa kasapatan sang talonon ;

21 Ang mġa magamay nġa leon naganġulurub sa tulukbon,

Sa pagpanġayô sa Dios sang iya pagkaon.

22 Nagasubang ang adlaw, nagapauli sila,

Kag nagaluluko sa ila mġa lungib.

23 Niyan nagakadto ang tawo sa iya palanġabudlayan,

Kag sa iya hilikuton tubtub sa hapon.

24 Nġa pagkamadamu sang imo mġa binuhatan, oh Iehoba !

Ginhimo sila nġa tanan nġa may kaalam ;

Ang duta napunô sang imo mġa magad.

25 Yari karon ining daku kag malapad gid nġa dagat.

Sa iya nagagiliho ang mġa kasapatan nġa dimaisip,

Mġa dalagku kag mġa magamay.

26 Didto nagadalayandayan ang mġa sakayan ;

Didto ining lebiatan nġa ginhimo mo, agud nġa maghampang sa iya.

27 Sila nġa tanan nagahululat sa imo, Agud nġa hatagan mo sila sang ila

kalan-on sa iya panag-on.

28 Ginahatagan mo sila, ginatipon nila ;

Ginahumlad mo ang imo kamut, nagakalabusug sila sa kaayohan.

29 Ginatago mo ang imo nawung, nagakalalisang sila ;

Ginakuha mo sa ila ang gininhawa, nagakalamatay sila,

Kag nagabalalik sila sa yab-ok.

30 Ginapadalâ mo ang imo Espiritu, ginatuga sila ;

Kag ginabag-o mo ang kadaygan sang duta.

31 Manġinsagihapon ang himaya ni Iehoba ;

Magkalipay si Iehoba sa iya mġa binuhatan,

32 Nġa sia nagatuluk sa duta kag nagakurug sia ;

Ginakamlut niya ang mġa kabukiran kag nagaasô sila.

33 Kay Iehoba magakanta ako sa bug-os ko nġa kabuhi ;

Sa akon Dios magaambahan ako sa nagakabuhi pa ako.

34 Nġa ang akon pagpamalandong magmanġinkalahamut-an niya.

Ako magakalipay kay Iehoba.

35 Pagpanġubuson kunta sang duta ang mġa makasasalâ,

Kag ang mġa madauton magkalawâlâ sila.

Pakamaayoha, kalâg ko, si Iehoba.

Dayawa-ninyo si Iehoba.

Ang Dios ginadayaw, tunġud kay ginhuptan niya ang iya katipan sa mġa pinakaamay, tunġud kay ginluwas niya si Israel sa Egipto kag tunġud kay gindul-ong sia niya nġa naglakbay sang kahana-yakan tubtub sa Kanaan.

**105** DAYAWA-NINYO si Iehoba,

tawga-ninyo ang iya nġalan ;

Ipakilala-ninyo ang iya dalagku nġa mġa binuhatan sa mġa katawohan.

2 Kantahi-ninyo sia, kantahi-ninyo sia sing mġa alambahanon ;

Halambal-kamo sang tanan niya nġa mġa kalatingalahan.

3 Paghilimaya-kamo sa iya balaan nġa nġalan ;



Magkalipay ang tagiposoon sang mġa nagapalangita kay Iehoba.

4 Pangġtaa-ninyo si Iehoba, kag ang iya kabakuran,

Pangġtaa-ninyo sa gihapon ang iya nawung.

5 Panumduma-ninyo ang iya mġa kalatingalahan nġa ginhimo niya,

Ang iya mġa kalatingalahan kag ang mġa katadlungan sang iya bġbġ.

6 Oh kamo, kaliwatan ni Abraham, nġa iya alagad,

Kamo nġa mġa anak ni Iakob, nġa iya mġa pinili.

7 Sia amo si Iehoba nġa aton Dios ;  
Sa bug-os nġa duta amo ang iya mġa paghukom.

8 Nakadumduin sia sa gihapon sang iya katipan,

Sang polong nġa ginsogo niya nġa sa linibolibo ka kaliwatan,

9 Sang katipan, nġa ginhimo niya kay Abraham,

Kag sang sumpa nġa iya ginsumpa kay Isaak,

10 Kag nġa gintukud niya kay Iakob nġa palatukuran,

Kay Israel nġa walay katubtuban nġa katipan,

11 Nġa nagasiling : "Sa imo pagaihatag ko ang duta nġa Kanaan,

Nġa bahin sang inyo panublion."

12 Sang sila diyotay lamang nġa mġa tawo sa kadamuon,

Diyotay gid kag mġa dumuluong sila sa iya,

13 Kag sang naglalakat sila sa katawohan kag sa katawohan,

Sa isa ka ginharian pa isa ka banwa,

14 Walġ niya pagitugut nġa ang bisan sin-o nġa tawo magpigos sa ila,

Kag bangud sa ila ginsabdong niya ang mġa hari,

15 Nġa nagasiling : "Indi ninyo pagtandugon ang akon mġa hinaplas,  
Bisan himoan-ninyo sing kalainan ang akon mġa manalagna."

16 Kag gintawag niya ang gutom sa ibabaw sang duta,

Kag ginlaglag niya ang tanan nġa inugsakdag nġa tinapay.

17 Ginpadalġ niya ang isa ka lalaki sa atubangan nila :

Si Iose ginbaligya nġa ulipon.

18 Ginpasakit nila ang iya mġa tiil sing mġa balitang :

Sa salsalon ginbutang ang iya lawas,

19 Tubtub nġa umabut ang katumanan sang iya polong,

Nġa ang pinolongan ni Iehoba nagtilaw sa iya.

20 Ginpakadtoan sang hari, kag ginbuhian sia,

Ang ginoo gid sang mġa banwa naghubad sa iya.

21 Ginbutang ini sia nġa ginoo sa iya balġy,

Kag nġa manuggahum sa bug-os niya nġa pagkabutang,

22 Agud nġa magtalikala sa iya mġa dunganon, sono sang iya luyag,

Kag sa iya mġa tigulang magtudlo sia sing kaalam.

23 Sa olehe nagsulġd si Israel sa Egipto,

Kag si Iakob nagpanlugayaw sa duta ni Kam.

24 Kag ginpadamu niya ang iya banwa sing daku gid,

Kag ginhimo niya ini nġa mabakud nġa labi sang iya mġa kaaway.

25 Ginpaliso niya ang tagiposoon nila, agud nġa magdulumut sila sa iya banwa,

Agud nġa magpuhon sila batok sa iya mġa ulipon.

26 Ginpadalġ niya ang iya alagad nġa si Moises,

Kag si Aaron nġa iya ginpili.

27 Naghilimo sila sa tunġa nila sing mġa tandaan, nġa kinasiling sa ila,

Kag sang mġa kalatingalahan sa duta ni Kam.

28 Nagpadalġ sia sing mġa kadulum, kag nagpatubas sing mġa kadudulman,

Kag indi sila nagmalalison sa iya mġa polong.

29 Ginhimo niya ang ila mġa tubig nġa dugo,

Kag ginpatay niya ang ila mġa isda.

30 Nagpasubay ang ila duta sing mġa paka,

Tubtub pa sa mġa hulot sang ila mġa hari.

31 Nagsiling sia kag nag-alabut ang mġa pinanong nġa mġa langaw,

Kag mġa kuto, sa bug-os niya nġa kadulunan.

32 Ginhatagan niya sila sing batġ nġa hielos sa baylo sang ulan,

Kag sing mġa dabdab nġa kalayo sa ila duta.

33 Kag ginpilas niya ang ila mġa kaubasan kag ang ila mġa higera,

Kag ginpamukan niya ang mġa kakahuyan sa ila kadulunan.

34 Nagsiling sia, kag nag-alabut ang mġa apan,

Kag mġa atatalo nġa dili maisip;

35 Nġa ginhalonhon nila ang tanan nġa hilamon sang ila kadutaan,

Kag ginhalonhon nila ang bunġa sang ila duta.

36 Labut pa, ginpilas niya ang tanan nġa mġa pang'anay sang ila duta,

Ang kamunoanan sang bug-os nila nġa kusug.

37 Kag ginpagowa niya sila nġa may pilak kag bulawan,

Kag walā gid sa ila mġa kabikahan sang nagbalatian.

38 Ang Egipto nagkalipay nġa maghalalīn sila,

Kay ang ila kakugmat naholog na sa ibabaw nila.

39 Ginhumlad niya ang isa ka pang'anud nġa tabon,

Kag kalayo sa pagpapawa sang kagab-ihon.

40 Nagpalangayō sila, kag ginpakari niya ang mġa pitaw,

Kag ginbusug sila niya sing tinapay sang langit.

41 Ginbukā niya ang batō, kag nagtulubud ang mġa tubig,

Nagilig sila sa mġa duug nġa kigas subung sang isa ka subā,

42 Kay nakadumdum sia sang iya balaan nġa polong,

Kag kay Abraham, nġa iya alagad.

43 Ginpagowa niya ang iya banwa nġa may kalipay,

Ang mġa pinili nġa may kasadya.

44 Kag ginhatag niya sa ila ang mġa duta sang mġa katawohan,

Kag nagtalagiya sila sang bunġa sang pinangabudlayan sang mġa banwa,

45 Agud nġa pagbantayan nila ang iya mġa palatukuran,

Kag tumanon nila ang iya mġa kaso-goan.

Delayawon si Iehoba.

Ang Dios ginadayaw tungud kay gin-antus niya ang iya banwa, walay sapayan sang ila mġa dili maisip nġa mġa paglalis.

**106** DALAYAWON si Iehoba.

Dayawa-ninyo si Iehoba, kay maayo sia,

Kay amo sa gihapon ang iya kalooy.

2 ; Sin-o bala ang makasaysay sang mġa kaisugon ni Ienoba?

i Sin-o bala ang makasugid sang iya mġa kadayawan?

3 Mġa bulahan ang mġa nagabantay sang katadlungan,

Ang mġa nagahimo sing matarung sa tanan nġa panag-on.

4 Panumduma ako, oh Iehoba, sono sang imo kaayo nġa sa imo banwa:

Duawa ako upud ang imo kaluwasan,

5 Agud nġa makita ko ang kaayohan sang imo mġa pinili,

Agud nġa mag-agum ako sang kalipay sang imo mġa katawohan,

Kag maghimaya ako sa imo panublion.

6 Nakasalā kami upud sang amon mġa ginikanan;

Naghimo kami sing kalautan, naghimo kami sing pagdaut.

7 Ang amon mġa ginikanan sa Egipto walā makahangup sang imo mġa kalatingalahan,

Walā makadumdum sang kadamuon sang imo mġa kalooy,

Kondi nġa nagmalalison sila sa luyo sang dagat, sa dagat nġa Mapula.

8 Apang, ginluwas sila niya, sa paghigugma sang iya nġalan,

Sa pagpahayag sang iya kabakuran.

9 Kag ginsabdong niya ang dagat nġa mapula, kag nagmala ni;

Kag ginpalakat sila niya sa kaidadalman subung sang sa isa kahanayakan.

10 Kag ginluwas niya sila sa kamut sang nagadumut sa ila,

Kag gingawad niya sila sa kamut sang kaaway.

11 Kag gintabunan sang mġa tubig ang ila mġa kasumpung:

Walā sing nabilin bisan isa sa ila.

12 Niyan nagtoloo sila sa iya mġa polong.

Kag nagkalanta sila sang iya pagdayaw.

13 Sa kadali nagkalalipat sila sang iya mġa binuhatan,

Walā sila maghululat sang iya laygay.

14 Kag nagmahakug sila sa kahanayakan,

Kag ginsulāy nila ang Dios as kamuhaymuhayan.

15 Niyan sia naghatag sa ila sang ila ginpangayō;

Apang nagpadalā sia sing mġa balatian nġa makaalas-as sa ila mġa kalāg.



16 Kag nagpalangimon sila batok kay Moises sa dulugan,

Kag batok kay Aaron, nġa balaan ni Iehoba.

17 Nagbukâ ang duta, kag ginlamon niya si Datan,

Kag gintabunan niya ang mġa kaup-danan ni Abiram.

18 Kag nagdabdab ang kalayo sa ila katipunan,

Ang dabdab nagsunog sa mġa malauton.

19 Naghilimo sila sing tinday nġa baka sa Horeb,

Kag naglayaub sila sa isa ka larawan nġa tinunaw.

20 Sa sini ginbaylo nila ang ila hima-ya

Sa larawan sang isa ka baka, nġa nagahalab sing hilamon.

21 Ginkalimtan nila ang Dios sang ila kaluwasan,

Nġa naghimo sing mġa dalagku nġa butang sa Egipto,

22 Sing mġa kalatingalahan sa duta ni Kam,

Sing mġa kahalangaw-an nġa butang sa ibabaw sang dagat nġa Mapula.

23 Kag naghambal sia nahanungud sa paglaglag sa ila,

Apang si Moises, nġa iya pinili, nagtindug sa guwang sa atubangan niya,

Sa pagpugung sang iya kaakig, agud nġa indi sila niya paglaglagon.

24 Apang gintamay nila ang duta nġa halandumang,

Walâ sila magtoloo sa iya polong ;

25 Kondi nagkulumud sila sa ila mġa layanglayang,

Kag walâ sila magpalamati sang tinġug ni Iehoba.

26 Tunġud sini ginbayaw niya ang iya kamut nahanungud sa ila,

Nġa nagasumpa sa pagpamukan sa ila sa kahanayakan,

27 Kag sa pagpukan sang ila kaliwatan tunġud sang mġa katawohan,

Kag sa pagpaalaplaag sa ila sa mġa kadutaan.

28 Nagdalapig sila kay Baal-Peor,

Kag nagkalaon sila sang mġa halad sang mġa patay.

29 Sa sini ginpapaakig nila sia tunġud sang ila mġa binuhatan,

Kag nagbusaag ang kalalat-an sa ila.

30 Niyan nagtindug si Pinees, kag naghukom,

Kag nagpoot ang kalalat-an.

31 Kag ginisip ini sa iya nġa kata-rungan

Sa kaliwatan kag sa kaliwatan sa gi-hapon.

32 Ginpaakig man nila sia sa mġa tubig sa Meriba,

Kag nag-abut ang malain kay Moises bangud sa ila ;

33 Kay nanginmalalison sila batok sa Espiritu,

Kag ang iya mġa bibig naghambal sing matinabinason.

34 Walâ nila paglaglaga ang mġa ka-banwaanang,

Nġa ginsiling sa ila ni Iehoba ;

35 Kondi nġa nagsilimpon sila sa mġa katawohan,

Kag nagtoloong sila sang ila mġa binu-hatan.

36 Nag-alagad sila sa ila mġa diosdios,

Nġa nangintiglapak nġa sa ila.

37 Kag ginhalad nila ang ila mġa anak nġa lalaki kag mġa babae sa mġa yawa.

38 Kag ginula nila ang dugo nġa walay salâ, ang dugo sang ila mġa anak nġa lalaki kag mġa babae,

Nġa ginhalad nila sa mġa diosdios sa Kanaan.

Kag ang duta ginpakadibalaan sang dugo ;

39 Sa sini nagpamusing sila tunġud sang ila mġa pamatasan,

Kag nagpakighilawas sila tunġud sang ila mġa binuhatan.

40 Nġani, nagdabdab ang kasingkal ni Iehoba batok sa iya banwa,

41 Kag ginkangil-aran niya ang iya panublion,

Kag gintugyan niya sila sa gahum sang mġa katawohan,

Kag naggilinoo sa ila ang mġa nagadulumut sa ila.

42 Kag ginpigus sila sang ila mġa kaaway,

Kag ginpasubsub sila sa idalum sang ila mġa kamut.

43 Ginluwas sila niya sa makadamu ;

Apang sila nagmalalison sa ila gid nġa laygay,

Kag gindula sila tunġud sang ila ka-lautan.

44 Walay sapayan, gintuluk niya sila, kon yara sila sa pagbakho,

Kag ginpamatian niya ang ila pagpanaghoy,

45 Kag nagpanumdum sia sang iya katipan sa ila,

Kag nagnulsul sia sono sang kadamuon sang iya mġa kalooy;

46 Ginhimo niya nġa makakila sila sing kalooy

Sa tanan nġa mġa nagbihag sa ila.

47 Luwasa kami, Iehoba nġa amon Dios,

Kag tipuna kami sa tunġa sang mġa katawohan,

Agud nġa dayawon namon ang imo balaan nġa nġalan,

Kag nġa maghilimaya kami sa mġa pagdayaw sa imo.

48 Dalayawon si Iehoba, nġa Dios ni Isarel,

Kutub sa katuigan kag tubtub sa katuigan.

Kag magsiling ang bug-os nġa banwa: Kabay pa.

Dalayawon si Iehoba.

#### TOLON-AN V.

Ang kaayo sang Dios nġa nagatabang sa mġa manugpanlakatan, sa mġa binilango, sa mġa nagabalatian, sa mġa manugpanakayon, kag sa kabilogan sa tanan nġa mġa tawo.

**107** DAYAWA-NINYO si Iehoba, kay maayo sia,

Kay sa gihapon *amo* ang iya kalooy.

2 Magsililing sini ang tanan nġa mġa tinubus ni Iehoba,

Ang mġa gintubus niya sa kamut sang kasumpung

3 Kag ang iya mġa gintilingub sa mġa duta,

Sa Sidlangan kag sa Katundan,

Sa Aminhan kag sa dagat.

4 Nagtalalang sila sa kahanayakan, sa dalan sa kamuhaymuhayan;

Nġa walâ sila sing nakita nġa banwa nġa sa ila puluy-an.

5 Mġa nagutum kag mġa nauhaw sila, Ang ila kalág ginalapyo sa ila.

6 Niyan sang nakapanawag sila kay Iehoba sa ila pagbakho,

Ginbawi niya sila sa ila mġa kalisdanan;

7 Kag ginmandoan niya sila sa matadlung nġa dalan,

Agud nġa makalambut sila sa banwa nġa sa ila puluy-an.

8 Pagdayawon nila si Iehoba tunġud sang iya kalooy

Kag tunġud sang iya mġa kalatingalahan nġa sa mġa inanak sang mġa tawo.

9 Kay ginbusug niya ang kalág nġa nauhaw,

Kag ginpunô niya sing kaayohan ang kalág nġa nagutum.

10 Sila nagapuluyô sa kadudulman kag sa landong sang kamatayon,

Nġa napamilango sa kalisdanan kag sa mġa salsalon,

11 Tunġud kay nanginmalalison sila sa mġa polong ni Iehoba,

Kag gintamay nila ang laygay sang Labing-Mataas.

12 Tunġud sini ginpapaubus niya, nġa may kabudlayan, ang ila mġa tagiposoon;

Nagkalapukan sila, kag walâ gid sing sin-o nġa magbulig sa *ila*.

13 Ugaling nagpanawag sila kay Iehoba sa ila pagbakho,

Kag ginluwas niya sila sa ila mġa kalisdanan.

14 Ginkuha niya sila sa mġa kadudulman kag sa landong sang kamatayon,

Kag ginbugras niya ang ila mġa gapus.

15 Pagdayawon nila si Iehoba tunġud sang iya kalooy

Kag tunġud sang iya mġa kalatingalahan, nġa sa mġa inanak sang mġa tawo;

16 Kay ginboong niya ang mġa gawang nġa tumbaga

Kag gindugmok niya ang mġa pintal nġa salsalon.

17 Ang mġa buangbuang, bangud sang salâ sang ila pagkamalalison,

Kag bangud sang ila mġa kalautan ginpapasubo sila.

18 Ang iya kalág nagkanġil-ad sang tanan nġa kalan-on,

Kag nag-alabut sila tubtub sa mġa gawang sang kamatayon.

19 Niyan nagpalanawag sila kay Iehoba sa ila pagbakho,

Kag ginluwas sila niya sa ila mġa kalisdanan.

20 Ginpadalâ niya ang iya polong, kag nagbulóng sia sa ila,

Kag ginluwas niya sila sa ila mġa lubnġan.

21 Pagdayawon nila si Iehoba tunġud sang iya kalooy,

Kag tunġud sang iya mġa kalatingalahan, nġa sa mġa inanak sang mġa tawo;



22 Kag maghalalad sila sing mġa halad sa pagdayaw,

Kag ibantala nila ang iya mġa binuhatan nġa may paghinugyaw.

23 Ang mġa nagapalanaug sa dagat sa mġa sakayan,

Kag nġa nagahimo sang ila palangitan-an sa malapad nġa mġa tubig,

24 Sila nakakita sang mġa binuhatan ni Iehoba,

Kag sang iya mġa kalatingalahan sa kadadalman.

25 Sia nagsiling, kag ginpahuyup niya ang hanġin sang unos,

Nġa nagpatindug sang mġa kabaluran.

26 Naglalaka sila sa mġa kalangitan, nagpalanaug sila sa mġa kaidadalman :

Ang ila mġa kalġg nagkalatunaw sa kalisdanan.

27 Nagkulurug sila, kag nagadululing sila subung sang isa ka hubug,

Kag nadula ang tanan nila nġa kinaadman.

28 Niyan nagpalanawag sila kay Iehoba sa ila pagbakho,

Kag ginluwas sila niya sa ila kalisdanan.

29 Ginbaylo niya ang unos sa kalinong

Kag nagtulunong ang mġa kabaluran,

30 Kag nagakalalipay sila, kay nagtunung sila,

Kag sia nagmando sa ila sa dungkaan nġa ginahandum nila.

31 Pagdayawon nila si Iehoba tungud sang iya kalooy,

Kag tungud sang iya mġa kalatingalahan nġa sa mġa inanak sang mġa tawo ;

32 Kag pagpakataason nila sia sa mġa katilingban sang banwa ;

Kag sa kasapulanang sang mġa tigulang magdalayaw sila sa iya.

33 Sia nagabaylo sang mġa subġa sa kahanayakan,

Kag sang mġa tuburan sang mġa tubig sa mamala ;

34 Kag sang duta nġa mauyahon sa maasin,

Tungud sang kalainan sang mġa nagapuluyġ sa iya.

35 Ginabaylo niya ang kahanayakan sa mġa danaw sang tubig,

Kag ang duta nġa kigas sa mġa tuburan.

36 Kag didto ginabutang niya ang mġa gutum,

Agud nġa magtukud sila sing mġa banwa nġa sa ila puluy-an.

37 Kag nagasab-ug sila sa mġa latagon

Kag nagatalanum sila sing mġa kausasan,

Kag nagabalaton sila sing bungġa nġa ila ginapatubas.

38 Kag ginapakamaayo niya sila, kag nagadamu sila sing daku gid,

Kag walġ magabuhin ang ila mġa kasapatan.

39 Kag ugaling pagapamuhinan kag pagapapaubuson sila

Bangud sang pagpigis, ang pagkawalay palad kag ang pagkagha.

40 Sia nagaula sing pagtamay sa ibabaw sang mġa dunganon,

Kag ginapatalang niya sila, nġa mġa libudlibud, nġa walġ sing dalan ;

41 Apang ginabangon niya ang imol sa kalisdanan,

Kag *ginapadamu* niya ang mġa panimalġ, subung sing mġa pinanong nġa mġa obeha.

42 Makakita sini ang mġa matadlung kag magkalalipay sila ;

Apang tanan nġa kalainan magtakup sang iya bġbġ.

43 ġ Sino bala ang maalam ? Magbantay sia sining mġa butang,

Kag maghangup sang mġa kalooy ni Iehoba.

Si Dabid nagadayaw sa Dios tungud sang iya mġa pagdaug.

*Kalantahon. Salmos ni Dabid.*

**108** ANG akon tagiposoon nahanda na, oh Dios.

Magakanta kag magaambahan ako sing mġa kalantahon ; ang akon man himaya magaolog sa imo.

2 Pagmata-ka, salterio kag arpa :

Magamata ako sa pamanagbanag,

3 Pagadayawon ko ikaw, oh Iehoba, sa tungġ sang mġa banwa :

Sa imo magakanta ako sing mġa salmos sa tungġ sang mġa katawohan.

4 Kay nagalabaw sa ibabaw sang kalangitan ang imo kalooy,

Kag tubtub sa mġa langit ang imo kamatooran.

5 Pagpakataas-ka, oh Dios, sa ibabaw sang kalangitan ;

Kag sa ibabaw sang bug-os nġa duta ang imo himaya.

6 Agud nga manginmaluwas ang imo mga nahagugmaan,

Luwas sang imo too, kagsabta kami.

7 Ang Dios naghambal sa iya balaan nga Puluy-an: "Magakalipay ako,

Pagapahatpahaton ko ang Sikem, kag pagatakson ko ang nalupuyan sang Sukot.

8 Akon ang Galaad, akon ang Manases,

Kag ang Ephraim among kabakuran sang akon olo. Ang Iuda among akon manugbuhat sang kasogoon.

9 Ang Moab, ang batiya nga akon hunawan;

Sa Ibabaw sang Edom pagaihabyo ko ang akon sapin.

Magahugyaw ako sa ibabaw sang Pilistea."

10 ¿Sin-o bala ang magamando sa akon pa banwa nga pinabakud?

¿Sin-o bala ang magamando sa akon tubtub sa Edom?

11 ¿Indi bala ikaw, oh Dios, nga nag-sikway sa amon,

Kag walâ ka magagowa, oh Dios, upud sa amon mga kasoldadosan?

12 Hatagi kami sing panabang sa kalisdanan;

Kay ang kaluwasan nga nagagikan sa tawo indi liwan kondi kadayawan.

13 Sa Dios magahimo kami sing mga kabantugan,

Kag sia magatapak sang amon mga kaaway.

Si Dabid nagapanḡayo sa Dios, nga silotan  
niya ang mga malain kag luwason sia  
niya sa ila mga siod.

**109** OH D'os sang akon pagdayaw, ayaw ka paghipus:

2 Kay ang bâbâ sang madauton kag ang bâbâ sang manuglimbong nagbukâ sa ibabaw nakon.

Nagahalambal sila sa akon nga may dila nga butigon,

3 Kag nga may mga polong nga dumut ginalibutan n'la ako,

Kag ginaaway nila ako nga walay kabangdanan.

4 Sa bayad sang akon paghigugma nagamanḡinkasumpung ko sila;

Apang ako nagapanḡamuyo.

5 Kag ginabayad nila sa akon ang malain tungud sang maayo,

Kag dumut tungud sang gugma.

6 Ibutang sa ibabaw niya ang madauton,

Kag si Satanas magtindug sa iya too.

7 Kon paghukman sia, pagkabigon sia nga madauton,

Kag ang iya pangamuyo pagkabigon sa iya nga salâ.

8 Manginhalip-ot ang iya mga adlaw; Kuhaon sang isa ang iya hilikuton.

9 Ang iya mga anak magmanḡinilo, Kag ang iya asawa, manḡinbâlo.

10 Kag magtiliyogtiyog ang iya mga anak, kag magpalakalimos,

Kag maghilimulat sila sang ila kan-on sa malayô sa ila mga pinanghapay nga puluy-an.

11 Ang manugpasaka sing pilak magbutang sing pukot sa tanan nga iya kagalingon,

Kag ang mga dumuluong mag-ati sang iya kinabudlayan.

12 Walâ gid sing sino nga magkaloooy sa iya,

Bisan may sino nga may kalooy sa iya mga ilo.

13 Ang iya kaolehian pagutdon kunta; Sa ikaduha ka kaliwatan pagpanason ang iya ngalan.

14 Pagpanumdumon kunta ni Iehoba ang kalautan sang ila mga ginikanan;

Kag ang salâ sang iya ilôy indi mapanas.

15 Sila manḡin sa gihapon sa atubangan ni Iehoba,

Agud nga pagutdon niya sa duta ang ila handumanan,

16 Tungud kay walâ sia makadumdum sa paghimo sing kalooy,

Kag ginlagas niya ang tawo nga nasubuan kag makalolooy,

Kag ang ginlapyo sa tagiposoon, sa pagpatay sa iya.

17 Ginhigugma niya ang pagpakamalin, kag nag-abut sia sa ibabaw niya;

Kag walâ sia maluyag sang pagpakamaayo, kag malayô ini sa iya.

18 Nagpanaput sia sang pagpakamaut subung nga iya panapton;

Kag nagasulúd sia subung sang tubig sa iya mga kasudlan,

Kag subung sang lana sa iya mga tul-an.

19 Magmanḡiniya ini subung sang panapton nga iya ginasuklub,

Kag subung sang wagkus nga ginawagus niya gihapon.



20 Ini manginsohol gikan kay Iehoba sa akon mga kasumpung,

Kag sa mga nagahalambal sing malain batok sa akon kalág.

21 Apang ikaw, Iehoba nga Ginoo, buhata ang kalooy sa akon, bangud sang imo ngalan;

Bawia ako, kay ang imo kalooy maayo,

22 Kag nasubuan kag imol ako :

Kag ang akon tagiposoon napilas na sa sulúd nakon.

23 Nagataliwan ako subung sang landong nga nagalaba ;

Ginapalas ako subung sang apan.

24 Ang akon mga tuhod mga maluya bangud sang puasa,

Kag ang akon unud linapyo na sa kakulang sing tambok.

25 Ako nga sa ila nanginkatuyoan sang pagpasipala ;

Ginatulok nila ako kag ginalungo nila ang ila olo.

26 Buligi ako, Iehoba nga Dios nakon ;

Luwasa ako sono sang imo kalooy.

27 Kag makahangup sila, nga ini among imo kamut,

Nga amo ikaw, Iehoba, ang naghimo sini.

28 Sila magapakamalaut, kag ikaw magapakamaayo ;

Magatilindug sila, apang manginmahuyan sila, kag magakasadya ang imo alagad.

29 Pagapauaputan sang pagtamay ang akon mga kasumpung ;

Kag pagaputson sila sing kahuluyan subung nga panapton.

30 Pagadayawon ko sang akon bâbâ si Iehoba sing labaw gid,

Kag pagadayawon ko sia sa tungâ sang kadamuan ;

31 Kay sia magatindug sa too sang imol,

Sa pagluwas sang iya kalág sa mga nagahulukom sa iya.

Ang ginharian, ang pagkasaserdote, kag ang mga pagpandaug sang Mesias.

*Salmos ni Dabid.*

**110** SI Iehoba nagasiling sa akon Ginoo: "Lingkod-ka sa akon too,

Tubtub nga mabutang ko ang imo

mga kaaway nga talapakan sang imo mga tiil."

2 Ang setro sang imo kabakuran pagaipadalâ ni Iehoba kutub sa Sion :

Paggahum-ka sa tungâ sang imo mga kaaway.

3 Ang imo banwa nagahalad sa iya gid sa kinabubut-on gid sa adlaw sang imo paggahum.

Sa balaan nga kagayon, kutub sa tiyan sang pamanagbanag,

Nagagowa ang panong nga mga pamatan-on subung sang isa ka tun-og.

4 Nagsumpa si Iehoba kag indi mag-nulsul :

"Ikaw amo ang saserdote sa gihapon Sono sa pamatasan ni Melkisedek."

5 Ang Ginoo sa imo too

Nagapilas sa mga hari sa adlaw sang iya kasingkal ;

6 Nagahukom sia sa mga katawohan, Nagapunô sia sa ila sing mga bang-

kay;

Nagapilas sia sang mga pangolo sang madamu nga mga kadutaan.

7 Sa sapa nagainum sia sa dalan ;

Nga tungud sini nagahayaw sia sang olo.

Laygay sa paghiwat nga may kasadya sang mga makatilingala nga mga binuhatan sang Dios.

**111** DALAYAWON si Iehoba.

Pagadayawon ko si Iehoba sa bug-os nga tagiposoon,

Sa katipunan kag sa katilingban sang mga matadlung.

2 Ang mga binuhatan ni Iehoba mga dalagku,

Nga ginapanğita sila sang tanan nga mga maluyag sa ila.

3 Ang himaya kag kagayonan amo ang iya binuhatan,

Kag ang iya katarungan nagapadayon sa gihapon ;

4 Ginhimo niya ang isa ka handumanan sang iya mga kalatingalahan.

Mahinoklogon kag maloloy-on amo si Iehoba ;

5 Nagahatag sia sing kalan-on sa mga nagakalahadluk sa iya.

Sa gihapon sia nagapanumdom sa iya katipan.

6 Ang gahum sang iya mga binuhatan ginpahayag niya sa iya banwa,

Nga ginhatag niya sa iya ang panublion sang mga katawohan.

7 Ang mga binuhatan sang iya mga kamut mga kamatooran kag paghukom; Ang tanan niya nga mga sogo mga malig-on,

8 Nga ginpabakud sa katuigan sa mga katuigan,

Nga binuhat sa kamatooran kag sa katadlungan.

9 Ang pagpanubus ginpadala niya sa iya banwa;

Sa gihapon iya ginpatuman ang iya katipan.

Ang iya ngalan balaan kag makahadladluk.

10 Ang kamunoan sang kaalam amo ang kahadluk ni Iehoba;

May maayong ihibalo ang kapid-an nga nagahilimo sa ila.

Ang iya pagdayaw nagapadayon sa gihapon.

Ang kabulahanan sang tawo nga nahadluk sa Dios.

**112** DALAYAWON si Iehoba.

Bulahan ang tawo nga nahadluk kay Iehoba,

Kag sa iya mga sogo ginanamitan sia sing daku gid.

2 Ang iya binata mangingamhanan sa duta;

Ang kaliwatan sang mga matadlung mangindalayawon.

3 May kabugana kag mga mangad sa iya baláy,

Kag ang iya katarungan magapadayon sa gihapon.

4 Nagasilak sa mga kadudulman ang suga nga sa mga matadlung.

Mahinoklogon sia, kag maloloy-on, kag matarung.

5 Bulahan ang tawo nga maloloy-on, kag nga nagapahulam;

Magatabang sia sang iya kasaba sing malig-on sa paghukom.

6 Sa sini indi sia malingkang sa gihapon.

Ang handumanan sang matarung magamanginwalay katapusan.

7 Sa malain nga balita walâ sia nagakahadluk;

Ang iya tagiposoon malig-on, nga nagasalig kay Iehoba.

8 Nahamtang na ang iya tagiposoon; walâ sia magkahadluk,

Tubtub nga ang iya mata magpahaway sa ibabaw sang iya mga kasumpung.

9 Nagasabwag sia, nagahatag sia sa mga imol:

Ang iya katarungan nagapadayon sa gihapon;

Ang iya sungay nagataas nga may himaya.

10 Nagatan-aw sini ang madauton, kag nagakaakig sia.

Nagabagrut sia sang iya mga ngipon, kag nagakatunaw sia.

Mawâlâ ang handum sang mga madauton.

Laygay sa pagdayaw sa Dios tungud sang iya pagkadaku kag tungud sang iya kaayo nayon sa mga imol.

**113** DALAYAWON si Iehoba.

Dayawa-ninyo, mga alagad ni Iehoba,

Dayawa-ninyo ang ngalan ni Iehoba.

2 Mangindalayawon ang ngalan ni Iehoba,

Kutub karon kag sa gihapon.

3 Kutub sa Bulutlakan sang adlaw tubtub sa Katundan,

Pagadayawon kunta ang ngalan ni Iehoba.

4 Mataas sa ibabaw sang tanan nga mga katawohan amo si Iehoba,

Sa ibabaw sang kalangitan ang iya himaya.

5 ¿Sin-o bala ang subung kay Iehoba, nga amon Dios?

Nagapuyô sia sa kataasan gid;

6 Sia nagapaubus sa pagtulok sa langit kag sa duta.

7 Ginabangon niya sa yab-ok ang imol,

Kag ginabatak niya ang makalooloy sa ipot,

8 Sa pagpalingkod sa ila upud sa mga dunganon,

Upud sa mga dunganon sang iya banwa.

9 Sia nagapapuyô sang baw-as sa baláy,

Subung sang malipayon nga ilóy sang mga anak.

Delalayawon si Iehoba.



Ang manugambahan nagahiwat sing malipayon sang pagtabok nġa makatilogala sa dagat nġa Mapula kag sa Iordan.

**114** SANG paggowa ni Israel sa Egipto,

Sang pagbiya sang baláy ni Iakob sa katawohan nġa dinumuluong nġa hambal,

2 Si Iuda nanġinbalaan nġa puluy-an sang Dios,

Si Israel nanġinpagkaginoos niya.

3 Ang dagat nakakita sini, kag nalagyo;

Ang Iordan nagsisol.

4 Ang mġa kabukiran naglulumpat subung sang mġa karnero:

Ang mġa kabakoloran, subung sang mġa tinday nġa karnero.

5 Ĵ Ano bala ang nag-abut sa imo, oh dagat, nġa nagpalagyo ka?

Ĵ Kag ikaw, Iordan, nġa nagsisol ka?

6 Mġa kabukiran, Ĵ kay nġaa naglulumpat kamo subung sang mġa karnero?

Ĵ Kag kamo, mġa kabakoloran, subung sang mġa tinday sang karnero?

7 Sa atubangan sang Ginoo, kurug-ka, duta,

Sa atubangan sang Dios ni Iakob,

8 Nġa iya ginabaylo ang pil-as sa danaw sang mġa tubig,

Kag ang bató, sa tuburan sang mġa tubig.

Ang himaya ni Iehoba.—Ang pagkawalay pulus sang mġa larawan.—Paglaygay sa indi pagsalig kondi sa Dios lamang.

**115** INDI sa amon, oh Iehoba, indi sa amon,

Kondi sa imo nġalan ihatag ang himaya,

Tunġud sang imo kalooy kag tunġud sang imo kamatooran.

2 Ĵ Kay nġaa magasiling ang mġa katawohan:

“Dina karon ang ila Dios?”

3 Apang ang amon Dios yara sa mġa langit:

Ang tanan nġa buut niya, iya ginahimo.

4 Ang ila mġa larawan mġa pilak kag bulawan,

Buhat sang mġa kamut sang mġa tawo.

5 May bâbâ sila, apang indi makahambal;

May mġa mata sila, apang indi makakita;

6 May mġa dulungan sila, apang indi makabati;

May mġa ilong sila, apang indi makapanimaho;

7 May mġa kamut sila, apang indi makahikap;

May mġa tiil sila, apang indi makalakat:

Walay tingug nġa nagagowa sa ila totonlan.

8 Ang mġa nagahimo sa ila, mangin-subung sila sa ila

Kag ang tagsatagsa nġa nagasalig sa ila.

9 Oh Israel, salig-ka kay Iehoba:

Sia amo ang ila kabulig kag ang ila kalasag.

10 Baláy ni Aaron, salalig-kamo kay Iehoba:

Sia amo ang ila kabulig kag ang ila kalasag.

11 Kamo nġa mġa nagakahadluk kay Iehoba, salig-kamo Iehoba:

Sia amo ang ila kabulig kag ang ila kalasag.

12 Si Iehoba nagapanumdum sa amon; sia magapakamaayo sa amon;

Sia magapakamaayo sa baláy ni Israel;

Sia magapakamaayo sa baláy ni Aaron;

13 Sia magapakamaayo sa mġa nagakahadluk kay Iehoba,

Sa mġa magamay kag sa mġa dalagku.

14 Pagapadakuon kamo ni Iehoba,

Kamo, kag ang inyo mġa anak.

15 Pinakabulahan kamo ni Iehoba,

Nġa nagbuhat sang mġa langit kag sang duta.

16 Ang mġa langit among mġa langit ni Iehoba;

Naghatag sia sing duta sa mġa anak sang tawo.

17 Ang mġa minatay indi nagadala-yaw kay Iehoba,

Bisan sin-o pa sang mġa nagapalanaug sa kahipusan.

18 Apang kita magapakamaayo kay Iehoba,

Kutub karon tubtub sa gihapon.

Dalayawon si Iehoba.

Ang pagkamatagubaluson ni Dabid tungud kay ginbawi sia sang Dios sa isa ka daku nga katalagman.

**116** NAGAHIGUGMA ako sa Dios, kay ginpamatian niya ang akon tungud kag ang akon mga pag-ampo.

2 Kay ginlingig niya sa akon ang iya idulungug,

Ngani, pagatawgon ko sia sa tanan ko nga mga adlaw.

3 Ginlibutan ako sang mga gapus sang kamatayon,

Ginlambut ako sang mga pagbakho sang lulubngan;

Kalisdanan kag kasakit ang nakita ko.

4 Niyan gintawag ko ang ngalan ni Iehoba, *nga nagsiling*:

"Bawia karon, oh Iehoba, ang akon kalág."

5 Mahinoklogon si Iehoba kag mata-rung:

Hoo, maloloy-on ang amon Dios.

6 Si Iehoba nagabantay sang mga bunayag:

Nagpaubus na ako, kag ginluwas niya ako.

7 Balik-ka, kalág ko, sa imo pagpahu-way,

Kay si Iehoba naghimo sa imo sing maayo;

8 Kay ikaw nagbawi sang akon kalág sa kamatayon,

Sa akon mga mata, sa mga luha,

Kag sa akon mga tiil, sa pagkasandad.

9 Magalakat ako sa atubangan ni Iehoba

Sa duta sang mga buhi.

10 Nagtoo ako, ngani naghambal ako.

Ginpakalisud ako sing daku gid.

11 Kag nagsiling ako sang akon pagkakibot:

"Ang tanan nga tawo butigon."

12 Anong akon igabayad kay Iehoba

Sang tanan nga kaayohan nga sa akon lamang?

13 Pagakuhaon ko ang tagayan sang kaluwasan,

Kag pagatawgon ko ang ngalan ni Iehoba.

14 Karon pagabayaran ko ang akon mga panaad kay Iehoba,

Hoo, sa atubangan sang iya bug-os nga banwa.

15 Pinakamahal sa mga mata ni Iehoba

Ang kamatayon sang iya mga balaan.  
16 Oh Iehoba, ako amo ang imo alagad,

Ako ang imo alagad, nga anak sang imo alagad nga babae;

Ginhubad mo ang akon mga gapus.

17 Pagahalaran ko ikaw sing mga halad sa pagdayaw,

Kag pagatawgon ko ang ngalan ni Iehoba.

18 Kay Iehoba pagabayaran ko karon ang akon mga panaad,

Hoo, sa atubangan sang bug-os nga iya banwa,

19 Sa mga patyo sang Baláy ni Iehoba,

Sa tungâ nimo, oh Ierusalem.

Delayawon si Iehoba.

Ang Dios ginadayaw tungud sang iya kasayo kag katutum.

**117** DAYAWA-NINYO si Iehoba, mga katawohan nga tanan;

Mga banwa nga tanan, dayawa-ninyo sia.

2 Kay ginpakataas niya sa ibabaw namon ang iya kalooy,

Kag ang kamatooran ni Iehoba nagapadayon sa gihapon.

Delayawon si Iehoba.

Ang manugambahan nagadayaw sa Dios tungud kay ginbawi sia niya sa iya madamu nga mga kaaway.

**118** DAYAWA-NINYO si Iehoba, kay maayo sia.

Kay sa gihapon amo ang iya kalooy.

2 Magsiling karon si Israel,

Nga sa gihapon amo ang iya kalooy.

3 Magsiling karon ang baláy ni Aaron,

Nga sa gihapon amo ang iya kalooy.

4 Magsiling karon ang mga nagakahadluk kay Iehoba,

Nga sa gihapon amo ang iya kalooy.

5 Kutub sa kalisdanan gintawag ko si Iehoba;

Kag ginsabat ako ni Iehoba, nga ginbutang niya ako sa kalaparan.

6 Si Iehoba yari sa akon; indi ako mahadluk.

Ano bala ang sarang mahimo sa akon sang tawo?

7 Si Iehoba yari sa akon sa tungâ sang mga nagabulig sa akon.

Ngani, ang akon itululuk nagapahu-way sa mga nagakalaakig sa akon.



8 Maayo pa ang magpanilong kay Iehoba,

Sang magsalig sa tawo :

9 Maayo pa ang magpanilong kay Iehoba,

Sang magsalig sa mga dunganon.

10 Ang tanan nga mga tawo naglilibut sa akon ;

Nga sa pagkamatuud, pagapapason ko sila, sa ngalan ni Iehoba.

11 Ginlibutan nila ako, hoo, ginlibutan nila ako ;

Nga pagapapason ko sila, sa ngalan ni Iehoba.

12 Naglibut sila sa akon subung sang mga putyokan ;

Pagapalongon sila subung sang mga kalayo sang kasapinitan,

Nga pagapapason ko sila, sa ngalan ni Iehoba.

13 Gintiklod mo ako sing mabaskug, agud nga maholog ako ;

Apang ginbuligan ako ni Iehoba.

14 Ang akon kabakuran kag ang akon kalantahan amo si Iehoba,

Kag sia nanginakon kaluwasan.

15 Ang tingug sa kasadya kag sa kaluwasan yara sa mga payag sang mga matarung :

16 Ang too ni Iehoba nagahimo sing mga kaisugan,

Ang too ni Iehoba ginabayaw sa mataas gid,

Ang too ni Iehoba nagahimo sing mga kaisugan.

17 Indi ako mamatay, kondi nga magakabuhi ako,

Kag pagakantahan ko ang mga binuhatan ni Iehoba.

18 Ginsilotan ako sing daku gid ni Iehoba,

Apang walà niya ako pagitugyan sa kamatayan.

19 Buksi-ninyo ako sang mga gawang sang katarungan ;

Magasulud ako sa ila, pagadayawon ko si Iehoba.

20 Ini sia among gawang ni Iehoba ;

Sa iya magasululud ang mga matarung.

21 Pagadayawon ko ikaw, kay ginpamatian mo ako,

Kag nanginkaluwasan ikaw nakon.

22 Ang batò nga ginsikway sang mga manugpatindug,

Nanginpangolo sia sang nasikohan.

23 Ini nagikan kay Iehoba,

Kag katingalahan ini sa aton mga mata.

24 Ini among adlaw nga ginhimo ni Iehoba ;

Magkalalipay kag magkalasadya-kita sa iya.

25 Oh Iehoba, luwasa karon, ginaampo ko sa imo.

Oh Iehoba, ginaampo ko sa imo, nga may kaayohan.

26 Dalayawon ang magkari sa ngalan ni Iehoba.

Kutub sa baláy ni Iehoba ginapaka-maayo kamo namon.

27 Ang Dios amo si Iehoba, kag sia ang nagsilak sa amon.

Higti-ninyo sing mga lubid ang halad sang piesta ; *dalha* sia tubtub sa mga sungay sang halaran.

28 Ikaw among akon Dios, kag sa imo nagadayaw ako :

Ikaw amo ang akon dios kag ginapaka-kataas ko ikaw.

29 Dayawa-ninyo si Iehoba, kay maayo sia,

Kay sa gihapon nagapadayon ang iya kalooy.

Ang pagkataas sang sogo sang Dios.—Kabulahanan sang mga nagatuluman sa iya.

### ALEP.

119 MĀ bulahan ang mga himpit sa dalanon,

Ang mga nagalalakat sa kasogoan ni Iehoba.

2 Mga bulahan ang mga nagabalantay sang iya mga pagpamatuud,

Kag sa bug-os nga tagiposoon ginapangita nila sia ;

3 Nga walà man sila magahimo sing dipagkatarung,

Nga nagalalakat sa ila mga dalanon.

4 Ikaw nagbilin nga pagbantayan gid ang imo mga sogo.

5 ; Kabay pa nga magmahusay ang akon mga dalanon,

Agud nga matuman ako sang imo mga palatukuran.

6 Niyan indi ako mahuy-an,

Kon tatapon ko ang tanan mo nga mga sogo.

7 Pagadayawon ko ikaw nga may katadlung sa tagiposoon,

Kon maton-an ko ang mga tulumanon sang imo katarungan.

8 Ang imo mġa palatukuran pagabantayan ko:

Ayaw ako pagbayai sing bug-os gid.

*BET.*

9 ĴTungud sa ano bala ang pagtinlo sang pamatan-on sang iya dalanon?

Sa pagbantay sa iya, siling sang imo polong.

10 Sa bug-os ko nġa tagiposoon ginapangita ko ikaw;

Ayaw pagbayai nġa magtalang ako sa imo mġa sogo.

11 Sa akon tagiposoon gintago ko ang imo pinamolong,

Sa dili pagpakasalā batok sa imo.

12 Dalayawon ikaw, oh Iehoba:

Tudloi ako sang imo mġa palatukuran.

13 Ginasugid ko sang akon mġa bibig  
Ang tanan nġa mġa tulumanon sang imo bābā.

14 Nagakalipay ako sa dalan sang imo mġa pagpamatuud,

Subung nġa may akon ako sang tanan nġa mġa mangad.

15 Sa imo mġa sogo nagapamalandong ako,

Nagatatap ako sang imo mġa banas,

16 Nagakasadya ako sa imo mġa palatukuran;

Indi ko pagkalipatan ang imo mġa polong.

*GIMEL.*

17 Buhata ang maayo sa imo alagad,  
Agud nġa magkabuhi ako kag magbantay sang imo polong.

18 Pamuklata ang akon mġa mata,  
agud nġa makakita ako

Sang mġa kalatingalahan sang imo kasogoan.

19 Dumuluong ako sa duta,

Ayaw pagtagoa sa akon ang imo mġa sogo.

20 Ginboong na ang akon kalág

Sa paghandum sang imo mġa tulumanon sa tanan nġa panag-on.

21 Ginalaglag mo ang mġa palabilabihon, ang mġa pinpakamaut,

Nġa nagalilipas sa imo mġa sogo.

22 Ipalayô sa akon ang pasipala kag pagtamay;

Kay ginbantayan ko ang imo mġa pagpamatuud.

23 Ang mġa dunganon mau naglilingkod kag nagahalambal batok sa akon;

Apang ang imo alagad nagapamalandong sa imo mġa palatukuran.

24 Kay ang imo mġa pagpamatuud among akon mġa kawilihan,

Kag ang akon mġa manuglaygay.

*DALET.*

25 Nagtapik sa yab-ok ang akon kalág;

Buhia ako sono sang imo polong.

26 Ginsugid ko sa imo ang akon mġa dalanon, kag ginsabat mo ako;

Tudloi ako sang imo mġa palatukuran.

27 Ipatalupangud sa akon ang dalan sang imo mġa sogo,

Kag magapamalandong ako sang imo mġa kalatingalahan.

28 Nagakahagas ang akon kalág sa kagha;

Pabaskuga ako, sono sang imo polong.

29 Ipalayô sa akon ang dalan nġa butig,

Kag ihatag sa akon nġa may bugay ang imo kasogoan.

30 Ginapili ko ang dalan sang katutum:

Ginabutang ko ang imo mġa tulumanon sa *atubangan* nakon.

31 Nagpili ako sa imo mġa pagpamatuud;

Oh Iehoba, ayaw ako pagpakahuy-i.

32 Sa dalan sang imo mġa sogo magadalagan ako,

Kon pasangkaron mo ang akon tagiposoon.

*HE.*

33 Tudloi ako, oh Iehoba, sang dalan sang imo mġa palatukuran,

Agud nġa pagbantayan ko sia tuhtub sa katapusan.

34 Hatagi ako sing ihibalo, agud nġa pagbantayan ko ang imo kasogoan,

Agud nġa pagtumanon ko sia sa bugos ko nġa tagiposoon.

35 Palakta ako sa dalan sang imo mġa sogo,

Kay sa iya may kawili ako.

36 Paduyuga ang akon tagiposoon sa imo mġa pagpamatuud,

Kag indi sa kakagud.

37 Ipalayô ang akon mġa mata, nġa indi sila makakita sing kadayawan;



Buhia ako sa imo dalanon.

38 Ipamatuud ang imo polong sa imo alagad,

Nġa sia yara sa mġa nagakahadluk sa imo.

39 Kuhaa sa akon ang pasipala, nġa ginakahadlukan ko ;

Kay mġa maayo ang imo mġa tulumanon.

40 Yari karon ginakaibugan ko ang imo mġa sogo :

Buhia ako sa imo katarunġan.

### BAU.

41 Kag magkari kunta sa akon ang imo kalooy, oh Iehoba,

Ang imo kaluwasan, sono sang imo ginsiling.

42 Kag may pagaisabat ako sa akon manugpasipala ;

Kay sa imo polong nagasalig ako.

43 Kag indi pagkuhaa sing bug-os sa akon bġbġ ang imo kamatooran ;

Kay sa imo mġa tulumanon nagahulat ako.

44 Kag pagabantayan ko ang imo kasogoan gihapon,

Sa katuigan sang katuigan.

45 Kag magalakat ako sa kalaparan ;

Kay ginapangita ko ang imo mġa tulumanon.

46 Kag magahambal ako sang imo mġa pagpamatuud sa atubangġan sang mġa hari,

Kag indi ako magkahuya.

47 Kag magakawili ako sa imo mġa sogo,

Nġa akon ginahigugma.

48 Subung man pagabayawon ko ang akon mġa kamut sa imo mġa sogo nġa ginahigugma ko,

Kag magapamalandong ako sa imo mġa palatukuran.

### SAIN.

49 Panumduma ang polong, nġa ginsiling sa imo alagad,

Nġa sa iya ginpahulat mo ako.

50 Ini sia amo ang akon kalipay sa akon kalisdanan,

Kay ang imo siniling nagbuhi sa akon.

51 Ang mġa palabilabihon nagululig-yat sing daku sa akon ;

*Apang* walġa ako magbulag sa imo kasogoan.

52 Nakadumdum ako, oh Iehoba, sa imo mġa tulumanon nġa daan,

Kag nagakalipay ako.

53 Masingkal nġa panungud nagdakup sa akon,

Bangud sang mġa madauton nġa nagabiya sang imo kasogoan.

54 Ang mġa kalantahon nakon amo ang imo mġa palatukuran,

Sa puluy-an sang akon mġa pagpan-lakatan.

55 Nakadumdum ako sang kagabihon sang imo nġalan, oh Iehoba,

Kag ginabantayan ko ang imo kaso-goan.

56 Yari karon ang anġay sa akon,

Ang pagbantay sang imo mġa sogo.

### KET

57 Ang akon bahin, oh Iehoba, ginsiling ko,

Amo ang pagbantay sang imo mġa polong.

58 Ang imo pag-atubang ginpanġayô ko sa bug-os nġa tagiposoan ;

Malooy-ka sa akon sono sang imo polong.

59 Ginatalupangud ko ang akon mġa dalanon,

Kag ginapadulong ko ang akon mġa tiil sa imo mġa pagpamatund.

60 Nagadalidali ako, kag walġa ako magadugay

Sa pagbantay sang imo mġa sogo.

61 Ginalibutan ako sang mġa lubid sang mġa madauton,

*Apang* walġa ako magakalipat sang imo kasogoan.

62 Sa tunġa ang gab-i nagabanġon ako sa pagdayaw sa imo

Bangud sang mġa tulumanon sang imo katarunġan.

63 Nagaimpon ako sa tanan nġa nagakahadluk sa imo,

Kag nagabantay sang imo mġa sogo.

64 Sa imo kalooy, on Iehoba, napunô ang duta ;

Tudlo-i ako sang imo mġa palatukuran.

### TET

65 Maayo ang ginahimo mo sa imo alagad,

Oh Iehoba, sono sang imo polong.  
66 Tudloi ako sang maayo, sang kaho-  
logon, kag sang kinaadman;

Kay nagatoo ako sa imo mġa sogo.

67 Sa walā pa ako pagpapaubusa,  
nagalakat ako, nġa nagatalang;

Apang karon nagabantay ako sang  
imo polong.

68 Ikaw amo ang maayo kag nagahi-  
mo sang maayo;

Tudloi ako sang imo mġa palatuku-  
ran.

69 Batok sa akon nagapaladugi ang  
mġa palabilabihon sing kabutigan;

Apang ako nagabantay sa bug-os nġa  
tagiposoan sang imo mġa sogo.

70 Dimabatyagon ang ila tagiposoan  
subung sang sapay,

Apang ako, sa imo kasogoan nagaka-  
wili ako.

71 Maayo sa akon nġa pagpapaubson  
ako,

Agud nġa magtoon ako sang imo mġa  
palatukuran.

72 Maayo pa sa akon ang kasogoan  
sang imo bābā

Sang linibolibo nġa bulawan kag  
pīlak.

### IOD.

73 Ang imo mġa kamut naghimo sa  
akon, kag naghuman sa akon;

Pahantupa ako, agud nġa pagton-an  
ko ang imo mġa sogo.

74 Ang mġa nagakalahadluk sa imo,  
makakita sa akon, kag nagakalipay sila,  
Kay sa imo polong naghulat ako.

75 Nakilala ko, oh Iehoba, nġa ang  
imo mġa tulumanon among katarunġan,  
Kag nġa sono sang imo pagkatutum  
ginpapaubus mo ako.

76 Ang imo kalooy magmanġinakon  
kalipay,

Sono sang imo ginsiling sa imo ala-  
gad.

77 Magkari sa akon ang imo mġa ka-  
looy, agud magkabuhi ako;

Kay ang imo kasogoan among akon  
kawilihan.

78 Mahuy-an kunta ang mġa palabila-  
bihon, kay sa walay kabangdanan gina-  
pigus nila ako,

Apang ako nagapamalandong sa imo  
mġa sogo.

79 Magbalalik sa akon ang mġa naga-  
kalahadluk sa imo,

Kag makakilala sila sang imo mġa  
pagpamatuud.

80 Magmanġinlubus ang akon tagipo-  
soon sa imo mġa palatukuran,

Agud nġa indi ako mahuy-an.

### KAP.

81 Ginalapyo ang akon kalāg tunġud  
sang imo kaluwasan;

Nagahulat ako sa imo polong.

82 Ginapanlapyo ang akon mġa mata  
tunġud sang imo polong,

Nġa nagasiling: "ġ San-o mo bala ako  
lipayon?"

83 Kay ako subung sang panit nġa  
suludlan sa asohan;

Apang walā ko malimti ang imo mġa  
palatukuran.

84 ġ Pila pa bala ang mġa inadlaw  
sang imo alagad?

ġ San-o pa bala nimo hukman ang mġa  
nagahilingabut sa akon?

85 Ginakutkutan ako sang mġa pala-  
bilabihon sing mġa boho,

Nġa ini indi sono sang imo kasogoan.

86 Ang tanan mo nġa mġa sogo mġa  
matuud.

Sa walay kabangdanan ginahingabut  
nila ako; buligi ako.

87 Daw ginpukan nila ako sa duta;  
Apang ako walā magbiya sang imo  
mġa sogo.

88 Buhia ako sono sang imo kalooy,  
Agud nġa pagbantayan ko ang mġa  
pagpamatuud sang imo bābā.

### LAMED.

89 Sa gihapon, oh Iehoba,  
Nagapadayon nġa malig-on ang imo  
polong sa kalanġitan.

90 Sa kaliwatan kag kaliwatan amo  
ang imo katutum.

Ikaw ang nagpalig-on sang duta, kag  
nagapadayon sia.

91 Sono sang imo sinogo ang tanan  
nagapaladayon tubtub karon,

Kay ang tanan nġa mġa butang naga-  
alalagad sa imo.

92 Kon ang imo kasogoan indi ma-  
nġinakon mġa kawilihan,

Sa akon kalisdanan nadula kunta ako.

93 Indi gid nġa mas-a nakon pagkali-  
pitan ang imo mġa sogo,

Kay sa ila ginbuhi mo ako.

94 Imo gid ako, luwasa ako,



Kay ginpanġita ko ang imo mġa sogo.  
95 Sa paglaglag sa akon, ginhulat ako sang mġa madauton;

Apang ako nagamahantupon sa imo mġa pagpamatuud.

96 Sa bug-os nġa kahimpitan nakakita ako sing katapusan;

Masangkad nġa dianġayan amo ang imo sogo.

### MEM.

97 !Nġa pagkadaku sang akon paghigugma sa imo kasogoan!

Sa bug-os nġa adlaw amo sia ang akon pamalandongon.

98 Ginhimo mo ako nġa maalam pa sang akon mġa kaaway tungud sang imo mġa sogo;

Kay sia sa gihapon yari sa akon.

99 Nakahantup ako sing labi sa tanan nġa akon mġa manugtudlo;

Kay ang imo mġa pagpamatuud amo ang akon pamalandongon.

100 Nakahanġup ako sing labi pa sa mġa tigulang,

Kay gimbantayan ko ang imo mġa sogo.

101 Sa tanan nġa malain nġa dalanon ginpungan ko ang akon mġa tiil,

Sa pagbantay sang imo polong.

102 Walā ako magpalayō sa imo tulumanon,

Kay ginatudloan mo ako.

103 ! Nġa pagkatam-is sa akon idilimdim sang imo mġa polong

Labi pa sang dugus sa akon bābā!

104 Sa imo mġa sogo nakaangkon ako sing ihibalo;

Nġani, ginakaakigan ko ang tanan nġa dalan sa kabutigan.

### NUN.

105 Ang imo polong among suga sa akon mġa tiil,

Kag kapawa sa akon dalanon.

106 Nagsumpa ako, kag ginpamatud-an ko

Ang pagbantay sang mġa tulumanon sang imo katarunġan.

107 Nasubuan ako sing daku gid;

Oh Iehoba, buhia ako sono sang imo polong.

108 Nagaampo ako sa imo, oh Iehoba, nġa manginkalahamut-an mo ang mġa halad,

Nġa kinabubut-on sang akon bābā,  
Kag tudloi ako sang imo mġa tulumanon.

109 Sa gihapon yari sa akon kamut ang akon kalāg,

Apang walā ako magakalipat sang imo kasogoan.

110 Ginabutanġan ako sing siod sang mġa madauton;

Apang walā ako magalipas sa imo mġa sogo.

111 Ginbaton ko nġa panublion ang imo mġa pagpamatuud,

Kay kalipay sila sang akon tagiposoan.

112 Ginpaduyog ko ang akon tagiposoan sa pagbutang sa buhat sang imo mġa palatukuran,

Sa gihapon tubtub sa katapusan.

### SAMEK.

113 Ginakaakigan ko ang mġa maduhaduhaon nġa mġa hunahuna,

Apang ginahigugma ko ang imo kasogoan.

114 Ang akon palalipdan kag ang akon taming amo ikaw;

Sa imo polong nagahulat ako.

115 Palayō-kamo sa akon, mġa malauton,

Agud nġa pagbantayan ko ang mġa sogo sang akon Dios.

116 Sakdaga ako sono sang imo polong, agud nġa magkabuhi ako;

Kag indi ako mahuy-an kunta sang akon paglaum.

117 Ubayi ako, agud manġinmaluwas ako,

Kag pagapasisilingan ko sa gihapon ang imo mġa palatukuran.

118 Ginasiikway mo ang tanan nġa mġa nagalilipas sa imo mġa palatukuran;

Kay ang ila kakahas indi liwan kondi kabutigan.

119 Subung sang mġa buay ginakabig mo ang tanan nġa mġa madauton sa duta.

Nġani ginahigugma ko ang imo mġa pagpamatuud.

120 Ang akon unud nagakurug sa kahadluk sa imo,

Kag bangud sang imo mġa tulumanon may kulba ako.

## AIN.

121 Ginabutang ko sa buhat ang tulu-  
manon kag ang katarungan;

Indi mo ako pagbayaan sa akon mġa  
manugpigios.

122 Magmanginkalig-unan ka tungud  
sa imo alagad nġa sa kaayohan;

Indi ako paglugusan sang mġa palabi-  
lahihon.

123 Ang akon mġa mata ginapanlap-  
yo tungud sang imo kaluwasan,

Kag tungud sang polong sang imo  
katarungan.

124 Buhata sa imo alagad sono sang  
imo kalooy,

Kag tudloi ako sang imo mġa palatu-  
kuran.

125 Ako among imo alagad; hatagi  
ako sing ihibalo,

Agud nġa mahibaloan ko ang imo  
mġa pagpamatuud.

126 Panag-on na ini sa paghimo, oh  
Iehoba:

Ginpakawalay pulus nila ang imo ka-  
sogoan.

127 Tungud sina ginahigugma ko ang  
imo mġa sogo

Labi pa sa bulawan kag labi pa sa  
bulawan nġa inulay gid.

128 Tungud sina ang tanan nġa mġa  
sogo sa tanan nġa mġa butang ginkabig  
ko nġa mġa matadlung.

Ginkaakigan ko ang tanan nġa dalan  
sa kabutigan.

## PE.

129 Ang imo mġa pagpamatuud mġa  
kalatingalahan,

Nġani ginabantayan sila sang akon  
kalág.

130 Ang kasaysayan sang imo mġa  
polong nagapawa;

Nagapahanġup ini sa mġa bunayag.

131 Ang akon bġbġ ginbukġ ko, kag  
nagapanghayhay ako,

Kay ginahandum ko ang imo mġa  
sogo.

132 Balik-ka sa akon, kag kalooyi ako,  
Subung sang kinabatasan mo sa mġa  
nagahigugma sa imo nġalan.

133 Lig-ona ang akon mġa tikang sa  
imo polong;

Kag bisan ano nġa kalautan indi mag-  
gahum sa akon.

134 Tubsa ako sa paglugus sang mġa  
tawo,

Agud nġa pagbantayan ko ang imo  
mġa sogo.

135 Himoa nġa magasilak ang imo  
nawung sa ibabaw sang imo alagad,

Kag tudloi ako sang imo mġa pala-  
tukuran.

136 Mġa kasubuan sang tubig nagai-  
lilig sa akon mġa mata,

Kay ang imo kasogoan walġ pagatu-  
mana.

## TSADI.

137 Matarung ka, oh Iehoba,

Kag mġa matadlung ang imo mġa  
tulumanon.

138 Ikaw nagasogo sing katarungan  
sa imo mġa pagpamatuud,

Kag sang isa ka bug-os nġa katutum.

139 Ang akon kakugi nagapahagas sa  
akon,

Kay ang akon mġa kasumpung naga-  
kalalipat sang imo mġa polong.

140 Naputli sing tuman gid ang imo  
polong,

Kag ginahigugma sia sang imo  
alagad.

141 Ako among diyotay kag sinik-  
way;

Apang walġ ako makalipat sang imo  
mġa sogo.

142 Ang imo katarungan among ka-  
tarungan nġa walay katubtuban.

Kag ang imo kasogoan amo ang ka-  
matooran.

143 Nadakpan ako sang kalisdanan  
kag pagbakho;

Apang ang imo mġa sogo among akon  
mġa kawilihan.

144 Ang katarungan nġa walay katub-  
tuban amo ang imo mġa pagpamatuud;

Hatagi ako sing ihibalo, agud nġa  
mabuhi ako.

## KOP.

145 Nagpanawag ako sa bug-os ko  
nġa tagiposoon; sabta ako, oh Iehoba,

Agud nġa pagbantayan ko ang imo  
mġa palatukuran.

146 Sa imo nagpanawag ako; luwasa  
ako,

Agud nġa pagbantayan ko ang imo  
mġa pagpamatuud.



147 Nagaúna ako sa pamanagbanag,  
kag nagapanawag ako ;

Nagahulat ako sang imo polong.

148 Nagaulúra ang akon mġa mata  
sa pagpulaw sa kagab-ihon,

Sa pagpamalandong sang imo mġa  
pinolongan.

149 Dunga ang akon tingng, sono sa  
imo kalooy ;

Oh Iehoba, buhia ako sono sang imo  
tulumanon.

150 Nagapalapit ang mġa nagapa-  
langita sang kalainan ;

Nagapalalayô sila sa imo kasogoan.

151 Malapit ka, oh Iehoba,

Kag ang tanan mo nġa mġa sogo  
among kamatooran.

152 Dugay na nġa nakahantup ako  
sang imo mġa pagpamatuud,

Nġa sa gihapon gintukud mo sila.

### RES.

153 Tuluka ang akon kalisdanan, kag  
luwasa ako,

Kay walâ ako magkalipat sang imo  
kasogoan.

154 Tabangġi ang akon kasaba, kag  
tubsa ako ;

Buhia ako, sono sang imo polong.

155 Malayô sa mġa madauton ang  
kaluwasan,

Kay walâ sila magapangġita sang imo  
mġa palatukuran.

156 Madamu ang imo mġa kalooy, oh  
Iehoba ;

Buhia ako, sono sang imo mġa tulu-  
manon.

157 Madamu ang mġa manughingabut  
nakon kag ang akon mġa kasumpung,

Apang walâ ako magpalayô sa imo  
mġa pagpamatuud.

158 Ginatan-aw ko ang mġa malinapa-  
son nġa may kalas-ay,

Kay walâ sila magabantay sang imo  
mġa polong.

159 Talupangda, oh Iehoba, nġa gina-  
higugma ko ang imo mġa sogo ;

Oh Iehoba, buhia ako, sono sang imo  
kalooy.

160 Ang ginkaisahan sang imo polong  
among kamatooran,

Kag sa walay katubtuban nagapada-  
yon ang tanan nġa tulumanon sang imo  
katarungan.

### SIN.

161 Ang mġa dunganon nagahilinga-  
but sa akon sa walay kabangdanan,

Apang ang akon tagiposoon nagaka-  
hadluk sa imo mġa polong.

162 Nagakalipay ako sa imo polong,  
Subung sang nakakita sang madamu  
nġa inagaw.

163 Ang butig ginakaakigan kag gi-  
nakangil-aran ko ;

Ang imo kasogoan ginahigugma ko.

164 Sa adlawadlaw ginadayaw ko i-  
kaw sing makapito,

Bangud sang mġa tulumanon sang  
imo katarungan.

165 May daku nġa paghidaet ang mġa  
nagahigugma sang imo kasogoan,

Kag walâ sa ila sing kasandaran.

166 Ang imo kaluwasan ginahulat ko,  
oh Iehoba,

Kag ang imo mġa sogo ginabutang ko  
sa buhat.

167 Ang akon kalág nagabantay sang  
imo mġa pagpamatuud,

Kag ginahigugma ko sila sing daku  
gid.

168 Ginabantayan ko ang imo mġa so-  
go, kag ang imo mġa pagpamatuud ;

Kay ang tanan ko nġa mġa dalanon  
yara sa atubangan mo.

### TAU.

169 Magpalapit sa atubangan mo ang  
akon panaghoy, oh Iehoba ;

Hatagi ako sing ihibalo, sono sang imo  
polong.

170 Mag-abut sa atubangan mo ang  
akon pangamuyo ;

Bawia ako, sono sang imo ginsiling.

171 Magbalantala ang akon mġa bibig  
sing pagdayaw ;

Kay ginatudloan mo ako sang imo  
mġa palatukuran.

172 Mag-ambahan ang akon dila sang  
imo ginsiling,

Kay ang tanan mo nġa mġa sogo mġa  
katarungan sila.

173 Magmanġinakon panabang ang  
imo kamut,

Kay ginpili ko ang imo mġa sogo.

174 Ginahandum ko ang imo kaluwa-  
san, oh Iehoba ;

Kay ang imo kasogoan among akon  
kalawilihan.

175 Magkabuhi ang akon kalág kag magdayaw sa imo,

Kag ang imo mġa tulumanon magbulig sa akon.

176 Ako nagalakat nġa laaslaas, subung sang obeha nġa nagtalang: pangġita ang imo alagad;

Kay walá ako magakalipat sa imo mġa sogo.

Ang manugambahan nagapanġayo sa Dios, nġa tabanġan sia batok sa mġa malibakon.

*Ambahanon sa mġa pagtaklad.*

**120** NAGPANAWAG ako kay Iehoba sa akon kalisdanan,

Kag sia nagsabat sa akon.

2 Luwasa ang akon kalág, oh Iehoba, sa bibig nġa butigon

Kag sa dila nġa malimbongon.

3 ; Ano bala ang igahatag sa imo karon, kag anong pagaidugang pa sa imo,

Dila nġa malinbongon?

4 Ang mġa baslay nġa mataliwis sang maisug,

Upud ang mġa бага sang enebro.

5 Kailo ako, nġa nagapanlugayaw ako sa Mesek,

Nġa nagapuyô ako sa mġa layang-layang sa Kedar.

6 Tuman na ang dag-on nġa ginpuyô sang akon kalág

Kaupud sa mġa nagadulumut sang paghidaet.

7 Ako buut sang paghidaet;

Apang kon maghambal ako, handa sila nġa sa pagpakigaway.

Si Iehoba matutum nġa manugbantay sang iya banwa.

*Ambahanon sa mġa pagtaklad.*

**121** ; PAGABAYAWON ko bala ang akon mġa mata sa mġa bukid?

; Diin bala magahalín ang akong panabang?

2 Ang akon panabang *nagagikan* kay Iehoba,

Nġa naghimo sang mġa langit kag sang duta.

3 Walá niya igtugut nġa magkadanlog ang imo mġa tiil,

Bisan magakatolog ang nagabantay sa imo.

4 Yari karon, ang nagabantay kay Israel

Walá pagatuyha, bisan nagatolog.

5 Si Iehoba amo ang imo Manugbantay,

Si Iehoba amo ang imo landong sa imo kamut nġa too.

6 Ang adlaw indi magatistis sa imo sa adlawon,

Bisan ang bulan sa kagab-ihon.

7 Si Iehoba magabantay sa imo sa tanan nġa kalautan;

Sia magabantay sa imo kalág.

8 Si Iehoba magabantay sang imo paggowa kag sang imo pagsulúd,

Kutub karon kag tuhtub sa gihapon.

Pangamuyo nġa sa kalinong sa Ierusalem.

*Ambahanon sa mġa pagtaklad. Ni Dabid.*

**122** NAGAKALIPAY ako kaupud sang mġa nagasililing sa akon:

"Magkadto kita sa Baláy ni Iehoba."

2 Ang aton mġa tiil magadulúlog sa imo mġa gawang, oh Ierusalem,

3 Ierusalem, nġa pinatindug,

Subung sang isa ka banwa nġa ang iya kabalayan gintalalabid;

4 Nġa didto sa iya nagatalaklad ang mġa kabikahan, ang mġa kabikahan ni Iehoba,

Sono sa pagpamatuud nġa sa Israel, Agud sa pagpasalamat sa nġalan ni Iehoba.

5 Kay didto napahamtang ang mġa lingkoran nġa harianon sa paghukom,

Ang mġa lingkoran nġa harianon nġa sa baláy ni Dabid.

6 Pangayô-kamo tunġud sang kalinong sa Ierusalem.

Pagpapahuwayon kunta ang mġa nagahigugma sa imo.

7 May kalinong untani sa sulúd sang imo kuta,

Kag kabulahanan sa sulúd sang imo mġa baláy nġa harianon.

8 Bangud sang akon mġa útud kag mġa kaupdanan,

Magasiling ako karon: "¡Kalinong sa sulúd nimo!"

9 Bangud sang baláy ni Iehoba nġa aton Dios,

Magapangita ako sing kaayohan mo.



Pangamuyo sang matinoohon nga talamayon.

*Ambahanon sa mga pagtaklad.*

**123** SA imo ginabayaw ko ang akon mga mata,

Sa imo nga nagapuyô sa mga langit.

2 Yari karon, subung sang mga mata sang alagad nga lalaki nagatan-aw sa kamut sang ila agalon nga lalaki,

Subung sang mga mata sang mga alagad nga babae, sa kamut sang ila agalon nga babae;

Subung man ang amon mga mata nagatan-aw kay Iehoba, nga aton Dios, Tubtub nga maloooy sia sa aton.

3 Kalooye kami, oh Iehoba, kalooye kami,

4 Kay busug na gid kami sang pagtamay.

Ang akon kalág busug na gid sang uligyat sang mga malinong,

Kag sang pagtamay sang mga palabihon.

Lamang ang Dios ang nagbawi sa iya banwa.

*Ambahanon sa mga pagtaklad. Ni Dabid.*

**124** KON walâ kunta makigúpud si Iehoba sa aton,

Magsiling karon si Israel:

2 Kon walâ kunta makigúpud si Iehoba sa aton,

Sang nagtilindug ang mga tawo batok sa aton,

3 Niyan gintolon kunta kita nila nga mga buhi,

Sang pagdabdad sang ila kaakig batok sa aton;

4 Niyan gin-anaw kita kunta sang mga tubig,

Ang sulug nag-agi kunta sa ibabaw sang aton kalág;

5 Niyan ang mga tubig nga palablabihon nag-agi kunta sa ibabaw sang aton kalág.

6 Pakamaayohon si Iehoba,

Nga walâ kita niya igpatukub sa ila mga ngipon.

7 Ang aton kalág nakapalagyo, subung sang pispis, gikan sa siod sang mga mangangayam:

Ang siod nabugto, kag kita nakapalagyo.

8 Ang aton panabang amo ang ngalan ni Iehoba,

Nga sia nagbuhat sang langit kag sang duta.

Kalig-unan sadtong nagasalig sa Dios.

*Ambahanon sa mga pagtaklad.*

**125** ANG mga nagasalig kay Iehoba

Kaangay sila sang bukid sa Sion, nga indi mationg, kondi nagadayon sa gihapon.

2 Ang Ierusalem nalibutan sing mga bukid;

Apang si Iehoba yara sa palibot sang iya banwa kutub karon kag tubtub sa gihapon.

3 Kay indi mahamtang ang patok nga harianon sang pagkatampalasan sa ibabaw sang kapalaran sang mga matarung,

Agud nga indi paguntayon sang mga matarung ang ila mga kamut sa pagkadimatarung.

4 Himoa ang kaayohan, oh Iehoba, sa mga maayo,

Kag sa mga matadlung sa ila mga tagiposoon.

5 Nahanungud sa mga nagasululúd sa ila mga dalanon nga tiko,

Pagapalakton sila ni Iehoba upud sang mga manughilimo sing kalainan.

Ang paghidaet manginsaibabaw sang Israel.

Mga pagdayaw sa Dios tungud kay ginluwas niya ang iya banwa sa kabihagan.

*Ambahanon sa mga pagtaklad.*

**126** SANG ginpabalik ni Iehoba ang mga bihag sa Sion,

Nanginsubung kami sang mga nagadalango.

2 Niyan ang amon babâ naghitad sa kadlaw,

Kag ang amon dila sa pagdayaw;

Niyan nagsililing sila sa tungâ sang mga katawohan:

“Dalagku nga mga butang ang ginhimo ni Iehoba sa ila sini.”

3 Dalagku nga mga butang ang ginhimo ni Iehoba sa amon;

Nagkalasadya kami.

4 Papaulia ang amon mga bihag, oh Iehoba,

Subung sang mga kasapaan sa Bagatanan.

5 Ang mga nagatalanum nga may mga luha, nagaalani nga may kalipay.

Ang nagalakat, ang nagalakat nga nagahibi; ini nagadalâ sing binhi sa pag-sab-ug,

Sia nagabalik, nagabalik n̄a naga-  
hugyaw, n̄a nagadalá sang iya m̄a  
inupung.

Ang kahamun̄aya nagagikan sang pagpaka-  
maayo sang Dios.

*Ambahanon sa m̄a pagtaklad. Ni  
Salomon.*

**127** KON si Iehoba indi magpatindug  
sing baláy,

Nagapalangabudlay sing walay pulus  
ang m̄a nagapatindug sa iya.

Kon si Iehoba indi magbantay sang  
banwa,

Walay pulus ang pagpulaw sang ban-  
tay.

2 Walay pulus n̄a magbugtaw kamo  
sa pagbangon; n̄a magpakagab-i kamo  
sa pagpahuway,

N̄a magkaon kamo sing tinapay sang  
m̄a kasakitan;

Ginahatag niya ini sa iya nahagug-  
maan sa nagakatolog pa.

3 Yari karon, ang panublion ni Iehoba  
amo ang m̄a anak;

Ang bunga sang tiyan n̄a inilóy  
among balus.

4 Subung sing m̄a baslay sa kamut  
sang maisug,

Amo ini ang m̄a anak sa pagkapa-  
matan-on.

5 Bulahan ang tawo n̄a nagpunô  
sang iya baslayan sa ila:

Indi sila manginhuy-an, kon magham-  
bal sila

Sa m̄a kaaway sa gawang.

Ang nagakahadluk sa Ginoo, pagapakamaayohon  
sa iya panimalay.

*Ambahanon sa m̄a pagtaklad.*

**128** BULAHAN yadtong tanan n̄a  
nahadluk kay Iehoba,

N̄a nagalakat sa iya m̄a dalanon.

2 Hoo, magakaon ka sang pinangabud-  
layan sang imo m̄a kamut.

Magmanginsa imo ang kabulahanan  
kag ang kauswagan:

3 Ang imo asawa manginsubung sang  
ubas n̄a nagadalá sing bunga sa sulúd  
sang imo baláy;

Ang imo m̄a anak subung sang m̄a  
tinanum n̄a m̄a oliba sa palibot sang  
imo latok.

4 Yari karon, sa sini pagapaka-  
maayohon

Ang tawo n̄a nahadluk kay Iehoba.

5 Pakamaayohon ka ni Iehoba kutub  
sa Sion,

Kag makita mo ang kaayohan sang  
Jerusalem sa tanan n̄a m̄a adlaw sang  
imo kabuhi.

6 Kag makita mo ang m̄a anak sang  
imo m̄a anak.

Ang paghidaet manginsaibabaw sang  
Israel.

Ang Iglesia n̄a ginahingabut, apang wala  
malaglag.

*Ambahanon sa m̄a pagtaklad.*

**129** GINPABAKHO nila ako sing  
daku kutub sa akon pagkapa-  
matan-on,

Sarang makasiling karon si Israel.

2 Ginpabakho nila ako sing daku ku-  
tub sa akon pagkapamatan-on,

Apang walâ sila maglandas batok sa  
akon.

3 Sa ibabaw sang akon m̄a taludtud  
nagdalaro ang m̄a manugdaro;

Naghilimo sila sing dalagku n̄a m̄a  
idas.

4 Si Iehoba matarung,

Ginbugto niya ang m̄a igilikos sang  
m̄a madauton.

5 Pagapakahuy-an kag pagapaisolon  
Ang tanan n̄a m̄a nagadulumut sa  
Sion.

6 Manginsubung sila sang hilamon sa  
m̄a atop,

N̄a nagakalaya sa walâ pa sia ma-  
gabut,

7 N̄a sa iya walâ mabutâ sang ma-  
nug-ani ang iya kamut,

Bisan mabutâ ang iya isalaklay sang  
manugupung;

8 Sa bagay n̄a ang m̄a nagaliligad  
walâ magasililing:

“Ang pagpakamaayo ni Iehoba ma-  
nginsaibabaw ninyo:

Ginapakamaayo namon kamo sa n̄a-  
lan ni Iehoba.”

Pagtuad sang m̄a sala.—Pangamuyo tungud  
sang patawad.

*Ambahanon sa m̄a pagtaklad.*

**130** SA m̄a kadadalman, oh Iehoba,  
sa imo nagapanawag ako,

2 Ginoo, pamatii ang akon tingug.

Magmatalupangdon ang imo m̄a idu-  
lungug



Sa tingug sang akon pag-ampo.  
 3 Iehoba, kon tulukon mo ang m̃ga salá,  
 { Sin-o bala, Ginoo, ang sarang maka-tindug?  
 4 Apang may patawad ñga malapit sa imo,  
 Agud ñga pagkahadlukan ka.  
 5 Nagahulat ako kay Iehoba, nagahulat ang akon kalág:  
 Sa imo polong nagahulat ako.  
 6 Ang akon kalág *nagahulat kay Iehoba*  
 Labi pa sang m̃ga bantay sa kaagahon,  
 Labi pa sang m̃ga manugpulaw sa kaagahon.  
 7 Maghulat si Israel kay Iehoba,  
 Kay may kalooy kay Iehoba  
 Kag bugana ñga pagpanubus sa iya.  
 8 Kag sia magatubus kay Israel  
 Sa tanan niya ñga m̃ga kalautan.

Ang pagkamapainubuson sang manugambahan.

*Ambahanon sa m̃ga pagtaklad. Ni Dabid.*

**131** IEHOBÁ, ang akon tagiposoón  
 indi palabilabihon, bisan ang akon  
 m̃ga mata matinaastaason,  
 Bisan naglakat ako sa m̃ga butang,  
 Ñga lakas ka daku kag makatili-  
 ngála ñga sa akon.  
 2 Sa pagkamatuud ñga nagmabakud  
 ako, kag ginlingaw ko ang akon kalág,  
 Subung sang isa ka bátá ñga linutas sa  
 iya ilóy.  
 Subung sang isa ka bátá ñga linutas  
 amo ang akon kalág.  
 3 Hulát, oh Israel, kay Iehoba,  
 Kutub karon kag sa gihapon.

Ang kakugi ni Dabid tungud sang Simbahan kag  
 tungud sang kaban sang katipan.—Ang m̃ga  
 panaad sang Dios.

*Ambahanon sa m̃ga pagtaklad. Ni Dabid.*

**132** PANUMDUMA, oh Iehoba, si  
 Dabid,  
 Kag ang tanan niya ñga kalisdanan.  
 2 Kay ginsumpa niya kay Iehoba,  
 Ginpanaad niya sa Makagagahum ni  
 Iakob:  
 3 “Sa pagkamatuud, indi ako magsu-  
 lúd sa puluy-anan sang akon baláy,  
 Bisan magsaka ako sa ibabaw sang  
 higdaan sang akon talapakan,  
 4 Indi ko paghatagan sing katologon  
 ang akon m̃ga mata,

Bisan sa akon m̃ga ilalakub sing katu-  
 yohon,

5 Tubtub ñga makakita ako sing duug  
 ñga kay Iehoba,

Sing puluy-an ñga sa Makagagahum  
 ni Iakob.”

6 Yari karon, sa Eprata nakabati ka-  
 mi sa iya,

Nakita namon sia sa m̃ga latagon  
 sang laar.

7 Magsulúd-kami sa iya puluy-an,  
 Maglayaub-kami sa talapakan sang  
 iya m̃ga tiil.

8 Tindug-ka, oh Iehoba, sa imo pag-  
 pahuway,

Ikaw kag ang kaban sang katipan sang  
 imo kabakuran.

9 Ang imo m̃ga saserdote magpalana-  
 put sang katarungan,

Kag magkalalipay ang imo m̃ga ba-  
 laan.

10 Sa paghigugma kay Dabid ñga imo  
 alagad,

Ayaw pagitalingi ang imo nawung sa  
 imo hinaplas.

11 Sa pagkamatuud, nagsumpa si Ie-  
 hoba kay Dabid,

Indi sia magpalayô sa iya:

“Sa bungá sang imo tiyan pagaibu-  
 tang ko *ang m̃ga hari* sa ibabaw sang  
 imo lingkoran ñga harianon.

12 Kon ang imo m̃ga anak magbalan-  
 tay sang akon katipan,

Kag sang akon pagpamatuud ñga  
 pagitudlo ko sa ila.

Ang ila m̃ga anak man magalilingkod  
 sa ibabaw sang imo lingkoran ñga hari-  
 anon sa gihapon,

13 Kay ginpili ni Iehoba ang Sion,  
 Ginhandum niya sia ñga puluy-an ñga  
 sa iya gid.

14 Ini amo ang akon palahuwayan  
 sa gihapon,

Diri magapuyô ako, kay ginhandum  
 ko sia.

15 Sa iya kalan-on pagahatagan ko  
 sing pagpakamaayo,

Pagbusgon ko sing tinapay ang iya  
 m̃ga imol.

16 Subung man pagapasaputan ko ang  
 iya m̃ga saserdote sing kaluwasan,

Kag ang iya m̃ga balaan magasiningit  
 sa kalipay.

17 Didto pagapatuboon ko ang sungay  
 ni Dabid,

Magaaman ako sing suga sa akon hi-  
 naplas.

18 Pagapapanaputan ko ang iya mga kaaway sing kahuluy-an:

Apang sa ibabaw niya magasidlak ang iya purungpurung."

*Ang pagkataas sang gugma nga inutud.*

*Ambahanon sa mga pagtaklad.  
Ni Dabid.*

**133** YARI karon, nga pagkaayo kag pagkamakawiwili

Nga magpuyô ang mga magulútud sing hiliusa gid sa kahirup.

2 Ini subung sang malahalón nga lana, nga nagailig sa olo,

Sa ibabaw sang bungut, sa bangut ni Aaron,

Nga nagailig tuhtub sa liab sang iya mga panapton.

3 Ini subung sang tun-og sa Hermon, Nga nagapanaug sa ibabaw sang mga bukid sa Sion.

Kay didto nagahatag si Iehoba sing pagpakamaayo,

Kag sing kabuhi nga walay katub-tuban.

*Laygay sa pagpakamaayo sa Ginoo.*

*Amabahanon sa mga pagtaklad.*

**134** YARI karon, pakamaayoha-ninyo si Iehoba: tanan kamo nga mga alagad ni Iehoba,

Kamo nga mga yara sa baláy ni Iehoba sa mga kagab-ihon.

2 Bayawa-ninyo ang inyo mga kamut sa balaan nga Puluy-an,

Kag pakamaayoha-ninyo si Iehoba.

3 Pagpakamaayohon ka ni Iehoba kutub sa Sion,

Nga sia naghimo sang kalanġitan kag sang duta.

*Ang Dios ginadayaw tungud sang iya kaayo, sang iya gahum kag sang iya mga paghukom.*

*Kadayawan sang mga diosdios.*

**135** DALAYAWON si Iehoba. Dayawa-ninyo ang ngalan ni Iehoba:

Dayawa-ninyo sia, mga alagad ni Iehoba,

2 Kamo nga mga yara sa baláy ni Iehoba,

Sa mga patyo sang baláy sang amon Dios.

3 Dayawa-ninyo si Iehoba, kay maayo si Iehoba,

Kalanta-kamo sing mga salmos sa iya ngalan, kay mayuyum sia.

4 Kay si Iehoba nagpili kay Iakob nga sa iya gid,

Kay Israel nga pagkabutang niya.

5 Kay ako nakahibalo nga si Iehoba daku,

Kag ang Ginoo naton labing mataas sang tanan nga mga diosdios.

6 Ang tanan nga luyag ni Iehoba, ginbuhat niya,

Sa kalanġitan kag sa duta, sa kadagatan kag sa tanan nga mga kaidadalman.

7 Ginapasaka niya ang mga alupuup gikan sa ukbong sang duta,

Sia naghimo sang mga kilat nga sa ulan,

Sia nagakuha sang mga hangin sa iya mga bahandi.

8 Sia amo ang nagpilas sang mga panganay sa Egipto,

Kutub sa tawo tuhtub sa sapat.

9 Nagpadalá sia sing mga talandaan kag mga kalatingalahan sa tungâ nimo, oh Egipto,

Sa ibabaw ni Paraon kag sa ibabaw sang tanan niya nga mga alagad.

10 Sia ang nagpilas sa madamu nga mga katawohan,

Kag nagpatay sang mga hari nga gamhanan,

11 Kay Sihon, nga hari nga Amorin-hon,

Kag kay Og, nga hari sa Basan,

Kag sa tanan nga mga ginharian sa Kanaan.

12 Kag ginhatag niya ang duta nila nga panublion,

Sa panublion ni Israel, nga iya banwa.

13 Oh Iehoba, walay katubtuban ang imo ngalan.

Ang imo handumanan, oh Iehoba, nagapadayon sa kaliwatan kag kaliwatan.

14 Kay pagahukman ni Iehoba ang iya banwa,

Kag magakalooy sia sa iya mga alagad.

15 Ang mga diosdios sang mga ka'awohan mga pilak kag bulawan,

Buhat sang kamut sang mga tawo.

16 May bâbâ sila, kag indi makahambal;

May mga mata sila, kag indi makakita;



17 May mġa dulungan sila, kag indi makabati;

Walā man sing espiritu sa ila mġa bâbâ.

18 Kaangay sa ila ang mġa nagahilimo sa ila,

Ang tanan nġa mġa nagasalalig sa ila.

19 Baláy ni Israel, pakamaayohaninyo si Iehoba;

Baláy ni Aaron, pakamaayohaninyo si Iehoba;

20 Baláy ni Lebi, pakamaayohaninyo si Iehoba,

Kamo nġa mġa nagakalahadluk kay Iehoba.

21 Dalayawon sa Sion si Iehoba,  
Nġa nagapuyó sa Ierusalem.  
Dalayawon si Iehoba.

Dayawon ang Dios tunġud sang iya mġa binuhatan.

**136** DAYAWA-NINYO si Iehoba, kay maayo sia;

Kay *nagapadayon* sa gihapon ang iya kalooy:

2 Dayawa-ninyo ang Dios sang mġa dios;

Kay *nagapadayon* sa gihapon ang iya kalooy:

3 Dayawa-ninyo ang Ginoo sang mġa ginoo;

Kay *nagapadayon* sa gihapon ang iya kalooy:

4 Sia lamang ang nagahimo sing dalagku nġa kalatingalahan;

Kay *nagapadayon* sa gihapon ang iya kalooy:

5 Sia nġa naghimo sang mġa langit nġa may kaalam;

Kay *nagapadayon* sa gihapon ang iya kalooy:

6 Sia nġa naghumlad sang duta sa ibabaw sang mġa tubig;

Kay *nagapadayon* sa gihapon ang iya kalooy:

7 Sia nġa ginhimo niya ang dalagku nġa mġa sulu;

Kay *nagapadayon* sa gihapon ang iya kalooy:

8 Ang adlaw nġa sa paggahum sa adlawon;

Kay *nagapadayon* sa gihapon ang iya kalooy:

9 Ang bulan kag ang mġa bitoon, sa paggahum sa kagab-ihon;

Kay *nagapadayon* sa gihapon ang iya kalooy:

10 Sia ang nagpilas sang mġa Egiptohanon sa iya mġa panganay;

Kay *nagapadayon* sa gihapon ang iya kalooy:

11 Kag nagpagowa sia kay Israel sa tungâ nila;

Kay *nagapadayon* sa gihapon ang iya kalooy:

12 Sa mabaskug nġa kamut kag sa inuntay nġa butkon;

Kay *nagapadayon* sa gihapon ang iya kalooy:

13 Sia ang nagpahawa sang dagat nġa Mapula;

Kay *nagapadayon* sa gihapon ang iya kalooy:

14 Kag pinatabok niya si Israel sa tungâ niya;

Kay *nagapadayon* sa gihapon ang iya kalooy:

15 Apang ginpilák niya si Paraon, kag ang iya kasoldadosan sa dagat nġa Mapula;

Kay *nagapadayon* sa gihapon ang iya kalooy:

16 Sia ang nagdumala sa iya banwa sa kahanayakan;

Kay *nagapadayon* sa gihapon ang iya kalooy:

17 Sia ang nagpilas sang dalagku nġa mġa hari;

Kay *nagapadayon* sa gihapon ang iya kalooy:

18 Kag ginpatay niya ang bantug nġa mġa hari;

Kay *nagapadayon* sa gihapon ang iya kalooy:

19 Si Sihon, nġa hari sang mġa Amorinhon;

Kay *nagapadayon* sa gihapon ang iya kalooy:

20 Kag si Og, nġa hari sa Basan;

Kay *nagapadayon* sa gihapon ang iya kalooy:

21 Kag ginhatag niya ang ila duta nġa panublion;

Kay *nagapadayon* sa gihapon ang iya kalooy:

22 Hoo, nġa panublion ni Israel nġa iya alagad;

Kay *nagapadayon* sa gihapon ang iya kalooy:

23 Nġa sia nagpanumdum sa aton sa aton kubus nġa kahimtangan;

Kay *nagapadayon* sa gihapon ang iya kalooy:

24 Kag ginbawi niya kita sa aton mga kasumpung;

Kay *nagapadayon* sa gihapon ang iya kalooy:

25 Sia nagahatag sing kalan-on sa tanan nga unud,

Kay *nagapadayon* sa gihapon ang iya kalooy:

26 Dayawa-ninyo ang Dios sang mga langit;

Kay *nagapadayon* sa gihapon ang iya kalooy.

*Mga panalabitan ni Israel sa kabihağan.*

**137** SA luyo sang mga subâ sa Babilonia

Didto naglilingkod kami,

Kag naghilibi pa kami, nga nagapalanumdum sang Sion.

2 Sa ibabaw sang mga sause sa tungâ niya

Ginbitay namon ang amon mga arpa.

3 Kag ang mga nagdalâ didto sa amon nga mga bihag, nagpalangayô sa amon sing mga kalantahon,

Kag ang mga nagpalabakho sa amon, sing kasadya:

4 "Kantahi-ninyo kami sing isa sang mga kalantahon sang Sion."

Paano bala ang pagkanta namon sang kalantahon ni Iehoba

Sa duta sang mga dumuluong?

5 Kon makalipat ako sa imo, oh Ierusalem,

Ang akon too pagakalipatan.

6 Ang akon dila magtapik sa akon langagnag,

Kon sa imo indi ako makadumdum,

Kon indi ko pagpakadakuon ang Ierusalem,

Subung nga pinalabi nga butang sang akon kalipay.

7 Panumduma, oh Iehoba, ang mga inanak ni Edom

Sa kaadlawan sang Ierusalem;

Nga sila nagasililing: "Laglag sa, laglag sa,

Tubtub sa mga sadsaran."

8 Anak nga babae sang Babilonia nga linaglag,

Bulahan ang magahatag sa imo sang bayad,

Tungud sang ginhimo mo sa amon.

9 Bulahan ang magkuha kag ang magbungo sa imo mga anak

Batok sa mga batô.

*Mga pagpasalamat sa Dios tungud sang iya katutum.—Ang tanan nga mga hari magadalayaw sa iya.*

*Salmos ni Dabid.*

**138** PAGADAYAWON ko ikaw sa bug-os ko nga tagiposoon,

Sa atabangan sang mga diosdios pagakantahan ko ikaw sing mga salmos.

2 Magayaub ako sa simbahan sang imo balaan nga Puluy-an,

Kag pagadayawon ko ang imo ngalan tungud sang imo kalooy kag sang imo kamataoran;

Kay ginhimo mo nga daku ang imo polong labi pa sang imo ngalan.

3 Sang adlaw nga nagpanawag ako, ginsabat mo ako;

Ginpabakud mo ako nga may kabakuran sa akon kalâg.

4 Magadalayaw sa imo, oh Iehoba, ang tanan nga mga hari sa duta,

Kon makabati sila sang mga polong sang imo bâbâ.

5 Kag magakalanta sila sang mga dalanon ni Iehoba,

Kay daku ang himaya ni Iehoba.

6 Kay si Iehoba mataas, kag sia nagatamud sa mapainubuson;

Apang sa matinaastaason nagakilala sia sa malayô pa.

7 Kon maglakat ako sa tungâ sang kalisdanan, ikaw magapabuhi sa akon:

Batok sa kaakig sang akon mga kaway pagauntayon mo ang imo kamut,

Kag pagaluwason ako sang imo too.

8 Si Iehoba magahimpit sang nahanungud sa akon.

Ang imo kalooy, oh Iehoba, amo sa gihapon.

Indi mo pagbayaan ang binuhatan sang imo mga kamut.

*Ang manugsalmos nagahiwat sing malipayon sang pagkamananginalamon sa nga tanan kag sang katarungan sang Dios.*

*Sa Pangolo nga musiko. Salmos ni Dabid.*

**139** OH Iehoba, ikaw nagausa sa kag nakakilala sa akon.

2 Ikaw nakakilala sang akon paglingkod kag sang akon pagtindug;



Nahantup mo kutub sa malayô ang  
akon mġa hunahuna.

3 Ang akon banas kag ang akon pag-  
higda ginausisa mo,

Kag ginakilala mo sing himpit ang tan-  
nan ko nġa mġa dalanon.

4 Kay walâ pa ang polong sa akon  
dila,

Kag yari karon, oh Iehoba, ikaw na-  
kahibalo sa iya nġa tanan.

5 Sa likod kag sa atubangġan gina-  
pipit mo ako,

Kag sa ibabaw nakon ginabutang mo  
ang imo kamut :

6 Kinaadman ini nġa tuman ka ma-  
katilingala sa akon,

Tuman ka taas nġa indi ako sarang  
makahangup.

7 ; Sa diin bala ako mapakadto sa  
malayô sa imo Espiritu ?

; Kag sa diin bala ako malagyo sa ma-  
layô sa imo atubangġan ?

8 Kon magsaka ako sa kаланġitan,  
yadto ka didto,

Kag kon sa kaidadalman maghimo  
ako sang talapakan nakon, yari karon  
yadto ka man didto.

9 Kon kuhaon ko ang mġa pakpak  
sang pamanagbanag,

Kag magpuyô ako sa ukbung sang  
dagat,

10 Didto bisan pa pagamandoan ako  
sang imo kamut,

Kag pagakaptan ako sang imo too.

11 Kon magsiling ako : " Sa pagka-  
matuud gid ang mġa kadudulman ma-  
gatabon sa akon,"

Ang amo nġa kagab-ihon magasidlak  
nahanungud sa akon,

12 Ang amo nġa mġa kadudulman in-  
di madulum sa imo.

Kag ang kagab-ihon nagabanaag su-  
bung sang adlaw,

Kaangay lamang sa imo ang mġa ka-  
dudulman kag ang suga.

13 Kay ikaw ang naghuman sang akon  
mġa tagimison,

Gintabunan mo ako sa tiyan sang  
akon ilôy.

14 Ginadayaw ko ikaw, kay ginhu-  
man mo ako sa tuman ka makahalang-  
wa, sa tuman ka makatilingala.

Mġa makatilingala ang imo mġa bi-  
nuhatan,

Kag ang akon kalág nakakilala sini  
sing maayo gid.

15 Walâ matago sa imo ang akon  
lawas,

Sang ginhuman mo ako sa tago,

Nġa ginhabol sing mahupit sa mġa  
duug nġa manubo sang duta.

16 Sang daw bihud pa ako nakita ako  
sang imo mġa mata,

Kag sa imo tolon-an napanulat na yad-  
tong tanan kong mġa adlaw,

Nġa mġa tinapat na sa walâ pa sing  
nag-abut ang bisan sino sa ila.

17 ; Nġa pagkamalahalon sa akon, oh  
Dios, ang imo mġa hunahuna !

; Nġa pagkadamu sang ila mġa isip !

18 Kon isipon ko sila, madamu pa  
sila labi sang balas.

Sang nagamata ako, yara pa ako sa  
imo.

19 Oh Dios, kabay pa nġa patyon mo  
ang madauton

Busa, palagyo kamo sa akon, mġa  
tawo nġa makidugoon.

20 Kay mġa pamuyayaw ang ginasi-  
ling nila batok sa imo,

Kag ang imo mġa kaaway nagahing-  
alan sa walay pulus sang imo nġalan.

21 ; Walâ bala ako magadumut, oh  
Iehoba,

Sa mġa nagadulumut sa imo,

Kag nagakanġil-ad sa mġa nagatili-  
dug batok sa imo ?

22 Ginakaakigan ko sila sa himpit nġa  
pagdumut,

Ginapakakaaway ko sila.

23 Usisaa ako, oh Dios, kag kilalaha  
ang akon tagiposoan ;

Tilawi ako, kag kilalaha ang akon  
mġa hunahuna ;

24 Kag tan-awa kon sa akon may da-  
lan sa kalautan,

Kag mandoi ako sa dalan nġa walay  
katapusan.

Si Dabid nagapanġayo sang pagtabang sang Dios  
batok sa isa ka kaaway nġa gamhanan  
kag dimatarung.

*Sa Panġolo nġa musiko. Salmos ni  
Dabid.*

**140** BAWIA ako, oh Iehoba, sa tawo  
nġa malaut ;

Bantayi ako sa tawo nġa malugus,

2 Nġa nagapalahito sing kalainan sa  
ila tagiposoan,

Kag nġa nagatilipon sa adlawadlaw  
nġa sa inaway.

3 Ginabaid nila ang ila mġa dila subung sang man-ug;

Dalit sang dalitan nġa man-ug sa idalum sang ila mġa bibig. Sela.

4 Bantayi ako, oh Iehoba, sa mġa kamut sang madauton;

Pasalipdi ako sa tawo nġa malugus, Nġa nagahunahuna sa pagbalabag sang akon mġa tikang.

5 Ginatagoan ako sing mġa siod kag mġa lubid sang mġa palabilabihon.

Nagahumlad sila sing sihod sa luyo sang banas;

Ginabutangan nila ako sing mġa tiglapak. Sela.

6 Nagasiling ako kay Iehoba: "Ikaw among akon Dios;"

Linga, oh Iehoba, ang tingug sang akon mġa pag-ampo.

7 Iehoba nġa Ginoo, kabakuran sang akon kaluwasan,

Ikaw nagabutang sing tabon sa akon olo sang adlaw sang mġa hinganiban.

8 Ayaw ighatag, oh Iehoba, sa madauton ang iya mġa handum;

Ayaw igtugut nġa madaug ang iya, katuyoan, *agud* nġa indi sia magbugalon. Sela.

9 Nahanungud sa olo sang mġa nagalilibot sa akon,

Ang kalainan sang iya kaugalingon nġa mġa bibig magatabon sa ila.

10 Ang mġa бага magakalaholog sa ibabaw nila.

Sia magapilak sa ila sa kalayo, Kag sa mġa madalum nġa mġa boho nġa didto indi sila magatilindug.

11 Ang tawo nġa dilaan indi magamalig-on sa duta.

Ang malain magaayam sang tawo nġa malugus sa pagpukan gid sa iya.

12 Ako nakahibalo, nġa si Iehoba nagahimo sing katadlungan sa nalisan,

Katarungan sa mġa makalolooy.

13 Sa pagkamatuud gid, ang mġa matarung magadalayaw sang imo nġalan.

Ang mġa matadlung magapuluyô sa imo atubangan.

Pangamuyo, *agud* nġa pagpabakuron batok sa mġa panulay.

*Salmos ni Dabid.*

**141** IEHOBA, sa imo nagapanawag ako, dalidali-ka sa akon.

Linga ang akon tingug kon tawgon ko ikaw.

2 Ang akon pangamuyo mapahamtang kunta sa imo atubangan, subung sang isa ka pahamut:

Ang paghayaw sang akon mġa kamut, subung sang halad sa kahaponon.

3 Butangi, oh Iehoba, sing bantay ang akon babâ,

Bantayi ang gawang sang akon mġa bibig.

4 Indi pabayai nġa maduyog ang akon tagiposoan sa butang nġa malain,

Sa paghimo sing mġa butang nġa madauton upud sa mġa nagabuluhat sing kalautan,

Kag indi ako magkaon sang ila mġa kawilihan.

5 Kon ang matarung magsilot sa akon, manginisa ko ini ka kabalasan,

Kag kon magsabdong sia sa akon, manginisa ko ini ka lana sa ibabaw sang akon olo:

Ang akon olo indi magasikway sini.

Kay magapangamuyo pa ako sa ila mġa kalalat-an.

6 Kon ang ila mġa hukom pinanghabyo na sa mġa pil-as,

Niyan mabatian ang akon mġa polong, kay mġa mayuyum sila.

7 Subung sang nagaidas kag nagapabangag sang duta,

Ipanabwag ang aton mġa tul-an sa babâ sang lububngan.

8 Apang sa imo, oh Iehoba nġa Ginoo, *nagatulok* ang akon mġa mata;

Sa imo nagsalig ako. Ayaw pagbulagi ang akon kalag.

9 Bantayi ako sang mġa siod nġa ginladlad nila sa akon,

Kag sang mġa tiglapak sang mġa nagahilimo sing kalautan.

10 Magkalaholog sing tingub ang mġa madauton sa ila mġa sihod,

Tubtub nġa makaligad ako sing bugos.

Pangamuyo sa isa gid ka daku nġa katalagman.

*Maskil ni Dabid. Pangamuyo nġa ginhimo niya sang didto sia sa lungib.*

**142** SA akon tingug nagatuaw ako kay Iehoba,

Sa akon tingug nagapangayô ako kay Iehoba.

2 Sa atubangan niya ginaula ko ang akon panghakroy,



Sa Atubangān niya nagapahayag ako sang akon pagbakho.

3 Sang ang akon espiritu ginlapyo sa sulúd nakon, nakilala mo ang akon dalanon.

Sa dalan nga akon ginalaktan, ginlad-ladan nila ako sing siod.

4 Tulok sa akon kamut nga too, kag pamalandongā : walā gid sing sin-o nga nakakilala sa akon,

Walā gid ako sing dalangpan ; walā sing sin-o nga magutitid sang akon kalág.

5 Nagapanawagako sa imo, oh Iehoba : Nagasiling ako : "Ikaw among akon dalangpan,

Kag ang akon bahin sa duta sang mga buhi."

6 Dunga ang akon panaghoy, kay tama gid sa akon kaluya ;

Bawia ako sa mga nagahingabut sa akon, kay mga labing makusug sila sa akon.

7 Kuhaa ang akon kalág sa bilangoan, agud nga dayawon ko ang imo ngalan.

Pagalibutan ako sang mga matarung, Kon ikaw makahimo na sa akon sang maayo.

Pangamuyo ni Dabid, agud nga bawion sia sa iya mga kaaway.

*Salmos ni Dabid.*

**143** OH Iehoba, pamatii ang akon pangamuyo, linga ang akon mga pag-ampo,

Sabta ako tungud sang imo katutum, tungud sang imo katarungan.

2 Kag indi ka magsulúd sa paghukom upud sa imo alagad,

Kay walā gid sing tawo nga buhi nga matarung sa imo atubangan.

3 Kay ginahingabut sang kaaway ang akon kalág,

Ginapukan niya sa duta ang akon kabuhi,

Ginpapuyô niya ako sa kadudulman subung sang mga patay na.

4 Kag ang akon espiritu ginalapyo sa sulúd nakon,

Ginalisang ang akon tagiposoan sa sulúd nakon.

5 Nakadumdum ako sa sadtong mga adlaw,

Nagapanghunahuna ako sang tanan mong mga binuhatan,

Nagapamalandong ako sang mga binuhatan sang imo mga kamut.

6 Ginauntay ko ang akon mga kamut sa imo ;

Ang akon kalág may kauhaw sa imo subung sang duta nga nauhaw. Sela.

7 Sabta ako sing madali, oh Iehoba, nga nagakalipong ang akon espiritu.

Indi pagtagoa sa akon ang imo nawung,

Kag manginangay ako sang mga nagapalanaug sa lulubngan.

8 Papamatia ako kutub sa kaagahon, sang imo kalooy,

Kay sa imo nagasalig ako.

Pahibaloa ako sa dalan nga akon dapat pagalaktan,

Kay sa imo ginbayaw ko ang akon kalág.

9 Luwasa ako sa akon mga kaaway, oh Iehoba :

Sa imo nagadangup ako.

10 Tudloi ako sa paghimo sang imo kabubut-on, kay ikaw among akon Dios.

Ang imo maayo nga espiritu magmando sa akon sa duta nga matapan.

11 Tungud sa imo ngalan, oh Iehoba, buhia ako liwan.

Tungud sang imo katarungan kuhaa ang akon kalág sa kalisdanan.

12 Kag tungud sang imo kalooy panna sa akon mga kaaway,

Kag laglaga ang tanan nga mga kausumpung sang akon kalág ;

Kay ako amo ang imo alagad.

Mga pagpasalamat tungud sang pagtabang sang Dios, kag pangamuyo tungud sang pagimpas.

*Salmos ni Dabid.*

**144** DALAYAWON si Iehoba, nga akon Batong bantiling,

Nga nagatudlo sang akon mga kamut sa pagpakigaway,

Kag sang akon mga tudlo sa paginaway ;

2 Kalooy nakon kag akon kuta, Mataas ko nga dalangpan, kag akon Mamamawi,

Taming nakon, nga sa iya nagapali-pod ako ;

Nga nagasakup sang akon banwa sa idalum nakon.

3 Oh Iehoba : ¿Sin-o bala ang tawo, agud nga sa iya magkilala ka ?

{Kon ang anak sang tawo, agud nga magpanumdum ka sa iya?

4 Ang tawo kaangay sia sang kadaya-wan.

Ang iya mga inadlaw subung sila sang landong nga nagataliwan.

5 Oh Iehoba, pahuyuga ang imo kala-ngitan kag panaug ka;

Kamluta ang kabukiran kag mag-alaso sila.

6 Pagpangilat-ka kag panasa sila;

Ipana ang imo mga baslay, kag paa-laplaaga sila.

7 Untaya ang imo mga kamut kutub sa kahitaasan;

Tubsa ako kag kuhaa ako sa mga madamu nga tubig,

Sa kamut sang mga inanak sang dumuluong,

8 Nga ang ila bâbâ nagahambal sing kadayawan,

Kag ang ila too among to nga malimbongon.

9 Oh Dios, sa imo buut ako magakanta sing bag-ong kalantahon;

Nga may salterio, may dekakordio magakanta ako sa imo.

10 Ikaw ang nagahatag sing kaluwasan sa mga hari;

Ang nagtubus kay Dabid nga imo alagad sa madauton nga hinganiban.

11 Tubsa ako kag luwasa ako sa kamut sang mga inanak sang dumuluong,

Nga ang ila bâbâ nagahambal sing kadayawan

Kag ang ila too amo ang too nga malimbongon.

12 Ang amon mga anak magmanġin-subung sang mga malambu nga tanum-tanum sa ila pagkapamatan-on,

Ang amon mga anak nga babae mangġin-subung sang mga pamusud nga nabasbasan sa bagay nga iya sang mga baláy nga harianon.

13 Ang amon mga damisag mangġin-punô, nga naamanan sang tanan nga mga nagalinainlain nga uyas.

Ang amon mga kahayupan magdala-mu sing linibolibo, kag napûlô ka lini-bolibo sa amon mga latagon.

14 Ang amon mga kabakahan magmanġinmapanlulanan sing maayo;

Nga walay ginuhaban bisan buhin, Bisan balô sa amon mga nakawaan.

15 Bulahan ang banwa nga may iya sini,

Bulahan ang banwa nga ang iya Dios amo si Iehoba.

Kaayo, pagkadaku kag timaan sang Dios.

*Salmos sa pagdayaw. Ni Dabid.*

**145** PAGAPAKADAKUON ko ikaw, Dios nakon, Hari nakon.

Kag pagapakamaayohon ko ang imo ngalan, sa katuigan kag sa gihapon.

2 Sa adlawadlaw pakamaayohon ko ikaw,

Kag pagadayawon ko ang imo ngalan sa katuigan kag sa gihapon.

3 Daku si Iehoba kag takus sang daku gid nga pagdayaw,

Kag ang iya pagkadaku indi sarang matungkad.

4 Isa ka kaliwatan magahimaya sang imo mga binuhatan sa isa ka kaliwatan,

Kag pagaibantala nila ang imo mga kaisug.

5 Buut ako magpamalandong sang katahuman sang himaya sang imo pagkahalangdon,

Kag sang imo mga makatilingala nga mga binuhatan.

6 Kag ang pagkamakahaladluk sang imo mga kaisug pagaipamolong sang mga tawo;

Kag ako magasugid sang imo mga pagkadaku.

7 Pagaibantala nila ang handumanan sang imo daku nga kaayo,

Kag pagakantahon nila ang imo kata-rungan.

8 Maloloyon kag mahinoklogon amo si Iehoba,

Inanay sa pagpangakig kag daku sa kalooy.

9 Maayo si Iehoba sa tanan,

Kag ang iya mga kalooy sa ibabaw sang iya mga binuhatan.

10 Nagadayaw sa imo, oh Iehoba, ang tanan mo nga mga binuhatan,

Kag nagapakamaayo sa imo ang imo mga balaan.

11 Ginahambal nila ang himaya sang imo ginharian,

Kag ginabantala nila ang imo kabakuran,

12 Agud nga makilala sang mga inanak sang mga tawo ang imo mga kaisug,

Kag ang himaya sang pagkahalangdon sang imo ginharian.



13 Ang imo ginharian among ginharian sa tanan nġa mġa katuigan,

Kag ang imo pagkaginoon nagalawig sa kaliwatan kag kaliwatan.

14 Ginaagubay ni Iehoba ang tanan nġa mġa nagakapukan,

Kag ginapatindug niya ang tanan nġa mġa ginapigus.

15 Ang mġa mata sang tanan nagahulat sa imo,

Kag ikaw nagahatag sa ila sang ila kalan-on sa iya panag-on;

16 Ginahumlad mo ang imo kamut, Kag ginabusug mo sing pagkamaayo ang handum sang tanan nġa nagakabuhi.

17 Matarung si Iehoba sa tanan niya nġa mġa dalanon,

Kag maloloy-on sa tanan niya nġa mġa binuhatan.

18 Malapit si Iehoba sa tanan nġa mġa nagapanawag sa iya,

Sa Tanan nġa mġa nagapanawag sa iya sing minatuud.

19 Ginatuman niya ang handum sang mġa nagakahadluk sa iya,

Ginapamatian man niya ang ila panaghoy kag ginaluwas niya sila.

20 Si Iehoba nagabantay sa tanan nġa nagahigugma sa iya;

Apang nagalaglag sia sang tanan nġa mġa madauton.

21 Ang akon bâbâ magbantala sang pagdayaw kay Iehoba,

Kag magpakamaayo ang tanan nġa unud sang imo balaan nġa ngalan sa katuigan kag sa gihapon.

Ang kaluyahon sang tawo; ang katulum sang Dios.

**146** DALAYAWON si Iehoba. Dayawa, oh kalág ko, si Iehoba.

2 Pagadayawon ko si Iehoba sa bug-os ko nġa kabuhi.

Magaambahan ako sa akon Dios sa nagakabuhi pa.

3 Indi kamo magsalig sa mġa dunganon,

Bisan sa anak sang tawo, nġa sa iya walâ sing kaluwasan.

4 Nagagowa ang iya espiritu, nagabalik sa iyâ duta;

Sa sadtong adlaw nagakadula ang iya mġa hunahuna.

5 Bulahan yadto nġa ang iya kabulig amo ang Dios ni Iakob,

Nġa ang iya paglaum yara kay Iehoba nġa iya Dios.

6 Sia naghimo sang mġa langit kag sang duta,

Sang dagat, kag sang tanan nġa yara sa iya;

Sia nagabantay sang kamatooran sa gihapon.

7 Sia nagahimo sing katadlungan sa mġa pinigus;

Sia nagahatag sing tinapay sa mġa gutum.

Si Iehoba nagabuhi sang mġa binilango;

8 Si Iehoba nagapamuklat sang mġa mata sang mġa bulag.

Si Iehoba nagabangon sang mġa napukan;

Si Iehoba nagahigugma sa mata-rung.

9 Si Iehoba nagabantay sang mġa dumuluong,

Sia nagabangon sang ilo kag sang bálo nġa babae;

Apang ginaukay niya ang dalan sang mġa madauton.

10 Nagahari si Iehoba sa gihapon;

Ang imo Dios, oh Sion, sa kaliwatan kag sa kaliwatan.

Dalayawon si Iehoba.

Laygay sa pagdayaw sa Dios tunġud sang tanan nġa kaayohan nġa iya ginhimo sa iya banwa.

**147** DAYAWA-NINYO si Iehoba, Kay maayo ang mag-ambahan sa aton Dios;

Kay mayuyum kag magayon amo ang pagdayaw.

2 Si Iehoba nagapatindug sang Ierusalem,

Nagatipon sia sa mġa sinobol sa Israel.

3 Sia nagaayô sang mġa boong sa tagiposoan,

Kag nagabugkos sang ila mġa pilas.

4 Sia nagatatap sang kadamuon sang mġa bitoon,

Sia nġa nagatawag sa ila sang ila mġa ngalan.

5 Daku amo ang aton Ginoo, kag ang iya gahum dimatunkad.

Kag ang iya ihibalo walay dulunan.

6 Si Iehoba nagabayaw sang mġa mapainubuson;

Nagapapaubus sia sang mġa madauton tubtub sa duta.

7 Alambahan-kamo kay Iehoba nġa may pagdayaw,

Alambahan-kamo nġa may arpa sa aton Dios.

8 Sia nagatabon sang mġa kalangġitan sing mġa gal-um,

Sia amo ang nagaaman sang ulan nġa sa duta ;

Sia amo ang nagapapatubô sing hilamon sa kabukiran.

9 Sia nagahatag sa kasapatan sang ila kalan-on,

Kag sa mġa buto sang mġa uwak nġa nagasiliyagit.

10 Walâ sia nagakahamuut sa kabakuran sang kabayo,

Bisan nagakalipay sia sa mġa paa sang tawo.

11 Nagakahamuut si Iehoba sa mġa nagakalahadluk sa iya,

Kag sa mġa nagahululat sa iya kalooy.

12 Himayaa si Iehoba, Ierusalem :  
Dayawa ang imo Dios, Sion.

13 Kag ginabakud niya ang mġa pinal sang imo mġa gawang ;

Ginapakamaayo niya ang imo mġa anak sa sulud nimo.

14 Sia nagabutang sa imo dulunan sang paghidaet ;

Sia nagabusug sa imo sa tambok sang trigo,

15 Sia nagapadalâ sang iya sogo sa duta,

Sa madasig gid nagadalagan ang iya polong.

16 Sia nagahatag sang niebe subung sang delana,

Nagawaraag sia sing maputi nġa hiel subung sang abô,

17 Sia nagapilâk sang hiel subung nġa mġa tinipiktipik ;

Sa atubangan sang iya tugraw {sin-o bala ang mabuhî ?

18 Nagapadalâ sia sang iya polong, kag nagatunaw sa ila ;

Ginapahuyup niya ang iya hangin, kag nagailig ang mġa tubig.

19 Sia nagapahibalo sang iya mġa polong kay lakob,

Sang iya mġa palatukuran kag mġa tulumanon kay Israel.

20 Walâ niya pagbuhata ang subung sini sa bisan kay sin-o nġa tawo,

Kag walâ sila magakilala sang imo mġa tulumanon. Dayawa-ninyo si Iehoba.

Ang bug-os nġa tinuga magdayaw kay Iehoba.

**148** DAYAWA-NINYO si Iehoba.  
Dayawa-ninyo si Iehoba kutub sa mġa langit,

Dayawa-ninyo sia sa mġa kataasan.

2 Dayawa-ninyo sia, kamong tanan nġa iya mġa manugtunda.

Dayawa-ninyo sia, kamong tanan nġa iya mġa kasoldadosan.

3 Dayawa-ninyo sia, adlaw kag bulan.

Dayawa-ninyo sia, kamong tanan nġa masidlak nġa mġa bitoon.

4 Dayawa-ninyo sia, mġa kalangġitan sang mġa kalangġitan

Kag kamo nġa mġa tubig nġa yara sa ibabaw sang mġa langit.

5 Magdalayaw sila sang ngalan ni Iehoba ;

Kay sia nagsogo, kag natuga sila.

6 Gintukud sila niya sa gihapon sa mġa katuigan,

Ginbutangan niya sila sing sogo, nġa indi magataliwan.

7 Dayawa-ninyo si Iehoba kutub sa duta,

Mġa dragon kag kamo tanan nġa mġa kadadalman ;

8 Ang kalayo kag ang hiel, ang niebe kag ang alisngaw,

Ang hangin sang unus nġa nagatuman sang iya polong ;

9 Ang mġa bukid kag ang tanan nġa mġa kabakoloran,

Ang kahoy nġa nagapamunga kag ang tanan nġa mġa sedro ;

10 Ang mġa sapat nġa mapintas kag ang tanan nġa mġa kasapatan,

Mġa nagasalagnoy sa duta kag mġa nagalulupad ;

11 Ang mġa hari sang duta kag ang tanan nġa mġa banwa,

Ang mġa dunganon kag ang tanan nġa mġa hukom sang duta ;

12 Ang mġa pamatan-on nġa lalaki kag mġa babae,

Mġa tigulang kag mġa bata :

13 Magdalayaw sila sang ngalan ni Iehoba,

Kay lamang ang iya ngalan among mataas.

Ang iya himaya yara sa ibabaw sang duta kag sang mġa langit.

14 Kag ginpatindug niya ang sungay nġa sa iya banwa,



Ang pagdayaw sang tanan niya n̄ga m̄ga balaan,

N̄ga sa m̄ga inanak ni Israel, ang banwa n̄ga malapit sa iya.

Dalayawon si Iehoba.

Laygay sa m̄ga matutum sa pagdayaw sa ila Dios.

**149** DALAYAWON si Iehoba.

Alambahan-kamo kay Iehoba sing isa ka bag-o n̄ga kalantahon,

Kag sang iya pagdayaw sa katilingban sang m̄ga balaan.

2 Magkasadya si Israel sa iya Magbubuhat.

Ang m̄ga inanak sa Sion magkalalipay sa ila Hari.

3 Dayawon nila ang iya n̄galan n̄ga may paglinuksolukso.

Mag-alambahan sila sa iya kadunganan sa tunug sang tambor kag arpa.

4 Kay si Iehoba nagapangalipay sa iya banwa :

Ginapakamaayoayo niya ang m̄ga mapainubuson n̄ga may kaluwasan.

5 Magkalalipay ang m̄ga balaan n̄ga may himaya,

Mag-alambahan sila sa ila m̄ga higdaan.

6 Ang m̄ga pagdayaw sa Dios yara sa ila m̄ga bâbâ,

Kag m̄ga hinganiban n̄ga duha sing sulab sa ila m̄ga kamut,

7 Sa paghimo sing pagtimalus sa m̄ga katawohan,

Kag silot sa m̄ga kabanwaan,

8 Sa paggapus sa ila m̄ga hari sing m̄ga talikala,

Kag sang ila m̄ga kadalagkuan sing m̄ga pandug n̄ga salsalon,

9 Sa pagbutang sa ila sa buhat sang sinulat n̄ga paghukom.

Ini n̄ga kadunganan iya sang tanan niya n̄ga m̄ga balaan.

Dalayawon si Iehoba.

Ang tanan n̄ga m̄ga binuhat magdalayaw sa Dios.

**150** DALAYAWON si Iehoba.

Dayawa-ninyo ang Dios sa iya balaan n̄ga Puluy-an.

Dayawa-ninyo sia sa nahumlaran sang iya kabakuran.

2 Dayawa-ninyo sia tun̄ud sang iya m̄ga kabantugan.

Dayawa-ninyo sia sono sang pagkadimatungkad sang iya pagkadaku.

3 Dayawa-ninyo sia sa tingug sang budyong ;

Dayawa-ninyo sia n̄ga may salterio kag arpa ;

4 Dayawa-ninyo sia n̄ga may tambor kag linuksolukso ;

Dayawa-ninyo sia n̄ga may tunog sang kuerdas kag sang lantoy ;

5 Dayawaninyo sia n̄ga may m̄ga apiping n̄ga m̄ga matagsing ;

Dayawa-ninyo sia n̄ga may m̄ga apiping n̄ga matunug.

6 Ang tanan n̄ga nagaginhawa magdayaw kay Iehoba.

Dalayawon si Iehoba.

# ANG MĀ HULUBATON.

Pag-aman.

1 ANG MĀ HULUBATON ni Salomon, nga anak ni Dabid, nga hari sa Israel,

2 Nga sa pagkilala sing kaalam kag sing tinon-an,

Sa paghangup sang mĀ polong nga sa ihibalo;

3 Sa pagbaton sing tinon-an nga sa maayo nga ihibalo,

Sa katarungan, sa katungdanan kag sa katadlungan;

4 Sa paghatag sa mĀ kulangkulang sing pagkaugdang,

Sa pamatan-on sing kaalam kag sing pagtalastas.

5 Magpamati ang maalam, kag magdugang sa pagtolon-an,

Kag ang tawo nga mahangponon mag-angkon sing pagkaugdang,

6 Sa paghangup sing palaangiran kag sing kasaysayan,

Sang mĀ polong sang mĀ maalam kag sang ila mĀ paktakon.

Ayaw pagpadayaa ang mĀ makasasala.

7 Ang kahadluk kay Iehoba amo ang kamunoan sang kaalam;

Ang mĀ buangbuang nagatamay sang kaalam kag sang tinon-an.

8 Pamatii, anak ko, ang tinon-an sang imo amay,

Kag ayaw pagbayai ang kasogoon sang imo iloy,

9 Kay manginpurungpurung sila sang bugay sa imo olo,

Kag mĀ gulunggulong sa imo liog.

10 Anak ko, kon ang mĀ makasasala maluyag magdaya sa imo,

Ayaw ka pagpanangdo.

11 Kon magsiling sila: "Upud ka sa amon. Magabutang kita sing puot sa pagula sing dugo,

Magatago kita sing siod batok sa walay salâ, sa walay kabangdanan.

12 Pagatunlon na'on sila nga mĀ buhi, subung sang lulubngan,

Kag mĀ bilog, subung sang mĀ nagapanaug sa mĀ boho.

13 Magapangita kita sing mĀ mangad nga malahaloon sa tanan nga mĀ bagay, Pagapun-on naton ang aton mĀ baláy sang inagaw.

14 Igatumbo mo sa tungâ namon ang imo kapalaran;

Manginisa lamang ka púyo kita nga tanan."

15 Anak, indi ka maglakat sa dalan upud sa ila,

Ipahilayô sa malayô ang imo mĀ tiil sa ila mĀ banas;

16 Kay ang ila mĀ tiil nagadalagan sa kalainan,

Kag nagadalalidali sila sa pagpatolo sing dugo.

17 Kay walay pulus nga iladlad ang sapyod

Sa atubangan sang mĀ mata sang tanan nga may mĀ pakpak.

18 Apang ini sila sa ila kaugalingon nga dugo ginabutangan nila sing puot,

Kag ginapanilagan nila sa tago ang ila gid nga kalág.

19 Amo ini sila ang mĀ banas sang tanan nga nagakaibog sang pagdaug:

Ang Pagdaug nagakuha sang kabuhi sang iya mĀ tagiya.

MĀ laygay sang balangdon nga kaalam.

20 Ang kaalam nagsingit sa gowa;

Sia nagapataas sang iya tingug sa mĀ balaligyaan.

21 Nagasingit sia sa mĀ duug nga magahud;

Sa mĀ salamputan sang mĀ gawang, sa banwa, nagamitlang sia sang iya mĀ pololongon.

22 Tubtub pa san-o bala, oh mĀ



kulangkulang, magahigugma kamo sang pagkakulangkulang,

Kag ang mġa mauligyaton bala magakalipay sa paguligyat,

Kag ang mġa buangbuang magadumut sang kaalam?

23 Pagbalalik-kamo sa akon pagsabdong.

Yari karon, pagaipasagahay ko sa inyo ang akon Espiritu,

Kag pagaipakilala ko sa inyo ang akon mġa polong.

24 Tunġud kay nagapanawag ako, kag kamo nagadumili sa *pagpamati*,

Tunġud kay ginauntay ko ang akon kamut, kag walay bisan sin-o nġa magasapak;

25 Kondi nġa ginsikway ninyo ang tanan ko nġa laygay,

Kag ang akon pagsabdong walā ninyo pagkaluyagi:

26 Ako man magakadlaw sa inyo, sa inyo kalalat-an,

Kag magauligyat ako, kon mag-abut sa inyo ang inyo kakulba;

27 Kon magkari subung sang isa ka unus ang inyo kakulba,

Kag ang inyo kalalat-an mag-abut subung sang isa ka bagyo,

Kon sa ibabaw ninyo mag-abut ang kalisud kag ang kangitngitan.

28 Niyan pagatawgon nila ako, kag indi ako magasabat;

Pagapangitaon nila ako, kag indi nila ako makita.

29 Tunġud kay ginkaakigan nila ang kinaadman,

Kag walā nila pagpilia ang kahadluk kay Iehoba,

30 Bisan ginkaluyagan nila ang akon laygay,

Kag gintamay nila ang tanan ko nġa mġa pagsabdong,

31 Magakaon sila sang bungā sang ila dalanon,

Kag magakalabusug sila sa ila gid nġa mġa laygay.

32 Kay ang paglalis sang mġa kulangkulang nagapatay sa ila,

Kag ang pahuway sang mġa buangbuang nagapadula sa ila.

33 Apang ang nagapamati sa akon, magapuyō sing masinaligon gid,

Kag sa palalipdan sang kakulba sang kalainan.

Ang himaya kag kapuslanan sang kaalam.

2 ANAK ko, kon batunon mo ang mġa pinolonġan

Kag ang akon mġa sogo pagbantayan mo sa sulūd nimo,

2 Sa pagpatalupanġud sang imo idulunġug sa kaalam,

Kag kon pahuyugon mo ang imo tagiposoan sa ilibalo;

3 Hoo, kon magtawag ka sa paghangup,

Kag kon sa ihibalo pagbayawon mo ang imo tingug,

4 Kon subung sang pilak pangitaon mo sia,

Kag kon pagkutkuton mo sia subung sang mġa bahandi nġa natago:

5 Niyan mahangup mo ang pagkahadluk kay Iehoba,

Kag makita mo ang pagkilala sang Dios.

6 Kay si Iehoba nagahatag sing kaalam;

Kag sa iya bâbâ nagagikan ang kinaadman kag ang ihibalo;

7 Sia nagatigana sang maayo nġa kaalam nġa sa matadlung,

Nġa taming sa mġa nagalalakat sa katadlungan;

8 Kay nagatabang sia sang mġa banas sang katungdanan,

Kag nagabantay sia sang dalan sang iya mġa balaan.

9 Niyan magahangup ka sang katarungan, sang katungdanan kag sang katadlungan,

Kag sang tanan nġa maayong paagi.

10 Kag ang kaalam magasulūd sa imo tagiposoan,

Kag ang kinaadman manginkahalamut-an sa imo kalāg,

11 Ang kabut-anan magapulaw sa ibabaw nimo,

Ang ihibalo magabantay sa imo,

12 Sa pagluwas sa imo sa malain nġa dalanon,

Sang mġa tawo nġa nagahalambal sang mġa butang nġa malinapason,

13 Sang mġa nagabiliya sang mġa banas nġa matadlung,

Sa paglakat sa mġa madulum nġa dalanon,

14 Nġa nagakalalipay sa paghimo sing kalainan,

Nġa nagapalanghugyaw sa katikoan sang tawo nġa malain,

15 Nġa ang ila mġa banas mġa tiko,  
Kag mġa likoliko ang ila mġa alag-  
yan;

16 Sa pagluwas sa imo sa babae sang  
iban,

Sa *babae nġa* dumuluong, nġa nagaolo-  
olo sa iya mġa pinolonġan,

17 Nġa nagabiya sia sa abyan sa iya  
pagkapamatan-on,

Kag nagakalipat sang katipan sang  
iya Dios;

18 Kay ang iya baláy nagasalup sa ka-  
matayon,

Kag ang iya mġa banas *nagapadulong*  
nayon sa mġa minatay.

19 Ang bisan sin-o nġa makasulúd  
sa iya indi na magabalalik,

Bisan makadangat pa sia sang mġa  
banas sang kabuhi.

20 Subung sini magalakat ka sa dala-  
non sang mġa maayo,

Kag magabantay ka sang mġa banas  
sang mġa matarung;

21 Kay ang mġa matadlung magapu-  
luyô sa duta,

Kag ang mġa lubus magapaladayon  
sa iya;

22 Apang ang mġa malauton pagaut-  
don sa duta,

Kag 'ang mġa malinapason pagapan-  
gabuton sa iya.

**3** ANAK ko, indi ka magkalipat sang  
akon kasogoan,

Kag ang imo tagiposoon magbantay  
sang akon mġa sogo.

2 Kay pagaidugang nila sa imo ang  
kalawigon sa imo mġa adlaw,

Ang mġa tuig sa imo kabuhi kag sa  
imo paghidaet.

3 Ang pagkaloooy kag ang kamatooran  
indi magbiya sa imo;

Igaid sila sa imo liog, isulat sila sa  
tapitapi sang imo tagiposoon;

4 Kag makakita ka sing bugay kag  
maayong pagpakamahal,

Sa mġa mata sang Dios kag sang mġa  
tawo.

5 Magsalig-ka kay Iehoba sa bug-os  
mong tagiposoon,

Kag indi ka magsandig sa imo kabut-  
anan.

6 Kilalaha sia sa tanan mo nġa mġa  
dalanon,

Kag sia gid magapatadlung sang imo  
mġa banas.

7 Indi ka magpakaalam sa imo kau-  
galingon nġa mġa mata;

Pagkahadluk-ka kay Iehoba kag pala-  
yô ka sa malain.

8 Kay mangintambal ini sa imo  
pusod,

Kag pabugnaw sa imo mġa tul-an.

9 Padungi si Iehoba sang imo mġa  
pagkabutang,

Kag sang mġa pang'anay sang tanan  
mo nġa mġa bunga;

10 Kag manginpunô ang imo mġa da-  
misag sa kabugana,

Kag ang imo mġa ipitan magaalawas  
sang duga sang ubas.

11 Ayaw igsikway, anak ko, ang silot  
ni Iehoba,

Bisan magmaugtanon-ka sang iya pag-  
sabdong.

12 Kay ang ginahigugma ni Iehoba,  
ini ginasilotan niya,

Subung sang amay sa anak nġa iya  
nahamut-an.

13 Bulahan ang tawo nġa makakita  
sing kaalam,

Kag nġa makadangat sing ihibalo;

14 Kay ang iya ibalaligya labing ma-  
ayo sang ibalaligya nġa pilak,

Kag ang iya kapuslanan labi pa sang  
ulay nġa bulawan.

15 Labing mahal pa sia sang mġa  
mutya,

Kag bisan ano nġa butang nġa imo  
mahamut-an, indi sarang ikapaangid sa  
iya.

16 Ang kalawigon sang mġa adlaw  
yara sa iya kamut nġa too,

Sa iya walá mġa mangad kag ka-  
dunganan.

17 Ang iya dalan mġa dalan nġa ma-  
hamut-an,

Kag ang tanan niya nġa mġa banas,  
paghidaet.

18 Sia amo ang kahoy sang kabuhi  
sang mġa nagakulupo sa iya;

Kag manginbulahan ang bisan sin-o  
nġa nagahawid sa iya.

19 Si Iehoba sa kaalam gintukud niya  
ang duta,

Ginpalig-on niya ang mġa langit nġa  
may ihibalo.

20 Sa iya kinaadman nagpilihak ang  
mġa kadadalman,

Kag ang mġa gal-um nagpatubud sing  
mġa tun-og.

21 Anak ko, indi pagibulag sila sa  
imo mġa mata.



Bantayi ang maayong kaalam kag ang katalastasan.

22 Kag manginkabuhi sila sa imo kalág,

Kag bugay sa imo liog :

23 Niyang magalakat ka sa imo dalanon sing masinalig-on gid,

Kag ang imo tiil indi makasandad.

24 Kon maghigda ka, walâ ka sing kahadluk ;

Kag kon maghigda ka na, ang imo katologon manginhamook.

25 Indi pagakahadlukan ang hinali nga kakulba,

Bisan ang kagulub-an sang mġa malauton, kon mag-abut sila,

26 Kay si Iehoba manginimo salaligan,

Kag sia magabantay sa imo tiil, agud nga indi mabalitangān.

27 Ayaw pagdumilii ang kaayohan sa mġa nagakinahanglan sa iya,

Kon may gahum sa imo mġa kamut sa paghimo sini.

28 Indi ka magsiling sa imo isigkatawo : "Lakat-ka, kag balik-ka : buas pagahatagan ta,"

Kon may dira ka *nga inughatag sa iya.*

29 Ayaw ka pagpadugi sing malain batok sa imo isigkatawo,

Sang nagapuyô sia nga may pagsalig sa imo.

30 Ayaw ka pagpakigkasaba bisan kay sino-o sa walay kabangdanan,

Kon sia walâ makadaut sa imo.

31 Ayaw ka pagkahisa sa tawo nga mapigusun,

Bisan magpili ka sing bisan ano sang iya mġa dalanon ;

32 Kay ang malinapason kangil-aran sia ni Iehoba,

Apang ang iya pagkahirop yara upud sa mġa matadlung.

33 Ang pagpakamalaut ni Iehoba yara sa baláy sang malauton,

Apang sia nagapakamaayo sang puluy-an sang mġa matarung,

34 Sa pagkamatuud sia nagayubit sa mġa mayubiton,

Apang nagahatag sia sing bugay sa mġa mapainubuson.

35 Ang mġa maalam magapanubli sing himaya,

Apang ang pagkahuya amo ang kada-yawan sang mġa buangbuang.

Mġa laygay sa pagdanġat sang kaalam kag sa pagtalikod sa mġa dalanon sang mġa dimatinahoron sa Dios.

4 PAMATI-KAMO, mġa anak ko, sang tinon-an sang isa ka amay,

Kag magmatalupangdon-kamo, agud nga makakilala kamo sang pagkabutan-an.

2 Kay maayong pagtolon-an ang ginahatag ko sa inyo ;

Ayaw ninyo pagbayai ang akon kaso-  
sogoan.

3 Sang ako anak sang akon amay, Nġa bataon kag bugtong sa atubangan sang akon ilóy,

4 Sia nagtudlo sa akon kag nagsiling sa akon :

Hupti sa imo tagipasoon ang akon mġa polong ;

Bantayi ang akon mġa sogo kag magakabuhi ka.

5 Angkon-ka sing kaalam, angkon-ka sing pagkabutan-an ;

Indi ka magkalipat sa iya, bisan magtalikod ka sa mġa pinolongan sang akon bâbâ.

6 Indi mo sia pagbayaan, kag sia magabantay sa imo ;

Higugmaa sia, kag sia magatipig sa imo.

7 Ang kamunoan sang kaalam amo : Angkon-ka sing kaalam,

Kag labi pa sa bug-os mong pagkabutang, angkon-ka sing pagkabutan-an.

8 Pakadakua sia, kag sia magapakadaku sa imo ;

Sia magapahimaya sa imo, kon maghaku ka na sa iya.

9 Sia magabutang sa imo olo sing purungpurung sang bugay,

Kag diadema sa kagayonan pagatugyan niya sa imo.

10 Pamati-ka, anak ko, kag batuna ang akon mġa pinolongan,

Kag pagapadamuon ang mġa tuig sang imo pagkabuhi.

11 Ang dalan sang kaalam ginatudlo ko sa imo,

Kag sa mġa banas nga mġa matadlung ginadul-ong ko ikaw.

12 Kon ikaw maglakat, indi magkilitid ang imo mġa tikang,

Kag kon ikaw magdalagan, indi ka makasandad.

13 Hupti ang tinon-an ; ayaw sia pagbuhii ;

Bantayi ini, kay sia among imo kabuhi.

14 Ayaw ka pagsulúd sa banas sang mġa malauton,  
Bisan magkadto-ka sa dalan sang mġa malain.

15 Likaw-ka sa iya, ayaw ka pag-agi sa iya;

Bayai sia kag magúna ka.

16 Kay walâ sila magakalatolog, kon indi sila makabuhat sing malain,

Kag pagakuhaon sa ila ang katologon, kon walâ sila sing mapukan.

17 Kay nagakaon sila sang tinapay sang kalainan,

Kag nagainum sila sang alak sa kalugusan.

18 Apang ang banas sang mġa matarung subung sang kapawa sang pamaganagbanag,

Nġa ang iya kasilaw nagaamatamat pagdugang, tuhtub nġa ang adlaw maghimpit.

19 Ang dalan sang mġa malauton subung sang kadudulman:

Walâ sila makahibalo sang ila ginasandad.

20 Anak ko, magmatalupangdon-ka sa akon mġa polong,

Ihuyog ang imo idulungug sa akon mġa pinolongan;

21 Ayaw sila pagipalayô sa imo mġa mata,

Tagoa sila sa tunġa sang imo tagiposo.

22 Kay kabuhi sila sa tanan nġa makakita sa ila,

Kag bulong sa bug-os nila nġa unud.

23 Labi pa sang tanan nġa butang nġa tinago, bantayi ang imo tagiposo;

Kay sa iya nagagikan ang mġa ilig sang kabuhi.

24 Ibulag sa imo ang pagkalalang sang bâbâ,

Kag ipahilayô sa imo ang kalautan sang mġa bibig.

25 Ang imong mġa mata magtulok sa matadlung sa unhan,

Kag ang imo mġa ilalakub magpaladulong sing matadlung sa imo atubang.

26 Timbangâ ang banas sang imo mġa tiil,

Kag ang tanan nimo nġa mġa dalanon manginmalig-on.

27 Ayaw ka pagbuyo sa too, bisan sa walâ:

Ipalayô ang imo tiil sa malain.

5 ANAK ko, magmatalupangdon-ka sa akon kaalam,

Ihuyog ang imo idulungug sa akon ihibalo,

2 Agud nġa bantayan mo ang maalam nġa hunahuna,

Kag agud nġa ang imo mġa bibig maghuput sing kinaadman.

3 Kay ang mġa bibig sang dumuluong nġa baba nagapaagay sing dugos,

Kag ang iya alingagnġag labing madanlog pa sang lana;

4 Apang sa iya katapusan mapait sia subung sang ahenho,

Matalum subung sang hinganiban nġa duha sing talum.

5 Ang iya mġa tiil nagapanaug sa kamatayon,

Ang iya mġa tikang nagalambut sa inpierno.

6 Tunġud kay walâ sia magausisa sang dalan sang kabuhi,

Ang iya mġa banas mġa talang nġa walâ sia makahibalo.

7 Busa karon, mġa anak, pamatiininyo ako,

Kag indi kamo magpalayô sa mġa pinolongan sang akon bâbâ.

8 Ipalayô sa iya ang imo dalan

Kag indi ka magpalapit sa salamputan sang iya baláy,

9 Basi pa kon ihatag mo sa iban ang imo dungug,

Kag ang imo mġa tuig sa tawo nġa mapintas;

10 Basi pa kon magkalabusug ang mġa dumuluong sang imo kusug,

Kag ang imo buluhaton yara sa baláy sang dumuluong,

11 Kag magnġuynguy ka sa imo kao-lehian,

Kon mahagas na ang imo unud kag ang imo lawas;

12 Kag nġa indi ka magsiling: "¡Pano nġa ginkaakigan ko ang tinon-an,

Kag ang akon tagiposo nagtamay sang pagsabdong,

13 Kag walâ ako magpamati sang tungug sang mġa nagtudlo sa akon,

Kag sa mġa nagatoon sa akon walâ ko pagihuyog ang akon idulungug!

14 Diyotay na lamang maholog ako sa tanan nġa kalainan,

Sa tunġa sang katipunan kag sang katinglingan."



15 Inum-ka sang tubig sa imo toong,  
Kag sa mga ilig gikan sa imo bobon.

16 ? Nagailig bala sa gowa ang imo  
mga tuburan,

Kag sa mga dalan ang imo mga suba  
sang tubig?

17 Manginimo lamang sila,  
Kag indi nga sa mga dumuluong upad  
sa imo.

18 Pagpakamaayohon ang imo tubu-  
ran,

Kag pagpangalipay-ka sa asawa sa  
imo pagkapamatan-on,

19 Nga usa nga mahigugmaon kag  
maayoayo nga gasela.

Ang iya mga dughan maghubug sa  
imo sa tanan nga dag-on,

Ang iya gugma magwili sa imo sa  
gihapon.

20 Kag ? kay nga bala, anak ko,  
magwili ka sa babae sang iban,

Kag maghaku ka sang dughan sang  
isa ka dumuluong nga babae?

21 Kay yara sa mga mata ni Iehoba  
ang mga dalanon sang tawo,

Kag nagausisa sia sang tanan niya nga  
mga dalan.

22 Magadakup sa malauton ang iya  
kaugalingon nga mga kalautan,

Kag pagahigtan sia sang mga lubid  
sang iya sala.

23 Sia mamatay nga walay tinon-an,

Kag pagaguyuron sia sang lakas ka  
daku sang iya kabuangon.

Laygay sa indi magmaningmanugpasalig.—Pito ka  
butang nga mga kanganil-aran kay Iehoba.

6 ANAK ko, kon naningmanugpasalig  
ka sa imo isigkatawo,

Kon nagpakpak ka sang imo kamut sa  
isa ka dumuluong,

2 Nahigtan ka sang mga pinolongan  
sang imo babâ,

Kag nabilango ka sa mga pinolongan  
sang imo babâ.

3 Busa himoa ini, anak ko, kag pa-  
nginluwas-ka,

Kay maholog ka sa kagamhanan sang  
imo isigkatawo:

Lakat, pagyaub-ka, kag padayon-ka  
sa imo isigkatawo.

4 Ayaw pagpatologa ang imo mga  
mata,

Bisan pagpatuyohon ang imo mga  
ilalakub.

5 Panginluwas-ka subung sang usa sa  
kamut sang mangangayam,

Kag subung sang pispis sa kamut sang  
mananapyod.

6 Kadto-ka sa subay, oh matamad;  
Tan-awa ang iya mga dalanon kag

magpakamaalan-ka,

7 Nga sia sa walâ sing pangolo,  
Bisan manugtatap, bisan manugga-  
hum,

8 Walay sapayan nagaaman sia sa ti-  
ngadlaw sang iya kalan-on,

Kag natatipon sia sa ani sang iya  
kalanon.

9 Matamad, ? tubtub pa bala san-o ang  
imo pagtolog?

? San-o pa ikaw magabangon sa imo  
katologon?

10 Diyotay pa nga katologon, diyotay  
pa nga katuloyhon,

Kag pagsampaway sing diyot sang  
kamut nga sa paghigda;

11 Kag sa sini magaabut ang imo  
kaimolan, subung sang buyong,

Kag ang imo kinahanglan, subung  
sang tawo nga may taming.

12 Tawo nga yawan-on among tawo  
nga malauton,

Nga nagalakat nga may kalalang sa  
babâ,

13 Nga nagapangilay ang mga mata,  
Nga nagahambal upad ang iya mga  
tiil,

Nga nagapatimaan sang iya mga tudlo.

14 Sia may panghunahuna nga mga  
malinapason sa iya tagiposoon;

Nagapadugi sia sing malain sa tanan  
nga panag-on,

Nagasab-ug sia sing mga kasuayon.

15 Busa ngani, sa hinali magaabut  
ang iya kalalat-an;

Sa hinali pagaboongon sia, kag walâ  
na sing kalalangan.

16 Anum ka butang ang ginadumtan  
ni Iehoba,

Kag may pito pa nga ginakangil-  
aran ang iya kalag:

17 Ang mga mata nga matinaasta-  
ason, ang dila nga butigon,

Ang mga kamut nga manugpatolo  
sing dugo nga walay sala,

18 Ang tagiposoon nga nagapadugi  
sing mga tinotuyo nga malauton,

Ang mga tiil nga matanlas sa pagda-  
lagan sa kalainan,

19 Ang tawo nga among saksi nga

butig, nga nagamitlang sing mga kabutigan,

Nga nagasab-ug sia sing mga kasu-ayon sa tungâ sang mga magulûtud.

Laygay sa pamatan-on, agud nga maghalong sa babae nga makilahion.

20 Tumana, anak ko, ang sogo sang imo amay,

Kag ayaw pagbayai ang kasogoan sang imo ilôy:

21 Ihigot sila gihapon sa imo tagipsoon,

Ibalighot sila sa imo liog.

22 Sa imo panlakatan *ining kasogoan* magamando sa imo;

Kon ikaw magtolog pagabantayan ka niya,

Kag kon ikaw magbugtaw na, sia manginimo pamalandonganan.

23 Kay ang sogo among sulô,

Kag ang kasogoan kapawa;

Kag ang mga pagsabdong sang tinon-an among dalan sang kabuhi,

24 Sa pagbantay sa imo sa malain nga babae,

Sa pagkamaoolohon sang dila sang babae nga dumuluong.

25 Indi mo pagkaibogan ang iya kayoayo sa imo tagipsoon,

Bisan sia magbihag sa imo tungud sang iya mga ilalakub,

26 Kay bangud sang babae nga bigaon *manginimol ang tawo tubtub* nga may isa sia *lamang* ka tipik nga tinapây;

Kag ang babae nga minyo nagapan-gayam sang hamili nga kalâg.

27 Magabutang bala ang lalaki sing kalayo sa iya dughan,

Nga walâ pagkasunog ang iya mga panapton?

28 Makalakat bala ang tawo sa ibabaw sang mga бага,

Nga walâ pagkapaso ang iya mga tiil?

29 Amo man ini, *ang mahanabu* sa nagasulûd sa asawa sang iya isigkatawo:

Ang bisan sin-o nga magkuhit sa iya, indi pagkabigon nga walay salâ.

30 Walâ pagatamaya ang makawat, kon mangawat sia

Sa pagbusug sa iya kaugalingon, kon ginagutum sia.

31 Apang kon madakpan sia, magauli sia sing makapito pa,

Pagaihatag niya ang tanan nga mga pagkabutang sa iya balây.

32 Ang magpakighilawas sa babae, nawad-an sia sing ihibalo:

Nagaguba sa iya kalâg, ang naghimo sini.

33 Pilas kag kahuluy-an ang mada-ngat niya,

Kag ang iya pagtamay dili sarang mapanas.

34 Kay ang kaimon amo ang kasingkal sang tawo,

Kag sia manginwalay kalooy sa adlaw sang pagtimalus.

35 Indi magasapak sia sang bisan ano nga gawad,

Bisan matagubaluson sia, bisan pa pagdamuon mo ang mga amoma.

**7** ANAK ko, tumana ang akon mga pinolongan,

Kag tagoa ang akon mga sogo upud sa imo.

2 Bantayi ang akon mga sogo, kag magakabuhi ka,

*Bantayi* ang akon kasogoan, subung sang tawotawo sang imo mga mata.

3 Isabud sila sa imo mga tudlo,

Isulat sila sa tapitapi sang imo tagipsoon.

4 Isiling sa kaalam: "Utud ko ikaw nga babae;"

Kag tawga nga abyan mo nga babae ang ihibalo;

5 Agud nga bantayan ka nila sa babae sang iban,

Sa dumuluong nga nagaooloo sa iya mga polong.

6 Kay kutub sa talambuan sang akon balây,

Sa tungâ sang akon mga balatibat naglingling ako,

7 Kag nakita ko sa tungâ sang mga kulangkulang, nakilala ko sa tungâ sang mga pamatan-on,

Ang isa ka pamatan-on nga nawad-an sing ihibalo,

8 Nga nagaagi sa dalan, sa malapit sini nga babae, sa likoan,

Kag nagpadulong sia sa dalan sa iya balây,

9 Sang pagsirum, sa kahaponon sang adlaw,

Sa kadulum sang kagab-ihon kag sang kadudulman.

10 Kag yari karon, ang isa ka babae nagsugata sa iya,



Nga may dagway sang bigaon, kag malalanġon sa tagiposoon.

11 Bâbâan kag makiawayon sia,  
Sa iya balây indi nagadûlog ang iya mġa tiil.

12 Kon sang kaisa sia sa mġa dalan, kon sang kaisa sia sa mġa balaligyaan,  
Kag malapit sia sa tanan nġa mġa likoan, nġa nagapuot.

13 Sia nagdakup sa iya, kag naghaluk sa iya,

Kag sa nawung nġa walay kahuya, nagsiling sia sa iya :

14 "Mġa halad sa paghidaet ginpa-naad ko :

Karon nabayaran ko ang akon mġa saad ;

15 Tunġud sini naggowa ako sa pag-sugata sa imo,

Sa pagpanġita, nġa may paghimulat, sang imo nawung, kag nakit-an ko ikaw.

16 Ang akon higdaan ginpunihan ko sing mġa banig,

Sing mġa pakabit nġa binordahan sang linubid sa Egipto.

17 Ginpahamutan ko ang akon hġdaan

Sang mira, sang aloe kag sang sinamo-mo.

18 Kari-ka, maghubug kita sa gugma tubtub sa aga,

Kag magpanġalipay kita sa mġa pag-hagdo ;

19 Kay ang akon bana walâ sa iya balây,

Naglakat sia sa isa ka malayô nġa pagpanlugayaw.

20 Ang pûyo sang pilak gindalâ niya sa iya kamut ;

Nagapauli sia sa iya balây sa ugsad."

21 Gindaug sia niya sang kayuyum sang iya mġa pinolonġan,

Ginguyguy sia niya sa pagkamaololo-hon sang iya mġa bibig.

22 Sa gilayon nagsunud sia sa iya,  
Subung sang baka nġa nagapakadto sa ihawan,

Kag subung sang balitang sa pagsab-dong sang isa ka buangbuang,

23 Tubtub nġa ang isa ka baslây maglapus sa iya atay,

Subung sang pispis nġa nagadali sa siod,

Sa walâ makahibalo nġa ginladlad ini batok sa iya kabuhi.

24 Busa karon, mġa anak, pamatiininyo ako,

Kag pagtalupangud-kamo sa mġa pinolonġan sang akon bâbâ.

2; Dili magtalang ang imo tagiposoon sa iya mġa dalanon.

Kag indi ka magtalang sa iya mġa banas ;

26 Kay madamu ang mġa nagkalapilas sa kamatayon, nġa hinolog niya,

Kag mġa maisug ang tanan nġa gin-pamatay niya.

27 Mġa dalan sang inpierno amo ang iya balây,

Nġa nagadulhog sa mġa hulut sang kamatayon.

Pagkahalangdon kag kâatadlungan sang mġa tulumanon sang kealam.

8 ; WALA bala magasingit ang kaalam,

Kag walâ bala magapapamati sang iya tinġug ang ihibalo?

2 Nagatindug sia sa mġa putokputo-kan sa luyo sang dalan,

Sa mġa ginsang-an sang mġa banas ;

3 Sa luyo sang mġa gawang, sa salamputan sang banwa,

Sa mġa gulowaan sang mġa dalan, nagasingit sia :

4 "Sa inyo, mġa dalagku, nagapana-wag ako ;

Kag ang akon tinġug, sa mġa inanak sang mġa tawo.

5 Hangpa-ninyo, mġa kulangkulang, ang kabut-anan ;

Kag kamo, mġa buangbuang, hangpa-ninyo ang maayo nġa ihibalo.

6 Pamati-kamo, kay ang mġa butang nġa halangdon ginahambal ko,

Kag ang pagbukâ sang akon mġa bibig manginkatadlungan.

7 Kay ang kamatooran ginamitlang sang akon bâbâ,

Kag ang kalainan among kalangil-aran sa akon mġa bibig.

8 Ang tanan nġa mġa pinolonġan sang akon bâbâ yara sa katadlungan,

Walâ sa ila sing butang nġa malalanġon kag tiko.

9 Tanan sila mġa maathag sa tawo nġa mahinangponon,

Kag mġa matadlung sa mġa makakita sing kinaadman.

10 Batuna-ninyo ang akon tinon-an, kag indi ang pilak ;

Kay ang kinaadman labing maayo sang pinili nġa bulawan.

11 Kay labing maayo pa ang kaalam sang mġa mutya,

Kag indi makaangay sa iya ang bisan amo nġa makalipay sa tawo.

12 Ako, ang Kaalam, nagapuyô ako upud sa kabut-anan,

Kag makita ko ang kinaadman sang mġa laygay nġa maalam.

13 Ang kahadluk kay Iehoba amo ang pagdumut sang kalainan.

Ang palabilabi kag pagpabugal kag dalan nġa malain,

Kag bâbâ nġa malimbongon, ginadumtan ko.

14 Akon ang laygay kag ang maayo nġa ihibalo.

Ako among ihibalo, akon amo ang gahum.

15 Tunġud sa akon nagahari ang mġa hari,

Kag ang mġa dunganon nagatapat sing katarungan.

16 Tunġud sa akon nagagahum ang mġa pangolo,

Kag ang mġa dunganon, kag ang tanan nġa mġa hukom sang duta.

17 Ako nagahigugma sa mġa nagahigugma sa akon,

Kag ang mġa nagapangita sa akon, makakita sa akon.

18 Ang mangad kag ang himaya yari sila sa akon,

Malig-on nġa mġa mangad kag ang katarungan.

19 Labing maayo ang akon bunga sang bulawan kag sang bulawan nġa ulay,

Kag ang akon patubas labing maayo sang pinili nġa pilak.

20 Sa dalan sang katarungan nagalakat ako,

Sa tungâ sang mġa banas sang katadlungan,

21 Sa paghimo nġa ang mġa maghigugma sa akon, magpanubli sang totoo nġa kaayohan,

Kag agud nġa ako magpahabuk sang iya mġa bahandi.

Ang kaalam manginwalay katubtuban.

22 Si Iehoba nagaangkon sa akon sa ginsuguran sang iya dalan,

Sa walâ pa ang iya mġa binuhatan sa tanan nġa dag-on.

23 Kutub sa walay katubtuban hinidhiran ako,

Kutub sa ginsuguran, sa walâ pa sing mġa gingikanan ang duta.

24 Sa walâ pa ang mġa kadadalman, natawo ako,

Sa walâ pa ang mġa tuburan sang mġa tubig nġa mabug-at.

25 Sa walâ pa matukud ang mġa bukid,

Sa walâ pa ang mġa kabakoloran, natawo ako,

26 Sang walâ pa niya mahimo ang duta, bisan ang mġa latagon,

Bisan ang ginsuguran sang yab-ok sang kalibutan.

27 Sang ginatukud niya ang mġa langit, yadto didto ako;

Sang ginlatidan niya ang nipolon sa ibabaw sang nawung sang kadadalman,

28 Sang ginapalig-on ang mġa panganud sa ibabaw,

Sang ginapabakud ang mġa tuburan sa kaidadalman,

29 Sang gintudlo niya sa dagat ang iya dulunan,

Agud nġa ang mġa tubig indi magligdas sa iya sogo,

Sang ginlatidan niya ang mġa sadsaran sang duta,

30 Niyan didto ako sa luyo niya, subung nġa arkitekto,

Kag ginawili niya ako sa adlaw-adlaw,

Nġa nagahampang sa atubangnan niya sa tanan nġa dag-on,

31 Nġa nagahampang ako sa iya duta nġa sarang mapuy-an,

Kag ang akon pagkawili kaupud sang mġa inanak sang mġa tawo.

32 Busa karon, mġa anak, pamatii-ninyo ako,

Kag mġa bulahan ang mġa nagabantay sang akon mġa dalanon.

33 Pamatii-ninyo ang tinon-an, kag magmanġinmaalam-kamo,

Kag indi sia igsikway.

34 Bulahan ang tawo, nġa magpamati sa akon,

Nġa nagapulaw sa akon mġa gawang sa adlawadlaw,

Nġa nagahulat sa mġa haligi sang akon mġa gawang.

35 Kay kon sin-o ang makakita sa akon, sa akon makakita sia sang kabuhi, Kag madangat niya ang pinaayonan ni Iehoba.

36 Apang ang nagapakasalâ batok sa akon, nagadaut sa iya kalâg:



Ang tanan nġa mġa nagadumut sa  
 akon, nagahigugma sang kamatayon.

Ang pag-agda sang kaalam.

9 ANG kaalam nagpatindug sang iya  
 baláy,

Nagbasbas sia sang iya pito ka haligi ;

2 Nagpugut sia sang iya ilihawon,  
 nagpahamut sang iya alak,

Kag nag-aman man sia sang iya  
 latok.

3 Nagpadalá sia sang iya mġa solo-  
 goon nġa babae ;

Nagasingit sia sa ibabaw sang mġa  
 kataasan sang banwa :

4 "Bisan sin-o nġa kulangkulang, mag-  
 kari sia diri."

Kag sa mġa nawad-an sing ihibalo  
 ginasingan niya sila :

5 "Kari-kamo, kaon-kamo sang akon  
 tinapay,

Kag inum-kamo sang alak, nġa akon  
 ginpanakotan.

6 Bayai-ninyo ang pagkakulangu-  
 lang, kag magapangabuhi kamo,

Kag lakat-kamo sa unhan sa dalan  
 sang ihibalo.

7 Ang nagasabdong sa mayubiton,  
 nagadalá sa ibabaw niya sang pasipala ;

Kag ang nagasaway sa malauton,  
 nagadalá sa ibabaw niya sang dagta.

8 Ayaw pagsawaya ang mayubiton,  
 basi nġa magdumut sia sa imo ;

Sawaya ang maalam, kag pagahigug-  
 maon ko niya.

9 Tudloi ang maalam, kag magamaa-  
 lam pa gid ;

Tun-i ang matarung, kag magadu-  
 gang ang iya kaalam.

10 Ang ginsuguran sang kaalam amo  
 ang kahadluk kay Iehoba ;

Kag ang kinaadman sang mġa balaan  
 amo ang kabut-anan.

11 Kay tungud sa akon magadamu  
 ang imo mġa adlaw,

Kag ang mġa tinuig pagaidugang sa  
 imo kabuhi.

12 Kon maalam ka, maalam ka nġa  
 sa imo kapuslanan lamang ;

Kag kon magyubit ka, ikaw lamang  
 ang mag-antus."

13 Ang kabuangan amo ang isa ka  
 babae nġa magahud,

Lamang kulangkulang sia kag walá  
 gid sing nahibaloan.

14 Nagalingkod sia sa gawang sang  
 iya baláy,

Sa ibabaw sang isa ka lingkoran sa  
 mġa kataasan sang banwa,

15 Sa pagtawag sang mġa nagaalagi  
 sa dalan,

Sa mġa nagapadayon sing tadlung  
 gid sa ila mġa banas :

16 "Kon sin-o ang kulangkulang,  
 magkari sia diri."

Kag sa mġa nawad-an sing ihibalo  
 nagasinging sia sa ila :

17 "Ang mġa kinawat nġa tubig mġa  
 matam-is,

Kag ang tinapay nġa ginakaon sa  
 tago, manamit."

18 Kag sia walá makahibalo nġa  
 didto yara ang mġa minatay,

Nġa ang ila mġa dinapit yadto sa  
 mġa kadadalman sang inpierno.

Mġa hulubaton nahanungud sang sarisari  
 nġa mġa butang.

10 ANG mġa hulubaton ni Salomon.  
 Ang anak nġa maalam nagalipay  
 sa amay,

Apang ang anak nġa kulangkulang  
 among kasubo sang iya ilóy.

2 Ang mġa mangad sang kalainan,  
 indi gid sila manginkapuslanan,

Apang ang katarungan nagabawi sa  
 kamatayon.

3 Si Iehoba indi magpagutom sang  
 kalág sang matarung,

Apang nagasikway sia sang kailigbon  
 sang mġa malain.

4 Manginimol ang nagapangabudlay  
 sa kamut nġa matamad,

Apang ang kamut sang mġa mapisa-  
 non magapamangad sa ila.

5 Ang nagatipon sa tingadlaw,  
 among anak nġa mahinangponon ;

Apang ang nagatolog sa ani, amo  
 ang anak sa kahuluy-an.

6 Ang mġa pagpakamaayo yara sa  
 olo sang matarung,

Apang ang bâbâ sang mġa malauton  
 nagatabon sang paglugos.

7 Ang handumanan sang matarung  
 manginpinapakamaayo ;

Apang ang ngalan sang mġa malau-  
 ton, magakadunut.

8 Ang maalam sa tagiposoon nagaba-  
 ton sang mġa sogo,

Apang ang buang sa mġa bibig naga-  
 dalagan sa iya kalaglagan.

9 Ang nagalakat sa katadlungan, nagalakat nga masinalig-on ;

Apang ang nagahimo sang iya mġa dalanon nga tiko, pagapat-inan.

10 Ang nagapangilay, nagakabangdanan sia sing kasubo,

Kag ang buang sa mġa bibig nagadalagan sa iya kalaglagan.

11 Tuburan sang kabuhi amo ang bġbġ sang matarung,

Apang ang bġbġ sang mġa malauton magatabon sang paglugos.

12 Ang dumut nagapukaw sang mġa kasuayon,

Apang ang paghigugma magatabon sang tanan nga mġa kasal-anan.

13 Sa mġa bibig sang mahangponon makita ang kaalam,

Apang ang patok nahanungud sa mġa likod sang nawad-an sing ibibalo.

14 Ang mġa maalam nagabahandi sing kinaadman,

Apang ang bġbġ sang buang amo ang kagulub-an nga malapit.

15 Ang mġa mangad sang mangaranon among iya mabakud nga banwa ;

Ang kalalat-an sang mġa imol amo ang ila kaimolan.

16 Ang pagpangabudlay sang matarung amo nga sa kabuhi,

Apang ang patubas sang malauton amo nga sa salġ.

17 Yara sa banas sang kabuhi ang nagabantay sang tinon-an ;

Kag ang nagabiya sang sabdong, nagatalang.

18 Ang nagatago sing dumut, nagagamit sang mġa bibig nga butigon ;

Kag ang nagamitlang sing butangbutang among buangbuang.

19 Sa kadamuon sang mġa polong ang paglapas indi nagauntat ;

Apang ang nagapugung sang iya mġa bibig, nagahimo sing kaalam gid.

20 Pilak nga pinili amo ang dila sang matarung,

Apang ang tagiposoon sang mġa malauton, diyotay sing bili.

21 Ang mġa bibig sang matarung nagapahalab sa madamu,

Apang ang mġa kulangkulang magakalamatay nga nawad-an sing hibalo.

22 Ang pagpakamaayo ni Iehoba amo ang nagapamangad,

Kag sia walġ magadugang sing kasubo sa iya.

23 Subung nga kalingawan sa buangbuang ang paghimo sing kalainan ;

Apang ang kaalam, nga sa tawo nga mahangpanon.

24 Ang ginakahadlukan sang malauton, ina magaabut sa iya ;

Apang ang mġa ginahandum sang mġa matarung, pagaihatag sa ila sang Dios.

25 Subung nga nag-agi ang alimpulos, amo man ang malauton madula,

Apang ang matarung may sadsaran nga dayon.

26 Subung sang langaw sa mġa ngipon, subung sang asġ sa mġa mata,

Amo man ini ang matamad sa mġa nagapaladalġ sa iya.

27 Ang kahadluk kay Iehoba nagadugang sang mġa adlaw ;

Apang ang mġa tinuig sang mġa malauton pagalip-oton.

28 Ang paglaum sang mġa matarung among kalipay,

Apang ang paghulat sang mġa malauton, mawġlġ.

29 Ang dalan ni Iehoba among kabakuran sa katadlungan,

Apang sa mġa manugbuhat sang kalainan among kalaglagan.

30 Ang matarung indi nga masamationg,

Apang ang mġa malauton walġ sing puluy-an sa duta.

31 Ang bġbġ sang matarung magapatubud sing kaalam,

Apang ang dila nga malinapason, pagautdon.

32 Ang mġa bibig sang matarung mahibalo sang nagakaigo ;

Apang ang bġbġ sang mġa malauton, among katikoan.

**11** ANG malimbongon nga timbangan among kalgil-aran ni Iehoba,

Apang ang timbangan nga matarung nagapahamuut sa iya.

2 Kon mag-abut ang palabilabi, mabut man ang kahuluy-an ;

Apang sa mġa mapainubuson yara ang kaalam.

3 Ang katadlungan sang mġa matadlung magatuytuy sa ila ;

Apang ang paglapas sang mġa malinapason magalaglag sa ila.

4 Ang mġa mangad walay kapuslanan sa adlaw sang kaakig ;



Apang ang katarunġan nagabawi sa kamatayon.

5 Ang katarunġan sang matadlung nagaaman sang iya dalan;

Apang tunġud sang iya kalainan nagakaholog ang malauton.

6 Ang katarunġan sang mġa matadlung magabawi sa ila;

Apang ang mġa mabudhion mabilan-go sang ila kalautan.

7 Sa pagkamatay sang malauton, mawālā ang iya paglaum;

Kag ang paghulat sang mġa dimatarung, madula.

8 Ang matarung ginabawi sa kalisdanan,

Kag ang malauton nagasulūd sa baylo niya.

9 Ang dimatinoohon sa iya bâbâ nagalaglag sa iya isigkatawo;

Apang ang mġa matarung pagabawion sila sang kinaadman.

10 Tunġud sang kaayohan sang mġa matarung nagakalipay ang banwa;

Kag sa pagkadula sang mġa malauton may siningit nġa malipayon.

11 Tunġud sang pagkamaayo sang mġa matadlung ang banwa nagataas,

Apang tunġud sang bâbâ sang mġa malauton mapigaw sia.

12 Ang nagtamay sa iya isigkatawo, nawad-an sing ihibalo,

Apang ang tawo nġa mahinangponon nagahipus.

13 Ang nagasab-ug sang paglibak, nagapahayag sang tinago;

Apang ang espiritu nġa matutum magatago sang butang.

14 Diin nġa sa walā sing kabut-anan, ang banwa maholog;

Apang sa kadam-an sang mġa manuglaygay may kalig-unan.

15 Ang manugpasalig sa isa ka dumuluong magaantus sia tunġud sini,

Apang ang nagadumut sang mġa pagpasalig, magakabuhi nġa malig-on.

16 Ang babae nġa binugayan nagadangāt sang dunġug,

Kag ang mġa makusug nagadangāt sang mġa mangad.

17 Ang tawo nġa maloloy-on nagahimo sing maayo sa iya kalāg;

Apang ang mapintas nagasakit sa iya gid nġa lawas.

18 Ang malauton nagahimo sing butig nġa binuhatan;

Apang ang nagatanum sing katarunġan may malig-on nġa balus.

19 Subung nġa ang katarunġan magadul-ong sa kabuhi,

Amo nian ang nagasunud sang malain, nagapakadto sia sa iya kamatayon.

20 Ang mġa malinapason sa tagiposoon kalangil-aran sila kay Iehoba.

Apang ang mġa matadlung sa ila dalanon, nagapahamuut sa iya.

21 Bisan pa magkinapyotay, ang malauton indi makaluwas sa silot,

Apang ang kaliwatan sang mġa matarung makapalagyo.

22 Singsing nġa bulawan sa hingūd-hingūd sang baboy,

Among babae nġa maayoayo, nġa nahamulag sa kaugdang.

23 Ang handum sang mġa matarung amo lamang ang maayo,

Apang ang paglaum sang mġa malauton among kaakig.

24 May tawo nġa nagasabwag, kag ginaduganġan pa;

Kag may isa nġa nagaimot sing labi sa nagakaigo, kag bisan pa ginakabus.

25 Ang kalāg nġa maalwan magatambok,

Kag ang nagabunyag, pagabunyagan man sia.

26 Ang nagadalok sang uyas, pagapakamalauton sia sang banwa;

Apang ang pagpanginmaayo yara sa olo sang nagabaligya sa iya.

27 Ang nagapangita sing mapisanon sang maayo, nagapangita sang pinaayonan;

Apang ang nagatinguha sang kalainan, ini maabut sang kalainan.

28 Ang nagasalig sa iya mġa mangad, maholog;

Apang ang mġa matarung magapalanlumbay subung sang mġa dahon.

29 Ang nagatublag sa iya balāy, magapanubli sing hangin,

Kag ang buangbuang manginulipon sang maalam sa tagiposoon.

30 Ang bunga sang matarung among kahoy sa kabuhi,

Kag ang nagadaug sing mġa kalāg, among maalam.

31 Yari karon, ang matarung pagabalusan sa duta:

!Labi na gid ang malauton kag ang makasasalā!

12 ANG nagahigugma sang pagsab-dong, nagahigugma sang kinaadman;

Apang ang nagakaakig sang pagsaway among buangbuang.

2 Ang tawo nga maayo magaagum sang pinaayon ni lehoba,

Apang sia magatagudili sang tawo nga malain sing mġa katuyoan.

3 Walâ sing tawo nga pagapabakuron tungud sa kalainan,

Apang ang gamut sang mġa matarung indi mationg.

4 Ang babae nga maisug purungpurung sia sang iya bana;

Apang ang nagahatag sing kahuluyan subung sia sang bukbuk sa iya mġa tul-an.

5 Ang mġa tinotuyo sang mġa matarung mġa matadlung sila;

Apang ang mġa laygay sang mġa malauton, daya.

6 Ang mġa polong sang mġa malauton among mġa pagpuot sa *pagula* sing dugo;

Apang ang bâbâ sang mġa matadlung magabawi sa ila.

7 Ginabungkag ang mġa malauton, kag walâ na;

Apang ang baláy sang mġa matarung magapadayon sing malig-on.

8 Sono sang iya ihibalo, pagadaya-won ang tawo;

Apang ang malinapason sa tagiposoon manginiligoon sang pagtamay.

9 Labing maayo ang nagapakakubus kag may isa ka alagad sia,

Nġa sang nagapakamahala sa iya kaugalingon nga walâ sing kan-on.

10 Ang matarung nagaatipan sang kabuhi sang iya sapat;

Apang ang mġa kasudlan sang mġa malauton mġa mapintas sila.

11 Ang nagapanġuma sang iya duta, mabusug sing kan-on;

Apang ang nagasunud sa mġa libud-libud nawad-an sia sing ihibalo.

12 Ang malauton nagakaibug sang nadakpan sang mġa malain;

Apang ang gamut sang mġa matarung mabunġahon.

13 Sa pagkamalalison sang mġa bibig may siod nga malain,

Apang ang matarung magagowa gikan sa kalisdanan.

14 Sa bunġa sang iya bâbâ ang tawo mabusug sang kaayohan,

Kag pagaihatag sa tagsatagsa ang bayad sang buhat sang iya mġa kamut.

15 Ang dalan sang buang among matadlung sa iya kaugalingon nga mġa mata

Kag ang nagapamati sang laygay, among maalam.

16 Ang kaakig sang buang makilala sa gilayon;

Apang ang nagatago sang pasipala, among but-anan.

17 Ang nagamitlang sang kamatoran, nagapahayag sing katarungan;

Apang ang saksi nga butigon, *nagapahayag* sang limbong.

18 May tawo nga nagahambal sing madalas, subung sang nagasuntok sang hinganiban;

Apang ang dila sang mġa matarung among bulóng.

19 Ang bibig nga maminatud-on magapadayon sa gihapon;

Apang ang dila nga butigon nga sa isa ka tion lamang.

20 May limbong sa tagiposoon sang mġa nagapadugi sing malain;

Apang may kalipay sa mġa nagalaygay sang paghidaet.

21 Walâ gid sing kalainan nga maholog sa ibabaw sang matarung;

Apang ang mġa malauton pagapun-on sila sang kalainan.

22 Ang mġa bibig nga butigon mġa kаланġil-aran sila ni lehoba;

Apang ang mġa nagabutang sa buhat sang katutum, nagapahamuut sa iya.

23 Ang tawo nga but-anan nagahinabon sang kinaadman;

Apang ang tagiposoon sang mġa buangbuang nagabantala sang kabuangġan.

24 Ang mġa kamut sang mġa mapisan magaginoo,

Apang ang katamad magamanugbuhis.

25 Ang kagamo sa tagiposoon sang tawo nagapaluya sa iya,

Apang ang isa ka maayo nga polong nagalipay sa iya.

26 Ang matarung among manugtuytuy sa iya isigkatawo,

Apang ang dalan sang mġa malauton nagapatalang sa ila.

27 Ang matamad indi makalambut sa iya pinanġayaman;

Apang ang mangad nga malalahon sang tawo amo nga sa mapisan.



28 Sa dalan sang katarunġan may kabuhi;

Kag ang dalan sang iya paladulunġan among pagkadimamatyon.

**13** ANG anak nġa maalam nagapamati sang tinon-an sang amay;

Apang ang mayubiton walâ pagpamati sang badlong.

2 Sa bunga sang iya bâbâ, ang tawo magakaon sang maayo;

Apang ang kalâġ sang mġa mabudhion mabusug sang kalugusan.

3 Ang nagatatap sang iya bâbâ nagabantay sang iya kalâġ;

Ang kagulub-an mangin sa may mġa bibig nġa bukâ.

4 Ang kalâġ nġa matamad nagahandum kag walâ sing madangat;

Apang ang kalâġ nġa mapisan nagatambok.

5 Ang polong sa kabutigan ginakakigan sang matarung;

Apang ang malauton nagakabangdan sang kangil-aran kag nagahakot sing kahuluy-an.

6 Ang katarunġan nagabantay sa nagalakat sa katadlungan;

Apang ang kalainan nagaguba sa makasalâ.

7 May tawo nġa nagapakamangaran nġa walâ gid sing iya;

Kag may tawo nġa nagapakaimol kag may madamu sia nġa mġa mangad.

8 Ang mangad sang tawo amo ang gawad sang iya kabuhi;

Apang ang imol walâ magpamati sang mġa pahug.

9 Ang suga sang mġa matarungmalipayon,

Apang ang lamprahan sang mġa malauton magakapalong.

10 Tunġud sang bugal walâ sing bisan ano kondi pagbinanġig;

Apang ang kaalam yara sa mġa nagabalaton sing mġa laygay.

11 Ang mangad nġa nakita sa kadayawan, nagabuhin;

Apang ang nagatipon nġa sa iya kamut, nagadugang.

12 Ang paglaum nġa nagalawig, nagapamasakit sa tagiposoon,

Apang ang kahoy sa kabuhi amo ang handum nġa natuman.

13 Ang nagatamay sang polong, nagalaglag sa iya kagalingon;

Apang ang nagatahud sang sogo, pagabalusan.

14 Ang sogo sang maalam amo ang tuburan sang kabuhi,

Sa pagpalayô sa mġa siod sang kamatayon.

15 Ang maayo nġa ihibalo nagahatag sing bugay,

Apang ang dalan sang mġa mabudhion matig-a.

16 Ang tanan nġa tawo nga but-anan nagabuhat nġa may kaalam;

Apang ang buangbuang nagapahayag sing kabuangan.

17 Ang malain nġa manugbalita maholog sa kalainan;

Apang ang manugkagon nġa matutum among bulong.

18 Kaimolan kag kahuluy-an pagangkonon sang nagatamay sang laygay;

Apang ang nagatalupangud sang pagaway, magamangindunganon.

19 Ang handum nġa natuman matamis sa kalâġ;

Apang kalgil-aran nġa sa mġa buangbuang amo ang pagpalayô sa kalainan.

20 Ang nagalakat upud sa mġa maalam, mahimo nġa maalam;

Apang ang nagakalipay sa mġa buangbuang, nagakadunut.

21 Ang kalainan nagalagas sa mġa makasasalâ;

Apang ang kaayohan nagabalus sa mġa matarung.

22 Ang maayo nagabilin sing palanublion sa mġa inanak sang iya mġa anak;

Apang ang mangad sang makasasalâ natago sia nġa sa matarung.

23 Sa duta nġa ginuma sang imol may madamu nġa kan-on;

Apang may nagakadula tunġud kay mawad-an sing katadlungan.

24 Ang nagapugung sang bunal, nagakaakig sa iya anak;

Apang ang nagahigugma sa iya, nagsabdong sa iya.

25 Ang matarung nagakaon tuhtub nġa mabusug ang iya kalâġ;

Apang ang tiyan sang mġa malauton magaantus sing kinahanglan.

**14** TANAN nġa babae nġa maalam nagapatindug sang iya balâġ;

Apang ang mġa kulangkulang sa iya gid mġa kamut nagaguba sa iya.

2 Ang nagalakat sa iya katadlungan nagakahadluk kay Iehoba.

Apang ang balingag sa iya mġa dalanon nagatamay sa iya.

3 Sa bġbġ sang kulangkulang yara ang patok nġa sa iya pagkapalabilabihon;

Apang ang mġa bibig sang maalam magabantay sa ila.

4 Kon walġ sing mġa baka matinlo ang pasunġan,

Apang tungud sang kusug sang baka may kadagaya sang patubas.

5 Ang matuud nġa saksi indi nagabutig,

Apang ang saksi nġa butigon naghambal sing kabutigan.

6 Ang mayubiton nagapangġita sing kaalam, kag indi niya makita;

Apang ang kinaadman nġa sa mahangponon among butang nġa mahapus.

7 Palayġ-ka sa atubangan sang tawo nġa buangbuang,

Nġa sa iya indi mo makilala ang mġa bibig sa kinaadman.

8 Ang kaalam sang sampaton amo ang paghangup sang iya dalan,

Apang ang kabuangan sang mġa buangbuang among limbong lamang.

9 Ang mġa buangbuang nagatiawtiaw sang salġ,

Apang sa tungġ sang mġa matadlung may pinaayon ni Iehoba.

10 Ang tagiposoon nakakilala sang iya gid kapaitan,

Kag sa iya kalipay indi makasamo ang dumuluong.

11 Ang balġ sang mġa malauton pagahapayon,

Apang ang payag sang mġa matadlung magapamulak.

12 May dalan nġa sa tawo nġa daw matadlung,

Apang ang iya katapusan among dalan sa kamatayon.

13 Bisan sa pagkadlaw nagakasakit ang tagiposoon,

Kag ang katapusan sang kalipay amo ang kagha.

14 Sa iya mġa dalanon pagabusgon ang tawo nġa ang iya tagiposoon nagatalang,

Kag ang tawo nġa maayo, sa mġa yara sa iya gid.

15 Ang kulangkulang nagatoo sa tanan nġa polong,

Apang ang but-anan nagatalupangud sang iya mġa tikang.

16 Ang maalan nahadluk kag nagapalayġ sa kalainan;

Apang ang buangbuang nagapahayag sing kakahas kag pagkamasinalig-on.

17 Ang mahulas mangġakig, magabuhat sing kabuangan;

Kag ang tawo nġa mahigko sing mġa katuyoan pagakaakigan.

18 Ang mġa kulangkulang nagapannubli sang kabuangan,

Apang ang mġa but-anan pagapurungpurungan sing kinaadman.

19 Ang mġa malain nagayaub sa atubangan sang mġa maayo,

Kag ang mġa malauton sa mġa gawang sang matarung.

20 Bisan sa iya isigkatawo ginadumtan ang imol,

Apang madamu ang abyan sang mġa mangaran.

21 Ang nagatamay sa iya isigkatawo makasalġ;

Apang bulahan ang ragakalooy sa mġa nasitan.

22 ġ Walġ bala magatalang ang mġa nagapadugi sing malain?

Apang kalooy kag kamatooran mangin sa mġa nagapadugi sing maayo.

23 Sa tanan nġa pangabudlay may kapuslanan,

Apang ang polong sang mġa bibig lamang nagapaimol.

24 Ang purungpurung sang mġa malalam among ila mġa mangad,

Apang ang kabuangan sang mġa buangbuang kabuangan lamang.

25 Ang saksi nġa matuud nagabawi sa mġa kalġ,

Apang ang malimbongon nagamitlang sing mġa kabutigan.

26 Sa kahadluk ni Iehoba yara ang malig-on nġa pagsalig,

Kag magamanġindalangpan sia sang iya mġa anak.

27 Ang kahadluk ni Iehoba amo ang tuburan sang kabuhi,

Sa pagpalayġ sa mġa siod sang kamatayon.

28 Sa kadamuan sang banwa yara ang himaya sang hari;

Kag sa kakulang sa tawo amo ang kagulubaan sang dungaon.

29 Ang makuli mangġakig, dagaya sa ihibalo;



Apang ang maulugton nagapahayag sang iya kabuangon.

30 Ang malinong nga tagiposoong among kabuhi sang mġa unud,

Apang ang kahisa among bukbuk sang mġa tul-an.

31 Ang nagapigos sa nasitan, nagapakahuya sa iya Magbubuhat,

Apang nagapadungug sa iya ang nagakalooy sa imol.

32 Sa iya kalautan pagapapalagyohon ang madauton,

Apang ang matarung may pagsalig sa iya gid nga kamatayon.

33 Sa tagiposoong sang but-anan nagahulon ang kaalam,

Apang bisan pa sa tunġa sang mġa buangbuang ginapangilala sia.

34 Ang katarungan nagapadaku sang banwa,

Apang ang kahuluy-an sang mġa banwa among salā.

35 Ang kahamuut sang hari yara sa sologoon nga mahangponon,

Apang ang iya kaakig, sa ibabaw sang nagahimo sing kahuluy-an.

**15** ANG mahomok nga panalabton nagapapalayō sang kaakig,

Apang ang matigdas nga polong nagapasaka sang kasingkal.

2 Ang dila sang mġa maalam nagapatahum sa kinaadman,

Apang ang bâbâ sang mġa buangbuang nagapatubud sang kabuangan.

3 Sa tanan nga duug yara ang mġa mata ni Iehoba,

Nga nagatatap sa mġa malain kag sa mġa maayo.

4 Ang dila nga tambal among kahoy sang kabuhi,

Apang ang pagkamalinapason sa iya among pagpangyuyu sang espiritu.

5 Ang buangbuang nagatamay sang tinon-an sang iya amay;

Apang ang nagabantay sang pagsabdong, magamanginsampaton.

6 Sa balāy sang matarung may dalagku nga kadagayaan,

Apang sa patubas sang malauton may kagamo.

7 Ang mġa bibig sang mġa maalam nagawagwag sing kinaadman;

Apang walā magahimo sing subung sina ang tagiposoong sang mġa buangbuang.

8 Ang halad sang mġa malauton among kalangil-aran ni Iehoba,

Apang ang pangamuyo sang mġa matadlung among iya ginakahamut-an.

9 Kalangil-aran ni Iehoba amo ang dalan sang malauton,

Apang sia nagahigugma sa nagasunud sang katarungan.

10 May silot nga matig-a nga sa nagabiya sang banas;

Ang nagadumut sang pagsabdong matatay.

11 Ang inpierno kag ang kalaglagan yara sila sa atubangan ni Iehoba:

! Labi pa gid ang mġa tagiposoong sang mġa inanak sang mġa tawo!

12 Ang mayubiton walā magahigugma sa nagasabdong sa iya,

Bisan nagapalapit sia sa mġa maalam.

13 Ang tagiposoong nga malipayon nagapaayoayo sang nawung,

Apang tungud sang kasakit sa tagiposoong nagaluya ang espiritu.

14 Ang tagiposoong sang mahibaloanon nagapangita sing kinaadman,

Apang ang bâbâ sang mġa buangbuang nagakalipay sa kabuangan.

15 Ang tanan nga mġa adlaw sang nasubuan mġa malain,

Apang ang tagiposoong nga masinadyahon, isa ka dayon nga piesta.

16 Maayo pa ang diyotay nga naupdan sang kahadluk kay Iehoba,

Sang daku nga bahandi nga may kagamo.

17 Maayo pa ang isa ka pagkaon nga utan diin may paghigugma,

Sang pinatambok nga baka, diin may dumut.

18 Ang maakigon nga tawo nagaputôbô sing kasuayon;

Apang ang makuli nga mangakig, nagatambag sang kaawayon.

19 Ang dalan sang matamad subung sang siklat nga tunukon,

Apang ang banas sang mġa matadlung subung sang isa ka dalan.

20 Ang anak nga maalam nagalipay sa amay,

Apang ang tawo nga buangbuang nagatamay sa iya ilôy.

21 Ang kabuangan among kalipay sang nawad-an sang ibibalo,

Apang ang tawo nga mahangponon nagatadlung sang iya pagtikang.

22 Kon diin walā sing laygay, ang mġa tinutuyo nagaalapaag;

Apang nagabakud sila sa kadamuan sang mġa manuglaygay.

23 May kalipay ang tawo sa sabat sang iya bâbâ ;

Kag i nġa pagkaayo ang polong sa iya dag-on !

24 Nġa sa mahangponon ang banas sa kabuhi nagadul-ong nayon sa ibabaw,

Agud nġa magpalayô sia sa inpierno, sa idalum.

25 Pagagub-on ni Iehoba ang baláy sang mġa palabilabihon ;

Apang pagapabakuron niya ang dulan sang bâlo nġa babae.

26 Kalanġil-aran ni Iehoba amo ang mġa tinutuyo sang malaut,

Apang ang mġa polong sa katam-is, mġa matinlo.

27 Ang kaibugon sang pagdaug naga-tublag sang iya gid nġa baláy ;

Apang ang nagadumut sang mġa amo-ma, magakabuhi.

28 Ang tagiposoon sang matarung nagapamalandong sa pagsabat,

Apang ang bâbâ sang mġa malauton nagapatubud sang mġa kalainan.

29 Si Iehoba malayô sa mġa malauton,

Apang sia nagapamati sang pangamu-yo sang mġa matarung.

30 Ang kapawa sang mġa mata naga-lipay sa tagiposoon,

Kag ang maayo nġa balita nagapa-tambok sang mġa tul-an.

31 Ang idulungug nġa nagapamati sang sabdong sa kabuhi,

Nagapuyô sia sa tunġâ sang mġa ma-alam.

32 Ang nagasikway sang sabdong, sa iya kalág nagatamay ;

Apang ang nagapamati sang sabdong, maangkon niya ang ihibalo.

33 Ang kahadluk kay Iehoba amoy tinon-an sa kaalam,

Kag sa atubangsan sang dunġug yara ang pagkamapainubuson.

**16** IYA sang tawo ang mġa tinutuyo sang tagiposoon,

Apang ang sabat sang dila nagagikan kay Iehoba.

2 Tanan nġa mġa dalanon sang tawo mġa matinlo sa iya kaugalingon nġa mġa mata ;

Apang si Iehoba nagatimbang sang mġa espiritu.

3 Ipanugyan kay Iehoba ang imo mġa binuhatan,

Kag pagapalig-onon ang imo mġa ti-notuyo.

4 Tanan nġa mġa butang ginhimo ni Iehoba nġa sa iya katuyoan,

Kag bisan pa ang malauton nġa sa adlaw nġa malain.

5 Kalanġil-aran ni Iehoba ang tanan nġa matinaastaason sing tagiposoon :

Bisan pa magkinapyotay, indi mabilang nġa walay salâ.

6 Tunġud sa kalooy kag sang kama-tooran magahimo sing katumbasan tunġud sang kalainan ;

Kag tunġud sang kahadluk kay Iehoba mahalayô ang tawo sa kalainan.

7 Kon ang mġa dalanon sang tawo makapahamuut kay Iehoba,

Bisan pa sia magapahidaet sa iya sa iya mġa kaaway.

8 Maayo pa ang diyotay nġa may katarungan,

Sang kadamuan nġa patubas nġa walay katadlungan.

9 Ang tagiposoon sang tawo naga-hunahuna sa iya dalan ;

Apang si Iehoba nagatadlung sang iya mġa tikang.

10 Ang pakot yara sa mġa bibig sang hari ;

Sa paghukom indi magmalalison ang iya bâbâ.

11 Itilimbang kag mġa timbangan nġa matarung iya sila ni Iehoba ;

Binuhatan niya ang tanan nġa mġa itilimbang sang púyo.

12 Kalanġil-aran sa mġa hari ang paghimo sing kalainan,

Kay sa katarungan pagapalig-onon ang lingkoran nġa harianon.

13 Ang mġa bibig nġa matarung na-hamut-an sang mġa hari ;

Kag ginahigugma nila ang nagaham-bal sing matadlung.

14 Ang kaakig sang hari manugbalita sang kamatayon ;

Apang pagalugpayan sia sang tawo nġa maalam.

15 Sa kapawa sang nawung sang hari yara ang kabuhi,

Kag ang iya pahayoran subung sang gal-um sang ulan sa tingin-ot.

16 i Daw ano pa ka labing kapuslanan ang pagdangat sing kaalam sang bula-wan !



Kag labing maayo ang pagdanġat sing kabut-anan sang pilak.

17 Ang daku nġa dalan sang mġa matadlung amo ang pagpalayô sa kalainan ;

Ang nagabantay sa iya kalġg, nagata-tap sang iya dalan.

18 Nagaúna sa kalaglagan ang pala-bilabi ;

Kag nagaúna sa pagkaholog ang matinaastaason nġa espiritu.

19 Maayo pa nġa magpaubus ang espiritu sa tunġa sang mġa mapainubuson,

Sang magbahin sang inagaw sa mġa palabilabihon.

20 Ang magahimo sang manginalamon gid, makakita sing kaayohan,

Kag ang nagasalig kay Iehoba, bula-han sia.

21 Ang maalam sa tagiposoon paga-tawgon nġa mahinangponon ;

Kag ang katam-isan sang mġa bibig nagadugang sa pagtolon-an.

22 Ang maayong ihibalo among tubu-ran sang kabuhi sa nagaangkon sa iya,

Apang ang tinon-an sang buangbuang among kabuangġan.

23 Ang tagiposoon sang maalam na-gapabuut sang iya bâbâ,

Kag tunġud sang iya mġa bibig magadugang sia sa pagtolon-an.

24 Mġa pinolongġan nġa kalahamut-an among adlaw sa dugus,

Katam-is sa kalġg kag bulóng sa mġa tul-an.

25 May dalan nġa daw ginapakatad-lung sang tawo,

Apang ang iya katapusan dalan sia sa kamatayon.

26 Ang kalġg sang nagapangġabudlay, nagapangġabudlay nġa sa iya,

Kay ang iya bâbâ nagapilit sa iya.

27 Ang tawo nġa yawan-on nagakut-kut sing *boho* sang kalainan ;

Kag sa iya mġa bibig may daw dabdab sang kalayo.

28 Ang tawong malinapason naga-sab-ug sing mġa kasuayon,

Kag ang palasugyot nagapabulag sa mġa mahirup nġa abyan.

29 Ang tawo nġa malugus nagaoloolo sa iya isigkatawo,

Kag ginapalakat niya sia sa dalan nġa indi maayo.

30 Ang nagapiyong sang mġa mata, nagapadugi sing kalautan,

Kag ang nagakium sang iya mġa bibig, naghuman sang kalainan.

31 Purungpurung sa kadunganan a-mong uban,

Sa dalan sang katarunġan makita sia.

32 Maayo pa ang makuli mangġakig sang maisug,

Kag ang nagagahum sang iya espiritu, sang nagaagaw sang isa ka banwa.

33 Ang kapalaran ginaholog sa sabak ; Apang kay Iehoba nagagikan ang tanan nġa paghukom.

**17** MAAYO pa ang isa ka hunġit nġa tinapay nġa mamala nġa may paghidaet

Sang baláy nġa punô sang bugana nġa pagkaon nġa may kasuayon.

2 Ang alagad nġa nagahimo sing mangġin-alamon gid, magaginoo sa anak nġa nagakabangdanan sang kahuya ;

Kag sa tunġa sang mġa magulú tud may bahin sia sang panublion.

3 Ang hunawan nġa sa pilak kag ang dalapugan nġa sa bulawan,

Apang si Iehoba among nagatilaw sang mġa tagiposoon.

4 Ang madauton nagatalupangud sang bibig nġa dimatarung ;

Ang butigon nagapamati sa dila nġa paladupak.

5 Ang nagayubit sa imol, nagapasi-pala sa iya Magbubuhat ;

Kag ang nagakalipay sang kalalat-an, indi pagakabigon nġa walay salá.

6 Ang purungpurung sang mġa tigu-lang amo ang mġa inanak sang mġa anak,

Kag ang himaya sang mġa bátâ, amo ang ila mġa ginikanan.

7 Ang pinolongġan nġa halangdon indi angay sa buangbuang,

Labi na gid sa dunganon ang bibig nġa butigon.

8 Ang mġa hiphip among bató nġa malahalón sa mġa mata sang iya tag-iya,

Sa bisan diin magbalikid sia, naga-uswag sia.

9 Ang nagahinabon sang paglalis, nagapangita sing kaabyan ;

Apang ang nagaliwan sang butang nġa *ginasalig sa iya*, nagapabulag sa mġa mahirup nġa abyan.

10 Ang pagpahug nagapadukut labi pa sa mahangponon,

Sang isa ka gatus nġa hampak sa buangbuang.

11 Ang malauton walā sing ginapanġita kondi ang pagkamalalison;

Apang ang isa ka manugbalita nġa mapintas pagaipadalā batok sa iya.

12 Maayo pa nġa magsugata ang isa ka tawo sa isa ka oso nġa babae, nġa nawad-an sing totoy,

Sang sa isa ka buangbuang sa iya kabuangġan.

13 Ang nagahatag sing malain tunġud sang maayo,

Indi magabulag ang kalainan sa iya balāy.

14 Ang pagsugud sang kasuayon among pagbuhi sang tubig:

Busa, sa walā pa magkinagamo ang kasuayon, bayai sia.

15 Ang nagapamatarung sa malauton, kag ang nagatagudili sang matarung,

Sila nġa duha kalanġil-aran kay leho-ba.

16 ; Kay nġaa bala may bili sa kamut sang buangbuang sa pagbakal sing kaalam,

Kon walā sia sing ihibalo?

17 Sa tanan nġa dag-on nagahigugma ang abyan;

Kag natawo sia, agud nġa magmanġin-ūtud sia sang kagha.

18 Ang tawo, nġa nawad-an sing ihibalo, nagapakpak sang kamut;

Nġa nagapasalig sa isa sa atubangġan sang iya abyan.

19 Ang nagahigugma sang paglalis, nagahigugma sang kasuayon,

Kag ang nagapataas sang iya gawang, nagapanġita sing kagulub-an.

20 Ang tagiposoon nġa tiko indi makakita sing kaayohan;

Kag ang malinapason sa dila, maholog sa kalainan.

21 Ang nagapanġanak sang isa ka buangbuang, nagahatag sa iya sing kagha;

Kag ang amay sang buangbuang walā sing kalipay.

22 Ang tagiposoon nġa malipayon among maayo nġa bulong,

Apang ang espiritu nġa maluya nagapamala sang nġa tul-an.

23 Ang malauton nagakuha sa dughan sing hiphip,

Sa pagpatiko sang banas sang katadlungġan.

24 Sa atubangġan sang nawung sang mahibaloanon yara ang kaalam;

Apang ang mġa mata sang buangbuang nagatulok tubtub sa ukbung sang duta.

25 Ang anak nġa buangbuang amo ang kaakig sang iya amay,

Kag ang kapaitan sang nagpanġanak sa iya.

26 Labut pa, indi maayo ang pagsilot sa matarung,

Bisan ang magpilas sa mġa dunganon tunġud sang ila pagkatadlung.

27 Ang nagapugung sang iya mġa pololongon, nakahibalo sang kinaadman;

Kag ang may mabuut nġa espiritu among tawo nġa mahibaloanon.

28 Bisan pa ang buang kon maghipus, ginabilang nġa maalam;

Ang nagakium sang iya mġa bibig among tawo nġa mahibaloanon.

**18** ANG nagabulag, nagapanġita sang iya handum,

Kag nagapakigbangianay sa tanan nġa kaalam.

2 Ang buangbuang indi nagakalipay sa ihibalo,

Kondi sa pagpahayag sang yara sa iya tagiposoon.

3 Kon mag-abut ang malauton, magabut man ang pagtamay,

Kag upud sang kalaw-ayan, ang pagpakahuya.

4 Ang mġa polong sa bâbâ sang tawo among tubig nġa madalum,

Kag ang tuburan sang kaalam among sapa nġa nagailig.

5 Indi maayo nġa magtahud sa tawo nġa malain,

Sa paglubag sang katarunġan sang paghukom.

6 Ang mġa bibig sang buangbuang nagahilabut sa mġa kasuayon,

Kag ang iya bâbâ nagapanawag sang mġa pagbunal.

7 Ang bâbâ sang buangbuang among kalaglagan nġa sa iya,

Kag ang iya mġa bibig mġa siod nġa sa iya kalāg.

8 Ang mġa polong sang palasugyot subung sila sang mġa kalan-onon,

Kag nagapanaug sila tubtub sa kadaldalman sang tiyan.

9 Subung man ang matamad sa iya buluhaton,

Utud sia sang manuglaglag.

10 Tore nġa mabakud amo ang nġalan ni Iehoba;



Sa iya magadalagan ang matarung, kag igabutang sia sa mataas.

11 Ang mangad sang mangaran amo ang iya banwa nga mabakud,

Kag subung sang isa ka kuta nga mataas sa iya banta.

12 Sa walâ pa ang pagkalaglag nagpalabilabi ang tagiposoon sang tawo ;

Kag sa una sang kadunganan, nagauna ang pagkamapainubuson.

13 Ang nagasabat sa walâ pa makabati,

Among kabuangan kag kahuluy-an sa iya.

14 Ang espiritu sang tawo nagasakdag sa iya sa iya balatian ;

Apang ang masulub-on nga espiritu, sin-o bala ang makapasaguli sa iya ?

15 Ang tagiposoon sang tawo nga maalam nagadangat sing kaalam,

Kag ang idulungug sang mga maalam nagapangita sing kinaadman.

16 Ang dólót sang tawo nagapasangkad sa iya sang dalan,

Kag nagadalâ sa iya sa atubangan sang mga kadalagkuan.

17 Ang nahauna nga nagahambal sa iya kaugalingon nga kasaba matarung,

Kag ang iya kasumpung nagaabut, kag nagausa sa iya.

18 Ang kapalaran nagabutang sing katapusan sa mga kasaba,

Kag nagabahin sia sa mga gamhanan.

19 Ang pinasipalahan nga útud matig-a pa sang isa ka banwang mabakud ;

Kag ang mga kasuayon sang mga magulútud, subung sang mga pintal sang kuta.

20 Sa bunga sang bâbâ sang tawo mabusug ang iya tiyan ;

Sa patubas sang iya mga bibig mabusug sia.

21 Ang kamatayon kag ang kabuhi yara sa kagamhanan sang dila ;

Kag ang mga nagahigugma sa iya, makakalaon sang iya bunga.

22 Ang nakakita sing asawa, nakakita sing kaayohan ;

Kag nakadangat sia sang pinaayonan ni lehoba.

23 Ang imol nagahambal nga may mga pag-ampo ;

Apang ang mangaran nagasabat sing matigdas.

24 Ang tawo nga may mga abyan, may iya sa ila nga sa kalaglagan,

Apang may isa ka abyan nga mahirup pa sang isa ka útud,

19 MAAYO pa ang imol nga nagalakat sa iya pagkatarung,

Sang isa ka tawo nga banyaga sing mga bibig, nga buangbuang sia.

2 Ang kalág man nga walay kinaadman, indi maayo ;

Kag ang madalas sing paniil, makasalâ.

3 Ang kabuangon sang tawo nagapatiko sang iya dalan,

Kag batok kay lehoba nagakaakig ang iya tagiposoon.

4 Ang mga mangad nagatipon sing madamu nga abyan,

Apang ang imol ginabulagan sang iya abyan.

5 Ang saksi nga butigon indi makapadayon nga walâ sing silot ;

Kag ang nagahambal sing kabutigan, dili makapalagyo.

6 Madamu ang mga nagaologolog sa dunganon,

Apang ang tagsatagsa nagapakig-abyan sa tawo nga mahatagon.

7 Ang tanan nga mga útud sang imol nagakaakig sa iya ;

! Labi na gid ang iya mga abyan magapalagyo sa iya !

Sia nagasunod sa ila nga may mga polong, apang sila walâ na.

8 Ang nagaangkon sing kaalam, nagahigugma sa iya kalág ;

Ang nagabantay sang ihibalo, makakita sing kaayohan.

9 Ang saksi nga butigon dili pagakabigon nga walâ sing salâ ;

Kag ang nagahambal sing kabutigan, madula.

10 Ang kabuhi nga malipayon indi angay sa buangbuang ;

Labi na gid indi angay sa ulipon nga manginginoosang mga dunganon.

11 Ang kaalam sang tawo nagapahinay sang iya kasingkal ;

Kag ang iya kadunganan among pagpasaylo sang pagdaut sa iya.

12 Subung sang ngurub sang pamatan-on nga leon amo ang kaakig sang hari,

Kag ang iya kalooy subung sang tunog sa ibabaw sang hilamon.

13 Kagha sang iya amay amo ang anak nga buangbuang,

Kag tinolo nġa dayon, ang mġa kasu-ayon sang babae.

14 Ang baláy kag ang mġa mangad panublion sila sang mġa ginikanan, Apang kay Iehoba nagagikan ang but-anan nġa babae.

15 Ang katamad nagaholog sang tawo sa hamook nġa katologon;

Kag ang kalág nġa matamad pagagutumon.

16 Ang nagabantay sang sogo, nagabantay sang iya kalág;

Apang ang nagatamay sang iya mġa dalanon, mapatay.

17 Ang nagahikalooy sa nawad-an, nagapahulam kay Iehoba,

Nġa magahatag sang balus sa iya.

18 Siloti ang imo anak sa may pag-laum pa;

Apang ayaw pagpainita ang imo kalág sa pagpatay sa iya.

19 Ang daku sing kaakig magadalá sang silot;

Kag kon luwason mo sia, pagahimoon mo ini liwat.

20 Pamatí ang laygay, kag batuna ang pagsabdong,

Agud nġa magmaalam ka sa imo palaabuton.

21 May madamu nġa mġa tinutuyo sa tagiposoon sang tawo,

Apang ang laygay ni Iehoha amo ang magapadayon.

22 Ang kalawilihan sang tawo amo ang iya pagkamaayo;

Kag maayo pa ang imol, sang tawo nġa butigon.

23 Ang kahadluk kay Iehoba nagadulong sa kabuhi;

Kag *upud sini* magakabuhi sia nġa busug,

Kag indi sia pagaduawon sang kalautan.

24 Ang matamad nagaloog sang iya kamut sa pangan,

Kag bisan pa sa iya bâbâ indi niya pagdalon liwat.

25 Pilasa ang mayubiton, kag ang kulangkulang makapanġaman;

Sabdongâ ang mahangponon, kag magahangup sia sing kinaadman.

26 Ang nagalaglag sa iya amay, kag nagapapalagyo sa iya ilóy,

Among anak nġa nagapakahuya, kag nagahakut sing timulang.

27 Untat-ka, anak ko, sa pagpamati sing pagtolon-an,

Nġa nagapatalang sa imo sang mġa polong sang kinaadman.

28 Ang malauton nġa saksi nagayubit sang paghukom,

Kag ang bâbâ sang mġa malauton nagahalunhoh sang kalainan.

29 Sa mġa mayubiton may naaman na nġa mġa silot;

Kag mġa bunal nġa sa mġa likod sang mġa buangbuang.

**20** ANG alak among mayubiton, ang ilimnon nġa makahulubug among manugpagahud;

Kag bisan sino nġa sa iya magpasayup, indi maalam sia,

2 Ang kakugmat sa hari, subung sang ngurub sang pamatan-on nġa leon;

Ang nagapaakig sa iya, makasalâ batok sa iya kaugalingon nġa kalág.

3 Kadungan sang tawo amo ang pagbiya sang iya kasuayon;

Apang ang tanan nġa buangbuang magapatig-a sing hungud.

4 Ang matamad walâ magadaro bangud sang ka tugnaw;

Sa ani magapanġayo sia, kag indi sia makakita.

5 Ang laygay sa tagiposoon sang tawo among tubig nġa madalum,

Apang ang tawo nġa mahangponon nagapanag-ub sa iya.

6 Madamu nġa mġa tawo nagabantala ang tagsatagsa sang iya kaayo;

Apang ang tawo nġa matinumanon, ¿sin-o bala ang makakita sa iya?

7 Ang matarung nġa nagalakat sa iya katarung,

Magamanginbulahan ang iya mġa anak sa olehe niya.

8 Ang hari nġa nagalingkod sa lingkoran sang hulukmanan,

Nagapaayag sang tanan nġa kalainan tungud sang iya panuluk.

9 ¿Sin-o bala ang sarang makasiling: "Ako nagtinlo sang akon tagiposoon,

Matinlo ako sang akon salâ?"

10 Duha ka timbangan, kag duha ka sulukban,

Duha sila ka mġa butang nġa kalanġil-aran ni Iehoba.

11 Bisan pa ang pamatan-on nagapakilala sa iya mġa binuhatan,

Kon matinlo ang iya kagawian kag kon matadlung sia.



12 Ang idulungug nga nagapamati, kag ang mata nga nagatulok, Ginbuhat ni Iehoba sila nga duha.

13 Ayaw paghigugmaa ang katologon, agud indi ka magimol;

Muklata ang imo mga mata, kag mabusug ka sang tinapay.

14 "Malain, malain," siling sang nagabakal;

Apang sa nakatalikod na, nagadayaw sia.

15 May bulawan, kag madamu nga mga mutya;

Apang ang mga bibig nga maalam among huyas nga malahalon.

16 Kuhaa sa iya ang iya panapton, kay nagpasalig sia sa isa;

Kag pangayoan sia sing inugpalig-on bangud sang mga dumuluong.

17 Ang tinapay sa kabutigan among manamit sa tawo,

Apang sa olehe ang iya bâbâ mapunô sing batobató.

18 Ang mga tinotuyo nagabakud tungud sang laygay;

Busa himoa ang inaway nga may kabutan-an.

19 Ang nagapanugyot, nagapahayag sang tinago;

Busa, ayaw ka paghilabut sa may bibig nga bukâ.

20 Ang nagapakamalain sa iya amay kon sa iya ilôy,

Ang iya suga pagapalongon sa mangitngit nga kadudulman.

21 Ang panublion nga madangat sa madali sa kamunoan,

Ang iya kaolehian indi pagpakamaayohon.

22 Indi ka magsiling: "Ako magatimalus sang kalainan;"

Hulata si Iehoba kag sia magaluwas sa imo.

23 Ang duha ka itilimbang kalangilaran ni Iehoba,

Kag ang malimbongon nga timbangan indi maayo.

24 Ang mga tikang sang mga tawo ginadul-ong ni Iehoba;

Kag ang tawo ? paano ang paghangup niya sang iya dalan?

25 Siod sa tawo ang pagdalidali sing panaad nga balaan,

Kag sa tapus na ang mga pagpanaad, magapanngusisa.

26 Ang hari nga maalam nagaayag sang mga malauton,

Kag sa ibabaw nila ginapatiyob ang aliling sa pakaras.

27 Ang espiritu sang tawo amo ang sulo ni Iehoba,

Nga nagaussisa sang tanan nga mga tinago sang kasudlan.

28 Ang kalooy kag ang kamatooran magmanugbantay sa hari;

Kag sa pagkalooy nagpalig-on sang iya lingkoran nga harianon.

29 Ang himaya sang mga pamatan-on among iya kusug,

Kag ang puni sang mga tigulang ang mga uban.

30 Ang mga bunal nga nagapilas, mga bulong sila nga sa malauton;

Subung man ang mga bunal nga nagalambut sa kaidadalman sang kasudlan.

**21** SUBUNG sang mga ilig sang tubig, amo ang tagiposoon sang hari sa kamut ni Iehoba;

Sia nagabuyok sa iya sa tanan nga luyag niya.

2 Ang tanan nga mga dalan sang tawo matadlung sa iya kaugalingon nga mga mata;

Apang si Iehoba nagatimbang sang mga tagiposoon.

3 Ang maghimo sing katarungan kag sing katadlungan,

Amo ang nahamut-an ni Iehoba sing labi pa sang halad.

4 Ang pagkamatinaastaason sang mga mata kag pagpahabok sa tagiposoon,

Ining sulo sang malauton, salâ sia.

5 Ang mga katuyo-an sang mapisan nagapadulong lamang sa kabuganaan;

Apang ang tanan nga madalas naga-dalagan lamang sa kaimolan.

6 Ang pagtipon sing mga mangad may dila nga butigon,

Among alisngaw nga nagakapanas: ini sila nagapangita sang kamatayon.

7 Ang pagkalugos sang mga malauton nagasabnit sa ila,

Kay indi sila maluyag maghimo sang kaulay.

8 Ang tawo, nga ang iya dalan tiko mangindumuluong sa maayo,

Apang ang binuhatan sang matinlo matadlung.

9 Ang pagpuyô sa isa ka suuk sang atup,

Among labing maayo nga sa isa ka daku nga baláy upud ang isa ka babae nga makiawayon.

10 Ang kalág sang malauton naga-handum sang malain ;

Ang iya isigkatawo indi nakakita sing pinaayonan sa iya mga mata.

11 Kon ang mayubiton pagsilotan, ang kulangkulang nagamaalam ;

Kag kon ton-an ang maalam, nagabaton sia sing kinaadman.

12 Ang matarung nagapapanilag sang baláy sang malauton ;

Ang *Dios* nagapalugdang sang mga malauton sa kalaglagan.

13 Ang nagapabungul sang pagtuaw sang makalolooy,

Sia man magatuaw kag indi sia pagapamhatian.

14 Ang dólot sa tago nagapahanġup sang kasingkal,

Kag ang hatag nga lukip *nagapalugpay* sang kaakig nga mabaskug.

15 Kalipay sa matarung ang paghimo sing matadlung,

Apang kalaglagan ang pagbutang sa buhat sang kalainan.

16 Ang tawo nga nagatalang sa dalan sang ihibalo,

Magapahuway sia sa katilingban sang mga minatay.

17 Ang nagahigugma sang kalinġawan, nangin-imol sia ;

Kag ang naghigugma sang alak kag sang lana, indi magmangaran.

18 Ang malauton ginagamit subung nga gawad tungud sang matarung,

Kag ang mabudhion, sa baylo sang mga matadlung.

19 Maayo pa ang nagapuyô sa isa ka duta nga hanayak,

Sang upud sang babae nga maawayon kag maakigon.

20 Ang mangad nga hingamohon kag lana yara sa puluy-an sang maalam ;

Apang ang tawo nga buangbuang nagatolon sa ila.

21 Ang nagasunud sang katarungan kag sang pagkalooy,

Makakita sing kabuhi, sing katarungan kag sing himaya.

22 Ang maalan nagasaka sa banwa sang mga maisug,

Kag ginapapaubus niya ang kabakuran sang iya pagsalig.

23 Ang nagabantay sang iya bâbâ kag sang iya dila,

Nagabantay sa iya kalág sa kalisdanan.

24 Ang palabilabihon kag matinaas-taason ginahingalanan nga mayubiton :  
Nga nagabuhat sa pagsagmit sang palabilabi.

25 Ang handum sang matamad nagapatay sa iya,

Kay ang iya mga kamut nagadumili sa pagpangabudlay.

26 Sa bug-os nga adlaw nagakaibug kag nagakaibog sia,

Apang ang matarung nagahatag sa walay pagpugung.

27 Ang halad sang mga malauton kalangil-aran :

! Labi na gid, kon sa malain nga katuyoan ang iya paghalad !

28 Ang saksi nga butigon madula ;

Apang ang tawo nga nagapamati, nagadayon sa iya pinolonġan.

29 Ang tawo nga malauton nagapatig-a sang iya nawung ;

Apang ang matadlung, nagapalig-on sang iya dalan.

30 Walâ sing kaalam, bisan may ihibalo,

Bisan may laygay, batok kay Iehoba.

31 Ang kabayo nahanda na nga sa adlaw sang inaway,

Apang ang pagdaug iya ni Iehoba.

**22** ANG kabantugan pinasulabi sang daku nga mangad ;

Kag ang bugay labing mahal sang pilak kag sang bulawan.

2 Ang mangaranon kag ang imol nagakilitaay sila ;

Sila nga tanan ginbuhat ni Iehoba.

3 Ang sampaton nagatan-aw sang malain kag nagapanago ;

Apang ang mga kulangkulang, nagaua kag nagabayad sila sang silot.

4 Ang katapusan sang pagkamapai-nubuson among kahadluk kay Iehoba,

Ang mangad, ang himaya kag ang kabuhi.

5 May mga tunok kag mga siod sa dalan sang tawo nga tiko ;

Ang nagabantay sang iya kalág, magapalayô sa ila.

6 Tudloi ang pamatan-on, sono sang dalan nga iya pagalaktan ;

Kag bisan pa magtigulang sia, indi sia magatalikod sa iya.

7 Ang mangaranon nagaginoo sa mga imol ;

Kag ang magpanghulam, alagad sia sang nagpahulam.



8 Ang nagatanum sing kalautan, kalalat-an ang pag-anihon niya ;

Kag ang patok sang iya kaakig may katapusan.

9 Ang may mata nġa maloloy-on, pagapakamaayohon,

Kay nagahatag sia sang iya tinapay sa nasit-an.

10 Tabuga ang mayubiton, kag ang kaawayon magagowa,

Kag magauntat ang kasaba kag ang pag-pakahuya.

11 Ang nagahigugma sang katinlo sa tagiposoon,

Kag may bugay sa iya bibig mangin-abyan sang hari.

12 Ang mġa mata ni Iehoba nagata-tap sang kinaadman ;

Apang sia nagabungkag sang mġa polong sang mabudhion.

13 Ang matamad nagasiling : “ Ang leon yara sa gowa ;

Sa tunġa sang mġa dalan pagapatyon ako.”

14 Boho nġa madulum amo ang bābā sang mġa dumuluong nġa babae ;

Yadtong batok sa iya may kaakig, si Iehoba maholog sa iya.

15 Ang kabuangān nagaid sa tagiposoon sang pamatan-on ;

Apang ang patok sang pagbadlong makapahilayo sa iya.

16 Ang nagapigos sa nasit-an sa pag-padamu sang iya,

Kag nġa nagahatag sa mangaranon lamang, magamanginimol sia.

Mġa malip-et nġa mġa wali sa mġa maayo nġa pamatasaa nahanunġud sang sarisari nġa mġa butang.

17 Ihuyog ang imo idulunġug kag pamatii ang mġa polong sang mġa malam,

Kag ibutang ang imo tagiposoon sa akon kaalam.

18 Kay butang nġa kalahamut-an, kon tagoon mo sila sa imo sulūd,

Kag nġa tingub gid mahanda sila sa imo mġa bibig.

19 Agud nġa ang imo pagsalig mangin sa kay Iehoba,

Ginpahibalo ko sila karon sa imo man, hoo, sa imo gid.

20 ġWalā ko bala pagisulat sa imo ang labing maayo nġa mġa butang

Nahanunġud sa mġa laygay kag sa kinaadman,

21 Sa pagpahibalo sa imo sang kama-tooran, sang mġa pinolongān nġa matuud,

Agud nġa sarang ka makasabat tunġud sang mġa pinolongān nġa matuud, sa mġa nagapadalā sa imo.

22 Indi ka magpangawat sa imol, kay imol sia ;

Bisan pagdugmokon mo ang masulub-on sa gawang *sang banwa* ;

23 Kay si Iehoba magahukom sang kasaba nila,

Kag pagahublasan niya sang kalāg yadtong mġa naghublas sa ila.

24 Indi ka makigimpon sa tawo nġa maakigon,

Bisan sa tawo nġa may kaakig mag-buylog ka,

25 Basi pa makatoon ka sang iya mġa banas,

Kag makabaton ka sing siod nġa sa imo kalāg.

26 Indi ka magnangindira sa tunġa sang mġa nagapakpak sang kamut,

Sa tunġa sang mġa nagapalasalig sang mġa utang.

27 Kon walā ka sing sarang nġa inug-bayad,

ġKay nġa bala kuhaon nila ang banig nġa higdaan mo ?

28 Indi ka maglakbang sang daan nġa dulunan,

Nġa ginbutang sang imo mġa ginikanan.

29 ġNakakita ka bala sing tawo nġa maukud sa iya buluhaton ?

Sa atubangān sang mġa hari magapahayag sia ;

Walā sia didto sa atubangān sang mġa kubus sing kahimtangān.

**23** KON maglinkod ka sa pagkaon upud sang isa ka manuggahum,

Talupangda sing maayo ang yara sa imo atubangān :

2 Ibutang mo ang sundang sa imo to-tonlan,

Kon tawo ikaw nġa sobok.

3 Indi mo pagkaibugan ang iya mġa sud-an nġa manamit,

Kay kalan-on sila nġa malimbongon.

4 Indi ka magpangabudlay sa pag-pamangad ;

Untat ka sang imo mġa banta.

5 ;Ibutang mo bala ang imo mġa mata sa indi amo?

Kay ang mġa *mangad* nagahimo sing mġa pakpak sa iya; subung sang agila magalupad sila sa mġa langit.

6 Indi ka magkaon sang tinapay sang may mata nġa malauton,

Bisan magkaibug ka sang iya mġa sud-an nġa manamit;

7 Kay sono sang iya pakamahal sa iya kalġg, amo sia.

"Kaon kag uminum," magasiling sia sa imo,

Apang ang iya tagiposoon walġ sa imo.

8 Ang hunġit nġa ginakaon mo, pagaisuka mo,

Kag madula mo ang imo mġa malolo nġa mġa polong.

9 Indi ka maghutik sa mġa idulunġug sang buangbuang;

Kay pagatamayon niya ang kabutanang sang imo mġa tinotuyo.

10 Indi ka maglakbang sa daan nġa dulunan,

Bisan magsulġd ka sa palanġumhan sang mġa ilo;

11 Kay ang mamamawi nila makusug;

Nġa sia magaapin sang kasaba nila batok sa imo.

12 Ibutang ang imo tagiposoon sa tinon-an,

Kag ang imo mġa idulunġug sa mġa pinolonġan sang kinaadman.

13 Ayaw pagdumilii ang pagbadlong sa pamatan-on;

Kon bunalon mo sia sang bilogon, indi mamatay.

14 Ikaw magapilas sa iya sing bilogon,

Kag pagabawion mo ang iya kalġg sa inpierno.

15 Anak ko, kon ang imo tagiposoon maalam kġnta,

Ang akon man tagiposoon magakali-pay.

16 Ang akon mġa kasudlan magakasadya man,

Kon ang imo mġa bibig maghambal sing butang nġa matadlung.

17 Indi magkahisa ang imo tagiposoon sa mġa makasala,

Hinonoo *magpadayon* ka sa tanan nġa dag-on sa kahadluk kay Iehoba.

18 Kay, sa pagkamatuud gid, may palaabuton,

Kag ang imo paglaum indi pagutdon.  
19 Pamati-ka, anak ko, kag magma-alam-ka,

Kag dumalahi ang imo tagiposoon sa dalanon.

20 Indi ka didto sa tunġa sang mġa palainum sing alak,

Bisan sa tunġa sang mġa palakaon sing unud;

21 Kay ang palainum kag ang palakaon magaimol sila.

Kag ang katuyo magapapanaput sa ila sing panapton nġa gision.

22 Pamatii ang imo amay, nġa nagpanganak sa imo;

Kag indi pagtamaya ang imo ilġy kon magtigulang sia.

23 Bakla ang kamatooran, kag indi mo sia igbaligya,

Ang kaalam, ang tinon-an kag ang ihibalo.

24 Magakasadya ang amay sang matarung;

Kag ang magpanganak sa isa ka malam magakalipay tunġud sa iya.

25 Magkalipay ang imo amay, subung man ang imo ilġy,

Kag magkasadya ang babae nġa nagpanganak sa imo.

26 Ihatag sa akon, anak ko, ang imo tagiposoon,

Kag magpalahamuut ang imo mġa mata sa akon mġa dalanon;

27 Kay bobon nġa madalum amo ang bigaon,

Kag bobon nġa makitid ang dumulong nġa babae.

28 Sia man nagapamanġan subung sang makawat,

Kag nagapadamu sang kadamuon sang mġa mabudhion sa tunġa sang mġa tawo.

29 ;Sa kay sin-o bala ang mġa panghayhay? ;sa kay sin-o bala ang kasakit?

;Kay sin-o bala ang kasuayon? Sa kay sin-o bala ang panumbung?

;Sa kay sin-o bala ang mġa pilas sa walay kabangdanan?

;Sa kay sin-o bala ang pagpalamula sang mġa mata?

30 Sa mġa maluyagon kaayo sang alak,

Sa mġa nagakaladto sa pagpangita sing alak nġa sinamo.

31 Indi ka magtulok sa alak kon nagapamulapula,

Kon nagamutya sia sa tagayan,  
Kon nagailig nġa matanlas gid;



32 Apang sa katapusan magakagat sia subung sang man-ug,

Kag magasudlot subung sang dalitan nga man-ug.

33 Ang imo mga mata magatan-aw sang mga dumuluong nga babae,

Kag ang imo tagiposoon magahambal sing mga *butang* nga malinapason.

34 Kag magamanġinsubung ka sang nahagamyang sa alibutud sang dagat,

Kon subung sang nahagamyang sa ukbung sang isa ka palo sang sakayan.

35 Kag *magasiling ka*: "Ginpilas nila ako, kag walâ ako magbatyag sing kasakit;

Ginbunal nila ako, kag walâ ako makabatyag sing ano man.

ġSan-o bala magmata ako? Pangitaon ko pa ini liwan."

**24** INDI ka magkahisa sa mga tawo nga malain,

Bisan maghandum ka sa pagúpud sa ila;

2 Kay ang ila tagiposoon nagapamalandong sa pagpigos,

Kag kasakit ang ginahambal sang ila mga bibig.

3 Sa kaalam pagapatindugon ang baláy,

Kag sa ihibalo pagapalig-onon;

4 Kag tungud sa kinaadman pagapunon ang mga hulut

Sang tanan nga kaayohan nga mahal kag makapahamuut.

5 Ang tawo nga maalam makusug,

Kag ang tawo nga makinaadmanon nagapalig-on sang iya kagamhanan;

6 Kay tungud sang kabut-anan magapakigaway ka nga may kapuslanan sa imo,

Kag ang pagdaug yara sa kadamuan sang mga manuglaygay.

7 Ang kaalam lakas ka mataas nga sa buangbuang,

Sa gawang sang *banwa* indi sia magbukâ sang iya bâbâ.

8 Sa nagapasuhot sa paghimo sing malain,

Pagatawgon sia nga tawo nga manugpasuhot.

9 Ang pagpasuhot sang kabuangnan among salâ;

Kag kalangil-aran sa mga tawo ang mayubiton.

10 Kon magluya ka sa adlaw sang kabudlayan,

Ang imo kusug pagabuhinan.

11 Bawia ang mga ginapanguyud sa kamatayon,

Kag tabangi ang mga nagalakat, nga nagakadusmodusmo sa pulugutan.

12 Kon magsiling ka: Sa pagkama-tuud gid walâ kami makahibalo sini;

ġIndi bala mahanġup sang nagatimbang sang mga tagiposoon?

Kag ang nagabantay sa iya kalág, ġwalâ bala sia makahibalo?

Kag ġindi bala pagaihatag niya sa tawo, sono sang iya mga binuhatan?

13 Anak ko, kaon-ka sang dugos, kay maayo;

Kag ang nagatolo sa udlan manginmatam-is sa imo alingagnġag.

14 *Magamanġinamo ini* nga sa imo kalág, kon makakilala ka sang kaalam:

Kon makita mo sia, nagaangkon ka sing palaabuton,

Kag ang imo paglaum indi mautúd.

15 Ayaw pagput-i, malauton, ang puluy-an sang matarung,

Bisan paghapayon-mo ang iya palahuwayan.

16 Kay mapukan sing makapito ang matarung, kag nagabangon liwan,

Apang ang mga malauton nagakasan-dad sa kalainan.

17 Kon mapukan ang imo kaaway, ayaw ka pagkalipay;

Kag kon makasandad sia, indi magkasadya ang imo tagiposoon,

18 Basi pa kon makita ini ni Iehoba, kag indi makapahamuut sa iya,

Kag pabalikon niya ang iya kaakig gikan sa iya.

19 Indi ka magkaakig bangud sa mga malauton,

Bisan magkahisa ka sa mga malauton;

20 Kay sa malain walâ sing palaabuton:

Ang lamprahan sang mga malauton pagapalongon.

21 Kahadluk-ka, anak ko, kay Iehoba kag sa hari;

Kag ayaw ka pagpakigimpon sa mga maliwanon.

22 Kay sa hinali magatindug ang ila kalalat-an;

Kag ang kalaglagan nila nga duha ġsin-o bala ang nakahibalo?

23 Yari man karon ang mga polong sang mga maalam:

Ang pagpasulabi sing mga tinawo sa hulukmanan, indi maayo.

24 Ang magsiling sa malauton: "Matarung ka,"

Ang mġa banwa magapanghimalaut sa iya, kag ang kabanwaan magakangil-ad sa iya;

25 Apang ang mġa nagasabdong sa iya may kaayohan sila,

Kag sa ibabaw nila magaabut ang pagpakamaayo nġa kaayohan.

26 Nagahaluk sang mġa bibig  
Ang nagasabat sing mġa anġay nġa polong.

27 Ihanda ang imo buluhaton sa gowa  
Kag iaman-mo ini nġa sa imo sa l>tagon;

Kag sa olehe magapatindug ka mau sang imo baláy.

28 Indi ka magmanġinsaksi nġa walá sing kabangdanan batok sa imo isigkatowo,

Bisan paglimbonġan-mo sang imo mġa bibig.

29 Indi ka magsiling: "Subung sang ginhimo niya sa akon, amo man ang akon pagahimoon sa iya;

Pagaihatag ko sa tawo ang *bayad* sono sang iya binuhatan."

30 Nag-agi ako sa luyo sang palangumhan sang tawo nġa matamad,

Kag sa luyo sang kaubasan sang tawo nġa nawad-an sing ihibalo;

31 Kag yari karon, nġa talaptap na ang pagtúbô sang mġa tunok,

Dalamo na ang naglukup sa iya kadaygan,

Kag ang iya kudal nġa bató napukan na.

32 Kag sang pagkakita ko sini, nagpamalandong ako,

Nagtulok ako kag nakatoon ako:

33 Diyotay nġa katologon, diyotay nġa katuyo,

Diyotay nġa pagsampaway sang mġa kamut sa pagpahuway,

34 Kag magaabut subung sang buyong ang imo kaimolan,

Kag ang imo kinahanglan subung sang tawo nġa lupit.

Iban pa nġa mġa hulubaton ni Salomon.

**25** YARI man karon ang mġa hulubaton ni Salomon, nġa ginhuwad sila sang mġa tawo ni Esekias, nġa hari sa Iuda.

2 Himaya sang Dios amo ang pagtago sing mġa butang,

Apang himaya sang mġa hari amo ang pagusisa sang mġa butang.

3 Ang kataason sang mġa langit, kag ang kadadalman sang duta,

Kag ang tagiposoon sang mġa hari, walá sing katungkaran.

4 Kuhaa ang mġa buay sa pilak,  
Kag magagowa ang isa ka suludlan nġa sa manugtunaw.

5 Ipalayô ang malauton sa atubangan sang hari,

Kag ang iya lingkoran nġa harianon magabakud sa katarungan.

6 Indi ka magpadayaw sa atubangan sang hari,

Bisan maglingkod ka sa duug sang mġa kadalugkuan.

7 Kay maayo pa nġa silingan ka: "Saka-ka diri,"

Nġa pagpapanaugon ka sa atubangan sang dunganon,

Nġa ginatulok sang imo mġa mata.

8 Indi ka magpakigkasaba sing daso-daso,

Basi pa indi ka makahibalo sang pagabuhaton mo sa katapusan,

Sang pagpakahuy-an ka na sang imo isigkatowo.

9 Apini ang imo kasaba batok sa imo isigkatowo,

Kag indi mo igbutyag ang tinago sang iban,

10 Basi pa pagmulayon ka sang makabati,

Kag ang imo kahuluyan indi mapauli.

11 Mansanas nġa bulawan sa buluhaton nġa linala sa pilak

Amo ang polong nġa pinolong sa anġay nġa dag-on.

12 Singsing nġa bulawan kag huyas nġa bulawan nġa ulay,

Amo ang manugsabdong nġa maalam sa idulungug nġa matinumanon.

13 Subung sang katugnaw sang niebe sa dag-on sang ani,

Amo ang manugtunda nġa matutum nġa sa nagapadalá sa iya;

Kay nagapabugnaw sia sang kalág sang iya agalon.

14 Mġa gal-um kag hanġin, apang indi ulan,

Amo ini ang tawo nġa nagadayaw sing butig sa pagkaalwan.

15 Sa inanay sa kaakig nadaug ang dunganon,

Kag ang dila nġa mahomok naga-boong sang mġa tul-an.



16 ¿Nakakita ka bala sing dugos? Kan-a ang tuman lang sa imo,

Basi pa kon butlaon ka sa iya, kag isuka mo sia.

17 Haganhagana ang imo tiil sa baláy sang imo kasilingan,

Basi pa kon tak-an sia sa imo kag pagkaagikan ka niya.

18 Ang pakang, ang hinganiban kag baslay nga mataliwis,

Amo ang tawo nga nagasaksi sing butig batok sa iya isigkatawo.

19 Ngipon nga boong kag tiil nga madalin-ason,

Amo ang pagsalig sa mabudhion sa adlaw sang kalisdanan.

20 Ang nagakanta sing mga kalantahon sa tagiposoon nga masulub-on,

Subung sia sang nagauba sang panap-ton sa dag-on sang tugnaw,

Kon sang nagaula sing langaw sa ibabaw sang soda.

21 Kon gutumon ang nagadumut sa imo, pakaona sia sing tinapay;

Kag kon ginauhaw sia, hatagi sia sing tubig;

22 Kay mga бага ang pagatiponon mo sa ibabaw sang iya olo,

Kag si lehoba magabayad sini sa imo.

23 Ang hangin sa Aminhan nagapa-ulan,

Kag *subung man* ang dila nga malibakon nagahimo sing nawung nga makigon.

24 Maayo pa ang magpuyô sa isa ka suuk sang atup.

Sang sa isa ka daku nga baláy upud sang isa ka babae nga maawayon.

25 Subung sang mabugnaw nga tubig nga sa kalág nga nauhaw,

Amo ang maayong balita nga naga-halin sa malayô nga duta.

26 Tuburan nga malubug kag tubud nga mahigko

Amo ang matarung nga nagakadanlog sa atubangan sang malauton.

27 Ang pagkaon sing madamu nga dugos, indi maayo,

Kag ang pagpangita sing kaugalingon nga himaya among lulan.

28 Banwa nga ginuba kag walâ sing kuta,

Among tawo nga walâ magabutang sing pagpugung sa iya espiritu.

**26** SUBUNG sang niebe sa tingadlaw, kag subung sang ulan sa tig-alani,

Sa sini indi angay sa buangbuang ang himaya.

2 Subung sang maya sa iya paglibotlibot, subung sang salimbabatang sa iya paglupad,

Amo ini ang pagpakamalaut nga walâ sing kabangdanan walâ magaabut.

3 Ang tagsaon nga sa kabayo, ang sukima nga sa asno,

Kag ang bilogon nga sa mga likod sang mga buangbuang.

4 Indi ka magsabat sa buangbuang sono sang iya kabuangan,

Agud nga indi ka man magmangin-subung sa iya.

5 Sabta ang buangbuang, sono sang iya kabuangan,

Agud indi sia maghunahuna nga maalam sa imo mga mata.

6 Nagautúd sang mga tiil, nagainum sang iya ikadaut

Ang nagapadalâ sing balita sa kamut sang isa ka buangbuang.

7 Ang mga paa sang piang nagakabit; Amo man ini ang isa ka hulubaton sa bâbâ sang mga buangbuang.

8 Subung sang nagagapus sang bató sa halabyug,

Amo ang paghatag sing himaya sa buangbuang.

9 Subung sang sangâ nga tunukon nga binayaw sa kamut sang hubug,

Amo man ang isa ka hulubaton sa bâbâ sang mga buangbuang.

10 Ang manugpana nga nagapilas sang tanan,

Amo man ang nagahinakay sa buangbuang kag nagahinakay sa mga tiyog-tiyog.

11 Subung sang ido nga nagabalik sa iya suka,

Amo man ang buangbuang nga nagiwanliwan sang iya kabuangan.

12 ¿Nakakita ka bala sing isa ka tawo nga maalam sa iya kaugalingon nga mga mata?

Labi nga may paglaum sa isa ka buangbuang sang sa iya.

13 Nagasiling ang matamad: "May isa ka leon nga nagangurub sa dalan;

May isa ka leon sa tungâ sang mga dalanon."

14 Subung nga ang gawang naga-balikbalik sa iya tulungtungan

Amo man ini ang matamad sa ibabaw sang iya higdaan.

15 Ang matamad nagakamlut sang iya kamut sa pingan,

Apang ginabudlay sia sa pagpabalik sini sa iya sa bâbâ.

16 Labi pa nga maalam ang matamad sa iya kaugalingon nga mata,

Sang iban nga pito nga nagasabat nga may maayo nga ihibalo.

17 Subung sang nagadakup sa mġa dalungan sang isa ka ido,

Amo ang nagakaakig sa kasaba nga indi iya, sang nagaagi sia.

18 Subung sang buang nga ginaugtan, nga nagahaboy sing mġa agipo nga nagadabab,

Sing mġa baslay kag sang kamatayon,

19 Amo ini ang tawo nga nagalimbong sa iya isigkatawo,

Kag nga nagasiling: "¿Wala ako bala paghampangi?"

20 Sa makulangang ang gatong, magapalong ang kalayo;

Kag diin nga walâ sing palasugyot, nagauntat ang binangig.

21 Subung sang uling nga sa mġa бага, kag subung sang gatong nga sa kalayo,

Amo man ang tawo nga maawayon sa pagpadabdab sang kasaba.

22 Ang mġa polong sang mġa palasugyot subung sila sang mġa sud-an nga manamit,

Kag nagapanaug sila tubtub sa alibutud sang tiyan.

23 Subung sang buay sang pilak nga nagalapta sa langalanga,

Amo man ang mġa bibig nga mainiton kag ang tagiposoon nga madauton.

24 Sa iya mġa bibig ang nagadumut, nagahilum;

Kag sa sulúd niya nagatipon sia sing limbong.

25 Kon maghambal sia sing mainabyanon gid, ayaw sia pagpatha,

Kay pito ka kalangil-aran yara sa iya tagiposoon.

26 Ang dumut ginatago sa idalum sang balibad;

Sa katilingban mabuksan ang iya kalautan.

27 Ang magkutkut sing boho, maholog sia sa iya;

Kag ang bató magabalik sa nagapaligid sa iya.

28 Ang dila nga butigon nagadumut sa ginapilasan niya,

Kag ang bâbâ nga maoolohon nagakabangdanan sang kalaglag.

**27** INDI ka mag-andak sang adlaw nga buas;

Kay walâ ka makahibalo nga kon ano ang isa ka adlaw magapatubas.

2 Magdayaw sa imo ang iban, kag indi ang imo bâbâ,

Ang dumuluong, kag indi ang imo mġa bibig.

3 Mabug-at ang bató, kag mabug-at nga lulan ang balas;

Apang ang kaakig sang kulangkulang labi pa ka bug-at sa ila nga duha.

4 Kon mapintas ang kaakig kag mahinaw-ason ang kasingkal;

¿Sino bala ang nagatindug sa atubangan sang kahisa?

5 Maayo pa ang hayag nga pagsabdong,

Sang tinago nga gugma.

6 Ang mġa pilas nga nahimo sang nagahigugma, nagagikan sa pagkatutum;

Kag ang nga haluk sang nagadumut mġa masunsun.

7 Ang kalág nga busug nagasikway sang udlan sang dugos;

Apang sa kalág nga gutum ang tanan nga mapait, matam-is.

8 Subung sang pispis nga nagatalangtalang sa malayô sa iya pugad,

Amo ini ang tawo nga nagatalangtalang malayô sa iya duug.

9 Ang ihalapas kag ang pahamut nagalipay sa tagiposoon;

Amo man ang katam-is sang isa ka abyan nga ang iya laygay nga tinagiposoon.

10 Ayaw pagbayai ang imo abyar, bisan ang abyan sang imo amay;

Kag indi ka magsulúd sa baláy sang imo útud sa adlaw sang imo kalalat-an.

Maayo pa ang kasilingan nga malapit sang útud nga malayô.

11 Magamaalam ka, anak ko, kag pakalipaya ang akon tagiposoon;

Kag may polong ako sa pagsabat sa magapasipala sa akon.

12 Ang mainamanon nagatan-aw sang malain kag nagapanago;

Apang ang mġa kulangkulang nagatuna kag nagabaton sila sang daut.

13 Kuhaa ang panapton sang nanginmanugpasalig sa iban,



Kag kuhai sing inugpalig-on ang *manugpasalig* sa babae nga dumuluong;

14 Kon ang isa magpakamaayo sa iya abyan sa mataas nga tingug, nga nagabangon sing aga pa gid,

Pagaisipon ini sa iya nga pagkama-laut.

15 Dayon nga tolo sa adlaw gid sang ulan,

Kag ang babae nga makiawayon, nagaangay sila nga duha.

16 Ang nagapugung sa iya, nagapugung sang hangin,

Kag ang iya kamut nga too nagakita sing lana.

17 Ang salsalon sa salsalon nagatalum,

Kag ang tawo nagapatalum sang nawung sang iya abyan.

18 Ang nagabantay sang igera magakaon sang iya bunga,

Kag ang nagabantay sa iya ginoo, pagapadungan sia.

19 Subung sang, sa tubig, ang isa ka nawung *magakaanḡay* sa isa ka nawung,

Amo ini ang tagiposoon sang tawo, sa tawo.

20 Ang lulubngan kag ang kapahamakan indi nga mas-a magkalabusug;

*Amo ini* ang mga mata sang tawo nga walâ sing kabulusgan.

21 Ang tunawan nga sa pilak, kag ang dapog nga sa bulawan;

Manḡinsubung unta ang tawo nga sa bâbâ sang nagapadayaw sa iya.

22 Kon pagbayhon mo ang buang-buang sa isa ka losong nga may hal-o,

Sa tnnḡa sang uyas nga binayo,

Indi magapalayô sa iya ang iya kabuangan.

23 Magkilala-ka sing maayo sang buyhon sang imo mga obeha,

Kag magtalupangud ka sa mga piranong;

24 Kay indi nga sa gihapon ang mga bahandi,

Kag bisa pa ang purungpurung manginsa kaliwatan kag sa kaliwatan.

25 Ginapadalâ ang bungalon, kag nagapakita ang hilamon,

Kag ginatipon ang mga gamhon sa mga kabukiran.

26 Ang mga kordero mangin sa imo inugpanaput,

Kag ang mga tinday sang kanding nga sa bili sing latagon;

27 Kag tuman na ang gatas sang mga kanding nga sa imo kalan-on,

Nga sa kalan-on sang imo panimalây,

Kag nga sa inugsakdag sa imo mga sologoon.

**28** NAGAPALAGYO ang malauton, nga walay sino nga nagalagas sa iya;

Apang ang mga matarung mga masinalig-on sila subung sang leon.

2 Tungud sang pagkamalalison sang duta madamu ang iya mga dunganon;

Apang tungud sang tawo nga mahinantupon kag makinaadmanon magalawig ang ginharian.

3 Ang tawo nga imol, nga nagapigos sa mga makalolooy,

Amo ang ulan nga nagabaha kag indi nagabilin sing tinapay.

4 Ang mga nagabiya sang kasogoan, nagadayaw sa mga malauton;

Apang ang mga natatuman sang kasogoan, nagasuay sa ila.

5 Ang mga malain nga tawo indi makahangup sang katadlungan;

Apang ang mga nagapangita kay Iehoba, makahangup sang tanan.

6 Maayo pa ang imol nga nagalakat sa iya katadlungan,

Sang malauton nga nagahimo sang iya mga dalan nga tiko, bisan mangaranon sia.

7 Ang nagatuman sang kasogoan, among anak nga mahinangponon;

Apang ang nagaupud sa mga banyaga, nagapakahuya sa iya amay.

8 Ang nagapadamu sang iya mangad tungud sa pasaka kag *sa lakas* nga hinakay,

Ginatipon niya ini nga sa nagakalooy sa mga makalolooy.

9 Ang nagapabungul, agud nga indi magpamati sang kasogoan,

Ang iya gid nga pangamuyo among kangil-aran.

10 Ang nagapatalang sa mga matadlung sa dalan nga malain,

Maholog gid sia sa boho, nga iya kinutkutan.

Apang ang mga matadlung magapanubli sing kaayohan.

11 Ang tawo nga mangaranon maalam sia sa iya kaugalingon nga mga mata;

Apang ang makalolooy nga mahanatupon, nagausisa sini.

12 Kon magkalalipay ang mga matarung, daku ang himaya;

Apang kon pagpatindugon ang malauton, ginapapangita ang tawo.

13 Ang nagatabon sang iya mga paglapas, indi magauswag;

Apang ang nagatuad sa ila kag nagabiya sa ila, makadangat sing kalooy.

14 Bulahan ang tawo nga sa gihapon nagamahadlukon;

Apang ang nagapatig-a sang iya tagiposoon, maholog sa kalainan.

15 Ang leon nga naganurub, kag ang oso nga gutum,

Amo ang dunganon nga dimatarung sa ibabaw sang banwa nga makalolooy.

16 Ang dunganon nga kulang sing ihibalo, among daku nga manugpigis;

Apang ang nagadumut sang kakagud, magalawig sang iya mga adlaw.

17 Ang tawo nga napilpilan sang dugo sang tawo,

Tubtub sa lulubngan magapalagyo sia, nga walay sin-o nga magapugung sa iya.

18 Ang nagalakat sa katadlungan, manginmaluwas sia;

Apang ang malinapason sa iya mga dalanon, maholog sa gilayon.

19 Ang nagapanguma sang iya duta, mabusug sia sa tinapay;

Apang ang nagasunud sa mga liho-liho, mabusug sa kaimolan.

20 Ang tawo nga matutum nagabugana sang mga pagpakamaayo;

Apang ang nagadali sa pagmangad, indi pagkabigon nga walay sala.

21 Ang pagpasulabi sing tawo, indi maayo,

Kag sa isa lamang ka hungit nga tinapay nagamalalison ang tawo.

22 Ang tawo nga may mata nga madauton, nagadalidali sa pagdangat sang mangad,

Kag wala sia makahibalo nga magabut sa ibabaw niya ang kaimolan.

23 Ang nagasabdong sa tawo, sa olehe makakita sing bugay,

Labi sang tawo nga ang iya dila nagaloolo.

24 Ang nagapangawat sa iya amay kon sa iya iloy, kag nagasiling: "Indi paglapas ini,"

Kaupud sia sang tawo nga manuglaglag.

25 Ang kalag nga mahabukon nagapainit sing kaawayon;

Apang ang nagasalig kay Iehoba, pagapatambukon.

26 Ang nagasalig sa iya tagiposoon among buangbuang;

Apang ang nagalakat sa kaalam, magapalagyo.

27 Ang nagahatag sa imo, wala sing kasisit-an;

Apang nga sa nagapanago sang iya mga mata, magadagaya ang pagkamalaut.

28 Kon pagpatindugon ang mga malauton, magapanago ang mga tawo;

Apang kon magkaladula sila, ang mga matarung magadamu.

**29** ANG tawo nga sa masunsun ginasabdong, nagapatig-a sang tingkoy,

Sa hinali pagaboongon sia nga wala sing kalalangnan.

2 Kon magdagaya ang mga matarung, nagakalipay ang banwa;

Apang kon maggahum ang malauton, ang banwa nagapanghakroy.

3 Ang tawo, nga nagahigugma sang kaalam, nagalipay sa iya amay;

Apang ang nagakalipay sa mga bigaon, nagalaglag sa iya mga pagkabutang.

4 Ang hari tungud sa katadlungan, nagapalig-on sang kadutaan;

Apang ang tawo nga nagabaton sang halad nga binayaw, magalaglag sa iya.

5 Ang tawo nga nagaloolo sa iya isigkatawo,

Sihod ang ginaladlad niya sa atubangan sang iya mga tikang.

6 Sa pagkamalalison sang tawo nga malain may siod;

Apang ang matarung magahugyaw kag magakalipay.

7 Nakilala sang matarung ang katadlungan sang mga makalolooy;

Ang malauton wala makahanup sang kinaadman.

8 Ang mga mayubiton nagahuyup sing *dabdad* sa banwa,

Apang ang mga maalam nagalugpay sang kaakig.

9 Ang tawo nga maalam nga nagapakigsuay sa tawo nga buang,

Nga magpangakig kon magkadlaw sia, wala sia sing kapahuwayan.

10 Ang mga tawo nga makidugoon nagadumut sa tawo nga himpit,

Apang ang mga matadlung nagatabang sang iya kabuki.



11 Ang buangbuang nagapagowa sa iya bug-os nga kaakig,

Apang ang maalam nagapalinong sa iya, nga nagapugung sa iya.

12 Kon ang magagahum nagasapak sa polong nga kabutigan,

Ang tanan niya nga mġa alagad manginmalauton.

13 Ang imol kag ang manugpigis nagkitaay sila ;

Ang mġa mata nila nga duha ginaiwagan ni Iehoba.

14 Kon ang hari nagahukom sa mġa makalolooy sono sa kamatooran,

Ang iya lingkaran nga harianon sa gihapon magamanginmalig-on.

15 Ang bilogon kag ang pagsabdong nagahatag sing kaalam,

Apang ang bātā nga ginapasugtan, magapakahuya sa iya ilōy.

16 Kon ang mġa malauton nagadamu, nagadamu man ang pagkamalalison ;

Apang ang mġa matarung magatanaw sang pagkaholog nila.

17 Badlunga ang imo anak, kag magahatag sia sa imo sing palahuwayan ;

Kag magasadya sia sang imo kalág.

18 Kon walā sing *diosnon* nga pahayag, ang banwa walā sing sukima ;

Apang kon sia magtuman sang kaso-goan, bulahan sia.

19 Sa mġa polong indi mabadlong ang ulipon,

Kay nakahanġup sia sing maayo, apang walā sia magasapak.

20 Ĥ Nakakita ka bala sing tawo nga madalas sa iya mġa polong ?

Labi nga may paglaum sa buangbuang sang sa iya.

21 Ang nagaamoma sa iya ulipon kutub sa iya pagkabata,

Sa olehe manginiya anak.

22 Ang tawo nga maakigon nagapainit sing mġa kaawayon,

Kag ang tawo nga mainugtanon nagabugana sa mġa paglapas.

23 Ang palabilabi sang tawo nagapapubus sa iya,

Apang ang mapainubuson sa espiritu makadangat sing himaya.

24 Ang nagapakigambit sa makawat, nagadamut sang iya gid nga kalág.

Magapamati sia sang pagpakamalaut, kag indi niya ginapahayag ang bisan ano.

25 Ang kahadluk sang tawo nagaladlad sing siod ;

Apang ang nagasalig kay Iehoba iga-pahamtang sa duug nga mataas.

26 Madamu ang nagapanġita sang kalooy sang manuggahum,

Apang kay Iehoba nagagikan ang paghukom sang tawo.

27 Kalangil-aran sang mġa matarung amo ang tawo nga malauton ;

Kag kalangil-aran sang mġa malauton amo ang matudlung sa iya mġa dalanon.

Mġa polong ni Agur.

**30** ANG mġa polong ni Agur, nga anak ni Hake, ang tagna nga ginmitlang sa sadtong lalaki kay Itiel, kay Itiel kag kay Ukal.

2 Sa pagkamatuud gid, pakok pa ako labi sa bisan kay sin-o,

Bisan may ihibalo ako nga iya sang tawo.

3 Walā ako makatoon sing kaalam, Bisan nakakilala ako sang kinaadman sang Balaan.

4 Ĥ Sin-o bala ang nagsaka sa langit kag nagpanaug ?

Ĥ Sin-o bala ang nagkuum sang mġa hanġin ?

Ĥ Sin-o bala ang naghigot sa isa ka panapton sang mġa tubig ?

Ĥ Sin-o bala ang nagpalig-on sang tanan nga mġa ukbung sang duta ?

Ĥ Sin-o bala ang iya nġalan, kag ang nġalan sang iya anak, kon nakahibalo ka ?

5 Ang tanan nga polong sang Dios, ginulay.

Sia amo ang taming sang mġa nagapanilong sa iya.

6 Dili ka magdugang sa iya mġa polong,

Basi pa nga pagsabdonġon ka, kag nga madakpan ka nga butigon.

7 Duha ka butang ang ginpanġayo ko sa imo :

Ayaw ako pagdumili sa ila, sa walā pa ako namatay ;

8 Ipahilayo sa akon ang kadayawan kag ang polong nga butigon ;

Ayaw ako paghatagi sing kaimolan bisan mġa mangad ;

Saguda ako sang kan-on nga naga-kaigo sa akon,

9 Basi pa kon mabusug ako, kag

magdumili sa imo kag magsiling ako :  
 “;Sin-o bala si Iehoba?”

Kag basi pa nga, kon imol ako, mag-  
 pangawat ako,

Kag pasipalahan ko ang nḡalan sang  
 akon Dios.

10 Indi mo pagisumbung ang alagad  
 sa atubangḡan sang iya ginoo,

Basi pa pagpakamalainon ka niya,  
 kag makasalâ ka.

11 May kaliwatan nḡa nagapakama-  
 laut sa iya amay,

Kag sa iya ilôy walâ pagpakamaayo.

12 May kaliwatan nḡa matinlo sa ila  
 kaugalingon nḡa mḡa mata,

Kag sa iya kahigkoan walâ gid sia  
 matinloi.

13 May kaliwatan, ;daw ano ka ma-  
 tinaastaason ang iya mḡa mata ;

Kag ang iya mḡa ilalakub napanghi-  
 tad !

14 May kaliwatan nḡa ang iya mḡa  
 ngipon mḡa hinganiban, kag ang iya  
 mḡa bag-ang mḡa sundang.

Sa paghalunhon sa mḡa imol sa duta  
 kag sa makalolooy sa tunḡa sang mḡa  
 tawo.

15 Ang linta may duha ka anak nḡa  
 babae : “Dalha diri, dalha diri.”

Yari karon ang tatlo nḡa walâ maga-  
 kabusug,

Kag apat nḡa walâ gid magasiling :  
 Tuman na :

16 Ang lulubnḡan kag ang taguang-  
 kan nḡa baw-as,

Ang duta nḡa walâ magakabusug sang  
 tubig,

Kag ang kalayo nḡa walâ nḡa mas-a  
 magasiling : “Tuman na.”

17 Ang mata nḡa nagatiawtiaw sa  
 amay,

Kag nagatamay sa pagtuman sa ilôy,  
 Maglukat sa iya ang mḡa uwak sa

sapâ,  
 Kag kaonon sia sang mḡa anak sang

agila.

18 May tatlo ka butang nḡa lakas nḡa  
 makatilingala sila sa akon ;

May apat pa nḡa walâ ko makilala :

19 Ang dalan sang agila sa mḡa  
 hanḡin,

Ang dalan sang man-ug sa ibabaw  
 sang batô,

Ang dalan sang sakayan sa tunḡa  
 sang dagat,

Kag ang dalan sang tawo sa pamatan-  
 on nḡa babae.

20 Amo ini ang dalan sang babae nḡa  
 makihilawason :

Nagakaon sia, kag nagapaninlo sang  
 bâbâ,

Kag nagasiling : “Walâ ako maghimo  
 sing kalainan.”

21 Tunḡud sa tatlo ka butang naga-  
 kurug ang duta,

Kag sa apat pa nḡa indi niya sarang  
 madalâ :

22 Tunḡud sang ulipon kon maghari  
 sia,

Kag tunḡud sang buangbuang kon ma-  
 busug sang tinapay,

23 Tunḡud sang madumuton nḡa ba-  
 bae kon kaslon sia,

Kag tunḡud sang alagad nḡa babae kon  
 magpanubl sa iya agalon nḡa babae.

24 May apat ka butang nḡa tuman ka  
 magamay sa duta,

Kag sila mḡa punô gid sing kaalam :

25 Ang mḡa subay, banwa nḡa indi  
 mabakud,

Nḡa nagaaman sa tingadlaw sang iya  
 pagkaon ;

26 Ang mḡa damang, banwa nḡa  
 indi maisug,

Nḡa nagabutang sang iya baláy sa  
 pil-as ;

27 Ang apan, nḡa walâ sing hari,

Kag nagagowa sila nḡa tanan sa  
 panongpanong ;

28 Ang taguto nḡa nagapanḡapyut  
 ang mḡa kamut,

Kag yara sia sa mḡa baláy nḡa haria-  
 non sang mḡa hari.

29 May tatlo ka butang nḡa magayon  
 sing panikang ;

Apat pa nḡa magayon sing panlakat :

30 Ang leon nḡa makusug kag maisug  
 sa tunḡa sang mḡa kasapatan,

Nḡa walâ magaisol sa bisan kay sin-o ;

31 Ang kabayo sa pag-awayan nḡa  
 nasangkapan sang mḡa wagus ; kag ang

lalaki nḡa kanding man,

Kag ang hari nḡa batok sa iya walâ  
 gid sing nagabatô.

32 Kon sa pagkabuang gid naghimo  
 ka sa pagpakataas sa imo,

Kag kon naghunahuna ka sa paghimo  
 sing malain,

Itakup ang kamut sa bâbâ.

33 Kay ang nagalugay sang gatas,  
 naghimo sing mantika,

Kag ang nagalugay sang mḡa ilong,  
 nagapadugo sing dugo,



Kag ang nagalugay sing kaakig, nagapatubas sing kaawayon.

MĀ laygay sang iloy sang hari nġa si Lemuel  
sa iya anak.

**31** ANG mġa polong sang hari nġa si Lemuel: ang tagna nġa gintudlo sa iya sang iya ilōy.

2 ;Ano bala, anak ko? ;Ano bala, anak sang akon kasudlan?

Busa ;ano bala, anak sang akon mġa panaad?

3 Indi mo pagihatag sa mġa babae ang imo mġa kusug,

Bisan ang imo mġa dalanon sa babae nġa mġa nagalaglag sa mġa hari.

4 Indi sa mġa hari, oh Lemuel, Indi angay sa mġa hari ang maginum sing alak,

Bisan sa mġa dunganon ang paghandum sing ilimnon nġa makuhulubog:

5 Basi pa nġa maginum kag malipatan nila ang kasogoan,

Kag pagliwanon nila ang katadlungan sang bisan sin-o sang mġa mapainubuson.

6 Ihatag ang ilimnon nġa makahulubug sa nahanda sa pagkawālā,

Kag ang alak sa mġa yara sa kapaitan sa kalāg.

7 Maginum sila, kag magkalipat sila sa ila kaimolan,

Kag sa ila pagkamakalooloy indi na sila makadumdum.

8 Bukā ang imo bâbâ tungud sa apa, Tungud sang katarungan sang tanan nġa mġa anak nġa walay mananabang.

9 Bukā ang imo bâbâ, himoa ang katarungan,

Kag hukmi ang nasakitan kag ang makalooloy.

Pagdayaw sa babae nġa maugdang.

10 Ang babae nġa maisug, ;sin-o bala ang makakita sa iya?

Kay ang bili niya nagalabaw pa sa mġa mutya.

11 Ang tagiposoon sang iya bana nasalig sa iya,

Kag walā sa iya makulang ang inagaw.

12 Sia magahimo sa iya sang kaayohan kag indi ang kalainan,

Sa tanan nġa mġa adlaw sang iya kabuhi.

13 Nagapangita sia sing bulbul sang karnero kag lino,

Kag sa kabubut-on nagapangabudlay sia sa iya mġa kamut.

14 Nagamanginsubung sia sang sakayan sang manugbaligya:

Nagadaladalā sia sing tinapay gikan sa malayō.

15 Nagabangon sia sing gab-i pa, Kag ginapanagtag niya ang kalan-on sa iya panimaláy,

Kag ang pahat nġa buluhaton sa iya mġa sologoon.

16 Ginapasibosibo niya ang isa ka palangumhan kag ginabakal niya sia;

Kag sa bunga sang iya mġa kamut nagatanum sia sing isa ka kaubasan.

17 Nagawagkus sia sing kabakud sang iya mġa taludtud,

Kag ginapalig-on niya ang iya mġa butkon.

18 Nagahanġupsia nġa maayo ang iya pinangumahan.

Ang iya lamprahan walā magakapa-long sa kagab-ihon.

19 Ginabutang niya ang iya mġa tudlo sa polondan,

Kag ang iya mġa kamut sa bolongān.

20 Nagahumlad sia sang iya palad sa imol,

Kag ang iya mġa kamut ginatunghol niya sa makalooloy.

21 Walā magakahadluk sia sang niebe nġa sa iya baláy,

Kay ang iya bug-os nġa panimaláy nagauluslob sing panapton.

22 Sia nagahimo nġa sa iya sing mġa habol:

Lino nġa manipis kag eskarlata amo ang iya panapton.

23 Kilala ang iya bana sa mġa gawang sang *banwa*,

Kon maglingkod sia upud sa mġa tigulang sa duta.

24 Nagahimo sia sing mġa bayō, kag ginabaligya niya sila,

Kag ginatugyan niya ang mġa wagkus sa mġa manugbaligya.

25 Ang iya mġa panapton among kapag-unan kag kadunganan;

Kag magakadlaw sia sa mġa adlaw nġa palaabuton.

26 Ginbukā niya ang iya bâbâ nġa may kaalam,

Kag ang kasogoan sa pagkalooy yara sa iya dila.

27 Nagatatap sia sang paglakat sang iya panimaláy,

Kag walâ sia magakaon sang tinapay sa katamad.

28 Nagabalançon ang iya mğa anak, kag pagatawgon sia nğa bulahan ;

Kag ang iya man bana, nagadayaw sa iya :

29 "Madamu nğa mğa anak nğa babae ang ginatawag sing maisganon gid ;

Apang ikaw nagalabaw sa ila nğa tanan."

30 Malimbongon ang kaalakaya, kag walay pulus ang kaayoayo ;

Ang babae nğa nagakahadluk kay Iehoba, ina sia pagadayawon.

31 Hatagi sia sang bunga sang iya mğa kamut,

Kag magdalayaw sa iya ang iya kaugalingon nğa mğa binuhatan sa mğa gawang sang *banwa*.

## ANG

## MANUGWALI.

Kadayawan sang tanan nğa mğa butang nğa kalibutanon.

1 ANG mğa polong sang manugwali, nğa anak ni Dabid, nğa hari sa Irusalem.

2 Kadayawan sang mğa kadayawan, siling sang Manugwali ; kadayawan sang mğa kadayawan. Ang tanan kadayawan.

3 ; Ano bala ang kapuslanan sang tawo sa tanan niya nğa pagpangabudlay, nğa iya ginahimud-osan sa idalum sang adlaw ?

4 Ang isa ka kaliwatan nagaligad, kag ang isa ka kaliwatan nagaabut, kag ang duta nagapadayon sa gihapon.

5 Kag nagabutlak ang adlaw, kag nagakatunud ang adlaw ; kag nagadali sa iya duug, nğa didto sia nagbutlak.

6 Ang hanġin nagahuyup nayon sa Bagatnan, ugaling nagabalik sia nayon sa Aminhan ; nğa nagabuyong sa dalayon sa iya panlakatan, kag ang hanġin nagabalik liwan sa iya paglibotlibot.

7 Ang tanan nğa mğa subâ nagapalakadto sa dagat, kag ang dagat walay pagkapunô sa duug sa diin ang mğa subâ maghalalin, didto nagabalik sila sa ila pagilig.

8 Ang tanan nğa mğa butang mğa mabudlayon labi sang sarang masiling sang tawo. Ang mğa mata indi

mabusug sa pagtan-aw, bisan ang mğa idulungug mapunô sa pagpamati.

9 Ang nagligad, amo man ang magabut. Ang nahimo na, amo man ang pagahimoon : kag walâ gid sing bag-o sa idalum sang adlaw.

10 ; May butang bala nğa nahanunġud sa iya nğa sarang ikasiling : "Yari karon, ini among bag-o?" Nahimo na sia, sa mğa katuigan nğa nagûna sa aton.

11 Walâ sing palanumduman sang nag-agi, bisan man may palanumduman sang mğa manginamo sa olehe : walâ sing mabilin nğa halandumanan sa mğa manginmaolehe.

12 Ako, ang Manugwali, nanginhari ako sa ibabaw ni Israel sa Ierusalem,

13 Kag gintugyan ko ang akon tagipsoon sa pagusisa kag sa pagpangita nğa may kaalam sang tanan nğa ginahimo sa idalum sang mğa langit. Ining maiwat nğa buluhaton ginhatag sang Dios sa mğa inanak sang mğa tawo, agud nğa magpangabudlay sila sa iya.

14 Gintan-aw ko ang tanan nğa mğa buluhaton, nğa ginahimo sa idalum sang adlaw ; kag yari karon, ang tanan among kadayawan kag panikasug nğa walay pulus.

15 Ang tiko indi sarang matadlung kag ang nakulang indi sarang maisip.

16 Ako naghambal sa akon tagipsoon, nğa nagasiling : Yari karon



pinakadaku ako, kag nagtúbô ako sa kaalam labi pa sang tanan nga mga naúna sa akon sa Ierusalem; kag ang akon tagiposoan nakakita sing madamu nga kaalam kag kinaadman.

17 Kag gintugyan ko ang akon tagiposoan sa pagkilala sang kaalam, kag sa pagkilala sang dihibalo, kag sang kabuangan kag nakilala ko nga ini gid man among panikasug nga waluy pulús;

18 Kay sa daku nga kaalam may daku nga kalisud, kag kon sin-o ang nagadugang sing kinaadman, nagadugang man sing kasakit.

Ang kalipayan kag ang mga mangad indi nagahataz sing kabuahanan.

2 NAGSILING ako sa akon tagiposoan: "Kari-ka karon, kay pagatilawan ko ikaw nga may kalipay; kag magaagum ka sing kaayohan." Apang yari karon, ini among kadayawan man.

2 Nahanungud sang kadlaw nagsiling ako: "Buang ini"; kag nahanungud sa kalipay: "¿Ano bala ang kapuslanan niya?"

3 Nagpainoino ako sa akon tagiposoan sa pag-alila sa akon unud sang alak, sang ang akon tagiposoan pagdumalahan sang kaalam, kag sa pagsimpon sa kabuangan tubtub nga makita ko kon ano ang maayo nga paghimo sang mga anak sang mga tawo sa idalum sang langit sa kadamuon sang mga adlaw sang iya kabuhi.

4 Naghimo ako sang dalagku nga mga buluhaton: nagpatindug ako sing mga baláy nga sa akon, nagtanum ako sing kaubasan nga sa akon,

5 Naghimo ako sing mga katamnan kag mga parke nga sa akon, kag sa ila gintanum ko ang mga kakahoyan nga mabungahon sa tanan nga mga nagoan;

6 Naghimo ako sing mga danaw sang mga tubig, agud nga sa ila mabunyagan ang talon, nga didto nagatulúbô ang mga kahoy.

7 Nag-angkon ako sing mga alagad nga lalaki kag mga alagad nga babae; kag may akon ako sing mga anak nga lalaki nga nagkalatawo sa baláy; nagtagiya man ako sing dalagku nga pinanong sang kabakahan kag mga obeha, labi pa sa tanan nga mga naúna sa akon sa Ierusalem.

8 Nagtipon man ako nga sa akon sing pilak kag bulawan, ang bahandi sang mga hari kag sang mga probinsia. Nag-angkon ako sing mga manugkanta nga lalaki kag babae, kag sing mga kalipayan sang mga inanak sang mga tawo, sing isa ka asawa, hoo, madamu.

9 Kag nangindaku ako, kag nanginmangaran sing labi sa tanan nga mga naúna sa akon sa Ierusalem. Labut pa sini, nagpadayon sa akon ang akon kaalam.

10 Walâ ko pagpioti ang akon mga mata sang bisan ano nga butang nga ginahandum nila, bisan gindumilian ko ang akon tagiposoan sang bisan ano nga kalipayan; kay ang akon tagiposoan nagkasadya sang tanan ko nga buluhaton; kag ini amo ang nanginbahin na kon sa bug-os ko nga buluhaton.

11 Kag ginbalikid ko ang tanan ko nga mga binuhatan, nga ginhimo sang akon mga kamut kag sang pagpangabudlay, nga ginhimud-osan ko sa paghimo sa ila; kag yari karon ang tanan kadayawan kag panikasug nga walay pulus, kag walay bisan ano nga kapuslanan sa idalum sang adlaw.

12 Sang olehe nagbalikid ako sa pagtan-aw sang kaalam, kag sang dihibalo kag sang kabuangan (kay ¿ano bala ang pagahimoon sang tawo nga magasunod sa hari? Ang ginhimo na);

13 Kag nakita ko, nga ang kaalam nagalabaw sa kabuangan, subung sang suga sa mga kadudulman.

14 Ang mga mata sang maalam yara sa iya olo, apang ang buangbuang nagalakat sa kadudulman. Apang nahanangup man nakon, nga ang isa gid lang ka tabo nagakahanabu sa isa kag isa.

15 Niyan nagsiling ako sa akon tagiposoan: "Subung nga nahanabu sa buangbuang, mahanabu man sa akon; busa, ¿kay nga bala nanginmaalam ako sing labi sa iban? Kag nagsiling ako sa akon tagiposoan, nga ini kadayawan man.

16 Kay walay halandumanan sa gihapon bisan sa maalam, bisan sa buangbuang; sa mga umalabut nga adlaw pagakalipatan na ang tanan sa tapus na ang malawig nga dag-on. ¿Daw ano ang pagkapatay sang maalam subung sang buangbuang!

17 Ngani, gindumtan ko ang pagkabuhi; kay ang buluhaton nga ginahimo

sa idalum sang adlaw, nagapataka sa akon, tungud kay ang tanan among kadayawan kag panikasug nga walay pulus.

18 Subung man gindumtan ko ang tanan ko nga buluhaton nga ginahimud-osan ko sa idalum sang adlaw, nga dapat pagbayaan ko sa isa nga magailis sa akon.

19 Kag ¿sin-o bala ang makahibalo kon maalam sia kon buangbuang? Kag sia magaginoosang tanan ko nga mga buluhaton nga akon ginhimud-osan, kag nga ginhimo ko nga may kaalam sa idalum sang adlaw. Ini kadayawan man.

20 Ngani, nagbalik ako sa pagtugut sang pagdula sang paglaum sa akon tagiposoon nahanungud sang tanan nga buluhaton, nga akon ginhimud-osan sa idalum sang adlaw;

21 Kay may tawo nga ang iya buluhaton mahimo nga may kaalam, kag may kinaadman, kag may kapuslanan, kag walay sapayan pagaihatag niya ini sa isa ka tawo nga walâ gid maghimud-os sa iya subung nga bahin niya. Ini kadayawan man kag daku nga kalainan.

22 Ngani, ¿ano bala ang yara sa tawo sa tanan niya nga buluhaton kag kahulanan sa iya tagiposoon, nga ginhimud-osan niya sa idalum sang adlaw?

23 Kay ang tanan niya nga mga adlaw mga kasakitan, kag ang iya mga kinabudlayan mga kalisdanan; bisan pa sa kagab-ihon ang iya tagiposoon walâ magapahuway. Ini kadayawan man.

24 Walay butang nga maayo nga sa tawo, sa iya buluhaton, *kondi* nga magkaon kag maginum sia, kag nga magpagum sa iya kalâg sang kaayohan. Nakita ko man nga ini nagagikan sa kamut sang Dios.

25 Kay “¿Sin-o bala angsarang magkaon kag magkalipay kon indi ako?”

26 Kay sa tawo, nga maayo sa iya atubangan, ang *Dios* nagahatag sa iya sing kaalam, kag kinaadman kag kalipay; apang sa makasasalâ nagahatag sia sing kabudlayan sa pagtipon kag sa pagtumpok, agud nga pagihatag niya sa maayo sa atubangan sang Dios. Ini kadayawan man kag panikasug nga walay pulus.

Sa tanan nga mga butang may pinat-in nga dag-on sang Dios.

3 SA tanan nga mga butang may dag-on, kag may panag-on nga sa tanan nga katuyoan sa idalum sang langit:

2 Panag-on sa pagkataw, kag panag-on sa pagkamatay,

Panag-on sa pagtanum kag panag-on sa paggabut sang tinanum;

3 Panag-on sa pagpatay kag panag-on sa pagbulóng,

Panag-on sa pagguba kag panag-on sa pagpatindug;

4 Panag-on sa paghibi kag panag-on sa pagkadlaw,

Panag-on sa pagpanalabiton kag panag-on sa pagsaut;

5 Panag-on sa pagwaraag sang mga bató, panag-on sa pagtipon sang mga bató,

Panag-on sa paghakup kag panag-on sa pagbiya sa paghakup;

6 Panag-on sa pagpangita kag panag-on sa pagusik,

Panag-on sa pagtago kag panag-on sa pagpilák;

7 Panag-on sa paggisi kag panag-on sa pagtahi,

Panag-on sa paghipus kag panag-on sa paghambal;

8 Panag-on sa paghigugma kag panag-on sa pagpangakig,

Panag-on sa paginaway kag panag-on sa paghidaet.

9 ¿Ano bala ang kapuslanan sang nagapangabudlay, sa sadtong iya ginahimud-osan?

10 Nakita ko ang pangabudlayan, nga ginhatag sang Dios sa mga inanak sang mga tawo, agud nga pagbudlayan sila sa iya.

11 Ang tanan ginhimo niya, nga maayo sa iya panag-on; kag bisan pa ginbutang niya ang walay katapusan sa tagiposoon nila, nga indi ang tawo sarang makakita, kutub sang ginsuguran tubtub sa katapusan sang buluhaton nga ginhimo sang Dios.

12 Nakilala ko, nga walay maayo sa ila, kondi magpangalipay kag maghimo sing maayo sa iya pagkabuhi;

13 Kag labut pa, nga ang tanan nga tawo magkaon kag maginum man, kag mag-agum sang kaayohan sa tanan niya nga buluhaton, among hatag sang Dios.

14 Nakilala ko, nga ang tanan nga



ginahimo sang Dios, ina manginsa gihapon; walay bisan ano nga nagadugang, bisan ano nga pagbuhinan sa iya; kag ang Dios nagahimo *sini*, agud nga magkahadluk sila sa atubangan niya.

15 Ang nagaabut among nagaligad na; kag ang magaabut, nag-abut na; kag ang Dios nagapangita liwan sang nagligad na.

16 Kag labut pa, nakita ko sa idalum sang adlaw: sa duug sang hulukmanan, didto ang kalainan, kag sa duug sang katarungan, didto ang kalainan.

17 Nagsiling ako sa akon tagiposoon: Pagahukman sang Dios ang matarung kag ang malauton; kay may panag-on nga sa tanan nga katuyoan kag nga sa tanan nga buluhaton.

18 Nagsiling ako sa akon tagiposoon: *Amo ini*, bangud sang mga inanak sang mga tawo, agud nga pagtilawan sila sang Dios, kag agud nga makita nila gid nga sila *mga subung* sang sapat.

19 Kay ang nagakahanabu sa mga inanak sang mga tawo, kag ang nagakahanabu sa mga sapat, isa gid lamang sila ka tabo. Kon paano ang pagkamatay nila sini, amo man ang pagkamatay nila sadto, kag ang tanan may isa gid lamang ka pagginhawa; kag walâ sing nalabawan ang tawo sa sapat, kay ang tanan kadayawan.

20 Ang tanan nagakadto sa isa *lamang* ka duug. Ang tanan naggilikan sa yab-ok, kag ang tanan magabalik sa yab-ok.

21 ¿Sin-o bala ang nakahibalo sang espiritu sang mga anak sang mga tawo, nga nagasaka sa ibabaw kag sang espiritu sang mga sapat nga nagapanaug sa idalum sang duta?

22 Kag nakita ko, nga walay maayo sa sini: nga ang tawo magpangalipay sa iya mga binuhatan, kay ini amo ang iya pahat. Kay ¿sin-o bala ang magadalâ sa iya diri liwan, agud nga maaguman niya ang manginamo sa olehe niya.

Mga kalautan kag mga kasakitan sang kabuhi.

4 KAG nagbalik ako, kag nakita ko ang tanan nga mga pagpigis, nga ginahimo sa idalum sang adlaw; kag yari karon ang mga luha sang mga pinigos, kag sila walâ sing manuglipay. Kag sa kamut sang iya mga manupigis

yara ang kusug, kag nga sa ila walâ sing manuglipay.

2 Kag nagdayaw ako sa mga patay, nga nagkalamatay na, sing labi sa mga nagakalabuhi nga mga buhi pa sila.

3 Kag ginpakalabi ko nga maayo sa isa kag isa sa ila ang walâ pa magkabuhi, nga walâ sia makakita sang mga malain nga binuhatan, nga ginahimo sa idalum sang adlaw.

4 Subung man nakita ko, nga ang tanan nga buluhaton kag ang tanan nga kapuslanan sang mga binuhatan; ini among kahisa sang isa batok sa isa. Ini man kadayawan kag panikasug nga walay pulus.

5 Ang buangbuang nagasampaway sang iya mga kamut, kag nagakaon sang iya unud.

6 Maayo pa ang isa ka kamut nga punô sa kapahuwayan, sang duha ka kamut nga punô sang kabudlayan kag panikasug nga walay pulus.

7 Nagbalik ako liwan, kag nakita ko ang isa ka kadayawan sa idalum sang adlaw.

8 May tawo nga isa lamang, nga walâ sing upud; walâ man sing anak, bisan útud, kag *walay sapayan*, walâ sing katapusan sa tanan niya nga buluhaton; bisan ang iya mga mata nagakabusug sa mga mangad. Kag ¿kay nga bala nagahimud-os ako, kag ginadumilian ko ang akon kalág sang kaayohan? Ini man kadayawan kag maiwat nga buluhaton.

9 Labing maayo ang duha sang isa, kay may maayo sila nga sohol sa ila kinabudlayan.

10 Kay kon mapukan sila, ang isa nagabangon sa isa; apang kailo ang isa, nga kon mapukan, walâ sia sing kaupud nga magabangon sa iya.

11 Subung man, kon ang duha nagakatolog sing tingub, nagainit sila; apang ang isa ¿paano ang pagpainit-init niya?

12 Kag kon bisan sin-o maglugus sa isa nga isa lamang, ang duha magabatok sa iya; kag ang lubid nga tatlo ka apid, indî mabugto sing mahapus.

13 Maayo pa ang pamatan-on nga imol kag maalam, sang hari nga tigulang kag buangbuang, nga indî nakahibalo magtugut nga pagpawaan sia.

14 Kay naggikan sia sa baláy sang

mga binilango sa paghari, bisan pa natawo sia nga imol sa iya ginharian.

15 Nakita ko ang tanan nga mga nagakalabuhi, nga nagalalakat sa idalum sang adlaw upud sang pamatan-on, nga ikaduha, nga dapat magilis sa hari.

16 Walay katapusan sa sining tanan nga banwa, sa tanan nga sia yara sa ibabaw nila. Walay sapayan, ang magaalabut sa olehe, indi magakalipay sa iya. Kag ini man kadayawan kag panikasug nga walay pulus.

Sarisari nga mga laygay nga sa buhat.

5 ANDAMI ang imo tiil, kon magkadto ka sa Baláy sang Dios; kag pumalapit sa pagpamati, labi pa sa paghalad sing mga halad sang mga buangbuang, kay sila walá makahibalo nga nagahimo sila sing malain.

2 Dili ka magpakad alasang imo bâbâ, bisan ang imo tagiposoong indi magdali sa pagmitlang sing polong sa atubangan sang Dios; kay ang Dios yadto sa mga langit, kag ikaw sa ibabaw sang duta; ngani, manginpila lamang ang imo mga polong.

3 Kay subung sang sa kadam-an sang mga pangitan-an nagaabut ang damgo, amo man, sa kadamuan sang mga polong, ang tingug sang buangbuang.

4 Kon sa Dios maghimo ka sing panaad, ayaw ka pag-angsan sa pagtuman sa iya, kay sia walá magakahamuut sa mga buangbuang. Tumana ang imo ginapanug-an.

5 Maayo pa nga indi ka magpanaad, sang maghimo ka sing isa kag indi mo pagtumanon.

6 Indi mo pagitugut ang imo bâbâ sa pagpapakasalâ sa imo unud; bisan mag-siling ka sa atubangan sang manugtunda, nga nanginisa ka kasaypanan. Kay ngaa bala paakigon mo ang Dios bangud sang imo tingug, kag paglag-lagon niya ang binuhatan sang imo mga kamut?

7 Kay sa kadamuan sang mga damgo may kadayawan, kag amo man sa kadamuan sang mga polong; apang ikaw pagkahadluk ka sa Dios.

8 Kon makita mo sa probinsia ang pagpigus sa mga imol, kag ang pagpatiko sang katadlungan kag sang kata-rungan, indi ka magkatingala sang amo

nga pagginawi; kay sa ibabaw sang isa ka mataas, ang isa nga labing mataas nagalantaw, kag sa ibabaw nila ang Labing-Mataas.

9 Labut pa, ang kapuslanan sang duta iya sang tanan nga may isa ka hari nga sa mga latagon nga napanguma.

Mga painoino nabanungud sang makiyahon  
kag nabanungud sang mahikaw.

10 Ang nagahigugma sang pilak walâ magakabusug sang pilak, bisan ang nagahigugma sang kabugana magabusug sang patubas. Ini man kadayawan.

11 Kon magdamu ang mga pagkabutang, nagadamu man ang mga naga-kaon sa ila: kag ano bala nga kapuslanan ang makuha sang iya tagiya, kondi ang magtulok sa iya sang ila mga mata.

12 Matam-is ang katologon sang manugpangabudlay, sa diyotay kon madamu nga makaon niya; apang ang kabusug sang mangaranon indi nagatugut sa iya sa pagtolog.

13 May isa ka malain nga mapintas, nga nakita ko sa idalum sang adlaw: ang mga mangad nga natago sang iya tagiya, nga sa iya kaugalingon nga kadautan.

14 Kay madula inang mga mangad tungud sa isa ka malain nga tabo, kag kon nagpanganak sia sing isa ka anak nga lalaki, walâ gid sing mabilin sa iya kamut.

15 Subung sang iya paggowa sa tiyan sang iya ilôy, magabalik sia nga uba, nga magalakat sia subung sang iya pag-abut, kag walâ gid sing kuhaon sa iya kinabudlayan, nga sarang mabitbit sang iya kamut.

16 Kag ini man among isa ka malain nga mapintas, nga souo sang iya pag-abut, amo man ang iya pagtaliwan, kag ano bala ang kapuslanan sa paghimud-os nga sa hangin?

17 Labut sini, ang tanan niya nga mga adlaw ginakaon niya sa kadudulman, kag nagakasubu sia kaayo, naga-masakit sia kag nagakaakig sia sa iya.

18 Yari karon ang akon nakita: Nga nagakaigo kag maayo nga ang isa magkaon kag maginum, kag mag-agum sing kaayohan sa tanan niya nga kinabudlayan, nga iya ginhimud-osang sa idalum sang adlaw, sa kadamuan sang mga



adlaw sang iya pagkabuhi, nga ginhatag sang Dios sa iya; kay ina amo ang iya pahat.

19 Subung man, nahanungud sa tanan nga tawo, nga ginhatagan sang Dios sing mangad kag pagkabutang, ginhatagan man sia sing gahum sa pagkaon sa ila kag magkuha sang iya pahat, kag magkalipay sa iya buluhaton, amo ini ang hatag sang Dios.

20 Kay walay daku nga halandumon sang mga adlaw sang iya kabuhi, kay ang Dios nagasabat sa iya tungud sang kalipay sang iya tagiposoon.

Ang tawo dapat mag-agum sang mga mangad nga ginhatag sa iya sang Dios, apang iuing mga mangad indi sila makahatag sing himpit nga kabusug.

6 MAY isa ka malain, nga nakita ko sa idalum sang adlaw, kag naga-dagaya sia sa tunga sang mga tawo:

2 Ang isa ka tawo nga ginhatagan sia sang Dios sing mga mangad kag sing pagkabutang kag himaya, kag wala gid sing nakulang sang tanan nga ginandum sang iya kalag, apang wala sia pagtuguti sang Dios sing gahum sa pagkaon sa iya, kondi nga ang isa ka dumuluong magkaon sa iya. Ini kadayawan kag alantuson nga mapintas.

3 Kon ang tawo magpanganak sing ginatus, kag magkabuhi sing madamu nga mga tuig, sa bagay nga manginmadamu ang mga adlaw sang iya mga tuig, apang ang iya kalag indi mabusug sang kaayohan, kag labut pa mawad-an sia sing lulubngan; nagasiling ako, nga maayo pa sa iya ang naholog.

4 Kay nag-abut sia sa walay pulus, kag sa kadudulman magapakadto sia, kag ang iya gid ngalan pagatabunan sang kadudulman;

5 Bisan wala pa sia makita, bisan makilala sing adlaw; may kapahuwayan ini sia labi pa sa isa.

6 Kay kon magkabuhi sia sing isa ka libo ka tuig sing makaduha, kag indi makakita sing kaayohan, indi bala ang tanan magkadto sa isa lamang ka duug?

7 Ang tanan nga kinabudlayan sang tawo nagamangin sa iya baba; kag walay sapayan ang handum indi mabusug.

8 Kay anong kapuslanan bala sang

maalam nga labi sang buangbuang? ; Ano bala ang kapuslanan sang nalisdan, nga mahibalo maglakat sa atubangan sang mga nagakalabuhi?

9 Maayo pa ang itululuk sang mga mata sang paglibotlibot sang handum.

Ini man kadayawan kag panikasug nga walay pulus.

10 Ang pagkaamo nga sa karon ginhingadlan na ang iya ngalan; kag nahibaloan na nga sia among tawo lamang, kag indi sarang makapakigaway sa labing makusug pa sa iya.

11 Kay may madamu nga mga butang nga nagapabuad sang kadayawan. ; Ano bala ang kapuslanan sini sang tawo?

12 Kay ;sin-o bala ang nakahibalo nga kon ano ang maayo sa tawo sa pagkabuhi, sa kadamuan sang mga adlaw sang kabuhi sang iya kadayawan, nga sa ila sia nagaagi subung sang landong? Kay ;sin-o bala ang magabantala sa tawo sang magakahanabu sa olehe niya sa idalum sang adlaw?

Mga alantuson sang kabuhi.—Mga kapuslanan sang kasalam, kag ang pagkasarangsaran.

7 MAAYO pa ang maayong kadunungan sang ihalaplas nga malahalón, kag ang adlaw sang kamatayon, sang adlaw sang pagkatawo.

2 Maayo pa ang magkadto sa baláy sang lalaw, sang magkadto sa baláy sang kombirado;

Kay yadto amo ang katapusan sang tanan nga tawo,

Kag ang nagakabuhi, pagaibutang niya ini sa iya tagiposoon.

3 Maayo pa ang kasubu sang kadlaw;

Kay sa kasulub-an sang nawung nagamaayo ang tagiposoon.

4 Ang tagiposoon sang mga maalam yara sa baláy sang lalaw,

Apang ang tagiposoon sang mga buangbuang sa baláy sang kasadya.

5 Maayo pa ang magpamati sang pag-sabdong sang isa ka maalam,

Sang magpamati ang isa ka tawo sang kalantahon sang mga buangbuang.

6 Kay subung sang pagbiti sang mga tunuk sa idalum sang kolon,

Amo man ang kadlaw sang buangbuang. Ini man kadayawan.

7 Sa pagkamatuud gid, ang pagpigog nagapabuang sa maalam; kag ang amoma nagadunot sang tagiposoon.

8 Maayo pa ang katapusan sang isa ka butang sang iya pamunô;

Maayo pa ang mainantuson nga espiritu sang matinaastaason nga espiritu.

9 Indi ka magdali sa imo espiritu sa pagpaakig sa imo,

Kay ang kaakig nagapuyô sa dughan sang mga buangbuang.

10 Indi ka magsiling: "¿Ano bala ang kabangdanan nga ang mga panag-on nga nagligad nanginmaayo sang sini sa ila?"

Kay nahanungud sina, indi ka makapamangkot nga may kaalam.

11 Ang kaalam maayo subung sang isa ka panublion,

Kag may kapuslanan pa sa mga nagatan-aw sang adlaw.

12 Kay ang kaalam amo ang pasilon-angan, subung sang pilak pasilon-angan man;

Apang ang kapuslanan sang kinaadman amo,

Nga ang kaalam nagahatag sing kabuhi sa mga nagaangkon sa iya.

13 Pamalandunga ang binuhatan sang Dios.

Kay ¿sin-o bala ang sarang makatadlung sang iya ginpatiko?

14 Sa adlaw sang kaayohan agum-ka sang kaayohan,

Kag sa adlaw sang malain, pamalandonga.

Busa ginhimo sang Dios ang isa subung gid sang isa,

Agud nga ang tawo indi makasapo sing bisan ano sa olehe niya.

15 Ining tanan nakita ko sa mga adlaw sang akon kadayawan. May matarung nga nagakadula sa iya katarungan; kag may malauton nga nagalawig sang iya mga adlaw sa iya kalautan.

16 Indi ka magpakatarung sing palakas, bisan magpakaalam-ka sing lakas. ¿Kay nga bala magalaglag ka sa imo?

17 Indi ka magmalain sing lakas, bisan magmanginbuangbuang-ka, ¿kay nga bala magapakamatay ka sa walâ pa ang imo panag-on?

18 Maayo nga huptan mo yadto, kag nga ang imo kamut indi magbulag sini, kay ang nagakahadluk sa Dios, naghaling sa sining tanan nga mga butang.

19 Ang kaalam nagapabakud sa malam labi pa sang napulô ka gamhanan nga yara sa banwa.

20 Sa pagkamutuud gid, walâ sing tawo nga matarung sa duta, nga nagahimo sing maayo kag indi nagapakasalâ.

21 Subung man indi mo pagtalupangdon ang tanan nga mga polong nga pagaihambal, basi pa nga makabati ka sa imo alagad sa paghambal sing malain sa imo;

22 Kay nakahibalo man sing maayo ang imo tagiposoong, nga ikaw gid naghambal sing malain sa iban.

23 Ini nga tanan gintilawan ko tungud sa kaalam. Nagsiling ako: "Magamaalam ako." Apang sia nagpalayô sa akon.

24 Ang nagligad malayô kag madalum na, madalum. ¿Sin-o bala ang makalambut sa iya?

25 Nagbalik ako, kag *ginpatalupangud* ko ang akon tagiposoong sa pagkilala, kag sa pagusisa, kag sa pagpangita sang kaalam kag sang katarungan, kag sa pagkilala nga ang kalainan among kabuangan, pagkabuangbuang kag pagka-maulugton.

26 Kag nakita ko ang isa ka butang nga mapait pa sang kamatayon, ang babae nga ang iya tagiposoong amo ang mga siod kag mga sihod, kag ang iya mga kamut mga inuggapus. Ang maayo sa utabangan sang Dios makapalagyo sa iya; apang ang makasasalâ pagabilangon niya.

27 Tan-awa, ini nakita ko, siling sang Manugwali, nga *usisoong* ang mga butang sing isaisa sa pagpangita sang katarungan:

28 Amo ini ang ginapangita pa ang akon kalâg kag walâ ko sia makita. Ang isa ka tawo, sa tungâ sang isa ka libo nakita ko, apang ang isa ka babae, sa tungâ nila; nga tanan, walâ ko sia makita.

29 Yari karon, ini gid lamang ang nakita ko: nga ginhimo sang Dios ang tawo nga matadlung; apang sila nagpangita sang madamu nga mga padugi.

Ang pagtuman nga nahanungud sa hari.

8 ¿SIN-O bala ang subung sang malam? kag ¿sin-o bala ang nakahibalo sang kasaysayan sang isa ka butang? Ang kaalam sang tawo nagapasilaw sang iya nawung kag nagapabalhin sang katig-ahon sang iya nawung.

2 Nagasiling ako, nga bantayan mo



ang sogo sang hari, kag ina bangud sang panumpa *nga ginimo* nga sa Dios.

3 Indi ka magdalidali sa paghalin gikan sa atubangan niya; dili ka magpadayon sa butang nga malain; kay pagahimoon niya ang tanan nga iya naluyagan.

4 Kay ang polong sang hari may gahum, kag *sin-o* bala ang magasiling sa iya: "Anong imo ginahimo?"

5 Ang nagabantay sang sogo indi nagabatay sang butang nga malain, kag ang tagiposoon sang maalam nakakilala sang panag-on kag sang paghukom.

6 Kay sa tanan nga katuyoan may panag-on kag paghukom, kay ang kalautan sang tawo nagadagaya sa iya.

7 Kay walâ sia makahibalo sang mahabanu; kay *sin-o* bala ang magabantala sa iya kon paano ang magkahanabu?

8 Walay tawo nga may kagamhanan sa ibabaw sang espiritu sa pagpugung sa espiritu; bisan may gahum sia batok sa adlaw sang pagkamatay, kag walay pagtugut sa siuing pag-awayan; kag ang kalautan indi magaluwas sa mga nagpanugyan sa iya.

9 Ini nga tanan nakita ko, nga ginatalupangud ko ang tanan nga buluhaton nga ginahimo sa idalum sang adlaw. May panag-on nga ang mga tawo nagagalalahum sa ibabaw sang mga tawo nga sa daut nila;

10 Kag niyan nakita ko man ang mga malauton nga linubung; kag ang mga naghilimo sing maayo naggulowa kag nagpalayô sila sa balaan nga duug kag ginkalimutan sila sa banwa.

Ini man kadayawan.

Ang makasasala indi ginasilotan sa gilayon; kag ang matarung yara sa kasumpungan sing masunsun.

11 Kay sa gilayon indi pagahikuton ang paghukom batok sa malain nga buhat, tungud sini ang tagiposoon sang inanak sang tawo nahanda gid sila sa paghimo sang malain,

12 *Hoo*, tungud kay ang makasasalâ nagahimo sing malain sa makagatus, kag nagapalawig sia sang iya nga adlaw. Bisan pa nakahibalo ako, sing matuud gid, nga maykaayo ang mga nagakahadluk sa Dios, ang mga nagakahadluk sa atubangan niya.

13 Apang indi gid may kaayo ang malauton, bisan pagapalawigon niya ang iya mga adlaw. Manginsubung *sia* sang landong, tungud nga walâ sia mahadluk sa atubangan sang Dios.

14 May *isa* ka kadayawan nga nagakahanabu sa ibabaw sang duta: nga may mga matarung nga sa ila nagakahanabu, sono sa binuhatan sang mga malauton, kag may mga malauton nga sa ila nagakahanabu, sono sa binuhatan sang mga matarung. Nagsiling ako nga ini man kadayawan.

15 Kag, gindayaw ko ang pagkalipay, kay walâ na sing maayo sa tawo sa idalum sang adlaw, kondi nga ang magkaon, kag maginum, kag magkalipay, kag ini amo ang nahanungud sa iya sa iya kabudlayan, sa mga adlaw sang iya pagkabuhi, nga ginhatag sa iya sang Dios sa idalum sang adlaw.

16 Sang ginbutang ko ang akon tagiposoon sa pagkilala sang kaalam, kag sa pagtan-aw sang mga palangitan-an, nga ginahimo sa ibabaw sang duta (kay may yara nga bisan sa adlaw, bisan sa gab-i indi makakita sing katologon sa iya mga mata);

17 Niyan nakita ko ang bug-os nga binuhatan sang Dios, kon sayoron nga ang tawo indi sarang makahanup sang buluhaton, nga ginahimo sa idalum sang adlaw; bisan pa nga daku ang paghimud-os sang tawo sa pagpangita sa iya, indi sia makakita sa iya; kag bisan pa ang maalam magpakakilala, indi sarang sia makalambut.

Ang amo man nahanabu sa matarung nga sa dimatinooon. Agumon ta ang mga kaayohan, nga ginahatag sang Dios.

9 SA pagkamatuud ginbutang ko ang akon tagiposoon sa sini nga tanan kag gintilawan ko ini nga tanan, nga ang mga matarung kag ang mga maalam, kag ang ila mga binuhatan, yara sa mga kamut sang Dios; nga mangingugma kon nga mangindumut, walâ makahibalo ang mga tawo sing bisan ano. Ang tanan yara sa atubangan nila.

2 Ang tanan nagakahanabu sing alangay nga sa tanan: ang isa gid lamang ka tabo ang *nagakahanabu* sa matarung kag sa malauton, sa maayo kag sa matinlo, kag sa mahigko, sa nagahalad kag nga

sa walâ magahalad. Subung sang maayo, amo man ang makasasalâ; ang nagasumpa, subung sang nagakahadluk sang panumpa.

3 Ini among kalainan nga yara sa tungâ sang tanan nga ginahimo sa idalum sang adlaw, nga isa gid *lamang* ka tabo nagakahanabu sa tanan; kag subung man, nga ang tagiposoon sang mga inanak sang mga tawo punô na sang kalainan, kag may kabuangan sa ila tagiposoon sa sulûd sang ila pagkabuhi, kag sa olehe makadto sila sa mga minatay.

4 Kay i sin-o bala ang pinili? Ang tanan nga mga nagakalabuhi may paglaum; kay maayo pa ang ido nga buhi, sang leon nga patay.

5 Kay ang mga nagakalabuhi, nakahibalo nga magakalamatay sila; apang ang mga patay walâ gid sing nahibal-an; bisan may sohol pa sila, kay ang ila handumanan ginkalipatan.

6 Kag ang iya man gugma, subung sang iya dumut, subung sang iya kahisa, nawâlâ na, kag walâ na gid sila sing bisan ano nga bahin sa tanan nga ginahimo sa idalum sang adlaw.

7 Lakat-ka, kaon-ka nga may kalipay sang imo tinapay, kag inum-ka nga may malipayon nga tagiposoon sang imo alak; kay dugay na nga ang Dios nahamuut sang imo mga binuhatan.

8 Sa tanan nga panag-on magmangin-maputi ang imo mga panapton, kag indi nga mas-a makulangan sing hiso ang imo olo.

9 Agum-ka sang pagkabuhi upud sang imo asawa, nga ginahigugma mo, sa tanan nga mga adlaw sang imo kabuhi nga kadayawan, nga ginhatag sa imo sa idalum sang adlaw, ang tanan nga mga adlaw sang imo kadayawan; kay ini amo ang imo pahat sa pagkabuhi kag sa imo kinabudlayan, nga imo ginahimud-osan sa idalum sang adlaw.

10 Tanantanan nga makita nga hili-moon sang imo kamut, himoa sia sang imo kusug; kay sa lulubngan, nga imo kadtoan, walay buluhaton, bisan paino-ino, bisan kinaadman, bisan kaalam.

11 Nagbalik ako kag nakita ko sa idalum sang adlaw, nga indi sa mga madasig ang pagdalagan, bisan sa mga makusug ang paginaway, bisan man sa mga maalam ang tinapay, bisan man sa mga mahantupon ang mangad, bisan man sa mga maalam ang paha-

nayon; kondi nga ang panag-on kag ang kahigayonan nagakahanabu sa ila nga tanan.

12 Kay ang tawo indi makakilala sang iya dag-on, nga subung sia sang mga isda, nga nadakpan sa pukot nga makamamatay, kag subung sang mga pispis nga nadakpan sila sa siod; amo man pagaihigut ang mga inanak sang mga tawo sa malain nga panag-on, kon sa hinali maholog ini sa ibabaw nila.

13 Nakita ko man ini nga kaalam sa idalum sang adlaw, kag daku sia sa banta ko:

14 May isa ka banwa nga diyotay, kag ang mga tinawo sa iya nga pila lamang, kag nag-abut batok sa iya ang isa ka daku nga hari, kag ginlibutan niya sia, kag nagpatindug sia sa iya sing dalagku nga mga buluhaton sa kabakuran.

15 Kag may didto nga isa ka tawo nga imol kag maalam, nga ginluwas niya ang banwa tungud sang iya kaalam; kag walâ sing bisan sin-o nga nakadumdum sadtong kailo nga tawo.

16 Kag nagsiling ako: Maayo pa ang kaalam sang kusug, bisan pa ang kaalam sang imol ginatamay, kag ang iya mga polong indi ginapamatian.

17 Ang mga polong sang mga maalam ginapamatian sa kalinong sing labi sang siningit sang nagapakagino sa mga buangbuang.

18 Maayo pa ang kaalam sang mga hinganiban sa pag-awayan; apang ang isa ka makasasalâ nagalaglag sing dalagku nga kaayohan.

Ang kabuangan amo ang kabangdanan sing tanan nga bagay sang mga pagkawalay pa'ala.

**10** ANG mga langaw nga patay nagapalang-ug kag nagapabaho sang ihalapas sang manugpahamut;

Ang diyot nga pagkabuangbuang labing mabug-at sang kaalam kag himaya.

2 Ang tagiposoon sang maalam yara sa iya too;

Apang ang tagiposoon sang buangbuang yara sa iya walâ.

3 Kag sang nagalakat pa ang buangbuang sa iya dalanon, nakulang sa iya ang iya ihibalo

Kag nagasiling sia sa tanan: "Yari karon ang isa ka buangbuang."



4 Kon ang espiritu sang maggagahum maakig batok sa imo, indi pagbayai ang imo duug,

Kay ang kahagup magapugung sang dalagku nga mga salá.

5 May isa ka kalainan nga nakita ko sa idalum sang adlaw,

Subung sang sayup nga nagagikan sa manuggahum:

6 Ang kabuangan nga nahamtang sa dalagku nga kataason,

Kag ang mga mangaran nga nagalingkod sa duug nga mapainubuson.

7 Nakita ko, nga nagakalabayo ang mga alagad,

Kag nga ang mga dunganon nagalakat subung sang mga alagad sa ibabaw sang duta.

8 Ang nagakutkut sing boho, maholog sa iya;

Kag ang man-ug nagakagat sang nahahimo sing litik sa kuta.

9 Ang nagakali sang mga bató, ginapilas sia nila.

Kag ang nagabis-ak sang gatong, sa iya manginmay katalagman sia.

10 Kon ang salsalon naluso, kag indi mabaid,

Niyan magakinahanglan sing labi nga kusug;

Apang ang kaalam mapuslanon sa pagmando.

11 Kon ang man-ug magkagat sa walá pa mawili sia,

Walá gid sing kapuslanan ang iya manugwili.

12 Ang mga polong sa bâbâ sang malam mga bugay sila;

Apang ang mga bibigsang buangbuang amo ang nagatolon sa iya.

13 Ang pamúnô sang mga polong sang iya bâbâ among kabuangan;

Kag ang katapusan sang iya paghambal among kabuangan nga makadalaut.

14 Ang buangbuang magapadamu sing mga polong.

Walá makahibalo ang tawo kon ano ang magaabut;

Kag ang mahanabu sa olehe niya, ¿sin-o bala ang makapahibaño?

15 Ang pagpangabudlay sang mga buangbuang, nagapabudlay sa ila,

Kay walá sila makahibalo sa pagpakadto sa banwa.

16 Kailo ka, duta, nga ang imo hari isa ka bátâ,

Kag ang imo mga dunganon nagakalaon kutub sa aga.

17 Bulahan ka, duta, nga ang imo hari among anak sang mga lutaw,

Kag ang iya mga dunganon nagakalaon sa oras nga nagakaigo nga sa kabaskug kag indi nga sa paginum.

18 Tunğud sang katamad nagakaholog ang atup,

Kag tunğud sa kaluyahon sang mga kamut nagatolo ang baláy.

19 Tunğud sang paglingawlingaw ginahimo ang kombirado, kag ang alak nagalipay sa kabuhi;

Kag ang pilak ginagamit sa tanan.

20 Dili ka magpakamalaut sa hari, bisan sa imo hunahuna,

Bisan magpakamalaut ka, sa imo hulut, nga didto nagahigda ka, sang mangaranon;

21 Kay ang pispis sang langit magadalá sang tingug,

Kag ang sapat nga pakpakan magabalita sini sa mga polong.

Paghimeon ta ang maayo, nga may panag-on pa kita.

**11** IHABOY ang imo tinapay sa ibabaw sang kadaygan sang mga tubig,

Nga sa lumigad na ang madamu nga mga adlaw, makita mo sia.

2 Ipamahat ini sa pito, kag bisan sa walo;

Kay walá ka makahibalo kon ano nga malain ang maabut sa ibabaw sang duta.

3 Kon ang mga gal-um nabug-atan sang ulan, pagaiula nila sia sa ibabaw sang duta;

Kag kon ang isa ka kahoy mapukan nayon sa Bagatnan kon nayon sa Aminhan,

Sa duug diin mapukan ang kahoy, didto magapabilin sia.

4 Ang nagapanilag sang hanġin, indi magtanum;

Kag ang nagatulok sa mga gal-um, indi mag-ani.

5 Subung nga ikaw walá makahibalo kon ano ang dalan sang hanġin,

Bisan kon paano ang pagtúbô sang mga tul-an sa tiyan sang ginabusung, indi ka man sarang makakilala sang mga binuhatan sang Dios, nga ginahimo niya ang tanan.

6 Kutub sa kaagahon itanum ang imo binhi,

Kag sa kahaponon indi mo pagpapa-huwayon ang imo kamut ;

Kay walâ ka makahibalo kon ano ang magapulul, ini kon yadto,

Kon sila nga duha nagakaangay gid nga maayo.

7 Sa pagkamatuud, matam-is amo ang kapawa,

Kag maayo sa mga mata ang magtan-aw sang adlaw.

8 Kay kon ang tawo magkabuhi sing madamu nga mga tuig, magkalipay sia sa ila nga tanan ;

Apang magpanumdum sia sang mga adlaw sang kadudulman, nga magama-nginmadamu sila.

Ang tanan nga magaabut among kadayawan.

9 Pamatan-on, magpangalipay-ka sa imo pagkapamatan-on,

Kag ang imo tagiposoon magbulahan sa imo sa mga adlaw sang imo pagkapamatan-on :

Kag lakat-ka sa mga dalanon sang imo tagiposoon,

Kag sono sa itululuk sang imo mga mata :

Apang mahibaloan mo, nga tungud sining tanan nga mga butang, pagadal-hon ka sang Dios sa paghukom.

10 Busa, ipalayô ang kasubo sa imo tagiposoon,

Kag ipalayô sa malayô sa imo unud ang kalainan.

Kay ang pagkapamatan-on kag ang pamanagbanag mga kadayawan sila.

Ang mga pamatan-on dapat mag-amao nga sa ka-tiguiangon kag nga sa kamatayon.

**12** MAGPANUMDUM-ka man sa imo Magbubuhay sa mga kaadlawan sang imo pagkapamatan-on,

Sa walâ pa mag-abut ang mga adlaw nga malain, kag mag-abut ang mga tuig,

Nga sa ila magsiling ka : "Walâ ako sa ila sing kalipayan" ;

2 Sa walâ pa magdulum ang adlaw, kag ang kapawa, kag ang bulan kag ang mga bitoon,

Kag ang mga gal-um magbalik sa ole-he sang ulan,

3 Mga adlaw nga magakulurug ang mga bantay sang baláy,

Kag magadulunguk ang mga tawong makusug,

Kag magadululog ang mga nagagala-ling, kay diyotay lang sila,

Kag magadululum ang mga nagaga-lawa sa mga talambuan,

4 Kag pagapanakpan ang mga ga-wang sang dalan,

Kon magmahinay ang kagahud sang galingan ;

Nga sa tingug sang pispis pagapaba-ngon ; kag pagapahinayon ang tanan nga manugkanta nga mga babae ;

5 Nga magakahadluk man sang mga taklaron,

Kag magakakugmat sang mga da-lanon,

Kag magapamulak ang almindro, Kag magamanginisa ka lulan ang apan,

Kag madula ang kanamit sa pagkaon, Kay makadto ang tawo sa iya puluy-an nga dayon,

Kag ang mga manugpanalabiton magalakat sa palibot sang balaligyaan ;

6 Sa walâ pa mabugto ang talikala nga pilak,

Kag maboong ang yahong nga bula-wan,

Kag ang bangâ mabuka sa luyo sang tuburan,

Kag ang aliling mautúd sa ibabaw sang bobon,

7 Kag ang yab-ok magbalik sa duta, subung nga amo sia anay,

Kag ang espiritu magbalik sa Dios, nga naghatag sa iya.

8 Kadayawan sang mga kadayawan, siling sang Manugwali, ang tanan kadayawan.

—o—

9 Kag labut pa, nanginmaalam ang Manugwali.

Gintudlo pa niya ang kinaadman sa banwa, kag gintimbang niya, kag gintungkad niya kag naghuman sang madamu nga mga hulubaton.

10 Naghimulat ang Manugwali sa pagpangita sing mga makahamuut nga mga polong, kag ang napanulat nga may katarungan among polong sang kama-tooran.

11 Ang mga polong sang mga maalam subung sang mga suyak,

Kag subung sang mga lansang nga nalansang amo ang mga magtotoon sang mga katilingban,

Nga ginhatag sila gikan sa isa lamang ka Manugtatap.



12 Labut sini, anak ko, paglaygayan ka. Walay katapusan ang maghimo sing madamu nga mga tolon-an, kag ang madamu nga pagtoon kabudlayan ina sang unud.

13 Ang katapusan sang pololongon: pamtian ta ang kabilogan sini.

Magkahadluk ka sa Dios kag tumana ang iya nga sogo,

Kay ini amo ang tanan sang tawo;

14 Kay ang tanan nga binuhatan pagadalhon sang Dios sa hulukmanan upud sang tanan nga natago, bisan maayo, bisan malain sia.

## ANG

## KALANTAHON

### SANG MGA KALANTAHON.

Ang asawa nagapanghayhay tungud sa iya bana kag ginapangeta niya sia.

1 ANG kalantahon sang mga kalantahon nga nahanungud kay Salomon.

2 Halukan niya ako sang mga haluk sang iya babâ,

Kay labing maayo ang imo mga paghigugma sang alak.

3 Ang imo mga kahamut among mga baho nga labing maayo,

Ihalaplas nga inula among imo ngalan.

Tungud sini ang mga kadalagahan nagahigugma sa imo.

4 Guyura ako; sa olehe nimo magadinalagan kami.

Ginpasulud ako sang hari sa iya mga hulot.

Magakalasadya kami kag magakalali-pay kami sa imo.

Pagahandumon namon ang imo mga paghigugma labi sang alak.

Sa katadlungan nagahigugma sila sa imo.

—o—

5 Mga anak nga babae sa Ierusalem, maitum ako, apang kailigban,

Subung sang mga layanglayang sa Kedar,

Subung sang mga kumbung ni Salomon.

6 Indi ninyo pagmulalungon nga ako maitum,

Kay ginsunog ako sang adlaw,

Ang mga anak nga lalaki sang akon iloy nagkalaakig batok sa akon,

Ginbutang nila ako nga bantay sang mga kaubasan;

Ang akon kaubasan, nga akon gid, walâ ko pagbantayi.

7 Pahibaloa ako, oh ikaw nga ginahigugma sang akon kalag,

Nga diin ka nagapahalab, diin ka nagapahuway sang imo nga obeha sa udtong adlaw;

Kay, kay nga bala magmanginsubung ako sang natabunan,

Malapit sang mga pinanong sang imo mga kaupdanan?

8 Kon ikaw walâ makahibalo, oh labing magayon sa mga kababainan,

Gowa-ka sa mga agi sang pinanung,

Kag pahalba ang imo mga magamay nga kanding malapit sang mga puluy-an sang mga manugbantay.

—o—

9 Ginapakaangay ko ikaw, abyan ko, sa mga kabayo nga pinunihan sa mga kanga ni Paraon.

10 Mga magayon ang imo mga pisngi sa tungâ sang mga talikala nga nagakalabit,

Ang imo liog sa tungâ sang mga kolintas nga mga mutya.

11 Mga talikala nga bulawan pagahimoon namon sa imo,

Nga may mga tumbok nga pilak.

12 Sang ang hari didto pa sa iya latok,

Ang akon nardo naghatag sang iya hamut.

13 Ang akon nahagugmaan nga sa akon among binugkos nga mira,

Nga nagatungtung sa tunḡa sang akon mḡa dughan.

14 Pinungpung nḡa mḡa bulak nḡa koper, sa mḡa kaubasan sa En-gedi,

Among akon nahagugmaan nḡa sa akon.

15 Yari karon, ikaw among magayon, hinigugma ko,

Yari karon, ikaw among magayon.

Ang imo mḡa mata subung sang mḡa salampati.

16 Yari karon, ikaw among magayon, hinigugma ko, kag mayuyum man.

Hoo, ang aton higdaan among lumbay.

17 Ang mḡa balagbag sang aton baláy mḡa sedro,

Kag mḡa sipres ang aton mḡa pagbo.

**2** AKO among narsiso sa Saron,

Kag ang lirio sang mḡa nalupyakan.

2 Subung sang lirio sa tunḡa sang mḡa katunukan,

Amo ini ang akon abyan sa tunḡa sang mḡa kadalagahan.

3 Subung sang mansanas sa tunḡa sang mḡa kahoy nḡa talonon,

Amo ini ang akon nahagugmaan sa tunḡa sang mḡa pamatan-on.

Ginhandum ko ang iya landong kag naglingkod ako sa iya,

Kag ang iya bunga matam-is sa akon alingangag.

4 Ginpasulúd niya ako sa hulut sang alak,

Kag ang iya bandera sa ibabaw nakon among gugma.

5 Sakdaga ako nḡa may mḡa tinapay *nḡa ubas nḡa binulad*.

Paisuga ako nḡa may mansanas, kay masakit ako sa paghigugma.

6 Ang iya walá ginaunlan sang akon olo,

Kag ang iya too nagahakus sa akon.

7 Ako nagapanumpa sa inyo, oh mḡa anak nḡa babae sa Ierusalem,

Tunḡud sa mḡa gasela kag tunḡud sa mḡa usa sang latagon,

Nḡa indi kamo magpamata, bisan magpapulaw kamo sang akon gugma,

Tubtub nḡa maluyag sia.

—o—

8 Ini amo ang tinḡug sang akon hinigugma. Yari karon, sia nagapakari,

Nḡa nagalumpat sa ibabaw sang mḡa bukid, kag nagalukso sa ibabaw sang mḡa kabakoloran.

9 Ang akon hinigugma katulad sia

sang gasela, kon sang tinday sang mḡa usa.

Yari karon, sia amo ang yara sa likod sang aton dingding,

Nḡa nagalantaw sa mḡa talambuan,

Nḡa nagalingling sa mḡa balatibat.

10 Ang akon hinigugma naghambal, kag nagsiling sa akon:

Tindug-ka, abyan ko, magayon ko, kag kari-ka.

11 Kay yari karon, nagligad na ang tugnaw,

Natapus na ang ulan kag naglakat na.

12 Ang mḡa kabulakan nagpalahayag sa duta,

Ang panag-on sa pagkanta nag-abut na,

Kag ang tinḡug sang tokmo nabatian sa aton kadutaan.

13 Ang igera nagapaluto na sang iya bunga sa panugnaw,

Kag ang mḡa kaubasan sa pamulak nagapalanghamut na.

Tindug-ka, abyan ko, magayon nakon, kag kari-ka.

14 Salampati nakon, nḡa yara ka sa mḡa panilonḡan sang bató, sa mḡa tala-goan sang mḡa duug nḡa pil-ason,

Ipahayag sa akon ang imo nawung, papamatia ako sang imo tinḡug;

Kag matam-is ang imo tinḡug, kag magayon ang imo bayhon.

15 "Kuhai-kami sang mḡa milo, sang mḡa milo nḡa magamay, nḡa nagalaglag sa mḡa kaubasan;

Kay ang amon mḡa kaubasan naga-pamulak."

16 Ang akon nahagugmaan, akon gid, kag ako iya; sia nagapahalab sa tunḡa sang mḡa lirio.

17 Tubtub nḡa ang *hanḡin* sang adlaw maghuyup kag magpalalagyo ang mḡa landong,

Balik-ka. Hinigugma ko, magpakasubung ka sang gasela, kon sang tinday sang mḡa usa,

Sa ibabaw sang mḡa kabukiran sang pagkabulag.

**3** SA akon higdaan, sa mḡa kagabihon, ginpanḡita ko ang ginahigugma sang akon kalág;

Ginpanḡita ko sia, kag walá ko sia makita.

2 "Magabangon ako, kag pagalibuton ko ang banwa;



Sa m̄ga dalan, kag sa m̄ga balalig-yaan.

Pagapangitaon ko ang ginahigugma sang akon kalág."

Ginpan̄gita ko sia, kag walà ko makita.

3 Nakita ako sang m̄ga bantay, n̄ga nagalibot sa banwa,

Kag *ginsilingan ko sila*: "¿Nakita bala ninyo ang ginahigugma sang akon kalág?"

4 Lamang nakaligad ako sa ila sing diyot,

Sang makita ko ang ginahigugma sang akon kalág.

Nagdakup ako sa iya, kag walà ko sia pagbulagi,

Tuhtub n̄ga napasulúd ko sia sa baláy sang akon ilóy,

Kag sa hulut n̄ga ginpan̄gankan sa akon.

5 Ako nagapanumpa sa inyo, m̄ga kadalagahan sa Ierusalem,

Tun̄gud sang m̄ga gasela, kon sang m̄ga usa sang latagon,

N̄ga indi kamo magpamata, bisan magpukaw kamo sang akon gugma,

Tuhtub n̄ga maluyag sia.

Ang pagbuluylog sang kinasal.—Ang bana nagapahayag sang iya gugma sa iya asawa.

6 ¿Sin-o bala ini sia, n̄ga nagataklad gikan sa kahanayakan subung sang m̄ga hinaligi n̄ga asó,

N̄ga napanghamutan sang mira kag sang insienso,

Kag sang tanan n̄ga m̄ga binukbok n̄ga m̄ga mahamut sang manugbaligya?

7 Yari karon ang talabon ni Salomon; Kan-uman ka m̄ga maisug ang m̄ga nagalilibot sa iya,

Sa tun̄gâ sang m̄ga makusug sa Israel.

8 Sila n̄ga tanan may m̄ga hinganiban, n̄ga sampaton sa pag-awayan;

Ang tagsatagsa nagataklus sang iya hinganiban,

Tun̄gud sang m̄ga kahadlukan sa kagab-ihon.

9 Ang hari n̄ga si Salomon naghimo n̄ga sa iya sing isa ka talabon n̄ga kahoy sang Libano.

10 Ginhimo niya sa pilak ang iya m̄ga haligi,

Ang iya idagan bulawan, ang iya pulungkoan purpura,

Ang iya sulúd gintapikan sang *binuhatan* sa gugma

Sang m̄ga anak n̄ga babae sa Ierusalem.

11 Gulowa-kamo, m̄ga anak n̄ga babae sa Sion, kag tan-awa-ninyo ang hari n̄ga si Salomon,

N̄ga may purungpurung n̄ga ang iya ilóy nagpurungpurung sa iya sa adlaw sang iya pagkakalalason,

Kag sang adlaw sang kalipay sang iya tagiposoan.

4 YARI karon, n̄ga ikaw among magayon, abyan ko. Yari karon, n̄ga ikaw among magayon.

Ang imo mata among subung sang salampati sa sulúd sang imo takurung.

Ang imo m̄ga buhok subung sang m̄ga pinanong n̄ga m̄ga kanding,

N̄ga makita kutub sa m̄ga kakiliran sang bukid sa Galaad.

2 Ang imo m̄ga n̄gipon, subung sang m̄ga pinanong n̄ga m̄ga ginuntingan n̄ga m̄ga *obeha*,

N̄ga nagatalakas gikan sa bulunakan,

N̄ga tanan may m̄ga tinday n̄ga m̄ga kapid,

Kag walà gid sa ila sing baw-as.

3 Ang imo m̄ga bibig subung sang isa ka lubid n̄ga karmesi,

Kag ang imo bâbâ magayon;

Ang imo m̄ga pisngi, subung sang katun̄gâ sang granada

Sa sulúd sang imo takurung.

4 Ang imo liog, subung sang tore ni Dabid,

N̄ga pinatindug n̄ga sa palakabitan sang m̄ga hinangiban.

Linibo n̄ga m̄ga kalasag napamitay sa iya,

N̄ga tanan m̄ga hinangiban sang m̄ga maisug.

5 Ang imo duha ka dughan, subung sang duha ka tinday n̄ga kapid sang gasela,

N̄ga ginapahalab sila sa tun̄gâ sang m̄ga lirio.

6 Tuhtub n̄ga ang *han̄gin sang adlaw* maghuyup kag magpalalagyo ang m̄ga landong,

Magakadto ako sa bukid sang mira,

Kag sa bakolod sang insienso.

7 Sa n̄gatanan ikaw among magayon, abyan ko,

Kag sa imo walay kasawayan.

—o—

8 Upud-ka sa akon gikan sa Libano,  
asawa ko,

Upud-ka sa akon gikan sa Libano.

Tamud-ka kutub sa putokputokan  
sang Amana,

Kutub sa putokputokan sang Senior  
kag sang Hermon,

Kutub sa mga palanagoan sang mga  
leon,

Kutub sa mga kabukiran sang mga  
leopardo.

9 Ginbihag mo ang akon tagiposoon,  
útud ko, asawa ko,

Ginbihag mo ang akon tagiposoon sa  
isa lang ka pagtulok sa imo mga mata,

Sa isa lamang ka kolintas sa imo liog.

10 ¡Nga pagkamagayon sang imo  
mga paghigugma, útud ko, asawa ko!

¡Nga pagkalabing maayo pa sang  
alak ang imo mga paghigugma,

Kag ang kahamut sang imo mga iha-  
laplas sang tanan nga mga pahamut!

11 Ang imo mga bibig nagapatolo  
sing dugus, asawa ko,

May dugus kag gatas sa idalum sang  
imo dila;

Kag ang kahamut sang imo mga  
panapton subung sang kahamut sang  
Libano.

12 *Ikaw among* katamnan nga natak-  
pan, útud ko, asawa ko:

Tuburan nga natakpan, tuburan nga  
pinat-inan.

13 Ang imo mga salingsing among  
parke sang mga granada, nga may mga  
bunga nga labing mayuyum,

Mga bulak nga koper kag mga kahoy-  
kahoy nga nardo;

14 Ang nardo kag ang asapran,

Ang kawayan nga mahamut kag ang  
kanela patí ang tanan nga mga kahoy  
sa insienso,

Ang mira kag ang aloes patí ang  
tanang nga mga pinalabi nga mga maha-  
mut.

15 Hoo, tuburan sang mga katamnan  
*amo ikaw,*

Bobon sa mga tubig nga buhi,

Mga sapa nga nagailig sa Libano.

16 Pagmata-ka, Aminhan, kag kari-  
ka, Bagatnan.

Huyap ang akon katamnan, *kag* mag-  
lalapta ang iya mga kahamut.

Magkari ang akon hinigugma sa iya  
katamnan,

Kag magkaon sa iya mayuyum nga  
bunga.

Ang asawa nagbuguaw; apang sa gilayon naghi-  
natsul sia, nagpangita sia sa bana kag  
nagtugli sa iya.

5 AKO nagkari sa akon katamnan,  
útud ko, asawa ko:

Ginkuha ko ang akon mira patí ang  
akon mga pahamut,

Ginkaon ko ang akon udlan patí ang  
akon dugus,

Gin-inum ko ang akon alak patí ang  
akon gatas.

Kaon-kamo, mga abyan, kag inum-  
kamo,

Inum-kamosing bugana, mga hinigug-  
ma.

2 Ako nagakatolog, apang ang akon  
tagiposoon nagapulaw.

Amo ang tingug sang akon nahagug-  
maan: nagapanuktuk sia:

“Buksi-ako, útud ko, abyan ko;

Salampati ko, himpit nakon;

Kay ang akon olo napunò na sang  
tun-og,

Ang akon mga buhok sang mga tinolo  
sang kagab-ihon.”

3 *Kag nagsabat ako*: “Naguba ako  
sang akon panapton, ¿paano bala ang  
pagsuklub ko liwan sa iya?

Ginhugasan ko ang akon tiil, ¿paano  
bala ang paghigko ko sa ila?”

4 Ang akon hinigugma naggulo sang  
iya kamut sa boho,

Kag ang akon mga kasudlan nagkulu-  
rug tungud sa iya.

5 Nagtindug ako sa pa-bukas sa akon  
nahagumaan;

Kag ang akon mga kamut nagapatolo  
sing mira

Kag ang akon mga tudlo sing mira  
nga mabasâ

Sa ibabaw sang uluyatan sang pintal.

6 Ginbuksan ko ang akon hinigugma;  
Apang ang akon hinigugma nagpa-  
layô na, naglakat na:

Sa iya paghambal, naggowa na sa  
akon ang espiritu.

Ginpangita ko sia, apang walâ ko sia  
makita.

Gintawag ko sia, apang walâ sia  
magsabat sa akon.

7 Nakita ako sang mga bantay, nga  
nagalibot sa banwa;

Ginbakol nila ako, ginpilasan nila  
ako;

Ginkuha sang mga bantay sang mga



kuta ang akon takurung sa ibabaw na-  
kon.

8 Ako nagapanumpa sa inyo, mga  
anak nga babae sa Ierusalem, kon maki-  
ta ninyo ang akon hinigugma,

¿Ano bala ang igabantala ninyo sa  
iya?

Nga sa gugma nagabalatian ako.

9 “¿Ano bala ang imo hinigugma  
labi sang isa ka hinigugma,

Oh labing magayon sa tanan nga mga  
babae?

¿Ano bala ang imo hinigugma labi  
sang isa ka hinigugma,

Nga sa sini nagapanumpa ka sa  
amon?”

10 Ang akon hinigugma maputi kag  
mabudhaw sia,

P.nat-inan sia sa tungâ sang napulô ka  
libo.

11 Ang iya olo among bulawan nga  
labing ulay.

Ang iya bohok nga kulon mga pak-  
lang nga nagapilaypilay, mga maitum  
subung sang uwak.

12 Ang iya mga mata subung sang  
mga salampati sa luyo sang mga kasa-  
paan sang mga tubig,

Nga nagapalamunak sa gatas, nga  
napahamtang sila sa tungâ sang kabu-  
ganaan.

13 Ang iya mga pisngi subung sang  
mga tinumpok sang mga pahamut, mga  
tinumpok sang mga mahamut nga  
bulak;

Ang iya mga bibig subung sang mga  
lirio nga nagapailig sing mira nga ma-  
basâ.

14 Ang iya mga kumut subung sang  
mga malison nga bulawan nga napa-  
nampukan sing mga krisolitos;

Ang iya lawas subung sang tiposo  
nga naputos sang mga sapiro.

15 Ang iya mga paa subung sang  
mga haligi nga marmol, nga maputi nga  
napatindug sila sa ibabaw sang sadsaran  
nga bulawan;

Ang iya dagway subung sang Libano,  
nga pinili gid subung sang mga sedro.

16 Ang iya alinganag napunô sang  
katam-is,

Kag ang bug-os niya nga pagkaamo  
kalailaan.

Amo ini ang akon hinigugma, amo  
ini ang akon abyan,

Oh mga anak nga babae sa Iersualem.

6 “¿DIIN bala magkadto ang imo hi-  
nigugma,

Oh labing magayon sa mga babae?

¿Sa diin bala magpadulong ang imo  
hinigugma?

Pagapangitaon namon sia upud sa  
imo.”

2 Ang akon hinigugma nagdulhog sa  
iya katamnan, sa mga tinumpok sang  
mga pahamut,

Sa pagpahalab sa mga katamnan, kag  
sa pagpamupo sing mga lirio.

3 Iya ako sang akon hinigugma, kag  
ang akon hinigugma akon sia,

Sia nagapahalab sa tungâ sang mga  
lirio.

—o—

4 Magayon ka, abyan ko, subung sang  
Tirsa,

Kalailaan subung sang Ierusalem;

Makahaladluk subung sang kasolda-  
dosan sa idalum sang ila mga bandera.

5 Ipalayô ang imo mga mata sa atu-  
bangan nakon,

Kay sila nagdaug sa akon.

Ang imo bohok subung sang mga pi-  
nanong nga mga kading,

Nga nagapalakita sa Galaad.

6 Ang imo mga ulipon, subung sang  
pinanong nga mga obeha,

Nga nagatalakas sa palamunakan,

Nga tanan sila may mga tinday nga  
kapid,

Kag sa ila walâ sing baw-as.

7 Ang imo mga pisngi subung sang  
katungâ sang granada,

Sa sulúd sang imo takurung.

8 Kan-uman ang mga haring babae,  
kag kawaloan ang mga babae,

Kag ang mga kadalagahan, nga di-  
maisip.

9 Ang salampati nakon, ang himpit  
nakon among bugtong,

Bugtong sia sa iya ilôy,

Ang pinili sang nagpanganak sa iya.

Ginatan-aw sia sang mga kadalaga-  
han, kag ginatawag sia nila nga bula-  
han;

Ang mga haring babae kag ang mga  
babae man nagdalayaw sa iya.

—o—

10 ¿Sin-o bala ina nga ang iya pag-  
tulok subung sang pamanagbanag,

Magayon subung sang bulan,

Masidlak subung sang adlaw,

Makahaladluk subung sang kasolda-  
dosan sa idalum sang ila mga bandera?

II Sa katamnan sang mġa nogal nag-dulhog ako,

Sa pagtan-aw sang mġa kahoykahoy nġa hilaw sang nalupyakan,

Sa pagtan-aw kon nagapanġugbus ang kaubasan,

Kon nagpamulak na ang mġa granada.

12 Sa walā pa ako magkilala, ang akon handum nagbutang sa akon

Sa mġa kanga sang akon banwa nġa dunganon.

13 Balik-ka, balik-ka, oh Sulaminhon; Balik-ka, balik-ka, agud nġa pagtulukon ka namon.

Ĥ Ano bala ang makita ninyo sa Sulaminhon,

Subung sang sa pagsaut sa Mahanaim?

7 Ĥ NĠA pagkamagayon sang imo mġa tiil sa mġa burangkol,

Oh anak nġa babae sang dunganon!

Ang mġa palibot sang imo mġa balikawang subung sang huyas,

Binuhatan sang mġa kamut sang sampaton nġa panday.

2 Ang imo hawak subung sang matipulen nġa yahong,

Nġa walā makulanġi sing alak nġa napanakutan.

Ang imo lawas subung sang tinumpok nġa trigo,

Nġa nalibutan sing mġa lirio.

3 Ang imo duha ka dughan, subung sang duha ka tinday,

Nġa mġa kapid sang gasela.

4 Ang imo liog subung sang tore nġa tiposo.

Ang imo mġa mata subung sang danaw sa Hesbon,

Sa luyo sang gawang sa Bat-rabim;

Ang imo ilong subung sang tore sang Libano,

Nġa nagaatubang nayon sa Damasko.

5 Ang imo olo, sa ibabaw nimo, subung sang karmelo,

Kag ang buhok nġa bunghay sang imo olo subung sang purpura.

Ang hari nabihag sa iya mġa pakolong.

6 Ĥ Nġa pagkagayon sa imo, kag nġa pagkatahum,

Oh gugma ko, sa tunġa sang madamu nġa mġa kawilihan!

7 Inang imo bayhon nagakaangay gid sang paklang,

Kag ang imo mġa dughan, sa iya mġa pinungpung.

8 Magasaka ako, nagsiling ako, sa paklang;

Magakapyot ako sa iya mġa sanġa nġa nagabuyok,

Busa, ang imo mġa dughan magma-nġinsubung sang mġa pinungpung sang ubas,

Kag ang kahamut sang imo gininhawa, subung sang iya sang mġa mansanas;

9 Kag ang imo alingagnġag subung sang pinili nġa alak,

Nġa nagailig sing tadlung gid sa akon hinigugma,

Nġa nagadanlog sa tunġa sang mġa bibig sang mġa nagakalatolog.

10 Ĥ Ako iya sang akon hinigugma, Kag sa akon yara ang iya kalipayan!

—0—

II Kari, hinigugma ko, magowa kita sa latagon,

Magahigda kita sa mġa minoro.

12 Kutub sa kaagahon magakadto kita sa mġa kaubasan;

Tan-awon naton kon nagpamukol na ang ubas, kon nagpamukā ang bulak,

Kon nagpamulak ang mġa granada.

Didto pagaihatag ko sa imo ang akon mġa paghigugma.

13 Ang mġa mandragora nagahatag sang ila kahamut,

Kag sa aton mġa gawang may aton kita sang tanan nġa mġa bunga nġa pinili,

Ang mġa bag-ohan subung sang mġa daan na,

Nġa gintago ko sila nġa sa imo, hini-gugma ko.

8 Ĥ KABAY pa nġa mangġinsubung ka unta sang isa ka utud nġa lalaki,

Nġa nagsoso sa mġa dughan sang akon ilōy!

Niyan, sa makita ko ikaw sa gowa, pagahalukan ko ikaw,

Nġa walā sing pagtamay sa akon sina.

2 Pagaidul-on ko ikaw, pagadalhon ko ikaw sa balāy sang akon ilōy,

Agud nġa pagton-an mo ako:

Pagapaimnon ko ikaw sing alak nġa hinamutan,

Sa duga sang akon mġa granada.

3 Ang iya walā nangġinulunan sang akon olo,

Kag ang iya too naghakus sa akon.



4 Ako nagapanumpa sa inyo, oh mga anak nga babae sa Ierusalem,  
 Nga indi kamo magpamata, bisan magpapulaw kamo sang akon gugma,  
 Tubtub nga maluyag sia.

—o—

5 ; Sin-o bala ina nga nagatakas gi-  
 kan sa kahanayakan,  
 Nga nagasandig sa iya hinigugma?  
 Sa idalum sang mga mansanas ginpu-  
 kaw ko ikaw ;

Didto ang imo ilóy nag-anak sa imo,  
 Didto ginsakitan ang nag-anak sa imo.

6 Ibutang ako subung nga pat in sa  
 ibabaw sang imo kasingkasing,  
 Subung nga pat-in sa ibabaw sang imo  
 butkon ;

Kay makusug, subung sang kamatayon  
 amo ang gugma,

Mga matig-a subung sang lulubngan  
 ang mga kaimon.

Ang iya mga бага, mga бага nga ka-  
 layo,

Ang isa ka dabdab ni Iehoba.

7 Ang madamu nga mga tubig indi  
 makapalong sang gugma,

Bisan ang mga subâ makalumus sa iya.

Kon ang isa ka tawo maluyag magha-  
 tag sang tanan nga mangad sang iya  
 baláy tungud sang gugma

Magamanginhimpit gid nga talama-  
 yon sia.

—o—

8 May isa kami ka útud nga babae  
 nga diyotay,

Nga walâ pa sing mga dughan,

; Ano bala ang pagahimoon namon  
 sa amon útud nga babae,

Sa adlaw nga paghambalon sia?

9 Kon sia kunta among isa ka kuta,  
 Magapatindug kita sa ibabaw niya  
 sing isa ka baláy nga harianon nga pilak;  
 Kag kong gawang sia kunta, pagataktan  
 naton sia sing tapi nga sedro.

10 Ako among kuta, kag ang akon  
 mga dughan subung sang mga tore ;

Ngani manginamo ako sa iya mga  
 mata,

Subung nga nakakita sia sing paghi-  
 daet.

—o—

11 Si Salomon nagtagiya sing isa ka  
 kaubasan sa Baal-hamon ;

Gintugyan niya ang kaubasan sa mga  
 bantay :

Ang tagsatagsa sa ila dapat magdalá  
 sing isa ka libo ka *siklo* nga pilak tungud  
 sang iya bunga.

12 Ang akon kaubasan, nga akon gid,  
 yari sa atubangan nakon :

Ang mga linibo nga siklo mangin sa  
 imo, Salomon.

Kag duha ka gatus, sa mga nagabantay  
 sang iya bunga.

—o—

13 Mga pumuluyô sa mga katamnan,  
*Ang akon* mga kaupdanan nagapama-  
 ti sang imo tingug :

Papamatia ako sa iya.

14 Palagyo-ka, hinigugma ko ;

Kag pakasubung-ka sang gasela, kon  
 subung sang tinday sang mga usa

Sa ibabaw sang mga kabukiran nga  
 mga kahamut-an.

## SI ISAIAS.

Pagtalastas sang mga sala kag sang mga pag-antus  
 sang banwa : mga laygay kag mga pagpahug.

1 PALANAN-AWON ni Isaias nga  
 anak ni Amos, nga nakita niya na-  
 hanungud sang Iuda kag sang Ierusalem  
 sa mga adlaw ni Usias, ni Iotam, ni Akas  
 kag ni Esekias, nga mga hari sa Iuda.

2 Pamatii-ninyo, mga langit, kag  
 dunga, duta ; kay naghambal si Iehoba :

Nagsagud ako sing mga anak, kag  
 ginton-an ko sila ; kag sila nagmalalison  
 botok sa akon.

3 Ang baka nakakilala sa iya tagiya,  
 kag ang asno sang pasungan sang iya  
 agalon : si Israel walâ makakilala, ang  
 akon banwa walâ magapamalandong.

4 ; Kailo-ka, katawohan nga makasa-  
 salâ, banwa nga nalulanan sang kalai-  
 nan, kaliwatan sang mga madauton, mga

anak nga mga dunut! Ginbayaan nila si Iehoba, gintamay nila ang Balaan ni Israel, nagilisol sila.

5 ;Kay nga pa bala nga pagpanilo-tan kamo, nga ginadugangan niyo ang inyo mga paglalis. Ang tanan nga olo nagabalatian, kag ang tanan nga tagiposo-on ginalapyo.

6 Kutub sa dapadapa sang tiil tubtub sa olo walâ sa iya sing maayo; *kondi lamang* pilas, banug, kag mga pilas nga buhi: nga walâ sila magkipot, bisan napamugkusan, bisan napahomokan sila sang lana.

7 Ang inyo duta nahapay na, ang inyo mga kabanwaan naupus sa kalayo. Ang inyo duta ginahalunhon sang mga dumuluong sa atubangan ninyo, *ang tanan* nahapay subung sang kawagwagan sang mga dumuluong.

8 Kag ang anak nga babae ni Sion nagapabilin subung sang payagpayag sa kaubasan, subung sang kolokamalig sa kaatimonan, subung sang banwa nga nalibutan.

9 Kon walâ pagbayi ni Iehoba sang Sebaot ang isa ka nabilin nga maluya sa aton, nanginsubung kunta kita sang Sodoma, kag mga kaangay kita sang Gomora.

10 Mga dunganon sa Sodoma, pamatii-ninyo ang polong ni Iehoba; dunga-ninyo ang kasogoan sang amon Dios, banwa sa Gomora.

11 Ano pa bala sa akon, siling ni Iehoba, ang kadamuon sang inyo mga halad. Busug na ako sa mga halad nga sinunog nga mga karnero, kag sa sapay sang mga sapat nga mga pinatambok; kag ang dugo sang mga baka nga lalaki, bisan sang mga obeha, bisan sang mga lalaking kanding, indi nagapahamuut sa akon.

12 Sang inyo pagkari sa pag-atubang sa akon, ; sin-o bala ang nagpangayô sini sa inyo sa paglinas sang akon mga patyo?

13 Indi na ninyo ako diri pagdal-an sing walay pulus nga dôlot: ang pahamut among ka'angil-aran sa akon; ang lati kag ang sabado, ang pagpatipon sing mga katipunan, indi na ako sarang makaantus sang kalautan upud ang inyo pagtilipon nga maligdong.

14 Ang inyo mga lati, kag ang inyo mga pinat-inan nga piesta ginadumtan sila sang akon kalág; mga lulan sila sa akon, binudlay na ako sa pagdalâ sa ila.

15 Busa, kon untayon ninyo ang inyo mga kamut, pagatagoon ko sa inyo ang akon mga mata; kon padamuon ninyo ang inyo mga pangamuyo, ako indi magpamati: mga punô na sing dugo ang inyo mga kamut.

16 Palamunak-kamo, palaninlo-kamo; kuhaa-ninyo ang kalainan sa inyo mga binuhatan sa atubangan sang akon mga mata; untat na kamo sa paghimo sang malain.

17 Magtoon-kamo sa paghimo sing maayo; pangitaa-ninyo ang katadlungan; iuli-ninyo sa katadlungan ang manugpigos; hukmi-ninyo ang ilo; tabangi-ninyo ang bálo nga babae.

18 Kari-kamo kag magtais kita sing tingub; kon ang inyo mga salî subung sang karmesi, manginmaputi sila subung sang niebe; kon mga mapula sila subung sang eskarlata, manginsubung sila sang *maputi* nga balahibo.

19 Kon maluyag kamo sa pagpamati, magakaon kamo sang labing maayo sang duta;

20 Apang kon kamo magdumili, kon malalison kamo, pagaupuron kamo sa hinganiban; kay ang bâbâ ni Iehoba naghambal sini.

21 ;Paano bala nga nagmanginbigaon ang banwa nga matutuim? Punô sia *anay* sa katadlungan, sa iya nagpuyô ang katarungan, kag karon ang mga mamomono.

22 Ang imo pilak manginbuay, ang imo alak nasimbugan *na* sing tubig.

23 Ang imo mga dunganon, mga malinapason kag mga kaupdanan sang mga makawat; ang tanan nagahigugma sang mga hiphip, kag nagadalagan sila sa olehe sang mga balus: walâ sila magahukom sa ilo, kag indi nagaabut sa ila ang kasaba sang bálo nga babae.

24 Ngani nagasiling ang Ginoo nga si Iehoba sang Sebaot, ang Makagagahum sa Israel: Kailo, maulian ako sa akon mga kaaway, magatimalus ako sa akon mga ka-umpung:

25 Kag pagauntayon ko ang akon kamut sa ibabaw nimo kag pagatinloan ko ang imo mga buay nga daw may lehia, kag pagakuhaon ko ang tanan nga tinga nga yara sa imo.

26 Kag pagaiuli ko ang imo mga hukom subung sang sa kamunoan, kag ang imo mga manuglaygay subung sang sa ginsuguran. Ugaling pagatawgon



ka nga "banwa sang Katarungan,"  
"banwa nga Matutum,"

27 Ang Sion pagagawaron tungud sang katadlungan, kag ang mga ginpaliso niya, tungud sang katarungan.

28 Apang ang mga malalison kag ang mga makasasalâ pagapamoongon sila sing tingub; kag ang mga nagabiliya kay Iehoba, pagaupuson sila.

29 Kay magapalamula kamo bangud sang mga terebinto nga ginbigugma ninyo, kag magapanghilawhilaw kamo bangud sang mga katamnan nga ginpili ninyo.

30 Kay manginsubung kamo sang terebinto nga nagakalaya sa iya ang dahon, kag subung sang katamnan nga walay tubig.

31 Kag ang makusug mangingumon, kag ang iya buluhaton, manginalipalok, kag sila nga duha magadabdab sing tingub; kag walâ sing sin-o nga magapalong.

Paisabuten nga himaya sang matuud nga Israel.

Mga paghukom nga sa pag-aman.—Ang adlaw sang Ginoo.—Pagpaninlo sa Ierusalem.

**2** ANG polong nga nakita ni Isaias, anak ni Amos, nahanungud sa Iuda kag sa Ierusalem.

2 Kag magakahanabu sa katapusan nga mga adlaw, nga ang bukid sang Baláy ni Iehoba pagapalig-unon sa ibabaw sang putokputokan sang mga kabukiran; kag pagapakataason sia sa ibabaw sang mga kabakoloran, kag magadulugok sa iya ang tanan nga mga katawohan.

3 Kag magaalabut ang madamu nga mga kabanwaan, kag magasililing sila: "Kari-kamo, kag magataklad kita sa bukid ni Iehoba, sa Baláy sang Dios ni Iakob; kag pagatudloan kita niya sa iya mga dalanon, kag magalalakat kita sa iya mga banas." Kay sa Sion magagikan ang kasogon, kag sa Ierusalem, ang polong ni Iehoba.

4 Sia magahukom sa tungâ sang mga katawohan, kag magamitlang sia sang katadlungan sa madamu nga mga banwa. Magasalsal sila sang ila mga hinganiban nga punta sang daro, kag sang ila mga bangkaw, nga mga kayug. Indi makabayaw na sing hinganiban ang katawohan batok sa katawo-

han, bisan magasagad pa sila nga sa inaway.

5 Oh baláy ni Iakob, kari-kamo kag maglakat kita sa kapawa ni Iehoba.

6 Kay nagbulag ka sa imo banwa, sa baláy ni Iakob, kay napunô sila sang Sidlangan, nga nagapamakot sila subung sang mga Pilistinhon, kag naga-impon sila sa mga anak sang mga dumuluong.

7 Ang ila duta napunô sang pilak kag sang bulawan, kag ang ila mga bahandi walâ sing katapusan. Punô man ang ila duta sing mga kabayo, kag ang ila mga kanga walay katapusan.

8 Kag punô ang ila duta sing mga larawan; kag sa binuhatan sang ila mga kamut nagayaub sila, sa atubangan sang ginhuman sang ila mga tudlo;

9 Apang pagapaubson ang tawo, kag ang daku pagapapaidalumon: indi ka buut magpatawad sa ila.

10 Sulud-ka sa pil-as, panago-ka sa yab-ok, sa atubangan sang makakulugmat ni Iehoba kag sang kasilaw sang iya pagkaharianon.

11 Ang mga mata nga matinaastaason sang tawo pagapaidalumon, kag ang palabilabi sang mga tawo pagapapaubson, kag si Iehoba pagapakataason sia lamang sa sadtong adlaw.

12 Kay may adlaw nga iya ni Iehoba sang Sebaot batok sang tanan nga palabilabibon kag matinaastaason, kag batok sang tanan nga ginpakataas, kag pagapaidalumon sia;

13 Kag batok sang tanan nga mga sedro sang Libano, nga mga mataaskag mga ginbayaw, kag batok sang tanan nga mga alon sa Basan;

14 Kag batok sang tanan nga mga mataas nga bukid, kag batok sang tanan nga mga kabakoloran nga ginpatiyondo;

15 Kag batok sang tanan nga tore nga mataas, kag batok sang tanan nga kuta nga mabakud;

16 Kag batok sang tanan nga mga sakayan sa Tarsis, kag batok sang tanan nga butang nga nagapawili sa itululuk;

17 Kag ang pagkamatinaastaason sang tawo pagapaubson, kag ang palabilabi sang mga tawo pagapaidalumon, kag si Iehoba pagapakataason sia lamang sa sadtong adlaw.

18 Kag ang mga larawan, ang tanan magkaladula.

19 Kag magasululú ang *mga tawo* sa *mga* gikab sang *mga* pil-as kag sa *mga* lungib sang *duta*, sa atubangan sang makakulugmat ni Iehoba kag sa atubangan sang kasilaw sang iya pagkaharianon, kon magtindug sia sa pagpakugmat sang *duta*.

20 Sa sadtong adlaw pagaipilák sang *tawo* ang iya *mga* larawan nga pilak kag bulawan, nga ginhimo nila sa iya, agud nga pagsimbahon sila, sa *mga* topo kag sa *mga* kabug.

21 Kag magasululú sila sa *mga* litik sang *mga* pil-as kag sa *mga* guab sang *mga* bató sa atubangan sang makakulugmat ni Iehoba kag sa atubangan sang kasilaw sang iya pagkaharianon, kon magtindug sia sa pagpakugmat sang *duta*.

22 Bayai-ninyo ang *tawo*, nga ang iya gininhawa yara sa iya *mga* ilong, kay ¿sa ano bala ginapakamahal sia?

**3** KAY, yari karon, ang Ginoo, nga si Iehoba sang Sebaot, magakuha sa Ierusalem kag sa Iuda sang sakdag kag sangbulig: tanan nga sakdag sa tinapay, kag tanan nga bulig sa tubig;

2 Ang maisug, kag ang *tawo* sa pagawayan; ang hukom kag ang manalagna, ang manugpakot kag ang tigulang;

3 Ang pangolo sa kalim-an, kag ang *tawo* sa pagtahud, kag ang manuglaygay, kag ang bantug nga manugtugi kag ang sampaton nga tantanan.

4 Kag pagahatagan ko sila sing *mga* pangolo nga *mga* pamatan-on, kag ang *mga* kabataan magalahum sa *ila*.

5 Kag ang banwa magalinugusay ang *tawo* sang *tawo* kag ang tagsatagsa sa iya isigkatawo; kag manginmadaugdaugon ang pamatan-on batok sa tigulang, kag ang talamayon batok sa dunganon.

6 Kay ang isa magdakup sa iya útud, sa baláy sang iya amay, kag *magasiling sa iya*: "May panapton ikaw, manginamon pangolo ka, kag ining pagkaguba manginsa idalum sang imo kamut"

7 Apang sia magabayaw sang iya tingug sa sadtong adlaw, nga nagsiling: "Indi ako sarang nga manginmanugbulóng *ninyo*, kag sa akon baláy walay tinapay, bisan panapton: indi *ninyo* ako paghimoa nga pangolo sang banwa."

8 Kay nagakatiphag ang Ierusalem, kag ang Iuda nagakapukan; kay ang *ila* dila kag ang *ila* *mga* binuhatan batok kay Iehoba, sa pagpasibwa sang *mga* itululuk sang iya himaya.

9 Ang dagway sa *ila* nawung nagapamatuud batok sa *ila*; kag subung sang Sodoma ginabantala nila ang *ila* salá, kag walá nila pagbalibari. ¡Kailo ang kalág nila! kay nagahimo sila sing kalainan nga sa *ila* kaugalingon.

10 Isiling-ninyo sa matarung nga maayo sa iya, kay magakaon sia sang *mga* bunga sang iya *mga* binuhatan.

11 ¡Kailo ang malauton, nga walay palad! kay ang binuhatan sang *ila* *mga* kamut pagabayaran sa iya.

12 Ang *mga* kabataan amo ang *mga* manugpigis sang akon banwa, kag ang *mga* kababainan nagalahum sa iya. Banwa ko, ang imo *mga* manugdumala nagapatalang sa imo, kag ginalaglag nila ang dalanon sang imo *mga* banas.

13 Si Iehoba nagatindug didto sa pagpakigkasaba, kag yara sia sa paghukom sang *mga* banwa.

14 Si Iehoba nagasulú sa paghukom upud ang *mga* tigulang sang iya banwa kag upud ang iya *mga* dunganon. "Kamo amo ang *mga* naghalalab sang kaubasan; ang hinublas sang imol yadto sa inyo *mga* baláy.

15 ¿Ano bala ang ginahimo ninyo nga ginadugmok ninyo ang akon banwa, kag ginagaling ninyo ang *mga* guya sang *mga* imol?" Amo ining ginasiling sang Ginoo, nga si Iehoba sang Sebaot.

16 Kag nagsiling si Iehoba: Tungud kay ang *mga* anak nga babae ni Sion *mga* palabilabihon, kag nagalalakat sila nga nagatalanga, kag ang *mga* mata nagapasipat, kag nagalakat sila nga makitid ang tikang, kag ginapalagting nila ang *mga* singsing sang *ila* *mga* ba-tiis,

17 Pagabulugon sang Ginoo ang alimpuhan sang *mga* anak nga babae ni Sion, kag pagaipadayag ni Iehoba ang *ila* *mga* kahubo.

18 Sa sadtong adlaw pagakuhaon sang Ginoo ang *mga* puni sang *mga* singsing sang *mga* tiil, kag ang *mga* puna, kag ang *mga* lati,

19 Ang *mga* aritos sa *mga* dalungan, kag ang *mga* pulsera, kag ang *mga* takurung,

20 Ang *mga* diadema, kag ang *mga*



talikala sang mġa batiis, kag ang mġa wagkus, kag ang mġa suludlan sang pahamut, kag ang mġa panapat,

21 Ang mġa singsing, kag ang mġa singsing sa mġa ilong,

22 Ang mġa panapton nġa malahalón, ang mġa panapton nġa masangkad, ang mġa kunup, kag ang mġa puyopuyo,

23 Ang mġa salaming, ang mġa panapton nġa malaba, ang mġa turbante kag ang mġa takurung nġa manipis.

24 Kag sa baylo sang mġa pahamut, ang kabaho; kag sa baylo sang wagkus, isa ka lubid; kag sa baylo sang pakolong sang bohok, ang pagkaupaw; kag sa baylo sang bayô sa piesta, ang panapton nġa lalaw nġa sa pagwagkus; kag pina-soan sa baylo sang kaayooyo.

25 Ang imo mġa lalaki magakalapukan sa hinganiban, kag ang imo mġa maisug sa pag-awayan.

26 Ang iya mġa gawang magapanghahakroy kag magalalaw, kag sia pagahapayon kag magalingkod sa duta.

4 KAG pagadakpon sang pito ka mġa babae ang isa ka tawo, sa sadtong adlaw, nġa nagasililing: "Itugut sa amon nġa magkaon kami sang amon tinapay, kag nġa magpalanaput kami sang amon mġa panapton: lamaanġ nġa paghingadlan kami sang imo nġalan; kuhaa ang pagpasipala sa amon."

2 Sa sadtong adlaw ang Salingsing ni Iehoba manginisa ka masilaw kag isa ka himaya, kag ang bungā sang duta manginisa ka pagdayaw kag puni nġa sa mġa nagpalalagyo ni Israel.

3 Kag mahanabu, nġa ang ginbayaan sa Sion, kag ang nabilin sa Ierusalem, pagatawgon nġa balaan (ang tanan nġa napanulat nġa sa kabuhi sa Ierusalem),

4 Kon ang Ginoo maghugas sang mġa kahigkoan sang mġa inanak nġa babae sa Sion kag magtinlo sang dugo nġa naula sa Ierusalem sa tunġa niya, nġa may espiritu sa paghukom kag may espiritu sa pagupus.

5 Kag sa ibabaw sang tanan nġa puluy-an sang bukid sa Sion kag sa ibabaw sang iya mġa katilingban magatuga si Iehoba sing panganud kag sing asô sa adlawon, kag sa kagab-ihon, sing silak nġa kalayo nġa magadabdab, kay sa ibabaw sang bug-os nġa himaya may isa ka tabon.

6 Kag may palasilongān nġa sa landong batok sa kainit sang adlawon; nġa sa palanagoan kag palalipdan batok sa unus kag batok sa ulan.

Palaangiran sang kaubasan, kag sang iya pagdapat.

5 BUUT ako magkanta sa akon abyan sang kalantahon sang akon abyan nahanungud sa iya kaubasan. Ang akon abyan may isa ka kaubasan sa isa ka banglid nġa mapatubason.

2 Kinutkutan niya sia, kag pinamulutan sia sing batô, kag tinamnan niya sia sing mġa ubas nġa pinili; pinatindugan niya sa tunġa niya sing isa ka tore, kag ginkutkut niya sa iya ang isa ka ipitan, kag nagahulat sia nġa magpatubas sing ubas, kag nagpatubas sia sing mġa bungā nġa talonon.

3 Busa karon, mġa pumuluyô sa Ierusalem, kag kamo nġa mġa lalaki sa Iuda, hukmi-ninyo karon ako kag ang akon kaubasan.

4 ;Ano pa bala ang pagahimoon sa akon kaubasan, nġa walâ ko mahimo na sa iya? ;Kay nġa bala, sang nagahulat ako nġa magpatubas sing mġa ubas, nagpatubas sia sing mġa bungā nġa talonon?

5 Kag karon pagaipahayag ko, ang pagahimoon ko sa akon kaubasan: Kuhaan ko sia sing alabat, agud nġa paghalbon sia; pagagubaon ko ang iya kudal, agud nġa paglapakon sia.

6 Pagahimoon ko nġa maghapay sia: indi sia pagtotoan, bisan pagkutkutan, kag pagatuboan sang mġa sapinit kag sang mġa tunok: kag sa mġa gal-um magasogo ako, nġa indi magpatolo sila sing ulan sa ibabaw niya.

7 Kay ang kaubasan ni Iehoba sang Sebaot amo ang baláy ni Israel; kag ang mġa tinawo ni Iuda, ang talamnon sang iya kalipay. Naghulat sia sing katadlungan, kag yari karon ang pagula sang dugo; sing katarungan, kag yari karon, ang panganduhoy.

8 ;Kailo sang mġa nagadulugang sing baláy sa baláy, kag nagtilingub sing latagon sa latagon tubtub nġa walâ na sing duug, kag nġa kamo lamang ang mġa magpuluyô sa tunġa sang duta!

9 Ang akon mġa idulungug *nakabati* kay Iehoba sang Sebaot: Matuud gid nġa madamu nġa mġa kabalayan, nġa mġa

dalagku kag mga matahum, ang pagapanghapayon nga walâ sing pumuluyô.

10 Kay ang napulô ka gindaro sang duha ka baka sa adlaw sa kaubasan makapatubas sing isa ka bat, kag ang katloan ka homer nga binhi magahatag sing isa ka epa.

11 j Kailo sang mga nagabalançon sa kaagahon sa pagsunud sang mga ilimnon nga makahulubug, nga nagapadayon sa *ila* tubtub sa gab-i, nga ginapainit sila sang alak!

12 Kag ang arpa kag ang biola, ang tambor kag ang lantoy, kag ang alak, yari karon, ang *ila* mga konbirado; apang walâ sila magapamalandong sang binuhatan ni Iehoba, bisan magatan-aw sila sang binuhatan sang iya mga kamut.

13 Ngani ang akon banwa gindalâ sia nga bihag nga walâ sia sing pagkilala; kag ang iya mga dunganon ginadakup sang gutum, kag ang iya kadam-an nagamala sa kauhaw.

14 Tunôd sini ginpasankad sang lubnang ang iya handum, kag ginhitad niya ang iya bâbâ sa walâ sing takus: kag *didto* magapanaug ang himaya sang *Ierusalem*, kag ang iya kadam-an, kag ang iya kagahud kag ang nagakalipay sa tungâ niya.

15 Kag ang tawo pagapaubson, kag ang daku pagapapaidalumon, kag ang mga mata sang mga matinaastaason pagapapaidalumon.

16 Apang si Iehoba sang Sebaot pagapakataason tungud sang paghukom, kag ang Dios nga Balaan pagapakabalaanon tungud sang katarungan.

17 Kag ang mga kordero pagapahalabon sila sa *ila* mga halalban; kag ang mga dumuluong magahalunhon sang mga latagon nga hanayak sang mga mangaranon.

18 j Kailo sang mga nagaguluyud sang kalautan nga may mga lubid sa kadayan, kag sang salâ, subung sang may igilikos sang kanga!

19 Nga sila nagasiling: "Magmadagmit sia, dalidalia ang iya buluhaton, agud nga makita naton sia. Mag-abut sia, ang laygay sang Balaan sa Israel, nga paghimoon sia, agud nga makilala namon."

20 j Kailo sang mga nagasililing nga ang malain maayo, kag nga ang maayo, malain; nga nagahimo sang mga kadu-

dulman nga kapawa, kag sang kapawa nga mga kadudulman; nga nagahimo sang mapait nga matam-is, kag sang matam-is nga mapait!

21 j Kailo sang mga maalam sa *ila* gid nga mga mata, kag mga mahangponon sa *ila* kaugalingon!

22 j Kailo sang mga makusug sa paginom sing alak, kag mga maisug sa pagsamo sang ilimnon nga makahulubug;

23 Nga nagapakamatarung sa malauton tungud sang isa ka hamham, kag sa matarung ginakuha nila ang *ila* katarungan!

24 Ngani, subung sang dila nga kalayo nga nagaupud sang dagami, kag sang dabdab nga nagahalonhon sang hilaon nga laya, manginamo ini ang *ila* gamut subung sang pagkadunut, kag ang iya bulak magakawâlâ subung sang yab-ok. Kay ginasikway nila ang kasogoan ni Iehoba sang Sebaot, kag ginatamay nila ang polong sang Balaan sa Israel.

25 Bangud sining kabangdanan nagadabdab ang kasingkal ni Iehoba batok sa iya banwa, kag ginuntay niya batok sa iya ang iya kamut, kag ginapilas niya sia; kag nagakulurug ang mga kabukiran, kag ang mga bangkay subung sang sagbot sa tungâ sang mga dalan. Sa sining tanan walâ magapalayô ang iya kasingkal kag nagauntay pa ang iya kamut.

26 Kag magahayaw sia sang bandera sa mga katawohan sa malayô, kag magapanihol sia sa isa ka *banwa* kutub sa ukbung sang duta; kag yari karon nga magakari sia sing madali kag sing maabtik gid.

27 Walâ gid sa iya sing ginabudlay, bisan sing nagakasandad; indi ginatuyo, bisan nagatolog sia; kag ang wagkus sa iya mga hawak indi mahubad kag ang higot sang iya mga sapin indi mabugto.

28 Ang *ila* mga baslay mga binaid, kag ang tanan nila nga mga pana mga ginpasanting. Ang mga koko sang *ila* mga kabayo manginsubung sang santi-kan, kag ang iya mga aliling subung sang alimpulos.

29 Ang iya pagima subung sang sa leon nga babae: nagaima sia subung sang mga magamay nga leon; naganrub sia, kag nagadakup sia sang tulukbon; ginadalâ niya sia, kag walâ sing sin-o nga magabawi sa iya.



30 Kag maganğurub sia batok sa *Iuda*, sadto nga adlaw, subung sang nğurub sang dagat; nga pagtan-awon nayon sa duta: kag yari karon ang mga kadudulman; ang kalisdanan kag ang kapawa; sa iya mga langit nagadulum ang kapawa.

Si Isaias gintawag kag ginpakabalaan nga manalega.

**6** SA tuig nga namatay ang hari nga si Usias, nakita ko ang Ginoo, nga nagalingkod sa ibabaw sang isa ka lingkoran nga harianon nga mataas kag ginbayaw, kag ang iya sidsid nagapuno sang Simbahan.

2 Kag sa ibabaw niya yara ang mga Serapim, kag ang tagsatagsa may anum ka pakpak: sa duha ginatabunan niya ang iya nawung kag sa duha ginatabunan niya ang iya mga tiil, kag sa duha nagalupad sia.

3 Kag ang isa nagasingit sa isa nga nagasingit:

"¡Balaan, balaan, balaan,

Si Iehoba sang Sebaot;

Ang bug-os nga duta napuno sang iya himaya!"

4 Kag ang mga sadsaran sang mga atangan naguluyog sa tingug sang nagasingit, kag ang Baláy napuno sang asó.

5 Niyan nagsiling ako: "¡Kailo ako,! nga ako patay, kay tawo ako nga mahigko sa mga bibig, kag nga nagapuyó ako sa tungá sang banwa nga may mga bibig nga mga mahigko, kag nga nakita sang akon mga mata ang Hari, nga si Iehoba sang Sebaot."

6 Kag ang isa sang mga serapim nagalupad nayon sa akon, nga sa iya kamut may isa ka бага nga nagadabdab, nga ginkuha niya sa halaran nga may kimpit,

7 Kag ginsulsul niya sia sa akon bábá, nga nagasingit: "Yari karon ini ginsulsul sa imo mga bibig: nakuha na ang imo kalautan, kag natumbasan na ang imo salá."

8 Kag nabatian ko ang tingug sang Ginoo, nga nagasingit: "¡Kay sin-o bala ipadalá ko, kag sin-o ang magakadto tungud sa amon?" Kag nagsiling ako: "Yari ako, ipadalá ako."

9 Kag nagsiling sia: "Lakat-ka, kag isiling sa sini nga banwa: Pamati-kamo, pamati-kamo, kag indi kamo maka-

hangup; tan-awa-ninyo, tan-awa-ninyo, apang indi kamo makakilala.

10 Padamula ang tagiposoon sining banwa, kag pabug-ata ang iya mga idulungug, kag bulaga ang iya mga mata, agud nga indi makakita ang iya mga mata, bisan makabati ang ila mga idulungug, kag nga ang ila tagiposoon indi makahanğup, kag nga indi magliso sia, kag nga indi mag-ayo sia."

11 Kag ako nagsiling: "¡Tuhtub bala san-o, Ginoo?" Kag nagsiling sia: "Tuhtub nga ang mga kabanwanan nga nagakatiphag, manginwalay pumuluyó, bisan tawo sa mga baláy, kag ang duta manginhapay,

12 Kag *tuhtub* nga mapalayó ni Iehoba ang mga tawo kag nga mangindaku ang kamuhaymnhayan sa tungá sang duta;

13 Kay kon mabilin pa sa iya ang isa ka napuló ka bahin, pagalaglagon sia liwan; *apang* subung sang terebinto kag *subung* sang alon, nga sa ila mabilin ang púnó sa tapus sang pagutúd, *mabilin* sa iya nga púnó, ang isa ka binhi nga balaan."

Mga tegna batok sa Isreal kag batok sa Aram.

Mga pahug batok sa Iuda.

**7** KAG nahanabu sa mga adlaw ni Akas, nga anak ni Iotam, nga anak ni Hosias, nga hari sa Iuda, nga si Resin, nga hari sa Aram, kag si Peka, nga anak ni Remalias, nga hari sa Israel, nagtalaklad sila batok sa Ierusalem sa pag-away sa iya, kag walá sila makasarang sa pagdaug sa iya.

2 Kag ginsugid sa baláy ni Dabid, nga nagasingit: "Ang Aram nakigkatipan sa Epraim." Kag natandug ang iya tagiposoon kag ang tagiposoon sang iya banwa, subung sang paguyog sang mga kakahuyan sang talonan bangud sang hangin.

3 Niyan nagsiling si Iehoba kay Isaias: "Sugataa karon si Akas, ikaw kag si Sear-Iasub, nga imo anak, sa ukbung sang iligan sang punong sa ibabaw, nayon sa dalan sang latagon sang Manuglatag.

4 Kag silingá sia: Andam-ka, kag pahimonong-ka. Indi ka mahadluk, bisan magpahomok sang imo tagiposoon bangud sining duha ka ukbung sang dungkulan nga nagaaso, kay ang kasing-

kal ni Resin, kag sang Aram kag sang anak ni Remalias, nagadabdab.

5 Nahanungud sang gintapat sa malain batok sa imo *upud* kay Epraim, kag sang anak ni Remalias, nga nagasiling:

6 Magtaklad-kita batok kay Iuda kag pakibanon naton sia, kag palitikon naton sia nga sa aton, kag pag-ibutang naton sa tungâ niya nga hari ang anak ni Tabeal;

7 Amo ini ang ginasiling sang Ginoo nga si Iehoba: Indi mahanabu ini, bisan manginamo.

8 Kay ang olo sang Aram amo ang Damasko, kag ang olo sang Damasko, ang Resin; kag sa sulud sang kan-uman kag lima ka tuig si Epraim pagaboongon, sa bagay nga indi manginbanwa sia.

9 Kag ang olo sang Epraim amo ang Samaria, kag ang olo sang Samaria amo ang anak ni Remalias. Nga kon kamo indi magtolo, sa pagkamatuud, indi kamo pagpalig-unon."

10 Kag si Iehoba naghambal pa kay Akas, nga nagasiling:

11 "Pangayô-ka nga sa imo sing tanda ni Iehoba, nga imo Dios; pangayô-ka sa iya nga gikan sa kadadalman, kon gikan sa ibabaw sa mataas."

12 Kag nagsiling si Akas: "Indi ako magpangayô sa iya kag indi ko pagsulayon si Iehoba."

13 Niyan nagsiling si *Isaias*: "Pamati-ka karon, baláy ni Dabid: ¿Diyotay bala nga butang sa inyo ang pagbudlay sang mga tawo nga magbudlay kamo man sa akon Dios?"

14 Tungud sini ang amo nga Ginoo magahatag sa inyo sing tanda: Yari karon nga ang ulay magapanamkon kag magapanganak sing anak nga lalaki, kag pagatawgon niya ang iya ngalan nga si Emanuel.\*

15 Magakaon sia sing kesilyo kag dugus, tubtub nga makahibalo sia mag-sikway sang malain kag magpili sang maayo.

16 Kay sa walâ pa mag-alam ang bátâ sa pagsikway sang malain, kag sa pagpili sang maayo, ang duta nga ang iya duha ka hari ginakahadlukan mo, pagahapayon.

17 Pagapakarion ni Iehoba sa ibabaw nimo kag sa ibabaw sang imo banwa, kag sa ibabaw sang baláy sang

imo amay, ang mga adlaw nga walâ mag-abut kutub sang adlaw nga si Epraim nagbulag kay Iuda; *kon sayoron*, ang hari sa Asur,

18 Kag mahanabu, sa sadtong adlaw, nga magapanihol si Iehoba sa mga langaw nga yadto sa ukbung sang mga subâ sa Egipto, kag sa mga putiyokan nga yadto sa duta sa Asur.

19 Kag magakari sila, kag magahugpa sila nga tanan sa mga nalupyakan nga nahapay, kag sa mga gikab sang mga bató, kag sa tanan nga mga kasapinitan kag sa tanan nga mga halalban.

20 Sa sadto nga adlaw pagakiskison sang Ginoo sang labaha nga hinulam sa tabok sang subâ, nga may hari sang Asur, ang olo kag ang mga bulbul sang mga batiis; kag pagakuhaon man ang bungut.

21 Kag mahanabu sa sadtong adlaw, nga ang tagsatagsa magasagud sing isa ka baka kag duha ka obeha;

22 Kag magagatas sila sing tama ka damu nga gatas, nga magakaon sia sing kesilyo, kay ang tanan nga mga tawo nga nabilin sa tungâ sang duta magakaon sing latib kag sing dugus.

23 Kag mahanabu sa sadtong adlaw, nga ang tanan nga duug, nga didto may isa ka libo ka mga púnô sang ubas, nga nagabili sila sing isa ka libo ka siklo nga pilak, manginkasapinitan kag katunukan.

24 Magasulud didto nga may mga baslay kag pana; kay ang bug-os nga duta manginkasapinitan kag katunukan.

25 Kag sa tanan nga mga bukid nga ginakutkutan sang sadol, indi ka na makakadto didto sa kahadluk sa mga kasapinitan kag sa mga katunukan, apang didto pagabuhian ang mga kakahakan kag pagatasakon sila sang mga obeha."

Pagkaguba sang mga ginharian sa Israel kag sa Iuda.

8 KAG nagsiling si Iehoba sa akon: "Kuha-ka sing isa ka daku nga tapi, kag isulat sa iya sa mga letra sang tawo: Maher-salal-has-bas.\*"

\* *Mahe-salal-has-bas*, nga pagdali-dalion ang hinublas, nga pagpadasigon ang inagaw.

\* *Emanuel*, ang Dios kaupud naton.



2 *Kag ginsiling niya, nga kuhaon nga sa akon ang mga saksi, nga mga matutum nga saksi, si Urias, nga saserdote, kag si Sakarias, nga anak ni Iebere-kias."*

3 *Kag nagpalapit ako sa manalagna nga babae, kag sia nanamkon, kag nag-anak sia sing isa ka anak nga lalaki. Kag nagsiling sa akon si Iehoba: "Hingalani sia nga si Maher-salal-has-bas.*

4 *Kay sa walâ pa ang bātâ makahibalo magsiling: Amay ko, ilôy ko, pagadalhon ang mga mangad gikan sa Damasko, kag ang mga inagaw gikan sa Samaria sa atubangan sang hari sa Asur."*

5 *Kag nagpadayon si Iehoba sa paghambal sa akon, nga nagasiling:*

6 *"Tungud kay ginsikway sini nga banwa ang mga tubig sa Siloe, nga nagailig sing mahagup gid, kag sa pagkalipay kay Resin kag sa anak nga lalaki ni Remalias:*

7 *Tungud sini, yari karon, nga ang Ginoo nagapasaka sa ibabaw nila sang mga tubig sang subâ, nga mga gamhanan kag mga dalagku, ang hari sa Asur kag ang bug-os niya nga himaya; nga sia magasaka sa ibabaw sang tanan niya nga mga iligan, kag magaawas sa ibabaw sang tanan nila nga mga pangpang:*

8 *Kag magaagi sia sa Iuda, inaganaw kag magalapta sia; kag magaabut tubtub sa liog; kag ang paghumlad sang iya mga pakpak pagapunon niya ang kasangkaron sang imo duta, oh Emanuel."*

9 *Pagginahud-kamo, mga banwa, kag pagboongon-kamo. Pamati-kamo tanan nga mga katawohan sang duta: magwalagkus-kamo, kag pagboongon-kamo; magwalagkus-kamo kag pagboongon-kamo.*

10 *Paghuman-kamo sing tinotoyo kag pagapanason sia; magmitlang-kamo sing polong, kag indi mahanabu, kay ang Dios upud sa amon.*

11 *Kay amo ini ang ginsiling ni Iehoba sa akon sa kusug sa iya kamut, kag sang pagpahibalo sa akon nga indi ako maglakat sa dalan sini nga banwa, nga nagasiling:*

12 *Indi kamo magsiling: Puhon, sa tanan nga tion nga magsiling ini nga banwa: Puhon; kag indi magkahadluk-*

*kamo sang ila ginakahadlukan, bisan magpakulba-kamo.*

13 *Kag si Iehoba sang Sebaot, pagpakabalaana-ninyo sia: sia mangininyo kahadluk, kag sia mangininyo kakulba.*

14 *Kag sia manginbalaan nga puluyan; apang sia manginbato sa kasandaran sa duha ka baláy sa Israel, kag isa ka pukot kag siod sa pumuluyô sa Ierusalem.*

15 *Kag madamu sa ila ang magakalasandad, kag magakalaholog sila, kag pagaboongon sila kag masiod sila, kag pagadakpon sila.*

16 *Higti ang pagpamatuud, kag patini ang kasogoan sa akon mga gintotonan.*

17 *Pagahulaton ko si Iehoba, nga gintagô niya ang iya nawung sa baláy ni Iakob, kag sa iya magahulat ako.*

18 *Yari karon ako, kag ang mga anak nga ginhatag sa akon ni Iehoba nga mga tanda kag mga katingalahan sa Israel, gikan kay Iehoba sang Sebaot, ng: nagapuyô sa bukid sa Sion.*

19 *Kon magsiling sila sa inyo: "Pamangkot-kamo sa mga manugpagowa sang espiritu, kag sa mga manugpakot nga nagakibot kag nagahigong;" sabton-ninyo: "¿Indi bala magpamangkot ang isa ka banwa sa iya Dios? ¿Tungud sa mga buhi pagapadangpon bala sa mga minatay?"*

20 *"¿Sa kasogoan kag sa pagpamatuud!" Kon indi sila maghambal sono sini nga polong, walâ sa ila sing pamanagbanag.*

21 *Kag magaalagi sila sa duta nga mga nabudlay kag mga gutum; kag mahanabu nga, sa ginagutom sila, magakalaakig sila kag magapakamalaut sila sa ila hari kag sa ila Dios, kag magatangla ang ila nawung sa ibabaw;*

22 *Kag magatululok sila sa duta; kag yari karon, ang kalisdanan, kag ang, kadulum, kagang kadudulman kag pagbakho; kag pagaitagbong sila sa mga madamol nga kadudulman.*

Tagna sang ginharian sang Mesias.

9 APANG indi sa *gihapon* may landong didto, nga diin *karon* ang kalisdanan. Subung sang sa nahauna nga panag-on ginpapaubus sang *Dios* ang duta sa Sabulon kag ang duta sa Neptali, amo man sa palaabuton nga dag-on,

pagahimayaon niya sia, sa dalan sang dagat sa tabok sang Iordan sa Galilea sang mga katawohan.

2 Ang banwa nga naglakat sa kadulman nakakita sing daku nga Kapawa; ang mga nagapuluyô sa duta sa landong sang kamatayon, ang Kapawa nagsidlak sa ibabaw nila.

3 Ginpadamu mo ang katawohan, ginpadaku mo ang kasadya; nagakalasadya sila sa atubangan nimo subung sang pagkalasadya sa ani, subung sang pagkalipay kon magbilinahin sang mga inagaw.

4 Kay ang singkaw nga ginalulan sa iya kag ang sungkud nga ginabunal sa iya abaga, ang bunal sang iya manugpigos, pagabalion mo sila subung sang sa adlaw sa Madian.

5 Kay ang tanan nga kasapinan sang pag-awayan, nga ginasapin nga sa kagahud sang *ilinaway* kag ang panapton nga nagtubug sa dugo, pagasunugon sila kag mangingatong nga sa kalayo.

6 Kay ang isa ka bâta nga lalaki natawo sa aton, ang anak nga lalaki ginhatag sa aton, kag ang ginharian yara sa ibabaw sang iya abaga; kag pagatawgon ang iya ngalan MAKATILINGALA, MANUGLAYGAY, DIOS NGA MAKUSUG, AMAYNGA WALAY KATUBTUBAN, HARI SA PAGHIDAET.

7 Nga sa pagkadaku sang *iya* ginharian kag nga sa paghidaet nga walay katapusan, sa ibabaw sang lingkoran nga harianon ni Dabid, kag sa ibabaw sang iya ginharian, sa pagpalig-on sa iya kag sa pagpasandig sa iya, sa paghukom kag sa katarungan, kutub karon kag sa gihapon. Ang kakugi ni Iehoba sang Sebaot magahimo sini.

*Mga pahug batok sang ginharian sa Israel.*

8 Ang Ginoo nagpadalâ sing polong kay Iakob, kag naholog sia kay Israel.

9 Kag makahibalo sa iya ang bug-os nga banwa, si Epraim kag ang mga pumuluyô sa Samaria, nga nagasililing nga may palabilabi kag may tagiposoon nga bugalon:

10 "Ang mga tisa nagkalaholog, apang pagapatindugon naton sa binasaban nga batô; ginpangutud ang mga sikomoro, apang pagailisan namon sila sing mga sedro."

11 Kag pagapatindugon ni Iehoba ang

mga kaaway ni Resin batok sa banwa, kag pagasangapon niya sing hinganiban ang iya mga kaaway:

12 Sa atubangan yara ang Aram, kag ang mga Pilistinhon sa likod; kag pagatunlon nila si Israel sa punô nga bâbâ. Sa sini nga tanan walâ magapalayô ang iya kasingkal, kondi nga nauntay pa ang iya kamut.

13 Apang ang banwa walâ magaliso sa nagapilas sa iya, bisan nagapalangita sila kay Iehoba sang Sebaot.

14 Busa pagautond ni Iehoba sa Israel ang olo kag ang ikog, ang palwa kag ang kawayan, sa isa gid ka adlaw.

15 Ang tigulang kag ang talahoron amo ang olo; ang manalagna nga nagatudlo sing butig, ini amo ang ikog.

16 Kag ang mga nagadumala sini nga banwa, nagapatalang sa iya; kag ang mga ginadumalahan, ginapanglaglag.

17 Tunud sini ang Ginoo indi magakalipay sa iya mga pamatan-on kag indi magakalooy sia sa iya mga ilo kag sa iya mga balo nga babae; kay ang tanan mga dimatinahoron sa Dios kag madauton, kag ang tanan nga bâbâ magahambal sang pagpakahuya. Sa sining tanan walâ magapalayô ang iya kasingkal, kondi nga nauntay pa ang iya kamut.

18 Kay ang kalautan nagaupud subung sang kalayo, nga nagaupus sang mga sapinit kag sang mga tunuk, kag nagasunog sa mga kadamolan sang talon; kag nagatub-ok sila nga nagaalimpos sa haligi nga asô.

19 Tunud sang kaakig ni Iehoba sang Sebaot nagamala gid ang duta, kag ang banwa manginsubung sang gatong sang kalayo; ang isa indi magakalooy sa isa:

20 Pagahalonhonon ang dapit sa too, kag pagagutumon; kag magakaon dapit sa walâ, kag indi mabusug sila: ang tagsatagsa magakaon sang unud sang iya butkon.

21 Si Manases *magasalakay* kay Epraim, kag si Epraim, kay Manases; kag sila nga duha batok kay Iuda. Sa sining tanan walâ magapalayô ang iya kasingkal, kondi nga nauntay pa ang iya kamut.

10 | KAILO ang mga nagasogo sing mga kasogoan nga malauton, kag



nga nagasulat, nga nagasogo sing pag-pigos,

2 Sa pagpalayô sang paghukom sa mga imol, kag sa pag-agaw sang katadlungan sa mga nalisdan sang akon banwa; sa paghimo sa mga bálo nga babae nga ila hinublas kag sa pangawat sa mga ilo!

3 Kag ¿ano bala ang inyo pagahimoon sa adlaw sang pagduaw, kag kon ang kalaglagan magaabut gikan sa malayô? ¿Sa kay sin-o bala magapalagyo kamo sa pagpangita sang pagtabang, kag diin bala ninyo pagabayaan ang inyo himaya?

4 Lamang magaduko sila sa tungâ sang mga bihag kag magakapukan sila sa tungâ sang mga minatay. Sa sining tanan walâ magapalayô ang iya kasingkal, kondi nga nauntay pa ang iya kamut.

Panagna sang pagkaguba sang Asiria.

5 ¿Kailo ang Asur, nga bunal sang akon kasingkal! kay ining sungkod sa iya kamut amo ang akon kaakig.

6 Ginabuhian ko sia batok sa isa ka katawohan nga dimatinahoron sa Dios, kag ginatulin ko sia batok sa banwa sang akon kasingkal sa pag-agaw sing inagaw, kag sa pagkuha sing inagaw, kag sa paglapak sa iya sa idalum sang mga tiil, subung sang lunang sang mga dalan.

7 Apang sia, walâ sia sining tinotuyo, kag ang iya tagiposoon walâ magapanghunahuna sing subung sini, kay yara sa iya tagiposoon amo ang paglaglag kag pagpanas sing mga katawohan nga indi diyot.

8 Kay sia nagsiling: "Ang akon mga dunganon ¿indi bala sila nga tanan mga hari?"

9 ¿Indi bala ang Kalno subung sang Karkemis? kon ¿indi bala ang Hamat subung sang Arpad? kon ¿indi bala ang Samaria subung sang Damasko?

10 Subung sang pagkalambut sang akon kamut sa mga ginharian sang mga diosdios, nga ang ila mga larawan labi pa sa bili sang mga sa Jerusalem kag sa Samaria,

11 ¿Indi bala pagahimoon ko sa Jerusalem kag sa iya mga larawan subung sang ginhimo ko sa Samaria kag sa iya mga diosdios?"

12 Apang mahanabu, nga sa makata-

pus ang Ginoo sang tanan niya nga buluhaton sa bukid sa Sion kag sa Ierusalem, pagaduawon ko sa hari sa Asur ang bunga sang habok sang iya tagiposoon kag ang palabilabi sang iya mga mata nga mataastaason.

13 Kay nagsiling sia: "Sa kabakuran sang akon kamut ginhimo ko ini, kag sa akon kaalam, kay mahangponon ako; kag ginbaylo ko ang mga dulunan sang mga banwa kag gin-agaw ko ang ila mga bahandi; kag subung nga makusug ginpapanang ko ang mga hari sa ila mga lingkoran nga harianon.

14 Kag nakit-an sang akon kamut, subung sang pugad, ang mga mangad sang mga banwa; kag subung sang pagpamolot sang mga itlog nga ginbayaan, amo ini ang paghimos ko sang bug-os nga duta; kag walâ sing sin-o nga maggiho sang pakpak kon magbukâ sang babâ kon magiyagak."

15 ¿Magahimaya bala ang wasay batok sang nagawasay sa iya, kon magapakataas bala ang lagari batok sang nagagiho sa iya? ¿Ini kunta subung nga ang bunal nga maglampus sang mga nagapatindug sa iya, subung nga ang sungkod nga magtindug sa indi kahoy!

16 Tungud sini ang Ginoo, ang Ginoo sang Sebaot, magapadalâ sing kaniwang sa ibabaw sang iya mga matambok; kag sa idalum sang iya himaya magapadabdab sing pagdabdab, subung sang kasingkal sa g kalayo.

17 Kag ang suga ni Israel manginkalayo, kag ang iya Balaan mangindabdab nga magaupûd kag magalamon, sa isa gid ka adlaw, sang iya mga sapinit kag sang iya mga tunok.

18 Kag pagatapuson niya ang himaya sang iya talon kag sang iya latagon nga mabungahon, kutub sa kalág tubtub sa unud; kag mahimo sia subung sang isa ka masakit nga nagakalapyo.

19 Kag ang mga kaboy nga mabil'n sa iya talon sarang maisip, sa bagay nga ang isa ka bátâ sarang makasulat sa ila.

20 Kag mahanabu, sa sadtong adlaw, nga ang mga nagkalabilin sa Israel kag ang mga nakapalagyo sa baláy ni Jakob, indi na gid magapadayon sa pagsandig sa ibabaw sang nagapilas sa ila; kondi nga magasandig sila sa kamatooran kay Iehoba, nga Balaan sa Israel.

21 Ang nabilin magabalik, ang nabilin ni Jakob, sa Dios nga makusug.

22 Kay ang imo banwa, oh Israel, bisan pa sia subung sang mga balas sang dagat, isa lamang ka nabilin sa iya magabalik; ang kalaglagan tinapat na, nga nagapaawas sing katarungan.

23 Kay ang Ginoo nga si Iehoba sang Sebaot nagahimo sang kalaglagan kag sang tinapat na sa tunga sang bug-os nga duta.

24 Tungud sini, amo ining ginasiling sang Ginoo nga si Iehoba sang Sebaot: Banwa ko, nga nagapuyô sa Sion, indi ka mahadluk kay Asur. Ginapilas ka niya, nga may bunal, kag nagabayaw sia sang iya sungkod batok sa imo, subung sang sa Egipto;

25 Apang may diyotay pa, diyotay nga dag-on, kag matapus ang kaakig, kag ang akon kasingkal mangin nga sa kalaglagan nila.

26 Kag si Iehoba sang Sebaot magabalabad sang bunal batok sa iya, subung sang pagpilas niya sa Madian sa pil-as sa Oreb; kag igalampus niya ang iya sungkod sa ibabaw sang dagat, kag pagabayawon niya sia, subung sang sa Egipto.

27 Kag mahanabu, sa sadtong adlaw, nga ang iya lulan pagaiholog gikan sa imo abaga, kag ang iya singkaw gikan sa imo tingkoy; kag ang singkaw pagabalion bangud sang tambok.

28 Nagakadto sia batok sa Ayat; nagaagi sia pa Migron; sa Miknas ginabutang niya ang iya mga galamiton.

29 Nagaagi sila sa alagyan; ang Geba amo ang dulugan nga didto nagahiligda sila; ang Rama nagakurug; ang Gebia-Saul nagapalagyo.

30 Singit sa mataas nga tingug, anak nga babae sang Galim; dunga nayan sa Lais, kailo ang Anatot.

31 Nagapalagyo ang Madmena, kag ang mga pumuluyô sang Gebim nagapalangita sing palalipdan.

32 Ini nga adlaw pa sa pagdúlog sa Nob, kag pagauyugon niya ang iya kamut batok sa bukid sang anak nga babae sa Sion, sa bakolod sa Ierusalem.

33 Yari karon, ang Ginoo nga si Iehoba sang Sebaot magabangi sang sangang nga may kagahud; kag ang mga nagapakataas gid, pagapangutdon sila, kag ang mga mataas pagapaidalumon sila.

34 Kag pagautdon niya nga may sal-salon ang kadamulon sang talon, kag ang Libano nagakapukan sa idalum sang Gamhanan.

Ang ginharian nga makidaiton kag bugena sang Mesias.

**11** KAG magagowa ang isa ka saling-sing sa púnô ni Isai, kag ang isa ka singil sa iya mga gamut magapamunga.

2 Kag magadúlog sa ibabaw niya ang Espiritu ni Iehoba, ang espiritu sa kaalam kag sa ihibalo, ang espiritu sa laygay kag sa kabakuran, ang espiritu sa pagkilala kag sa kahadluk kay Iehoba.

3 Kag magakalipay sia sa kahaman sang kahadluk kay Iehoba, kag indi sia magahukom sono sang panulok sang iya mga mata, bisan magamitlang sia sing paghukom, sono sang pagdungug sang iya mga idulungug.

4 Kag magahukom sia nga may katarungan sa mga imol, kag magamitlang sia sing paghukom nga may katadlungan nga sa mga mahagup sang duta; kag pagapilason niya ang duta sang bunal sang iya bâbâ kag pagapatyon niya ang madauton sang huyup sang iya mga bibig.

5 Kag ang katarungan manginwagkus sang iya mga hawak, kag ang katutum manginwagkus sang iya mga tagimislon.

6 Magapuyô ang lobo kaupud sang kordero, kag ang tigre magahigda upud ang kanding nga tinday; ang tinday nga baka, kag ang leon nga diyotay kag ang hayup nga pinatambok didto sila sing tingub, kag ang isa ka bâtâ nga lalaki magadumala sa ila.

7 Ang baka magahalab upud ang oso nga babae, kag ang ila mga tinday magaluloko sing tingub, kag ang leon magakaon sing dagami subung sang baka.

8 Kag ang bâtâ nga lalaki nga naga-soso, magahampang sa ibabaw sang boho sang dalitan nga man-ug, kag ang bag-ong nulutas magakoot sang iya kamut sa palanagoan sang man-ug nga dalitan.

9 Indi na pagabuhatan sing malain, bisan pagalaglagon pa sa bug-os nga bu-kids ang akon pagkabalaan; kay ang duta manginpunô sang pagkilala ni Iehoba, subung nga ang mga tubig nagatabon sang dagat.

10 Kag mahanabu, sa sadtong adlaw,



nga ang gamut ni Isai, nga pagaibutang didto, subung sang bandera nga sa mga banwa, pagapanngitaon sia sang mga katawohan; kag ang iya palahuwayan manginhimaya lamang.

11 Kag mahanabu, sa sadtong adlaw, nga si Iehoba magabutang liwan sang iya kamut sa pagtagiya sing makaduha sang nabilin sang iya banwa, nga nagpabilin sa Asur kag sa Egipto, kag sa Patros kag sa Kus, kag sa Elam kag sa Sinar, kag sa Hamat kag sa mga kapulohan sang dagat.

12 Kag magapatindug sing isa ka bandera sa mga katawohan, kag pagatiponon niya ang mga tinabog gikan sa Israel, kag pagatiponon niya ang mga *panimaláy* nga nagalaplaag sa Iuda gikan sa apat ka ukbung sang duta.

13 Kag ang kahisa ni Epraim pagapanason kag ang mga kaaway ni Iuda pagapapason; si Epraim indi na magamaimon batok kay Iuda, bisan si Iuda indi na manginkaaway ni Epraim;

14 Apang magalulupad sila sa ibabaw sang mga abaga sang mga Pilistinhon, nayon sa dagat; pagaatihon nila sing tingub ang mga anak sang Sidlangan; pagauntayon nila ang kamut batok sa Edom kag sa Moab, kag ang mga inanak ni Amon magamatinumanon sa ila.

15 Kag pagatagudilian ni Iehoba ang dila sang dagat sa Egipto, kag pagauyugon niya ang iya kamut sa ibabaw sang subâ sa kainit sang iya huyup; kag pagautdon niya ini sa pito ka iligan, kag pagapalakton niya didto nga may mga sabin.

16 Kag niyan may dalan nga sa nabilin sang iya banwa, nga nagkalabilin, sa pagbalik gikan sa Asur, subuug nga may isa nga sa Israel sang adlaw nga nagtaklad sia gikan sa duta sang Egipto.

Kalantahon sa mga pagpasalamat.

12 KAG magasiling ka sa sadtong adlaw:

"Ginadayaw ko ikaw, oh Iehoba;

Kay naakig ka batok sa akon,

Apang ang imo kasingkal nagpalayô kag ginlipay mo ako.

2 Yari karon, ang Dios among kaluwasan ko;

Magasalig ako, kag indi ako magakurug;

Kay ang akon kusug amo ang akon

kalantahon, nga amo si Iehoba, si Iehoba.

Sia nanginkaluwasan nga sa akon."

3 Kag magakuluha kamo sing mga tubig sang mga tuburan sang kaluwasan nga may kalipay;

4 Kag magasiling kamo sa sadtong adlaw:

"Dayawon si Iehoba, ibantala-ninyo ang iya ngalan;

Ipakilala-ninyo sa mga kabanwaan ang iya mga binuhatan nga mataas.

Ibantala-ninyo nga ang iya ngalan ginpakadaku.

5 Kinanta-kamo kay Iehoba,

Kay naghimo sia sing mga butang nga halangdon.

Mahibaloan ini sa bug-os nga duta.

6 Magsingit-ka kag magkasadya, oh pumuluyô nga babae sa Sion;

Kay daku sia sa tungâ nimo, ang Balaan sa Israel."

Pagkaguba sang Babilonia kag pagkaluwasan sang Israel.

13 LULAN sa ilabaw sang Babilonia, nga nakita ni Isaias, nga anak ni Amos.

2 Patindugi-ninyo sing bandera sa ibabaw sang isa ka hublas nga bukid; baskuga-ninyo ang tingug sa ila, uyuganinyo ang kamut, agud nga magsulud sila sa mga gawang sang mga dunganon.

3 Ako nagsogo sa akon mga ginpaka-balaan, hoo, ginpatipon ko ang akon mga maisug nga sa akon kaakig, ang akon mga tinawo nga punô sang palabilabi nga malipayon.

4 Ginapamatian ang hinigong sang kadamuan sa mga bukid, subung sang madamu nga mga banwa, ang hinigong, ang kinagahud sang mga ginharian, sang mga katwohan nga nagakatipon: si Iehoba sang Sebaot nagaisip sang kasoldadosan sang pag-awayan.

5 Nagakalari sila gikan sa malayô nga duta, sa ukbung sang mga kalangitan, si Iehoba kag ang mga galamiton sang iya kasingkal, sa paglaglag sang bug-os nga duta.

6 Uluwang-kamo, kay malapit na ang adlaw ni Iehoba; nagakari sia subung nga kahapayan gikan sa Makagagahum.

7 Ngani magmanginmaluya ang tanan nga mga kamut kag magakatunaw ang tanan nga mga tagiposoon sang tawo.

8 Ginapakakugmat sila; ginadakup sila sang mga kalilisdan kag sang mga kasakit sang pag-anak, nagalubag sila subung sang babae nga nagaanak; nagatulukay ang isa sa isa nga may kakulba, ang ila mga nawung, mga nawung nga mga dabdab.

9 Yari karon, ang adlaw ni Iehoba nagapakari, nga mabanngis nga may pagpaawas sang kasingkal sang kaakig sa pagpahapay sa duta kag sa pagpapas sa iya sang iya mga makasasalâ.

10 Kay ang mga kabitoonan sang kалангитан, bisan pa ang mga labing masilaw, indi na magapasiga sang ila kasana; kag ang adlaw magadulum kutub sa iya pagbutlak, kag ang bulan indi magapasana sang iya kasanag.

11 Kag pagasilotan ko ang kalibutan tungud sang iya kalainan, kag ang mga malauton tungud sang ila kalautan; kag pagapauntaton ko ang bugal sang mga palabilabihon, kag pagapaubson ko ang palabilabi sang mga makahaladluk.

12 Pagahimoon ko, nga ang isa ka mamalatyon manginlabing mahal sang bulawan nga ulay, kag ang isa ka tawo, labi pa ka mahal sang bulawan sa Opir.

13 Tungud sini pagapakurugon ko ang kалангитан, kag pagauyugon ko ang duta sa iya duug sa pagpaawas sang kasingkal ni Iehoba sang Sebaot, sa adlaw sang kaakig sang iya kasingkal.

14 Kag mahanabu, nga manginsubung sang gasela nga ginalagas kag subung sang obehâ nga walâ sing magatipon, ang pagbalik sang tagsatagsa sa iya banwa; kag ang tagsatagsa magapalagyo sa iya duta.

15 Bisan sin-o nga makita, pagabunon sia; kag bisan sin-o nga mada-kup, mapukan sa hinganiban.

16 Kag ang ila mga kabataan pagapangdugmokon sa atubangan sang ila mga mata; pagapanghublasan ang ila mga balâ, kag pagapanluguson ang ila mga asawa.

17 Yari karon, pagapainiton ko batok sa ila ang mga Mediahanon, nga indi sila nagapakamahal sang pilak, bisan magakalipay sila sa bulawan;

18 Kag ang ila mga pana magalaglag sang mga pamatan-on; kag indi nila pagakalooyan ang bunga sang tiyan, bi-

san ang iya mata magapatawad sa mga anak.

19 Kag ang Babilonia, ang himaya sang mga ginharian, nga puni sang palabilabisang mga Kaldienhon, manginsubung sang paglaglag sang Dios sang Sodoma kag sang Gomora.

20 Indi na gid sia pagpuy-an, bisan magpuyô sila sa iya sa kaliwatan kag kaliwatan; bisan magabugsok didto sing payag ang Arabinhon, bisan ang mga manugbantay sang hayup magapapahuway didto sang mga pinanong;

21 Kondi nga magapahuway didto ang mga kasapatan nga mapintas sang kabanayakan, kag ang ila mga balâ magakapunô sing mga bukaw; didto ang Abestrus magahimo sang ila puluy-an, kag didto magalulumpat ang mga kanding;

22 Kag ang mga ido nga ilahas masigtaghol sa iya mga balâ nga kuta kag ang mga sakal sa ila mga balâ nga sa kalalipayan. Kag ang iya panag-on malapit nga magabut, kag ang iya mga adlaw indi magalawig.

**14** KAY si Iehoba magakalooy kay Iakob, kag pagapilion pa niya ang Israel, kag pagaipahamtang niya sila sa ila duta; kag sa ila magasilimpon ang mga dumuluong, kag magasimpon sila sa panimalâ ni Iakob.

2 Kag pagakuhaon sila sang mga katawohan kag pagadalhon sila sa ila duug, kag ang balâ ni Israel magangkon sa ila sa duta ni Iehoba subung nga mga alagad nga babae kag lalaki: pagabihagon nila ang mga nagbihag sa ila, kag magagilino sa ila sa mga manuggigos nila.

3 Kag mahanabu, sa adlaw nga si Iehoba magapapahuway sa imo sa imo pangabudlay, kag sa imo kalisdanan, kag sa mabug-at nga kahioliplan nga ginpapaolipnan nila sa imo,

4 Nga pagamitlangon mo ini nga pinolongan nga hulubaton sa ibabaw sang hari sa Babilonia, kag magasiling ka: "¿Paano bala nga naguntat ang manuggigos, paano nga naguntat ang nagtumpok sang bulawan?"

5 Ginbali ni Iehoba ang sungkod sang mga madauton, ang setro sang mga manuggahum,

6 Ang nagapilas sang mga banwa sa iya kasingkal nga may bunal nga wa-



lay paguntat, nga nagagahum sa mga katawohan nga may kasingkal, nga nagahingabut sa ila nga walâ sing kalooy.

7 Nagapahuway ang bug-os nga duta, malinong sia; nagahilinugyaw sila sa kalipay:

8 Ang amo nga mga sipres nagakalalipay bangud sa imo, nga nagasiling upud ang mga sedro sang Libano: Tubtub nga ikaw napukan, walay manugtapas nga nagtaklad batok sa amon.

9 Sa imo pagpalapit ang inpierno, sa idalum, nagagamo sa pagsugata sa imo; sia nagapukaw nga sa imo sang mga minatay, sang tanan nga mga pang'olo sang mga pinanung sa duta; ginapatindug niya sa ila mga lingkoran nga harianon ang tanan nga mga hari sang mga katawohan.

10 Sila nga tanan nagahambal, kag nagasililing sila sa imo: Ikaw man nagmaluya subung ang amon, kag nangin-kaangay ka namon.

11 Ginpapanaug sa lulubngan ang imo bugal kag ang tunog sang imo mga biola: sa idalum mo may higdaan nga mga ulud, kag ang mga ulud nagaputus sa imo.

12 ¿Paano bala nga naholog ka sa langit, bitoon nga masilaw, anak sang pamanagbanag? ¿Paano bala nga ginpa-paidalum ka sa duta, ikaw nga nagpukan sang katawohan?

13 Kag ikaw, ikaw nagasiling sa imo tagiposoon: Magasaka ako sa langit, pagabayawon ko ang lingkoran nga harianon sa ibabaw sang mga kabitoonan sang Dios; kag sa bukid sang pakigkitaan magalingkod ako, sa mga kaidadalman sang Aminhan.

14 Sa ibabaw sang kataason sang mga pangandug magasaka ako, kag magapakaangay ako sa Labing-Mataas.

15 Apang ginpapanaug ka sa lulubngan, sa kadadalman sang lulubngan.

16 Ang mga makakita sa imo nagapasisiling sa imo kag nagapamalandong sa imo, nga nagasiling: ¿Amo ini bala yadtong tawo nga nagpakurug sang duta, nga naguyug sang mga ginharian?

17 ¿Nga naghimo sang kalibutan subung sang kahanayakan, kag naglaglag sang ila mga kabanwaan? ¿Nga walâ igpadalâ niya ang iya mga bihag sa ila mga baláy?

18 Ang tanan nga mga hari sang ka-

tawohan, sila nga tanan, nagahalamyang nga may dungug ang tagsatagsa sa iya baláy.

19 Apang ikaw ginsobol nga malayô sa imo lulubngan, subung sang saling-sing nga kalangil-aran, nga naputus sang mga pinatay nga mga pinalapsan sang hinganiban, nga nagpalanaug sa naidalum sang mga bató sang lulubngan, subung sang bangkay nga tinapakan.

20 Indi ka pagaisimpon sa ila sa lulubngan; kay ikaw naglaglag sang imo duta, ginpatay mo ang imo banwa: indi na nga mas-a pagahingadlan ang kaliwatan sang mga malauton.

21 Amana-ninyo ang inyo mga anak nga sa palatyan, tungud sang kalainan sang ila mga ginikanan. Indi sila magtilindug sa pagtagiya sang duta, kag sa pagpunô sang kadaygan sang kalibutan sang mga kabanwaan.

22 Ako magatindug batok sa ila siling ni Iehoba sang Sebaot kag pagautdon ko sa Babilonia ang ngalan kag ang nabilin, ang kaliwatan kag ang kabikahan, siling ni Iehoba.

23 Pagahimoon ko sia nga pagga-human sang mga eriso, kag nga mga danaw sang tubig; kag pagasilhigon ko sia sang mga silhig sang kalaglagan, siling ni Iehoba sang Sebaot.

Tagua batok sa mga Asurinhon.

24 Si Iehoba sang Sebaot nagsumpa, nga nagasiling: Sa pagkamatuud, subung nga akon ginapamalandong manginamo, kag subung sang akon ginatapat, mahababu:

25 Nga pagalaglagon ko ang Asur sa akon duta, kag sa akon mga kabukiran lapakon ko sia; kag ang iya singkaw pagaipalayô sa ila, kag ang iya lulan pagakuhaon sa ila abaga.

26 Ini amo ang katuyoan nga gintapat nga sa bug-os nga duta; kag ini amo ang kamut nga nauntay sa ibabaw sang tanan nga katawohan.

27 Kay si Iehoba sang Sebaot nagtapat sang iya tinotuyo, ¿sin-o bala ang magpanas sa iya? Ang iya kamut nauntay na, ¿sin-o bala ang magapakulo sa iya?

Taga batok sa mga Pilistinhon.

28 Sang tuig nga namatay ang hari nga si Akas, naninginamo ini ang lulan:

29 Ayaw ka pagkasadya, Pilistea nga bug-os, tungud nga nabali ang bunal nga nagpilas sa imo. Kaysa gamut sang man-ug magagowa ang man-ug nga dalitan, kag ang iya bunga manginman-ug nga masingkal, nga nagalupad.

30 Kag ang mga panaganay sang mga imol magahalalab, kag ang mga makalolooy magapahuway sing malig-on; apang pagapatyon ko sa gutum ang imo gamut- kag pagapatyon ang imo nabilin.

31 ¡Uwang-ka, oh gawang! ¡Singit-ka, oh banwa! Nagakatunaw ka, ikaw, Pilistea nga bug-os. Kay nagakari ang aso gikan sa Aminhan, kag walâ sing bisan isa nga magabulag sa iya mga panong.

32 Kag jano bala ang pagaisabat sa mga manugbalita *sining* katawohan? Nga si Iehoba nagtukud sang Sion, kag nga sa iya magapalipod ang mga nalisdan sang iya banwa.

Taga sang pagkagaba sang Moab.

**15** LULAN sa ibabaw sang Moab. Matuud, nga sa kagab-ihon ginahapay ang Ar-Moab, nga ginalaglag sia; matuud, nga sa ka kagb-ihon ginahapay ang Kir-Moab, ginalaglag sia.

2 Nagsaka sia sa balâ sang mga dios, kag ang Dibon *nagataktad* sa duug nga mataas nga nagahibi; ang Moab nagannguynguy sa ibabaw sang Nebo kag sa ibabaw sang Medeba: ang tanan nga olo nagkaupaw kag ang tanan nga bungot ginkiskis.

3 Sa ila mga dalan nagapangwagkus sila sing mga panapton nga masinakiton; sa ila mga atup kag sa ila mga dalan magauluwang ang tanan, nga nagakatunaw sa paghibi.

4 Si Hesbon kag si Eleale nagasilingit; tubtub sa lahas nabatian ang ila tingug: tungud sini nagasilingit ang mga nasangkapan sang hinganiban ni Moab, nagakurug ang ila kalâg.

5 Ang akon tagiposoon nagasingit tungud kay Moab; ang iya mga malalagyo *nagapalalagyo* tubtub sa Soar, tubtub sa Eglat-Selisia; kay sa taklaron sa Luhit nagatalaklad sila, nga naga-

hilibi; kay sa dalan sa Horonaim nagasiningit sila sa kalaglag.

6 Kay ang mga tubig sa Nimrim among mga duug nga nahapay; kay nagkalaya ang hilamon, kag nadula ang halalbon kag walâ na sing kahilaw.

7 Ngani ginadalâ nila ang kapuslanan nga nahimo nila kag ang ila ginatigana sa tabok sang kasulgan sang mga sauses.

8 Kay ang singit nagalibot sa mga kadulunan sang Moab: tubtub sa Eglaim *naglambut* ang ila paguluwang, kag tubtub sa Beer-Elim ang ila paguluwang;

9 Kay ang mga tubig sa Dimon napunô sang dugo; kay pagabutangan ko sa ibabaw sang Dimon sing dugang nga *kalautan*: ang isa ka leon nga sa mga nakapalagyo gikan sa Moab, kag nga sa nabilin sang duta.

**16** “IPADALA-ninyo gikan sa Sela, sa luyo sang kahanayakan, ang mga kordero sang manuggahum sang duta, sa bukid sang anak nga babae ni Sion.”

2 Kay subung sang pispis nga manugpalagyo, subung sang pugad nga naglapta, manginamo ini ang mga anak nga babae ni Moab, sa mga tabukan sa Arnon.

3 *Nagasililing sila*: “Ginawi-kamo nga may kaligdong, himo-kamo sing matarung: himoa ang imo landong subung sang gab-i, sa bug-os nga kaudtohon sang adlaw; tagoa ang mga tinapok; ayaw pagluibi ang manugpalagyo.

4 Magpuluyô upud sa imo ang akon mga tinapok, oh Moab; manginpalalipdan ka nila sa atubangan sang manuglaglag; kay ang manugpigos nagauntat, ang pagkahapay may katapusan; ang manngtapak nadula na sa duta.

5 Kag ang isa ka lingkoran nga harianon pagapatindugon sa gugma; kag sa ibabaw sini nga lingkoran nga harianon magalingkod sa kamatooran, sa layang-layang ni Dabid, ang isa ka manug-hukom, nga nagapangita sing katadlungan kag nga madali sa katarungan.”

6 Nakabati kami sang palabilabi ni Moab, *ang banwa nga* sa lakas nga ka palabilabihon, sang iya himaya, kag sang iya kabugalon, kag sang iya kasingkal: mga kadayawan ang iya mga kaandakan.

7 Tungud sini magauwang si Moab



sa ibabaw sang Moab, tanan sila magaul-wang. Magapanghakroy kamo tungud sang mga kalaglagan sa Kir-hareset, kamo nga mga napunaw sang kalilisan-dan.

8 Kay ang mga latagon nga mabun-ghahon sa Hesbon naganiwang kag ang mga kaubasan sa Sibma, nga ang ila mga sangha nga pinili nagpahubug sang mga kaginoohan sang mga katawohan, nakalambut sila tubtub sa Iaser, nga nagatalalang sa kahanayakan kag nga ang iya mga salingsing naggapa sa tabok sang dagat.

9 Tungud sini magatangis ako nga may mga paghibi sa Iaser bangud sang kaubasan sa Sibma; pagabunyagan ko ikaw sang akon mga luha, oh Hesbon kag ikaw, Eleale; kay ang singit sa pag-awayan nagakaholog sa ibabaw sang imo mga bunga sa tingadlaw, kag sa ibabaw sang imo ani.

10 Pagakuhaon ang kalipay kag ang kasadya sang latagon nga mabunghahon, kag sa mga kaubasan walâ na sing paghinugyaw, bisan pagkinanta nga malipayon; ang mga mangangani indi na nagapisga sing alak sa mga ipitan; ginpauntat ko ang kagahud sang ipitan.

11 Tungud sini ang akon mga kasud-lan magatulunog subung sang arpa, tungud kay Moab, kag ang akon tagipsoon, tungud kay Kir-hareset.

12 Kag mahanabu nga, sang si Moab magaatubang, sang nabudlay na sia sa ibabaw sang mga mataas nga duug, kag nga magasulid sia sa iya balaan nga Puluy-an sa pagpangamuyo, walâ na sia sing madangat.

13 Ini amo ang polong nga ginmitlang ni Iehoba sa ibabw ni Moab, kutub sa malawig nga panag-on.

14 Apang karon, si Iehoba nagahambal, nga nagasiling: Sa sulud sang tatlo ka tuig, subung sang tuig sang mamumugon, ang himaya ni Moab pagatamayon upud ang tanan niya nga kadam-an, kag ang nabilin mangindiotay, diyotay gid, sa walay bili.

Tagna batok sa Damasko kag batok sa Epraim.

**17** LULAN sa ibabaw sang Damasko.

Yari karon, nga ang Damsko mangingawas sa isip sang mga banwa, kag mangintinumpok sang ginub-an.

2 Ang mga kabanwaan sa Aroer

pagapamayaan; sa mga pinanong nga kahayupan mahanungud sila; magahiligda sila didto, kag walâ na sing magapalisang sa ila.

3 Kag walâ na sing banwa nga mabakud sa Epraim, bisan ginharian sa Damasko, bisan sa mabilin sa Aram; manginsubung sia sang himaya sang mga inanak ni Israel, siling ni Iehoba sang Sebaot.

4 Kag mahanabu, sa sadtong adlaw nga ang himaya ni Iakob magabuhin, kag maganiwang ang katambokon sang iya unud.

5 Kag manginamo subung sang kon ang manugani nagatipon sang inani kag ang iya butkon nagaani sang mga uhay; subung sang kon nagapanlaghaw sang mga uhay sa nalupyakan sa Repaim.

6 Kag mabilin sa iya ang mga siniput, subung sang magpalaspas sang olibo: duha kon tatlo ka bilog sa tuyongtuyongan; apat kon lima sa mga sangha sang kahoy nga mabunghahon, siling ni Iehoba nga Dios sa Israel.

7 Sa sadtong adlaw magatulok ang tawo sa iya Magbubuhay, kag ang iya mga mata magatulok sa Balaan sang Israel.

8 Kag indi magatulok sia sa mga halaran nga buluhaton sang iya mga kamut; sia indi magatulok sa ginpanghimo sang ila mga tudlo, bisan sa mga Asherim, bisan sa mga haligi sang adlaw.

9 Sa sadtong adlaw, ang iya mga kabanwaan nga mabakud manginsubung sang amo nga kalaglagan, nga ang mga talon kag mga putokputokan nga ginpamayaan sa atubangan sang mga inanak ni Israel, kag ini manginkahapayan.

10 Kay nagkalipat ka sa Dios sang imo kaluwasan, kag walâ ka makadumdum sa Batong bantiling sang imo kabakuran; tungud sini magatanum ka sing mga talamnonon sa mga talamnan nga mga makahamuut, kag nagatanum ka didto sing balagon nga dumuluong.

11 Sa adlaw nga magtanum ka, kudalan mo sia, kag sa aga pabulakon mo ang imo gintanum; *apang* sa adlaw sa pagtagiya sa iya ang ani among tumpuk sa kasakit nga walay bulong.

Tagna sang pagkalaglag sang kasoldadosan nga Asirihanon.

12; Kailo sang kagahud sang kada-

muan sang mga banwa, nga nagaginahud sila subung sang dinaguhub sang mga dagat ; kag sang kagalong sang mga katawohan nga nagagalong, subung sang hinuganas sang madamu nga mga tubig!

13 Ang mga katawohan nagagalong subung sang hinuganas sang mga dalagku nga mga tubig ; apang sia nagsabdong sa ila, kag nagapalagyo sila sa malayo ; ginalagas sila subung sang dagami sa mga kabukiran tungud sang hangin, kag subung sang *yab-ok* nga nagalimpulos sa atubangan sang bagyo.

14 Sa oras sang hapon, yari karon, ang kakulba ; kag sa walâ pa umaga, walâ na sila. Ini amo ang bahin sang mga nagahublas sa amon, kag ang kapalaran sang mga nagaagaw sa amon.

Ang kalaglagan sang mga Asirihanon nga gintunda sa Kus, kon Etiopia.

18 | KAILO sa imo, duta, nga ang iya mga pakpak nagapamalakpak nga yara sa isa ka luyo sang mga subâ sa Kus !

2 | Ikaw nga nagapadalâ sing mga manugbalita sa dagat kag sa mga sakayan nga tigbaw, sa ibabaw sang kadayangan sang mga tubig ! Lakat-kamo, mga madasig nga mga manugbalita nayon sa katawohan nga mabakud kag masidlakon, nayon sa banwa nga makahaladluk kutub sa iya pamúnô kag sang olehe, katawohan nga nagatapan sang tanan kag nagalapak, nga ang iya duta ginautudutud sang mga subâ.

3 Kamo nga tanan nga mga nagapuluyô sa kalibutan kag mga pumuluyô sang duta, kon magapatindug sing bandera sa mga kabukiran, makita ninyo sia ; kag kon pagapatunugon ang budyong, magapalamati kamo sa iya.

4 Kay si Iehoba nagsiling sa akon sing subung sini : Magapahimonong ako sa akon puluy-an, kag magatulok ako subung sang kainit nga masinaw sa kapawa sang *adlaw*, subung sang gal-um nga nagatun-og sa kainit sang ani.

5 Kay sa walâ pa ang ani, sang pagkatapus sang pagpamulak, kag nga ang bulak mangimaluto nga ubas, sia magautud sang mga balagon nga may kayug, kag pagakuhaon kag pagautdon niya ang mga sangâ.

6 Kag pagapamayaan ang tanan sing tingub sa mga kapispisan nga mananan-

git sang mga kabukiran, kag sa mga kasapatan sang duta ; sa ibabaw nila magapalatinginit ang mga kapispisan nga mananangit, kag magapalatugnaw ang tanan nga mga kasapatan sang duta sa ibabaw nila.

7 Sa sadtong panag-on pagadalhon nga dólót kay Iehoba sang Sebaot, sa duug nga didto ang ngalan ni Iehoba sang Sebaot, sa bukid sa Sion, ang isa ka katawohan nga mabakud kag masidlakon kag sa *tungâ* sang isa ka baniwa nga makahaladiuk kutub sa iya pamúnô kag sang olehe, katawohan nga nagatapan sang tanan kag nagalapak, nga ang iya duta ginautudutud sang mga subâ.

Tagna nahanungud sa Egipto.

19 LULAN sa ibabaw sa Egipto. Yari karon nga si Iehoba nagasakay sa ibabaw sang isa ka maabtik nga pangnud : magasulúd sia sa Egipto, kag ang mga diosdios sa Egipto magakatiphag sa atubangan niya, kag magakalatunaw ang tagiposoan sang mga Egiptohanon sa sulúd nila.

2 Kag pagasangkapan ko sa hinganiban ang Egipto batok sa Egipto, kag ang tagsatagsa makigaway batok sa iya útud, ang tagsatagsa batok sa iya isig-katawo, ang banwa batok sa banwa, kag ang ginharian batok sa ginharian.

3 Kag ang espiritu sang Egipto ginapunaw sa sulúd niya, kag paglaglagon ko ang ila kasapulan ; kag nagapalamangkot sila sa ila mga diosdios, kag sa mga tantanan, kag sa mga manugpagowa sang mga espiritu kag sa mga manugpakot.

4 Kag ginatugyan ko ang Egipto sa mga kamut sang isa ka agalon nga matigdas ; kag ang isa ka hari nga mabangis magahari sa ila, siling sang Ginoo nga si Iehoba sang Sebaot.

5 Kag magakulang ang mga tubig sang dagat, kag ang subâ magahubas kag magamala.

6 Kag magabalaho ang mga subâ ; ang mga ililigan sa Matsor magabuhin kag magahubas ; ang mga kawayan kag ang mga tigbaw magakalalaya.

7 Ang mga latagon sa luyo sang Nilo, sa pangpang sang Nilo, kag ang tanan nga uma sang Nilo, magamalala, magakapanas, kag mawâlâ na sila.

8 Kag ang mga mangingisda maga-



hilibi; kag magalalalaw ang tanan nga nagapamunit sa Nilo, kag ang mga nagaladlad sang pukot sa ibabaw sang kadaygan sang tubig maganiniwang sila.

9 Ang mga nagapangabudlay sang lino nga nahusay, kag ang mga nagahabol sing mga maputi nga hinabol, pagapakahuy-an sila.

10 Kag nahanungud sang mga sad-saran sang duta pagapangub-on sila; ang tanan nga mga nagadaug sing sohol, magakalasubo sila sa kalág.

11 Lamang mga kulankulang ang mga dunganon sa Soan, ang mga malam, sa tungâ sang mga manuglaygay ni Paraon: ini among kasapulanang mga kabuangon. ; Paano ang pagsiling nin-yo kay Paraon: "Ako amo ang anak sang mga maalam; ako amo ang anak sang mga hari nga dumaan?"

12 Busa, ; diin bala ang imo mga maalam? Magpahibalo sila sini karon sa imo, kag magsayud sa imo nga kon ano ang gintapat ni Iehoba sang Sebaot nahanungud sa Egipto.

13 Nagkalabuang ang mga dunganon sa Soan; nalimbongan ang mga dunganon sa Nop; ginpatalang nila ang Egipto, ang mga bató nga pamusud sang ila mga kabikahan.

14 Ginsimbugan ni Iehoba sang espiritu sa kalipong sa sulúd niya; kag ginpatalang nila ang Egipto sa tanan nila nga buluhaton, subung sang pagduling sang hubog sa iya suka;

15 Kag walâ sing buluhaton nga sa Egipto, bisan ano nga butang nga mahimo sang olo kon sang ikog, sang palwa kon sang tigbaw.

16 Sa sadtong adlaw ang Egipto manginsubung sang mga babae; kag magakurug sia kag magakalisang sia bangud sang paguyug sang kamut ni Iehoba sang Sebaot, nga sia magauyug batok sa iya.

17 Kag ang duta sa Iuda manginkukulba nga sa Egipto; ang tanan nga sa iya magasambit sini, magakakugmat bangud sang kasapulanang mga gintapat ni Iehoba sang Sebaot batok sa iya.

18 Sa sadtong panag-on may lima ka mga kabanwaanang sa duta sa Egipto nga nagahalambal sang hambal sang Kanaan, kag nga nagakatipan sa pagpanumpa kay Iehoba sang Sebaot; ang

isa pagahingalanan ang banwa nga Ir-haeres.\*

19 Sa sadtong adlaw may halaran nga kay Iehoba sa tungâ sang duta sa Egipto, kag ang isa ka halandumanan kay Iehoba malapit sa iya kadulunan.

20 Kag ini mangintanda kag pagpamatuud kay Iehoba sang Sebaot sa duta sang Egipto; kay magasilingit sila kay Iehoba bangud sang mga manugpigog, kag sia magapadalâ sa ila sing manluluwas kag mananabang, nga sia magabawi sa ila.

21 Kag si Iehoba igapakilala sa mga Egiptohanon, kag ang mga Egiptohanon makakilala kay Iehoba sa sadtong adlaw; kag magahilimo sila sing pag-alagdan sang mga halad kag sang mga halad nga kalan-on; kag magahilimo sila sing mga saad kay Iehoba, kag pagatumanon nila sila.

22 Kag sa sini pagapilason ni Iehoba ang Egipto, nga nagapilas kag nga nagayô, kag magaliliso sila kay Iehoba, kag sia magapadaug sang ila pagpak-looy, kag pagaayohon niya sila.

23 Sa sadtong adlaw may isa ka dalan gikan sa Egipto pa Asur: ang Asur magasululud sa Egipto, kag ang Egipto, sa Asur, kag ang mga Egiptohanon magaalalagad kay Iehoba upud ang Asur.

24 Sa sadtong adlaw ang Israel manginikatlo upud sa Egipto kag sa Asur, ang isa ka pakamaayo sa tungâ sang duta;

25 Si Iehoba sang Sebaot magapakamaayo sa ila, nga nagasiling: Pinapakamaayo ang Egipto, nga banwa nakon, kag ang Asur, nga binuhatan sang akon mga kamut, kag ang Israel, nga akon panublion.

Ang tagna nga hinalimbawa sang pagkahoilog sang Egipto kag sang Etiopia.

**20** SANG tuig nga si Tartan nagabut sa Asdod, si Sargon, nga hari sa Asur, sang sia nagpadalâ sa iya kag nag-away sia batok sa Asdod, kag ginkuha niya sia;

2 Sa sadtong adlaw naghambal si Iehoba tungud kay Isaias, nga anak ni Amos, nga nagasiling: "Lakat-ka kag kuhaa ang panapton nga masinakiton sa

\* Ir-haeres, ang banwa sang pagbungkag.

imo mga hawak, kag huksa ang mga sapin sa imo mga tiil." Kag ginhimo niya ini, nga nagalakat nga hubo kag walay sapin.

3 Kag nagsiling si Iehoba: "Sa bagay nga nagalakat ang akon alagad nga si Isaias nga hubo kag walay sapin, tanda ini kag katingalahan sing tatlo ka tuig nahanungud sa Egipto kag nahanungud sa Kus;

4 Sa sini pagadalhon sang hari sa Asur ang mga bihag gikan sa Egipto, kag ang mga ginpanlitan sa Kus, ang mga pamatan-on kag ang mga tigulang, nga mga hubo kag walay sapin, kag mga walay tabon ang mga balikawang, nga pagkahubo sang Egipto.

5 Kag magakilibang sila kag magakalahuya sila bangud sang Kus, nga ila paglaum, kag sang Egipto nga ila himaya.

6 Kag sa sadtong adlaw ang pumulyô sa sini nga baybay magasiling: Yari karon, amo ini ang *duta* nga paglauman naton, nga didto nagpalagyo kita sa pagpangita sing pagbulig, agud maluwas kita sa hari sang Asur. Kag ¿paano ang pagpalagyo naton?"

Tagna sang pagkaholog sang Babilonia.

21 LULAN sa ibabaw sang kahanayakan nga baybayon. Subung sang mga bagyo sa Bagatnan nga nagaagi, sia nagahalin gikan sa kahanayakan, sa *duta* nga makalilisang

2 Ang isa ka matig-a nga palananawon ang ginpahayag sa akon: "Ang mabudhion nagahimo, sa pagkamabudhion gid, kag ang manughapay, nagahapay. ¡Taklad-ka, Elam: libuti, Media! Gina-pauntat ko ang tanan niya nga pagbakho."

3 Tungud sini ang akon mga hawak nagkalapunô sing kasakit, ang mga kalilisan nagdakup sa akon, subung sang mga kalilisan sang babae nga naga-anak; nagalubag ako tubtub nga indi na makabati, ginakulbaan ako tubtub nga indi makakita.

4 Nagapitik ang akon tagiposoon, ang kakulba nagapalisang sa akon. Nagabaylo sa kakugmat ang akon kahaponon sa kalipay.

5 Pag-aman sang latok, pagpanilag sang lalantawan; pagkaon, paginom: ...

¡Tilindug-kamo, mga dunganon! ¡Haplasa-ninyo ang taming!

6 Kay amo ini ang ginasiling sang Ginoo sa akon: "Lakat-ka kag butan-gi sing bantay; nga magpahibalo sia sang iya makita.

7 Kag nakita niya ang isa ka pinanung nga manugkabayo, sa tagduhaduha, ang isa ka pinanung nga nagasakay sa mga asno, ang isa ka pinanung nga nagasakay sa mga kamelyo; kag nagapamati sia sing matalupangdon, sing daku nga matalupangdon."

8 Kag nagsingit sia subung sang isa ka leon: "Ginoo, didto sa ibabaw sang lalantawan nagapadayon ako sa adlaw, kag nagapadayon ako sa akon pagbantay sa bug-os nga gab-i:

9 Kag yari karon, nga nagaabut ang isa ka pinanung nga manugkabayo sa tagduhaduha." Kag naghambal sia kag nagsiling: "Naholog, naholog ang Babilonia, kag nagkalaboong sa *duta* ang tanan nga larawan nga tinigban sang ila mga dios."

10 Oh *banwa* nakon, uhay nga lininas, mga anak sang akon linasan: ginpahibalo ko sa inyo ang akon nabatian kay Iehoba sang Sebaot, nga Dios sa Israel.

Tagna batok sa Duma.

11 Lulan sa ibabaw sang Duma.\* Nagasilingit sa akon gikan sa Seir: "Bantay, ¿ano bala sang kagab-ihon? Bantay, ¿ano bala sang kagab-ihon?"

12 Ang bantay nagsiling: "Ang kaagahon nag-abut, kag amo man ang gab-i: kon buut kamo magpamangkot, pamangkot-kamo; balik pa kamo."

Tagna batok sa Abrabia

13 Lulan sa ibabaw sang Arabia. Sa talonan sa Arabia, nagahiligda kamo, mga karabana sang mga Dedaninhon.

14 Sa pagsugata sa nauhaw, dalhininyo sing tubig. Ang mga pamuluyô sa *duta* sang Tema nagauna sa manugpalagyo nga upud ang iya tinapay.

15 Kay nagapalalagyo sila sa atubangan sang mga hinganiban, sa atubangan sang hinganiban nga ginabut sa tagub, sa atubangan sang pana nga

\* *Duma*, hipus, isa ka kabikahan nga Arabinbon.



nasanting, sa atubangan sang kabug-at sang pagilinaaway.

16. Kay amo ini ang ginsiling sa akon ni Iehoba : Isa ka tuig pa kaangay sa mga tuig sang sinoholan, kag ang bug-os nga himaya ni Kedar pagatapuson.

17 Kag ang nabilin sang kadamuon sang mga maisug nga manugpana, nga mga anak ni Kedar, pagapakubson sila : kay si Iehoba, nga Dios sa Israel, naghambal.

Dagway nga tinagna sang paglibot sa Ierusalem.

**22** LULAN sa ibabaw sang Nalupyakan sang palanan-awon.\* Busa, anong imo bala, nga nagsaka ka nga bug-os sa mga atup,

2 Ikaw, nga punô sang mga s'ningit, nga banwang magahud, nga banwang masadya? Ang imo mga patay walâ sila pagpatya sa hinganiban, bisan nagkalamatay sila sa pag-awayan.

3 Ang tanan mo nga mga pangolo nagapalalagyo sing tingub, sa walay pana ginapangapus sila ; ang tanan nga mga sa imo nga nakit-an, ginpangapus sila sing tingub gid, *bisan pa* sa malayô nagpalalagyo sila.

4 Tungud sini nagasiling ako : Ipalayô ang inyo mga mata sa akon, nga nagahibi ako sing mapait gid. Indi kamo magtilinguhag sa paglipay sa akon sang pagkalaglag sang anak nga babae sang akon banwa.

5 Kay amo ining adlaw sa kinagahud, kag sa pagtapak, kag sa kakulba gikan sa Ginoo nga si Iehoba sang Sebaot, sa nalupyakan sang palanan-awon : nagakali sang kuta, kag ang sininigit *nagatunug* tubtub sa mga bukid.

6 Ang Elam nagadalâ sang baslayan, upud ang isa ka pinanung nga tinawo sa ibabaw sang mga kanga, kag mga manugkabayo, kag ang Kir nagabukas sang taming.

7 Kag mahanabu, nga ang imo mga labing matahum nga nalupyakan punô sang mga kanga, kag nga ang mga manugkabayo nagapahamtang sing pasunud malapit sa gawang.

8 Kag ginubahan niya ang pandong ni Iuda : nagatulok ka, sa sadtong adlaw, sa mga hinganiban sa baláy sang Talon.

9 Kag nakita ninyo ang mga litik sang

banwa ni Dabid nga madamu sila, kag ginatipon ninyo ang mga tubig sa punong sa idalum.

10 Kag ginaisip ninyo ang mga baláy sa Ierusalem, kag ginaguba ninyo ang mga baláy sa pagpalig-on sang kuta.

11 Kag nagahimo kamo sing punong sa tungâ sang duha ka kuta nga sa mga tubig sang punong nga daan ; apang walâ kamo magtan-aw sang naghimo sini, bisan nagtulok kamo sang naghuman sini sing dugay na.

12 Ang Ginoo nga si Iehoba sang Sebaot nagtawag sa sini nga adlaw sa hinibi kag sa paghaya, sa pagganit sang mga bohok, kag sa pagwagkus sing mga panapton nga masinakiton ;

13 Kag yari karon, ang kalipay kag ang kasadya : nagaihaw sing mga baka, kag nagapugot sing mga obeha, nagakaon sing unud kag nagainum sing alak, *nga nagasiling* : "Magkalaon kag magilinum-kita, kay buas mamatay kita."

14 Ini ginapahayag sa akon mga idulungug ni Iehoba sang Sebaot : Sa pagkamatuud, ining kalautan indi matumbas nga sa inyo tubtub nga mamatay kamo, siling sang Ginoo nga si Iehoba sang Sebaot

Ang Pagpapaubus kay Sebna ; ang pagpakataas kay Eliakim.

15 Ang Ginoo nga si Iehoba sang Sebaot nagasiling sing subung sini : Lakat-ka, kadto-ka sa sini nga pinalanga, kay Sebna, ang tulugyanan sa baláy *sang hari* :

16 ; Ano bala ang imo diri, kag sin-o ang imo diri, nga nagbasbas ka diri sing lublubngan nga sa imo? ; Pagbasbassang duug nga mataas nga sa iya lublubngan ! ; Kutkut sang isa ka puluy-an sa batong bantiling nga sa iya !

17 Yari karon, nga si Iehoba magahaboy sa imo sa malayô, subung sang paghaboy *sang kamut* nga lalakinhon kag pagaputson ka sing bug-os.

18 Pagapaligiron ka niya, pagapaligiron ka niya subung sang manipulon, subung sang manipulon sa duta nga malapad. Didto mamatay ka, kag didto magakadto ang mga kanga sang imo himaya, oh kahuluy-an sang baláy sang imo ginoo.

19 Kag pagasobolon ko ikaw sa imo

\* Ierusalem.

hilikuton, kag sa imo nahamtangan pagapukanon ka.

20 Kag mahanabu, sa sadtong adlaw, nga pagatawgon ko ang akon alagad nga si Eliakim, nga anak ni Hilkia.

21 Kag pagapasaputan ko sia sang imo bayô nga malaba, kag pagawagkusan ko sia sing malig-on sang imo wagkus; pagaitugyan ko ang imo kagamhanan sa iya kamut, kag manginamay sia sang mga pumuluyô sa Ierusalem kag sang panimalay ni Iuda.

22 Kag pagaibutang ko ang yawi sang baláy ni Dabid sa ibabaw sang iya abaga: pagabuksan niya, kag walay sin-o nga magatakup; pagatakan niya, kag walay sin-o nga magabukas.

23 Kag pagailansang ko ini, subung sang lansang sa duug nga dimaligaw, kag manginlingkoran nga harianon sia sa himaya nga sa baláy sang iya amay.

24 Kag pagaibitay sa iya ang bug-os nga himaya sang baláy sang iya amay, ang mga salingsing nga maayo kag ang mga malain, tanan nga mga butang nga magamay kutub sa kayahongan tubtub sa tanan nga mga galamiton sa musika.

25 Sa sadtong adlaw, nagasiling si Iehoba sang Sebaot, ang lansang nga linansang sa duug nga dimaligaw pagadaugon, kag pagautdon sia, kag maholog sia kag ang bug-os nga lulan nga gindala niya, pagalaglagon, kay si Iehoba naghambal.

Ang pagkaguba kag ang pagpatindug liwan sang Tiro.

**23** LULAN sa ibabaw sang Tiro. Paguluwang-kamo, mga sakayan sa Tarsis, kay nahapay na sia; nga walâ na sing baláy, walâ sing bisan sin-o nga magasulud sa iya. Sa duta sa Kitim ginpahayag ini sa ila.

2 Paghiorong-kamo, mga pumuluyô sang baybay. Ang mga manugbaligya sa Sidon, nga nagaagi sa dagat nagkalapunô sila sa imo.

3 Kag sa ibabaw sang dalagku nga mga tubig ang mga binhi sang Sihor, ang patubas sang Nilo, amo sadto ang iya sakdag. Nananginpalangitan-an sia sang mga katawohan.

4 Pagkahuya-ka, Sidon, kay ang dagat, ang duug nga mabakud sang dagat, nagahambal, nga nagasiling.

“Walâ ako magabatyag sing mga kasakit kag indi ako nagaanak kag indi nagasagud ako sing mga pamatan-on, bisan nagaalila ako sing mga ulay.”

5 Sa pag-abut sang balita sa Egipto, magakalasakit sila bangud sang mga balita sa Tiro.

6 Pagsalaylo-kamo sa Tarsis; uluwang-kamo, mga pumuluyô sang baybay.

7 ; Indi bala ini sia ang inyo banwa nga masadya, nga dumaan kutub sa mga adlaw nga dumaan? Ang iya mga tiil nagadul-ong sa iya sa malayô sa pagpanlugayaw didto, subung nga dumuluong.

8 “Sin-o bala ang nagtapat sini batok sa Tiro, nga manugtagtag sang mga purungpurung nga ang iya mga manugpatikang nga dunganon sila, nga ang iya mga manugbaligya nga talahoron sa duta?

9 Si Iehoba sang Sebaot ang nagtapat sini, sa pagdagta sang palabilabi sang tanan nga kasidlak, kag sa pagtamay sang tanan nga mga talahoron sang duta.

10 Anawa ang imo duta, subung sang subâ sa Nilo, oh anak nga babae sa Tarsis; walâ na sing wagkus nga *nagapugung* sa imo.

11 Ginuntay niya ang iya kamut sa ibabaw sang dagat, ginpakurug niya ang mga ginharian. Si Iehoba naga-sogo nahanungud sang Kanaan nga sa paglaglag sang iya mga duug nga mabakud,

12 Kag nagsiling sia: “Indi ka na gid magapadayon sa kalipay, anak nga babae sa Sidon, ulay nga pinakahuyan. Tindug-ka, kado-ka tuhtub sa Kitim; nga bisan pa didto walâ sing kapahwayan nga sa imo.

13 Yari karon, ang duta sang mga Kaldeinhon, ini nga banwa nga walâ sadto; gintukud sia sang Asur nga sa mga pumuluyô sa kahanayakan; ginapatindug nila ang ila mga mabakud ngatore, ginapapas nila ang ila mga harianon nga baláy; ginahimo sia nga mga nagub-an.

14 Paguluwang-kamo, mga sakayan sa Tarsis; kay nahapay na ang inyo duug nga mabakud.”

15 Kag mahanabu, sa sadtong adlaw, nga ang Tiro pagakalipatan sa kapitoan ka tuig, subung sang mga adlaw sang



isa ka hari. Sa matapus na ang kapi-toan ka tuig, mahanabu sa Tiro, sono sa kalantahon sang bigaon:

16 "Kuha-ka sing arpa, kag libuta ang banwa, bigaon nga kinalimtan: Kutinga sing sampaton gid ang mga kuerda, damua ang mga kalantahon, agud nga makadundum sa imo."

17 Kag mahanabu, sa katapusan sang kapitoan ka tuig, nga pagaduawon ni Iehoba ang Tiro, kag magabalik sia sa iya sohol, kag magapakighilawas sia sa tanan nga mga ginharian sang duta sa ibabaw sang kadaygan sang duta.

18 Kag ang iya palangitan-an kag ang iya sohol manginbutang nga balaan kay Iehoba; indi pagatiponon sia, bisan pagatagoon, apang ang iya palangitan-an manginiya sang mga yara sa atubangan ni Iehoba, agud nga magkaon sila tubtub nga mabusug kag nga sa mga panapton nga malahalon gid.

Tagna sang silot sang mga Israelinhon kag sang iya maayong himo; panaad sa paglawas, kag kalantahon sa mga pagdayaw.

**24** YARI karon, si Iehoba magahuw-ad sang duta, kag magaubus sa iya; kag magabaliskad sia sang iya kadaygan, kag pagapalaptahon niya ang iya mga pumuluyô.

2 Kag mahanabu sa banwa, subung man sa saserdote; sa alagad, subung man sa iya ginoo; sa sologoon nga babae, subung man sa iya ginoo nga babae; sa manugbakal, subung man sa manugbaligya; sa manughulam, subung man sa nagahulam; sa manugpautang, subung man sa mangungutang.

3 Manginmawad-an ang duta, nawad-an kag inagawan sing bug-os gid; kay ginsiling ni Iehoba ini nga polong.

4 Nagalalaw ang duta kag nagakalayong, ang kalibutan naganiwang kag nagakalayong, ang mga putokputokan sang banwa nagakalayong.

5 Ang duta ginhigkoan sa idalum sang iya mga pumuluyô; kag naglapas sila sang mga kasogoan, nagkaladanlog sila sa palatukuran, ginlalis nila ang katipan nga walay katapusan.

6 Tungud sini ang pagpakamalaut naghalunhon sang duta, kag ang iya mga pumuluyô nagdalá sang iya silot; tungud sini ginpangupud ang mga

pumuluyô sadtong duta, kag diyotay lamang ang mga tawo nga nabilin.

7 Ang duga sang ubas yara sa lalaw, ang kaubasan naganiwang, nagabakho ang tanan nga mga masinadyahon sa tagiposoon.

8 Naguntat ang pangalipay sang mga tambor, natapus na ang kagalong sang mga malipayon nga pinanong, naguntat na ang kasadya sang arpa.

9 Indi na magainum sing alak nga may kinanta; ang ilimnon nga makahulubog mapait sa mga nagailinum sa iya.

10 Naboong na ang banwa nga hanayak; ang tanan nga kabalayan gintakpan, walay sin-o nga magasulud sa iya.

11 Sa mga dalan may panalabiton tungud sang alak, ang tanan nga adlaw sang kalipay nagsalup, ang kasadya sang duta ginatapok;

12 Ang nabilin sa banwa among kahapayan kag ang gawang napukan sa pagkadugmok sa mga pagtuktuk.

13 Kay amo ini ang mahanabu sa tungâ sang duta, sa tungâ sang mga kabanwaan, subung sang pagpalaspas sang mga oliba, subung sang siniput sa tapus na ang ani.

14 Ini sila nagapalataas sang ila tingug, nagakilanta sila sa kalipay; bangud sang pagkahalangdon ni Iehoba, kutub sa dagat nagasiningit sila.

15 "Tungud sini himayaa-ninyo si Iehoba sa mga duta sa Sulubangan, kag sa mga baybay sang dagat angngalan ni Iehoba nga Dios sa Israel."

16 Sa ukbung sang duta nabatian naton ang mga kalantahon: "Himaya sa mga matarung." Apang ako nagasiling: ¡Pagkailo sa akon, pagkailo sa akon, kailo ako! Ang mga maluibon nagahimo sing kaluib gid, hoo, ang mga maluibon nagapadamu sang kaluib.

17 Ang kakugmat, kag ang lulubngan, kag ang siod nga sa imo, oh pumuluyô sang duta.

18 Kag mahanabu, nga ang malagyo sa kagahud sang kakugmat, maholog sa lulubngan nga madulum; kag ang maggowa sa tungâ sang lulubngan, masiod sang siod; kay ang mga talambuan sa duug nga mataas nabuksan, kag nagakulurug ang mga sadsaran sang duta.

19 Ang duta naboong sing bug-os,

ang duta nadugmok sing bug-os, ang duta nauyog sing bug-os.

20 Nagaduling ang duta, nagaduyog-duyog subung sang isa ka hubog; naghabyog sia gikan diri pa didto, subung sang isa ka duyan; ang iya salâ naga-bug-at sa ibabaw niya: nagakapukan sia, kag indi na magabangon.

21 Kag mahanabu, sa sadtong adlaw, nga si Iehoba magaduaw sa ibabaw sang kasoldadosan gikan sa ibabaw, kag sang mga hari sang duta sa ibabaw sang duta;

22 Kag pagatipupon sila nga mga hihag sa bilangoan sa idalun sang duta, sa bilangoan pagatakan sila; kag pagaduawon sila sa tapus sang madamu nga mga adlaw.

23 Niyan ang bulan magapamula, kag ang adlaw magakahuya; kay si Iehoba sang Sebaot nagahari sa bukid sa Sion kag sa Ierusalem, kag sa atubangan sang iya nga tigulang may himaya.

**25** IEHOBÀ, ikaw amo ang akon Dios; pagapakadakuon ko ikaw, pagadayawon ko ang imo ngalan, kay naghimo ka sing mga kalatingalahan: ang imo nga laygay, nga *ginhimo* sadto, nga malig-on kag nga matuud sila.

2 Kay ginhimo mo ang banwa sa tinumpuk nga bató, ang mabakud sa duug nga kagulub-an; ang baláy nga harianon sang mga dumuluong indi na banwa; indi na pagapatindugon liwan sia.

3 Tunğud sini ang banwa nga mabakud magatahud sa imo, ang mga banwa sang mga katawohan nga gamhanan magakahadluk sa imo.

4 Kag ikaw amo ang isa ka kabakuran sang imol, ang isa ka kabakuran sang makalolooy sa iya kalisdanan, ang isa ka palalipdan batok sang unus, ang isa ka landong batok sang kainit, kon ang huyup sang mga gamhanan, mangin subung sang bagyo, nga nagasampal batok sa kuta.

5 Subung sang kainit sa duug nga kigas, ginapalinong mo ang kagahud sang mga dumuluong; subung sang kainit tunğud sang landong sang isa ka gal-um, ginapahinay mo ang pagkanta sang mga kagamhanan.

6 Kag si Iehoba sang Sebaot naghimo sa sini nga bukid nga sa tanan nga mga banwa sing piesta sa mga unud

nga matambok, sing piesta sa mga alak nga tinago sa lagdo, sa mga unud nga matambok kag utukon, sa mga alak nga tinago sa lagdo kag mga pinatin-aw.

7 Kag pagalaglagon niya sa sini nga bukid ang takurung nga nagatabon sang nawung sang tanan nga mga banwa, kag ang tabon nga nahumlad sa ibabaw sang tanan nga mga katawohan.

8 Ginalaglag niya ang kamatayon sa gihapon; kag ginapahiran sang Ginoo ang tanan nga luha sang tanan nga mga nawung, kag ginakuha niya ang kahuluy-an sang iya banwa sa bug-os nga duta; kay si Iehoba naghambal.

9 Kag pagaisiling sa sadtong adlaw: Yari karon, ini among Dios, nga naghulat kami sa iya, kag pagaluwason kami niya. Ini amo si Iehoba, nga sa iya naghulat kami: magkalalipay-kami, kag magkalasadya-kami sa iya kaluwasan.

10 Kay ang kamut ni Iehoba naghambuysa sini nga bukid; kag ang Moab pagalinason sa iya duug, subung nga ginalinas ang dagami sa tubig sang palamus-unan.

11 Kag magauntay sia sang iya kamut sa tungâ niya, subung sang paguntay sa ila sang manuglangoy sa paglangoy; apang pagapaubson niya ang iya palabilabi, subung man ang mga lalang sang iya mga kamut:

12 Kag nahanungud sang kabakuran sang imo nga mataas nga mga kuta pagatapanon niya sia, pagapaidalumon niya sia, kag pagapukanon niya sia sa duta, tubtub sa yab-ok.

**26** SA sadtong adlaw pagakantahon nila ini nga kalantahon sa duta sa Iuda: "May mabakud kami nga banwa. Ginabutang sang Dios didto ang kaluwasan nga kuta kag kabakuran nga kuta.

2 Buksi-ninyo ang mga gawang, kag magsulúd ang katawohan nga matarung, nga nagabantay sang katutum.

3 Sa *tawo* nga ang iya hunahuna pinalig-on, ginabantayan mo ang paghidaet, ang paghidaet, kay sa imo nagsalig sia.

4 Salalig-kamo kay Iehoba sa gihapon, kay sa kay Iehoba yara ang Batong bantiling sang mga katuigan.

5 Kay ginpaubus niya ang mga pumuluoy sa duug nga mataas, ang banwa nga pinakataas: ginapapaubus niya,



ginapapaubus niya sia tubtub sa duta; ginapukan niya sia tubtub sa yab-ok.

6 Ginatapakan sia sang mġa tiil, sang mġa tiil sang mġa malilidon, sang mġa tikang sang mġa imol.

7 Ang dalan sang matarung among katadlungan; ikaw nġa matadlung, ginatimbang mo ang banas sang matarung."

8 Busa, nagahulat kami sa imo, oh Iehoba: sa banas sang imo mġa paghukom; sa imo nġalan, kag sa imo handumanan, nagapadulong ang handum sang kalġg.

9 Ginahandum ko ikaw sa akon kalġg sa kagab-ihon; sa akon espiritu man sa sulud nakon, nagapangita ako sa imo; kay kon ang imo mġa paghukom yari sa duta, ang mġa pumuluyô sang kalibutan magatoloon sing katarungan.

10 Kon magpahayag sing kalooy sa malauton, indi magatoloon sia sing katarungan: sa duta sang katadlungan magahimo sia sing paglalis, kag indi gid sia makatan-aw sang pagkahalandon ni Iehoba.

11 Iehoba, nabayaw ang imo kamut; indi sila makakita sa iya. Makakita sila sang imo kaimon tungud sang imo banwa kag magakalahuya sila sa iya; kag sa imo mġa kasumpung kalayo ang magaupud sa ila.

12 Iehoba, ikaw magapaninguha nġa sa amon sing paghidaet; kay sa tanan namon man nġa mġa buluhaton ikaw ang nagabikot sa amon.

13 Iehoba, Dios namon, ang iban nġa mġa ginoo, luwas sa imo, naggilinoo sa amon; tungud sa imo gid lamang magapanumdum kami sang imo nġalan.

14 Mġa patay sila, indi sila magakalabuhin liwan; mġa minatay sila, indi sila magabalangon, kay ginuaw mo sila; kag ginpapas mo sila, kag ginpanas mo ang tanan niya nġa handumanan.

15 Gindugangan mo ang banwa, oh Iehoba, gindugangan mo ang banwa: ginhimaya mo ikaw, ginpasangkad mo ang tanan nġa mġa kadulunan sang duta.

16 Iehoba, sa kalilisan ginpangita ka nila: nagula sila sing pangamuyo, sang pagsilot mo sa ila.

17 Subung sang nagabusong, nġa sang nagapalapat ang pag-anak, nagalubag kag nagasingit sa ila mġa kasakit, subung man malayô kami sa imo atubangan, oh Iehoba.

18 Nagpanamkon kami, naglubag

kami sa kasakit: sa pag-anak namon, ini nanginhangin. Kami walâ makasarang sa paghimo sang kaluwasan sang duta, kag ang mġa pumuluyô sang kalibutan walâ matawo.

19 Ang imo mġa minatay magakalabuhin liwan, ang amon mġa bangkay magabalangon. Pagmalata-kamo kag magkilinanta sa kalipay, mġa pumuluyô sang yab-ok. Kay ang imo tun-og, tun-og sang pamanagbanag, kag ang duta magaluad sang mġa minatay.

20 Lakat-ka, barwa ko, sulud-ka sa imo mġa hulut, kag itakup sa likod nimo ang imo mġa gawang; panago-ka sing malip-ot nġa tion tubtub nġa magligad ang kaakig.

21 Kay yari karon, nġa si Iehoba nagagowa sa iya duug, sa pagduaw sang mġa pumuluyô sang duta tungud sang iya kalainan; kag ang duta nagapahayag sang dugo, nġa iya nabaton kag indi na sia magatabon sang iya mġa minatay.

**27** SA sadtong adlaw si Iehoba magaduaw, nġa may iya hinganiban, nġa matigdas, kag daku, kag mapag-on, sang Lebiatan, nġa Man-ug nġa manugpalagyo, kag sang Lebiatan, nġa man-ug nġa tikotiko, kag magapatay sia sang dragon nġa yara sa dagat.

2 Sa sadtong adlaw sang kaubasan nġa matahum magaambahan kamo nahanungud sa iya:

3 "Ako nġa si Iehoba amo ang nagabantay sa iya; sa tion kag sa tion ginabunyagan ko sia; basi nġa pagdautan sia sa gab-i kag sa adlaw, ako nagabantay sa iya.

4 Walâ sa akon sing kaakig batok sa iya. Oh, kon magpakigaway ako batok sa mġa sapinit kag sa mġa tunok; magakadto ako batok sa ila, pagasunugon ko sila sing tingub.

5 Kon maayo nġa magkaput sia sa akon kabakuran, magpakighidaet sia sa akon, magpakighidaet sia sa akon.

6 Sa mġa palaabutan nġa mġa adlaw, si Iakob magpangamut, magapamulak si Israel kag magapanalingsing, kag pagapun-on nila ang nawung sang kalibutan sing bunga."

7 ¿Ginpilas bala niya sia subung sang pagpilas niya sa mġa nagpilas sa iya? kon ¿ginpatay bala sia subung sang pagpatay sang mġa ginpatay niya?

8 Nagpakigbais ka nġa may talaksan

batok sa iya, sa pagpalakat sa iya. Ginpalayô niya sia tungud sang mabaskug nga huyup sa adlaw sang hangin sa Sidlangan.

9 Busa, sa sini nga lalang, ginatumbasan ang kalautan ni Iakob, kag ang bunga sini nga tanan amo ang pagpalayô sang iya salâ; kon ang tanan nga mga batô sang halaran manginsubung sang mga batô sang apog nga gindugmok, indi magatilindug na ang mga Asherim kag ang mga haligi nga *larawan* sang adlaw.

10 Kay ang banwa nga pinabakud among kamuhaymuhayan, puluy-an nga binayaan kag tinalikdan subung sang kahanayakan: didto nagahalab ang mga tinday nga baka, didto nagaluko sila, kag didto ginahalab nila ang iya mga balagon.

11 Kon ang iya mga sangâ mga laya, nagakabali: nagakalari ang mga babae, kag nagasunog sa ila. Kay indi ini banwa nga mahibaloanon; tungud sini ang iya Magbubuhat indi maghinoklog sa iya, kag ang naghuman sa iya, indi magakalooy sa iya.

12 Kag mahanabu, sa sadtong adlaw, nga pagapalaspason ni Iehoba kutub sa iligan sang subâ tubtub sa kasulgan sa Egipto, kag pagatiponon kamo ang isa-isa, mga inanak ni Israel,

13 Kag mahanabu, sa sadtong adlaw, nga pagapatungon ang daku nga budyong, kag ang mga nadula sa duta sa Asur, kag ang mga ginpanobol sa duta sa Egipto, kag ang mga tinabog sa duta sang Egipto magakalari sila kag magahapa sa atubangan ni Iehoba, sa bukid nga balaan, sa Ierusalem.

Ginatigana nga silot kay Epreim kag kay Iuda tungud sang ila pagkamatalison.

**28** KAILO sang purungpurung sang palabilabi sang mga palahubug sa Epreim, kag sang bulak nga nagalayong, sang katahuman sang iya himaya, nga yara sa ibabaw sang olo sang nalupyakan nga mabungahon, sang mga ginpilas sang alak!

2 Yari karon, gikan sa Ginoo ang isa ka tawo nga mabakud kag gamhanan: subung sang isa ka unos sa batobato nga hielô, subung sang alimpulos nga nagalaglag, subung sang isa ka unos sa mga dalagku nga tubig nga nagaanaw,

sia nagapukan sa iya, nga may kusug, sa duta.

3 Pagalapakon kamo sang mga tiil, purungpurung sang palabilabi sang mga hubog sa Epreim.

4 Kag ang bulak nga nagalayong, ang katahuman sang iya himaya, nga yara sa ibabaw sang olo sang nalupyakan nga mabungahon, manginsubung sang igos nga sa walâ pa ang tinadlaw; nga kutub sang pagkakita sa iya sang nagatulok sa iya, sa yara pa sia sa iya kamut, ginatulon niya sia.

5 Sa sadtong adlaw si Iehoba sang Sebaot manginpurungpurung sang himaya kag diadema sang katahuman, nga sa nabilin sang iya banwa,

6 Kag ang isa ka espiritu sa paghukom sa nagalingkod sa paghukom, kag ang kaisug sa mga nagailisol sang paginaway sa mga gawang.

7 Apang ini sila gid nagalalang sa alak kag nagasalayup sa ilimnon nga makahulubug; ang saserdote kag ang manalagna nagsalayup sila sa makahulubog nga alak; gintolon sila sang alak; nagsalayup sila sa makahulubog nga alak; nagtalangtalang sila sa palananawon, nagakalasandad sila sa paghukom.

8 Kay ang tanan nga mga latok mga punô sila sang mga suka, sa kahigkoan, nga walâ na gid sing duug sa iya.

9 “; Sa kay sin-o bala nagatudlo sia sang kinaadman? ; Sa kay sin-o bala ginapahanap niya ang pagtolon-an? ; Sa mga ginlutas bala sa gatas nga mga kinakas sa dughan?

10 Kay among sogo kag sogo; sogo kag sogo; dinalan kag dinalan, dinalan kag dinalan, isa ka diyot diri, isa ka diyot didto;”

11 Busa sa mga bibig nga pihit, kag sa dumuluong nga hambal, magahambal sia sa sini nga banwa;

12 Kay nagsiling sia sa ila: “Ini among pahuway; papahuwaya-ninyo ang nabudlay. Ini among palabugnawan.” Apang walâ sila maluyag magpamati.

13 Kag ang polong ni Iehoba mangin sa ila “sogo kag sogo, sogo kag sogo, dinalan kag dinalan, dinalan kag dinalan, isa ka diyot diri, isa ka diyot didto,” agud nga maglalakat sila kag magkalapukan pa likod kag boongon sila, kag talabiron sila kag pandakpon sila.

14 Tungud sini, mga mauligyaton,



magpamati-kamo sang polong ni Iehoba, mġa manuggahum sa ibabaw sini nġa banwa, nġa yara sa Ierusalem;

15 Kay nagasililing kamo: "Nagahimo kita sing kasugtanan sa kamatayon, kag naghilimo kita sing katipan sa impierno; kon mag-agi ang kalalat-an, indi makaabut sa aton; kay nahimo naton sa aton ang dalangpan sang daya, kag ginbutang naton sa aton nġa palalipdan sang kabutigan."

16 Tunġud sini nagasilingsing subung sini ang Ginoo nġa si Iehoba: Yari karon, nġa ako nagatukod sa Sion sing isa ka bató, bató nġa natilawan, nġa pamusud, nġa mahal, nġa sadsaran nġa mapag-on: ang magatoo so iya, indi magadali.

17 Kag ginbutang ang katadlungan nġa dinalan kag ang katarungan nġa tonton; kag ang batabató nġa hiel magasihig sang dalangpan sang kabutigan, kag ang mġa tubig magaanaw sang inyo palalipdan.

18 Kag magamanġinwalá ang inyo kasugtanan sa kamatayon, kag any inyo katipan sa impierno indi magapadayon: kon mag-agi ang kalalat-an nġa nagaanaw, pagatasakon kamo niya.

19 Ang taga ka tion nġa magaagi sia, magadakup sia sa inyo, kay sa agaaga magagi sia, sa adlaw kag sa gab-i; kag manginkalisang lamang ang paghangup sini nġa ginatudlo.

20 Kay ang higdaan tama ka lip-ot, nġa sa paguntay, kag ang tabon manginmakitid sa pagputus.

21 Kay si Iehoba magatindug subung sang bukid nġa Perasim; subung sang sa nalupyakan, sa Gabaon, magakaakig sia sa paghimo sang iya buluhaton, sang iya kahibulongan nġa buluhaton, sa paghimo sang iya buluhaton, sang iya buluhaton nġa tumalagsa.

22 Busa karon, indi kamo magpakamayubiton basi nġa maghulugut ang inyo mġa gapus. Kay ang isa ka kalaglagan nġa bug-os kag tinapat nġa nabati-an ko sa Ginoo nġa si Iehoba sang Sebaot, nġa sa bug-os nġa duta.

23 Dunga-ninyo, kag pamatii-ninyo ang akon tingug; magmatalupangdon-kamo kag hangpa-ninyo ang akon ginasililing.

24 Ang mamumugon, ġmagadaro bala sia gihapon sa pagpangas? ġMa-

gabukas bala sia sa gihapon kag magapakaras sang iya duta?

25 ġIndi matuud bala nġa sa tapus niya mapaalangay ang iya kadaygan, igsabwag niya ang eneldo, igsabwag niya ang komino, igbutang niya ang trigo sa iya pasunud, kag ang sebada sa iya duug nġa natandaan, kag ang espelta, sa iya mġa dulunan?

26 Ang iya Dios nagatudlo sa iya sang matadlung kag nagatoon sa iya.

27 Kay indi sa ligis nġa matalum nġa ginalinas ang eneldo kag indi ginapaligiran ang komino sang aliling sang kanga, kondi nġa sa isa ka tukon ginapalaspas ang enelod, kag ang komino sang isa ka bunal.

28 Nahanunġud sang tinapay ġginadugmok sia bala? Ang tawo nagatapak sa iya, apang indi sa gihapon pagalinason sia; ginaligis niya sa aliling sang iya kanga, kag sa iya mġa kabayo kag indi ginadugmok niya sia.

29 Ini man nagagikan kay Iehoba sang Sebaot; sia nagapahayag nġa makatilingala sa laygay kag halangdon sa kaalam.

Taga b: tok sang dimatutum nġa luda; pansad sa pagpasaguli.

**29** KAILO ang Ariel! ġAriel,\* banwa nġa didto nagpahamtang sing dulugan si Dabid! Dugangi-ninyo ang tuig sa tuig, nġa ang mġa piesta magbalik sing bulusbulus;

2 Kag pagaibutang ko ang Ariel sa kapiotan, kag sia manginpagbakho kag panalabiton lamang; apang sia mangin-subung sang isa ka Ariel sa akon.

3 Magapahamtang ako sing dulugan sa palibot nimo, kag pagalibutan ko ikaw nġa may mġa pinanung nġa pinahamtang, kag magatindug ako batok sa imo sing mġa kabakuran.

4 Kag gikan sa duta, nġa didto ginpaidalum ka, magahambal ka, kag gikan sa yab-ok magagowa sing mapainubuson gid ang imo polong, kag ang imo tingug magasaka sa duta subung sang sa manugpagowa sang mġa espiritu, kag ang imo polong magasaka sa yab-ok subung sang higong.

5 Kag ang kadamuan sang imo mġa kaaway manginsubung sang binukbuk

\* Ariel, leon sang Dios, Ierusalem.

nga yab-ok, kag ang kadam-an sang mga makahaladluk *manġinsubung* sang dagami nga nagaagi; kag ini manġinsa isa ka pamisok kay sa hinali.

6 Gikan kay Iehoba sang Sebaot magaabut ang pagduaw nga may daguub kag nga may mga linog, kag may daku nga kagahud, nga may alimpulos kag unos, kug dabdab nga kalayo, nga nagaupud.

7 Kag manġinsubung sang damgo, nga palanan-awon sa kagab-ihon, ang kadamuon sang tanan nga mga katawohan, nga nagaaway batok sa Ariel, kag ang tanan nga mga nagaaway batok sa iya, sa iya kag sa iya kabakuran, kag ginabutang sia nila sa kapiot.

8 Kag mahanabu nga, subung sang may kagutum nga nagadamgo, kag yari karon nga nagakaon sia, kag kon magmata sia, ang iya kalag walay sulud; kag subung sang may kauhaw nga nagadamgo, kag yari karon, nagainom sia, kag kon magmata sia, ginabudlay sia, kag ang iya kalag nauhaw; manġinamo ini ang kadamuan sang tanan nga mga katawohan, nga nagakadto subung nga kasoldadosan batok sa bukid sang Sion.

9 Paghiorong-kamo kag magkalatingala-kamo; magpakabulag-kamo kag manġinbulag-kamo. Mga hubug sila apang indi sa alak; nagadululing sila, apang indi sa makahulubog nga alak;

10 Kay si Iehoba nagula sa ibabaw ninyo sing espiritu sa katologon nga hamook; kag gintakpan niya ang inyo mga mata (mga manalagna), kag gintabunan niya ang inyo mga olo (mga manugtuluk).

11 Kag ang bug-os nga palanan-awon amo nga sa inyo, subung sang mga polong sang isa ka tolon-an nga pinat-inan, nga ginahatag sia sa isa ka tawo nga mahibalo magbasa, nga nagasiling: "Basaha ini"; kag nagasiling sia: "Indi ako sarang, kay napat-inan sia."

12 Kag ginahatag ang tolon-an sa isa ka tawo nga dimahibalo magbasa, nga nagasiling: "Basaha ini"; kag sia nagasiling: "Indi ako mahibalo magbasa."

13 Kag nagasiling ang Ginoo: Tunġud kay ini nga banwa nagapalapit sa *akon* sa iya bâbâ, kag sa iya mga bibig ginatahud niya ako; apang ang iya tagiposon malayô sa *akon*, kag ang iya ka-

hadluk nga sa *akon* isa ka sogo lamang nga gintudlo sang mga tawo:

14 Tunġud sini magapadayon ako sa sini nga banwa sa paghimo sing mga kalatingalahan, mga kalatingalahan kag mga kalatingalahan; sa sini ang kaalam sang ila mga maalam mawâlâ, kag ang ihibalo sang ila mga mahibaloanon magadulum.

15 ¡Kailo sang mga buut magpanago sang ila mga tinotuyo sa dimatungkad nga kadadalman kay Iehoba; kag nga ang ila mga binuhatan ginahimo sa kadulum, kag nga nagasililing sila: "¡Sino bala ang makakita sa aton, kag sino-o bala ang makakilala sa aton?"

16 ¡Pagkabaliskad ang inyo! ¡Pagakabigon bala subung sang lunang ang maninihon, sa bagay nga ang binuhatan magasiling sa iya magbubuhat: "Walâ mo bala ako paghimoa," kag nga magasiling ang butang nga nahuman sa naghuman sa iya: "Walâ sia makahangup sing bisan ano?"

17 ¡Walâ pa madugay bala sing diyot, sing diyot gid nga dag-on, kag ang Libano manġinlatagon nga mabunghon kag pagakabigon nga talon ang latagon nga mabunghon?

18 Kag sa sadtong adlaw ang mga bungol magapalamati sang mga polong sang tolon-an, kag sa paggowa sa tungâ sang kadulum kag sang mga kadudulman, ang mga mata sang mga bulag makakita.

19 Kag ang mga nalisdan may kalipay kag kalipay kay Iehoba, kag ang mga labing inol sang tawo magakalasadya sa Balaan sa Israel.

20 Kay ang makahaladluk nagauntat, kay ang mayubiton nagakatapus; pagautdon ang tanan nga nagapululaw nga sa kalautan;

21 Nga nagapapakasalâ sa tawo sa polong, nga nagaladlad sing siod sa nagasabdong sa gawang *sang banwa*, kag ginapapatiko niya ang katadlungan tunġud sa walay pulus.

22 Tunġud sini si Iehoba, nga nagtubus kay Abraham, nagasiling sing subung s ni sa balây ni Iakob: Karon si Iakob indi na pagapahuy-an, kag karon ang iya nawung indi na magapanluspapad.

23 Kay sang pagtan-aw sa iya mga inanak, nga binuhatan sang *akon* mga kamut, sa tungâ niya, pagapakabalaanon nila ang *akon* ngalan, kag paga-



pakabalaanon nila ang Balaan ni Iakob, kag magakahadluk sila sa Dios ni Israel.

24 Kag ang mġa nagtalalang sa espiritū, magakilala sila sang ihibalo, kag ang mġa nagamululay, magatoloon sang pagtolon-an.

**30** | KAILO, siling ni Iehoba, sang mġa anak nġa nagalalis sa paghimo sing tinutuyo, apang indi gikan sa akon, sa paghuman sang isa ka kasug-tanan, apang indi gikan sa akon Espiritu, agud sa pagdugang sing salā sa salā ;

2 Nġa nagalalakāt sila sa pagdulhog sa Egipto, kag walā sila magpamangkot sa akon bābā ; nġa sila nagalakāt sa pagdangup sa kabakuran ni Paraon kag sa pagpanago sa landong sang Egipto.

3 Kag ang kabakuran ni Paraon mangin sa inyo kahuluy-an ; kag ang dalangpan sa landong sang Egipto manginkayubitan.

4 Kay ang ila mġa dunganon didto sa Soan, kag ang ila mġa manugbalita nakaabut na sa Hanes ;

5 Apang tanan sila nagapalamula sang banwa nġa indi makapapulus sa ila, nġa sa iya indi sila nagakuha sing pagtabang, bisan kapuslanan ; kondi sing kahuluy-an kag bisan pa sing dikayubitan.

6 Lulan sa ibabaw sang Behemot sang Bagatnan.\* Sa duta sang kalisdanan kag sang pagpigis, sa diin nagagowa ang leon nġa babae kag ang leon nġa lalaki, ang dalitan nġa man-ug kag ang man-ug nġa masingkal nġa nagalupad, nġa ginadalalā nila sa ibabaw sang mġa likod sang mġa polyino ang ila mġa mangad, kag ang ila mġa bahandi sa ibabaw sang mġa binugtotan sang mġa kamelyo, sa isa ka banwa nġa indi gid manginkapuslanan sa ila.

7 Kag ang pagtabang nġa ginahatag sang Egipto among alisngaw kag kadayawan ; ngani ako nagahingalan sa sini nġa duta : “ Ang Rahab nġa sa pagpahimonong.”

8 Busa karon, kari-ka, kag isulat ini sa isa ka tapi sa atubangan nila, itigib-mo sia sa isa ka tolon-an, agud nġa mabilin ini tubtub sa katapusan nġa adlaw sa gihapon, tubtub sa walay katubtuban.

9 Kay ining banwa malalison, mġa anak nġa butigon, mġa anak nġa walā

magbuluut magpamati sang kasogoon ni Iehoba ;

10 Nġa nagasiling sila sa mġa manugtuluk : “ Dili kamo magtalan-aw ” ; kag sa mġa may palanan-awon : “ Dili kamo maghuput sa amon sing mġa palanan-awon sang mġa butang nġa natadlung ; isiling-ninyo sa amon ang mġa butang nġa maoololohon ; hupti-ninyo ang mġa palanan-awon nġa madaya-on ;

11 Bayai-ninyo ang dalan, palayō-kamo sa banas, kuhaa-ninyo sa amon atubangan ang Balaan sa Israel.”

12 Tunġud sini, ang Balaan sa Israel nagasiling sing subung sini : “ Tunġud kay ginatamay ninyo ini nġa polong, kag nġa nagasalig kamo sa pagpigis, kag sa banas nġa tiko, kag nġa sa iya nagsalandig kamo ;

13 Sa kabangdanan sini manginsa inyo ini nġa salā subung sang litik nġa nagapahug sing kalaglagan, subung sang pagkatiphag sa mataas nġa kuta, nġa ang iya pagkapukan nagaabut sing hinali gid sa isa ka pamisok ;

14 Kag ginaboong ini, subung sang pagboong sang isa ka suludlan sang maninohon, nġa sa walā sing kalooy ginahmo nila nġa mġa dugmok ; nġa sa iya mġa tinipik indi makakita sing bagahan nġa sa pagtipon sing kalayo sa dabokan, kag sing inugsandok sang tubig sa tanke.”

15 Kay ang Ginoo nġa si Iehoba, ang Balaan sa Israel, nagsiling sing subung sini : “ Sa pagbalik kag sa pahimunong, manginnaluwas kamo ; sa pahimuyong kag sa pagsalig mangin-inyo kabakuran ” ; apang walā kamo magbuut.

16 Kag nagasililing kamo : “ Indi, kondi magapalalagyo kami sa mġa kabayo ” ; tunġud sini kamo magapalalagyo. Sa ibabaw sang mġa madasig nġa kabayo magakalabayo kami ; tunġud sini manginmadasig ang inyo mġa manuglagas.

17 Ang isa ka libo sa inyo magapalagyo sa pagpahug sang isa ; sa pagpahug sang lima magapalalagyo kamo nġa tanan, tubtub nġa manginsubung kamo sang pinatindug nġa palo sa putokputokan sang isa ka bukid kag subung sang bandera sa ibabaw sang bakolod.

18 Ngani man si Iehoba magahulat sa pagkalooy sa inyo ; kag ngani man magabayaw sia sa paghinoklog sa inyo. Kay si Iehoba among Dios sa kataru-

\* Egipto.

nġan. Mġa bulahan ang tanan nġa mġa nagahulat sa iya.

19 Kay isa ka banwa magapuyô sa Sion, sa Ierusalem. Indi na ikaw magahibi, indi na ikaw magahibi; sia magahimo sing bugay sa imo, sing bugay sa pagpabati sang imo, singit. Tuhtub nġa makabati sia sa imo, magasabat sia sa imo.

20 Kag pagaihatag sa inyo sang Ginoo ang tinapay sa pagbakho kag ang tubig sa pagpigis; kag ang mġa magatudlo sa imo, indi na sila magapanago, kondi nġa ang imo mġa mata magatan-aw sang imo mġa manugtudo.

21 Kag kon magakadto kamo sa too, kon magakadto kamo sa walá, ang imo mġa idulungug magapamati sing isa ka polong sa likod mo, nġa nagasiling: "Ini among dalan; lakat-kamo sa iya."

22 Kag pagabilanġon ninyo, subung nġa butang nġa gindagtaan, ang imo mġa larawan nġa tinigban nġa nahalupan sang pilak kag ang imo mġa larawan nġa tinunaw nġa napanaptan sing bulawan; pagaisikway mo sila subung sang kahigkoan. "¡Gowa sa gowa!" magasiling ka sa ila.

23 Kag magahatag ang *Ginoo* sing ulan sa imo binhi, nġa sa iya nagasabug ka; kag ang tinapay nġa patubas sang duta, manginmakapatambok kag manamit. Ang imo mġa kahayapan, sa sad-tong adlaw, pagapahalabon sila sa mġa malapad nġa halalban;

24 Kag ang imo mġa baka kag ang imo mġa polyino nġa ginapanġuma sa duta, magakaon sila sing halalbon nġa manamit, nġa napahanġinan sa kayab kag sa italahop.

25 Kag sa ibabaw sang tanan nġa mataas nġa bukid, kag sa ibabaw sang tanan nġa bakolod nġa mataas, may mġa sapa kag mġa ilig sang tubig, sa adlaw sang daku nġa pagpamatay, kon magkalapukan ang mġa tore.

26 Kag ang kapawa sang bulan manginsubung sang kapawa nġa masingkal sang adlaw; kag ang kapawa nġa masingkal sang adlaw manginpito ka dapli, subung sang kapawa sa pito ka adlaw, sa adlaw nġa pagabugkasan ni Iehoba ang pilas sang iya banwa, kag pagabulnġon niya ang napilasan sang iya mġa pagbunal.

27 Yari karon, ang nġalan ni Iehoba nagagikan sa malayô; ang iya kaakig

nagadabdab, kag daku ang sunog; ang iya mġa bibig mġa punô sa kaakig, kag ang iya dila subung sang kalayo nġa nagaupûd.

28 Kag ang iya gininhawa, subung sang kasulgan nġa nagaawas nġa magalambut tuhtub sa liog, sa pagdisig sang katawohan sa nigo sang kalaglagan kag sa pagbutang sing pitik sa mġa sulang sa pagpatalang sa mġa banwa.

29 May kalantahon nġa sa inyo, subung sang sa kagab-ihon, nġa ginahiwat ang isa ka piesta; kag kasadya sa tagiposoan, subung sang nagalakat sa tinġug sang lantoy sa pagkadto sa bukid ni Iehoba, sa Batong bantiling ni Israel.

30 Kag pagaipabati ni Iehoba ang pagkahalangdon sang iya tinġug, kag pagaipakita niya ang kabug-aton sang iya butkon, nġa may lakas nga kasingkal kag dabdab sang kalayo nġa manugupûd, unos, bunok sang ulan kag bato-batô nġa hielô.

31 Kay sa tinġug ni Iehoba si Asur pagakibangon. Pagapilason sia sa bunal;

32 Kag ang tagsa ka pag-agi sang kalalat-an nġa gintapat, nġa si Iehoba magapabug-at sa ibabaw niya, pagaupdan sang mġa tambor kag sang mġa arpa; sia magapakigaway batok sa iya sa mġa ilinaway sa mġa lampus nġa dinapli-dapli.

33 Kay dugay na nġa sia napat-in nġa sa *nalupyakan* sang Topet, kag ang *nalupyakan* man naaman nġa sa hari nġa madalum kag masangkad; ang iya dabok among kalayo kag gatong nġa bugana; ang huyup ni Iehoba nagadabdab didto subung sang kasulgan nġa asupre.

**31** KAILO sang mġa nagadululhog sa Egipto sa pagpanġita sing bulig, kag nagasalandig sa mġa kabayo, nġa ang ila pagsalig sa mġa kanga, kay mġa madamu sila, kag sa mġa manugkabayo, kay mġa mabaskug gid sila; kag nġa walá sila magtululok sa Balaan ni Israel, bisan ginapanġita nila si Iehoba.

2 Apang sia, maalam man; ginadalá niya diri ang kalainan, kag indi niya ginaliwan ang iya mġa polong; nagatin-dug sia batok sa baláy sang mġa malauton, kag batok sang pagbulig sang mġa nagabutang sa buhat sang kalautan.

3 Kag ang mġa Egiptohanon mġa ta-



wo sila, kag indi Dios; ang ila mga kabayo unud kag indi espiritu; kon pag-untayon ni Iehoba ang iya kamut, magakasandad ang manugbulig kag mapukan ang binuligan, kag sila nga tanan magakalaupus sing tingub.

4 Kay si Iehoba nagasiling sa akon sing subung sini: subung sang leon, ang tutuy sang leon, nagaima sa ibabaw sang iya tulukbon, nga batok sa iya magatipon ang kadam-an sang mga manugbantay, indi magkahadluk sia tungud sang ila mga tingug, bisan magpasakup sia tungud sang kadamuon nila; amo ini si Iehoba sang Sebaot magapanaug sa pag-away batok sang bukid sa Sion kag batok sang iya bakolod.

5 Subung sang mga kapispisan nga nagabuklad sang ila mga pakpak amo man ini si Iehoba sang Sebaot magatabon sang Ierusalem, kag sa nagatabon sa iya, magaluwas sia sa iya, kag sa nagapasaylo sa iya, pagapapalagyohon niya sia.

6 Magbalalik-kamo sa sadtong batok sa iya naglalalis kamo sing madalum gid, mga inanak ni Israel.

7 Kay sa sadtong adlaw pagaihabuy sang tagsatagsa ang iya mga diosdios nga pilak, kag nng iya mga diosdios nga bulawan, nga sa inyo ginhimo sang inyo mga kamut nga sa sala.

8 Kag mapukan ang Asur sa isa ka hinganiban nga indi iya sang tawo; kag pagaupuron sia sang hinganiban nga indi iya sang tawo; sia magapalagyo sa atubangan sang hinganiban, kag manginmanugbuhis ang iya mga pamatan-on.

9 Sa kahadluk magapalagyo ang iya batong bantiling kag ang iya mga dunganon nagakalahangawa sa atubangan sang bandera, siling ni Iehoba, nga ang iya kalayo yara sa Sion, kag ang iya dapog nga *nagadabdab* sa Ierusalem.

**32** YARI karon, nga sa katarungan magahari ang hari, kag nahanungud sa mga dunganon magapalangolo sila sono sa katadlungan,

2 Kag ang tagsatagsa sa ila mangin-subung sang palanagoan batok sa hangin, kag subung sang palasilongan batok sa mabunok nga ulan; subung sang mga kasapaan sang tubig sa duug nga kigas, subung sang landong sang daku nga pil-as sa duta nga binudlay.

3 Indi pagabulagon ang mga mata

sang mga makakita; kag ang mga idulungus sang mga nagapalamati, mangin-matalupangdon.

4 Ang tagiposcon sang mga madalas magahanup sang kinaadman, kag ang dila sang mga pihit maaman sa paghambal sing maathag gid.

5 Ang tampalasan indi na gid pagatawgon nga lutaw, kag ang malimbongon indi pagatawgon nga maalwan.

6 Kay ang tampalasan magahambal sing tampalas, kag ang iya tagiposcon nagahimo sing kalautan, nga sa paghimo sing mga buhat nga mapasipalahon, kag sa paghambal sing sayup batok kay Iehoba, sa pagpatumbaya nga walay sulud sang kalag nga ginagutum, kag ginapakulangan ang ilimnon sa ginahaw.

7 Nahanungud sang malimbongon ang iya mga kalalangan nga malain; sia magapahito sing mga tinotuyo nga malauton sa paglaglag sa mga nalisdan sa mga polong nga malimbongon, bisan pa kon ang nasit-an nagapangayo sang nagakaigo.

8 Apang ang tawo nga lutaw nagapahito sing mga tinotuyo nga hamili, kag sia nagapadayon sa mga butang nga malahalon.

9 Mga babae nga palabilabihon, tilindug-kamo; pamatii-ninyo ang akon tingug; mga anak nga babae nga malinong, dunga-ninyo ang akon ginsiligr.

10 Sa tapus sang isa ka tuig kag sang mga adlaw, magakalurug kamo, mga masinalig-on; kay natapus ang ani sang ubas, kag ang patubas sang mga bunga indi magaabut.

11 Magkalalisang kamo, mga palabilabihon. Magkulurug-kamo, mga malinong. Magkuluha-kamo sang inyo mga panapton kag paguluba-kamo, kag magwagkus-kamo sang mga hawak.

12 Ginapanampokan ang dughan bangud sang mga latagon nga mga makaila, bangud sang kaubasan nga mabunghon.

13 Sa ibabaw sang duta sang akon banwa magatubo ang mga tunok kag ang mga sapinit; hoo, sa ibabaw pa sang tanan nga mga balay sa kalipay, banwa nga masadyahon.

14 Kay ang balay nga harianon ginbayaan, ang banwa nga magahud ginhalinan; ang bakolod kag ang tore

nga lalantawan, mga lungib sila sa gihapon, kalipay sang mga asno nga talonon, halalban sang mga kahayupan,

15 Tubtub nga sa ibabaw namon pagapasagahayon ang espiritu gikan sa ibabaw. Niyan ang kahanayakan mahimo nga latagon nga mabunghahon, kag ang latagon nga mabunghahon pagakabigon nga talon.

16 Kag magapuyô ang katadlungan sa kahanayakan, kag sa latagon nga mabunghahon magapuyô ang katarungan.

17 Kag ang buluhaton sang katarungan among paghidaet; kag ang pangabudlay sang katarungan, kapahuwayan kag kapag-unan sa gihapon.

18 Kag ang akon banwa magapuyô sa puluy-an sa paghidaet, kag sa mga puluyan nga mga malig-on kag sa mga duug sang pagpahuway nga punô sa kalinong.

19 Magaulan ang mga batobató nga hielô kon mapukan ang talon; kag ang banwa pagapaidalumon sa pagpaidalum.

20 Mga bulahan kamo, nga mga napangas sa malapit sa tanan nga mga tubig, nga ginabuhian ninyo ang tiil sang baka kag sang asno.

Ang mga kaaway sang Dios sa walay duhaduha  
pagalaglagon; mabawi sang Ierusalem  
ang himaya kag ang kabulahanan.

**33** ; KAILO ka, ikaw nga nagahapay, kag walâ ka gid paghapaya; ikaw nga nagahimo sing mabudhion gid, nga walâ maghimo sing mabudhion gid sa imo! Kon nakatapus ka sa paghapay, pagahapayon ka; kon nakatapus ka sa paghimo sing mabudhion gid, pagahimoon sing mabudhion gid batok sa imo.

2 Oh Iehoba, malooy-ka sa amon; sa imo nagahulat kami. Manginbutkon ka nila sa tagsa ka aga, ang amon kaluwasan man sa panag-on sang kalisdanan.

3 Ang mga banwa nagpalalagyo sa kagahud; sang nagatindug ikaw, ang mga katawohan nagaalplaag.

4 Ang inyo inagaw pagatiponon subung sang pagtipon sang ulud nga mahakug; nagasalakay sa ibabaw niya, subung sang pagsalakay sang mga apan.

5 Dalayawon si Iehoba, kay nagapuyô sia sa kahitaasan: ginapunô niya ang Sion sing katadlungan kag sing katarungan.

6 Kag may kalig-onan sa imo mga panag-on; ang kaalam kag ang kinaadman, amo ang mangad sang kaluwasan: ang kahadluk kay Iehoba amo ang iya bahandi.

7 Yari karon, ang ila mga manugaway nga makusug nagasingit sa gowa; ang mga manugbalita sa paghidaet nagahilibi sing mapait gid.

8 Ang mga banas mga kahanayakan, nagauluntat sa pag-agi sa dalan. Ginutud niya ang katipan; gintamay niya ang mga kabanwaan; walâ sia magpakamahal sang mga tawo.

9 Nagalalaw ang duta, naganiwang sia; ang Libano nagakahuya, kag nagakalaya sia; ang Saron subung sang patag nga hanayak, ang Basan kag ang Karmelo ginpalaspas nila ang ila kadahonan.

10 Karon magatindug ako, siling ni Iehoba; karon magatindug ako, karon pagapakataason ako.

11 Magapalanamkon kamo sing mga dahon nga laya, mga dagami magapalananganak kamo: ang inyo huyup among kalayo nga magaupud sa inyo.

12 Kag ang mga banwa manginapog, subung sang apog nga sinunog; sila mga pinangutud nga mga tonok, pagasunogon sila sa kalayo.

13 Pamati-kamo, nga mga yara sa malayô, sang akong ginhimo; kag kamo nga mga malapit, kilalaha-ninyo ang ang akon gahum.

14 Ang mga makasasalâ nagakalahangawa sa Sion: kakurug ang nagadakup sa mga dimatinahoron sa Dios. "¿Sin-o bala sa aton ang nagapadayon sa atubangan sang kalayo nga mangungupud? ¿Sin-o bala sa aton ang nagapadayon sa atubangan sang kabagahan nga walay katapusan?"

15 Ang nagalakat sa katarungan, kag ang nagahambal sang matadlung, ang nagakaakig sang pinangitaan nga sa pagpigos; ang nagapanug-ak sang iya mga kamut, sa dipagbaton sang hamham; ang nagatabon sang iya dalungan sa dipagpamati sang hambal nahanungud sang dugo; ang nagapiyong sang iya mga mata sa dipagtan-aw sang butang nga malain,

16 Ini sia magapuyô sa mga duug nga mataas: ang mga kabakuran nga mga batong bantiling manginiya palasilongan; pagahatagan sia sang iya tina-



pay, kag an iya mġa tuig indi maku-  
lang.

17 Ang imo mġa mata makapasisiling  
sa Hari sa iya katahuman: makakita  
sila sang duta nġa yadto sa malayō.

18 Ang imo tagipoon magapainoino  
sa iya kakugmat, kag *magasiling*: “? Diin  
bala ang eskriba? ? diin bala ang manug-  
timbang *sang pilak*? ? diin bala ang ma-  
nugisip sang mġa tore?”

19 Indi ka makakita sa sadtong ban-  
wa nġa mabangis, banwa sa hambal nġa  
madulum, sa hambal nġa pinihit nġa  
indi mabangup.

20 Pasisiling-ka sa Sion, banwa sang  
aton mġa piesta nġa pinat-inan: ang  
imo mġa mata makakita sang Ierusalem,  
nġa puluy-an sa kalinong, layanglayang  
nġa indi ginabungkag, nġa ang iya mġa  
palpal indi pagagabuton nġa mas-a, nġa  
ang bisan ano sang iya mġa lubid indi  
pagabugtoon.

21 Apang didto si Iehoba amo ang  
halangdon nġa sa aton nġa duug sa  
mġa kasubaan kag sa mġa kasapaan,  
nġa mġa malapad; sa iya indi nagaabut  
ang kasakayanan sa mġa gaud, bisan sa  
iya magaagi ang ambongan nġa saka-  
yan.

22 Kay si Iehoba among aton hukom,  
si Iehoba among aton manughimo sang  
kasogoon, si Iehoba among aton Hari;  
sia gid ang nagaluwas sa aton.

23 Ang imo mġa banting nagtulugak;  
walâ nila pagpalig-ona ang tiil sang ila  
palo, indi ginabuklad nila ang layag.  
Niyan ginapamahat ang inatihan sang  
hinublas sa kabuganaan; ang mġa piang  
nagaalati sing mġa hinublas,

24 Kag walâ sing sin-o nġa naga-  
puyō didto, nġa *nagasiling*: “Nagabala-  
tian ako. Ang banwa nġa nagapuyō  
sa iya nakabaton sing kapatawaran  
sang iya salâ.”

**34** PALAPIT-KAMO, katawohan,  
sa pagpamati; mġa banwa, talu-  
pangud-kamo; magpamati ang duta  
patî ang yara sa iya; kag ang kalibutan  
patî ang tanan nġa iya ginapatubas.

2 Kay si Iehoba may kaakig batok sa  
tanan nġa mġa katawohan, kag may ka-  
singkal batok sa bug-os nġa kasoldadosan  
nila; ginatagudilian niya sila, kag gina-  
tugyan niya sila sa palatyan.

3 Ang mġa pilason nila sa kamatayon  
gintagbong, kag sa ila mġa bangkay

nagasungaw ang kabaho, kag ang mġa  
kabukiran nagakalatunaw sa dugo nila.

4 Kag ang bug-os nġa kasoldadosan  
sang kalangitan nagakalatunaw, kag na-  
galokot ang mġa langit subung sang isa  
ka tolon-an, kag nagalayong ang iya  
bug-os nġa kasoldadosan, subung sang  
pagkalayong sang dahon sang ubas, kag  
subung sang pagkalayong sang kadaho-  
nan sang igera.

5 Kay sa mġa langit, ang akon hi-  
nganiban nahubog; yari karon, nġa  
magapauang sia sa paghukom sa Edom  
sa ibabaw sang banwa nġa gintagudilian  
ko.

6 Ang hinganiban ni Iehoba napunō  
na sing dugo, nġa napahiran na sang  
sapay, sang dugo sang mġa kordero kag  
sang mġa lalaki nġa kanding, sang tani-  
kok sang mġa tagimislon sang mġa  
karnero; kay si Iehoba may halad sa  
Bosra, kag daku nġa palatyan sa duta  
sa Edom.

7 Kag ang mġa baka nġa talonon na-  
gakaupukan upud sa ila, subung man ang  
mġa tinday sang baka patî ang mġa  
makusug nġa baka nġa lalaki; kag ang  
ila duta mahubog sa dugo, kag ang ila  
yab-ok napahiran sang sapay.

8 Kay among adlaw sa pagtimalus ni  
Iehoba, tuig sa pagbalus nġa sa kasaba  
sa Sion,

9 Kag ang iya mġa kasulgan mangin-  
balaw kag ang iya yab-ok, asupre, kag  
ang iya duta manginbalaw nġa naga-  
dabdab;

10 Indi sia mapalong sa kagab-ihon,  
bisan sa adlawon; nagatub-ok sing  
dayon gid ang iya asō: sa kaliwatan  
kag kaliwatan pagahapayon sia; walâ  
nġa mas-a, walâ nġa mas-a, walay sin-o  
nġa magaagi sa iya.

11 Kag ang tulabong kag ang heriso  
nagatagiya sa iya; ang lapay kag ang  
uwak nagapuluyō sa iya. Sia nagaun-  
tay sa ibabaw niya sang lubid sa kamu-  
haymuhayan kag sang tuntun sa kaha-  
payan.

12 Mġa lutaw, walâ na sing bisan  
sin-o didto nġa sa pagbantala sang  
ginharian, kag ang tanan niya nġa mġa  
dunganon nagkalabus.

13 Sa ila mġa harianon nġa baláy  
nagatulubo ang mġa tunok, sa iya mġa  
kabukuran, ang mġa dalamo kag ang mġa  
sapinit; kag manginpuluy-an sila sang

mga sakal, kag palasudlan sang mga abestrus.

14 Kag ang mga kasapatan sang kahanayakan nagakilitaay sila didto sang mga ido nga talonon, kag ang mga kanding nga lalaki nagatinawagay ang isa kag isa. Didto lamang ang bagat naghimo sang iya puluy-an, kag makakita sang iya duug nga palahuwayan.

15 Didto nagapugad ang man-ug nga nagalumpat; nagaitlog sia didto, nagaluub sia kag nagapasilong sa iya mga magamay sa landong niya; didto lamang nagatipon ang mga dapay ang isa kag isa.

16 Pangitaa-ninyo sa tolon-an ni Iehoba, kag basaha-ninyo: walay isa nga nakulang sa ila: walâ gid sing ginadumilian sang iya kaupud; kay ang iya bâbâ nagsogo, kag ang iya huyup nagatipon sa ila;

17 Kag ginpapalaran niya sila kag ang iya gid kamut nagpamahat sa ila sang duta nga may lubid: sa gihapon manginkaugalingon nila sia; sa kaliwatan kag kaliwatan magapuluyô sila didto.

Pagkadaku kag himaya sang ginharian sang Mesias.

**35** MAGKALASADYA ang kahanayakan kag ang duta nga kigas; magkalasadya ang kamingawan, kag magpamulak subung sang narsiso.

2 Magpamulak sing bug-ôs gid, kag magkasadya, hoo, magkasadya kag magkanta nga may kalipay. Ang himaya sang Libano ginhatag sa iya, ang katahuman sang Karmelo kag sang Saron: makita nila ang himaya ni Iehoba, ang pagkahalangdon sang Dios namon.

3 Pabaskuga-ninyo ang mga kamut nga pinanlapyo, palig-ona ang mga tuhod nga nagakurugkurug.

4 Isiling-ninyo sa mga may tagipsoon nga mahadlukon: Pagpangalig-on-kamo; indi kamo mahadluk. Yari karon ang inyo Dios. Nagakari ang pagtimalus, ang balus sang Dios; sia gid ang nagakari, kag magaluwas sa inyo.

5 Niyan ang mga mata sang mga bulag pagapamuklaton, kag magabulukas ang mga idulungug sang mga bungul.

6 Niyan ang piang magalumpat su-

bung sang usa, kag magakanta ang dila sang apa sa kalipay; kay ang mga tubig magasumpit sa kahanayakan, kag ang mga kasulgan sa kamingawan.

7 Ang talan-awon nangindanaw, kag ang mga duug nga mamala, mangintuburan nga nagasumpit ang mga tubig; sa puluy-an sang mga sakal, nga diin ang ila palanagoan, may duug sang mga kawayan kag mga katigbawan.

8 Didto may isa ka alagyan kag ang isa ka dalan, kag pagatawgon ini nga "dalan sang pagkabalaan"; indi makaagi sa iya ang mahigko, kondi nga sia manginsaila. Ang mga magalakat sa sini nga dalan, bisan pa nga mga buangbuang sila, indi magatalang sila.

9 Didto walâ sing leon, bisan sapat nga mapintas nga magataklad sa iya, bisan makita sia didto, kag magalalakat didto ang mga tinubus.

10 Kag ang mga tinubus ni Iehoba magabalalik, kag magakalari sila sa Sion nga may kasadya; kag may kalipay nga walay katubtuban sa ibabaw sang ila mga olo: kag makadangat sila sang kalipay kag sang kasadya, kag magapalagyo ang kasakit kag ang pagbakho.

Ginalibutan ni Senakerib ang Ierusalem.—Pangamyo ni Esekias.—Nalaglag ang kasoldadosan nga Asiriahanon.

**36** NAHANABU, sa tuig nga ikapulo kag apat sang hari nga si Esekias, nga si Senakerib, nga hari sa Asur, nagtaklad batok sa tanan nga mga banwa nga mabakud sa Iuda, kag ginkuha niya sila.

2 Kag ginpadalâ sang hari sa Asur si Rabsake, nga may dakung kasoldadosan, sa Lakis pa Ierusalem sa hari nga si Esekias; kag nagdululog sila sa luyo sang kalog sang punong sa ibabaw sa dalan sang latagon sang Manuglugom.

3 Kag si Eliakim, nga anak ni Hilkia, nga tululinan sang balay sang hari, naggow sa iya upud si Sebna nga eskriba, kag si Ioa, nga anak ni Asap, nga manugsulat sang mga Kronika.

4 Kag nagsiling sa ila si Rabsake: "Busa karon, isiling-ninyo kay Esekias: Amo ining ginasiling sang dakung hari, ang hari sa Asur. Ano nga pagsalig bala inang imo ginasaligan?"



5 Nagasiling ako: Mga polong sila sa mga bibig lamang. May kinahanglan sing kasapulanang kag panikasug nga sa pag-awayan. ¿Sa kay sin-o bala ikaw nagasalig, agud nga magmalalison ka batok sa akon?

6 Yari karon, ikaw nagasalig sa sining sungkod nga kawayan nga balbag, sa Egipto, nga kon may isa nga magpanukud sa iya, magasulud ini sa iya kamut kag magalapus sa iya. Amo ini si Paraon, nga hari sa Egipto, nga sa tanan nga mga nagasalig sa iya.

7 Kag kon magsiling ka sa akon: Kami nagasalig kay Iehoba, nga amon Dios. ¿Indi bala amo sia gid nga ang iya mga mataas nga duug kag ang mga halaran ginkuha ni Esekias, sang nagsiling sia kay Iuda kag sa Ierusalem: Sa atubangan sini nga halaran magayub kamo?

8 Kag karon, ginaampo ko sa imo, nga makigkasugtanay ka sa akon ginoo, sa hari sa Asur, nga akon ginoo, kag ako magahatag sa imo sing duha ka libo ka kabayo, kon ikaw makasarang sa pagpatigayon sing mga *tinawo* nga magkabayo sa ila.

9 Busa ¿paano bala ang pagpatalingimo sang nawung sang isa lamang ka pangolo sang labing diyotay sang mga alagad sang akon ginoo? Apang nagasalig ka sa Egipto tungud sang mga kanga kag sang mga manugkabayo.

10 ¿Nagtaklad bala ako karon nga walâ si Iehoba batok sa sini nga duta nga sa paglaglag sa iya? Si Iehoba gid ang nagsiling sa akon: Taklad-ka batok sa sining duta, kag laglaga sia."

11 Kag nagsiling si Eliakim, kag si Sebna, kag si Ioah, kay Rabsake: "Ginaampo ko sa imo, nga maghambal ka sa imo mga alagad sing Araminhon, kay kami makahangup sini, kag indi ka maghambal sa amon sing hinudio sa mga idulungug sang banwa, nga yara sa ibabaw sang kuta."

12 Kag si Rabsake nagsiling: "¿Ginpadalâ bala ako sang akon ginoo sa imo kon sa imo ginoo, nga sa pagsiling sining mga polong? ¿Indi bala nga sa mga tawo nga yara sa ibabaw sang kuta sa pagkaon sang ila ipot, kag sa paginum sang ila ihi upud sa inyo?"

13 Kag nagtindug si Rabsake, kag nagtuaw sa daku nga tingug sa hinudio, kag nagsiling: "Palamati-kamo sang

mga polong sang daku nga hari, sang hari sa Asur.

14 Am, ining ginasiling sang hari: Indi kamo magpalimbong kay Esekias; kay indi sia makasarang sa pagluwas sa inyo.

15 Kag indi magpasalig si Esekias sa inyo kay Iehoba, nga nagasiling: Sa pagkamatuud, pagaluwason kita ni Iehoba; ini nga banwa indi pagaitugyan sa mga kamut sang hari sa Asur.

16 Indi kamo magpamati kay Esekias; kay amo ining ginsiling sang hari sa Asur: Palakighidaet-kamo sa akon kag gulowa-kamo sa akon: kag ang tagsatagsa magakaon sang iya kaubasan, kag ang tagsatagsa sa iya higera, kag ang tagsatagsa magainum sang mga tubig sang iya bobon,

17 Tuhtub nga ako mag-abut, kag magdalâ sa inyo sa isa ka duta subung sang inyo duta, duta nga sa trigo kag sa duga sang ubas, duta nga sa tinapay kag sa mga kaubasan.

18 Dili kamo magtugut nga si Esekias magsugyot sa inyo, nga nagasiling: si Iehoba magaluwas sa aton. Ang mga dios sang mga katawohan ¿nagluwas sila bala sang tagsatagsa sa iya duta sa kamut sang hari sa Asur?

19 ¿Diin bala ang mga dios sa Hamat kag sa Arpad? ¿Diin bala ang mga dios sa Separbaim? ¿Nagluwas bala sila sa Samaria sa akon kamut?

20 ¿Mga sin-o bala sang tanan nga mga dios sining mga kadutaan, nga nagluwas sa ila duta sa akon kamut, agud nga si Iehoba magluwas sa akon kamut sa Ierusalem?"

21 Kag naghilipus sila kag walâ sila magsabat sa iya sing polong; kay may sogo sang hari, nga nagasiling: "Indi kamo magsalabat sa iya."

22 Kag si Eliakim, nga anak ni Hilkia, nga tululinan sang baláy, kag si Sebna, nga eskriba, kag si Ioah, nga anak ni Asap nga manugsulat sang mga Kronika, nag-alabut kay Esekias nga gisi ang ila mga panapton, kag ginpatpat nila sa iya ang mga polong ni Rabsake.

**37** KAG nahanabu nga, sang nabati-an ini sang hari nga si Esekias, gingisi niya ang iya mga panapton, kag nagputus sia sang panapton nga masinakiton, kag nagsulúd sia sa Baláy ni Iehoba.

2 Kag ginpadalá niya si Iliakim, nga tululinan sang baláy, kag si Sebna nga eskriba, kag ang mga tigulang sang mga saserdote, nga mga nagputus sang panapton nga masinakiton, kay Isaias nga manalagna, nga anak ni Amos;

3 Kag nagsililing sila sa iya: "Amo ining ginasiling ni Esekias: Ini nga adlaw among adlaw sa kalisdanan, sa sabdong kag sa pagpakahuya; kay ang mga anak nag-alabut tubtub sa pagkatawo, kag walay mga kusug nga sa pag-anak.

4 Ayhan nagpamati kunta si Iehoba, nga imo Dios, sang mga polong ni Rabsake, nga ginpadalá sang hari sa Asur, nga iya ginoo, sa pagpasipala sa Dios nga buhi, kag nga magasabdong sia sang mga polong nga nabatian ni Iehoba, nga imo Dios. Ngani, magbayaw-ka sing isa ka pangamuyo tungud sa mga nabilin nga yari pa sila."

5 Kag nag-alabut ang mga alagad ni Esekias kay Isaias.

6 Kag si Isaias nagsiling sa ila: "Amo ini ang pagaisiling ninyo sa inyo ginoo: Amo ining ginasiling ni Iehoba: Indi ka magkahadluk tungud sang mga polong nga nabatian mo, nga sa ila ginpakahuy-an ako sang mga alagad sang hari sa Asur.

7 Yari karon, magabutang ako sa iya sing isa ka espiritu, kag magapamati sia sing higonghigong, kag magabalik sia sa iya duta, kag pagahimoon ko nga sa iya duta mapukan sia sa hinganiban."

8 Kag nagpauli si Rabsake, kag nakita niya ang hari sa Asur, nga nagaaway sa Libna; kay nabatian niya nga sia nagtaliwan sa Lakis.

9 Kag nabatian niya ang siling nahanungud kay Tiraka, nga hari sa Kus: Naggowa sia nga sa pagpakigaway sa imo, sang pagkabati niya smi. Kag nagpadalá sia liwan sing mga manugbalita kay Esekias, nga nagasiling:

10 "Amo ining pagaisiling ninyo kay Esekias, nga hari sa Iuda, nga nagasiling: Indi ka magpalimbong sa imo Dios, nga sa iya nagasalig ka, nga sa pagsiling: Ang Ierusalem indi pagitugyan sa kamut sang hari sa Asur.

11 Yari karon, ikaw nakabati sang ginhilimo sang mga hari sa Asur sa tanan nga mga duta, nga gintagudilian nila sila; kag ikaw, pagaluwason ka bala?

12 Ginluwas bala sila sang mga

dios sang mga katawohan, nga ginpanlaglag sang akon mga ginikanan, nga amo ang Gosan, kag ang Haran, kag ang Resep, kag ang mga inanak ni Edom nga yadto sa Telasar?

13 Diin bala ang hari sa Hamat, kag ang hari sa Arpad, kag ang hari sang banwa sa Separbaim, sa Hena, kag sa Eba?"

14 Kag ginbaton ni Esekias ang sulat sa kamut sang mga manugbalita; kag ginbása niya sia; kag nagsaka sia sa Baláy ni Iehoba, kag ginbilad niya sia sa atubangan ni Iehoba.

15 Kag nagpangamuyo si Esekias kay Iehoba, nga nagasiling:

16 "Iehoba sang Sebaot, nga Dios ni Israel, nga nagapuyô ka sa tungâ sang mga kerubin, ikaw lamang among Dios sang tanan nga mga ginharian sang duta; ikaw ang naghimo sang langit kag sang duta.

17 Ilingig, oh Iehoba, ang imo idulungug, kag magpamati-ka. Muklata, oh Iehoba, ang imo mga mata, kag magtuluk-ka, kag magpamati sang tanan nga mga polong ni Senakerib, nga nagpadalá sia sa pagpakahuya sa Dios nga buhi.

18 Matuud, oh Iehoba, nga ang mga hari sa Asur naghapay sang tanan nga mga katawohan, kag sang ila mga duta;

19 Kag nga gintugyan nila sa kalayo ang ila mga dios, tungud kay indi mga dios sila, kondi binuhatan sang mga kamut sang tawo nga kahoy kag nga bató, kag ginlaglag nila sila.

20 Busa karon, Iehoba nga Dios namon, luwasa kami sa iya kamut, agud nga magkilala ang tanan nga mga ginharian sang duta, nga ikaw lamang, Iehoba, among Dios."

21 Kag si Isaias, nga anak ni Amos, nagpadalá sa pagsiling kay Esekias: "Amo ining ginasiling ni Iehoba, nga Dios sa Israel: Ang gin-ampo mo sa akon nahanungud kay Senakerib, nga hari sa Asur, ginpamati ko.

22 Ini among polong ni Iehoba nga ginahambal batok sa iya: Gintamay ka kag ginpasipalahan ka sang ulay nga anak nga babae sa Sion: naglungo sang iya olo sa olehe nimo ang anak nga babae sa Ierusalem.

23 Sa kay sin-o bala nagpasipala ka kag nagpakahuya ka? Kag batok kay sin-o bala nagbayaw ka sang imo ti-



nġug? Ginbayaw mo sa mataas ang imo mġa mata batok sa Balaan sa Israel.

24 Sa kamut sang imo mġa alagad ginpasipalahan mo ang Ginoo, kag nagsiling ka : Sa kadamuon sang akon mġa kanga magataklad ako sa mġa putokputokan sang mġa bukid, sa mġa bahin sa sulúd gid sang Libano. Pagautdon ko ang iya mġa labing mataas nġa mġa sedro, ang iya mġa sipres nġa pinili ; magalambut ako sa iya katapusan nġa putokputokan, sa talon sang iya katamnan.

25 Ako nagkutkut, kag naginum ako sang mġa tubig ; kag pagapamalhon ko sa mġa dapadapa sang akon mġa tiil ang tanan nġa mġa subà sa Matsor.

26 ¿ Walà ka bala makabati nġa dugay na nġa mġa panag-on ginhimo ko ini, nġa sa mġa adlaw nġa daan ginhuman ko ini? Kag karon ginapakari ko ini, kag didto ikaw sa paghapay sang mġa kabanwaanang nġa mabakud sa mġa tinumpok sang mġa nagub-an.

27 Kag ang iya mġa pumuluyô, mġa malip-ot sing mġa kamut, mġa linapyo, kag mġa pinanghapay, nġa sila *kasubung* sang hilamon sang latagon kag sang gamhon nġa linghod, *subung* sang hilamon sa mġa atup, kag sang patubas nġa laya, sa walà pa magulang.

28 Nahibaloan ko ang imo pagpahamtang, ang imo paggowa, kag ang imo pagsulúd kag ang imo kasingkal batok sa akon.

29 Tunġud kay naakig ka batok sa akon, kag ang imo pagkabugalon nagsaka sa akon mġa idulunġug, ako magabutang sang akon tohog sa imo mġa ilong, kag ang akon bokado sa imo mġa bibig, kag pagapabalikon ko ikaw sa dalan sa diin ikaw naghalin.

30 Kag ini magamanġintanda sa imo : Ini nġa tuig magakaon ka sang magatúbô sa iya kaugalingon, kag sa ikaduha ka tuig sang nagatúbô sa iya kaugalingon ; kag sa ikatlo ka tuig magasab-ug kamo kag magaanì kamo, kag magatalanum kamo sang mġa kaubasan, kag magakaon kamo sang bungà nila.

31 Kag nahanunġud sang nakapalagyo sa baláy ni Iuda, ang nasalin sang nabilin sa iya, magapangamut liwan sa idalum, kag magadalá sing bungà sa ibabaw.

32 Kay magagowa sa Ierusalem ang isa ka nabilin, kag sa bukid sa Sion, ang

mġa nagapalalagyo. Ang kaimon ni Iehoba sang Sebaot magahimo sini.

33 Tunġud sini nagsiling si Iehoba nahanunġud sang hari sa Asur sing subung sini : Indi sia magaabut sa sini nġa banwa, bisan magapana sia sang mġa baslay sa iya ; indi magapakita sa atubangan niya ang taming, bisan magapatindug sia sing tap-ok batok sa iya.

34 Sa dalan nġa iya ginkarian, magabalik sia, kag indi sia magaabut sa sini nġa banwa, siling ni Iehoba ;

35 Kay pagatabangan ko ini nġa banwa nġa sa pagluwas sa iya tunġud sa kabangdanan sa akon, kag tunġud sa kabangdanan ni Dabid, nġa akon alagad."

36 Kag naggowa ang manugtunda ni Iehoba, kag ginpilas niya sa dulugan sang Asur ang isa ka gatus kawaloan kag lima ka libo ; kag sang pagbangon nila sang kaagahon, yari karon, nġa tanan sila mġa lawas nġa patay.

37 Kag si Senakerib, nġa hari sa Asur, nagpatindug sia sang dulugan, kag naglakat kag nagbalik, kag nagpuyô sia sa Ninibe.

38 Kag nahanabu, sang nagayaub sia sa baláy ni Nisrok, nġa iya dios, nġa si Adromelek kag si Sareser, nġa iya mġa anak, nagpilas sa iya sa hinganiban, kag nagpalagyo sila sa Ararat ; kag naghari nġa salili niya si Esar-hadon, nġa iya anak.

Balatian ni Esekias kag makatilingala nġa pag-ayo sa iya.

**38** SA sadtong mġa adlaw nagbalatian sa kamatayon si Esekias. Kag nagabut sa iya si Isaias nġa manalagna, nġa anak ni Amos, kag nagsiling sa iya : "Amo ining ginasiling ni Iehoba : Himosa ang imo baláy, kag mamatay ka, kag indi ka magakabuhi."

2 Kag ginliso ni Esekias ang iya nawung sa dingding, kag nagpanġamuyo sia kay Iehoba,

3 Kag nagsiling : "Ginaampo ko sa imo, oh Iehoba, nġa magpanumdum ka, nġa nagalakat ako sa atubangan mo sa kamatooran kag lubus nġa tagiposoon, kag nġa ginhimo ko ang maayo sa imo mġa mata." Kag naghibi si Esekias sa isa ka daku nġa paghibi.

4 Kag nagabut ang polong ni Iehoba kay Isaias, nġa nagsiling :

5 "Lakat-ka kag isiling kay Esekias :

Amo ining ginasiling ni Iehoba, ang Dios ni Dabid, nga imo amay: Ginpamatian ko ang imo pangamuyo, kag nakita ko ang imo mġa luha. Yari karon, nga ako nagadugang sa imo mġa adlaw sing napulô kag lima ka tuig.

6 Kag pagaluwason ko ikaw, kag ini nga banwa, sa kamut sang hari sa Asur; kag pagatabangan ko ini nga banwa.

7 Kag ini mangintanda sa imo gikan kay Iehoba, nga pagahimoon ni Iehoba ang iya ginmitlang.

8 Yari karon, ginapabalik ko sa napulô ka alintaga, ang landong sang mġa inalintaga, nga nagpanaug sa mġa alintaga ni Akas, tungud sang adlaw." Kag ang adlaw ginpabalik sing napulô ka alintaga sa mġa alintaga nga kina-papanaug na.

#### Kalanlahon ni Esekias.

9 Sulat ni Esekias, nga hari sa Juda, sang nagbalatian sia kag nag-âyô sa iya balatian.

10 Ako nagsiling: Sa kalinong sang akon mġa adlaw, dapat nga magkadto ako

Sa mġa gawang sang lulubngan. Gindumilian ako sang nabilin sang akon mġa tuig.

11 Nagsiling ako: Indi ko makita si Iehoba,

Si Iehoba sa duta sang mġa nagakalabuhì.

Upud ang mġa pumuluyô sa duug nga didto magaatat ang tanan indi na ako makakita sang mġa tawo.

12 Ang akon puluy-an gingabut, kag ginhâlin nga malayô sa akon,

Subung sang payag sang manugbantay sang hayup:

Subung sang manughabol ginlikis ko ang akon kabuhi: pagapabulagun niya ako sa pugawa;

Pagatapuson mo ako sa adlaw tubtub sa gab-i.

13 Ginhulat ko tubtub sa aga. Subung sang isa ka leon ginaboong niya ang tanan ko nga mġa tul-an:

Sa aga tubtub sa gab-i pagatapuson mo ako.

14 Subung sang talimbabatang, subung sang dugwak naghuni ako.

Nagabakho ako subung sang sa-

lampati: "ginpanglapyo ang akon mġa mata sa pagtangla;

Oh Iehoba, ako sa kalilisdan; magmanugpangako-ka sa akon."

15 ; Ano bala ang pagaisiling ko? Sia naghambal sa akon, kag sia gid ang naghimo sini.

Magalakat ako sing mapainubuson gid sa tanan ko nga mġa adlaw bangud sang kapaitan sang akon kalag.

16 Oh Ginoo, tungud sini nga mġa butang nagakalabuhì ang mġa tawo

Kag sa tanan nila yara ang kabuhi sang akon espiritu;

Tungud sini magpahauli-ka sa akon, kag pagbuhion-mo ako.

17 Yari karon nga sa paghidaet sadto didto ako sa kapaitan, sa kapaitan.

Apang ikaw tungud sang imo gugma, nagluwas ka sang akon kalag sa boho sang kalaglagan,

Kay ginhaboy mo sa imo likod ang tanan nakon nga mġa salâ.

18 Kay ang lulubngan indi nagadayaw sa imo, bisan magolog sa imo ang kamatayon,

Ang mġa nagapalanaug sa boho indi magahulat sa imo kamatooran.

19 Ang nagakabuhì, ang nagakabuhì, ini sia magadayaw sa imo, subung sa akon karon nga adlaw;

Ang amay magapahibalo sang imo kamatooran sa mġa anak.

20 Si Iehoba nahanda sa pagluwas sa akon:

Kag magakuting kita sang mġa kuerda sang aton mġa tulungon

Sa tanan nga mġa adlaw sang aton kabuhi sa Balây ni Iehoba.

21 Kag ginasiling ni Isaias: "Magkuha sing tinapay nga igos, kag ihampol sia sa pilas, kag magâyô sia.

22 Kag nagsiling man si Esekias: " ; Ano bala nga tanda nga magasaka ako sa Balây ni Iehoba? "

Ang mġa manugkagon sa Babilonia pa Ierusalem.  
Bugal ni Esekias.

**39** SA sadtong panag-on si Merodak-Baladan, nga anak ni Baladan, nga hari sa Babilonia, nagpadalâ sing mġa sulat kag isa ka dŭlot kay Esekias, kay nabatian niya nga nagbalatian sia, kag nga nag-âyô sia.



2 Kag nagkalipay si Esekias bangud sa ila ; kag ginpakita niya sa ila ang baláy sang iya mġa malahalón nġa mġa butang : ang pílak kag ang bulawan, kag ang mġa pahamut, kag ang mġa lana nġa mahamut, kag ang bug-os niya nġa baláy sa mġa hinganiban, kag ang tanan nġa yara sa iya mġa bahandi. Walá gid sing bisan ano nġa walá pagipakita sa ila ni Esekias sa iya baláy kag sa bug-os niya nġa ginharian.

3 Kag ang manalagna nġa si Isaias nagkadto sa hari nġa si Esekias, kag nagsiling sa iya : “ ¿ Anong ginasiling bala sadtong mġa lalaki, kag sa diin sila naggilikan *pakari* sa imo ? ” Kag si Esekias nagsabat : “ Nagkalari sila sa akon sa duta nġa malayô, sa Babilonia, ”

4 Kag sia nagsiling : “ ¿ Anong nakita nila bala sa imo baláy ? ” Kag nagsiling si Esekias : “ Nakita nila ang tanan nġa yari sa akon baláy ; walá gid sing ano sa akon mġa bahandi, nġa walá ko igpakita sa ila. ”

5 Kag si Isaias nagsiling kay Esekias “ Pamatii ang polong ni Iehoba sang Sebaot :

6 Yari karon, nagaalabut ang mġa adlaw nġa ang tanan nġa yara sa imo baláy kag ang ginbahandi sang imo mġa ginikanan tubtub karon pagadal-on sa Babilonia, nġa walá gid sing mabilin, siling ni Iehoba.

7 Ang imo mġa anak, nġa naggulowa sa imo, nġa ginpanganak mo, pagakuha-on sila, kag magamanginkapon sila sa harianon nġa baláy sang hari sa Babilonia. ”

8 Kag si Esekias nagsiling kay Isaias : “ Ang polong ni Iehoba, nġa ginhambal mo, maayo. ” Kag nagsiling pa sia : “ Magamanginpaghidaet kag kalig-onan kunta sa akon mġa kaadlawan. ”

Ang pagluwas nġa sinead sa banwa sa Israel.

**40** PAGLIPAYON-NINYO, paglipayon-ninyo ang akon banwa, siling sang inyo Dios.

2 Hambal-kamo sa tagiposoon sang Ierusalem kag magsingit sa iya, nġa ang iya panag-on sa pag-awayan natuman na, nġa ang iya salá napatawad na ; nġa nabaton niya sa kamut ni Iehoba ang dapli tungud sang tanan niya nġa mġa salá.

3 Tingug sang nagasingit *nagsiling* :

“ Taman-ninyo ang dalan ni Iehoba sa kahanayakan, tadtunga-ninyo sa kami-ngawan ang dalan sang aton Dios.

4 Ang tanan nġa nalupyakan pagapataason kag pagpanubun ang tanan nġa bukid kag ang tanan nġa bakolod, kag ang mġa duug nġa bukidbukid manginpatag kag ang mġa duug nġa kudol-kudol manginmanubo.

5 Kag magapahayag ang himaya ni Iehoba, kag makakita sa iya sing tingub gid ang tanan nġa unud ; kay ginhambal sang bâbâ ni Iehoba. ”

6 Ang tingug sang nagahambal *nagsiling* : “ Singit-ka. ” Kag ang isa nagsiling : “ ¿ Ano bala ang igasingit ko ? ” “ Ang tanan nġa unud hilamon, kag ang tanan nġa ila katahum, subung sang bulak sang latagon. ”

7 Ang hilamon nagakalaya kag ang bulak magakalayong, kon ang hangin ni Iehoba maghuyup sa iya. Sa pagkama-tuud gid, ang banwa among hilamon.

8 Ang hilamon nagakalaya, ang bulak nagakalayong ; apang ang polong sang amon Dios nagapadayon sa gihapon. ”

9 Taklad-ka sa ibabaw sang isa ka bukid nġa mataas, manugbantala sang mġa maayong balita, oh Sion. Baskuga gid ang imo tingug, manugbalita sang mġa maayong balita, Ierusalem. Baskuga sia, indi ka magkahadluk. Isiling-mo sa mġa kabanwaan sa Iuda : “ Yari karon ang inyo Dios. ”

10 Yari karon ang Ginoo nġa si Iehoba nagakari nġa may kagamhanan, kag ang iya butkon nagaginoo nġa sa iya : yari karon, nġa ang iya sohol upud sa iya, kag ang iya balus sa atubangan niya

11 Subung sang manugbantay sang hayup magapahalab sia sang iya pina-nong ; sa iya butkon pagatiponon niya ang mġa kordero, kag sa iya dughan pagadalhon niya sila ; igadul-ong niya sing mahinay gid ang mġa gatasan.

Gahum sang Dios ; kadayawan sang mġa binubhat.

12 ¿ Sin-o bala ang nagtakus sang mġa tubig sa iya tapnay, kag nagtakus sang mġa langit sang iya dangaw, kag nagtipon sa isa ka talaksan sang tanan nġa yab-ok sang duta ? ¿ Sin-o bala ang nagtimbang sang mġa bukid sa kaw-it, kag ang mġa kabakoloran sa timbangan ?

13 ¿Sin-o bala ang nagtakus sang Espiritu ni Iehoba, kag sin-o bala ang manuglaygay niya sa pagpakilala sa iya?

14 Sa kay sin-o bala sia nagpakisayud, agud nga paghatagan sia sing ihibalo, kag nga pagtudloan sia sang banas sang katadlungan, kag nga pagtudloan sia sing kinaadman kag nga pagpakilalahon sia sang banas sang ihibalo?

15 Yari karon, nga ang mga katawohan pagakabigon subung sang isa ka tolo sang isa ka toong, kag subung sang yab-ok sa isa ka timbangan; yari karon, nga ginahakwat niya ang mga pulo subung sang yab-ok nga malom-ok.

16 Kag ang Libano indi mangintuman nga sa kalayo, kag ang tanan nga mga kasapatan nga yadto didto indi igo nga sa halad nga sinunog.

17 Subung sang walá ang tanan nga mga katawohan sa atubangan niya; kag sa iya ginakabig sila nga labing kubus sa kadayawan kag sa walá.

18 Busa, ¿Sa kay sin-o bala igapaangay niya ang Dios? Kag ¿ano bala nga larawan pagaiaman ninyo sa iya?

19 Ang manugtugi nagatunaw sang isa ka larawan nga tinunaw, ang manugsalsal sang pilak nagahalup sa iya sing bulawan, kag nagatunaw sa iya sing mga talikala nga pilak.

20 Ang tama ka imol nga sa amo nga halad nagapili sia sing kahoy nga indi maggabok; nagapangita sia sing isa ka sampaton nga panday nga maghimo sa iya sing isa ka larawan, nga indi maggiho.

21 ¿Walá bala kamo makahibalo? ¿Walá bala kamo makabati? ¿Walá bala kamo pagbantalai sini kutub sang ginsuguran? ¿Walá bala kamo makahangup sang mga sadsaran sang duta?

22 Sia nagalingkok sa ibabaw sang natipolonan sang duta, nga ang iya mga pumuluyô, subung sila sang mga apan; nga nagahumlad sia sang kalangitan subung sang isa ka hinabol nga manipis, nga nagabuklad sa ila subung sang isa ka layanglayang nga puluy-an;

23 Nga ginahimo niya ang mga dunganon nga kaangay sa indi amo, kag nga ginahimo niya ang mga hukom sang duta nga subung sang walá.

24 Halus nga matanum sila, halus nga masab-ug sila, halus nga makagamut ang iya púnô sa duta, nga sia nagahuyup lamang batok sa ila, kag sila nagaka-

laya, kag ang alimpulos nagadalá sa ila subung sang dagami.

25 Busa, ¿sa kay sin-o bala ninyo ako ipaangay, agud nga manginkaangay ako sa iya? siling sang Balaan.

26 Itangla-ninyo ang inyo mga mata, kag tuli ka-ninyo. ¿Sin-o bala ang nagtuga sini nga mga butang? Sia ang nagapagowa sa ngalan sang ila kasoldadosan, nga sa tanan nagatawag sia sa ila mga ngalan; walá gid sing makulang sa kabangdanang sang pagkadaku sang iya gahum kag sang kagamhanan sang iya kusug.

27 ¿Kay nga nagasiling ka, oh Iakob, kag nagahambal ka sing subung, Israel: "Ang akon dalan natago kay Iehoba kag ang akon katadlungan nagaligad nga *wali makit-i* sang akon Dios?"

28 ¿Walá ka bala makahibalo, walá ka bala makabati nga si Iehoba among Dios nga walay katubtuban, nga sia nagtuga sang mga ukbung sang duta? Walá sia pagbudlaya, bisan paghapoa; dimatunkad ang iya ihibalo.

29 Sia nagahatag sing kusug sa ginabudlay, kag nagapadamu sang kabaskug sa walá sing kusug.

30 Ang mga pamatan-on ginabudlay kag ginahapo; ang mga hamtong nagakalapukan;

31 Apang ang mga nagahululat kay Iehoba, nagasuklub sing bago nga mga kusug; nagatimbook sila nga may mga pakpak subung sang mga agila; nagadinalagan sila, kag indi sila ginahapo; nagalalakat sila, kag indi sila ginabudlay.

Si Iehoba lamang among Dios, sa iya gid nagasalig ang Israel.

**41** MGA pulô, hipus-kamo sa atubangan nakon, kag magsuklub ang mga banwa sing bag-o nga kusug; magkalari sila, kag niyan maghalambal sila. Magpalapit kita sing tingub sa paghukom.

2 ¿Sin-o bala ang nagpamata, sa Sidlangan, sang ginatawag sang katarangan sa iya mga tikang? Ginatugyan niya sa iya ang mga katawohan, kag ginapaginoo niya sia sa mga hari; kag ginatugyan niya *sila* sa iya hinganiban subung sang yab-ok, sa iya pana subung sang dagami nga ginapalis.

3 Magalagas sia sa ila; magaagi sia



sa paghidaet sa banas, sa diin nga ang iya mga tiil walâ makaglakat.

4 ¿Sin-o bala ang nagbuhut kag naghimo sini? Ang nagtawag sang mga kaliwatan kutub sang ginsuguran, ako si Iehoba, ang nahauna, kag ako amo gid ang kaúpud sang mga naolehe.

5 Ang mga kapuloan nakakita sini, kag nagakalahadluk sila; ang mga ukbung sang duta nagakulurug: nagapalapit sila, kag nagalambut sila.

6 Nagabululigay ang isa sa isa; ang tagsatagsa nagasiling sa iya útud: "Pagpanikasug-ka."

7 Ang panday nagapabaskug sa manugsalsal sang pilak; ang nagapahining nga may pakang, *nagapabaskug* sa nagapapa sa landasan; sia nagasiling nahahunud sang sinoldahan: "Maayo na sia"; kag ginpilig-on niya ini sang mga lansang, agud nga indi makagiho.

8 Apang ikaw, Israel, alagad ko, Iakob, nga akon ikaw ginpili, nga kaliwat ni Abraham nga akon abyan,

9 Ikaw nga ginkuha ko sa mga ukbung sang duta, ikaw nga gintawag ko gikan sa tungâ sang iya mga *pumulu-yô* nga ginpain, kag nga sa iya nagsiling ako: "Ikaw among akon alagad: ginpili ko ikaw, kag walâ ko ikaw igiskway."

10 Indi ka mahadluk, kay ako nagaúpud sa imo: indi ka magpakalapyo, kay ako amo ang imo Dios; nagapalig-on ako sa imo: hoo, nagabulig ako sa imo; hoo, ginaagobay ko ikaw sang too sang akon katarungan.

11 Yari karon, ang tanan nga nagakainit batok sa imo pagapakahuy-an kag pagapasalimoan-angon sila: manginsubung sila sang walâ, kag magakaladula sila, ang imo mga kasumpung.

12 Pagapangitaon mo sila, kag indi mo sila makita, ang mga may kasuayon sa imo; manginsubung sila sang indi amo, kag subung sang walâ, ang mga nagapakigaway sa imo.

13 Kay ako si Iehoba ang imo Dios, nga nagauyat sa imo sa kamut nga too, kag nga nagasiling sa imo: Indi ka mahadluk, ako amo ang nagatabang sa imo.

14 Indi ka mahadluk, ulud ni Iakob, mga tinawo sa Israel: ako amo ang nagatabang sa imo, siling ni Iehoba, kag ang imo Mamamawi amo ang Balaan sa Israel.

15 Yari karon, ako nagahimo sa imo nga ililinas nga matalum nga bag-o, nga may mga ngipon nga duha sing sulab; magalinas ka sing mga bukid kag pagadugmukon mo sila, kag ang mga kabakoloran pagahimoon mo subung sang alikabo.

16 Pagapahan-anginan mo sila, kag pagadal-on sila sang han-angin, kag pagaiwaraag sila sang alimpulos; kag ikaw magapangalipay kay Iehoba, magahimaya ka sa Balaan sa Israel.

17 Ang mga nalisdan kag ang mga makalolooy nagapalangita sing tubig kag walâ na, nga ang ila dila nagamala sa kauhaw; ako, si Iehoba, magapamati sa ila; ako, ang Dios ni Israel, indi magbiya sa ila.

18 Pagapatubdon ko ang mga subâ sa mga putokputokan nga hinublasan, kag ang mga tuburan sa tungâ sang mga nalupyakan; pagabaylohan ko ang kahanayakan sa mga punong sang mga tubig; kag ang duta nga kigas sa mga iligan sang mga tubig.

19 Igapahamtang ko sa kahanayakan ang sedro, ang kahoy nga Sitim, ang mirto, kag ang kahoy sa lana; igabutang ko sa kamingawan ang sipres, ang abeto, kag ang alamo kag ang boks sing tingub.

20 Agud nga makita nila, kag makilala nila, kag mapamalandong nila, kag mahangup nila sing tingub, nga ang kamut ni Iehoba nagahimo sini, kag nga ang Balaan sa Israel nagtuga sini.

21 Paatubanga-ninyo ang inyo kasaba, siling ni Iehoba; ipakita-ninyo ang inyo mga katarungan, siling sang hari ni Iakob.

22 Igapakita nila sila, kag ipahibalo nila sa amon ang magaabut. Ang mga nahauna ¿sin-o bala sila? Ibantalaninyo ini, kag pagaibutang namon ang amon tagiposoan sa iya; kag mahibaloan namon ang iya katapusan; kon ipahangup sa amon ang mga butang nga magaabut.

23 Igabantala sa amon ang mga butang nga magaabut sa olehe, agud nga mahibaloan namon nga kamo amo ang mga dios. Kag maghimo-kamo sing maayo kon sing malain, kag magakalatingala kami sini kag pagapamalandongon namon sia sing tingub gid.

24 Yari karon, nga kamo mga *kaangay* sa indi amo, kag ang inyo mga

binuhatan sa walâ. Kalangil-aran ang nagapili sa inyo.

25 Sa Aminhan ginapukan ko sia, kag nagakari sia, sa Bulutlakan sang adlaw nagatawag sia sang akon ngalan; kag nagalakat sia sa ibabaw sang mga dunganon subung sang sa ibabaw sang lunang, kag subung sang paglapak sang manihoon sang lunang.

26 Sin-o bala ang nagbantala sini kutub sang ginsuguran, agud nga makahibalo kamo sini; kag kutub sadto, agud nga magsiling kami: "Matarung ini." Apang walay sin-o nga magbantala, walay sin-o nga magpahangup sini, walay sin-o nga makabati sang inyo nga pinolongan.

27 Amo ako ang nahauna, nga *nagsiling* sa Sion: "Yari karon, yari diri sila"; kag sa Ierusalem ginahatag ko ang isa ka manugbalita sang mga maayo nga balita.

28 Nagatulok ako... Walay sin-o; kag sa tungâ nila walâ gid sing manuglaygay, nga sarang ko mapamangkotan, kag nga nagasabat.

29 Yari karon, tanan sila kadaya-wan, ang binuhatan nila walâ, ang ila nga larawan nga tinunaw hangin lamang kag walay sulúd.

Ang alagad ni Iehoba.

**42** YARI karon ang akon alagad, ako nagasakdag sa iya; *sia* ang akon pinili, nga sa iya ang akon kalâg nahamuut; ginbutang ko sa ibabaw niya ang akon Espiritu, magapahayag sia sing katarungan sa mga katawohan.

2 Indi sia magingingit, bisan magapataas sang iya tingug, bisan magpabati sia sa iya sa mga dalan.

3 Ang kawayan nga basag indi niya pagbalion, kag ang pabilo nga nagadab-dab sing pirot indi niya pagpalongon; magapahayag sia sang katadlungan sono sang kamatooran.

4 Indi sia magaluya, bisan pagalapyon, tubtub nga matukud niya sa duta ang katarungan; kag ang nga kapuloan magahululad sang iya kasogoon.

5 Amo ining ginasingil sang Dios nga si Iehoba, nga nagtuga sang langit, nga naghumlad sa ila; nga nagpalapad sang duta patí ang nagatubo sa iya, nga nagahatag sing gininhawa sa banwa

nga yara sa iya, kag sing huyup sa mga nagalalakat sa iya.

6 Ako, si Iehoba, nga nagtawag sa imo sa katarungan, kag ginuyatan ko ikaw sa kamut, ginbantayan ko ikaw, kag ginhimo ko ikaw nga katipan sang banwa, kapawa sang mga katawohan,

7 Agud nga pamuklaton mo ang mga mata nga bulag, agud nga pagpagowanon mo sa bilangoan ang mga binilango, kag sa baláy nga bilangoan ang mga pumuluyô sa mga kadudulman.

8 Ako amo si Iehoba: amo ini ang akon ngalan kag sa iban dili ko pagihatag ang akon himaya, bisan ang akon kadayawan sa mga larawan nga tinigban.

9 Ang mga butang nga mga nahauna, yari karon, nag-alabut sila, kag ako nagabalita sing mga bag-ong butang; sa walâ pa sia magtúbô, ginapahibalo ko sila sa inyo.

10 Pag-ambahan-kamo kay Iehoba sing isa ka bag-ong kalantahon, pag-ambahana ang iya pagdayaw sa ukbung sang duta, kamo nga nagadululhog sa dagat, kag ang tanan nga yara sa iya, mga kapuloan, kag kamo nga mga pumuluyô sa ila.

11 Magabalayaw sang *tingug* ang kahanayakan kag ang iya nga kabanwaan, nga nagapuyô sa Kedar; magambahan sa kalipay ang mga pumuluyô sang Sela, nga kutub sa putokputokan sang mga bukid magsiningit sila.

12 Hatagan nila sing himaya si Iehoba, kag ibantala nila ang iya kadaya-wan sa mga kapuloan.

13 Si Iehoba magagowa subung sang mandadaug, kag subung sang tawo sa pag-awayan magapamata sia sing kakugi, magingingit sia sa mataas nga tingug, hoo, singit nga makahahadluk, kag magadaug sia sang iya kaaway.

14 Naghipus ako sa tanan nga panagon, magpahimonong ako, kag nagpugung ako; *apang* magingingit ako, subung sang nagaanak: magaginhawa gid ako kag magaponghakroy ako sing tingub gid.

15 Pagahapayon ko ang bukid kag ang kabakoloran; pagapalayaon ko ang tanan nila nga hilamon; ang mga kasubaan pagahimoon ko nga mga kapuloan, kag pagapamalahon ko ang mga punong.

16 Kag pagapalakton ko ang mga



bulag sa dalan nga walâ nila mahibaloi, pagapatapakon ko sila sa mga banas nga walâ nila makilala; sa atubangan nila pagapabaylohan ko ang mga kadulduman sa kapawa, kag ang mga duug nga kodolkodol sa kapatagan. Yari karon ang mga butang nga pagahimoon ko, kag nga indi ko sila pagapabayaan.

17 Pagapaisolon sila, kag pagapakahuyan ang mga nagasalalig sa mga larawan nga tinigban, ang mga nagasiling sa mga larawan nga tinunaw: "Mga dios kamo namon."

18 Mga bungol, pamati-kamo; mga bulag, tuluk-kamo kag pagtan-aw-kamo.

19 ¿Sin-o bala ang bulag, kondi ang akon alagad kag bungol subung sang akon manugbalita, nga ginapadalâ ko? ¿Sin-o bala ang bulag subung sang napunô sang mga pagkabutang? ¿Sin-o bala ang bulag subung sang alagad ni Iehoba?

20 Nagatan-aw ka sang madamu nga mga butang, apang indi ka makatalupangud; nabuksan ang imo nga idulungug, kag walâ ka magapamati.

21 Si Iehoba nahamuut, tungud sang iya katarungan, sa paghimo sang iya kasogoon nga daku kag halangdon.

22 Apang ini nga banwa kinawatan kag hinublasan. Sila nga tanan nasiod sa mga gikab kag pinanago sa mga bilangoan. Napanugyan sila sa pangawat kag walâ sing sin-o nga magluwas. Ginahublasan sila, kag walâ sing sin-o nga magasiling: "Iulininyo."

23 ¿Sin-o bala sa inyo ang magadungug sini, nga magatalupangud kag magapamati nahanungud sa palaabuton?

24 Sin-o bala ang nagtugyan kay Iakob, agud nga paghublasan, kag kay Israel sa mga magapangawat sa iya? ¿Indi bala si Iehoba, nga sa iya nakasalâ kita sa mga dalan nga sa ila indi kita magbuluut sa paglakat, bisan nagpalamati kita sang iya kasogoon?

25 Ngani, iya ginula sa ibabaw sang banwa ang kasingkal sang iya kaakig, kag ang paglugus sang inaway, kag gintutdan niya sia batok sa iya sa bug-os nga palibot, spang walâ niya mahibaloi; ginsunug niya sia, spang walâ sia mag-sapak.

Si Iehoba lamang ang nagbawi kay Israel.

**43** KAG karon nagasiling si Iehoba, nga nagtuga sa imo, oh Iakob, kag ang naghuman sa imo, oh Israel: Indi ka mahadluk, kay ako nagtubus sa imo; nagtawag ako sa imo sa ngalan, akon ikaw.

2 Kon mag-agi ka sa mga tubig, ako magaupud sa imo; kag sa mga subâ, indi ka nila masalapanan. Kon mag-agi ka sa kalayo, indi ka masunog, bisan ang dabdab magaupus sa imo.

3 Kay ako amo si Iehoba, nga imo Dios, ang Balaan sa Israel, nga imo Manunubus. Ginhatag ko ang Egipto nga sa imo gawad, ang Kus kag ang Sena nga tal-us sa imo.

4 Tungud kay sa akon mga mata mahal ka, nga talahoron ka kag nga akon nagahigugma sa imo, magahatag akosing mga tawo sa tal-us sa imo, kag mga katawohan sa baylo sang imo-kabuhi.

5 Indi ka mahadluk, kay ako upud sa imo; gikan sa Sidlangan pagadal-on ko diri ang imo kaliwatan, kag gikan sa katundan pagatiponon ko ikaw.

6 Magasiling ako sa Aminhan: "Hatagi", kag sa Bagatnan: "Indi ka magdulog. Dalha diri sa malayô ang akon mga anak nga lalaki kag ang akon mga anak nga babae gikan sa mga ukbung sang duta.

7 Ang tanan nga mga ginahingadlan sa akon ngalan kag nga sa akon himaya, gintuga ko nga ginhuman ko, hoo, nga ginbuhat ko sila nga sa akon himaya."

8 Pagowaa ang banwa nga bulag nga may mga mata, kag ang mga bungol, nga may mga idulungug.

9 Magtilipon ang tanan nga mga katawohan sing tingub, kag magtilingub ang tanan nga mga kabanwaan. ¿Sin-o bala ang sa tungâ nila nga magbantala sini? Magpabati sila sa aton sang mga nahaunang mga butang, nga maghatag sila sang ila mga pagpamatuud kag pagapakamatarungan sila, kag magapalamati sila kag magasiling: "Matud ini."

10 Mga saksi ko kamo, siling ni Iehoba, kag ang akon alagad, nga ginpili ko, agud nga makakilala kamo kag magtoloo kamo sa akon, kag nga mahangup ninyo nga amo ako; nga una sa akon walâ gid sing Dios nga ginhuman,

bisan sa olehe nakon walâ gid sing *ibun*.

11 Amo ako, ako amo si Iehoba; kag luwas sa akon walâ sing Manluluwas.

12 Ako ang nagbantala, kag ang nagluwas, kag ang nagpahangup, kag walâ sing dumuluong nga dios sa tungâ ninyo; kag kamo amo ang akon mga saksi, siling ni Iehoba, nga ako amo ang Dios.

13 Bisan kutub sadtong adlaw ako amo, kag walay sin-o nga makaluwas sa akon kamut; ako ang magahimo, ¿sin-o balâ ang magasablag sini?

14 Amo ining ginsiling ni Iehoba, nga inyo Mamamawi, ang Balaan sa Israel: Bangud sa inyo ginapadalâ ko sa Babilonia, ginapadulhog ko ang tanan subung nga mga malalagyo upud ang mga Kaldeinhon, sa mga sakayan, nga didto nabatian ang ila singit.

15 Ako si Iehoba, nga inyo Balaan, ang Magbubuhat ni Israel, nga inyo Hari.

16 Amo ining ginasiling ni Iehoba, ang naghimo sing dalan sa dagat kag sing banas sa mga gamhanan nga tubig;

17 Ang nagpagowa sing kanga kag sing kabayo, sing kasoldadosan kag sang gah m. Nagakalapukan sila sing tingub, indi na sila magatilindug; ginpalong, sila, ginpalong subung sang pabilo.

18 Dili magpalanumdum-kamo sang mga nahaunang mga butang, bisan magpamalandong-kamo sang mga dumaan nga mga butang.

19 Yari karon, magahimo ako sing bag-ong butang, karon nagatúbô sia. ¿Walâ bala kamo makakilala sa iya? Hoo, pagabutangan ko liwan sing dalan ang kahanayakan, kag sing mga subâ ang kamuhaymuhayan.

20 Ang mga sapat sa latagon magahimaya sa akon, ang mga sakal kag ang mga abestrus, kay nagbutang ako sing mga tubig sa kahanayakan, sing mga subâ sa kamuhaymuhayan, agud nga maginum ang akon banwa, ang akon pinili.

21 Ini nga banwa, nga ginhuman ko nga sa akon, pagaisugid niya ang akon mga kadayawan.

22 Kag indi sa akon nga ikaw nagatawag, oh Iakob, sa bagay nga ginbudlay ka tungud sa akon, oh Israel.

23 Walâ mo sa akon pagdal-ha ang mga kordero sang imo mga halad nga

sinunog, bisan ginapadungan mo ako sang imo mga halad: walâ ko ikaw paggamoha nga may halad nga kalan-on, bisan ginbudlay *ko ikaw* nga may insienso.

24 Walâ ka magbakal nga sa akon sa bili sang pilak sing kawayan nga mahamut, bisan ginbusug mo ako sang sapay sang imo mga halad; kondi gingamo mo ako sang imo mga salâ kag ginbudlay mo ako sa imo mga kalautan.

25 Ako, ako amo ang nagapanas sang imo mga pagkamalalison bangud sa akon, kag indi na ako magapanumdum sang imo mga salâ.

26 Papahanumduma ako, agud nga magkasaba kita sing tingub: sugid-ka, agud nga pagpakamatarungon ka.

27 Ang imo nahauna nga amay nagpakasalâ, kag ang imo mga manugpatpat naglalalis batok sa akon.

28 Kag ako nagpakahuya sang mga dunganon sang balaan nga Puluy-an; kag gintugyan ko si Iakob sa katagudilian kag si Israel sa buyayaw.

Ang pagkaharianon sang Dios kag ang kadayawan sang mga dieddios.

**44** KAG karon, pamatii, Iakob, nga akon alagad, oh Israel, nga akon ginpili;

2 Amo ining ginasiling ni Iehoba, nga naghimo sa imo, nga naghuman sa imo kutub sa tiyan, nga sia nagtabang sa imo: Dili ka mahadluk, Iakob, nga akon alagad, Iesurun nga akon ginpili;

3 Kay ako magaula sing mga tubig sa ibabaw sang ginauhaw, kag sing mga ilig sa ibabaw sang duta nga mama-la; ang akon Espiritu igapasagahay ko sa ibabaw sang imo kaliwatan, kag ang akon pagpakamaayo sa ibabaw sang mga nagagikan sa imo;

4 Kag magatulúbô sila sa tungâ sang hilamon, subung sang mga sauses sa luyo sang mga ilig sang tubig.

5 Ini magasiling: "Iya ako ni Iehoba"; ang isa pagatawgon sang ngalan ni Iakob, kag ang isa magasulat, sang iya kamut, nga kay Iehoba, kag magapadayawdayaw sia sa ngalan nga Israel.

6 Amo ining ginasiling ni Iehoba, nga hari sa Israel, kag ang iya Mamamawi, si Iehoba sang Sebaot: Ako ang naha-



una, kag ako ang naolehe, kag luwas sa akon walâ sing Dios.

7 ;Sin-o bala ang nagbantala sang *palaabuton* subung sa akon (magpamatuud sini sa akon kag magpahayag sini sa akon) kutub nga gintukud ko ang isa ka banwa sa gihapon? ibantala nila sa ila ang nagaabut kag ang dapat magkari.

8 Dili kamo magpakakulba, kag diil kamo magkahadluk: ; walâ ko bala pagipabati ini sa imo kag pagibantala kutub sadto gid? Kag kamo amo ang akon mga saksi. ; May Dios bala luwas sa akon? Walâ sing liwan nga Batong bantiling; walâ gid ako sing nakilala.

9 Ang mga manughimo sang mga larawan nga tinigban mga kadayawan sila nga anan; kag ang labing malahalon sa ila mga binuhatan nga walâ gid sing kapuslanan, sila gid among mga saksi sini, sila indi makakita bisan makahangup, agud nga pakahuy-an sila.

10 ;Sin-o bala ang nagahimo sing isa ka dios, kon sin-o ang nagatunaw sing isa ka larawan nga tinigban, nga walâ gid sing kapuslanan?

11 Yari karon, ang tanan niya nga mga kaupdanan pagapakahuy-an sila, kag ang amo gid nga mga manughimo mga tawo sila. Tanan sila nagatili-pon, didto sila nga nagatilindug, nga nagakakugmat kag ginapakahuy-an sila sing tingub.

12 Ang panday sa salsalon *nagahimo* sang wasay, ginahimo niya sia sa mga бага, ginahuman niya sia sa mga pakang nga salsalon, kag nagapangabudlay sia sa iya sa kusug sang iya butkon; bisan pa ginagutum sia, kag walâ sia sing kusug: kon indi sia mag-inum sing tubig, nagaluya sia.

13 Ang panday nagauntay sang lubid, nagapat-in sia sa iya sang lapis, ginahuman niya sia sa tigib, ginabadlit-tan niya sia sang kompas, ginahimo niya sila sono sa dagway sang isa ka tawo, katulad sang kaayoayo nga tawohanon sa pagpuyô sa isa ka baláy.

14 Nagautúd sia sing mga sedro, kag nagakuha sia sang roble kon alon, kag ginapili niya nga sa iya sa tungâ sang mga kahoy sa talon; nagatanum sia sing pino, nga nagapatúbô ang ulan sa iya.

15 Kag ang tawo may pagasunugon, kag sa iya nagakuha sia nga sa pagpainit

sa iya; sa iya nagatutud sia sang kalayo kag nagaluto sia sing tinapay; sa iya nagahimo man sia sing isa ka dios, kag nagayaub sia sa atubangan niya: sa iya nagahimo sia sing isa ka larawan nga tinigban kag ginasimba niya sia.

16 Ang isa ka bahin sa iya ginasunog niya sa kalayo: sa bahin niya nagakaon sia sing unud, nagasugba sia sing sinugba, kag nagakabusug sia; nagapainit-nit man sia kag nagasiling: “!Oh! nakapainitnit ako, nakita ko ang бага.”

17 Kag ang iya nabilin ginahimo niya nga isa ka dios, nga larawan niya nga tinigban; nagasimba sia sa iya kag nagayaub sia, kag nagaampo sia sa iya kag nagasiling: “Bawia ako, nga ikaw amo ang akon dios.”

18 Walâ sila sing pagkilala, walâ sila sing ihibalo, kay napangulapan ang ila mga mata sa bagay nga indi sila makakita, kag ang ila tagiposoon sa bagay nga indi manginmaalam sila.

19 Walâ sia magasulúd sa iya tagiposoon, walâ sing pagkilala, bisan ihibalo sa pagsiling: “Ang bahin sini ginsunog ko sa kalayo, kag sa ibabaw man sang iya mga бага nagluto ako sing tinapay, nagsugba ako sing unud, kag ginkaon ko sia; kag ang nabilin ; pagahimoon ko bala nga isa ka kalangil-aran? ; Nagasimba ako bala sang isa ka inutúd nga kahoy?”

20 Nagahalab sia sa abó, ang iya tagiposoon nga nalimbongan nagapatalang sa iya; nga indi sia makabawi sang iya kalág, kag indi sia magsiling: “;Walâ bala sing isa ka butig nga yara sa akon kamut nga too?”

Panacô sa pagluwas.—Pagpadala sa S'ro.

21 Panumduma ining mga butang, oh Iakob, Israel, kay ikaw among akon alagad; ako naghuman sa imo; ikaw amo ang akon alagad, Israel, indi ka pagkalimtan ko.

22 Ginpanas ko, ang imo mga pagkamalalison subung sang gal-um nga madamol, kag subung sang panganud ang imo mga salâ; balik-ka sa akon, kay gintubus ko ikaw.

23 Mga langit, maghilinugyaw-kamo, kay si Iehoba naghimo *sini*. Siningit-kamo, mga duug nga mga manubo sang duta; siningit-kamo sa kalipay, mga bukid; kamo man, talon kag ang tanan

nga kahoy nga yara sa iya, kay si Iehoba nagtubus kay Iakob, kag sa Israel nagahimaya sia.

24 Amo ining ginasiling ni Iehoba, nga imo Mamamawi kag ang naghuman sa imo kutub sa tiyan: "Amo ako si Iehoba, nga naghimo sang tanan, nga ako lamang ang naghumlalad sang mga langit, nga nagpalapad ako sang duta, sa akon gid kaugalingon;

25 Nga ginaguba ko ang mga tanda sang mga madaya, kag ginapabuang ko ang mga manuglihi; nga nagapaisol ako san; mga maalam, kag ginabaylohan ko ang ila kinaadman sa kabuang;

26 Nga nagapalig-on sang polong sang iya alagad, kag nagatuman sang laygay sang iya mga manugbali, nga nagasiling sa Ierusalem: Pagapuy-an sia; kag sa mga kabanwaan sa Iuda: Pagapatindugon sila liwan, kag pagabangonon ko liwan ang ila mga nagub-an;

27 Nga nagasiling sa kadadalman: Pagmala-ka, kag ang imo mga suba pagapamalahon ko;

28 Nga nagasiling nahanungud kay Siro: "Manugbantay ko sia sang kaha-yupan, kag pagatumanon niya ang tanan nga akon luyag, nga nagasiling sa Ierusalem: Pagapatindugon sia liwan; kag sa Simbahan: Pagatukuron ka."

**45** AMO ining ginasiling ni Iehoba sa iya hinaplas, kay Siro, nga ginkuha ko sia sa iya kamat nga too, sa pagsakup sing mga katawohan sa atubangan niya kag sa paghubad sang mga hawak sang mga hari, sa pagbukas sang mga takup kag sang mga gawang sa atubangan niya nga indi na magatalakup.

2 Ako gid ang magalakat sa atubangan mo, kag pagatapanon ko ang mga kodolkodol; pagaboongon ko ang mga takup nga tumbaga, kag ang mga pintal nga salsalon pagautdon ko.

3 Kag pagaihatag ko sa imo ang mga bahandi sa mga duug nga madulum, kag ang mga mangad nga natago sa mga duug nga natago, agud nga mahibalo ka nga amo ako si Iehoba, ang Dios sa Israel, nga nagtawag sa imo ngalan.

4 Bangud sang akon alagad, nga si Iakob, kag kay Israel, nga akon pinili, gintawag ko ikaw sa imo ngalan, kag

ginbutangan ko ikaw sing ngalan nga dunganon sang walâ mo ako makilala.

5 Ako amo si Iehoba, kag walâ na gid sing iban; luwas sa akon walâ sing Dios. Ako nagwagkus sa imo, sa walâ pa ikaw makakilala sa akon;

6 Agud nga makahibalo sila kutub sa Bulutlakan sang adlaw, kag kutub sa Katundan nga luwas sa akon walâ sing Dios: ako amo si Iekoba, kag walâ sing iban.

7 Ako ang nagahuman sang kapawa, kag nagatuga sang mga kadudulman; nga nagapaninguha sing paghidaet, kag nagatuga sang kalautan. Ako amo si Iehoba nga nagahimo sang tanan nga mga butang.

8 Pagtubud-kamo, mga langit, sa ibabaw, kag ang mga gal-um magula sing katarungan; magbukas ang duta, kag magpamunga ang kaluwasan, kag magpatubô sia sang katarungan sing tingub: Ako amo si Iehoba, nga nagtugâ sini.

9 ¡Kailo sang nagapakigkasaba sa iya Magbubuhay, bika sa tungâ sang mga bika sang duta! ¡Magasiling bala ang lunang sa naghuman sa iya: "¿Anong ginahimo mo?" Kag ang imo binuhatan ¡magasiling sia bala: "Walâ sia sing mga kamut?"

10 ¡Kailo sang nagasiling sa iya amay: "¿Ano bala nga nagpanganak ka?" kag sa babae: "¿Ano bala nga nagpamatâ ka?"

11 Amo ining ginasiling ni Iehoba, ang balaan sa Israel kag ang naghuman sa iya: Pamankota-ninyo ako sang mga butang nga nagaalabut. Igtugyan-ninyo sa akon ang pag-alila sang akon mga anak kag sang binuhatan sang akon mga kamut.

12 Ginbimo ko ang duta, kag gintuga ko sa ibabaw niya ang tawo; amo ako, amo ang akon mga kamut ang nagpahumlalad sang kalangitan, kag nagsogo ako sa bug-os niyang kasoldadosan.

13 Ako nagpukaw sa iya sa katarungan, kag pagatapanon ko ang tanan nila nga mga dalanon; sia amo ang magapatindug sang akon banwa, kag magabuhi sang akon mga bihag, sa walâ sing bili, kag walâ sing hatag, siling ni Iehoba sang Sebaot.

14 Amo ining ginasiling ni Iehoba: Ang pangabudlayan sa Egipto, ang ibalaligya sa Kus, kag ang mga Sabeinhon,



mga tawo nga mataas sing panindug, magaliligad sa imo, kag manginimo sila; magasalunud sila sa imo, magaalagi sila nga tinalikalaan kag magalayaub sila sa atubangan mo, magaampo sila sa imo, nga nagasiling: Walâ sing Dios kondi sa imo kag nga walay liwan, walay liwan nga Dios.

15 Sa pagkamatuud, ikaw among Dios nga nagatago sa imo, Dios sa Israel, Manluluwas.

16 Mga pinakahuy-an sila, hoo, mga pinasalimoang sila nga tanan; nagalakat sila sing tingub sa salimoang, ang mga manughimo sang mga diosdios.

17 Naluwas ang Israel kay Iehoba sa kaluwasan nga walay katubtuban; indi kamo magakalahuya, bisan magasalimoang kamo sa mga katuigan kag sa mga katuigan.

18 Kay amo ining ginasing ni Iehoba, nga nagtuga sang mga kalanngitan, sia amo ang Dios nga naghuman sang duta, kag naghimo sa iya, sia nga nagtukud sa iya nga walâ niya sia pagtugaha sa walay pulus, nga ginhuman niya sia, agud nga pagpuy-an. Ako amo si Iehoba, kag walay iban.

19 Walâ ako maghambal sa tago, sa duug nga madulum sa duta; walâ ako magasing sa kaliwatan ni Iakob: Pangitaa-ninyo ako sa walay pulus. Ako amo si Iehoba, nga nagahambal sing katarungan, nga nagabantala sing katadlungan.

20 Pagtingub-kamo, kag kari-kamo, palapit-kamo sing tingub, mga nagpalalago sa mga katwohan. Walâ sing pagkilala yadtong mga nagapas-an sing kahoy sang ila larawan nga tinigban, kag ang mga nag-alampo sa dios, nga indi makaluwas.

21 Ibantala-ninyo, kag paabuta-ninyo, kag magpakisayud sila gid sing tingub. ¿Sin-o bala ang nagpabati sini kutub sa ginsuguran, kag nabantala na niya ini kutub sadto anay? ¿Indi bala ako, si Iehoba? Kag walâ sing Dios luwas sa akon, walâ sing Dios nga matarung kag Manluluwas luwas sa akon.

22 Balikid-kamo sa akon, kag mangin-naluwas-kamo, kamo nga tanan nga mga ukbung sang duta; kay ako among Dios, kag walâ sing iban.

23 Tungud sa akon nagsumpa ako, sa akon bâbâ naggowa ang katarungan, ang isa ka polong nga indi maliwan, nga

sa akon atubangan magapilo ang taran nga tuhud, nga ang tanan nga dila magakatipan sa akon sa panumpa.

24 Kag magasing sia nahanungud sa akon: Lamang kay Iehoba yara ang katarungan kag ang kagamhanan; sa iya magaalabut sila; ang tanan nga batok sa iya nagakainit, magakalahuya sila.

25 Kay Iehoba pagapakatarungan kag magahimaya ang bug-os nga kaliwatan ni Israel.

Pagkaholog sang mga diosdios sa Babilonia.

**46** NAGDUKO si Bel, nagayaub si Nebo; ang ila mga larawan yara sa mga sapat kag sa mga hayup; ang mga ginpas-an ninyo napanlulan ninyo subung sang lulan sa ibabaw sang sapat nga ginabudlay.

2 Nagalayaub sila, nagaduluko sila sing tingub gid: walâ sila makaluwas sa lulan, kag sila gid nagpalakadto sa kabihagan.

3 Pamatii-ninyo ako, baláy ni Iakob, kag kamo nga tanan nga nabilin sa baláy ni Israel, kamo nga mga gindala ko kutub sa tiyan, nga mga gindala kutub sa sabak nga iniloy:

4 Tubtub sa inyo katigulangon manginamo ako, kag tubtub sa mga uban pagapas-anon ko kamo. Ako naghimo sa inyo kag ako magadalá sa inyo, ako magapas-an sa inyo kag magaluwas sa inyo.

5 ¿Sa kay sin-o bala ako ninyo ipangay, kag ipatupung, kag ipakatulad, agud nga manginangay kami?

6 Ang mga nagaula sing bulawan gikan sa puyo, kag nga nagatimbang sing pilak sa timbangan, nagasohol sila sing isa ka manugtunaw sa paghimo sing isa ka diosdios sa iya, agud nga magsimba sila sa iya, hoo, nga nagayaub sila.

7 Ginahakwat nila sia, ginapas-an nila sia, kag ginapahamtang nila sia sa iya duug; kag didto sia nga nagatindug, kag indi nagagiho sia sa iya duug: ginasingitan sia, kag walâ man sia magasabat; indi sia nagaluwas sa iya sa kalisdanan niya.

8 Panumduma-ninyo ini, kag magpakalalaki-kamo; mga malinapason, sulud-kamo sa inyo mga tagiposoon.

9 Panumduma-ninyo ang mga na-hauna nga mga butang kutub sang sadto gid anay; kay ako amo ang Dios, kag

walâ sing iban ; ako amo ang Dios kag walâ gid sing iban nga subung sa akon

10 Ginapahibalo ko kutub sa gin-suguran ang manginkatapusan kag kutub sadto ang walâ pa mahimo. Nagsiling ako : “Ang akon tinotuyo magapadayon, kag pagahimoon ko ang tanan nga akon maayo nga luyag.”

11 Ako nagatawag kutub sa Sidlangan sang pispis nga mananangit, kag sa duta nga malayô sang lalaki sang akon tinotuyo. Subung nga akon ginhambal, amo man pagapakarion ko ini ; ginboko ko ini, kag pagahimoon ko man ini.

12 Pamatii-ninyo ako, mga matig-a sing tagiposoon, nga mga malayô kamo sa katarungan.

13 Papalapiton ko ang akon katarungan ; indi sia malayô, kag indi magadulog ang akon kaluwasan ; kag pagaibutang ko sa Sion ang kaluwasan, kag ang akon himaya sa Israel.

Tagna sang pagkaguba sang Babilonia.

**47** PANAUG kag lingkod-ka sa yabok, ulay, nga anak nga babae sang Babilonia. Lingkod-ka sa duta, walâ na sing lingkoran nga harianon, anak nga babae sang mga Kaldeinhon ; kay indi ka na gid nila pagtawgon nga “lanubo kag matapok.”

2 Kuhaa ang galingan, kag galing ka sing harina. Buksi ang imo takurung, bitina ang imo panapton, ubahi ang imo paa, tabok-ka sa mga subâ.

3 Magdayag ang imo pagkahubo bisan pa ang imo kahuluy-an makita ; magatimalus ako kag indi ako magapasaylo bisan kay sin-o.

4 Ang aton Mamamawi, ang iya ngalan amo si Iehoba sang Sebaot, ang Balaan sa Israel.

5 Lingkod-ka nga hipus, sulúd-ka sa kadudulman, anak nga babae sang mga Kaldeinhon. Kag indi ka na gid pagtawgon nga “ginoo nga babae sang mga ginharian.”

6 Naakig ako batok sa akon banwa, ginpasipad-an ko ang akon panublion, kag gintugyan ko sila sa imo kamut. Walâ mo sila paghimoi sing kalooy ; sa ibabaw sang tigulang ginpabug-at mo gid ang imo singkaw,

7 Kag nagsiling ka : Sa gihapon mangingino akon nga babae. Tuhtub nga walâ ka magbutang sini sa tagiposoon,

indi ka makadumdum nga ini may katapusan.

8 Busa karon pamatii ini, mailigbon, ang nagapuyô sing masinalig-on, nga nagsiling sa imo tagiposoon : “Ako, kag luwas sa akon walay iban ; indi ako mabálo, bisan makilala ko ang pagdumili sing mga anak.”

9 Ining duha ka mga butang magabut sa imo sa isa ka tion sa isa lamang ka adlaw ; ang pagdumili sing mga anak kag ang pagkabálo. Sa bug-os nila nga kabug-osan magabut sila sa ibabaw nimo, bisan pa ang kadamuan sang imo mga pagpamakot, bisan pa sang daku nga kagamhanan sang imo mga pagpangwili.

10 Nagsalig ka sa imo kalainan ; nagsiling ka : “Walâ gid sing makakita sa akon.” Ang imo kaalam kag ang imo kinaadman nagdaya sa imo, kag nagsiling ka sa imo tagiposoon : “Ako kag walay iban.”

11 Apang magabut sa ibabaw nimo ang isa ka kalainan, nga indi ka sarang makabatok, nga may panumpa, kag magakaholog sa ibabaw nimo ang kalalat-an nga indi ka sarang makalugpay, kag magabut sa ibabaw nimo ang kalaglagan nga hinali, nga walâ mo makita anay.

12 Busa, padayon-ka sa imo mga pagpanwili kag sa kadamuon sang imo mga lilihion, nga sa ila ginbudlay ka kutub sa imo pagkapamatan-on. Ayhan sarang ka makapapulus sa iya, ayhan magapakugmat ka sa akon.

13 Ginbudlay ka sa kadamuon sang imo mga laygay. Busa magtindug sila kag magluwas sila sa imo, ang mga nagapahat sang mga kalanġitan, kag nagsisiling sang mga kabitoonan, nga nagapakilala sa imo sono sang palation, sa mga butang nga magaalabut sa ibabaw nimo.

14 Yari karon, subung sila sang dagami, ang kalayo magasunog sa ila, indi nila maluwas ang ila kabuhi sa gahum sang mga dabdab : walâ sing mabilin nga бага nga palainitan, bisan kabagahan nga sa paglingkod sa luyo niya.

15 Manginsubung sini sila nga sa imo, yadto nga sa ila nagpangabudlay ka, nga sa ila nagbaligya ka kutub sa imo pagkapamatan-on ; nagatalalang sila ang tatsatagsa sa iya dalanon ; walâ sing sin-o nga magaluwas sa imo.



Mga pagsabdong, mga laygay kag mga pansad  
nga sa Israel.

**48** PAMATII-NINYO ini, baláy ni Iakob, nga ginahingadlan kamo sa ngalan ni Israel, kag nga naghalalín sa mga tubig ni Iuda; ang mga naga-sulumpa sa ngalan ni Iehoba, kag naga-salambit sang Dios sa Israel, sa walâ sing kamatooran kag walâ sing kata-rungan;

2 Kay sila paghingadlan sa balaan nga banwa, kag sa Dios ni Israel naga-sandig sila, nga ang iya ngalan amo si Iehoba sang Sebaot.

3 Ginpahibalo ko kutub sadto anay ang nahauna nga mga butang; sa akon-bâbâ naggowa sila kag ginpakilala ko sila; ginhimo ko sa hinali, kag nag-alabut sila.

4 Kay nakilala ko nga matig-a ka, kag nga ang imo tingkoy among ugat nga salsalon kag ang imo agtang, tum-baga

5 Dugay na nga mga adlaw nga ginpa-hibalo ko sa imo ini; sa walâ pa mag-abut, ginpahangup ko ini sa imo, basi nga magsiling ka: "Ang akon diosdios nag-himo sini nga mga butang; ang akon larawan nga tinigban kag ang akon larawan nga tinunaw nagsogo sa ila."

6 Nabatian mo ini; tan-awa ining ta-nan. Kag kamo; walâ bala ninyo pag-ipahibalo ini? Ginapabati ko ikaw kutub karon sing mga bag-o nga mga butang, kag ang mga tinago nga butung, kag walâ mo mahibalo i sila.

7 Karon ginapanuga sila, kag indi kutub sa sadto anay; kag sa úna sini nga adlaw walâ mo mabatii sila, basi nga magsiling ka: "Yari karon, nga ako nakahibalo sini anay.

8 Walâ, walâ mo mabatii ang bisan ano, bisan makahibalo ka sing bisan ano sini; bisan pa kutub sadto anay walâ mabuksi ang imo dalungan sa sini; kay nahibaloan ko, nga ikaw gihapon mabudhion kag nga ginhingadlan ikaw nga "malalison" kutub sa tiyan.

9 Tungud sa akon ngalan pagapaduga-yon ko ang akon kasingkal, kag tungud sa akon kadayawan pagapungan ko sa akon nayon sa imo, sa indi paglaglag sa imo.

10 Yari karon, ginulay ko ikaw, apang indi subung sang pilak; ginpili ko ikaw sa dapug sang kalisdanan.

11 Bangud sa akon, bangud sa akon, pagahimoan ko ini, kay; paano bala nga pagpasipalahan ang akon ngalan? Kag ang akon himaya indi ko pagihatag sa iban.

12 Pamatii ako, Iakob, kag ikaw, Israel, tinawag nakon: Ako amo, ako amo ang nahauna, ako man ang naolehe.

13 Ang akon man kamut ang nagtu-kud sang duta, kag ang akon too ang naghumlad sang mga kalangitan; sang pagtawag ko sa ila, nagatilindug sila sing tingub gid.

14 Tilipon-kamo, kamo nga tanan, kag pamati-kamo. ¿Sin-o bala sa ila ang nagpahibalo sining mga butang? Ang ginahigugma ni Iehoba, sia magahikot sang iya naluyagan sa ibabaw sang Ba-bilonia, kag ang iya butkon mangin-batok sa mga Kaldeinhon.

15 Ako, ako, ang naghambal kag gintawag ko gid sia, nga gindalâ ko sia diri; kag pagapabuganaon niya ang iya dalan.

16 Pagtilipon-kamo sa akon, pamati-ninyo ini: Kutub sang ginsuguran walâ ako maghambal sa tago; kutub nga ang butang nahimo, didto ako: kag karon ang Ginoo nga si Iehoba nagpadalâ sa akon, subung man ang iya Espiritu.

17 Amo ining ginasiling ni Iehoba, nga Manluluwas mo, ang Balaan sa Israel: Ako amo si Iehoba, nga imo Dios, nga nagatudlo sa imo nga sa imo kapuslanan, nga nagatuytuy sa imo sa dalan nga didto dapat ka maglakat.

18 Kon magtalupanğud ka lamang kunta sa akon mga sogo, niyan ang imo paghidaet manginsubung sang isa ka subâ, kag ang imo katarungan mangin-subung sang mga hanul sang dagat;

19 Manginsubung sang balas ang imo kaliwatan, kag ang mga nagagowa sa imo mga kasudlan, subung sang mga batobatô sang dagat. Ang iya ngalan indi nga mas-a pagutdon, bisan paglaglagon sa akon atubangan.

20 Gulowa-kamo sa Babilonia, palagyo-kamo sing malayô sa mga Kaldeinhon. Sa tingug sa kasadya, ipahiba-lo-ninyo ini, ipabati-ninyo ini, ibantala ninyo ini tubtub sa ukbung sang duta. Sililing-kamo: "Gintubus ni Iehoba si Iakob, nga iya alagad."

21 Walâ sila pagpanguhawa sang pagpalakat niya sa ila sa mga kahana-yakan nga dimabungahon; ginpailig

niya sa ila ang mġa tubig sa bató, gin-pihak niya ang pil-as, kag nagililig ang mġa tubig.

22 Walay paghidaet nġa sa mġa ma-lain, siling ni Iehoba.

Ang alagad ni Iehoba kapawa sang mġa katawohan.

**49** PAMATI-KAMO, kapuloan, kag talupangda-ninyo, mġa katawohan nġa malayô : Gintawag ako ni Iehoba kutub sa tiyan, kutub sa mġa kasudlan sang akon ilôy ginsambit niya ang akon nġalan.

2 Kag ginhimo niya ang akon bâbâ subung sang hinganiban nġa mataliwis ; gintabunan niya ako sang landong sang iya kamut, kag ginhimo niya ako nġa baslay nġa mahining, gintago niya ako sa iya baslayan.

3 Kag nagsiling sia sa akon : “ Alagad ko ikaw, oh Israel, ikaw nġa sa imo magahimaya ako.”

4 Apang ako nagsiling : “ Sa walay pulus nagapangbudlay ako, sa walâ sing ano man kag sa kadayawan ginapahagas ko ang akon kusug ; sa pagkamatuud, ang akon katarungan yara upud ni Iehoba, kag ang akon balus upud sa akon Dios.”

5 Kag karon nagahambalsi Iehoba, nġa naghuman sa akon kutub sa tiyan, nġa manginalagad ako niya, agud nġa magpaliso ako kay Iakob sa iya, kag agud nġa si Israel magtingub sa iya. Kag ginapasidungan ako sa mġa mata ni Iehoba, kag ang akon Dios amo ang akon kusug.

6 Kag nagsiling sia : Tama gid ka diyotay ini nġa ikaw manginakon alagad sa pagpatindug liwan sang mġa kabikahan ni Iakob, kag agud nġa mapahauli mo ang mġa sa Israel nġa ginbantayan ; nġani ginhatag ko ikaw nġa kapawa sang mġa katawohan, agud nġa manginakon ikaw kaluwasan tubtub sa ukbung sang duta.

7 Amo ining ginasiling ni Iehoba, nġa Manluluwas ni Israel, nġa Balaan niya, ang tinamay sang tanan nġa kalág, ang ginakanġil-aran sang katawohan, ang alagad sang mġa manuggahum : Ang mġa hari makakita sa iya kag magatindug sila ; ang mġa dunganon magalayaub bangud kay Iehoba nġa matutum, bangud sang Balaan sa Israel, nġa sia nagpili sa imo.

8 Amo ining ginasiling ni Iehoba : Sa dag-on nġa pinaayonan ginsabat ko ikaw, kag sa adlaw sang kaluwasan, gintabangan ko ikaw ; kag pagabantayan ko ikaw, kag pagaihatag ko ikaw nġa kati-pan sang banwa, agud nġa patindugon mo liwan ang duta, sa paghatag subung nġa kaugalingon sang mġa hinapay nġa mġa panublion ;

9 Agud nġa magsiling ka sa mġa binilango : “ Gulowa-kamo,” kag sa mġa yara sa kadudulman : “ Palahayag-kamo.” Sa mġa dalanon magahalab sila, kag sa tanan nġa mġa kabakoloran nġa nahublasan manginila halalban.

10 Indi na sila paggutumon, indi na sila paguhawan ; ang init kag ang adlaw indi na magapilas sa ila ; kay ang may kalooy sa ila magadul-ong sa ila, kag pagatuytuyan sila niya sa mġa tuburan nġa natatubud ang mġa tubig.

11 Kag pagabaylohon ko ang tanan ko nġa mġa kabukiran sa mġa dalan, kag ang akon mġa banas pagapatindugon.

12 Yari karon, ini sila magaalabut gikan sa malayô ; kag yari karon, yadto sila gikan sa Aminhan kag sa Katundan, kag ang iban sa duta sang mġa taga-Sinim.\*

13 Mġa langit, magsilingit-kamo sa kalipay ; kag kasadya-ka, duta. Mġa kabukiran magtuaw-kamo sa tingug nġa masinadyahon ; kay ginlipay ni Iehoba ang iya banwa, kag nalooy sia sa iya mġa nalisdan.

14 Kag ang Sion nagsiling : “ Ginbaya-an ako ni Iehoba, kag ang Ginoo nalipat sa akon.”

15 Nagakalipat bala ang babae sang iya masoso, nġa nagauntat sa pagkalooy sang anak sang iya kasudlan ? Bisan pa makalipat sila, ako indi makalipat sa imo.

16 Yari karon, nġa sa mġa palad gintigib ko ikaw ; sa atubangan nakon yara sa gihapon ang imo mġa kuta.

17 Ang imo mġa anak nagadalali ; ang imo mġa manuglaglag kag ang imo mġa manugpanghapay magagulowa sa imo.

18 Hayawa ang imo mġa mata kag tuluka sa palibot. Sila nġa tanan nagatipon, nagakalari sila sa imo. Magkabuhi ako, siling ni Iehoba, nġa ikaw

\* Taga-Sinim, mġa Insik.



magasuklub sa ila nga tanan, subung sang isa ka puni, kag iwagkus mo sila, subung sang kalasalon nga babae.

19 Kag sa imo mga kahanayakan, nga imo mga kamuhaymuhayan, nga imo duta nga punô sang nagub-an, hoo, magamakitid ka karon bangud sang mga pumuluyô, kag ang imo mga manuglaglag, magapalagyô sila.

20 Ang mga anak nga imo gindumilian, magasililing man sa imo mga idulungug: "Makitid sa akon ini nga duug; hatagi ako sing duug, agud nga ako magpuyô diri."

21 Kag magasiling ka sa imo tagiposoon: "¿Sin-o bala ang nagpanganak sa akon sini sa ila, sa akon nga walâ sing anak, nga baw-as, nga sinobol kag binayaan nga isa lamang? Kag ¿sin-o bala ang nagsagud sa ila sini? Yari karon, ako binayaan nga isa lamang; ini sila ¿diin bala sadto sila?"

22 Amo ining ginasiling sang Ginoo nga si Iehoba: Yari karon, pagabaya-won ko ang akon kamut sa mga katawohan; sa mga kabanwaan pagapatindugon ko ang akon bandera; kag pagadal-on nila diri sa ila mga butkon ang imo mga anak nga lalaki, kag ang imo mga anak nga babae pagapas-anon sila.

23 Kag ang mga hari manginimo mga manuglibang, kag ang ila mga haring babae mga imo sisiwa; sila nagahapa sa atubangan mo sa duta kag pagadilapan nila ang yab-ok sang imo mga tiil; kag pagakilalahon mo nga ako amo si Iehoba, nga indi magakalahuya ang mga nagahululat sa akon.

24 ¿Pagakuhaon bala ang inagaw sa maisug? Kag ¿magapalagyô bala ang mga bihag sang matarung?

25 Hoo, amo ining ginasiling ni Iehoba: Bisan pa ang mga bihag sang maisug pagakuhaon sa iya, kag ang inagaw sang tawo nga makahaladluk magapalagyô; kag ako magakasaba batok sa mga nagapangasaba batok sa imo, kag ako, pagaluwason ko ang imo mga anak.

26 Kag ang mga manugpigis sa imo, pagapakaanon ko sila sang ila gid nga unud; kag magakahubug sila sa ila dugo subung sang sa duga sang ubas; kag ang tanan nga unud makakilala, nga ako amo si Iehoba, ang imo Manluluwas, kag ang imo Manunubus, ang Gamhanan ni Iakob.

Ang alagad ni Iehoba ginapasipalaan kag gintabangan.

**50** AMO ining ginasiling ni Iehoba: ¿Diin bala ang sulat sa pagbulagay sang inyo ilôy, nga tungud sa iya ako nagpahalín sa iya? ¿kon sin-o bala sa akon mga nautangan, nga sa iya ginbaligya ko kamo? Yari karon, tungud sang inyo kalainan, nagbaligya kamo sa inyo, kag tungud sang inyo gid nga mga pagkamalalison ginpahalín ang inyo ilôy.

2 Kay, sang nagakari ako, ¿walâ bala sing sin-o? Kay, sang nagapanawag ako, ¿walâ bala sing sabat? Ang akon kamut ¿matuud nga tama bala kalipot sa pagpanubus kag wala na sa akon sing gahum sa pagbawi? Yari karon, nga sa akon pagpahug ginapamala ko ang dagat; ginabaylo ko ang mga subâ sa kahanayakan; ang ila mga isda nagbalaho sa walâ sing tubig kag magakalamatay sila sa kauhaw.

3 Ginapanaputan ko sa kadudulman ang mga kalangitan, kag ginatabunan ko sila subung nga tabon sang panapton nga masinakiton.

4 Ang Ginoo nga si Iehoba naghatag sa akon sing dila sang mga tinon-an, agud nga makasayud ako sa pagsakdag sa polong sa nalapyo; nagamata sia sa agaaga, nagapukaw sia sa akon idulungug, agud nga makabati ako subung sang mga tinon-an.

5 Ang Ginoo nga si Iehoba nagbukas sa akon sang idulungug, kag ako walâ magmalalison, indi nagaisol ako.

6 Ginahatag ko ang akon likod sa mga nagapilas sa akon, kag ang akon mga pisngi sa mga nagagunot sa akon sang bungot; walâ ko pagtagoa ang akon nawung sa mga pasipala kag sa mga dupla.

7 Apang ang Ginoo nga si Iehoba nagtabang sa akon; tungud sini walâ ako magdaug sa kahuya, tungud sini ginhimo ka ang akon nawung subung sang isa ka santikan, kag nakahibalo ako, nga indi ako pagpakahuyan.

8 Malapit sa akon ang nagapamatarung sa akon. ¿Sin-o bala ang magasuay sa akon? Mag-atubang-kita sing tingub. ¿Sin-o bala ang akon kasumpung? Maglalapit sia sa akon.

9 Yari karon, ang Ginoo nga si Iehoba magatabang sa akon; ¿sin-o bala ang

magatagudili sa akon? Yari karon, magadalaan sila nga tanan subung sang panapton; pagaut-uton sila sang sipit.

10 ¿Sin-o bala ang yara sa tungâ ninyo nga nahadluk kay Iehoba, kag nagapamati sang tingug sang iya alagad? Ang nagalakat sa kadudulman, kag nawad-an sing kapawa, magsalig sia sa ngalan ni Iehoba kag magsandig sia sa iya Dios.

11 Yari karon, kamo nga tanan nga nagatutud sang kalayo, kag nalibutan kamo sing mga alipalok, lakat-kamo sa suga sang inyo kalayo kag sa mga alipalok nga inyo gintutdan. Sa akon kamut magaabut sa inyo ini: sa kasakit magahalamyang kamo.

Ang pagpatindug liwan kag ang pagkaluwas kay Israel.

**51** PAMATII-NINYO ako, kamo nga mga nagasulunud sang katarungan, nga nagapalangita kay Iehoba. Tuluk-kamo sa bató sa diin ginpangutúd kamo kag sa guab sang boho sa diin kamo ginpanguha.

2 Tuluk-kamo kay Abraham, nga inyo amay, kag kay Sara, nga nag-anak sa inyo: kay sang isa lamang sia, gintawag ko sia, kag ginpakamaayo ko sia kag ginpadamu ko sia.

3 Kay ginalipay ni Iehoba si Sion: ginalipay niya ang tanan niya nga mga kahapayan, kag ginahimo niya ang iya kahanayakan nga subung sang Eden, kag ang iya kamingawan subung sang katamnan ni Iehoba. Makita sa iya ang kalipay kag kasadya, ang ambahanon sang pagdayaw kag ang tingug sa pagkinanta.

4 Magmatalupangdon-kamo sa akon, banwa nakon, kag dunga-ninyo ako, katawohan nakon. Kay sa akon magagikan ang kasogoan, kag pagatukuron ko ang akon paghukom subung nga kapawa sang mga banwa.

5 Malapit na ang akon katarungan, naggowa na ang akon kaluwasan, kag ang akon mga butkon magahukom sa mga kabanwaan. Sa akon nagahululát ang mga kapuloan kag sa akon butkon nagalaum sila.

6 Itangla-ninyo sa mga kalangitan ang inyo mga mata, kag tamud-kamo sa duta; kay ang mga kalangitan magakalapanas subung sang asó, kag ang

duta magadaan subung sang panapton; kag magakamatay ang iya mga pumulu-yó subung sang lamok; apang ang akon kaluwasan mangin sa walay katapusan kag ang akon katarungan indi mawálá.

7 Pamatii-ninyo ako, kamo nga mga nakakilala sang katarungan, banwa nga sa imo tagiposoon yara ang akon kasogoan: Indi kamo mahadluk sang pasi-pala sang mga tawo, bisan magpakaluya kamo sa ila mga pagbuyayaw;

8 Kay ang sipit magaut-ut sa ila subung sang sa panapton, kag ang ulud magakaon sa ila subung sang sa bulbul; apang ang akon katarungan mangin nga sa walay katapusan, kag ang akon kaluwasan, sa mga katuigan sang mga katuigan.

9 Pagmata-ka, pagmata-ka. Panaput-ka sa kabakuran, butkon ni Iehoba. Pagmata-ka subung sang sa panag-on nga dumaan, sa mga katuigan nga walay katubtuban. ¿Indi bala ikaw ang nag-atudutúd sang Rahab, kag ang naglapus sa dragon?

10 ¿Indi bala ikaw ang nagmamala sang dagat, sang mga tubig sang dakung kaidadalmán; ang naghimo nga dalan sang kadadalman sang dagat, agud nga mag-alagi ang mga pinanubus?

11 Kag magabalalik ang mga pinanubus ni Iehoba, kag magaalabut sila sa Sion nga may paghinugyaw; kag mangin sa ibabaw sang ila mga olo ang paghimaya nga walay katapusan; magadangat sila sing kalipay kag kasadya, kag ang kasakit kag ang pagbakho magapalagyo.

12 Ako, ako amo ang inyo Manuglipay. ¿Sin-o ka bala, agud nga magkahadluk ka sa tawo, nga dapat mamatay, kag sa anak sang tawo, nga sa hila-mon pagaisipon sia?

13 Kag nga nagakalipat ka kay Iehoba, nga imo Magbubuhát, nga naghumlád sang mga kalangitan, kag nagtukud sang duta; kag nga sa bug-os nga adlaw nagakurug ka sing dayon gid sang kasingkal sang manugpigós, sang naga-aman sia sa paglaglag. Busa ¿sa diin bala ang kasingkal sang manugpigós?

14 Ang ginapaduko sa mga talikala, mabuhian sing madali; sia indi mapatay sa pagpanaug sa lulubngan, kag indi makulang sa iya ang iya tinapay;

15 Kag ako amo si Iehoba nga imo Dios, nga nagaukay sang dagat, kag



nagagahud ang iya mġa balud ; ang iya nġalan amo si Iehoba sang Sebaot.

16 Kag sa imo bġbġ ginbutang ko ang akon mġa polong, kag sa handong sang akon kamut gintabunan ko ikaw, sa pagtukud sang mġa kalangġitan, kag sa pagbutang sing sadsaran sa duta, kag sa pagsiling sa Sion : Ikaw among banwa nakon.

17 Pagmata-ka, pagmata-ka, tindug-ka, oh Ierusalem, nġa nagainum ka sa kamut ni Iehoba sang tagayan sang iya kasingkal, nġa naginum ka nġa naubusan ang tagayan, ang tagayan sang kalipong.

18 Sa tanan nġa mġa anak nġa gin-anak niya, walġ sing sin-o nġa magadulong sa iya ; sa tanan nġa mġa anak nġa ginsagud niya, walġ sing sin-o nġa magauyat sang iya kamut.

19 Ining duha ka mġa butang nagkahanabo sa imo ; ġ sin-o bala ang magahinoklog sa imo ? Ang kahapayan, kag ang kagulub-an, ang gutum kag ang hinganiban. ġ Paano bala ang paglipay ko sa imo ?

20 Ang imo mġa anak nagkalapunaw, naghalamyang sila sa salamputan sang tanan nġa mġa dalan, subung sang antilope nġa nasiod ; mġa punġ sila sang kasingkal ni Iehoba, sang pahug sang imo Dios.

21 Busa pamatiġ karon ini, makalo-looy ; hubug, kag indi sa alak :

22 Amo ining ginasiling sang imo Ginoo nġa si Iehoba, kag sang imo Dios, nġa nagaapin sang kasaba sang iya banwa : Yari karon, ginkuha ko sa imo kamut ang tagayan sang kalipong, ang tagayan, tagayan sang akon kasingkal ; indi ka magapadayon sa paginum sini ;

23 Kag igabutang ko sia sa kamut sang mġa nagapasakit sa imo, nġa nagsililing sa imo kalġg : " Pagyaub-ka agud nġa mag-agi kami." Kag ikaw naghimo sang imo likod subung nġa duta, kag subung nġa dalan, sa mġa nagaalagi.

**52** PAGMATA-KA, pagmata-ka, panaput-ka sing kabakuran, Sion. Panaput-ka sang imo mġa naug sa kagayonan, Ierusalem, banwa nġa balaan ; kag indi na gid magadayon sa pagsulġd sa imo ang ditinuli kag ang mahigko.

2 Panukyab-ka sang yab-ok ; tindug-

ka, kag lingkod-ka, Ierusalem ; panġpalus-ka sa mġa gapus sang imo liog, bihag nġa babae, anak nġa babae ni Sion.

3 Kay amo ining ginasiling ni Iehoba : Sa walay bili nagbaligya kamo sa inyo gid ; kag sa walay pilak pagapangawaron kamo ;

4 Kay amo ining ginasiling sang Ginoo nġa si Iehoba : Ang akon banwa nagdulhog sa Egipto sadto sa pagpanlugagaw didto ; kag ang Asur nagpigos sa ila sa walay katarungġan.

5 Kag karon ġ ano bala ang akon *paghimoon diri*, siling ni Iehoba tungud kay ang akon banwa ginkuha nġa walġ sing ano man ? Ang mġa nagagalalum sa iya, nagapauwang sa iya, siling ni Iehoba, kag sa dayon gid ginatamay ang akon nġalan sa bug-os nġa adlaw.

6 Tungud sini ang akon banwa makakilala sang akon nġalan ; tungud sini sa sadto gid nġa adlaw *makalibalo* sia, nġa amo ako ang nagsiling : Yari ako diri.

7 ġ Pagkatahum sa ibabaw sang mġa bukid sang mġa tiil sang manugbalita sing mġa masadyang balita, nġa nagabantala sang paghidaet, sang manugbalita nġa nagadalġ sing mġa balita sa pagkabulahan, nġa nagabantala sang kaluwasan, nġa nagsiling sa Sion : " Ang imo Dios nagahari !"

8 *Amo ang* tinġug sang imo mġa manuglantaw. Nagabalayaw sila sang tinġug sing tinġub, nagsiningit sila sa kalipay ; kay mata sa mata makakita sila, nġa si Iehoba nagapabalik sa Sion.

9 Tuaw-kamo sing tinġub sa paghinugyaw, mġa kagulub-an sa Ierusalem ; kay ginalipay ni Iehoba ang iya banwa, ginatubus niya ang Ierusalem.

10 Ginhubuan ni Iehoba ang butkon sang iya pagkabalaan sa mġa mata sang tanan nġa mġa katawohan ; kag ang tanan nġa mġa ukbung sang duta nakakita sang kaluwasan ni Iehoba sang Dios naton.

11 Palayġ-kamo, palayġ-kamo, halġn-kamo dira. Dili kamo magkalamlut sang butang nġa mahigko ; halġn-kamo sa tunġa niya ; palaninlo-kamo, kamo nġa nagadalalġ sang mġa gamit ni Iehoba.

12 Kay indi kamo maghalalġ nġa may daku nġa pagdali, bisan magla-

lakat-kamo subung nga nagapalagyo: kay si Iehoba magauna sa inyo, kag ang inyo bantay sa likod amo ang Dios sa Israel.

Ang dagway, mga kasakit kag himaya sang Mesias.

13 Yari karon, ang akon alagad magaginawi sing maalam gid, pagapakata-ason sia, kag pagabayawon kag pagapahamtang sia sa mataas gid.

14 Subung nga ang kadamuan nagkalatingala sa imo (tungud kay tama ka pagliwan ang iya dagway labi pa sa bisan kay sin-o nga tawo kag ang iya bayhon labi pa sang mga inanak sang mga tawo),

15 Subung man magapakibot sia sa madamu nga mga katawohan: bangud sa iya ang mga hari magakium sang ila mga babâ; kay ang walâ sa ila masugid, sila makakita sa iya, kag ang walâ nila matatii, magahangup sila.

**53** ; SIN-O bala ang nagpati sang aton pabantala? Kag ang butkon ni Iehoba, ; sa ibabaw ni sin-o bala ginbugna?

2 Kag timúbô sia nga subung sang salingsing sa atubangan niya, kag subung sang gamut sa duta nga kigas. Walay dagway sa iya, bisan kaayoayo. Kon tan-awon naton sia, walâ sia sing hayhon, agud nga paghandumon naton sia.

3 Gintamay sia kag ginpatumbayaan sang mga tawo, lalaki sa mga kasakit kag nakilala sang pag-antus; subung sia sang isa nga sa iya ginto ang nawung, gintamay sia, kag walâ naton sia pagpakamahala.

4 Sa pagkamatuud gindala niya ang aton mga balatian, kag ginpas-an niya ang aton mga kasakit; kag ginkabig naton sia nga ginpilas kag ginbunal sang Dios kag ginpakalisud.

5 Apang sia ginlapusan bangud sang aton mga pagkamalalison, ginligis bangud sang aton mga kalautan. Ang silot, ang bili sang aton paghidaet sa ibabaw niya; kag sa iya mga pilas may pagkaáyô nga sa aton.

6 Kita nga tanan nagtalalang subung sang mga obehâ, nga ang tagsatagsa naglipas sa iya gid nga dalan, kag si Iehoba nagpas-an sa iya sang salâ naton nga tanan.

7 Ginasakit sia, kag nagapaubus sia, kag walâ magatikab sang iya babâ. Subung sang kordero nga ginadalâ sa ihawan; kag subung sang obehâ nga apa sa atubangan sang iya mga manugalot, walâ magatikab sia sang iya babâ.

8 Sa kabihagan kag sa paghukom ginkuha sia, kag sa tungâ sang iya kaliwatan ; sin-o bala ang makahangup nga ginutûd sia sa duta sang mga nagakalabuhi, kag nga bangud sang pagkamalalison sang akon banwa ginpakamalaut sia.

9 Kag ginahatag sa iya ang lulubngan upud ang mga malauton, apang upud sia sang mga mangaranon sa iya kamatayon; kay walâ sia maghimo sing pagpigos, bisan may daya sa iya babâ.

10 Kag ginbuut ni Iehoba ang pagligis sa iya, ginpahamtang sia niya sa pagantus. Kon mabutang na niya ang iya kalâg sa katumlasan tungud sang salâ, makakita sia sing kaliwatan, magalawig sia sang iya mga adlaw, kag ang kabubut-on ni Iehoba pagapauswagon sa iya kamut.

11 Makita niya ang bunga sang pagantus sang iya kalâg, kag pagabusgon sia; tungud sang iya pagkilala ang matarung, nga akon alagad, magapakamatatung sang madamu nga mga tawo, kag sia gid magadalâ sang kalautan nila.

12 Tungud sini pagahatagan ko sia sing bahin sa mga kadalagkuan, kag magabahinbahin sia sing mga inagaw upud sang mga maisug; tungud kay ginula niya ang iya kabuhi tubtub sa kamatayon, kag nga ginisip sia sa tungâ sang mga malalison, nga amo sia ang ngadalâ sang salâ sang madamu nga mga tawo, kag nagpangamuyo sia tungud sang mga malinapason.

Kauswagan kag ang himaya sang Iglesia.

**54** PAG-AMBAHAN-KA sa kalipay, baw-as, nga walâ magapanganak; tuaw-ka sa singit sa kalipay kag bayawa ang singit, ikaw nga walâ nga mas-a mag-anak; kay labi pa gid ang mga anak sang hinapay sang mga anak sang kinasal, nagsiling si Iehoba.

2 Palapara ang duug sang imo yanglayang, kag humlara ang mga kumbung sang imo mga puluy-an. Indi ka magmanginmaimot. Palabaa



ang imo mġa lubid, kag pabakura ang imo mġa palpal;

3 Kay sa too kag sa walá magasangkad ka; kag ang imo kaliwatan magatagiya sing mġa katowhan kag nagapuyô sila sa mġa banwa nġa ginpanghapay.

4 Indi ka mahadluk, kay indi ka na pagpakahuy-an; kag indi ka pagpasalimuangon, kay indi ka na magapamula sa kahuya; kay magakalipat ka sang kahuluy-an sang imo pagkapamatan-on, kag indi ka na magapanumdum sang pasipala sang imo pagkabálo.

5 Kay ang imo bana amo ang imo Manugtuga, si Iehoba sang Sebaot amo ang iya nġalan, kag ang imo Manluluwas amo ang Balaan sa Israel; ang Dios sang bug-os nġa duta pagatawgon sia.

6 Kay subung sang babae nġa bina-yaan kag pinakalisud sa espiritu, gintawag ka ni Iehoba, subung sang asawa nġa pamatan-on nġa ginbayaan, siling sang imo Dios.

7 Sa isa ka diyot nġa tion ginbayaan ko ikaw; apang pagasapopohon ko ikaw nġa may mġa dalagku nġa mġa paghinoklog.

8 Sa isa ka pag-awas sang kaakig gintago ko ang akon nawung sa imo sa isa ka tion; apang nġa may gugma nġa walay katubtuban magahinoklog ako sa imo, siling sang imo Maluluwas nġa si Iehoba.

9 Kay ini sa akon subung sang mġa tubig ni Noe, nġa nahanungud sa ila nagsumpa ako nġa indi na gid nġa mas-a ang mġa tubig ni Noe magagi liwan sa ibabaw sang duta; subung man sini nagsumpa ako, nġa indi na ako magkaakig batok sa imo, bisan magpahug sa imo.

10 Kon ang mġa kabukiran magpalayô kag maguluyog ang mġa kabakoloran, ang akon gugma indi magpalayô sa imo, bisan ang akon katipan sang paghidaet magauyug, siling sang may paghinoklog sa imo, si Iehoba.

11 ¡Oh pinakalisud, nġa sinampal sa unus, nġa walay kalipay! Yari karon, ako magapahamtang sang imo mġa batô sa antimonio, kag sa ibabaw sang mġa sapiro pagatukuron ko ikaw.

12 Pagahimoon ko ang imo mġa alibubungan sa mġa rubi; ang imo mġa gawang sa mġa karbunklo, kag ang bugos mo nġa kudal sa mġa batô nġa hamili.

13 Kag ang tanan mo nġa mġa anak

mangingintoton-an ni Ieboba, kag mangindaku ang paghidaet sang imo mġa anak.

14 Sa katarungan pagapalig-onon ka: magamalayô ka sa pagpigis, kay walay kinahanglan ka sa pagkahadluk kag sa pagkakugmat, kay indi sia magapalapit sa imo.

15 Yari karon, sarang sila magkasugtanay; walay pulus ini nġa walâ sa akon. Bisan sin-o nġa magapakigkasugtanay batok sa imo, magakaholog sa imo.

16 Yari karon, ako nagatuga sang panday sang salsalon nġa nagahuyup sang mġa бага sang kalayo, kag nġa nagakuha sang galamiton nġa sa iya buluhaton; kag ako nagatuga sang manuglaglag sa paglaglag.

17 Bisan ano nġa hinganiban nġa ginasalsal batok sa imo, indi magauswag; kag ikaw magatagudili sang tanan nġa dila nġa magtindug batok sa imo sa paghukom. Ini amo ang panublion sang mġa alagad ni Iehoba, kag ang iya katarungan nagagikan sa akon, siling ni Iehoba.

Ang tanan nġa mġa banwa pinanawag sila sa pagpanġita sang kaluwasan.

**55** ¡HO! Tanan kamo nġa mġa ginauhaw, kari-kamo sa mġa tubig; kag kamo nġa mġa walay pilak, kari-kamo, bakal-kamo, kag kaon-kamo. Hoo, kari-kamo, bakal-kamo, sa walay pilak kag walay bili, sing alak kag gatas.

2 ¿Kay nġaa bala ginausikan ninyo ang pilak sa indi tinapay, kag ang inyo pagpanġabudlay sa indi sarang makabusug? Pamatii-ninyo ako, pamatiininyo ako, kag kaon-kamo sang maayo, kag magkalipay ang inyo kalág sang mġa katambok.

3 Ihuyug-ninyo ang inyo mġa idulungug, kag kari-kamo sa akon; pamatikamo, kag magakabuhi ang inyo kalág; kag magahimo ako sa inyo sing walay katapusan nġa katipan, ang mġa bugay ni Dabid, nġa mġa malig-on.

4 Yari karon, nġa ginhatag ko sia nġa saksi sa mġa kabanwaan, nġa dunganon kag gobernador sa mġa banwa.

5 Yari karon, magatawag ka sa isa ka katawohan nġa walâ mo makilala;

kag ang isa ka katawohan nga walâ makakilala sa imo, magadalalagan sa imo, bangud kay Iehoba, nga imo Dios, kag sang Balaan sa Israel, kay sia magahimaya sa imo.

6 Pangitaa-ninyo si Iehoba, nga sarang pa sia makita, tawga-ninyo sia sa yara nga malapit pa sia.

7 Magbiya ang malauton sang iya dalan, kag ang tawo nga madauton sang iya mga hunahuna; kag magbalik sia kay Iehoba, nga sia may paghinoklog sa iya; kag sa aton Dios, kay nagapatawad sia sing bugana gid.

8 Kay ang akon mga hunahuna indi inyo mga hunahuna, kag ang inyo mga dalan indi ang akon mga dalanon, siling ni Iehoba.

9 Subung nga labing mataas ang mga kalangitan sa ibabaw sang duta, amo man ang akon mga dalan labing mataas sang inyo mga dalan, kag ang akon mga hunahuna labing mataas sang inyo mga hunahuna.

10 Kay subung nga nagapanaug sa kalangitan ang ulan kag ang niebe, kag walâ magabalik didto, kondi nga nagabunyang sang duta kag nagapabunga sa iya kag nagapapatubô sa iya, kag nagahatag sing binhi sa nagatanum, kag sing tinapay sa nagakaon;

11 Amo man ang akon polong nga nagagowa sa akon bâbâ, indi nagabalik sa akon nga walay bunga, kondi nagahimo sia sang akon luyag, kag nagapauswag sia sadtong ginpadalâ ko sa iya.

12 Kay magagulowa kamo nga may kalipay, kag pagaidul-ong kamo nga may paghidaet. Ang mga kabukiran kag ang mga kabakoloran magatuaw sa pagsingit sa kalipay sa atubangan ninyo, kag ang tanan nga mga kahoy sang latagon magapamalakpak sang mga kamut.

13 Sa baylo sang sapinit magatindug ang sipres, kag sa baylo sang tunukon magatindug ang mirtô; kag ini mangingalan kay Iehoba kag tanda nga walay katapusan nga dili nga mas-a mapanas.

Mga panaad sa mga nagatucian sang adlaw nga sabado.

**56** AMO ining ginasiling ni Iehoba: Bantay-kamo sang katadlungan, kag magbutang-kamo sa buhat sang katarungan; kay malapit na ang akon ka-

luwasan sa pag-abut, kag ang akon katarungan sa pagbugna.

2 Bulahan ang tawo nga nagahimo sini, kag ang anak sang tawo nga naghakus sini, nga nagabantay sang sabado sa indi pagpakadibalaan sa iya, kag nga nagaamlig sang iya kamut sa paghimo sing bisan ano nga kalainan.

3 Kag ang anak sang dumuluong, nga nagimpon kay Iehoba, indi maghambal, nga nagasiling: "Si Iehoba buut magapain sa akon sa iya banwa"; kag nga indi magsiling ang kapon: "Yari karon, ako among kahoy nga mamala."

4 Kay amo ining ginasiling ni Iehoba: Nahanungud sa mga kapon, nga magabantay sang akon mga sabado, kag magapili sila sang akon luyag, kag magapadayon sa akon katipan,

5 Pagahatagan ko sila sing halandumanan sa akon Baláy kag sa sulúd sang akon mga kuta, kag sing ngalan nga labing maayo nga iya sang mga lalaki kag sang mga babae: pagahatagan ko sila sing ngalan nga walay katapusan nga indi nga mas-a mapanas.

6 Kag nahanungud sa mga anak sang mga dumuluong, nga nagilimpon kay Iehoba sa pag-alagad sa iya, kag sa paghigugma sang ngalan ni Iehoba, agud nga manginalagad sila niya: ang tanan nga mga magabantay sang sabado sa indi pagpasipala sa iya, kag magpadayon sila sa akon katipan,

7 Pagadal-on ko sila sa bukid sang akon pagkabalaan, kag pagalipayon ko sila sa akon baláy sang pangamuyo. Ang ila mga halad nga sinunog kag ang ila mga halad pagabatonon sila sa ibabaw sang akon halaran; kay ang akon baláy, pagahingalanan nga Baláy sang pangamuyo sa tanan nga mga banwa.

Mga sayup kag mga sala ni Israel.

8 Yari karon ang polong sang Ginoo nga si Iehoba, nga nagatipon sang mga sinobol sa Israel: Pagatipunon ko pa sa palibot niya labut pa ang mga iya nga natipon na.

9 Kamo tanan nga mga kasapatan sang latagon, tanan nga mga kasapatan sang talon, kari-kamo sa pagkaon.

10 Ang iya mga manuglantaw mga bulag sila nga tanan, walâ sila sing pagkilala; mga ido nga mga apa sila nga tanan, nga indi sarang makataghol: mga



paladamgo, nga nagahiligda, nga naghigugma sila sang tulog.

11 Kag ang mga ido mga sobok, walâ sila makakilala sing kabusug; kag sila, ang mga manugbantay, walâ sila makahibalo sing bisan ano sa paghangup; sila tanan nagatulululok sa ila kaugalingon nga mga dalanon, ang tagasatagsa sa iya kapuslanan, patí ang nâ-olehe sa ila.

12 "¡Kari-kamo! *siling nila*, maginum ako sing alak kag magainum kita sang ilimnon nga makahulubog. Kag ang buas nga adlaw manginsubung sini, kag labing pa ka daku."

**57** MADULA ang matarung, kag walay sin-o nga magsapak sa iya; kag ang mga maloloy-on ginapanapopo kag walay sin-o nga makahanup nga ini amo sa kabangdanan sang kalautan, nga ginasapopo ang matarung.

2 Nagasulûd sia sa paghidaet; nagapalahuway sila sa ila mga higdaan, ang mga naglalakat sa ila dalan nga matadlung.

3 Apang kamo, palalapit diri, mga anak sang manuglihi nga babae, kaliwatan sang makihilawason nga lalaki kag sang makilahion nga babae.

4 ¿Sa kay sin-o bala nagauligyat kamo? ¿Batok bala kay sin-o ginapasangkad ninyo ang bâbâ, kag ginadiwal ninyo ang dila? ¿Indi bala kamo mga anak sang paglalis, kaliwatan sang kabutigan,

5 Nga nagapalakainit kamo sa tungâ sang mga terebinto sa idalum sang tanan nga kahoy nga madabung, nga nagapapugut kamo sang mga kabataan sa mga kasulgan, sa idalum sang mga guab sang mga pil-as?

6 Ang imo bahin among sa tungâ sang mga bató nga mahining sang kasulgan. Yari karon, yari karon ang imo kapalaran. Sa ila man ginula mo ang mga halad nga ilimnon, kag naghalad ka sing halad nga kalan-on. ¿Sarang bala ako magkalipay sa sining mga butang?

7 Sa ibabaw sang isa ka bukid nga mataas ginabutang mo ang imo higdaan; didto man nagataklad ka sa paghalad sang mga halad.

8 Kag sa likod sang gawang kag sang mga haligi nagbutang ka sang imo handumanan; kay so malayô sa akon ginabuksan mo ang higdaan, kag nagsaka ka

didto kag ginpasangkad mo sia, kag naghimo ka sa ila sing kasugtanan; ginahigugma mo ang ila higdaan, kag nagaa-man ka sa iya sing duug.

9 Kag nagakadto ka sa hari nga may *dólot nga* lana, kag ginapadamu mo ang imo nga pahamut; kag ginapadalâ mo ang imo nga manugkagon sa malayô, kag nagpakubus ka tubtub sa inpierno.

10 Sa kalawigon sang imo dalanon ginbudlay ikaw; kag walâ ka magsiling: "Walay pulus ini." Nakita mo ang kabuhi sa imo kamut, tungud sini walâ ka *magpati* nga masakit ka.

11 Busa ¿sa kay sin-o bala malisang ka? ¿Sa kay sin-o ka bala mahadluk, nga naghipus ka, kag walâ ka magadumdum sa akon, bisan nagbutang ka sini sa imo tagiposoon? ¿Indi bala matuud nga akon naghipus sa malawig nga dag-on kag walâ mo ako pagkahadluki?

12 Ako, ipakilala ko ang imo katarungan kag ang imo mga binuhatan, kag indi sila makapulus sa imo.

13 Magluwas sa imo ang mga gintipon mo kon ikaw magtuaw. Apang sila nga tanan, pagakuhaon sila sang hangin, ang isa ka huyup magadalâ sa ila; kag ang nagadangup sa akon, magapanubli sang duta, kag pagaangknon niya ang bukid sang akon pagkabalaan.

14 Kag igasiling: "Bayawa - ninyo, *ang mga banas*, amana-ninyo ang dalan, kuhaa-ninyo ang *tanan* nga salandaran sang dalan sa akon banwa."

15 Kay amo ining ginasiling sang ginabayaw kag ginapakamataas, nga nagapuyô sa walay katubtuban, kag nga ang iya ngalan amo "ang Balaan": Ako nagapuyô sa duug nga mataas kag sa pagkabalaan, kag *yara ako* upud sang naboong kag mapainubuson sa espiritu, sa pagbuhi sang espiritu sang mga mapainubuson, kag sa pagbuhi sang tagiposoon sang mga naboong.

16 Kay indi ako magapakigsuay sa gihapon, bisan sa gihapon magakaakig ako; kay ginalapyo ang espiritu sa atubangan nakon, kag ang mga kalág man nga akon gintuga.

17 Tungud sang kalautan sang iya kaibug naakig ako; kag ginpilas ko sia; nagpanago ako, sang nagpangakig ako; apang naglakat sia nga malalison sa dalan sang iya tagiposoon.

18 Nakita ko ang iya mga dalanon, kag pagaayohon ko sia, kag pagaidul-ong.

ko sia, kag pagahatagan ko sia sing talaksan nga punò sang mga kalipay, sa iya kag sa mga iya nga yara sa lalaw,

19 Ako nga nagatuga sing bunga sa mga bibig: Paghidaet, paghidaet sa malayô kag sa malapit, siling ni Iehoba; kag pagaayohon ko sia.

20 Apang ang nga madauton subung sila sang dagat nga ginaukay, nga indi sarang makapahimonong; kag ang iya nga tubig nagabuga sing lamawan kag lunang.

21 Walay paghidaet, siling sang akon Dios, nga sa mga malauton.

**58** SINGIT-KA, nga nagabukâ ang totonlan; ayaw pagtipigi ang imo tingug; hayawa sia subung sang bud-yong, kag ipahayag sa akon banwa ang iya pagkamalalison, kag sa baláy ni Iakob ang iya salâ.

2 Ginapangita nila ako sa adlaw-adlaw, kag maluyag sila makasayud sang akon nga dalanon subung sang isa ka katawohan nga magabutang sa buhat sang katarungan, kag walâ makabiya sang katadlungan sang kasogoan sang iya Dios; nagapangayô sila sa akon sing mga paghukom sa katarungan, kag maluyag sila magpalapit sa Dios.

3 “¿Kay nga bala, *siling nila*, nagpuasa kami, kag walâ mo makita? ¿*kay nga* bala nagpakalisud kami sang amon mga kalág, kag walâ mo makita?” Yari karon, sa adlaw sang inyo pagpuasa ginahimo ninyo ang inyo naluyagan, kag nagapalangayô kamo sang bug-os nga dagyaw.

4 Yari karon, sa mga kasaba kag sa mga pagsinuay nagapuluasa kamo, kag nga sa pagpilas sa sumbag tungud sa kalautan. Walâ kamo magapuluasa, sa amo nga adlaw, agud nga ang inyo tingug pagapamatian sa mataas nga duug.

5 ¿Amo bala yadto ang puasa nga ginpili ko, *amo ini* bala ang adlaw nga ginapakalisud sang tawo ang iya kalág? ¿Amo ini bala, nga padukoon niya ang iya olo subung sang tigbaw, kag nga maghigda sia sa baluyot kag sa abó, amo bala ini ang ginataway mo nga puasa, kag ang adlaw nga nahamut-an ni Iehoba?

6 ¿Indi bala amo ini ang puasa nga ginpili ko: ang paghubad sang mga gapus sang pagkamadauton, ang paghubad sang mga higtut sang singkaw, kag ang

pagbuhi sa mga pinigos, kag nga pamalion ninyo ang tanan nga singkaw?

7 ¿Indi bala nga bahinon mo ang imo tinapay sa nagutum, kag nga pasudlon mo sa imo baláy ang mga nalisdan nga libodlibod; nga kon makita mo ang tawo nga hubo, pagtabunan mo sia, kag nga indi ka magpanago sa *himala* sang imo unod?

8 Niyan magabutlak ang imo suga subung sang pamanagbanag, kag ang imo pagkaayo magatubô sing madali; kag magauna sa imo ang imo katarungan, kag ang himaya ni Iehoba manginbantay nimo sa imo likod.

9 Niyan magapanawag ka, kag pagasabton ka ni Iehoba; magasingit ka, kag magasiling sia: “Yari ako diri.” Kon kubaon mo sa tungâ nimo ang singkaw, ang tudlo nga inuntay sa *pagyubit*, kag ang mga pinolongan sa kadayawan;

10 Kag kon iula mo ang imo kalág sa nagutum, kag kon busgon mo ang kalág nga nalisdan, ang imo kapawa magasubang sa kakadulman, kag ang imo kadulum manginsubung sang kaudtohan.

11 Kag si Iehoba magadul-ong sa imo gihapon, kag sa mga kigas nga duug pagabusgon niya ang imo kalág, kag pagapalig-unon niya ang imo mga tul-an; kag manginsubung ka sang katamnan nga nabunyagan, kag subung sang tuburan sang tubig, nga ang iya mga tubig walâ nga mas-a magakahubas.

12 Kag ang mga imo magapatindug liwan sang mga kagub-an nga dumaan, pagapatindugon mo liwan, ang mga sadsaran, nga nagapadayon sa kaliwatan kag sa kaliwatan, kag pagatawgon ka nga “manugkaayo sang mga litik,” “manugpahauli sang mga banas, agud nga pagpuy-an ang *kadutaan*.”

13 Kon iisol mo sa sabado ang imo til sa paghimo sang imo kabubut-on sa adlaw sang akon pagkabalaan, kag kon ang sabado tawgon mo nga kalalipayan, kag talahoron ang ginpakabalaan kay Iehoba; kag kon pagtahoron mo sia, nga indi ka magkadto sa imo mga dalanon, bisan magpangita ka sang imo kabubut-on, bisan maghambal ka sang imo mga polong;

14 Niyan makakita ka sang imo mga kalipayan kay Iehoba, kag pagapakabayhon ko ikaw sa ibabaw sang mga nataasan sang duta, kag pagapakaonon ko ikaw sa panublion ni Iakob nga imo



amay; kay ginhambal ini sang bâbâ ni Iehoba.

**59** YARI karon, nã indi tama ka lip-ot ang kamut ni Iehoba sa pagluwas; bisan tama ka bungul ang iya idulungug sa pagpamati;

2 Apang ang inyo mĩa kalautan nagapabulag sa inyo sa inyo Dios; kag ang inyo salã nagpapanago sang iya nawung sa inyo, agud nã indi na magpamati.

3 Kay ang inyo mĩa kamut napanag-taan sang dugo, kag ang inyo mĩa tudlo sang kalautan; ang inyo mĩa bibig nagamilitlang sing butig; ang inyo dila nagamulay sing paglalis.

4 Walã sing sin-o nã nagatawag sang katarungan, bisan nagakasaba tungud sang katutum; nagasalalig sila sa kadayawan, kag nagahambal sila sing binutig; nagapanamkon sila sing pangabudlay, kag nagapanganak sila sing kadayawan.

5 Nagapapiso sila sang mĩa itlog sang mĩa man-ug nã dalitan, kag nagahabol sila sang lawa sang damang; ang nagakaon sang iya mĩa itlog, mamatay; kag kon pisgaon nila ang *itlog*, magagowa ang isa ka man-ug nã dalitan.

6 Ang iya mĩa hinabol indi manginpanapton, bisan matabunan sila sang ila mĩa binuhatan; ang ila mĩa binuhatan mĩa binuhatan sila sa kadayawan, kag binuhatan sang paglupig yara sa ila mĩa kamut.

7 Ang iya mĩa tiil nagadalagan sa malain, kag nagadalalidali sila sa pagula sing dugo nã walay salã; ang iya mĩa hunahuna mĩa hunahuna sa kadayawan; ang kahapayan kag ang kalaglagan yara sa iya mĩa dalanon.

8 Walã sila makakilala sang dalan sa paghidaet, kag walay ano nã katadlungan sa iya mĩa alagyan; naghimo sila nã sa ila sing mĩa banas nã tiko; bisan sin-o nã maglakat sa ila, indi makakilala sing paghidaet.

9 Tungud sini nagpalayô sa aton ang katadlungan, kag walã sa aton makalambut ang katarungan; nagahulat kita sing kapawa, kag yari karon ang mĩa kadudulman; sing mĩa silak, kag nagalakat kita sa kadulum.

10 Ginapangpak naton ang dingding subung sang mĩa bulag, hoo, nagapangpak kita subung sang walay mata;

nagakasandad kita sa udtong adlaw, subung sang sa masirum; yari kita sa tungã sang mĩa tambok subung nã mĩa patay.

11 Kita nã tanan nagauluwang subung sang mĩa oso, kag nagabakho kita sing masinakiton gid, subung sang mĩa salampati; nagahulat kita sang katadlungan, kag walã sing bisan ano; sang kaluwasan, kag nagpalayô sia sa aton.

12 Kay ang amon mĩa pagkamalalison nagdalamo sa atubangan nimo, kag ang amon mĩa salã nagapamatuud batok sa amon; kay sa amon yari ang amon mĩa kalautan, kag nakilala namon ang amon mĩa salã:

13 Ang paglalis, ang pagbutig batok kay Iehoba, ang pagisol sa olehe sang amon Dios, ang paghambal sing pagpigos kag sing pagkamalalison, ang pagpanamkon kag ang pagpamalandong sa tagiposoon sing mĩa polong nã butig.

14 Kag ang katadlungan ginpaisol ang katarungan nagapadayon sa malayô; kay ang kamatooran nagakasandad sa balaligyaan, kag ang katadlungan walã makaabut.

15 Kag nawad-an sang kamatooran, kag ang nagpalayô sa malain, nagabutang sia sa iya sa pagkahinublasan; apang nakita ini ni Iehoba, kag walã mahamut-i sang iya mĩa mata, nã walay katadlungan.

16 Kag nakita niya nã walã sing tawo, kag natingala sia nã walã gid sing sin-o nã nagpatungã; niyan ginluwas sia sang iya butkon, kag ginpasandig sia sang iya katarungan.

17 Kay sa katarungan nagpanaput sia subung sang limbutong, kag *ginbutang* niya ang pandong sang kaluwasan sa iya olo; kag nagsuklub sia sang panapton nã bayô sa pagtimalus, kag nagpanaput sia sang kaimon subung sang bayô.

18 Sono sang balus, amo man ang iya bayad sa iya: ang kasingkal sa iya mĩa kasumpung; ang sohol sang iya mĩa kaaway; sia magabayad sa mĩa kapuloan sang ila sohol.

19 Niyan magakalahadluk sila kutub sa Katundan sang ngalan ni Iehoba; kag ang iya himaya kutub sa Bulutlakan sang adlaw; kon magaabut ang kaaway subung sang subã, ang Espiritu ni Iehoba magapalagyo sa iya.

20 Kag magaabut ang isa ka Manlulu-

was sa Sion kag sa mġa nagaliso gikan sa paglalis sa kay Iakob, siling ni Iehoba.

21 Kag nahanungud sa akon ini amo ang akon katipan sa ila, siling ni Iehoba. Ang akon Espiritu, nġa yara sa ibabaw nimo, kag ang akon mġa polong nġa ginbutang ko sa imo bġbġ, indi sila magapalayġ sa imo bġbġ, bisan sa bġbġ sang imo kaliwatan, bisan sa bġbġ sang kaliwatan sang imo kaliwatan, siling ni Iehoba, kutub karon tubtub sa gihapon.

Ang Ierusalem nġa ginuli sa iya himaya.

**60** TINDUG-KA, silak-ka; kay nag-abut ang imo kapawa, kag ang himaya ni Iehoba nagasilak sa ibabaw nimo.

2 Kay yari karon, nġa ang mġa kadulman nagatabon sang duta, kag ang kadulum sa mġa katawohan; apang sa ibabaw nimo nagasilak si Iehoba, kag sa ibabaw nimo nagapahayag ang iya himaya.

3 Kag magalalakat ang mġa katawohan sa imo kapawa, kag ang mġa hari sa kasilaw sang imo pagsilak.

4 Bayawa ang imo mġa mata sa pali-bot kag tuluka. Ining tanan nagatili-pon, nagakalari sila sa imo: ang imo mġa anak nġa lalaki nagaalabut gikan sa malayġ, kag ang imo mġa anak nġa babae *pagadalhon* nġa kinugos.

5 Niyan makit-an mo ini kag magasilaw ka sa *kalipay*, kag magapitik ang imo tagiposoon kag magadaku, kay magabalik sa imo ang kabugana sang dagat, ang kabakuran sang mġa katawohan magaabut sa imo.

6 Ang kadamuon sang mġa kamelyo magatabon sa imo, ang mġa bataon nġa kamelyo sa Madian kag sa Epa; ini sila nġa tanan magaabut gikan sa Seba: magadalalġ sila diri sing bulawan kag insienso, kag magabalantala sila sing mġa pagdayaw kay Iehoba.

7 Ang tanan nġa mġa pinanong sa Kedar pagatipunon nayon sa imo; kag ang mġa karnero sa Nebayot mangin sa imo pag-alagdan magasaka; sila nġa may kahamuut sa ibabaw sang akon halaran, kag pagahimayaon ko ang Balġy sang akon himaya.

8 Sin-o bala ini sila nġa nagalulupad subung nġa panganud, kag subung nġa mġa salampati sa ila mġa talambuan?

9 Kay sa akon magahululat ang mġa kapuloan, kag ang mġa sakayan sa Tarsis nagaalabut sing ūna sa pagdalġ diri sang imo mġa anak gikan sa malayġ, kag ang ila pilak kag ang ila bulawan upud sa ila sa nġalan ni Iehoba, nġa imo Dios, kag sa Balaan ni Israel, kay nagahimaya sia sa imo.

10 Kag ang mġa anak sang mġa dumuluong magapatindug sang imo mġa kuta, kag ang ila mġa hari magaalalagad sa imo; kay sa akon kaakig ginpilas ko ikaw, apang sa akon maayong kahamuut may kahanoklog ako sa imo.

11 Kag ang imo mġa gawang pagapamukasan sing dayon; indi sila pagpanakpan sa adlaw bisan sa gab-i, agud nġa pagapasudlon sa imo ang mġa bahandi sang mġa katawohan kag ang ila mġa hari, nġa pagaidul-ong sa imo.

12 Kay ang katawohan kag ang gin-harian nġa indi magaalagad sa imo, madula; kag ini nġa mġa katawohan pagapanghapayon sila sing bug-os.

13 Ang himaya sang Libano magaa-but sa imo; ang sipres, ang pino kag ang boks sing tingub, sa pagpuni sa duug sang akon balaan nġa Puluy-an; kag pagahimayaon ko ang duug sang akon mġa tiil.

14 Kag magakalari sa imo, nġa nagalayaub, ang mġa anaksang mġa nagpigos sa imo, kag ang tanan nġa mġa nagtalamaysa imo, magahapa tubtub sa dapadapa sang imo mġa tiil: kag pagatawgon ka nila nġa "Banwa ni Iehoba", ang "Sion sang Balaan sa Israel."

15 Sa baylo nġa ginbayaan kag ginduntan ka, nġa walay sin-o nġa magagi sa imo, pagahimoon ko ikaw nġa iligoon sang himaya nġa dayon, sang kalipay sa kaliwatan kag kaliwatan.

16 Kag magasoso ka sang gatas sang katawohan, magasoso ka sa dughan sang mġa hari, kag makilala mo nġa ako amo si Iehoba, nġa imo Manluluwas kag ang imo Manunubus, ang Makagagahum ni Iakob.

17 Sa baylo sang tumbaga magadalġ ako diri sing bulawan, kag sa baylo sang salsalon magadalġ ako diri sing pilak; kag sa baylo sang kahoy, tumbaga, kag sa baylo sang mġa batġ, salsalon; kag pagaihatag ko nġa paggahum ang paghidaet, kag subung nġa mġa manugsukot sang buhis, ang katarungan.

18 Indġ na gid mabatian nġa paga-



hambalon sa imo duta ang palugos, ang kahapayan, kag ang kalaglagan sa imo mga dulunan; apang pagatawgon mo ang imo mga kuta nga "kaluwasan" kag ang imo mga gawang nga "pagdayaw."

19 Ang adlaw indi na manginimo kapawa sa adlawon, kag ang bulan indi na magabanaag sa imo sang iya suga; kondi nga si Iehoba manginkapawa mo sa gihapon, kag ang imo Dios manginimo himaya.

20 Indi na matunod ang imo adlaw, kag ang imo bulan indi na mabulag, kay si Iehoba manginimo dayon nga kapawa, kag ang mga adlaw sang imo lalaw pagapanapuson.

21 Kag nahanungud sang imo banwa, sila nga tanan manginmatarung; sa gihapon pagatagiyahon nila ang duta, nga salingsing sang akon tinanum, nga binuhatan sang akon mga kamut, sa paghimaya sa akon.

22 Ang labing diyotay manginisa ka libo, kag ang labing kubus, isa ka katawohan nga gamhanan. Ako si Iehoba: sa iya panag-on pagadalion ko ini.

Ang pagbantala sang kaluwasan.

**61** ANG Espiritu sang Ginoo nga si Iehoba yari sa ibabaw nakon, kay ginhidhiran ako ni Iehoba sa pagbantala sing maayong balita sa mga nalisdan; ginpadala niya ako sa pagbulóng sa mga binoong sa tagiposoon, sa pagbantala sang kaluwasan sa mga bihag, kag sa mga binilango sing pagbukas sang mga bilangoan;

2 Sa pagbantala sang tuig sang maayong kabubut-on ni Iehoba, kag sang adlaw sa pagtimalus sang Dios naton, sa paglipay sa tanan nga nagalalaw;

3 Sa pagsogo sa mga sa Sion nga nagalalaw *sing subung sini*, sa paghatag sa ila sang himaya sa baylo sang abo, sang lana sa kalipay sa baylo sang lalaw, sang bayô sa pagdayaw sa baylo sang espiritu nga masubo, agud nga pagpanawgon sila nga "mga terebinto sang katarungan," nga "tinananum ni Iehoba, nga sa iya maghimaya sia."

4 Kag pagabangonon nila liwan ang mga nagub-an nga mga dumaan, kag pagapatindugon liwan nila ang mga dumaan nga nahapay, kag pagabag-ohon nila liwan ang mga kabanwaanang nga

mga linaglag, ang mga kahapayan nga didto sa kaliwatan kag sa kaliwatan.

5 Kag magatindug didto ang mga dumuluong, kag magapalahalab sila sang inyo mga pinanong, kag ang mga anak sang dumuluong mangininyo mga mangunguma kag ang inyo mga manugubas.

6 Kag pagapanawgon kamo nga mga saserdote ni Iehoba kag pagahingalanan kamo nga mga alagad sang amon Dios; pagakaonon ninyo ang mga mangad sang mga katawohan, kag sa iya himaya magahagak kamo.

7 Sa baylo sang inyo kahuya may inyo kamo nga dapli nga bahin, kag sa, baylo sang pasipala magahilunugyaw sila sa ila bahin; nga tungud sini sa ila mga kadutaan magatagiya sila sing dinaplidadpli; may kalipay sila nga walay katapusan.

8 Kay ako amo si Iehoba nga naga-higuma sang katadlungan, nga nagadumut sang pangawat nga sa halad nga sinunog; kag, pagaihatag ko sa ila ang ila balus nga may kamatooran, kag magahimo ako sa ila sing katipan nga walay katapusan.

9 Kag ang kaliwatan nila pagakilalahon sa tungâ sang mga katawohan kag ang mga nagagikan sa ila sa tungâ sang mga kabanwaanang; ang tanan nga sa ila makakita, magakilala sa ila, kay kaliwatan sila nga ginapakamaayo ni Iehoba.

10 Magakalipay ako sing daku gid kay Iehoba, ang akon kalág magakasadya sa akon Dios; kay ginpasaputan niya ako sing mga panapton sa kaluwasan, ginaputun niya ako sang bayô sa katarungan, subung sang ginapunihan sa piesta sang kalasalon nga lalaki, kag subung sang kalasalon nga babae nga ginapunihan niya sia sang iya mga huyas.

11 Hoo, subung nga ang duta nagapatúbô sing tubô, kag subung nga ang katamnan nagapatúbô sang iya binhi, amo man ang Ginoo nga si Iehoba magapatúbô sang katarungan kag sang pagdayaw sa atubungan sang tanan nga mga katawohan.

Himaya nga sa gihapon nagatubo sa Ierusalem.

**62** BANGUD sang gugma sa Sion, indi ako maghipus, kag bangud

sang gugma sa Ierusalem indi ako magapahimonong tubtub nga maggowa subung sang silak ang iya katarungan, kag ang iya kaluwasan subung sang isa ka sulo, nga nagadabdab;

2 Kag *tubtub* nga makita sang mga katawohan ang imo katarungan, kag sang tanan nga mga hari, ang imo hi-maya; kag nga pagahingadlan ka sang isa ka ngalan nga bag-o, nga ginmitlang sang baba ni Iehoba.

3 Kag manginpurugpurung ka sa hi-maya sa kamut ni Iehoba, kag diadema nga harianon sa kamut sang imo Dios.

4 Indi ka na gid pagtawgon: "Ang binayaan;" kag indi na pagaisiling nahanungud sa duta: "Ang kahapayan;" kondi nga pagatawgon ka, nga Hepsiba, kag ang imo duta nga Beula.\* Kay si Iehoba magabutang sa imo sang iya maayo nga kahamuut kag ang imo duta may bana.

5 Kay subung sa isa ka pamatan-on nagapakasal sa isa ka ulay, amo man magapalakasal sa imo ang imo mga anak; kag subung sang kalipay sang bana sa kalasalon, subung sini magakalipay sa imo ang imo Dios.

6 Sa ibabaw sang imo mga kuta, oh Ierusalem, ginabutanang ko sing mga bantay; sa bug-os nga adlaw kag sa bug-os nga gab-i sing dayon gid indi sila magahilipus. Kamo nga mga nagadumdum kay Iehoba, ayaw kamo pagpahuway.

7 Kag indi ninyo sia paghatagan sing kapahuwayan, tubtub nga matukud niya ang Ierusalem kag tubtub nga mahimo sia niya nga iligoon sang pagdayaw sa duta.

8 Nagsumpa si Iehoba tungud sa iya too kag tungud sang butkon sang iya kagamhanan: Indi na ako magahatag sang imo trigo nga kalan-on sa imo mga kaaway, bisan magainum pa ang mga anak sang dumuluong sang duga sang ubas, nga imo ginkabudlayan;

9 Apang ang mga magaani sini, magakalaon sa iya, kag magadalayaw sila kay Iehoba; kag ang mga magapopo sini, pagaimnon nila sia sa mga patyo sang akon balaan nga Puluy-an.

10 Pag-agi-kamo, pag-agi-kamo sa mga gawang; iaman-ninyo ang dalan sa

banwa; bayawa-ninyo, bayawa-ninyo angdalan; kuhaa-ninyo ang mga bató, bayawa-ninyo ang isa ka bandera sa atubangan sang mga kabanwaan.

II Yari karon, nga ginapabati ni Iehoba ang iya *tingug* tubtub sa ukbung sang duta. Isiling-ninyo sa anak nga babae sang Sion: Yari karon, nagakari ang imo kaluwasan; yari karon ang iya sohol upud sa iya, kag sa atubangan niya ang iya balus.

12 Kag pagatawgon sila nga "banwa nga balaan," nga "mga tinubus ni Iehoba;" kag pagatawgon ka nga "banwa nga Pinangita," "banwa nga walâ pagbayai."

Ang Dios magaluwas kag magatimalus sa iya banwa.

63 ; SIN-O bala ini nga nagakari sa Edom, nga *nagagikan* sa Bosra, nga may mga panapton nga mga mapula, ini nga halangdon sa iya panapton, nga nagatadlong ang olo sa pagkadaku sang iya gahum? "Ako, ang nagahambal sa katarungan, nga sampaton sa pagluwas."

2 ; Kay nga bala nga mapula ang imo panapton, kag ang imo mga ilislan subung sang nagalapak sa ipitan?

3 "Ako lamang ang naglapak sa ipitan, kag sa tungâ sang mga kabanwaan walâ gid sing nagupud sa akon; kag ginlapak ko sila sa akon kaakig, kag ginlinas ko sila sa akon kasingkal; kag ang iya duga nag-agsik sa akon mga panapton, kag ginhigkoan ko ang tanan ko nga mga ilislan.

4 Kay ang adlaw sang pagtimalus yara sa akon tagiposoan, kag ang tuig sang akon pagtubus nag-abut na.

5 Kag nagtulok ako, kag walay sin-o nga magabulig; kag natingala ako, nga walâ sing sin-o nga magasakdag. Niyan ginluwas ako sang akon butkon, kag ginsakdag ako sang akon kaakig.

6 Kag sa akon kaakig gintapak ko ang mga kabanwaan, kag ginhubog ko sila sang akon kasingkal, kag ginpailig ko sa duta ang iya duga."

Mga pagpasalamat, mga pagtuad kag mga pagampo sang banwa sang Dios.

\* *Hepsiba*, ang akon kahamuut-an sa iya; *Beula*, asawa.

7 Pagpanumdumon ko ang mga kalooy ni Iehoba, ang mga pagdayaw



kay Iehoba, sono sa tanan nga ginhatag sa amon ni Iehoba; kag ang kabugana sang kaayo nga sa baláy ni Israel, nga ginhatag niya sa ila sono sang iya mga pagkahinoklog, kag sono sang kabugana sang iya mga pagkalooy.

8 Kag nagsiling sia: "Sa pagkama-tuud gid, banwa nakon sila, mga anak nga indi magabulutig"; kag nangin-Manluluwas sia nila.

9 Sa tanan nila nga kalilisan sia ang ginapakalisud, kag ang Manugtundasang iya nawung nagluwas sa ila; sa iya gugma kag sa iya pagkamahinoklogon gintubus niya sila, kag ginhakwat niya sila, kag gindala niya sila sa tanan nga mga adlaw sadto.

10 Apang nagnangimalalison sila, kag ginpasubu nila ang Espiritu sa iya pagkabalaan; kag nabaylo sia nga kaaway nga sa ila, kag sia gid nagpakigaway batok sa ila.

11 Niyan ang iya banwa nakadumdum sang mga adlaw nga mga dumaan, kay Moises: ¿Diin bala ang nagpatklad sa ila sa dagat upud ang manugbantay sang iya pinanong? ¿Diin bala ang nagbutang sa tunga nila sang Espiritu sang iya pagkabalaan?

12 ¿Ang nagpalakat sa too ni Moises sang iya butkon nga mahimayaon, nga nagapapain sang mga tubig sa atubangan nila sa paghimo nga sa iya sing ngalan nga walay katapusan?

13 ¿Ang nagdul-ong sa ila sa mga kaidadalman, subung sang isa ka kabayo sa kahanayakan, nga walâ pagkasan-dad?

14 Subung sang kahayupan naga-dulhog sa nalupyakan, amo man ang Espiritu ni Iehoba nagdalâ sa ila sa kapahuwayan; amo ining pagdul-ong mo sa imo banwa sa paghimo nga sa imo sing ngalan nga mahimayaon.

15 Tamud-ka kutub sa mga langit, kag tuluk-ka kutub sa puluy-an sang imo pagkabalaan kag sa imo pagkahalangdon. ¿Diin bala ang imo kaimon, kag ang imo gahum, ang balat-yagon sang imo mga kasudlan, kag ang imo mga paghinoklog? Ginapun-sila nga sa akon.

16 Hoo, ikaw amo ang amon amay; kay si Abraham indi nagakilala sa amon, kag si Israel walâ magapangilala sa amon. Ikaw, oh Iehoba, ikaw amo ang amon amay, ang imo ngalan amo:

"Ang amon Manunubus, sa tanan nga panag-on."

17 ¿Kay ngaa bala, oh Iehoba, gin-patalang mo kami nga malayô sa imo dalanon kag ginpatig-a mo ang amon mga tagiposoon nga malayô sa kahadluk sa imo? Balik-ka tungud sang gugma sa imo mga alagad, tungud sang mga kabikahan sang imo panu-blion.

18 Sa malip-ot lamang nga panag-on ang banwa sang imo pagkabalaan nagtagiya sang *duta*. Gintapak sang amon mga kasumpung ang imo balaan nga Puluy-an.

19 Subung kami sadtong mga sa ila walâ ka nga mas-a maggahum, nga walâ paghingadli sila sang imo ngalan.

**64** | OH, kon gision mo unta ang mga kalangitan, kon magpanaug ka unta, sa imo atubangan magakalatunaw ang mga kabukiran.

2 Subung sang kalayo nga nagadab-dab sa mga sangâ nga nalaya, subung sang kalayo nga nagapabukal sang tubig, *ikaw* magapakilala sang imo ngalan sa imo mga kasumpung; *kag* ang mga katawohan magakulurug sa imo atubangan.

3 Sang naghimo ka sing mga butang nga kalahudlukan, nga walâ gid namon paghulata, nagpanaug ka, nagkatunaw ang mga kabukiran sa atubangan mo.

4 Kag walâ nga mas-a mabatii, walâ nga mas-a ang idulungug makatalupangud, walâ nga mas-a ang mata makakita, luwas sa imo, sang isa ka Dios, nga nagahimo nga sa nagahulat sa iya.

5 Nagasugata ka sang nagakasadya sa pagbutang sa buhat sang katarungan, sang mga nagapanumdum sa imo mga dalanon. Yari karon, ikaw nangakig kay nakasalâ kami; *apang* sa imo *mga dalanon* yara ang walay katapusan, kag manginmaluwas kami.

6 Kami nga tanan manginsubung sang tawo nga mahigko, kag ang tanan namon nga mga katarungan subung sang lapat nga mahigko; nagakalayong kami nga tanan subung sang dahon, kag ang amon mga kalautan nagaagaw sa amon subung sang hangin.

7 Kag walâ sing sin-o nga magpanawag sang imo ngalan, nga magmata sa pagdakup sa imo; kay gintago mo sa

amon ang imo nawung, kag ginpanunaw mo kami sa kabangdanan sang amon m̄ga kalautan.

8 Apang karon, Iehoba, ikaw amo ang amon amay; kami among lunang, kag ikaw ang naghuman sa amon, kag kami n̄ga tanan, binuhatan sang imo m̄ga kamut.

9 Indi ka maakig, oh Iehoba, sing lakas gid, bisan magpanumdum ka sa gihapon sang kalautan. Yari karon, tuluka; kami n̄ga tanan among imo banwa.

10 Ang m̄ga banwa sang imo pagkabalaan isa ka kahanayakan, ang Sion isa ka kahanayakan, ang Ierusalem isa ka kahapayan.

11 Ang Baláy sang amon pagkabalaan kag sang amon pagkahalangdon, n̄ga sa iya gindayaw ka sang amon m̄ga ginikanan, ginsunog sang kalayo, kag ang tanan namon n̄ga m̄ga duug n̄ga masadya ginpanghayap.

12 Bisan pa sini, ¿magapugung ka bala, oh Iehoba, magahipus ka bala kag pagapakalisuron mo kami sing lakas?

Si Iehoba nagapanaad sa pagpamati sang sinambit  
n̄ga pag-ampo kag sa pagbawi sa iya  
m̄ga alagad.

**65** GINPAKISAYDAN ako sang m̄ga walâ magapalamangkot sa akon; nakita ako sang m̄ga walâ magapangita sa akon. Nagsiling ako: Yari ako, sa isa ka katawohan n̄ga indi ginahingadlan sa akon n̄galan.

2 Ginuntay ko sa bug-os n̄ga adlaw ang akon m̄ga kamut sa isa ka banwa n̄ga malalison, n̄ga sia nagalakat sa dalan n̄ga indi maayo, sono sang iya m̄ga kaugalingon n̄ga hunahuna:

3 Ang banwa sang m̄ga nagapaakig sa akon sa guya sing dayon gid, n̄ga nagahalad sa m̄ga katamnan kag nagsunug sing pahamut sa ibabaw sang m̄ga *halaran* n̄ga tisa;

4 N̄ga nagapuluyô sila sa m̄ga lulubngan kag nagahiligda sa m̄ga palanagotan, n̄ga nagakaon sila sing unud sang babuy, kag n̄ga sa ila m̄ga yahong may sabaw sang m̄ga sud-an n̄ga mahigko;

5 N̄ga nagasiling sila: "Palayô-ka, indi ka magpalapit sa akon; kay ako tama ka balaan sa imo." Ini sila m̄ga asô sa akon ilong, kalayo n̄ga nagadabdab sa bug-os n̄ga adlaw.

6 Yari karon, nasulat na ini sa atubangan nakon; indi ako magahipus, kondi magabalus ako, kag magabalus ako sa iya dughan:

7 *Hoo*, sang inyo m̄ga kalautan, kag sang m̄ga kalautan sang inyo m̄ga ginikanan sing tingub gid, siling ni Iehoba; n̄ga sila nagpasunog sing pahamut sa ibabaw sang m̄ga bukid, kag sa ibabaw sang m̄ga kabakoloran ginpasipalahan nila ako; kag pagataksan ko sila sing una sang ila balus sa ila dughan.

8 Amo ining ginasiling ni Iehoba: Kon makit-an sing duga ang isa ka bulig n̄ga ubas, kag magsiling: "Indi mo ini paglaglagon, kay may pagpakamaayo sa iya"; subung sini pagahimoon ko tungud sa gugma sa akon m̄ga alagad, n̄ga indi ko paglaglagon ang tanan.

9 Kag pagapagowaon kay Iakob ang isa ka kaliwatan, kag kay Iuda ang manugtagiya sang akon m̄ga kabukiran; kag ang akon m̄ga pinili magatalagiya sa ila, kag ang akon m̄ga alagad magapuluyô didto.

10 Kag ang Saron manginpuluy-an sang m̄ga obeha, kag ang nalupyakan sa Akor ang duug n̄ga didto magapahuway ang m̄ga kabakahan n̄ga sa akon banwa n̄ga nagpangita sa akon.

11 Apang kamo n̄ga m̄ga nagabiliya kay Iehoba, n̄ga nagakalipat kamo sang bukid sang akon pagkabalaan, n̄ga nagaaman kamo sing latok kay Gad,\* kag nagapunô kamo sang *tagayan* sang alak n̄ga mahamut kay Meni.†

12 Ipaigo ko man kamo sa hinganiban, kag kamo n̄ga tanan magaduko sa pulugutan; kay nagpanawag ako, kag walâ kamo magsalabat, naghambal ako, kag walâ kamo magpalamati, kag ginhimo ninyo ang malain sa akon m̄ga mata, kag ginpili ninyo ang walâ nakon mahamut-i.

13 N̄gani amo ining ginasiling sang Ginoo n̄ga si Iehoba: Yari karon, n̄ga ang akon m̄ga alagad magakalaon, apang kamo pagapangutumon: yari karon, n̄ga ang akon m̄ga alagad magainum, apang pagauhawon kamo; yari karon, n̄ga ang akon m̄ga alagad nagakalipay, apang pagapakahuy-an kamo.

\* *Gad*, diosdios sang kapalaran.

† *Meni*, diosdios sang malaut n̄ga palad.



14 Yari karon, nga ang akon mga alagad magakilinanta sa kalipay sa tagiposoon, apang kamo magasiliningit sa kasakit sa tagiposson, kag magauluwang kamo sa pagkaboong sa espiritu.

15 Kag pagabayaan ninyo ang inyo ngalan, subung nga panumpa sa akon mga pinili; kag ang Ginoo nga si Iehoba magapatay sa imo, kag ang akon mga alagad pagahingadlan sa liwan nga ngalan;

16 Sa bagay nga ang magpakamaayo sa duta, pagapakamaayohon sia sang Dios sang kamatooran, kag ang magsumpa sa duta, magasumpa sia sa Dios sang kamatooran; kay ang mga nahauna nga mga kalisdanan pagakalipatan, kag pagatabunan sila sa akon mga mata.

17 Kay yari karon, nga ako magatuga sang isa ka bag-o nga langit kag sang isa ka bag-o nga duta, kag indi na gid pagadumdumon ang mga nahauna kag indi na magaabut sa panumduman.

18 Apang magkalipay-kamo kag magkalasadya-kamo sa gihapon sa mga butang nga akon ginatuga; kay yari karon, nga ako magatuga sang Ierusalem nga sa kasadya, kag sa iya banwa nga sa kalipay.

19 Kag magakasadya ako bangud sa Ierusalem, kag magakalipay ako sa akon banwa; kag indi na gid mabatian sa iya ang tingub sa paghibi, bisan ang kagahud sa mga siningit.

20 Walâ na gid didto sa olehe sini sing bâta nga may pila lamang ka adlaw, bisan tigulang nga indi matuman ang iya mga adlaw: kay ang pamatanon mamatay sa isa ka gatus ka tuig, kag ang makasasalâ nga may isa ka gatus ka tuig, manginpinapakamalaut.

21 Kag magapalatindug sila sing mga balây, kag magapuluyô sila sa ila, kag magatalanum sila sing mga kaubasan, kag magakalaon sila sang bunga nila.

22 Indi sila magapalatingdug, agud nga liwan ang magapuyô; indi sila magatalanum, nga liwan ang magakaon; kay ang mga adlaw sang akon banwa manginsubung sang mga adlaw sang mga kahoy, kag ang akon mga pinili magagamit sang binuhatan sang ila mga kamut.

23 Indi sila magapalangabudlay sa walay pulus, indi magapalanganak sila

nga sa kakugmat; kay mga kaliwatan sila sang mga pinakamaayo ni Iehoba, kag ang mga nagagilikan sa ila magapud sa ila.

24 Kag mahanabu nga, sa walâ pa sila magasingit, ako magasabat; sa naghambal pa sila, nakabati na ako.

25 Ang lobo kag ang kordero pagapahalabon sing tingub, kag ang leon magakaon sing dagami subung sang baka, kag ang yab-ok manginpagkaon sang man-ug; indi na pagahimoan sing malain kag indi na pagalaglagon sa ibabaw sang bug-os nga bukid sang akon pagkabalaan, siling ni Iehoba.

Katapusan nga pagtabog sa mga malalison.

**66** AMO ining ginasiling ni Iehoba: Ang langit among akon lingkoran nga harianon, kag ang duta among talapakan sang akon mga tiil: Ano bala nga balây ang pagapatindugon ninyo sa akon, kag ano bala nga duug ang akon palahuwayan?

2 Kag ining tanan nga mga butang ginhimo sang akon kamut, kag ining tanan nga mga butang nanginamo sila, siling ni Iehoba. Kag amo ini ang akon pagatulukon: ang nalisdan kag binoong nga espiritu, kag ang nagakurug sa akon polong.

3 Ang nagapugut sang baka, kag nagapilas sing isa ka tawo; ang nagahalad sing obeha, kag nagapugot sing isa ka ido; ang nagahalad sing halad nga kalan-on, kag nagadalâ sing dugo sang baboy; ang nagahalad sing pahamut sang insienso, kag nagapakamaayo sa isa ka diosdios, hoo, ginpili nila ang ila gid nga mga dalanon, kag ang ila kalâg nagakalipay sa ila mga kalangil-aran,

4 Busa pagapilion ko man ang ila mga kalilisdan, kag pagadalhon ko sa ibabaw nila ang ila ginkahadlukan: tungud kay nagpanawag ako, kag walâ gid sing nagsabat; naghambal ako, kag walâ sila magpalamati; kondi ginhimo nila ang malain sa akon mga mata, kag ginpili nila ang walâ nakon mahamut-i.

5 Pamati-kamo sang polong ni Iehoba, kamo nga mga nagakulurug sa iya polong: Ang inyo mga utud nga nagadumut sa inyo, kag nga nagasobol sa inyo bangud sang akon ngalan, nagsililing sila: "Paghimayaon si Iehoba,

kag makita namon ang inyo kalipay," kag pagapakahuy-an sila.

6 Ang tingug sang kinagahud *nagagikan* sa banwa, ang tingug *nagagikan* sa Simbahan, ang tingug ni Iehoba nga nagahatag sang balus sa iya mga kaaway.

7 Sa walâ pa sia pagsakiti, nag-anak sia, sa walâ pa mag-abut ang mga sakit nag-anak sia sing isa ka anak nga lalaki.

8 ¿Sin-o bala ang nakabati sing subung nga butang? ¿Sin-o ang nakakita sang kaangay nga butang? ¿Nagaanak bala ang isa ka katawohan sa isa ka adlaw? ¿Nagapakatawo bala ang isa ka katawohan sa makaisa lamang, nga ang Sion ginsakitan na kag sa gilayon nag-anak sia sang iya mga anak nga lalaki?

9 Ako nga nagadalâ sang mga kabataan sa pagkatawo, ¿indi bala ako magapaanak siling ni Iehoba? kon, sang ginpanganak ko gid, ¿pagapungan ko bala ang pakatawo, siling sang imo Dios?

10 Magkalalipay-kamo upud sang Ierusalem, kag magkalasadya-kamo upud sa iya, kamo nga tanan nga nagahigugma sa iya: magkalasadya-kamo upud sa iya sa kalipay, kamo nga tanan nga mga nagalalaw tungud sa iya,

11 Agud nga magsoloso kamo, kag magkalabusug kamo sang mga soso sang iya mga paglipay, agud nga maginum kamo, kag magkalawili kamo sa kasilaw sang iya himaya.

12 Kay amo ining ginasiling ni Iehoba: Yari karon, nga ginapaagi ko sa ibabaw niya ang paghidaet subung sang isa ka subâ, kag ang himaya sang mga katawohan subung sang isa ka kasulgan nga nagaawas; kag magasoloso kamo, kag sa ibabaw sang mga kilid pagadal-on kamo, kag sa ibabaw sang mga tuhud pagalingawon kamo.

13 Subung sang tawo nga ginalipay sang iya ilôy, subung man pagalipayon ko kamo, kag sa Ierusalem pagalipayon kamo.

14 Kag makita ninyo ini, kag magakasadya ang inyo tagiposoon, kag ang inyo mga tul-an magatúbô subung sang hilamon, kag ang kamut ni Iehoba pagaipakilala sa iya mga alagad, apang magakaakig sia batok sa iya mga kaaway.

15 Kay yari karon, nga si Iehoba magakari nga may kalayo, kag ang iya

mga kanga subung sang alimpulos, sa pagbalus sang iya kaakig sa kasingkal, kag sang iya pagpahug, sa dabdab sang kalayo.

16 Kay si Iehoba magahikot sang paghukom tungud sang kalayo kag batok sa tanan nga unud tungud sang iya hinganiban, kag ang mga pagapilason ni Iehoba sa kamatayon mangingmadamu sila.

17 Ang mga nagapakabalan kag ang mga magapalaninlo nga sa mga katamnan, sa olehe sang tagsa ka *diosdios* nga yadto *didto* sa tungâ, ang mga nagakalaon sang unud sang baboy, kag sang kаланgil-aran nga mga butang, kag sing ilaga, pagalaglagon sila sing tingub gid, siling ni Iehoba.

18 Kay ako *nakahanġup* sang iya mga binuhatan kag sang iya mga hunahuna. Ang *panag-on* nag-abut sa pagtipon sang tanan nga mga katawohan kag sang mga hambal, agud nga mag-alabut sila kag makakita sila sang akon himaya.

19 Kag pagabutangan ko sing tanda sa tungâ nila, kag magapadalâ ako sang mga nagpalalagyo gikan sa ila sa mga katowohan, sa Tarsis, sa Pul kag sa Lud, nga nagapana sing pana, sa Tubul, kag sa laban, sa mga malayô nga mga pulô, nga walâ makabati sa akon, bisan nakakita sila sang akon himaya; kag pagaibantala nila ang akon himaya sa tungâ sang mga katawohan.

20 Kag magadalâ sila diri sang tanan ninyo nga mga útud, gikan sa tungâ sang tanan nga mga katawohan, subung nga dólôt kay Iehoba, sa mga kabayo, sa mga kanga, sa mga yayongan, kag sa mga mula, kag sa mga kamelyo, sa bukid sang akon pagkabalaan, sa Ierusalem, siling ni Iehoba, sa bagay nga ang mga inanak ni Israel nagadalâ *diri* sing dólôt sa suludlan nga matinlo sa Baláy ni Iehoba.

21 Kag sa ila magakuha ako nga sa mga saserdote, nga sa mga Lebinhon, siling ni Iehoba.

22 Kay subung nga ang bag-ong kаланġitan kag ang bag-ong duta, nga akon ginahimo, nagapaladayon sa atubangan nakon, siling ni Iehoba, subung man magapadayon ang inyo kaliwatan kag ang inyo ngalan.

23 Kag mahanabu nga, sa bulanbulan, kag sa sabadosabado, magakari



ang tanan nga unud sa pagyaub sa atubanghan nakon, siling ni Iehoba.

24 Kag magagulowa sila, kag magatalan-aw sila sang mga bangkay sang mga tawo nga, nagalalalis batok sa akon ;

kay ang iya ulud indi gid mapatay, kag ang iya kalayo indi mapalong, kag manginkalangil-aran sila sa tanan nga unud.

## SI IEREMIAS.

Pagtawag kag mga nahauna nga mga palanan-awon sang manalagna.

1 ANG mga polong ni Ieremias, nga anak ni Hilkia, sa tunga sang mga saserdote nga didto anay sa Anatot, sa duta ni Benyamin ;

2 Nga sa iya nag-abut ang polong ni Iehoba sa mga kaadlawan ni Iosias, nga anak ni Amon, nga hari sa Iuda, sa tuig nga ikapulô kag talo sang iya paghari ;

3 Subung man sa mga kaadlawan ni Ioiakim, nga anak ni Iosias, nga hari sa Iuda, tubtub sa katapusan sang tuig nga ikapulô kag isa ni Sedekias, nga anak ni Iosias, nga hari sa Iuda, tubtub sang pagpaliton sang Ierusalem, sa bulan nga ikalima.

4 Nag-abut ang polong ni Iehoba sa akon, nga nagsiling :

5 "Sa walâ pa ikaw mahuman sa tiyan nga inilôy nakilala ko ikaw ; kag sa walâ pa ikaw maggowa sa sabak nga inilôy, ginpakabalaan ko ikaw ; ginhimo ko ikaw nga manalagna sa mga katawohan."

6 Kag ako nagsiling : "Ah, Ginoo nga si Iehoba ! Yari karon indi ako makahibalo maghambal, kay bâta ako."

7 Kag nagsiling sa akon si Iehoba : "Indi ka magsiling : Bâta ako ; kay sa tanan nga pagapakadtoan ko sa imo, magakadto ka, kag pagaisiling mo ang tanan nga pagaisogo ko sa imo."

8 Indi ka mahadluk sa kabangdanan nila, kag ako upud sa imo sa pagluwas sa imo, siling ni Iehoba."

9 Kag ginuntay ni Iehoba ang iya kamut kag ginkamlut niya ang akon bâbâ ; kag nagsiling sa akon si Iehoba : "Yari karon, ginbutang ko ang akon mga polong sa imo bâbâ."

10 Tuluk-ka, nga ginbutang ko ikaw

sa sini nga adlaw sa ibabaw sang mga katawohan, sa ibabaw sang mga ginharian, sa paggabut, kag sa pagguba, kag sa pagpalaglag, kag sa pagwagwag, kag sa pagpatindug kag sa pagtanum."

11 Kag ang polong ni Iehoba nag-abut sa akon, nga nagsiling : "Ano bala ang ginatan-aw mo, Ieremias ?" Kag nagsiling ako : "Ginatan-aw ko ang isa ka sungkud nga almendro."

12 Kag nagsiling sa akon si Iehoba : "Maayo ang nakita mo ; kay ako nagapulaw sang akon polong sa pagbutang sa iya sa buhat."

13 Kag nag-abut sa akon ang polong ni Iehoba sa makaduha, nga nagsiling : "Ano ang ginatan-aw mo bala ?" Kag nagsiling ako : "Ako nagatan-aw sang isa ka kolon nga nagabukal, nga ang iya kadaygan nayon sa Aminhan."

14 Kag nagsiling sa akon si Iehoba : "Gikan sa Aminhan magalupok ang kalainan sa ibabaw sang tanan nga mga pumuluyô sang duta,

15 Kay yari karon, ginatawag ko ang tanan nga mga panimalây sang mga ginharian sang Aminhan, siling ni Iehoba ; kag magakalari sila, kag magabutang ang tagsatagsa sang iya lingkoran nga harianon sa salamputan sang gawang sa Ierusalem, kag sa atubangan sang tanan niya nga mga kuta sa pali-bot, kag sa atubangan sang tanan nga mga kabanwaan sa Iuda."

16 Kag magamitlang ako sang akon mga paghukom batok sa tanan nila nga kalainan nga sa iya nagbiliya sila sa akon, kag nagpasunog sila sing inseinso sa liwan nga mga dios, kag sa binuhatan sang ila mga kamut naglayaub sila."

17 Busa, ikaw pagawagkusan mo ang imo mga hawak, kag magatindug ka, kag pagaihambal mo sa ila ang tanan

nga igasogo ko sa imo. Indi ka magtalaw sa atubangan nila, basi pa nga pagpatalawon ko ikaw sa atubangan nila.

18 Kag, yari karon, nga ako nagahimo sa imo sa sini nga adlaw nga pinabakud nga banwa, kag nga haligi nga salsalon, kag nga mga kuta nga tumbaga batok sang bug-os nga duta, batok sa mga hari sa Iuda, batok sa iya mga dunganon, batok sa iya mga saserdote kag batok sa banwa sang duta.

19 Kag magapakig-away sila sa imo, apang indi ikaw nila sarang madaug; kay ako yari upud sa imo, siling ni Iehoba, sa pagluwas sa imo."

Si Ieremias ginapada sa Ierusalem sa pagsabdong sa iya tungud sang iya mga paglalis.

**2** KAG nag-abut sa akon ang polong ni Iehoba, nga nagasiling:

2 Lakat kag singit-ka sa mga idulungug sang Ierusalem, nga nagasiling: Amo ining ginasiling ni Iehoba: Nakadumdum ako sa imo, sang kalolo sang imo pagkapamatan-on, sang gugma sa pagkasal sa imo, sang naglakat ka sa olehe nakon sa kahanayakan, sa duta nga walâ masab-ugi.

3 Si Israel sadto pagkabalaan kay Iehoba, nga mga nahauna nga bunga sang iya patubas. Ang tanan nga mga naga-kaon sa iya, makasalâ sila; kalainan magabut sa ila, siling ni Iehoba.

4 Pamatii-ninyo ang polong ni Iehoba, balây ni Iakob, kag kamo nga tanan nga mga panimalây sang balây ni Israel.

5 Amo ining ginasiling ni Iehoba: ; Ano bala nga dikatarungan ang nakita sa akon sang inyo mga ginikanan, nga nagpalalayô sila sa akon, kag naglalakat sila sa olehe sang kadayawan, kag naninginwalay pulus sila?

6 Kag walâ sila magsililing: " ; Diin bala si Iehoba, nga nagpataklad sa aton gikan sa duta sa Egipto, nga nagpalakat sa aton sa kahanayakan, sa isa ka duta nga mga kamingawan kag bohoon, sa isa ka duta nga mamala kag sa landong sang kamatayon, sa isa ka duta nga sa iya walâ sing sin-o nga nagaagi, kag didto walay bisan sino-o nga tawo nga nagapuyô."

7 Kag ginpasulud ko kamo sa duta nga bugana, agud nga magkaon kamo sang iya bunga kag sang iya mga

kaayohan; kag nagsululud kamo sa iya kag gindagaan ninyo ang akon duta, kag ginhimo ninyo nga kalangil-aran ang akon panublion.

8 Ang mga saserdote walâ magsililing: " ; Diin bala si Iehoba?" Kag ang mga magahikot sang kasogoan, walâ magkilala sa akon; ang mga manug-bantay nagmalalison batok sa akon: kag ang mga manalagna nagtalagna tungud kay Baal, kag naglalakat sila sa olehe sang walâ sing bisan ano nga kapuslanan.

9 Ngani magapakigsuay pa ako sa inyo, siling ni Iehoba, kag magapakigsuay ako sa mga anak sang inyo mga inanak.

10 Busa, pag-agi-kamo sa mga kapuloan sa Kitim, kag tulok-kamo, kag ipadalâ ninyo sa Kedar, kag talupangda-ninyo sing matinatapon gid, kag tan-awan ninyo kon may butangsadto ngakaangay sini:

11 Ang isa ka katawohan ; magailis bala sia sang iya mga dios? Bisan pa indi sila mga dios. Apang ang akon banwa nagbaylo sang iya himaya sa walâ sing bisan ano nga kapuslanan.

12 Panghiorong-kamo, kalangitan, nahanungud sini, kag magkilibang-kamo; magmalala-kamo, siling ni Iehoba.

13 Kay duha ka kalainan ang ginhimo sang akon banwa: ginbayaan nila ako, nga tuburan sang mga tubig nga buhi, sa pagkutkut sing mga bobon nga sa ila, mga bobon nga mga boong, nga indi makasuput sang mga tubig.

14 ; Si Israel alagad bala? ; Ulipon bala sia nga natawo sa balây? ; Kay ngaa bala naninginagaw sia?

15 Ang mga tutuy sang mga leon naggalaab batok sa iya; ginpabati nila ang ila tingug; ginbutang nila ang iya duta sa kahapayan; pinanunog na ang ila mga kabanwaan, tubtub nga walâ na sing pumuluyô.

16 Ang mga anak man sa Nop kag sa Tapnes magahalonhon sang imo alimpuan.

17 ; Walâ ka bala maghakut sa imo sini, tungud sang imo pagbiya kay Iehoba, nga imo Dios, sang ginapalakat ka niya sa dalan?

18 Busa karon, ; ano bala ang imo sa dalan pa Egipto, agud nga maginum ka sang tubig sang Sihor? ; Kag ano bala



ang imo sa dalan sang Asur, agud nga maginum ka sang tubig sang subâ?

19 Ang imo kalainan magasilot sa imo, kag ang imo mġa pagkadamatutum magasabdong sa imo. Busa, maghibaloka, kag tan-awa nga butang nga malain kag mapait, nga nagbiya ka kay Iehoba, nga imo Dios, kag nga ang akon kahadluk walâ sa imo; siling sang Ginoo nga si Iehoba sang Sebaot.

20 Kay kutub sadto gid ginbali ko ang imo singkaw, kag ginbugto ko ang imo mġa higot; kag nagsiling ka: Iudi ako mag-alagad; apang sa tanan nga kabakoloran nga mataas, kag sa idalum sang tanan nga kahoy nga madabung, nagayaub ka, nagapakighilawas ka.

21 Kag gintanum ko ikaw nga púnô sang ubas nga labing pinili, nga tanan sia nga matuud nga tanum: ;paano nga nagbaylo ka nga sa akon sa mġa bala-gon nga dunot sang ulubasan nga dumuluong?

22 Bisan pa magpamunak ka nga may lehia kag maggamit ka sing madamu nga habon, ang imo salâ magamangindimapanas sa akon atubangan, nagsiling ang Ginoo nga si Iehoba.

23 ;Paano nga nagsiling ka: "Walâ ako maghigko sa akon, walâ ako maglakat sa olehe sang mġa Baal?" Tuluka ang imo dalan sa nalupyakan, pangilalaha ang imo ginhimo, kamelyo nga bataon nga bakia nga madasig, nga ang iya mġa agi mġa isiisi.

24 Asno nga bakiya nga talonon, nga naanad sa kahanayakan, nga sa iya kailigbon nagasuyup sang hangin; sa iya kainit ;sin-o bala ang makapugong sa iya? Ang tanan nga mġa nagapangita sa iya, indi sila pagbudlayon; makita nila sia sa iya binulan.

25 Bantayi ang imo mġa tiil sa paguba sang sapin, ang imo tutunlan, sa kauhaw. Apang nagsiling ka: "Walay pulus; indi, kay ginahigugma ko ang mġa dumuluong kag sa olehe nila magalalat ako."

26 Subung sang kahuya sang makawat kon madakpan sia, subung sini magakalahuya ang mġa sa baláy ni Israel, sila, ang ila mġa hari, ang ila mġa dunganon, ang ila mġa saserdote kag ang ila mġa manalagna,

27 Nga nagsililing sila sa kahoy: "Amay ko amo ikaw;" kag sa bató: "Ikaw ang nagpanganak sa akon." Kay

gin-atubang nila sa akon ang ila likod, kag indi ang nawung; kag sa panag-on sang ila kalainan magasiling sila: "Tindug-ka kag luwasa kami."

28 Kag ;diin bala ang imo mġa dios, nga ginhimo mo nga sa imo? Magtilindug sila, kon sarang ka nila maluwasa sa panag-on sang imo kalainan. Kag sono sang kadamuon sang imo mġa kabanwaan, oh Iuda, nanginamo ang imo mġa dios.

29 ;Kay nga bala magasuay kamo sa akon? Tanan kamo naglalalis batok sa akon, siling ni Iehoba.

30 Sa walay pulus ginbunal ko ang inyo mġa anak: walâ sila makabaton sing pagsabdong. Ang inyo hinganiban naghalunhon sang inyo mġa manalagna, subung sang leon nga manuglaglag.

31 ;Oh kaliwatan! ;Pamalandonganginyo ang polong ni Iehoba! ;Nanginkahanayakan bala ako nga sa Israel, kon duta sa kadudulman nga madamol? ;Kay nga bala nagsiling ang akon banwa: "Nagadalagan kami diri pa didto; indi na gid kami magabalik sa imo?"

32 ;Nagakalipat bala ang ulay sang iya puni, kon ang kalasalon nga babae ang iya mġa wagkus? Apang ang akon banwa nalipat sa akon sa mġa adlaw nga walay isip.

33 ;Daw ano ka sampaton ka sa pagdumala sang imo dalan sa pagpangita sing gugma! Tunġud sini nagatudlo ka man sa mġa malauton nga mġa babae sa pagsunud sa imo sa imo mġa dalanon.

34 Bisan pa sa mġa sidsid sang imo panapton nakita ang dugo sang mġa kalág sang mġa imol nga walay salâ, nga walâ ko sila makita sa pagguhab, kondi sa kabangdanan sining tanan nga mġa butang.

33 Kag walay sapayan, nagsiling ka: "Hoo, walâ ako sing salâ. Sa pagkamatuud ang iya kaakig nagpalayô sa akon." Yari karon, magasulúd ako sa paghukom upud sa imo, nahanunġud sang imo ginasing: "Walâ ako makasalâ."

36 ;Daw ano nga pagdali mo sa pagilis sang imo mġa dalanon! Magamanginhuy-an ka man sa Egipto, subung nga nanginhuy-an ka sa Asur.

37 Magahalín ka man sa iya upud ang imo mġa kamut sa ibabaw sang imo olo; kay ginsikway ni Iehoba ang

mga katuyoan sang imo pagsalig, kag sa ila indi ka makaangkon sing kapalaran.

**3** GINASILING : Kon ang isa ka tawo magpakadto sa iya asawa, kag maghalin sia sa iya kag magpamana sa liwan nga tawo, ; magabalik pa bala sia sa iya? Ini nga duta ; indi bala nadagtaan sia sing bug-os? Kag ikaw nagpakighilahe sa madamu nga mga kaupdanan; kag *bisan pa* ; magabalik ka bala sa akon? nagsiling si Iehoba.

2 Hayawa ang imo mga mata sa mga putokputokan nga nahublasan, kag tanawa kon sa diin nga walâ ka mapanglahii. Naglingkod ka sa mga dalan sa *paghulat* sa ila subung sang Arabinhon sa kahanayakan, kag sa imo mga pagpanghilahe kag sa imo kalautan ginpasipalahan mo ang duta.

3 Tunğud sini nga kabangdanan ang mga tun-og nga pinabugana ginpamungan, kag walâ sing ulan sa tingin-ot; apang may agtang ka sang bigaon nga babae, nagadumili ka sa pagbatyag sang kahuya.

4 Karon indi gid ikaw magsingit sa akon: "Amay ko; abyan ikaw sang akon pagkapamatan-on."

5 " ; Pagbantayan niya bala ang kaakig sa gihapon, pagabantayan niya sia sa walay katapusan?" Yari karon paano nga nagahambal ka, kag nagahimo ka sing mga kalainan, kag ginatuman mo ini.

Ginlaygayan sa paghinulsul si Israel kag si Iuda  
nga may mga panaad sang pagpanubus  
nga katapusan.

6 Kag nagsiling sa akon si Iehoba, sa mga kaadlawan sang hari nga si Iosias; ; Nakita mo bala ang ginhimo sang Israel nga dimatutum? Nagkadto sia sa ibabaw sang tanan nga bukid nga mataas, kag sa idalum sang tanan nga kahoy nga madabung, kag didto nagpanghilahe sia.

7 Kag nagsiling ako: Sa tapus na nga nahimo niya ining tanan, magabalik sia sa akon; apang walâ sia magabalik. Kag nakita ini sang iya útud nga mabudhion nga si Iuda.

8 Kag ako nakakita nga bisan pa nga ginpakadto ko ang dimatutum nga Israel, nga ginhatagan sing sulat sa pag-

bulagay, kay nagpanghilahe sia, walay sapayan ang iya útud nga babae nga Iuda nga mabudhion, walâ sing kahadluk sa iya, kondi nga sia nagkadto man kag nagpanghilahe.

9 Kag nahanabu nga, tunğud sang kadalasan sang iya pagpanghilahe, ang duta gindagtaan, kag nakighilawas sia sa batô kag sa kahoy.

10 Apang bisan pa sining tanan, ang iya útud nga babae, ang Iuda nga mabudhion, walâ magbalik sa akon sa bug-os niya nga taiposoon, kondi sing butig gid, siling ni Iehoba.

11 Kag nagsiling sa akon si Iehoba: Ang Israel nga dimatutum nagapahayag nga labing matarung sang Iuda nga mabudhion.

12 Lakat-ka kag imitlang ining mga polong nayon sa Aminhan, kag isiling: Balik-ka, dimatutum nga Israel, siling ni Iehoba; ang akon nawung indi magmaakigon batok sa inyo, kay ako among maloloy-on, siling ni Iehoba; indi ko pagahuptan sa gihapon ang kaakig.

13 Lamang nga pagpangilalahon mo ang imo kalainan; kay nagmalalison ka batok kay Iehoba, nga imo Dios, kag ginpangdulog mo ang imo mga dalanon gikan diri pakadto didto sa mga dumuluong, sa idalum sang tanan nga kahoy nga madabung, kag walâ mo pagpamatii ang akon tingug, siling ni Iehoba.

14 Pagliliso-kamo, mga anak nga dimatutum, siling ni Iehoba; kay ako amo ang inyo bana; kag magakuha ako sa inyo sing isa sa isa ka banwa, kag duha sa isa ka animaláy, kag pagadalhon ko kamo sa Sion.

15 Pagahatagan ko kamo sing mga manugbantay, sono sang akon tagiposo-on, kag magapahalal sila sa inyo nga may pagkilala kag nga may ihibalo.

16 Kag kon magdalamu kamo kag magtúbô kamo sa duta, sa sadtong mga adlaw, mahanabu, siling ni Iehoba, nga indi na gid pagisiling: ; Ang kaban sang katipan ni Iehoba! Indi magsaka sia sa tagiposo-on, bisan makadumdum sila sa iya, bisan pagapasub-on nila sia bisan pagahimoon pa liwan sia.

17 Sa sadtong panag-on pagatawgon nila ang Ierusalem: "Ang lingkoran nga harianon" ni Iehoba, kag ang tanan nga mga katawohan magatilingub sa iya bangud sa ngalan ni Iehoba sa Ierusalem, kag indi na sila magalalakat sa



olehe sang katig-ahon sang ila tagiposoon nga malauton.

18 Sa sadtong mga adlaw magakadto ang baláy ni Iuda upud sang baláy ni Israel; kag magakalari sila sing tingub gikan sa duta sang Aminhan pa duta nga ginhatag ko nga panublion sa inyo mga ginikanan.

19 Apang ako nagsiling: "¿Paano bala ang pagbutang ko sa imo sa kahimtangan sang mga anak, kag ang paghatag ko sa imo sang duta nga halandumon, nga panublion, nga panublion nga magayon sang mga kasoldadosan sang mga katawohan?" Kag nagsiling ako: "Pagatawgon mo ako: ¡Amay ko! Kag indi ka na magisol sa olehe nakon."

20 Sa pagkamatuud, subung sang asawa nga nagaisol nga may pagkabudhi sa iya abyan, subung man, baláy ni Israel, naggilinawi kamo sing mabudhion batok sa akon, siling ni Iehoba.

21 Sa ibabaw sang mga kahitaasan nga nahublasan ginapamatian ang kagahud: ini amo ang mga panangis sang mga pagpakilooy sang mga inanak ni Israel; kay ginpatiko nila ang ila mga dalan, ginkalipatan nila si Iehoba, nga ila Dios.

22 Pagliliso-kamo, mga anak nga dimatutum, pagaayohon ko ang inyo mga pagkadimatutum. Yari karon, nagakari kami sa imo; kay ikaw amo si Iehoba, nga amon Dios.

23 Sa pagkamatuud, malimbongon amo ang paglaum sa mga kabakoloran, sa kadamuon sang mga kabukiran; sa pagkamatuud, kay Iehoba nga aton Dios yara ang kaluwasan ni Israel.

24 Ngani ang kahuya naghalonhon sang kinabudlayan sang amo nga ginikanan kutub sang aton pagkapamatanon: sang ila mga pinanong, kag sang ila mga kabakahan, sang ila mga anak nga lalaki kag sang ila mga anak nga babae.

25 Magahigda kita sa aton kahuluyan, kag ang aton salimoang nagatabon sa aton; kay nakasalâ kita batok kay Iehoba, nga aton Dios, kita kag ang aton mga ginikanan, kutub sang aton pagkapamatan-on tubtub sini nga adlaw, kag walâ kita magtuman sang tingug ni Iehoba, nga aton Dios.

4 KON magliso ka, oh Israel, siling ni Iehoba, kon magliso ka sa akon, kon magpalayô ka sa atubangan nakon sang imo mga kalangil-aran, kon indi ka magpalagyo gikan diri pa didto,

2 Kon makigkasugtanay ka sa kama-tooran, sa katadlungan kag sa katarungan tungud sang imo panumpa: "Magkabuhi si Iehoba," niyan pagapakamayohon ang mga katawohan sa iya, kag sa iya magahilimaya sila.

3 Kay amo ining ginasiling ni Iehoba sa mga sa Iuda kag sa Ierusalem: Bungkag-kamo nga sa inyo, kag indi kamo magsab-ug sa tungâ sang mga tonok.

4 Pagpalatuli-kamo nga kay Iehoba, kag pagpanuli-a ninyo ang inyo tagiposoon, mga lalaki sa Iuda, mga pumuluyô sa Ierusalem; basi pa nga ang akon kaakig maggowa subung sang kalayo nga magdabdab sa kabangdanang sang mga malain ninyo nga mga binuhatan, nga walâ sing sin-o nga makapalong sa iya.

Ang pinatantala kag sinaysay nga pagsulud nga pakigaway sang mga dumuluong.

5 Ipahibalo-ninyo sa Iuda, kag ipabati-ninyo sa Ierusalem, kag isiling-ninyo: Patunga-ninyo ang budyong sa duta, isingit-ninyo sa bug-os nga tingug, kag isiling-ninyo: "Tilipon-kamo, kag magsulud kita sa mga kabanwaanang nga mga mabakud."

6 Bayawa-ninyo ang bandera nayon sa Sion, pangilala-kamo sing palalipdan, ayaw kamo pagdululog; kay pagapakarion ko gikan sa Aminhan ang isa ka kalalat-an, kag ang isa ka daku nga kalaglagan.

7 Nagasaka ang isa ka leon sa iya masiot, kag ang isa ka manuglaglag sang katawohan naghalin na, naghalin sia sa iya duug sa pagbutang sang duta sa kahapayan: ang imo mga kabanwaanang pagalaglagan tubtub nga manginwalay pumuluyô.

8 Tungud sini pangwagkus - kamo sang panapton nga masinakiton, panalabiton-kamo kag uluwang-kamo; kay ang kasingkal sang kaakig ni Iehoba walâ magpalayô sa aton.

9 Kag sa sadtong adlaw mahanabu, siling ni Iehoba, nga pagalapyoon ang tagiposoon sang hari, kag ang tagiposoon sang mga dunganon, kag nga ma-

haorongnan ang mga saserdto, kag makakilibang ang mga manalagna.

10 Kag nagsiling ako: ¡Ayl! Ginoo nga si Iehoba! Sa pagkamatuud ginlimbongan mo gid ini nga banwa kag ang Ierusalem, nga nagasiling: "¡May paghidaet kamo!" sang ang hinganiban nagalapus tubtub sa kalág.

11 Sa sadtong panag-on pagaisiling sa sini nga banwa kag sa Ierusalem: Hangin nga mamala sang mga kataasan nga nahublasan sa kahanayakan, nagaabut nayon sa anak nga babae sang akon banwa, indi nga sa pagpahangin, bisan nga sa pagtinlo;

12 Hangin nga labing mabaskug pa sang sini magagikan sa akon; kag karon ako man magapakigkasaba batok sa ila.

13 Yari karon, nagasaka sia subung sang panganud, kag ang iya kanga subung sang alimpulos; labing mga madasig ang iya mga kabayo sang mga agila. ¡Kailo kita, kay ginahapay kita!

14 Paninlo-ka sang kalautan sang imo tagiposoon, Ierusalem, agud nga maluwâ sa ka. ¡tubtub pa bala san-o magapuyô sa tungâ nimo ang mga hunahuna sa kalautan?

15 Kay yari karon, ang isa ka tingug nga nagabalita gikan sa Dan, nga gikan sa bukid sa Epraim, ginapabati ang *paghukom* sang kalautan.

16 Papanumduma ang mga katawohan sini; yari karon ipabati-ninyo ini sa Ierusalem: Ang mga manuglibot nagaalabut gikan sa duta nga malayô; nagahayaw sila sang ila tingug batok sang mga kabanwaan sa Iuda.

17 Subung sang mga bantay sang latagon nahamtang sila batok sa iya sa palibot; kay nagmalalison sia batok sa akon, siling ni Iehoba.

18 Ang imo dalan kag ang imo mga binuhatan naghimo sini nga mga butang sa imo; ini amo ang imo kalainan, nga among kapaitan; hoo, nagatuduk sia tibutub sa imo tagiposoon.

19 ¡Ang akon mga kasudlan! ¡ang akon mga kasudlan! Nagasalakit sa akon ang mga labutlabut sang akon tagiposoon: ang akon tagiposoon nagakalisang sa sulúd nakon; indi ako magahipus, kay kalág ko, tingug sang budyong nabatian mo, kagubut sang inaway.

20 Ginabantala ang kalaglagan sa ibabaw sang kalaglagan, kay ang bug-os nga duta nahapay: sa hinali mahapay

ang akon mga layanglayang, kag sa isa ka tion ang akon mga kumbung.

21 ¡Tubtub pa bala san-o nga makakita ako sang bandera, nga makabati ako sang tingug sang budyong?

22 Amo ini tungud kay ang akon banwa buangbuang; walâ ako makilali nila; nga mga anak sila nga kulangkulang, mga dimahibaloanon: mga maaalam sa paghimo sing malain, apang walâ sila makahibalo sa paghimo sing maayo.

23 Ginatulok ko ang duta, kag yari karon nga hinapay kag hanayak sia, *ginatulok* ko ang mga langit, kag walâ sa ila sing kapawa.

24 Ginatulok ko ang mga bukid, kag yari karon, nga nagakulurug sila, kag ang tanan nga mga kabakoloran ginauyug.

25 Ginatulok ko, kag yari karon, walâ na sing tawo, kag ang tanan nga mga kapispisan sa langit nagpalalagyo.

26 Ginatulok ko, kag yari karon ang latagon nga mabungahon isa ka kahanayakan kag ang tanan niya nga mga kabanwaan ginpanguba sa atubangan ni Iehoba, sa atubangan sang kasingkal sang iya kaakig.

27 Kay amo ining ginasiling ni Iehoba: Manginkahapayan ang bug-os nga duta; bisan pa indi ko paglaglagon sia sing bug-os gid.

28 Tungud sini magalalaw ang duta, kag ang mga kalangitan sa ibabaw magaitum, kay nagmitlang ako sang ginahunahuna ko sa *paghimo*; kag walâ ako magahinulsul, bisan magabalik ako sa iya.

29 Sa dinagubdub sang mga manugkalabayo kag sang mga manugpana, nagapalalagyo ang tanan nga mga banwa: nagasululud sila sa mga nadamolan sang mga talon, nagatalaklad sila sa mga pilas: ginpamayaan ang tanan nga mga kabanwaan, kag walâ na sing bisan sino nga nagapuyô sa ila.

30 Kag ikaw nga magamanginhinapay, ano bala ang ginahimo mo? Bisan pa nga magpanaput ka sang eskarlata, kag bisan pa nga magpamuni ka sing mga ipuluni nga bulawan, bisan pa nga magpadaku ka sang antimonio sa mga mata, walay pulus ang pagkaayo mo; ginatamay ka sang mga manuhugugma; ginapangita nila ang imo kabuhi.

31 Kay tingug ginpamatian ko subung sang iya sang babae nga nagaanak; ka-



sakitan subung sang nagaanak sing pa-  
nganay ; ang tingug sang anak nga babae  
ni Sion, nga nagahimugto kag nagauntay  
sang iya mga kamut : ¡Kailo ako karon!  
nga ang akon kalág nagakapunaw ba-  
ngud sang mga mamomono.

**5** LIBUTA-NINYO ang mga dalan  
sang Ierusalem, kag tuluka-ninyo,  
kag maghibalo-kamo, kag pangita-kamo  
sa iya mga balaligyaan kon makakita  
kamo sing tawo, kon may isa nga mag-  
himo sing katadlungan, nga magpangita  
sing katutum, agud nga ako magpa-  
tawad sa banwa.

2 Bisan pa sa akon magsiling sila :  
“¡Magkabuhi si Iehoba!” sa sini naga-  
sulumpa sila sing butig.

3 Iehoba, ¿walâ ka bala magatulok  
sang pagkatutum? Ginbunal mo sila,  
kag walâ sila pagsakiti; ginupúd mo  
sila, kag nagdumili sila sa pagbaton  
sing pagsabong: ginpatig-a nila ang  
ila mga nawung labi sang bató nga  
bantiling, nagadumili sila sa pagliso.

4 Kag ako, nagsiling ako: “Sa pag-  
kamatuud, ini sila mga imol; mga  
buang sila, kay walâ sila makakilala  
sang dalan ni Iehoba, sang katarungan  
sang ila Dios.

5 Busa magakadto ako sa mga kada-  
lagkuan kag pagahambalon ko sila, kay  
nakilala nila ang dalan ni Iehoba, ang  
katarungan sang ila Dios. Apang sila  
man, ang tanan sing tingub ginbali nila  
ang singkaw, kag ginpamugto nila ang  
mga igilikos.

6 Tunğud sini ang leon sang talon  
nagapilas sa ila, ang lobo sang kaha-  
ponon nagalaglag sa ila, ang leopardo  
nagapuut batok sang ila mga kaban-  
waan: bisan sin-o nga sa ila mago-  
wa, ginakusnit sia; kay ang ila mga  
pagkamalalison nagdalamu, nagbalaskug  
ang ila mga pagdikatatutum.

7 ¿Paano ang pagpatawad ko sa imo  
tunğud sini? Ang imo mga anak nag-  
biliya sa akon kag nagsulumpa sila  
tunğud sang mga dios nga indi amo.  
Ginbusug ko sia, kag nagpakighilawas  
sila, kag sa baláy sang bigaon nagtili-  
pon sila nga mga pinanonpanong.

8 Subung sila sang mga kabayo nga  
mga busug gid, nga nagadalagan pakadto  
didto; nga ang tagsatagsa nagahirihiri  
sa olehe sang asawa sang iya isigkatawo.

9 Kag ¿indi bala ako magasilot si-

ning mga butang? siling ni Iehoba. Sa  
isa ka katawohan nga subung sini, ¿indi  
bala magpanimalus ang akon kalág?

10 Sakaa-ninyo ang iya mga kuta, kag  
laglaga-ninyo; apang indi ninyo paglag-  
lagon sing bug-os gid. Kuhaa-ninyo ang  
iya mga balagon, kay indi sila iya ni  
Iehoba.

11 Kay ang baláy ni Israel kag ang  
baláy ni Iuda, naghimo sing mabudhion  
gid batok sa akon, siling ni Iehoba.

12 Ginlilong nila si Iehoba, kag nag-  
sililing sila: ¡Walâ sia! kag ang kala-  
lat-an indi magaabut sa ibabaw naton,  
kag indi magatan-aw kita sing hingani-  
ban, bisan gutum;

13 Kag nahanungud sang manalagna  
manğinsubung sila sang hangin, kag wa-  
la sa ila sing polong sang Dios. Subung  
sini ang paghimoon sa ila.”

14 Tunğud sini, amo ining ginasiling  
ni Iehoba sang Sebaot: Kay naghambal  
kamo sini nga polong, yari karon  
igasulúd ko sa imo bâbâ ang akon  
mga polong subung nga kalayo, kag ini  
nga banwa mangingatong, nga pagau-  
puron sia niya.

15 Yari karon, siling ni Iehoba, paga-  
dalhon ko diri batok sa inyo ang isa ka  
katawohan nga malayô, oh baláy ni Is-  
rael, katawohan nga mabakud, katawo-  
han nga dumaan, katawohan nga ang  
ila hambal indi mo mahibaloan, kag nga  
indi ka makahanğup sang iya pagai-  
hambal.

16 Ang iya baslayan subung sang na-  
bukan nga lulubngan, nga tanan sila  
mga maisug.

17 Kag pagahalonhonon niya ang imo  
patubas kag ang imo tinapay; pagaha-  
lonhonon nila ang imo mga anak nga  
lalaki kag ang imo mga anak nga ba-  
bae; pagahalonhonon niya ang imo mga  
obeha kag ang imo mga baka; pagaha-  
lonhonon niya ang imo kaubasan kag  
ang imo igerá; kag ang imo mga ka-  
banwaan nga mga mabakud nga imo  
ginasaligan, pagagub-on niya sa salsalon.

18 Kag bisan pa sa sadtong mga ad-  
law, siling ni Iehoba, indi ko kamo paga-  
laglagon sing bug-os gid.

19 Kag kon magsililing kamo: “¿Kay  
ngaa bala si Iehoba, nga aton Dios, nag-  
himo sa aton sining tanan nga mga  
butang?” mahanabu nga magsiling  
ka sa ila: “Subung nga ginbayaan  
ninyo ako, kag nag-alalagad kamo sa

mga dios nga dumuluong sa inyo duta, subung sini magaalalagad kamo sa mga dumuluong sa isa ka duta nga indi inyo."

20 Ibalita-ninyo ini sa baláy ni Iakob, kag ipabati-ninyo ini sa Iuda, nga naga-siling :

21 Busa pamatii-ninyo ini karon, banwa nga kulangkulang kag walay tagiposoan, nga may mga mata sila kag indi makakita, nga may mga idulunꝳug sila, kag indi makabati.

22 ¿Sa akon indi bala kamo magkalahadluk? siling ni Iehoba. ¿Indi bala kamo magakulurug sa akon atubangan, nga sa dagat ginbutang ko ang balas nga dulunan, nga sa higad nga walay katapusan, nga sa iya indi sia makalakbay? Magbalud ang iya mga balud, apang walay gahum sila; magadalaguhub sila, apang indi sila makalakbay sini.

23 Apang ini nga banwa may tagiposoan nga malalison kag magamohon; nagilisol kag naglalakat sila;

24 Kag walâ sila magsililing sa ila tagiposoan: "Magkalahadluk-kita karon kay Iehoba, nga aton Dios, nga nagahatag sa aton sing ulan sa iya panag-on, sing mga ulan nga tingulanon kag sing mga ulan nga tingin-ot kag nga nagapalig-on sa aton sang mga semana nga tinapat sa pag-ani.

25 Ang inyo mga kalautan nagpaisol sining mga butang, kag ang inyo mga salâ nagasablag sa inyo sang maayo.

26 Kay sa akon banwa may mga malauton, nga nagapuluut subung sang mangangayam, kon magkoob sia, kag nga nagabutang sing tiglapak nga malaglagon sa pagdakup sing mga tawo.

27 Subung sang kurung nga punô sang mga pispis, subung sini ang ila mga balay punô sing limbong; tungud sini nangindalagku sila kag nagmangaranon;

28 Nagtalambuk sila kag nagkalanawkanaw, kag ginalabawan nila ang mga binuhatan sang malain: walâ nila paghukmi ang kasaba, ang kasaba sang ilo; kag naguluswag sila, kag indi nila ginahimo ang katadlungan sang kasaba sang mga imol.

29 Kag ¿indi bala ako magasilot sining mga butang? siling ni Iehoba. Sa isa ka katawohan nga subung sini ¿indi bala magpanimalus ang akon kalág?

30 Butang nga makalilisang kag makakulugmat ginabuhat nila sa duta:

31 Ang mga manalagna nagtalagna

sing butig, kag ang mga saserdote nagalalum sa luyo nila; kag nagahigugma ang akon banwa nga manginsubungsini. Kag ¿ano bala ang pagahimoon ninyo sa katapusan?

6 MGA inanak ni Benyamin, palangita-kamo sing palalipdan sa malayô sa Iarusalem, kag patunog-kamo sing budyong sa Tekoa, kag pagdabok-kamo sing tanda sa ibabaw sang Bet-hakerem. Kay sa Aminhan nagatuluk sa aton ang isa ka kalalat-an, ang isa ka daku nga kalaglagan.

2 Ang maayoayo, ang mabuna nga anak nga babae sa Sion ginalaglag ko.

3 Sa iya nagaalabut ang mga manugbantay kag ang ila mga pinanong; batok sa iya sa palibot ginapahamtang nila ang ila mga layanglayang; ang tagsa-tagsa nagapahalab sa iya duug.

4 Suguri-ninyo sa balaan nga pamatasan ang inaway batok sa iya: "Tindug-kamo kag magtaklad-kita sa udtong adlaw gid. ¿Kailo kita! kay nagakatunod na ang adlaw, nga ang mga landong sang kahaponon nagahulumlalad na.

5 Tindug-kamo kag magtaklad-kita sa kagabihon, kag laglagon-naton ang iya mga baláy nga harianon."

6 Kay amo ining ginasiling ni Iehoba sang Sebaot: Pamulud-kamo sing mga kahoy, kag patindugi-ninyo sing tap-ok batok sa Ierusalem: ini amo ang banwa nga dapat pagsilotan; sa tungâ niya ang tanan among pagpigos.

7 Subung sang tuburan nga nagatubud ang iya mga tubig, subung sini nagatubud ang kalainan nila. Lamang mabastian sa iya sing dayon gid sa akon atubangan ang paglug-os kag ang paghapay, ang pag-antus kag ang pagpilas.

8 Batuna ang pagsabdong, Ierusalem, basi pa nga ang akon kalág magpalayô sa imo, basi pa nga paghimoon ko sa imo ang isa ka paghapay, ang isa ka duta nga walay pagapuy-i.

9 Amo ining ginasiling ni Iehoba sang Sebaot: Pagalaghawon sing matinatapon, subung sang ulubasan, ang nabilin ni Israel. Pabalika ang imo kamut, subung sang manugpangubas, sa mga tabig.

10 ¿Sa kay sin-o bala ako magapakig-hambal kag magpasaksi, agud nga mabastian nila? Yari karon, ang ila mga dalungan, ditinuli, kag indi sila sarang ma-



kadungug. Yari karon ang polong ni Iehoba among kahuluy-an sa tungâ nila: walâ sila makakita sing kalipay sa iya.

11 Apang punô ako sang kaakig ni Iehoba ginbudlay ako sa pagpugung sa akon. Pagaulaon ko sia sa ibabaw sang mga kabataan sa dalan, kag sa ibabaw sang katipunan sang mga pamatan-on sing tingub; kay ang bana subung man ang asawa manginbinilango, ang tigulang patí ang punô sing mga adlaw.

12 Kag ang ila mga baláy pagapang-halinon sa iban patí ang ila mga latagon kag ang ila man nga mga asawa; kay pagauntayon ko ang akon kamut sa ibabaw sang mga pumuluyô sang duta, siling ni Iehoba.

13 Kay kutub sa labing diyotay sa ila tubtub sa labing daku, ang tagsatagsa sa ila ginatugyan sa pagdaug; kag kutub sa manalagna tubtub sa saserdote ang tanan nagabutang sa buhat sang butig.

14 Kag ginabolóng nila nga may kadalas ang pilas sang anak nga babae sang akon banwa, nga nagasiling: “¡Paghidaet, paghidaet!” kag walay paghidaet.

15 Pagapakahuy-an sila, tangud kay nagahimo sila sing kalangil-aran. Indi, indi sila buut magkalahuya, indi mahibalo sila magbatyag sing kahuya. Ngani magakalaholog sila sa tungâ sang nagakalaholog: pagapukanon sila sa horas sang pagduaw ko sa ila, siling ni Iehoba;

16 Amo ining ginasiling ni Iehoba: Dúlug-kamo sa mga dalan kag tulukaninyo, kag pamangkot-kamo sang mga banas nga mga dumaan, *pamangkot-kamo* kon ano ang maayo nga dalan, kag lumakat-kamo sa iya, kag makita ninyo ang kapahuwayan nga sa inyo kalág.” Apang nagsililing sila: “Indi kami maglalakat sa iya.”

17 Gintukud ko sa ibabaw ninyo ang mga manuglantaw: “Dunga-ninyo ang tingug sang budyong.” Apang nagasililing sila: “Indi kami magadungug.”

18 Ngani ¡pamatii-ninyo, mga katawohan! Katilingban sang mga katawohan ¡kilalaha ang yara sa ila!

19 Pamati-ka, duta: Yari karon, ginapakari ko ang malain sa ibabaw sini nga banwa, ang bunga sang ila mga hunahuna; kay walâ sila magdulungug sang akon mga polong, kag ginsikway nila ang akon kasogoan.

20 ¡Ano bala sa akon ang insienso

nga nagagikan sa Seba, kag ang labing maayong kawayan nga mahamut sa dutang malayô? Ang inyong mga halad nga sinunog indi sila kalahamut-an, bisan ang inyo mga halad walâ sing katamis sa akon.

21 Tungud sini amo ining ginasiling ni Iehoba: Yari karon, ako magabutang sa atubangan sini nga banwa sing mga kasandaran; kag magakalapukan sa ila ang mga amay kag ang mga anak sing tingub, kag ang tagsatagsa upud ang iya kasilingan, kag magkaladula sila.

22 Amo ining ginasiling ni Iehoba: Yari karon, nga nagapakari ang banwa sa duta sang Aminhan, kag ang katawohan nga daku nagabugtaw sa mga kaidadalman sang duta.

23 Ginakaptan nila ang pana kag ang sumbiling; mga mapintas sila kag walâ sing paghinoklog: nagangurub ang tingug nila subung sang dagat; kag nagakalabayo sila; nasangkapan sila subung sang tawo nga sa pag-awayan, kag ini batok sa imo, anak nga babae sa Sion.

24 Nabatian namon ang iya hinigung; kag nagaluluya ang amon mga kamut: nagadakup sa amon ang kalisud, ang kasakit subung sang iya sang babae nga nagaanak.

25 Indi ka maggowa sa latagon, bisan maglakat-ka sa dalan, kay ang hinganiban sang kaaway, ang kakugmat nagakalari gikan sa tanan nga duug.

26 Anak nga babae sang akon banwa, wagkus-ka sang panapton nga masinakiton, kag ligid-ka sa abó; maghimo-ka nga sa imo sing lalaw subung sang sa anak nga bugtong, mga panalabitan nga mapait gid; kay sa madali magaabut sa ibabaw naton ang manughapay.

27 Ginahimo ko ikaw nga manugtilaw sa tungâ sang akon banwa, *subung* nga kabakuran; pagakilalahon mo, kag pagatilawan mo ang dalan nila.

28 Sila nga tanan mga malalison sang mga malalison, nagalalakat sila, nga nagasab-ug sang libak, mga saway kag salsalon sila; tanan sila mga madunoton.

29 Nasunog ang hungkoy; sa kalayo naupud ang tinga; sa walay pulus nagatunaw kag nagatunaw liwan: ang mga buay indi nagabulublag.

30 Pagatawgon sila: “Pilak nga sinikway,” kay si Iehoba nagasikway sa ila.

Mga panaad kag mga pahug nga ginmittlang  
sa gawang sang Simbahan.

**7** ANG polong, nga nag-abut kay Ierimias gikan kay Iehoba, nga nagasiling:

2 Tindug-ka sa gawang sang Baláy ni Iehoba, kag ibantala didto ini nga polong, kag isiling-mo: Pamatii-ninyo ang polong ni Iehoba, kamo nga tanan nga mga tawo sa Iuda, nga nagasululud sa sini nga mga gawang sa pagyaub sa atubangan ni Iehoba.

3 Amo ining ginasiling ni Iehoba sang Sebaot, nga Dios ni Israel: Kaayoha-ninyo ang inyo mga dalanon kag ang inyo mga binuhatan, kag pagapapuy-on ko kamo sa sini nga duug.

4 Indi kamo magsalig sa sining mga polong sa kabutigan: "Ini among Simbahan ni Iehoba, ang Simbahan ni Iehoba, ang Simbahan ni Iehoba."

5 Apang kon sa pagkamatuud, kaayohon ninyo ang inyo mga dalanon kag ang inyo mga binuhatan, kon sa tuman ka himpit himoon ninyo ang katadlungan sa tunga sang tagsa ka tawo kag sang iya isigkatawo,

6 Kon maguntat kamo sa pagpigus sang dumuluong, sang ilo kag sang bálo nga babae, kag sa pagula sa sini nga duug sang dugo nga walay salá, kag sa paglalakat sa olehe sang liwan nga mga Dios, nga sa inyo kalainan;

7 Niyan pagapapuy-on ko kamo sa sini nga duug, sa duta nga ginhatag ko sa inyo mga ginikanan kutub sa walay katapusan tubtub sa walay katapusan.

8 Yari karon, kamo nagasalalig sa mga polong sa kabutigan, nga indi mapuslan.

9 ¿Ano bala? ¿Pagpangawat, pagpatay, pagpakighilawas, pagsumpa sing butig, pagpasunog sing insienso kay Baal, kag paglakat sa olehe sang mga liwan nga dios, nga walá ninyo maki-lala!

10 Ugaling nagakalari kamo kag magaalatubang kamo sa akon sa sini nga Baláy nga ginatawag sa akon ngalan, kag nagasililing kamo: ¿Naluwas na kami!... ¿Sa paghimo bala sining tanan nga mga kalangil-aran?

11 ¿Lungib bala sang mga makawat sa inyo mga mata ini nga Baláy, nga ginatawag sa akon ngalan? Yari

karon, ako nagatan-aw, ako man, siling ni Iehoba.

12 Kay lamang lakat-kamo sa akon duug nga didto sa Silo, nga didto sa ginsuguran ginpapuyô ko ang akon ngalan, kag tan-awa-ninyo ang ginhimo ko sa iya bangud sang kalainan sang akon banwa nga Israel.

13 Busa karon, tungud kay kamo naghilimo sining tanan nga mga binuhatan, siling ni Iehoba, kag nga ako naghambal sa inyo, naghambal kutub sa aga, kag walá kamo magpalamati, nga gintawag ko kamo, kag walá kamo magsalabat;

14 Sa sini nga baláy, nga ginatawag sa akon ngalan, nga sa iya nagasalalig kamo, kag sa sini nga duug nga ginhatag ko sa inyo kag sa inyo mga ginikanan, pagahimoon ko sa ila subung sang ginhimo ko sa Silo;

15 Kag pagatabugon ko kamo sa akon atubangan, subung sang pagtabog ko sa tanan ninyo nga mga kauturan, sa bugos nga kaliwatan ni Epraim.

16 Kag ikaw, indi ka magpangamuyo tungud sini nga banwa, indi ka magbayaw tungud sa ila sing singit, bisan pangamuyo, kag indi ka magpakilooy sa akon, kay lndi ako buut magpamati sa imo.

17 ¿Walá mo bala makita ang ginhimo nila sini sa mga kabanwaan sa Iuda kag sa mga dalan sa Ierusalem?

18 Ang mga anak nagatipon sing gatong, kag ang mga ginikanan nagadabuk sang kalayo, kag ang mga babae nagalamas sang mga nalamas sa paghimo sing mga torta sa haring babae sang langit, kag sa pagula sing mga halad nga ilimnon sa liwan nga mga dios, sa pagpaakig sa akon.

19 ¿Pagapaakigon bala nila ako? siling ni Iehoba, indi bala nga sa ila gid ang pagpaluspi sang ila mga nawung?

20 Tungud sini, amo ining ginasiling sang Ginoo nga si Iehoba: Yari karon ang akon kasingkal, ang akon kaakig nagakaula sa ibabaw sini nga duug; sa ibabaw sang tawo kag sa ibabaw sang kasapatan, sa ibabaw sang kakahuyan sang latagon kag sa ibabaw sang bunga sang duta; magadabdad kag indi mapalong sia.

21 Amo ining ginasiling ni Iehoba sang Sebaot, nga Dios ni Israel: Idugang-ninyo ang inyo mga halad nga sinunog



sa inyo mġa halad, kag kaon-kamo sing unud.

22 Kay walā ako maghambal sa inyo mġa ginikanan, bisan nagsogo ako sa ila sang adlaw nġa ginpagowa ko sila sa duta sa Egipto, nahanungud sang mġa halad nġa sinunog kag sang mġa halad;

23 Apang, yari karon, ang polong nġa ginsogo ko sa ila, nġa nagasiling: "Tumana-ninyo ang akon tingug, kag manġin-Dios ako ninyo, kag kamo manġin-akon banwa; kag lakat-kamo sa tanan nġa dalan nġa ginasogo ko sa inyo, agud nġa may kaayo kamo."

24 Apang walā sila magpalamati, kag indi ginpahuyog nila ang ila dalungan; kag naglalakat sila sa *ila* mġa laygay sa katig-ahon sang ila malauton nġa tagiposoon, kag ginliso nila sa *akon* ang ila likod kag indi ang nawung.

25 Kutub sang adlaw nġa ang inyo mġa ginikanan naghalalin sa duta sa Egipto tubtub karon, ginpadalā ko sa inyo ang tanan nakon nġa mġa alagad nġa mġa manalagna, nġa nagapadalā sa ila sa adlawadlaw sing kaagahon;

26 Apang walā nila ako pagpamatii, bisan ginhuyog nila ang ila dalungan; kag ginpatig-a nila ang ila tingkoy, kag naghimo sila sing malain pa sang ila mġa ginikanan.

27 Kag ikaw magasiling sa ila sining tanan nġa mġa polong; apang indi sila magapamati sa imo: pagatawgon mo sila, apang indi ka nila pagasabton.

28 Kag pagaisiling mo sa ila: "Ini amo ang katawohan, nġa walā magtuman sang tingug ni Iehoba, nġa iya Dios, kag nġa indi nagbaton sing pag-sabdong; gindula ang pagkatutum; sa bābā nila gintapok sia."

29 Aluta ang imo bohok, kag ihaboy sia, kag maghayaw sa sing panalabiton sa ibabaw sang mġa kabakoloran nġa hinublasan; kay si Iehoba nagasikway kag nagabiya sining kaliwatan, nġa iligoon sang iya kaakig.

30 Kay ang mġa inanak ni Iuda naghilimo sing malain sa atubangan sang akon mġa mata, siling ni Iehoba. Ginpamutang nila ang ila nġa kalangil-aran sa Baláy nġa ginahingalanan sa akon ngalan sa pagdagta sa iya;

31 Kag ginpatindug nila ang mġa mataas nġa duug sa Topet, nġa yara sa nalupyakan sang anak ni Hinom, sa

pagsunog *didto* sang ila mġa anak nġa laki kag sang ila mġa anak nġa babae, *butang* nġa walā ko pagisogo, bisan nagsaka sa akon tagiposoon.

32 Tungud sini, yari karon, nagaabut ang mġa adlaw, nagsiling si Iehoba, nġa indi na pagsilingon: "Topet," bisan "nalupyakan sang anak ni Hinom," kondi "Nalupyakan sang pagpatay"; kag sa kakulang sang duug, pagaipanlubung sa Topet.

33 Kag ang mġa bangkay sini nġa banwa manġinkalan-on sang mġa kapisipisan sang langit kag sang kasapatan sang duta, sa walā gid sing sin-o nġa magapahadluk sa ila.

34 Kag pagapauntaton ko sa mġa kabanwaan sa Iuda kag sa mġa dalan sa Ierusalem ang tingug sa kalipay kag ang tingug sa kasadya, ang tingug sang bana kag ang tingug sang asawa; kay ang duta manġinkamuhay-muhayan.

**8** SA sadtong panag-on, siling ni Iehoba, pagakuhaon sa mġa lulubngan ang mġa tul-an sang mġa hari sa Iuda, kag ang mġa tul-an sang ila mġa dunganon, kag ang mġa tul-an sang mġa saserdote, kag ang mġa tul-an sang mġa manalagna, kag ang mġa tul-an sang mġa pumuluyô sa Ierusalem,

2 Kag pagailatag sila sa adlaw, kag sa bug-os nġa kasoldadosan sang langit, nġa ginhigugma nila, kag nġa gin-alagad nila, kag nġa sa olehe nila naglalakat sila, kag nġa sa ila nagpamangkot sila, kag nġa sa ila nagyaub sila. Indi sila pagapanipunon, bisan pagaipanlubung sila; manġinipot sila sa ibabaw sang kadaygan sang duta.

3 Kag pagapasulabihon ang kamatayon sa kabuhi sang tanan nġa nabilin sang mġa mabilin sa sining malain nġa panimaláy, sa tanan nġa nabilin nġa mġa duug, sa diin pagaihaboy ko sila, siling ni Iehoba sang Sebaot.

Ang lakas nġa pagkaholog sa pagtoo sang banwa sang Dios. Silot nġa dimalikawan.

4 Kag pagaisiling mo sa ila: Amo ining ginasiling ni Iehoba: Ang mapukan, ¿Indi bala makatindug sia? Ang maglipas, ¿indi bala makabalik sia?

5 ¿Kay nġaa bala ini nġa banwa, Ierusalem nġa dimatutum, nagisol nġa

sa gihapon? ;Kay ngaa bala ginahakus gid niya ang daya, kag nagadumili sia sa pagliso?

6 Nagdungug kag nagpamati ako: walâ sila magahalambal sing katadlungan; walay tawo nga nagahinulsul sang iya kalainan, nga nagasiling: “;Ano bala ang ginbuhat ko?” Ang tagsatag-sa nagabalik sa iya dinalaganan, subung sang kabayo nga nagaduksol sa pagawayan.

7 Angsiguenya sa langit nakakilala pa sang iya panag-on; kag ang tokmo, kag ang talimbabatang, kag ang dugwak nagabalantay sang panag-on sang ila pag-abut; apang ang akon banwa walâ makakilala sang katadlungan ni Iehoba.

8 ;Paano ang ginasiling mo: “Mga maalam kami, kag ang kasogoan ni Iehoba yari upud sa amon?” Sa pagkamatuud, yari karon ang kasogoan, nga sa iya ang pluma nga butigon sang mga eskriba naghimo sing isa ka kabutigan.

9 Ang mga maalam magakalahuya, magakalakugmat sila, kag pagapandakpon sila. Yari karon nga ginasiikway nila ang kasogoan ni Iehoba: ;ano bala ang ila kaalam?

10 Ngani, pagaihatag ko sa iban ang ila mga asawa, kag ang ila mga latagon, sa mga magatagiya sa ila; kay kutub sa diyotay tubtub sa daku ang tagsatag-sa sa ila gintugyan sa pagdaug; kutub sa manalagna tubtub sa saserdote ang tanan nagahimo sing limbong.

11 Kag ginbolong nila nga may kadalang ang pilas sang anak nga babae sang akon banwa, nga nagasiling: ;“Paghidaet, paghidaet!” kag walay paghidaet.

12 Pagapakahuy-an sila, tungud kay nagahilomo sila sing kalangil-aran. Indi, indi sila buut magkahuya, indi mahibalo sila magbatyag sing kahuya. Ngani magakalaholog sila sa tungâ sang mga nagakaholog; pagapukanon sila sa horas sang pagduaw ko sa ila, siling ni Iehoba.

13 Pagatiponon ko sila sa paglaglag sa ila, siling ni Iehoba. Walâ na sing ubas sa púnô sang ubas, bisan igos sa igera, kag nagakalayong ang dahon; kag ginpat-inan ko ang magaagi sa ibabaw nila.

14 ;Kay ngaa bala nagapabilin kita didto nga nagapungko? Tilipon-kamo kag magsulúd-kita sa mga banwa nga

mabakud, kag didto magakaladula kita; kay si Iehoba, nga aton Dios, nagapadula sa aton, kag ginapainum niya kita sing ilimnon nga makahililo, kay nakasalâ kita batok kay Iehoba.

15 Nagahulat kita sing paghidaet, kag walâ gid sing kaayohan, kag sing panag-on sa pagbulong, apang yari karon ang kakugmat.

16 Kutub sa Dan nabatian ang pusnga sang ila mga kabayo: sa kagahud sang mga hirihiri sang ila mga makusug nga kabayo nga *mamigdalagan*, nagakurug ang bug-os nga duta; kag nagaalabut sila kag ginahalunhon nila ang duta kag ang yara sa iya, ang banwa kag ang mga pumuluyô niya.

17 Kay yari karon, ako nagapadalâ sa ibabaw ninyo sing mga man-ug nga, mga man-ug nga dalitan, nga batok sa ila walâ sing kawillihan, kag pagakagton kamo nila, siling ni Iehoba.

18 ;Ano bala nga kalinong ang akon, sa tapus sang akon kasakit? Ang akon tagiposoong nagakapunaw sa akon.

19 Yari karon ang tungug sang singit sang anak nga babae sang akon banwa, gikan sa isa ka duta nga malayô. ;Walâ na bala si Iehoba sa Sion? Kon ;walâ bala sa tungâ niya ang iya hari? ;Kay ngaa bala ginpaakig nila ako sa ila larawan nga tinigban, nga may mga kadayawan sang duta nga dumuluong?

20 Nagligad na ang ani, natapus na ang tingadlaw, kag kami walâ magmanginnaluwas.

21 Ginboong ako tungud sang pagkaboong sang anak nga babae sang akon banwa; nagalalaw ako sa iya, kakugmat ang nagdakup sa akon.

22 ;Wala bala sing ihalapas sa Galaad? ;Walâ bala didto sing manugbulong? ;Kay ngaa bala walâ mabolong ang mga pilas sang anak nga babae sa akon banwa?

9 ;OH kabay pa nga ang akon olo mangintubig, kag ang akon mga mata mangintuburan sang mga luha, agud nga maghibi ako sa adlaw kag sa gab-i sang mga pilason sa kamatayon sang anak nga babae sang akon banwa!

2 ;Oh kabay pa nga may isa ako ka payag sang mga manuglakat sa kahana-yakan, agud nga bayaan ko ang akon banwa kag sa ila magpalayô ako! Kay



sila nga tanan mga makihilawason, katilingban sang mga mabudhion.

3 Nagasangkap sila sang ila dila sa kabutigan, sang ila pana, kag indi nga sa katutum nga mga maisug sila sa sini nga duta, kondi nagaalagi sila sa kalainan kag sa kalainan, kag walâ nila ako pagkilalaha, siling ni Iehoba.

4 Mag-andam-kamo ang tagsatagsa sa iya abyan, kag dili kamo magsalig sa bisan kay sin-o nga útud; kay ang tanan nga útud nagadaya nga may luib, kag ang tanan nga abyan nagalakat nga nagasab-ug sing libak.

5 Kag ang tagsatagsa nagauligyat sa iya abyan, kag indi sila nagahambal sang kamatoran; giutudloan nila ang ila dila sa paghambal sing butig; ginabudlaysila sa paghimo sang kalautan.

6 Ang imo puluy-an yara sa tungâ sang daya; tungûd sang daya nagadumili sila sa pagkilala sa akon, siling ni Iehoba.

7 Ngani, amo ining ginasiling ni Iehoba sang Sebaot: Yari karon, nga pagatunawon ko sila, kag pagatilawan ko sila, kay ;paano ang paghimo ko sa kabangdanan sang anak nga babae sang akon banwa ?

8 Baslay nga makamamatay amo ang dila nila; ang tagsatagsa nagahambal sing daya, sa iya bâbâ nagahambal sia sing mga polong sa paghidaet sa iya abyan, apang sa sulúd nagabutang sia sang pagpuut.

9 ;Indi bala ako magsilot sa ila tungûd sining mga butang? siling ni Iehoba. ;Sa sini nga katawohan indi bala magtimalus ang akon kalág?

10 Sa ibabaw sang mga bukid pagahayawon ko ang mga hinibi kag ang panalabiton, kag isa ka kahanusbo sa ibabaw sang mga halalban sa kahanayakan; kay ginsunug sila tubtub nga walay mabilin sang nagaagi didto, bisan mabatian pa ang tingug sang kahayupan. Kutub sa mga kapispisan sang langit tubtub sa mga kasapatan sang duta nagpalalagyo sila; naghalalín sila.

11 Kag pagahimoon ko ang Ierusalem nga mga tinumpok nga bató, isa ka puluy-an sang mga sakal; kag pagahimoon ko ang mga kabanwaan sa Iuda nga kahapayan, nga walâ na sing pumuluyô.

12 ;Sin-o bala ang tawo nga maalam? Maghangup sia sini; kag nga ang gin-

hambal sang bâbâ ni Iehoba, magpahayag kay ngaa nalaglag ang duta, nasunog subung sang kahanayakan, sa bagay nga walay sin-o nga nagaagi didto.

13 Si Iehoba nagasiling: Tungûd kay ginbayaan nila ang akon kasogoan, nga ginbutang ko sa atubangan nila; kag nga walâ sila magtuman sang akon tingug, bisan nagsunud sila sa iya,

14 Kondi nga naglalakat sila sono sang katig-ahon sang ila tagiposoon, kag sa olehe sang mga Baal, sono sang gintudlo sang ila mga ginikanan.

15 Ngani amo ining ginasiling ni Iehoba sang Sebaot, nga Dios ni Israel: Yari karon, sa sini nga banwa ako magapakaon sa ila sing mga ahenho, kag pagapaimnon ko sila sing mga tubig nga makahililo:

16 Kag pagaiwaraag ko sila sa tungâ sang mga katawohan, nga indi sila nakakilala, sila bisan ang ila mga ginikanan, kag pagaipadalâ ko ang hinganiban sa olehe nila, tubtub nga akon maupus sila.

17 Amo ining ginasiling ni Iehoba sang Sebaot: Pamalandong-kamo, kag panawaga-ninyo ang mga manughaya nga babae, kag nga magkalari sila; pakadtoi-ninyo ang mga sampaton nga mga babae, nga magkalari sila.

18 Kag nga magdalalidali sila, sa paghayaw sa ibabaw naton sing panalabiton; kag nga magililig ang mga luha sa aton mga mata, kag nga sa aton mga ilalakub magtulubud ang mga tubig.

19 Kay ang tingug sa panalabiton ginapamatian sa Sion. ;Paano nga ginpanghapy kita! Ginpakahuy-an kita gid, kay ginabayaan naton ang duta, nga ginpamukan nila ang aton mga puluy-an.

20 Busa, pamati-kamo, mga babae, sang polong ni Iehoba; nga ang inyo idulungug magbaton sang polong sang iya bâbâ, kag ton-an-ninyo ang inyo mga anak nga babae, sing panalabiton kag nga ang tagsatagsa magtudlo sa isa sing kahanusbu.

21 Kay ang kamatayon nagsaka sa aton mga talambuan, nagsulúd sa aton mga harianon nga mga baláy, sa pagpapas sang mga kabataan sa mga dalan, sang mga pamatan-on sa mga balaligyaan.

22 Maghambal: Amo ining gina-

mitlang ni Iehoba: Hoo, ang mga bangkay sang mga tawo nagakalapukan subung sang ipot sa ibabaw sang kadayang sang latagon, kag subung sang hinugpong sa likod sang mangangani, nga walâ sing sin-o nga magtipon sa iya.

23 Amo ining ginasiling ni Iehoba: Indi maghimaya ang maalam sa iya kaalam, bisan maghimaya ang maisug sa iya kaisug, bisan ang mangaranon maghimaya sa iya mga mangad.

24 Apang ang nagahimaya, nagahimaya sa sini, sa paghimo sing maalam gid kag sa pagkilala sa akon; kay ako amo si Iehoba, nga nagahimo ako sing pagkalooy, sing katadlungan kag sing katarungan sa duta; kay sa sining mga butang nagakahamuut ako, siling ni Iehoba.

25 Yari karon, magaalabut ang mga adlaw, siling ni Iehoba, nga magasilot ako sang tanan nga tinuli, patî ang ditinuli;

26 *Magasilot ako* sa Egipto, kag sa Iuda, kag sa Edom, kag sa mga anak sa Amon kag sa Moab, kag sa tanan nga mga nagaulub sang ila bohok, nga nagapuluyô sa kahanayakan; kay ang tanan nga mga katawohan nga ditinuli; kag ang bug-os nga baláy ni Israel ditinuli sa tagiposoon.

Ang mga dios kag si Iehoba.

**10** PAMATI-KAMO sang polong nga ginamitlang ni Iehoba, nga sa inyo, baláy ni Israel.

2 Amo ining ginasiling ni Iehoba: Indi kamo magtoon sang dalan sang mga katawohan, kag indi kamo magkakugmat sang mga tandaan sang langit, kay ang mga katawohan nagakakugmat sa ila.

3 Kay ang mga tulumanon sang mga banwa mga kadayawan sila; kay ang kahoy nga ginutúd sa talon nga nahuman sa mga kamut nga may wasay sang panday,

4 Ginapunihan nila sia sing pilak kag bulawan; ginapalig-on nila sia sa mga lansang kag sa mga pakang, agud nga indi maguyug.

5 Kaangay sila sang haligi nga linali, kag walâ sila nagahambal: kinahanglan nga pagdalhon sila, kay indi sila makalakat. Indi kamo magkahadluk sa ila,

kay indi sarang sila makahimo sing malain, kag indi man sa paghimo sing maayo may gahum sila.

6 Walâ sing sin-o nga subung sa imo, oh Iehoba. Daku ka, kag daku ang imo ngalan sa kagamhanan.

7 Sin-o bala ang indi magkahadluk sa imo, oh Hari sang mga katawohan? Kay ini nahaigo sa imo; kay sa tanan nga maalam sang mga katawohan, kag sa tanan nga mga ginharian, walâ sing subung sa imo.

8 Kag tanan sila sing tingub, nanginbuangbuang kag kulangkulang: pagtolon-an ini lamang sa kadayawan; ini amo ang kahoy.

9 Ini amo ang pilak sa pinanid nga gindalâ gikan sa Tarsis, kag bulawan sa Upas; ini among buhat sang panday, kag sang mga kamut sang manugtunaw; ang purpura kag eskarlata amo ang ila panapton; ini nga tanan buhat sang mga sampaton.

10 Apang si Iehoba among Dios nga matuud; sia among Dios nga buhi kag Hari nga walay katubtuban. Sa iya kaakig nagakurug ang duta, kag ang mga katawohan indi sarang makaantus sang iya haakig.

11 Amo ining pagaisiling ninyo sa ila: Ang mga diosdios nga walâ maghilimo sang mga kalangitan, bisan sang duta, ining *mga dios* magakadula sa duta kag sa idalum sang mga kalangitan.

12 Amo sia ang naghimo sang duta sa iya kagamhanan, ang naghusay sang kalibutan sa iya kaalam, kag naghumlad sang mga kalangitan sa iya ihihalo.

13 Sa iya tingug ginahimo ang isa ka kagamo sang mga tubig sa mga langit, kag nagapasaka sia sang mga alisngaw sa ukbung sang duta, nagahimo sia sang mga kilat nga sa ulan kag nagakuha sia sang hangin sa iya mga bahandi.

14 Ang tanan nga tawo tama ka buang sa pagkilala *sini*; ang tanan nga manugtunaw nagakahuya tungud sang iya larawan nga tinigban, kay butig lamang ang iya larawan nga tinunaw; kag walâ sing espiritu sa ila.

15 Mga kadayawan lamang sila, binuhatan nga ululigyaton; sa panag-on sa pagduaw sa ila, magakaladula sila.

16 Indi subung sang sa ila amo ang Bahin ni Iakob; kay sia amo ang Magbubuhat sang tanan, kag si Israel amo



ang sungkod sang iya panublion. Si Iehoba sang Sebaot amo ang iya ngalan.

Tagna sang pagkabihaag sa gilayon.

17 Tipona-ninyo ang inyo mga pagkabutang sa pagbiya sining duta, pumuluyô sa duug nga ginlibutan;

18 Kay amo ining ginasingling ni Iehoba: Yari karon, sa karon pagaihiboy ko nga may ihalabyug ang mga pumuluyô sang duta, kag pagaipaipit ko sila, agud nga mabatyag sila *ini*.

19 ; Kailo ako tungud sang akon pagkaboong! Ang akon pilas masakit. Apang ako, nagsiling ako: Sa pagkamatud, balatian ini, kag makaantus ako sa iya.

20 Ang akon layanglayang ginhapay, kag nabugto ang taanan ko nga mga banting; ginpahalín sa akon ang akon mga anak, kag walâ na; walâ na sing magahumlad sang akon layanglayang kag nga magabatak sang akon mga kumbung.

21 Kay nanginkulangkulang ang mga manugbantay, kag walâ nila pagpangitaa si Iehoba; ngani, walâ sila maghimo sing maalam gid, kag ang tanan nga kahayupan nga ginpapahalab nila nagalapaag.

22 Ginapamatian ang isa ka kagahud; yari karon, nagaabut sia gikan sa duta sa Aminhan nga may kinagahud nga daku sa paghimo sang mga kabanwaan ni Iuda sing kahapayan, isa ka puluy-an sang mga sakal.

23 Nakahibalo ako, oh Iehoba, nga indi iya sang tawo ang iya dalan, nga indi nahanungud sa nagalakat ang pagpalig-on sang iya mga tikang.

24 Oh Iehoba, sabdonga ako, apang nga sa sibo nga talaksan; indi sa imo kasingkal, basi pa nga pagpakubuson mo ako sa walâ.

25 Iula ang imo kasingkal sa ibabaw sang mga katawohan nga walâ makakilala sa imo, kag sa ibabaw sang mga panimaláy nga walâ magatawag sang imo ngalan; kay ginhalonhon si Iakob; ginhalonhon sia kag ginupud sia, kag ginhapay ang iya puluy-an.

Ang ginal's nga katipan.

2 "Pamati-kamo sang mga polong sini nga katipan, kag mitlanga-ninyo sila sa tanan nga tawo sa Iuda, kag sa atubangan sang mga pumuluyô sa Ierusalem;

3 Kag pagaisiling mo sa ila: Amo ining ginasingling ni Iehoba, nga Dios sa Israel: Ginapakamalaus ang tawo nga indi magtuman sang mga polong sini nga katipan,

4 Nga ginsogo ko sia sa inyo mga ginikanan sang adlaw nga ginpagowa ko sila sa duta sa Egipto, sa dapog nga salsalon, nga nagasingling sa ila: Tumana-ninyo ang akon tingug, kag ibutang-ninyo sa buhat, sono sini nga mga butang sa tanan nga ginsogo ko sa inyo; kag kamo manginakon banwa, kag ako mangininyo Dios;

5 Agud nga magtuman ako sang panumpa nga tungud sa iya nagsumpa ako sa inyo mga ginikanan, nga pagaihatag ko sa ila ang duta nga nagailig ang gatas kag dugus, subung sa sini nga adlaw." Kag nagsabat ako kag nagsiling: "Kabay pa, oh Iehoba."

6 Kag si Iehoba nagsiling sa akon: Ibantala ining tanan nga mga polong sa mga kabanwaan sa Iuda, kag sa mga dalan sang Ierusalem, nga nagasingling: Pamati-kamo sang mga polong sini nga katipan, kag ibutang-ninyo sila sa buhat.

7 Kay ginlaygay ko sing maathag gid sa inyo mga ginikanan, sang adlaw nga ginpataklad ko sila sa duta sa Egipto tubtub sa adlaw nga karon, nga nagalaygay sa ila kutub sa aga, nga nagasingling: "Tumana-ninyo ang akon tingug."

8 Apang walâ sila magpamati, bisan ginhuyog nila ang ila idulungug, kag naglakat ang tagsatagsa sa katig-a sang iya tagiposoong nga malauton, sa bagay nga ginpakari ko sa ibabaw nila ang tanan nga mga polong sini nga katipan, nga ginsogo ko nga himoon nila sia, kag walâ nila pagtumana ini.

9 Kag si Iehoba nagsiling sa akon: Nasapwan ang isa ka puhon sa mga tawo sa Iuda kag sa mga pumuluyô sa Ierusalem.

10 Nagbalalik sila sa mga kalainan sang ila mga nahauna nga mga ginikanan, nga nagdumili sila sa pagpamati sang akon mga polong; kag naglalakat sila sa olehe sang liwan nga mga dios sa pag-alagad sa ila. Ang baláy ni

11 ANG polong ni Iehoba nga nag-abut kay Ieremias, nga nagasingling:

Israel kag ang baláy ni Iuda naglalis sang akon katipan, nga ginhimo ko sa ila mga ginikanan.

11 Tungud sini, amo ining ginasiling ni Iehoba: Yari karon, ginapakari ko sa ibabaw nila ang malain, nga sa iya indi sila sarang makagowa; kag magapalanawag sila sa akon, kag indi ko sila pagpamatian.

12 Kag ang mga kabanwaan ni Iuda kag ang mga pumuluyô sa Ierusalem magapalakadto sa pagsingit sa mga diosdios, nga sa ila nagapasunog sila sing insienso, nga sila indi gid sarang makaluwas sa ila sa panag-on sang ila kalainan.

13 Kay sono sang kadamuon sang imo mga kabanwaan amo ang imo mga dios, oh Iuda; kag sono sang kadamuon sang imo mga dalan, oh Ierusalem, ginpatindug mo ang mga halaran sa kahuluyan, mga halaran sa pagsunog sing mahamut kay Baal.

14 Kag ikaw, dili ka magpangamuyo tungud sini nga banwa, dili ka magbayaw tungud sa ila sing mga singit, bisan pangamuyo; kay indi ako buut magpamati sa panag-on nga magsilingit sila sa akon, bangud sang ila kalainan.

15 ¿Ano bala ang paghimoon sang akon abyan sa akon baláy, sang nakahimo sia upud sining kadamuon sing salâ nga dulumtan? Apang ang balaan nga unod pagakuhaon nga malayô sa imo; sang nagahimo ka sing kalainan, nagkalipay ka.

16 "Olibo nga hilaw, maayoayo sa maayo nga bunga."... Ginhingalanan ka ni Iehoba. Sa tingug sang daku nga kagahud ginpadabdab ang kalayo batok sa imo, kag nagkalabali ang imo mga sangâ.

17 Kag si Iehoba sang Sebaot, nga nagtanum sa imo, nagamitlang sing malain batok sa imo, bangud sang kalainan sang baláy ni Israel kag sang baláy ni Iuda, nga naghilimo sila batok sa ila gid, nga nagpaakig sila sa akon bangud sa pagsunog sing pahamut kay Baal.

Puhon batok kay Ieremias.

18 Kag ginpahibalo sa akon *ini* ni Iehoba, kag ginkilala ko *ini*: niyan ginpakita mo sa akon ang ila mga binuhatan.

19 Kag ako, subung sang kordero nga

mahagup, nga ginadalá sa ihawan, walâ ako makahibalo nga nagapadugi sila batok sa akon sini nga padugi: "Lag-lagon namon ang kahoy upud ang iya bunga, kag utdon namon sia sa duta sang mga buhi, kay walâ na sing handumanan sa iya ngalan."

20 Apang, oh Iehoba sang Sebaot, hukom sang katarungan nga nagatilaw sang mga tagimislón kag sang tagiposoon, makakita ako sang imo pagtimalus sa ila, kay sa imo ginbuksan ko ang akon kasaba.

21 Tungud sini, amo ining ginasiling ni Iehoba sa mga tinawo sa Anatot, nga nagapalangita sang imo kabuhi kag nga nagasiling: "Dili ka magtagna sa ngalan ni Iehoba, kag indi ka mamatay sa amon mga kamut."

22 Ngani, amo ining ginasiling ni Iehoba sang Sebaot: Yari karon, magasilot ako sa ila. Ang *ila* mga pamatanon magakalamatay sa hinganiban; ang *ila* mga anak nga lalaki kag ang *ila* mga anak nga babae magakalamatay sa gutum.

23 Kag walâ sing mabilin sa ila, kay pagapakarion ko ang kalalat-an sa ibabaw sang mga tinawo sa Anatot, sang tuig sang iya pagduaw.

**12** MATARUNG ikaw, oh Iehoba, sang magsuay ako sa imo; walay sapayan magahambal ako sing paghukom sa imo. ¿Kay nga bala ginapabugana ang dalan sang mga mada-uton? ¿Kay nga bala may paghidaet ang tanan nga mga nagapadamu sang kabudhi?

2 Gintanum mo sila, kag nagpalangamut sila; nagdalalagku sila, kag nagbulunga man sila; yara ikaw malapit sa *ila* mga bâbâ, apang malayô sa *ila* mga tagimislón.

3 Kag ikaw, oh Iehoba, nakakilala sa akon; nakita mo ako, kag ginatilawan mo nga kon paano ang akon tagiposoon nga sa imo. Guyuda sila subung sang mga obeha nga sa pulugutan, kag ipahanungud sila nga sa adlaw sang pagpatay.

4 ¿Tubtub pa bala san-o nga maglalaw ang duta, kag ang hilamon sang bug-os nga latagon magkalaya? Tungud sang kalainan sang mga nagapuluyô sa iya, ang mga kahayupan kag ang mga kapispisan ginapapas. Kag



nagsililing sila : "Indi sia makakita nga kon ano ang amon kaolehian."

5 Kon nagdalagan ka sa mga nagalalakat, ginbudlay ka nila, ;paano bala ang pagpalumiba mo sa mga kabayo? Kag kon yara ka sa kalig-unan sa duta sang paghidaet, ;paano ang pagahimoon mo sa habok sang Iordan?

6 Kay bisan pa ang imo mga útud kag ang baláy sang imo amay, bisan pa ini sila mabudhion batok sa imo, bisan pa ini sila nagsiningit sa olehe nimo sa bug-os nga *tingug*. Indi mo sila pagpatihon, kon maayo ang mga polong nga igahambal nila sa imo.

Ang kadutaan hinapay.—Tagna nahanungud sang mga manuggaba.

7 Ginabayaan ko ang akon baláy, ginasikway ko ang akon panublion, ginatugyan ko ang ginahigugma sang akon kalág sa kamut sang iya mga kaaway.

8 Ang akon panublion nanginsubung sang leon sa talonan nga sa akon; batok sa akon nagahatag sia sang iya tingug; tungud sini ginadumtan ko sia.

9 ;Ang akon panublion nanginpispis bala nga mananangit sa duag nga hibulongan nga sa akon? ;Ang mga pispis nga mananangit nagahalalapon bala sila sa ibabaw niya sa tanan nga luyo? Kari-kamo, tilipon-kamo sang tanan nga mga kasapatan sang latagon, pakarion sila sa pagkaon,

10 Madamu nga mga manugbantay ang naglaglag sang akon kaubasan; ginlapak nila ang akon panublion; ginhimo nila nga kahanayakan sang kahanapayan ang akon malahalon nga panublion.

11 Ginbutang sia sa kahanapayan. Hinapay sing bug-os gid, yara sia sa lalaw sa akon atubangan; ang bug-os nga duta, manginhapay, kay walâ sing tawo nga nagatugyan sang iya tagiposoan sa *bisan ano*.

12 Sa ibabaw sang tanan nga mga kataasan nga hinublasan sang kahanayakan nagaalabut ang mga manughapay; kay ang hinganiban ni Iehoba nagahalohon kutub sa isa ka ukbung sang duta tubtub sa isa ka ukbung sang duta; walâ na sing paghidaet sa bisan ano nga unud.

13 Nagsab-ug sila sing trigo, nagaani

sila sing mga tunok; ginbudlayan sila sa pangabudlay, apang walâ gid sila sing pulus. Magkalahuya-kamo sa inyo mga patubas, bangud sang kasingkal sang kaakig ni Iehoba.

14 Amo Ining ginasiling ni Iehoba batok sa tanan nga akon mga malain nga kasilingan, nga nagahikap sang panublion, nga akon ginhatag nga panublion sa akon banwang Israel: Yari karon, nga pagagabuton ko sila sa ila duta; kag pagagabuton ko sa tungâ nila ang baláy ni Iuda.

15 Kag mahanabu nga, sa tapus ko sila nga magabut, magabalik ako kag magakalooy ako sa ila, kag pagapabalik sila ang tagsatagsa sa iya panublion, kag ang tagsatagsa sa iya duta.

16 Kag mahanabu nga, kon sa matinatapon gid magtoloon sila sang mga dalanon sang akon banwa, sa pagsumpa sa akon ngalan: "¡Magkabuhi si Iehoba!" subung sang gintudloan nila ang akon banwa sa pagsumpa kay Baal, pagapatindugon sila sa tungâ sang akon banwa.

17 Apang kon indi sila magpalamati, pagagabuton ko ang amo nga katawohan, nga nagagabut sa iya kag nagapadula sa iya, siling ni Iehoba.

Ang pagkabihag nga napahayag sa idalum sang halimbawa sang isa ka wagkus nga lino.

**13** AMO ining ginasiling sa akon ni Iehoba: "Lakat, kag bakal-ka sing isa ka wagkus nga lino, kag iwagkus ini sa imo mga hawak, kag indi mo ini pagisugbo sa tubig."

2 Kag nagbakal ako sang wagkus, sono sa polong ni Iehoba, kag ginbutang ko sia sa akon mga hawak.

3 Nag-abut sa akon sa makaduha ang polong ni Iehoba, nga nagasiling:

4 Kuhaa ang wagkus nga ginbakal mo, nga yara sa imo mga hawak, kag tindug-ka kag lakat-ka sa Euprates, kag tagoa sia didto sa gikab sang isa ka pilas.

5 Busa, naglakat ako, kag gintago ko sia sa luyo sang Euprates, subung sang ginsogo sa akon ni Iehoba.

6 Kag nahanabu, sang lumigad ang madamu nga mga adlaw, nga nagsiling si Iehoba sa akon: "Tindug-ka, lakat-ka sa Euprates, kag kuhaa didto ang wag-

kus, nga ginsogo ko sa imo, nga tagoon mo didto."

7 Kag nagkadto ako sa Euprates, kag nagkutut ako, kag ginkuha ko ang wagus sa duug nga diin gintago ko sia; kag yari karon, nga ang wagus nagabok na: nga indi sarang magamit sa bisan ano.

8 Kag nag-abut sa akon ang polong ni Iehoba, nga nagasiling:

9 Amo ining ginasiling ni Iehoba: Subung sini pagagabukon ko ang palabilabi ni Iuda, ang daku nga palabilabi sang Ierusalem.

10 Ining banwa nga malain, nga nagadumili sa pagpamati sang akon nga polong, nga nagalalakat sa katig-a sang ila tagiposoon. kag nga naglalakat sa olehe sang liwan nga nga dios sa pagalagad sa ila kag sa pagyaub sa atubangang nila, manginsubung sini nga wagus, nga indi sarang magamit sia.

11 Kag subung nga ang wagus nagadapat sa nga hawak sang tawo, subung sini ginpadapat ko sa akon ang bug-os nga baláy ni Israel kag ang bug-os nga baláy ni Iuda, siling ni Iehoba, agud nga sila magmanginakon banwa, kag ang akon ngalan kag ang akon kadayawan kag ang akon himaya; apang walá sila magpalamati.

12 Busa, pagaisiling mo sa ila ini nga polong: Amo ining ginasiling ni Iehoba, nga Dios ni Israel: Pagapun-on sing alak ang tanan nga suludlan. Kag sila magasiling sa imo: ; Walá bala kami makahibalo nga ang tanan nga suladlan pagapun-on sing alak?

13 Kag magasiling ka sa ila: Amo ining ginasiling ni Iehoba: Yari karon, nga ako magapunô sa kahulugbon sa tanan nga pumuluyô sini nga duta, kag sa nga hari sa kaliwatan ni Dabid, nga nagalilingkod sa ibabaw sang iya lingkoran nga harianon, kag sa nga saserdote, kag sa nga manalagna kag sa tanan nga nga pumuluyô sa Ierusalem."

14 Kag pagaboongon ko sila ang tag-satagsa batok sa iya útud, kag ang nga amay kag ang nga anak sing tingub, siling ni Iehoba. Indi ako magpatawad, walá ako sing kalooy, bisan kahinoklog, nga magapugung sa akon sa paglaglag sa ila.

15 Pamatii kag dunga-ninyo, indi kamo magpakataas, kay si Iehoba nagahambal.

16 Ihatag-ninyo ang himaya kay Iehoba, nga inyo Dios, sa walá pa niya pagipadalá ang nga kadudulman, sa walá pa ang inyo nga tiil makasandad sa nga bukid sang kasirum, kag nga maghululat kamo sing kapawa, kag nga paghimoon niya sia sa inyo nga landong sang kamatayon, kag nga pagbaylohan niya sia sa madamol nga kadulum.

17 Kag kon indi kamo magpalamati sini, magahibi ang akon kalág sa nga tago nga duug bangud sang inyo palabilabi; ang akon mata magahibi, magahibi, magakatunaw sa luha, tungud kay ang pinanong ni Iehoba nanginbihag.

18 Isiling sa hari nga lalaki kag sa hari nga babae: Maglingkod-kamo sa labing manubo, kay ang purungpurung sang inyo himaya naholog sa inyo nga olo.

19 Ang nga kabanwaan sa Bagatan ginpanakpan, kag walá sing sin-o nga makabukas sa iya. Ginpaliton ang bug-os nga Iuda, ginpaliton nga bug-os sia.

20 Bayawa-ninyo ang inyo nga mata, kag tuluka-ninyo ang nga nagaalabut gikan sa Aminhan. ; Diin bala ang pinanong nga ginhatag sa imo, ang pinanong sang imo pagkahalangdon?

21 ; Ano bala ang pagaisiling mo kon pagasilotan ka? Kay gintun-an mo gid sila sa paggahum subung nga dunganon sa ibabaw nimo. ; Indi bala ikaw pagdakpon sang nga kasakit subung sang babae nga nagaanak?

22 Kag kon magsiling ka sa imo tagiposoon: ; Kay nga bala naglambut ini sa akon? Tungud sang kadaku sang imo kalainan ginapamuksan ang imo nga saya, kag ang imo nga tikod ginapilas nga may paglugus.

32 ; Makailis bala ang Etiopinhon sang iya panit, kag ang leopardo sang iya nga kambang? Niyang sarang mau kamo makahimo sing maayo, kamo nga naanad na sa paghimo sang malain.

24 Kag ako magawaraag sa ila subung sang alikabok nga ginadalá sang hangin gikan sa kahanayakan.

25 Ini amo ang imo kapalaran, ang pahat nga tinakus nga gikan sa akon, siling ni Iehoba; kay nagakalipat ka sa akon, kag nagasalig ka sa butig.

26 Busa, magabukas man ako sang imo nga saya tubtub sa imo guya, kag magapahayag ang imo kahuluyan.



27 Nakit-an ko sa mga bakolod, sa mga latagon ang imo mga panglahe, ang imo mga hirihiri, ang salâ nga dulumtan sang imo pagpanghilahe ang imo mga kalangil-aran. ¡Kailo ka, Ierusalem! Indi ka magmanginmatinlo ꝑ tubtub pa bala san-o?

Si Ieremias nagapatunga si pagkawalay pulus sang banwa.

**14** ANG polong ni Iehoba, nga nag-abut kay Ieremias, nahanungud sang kamala.

2 Nagalalaw si Iuda; ang mga *katingban* sang iya mga gawang nahamyang sa duta nga naganiwang kag pinadulum; ang pagsingit sang Ierusalem nagasaka sa *langit*.

3 Ginapadalâ sang mga dunganon nila ang ila mga magamay sa pagpangita sing tubig; nagakaladto sila sa mga bobon, kag walâ sila sing nakita nga tubig; nagapauli sila nga may mga suludlan nga walay sulud; nagakalahuya sila, nagapalamula sila, ginapanabunan nila ang ila mga olo,

4 Tungud kay nagpamangag ang duta, bangud sang walâ magulan sa duta, ang mga mangunguma nagakalahuya, nga nagatalabon sang ila mga olo.

5 Kay bisan pa ang mga usa nga bakia nagaalanak sa latagon kag ginabayaan nila ang *tinday*, kay walâ sing hilamon.

6 Kag ang mga asno nga talonon nagadululog sa mga mataas nga hinublasan nga nagahalapo sang hangin subung sang mga sakal: nagdululum ang ila mga mata, kay walâ sing hilamon.

7 Kon ang amon kalautan magpalamatuud batok sa amon, oh Iehoba, himoa tungud sang imo ngalan; kay ang amon mga pagkadikatutum madamu sila; batok sa imo nakasalâ kami.

8 Lalauman ni Israel, ikaw nga nagaluwas sa iya sa panag-on sang kalisdanan, ꝑ kay ngaa bala nga magmangin subung ka sang dumuluong sa duta, kag subung sang manuglakat nga nagapauli sa paghigda?

9 ꝑ Kay ngaa bala magmangin subung ka sang tawo nga ginagamohan, kag subung sang mandadaug nga indi sarang makaluwas? Apang ikaw yari sa tungâ namon, oh Iehoba, kag ginatawag

kami sa imo ngalan. Ayaw kami pagbayai.

10 Amo ining ginasiling ni Iehoba nahanungud sini nga banwa: Subung sini nagahiligugma sila sa pagdolodalaan; indi ginapungan nila ang ila mga tiil, kag si Iehoba indi nagakahamuut sa ila. Magapanumdum karon sia sang kalainan nila kag magasilot sia sang ila mga salâ.

11 Kag nagsiling sa akon si Iehoba: Indi ka magampo tungud sini nga banwa nga sa kaayohan niya.

12 Kon magpuluasa sila, ako indi magapamati sang ila pagsingit; kag kon maghalad sila sing halad nga sinunog kag sing mga halad nga kalan-on, indi ko sila pagabatonon; kondi pagaupuron ko sila nga may hinganiban, kag may gutum kag may kamatay.

13 Kag ako nagsiling: ꝑ Ah, Ginoo nga si Iehoba! Yari karon, nga ang mga manalagna nagsiling sa ila: Indi kamo makakita sing hinganiban, bisan may gutum kamo, kondi nga sa sini nga duug pagatagaan ko kamo sing matuud nga paghidaet.

14 Kag nagsiling sa akon si Iehoba: Butig lamang ginatagna sang mga manalagna sa akon ngalan; walâ ako magpadalâ sa ila, bisan magsogo ako sa ila, bisan maghambal ako sa ila. Ang mga palananawon nga butigon, ang palatkonon, ang kadayawan, ang daya sang ila tagiposoon, yari karon ang ginahatag nila sa inyo subung nga mga tagna.

15 Ngani amo ining ginasiling ni Iehoba nahanungud sang mga manalagna nga nagatalagna sa akon ngalan, nga sa ila walâ ako magpadalâ, kag nga nagsililing sila: Walâ sing hinganiban, bisan gutum sa sini nga duta. Sa hinganiban kag sa gutum pagapangapuson ining mga manalagna.

16 Nahanungud sini nga banwa, nga sa iya nagatagna sila, didto sila nga walay sin-o nga magalubung sa ila, nga nagahalamyang sa mga dalan sang Ierusalem, tungud sang gutum kag sang hinganiban, sila kag ang ila mga asawa, kag ang ila mga anak nga lalaki, kag ang ila mga anak nga babae; kag sa ibabaw nila pagaulaon ko ang ila kalainan.

17 Busa, magasiling ka sa ila sini nga polong: Magililig sa akon mga mata ang mga luha sa gab-i kag sa adlaw, kag indi sila maguntat. Kay ang ulay, nga

anak nga babae sang akon banwa na-boong sa daku nga pagkaboong, sa isa ka pilas nga masakit gid.

18 Kon maggowa ako sa latagon, yari karon ang mga pinatay sa hinganiban; kag kon magsulúd ako sa banwa, yari karon ang mga nagabalalatian sa kagutum. Hoo, ang manalagna subung man ang saserdote nagalalakat sa isa ka duta nga walâ nila makilal-i.

19 ¿Ginsikway mo bala sing bug-os gid si Iuda kon ginalas-ayan bala ang imo kalág sang Sion? ¿Kay ngaa bala ginpamilas mo kami, nga walâ sing pag-áyô nga sa amon? Nagahulat kamising paghidaet kag walâ sing kaayohan; kag sing panag-on sa pag-áyô, kag yari karon, ang kakugmat.

20 Ginapangilala namon, oh Iehoba, ang amon pagkamadauton, ang kalautan sang amon mga ginikanan; kay batok sa imo nakasalâ kami.

21 Tungud sang gugma sa imo ngalan, ayaw kami igsikway, bisan pagpasipalahan mo ang lingkoran nga harianon sang imo himaya. Panumduma, indi pagpakawalaypulusa ang imo katipan sa amon.

22 ¿Sa tungâ sang mga kadayawan sang mga katawohan may makapaulan bala, kon amo bala ang langit nga nagahatag sing tun-og nga bugana? ¿Indi bala ikaw, Iehoba, nga amon Dios? Kag sa imo nagahulat kami, kay ikaw ang nagahimo sining tanan nga mga butang.

**15** APANG nagsiling sa akon si Iehoba: Bisan pa si Moises kag si Samuel mag-alatubang sa akon, ang akon kalág indi magmaningupud sini nga banwa. Tabuga sila sa atubangan nakon, kag maghalalín sila.

2 Kag kon magsiling sila sa imo: “Sa diin bala kita magagowa?” pagaisiling mo sa ila: Amo ining ginasiling ni Iehoba: Ang sa kamatayon, sa kamatayon; ang sa hinganiban, sa hinganiban; ang sa gutum, sa gutum; ang sa kabihagan, sa kabihagan.

3 Kag pagapakarion ko sa ibabaw nila ang apat ka bagay, siling ni Iehoba: ang hinganiban, sa pagpatay; kag ang mga ido, sa pagsagnoy; kag ang mga kapisipan sang langit, kag ang mga kasapatan sang duta sa pagtukub kag sa paglaglag.

4 Kag pagaitugyan ko sila sa paglupig sa tanan nga mga ginharian sang

duta, bangud kay Manases, nga anak ni Esekias, nga hari sa Iuda, tungud sang iya ginhimo sa Ierusalem.

5 Kay ¿sin-o bala ang magakalooy sa imo, Ierusalem? ¿Kon sin-o bala ang magakahinoklog sa imo, sin-o bala ang magabalikid sa pagpamangkot tungud sang imo paghidaet?

6 Ikaw, nagbiya ikaw sa akon, siling ni Iehoba, sa pagbalik; kag ginuntay ko batok sa imo ang akon kamut, kag ginlaglag ko ikaw; sa paghinulsul ginbudlay na ako.

7 Kag ginpahanginan ko sila nga may italahup tuhtub sa mga gawang sang duta; gindumilian ko ang akon banwa sa mga anak kag ginpadula ko sia, walâ sila magbalalik sa ila mga dalanon.

8 Ang ila mga bálo nga babae sa atubangan nakon nagadalamu pa sang balas sa dagat; ginapakari ko batok sa ila, batok sa ilóy sang mga pamatan-on, ang kaaway nga nagahapay sa udto ang adlaw; sa ibabaw niya ginpaholog ko sing hinali ang kalilisdan kag ang kakugmat.

9 Naganiwang ang nagapanganak sing pito, nagbugto sia sang iya kalág; ang iya adlaw natunod sa adlawon pa; ginpakahuy-an sia kag nagpalamula sia. Ang sa ila mabilin, pagaitugyan ko sa hinganiban sa atubangan sang ila mga kaaway, siling ni Iehoba.

10 “¿Kailo ako, ilóy ko, kay gin-anak mo ako nga tawo nga makisuayon, kag tawo nga makiawayon sa bug-os nga duta! Walâ ako maghulam kag walâ ako magpahulam, kag ang tanan nagapakamalaut sa akon.”

11 Si Iehoba nagasiling: “Sa pagkamatuud, pagapabakuron ko ikaw nga sa kaayohan; sa pagkamatuud, pagahimo-on ko nga ang mga kaaway magapangáyô sa imo sa panag-on sang kalalatan, kag sa panag-on sang kalilisdan.

12 ¿Maboong bala ang salsalon, ang salsalon sang Aminhan, ang tumbaga?”

13 Ang imo mga pagkabutang kag ang imo mga bahandi pagaitugyan ko sa paglugus, indi tungud sing bili, kondi tungud sang imo tanan nga mga salâ, kag sa tanan mo nga mga kadulunan;

14 Kag pagapaagihon ko sila upud ang imo mga kaaway sa duta nga walâ mo makilala; kay nagtutud ang isa sa kalayo sa akon kasingkal, nga magadabdab batok sa inyo.



15 Ikaw nakahibalo *sini*, oh Iehoba. Panumduma ako, kag duawa ako, kag panimalus-ka sa akon sa akon mga manuglagas. Sono sa imo kalawigon sa kaakig, ayaw ako pagpatya. Pamalandonga, nga ginadalá ko ang kahuluy-an sa imo kabangdanan.

16 ¿Ginapahayag bala ang imo mga polong? Ginahalonhon ko sila. Ang imo mga polong ang kalipay nakon, ang kasadya sang akon tagiposoon; kay ginatawag ko sa imo ngalan, oh Iehoba, Dios sang Sebaot.

17 Walá ako magalinkod sa katipunan sang mga nagakaladlaw sa paglipay sa akon. Sa kabangdanan sang imo kamut naglingkod ako nga isa lamang, kay ginpunô mo ako sa kaakig.

18 ¿Kay ngaa bala nangindayon sa gihapon ang akon kasakit, kag angakon pilas nga dimabolóng nagadumili sa pag-áyô? Busa ¿manginikaw gid bala nga sa akon subung sang tuburan nga madaya, subung sang mga tubig nga indi nagapadayon?

19 Tunğud *sini*, amo ining ginasiling ni Iehoba: Kon ikaw magliso, ako magapasaguli sa imo, kag magatindug ka sa atubangan nakon; kag kon pagpagowaon mo ang malahalón sa *butang* nga talamayon, manginsubung ka sang akon bâbâ: magabalik sila sa imo, apang ikaw indi magabalik sa ila.

20 Kag pagahimoon ko ikaw nga sa *sini* nga banwa nga mabakud nga kuta nga tumbaga. Nagapakigaway sila batok sa imo, apang indi sila makadaug sa imo; kay ako yari upud sa imo sa pagluwas sa mo, kag sa pagbawi sa imo, siling ni Iehoba.

21 Kag pagabawion ko ikaw sa gahum sang mga malauton; kag pagatubson ko ikaw sa gahum sang mga makahaladluk.

Tagna sang pagkabihag kag sang pagpasaguli sang Israel.

**16** NAG-ABUT sa akon ang polong ni Iehoba, nga nagasiling:

2 Indi ka magpangasawa, bisan magpanganak ka sing mga lalaki kag mga babae sa *sini* nga duug.

3 Kay amo ini ang ginasiling ni Iehoba nahanungud sang mga anak nga lalaki kag mga anak nga babae nga magakalatawo sa *sini* nga duug, kag na-

hanungud sa ila mga ilóy nga magpamata sa ila, kag nahanungud sa mga amay nga magpalanganak sa ila sa *sini* nga duta:

4 Sa masakit nga mga kamatayon magakalamatay sila, indi sila pagahayaan, bisan pagaipanlubung; manginsubung sila sang ipot sa ibabaw sang kadayagan sang duta: kag sa hinganiban kag sa gutum pagapanğupuron sila, kag ang ila mga bangkay manginkalan-on sang mga kapisipan sang langit kag sang mga kasapatan sang duta.

5 Kay amo ining ginasiling ni Iehoba: Indi ka magsulúd sa baláy nga lalaw, bisan magkadto ka sa pagpanalabitan upud sa ila, bisan maghaya ka sa ila; kay, siling ni Iehoba, ginkuha ko ang akon paghidaet sa *sini* nga banwa, ang akon bugay kag ang mga kahanoklog.

6 Kag magakalamatay sa *sini* nga duta ang mga dalagku kag ang mga magamay. Indi sila pagaipanlubung, bisan pagahayaan sila; kag indi magapanğudlis sila, bisan magapaupaw sila tungud sa ila.

7 Tunğud sa ila indi magatipiktik sila *sing tinapay* sa kahigayonan sang lalaw sa paglipay sa ila tunğud sang patay, bisan pagapaimnon sila sa ilimnan sa mga paglipay tunğud sa ila amay, kon tunğud sa ila ilóy.

8 Indi ka magasulúd sa baláy sang kombirado sa paglingkod upud sa ila sa pagkaon kag sa pag-inum;

9 Kay amo ining ginasiling ni Iehoba sang Sebaot, nga Dios ni Israel: Yari karon, nga pagapauntaton ko sa *sini* nga duug sa atubangan sang inyo mga mata kag sa inyo mga adlaw, ang tingug sa kalipay kag ang tingug sa kasadya, ang tingug sang bana kag ang tingug sang asawa.

10 Kag mahanabu nga, kon magbantala ka sa *sini* nga banwa sining tanan nga mga polong kag nga magasililing sila sa imo: “¿Kay ngaa bala nagahambal si Iehoba batok sa amon sining tanan nga daku nga kalainan? Busa, ¿ano bala ang amon kalainan, kag ano nga salá ang ginhimo namon batok kay Iehoba, nga amon Dios?”

11 Niyan magasiling ka sa ila: “Kay ang inyo mga ginikanan nagbiliya sa akon, siling ni Iehoba, kag naglalakat sa olehe sang liwan nga mga dios, kag

gin-alagad nila sila, kag naglayaub sila sa atubangan nila, kag ginbayaan nila ako, kag walâ nila pagbantayi ang akon kasogoon.

12 Kag kamo, naghilimo kamo sing malain pa sang inyo mġa ginikanan; kag, yari karon, nġa kamo nagalalakat ang tagsatagsa sono sang katig-ahon sang inyo malauton nġa tagiposoan, sa walâ magpamati sa akon.

13 Nġani, pagasobolon ko kamo gikan sa sini nġa duta pa duta nġa walâ ninyo makilala, bisan ang inyo mġa ginikanan, kag didto magaalalagag kamo sa liwan nġa mġa dios, sa adlaw kag sa gab-i, kay indi ako magpahayag sa inyo sing kalooy."

14 Tunġud sini yari karon, nagaabut ang mġa adlaw, siling ni Iehoba, nġa indi na pagaisiling: "ġ Magkabuhi si Iehoba, nġa nagpataklad sa mġa inanak ni Israel gikan sa duta sa Egipto!"

15 Kondi: "ġ Magkabuhi si Iehoba, nġa nagpataklad sang mġa inanak ni Israel sa duta sang Aminhan, kag sa tanan nġa mġa duta sa diin ginsobol niya sila!" Kay pagadalhon ko sila liwan sa ila duta, nġa ginhatag ko sa ila mġa ginikanan.

16 Yari karon, nġa ako magapadalâ sing madamu nġa mġa mangġngisda nġa pagapanġisdaon sila, siling ni Iehoba; kag sa olehe magapadalâ ako sing madamu nġa mġa mangangayam, nġa pagaayamon sila nila sa tanan nġa mġa bukid, kag sa tanan nġa kabakoloran, kag sa mġa gikab sang mġa pil-as.

17 Kay ang akon mġa mata yara sa ibabaw sang tanan nila nġa mġa dalanon; nġa walâ sila matago sa akon guya, bisan ang ila kalainan natabonan sa atubangan sang akon mġa mata.

18 Kag pagabayaran ko anay sing dapli ang ila kalainan kag ang ila salâ; kay ginhiġkoan nila ang akon duta: ginpunô nila ang akon panublion sang mġa bangkay sang ila mġa *pinatay* nġa kalingil-aran kag dulumtan.

19 Oh Iehoba, kusug nakon, kag kabakuran nakon, kag dalangpan nakon sa panag-on sang kalisdanan: Sa imo magakalari ang mġa katawohan kutub sa mġa ukbng sang duta, kag magasiling sila: "Sa pagkamatuud, ang butig *lamang* ang ginpanubli sang aton mġa ginikanan, ang kadayawan, kag ang mġa butang nġa walâ sa ila sing kapuslanan.

20 ġ Magahimo bala ang tawo nġa sa iya sing mġa dios, nġa walay sapayan, indi mġa dios sila?"

21 Tunġud sini, yari karon, pagapahibaloan ko sila, sa karon, pagaipahibalo ko sa ila ang akon butkon kag ang akon gahum; kag makahibalo sila nġa ang akon nġalan amo si Iehoba.

17 ANG salâ ni Iuda nasulat sa dulat nġa salsalon, kag sa taliwis nġa diamante; natigib sia sa tapi sang iya tagiposoan, sa mġa sungay sang inyo mġa halaran;

2 Subung nġa makadumdum sila sang ila mġa anak, amo man *nagapanumdum* sila sang ila mġa halaran kag sang ila mġa Asherim, nġa malapit sa mġa kahoy nġa madabong sa ibabaw sang mataas nġa mġa bakolod.

3 Bukid ko sa latagon, ang imo mġa pagkabutang, ang tanan mo nġa mġa bahandi, pagaitugyan ko sila sa pangati upud ang imo mġa mataas nġa duug, tunġud sang salâ sa tanan mo nġa mġa kadulunan.

4 Kag sa imo gid nġa kabangdanan, pagadumilian ka sa imo panublion, nġa ginhatag ko sa imo, kag pagapaalagdon ko ikaw sa imo mġa kaaway sa duta nġa walâ mo makilal-i; kay kalayo ang inyo ginpadabdab sa akon kasingkal, sa giha-pon magadabdab sia.

5 Amo ining ginasiling ni Iehoba: Pinapakamalaut ang tawo nġa nagasalig sa tawo, nġa nagahimo sang iya butkon sa unud, kag nġa ang iya tagiposoan nagapalayô kay Iehoba:

6 Subung sia sang tawo nġa hubo sa kamingawan. Indi makakita s'â, kon mag-abut ang kaayohan. Nagapuyô sia sa kahanayakan sa mġa duug nġa nasunog, sa duta nġa maasin kag walâ pagapuy-i.

7 Bulahan ang tawo nġa nagasalig kay Iehoba, kag nġa ang iya salaligan amo si Iehoba.

8 Amo sia subung sang kahoy nġa natanum sa luyo sang mġa tubig, nġa nagakalapak ang iya gamut nayon sa iligau. Kon mag-abut ang kainit, indi sia nagabatyag sini, kondi nġa hilaw ang iya dahon; sa tuig sang tigmala indi sia mahadluk, bisan magauntat sa pagbunga.

9 Madayaon amo ang tagiposoan labi sang tanan nġa mġa butang, kag mala-



uton nga walay bulóng. ¿Sin-o bala ang makakilala sa iya?

10 Ako, si Iehoba, nga nagatungkad sang tagiposoon, nga ginatilawan ko ang mga tagimison, sa paghatag sa tagsatagsa sono sang iya dalanon, sono sang bunga sang iya mga binuhatan.

11 Subung sang pitaw nga nagaluub sang walâ niya igitlog, amo ang nagati-pon sing mga mangad, apang sa walâ sing katarungan. Sa tunga sang iya mga kaadlawan pagabayaan sia nila; kag sa iya kaolehian manginbuang sia.

12 Lingkoran nga harianon sa hima-ya, duug nga mataas kutub sang gin-suguran, ang duug sang aton balaan nga Puluy-an.

13 ¡Oh Iehoba, paglaum ni Israel! Ang tanan nga nagabiya sa imo, paga-pakahuy-an sila; ang mga nagapalalayô sa imo, pagaipanulat sila sa yab-ok; kay ginbayaan nila ang tuburan sang mga tubig nga buhi nga amo si Iehoba.

14 Ayoha ako, oh Iehoba, kag maga-áyô ako; luwasa ako, kag manginmalu-was ako; kay ikaw amo ang akon pagdayaw.

15 Yari karon, nga yadto sila naga-sililing sa akon: "¿Diin bala ang polong ni Iehoba? ¿Magkari sia karon!"

16 Apang ako walâ magsako labi sa isa ka manugbantay sa olehe nimo; bisan ginhandum ko ang adlaw sang kalalat-an, ikaw nakahibalo sini. Ang naggowa sa akon bâbâ, yara sa atuban-ghan sang imo nawung.

17 Indi ka magmanginkabangdanan sa akon kakulba. Dalangpan nakon amo ikaw sa adlaw nga malain.

18 Magkalahuya ang mga manughi-ngabut nakon, kag ako indi mahuya: magkalakugmat sila, kag ako indi mahakugmat: ipadala sa ibabaw nila ang malain nga adlaw, kag boonga sila sa dapli nga kaboongan.

Ang pagpakabalaan sang sabado.

19 Amo ini ang ginasiling sa akon ni Iehoba: Lakat, kag tindug-ka sa gawang sang mga anak sang banwa, nga sa iya nagasululúd kag nagagulowa ang mga hari sa Iuda, kag sa tanan nga mga gawang sa Ierusalem.

20 Kag isiling-mo sa ila: Pamati-ninyo ang polong ni Iehoba, mga hari sa Iuda, ang bug-os nga Iuda; kag kamo

nga tanan nga mga pumuluyô sa Ieru-salem, nga nagasululúd sa sining mga gawang.

21 Amo ining ginasiling ni Iehoba: Andam-kamo tungud sang inyo mga kalág kag indi kamo magdalalá sing bisan ano nga lulan sa adlaw sang sabado, sa pagpasulúd sa iya sa mga gawang sang Ierusalem.

22 Bisan magpagowa kamo sing bisan ano nga lulan sa inyo mga baláy sa adlaw sang sabado, bisan maghimo-kamo sing ano nga buluhaton, kag pakabalaana-ninyo ang adlaw nga sabado, subung sang ginsogo ko sa inyo mga ginikanan.

23 Apang sila walâ magpalamati, bisan ginpahuyog nila ang ila idulungug; kag ginpatig-a nila ang ila tingkoy sa dili pagpamati, kag sa indi pagbaton sing sabdong.

24 Kag kon kamo magpamati sa akon sing matalupangdon; siling ni Iehoba, sa indi pagpasulúd sing bisan ano nga lulan sa mga gawang sini nga banwa sa adlaw nga sabado, kag sa pagpakabalaan sang adlaw nga sabado nga indi maghimo sa iya sing bisan ano nga buluhaton,

25 Mahanabu, nga magasululúd sa mga gawang sini nga banwa ang mga hari kag ang mga dunganon nga nagalilingkod sa lingkoran nga harianon ni Dabid, nga nagasalakay sa mga kanga kag sa mga kabayo, sila kag ang ila mga dunganon, kag ang mga tawo sa Iuda, kag ang mga pumuluyô sa Ierusalem; kag nga ini nga banwa pagapuy-an sa giha-pon.

26 Kag magaalabut sila gikan sa mga banwa sa Iuda kag sa mga kahilapitan sa Ierusalem, kag sa duta sa Benyamin, kag sa mga latagon nga manubo, kag sa bukid, kag sa Bagatnan, nga nagadalalá sing mga halad nga sinunog kag sing mga halad, kag sing mga halad nga kalan-on, kag sing insienso, kag nagadalalá sila sing halad sa pagdayaw sa Baláy ni Iehoba.

27 Kag kon indi ninyo ako pagpamati sa pagpakabalaan sang adlaw nga sabado, kag sa indi pagsulúd sa mga gawang sa Ierusalem, nga nagadalalá sing mga lulan sa adlaw nga sabado, pagatudan ko ang isa ka kalayo sa mga gawang sang Ierusalem, nga pagaupuron

niya ang mġa baláy nġa harianon sa Ierusalem, kag nġa indi mapalong.

Ang Dios magahimo sa Israel sang ginahimo sang maninohon sa iya suludlan.

**18** ANG polong ni Iehoba, nġa nag-abut kay Ieremias, nġa nagsiling:

2 “Tindug-ka, kag panaug-ka sa baláy sang maninohom kag didto pagapabation ko ikaw sang akon mġa polong.”

3 Busa nagpanaug ako sa baláy sang maninohon, kag yari karon, nġa sia nagahimo sang iya buluhaton sa ibabaw sang aliling.

4 Kag ang suludlan, nġa ginahimo niya sa lunang nalaglag sa kamut sang maninohon; kag ginhimo niya sia liwan nġa isa ka suludlan, nġa sono sang minamaayo sang mġa mata sang maninohon nġa himoon niya.

5 Kag nag-abut sa akon ang polong ni Iehoba, nġa nagsiling:

6 ; Indi bala ako sarang makahimo sa inyo subung sang ginahimo sining maninohon, oh baláy ni Israel? siling ni Iehoba. Yari karon nġa subung sang lunang sa kamut sang manihohon, oh man kamo sa akon kamut, oh baláy ni Israel.

7 Sa isa ka tion magahambal ako sa isa ka katawohan kag sa isa ka ginharian sa paggagabut, kag sa pagdugmok, kag sa paglaglag;

8 Apang *kon* inang katawohan nġa ginhambalan ko, magliso sa iya kalainan, niyan ako magahinulsul sang malain nġa ginhunahuna ko nġa himoon sa ila.

9 Kag sa isa ka tion magahambal ako sa isa ka katawohan kon sa isa ka ginharian, sa pagpatindug kag sa pagtanum;

10 Apang *kon* maghimo sia sing malain sa atubangan sang akon mġa mata, nġa indi magpamati sang akon tingug, niyan magahinulsul ako sang maayo nġa ginsiling ko nġa himoon sa iya.

11 Busa karon, hambal-ka sa mġa tawo sa Iuda, kag sa mġa pumuluyô sa Ierusalem, nġa nagsiling: Amo ining ginasing ni Iehoba: Yari karon, nġa ako nagaaman sing malain batok sa inyo, kag nagapainoino ako batok sa inyo sing isa ka panghunahuna. Busa, magliso-kamo ang tagsatagsa sa inyo sa iya malain nġa dalanon, kag kaayoha-

ninyo ang inyo mġa dalanon kag ang inyo mġa binuhatan.

12 Kag nagsililing sila: “Walâ na sing bulông, kay sa olehe sang amon mġa painoino magakadto kami, kag himoon namon ang tagsatagsa sono sang katig-ahon sang amon malauton nġa tagiposoon.”

13 Tunġud sini amo ining ginasiling ni Iehoba: Busa, pamangkot-kamo sa mġa katawohan, kon sin-o ang nakabati sang subung nġa mġa butang. Daku gid nġa kakugmat ang ginhimo sang ulay sa Israel.

14 ; Magauntat bala gikan sa Libano, ang niebe sa *pagbunyang* sang latagon? Kon ; magamala bala ang mġa tubig nġa mġa matugnaw nġa nagaililig gikan sa malayô?

15 Apang ang akon banwa nagkalipat sa akon, nġa nagapasunog sila sing insienso sa kadayawan; ginpasandad sila sa ila mġa dalanon, sa mġa dalanon nġa daan, agud nġa maglalakat sila sa mġa banas, sa dalan nġa walâ matapan,

16 Sa paghimo sang ila duta nġa kahapayan kag sa dayon nġa panihol; sa bagay nġa ang tanan nġa mag-agi sa iya magakatingala, kag magalungo sang olo.

17 Subung sang hangin sa Sidlangan pagaiwaraag ko sila sa atubangan sang kaaway; igaatubang ko sa ila ang likod, kag indi ang nawung, sa adlaw sang ila kalalat-an.

18 Apang nagsililing sila: “Kari-kamo, kag magapadugi kita sing pasohot batok kay Ieremias; kay ang kaso-goan indi magkulang sa saserdote, bisan ang laygay sa maalam, bisan ang polong sa manalagna. Kari-kamo kag pilason-naton ang dila, kag indi kita magtalupanġud sa bisan ano sang iya mġa polong.”

19 Oh Iehoba, talupangda ako, kag pamatii ang tingug sang akon mġa kasumpung.

20 ; Ihatag bala ang malain tunġud sa maayo, nġa nagkutkut sila sing boho nġa sa akon kabuhi? Panumduma kon paano nġa nagtindug ako sa imo atubangan sa paghambal sing maayo nġa sa ila, sa pagpahalayô sa ila sang imo kaakig.

21 Tunġud sini bayai ang ila mġa anak sa gutum, kag itugyan-mo sila sa



gahum sang hinganiban. Mabilin ang ila mga asawa nga walâ sing mga anak kag mga bálo, kag ang ila mga bana pagpilson sa kamatayon, kag ang mga pamatan-on pagpiason sa hinganiban sa pag-awayan.

22 Mabatian ang pagsingit sa ila mga baláy, kay sa hinali pagpakarion mo sa ibabaw nila ang mga pinanung sang mga *kaaway*; kay nagkulutkot sila sing boho sa pagdakup sa akon; sa akon mga tiil nagtago sila sing mga siod.

23 Kag ikaw, oh Iehoba, nakakilala sang tanan nila nga mga tinotuyo batok sa akon nga sa kamatayon. Indi pagpatawara ang ila kalainan, bisan pagpanason-mo ang ila salâ sa atubangan sang imo nawung. Pagpuhanon sila sa atubangan mo. Himoa batok sa ila sa panag-on sang imo kaakig.

Ang nabuong nga suludlan.—Ang pagkaguba sang Ierusalem.

19 AMO ining ginasiling ni Iehoba: Lakat kag bakal-ka sing isa ka bangâ nga lunang sang maninohon, kag dal-a *upud sa imo* ang mga tigulang sang banwa, kag ang mga tigulang sang mga saserdote.

2 Kag maggowa-ka sa nalupyakan sang anak ni Hinom, nga yara sa salamputan sang gawang sang Hilimoan sang kolon, kag pagaibantala mo didto ang mga polong nga akon pagaihambal sa imo.

3 Kag magasiling ka: “Pamatii-ninyo ang polong ni Iehoba, mga hari sa Iuda, kag kamo, mga pumuluyô sa Ierusalem. Amo ining ginasiling ni Iehoba sang Sebaot, nga Dios ni Israel: Yari karon, ako, pagapakarion ko sa ibabaw sini nga duug ang isa ka malain nga ang bisan sin-o nga makabati sini, magaaningal sa iya mga idulungug.

4 Tungud kay ginbayaan nila ako, kag gintugyan nila ini nga duug sa mga *dios* nga dumuluong, kag nagpasunug sila sa iya sing mga pahamut sa liwan nga mga dios, nga sa ila walâ sila makakilala, bisan ang ila mga ginikanan, bisan ang mga hari sa Iuda; kag ginpunô nila ini nga duug sang dugo sang mga walay salâ,

5 Kag nagpalatindug sila sing mga mataas nga duug kay Baal, sa pagsunog sa kalayo sang ila mga anak sa halad

nga sinunog kay Baal, *butang* nga walâ ko pagisogo, bisan ginhambal ko sa ila, bisan nga nag-abut sa akon hunahuna;

6 Ngani, yari karon, nagaalabut ang mga adlaw, siling ni Iehoba, nga ini nga duug indi na gid pagatawgon nga Topet, bisan nalupyakan sang anak ni Hinom, kondi nalupyakan sang Pagpamatay.

7 Kag pagawalaon ko ang kasapulanang ni Iuda kag sang Ierusalem sa sini nga duug; pagapamukanon ko sila sa hinganiban sa atubangan sang ila mga kaaway, kag sa kamut sang mga nagapangita sang ila mga kabuhi; kag pagaihatag ko ang ila mga bangkay nga sa kalamon sang mga kapispisan sang langit kag sang mga kasapatan sang duta.

8 Kag pagaitugyan ko ini nga banwa sa kahapayan kag sa mga panihol; bisan sin-o nga mag-agi malapit sa iya, magakatingala, kag magapanihol bangud sang tanan nila nga mga kangitngitan.

9 Kag pagaipakaon ko sa ila ang unud sang ila mga anak nga lalaki, kag ang unud sang ila mga anak nga babae; kag ang tagsatagsa magakaon sang unud sang ila masigkatawo sa paglibot kag sa kalilisdan nga pagaipiton sila sang ila mga kaaway, kag sang mga nagapalanngita sang ila mga kabuhi.”

10 Kag pagaboongon mo ang bangâ sa atubangan sang mga mata sang mga tawo nga nagaulupud sa imo.

11 Kag pagaisiling mo sa ila: “Amo ining ginasiling ni Iehoba sang Sebaot: Pagaboongon ko sing subung sini ini nga katawohan, kag ini nga banwa, subung sang pagboong sang isa ka suludlan sang maninohon, nga indi na sarang makaâyô; kag tungud kay kulang ang duug nga lulubngan, pagailubung sa Topet.

12 Amo ini ang pagahimoon ko sa sini nga duug, siling ni Iehoba, kag sa iya mga pumuluyô, nga pagahimoon ko ini nga banwa subung sang Topet.

13 Kag ang mga baláy sa Ierusalem, kag ang mga baláy sang mga hari sa Iuda nga nahigkoan, manginsubung sila sang duug sa Topet, *kon sayoron* ang tanan nga mga baláy nga sa ibabaw sang ila mga atop nagpasunog sila sing mga pahamut sa bug-os nga kasoldadosan sang mga langit, kag ginula nila ang mga halad nga ilimnon sa liwan nga mga dios.”

14 Kag nagbalik si Ieremias gikan sa Topet, nga didto ginpadalá sia ni Iehoba sa pagtagna, kag nagdúlog sia sa patyo sang Baláy ni Iehoba, kag nagsiling sia sa bug-os nga banwa:

15 “Amo ining ginasiling ni Iehoba sang Sebaot, nga Dios ni Israel: Yari karon pagapakarion ko sa ibabaw sini nga banwa kag sa ibabaw sang tanan niya nga mga kabanwaan, ang tanan nga malain nga ginmitlang ko batok sa iya; kay ginpatig-a nila ang ila tingkoy, sa dili pagpamati sang akon mga polong.”

Ginpabilango ni Pasur si Ieremias.

**20** APANG si Pasur, nga anak ni Imer, nga saserdote, nga pangolo nga tulugyanan sa Baláy ni Iehoba, nakabati kay Ieremias, nga nagapanagna sining mga polong.

2 Kag ginpilas ni Pasur si Ieremias, nga manalagna, kag ginbutang niya sia sa pandug, nga didto sa Gawang nga mataas ni Benyamin, sa Baláy ni Iehoba.

3 Kag nahanabu, sang madason nga adlaw, nga ginkuha ni Pasur si Ieremias sa pandug. Kag nagsiling sa iya si Ieremias: “Si Iehoba walá maghingalan sa imo nga Pasur, kondi nga Magor-Misabib.”\*

4 Kay amo ining ginasiling ni Iehoba: Yari karon, pagahimoon ko ikaw nga kakugmatan nga sa imo kaugalingon kag sa tanan nga imo mga abyan; nga magakalapukan sila sa hinganiban sang ila mga kaaway, kag ang imo mga mata makakita sini: kag pagaitugyan ko ang bug-os nga Iuda sa kamut sang hari sa Babilonia kag pagapalitonon sila niya sa Babilonia, kag magapilas sia sa ila sa hinganiban.

5 Kag pagaitugyan ko ang tanan nga mga mangad sining banwa, kag ang tanan nila nga kinabudlayan, kag ang tanan nila nga mga malahalon; kag pagaitugyan ko ang tanan nga mga bahandi sang mga hari sa Iuda sa mga kamut sang ila mga kaaway, pagaatihon sila nila, kag pagadakpon nila sila, kag pagadalhon nila sila sa Babilonia.

6 Kaw ikaw, Pasur, kag ang tanan

nga mga pumuluyô sang imo baláy, magakaladto kamo sa kabihagan. Magasulúd ka sa Babilonia, kag didto mamatay ka, kag pagailubong ka didto, ikaw kag ang tanan mo nga mga abyan, nga sa ila nagtagna ka sing butig.”

7 Nagpabuyo ka sa akon, oh Iehoba, kag nabuyo ako; ginpilit mo ako, kag naglandas ka sa akon. Sa adlawadlaw ginakadlawan ako; ang tagsatagsa nagauligyat sa akon.

8 Kay kutub nga nagahambal ako, dapat nga magsingit ako, nga magbantala ako sing pagpigos kag sing kahapayan. Hoo, ang polong ni Iehoba nanginpasipala sa akon kag uligyat sa adlawadlaw.

9 Kag kon nagsiling ako: Indi na gid ako magsambit sa iya, b'san pa maghambal ako sa iya ngalan, yari sa akon tagiposoon subung sing isa ka kalayo nga nagasunug nga nasulúd sa akon mga tul-an. Ginabudlay ako sa pagpugung sini, kag walâ ako makasarang.

10 Kay nakabati ako sang kinumud sang kadamuan. Kakugmat *nagaabut* sa akon sa tanan nga duug. *Nagsiling sila*: “Sugid-kamo,” kag “magapanumbung kami sa iya.” Ang tanan nga mga tawo nga may paghidaet ako, nga yara sa akon luyo, *ang tanan nagasiling*: “Ayhan mabuyo sia, kag magalandas kita batok sa iya, kag pagakuhaon naton sa iya ang aton pagtimalus.”

11 Apang si Iehoba yari upud sa akon, subung sang mandadaug nga makahaladluk. Tunud sini ang mga nagahilingabut sa akon, magakalasandad sila, kag indi sila magalandas. Pagapakahuy-an sila sing daku gid, tunud kay indi sila naghimo sing maalam gid; ang salimuang nila manginsagihapon kag indi nga mas-a malipatan.

12 Oh Iehoba sang Sebaot, nga nagatitaw ka sang matarung, nga nagatan-aw ka sang mga tigimison kag sang tagiposoon, nga makita ko ang imo pagtimalus sa ila, kay sa imo ginbuksan ko ang akon kasaba.

13 Kinanta-kamo kay Iehoba, dayawa-ninyo si Iehoba; kay ginabawi niya ang kalág sang imol sa kamut sang mga malauton.

14 Pakamalainon ang adlaw nga ginpakatawohan ko. Ang adlaw nga ang

\* *Magor-Misabib*, kakugmat sa tanan nga duug.



akon ilôy nag-anak sa akon, indi pag-pakamayohon.

15 Pinapakamalut ang tawo, nga nag-dalâ sing mġa maayo nga balita sa akon amay, nga nagasiling: "Anak nga lalaki ang natawo sa imo;" kag nga nagpunô sa iya sing kalipay.

16 Ang amo nga tawo manginsubung sang mġa kabanwaanang nga ginpukan ni Iehoba, nga walâ maghinulsul sa iya. Magpamati sia sing mġa siningit sa kaagahon kag sing mġa siningit sa pag-away sa udtong adlaw,

17 Ang walâ magpatay sa akon kutub sa tiyan nga inilôy sa bagay, nga ang akon ilôy manginakon lulubngan, tungud sa dayon nga pagbusong.

18 Busa ikay ngaa bala naggowa ako sa tiyan nga inilôy sa pagtan-aw lamang sang kabudlayan kag sang kasakit, kag nga ang akon mġa adlaw maghalagas sa kahuya?

Balita sang paglaglag sang Ierusalem ni Nabukodonosor.

21 ANG polong ni Iehoba, nga nag-abut kay Ieremias, sang ang hari nga si Sedekias nagpadalâ sa iya kay Pasur, nga anak ni Malkias, kag kay Seponias, nga anak ni Maasias, nga saserdote, nga nagasiling:

2 "Busa pamangkot-ka kay Iehoba tungud sa amon; kay si Nabukodonosor, nga hari sa Babilonia, nagapakigaway batok sa aton. Ayhan si Iehoba magahimo sa aton sono sang tanan niya nga mġa kalatingalahan, sa bagay nga si Nabukodonosor magpalayô sa aton."

3 Kag si Ieremias nagsiling sa ila: Isiling-ninyo ang subung sini kay Sedekias:

4 Amo ining ginasiling ni Iehoba, nga Dios ni Israel: Yari karon, ako nagapabalik kutub sa gowa sang mġa kuta sang mġa hinganiban sa pagawayan nga yara sa inyo mġa kamut, nga sa ila nagaaway kamo batok sa hari sa Babilonia, kag batok sa mġa Kaldeinhon nga nagalilibut sa inyo, kag ako magatipon sa ila sa tungâ sining banwa;

5 Kag magapakigaway ako batok sa inyo sa kamut nga inuntay, kag sa butkon nga makusug, kag sa kaakig kag sa kasingkal, kag sa dakung alipungot.

6 Kag pagapilason ko ang mġa pumu-

luyô sini nga banwa; ang mġa tawo subung man ang mġa kasapatan magakalamatay sa daku nga kinamatay.

7 Kag sa olehe sini, siling ni Iehoba, pagaitugyan ko si Sedekias, nga hari sa Iuda, kag ang iya mġa sologoon kag ang banwa: ang mġa mabilin sa banwa, sang kinamatay kag sang hinganiban kag sang gutum, pagaitugyan ko sila sa kamut ni Nabukodonosor, nga hari sa Babilonia, kag sa kamut sang ila mġa kaaway, kag sa kamut sang mġa naga-palangita sang ila kabuhi; kag sia magapilas sa ila sa sulab sang hinganiban; kag indi sia magapatawad sa ila kag walâ sia magkalooy bisan maghinoklog sa ila.

8 Kag isiling-mo sa sini nga banwa: Amo ining ginasiling ni Iehoba: Yari karon, nagabutang ako sa atubangan ninyo sang dalan sa kabuhi kag sang dalan sa kamatayon.

9 Ang mabilin sa sini nga banwa, mamatay sa hinganiban, kon sa gutum, kon sa kinamatay; apang ang maggowa kag magsaylo sa mġa Kaldeinhon, nga nagalilibot sa inyo, magakabuhi kag ang iya kabuhi mangihinublas sa iya.

10 Kay ginabutang ko ang akon nawung batok sa sini nga banwa nga sa malain, kag indi nga sa maayo, siling ni Iehoba. Sa kamut sang hari sa Babilonia pagaitugyan sia, kag pagasunugon niya sia sa kalayo.

11 Kag sa baláy sang hari sa Iuda magasiling ka: Pamati-kamo sang polong ni Iehoba.

12 Baláy ni Dabid, amo ining ginasiling ni Iehoba: "Hukmi-ninyo sing matarung sa agaaga; bawia-ninyo sa kamut sang manugpigang hinublasan, basi pa ang akon kaakig maggowa subung sang kalayo, kag nga magdabdab nga walâ sing sin-o nga makapalong, bangud sang kalainan sang inyo mġa binuhatan.

13 Yari karon, ako nagakari batok sa imo, pumuluyô nga babae sang nalupya-kan, nga batong bantiling sang kapatagan, siling ni Iehoba: sa inyo nga nagasiling: "ikay bala ang magapanaug batok sa aton? ikay sin-o bala ang magasulud sa aton nga puluy-an?"

14 Ako magasilot sa inyo sono sang bunga sang inyo mġa binuhatan, siling ni Iehoba; pagapadabdabon ko ang

kalayo sa talon, kag pagaupuron niya ang tanan nga yara sa palibot niya.

Tagna batok sang balay nga harianon ni Iuda.

**22** AMO ining ginasiling ni Iehoba: Panaug-ka sa baláy sang hari sa Iuda, kag didto pagamitlangon mo ini nga polong,

2 Kag igsiling-mo: Pamatii ang polong ni Iehoba, oh hari sa Iuda, nga nagalingkod ka sa lingkoran nga harianon ni Dabid, ikaw kag ang imo mga sologoon, kag ang imo banwa, kamo nga nagasululúd sa sining mga gawang:

3 Amo ining ginasiling ni Iehoba: Himo-kamo sing katarungan kag sing katadlungan, bawia-ninyo sa kamut sang manugpigos ang hinublasan; dili kamo magpigos, bisan maglugus sa dumuluong, bisan sa ilo, bisan sa bálo nga babae; kag dili kamo magula sing dugo nga walay salá sa sini nga duug.

4 Kay kon sa minatuud gid himoon ninyo ini nga polong, ang mga hari nga nagalingkod nga salili ni Dabid sa iya lingkoran nga harianon, magasululúd sa mga gawang sini nga baláy, nga nagsalakay sa mga kanga kag sa mga kabayo, ang hari kag ang iya mga sologoon, kag ang iya banwa.

5 Kay kon indi ninyo pagpamatian ini nga mga polong, tungud sa akon nagsumpa ako, siling ni Iehoba, nga ini nga baláy manginkahapayan.

6 Kay amo ining ginasiling ni Iehoba nahanungud sa baláy sang hari sa Iuda: Ang Galaad amo ikaw nga sa akon, putokputokan sang Libano. *Apang* sa pagkamatuud, pagahimoon ko ikaw *subung* sang isa ka kahanayakan, nga kabanwaan nga indi sarang mapuy-an.

7 Kag magapahanungud ako sing mga manuglaglag batok sa imo, ang tagsatagsa sa ila mga hinganiban; kag pagapangutdon nila ang imo mga sedro nga mga pinili, kag pagaidap-ong nila sila sa kalayo.

8 Kag magaalagi ang madamu nga mga katawohan sa malapit sini nga banwa, kag magasiling ang tagsatagsa sa iya kaupud: “¿Kay ngaa bala ginhimo ni Iehoba ang subung sini sa sining daku nga banwa?”

9 Kag magasiling: “Kay ginbayaan nila ang katipan ni Iehoba, nga ila

Dios, kag nagsilimba sila sa liwan nga mga dios, kag gin-alagad nila sila.”

10 Dili kamo maghilibi sa patay, kag dili kamo maghaya tungud sa iya. Hilibi-kamo, hilibi-kamo tungud sang nagataliwan; kay indi na magbalik, bisan makakita sia sang iya duta nga natawohan.

11 Kay amo ining ginasiling ni Iehoba nahanungud kay Salum, nga anak ni Iosias, nga hari sa Iuda, nga nagahari nga salili ni Iosias, nga iya amay, nga naggowa sa sini nga duug: Indi na gid sia magbalik diri,

12 Kondi mamatay sia sa duug nga diin ginpaiton sia, kag indi na makakita sia sini nga duta.

13 ¡Kailo sang nagapatindug sang iya baláy, sa walay katarungan, kag sang iya mga hulut nga mataas sa walay katadlungan; nga magpapangabudlay sa iya isigkatawo sa walay bayad, kag nga indi maghatag sa iya *sang sohols* sang iya pagpangabudlay;

14 Nga nagasiling: “Magapatindug ako nga sa akon sing baláy nga masangkad gid nga may mga malapad nga hulut nga mataas,” nga ginapahimoan niya nga sa iya sing mga dalagku nga talambuan, kag ginadagpakan sia sing sedro, kag ginapintahan sia sing bermilyon.

15 Ngani ¿magahari ka bala tungud kay nagahingamo ka sing sedro? ¿Walá bala magkaon kag maginum ang imo amay? Naghimo sia sing katarungan kag sing katadlungan, kag niyan may kaayo sa iya.

16 Sia naghukom sang kasaba sang nalisdan kag sang imol, kag niyan may kaayo sa iya. ¿Indi bala amo ini ang pagkilala sa akon? siling ni Iehoba.

17 Apang ikaw walá sing mata kag tagiposoon kondi sa imo pagdaug kag sa pagula sang dugo nga walay salá, kag sa pagpigos kag sa paghimo sing paglugos.

18 Tungud sini amo ining ginasiling ni Iehoba kay Ioiakim, nga anak ni Iosias, nga hari sa Iuda: Indi pagituaw tungud sa iya sa lalaw: “¡Abaw, útud ko nga lalaki! ¡Abaw, útud ko nga babae!” Indi pagaituaw tungud sa iya sa lalaw: “¡Abaw, ginoo! ¡Abaw, pagkahalangdon mo!”

19 Sa lulubngan sang asno pagailubung sia, nga pagasagnoyon sia kag



pagaipilák sia sa luwas sang mġa gawang sang Jerusalem.

20 Taklad-ka sa Libano kag singit-ka, kag sa Basan ibayaw ang imo tingug, kag singit-ka kutub sa Abarim; kay ang tanan nġa mahigugmaon mo mġa pinandugmok.

21 Naghambal ako sa imo sa mġa kabuganaan mo; apang nagsiling ka: "Indi ako magpamati." Ini nanġinimo dalan kutub sang imo pagkapamatanon, nġa walâ mo pagpamatii ang akon tingug.

22 Ang tanan nimo nġa mġa manugbantay manginhalalbon sang hangin, kag ang mġa mahigugmaon mo, magapalakadto sa kabihagan. Kay niyan magakahuya ka kag magasalimoang ka bangud sang tanan mo nġa kalautan.

23 Pumuluyô nġa labae sa Libano, nġa nagapugad sa mġa sedro; ;daw ano nġa kanugon sa imo kon mag-abut sa imo ang mġa kasakit kag ang kalilisdan subung sang sa babae nġa naganak!

24 Magkabuhi ako, siling ni Iehoba uġa kon si Konias, nġa anak ni Ioiakim, nġa hari sa Iuda, manginsingsing sa akon, kamut nġa too, *Konias*, didto pagagabuton ko ikaw.

25 Kag pagaitugyan ko ikaw sa kamut sang mġa nagapalangita sang imo kabuhi, kag sa kamut sang mġa yadto nġa sa ila may kahadluk ka, kag sa kamut ni Nabukodonosor, nġa hari sa Babilonia, kag sa kamut sang mġa Kaldeinhon.

26 Kag pagaipilák ko ikaw, ikaw kag ang imo ilôy nġa nag-anak sa imo, sa duta nġa dumuluong nġa walâ ninyo matawahi, kag didto magakalamatay kamo.

27 Kag nahanungud sang duta nġa ginahandum sang ila kalág ang pagbalik sa iya, indi na sila magabalalik.

28 Busa ; amo bala ining tawo nġa si Konias isa ka suludlan nġa lunang nġa walay pulus, nġa binoong? ; Amo ini bala ang butang nġa walâ sing sin-o nġa nahamuut sa iya? ; Kay nġa bala ginapanlabyog sila, sia kag ang iya kaliwatan, kay nġa bala ginpanobol sila sa duta nġa walâ nila makilala?

29 ;Duta, duta, duta! pamatii ang polong ni Iehoba.

30 Amo ining ginasiling ni Iehoba: Isulat-ninyo ini nġa tawo subung nġa gindumilian sing mġa anak, subung sang

tawo nġa indi magauswag sa iya mġa kaadlawan. Kay walâ gid sing tawo sa iya kaliwatan nġa magauswag, nġa magalingkod sa lingkoran nġa hari-anon ni Dabid, bisan nġa magaginoo sa Iuda.

**23** ; KAILO sang mġa manugbantay nġa nagadula kag nagapaalapaag sang mġa obeha sa akon halalban! siling ni Iehaba.

2 Tunġud sini amo ining ginasiling ni Iehoba, nġa Dios ni Israel, nahanungud sa mġa manugbantay nġa nagapalahalab sang akon banwa: Ginpalaplaag ninyo ang akon mġa obeha, kag ginpanabog ninyo sila, kag walâ ninyo sila pagduawa; yari karon, ako, nagaduaw ako sa ibabaw ninyo sang kalainan sang inyo mġa binuhatan, siling ni Iehoba.

3 Kag ako, pagatiponon ko ang nabilin sang akon mġa obeha sa tanan nġa mġa duta nġa diin ginpanobol ko sila, kag pagapabalikon ko sila sa ila mġa halalbon, agud nġa magpalamunga sila, kag magdalamu sila.

4 Kag pagabanġonon ko sa ibabaw nila ang mġa manugbantay nġa magpahalab sa ila; kag indi na sila magkalahadluk, bisan magkalakugmat sila, kag walâ na sing makulang sa ila, siling ni Iehoba.

#### Ang Salingsing ni Dabid.

5 Yari karon, nġa nagaabut ang mġa adlaw, siling ni Iehoba, nġa pagabanġonon ko kay Dabid ang Salingsing nġa matarung; nġa magahari nġa Hari, kag sia magahimo sing maalam gid, kag magahikot sia sing katadlungan kag sing katarungan sa duta.

6 Sa iya mġa kaadlawan manginmaluwas si Iuda, kag si Israel magapuyô nġa malig-on; kagyari karon ang ngalan nġa pagaihingalan nila sa iya: Si Iehoba, katarungan naton.

7 Tunġud sini, yari karon, nagaabut ang mġa adlaw, siling ni Iehoba, nġa indi na gid igasiling: "Magkabuhi si Iehoba, nġa nagpataklad sa mġa inanak ni Israel gikan sa duta sang Egipto,"

8 Kondi: "Magkabuhi si Iehoba, nġa nagpataklad, kag nagdalâ diri sang kaliwat sang baláy ni Israel gikan sa duta sang Aminhan, kag sa tanan nġa

mga duta, nga diin ginpanobol ko sila.”  
Kag magapuluyô sila sa ila duta.

Batok sa mga manalagna nga butig.

9 Batok sa mga manalagna. Ang akon tagiposoon naboon sa tungâ nakon; nagakulurug ang tanan nakon nga mga tul-an: nanġinsubung ako sang tawo nga hubug, kag subung sang tawo nga gindaug sang alak, bangud kay Iehoba kag bangud sang mga polong sang iya pagkabalaan.

10 Kay ang duta napunô sang pagpakighilawas, kay bangud sang mga panumpa ang duta yara sa lalaw, ang mga halalbon sa kahanayakan nagmalala. Ang dinalaganan nila among malain, kag ang ila kaisug indi maayo.

11 Kay ang manalagna subung man ang saserdote mga dimatinohoron sa Dios, bisan pa sa akon baláy nakit-an ko ang ila kalainan, siling ni Iehoba.

12 Tungud sini ang ila mga dalanon manġinsubung nga mga kaladanlogon sa kadulum sa ila; pagaipaniklod sila, kag magakalapukan sila sa iya; kay ako magadalâ diri sing malain sa ibabaw nila sa tuig ang pagduaw sa ila, siling ni Iehoba.

13 Kag sa mga manalagna sa Samaria nakita ko ang mga kabuangan: magtalagna sila tungud kay Baal; ginpatalang nila ang akon banwa nga Israel.

14 Kag sa mga manalagna sa Ierusalem nakita ko ang makakulugmat: nagabuluhat sila sing mga pagpakighilawas, kag nagalalakat sila sa kabutigan; ginapanikusgan nila ang mga kamut sang mga nagahilimo sang malain, agud nga walâ gid sing magliso sa iya kalautan. Tanan sila nga sa akon subung sang Sodoma, kag ang iya mga pumuluyô subung sang sa Gomora.

15 Ngani amo ini ang ginasiling ni Iehoba sang Sebaot batok sag mga manalagna: Yari karon, ginapakaon ko sila sing ahenho, kag pagapaimnon ko sila sang mga tubig nga hiniloan; kay sa mga manalagna sa Ierusalem nagagowa ang pagkadimatinahoron sa Dios sa ibabaw sang bug-os nga duta.

16 Amo ining ginasiling ni Iehoba sang Sebaot: Indi kamo magpalamati sang mga polong sang mga manalagna nga nagatalagna sa inyo: ginasiling nila sa inyo ang walay pulus; nagahambal sila sono sang palanan-awon sang ila tagipo-

soon, kag indi sono sang bâbâ ni Iehoba.

17 Sila indi nagauntat sa pagsiling sa mga nagatamay sa akon: “Si Iehoba nagasiling, may paghidaet kamo.” Kag sa tanan nga nagalakat sa katig-ahon sang ila tagiposoon, nagasililing sila: “Indi mag-abut ang bisan ano nga malain sa ibabaw ninyo.”

18 Kay ġsin-o bala ang didto sa kasapulanang nga hirop ni Iehoba, agud nga nakit-an niya, kag nabatian niya ang iya polong? ġsin-o bala ang nagmatalupangdon sa akon polong sa pagpamati sa iya?

19 Yari karon, ang unos ni Iehoba; naggowa ang kasingkal kag ang unos nga nagaalimpolos nga nagaligid sa ibabaw sang olo sang mga malauton.

20 Ang kaakig ni Iehoba indi magaisol tubtub nga mahikot kag nga matuman ang mga hunahuna sang iya tagiposoon. Sa mga adlaw nga palaabuton mahanġup ninyo ini sing himpit gid.

21 Walâ ako magpadalâ sadtong mga manalagna, kag sila nagdinalagan; ako walâ maghambal sa ila, kag sila nagtalagna.

22 Kag kon sila didto kunta sa akon kasapulanang nga hirop, ginpabati nila kunta ang akon mga polong sa akon banwa; ginpabalik nila sila kunta gikan sa ila malain nga dalan kag sa kalainan sang ila mga binuhatan.

23 ġDios bala ako nga malapit lamang, siling ni Iehoba, kag indi Dios man sa malayô?

24 ġMakapanago bala ang tawo, sa mga palanagoan nga indi ko makita sia? siling ni Iehoba. ġWalâ ko bala ginapun-a ang langit kag ang duta? siling ni Iehoba.

25 Ako nakabati sang ginasiling sang mga manalagna, nga nagatalagna sing butig sa akon ngalan, nga nagasiling: “Nagdango ako, nagdango ako.”

26 ġTubtub pa bala san-o? ġIni bala yara sa tagiposoon sang mga manalagna nga nagatalagna sing butig, kag nagatalagna sang limbong gikan sa ila tagiposoon:

27 Buut bala sila magpapakalimot sa akon banwa sang akon ngalan tungud sa ila mga damgo, nga ang tagsatagsa nagasugid sa iya isigkatawo nga kon paano ang ila mga ginikanan nagkalalipat sa akon ngalan tungud kay Baal?



28 Ang manalagna nga may damgo, magsugid sing damgo; kag ang may iya sang akon polong, magmitlang sia sang akon polong sa kamatooran. ¿Ano bala ang paghiupud sang dagami kag sang trigo? siling ni Iehoba.

29 ¿Indi bala ang akon polong subung sang kalayo, siling ni Iehoba, kag subung sang pakang nga *salsalon* nga nagaboong sang bató?

30 Tunğud sini, yari karon, ako nagakari batok sa mga manalagna, siling ni Iehoba, nga nagapalangawat sang akon polong ang tagsatagsa sa iya isigkatowo.

31 Yari karon, siling ni Iehoba, ako *nagakari* batok sa mga manalagna, nga nagahilimo sang ila gid pamolong kag nga nagamitlang: "Sia nagsiling."

32 Yari karon, siling ni Iehoba, ako *nagakari* batok sa mga nagatalagna sing mga damgo nga butig, kag nga ginasugid nila sila kag ginapatalang nila ang akon banwa tunğud sang ila mga kabutigan, kag tunğud sang ila mga pagkahas nga walâ ako magpadalâ sa ila, kag nga walâ ako magsogo sa ila; kag walâ sing ano nga mapuslan sila sa sini ang banwa, siling ni Iehoba.

33 Kag kon pamangkoton ka sini nga banwa, kon sang manalagna, kon sang saserdote, nga nagasiling: "¿Ano bala ang lulan ni Iehoba?" magasiling ka sa ila: "¿Ano bala nga lulan?" Amo ini, nga pagabayaan ko kamo, nagasiling si Iehoba.

34 Kag ang manalagna, kag ang saserdote kag ang banwa nga magasiling: "Lulan ni Iehoba." Ako magaduawsina sa ibabaw sini nga tawo kag sa ibabaw sang iya baláy.

35 Amo ini ang isiling ninyo ang tagsatagsa sa iya kaupud, kag ang tagsatagsa sa iya útud: "¿Ano bala ang ginsabat ni Iehoba?" kag "¿ano bala ang ginhambal ni Iehoba?"

36 Apang indi na gid pagasambiton ninyo ang lulan ni Iehoba; kay ang polong sang tagsatagsa manginlulan niya kag ginabaliskad ninyo ang mga polong sang Dios nga buhi, ni Iehoba sang Sebaot, nga Dios naton.

37 Amo ining igasiling mo sa manalagna: "¿Ano bala ang ginsabat sa imo ni Iehoba?" kag "¿ano ang ginhambal ni Iehoba?"

38 Kag kon magsililing kamo: "Lu-

lan ni Iehoba," bangud sini amo ining ginasiling ni Iehoba: Tunğud kay ginasiling ninyo ini nga polong: "Lulan ni Iehoba," bisan pa nagpadalâ ako sa pag-siling sa inyo: "Indi kamo magsililing: Lulan ni Iehoba:"

39 Bangud sini, yari karon, pagakalipatan ko kamo sing bug-os, kag pagabayaan ko kamo nga malayô sa akon atubangan, kamo kag ang banwa nga ginhatag ko sa inyo kag sa inyo mga ginikanan.

40 Kag magabutang ako sa ibabaw ninyo sing dayon nga kahuluy-an, kag pagtamay nga walay katapusan nga indi malipatan.

Ang palaabuton sang banwa nga pinahayag  
tunğud sang dagway sang duha ka  
tabig nga igos.

**24** GINPAKITA sa akon ni Iehoba ang *palanan-awon*, kag yari karon, ang duha ka tabig nga igos nga nabutang sa atubangan sang Simbahan ni Iehoba, sa tapus na nga napaliton ni Nabukodonosor, nga hari sa Babilonia, si Iekonias, nga anak ni Ioiakim, nga hari sa Iuda, kag ang mga dunganon sa Iuda, kag ang mga panday, kag ang mga panday sa *salsalon* gikan sa Ierusalem, kag gindalâ sila niya sa Babilonia.

2 Ang isa ka tabig may mga igos, nga mga maayo gid, subung sang mga nahaua nga bunga, kag ang isa ka tabig may mga igos nga mga malain gid, nga tama ka mga malain nga indi sila sarang makaon.

3 Kag nagsiling sa akon si Iehoba: "¿Ano bala ang ginatan-aw mo, Ieremias?" Kag nagsiling ako: Mga igos, mga igos nga mga maayo, nga mga maayo gid; kag mga malain, mga malain gid, nga tama ka mga malain, nga indi sila sarang makaon.

4 Kag nag-abut sa akon ang polong ni Iehoba, nga nagasiling:

5 Amo ining ginasiling ni Iehoba, nga Dios ni Israel: Subung sang sa sining mga maayo nga mga igos, subung sini pagatan-awon ko nga sa kaayohan ang mga pinaliton sa Iuda, nga ginpadalâ ko gikan sini nga duug pa duta sang mga Kaldeinhon.

6 Pagaibutang ko ang akon mga mata sa ibabaw nila nga sa kaayohan, kag pagapabalikon ko sila sa sini nga duta,

Pagapatindugon ko sila kag indi ko sila pagalaglagon: pagaitanum ko sila, kag indi ko sila pagagabuton.

7 Kag pagahatagan ko sila sing tagiposoan, agud nga pagkilalahon nila ako, kay ako amo si Iehoba, kag nga manginbanwa ko sila, kag ako mangin-Dios nila, kay magabalalik sila sa akon sa bug-os nila nga tagiposoan.

8 Kag subang sang mga malain nga igos, nga tama ka malain nga indi sila sarang makaon, hoo, amo ining ginasingling ni Iehoba, sa sini pagahimoon ko si Sedekias, nga hari sa Iuda, kag ang iya nga dunganon, kag ang nabilin sa Ierusalem, nga nagkabilin sa sini nga duta, kag ang mga nagapuluyô sa duta sa Egipto.

9 Pagaitugyan ko sila sa paghinakit, sa pagkawalay palad, sa tanan nga mga ginharian sang duta, sa pasipala, kag sa mga hulubaton, kag sa mga kauligyan kag sa pagpakamalaut sa tanan nga mga duug, sa diin pagasobolon ko sila.

10 Kag magapadalá ako batok sa ila sing hinganiban, sing gutum kag kinamatay tubtub nga maubus sila sa ibabaw sang duta, nga ginhatag ko sa ila kag sa ila mga ginikanan.

Ang kapitoan ka tuig nga pagkabihaag.—Silot sa Babilonia kag sa iban nga katawohan.

**25** ANG polong nga nag-abut kay Ieremias batok sang bug-os nga banwa sa Iuda, sa ikap-at ka tuig ni Ioiakim, nga anak ni Iosias, nga hari sa Iuda, nga amo ang nahauna nga tuig ni Nabukodonosor, nga hari sa Babilonia;

2 Kag nga ginhambal ni Ieremias, nga manalagna batok sang bug-os nga banwa sa Iuda kag nga sa tanan nga mga pumuluyô sa Ierusalem, nga nagsiling:

3 Kutub sang tuig nga ikapulô kag tatlo ni Iosias, nga anak ni Amon, nga hari sa Iuda, tubtub sini nga adlaw, yari karon, nga may duha na kapulô kag tatlo ka tuig, nga nag-abut sa akon ang polong ni Iehoba, kag nga ginahambal ko sa inyo, nga ginahambal ko sa inyo kutub sa aga, kag walâ kamo magpalamati.

4 Kag ginpadalá man ni Iehoba sa inyo ang tanan niya nga mga alagad nga mga manalagna, nga ginapadalá niya sila kutub sa aga; apang walâ

kamo magpalamati, bisan ginhuyog ninyo ang inyo idulungug sa pagpamati.

5 Nagsililing sila sa inyo: “Balalik-kamo karon gikan sa inyo malain nga dalan, sa kalainan sang inyo mga binuhatan, kag magapuluyô kamo sa duta nga ginhatag sa inyo ni Iehoba, sa inyo kag sa inyo mga ginikanan, kutub sa walay katapusan tubtub sa walay katapusan.

6 Kag indi kamo maglalakat sa olehe sang liwan nga mga dios sa pag-alagad sa ila, kag sa pagyaub sa ila; kag indi ako ninyo pagpaakigon tungud sang binuhatan sang inyo mga kamut, kag indi ako magahimo sa inyo sing malain.”

7 Apang walâ ninyo ako pagpamatii, siling ni Iehoba, sa bagay nga ginpaakig ninyo ako tungud sang binuhatan sang inyo mga kamut, nga sa inyo pagkawalay palad.

8 Tungud sini, amo ining ginasingling ni Iehoba sang Sebaot: Tungud nga walâ ninyo pagpamatii, ang akon mga polong,

9 Yari karon, pagaipadalá ko kag pagakuhaon ko ang tanan nga mga panimaláy sa Aminhan, siling ni Iehoba, subung man si Nabukodonosor, nga hari sa Babilonia, nga akon alagad, kag pagapakarion ko sila batok sini nga duta, kag batok sa iya nga pumuluyô, kag batok sining tanan nga mga katawohan, sa palibot; kag pagatagudilian ko sila, kag pagaitugyan ko sila sa kahapayan, kag sa mga paniholan kag sa mga kamuhaymuhayan sa gihapon.

10 Kag pagahimoon ko, nga madula sa tungâ nila ang tingug sa kalipay kag ang tingug sa kasadya, ang tingug sang kalaslon nga lalaki kag ang tingug sang kalaslon nga babae, ang kinagahud sang mga galingan kag ang suga sang lamprahan.

11 Kag ining bug-os nga duta manginkamuhaymuhayan kag kahapayan; kag magaalagad ining mga katawohan sa hari sa Babilonia sing kapitoan ka tuig.

12 Apang mahanabu, kon magkatuman ang kapitoan ka tuig nga magaduaw ako sa ibabaw sang hari sa Babilonia kag sa ibabaw sining katawohan sang ila kalainan, nagsiling si Iehoba, subung man sa ibabaw sang duta sang mga Kaldeinhon, kag pagahimoon ko sila nga mga kahapayan sa gihapon.



13 Kag pagadalhon ko sa ibabaw sini nga duta ang tanan ko nga mga polong, nga ginmitlang ko batok sa iya, ang tanan nga nasulat sa sini nga tolong-an, nga tinagna ni Ieremias batok sa tanan nga mga katawohan.

14 Kay pagahimoon man sila nga mga ulipon sang madamu nga mga katawohan kag sang mga dalagku nga mga hari, kag ako magabalus sa ila sono sang ila mga binuhatan, kag sono sang buluhaton sang ila mga kamut.

15 Kay amo ining ginasing ni Iehoba, nga Dios sa Israel: "Kuhaa sa akon kamut ining tagayan sang alak, *ining tagayan* sang kasingkal, kag igapainum mo sia sa tanan nga mga katawohan, nga sa ila ginapadalá ko ikaw,

16 Kag magilinum sila, kag magdulingduling sila, kag magbuluang sila, bangud sang hinganiban nga ginapadalá ko sa tungá nila."

17 Kag ginkuha ko ang tagayan sa kamut ni Iehoba, kag ginpainum ko sa tanan nga mga katawohan, nga sa ila ginpadalá ako ni Iehoba:

18 Sa Ierusalem, kag sa mga kabanwaan sa Iuda, sa iya mga hari, kag sa iya mga dunganon, sa pagtugyan sa ila sa kamuhaymuhayan, sa kahapayan, sa mga panihol kag sa pagpakamala, subung sang nakit-an sini nga adlaw;

19 Kay Paraon, nga hari sa Egipto, kag sa iya mga alagad, kag sa iya mga dunganon, kag sa bug-os niya nga banwa;

20 Kag sa bug-os nga pagsamo sang tawo, kag sa tanan nga mga hari sa duta sa Us, kag sa tanan nga mga hari sa duta sang mga Pilistinhon, sa Askalon, kag sa Gasa, kag sa Ekron kag sa nabilin sa Asdod;

21 Sa Edom, kag sa Moab, kag sa mga inanak ni Amon;

22 Kag sa tanan nga mga hari sa Tiro, kag sa tanan nga mga hari sa Sidon, kag sa mga hari sang mga kapuloan nga yara sa tabok sang dagat;

23 Sa Dedan, sa Tema, sa Bus, kag sa tanan nga nagagulub sang *ila bukok*;

24 Kag sa tanan nga mga hari sa Arabia, kag sa tanan nga mga hari sang banwa nga nasamo, nga nagapuluyô sa kahanayakan;

25 Kag sa tanan nga mga hari sa Simri, kag sa tanan nga mga hari sa

Elam, kag sa tanan nga mga hari sa Media;

26 Kag sa tanan nga mga hari sa Aminhan, sa mga sa malapit kag sa mga sa malayô, ang isa kag isa; kag sa tanan nga mga ginharian sang duta, nga yara sa ibabaw sang kadayagan sang duta. Kag ang hari sa Sesak\* magainum sa olehe nila.

27 Kag pagaisiling mo sa ila: Amo ining ginasing ni Iehoba sang Sebaot, nga Dios ni Israel: Inum-kamo, kag maghinubog-kamo, kag suka-kamo. Pukan-kamo, nga indi kamo magtindug, bangud sang hinganiban, nga ginapadalá ko sa tungá ninyo.

28 Kag kon magdumili sila sa pagbaton sang tagayan sa imo kamut sa pag-inum, pagaisiling mo sa ila: Amo ining ginasing ni Iehoba sang Sebaot: Kinahanglan gid nga magailinum kamo.

29 Kay, yari karon, nga sa banwa nga ginahingadlan sang akon ngalan, ako magasugud sa paghimo sang malain, kag kamo; pagabilangon bala nga walay salá? Indi kamo pagabilangon nga walay salá, kay ang hinganiban pagapakarion ko sa ibabaw sang tanan nga mga pumuluyô sang duta, siling ni Iehoba sang Sebaot.

30 Kag ikaw magatagna sa ila sining tanan nga mga polong, kag pagaisiling mo sa ila: Si Iehoba magaima kutub sa duug nga mataas, kag kutub sa puluy-an sang iya pagkabalaan pagapamatian niya ang iya tingug. Nagaima sia, nagaima sia batok sa iya puluy-an; nagabayaw sia sing singit batok sang tanan nga mga pumuluyô sang duta subung sang mga nagatapak sang ipitan.

31 Nagaabut ang daguhub tuhtub sa ukbung sang duta, kay si Iehoba may kasaba batok sa mga katawohan: sia nagahimo sing katarungan sa tanan nga unud; ang mga malauton ginatugyan niya sa hinganiban, siling ni Iehoba.

32 Amo ining ginasing ni Iehoba sang Sebaot: Yari karon, nga ang malain nagalapnag sa katawohan kag sa katawohan; isa ka daku nga unus magatindug sa mga ukbung sang duta.

33 Kag ang mga pinatay ni Iehoba, sa sadtong adlaw, yara sila kutub sa isa ka ukbung sang duta tuhtub sa isa ka

\* Sesak, Babilonia.

ukbung sang duta; indi sila paghayaan, bisan tiponon sila, bisan pagipanlubung sila; manginsubung sila sang ipot sa ibabaw sang kadayang sang duta.

34 Uluwang-kamo, mġa manugbantay, kag singit-kamo, kag liligid-kamo sa *yab-ok*, mġa pinili sang pinanong, kay nagkalatuman na ang inyo mġa adlaw nġa sa pagpamugut; pagapanlaptahon ko kamo, kag magakalaholog kamo nġa *nagakaboong* subung sang mġa tagayan nġa malahalón.

35 Ang tanan nġa palasilongġan nagakulang sa mġa manugbantay, kag sa mġa pinili sang pinanong walá na sing katigayonan sa pagpalagyo.

36 Ginapamatian ang tingug sang siningit sang mġa manugbantay kag ginapamatian ang uwang sang mġa pinili sang pinanong; kay ginahapay ni Iehoba ang ila halalban.

37 Kag ang mġa palasudlan nġa malinong ginalaglag, bangud sang kasing kal sang kaakig ni Iehoba.

38 Ginbayaan niya, nġa subung sang diotay nġa leon, ang iya palanagoan: kay ang ila duta nanginkahapayan bangud sang *hingġaniban* nġa mabangis, bangud sang kasingkal sang iya kaakig.

Nagatagna si Ieremias san; pagkaguba sang Simbahan kag sang banwa sa Ierusalem.  
Yara sia sa katalagman sa kamatayon.

**26** SA pamúnô sang paghari ni Ioia-kim, nġa anak ni Iosias, nġa hari sa Iuda, nag-abut ining polong ni Iehoba, nġa nagasiling:

2 Amo ining ginasiling ni Iehoba: Tindug-ka sa patyo sang Baláy ni Iehoba, kag magamitlang ka nġa sa tanan nġa mġa kabanwaan sa Iuda, nġa magakalari sa pagsimba sa Baláy ni Iehoba, sang tanan nġa mġa polong nġa igasogo ko sa imo, nġa pagimitlangon mo sa ila: dili ka magbuhin sing isa ka polong.

3 Ayhan magapalamati sila kag magabalalik sila, ang tagsatagsa gikan sa ila malain nġa dalan, kag magahinulsul ako sang malain nġa ginahunahuna ko nġa himoon sa ila, bangud sang kalainan sang ila mġa binuhatan.

4 Busa, pagaisling mo sa ila: Amo ining ginasiling ni Iehoba: Kon indi kamo magpamati sa akon sa paglakat

sa akon kasogoon, nġa ginabutang ko sa atubangan ninyo,

5 Sa pagpamati sang mġa polong sang akon mġa alagad nġa mġa manalagna, nġa ginapadalá ko sa inyo, hoo, nġa ginapadalá ko kutub sa aga, kag sa ila walá kamo magpalamati,

6 Pagahimoon ko ini nġa Baláy subung sang Silo kag pagahimoon ko nġa ini nġa banwa manginpinapakamalaut sa tanan nġa mġa katawohan sang duta.

7 Kag ang mġa saserdote, kag ang mġa manalagna, kag ang bug-os nġa banwa, nagpalamati kay Ieremias, nġa nagmitlang sining mġa polong sa Baláy ni Iehoba.

8 Kag nahanabu, sang nakatapus si Ieremias sa pagmitlang sang tanan nġa ginsogo sa iya ni Iehoba nġa ihambal niya sa bug-os nġa banwa, nġa gindakup sia sang mġa saserdote, kag sang mġa manalagna, kag sang bug-os nġa banwa, nġa nagasiling: "Sa pagkama-tuud mamatay ka.

9 Kay nġa bala nagatagna ka sa ngalan ni Iehoba, nġa nagasiling: Ini nġa baláy manginsubung sang Silo, kag ini nġa banwa paga'aglagon tubtub nġa walá sing pumuluyô?" Kag nagtipon ang bug-os nġa banwa batok kay Ieremias sa Baláy ni Iehoba.

10 Kag ang mġa dunganon sa Iuda nakabati sining mġa butang, kag nagtalaklad sila gikan sa baláy sang hari pa Baláy ni Iehoba, kag naglilingkod sila sa salamputan sang gawang nġa Bag-o ni Iehoba.

11 Kag naghalambal ang mġa saserdote kag ang mġa manalagna sa mġa dunganon kag sa bug-os nġa banwa, nġa nagasiling: "Ini nġa tawo takus sang kamatayon, kay nagtagna sia batok sini nġa banwa, subung nġa kamo nakabati sang inyo mġa idulungug."

12 Kag si Ieremias naghambal sa tanan nġa mġa dunganon kag sa bug-os nġa banwa, nġa nagasiling: "Si Iehoba nagpadalá sa akon, nġa magtagna ako batok sini nġa Baláy, kag batok sini nġa banwa, sang tanan nġa mġa polong nġa inyo nabatian,

13 Kag karon pakaayoha ang inyo mġa dalanon kag ang inyo mġa binuhatan, kag pamatii-ninyo ang tingug ni Iehoba, nġa inyo Dios; kag magahinulsul si Iehoba sang malain nġa ginmitlang niya batok sa inyo.



14 Nahanungud sa akon, yari karon, yara ako sa inyo mga kamut: himoaninyo sa akon ang minamaayo kag matadlung sa inyo mga mata.

15 Lamang makasayud-kamo sing maayo, nga kon patyon ninyo ako, dugo nga walay salá ang pagaibutang ninyo sa ibabaw ninyo, kag sa ibabaw sini nga banwa kag sa ibabaw sang iya mga pumuluyô; kay sa pagkamatuud, ginpadalá ako ni Iehoba sa inyo, agud nga pagmitlangon ko ining tanan nga mga polong sa inyo mga idulungug."

16 Kag ang mga dunganon kag ang bug-os nga banwa nagsiling sa mga saserdote kag sa mga manalagna: "Ini nga tawo indi takus sa kamatayon, kay sa ngalan ni Iehoba, nga aton Dios, naghambal sia sa aton."

17 Kag nagtilindug ang iban sang mga tigulang sang duta, kag naghahambal sila sa bug-os nga katipunan sang banwa, nga nagsililing:

18 "Si Mikeas nga taga-Morasti nagtagna sa panag-on ni Esekias, nga hari sa Iuda, kag naghambal sia sa bug-os nga banwa sa Iuda, nga nagasiling: Amo ining ginasiling ni Iehoba sang Sebaot; Ang Sion pagadarohon subung nga latagon, kag ang Ierusalem mangin-kagulub-an, kag ang bukid sang Baláy mangin kataasan nga talon.

19 Si Esekias nga hari sa Iuda, kag ang bug-os nga Israel; ginpatatay bala niya sia? Walá bala mahadluk sia kay Iehoba, kag nagpakilooy sa atubangan ni Iehoba, sa bagay nga si Iehoba naghinulsul sang malain nga ginmitlang niya batok sa ila? Kag kita, pagahimoon naton bala ang daku nga kalainan batok sa aton mga kalág?"

20 May isa man ka tawo, nga nagapanagna sa ngalan ni Iehoba, nga si Urias, nga anak ni Semaias, nga taga-Kiriat-iearim, nga nagtagna man batok sini nga banwa, kag batok sini nga duta, sono sang tanan nga mga polong ni Ieremias.

21 Kag ang hari nga si Ioiakim kag ang tanan niya nga mga maisug, kag ang tanan niya nga mga dunganon nagpalamati sang iya mga polong, kag ang hari naghimulat sa pagpatay sa iya. Kag si Urias nakahibalo sini kag hinadlukan sia, kag nalagyo kag nagsulúd sia sa Egipto.

22 Kag ang hari nga si Ioiakim nag-

padalá sing mga tawo sa Egipto, si Elnatan, nga anak ni Akbor, kag ang iban nga mga tawo upud sa iya, sa Egipto.

23 Kag ginpagowa nila si Urias sa Egipto, kag gindalá nila sia sa hari nga si Ioiakim, nga ginpilas niya sia sa hinganiban, kag gintagbong ang iya bangkay sa mga lulubngan sang mga anak sang banwa.

24 Apang ang kamut ni Ahikam, nga anak ni Sapan, yara upud kay Ieremias, agud nga indi sia matugyan sa mga kamut sang banwa sa pagpatay sa iya.

Si Ieremias nagalaygay sa mga Iudio nga magpala-sakup sila sa hari sa Babilonia.

**27** SA pamúnô sang ginharian ni Ioiakim, nga anak ni Iosias, nga hari sa Iuda, nag-abut ining polong ni Iehoba kay Ieremias, nga nagasiling:

2 Amo ining ginasiling ni Iehoba sa akon: Buhat-ka sing mga igilikos kag mga singkaw, kag ibutang sila sa ibabaw sang imo liog:

3 Ugaling pagaipadalá mo sila sa hari sa Edom, kag sa hari sa Moab, kag sa hari sang mga anak ni Amon, kag sa hari sa Tiro, kag sa hari sa Sidon, sa kamut sang mga manugkagon, nga nagalabut sa Ierusalem kay Sedekias, nga hari sa Iuda,

4 Kag pagahatagan mo sila sing kaso-goan nga sa ila mga ginoo, nga nagasiling: Amo ining ginasiling ni Iehoba sang Sebaot, nga Dios ni Israel: Amo ining igasiling ninyo sa inyo mga ginoo:

5 Ako ang naghimo sang duta, sang tawo kag sang mga kasapatan, nga yara sa ibabaw sang kadayagan sang duta, tungud sang akon daku nga gahum kag tungud sang akon inuntay nga butkon, kag ginahatag ko sia sa tawo nga matadlung sa akon mga mata.

6 Kag karon ginatugyan ko ining tanan nga mga duta sa kamut ni Nabukodonosor, nga hari sa Babilonia, nga akon alagad; kag ginahatag ko sa iya bisan pa ang mga kasapatan sang latagon sa pag-alagad sa iya:

7 Ang tanan nga mga katawohan magaalalagad sa iya, sa iya kag sa iya anak, kag sa anak sang iya anak, tubtub nga magaabut man ang panag-on sang iya gid duta, nga pagaalagdon sia sang

madamu nga mga katawohan kag sang mga dalagkung mga hari.

8 Kag mahanabu, nga ang katawohan kon ang ginharian nga indi mag-alagad sa iya, kay Nabukodonosor, nga hari sa Babilonia, nga indi magbutang sang iya liog sa singkaw sang hari sa Babilonia, pagaduawon ko ang amo nga katawohan nga may hinganiban, nga may gutum, kag nga may kinamatay, tuhtub nga maupud ko sila, tungud sa iya kamut.

9 Busa kamo, indi magpalamati kamo sa inyo mga manalagna, bisan sa inyo mga manugpakot, bisan sa inyo mga damgo, bisan sa inyo mga manuglihi, bisan sa inyo mga tantanan, nga naghambal sa inyo, nga nagasiling: "Indi kamo magaalalagad sa hari sa Babilonia."

10 Kay sila magatalagna sa inyo sing butig, sa pagpalayô sa inyo sa inyo duta, kag agud nga ako magsobol sa inyo kag magkaladula kamo.

11 Kag ang katawohan nga magpasakup sang iya liog sa singkaw sang hari sa Babilonia, kag pag-alagdon niya sia, pagabayaan ko sia sa iya duta, siling ni Iehoba, kag pagapangumahon niya sia, kag magapuyô sia sa iya.

12 Busa naghambal ako kay Sedikias, nga hari sa Iuda, sono sa sining tanan nga mga polong, nga nagasiling: Ipasakup-ninyo ang inyo mga liog sa singkaw sang hari sa Babilonia, kag alagdaninyo sia, sia kag ang iya banwa, kag magakabuhi kamo.

13 Kay nga bala magakalamatay kamo, ikaw kag ang imo banwa, sa hinganiban, sa gutum, kag sa kinamatay, sono sang ginumitlang ni Iehoba nahanungud sa katawohan nga indi buut mag-alagad sa hari sa Babilonia?

14 Dili kamo magpalamati sang mga polong sang mga manalagna, nga naghambal sa inyo, nga nagasiling: Indi kamo magaalalagad sa hari sa Babilonia, kay nagapanagna sila sa inyo sing butig;

15 Kay ako walâ magpadalâ sa ila, siling ni Iehoba, kag sila nagatalagna sing butig gid sa akon ngalan, agud nga panobolon ko kamo, kag magkaladula kamo, kamo kag ang mga manalagna, nga nagapalanagna sa inyo.

16 Kag naghambal ako sa mga saserdote, kag sa sining bug-os nga banwa, nga nagasiling: "Amo ining ginasing ni Iehoba: Dili kamo magpala-

mati sang mga polong sang inyo mga manalagna, nga nagatalagna sa inyo, nga nagasiling: "Yari karon, ang mga gamit sang Baláy ni Iehoba pagapabalikon gikan sa Babilonia sing madali;" kay nagatalagna sila sa inyo sing butig.

17 Dili kamo magpamati sa ila. Alagad-kamo sa hari sa Babilonia, kag palangabuhi-kamo. Kay nga bala manginkahapayan ini nga banwa?

18 Kag kon sila mga manalagna, kag kon sa ila yara ang polong ni Iehoba, mag-alampo sila karon kay Iehoba sang Sebaot, agud nga ang mga gamit nga nagkalabilin sa Baláy ni Iehoba, kag sa baláy sang hari sa Iuda, kag sa Ierusalem, indi pagdalhon sa Babilonia.

19 Kay amo ining ginasing ni Iehoba sang Sebaot nahanungud sang mga haligi kag nahanungud sang dagat, kag sang mga tulungtungan, kag sang nabilin sang mga suludlan nga nabilin sa sini nga banwa,

20 Nga walâ pagkuhaa ni Nabukodonosor, nga hari sa Babilonia, sang pagpaliton niya kay Iekonias, nga anak ni Ioiakim, nga hari sa Iuda, gikan sa Ierusalem pa Babilonia, patí ang tanan nga mga lutaw sa Iuda kag sa Ierusalem;

21 Kay amo ining ginasing ni Iehoba sang Sebaot, nga Dios sa Israel, nahanungud sang mga gamit nga nagkalabilin sa Baláy ni Iehoba kag sa baláy sang hari sa Iuda kag sa Ierusalem:

22 Sa Babilonia pagapangdalhon sila, kag didto magapabilin sila tuhtub sa adlaw nga ako magaduaw sa ila, siling ni Iehoba, kag nga pagapataklaron ko sila kag pagaiuli ko sila sa sini nga duug.

Pagsumpung ni Ieremias batok sa butig nga manalagna nga si Hananias.

**28** SA amo man nga tuig, sa pamúnô sang ginharian ni Sedekias, nga hari sa Iuda, sa tuig nga ikap-at, sa ikalima ka bulan, nga si Hananias, nga anak ni Asur, nga manalagna, nga taga-Gabaon, naghambal sa akon sa Baláy ni Iehoba sa atubangan sang mga saserdote kag sang bug-os nga banwa, nga nagasing:

2 "Amo ining ginahambal ni Iehoba sang Sebaot nga Dios ni Israel, nga



nagasiling: Ginabali ko ang singkaw sang hari sa Babilonia.

3 Sa sulúd sang dag-on nga duha ka tuig pagapabalikón ko sa sini nga duug ang tanan nga mga gamit sang Baláy ni Iehoba, nga ginkuha sa sini nga duug ni Nabukodonosor, nga hari sa Babilonia, kag nga gindalá niya sa Babilonia.

4 Kag nahanungud kay Iekonias, nga anak ni Ioiakim, nga hari sa Iuda, kag sang tanan nga mga ginpaliton gikan sa Iuda, nga nagkaladto sa Babilonia, pagapabalikón ko sila sa sini nga duug, siling ni Iehoba; kay pagabalion ko ang singkaw sang hari sa Babilonia."

5 Kag naghambal si Ieremias, nga manalagna, kay Hananias, nga manalagna sa atubangan sang mga saserdote kag sa atubangan sang bug-os nga banwa, nga nagatindug sa Baláy ni Iehoba;

6 Kag nagsiling si Ieremias nga manalagna: Kabay pa nga himoon nga subung sini ni Iehoba; nga tumanon ni Iehoba ang imo nga polong, nga sa ila gintagna mo, nga ang mga gamit sang Baláy ni Iehoba, kag ang tanan nga mga ginpaliton, pagapabalikón sila gikan sa Babilonia sa sini nga duug.

7 Lamang, pamatii karon ini nga polong, nga ginamitlang ko sa imo nga idulungug kag sa mga idulungug sang bug-os nga banwa:

8 Ang mga manalagna nga mga naninginuna sa akon kag una sa imo sadto gid anay, nagpalanagna batok sa madamu nga mga kadutaan kag batok sa mga dalagku nga mga ginharian nahanungud sang inaway kag sang kalalatan kag sang kinamatay.

9 Nahanungud sa manalagna, nga nagatagna sing paghidaet, ini nga manalagna pagapangilalahon subung nga ginpadalá sing matuud gid ni Iehoba, kon ang polong sini nga manalagna pagatumanon.

10 Niyan si Hananias, nga manalagna, nagkuha sang singkaw sa liog ni Ieremias, nga manalagna, kag ginbali niya sia.

11 Kag naghambal si Hananias sa atubangan sang bug-os nga banwa, nga nagasiling: "Amo ining ginasiling ni Iehoba: Sa sini nga bagay, sa sulúd sang dag-on nga duha ka tuig, pagabalion ko ang singkaw ni Nabukodonosor, nga hari sa Babilonia, sa liog sang tanan

nga katawohan." Kag nagkadto si Ieremias sa iya dalan.

12 Kag sang nabali na ni Hananias, nga manalagna, ang singkaw sa liog ni Ieremias, nga manalagna, nag-abut ang polong ni Iehoba kay Ieremias, nga nagasiling:

13 "Lakat, kag hambala si Hananias, nga nagasiling: Amo ining ginasiling ni Iehoba: Mga singkaw nga kahoy ang imo ginbali, apang sa salili nila naghimo ka sing mga singkaw nga salsalon.

14 Kay amo ining ginasiling ni Iehoba sang Sebaot, nga Dios ni Israel: Singkaw nga salsalon ginabutang ko sa ibabaw sang liog sining tanan nga mga katawohan, agud nga mag-alagad sila kay Nabukodonosor, nga hari sa Babilonia, kag magaalagad sila sa iya; kag ginhatag ko pa man sa iya ang mga kasapatan sang latagon."

15 Kag nagsiling ang manalagna nga si Ieremias kay Hananias nga manalagna: Karon pamatii, Hananias: Si Iehoba walá magpadalá sa imo, apang ginpasalig mo ini nga banwa sa kabutigan.

16 Ngani, amo ining ginasiling ni Iehoba: Yari karon, ako, magasobol ako sa imo sa ibabaw sang kadayang sang duta. Mamatay ka sa sini nga tuig, kay naghambal ka sing paglalis batok kay Iehoba.

17 Kag sa amo gid nga tuig namatay si Hananias, sa ikapito ka bulan.

Sulat n. Ieremias sa mga binag sa Babilonia.

**29** YARI karon amo ini ang mga polong sang sulat nga ginpadalá ni Ieremias nga manalagna gikan sa Ierusalem sa nabilin nga mga tigulang sang pagpaliton, kag sa mga saserdote kag sa mga manalagna, kag sa bug-os nga banwa, nga ginpaliton ni Nabukodonosor gikan sa Ierusalem pa Babilonia.

2 (Sa tapus na nga naghalin sa Ierusalem ang hari nga si Iekonias, kag ang hari nga babae, kag ang mga kapon, ang mga dunganon sa Iuda kag sa Ierusalem upud ang mga panday kag ang mga panday sa salsalon);

3 Sa kamut ni Elasa, nga anak ni Sapan, kag ni Iemarias, nga anak ni Hilikia, nga sa ila ginpadalá ni Sedekias, nga hari sa Iuda, sa Babilonia, kay Na-

bukodonosor, nga hari sa Babilonia. Nagasiling sa :

4 Amo ining ginasiling ni Iehoba sang Sebaot, nga Dios sa Israel, sa tanan nga mga pinanlitan nga ginpaliton ko gikan sa Ierusalem pa Babilonia :

5 Palatindug-kamo sing mga baláy, kag puluyô-kamo sa ila ; kag talanum-kamo sing mga katamnan, kag kaon-kamo sang bunga nila :

6 Palangasawa-kamo, kag palanganak-kamo sing mga anak nga lalaki kag mga babae : hatagi-ninyo sing mga asawa ang inyo mga anak nga lalaki, kag hatagi ninyo sing mga bana ang inyo mga anak nga babae, agud nga mag-alanak sila sing mga anak nga lalaki kag mga babae, magdalamu-kamo didto, kag indi kamo magdiyotay.

7 Kag himulati-ninyo ang paghidaet sang banwa, nga sa iya ginpaliton ko kamo, kag mag-ampo-kamo kay Iehoba tungud sa iya : kay sa iya paghidaet may paghidaet kamo.

8 Kay amo ining ginasiling ni Iehoba sang Sebaot, nga Dios ni Israel : Indi kamo magpadaya sa inyo mga manalagna nga yara sila sa tungâ ninyo, bisan sa inyo mga manugpakot ; bisan magpamati kamo sa inyo mga damgo nga ginadamgo ninyo :

9 Kay ang butig ginatagna nila sa inyo sa akon ngalan ; walâ ko sila pagipadala, nagasiling si Iehoba.

10 Kay amo ining ginasiling ni Iehoba : Kon sa Babilonia magkalatuman na angkapitoan ka tuig, pagaduawon ko kamo, kag pagatumanon ko nga sa inyo ang akon maayong polong, sa pagpabalik sa inyo sa sini nga duug.

11 Kay ako gid nakahibalo sang mga hunahuna nga ginapamalandong ko nahananungud sa inyo, siling ni Iehoba, nga mga hunahuna sa paghidaet kag indi sa malain, sa paghatag sa inyo sing palaabuton kag sing paglaum.

12 Pagatawgon ninyo ako, kag magaalabut kamo kag magapalangamuyo kamo sa akon, kag pagapamatian ko kamo.

13 Pagapangitaon ninyo ako kag makita ninyo ako, kay ginapangita ninyo ako sa bug-os ninyo nga tagiposoon.

14 Makita ninyo ako, siling ni Iehoba ; pagapabalikon ko ang inyo mga bihag ; pagatipunon ko kamo sa tanan nga mga katawohan kag sa tanan nga mga duug

sa diin ginsobol ko kamo, siling ni Iehoba, kag pagpabalikon ko kamo sa duug, nga gikan didto ginpaliton ko kamo ;

15 Kay nagsililing kamo : “ Si Iehoba nagpatindug sa amon sing mga manalagna sa Babilonia.”

16 Kay amo ining ginsiling ni Iehoba nahananungud sang hari, nga nagalingkod sa ibabaw sang lingkoran nga harianon ni Dabid, kag nahananungud sang bug-os nga banwa, nga nagapuyô sa sini nga banwa, sa inyo mga útud nga walâ maggulowa upud sa inyo nga sa pagpaliton ;

17 Amo ining ginasiling ni Iehoba sang Sebaot : Yari karon ginapadalâ ko batok sa ila ang hinganiban, ang gutum, kag ang kinamatay ; pagahimoon ko sila subung sining mga igos nga mapait, nga tama ka malain nga indi sarang makaon :

18 Kag ginalaglag ko sila nga may hinganiban, nga may gutum, kag nga may kinamatay ; kag pagaihatag ko sila nga paghinakitan sang tanan nga mga ginharian sang duta, sa pagpakamaut kag sa kahapayan, kag sa mga panihol, kag sa kahuluy-an sa tungâ sang tanan nga mga katawohan, nga sa ila pagapanobolon ko sila.

19 Kay walâ sila magpalamati sang akon mga polong, siling ni Iehoba, sang ginpadalâ ko sa ila ang akon mga alagad nga mga manalagna, nga nagapadalâ ako sa ila kutub sa aga ; kag walâ kamo magdulungug, siling ni Iehoba.

20 Apang pamati-ninyo ang polong ni Iehoba, kamo nga tanan nga mga ginpaliton, nga ginpadalâ ko gikan sa Ierusalem pa Babilonia :

21 Amo ining ginasiling ni Iehoba sang Sebaot, nga Dios ni Israel, nahananungud kay Akab, nga anak ni Kolaia, kag nahananungud kay Sedekias, nga anak ni Maasias, nga nagatalagna sila sa inyo sa akon ngalan, sing butig gid : Yari karon, ginatugyan ko sila sa kamut ni Nabukodonosor, nga hari sa Babilonia, kag sia magapilas sa ila sa atubangan sang inyo mga mata ;

22 Kag igabilin nila sa tanan nga mga pinanlitan gikan sa Iuda, nga didto sila sa Babilonia, ang isa ka pagpakamaut, nga nagasililing : Himoon sa imo ni Iehoba subung kay Sedekias kag subung kay Akab, nga ginihaw sila sa kalayo sang hari sa Babilonia.



23 Kay naghilimo sila sing kabanyagaansa Israel, kag nagpalakighilawas sila sa mga asawa sang ila mga kaupdanan, kag nagmitlang sila sing butig nga polong sa akon ngalan, nga walâ ko igsogo sa ila. Nakahibalo ako gid sini, kag saksi ako sini, siling ni Iehoba.

24 Kag nahanungud kay Semaia nga taga-Nehelam magahambal ka, nga nagasiling:

25 Amo ining ginasiling ni Iehoba sang Sebaot, nga Dios ni Israel, nga nagasiling: Tungud kay nagpadalâ ka sing mga sulat sa imo ngalan sa bug-os nga banwa nga yara sa Ierusalem, kag kay Soponias, nga anak ni Maasias, nga saserdote, kag sa tanan nga mga saserdote, nga nagasiling:

26 Ginhimo ka ni Iehoba nga saserdote sa salili ni Ioiada, nga saserdote, agud nga mangin tulugyanan kamo sa Baláy ni Iehoba nga sa tanan nga nagalasang nga nagapakamanalagna kag nga ibutang mo sia sa mga pandug kag sa bilangguan.

27 Busa karon, kay nga bala walâ mo pagsabdonga si Ieremias nga taga-Anatot, nga nagapakamanalagna sa inyo?

28 Kay tungud sini nagpadalâ sia sa amon, sa Babilonia sa pagsiling: Manginmalawig ang *kabihagan*: palatindug-kamo sing mga baláy kag puluyô-kamo sa ila; palananum-kamo sing mga katamnan, kag kaon-kamo sang bunga nila.

29 Kag si Soponias, nga saserdote, nagbasa sini nga sulat sa mga idulungug ni Ieremias, nga manalagna.

30 Kag nag-abut ang polong ni Iehoba kay Ieremias, nga nagasiling:

31 Ipadalâ sa bug-os nga pinanlitan, nga nagasiling: Amo ining ginasiling ni Iehoba nahanungud kay Semaia nga taga-Nehelam: Tungud kay si Semaia nagtagna sa inyo, nga ako walâ magpadalâ sa iya, kag nga ginpasalig niya kamo sa kabutigan;

32 Tungud sini, amo ining ginasiling ni Iehoba: Yari karon, ako magaduaw sini sa ibabaw ni Semaia nga taga-Nehelam kag sa ibabaw sang iya kaliwatan. Indi sia makahuput sing tawo nga magpuyô sa tungâ sini nga banwa, bisan makakita sia sang kaayohan, nga pagahimoon ko sa akon banwa, siling

ni Iehoba; kay naghambal sia sing pagkamalalison batok kay Iehoba.

Nagapanaad ang Dios sa pagpapauli sang banwa gikan sa kabihagan.

**30** ANG polong ni Iehoba, nga nag-abut kay Ieremias, nga nagasiling:

2 Amo ining ginahambal ni Iehoba, nga Dios ni Israel, nga nagasiling: Isulat mo sa isa ka tolon-an ang tanan nga mga polong nga ginahambal ko sa imo.

3 Kay yari karon, nagaabut ang mga adlaw, siling ni Iehoba, nga pagapabalikon ko ang mga bihag sang akon banwa nga Israel kag Iuda, ginasiling ni Iehoba, kag pagapapaulion ko sila sa duta, nga ginhatag ko sa ila mga ginikanan sa pagtagiya sa iya.

4 Kag yari karon ang mga polong nga ginamitlang ni Iehoba nahanungud sa Israel kag sa Iuda;

5 Kay amo ining ginasiling ni Iehoba: Ginapamatian namon ang tingug nga makakulugmat; among kalisang kag walâ sing paghidaet.

6 Pamangkot-kamo kag tan-awa-ninyo, kon nagaanak ang lalaki: kay nga bala nakita ko nga ang tanan nga tawo yara ang ila mga kamut sa ibabaw sang ila mga hawak, subung sang babae nga nagaanak, kag kay nga bala nagabalhin ang tanan nga mga guya tubtub nga mangimalapsi?

7 I Abaw, kay tama kadaku sining adlaw, nga walay iban nga makaangay sa iya, kag panag-on ini sa kalisdanan nga kay Iakob! Apang bisan pa sa iya pagaluwason sia.

8 Mahanabo sa sadtong adlaw, siling ni Iehoba sang Sebaot, nga pagabalion ko ang iya singkaw sa imo liog, kag pagabugtoon ko ang iya mga igilikos; kag indi na sila pagauliponon sang mga dumuluong;

9 Kondi nga magaalalagad sila kay Iehoba nga ila Dios, kag kay Dabid nga ila hari, nga pagapapatindugon ko sia sa ila.

10 Busa, ikaw, alagad nakon nga si Iakob, indi ka mahadluk, siling ni Iehoba; kag dili ka magpakulba, Israel; kay yari karon, ako amo ang imo manluluwas, nga *nagapabalik* sa imo gikan sa malayô kag sa ino kaliwatan, sa duta sang ila kabihagan: Si Iakob magaba-

lik kag may kalinong sia kag kahamu-  
ngaya, nga walâ na sing sin-o nga maga-  
palisang sa iya.

11 Kay yari ako upud sa imo, siling  
ni Iehoba, sa pagluwas sa imo; kag pa-  
gahimoon ko ang kalaglagan sing bug-  
os sa tanan nga mga katawohan, nga sa  
tunghâ nila ginwaraag ko ikaw; apang  
sa imo indi ako magahimo sing kalag-  
lagan nga bug-os, kondi nga pagasilotan  
ko ikaw nga may talaksan nga igo, kag  
indi ko ikaw pagabilangon nga walay  
salâ.

12 Kay amo ining ginasiling ni Ieho-  
ba: Butang nga walay bolong ang imo  
banug, kag masakit ang imo pilas.

13 Walâ sing sin-o nga magatabang sa  
imo sa pagbugkos sa iya: nga sa imo  
walâ sing mga bulong kag sing igbulug-  
kos.

14 Ang tanan nga imo mga mahigug-  
maon nagkalalipat sa imo; walâ ka  
nila pagapangitaa. Kay sa pilas nga sa  
kaaway ginpilas ko ikaw nga may pag-  
sabdong sang tawo nga mapintas, ba-  
ngud sang kadakuon sang imo kalautan,  
kay madamu ang imo mga salâ.

15 Kay nga bala nagasingit ka ba-  
ngud sang imo banug? Ang imo kasakit  
walâ sing bulong. Kay tungud sang  
pagkadaku sang imo kalautan, kay ma-  
damu ang imo mga salâ, ginhimo ko ini  
nga mga butang sa imo.

16 Tungud sini pagahalonhonon ang  
tanang nga mga nagahalonhon sa imo;  
kag ang tanan mo nga mga kasumpung,  
hoo, ang tanan magapalakadto sa kabi-  
hagan; kag pagahublasan ang tanan  
nga mga nagahublas sa imo, kag ang  
tanang nga mga nagaati sa imo, pagaa-  
tihan sila.

17 Kay pagabugkosan ko ikaw, kag  
pagaayohon ko ikaw sa imo mga pilas,  
siling ni Iehoba; kay ginhingalanan ka  
nga Sinobol; ini sia among Sion, nga  
sa iya walâ gid sing magapangita."

18 Amo ining ginasiling ni Iehoba:  
Yari karon, ginapabalik ko ang mga  
bihag sang mga layanglayang ni Iakob,  
kagsa iya mga puluy-an magakahinoklog  
ako: ang banwa pagapatindugon sa iba-  
baw sang ila bakolod, kag a g balây  
nga harianon pagapuy-an, subung sadto  
anay.

19 Kag magagowa sa iya ang pagda-  
yaw kag ang tingug sang mga nagakala-

sadya. Pagapadamuon ko sila, kag indi  
sila pagpamuhinan; pagapasidungan ko  
sila, kag indi sila pagatamayon.

20 Ang ila mga anak manginsubung  
sang sadto anay, ang iya katilingban  
pagapalig-onon sa atubangan nakon, kag  
pagasilotan ko ang tanan nila nga mga  
mamimigos.

21 Ang iya pangolo nga halangdon  
magahalín sa iya, kag ang ila manug-  
gahum magagowa gikan sa tunghâ niya.  
Kag pagapalapiton ko sia, kag magapa-  
lapit sia sa akon; kay si sin-o bala ang  
magapangahas sa pagpalapit sa akon?  
siling ni Iehoba.

22 Kag manginbanwa ninyo ako, kag  
ako mangininyo Dios.

23 Yari karon ang unos ni Iehoba;  
nagagowa na ang kasingkal, ang unos  
nga nagaalimpulos nagaligid sa ibabaw  
sang olo sang mga madauton.

24 Indi magauntat na ang kainit  
sang kaakig ni Iehoba, tubtub nga  
mahikot kag matuman niya ang mga  
hunahuna sang iya tagiposoon. Sa ole-  
he nga mga adlaw mahangup ninyo  
ini.

31 SA sadtong panag-on, siling ni Ie-  
hoba, ako magamangin-Dios sa  
tanang nga mga panimaláy ni Israel,  
kag sila magamanginakon banwa.

2 Amo ining ginasiling ni Iehoba:  
Ang banwa nakakita sing bugay sa ka-  
hanayakan, ang mga nagpalalagyo sa  
hingniban. Magkadto kita kag pag-  
hatagan ta sia sing kapahuwayan, Israel.

3 Kutub sa dugay na gid nga mga  
panag-on si Iehoba nagpahayag sa akon.  
Hoo, sa gugma nga walay katapusan  
ginhigugma ko ikaw; tungud sini gin-  
untay ko tubtub sa imo ang akon  
kaayohan.

4 Magapatindug ako liwan sa imo,  
kag pagapatindugon ikaw, ulay sa  
Israel. Pagapunihan mo liwan ang imo  
mga tambor, kag magagowa ka sa pag-  
saut sang mga nagakalasadya.

5 Magatanum ka liwan sing mga kau-  
basan sa mga kabukiran sang Sama-  
ria: ang mga magatalanum sa ila, ma-  
gaagum sa ila.

6 Kay magaabut ang adlaw nga ma-  
gasilingit ang mga bantay sa bukid sa  
Epraim: "Tilindug-kamo, kag mag-  
taklad-kita sa bukid sa Sion kay Iehoba,  
nga aton Dios."



7 Kay amo ining ginasiling ni Iehoba : Ambahan-kamo kay Iakob nga may kasadya ; bayawa-ninyo ang pagisingit sa Pangolo sang mga ka'awohan ; ipabatininyo ang mga pagdayaw, kag isilingninyo : "Oh Iehoba, luwasa ang imo banwa, ang nabilin sa Israel."

8 Yari karon, ako nagapakari sa ila gikan sa duta sang Aminhan, kag pagatiponon ko sila sa mga ukbung sang duta. Sa tunga nila yara ang bulag kag ang piang, ang babae nga nagabusong kag ang nagabatâ sing tungub : sa daku nga katilingban magabalalik sila diri.

9 Kag nagaalabut sila nga may paghibi ; pagapalakton ko sila nga may pagpakilooy ; ginadul-ong ko sila sa luyo sa mga kasulgan sang mga tubig, sa dalan nga matadlung, nga sa iya indi sila makasanda. Kay manginamay ako sa kay Israel, kag si Ephraim manginpananay ko.

10 Mga katawohan, pamatii-ninyo ang polong ni Iehoba ; ibantala-ninyo sia sa mga kapuloan nga malayô ; isilingninyo : Ang nagwaraag kay Israel, magatipon kag magabantay sa iya, subung sang manugbantay sa iya kahayupan.

11 Kay gintimawa ni Iehoba si Iakob gintubus niya sia sa mga kamut sang labing makusug pa sa iya.

12 Kag magakalari sila kag magambahan sa kalipay sa kataasan sang Sion. Magaduluguk sila nayon sa kayayohan ni Iehoba : sa trigo, kag sa duga sang ubas, kag sa lana, kag sa patubas sang mga obeha kag sang mga baka ; kag ang iya kalag manginsubung sang katamnan nga binunyagan sing bugana, kag indi na sila magapadayon sa pag-niwang.

13 Niyan ang ulay magakasadya sa saut kag ang mga pamatan-on kag ang mga tigulang sing tungub ; kag pagabaylohan ko ang ila paghibi sa kalipay, kag pagalipayon ko sila, kag pagapasadyahon ko sila sa paghalin sa ila kasakit.

14 Kag pagapakaonon ko sing bugana sa tambok ang kalag sang saserdote, kag pagabusgon ko ang akon banwa sang akon mga kaayohan, siling ni Iehoba.

15 Amo ining ginasiling ni Iehoba : Nabatian ang tungud sa Rama, mga panganduhoy, mga paghibi nga mapait, si Rakel nga nagahibi tungud sang iya mga anak, nga nagadumili nga paglipayon

sia tungud sang iya mga anak, kay sila walâ na.

16 Amo ining ginasiling ni Iehoba : pungit ang imo tungud sang panangis, kag ang imo mga mata sang pagpailig sang mga luha ; kay may sohol nga sa imo binuhatan, siling ni Iehoba : magabalalik sila gikan sa duta sang kaaway.

17 May paglaum nga sa imo palaabuton, siling ni Iehoba : ang imo mga anak magabalalik sa iya mga dulunan.

18 Nagapamati ako, nagapamati ako kay Ephraim nga nagakasakit tungud sa iya kaugalingon : "Ginsilotan mo ako kag ginsilotan ako subung sang tinday sang baka nga indi mahagup. Palisoa ako, kag manginpinaliso ako ; kay ikaw amo si Iehoba, nga akon Dios.

19 Kay sa tapus nga ako pinaliso, naghinuulsul ako ; kag sa olehe nga ginpangilala ko ako, ginpilas ko ang balikawang ; ginapakahuy-an ako, kag bisan pa nagasalimuang ako, kag g'nadalâ ko ang pagtamay sang akon pagkapamantan-on."

20 ; Indi bala si Ephraim ang anak nga malahalon nga sa akon, batâ nga pinalanga ? Kay kutub nga naghambal ako sa iya, nagapanumdum ako sing hanoot sa iya sing dayon gid, tungud sini ang akon mga kasudlan nagapalangyôyô tungud sa iya ; sa pagkamatuud, may pagkahinoklog ako sa iya, siling ni Iehoba.

21 Patindug-ka nga sa imo sing mga batô nga tandaan, butang-ka nga sa imo sing mga bugsok nga talandaan, talupangda ang dalan, ang dalanon sa diin ka magpakadto. Balik-ka, ulay sa Israel, balik-ka sa sining imo mga kabanwaan.

22 ; Tuhtub pa bala san-o magatiyog-tiyog ka, anak nga babae nga dimatutum. ; Kay si Iehoba nagatuga sing isa ka bag-ong butang sa ibabaw sang duta : isa ka babae nga nagatabang sa lalaki.

23 Amo ining ginasiling ni Iehoba sang Sebaot, nga Dios ni Israel : Pagaisiling pa ini nga polong sa duta ni Iuda kag sa iya mga kabanwaan, sang pagpabalikon ko ang ila mga bihag : "Pakamaayohon ka ni Iehoba, puluy-an sang katarungan, bukid sang pagkabaalaan."

24 Kag magapuluyô sa iya si Iuda kag ang tanan niya nga mga kabanwaan sing tungub, ang mga mangunguma

kag ang mġa nagagowa upud ang pina-nong.

25 Kay pagapaimnon ko sing bugana ang kalág nġa nabudlay, kag pagapun-on ko ang tanan nġa kalág nġa naganiwang.

26 Bangud sini nagmata ako, kag gintan-aw ko; kag ang akon damgo nanġinmatam-is sa akon.

27 Yari karon, nagaalabut ang mġa adlaw, siling ni Iehoba, nġa pagasabugan ko ang baláy ni Israel kag ang baláy ni Iuda sang binhi sang tawo, kag sang binhi sang mġa sapat.

28 Kag mahanabu, nġa subung nġa ginpulawan ko sila sa paggabut, kag sa pagguba, kag sa pagpukan, kag sa pagpadula, kag sa pagpakalisud, subung inan magapulaw ako sa ila sa pagpatindug, kag sa pagtanum, siling ni Iehoba.

29 Sa sadtong mġa adlaw indi na pagaisiling: "Ang mġa amay nagkalaon sing mġa ubas nġa maaslum, kag ang mġa nġipon sang mġa anak may kanġilo;"

30 Apang ang tagsatagsa mamatay tungud sang iya kalainan: bisan sin-onġa magkaon sang mġa ubas nġa maaslum, ang iya mġa nġipon mangin-mangilo.

31 Yari karon, nagaalabut ang mġa adlaw, siling ni Iehoba, nġa magahimo ako sing bag-ong katipan sa baláy ni Israel, kag sa baláy ni Iuda:

32 Indi subung sang katipan nġa gin-himo ko sa ila mġa ginikanan sang adlaw nġa ginuyatan ko ang ila kamut sa pagpagowa sa ila gikan sa duta sa Egipto, katipan nġa ginlalis nila, bisan pa nġa ako ang agalon nila, siling ni Iehoba.

33 Apang, yari karon ang katipan nġa pagahimoon ko sa baláy ni Israel sa tapus na yadtong mġa adlaw, siling ni Iehoba: Pagaibutang ko ang akon kaso-goan sa ila mġa kasudlan, kag pagaisulat ko sia sa ila mġa tagiposoan; kag mangin-Dios nila ako, kag sila mangin-akon banwa.

34 Kag indi na sila magatudlo ang tagsatagsa sa iya isigkatawo, bisan ang tagsatagsa sa iya útud, nġa nagaisiling: "Kilalaha si Iehoba;" kay pagakilalahon ako sang tanan kutub sa magamay sa ila tuhtub sa dalagku, siling ni Iehoba: kay pagapatawaron ko ang kala-

utan nila, kag indi na ako magapanumdum sang ila mġa salá.

35 Amo ining ginasiling ni Iehoba, nġa nagahatag sang adlaw nġa kapawa sang kaadlawan kag sang mġa panag-on nġa tinapat sang bulan, kag sang mġa kabitoonan nġa kapawa sang kagab-ihon; nġa nagaukay sang dagat, kag nagapadaguhub sang iya mġa hanul: Si Iehoba sang Sebaot amo ang iya nġalan.

36 Kon ining mġa tinapat mabungkag sa atubangan nakon, siling ni Iehoba, ang kaliwatan ni Israel magauntat man sa pagkakatawohan sa atubangan nakon sa gihapon.

37 Amo ining ginasiling ni Iehoba: Kon sarang matakus ang kataason sang langit, kag kon sarang matungkad ang mġa kadadalman sang mġa sadsaran sang duta, niyan ako man magasikway sang bug-os nġa kaliwatan ni Israel bangud sang tanan nġa ila ginpanghimo, siling ni Iehoba.

38 Yari karon, ang mġa adlaw, siling ni Iehoba, nġa ang banwa pagapatindugon kay Iehoba, kutub sa tore ni Hana-neel tuhtub sa gawang sang Pamusud.

39 Kag kutub didto magagowa ang lubid sang takus sing matadlung sa ibabaw sang bakolod sa Gareb, kag magabalik pa Goa.

40 Kag ang bug-os nġa nalupyakan sang mġa bangkay kag sang abo, kag ang bugos nġa latagon tuhtub sa kasulgan sa Sedron, tuhtub sa pamusud sang gawang sang mġa Kabayo sa Sidlangan, magamanginbalaan kay Iehoba kag indi pagagabuton sila, bisan pagapukanon pa nġa sa gihapon.

Panaad kag kasanagan sang pagpatindug liwan sang Israel kag sang mġa pagpakamaayo nġa espirituhanon.

**32** ANG polong ni Iehoba, nġa nag-abut kay Ieremias sang tuig nġa ikapúlô ni Sedekias, nġa hari sa Iuda, nġa amo ang tuig nġa ikapúlô kag walo ni Nabukodonosor.

2 Niyan nalibutan ang Ierusalem sang kasoldadosan sang hari sa Babilonia, kag ang manalagna nġa si Ieremias nabilango sa patyo sang bilangan, nġa yara sa baláy sang hari sa Iuda;

3 Nġa didto ginpabilango sia ni Sedekias, nġa hari sa Iuda, nġa nagaisiling: Kay nġaa bala nagatagna ikaw, nġa



nagasiling: "Amo ining ginasiling ni Iehoba: Yari karon, ako nagatugyan sini nga banwa sa kamut sang hari sa Babilonia, kag pagakuhaon niya sia,

4 Kag si Sedekias, nga hari sa Iuda, indi makapalagyo sa kamut sang mga Kaldeinhon, kondi nga, sa pagkamatu-ud, pagaitugyan sia sa kamut sang hari sa Babilonia, nga sa iya magapakig-hambal sia sa bâbâ kag bâbâ; kag ang iya mga mata makakita sang iya mga mata;

5 Kag pagaipadalâ niya si Sedekias sa Babilonia, kag didto magapabilin sia tubtub nga ako magduaw sa iya, siling ni Iehoba; kon mag-away kamo batok sa mga Kaldeinhon, walâ bala kamo sing kauswagan?"

6 Kag nagsiling si Ieremias: "Ang polong ni Iehoba nag-abut sa akon, nga nagasiling:

7 Yari karon, nga si Hanameel, nga anak ni Salum, nga imo batâ, nagaabut sa imo, sa pagsiling: Bakla nga sa imo ang akon latagon nga yara sa Anatot; kay ikaw may katadlungan sa paggawad sa pagbakal sa iya."

8 Kag nag-abut sa akon si Hanameel, nga anak sang akon batâ, sono sang polong ni Iehoba, sa patyo sang bilango-an, kag nagsiling sia sa akon: "Bakla, ginaampo ko sa imo, ang akon latagon nga yara sa Anatot sa duta ni Benyamin, kay imo ang katadlungan sang panublion, kag sa imo naigo ang pag-gawad: bakla sia nga sa imo." Kag ginpangilala ko nga ini among polong ni Iehoba.

9 Sa sini ginbakal ko ang latagon ni Hanameel, nga anak sang akon batâ, nga yara sia sa Anatot, kag gintimbang ko sa iya ang pilak: napûlô kag pito ka siklo nga pilak.

10 Kag ginsulat ko ang sulat, kag ginpat-inan ko sia, kag ginpasaksihan ko sia sa mga saksi, kag gintimbang ko ang kuarta sa timbangan.

11 Kag ginkuha ko ang sulat sa pag-angkon, ang pinat-inan, *sono* sang tulu-manon kag sang mga palatukran, subung man ang nabuklad:

12 Kag ginhatag ko ang sulat sa pag-angkon kay Baruk, nga anak ni Neria, nga anak ni Mahasia, sa atubangan ni Hanameel, nga anak sang akon batâ, kag sa atubangan sang mga saksi nga nagsululat sang ila ngalan sa sulat sa

pag-angkon, sa atubangan sang tanan nga mga Iudio, nga nagalingkod sa patyo sang bilangoan.

13 Kag nagsogo ako kay Baruk sa atubangan nila, nga nagasiling:

14 "Amo ining ginasiling ni Iehoba sang Sebaot, nga Dios ni Israel: Kuhaa inang mga sulat, inang sulat sa pag-angkon, ang pinat-inan, subung man inang sulat nga nabuklad, kag ibutang mo sila sa isa ka suludlan nga lunang, agud nga matipigan sila sa madamu nga mga adlaw,

15 Kay amo ining ginasiling ni Iehoba sang Sebaot, nga Dios ni Israel: Magabakal pa sing mga balây kag sing nga latagon, kag mga kaubasan sa sini nga duta."

16 Kag nagpangamuyo ako kay Iehoba sa tapus nga nahatag ko ang sulat sa pag-angkon kay Baruk, nga anak ni Neria, nga nagasiling:

17 "Oh Ginoo nga si Iehoba: Yari karon nga ikaw naghimo sang langit kag sang duta sa imo daku nga gahum, kag sa imo inuntay nga butkon. Walâ gid sing ano nga butang nga tama ka iwat sa imo.

18 Ikaw nga nagahika looy sa mga linibolibo, bisan pa ginabalusan mo ang mga kalainan sang mga ginikanan sa dughan sang ila mga anak sa olehe nila; nga amo ang Dios nga daku kag gamhanan, nga ang iya ngalan amo si Iehoba sang Sebaot;

19 Nga daku sa laygay, kag bugana sa mga binuhatan; nga ang iya mga mata namuklat sa ibabaw sang tanan nga mga dalanon sang mga inanak sang mga tawo, sa paghatag sa tagsatagsa sono sang ila mga dalanon, kag sono sang bunga sang ila mga binuhatan;

20 Nga ginhimoan mo sing mga tandaan, kag sing mga kalatingalahan sa duta sa Egipto, kag sa Israel, kag sa tungâ sang *iban* nga mga tawo tubtub sini nga adlaw, kag nga nakadangat ka sing isa ka ngalan, subung nga amo ining adlaw.

21 Kag ginpagowa mo ang imo banwang Israel sa duta sa Egipto, nga may mga tandaan kag mga kalatingalahan, kag sa kamut nga makusug kag sa butkon nga inuntay kag nga may kakugmat nga daku.

22 Kag ginhatag mo sa ila ini nga duta, nga nagsumpa ka sa ila mga gini-

karan nga pagaihatag mo sia sa ila, duta nga nagailig ang gatas kag dugos.

23 Kag nag-alabut sila, kag gintagiya nila sia; apang walâ sila magpalamati sang imo tingug, bisan naglalakat sila sa imo kasogoan; walâ gid sila sing ginhimo sang ginsogo mo sa ila nga buhaton, sa bagay nga ginpakari mo sa ibabaw nila ining tanan nga kalainan.

24 Yari karon, ang mga pagtap-ok nagalambut tubtub sa banwa sa pagkuha sa iya; kag ang banwa gintugyan sa kamut sang mga Kaldeinhon, nga nag-alaway batok sa iya, tungud sang hinganiban, kag sang gutum, kag sang kinamatay: ang imo ginmitlang nahanabu na, kag yari karon, ginatan-aw mo ini.

25 Kag ikaw, Ginoo nga si Iehoba, ikaw nagsiling sa akon: Bakla ang latagon sa bili sang pilak, kag pasaksihan mo ini sa mga saksi; kag ang banwa natugyan na sa kamut sang mga Kaldeinhon."

26 Kag nag-abut ang polong ni Iehoba kay Ieremias, nga nagsiling:

27 Yari karon, ako amo si Iehoba, nga Dios sang tanan nga unud: { may butang bala nga tama ka iwat sa akon?

28 Ngani, amo ining ginasiling ni Iehoba: Yari karon, igatugyan ko ini nga banwa sa mga kamut sang mga Kaldeinhon, kag sa mga kamut ni Nabukodonosor, nga hari sa Babilonia, kag pagakuhaon sia.

29 Kag magasulud ang mga Kaldeinhon nga mag-alaway batok sa sini nga banwa, kag pagatutdan nila ini nga banwa, kag pagasunugon nila sia, subung man ang mga kabalayan, nga sa ibabaw sang ila mga atup nagpasunug sila sing mga pahamut kay Baal kag nagulula sila sing mga halad nga ilimnon sa liwan nga mga dios sa pagpaakig sa akon.

30 Kay ang mga inanak ni Israel kag ang mga inanak ni Iuda walâ sila sing ginhimo kondi ang malain sa atubangan sang akon mga mata kutub sa ila pagkapamata-on; kay ang mga inanak ni Israel walâ gid sing liwan nga ginhimo kondi ang pagpaakig sa akon tungud sang mga binuhatan sang ila mga kamut, siling ni Iehoba.

31 Kay kutub sang adlaw nga gintukud nila sia tubtub karon nga adlaw, ini nga banwa naninginiligoon sang akon ka-

agig kag kasingkal, agud sa pagkuha sa iya sa atubangan rakon,

32 Tungud sang tanan nga kalainan sang mga inanak ni Israel kag sang mga inanak ni Iuda, nga naghilimo sila sa pakpaakig sa akon, sila, ang ila mga hari, ang ila mga dunganon, ang ila mga saserdote, kag ang ila mga manalagna, kag ang mga tawo sa Iuda, kag ang mga pumuluyô sa Ierusalem.

33 Kag gin-atubang nila sa akon ang likod kag indi ang nawung; kag sang ginatudloan ko sila, nga nagatudlo sa ila kutub sa aga; apang, walâ sila magpalamati sa pagbaton sing pagsabdong.

34 Kag ginpahamtang nila ang ila mga kalangil-aran sa baláy, nga ginhingalan sa akon ngalan sa paghigko sa iya;

35 Kag nagpalatindug sila sing mga duug nga mataas kay Baal, nga yara sila sa nalupyakan sang anak ni Hinom, sa pagpaagi sa kalayo sang ila mga anak nga lalaki kag sang ila mga anak nga babae kay Molok; butang nga walâ ako magsogo sa ila, bisan nag-abut sa akon hunahuna, nga maghilimo sila sini nga kalangil-aran sa pagpakasalâ kay Iuda.

36 Kag karon, tungud sini amo ining ginasiling ni Iehoba, nga Dios sa Israel, nahanungud sini nga banwa, nga sa iya ginasiling ninyo nga gintugyan sia sa mga kamut sang hari sa Babilonia tungud sa hinganiban, kag tungud sa gutum kag tungud sa kinamatay:

37 Yari karon, ako magatipon sa ila gikan sa tanan nga mga duta nga sa ila ginsobol ko sila sa akon kaakig, kag sa akon kasingkal kag daku nga kaalipungut, kag pagapabalikon ko sila sa sini nga duug, kag pagapapuyoon ko sila sing malig-on.

38 Kag magamanginbanwa ko sila, kag ako magamanginila Dios.

39 Kag pagahatagan ko sila sing isa lamang ka tagiposoon kag isa ka dalan, agud nga magkahadluk sila sa akon sa gihapon, agud nga may kaayohan sa ila, kag sa ila mga inanak sa olehe nila.

40 Kag magahimo ako sa ila sing walay katapusan nga katipan, nga indi magisol ako sa paguntat sa paghimo sa ila sing kaayohan; kag pagaibutang ko ang akon kahadluk sa tagiposoon nila, agud nga indi sila magilisol sa akon.

41 Kag magakasadya ako sa ila nga



nagahimo sa ila sang kaayohan; kag pagaitanum ko sila sa sini nga duta, sa pagkamatuud, sa bug-os ko nga tagipsoon kag sa bug-os ko nga kalág.

42 Kay amo ining ginasiling ni Iehoba: Subung nga ginpakari ko sa sini nga banwa ining tanan nga dakung kalainan, amo man pagapakarion ko sa ibabaw nila ang tanan nga kaayohan nga nahanungud sa ila ginamitlang ko.

43 Kag pagabaklon ang mga latagon sa sini nga duta, nga sa iya ginasiling ninyo: Kahapayan sia, nga walâ sa iya sing mga tawo bisan mga kasapatan; gintugyan sia sa kamut sang mga Kaldeinhon.

44 Pagabaklon ang mga latagon sa bili sang pilak, nga nagasulat sing mga sulat, nga pagpamat-inan sila, nga pagpasaksihan sila sang mga saksi, sa duta ni Benyamin, kag sa mga libot sang Ierusalem, kag sa mga kabanwaan ni Iuda, kag sa mga kabanwaan sang mga kabukiran, kag sa mga kabanwaan sang manubo kag sa mga kabanwaan sang Bagatnan; kay pagapabalikon ko ang ila mga bihag, siling ni Iehoba.

**33** ANG polong ni Iehoba nag-abut kay Ieremias sa makaduha, sang sia nabilango pa sa patyo sang bilangoan, nga nagasiling:

2 Amo ining ginasiling ni Iehoba, nga pagahimoon ini, si Iehoba nga nagaa-man sa iya sa paghikot sa iya, sia nga ang iya ngalan amo si Iehoba.

3 Panawag-ka sa akon, kag pagasab-ton ko ikaw, kag pagapahibaloon ko ikaw sing mga butang nga mga dalagku kag mga dimatungkad nga ikaw indi makahibalo.

4 Kay amo ining ginasiling ni Iehoba, nga Dios ni Israel, nahanungud sang mga baláy sini nga banwa, kag nahanungud sang mga baláy sang mga hari sa Iuda, nga mga ginpanguba bangud sang mga pagtap-ok kag bangud sang hinganiban:

5 Nag-alabut sila sa pag-away batok sa mga Kaldeinhon, kag sa pagpahabuk sang ila mga baláy sang mga bangkaysang mga tawo, nga ginapamilas ko sa akon kaakig kag sa akon kasingkal, kag nga bangud sa ila gintago ko ang akon nawung sa sini nga banwa, bangud sang tanan nila nga kalautan.

6 Yari karon, nagapahamtang ako

sa iya sing bugkos kag sing mga bulóng, kag pagabulngon ko sila, kag pagaipahayag ko sa ila ang isa ka bahandi sa paghidaet kag sang kamatooran.

7 Kag pagapabalikon ko ang mga bihag ni Iuda, kag ang mga bihag ni Israel, kag pagapatindugon ko sila subung sang sa pamúnô.

8 Kag pagatinloan ko sila sang tanan nila nga mga kalautan, nga ginhimo nila batok sa akon; kag pagapatawaron ko ang tanan nila nga mga salâ, nga batok sa akon ginpakasalâ nila, kag nga batok sa akon ginlalis nila.

9 Kag ini manginngalan nga sa akon sa kalipay, ang isa ka pagdayaw, kag isa ka himaya sa tungâ sang tanan nga mga katawohan sang duta, nga magapamati sang tanan nga kaayohan nga pagahimoon ko sa ila; kag magakalahadluk sila kag magakulurug sila bangud sang tanan nga kaayohan kag bangud sang tanan nga paghidaet nga pagahimoon ko sa iya.

10 Amo ining ginasiling ni Iehoba: Sa sini nga duug nga sa iya nagasiling kamo: Amo ining kahapayan, nga diin walâ sing mga tawo bisan walâ sing mga kasapatan, sa mga kabanwaan ni Iuda kag sa mga dalan sang Ierusalem nga napanghapay nga walâ sing tawo, kag walâ sing pumulu-yô, kag walâ sing sapat,

11 Didto pagapamatian pa ang tingug sang kalipay, kag ang tingug sang kasadya, ang tingug sang kalasalon nga lalaki kag ang tingug sang kalasalon nga babae, ang tingug sang mga tinawo nga nagasililing:

“Dayawa-ninyo si Iehoba sang Sebaot,

Kay si Iehoba amo ang maayo,

Kay sa gihapon amo ang iya ka-looy,” nagadalalâ sa sini sing pagdayaw sa Baláy ni Iehoba. Kay pagapabalikon ko ang mga bihag sang duta subung sang sa pamúnô, ginsiling ni Iehoba.

12 Amo ining ginasiling ni Iehoba sang Sebaot: Sa sini nga duug nga hinapay, nga diin walâ sing tawo bisan walâ gid sing sapat, kag sa tanan niya nga mga kabanwaan, may dululugan pa nga sa mga manugbantay nga pagpapahuwayan sang mga pinanong;

13 Sa mga kabanwaan sang kabu-

kiran, sa mga kabanwaanang sang manubo, kag sa mga kabanwaanang sang Bagatnan, sa duta ni Benyamin, sa mga libot sang Ierusalem, kag sa mga kabanwaanang sa Iuda, magaalagi pa ang mga pinanong sa idalum sang mga kamut sang nagaisip sa ila, ginasinging ni Iehoba.

14 Yari karon, nagaalabut ang mga adlaw, siling ni Iehoba, nga pagatumanon ko ang polong nga maayo nga ginmitlang ko nga sa baláy ni Israel kag nga sa baláy ni Iuda.

15 Sa sadtong mga adlaw kag sa sadtong panag-on pagapapatubason ko kay Dabid ang isa ka Salingsing sa Katarungan, kag magahimo sia sing katadiungan kag katarungan sa duta.

16 Sa sadtong mga adlaw si Iuda magamanginmaluwas, kag ang Ierusalem magapuyô sing malig-on gid: kag yari karon, amo ini ang igahingalan sa iya: Si Iehoba nga Katarungan namon.

17 Kay amo ining ginasinging ni Iehoba: Indi gid nga mas-a magakulang kay Dabid ang lalaki nga magalingkod sa ibabaw sang lingkoran nga harianon sang baláy ni Israel.

18 Kag sa mga saserdote, nga mga Lebinhon, indi makulang ang lalaki sa akon atubangan, nga maghalad sing halad nga sinunog, kag magsunog sing halad nga kalan-on, kag nga maghimo sing mga halad, sa tanan nga mga adlaw.

19 Kag nag-abut ang polong ni Iehoba kay Ieremias, nga nagasinging:

20 Amo ining ginasinging ni Iehoba: Kon masarangan ninyo sa pagpakawala ang akon katipan nahanungud sa kaadlawan kag ang akon katipan sa kagab-ihon, sa bagay nga walâ na sing kaadlawan bisan kagab-ihon, sa iya panag-on,

21 Niyan sarang man pagaawalaon ang akon katipan kay Dabid, nga akon alagad, sa bagay nga walâ sia sing anak nga lalaki, nga maghari sa ibabaw sang iya lingkoran nga harianon, kon ang akon katipan sa mga Lebinhon kag sa mga saserdote, nga nagaalagad sa akon.

22 Subung nga indi sarang maisip ang kasoldadosan sang langit, bisan ang balas sang dagat sarang masukub, subung sini pagapadamuon ko ang kaliwatan ni Dabid, nga akon alagad, kag ang mga Lebinhon nga nagaalagad sa akon.

23 Kag ang polong ni Iehoba nag-abut kay Ieremias, nga nagasinging:

24 ;Walâ mo bala makita ang ginamitlang sini nga banwa, nga nagasinging: Ang duha ka panimalây nga ginpili ni Iehoba, ginsikway niya? Ginatamay nila ang akon banwa, sa bagay nga sa ila mga mata indi na sia isa ka katawohan.

25 Amo ining ginasinging ni Iehoba: Kon ang *pagpasunud* sang kaadlawan kag sang kagab-ihon indi amo ang akon katipan, kon ako walâ magtapat sing mga ka-ogaoan sang mga langit kag sang duta,

26 Pagaisikway ko man ang kaliwatan ni Iakob kag ni Dabid, nga akon alagad, sa indi na pagkuha sa iya kaliwatan sing mga manuggahum nga sa kaliwatan ni Abraham, ni Isaak, kag ni Iakob. Kay pagapabalikon ko ang ila mga bihag, kag magahinoklog ako sa ila.

Tagna sang ginatigana nga kapalaran kay Sedekias.

**34** ANG polong ni Iehoba nga nag-abut kay Ieremias (sang si Nabukodonosor, nga hari sa Babilonia, kag ang bug-os niya nga kasoldadosan, kag ang tanan nga mga ginuharian sang duta, nga sa ila nagagahum ang iya kamut, kag ang tanan nga mga banwa, nagaalaway batok sa Ierusalem kag batok sa tanan niya nga mga kabanwaanang), nga nagasinging:

2 Amo ining ginasinging ni Iehoba, nga Dios ni Israel: Lakat-ka, kag magahambal-ka kay Sedekias, nga hari sa Iuda, kag pagasingingon mo sia: Amo ining ginasinging ni Iehoba: Yari karon pagaitugyan ko ini nga banwa sa kamut sang hari sa Babilonia, kag pagasunogon niya sia sa kaláyo.

3 Kag ikaw, indi ka makapalagyo sa iya kamut, kondi nga, sa pagkamatuud, pagabilangoon ka kag sa iya kamut pagaitugyan ka; kag ang imo nga mata makakita sang mga mata sang hari sa Babilonia, kag magapakighambal sia sa imo sa bâbâ kag bâbâ, kag magakadto ka sa Babilonia.

4 Apang pamati-ka sang polong ni Iehoba, Sedekias, nga hari sa Iuda: Amo ining ginasinging ni Iehoba sa imo: Indi ka mamatay sa hinganiban:

5 Sa paghidaet mamatay ikaw, kag ang ginsunog nga sa imo nga ginikanan, sa mga nahauna nga mga hari, nga nangin-



úna sa imo, pagasunogon man nga sa sa imo, nga *nagasingit* tungud sa imo sa panalabitan: "¡ Abaw, ginoo!" kay ako naghambal sang polong, siling ni Iehoba.

6 Kag si Ieremias, nga manalagna, nagmitlang sining tanan nga mga polong kay Sedekias, nga hari sa Iuda, sa Ierusalem,

7 Sa nagapakigaway pa ang kasoldadosan sang hari sa Babilonia batok sa Ierusalem kag batok sa tanan nga mga kabanwaan sa Iuda, nga nagkalabilin: ang Lakis kag ang Aseka; kay ini sila, sa tungâ sang mga sa Iuda, among mga banwa nga mabakud nga nagkalabilin.

Mga pahug nahanungud sang pagpigos sang mga ginawad nga mga ulipon.

8 Ang polong ni Iehoba, nga nag-abut kay Ieremias, sa tapus na nga nakahimo si Sedekias sing katipan sa bug-os nga banwa sa Ierusalem, sa pagbantala sa ila sang kahlilwayan,

9 Agud nga papaulion nga hilway sang tagsatagsa ang iya ulipon nga lalaki, kag sang tagsatagsa ang iya ulipon nga babae, sa *tungâ* sang mga Hebreinhon nga lalaki kon mga babae, sa bagay nga walay bisan sin-o nga pagauliponon pa sang iya útud nga Iudio.

10 Kag nagtuluman sila: ang tanan nga mga dunganon, kag ang bug-os nga banwa, nga nagsululud sa katipan sa pagpapauli nga hilway sang tagsatagsa sang iya ulipon nga lalaki kag sang tagsatagsa sang iya ulipon nga babae, agud nga indi paguliponon na sila, nagtuluman sila, kag ginpapauli nila sila.

11 Apang nagliliwan sila sa olehe, kag ginpabalik nila ang mga ulipon nga mga lalaki kag ang mga babae, nga ila ginpapauli nga hilway, kag ginsakup nila sila sa kahlilpnan, ang mga lalaki subung man ang mga babae.

12 Kag ang polong ni Iehoba nag-abut kay Ieremias, gikan kay Iehoba nga nagasiling:

13 Amo ining ginasiling ni Iehoba, nga Dios ni Israel: Ako naghimo sing katipan sa inyo mga gin kanan sang adlaw nga ginagowa ko sila gikan sa duta sa Egipto, sa baláy sang mga ulipon nga nagasiling:

14 "Sa katapusan sang pito ka tuig

pagapapaulion sang tagsatagsa ang iya útud nga Hebreinhon nga ginbaligya sa imo: magaalaga l sia sa imo sing anum ka tuig, ugaling pagapapaulion mo sia nga hilway gikan sa imo." A pang ang inyo mga ginikanan walâ magpalamati sa akon, bisan naghuluyog sila sang ila idulungug.

15 Kag kamo, nagliliso kamo karon, kag naghilimo kamo sang matadlung sa akon mga mata, nga nagabantala ang tagsatagsa sang kahlilway sa iya isigkatawo kag naghilimo kamo sing katipan sa akon atubangan, sa Baláy nga ginahingalanan sa akon ngalan;

16 Apang nag alalik kamo, kag ginpasipalahan ninvo ang akon ngalan, nga nagapabalik ang tagsatagsa sang iya ulipon nga lalaki kag ang tagsatagsa sa iya ulipon nga babae, nga ginpapauli ninyo nga hilway sing hungud, kag ginpanakup ninyo sila nga mga ulipon ninyo sila, ang mga lalaki, subung man ang mga babae.

17 Ngani, amo ini ang ginasiling ni Iehoba: Kamo, walâ kamo magtuluman sa akon sa pagbantala sing kahlilwayan, ang tagsatagsa sa iya útud kag ang tagsatagsa sa iya isigkatawo: Yari karon, nga ako nagabantala sing hinganiban, sing kinamatay kag sing gutum, nga kahlilwayan batok sa inyo, kag pagaitugyan ko kamo sa paghinakit sa tungâ sang tanan nga mga ginharian sang duta.

18 Kag pagaitugyan ko ang mga tawo nga naglalalis sang akon katipan, nga walâ nila pagtumana ang mga polong sang katipan, nga ginhimo sa akon atubangan (Ang tinday nga baka nga ginpihak nila sa duha ka bahin kag nga sa iya nga katungâ, nag-alagi sila.)

19 Ang mga dunganon sa Iuda kag ang mga dunganon sa Ierusalem, ang mga kapon, ang mga saserdote, kag ang bug-os nga banwa sang duta, nga nag-alagi sa tungâ sang mga katungâ sang tinday sang baka;

20 Pagaitugyan ko sila sa mga kamut sang ila mga kaaway, kag sa mga kamut sang mga nagapalangita sang ila kabuhi; kag ang ila mga bangkay manginkalanon sang mga kapispisan sang langit kag sang mga kasapatan sang duta.

21 Kag igatugyan ko man si Sedekias, nga hari sa Iuda, upud ang iya mga dunganon, sa mga kamut sang ila

mga kaaway, kag sa mga kamut sang mga nagapalangita sang ila kabuhi, sa mga kamut sang kasoldadosan sang hari sa Babilonia nga nagpalayô gikan sa inyo.

22 Yari karon, nagasogo ako, sil'ng ni Iehoba, kag pagapabalikon ko sila sa sini nga banwa : magaaway sila batok sa iya, kag pagakuhaon nila sia, kag pagasunugon nila sia sa kalayo ; kag pagahimoon ko ang mga kabanwaan sa Iuda nga kahapayan tubtub nga didto walâ na sing pumuluyô.

Ang katulum sang mga Rekabinhon nabutang nga huwaran sa Iuda.

**35** ANG polong ni Iehoba, nga nag-abut kay Ieremias sa mga adlaw ni Ioiakim, nga anak ni Iosias, nga hari sa Iuda, nga nagasiling :

2 Kadto-ka sa baláy sang mga Rekabinhon, kag magapakighambal ka sa ila, kag pagadalhon mo sila sa Baláy ni Iehoba, sa isa sang mga hulot, kag pagapaimnon mo sila sing alak.

3 Niyan kinuha ko si Iaasaniyas, nga anak ni Ieremias, nga anak ni Habasinias, kag ang iya nga útud, kag ang tanan niya nga mga anak, kag ang bug-os nga panimaláy sang mga Rekabinhon ;

4 Kag gindala ko sila sa Baláy ni Iehoba, sa hulot sang mga anak nga lalaki ni Hanan, nga anak ni Igdalias, nga lalaki sang Dios, nga yara sia sa luyo sang hulot sang mga dunganon, nga yara sa ibabaw sang hulot ni Maasias, nga anak ni Salum, nga bantay sang atangan.

5 Kag ginbutang ko sa atubangan sang mga anak sang panimaláy sang mga Rekabinhon ang mga baso kag mga tagayan nga mga punô sing alak, kag nagsiling ako sa ila : "Ilinum-kamo sing alak."

6 Apang sila nagsililing : "Indi kami magilinum sing alak, kay si Ionadab, nga anak ni Rekab, nga amon amay nagpilit sa amon sing isa ka sogo, nga nagasiling : Indi kamo magilinum sing alak, bisan kamo, bisan ang inyo nga anak, sa gihapon.

7 Bisan magpalatindug-kamo sing baláy, bisan magsab-ug kamo sing binhi, bisan magtalanum kamo sing mga kaubasan, bisan magtagiya kamo sa ila : apang magpuluyo-kamo sa mga layang-

layang sa bug-os ninyo nga mga adlaw, agud nga magkalabuhi kamo sing madamu nga mga adlaw sa ibabaw sang kadayagan sang duta sa diin nga dumuluong kamo.

8 Kag kami nagtuluman sang tingug ni Ionadab, nga anak ni Rekab, nga amon amay sa tanan nga ginsogo niya sa amon, sa indi paginum sing alak sa tanan namon nga mga adlaw, kami ang amon nga asawa, ang amon nga anak nga lalaki, bisan ang amon nga anak nga babae,

9 Kag sa indi pagpatindug sing mga baláy nga sa amon puluy-an, kag sa indi paghuput sing kaubasan, bisan latagon, bisan nga binhi.

10 Kag nagpuluyô kami sa mga layanglayang, kag nagpamati kami kag naghimo kami sono sa tanan nga ginsogo sa amon ni Ionadab, nga amon amay.

11 Kag nahanaba, sang si Nabukodonosor, nga hari sa Babilonia, nagtaklad batok sa duta, nga nagsililing kami : Kari-kamo, kag magasululud kita sa Ierusalem, bangud sang kasoldadosan sang mga Kaldeinhon, kag bangud sang kasoldadosan sang Aram. Kag nagpuluyô kami sa Ierusalem.

12 Kag ang polong ni Iehoba nag-abut kay Ieremias, nga nagasiling :

13 Amo ining g'nasiling ni Iehoba sang Sebaot, nga Dios ni Israel : Lakat-ka kag pagaisiling mo sa mga tawo sa Iuda kag sa mga pumuluyô sa Ierusalem : "Indi bala kamo magbalaton sing sabdong sa pagpamati sa akon nga polong? siling ni Iehoba.

14 Gintuman ang polong ni Ionadab, nga anak ni Rehab, nga sia nagsogo sa iya nga anak nga indi sila magilinum sing alak ; kag walâ sila magilinum sini tubtub karon, kay nagtuman sila sang sogo sang ila amay : kag ako, naghambal ako sa inyo, nga nagahambal tubtub sa aga, kag walâ ninyo ako pagpamati.

15 Kag ginpadala ko sa inyo ang tanan ko nga mga alagad ang mga manalagna, nga nagapadala ako sa ila kutub sa aga, sa pagsiling sa inyo : "Balalik-kamo karon ang tagsatagsa gikan sa iya malain nga dalan, kag kaayoha-ninyo ang inyo nga binuhatan, kag indi kamo maglalakat sa olehe sang liwan nga mga dios sa pag-alagad sa ila, kag magapuluyô kamo sa duta, nga ginhatag ko sa inyo nga ginikanan ; apang walâ ninyo



pagihuyog ang inyo mga idulungug, bisaan ginpamatian ninyo ako.

16 Hoo, ang mga anak ni Ionadab, nga anak ni Rekab, nagtuluman sila sang sogo, nga ginhatag sa ila sang ila amay, apang ini nga banwa walâ magpamati sa akon.

17 Tunğud sini, amo ining ginasing ni Iehoba, nga Dios sang Sebaot, nga Dios ni Israel: Yari karon, pagapakarion ko sa ibabaw ni Iuda kag sa ibabaw sang tanan nga mga pumulu-yô sang Ierusalem, ang tanan nga kalainan nga ginmitlang ko batok sa ila; kay ginhambal ko sila, apang walâ sila magpalamati, kay gintawag ko sila, kag walâ sila magsabat.

18 Kag nahanungud sa panimaláy sang mga Rekabinhon nagsiling si Ieremias: Amo ining ginasing ni Iehoba sang Sebaot, nga Dios ni Israel: Kay nagtuman kamo sang sogo ni Ionadab, nga inyo amay, kag ginbantayan ninyo ang tanan niya nga mga sogo, kag ginhimo ninyo sono sa tanan nga ginsogo niya sa inyo;

19 Tunğud sini, amo ining ginasing ni Iehoba sang Sebaot, nga Dios ni Israel: Kay Ionadab, nga anak ni Rekab, indi makulangan sia sing anak nga nagatindug sa akon atubangan sa gihapon.

Ang tolon-an sang mga tagna ni Ieremias binasa sa Simbahan kag ginsunog sang hari.

**36** KAG nahanabu, sa ikap-at ka tuig ni Ioiakim, nga anak ni Iosias, nga hari sa Iuda, nga nag-abut ini nga polong ni Iehoba kay Ieremias, nga nagasing:

2 Kuha-ka sing isa ka linukot nga tolon-an, kag pagaisulat mo sa iya ang tanan nga mga polong, nga ginhambal ko sa imo batok kay Israel, kag batok kay Iuda, kag batok sa tanan nga mga katawohan, kutub sang adlaw nga naghambal ako sa imo, kutub sang mga adlaw ni Iosias tubtub karon.

3 Ayhan pagapamatian sang baláy ni Iuda ang tanan nga kalainan, nga ginahunahuna ko nga himoon sa ila, agud nga magliso sila, ang tagsatagsa sa iya malain nga dalan, kag nga ako, magpatawad ako sa ila sang ila kalainan kag sang ila salâ.

4 Busa gintawag ni Ieremias si Baruk,

nga anak ni Nerias, kag ginsulat ni Baruk, sa panugud ni Ieremias, sa isa ka linukut nga tolon-an, ang tanan nga mga polong nga ginhambal ni Iehoba sa iya.

5 Kag nagsogo si Ieremias kay Baruk, nga nagasing: Ako yari nabilango, indi ako sarang makakadto sa Baláy ni Iehoba.

6 Busa, sulud-ka kag basáha sa sini nga linukut, nga ginsulat mo sa akon panugud, ang mga polong ni Iehoba sa mga idulungug sang banwa sa Baláy ni Iehoba, sa adlaw sang puasa; kag pagabasahon mo sila man sa mga idulungug sang bug-os nga Iuda, nga nagaalabut gikan sa ila mga kabanwaan.

7 Ayhan igapasagahay ang mga pakilooy nila sa atubangan ni Iehoba, kag magabalik ang tagsatagsa gikan sa iya malain nga dalan; kay daku ang kaakig kag ang kasingkal nga ginmitlang ni Iehoba batok sini nga banwa.

8 Kag si Baruk, nga anak ni Nerias, naghimo sono sang tanan nga ginsogo sa iya ni Ieremias, nga manalagna, nga nagabása sia sa tolon-an sang mga polong ni Iehoba sa Baláy ni Iehoba.

9 Kag nahanabu sa ikalima ka tuig ni Ioiakim, nga anak ni Iosias, nga hari sa Iuda, sa ikasiam ka bulan, nga ginbantala nila ang puasa sa atubangan ni Iehoba, nga sa bug-os nga banwa sang Ierusalem, kag sa bug-os nga banwa nga nag-abut sa Ierusalem gikan sa mga kabanwaan ni Iuda.

10 Kag ginbása ni Baruk sa tolon-an ang mga polong ni Ieremias, sa Baláy ni Iehoba, sa hulut ni Gemarias, nga anak ni Sapan, nga eskriba, sa patyo sa ibabaw, sa salamputan sang gawang nga Bag-o sang Baláy ni Iehoba, sa mga idulungug sang bug-os nga banwa.

11 Kag si Mikeas, nga anak ni Gemarias, nga anak ni Sapan, nakabati sa tolon-an sang tanan nga mga polong ni Iehoba.

12 Kag nagpanaug sia sa baláy sang hari pa hulut sang eskriba, kag yari karon, ang tanan nga mga dunganon yadto didto nagalilingkod: si Elisama, nga eskriba, kag si Delaia, nga anak ni Semaia, kag si Elnatan, nga anak ni Akbor, kag si Gemarias, nga anak ni Sapan, kag si Sedekias, nga anak ni Hananias, kag ang tanan nga mga dunganon.

13 Kag ginsugid sa ila ni Mikeas ang tanan nga mga polong, nga iya nabatian sang nagabása si Baruk sa tolon-an sa mga idulungug sang banwa.

14 Kag ginpadalá sang tanan nga mga dunganon si Iehudi, nga anak ni Neta-nias, nga anak ni Selemias, nga anak ni Kusi, agud nga magsiling sila kay Baruk; "Kuhaa sa imo kamut ang linukot nga ginbása mo sa mga idulungug sang banwa, kag kari-ka." Kag si Baruk, nga anak ni Neria; nagkuha sang linukot sa iya kamut, kag nag-abut sa ila.

15 Kag ginsilingan nila sia: "Lingkod-ka karon, kag basáha sia sa amon mga idulungug." Kag ginbása ini ni Baruk sa ila mga idulungug,

16 Kag nahanabu, sang pagkabati nila sang tanan nga mga polong nga ang tagsatagsa nagtululukay nga nalisang, kag nagsililing sila kay Baruk: "Sing sibo gid pagaisugid namon sa hari ining tanan nga mga polong."

17 Kag nagpalamangkot sila kay Baruk, nga nagasiling: "Isugid karon sa amon kon paano ang pagsulat mo sining tanan nga mga polong, nga nagikan sa iya bâbâ."

18 Kag si Baruk nagsiling sa ila: "Sia nagpanugud sa akon sa iya bâbâ sining tanan nga mga polong, kag ginsulat ko sila sa tinta sa tolon-an."

19 Kag nagsililing ang mga dunganon kay Baruk: "Lakat-ka, kag panago-kamo, ikaw kag si Ieremias, kag walâ sing bisan sin-o nga makahibalo kon diin kamo."

20 Ugaling nagkaladto sila sa hari sa patyo kag gintago nila ang linukot sa hulot ni Elisama, nga eskriba; kag ginsugid nila sa mga idulungug sang hari ang tanan nga mga polong.

21 Kag ginpadalá sang hari si Iehudi, nga kuhaon niya ang linukot, kag ginkuha niya sia sa hulot ni Elisama, nga eskriba: kag ginbása sa iya ni Iehodi sa mga idulungug sang hari kag sa mga idulungug sang tanan nga mga dungan nga nagatilindug malapit sa hari.

22 Kag ang hari yara sa baláy nga sa tigtulugnaw, sa ikasiam ka bulan, kag may bagahan nga nagadabdab sa atubangan niya.

23 Kag nahanabu, sang pagkatapus pagbasa ni Iehudi sing tatlo kon apat ka idas, ginutúd niya ini sang isa ka sundang sa eskriba, kag gindap-ung niya sia

sa kalayo nga yara sa bagahan, tuhtub nga ang bug-os nga linukot naupúd sa ibabaw sang kalayo, nga yara sa bagahan.

24 Kag walâ sila magkalahadluk, kag walâ nila pagkusnita ang ila mga panap-ton, bisan ang hari kag bisan sin-o sang tanan niya nga mga alagad nga nakabati sining tanan nga mga polong.

25 Kag bisan pa si Elnatan, kag si Delaia kag si Gemarias nag-alampo sa hari, nga indi pagsonogon niya yadtong linukot, apang walâ sia magpamati sa ila.

26 Kag ginsogo sang hari si Ierameel, nga anak ni Hamelek, kag si Seraia, nga anak ni Asriel, kag si Selemias, nga anak ni Abdeel, nga dakpon nila si Baruk, nga eskriba, kag si Ieremias nga manalagna; apang gintago sila ni Iehoba.

27 Kag sa tapus sang hari masunug ang linukot kag ang mga polong nga ginsulat ni Baruk sa panugud ni Ieremias, nag-abut ang polong ni Iehoba kay Ieremias, nga nagasiling:

28 Liwanon sa pagpanugud, kuha-ka sing isa liwan ka linukot, kag isulat sa iya ang tanan nga mga nahauna nga mga polong, nga didto sa nahauna nga linukot, nga ginsunog ni Ioiakim, nga hari sa Iuda.

29 Kag nahanungud kay Ioiakim, nga hari sa Iuda, pagasiling mo: "Amo ining ginasiling ni Iehoba: Ginsunog mo ini nga linukot, nga nagasiling: ; Kay nga bala ginsulat mo sa iya, nga nagasiling: Sa pagkamatuud magaabut ang hari sa Babilonia, kag magalaglag sia sini nga duta, kag pagahimoon niya nga walâ na sa iya bisan mga tawo, bisan mga kasapatan?"

30 Ngani, amo ining ginasiling ni Iehoba nahanungud kay Ioiakim, nga hari sa Iuda: Walâ sia sing anak nga maglinghod sa ibabaw sang lingkoran nga harianon ni Dabid, kag ang iya bangkay pagaihaboy sa gowa sa kainit sang adlawon kag sa hielong sang kagab-ihon.

31 Kag pagaduawon ko sa ibabaw niya, kag sa ibabaw sang iya kaliwatan, kag sa ibabaw sang iya mga alagad, ang ila kalautan; kag pagapakarion ko sa ibabaw nila, kag sa ibabaw sang mga pumuluyô sa Ierusalem, kag sa ibabaw sang mga tinawo sa Iuda ang tanan nga kalainan nga ginmitlang ko batok sa ila, kag walâ sila magpalamati sa akon.

32 Kag nagkuha si Ieremias sing isa



liwan ka linukot, kag ginhatag niya ini kay Baruk, nga anak ni Nerias, nga eskriba, kag ginsulat niya sa iya, sa panugud ni Ieremias, ang tanan nga mga polong sang tolon-an nga ginsunog sa kalayo ni Ioiakim, nga hari sa Iuda; kag ginpandugang pa sa ila ang iban nga mga madamu nga mga polong nga mga kaangay.

Si Ieremias binilango

**37** SA salili ni Konias, nga anak ni Ioiakim, naghari si Sedekias, nga anak ni Iosias, nga si Nabukodonosor, nga hari sa Babilonia, naghimo nga hari sa duta ni Iuda,

2 Kag walâ sia magpamati, bisan ang iya mga alagad, bisan ang banwa sang duta, sang mga polong ni Iehoba, nga ginmitlang niya tungud sang manalagna nga si Ieremias.

3 Kag ginpadalâ sang hari nga si Sedekias si Iukal, nga anak ni Selemias, kag si Sepanias, nga anak ni Maasias, nga saserdote kay Ieremias, nga manalagna, sa pagsiling sa iya: "Ampo-ka aton tungud sa amon kay Iehoba nga aton Dios."

4 Kag niyan si Ieremias nagsulud kag naggowa sa tungâ sang banwa kag walâ pa sia makasulud sa balây sang bilangoan.

5 Kag ang kasoldadosan ni Paraon naggowa sa Egipto, kag ang mga Kaldeinhon, nga nagalilibot sa Ierusalem, sang pagkabati nila sang balita, nagpalayô sila sa Ierusalem.

6 Kag nag-abut ang polong ni Iehoba kay Ieremias, nga manalagna, nga nagsiling:

7 Amo ining ginasing ni Iehoba, nga Dios ni Israel: Isiling-ninyo ang subung sini sa hari sa Iuda, nga ginpadalâ kamo niya sa akon, agud sa pagpakisayud sa akon: Yari karon, ang kasoldadosan ni Paraon, nga naggowa sa pagbulog sa inyo, nagabalik sa iya duta, sa Egipto.

8 Kag magabalalik ang mga Kaldeinhon kag magaaway sila batok sini nga banwa, kag pagakuhaon nila sia, kag pagasunugon nila sia.

9 Amo ining ginasing ni Iehoba: Indi ninyo paglimbongan ang inyo kaugalingon, nga nagsiling: Ang mga Kaldeinhon magahalalîn, magahalalîn

sila sa malayô sa aton; kay indi sila magahalalîn.

10 Kay bisan pa kon pilason ninyo ang bug-os nga kasoldadosan sang mga Kaldeinhon, nga nagaalaway batok sa inyo, kag kon mabilin sa ila ang mga tawolamang nga nalapsan, magatilindug sila ang tagsatagsa sa iya layanglayang, kag pagasunugon nila ini nga banwa sa kalayo.

11 Kag nahanabu, sang nagpalayô ang kasoldadosan sang mga Kaldeinhon gikan sa Ierusalem, bangud sang kasoldadosan ni Paraon,

12 Nga naggowa sa Ierusalem si Ieremias sa pagkadto sa duta ni Benyamin sa pagkuha didto sang iya pahat sa tungâ sang banwa.

13 Kag nahanabu, sang didto sia sa gawang ni Benyamin, yadto didto ang isa ka manugtatap nga ginahingalanan si Irias, nga anak ni Selemias, nga anak ni Hananias; nga gindakup niya si Ieremias, nga manalagna, nga nagsiling: Ikaw magapasakup sa mga Kaldeinhon."

14 Kag si Ieremias nagsiling: "Butig; walâ ako magapasakup sa mga Kaldeinhon." Apang sia walâ magpamati sa iya. Busa, gindakup ni Irias si Ieremias, kag gindalâ niya sia sa atubangan sang mga dunganon.

15 Kag ang mga dunganon nagkalaa-kig batok kay Ieremias, kag ginbunal nila sia, kag ginbutang nila sia sa balây sang mga hiligtan sa balây ni Ionatan, nga eskriba; kay ginhimo nila sia nga Balây nga bilangoan.

16 Amo ini ang pagsulud ni Ieremias sa hulut nga lungib kag sa mga lungib, kag didto si Ieremias nagpuyô sa mga madamu nga mga adlaw,

17 Ugaling ang hari nga si Sedekias nagpadalâ, kag nagkuha sa iya, kag nagpamangkot sa iya ang hari sa iya balây sa tago, kag nagsiling: "¿May polong bala gikan kay Iehoba?" Kag si Ieremias nagsiling: "Hoo;" kag nagsiling sia: "Sa mga kamut sang hari sa Babilonia pagaitugyan ka."

18 Kag nagsiling man si Ieremias sa hari nga si Sedekias: "¿Sa ano bala ako nakasalâ batok sa imo, kon batok sa imo mga alagad, kon batok sini nga banwa, agud nga ibutang ninyo ako sa balây sang bilangoan?"

19 Kag ¿diin bala ang inyo nga manalagna, nga nagatalagna sa inyo, nga

nagasililing: Indi magakari ang hari sa Babilon'a batok sa inyo, bisan batok sini nga duta?

20 Busa karon, pamati-ka, ginaampo ko sa imo, oh hari, nga akon ginoo. Nga magsagahay karon ang akon pangamuyo sa atubangan mo, kag indi mo ako pagpabalikon sa baláy ni Ionatan, nga eskriba, agud nga indi ako mapatay didto."

21 Kag nagsogo ang hari nga si Sedekias, nga pagbantayan si Ieremias sa patyo sang bilangoan, nga ginpahatagan sia sing isa ka torta nga tinapay sa matag-adlaw sa dalan sang mga manugtinapay, tubtub nga ang tanan nga tinapay sa banwa maurot. Kag nabilin si Ieremias sa patyo sang bolangoan.

Si Ieremias gintagbong sa isa ka lungib sa bilangoan.

**38** KAG ginpamatian ni Sepatias, nga anak ni Matan, kag ni Gedalias, nga anak ni Pasur, kag ni Iukal, nga anak ni Selemias, kag ni Pasur, nga anak ni Malkias, ang mga polong nga ginmitlang ni Ieremias sa bug-os nga banwa, nga nagasiling:

2 "Amo ining ginasiling ni Iehoba: Ang magapabilin sa sini nga banwa, mamatay sa hinganiban, sa gutum, kon sa kinamatay; kag ang maggowa sa mga Kaldeinhon, magakabuhi, kag mangihinublas ang iya kabuhi sa iya, kag magakabuhi sia.

3 Amo ining ginasiling ni Iehoba: Sa pagkamatuud, pagaitugyan ini nga banwa sa kamut sang kasoldadosan sang hari sa Babilonia, kag pagakuhaon niya sia.

4 Kag ang mga dunganon nagsililing sa hari: "Nga mapatay karon ini nga tawo; kay sa sini nga bagay ginapaluya niya ang mga kamut sang mga tawo sa pag-awayan, nga nagkalabilin sa sini nga banwa, kag ang mga kamut sang bug-os nga banwa, nga nagamitlang sia sa ila sang amo nga mga polong; kay ini nga tawo walà magapangita sang kaayohan sini nga banwa, kondi ang kalainan."

5 Kag nagsiling ang hari nga si Sedekias: "Yari karon, sia yara sa inyo mga kamut; kay ang hari indi makasarang sing bisan ano batok sa inyo."

6 Kag ginkuha nila si Ieremias, kag ginpahalog nila sia sa bobon ni Malkias,

nga anak ni Hamelek, nga yara sa patyo sang bilangoan. Kag gintonton nila si Ieremias nga may mga lubid, kag sa bobon walà sing tubig, kondi lunang; kag nagsalup si Ieremias sa lunang.

7 Kag nakabati si Ebed-melek, nga Kusinhon, nga kapon nga yara sa baláy sang hari, nga ginbutang nila si Ieremias sa bobon, kag nagalingkod ang hari sa gawang ni Benyamin.

8 Si Ebed-melek naggowa sa baláy sang hari, kag naghambal sa hari nga nagasiling:

9 Oh hari, ginoo ko, malain ang ginhimo sining mga tinawo sa tanan nga ginhimo nila kay Ieremias, nga manalagna, nga gintagbong nila sia sa bobon. Didto gid mamatay sia sa gutum bangud kay walà na sing tinapay sa banwa.

10 Kag ginsogo sang hari si Ebed-melek, nga Kusinhon, nga nagasiling: Kuha-ka diri sa imo kagamhuan sing katloan ka tawo, kag igapakuha mo si Ieremias, nga manalagna, sa bobon sa walà pa sia mamatay.

11 Kag nagkuha si Ebed-melek sa iya kagamhanan sing mga tawo, kag nagabut sia sa baláy sang hari, sa duug sa idalum sang Bahandi. Kag nagkuha sia didto sing mga lapat nga panapton nga gision kag mga daan nga lapat, kag gintonton niya sila kay Ieremias nga may mga lubid sa bobon.

12 Kag nagsiling si Ebed-melek, nga Kusinhon, kay Ieremias: "Ibutang karon inang mga lapat nga panapton nga gision kon mga daan, sa idalum sang mga ilok sang imo mga butkon, sa idalum sang mga lubid; kag ginhimo ni Ieremias ang subung sini.

13 Kag ginkuha nila si Ieremias nga may mga lubid, kag ginbatak nila sia sa bobon. Kag nagpabilin si Ieremias sa patyo sang bilangoan.

14 Kag ginpakadtoan sang hari nga si Sedekias, kag ginpakari niya sa iya si Ieremias nga manalagna, sa ikatlo ka salamputan nga yara sa Baláy ni Iehoba. Kag nagsiling ang hari kay Ieremias: "Nagapamangkot ako sa imo sing isa ka butang. Dili mo pagtagoon sa akon ang bisan ano nga butang."

15 Kag si Ieremias nagsiling kay Sedekias: "Kon ginapahibalo ko ini sa imo, indi bala matuud nga pagapatyon mo ako? Kag kon maglaygay ako sa



imo, *¿indi bala matuud nga ikaw indi magpamati sa akon?*"

16 Kag nagsumpa ang hari nga si Sedekias sa tago kay Ieremias, nga nagasiling: "Magkabuhi si Iehoba, nga naghimo sining aton kalág, nga indi ko ikaw pagpatyon, kag indi ko ikaw pagaitugyan sa mga kamut sining mga tinawo, nga nagapalangita sang imo kabuhi."

17 Kag nagsiling si Ieremias kay Sedekias: "Amo ining ginasiling ni Iehoba nga Dios sang Sabaot, nga Dios ni Israel: "Kon maggowa ka gilayon sa mga dunganon sang hari sa Babilonia, ang imo kalág magakabuhi, kag ini nga banwa indi pagasunugon sa kalayo; magkabuhi ka, ikaw kag ang imo baláy."

18 Apang kon indi ka maggowa sa mga dunganon sang hari sa Babilonia, ini nga banwa pagaitugyan sa kamut sang mga Kaldeinhon, kag pagasunugon nila sia sa kalayo, kag ikaw, indi ka makapalagyo sa ila mga kamut."

19 Kag ang hari nga si Sedekias nagsiling kay Ieremias: "May kahadluk ako bangud sang mga Iudio, nga nagpalasakup sa mga Kaldeinhon, basi pa nga magtugyan sila sa akon sa ila mga kamut, kag pagpasipalahan nila ako."

20 Kag nagsiling si Ieremias: "Indi ka nila pagaitugyan. Pamatii karon ang tingug ni Iehoba, nga ginasiling ko sa imo, kag sa tanan may kaayo ka, kag magakabuhi ang imo kalág."

21 Apang kon magdumili ka sa paggowa, ini amo ang polong, nga ginpakita sa akon ni Iehoba.

22 Yari karon, ang tanan nga mga babae, nga nagkalabilin sa baláy sang hari sa Iuda, ginpangdalá na sa gowa sa mga dunganon sang hari sa Babilonia; kag sila nagasililing: Ginsugyot ka nila, kag naglandas sila batok sa imo, ang mga sa ila may paghidaet ikaw. Ang imo mga tiil nagasalalup sa lunang, nagatalalikod ang *imo mga abyan*.

23 Kag pagapangdalhon sa gowa sa mga Kaldeinhon ang tanan mo nga mga asawa kag ang imo mga anak, kag ikaw indi makapalagyo sa ila mga kamut, kondi pagadakpon ka sang kamut sang hari sa Babilonia; kag nahanungud sini nga banwa, pagasunugon sia sa kalayo."

24 Kag nagsiling si Sedekias kay Ieremias: "Walá sing sin-o nga makahi-

balo sining mga polong, kag indi ka mamatay."

25 Kag kon ang mga dunganon makabati, nga ako naghambal sa imo, kag kon magkalari sila sa imo, kag mag-siling sila sa imo: Isugid karon sa amon kon ano ang ginhambal mo sa hari; indi mo pagtagoon sa amon ang bisan ano, kag indi ka namon pagpatyon; kag *¿ano bala ang ginsiling sa imo sang hari?*

26 *Niyan* pagaisiling mo sa ila: Ginpasagahay ko sa atubangan sang hari ang akon pakiloy, agud nga indi niya ako pagpabalikon sa baláy ni Ionatan sa pagpakamatay didto."

27 Kag nag-alabut ang tanan nga mga dunganon kay Ieremias kag ginpamangkot nila sia; apang sia nagsabat sa ila, sono sa tanan nga mga polong nga ginsogo sa iya sang hari. Kag ginbayaan nila sia sing malinong, kay walá sing bisan ano nga nahanungud sini.

28 Kag nabilin si Ieremias sa patyo sang bilangoan, tubtub sang adlaw nga nakuha ang Ierusalem.

Ginakuha ni Nabukodonosor ang Ierusalem, kag ginaluwas niya si Ieremias.

**39** KAG nahanabu, sang ginkuha ang Ierusalem sa ikasiam ka tuig ni Sedekias, nga hari sa Iuda, sa bulan nga ikapúlô, nag-abut si Nabukodonosor, nga hari sa Babilonia, upud ang bug-os niya nga kasoldadosan batok sa Ierusalem, kag ginlibutan nila sia.

2 Kag sa ikapúlô kag isa ka tuig ni Sedekias, sa ikap-at ka bulan, sa ikasiam sang bulan, nahimo ang guab sa banwa.

3 Kag nagsululúd ang tanan nga mga dunganon sang hari sa Babilonia, kag nagpalahamtang sila sa gawang sa katunganan: Si Nergal-Sareser, si Samgar-Nebo, si Sarsekim, nga pangolo sang mga kapon, si Nergal-Sareser, nga pangolo sang mga mago, kag ang iban nga tanan nga mga dunganon sang hari sa Babilonia.

4 Kag nahanabu, sang nakita sila ni Sedekias, nga hari sa Iuda, kag sang tanan nga mga tawo sa pag-awayan, nga nagpalalagyo sila, kag naggoluwa sila sing gab-i sa banwa sa dalan sang katamnan sang hari, sa gawang sa tungá sang duha ka kuta; kag naggowa sila sa dalan sang kapatagan.

5 Kag ang kasoldadosan sang mga Kaldeinhon naglalagas sa ila, kag nababut nila si Sedekias sa mga Kapatagan sang Ieriko. Kag gindakup nila sia, kag ginpataklad nila sia kay Nabukodonosor, nga hari sa Babilonia, sa Ribla, sa duta sang Hamat, nga didto ginhimo niya ang iya kasaba.

6 Kag ginpugutan sang hari sa Babilonia ang mga anak ni Sedekias sa iya atubangan sa Ribla, kag ginpapugutan sang hari sa Babilonia ang tanan nga mga lutaw sa Iuda.

7 Kag ginlukat niya ang mga mata ni Sedekias, kag ginhigtan niya sia nga may mga talikala nga tumbaga sa pagdalá sa iya sa Babilonia.

8 Kag ginsunog sang mga Kaldeinhon sa kalayo ang baláy sang hari kag ang mga kabalayan sang banwa, kag ginguba nila ang mga kuta sang Ierusalem.

9 Kag nahanungud sang nabilin sang banwa nga nahabilin sa banwa, kag ang mga manugpalagyo nga nagpalasakup sa iya, kag ang tanan nga nabilin sang banwa nga nagkalabilin, ginpaliton sila sa Babilonia ni Nabusaradan, nga pangolo sang mga bantay.

10 Apang si Nabusaradan, nga pangolo sang mga bantay, ginbayaan niya sa duta ni Iuda ang mga labing imol, ang mga walá sing bisan ano, kag gihatagan niya sila sadtong adlaw sing mga kaubasan kag mga latagon.

11 Kag si Nabukodonosor, nga hari sa Babilonia, nagsogo kay Nabusaradan, nga pangolo sang mga bantay, nahanungud kay Ieremias, nga nagasiling:

12 “Kuhaa sia, kag tatapa sia, kag dili mo sia paghimoan sing bisan ano nga kalainan, kondi pagahimoon mo sa iya, subung sang iya pagaisiling sa imo.”

13 Kag si Nabusaradan, nga pangolo nga bantay, kag si Nabusasban, nga pangolo sang mga kapon, kag si Nergal-Sareser, nga pangolo sang mga mago, kag ang tanan nga mga kadalagkuan sang hari sa Babilonia,

14 Nagpadalá sila, nagpadalá sila sa pagkuha kay Ieremias sa patyo sang bilangoan, kag gintugyan nila sia kay Gedalias, nga anak ni Ahikam, nga anak ni Sapan, agud nga ipadalá niya sia sa gowa sa baláy. Kag nagpuyô sia sa tungâ sang banwa.

15 Kag nag-abut ang polong ni Iehoba

kay Ieremias, sang nabilango sia sa patyo sang bilangoan, nga nagasiling:

16 Lakat-ka kag hambala si Ebed-melek, nga Kusinhon, nga nagasiling: Amo ining ginasiling ni Iehoba sang Sebaot, nga Dios ni Israel: Yari karon, pagaipadalá ko diri ang akon mga polong sa ibabaw sini nga banwa nga sa kalainan kag indi nga sa kaayohan; kag magakatuman sila sa imo atubangan sa sadtong adlaw.

17 Apang pagaluwason ko ikaw sa sadtong adlaw, siling ni Iehoba, kag indi ka pagaitugyan sa mga kamut sang mga tinawo nga bangud sa ila may kahadluk ka;

18 Kay sa pagkamatuud, pagapapalag-yohon ko ikaw, kag indi ka mapukan sa hinganiban, kondi nga ang imo kabuhi magamanginagaw sa imo, kay nagsalig ka sa akon, siling ni Iehoba.

Si Ieremias nagapuyo sa Ierusalem upud kay Gedalias.

**40** ANG polong ni Iehoba, nga nag-abut kay Ieremias, sa tapus na nga si Nabusaradan, nga pangolo sang mga bantay, nagpadalá sa iya kutub sa Rama, sang pagkuha niya sa iya, sang nahigtan sia sang mga talikala sa tungâ sang tanan nga pinaliton gikan sa Ierusalem kag sa Iuda, nga ginpaliton sila pa Babilonia.

2 Ginkuha si Ieremias sang pangolo sang mga bantay kag nagsiling sia sa iya: “Si Iehoba, nga imo Dios, nagmitlang sining kalainan batok sini nga duug.

3 Ginpakari ni Iehoba ini, kag ginhi-kot niya *ini* sono sang iya ginmitlang: kay nagpalakasalâ kamo batok kay Iehoba, kag walá ninyo pagpamatii ang iya tungug; tungud sini nag-abut sa inyo ini.

4 Kag karon ginbuhian ko ikaw sang mga talikala, nga yara sa imo mga kamut. Kon minamaayo mo ang magkadto sa Babilonia upud sa akon, kari-ka, kag ako magatatap sa imo; apang kon indi minamaayo mo ang magkadto sa Babilonia upud sa akon, pabayai. Tuluka ang bug-os nga duta yara sa imo atubangan; lakat-ka sa diin ang minamaayo mo kag ginapakatadlung mo nga kadtoan.”

5 Kag tungud nga walá pa sia mag-



pauli, *nagsiling* sia sa iya: “Balik-ka kay Gedalias, nga anak ni Ahikam, nga anak ni Sapan, nga sia ginbutang sang hari sa Babilonia sa ibabaw sang mga kabanwaan sa Iuda, kag puyô-ka upud sa iya, sa tungâ sang banwa; kon lakat-ka sa diin ginapakatadlung mo nga kadtoan.” Kag ginhatagan sia sang pangôlo sang mga bantay sing kalan-on kag sing isa ka dôlot kag ginpalakat sia niya.

6 Kag nagkadto si Ieremias kay Gedalias, nga anak ni Ahikam, sa Mispa, kag nagpuyô sia upud sa iya sa tungâ sang mga sa banwa nga nahabilin sa duta.

7 Kag ang tanan nga mga pangôlo sang kasoldadosan nga yara sa dulugan, sila kag ang ila mga tinawo, nakabati nga ginbutang sang hari sa Babilonia si Gedalias, nga anak ni Ahikam, sa ibabaw sang duta sa Iuda, kag nga gintulin sa iya ang mga lalaki, kag ang mga babae, kag ang mga kabataan, kag ang mga labing imol sang duta, ang mga walâ pagpalituna sa Babilonia,

8 Kag nag-alabut sila kay Gedalias sa Mispa, kon sayoron si Ismael, nga anak ni Netanias, kag si Iohanan kag si Ionatan, nga mga anak ni Karea, kag si Seraia, nga anak ni Tanhumet, kag ang mga anak ni Epai, nga taga-Netopa' kag si Iesania, nga anak ni Maakinhon, sila kag ang ila mga tinawo.

9 Kag si Gedalias, nga anak ni Ahikam, nga anak ni Sapan, nagsumpa sa ila kag sa ila mga tinawo, nga nagasiling: “Indi kamo magkalahadluk sa pag-alagad sa mga Kaldeinhon: Puluyô-kamo sa duta, kag alagda-ninyo ang hari sa Babilonia, kag may kaayo kamo.

10 Kag nahanungud sa akon, yari karon, nga ako nagapuyô sa Mispa, sa pagtindug sa atubangan sang mga Kaldeinhon, nga nagakalari sa aton. Apang kuha-kamo sing alak kag sang bungâ sang tingadlaw, kag sang lana nga igabutang ninyo sa inyo mga talyaw, kag magpuluyô-kamo sa inyo mga kabanwaan, nga ginkuha ninyo.”

11 Kag ang tanan nga mga Iudio, nga yadto sa Moab, kag sa tungâ sang mga inanak ni Amon, kag sa Edom, kon ang mga yara sa tanan nga mga duta nga *kasilingan*, nakabati man sila nga ang hari sa Babilonia nagtugut sang isa ka nabilin sa Iuda, kag nga ginbutang

niya sa ibabaw nila si Gedalias, nga anak ni Ahikam, nga anak ni Sapan.

12 Kag ang tanan nga mga Iudio nagabalalik gikan sa tanan nga mga duug sa diin ginpanobol sila, kag nag-alabut sila sa duta ni Iuda kay Gedalias, sa Mispa, kag nagtipon sila sing alak kag sing mga bunga sa daku nga kabugana.

13 Apang si Iohanan, nga anak ni Karea, kag ang tanan nga mga pangôlo sang mga kasoldadosan, nga yara sa dulugan nag-alabut kay Gedalias, sa Mispa,

14 Kag nagsililing sila sa iya: “Walâ ka bala makahibalo sing maayo nga si Baalis, nga hari sang mga inanak ni Amon, nagpadalâ kay Ismael, nga anak ni Netanias, sa pagpilas sa imo sa kamatayon?” Apang si Gedalias, nga anak ni Ahikam, walâ magtoo sa ila.

15 Kag si Iohanan, nga anak ni Karea, naghambal kay Gedalias sa tago, sa Mispa, nga nagasiling: “Tuguti ako sa pagkadto sa pagpilas kay Ismael, nga anak ni Netanias, kag walâ sing bisan sin-o nga makahibalo sini. Kay nga bala pagapilason ka niya sa kamatayon, kag ang tanan nga Iuda, nga nagimpon sa imo, magaalaplaag kag madula ang nabilin ni Iuda?”

16 Apang si Gedalias, nga anak ni Ahikam, nagsiling kay Iohanan, nga anak ni Karea: “Indi ka maghimo sini, kay daya ang imo ginasiling nahanungud kay Ismael.”

Ang pagpatay kay Gedalias.

**41** KAG nahanabu, sa ikapito ka bulan, nga si Ismael, nga anak ni Netanias, nga anak ni Elisama, sa kaliwatan nga harianon, kag isa sang mga kadalagkuan sang hari, kag napulô ka tawo upud sa iya, nag-alabut kay Gedalias, nga anak ni Ahikam, sa Mispa, kag nagkalaon sila sing tingub sang tinapay didto sa Mispa.

2 Kag si Ismael, nga anak ni Netanias, nagtindug kag amo man ang napulô ka tawo nga yara upud sa iya, kag ginpilas nila sa hinganiban si Gedalias, nga anak ni Ahikam, nga anak ni Sapan; nga ginpatay niya, sing subung sini, yadto nga ginbutang sang hari sa Babilonia sa ibabaw sang duta.

3 Kag ang tanan nga mga Iudio nga yara sa iya, upud kay Gedalias, sa Mis-

pa, kag ang mga soldado nga Kaldeinhon nga yadto didto, ginpilas sila ni Ismael.

4 Kag nahanabu, sa ikaduha ka adlaw, sa tapus nga ginpatay niya si Gedalias, nga walâ sing sin-o nga nakahibalo sini,

5 Nga nagpalakari ang pila ka mga tawo gikan sa Sikem, sa Silo kag sa Samaria, mga kawaloan ka mga tawo, nga napangiskisan sang bungut kag gision ang mga panapton, kag mga kinudlisan ang lawas, kag nga yara sa ila mga kamut ang mga halad nga kalan-on kag insienso, nga gindala nila sa Baláy ni Iehoba.

6 Kag si Ismael, nga anak ni Netanias, naggowa sa Mispa sa pagsugata sa ila, nga nagalakat kag nagahibi sa panlakatan. Kag nahanabu nga, sang pagkasugata niya sa ila, ginsilingan niya sila: "Kari-kamo kay Gedalias, nga anak ni Ahikam."

7 Kag sang pag-abut nila sa tungâ sang banwa si Ismael, nga anak ni Netanias (sia kag ang mga tawo nga upud sa iya), n agpagot sa ila kag *eintagbong* niya sila sa tungâ sang isa ka bobon,

8 Kag sa ila sadto, nakita ang napulô ka tawo, nga nagsililing kay Ismael: "Indi kami pagpatya, kay may amon kami nga tinago sa latagon sing mga kalan-on, nga trigo, kag nga sebada, kag nga lana kag nga dugo," Kag nagpugung sia kag walâ niya pagpatya sila sa tungâ sang ila mga útud.

9 Kag ang bobon nga didto ginpanagbong ni Ismael ang tanan nga mga bangkay sang mga tawo, nga ginpatay niya upud kay Gedalias, amo gid ang ginpahimo sang hari nga si Asa bangud sang kahadluk kay Baasa, nga hari sa Israel: amo ini ang bobon nga ginpunô ni Ismael, nga anak ni Netanias, sang mga tawo nga ginpilas sa kamatayon.

10 Kag gindala ni Ismael nga bihag ang tanan nga nabilin sang banwa, nga yara sa Mispa: ang mga anak nga babae sang hari kag ang tanan sa banwa nga sa Mispa nagkalabilin, nga kinatulin sila ni Nabusaradan, nga pangolo sang mga bantay, kay Gedalias, nga anak ni Ahikam. Kag gindala sila nga mga bihag ni Ismael, nga anak ni Netanias, kag nagtaliwan sia sa pagpaliton sa mga inanak ni Amon.

II Apang si Iohanan, nga anak ni

Karea, kag ang tanan nga mga pangolo sang mga kasoldadosan nga yara upud sa iya nakabati sang tanan nga kalainan, nga ginhimo ni Ismael, nga anak ni Netanias;

12 Kag nagkuluha sila sang tanan nila ng mga tinawo, kag nagpalakadto sila sa pag-away batok kay Ismael, nga anak ni Netanias; kag nakita nila ini sa luyo sang dalagku nga mga tubig, sa Gabaon.

13 Kag nahanabu, sang ang bug-os nga banwa nga yara upud kay Ismael nakakita kay Iohanan, nga anak ni Karea, kag sa tanan nga mga pangolo sang kasoldadosan nga yara upud sa iya, nga nagkalalipay sila;

14 Kag nga ang bug-os nga banwa nga gindala ni Ismael nga bihag gikan sa Mispa, nagbalalik kag nagpalauli kag nagimpon kay Iohanan, nga anak ni Karea.

15 Kag si Ismael, nga anak ni Netanias, nagpalagyo sa atubangan ni Iohanan upud ang walo ka tawo, kag nagkadto sia sa mga inanak ni Amon.

16 Kag si Iohanan, nga anak ni Karea, kag ang tanan nga mga pangolo sang mga kasoldadosan, nga yara upud sa iya, ginkuha nila ang tanan nga nabilin sang banwa, sa Mispa, nga nabawi niya kay Ismael, nga anak ni Netanias, sa tapus nga ginpilas niya si Gedalias, nga anak ni Ahikam: ang mga lalaki, ang mga tinawo sa pag-awayan, kag ang mga babae, kag ang mga kabataan, kag ang mga kapon nga iya ginpabalik gikan sa Gabaon.

17 Kag nag-alabut sila kag nagpuluyô sa dululugan sa Kimham, nga yara malapit sa Betlehem, sa katuyoan sa pagtaliwan kag sa pagsulud sa Egipto,

18 Bangud sang mga Kaldeinhon; kay nagkalahadluk sila sa ila, tungud kay ginpilas ni Ismael, nga anak ni Netanias, si Gedalias, nga anak ni Ahikam, nga ginbutang sia sang hari sa Babilonia sa ibabaw sang duta.

Si Ieremias nagalaygay sa banwa sa indi pagdangup sa Egipto.

42 KAG ang tanan nga mga pangolo sang mga kasoldadosan, upud kay Iohanan, nga anak ni Karea, kag si Isanias, nga anak ni Osaia, kag ang bug-os nga banwa kutub sa mga magamay tubtub sa mga dalagku,

2 Nagpalapit sila kag nagsililing kay



Ieremias nga manalagna: “Magsagahay kunta karon ang amon pagpakilooy sa atubangan mo. Ampo-ka tungud sa amon kay Iehoba, nga imo Dios, tungud sining tanan nga nabilin (kay nagkalabilin kami nga mga diyotay sa kadamuon, subung nga ginatan-aw kami sang imo mga mata),

3 Agud nga tudloan kami ni Iehoba, nga imo Dios, sang dalan nga dapat kami magkadto, kag sang butang nga dapat namon paghimoon.”

4 Kag si Ieremias, nga manalagna, nagsiling sa ila: “Nakabati na ako. Yari karon, nga magapangamuyo ako kay Iehoba, nga inyo Dios, sono sa inyo mga polong; kag ang tanan nga isabat sa inyo ni Iehoba, igasugid ko sa inyo; indi ako magtago sa iya sa inyo bisan isa ka polong.”

5 Kag sila nagsililing kay Ieremias: “Si Iehoba manginsaksi nga matuud kag matutum batok sa amon, kon indi namon paghimoon sing sibo gid sono sa tanan nga polong, nga tungud sa iya si Iehoba, nga imo Dios, magapadalá sa imo sa amon.

6 Bisán maayo, bisan malain, pagatumanon namon ang tingug ni Iehoba, nga amon Dios, nga sa iya ginapadalá ka namon, agud nga may kaayo kami kon pagtumanon namon ang tingug ni Iehoba, nga aton Dios.”

7 Kag nahanabu, sang pagkatapus sang napúlô ka adlaw, nga nag-abut ang polong ni Iehoba kay Ieremias.

8 Kag giniawag niya si Iohanan, nga anak ni Karea, kag ang tanan nga mga pangolo sang mga kasoldadosan, nga yara upud sa iya, kag ang bug-os nga banwa kutub sa mga magamay tubtub sa mga dalagku,

9 Kag nagsiling sia sa ila: Amo ining ginasing ni Iehoba, nga Dios ni Israel, nga sa iya ginpadalá ninyo ako, sa pagpasagahay sang inyo pagpakilooy sa atubangan niya:

10 Kon magpalabilin kamo sa sini nga duta, pagapatindugon ko kamo kag indi ko kamo pagbungkagon, pagaitanum ko kamo, kag indi ko na kamo paggabuton, kay nagahinulsul ako sang kalainan, nga ginhimo ko sa inyo.

11 Indi kamo magkahadluk sang hari sa Babilonia, nga sa iya may kahadluk kamo; indi kamo magkahadluk sa iya, siling ni Iehoba, kay upud sa inyo yara

ako sa pagluwas sa inyo kag sa pagbawi sa inyo sa iya kamut.

12 Kag pagahimoon ko, nga makakita kamo sing kalooy sa atubangan niya: magakalooy sia sa inyo, kag pagapabalikon niya kamo sa inyo duta.

13 Kag kon magsililing kamo: “Indi kami magapuluyô sa sini nga duta,” nga sa sini indi kamo magtuman sang tingug ni Iehoba, nga inyo Dios,

14 Nga nagasiling: “Indi; kondi magakadto kami sa duta sa Egipto, nga didto indi kami makakita sing inaway, bisan makabati kami sang tunog sang budyong, bisan may gutum kami sa tinapay, kag didto magapuluyô kami.”

15 Kag karon, tungud sini, pamati-ninyo ang polong ni Iehoba, nabilin ni Iuda: Amo ining ginasing ni Iehoba sang Sebaot, nga Dios ni Israel: Kon ibalikid ninyo sing tapat gid ang inyo mga nawung sa pagkadto sa Egipto, kag magakadto kamo sa pagpanlugayaw didto,

16 Niyan mahanabu, nga ang hingniban nga nahadlukan ninyo, magalambut sa inyo didto, sa duta sa Egipto; kag ang gutom nga ginakahadlukan ninyo, didto sa Egipto magatapik sa inyo, kag didto magakalamatay kamo.

17 Kag ang tanan nga mga tawo nga magbalalikid sang ila nawung sa pagkadto sa Egipto sa pagpanlugayaw didto, magakalamatay sila sa hingniban, sa gutum kag sa kinamatay, kag walâ sa ila sing bisan sin-o nga makalikaw, bisan makapalagyo sa atubangan sang kalainan nga pagapakarion ko sa ibabaw nila.

18 Kay amo ining ginasing ni Iehoba sang Sebaot, nga Dios ni Israel: Subung nga ginula ang akon kaakig kag ang akon kasingkal sa ibabaw sang mga pumuluyô sang Ierusalem, subung sini pagaiula ang akon kasingkal sa ibabaw ninyo, kon magsululud kamo sa Egipto; kag kamo igapanugyan sa pagpakamaut kag sa kahapayan, kag sa kamuhaymuhayan, kag sa kahuluy-an, kag indi na kamo makakita sini nga duug.

19 Si Iehoba naghambal sa inyo, nabilin ni Iuda. Indi kamo magkaladto sa Egipto. Maghibalo-kamo sing maayo, nga ginlaygay ko sa inyo karon.

20 Kay gindayaan ninyo ang inyo mga kalág, sang ginpadalá ninyo ako

kay Iehoba, nga inyo Dios, nga nagsiling: "Pag-ampo ka tungud sa amon kay Iehoba, nga amon Dios; kag sono sa tanan nga igasiling ni Iehoba nga amon Dios, isugid mo ini sa amon sing sibo gid, kag pagahimoon namon ini."

21 Kag ginpahayag ko ini sa inyo karon, kag walâ ninyo pagtumana ang tingug ni Iehoba, nga inyo Dios, bisan ano nga tungud sa iya ginpadalâ ako niya sa inyo.

22 Busa karon, maghibalo-kamo sing maayo, nga sa hinganiban, sa gutum, kag sa kinamatay, magakalamatay kamo sa duug nga diin buut kamo magkadto sa pagpanlugayaw.

Si Ieremias gladala sang banwa sa Egipto.

**43** KAG sang pagkatapus ni Ieremias sa paghambal sa bug-os nga banwa sang tanan nga mga polong ni Iehoba, nga Dios nila, nga tungud sa ila si Iehoba, nga Dios nila, nagpadalâ sini sa ila, sining tanan nga mga polong.

2 Nahanabu, nga si Asarias, nga anak ni Osaias nagsiling, kag si Iohanan, nga anak ni Karea, kag ang tanan nga mga palabilabihon nga mga tawo nagsiling kay Ieremias: "Butig ang ginamitlang mo. Walâ ka pagipadalâ ni Iehoba, nga amon Dios, sa pagsiling sa amon: Indi kamo magakadto sa Egipto sa pagpanlugayaw didto;

3 Kondi nga si Baruk, nga anak ni Nerias, nagasugyot sa imo batok sa amon, sa pagtugyan sa amon sa mga kamut sang mga Kaldeinhon sa pagpatay sa amon, kon sa pagpaliton sa amon sa Babilonia."

4 Kag si Iohanan, nga anak ni Karea; kag ang tanan nga mga pangolo sang mga kasoldadosan, kag ang bug-os nga banwa walâ sila magtuman sang tingug ni Iehoba sa pagpuyô sa duta ni Iuda.

5 Apang ginkuha ni Iohanan, nga anak ni Karea, kag sang tanan nga mga pangolo sang mga kasoldadosan, ang tanan nga nabilin ni Iuda, ang mga sa tanan nga mga katawohan, sa diin ginsobol sila, nga nagbalalik sa pagpanlugayaw sa duta ni Iuda:

6 Ang mga lalaki, kag ang mga bae, kag ang mga kabataan, kag ang mga anak nga babae sang hari, kag ang tanan nga tawo, nga ginbayaan ni Nabusaradan, nga pangolo sang mga ban-

tay, upud kay Gedalias, nga anak ni Ahikam, nga anak ni Sapan, kag si Ieremias, nga manalagna, kag si Baruk, nga anak ni Nerias;

7 Kag nagpalakadto sila sa duta sa Egipto; kay walâ sila magtuluman sang tingug ni Iehoba. Kag nagkaladto sila tubtub sa Tapanes.

Tagna sang pagdaug ni Nabukodonosor sa Egipto.

8 Kag nag-abut ang polong ni Iehoba kay Ieremias sa Tapanes, nga nagsiling:

9 Kuha-ka sa imo mga kamut sing mga dalagku nga batô, kag ilubung sila sa lunang, sa isa ka dabuk sang mga tisa, nga yara sa salamputan sang balây ni Paraon sa Tapanes, sa mga mata sang mga tawo nga mga Iudio,

10 Kag igsiling mo sa ila: Amo ining ginasiling ni Iehoba sang Sebaot nga Dios ni Israel: Vari karon, nga ako nagapadalâ kag kuhaon ko si Nabukodonosor, nga hari sa Babilonia, nga akon alagad, kag pagaibutang ko ang iya lingkoran nga harianon sa ibabaw sining mga batô, nga gintago ko, kag magahumlad sia sang iya makanaw nga banig sa ibabaw nila.

11 Kag magaabut sia kag magapilas sang duta sa Egipto, nga ang mga sa kamatayon, sa kamatayon; kag ang mga sa kabihagan, sa kabihagan; kag ang mga sa hinganiban, sa hinganiban:

12 Kag pagatutdan ko sing isa ka kalayo ang mga balây sang mga dios sa Egipto: pagasunogon niya sila, kag sa ila pagadal-on niya nga mga bihag. Sia magapanaput sang duta sa Egipto, subung sang manugbantay nagasuklob sang iya panapton, kag magagowa sia didto sa paghidaet.

13 Kag pagaboongon niya ang mga larawan ni Bet-semes, nga yara sa duta sang Egipto, kag ang mga balây sang mga dios sa Egipto pagasunogon niya sa kalayo.

Mga pagmulay batok sa mga Iudio nga mga nagdalanup sa Egipto.

**44** ANG polong nga nag-abut kay Ieremias nahanungud sang tanan nga mga Iudio, nga nagpulyô sa duta sa Egipto, nga nagpulyô sa Mig-



dol, kag sa Tapanes, kag sa Nop, kag sa duta sa Patros, nga nagasiling:

2 Amo ining ginasiling ni Iehoba sang Sebaot, nga Dios ni Israel: "Nakakita kamo sang tanan nga kalainan, nga ginpakari ko sa ibabaw sang Ierusalem, kag sa ibabaw sang tanan nga mga kabanwaan sa Iuda; kag yari karon, nga sila napanghapay sa adlaw nga karon, kag walay bisan sin-o nga magapuyô sa ila.

3 Bangud sang kalainan, nga ginpanghimo nila sa pagpaakig sa akon, nga nagakaladto sila sa pagsunog sing pahamut sa paghalad sa liwan nga mga dios, nga walâ nila makilal-i, bisan sila, bisan kamo, bisan ang inyo mga ginikanan.

4 Kag ginpadalâ ko sa inyo ang tanan nakon nga mga alagad, nga mga manalagna, nga nagapadalâ sa ila kutub sa aga sa pagsiling sa inyo: Indi kamo maghilimo karon sining butang nga kalingil-aran, nga ginakaakigan ko,

5 Apang walâ sila magpalamati, bisan ginpahuyog nila ang ila idulungug sa pagliso sa ila kalainan, sa indi pagsunog sing pahamut sa mga liwan nga mga dios.

6 Niyan naula ang akon kasingkal, ang akon kaakig, kag nagdabdab sia sa mga kabanwaan sa Iuda, kag sa mga dalan sang Ierusalem, nga nanginkamuhaymuhayan kag kahapayan, subung nga amo karon.

7 Busa karon, amo ining ginasiling ni Iehoba sang Sebat, nga Dios ni Israel: "Kay nga bala nagahilimo kamo sining labing daku nga kalainan batok sa inyo mga kalâg, agud sa pagutud sang lalaki kag sang babae, sang batâ kag sang nagasoso sa tungâ ni Iuda, nga walâ sing ano nga mabilin sa inyo?"

8 "Kay nga bala nagapapangakig kamo sa akon sa mga binahutan sang inyo mga kamut, nga nagapasunog kamo sing pahamut sa liwan nga mga dios sa duta sa Egipto, nga didto nag-alabut kamo sa pagpanlugayaw, sa bagay nga pagpangutdon kamo, kag nga pagitugyan kamo sa pagpakamalaut, kag sa kahuluyan sa tanan nga mga katawohan sang duta?"

9 "Nagkalalipat bala kamo sang mga kalainan sang inyo mga ginikanan, kag sang mga kalainan sang mga hari sa Iuda, kag sang mga kalainan sang ila mga asawa, kag sang inyo gid nga mga ka-

lainan, kag sang mga kalainan sang inyo mga asawa, nga ginhimo nila sa duta ni Iuda, kag sa mga dalan sang Ierusalem?"

10 Walâ magpalaubus sila tubtub sa karon nga adlaw, bisan nagkalahadluk sila, bisan naglalakat sila sa akon kasogoan, bisan sa akon mga palatukuran nga ginbutang ko sa atubangan ninyo kag sa atubangan sang inyo mga ginikanan.

11 Tungud sini, amo ining ginasiling ni Iehoba sang Sebaot, nga Dios ni Israel: Yari karon, ako nagabutang sang akon nawung batok sa inyo nga kalainan kag sa paglaglag sang bug-os nga Iuda.

12 Kag pagakuhaon ko ang nabilin ni Iuda, nga nagbulutang sang ila mga nawung sa pagsulud sa duta sa Egipto sa pagpanlugayaw didto, kag pagapanupuron ang tanan: magakalapukan sila sa duta sa Egipto, pagapanupuron sila sa hinganiban, kag sa gutum: kutub sa magamay tubtub sa dalagku magakalamatay sila sa hinganiban kag sa gutum; kag *igapanugyan* sila sa pagpakamalaut, kag sa kahapayan, kag sa pagpanuloy kag sa kahuluyan.

13 Kay pagasilotan ko ang mga nagapuluyô sa duta sa Egipto, subung sang pagsilot ko sang Ierusalem, nga may hinganiban, kag nga may gutum kag nga may kinamatay.

14 Kag walâ sing makalikaw, bisan makapalagyo sang nabilin, sa Iuda, sang nag-alabut sa duta sang Egipto sa pagpanlugayaw didto, sa pagbalik sa duta ni Iuda, nga didto nagahalandum gid sila sa pagbalik sa pagpuyô didto; kay indi sila makapauli, kondi ang *pila ka* mga makapalagyo."

15 Kag ang tanan nga mga lalaki nga nakahibalo, nga ang ila mga asawa nagpalasunog sing pahamut sa mga liwan nga mga dios, kag ang tanan nga babae nga yara nagatalambong, nga isa ka daku nga katilingban, kag ang bug-os nga banwa nga nagapuyô sa duta sa Egipto, sa Patros, nagsalabat sila kay Ieremias, nga nagasiling:

16 "Nahanangud sang polong nga ginhambal mo sa amon sa ngalan ni Iehoba, indi kami magapamati sa imo;

17 Kondi buut namon paghimoon ang tanan nga polong nga naggow sa amon bâbâ, sa pagpasunog sing pahamut sa hari nga babae sang langit, kag sa pag-

ula sing mġa halad nġa ilimnon sa iya subung sang amon ginhimo kag sang amon mġa ginikanan, sang amon mġa hari kag sang among mġa dunganon, sa mġa kabanwaan sa Iuda kag sa mġa dalan sang Ierusalem; kag nanginbusug kami sa tinapay kag mġa bulaġan kami, kag walā kami sing nakita nġa kalalat-an.

18 Apang kutub nġa naguntat kami sa pagpasunog sing pahamut sa hari nġa babae sa langit, kag sa pagula sa iya sing mġa halad nġa ilimnon, nakulang sa amon ang tanan, kag ginpangupūd kami sa hinganiban kag sa gutum.

19 Kag sang nagapasunog kami sing pahamut sa hari nġa babae sang langit, kag g'nulaan namon sia sing mġa halad nġa ilimnon, batok bala sang amon mġa bana, nġa ginhimoan namon sia sing mġa torta nġa ginabutang namon sa ila ang iya larawan, kag nġa ginaulaan namon sia sing mġa halad nġa ilimnon?"

20 Kag naghambal si Ieremias sa bug-os nġa banwa, sa mġa lalaki, kag sa mġa babae, kag sa bug-os nġa banwa nġa nagsabat sa iya sini nġa sabat, nġa nagasiling:

21 ;Indi bala tunġud sining pahamut nġa nagpasunog kamo sa mġa kabanwaan sa Iuda kag sa mġa dalan sa Ierusalem, kamo kag ang inyo mġa ginikanan, ang inyo mġa hari kag ang inyo mġa dunganon kag ang banwa sang duta, nġa si Iehoba nakadumdum kag nġa nagaabut sa iya tagiposoan,

22 Sa bagay nġa si Iehoba indi sarang makabatas sa inyo bangud sang kalainan sang inyo mġa binuhatan, bangud sang mġa kalangil-aran, nġa inyo ginbutang sa buhat kag ang inyo duta gintugyan sa kamuhaymuhayan kag sa kahapayan kag sa pagpakamalaut, nġa walā sing pumuluyō, subung nġa amo karon?

23 Tunġud kay nagpasunog kamo sing pahamut, kag nagpalakasalā kamo batok kay Iehoba, kag walā kamo magtuluman sa tingug ni Iehoba, bisan naglalakat kamo sa iya kasogoan, bisan sa iya mġa palatukuran, bisan sa iya mġa pagpamatuud, tunġud sini nag-abut sa ibabaw ninyo ini nġa kalalat-an, subung nġa amo karon."

24 Kag nagsiling si Ieremias sa bug-os nġa banwa, kag sa tanan nġa mġa babae: Pamati-kamo sang polong ni

Iehoba, tanan kamo nġa mġa taga-Iuda, nġa yari kamo sa duta sa Egipto.

25 Amo ining ginahambal ni Iehoba sang Sebaot, nġa Dios ni Israel, nġa nagasiling: Kamo kag ang inyo mġa asawa nagahalambal kamo sa inyo mġa bābā kag ginahimo ninyo *ini* sa inyo mġa kamut, nġa nagasiling: "Buut namon paghimoon ang mġa panaad nġa ginhimo namon nġa nagapasunog sing pahamut sa hari nġa babae sang langit kag sa pagula sa iya sing mġa halad nġa ilimnon. Hoo, ginatuman ninyo ang inyo mġa saad, kag ginahikot ninyo, ginahikot ninyo ang inyo mġa saad.

26 Tunġud sini, pamati-kamo sang polong ni Iehoba, kamo nġa tanan, mġa *tinawo* ni Iuda, nġa nagapuluyō sa duta sa Egipto: Yari karon, nagasumpa ako tunġud sang akon daku nġa ngalan, siling ni Iehoba, nġa ang akon ngalan indi na pagahingadlan, sa bug-os nġa duta sa Egipto, sa bābā sang bisan sin-o nġa tawo nġa Iudio, nġa nagasiling: Magkabuhi ang Ginoo nġa si Iehoba.

27 Yari karon, ako agapulaw sa ibabaw nila nġa sa kalainan, kag indi nġa sa kaayohan; kag ang tanan nġa mġa tawo sa Iuda, nġa yara sila sa duta sa Egipto, pagapangupuron sa hinganiban kag sa gutum, tubtub nġa maubus sila.

28 Kag ang pila ka mġa tawo sa diyotay nġa kadamuon nġa nakapalagyo sa hinganiban, magapalauli sila gikan sa duta sa Egipto pa duta sa Iuda, sa bagay nġa ang bug-os nġa nabilin sa Iuda, ang mġa nag-alabut gikan sa Egipto sa pagpanlugayaw didto, makahibalo sila nġa kon kay sin-o nġa polong ang dapat magpadayon, ang akon, kon ang ila.

29 Kag ini mangintandaan ninyo, siling ni Iehoba, nġa pagasilotan ko kamo sa sini nġa duug, agud nġa mahibaloan ninyo, nġa magapaladayon ang akon mġa polong nġa sa kalainan batok sa inyo.

30 Amo ining ginasiling ni Iehoba: Yari karon, ako magatugyan kay Paraon-Hopra, nġa hari sa Egipto, sa kamut sang iya mġa kaaway, sa mġa kamut sang mġa nagapalangita sang iya kabuhi, subung sang pagtugyan ko kay Sedekias, nġa hari sa Iuda, sa mġa kamut ni Nabukodonosor, nġa hari sa Babilonia, nġa iya kaaway, kag nġa nagpangita sang iya kabuhi.



Polong ni Ieremias kay Baruk.

**45** ANG polong nga ginmitlang ni Ieremias, nga manalagna, kay Baruk, nga anak ni Nerias, sang nagasulat sia sa isa ka tolon-an sining mga polong sa panugud ni Ieremias, sang ikap-at ka tuig ni Ioiakim, nga anak ni Iosias, nga hari sa Iuda, nga nagasiling:

2 Amo ining ginasiling ni Iehoba, nga Dios ni Israel, sa imo, Baruk:

3 Ikaw nagasiling: "¡Kailo ako karon! kay gindugangan ako ni Iehoba sing kasubo sa akon kasakit: nangabudlay ako sa akon pagbakho, kag walâ ako makakita sing pahuway."

4 Amo ining pagasiling mo sa iya: Amo ining ginasiling ni Iehoba: Yari karon, nga ako nagabungkag sang ginpatindug ko, kag ako nagagabut sang gintanum ko, kag nga sa sining bug-os nga duta amo man.

5 Busa ikaw, ¿magapangita ka bala sing mga butang nga dalagku? Indi ka magpangita sa ila. Kay, yari karon, pagapakarion ko ang kalainan sa ibabaw sang tanan nga unud, nagasiling si Iehoba; apang sa imo pagaihatag ko ang imo kabuhi subung nga hinublas sa tanan nga mga duug sa diin ka magkadto.

Mga tagna batok sa mga nagakalainain nga mga katawohan. Pagsulud nga malugus kag pagdaug sa Egipto.

**46** INI among polong ni Iehoba, nga nag-abut kay Ieremias, nga manalagna, batok sa mga Katawohan.

2 Nahanungud sa Egipto. Batok sang kasoldadosan ni Paraon-Neko, nga hari sa Egipto, nga yara sa malapit sang subâ nga Euprates sa Karkemis, nga ginpilas sia ni Nabukodonosor, nga hari sa Babilonia, sang tuig nga ikap-at ni Ioiakim, nga anak ni Iosias, nga hari sa Iuda.

3 Aman-kamo sing kalasag kag sing taming, kag palapit-kamo sa pag-awayan.

4 Takdi-ninyo ang mga kabayo, kag pasakaa-ninyo ang mga manugkabayo; atubang-kamo nga may mga pandong; nisnisi-ninyo ang mga sumbling, palanaput-kamo sing mga limbutong.

5 ¿Kay ngaa, bala gintan-aw ko sila nga mga makulbaon, nga nagailisol? Ang iya mga maisug ginpamukan, kag

nagpalalagyo sila sing madasig gid, nga walâ magbalik. Ang kakulba nagaabut sa tanan nga mga bahin, siling ni Iehoba.

6 Indi magpalagyo ang madasig, bisan ang maisug maglikaw. Sa Aminhan sa luyo sang pangpang sang Euprates, nagakalasandag kag nagakalapukan sila.

7 ¿Sin-o bala ini nga nagasaka subung sang subâ kag nga ang iya mga tubig nagagiho subung sang mga subâ?

8 Amo ang Egipto, nga nagasaka subung sang subâ, kag ang iya mga tubig nagagiliho subung sang mga subâ. Nagasiling sia: "Magasaka ako, kag pagatabunan ko ang duta, pagalaglagon ko ang banwa, kag ang mga nagapuluyô sa iya."

9 Saka-kamo, mga kabayo; liligid-kamo nga may kagansal, mga kanga, kag maguluna ang mga maisug, mga Kusinhon kag mga Putinhon, nga nagauluyat sang taming, kag mga Ludinhon, nga nagauluyat kag nagasanting sang pana.

10 Kag adlaw ini sang Ginoo nga si Iehoba sang Sebaot, adlaw sa pagtimalus sa iya mga kaaway. Ang hinganiban magahalonhon, kag mabusug sia, kag mahubug sia sang dugo nila; kay may halad nga sa Ginoo nga si Iehoba sang Sebaot sa duta sang Aminhan sa luyo sang subâ nga Euprates.

11 Saka-ka sa Galaad, kag kuha-ka sing mahamut nga ihalaplas, ulay nga anak nga babae sang Egipto. Magapadamu ka sa walay pulus sing mga bolóng; kag walay ikabulóng nga sa imo.

12 Ginapamatian sang mga katawohan ang pasipala sa imo, kag ang imo pagsingit nagapunô sang duta; kay ang maisug nakasungo sing maisug, kag nagkalapukan sing tingub sila nga duha.

13 Ang polong nga ginmitlang ni Iehoba kay Ieremias, nga manalagna, nahanungud sang pag-abut ni Nabukodonosor, nga hari sa Babilonia, sa pagpilas sang duta sa Egipto.

14 Ibantala-ninyo sa Egipto, kag ipahibalo man ninyo sa Nop kag sa Tapanes; isiling-ninyo: "Tindug-ka, pag-aman-ka, kay ang hinganiban magahalonhon sang palibot ninyo."

15 ¿Kay ngaa bala ginpukan ang imo kadalagkuan? Walâ sing sin-o nga makatindug sa pagpugung, kay gintiklod ni Iehoba sia.

16 Kag ginapasandad niya ang mada-

mu kag nagakapukan ang isa sa ibabaw sang isa, kag nagsililing sila: "Tindug-ka, kag magpalauli-kita sa aton banwa, kag saduta nga aton natawohan, sa atubangan sang hinganiban nga manangis."

17 Didto nagsilingit sila: "Si Paragon, nga hari sa Egipto, nalaglag sia; ginpaligad niya ang panag-on nga pinat-in."

18 Magkabuhi ako, siling sang Hari, nga ang iya ngalan amo si Iehoba sang Sebaot, magaabut ang kaaway subung sang Tabor sa tungâ sang mga kabukiran kag subung sang Karmelo malapit sa Dagat.

19 Himo-ka sing mga kasangkapan, nga sa paglitan, pumuluyô nga anak nga babae sa Egipto; kay ang Nop manginkahapayan kag pagasunugon sia nga walâ na sia sing pumuluyô.

20 Ang Egipto magayon, magayon nga tinday nga babae sang baka; ang lagong nagaabut, nagaabut sia gikan sa Aminhan.

21 Ang ila mga soldado nga sinoholan sa tungâ man nila subung nga mga pinatambok nga mga tinday sang baka; nga sila man nagailisol; nagapalalagyo sila sing tingub nga walâ magdulog, kay nagaabut sa ibabaw nila ang adlaw sang ila kalalatan, ang dag-on sang pagduaw sa ila.

22 Ang iya tingug magaabut subung sang iya sang man-ug, sang nagakalari sila nga may kasoldadosan, kag magalambut sila batok sa iya nga may mga wasay, subung sang manugutud sang mga kahoy.

23 Ginapangutud nila ang iya talon, siling ni Iehoba, kay indi masuhut sia; kay labi pa sila sa kadamuon sang mga apaan, kag dimaisip sila.

24 Ginapakahuy-an ang anak nga babae sang Egipto; gintugyan sia sa kamut sang isa ka banwa sa Aminhan.

25 Si Iehoba sang Sebaot, nga Dios ni Israel, nagsiling: Yari karon, ako magasilot kay Amon nga taga-No, kag kay Paraon, kag sa Egipto, kag sa ila mga dios, kag sa ila mga hari, kay Paraon, subung man sa mga nagasalalig sa iya;

26 Kag pagaitugyan ko sila sa mga kamut sang mga nagapalangita sang ila kalag, sa mga kamut ni Nabukodonosor, nga hari sa Babilonia, kag sa mga kamut sang iya nga alagad. Kag sa olehe

pagapuy-an sia subung sang sa mga una nga mga adlaw, siling ni Iehoba.

27 Busa, ikaw, alagad nakon nga si Iakob, indi mahadluk-ka; dili ka magpakulba, Israel; kay yari karon, ako amo ang imo Manluluwas, nga ginapakari ko ikaw gikan sa malayo, kag ang imo kaliwatan gikan sa duta sang ila kabihagan. Magabalik si Iakob kag manginmalinong sia kag malig-on, nga walâ sing sino nga magpalisang sa iya.

28 Ikaw, alagad nakon nga si Iakob, indi ka mahadluk, siling ni Iehoba; kay yari ako upud sa imo. Kay magahimo ako sing kalaglagan sing bug-os sa tanan nga mga katawohan, nga sa ila ginsobol ko ikaw; apang sa imo indi ako magahimo sang kalaglagan sing bug-os, kondi nga pagasilotan ko ikaw sa nagakaigo nga talaksan, kag indi ko ikaw pagabilangon nga walay salâ sing bug-os.

Tagna batok sa mga Pilistinhon.

**47** INI amo ang polong ni Iehoba, nga nag-abut kay Ieremias, nga manalagna, nahanungud sa mga Pilistinhon, nga sa walâ pa ni Paraon mapilas ang Gasa.

2 Amo ining ginasiling ni Iehoba: Yari karon, nagasalaka ang mga tubig gikan sa Aminhan, nga manginkasulgan sila nga nagaawas sa pagpasalup sang duta kag sang yara sa iya, sang mga kabanwaan kag sang mga pumuluyô nila. Ang mga tawo magasilingit, kag magauluwang ang tanan nga mga pumuluyô sang duta.

3 Tungud sang tunog nga magahud sang mga koko sang ila mga makusug nga kabayo, tungud sang kagansal sang ila mga kanga, tungud sang dinagubdub sang ila mga aliling, ang mga amay walâ magabalikid sa mga anak, nga tama ka maluya ang mga kamut,

4 Bangud sang adlaw nga nagaabut nga sa kahapayan sang tanan nga mga Pilistinhon, sa pagutud sa Tiro kag sa Sidon, sa tanan nga nagpalagyo sa pagbulig sa ila; kay pagalaglagon ni Iehoba ang mga Pilistihon, ang nabilin sang pulô nga Kaptor.

5 Naninginpaw ang Gasa. Ang Asakalon ginglaglag, ang nabilin sang ila nalupayakan. ; Tubtub bala san-o magapangudlis ka?

6 ; Oh, hinganiban ni Iehoba! ; Tub-



tub baia san-o indi ka magpahuway? Sulúd-ka liwan sa imo tagub, pakalinong-ka kag dúlog-ka.

7 ¿Paano bala ang imo pagpahuway? Kay si Iehoba naghatag sing sogo batok sa Askalon, kag batok sa baybayon sang dagat. Didto gintudlo niya sia.

Tagna batok sa mga Moabinhon.

**48** NAHANUNĠUD sa Moab. Amo ining ginasiling ni Iehoba sang Sebaot, nga Dios ni Israel: ¿Kailo ang Nebo! kay ginhapay sia. Ginpakahuyan ang Kiriataim, ginkuha sia; ginpakahuy-an ang Misgab, kag gindugmok sia.

2 Walâ na sing himaya sa Moab; sa Hesbon nagapadugi sila sing kalainan batok sa iya, nga *nagasiling*: “Kari-kamo, kag utdon-naton sia sa tunġa sang mga katawohan. “Ikaw man, Madmen, pagapanason ka; ang hinganiban magalakat sa olehe nimo.

3 Ginapamatian ang singit sa Horonaim: kahapayan kag daku nga kalaglagan.

4 Si Moab ginadugmok; ang mga magamay sa tunġa nila nagapabati sing mga siningit;

5 Kay sa takasan sa Luhit nagatakas sila nga may paghibi kag paghibi; kay sa dulhugan sa Horonaim ginapamatian ang mga pagsingit nga malilisdon sang kalaglagan.

6 Palagyo-kamo, luwasa-ninyo ang inyo mga kalág, kag panginsubung-kamo sang sapinit nga laya sa kahana-yakan.

7 Kay tunġud nga nagsalig ka sa imo mga binuhatan, sa imo mga bahandi, ikaw man pagakuhaon; kag si Kemos magakadto sa paglitan, ang iya mga saserdote, kag ang iya mga dunganon upud sa iya.

8 Kag magaabut ang manuglaglag sa tagsatagsa sang mga kabanwaan, nga walâ gid sing banwa nga makapalagyo; ginadula ang nalupyakan, kag ginalaglag ang kapatagan, subung sang ginsiling ni Iehoba.

9 Hatagi-ninyo sing mga pakpak si Moab, agud nga magtaliwan sia nga nagalupad. Kay manginkahapayan ang iya mga kabanwaan, tubtub nga walâ na sing pumulyô sa *ila*.

10 Pinapakamalaut ang nagahimo

sing buluhatan ni Iehoba sing dimahinalunġon; kag pinapakamalaut ang nagapugong sang iya hinganiban nga malayô sa dugo.

11 Ang Moab yara sa harayharay kutub sang iya pagkapamatan-on, kag sa ibabaw sang iya mga lagdo nagmalinong sia, kag walâ sia paghaw-ada sa suludlan kag sa suludlan, bisan nagkadto sia sa pagpaliton; ngani nabilin ang iya namit sa iya, kag ang iya khamut walâ magbalhin.

12 Tunġud sini, yari karon, nagaalabut ang mga adlaw, ginsiling ni Iehoba, nga ako magapadalâ sa iya sing mga tinawo nga magabaliskad sa iya, kag pagabaliskaron nila sia; kag pagaulaon nila ang iya mga suludlan, kag pagagisihon nila ang ila mga suludlan nga panit.

13 Kag magakahuya si Moab sa Kemos, subung nga ang mga sa baláy ni Israel nagkahuya sa Bethel, nga ila salaligan.

14 ¿Paano bala ang pagsiling ninyo: “Mga maisug kami, mga mabakud nga sa pag-awayan?”

15 Ang manughapay sang Moab kag sang iya mga kabanwaan nagatak-lad, kag ang iya mga pinili nga mga pamatan-on nagadululug sa pulugutan, ginasiling sang Hari, nga ang iya ngalan amo si Iehoba sang Sebaot.

16 Malapit na ang kalalat-an ni Moab sa pag-abut, kag ang iya kalainan nagadali gid.

17 Pagkahanoklog-kamo sa iya, tanan kamo nga mga yara sa palibot niya, kag tanan kamo nga mga nakahibalo sang iya ngalan. Isiling ninyo: “¿Paano bala nga nabuong ang patok sang kabakuran, ang sungkod sang pagkahalangdon?”

18 Panaug-ka gikan sa himaya, kag lingkod-ka sa kauhaw, pumuluyô nga anak nga babae sa Dibon. Kay ang manughapay sang Moab nagsaka batok sa imo, ginlaglag niya ang imo mga kabakuran.

19 Tindug-ka malapit sa dalanon, kag maglantaw-ka, pumuluyô sa Aroer. Pamangkot-ka sa nagpalagyo kag sa naglikaw; isiling: “¿Ano bala ang nahababu?”

20 Ginpakahuy-an si Moab, kay gindugmok sia. Uluwang-kamo; silingit-

kamo. Ibantala-ninyo nayon sa Arnon, nga si Moab ginhapay na.

21 Kag nag-abut ang paghukom sa ibabaw sang duta sang kapatagan; sa Holon, kag sa Iasa, kag sa ibabaw sang Mepaat,

22 Kag sa ibabaw sang Dibon, kag sa ibabaw sang Nebo, kag sa ibabaw sang Bet-diblataim,

23 Kagsa ibabaw sang Keriataim, kag sa ibabaw sang Bet-gamul, kag sa ibabaw sang Bet-meon,

24 Kag sa ibabaw sang Keriot, kag sa ibabaw sang Bosra, kag sa ibabaw sang tanan nga mga kabanwaanang sang duta sa Moab, ang mga malayô kag ang mga malapit.

25 Kag ginutôd ang sungay sang Moab, kag ang iya butkon ginbali, siling ni Iehoba.

26 Hugba-ninyo sia, kay batok kay Iehoba nagpakadaku sia; kag magligid-ligid si Moab sa iya suka, kag nga magmanginiligoon sia sa kaladlawan.

27 ¿Kag walâ bala maghimo ka nga imo kaladlawan si Israel? ¿Nakit-an bala sia sa tungâ sang mga makawat, kay kutub nga sa iya naghambal ka, ikaw nagatangotango sang olo?

28 Bayai-ninyo ang mga kabanwaanang kag puluyô-kamo sa mga kapilasan, nga pumuluyô sa Moab: kag magmanginsubung kamo sang salampati, nga nagapugad sa isa ka luyo sang bâbâ sang kadadalman.

29 Nabatian namon ang palabilabi ni Moab, ang *hanwa* nga palabilabihon gid, ang iya pagkamatinaastaason, ang iya palabilabi, ang iya bugal, kag ang pagkamatinaastaason sang iya tagiposoon.

30 Ako nagakilala, siling ni Iehoba, sang iya alipungot; walay pulus ang iya mga ukag; walay pulus ang mga butang nga ila ginahimo.

31 Tungud sini ako nagauwang sa ibabaw sang Moab; kag sa ibabaw sang bug-os nga Moab nagasingit ako kag nagabakho tungud sang mga tawo sa Kir-hares.

32 Labi pa sa paghibi ni Iaser, magahibi ako tungud sa imo, púnô sang ubas sa Sibma, ikaw nga ang imo mga balagon nagtalabok sang dagat, nagalabut sila tubtub sa dagat sang Iaser: ang manuglaglag naholog sa ibabaw sang imo bunga sang tingadlaw kag sa ibabaw sang imo pagpatubas sang ubas.

33 Ang kasadya kag ang kalipay ginkuha sa latagon nga mabungahon kag sa duta sa Moab; kag ginpadula ko ang alak sa mga ipitan. Indi nila paglapakon nga may pagsingit; among pagsingit sa *inaway* kag walâ na sing singit sa *ipitan*.

34 Sa pagsingit sa Hesbon ginapapamatian nila ang ila tingug tubtub sa Eleale, tubtub sa Iahas, gikan sa Soar tubtub sa Horonaim, *tubtub* sa Eglat-Selisia; kay ang mga tubig sa Nimrim manginduug man sila nga kahapayan.

35 Kag pagahimoon, siling ni Iehoba, nga ang Moab walâ na sing tawo nga magtaklad sa mataas nga duug kag nga magsunog sing pahamut sa iya mga dios.

36 Tungud sini ang akon tagiposoon magabakho subung nga mga lantoy bangud sang Moab: kag tungud sang mga tawo sa Kir-heres nagabakho ang akon tagiposoon subung nga mga lantoy; kay ang kapuslanan nga nahimo nila nadula;

37 Kay ang tanan nga olo upaw kag ang tanan nga bungut kiniskisan; sa ibabaw sang tanan nga mga kamut nga kinudlitan, kag sa tanan nga mga hawak, panapton nga masinakiton.

38 Sa ibabaw sang tanan nga mga atop sa Moab kag sa iya mga dalan, ang tanan yara sa lalaw; kay ginboong ko ang Moab subung sang suludlan nga walâ mahamut-i, siling ni Iehoba.

39 ¿Paano nga ginboong sia sa kalisang! ¿Uluwang-hamo! ¿Paano nga pagtalikod ni Moab, nga ginpakahuy-an sia sing bug-os! Kag manginkaladlawan ang Moab kag kalisangan sa tanan nga mga yara sa iya palibot.

40 Kay amo ining ginasiling ni Iehoba: Yari koron, magalupad sia subung sang agila, kag magahumlad sia sang iya mga pakpak nayon sa Moab.

41 Napanguha na ang Keriot, kag napanguha na ang mga duug nga mabakud; kag sadtong adlaw ang tagiposoon sang mga maisug ni Moab manginsubung sang tagiposoon sang babae sa pagsakit.

42 Kag pagalaglagon ang Moab sa tungâ sang mga katawohan; kay nagpakadaku batok kay Iehoba.

43 Sa imo, pumuluyô sa Moab, ang kakulba, kag ang boho, kag ang siod, siling ni Iehoba.



44 Ang nagapalagyo sa kakulba, maholog sa boho; kag ang nagasaka gikan sa boho, pagadakpon sang siod; kay pagapakarion ko sa ibabaw niya, sa ibabaw sang Moab, ang tuig sa pagduaw sa ila, siling ni Iehoba.

45 Sa landong sang Hesbon nagdulúlog sila, ang mga nagapalalagyo nga walay kusug. Apang naggowa ang kalayó sa Hesbon, kag ang dabdab sa tungâ sang Sihon: ginhalohhon niya ang mga kadutaan sa Moab kag ang alimpuduhan sang mga anak sang kagahud.

46 ¡Kailo ka, Moab! Nadula ang banwa sa Kemos; kay ang imo mga anak nga lalaki gindakup nga sa pagkabihag, kag ang imo mga anak nga babae nga sa kabihagan.

47 Apang pagapabalikón ko ang kabihagan ni Moab, sa kaolehian sang mga adlaw, siling ni Iehoba. Tubtub diri ang paghukom sa Moab.

Tagna batok sa mga Amoninhon.

**49** NAHANUNĠUD sa mga inanak ni Amon. Amo ining ginasing ni Iehoba: ¿Walâ bala sing mga anak si Israel? ¿walâ bala sing manunubli? ¿Kay ngaa bala ginapanubli sang Malkam ang Gad, kag ang iya banwa nagpuyô sa iya mga kabanwaan?

2 Ngani, yari karon nagaabut ang mga adlaw, siling ni Iehoba, nga pagai-pabati ko ang kagahud sang ilinaway nayo sa Raba sang mga inanak sang Amon, kag mangintinumpok sia sang ginub-an; kag pagapanutdan ang iya mga kabanwaanang kalayo, kag pagatag-iyahon ni Israel nga panublion ang mga nagtagiya sa iya, siling ni Iehoba.

3 Uwang-ka, Hesbon, kay nahapay na ang Ai. Siningit-kamo, mga anak nga babae ni Raba; palanaput kamo sing panapton nga masinakiton, halaya-kamo; kag dalagan kamo halin diri pa didto sa tungâ sang mga kudal. Kay ang Malkam magalakat sa palalitonan, ang iya mga saserdote kag ang iya mga dunganon upud sa iya.

4 ¿Kay ngaa bala nagahimaya ka sa mga nalupyakan, sang imo mga nalupyakan nga nagailig, anak nga babae nga dimatutum, nga nagasalig ka sa iya mga bahandi, kag nga nagasing: "Sin-o bala ang magakari batok sa akon?"

5 Yari karon, siling sang Ginoo nga si Iehoba sang Sebaot, pagapakarion ko sa ibabaw nimo ang kakugmat, gikan sa tanan nga mga palibot mo. Kag pagapanobolon kamo ang tagsatagsa sa iya atubangan, kag walâ sing sin-o nga magatipon sang mga manugpalagyo.

6 Apang sa tapus sini pagapabalikón ko ang mga bihag sang mga inanak sang Amon, siling ni Iehoba.

Tagna batok sa mga Edominhon.

7 Nahanungud sa Edom. Amo ining ginasing ni Iehoba sang Sebaot: ¿Walâ na bala sing kaalam sa Teman? Nadula na ang laygay sang mga mahangponon, ang ila kaalam nadula.

8 Palagyo-kamo, talalikod-kamo, palanago-kamo sa kadadalman gid sang inyo mga puluy-an, mga pumuluyô sa Dedan; kay pagapakarion ko sa ibabaw ni Esau ang iya kalalat-an, sa panag-on nga pagaduawon ko sia.

9 Kon ang mga manugani sang ubas mag-alabut sa imo, ¿indi bala sila magabilin sing mga laghawon? Kon ang mga makawat sa kagab-ihon, ¿indi bala magalaglag sila sa nagakaigo sa ila?

10 Apang ginubahan ko si Esau, kag nabuksan ko ang iya mga palanagoan. Indí na sia makasarang sa pagpanago. Ang iya kaliwatan, ang iya mga útud, ang iya mga kasilingan, ginpanghapay sila, kag walâ na sila.

11 Bayai ang imo mga ilo; pagasaguron ko sila; kag sa akon magasalig ang imo mga bálo nga babae.

12 Kay amo ining ginasing ni Iehoba: Yari karon, ang mga walâ maghukom sa paginum sang tagayan, sa pagkamatuud gid magailin sila sa iya; busa ikaw ¿mangingawas ka bala subung nga walay salá? Indí ka pagabilangon nga walay salá, kondi nga kinahanglan nga mag-inum ka sa iya.

13 Kay tungud sa akon gid nagsumpa ako, siling ni Iehoba, nga si Bosra maginkahapayan, kahuluy-an, kahanayakan, pinapakamalat, kag nga ang tanan niya nga mga kabanwaan manginkamuhaymuhayan nga dayon.

14 Ang isa ka pahibalo nabatian ko nga gikan kay Iehoba, kag ginpadalá ang manugbalita sa tungâ sang mga katawohan, nga nagasing: "Tilipon-kamo

kag kari-kamo batok sa iya, kag tilindug-kamo sa pagpakf-away."

15 Kay yari karon, ginhimo ko ikaw nga diyotay sa tungâ sang mga katawohan, nga ginatamay ka sa tungâ sang mga tawo.

16 Ang kakulba nga ginpukaw mo, ang palabilabi sang imo tagiposoon nagsugyot sa imo, ikaw, nga nagapuyô sa mga gikab sang mga pil-as, ikaw nga ginhakus mo ang putokputokan sang bakolod. Bisan pa pagbayawon mo, subung sang agila, ang imo pugad, kubtub didto pagaitagbong ko ikaw, siling ni Iehoba.

17 Kag manginkahapayan ang Edom: bisan sin-o nga mag-agi nga malapit sa iya, magakahibolong, kag magapaniholbangud sa tanan niya nga mga kalalatan.

18 Subung sang pagkaguba sang Sodom, sang Gomora kag sang iya mga kasilingan, siling ni Iehoba, walay sin-o nga magpuyô didto kag walay anak sang tawo nga magapanlugayaw sa iya.

19 Yari karon, subung sang leon magasaka sia sa habok sang Iordan batok sang halalban nga dayon; apang sa isa ka pamisok pagapadalaganon ko sia gikan didto, kag sa mapilian, magahatag ako sing tulin nahanungud sa iya; kay ¿sin-o bala ang subung sa akon? ¿kag sin-o bala ang makapaatubang sa akon sa hulukmanan, kag sin-o bala ang manugbantay nga sarang makatindug batok sa akon?

20 Tungud sini pamatii-ninyo ang tinotuyo ni Iehoba, nga ginhimo niya nahanungud sa Edom, kag ang iya mga hunahuna, nga nagapamalandong sia batok sang mga pumuluyô sang Teman. Sa pagkamatuud gid, pagaguyoron sila subung sang mga labing magamay nga mga obeha. Sa pagkamatuud, pagalagalon niya ang halalban upud sa ila.

21 Sa daguhub sang ila pagkaholog ang duta nagkurug. Ang ila singit, ang kagahud nabatian sa dagat nga Mapula.

22 Yari karon, magatumbo kag magalupad sia subung sang agila, kag magahumlad sia sang iya mga pakpak sa ibabaw sang Bosra. Kag sa sadtong adlaw ang tagiposoon sang mga maisug sa Edom manginsubung sang tagiposoon sang babae sa iya kasakit.

Tagna batok sa Damasko.

23 Nahanungud sa Damasko. Ginpakahuy-an ang Hamat kag ang Arpad, kay nagpakabati sila sing mga malain nga balita: ginapunaw sila. Sa dagat may kagumon; indi sia sarang makapahimunong.

24 Nagaluya ang Damasko; nagatalikod sa pagpalagyo, kag ginadakup sia sang kakulba. Ang kahulan-an kag ang mga kasakit nagapakibang sa iya, subung sang babae nga nagaanak.

25 ¿Paano bala nga gimbayaan nila, ang banwa sa pagdayaw, ang banwa sang akon kalipay?

26 Ngani, ang iya mga pamatan-on magakalapukan sa iya mga balaligyaan, kag ang tanan nga mga tawo sa pagawayan magakalawála sa sadtong adlaw, siling ni Iehoba sang Sebaot.

27 Kag pagatutdan ko sing kalayo ang kuta sang Damasko, nga pagaupuron niya ang mga baláy nga harianon sa Ben-Hadad.

Tagna batok sa Arabia.

28 Nahanungud sa Kedar kag sa mga ginharian sa Hasor, nga ginpilas sila ni Nabukodonosor, nga hari sa Babilonia: Amo ining ginasing ni Iehoba: Tilindug-kamo, talaklad-kamo batok sa Kedar, kag laglaga-ninyo ang mga inanak sang Sidlangan.

29 Pagkuhaon ang iya mga layang-layang kag ang iya mga kahayupan; pagpanguhaon ang iya mga kumbung, kag ang iya mga kasangkapan, kag ang iya mga kamelyo, kag magsingit batok sa ila: "Kakulba sa tanan nga mga duug."

30 Palalagyo-kamo, paggamohon gid kamo, tagoa-ninyo sang inyo puluy-an sing madalum gid, mga pumuluyô sa Hasor, siling ni Iehoba; kay si Nabukodonosor, nga hari sa Babilonia, naghimo sing tinutoyo batok sa inyo, kag batok sa inyo nagapamalandong sia sing hunahuna.

31 Tilindug-kamo, taklad-kamo nayon sa katawohan, nga nagaagum sing paghidaet kag nga nagakabuhi sing masinalig-on, siling ni Iehoba. Walâ sia sing mga gawang, bisan mga pintal, nga nagapuyô sia sa kamuhaymuhayan.

32 Ang ila mga kamelyo pagaation



kag ang kadamuon sang ila mga kahayupan pagakuhaon subung nga inagaw. Pagapaalapaagon ko sila sa tanan nga mga hangin, ang mga nagaulobsang *ila bohok*, kag ginapakari ko sa tanan nga mga kilid ang ila kalalat-an, siling ni Iehoba.

33 Kag ang Hasor manginpuluy-an sang mga sakal, ang kahapayan sa giha-pon. Walâ sing sin-o nga magapuyô didto kag walay anak sang tawo nga magapanlugayaw sa iya.

Tagna batok sa Persia.

34 Ini amo ang polong ni Iehoba, nga nag-abut kay Ieremias, nga manalagna, nahanungud sa Elam, sa kamunoan sang paghari ni Bedekias, nga hari sa Iuda, nga nagasiling:

35 Amo ining ginasiling ni Iehoba sang Sebaot: Yari karon, pagabalion ko ang pana ni Elam, ang mga panganay sang ila kabakuran.

36 Kag pagapakarion ko sa ibabaw sang Elam ang apat ka hangin, sang mga apat ka bahin sang langit. Pagaalapaagon ko sila sa sining tanan nga mga hangin, kag walay katawohan nga didto indi mag-alabut ang mga manugpalagyo gikan sa Elam.

37 Kag pagahimoon ko nga si Elam maboong sa kahadluk sa atubangan sang mga kaaway, sa atubangan sang mga nagapalangita sang iya kabuhi: pagapakarion ko ang kalainan sa ibabaw nila, ang kasingkal sang akon kaakig, siling ni Iehoba; kag pagaipadalâ ko sa olehe nila ang hinganiban tubtub nga maupud ko sila.

38 Kag pagaibutang ko ang akon lingkoran nga harianon sa Elam, kag pagalaglagon ko didto ang hari kag ang dunganon, siling ni Iehoba.

39 Apang mahanabu, sa kaolehian nga mga adlaw, nga pagapabalikon ko ang mga bihag sang Elam, siling ni Iehoba.

Tagna batok sa Babilonia.

50 ANG polong nga ginmitlang ni Iehoba batok sa Babilonia, batok sa duta sang mga Kaldeinhon, tungud kay Ieremias nga manalagna.

2 Ibantala-ninyo sa tungâ sang mga katawohan, kag ipahibalo-ninyo; pala-

tindug-kamo sing bandera; ipahibalo ninyo, kag indi ninyo pagtagoon ini; isiling-ninyo: Kinuha na ang Babilonia. Ginpakahuy-an si Bel, ginguba na si Merodak. Ginpakahuy-an sila, ang ila mga diosdios, ginpamoong ang ila mga larawan.

3 Kay nagtaklad batok sa iya ang isa ka katawohan gikan sa Aminhan, nga pagaibutang niya ang ila duta sa kaha-payan, kag walâ na sing pumuluyô sa iya: ang mga tawo subung man ang mga kasapatan nagpalalagyo; nagtali-liwan sila.

4 Sa sadtong mga adlaw kag sa sadtong panag-on, siling ni Iehoba, magaalabut ang mga inanak ni Israel, sila kag ang mga inanak ni Iuda sing tingub; magakalari sila, nga nagalalakat kag nagahilibi, kag magapalangita sila kay Iehoba, nga ila Dios.

5 Magapalamangkot sila tungud sang dalan sa Sion, nga magabalalikid diri sang ila mga nawung, nga nagasiling: "Kari-kamo, kag magilimpon - kamo kay Iehoba sa katipan nga walay kapatapan, nga indi nga mas-a hikalim-tan."

6 Ang akon banwa among pinanung sang mga obeha nga nadula, nga ang iya mga manugbantay nagpatalang sa ila kag nagpaisol sa ila sa mga kabukiran; nagalalakat sila sa bukid pa bakolod, nagkalalipat sila sang ila duug nga palahuwayan.

7 Ang tanan nga makakita sa ila, nagahalonhon sa ila kag nagasililing ang ila mga kasumpung: "Indi kami pagakabigon nga mga makasasalâ," kay sila nagpalakasâlâ batok kay Iehoba, nga Puluy-an sang katarungan, kay Iehoba, nga Paglaum sang ila mga ginikanan.

8 Palagyo-kamo gikan sa tungâ sang Babilonia, kag halin-kamo sa duta sang mga Kaldeinhon, kag pagpanginsubung-kamo sang mga kanding nga lalaki sa atubangan sang pinanung.

9 Kay yari karon, pagapukawon ko kag pagapakarion ko kutub sa duta sa Aminhan batok sa Babilonia ang isa ka katipunan sang dalagku nga mga katawohan, nga magapahamtang sing pasunud batok sa iya; kag pagakuhaon sia. Ang ila mga baslay subung sila sang ila sang maisug nga sampaton: walâ sing isa nga magabalik sa walay pulus.

10 Kag ang Kaldea pagaibutang nga alatihon, kag ang tanan nga magaati sa iya manginbusug, siling ni Iehoba.

11 Hoo, magkasadya-ka, hoo, magkalipay-ka, *katawohan* nga nagahublas sang akon panublion. Maglumpatlumpat-ka subung sang tinday sang baka nga nagatapak *sang linasan*, kag maghirihiri-ka sabung sang mga gamhanan *nga kabayo*.

12 Ang inyo ilôy ginapakahuy-an gid, ginapasalimoang ang nagpanganak sa inyo; yari karon ang palaabuton sang mga katawohan: ang isa ka kahanayakan, ang isa ka duta nga mamala, kag ang isa ka kamingawan.

13 Tunôd sang kaakig ni Iehoba indi sia mapuy-an, kag manginhinapay lamang sia nga bug-os; ang tanan nga magaagi malapit sa Babilonia magakahangyos kag magapanihol bangud sang tanan niya nga mga kalalat-an.

14 Palahamtang-kamo sing pasunod batok sa Babilonia, sa palibot, tanan kamo nga mga nagapasantig sang pana. Pana-kamo batok sa iya, indi kamo magkalahilak sang mga baslay, kay nakasalâ sia batok kay Iehoba.

15 Silingit-kamo batok sa iya sa palibot. Ginatugyan niya ang iya mga kamut; nagakalapukan ang iya mga sadsaran; ginpanguba ang iya mga kuta, kay pagtimalus ini ni Iehoba. Tilimalus-kamo sa iya; himoa-ninyo sa iya subung sang ginhimo niya.

16 Utda-ninyo sa Babilonia ang manugtanum, kag ang nagakaput sang galab sa panag-on sang ani. Sa atubangan sang hinganiban nga mabangis ang tagsatagsa magbalik sa iya banwa, ang tagsatagsa magpalagyo sa iya duta.

17 Si Israel among obeha nga talang, nga ginlagas sia sang mga leon: ginhalonhon sia sing una sang hari sa Asur; apang ining katapusan, si Nabukodonosor, nga hari sa Babilonia, nagboong sang iya mga tul-an.

18 Ngani, amo ining ginasingil ni Iehoba sang Sebaot, nga Dios ni Israel: Yari karon, ako magasilot sang hari sa Babilonia kag sa iya duta, subung sang pagsilot ko sa hari sa Asur.

19 Kag pagapabalikon ko si Israel sa iya mga halalban: magahalab sia sa Karmelo kag sa Basan, kag sa bukid ni Epraim, kag sa Galaad mabusug ang iya kalâg.

20 Sa sadtong mga adlaw kag sa sadtong panag-on, siling ni Iehoba, ang kalainan ni Israel pagapangitaon, apang sia walâ na, kag ang mga salâ ni Iuda, indi makit-an; kay pagapatawaron ko ang akon mga girabilin, sa nabilin.

21 Nahanungud sang duta nga dapli nga malalison, taklad-ka batok sa iya, kag nahanungud sang mga pumuluyô nga sa pagsilot, lagsa sila sa hinganiban kag pagtagudilian sila, siling ni Iehoba, kag himoa sono sang tanan nga akon gin-sogo sa imo.

22 May kagahud sang inaway sa duta, kag daku nga kagulub-an.

23 ¿Paano bala nga ginbali kag ginboong ang pakang sang bug-os nga duta? ¿Paano bala nga nahimo ang Babilonia nga kahapayan sa tungâ sang mga katawohan?

24 Ginladlaran ko ikaw sing siod, kag nadakup ka sa iya, Babilonia, kag bisan pa sa walâ mahibaloi, nakita ka, kag bisan pa nadakup ka, kay nagpakigsuay ka kay Iehoba.

25 Ginbuksan ni Iehoba ang iya bahandi, kag ginkuha niya *didto* ang mga hinganiban sang iya kasingkal; kay ang Ginoo nga si Iehoba sang Sebaot nga may iya sini nga kasuayon batok sa duta sang mga Kaldeinhon.

26 Kari-kamo batok sa iya kutub sa mga ukbung *sang duta*. Buksi-ninyo ang iya mga tambobo; tiponon-ninyo sia subung nga mga inupung kag pagtagudilian ninyo sia, nga walâ sing bisan ano nga mabilin sa iya.

27 Pilasa-ninyo ang tanan niya nga mga tinday nga lalaki sang baka, nga magdulhog sila sa ihawan. ¿Kailo sila! Kay nag-abut na ang ila adlaw, ang panagon sang pagduaw sa ila.

28 Ginapamatian ang tingug sang mga nagapalalagyo, sang mga manuglikaw gikan sa duta sa Babilonia, nga nagabalita sa Sion sang pagtimalus ni Iehoba, nga aton Dios, sang pagtimalus sang iya Simbahan.

29 Patipuna batok sa Babilonia ang mga manugpana, ang tanan nga mga nagasanting sang pana. Ipahamtang-ninyo ang dulugan batok sa iya sa palibot, nga walâ sing bisan sino nga makalikaw; bayari sia sono sang iya binuhatan: sono sa tanan nga ginhimo niya, himoa ninyo sa iya, kay nagpalabilabi



sia batok kay Iehoba, batok sa Balaan ni Israel.

30 Tunğud sini ang iya mğa pamatan-on magakalapukan sa iya mğa balaligyan, kag ang tanan niya nga mğa tawo sa pag-awayan pagapangwalaon sa sad-tong adlaw, siling ni Iehoba.

31 Yari karon ako *nagakari* batok sa imo, Palabilabihon, siling sang Ginoo nga si Iehoba sang Sebaot; kay nag-abut na ang imo adlaw, ang panag-on nga ginaduaw ko ikaw.

32 Kag ang Palabilabihon makasandad kag mapukan, kag walâ sing bisan sin-o nga magpatindug sa iya. Kag pagatutdan ko sing kalayo ang iya mğa kabanwaan, nga magahalunhon sang tanan nga mğa palibot niya.

33 Amo ining g nasiling ni Iehoba sang Sebaot: Ginpamigos ang mğa inanak ni Israel kag ang mğa inanak ni Iuda sing tingub; kag ang tanan nga mğa nagdalâ sa ila nga mğa bihag, ginapungan sila nila, kag nagadumili sila sa pagbuhì sa ila.

34 Ang ila Manunubus amo ang Makusug. Si Iehoba sang Sebaot amo ang iya ngalan. Magatabang sia, magatabang sia sang kasaba nila, sa pagpalinong sang duta, kag sa paggamo sang mğa pumuluyô sa Babilonia.

35 ¡Hinganiban sa ibabaw sang mğa Kaldeinhon! siling ni Iehoba, kag sa ibabaw sang mğa pumuluyô sa Babilonia, kag sa ibabaw sang iya mğa dunganon, kag sa ibabaw sang iya mğa manginalamon.

36 ¡Hinganiban sa ibabaw sang mğa palahambal nga walay pulus! kag mapahayag nga mğa buangbuang sila. ¡Hinganiban sa ibabaw sang iya mğa maisug, kag magkalakugmat sila!

37 ¡Hinganiban sa ibabaw sang iya mğa kabayo kag sa ibabaw sang iya mğa kanga, kag sa ibabaw sang bug-os nga banwa nga kalibugan, nga yara sa tungâ niya! kag manginsubung sila sang mğa babae. ¡Hinganiban sa ibabaw sang iya mğa bahandi! kag pag-atihon sila.

38 ¡Kamala sa ibabaw sang iya mğa tubig! kag magmalala sila. Kay duta ini sang mğa larawan nga tinigban, kag nagabuluang sila sa *ila mğa diosdios* nga inugpahadluk.

39 Tunğud sini, didto magapuluyô ang mğa sapat sang mğa kahanayakan upud ang mğa sapat nga manuguwang;

magapuluyô man sa iya ang mğa abestrus; kag indi na sia pagapuy-an sa gihapon, kag sa kaliwatan kag sa kaliwatan walâ sing magapuyô sa iya.

40 Subung sang pagguba sang Dios sang Sodoma, sang Gomora kag sang iya mğa kasilingan nga mğa kabanwaan, siling ni Iehoba, walay sin-o nga magapuyô didto kag walay anak sang tawo, nga magapanlugayaw sa iya.

41 Yari karon, nagaabut ang isa ka banwa sang Aminhan, kag ang isa ka daku nga katawohan, kag madamu nga mğa hari ang ginapukaw sa mğa kaidaldalman sang duta.

42 Nagakaput sila sing pana kag sing bangkaw; mğa mapintas sila, kag walâ sila sing kahanoklog; ang ila tingug magangurob subung sang dagat; magasalakay sila sa ibabaw sang mğa kabayo; masangkapan sila subung sang tawo sa pag-awayan batok sa imo, anak nga babae sang Babilonia.

43 Nabatian ang iya hinigung sang hari sa Babilonia, kag nanginmaluya ang iya mğa kamut; ang kalilisdan nagadakup sa iya, ang isa ka kalilisdan subung sang iya sang babae nga naga-anak.

44 Yari karon, subung nga leon nagasaka sia sa habok sang Iordan batok sa halaban nga dayon; apang sa isa ka pamisok pagapadalaganon ko sila gikan didto, kag sa mapilian, magahatag ako sing tulin nahanungud sa iya. Kay ¿sin-o bala ang subung sa akon, kag sin-o bala ang magapaatubang sa akon sa hulukmanan? kag ¿sin-o bala ang manugbantay nga makatindug batok sa akon?

45 Tunğud sini, pamatii-ninyo ang tinotuyo ni Iehoba, nga ginhimo niya batok sa Babilonia, kag ang iya mğa hunahuna nga ginpamalandong batok sang duta sang mğa Kaldeinhon. Sa pagkamatuud gid pagaguyoron sila subung sang labing magamay nga obeha. Sa pagkamatuud, pagalaglagon niya ang ila mğa halalban upud sa *ila*.

46 Sa siningit sang: “¡Nakuha ang Babilonia!” ang duta nagakurug, kag ang kagahud niya nabatian sa tungâ sang mğa katawohan.

**51** AMO ining ginasiling ni Iehoba: yari karon nga ginapatindug ko ang isa ka hangin nga manuglaglag

batok sa Babilonia, kag batok sa mġa pumuluyô sa Lebka.<sup>\*</sup>

2 Kag magapadalâ ako sa Babilonia sing mġa dumuluong nġa magapahanġin sa iya kag pagahapayon nila ang ila duta, kay manginbatok sila sa iya sa palibot sa adlaw sang kalainan.

3 Ang manugpana magsanting sang iya pana batok sa nagapasanting, kag batok sa nagatindug sing palabilabihon sa iya limbutong; indi ninyo pagpatawaran ang ila mġa pamatan-on; tagudilian-ninyo ang tanan niya nġa kasoldadosan:

4 Magkalapukan ang mġa tawo nġa patay sa duta sang mġa Kaldeinhon, kag ang mġa pilason sa iya mġa dalan.

5 Kay si Israel kag si Iuda indi ginabalo sang ila Dios nġa si Iehoba sang Sebaot; bisan pa ang ila duta napunô sang salâ batok sa Balaan ni Israel.

6 Palagyo-kamo gikan sa tunġa sang Babilonia, kag magluwas-kamo ang tagsatagsa sang iya kalâg, agud nġa indi kamo magkaladula bangud sang ila kalainan; kay amo ini ang panag-on sang pagtimalus ni Iehoba: pagahatagan niya sia sang iya balus.

7 Nanġintagayan nġa bulawan ang Babilonia sa kamut ni Iehoba, nġa nagahubug sang bug-os nġa duta. Sa iya alak nagilinum ang mġa katawohan; nġani nagbuluang ang mġa katawohan.

8 Sa hinali naholog ang Babilonia kag nalaglag. Uluwang-kamo sa ibabaw niya. Kuluha-kamo sing ihalapas nġa sa iya kasakit; aghan magâyô sia.

9 "Ginbuut naton nġa mag-âyô ang Babilonia, apang walâ sia mġg-âyô. Bayai-ninyo sia, kag magpalauli-kita ang tagsatagsa sa iya duta; kay nagabut tubtub sa langit ang iya paghukom, kag ginbayaw sia tubtub sa mġa panganud.

10 Ginpagowa ni Iehoba ang aton mġa katarungan. Kari-kamo, kag isugidnaton sa Sion ang binuhatan ni Iehoba, nġa aton Dios."

11 Nisnisi-ninyo ang mġa baslay, kag himun-i-ninyo ang *kadamuon* sang mġa taming. Ginpukaw ni Iehoba ang espiritu sang mġa hari sa Media; kay ang iya tinotuyo batok sa Babilonia sa

paglaglag sa iya; kay pagtimalus ini ni Iehoba, pagtimalus sang iya Simbahan.

12 Palatindug-kamo sing bandera sa ibabaw sang mġa kuta sang Babilonia. Bakura-ninyo ang bantay, butanġi-ninyo sing mġa bantay, aman-kamo sing mġa puut; kay si Iehoba gid nagahimo sing tinotuyo, kag pagaibutang niya sa buhat ang iya ginmitlang nahanunġud sang mġa pumuluyô sa Babilonia.

13 Ikaw nġa nagapuyô sa luyo sang madamu nġa mġa tubig, nġa nagabugana sa mġa bahandi, nag-abut na ang imo katapusan, ang takus sang imo mġa kapuslanan.

14 Si Iehoba sang Sebaot nagsumpa tungud sa *iya* gid: Hoo, sa pagkamatuud, pagapun-onko ikaw sing mġa tawo, subung sang mġa apan, kag magasilinigit sila batok sa imo.

15 Sia amo ang naghimo sang duta sa iya gahum, ang nagtukud sang kalibutan sa iya kaalam kag naghumlad sang mġa kalanġitan sa iya ihibalo.

16 Sa huni sang iya tinġug naghimo sing kagahud sa mġa tubig sang langit; kag nagapasaka sia sang mġa alisnġaw gikan sa ukbung sang duta; sia nagahimo sang mġa kilat nġa sa ulan, nakuha sia sang hanġin sa iya mġa bahandi.

17 Ang tanan nġa tawo tama ka buanguang sa pagkilala sang bisan ano; ang tanan nġa manugtunaw ginapakahuyan sa iya larawan nġa tinigban, kay butig lamang ang ila mġa larawan nġa tinunaw; nġa walâ sing espiritu sa ila.

18 Mġa kadayawan lamang sila, binuhatan sa mġa paguligyat: sa panag-on sang pagduaw sa ila, magakaladula sila.

19 Indi subung sa ila ang Pahat ni Iakob; kay amo sia ang Manughuman sang tanan, kag si *Israel* amo ang sungkod sang iya panublion. Si Iehoba sang Sebaot amo ang iya nġalan.

20 Ikaw amo nġa sa akon ang dakung pakang, ang mġa hinġaniban sa pagawayan; kag tungud sa imo ginadugmok ko ang mġa katawohan, kag tungud sa imo ginalaglag ko ang mġa ginharian;

21 Kag tungud sa imo ginadugmok ko ang mġa kabayo kag ang manugkabayo sa iya, kag tungud sa imo gindugmok ko ang kanga kag ang nagasaka sa iya;

22 Kag tungud sa imo ginadugmok

\* *Lebkama*, ang kasingkasing sang akon mġa kasumpung; nġalan sang Kaldea.



ko ang mġa lalaki kag ang mġa babae, kag tunġud sa imo ginadugmok ko ang tigulang kag ang bġtġ, kag tunġud sa imo ginadugmok ko ang olitawo kag ang dalaga ;

23 Kag tunġud sa imo ginadugmok ko ang manugbantay kag ang iya pina-nong ; tunġud sa imo ginadugmok ko ang mangunġuma kag ang iya singkaw sa buylog sang mġa baka ; kag tunġud sa imo ginadugmok ko ang gobernador kag ang mġa punoan.

24 Kag pagabalusan ko ang Babilonia, kag ang tanan nġa mġa pumuluyġ sa Kaldea, sang tanan nġa kalainan nġa ginhilimo nila sa Sion sa atubangan sang inyo mġa mata, siling ni Iehoba.

25 Yari karon, ako *nagaabut* batok sa imo, bukid nġa manuglaglag, siling ni Iehoba, ikaw nġa ginalaglag mo ang bug-os nġa duta ; kag ginauntay ko ang akon kamut sa ibabaw nimo, kag ginapaligid ko ikaw sa *imo* mġa pil-as, kag ginahimo ko ikaw nġa bukid nġa inupġd.

26 Kag walġ na sing magakuha sa imo sing batġ nġa sa pamusud, bisan batġ nġa sa sadsaran ; kondi manginkahapayan ka nġa dayon, siling ni Iehoba.

27 Halayaw-kamo sing bandera sa duta, palatunog-kamo sing budyong sa mġa katawohan, pahanunġud-kamo sing mġa katawohan batok sa iya. Tilingub-kamo batok sa iya sang mġa ginharian sa Ararat, sa Mini, kag sa Askenas : sogo-kamo batok sa iya sing mġa pangġlo, pataklara-ninyo ang mġa kabayo subung sang mġa apan nġa tunukon.

28 Pahanunġud-kamo batok sa iya sang mġa katawohan, sang hari sa Media, sang iya mġa gobernador, kag sang tanan niya nġa mġa punoan kag sang bug-os nġa duta sang iya pagkagino.

29 Kag nagakurug ang duta kag nagakasakit, kay ginapanghikot batok sa Babilonia ang mġa tinotuyo ni Iehoba, sa paghimo sang duta sa Babilonia nġa kahapayan, nġa walay pumuluyġ.

30 Ang mġa maisug sa Babilonia nagbiliya sa pag-away ; nagapalahimuyong sila sa ila mġa kuta ; naubus ang ila kakakuran, nanginbabae sila. Ginpanutdan ang ila mġa balġy, ginpamali ang ila mġa pintal.

31 Ang mġa manugdalagan kag ang

manugbalita nagadalagan sa pag-sugata ang isa sa isa sa pagbalita sa hari sa Babilonia nġa ang iya banwa ginkuha sa tanan nġa mġa bahin ;

32 Kag nġa ginpanġuha ang mġa tabokan, kag ginpanunug sa kalayo ang mġa punong, kag ginpanġulbaan ang mġa tawo sa pag-awayan.

33 Kay amo ini ang ginasiling ni Iehoba sang Sebaot, nġa Dios ni Israel : Ang anak nġa babae sang Babilonia subung sia sang linasan sa panag-on sa paglinas sa iya ; sa diyotay pa, kag magaabut sa iya ang panag-on sang ani.

34 Ginhalonhon kita, ginpapas kita ni Nabukodonosor, nġa hari sa Babilonia, ginbayaan kita niya subung sang sulġd-lan nġa walay sulġd ; gintulon niya kita subung sang dragon, napunġ ang iya tiyan sang akon mġa kalipayan, kag gintabog kita niya.

35 “Ang pagpigos nġa nahimo sa akon, kag ang akon unud magamanġin sa ibabaw sang Babilonia,” magasiling ang pumuluyġ nġa babae sa Sion ; kag “ang akon dugo magmanġin sa ibabaw sang mġa pumuluyġ sa Kaldea,” magasiling ang Ierusalem.

36 Nġani, amo ini ang ginasiling ni Iehoba : Yari karon, ako *nagaapin* sang imo kasaba, kag ginahimo ko ang imo pagtimalus ; kag ginapamala ko ang iya dagat, kag ginapahubas ko ang iya tuburan.

37 Kag mangintinumpoktumpok nġa batġ ang Babilonia, puluy-an sang mġa sakal ang isa ka kahapayan, duug nġa natugyan sa mġa panihol, nġa walay pumuluyġ.

38 Sing tingub naganġulurub sila subung sang mġa tutuy sang leon, naganġulurub sila subung sang mġa magamay sang mġa leon.

39 Sa ila kainit, ginapainum ko sila ; kag ginapahubug ko sila, agud nġa magkalasadya sila, kag nġa magtololog sila sing katologon nġa walay katapusan, kag indi na sila magmalata, siling ni Iehoba.

40 Ginapadulhog ko sila subung sang mġa kordero sa ihawan, subung sang mġa karnero upud ang mġa kanding nġa lalaki.

41 *ġ Paano bala ang pagkuha kay Sesak ? ġ Paano bala ang pagkuha sang pagdayaw sang bug-os nġa duta ?*

Paano bala ang pagkahapay sang Babilonia sa tunga sang mga katawohan?

42 Nagsagnap ang dagat sa ibabaw sang Babilonia; sa kagumon sang iya mga kabaluran gintabunan sia.

43 Naninkahapayan ang iya mga kabanwaan, ang isa ka duta nga kigas kag mga kamingawan, mga duug nga wala sing magapuyô kag nga sa ila wala sing anak sang tawo nga mag-agi.

44 Kag pagasilotan ko si Bel sa Babilonia, kag pagapagowaon ko sa iya babala ang iya gintulon, kag indi na gid magaduguk sa iya ang mga katawohan. Ang amo gid nga kuta sa Babilonia napukan.

45 Gulowa-kamo sa tunga niya, banwa ko, kag panginluwas-kamo, ang tagatagsa sang iya kabuhi, sa kasingkal sang kaakig ni Iehoba.

46 Kag dili magmaluya ang inyo tagiposoon, kag dili kamo magkalahadluk bangud sang kagahud nga pagapamatian sa duta, sang sa isa ka tuig magaabut ang kagahud, kag sa olehe ang isa ka kagahud sa isa ka tuig, kag may paglugos sa duta, ang manuggahum batok sa manuggahum.

47 Tunud sini, yari karon, nagaalabut ang mga adlaw nga pagasilotan ko ang mga larawan nga tinigban sa Babilonia, kag ang bug-os niya nga duta pagapakahuy-an, kag ang tanan niya nga mga pilason sa kamatayon magakalaholog sa tunga niya.

48 Kag ang mga langit kag ang duta, kag ang tanan nga yara sa ila, magahulugyaw sa ibabaw sang Babilonia; kay gikan sa Aminhan magaalabut batok sa iya ang mga manughapay, siling ni Iehoba.

49 Subung nga ang Babilonia nagapukan sang mga pilason sa kamatayon sa Israel, amo man tunud sa Babilonia magakalapukan ang mga pilason sa kamatayon sa bug-os nga duta.

50 Mga nakapalagyo sa hinganiban, lalakat-kamo, ayaw kamo pagdúlog. Palanumdum-kamo kutub sa malayô kay Iehoba, kag ang Ierusalem paghuputan sang inyo mga tagiposoon.

51 Ginapakahuy-an kita, kay nabatian naton ang pasipala; ang pagsalimuang nagtabon sang aton mga nawung, kay nag-alabut ang mga dumuluong batok

sa mga balaan nga Puluy-an sang Baláy ni Iehoba.

52 Tunud sini, yari karon, nagaalabut ang mga adlaw, siling ni Iehoba, nga pagasilotan ko ang iya mga larawan nga tinigban kag nga sa bug-os niya nga duta magapalanangis ang mga pilason sa kamatayon.

53 Kon magbayaw ang Babilonia tubtub sa langit, kag kon maghimo sia nga dimalambut sang kataason sang iya kabakuran, magaalabut sa iya gikan sa akon ang mga manughapay, siling ni Iehoba.

54 Ang isa ka pagsingit ginapamatian sa Babilonia, kag isa ka daku nga kagulub-an gikan sa duta sang mga Kaldeinhon;

55 Kay pagahapayon ni Iehoba ang Babilonia, kag pagapahipuson niya ang iya daku nga tingug; kag magangu-rub ang ila mga kabaluran, subung sang dalagku nga mga tubig; ginapamatian ang dinaguhub sang ila mga tingug.

56 Kay nagaabut ang manuglaglag batok sa iya, batok sa Babilonia; kag ang iya mga maisug ginpangdakup; ang pana nila ginpamali. Kay si Iehoba among Dios sang mga balus; magahatag sia, magahatag sia sang nagakaigo.

57 Ginahubug ko ang iya mga dunganon kag ang iya mga maalam, ang iya mga gobernador, kag ang iya mga punoan, kag ang iya mga makusug: kag magatololog sila sa dayon nga katologon, kag indi na sila magmalata, siling sang Hari, nga ang iya ngalan amo si Iehoba sang Sebaot.

58 Amo ining ginasiling ni Iehoba sang Sebaot: Ini nga kuta sa Babilonia nga tama ka masangkad pagapanason sing bug-os, kag ang iya mga gawang nga tama ka mataas pagasunugon sa kalayo, sa bagay nga nagpalangabudlay unta sing walay pulus ang mga banwa kag ang mga katawohan nga sa kalayo, kag pagalapoon sila.

59 Ang polong, nga ginsogo ni Ieremias, nga manalagna, kay Seraia, nga anak ni Neria, nga anak ni Maasia, sang nagaupud sia kay Sedekias, nga hari sa Iuda, sa Babilonia, sang ikapat ka tuig sang iya paghari: kag si Seraia amo ang pangolo nga tulugyanan sang dulugan.

60 Kag ginsulat ni Ieremias sa isa ka



tolon-an ang tanan nga kalainan nga magaabut sa Babilonia, ining tanan nga mga polong nga napanulat nahanungud sa Babilonia.

61 Kag si Ieremias nagsiling kay Seraia: "Kon mag-abut ka sa Babilonia, tatapa nga magbasa ka sining tanan nga mga polong.

62 Kag magasiling ka: Iehoba, ikaw naghambal nahanuugud sini nga duug nga pagalaglagon mo sia, tuhtub nga walâ na sa iya sing mga pumuluyô, kutub sa tawo tuhtub sa sapat, kondi nga sa gihapon manginkahapayan.

63 Kag kon makatapus ka sa pagbasa sini nga tolon-an, pagahigtan mo sia sing isa ka batô, kag igahaboy mo sia sa tungâ sang Euprates.

64 Kag magasiling ka: Subung sini pagpasalupon ang Babilonia, kag indi na makatindug liwan, bangud sang kalainan, nga pagapakarion ko sa ibabaw niya kag pagapalapyoon sila." Tuhtub diri ang mga polong ni Ieremias.

Paglibot, pagkuha kag pagtaglag sa Ierusalem.

**52** SI Sedekias nagaedad sing duha ka pûlô kag isa ka tuig, sang pagsugud niya sa paghari, kag naghari sia sing napûlô kag isa ka tuig sa Ierusalem, kag ang ngalan sang iya ilôy amo si Hamutal, nga anak ni Ieremias, nga taga-Libna.

2 Kag ginhimo niya ang malain sa mga mata ni Iehoba, sono sa tanan nga ginhimo ni Ioiakim.

3 Kay bangud sang kaakig ni Iehoba batok sa Ierusalem kag Iuda, tuhtub nga gintabog niya sila sa iya atubangan, naglalis si Sedekias batok sa hari sa Babilonia.

4 Kag nahanabu, sa ikasiam ka tuig sang iya paghari, sa bulan nga ikapûlô, sa ikapûlô sang bulan, nga si Nabukodonosor, nga hari sa Babilonia nag-abut, sia kag ang tanan niya nga kasoldadosan, batok sa Ierusalem; kag nagpalahamtang sila sing dulugan batok sa iya, kag nagpalatindug sila batok sa iya sing mga kapag-unan sa palibot.

5 Kag nalibutan ang banwa tuhtub sang ikapûlô kag isa ka tuig sang hari nga si Sedekias.

6 Sa ikap-at ka bulan, sa ikasiam sang bulan, naglandas ang gutum sa

banwa, kag walâ na sing tinapay nga sa banwa sang duta.

7 Kag sang nahimo ang litik sa banwa, kag nagpalagyo sa kagab-ihon ang tanan nga mga tawo sa pag-awayan, kag naggulowa sila sa banwa, sa dalan sang gawang nga yara sa tungâ sang duha ka kuta, nga malapit sa katamnan sang hari, sang yara na ang mga Kaldeinhon batok sa banwa palibot, kag nagpalakadto sila sa dalan sang kapatagan.

8 Kag ang kasoldadosan sang mga Kaldeinhon nagsunud sa hari, kag nalambut nila si Sedekias sa mga kapatagan sang Ieriko, kag nag-alaplaaggikan sa iya ang bug-os niya nga kasoldadosan.

9 Kag gindakup nila ang hari kag ginpataklad nila sia sa hari sa Babilonia, sa Ribla, sa duta sa Hamat, nga didto nagmitlang sila sing paghukom batok sa iya.

10 Kag ginpugutan sang hari sa Babilonia ang mga anak ni Sedekias sa atubangan sang iya mga mata, kag ginpugutan man niya ang tanan nga mga dunganon sa Iuda, sa Ribla.

11 Kag kay Sedekias ginlukat nila ang mga mata, kag sang nagapus sia sang mga talikala nga tumbaga, ginpadalâ sia sa Babilonia sang hari sa Babilonia, kag ginbutang niya sia sa baláy sang bilanganon tuhtub sa adlaw sang iya kamatayon.

12 Kag sa bulan nga ikalima, sa ikapûlô sang bulan, nga among ikapûlô kag siam ka tuig sang paghari ni Nabukodonosor, nga hari sa Babilonia, nagsulûd sa Ierusalem si Nabusaradan, nga pangolo sang mga bantay, nga nagatindug sia sa atubangan sang hari.

13 Kag ginsunog niya ang Baláy ni Iehoba, kag ang baláy sang hari, kag ang tanan nga mga kabalayan sa Ierusalem, kag ang tanan nga mga baláy sang mga dunganon ginsunog niya sa kaláyo.

14 Kag ang tanan nga kasoldadosan sang mga Kadeinhon, nga yadto upud sang pangolo sang mga bantay, nagguba sila sang tanan nga mga kuta sa Ierusalem sa palibot.

15 Kag nahanungud sang mga labing imol sang banwa kag sang nabinil sang banwa sang mga nagkalabilin didto sa banwa kag sang mga manugpalagyo, nga nagsilimpon sa hari sa Babilonia,

kag sang nagkalabilin sang kadam-an, ginpaliton sila ni Nabusaradan, nga pangolo sang mga bantay;

16 Walay sapayan sa tungâ sang mga labing imol sang duta ginpabayaan ni Nabusaradan, nga pangolo sang mga bantay, agud nga manginmanugubas kag mga mangunguma sila.

17 Kag ginpamoong sang mga Kaldeinhon ang mga haligi nga tumbaga nga yadto sa Baláy ni Iehoba, kag ang mga tulungtungân, kag ang dagat nga tumbaga, nga yadto sa Baláy ni Iehoba; kag gindalâ nila ang tanan nila nga tumbaga sa Babilonia.

18 Ginkuha *man* nila ang mga alabohan kag ang mga sudsud, kag ang mga kimpit, kag ang mga langalanğa, kag ang mga yahong kag ang tanan nga mga gamit nga tumbaga, nga sa ila nagaalagad sila.

19 Kag ang mga tagayan, kag ang mga insensario, kag ang mga yahong, kag ang mga alabohan, kag ang sadngan kag ang mga yahong, kag ang mga tasa: ang tanan nga bulawan, subung nga bulawan, kag ang tanan nga pilak subung nga pilak, *ang tanan* gindalâ sang pangolo sang mga bantay.

20 Nahanungud sang duha ka haligi, sang dagat nga bugtong kag sang napúlô kag duha ka baka nga tumbaga nga yara sila sa duug sang mga tulungtungân, nga ginhimo sang hari nga si Salomon sa Baláy ni Iehoba: walâ sing timbang nga sa tumbaga sining tanan nga mga gamit.

21 Nahanungud sa mga haligi, ang kataason sang isa ka haligi nanginapúlô kag walo ka maniko, kag ang isa ka lubid nga napúlô kag duha ka maniko sarang makalibot sa iya kag ang iya kadamul nangin apat ka tudlo; bohoon sia.

22 Kag may isa ka oloolo nga tumbaga sa ibabaw niya, kag ang kataason sang tagsa ka oloolo lima ka maniko, kag sa ibabaw sang oloolo sa palibot may isa ka linála kag mga granada, ang tanan tumbaga; kag sa ikaduka ka haligi may mga kaangay upud ang mga granada.

23 May kasiaman kag anum ka mga granada sa gowa: ang tanan nga mga granada sa ibabaw sang linála among isa ka gatus ang kadamuon sa palibot.

24 Kag ginkuha sang pangolo sang

mga bantay si Seraia, nga pangolo nga saserdote, kag si Soponias, nga ikaduhang saserdote, kag ang tatlo ka bantay sang atangan.

25 Kag sa banwa nagkuha sia sing isa ka kapon, nga amo sia ang tinulinan sang mga tawo sa pag-awayan, kag pito ka tawo sang mga nagtan-aw sang nawung sang hari, nga nakita sila sa banwa; kag ang pangolo nga eskriba sang kasoldadosan, nga tinulinan sang paglista sang mga tinawo sang kadutaan, kag kan-uman ka lalaki sa tungâ sang banwa sang kadutaan, nga nakita sila sa banwa.

26 Ginkuha ini sila ni Nabusaradan, nga pangolo sang mga bantay, kag gindalâ niya sila sa hari sa Babilonia, sa Ribla.

27 Kag ginpilas sila sang hari sa Babilonia, kag ginpatay niya sila sa Ribla, sa duta sa Hamat. Kag ginpaliton ang Iuda gikan sa ibabaw sang iya duta.

28 Ini amo ang banwa, nga ginpaliton ni Nabukodonosor, sang tuig nga ikapito, tatlo ka libo duha ka púlô kag tatlo ka mga Iudio.

29 Sang tuig napúlô kag walo ni Nabukodonosor, *ginpaliton niya* gikan sa Ierusalem ang walo ka gatus katloan kag duha ka tawo.

30 Sang tuig nga duha ka púlô kag tatlo ni Nabukodonosor, nagpaliton si Nabusaradan, nga pangolo sang mga bantay, sing pito ka gatus kap-atan kag lima ka mga tawo sang mga Iudio: ang tanan nga mga tawo nanginapat ka libo anum ka gatus sila.

31 Kag nahanabu, sang tuig nga katloan kag pito sang paglitan ni Ioiakim, nga hari sa Iuda, sa bulan nga ikapúlô kag duha, sa duha ka púlô kag lima sang bulan, nga si Ebil-Merodak, nga hari sa Babilonia, sa tuig nga naghari sia, ginbayaw niya ang olo ni Ioiakim, nga hari sa Iuda, kag ginkuha niya sia sa bilangoan.

32 Kag naghambal sia sa iya sing maayo gid, kag ginbutang niya ang iya lingkoran nga harianon sa ibabaw sang lingkoran sang mga hari nga yara upud niya sa Babilonia.

33 Kag ginilisan niya sia sang mga panapton sa bilangoan, kag nagakaon sia sing tinapay gihapon sa atubangan niya sa tanan nga mga adlaw sang iya kabuhi.



34 Kag nahanungud sang iya ikabuhi | adlawadlaw tuhtub sa adlaw sang iya  
ginhatag sa iya ang iya ikabuhi nga | kamatayon, sa tanan nga mġa adlaw  
dalayon gikan sa hari sa Babilonia, sa | sang iya kabuhi.

## ANG

## MĠA PANALABITON.

Kalapyo sang Ierusalem, mġa sala kag mġa  
pag-antus sang banwa.

1 | PAANO nga nagalingkod nga isa  
lamang ang banwa nga punô sang  
pumuluyô!

Ang daku sa tungâ sang mġa katawo-  
han nanġinsubung sang balô nga babae.

Ang harianon nga anak nga babae  
sang mġa probinsia ginhimo nga ma-  
nugbuhis.

2 Nagahibisia, nagahibi sia sa kagab-  
ihon, kag ang iya mġa luha nagatabon  
sang iya mġa pisngi;

Walâ sia sing sin-o sang iya mġa  
manughigugma nga nagalipay sa iya.

Ang tanan niya nga mġa abyan naga-  
himo sing mabudhion batok sa iya,

Mġa kaaway sila nga sa iya.

3 Si Iuda nagkadto sa duta nga dumu-  
luong bangud sang kalisdanan kag sang  
kalakas nga kahioliplan.

Sia nagapanlugayaw sa tungâ sang  
mġa katawohan, nga walâ sia makakita  
sing duug sa pagpahuway:

Nalambut sia sang tanan niya nga  
mġa manuglagas sa tungâ sang mġa  
kapiotan.

4 Ang mġa dalan sa Sion yara sa  
lalaw, kay walay sin-o nga nagakari  
sa mġa pinat-inan nga piesta;

Pinanghapay ang tanan niya nga  
mġa gawap: nagabakho ang iya mġa  
saserdote,

Ang iya mġa ulay yara sa kasakit,  
kag sia gid yara sa kapaitan.

5 Ang iya mġa kasumpung may  
pagkalabaw, ang iya mġa kaaway naga-  
bugana,

Kay ginasakit sia ni Iehoba tungud  
sang kadamuon sang iya mġa pagkama-  
lalison.

Ang ila mġa bātâ nagkaladto sa kabi-  
hagan sa atubangan sang kasumpung.

6 Nagtaliwan sa anak nga babae ni  
Sion ang bug-os niya nga kaayoayo:

Ang iya mġa dunganon nanġinsubung  
sang mġa usa nga walâ sing nakita  
nga halalban,

Kag nagapalalagyo sila nga walâ sing  
kusug sa atubangan sang manuglagas.

7 Sang mġa adlaw nga ginsakit sia  
kag nagatalang,

Ang Ierusalem nakadumdum sang  
tanang niya nga mġa butang nga ma-  
lahalon nga ginhuptan niya kutub sa  
mġa adlaw nga dumaan.

Karon nga naholog ang iya banwa sa  
mġa kamut sang kasumpung kag walay  
bisan sin-o nga nagabulig sa iya,

Gintuluk sia sang iya mġa kasumpung  
Kag nagakaladlaw sila sa iya kalagla-  
gan.

8 Nagpakasalâ sia, nagpakasalâ sia,  
ang Ierusalem; tungud sini nanġinili-  
goon sia sang kalas-ayan.

Ang tanan nga mġa nagapaladungug  
sa iya, nagtalamay sa iya, kay nakita  
nila ang iya kahuluy-an;

Kag sia gid nagabakho kag nagaisol.

9 Ang iya mġa kahigkoan yara sa  
mġa sidsid sang iya panapton kag walâ  
sia makadumdum sa iya kaolehian:

Nġani ang iya pagkaholog nanġinka-  
hibolongang kag walâ sing sin-o nga  
nagalipay sa iya.

Tuluka, oh Iehoba, ang akon kalisda-  
nan, kay nagadaug ang kaaway.

10 Ginuntay sang kaaway ang iya  
kamut sa tanan niya nga mġa butang  
nga labing malahalon,

Kag nakita niya ang mġa katawohan  
nga nagsulud sa iya balaan nga puluy-  
an,

Nga nahanunġud sa ila nagsogo ka nga indi sila magsululúđ sa imo katingban.

11 Ang bug-os niya nga banwa nagabakho, nga nagapanġita sing tinapay;

Ginhatag nila tunġud sa kalan-on ang tanan niya nga mga butang nga labing malahalón sa paguli sang ila kabuhi.

Tuluka, Iehoba, kag tan-awa nga kon paano nga ginatamay ako.

12 ¿Walá bala kamo *matandug*, kamo nga tanan nga nagaalagí sa dalan?

Tuluka-ninyo, kag tan-awa-ninyo kon may kasakit subung sang akon kasakit, nga nag-abut sa akon;

Sa akon nga si Iehoba nagapakalisud sa adlaw sang kasingkal sang iya kaakig.

13 Kutub sa hitaas nagpadalá sia sing kalayo sa akon mga tul-an, nga nagpagalon sa ila.

Naghumiad sia sing sihod sa akon mga tiil; ginpaisol niya ako.

Ginbutang niya ako sa kahapayan, sa isa ka kaniwang sa tanan nga mga adlaw.

14 Ang singkaw sang akon mga pagkamalalison nagaid sang imo kamut:

Sa nagabalaugdayanay nagatungtung sila sa ibabaw sang akon tangkugo. Ginapaluya niya ang akon kusug:

Gintugyan ako sang Ginoo sa mga kamut, nga sa ila indi ako sarang makagtindug.

15 Ginpakahuy-an sang Ginoo ang tanan nakon nga mga kaisug sa tunġa nakon.

Ginbantala niya batok sa akon ang tinapat nga dag-on sa paglaglag sang akon mga pamatan-on;

Gintapak sang Ginoo ang ipitan nga sa ulay nga anak nga babae ni Iuda.

16 Tunġud sining mga butang ako nagahibi, nga ang akon mga mata, ang akon mga mata naganangintubig;

Kay malayô sa akon ang manuglipay nga magapahauli sa akon kalág.

Ginhapay ang akon mga anak, kay naglandas ang kaaway.

17 Ginauntay sang Sion ang mga kamut, walá sia sing sin-o nga magalipay sa iya;

Si Iehoba naghatag sing sogo batok kay Iakob, nga libutan sia sang iya mga kaaway;

Ang Ierusalem nangin kalas-ayan sa tunġa nila.

18 Si Iehoba among matarung, kay ako naglalis batok sa iya polong.

Pamatii-ninyo, mga banwa, nga tanan, kag tan-awa-ninyo ang akon kasakit:

Ang akon mga ulay kag ang akon mga pamatan-on nagpalakadto sa kabihaġan.

19 Nagtawag ako sa akon mga manughigugma; apang ginluiban nila ako:

Ang akon mga tigulang kag ang akon mga saserdote sa banwa nagtilingá sila,

Nga nagapanġita sing kalan-on sa pagpahauli sang ila kabuhi.

20 Tuluka, Iehoba, kay yara ako sa kalilisan.

Nagabukal ang akon mga kasudlan,

Ang akon tagiposoong nagabaliskad sa tunġa nakon, kay ang akon paglalis nanginmadalum.

Sa gowa ang hinganiban nagakuha sang akon mga anak; sa sulúđ daw ang kamatayon.

21 Nabatian nila, nga nagabakho ako, walá sing sin-o nga nagalipay sa akon:

Ang tanan nakon nga mga kaaway nakabati sang akon kalainan;

Nagakalipay sila, kay ginhimo mo ini.

Pagapakarion mo ang adlaw nga imo ginbantala; niyan manginsubung sila sa akon.

22 Mag-abut sa atubangan mo ang tanan nila nga mga kalainan,

Kag himoa sa ila subung sang ginhimo mo sa akon bangud sang akon tanan nga mga paglapas;

Kay madamu ang akon mga pagbakho, kag ang akon tagiposoong naganiwang.

Paglibot kag gutum; pagkaguba sang Ierusalem.

**2** | PAANO nga nagtabon sing galum ang Ginoo, sa iya kasingkal, sa anak nga babae ni Sion!

Gintagbong niya kutub sa langit pa duta ang katahum ni Israel,

Kag walá sia makadumdum sang talapakan sang iya mga tiil, sa adlaw sang iya kaakig!

2 Ginlaglag sang Ginoo nga walá sing kalooy ang tanan nga mga puluy-an ni Iakob.

Ginguba niya sa iya kasingkal, ginpukan niya sa duta ang mga kabakuran sang anak nga babae ni Iuda;



Ginpasipalahan niya ang *iya* ginharian kag ang *iya* mga dunganon.

3 Ginbali niya, sa kasingkal sang *iya* kaakig, ang bug-os nga sungay sa Israel;

Ginpatalikod niya ang *iya* too sa atubangan sang kaaway,

Nagsunog sia kay Iakob, subung sang dabdab nga kalayo, nga nagahalnon sa palibot.

4 Ginpasanting niya ang *iya* pana subung nga kaaway: nagtindug sia nga nagapahug sang *iya* kamut nga too, subung nga kasumpung,

Kag ginpatay niya ang tanan nga butang nga malahalon sa itululuk.

Sa layanglayang sang anak nga babae ni Sion ginula niya subung nga kalayo, ang *iya* kaakig.

5 Ang Ginoo nanginsubung nga kaaway, ginlaglag niya si Israel,

Ginlaglag niya ang tanan niya nga mga baláy nga harianon, ginguba niya ang *iya* mga kabakuran,

Kag ginpadamu niya sa anak nga babae ni Iuda ang mga pagbakho kag ang mga panalabiton.

6 Kag ginlugos niya ang *iya* kudal subung sang isa ka katamnan,

Ginguba niya ang duug sang *iya* pakigkitaan;

Ginpakalipatan ni Iehoba sa Sion ang mga piesta nga pinat-inan kag ang mga sabado;

Kag gintamay niya sa kasingkal sang *iya* kaakig ang hari kag ang mga saserdote.

7 Ginsikway sang Ginoo ang *iya* halaran, gindumtan niya ang *iya* balaan nga Puluy-an,

Gintugyan niya sa kamut sang kaaway ang mga kuta sang *iya* mga baláy nga harianon sa Sion.

Nagsililingit sila sa baláy ni Iehoba subung sang adlaw sang pinat-inan nga piesta.

8 Si Iehoba nagtapat sa paglaglag sang kuta sang anak nga babae ni Sion.

Ginuntay niya ang lubid, kag walá niya pagkuloa ang *iya* kamut sa pag-untat sa paglaglag.

Ginhimo niya nga magpanalabiton ang una nga kuta kag ang kuta: ang isa kag isa naganiwang sing masinulub-on

9 Ang *iya* mga gawang nagsalalup sa duta; ginlaglag kag ginpamali niya ang *iya* mga pintal.

Ang *iya* hari kag ang *iya* mga dunganon yara sila sa tunga sang mga katawohan.

Walá na sing kasogoan;

Ang *iya* gid nga mga manalagna walá na sila makakita sing palanan-awon ni Iehoba.

10 Nagalilingkod sila sa duta, kag nagahilipus ang mga tigulang sang anak nga babae ni Sion:

Nagabulubud sila sing yab-ok sa ibabaw sang *ila* mga olo, nagasuluklub sila sing panapton nga masinakiton.

Ang mga ulay sa Ierusalem nagaduluko sang *ila* mga olo sa duta.

11 Ang akon mga mata nagluluya sa mga luha; nagabukal ang akon mga kasudlan;

Ang akon atay ginaula sa duta, bangud sang pilas sang anak nga babae sang akon banwa,

Bangud sang kalapyoan sang mga bátá kag sang nagasoso, sa mga bala-ligyaan sang banwa.

12 Nagasililing sila sa *ila* mga ilóy: ¿Diin bala ang trigo kag ang alak?

Sang ginalapyo sila, subung nga mga pilason sa kamatayon sa mga dalan sang banwa,

Sang ginaula nila ang *ila* mga kalág sa sabak sang *ila* mga ilóy.

13 ¿Ano bala nga saksi ang pagai-pautang ko sa imo? ¿Kay sin-o bala pagaipaangay ko ikaw, anak nga babae sang Ierusalem?

¿Ano bala ang makita ko nga kaangay sa imo sa paglipay sa imo, ulay nga anak ni Sion?

Kay daku ang imo pilas subung sang dagat. ¿Sin-o bala ang magabolóng sa imo?

14 Ang imo mga manalagna nakakita nga sa imo sang kadayawan kag pagkawalay pulus;

Kag walá nila masapwi ang imo salá sa pagpabalik sang imo kabihagan,

Kondi nga nakakita sila nga sa imo sing mga lulan sang kadayawan kag sang pagsugyot.

15 Ang tanan nga mga nagaalagi sa dalan nagapamalakpak sang mga kamut batok sa imo;

Nagapalanihol sila kag nagalulungo sang *ila* mga olo sa ibabaw sang anak nga babae sang Ierusalem, nga nagsililing:

“¿Amo ini bala ang banwa nga gina-

hingadlan nila nga Himpit sa katahum, ang kalipay sang bug-os nga duta?"

16 Ang tanan mo nga mga kaaway nagabulukâ sing daku sa ibabaw nimo sang ila bâbâ;

Nagapalanhol sila kag nagabalagrut sang mga ngipon, nga nagasiling: "Nahalonhon naton sia."

Hoo, ini amo ang adlaw nga ginahulat namon: nadangat namon sia, nakita namon sia."

17 Si Iehoba naghikot sang tinotoyo niya,

Gintuman niya ang iya ginsiling nga ginsogo niya kutub sang dumaan nga mga adlaw.

Ginauba niya, kag walâ niya pagpatawara;

Ginpakalipay niya ang kaaway nahanungud sa imo,

Nga ginpataas niya ang sungay sang imo nga kasumpung.

18 Ang tagiposoon nila nagasingit sa Ginoo:

Oh kuta sang anak nga babae ni Sion, paagaya ang mga luha, subung sang isa ka kasulgan sa adlaw kag sa gab-i;

Indi ka magpahuway, bisan magpauntat ang mga tawotawo sang imo mga mata.

19 Tindug-ka, singit ka sa kagabihon kutub sa kamunoan sang mga pagpulaw:

Iula subung sang tubig ang imo tagiposoon sa atubangan sang Ginoo;

Bayawa ang imo mga kamut sa iya tungud sang kabuhi sang imo mga magamay,

Nga ginalapyo sa gutum, sa tanan nga mga nasikohan sang mga dalan.

20 Tuluka, Iehoba, kag talupangda. Sa kay sin-o bala ginhimo mo ang subung sini?

Hoo, ang mga babae naghalonhon sang ila bunga, sang mga batâ sa ila mga pag-anga.

Hoo, ang saserdote kag ang manalagna ginpamatay sa balaan nga Puluyan sang Ginoo.

21 Ang mga kabataan kag ang mga tigulang ginpanghamyang sa duta sa mga dalan;

Ang akon mga ulay kag ang akon mga pamatan-on nagkapukan sa hinganiban.

Ginpatay mo, sang adlaw sang imo

kaakig, ginpugutan mo, walâ mo pagpatawara.

22 Ginpatipon mo, subungsang sa adlaw sang pinat-inan nga piesta, ang akon mga kakugmat sa tanan nga mga bahin;

Kag sa adlaw sang kasingkal ni Iehoba walâ gid sing manuglikaw, bisan manugpalagyo;

Ang mga gin-anga kag ginsagud ko, ginupud sila sang akon kaaway.

Panalabiton ni Ieremias.—Nagaagda sia sa banwa sa pagkilala sang iya sala kag magbalik sa Dios sa pagdangat sing kalooy.

**3** AKO among tawo, nga nakakita sing kalisdanan sa idalum sang bunal sang imo kasingkal.

2 Nagmando sia sa akon, kag nagdalâ sia sa akon sa kadudulman, apang indi sa kapawa.

3 Hoo, batok sa akon ginpabalik kag ginpabalik niya liwan ang iya kamut sa bug-os nga adlaw.

4 Ginupud niya ang akon unud kag ang akon panit; ginboong niya ang akon mga tul-an.

5 Nagpatindug sia batok sa akon sing kudal, kag ginlibutan niya ako sing kapaitan kag sing kabudlayan.

6 Ginpapuyô niya ako sa mga kadudulman, subung sang mga minatay kutub sa malawig nga mga panag-on.

7 Ginkudalan niya ako, kag indi ako sarang makagowa; ginpabug-at niya ang akon mga salsalon.

8 Bisan pa magsingit ako kag magbayaw sing pagtuaw, ginataktan niya ang gawang sa akon pangamuyo.

9 Ginalibutan niya ang akon mga dalanon sing mga batô nga binasbasan; ginpatiko niya ang akon mga banas.

10 Nanginsubung sia sang oso nga nagapuut nga sa akon, subung sang leon sa mga palanagoan.

11 Ginpatalang niya ang akon mga dalanon, kag ginkusnit niya ako, ginhapay niya ako.

12 Ginpasanting niya ang iya pana, kag ginbutang niya ako subung nga iligoon sang baslay.

13 Ginpasulud niya sa akon mga tagimislon ang mga baslay sang iya baslayan.

14 Nanginkaladlawan ako sang bug-os nakon nga banwa, ang kalantahon nila sa bug-os nga adlaw.



15 Ginbusug niya ako sang mga kapaitan, ginpainum niya ako sang ahenho.

16 Ginbingaw niya ang akon mga ngipon sang magamay nga bató; gintabunan niya ako sing abó.

17 Ginpalayô mo ang akon kalág sa paghidaet; nagkalipat ako sang kaayohan;

18 Kag nagsiling ako: Nadula ang akon pagsalig, kag ang akon paglaum kay Iehoba.

19 Panumduma ang akon kalisdanan, kag ang akon pagkamakalooloy, ang ahenho kag ang apdo.

20 Ang akon kalág nagapanumdum sa iya sa walay langan, kag ginalapyo sia sa sulúd nakon.

21 Ini ginapamalandong ko sa akon tagiposoon, nga tungud sini magahulat ako.

22 Tungud sang mga kalooy ni Iehoba walá kami madula sing bug-os; kay walá nga mas-a magkulang ang iya mga kalooy.

23 Sa agaaga nagabag-o sila: daku ang imo katutum.

24 Ang akon pahat amo si Iehoba, siling sang akon kalág; ngani, sa iya magahulat ako.

25 Maayo si Iehoba sa mga nagahululát sa iya, sa kalág nga magpangita sa iya.

26 Maayo ang paghulat nga nagahipus sa kaluwasan ni Iehoba.

27 Maayo sa tawo ang pagdalá sang singkaw sa iya pagkapamatan-on;

28 Ang paglingkod nga isa lamang kag mahipuson, kon ang *Dios* magtakud sini sa iya;

29 Ang pagbutang sang iya bâbâ sa yabok, nga *nagasiling*: Ayhan may paglaum;

30 Ang paghatag sang pisngi sa nagapilas sa iya, ang pagbusog sa pasipala.

31 Kay ang Ginoo indi magasikway sa iya sa gihapon.

32 Kondi, kon pagpakalisdon niya, magakalooy man sia, sono sang kadaku sang iya bugay.

33 Kay indi sono sa iya tagiposoon nga nagapakalisud kag nagapasubu sia sa mga anak sang mga tawo.

34 Kon pagdugmukon sa idalum sang mga tiil ang tanan nga mga pinamilango sa duta,

35 Kon pagpatikoon ang katadlungan sang tawo sa atubangan sang Labingmataas,

36 Kon paghimoan sing kalainan ang bisan sin-o sa iya kasaba, ¿walá bala makita ini sang Ginoo?

37 ¿Sin-o bala ang magsiling sing polong nga ginahikot, nga walá igsogo sang Ginoo?

38 Sa bâbâ sang Labingmataas ¿indi bala nagagowa ang mga malain kag ang maayo?

39 ¿Kay nga bala nagamulay ang tawo nga buhi? Ang tagsatagsa *magmulay* sa iya salâ.

40 Usisaon-naton ang aton mga dalanon, kag tungkaron-naton sila, kag magbalalik kita kay Iehoba.

41 Bayawon-naton ang aton mga tagiposoon upud ang mga kamut sa Dios sa mga langit.

42 Kami nannginmalalison, kag nannginmabinatoon, kagikaw walá magpatawad.

43 Naputus ka sang kaakig, kag ginlagas mo kami; ginpatay mo kag walá mo pagpatawara.

44 Naputus ka sing isa ka panganud, nga indi makalapus ang pangamuyo.

45 Ginhimo mo kami sa tungâ sang mga banwa, nga sagbut kag iligoon sang kalakasan.

46 Ang tanan namon nga mga kaway nagbuluka sing daku sang bâbâ sa ibabaw namon.

47 Ang kakulba kag ang baho nanngin sa amon patí ang kalaglagan kag ang kagulub-an.

48 Ang akon mata nagakatunaw sa mga kasulgan nga tubig bangud sang kagulub-an sang anak nga babae sang akon banwa.

49 Nagapatolo ang akon mga mata *sing mga luha*, kag walá magauluntat; kay walá sing pahuway,

50 Tubtub nga si Iehoba magtulok kag magtamud kutub sa mga langit.

51 Ang akon mga mata nagpasubo sang akon kalág bangud sang tanan nga mga anak nga babae sang akon banwa.

52 Gin-ayam ako sang akon mga kaway sa walay kabangdanan subung sang pispis.

53 Gindalá nila ang akon kabuhi sa boho; ginhaboy nila ang bató sa ibabaw nakon.

54 Ang mga tubig nagilig sa ibabaw

sang akon olo ; ako nagsiling : “ Nautúd na ako.”

55 Gintawag ko ang imo ngalan, oh Iehoba, kutub sa kadadalman sang boho.

56 Ginapamatian mo ang akon tingug ; ayaw pagtagoa ang imo indulungug sa akon singit, agud nga may ginhawa ako.

57 Nagpalapit ka sa adlaw nga gintawag ko ikaw ; nagsiling ka : “ Dili ka mahadluk.”

58 Gintabangan mo, ginoo, ang mga kasaba sang akon kalág, gintubus mo ang akon kalág.

59 Nakita mo, oh Iehoba, ang kalautan nga ginahimo nila sa akon : Tabangi ang akon kasaba.

60 Nakita mo ang tanan nila nga pagtimalus, ang tanan nga mga pasuhot batok sa akon.

61 Ginapamatian mo ang tanan nila nga mga pasipala, oh Iehoba, ang tanan nila nga mga pasuhot batok sa akon.

62 Ang mga pinolongan sang mga nagatilindug batok sa akon kag ang ila ginapamalandong batok sa akon sa bugos nga adlaw.

63 Tuluka ang ila paglingkod kag ang ila pagtindug, ako among iligoon sang ila kalantahan.

64 Igahatag mo sa ila ang balus, oh Iehoba, sono sang binuhatan sang ila mga kamut.

65 Igahatag mo sa ila ang katig-a sa tagiposoon, jang imo pagpakamalaut nga sa ila !

66 Pagalagson mo sila sa imo kaakig, kag pagapanason mo sila sa idalum sang mga langit ni Iehoba.

Mga panalabiton nahanungud sang kapalaran sang banwa.

**4** ; PAANO nga nagdulum ang bulawan, kag ang bulawan nga ulay nagbalhin !

Ang mga bató sang Balaan nga puluyan ginpanlapta sa tanan nga mga nasikohan sang mga dalan.

2 Ang mga anak sang Sion nga mga ginpakamahal kag kaangay sila sa bulawan nga ulay,

¿ Paano bala nga ginpakamahal sila subung nga suludlan nga lunang, binuhatan sang kamut sang maninihon ?

3 Ang amo nga mga sakal nagapala-

gowa sang soso, sa pagpasoso sa ila mga totoy.

Ang anak nga babae sang akon banwa nanginmapintas subung sang mga abestrus sa kahanayakan.

4 Ang dila sang bátâ nga nagasoso, nagatapik, tungud sang kauhaw, sa iya alingagnag.

Ang mga kabataan nagapalangayô sing tinapay, kag walâ sing sin-o nga nagatipik sini sa ila.

5 Ang mga nagakalaon sing manamit nga mga pagkaon, ginpanghapay sila sa mga dalan.

Ang mga ginpakaon sa ibabaw sang eskarlata, nagahalakus sa mga tinumpok sang ipot.

6 Kag ang kasakit sang kalautan sang anak nga babae sang akon banwa labi pa sang salâ sang Sodoma,

Nga ginguba sia sa isa ka pamisok nga walâ sing kamut sang tawo nga nagdakup sa iya.

7 Ang iya mga Nasir nanginulay labi pa sang niebe, labing maputi pa sang gatas.

Ang iya mga lawas labi pa nga mapula sang mga banawug, kag nabasbasan subung sang sapiro.

8 Ang ila dagway madulum pa labi sang amo nga kaitum : indi na sila makilala sa mga dalan.

Ang ila panit natapik sa ila mga tul-an, mamala sia subung sang kahoy.

9 Labing mga bulahan pa ang mga nagkalamatay sa hinganiban, sang mga pinilas sa kamatayon tungud sang gutum ;

Kay ini sila nagkalamatay nga ginpalsan sa kakulang sang mga bunga sang duta.

10 Ang mga kamut sang mga malolo nga mga babae nagpaluto sa ila mga anak,

Nga nanginpagkaon nila sila, sa kaglaglagan sang anak nga babae sang akon banwa.

11 Ginurot ni Iehoba ang iya kasingkal, ginula niya ang kasingkal sang iya kaakig ;

Kag nagpasiga sia sing kalayo sa Sion, nga nagupúd sang iya mga sadsaran.

12 Ang mga hari sang duta walâ magtoloo, kag walay bisan sin-o sang mga pumuluyô sang duta,

Nga ang kasumpung, nga ang kaaway



magsulúd sa mga gawang sang Ierusalem;

13 Kag *ini* bangud sang mga salá sang iya mga manalagna, bangud sang mga kalainan sang iya mga saserdote,

Nga ginpangula nila sa tungâ niya ang dago sang mga matarung.

14 Nagtatalang sila subung sang mga bulag sa mga dalan, nga ginpangdagtaan sila sang dugo;

Sa bagay nga indi sarang makamlut ang ila mga panapton.

15 "¡Palalayô-kamo, isa ka mahigko!" ginasingitan nila sila; "palalayô-kamo, palalayô-kamo; ayaw ninyo pagkamluta *sila*."

Sang nagpalalagyo kag nagtatalang sila, ginasiling sa tungâ sa mga katawohan: "Indi na gid magalawig sila sang panlugayaw."

16 Ang nawung ni Iehoba nagbahin-bahin sa ila, indi magapadayon sia sa pagtulok sa ila;

Walâ pagtahora nila ang mga saserdote, bisan nagkalooy sila sa mga tigulang.

17 Ginapapanluya pa ang akon mga mata sa olehe sang kabulig. ¡Kadawayan!

Sa aton lalantawan ginalantaw naton ang *pag-abut* sang isa ka katawohan nga ipdi makaluwas.

18 Ginlagas nila ang aton mga tikang, kag ginaupang nila ang aton paglakat sa aton mga dalan;

Malapit ang aton katapusan; nagkalatuman ang aton mga adlaw, nag-abut ang aton katapusan.

19 Labing madasig ang aton mga manuglagas sang mga agila sang langit:

Ginlagas nila kita sa ibabaw sang mga bukid, yara sila sa puut batok sa aton sa kahanayakan.

20 Ang gininhawa sang aton mga ilong, ang hinaplas ni Iehoba, ginkuha sia sa iya mga boho, sang mga sa iya ginsiling naton:

"Sa iya landong magakabuhi kita sa tungâ sang katawohan."

21 Kalipay-ka kag kasadya-ka, anak nga babae sang Edom, ikaw nga nagapuyô sa duta sang Hus.

Tubtub sa imo magaagi man ang tagayan; mahubug ka kag magaubâ ka.

22 Natuman ang *kasakit* sang imo kalautan, oh anak nga babae ni Sion;

Indi ka na igapadalâ sa pagpaliton.

Sia nagapangita sang imo kalautan, oh anak nga babae sang Edom:

Ginapadayag niya ang imo mga salâ.

Ang karon nga mga kalainan kag mga masakit nga mga handumanan.

**5** PANUMDUM-KA, oh Iehoba, sang nahanabu sa amon:

Tan-awa kag tuluka ang amon kahuluy-an.

2 Ang aton panublion nakadto sa mga dumuluong,

Ang amon mga baláy sa mgadikilala.

3 Mga ilo kami nga walay amay, Ang amon mga ilôy subung sang mga bálo nga babae.

4 Tungud sa kuarta ginainum namon ang amon tubig.

Tungud sa bili ginabakal namon ang amon gatong.

5 Sa tingkoy nga ginlulanan, ginalagas kami,

Ginabudlay kami, kag walâ sing pahuway nga sa amon.

6 Sa Egipto kag sa Asur ginahatag namon ang amon kamut

Sa pagbusug sa amon sing tinapay.

7 Nagpalakasalâ ang amon mga gini-kanan, kag walâ na sila;

Kag kami, nagadalalâ kami sang ila mga kalautan.

8 Ang mga ulipon nagagilinoo sa amon;

Walâ gid sing sin-o nga magaluwas sa amon sa ila kamut.

9 Sa katalagman sang amon mga kabuhi nagatipon kami sing tinapay,

Sa kabanglanan sang hinganiban sang kahanayakan.

10 Ang amon panit nasunug, subung sang isa ka horno,

Bangud sang kasingkal sang gutum.

11 Ginpanglugos nila ang mga babae sa Sion,

Ang mga ulay sa mga kabanwaan ni Iuda.

12 Tungud sa ila mga kamut ginbitay nila ang mga dunganon;

Walâ nila pagtahora ang mga nawung sang mga tigulang.

13 Gindalâ sang mga pamatan-on ang mga galingan,

Kag ang mga alangon nagkalasandad sa idalum sang gatong.

14 Ang mga tigulang nagbiliya sang gawang,

Kag ang mġa pamatan-on, sang ila mġa kalantahon.

15 Naguntat ang kalipay sang amon tagiposoan;

Ang amon sinadsad nabaylo sa lalaw.

16 Naholog ang purungpurung sa amon olo:

!Kailo kami karon! kay nakasalâ kami.

17 Tunġud sini naganiwang ang amon tagiposoan,

Tunġud sini nagdululum ang amon mġa mata,

18 Tunġud sang bukid sa Sion, nġa nahapay.

Ang mġa milo nagalalakat sa iya;  
19 Apang ikaw, Iehoba, magapada-  
yon sa gihapon,

Ang imo lingkoran nġa harianon sa kaliwatan kag sa kaliwatan.

20 !Kay nġa bala magakalipat ka sa gihapon sa amon,

Kag pagabayaon mo kami sa malawig nġa mġa adlaw?

21 Pabalika-kami, oh Iehoba, sa imo, agud nġa magbalalik kami. Bag-oha ang amon mġa adlaw subung sadto,

22 Kay, sa pagkamatuud, ginsikway mo kami sing bug-os;

Sa lakas gid naakig ka batok sa amon.

## SI ESEKIEL.

Ang nabauna nġa palanan-awon sang mġa Kerubin.

1 NAHANABU sa ikatloan ka tuig, sa ikap-at ka *bulan*, sa ikalima sang bulan, sang didto ako sa tunġâ sang mġa ginpanlitan nġa malapit sa subâ nġa Kebar, nġa ang mġa langit nagbulukas, kag nakita ko ang mġa palanan-awon gikan sa Dios.

2 Sa ikalima sang bulan, nġa nanġin-amo sa ikalima ka tuig sang paglitan sang hari nġa si Ioiakim,

3 Nag-abut ang polong ni Iehoba kay Esekial, nġa saserdote, nġa anak ni Busi, sa duta sang mġa Kaldeinhon, nġa malapit sa subâ nġa Kebar kag didto sa ibabaw niya ang kamut ni Iehoba.

4 Busa nagtulok ako, kag yari karon, ang isa ka hanġin nġa unosen nagagikan sa Aminhan, ang isa ka daku nġa gal-um kag kalayo nġa nagalakat upud ang isa ka kasilaw sa palibot niya; kag gikan sa tunġâ *naggowa* ang daw dagway sang tumbaga nġa nagabaga, sa tunġâ sang kalayo,

5 Kag, sa tunġâ niya, ang kaanġay sang apat ka mġa sapat nġa buhi. Kag ini amo ang iya bayhon: may kaanġay sila sa tawo.

6 Ang tagsatagsa sa ila may apat ka

nawung kag ang tagsatagsa may apat ka pakpak.

7 Ang ila mġa tiil mġa tiil nġa matadlung, kag ang dapadapa sang ila mġa tiil subung sang dapadapa sang tiil sang tinday sang baka, kag masilaw subung sang dagway sang tumbaga nġa pina-hining.

8 Kag sa idalum sang ila mġa pakpak, sa ila apat ka mġa kilid, nagpakita ang mġa kamut sang tawo, kag sila tanan nġa apat may ila sila nġa mġa nawung kag mġa pakpak.

9 Ang ila mġa pakpak nagduutay ang isa sa isa; walâ magabalalikid kon nagalakat sila; ang tagsatagsa nagalakat sa tadtung sa iya nawung.

10 Kag nahanunġud sang kaanġay sang ila mġa nawung, amo ang nawung sang tawo; kag ang isa ka nawung sang leon nayon sa too nġa sa apat; kag ang isa ka nawung sang baka sa walâ, nġa sa apat; kag ang isa ka nawung sang agila nġa sa apat.

11 Yari karon ang ila mġa nawung; kag ang ila mġa pakpak napanghumlad nayon sa ibabaw. Ang tagsatagsa may duha, nġa nagduut sa ila sang iban, kag ang *iban* nġa duha nagtalabon sang ila mġa lawas,

12 Kag ang tagsatagsa nagalakat sa tadtung sang iya nawung; kon diin buut



sang espiritu nga magkadto, naglalakat sila, walâ sila magbalaligid sa ila panlakatan.

13 Nahanungud sang kaangay sa mga sapat nga buhi, ang iya bayhon subung sang mga бага nga nagadalabdad, subung sang sulo. Ini gid nga kalayo nagdayandayan sa tungâ sang mga sapat nga buhi kag ining kalayo masidlakon; kag sa kalayo nagagulowa ang mga kilat.

14 Kag ang mga sapat nga buhi nagdinalagan kag nagbalalik kaangay sang bayhon sang mga kilat.

15 Kag sang nagatulok ako sang mga sapat nga buhi, yari karon ang isa ka aliling sa duta, sa luyo sang mga sapat nga buhi, nayon sa ila apat ka nawung.

16 Kag ang dagway sang mga aliling kag ang ila bayhon, nagakaangay sa krisolito, kag may isa lamang ka kaangay nga sa apat, kag ang iya dagway kag ang iya bayhon subung sang aliling sa tungâ sang aliling.

17 Sa panlakatan nila naglalakat sila sa ila apat ka mga kilid; walâ sila magbalaligid sa ila panlakatan.

18 Kag nahanungud sang ila mga pikit, mga mataas sila kag mga dalagku gid, kag ang ila pikit nga sa mga apat punô sang mga mata sila sa palibot.

19 Kon ang mga sapat nga buhi naglalakat, ang mga aliling naglalakat sing tingub sa ila, kag kon ang mga sapat nga buhi nagbayaw sa duta, ang mga aliling nagbayaw man.

20 Kon diin buut sang Espiritu nga magkadto, naglalakat sila; hoo, kon diin buut sang Espiritu nga magkadto; kag ang mga aliling nagbayaw malapit sa ila, kay ang Espiritu sang mga sapat nga buhi yara sia sa mga aliling.

21 Kon sila naglalakat, naglalakat ini sila, kag kon sila nagdulug, nagdulug ini sila; kag kon magbayaw sila sa ibabaw sang duta, ang mga aliling nagbayaw man malapit sa ila; kay ang Espiritu sang mga sapat nga buhi yara sa mga aliling.

22 Kag sa ibabaw sang mga olo sang mga sapat nga buhi may kaangay sang isa ka kalaparan nga nagakaangay sa katya nga makahaladluk, nga nahumlad sa ibabaw sang ila mga olo nayon sa ibabaw.

23 Kag sa idalum sang nahumlaran

yara ang ila mga pakpak nga mga tatlung nga nagapadulong ang isa sa isa; sa isa ka luyo ang tagsatagsa may duha, kag sa isa, ang tagsatagsa may duha nga nagatabon sang ila mga lawas.

24 Kag nabatian ko ang kagahud sang ila mga pakpak, sang naglalakat sila, subung sang kagahud sang madamu nga mga tubig, subung sang tingug sang Makagagahum; ang kinagahud sang daku nga kagumon subung sang kagahud sang isa ka kasoldadosan. Kon nagdulug sila, ginatugakan nila ang ila mga pakpak.

25 Kag may isa ka tingug gikan sa kataasan sang humlaran nga yara sa ibabaw sang ila mga olo. Kon nagdulug sila, nagtulugak sila sang ila mga pakpak.

26 Kag sa ibabaw sang nahumlaran nga yara sa ibabaw sang ila mga olo, makita ang dagway sang isa ka batô nga sapiro, ang kaangay sang isa ka lingkaran nga harianon; kag sa ibalaw sang dagway sang lingkaran nga harianon, isa ka kaangay subung sang bayhon sang tawo nga nagalingkod sa ibabaw niya, nayon sa ibabaw.

27 Kag nakita ko ang daw dagway sang tumbaga nga nagabaga subung sang dagway sang kalayo sa sulud niya, sa palibot, kutub sang dagway sang iya mga hawak pa ibabaw; kag kutub sang dagway sang ila mga hawak pa idalum, nakita ko nga daw dagway sang kalayo nga may kasilaw palibot.

28 Kaangay sang dagway sang bala ngaw nga yara sa mga gal-um sa adlaw nga tingulanon, amo ini ang dagway sang kasilaw palibot. Amo ini man ang kaangay sang dagway sang himaya ni Iehoba. Kag nakita ko kag naghapa ako; kag nabatian ko ang tingug sang naghambal.

Ang pagtawag kay Esekial.—Palanan-awon sang isa ka linukut.

2 KAG nagsiling sia sa akon: "Anak sang tawo, tindug-ka kag magahambal ako sa imo."

2 Kag sang naghambal pa sia sa akon, nagsulud ang Espiritu sa akon, kag ginpatindug niya ako sa ibabaw sang akon nga tiil, kag ginpamatian ko ang naghambal sa akon.

3 Kag nagsiling sia sa akon: "Anak sang tawo, ginapadalá ko ikaw sa mga anak ni Israel, sa sadtong mga katawohan nga mga malalison, nga naglalalis batok sa akon; sila kag ang ila mga ginikanan naglalalis batok sa akon tubtub sini gid nga adlaw.

4 Kag ako nagapadalá sa imo sa sining mga anak nga matig-a sing nawung kag batohon sing tagiposoong; kag pagaisiling mo sa ila: Amo ining ginasing sang Ginoo nga si Iehoba.

5 Kag sila, kon magpalamati sila, kon indi sila magpalamati (kay isa sila ka panimaláy nga malalison), magakilala sila *gihapon* nga may isa ka manalagna sa tungâ nila.

6 Kag ikaw, anak sang tawo, indi ka mahadluk sa ila, bisan magkahadluk ka sa ila mga polong, bisan pa sila manginsapinit nga sa imo kag mga tunok nga sa imo, kag magpuyô ikaw sa tungâ sang mga timbaba. Dili ka magkahadluk sa ila nga polong, bisan magmatalaw-ka sa atubangan nila (kay isa sila ka panimaláy nga malalison).

7 Apang pagaisiling mo sa ila ang akon mga polong, kon magpalamati sila, kon indi magpalamati sila; kay mga malalison gid sila.

8 Kag ikaw, anak sang tawo, pamatii ang ginasing ko sa imo: Dili ka magmalalison subung sinang baláy nga malalison. Ngangha ang imo bâbâ, kag kaona ang ginahatag ko sa imo."

9 Kag nagtulok ako, kag yari karon ang isa ka kamut nga ginuntay nayon sa akon, kag yari karon sa iya may isa ka linukut nga tolon-an.

10 Kag ginhumlad niya ini sa atubangan nakon; kag nasulatan sia sa atubangan kag sa likod; kag ang nasulat sa iya among mga panalabitan, kag mga pagbakho kag mga pagtuaw sa lalaw.

**3** KAG nagsiling sia sa akon: Anak sang tawo, kaona ang makita mo; kaona ini nga linukut; ugaling lakat-ka kag ihambal sa baláy ni Israel.

2 Kag ginnganga ko ang akon bâbâ, kag ginpakaon niya sa akon ining linukut.

3 Kag nagsiling sia sa akon: "Anak sang tawo, sagura ang imo tiyan, kag busga ang imo mga kasudlan sa sini nga lukut, nga ginahatag ko sa imo." Busa ginkaon ko ini, kag nannginmatam-is sia

sa akon bâbâ subung sang dugus, tungud sang katam-is *niya*.

4 Kag nagsiling sia sa akon: "Anak sang tawo, lakat-ka, kadto-ka sa baláy ni Israel, kag magahambal ka sa ila sang akon mga polong;

5 Kay indi ka ginapadalá sa isa ka banwa sa hambal nga madulum, bisan sa pamolong nga maiwat, kondi sa baláy ni Israel;

6 Indi sa mga madamu nga kabanwaan, sa hambal nga madulum, bisan sa pamolong nga maiwat, nga ang ila mga polong indi ka makahangup; ¿indi bala matuud nga kon sa ila ipadalá ko ikaw, sila magapalamati sa imo?

7 Apang ang mga sa baláy ni Israel indi sila maluyag sa pagpamati sa imo, kay indi sila maluyag magpamati sa akon; kay ang tanan sa baláy ni Israel may agtang sila nga batohon, kag tagiposoong nga matig-a.

8 Yari karon, ginhimo ko ang imo nawung nga batohon subung gid sang ila mga nawung, kag ang imo agtang nga matig-a subung gid sang ila mga agtang.

9 Ginahimo ko ang imo agtang subung sang diamante, nga labing matig-a sang santikan. Dili ka mahadluk sa ila, bisan magmatalaw-ka sa atubangan nila, bisan pa sila panimaláy nga malalison."

10 Kag nagsiling sia sa akon: "Anak sang tawo, batuna sa imo tagiposoong ang tanan ko nga mga polong, nga ginhambal ko sa imo, kag pamatii sila sang imo mga idulungug.

11 Kag lakat-ka, kadto-ka sa mga ginpanlitan, sa mga inanak sang imo banwa. Kag pagaihambal mo sa ila, kag pagaisiling mo sa ila: Amo ining ginasing sang Ginoo nga si Iehoba, kon magpalamati sila, kon indi magpamati sila."

12 Kag ginbayaw ako sang Espiritu, kag nabatian ko sa likod ang isa ka tingug sang daku nga kagahud, *nga nagsiling*: "Mangindalayawon ang himaya ni Iehoba kutub sa iya duug;"

13 Kag ang tunog sang mga pakpak sang mga buhi nga sapat, nga nagatingub ang isa sa isa, kag ang tunog sang mga aliling nga malapit sa ila, kag ang tunog sang daku nga kagahud.

14 Kag ginbayaw ako sang Espiritu, kag gindala niya ako, kag nagkadto ako



nga punô sang kapaitan sang kasingkal sang akon espiritu; kag ang kamut ni Iehoba among makusug sa ibabaw nakon.

15 Kag nag-abut ako sa Tel-Abib sa mga ginpanlitan nga nagapuluyô malapit sa subâ nga Kebar, kag nagdúlog ako sa diin sila nagpuyô; kag didto nagpuyô ako sing pito ka adlaw nga naharongnan sa tungâ nila.

Ang manuglantaw ni Israel.

16 Kag nahanabu, sa katapusan sang pito ka adlaw, nga nag-abut sa akon ang polong ni Iehoba, nga nagsiling:

17 "Anak sang tawo, ginbutang ko ikaw nga manuglantaw sa baláy ni Israel. Magapamati ka sang polong sa akon bâbâ, kag pagaagdahon mo sila gikan sa akon.

18 Kon ako magsiling sa malauton: Sa pagkamatuud, mamatay ka: kon ikaw indi mag-agda sa iya, kag kon indi ka maghambal sa pag-agda sa malauton sa pagbiya sang iya dimatarung nga dalanon, agud nga magkabuhi sia, ining malauton mamatay tungud sang iya kalautan, apang ang iya dugo pagapangayoon ko sa imo kamut.

19 Kag kon ikaw mag-agda gid sa malauton, kag sia indi magisol sa iya dikatarungan, kag sa iya dimatarung nga dalanon, sia mamatay tungud sang iya kalautan, kag ikaw, naluwas mo ang imo kalág.

20 Kag kon ang matarung magisol sa iya katarungan kag maghimo sing kalautan, sang pagbutang ko sing kasan-daran sa atubangan niya, sia mamatay, tungad kay ikaw walâ magagda sa iya; mamatay sia tungud sang iya salâ, kag indi na pagasambiton ang mga butang nga matarung nga iya ginhimo; apang ang iya dugo pagapangayoon ko sa imo kamut.

21 Kag kon mag-agda ka sa sini nga matarung, agud nga ang matarung indi makasalâ, kag sia indi gid magpakasalâ, sa pagkamatuud, magakabuhi sia, kay gin-agda sia; kag ikaw, naluwas mo ang imo kalág."

22 Kag didto ang kamut ni Iehoba sa ibabaw nakon, kag nagsiling sia sa akon: "Tindug-ka, kag gowa-ka sa latagon, kag didto magahambal ako sa imo."

23 Busa, nagtindug ako kag naggowa ako sa nalupyakan; kag yari karon, nga

yadto didto ang himaya ni Iehoba, subung sang himaya nga nakit-an ko malapit sa subâ nga Kebar; kag naghapa ako.

24 Apang nagsulúd ang Espiritu sa akon, kag ginpatindug niya ako sa ibabaw sang akon mga tiil, kag naghambal sia sa akon, kag nagsiling sa akon: kadto-ka kag panakup-ka sa sulúd sang imo baláy.

25 Kag ikaw, oh anak sang tawo, yari karon nga ginabutangan nila sa ibabaw nimo sing mga lubid, nga sa ila ginagapus ka, kag indi ka makagowa sa tungâ nila.

26 Kag pagapatapikon ko ang imo dila sa imo alingagnag, sa bagay nga magaapa ka, kag nga indi ka manginlali nga nagasabdong nga sa ila; kay amo sila ang isa ka panimaláy nga malalison.

27 Apang kon ako maghambal sa imo, pagabuksan ko ang imo bâbâ, kag pagaisiling mo sa ila: Amo ining ginasiling sang Ginoo nga si Iehoba: Ang nagapamati, magpamati; kag ang indi maluyag, indi magpamati; kay amo sila ang isa ka panimaláy nga malalison."

Tagna sang paglibot sa Ierusalem.

4 KAG ikaw, anak sang tawo, kuha-ka sing isa ka tisa, kag ibutang ini sa atubangan mo, kag ibadlit sa ibabaw niya ang isa ka banwa, kon sayoron ang Ierusalem.

2 Kag pagabutangan mo sing paglibot batok sa iya, kag magapatindug ka sing kapag-unan sa palibot batok sa iya, kag magapatindug ka sing tap-ok batok sa iya, kag magapahamtang ka batok sa iya sing mga dulugan kag pagbutangan mo batok sa iya sing mga bungkol sa palibot.

3 Kag ikaw, kuha-ka man sing isa ka panid nga salsalon, kag ibutang mo sia nga kuta nga salsalon sa tungâ nimo kag sang banwa: pagatadlungon mo ang imo nawung nayon sa iya; nga manginpalibot sia, kag himoa sia nga palibot. Ini manginpat-in sa baláy ni Israel.

4 Kag ikaw, higda-ka sa ibabaw sang imo kilid nga walâ, Kag pagaibutang mo sa ibabaw niya ang kalautan sang baláy ni Israel; ang kadamuon sang mga adlaw nga paghigda mo sa ibabaw si-

ning kilid, pagadal-on mo ang kalautan nila.

5 Kag ako, ginahatag ko sa imo ang mga tuig sang ila kalautan sono sang kadamuon sang mga adlaw: tatlo ka gatus kag kasiaman ka adlaw. Sa sini pagadal-on mo ang kalautan sang baláy ni Israel.

6 Kag sang matuman mo ining mga adlaw, magahigda ka liwan sa ibabaw sang imo kilid nga too; kag pagadal-on mo ang kalautan sang baláy ni Iuda sing kap-atan ka adlaw: ginahatag ko ini sa imo ang tagsa ka adlaw tungud sa tagsa ka tuig.

7 Kag sa palibot sang Ierusalem pagatadlungon mo ang imo nawung kag ang imo butkon nga naubahan, kag magatagna ka batok sa iya.

8 Kag yari karon, ginabutang ko sa ibabaw nimo ang mga lubid, kag indi ka makalisoliso sa isa ka kilid pa isa, tub-tub nga matapus mo ang mga adlaw sang imo pagpalibot.

9 Kag ikaw, kuha-ka nga sa imo sing trigo, sing sebada, sing mga patani, sing mga balatong, sing dawa kag sing espelta, kag ibutang mo ini sa isa ka suludlan, kag humimo-ka sa ila sing tinapay nga sa kadamuon sang mga adlaw nga magahidgda ka sa ibabaw sang imo kilid; tatlo ka gatus kag kasiaman ka adlaw magakaon ka sa iya.

10 Kag ang pagkaon nga pagakaonon mo sa inadlaw, manginsa timbang: duha ka puló ka siklo ang adlaw. Kag pagakaonon mo sia sa isa ka horas nga pinatin tubtub sa isa ka horas nga *pinat-in*.

11 Kag magainum ka sing tubig sa sukub: ang anum ka bahin sang isa ka hin; pagaimnon mo sia sa isa ka horas nga pinat-in tubtub sa isa ka horas nga *pinat-in*.

12 Kag magakaon ka sini subung nga torta sang sebada, kag ini nga torta pagalutoon mo sa idalum sang ila mga mata sa ibabaw sang *isa ka kalayo* sang mga tae sang tawo.

13 Kag nagsiling si Iehoba: "Magakalaon sing subung sini ang mga inanak ni Israel sang ila tinapay nga mahigko sa tungâ sang mga katawohan nga diin pagasobolon ko sila."

14 Apang nagsiling ako: "¡Ah, Ginoo nga si Iehoba! Yari karon, ang akon kalág walâ mahigkoi; kutub sang akon pagkapamatan-on tubtub

sini nga panag-on walâ ako makakaon sing lawas nga patay, bisan sapat nga tinukub, bisan sa akon bâbâ nagsulud ang unud nga mahigko."

15 Kag nagsiling sia sa akon: "Yari karon, nagahatag ako sa imo sing mga ipot sang baka sa baylo sang mga tae sang mga tawo: magaluto ka sang imo tinapay sa ibabaw nila."

16 Kag nagsiling sia sa akon: "Anak sang tawo, yari karon pagaboongon ko ang salandigan sang tinapay sa Ierusalem: magakalaon sila sing tinapay nga may tinimbang kag nga may paghimudos, kag magailinum sila sing tubig nga sinukub kag nga may kakugmat;

17 Kay pagakulangon sila sang tinapay kag sang tubig; kag pagahapayon sila ang mga iban sa mga iban, kag magakalahagas sila tungud sang ila kalautan."

**5** KAG ikaw, anak sang tawo, kuha-ka sing isa ka sundang nga matalum, kuha-ka sing isa ka labaha sang manuggunting, kag paagiha sia sa ibabaw sang imo olo kag sa imo bungot; sa olehe kuha-ka sing isa ka timbangan sa pagtimbang, kag pahata ang mga *buhok*.

2 Ang isa ka tatlo ka bahin pagasunogon mo sa kalayo, sa tungâ sang banwa, kon matapus ang adlaw sang paglibot; kag magakuha ka sing isa ka tatlo ka bahin, nga pagapilason mo sa palibót sang *banwa*, nga may hinganiban; kag ang isa ka tatlo ka bahin pagaiwaraag mo sa hanġin, kag sa olehe nila magagabut ako sang hinganiban.

3 Kag sa ila sini magakuha ka sing diyotay kag pagaihigut mo sila sa sidsid sang imo panapton.

4 Kag sa ila sini magakuha ka liwan, kag pagaidap-ong mo sila sa kalayo, kag sa kalayo pagasunogon mo sila. Kutub didto magahalin ang kalayo nga sa bugos nga baláy ni Israel.

5 Amo ining ginasiling sang Ginoo nga si Iehoba: Ini among Ierusalem: ginbutang ko sia sa tungâ sang mga katawohan kag sang *iban* nga mga duta sa palibot niya.

6 Apang sa *paghimo* sing dikatarungnan, nanġinmalalison sia batok sang akon mga tulumanon labi pa sang mga katawohan, kag batok sa akon mga palatukuran, labi pa sang mga duta nga



yara sa palibot niya ; kay ginsikway nila ang akon mga tulumanon, kag walâ sila maglalakat sa akon mga palatukuran.

7 Ngani amo ining ginasingling ni Iehoba : Tunğud kay nangindimatinumanon kamo labi pa sang mga katawohan nga yara sa palibot ninyo, kag walâ kamo maglalakat sa akon mga palatukuran, kag walâ ninyo pagibutang sa buhat ang akon mga tulumanon, kag bisan pa naggilinawi kamo sono sa mga tulumanon sang mga katawohan nga yara sa palibot ninyo,

8 Tunğud sini amo ining ginasingling sang Ginoo nga si Iehoba : Yari karon *nagaabut* ako batok sa imo, ako gid, kag magahikot ako sing mga paghukom sa tungâ nimo sa mga mata sang mga katawohan.

9 Kag pagahimoon ko sa imo ang walâ ko gid mahimo, bisan nga mas-a pagahimoon ko ang kaangay, bangud sang tanan nimo nga mga kalangil-aran.

10 Tunğud sini ang mga amay magakalaon sang mga anak sa tungâ nimo, kag ang mga anak magakalaon sang ila mga ginikanan, kag magahikot ako sa ibabaw nimo sing mga paghukom, kag pagaiwaraag ko sa tanan nga mga hangin ang tanan mo nga nabilin.

11 Tunğud sini, magkabuhi ako, siling sang Ginoo nga si Iehoba, sa pagkamatuud, tunğud kay ginhighkoan mo ang akon balaan nga Puluy-an tunğud sang tanan mo nga mga kalas-ayan, kag tunğud sang tanan mo nga mga kalangil-aran pagautdon ko ikaw man nga walâ sing patawad sang akon mata, bisan magkalooy man ako sa imo.

12 Ang isa sang ikatlo ka bahin nimo mamatay sa kinamatay, kon sa gutum pagdulaon sia sa tungâ nimo ; kag ang isa sang ikatlo ka bahin mapukan sa hinganiban sa palibot nimo ; kag ang isa sang ikatlo ka bahin pagaiwaraag ko sa tanan nga mga hangin, kag sa olehe nila pagagabuton ko ang hinganiban.

13 Kag magakatuman ang akon kakig kag pagapabug-aton ko sa ibahaw nila ang akon kasingkal, kag magatimalus ako : kag mahibaloan nila, nga ako si Iehoba naghambal sa akon kaimon, kon matuman ko sa ila ang akon kasingkal.

14 Kag pagahimoon ko ikaw nga kamuhaymuhayan kag pasipala sa tu-

ngâ sang mga katawohan, nga yara sa palibot nimo, sa mga mata sang tanan nga umalagi.

15 Kag ini manginpasipala kag ulig-yat, kag kadudlaan kag kahaorong-an sa atubangan sang mga katawohan, nga yara sa palibot nimo, kon ako magahikot sa ibabaw nimo sing mga paghukom sa pagkaakig kag sa kasingkal, kag sa mga pagsabdong sa kasingkal (Amo ako nga si Iehoba nga naghambal) ;

16 Kon pagailabyog ko batok sa ila ang mga makamamatay nga mga baslay sang gutum, nga mangin sa inyo kalaglagan sila, nga pagaipadalâ ko sila sa paglaglag sa inyo ; kag kon pagabongon ko sa inyo ang sandigan sang tinapay,

17 Kag kon pagaipadalâ ko batok sa inyo ang gutum kag ang mga malain nga mga sapat, nga pagabayaan ka nga walay anak ; kag nga ang kinamatay kag dugo magaalagi sa ibabaw nimo, kag nga pagapakarion ko sa ibabaw nimo ang hinganiban. Amo ako nga si Iehoba nga naghambal.

Tagna batok sang mga bukid sa Israel.

**6** KAG nag-abut sa akon ang polong ni Iehoba, nga nagasingling :

2 Anak sang tawo, italingi ang imo nawung nayon sang mga bukid sa Israel, kag tagna-ka batok sa ila.

3 Kag pagaisiling mo : Mga bukid sa Israel, pamatii-ninyo ang polong sang Ginoo nga si Iehoba : Amo ining ginasingling sang Ginoo nga si Iehoba sa mga bukid kag sa mga kabakoloran, sa mga kasapaan, kag sa mga nalupyakan : Yari karon, ako magapakari sa ibabaw ninyo sing hinganiban, kag pagalaglagon ko ang inyo mga mataas nga duug.

4 Ang inyo mga halaran pagapanghapayon kag ang inyo mga haligi sang adlaw pagabalion ; kag pagahimoon ko nga magakalapukan ang inyo mga pilason sa kamatayon sa atubangan sang inyo mga diosdios.

5 Kag pagaibutang ko ang mga bangkay sang mga inanak ni Israel sa atubangan sang ila mga diosdios, kag ang inyo mga tul-an pagaiwaraag ko sa palibot sang inyo mga halaran.

6 Sa tanan nga duug nga ginapuy-an ninyo ang mga kabanwaanang manginkamuhaymuhayan kag ang mga mataas

nga duug pagapanghapayon, agud nga manginbinayaan kag kahapayan ang inyo mga halaran; kag pagapamoongon ang inyo mga diosdios kag pagaubuson sila, ang inyo mga haligi sang adlaw pagapangutdon, kag ang inyo mga binuhatan pagapanason.

7 Ang *tagsatagsa* magakalapukan nga pilason sa kamatayon sa tungâ ninyo, kag mahibaloan ninyo, nga ako amo si Iehoba.

8 Apang pagabayaon ko ang isa ka nabilin sa bagay nga may sa inyo nga makapalagyo sa hinganiban sa tungâ sang mga katawohan, kon pagaipawaraag kamo sa *ila* mga duta.

9 Kag ang mga sa inyo makapalagyo, makadumdum sila sa akon sa tungâ sang mga katawohan, nga sa *ila* magamanginbihag sila; kay ako magaboong sang *ila* tagiposoon nga makihilawason, nga nagisol sa akon, kag sang *ila* mga mata, nga nagpalakighilawas upud sang *ila* mga diosdios, kag sa *ila* gid magakalasya sila, bangud sang tanan nga kalainan nga *ila* ginhimo tungud sang tanan nila nga mga kalangil-aran.

10 Kag mahibaloan nila, nga ako amo si Iehoba: indi sa walay pulus naghambal ako, nga pagahimoon ko sa *ila* ini nga kalainan.

11 Amo ining ginasiling sang Ginoo nga si Iehoba: Pamalakpak-ka sang imo mga kamut kag pusadpusad-ka sang imo tiil, kag isiling-mo; ; Kailo, bangud sang tanan nga mga malain nga kalangil-aran sang balay ni Israel! kay sa hinganiban, kag sa gutum, kag sa kinamatay magakalapukan sila.

12 Ang didto sa malayô, mamatay sa kinamatay; kag ang diri sa malapit, mapukan sa hinganiban; kag ang mabilin kag nga pagatipigan, mamatay sa gutum, kag pagatumanon ko sa *ila* ang akon kasingkal.

13 Kag mahibaloan ninyo, nga ako amo si Iehoba, kon ang *ila* pilason sa kamatayon maghalamyang sa tungâ sang *ila* mga diosdios sa palibot sa *ila* mga halaran, sa tanan nga bakolod nga mataas, kag sa tanan nga mga putokputok sang mga bukid, kag sa idalum sang tanan nga kahoy nga hilaw, kag sa idalum sang tanan nga terebinto nga madabung, sa mga duug nga diin naghalad sila sing mahamut sa maayo nga baho sa tanan nila nga mga diosdios.

14 Kag pagauntayon ko ang akon kamut batok sa *ila*, kag pagahimoon ko ang duta nga kahapayan labi pa nga hanayak sang kahanayakan sa Diblat, sa tanan nga duug nga *ila* puluy-an. Kag mahibaloan nila, nga ako amo si Iehoba.

Ang katapusan, ang katapusan nagaabut.

7 KAG nag-abut sa akon ang polong ni Iehoba, nga nagasiling:

2 Kag ikaw, anak sang tawo, amo ining ginasiling sang Ginoo nga si Iehoba sa duta sa Israel: ; Ang katapusan! Ang katapusan nag-abut nga sa apat ka ukbung sang duta.

3 Karon *nagaabut* ang katapusan sa ibabaw nimo, kag ginapadalâ ko sa ibabaw nimo ang akon kaakig, kag ginahukman ko ikaw sono sang imo mga dalanon, kag ginabutang ko sa ibabaw nimo ang tanan mo nga mga kalangil-aran.

4 Kag ang akon mata indi magapatawad sa imo, bisan magakalooy ako sa imo; kondi pagaibutang ko sa ibabaw nimo ang imo mga dalanon, kag sa tungâ nimo manginyara ang imo mga kalangil-aran. Kag mahibaloan ninyo, nga ako amo si Iehoba.

5 Amo ining ginasiling sang Ginoo nga si Iehoba: ; Ang isa ka kalainan, ang isa ka pinasahi nga kalainan! Yari karon nga nagaabut.

6 ; Nagaabut ang katapusan! Ang katapusan nagaabut. Nagamata sia batok sa imo: yari karon, nga nagaabut ini.

7 Ang *imo* binulusbulus nagaabut nga sa imo, oh pumuluyô sang duta. Ang panag-on nagaabut, malapit na ang adlaw: ang kagamo, kag indi ang ambahan sang mga bukid.

8 Karon, sa madali, pagaiula ko ang akon kaakig sa ibabaw nimo, pagatumanon ko sa imo ang akon kasingkal, kag ginahukman ko ikaw, sono sang imo mga dalanon kag ginabutang ko sa ibabaw nimo ang imo mga kalangil-aran.

9 Kag ang akon mata indi magapatawad, bisan magakalooy ako: sono sang imo mga dalanon pagabalusan ko ikaw, kag manginyara sa tungâ nimo ang imo mga kalangil-aran. Kag mahibaloan ninyo, nga ako nga si Iehoba amo ang nagapilas.

10 Yari karon ang adlaw; yari karon nga nagaabut ini, nag-abut ang imo bi-



nulusbulus, nagapamulak ang bunal; nagabukadkad ang palabilabi.

11 Ang paglugos nagbayaw nga sa bunal sang kalautan. Walâ gid sing *mabilin* sa ila, bisan sa ila kadamuon, bisan sa ila mga mangad; walâ na sing pagkahalangdon sa ila.

12 Ang panag-on nagaabut, nagapalapit ang adlaw. Ang manugbakal, indi magkalipay, kag ang manugbaligya indi maglalaw, kay may kasingkal batok sa bug-os nila nga kadam-an.

13 Kay ang manugbaligya indi magasulud liwan sa kaugalingon nga iya ginbaligya, bisan pa magakalabilin sila sa tungâ sang mga buhi; kay ang palananawon batok sang bug-os nila nga kadam-an indi maliwan, ang tawo nga ang iya kabuhi yara sa iya kalautan indi magamalg-on.

14 Ginapatunug ang budyong, kag *ginasogo* nga maghanda ang tanan, apang walâ sing sin-o nga magakadto sa pagawayan; kay ang akon kasingkal batok sang bug-os niya nga kadam-an.

15 Sa gowa yara ang hinganiban, kag sa sulud yara ang kinamatay kag gutum. Ang didto sa latagon mamatay sa hinganiban; kag ang dira sa banwa pagahalohonon sia sang gutum kag sang kinamatay.

16 Kag kon ang ila mga manugpalagyo nga nagpalagyo, didto sila nga tanan sa ibabaw sang mga bukid, subung sang mga salampati sa mga nalupyakan, nga nagapalanangis ang tagsatagsa sa ila tungud sang iya kalautan.

17 Ang tanan nga mga kamut, manginmaluya kag ang tanan nga mga tuhod mangintubig.

18 Nagapangwagkus sila sing mga panapton nga masinakiton kag ang kakugmat magatolon sa ila; kag sa tanan nga nawung may kahuluy-an, kag ang tanan nila nga mga olo kiniskisan.

19 Ginahaboy nila sa mga dalan ang ila pilak kag ang ila bulawan: diinulay lamang ang ila pilak, kag ang ila bulawan indi sarang makaluwas sa ila sa adlaw sang kasingkal ni Iehoba; indi sila magakalabusug sa ila kalâg, bisan magakalapunô sila sa ila mga kasudlan, kag nanginkasandaran ini sang ila pagkaholog sa kalautan.

20 Kag sa sini nga masidlak nga puni ginhimo nila nga katigayonan sang palabilabi; kag naghilimo sila sa iya sing

mga larawan sang ila mga kalingil-aran, sang ila mga kalas-ayan; tungul sini ginahimo ko sa iya nga sa ila ang isa ka kahigkoan.

21 Kag ginatugyan ko ina sa pangati sa mga kamut sang mga dumuluong, kag sa inagaw sa mga labing malauton sang duta; kag pagapasipalahan nila sia.

22 Kag pagaipalayô ko sa ila ang akon nawung, kag pagapakadibalaanon sang *mga kaaway* ang akon *balaan nga Puluyan* nga tinago; magasululud sa *Ierusalem* ang mga maluguson, kag pagapakadibalaanon sia nila.

23 | Himoa ang talikala! kay ini nga duta napunô sang mga paghukom sa dugo, kag ini nga banwa napunô sang paglugos.

24 Kag pagapakarion ko ang mga labing malain sang nga katawohan, nga magatalagiya sila sang ila mga balây; kag pagapauntaton ko ang palabilabi sang mga gamhanan, kag ang ila mga balaan nga puluy-an pagapakadibalaanon.

25 Ang kalaglagan nagaabut; kag nagapalangita sila sing paghidaet, kag walâ na sa iya.

26 Nagaabut ang kalalat-an sa ibabaw sang kalalat-an, nagaabut ang hinigong sa ibabaw sang hinigong, kag nagapalangita sila sa *walay pulus* sing palananawon sa manalagna; kag ang kasogon nadula sa saserdote kag ang laygay, sa mga tigulang.

27 Ang hari yara sa lalaw, kag ang dunganon nagapanaput sang kahapayan; kag ang mga kamut sang banwa sang duta ginapanlisang. Sono sang ila dalanon pagahimoon ko sa ila, kag sono sang ila mga paghukom, pagahukman ko sila. Kag mahibaloan nila, nga ako amo si Iehoba.

Mga nabuhat nga mga kalingil-aran sa balaan nga puluy-an.

8 KAG nahanabu, sa ikan-um ka tuig, sa ikan-um ka bulan, sa ikalima sang bulan, nga nagalingkod ako sa akon balây, kag ang mga tigulang sa Iuda nagalilingkod man sa atubangan nakon, nga didto naholog sa ibabaw nakon ang kamut sang Giuoo nga si Iehoba.

2 Kag nagtulok ako kag, yari karon, ang isa ka kaangay sang tawo nga daw dag-

way sang kalayo; kutub sa dagway sang iya m̄ga hawak pa idalum, kalayo; kag kutub sa iya m̄ga hawak pa ibabaw subung sang dagway sang kasilaw, subung sang tumbaga n̄ga binaga.

3 Kag naguntay sia sang dagway sang isa ka kamut, kag ginuyatan niya ako sa isa ka kolong sang akon olo; kag ang Espiritu naghayaw sa akon sa tungâ sang langit kag sang duta, kag gindalâ niya ako sa m̄ga palanan-awon sang Dios sa Ierusalem, sa salamputan sang gawang sang patyo sa sulûd, n̄ga nagatubang nayon sa Aminhan, n̄ga didto yadto ang lingkoran sang larawan sang kaimon, n̄ga nagapainit sang kaimon.

4 Kag yari karon, n̄ga didto yadto ang himaya sang Dios sa Israel, subung sang dagway n̄ga nakita ko sa nalupyan.

5 Kag nagsiling sia sa akon: "Anak sang tawo, bayawa ang imo m̄ga mata nayon sa Aminhan." Kag ginbayaw nakon ang akon m̄ga mata nayon sa Aminhan, kag yari karon n̄ga sa Aminhan, sa gawang sang halaran, yara ang larawan sang kaimon, sa salamputan.

6 Kag nagsiling sia sa akon: "Anak sang tawo, ñ nakita mo bala ang ginahimo nila, ang m̄ga dalagku n̄ga m̄ga kalangil-aran, n̄ga ginahimo diri sang baláy ni Israel, sa pagpapalayô sa akon sa balaan n̄ga Puluy-an? Apang makita mo pa ang labing dalagku n̄ga m̄ga kalangil-aran."

7 Kag gindalâ niya ako sa salamputan sang patyo, kag nagtulok ako, kag yari karon sa dingding ang isa ka boho.

8 Kag nagsiling sia sa akon: "Anak sang tawo, lapus-ka karon sa dingding." Kag naglapus ako sa dingding, kag yari karon ang isa ka gawang.

9 Kag nagsiling sia sa akon: "Sulud-ka, kag tan-awa ang m̄ga malauton n̄ga m̄ga kalangil-aran, n̄ga ginahimo nila diri."

10 Busa nagsulûd ako kag nagtulok ako, kag yari karon ang m̄ga larawan sang tanan n̄ga m̄ga nagasagnoy kag sang m̄ga sapat n̄ga kalangil-aran, kag ang tanan n̄ga m̄ga diosdios sang baláy ni Israel, n̄ga napamadlit sa dingding sa palibot, sa bug-os n̄ga palibot;

11 Kag ang kapitoan ka m̄ga lalaki sang m̄ga tigulang sang baláy ni Israel, n̄ga sa tungâ nila yara si Iaasaniyas, n̄ga anak ni Sapan, n̄ga nagatilindug sila

didto sa atubangn̄an nila ang tagsatagsa upud and iya insensario sa iya kamut, kag ang aso sa isa ka gal-um sa kaha-mut nagatub-ok.

12 Kag nagsiling sia sa akon: "Anak sang tawo, ñ nakita mo bala ang m̄ga butang n̄ga ginahilimo sang m̄ga tigu-lang sang baláy ni Israel sa m̄ga kaduldulman, ang tagsatagsa sa iya m̄ga hulut sang m̄ga larawan? Kay nagasililing sila: Walâ magatan-aw sa amon si Iehoba; ginbayaan ni Iehoba ang duta."

13 Kag nagsiling sia sa akon: "Makita mo pa ang labing dalagku n̄ga m̄ga kalangil-aran, n̄ga ginahimo nila sini."

14 Kag gindalâ niya ako sa salamputan sang gawang sang Baláy ni Iehoba, n̄ga yara nayon sa Aminhan; kag yari karon ang m̄ga babae n̄ga nagalilingkod didto, n̄ga nagahilibi kay Tamus.

15 Kag nagsiling sia sa akon: ñ Nakita mo bala, anak sang tawo? Makita mo pa ang labing dalagku n̄ga m̄ga kalangil-aran sang sini sa ila,"

16 Kag gindalâ niya ako sa patyo sa sulûd sang Baláy ni Iehoba; kag yari karon sa salamputan sang simbahan ni Iehoba, sa tungâ sang alagyan kag sang halaran, may m̄ga duha ka pûlô kag lima ka m̄ga lalaki, n̄ga ang ila m̄ga likod nayon sa simbahan ni Iehoba, kag ang ila m̄ga nawung nayon sa Sidlangan, kag nagalayaub sila sa atubangn̄an sang adlaw, nayon sa Sidlangan.

17 Kag nagsiling sia sa akon: "ñ Nakita mo bala, anak sang tawo? ñ Mamagan n̄ga butang bala n̄ga sa baláy ni Iuda ang paghimo sang m̄ga kalangil-aran, n̄ga ginahimo nila diri, n̄ga pagpun-on nila man ang duta sang kalugusan, kag magbalalik sila sa pagpaakit sa akon? Yari karon, n̄ga ginapapalagit nila ang sangâ nayon sa ila m̄ga ilong.

18 Kag ako man, magahimo ako n̄ga may kasingkal; indi magapatawad ang akon mata, bisan magakalooy ako: magasilingit sila sa akon m̄ga indulungug sa daku n̄ga tingug, kag indi ko sila pagpamatian."

M̄ga silot sa Ierusalem.

9 UGALING nagsingit sia sa akon m̄ga idulungug sa daku n̄ga tingug, n̄ga nagasiling: "Papalapita ang m̄ga dapat magsilot sang banwa, kag n̄ga



ang tagsatagsa may iya hinganiban sa iya kamut sa paglaglag."

2 Kag yari karon, nga anum ka mğa lalaki nagapalakari gikan sa luyo sang gawang sa ibabaw, nga nagaatubang nasyon sa Aminhan, nga ang tagsatagsa nagadalá sa iya kamut sang iya galamiton sa paglinas; kag sa tunğâ nila may isa ka lalaki nga napanaputan sang lino nga may iya sia sa iya hawak sing isa ka sululatan sang manugsulat; kag nag-alabut sila, kag nagtilindug malapit sa halaran nga tumbaga.

3 Kag ang himaya sang Dios ni Israel nagbayaw sa ibabaw sang mğa kerubin, nga sa ibabaw niya yadto sia, sa pagkadto sa atangan sang Baláy. Kag gintawag niya ang lalaki nga napanaputan sang lino, nga may yara sia sa iya hawak sang sululatan sang manugsulat.

4 Kag nagsiling sa iya si Iehoba: Agi-ka sa tunğâ sang banwa, sa tunğâ sang Ierusalem, kag tandaan-mo sing isa ka tanda ang agtang sang mğa tawo, nga nagapanghakroy kag nga nagabakho bangud sang tanan nga mğa kалангил-  
ran nga ginahilimo sa tunğâ niya.

5 Ugaling sa akon mğa idulungug nagsiling sia sadto sa ila: "Alagi-kamo sa banwa sa olehe niya, kag pilasan-ninyo; indi magpatawad ang inyo mata, bisan magkalooy-kamo.

6 Pagapatyon ninyo, pagalagon ninyo ang mğa tigulang, ang mğa pamatan-on, kag ang mğa ulay, kag ang mğa kabataan, kag ang mğa kababainan; apang sa yadtong tanan nga sa ibabaw niya may tanda, indi kamo magpalapit sa iya; kag magsulugúd-kamo kutub sa akon balaan nga Puluy-an." Kag nagsulugúd sila, kutub sa mğa tigulang, nga yara sa atubangan sang Baláy.

7 Kag nagsiling sia sa ila: "Dagtai-ninyo ang Baláy, kag pun-a-ninyo ang mğa payto sang mğa pilason sa kamatayon, ugaling gowa-kamo." Kag nagsulugúd sila, kag nagpamilas sila sa banwa.

8 Kag nahanabu, sang nagkalapilas na sila, nga nabilin ako kag napukan ako sing hapa, kag nagtuaw kag nagsiling ako: "¡ Ah, Ginoo nga si Iehoba! ¿ pagalagiagon mo bala ang bug-os nga nabilin sa Israel, nga iula mo ang imo kasingkal sa ibabaw sang Ierusalem?"

9 Kag nagsiling sia sa akon: "Ang

kalautan sang baláy ni Israel kag ni Iuda lakas gid kadaku, kag ang duta napunô na sa dugo nga naula, kag ang banwa punô sang paglalis; kag nagsililing sila: Ginbayaan ni Iehoba ini nga duta, kag si Iehoba walâ nagatantan-aw.

10 Busa ako man, ang akon mata indi magapatawad, bisan magakalooy ako: ang dalanon nila pagapakarion ko sa ibabaw sang ila olo."

11 Kag yari karon, ang lalaki nga napanaputan sang lino, nga may sululatan sa iya hawak, nagbalik sa pagsugid kag nagsiling sia: "Ginhimo sono sang ginsogo mo sa akon."

Ang ikaduha nga palanan-awon sang mğa kerubin.

10 KAG nagtulok ako, kag yari karon, sa nahumlaran nga yara sa ibabaw sang olo sang mğa kerubin, subung sing isa ka bató nga sapiro, nga daw subung sang kaangay sang isa ka lingkoran nga harianon, nga nakita sa ibabaw nila.

2 Kag naghambal sia sa lalaki nga napanaputan sang lino, kag nagsiling sia: "Sulúd-ka sa tunğâ sang mğa aliling sa idalum sang mğa kerubin, kag pun-a ang imo mğa kamut sang mğa бага gikan sa tunğâ sang mğa Kerubin, kag iula sila sa ibabaw sang banwa." Kag nagsalúd sia sa idalum sang akon mğa mata.

3 Kag ang mğa kerubin nagtilindug sa too sang Baláy, sang pagsulúd sini nga lalaki, kag ang gal-um nagpunô sang patyo sa sulúd.

4 Kag ang himaya ni Iehoba nagbayaw sa ibabaw sang mğa kerubin, sa ibabaw sang atangan sang Baláy, kag ang Baláy napunô sang gal-um, sang napunô ang patyo sang kasilaw sang himaya ni Iehoba.

5 Kag ang kagahud sang mğa pakpak sang mğa kerubin nabatian tubtub sa patyo sa gowa, subung sang tingug sang Dios nga Makagagahum, kon naghambal sia.

6 Kag nahanabu, sang nagsogo sia sa lalaki nga napanaputan sang lino, nga nagsiling: "Kuha-ka sing kalayo sa sulúd sang mğa aliling, sa tunğâ sang mğa kerubin," nga sia nagsulúd kag nagtindug sia sa malapit sang isa sang mğa aliling.

7 Kag ang kerubin nag-untay sang iya kamut sa tungâ sang mga kerubin nayon sa kalayo. nga yara sa tungâ sang mga kerubin, kag nagkuha sia sa iya kag ginbutang niya ini sa duha ka kamut sang *tawo* nga napanaptan sang lino; kag ginbaton niya ini, kag nag-gowa sia.

8 Kag nakit-an sa mga kerubin ang dagway sang isa ka kamut sang tawo sa idalum sang iya mga pakpak.

9 Kag nagtulok ako, kag yari karon, ang apat ka mga aliling malapit sa mga kerubin; ang isa ka aliling malapit sa isa ka kerubin, kag ang isa ka aliling malapit sa isa ka kerubin; kag ang bayhon sang mga aliling subung sang bató nga krisolito.

10 Kag nahanungud sang ila bayhon, may isa ka kaangay nga sa apat, subung nga ang isa ka aliling yara sa tungâ sang isa ka aliling.

11 Sa panlakatan nila naglalakat sila sa ila apat ka mga kilid; walâ sila mag-balalikid sa ila panlakatan, kay bisan ano nga duug sa diin natadlung ang olo nagasulunod sila sa iya; sila indi nagaisol sa ila panlakatan.

12 Kag ang bug-os nila nga lawas, ang ila mga likod kag ang ila mga kamut, kag ang ila mga pakpak, subung *man* ang mga aliling, napunô sila sang mga mata palibot nga sa apat *kag nga* sa ila mga aliling.

13 Nahanungud sang mga aliling nabatian ko, nga ginatawag sila: Ang Manugtilik.

14 Kag ang tagsatagsa sa ila may apat ka mga nawung. Ang nawung sang isa among nawung sang kerubin; ang nawung sang ikaduha, nawung sang tawo; kag ang iya sang ikatlo, nawung sang leon; kag ang iya sang ikap-at, nawung sang agila.

15 Kag nagbalayaw ang mga kerubin; ini amo ang sapat nga buhi nga nakita ko malapit sang subâ nga Kebar.

16 Kon naglalakat ang mga kerubin, naglalakat *man* ang mga aliling malapit sa ila; kag kon ang mga kerubin nag-halayaw sang ila mga pakpak sa pag-bayaw sa duta, ang mga aliling *man* walâ magilisol sa olehe nila.

17 Kon nagdulúlog sila, nagdulúlog ini sila; kag kon sila naghalayaw, nag-halayaw ini sila upud sa ila, kag ang

espiritu sang mga sapat nga buhi yara sa ila.

18 Kag ang himaya ni Iehoba naghalin gikan sa ibabaw sang atangan sang Baláy, kag nagdulog sa ibabaw sang mga kerubin.

19 Kag ang mga kerubin naghalayaw sang ila mga pakpak kag nagbayaw sila sa duta; kag nakit-an ko sila, sang pag-gowa nila, kag ang mga aliling *man* malapit sa ila. Nagdulúlog sila sa salamputan sang gawang nga nasidlangan sang Baláy ni Iehoba, kag ang himaya sang Dios ni Israel yadto sa ibabaw nila, nayon sa ibabaw.

20 Ini amo ang mga sapat nga buhi nga nakita ko sa idalum sang Dios ni Israel malapit sa subâ nga Kebar, kag napangilala ko nga amo sila ang mga kerubin.

21 Ang tagsatagsa may apat ka mga nawung, kag ang tagsatagsa apat ka mga pakpak, kag ang mga dagway sang kamut sang tawo sa idalum sang ila mga pakpak.

22 Kag nahanungud sang kaangay sang ila mga nawung, amo ang mga nawung, nga nakita ko malapit sang subâ nga Kebar, ini ang ila gid bayhon kag ini amo gid sila. Naglakat sila ang tagsatagsa sa tadlung sang ila nawung.

Mga paghukom sang Dios batok sa mga pangol sang banwa.

**11** KAG ang Espiritu nagbayaw sa akon, kag gindala niya ako sa gawang nga nasidlangan sang Baláy ni Iehoba, nga nagaatubang sa Sidlangan; kag yari karon, sa salamputan sang gawang ang duha ka púlô kag lima ka mga tawo kag sa tungâ nila nakita ko si Iaasaniyas, nga anak ni Asur, kag si Pelatias, nga anak ni Benaia, nga mga pangolo sang banwa.

2 Kag nagsiling sia sa akon: “Anak sang tawo, ini sila amo ang mga tawo nga nagapadugi sing mga hunahuna nga malauton, kag nga nagalaygay sila sing mga malain nga tinapat sa sini nga banwa;

3 Nga sila nagasililing: Ini indi amo ang panag-on sa pagpatindug sing mga baláy. Ini nga *banwa* among kawa, kag kita among unud.

4 Tungud sini tagna-ka batok sa ila, tagna-ka, anak sang tawo.



5 Kag naholog sa ibabaw nakon ang Espiritu ni Iehoba, kag nagsiling sia sa akon: Isiling: Amo ining ginasiling ni Iehoba: Amo ini ang inyo ginahambal, baláy ni Israel, kag ang mġa butang nġa nagasalaka sa inyo espiritu, nakilala ko sila.

6 Ginpadamu ninyo ang inyo mġa pilason sa kamatayon sa sini nġa banwa, kag ginpunô ninyo sang mġa pilason sa kamatayon ang iya mġa dalan.

7 Tunġud sini amo ining ginasiling sang Ginoo nġa si Iehoba: Ini amo ang inyo mġa pilason sa kamatayon, nġa ginpilas ninyo sa tunġa niya, nġa amo sila ang unod, kag sia ang kawa; kag nahanunġud sa inyo pagapagowaon kamo sa tunġa niya.

8 Ang hinganiban ginakahadlukan ninyo, apang ang hinganiban pagapakarion ko sa ibabaw ninyo, siling sang Ginoo nġa si Iehoba.

9 Kag pagapagowaon ko kamo sa tunġa niya, kag pagaitugyan ko kamo sa mġa kamut sang mġa dumuluong kag ako magahikot sing mġa paghukom sa ibabaw ninyo.

10 Sa hinganiban magakalapukan kamo; sa mġa kadulunan sa Israel pagahukman ko kamo; kag mahibaloan ninyo nġa ako amo si Iehoba.

11 Ini nġa *banwa* indi manginkawa sa inyo, bisan kamo manginunud sa tunġa niya: sa mġa kadulunan sa Israel pagahukman ko kamo.

12 Kag mahibaloan ninyo, nġa ako amo si Iehoba, kamo nġa walâ maglalakat sa akon mġa palatukuran, bisan ginbutang ninyo sa buhat ang akon mġa tulumanon, kondi nġa ginhimo ninyo sono sang mġa tulumanon sang mġa katawohan, nġa yara sa mġa palibot ninyo."

13 Kag nahanabu, sang nagatagna ako, nġa si Pelatias, nġa anak ni Benaia, namatay. Kag naghapa ako, kag nagtuaw ako sa daku nġa tingug, kag nagsiling ako: "¡Abaw, Ginoo nġa si Iehoba! Ginahimo mo ang kalaglagan sing bug-os sang nabilin sa Israel."

14 Kag nag-abut sa akon ang polong ni Iehoba, nġa nagasiling:

15 Anak sang tawo, ini sila amo ang imo mġa útud, ang imo mġa útud, ang mġa tawo sang imo kahimataan, kag ang bug-os nġa baláy ni Israel, nġa sa ila nagasililing ang mġa pumuluýô sa

Ierusalem: Palalayô-kamo kay Iehoba; sa amon ginhatag ining duta sa pagka-kaugalingon.

16 Tunġud sini isiling mo: Amo ining ginasiling sang Ginoo nġa si Iehoba: Bisan pa gintabog ko sila sa malayô sa tunġa sang mġa katawohan, kag ginwaraag ko sila sa mġa kadutaan, walay sapayan magamanginbalaan nġa puluyan ako nila sa isa ka diyotay nġa dag-on sa mġa duta, sa diin sila nagkaladto.

17 Ngani isiling mo: Amo ining ginasiling sang Ginoo nġa si Iehoba: Pagatipunon ko kamo sa mġa kabanwaan, kag pagapanipunon ko kamo sa mġa duta nġa sa ila ginpangwaraag kamo, kag pagaihatag ko sa inyo ang duta sa Israel.

18 Kag magaalabut sila didto, kag pagakuhaon nila sa iya ang tanan niya nġa mġa kalas-ayan, kag ang tanan niya nġa mġa kalangil-ran.

19 Kag pagahatagan ko sila sing isa lamang ka tagiposoon, kag igapasulúd ko sa inyo ang isa ka espiritu nġa bag-o; kag pagakuhaon ko ang tagiposoon nġa bató sa ila unud, kag pagahatagan ko sila sing tagiposoon nġa unud,

20 Agud nġa maglalakat sila sa akon mġa palatukuran, kag magbalantay sila sang akon mġa tulumanon, kag magbutang sila sa ila sa buhat, kag manginbanwa nakon sila, kag ako mangin-Dios nila.

21 Apang nahanunġud sa mġa sadto nġa ang ila tagiposoon nagalakat sa olehe sang handum sang ila mġa kalas-ayan kag sang ila mġa kalangil-aran, pagaibutang ko ang ila dalan sa ibabaw sang ila mġa olo, siling sang Ginoo nġa si Iehoba."

22 Ugaling naghalayaw ang mġa kerubin sang ila mġa pakpak, nġa ang mġa aliling malapit gid sa ila, kag ang himaya sang Dios ni Israel yara sa ibabaw nila nayon sa ibabaw.

23 Kag ang himaya ni Iehoba nagbayaw gikan sa tunġa sang banwa, kag nagdúlog sa ibabaw sang bukid nġa yara sa Sidlangan sang banwa.

24 Kag ginbayaw ako sang Espiritu, kag gindalâ niya ako sa Kaldea sa mġa ginpanglitan, sa palanan-awon, tunġud sang Espiritu sang Dios; kag ang palanan-awon nġa kinita ko nagsaka gikan sa akon.

25 Kag ginsiling ko sa mga ginpanlition ang tanan nga mga polong ni Iehoba, nga ginpakita niya sa akon.

Ang guab sa dingding.—Ang pagkabilag ang pagpaalapaag.

**12** KAG nag-abut sa akon ang polong ni Iehoba, nga ginasiling:

2 “Anak sang tawo, ikaw nagapuyô sa tungâ sang baláy nga malalison; kay may mga mata sila nga sa inugtan-aw, kag walâ sila nagatan-aw; may mga idulungug sila nga inugpamati, kag walâ sila nagapalamati; kay amo sila ang isa ka baláy nga malalison.

3 Kag ikaw, anak sang tawo, maghimo-ka sing balon sa paglition, kag halin-ka sa adlawon, sa atubangan sang ila mga mata, subung nga sa paglition; halin-ka sa atubangan sang ila mga mata, gikan sa duug nga diin ka nayon pa liwan nga duug. Ayhan matalupangdan nila, kay amo sila ang isa ka baláy nga malalison.

4 Kag pagadalhon mo ang imo balon sa gowa, sa adlawon, sa atubangan sang ila mga mata, subung sang balon nga sa paglition; kag ikaw magagowa sa kahaponon, sa atubangan sang ila mga mata, subung sang paghalin sang mga pinaliton.

5 Sa atubangan sang ila mga mata, guaban-mo nga sa imo ang dingding, kag pagapagowaon mo didto ang imo balon.

6 Sa atubangan sang ila mga mata pagapas-anon mo sia; sa kagab-ihon pagadalhon mo sia sa gowa; pagatabunan mo ang imo nawung, kag indi ka magatulok sang duta, kay sa tandaan nga halimbawa ginhatag ko ikaw sa baláy ni Israel.”

7 Kag ginhimo ko ang subung sini, subung nga ginsogo sa akon. Gindala ko sa gowa ang akon balon sa adlawon, subung nga balon nga sa pagpaliton, kag sa kahaponon ginguaban ko nga sa akon ang dingding sa akon mga kamut. Sa kagab-ihon ginpagowa ko sia kag ginpas-an ko sia, sa atubangan sang ila mga mata.

8 Kag nag-abut sa akon ang polong ni Iehoba sang kaagahon, nga nagasiling:

9 Anak sang tawo, walâ bala mag-siling sa imo ang baláy ni Israel, ang

baláy nga malalison: “Anong ginhimo mo?”

10 Isiling-mo sa ila: Amo ining ginasiling sang Ginoo nga si Iehoba:

Ining lulan nagakahologan sang dunganon nga yara sa Ierusalem kag sang bug-os nga baláy sa Israel, nga yara sa tungâ niya.

11 Isiling: Ako amo ang inyo tandaan nga huwaran. Subung sang akon ginhimo, amo ini ang pagahimoon sa ila; magakadto sila sa paglition, sa kabi-hagan.

12 Ang dunganon nga yara sa tungâ nila pagapas-anon niya ang balon, sa kagab-ihon, kag magagowa sia; pagaguaban ang dingding sa pagpagowa sa iya didto; magapanabon sia sang iya nawung, agud nga indi makita niya sang iya mga mata ang duta.

13 Kag paghumlaron ko ang akon pukot sa ibabaw niya, kag makuha sia sa akon sihod kag pagadalhon ko sia sa Babilonia, sa duta sang mga Kaldeinhon; apang indi sia magatan-aw sa iya, kag matatay sia didto.

14 Kag ang tanan nga mga nagalibot sa iya, ang iya mga bulig, kag ang tanan niya nga mga kinabon, pagaiwaraag ko sa tanan nga hangin, kag pagagabuton ko ang hinganiban sa olehe nila.

15 Kag mahibaloan nila, nga ako amo si Iehoba, kon pagatabugon ko sila sa tanan nga mga duta.

16 Kag pagahimoon ko, nga sa tungâ nila mabilin ang diotay nga kadamuon sang mga tawo, sa hinganiban, sa gutum, kag sa kinamatay, agud nga masugid nila, ang tanan nila nga mga kalangilaran sa tungâ sang mga katawohan sa diin sila magaalabut. Kag mahibaloan nila, nga ako amo si Iehoba.

17 Kag nag-abut sa akon ang polong ni Iehoba, nga nagasiling:

18 Anak sang tawo, kaon-ka sang imo tinapay nga may pagkurug, kag inumka sang imo tubig nga may kalisang kag may paghiwasa.

19 Kag pagaisiling mo sa banwa sang duta: Amo ining ginasiling sang Ginoo nga si Iehoba nahanungud sang mga pumuluyô sa Ierusalem, sa ibabaw sang duta sa Israel: Pagakaonon nila ang ila tinapay nga may paghiwasa, kag pagaimnon nila ang ila tubig nga may kakibang, kay ang duta pagahapayon,



*maula* ang yara sa iya bangud sang mga paglugus sang tanan nga mga nagapuluyô sa iya.

20 Kag ang mga kabanwaan, nga ginapuy-an, pagapangub-on, kag ang duta manginkahapayan. Kag mahibaloan ninyo, nga ako amo si Iehoba.

Tagna batok sang mga butig nga mga manalagna.

21 Kag nag-abut sa akon ang polong ni Iehoba, nga nagasiling:

22 Anak sang tawo, ¿ano bala nga hulubaton ini nga *ginasilit* ninyo sa duta sa Israel, nga nagasiling: "Nagalalawig ang mga adlaw, kag nagakadula ang tanan nga palanan-awon?"

23 Ngani isiling-mo sa ila: Amo ining ginasiling sang Ginoo nga si Iehoba: Pagapauntaton ko ini nga hulubaton, kag indi na nila pagsuliton sia sa Israel. Apang isiling mo sa ila: "Nagapalalapit ang mga adlaw, subung man ang katumanan sang tanan nga palanan-awon."

24 Kay walâ na gid sing ano nga palanan-awon nga walay pulus, kag ang pamakot walâ na magalimbong sa tungâ sang panimalây ni Israel;

25 Kay ako amo si Iehoba: bisan ano nga polong nga ginmitlang ko, ini nga polong pagahikuton, indi na gid magadugay. Kay sa inyo mga adlaw, oh balay nga malalison, magamitlang ako sing isa ka polong, kag pagatumanon ko sia, siling sang Ginoo nga si Iehoba.

26 Kag nag-abut sa akon ang polong ni Iehoba, nga nagasiling:

27 Anak sang tawo, yari karon, nga ang baláy ni Israel nagasiling: "Ang palanan-awon nga ginatan-aw niya among sa madamu pa nga mga adlaw, kag nga sa mga malayô nga mga panagon ginatagna niya."

28 Tungud sini isiling mo sa ila: Amo ining ginasiling sang Ginoo nga si Iehoba: Indi gid magadugay bisan ano sang akon mga polong; ang polong nga akon ginmitlang, pagahikuton, siling sang Ginoo nga si Iehoba.

**13** KAG nag-abut sa akon ang polong ni Iehoba, nga nagasiling:

2 Anak sang tawo, tagna-ka batok sang mga manalagna sa Israel, nga nagatalagna; kag pagaisiling mo sa mga

manalagna sono sang ila gid nga tagipoon: Pamati-kamo sang polong ni Iehoba.

3 Amo ining ginasiling sang Ginoo nga si Iehoba: ¡Kailo ang mga manalagna nga mga buangbuang, nga nagasulunud sang ila kaugalingon nga espiritu, kag *nagahalambal* nga walâ gid sila sing nakita!

4 Subung sang mga milo sa kahanyakan, subung man ang imo mga manalagna, oh Israel.

5 Walâ kamo magsalaka sa mga litik, bisan magpatindug kamo sing kuta sa palibot sang baláy ni Israel, agud nga manginmalig-on sia sa pakigawayan sa adlawon ni Iehoba.

6 May mga palanan-awon sila nga walay pulus kag mga pamakot nga binutig, yadtong mga nagasililing: Nagasililing si Iehoba; bisan pa si Iehoba walâ magpadalâ sa ila; kag nagahululat sila nga mapamatud-an niya ang ila polong.

7 ¿Walâ kamo bala makakita sing palanan-awon nga walay pulus, kag walâ kamo magmitlang sing mga pamakot nga binutig, sang pagsiling ninyo: "Si Iehoba nagasiling," bisan pa nga walâ ako maghambal?

8 Tungud sini amo ining ginasiling sang Ginoo nga si Iehoba: Bangud kay nagamitlang kamo sing mga kadayawan, kag nga nakakita kamo sing butig, tungud sini, yari karon ako *nagabut* batok sa inyo, siling sang Ginoo nga si Iehoba.

9 Kag ang akon kamut manginbatok sa mga manalagna, nga nagatan-aw sing kadayawan kag nga nagapalakut sing binutig; indi mangin sa katilingbansila sang akon banwa, bisan pagaipanulat sila sa tolon-an sang baláy ni Israel; bisan magasulud sila sa duta ni Israel. Kag mahibaloan ninyo, nga ako amo ang Ginoo nga si Iehoba.

10 Bangud kay, hoo, bangud kay ginapatalang nila ang akon banwa, nga nagasiling: "Paghidaet," nga walâ sing paghidaet; kag nga ini nga *banwa* nagapatindug sing dingding, kag yari karon nga sila nagapalamalit sa iya sang sinamo:

11 Isiling sa sining mga manugpalamalit: ¡Kag sia mapukan! Magaabut ang ulan nga manuganaw, kag kamo, mga bató nga hielu, mapukan kamo,

kag ang hangin nga maunuson magapalitik sa iya.

12 Kag yari karon, ang dingding mapukan. ¡Indi bala sila magasililing sa inyo: "Diin na ang sinamo nga ginpamalhit ninyo sia?"

13 Ngani amo ining ginasililing sang Ginoo nga si Iehoba: Pagapihakon ko sia, sa akon kasingkal, sang unoson nga hangin; sa akon kaakig, manginulan nga manug-anaw, kag sa akon kasingkal, nga *nagalambut* nga tubtub sa pagkalaglag sing bug-os, manginbató nga hielo.

14 Pagabungkagon ko ang dingding nga ginpamalhit ninyo sang sinamo, kag pagapukanon ko sia sa duta, kag pagapadaygon ang iya sadsaran: mapukan sia, kag pagapanlaglagon kamo sing bug-os sa tungâ niya. Kag mahibaloan ninyo, nga ako amo si Iehoba.

15 Pagatumanon ko ang akon kasingkal sa ibabaw sining dingding kag sa mga nagapalamalhit sa iya sang sinamo; kag magasililing ako sa inyo: ¡Walâ na ang dingding! ¡walâ na ang mga yadtong nagpalamalhit sa iya!

16 *Kon sayoron* ang mga manalagna sa Israel, nga nagatalagna nga sa Ierusalem, kag nga nagatalan-aw nga sa iya sing palanan-awon sa paghidaet, nga walâ sing paghidaet, siling sang Ginoo nga si Iehoba.

17 Kag ikaw, anak sang tawo, ibutang ang imo nawung sa mga anak nga babae sang imo banwa, nga nagapakamanalagna sono sang ila tagiposoon, kag magtagna-ka batok sa ila.

18 Kag isiling-mo: Amo ining ginasililing sang Ginoo nga si Iehoba: ¡Kailo yadto sila nga nagatalahi sing mga magamay nga ulonan sa tanan nga mga buko sang mga kamut, kag nga nagahilimo sing mga ulunan nga sa mga olo sang tanan nga kataason sa pagdakup sa sihod sang mga kalág! ¡Buut kamo bala magdakup sa sihod sang mga kalág sang akon banwa, sa paghatag sing kabuhi sa inyo kaugalingon nga mga kalág.

19 Ginapasipalahan ninyo ako sa tungâ sang akon banwa, tungud sang mga kinumkom nga sebada kag tungud sang mga tinipik nga tinapay, nga nagapatay sang mga kalág nga indi dapat mapatay, kag nga nagahatag sing kabuhi sa mga kalág nga indi dapat magka-

buhi, sang nagabutig kamo sa akon banwa, nga nagapamati sang butig.

20 Ngani, amo ining ginasililing sang Ginoo nga si Iehoba: Yari karon, ako *nagaabut* batok sa inyo mga magamay nga olonan, nga sa ila nagapandakup kamo sa sihod sang mga kalág, subung sang mga pispis; pagagision ko sila sa idalum sang inyo mga butkon, kag pagabuhian ko ang mga kalág, nga ginapandakup ninyo sa sihod, ang mga kalág subung sang mga pispis.

21 Kag pagagision ko ang inyo mga olonan kag pagaluwason ko ang akon banwa sa inyo mga kamut, kag walâ na sila sa inyo mga kamut sa pagkahalog sa sihod. Kag mahibaloan ninyo, nga ako amo si Iehoba.

22 Tungud kay ginpapasubo ninyo nga may butig ang tagipsoon sang matarung, nga sa iya walâ ako magpasubo, kag ginpalig-on ninyo ang mga kamut sang madauton, agud nga indi magisol sia sa iya malain nga dalanon, agud nga maghatag sa iya sing kabuhi.

23 Tungud sini walâ na kamo sing talan-awon nga walay pulus kag indi na kamo magabutang sa buhat sing pamakot. Pagaluwason ko ang akon banwa sa inyo mga kamut kag mahibaloan ninyo nga ako amo si Iehoba.

Silot sang mga diwatahan.

**14** KAG nag-alabut sa akon ang pila sa tungâ sang mga tigulang sa Isaael, kag naglilinkod sila sa atubangan nakon.

2 Kag nag-abut sa akon ang polong ni Iehoba, nga nagasililing:

3 Anak sang tawo, ginpasakup sining mga tawo ang ila mga tagiposoon sa ila mga diosdios kag napahamtang sila sang katigayonan sa pagkaholog sa kalautan sa atubangan sang ila nawung. ¡Sarang bala ako makatugut sa pagpakisayud sa ila?

4 Ngani hambala sila kag isiling sa ila: Amo ining ginasililing sang Ginoo nga si Iehoba: Bisan sin-o nga tawo sang baláy ni Israel, nga ginpasakup niya ang iya tagiposoon sa iya mga diosdios, kag nga napahamtang niya ang katigayonan sa pagkaholog sa kalautan sa atubangan sang iya nawung, kag magaabut sa manalagna, ako si Iehoba



magasabat sa iya, sa kadamuon sang iya mġa diosdios,

5 Agud sa pagdakup sa baláy ni Israel sa ila gid nġa tagiposoan, kay tanan sila nagpalalayô sa akon tungud sang ila mġa diosdios.

6 Nġani, isiling-mo sa baláy ni Israel: Amo ining ginasiling sang Ginoo nġa si Iehoba: Balalik-kamo, kag talalikod-kamo sa inyo mġa diosdios; kag talikdi-ninyo ang tanan ninyo nġa mġa kаланġil-aran.

7 Kay bisan sin-o nġa tawo sa baláy ni Israel kag sang mġa dumuluong, nġa nagapanlugayaw sa Israel, nġa nakapalayô sa akon, kag ginapasakup niya ang iya tagiposoan sa mġa diosdios, kag nġa napahamtang ang katigayonan sa pagkaholog sa kalautan sa atubangan sang iya nawung, kag ugaling mag-abut sa manalagna sa pagpakisayud sa iya tungud sa akon, ako si Iehoba, magasabat ako sa iya tungud sa akon kaugalingon.

8 Kag pagaibutang ko ang akon nawung batok sadtong tawo, kag pagaibutang ko sia nġa kahapayan, sa tandaan kag hulubaton; kag pagautdon ko sia sa tungâ sang akon banwa. Kag mahibaloan ninyo, nġa ako amo si Iehoba.

9 Kag kon ang manalagna nagasugyot kag magmitlang sing ano nġa polong, amo ako si Iehoba nġa nagsugyot sa amo nġa manalagna; kag pagautayon ko ang akon kamut batok sa iya, kag pagalaglagon ko sia sa tungâ sang akon banwa sa Israel.

10 Kag pagadal-on nila ang ila kalainan: subung sang kalautan sang nagapakisayud manginamo man ang kalautan sang manalagna,

11 Agud nġa indi pagpatalangon ang baláy ni Israel nġa malayô sa akon, bisan pagdagtaan pa sila sa tanan nila nġa mġa pagkamalalison, kag nġa manginbanwa sila nakon, kag ako mangin-Dios nila, siling sang Ginoo nġa si Iehoba.

**Katarungan sang mġa silot sang Dios.**

12 Kay nag-abut sa akon ang polong ni Iehoba, nġa nagasiling:

13 Anak sang tawo, kon ang isa ka duta makasalâ batok sa akon, nġa nagahimo sing ano nġa pagkamaluib, kag mamuntay ko ang akon kamut batok sa iya kag maboong ko nġa sa iya ang

salandigan sang tinapay kag pagipadalâ ko sa iya ang gutum kag pagutdon ko sa iya ang tawo kag ang sapat;

14 Kag kon sa tungâ niya yara ining tatlo ka mġa lalaki, si Noe, si Daniel kag si Iob; tungud sa ila, sila magluwas unta sang ila kalág, tungud sang ila katarungan, siling sang Ginoo nġa si Iehoba.

15 Kag kon paagihon ko ang mġa mapintas nġa mġa sapat sa sini nġa duta nġa magpapas sang mġa pumuluyô sa iya, kag nġa mahapay sia bangud sining mġa sapat kag nġa walâ na sing mag-agi sa iya;

16 Kon ining tatlo ka lalaki yara sa tungâ niya, magkabuhi ako, siling sang Ginoo nġa si Iehoba, indi maluwas nila ang anak nġa lalaki bisan ang anak nġa babae, sila lamang maluwas, kag ang duta pagahapayon.

17 Kon, kon ako magpakari sing hinganiban batok sang duta, kag kon magsiling ako: "Mag-agi ang hinganiban sa duta," kag kon pagutdon ko sa iya ang tawo kag ang sapat,

18 Kag kon ining tatlo ka mġa tawo yara sa tungâ niya, magkabuhi ako, siling sang Ginoo nġa si Iehoba, indi maluwas nila ang anak nġa lalaki bisan ang anak nġa babae, apang sila lamang ang maluwas.

19 Kon, kon ipadalâ ko ang kamatay sa ibabaw sini nġa duta, kag kon iula ko ang akon kaakig sa ibabaw niya tubtub sa dugo, sa pagutud sa iya sang tawo kag sang sapat,

20 Kag kon yara sa tungâ niya, si Noe, si Daniel kag si Iob, magkabuhi ako, siling sang Ginoo nġa si Iehoba, indi maluwas nila ang anak nġa lalaki bisan ang anak nġa babae; tungud sang ila katarungan, pagaluwason nila ang ila kalág.

21 Kay amo ining ginasiling sang Ginoo nġa si Iehoba: Sa pagkamatuud, kon pagipadalâ ko ang akon apat ka mġa malain nġa mġa paghukom, ang hinganiban, kag ang gutum, kag ang mġa mapintas nġa sapat kag ang kamatay, batok sa Ierusalem, sa pagutud sa iya sang tawo kag sang sapat;

22 Walay sa payan, yari karon, magakabilin sa iya ang pila ka mġa nagpalalago, nġa mġa anak nġa lalaki kag mġa anak nġa babae, nġa pagapandal-on sila sa gowa (yari karon nġa magaabut sila

sa inyo, kag makita ninyo ang ila mga dalanon kag ang ila mga binuhatan); kag magakalalipay kamo sang malain nga ginapakari ko sa ibabaw sang Ierusalem, sang tanan nga ginapakari ko sa ibabaw niya.

23 Kag magakalalipay sila sa inyo, kay makita ninyo ang ila mga dalanon kag ang ila mga binukatan; kag mapangilala ninyo nga indi sa walay kabangdanan nga ginahimo ko ang tanan nga ginahimo ko batok sa iya, siling sang Ginoo nga si Iehoba.

Ang kahoy nga walay pulus.

15 KAG nag-abut sa akon ang polong ni Iehoba, nga nagasiling:

2 Anak sang tawo, {ano bala ang kahoy sang ubas labi sang tanan nga kahoy? {ang balagon nga yara sa tunga sang mga kahoy sang talon?

3 {Magakuha bala sa iya sing kahoy sa paghimo sing bisan ano nga buluhaton? kon {magakuha bala sa iya sing isa ka bugsok sa pagbitay sa iya sing bisan ano nga suludlan?

4 Yari karon, pagaibutang sia nga gatong sa kalayo; ang iya duha ka ukbung ginupud sang kalayo, kag ang katunganan nauling: {maayo bala ini sa bisan ano nga buluhaton?

5 Yari karon sang bilog pa sia, indi sarang mahuman sa ano nga buluhaton; labi na gid sa tapus na nga maupud sia kag mauling sang kalayo, imanginhuman pa bala sia sa bisan ano nga buluhaton?

6 Tungud sini amo ining ginasiling sang Ginoo nga si Iehoba: Subung nga ang kahoy sang ubas sa tunga sang mga kahoy sang talon, nga ginhatag ko nga gatong sa kalayo, amo ini ang ginhimo ko sa mga pumulyô sa Ierusalem.

7 Kag pagaibutang ko ang akon nawung batok sa ila: maggulowa sila sa isa ka kalayo kag ang *iban* nga kalayo magaupud sa ila, kag mahibaloan ninyo, nga ako amo si Iehoba, kon ibutang ko ang akon nawung batok sa ila.

8 Kag pagaibutang ko ang duta sa kahapayan, tungud kay naghilimo sila sing pagkamaluib, siling sang Ginoo nga si Iehoba.

Ang bigaon; mga kalangil-aran sa Ierusalem.

16 KAG nag-abut sa akon ang polong ni Iehoba, nga nagasiling:

2 Anak sang tawo, ipahibalo sa Ierusalem ang iya mga kalangil-aran.

3 Pagaisiling mo: Amo ining ginasiling sang Ginoo nga si Iehoba sa Ierusalem: Ang imo gingiklanan kag ang imo natawohan iya sila sang duta sa Kanaan: ang imo amay isa ka Amorinhon, kag ang imo ilôy isa ka Hetinhon;

4 Kag nahanungud sang imo natawohan, ang adlaw nga natawo ka, walâ pagutda ang imo pusud, bisan ginhugasan ka sa tubig sa pagtinlo sa imo, bisan naasinan ka sang asin, bisan ginputus ka sang mga wagkus.

5 Walâ gid sing mata nga nahanoklog sa imo, sa paghimo sa imo sing bisan ano sini nga mga butang nga sa paggamit sang kahanoklog sa imo; kondi nga ginhabuy ka sa ibabaw sang kadayagan sang latagon, nga may pagtamay sa imo kabuhi, sa adlaw nga natawo ka.

6 Kag ako nag-agi malapit sa imo, kag nakita ko ikaw nga nagaligidligid ka sa imo dugo; kag nagsiling ako sa imo: "Kabuhi-ka, *yara ka* sa imo dugo"; kag nagsiling ako sa imo liwan: "Kabuhi-ka, *nga yara ka* sa imo dugo.

7 Sa mga linibolibo ginpabuad ko ikaw, subung sang hilamon sang latagon." Kag nagdugang ka kag nagdaku ka, kag nagdangat ka sa kahimpitan sang katahum, nahuman ang imo mga dughan, ang imo nga buhok nagtûbô sing bugana gid; apang ikaw hubo kag walâ sing tabon.

8 Kag nag-agi ako malapit sa imo, kag gintulok ko ikaw; kag yari karon, nga ang imo panag-on among panag-on sang mga gugma; kag ginhumlad ko ang akon kunup sa ibabaw nimo, kag gintabunan ko ang imo kahubo; kag ginpanumpaan ko ikaw, nagpakigkatipan ako sa imo, siling sang Ginoo nga si Iehoba, kag naniginakon ikaw.

9 Ginhugasan ko ikaw sang tubig, kag gintinloan ko, nga may madamu nga tubig, ang imo dugo sa ibabaw nimo, kag ginhaplas ko ikaw sang lana.

10 Kag ginpanaputan ko ikaw sing bordado, kag ginpasapinan ko ikaw sang panit sang tahas, kag ginwagkusan



ko ikaw sang lino nga manipis, kag gintabunan ko ikaw sing sukla.

11 Kag ginpunihan ko ikaw sing mga puni, kag ginbutangan ko sing mga pulsera ang imo mga kamut, kag sing isa ka kolintas sa imo liog.

12 Kag ginbutangan ko sing singsing ang imo ilong, kag sing mga aritos ang imo mga dalungan, kag sing purungpurung nga matahum ang imo olo.

13 Kag Nagpamuni ka sing bulawan kag pilak; ang imo panapton manginlino nga manipis, sukla, kag bordado; nagkaon ka sang harina nga malum-ok, kag sang dugos kag sang lana; kag nanginmaayoayo ka sing lakas, kag naglambut ka tubtub sa pagkahari.

14 Kag ang imo kabantugan naglapnag sa tunga sang mga katawohan bangud sang imo kaayoayo, kay himpit sia, bangud sang akon pagkahalangdon nga ginbutang ko sa ibabaw nimo, siling sang Ginoo nga si Iehoba.

15 Apang nagsalig ka sa imo kaayoayo, kag nagpakighilawas ka bangud sang imo kabantugan, kag ginusikan mo ang imo mga pagpakighilawas sa tanan nga umalagi: nanginiya ina.

16 Kag nagkuha ka sang imo mga panapton kag naghimo ka sing mga duug nga mataas nga napunihan sang sarisari nga mga duag kag nagpakighilawas ka sa ila, butang nga sadto anay indi nagkahanabu kag nga indi dapat nga magkahanabu.

17 Kag nagkuha ka sang mga butang sang imo puni, nga ginhimo sa akon bulawan kag sa akon pilak, nga ginhatag ko sa imo, kag naghimo ka sa ila sing mga larawan nga lalaki, kag nagpakighilawas ka sa ila.

18 Kag ginkuha mo ang imo mga panapton nga bordado sa pagtabon sa ila, kag ang akon lana kag ang akon pahamut ginbutang mo sa atubangan nila.

19 Ang akon man kalan-on, nga ginhatag ko sa imo, ang harina nga malum-ok, kag ang lana, kag ang dugos, nga sa ila ginsakdag ko ikaw, ginbutang mo sa atubangan nila nga pahamut nga maayo nga baho. Nanginamo ini, siling sang Ginoo nga si Iehoba.

20 Kag nagkuha ka sang imo mga anak nga lalaki kag sang imo mga anak nga babae, nga ginpanganak mo sa akon, kag ginhalad mo sila nga halad sa pag-

halonhon. {Diotay bala nga sa imo ang pagpakighilawas,

21 Nga ginpugutan mo ang akon mga anak, kag gintugyan mo sila nga pagpaagihon sila sa *kalayo*?

22 Kag sa tanan nimo nga mga kalanil-aran kag sa imo mga pagpakighilawas, walâ ka makadumdum sang mga adlaw sang imo pagkapamatan-on, sang ikaw hubo pa kag walay tabon, sang didto ka nga nagaligidligid sa imo dugo.

23 Kag nahanabu, sa tapus ang tanan mo nga kalainan (i Kailo, kailo ka! siling sang Ginoo nga si Iehoba),

24 Nga nagpatindug ka sing mga hulut nga may kayangkayang, kag naghimo ka sa imo sing mga mataas nga duug sa tanan nga mga dalan.

25 Sa tanan nga nasikohan sang dalan nagpatindug ka sang mga mataas nga duug, kag ginhimo mo nga kalanil-aran ang imo kaayoayo; kag ginbika mo ang imo mga tiil sa tanan nga umalagi, kag ginpadamu mo ang imo mga pagpakighilawas.

26 Kag nagpakighilawas ka sa mga inanak sang Egipto, nga imo mga kasilingan, nga madamol sing unud, kag ginpadamu mo ang imo mga pagpakighilawas sa pagpaakig sa akon.

27 Kag yari karon, ginuntay ko batok sa imo ang akon kamut, kag ginbuhinan ko ang imo pahat nga pinat-in, kag gintugyan ko ikaw sa handum sang mga nagadulumut sa imo, sa mga anak nga babae sang mga Pilistinhon, nga sila nagakalahuya sa imo dalanon nga malaway.

28 Apang tungud kay walâ ka inaaywi nagpakighilawas ka man sa mga inanak ni Asur; kag nagpakighilawas ka sa ila, kag walâ ka man maayawi.

29 Kag ginpadamu mo ang imo mga pagpakighilawas sa duta sang mga manugbaligya, sa Kaldea; bisan pa sinui walâ ka maayawi.

30 i Daw ano nga pagkamasakit sang imo tagipooson! siling sang Ginoo nga si Iehoba, nga nagahimo ka sining tanan nga mga butang, subung nga bigaon nga walay pagpugung.

31 Nga nagpatindug ka sang imo hulut nga may kayangkayang sa nasikohan sang tanan nga dalan, kag nga naghimo ka sang imo mga mataas nga duug sa tanan nga mga dalan; kag walâ

ka nanginsubung nga bigaon nahanu-  
ngud sang pag tamay sang sohol,

32 Kondi subung nga babae nga  
makilahion nga nagbaton sang du-  
muluong sa baylo sang iya bana.

33 Ang tanan nga mga bigaon naga-  
baton sing amoma, apang ikaw nag-  
hatag sing mga amoma sa tanan mo  
nga manughigugma, kag nagsugyot ka  
sa ila tungud sang mga dólot, agud nga  
magkalari sila sa imo sa tanan nga mga  
bahin, sa imo mga pagpakighilawas.

34 Kag nahanabu, sa imo mga  
pagpakighilawas, nga baliskad sa *iban*  
nga mga babae, nga indi ka gin-  
pangita nga sa imo pagpakighilawas,  
kag nga ikaw naghatag sing sohol kag  
nga walâ sing bisan ano nga sohol nga  
ginhatag sa imo: busa nannginbaliskad  
ini.

35 Tungud sini, bigaon, pamatii ang  
polong ni lehoba:

36 Amo ining ginasing sang Ginoo  
nga si lehoba: Tungud nga ginusikan  
ang imo pilak, kag nga ang imo pag-  
kahubo napahayag sa imo mga manug-  
higugma sa imo mga pagpakighilawas,  
kag bangud sang tanan mo nga mga  
diosdios sang mga kalangil-aran, kag  
bangud sa dugo sang imo mga anak,  
nga sila gintugyan mo sa ila;

37 Tungud sini, yari karon, ako naga-  
tipon sang tanan mo nga mga manug-  
higugma, nga sa ila nagkahamuut ka,  
kag ang tanan nga mga ginhigugma  
mo, patí man ang tanan nga mga gin-  
dumtan mo: pagatipunon ko sila sa  
tanang duug batok sa imo, kag paga-  
buksan ko sa ila ang imo pagkahubo,  
kag makita nila ang tanan mo nga pag-  
kahubo.

38 Kag pagahukman ko ikaw tungud  
sang paghukom sang mga babae nga  
makihilawson kag sang nagpalatolo  
sing dugo; kag pagahimoon ko nga  
ikaw mangindugo lamang, manginka-  
singkal kag kaimon.

39 Kag pagaitugyan ko ikaw sa ka-  
mut nila, kag pagapukanon nila ang  
imo hulut nga may kayangkayang, kag  
pagapangubaon nila ang imo mga duug  
nga mataas; pagaubahan ka nila sang  
imo mga panapton, kag pagakuhaon  
nila ang imo mga butang nga puni, kag  
pagabayaon ka nila nga hubo kag  
walay tabon.

40 Kag magapalataklad sila batok sa

imo sing katipunan kag pagabatohon ka  
nila sang mga bató, kag pagagihay-  
gihayon ka nila sang ila mga hingani-  
ban.

41 Kag pagapanunugon nila sa kalayo  
ang imo mga kabalayan, kag magahili-  
kot sila batok sa imo sing mga pag-  
hukom sa mga mata sang mga madamu  
nga mga babae; kag pagapauntaton ko  
ikaw sa pagkabigaon, bisan magahatag  
ka pa man sing mga sohol.

42 Kag pagalugpayon ko batok sa  
imo ang akon kasingkal, kag maga-  
palayô sa imo ang akon kaimon; maga-  
linong ako, kag indi ako magapangakig.

43 Tungud kay walâ ka makadum-  
dum sa mga adlaw sang imo pag-  
kapamatan-on, kondi nga ginpaakig  
mo ako sa sining tanan, yari karon  
tungud sini ginbutang ko man ang imo  
mga dalanon sa ibabaw sang imo olo,  
siling sang Ginoo nga si lehoba; kag  
indi na magadugang ikaw sing salâ nga  
dulumtan sa imo mga kalangil-aran.

44 Yari karon, ang tanan nga pala-  
hulubaton magahimo sa imo sing isa ka  
hulubaton, nga nagasing: "Subung  
sang ilóy, amo man ang iya anak nga  
babae."

45 Ikaw among anak nga babae sang  
imo ilóy, nga may kaaligutgut sia sa iya  
bana kag sa iya mga anak nga lalaki;  
kag ikaw amo ang útud nga babae sang  
imo mga útud nga babae, nga may kaali-  
gutgut sila sa ila mga bana kag sa ila  
mga anak nga lalaki. Ang inyo ilóy  
nanngin-Hetinhon, kag ang inyo amay,  
Amorinhon.

46 Kag ang imo útud nga magulang  
amo ang Samaria patí ang iya mga  
anak nga mga babae, nga nagapuyo sia  
sa imo walâ. Kag ang imo útud nga  
babae nga manghud nga nagapuyô sa  
imo too amo ang Sodoma patí ang iya  
mga anak nga babae.

47 Kag indi lamang ikaw naglakat sa  
ila mga dalanon, bisan naghimo ka sono  
sang ila mga kalangil-aran; ini gina-  
pakadiyotay mo kag nagpakadunot ka  
sing labi sa ila, sa tanan mo nga mga  
dalanon.

48 Magkabuhi ako, siling sang Ginoo  
nga si lehoba; ang Sodoma nga imo  
útud, sia patí ang iya mga anak nga  
babae, walâ maghimo sila subung sang  
ginhimo mo, ikaw kag ang imo mga anak  
nga babae.



49 Yari karon, nga ini nanginamo ang kalautan sang Sodoma, nga imo útud : ang palabilabi. Sia patí ang iya mga anak nga babae may tinapay sila sa pagkabusug kag ang isa ka pagpahuway nga malinong gid, kag walâ sia magpabaskug sang mga kamut sang nasubuan kag sang imol.

50 Kag matinaastaason sila, kag naghilimo sila sing kalangil-aran sa atubangan nakon, kag ginpanas ko sila sa tapus nga nakita ko sia.

51 Kag ang Samaria walâ maghimo bisan sang katungâ sang imo mga salâ. Nagpadamu ka sang imo mga kalangil-aran sing labi sang sa ila, kag nagpakamatarung ka sang imo mga útud nga babae tungud sang tanan mo nga mga kalangil-aran, nga ginhimo mo.

52 Ikaw man, dal-a ang imo kahuluyan nga ginhimo sa imo útud nga babae. Bangud sang imo mga salâ nga naghimo ka sing labi pa ka talamayon sa ila, mga labing matarung pa sila sa imo; busa, pagkahuya-ka, kag dal-a ang imo kahuluy-an, kay ginpakamatarung mo ang imo mga útud nga babae.

53 Kag pagapabalikon ko ang ila kabihagan : ang mga bihag sang Sodoma kag ang iya mga anak nga babae, kag ang mga bihag sang Samaria kag ang iya mga anak nga babae, kag sa tungâ nila ang kabihagan sang imo mga bihag,

54 Agud nga ikaw magdalâ sang imo kahuluy-an, kag nga magbatyag sang salimoang bangud sang tanan, nga imo ginhimo, sa paglipay sa ila.

55 Kag ang imo mga útud nga babae, ang Sodoma patí ang iya mga anak nga babae magabalalik sa ila una nga kahimtagan, kag ang Samaria patí ang iya mga anak nga babae, magabalalik sila sa ila una nga kahimtagan; kag ikaw patí ang imo mga anak nga babae magabalalik kamo sa inyo nahauña nga kahimtagan.

56 Kag ang Sodoma, nga imo útud nga babae, walâ pagsambita sa imo bâbâ sa mga adlaw sang imo mga pagpalabilabi,

57 Sa walâ pa mapahayag ang imo kalainan, subung sa panag-on sang kahuluy-an sang mga anak nga babae sang Aram, kag sang tanan nga naglibot sa ila, sang mga anak nga babae sang mga Pilistinhon, nga nagatalamay sa imo sa tanan nga duug.

58 Ikaw nagadalâ sang imo salâ nga dulumtan kag sang imo mga kalangil-aran, siling ni Iehoba.

59 Kay amo ining ginasing sang Ginoo nga si Iehoba : ¡Ginahimo ko sa imo subung sang imo ginhimo, nga gintamay mo ang panumpa sa paglalis sang katipan.

60 Apang ako magapanumdum sang imo pagkapamatan-on, kag pagatukuron ko sa imo ang isa ka katipan nga walay katapusan.

61 Kag magapanumdum ka sang imo mga dalanon, kag magabatyag ka sing kahuya sa iya, kon magabaton ka sa imo mga útud nga babae, nga mga magulang mo patí sang mga manghud mo, nga sila pagaihatag ko sa imo nga mga anak mo nga babae, apang indi tungud sang imo katipan.

62 Kag pagatukuron ko ang akon katipan sa imo, kag mahibaloan mo, nga ako amo si Iehoba,

63 Agud nga makadumdum ka, kag magkahuya ka, kag nga bangud sang imo kahuluy-an, indi ka na makabukâ sang imo bâbâ, kon ako maghimo sang katumbasan nga sa imo tungud sang tanan nga ginhimo mo, siling sang Ginoo nga si Iehoba.

Palaangiran sang duha ka agila kag sang puno sang ubas.

**17** KAG nag-abut sa akon ang polong ni Iehoba, nga nagasing:

2 Anak sang tawo, buko-ka sing isa ka paktakon, kag pahyag-ka sing isa ka palaangiran sa baláy ni Israel.

3 Kag magasiling ka : Amo ining ginasing sang Ginoo nga si Iehoba : Ang daku nga agila, nga may dalagku nga mga pakpak, kag may malagba nga mga kuyus, punô sing mga bulbul sa naga-kalainlain nga mga duag, nag-abut sa Libano kag ginkuha niya ang tuyok-tuyokan sang sedro.

4 Gingabut niya ang labing daku sang iya mga salingsing, kag gindalâ niya sia sa duta sang balaligyaan, kag ginbutang niya sia sa banwa sang mga manugbaligya.

5 Ugaling nagkuha sia sang binhi sang dnta, kag ginbutang niya sia sa isa ka latagon nga palangasan; ginbutang niya sia sa luyo sang madamu

nga mga tubig, ginbutang niya sia sa duug nga binunyanagan.

6 Kag naguslot, kag nahimo sia nga isa ka púnô sang ubas nga madamu sing sangâ, apang manubo ang tinuboan niya, sa bagay nga ang iya mga sangâ nagbalalik nayon sa iya, kag ang iya mga gamut yara sa idalum niya; kag nahimo sia nga púnô sang ubas, nga nagpananga kag nanalingsing.

7 Apang may isa man ka daku nga agila, nga may dalagku nga mga pakpak kag madamu sing mga bulbul; kag yari karon, nga ini nga púnô sang ubas nagpatiko nayon sa iya sang iya mga gamut kag kutub sa natamnan niya naguntay sia nayon sa iya sang iya mga sangâ, agud nga mabunyanagan niya sia.

8 Kag sa isa ka maayo nga latagon, nga malapit sa madamu nga mga tubig, gintanum sia, agud nga magpananga sia, kag magdalâ sing bunga, kag agud nga manginpunô sang ubas sia nga maambong.

9 Isiling-mo: Amo ining ginasing sang Ginoo nga si Iehoba: ¿Magabugana bala sia? ¿Indi bala pagagabuton niya ang iya mga gamut, kag pagautdon niya ang iya bunga? ¿Kag indi bala pagapalayaon niya ang tanan niya nga mga dahon? Magakalaya sia, kag indi nagakinahanglan bisan daku nga kusug sang butkon, bisan madamu nga mga tinawo sa paggabut sa iya sa mga gamut niya.

10 Kag yari karon, natanum na. ¿Magabugana bala sia? ¿Indi bala malaya sing bug-os, kon ang hangin sa Sidlangan maghuyup sa iya? Malaya sia sa natamnan nga diin sia naguslot.

11 Kag nag-abut sa akon ang polong ni Iehoba, nga nagasing:

12 Busa, isiling-mo karon sa siuing baláy nga malalison: ¿Walâ bala kamo makahibalo nga kon ano ang kahologan sining mga butang? Isiling-mo: Yari karon nga ang hari sa Babilonia nag-abut sa Ierusalem, kag ginkuha niya ang iya hari kag ang mga dunganon, kag gindala niya sila upud sa iya sa Babilonia.

13 Ugaling nagkuha sia sing isa ka tawo sa kaliwatan nga harianon, kag naghimo sia upud sa iya sing pagpakigkatipan, kag ginpanumpa niya sia; kag ginkuha niya man ang mga labing makusug sang duta,

14 Agud nga paglapyoon ang ginharian, kag indi makatindug, nga nagabantay sang iya pagpakigkatipan sa pagpadayon.

15 Apang naglalis sia batok sa iya, nga nagapadalâ sang iya mga manugbala sa Egipto, agud nga hatagan niya sia sing mga kabayo kag madamu nga mga tinawo. ¿Pagapabuganaon bala ang naghimo sini? ¿magapalagyo bala sia? Naglalis sia sang pagpakigkatipan, kag ¿sarang sia bala makapalagyo?

16 Magkabuhi ako, siling sang Ginoo nga si Iehoba: Sa duug sang hari, nga naghimo sa iya nga hari, nga ang iya panumpa gintamay niya, kag nga ginlalis niya ang iya pagpakigkatipan, malapit sa iya, sa tungâ sang Babilonia, mamatay sia.

17 Kag ini indi sa daku nga kasoldadosan, bisan sa madamu nga kinabon, nga si Paraon magahimo nga sa iya sa pagawayan, kon magapatindug sila sing mga tap-ok kag nga magapalatindug sila sing mga kapag-unan sa palibot sa pagpapas sang madamu nga mga kalág.

18 Gintamay niya ang panumpa sa paglalis sang katipan; kag yari karon, nga ginhatag niya ang iya kamut kag ginhimo niya ining tanan nga mga butang: indi sia makapalagyo.

19 Tungud sini amo ining ginasing sang Ginoo nga si Iehoba. Magkabuhi ako, amo ang panumpa nakon, nga gintamay niya, kag ang akon katipan nga ginlalis niya. Pagaibutang ko ini sa ibabaw sang iya olo.

20 Kag igaladlad ko sa ibabaw niya ang akon pukot, kag pagadakpon ko sia sa akon sihod; kag pagadalhon ko sia sa Babilonia kag didto magasulud ako sa paghukom sa iya tungud sang mga paglalis, nga ginhimo niya batok sa akon:

21 Kag nahanungud sang tanan niya nga mga manlalagyo, pati ang tanan niya nga mga kinabon, magakalapukan sila sa hinganiban; kag ang mga nagakalabilin pagaipanwaraag sila sa tanan nga hangin. Kag mahibaloan ninyo, nga amo ako si Iehoba nga naghambal.

22 Amo ining ginasing sang Ginoo nga si Iehoba: Apang magakuha ako gid sang mataas nga tuyoktuyokan sang sedro, kag pagaibutang ko ini sa duta: sa labing daku sang iya mga salingsing, magakuha ako sing isa ka lagbus, kag pagaitanum ko gid ini sa ibabaw sang



isa ka bukid nga mataas kag manayok-nayok.

23 Sa bukid nga mataas ni Israel pagaitanum ko sia; kag magahayaw sia sing mga sangà, kag magadalà sia sing bungà, kag mahimo sia nga maambong nga sedro; kag magapuluyô sa idalum niya ang tanan nga magamay nga pis-pis, ang tanan nga may mga pakpak: magahimo sila sang ila puluy-an sa landong sang iya nga sangà.

24 Kag makahibalo ang tanan nga mga kahoy sang latagon, nga ako si Iehoba amo ang nagapatúbô sang kahoy nga mataas, kag ginapataas ko ang manubo nga kahoy, nga ginapalaya ko ang kahoy nga hilaw kag ginapapan-lumbay ko ang kahoy nga laya. Amo ako nga si Iehoba, nga nagahambal kag nagahimo sini.

#### Kaugalingon nga salabton.

**18** KAG nagbut sa akon ang polong ni Iehoba, nga nagasiling:

2 “¿Ano bala ang buut ninyo igasiling, sang nagamitlang kamo sini nga hulubaton sa ibabaw sang duta sa Israel, nga nagasiling: Ang mga ginikanan nagkalaon sang bagnas, kag ang mga ngipon sang anak may kangilo?”

3 Magkabuhi ako, siling sang Ginoo nga si Iehoba, nga iudi na mahanabu nga magamitlang kamo sini nga hulubaton sa Israel.

4 Yari karon, ang tanan nga mga kalág akon sila; akon sila, ang kalág sang amay, subung man ang kalág sang anak. Ang kalág nga makasalà, ina mamatay.

5 Kag kon ang tawo matarung kag magbutang sa buhat sing mga tulumanon kag sang katarungan,

6 Kon indi sia magkaon sa ibabaw sang mga bukid, bisan maghayaw sang iya mga mata sa mga diosdios sang baláy ni Israel, bisan magdagta sang asawa sang iya isigkatawo, bisan magpalapit sa babae sa iya pagkahigko,

7 Bisan magpigos sia *sa bisan kay sino*, kon magulisia sang iya inugpalig-on nga ginbaton tungud sang utang, bisan maghimo sia sing paglugos, maghatag sang iya tinapay sa nagutum, kag magtabon sa hubo sing panapton;

8 Kon indi sia maghatag sa patúbô, bisan magbaton sing kapuslanan, kon sa

kalainan pungan niya ang iya kamut, kon maghimo sia sing paghukom, sono sang kamatooran sa tungà sang tawo kag tawo;

9 Kon sa akon mga palatukoran maglakat sia kag magbantay sia sang akon mga tulumanon, nga sa pagbutang sa buhat sang kamatooran; ini nga tawo matarung, sa pagkamatuud, magakabuhi sia, siling sang Ginoo nga si Iehoba.

10 Apang kon magpanganak sia sing anak nga lalaki nga malugus, nga naga-ula sing dugo, kag nga maghimo sia bato sa iya útud sing bisan ano sining mga butang

11 (Nga bisan pa nga sa iya indi maghimo sing bisan ano sining mga butang); bisan pa magkaon sia sa ibabaw sang mga bukid, kag magdagta sang asawa sang iya isigkatawo;

12 Kon magpigus sia sang nalisdan kag sang imol, kon magpanawat sia, indi maguli sia sang inugpalig-on, maghayaw sia sang iya mga mata sa mga diosdios, kag magbutang sia sa buhat sing kalangil-aran,

13 Kon sia maghatag sa patúbô, kag magbaton sing kapuslanan; magakabuhi bala sia? Indi magakabuhi sia. Ginhimo niya ining tanan nga mga kalangil-aran; sa pagkamatuud, mamatay sia: ang iya dugo magamangin sa ibabaw niya.

14 Apang, yari karon, ang isa nga magpanganak sing anak nga lalaki, nga sia makakita sang tanan nga mga salà nga ginhimo sang iya amay, kag magandang nga indi niya paghimoon nga subung sini:

15 Indi magkaon sia sa ibabaw sang mga bukid, bisan maghayaw sia sang iya mga mata sa mga diosdios sang baláy ni Israel; indi magdagta sia sang asawa sang iya isigkatawo,

16 Bisan magpigos sia sa bisan kay sino, indi magbaton sia sing inugpalig-on, bisan magpanawat sia, maghatag sia sing tinapay sa nagutum, magtabon sia sing panapton sa hubo;

17 Magpugung sia sang iya kamut sa imol, indi sia magbaton sing patúbô, bisan kapuslanan, magbutang sia sa buhat sang akon mga tulumanon, kag maglakat sia sa akon mga palatukuran: ini indi mamatay tungud sang kalautan sang iya amay; sa pagkamatuud, magakabuhi sia.

18 Ang iya amay, tungud kay naghimo sia sing pagpigus kag nagpangawat sia sa iya utud, kag nagbutang sia sa buhat sang indi maaayo sa tungâ sang iya banwa, yari karon, nga sia mamatay tungud sang iya kalainan.

19 Kag nagasililing kamo: "¿Kay ngaa bala ang anak indi magdalá sang ano nga kalautan sang iya amay?" Kay ang anak nagbutang sa buhat sang tulumanon kag sang katarungan, nagbantay sia sang tanan ko nga mga palatukuran, kag ginhimo niya sila, *tungud sini*, sa pagkamatuud, magakabuhi sia.

20 Ang kalág nga nagapakasalá, ina mamatay: ang anak indi magadalá sang kalautan sang amay; bisan ang amay magadalá sang kalautan sang anak: ang katarungan sang matarung mangin sa ibabaw niya, kag ang kalautan sang madauton mangin sa ibabaw niya.

21 Kag ang malauton, kon magisol sia sa tanan nga mga salá nga ginhimo niya kag magbantay sang tanan nakon nga mga palatukuran, kag kon magbutang sia sa buhat sang tulumanon kag sang katarungan, sa pagkamatuud, magakabuhi sia, indi mamatay sia.

22 Ang tanan nga mga paglalis nga ginhimo niya, indi na pagapanumdumon batok sa iya: sa iya katarungan, nga ginhimo niya, magakabuhi sia.

23 ¿Magakahamuut bala ako sang kamatayon sang madauton? siling sang Ginoo nga si Iehoba. ¿Indi bala, hinoo, nga sia magisol sa iya nga dalanon kag nga magkabuhi sia?

24 Kag kon ang matarung magisol sa iya katarungan kag magbutang sa buhat sang kalautan, kag maghimo sia sono sang tanan nga mga kalangil-aran nga ginahimo sang malauton, ¿magakabuhi bala sia? Ang tanan niya nga mga katarungan, nga ginhimo niya, indi na pagapanumdumon; tungud sang iya paglalis nga ginhimo niya, kag tungud sang iya salá, nga ginbuhat niya, tungud sa ila mamatay sia.

25 Kag nagasililing kamo: "Indi himpit ang dalanon sang Ginoo." Pamatii-ninyo karon, baláy ni Israel: ¿Indi bala himpit ang akon dalanon? ¿Indi bala ang inyo nga dalanon ang indi himpit?

26 Kon ang matarung magisol sa iya katarungan, kag maghimo sing kalautan, kag tungud sini mamatay sia ba-

ngud sang iya kalautan, nga ginhimo niya, mamatay sia.

27 Kag kon ang madauton magisol sa iya kalautan, nga ginhimo niya, kag kon magbutang sia sa buhat sang tulumanon kag sang katarungan, ini sia magapabuhi sang iya kalág.

28 Kon mag-andam sia sa pagisol sa tanan niya nga mga paglapas, nga ginhimo niya, sa pagkamatuud, magakabuhi sia; indi mamatay sia.

29 Kag nagasililing *pa* ang baláy ni Israel: "Indi himpit ang dalanon sang Ginoo." ¿Indi himpit bala ang akon nga dalanon, baláy ni Israel? ¿Indi bala ang inyo nga dalanon ang indi nga himpit?

30 Ngani ako magahukom sa inyo, sa tagsatagsa sono sang iya nga dalanon, baláy ni Israel, siling sang Ginoo nga si Iehoba. Balik-kamo kag magliso-kamo gikan sa tanan ninyo nga mga paglalis, kag walâ na kamo sing katigayonan sa pagkaholog sa kalautan.

31 Sobola-ninyo sa malayô sa inyo ang tanan ninyo nga mga paglalis nga tungud sa ila naglapas kamo; kag hili-mo-kamo nga sa inyo sing tagiposoon nga bag-o kag espiritu nga bag-o. Kag ¿kay ngaa bala magakalamatay kamo, baláy ni Israel?

32 Kag indi nagakahamuut ako sang kamatayon sang nagakapatay, siling sang Ginoo nga si Iehoba. Busa, liliso-kamo, kag magakalabuhi kamo.

Haya; ang leon nga babae kag ang pinuno sang ubas.

**19** KAG ikaw, haya-ka sa ibabaw sang mga dunganon sa Israel,

2 Kag magsiling-ka sa ila: ¿Sin-o bala ang imo ilôy? Ang isa ka leon nga babae. Sa tungâ sang mga leon nagloko sia kag ginsagud niya ang iya nga magamay sa tungâ sang mga totoy.

3 Kag ginsagud niya ang isa sang iya nga totoy; nanginleon nga diotay sia, kag nagtoon sia sa pagtukuh sang tulukbon: naghalunhon sia sing mga tawo.

4 Apang ang mga katawohan nakabati nahanungud sa iya: gindakup sia sa boho nila, kag gindalá nila sia nga may mga tohog sa duta sa Egipto.

5 Kag nakita niya nga naghulat sia, kag nga nagkadula ang iya paglaum; kag nagkuha sia sing isa sang iya nga



tutoy, kag ginhimo niya ini nga leon nga diyotay.

6 Sang naglakat sia gikan diri pa didto sa tungâ sang mga leon, nahimo sia nga leon nga diyotay kag nagtoon sia sa pagtukub sing tulukbon: naghalunhon sia sing mga tawo.

7 Nakilala niya ang iya mga bálo nga babae kag ginhapay niya ang iya mga kabanwaan; ang duta kag ang tanan nga yara sa iya ginhapay sa tingug sang iya pagngurub.

8 Kag ang mga katawohan nagsalakay batok sa iya sa palibot gikan sa mga probinsia, kag ginhulumlad nila sa ibabaw niya ang ila pukot: gindakup sia sa iya boho.

9 Kag ginbutang nila sia sa isa ka balatibat nga may mga tuhog, kag gindala nila sia sa hari sa Babilonia; ginpasulud nila sia sa mga kabakuran, agud nga ang iya tingug indi na mabatian sa ibabaw sang mga kabukiran sa Israel.

10 Ang imo iloy nanginsubung sa isa ka pinuno sang ubas sa imo kaangay, nga natanum sa malapit sa mga tubig; mabungahon sia, kag mabuganaon sa mga balagon bangud sang mga madamu nga mga tubig.

11 May mga sangâ sia nga mga mabakud nga sa mga patok sang mga manuggahum Nagtaas sia sa kataason sa tungâ sang iya mga katuyoktuyokan nga madabung, kag nakita sia tungud sa iya kataason, tungud sang kadamuon sang iya mga sangâ.

12 Apang gingabut sia nga may kasingkal, nga ginpuhan sia sa duta, kag ang hangin sa Sidlangan nagpalaya sang iya bunga: ang iya mga mabakud nga mga patok ginpamali, nalaya sila, ginhalonhon sila sang kalayo.

13 Kag karon natanum sia sa kahanayakan, sa duta nga kigas kag mauhawon.

14 Naggowa ang kalayo sa mga patok sang iya mga sangâ, naghalonhon ini sang iya bunga, kag wala na sa iya sing sangâ nga mabakud, bisan patok nga inuggahum. Ini amo ang haya, kag nanginhaya sia.

Ang mga kalangil-aran sang balay ni Israel  
kutub sang panag-on sang Eksodo.

ikapulô sang bulan, nga nag-alabut ang iban sang mga tigulang sa Israel sa pagpakisayud kay Iehoba, kag naglilingkod sila sa atubangan nakon.

2 Kag nag-abut sa akon ang polong ni Iehoba, nga nagasiling:

3 Anak sang tawo, ihambal sa mga tigulang sa Israel, kag isiling sa ila: Amo ining ginasiling sang Ginoo nga si Iehoba: ? Sa pagpakisayud sa akon bala nagkalari kamo? Magkabuhi ako, nga ako indi magatugut sa pagpakisayud sa inyo, siling sang Ginoo nga si Iehoba.

4 ? Magahukom ka bala sa ila? Anak sang tawo, ? magahukom ka bala sa ila? Ipahibalo mo sa ila ang mga kalangil-aran sang ila mga ginikanan.

5 Kag isiling mo sa ila: Amo ining ginasiling sang Ginoo nga si Iehoba: Sa adlaw nga ginpili ko si Israel, kag nga ginbayaw ko ang akon kamut sa kaliwatan sang balay ni Iakob, kag nga ginpakilala ko sa duta sa Egipto, kag nga ginbayaw ko ang akon kamut sa ila, nga nagasiling: "Ako amo si Iehoba nga inyo Dios;"

6 Sadto gid nga adlaw, nga ginbayaw ko sa ila ang akon kamut, sa pagpagowa sa ila sa duta sa Egipto pa duta nga ginpangita ko sa ila, *duta* nga nagailig sing gatas kag sing dugos, nga sia amo ang labing maayoayo sang tanan nga mga duta;

7 Kag nagsiling ako sa ila: "Magso-bol ang tagsatagsa sa iya sang mga kalangil-aran sang iya mga mata, kag indi kamo magpadagta sa inyo sa mga diosdios sa Egipto: ako amo si Iehoba, nga inyo Dios."

8 Apang sila naglalalis batok sa akon, kag indi sila buut magpamati sa akon: wala sing sin-o sa ila nga nagso-bol sang mga kalangil-aran sang iya mga mata, bisan ginbayaan nila ang mga diosdios sa Egipto; kag naghambal ako, nga pagaiula ko ang akon kakig sa ibabaw nila, sa pagtuman sang akon kasingkal sa ila sa tungâ sang duta sa Egipto;

9 Apang ginhimo ko bangud sang akon ngalan, agud nga indi pagpasipalahan sia sa mga mata sang mga katawohan, nga sa tungâ nila yara sila, nga sa ila mga mata nagpakilala ako sa ila, sa pagpagowa sa ila sang duta sa Egipto.

10 Kag ginpagowa ko sila sa duta sang

Egipto, kag gindalá ko sila sa kahanayakan.

11 Kag ginhatag ko sa ila ang akon mga palatukuran, kag ginpahibalo ko sa ila ang akon mga tulumanon; nga tungud sa ila magakabuhi ang tawo, nga magbutang sa ila sa buhat.

12 Kag ginhatag ko man sa ila ang akon mga sabado, nga mangintandaan sila sa tungâ nakon kag nila, kon sayoron nga ako amo si Iehoba, nga nagpakabalaan sa ila.

13 Apang nagmalalison batok sa akon ang baláy ni Israel sa kahanayakan; walâ sila maglalakat sa akon mga palatukuran, kag ginsikway nila ang akon mga tulumanon, nga tungud sa ila, magakabuhi ang tawo nga magbutang sa ila sa buhat, kag ginpakadibalaan nila ang akon mga sabado sing daku gid, kag naghambal ako, nga pagaiula ko sa ibabaw nila ang akon kasingkal sa kahanayakan, sa pagupúd sa ila.

14 Apang ginhimo ko bangud sang akon ngalan, agud nga indi pagpasipalahan *sia* sa mga mata sang mga katawohan, nga sa atubangan sang ila mga mata ginpagowa ko sila.

15 Kag ginbayaw ko man ang akon kamut sa ila, sa kahanayakan, nga indi ko sila pagisulúd sa duta nga ginhatag ko sa ila, *duta* nga nagailig ang gatas kag ang dugos, nga amo *sia* ang labing maayo sang tanan nga mga duta;

16 Kay ginsikway nila ang akon mga tulumanon, kag nga walâ sila maglalakat sa akon mga palatukuran, kag kay ginpakadibalaan nila ang akon mga sabado; kay ang ila tagiposoon naglalakat sa olehe sang ila mga diosdios.

17 Apang, ginpatawad sila sang akon mata, agud nga indi sila malaglag, bisan ginlaglag ko sila sing bug-os sa kahanayakan.

18 Kag nagsiling ako, sa kahanayakan, sa iya mga anak: "Indi kamo maglalakat sa mga palatukuran sang inyo mga ginikanan, bisan bantayan ninyo ang ila mga tulumanon, bisan magpaladagta-kamo sa ila mga diosdios:

19 Ako amo si Iehoba, nga inyo Dios; lalakat-kamo sa akon mga palatukuran, kag bantayi-ninyo ang akon mga tulumanon, kag ibutang-ninyo sila sa buhat;

20 Kag pakabalaan-ninyo ang akon mga sabado, kag mangintandaan sila sa tungâ nakon kag ninyo, kon sayoron,

nga mahibaloan ninyo, nga ako amo si Iehoba nga inyo Dios."

21 Kag ang mga anak naglalalis batok sa akon; walâ sila maglalakat sa akon mga palatukuran, bisan nagbalantay sila sang akon mga tulumanon sa pagbutang sa ila sa buhat, nga tungud sa ila magakabuhi ang tawo, nga magbutang sa ila sa buhat, kag ginpakadibalaan nila ang akon mga sabado; kag naghambal ako nga igaula ko ang akon kasingkal sa ibabaw nila, sa pagtuman sa ila sang akon kaakig sa kahanayakan;

22 Apang ginpungan ko ang akon kamut, kag ginhimo ko bangud sa akon ngalan, agud nga indi pagpasipalahan *sia* sa mga mata sang mga katawohan, nga sa atubangan sang ila mga mata ginpagowa ko sila.

23 Ginbayaw ko man sa ila ang akon kamut, sa kahanayakan, nga pagaiwara-ag ko sila sa tungâ sang katawohan, kag nga pagapanason ko sila sa mga duta,

24 Kay indi nila ginbutang sa buhat ang akon mga tulumanon, kag ginsikway nila ang akon mga palatukuran, kag ginpakadibalaan nila ang akon mga sabado, kag ang ila mga mata nagpalakadto sa olehe sang mga diosdios sang ila mga ginikanan.

25 Labut pa sini, ako naghatag sa ila sing mga palatukuran nga indi maayo kag mga tulumanon nga tungud sa ila indi sila magkalabuhi,

26 Kag gindagtaan ko sila sa ila mga halad, sang ginapaagi nila *sa kalayo* ang tanan nga panganay sang ilóy, agud nga paghapayon ko sila, agud nga mahibaloan nila, nga ako amo si Iehoba.

27 Ngani, anak sang tawo, ihambal sa baláy ni Israel, kag isiling sa ila: Amo ining ginasiling sang Ginoo nga si Iehoba: Yari pa karon, tungud sa ano nga butang ginpasipalahan pa ako sang inyo mga ginikanan, sang ginbuhat nila ang paglalis batok sa akon.

28 Gindalâ ko sila sa duta nga sa ibabaw niya ginbayaw ko ang akon kamut nga pagaihatag ko sa ila, kag nagtululok sila sa tanan nga bakolod nga mataas, kag sa tanan nga madabung nga kahoy, kag didto ginhalalad nila ang ila mga halad, kag didto ginpaatubang nila ang pagpaakig sang ila mga halad, didto ginbutang man nila ang pahamut sang iya maayo nga baho, kag



didto ginpanġula nila ang ila mġa halad nġa ilimnon.

29 Kag ako nagsiling sa ila: “¿Ano bala ining mataas nġa duug nġa didto nagakaladto kamo?” Walay sapayan, ginahingadlan ina “ang mataas nġa duug” tuhtub karon nġa adlaw.

30 Ngani, isiling sa baláy ni Israel: Amo ining ginasiling sang Ginoo nġa si Iehoba: Sang nagapaladagta kamo sa dalan sang inyo mġa ginikanan, kag nġa magpalanghilahi kamo sa olehe sang ila mġa kalanġil-aran,

31 Kag nġa ginadalá ninyo ang inyo mġa halad, kag nġa nagapalaagi kamo sang inyo mġa anak sa kalayo, nagapaladagta kamo sa tanan ninyo nġa mġa diosdios tuhtub karon nġa adlaw, ¿magatugut bala ako sa pagpakisayud sa inyo, baláy ni Israel? Magkabuhi ako, siling sang Ginoo nġa si Iehoba, nġa indi ako magtugut sa pagpakisayud sa inyo.

32 Kag indi gid magakahanabu ang nagasaka sa inyo espiritu, nġa nagsiling kamo: “Magamanġinsubung kami sang mġa katawohan, subung sang mġa panimaláy sang *iban* nġa mġa duta, nġa nagaalagad sa kahoy kag sa bató.”

33 Magkabuhi ako, siling sang Ginoo nġa si Iehoba; sa kamut nġa makusug, sa butkon nġa inuntay kag kaakig nġa inula, magahari ako sa ibabaw ninyo.

34 Kag pagapagowaon ko kamo sa tungâ sang mġa banwa; kag pagatipunon ko kamo gikan sa mġa duta, nġa gin-alaplaagan ko sa inyo nġa may kamut nġa makusug, kag butkon nġa inuntay kag kaakig nġa inula;

35 Kag pagadal-on ko kamo sa kahanayakan sang mġa banwa, kag didto pagahukman ko sa inyo sa nawung kag nawung.

36 Subung sang paghukom sa inyo mġa ginikanan sa kahanayakan sang duta sa Egipto, subung man magahukom ako sa inyo, siling sang Ginoo nġa si Iehoba.

37 Kag pagapaagihon ko kamo sa idalum sang bunal, kag pagapasudlon ko kamo sa higot sang katipan.

38 Kag pagaipalayô ko sa tungâ ninyo ang mġa malalison kag ang mġa naglalalis batok sa akon. Pagapagowaon ko sila gikan sa duta sang ila ginpanlugayawan, kag sa duta sa Israel

indi sila magaalabut. Kag mahibaloan ninyo, nġa ako amo si Iehoba.

39 Busa, kamo, baláy ni Israel, amo ining ginasiling sang Ginoo nġa si Iehoba: Lalakat-kamo, alagad-kamo ang tagsatagsa sa iya mġa diosdios; apang sa olehe man, kon indi kamo magpamati sa akon. Kag indi na ninyo pagapasi-palahan ang nġalan sang akon pagkabalaan tungud sang inyo mġa halad kag tungud sang inyo mġa diosdios.

40 Kay sa ibabaw sang bukid sang akon pagkabalaan sa ibabaw sang mataas nġa bukid sa Israel, siling sang Ginoo nġa si Iehoba, didto magaalagad sa akon ang bug-os nġa baláy ni Israel, tanan sila sa *ila* duta; didto may kahamuut ako sa ila, didto magapangabay ako sang inyo mġa halad nġa binayaw, kag sang mġa pang'anay nġa pagadalhon ninyo sa tanan ninyo nġa mġa butang nġa balaan.

41 Sa pahamut sa maayo nġa baho pagabatonon ko kamo, kon ginpagowa ko kamo sa tungâ sang mġa banwa, kag matipon ko na kamo gikan sa mġa duta nġa ginpanġalaplaagan ninyo; kag pagapakabalaanon ako sa inyo sa mġa mata sang mġa katawohan.

42 Kag mahibaloan ninyo, nġa ako amo si Iehoba, kon madalá ko kamo sa duta sa Israel, sa duta nġa tungud sa iya ginbayaw ko ang akon kamut, nġa pagaihatag ko sia sa inyo mġa ginikanan

43 Kag didto magapalanumdum kamo sang inyo mġa dalanon kag sang tanan ninyo nġa mġa binuhatan nġa nagpaladagta kamo, kag pagadumtan ninyo ang inyo kaugalingon tungud sang tanan ninyo nġa mġa kalainan nġa ginbutang ninyo sa buhat,

44 Kag mahibaloan ninyo, nġa ako amo si Iehoba, kon ako maghimo sa inyo bangud sang akon nġalan, *kag* indi sono sang inyo mġa malain nġa mġa dalanon, bisan sono sang inyo mġa dunut nġa mġa binuhatan, baláy ni Israel, siling sang Ginoo nġa si Iehoba.

45 Kag nag-abut sa akon ang polong ni Iehoba, nġa nagsiling:

46 Anak sang tawo, ibalikid ang imo nawung nayon sa Bagatnan, kag ipatolo mo ang *imo polong*, subung sang tun-og, nayon sa Bagatnan, kag tagna-ka sa talon sang latagon sang Bagatnan.

47 Kag isiling-mo sa talon sang Bagat-

nan: Pamati-ka sang polong ni Iehoba: Amo ining ginasiling sang Ginoo nga si Iehoba: Yari karon, nga ako magatutud sa imo sing kalayo, nga magahalohon sa imo sang tanan nga kahoy nga hilaw kag sang tanan nga kahoy nga laya: indi mapalong ang dabdab sang sunog, kag pagapanunugon sa iya ang tanan nga mga nawung, kutub sa Bagatnan nayon sa Aminhan.

48 Kag makita sang tanan nga unud, nga ako amo si Iehoba nga nagtutud sini: indi sia mapalong.

49 Kag nagsiling ako: "¡ Ah Ginoo nga si Iehoba! nagsililing sila nahanungud sa akon: ¿Walâ bala magahambal ini gihapon sing mga paangid?"

Ang kampilan ni Iehoba.

**21** KAG nag-abut ang polong ni Iehoba sa akon, nga nagsiling:

2 Anak sang tawo, ibalikid ang imo nawung nayon sa Ierusalem, kag ipatolo-mo ang imo polong, subung sang tunog nayon sa mga balaan nga Puluy-an, kag tagna ka nga sa duta sa Israel.

3 Kag isiling mo sa duta sa Israel: Amo ining ginasiling ni Iehoba: Yari karon, nga ako *nagaabut* batok sa imo, kag pagagabuton ko ang akon kampilan sa iya tagub, kag pagautdon ko sa imo ang matarung kag ang madauton.

4 Kag tungud kay pagautdon ko sa imo ang matarung kag ang madauton, tungud sini ang akon kampilan magagowa sa iya tagub batok sang tanan nga unud, kutub sa Bagatnan tubtub sa Aminhan.

5 Kag mahibaloan sang tanan nga unud nga ako nga si Iehoba naggabut sang akon kampilan sa iya tagub; indi na gid magabalik sia.

6 Kag ikaw, anak sang tawo, bakho-ka nga may pagkaboong sang mga hawak, kag magbakho-ka nga may kasakit nga mapait sa atubangan sang mga mata nila.

7 Kag magakahanabu, nga pagasilingan ka nila: "¿Kay nga bala naga-bakho ka?" kag magasiling ka: "Tungud sang balita, kay nag-abut sia: kag magakatunaw ang tanan nga tagipsoon, kag magaluluya ang tanan nga mga kamut, kag magalapyo ang tanan nga espiritu, kag ang tanan nga mga tuhod magakalatunaw sa tubig. Yari karon

nga nagaabut, kag magaabut, siling sang Ginoo nga si Iehoba."

8 Kag nag-abut sa akon ang polong ni Iehoba nga nagsiling:

9 Anak sang tawo, tagna-ka, kag isiling-mo: Amo ining ginasiling sang Ginoo nga si Iehoba: Isiling-mo: ¡ Ang hinganiban, ang hinganiban! Binaid na sia, kag pinakanaw man.

10 Nabaid na sia sa pagpangusug sa pagpatay; pinakanaw na sia sa pagkidlap subung sang kilat. Kon, ¿magakalasadya bala kita, setro sang akon anak nga lalaki, nga nagatamay sang tanan nga *lawan* nga kahoy?

11 Kag ginhatag niya sia sa pagpakanaw, sa pagkaput sa iya sang kamut; nabaid ang hinganiban, kag pinakanaw sia sa pagbutang sa kamut sang manugpatay.

12 Singit kag uwang-ka, anak sang tawo, kay ini nagaabut batok sa akon banwa, *nagaabut* batok sa tanan nga mga dunganon sa Israel. Gintugyan sila sa hinganiban upud sang akon banwa; ngani, lampusi ang imo balikawang.

13 Kay ginhimo na ang pagtilaw, kag ¿ano bala, kon ang setro nga talamayon walâ na? siling sang Ginoo nga si Iehoba.

14 Busa, ikaw, anak sang tawo, tagna-ka kag pamalakpak-ka; kag nga ang hinganiban magtatlo, yadtong hinganiban sang mga pilason sa kamatayon, ini nga hinganiban nga nagpilas sa kamatayon sa mga dalagku, kag nga magalibot sa ila.

15 Agud nga ang mga tagiposoon magkalatunaw, kag nga magdamu ang mga katigayonan sa pagkapukan, ginapadalâ ang pahug sang hinganiban batok sang tanan nga mga gawang nila. ¡ Ah! handa na sia sa pagidlab, binaid sia sa pagpamatay.

16 Hinganihan, tinpon-ka, pilas-ka sa too, talupangud-ka, pilas-ka sa walâ, sa diin nga napat-in ang imo sulab.

17 Kag ako man magapamalakpak, kag pagapalugpayon ko ang akon kaakig. Amo ako nga si Iehoba nga naghambal.

18 Kag nag-abut ang polong ni Iehoba sa akon, nga nagsiling:

19 Kag ikaw, anak sang tawo, himo-ka sing duha ka dalan nga sa imo sa diin magabut ang hinganiban sang hari sa Babilonia; nga maghalin ang duha



sa isa lamang ka duta ; kag badlit-ka sing isa ka kamut nga manugtudlo, badlit ka sa iya sa pamúnô sang dalan sang banwa.

20 Magahimo ka sing dalan sa diin nagakadto ang hinganiban pa Raba sang mga inanak ni Amon, kag *sing iban* sa Iuda, sa Ierusalem, nga *banwa nga* mabakud.

21 Kay ang hari sa Babilonia nagdúlog sa ginsang-an sang mga dalan, sa kamunoan sang duha ka dalan, sa pagpakisayud sa pagpakot ; ginauyug niya ang mga baslay, nagpamangkot sia sa mga diosdios nga panimaláy, nagaussisa sia sang atay.

22 Yari karon ang pakot sa iya kamut nga too : “ ¡ Ierusalem ! ” sa pagpahamtang sing mga bongkol, sa pagbukâ sang bâbâ nga sa pagpamatay, sa pagbayaw sang tingug sa pagsingit sa inaway, sa pagpahamtang sing mga bungkol batok sang mga gawang, sa pagtukud sing mga tap-ok kag sa pagpatindug sing kapag-unan sa palibot.

23 Kag ini mangin sa ila, sa ila mga mata, subung nga pagpakot nga butig-on : sa mga nagpanumpa sing mga sumpa ; apang sia nagapanumdum sang kalalat-an, agud nga pagdakpon sila.

24 Ngani, amo ining ginasiling sang Ginoo nga si Iehoba : Tunğud kay ginapanumdum ninyo ang inyo mga kalautan, nga ginapahayag ang inyo mga paglalis, nga mapakita ang inyo mga salâ sa tanan ninyo nga mga binuhatan, hoo, tunğud kay ginapanumdum ninyo gid sila, pagapandakpon kamo sang iya kamut.

25 Kag ikaw, mapasipalahon, madauton, nga dunganon sa Israel, nga ang iya adlaw nagaabut sa panag-on sang kabug-osan sang kalautan,

26 Amo ining ginasiling sang Ginoo nga si Iehoba : Kuhaa ang turbante, kuhaa ang purungpurung ; ang amo, indi na magaamo. Ginabayaw ang naubus, kag ginapaubus ang ginbayaw.

27 ¡ Pagkabaliskad, pagkabaliskad, pagkabaliskad ! amo ini ang ginahimo ko sa iya ; ang amo gid indi na magaamo, tubtub nga mag-abut yadtong iya ang paghukom kag nga sa iya ihatag ko sia.

28 Kag ikaw, anak sang tawo, tagna-ka, kag isiling-mo : Amo ining ginasiling sang Ginoo nga si Iehoba, nga sa

mga inanak ni Amon, kag nga sa ila kahuluy-an. Kag pagaisiling mo : ¡ Ang hinganiban, ang hinganiban, ang hinganiban, nagaabut na ! Napakanaw sia sa pagpamatay, sa paghalunhon, agud sa pagpaidlap.

29 Sang nagahuput sila sing mga palanan-awon sa kadayawan, sang nagahimo sila sing mga pamakot sa butig, nga sa imo ginapukan ka nila sa mga liog sang mga pilason sa kamatayon sa tungâ sang mga malauton nga ang iya adlaw nagaabut sa panag-on sang kabug-osan sang kalautan.

30 ¡ Itagub liwan ang hinganiban sa iya tagub ! Sa duug diin ginsagud ka, sa duta nga imo gingiklanan magahukom ako sa imo.

31 Kag pagaiula ko sa ibabaw nimo ang akon kaakig ; pagahuypon ko batok sa imo ang kalayo sang akon kaakig, kag pagaitugyan ko ikaw sa mga kamut sang mga mapintas nga mga tawo, mga manugpadugi sang kalaglagan.

32 Mangingatong ka sang kalayo, ang imo, dugo manginsa tungâ sang duta ; walâ na gid sing palanumduman sa imo kay amo nga si Iehoba ang naghambal.

Ang mga kalanğil-aran sa Ierusalem.

**22** KAG nag-abut sa akon ang polong ni Iehoba, nga nagasiling :

2 Kag ikaw, anak sang tawo, ¿ magahukom ka bala ?, ¿ magahukom ka bala sining banwa nga dugoon ? Niyan pagapakita mo sa iya ang tanan niya nga mga kalanğil-aran ;

3 Kag pagaisiling mo : Amo ining ginasiling sang Ginoo nga si Iehoba sa banwa nga nagaula sang dugo sa tungâ niya, agud nga mag-abut ang iya panag-on, kag nga nagahimo sa iya sing mga diosdios sa pagpadagta sa iya.

4 Tunğud sang imo dugo nga ginula mo, nakasalâ ka kag nagpadagta ka tunğud sang imo mga diosdios nga ginhimo mo : ginpapalapit mo ang imo mga adlaw, kag nag-abut ka sa katapusan sang imo mga tinuig ; tunğud sini ginhimo ko ikaw nga iligoon sang kalahuluy-an sang mga katawohan, kag sang uligyat sang tanan nga mga duta.

5 Ang mga yari sa malapit kag mga yadto sa malayô sa imo nagaululigyat

sila sa imo, n̄ga nadagtaan sa bansag, kag napunò sang kalisang.

6 Yari karon, ang m̄ga dunganon sa Israel, ang tagsatagsa sono sang iya gahum, yara sa imo sa pagula sing dugo.

7 Sa imo ginatamay ang amay kag ang ilóy: ginahimoan sing pagpigog ang dumuluong sa tun̄gâ nimo; ginapigos sa tun̄gâ nimo ang ilo kag ang ang bálo n̄ga babae.

8 Ginatamay mo ang akon balaan n̄ga m̄ga butang, kag ginapakadibalaan mo ang akon m̄ga sabado.

9 May m̄ga tawo sa imo n̄ga nagabutangbutang sa pagula sing dugo, kag sa imo nagakalaon sila sa ibabaw sang m̄ga bukid, kag sa tun̄gâ nimo ginahimo ang salâ n̄ga dulumtan.

10 Sa imo ginabuksan nila ang kahubo sang amay; sa imo ginapaubus ang babae sa iya kahigkoan;

11 Sa imo ang isa nagahimo sing kalangil-aran sa asawa sang iya isigkatawo, ang isa nagadagta sa iya umagad sa salâ n̄ga dulumtan, kag ang isa nagpaubus sa iya útud n̄ga babae, n̄ga anak n̄ga babae sang iya amay;

12 Sa imo ginabalaton nila ang hamham sa pagula sing dugo; ginabaton mo ang patúbò kag ang kapuslanan, kag ginakuha sa isigkatawo ang isa ka daug n̄ga pinigos kag nagkalipat ka sa akon, siling sang Ginoo n̄ga si Iehoba.

13 Kag yari karon, ginapamakpak ko ang akon kamut, bangud sang imo pagdaug n̄ga ginhimo mo, kag bangud sang dugo n̄ga *ginula* mo, n̄ga yara sa tun̄gâ nimo.

14 Magamalig-on bala ang imo tagiposon: kon magamanginmaku-sug ang imo m̄ga kamut sa m̄ga adlaw, n̄ga magabuhat ako batok sa imo? Amo ako n̄ga si Iehoba n̄ga ngahambal, kag pagahimoon ko ini.

15 Kag ako magawaraag sa imo sa m̄ga katawohan, pagapaalapaagon ko ikaw sa *sarisari* n̄ga m̄ga duta, kag pagakuhaon ko sa imo ang tanan mo n̄ga kahigkoan;

16 Kag pagapasipalahan ka sa imo kaugalingon sa m̄ga mata sang m̄ga katawohan, Kag mahibaloan mo, n̄ga ako amo si Iehoba.

17 Kag nag-abut sa akon ang polong ni Iehoba, n̄ga nagasiling:

18 Anak sang tawo, ang baláy ni Israel nanginbuay sa akon: sa tumbaga, sa estanyo, sa salsalon, sa tin-

ga, sa tun̄gâ sang dapug; tanan sila m̄ga buay sang pílak.

19 N̄gani amo ining ginasiling sang-Ginoo n̄ga si Iehoba: Tungud kay kamo n̄ga tanan nanginbuay, yari karon, n̄ga ginatipon ko kamo sa tun̄gâ sang Ierusalem.

20 Subung sang pagtipon sing pílak, sing tumbaga, sing salsalon, sing tinga kag sing estanyo sa tun̄gâ sang dapug, sa paghuyup sing kalayo batok sa ila n̄ga sa pagtunaw; subung man pagatipunon ko kamo sa akon kaakig kag sa akon kasingkal, kag igapahamtang ko kamo didto, kag pagapanunawon ko kamo.

21 Pagatipunon ko kamo, kag pagahuypon ko batok sa inyo ang kalayo sang akon kaakig, kag sa tun̄gâ sini *n̄ga bamwa* pagapanunawon kamo.

22 Subung sang pagtunaw sang pílak sa tun̄gâ sang dapug, subung man pagapanunawon kamo sa tun̄gâ niya, kag mahibaloan ninyo n̄ga ako si Iehoba nagaula sang akon kasingkal sa ibabaw ninyo.

23 Kag nag-abut sa akon ang polong ni Iehoba, n̄ga nagasiling:

24 Anak sang tawo, isiling-mo sa iya: Ikaw indi among duta n̄ga natinloan, bisan nagabaton ka sang ulan sa adlaw sang kasingkal.

25 May puhon sang m̄ga manalagna sa tun̄gâ niya; subung sang leon n̄ga nagan̄gurub, n̄ga nagatukub sang tulukbon, ginapanghalonhon nila ang m̄ga kalág, ginapanguha nila ang m̄ga bahandi kag ang m̄ga butang n̄ga malahalon; ginapadamu nila ang m̄ga bálo n̄ga babae sa tun̄gâ niya.

26 Ang iya m̄ga saserdote nagalugus sang akon kasogoan, kag ginapasipalahan nila ang akon balaan n̄ga m̄ga butang: walâ sila magatuhay sang balaan sa dibalaan, kag walâ sila magakilala sang ginkalainan sang tawo n̄ga mahigko kag sang matinlo; sa akon m̄ga sabado ginapanago nila ang ila m̄ga mata, kag ako ginapasipalahan sa tun̄gâ nila.

27 Ang iya m̄ga dunganon, sa tun̄gâ niya, subung sila sang m̄ga lobo n̄ga nagatukob sing tulukbon: nagaulula sila sing dugo, kag nagapalaglag sila sang m̄ga kalág, sa pagpadamu sang ila m̄ga daug.

28 Kag ang iya m̄ga manalagna nagabulit *sini* sa ila n̄ga may sinamo n̄ga may m̄ga palanan-won sa kadayawan kag nagapalamakot sa ila sing butig.



Nagasililing sila: Amo ining ginasililing sang Ginoo nga si Iehoba, sang si Iehoba walâ maghambal.

29 Nahanunğud sang banwa sang duta, nagabutang sila sa buhat sang pagpigos kag nagapanğawat sila; ginalogos nila ang nasuboan kag ang imol, kag ginapigos nila sa walay katadlungan ang dumuluung.

30 Kag nagpanğita ako sa tunğâ nila sing tawo nga magkaáyô sang kuta, kag nga magtindug sa ibabaw sang litik sa atubangan nakon sa pahanayon sa duta, agud nga indi ko sia paglaglagon; kag walâ ko sia makita.

31 Kag ginula ko sa ibabaw nila ang akon kasingkal; pagaupuron ko sila sang kalayo sang akon kaakig, pagaibutang ko ang dalan nila sa ibabaw sang ila olo, siling sang Ginoo nga si Iehoba.

Si Ahola kag si Aholiba, ang duha ka bigaon.

**23** KAG nag-abut sa akon ang polong ni Iehoba, nga nagasililing:

2 Anak sang tawo, may duha ka babae sadto, nga mga anak nga babae sang isa ka ilôy.

3 Kag nagpalanghilahi sila sa Egipto: sa ila pagkapamatan-on nagpalanghilahi sila. Didto ginpanğipit ang ila mga soso, kag didto ginpanğumus ang mga dugan sang ila pagkaulay.

4 Kag nahanunğud sang ila mga ngalan ang magulang amo si Ahola, kag ang iya útud nga babae amo si Aholiba. Kag sila nanğinasawa nakon, kag nag-alanak sila sing mga anak nga lalaki kag mga babae; kag nahanunğud sang ila mga ngalan, si Ahola among Samaria, kag si Aholiba among Ierusalem.

5 Kag sang akon pa si Ahola, nagpanhilabe kag naghandum gid sia sa iya mga manughigugma, sa mga tinawo sang Asur, nga iya mga kasilingan,

6 Nga nagapalanaput sing purpura, nga mga gobernador kag mga punoan, mga pamatan-on sila nga tanan nga kalahamut-an, mga manugkabayo nga nagasalakay sa mga kabayo.

7 Nagtugyan gid sia sa iya gid pagpanghilahe, sa sining mga tinawo nga tanan sila mga pinili sang mga inanak sang Asur, kag nagdagta sia sa tanan, nga sia naghigugma nga may handum gid, sa tanan nila nga mga diodsios.

8 Sa sini walâ niya pagbayai ang iya

mga pagpanghilahi nga ginhimo niya sa mga taga-Egipto; sang naghiligda sila sa iya sa iya pagkapamatan-on, sang ginakumus nila ang mga dugan sang iya pagkaulay, kag ginpanğuha nila sa ibabaw niya ang ila pagpanghilahi.

9 Tunğud sini gintugyan ko sia sa kamut sang iya mga manughigugma, sa mga kamut sang mga inanak sang Asur, nga sa ila naghandum gid sia.

10 Ginpamuksan nila ang iya pagkahubo, gindakup nila ang iya mga anak nga lalaki kag ang iya mga anak nga babae, kag ginpatay nila sia sa hinganiban. Kag nanğinbansag sia sa tunğâ sang mga babae, subung man ang mga paghukom nga ginhikot batok sa iya.

11 Kag ang iya útud nga babae nga si Aholiba nakakita sini, kag nadunut labi pa sa iya sa iya gugma nga mahandumon; kag ang iya mga pagpanghilahi nanğinlabi pa sang mga pagpanghilahi sang iya útud nga babae.

12 Naghandum gid sia sa mga inanak sang Asur, nga iya mga kasilingan, nga mga gobernador kag mga punoan, nga napanaputan sing himpit nga hinganib, mga manugkalabayo nga nagasalakay sa kabayo, sila nga tanan mga pamatan-on nga kalahamut-an.

13 Kag nakita ko nga nadagtaan sia: ang isa ka dalan nga sa ila nga duha.

14 Kag gindugangan niya ang iya mga pagpanghilahi; kag nakakita sia sing mga tawo nga mga napaminta sa dingding, mga larawan sang mga Kaldeinhon nga nabadlit sa duag nga mapula,

15 Nga napangwagkusan sing mga wagkus sa ila mga hawak, kag mga turbante nga nagapalidpalid sa ila mga olo, nga may dagway sila nga tanan sa manugaway, nga kaangay sang mga anak sang Babilonia, sang Kaldea, nga duta sang ila natawohan.

16 Kag naghandum gid sia sa ila bangud sang nakit-an sang iya mga mata, kag nagpadalâ sia sa ila sing mga manugbalita, sa Kaldea.

17 Kag nag-alabut sa iya ang mga anak nga lalaki sang Babilonia, sa higdaan sang mga gugma, kag gindagtaan nila sia sang ila pagpanghilahi; kag sia nagpadagta sa ila, apang ang iya kalâg nagbulag sa ila.

18 Sa sini nasapwan niya ang iya mga pagpanghilahi, kag nasapuwan niya

ang iya pagkahubo, kag ang akon kalág nagbulag sa iya, subung sang pagbulag na sang akon kalág sa iya útud nga babae.

19 Apang ginpadamu *pa* niya ang iya mġa pagpanghilahi, nga nagapanumdum sang mġa adlaw sang iya pagkapamatan-on, sang nagpanghilahi sia sa duta sa Egipto.

20 Kag naghandum gid sia sang iya mġa manugpanglahe, nga ang iya unud subung sang unud sang mġa asno, kag nga ang iya ula subung sang ula sang mġa kabayo.

21 Ikaw naluyag sa pagtan-aw liwan sang salâ nga dulumtan sang imo pagkapamatan-on, sang ginkumussang mġa Egiptohanon ang imo mġa dughan, bangud sang mġa soso sang imo pagkapamatan-on.

22 Tunġud sini, Aholiba, amo ining ginasing sang Ginoo nga si Iehoba: Yari karon, nga ako magapukaw batok sa imo sang imo mġa manughigugma, nga sila nagbulag sang imo kalág, kag pagapakarion ko sila batok sa imo sa tanan nga duug:

23 Ang mġa anak sang Babilonia, kag ang tanan nga mġa Kaldeinhon, ang mġa Pikodinhon, ang mġa Soanhon, ang mġa Koanhon, kag ang tanan nga mġa anak sang Asur upud sa ila, mġa pamatan-on nga tanan sila mġa kahalamut-an, mġa gobernador kag mġa punoan, mġa manugaway kag mġa pinanawag sa *pag-awayan*, nga nagasalakay sila nga tanan sa mġa kabayo.

24 Kag magaalabut sila batok sa imo nga may mġa hinganiban kag mġa kanga, kag mġa aliling, kag ang isa ka kadamuan sang mġa banwa; kag ginapahamtang nila batok sa imo nga may kalasag, taming kag pandong, sa pali-bot. Pagaibutang ko sa atubangan nila ang paghukom, kag pagahukman ka nila sono sang ila mġa paagi sa paghukom.

25 Kag pagaibutang ko ang akon kaimon sa ibabaw nimo, kag magaginawi sila sa imo nga may kasingkal: pagakuhaon nila ang imo ilong kag ang imo mġa dalungan, kag ang mabilin sa imo, mapukan sa hinganiban. Pagapangdapon nila ang imo mġa anak nga lalaki kag ang imo mġa anak nga babae; kag ang imo nabilin pagaupuron sang kalayo.

26 Kag pagaubahan ka nila sang imo

mġa panapton, kag pagakuhaon nila ang mġa butang sang imo puni.

27 Kag pagapauntaton ko sa imo ang imo salâ nga dulumtan, kag ang imo pagpanghilahi kutub sa duta sa Egipto; kag indi ka na magahayaw sang imo mġa mata sa ila, bisan makadumdum ka pa sa Egipto.

28 Kay amo ining ginasing sang Ginoo nga si Iehoba: Yari karon, ako nagatugyan sa imo sa mġa kamut sang mġa ginakaakigan mo, sa mġa kamut sa mġa sadto nga sa ila nagbulag ang imo kalág.

29 Magabuluhat sila sa imo nga may dumut, kag pagapanġuhaon nila ang tanan nga bunga sang imo kinabudlayan, kag pagabayaan ka nila nga hubo kag walay tabon; kag sa sini masapwan ang pagkahubo sang imo mġa pagpanghilahi, kag ang imo salâ nga dulumtan, kag ang imo mġa pagpanghilahi.

30 Ini pagahimoon sa imo, kay nagpanghilahi ka sa olehe sang mġa katawohan, nga nagdagta ka tunġud sa ila mġa diosdios.

31 Sa dalan sang imo útud nga babae naglakat ka, kag ako magabutang sang iya tagayan sa imo kamut.

32 Amo ining ginasing sang Ginoo nga si Iehoba: Pagaimnan mo ang tagayan sang imo útud nga babae, *tagayan* nga madalum kag malaba; tunġud sang kadaku sang iya masudlan magahimo sia nga magkaladlaw kag nga maguligyt sila sa imo.

33 Pagapun-on kasangkahulugbon kag sang kasakit; tagayan ini sang kakugmat kag sang kahapayan, tagayan ini sang imo útud nga babae nga Samaria.

34 Pagaimnan mo sia, kag pagauruton mo sia, kag pagakitkiton mo ang iya mġa bika kag pagakudlitan mo ang imo dughan; kay ako ang naghambal, siling sang Ginoo nga si Iehoba.

35 Ngani, amo ining ginasing sang Ginoo nga si Iehoba: Tunġud kay nagkalipat ka sa akon kag nga ginsikway mo ako sa imo likod; busa dalhon-mo man ang imo salâ nga dulumtan kag ang imo mġa pagpanghilahi.

36 Kag nagasing sa akon si Iehoba: Anak sang tawo, pagahukman mo bala si Ahola kag si Aholiba? Busa ipahibalo mo sa ila ang ila mġa kalandġil-aran;

37 Kay nagpakighilawas sila, kag may dugo sa ila mġa kamut; nagpalanghilahi



sila sa ila mġa diosdios; kag pati ang ila mġa anak, nġa kinapanganak nila sa akon, ginpapaagi nila sila nġa halalbon nila.

38 Ini pa ginhimo nila sa akon: gin-dagtaan nila ang akon balaan nġa Puluy-an sa sadtong adlaw, kag ginpakadibalaan nila ang akon mġa sabado.

39 Kag sang ginpugutan nila ang ila mġa anak sa ila mġa dios, sa amo nġa adlaw nagsululud pa sila sa akon balaan nġa Puluy-an sa pagpakadibalaan sa iya; sa sini ginhimo nila sa tunġa sang akon Baláy.

40 Labut pa, nġa nagpaladalá sila sa pagpangita sang mġa tawo, nġa nagaalabut gikan sa malayô; kag sang ginpadalá ang manugbalita sa ila, yari karon, nag-alabut sila. Tunġud sa ila nagpanghinaw ka, kag ginlugom mo ang imo mġa mata kag nagpamuni ka sing mġa puni;

41 Kag naglingkod ka sa ibabaw sang malahalon nġa higdaan, nġa napunihan ang isa ka latok sa atubangan niya, nġa sa ibabaw niya ginbutang mo ang akon pahamut kag ang akon lana.

42 Kag didto ang tinġug sang kadam-an nġa malinong, pati ang mġa tinawo nġa kinuha sa mġa timawa, nġa mġa palainum nġa ginpakari gikan sa kahanayakan, kag nagbulutang sila sing mġa pulsera sa ila mġa butkon, kag sa ibabaw sang ila mġa olo sing turbante nġa puni.

43 Kag nagsiling ako sa naggamit sa mġa pagpakighilawas: "Karon pa, sa iya mġa pagpanglahe, ginapangita nila sia, hoo, sia."

44 Kag nagaalabut sila sa iya, subung sang pag-abut sa babae nġa bigaon; sa sini nagaalabut sila kay Ahola kag kay Aholiba, sa sining mġa babae sang salá nġa dulumtan.

45 Apang ang mġa tawo nġa mġa matarung magahulukom sa ila sa paghukom sang mġa babae nġa makihilawason, kag sang paghukom sang mġa nagaula sing dugo; kay mġa makihilawason sila, kay may dugo sa ila mġa kamut.

46 Kay amo ining ginasiling sang Ginoo nġa si Iehoba: Pagapataklaron batok sa ila ang katilingban, kag pagaitugyan sila sa pagpintas kag sa pangati.

47 Kag ang katilingban magabatô sa ila sing mġa batô, kag pagapamon-on sila sang ila mġa hinganiban, pagapa-

matyon nila ang ila mġa anak nġa lalaki kag ang ila mġa anak nġa babae, kag pagasunugon nila ang ila mġa baláy sa kalayo.

48 Kag pagapauntaton ko ang salá nġa dulumtan sang duta, kag magakaladudla ang tanan nġa mġa babae, kag indi na sila magahilimo sono sang inyo salá nġa dulumtan.

49 Kag sa ibabaw ninyo pagaibutang nila ang inyo salá nġa dulumtan, kag pagadal-on ninyo ang mġa salá sang inyo mġa diosdios. Kag mahibaloan ninyo, nġa ako amo ang Ginoo nġa si Iehoba.

Palaangiran sang kolon.

**24** KAG nag-abut sa akon ang polong ni Iehoba, sa ikasiam ka tuig, sa bulan nġa ikapulô, sa napulô sang bulan, nġa nagsiling:

2 Anak sang tawo, isulat nġa sa imo ang nġalan sini nġa adlaw karon gid: ang hari sa Babilonia nagpalapit sa Ierusalem sa sini gid nġa adlaw.

3 Kag ibuko-mo sa baláy nġa malalison ang isa ka paangid, kag isiling sa ila: Amo ining ginasiling sang Ginoo nġa si Iehoba: Butang-ka sing kolon sa kalayo, ibutang-mo sia, kag ibobo man sa iya ang tubig:

4 Tipuna sa iya ang mġa bahin sang unud: ang tanan nġa mġa maayong bahin, ang balikawang kag ang likod; pun-a sia sing mġa tul-an nga pinili.

5 Kuha-ka sing pinili sa panung kag dabuki man ang mġa tul-an sa idalum niya; kag nġa may tinumpok nġa gatong sa idalum niya sa *pagluto* sang mġa tul-an. Pabukalon-mo sing maayo, kag nġa ang amo nġa mġa tul-an paglutoon sa sulud niya.

6 Nġani amo ining ginasiling sang Ginoo nġa si Iehoba: ¡Kailo ang banwa sang mġa dugo! sang kolon nġa ang tuktuk yara sa iya kag nġa ang iya tuktuk indi nagagowa sa iya. Haw-asa sia, bahin kag bahin; indi pagiholog sa ibabaw niya ang kapalaran.

7 Kay ang dugo nġa *ginula* niya yara sa tunġa niya: sa ibabaw sang batô nġa hubo ginbutang niya sia; walâ niya sia pagiula sa ibabaw sang duta, agud nġa pagtabunan sia sang yob-ok.

8 Sa pagpasaka sang kasingkal, sa paghimo sing pagtimalus sa iya, ginbutang

ko ang iya dugo sa ibabaw sang bató nga hubo, agud nga indi matabunan sia.

9 Ngani, amo ining ginasiling sang Ginoo nga si Iehoba: ¡Kailo ang banwa sang dugo! ¡Ginapadaku ko gid ang dabuk!

10 Manginbugana ang gatong, magdabuk ang kalayo, maupúd ang unud, kag magbukal sia subung sang kolon sang manugpahamut, kag masunug ang mga tul-an.

11 Mapahamtang sia nga walay sulúd sa ibabaw sang iya mga бага, agud nga mabagang kag mabaga ang iya saway; nga matunaw sa iya ang iya kahigkoan, nga maupúd ang iya toktok.

12 Ginabudlay ang mga panikasug tungud sang iya bugana nga toktok, kag walâ magagowa sa iya. ¡Sa kalayo, ang iya toktok!

13 Sa imo kahigkoan may salâ nga dulumtan; kay gintinloan ko ikaw, kag ikaw walâ ka magpaninlo. Indi ka na makapaninlo, tubtub nga malugpay ko sa ibabaw nimo ang akon kaakig.

14 Ako, si Iehoba, naghambal: nagaabut ang kalainan, kag pagahimoon ko sia; indi ako magapasaylo, bisan magapatawad ako, bisan magahinulsul ako. Sono sang imo mga dalanon kag sang imo mga binuhatan pagahukman ka, siling sang Ginoo nga si Iehoba.

#### Tagna sang pagkalaglag sang Ierusalem.

15 Kag nag-abut sa akon ang polong ni Iehoba, nga nagasiling:

16 Anak sang tawo, yari karon, ako nagakuha sa imo tungud sang *hinali* nga kalalat-an sang handum sang imo mga mata. Indi ka magahaya, bisan magahibi ka, kag indi magaililig ang imo mga luha.

17 Magpanghakrui-ka sa hipus: indi ka maglalaw sa mga minatay; igaid ang imo puni sa imo *olo*; igabutang mo sa imo mga tiil ang imo mga sapin, kag indi ka magapanabon sang imo bungut, bisan magakaon ka sang tinapay sang mga tawo.

18 Kag naghambal ako sa banwa sang aga, kag sang hapon napatay ang akon asawa; kag sa pagkaaga ginhimo ko subung sang ginsogo sa akon.

19 Kag nagsiling sa akon ang banwa: "¡Indi mo bala kami pagasaysayan

kon ano ang kahologan sa amon sining mga butang, nga imo ginahimo?"

20 Kag ako nagsiling sa ila: Ang polong ni Iehoba nag-abut sa akon, nga nagasiling:

21 Isiling sa baláy ni Israel: Amo ining ginasiling sang Ginoo nga si Iehoba: Yari karon, ako magapakadibalaan sang akon balaan nga Puluy-an, nga palabilabi sang inyo kabakuran, ang handum sang inyo mga mata kag ang kalolo sang inyo kalág; ang inyo mga anak nga lalaki kag ang inyo mga anak nga babae, nga ginpamayaan ninyo sa *Ierusalem*, magakalapukan sa hinganiban.

22 Kag pagahimoon ninyo ang ginhimo ko, indi kamo magpalanabon sang inyo bungut, bisan magakalaon kamo sang tinapay sang mga tawo.

23 Ang inyo puni dira sila sa ibabaw sang inyo mga olo, kag ang inyo mga sapin sa inyo mga tiil: indi kamo magahalaya, bisan magahilibi kamo; apang magakalahagas kamo bangud sang inyo mga kalainan, kag magabakho kamo, ang isa sa atubangan sang isa.

24 Si Esekiel magamangintandaan ninyo: sono sang tanan nga iya ginhimo, pagahimoon ninyo, kon magabut ini; kag mahibaloan ninyo, nga ako amo ang Ginoo nga si Iehoba.

25 Kag ikaw, anak sang tawo, sa adlaw nga ako magakuha sa ila sang duug sang ila kabakuran, ang kalipay sang ila kadunganan, ang handum sang ila mga mata kag ang pagtatap sang ila mga kalág, ang ila mga anak nga lalaki kag ang ila mga anak nga babae,

26 Ini nga adlaw, ¡indi magaabut bala sa imo ang nalagyo sa pagpabati sini sa imo mga idulungug?

27 Sa sadtong adlaw magabukâ ang imo bâbâ *sing tinub* sang nalagyo; kag magahambal ka, kag indi ka na mag-apa, kag magamangintandaan ka nila. Kag mahibaloan nila, nga ako amo si Iehoba.

#### Tagna batok kay Amon.

**25** KAG nag-abut sa akon ang polong ni Iehoba, nga nagasiling:

2 Anak sang tawo, ibalikid ang imo nawung nayon sa mga inanak ni Amon, kag tagna-ka batok sa ila.

3 Kag magasiling ka sa mga inanak ni Amon: "Pamatii-ninyo ang polong



sang Ginoo nga si Iehoba: Amo ining ginasiling sang Ginoo nga si Iehoba: Tunğud kay nagsiling ka: "Talatala" nahanunğud sa akon balaan nga Puluy-an, nga ginpakadibalaan, kag nahanunğud sang duta sa Israel nga ginhapay, kag nahanunğud sang baláy ni Iuda, sang pagliton nila,

4 Tunğud sini, yari karon, pagaitugyan ko ikaw nga kaugalingon sa mga anak sang Sidlangan: pagaipamutang nila sa imo ang ila mga dululugan, kag pagatukuron nila sa imo ang ila mga puluy-an, pagakaonon nila ang imo mga bunga kag pagaimnon nila ang imo gatas.

5 Kag pagahimoon ko ang Raba nga halalban nga sa mga kamelyo, kag ang duta sang mga inanak ni Amon nga mga lulukuhan sang mga obeha. Kag mahibaloan ninyo, nga ako amo si Iehoba.

6 Kay amo ining ginasiling sang Ginoo nga si Iehoba: tunğud kay nagpamalampak ka sang imo mga kamut kag nagpusadpusad ka, kag nga nagkalipay ka sa tanan mo nga pagtamay nga naghuput ka sa imo kalág batok sang duta sa Israel;

7 Tunğud sini, yari karon, ginauntay ko batok sa imo ang akon kamut, ginautugyan ko ikaw nga halalbon sa mga katawohan, ginautúd ko ikaw sa tunğâ sang mga banwa, kag ginapapas ko ikaw sa tunğâ sang mga duta: pagalaglagon ko ikaw. Kag mahibaloan mo, nga ako amo si Iehoba.

#### Tagna batok sa Moab.

8 Amo ining ginasiling sang Ginoo nga si Iehoba: Tunğud kay nagsiling ang Moab upud ang Seir: Yari karon, ang baláy ni Iuda subung sang tanan nga mga katawohan;

9 Tunğud sini, yari karon, ako magabukâ sang kilid sang Moab kutub sa luyo sang mga kabanwaan, kutub sa iya mga kabanwaan, nga yara sa iya kadulunan, ang kasidla sang duta, ang Bet-iesimot, ang Baal-meon, kag tuhtub sa Kiriataim;

10 *Ginabukâ ko sia sa mga inanak sang Sidlangan pati ang duta sang mga inanak ni Amon*; kag ginahatag ko sia nga kaugalingon nila, agud nga walâ na gid sing palanumduman sang mga ina-

nak ni Amon sa tunğâ sang mga katawohan.

11 Sa ibabaw sang Moab man pagahikuton ko ang mga paghukom, kag mahibaloan nila, nga ako amo si Iehoba.

#### Tagna batok sa Edom.

12 Amo ining ginasiling sang Ginoo nga si Iehoba: Tunğud kay gingamit ni Edom ang mapintas nga pagtimalus batok sa baláy ni Iuda, kag nga nakasalâ gid sila, sa pagpalanimalus nila sa ila,

13 Bangud sini amo ining ginasiling sang Ginoo nga si Iehoba: Ginauntay ko man ang akon kamut batok sa Edom, kag ginautúd ko sa iya ang mga tawo kag ang mga sapat; kag ginahimo ko sia nga kamuhaymuhayan kutub sa Teman kag tuhtub sa Dedan, magakalapukan sila sa hinganiban.

14 Kag pagaibutang ko ang akon pagtimalus sa Edom sa kamut sang akon banwa nga Israel; kag pagahimoon nila sa Edom sono sang akon kaakig, kag sono sang akon kasingkal, kag makilala nila ang akon pagtimalus, siling sang Ginoo nga si Iehoba.

#### Tagna batok sa mga Pilistinhon.

15 Amo ining ginasiling sang Ginoo nga si Iehoba: Tunğud kay gingamit sang mga Pilistinhon ang pagtimalus, kag nga nagpalanimalus sila sing mabangis gid sa pagtamay nga naghulu-put sila sa kalág, nga ginahimo ang paglaglag tunğud sang walay katapusan nga pagpakigaway,

16 Tunğud sini, amo ining ginasiling sang Ginoo nga si Iehoba: Yari karon nga ginauntay ko ang akon kamut batok sa mga Pilistinhon, ginautúd ko ang mga Keretinhon, kag pagalaglagon ko ang nabilin sa baybay sang dagat.

17 Kag magahikot ako sa ibabaw nila sing dalagku nga mga pagtimalus nga may mga pagsabdong sa kasingkal; kag mahibaloan nila, nga ako amo si Iehoba, kon ibutang ko ang akon pagtimalus sa ila.

#### Tagna batok sa Tiro.

**26** KAG nahanabu, sang ikapúlô kag isa ka tuig, sa nahauna sang bulan, nga nag-abut sa akon ang polong ni Iehoba, nga nagasiling:

2 Anak sang tawo, tungud nga nasiling ang Tiro nahanungud sang Ierusalem: "Talatala, naboong na sia, ang gawang sang mga katawohan. Ini magabatok sa akon; magapunô ako, kay nahapay sia;"

3 Ngani amo ining ginasiling sang Ginoo nga si Iehoba: Yari karon, nga ako *nagaabut* batok sa imo, Tiro, kag pagapataklaron ko batok sa imo ang madamu nga mga katawohan, subung sang pagpasaka sang dagat sang iya mga kabaluran.

4 Kag pagabungkagon nila ang mga kuta sa Tiro, kag pagapangubaon nila ang iya mga tore. Pagasilhigon ko sa iya ang iya yab-ok, kag pagahimoon ko sia nga batô nga hubo.

5 Magamanginladlaran sia sang mga sapyaw sa tungâ sang dagat, kay ako ang naghambal, siling sang Ginoo nga si Iehoba; kag pagaitugyan sia sa pangati sang mga katawohan.

6 Kag ang iya mga anak nga babae, nga yadto sa latagon, pagapamatyon sa hingniban; kag mahibaloan nila, nga ako amo si Iehoba.

7 Kay amo ining ginasiling sang Ginoo nga si Iehoba: Yari karon, nga gikan sa Aminhan pagapakarion ko batok sa Tiro si Nabukodonosor, nga hari sa Babilonia, ang hari sang mga hari, nga may mga kabayo, kag mga kanga, kag mga manugkabayo, kag ang isa ka kati-punan kag madamu nga banwa.

8 Pagapatyon ninya sa hingnihan ang imo nga anak nga babae nga yadto sa latagon, kag pagabutangan niya batok sa imo sing kapag-unan sa palibot, kag magatukud sia batok sa imo sing mga tapok, kag magabayaw sia batok sa imo sing taming.

9 Kag magabungkol sia batok sa imo nga kuta sing mga bungkol, kag pagadugmukon niya ang imo nga tore nga may mga galamiton sa pag-awayan.

10 Tungud sang kadamuon sang iya mga kabayo pagatabunan ka sang yab-ok nila; ang kagahud sang iya mga manugkabayo kag sang iya mga aliling, kag sang iya mga kanga, magapakurug sang imo nga kuta, kon magsulud sia sa imo nga gawang, subung sang pagsulud sa litik sang isa ka banwa nga nabuksan.

11 Sa mga koko sang iya mga kabayo pagatasakon niya ang tanan mo nga mga dalan, pagapatyon niya ang

imo banwa sa hingniban, kag ang mga larawan sang imo kabakuran magakalaholog sa duta.

12 Pagaagawon nila ang imo nga mangad, kag pagaatihon nila ang imo nga ibalaligya; kag pagapamungkagon nila ang imo nga kuta, kag ang imo nga malahalon nga mga balay pagapangub-on nila; kag pagaipilak nila ang imo nga batô kag ang imo kahoy kag ang imo yab-ok sa tungâ sang mga tubig.

13 Kag pagapauntaton ko ang kagahud sang imo nga pagkinanta, kag indi na gid mabatian ang tunog sang imo nga arpa.

14 Kag pagahimoon ko ikaw nga batô nga hubo: magamanginladlaran ka sang mga sapyaw. Indi na pagapatindugon ka liwan; kay amo ako nga si Iehoba ang naghambal, siling sang Ginoo nga si Iehoba.

15 Amo ining ginasiling sang Ginoo nga si Iehoba sa Tiro: ;Indi matuod bala nga ang kagahud sang imo pagkaholog, ang mga pagbakho sang mga pilason sa kamatayon, ang pamatay nga ginahimo sa tungâ nimo, nagapakurug sang mga kapuloan?

16 Ang tanan nga mga dunganon sang dagat nagapalanaug gikan sa ila nga lingkoran nga harianon; nagapalanguha sila sang ila nga kunup, kag nagaaluba sila sang ila nga binordahan nga mga panapton; nagapalanaput sila sa kakugmat, nagalilingkod sila sa ibabaw sang duta, nagakulurug sila sa tagsa ka tion kag yara sila sa kakibang nahanungud sa imo.

17 Kag nagabayaw sila sing panalabitan sa ibabaw nimo, kag nagasililing sila sa imo: ;Daw ano nga nadula ka, ikaw nga ginpuy-an sang *mga tawo* sa kadagatan, banwa nga bantug, nga mabakud sa dagat, ikaw kag ang imo nga pumuluyô! Nagapasulud sila sang ila kakibang sa tanan niya nga mga pumuluyô.

18 Karon nagakilbang ang mga kapuloan sa adlaw sang imo pagkaholog; ang mga kapuloan nga yara sa dagat nagakalalisang bangud sang imo katapusan.

19 Kay amo ining ginasiling sang Ginoo nga si Iehoba: Kon paghimoon ko ikaw nga banwa nga hinapay, subung sang mga kabanwaanang nga walâ pa-



gapuy-i; kon pagpasakaon ko ang kaidadalman sa ibabaw nimo kag ang mga madamung mga tubig magtalabon sa imo,

20 Niyan pagapapanaugon ko ikaw kaupud sang mga nagapalanaug sa lulubngan, nayon sa banwa nga dayon, kag pagapapuy-on ko ikaw sa duta nga sa idalum sa tunga sang mga kahapayan nga dayon, kaupud sang mga nagapalanaug sa lulubngan, agud nga indi na gid ikaw pagpuy-an sang pagaibutang ko ang kasidla sa duta sang mga buhi.

21 Pagahimoon ko ikaw nga kakibang, kag walâ na ikaw: pagapangitaon ka, kag indi ka na makita sing dayon, siling sang Ginoo nga si Iehoba.

Haya sa ibabaw sang Tiro.

**27** KAG ang polong ni Iehoba nagabut sa akon, nga nagasiling:

2 Kag ikaw, anak sang tawo, bayawka sing panalabiton sa ibabaw sang Tiro.

3 Kag magasiling ka sa Tiro: *Ikaw* nga nagpuyô sa mga salamputan sang dagat, nga nagabaligya sa mga banwa sa madamu nga mga pulô: Amo ining ginasiling sang Ginoo nga si Iehoba: Tiro, ikaw nagasiling: "Himpit amo ako sa kaayoayo."

4 Sa alibutud sang mga dagat yara ang imo mga kadulunan. Ang imo mga manugpalatindug, ginhimpit nila ang imo kagayonan.

5 Sa mga sipres sang Senir ginbuhat nila ang tanan mo nga talapian; nagkuluha sila sing sedro sa Libano sa paghimo sa iya sang imo palo;

6 Sa mga alon sa Basan naghilimo sila sang imo mga gaud; ginhimo nila ang mga langkapan nga tiposo nga nahalup sa boks sang mga kapuloan sa Kitim.

7 Ang manipis nga lino sa Egipto nga binordahan ginhumlad mo sa paghimo sa iya nga imo mga layag; ang purpura kag ang eskarlata sa mga kapuloan sa Elisa among imo layanglayang.

8 Ang mga pumuluyô sa Sidon kag sa Arbad among mga manuggaud mo. Sa imo, oh Tiro, yara ang imo mga maalam; sila amo ang imo mga manugulin.

9 Ang mga tigulang sa Gebal kag ang iya mga maalam yara sa imo, nga nagakapul sang imo mga boho; ang tanan

nga mga sakayan sang dagat yara sa imo kag ang ila mga sakayanon, sa pagpangabudlay sa imo pangita.

10 Ang mga tinawo sa Persia, kag sa Lud kag sa Put yara sila sa imo kasoldadosan, nga imo tinawo sa pag-awayan; ang mga taming kag ang mga pandong ginapamitay nila sa imo: amo sila ang nagahilimo sang imo pagkahalangdon.

11 Ang mga anak sang Arbad, upud sang imo kasoldadosan, didto sila sa ibabaw sang imo mga kuta sa palibot, kag ang mga maisug yara sila sa imo mga tore; ang ila mga taming ginapamitay nila sa imo mga kuta sa palibot: amo sila ang nagahilimpit sang imo kagayonan.

12 Ang Tarsis nagahimo sing palangitan-ansa imo bangud sang kabugana sang tanan nga mga pagkabutang; ginatanyag nila ang imo mga pagbaylo sa pilak, sa salsalon, sa estanyo kag sa tinga.

13 Ang Iaban, ang Tubal, kag ang Mesek naghilimo man sing palangitan-an sa imo; ginatanyag nila ang palangitan-an sa mga kalág sang mga tawo, kag sa mga galamiton nga tumbaga.

14 Gikan sa baláy ni Togarma ginatanyag nila ang imo pagbaylo sa mga kabayo nga salakyan kag nga talakdan, kag sa mga mula.

15 Ang mga anak sang Dedan nagahimo sing palangitan-an sa madamu nga mga kapuloan nga yara sa idalum sang imo kamut nga sa palangitan-an; ginahalatag nila sa imo nga bayad ang mga bangkil nga tiposo kag ang bantolinaw.

16 Ang Aram nagahimo sing palangitan-an sa imo bangud sang kabugana sang imo mga nahimo; ginatanyag nila ang imo pagbaylo sa esmeralda, sa eskarlata, sa mga binordahan, sa manipis nga lino, sa mga banawug, kag sa mga rubi.

17 Ang Iuda, kag ang duta sa Israel nagahimo sing palangitan-an man sa imo: nagatanyag sila sa imo palangitan-an sing trigo sa Minit, sing mga torta, sing dugos, sing lana kag sing ihalaplas.

18 Ang Damasko nagahimo sing palangitan-an sa imo bangud sang kabugana sang imo mga nahimo, bangud sang kabugana sang imo mga pagkabutang, nga may alak sa Helbon, kag sa balahibo nga maputi.

19 Ang Bedan kag ang Iaban nagatanyag sa imo pagbaylo sing mga ba-

nawug: ang salsalon nga binasbasan, ang akasia, ang kawayan nga mahamut yara sa imo palangitan-an.

20 Ang Dedan nagahimo sing palangitan-an sa imo sa mga malahalón nga hampilo sa mga kabayo.

21 Ang mga Arabinhon kag ang tanan nga mga dunganon sa Kedar, yara sila sa idalum sang imo kamut nga sa palangitan-an: sa mga kordero, kag sa mga karnero, kag sa mga lalaki nga mga kanding, nagahilimo sila sing palangitan-an sa imo.

22 Ang mga manugbaligya sa Seba kag sa Rama nagahilimo man sing palangitan-an sa imo: nagatanyag sila sa imo mga pagbaylo sa tanan nga labing maayo nga mga mahamut kag sa tanan nga bagay sang mga bató nga malahalón kag sa bulawan.

23 Ang Haran, kag ang Kane, kag ang Eden, nga mga manugbaligya sa Seba, ang Asur, ang Kilmad, nagahilimo sing palangitan-an sa imo.

24 Ini sila nagahilimo sing palangitan-an sa imo, sa imo balaligyaan, sa pinili nga mga nahimo, sa mga kunup nga purpura, sa mga binordahan, kag sa mga suludlan sang mga hinabol sa nagakalainlain nga duag, nga mga nahigtan sang mga lubid nga nalig-unan.

25 Ang mga sakayan sa Tarsis, amo ang imo mga kasakayanan nga sa imo palangitan-an. Sa sini nanginpunô ka, kag ginpamangad ka sing daku gid sa alibutud sang mga kadagatan.

26 Sa dalagku nga mga tubig ginpalawud ka sang imo mga manuggaud: ang hangin sa Sidlangan nagapalapyo sa imo sa tungâ sang mga kadagatan.

27 Ang imo mga pagkabutang, kag ang imo mga pagbaylo, kag ang imo palangitan-an, ang imo mga sakayanon kag ang imo mga manugulin, ang mga manugkapol sang mga boho, ang mga nagapangabudlay sa imo palangitan-an, kag ang tanan mo nga mga tawo sa pag-awayan nga yara sa imo, pati ang bug-os nga katipunan nga yara sa tungâ nimo, nagakalaholog sila sa alibutud sang mga kadagatan sa adlaw sang imo pagkaholog.

28 Sa kinagahud sang singit sang imo mga manugulin nagakulurug ang mga baybayon;

29 Kag ang tanan nga manuggaud, ang mga sakayanon, ang tanan nga mga

manugulin sang dagat, nagapalanaug sa ila mga sakayan; nagatilindug sila sa duta.

30 Ginapabati nila ang ila tungug nahanungud sa imo; nagasilingit sila sing mapait gid; nagasalabwag sila sing yab-ok sa ibabaw sang ila mga olo, nagaliligid sila sa abó.

31 Tungud sa imo nagakiliskis sila sang olo, kag nagawalagkus sila sing papanapton nga masinakiton; tungud sa imo nagapanangis sila nga may kapait gid, sa lalaw nga mapait.

32 Kag sa ila mga paghaya nagabayaw sila sa imo sing panalabiton, kag nagamitlang sila sa ibabaw nimo sing panalabiton: "¿ Sin-o bala ang subung sang Tiro, subung sang ginpahipus sa tungâ sang dagat?"

33 Tungud sang imo mga pagbaylo gikan sa mga kadagatan ginabusug mo ang madamung mga banwa; tungud sang kabuganaan sang imo mga pagkabutang kag sang imo palangitan-an ginpamangad mo ang mga hari sa duta.

34 Karon nga ginalapyo ka tubtub sa pagkadula sang mga kadagatan, sa kada-dalman sang mga tubig, ang imo palangitan-an kag ang bug-os mo nga katipunan, nga yara sa tungâ nimo nagkalapukan sila.

35 Ang tanan nga mga pumuluyô sang mga kapuloan yara sila sa kaki-bang bangud sa imo: ang ila mga hari nagakulurug sa kakugmat, nagakulurug ang ila mga nawung.

36 Ang mga manughimo sing palangitan-an sa mga kabanwaanang nagapalanihol sa ibabaw nimo: iligoon ikaw sang kakugmat, kag walâ na ikaw sa gihapon.

Taga batok sang hari sa Tiro.

**28** KAG ang polong ni Iehoba nagabut sa akon, nga nagasiling:

2 Anak sang tawo, isiling mo sa manugmando sa Tiro: Amo ining ginasing sang Ginoo nga si Iehoba: tungud kay ang imo tagiposoon palabilabihon, kag nga nagasiling ka: Ako amo ang isa ka dios; sa lingkoran sang dios nagalingkod ako sa tungâ sang mga dagat (walay sapayan tawo ikaw kag indi Dios; bisan ginahimo mo ang imo tagiposoon subung sang tagiposoon sang Dios).

3 Yari karon, ikaw labing maalam pa



kay Daniel: walâ sing tinago nga madulum sa imo:

4 Sa imo kaalan kag sa imo ihibalo nagtipon ka nga sa imo sing mga mangad kag nakaangkon ka sing bulawan kag pilak sa imo mga bahandi;

5 Sa kabugana sang imo kaalam, sa imo palagitan-an ginpadamu mo ang imo mangad, kag bangud sang imo mangad nanginpalabilabihon ang imo tagiposoon.

6 Ngani amo ining ginasiling sang Ginoo nga si Iehoba: Tungud kay ginhimo mo ang imo tagiposoon subung sang tagiposoon sang Dios,

7 Tungud sini yari karon, ginapakari ko batok sa imo ang mga dumuluong, ang mga labing malugus sang mga katawohan; magagalabut sila sang ila mga hinganiban batok sang kagayonan sang imo kaalam, kag pagapasipalahan nila ang imo kasidla.

8 Sa lulubngan pagapapanaugon ka nila, kag mapatay ka sa kamatayon sang mga ginpanlapsan sa alibutud sang mga kadagatan.

9 Magasiling ka bala: Isa ka Dios ako, sa atubangan sang imo manugpatay, nga tawo ikaw kag indi Dios, sa idalum sang kamut sang nagapalapus sa imo?

10 Sa kamatayon sang mga ditinuli mamatay ka, tungud sa kamut sang mga dumuluong; kay amo ako ang naghambal, siling sang Ginoo nga si Iehoba.

Haya sa ibabaw sang hari sa Tiro.

11 Kag ang polong ni Iehoba nag-abut sa akon, nga nagasiling:

12 Anak sang tawo, bayaw ka sing panalabiton sa ibabaw sang hari sa Tiro, kag pagaisiling mo sa iya: Amo ining ginasiling sang Ginoo nga si Iehoba: Ikaw nagbutang sing pat-in sa kahimpitan, punô ikaw sing kaalam kag himpit sa kagayonan.

13 Sa Eden, sa katamnan sang Dios, didto ikaw: ang tanan nga bagay sang batô nga malahalon nagtabon sa imo; ang sardio, ang topasio, ang diamante, ang berilo, ang oniks, ang iaspe, ang sapiro, ang karbunklo, ang esmeralda kag ang bulawan: mga buluhaton sa padugi sang imo mga talampukan kag mga guab yara sa imo: nahanda sila kutub sang adlaw nga gintuga ka.

14 Isa ka kerubin ikaw nga hinaplas, ang isa ka manugtabon. Gintukud ko ikaw, didto ka sa balaan nga bukid sang Dios; sa tungâ sang mga batô nga kalayo naglakat ka.

15 Himpit ka sa tanan mo nga mga dalanon, kutub sang adlaw nga gintuga ka tubtub nga ang kalautan nakita sa imo.

16 Bangud sang kabugana sang imo palangitan-an nanginpunô ka sa sulûd sang paglugus, kag nagpakasalâ ka; gintabog ko ikaw, subung nga mapasipalahon, sa bukid sang Dios, kag ginpadalâ ko ikaw, kerubin nga manugtabon, sa tungâ sang mga batô nga kalayo.

17 Nagmatinaastaason ang imo tagiposoon bangud sang imo kagayonan; gindunut mo ang imo kaalam bangud sang imo kasilaw; gintagbong ko ikaw sa duta; sa atubangan sang mga hari ginbutang ko ikaw, agud nga magatulu-lok sila sa imo.

18 Bangud sang kadamuon gid sang imo mga kalainan, tungud sang kalautan sang imo palangitan-an ginpakadibalaan mo ang imo mga balaan nga puluyan. Kag ginpagowa ko sa tungâ nimo ang isa ka kalayo nga nag-upûd sa imo, kag ginhimo ko ikaw nga abô sa ibabaw sang duta sa mga mata sang tanan nga mga nagatululok sa imo?

19 Ang tanan nga mga nakakilala sa imo sa tungâ sang mga banwa yara sila sa kakugmat bangud sa imo: *iligoon* ka sang kakagmat, kag walâ ka na, sa gihapon.

Tagna batok sa Sidon.

20 Kag ang polong ni Iehoba nag-abut sa akon, nga nagasiling:

21 Anak sang tawo, ibalikid ang imo nawung nayon sa Sidon, kag tagna ka bakatok sa iya.

22 Kag pagaisiling mo: Amo ining ginasiling sang Ginoo nga si Iehoba: Yari karon, *nagaabut* ako batok sa imo, Sidon, kag sa tungâ nimo pagahimayaon ko ako. Kag mahibaloan nila nga ako amo si Iehoba, kon maghikot ako sa iya sing mga paghukom, kag sa iya magapakabalaan ako.

23 Kag pagaipadalâ ko sa iya ang kinamatay kag ang dugo sa iya mga dalan; kag ang mga pilason sa kamatayon magakalapukan sa tungâ niya, tu-

rġud sa hinganiban *nġa nagaabut* batok sa iya sa tanan *nġa* bahin. Kag mahibaloan nila *nġa* ako amo si Iehoba.

24 Kag walâ na *nġa* sa baláy ni Israel sing sapinit *nġa* nagatunok, bisan tunok *nġa* nagapilas sa tanan niya *nġa* mġa palibot, *nġa* nagatalamay sa ila. Kag mahibaloan nila, *nġa* ako amo si Iehoba.

25 Amo ining ginasiling sang Ginoo *nġa* si Iehoba: Kon pagatipunon ko ang baláy ni Israel sa *tunġa* sang mġa kabanwaan, *nġa* sa ila nagaalaplaga sila, *niyan* magapakabalaan ako sa akon sa ila sa mġa mata sang mġa katawohan, kag magapuluyô sila sa ila duta, *nġa* ginhatag ko sa akon alagad, kay Iakob.

26 Magapuluyô sila didto sing masinalig-on gid. Magapalatindug sila sing mġa baláy kag magatalanum sila sing mġa kaubasan, kag magapuluyô sila sing masinalig-on gid, kon ako magahikot sing mġa paghukom sa tanan *nġa* mġa nagatalamay sa ila, sa ila mġa palibot. Kag mahibaloan nila, *nġa* ako amo si Iehoba, *nġa* ila Dios.

Tagna batok sa Egipto.

**29** SA tuig *nġa* ikapulô, sa *bulan* *nġa* ikapulô, sa ikapulô kag duha sang bulan, nag-abut sa akon ang polong ni Iehoba, *nġa* nagasiling:

2 Anak sang tawo, ibalikid ang imo nawung batok kay Paraon, *nġa* hari sa Egipto, kag tagna-ka batok sa iya kag batok sa bug-os *nġa* Egipto.

3 Hambal-ka, kag pagaisiling mo: Amo ining ginasiling sang Ginoo *nġa* si Iehoba: Yari karon *nagaabut* ako batok sa imo, Paraon, *nġa* hari sa Egipto, *nġa* daku *nġa* dragon, *nġa* nagahamyang sa *tunġa* sang iya mġa subâ, *nġa* sia nagasiling: "Akon ang subâ, akon sia, kag ginhimo ko gid sia *nġa* sa akon."

4 Busa magabutang ako sing mġa salapang sa imo mġa sulang, kag pagapatapikon ko ang mġa isda sang imo mġa subâ sa imo mġa himbis, kag pagakuhaon ko ikaw sa *tunġa* sang imo mġa subâ, patí ang tanan *nġa* mġa isda sang imo mġa subâ *nġa* napanapik sa imo mġa himbis.

5 Kag pagabayaan ko ikaw sa kahanayakan, ikaw kag ang tanan *nġa* mġa isda sang imo mġa subâ, kag mapukan ka sa ibabaw sang kadayagan sang latagon;

indi ka pagasapopohon, bisan pagatipunon ka kag ginahatag ko ikaw *nġa* kalanon sa mġa kasapatan sang duta kag sa mġa kapispisan sang langit.

6 Kag mahibaloan sang tanan *nġa* mġa pumuluyô sa Egipto, *nġa* ako amo si Iehoba; *tunġud* kay salandigan sila *nġa* kawayan sa baláy ni Israel.

7 Kon ginauyatan ka nila sa kamut, nagakabali ka kag nagakalitik ka sa bug-os nila *nġa* abaga; kag kon nagasalandig sila sa ibabaw nimo, nagakabali ka kag ginpakurug mo ang bug-os nila *nġa* hawak.

8 Ngani amo ining ginasiling sang Ginoo *nġa* si Iehoba: Yari karon, ako nagapakari sing hinganiban, batok sa imo kag pagautdon ko sa imo ang mġa tawo kag mġa kasapatan.

9 Ang duta sa Egipto manginkahapayan kag kagulub-an, kag mahibaloan nila, *nġa* ako amo si Iehoba. *Tunġud* kay nagsiling sia: Akon ang subâ, kag ginhimo ko sia.

10 *Tunġud* sini, yari karon, *nagaabut* ako batok sa imo, kag batok sa imo mġa subâ, kag pagahimoon ko ang duta sa Egipto *nġa* mġa kagulub-an, *nġa* mamala kag nahapay, kutub sa Migdol tubtub sa Sebene, tubtub sa kadulunan sa Kus.

11 Indi magaalagi sa iya ang tiil sang tawo, bisan ang tiil sang sapat magaagi sa iya, kag indi pagapuy-an sia sa kapatan ka tuig.

12 Kag pagahimoon ko ang duta sa Egipto *nġa* kahapayan sa *tunġa* sang mġa duta *nġa* mġa hinapay; kag ang iya mġa kabanwaan sa *tunġa* sang mġa kabanwaan *nġa* linaglag, manginkahapayan sa kapatan ka tuig; kag pagaiwaraag ko ang mġa Egiptohanon sa *tunġa* sang mġa katawohan, kag pagapaalaplagoon ko sila sa *tanang* mġa duta.

13 Kay amo ining ginasiling sang Ginoo *nġa* si Iehoba: Sa katapusan sang kapatan ka tuig pagatipunon ko ang mġa Egiptohanon gikan sa mġa kabanwaan, *nġa* sa *tunġa* nila pagapaalaplagoon sila.

14 Kag pagapabalikon ko ang mġa bihag sa Egipto, kag pagapapaulion ko sila sa duta sa Patros, sa duta *nġa* gingikanan nila; kag magaisa sila ka ginharian *nġa* kubus.

15 Ang Egipto manginlabing kubus



sang *iban* nga mga ginharian, kag indi na magabayaw sia sa ibabaw sang mga katawohan, kag pagaibanan ko sila, agud nga indi na sila maggalalum sa ibabaw sang mga katawohan.

16 Kag sia indi na manginsalaligan nga sa baláy ni Israel, nga nagapadumdum sang handumanan sang kalautan, kon ang *Israel* nagisol sa olehe nila. Kag mahibaloan nila, nga ako amo ang Ginoo nga si Iehoba.

17 Kag nahanabu sa tuig nga duha ka púlô kag pito, sa *bulav* nga nahauna, sa nahauna sang bulan, nga nag-abut sa akon ang polong ni Iehoba, nga nagasiling:

18 Anak sang tawo, si Nabukodonosor, nga hari sa Babilonia, nagpahimo sa iya kasoldadosan sing daku nga buluhaton batok sa Tiro; nagkaupaw ang tanan nga olo, kag ginhimulbulan ang tanan nga abaga; kag walá sia magbaton, bisan sia bisan ang iya kasoldadosan sing sohol sa Tiro tungud sang pag-alagad, nga ginhimo niya batok sa iya.

19 Tungud sini, amo ining ginasiling sang Ginoo nga si Iehoba: Yari karon, ako nagahatag kay Nabukodonosor, nga hari sa Babilonia, sang duta sa Egipto; kag sia magakuha sang ila kadamuan, kag magadakup sia sang inagaw sa iya, kag magaagaw sang ila inatihan, kag manginsohol ini nga sa iya kasoldadosan.

20 Tungud sang iya sohol nga tungud sa iya nagpangabudlay sia, ginahatag ko sa iya ang duta sa Egipto; bangud sang ginhimo nila sa akon, siling sang Ginoo nga si Iehoba.

21 Sa sadtong adlaw pagapatuboon ko ang sungay nga sa baláy ni Israel, kag pagahatagan ko ikaw sing bâbâ nga nabukâ sa tungâ nila. Kag mahibaloan nila, nga ako amo si Iehoba.

Nagadalayon ang mga tagna batok sa Egipto kag batok kay Paraon.

**30** KAG ang polong ni Iehoba nag-abut sa akon, nga nagasiling:

2 Anak sang tawo, tagna ka kag pagaisiling mo: Amo ining ginasiling sang Ginoo nga si Iehoba: Uluwang-kamo: "¡Ay! ¡anong adlaw ini!"

3 Kay malapit na ang adlaw, hoo malapit na ang adlaw ni Iehoba;

manginadlaw ini sa gal-um, ang panagon sang mga katawohan.

4 Magaabut ang hinganiban sa ibabaw sang Egipto, kag magalubag sa kasakit ang Kus, kon magakalapukan ang mga pilason sa kamatayon sa Egipto, nga pagadakpon ang kadamuan niya, kag pagapanlaglagon ang ila mga sadsaran.

5 Ang mga taga-Kus, taga-Put, taga-Lud, kag ang tanan nga banwa nga kabilogan, kag ang mga taga-Kub kag ang mga anak sang duta sang katipan, magakalapukan upud sa ila sa hinganiban.

6 Amo ining ginasiling ni Iehoba: Magakalapukan ang mga nagasakdag sa Egipto; kag ang palabilabi sang iya kabakuran pagapaubson: kutub sa Migdol tuhtub sa Sebene magakalapukan sila sa iya sa hinganiban, siling sang Ginoo nga si Iehoba.

7 Kag pagapanghapayon sila sa tungâ sang mga ginpanghapay nga mga duta, kag ang iya mga kabanwaanang mangin sa tungâ sang mga kabanwaanang nagub-an.

8 Kag mahibaloan nila, nga ako amo si Iehoba, kon magbutang ako sing kalayo sa Egipto, kag ang tanan nga nagabutig sa Egipto, pagapamoongon.

9 Sa sadtong adlaw magagulowa ang mga manugbalita sa atubangan nakon sa mga sakayan, sa paglisang sa Kus sa iya kalig-unan, kag sa iya may paglubag sa kasakit, subung sang adlaw sang Egipto: kay, yari karon, nagaabut ini.

10 Amo ining ginasiling sang Ginoo nga si Iehoba: Pagatapuson ko man ang kadamuan sa Egipto tungud sa kamut ni Nabukodonosor, nga hari sa Babilonia.

11 Sia, kag upud sa iya, ang iya banwa, ang mga labing malugos sa tungâ sang mga katawohan, pagapakarion sila sa paglaglag sang duta: magagalabut sila sang ila mga hinganiban batok sa Egipto, kag pagapun-on nila ang duta sang mga pilason sa kamatayon.

12 Kag ginapamala ko ang mga subâ, kag ginatugyan ko ang duta sa kamut sang mga tawo nga mapintas, kag ginahapay ko ang duta kag ang tanan nga yara sa iya, tungud sang kamut sang mga dumuluong. Amo ako nga si Iehoba ang naghambal.

13 Amo ining ginasiling sang Ginoo

nga si Iehoba: Ginapadalá ko man ang mga diosdios, kag ginawálá ko ang mga butig nga dios sa Nop; kag walá na gid sing dunganon sa duta sang Egipto; kag sa duta sang Egipto ginabutangan ko sing kahadluk.

14 Kag ginahapay ko ang Patros, kag ginabutangan ko sing kalayo ang Soan, kag ginahikot ko ang mga paghukom sa No.

15 Kag ginaula ko ang kaakig sa ibabaw sang Sin, ang kabakuran sang Egipto, kag ginautúd ko ang kadamuan sa No.

16 Kag ginabutangan ko sing kalayo ang Egipto; ang Sin magalubag sa kasakit, kag ang No ginakuha sa palugos, kag ang Nop *ginadakup* sang mga kaaway sa adlaw gid.

17 Ang mga pamatan-on sa Aben kag sa Pibeset nagakalapukan sa hinganiban, kag sila gid nagapalakadto sa kabi-hagan.

18 Kag sa Tapnes ang adlaw *nagbay-lo* sa kadulum, sang pagpabali ko sang singkaw sang Egipto, kag ang palabilabi sang iya kabakuran matapus. Nahanungud sa iya, ang gal-um nagatabon sa iya, kag ang iya mga anak nga babae nagapalakadto sa kabi-hagan.

19 Kag pagahikuton ko ang mga paghukom sa Egipto. Kag mahibaloan nila, nga ako amo si Iehoba.

20 Kag nahanabu, sa tuig nga ika-púlô kag isa, sa *bulan* nga nahauna, sa ikapito sang bulan, nga nag-abut sa akon ang polong ni Iehoba, nga naga-siling:

21 Anak sang tawo, ginbali ko ang butkon ni Paraon, nga hari sa Egipto, kag yari karon, nga walá mabugkosi ang iya butkon, nga ginbutangan sia sing mga bolóng, nga ginbutangan sia sing mga wagkus sa pagbugkos sini, agud magbakud sia sa paguyat liwan sang hinganiban.

22 Ngani, amo ining ginasiling sang Ginoo nga si Iehoba: Yari karon, *naga-abut* ako batok kay Paraon, nga hari sa Egipto, kag pagbalion ko ang iya mga butkon, ang mabakud subung man ang nabali, kag pagaipaholog ko ang hinganiban sa iya kamut.

23 Kag pagaiwaraag ko ang mga Egiptohanon sa tungá sang mga katawohan, kag pagaalapaagon ko sila sa *tanang* nga mga kadutaan.

24 Apang pagapabakuron ko ang mga butkon sang hari sa Babilonia, kag pagabutang ko ang akon hinganiban sa iya kamut, kag pagabalion ko ang mga butkon ni Paraon; sa atubangan niya magabayaw sia sang mga pagsingit sang mga napilas sa kamatayon.

25 Kag pagapalig-onon ko ang mga butkon sang hari sa Babilonia kag ang mga butkon ni Paraon magakalaholog liwan. Kag mahibaloan nila nga ako amo si Iehoba, kon ako magbutang sang akon hinganiban sa kamut sang hari sa Babilonia, kag nga sia maguntay sa iya sa ibabaw sang duta sa Egipto.

26 Kag pagaiwaraag ko ang mga Egiptohanon sa tungá sang mga katawohan, kag pagapaalapaagon ko sila sa *tanang* nga mga kadutaan. Kag mahibaloan nila, nga ako amo si Iehoba.

Nagadalayon ang mga tagna batok kay Paraon, nga hari sa Egipto.

**31** KAG nahanabu, sang tuig nga ika-púlô kag isa, sa ikatlo ka *bulan*, sa nahauna sang bulan, nga nag-abut sa akon ang polong ni Iehoba, nga naga-siling:

2 Anak sang tawo, isiling kay Paron, nga hari sa Egipto, kag sa iya kadam-an: ¿Sa kay sin-o bala kaangay ka sa imo pagkadaku?

3 Yari karon, ang Asur among sedro sa Libano nga maayoayo ang iya mga sangá, nga may landong nga talonon, nga palabilabihon sa iya kataas, kag nga ang iya tuyoktuyokan yara sa tungá sang mga madabung nga mga sangá.

4 Ginpadaku sia sang mga tubig, ginbayaw ang iya kataason sang kaidadalan, nga nagalakat upud ang iya mga subá sa palibot sang duug nga diin natanum sia, kag nga ginapadalá ang iya mga iligan sa tanan nga mga kahoy sa latagon.

5 Ngani nanginpalabilabihon sia sa iya kataas labi pa sa tanan nga mga kahoy sa latagon; nagdalamu ang iya mga salingsing, kag naggapa ang iya mga sangá, kay nagtulúbô sila bangud sa kabugana sang mga tubig.

6 Sa iya mga sangá nagapulugad ang tanan nga mga kapispisan sang langit; sa idalum sang iya mga sangá nagaalanak ang tanan nga mga kasapatan sang



latagon, kag sa iya landong nagapuluyô ang madamu nga mga katawohan.

7 Maayoayo sia sa iya pagkadaku sa paggapa sang iya mga sangâ; kay ang iya gamut malapit sa bugana nga mga tubig.

8 Ang mga sedro walâ maglalaban sa iya sa katamnan sang Dios; ang mga sipres indi nagakasubung sa iya mga sangâ, kag ang mga platano indi subung sang iya mga sangâ: walâ gid sing kahoy sa katamnan sang Dios nga nannginsubung sa iya sa kagayonan niya.

9 Ginhimo ko sia nga maayoayo sa kabuganaan sang iya mga sangâ, kag ang tanan nga mga kahoy sa Eden nga yara sila sa katamnan sang Dios, nagkalahisa sa iya.

10 Ngani, amo ining ginasiling sang Ginoo nga si Iehoba: Tungud kay palabilabihon sia sa iya kataas, kag nga ginbutang niya ang iya tuyoktuyokan sa tungâ sang mga madabung nga mga sangâ, kag nga ang iya tagiposong nagbayaw sa iya pagkamatinaastaason,

II Ginatugyan ko sia sa kamut sang labing makusug sang mga katawohan, agud nga maghimo sia sang iya luyag sa iya: tungud sang iya kalainan gintabog ko sia.

12 Ang mga dumuluong, ang mga labing malugus sang mga katawohan, nagutûd sa iya kag nagbiya sa iya didto; sa ibabaw sang mga kabukiran, kag sa tanan nga mga nalupyakan nagkaholog ang iya mga sangâ, kag sa tanan nga mga kasapaan sang duta ginpamali ang iya mga sangâ, kag naghalalîn sa iya landong ang tanan nga mga banwa sang duta, kag ginbayaan nila sia didto.

13 Sa ibabaw sang iya *púnô* nga napukan nagapuluyô ang tanan nga mga kapisipan sang langit, kag sa ibabaw sang iya mga sangâ yara ang tanan nga mga kasapatan sang latagon:

14 Agud nga ang tanan nga mga kahoy nga *natanum* nga malapit sa mga tubig, indi magpalabilabi sa ila kataason kag nga indi magbutang sang ila toyoktuyokan sa tungâ sang mga sangâ nga madabung, kag nga ang tanan nga *mga kahoy* nga nagasuyup sang mga tubig, indi nagapadayon sa ila kagalingon, sa ila pagkamatinaastaason; kay ang tanan ginatugyan sa kamatayon, nga sa duta

nga sa sulúd, sa tungâ sang mga anak sang tawo, upud ang mga nagapalanaug sa lulubngan.

15 Amo ining ginasiling sang Ginoo nga si Iehoba: Sa adlaw nga nagapalanaug sia sa lulubngan, nagapalalaw ako *sang tanan*. Bangud sa iya gintabunan ko ang kaidadalman, ginpungan ko ang iya mga subâ, kag ang mga madamung mga tubig ginpamungan; bangud sa iya ginpahandong ko ang Libano kag bangud sa iya nagniliwang ang tanan nga mga kahoy sang latagon.

16 Sa dinaguhub sang iya pagkaholog, ginpakurug ko ang mga katawohan, sang pagtiklod ko sa iya sa lulubngan patí ang mga nagapalanaug sa boho; kag ang tanan nga mga kahoy sa Eden ginpanlipay sa duta nga sa sulúd, ang mga pinili, ang mga labing matahum nga mga kahoy sang Libano, ang tanan nga mga nagasuyup sing mga tubig.

17 Yadto sila man nagpalanaug upud sa iya sa lulubngan, nayon sa mga pilason sa kamatayon sa hinganiban, kag ang mga nannginiya butkon, nga mga nagpuluyô sa iya landong sa tungâ sang mga katawohan.

18 ¿Kay sing-o bala kaangay ka, sing subung sini, sa himaya kag sa pagkadaku sa tungâ sang mga kahoy sa Eden? Walay sapayan pagaitiklod ka upud sang mga kahoy sang Eden sa duta nga sa sulúd. Sa tungâ sang mga ditinuli pagapahamyangon ka, upud sang mga pilason sa kamatayon sa hinganiban. Ini amo si Paraon kag ang bug-os niya nga kadam-an, siling sang Ginoo nga si Iehoba.

Haya sa ibabaw ni Paraon nga hari sa Egipto.

**32** KAG nahanabu, sa tuig nga ika-púlô kag duha, sa bulan nga ika-púlô kag duha, sa nahauna sang bulan, nga nag-abut sa akon ang polong ni Iehoba, nga nagasiling:

2 Anak sang tawo, bayaw-ka sing panalabiton sa ibabaw ni Paroon, nga hari sa Egipto, kag pagaisiling mo sa iya: ¡Leon nga diotay sa mga katawohan! Natapus-ka na. Ikaw subung sang dragon sang mga kadagatan, nga nagatagbong ka sa imo mga subâ, ginapalubog mo ang mga tubig sang imo mga tiil, kag ginapahigko mo ang imo mga subâ.

3 Amo ining ginasiling sang Ginoo nga si Iehoba: Pagahumlaron ko sa ibabaw nimo ang akon pukot sa katipunan sang mga madamung mga banwa, kag pagapasakaon ka nila upud sang akon pukot.

4 Kag pagabayaang ko ikaw didto sa duta; pagaihaboy ko ikaw sa ibabaw sang kadayang sang latagon, kag pagapahaponon ko sa ibabaw nimo ang tanan nga mga kapispisan sang langit, kag pagbusgon ko sa imo ang mga kasapatan sang duta.

5 Kag pagaibutang ko ang imo unud sa ibabaw sang mga bukid, kag pagapubon ko ang mga nalupyakan sang imo dakung garok.

6 Kag pagabunyagan ko sang imo dugo ang duta nga diin nagalangoy ka, tubtub sa mga bukid; kag ang mga kasapaan magakalapunô sa imo.

7 Kag kon magpalong ako sa imo, pagatabunan ko ang mga langit, kag pagapadulmon ko ang ila mga kabitoonan; ang adlaw pagatabunan ko sang gal-um, kag ang bulan indi magapasilak sang iya kapawa.

8 Ang tanan nga mga sulo nga nagapawa sa mga langit-pagapadulmon ko tungud sa imo, kag pagabutangan ko sang mga kadudulman sa ibabaw sang imo duta, siling sang Ginoo nga si Iehoba.

9 Kag pagapasubun ko ang tagiposoan sang madamu nga mga banwa, kon pagapakarion ko ang imo kaguluban sa ibabaw sang mga katawohan, sa mga duta nga walâ mo makilala.

10 Kag pagapakugmaton ko, bangud sa imo, ang madamu nga mga banwa, kag pagadakpon ang ila mga hari sang takig, bangud sa imo, kon pagapabalabaron ko ang akon hinganiban sa atubangan sang ila mga nawung; kag magakulurug sila sa tanan nga tion, ang tagsatagsa tungud sang iya kabuhi sa adlaw sang imo pagkaholog.

11 Kay amo ining ginasiling sang Ginoo nga si Iehoba: Ang hinganiban sang hari sa Babilonia nagaabut batok sa imo.

12 Sa mga hinganiban sang mga makusug pagapukanon ko ang imo kadam-an, sila nga tanan among labing malugus sa tungâ sang mga katawohan; pagahapayon nila ang palabilabi sang

Egipto, kag pagalaglagon ang bug-os niya nga kadam-an.

13 Pagalaglagon ko ang tanan niya nga mga kahayupan sa luyo sang madamu nga mga tubig; walâ gid sing tiil sang tawo nga magalubug sa ila, bisan koko sang kahayupan nga magalubug sa ila.

14 Niyan pagapalinunon ko ang iya mga tubig, kag pagapailigon ko ang ila mga subâ subung sang lana, siling sang Ginoo nga si Iehoba;

15 Kon paghimoon ko ang duta sa Egipto nga kahapayan, nga kalaglagan nga duta nga imula sa tanan nga yara sa iya, kag kon magpilas ako sang tanan nga mga nagapuluyô sa iya; kag mahibaloan nila nga ako amo si Iehoba.

16 Yari karon, ang panalabiton, kag pagamitlangon nila sia: ang mga anak nga babae sang mga katawohan magamitlang sini nga panalabiton; pagamitlangon nila ini nga panalabiton sa ibabaw sang Egipto kag sa ibabaw sang bug-os niya nga kadam-an, siling sang Ginoo nga si Iehoba.

Haya sa ibabaw sang Egipto.

17 Kag nahanabu, sa tuig nga ikapulô kag duha sa ikapulô kag lima sang bulan, nga nag-abut sa akon ang polong ni Iehoba, nga nagasiling:

18 Anak sang tawo, bakho-ka sa ibabaw sang kadam-an sa Egipto, kag papanauga, ang Egipto kag ang mga anak nga babae sang mga katawohan nga matahum, sa duta nga sa sulûd, upud sang mga nagapalanaug sa lulubngan.

19 Labing kahalambut-an-ka bala sa iban? Panaug-ka, hamyang-ka upud sang mga ditinuli.

20 Nagakalapukan sila sa tungâ sang mga pilason sa kamatayon sa hinganiban; ang hinganiban igatugyan sia sa inyo: sagnoya-ninyo ang Egipto upud ang tanan niya nga mga kadam-an.

21 Kutub sang inpierno magahilambal sa iya kag sa mga nagbululig sa iya ang mga labing makusug sang mga tawo nga maisug. "Ginapaniklod sila, ining mga ditinuli; pinahamyang sila nga mga pilason sa kamatayon sa hinganiban."

22 Didto sang Asur pati ang tanan niya nga katipunan; sa palibot niya



yara ang iya mġa lulubnġan. Pilason sila nġa tanan sa kamatayon, nagkalapukan sila sa hinganiban.

23 Ginpamutang ang ila mġa lulubnġan sa kaidadalman sang boho, kag ang iya katipunan nagalibot sa iya lulubnġan: pilason sila nġa tanan sa kamatayon, nagkalapukan sila sa hinganiban, nġa sila nagpalapnag sing pangulba sa duta sang mġa buhi.

24 Didto ang Elam patí ang bug-os niyang kadam-an; sa palibot sang iya lulubnġan. Pilason sila nġa tanan sa kamatayon, nagkalapukan sila sa hinganiban; mġa ditinuli nġa nagpalanaog sa duta nġa sa sulúd, nġa sila nagpalapnag sang ila pangulba sa duta sang mġa buhi; nagdalalá sila sang iya kahuluy-an upud sang mġa nagapalanaug sa boho.

25 Sa tunġa sang mġa pilason sa kamatayon ginbutangan nila sia sing higdaan, upud sang iya bug-os nġa kadam-an; sa iya palibot yara ang iya mġa lulubnġan. Ditinuli sila nġa tanan nġa mġa pilason sa kamatayon sa hinganiban; kay naglapnag ang iya pangulba sa duta sang mġa buhi, kag gindalalá nila ang iya kahuluy-an upud sang mġa nagapalanaug sa boho; ginbutang sila sa tunġa sang mġa pilason sa kamatayon.

26 Didto ang Mesek, ang Tubal kag ang bug-os niya nġa kadam-an; sa palibot niya yara ang iya mġa lulubnġan. Ditinuli sila nġa tanan nġa mġa pilason sila sa kamatayon sa hinganiban; kay nagpalapnag sila sang ila pangulba sa duta sang mġa buhi.

27 Kag walá sila maghalamyang upud sang mġa maisug nġa nagkalapukan sa tunġa sang mġa ditinuli, nġa sila nagpalalanaug sa lulubnġan patí sang ila mġa hinganiban sa pag-awayan, kag nġa sa idalum sang ila hinganiban ginpamutang ang ila olo; apang ang ila mġa kalautan yara sa ibabaw sang ila mġa tul-an; kay kakugmat sang mġa maisug yara sa duta sang mġa buhi.

28 Ikaw man, ginbali ka sa tunġa sang mġa ditinuli, kag ginpahamyang ka upud sang mġa pilason sa kamatayon sa hinganiban.

29 Didto ang Edom, upud ang iya mġa hari kag ang tanan niya nġa mġa dunganon, nġa bisan pa sang kaisug nila ginpamutang sila upud sang mġa

pilason sa kamatayon sa hinganiban. Ginpahamyang sila man upud sa mġa ditinuli kag upud sang mġa nagapalanaug sa boho.

30 Didto ang mġa dunganon sang Aminhan, sila nġa tanan, kag ang tanan nġa mġa Sidoninhon, nġa nagapalanaug upud sang mġa pilason sa kamatayon nġa mġa pinakahuy-an, bisan pa ang kaisug nila nagpalapnag sang ila pangulba; mġa ditinuli sila nġa pagapahamyangon upud sang mġa pilason sa kamatayon sa hinganiban, kag pagadalhon nila ang ila kahuluy-an upud sang mġa nagapalanaug sa boho.

31 Sa ila sini makita ni Paraon, kag magakalipay sia nahanungud sang bug-os niya nġa kadam-an. Si Paraon kag ang bug-os niya nġa kasoldadosan pagapilason sila sa kamatayon sa hinganiban, siling sang Ginoo nġa si Iehoba.

32 Kay ginpalapnag ko ang iya kakugmat sa duta sang mġa buhi; sa sini pagapahamyangon si Paraon upud ang bug-os niya nġa kadam-an sa tunġa sang mġa ditinuli, upud sang mġa pilason sa kamatayon sa hinganiban, siling sang Ginoo nġa si Iehoba.

Ang katungdanan sang matuud nġa manalagna.

**33** KAG ang polong ni Iehoba nagabut sa akon, nġa nagasiling:

2 Anak sang tawo, hambal-ka sa mġa inanak sang imo banwa, kag pagaisiling mo sa ila: Kon pakarion ko ang hinganiban sa ibabaw sang isa ka duta kag kon ang banwa sining duta magkuha sing isa ka tawo sa tunġa nila kag ibutang niya sia nġa bantay;

3 Kag kon makita niya, nġa nagapakari ang hinganiban batok sang duta, kag magpatunog sia sang budyong, kag magpahibalo sa banwa:

4 Kon ang bisan sin-o nġa makabati sang tunog sang budyong, kag indi magtalupangud, kag nġa magabut ang hinganiban kag magkuha sa iya, ang iya dugo manginsaibabaw sang iya olo.

5 Nabatian niya ang tunog sang budyong, kag walá sia magtalupangud: ang iya dugo manginsaibabaw niya; apang kon magtalupangud sia, magapapalayô sia sang iya kalág.

6 Kag nahanungud sang bantay, kon makakita sia nġa nagapakari ang hinganiban, kag indi niya pagpatungonang

budyong, kag ang banwa nga indi magpatalupangud, mag-abut ang hinganiban kag magkuha sa tungâ nila sing isa, ini sia pagadakpon tungud sang iya kalautan, kag pagapangayoon ko ang iya dugo sa kamut sang bantay.

7 Kag ikaw, anak sang tawo, ako naghimo sa imo nga bantay nga sa baláy ni Israel. Magapamati ka sang polong sang akon bâbâ, kag pagatalupangdon mo sila gikan sa akon.

8 Kon magasiling ako sa malauton: "Malauton, sa pagkamatuud mamatay ka"; kon ikaw indi maghambal sa pagpatalupangud sa malauton, agud nga magbiya sia sang iya dalanon, ining malauton mamatay tungud sang iya kalautan, apang ang iya dugo pagapangayoon ko sa imo kamut.

9 Kag kon ikaw magpatalupangud sa malauton nga magbiya sang iya dalanon, agud nga sa iya magisol sia, kag nga sia indi magisol sa iya dalanon, mamatay sia, tungud sang iya kalautan, kag ikaw naluwas mo ang imo kalág.

10 Kag ikaw, anak sang tawo, isilingmo sa baláy ni Israel: Kamo magahalambal sing subung sini, nga nagasiling: "Sa pagkamatuud, ang aton mga pagkamalalison kag ang aton mga salâ yari sa ibabaw naton; bangud sa ila nagalas-as kita; busa ipaano bala ang pagkabuhi naton?"

11 Isiling sa ila: Magkabuhi ako, siling sang Ginoo nga si Iehoba: indi ako nagakahamuut sang kamatayon sang malauton, kondi nga ang malauton magisol sa iya dalanon kag nga magkabuhi sia. Magisol, mag-isol-kamo sa inyo mga malain nga mga dalanon. Kag ikaw nga bala magakalamatay kamo, oh baláy ni Israel?

12 Kag ikaw, anak sang tawo, isilingmo sa mga inanak sang imo banwa: Ang katarungan sang matarung indi makabawi sa iya sa adlaw sang iya pagkamalalison, kag ang pagkamadauton sang madauton indi magapapukan sa iya sa adlaw nga magisol sia sa iya pagkamadauton; kag ang matarung indi sarang makakabuhi sa iya katarungan sa adlaw nga makasalâ sia.

13 Kon magsiling ako sa matarung nga, sa pagkamatuud, magakabuhi sia, kag nagasalig sia sa iya katarungan kag maghimo sing kalautan, ang tanan niya

nga mga katarungan indi na pagadumdumon; apang mamatay sia tungud sang iya kalautan, nga ginhimo niya.

14 Kag kon magsiling ako sa malauton: "Sa pagkamatuud, mamatay ka"; kon sia magisol sa iya salâ, kag magbutang sa buhat sang tulumanon kag sang katarungan,

15 Kon ang madauton maguli sang inugpalig-on, maguli sang kinawat niya, kag maglakat sia sa mga tulumanon sang kabuhi, nga indi maghimo sing kalautan, sa pagkamatuud, magakabuhi sia, indi mamatay sia.

16 Indi na pagadumdumon batok sa iya ang tanan niya nga mga salâ nga ginhimo niya: sia nagabutang sa buhat sang katarungan kag sang tulumanon; sa pagkamatuud, magakabuhi sia.

17 Apang nagasiling ang mga inanak sang imo banwa: "Indi himpit ang dalan sang Ginoo"; apang amo ang ila dalan ang indi himpit.

18 Kon ang matarung magisol sa iya katarungan, kag magbutang sa buhat sing kalautan, tungud sini mamatay sia.

19 Kag kon ang madauton magisol sa iya pagkamadauton, kag magbutang sa buhat sang tulumanon kag sang katarungan, tungud sini nga mga butang magakabuhi sia.

20 Kag nagasiling kamo: "Indi himpit ang dalan sang Ginoo." Sono sang inyo mga dalanon magahukom ako sa tagsatagsa sa inyo, baláy ni Israel.

Binantala nga silot sa Israel tungud sang iya pagpataastaas.

21 Kag nahanabu, sa tuig nga ikapulô kag duha sang amon paglito, sa bulan nga ikapulô, sa ikalima sang bulan, nga nag-abut sa akon ang isa ka nalagyo gikan sa Ierusalem, nga nagasiling: "Ang banwa ginpilas."

22 Kag ang kamut ni Iehoba, nanginsaibabaw nakon sang hapon, sa walâ pa mag-abut ang nalagyo, kag sa aga ginbukâ niya ang akon bâbâ, tubtub nga nag-abut sia sa akon; kag nabukâ ang akon bâbâ, kag walâ na gid ako mag-apa.

23 Kag ang polong ni Iehoba nag-abut sa akon, nga nagasiling:

24 Anak sang tawo, ang mga pumulyô sa sining mga nagub-an, sa duta



sa Israel, nagahalambal nga nagasililing : “Si Abraham nga isa lamang, kag nagatagiya sia sang duta ; kag kita mga madamu, nga sa aton ginhatag ang duta nga kaugalingon.”

25 Ngani isiling mo sa ila : Amo ining ginasiling sang Ginoo nga si Iehoba : Sa dugo nagakalaon kamo, kag sa inyo mga diosdios nagabayaw kamo sang inyo mga mata, kag nagapangula kamo sang dugo, kag ; magatagiya bala kamo sang duta ?

26 Nagasandig kamo sa inyo hinganiban, nagahilimo kamo sing kalangil-aran, kag ginadagtaan sang tagsatagsa ang asawa sang iya isigkatawo : kag ; magatagiya bala kamo sang duta ?

27 Pagaisiling mo sa ila ang subung sini : Amo ining ginasiling sang Ginoo nga si Iehoba : Magkabuhi ako, ang mga didto sa mga kagulub-an magakalapunan sa hinganiban, kag igahatag ko nga kalan-on sa kasapatan ang yara sa ibabaw sang kadaygan sang latagon ; kag ang mga yara sa mga kabakuran kag sa mga lungib, magakalamatay sa kamatay.

28 Kag pagahimoon ko ang duta nga kamingawan kag kahapayan, kag magautat ang palabilabi sang iya kabakuran, kag ang mga kabukiran sa Israel pagapanghapayon, nga walâ na sing sin-o nga mag-agi didto.

29 Kag mahibaloan nila nga ako amo si Iehoba, kon pagahimoon ko ang duta nga kamingawan kag kahapayan, tungud sang tanan nga mga kalangil-aran, nga ginhimo nila.

30 Kag ikaw, anak sang tawo, ang mga anak sang imo banwa, nagapakig-hambal nahanungud sa imo malapit sa mga dingding kag sa mga salamputan sang mga baláy, kag nagahalambal sila ang isa sa isa kag ang tagsatagsa sa iya útud, nga nagasiling : “Kari-kamo karon, kag pamatii-ninyo kon ano nga polong ang nagagikan kay Iehoba.

31 Busa nagaalabut sila sa imo subung nga dapat magkari ang banwa, kag nagalilingkod sila sa imo atubangan, *subung* sang akan banwa ; kag nagapalamati sila sang imo mga polong, apang indi nila pagipamutang sa buhat ; kay sa ila bâbâ ginahimo nila ang mga matuhum nga tinotuyo, apang ang tagiposoan nila nagalakat sa olehe sang ila pagdaug nga kaugalingon.

32 Kag, yari karon, ikaw amo nga sa ila subung nga kalantahon nga makawiwili, *subung* nga tingug nga matahum kag *subung* nga sampaton nga manugkuting sang arpa. Busa ginapamatian nila ang imo mga polong, apang indi nila ginabutang sila sa buhat.

33 Apang kon mag-abut ang butang (yari karon, nga nagaabut sia), mahibaloan nila nga may manalagna sa tunga nila.

Tagna batok sa mga manugbantay nga mga dimatutum sa Israel.

**34** KAG ang polong ni Iehoba nagabut sa akan, nga nagasiling :

2 Anak sang tawo, tagna-ka batok sang mga manugbantay sa Israel ; tagna-ka, kag pagaisiling mo sa ila, sa mga manugbantay : Amo ining ginasiling sang Ginoo nga si Iehoba : ¡Kailo sang mga manugbantay sa Israel, nga nagapalahalab sa ila kaugalingon ! ; Indi bala dapat magpalahalab ang mga manugbantay sang kahayupan ?

3 Ginakaon ninyo ang tambok, kag nagapalanaput kamo sang bulbul ; ginapugutan ninyo ang pinatambok, apang indi ninyo ginapahalab ang mga obeha :

4 Indi ninyo ginpatambok ang mga *obeha* nga maniwang, bisan ginbolong ninyo ang masakiton, bisan ginpamugkosan ninyo ang pilason, bisan ginpabalik ninyo ang nag-alaplaag, bisan ginpangita ninyo ang nadula ; apang naggalahum kamo sa ila nga may katig-a kag may kapintas.

5 Kay, tungud kay walâ sila sing manugbantay, ginpaalaplaag sila ; nanġin-kalan-on sila sang tanan nga sapat sang latagon kag ginpaalaplaag sila.

6 Nagatalalang ang akan mga obeha sa tanan nga mga bukid, kag sa tanan nga bakolod nga mataas ; ginapanlapta ang akan mga obeha sa tanan nga kadaygan sang duta, kag walâ gid sing sin-o nga nagausa tungud sa ila, kag walâ sing bisan sin-o nga nagapangita sa ila.

7 Tungud sini, mga manugbantay, pamatii-ninyo ang polong ni Iehoba.

8 Magkabuhi ako, nagasiling ang Ginoo nga si Iehoba : Tungud kay ang akan mga obeha nanginalatihon ; tungud kay ang akan mga obeha nga nawad-an sing manugbantay, nanginkalan-on sang

tanang nga sapat sang latagon, kag nga ang akon mga manugbantay walâ mag-usisa tungud sang akon mga obeha; kay ang mga manugbantay nagapahalalab sa ila kaugalingon, kag walâ nila pag-pahalaba ang akon mga obeha;

9 Tungud sini, mga manugbantay, pamatii-ninyo ang polong ni Iehoba.

10 Amo ining ginasing sang Ginoo nga si Iehoba: Yari karon, ako *naga-abut* batok sa mga manugbantay; kag pagapangayoon ko ang akon mga obeha sa ila kamut; kag pagapauntaton ko sila sa pagpapahalab sang pinanung; bisan ang mga manugbantay makapapahalab pa sa ila kaugalingon, kag pagabawion ko ang akon mga obeha sa ila mga bâbâ, kag indi na magamanginkalan-on nila sila.

11 Kay amo ining ginasing sang Ginoo nga si Iehoba: Yari karon ako gid, ako magausisa tungud sang akon mga obeha, kag pagaduawon ko sila nga may pagtatap.

12 Subung sang pagduaw sang manugbantay sang iya pinanong, sa adlaw nga yara sia sa tungâ sang iya mga nag-alaplaag nga mga obeha, subung sini pagaduawon ko nga may pagtatap ang akon mga obeha, kag pagabawion ko sila sa tanan nga mga duug nga ginapaalaplagaan sa ila sang adlaw sang gal-um kag sang kadulum.

13 Kag ako, pagapagowaon ko sila sa tungâ sang mga banwa, kag pagatipunon ko sila sa *tanang* nga mga duta; kag pagapakarion ko sila sa ila duta, kag pagapapahalabon ko sila sa mga kabukiran sa Israel, sa luyo sang mga sapa, kag sa tanan nga mga puluy-an sang kadutaan.

14 Sa maayo nga halalban pagapahalabon ko sila, kag sa mga mataas nga mga bukid sa Israel mangindulugan nila; didto magapahuway sila sa maayong halalban, kag sa mga madabong nga halalbon pagapahalabon sila sa mga kabukiran sa Israel.

15 Ako gid magapahalab sa akon mga obeha, kag ako magapapahuway sa ila, siling sang Ginoo nga si Iehoba.

16 Ako magapangita sang nadula, kag pagapabalikon ko ang nag-alaplaag, pagabugkosan ko ang pilason, kag pagaayohon ko ang masakiton, apang pagalaglagon ko ang matambok kag ang

makusug: nagapahalab ako sa ila sa paghukom.

17 Busa kamo, mga obeha nakon, amo ining ginasing sang Ginoo nga si Iehoba: Yari karon, ako magahukom sa tungâ sang obeha kag obeha, sa tungâ sang mga karnero kag sang mga lalaki nga kanding.

18 Diyotay bala nga butang nga sa inyo, nga magkalalaon kamo sa mga maayong halalban, nga ginalapak pa ninyo sang inyo mga tiil ang nabilin sa inyo mga halalban, kag nga nagailinum kamo sang mga tubig nga labing masinaw, nga ginapanlubug pa ninyo sang inyo mga tiil ang nabilin?

19 Kag ang akon mga obeha nagakalalaon sang linapak sang inyo mga tiil, kag nagailinum sang mga linubug sang inyo mga tiil.

20 Tungud sini amo ining ginasing sa ila sang Ginoo nga si Iehoba: Yari karon, ako gid. Ako magahukom sa tungâ sang obeha nga matambok kag sang obeha nga maniawang,

21 Tungud kay gindisog ninyo sang kilid kag sang abaga, kag nga ginsungay ninyo sang inyo mga sungay ang tanan nga mga obeha nga maniawang, tubtub nga ginpaalaplaag ninyo sila sa gowa.

22 Ako magaluwas sang akon mga obeha, kag indi na sila manginalatihon; kag pagahukman ko sa tungâ sang obeha kag obeha.

23 Kag pagapatindugon ko sa ibabaw nila ang isa lamang ka manugbantay, kag sia magapahalab sa ila: ang akon alagad nga si Dabid; sia magapahalab sa ila, kag magamanginmanugbantay sia nila.

24 Ako nga si Iehoba magamangin-Dios nila, kag ang akon alagad nga si Dabid mangindugananon sa tungâ nila. Amo ako nga si Iehoba ang naghambal.

25 Kag magahimo ako sing katipan sa pagpakighidaet sa ila, kag pagahimoon ko nga walâ na sing kasapatan nga mapintas sa duta; kag magapuluyô sila sa kahanayakan sing malig-on gid, kag magatololog sila sa mga talon.

26 Kag pagahimoon ko sa ila, kag sa mga palibot sang akon bakolod, ang pagpakamaayo: pagapapanaugon ko ang ulan sa iya panag-on; ini sila magamanginulan nga pagpakamaayo.

27 Ang kahoy sang latagon magapamunga, kag ang duta magapatubas: ma-



gapuluyô sila sa ibabaw sang ila duta sing malig-on gid, kag mahibaloan nila, nga ako amo si Iehoba, kon pagbalion ko ang ila singkaw, kag kon pagbawion ko sila sa kamut sang mga nagpaalapaag sa ila.

28 Kag indi sila mangininagaw na sang mga katawohan; ang mga sapat sang latagon indi na magatukub sa ila; kondi nga magapuluyô sila sing malig-on nga walâ sing sin-o nga magpakugmat sa ila.

29 Pagapatuboon ko sa ila ang mga tanum sa kabantugan, kag indi na sila pagaanion sang gutum sa ila duta, bisan magabatas pa sila sang kahuluy-an sang mga katawohan.

30 Kag mahibaloan nila, nga ako nga si Iehoba, ang ila Dios, nagaupud sa ila, kag nga sila, ang baláy ni Israel, amo ang akon banwa, siling sang Ginoo nga si Iehoba.

31 Kag kamo, mga obeha nakon, ang mga obeha sang akon halalban, mga sawo kamo; kag ako ang inyo Dios, siling sang Ginoo nga si Iehoba.

Tagna batok sang bukid nga Seir.

**35** KAG ang polong ni Iehoba, nagabut sa akon nga nagsiling:

2 Anak sang tawo, ibalikid ang imo nawung nasyon sa bukid sa Seir, kag tagna ka batok sa iya.

3 Kag pagaisiling mo sa iya: Amo ining ginasing sang Ginoo nga si Iehoba: Yari karon, ako naga-abut batok sa imo, bukid nga Seir; kag ginauntay ko ang akon kamut batok sa imo, kag pagahimoon ko ikaw nga kamuhaymuhayan kag nga kahapayan.

4 Pagahimoon ko nga kagulub-an ang imo mga kabanwaan, kag manginkahapayan ka. Kag mahibaloan mo, nga ako amo si Iehoba.

5 Tunud kay may pagdumut ka sing dayon kag nga gintugyan mo ang mga inanak ni Israel sa gahum sang hinganiban, sa panag-on sang ila kalalat-an, sa panag-on sang kalautan nga *nagapakari* sang katapusan.

6 Ngani, magkabuhi ako, siling sang Ginoo nga si Iehoba, nga sa dugo pagai-butangko ikaw, kag ang dugo magalagas sa imo: tunud kay ang dugo walâ mo pagadumti, ang dugo magalagas sa imo.

7 Kag pagahimoon ko ang bukid nga

Seir nga kamuhaymuhayan, kamuhaymuhayan, kag pagautdon ko sa iya ang mga manugpakadto kag ang mga manugpauli.

8 Kag pagapun-on ko ang iya mga bukid sang iya mga pilason sa kamatayon. Sa imo mga bakolod, kag sa imo mga nalupyakan, kag sa tanan mo nga mga sapa, magakalapukan sila nga mga pilason sa kamatayon sa hinganiban.

9 Pagahimoon ko ikaw nga kamuhaymuhayan nga dayon, kag ang imo mga kabanwaan indi na pagapuy-an. Kag mahibaloan ninyo, nga ako amo si Iehoba.

10 Tunud kay nagsiling ka: Ining duha ka katawohan kag ining duha ka duta magamaning-akon, kag manginkaugalingon namon sila (kag didto si Iehoba);

11 Tunud sini, magkabuhi ako, siling sang Ginoo nga si Iehoba: Pagahimoon ko sono sang imo kaakig kag sono sang imo kaimon, nga ginhikot mo, bangud sang imo pagdumut batok sa ila; kag magapakilala ako sa ila, kon magahukom ako sa imo.

12 Kag mahibaloan mo, nga ako nga si Iehoba nakabati sang tanan mo nga mga buyayaw, nga ginmitlang mo batok sang mga bukid sa Israel, nga nagsiling: "Napanghapay na sila, ginhatag sila sa amon nga paghalonhon."

13 Kag nagpakataas kamo batok sa akon sa inyo bâbâ, kag ginpadamu ninyo batok sa akon ang inyo mga polong: ako nakabati sini.

14 Amo ining ginasing sang Ginoo nga si Iehoba: Kon magkalipay ang bug-os nga duta, pagahimoon ko ikaw nga kahapayan.

15 Subung sang pagkalipay mo sa ibabaw sang panublion sang baláy ni Israel, tunud kay ginhapay sia, subung sini pagahimoon ko sa imo: manginkahapayan ka, bukid nga Seir, upud ang bug-os nga Edom; kag mahibaloan nila, nga ako amo si Iehoba.

Tagna batok sang mga bukid sa Israel.

**36** KAG ikaw, anak sang tawo, tag-na-ka nga sa mga bukid sa Israel, kag pagaisiling mo: Bukid sa Israel, pamatii ang polong ni Iehoba:

2 Amo ining ginasing sang Ginoo nga si Iehoba: "Tunud kay ang ka-

away nagsiling nahanungud sa inyo: Talatala, kag ang iya dayon nga mga kataasan manginkaualingon naton sila!"

3 Ngani tagna-ka, kag pagaisiling mo: Amo ining ginasiling sang Ginoo nga si Iehoba: Tungud kay, hoo, tungud kay ginahapay kamo kag nga ginahalonhon kamo sa tanan nga mga bahin, agud nga magmanginkaualingon kamo sang iban nga mga katawohan, kag nga mangintulukbon kamo sang mga bibig kag sang mga dila kag mabantug sa tungâ sang mga banwa,

4 Tungud sini, mga bukid sa Israel, pamatii-ninyo ang polong sang Ginoo nga si Iehoba: Amo ining ginasiling sang Ginoo nga si Iehoba sa mga bukid kag sa mga kabakoloran, sa mga kasapaan kag sa mga nalupyakan, sa mga nagub-an kag sa mga kahapayan, kag sa mga kabanwaanang nga mga ginpamayaan, nga gintugyan sa pangati kag sa paguligyan sang mga katawohan sa palibot;

5 Tungud sini, amo ining ginasiling sang Ginoo nga si Iehoba: Sa pagkamatud, naghambal ako sa kalayo sang akon kaimon batok sang iban nga mga katawohan kag batok sang bug-os nga Edom, nga ginabilang nila ang akon duta nga kaulingon nila, nga may kasadya sa bug-os nga tagiposoan, nga may pagtamay sa kalág, agud nga paghimoon nila sia nga alatihon;

6 Tungud sini, tagna-ka sa ibabaw sang duta sa Israel; kag pagaisiling mo sa mga bukid kag sa mga kabakoloran, sa mga kasapaan kag sa mga nalupyakan: Amo ining ginasiling sang Ginoo nga si Iehoba: Yari karon, sa akon kaimon kag sa akon kasingkal naghambal ako, tungud kay gindala ninyo ang kahuluy-an sang mga katawohan.

7 Tungud sini, amo ining ginasiling sang Ginoo nga si Iehoba: Ginbayaw ko ang akon kamut, nga *nagasumpa* nga ang mga katawohan nga yara sa palibot ninyo magadalala sang ila kahuluy-an.

8 Kag kamo, mga bukid sa Israel, pagapatuboon ninyo ang inyo saling-sing, kag magapamunga kamo nga sa akon banwa nga Israel; kay malapit na sila sa pag-abut.

9 Kay yari karon, ako *nagaabut* sa inyo kag magabalik ako sa inyo; kag pagapanumohon kag pagapanamnan kamo.

10 Kag pagapadamuon ko sa ibabaw ninyo ang mga tawo, ang bug-os nga baláy ni Israel, nga bug-os gid sia; kag ang mga kabanwaanang pagapuy-an, kag pagapatindugon ang mga nagub-an.

11 Kag pagapadamuon ko sa ibabaw ninyo ang mga tawo kag ang mga sapat: kag magadalamu sila kag magabuluad sila, kag pagapapuyoon ko kamo subung sang una ninyo nga dag-on; kag pagahimoon ko sa inyo ang maayo pa sang sa inyo nga ginkamunoan. Kag mahibaloan ninyo, nga ako amo si Iehoba.

12 Kag pagapalakton ko ang mga tawo sa ibabaw ninyo, ang akon banwa nga Israel. Pagaankonon ka nila, kag manginpanublion ka nila, kag indi ka na magadumili sa ila sing mga anak.

13 Amo ining ginasiling sang Ginoo nga si Iehoba: Tungud kay nagasililing sila sa imo: "Nagahalunhon ka sing mga tawo, *oh duta*, ginadumilian mo sing mga inanak ang imo katawohan."

14 Ngani indi ka na magahalunhon sing mga tawo, bisan pagadumilian mo sing mga anak ang imo katawohan, siling sang Ginoo nga si Iehoba.

15 Kag indi ko na ikaw pagapapamation sang kahuluy-an sang mga katawohan, kag indi na magadalala ikaw sang pasipala sang mga banwa kag indi mo pagadumilian sing mga anak ang imo katawohan, siling sang Ginoo nga si Iehoba.

Ang pagpatindug liwan sa Israel.

16 Kag ang polong ni Iehoba nag-abut sa akon, nga ginasiling:

17 Anak sang tawo, sang nagapuyô ang baláy ni Israel sa ila duta, gindagtaan nila sia sang ila mga dalanon kag sang ila mga binuhatan: subung sang kahigkoan sang babae sa iya kahigkoan, amo man ang ila mga dalanon sa atubangan nakon.

18 Kag ginula ko ang akon kaakig sa ibabaw nila tungud sang mga dugo nga ginpangula nila sa ibabaw sang duta, kag tungud kay gindagtaan sia nila sang ila mga diosdios.

19 Kag ginwaraag ko sila sa tungâ sang mga katawohan, kag ginpaalapiaag sila sa tanan nga mga duta: sono sang ila mga dalanon kag sono sang ila mga binuhatan ginpanghukman ko sila.

20 Kag sang nagsululud sila sa mga



katawchan sa diin naglambut sila, ginpasipalahan nila ang ngalan sang akon pagkabalaan, sang nagasililing sila nahahunud sa ila: Amo sila ang banwa ni Iehoba, kag sa iya duta naggulowa sila.

21 Apang naghinoklog ako sang ngalan sang akon pagkabalaan, nga ang mga tawo sang baláy ni Israel nagpalasipala sa tunga sang mga katawohan sa diin naglambut sila.

22 Tungud sini, isiling-mo sa baláy ni Israel: Amo ining ginasiling sang Ginoo nga si Iehoba: Walá ko ginahimo ini bangud sa inyo, baláy ni Israel, kondi bangud sa ngalan sang akon pagkabalaan, nga sia ginpasipalahan ninyo sa tunga sang mga katawohan sa diin naglambut kamo.

23 Kag pagapakabalaanon ko ang akon daku nga ngalan, nga ginpasipalahan sa tunga sang mga katawohan, nga ginpasipalahan ninyo sia sa tunga nila. Kag mahibaloan sang mga katawohan, nga ako amo si Iehoba, siling sang Ginoo nga si Iehoba, kon pagpakabalaanon ko ako sa inyo, sa atubangan sang inyo gid nga mga mata.

24 Kag pagakuhaon ko kamo sa mga katawohan, kag pagatipunon ko kamo sa tanan nga mga duta, kag pagapakarion ko kamo sa inyo kadutaan.

25 Kag pagaisablig ko sa ibabaw ninyo ang tubig nga matinlo, sa bagay nga magamanginmatinlo kamo; pagatinloan ko kamo sa tanan ninyo nga mga kahigkoan kag sa taan ninyo nga mga diosdios.

26 Kag pagahatagan ko kamo sing bag-o nga tagiposoon, kag pagabutanngan ko sing espiritu nga bag-o sa sulúd ninyo; pagakuhaon ko sa inyo unud ang tagiposoon nga bató kag pagahatagan ko kamo sing tagiposoon nga unud.

27 Kag pagaibutang ko sa sulúd ninyo ang akon Espiritu, kag pagahimoon ko nga maglalakat kamo sa akon mga sogo, kag nga magbantay kamo sang akon mga tulumanon, kag nga magbutang kamo sa ila sa buhat.

28 Magapuluyó kamo sa duta, nga ginhatag ko sa inyo mga ginikanan; kag kamo manginbanwa nakon, kag ako mangin-Dios ninyo.

29 Kag pagaluwason ko kamo sa tanan ninyo nga mga kahigkoan; kag pagatawgon ko ang trigo, kag pagapa-

damuon ko sia, kag indi ko pagapakarion batok sa inyo ang gutum.

30 Kag pagapadamuon ko ang bunga sang mga kakahuyan kag ang patubas sang mga latagon, agud nga indi na magbalaton kamo sing pasipala sa gutum sa tunga sang mga katawohan.

31 Niyangmagapalanumdum kamo sang inyo mga malain nga mga dalanon kag sang inyo mga binuhatan nga indi maayo nga nangin indi mga maayo, kag pagalas-ayan kamo sa inyo kaugalingon bangud sang inyo mga kalautan kag tungud sang inyo mga kаланgil-aran.

32 Walá ko ginahimo ini bangud sa inyo, siling sang Ginoo nga si Iehoba; makilalan ini sa inyo: pagkalahuyakamo kag balatyag-kamo sang inyo kahuluy-an bangud sang inyo mga dalanon, baláy ni Israel.

33 Amo ining ginasiling sang Ginoo nga si Iehoba: Sa adlaw nga pagtinloan ko kamo sang inyo tanan nga mga kalautan, pagapapuyoan ko man ang mga kabanwahanan, pagapatindugon liwan ang mga nagub-an.

34 Kag ang duta nga hinapay pagapangumohon, sa baylo nga kahapayan sia sa mga mata sang tanan nga mga nag-alagi;

35 Kag sila magasililing: Ining duta, nga hinapay, nanginsubung sang katamnan sa Eden: kag ining mga kabanwaanang nga mga nagub-an, kag mga hinapay kag mga nagkalapukan, nanginmabakud kag ginapuy-an.

36 Kag ang mga katawohan, nga nagkalabilin sa inyo mga palibot, makahibalo, nga amo ako si Iehoba, nga nagpatindug sang mga banwa nga nagkalapukan, kag gintamnan ko ang mga duug nga hinapay. Amo ako nga si Iehoba nga nagahambal, kag magahimo sini.

37 Amo ining ginasiling sang Ginoo nga si Iehoba: Pagaitugot ko nga pangitaan ako sa sini sang baláy ni Israel, sa paghimo sa ila sini: pagapadamuon ko ang mga tawo nga sa ila subung sang mga pinanong nga obeha.

38 Subung sang mga pinanong nga ginbalaan, subung sang mga pinanong sa Jerusalem sa ila pinat-in nga mga piesta, subung sini ang mga kabanwahanan nga ginguba, pagapamun-on sang mga pinanong sang mga tawo. Kag

mahibaloan nila, nga ako amo si Iehoba.

Ang palanan-awon sang mga tul-an.

**37** KAG ang kamut ni Iehoba nag-abut sa ibabaw nakon, kag ginpagowa ako sang Espiritu, kag ginbutang niya ako sa tungâ sang isa ka nalupayakan nga napunô sang mga tul-an.

2 KAG ginpaagi niya ako sa malapit sa ila sa palibot, sa bug-os nga palibot; kag yari karon nga mga madamu gid sila sa ibabaw sang nawung sang nalupayakan, kag yari karon tuman gid ka mga mamala sila.

3 KAG nagsiling sia sa akon: "Anak sang tawo, magakalabuhi bala liwan ini nga mga tul-an?" kag nagsiling ako: "Ginoo nga si Iehoba, ikaw nakahibalo sini."

4 KAG nagsiling sia sa akon: "Tagna-ka nahanungud sining mga tul-an, kag pagaisiling-mo sa ila: Mga tul-an nga mga mamala, pamatii-ninyo ang polong ni Iehoba.

5 Amo ining ginasiling sang Ginoo nga si Iehoba sa sining mga tul-an: Yari karon, ako nagapasulud sa inyo sing espiritu, kag magakalabuhi liwan kamo;

6 KAG pagaibutang ko ang mga ugat sa ibabaw ninyo, kag pagapatuboon ko ang unud sa ibabaw ninyo, kag pagaputson ko kamo sang panit, kag pagaibutang ko sa inyo ang espiritu, kag magakalabuhi liwan kamo. KAG mahibaloan ninyo, nga ako amo si Iehoba."

7 KAG nagtagna ako, subung sang ginsogo sa akon; kag sang ako nagapanagna pa, may isa ka tingug kag, yari karon, isa ka linog, kag ang mga tul-an nagpalalapit ang tagsa ka tul-an sa iya tul-an.

8 KAG nagtulok ako, kag yari karon ang mga ugat sa ibabaw nila, kag ang unud nagtubo, kag ang panit nagtabon sa ibabaw nila; apang walâ sa ila sing espiritu.

9 KAG nagsiling sia sa akon: "Tagna-ka sa espiritu, tagna-ka, anak sang tawo; kag pagaisiling mo sa espiritu: Amo ining ginasiling sang Ginoo nga si Iehoba: Espiritu, kari-ka gikan sa apat ka mga hangin, kag huyup-ka sa ibabaw sining mga minatay, agud nga magkalabuhi liwan sila."

10 KAG nagtagna ako subung sang ginsogo sa akon, kag nagsulud ang espiritu sa ila, kag nagkalabuhi sila, kag nagtilindug sila, isa ka kasoldadosan nga tuman gid ka daku.

11 KAG nagsiling sia sa akon: "Anak sang tawo, ining mga tul-an amo ang bugo-s nga baláy ni Israel. Yari karon, sila nagasililing: Ang amon mga tul-an mga mamala, kag nadula ang amon paglaum, kag ginwalâ kami.

12 Ngani, tagna-ka, kag pagaisiling mo sa ila: Amo ining ginasiling sang Ginoo nga si Iehoba: Yari karon ako nagabukas sang inyo mga lulubngan, kag ako magapasaka sa inyo sa inyo mga lulubangan subung nga akon banwa, kag pagapakarion ko kamo sa duta sa Israel.

13 KAG mahibaloan ninyo, nga ako amo si Iehoba, kon magbukas ako sang inyo mga lulubngan, kag kon magpasaka ako sa inyo sa inyo mga lulubngan, subung nga akon banwa.

14 KAG pagaibutang ko ang akon Espiritu sa inyo, kag magakalabuhi kamo; kag igapahamtang ko kamo sa ibabaw sang inyo duta, kag mahibaloan ninyo nga amo ako nga si Iehoba nga nagahambal kag nagahimo sini, siling ni Iehoba."

15 KAG ang polong ni Iehoba nag-abut sa akon, nga nagasiling:

16 KAG ikaw, anak sang tawo, kuha-ka karon sing isa ka bugsok, kag sulat ka sa iya: "Kay Iuda, kag sa mga inanak ni Israel, nga iya mga kaupdanan." KAG kuha-ka sing isa pa ka bugsok, kag sulat-ka sa iya: "Kay Iose: bugsok ni Epraim, kag sang bug-os nga baláy ni Israel, nga iya mga kaupdanan."

17 Ugaling palapiton mo sila nga sa imo ang isa sa isa, sa isa lamang ka bugsok, kag nga manginisa lamang sila sa imo kamut.

18 KAG kon hambalon ka sang mga inanak sang imo banwa, nga nagaisiling: "Indi mo bala kami pagsaysayan kon ano ang kahologan sining mga butang nga sa imo?"

19 Isiling-mo sa ila: "Amo ining ginasiling sang Ginoo nga si Iehoba: Yari karon, ako magakuha sang bugsok ni Iose, nga yara sa kamut ni Epraim, kag sang mga kabikahan ni Israel nga iya mga kaupdanan, kag pagaibutang ko sila sa



ibabaw sang iban, *kon sayoron* sa ibabaw sang bugsok ni Iuda: pagahimoon ko sila nga isa lamang ka bogsok, kag manginisa sila sa akon kamut."

20 Kag ang mga bugsok nga pagasulatan mo, manginyara sila sa imo kamut sa atubangan sang ila mga mata.

21 Kag pagaisiling mo sa ila: Amo ining ginasing sang Ginoo nga si Iehoba: Yari karon, ako nagakuha sa mga inanak ni Israel sa tunga sang mga katawohan, nga sa ila nagpalakadto sila, kag pagatipunon ko sila sa tanan nga mga duug, kag pagapakarion ko sila sa ila duta;

22 Kag pagahimoon ko sila nga isa lamang ka katawohan sa duta, sa mga kabukiran sa Israel. Isa lamang ka hari magamanginhari sa ila nga tanan; kag indi na gid sila magamanginduha ka katawohan, bisan pagapihakon pa sila liwan sa duha ka ginharian;

23 Bisan pagadagtaan pa sila sang ila mga diosdios, kag sang ila mga kаланgil-aran kag sang tanan nila nga mga pagkamalalison; kag pagaluwason ko sila sa tanan nila nga mga puluy-an nga sa ila nagpalakasala sila; kag pagatinloan ko sila kag magamangin-akon banwa sila, kag ako, mangin-Dios ako nila.

24 Kag ang akon alagad nga si Dabid magamanginhari sa ibabaw nila, kag sia magamanginbugtong nga manugbantay nga sa ila nga tanan. Magalalakat sila sa akon mga tulumanon, kag pagabantayan nila ang akon mga palatukuran, kag pagaibutang nila sila sa buhat.

25 Kag magapuluyô sila sa duta, nga ginhatag ko sa akon alagad nga si Iakob, nga sa iya nagpuluyô ang inyo mga ginikanan; sa iya magapuluyô sila, sila kag ang ila mga anak, kag ang mga anak sang ila mga anak sa gihapon, kag ang akon alagad nga si Dabid magamangindunganon nila sa gihapon.

26 Kag magapakigkatipan ako sa ila sing katipan sa paghidaet; ini manginkatipan ka walay katapusan sa ila: kag pagatukuron ko sila, kag pagapadamuon ko sila, kag pagaibutang ko ang akon balaan nga puluy-an sa tunga nila sa gihapon.

27 Kag ang akon puluy-an manginyara sa ibabaw nila, kag mangin-Dios nila ako, kag magamanginbanwa nakon sila.

28 Kag mahibaloan sang mga katawohan, nga ako amo si Iehoba nga nagapakabalaan sa Israel, sang yara ang akon balaan nga Puluy-an sa tunga nila sa gihapon.

Tagna batok kay Gog.

**38** KAG ang polong ni Iehoba nag-abut sa akon, nga nagasing:

2 Anak sang tawo, ibalikid ang imo nawung batok kay Gog, sa duta ni Magog, nga dunganon sa Ros, sa Mesek kag sa Tubal, kag tagna-ka batok sa iya.

3 Kag pagaisiling mo: Amo ining ginasing sang Ginoo nga si Iehoba: Yari karon, *nagaabut ako* sa imo, Gog, dunganon sa Ros, sa Mesek kag sa Tubal.

4 Kag pagaidul-ong ko ikaw, kag pagabutangan ko sing mga kaw-it ang imo mga sulang, kag pagapagowaon ko ikaw, ikaw kag ang bug-os mo nga kasoldadosan, ang mga kabayo kag ang mga manugkabayo, ang tanan nga napanaputan sang mga himpit nga hinganib, ang daku nga katipunan, nga may mga kalasag kag mga taming, ang tanan nga nagapangalaptan sang hinganiban;

5 Upud sa ila ang Persia, ang Kus kag ang Put, tanan sila nga may mga taming kag mga pandong;

6 Ang Gomer, kag ang tanan niya nga mga kinabon; ang baláy sa Togarma, sa mga kaidadalman sang Aminhan, upud ang tanan niya nga mga kinabon; ang madamu nga mga banwa upud sa imo.

7 Pag-aman-ka, kag paghanda-ka sa ila nga sa imo, ikaw kag ang tanan mo nga mga katipunan nga natipon malapit sa imo, kag magmangin pangolo-ka nila.

8 Sa tapus sang madamu nga mga adlaw pagasogoon ikaw; sa mga tuig nga palaabuton magakari ka sa duta nga linuwas gikan sa hinganiban nayan sa *katawohan*, nga tinipon sa madamu nga mga banwa, batok sa mga kabukiran sa Israel, nga nanginkahapayan nga dayon; apang ginkuha sia sa mga katawohan, kag sila nga tanan nagapuluyô sing masinalig-on gid.

9 Kag magataklad ka, magakari ka subung sang bagyo; manginsubung ka sang gal-um sa pagtabon sang duta, ikaw kag ang tanan mo nga mga kinabon, kag ang madamu nga mga banwa upud sa imo.

10 Amo ining ginasiling sang Ginoo nga si Iehoba: Mahanabu sa sadtong adlaw, nga magasalaka ang mga hunahuna sa imo tagiposoon, kag magpasuhot ka sing malain nga tinotuyo.

11 Kag magasiling ka: magataklad ako batok *sini* nga duta sang mga minoro, magasulud ako sa mga tinawo nga nagakabuhing sing malinong, kag nga nagapuluyô sing masinalig-on, nga sila nga tanan nagapuluyô nga walâ sing mga kuta, kag nga walâ sila sing mga pintal bisan mga gawang.

12 *Magaabut ka* sa pagdakup sing mga inagaw, kag sa pagkuha sing alatihon, sa pagpabalik sang imo kamut sa ibabaw sang mga nagub-an nga napuy-an liwan kag sa ibabaw sang banwa nga tinipon sa mga katawohan, nga nagapanipon sing mga kahayupan kag mga pagkabutang, kag nga nagapuyô sa kataasan sang duta.

13 Ang Seba kag ang Dedan, kag ang mga manugbaligya sa Tarsis, kag ang tanan nila nga mga leon nga mga magamay, nagasililing sa imo: "¿Nagakari ka bala sa pagdakup sang mga inagaw, sa pagkuha sang alatihon; gintipon mo bala ang imo kadam-an sa pagkuha sing pilak kag bulawan, sa pagdakup sing mga kahayupan kag sing mga pagkabutang, sa pag-agaw sing dalagku nga inagaw?"

14 Tunğud *sini* tagna-ka, anak sang tawo, kag pagaisiling mo kay Gog: Amo ining ginasiling sang Ginoo nga si Iehoba: Sa sadtong adlaw, kon ang akon banwa nga Israel magapuyô sing malig-on gid, ¿indi bala ikaw makahibalo *sini*?

15 Kag magakari ka sa imo duug, sa mga kaidadalman sang Aminhan, ikaw kag ang madamu nga mga banwa upud sa imo, sila nga tanan nga nagasalakay sa mga kabayo, ang daku nga katipunan, kag madamu nga kasoldadosan;

16 Kag magataklad ka batok sa akon banwa nga Israel, subang sang gal-um sa pagtabon sang duta: mahanabu ini sa katapusan nga mga adlaw: pagapakarion ko ikaw sa ibabaw sang akon duta, agud nga ang mga katawohan magkilala sa akon, kon pagabalaanon ko ako sa imo, Gog, sa atubangan sang ila mga mata.

17 Amo ining ginasiling sang Ginoo nga si Iehoba: ¿Amo ikaw bala yadto

nga sa iya naghambal ako sa inga daan nga mga panag-on, tunğud sang akon mga alagad nga mga manalagna sa Israel, nga sila nagtalagna sa sadtong mga adlaw sa *sadtong* mga tuig, nga *nagabantala* nga akon ikaw pagapakarion batok sa ila?

18 Kag mahanabu sa sadtong adlaw, sa adlaw nga magaabut si Gog batok sa duta sa Israel, siling sang Ginoo nga si Iehoba, nga magasaka ang kaakig sa akon nawung;

19 Kag sa akon kaimon kag sa kalayo sang akon kaakig nagsiling ako: Sa sadtong adlaw may daku nga linog sa ibabaw sang duta sa Israel.

20 Sa atubangan nakon magakulurug ang mga kaisdaan sang dagat, kag ang mga kapispisan sang langit, kag ang mga kasapatan sang latagon, kag ang tanan nga nagaguyud sa ibabaw sang duta, kag ang tanan nga mga tawo nga yara sa kadayang sang duta; magakalaguba ang mga kabukiran, kag ang mga pilas magakalapukan, kag ang tanan nga kuta magakapukan sa duta.

21 Kag sa tanan nga mga bukid nakon pagatawgon ko ang hinganiban batok sa iya, siling sang Ginoo nga si Iehoba: ang hinganiban sang tagsatagsa manginbatok sa iya utud.

22 Kag ako, magasulud ako sa paghukom batok sa iya tunğud sa kamatay kag sa dugo, kag ini manginulan sa pag-anaw kag mga batô nga yelo, kalayo kag asupre nga pagapaulanon ko sa ibabaw niya, sa ibabaw sang iya mga kinabon kag sa ibabaw sang madamu nga mga banwa nga mga upud sa iya.

23 Kag pagapadakuon ko ako kag pagapakabalaanon ko ako, kag igapakilala ko ako sa mga mata sang madamu nga mga katawohan; kag mahibaloan nila, nga ako amo si Iehoba.

**39** KAG, ikaw, anak sang tawo, tag-na-ka batok kay Gog, kag pagaisiling mo: Amo ining ginasiling sang Ginoo nga si Iehoba: Yari karon, ang *nagaabut* sa imo, Gog, dunganon sang Ros, sa Mesek kag sa Tubal.

2 Kag pagaidul-ong ko ikaw, kag pagaguyuron ko ikaw, kag pagapasakan ko ikaw gikan sa mga kaidadalman sang Aminhan, kag pagapakarion ko ikaw batok sa mga bukid sang Israel.

3 Kag pagahologon ko ang imo pana



sa imo kamut nga walá, kag pagahol-  
gon ko ang imo mga baslay sa imo  
kamut nga too.

4 Sa ibabaw sang mga bukid sang Is-  
rael mapukan ka, ikaw kag ang tanan mo  
nga mga kinabon, kag ang mga banwa  
nga nagaulupud sa imo. Sa mga pispis  
nga mananagit kag sa tanan nga may  
mga pakpak, kag sa mga kasapatan sang  
latagon, ginahatag ko ikaw nga kalan-  
on.

5 Sa ibabaw sang kadaygan sang  
latagon mapukan ka; kay amo ako ang-  
naghambal, siling sang Ginoo nga si  
Iehoba.

6 Kag pagapadaI-an ko sing kalayo  
sa ibabaw sang Magog, kag sa ibabaw  
sang mga nagapuluyô sing malig-on sa  
mga kapuloan; kag mahibaloan nila, nga  
ako amo si Iehoba.

7 Kag pagaipakilala ko ang ngalan  
sang akon pagkabalaan sa tunga sang  
akon banwa nga Israel, kag indi ko na  
pagaitugot nga pagpasipalahan ang  
ngalan sang akon pagkabalaan; kag ma-  
hibaloan sang mga katawohan, nga ako  
amo si Iehoba, ang Balaan sa Israel.

8 Yari karon, ang butang nagaabut  
kag nagakatuman, siling sang Ginoo  
nga si Iehoba. Ini among adlaw nga  
ginhambal ko.

9 Kag ang mga pumuluyô sang mga  
kabanwaan sa Israel magagulowa kag  
magadalabuk sing mga kalayo sang  
mga hinganiban kag pagasunugon nila  
sila, ang mga taming, subung man ang  
mga kalasag, ang mga pana kag ang  
mga baslay, kag ang mga taming, kag  
ang mga sumbling kag magadalabok  
sila sa ila sing kalayo sa pito ka tuig.

10 Kag indi sila magadalalá sing iga-  
lato g gikan sa latagon, bisan magapa-  
langutud sila sa iya sa mga talon, kondi  
nga magadalabok sila sing kalayo sang  
mga hinganiban; kag pagahublasan nila  
ang mga naghulublas sa ila, kag pagaa-  
tihan nila ang mga nagaalati sa ila,  
siling sang Ginoo nga si Iehoba.

11 Kag mahanabu sa sadtong adlaw,  
nga ako magahatag didto sa Gog sing  
isa ka duug, sing lulubngan sa Israel,  
“ang nalupyakan sang mga nagaalagi”  
sa Sidlangan sang dagat, kag magasablag  
sia sang alagyan sa mga umalagi; didto  
pagailubung si Gog kag ang bug-os niya

nga kadam-an; kag pagahingadlan ini  
nga “Nalupyakan ni Hamon-Gog.”\*

12 Kag ang baláy ni Israel magalu-  
bong sa ila sa pito ka bulan, sa pagtin-  
lo sang duta.

13 Kag ang bug-os nga banwa sang  
duta magalubong sa ila, kag ini mangin-  
kabantugan sa ila sa adlaw nga pagahi-  
mayaon ko ako, siling sang Ginoo nga  
si Iehoba.

14 Kag pagapainon nila ang mga tawo  
nga maglibotlibot sing dalayon sa kadu-  
taan, nga magalulubong upud sang mga  
umalagi sa mga nagkalabilin sa ibabaw  
sang kadaygan sang duta, sa katuyoan  
nga sa pagtinlo sa iya. Sa katapusan  
sang pito ka bulan pagahimoon nila  
ang pagpangusisa.

15 Kag ang mga umalagi magaalagi  
sa kadutaan, kag ang makakita sang  
mga tul-an sang isa ka tawo, magapa-  
ti dug sia sa luyo nila sing pat-in nga  
bató, tubtub nga malubung sila sang  
mga manuglubung sa nalupyakan ni  
Hamon-Gog.

16 Kag bisan pa, ang ngalan sang isa  
ka banwa magamangin-Hamona; kag  
pagatinloan nila ang duta.

17 Kag ikaw, anak sang tawo, amo  
ining ginasiling sang Ginoo nga si Ie-  
hoba: Isiling-mo sa mga kapispisan, sa  
tanang nga may mga pakpak kag sa ta-  
nan nga sapat sang latagon: Tililingub-  
kamo, kag kari-kamo. Tilipon-kamo  
sa tanan nga mga bahin sa akon halad  
sa daku nga halad nga ginihaw ko nga  
sa inyo sa ibabaw sang mga bukid sa  
Israel. Magakalaon kamo sing unud kag  
magailinum kamo sing dugo.

18 Magakalaon kamo sang unud  
sang mga tawo nga maisug kag magai-  
linum kamo sang dugo sang mga dun-  
ganon sang duta: sang mga karnero,  
sang mga kordero, sang mga lalaki nga  
kanding, sang mga lalaki nga baka, sang  
tanang nga pinatambok sa Basan.

19 Magakalaon kamo sing unud tub-  
tub nga magkalabusug kamo, maga-  
ilinum kamo sing dugo tubtub nga mag-  
kalahubog kamo, sang akon halad, nga  
ginihaw ko sa inyo:

20 Sa akon latok magakalabusug  
kamo sang mga kabayo, kag sang mga  
hayup nga talakdan, sang mga tawo nga  
maisug kag sang tanan nga mga tawo

\* Hamon-Gog, kadam-an ni Gog.

sa pag-awayan, siling sang Ginoo nga si Iehoba.

21 Kag pagaibutang ko ang akon himaya sa ibabaw sang mga katawohan, kag ang tanan nga mga katawohan makakita sang akon paghukom, nga pagahikuton ko, kag sang akon kamut, nga sa ibabaw nila pagaibutang ko.

22 Kag sa sadtong adlaw nga umalabut mahibaloan sang baláy ni Israel, nga ako amo si Iehoba, nga iya Dios.

23 Kag mahibaloan sang mga katawohan, nga bangud sang iya kalautan ginpaliton ang baláy ni Israel; tungud kay naglalalis sila batok sa akon, kag sa sini gintago ko sa ila ang akon nawung, kag gintugyan ko sila sa mga kamut sang ila mga kaaway, sa bagay nga nagkalapukan ang tanan sa hingniban.

24 Sono sang ila kahigkoan kag, sono sang ila mga pagkamalalison, ginhimo ko sa ila, kag sa ila gintago ko ang akon nawung.

25 Ngani, amo ining ginasiling sang Ginoo nga si Iehoba: Karon pagapabalikon ko ang mga bihag ni Iakob, kag magakahinoklog ako sa bug-os nga baláy ni Israel, kag magapangimon ako tungud sang ngalan sang akon pagkabalaan.

26 Kag pagadalhon nila ang ila kahuluy-an kag ang tanan nila nga pagkamalalison, nga ginhimo nila batok sa akon, kon magapuluyô sila sa duta sing malig-on, nga walâ na sing sin-o nga magpakugmat sa ila,

27 Kon pabalikon sila gikan sa mga kabanwaan, kag nga pagtiponon ko sila gikan sa mga duta sang ila mga kaaway, kag nga pagpakabalaanon ko ako sa ila, sa mga mata sang madamung mga katawohan.

28 Kag mahibaloan nila, nga ako amo si Iehoba, nga ila Dios, sang ginpaliton ko sila sa mga katawohan kag ugaling pagatipunon ko sila sa ibabaw sang ila duta; kag walâ na gid sing pagaibilin didto sa tungâ nila.

29 Kag indi ko na pagatagoon sa ila ang akon nawung; kay pagaiula ko na ang akon Espiritu sa ibabaw sang baláy ni Israel, siling sang Ginoo nga si Iehoba.

Ang pagkaayo sang Simbahan: ang mga patay.

**40** SA tuig nga duha ka pulô kag lima sang amon pagliton, sa pamúnô sang tuig, sa ikapulô sang bulan, sa ikapulô kag apat ka tuig sa tapus na nga ginpilas ang banwa, sa sadto gid nga adlaw nag-abut sa ibabaw nakon ang kamut ni Iehoba, kag gindalá niya ako didto.

2 Sa mga palanan-awon sang Dios, gindalá niya ako sa duta sa Israel, kag ginpahamtang niya ako sa ibabaw sang isa ka bukid nga mataas gid, nga sa ibabaw niya subung sang may pagkatukud sang isa ka banwa, sa Bagatnan.

3 Kag gindalá niya ako didto, kag yari karon ang isa ka lalaki, nga ang iya bayhon among subung sang bayhon sang tumbaga, kag may isa ka lubid nga lino sa iya kamut kag ang isa ka kawayan nga inugtaku, kag sia nagtindug sa gawang.

4 Kag ini nga tawo naghambal sa akon: "Anak sang tawo, *siling niya*, tuluka sang imo mga mata kag pamatii sang imo mga idulungug, kag ibutang ang imo tagiposoon sa tanan nga mga butang nga igapakita ko sa imo; kay agud nga igapakita ko sia sa imo, gindalá ikaw diri. Isugid ang tanan nga imo makita sa baláy ni Israel."

5 Kag yari karon, ang isa ka kuta sa luwas sang baláy sa palibot, sing bug-os sa palibot; kag sa kamut sadtong tawo yara ang isa ka kawayan nga inugtaku, nga anum ka maniko, nga ang tagtagisa isa ka maniko kag isa ka dangaw. Kag gintaku niya ang kasangkaron sang tinukud, isa ka kawayan, kag ang kataason, isa man ka kawayan.

6 Kag nag-abut sia sa gawang nga nagaatubang nayon sa Sidlangan, kag nagsaka sia sa iya mga inalintaga, kag gintaku niya ang atangan sang gawang, isa ka kawayan ang kasangkaron, sa olehe, ang isa ka atangan, isa ka kawayan ang kasangkaron.

7 Kag ang tagsa ka hulut sang *bantay* may isa ka kawayan nga kalaba, kag isa ka kawayan nga kasangkad; kag sa tungâ sang mga hulot sang *bantay* may lima ka maniko. Kag ang atangan sang gawang, malapit sa alagyan sang gawang sa luyo sang Baláy, isa ka kawayan.

8 Kag gintaku niya ang kahaligihan



sang gawang, sa luyo sang Baláy, isa ka kawayan.

9 Kag gintakus niya ang alagyan sang gawang, walo ka maniko, kag ang iya mġa bakalan, duha ka maniko. Ang alagyan sang gawang yara sa luyo sang Baláy.

10 Kag ang mġa hulut sang *bantay* sang gawang nayon sa Sidlangan may tatlo diri kag tatlo didto; may isa lamang ka takus nġa sa tatlo, kag isa lamang ka takus sa mġa bakalan diri kag didto.

11 Kag gintakus niya ang kasangkaron sang salamputan sang gawang, napulô ka maniko; ang kalabaon sang gawang napulô kag tatlo ka maniko.

12 Kag ang luwang sa atubangan sang mġa hulot sang *bantay*, isa ka maniko diri kag isa ka maniko ang luwang didto: kag ang tagsa ka hulut sang *bantay*, anum ka maniko diri, kag anum ko maniko didto.

13 Kag gintakus niya ang gawang kutub sa isa ka atup sang mġa hulut sang *bantay* tubtub sa atup nġa tampad, isa ka kasangkaron sang duha ka pulô kag lima ka maniko, isa ka salamputan nġa naigo sa isa ka salamputan.

14 Kag gintakus niya ang mġa bakalan, kan-unian ka maniko; kag ang mġa bakalan naglambut sa patyo, nġa naglibot sang gawang, sa bug-os nġa palibot.

15 Kag kutub sa atubangan sang gawang sang salamputan *tubtub* sa atubangan sang alagyan sang gawang sa sulúd, kalim-an ka maniko.

16 Kag may mġa talambuan nġa mġa tinakpan sa mġa hulut sang *bantay*, kag sa iya mġa bakalan nġa sa sulúd, sa palibot sang gawang, sa bug-os nġa palibot, kag subung man sa mġa kahaligihan. Kag ang mġa talambuan yara sa palibot, sa bug-os nġa palibot, nġa sa sulúd: kag sa mġa bakalan may mġa paklang.

17 Ugaling ginpasulúd niya ako sa patyo nġa sa gowa, kag yari karon, may mġa hulut kag ang isa ka salug nġa nahanuman sa patyo, sa palibot, sa bug-os nġa palibot; katloan ka mġa hulot nagaatubang sa salug.

18 Kag ang salug yara sa luyo sang mġa gawang, nġa nagakabanġi sa kalabaon sang mġa gawang: ini amo ang salug nġa labing manubo.

19 Kag gintakus niya ang kasangkaron kutub sa atubangan sang gawang nġa sa idalum tubtub sa atubangan sang patyo

sa sulúd nġa sa gowa, isa ka gatus ka maniko, nayon sa Sidlangan kag sa Aminhan.

20 Kag ang gawang sang patyo nġa sa gowa, nġa nagaatubang nayon sang Aminhan, gintakus niya ang iya kalabaon kag ang iya kasangkaron.

21 Kag ang iya mġa hulut sang *bantay* tatlo sila diri kag tatlo didto; kag ang iya mġa bakalan kag ang iya mġa kahaligihan among subung sang takus sang nahauna nġa gawang: kalim-an ka maniko ang iya kalabaon, kag duha ka pulô kag lima ang iya kasangkaron.

22 Kag ang iya mġa talambuan kag ang iya mġa kahaligihan, kag ang iya mġa paklang among sono sa takus sang gawang nġa nagaatubang nayon sa Sidlangan. Kag nagsalaka sa iya sa pito ka mġa alintaga; nġa sa atubangan nila yara ang iya mġa kahaligihan.

23 Kag may isa ka gawang sa patyo sa sulúd nġa yara sa atubang sang gawang sa Aminhan kag sa Sidlangan; kag gintakus niya, sa gawang kag gawang, ang isa ka gatus ka maniko.

24 Ugaling ginpakari niya ako nayon sa Bagatnan; kag yari karon ang isa ka gawang nayon sa Bagatnan; kag gintakus niya ang iya mġa bakalan kag ang iya mġa kahaligihan sono sa sining mġa takus.

25 Kag may mġa talambuan sa sining gawang subung man sa kahaligihan sa palibot, sa bug-os nġa palibot, subung sang iban nġa mġa talambuan. Ang kalabaon kalim-an ka maniko, kag ang kasangkaron duha ka pulô kag lima ka maniko.

26 Kag ang iya salakaan among pito ka mġa alintaga, nġa ang iya mġa kahaligihan sa atubangan nila, kag may mġa paklang sia, ang isa diri kag ang isa didto, sa ibabaw sang iya mġa bakalan.

27 Kag may gawang sia sa patyo sa sulúd nayon sa Bagatnan; kag gintakus niya, sa gawang kag gawang nayon sa Bagatnan, ang isa ka gatus ka maniko.

28 Ugaling ginpasulúd niya ako sa patyo sa sulúd, sa gawang sang Bagatnan kag gintakus niya ang gawang sang Bagatnan, sono sa sining mġa takus.

29 Kag ang iya mġa hulut sa *bantay*, kag ang iya mġa bakalan, kag ang iya mġa kahaligihan, sono sila sa sining mġa takus. May mġa talambuan sa sini nġa

*gawang*, subung man sa mġa kahaligihan, sa palibot, sa bug-os nġa palibot: ang kalabaon among kalim-an ka maniko, kag duha ka pŭlŭ kag lima ka maniko ang kasangkaron.

30 Kay may mġa kahaligihan sa palibot, sa bug-os nġa palibot, lima ka maniko ang kalaba kag lima ka maniko ang kasangkad.

31 Ang iya kahaligihan yara nayon sa patyo sa gowa, nġa may mġa paklang sa iya mġa bakalan; kag ang iya salakaan walo ka mġa halintang.

32 Sa olehe ginpasulŭd niya ako sa patyo sa sulŭd nayon sa Sidlangan, kag gintakus niya ang *gawang*, sono sa sining mġa takus.

33 Kag ang iya mġa hulut sa *bantay*, kag ang iya mġa bakalan, kag ang iya mġa kahaligihan, sono sa sining mġa takus. Kag may mġa talambuan sa sini *nġa gawang*, subung man sa iya mġa kahaligihan, sa palibot, sa bug-os nġa palibot: ang kalabaon kalim-an ka maniko, kag ang kasangkaron duha ka pŭlŭ kag lima ka maniko.

34 Kag ang iya kahaligihan nayon sa patyo nġa sa gowa, kag may mġa paklang sa iya mġa bakalan diri kag didto, kag ang iya salakaan walo ka mġa halintang.

35 Ugaling ginpasulŭd niya ako sa gawang sang Aminhan; kag gintakus niya sono sa sining mġa takus.

36 Ang iya mġa hulut sa *bantay*, kag ang iya mġa bakalan kag ang iya mġa kahaligihan. Kag may mġa talambuan sa sini *nġa gawang* sa palibot, sa bug-os nġa palibot: ang kalabaon kalim-an ka maniko, kag ang kasangkaron duha ka pŭlŭ kag lima ka maniko.

37 Ang iya mġa bakalan nayon sa patyo nġa sa gowa; kag may mġa paklang sa iya mġa bakalan diri kag didto, kag ang salakaan walo ka mġa halintang.

38 Kag may mġa hulut nġa didto ang salamputan sa tunġa sang mġa bakalan sang mġa gawang; nġa didto ginahugasan nila ang halad nġa sinunog.

39 Kag sa kahaligihan sang gawang, may duha ka latok diri, kag duha ka latok didto, sa pagpugot sa ibabaw nila sang halad nġa sinunog, kag sang halad tungud sang salā kag sang kasal-anan.

40 Kag sa luyo, sa gowa sang salakaan, sa salamputan sang gawang sang

Aminhan, may duha ka latok; kag sa isa pa ka luyo nġa yara sa kahaligihan sang gawang, duha ka latok:

41 Apat ka latok diri kag apat ka latok didto sa luyo sang gawang: walo ka latok, nġa sa ibabaw nila ginapugutan;

42 Kag ang apat ka latok nġa sa halad nġa sinunog nġa batŭ nġa binasbasan, nġa isa ka maniko kag tunġa ang kalabaon, kag isa ka maniko kag tunġa ang kasangkaron, kag isa ka maniko ang kataas nġa sa ibabaw nila ginabutang ang mġa galamiton, nġa sa ila ginapugutan nila ang halad nġa sinunog kag ang halad.

43 Kag ang mġa kaw-it nġa isa ka dangaw, napamitay sila sa Balāy, sa palibot, sa bug-os nġa palibot; kag sa ibabaw sang mġa latok ang unod sang halad.

44 Kag sa gowa sang gawang nġa sa sulŭd, may mġa hulut nġa sa mġa manugambahan, sa patyo sa sulŭd, nġa yara sila sa luyo sang gawang sang Aminhan, nġa nagaatubang nayon sa Bagatnan kag ang isa yara sa luyo sang gawang sang Sidlangan, nġa nagaatubang nayon sa Aminhan.

45 Kag nagsiling sia sa akon: Ini nġa hulut nġa nagaatubang nayon sa Bagatnan iya sang mġa saserdote nġa manugbantay sang tulin sang Balāy,

46 Kag ang hulut nġa nagaatubang nayon sa Aminhan iya sang mġa saserdote nġa manugbantay sang tulin sang halaran. Ini sila amo ang mġa anak ni Sadok, nġa sila, sa tunġa sang mġa inanak ni Lebi, nagapalalapit kay Iehoba sa pag-alagad sa iya.

47 Kag gintakus niya ang patyo, isa ka gatus ka maniko ang kalabaon, kag ang kasangkaron isa ka gatus ka maniko, kasilo; kag ang halaran yara sa atubangan sang Balāy.

48 Ugaling ginpasulŭd niya ako sa kahaligihan sang Balāy, kag gintakus niya ang bakalan sang alagyan, lima ka maniko diri kag lima ka maniko didto, kag ang kasangkaron sang gawang tatlo ka maniko diri kag tatlo ka maniko didto.

49 Ang kalabaon sang kahaligihan duha ka pŭlŭ ka maniko, kag ang kasangkaron, napŭlŭ kag isa ka maniko; nġa sa iya nagasalaka sa mġa alintaga, kag may mġa haligi nayon sa mġa bakalan, ang isa diri kag ang isa didto.



Ang pagkaayo sang Simbahan : ang balaan  
nga Puluy-an.

41 UGALING ginpasulúd niya ako sa Simbahan, kag gintakus niya ang *iya* mga bakalan: ang kasangkad anum ka maniko diri kag anum ka mga maniko didto, *nga amo* ang kasangkaron sang Layanglayang.

2 Kag ang kasangkaron sang salamputan napúlô ka maniko; kag ang kilid sang salamputan, lima ka maniko diri kag lima ka maniko didto. Kag gintakus niya ang *iya* kalabaon, kap-atan ka maniko, kag ang kasangkaron duha ka púlô ka maniko.

3 Kag nagsulúd sia sa nasulúd, kag gintakus niya ang bakalan sang salamputan, duha ka maniko; kag ang salamputan, anum ka maniko, kag ang kasangkaron sang salamputan, pito ka maniko.

4 Gintakus niya ang *iya* kalabaon, duha ka púlô ka maniko, kag ang kasangkaron, duha ka púlô ka maniko, sa atubangan sang Simbahan; kag nagsiling sia sa akon: Ini amo ang duug nga balaan gid.

5 Sang olehe gintakus niya ang kuta sang Baláy, anum ka maniko; kag sa palibot ang kasangkaron sang mga hulut, sa kiliran apat ka maniko, sa palibot sa bug-os nga palibot sang Baláy.

6 Kag ang mga hulut sa kiliran among hulut sa ibabaw sang hulut, katloan kag tatlo sa pasunud, kag nagsusulúd sila sa dingding nga yara malapit sa Baláy nga nahanda sa mga hulot sa kiliran, sa palibot, sa bug-os nga palibot, agud nga mag-alangut sila, apang nga indi mag-alangut sila sa dingding sang Baláy.

7 Kag sa mga hulut sa kiliran may kasangkaron, sono sang pagsaka nayon sa ibabaw kag ibabaw, kay ang nagalibot sang Baláy nagasaka nayon sa ibabaw, nayon sa ibabaw sa palibot, sa bug-os nga palibot sang Baláy: tungud sini ang kadakuon sang kasangkad sang Baláy nayon gihapon pa ibabaw, kag sa sini nagasaka gikan sa panalغان nga labing ubus sang sa ibabaw tungud sang sa tungâ.

8 Kag gintulok ko, sa palibot, sa bug-os nga palibot sang Baláy, ang *iya* kataason; ang mga sadsaran sang mga hulut sa kiliran *among* isa ka kawayan

nga bilog nga anum ka maniko sa dakung talaksan.

9 Ang kasangkaron sang dingding sang mga hulut sa kiliran sa gowa among lima ka maniko, kag ang luwang nga walay sulúd nga nagalibot sa mga hulut sa kiliran sang Baláy,

10 Kag sa tungâ sang mga hulut may kasangkaron nga duha ka púlô ka maniko, sa palibot sang Baláy, sa palibot, sa bug-os nga palibot.

11 Kag ang mga gawang sang mga hulut sa kiliran nagabukas sa luwang nga walay sulúd, ang isa ka gawang nayon sa Aminhan, kag ang isa ka gawang nayon sa Bagatnan; kag ang kasangkaron sang luwang nga walay sulúd among lima ka maniko, sa palibot, sa bug-os nga palibot.

12 Kag ang tinukud nga yara sa atubangan sang luwang nga napain sa kilid nayon sa Katundan among kapitoan ka maniko, kag ang dinding sang tinukud, lima ka maniko ang kadamulon, sa palibot, sa bug-os nga palibot, kag kasiaman ka maniko ang kalabaon.

13 Ugaling gintakus niya ang Baláy: isa ka gatus ka maniko ang kalabaon; kag ang luwang nga napain, kag ang pagkatukud, kag ang *iya* mga dingding, isa ka gatus ka maniko ang kalabaon;

14 Kag ang kasangkaron sang atubangan sang Baláy kag ang luwang nga napain, sa Sidlangan, isa ka gatus ka maniko.

15 Ugaling gintakus niya ang kalabaon sang tinukud sa atubangan sang luwang nga napain nga yara sa mga likod niya, nga may balatibat diri kag didto, isa ka gatus ka maniko. Kag ang Simbahan nga sa sulúd kag ang mga kahaligihan sang patyo;

16 Ang mga atangan, kag ang mga talambuan nga natakpan, kag ang mga balatibat sa palibot, sa ibabaw sang ila tatlo ka panalغان, sa atubangan sang mga atangan, nadagpakan sia sing kahoy palibot, sa bug-os nga palibot, kutub sa salog tubtub sa mga talambuan; kag ang mga talambuan natabunan *man*.

17 Sa ibabaw sang salamputan, kag tubtub sa Baláy sa sulúd, kag sa gowa, kag sa ibabaw sang tanan nga mga dingding, sa palibot, sa bug-os nga palibot, sa sulúd kag sa gowa, ang tanan may mga talaksan sia.

18 Kag nahuman didto nga may mga

kerubin kag mga paklang : ang isa ka paklang sa tungâ sang duha ka kerubin ; kag ang tagsa ka kerubin may duha ka nawung :

19 Isa ka nawung sang tawo nayon sa paklang diri, kag isa ka nawung sang diyotay nga leon nayon sa paklang didto. Nahuman sila sa bug-os nga Baláy sa palibot, sa bug-os nga palibot.

20 Ang mga kerubin kag ang mga paklang nahuman sila kutub sa salug tubtub sa ibabaw sang salamputan kag sa *ibabaw* sang dingling sang *Simbahan*.

21 Ang Simbahan may mga haligi nga kasilo, kag nahanungud sang atubangan sang balaan nga Puluy-an ang iya dagway subung sang dagway sang *Simbahan*.

22 Ang halaran nga kahoy may tatlo ka maniko ang kataason, kag ang iya kalabaon, duba ka maniko. May mga pamusud sia ; kag ang iya kalabaon kag ang iya mga kilid kahoy sila. Kag nagsiling sia sa akon : " Ini amo ang latok nga yara sa atubangan ni Iehoba."

23 Kag may mga gawang nga duha ka panid sa Simbahan kag sa balaan nga puluy-an, kag may duha ka panid sa mga panid ;

24 Kag ang tagsa ka gawang may duha ka panid, duha ka panid nga nagapilo : kag duha ka *panid* sa isa ka gawang, kag duha ka panid sa isa man ka gawang.

25 Sa ibabaw nila, sa ibabaw sang mga panid sang Simbahan may mga nahuman nga mga kerubin kag mga paklang, subung man nga nahuman sa mga dingding. Kag may isa ka atangan nga kahoy sa ibabaw sang atubangan sang alagayan nga sa gowa.

26 Kag may mga talambuan nga natapkan kag mga paklang diri kag didto sa kilid sang kahaligihan, kag mga hulut sa kiliran sa Baláy kag mga atangan.

Ang pagkaayo sang Simbahan : ang mga hulut nga mga balaan.

**42** UGALING ginpagowa niya ako sa patyo sa gowa nayon sa Aminhan, kag ginpasulúd niya ako sa mga hulut nga yara sa atubangan sang luwang nga napain nga yara sa atubangan sang tinukud nayon sa Aminhan.

2 Sa kadayagan sang kalabaon, isa ka gatus ka maniko ; ang salamputan sa Aminhan ang iya kasangkaron, kalim-an ka maniko.

3 Sa atubangan sang *luwang* sang duha ka pulô ka maniko nga yara sa patyo nga sa sulúd kag sa atubangan sang salug nga yara ang patyo nga sa gowa, may mga balatibat sa atubangan sang mga balatibat, sa tatlo ka panalagan.

4 Kag sa atubangan sang mga hulut may isa ka dalaganan nga napulô ka maniko ang kasangkad ; sa bahin sa sulúd ang isa ka dalan nga isa ka maniko ; kag ang iya mga gawang nayon sa Aminhan.

5 Kag ang mga hulut nga mga naibabaw labing makitid sila, kay ang mga balatibat nagabuluhin sa ila sing labi sang mga sa naidalum kag sang sa mga natungâ sang baláy.

6 Kay yara sila nahuman sa tatlo ka mga panalagan, kag walâ sila sing mga haligi subung sang mga haligi sang mga patyo : ngani, mga *labing* makitid pa sila sang mga sa idalum kag sang mga sa tungâ kutub sa salug.

7 Kag ang kuta nga yara sa gowa, sa luyo sang mga hulut, nayon sa patyo sa gowa, sa atubangan sang mga hulut, may kalim-an ka maniko sa kalaba.

8 Kay ang kalabaon sang mga hulut sang patyo sa gowa among kalim-an ka maniko ; apang yari karon, ang atubangan sang Simbahan, may isa ka gatus ka maniko.

9 Kag sa idalum sang mga hulut yara ang *salamputan* sa pagsulúd sa Sidlangan, sa pagsulúd sa iya kutub sa patyo nga sa gowa.

10 Sa kalabaon sang kuta sang patyo, nayon sa Sidlangan, sa atubangan sang luwang nga napain, kag sa atubangan sang tinukud, may mga hulut.

11 Kag ang dalaganan nga yara sa atubangan nila kaangay sia sang sa mga hulut nga yara nayon sa Aminhan : subung sang iya kalabaon, amo man ang iya kasangkaron, kag ang tanan niya nga mga gulowaan ; subung sang iya mga pagpahamtang, amo man ang iya mga salamputan.

12 Kag sono sa mga gawang sang mga hulut, nga yara nayon sa Bagatnan, may isa sia ka salamputan sa pamúnô sang dalan ; sang dalan sa atu-



bangsan sang kuta nga pinasahi; nagsulúd didto gikan sa Sidlangan.

13 Kag nagsiling ang lalaki sa akon: "Ining mga hulut sa Aminhan kag ining mga hulut sa Bagatnan, nga yara sa atubangan sang luwang nga napain, mga hulut sila nga mga balaan, nga sa ila ang mga saserdote, nga nagapalalapit kay Iehoba, magakalaon sang mga butang nga mga labing balaan: didto pagaipamutang nila ang mga butang nga mga labing balaan, kag ang halad nga kalan-on, kag ang halad tungud sang salâ kag tungud sang kasal-anan; kay ining duug balaan sia.

14 Ang mga saserdote, kon yara sila sa sulúd, indi sila magagulowa sa duug nga balaan sa patyo nga sa gowa, kondi nga didto pagabayaan nila ang ila mga panapton nga sa ila magaalagad sila, kay mga balaan sila. Kag magapa'araput sila sing iban nga mga panapton, ugaling sarang sila makapalalapit sa bahin nga iya sang banwa."

15 Kag ugaling nga natapus niya ang mga pagtakus sang baláy sa sulúd, ginpagowa niya ako sa dalan sang gawang nga nagaatubang nayon sa Sidlangan, kag gintakus niya ang palibot, ang bug-os nga palibot.

16 Gintakus niya ang kilid nga nasidlangan sang kawayan nga inugtakup: lima ka gatus ka mga kawayan sang kawayan nga inugtakup, sa palibot.

17 Gintakus niya ang kilid sang Aminhan: lima ka gatus ka mga kawayan sang kawayan nga inugtakup, sa palibot.

18 Gintakus niya ang kilid sang Bagatnan: lima ka gatus ka mga kawayan sang kawayan nga inugtakup.

19 Ginliso niya nayon sa kilid sang Katundan; kag gintakus niya: lima ka gatus ka mga kawayan sang kawayan nga inugtakup.

20 Sa apat ka mga hangin gintakus niya sia: may isa ka kuta sa palibot, sa bug-os nga palibot; ang kalabaon sang palibot, lima ka gatus ka mga kawayan kag lima ka gatus ka mga kawayan ang kasangkaron, sa paghimo sang pagpain sa tungâ sang balaan kag sang dibalaan.

Ang pagkaayo sang Simbahan: ang himaya ni Iehoba.

43 KAG ginpakari niya ako sa gawang, sa gawang nga nagaatubang nayon sa Sidlangan:

2 Kag yari karon, ang himaya sang Dios ni Israel, nga nagaabut gikan nayon sa Sidlangan; kag ang iya tungug subung sang huganas sang madamu nga mga tubig, kag ang duta nagabanaag bangud sang iya himaya.

3 Kag ang palanan-awon, nga nakita ko among subung sang dagway, subung sadtong dagway nga nakita ko, sang pagkari ko sa kalaglagan sang banwa: ining mga dagway among subung sang dagway nga nakit-an ko sa ibabaw sang subâ nga Kebar. Kag nagyaub ako.

4 Kag ang himaya ni Iehoba nagsulúd sa Baláy sa alayan sang gawang nga nagaatubang nayon sa Sidlangan.

5 Kag ginbayaw ako sang Espiritu, kag ginpasulúd niya ako sa patyo sa sulúd; kag yari karon, ang himaya ni Iehoba nagpunô sang Baláy.

6 Kag nabatian ko ang isa nga nagahambal sa akon kutub sa Baláy; kag ang isa ka lalaki nagatindug malapit sa akon,

7 Kag nagsiling sia sa akon: Anak sang tawo, yari karon ang duug sang akon lingkoran nga harianon, kag ang duug sang mga dapadapa sang akon mga tiil, nga sa iya magapuyô ako sa tungâ sang mga inanak ni Israel sa ghapon; kag indi na pagadagtaan sang baláy ni Israel, ang akon balaan nga ngalan, bisan sila bisan ang ila mga hari, sang ila mga pagpakighilawas kag sang mga bangkay sang ila mga hari sa ila mga mataas nga duug.

8 Sang ginbutang nila ang ila atangan batok sang akon atangan, kag ang ila bakalan sa luyo sang akon bakalan, sa bagay nga may dingding lamang sa tungâ namon, gindagtaan nila ang ngalan sang akon pagkabalaan tungud sang ila mga kalangil-aran, nga ginhilimo nila, kag ginupúd ko sila, sa akon kasangkal.

9 Karon igapalayô nila sa akon ang ila pagpakighilawas kag ang mga bangkay sang ila mga hari, kag magapuyô ako sa tungâ nila sa ghapon.

Ang pagkaayo sang Simbahan : ang halaran sang mġa halad nġa sinunog.

10-Ikaw, anak sang tawo, ipahayag sa baláy ni Israel ini nġa Baláy, kag nġa magkalahuya sila sang ila mġa kalautan kag nġa talakson nila ang iya binadlit.

11 Kag kon magkalahuya sila sang tanan nġa ila ginhimo, ipakilala sa ila ang dagway sang Baláy, ang iya kahamtangan, kag ang iya mġa gulowaan, kag ang iya mġa salamputan, kag ang tanan niya nġa mġa bayhon kag ang tanan niya nġa mġa palatukuran, kag ang tanan niya nġa mġa bayhon kag ang tanan niya nġa mġa kasogoan; kag ibadlit sia sa atubangan sang ila mġa mata, agud nġa bantayan nila ang tanan niya nġa bayhon, kag ang tanan niya nġa mġa palatukuran, kag ibutang nila sila sa buhat.

12 Ini amo ang kasogoan sang Baláy : Sa ibabaw sang putokputokan sang bukid ang bug-os niya nġa duluran sa palibot, magamanġinlabing balaan. Yari karon, ini amo ang kasogoan sang Baláy.

13 Kag ini sila amo ang mġa takus sang halaran, sa mġa maniko, nġa ang siko isa ka maniko kag isa ka dangaw. Ang sadsaran may isa ka maniko sa kataason, kag isa ka maniko ang kasangkad, kag yara sa ibabaw sang iya bibig sa palibot ang isa ka kolod nġa isa ka dangaw : ini amo ang palatungan sang halaran.

14 Kutub sa sadsaran sang duta tub-tub sa tulungtungan sa idalum, duha ka maniko, kag ang kasangkaron, isa ka maniko, kag kutub sa tulungtungan nġa diyotay tubtub sa tulungtungan nġa daku, apat ka maniko, kag ang iya kasangkaron, isa ka maniko.

15 Kag ang halaran sa ibabaw, apat ka maniko, kag sa naibabaw sang halaran, may apat ka mġa sungay.

16 Kag ang dabukan sang halaran, napúlô kag duha ka maniko ang kalabaon, kag napúlô kag duha ang kasangkad, kasilo, sono sang iya apat ka mġa kilid.

17 Kag ang tulungtungan, napúlô kag apat ka maniko ang kalabaon, kag napúlô kag apat ka maniko ang kasangkaron, sono sang iya apat ka mġa kilid, kag ang kolod sa palibot niya, tungâ sa maniko ; ang sadsaran nġa sa iya, isa

ka maniko sa palibot ; kag ang halaran may mġa alintaga nġa yara sa Sidlangan.

18 Kag nagsiling sia sa akon : Anak sang tawo, amo ining ginasing sang Ginoo nġa si Iehoba : Yari karon ang mġa palatukuran sang halaran, sa adlaw nġa pagahimoon sia, agud sa paghalad sa ibabaw niya sang halad nġa sinunog kag sa pagsablig sing dugo sa ibabaw niya :

19 Sa mġa saserdote nġa mġa Lebinhon nġa sa kaliwatan sila ni Sadok, nġa magapalalapit sa akon, siling sang Ginoo nġa si Iehoba, sa pag-alagad sa akon, pagahatagan mo sila sing isa ka tinday sang baka nġa sa halad tungud sang salâ.

20 Kag magakuha ka sa iya dugo, kag pagaibutang mo sa apat ka mġa sungay sang halaran, kag sa apat ka mġa pusud sang sadsaran, kag sa kolod sa palibot. Subung sini pagatinloan mo sia kag pagahimoon mo ang katumbasan tungud sa iya.

21 Kag magakuha ka sang tinday sang baka tungud sang salâ, kag pagasunugon sia sa duug nġa pinat-in sa Baláy sa gowa sang balaan nġa Puluy-an.

22 Kag sa ikaduha ka adlaw magahalad ka sing isa ka lalaki nġa kanding, nġa walay dagta tungud sang salâ ; kag pagatinloan nila ang halaran, subung nġa gintinloan nila sia sang tinday sang baka.

23 Kon makatapus ka sa pagpaninlo, magahalad ka sing isa ka tinday sang baka nġa walay dagta, kag sing isa ka karnero nġa walay dagta sang pinanong.

24 Kag pagapaatubangon mo sila sa atubangan ni Iehoba, kag ang mġa saserdote magasabwag sing asin sa ibabaw nila, kag pagaihalad nila sila sa halad nġa sinunog kay Iehoba.

25 Sa pito ka adlaw magahalad ka sing isa ka lalaki nġa kanding tungud sang salâ sa taga ka adlaw, kag magahalad sila sing isa ka tinday sang baka kag sing isa ka karnero sang pinanong, ang isa kag isa nġa walay dagta.

26 Sa pito ka adlaw pagahimoon nila ang katumbasan tungud sang halaran, kag pagatinloan nila sia, kag igapa-hanungud nila sia.

27 Busa pagatapuson nila ining mġa adlaw, kag sa ikawalo ka adlaw kag sa sumulunud mahanabu, kon ang mġa



saserdote magahalad sa ibabaw sang halaran sang inyo mga halad nga sinunug kag sang inyo mga halad sa paghidaet, nga pagakahamut-an ko kamo, siling sang Ginoo nga si Iehoba.

Ang pagkaayo sang Simbahan: mga pagliwan sang mga pag-alagdan sa balaan nga Puluy-an.

**44** KAG ginpabalik niya ako nayon sa gawang sa gowa sang balaan nga Puluy-an, nga nagaatubang sia nayon sa Sidlangan; kag natakpan sia.

2 Kag nagsiling sa akon si Iehoba: Ini nga gawang pagatakpan; indi pagabuksan, kag walay bisan sino nga magasulud sa iya; kay si Iehoba, nga Dios sa Israel, nagsulud sa iya; pagatakpan sia.

3 Nahanungud sang dunganon, ang dunganon magalingkod sa iya sa pagkaon sing tinapay sa atubangan ni Iehoba. Sa dalan sang kahaligihan sang gawang magasulud sia, kag sa amo nga dalan magagowa sia.

4 Ugaling ginpasulud niya ako sa dalan sang gawang sa Aminhan, sa atubangan sang Baláy; kag nakit-an ko, kag yari karon, ang himaya ni Iehoba, nagpunô sang Baláy ni Iehoba.

5 Kag si Iehoba nagsiling sa akon: Anak sang tawo, idapat ang imo tagiposoon, kag tuluka sang imo mga mata, kag pamatii sang imo mga idulungug ang tanan nga ginasiling ko sa imo nahanungud sang tanan nga mga palatukuran sang Baláy ni Iehoba nahanungud sang tanan niya nga mga kasogoan; kag igadapat mo ang imo tagiposoon sa mga salamputan sang baláy, kag sa tanan nga mga gulowaan sang balaan nga Puluy-an.

6 Kag pagaisiling mo sa *sining* mga malalison, sa baláy ni Israel: Amo ining ginasiling sang Ginoo nga si Iehoba: Tuman na nga sa inyo ang tanan ninyo nga mga kalangil-aran, baláy ni Israel,

7 Nga *ginhimo* ninyo sa pagpasulud ninyo diri sang mga anak sang mga dumuluung, nga ditinuli sa tagipsoon kag ditinuli sa unud, sa pagpuyô sa akon balaan nga Puluy-an, sa pagdagta sa iya, sa akon Baláy sang ginahalad ninyo ang akon tinapay, ang tambok kag ang dugo; sa bagay nga ginlapas ninyo ang akon katipan, siling sang tanan ninyo nga mga kalangil-aran.

8 Kag walá ninyo pagbantayi ang

tulin sang akon mga butang nga balaan, kondi nga ginbutangan ninyo sing mga bantay nga *dumuluung* sa akon tulin, sa akon balaan nga Puluy-an, sa baylo ninyo.

9 Amo ining ginasiling sang Ginoo nga si Iehoba: Bisán sin-o nga anak sang dumuluong, nga ditinuli sa tagiposoon kag ditinuli sa unud, indi makasulud sa akon balaan nga Puluy-an, kutub sang katapusan sang mga anak sang mga dumuluong nga yara sa tungâ sang mga inanak ni Israel.

10 Apang nahanungud sang mga Lebinhon, nga nagpalalayô sa akon, sang si Israel nagtalang, nga sila nagpalalayô sa akon sa pagsunud sa olehe sang ila mga diosdios, magadalalá sila sang ila kalautan.

11 Ini sila manginyara sa akon balaan nga Puluy-an sa paghimo sang pag-alagdan sang pagtatap sang mga gawang sang Baláy, kag sa paghimo sang pag-alagdan sang Baláy. Sila magapugut nga sa banwa sang halad nga sinunog kag sang halad, kag si'a magatilindug sa atubangan nila sa pag-alagad sa ila.

12 Tungud kay nag-alalagad sila sa ila sa atubangan sang ila mga diosdios kag nga nanginkasandaran sila sa pagkaholog sa *kalautan* sa baláy ni Israel, bangud sini ginbayaw ko ang akon kamut batok sa ila, siling sang Ginoo nga si Iehoba, kag pagadal-on nila ang ila kalautan.

13 Indi sila magapalapit sa akon sa paghikot sang akon pagkasaserdote, bisan sa pagpalapit sa akon mga butang nga balaan, sa duug nga labing balaan; kondi nga magadalalá sila sang ila kahuluy-an, kag sang ila mga kalangil-aran, nga ginpanghimo nila.

14 Kag pagaibutang ko sila nga mga bantay sang tulin sang Baláy, sa tanan nga buluhaton sang Baláy, kag sa tanan nga dapat paghimoon sa iya.

15 Apang nahanungud sang mga saserdote, nga mga Lebinhon, nga mga inanak ni Sadok, nga nagbalantay sang tulin sang akon balaan nga Puluy-an, sang ang mga inanak ni Israel nagpalalayô sa akon, pagapalapiton sila sa akon sa pag-alagad sa akon, kag nga magatilindug sa atubangan nakon sa paghalad sang tambok kag sang dugo, siling sang Ginoo nga si Iehoba.

16 Ini sila magasulud sa akon bala-

an nga Puluy-an, kag ini sila magapalalapit sa akon latok sa pag-alagad sa akon, kag pagabantayan nila ang akon tulin.

17 Kag nahanabu, nga kon magsululú sila sa mga gawang sang patyo nga sa sulúd, magapalanaput sila sang mga panapton *nga lino*: kag kon mag-alalagad sila sa mga gawang sang patyo nga sa sulúd, kon sa Baláy, indi sila magadalá *sing panapton* nga bulbul.

18 Magadalalá sila sa ila olo sing mga turbante nga lino; kag ang mga delargo nga lino yara sa ila mga hawak. Indi sila magapalangwagkus sang ginabahas sila.

19 Kag kon maggulowa sila sa patyo sa gowa, sa patyo sa gowa nayon sa banwa, magauluba sila sang ila mga panapton nga gin-alalagad nila, kag pagaibutang nila sila sa mga hulut sang balaan nga Puluy-an; kag magapalanaput sila sang iban nga mga panapton, basi nga magpahanungud sila sang banwa sa ila mga panapton,

20 Kag indi nila pagakiskisan ang ila olo, bisan pagapabayaang nila nga magtúbô ang buhok; mag-andam sila sa paggunting sang buhok sang *ila* olo.

21 Bisan sin-o sang mga saserdote, walâ sing magainom sing alak, kon magsulúd sia sa patyo nga sa sulúd.

22 Sila indi magapalangasawa sing bálo nga babae, bisan sing binayaan; kondi magapalangasawa sila sing mga ulay sang kaliwatan sang baláy ni Israel, kon sing bálo nga nanginbalo sang saserdote.

23 Kag pagatudloan nila ang akon banwa sa pagpain sang balaan kag sang dibalaan, kag pagaton-an nila sila sa pagtuhay sang mahigko kag sang matinlo.

24 Magapangolo sila sa mga kasaba sa paghukom; pagahukman nila sono sang akon mga tulumanon. Pagabantayan nila ang akon mga kasogoon kag ang akon mga palatukuran sa tanan na kon nga mga pinat-in nga piesta, kag pagapakabalaanon nila ang akon mga sabado.

25 *Ang saserdote* indi magasulúd sa bisan kay sin-o nga patay sa pagpadagta sa iya; apang sa amay, kon sa iroy, kon sa anak nga lalaki, kon sa anak nga habae, sa útud nga lalaki, kon sa útud

nga babae nga walâ makabana, sarang sia makapadagta.

26 Kag sa tapus sang iya pagpaninlo, pagaisipon sa iya ang pito ka adlaw.

27 Kag sa adlaw nga magsulúd sia sa balaan nga Puluy-an, sa patyo sa sulúd, sa pag-alagad sa balaan nga Puluy-an, magahalad sia sang iya halad tungud sang salâ, siling sang Ginoo nga si Iehoba.

28 Kag may panublion sila. Ako magamanginila panublion; kag indi ninyo sila pagahatagan sing kaugalingon.

29 Ang halad nga kalan-on, kag ang halad tungud sang salâ kag sang kasal-anan, pagakaanon nila; kag ang tanan nga katagudilian sa Israel magamanginila.

30 Kag ang mga nahauna sang tanan nga mga nahauna nga bunga sa tanan nga mga butang, kag ang tanan nga *halad* nga binayaw sa tanan nga mga butang, sa tungâ sang tanan ninyo nga mga halad nga binayaw, magamanginila sang mga saserdote: subung man pagaihatag ninyo ang mga nahauna sang tanan ninyo nga mga linamas sa mga saserdote, agud nga pagpapahuwayon ang pagpakamaayo sa imo baláy.

31 Ang mga saserdote indi magakalaon sing bisan ano nga napatay sa iya kaugalingon kon kinusnit, bisan sa mga pispis bisan sa kahayupan.

#### Pagpinahat sang duta.

**45** KON magpilinahat kamo sa palad sang duta nga panublion, pagaihalad ninyo, nga halad nga binayaw ang isa ka pahat kay Iehoba, ang isa ka pahat nga napahanungud sa duta, ang isa ka kalabaon: duha ka púlô kag lima ka libo ka mga *kawayan* ang kalabaon, kag napúlô ka libo ang kasangkaron: manginbalaan sia sa bug-os niya nga kadulunao, sa palibot.

2 Sa sini magamanginlima ka gatus ang *kalabaon* nga sa balaan nga Puluy-an kag lima ka gatus ang kasangkaron, sa kasilo sa palibot, nga may halalban nga nahanungud sa iya nga mga kalim-an ka maniko, sa palibot.

3 Sono sini nga takus pagataksan mo sa kalabaon nga duha ka púlô kag lima ka libo ka *mga kawayan*, kag sa kasangkaron, napúlô ka libo, nga sa sini nga



*luwang* manginyara ang balaan nga Puluy-an, ang duug nga labing balaan.

4 Ini amo ang pahat nga pinahanun-  
ngud sa duta; manginiya sia sang mga  
saserdote nga mag-alagad sa balaan nga  
Puluy-an, nga nagapalalapit sa pag-  
alagad kay Iehoba; kag manginduug sia  
nga sa mga baláy, kag ang isa ka balaan  
nga puluy-an nga sa balaan nga Puluy-  
an.

5 Subung man ang isa ka *luwang* nga  
duha ka púlô kag lima ka libo ang kala-  
baon, kag napúlô ka libo ang kasang-  
karon, nga ini magamanginiya sang mga  
Lebinhon nga nagaalagad sa Baláy: ini  
manginkaualingon nila *patí ang* duha  
ka púlô ka mga hulut.

6 Kag nga sa kaugalingon sang banwa  
magahatag kamo sing lima ka libo ang  
kasangkaron kag duha ka púlô kag lima  
ang kalabaon, sa atubangan sang pahat  
nga halad nga binayaw sang duug nga  
balaan: ini manginiya sang bug-os nga  
baláy ni Israel.

7 Nahanungud sang *pahat* sang dun-  
ganon sia mangingikan diri kag didto  
sang pahat nga halad nga binayaw sang  
duug nga balaan kag ang kaugalingon  
sang banwa sa atubangan sang pahat  
nga halad nga binayaw sang duug nga  
balaan, kag sa atubangan sang kaugali-  
ngon sang banwa, kutub sa ila kilid  
sa Katundan tubtub sa *dulunan* sang Ka-  
tundan, kag tubtub sa ila kilid sa Sid-  
langan tubtub sa *dulunan* sang Sidla-  
ngan: kag ang kalabaon niya mangin-  
kaangay sang isa sang mga pahat sang  
*kabikahan* kutub sa *dulunan* sang Katun-  
dan tubtub sa *dulunan* nayon sa  
Sidlangan.

8 Ini manginduta niya, nga iya kau-  
galingon sa Israel; kag ang akon mga  
dunganon indi na magapigos sang akon  
banwa; pagaihatag nila ang duta sa  
baláy ni Israel, sono sang. ila mga  
kabikahan.

Mga hilikuton nga balaan sang pangolo kag  
sang mga saserdote.

9 Amo ining ginasiling sang Ginoo  
nga si Iehoba: Tuman na nga sa inyo  
mga dunganon sa Israel. Kuhaa-ninyo  
ang paglugos kag ang paghapay; ibutang  
ninyo sa buhat ang tumanon kag ang  
katarungan; ayaw ninyo pagtabuga ang

akon banwa sa baláy, siling sang Ginoo  
nga si Iehoba.

10 Maghuput-kamo sing timbangan  
nga matarung, kag sing epa nga mata-  
rung kag sing bat nga matarung.

11 Ang epa kag ang bat magamangin-  
isa gid ka takus: sa bagay nga ang bat  
may iya sia sang ikapúlô ka bahin sang  
homer, kag ang epa, ang ikapúlô ka ba-  
hin sang homer: ang talaksan nila ma-  
gamanginsono sang homer.

12 Kag ang siklo manginduha ka púlô  
ka gera. Duha ka púlô ka siklo, duha  
ka púlô kag lima ka siklo, kag napúlô  
kag lima ka siklo, magamanginisa ka  
mina sa inyo.

13 Yari karon ang pahat nga mangin-  
halad nga binayaw ninyo: ang ikan-um  
ka bahin sang isa ka epa nga isa ka  
homer sang trigo; kag ang ikan-um ka  
bahin sang isa ka epa nga sa isa ka ho-  
mer sang sebada.

14 Ang bat among *talaksan* sang  
lana; kag ang pahat nga pinat-in nga sa  
lana among ikapúlô ka bahin sang bat  
nga sa isa ka koro, napúlô ka bat, kon isa  
ka homer; kay napúlô ka bat among isa  
ka homer.

15 Kag ang isa ka kordero sang pina-  
nong sa duha ka gatus, sang kadutaan  
nga binunyagan sa Israel, nga sa halad  
nga kalan-on, kag nga sa halad nga si-  
nunog, kag nga sa halad sa paghidaet,  
nga sa paghimo sing katumbasan tungud  
sa ila, siling sang Ginoo nga si Iehoba.

16 Ang bug-os nga banwa sang duta  
pagapiliton sa s'ni nga halad nga bina-  
yaw nga sa dunganon sa Israel.

17 Kag ang dunganon may tulin sia  
sang mga halad nga sinunog, kag sang  
mga halad nga kalan-on, kag sang mga  
halad nga ilimnon sa mga piesta, kag sa  
mga lati, kag sa mga sabado, kag sa ta-  
nan nga mga pinat-in nga piesta sang  
baláy ni Israel. Sia magahalad sang  
halad tungud sang salâ kag sang halad  
nga kalan-on, kag sang halad nga sinu-  
nog, kag sang mga halad sa paghidaet,  
sa paghimo sing katumbasan tungud  
sang baláy ni Israel.

18 Amo ining ginasiling sang Ginoo  
nga si Iehoba: Ang nahauna nga bulan,  
sa nahauna sang bulan, magakuha ka  
sing isa ka tinday sang baka nga walay  
dagta, kag pagatinloan mo ang balaan  
nga Puluy-an:

19 Ang saserdote magakuha sang du-

go sang halad tungud sang salâ, kag pagabutang niya ini sa ibabaw sang mga bakalan sang *gawang* sang Baláy, kag sa ibabaw sang apat ka pamusud sang tungtungang sa halaran, kag sa ibabaw sang mga bakalan sang mga gawang sang patyo sa sulúd.

20 Amo ini ang pagahimoon mo sa ikapito sang bulan tungud sang naka-salâ nga walâ makahibalo kag sa kulang-kulang, kag pagahimoon ninyo ang katumbasan tungud sang Baláy.

21 Ang *bulan* nga nahauna, sa ikapulô kag apat ka adlaw sang bulan, may Paskua kamo, ang piesta sa pito ka adlaw: pagakaonon ninyo ang tinapay nga walay tapay.

22 Kag sa sadtong adlaw ang dunganon magahalad tungud sa iya kaugalingon, kag tungud sang bug-os nga banwa sang duta, sing isa ka tinday sang baka tungud sang salâ.

23 Kag sa pito ka adlaw sang piesta magahimo sia sing halad nga sinunog kay Iehoba, pito ka tinday sang baka, kag pito ka karnero nga walay dagta, sa tagsa ka adlaw sang pito ka adlaw; kag tungud sang salâ isa ka lalaki nga kanding sa tagsa ka adlaw.

24 Kag subung nga halad nga kalan-on magahalad sia sing isa ka epa upud sa tagsa ka tinday sang baka kag isa ka epa upud sa tagsa ka karnero; kag sa tagsa ka epa, isa ka hin nga lana.

25 Sa *bulan* nga ikapito, sa ikapulô kag lima sang bulan, sa piesta, pagahalad niya ang amo nga mga butang sa pito ka adlaw, ang amo nga halad tungud sang salâ, ang amo tungud nga halad nga sinunog, kag ang amo nga halad nga kalan-on, kag ang amo nga lana.

**46** AMO ining ginasiling sang Ginoo nga si Iehoba: Ang gawang sang patyo sa sulúd, nga nagaatubang sa Sidlangan, pagatakpan sa anum ka adlaw sa pangabudlay, kag sa adlaw sang sabado pagabuksan sia kag pagabuksan sia man sa adlaw nga lati.

2 Kag ang dunganon magasulúd sa dalan sang kahaligihan sang gawang gikan sa gowa, kag magatindug sia nga malapit sang bakalan sang gawang; kag ang mga saserdote magahalalad sang iya halad nga sinunog kag sang iya mga halad sa paghidaet. Sia magayaub sa atangan sang gawang, sa olehe magahalin sia;

kag indi pagatakpan ang gawang tubtub sa hapon.

3 Kag ang banwa sang duta magayaub sa salamputan sa amo nga gawang sa mga sabado kag sa lati, sa atubangan ni Iehoba.

4 Kag ang halad nga sinunog nga pagahalad sang dunganon kay Iehoba sa adlaw nga sabado, mangin-anum ka kordero nga walay dagta, kag isa ka karnero nga walay dagta.

5 Kag ang halad nga kalan-on manginisa ka epa upud sang karnero; kag upud sang mga kordero, ang halad nga kalan-on manginluyag sang iya kamut sa paghatag; kag nahanungud sang la a nga isa ka hin upud sang epa.

6 Apang ang adlaw nga lati, isa ka tinday sang baka nga walay dagta upud ang anum ka kordero kag ang isa ka karnero; manginwalay dagta sila.

7 Kag magahalad sia subung nga halad nga kalan-on sing isa ka epa upud sang tinday sang baka, kag ang isa ka epa upud sang tagsa ka karnero; kag upud sang mga kordero, sono sang madangatan sang iya pagkabutang; kag nahanungud sang lana, isa ka hin sa tagsa ka epa.

8 Kag kon ang dunganon magsulúd, magasulúd sia sa dalan sang kahaligihan sang gawang; kag sa *amo* nga dalan magagowa sia.

9 Apang kon ang banwa sang duta magsulúd sa atubangan ni Iehoba, sa mga pinat-inan nga piesta, nga ang magsulúd sa dalan sang gawang sang Aminhan sa pagyaub, magaguwa sa dalan sang gawang sang Bagatnan; kag ang magsulúd sa dalan sang gawang sang Bagatnan, magagowa sa dalan sang gawang sang Aminhan: indi magabalik sila sa dalan sang gawang nga didto magsulúd sia, kondi nga magagowa sila sa *gawang* nga nagaatubang sa ila.

10 Kag ang dunganon, kon sila magsulúd, sia magasulúd sa tungâ nila; kag kon sila maggulowa, sia magagowa sing tungub.

11 Sa mga piesta kag sa mga pinat-in nga piesta ang halad nga kalan-on manginisa ka epa upud ang tagsa ka tinday sang baka, kag isa ka epa upud ang tagsa ka karnero; kag upud sang mga kordero, manginluyag sang iya kamut sa paghatag; kag nahanungud



sang lana, isa ka hin upud sang tagsa ka epa.

12 Kon ang dunganon maghimo sing halad nga kinabubut-on sing halad nga sinunog, kon halad sa paghidaet, sa halad nga kinabubut-on kay Iehoba, pagabuksan sa iya ang gawang nga naga-atubang sa Sidlangan, kag pagahimoon ang iya halad nga sinunog, kag ang iya mga halad sa paghidaet, subung sang ginahimo sa adlaw nga sabado : ugaling magagowa sia, kag pagatakpan ang gawang sa tapus nga makagowa sia.

13 Kag magahalad ka kay Iehoba, sa tagsa ka adlaw sa halad nga sinunog sing isa ka kordero nga isa ka tuig, nga walay dagta ; sa tagsa ka aga pagaihalad mo sia.

14 Kag ang halad nga kalan-on nga pagaihalad mo upud sining kordero, sa tagsa ka aga manginikan-um ka bahin sang epa, kag nahanungud sang lana ikatlo ka bahin sang hin, sa pagbasâ sang harina. Ini amo ang halad nga kalan-on kay Iehoba. Ini amo ang palatukuran nga walay katapusan : manginsagihapon sia.

15 Magahalalad sila sang kordero, kag sang halad nga kalan-on, kag sang lana, sa tanan nga mga aga. Ini among halad nga sinunog nga dayon.

16 Amo ining ginasiling sang Ginoo nga si Iehoba : Kon ang dunganon maghatag sing isa ka hatag sa isa ka tawo sang iya mga anak, amo ini ang iya panublion, mahanungud ini sa iya mga anak ; ini manginkaugalingon nila nga panublion.

17 Apang kon sa iya gid nga panublion maghatag sia sing hatag sa isa sang iya mga alagad, ini magamangin-iya tubtub sa tuig sa katalimuasan, niyan magabalik sia sa dunganon. Ang iya panublion nahanungud lamang sa iya mga anak.

18 Kag ang dunganon indi magakuha sing bisan ano sang panublion sang banwa, nga nagatabug sa ila sa ila kaugalingon. Sa iya kaugalingon magapanubli sia sa iya mga anak, agud nga walay bisan sin-o sang akan banwa nga pagtabugon sa iya kaugalingon.

19 Ugaling ginpasulud niya ako sa salamputan nga yara sa luyo sang gawang, sa mga hulut sang duug nga balaan sang mga saserdote, nga naga-alatubang sila sa Aminhan, kag didto

may isa ka duug sa sulud gid, nayon sa Katundan.

20 Kag nagsiling sia sa akan : "Ini amo ang duug nga diin magaluluto ang mga saserdote sang unud sang mga halad tungud sang kasal-anan kag sang salâ : didto pagaisugba nila ang halad nga kalan-on, nga indi pagdalhon sila sa patyo sa gowa sa pagpakabalaan sa banwa."

21 Ugaling ginpagowa niya ako sa patyo sa gowa, kag gindala niya ako sa apat ka mga pamusud sang payto, kag yari karon, nga may isa ka patyo sa tagsa ka pamusud sang patyo.

22 Sa apat ka mga pamusud sang patyo may mga patyo nga nakudalan, nga kap-atan ka maniko ang kalabaon kag katloan ang kasangkaron. May isa lamang sila ka takus ang tanan nga apat ka mga pamusud.

23 Kag may isa ka pasunud sang mga tinukud sa palibot sa sining mga patyo, sa palibot sang mga apat, kag mga dabukan sa pagluto nga nahuman sila sa idalum sining mga pasunud sa palibot.

24 Kag nagsiling sia sa akan : "Ini sila amo ang duug sang mga dabukan, nga diin ang mga nagaalagad sa Baláy, magaluto sang mga halad sang banwa."

Ang sapa sang mga tubig nga makaayo.

**47** UGALING ginpabalik niya ako sa salamputan sang Baláy, kag yari karon ang mga tubig nga naga-gulowa sa idalum sang atangan sang Baláy, nayon sa Sidlangan ; kay ang atubangan sang baláy yara sa Sidlangan. Kag ang mga tubig nagapalanaug gikan sa idalum, sa kilid nga too sang Baláy, sa Bagatnan sang halaran.

2 Kag ginpagowa niya ako sa dalan sang gawang sang Aminhan, kag ginpalibot niya ako sa dalan sa gowa tubtub sa gawang sa gowa, sa paladulungan nga nagaatubang sa Sidlangan ; kag yari karon, ang mga tubig nga nagagulowa sa kilid nga too.

3 Kag, sang naggowa ini nga lalaki nayon sa Sidlangan, may isa sia ka lubid sa iya kamut ; kag nagtakus sia sing isa ka libo ka mga maniko, kag ginpaagi niya ako sa mga tubig, nga mga tubig nga nagalambut sa mga bukobuko saung mga tiil.

4 Kag nagtakus sia sing isa pa ka libo kag ginpaagi niya ako sa mga tubig, nga mga tubig nga nagalambut sa mga tudhod. Ugaling nagtakus sia sing isa pa ka libo, kag ginpaagi niya ako sa mga tubig, nga mga tubig nga nagalambut tub-tub sa mga hawak.

5 Kag nagtakus sia sing isa ka libo: amo ini ang isa ka kasulgan nga ako indi na sarang makaagi, kay ang mga tubig nagsalaka, nga among tubig sa paglangoy, isa kakasulgan nga indi sarang maagihan.

6 Kag nagsiling sia sa akon: “; Nakita mo bala, anak sang tawo?” Kag ginpalakat niya ako, kag ginpabalik niya ako sa pangpang sang kasulgan.

7 Kag sang nagbalik ako, yari karon, sa pangpang sang kasulgan, ang madamu gid nga mga kahoy sa pihak kag pihak.

8 Kag nagsiling sia sa akon: “Ining mga tubig nagahalalin sa kadutaan sang Sidlangan, kag magapalanaug sila sa kamingawan, kag magalambut sila sa dagat; kag sa makalambut sila sa dagat, pagaayohon ang mga tubig sang dagat.

9 Kag mahanabu, nga ang tanan nga kalág nga buhi nga nagasubay sa bisan diin nga maglambut ining duha ka mga kasulgan, magakabuhi, Kag manginmadamu gid ang mga isda. Tungud kay magalambut didto ining mga tubig, kag pagaayohon sila, kag magakabuhi sila sa bisan diin nga magalambut ang kasulgan.

10 Kag mahanabu, nga magatindug didto ang mga mangingisda; kutub sa En-gadi tubtub sa En-eglaim manginlumlaran sang mga pukot. Ang ila mga isda manginsono sang ila naigoan, subung sang isda sang malapad nga dagat, sa daku gid nga kadamuan.

11 Nahanungud sang iya mga dagat kag sang iya mga danaw, indi pagaayohon sila; mabilin sila nga sa asin.

12 Kag malapit sa kasulgan, sa iya mga pangpang, sa isa kag isa ka luyo magatúbô ang tanan nga mga kahoy nga makaon. Ang ila dahon indi magakalayang, bisan magakaubus ang ila bunga: kag magapamunga sing bag-o sa tag-sa ka bulan, kay ang ila mga tubig nagagikan sa balaan nga Puluy-an; kag ang ila mga bunga manginkalan-on, kag ang ila dahon nga sa bolóng.

Mga kadulunan sang duta.

13 Amo ining ginasiling sang Ginoo nga si Iehoba: Yari karon ang dulunan sang duta, nga pagapahaton ninyo nga panublion sono sang mga napulô kag duha ka mga kabikahan sa Israel. Si Iose may duha ka pahat.

14 May panublion kamo sa iya, ang isa subung man ang isa, tungud kay ginbayaw ko ang akon kamut, nga pagaihatag ko sia sa inyo mga ginikanan; kag ini nga duta maholog sa inyo nga panublion.

15 Busa, yari karon, ang mga dulunan sang duta: Nayon sa luyo sang Aminhan; kutub sa daku nga dagat, nayon sa Hetlon, nga nagapakato sa Sedad;

16 Ang Hamat, ang Berota, ang Si-brahim, nga yara sa tungâ sang kadulunan sang Damasko kag ang kadulunan sa Hamat; ang Haserhatikon, nga yara sa kadulunan sang Hauran.

17 Sa sini ang kadulunan manginkutub sa dagat tubtub sa Haser-Enon, nga kadulunan sang Damasko, nga didto sa Aminhan ang duta sang Aminhan kag ang kadulunan sang Hamat. Ini manginluyo sang Aminhan.

18 Kag ang luyo sang Sidlangan: gikan sa tungâ sang Hauran kag sang Damasko, kag ugaling gikan sa tungâ sang Galaad kag sang duta sa Israel, nayon sa Iordan: ini pagatakson ninyo kutub sa kadulunan sang Aminhan tubtub sa dagat sang Sidlangan. Ini manginluyo sang Sidlangan.

19 Kag ang luyo nga nabagatnan nayon sa Bagatnan: kutub sa Tamar tubtub sa mga tubig sang Meribot sa Kades, ang panublion nagapadulong nayon sa daku nga dagat. Ini manginluyo nga nabagatnan, sa Bagatnan.

20 Kag ang luyo sang Katundan among dakuang dagat, kutub sining dulunan tubtub sa atubangan sang salamputan sang Hamat. Ini manginluyo sang Katundan.

21 Pagapalahaton ninyo ini nga duta sa inyo, sono sang mga kabikahan ni Israel.

22 Kag pagahimoon ninyo ini sa palad sa mga pahat nga panublion nga sa inyo kag nga sa mga dumuluong nga nagapanlugayaw sa tungâ ninyo, nga sa tungâ ninyo nagpalanganak sing mga anak nga lalaki; pagakabigon ninyo sila



subung nga mga tumanduk sa tunga sang mga inanak ni Israel; magapapalad sila upud sa inyo, sang ila panublion sa tunga sang mga kabikahan ni Israel.

23 Kag mahanabu, nga sa kabikahan nga magapanlugayaw ang dumuluong, didto pagahatagan ninyo sia sang iya panublion, siling sang Ginoo nga si Iehoba.

Bag-ong pagpinahat sang duta sa mga napulo kag duha ka kabikahan.

**48** YARI karon ang mga ngalan sang mga kabikahan. Kutub sa ukbung sang Aminhan, tubtub sa malapit sa dalan nga Hetlon, sa salamputan sa Hamat, kutub sa Haser-Enon, nga kadulunan sang Damasko sa Aminhan tubtub sa malapit sang Hamat may isa ka pahat si Dan, kutub sa luyo sang Sidlangan nasyon sa Katundan.

2 Kag sa luyo sang kadulunan ni Dan, kutub sa luyo sang Sidlangan tubtub sa luyo sang Katundan may isa ka pahat si Aser.

3 Kag sa luyo sang kadulunan ni Aser, kutub sa luyo sang Sidlangan tubtub sa luyo sang Katundan may isa ka pahat si Neptali.

4 Kag sa luyo sang kadulunan ni Neptali, kutub sa luyo sang Sidlangan tubtub sa luyo sang Katundan may isa ka pahat si Manases.

5 Kag sa luyo sang kadulunan ni Manases, kutub sa luyo sang Sidlangan tubtub sa luyo sang Katundan may isa ka pahat si Epraim.

6 Kag sa luyo sang dulunan ni Epraim, kutub sa luyo sang Sidlangan, tubtub sa luyo sang Katundan may isa ka pahat si Ruben.

7 Kag sa luyo sang kadulunan ni Ruben, kutub sa luyo sang Sidlangan tubtub sa luyo sang Katundan may isa ka pahat si Iuda.

8 Kag sa luyo sang kadulunan ni Iuda, kutub sa luyo sang Sidlangan tubtub sa luyo sang Katundan mangin-pahat nga halad nga binayaw, nga pagabayawon ninyo ang duha ka pulo kag lima ka libo nga kasangkaron, kag ang kalabaon subung sang isa sang mga pahat, kutub sa luyo sang Sidlangan tubtub sa luyo sang Katundan; kag ang balaan nga Puluy-an manginsa tunga niya.

9 Ang pahat nga halad nga binayaw nga pagabayawon ninyo kay Iehoba manginduha ka pulo kag lima ka libo ang kalabaon kag napulo ka libo ang kasangkaron:

10 Kag ini nga pahat nga halad nga binayaw sa pagkabalaan manginsa ila sang mga saserdote: sa Aminhan duha ka pulo kag lima ka libo kag sa Katundan napulo ka libo ang kasangkaron; kag sa Sidlangan, napulo ka libo ang kasangkaron; kag sa Bagatnan, duha ka pulo kag lima ka libo ang kalabaon; kag ang balaan nga Puluy-an ni Iehoba manginsa tunga niya.

11 Ang balaan nga Puluy-an mangin-ya sang mga saserdote, nga mga inanak ni Sadok, nga nagbalantay sila sang akon tulin, nga wala magtalang sang pagtalang sang mga inanak ni Israel, subung sang pagtalang sang mga Lebinhon.

12 Kag ini manginsa ila, ang isa ka binayaw nga pinasahi sang pahat nga halad nga binayaw sang duta, ang isa ka duug nga labing balaan nasyon sa kadulunan sang mga Lebinhon.

13 Kag ang mga Lebinhon, may duha ka pulo kag lima ang kalabaon kag napulo ka libo ang kasangkaron, sa atubangan sang kadulunan sang mga saserdote. Ang bug-os nga kalabaon manginduha ka pulo kag lima ka libo kag ang kasangkaron, napulo ka libo.

14 Indi sila makabaligya sa iya sing bisan ano, bisan makabaylo sila sa iya, bisan mapalatonlaton ining mga nahau-nang bungga sang duta, kay butang sia nga balaan kay Iehoba.

15 Kag ang lima ka libo nga nabilin sang kasangkaron sa atubangan sang duha ka pulo kag lima ka libo, mangindibalaan nga luwang nga sa banwa, nga sa mga puluy-an kag nga sa halalban, kag ang banwa manginsatunga niya.

16 Kag yari karon ang iya mga takus: sa luyo sang Aminhan, apat ka libo kag lima ka gatus; kag sa luyo sang Bagatnan, apat ka libo kag lima ka gatus; kag sa luyo sang Sidlangan, apat ka libo kag lima ka gatus; kag sa luyo sang Katundan, apat ka libo kag lima ka gatus.

17 Kag ang banwa may mga halalban, sa Aminhan duha ka gatus kag kalim-an; sa Bagatnan, duha ka gatus kag kalim-an; kag sa Sidlangan, duha ka gatus

kag kalim-an, kag sa Katundan, duha ka gatus kag kalim-an.

18 Kag ang nabilin sa kalabaon, sa atubangan sang pahat nga halad nga binayaw sang pagkabalaan, *kon sayoron*: napulô ka libo sa Sidlangan kag napulô ka libo sa Katundan, manginsa atubangan sang pahat nga halad nga binayaw sang pagkabalaan; kag ang iya patubas manginkalan-on sa mga manugpangabudlay sang banwa.

19 Kag ang mga manugpangabudlay sang banwa, magapanguma sa iya gikan sa tanan nga mga kabikahan ni Israel.

20 Ang bug-os nga pahat nga halad nga binayaw sang pagkabalaan may duha ka pulô kag lima ka libo sa isa ka luyo kag duha ka pulô kag lima ka libo sa isa; pagabayawon ninyo ang pahat nga halad nga binayaw sang pagkabalaan, sa kasilo, upud ang kaugalingon sang banwa.

21 Kag ang nabilin manginiya sang dunganon, diri kag didto sa pahat nga halad nga binayaw sang pagkabalaan kag sang kaugalingon sang banwa, sa atubangan sang duha ka pulô kag lima ka libo sang pahat nga halad nga binayaw tuhtub sa kadulunan sang Sidlangan, kag sa Katundan sa atubangan sang duha ka pulô kag lima ka libo tuhtub sa kadulunan sa Katundan, sa atubangan sang mga pahat; ina manginiya sang dunganon, kag manginbalaan nga kapalaran; kag ang pahat nga halad nga binayaw sang pagkabalaan upud ang puluy-an nga balaan sang Baláy manginsatungâ.

22 Kag kutub sa kaugalingon sang mga Lebinhon kag sang kaugalingon sang banwa, nga sa tungâ nila ang *manginiya sang dunganon*, ang kalayoon sa tungâ sang kadulunan ni Iuda kag sang kadulunan ni Benyamin manginiya sang dunganon.

23 Ugaling *magasunud* ang nabilin sang mga kabikahan. Kutub sa luyo sang Sidlangan tuhtub sa luyo sang Katundan, may isa ka *pahat* si Benyamin.

24 Kag sa luyo sang dulunan ni Benyamin, kutub sa luyo sang Sidlangan tuhtub sa luyo sang Katundan may isa ka *pahat* si Simeon.

25 Kag sa luyo sang kadulunan ni Simeon, kutub sa luyo sang Sidlangan tuhtub sa luyo sang Katundan may isa ka *pahat* si Isakar.

26 Kag sa luyo sang kadulunan ni Isakar, kutub sa luyo sang Sidlangan tuhtub sa luyo sang Katundan may isa ka *pahat* si Sabulon.

27 Kag sa luyo sang kadulunan ni Sabulon, tuhtub sa luyo sang Sidlangan tuhtub sa luyo sang Katundan may isa ka *pahat* si Gad.

28 Kag sa luyo sang kadulunan ni Gad, sa luyo nga nabagatnan, nayon sa Bagatnan, manginkadulunan kutub sa Tamar tuhtub sa mga tubig sa Meribakades sa sapa nayon sa daku nga dagat.

29 Ini amo ang duta nga pagapalahaton ninyo sa papalad nga panublion sa mga kabikahan ni Israel; kag ini sila amo ang ila mga bahin, siling sang Ginoo nga si Iehoba.

30 Kag yari karon ang mga gulowaan sang banwa: sa luyo sang Aminhan ang takus among apat ka libo kag lima ka gatus ka *maniko*;

31 Kag ang mga gawang sang banwa magamanginsono sang mga ngalan sang mga kabikahan ni Israel: tatlo ka mga gawang sa Aminhan: ang gawang ni Ruben, isa; ang gawang ni Iuda, isa; ang gawang ni Levi, isa.

32 Kag sa luyo sang Sidlangan, apat ka libo kag lima ka gatus; tatlo ka mga gawang: ang gawang ni Iose, isa; ang gawang ni Benyamin, isa; ang gawang ni Dan, isa.

33 Kag sa luyo sang Bagatnan, ang takus among apat ka libo kag lima ka gatus; tatlo ka mga gawang: ang gawang ni Simeon, isa; ang gawang ni Isakar, isa; ang gawang ni Sabulon, isa.

34 Sa luyo sang Katundan, apat ka libo kag lima ka gatus; tatlo ka mga gawang: ang gawang ni Gad, isa; ang gawang ni Aser, isa; ang gawang ni Neptali, isa.

35 Sa palibot, napulô kag walo ka libo; kag ang ngalan sang banwa, kutub sadtong adlaw, magamangin si Iehoba-sama.\*

\* Si Iehoba-sama, didto si Iehoba.



# SI DANIEL.

Ang pagtoo ni Daniel kag sang iban nga mga  
pamatan-on nga Hebreinhon sa ginharian  
ni Nabukodonosor.

1 SA tuig nga ikatlo sang ginharian ni  
Ioiakim, nga hari sa Iuda, nag-abut  
si Nabukodonosor, nga hari sa Babi-  
lonia, sa Ierusalem, kag ginlibutan sia  
niya.

2 Kag gintugyan sang Ginoo sa iya  
mga kamut si Ioiakim, nga hari sa Iuda,  
kag ang bahin sang mga suludlan sang  
Baláy sang Dios, kag gindala niya sila sa  
duta sang Sinar, sa baláy sang iya dios;  
kag ginsulud niya ang mga suludlan sa  
baláy sang bahandi sang iya dios.

3 Kag ang hari nagsiling kay As-  
penas, nga dunganon sang iya mga  
kapon, nga magdalá sia gikan sa tungâ  
sang mga inanak ni Israel, kag sa kali-  
wat nga harianon, kag gikan sa tungâ  
sang mga dunganon,

4 Sang mga pamatan-on, nga walâ  
sing kasawayan sa lawas kag mga ma-  
ayoayo, mga mahangponon sa tanañ nga  
kaalam, kag mga manginalamon sa pag-  
kilala, kag mahangponon sa kinaadman,  
kag mga takus sa pagtindug sa baláy  
nga harianon sang hari, kag nga tun-an  
niya sila sang kaalam kag sang hambal  
sang mga Kaldeinhon.

5 Kag ang hari nagpahat sa ila nga  
sa adlawadlaw sing pahat nga pagkaon  
nga manamit sang hari kag sing alak  
nga iya ginainum, kag nga saguron sila  
sing tatlo ka tuig, nga sa katapusan nila  
magtilindug sila sa atubangan sang hari.

6 Kag sa tungâ nila, sa tungâ sang  
mga anak ni Iuda: si Daniel, si Ananias,  
si Misael kag si Asarias;

7 Kag ang pangolo sang mga kapon  
naghingalan sa ila: kay Daniel ginhi-  
ngalan niya si Beltasar; kag kay Anani-  
as, si Sadrak; kag kay Misael, si Mesak;  
kag kay Asarias, si Abednego.

8 Kag ginbuko ni Daniel sa iya tagi-  
posoon nga indi magpadagta sia sang  
pagkaon sang hari, bisan sa alak nga  
iya ginainum kag nangayo sia sa pa-

ngolo sang mga kapon, nga indi sia  
pagdagtaan.

9 Kag ginhimo sang Dios nga si Da-  
niel makakita sang bugay kag kahinok-  
log sa pangolo sang mga kapon.

10 Kag ang pangolo sang mga kapon  
nagsiling kay Daniel: "May kahadluk  
ako sa hari nga akon ginoo nga nagpat-  
in sang inyo pagkaon kag sang inyo ilim-  
non. Kay i kay ngaa bala magatan-aw  
sia sang inyo nawung nga labing masubu  
sang iya sang mga pamatan-on nga  
kasubung ninyo sa edad? Kag sa sini  
pagaibutang ninyo sa katalagman ang  
akon olo sa hari."

11 Kag si Daniel nagsiling sa pinaka-  
punô, nga gintulinan sang pangolo sang  
mga kapon sa *pagtatap* kay Daniel, kay  
Ananias, kay Misael kag kay Asarias:

12 "Ginaampo ko sa imo, nga tilawan  
mo ang imo mga alagad sing napulô ka  
adlaw, kag nga hatagi kami sing mga  
utan sa pagkaon *kag* sing tubig sa pagi-  
num;

13 Niyan, nga ang amon mga nawung  
mahayag sa atubangan mo kag ang mga  
nawung sang mga pamatan-on, nga na-  
gakaon sang pagkaon nga manamit sang  
hari; kag sono sang imo makita, buhata  
sa imo mga alagad."

14 Kag sa sini nagpamati sia sa ila,  
kag ginhimo niya sa ila ang pagtilaw  
sing napulô ka adlaw.

15 Kag sa katapusan sang napulô ka  
adlaw, ang ila mga nawung nagapahayag  
nga maayo kag labing matambok sang  
tanan nga mga pamatan-on nga naga-  
kaon sang pagkaon nga manamit sang  
hari.

16 Amo ini nga ang pinakapunô naga-  
kuha sang ila pagkaon nga manamit kag  
sang alak nga ila mga ilimnon, kag nag-  
hatag sia sa ila sing mga utan.

17 Kag nahanungud sining apat ka  
pamatan-on, ang Dios naghatag sa ila  
sing kinaadman kag ibihalo sa tanan  
nga sinulat kag sa tanan nga kaalam;  
kag si Daniel nahimo niya nga mahang-

ponon sa tanan nga palanan-awon kag sa mga damgo.

18 Kag sa ka'apusan sang mga adlaw, nga kinasiling sang hari nga pagpandalhon sila, ang pangolo sang mga kapon nagdalá sa ila sa atubangan ni Nabukodonosor.

19 Kag ang hari naghambal sa ila, kag walá sing nakita sa tungâ nila nga tanan sing iban nga subung kay Daniel, kay Ananias, kay Misael kag kay Asarias; kag sa *sini* nagtilindug sila sa atubangan sang hari.

20 Kag sa tanan nga butang sa kaalam kag sa ihibalo, nga ginpamangkot sa ila sang hari, nakita niya sa ila sing makapúlô ka labing maayo sang tanan nga mga mago kag sang mga tantanan nga yara sa bug-os niya nga ginharian.

21 Kag si Daniel nagpabilin didto tubtub sa nahauna nga tuig sang hari nga si Siro.

Ang larawan : damgo ni Nabukodonosor nga ginsaysay ni Daniel.

**2** KAG sa ikaduha ka tuig sang ginharian ni Nabukodonosor, si Nabukodonosor nagdamgo sing mga damgo; kag ginpagamo ang iya espiritu kag ang iya katologon nagpalagyo sa iya.

2 Kag ginpatawag sang hari ang mga mago, ang mga tantanan kag ang mga babaylan kag ang mga Kaldeinhon, agud nga ipahayag nila sa hari ang iya mga damgo. Busa nag-alabut sila kag nag-alatubang sa hari.

3 Kag ang hari nagsiling sa ila: "Nagdamgo ako sing isa ka damgo, kag ang akon espiritu ginpagamo sa paghibalo sang damgo."

4 Niyan ang mga Kaldeinhon naghalambal sa hari sa Arameinhon nga hambal: "Hari, magkabuhi-ka sa gihapon. Isugid ang damgo sa imo mga alagad, kag ipahayag namon ang kasaysayan."

5 Ang kari nagsabat kag nagsiling sa mga Kaldeinhon: "Ang butang natapat na sa akon: kon indi ninyo mapahibalo ang damgo kag ang iya kasaysayan, pagagihaygihayon kamo kag ang inyo mga baláy pagahimoon nga tinumpok nga sagbot.

6 Apang kon ipahayag ninyo ang damgo kag ang iya kasaysayan magabaton kamo sa akon sing anoma kag

sing kaalwan kag daku nga kadunganan: ngani ipahayag-ninyo sa akon ang damgo kag ang iya kasaysayan."

7 Kag sa makaduha nagsalabat sila kag nagsililing: "Isugid sang hari ang damgo sa iya mga alagad, kag pagaipahayag namon ang iya kasaysayan."

8 Ang hari nagsabat kag nagsiling: sa pagkamatund gid, nakilala ko, nga ginapadugay ninyo, kay nakita ninyo nga ang butang natapat na sa akon.

9 Busa kon indi ninyo mapahibalo ang damgo sa akon, may isa lamang ka kasogoon nga sa inyo, kay nagaaman kamo sa inyo sa pagsiling sing polong nga butigon kag malauton sa atubangan nakon, tubtub nga magbaylo ang dag-on; ngani isiling-ninyo sa akon ang damgo, kag makahibalo ako nga sarang ninyo mapahayag sa akon ang kasaysayan."

10 Ang mga Kaldeinhon nagsalabat sa atubangan sang hari, kag nagsililing: "Walay gid sing tawo sa ibabaw sang duta, nga sarang makapahayag sang butang sa hari. Tungud sini walá gid sing hari, bisan pa daku kag gamhanan nga nagpangayô sang kaangay nga butang sa bisan kay sin-o nga mago, kon tantanan, kon Kaldeinhon.

11 Kag ang butang nga ginapangayô sang hari maiwat kag walay bisan sin-o nga sarang makapahayag sini sa atubangan sang hari, luwas lamang ang mga dios, nga ang ila puluy-an indi upud sang mga tawo."

12 Tungud sini ang hari nagpangakig kag nagsingkal sing lakas gid, kag nagsogo sia nga laglagon ang tanan nga mga manginalamon sa Babilonia.

13 Kag ginbantala ang sogo, kag ang mga manginalamon ginpamatay; kag ginpangita nila si Daniel kag ang iya mga kaupdanan sa pagpatay sa ila.

14 Niyan si Daniel nagsabat sing mabut-anon gid kag nga may ihibalo kay Ariok, nga pangolo sang mga bantay sang hari, nga naggowa sa pagpatay sang mga manginalamon sa Babilonia.

15 Naghambal sia kag nagsiling kay Ariok, nga dakung pangolo sang hari: "¿Kay ngaa bala ining sogo nga matigdas gikan sa hari?" Niyan si Ariok nagpahayag sang butang kay Daniel.

16 Kag si Daniel nagsulúd kag nagayô sa hari, nga hatagan sia sing



angnanangan sa pagpahayag sa hari sang kasaysayan.

17 Niyan si Daniel nagpauli sa iya baláy, kag nagpahayag sia sang butang kay Ananias, kay Misael kag kay Asarias, nga iya mga kaupdanan,

18 Sa pagpangayô sing kalooy sa Dios sang mga langit nahanungud sini nga tinago, agud nga si Daniel kag ang iya mga kaupdanan indi pagadulaon upud sang iban nga mga manginalamon sa Babilonia.

19 Niyan ang tinago ginpahayag kay Daniel sa palanan-awon sa kagab-ihon. Niyan si Daniel nagpakamaayo sa Dios sang mga langit.

20 Kag si Daniel naghambal kag nagsiling: "Pagpakamaayohon ang ngalan sang Dios sa katuigan tubtub sa mga katuigan, kay iya ang kaalam kag ang kagmhanan.

21 Kag sia amo ang nagailis sang mga oras kag sang mga panag-on nga nagakuha sia sang mga hari kag nagapatin-dug sing mga hari; nagahatag sing kaalam sa mga manginalamon kag pagkilala sa mga nakakilala sang ihibalo.

22 Amo sia ang nagapahayag sang mga butang nga madalum kag tinago; nakilala niya ang yara sa kadulum, kag ang kapawa nagapuyô sa iya.

23 Sa imo, Dios sang akon mga ginikanan, nagadayaw ako, kag nagahimaya ako sa imo. Kay ginhatagan mo ako sing kaalam kag kabakud, kag karon, gintudloan mo ako sang ginapangayô namon sa imo; kay ginpahibalo mo kami sang butang sang hari."

24 Busa ngani si Daniel nagsulúd kay Ariok, nga sa iya sini gintulin sang hari ang pagpamatay sang mga manginalamon sa Babilonia; napakadto sia kag nagsiling sa iya sing subung sini: "Indi pagpatya ang mga manginalamon sa Babilonia. Dalha ako sa atubangan sang hari, kag igapahayag ko sa hari ang kasaysayan."

25 Niyan si Ariok sa dakung pagdali gindala niya si Daniel sa atabungan sang hari, kag nagsiling sa iya sing subung sini: "Nakit-an ko ang isa ka lalaki sang mga anak sang kabihagan sang Iuda, nga sia magapahibalo sa hari sang kasaysayan."

26 Ang hari nagsabat kag nagsiling kay Daniel, nga ang iya ngalan amo si Belsasar: "¿Takus ka bala sa pagpa-

kilala sa akon sang damgo, nga akon nakita kag sang iya kasaysayan?"

27 Si Daniel naghambal kag nagsabat sa atubangan sang hari, kag nagsiling: "Ang tinago, nga ginapangayô sang hari, walay bisan sin-o nga mga manginalamon, bisan mga tantanan, bisan mga mago, bisan mga astrologo nga sarang makapahayag sini sa hari."

28 Apang may isa ka Dios sa mga langit nga Manugpahayag sang mga tinago, kag sia nagpahibalo sa hari nga si Nabukodonosor sang magakahanabu sa palaabuton nga mga adlaw. Ang imo damgo, kag ang mga palanan-awon sa imo olo sa ibabaw sang imo higdaan, amo ini:

29 Ikaw, oh hari, sa imo higdaan nagsalaka ang imo mga hunahuna nahanungud sang magakahanabu ugaling. Kag ang Manugpahayag sang mga tinago nagpahibalo sa imo sang mahanabu.

30 Apang nahanungud sa akon, ginpahayag ini nga tinago indi tungud sang kaalam nga yari sa akon nga labi sa tanan nga mga nagakabuhi, kondi agud nga mapahibalo sa hari ang kasaysayan, kag nga makilala mo ang mga hunahuna sang imo tagiposoan.

31 Ikaw, oh hari, gintan-aw mo, kag yari karon, ang isa ka daku nga larawan. Ini nga larawan daku gid kag ang iya pagkahalangdon lakas gid: nagatindug sia sa atubangan mo kag ang iya dagway makalilisang.

32 Yari karon ang larawan: Ang olo bulawan nga ulay; ang iya dughan kag ang iya mga butkon, pilak; ang iya tiyan kag ang iya mga balikawang, saway;

33 Ang iya mga paa, salsalon; ang iya mga tiil may bahin nga salsalon kag may bahin nga duta nga pinagba.

34 Nagatan-aw ka tubtub nga ginpa-bulag ang isa ka bató, apang sa walá sing kamut, kag ginpilas ang larawan sa iya mga tiil nga salsalon kag nga duta nga pinagba, kag gindugmok niya sila.

35 Niyan gindugmok man ang salsalon, ang duta nga pinagba, ang saway, ang pilak, kag ang bulawan, kag nahimo sila subung sang alikabo sang mga linasan sa tingadlaw, kag gindaldal sila sang hangin kag walá na sing duug nga makit-an sa ila. Apang ang bató nga nagpilas sa larawan nahimo nga isa ka

bukid nga daku gid, nga nagpunô sang bug-os nga duta.

36 Ini amo ang damgo, kag ang kasaysayan niya pagaisiling *man* namon sa atubangan sang hari.

37 Ikaw, oh hari, hari ka sang mga hari; nga sa iya ang Dios sang langit naghatag sang ginharian, sang gahum, kag sang kabakud, kag sang himaya;

38 Kag sa tanan nga duug nga ginapuy-an sang mga anak sang mga tawo sang mga kasapatan sang latagan kag sang mga kapisipan sang langit, gintugyan niya sila sa imo kamut, kag ginpagahum niya sia sa ila nga tanan: ikaw amo yadtong olo nga bulawan.

39 Kag sa olehe nimo magatindug ang isa ka ginharin, nga kubus sa imo; ugaling ang isa ka ikatlo ka ginharian nga saway, nga magagahum sa bug-os nga duta.

40 Kag ang isa ka ikap-at nga ginharian manginmabakud subung sang salsalon, kay ang salsalon nagakamudmud kag nagadugmok sa tanan nga mga butang; Sa sini, subung sang salsalon nga nagaboong sining tanan nga mga butang, pagamudmuron kag pagaboongon niya.

41 Kag nahanungud sang nakita mo nga ang mga tiil kag ang mga tudlo among bahin sang duta nga pinagba sang maninihon kag bahin sa salsalon, ang ginharian pagabahinbahinon; apang may ano nga kabakuran sa iya sang salsalon, siling nga nakita mo ang salsalon nga nasamo sa duta nga pinagba.

42 Kag nahanungud sang mga tudlo sang mga tiil nga among bahin sang salsalon kag bahin sang duta nga pinagba, manginmabakud ining ginharian sa isa ka bahin kag sa isa ka bahin manginmapigaw.

43 Kag nahanungud sadtong nakita mo, nga ang salsalon nasamo sa duta nga pinagba, magasamo sila sa binhi nga tawohanon, apang indi sila magangtanay ang isa sa isa, subung nga ang salsalon indi nasamo sa duta nga pinagba.

44 Kag sa nga adlaw sining mga hari magapatindug ang Dios sang langit sing isa ka ginharian nga dili gid nga mas-a maguba, kag nga ang iya ginharian indi pagbayaan sa iban nga banwa; magamudmud sia kag magatapus sining tanan nga mga ginharian, kag sia magapadayon sa gihapon,

45 Kay nakita mo, nga sa bukid ginpalag ang isa ka batô, apang walâ sing kamut, kag nga nagdugmok sia sang salsalon, sang saway, sang duta nga pinagba, sang pilak kag sang bulawan. Ang daku nga Dios nagpahayag sa hari sang magakahanabu sa olehe sini; kag ang damgo matuud, kag matutum ang iya kasaysayan."

46 Niyan ang hari nga si Nabukodonosor naghapa kag nagsimba kay Daniel, kag nagsogo nga halaran sia nila sang halad nga kalan-on kag sang mga pahamut.

47 Ang hari nagsabat kay Daniel kag nagsiling: "Sa pagkamatuud, ang inyo Dios amo ang Dios sang mga dios kag ang Ginoo sang mga hari, kag ang Manugpahayag sang mga tinago, kay nakasarang ka magpahayag sini nga tinago."

48 Niyan ginpakadaku sang hari si Daniel kag ginhatagan niya sia sing madamu kag dalagku nga mga hatag, kag ginhatagan sia niya sing kagamhanan sa bug-os nga probinsia sa Babilonia, kag *ginhimo* sia niya nga pangolo sang mga punoan sa ibabaw sang tanan nga mga manginalamon sa Babilonia.

49 Kag si Daniel nakadangat sa hari, nga gintulinan niya sa ibabaw sang buluhaton sang probinsia sa Babilonia si Sadrak, si Mesak kag si Abendnego. Kag si Daniel yara sa gawang sang hari.

Ang larawan nga bulawan—Ang mga kaupdanan ni Daniel sa dabok nga nagadabab.

**3** ANG hari nga si Nabukodonosor naghimo sing isa ka larawan nga bulawan, nga ang iya kataason mga kan-uman ka maniko; ang iya kasangkaron mga anum ka maniko; ginpatindug niya sia sa kapatagan sa Dura, sa probinsia sa Babilonia.

2 Kag ginpatipon sang hari nga si Nabukodonosor ang mga satrapa, ang mga manugpangatubang kag ang mga gobernador, ang mga dalagku nga hukom, ang mga manugtipig, ang mga manuglaygay, ang mga mananabang, kag ang tanan nga mga punoan sang mga probinsia, agud nga mag-alabut sila sa pagpahanungud sang larawan nga kinapatindug sang hari nga si Nabukodonosor.

3 Niyan ginpanipon ang mga satrapa,



ang mġa manugpanġatubang, ang mġa gobernador, ang mġa dalagku nġa hukom, ang mġa manugtipig, ang mġa manuglaygay, ang mġa manuanabang, kag ang tanan nġa punoan sang mġa probinsia sa pagpahanungud sang larawan nġa kinapatindug sang hari nġa si Nabukodonosor; kag nagtilindug sila sa atubangan sang larawan, nġa kinapatindug sang hari nġa si Nabukodonosor.

4 Kag ang manugbantala nagbantala sa mabaskug nġa tingug: "Ginasogo sa inyo, mġa banwa, mġa katawohan, kag mġa hambal;

5 Kon nabatian ninyo ang tingug sang budyong, sang lantoy, sang sitara, sang sambuko, sang salterio, sang gayta, kag sang tanan nġa tulungan sang musika, magpanġinpukan kamo kag magasilimba kamo sa larawan nġa bulawan, nġa ginpatindug sang hari nġa si Nabukodonosor.

6 Kag bisan sin-o nġa dili magpanġinpukan kag magsimba sa amo nġa oras, pagidap-ung sia sa tunga sang isa ka dabok nġa kalayo, nġa nagadabdab.

7 Tungud sini, sang pagkabati sang tanan nġa katawohan sang tingug sang budyong sang lantoy, sang sitara, sang sambuko, sang salterio, sang gayta, kag sang tanan nġa tulungan sang musika, ang tanan nġa mġa banwa, mġa katawohan, kag mġa hambal nagpanġinpukan kag nagsimba sa larawan nġa bulawan, nġa kinapatindug sang hari nġa si Nabukodonosor.

8 Tungud sini, sa amo man nġa tion, nag-alabut ang iban nġa mġa tinawo nġa Kaldeinhon, kag nagpalanumbung batok sa mġa Iudio.

9 Nagahalambal sila kag nagasililing sa hari nġa si Nabukodonosor: "Hari, magkabuhi ka sa gihapon.

10 Ikaw, oh hari, naghatag ka sing sogo, nġa ang tanan nġa tawo sa pagkabati nila sang tunug sang budyong, sang lantoy, sang sitara, sang sambuko, sang salterio, sang gayta, kag sang tanan nġa tulungan sa musika, magpanġinpukan kag magsimba sila sa larawan nġa bulawan.

11 Kag ang indi magpanġinpukan kag magsimba, pagaidap-ung sa sulud sang isa ka dabok nġa kalayo, nġa nagadabdab.

12 May pila ka mġa Iudio nġa lalaki, nġa gintulinan mo sila sang mġa buluha-

ton sa ibabaw sang probinsia sa Babilonia, si Sedrak, si Mesak kag si Abednego: ining mġa lalaki, oh hari, walā gid sing pagtahud sa imo: walā sila magasilimba sang imo mġa dios kag walā magsilimba sang larawan nġa bulawan, nġa imo pinatindug.

13 Niyan si Nabukodonosor nagsogo nġa may kaakig kag may kasingkal nġa dalhon sa iya si Sadrak, si Mesak kag si Abednego: niyan gindalā nila ining mġa lalaki sa atubangan sang hari.

14 Si Nabukodonosor naghambal kag nagsiling sa ila: "Ķ Katuyoan bala ninyo, Sadrak, Mesak kag Abednego, nġa kamo walā magaalagad sa akon dios, bisan nagasimba kamo sang larawan nġa bulawan nġa pinatindug ko?

15 Busa karon, *tan-awon-ta*, kon mahanda kamo kutub sang inyo pagkabati sang tunug sang budyong, sang lantoy, sang sitara, sang sambuko, sang salterio, sang gayta, kag sang tanan nġa tulungan nġa musika, sa pagkapukan kag sa pagsimba sa larawan nġa ginbuhat ko; kay kon indi kamo magsimba sa iya, sa amo gid nġa oras, pagaidap-ung kamo sa tunga sang isa ka dabok nġa kalayo, nġa nagadabdab. Kag Ķ sin-o nġa dios bala ang makaluwas sa inyo sa akon mġa kamut?"

16 Si Sarak, si Mesak, kag si Abednego nagsalabat kag nagsililing sa hari: "Nabukodonosor, walā kami sing kinahanglan magsabat sa imo sing polong nahanungud sini.

17 Kon amo ini, ang amon Dios, nġa ginaalagad namon, makagahum sa pagluwas sa amon; sarang sia makaluwas sa dabok nġa kalayo, nġa nagadabdab, kag sa imo kamut, oh hari.

18 Kag kon indi mahibaloan-mo, oh hari, nġa sa imo dios indi kami magaalagad, kag indi kami magasimba sang larawan nġa bulawan nġa imo pinatindug."

19 Niyan si Nabukodonosor napunō sing kaakig kag nagbalhin ang iya nawung batok kay Sadrak, kay Mesak kag kay Abednego; naghambal kag nagsogo sia nġa initon ang dabok sing makapito pa sang dapat nġa initon.

20 Kag nagsogo sia sa nġa tawo, sa mġa labing kuganan nġa yara sa iya kasoldadosan, nġa gapuson nila si Sadrak, si Mesak kag si Abednego, sa

pagdap-ung sa ila sa dabok nga kalayo, nga nagadabdab.

21 Niyan ining *tatlo ka* lalaki gingapus sila pati ang ila mga delarg, ang ila mga bayô, ang ila mga kunup kag ang iban nga mga panapton, kag gindap-ung sila sa dabok nga kalayo, nga nagadabdab.

22 Kag tungud kay ang polong sang hari nanginmatigdas kag nga ang dapok mainit gid, ang dabdab sang kalayo nagpatay sa sadtong mga naghakwat kay Sadrak, kay Mesak kag kay Abednego.

23 Kag ining *tatlo ka* lalaki, si Sadrak, si Mesak kag si Abed-Nego nagkalaholog nga gapus sa sulûd sang dabok nga kalayo, nga nagadabdab.

24 Niyan ang hari nga si Nabukodonosor nalisang kag nagtindug sing dali-dali. Kag naghambal sia kag nagsiling sa iya mga manuglaygay: “; Walâ bala pagidap-ung naton ang *tatlo ka* lalaki nga gapus sa sulûd sang kalayo?” Sila nagsalabat, kag nagsililing sa hari: “Matuud gid, oh hari.”

25 Sia nagsabat kag nagsiling: “Yari karon, nakita ko ang apat ka lalaki nga napanghubaran, nga nagadalayandayan sa tungâ sang kalayo, kag walâ gid sing daut sa ila; kag ang dagway sang ikap-at kaangay sang isa ka anak sang mga dios.”

26 Niyan si Nabukodonosor nagpalapit sa gawang sang dabok nga nagadabdab ang kalayo, kag naghambal sia kag nagsiling: “Sadrak, Mesak kag Abednego, mga alagad sang Dios nga labing mataas: gowa-kamo kag kari-kamo.” Niyan si Sadrak, si Mesak kag si Abednego naghahalalín sa tungâ sang kalayo.

27 Kag sang nagtilipon ang mga satarapa, ang mga manugpangatubang, ang mga gobernador, kag ang mga manuglaygay sang hari, gintan-aw nila ining mga lalaki nga ang kalayo walâ sing gahum sa ila mga lawas, kag nga ang buhok sang ila mga olo walâ masunog, bisan nagliliwan ang ila mga panapton, bisan nag-agi sa ila ang baho sang kalayo.

28 Si Nabukodonosor naghambal kag nagsiling: “Dalayawon ang Dios ni Sadrak, ni Mesak kag ni Abednego, nga nagpadalâ sang iya manugtunda kag nagluwas sia sa iya mga alagad, kay nagsalalig sila sa iya, kag ginlalís

nila ang sogo sang hari, kag gintugyan nila ang ila mga lawas sa dili pag-alagad, bisan magsimba sa bisan ano nga dios kondi sa ila Dios.

29 Kag tungud sa akon ginatukud ang sogo, nga ang tanan nga banwa, katawohan kag hambal, nga maghambal sing malain batok sa Dios ni Sadrak, ni Mesak kag ni Abednego, pagautuduturon kag ang iya baláy mahimo nga tulumpokan sang ipot, tungud kay walay liwan nga Dios nga sarang makalawas sing subung sini.”

30 Niyan ginpauswag sang hari si Sadrak, si Mesak kag si Abednego sa probinsia sa Babilonia.

Pabantala ni Nabukodonosor.—Ang daku nga kahoy nga iya damgo.—Ang iya kabuungan.

4 “ANG hari nga si Nabukodonosor, sa tanan nga mga banwa, katawohan kag mga hambal, nga nagapuluyô sa bug-os nga duta: ang paghidaet pagpadamuon sa inyo.

2 Ang mga tandaan kag mga kalatingalahan, nga ginhimo sa akon sang Labing-Mataas nga Dios minamaayo ko, nga igabantala ko sila.

3 Ang iya mga tandaan; ;daw ano nga pagkadalagku sa ila! Kag ang iya mga katingalahan; ;daw ano nga kagamhanan sa ila! Ang iya ginharian, ginharian nga walay katapusan, kag ang iya pagkagino tubtub sa kaliwatan kag kaliwatan.

4 Ako si Nabukodonosor yari sa kalinong sa akon baláy, kag nagapamulak sa akon baláy nga harianon.

5 Nakakita ako sing isa ka damgo nga nagpalisang sa akon; kag ang mga panghunabuna sa akon higdaan kag ang mga palanan-awon sang akon olo, nagpakurug sila sa akon.

6 Bangud sini naghatag ako sing sogo sa pagpakari sa atubangan ko sang tanan nga mga mangin-alamon sa Babilonia, agud nga ipahayag nila sa akon ang kasaysayan sang damgo.

7 Niyan nagsululûd ang mga mago, ang tantanan, ang mga Kaldeinhon kag ang mga astrologo; kag ginsugid ko ang damgo sa atubangan nila, apang walâ gid sing nagpahibalo sang iya kasaysayan,

8 Tubtub nga, sa katapusan, nagsulûd sa atubangan nakon si Daniel, nga ang



iya ngalan amo si Belsasar, sono sa ngalan sang akon dios, kag sa iya yara ang espiritu sang mga balaan nga mga dios: kag ginsugid ko ang damgo sa atubangan niya, *nga nagasiling*:

9 Belsasar, pangolo sang mga mago, nga sa imo nakahibalo ako nga yara sa imo ang espiritu sang mga dios nga mga balaan, kag nga walâ gid sing tinago nga nagamakuli sa imo: saysayi ako sang mga palanan-awon sang akon damgo, nga nakita ko, kag sang iya kasaysayan.

10 Amo ini sila ang mga palanan-awon sang akon olo, sa akon higdaan: ginapanan-aw ko kag yari karon ang isa ka kahoy sa tungâ sang duta, nga ang iya kataas daku.

11 Nagtúbô ini nga kahoy, kag nagbakud, kag ang iya kataas naglambut tubtub sa mga langit, kag makita sia tubtub sa ukbung sang bug-os nga duta.

12 Ang iya kadahonan magayon kag ang iya bunga bugana; kag yara sa iya may kalan-on nga sa tanan. Sa idalum niya nagpalasilong ang mga kasapatan sang latagon, kag sa iya mga sangâ nagpuluyô ang kapispisan sang langit, kag nagpalangabuhi sa iya ang tanan nga unud.

13 Gintan-aw ko sa mga palanan-awon sang akon olo sa akon higdaan, kag yari karon, ang isa ka Manugbantay kag Balaan nagkunsad sa langit.

14 Nagasingit sia sing mabaskug gid, kag nagsiling sing subung sini: Pudla-ninyo ang kahoy, kag panutoa ang iya mga sangâ; uyuga-ninyo ang iya kadahonan, kag iwasag-ninyo ang iya bunga. Maghalalin ang mga kasapatan nga yara sa idalum niya, kag ang mga kapispisan sa iya mga sangâ.

15 Apang ibilin-ninyo ang púnô sang iya mga gamut sa duta, apang sa isa ka talikala nga salsalon kag tumbaga, sa tungâ sang hilamon sang latagon; kag nga pagbas-on sang tun-ug sang langit; kag nga may bahin sia sang hilamon sang duta upud sang mga kasapatan.

16 Pagilisan ang iya tagiposoon nga tawohanon, kag paghatagan sia sing tagiposoon sang sapat, kag mag-agi sa ibabaw niya ang pito ka panag-on.

17 Amo ini ang tinapat sang mga Manugbantay, kag amo ini ang ginsogo sang mga balaan, agud nga ang mga nagakabuhi, magkilala nga ang Mataas

gid nagagahum sa ginharian sang mga tawo, kag nga ginhatag niya ini sa iya naluyagan kag nga ginbayaw niya ang labing kubus sang mga tawo.

18 Ini amo ang damgo nga nakita ko, ako nga hari nga si Nabukudonosor; kag ikaw, Belsasar, ipahayag-mo ang kasaysayan niya, kay ang tanan nga mga manginalamon sa akon ginharian indi sarang makapahibalo sa akon sang iya kasaysayan; apang ikaw makasarang, kay sa imo yara ang espiritu sang mga balaan nga dios."

19 Niyan si Daniel, nga ang iya ngalan amo si Belsasar, nalipong sa daw isa ka tion, kag ang iya mga hunahuna nagpakurug sa iya. Ang hari naghambal kag nagsiling: "Belsasar, ang damgo kag ang iya kasaysayan indi magpakurug sa imo." Si Belsasar naghambal kag nagsiling: "Ginoo ko, ang damgo maglambut sa mga nagadulumut sa imo, kag ang iya kasaysaysan sa imo mga kaaway."

20 Ang kahoy, nga imo nakita, nga nagatúbô kag nagabakud, kag nga ang iya kataas naglambut tubtub sa langit, kag nga makita sa bug-os nga duta;

21 Ang kahoy nga ang iya kadahonan magayon kag ang iya bunga bugana, kag nga sa iya yara ang kalan-on nga sa tanan, nga sa idalum niya nagpuluyô ang mga kasapatan sang latagon kag sa iya mga sangâ nagpuluyô ang kapispisan sang langit,

22 Amo ikaw, ho hari, nga nagtúbô ka kag nagbakud ka, kay nga ang iya pagkadaku nagtúbô, kag naglambut tubtub sa langit, kag ang pagkaginoos tubtub sa ukbung sang duta.

23 Kag nahanungud sang nakita sang hari nga isa ka Bantay kag Balaan, nga nagakunsad gikan sa langit, kag nga nagsiling: Pudla ang kahoy, kag laglaga sia; apang ang púnô sang iya mga gamut ibilin ninyo sa duta, apang sa isa ka talikala nga salsalon kag tumbaga, sa hilamon sang latagon, kag pagbas-on sia sang tun-ug sang langit, kag nga may bahin sia sa mga kasapatan sang latagon tubtub nga mag-agi sa ibabaw niya ang pito ka panag-on;

24 Ini amo ang kasaysayan, oh hari, kag ini ang tinapat sang Labing-Mataas, nga nag-abut sa ibabaw sang hari nga akon ginoo:

25 Pagatabugon ka sa tungâ sang mga

tawo, kag upud sa mġa kasapatan sang latagon manġinimo puluy-an; kag pagapahalbon ka sang hilamon sang latagon, subung sang mġa baka, kag pagadiguson ka sang tun-ug sang langit, kag magaagi ang pito ka panag-on sa ibabaw nimo, tubtub nġa makahibalo ka, nġa ang Mataas gid nagagahum sa ginharian sang mġa tawo, kag nġa ginahatag ini sa iya naluyagan.

26 Kag, nahanungud sang ginsiling, nġa bayaan sa duta ang pūnō sang mġa gamut sang kahoy, ang imo ginharian magapadayon sa imo, ugaling nġa makilala mo nġa ang mġa kalangitan nagagahum.

27 Busa nġani, oh hari, nġa ang akon laygay manġinkahalamut-an sa imo; tapusa ang imo mġa salā tungud sang katarungan, kag ang imo mġa kalautan tungud sang pagkalooy nġa sa mġa nalisdan; nġa ayhan pagpalawigon ang imo kauswagan."

28 Yadtong tanan nag-abut sa ibabaw sang hari nġa si Nahukodonosor.

29 Sa tapus ang napūlō kag duha ka bulan, nagdayandayan sia sa ibabaw sang baláy nġa harianon sang ginharian sa Babilonia.

30 Naghambal ang hari kag nagsiling: "¿Indi bala amo ini ang daku nġa Babilonia, nġa ginpatindug ko, nġa sa lingkoron sang ginharian, nġa may kusug sang akon gahum, kag nġa sa himaya sang akon pagkadaku?"

31 Yara pa ang polong sa bâbâ sang hari, sang nagpanaang ang isa ka tingug gikan sa langit: "Sa imo ginasiling, hari nġa si Nabukodosor, nġa ang ginharian ginpaliton nġa malayō sa imo;

32 Kag sa tungâ sang mġa tawo pagatabugon ka; upud sang mġa kasapatan sang latagon manġinimo puluy-an, kag pagapahalbon ka sang hilamon, subung sang mġa baka, kag magaagi sa ibabaw nimo ang pito ka panag-on, tubtub nġa makakilala ka, nġa ang Labing-Mataas nagagahum sa ginharian sang mġa tawo, kag ginhatag niya ini sa iya naluyagan."

33 Sa amo nġa oras natuman ang polong sa ibabaw ni Nabukodonosor, kag gintabog sia sa tungâ sang mġa tawo, kag nagkaon sia sang hilamon, subung sang mġa baka, kag ang iya lawas nagpaligus sang tun-ug sang langit, tubtub nġa ang iya buhok nagtūbō

subung sang sa agila, kag ang iya mġa koko subung sang sa mġa pispis.

34 "Sa katapusan sadtong mġa adlaw, ako nġa si Nabukodonosor nagtangla sang akon mġa mata sa langit, kag ang akon ihibalo ginuli sa akon, kag ginpakamaayo ko ang Labing-Mataas kag ginhimaya kag gintahud ko ang Nagakabuhi sa walay katubtuban, nġa ang iya pagkaginoō among pagkaginoō nġa walay katubtuban, kag ang iya ginharian sa kaliwatan kag sa kaliwatan,

35 Kag nġa tungud sa iya ang tanan nġa mġa pumuluyō sang duta ginbilang nġa walay isip, kag nġa sa kasoldadosan sang langit kag sa mġa pumuluyō sang duta nagahimo sia sono sang iya kabubut-on; kag walay sing sin-o nġa makabatok sang iya kamut, kon magsiling sa iya: ¿Ano bala ang ginahimo mo?

36 Sa amo nġa panag-on ang akon ihibalo ginuli sa akon; kag sa himaya sang akon ginharian ginuli sa akon ang akon kadunganan kag ang akon kasidlak. Kag ang akon mġa manuglaygay kag ang akon mġa dalagku nġa ginoo nagpalangita sa akon, kag ginulian ako sa akon ginharian, kag gindugangan sa akon ang akon pagkadaku sing lakas gid.

37 Karon ako, nġa si Nabukodonosor, nagadayaw, nagapakadaku, kag naghimaya sa Hari sang langit; kay ang tanan niya nġa mġa binuhatan mġa kamatooran, kag ang iya mġa dalanon, katarungan; kag sia sarang makapaubus sa mġa nagalakat nġa may palabilabi."

Kembirado sang hari nġa si Belsasar.—Ang kamut nġa kalatingalahan.

**5** ANG hari nġa si Belsasar naghimo sing isa ka daku nġa kombirado sa linibo sang iya mġa dunganon; kag sa atubangan sang mġa linibo nagingum sia sing alak.

2 Si Belsasar, sa kanamit sang alak, nagsogo nġa dalhon sa iya ang mġa suludlan nġa bulawan kag pilak, nġa ginkuha ni Nabukodonosor, nġa iya amay, gikan sa Simbahan sa Ierusalem, agud nġa magilinum sa ila ang hari kag ang iya mġa dunganon, ang iya mġa asawa kag ang iya mġa babae.

3 Niyan gindalā ang mġa suludlan nġa bulawan, nġa ginkuha gikan sa Simbahan sang Baláy sang Dios, nġa



yara sa Ierusalem; kag nagilinum sa ila ang hari kag ang iya mġa dunganon, ang iya mġa asawa kag ang iya mġa babae.

4 Nagilinum sila sing alak, kag nagdalayaw sila sa mġa dios nġa bulawan kag pġlak, nġa tumbaga, nġa salsalon, nġa kahoy kag nġa bató.

5 Sa sadtong tion naggulowa ang mġa tudlo sang isa ka kamut sang tawo, kag nagsululat sila sa atubangan sang saladngan sa naapugan nġa dingding sang harianon nġa baláy, kag ginatanaw sang hari ang kamut nġa nagsulat.

6 Niyan nagbalhin ang duag sang hari, kag ang iya mġa hunahuna nagpakurug sa iya; kag nagkalaluta ang mġa lugalutahan sa iya hawak, kag ang iya mġa tuhod nagasintosinto ang isa sa isa.

7 Ang hari nagsingit sa mabaskug nġa tingug, nġa pakarion ang mġa mago, ang Kaldeinhon kag ang mġa astrologo. Ang hari naghambal kag nagsiling sa mġa manginalamon sa Babilonia: "Bisan sin-o nġa makabása sini nġa sulat, kag mapahayag sa akon ang iya kasaysayan, pagapanaputan sia sang eskarlata, kag nġa mabutang ang talikala nġa bulawan sa iya liog, kag sa ginharian maggahum sia nġa ikatlo.

8 Niyan nagsululú ang tanan nġa mġa manginalamon sang hari, apang walá sila makasarang sa pagbása sang sulat, bisan makapahayag sa hari sang iya kasaysayan.

9 Niyan ang hari nġa si Belsasar gindakup sang daku nġa pagkurug, kag nagbalhin ang iya mġa duag; kag nahorongang ang iya mġa dunganon.

10 Ang hari nġa babae, tungud sang mġa polong sang hari kag sang iya mġa dunganon, nagsulú sa baláy sang konbirado. Naghambal ang hari nġa babae kag nagsiling: "Hari, magkabuhi-ka sa gihapon: ang imo mġa hunahuna indi magpakurug sa imo, bisan magbalhin ang imo mġa duag.

11 Sa imo ginharian may isa ka lalaki, nġa yara sa iya ang espiritu sang mġa dios nġa balaan; kag sa mġa adlaw sang imo amay nakita sa iya ang kapawa kag ang ihibalo, kag ang kaalam subung sang kaalam sang mġa dios; kag ang hari nġa si Nabukodonosor, nġa imo amay naghimo sa iya nġa pangolo sa ibabaw sang tanan nġa mġa

mago, mġa tantanan, mġa Kaldeinhon kag mġa astrologo, ang imo amay, oh hari.

12 Tungud kay nakita sa iya ang isa ka pinasahi nġa espiritu, kag ang pagkilala kag ang ihibalo, ang kasaysayan sang mġa damgo, kag ang kasanayan sang mġa paktakon, kag ang paghubad sang mġa pamangkot nġa nagumon, kon sa aton pa, kay Daniel; nġa sa iya ang hari naghingalan nġa si Belsasar. Busa, tawga karon si Daniel, kag sia magapahayag sang kasaysayan."

13 Niyan si Daniel gindala sa atubangan sang hari. Ang hari naghambal kag nagsiling kay Daniel: "Ikaw bala yadto nġa si Daniel sang mġa inanak sang kabihagan ni Iuda, nġa gindala sang akon amay gikan sa Iuda?"

14 Ako nakabati sa imo, nġa ang espiritu sang mġa dios nġa balaan yara sa imo, kag nġa sa imo nakita ang kapawa kag ang ihibalo kag ang isa ka kaalam nġa pinasahi gid.

15 Kag karon, gindala sa atubangan nakon ang mġa manginalamon, kag ang mġa tantanan, sa pagbása sini nġa sulat kag sa pagpahayag sa akon sang iya kasaysayan, apang walá sila makasarang magpahayag sang kasaysayan sang butang.

16 Apang ako nakabati sa imo, nġa sarang ka makasaysay sang mġa kasaysayan kag makahubad sang mġa pamangkot nġa nagumon. Karon kon sarang ka makabása sini nġa sulat, kag makapahayag sa akon sang iya kasaysayan, pagapanaputan ka sing eskarlata, kag mabutang ang talikala nġa bulawan sa imo liog kag sa ginharian magagahum ka nġa ikatlo.

17 Niyan si Daniel naghambal kag nagsiling sa atubangan sang hari: "Manginimo ang imo mġa hatag, kag ang imo mġa dólot ihatag sila sa iban. Walay sapayan, ang sulat pagabasahon ko sia sa hari, kag pagaipahayag ko sa iya ang kasaysayan.

18 Ang Dios nġa Labing Mataas, oh hari, naghatag kay Nabukodonosor, nġa imo amay, sang ginharian kag sang pagkadaku, kag sang himaya kag sang kadunganan.

19 Kag bangud sang pagkadaku, nġa ginhatag niya sa iya, ang tanan nġa mġa banwa, ang mġa katawohan, kag ang mġa polong, nagkulurug kag nag-

kahadluk sa atubanghan niya; ginpatay niya ang maluyagan niya, ginbayaan niya nga buhi ang maluyagan niya; ginbayaw niya ang maluyagan niya kag ginpapaubus niya, ang maluyagan niya.

20 Apang sang ang iya tagiposoong nagpakamataas, kag ang iya espiritu nagpangusug sa pagpahabok sing palabilabi, ginholog sia sa iya lingkoran nga harianon, kag nagtalaliwan sa iya ang himaya.

21 Kag gintabog sia sa tunga sang mga anak sang mga tawo. Kag ang iya tagiposoong nanginsubong sang ila sang mga kasapatan, kag upud sang mga asno nga bukidnon nanginiya puluy-an. Hilamon ang ginpakaon nila sa iya subong sang sa mga baka, kag ang iya lawas gindigus sang tun-og sang langit, tubtub nga nakilala niya nga ang Dios nga Labing-Mataas nagagahum sa ginharian sang mga tawo, kag nga ginabayaw niya kon sin-o ang iya naluyagan.

22 Kag, ikaw, Belsasar, nga iya anak, walâ mo pagpapaubusa ang imo tagiposoong, sang nakahibalo ka sining tanan;

23 Kondi nga nagpakataas ka batok sa Ginoo sang langit, kag ginpadalâ mo diri sa atubangan mo ang mga suludlan sang iya Balây, kag ikaw kag ang imo mga dunganon, kag ang imo mga asawa kag ang imo mga babae nagilinum kamo sing alak sa ila, kag nagdayaw ka sa mga diosdios nga pilak kag bulawan, nga tumbaga, nga salsalon, nga kahoy kag nga batô, nga indi makakita, bisan makabati sila, bisan makahibalo sila. Apang ang Dios, nga sa iya kamut yara ang imo gininhawa kag nga iya ang tanan nga mga dalanon, walâ mo gid pagpadungi:

24 Niyan gikan sa iya atubangan ginpadalâ ang kamut, kag ini nga sinulat natigib na.

25 Kag ang sulat nga gintigib amo: Mene, mene, tekel, uparsin.

26 Ang Kasaysayan sang butang amo: Mene: ginisip sang Dios ang imo ginharian, kag gintapus niya ini.

27 Tekel: Ikaw natimbang na sa timbangan, kag nakita ka nga mamag-an.

28 Peres: ang imo ginharian ginpihak, ginhatag sa mga Mediahanon kag sa mga Persiahanon."

29 Niyan sang nagsogo si Belsasar, ginpasaputan si Daniel sang eskarlata

kag sa iya liog *ginbulang* ang talikala nga bulawan, kag ginbantala nila nahanud sa iya, nga sia magagahum nga ikatlo sa ginharian.

30 Sa amo nga gab-i ginpatay si Belsasar, nga hari sang mga Kaldeinhon.

31 Kag si Dario, nga taga-Media, nagbaton sang ginharian, sang nagaedad sia sing kan-uman kag duha ka tuig.

Si Daniel sa hobon sang mga Leon.

**6** MINAMAAYO ni Dario nga magtukud sa ibabaw sang ginharian sing isa ka gatus kag duha ka pulô ka satrapa, nga didto sila sa bug-os nga ginharian.

2 Kag sa ibabaw nila tatlo ka mga pangolo, nga sa ila ang isa si Daniel; agud nga sa ila maghatag sing husay ining mga satrapa kag nga ang hari indi mag-antus sing tistis.

3 Apang ang amo nga si Daniel naglabaw sa sining mga pangolo kag mga satrapa, kay sa iya may pinasahi gid nga espiritu; kag ang hari naghunahuna sa pagbutang sa iya sa ibabaw sang bug-os nga ginharian.

4 Niyan ang mga pangolo kag ang mga satrapa nagapalangita sing mga kahigayonan batok kay Daniel nahanungud sang ginharian; apang indi sila sarang makakita sing ano man nga kahigayonan, bisan sayup, kay sia matutum; kag walâ sing bisan ano nga kalinan kag bisan ano nga sayup nga nakita sa iya.

5 Niyan yadtong mga tawo nagsililing: "Indi kita makakita sing ano nga kahigayonan batok sini nga si Daniel, basi pa makita naton ang kasuayon batok sa iya nahanungud sa kasogoan sang iya Dios."

6 Niyan ining mga pangolo kag ang mga satrapa nagtilipon sa atubangan sang hari sing dalidali kag nagsililing sila sa iya sing subong sini: "Hari nga si Dario, magkabuhi ka sa gihapon.

7 Ang tanan nga mga pangolo sang ginharian, ang mga manugpangatubang, kag ang mga satrapa, ang mga manuglaygay kag ang mga gobernador naghilisugot sila sa pagtukud sing palatukuran nga harianon, kag pagpamatuud sang isa ka pagdumili nga bisan sin-o nga magpangayô sing pangayô sa isa ka dios kon sa tawo sa sulud sang katloan



ka adlaw, kondi sa imo lamang, oh hari, pagaitagbong sa bobon sang mga leon.

8 Karon, oh hari, pamatud-i ang pagdumili kag pat-ini ang sinulat, agud nga indi sarang mailisan, sono sa kasogon sa Media kag sa Persia, nga indi maliwan."

9 Busa, ang hari nga si Dario nagpat-in sang sinulat kag sang pagdumili.

10 Apang si Daniel, sang pagkahibalo niya nga ang sinulat napat-inan na, nagsulud sia sa iya baláy; kag sa napamuksan ang mga talambuan sang iya hulut nayan sa Ierusalem, nagaluhod sia sing makatlo sa adlaw, kag nagpangamuyo sia kag nagpasalamat sa atubangan sang iya Dios, subung nga ginahimo niya anay.

11 Niyan nagtilipon yadtong mga tawo sing magahud, kag nakita nila si Daniel nga nagapangamuyo kag nga nagapakilooy sa atubangan sang iya Dios.

12 Niyan nagpalalapit sila kag naghalambal sa atubangan sang hari nahanungud sang pagdumili sang hari: "¿Walá mo bala pagpat-ini ang isa ka pagdumili nga ang tanan nga tawo, nga magpangayô sa bisan kay sin-o nga dios kon sa tawo, sa sulud sang katloan ka adlaw, luwas sa imo, oh hari, pagaiholog sa bobon sang mga leon?" Ang hari nagsabat kag nagsiling: "Matuud ini, sono sa kasogon sa Media kag sa Persia, nga dimaliwan."

13 Niyan nagsabat kag nagsililing sila sa atubangan sang hari: "Si Daniel, nga amo sa mga anak sang kabihaan sang luda, walá magsapak sa imo, oh hari, bisan sang pagdumili nga ginpat-inan mo, kondi nga sa makatlo sa adlaw nagahimo sia sang iya palangayoon."

14 Niyan ang hari sang pagkabati sini nga polong, nagbatyag sing daku gid nga kalas-ay, kag ginbutang niya ang iya tagiposoon kay Daniel sa pagluwas sa iya, kag tubtub sa pagkatunud sang adlaw nagpanikasug sia sa pagluwas sa iya.

15 Apang yadtong mga tawo nagtilipon sa hari sing magahud gid, kag nagsililing sa hari: "Makahibalo-ka, oh hari, nga among kasogon sa Media kag sa Persia, nga bisan ano nga pagdumili kon tulumanon, nga gintukud sang hari, indi sarang maliwan."

16 Niyan ang hari nagsogo, kag gin-

dalá si Daniel, kag ginholog sia sa bobon sang mga leon. Kag ang hari naghambal kag nagsiling kay Daniel: "Ang imo Dios, nga ginaalagad mo sing dayon gid, sia gid magluwas sa imo."

17 Ugaling gindalá ang isa ka bató kag ginbutang sa bâbâ sang bobon; kag ginpat-inan sia sang hari sang iya singsing, kag \*sang singsing sang iya nga dunganon, agud nga walá sing bisan ano nga maliwan nahanungud kay Daniel.

18 Kag ang hari nagpauli sa iya baláy nga harianon, kag naghigda nga nagapuasa; kag walá niya pagpasudla ang mga babae sa atubangan niya; kag ang katologon nagpalagyo sa iya.

19 Ugaling ang hari nagbangon sang pagpamanagbanag kag napakadto, nga nagadalidali gid, sa bobon sang mga leon.

20 Niyan sang pag-abut niya sa malapit sa bobon, gintawag niya si Daniel sa tingug nga masubu. Naghambal ang hari kag nagsiling kay Daniel: "Daniel, alagad sang Dios nga buhi, ang imo Dios nga sa iya nag-alagad ka sing dayon gid, ¿nakaluwas bala sia sa imo sa mga leon?"

21 Niyan si Daniel naghambal sa hari: "Oh hari, magkabuhi ka sa gihapon.

22 Ang akon Dios nagpadalá sang iya manugtunda, nga sia nagtakup sang bâbâ sang mga leon, kag walá ako nila paghimoi sing malain, kay sa atubangan niya ang kaulay nakit-an sa akon, kag subung man sa atubangan mo, oh hari; ako walá magbuhat sing malain."

23 Niyan nagkalipay ang hari sing daku gid, kag nagsogo sia, nga kuhaon si Daniel sa bobon; kag si Daniel ginkuha sa bobon, kag bisan ano nga daut walá makita sa iya, kay nagtoo sia sa iya Dios.

24 Kag nagsogo ang hari, nga dalhon sa iya yadtong mga tawo, nga nagsumbung kay Daniel; kag ginholog sila sa bobon sang mga leon, sila, ang ila mga anak kag ang ila mga asawa; kag walá pa sila makaabut sa salug sang bobon, nga ang mga leon nagtalagiya na sa ila kag ginpanglutaluta nila ang tanan nila nga mga tul-an.

25 Niyan ang hari nga si Dario nagsulat sa tanan nga mga banwa, mga kata-

wohan kag mġa hambal, nġa nagapuluyô sa bug-os nġa duta: "Ang paghidaet pagpadamuon sa inyo:

26 Gikan sa akon nabutang na ining sogo: Nġa sa bug-os nġa pagkagamhanan sa akon ginharian, ang tanan magkahadluk kag magkulurug sa atubangan sang Dios ni Daniel; kay sia amo ang Dios nġa buhi, kag nġa nagapadayon sa gihapon, kag nġa ang iya ginharian indi malaglag, kag nġa ang iya pagkagamhanan *magapadayon* tub-tub sa katapusan.

27 Sia nagatimawa kag nagaluwas, kag nagahimo sia sing mġa talandaan, kag sing mġa katingalahan sa mġa langit kag sa duta, kay sia nagluwas kay Daniel sa gahum sang mġa leon."

28 Kag ini nġa si Daniel nagpabugana sa ginharian ni Dario, kag sa ginharian ni Siro nġa Persiahanon.

Palanan-awon sang apat ka kahalimbawaan  
nġa mġa sapat.

7 SA nahauna nġa tuig ni Belsasar, nġa hari sa Babilonia, nakakita si Daniel sing isa ka damgo, kag sing mġa palanan-awon sa iya olo, sa iya higdaan. Niyan ginsulat niya ang damgo, kag ginsugid niya ang kabilogan sang mġa butang.

2 Si Daniel naghambal kag nagsiling: Ginatan-aw ko sa akon palanan-awon sa gab-i; kag yari karon, ang apat ka hangin sang langit ginpamuhian sa ibabaw sang daku nġa dagat.

3 Kag ang apat ka dalagku nġa sapat nġa lain ang isa sa isa nagatalakas sa dagat.

4 Ang nahauna subung sia sang leon, kag may mġa pakpak sia sang agila. Ako nagatan-aw tubtub nġa ang iya mġa pakpak ginpangabut, kag ginpabangon sia sa duta, kag pinatindug sia sa duha ka tiil, subung sang isa ka tawo; kag ginhatag sa iya ang tagiposoon sang tawo.

5 Kag yari karon, ang isa ka ikaduha ka sapat, kaangay sang isa ka oso; kag nagtindug sa isa ka luyo. Kag sa iya bâbâ may tatlo sia ka gosok, sa iya ngipon; kag ginsiling sa iya ang subung sini: "Tindug-ka, halonhona ang madamu nġa unud."

6 Sa tapus sini ginatan-aw ko, kag yari karon ang isa ka sapat nġa kaangay

sang isa ka leopardo; may apat sia ka pakpak sang pispis sa iya mġa likod; kag ang sapat may apat ka olo. Kag ginhatagan sia sing kagamhanan.

7 Sa tapus sini gintan-aw ko sa mġa palanan-awon sa kagab-ihon, kag yari karon, ang isa ka ikap-at ka sapat nġa makakulugmat kag makalilisang, kag makusug gid, nġa may mġa ngipon nġa dalagku nġa salsalon. Naghalonhon kag nagboong sia, kag ang mġa nabilin ginlapak niya sang iya mġa tiil. Kag lain gid sia sang tanan nġa mġa sapat nġa naguluna sa iya, kag may napulô sia ka sungay.

8 Nagpamalandong ako sang mġa sungay, kag yari karon, ang isa ka sungay nġa diyotay, nġa nagsaka sa tungâ nila, kag sa atubangan niya gin-gabut ang tatlo sang mġa nahauna nġa sungay; kag yari karon sa sini nġa sungay may mġa mata, subung sang mġa mata sang tawo, kag isa ka bâbâ nġa naghambal sing mġa butang nġa dalagku.

9 Nagtan-aw ako tubtub nġa kina-butang ang mġa lingkoran nġa hari-anon, kag ang Tigulang sang mġa adlaw naglingkod. Ang iya panapton maputi, subung sang niebe, kag ang bohok sa iya olo subung sang bulbul nġa putli. Ang iya lingkoran nġa hari-anon mġa dabdab nġa kalayo, ang iya mġa aliling kalayo nġa nagasiga.

10 Ang isa ka subâ nġa kalayo nag-gikan kag naggowa sa atubangan niya. Ang mġa linibo sang mġa linibo nag-alalagad sa iya, kag napulô ka libo ka mġa napulô ka libo nagtilindug sa atubangan niya. Ang hukom naglingkod kag naghulumlad ang mġa tolon-an.

11 Niyan ako nagatan-aw, sa kabang-danan sang tunug sang dalagku nġa mġa polong, nġa ginhambal sang sungay. Gintan-aw ko, tubtub nġa ginpatay ang sapat, kag ang iya lawas ginwâlâ kag gintugyan sia sa kasingkal sang kalayo.

12 Kag nahanungud sa iban nġa mġa sapat gintapus ang ila pagkagamhanan, kay ginhatag sa ila ang paglawig sang kabuhi, tubtub sa isa ka dag-on kag oras.

13 Gintuluk ko sa palanan-awon sa kagab-ihon, kag yari karon, sa ibabaw sang mġa panganud sang langit nagkari ang isa nġa subung sang isa ka anak sang



tawo, kag nag-abut tubtub sa Tigulang sang m̃ga adlaw, kag gindalá sia sa atubangan niya.

14 Kag ginhatag sa iya ang kagamhanan, kag ang himaya, kag ang ginharian; kag ang tanan nga m̃ga banwa, m̃ga katawohan, kag ang m̃ga hambal magaalalagad sa iya. Ang iya pagkagahum, pagkagahum nga walay katapusan, nga indi manginumalagi, kag ang iya ginharian among *ginharian* nga indi malaglag.

15 Ang akon espiritu, nga sa akon nga si Daniel ginsakit sa tuñga sang akon lawas, kag ang m̃ga palanan-awon sang akon olo nagpakurung sa akon.

16 Nagpalapit ako sa isa sang m̃ga nagatalambong, kag ginpamangkot ko sia sang kamatooran nahanungud sining tanan, Kag naghambal sia sa akon, kag nagpahayag sia sa akon sang kasaysayan sang m̃ga butang:

17 "Ining ñga dalagku nga sapat, nga apat sila, among apat ka m̃ga hari, nga magatilindug sa duta.

18 Sa olehe ang ginharian pagabatonon sang m̃ga balaan sang Labing-Mataas, kag magaangkon sila sang ginharian tubtub sa walay katapusan, kag tubtub sa walay katapusan sang walay katapusan."

19 Niyan naghandum ako sa paghibalo sang kamatooran nahanungud sang ikap-at ka sapat, nga lain sia sa iban nga tanan, nga makakulugmat sing lakas gid, nga may m̃ga ngipon nga salsalon, kag ang iya m̃ga koko tumbaga, nga naghalonhon, kag nagboong, kag nga ang m̃ga nabilin ginlapak niya sang iya m̃ga tiil.

20 Kag nahanungud man sang napúlô ka suñgay, nga yara sa iya olo, kag sang isa, nga nagsaka, nga sa atubangan niya naholog ang tatlo: ini nga suñgay nga may m̃ga mata kag bâbâ, nga naghambal sing dalagku nga m̃ga butang, kag nga ang iya dagway daw labing daku sang sa iya m̃ga kaupdan;

21 Gintan-aw ko, kag ini nga suñgay nagpakig-away batok sa m̃ga balaan, kag gindaug niya sila,

22 Tubtub nga nag-abut ang Tigulang sang m̃ga adlaw, kag ginhatag ang paghukom sa m̃ga balaan sang Labing-Mataas, kag nag-abut ang panag-on, kag ang m̃ga balaan nagtalagiya sang ginharian.

23 Nagsiling sia sing subung sini: "Nahanungud sang ikap-at ka sapat, manginisa ka ikap-at ka ginharian sa duta, nga manginlain sang iban nga tanan nga ginharian, kag magahalonhon sia sang bug-os nga duta, kag pagatapakan sia niya, kag pagaboongon sia niya.

24 Kag nahanungud sang napúlô ka suñgay: sa sini nga ginharian magatindug ang napúlô ka m̃ga hari, kag sa olehe nila magatindug ang isa kag magamanginlain sa m̃ga nahauna; kag magaguba sia sang tatlo ka m̃ga hari.

25 Kag magahambal sia sing m̃ga polong batok sa Labing-Mataas, kag magamatamat sa paglaglag sang m̃ga balaan sang Labing-Mataas; kag magahunahuna sia sa pagliwan sang m̃ga dag-on kag sang kasogoan; kag pagaitugyan sila sa iya kamut tubtub sa isa ka panag-on kag m̃ga panag-on, kag sa katuñga sang isa ka panag-on.

26 Ugaling ang hukom magalingkod, kag pagatapusan ang iya kagamhanan, nga nagalaglag kag nagapadula sa iya tubtub sa katapusan.

27 Kag ang ginharian, kag ang pagkagamhanan, kag ang pagkahalangdon sang m̃ga ginharian nga yara sa idalum sang bug-os nga m̃ga langit pagaihatag sa banwa sang m̃ga balaan sang Labing-Mataas: ang iya ginharian, ginharian nga walay katutuban, kag ang tanan nga m̃ga pagkagamhanan magaalagad sa iya kag magatuluman sa iya."

28 Tubtub diri amo ang katapusan sang hambal. Ako, si Daniel, ang akon m̃ga hunahuna nagpakurug sa akon sing daku gid, kag ang akon m̃ga duag nagbalalhin sa akon. Apang gintago ko sa akon tagiposoon ang polong."

Palanan-awon sang karnero kag sang kanding  
nga lalaki.

8 SANG ikatlo ka tuig sang ginharian sang hari nga si Belsasar, nagpahayag sa akon ang isa ka palanan-awon, sa akon gid nga si Daniel, sa tapus yadtong pinahayag sa akon sing úna.

2 Busa nakita ko sa palanan-awon, kag nahanabu sang pagkakita ko, nga ako didto sa Susan, nga puluy-anan nga yara sa probinsia sa Elam. Busa nakita ko sa palanan-awon, sang didto ako sa luyo sang subâ nga Ulai.

3 Kag ginbayaw ko ang akon m̃ga

mata, kag nagtuluk ako, kag yari karon, ang isa ka karnero, nga nagatindug sa atubangan sang subâ, kag may duha sia ka sungay; kag ang duha ka sungay malagba sila, apang ang isa labing mataas sang isa; kag ang labing mataas among olehe nga nagsaka.

4 Nakita ko, nga nagsungay ang karnero nayon sa Katundan, nayon sa Aminhan, kag nayon sa Bagatan; kag nga walay bisan ano nga sapat nga sarang makatindug sa atubangan niya, kag walay bisan sin-o nga makaluwas sa iya kamut; kag nagahimo sia sono sa iya kabubut-on, kag nagdaku sia.

5 Kag sang nagapamalandong ako, yari karon ang isa ka kanding nga lalaki nga nagpakari gikan sa kadutaan sang Katundan, sa ibabaw sang kadaygan sang bug-os nga duta, nga walâ magatumban sa duta: kag yadtong lalaki nga kanding may isa sia ka sungay nga daku ang dagway sa tungâ sang iya mga mata.

6 Kag nag-abut sia tubtub sa karnero, nga may duha ka sungay, nga nakita ko, nga yadto sa atubangan sang subâ, kag nagdalagan sia batok sa iya sa kasangkal sang iya kabaskug.

7 Kag nakita ko ini, nga nag-abut sia sa malapit sang karnero; kag napunô sia sang mapait nga kaakig batok sa iya, kag ginsungay niya sia kag pinungal niya ang iya duha ka sungay; kag ang karnero walâ sing kusug nga makatubang sa iya; ngani pinukan niya sia sa duta kag gintapak niya sia; kag walâ sing sin-o nga nagluwas sa karnero sa iya kamut.

8 Kag nagdaku sing tuman gid ang kanding nga lalaki; kag sang yara sia sa iya daku nga kusug, yadtong daku nga sungay ginboos; kag sa baylo niya nagsalaka ang apat ka sungay nga daku sing dagway, nayon sa apat ka hangin sang mga langit.

9 Kag sa isa sa ila naglusat ang isa ka sungay nga diyotay; apang nagdaku sing lakas gid sia nayon sa Bagatan, kag nayon sa Sidlangan, kag nayon sa duta nga masidlakon.

10 Kag nagdaku sia tubtub sa kasoldadosan sang langit, kag ginpaholog niya sa duta ang isa ka bahin sang kasoldadosan kag sang mga kabitoonan, kag gintapak niya sila.

11 Kag nagpakadaku sia tubtub sa

Pangolo sang kasoldadosan; kag iya ginkuha sa iya ang dalayon nga *halad*, kag ang puluy-an sang iya balaan nga Puluy-an ginpukan sa duta.

12 Kag ang kasoldadosan gintugyan sa iya patî ang *halad* nga dayon bangud sang pagkamalinapason; kag ginhaboy niya sa duta ang kamatooran kag ginhikot niya kag nagbugana.

13 Kag nabatian ko ang isa ka Balaan, nga nagahambal; kag ang isa ka balaan nagsiling sa sadtong naghambal: “?Tubtub pa bala san-o magdugay ang palanan-awon sang dalayon nga *halad* kag ang pagkamalinapason, nga nagakabangdanan sang kahapayan nga nagatugyan sang Puluy-an nga balaan kag sang kasoldadosan, agud nga paglapakon sila?”

14 Kag sia nagsiling sa akon: “Tubtub sa duha ka libo kag tatlo ka gatus ka *adlaw* sa hapon kag sa aga: niyan ang Puluy-an nga balaan pagapakaputlion.”

15 Kag nahanabu, sang nagpamalandog ako, ako nga si Daniel, sang palanan-awon, nga nagpangita ako sang iya kasaysayan. Kag yari karon, nagtindug sa atubangan ko ang isa nga kaangay sang isa ka tawo.

16 Kag nabatian ko ang isa ka tingug sang tawo sa tungâ sang *mga pangpang* sang Ulai, kag nagsingit sia kag nagsiling: “Gabriel, ipahangup ang palanan-awon sa iya sini.”

17 Kag nag-abut sia nga malapit sa diin nga yara ako; kag sa iya pag-abut, nakugmat ako kag naghapa ako. Kag sia nagsiling sa akon: “Talupangda, anak sang tawo, nga ang palanan-awon nahanungud sa katapusan sang panag-on.

18 Sang sia nagahambal pa sa akon, natologan ako sing hamook gid, nga nagahapa sa duta; apang ginkablî niya ako, kag ginpatindug niya ako sa diin ako nagtindug.

19 Kag nagsiling sia: “Yari karon pagaipakita ko sa imo ang magaabut sa katapusan nga dag-on sang kaakig; kay ini nahanungud sa dag-on sang katapusan.

20 Ang karnero, nga nakita mo, nga may *duha* ka sungay among mga hari sa Media kag sa Persia.

21 Kag ang kanding nga lalaki nga bulbulon among hari sa laban; kag ang sungay nga daku nga yara sa tungâ sang



iya mġa mata among nahauna nġa hari.

22 Kag sang napunġal ini, niyan ang apat nagtulubô sa iya duug: *among* apat ka ginharian nġa magatindug sa kawatohan, apang indi tunġud sang kusug niya.

23 Kag sa katapusan sang mġa dag-on sang paghari nila, sang ang mġa malinapason naghilimo sing himpit nġa kalautan, magatindug ang isa ka hari nġa mabangis sing nawung, kag mahinangponon sa mġa kalalangan nġa gumon.

24 Kag mangingamhanan ang ya kabaskug, apang indi tunġud sang gahum niya, kag pagalaglagon niya sing kalatingalahan gid, kag magabugana sia, kag magahikot sia kag pagalaglagon niya ang mġa kagamhanan, kag ang banwa sang mġa balaan.

25 Sa iya pagkasampaton pagapabuganaon niya ang limbong sa iya kamut; kag sa iya tagiposoon manginbugalon sia, kag sa bug-os nġa paghidaet pagalaglagon niya ang kadamuhan sang mġa tawo; kag batok sa Pangolo sang mġa pangolo magatindug sia, apang pagaboongon sia, sa walâ sing kamut.

26 Kag ang palanan-awon sang mġa kahaponon kag sang mġa kaagahon, nġa kinasiling na, among kamatooran, kag ikaw, bantayi ang palanan-awon sing tago, kay sia nahanugud sang madamu nġa mġa adlaw *nġa palaabuton*."

27 Kag ako nġa si Daniel, ginlapyo ako kag nagbalatian ako sing pila ka adlaw; ugaling nagtindug ako kag ginhimo ko ang mġa hilikuton sang hari. Apang ginakugmat ako nahanugud sang palanan-awon, kag walay sin-o nġa makahanġup sa iya.

Ang pangamuyo ni Daniel.—Ang kapitoan ka semana —Ang Mesias.

9 SA nahauna nġa tuig ni Dario, nġa anak ni Asuero, sa kaliwatan sang mġa Mediahanon, nġa ginhimo nġa hari sa ibabaw sang ginharian sang mġa Kaldeinhon;

2 Sa nahauna nġa tuig sa iya ginharian, ako nġa si Daniel, natalupangdan ko sa mġa tolon-an ang kadamuhan sang mġa tuig, nġa nahanugud sa iya naghambal si Iehoba sa manalagna nġa si Ieremias, nġa pagatumanon sa kalag-

lagan sang Ierusalem ang kapitoan ka tuig.

3 Kag ginlingi ko ang akon nawung sa Ginoong Dios, nġa ginpangita ko *sia* sa pangamuyo kag sa pagpakilooy, nġa may puasa, kag panapton nġa masinakiton kag abô.

4 Busa, nangamuyo ako kay Iehoba, nġa akon Dios, kag nagtuad ako kag nagsiling ako: "Oh Ginoo, nġa among Dios nġa daku kag kahaladlukan, nġa nagabantay ka sang katipan kag sang bugay, sa mġa nagahigugma sa imo kag nagabantay sang imo mġa sogo:

5 Nakasalâ kami kag malalison kami, nagbutang kami sa buhat sing kalainan kag naglalis kami, kag nagpalayô kami sa imo mġa sogo, kag sa imo mġa tulumanon.

6 Walâ kami magpamati sa imo mġa alagad, nġa mġa manalagna, nġa sa imo ngalan naghalambal sila sa amon mġa hari, sa amon mġa dunganon, sa amon mġa ginikanan kag sa tanan nġa banwa sang duta.

7 Imo, Ginoo, ang katarungan, kag sa amon ang panluspi sa nawung, subung karon nġa adlaw; sa tanan nġa tawo sa Iuda, kag sa mġa pumuluyô sa Ierusalem, kag sa bug-os nġa Israel, sa mġa malapit kag sa mġa malayô, sa tanan nġa mġa duta sa dili ginsobol mo sila, sa kabangdanan sang ila pagkamalalison nġa ginhimo nila batok sa imo;

8 Oh Ginoo, sa amon ang panluspi sa nawung, sa amon mġa hari, sa amon mġa dunganon kag sa amon mġa ginikanan, kay nakasalâ kami batok sa imo.

9 Sa Ginoo, nġa amon Dios, yara ang pagkalooy kag ang pagpatawad, bisan naglalalis kami batok sa iya.

10 Kag walâ kami magtuman sa tingug ni Iehoba, nġa amon Dios, sa paglakat sono sa iya mġa kasogoon, nġa ginbutang niya sa atubangan namon sa kamut sang iya mġa alagad nġa mġa manalagna.

11 Kag ang bug-os nġa Israel naglapas sang imo kasogoon, nġa nagpalayô sa dili pagpamati sang imo tingug; nġa bangud sini ginula ang pagpakamalaut sa ibabaw namon kag ang panumpa nġa nasulat sila sa kasogoon ni Moises, nġa alagad sang Dios, kay nakasalâ kami batok sa iya.

12 Kag gintuman niya ang iya polong, nġa ginmitlang niya batok sa amon, kag

batok sa amon mġa hukom, nġa naghukom sa amon, nġa nagpakari sa ibabaw namon sang tama ka daku nġa kalainan, nġa walâ gid mahimo sa idalum sang bug-os nġa mġa langit nġa kaangay sang ginhimo sa Ierusalem.

13 Sono sang nasulat sa kasogooan ni Moises yadtong tanan nġa kalalat-an nag-abut sa ibabaw namon: kag walâ kami magpakilooy sa nawung ni Iehoba, nġa amon Dios, nġa nagailisol sa amon mġa kalautan, kag nagahilimo sing maalam gid sa imo kamatooran.

14 Kag si Iehoba nagpulaw sa ibabaw sang kalalat-an, kag ginpakari niya ini sa ibabaw namon; kay si Iehoba, nġa amon Dios, matarung sa tanan niya nġa mġa binuhatan, nġa ginhimo niya, kag walâ kami magtuman sang iya tingud.

15 Busa karon, Ginoo nġa amon Dios, nġa ginpagowa mo ang imo banwa sa duta sa Egipto sa gamhanan nġa kamut, sa bagay nġa nakaangkon ka sing nġalan sa *kabantugan*, subung sa sining adlaw: nakasalâ kami, kag naghimo kami sing dimatinahoron sa Dios.

16 Oh Ginoo, sono sang tanan mo nġa mġa katarungan, ipalayô karon ang imo kaakig kag ang imo kasingkal sa imo banwa nġa Ierusalem, bukid sang imo pagkabalaan, kay bangud sang amon mġa salâ, kag tungud sang kalautan sang amon mġa ginikanan, ang Ierusalem kag ang imo banwa nanginpasipala sila sa tungâ sang tanan nġa nagalilibot sa amon.

17 Busa karon, Dios namon, pamatii ang pangamuyo sang imo alagad kag ang iya pakilooy, kag pasidlaka ang imo nawung sa ibabaw sang imo balaan nġa puluy-an nġa nahapay, tungud sa paghigugma sang Ginoo.

18 Linga, oh Diosko, kag pamatii; muklata ang imo mġa mata, kag tuluka ang amon mġa kahapayan, kag ang banwa nġa ginahingalanan sa imo nġalan; kay walâ namon ipaatubang ang amon mġa pakilooy sa atubangan mo, nġa nagsandig sa amon mġa katarungan, kondi sa imo madamu nġa mġa kahimoklog.

19 Pamatii, Ginoo; oh Ginoo, patawara. Linga, Ginoo, kag buhata. Ayaw pagpadugaya, tungud sa paghigugma sa imo kaugalingon, Dios ko; kay sa imo nġalan ginahingalanan ang imo banwa kag ang imo katawohan."

20 Kag sang nagahambal pa ako, nġa

nagapangamuyo kag nagatuad sang akon salâ kag sang salâ sang akon banwa nġa Israel, kag ginaula ko ang akon pakilooy sa atubangan ni Iehoba, nġa akon Dios, tungud sang bukid nġa balaan sang akon Dios,

21 Sang nagahambal pa ako sa pangamuyo, yadtong lalaki nġa si Gabriel, nġa nakita ko sa pamunô sa palanan-awon, nag-abut nġa nagalupad sa labing madasig sa akon, subung sa oras sang halad sang kahaponon.

22 Kag ginpahangup niya ako, kag naghambal sia sa akon kag nagsiling: "Daniel, karon naggowa ako sa paghimo sa imo nġa maalam sa kasaysayan.

23 Sa pamunô sang imo mġa pakilooy naggowa ang isa ka polong, kag ako nagkari sa pagpahibalo *sini* sa imo; kay ikaw among labing hinigugma. Busa, hangpa ang polong, magmangin-mahangponon-ka sa palanan-awon.

24 Gintapat na ang kapitoan ka semana sa ibabaw sang imo katawohan kag sa ibabaw sang imo balaan nġa banwa sa pagtapus sang pagkamalalison kag sa pagbutang sing katapusan sa mġa salâ, kag sa paghimo sing katumbasan tungud sang kalautan, kag sa pagpakari sang katarungan nġa walay katapusan, kag sa pagpat-in sang palanan-awon kag sang panagna, kag sa paghaplas sa isa ka duug nġa balaan gid.

25 Busa, mahibaloan mo kag mahangup: Kutub sang paggowa sang polong sa pagbag-o kag sa pagpatindug liwan sang Ierusalem tubtub sa Hinaplas, sa dunganon, may pito ka semana, kag sa ikapitoan kag duha ka semana pagapatindugon sia liwan patí ang dalan kag ang kalug, bisan pa sa mġa panag-on nġa maribukon.

26 Kag sa tapus ang kapitoan kag duha ka semana, pagalaglagon ang Hinaplas, kag indi tungud sa iya. Kag ang banwa sang isa ka dunganon nġa magaabut magalaglag sang banwa kag sang duug nġa balaan; kag mangin-katapusan niya ang anaw, kag tubtub sa katapusan sang paginaway may sogo sa kahapayan.

27 Kag pagapamatud-an niya ang isa ka katipan nġa sa madamu sa isa ka semana. Kagsa katung-anan sang semana pagapauntaton niya ang halad, kag ang halad nġa kalan on, kag sa ibabaw sang mġa pakpak sang kalangil-aran *maga-*



*abut* ang manughapay: kag ini, tubtub sang pagtapus kag ang sogo sa *paghapay* pagitwaraag sa ibabaw sang hinapay.”

Isa ka manugtunda nagpahayag kay Daniel sa pagpahibalo sa iya sang mga butang nga magakahanabu sa palaabuton nga mga adlaw.

**10** SA ikatlo ka tuig ni Siro, nga hari sa Persia, ginpahayag ang isa ka polong kay Daniel, nga ginahingalanan nga si Belsasar. Kag ang polong matuud, kag nagasambit sang isa ka daku nga inaway; kag sia nakahangup sang polong, kag nakabaton sia sing ihibalo sa palanan-awon.

2 Sa sadtong mga adlaw, ako nga si Daniel, naglalaw ako sa sulud sang tatlo ka semana.

3 Walâ ako magkaon sing manamit nga tinapay, bisan nagsulud sa akon bâbâ ang unud, bisan alak, kag naglihi ako sang tanan nga ihalaplas, tubtub nga natuman ang tatlo ka semana.

4 Kag sa ikaduha ka pulô kag apat ka adlaw sang nahauna nga bulan yadto ako sa pangpang sang daku nga subâ, nga amo ang Hidekel,

5 Kag binayaw ko ang akon mga mata kag nagtulok ako; kag yari karon, ang isa ka lalaki nga napanaputan sing lino, kag nawagkusan ang iya mga hawak sing bulawan sa Upas;

6 Kag ang iya lawas subung sang krisolito, kag ang iya nawung, subung sang dagway sang kilat, kag ang iya mga mata subung sang mga sulo nga kalayo, kag ang iya mga butkon kag ang iya mga tiil subung sang dagway sang tumbaga nga napahining, kag ang kagahud sang iya mga polong subung sang kagahud sang kasoldadosan.

7 Kag nakit-an ko, ako nga si Daniel lamang, ang palanan-awon; kag ang mga tawo nga yara upud sa akon walâ makakita sang palanan-awon; kondi nga naholog sa ibabaw nila ang isa ka daku nga kahadluk, kag nagpalalagyo kag nagpalanago sila.

8 Apang nabilin ako nga isa lamang, kag nakita ko ining daku nga palanan-awon. Kag walâ sing bisan ano nga kusug nga nabilin sa akon, kag ang akon duag nagbalhin sa akon tubtub

nga nagliwan ako, kag walâ gid makahawid ako sing bisan ano nga kusug.

9 Apang nabatian ko ang tunug sang iya mga polong, kag sang ginapamatian ko ang tunug sang iya mga polong, natologan ako sing hamook gid, nga nagahapa, kag ang akon nawung sa duta.

10 Kag yari karon, ang isa ka kamut nagkuhit sa akon, kag ginbutang ako niya nga ginauyug ako, sa akon mga tuhod kag sa mga palad sang akon mga kamut.

11 Kag nagsiling sia sa akon: “Daniel, lalaki nga hiniugma, hangpa ang mga polong nga pagaihambal ko sa imo, kag tindug ka sa duug nga kon diin ka; kay sa imo ginpadalâ ako karon.” Kag sang nagsiling sia sa akon sini nga polong, nagtindug ako nga nagakurug.

12 Kag nagsiling sia sa akon: “Daniel, indi ka mahadluk; kay kutub sang nahauna nga adlaw, nga ginhatag mo ang imo tagiposoon sa paghangup kag sa pagpaubos sa imo sa atubangan sang imo Dios, ginpamatian ang imo mga polong kag bangud sang imo mga polong nagkari-ako.

13 Apang ang dunganon sang ginharian sa Persia nagbatok sa akon sing duha ka pulô kag isa ka adlaw; kag yari karon, si Migel, nga isa sang mga dunganon nga mga pangolo, nagkari sa pagbulig sa akon; kag ako naglandas didto malapit sang mga hari sa Persia.

14 Kag nagakari ako sa pagpahangup sa imo sang mahanabu sa imo banwa sa mga katapusan nga adlaw; kay ang palanan-awon amo nga sa mga adlaw nga malayô pa.”

15 Kag sang naghambal sia sa akon, sono sini nga mga polong, ginbutang ko ang akon nawung sa duta, kag nag-apa ako.

16 Apang, yari karon, ang isa nga kaangay sang mga anak sang tawo nagkuhit sang akon mga bibig. Niyan ginbuka ko ang akon bâbâ, kag makahambal ako, kag nagsiling ako sa sadtong yara sa atubangan nakon: “Ginoo ko, tungud sining palanan-awon, gindakup ako sang mga kasakit, kag walâ ako makahawid sing bisan ano nga kusug.

17 Kag paano bala ang pagkasarang sang alagad sang akon Ginoo, nga yari diri, sa paghambal sa sining akon Ginoo? Kay nahanungud sa akon, kutub karon walâ sing bisan ano nga kusug sa akon

kag walâ sing nabilin nga ginhawa sa akon."

18 Niyan, yadto nga subung sang dagway sang tawo nagkuhit sa akon liwan, kag nagpabaskug sa akon.

19 Kag nagsiling sia sa akon: "Lalaki nga hiniigugma, dili ka mahadluk. ¡Ang paghidaet sa imo! Magpakalig-on-ka, hoo, magpakalig-on-ka." Kag sang naghambal sia sa akon, nagmabaskug ako kag nagsiling ako: "Maghambal ang akon Ginoo, kay ginpabakud mo ako."

20 Kag nagsiling sia: "¡Nakahibalo ka bala kay nga nagkari ako sa imo? Kag karon magabalik ako sa pag-away batok sa dunganon sa Persia: kag sa paghalin ko, yari karon, magaabut ang dunganon sa laban.

21 Apang pagaipahayag ko sa imo ang nasulat sa surat sang kamatooran; kag walay sin-o nga magasakdag sa akon batok sadto sa ila kondi si Migel nga inyo dunganon."

Ang ginharian nga Mediahanon. Ang Persia pagalagagon sang hari sa laban, kag ang ginharian pagabihinbahinon sa apat. Pagilinaaway sang hari sa Aminhan kag sang hari sa Bagatnan.

**11** "KAG sa nahauna nga tuig ni Dario, nga taga-Media, didto ako sa pagpabakud sa iya kag sa pagpalig-on sa iya."

2 "Kag karon pagaipahayag ko sa imo ang kamatooran: Yari karon, nga ang tatlo pa ka hari magatindug sa Persia, kag ang ikap-at magamangaranon pa gid sang tanan. Kag kon manginmaligon sia sang iya nga mangad, pagapainiton niya ang tanan batok sang ginharian sa laban.

3 Niyan magatindug ang isa ka hari nga maisug, kag magahikot sia sing daku nga kagamhanan, kag magahimo sia sang iya kabubut-on.

4 Kag kon magtindug sia, pagaboongon ang iya ginharian, kag pagabihinbahinon sia nayan sa apat ka hangin sa langit. Kag sia indi nahanungud sa iya kaliwatan, bisan manginsono sang pagkagamhanan nga iya ginhihihi: kay ang iya ginharian pagagabuton, kag mahanungud sa iban, luwas sa sadtong sa ila.

5 Kag magamanginmabakud ang hari sang Bagatnan, apang ang isa sang mga dunganon niya, magamanginlabing ma-

bakud sa iya, kag magamakagagahum sia: mangindaku ang kagamhanan, nga iya pagahikuton.

6 Kag sa katapusan sang *pila* ka mga tuig inagahilusa sila, kag ang anak nga babae sang hari sa Bagatnan magaabut sa hari sang Aminhan sa pagpatadlung sang mga butang. Apang ini sia indi magabantay sang kusug sang iya butkon; bisan magadugay yadto sia, bisan ang iya butkon; kay pagaitugyan sia, sia kag ang mga nagdalala sa iya, kag ang nagpanganak sa iya kag ang nagsakdag sa iya sa salto nga dag-on.

7 Apang sa talunton sang iya mga gamut magatindug ang isa sa baylo sadto, ang isa ka tawo nga magakari sa kasoldadosan, kag magasulud sa kuta sang hari sa Aminhan; kag magalandas sia batok sa ila kag magamanginmabaskug sia.

8 Kag bisan pa pagadalhon niya nga mga bihag sa Egipto ang ila mga diosdios upud ang ila mga dunganon, pati ang ila mga suludlan nga mga malahalón, ang pilak kag ang bulawan; kag magapadayon sia batok sa hari sa Aminhan sing *pila* ka mga tuig.

9 Kag ini sia magakadto batok sa ginharian sang hari sang Bagatnan, apang magabalik sia sa iya duta.

10 Apang ang iya mga anak nga lalaki magasulud sa pag-awayan kag magatilipon sila sing kadamuan sa dalagku nga kasoldadosan; busa magauna sia, kag pagalumson niya, kag magaagi sa unhan, kag magadalá sia liwan sang pag-awayan tubtub sa iya kabakuran.

11 Kag ang hari sa Bagatnan nga napun-an sang mapait nga kaakig magagowa kag magaaway batok sa iya, batok sa hari sang Aminhan; kag magapatindug sia sing daku nga kadam-an, apang ang kadam-an pagaitugyan sa iya kamut.

12 Kag ang kadam-an magapakataas; kag magapalabilabi ang ila tagiposoan, kag magapukan sia sang madamu nga mga linibo; apang indi sia magalandas.

13 Niyan ang hari sang Aminhan magapatindug liwan sang isa ka kadam-an nga labing madamu sang nahauna, kag sa katapusan sang mga panag-on, sang mga tuig, magauna sia upud ang isa ka daku nga kasoldadosan kag mada mu gid nga mga mangad.

14 Kag sa sadtong mga panag-on



madamu ang mga magatilindug batok sa hari sang Bagatnan; kag ang mga anak sang mga malupigon sang imo banwa magatilindug sa paghatag sing katumanan sang palanan-awon, apang magakalasadang sila.

15 Niyan magaabut ang hari sang Aminhan, kag magapatindug sang palalipdan, kag magakuha sia sang banwa nga mabakud, kag ang mga pinanong sang Bagatnan indi sarang makabatô, bisan ang iya pinili nga banwa, bisan may kasug sia sa pagbatô.

16 Kag ang magaabut batok sa iya, magahimo sang iya kabubut-on, kag walay sing bisan sin-o nga makasarang magbatô sa iya; kag magalig-on sia sa duta nga mahal, kag sa iya kamut yara ang kalaglagan nga bug-os.

17 Kag pagaipadulong niya ang iya nawung sa pagkari nga may gahum sang bug-os niya nga ginharian, kag ang mga tawo nga matadlung upud sa iya, kag magabugana sia. Kag pagaihatag niya sa iya ang anak nga babae sang mga babae, sa pagdula sa iya, apang ang *butang* indi mahanabu, bisan manginiya sia.

18 Kag magabalikid sia sang iya nawung nayon sa mga kapuloan, kag magakuha sia sing madamu; apang ang isa ka pangolo magatapus sang iya pasipala, kag pagapabalikon niya man sa ibabaw niya ang iya pasipala.

19 Kag magabalikid sia sang iya nawung sa mga kabakuran sang iya duta; apang nagakasadang sia kag nagakapukan, kag indi na gid makit-an sia.

20 Niyan magatindug sa baylo niya ang magapaagi sang manugsukot sang buhis sa tungâ sang duta nga himaya sang ginharian; apang sa pila ka mga adlaw pagaboongon sia, apang indi tungud sa kaakig, bisan sa inaway.

21 Kag magailis sa iya ang isa ka talamayon, nga sa iya indi nila ginahatag ang kadungan sang ginharian; kag magaabut sia sa bug-os nga paghidaet, kag magatag-iya sia sang ginharián sa oloolo.

22 Kag ang mga kasoldadosan nga manuglumus, magabaha subung sang kasulgan sa atubangan niya, kag pagaboongon sila, subung man ang dunganon nga iya kadampig.

23 Kag sa tapus sang paghiliusa sa iya, sia magahimo sing limbong, kag

magataklad kag mangingamhanan sa diyotay nga katawohan.

24 Sa bug-os nga paghidaet sa mga bahin nga labing mabungahon sang probinsia magasulud sia kag magahimo sia sang walâ paghimoa sang iya mga ginikanan, bisan sang mga ginikanan sang iya mga ginikanan. Pagabahinbahinon niya sa ila ang inatihan, ang inagaw kag ang mga mangad. Kag magapasuhot sia sang iya katuyoan batok sang mga kababuran, kag *ini* tubtub sa isa ka panag-on.

25 Kag magapukaw sia sang iya kusug kag sang iya tagiposoon batok sa hari sang Bagatnan nga may daku nga kasoldadosan. Kag ang hari sa Bagatnan pagapainiton sa pag-awayan nga may daku gid kag mabakud nga kasoldadosan; apang indi sia sarang makatindug, kay pagapasuhotan sing mga katuyoan batok sa iya.

26 Kag ang mga nagakalaon sang iya mga kalan-on nga manamit magaboong sa iya; kag ang iya kasoldadosan magabaha subung sang isa ka kasulgan kag madamu ang mga magakapukan nga mga pilason sa kamatayon.

27 Kag ang tagiposoon sining duha ka hari *pagapabuyohon* sa paghimo sing malain, kag sa palibot sang isa lamang ka latok magahalambal sila sing butig; apang ini indi gid magabugana, kay ang katapusan amo nga sa isa ka panag-on nga tinapat.

28 Kag magabalik sia sa iya duta nga may daku nga mangad, kag ang iya tagiposoon manginbatok sa katipan nga balaan, kag *pagahikuton* niya ang iya katuyoan, kag magabalik sia sa iya duta.

29 Sa dag-on nga tinapat magabalik sia nayon sa Bagatnan, apang ang iya katapusan nga *pag-abut* indi subung sang nahauna.

30 Kay magaalabut batok sa iya ang mga sakayan sa Kitim, kag sia manginmaluya; ugaling maakig sia liwan batok sa katipan nga balaan, kag pagahikuton niya ang *iya tinotuyo*; kag magapamati sia liwan sa mga nagabiliya sang balaan nga katipan.

31 Kag ang mga kasoldadosan nga ginpadala niya, manginmandadaug, kag ginmusingan nila ang Puluy-an nga balaan, ang kabakuran, kag pagakuhaon nila ang dayon nga *halad*, kag pagaisu-

lúd nila ang kalanġil-aran, nġa nagakabangdanan sang kahapayan.

32 Kag ang mġa nagalalalis sang kati-pan, pagaguyuron niya sila sa pagkadi-matinohoron sa Dios tunġud sang mġa oloolo; apang ang banwa nġa nakakilala sa iya Dios, magapabaskug kag magahikot.

33 Kag ang mġa labing maalam sang banwa, magahatag sa kadamuan sing ihibalo; kag magakalapukan sila sa hinganiban kag sa dabdab, sa pagkabi-hag kag sa pangati sa *pila* ka mġa adlaw.

34 Kag sa iya pagkapukan, pagabuligan sila sing diyot nġa pagbulig; kag magdamu ang magasilimpon sa ila nġa may mġa oloolo.

35 Kag ang iban sang mġa labing maalam magakalapukan, agud nġa pagulayon sila, kag paninloan sila kag papution sila tubtub sa dag-on sang katapusan; kay ini nġa sa panag-on nġa tinapat.

36 Kag pagahimoon sang hari ang iya kabubut-on, kag magapakataas sia kag magapalabilabi sia sa ibabaw sang tanan nġa dios; batok sa Dios sang mġa dios magahambal sia sing mġa makahaladluk nġa mġa butang; kag magabugana sia tubtub nġa matuman ang kakig, kay ang natapat nahimo na.

37 Kag walá sia magasapak sa Dios sang iya mġa ginikanan, bisan magasapak sia sang handum sang mġa babae, bisan sa ano nġa dios; kay magapalabilabi sia sa ibabaw sang tanan.

38 Apang pagapadungan niya, sa baylo niya sini, ang dios sang mġa kabakuran; kag ang dios nġa walá makilala sang iya mġa ginikanan pagapandungan niya ini sa bulawan, kag sa pilak, kag sa mġa bató nġa malahalón, kag sa mġa butang nġa halandumon.

39 Kag sa sini magahikot sia sa mġa duug nġa mabakud sang mġa kababuran upud ang isa ka dios nġa dumuluong: kag sa mġa nagapangilala sa iya, pagahatagan niya sila sing daku nġa himaya kag pagapagahumon niya sila sa ibabaw sang madamu nġa katawohan kag pagapiamahat niya sa ila ang duta nġa balus.

40 Ugaling sa panag-on sang katapusan, ang hari sang Bagatnan magasongo sa iya, kag ang hari sang Aminhan magasalakay batok sa iya subung sang unus, nġa may mġa kanga, kag mġa

manugkabayo, kag madamu nġa mġa sakayan; kag magasulúd sia sa mġa kadutaan, kag pagaanawon niya, kag magaagi sa unhan sia.

41 Kag magasulúd sia sa duta nġa mahimayaon, kag magakalapukan ang madamu nġa mġa kadutaan; apang ini sila magapalalagyo sa iya kamut: ang Edom kag ang Moab, kag ang mġa pang'anay sang inanak sang Amon.

42 Kag pagauntayon niya ang iya kamut sa iban nġa kadutaan; kag indi makapalagyo ang kadutaan sang Egipto.

43 Kag magagahum sia sa ibabaw sang mġa bahandi nġa bulawan kag pilak kag sa tanan nġa mġa butang nġa halandumon sa Egipto; ang mġa Libiahanon kag ang mġa Kusinhon magasulunud sa iya mġa tikang.

44 Apang ang mġa higong sa Sidlangan kag sa Aminhan magapakugmat sa iya; kag magagowa sia sa dakung kaakig sa paglaglag kag sa pagtagudili sa madamu nġa katawohan.

45 Kag pagapatindugon niya ang mġa layanglayang sang iya baláy nġa hari-anon sa tunġa sang mġa butang nġa halandumon sa bukid sang balaan nġa himaya; ugaling magakadto sia sa iya katapusan kag walá sing sin-o nġa magtabang sa iya."

Ang mġa katapusan nga panag-on. Ang mġa pinatin nġa mġa polong.

12 "KAG sa sadtong panag-on magatindug si Migel, nġa dakung dunganon, nġa nagatindug ayon sa mġa inanak sang imo banwa; kag ini manginpanag-on sa kalisdanan nġa walá gid sing kaangay kutub nġa may mġa katawohan tubtub sadto nġa panag-on; kag pagaluwason ang imo banwa sa sadtong panag-on, ang bisan sin-o nġa makita nġa nasulat sa tolon-an.

2 Kag madamu sang mġa nagakalatalog sa yab-ok sang duta, nġa pagapamat-on sila, ang iban nġa sa kabuhi nġa walay katapusan, kag ang iban nġa sa kahuluyan kag sa pagkatalamayon nġa walay katapusan.

3 Kag ang mġa manginalamon magasilidlak subung sang sidlak sang kahawaan, kag ang mġa nagdalalá sa katarungan sa madamu nġa katawohan, *magasilidlak* subung sang mġa kabitoonan sa dayon nġa walay katapusan.



4 Kag ikaw, Daniel, tagoa ang mga polong, kag pat-ini ang tolon-an tubtub sa panag-on sang katapusan: madamu ang magatoot sa iya sing matinatapon, kag magadugang ang kaalam."

5 Niyan ako nga si Daniel nagtulok; kag yari karon, nga yara ang iban nga duha nagatindug ang isa sa sini nga bahin nga pangpang sang subâ kag ang isa sa isa ka pihak nga pangpang sang subâ.

6 Kag nagsiling sia sa lalaki nga napanaptan sang lino, nga yara sa ibabaw sang mga tubig sang subâ: "¿San-o bala ang katapusan sining mga kalatingalahan?"

7 Kag ginpamamatan ko ang lalaki nga napanaptan sang lino nga yara sa mga tubig sang subâ: ginbayaw niya ang iya kamut nga too kag ang iya kamut nga walâ sa langit, kag nagsumpa sia tungud sang Nagakabuhi sa walay katubtuban nga ini manginsa isa ka panag-on sa mga panag-on kag sa katungâ sang isa ka panag-on; kag kon matapus na ang pag-alaplaag sang gahum sang banwa nga balaan, ining tanan nga mga butang magakalatuman.

8 Kag ako nakabati, apang walâ ako

makahanup. Kag nagsiling ako: "Ginoo ko ¿ano bala ang maabutan sining mga butang?"

9 Kag nagsiling sia: "Lakat-ka, Daniel; kay ining mga polong napanago kag napanat-inan tubtub sa panag-on sang katapusan.

10 Madamu ang mga pagatinloan kag ang mga pagapaputlion, kag mga pagaulayon; kag ang mga malauton magabutang sa buhat sang kalainan kag ang tanan nga mga malauton indi makahanup, apang ang mga mangin-alamon makahanup.

11 Kag kutub sa panag-on nga pagakuhaon ang dayon nga *halad* kag *kutub* sang pagpasulud sang kalangilaran, nga nagakabangdanan sang kahapayan may isa ka libo duha ka gatus kag kasiaman ka adlaw.

12 Bulahan ang maghulat kag makalambut tubtub sa isa ka libo tatlo ka gatus katloan ka libo kag lima ka adlaw.

13 Kag ikaw, lakat-ka tubtub sa katapusan; kag magapahuway ka, kag ugaling magatindug ka nga sa imo kapalaran, sa katapusan sang mga adlaw."

## SI OSEAS.

Hinalimbawa nga paghiupud ni Oseas sa isa ka babae nga makihilahion.—Pagdiwata kag pagkadunot ni Israel.—Mga pahug kag mga panaad sa pagpatawad.

1 ANG polong ni Iehoba, nga nag-abut kay Oseas, nga anak ni Beer, sa mga kaadlawan ni Osias, ni Iotam, ni Akas kag ni Esekias, nga mga hari sa Iuda, kag sa mga kaadlawan ni Ieroboam, nga anak ni Ioas, nga hari sa Israel.

2 Sa pamúnô sang polong ni Iehoba kay Oseas, nagsiling si Iehoba kay Oseas: "Lakat-ka, kuha-ka sing isa ka babae nga makihilahion, kag sing mga anak sang pagpanglahi; kay ang duta nagapanglahi sing bug-os gid, nga nagabiya kay Iehoba."

3 Kag nagkadto sia, kag ginkuha niya si Gomer, nga anak nga babae ni Dibla-

im; kag nagpanamkon sia kag nag-anak sia sa iya sing isa ka anak nga lalaki.

4 Kag nagsiling sa iya si Iehoba: Hingalani sia kay Iesreel\*; kay sa indi madugay, pagasilotan ko ang baláy ni Iehu bangud sang dugo nga nula sa Iesreel, kag pagapauntaton ko ang ginhari-an sa baláy ni Israel.

5 Kag mahanabu, sa sadtong adlaw nga pagabalion ko ang pana ni Israel sa nalupyakan ni Iesreel.

6 Kag nagpanamkon pa sia kag nag-anak sing isa ka anak nga babae; kag sia nagsiling sa iya: "Hingalani sia kay Loruhamat; kay indi na gid ako magapadayon sa pagkalooy sa baláy ni Israel, sa bagay nga pagapatawaron ko sila sing bug-os.

\* Iesreel, ang Dios magasabwag.

† Loruhamat, indi hinigugma sia.

7 Apang sa baláy ni Iuda magakalooy ako, kag pagaluwason ko sila tungud kay Iehoba nga ila Dios; kag indi ko sila pagluwason sa pana, bisan sa hinganiban, bisan sa inaway, bisan sa mga kabayo, bisan sa mga manugkabayo."

8 Kag ginlutas niya si Lo-ruhamá; kag nagpanamkon sia kag nag-anak sing isa ka anak nga lalaki;

9 Kag si Iehoba nagsiling: "Hingalani sia kay Lo-ami\*; kay kamo indi among akon banwa, bisan ako ang inyo Dios".

10 Walay sapayan, ang kadamuon sang mga inanak ni Israel manginsubung sang balas sang dagat, nga indi sarang masukub, bisan maisip. Kag mahanabu, nga sa diin ginsiling sa ila: "Indi kamo akon banwa," pagaisiling sa ila: "Mga anak kamo sang Dios nga buhi."

11 Kag ang mga inanak ni Iuda kag ang mga inanak ni Israel pagatipunonsila sing tingub, kag magapalatin-dug sila nga sa ila sing isa ka pangolo, kag magatalaklad sila gikan sa duta; kay daku ang kaadlawan ni Iesreel.

**2** HINGADLI-ninyo ang inyo mga útud nga si Amít, kag ang inyo mga útud nga babae nga si Ruhama.†

2 Pakigkasaba-kamo sa inyo ilóy, pakigkasaba-kamo; kay sia indi among akon asawa, bisan ako ang iya bana; kag nga kuhaon niya ang iya mga pagpakighilahi sa iya nawung, kag ang iya mga pagpakighilawas sa tungâ sang iya mga dughan,

3 Basi pa nga ako mag-uba sa iya nga manginhubo sia, kag nga pagbayaan ko sia subung sang sa adlaw sang iya pagkatawo, kag paghimoon ko sia subung sang kahanayakan, nga manginkaangay sa sang kigas nga duta, kag patyon ko sia sa kauhaw.

4 Indi man magakalooy ako sa iya mga anak, kay mga anak sila sa mga pagpakighilahi;

5 Kay ang ila ilóy nagpakighilahi, nga ang nagpanganak sa ila nagpakahuya sa iya; kay nagsiling sia: "Magalakat ako sa olehe sang akon mga manughigugma, nga nagahalatag sa akon sang akon tinapay kag sang akon tubig, sang akon

bulbul kag sang akon lino, sang akon lana kag sang akon ilimnon."

6 Tungud sini yari karon, ako magatakup sang imo dalan sing mga tunok. Pagakudalan ko sia nga may kuta kag indi niya makita ang iya mga banas.

7 Magasunud sia sa iya mga nahagugmaan, kag indi niya sila malambut: pagapangitaon niya sila, kag indi niya sila makita. Kag magasiling sia: "Magalakat ako kag magabalik ako sa akon nahaua nga bana; kay niyan labing maayo sia sa akon sang karon."

8 Kag sia walâ magpangilala nga ako nagahatag sa iya sang trigo, kag sang alak, kag sang lana, kag sang pilak, nga ginpadamu ko sa iya kag sang bulawan, nga ginagamit nila kay Baal.

9 Ngani, pagapabalikon ko, kag pagakuhaon ko liwan ang akon trigo sa iya panag-on, kag ang akon alak sa iya dag-on sang patubas; kag pagaagawon ko ang akon bulbul kag ang akon lino, nga ginatabon sang iya kahubo.

10 Kag karon pagabuksan ko ang iya kahuluy-an sa atubangan sang mga mata sang iya mga manughigugma kag walay sin-o nga magaluwas sa iya sa akon kamut.

11 Kag pagapauntaton ko ang tanan niya nga mga kalipayan, ang iya mga piesta, ang iya mga lati, kag ang iya mga sabado, kag ang tanan niya nga mga piesta nga pinat-in.

12 Kag pagahapayon ko ang iya pinúnô sang ubas kag ang iya igera, nga nahanungud sa ila nagsiling sia: "Ini sila among akon sohol, nga ginahatag sa akon sang akon mga manughigugma kag pagahimoon ko sila nga talon, kag pagakaonon sila sang mga kasapatan sang latagon.

13 Kag pagasilotan ko sia bangud sang mga adlaw sang mga Baal, nga sa ila nagpasunog sia sing pahamut, kag nagpamuni sia sang iya singsing, kag sang iya kolintas kag naglakat sia sa olehe sang iya mga manughigugma, kag nalipat sia sa akon, siling ni lehoba.

14 Ngani, yari karon, pagalugpayon ko sia, kag pagadal-on ko sia sa kahanayakan, kag magahambal ako sa iya tagiposoon.

15 Kag kutub niyan pagahatagan ko sia sang iya mga kaubasan, kag sang nalupyakan sa Akor nga gawang sa pag-

\* Lo-ami, indi akon banwa.

† Ami, akon banwa.

‡ Ruhama, hinigugma sia.



laum, kag didto magaambahan sia subung sang sa mga adlaw sang iya pagkapataman-on, kag subung sang sa mga adlaw sang iya pagtaklad gikan sa duta sa Egipto.

16 Kag mahanabu, sa sadtong panagon, siling ni Iehoba, nga pagatawgon mo ako: "Bana ko," kag indi ka na magatawag sa akon: "Agalon ko."

17 Kay pagakuhaon ko sa iya bâbâ ang mga ngalan sang mga Baal, kag indi na pagahingadlan sila sa ila mga ngalan.

18 Kag magapakigkatipan ako sa ila, sa sadtong adlaw, upud sa mga kasapatan sang latagon, kag upud sa mga kapispisan sang langit, kag upud sa mga nagaguyud sa duta; kag pagabalion ko kag igapalayô ko sa duta ang pana, ang hinganiban, kag ang inaway; kag pagapatologon ko sila nga mga malig-on.

19 Kag pagakaslon ko ikaw sa akon sa gihapon; kag pagakaslon ko ikaw sa akon sa katarungan, kag sa paghukom, kag sa kolooy kag sa mga kahinoklog.

20 Kag pagakaslon ko ikaw sa akon sa pagkatutum, kag pagakilalahon mo si Iehoba.

21 Kag mahanabu, sa sadtong adlaw, nga magasabat ako, siling ni Iehoba, ako magasabat sa mga langit, kag sila magasalabat sa duta;

22 Kag ang duta magasabat sa trigo, kag sa duga sang ubas, kag sa lana, kag sila magasalabat kay Iesreel.

23 Kag pagaitanum ko sia nga sa akon sa duta, kag makalooy ako kay Lo-ruhama; kag masiling ako kay Lo-ami: "Banwa ko ikaw"; kag sia masiling sa akon: "Dios ko."

**3** KAG nagsiling sa akon si Iehoba: "Lakat-ka liwan, higugma-ka sa isa ka babae nga hinigugma sang isa ka upud, kag makihilawason, subung sang gugma ni Iehoba nga sa mga inanak ni Israel; nga sila man nagabalikid sa mga liwan nga mga dios kag nagahiligugma sang mga torta sang ubas nga binulad."

2 Busa, naangkon ko sia nga sa akon tungud sa napulô kag lima ka siklo nga pilak kag isa ka homer kag isa ka letek nga sebada.

3 Kag nagsiling ako sa iya: "Ikaw magapuyô nga matalupangdon sa akon sa madamu nga mga adlaw: indi ka magapagkighilawas, indi ka manginiya sang

iban nga lalaki; kag magahimo ako sing subung man sa imo."

4 Kay sa madamu nga mga adlaw magapuluyô ang mga inanak ni Israel nga walâ sing hari kag walâ sing dunganon, walâ sing halad kag walâ sing larawan, walâ sing epod, bisan terapim.

5 Sa olehe magabalalik ang mga inanak ni Israel kag magapalangita sila kay Iehoba, nga ila Dios, kag kay Dabid, nga ila hari; kag magadalangup sila nga nagakulurug kay Iehoba kag sa iya kaayo, sa palaabuton nga mga adlaw.

Si Israel kag si Iuda ginpamahug sila sa silot tungud sang ila pagkadimatinahoron sa Dios. Pagkadimaalam kag kalainan sang banwa.

**4** PAMATII-NINYO ang polong ni Iehoba, mga inanak ni Israel. Kay si Iehoba nagapakigkasaba sa mga pumuluyô sang duta; kay walay kama-tooran, bisan bugay, bisan pagkilala sa Dios, sa duta.

2 Walâ na kondi ang pagsumpa lamang sing butig, pagbutig, pagpatay, pagpangawat kag pagpakighilawas: ginahimo nila ang paglugus, kag ang dugo nga naula nagasulungo sa dugo.

3 Tungud sini nagalalaw ang duta, kag bisan sin-o nga nagapuyô sa iya, ginalapyo patî ang mga kasapatan sang latagon kag ang mga kapispisan sang langit, kag patî pa ang mga kaisdaan sang dagat nagakaladula.

4 Walay sapayan, nga walay bisan sin-o nga magsuay kag bisan sin-o nga magsabdong; kay ang imo banwa subung sia sang mga nagasuluay sa saserdote.

5 Nagakasandad ka sa adlaw; bisan pa ang manalagna nga upud sa imo nagakasandad sa gab-i, kag pagalaglagon ko ang imo ilôy.

6 Ginalaglag ang akon banwa, kay kulang sia sing pagkilala. Tungud kay ginsikway mo ang pagkilala, pagasikwayon ko man ikaw, nga ikaw indi na manginsaserdote nakon. Tungud kay ginkalimtan mo ang kasogoan sang imo Dios, ako man magakalipat sa imo mga anak.

7 Sono sa ila pagkadamu, subung man nagapalakasalâ sila batok sa akon; pagabaylohon ko ang ila himaya sa kahuluy-an.

8 Nagakalaon sila sang *halad tungud* sang salâ sang akon banwa, kag ang ila handum nagahuyog sa iya kalautan.

9 Subung sang banwa manginamo man ang saserdote; kag pagasilotan ko sila bangud sang iya dalanon, kag pagabayaran ko ang tagsatagsa, sono sang iya mġa binuhatan.

10 Magakalaon sila, apang indi sila magakalabusug; magapalanlahi sila, apang indi sila magadamu, kay nagbiliya sila kay Iehoba, nġa nagauntat sa pagsapak sa iya.

11 Ang panghilahe, ang alak kag ang duga sang ubas nagakuluha sang tagiposoon.

12 Ang akon banwa nagapalamangkot sa iya kahoy, kag ang iya sungkud nagasabat sa iya; kay ang espiritu sang mġa pagpanghilahi nagapatalang sa iya, kag nagapalanghilahe sila, nġa nagabulag sa ila Dios.

13 Sa mġa putokputokan sang mġa bukid nagahalalad sila, kag sa ibabaw sang mġa bakolod nagasulunog sila sing pahamut; sa idalum sang mġa alon, kag mġa alamo, kag mġa olmo, nġa maayo ang ila landong. Ngani, ang ila mġa anak nġa babae nagapalanghilahe, kag ang inyo mġa umagad nġa babae mġa makihilawason.

14 Indi ako magasilot sang inyo mġa anak nġa babae kon magpalanghilahe sila, bisan sa inyo mġa umagad nġa babae, kon magpalakighilawas sila; kay sila gid nagapain kaupud sang mġa bigaon, kag nagahalalad sila upud sang mġa babae nġa nahalad sa panglahe. Ini nġa banwa walâ makahanġup; nagadalagan sia sa iya kapahamakan.

15 Kon magpakighilahe ka, Israel, nġa indi makasalâ si Iuda: kag indi kamo magsululud sa Gilgal, bisan magtalaklad-kamo sa Bet-aben, bisan magsulumpa kamo: "Magkabuhi si Iehoba."

16 Kay si Israel among dimahagupon, subung sang dimahagupon nġa bakia nġa tinday sang baka. Karon maluyag si Iehoba magpahalab sa ila, subung sang kordero sa kalaparan.

17 Si Epraim natapik sa mġa diosdios; pagabay sia.

18 Ang ila ilimnon nadunot; nagatugyan sila sa pagpalanghilahi; ang ila mġa taming nagahiligugma kag nagapakari sang kahuluy-an.

19 Ginhiġot sa sang hanġin sa iya

mġa pakpak, kag pagapakahuy-an sila bangud sang ila mġa halad.

Ang mġa dunganon kag ang mġa saserdote ginpanabdong kag ginpanlaygayan sa paghinulsul.

**5** MġA saserdote, pamatii-ninyo ini; kag talalupangud-kamo, baláy ni Israel; kag kamo, baláy sang hari, dululungug-kamo; kay batok sa inyo ang paghukom, kay nanginsiod kamo sa Mispa kag sapyaw nġa ginladlad sa ibabaw sang Tabor.

2 Tunġud sang ila mġa halad ginhimo nila ang ila pagkadimatutum nġa labing madalum, kag pagasilotan ko sila nġa tanan.

3 Ako nakakilala kay Epraim, kag si Israel indi natago sa akon; kay karon oh Epraim, nagpanghilahe ka; gindagtaan si Israel.

4 Ang ila mġa binuhatan indi nagatugut sa ila sa pagbalik sa ila Dios, kay ang espiritu sa pagpanghilahe yara sa sulud nila, kag walâ sila nagakilala kay Iehoba.

5 Kag ang palabilabi ni Israel nagapamatuud batok sa iya gid nawung; hoo, si Israel kag si Epraim magakalasandad sa ila kalautan: magakasandad man ang amo nġa si Iuda upud sa ila.

6 Upud sa ila mġa obeha kag upud sa ila mġa baka magalalakat sila sa pagpangita kay Iehoba, apang indi nila sia makita; sia nagapalayô sa ila.

7 Nagahilimo sila sing mabudhion batok kay Iehoba, kay mġa anak nġa dumuluong ginapalanganak nila; karon ang isa ka bulan magahalonhon sa ila, sa ila kag sa ila mġa kaugalingon.

8 Palahuni-kamo sing sunġay sa Gibeá, sang budyong sa Rama; silingit-kamo sa Bet-aben. *Ang kaaway* sa olehe nimo, oh Benyamin.!

9 Si Epraim pagahapayon sa adlaw sang pagsabdong; sa tunġa sang mġa kabikahan ni Israel ginapakilala ko ang kamatooran.

10 Ang mġa dunganon sa Iuda subung sila sang mġa nagahalin sang mġa dulunan. Subung sang tubig pagaiula ko sa ibabaw nila ang akon kaakig.

11 Si Epraim ginpigos, gintistisan sa paghukom, kay indi nagasunud sia kon-di sa olehe sang sogo nġa luyag niya.

12 Kag ako subung sang sipit kay



Epraim, kag subung sang bukbuk sa baláy ni Iuda.

13 Kag nakita ni Epraim ang iya balatian, kag ni Iuda ang iya pilas; kag nagakadto si Epraim sa Asur kag nagapadalá sa isa ka hari nga nagaapiu sa iya; apang ini sia indi sarang makaáyô sa inyo, bisan makabolóng sa inyo sang inyo pilas.

14 Kay ako magamanġinsubung sang leon kay Epraim, kag subung sang tutuy sang leon sa baláy ni Iuda. Ako, ako magaagaw, kag magalakat ako; kag pagadalhon ko kag walâ sing sin-o nga makaluwas.

15 Magalakat ako, kag magabalik ako sa akon duug, tubtub nga magbat-yag sila nga mga makasasalâ, kag magapalangita sila sang akon nawung: sa ila kalilisan magapangita sila sa akon.

6 “KARI-KAMO,” *magasililing sila*, “kag magbalalik-kita kay Iehoba; kay sia nagtukub, apang pagabulnġon niya kita; nagpilas sia, apang sia magabugkos.

2 Magahatag sia sa aton sing kabuhi sa duha ka adlaw; sa ikatlo ka adlaw pagapabangonon kita niya, kag magakalabuhi kita sa atubangġan niya.

3 Niyan nagakilala kita, kag magapaladayon kita sa pagkilala kay Iehoba. Ang iya gulowaan malig-on, subung sang iya sang pamanagbanag, kag magaabut sia sa aton subung sang bugana nga ulan, subung sang ulan nga tingin-ot nga nagabunyag sang duta.”

Ang pagkadimapadayonon, ang pagkadagwayanon kag ang pagkadimaġnohon ni Israel.

4 ¿Ano bala ang pagahimoon ko sa imo, Epraim? ¿Ano ang pagahimoon ko sa imo, oh Iuda? Ang inyo gugma subung sang gal-um sang kaagahon, kag subung sang tun-og nga nagakapanas kutub sa kaagahon.

5 Tunġud sini ginautud ko sila, tunġud sang manalagna, sa mga polong sang akon bâbâ ginapatay ko sila; kag ang imo mga paghukom magagulo-wa subung sang kapawa.

6 Kay ginkaluyagan ko ang pagkalooy kag indi ang halad, kag ang pagkilala sa Dios labi pa sang mga halad nga sinunog.

7 Apang sila, subung kay Adam,

nagalalapas sang katipan; didto naghilimo sila sing mabudhion gid batok sa akon.

8 Ang Galaad, banwa sang mga manugbuhat sing kalautan, punô sang mga dagta sang dugo.

9 Kag subung sang mga nagakaladto nga pinanung sa paghulat sa isa ka tawo, subung sini ang paghiliutud sang mga saserdote: sila nagapamono sa dalan, nga nagapadulong sa Sikem; kay ginahimo nila ang salâ nga dulumtan.

10 Sa baláy ni Israel ginatan-aw ko ang makakulugmat: yadto didto ang pagpanghilahe ni Epraim. Ginahigkoan si Israel.

11 Sa imo man, Iuda, napat-in na ang isa ka ani nga *sa oras* nga pagapabalikang ang mga bihag sang akon banwa.

7 SANG buut ako magbulóng kay Israel, niyan ginapahayag ang kalautan ni Epraim kag ang mga kalainan sa Samar'a; kay nagahilimo sila sing limbong: ugaling nagaabut ang makawat, ang pinanung nagapangliublas sa mga dalan.

2 Kag walâ nagasililing sila sa ila tagiposoon, nga akon ginapanumdum ang tanan nila nga kalainan: karon ginalibutan sila sang ila mga binuhatan; yara sila sa atubangġan sang akon nawung.

3 Sa ila kalainan ginalipay nila ang hari, kag ang mga dunganon, sa ila mga kabutigan.

4 Sila nga tanan nagapanugyan sa pagpakighilawas; subung *sila* sang dapug nga ginatutdan sang manugtinapay, nga magauntat sia sa pagdabdab sa tapus nga mahimo niya ang linamas, tubtub nga magkumbo.

5 Sang adlaw sang amon hari, nagbalatian ang mga dunganon sa hilanat sang alak. Ang tagsatagsa nagauntay sang iya kamut sa mga mayubiton.

6 Kay, sa ila pagpuot, nagaalaman sila sang ila tagiposoon, kaangay sang isa ka dapug, sa ila mga padugidugi: nagatolog sa bug-os nga gab-i ang ila manugtinapay; sa aga pinadukut sia subung sang kalayo nga nagadabdb.

7 Sila nga tanan nagadabdb, subung sang isa ka dapug, kag nagahalalunhon sila sang ila mga hukom. Nagakalapukan ang tanan nila nga mga hari.

Walay sin-o sa ila nga magpanawag sa akon.

8 ¡Epraim! Nagasamo sia sa mga banwa: si Epraim among torta nga walâ mabaliskad.

9 Ginahalunhon sang mga dumuluong ang iya kusug, kag sia walâ makapangilala sini: kag bisan pa ang mga uban ginasab-ug sa ibabaw niya, kag sia walâ makapangilala sini.

10 Kag ang palabilabi ni Israel magapamatuud batok sa iya guya; kag walâ sila magabalalik kay Iehoba, nga ila Dios, kag walâ magapangita sila sa iya bisan pa sining tanan.

11 Kag si Epraim subung sang salampati nga kulangkulang nga walâ sing tagiposoon; nagapalanawag sila sa Egipto, kag nagakaladto sila sa Asur.

12 Sang nagapalakadto sila, pagahumlaron ko sa ibabaw nila ang akon pukot, kag pagapanghulugon ko sila subung sang sa mga kapispisan sang langit; pagapanilotan ko sila, sono sang nabatian sa ila mga katilingban.

13 ¡Kailo sila, kay nagapalagyo sila sa akon! Kalaglagan sa ibabaw nila, kay naglalalis sila batok sa akon. Pagatubson ko sila, apang sila naghahambal sing mga butig batok sa akon,

14 Kag walâ sila magapalanawag sa akon sa ila tagiposoon, apang nagauluwang sila sa ibabaw sang ila mga higdaan; nagatilipon sila nga malapit sa trigo kag sa duga sang ubas; nagapalayô sila sa akon.

15 Kag ginatudloan ko sila, ginapakusug ko ang ila mga butkon, apang batok sa akon nagapamalandong sila sing malain.

16 Nagabalalik sila, spang indi sa Labing-Mataas. Subung sila sang pana nga malimbongon. Magakalapan ang ila mga dunganon sa hinganiban, bangud sang kaakig sang ila dila; tungud sini manginiligoon sila sang kaladlawan sa duta sang Egipto.

Ang silot malapit na.

**8** IBUTANG sa imo bâbâ ang bud-yong. *Magaabut* ang kaaway subung sang agila sa ibabaw sang Baláy ni Iehoba, kay ginalalapas nila ang akon katipan kag nagalalis sila batok sa akon kasogoon.

2 Sa akon magasingit sila: "Dios ko, ginakilala ka namon, kami, Israel."

3 Ginalas-ayan si Israel sang maayo; ang kaaway magalagas sa iya.

4 Sila nagahilimo sing mga hari, apang indi tungud sa akon: nagahilimo sila sing mga dunganon, apang ako walâ makahibalo sini. Sa ila pilak kag sa ila bulawan naghilimo sila sing mga diosdios nga sa ila, agud nga pagpangutdon sila.

5 Ang imo tinday sang baka ginalas-ayan ako, oh Samaria. Nagadabdab ang akon kaakig batok sa ila. ¡Tubtub bala san-o nga walâ sila makasarang sa *paghulat* sang pagkawalay salâ?

6 Kay sia nagagikan man kay Israel: ang isa ka panday ang naghimo sa iya nga indi sia dios, kay pagapihakpihakon ang tinday sang baka sang Samaria.

7 Kay nagasab-ug sila sing hanġin, kag ang alimpulos pagaanihon nila: walâ sila sing trigo sa uyas; ang liso walâ sing harina, kag kon may yara sia, ang mga dumuluong magatololon sa iya.

8 Gintolon si Israel: karon gid yara sila sa tungâ sang mga katawohan, subung sang butang nga walâ na sing kanamit.

9 Kay ining mga banwa nagatalaklad sa Asur; ang asno nga talonon nagaisa-isa lamang. Tungud sang mga dôlot si Epraim nagaankon sing mga gugma.

10 Bisan pa nagahimo sila sing dôlot sa tungâ sang mga katawohan, karon pagatipunon ko sila, kag magasugud sila sa pagkupos sa idalum sang lulan sang hari sang mga dunganon.

11 Kay nagapadamu si Epraim sing mga halaran nga sa pagpakasalâ, ang mga halaran magapakasalâ sa iya.

12 Bisan pa magsulat ako sa iya sang mga dalagku nga mga butang sang akon kasogoon, ginakabig nila sila subung nga butang nga dumuluong.

13 Nahanungud sa mga halad sang akon mga dôlot nagahalalad sila sing unud, ugaling nagkalaon sila sa iya. Si Iehoba walâ magakahamuut sa ila. Karon makadumdum sia sang ila kalautan, kag magasilot sia sang ila salâ. Sila magabalalik sa Egipto.

14 Nagkalipat si Israel sang naghimo sa iya, kag nagpatindug sia sing mga baláy nga harianon kag si Iuda nagadamu sing mga banwa nga mabakud;



apang magapadalâ ako sang kalayo sa iya mġa banwa kag magahalonhon sia sang ila mġa baláy nġa harianon.

Ang sala ni Israel kag ang iya mġa bungġa.

9 INDI ka magkalipay, oh Israel, tub-tub nġa maglumpat ka sa kalipay, subung sang mġa banwa; kay nagpanghilahe ka, nġa nagpalayô ka sa imo Dios: naghigugma ka sang sohol sang kahigkoan sa ibabaw sang tanan nġa linasan sang trigo.

2 Ang linasan kag ang ipitan, indi makapakaon sa ila; kag ang duga sang ubas magadaya sang ila paglaum.

3 Indi sila magapuluyô sa duta ni Iehoba; magabalik si Epraim sa Egipto, kag sa Asur magakalaon sila sing mġa mahigko.

4 Indi na sila magaulula sing halad nġa ilimnon nġa alak kay Iehoba, kag ang ila mġa halad indi na mangġnkahamut-an sa iya. Sila magamangġnsubung sa ila sang tinapay sang lalaw nġa ang tanan nġa nagakaon sa iya mangġnmahigko. Kay ang tinapay nila mangġn sa ila kabuhi; indi magasulúd sia sa Baláy ni Iehoba.

5 ¿Ano bala ang inyo pagahimoon sa adlaw sang piesta nġa pinat-in kag sa adlaw sang piesta ni Iehoba?

6 Kay, yari karon, nagataliwan sila bangud sang kahapayan; ang Egipto magatipon sa ila, ang Nop magalubung sa ila. Ang tanan nġa ginapangġita sa bili sang pilak pagaangkonon sia sang dalamo; ang sapinit magatúbô sa ila mġa layanglayang.

7 Nagaalabut ang mġa adlaw sang pag-silot, nagaalabut ang mġa adlaw sang balus. Pagakilalahon ini ni Israel. Kulangkulang ang manalagna, nagasalâ ang lalaki nġa binugnaan, bangud sang kadamuon sang imo kalautan kag sang imo daku nġa pagkakaaway.

8 Yara sa pagpanilag si Epraim sa *iban*, labut pa sa akon Dios: ang manalagna among siod sang mangangayam sa tanan niya nġa mġa dalanon, kag pagkakaaway sa Baláy sang iya Dios.

9 Naghilimo sila sang ila kaduluntan nġa madalum, subung sang sa mġa adlaw sa Gibeá. Magadumdum sia sa ila kalautan; pagasilotan niya ang iya mġa salâ.

10 Subung sang ubas sa kahanayakan

nasapwan ko si Israel: subung sang úna nġa igos sa isa ka igerá sa iya pamúnô nakita ko ang inyo mġa ginikanan. Sila nagkadto sa Baal-Peor, kag nagpain sila nġa sa kahuluy-an, kag nangġnkalanġilaran sila subung sadtong ginhiligugma nila.

11 ¡Epraim! Ang ila himaya magalupad subung sang pispis; walâ na sing pagkatawo, walâ sing pagbusung, walâ sing pagpanamkon.

12 Kag kon magsagud sila sang ila mġa anak, pagadumilian ko sila sing mġa tawo. Hoo; ¡kailo sila; kon ako sa ila magpalayô!

13 Si Epraim, sono sang akon ginatan-aw sa Tiro, nġa napahamtang sa iya matam-is nġa puluy-an; apang si Epraim dapat nġa magpagowa sang iya mġa anak nayon sa manugpatay.

14 ¡Hatagi sila, oh Iehoba! ¿ano bala ang imo pagaihatag sa ila? Hatagi sila sing tiyan nġa nagaholog, kag mġa soso nġa mamala.

15 Ang tanan nġa kalainan nila yara sa Gilgal; kay didto nagdumut ako sa ila. Tungud sang kalainan sang ila mġa binuhatan pagasobolon ko sila sa akon Baláy. Indi na gid ako magahigugma sa ila. Ang tanan nila nġa mġa dunganon mġa malalison.

16 Si Epraim ginpilas: nagmala ang iya gamut, indi na magabungġa sila; bisan pa magpalanganak sila, ako magapatay sang bungġa nġa hinandum sang ila tiyan.

17 Ang akon Dios magasikway sa ila, kag sila walâ magapalamati sa iya, kag magatalalang sila sa tungġa sang mġa katawohan.

10 ANG Israel among isa ka mada-bung nġa kaubasan, nġa nagapamungġa nġa sa iya *lamang*. Sono sa kadamuon sang iya bungġa, ginapadamu niya ang mġa halaran; sono sang mangad sang iya duta, ginapamangad nila ang ila mġa larawan.

2 Madanlog ang ila tagiposoon. Karon mabilang sila nġa mġa makasasalâ magaguba sia sang ila mġa halaran, magahapay sia sang ila mġa larawan nġa haligi.

3 Kay nagasililing sila karon: "Walâ na kami sing hari, kay walâ kami magakahadluk kay Iehoba, kag ¿ano bala

ang pagahimoon sang hari tungud sa amon?"

4 Nagamitlang sila sing mga polong; nagasulumpa sila sing butig, naghilimo sila sing mga katipan; ngani, ang paghukom nagatúbô subung sang hilamon nga makahililo sa mga idas sang latagon.

5 Bangud sang mga bakiya nga tinday sang baka sa Bet-aben, magakalahadluk ang mga pumuluyô sa Samaria: kay sa iya ang iya banwa may lalaw, kag ang iya mga saserdote, nagakalasadya bangud sa iya, bangud sang iya himaya, nga nagapalayô sa iya.

6 Kag pagadal-on pa sia sa Asur, subung nga dólôt sa hari nga si Iareb. Si Epraim pagapakahuy-an, kag si Israel pagapakahuy-an sa iya laygay.

7 Ang Samaria nadula, upud ang iya hari, subung sang bukal sa ibabaw sang kadayang sang mga tubig.

8 Pagapanlaglagon ang mga mataas nga duug sa Aben, sadtong salâ ni Israel. Magatúbô sa ibabaw sang iya mga halaran ang mga tunok kag ang mga sapinit. Niyan magasililing sila sa mga bukid: "Tabuni-ninyo kami"; kag sa mga kabakuluran: "Kalapukan-kamo sa ibabaw namon."

9 Kutub sang mga adlaw sang Gibeá nagpakasalâ ka, oh Israel. Didto sila nagdulúlog. Walâ sia makalambut sa ila sa Gibeá, ang inaway nga ginhimo batok sang mga anak sang kalautan.

10 Busa, pagasilotan ko sila sono sang akon luyag; kag ang mga banwa magatilipon batok as ila, kon sila pagaipangaid sa ila duha ka kalautan.

11 Si Epraim among bakiya nga tinday sang baka nga nahagup, nga mahigugmaon sa paglinas; kag ako nagaagi upud ang akon singkaw sa ibabaw sang iya matahum nga tingkoy: pagatakdan ko si Epraim, si Iuda magadaro, si Iakob magapakaras sa iya.

12 Talanum-kamo nga sa inyo sa katarungan, alani-kamo sono sang bugay. Bungkagon-ninyo sa pagdaro. Kag among panag-on sa pagpangita kay Iehoba, tubtub nga magaabut sia, kag nga ipasagahay sa inyo ang ulan sa katarungan.

13 Nagadalaro kamo sing kalainan, nagaalan kamo sing dikatarungan, nagakalaon kamo sang bunga sang butig; kay nagasalig ka sa imo dala-

non, sa kadamuon sang imo mga tinawo nga maisug.

14 Kag sa imo mga banwa magatindug ang kinagahud, kag ang tanan mo nga mga kabakuran pagahapayon, subung sang paglaglag ni Salman kay Bet-arbel sang adlaw sang inaway: ang ilôy ginlinas upud sang mga anak.

15 Yari karon ang pagahimoon ni Bethel sa inyo, bangud sang kalainan sang inyo kalainan. Sa pamanagbanag pagalaglagon, pagalaglagon ang hari sa Israel.

Pagkadimatagbaluson ni Israel.—Mga pabug kag mga panaad.

**11** SANG si Israel bátâ pa, ako naghi-gugma sa iya, kag gikan sa Egipto gintawag ko ang akon anak.

2 Sono sang pagtawag sang mga manalagna sa ila, sila nagpalalayô sa atubangan nila; sa mga Baal nagahalad sila, sa mga larawan nga tinigban, nagapasunog sila sing pahamut.

3 Ako nagtudlo sa paglakat kay Epraim, nga ginauyatan ko sia sa akon mga butkon, apang walâ sila magkilala nga ako nag-áyô sa ila.

4 Ginbihag ko sila nga may mga lubid nga tawohanon, nga may mga lubid sa gugma. Naningsubung ako sa ila sang nagahayaw sang singkaw sa ibabaw sang ila mga sulang, kag ginpakaon ko sia sing malum-ok gid.

5 Indi sia magabalik sa duta sang Egipto, kag ang amo gid nga si Asur among iya hari, kay nagadumili sia sa pagbalik sa akon;

6 Kag nagakaholog ang hinganiban sa ibabaw sang iya mga kabanwaan, kag pagaupuron niya ang iya mga pintal kag pagahalonhonon niya sia bangud sang ila mga laygay.

7 Apang ang akon banwa natingub sa iya paglalis batok sa akon: bisan pa ginatalawag sia nga sa Labing-Mataas, walâ sing bisan sin-o nga magadayaw sa iya.

8 ; Paano bala ang pagbiya ko sa imo, oh Epraim, pagaitugyan ko ikaw, Israel? ; Paano bala ang pagbiya ko sa imo subung sang sa Adma? ; Pagahimoon ko ikaw subung sang Seboim? Ang akon tagiposoon nagabaliskad sa sulúd nakon; nagadalabdab sing tingub ang tanan nakon nga mga pagkalooy.



9 Indi ko pagahikuton ang kasingkal sang akon kaakig, kag indi ako magabalik sa paglaglag kay Epraim: kay Dios ako, kag indi tawo; Balaan ako sa tungâ nimo, kag indi ako magaabut sa kaakig.

10 Magalalakat sila sa olehe ni Iehoba. Sia magaima subung sang leon; kay magaima sia, kag ang *iya* mga anak magadalanġup sing dalidali gid gikan sa Dagat.

11 Magadalanġup sila sing dalidali gid gikan sa Egipto, subung sang pispis kag gikan sa duta sa Asur, subung sang salampati; kag pagapapuyo-on ko sila sa ila gid nga mga baláy, siling ni Iehoba.

Kasaba ni Iehoba kay Iuda kag kay Israel.

**12** GINALIBUTAN ako ni Epraim sang mga butig, kag ang baláy ni Israel sang daya. Kag si Iuda dimapinadayonon sa Dios, sa Balaan nga matutum.

2 Si Epraim nagapahalab sa hangin, kag nagasunud sia sa hangin sa Sidlangan: nagapadamu sia sa adlawadlaw sang butig kag sang kahapayan; kay naghilimo sila sing pagpakigkatipan sa Asur, kag ginadalá nila ang lana sa Egipto.

3 May kasaba man si Iehoba kay Iuda; buut sia magsilot kay Iakob, bangud sang iya mga dalanon: pagabayaran niya sia sono sang iya mga binuhatan.

4 Kutub sa tiyan gindakup niya sa tikod ang iya útud, kag sa iya kabaskug gindumog niya ang Dios.

5 Gindumog niya ang manugtunda kag naglandas sia; naghibi sia kag nagpakilooy sa iya. Sa Bethel nakita niya sia, kag didto naghambal sia upud sa aton.

6 Apang si Iehoba among Dios sang Sebaot: "si Iehoba" amo ang ginahingalan sa iya.

7 Busa, ikaw, balik-ka sa imo Dios: bantay-ka sang bugay kag sang tulumanon, kag hulat-ka sa imo Dios sa gihapon.

8 Kanaanhon, sa iya kamut may timbangan sa daya; nagahigugma sia sa pagpilit.

9 Kag si Epraim nagsiling: "Hoo, nagmanganar ako, nakakita akosing mga mangad nga sa akon: sa tanan nga mga duug sa akon kinabudlayan walay sino-

nga makakita sa akon sing kalautan, bisan ano nga salâ."

10 Kag ako, nga si Iehoba, ako ang imo Dios kutub sa duta sa Egipto; pagapapuyo-on ko pa ikaw sa mga layanglayang, subung sang sa mga adlaw sang piesta nga pinat-in.

11 Nagahambal ako sa mga manalagna; kag ginapadamu ko ang tagna, kag tungud sang mga manalagna nagaboko ako sing mga hulubaton.

12 Yara sa kalautan ang Galaad, lunsay nanginkadayawan sila. Sa Gilgal nagahalad sila sing mga baka; ang amo nga mga halaran nila subung sang mga tinumpok sa mga idas sang latagon.

13 Si Iakob nagpalagyo sa mga latagon sa Aram; nag-alagad si Israel tungud sa isa ka babae, kag tungud sa isa ka babae nagbantay sia sang mga pinanung.

14 Kag tungud sang isa ka manalagna ginpataklad ni Iehoba si Israel sa Egipto, kag tungud sang isa ka manalagna ginbantayan si Israel.

15 Ginapaakig sing mapait gid ni Epraim ang Dios; pagaibutang sa ibabaw niya ang dugo nga ginaula niya, kag ang iya Ginoo magapabalik sa ibabaw niya sang iya kahuluy-an.

Ang sala ni Israel kag ang iya silot.

**13** SANG si Epraim naghambal, nagabut ang kahadluk; gindayaw sia sa Israel; apang nagpakasalâ sia sa Baal, kag namatay sia;

2 Kag karon sa iya salâ nagapaladasyon sila, kag sa iya pilak naghilimo sila, sono sang ila ihibalo, sing mga larawan nga tinunaw, yadtong tanan nga binuhatan sang mga panday. Nahanungud sa ila nagasililing sila: Ang mga tawo nga nagahalalad, maghalaluk sila sa mga tinday sang baka.

3 Ngani, manginsubung sila sang galum sang aga, kon subung sang tun-og sang pamanagbanag nga nagaagi; subung sang alikabot nga nagaalimpulos sa gowa sang linasan, kag subung sang asó nga nagagowa sa talambuan.

4 Apang ako, nga si Iehoba, amo ang Dios kutub sa duta sa Egipto; kag indi ka magakilala sing Dios luwas sa akon, bisan sing Manunubus luwas sa akon.

5 Ginkilala ko ikaw sa kahanayakan, sa duta sang mga kamalahan.

6 Sang ginpahalab sila, nagkalabusug sila; sang nagkalabusug sila, nagpabalabi ang ila tagiposoon; tungud sini nagkalalalipat sila sa akon.

7 Kag ako nga sa ila manginsubung sang leon; subung sang isa ka leopardo sa dalan magapanilag ako sa ila.

8 Masapwan ko sila subung sang aso, nga ginkawat ang iya mga magamay, kag pagagision ko ang mga labutlabut sang ila tagiposoon; kag didto pagahalunhunon ko sila, subung sang leon nga babae; ang sapat sang latagon magahinai sa ila.

9 Ang imo pagkadula, oh Israel, amo ang pagbatok sa akon, pagbatok sang imo Bulig.

10 Busa {diin bala ang imo hari? Magluwas sia sa imo sa tanan mo nga mga kabanwaan. Kag {diin bala ang imo mga hukom, nga nahanungud sa ila nagsiling ka: Hatagi ako sing hari kag sing mga dunganon?

11 Ginahatagan ko ikaw sing hari sa akon kasingkal, kag ginakuha ko ini sa akon kaakig.

12 Nahigtan ang kalainan ni Epraim sa isa ka bugkos, ang iya sala natago sa talagaoan.

13 Ang mga kasakit sa nagaanak, magaalabut sa iya. Amo sia ang isa ka anak nga dimahibaloanon, kay sa horas sang pag-anak sa iya, wala sia magaabut sa paganak.

14 Sa kamut sang lulubngan pagatubson ko sia, pagaluwason ko sia sa kamatayon. Magamanginkalalat-an mo ako oh kamatayon; magamanginkalaglagaan mo ako, oh lulubngan. Ang paghinulsul gintago sa akon mga mata.

15 Kay, bisan pa sia magpamunga sa tunga sang iya mga utud, ang hangin sa Sidlangan, magaabut sa iya, ang hangin ni Iehoba, nga nagasaka gikan sa kahanayakan, kag nagamala ang iya tuburan, kag nagahubas ang iya ginatubdan. Yadto sia magaati sang bahandi sang tanan nga mga malahaloin nga mga butang.

16 Ang Samaria pagabilangoon nga makasasala, kay naglalis sia batok sa iya Dios. Nagakalapukan sila sa hinga-

niban: ang iya mga masoso pagalinason, kag ang iya mga nagabulusong pagahinahian.

Laygay sa paghinulsul; mga panaad sa pagpatawad.

**14** BALIK ka, oh Israel, kay Iehoba, nga imo Dios; kay tungud sang imo kalautan napukan ka.

2 Dalha-ninyo sa inyo ang mga polong sa pangamuyo kag, magbalik-kamo kay Iehoba. Silinga-ninyo sia: "Kuhaa ang tanan nga kalautan, kag batuna ang maayo, kag magahalatag kami sa imo sing mga halad sa pagdayaw sa amon mga bibig.

3 Indi magaluwas sa amon si Asur; indi kami magasalakay sa mga kabayo, bisan nga mas-a magasililing pa kami sa binuhatan sang amon mga kamut: Mga dios namon kamo; kay sa imo yara ang kahinoklog nga sa ilo.

4 Pagabulngon ko ang ila pagkamalalison, pagahigugmaon ko sila sa maayo nga tagiposoon; kag ang akon kasingkal nagapalayô sa ila."

5 Ako manginsubung sang tun-og kay Israel; sia magapamulak subung sang lirio, kag magagapa ang iya mga gamut subung sang Libano.

6 Magalaba ang iya mga salingsing, ang iya pagkahalangdon manginsubung sang iya sang oliba, kag may khamut sia subung sang Libano.

7 Ang mga magapuluyô sa idalum sang iya handong, magahatag sila liwan sing kabuhi sa trigo; kag magapalamulak sila subung sang punô sang ubas; ang iya bansag, subung sang iya sang alak sang Libano.

8 Epraim: {Ano pa bala ang labut ko sa mga diosdios? Amo ako nga nagasabat sa iya, kag nagapulaw sa iya, ako nga subung sang sipres nga hilaw sa gihapon. Sa akon nagagikan ang bunga nga makita sa imo.

9 {Sin-o bala ang maalam? Maghangup sia sini nga mga butang. Kag {ang mabuut bala? Magkilala sia sa ila. Kay ang mga dalanon ni Iehoba mga matadlung, kag ang mga matarung magalalakat sa ila; apang ang mga malalison magakalasandad sa ila.



# SI IOEL.

Makahaladluk nga gutum, nga nag-abut bangud  
sang mga apan kag sang kamala.—Mga  
laygay sa paghinulsul.

1 ANG polong ni Iehoba nga nag-abut  
kay Ioel, nga anak ni Petuel.

2 Pamatii-ninyo ini, mga tigulang; kag  
dunga-ninyo, tanan nga mga pumuluyô  
sa duta. ¿Nahanabu bala ini sa inyo  
mga kaadlawan, kon sa mga kaadlawan  
sang inyo mga ginikanan?

3 Ipanugid ini sa inyo mga anak, kag  
ang inyo mga anak sa ila mga anak, kag  
ang ila mga anak sa isa ka kaliwatan.

4 Ang ginbilin sang *apan* nga gasam,  
ginahalunhon sang arbe; ang ginbilin  
sang arbe, ginahalunhon sang yelek; kag  
ang ginbilin sang yelek, ginahalunhon  
sang hasil.

5 Pagmata-kamo, mga hubug, kag  
hililibi kamo; uluwang-kamo, mga pa-  
lainum sing alak, bangud sang *duga*  
*sang ubas*, kay pagaagawon sa inyo bâbâ.

6 Kay isa ka katawohan nga makusug  
kag dimaisip nagasaka batok sa akon  
duta. Ang ila mga ngipon, mga ngipon  
sang leon, kag ang ila mga sulang, iya  
sang leon nga babae.

7 Nagahapay sia sang akon kaubasan  
kag nagapamanit sia sang akon igera  
ginaanitan sia niya sang tanan nila nga  
panit, kag ginahabuy niya sia didto; ang  
iya mga sangâ nagapuluti.

8 Panalabiton-ka subung sang ulay  
nga nagapanaput sing panapton nga ma-  
sinakiton, bangud sang bana sang iya  
pagkapamatan-on.

9 Ang halad nga kalan-on kag ang  
halad nga ilimnon ginutûd sila sa  
Baláy ni Iehoba; ang mga saserdote nga  
nagaalalagad kay Iehoba, nagalalaw  
sila.

10 Ang mga latagon ginalaglag, naga-  
lalaw ang duta; kay ang trigo ginahapay,  
ang duga sang ubas nagamala, ang lana  
nagahubas.

11 Ang mga mamumugon ginapaka-  
huy-an, ang mga manugubas nagaulu-

luwang, bangud sang trigo kag sang  
sebada, kay nadula ang patubas sang  
mga latagon.

12 Nalaya ang púnô sang ubas, kag  
ang igera naganiwang; ang granada,  
ang paklang kag ang mansana man.  
Nagkalaya ang tanan nga mga kaka-  
huyan sang latagon; hoo, nalayong  
ang kalipay sang mga anak sang tawo.

13 Pangwagkus-kamo, kag panalabi-  
ton-kamo, mga saserdote: uluwang-  
kamo nga nagaalalagad sa halaran;  
kalari-kamo, higda-kamo sa mga pa-  
napton nga masinakiton, kamo nga  
nagaalalagad sa akon Dios. Kay ginpa-  
untat sa Baláy sang inyo Dios ang halad  
nga kalan-on, kag ang halad nga  
ilimnon.

14 Balantala-kamo sing puasa kag  
palanawag-kamo nga sa pagtilipon nga  
maligdong; tipuna-ninyo ang mga tigu-  
lang kag ang tanan nga mga pumuluyô  
sang duta sa Baláy ni Iehoba, nga inyo  
Dios, kag palanawag-kamo sa iya.

15 ¡Kailo sang adlaw! Kay malapit  
na ang adlaw ni Iehoba, kag magakari  
sia subung nga kahapayan sang Maka-  
gagahum.

16 ¿Indi bala ginkuha ang kalan-on  
sa atubangan sang aton mga mata, kag  
ang kalipay kag ang kasadya sa Baláy  
sang aton Dios?

17 Ang uyas nagakagabuk sa idalum  
sang ila mga puga; ang mga talagoan  
ginapanghapay, ang mga damisag gina-  
panlaglag; kay nagamala ang trigo.

18 ¡Daw ano ang mga pagbakho sang  
mga kasapatan! Ang mga pinanungsang  
mga baka ginakulbaan, kay walâ na sila  
sing mga halalabon. Ang amo nga  
mga kinabon sang mga obeha naga-  
alantus sing silot.

19 Sa imo, oh Iehoba, magapanawag  
ako, kay kalayo ang nagaupûd sang  
mga halalbon sa kahanayakan, kag  
dabdad ang nagasunog sang tanan nga  
mga kahoy sang latagon.

20 Ang mga kasapatan sang lata-

gon nagailima man sa olehe mo, kay nagmalala ang mga kasapaan sang mga tubig, kag kalayo ang nagaupud sang mga halalban sa kahanayakan.

**2** PALATUNOG-KAMO sing bud-yong sa Sion, kag magsilingit-kamo sa bukid sang akon pagkabalaan; magkulug ang tanan nga mga pumuluyô sang duta, kay nagaabut ang adlaw ni Iehoba; hoo, malapit sia.

2 Adlaw sang mga kadudulman kag sang kadulum, adlaw sang gal-um kag sang madamol nga kadudulman. Ini amo subung sang pamanagbanag nga nagabanaag sa ibabaw sang mga kabukiran: isa ka banwa nga madamu kag mabakud: walâ nga mas-a sing kaangay sa iya sadto, bisan sa olehe niya walâ nga mas-a, sa mga tuig, sa kaliwatan kag sa kaliwatan.

3 Sa atubangan niya ang kalayo naga-haloulhon, sa likod niya ang dabdab nagaupud: sa atubangan niya ang duta subung sang katamnan sang Eden kag sa likod niya sang kahanayakan nga hinapay; walâ sing ano man, nga sa iya makapalagyo.

4 Ang iya dagway, subung sang dagway sang mga kabayo, kag subung sang mga manugkabayo magadalalagan sila.

5 Subung sang dinaguab sang mga kanga kon nagalulumpat sila sa ibabaw sang mga putokputokan sang mga bukid, subung sang kagahud sang dabdab sang kalayo nga nagaupud sang mga alikabo, subung sang mabakud nga banwa nga ginasunod sa pag-awayan.

6 Sa atubangan niya nagalubag ang mga banwa sa kasakit, nagaluluspad ang tanan nga mga nawung.

7 Nagadalalagan sila subung nga mga maisug: subung nga mga tawo sa pag-awayan magasalaka sila sa kuta; ang tagsatagsa nagapakadto sa iya dalanon, kag indi nila ginaliwan ang ila mga banas.

8 Walâ sing sin-o nga magaipit sa iban, ang tagsatagsa nagapakadto sa iya dalaganan: nagalatas pa sila sa mga hinganiban kag indi nagalipas sa ila padunungan.

9 Nagasalakay sila sa banwa, nagadalagan sila sa ibabaw sang kuta, nagasalaka sila sa mga balây, nagasululud

sila sa mga talambuan subung sang mga makawat.

10 Sa atubangan niya ginakibang ang duta, nagakurug ang langit; ang adlaw kag ang bulan nagadululum, kag ang mga kabitoonan nagapalauplok sang ila kasanag.

11 Kag si Iehoba nagapahagonghong sang iya tingug sa atubangan sang iya kasoldadosan, kay aag iya dulugan madamu gid, kag ang manughikot sang iya polong gamhanan; kay ang adlaw ni Iehoba among daku kag makahaladluk gid, kag i sin-o bala ang makasarang sa pag-antus sini?

12 Busa karon gid, siling ni Iehoba, magbalalik kamo sa akon sa bug-os ninyo nga tagiposoan, nga may puasa kag nga may hibi, kag may mga panalabitan.

13 Kag gisia-ninyo ang inyo tagiposoan, kag indi ang inyo mga panapton, kag magbalik-kamo kay Iehoba, nga inyo Dios, kay maloloy-on sia kag mahinoklogon, mahinay sa pagpangakig, kag bugana sa kalooy, kag nga nagnulsul sang malain nga *ginpahug niya*.

14 i Sin-o bala ang nakahibalo? Sarang sia makabalik, kag maghinulsul sia, kag magabilin sing pagpakamaayo sa olehe niya, sing halad nga kalan-on kag sing halad nga ilimnon kay Iehoba, nga inyo Dios.

15 Palatunog-kamo sing budyong sa Sion, balantala-kamo sing puasa kag palanawag-kamo nga sa isa ka pagtilipon nga maligdong.

16 Tipuna-ninyo ang banwa, pakabalaana-ninyo ang katipunan; tilipuna-ninyo ang mga tigulang, tinguba-ninyo ang mga kabataan, patí ang mga nagsoloso: maggowa ang kalasalon nga lalaki sa iya hulut, kag ang kalasalon nga babae sa iya hulut nga sa pagtiayon.

17 Sa tungâ sang alagyan kag sang halaran maghililibi ang mga saserdote, nga nagaalagad kay Iehoba, kag magsililing sila: "Kalooye, oh Iehoba, ang imo banwa, kag indi mo pagaitugyan sa kahuluy-an ang imo panublion, agud nga ang mga katawohan maggilino sa iya. i Kay nga bala magasililing sila sa mga kabanwaan: diin bala ang iya Dios?"



Panaad sa kabugana.

18 Niyan si Iehoba nagpangimon sa iya duta, kag nagkalooy sa iya banwa.

19 Kag nagsabat si Iehoba, kag nagsiling sa iya banwa: Yari karon, ako magapadalá sa inyo sing trigo, kag sing dugo sang ubas, kag sing lana, sa bagay nga magakabusug kamo sa ila: kag indi ko na igatugyan kamo sa kahuluy-an sa tungâ sang mga katawohan.

20 Kag pagapapalayoon ko sa inyo ang kasoldadosan sang Aminhan, kag pagasobolon ko sia sa duta nga mamala kag hinapay, ang iya nawung sa dagat nga nasidlangan, kag ang iya ikog sa dagat nga nakatundan; kag ang iya boho magasungaw, kag magapanimaho ang iya pagkadunut, kay naghimo sia sing dalagku nga mga butang.

21 Duta, dili ka mahadluk: kasadya-ka kag kalipay ka; kay si Iehoba magahimo sing dalagku nga mga butang.

22 Mga kasapatan sang latagon, indi kamo magkalahadluk; kay ang mga halaban sang kahanayakan pagatabonan sang hilaon nga linghod, kay ang mga kakahuyan magadalala sang ila bunga, ang igerá kag ang púnô sang ubas magahalatag sang ila patubas.

23 Kag kamo, mga anak ni Sion, kalasadya kag kalalipay-kamo kay Iehoba, nga inyo Dios; kay pagahatagan kamo niya sang tingulanon nga ulan sing sibo gid, kag pagapapanaugon niya sa ibabaw ninyo ang ulan nga tingulanon sing tama ka bugana subung sang ulan nga tingin-ot sa kamunoan sang panag-on.

24 Kag ang mga linasan magakalapunô sang trigo, kag ang mga ipitan maga awas sang duga sang ubas kag sang lana.

25 Kag pagaiuli ko sa inyo ang mga tuig nga ginhalonhon sang apan nga arbe, sang yelek, sang hasil kag sang gasam: ang akon daku nga kasoldadosan nga ginpadala ko batok sa inyo.

26 Kag magakalaon kamo, magakalaon kamo tubtub nga magkalabusug kamo, kag magadalayaw kamo sang ngalan ni Iehoba, nga inyo Dios, nga nagahimo sing mga kalatingalahan sa inyo; kag indi nga mas-a pagapakahuyan ang akon banwa.

27 Kag pagakilalahon ninyo nga sa tungâ ni Israel yara ako, kag nga si le-

hoba, nga inyo Dios amo ako, kag walâ sing iban, kag ang akon banwa indi nga mas-a pagapakahuy-an.

Ang pagpasagabay sang p'anaad nga Espiritu Santo.

28 Kag mahanabu, sa tapus sini, nga pagaipasagahay ko ang akon Espiritu sa ibabaw sang tanan nga unud, kag magatalagna ang inyo mga anak nga lalaki kag ang inyo mga anak nga babae; ang inyo mga tigulang magadalango sing mga damgo, kag ang inyo mga pamatan-on magatalan-aw sing mga palanan-won.

29 Kag sa ibabaw sang mga alagad nga lalaki kag sang mga alagad nga babae pagapasagahayon ko ang akon Espiritu sa sadtong mga adlaw.

30 Kag magahatag ako sing mga kalatingalahan sa langit kag sa duta, dugo kag kalayo, kag mga haligi nga asô.

31 Ang adlaw magabaylo sa mga kadudulman, kag ang bulan sa dugo, sa walâ pa mag-abut ang adlaw ni Iehoba, nga daku kag makakulugmat.

32 Kag mahanabu, nga bisan sin-o nga magtawag sang ngalan ni Iehoba, maluwas; kay sa bukid sa Sion kag sa Ierusalem may isa ka kaluwasan, subung sang ginsiling ni Iehoba; kag sa tungâ sang mga nagakalabilin, may mga pagatawgon ni Iehoba.

Mga paghukom sang Dios batok sa mga katawohan nga mga kaaway.—Ang Israel pagapatindugon liwan.

**3** KAY yari karon, sa sadtong mga adlaw kag sa sadtong panag-on, nga pagapabalikon ko ang mga bihag sa Iuda kag sa Ierusalem,

2 Pagatipunon ko ang tanan nga mga katawohan, kag pagapaduhugon ko sila sa nalupyakan ni Iosapat, kag didto magasulud ako sa paghukom sa ila nahanungud sang akon banwa, kag sang akon panublion nga si Israel, kay ginpaalapaag sila sa tungâ sang katawohan, kag ginbahinbahin nila ang akon duta.

3 Ginpapalaran nila ang akon banwa, kag ginhalatag nila ang batâ nga lalaki tungud sa isa ka bigaon, kag ginbalingya nila ang kabataan nga babae tungud sang alak, nga ginainum nila.

4 Kag ugaling, ¿ano man ang inyo sa akon, Tiro kag Sidon, kag kamo tanan nga mga kadulunan sang Pilis-tea? ¿Amo ini bala ang balus nga ginahimo ninyo sa akon, kon buut bala kamo maghimo *sing ano* batok sa akon? Sa mahapus gid, sa madali gid pagaiholog ko ang balus sa ibabaw sang inyo olo;

5 Kay ginkuha ninyo ang akon pilak kag ang akon bulawan, kag gindala ninyo ang akon labing malahalon nga mga butang kag ang labing maayo sa inyo nga simbahan:

6 Kag ginpamaligya ninyo ang mga inanak sa Iuda kag ang mga inanak sa Ierusalem sa mga inanak sang mga Iabanhon, sa pagpapalayô sa ila sa ila nga kadutaan.

7 Yari karon pagapukawon ko sila sa duug sa diin ginpamaligya ninyo sila, kag pagaiholog ko ang inyo balus sa ibabaw sang inyo olo.

8 Kag pagaibaligya ko ang inyo mga anak nga lalaki kag ang inyo mga anak nga babae sa kamut sang mga anak ni Iuda, kag sila magabalaligya sa ila sa mga Sabeinhon, sa katawohan nga malayô; kay si Iehoba naghambal.

9 Ibantala-ninyo ini sa mga katawohan: Pakabalaana-ninyo ang inaway; pukawa-ninyo ang mga maisug. Magpalalapit sila, magtalaklad sila, ang tanan nga mga tawo sa inaway.

10 Salsal-kamo sa inyo nga punta sang daro sing hinganiban, kag sa inyo nga sundang sing mga sumbiling; mag-siling ang maluya: Maisug ako.

11 Dali-kamo, kalari-kamo, mga katawohan nga tanan sa palibot, kag tili-pon-kamo. Didto, Iehoba, padulhuga ang imo nga maisug.

12 Magmalata ang mga katawohan, magtalaklad sila sa nalupyakan ni Io-sapat; kay didto magalingkod ako sa paghukom sa tanan nga mga katawohan, sa palibot.

13 Igolo-ninyo ang galab, kay gulang na ang alanyon. Kari-kamo, talapak-kamo, kay ang ipitan punô na, naga-alawas ang mga suludlan, kay daku ang kalainan nila.

14 ¡Mga kadam-an, mga kadam-an! sa nalupyakan sang Pagtapat. Kay malapit na ang adlaw ni Iehoba sa nalupyakan sang Pagtapat.

15 Ang adlaw kag ang bulan naga-dululum, kag ang mga kabitoonan nagapaulpok ang ila silak.

16 Kag si Iehoba nagaima kutub sa Sion, kag nagapahagonghong sang iya tingug kutub sa Ierusalem, kag nagakulurug ang mga langit kag ang duta; apang si Iehoba among dalangpan nga sa iya banwa, kag ang kabakuran sang mga inanak ni Israel.

17 Kag makilala ninyo nga ako amo si Iehoba, nga inyo Dios, nga nagapuyô ako sa Sion, nga bukid sang akon pagkabalaan; kag manginbalaan nga duug ang Ierusalem, kag ang mga dumuloung indi na magaalagi sa iya.

18 Kag mahanabu sa sadtong adlaw, nga ang mga kabukiran magapalatubud sang duga sang ubas kag nga ang gatas magailig sa mga kabakoloran, kag sa tanan nga mga kasapaan sa Iuda magaililig ang mga tubig: kag magagowa ang isa ka tuburan sa Baláy ni Iehoba, kag magabunyag sia sang nalupyakan sang Sitim.

19 Ang Egipto manginkahapayan kag ang Edom manginkahanayakan nga hinapay, bangud sang paglugos nga nahimo sa mga inanak ni Iuda, kag ginulula nila sa ila duta ang dugo nga walay salâ.

20 Apang ang Iuda sa gihapon pagapuy-an, kag ang Ierusalem sa kaliwatan kag sa kaliwatan.

21 Kag pagapanason ko ang dugo sang mga walâ ko pa mapanas, kag si Iehoba magapuyô sa Sion.



# SI AMOS.

Mga pahug batok sa mga nagakalainlain nga mga katawohan kag batok sa Iuda.

1 ANG mga polong ni Amos, nga isa sa tungâ sang mga manugbantaysang mga obeha sa Tekoa, nga nakita niya nahanungud kay Israel, sa mga kaadlawan ni Usia, nga hari sa Iuda, kag sa mga kaadlawan ni Ieroboam, nga anak ni Ioas, nga hari sa Israel, duha pa ka tuig sa walâ pa ang linog;

2 Nagsiling sia: si Iehoba magaima kutub sa Sion, kag magapahagonghong sang iya tingug kutub sa Ierusalem, kag ang mga halalbon sang mga manugbantay sang mga obeha magalalaw, kag magamala ang putokputokan sang Karmelo.

3 Amo ining ginasiling ni Iehoba: Bangud sang tatlo ka paglapas sang Damasko, kag bangud sang apat, indi ko pagpalipason ang silot sa iya. Tungud kay ginlilinas nila ang Galaad sang mga inuglinas nga salsalon,

4 Magabuhi ako sing kalayo sa baláy ni Hasael, kag magahalonhon sia sang mga baláy nga harianon ni Ben-Hadad;

5 Kag pagabalion ko ang pintal sa Damasko, kag pagautdon ko ang mga pumuluyô sa nalupyakan sa Aben, kag ang nagahuput sang setro sa Bet-Eden; kag ang banwa sa Arapa pagapalitonon sa Kir, siling ni Iehoba.

6 Amo ining ginasiling ni Iehoba: Bangud sang tatlo ka paglapas sa Gasa, kag bangud sang apat, indi ko pagpalipason ang iya silot. Tungud kay ginpaliton nila ang bug-os nga pagkapaliton, sa pagtugyan sa ila sa Edom,

7 Magabuhi ako sing kalayo sa mga kuta sa Gasa, kag magahalunhon sia sang iya mga baláy nga harianon;

8 Kag pagautdon ko ang mga pumuluyô sa Asdod, kag ang nagahuput sang setro sa Askalon; kag pagapabalikon ko ang akon kamut batok sa Ekron, kag ang mga nabilin sang mga Pilistinhon

magakalawâlâ, siling sang Ginoo nga si Iehoba.

9 Amo ining ginasiling ni Iehoba: Bangud sang tatlo ka paglapas sa Tiro, kag bangud sang apat, indi ko pagpalipason ang iya silot. Tungud kay ginlutugyan nila ang bug-os nga pagkapaliton sa Edom, kag nga walâ sila makadumdum sang katipan sang magululutud,

10 Magabuhi ako sing kalayo sa mga kuta sa Tiro, kag magahalonhon sia sang iya mga baláy nga harianon.

11 Amo ining ginasiling ni Iehoba: Bangud sang tatlo ka paglapas sa Edom, kag bangud sang apat, indi ko pagpalipason ang iya silot. Tungud kay naglagas sia sa iya útud nga may hinganiban, kag ginlumus niya ang *bug-os* nga hinoklog; nga ang iya kaakig ginagisi sing dayon kag nagabantay sia sang iya kasingkal sa gihapon,

12 Magabuhi ako sing kalayo sa Teman, kag magahalonhon sia sang mga baláy nga harianon sa Bosra.

13 Amo ining ginasiling ni Iehoba: Bangud sang tatlo ka paglapas sang mga inanak ni Amon, kag tungud sang apat, indi ko pagpalipason ang iya silot. Tungud kay ginhinahian nila ang mga nagabulusung sa Galaad, sa pagpalapad sang ila dulunan,

14 Magasudlib ako sing kalayo sa mga kuta sa Raba, kag magahalonhon sia sang iya mga baláy nga harianon, sa tungâ sang mga kagahud, sa adlaw sang paginaway, sa tungâ sang unos, sa adlaw sang bagyo;

15 Kag pagapalitonon ang iya hari, sia kag ang iya mga dunganon sing tingub, siling ni Iehoba.

2 AMO ining ginasiling ni Iehoba: Bangud sang tatlo ka paglapas sang Moab, kag bangud sang apat, indi ko pagpalipason ang iya silot. Tungud kay ginsunog niya ang mga tul-an sang hari sa Idumea *tubtub* nga mag-alapug sila,

2 Magabuhi ako sing kalayo batok sa Moab, kag magahalonhon sia sang mga baláy nga harianon sa Keriot, kag mamatay si Moab sa tungâ sang kagumon, sa tungâ sang kinagahad kag sa tunog sang budyong.

3 Kag pagautdon ko ang nukom sa tungâ niya, kag pagapatyon ko ang tanan niya nga mga dunganon upud sa iya, siling ni Iehoba.

4 Amo ining ginasiling ni Iehoba: Bangud sang tatlo ka paglapas ni Iuda, kag bangud sang apat, indi ko pagpalipason ang iya silot. Tungud kay ginatalamay nila ang kasogoon ni Iehoba kag walâ nila pagbantayi ang iya mga palatukuran, kag nga ang ila mga *dios sang* butig nagpalatalang sa ila, nga sa olehe nila naglalakat ang ila mga ginikanan,

5 Magabuhi ako sing kalayo sa Iuda, nga magahalonhon sia sang mga baláy nga harianon sa Ierusalem.

6 Amo ining ginasiling ni Iehoba: Bangud sang tatlo ka paglapas sa Israel, kag bangud sang apat, indi ko pagpalipason ang iya silot; kag ginbalaligya nila tungud sa kuarta ang matarung, kag ang imol tungud sang duha ka sapin;

7 Nga nagahalandum sila sa *partanaw* sang yab-ok sang duta sa ibabaw sang olo sang mga imol, kag ginapatiko nila ang katadlungan sang mga nalisdan, kag nga ang tawo kag ang iya amay nagasululud sa *amo gid* nga dalaga nga sa pagpalasipala sang ngalan sang akon pagkabalaan.

8 Kag sa ibabaw sang mga panapton nga nabaton nga inugpalig-on naga-halamyang sila, sa luyo sang tagsa ka halaran, kag nagailinum sila sa baláy sang ila mga dios sang alak sang mga pinanilotan.

9 Kag ginlaglag ko sa atubangan nila ang Amorphon, nga ang iya kataason *subung* sang kataason sang mga sedro, kag mabakud subung sang mga salon; kag ginlaglag ko ang iya bunga sa ibabaw kag ang iya mga gamut sa idalum.

10 Kag ginpataklad ko kamo gikan sa duta sang Egipto, kag gindul-ong ko kamo sa kahanayakan sing kap-atan ka tuig, agud nga magtalag-iya kamo sang duta sang mga Amorphon.

11 Kag sa tungâ sang inyo nga anak nagbangon ako sing mga manalagna,

kag sa tungâ sang inyo mga pamatan-on, sing mga Nasir. ¿Indi bala ini subung sini, siling ni Iehoba, mga inanak ni Israel?

12 Apang kamo nagpalainum sing alak sa mga Nasir, kag sa mga manalagna nagsogo kamo, nga nagasiling: "Indi kamo magpalanagna."

13 Yari karon, ako magaipit sa inyo, sa inyo duung, subug sang pag-pit sang kanga nga punò sang mga inupong;

14 Kag walâ na sing pagpalagyo sang madasig, kag ang makusug indi magpabaskug sang iya kusug, bisan ang maisug magaluwas sang iya kabuhi.

15 Kag ang nagagamit sang pana, indi magabatò; ang madasig sa mga tiil, indi magapalagyo; ang nagakabayo, indi makaluwas sang iya kabuhi.

16 Kag ang labing malig-on sa tagiposoon sa tungâ sang mga maisug magapalagyo nga hubo sadtong adlaw, siling ni Iehoba.

Mga malain nga kaduyugan kag mga sayup ni Israel.—Ang pagpahibalo sang silot.

**3** PAMATII-NINYO ini nga polong, nga ginamitlang ni Iehoba batok sa inyo, mga inanak ni Israel, batok sa tanan nga panimaláy nga ginpataklad ko gikan sa duta sa Egipto, nga nagasiling:

2 Kamo gid lamang ang ginkilala ko sa tanan nga mga panimaláy sa duta; ngani magasilot ako sa inyo tungud sang tanan ninyo nga mga kalainan.

3 ¿Magalakat bala ang duha sing tingub, kon walâ sila magkauyon?

4 ¿Magaima bala ang leon sa talon nga walâ sing tulukbon? Ang leon nga diotay ¿magahayaw bala sang iya tingug kutub sa iya puluy-an, kon walâ makadakup sing bisan ano?

5 ¿Maholog bala ang pispis sa pukot sa duta, kon walay tiglapak sa iya? ¿Magabayaw bala sa duta ang siod, kon walâ sing ano nga nasakup?

6 Kon magtunog ang budyong sa isa ka banwa, ¿indi bala magakinagubut ang banwa? Kon mag-abut ang kalainan sa banwa, ¿walâ bala paghimoa ini ni Iehoba?

7 Kay walâ gid sing pagahimoon ang Ginoo nga si Iehoba, nga indi niya igpahayag ang iya tinago sa iya mga alagad nga mga manalagna.

8 Nagaima ang leon, ¿sin-o bala ang



indi magakahadluk? Nagahambal ang Ginoo nga si Iehoba, ¿sin-o bala ang indi magapanagna?

9 Ipamantala-ninyo *ini* sa ibabaw sang mga baláy nga harianon sa Asdod, kag sa ibabaw sang mga baláy nga harianon sa duta sa Egipto, kag isiling-ninyo: Tililipon-kamo sa ibabaw sang mga bukid sa Samaria, kag tan-aw-ninyo ang daku nga kagumon sa tungâ nila, kag ang mga pagpigis sa sulúd niya.

10 Kag indi sila makahibalo maghilimo sang matadlung, siling ni Iehoba, nga nagabalahandi sila sing paglugus kag sing paghapay sa ila mga baláy nga harianon.

11 Ngani, ang Ginoo nga si Iehoba nagsiling sing subung sini: ¡Ang kaway! patí sang tanan nga mga palibot sang duta, kag magaguba sia sa imo sang imo kabaskug, kag ang imo mga baláy nga harianon pagapangatihon.

12 Amo ining ginasing ni Iehoba: Subung sang manugbantay nagaluwas sa bâbâ sang leon sang duha ka mga paa kon sang ukbung sang isa ka dalungan, subung sini pagakuhaon sa *katalagman* ang mga inanak ni Israel, nga nagalingkod, sa Samaria, sa duug sang pulungkoan, kag sa banig sang higdaan.

13 Palamati-kamo, kag magmanģinsaksi-kamo batok sa baláy ni Iakob, siling ni Iehoba nga Dios sang Sebaot;

14 Kay sa adlaw nga pagasilotan ko ang mga salâ ni Israel sa ibabaw niya, pagasilotan ko man ang mga halaran sa Bethel; kag pagaboongon ang mga sungay sang halaran, kag magakaholog sila sa duta.

15 Kag pagapukanon ko ang baláy sa panugnaw patí sang baláy sa tingadlaw, kag ang mga baláy nga tiposo magakaladula; kag pagatapuson ang dalagku nga mga baláy, siling ni Iehoba.

**4** PAMATII-NINYO *ini* nga polong, mga baka sa Basan, nga yara kamo sa bukid sa Samaria, kamo nga nagapigis sang mga magamay, nga ginapakalisud ninyo ang mga imol, nga nagasililing kamo sa inyo mga ginoo: "Dalha-ninyo diri kag magilinum-kita."

2 Ang Ginoo nga si Iehoba nagasumpa tungud sang iya pagkabalaan nga

yari karon, nagaalabut ang mga adlaw sa ibabaw ninyo nga magakuha sa inyo nga may mga kaw-it, kag ang nabilin sa inyo nga may mga taga.

3 Magagulowa-kamo sa mga litik ang tagsatagsa sa unhan niya, kag pagabayaan ninyo ang mataas nga kabakuran, siling ni Iehoba.

4 Kaladto-kamo sa Bethel, kag lalalis-kamo; sa Gilgal, pa buganaa-ninyo ang paglalis. Dalha-ninyo diri sa *tagsa ka* aga ang inyo mga halad, kag ang inyo mga ikapulô sa tagsa ka ikatlo ka adlaw;

5 Magpasunug sang tinapay nga may tapay nga halad sa pagdayaw; ibantala-ninyo ang mga halad nga kinabubuton, ipahibalo-ninyo sila; kay amo ini ang inyo naluyagan, mga inanak ni Israel, siling sang Ginoo nga si Iehoba.

6 Ginhimo ko, nga matinlo ang mga ngipon sa tanan ninyo nga mga kabanwaan kag sa tanan niyo nga puluy-an, ginapaakulangan ko sing tinapay; kag walâ kamo magbalalik sa akon, siling ni Iehoba.

7 Kag ako man, ginpungan ko sa inyo ang ulan sang tatlo pa ka bulan, ang kulang sa pagani: kag ginpaulan ko sa ibabaw sang isa ka banwa, kag sa ibabaw sang isa ka banwa wala ko pagpaulana: sa ibabaw sang isa ka bahin sang *latagon* nag-ulan, kag ang bahin nga sa ibabaw niya walâ magulan, nagmala.

8 Kag nagkaladto nga nagatalalang ang duha kag ang tatlo ka banwa sa isa ka banwa sa paginum sing tubig; kag walâ sila magkalabusug: kag walâ kamo magbalalik sa akon, siling ni Iehoba.

9 Ginpilas ko kamo sang panlaya kag sang gusim: ang madamu sang inyo mga katamnan, kag sang inyo mga kaubasan, kag sang inyo mga iger, kag sang inyo mga kaolibahan ginhalonhon sang apan; apang walâ kamo magbalalik sa akon, siling ni Iehoba.

10 Ginbuhian ko batok sa inyo ang kamatay subung sang sa Egipto; ginpatay ko sa hinganiban ang inyo mga pamatan-on, sang ginpandakup ang inyo mga kabayo, kag ginpasaka ko ang kabaho sa inyo mga dulugan tubtub sa inyo mga ilong; kag walâ kamo magbalalik sa akon, siling ni Iehoba.

11 Ginhimo ko ang pagkaguba sa tungâ ninyo, subung sang pagguba sang Dios sang Sodoma kag sang Gomara, kag manginsubung kamo sang dungkulan

nğa ginpalayô sa kalayo; kag walâ kamo magbalalik sa akon, siling ni Iehoba.

12 Ngani sa sini pagahimoon ko sa imo, oh Israel. Busa, tungud nga pagahimoon ko ini sa imo, paghanda-ka nga sa pagsugata sa imo Dios, oh Israel.

13 Kay, yari karon, amo sia ang nagahuman sang mğa kabukiran, kag nagatuga sang hangin; sia nagapahayag sa tawo nga kon ano ang iya hunahuna; ang pamanagbanag ginahimo niya nga kadulum, kag nagalakat sia sa ibabaw sang mğa nataasan sang duta; si Iehoba, nga Dios sang Sebaot amo ang iya ngalan.

Tagna sang pagkaguba sang Israel.

**5** PALAMATI-KAMO sini nga polong, kay ako magapanalabiton sa ibabaw ninyo, baláy ni Israel:

2 "Napukan ang ulay sa Israel; indi na magbangon sia liwan, ginbayaan sia sa ibabaw sang iya duta; walay sin-o nga magabangon sa iya."

3 Kay amo ini ang ginasiling sang Ginoo nga si Iehoba: Ang banwa nga nahamtang sa dulugan ang isa ka libo ka tawo, mabilin ang gatus; kag ang nahamtang nga isa ka gatus, mabilin ang napûlô, nga sa baláy ni Israel.

4 Kay amo ining ginasingil ni Iehoba sa baláy ni Israel: Pangitaa-ninyo ako, kag magakalabuhi kamo.

5 Kag indi kamo magpalangita sang Bethel, bisan magsululûd kamo sa Gilgal, bisan mag-alagi-kamo sa Beer-Seba; kay ang Gilgad magakadto sa pagkapaliton sing bug-os, kag ang Bethel mangin-Bet-aven.\*

6 Pangitaa-ninyo si Iehoba, kag palangabuhi-kamo; basi pa nga magsulûd sia, subung sang kalayo sa baláy ni Iose, kag magahalonhon sang Bethel, nga walâ sing sin-o nga magpalong sa iya.

7 *Ini nga mğa tawo* nagabalaylo sa ahenho sang katadlungan, kag ginapilâk nila sa duta ang katarungan.

8 Sia amo ang nagahimo sang mğa Ple-yade kag sang Orion; ginabaylo niya ang landong sang kamatayon sa aga, kag ginabutang niya sa ibabaw sang adlaw ang mğa kadulum sang kagab-ihon.

\* *Bethel*, baláy sang Dios; *Bet-aven*, baláy sang kalautan.

Amo sia ang nagatawag sang mğa tubig sang dagat kag nagaula sia sa ila sa ibabaw sang kadaygan sang duta; si Iehoba amo ang iya ngalan.

9 Sia nagapakari sing hinali sa kahapayan sa ibabaw sang makusug, kag ang kahapayan nagakari batok sa kabakuran.

10 Ginkaakigan nila sa gawang ang nagamitlang sing sabdong; kag ang nagahambal sing matadlung ginkalangilaran nila.

11 Ngani, tungud kay ginatapak ninyo ang makalolooy kag nga nagabalaton kamo sa iya sing mğa hatag nga trigo, nagapalatindug kamo sing mğa baláy nga mğa batô nga nababasan, apang indi ninyo sila napuy-an; magatalanum kamo sing mğa malahalón nga mğa kaubasan, apang indi ninyo mainum ang alak nila.

12 Kay nahibaloan ko ang inyo madamu nga mğa pagkamalalison, kag ang inyo dalagku gid nga mğa salâ: mğa kasumpung batok sang matarung, mğa manugbaton sing hamham, ginapatiko nila ang katarungan sang mğa imol, sa gawang.

13 Ngani, ang mabuuat sa sini nga panag-on nagahipus, kay ini amóng panag-on nga malain.

14 Pangitaa-ninyo ang maayo, kag indi ang malain, agud nga magkalabuhi kamo; kay sa sini si Iehoba, nga Dios sang Sebaot, manginúpud ninyo, subung sang ginasiling ninyo.

15 Dumti-ninyo ang malain, kag higugmaa-ninyo ang maayo, kag tukuraninyo ang katarungan sa gawang: ayhan si Iehoba nga Dios sang Sebaot, magakalooy sang nabilin ni Iose.

16 Ngani, amo ining ginasiling ni Iehoba nga Dios sang Sebaot nga Ginoo: Sa tanan nga mğa balaligyaan *magasingit*: "¡Panalabiton!" kag sa tanan nga mğa dalan *magasililing*: "¡Kailo! ¡Kailo!" Kag magapalanawag sila sa mangunguma sa lalaw, kag *magasingit*: "¡Panalabiton!" sa mğa makahibalo magpanalabiton.

17 Kag sa tanan nga mğa kaubasan *magasingit*: ¡Panalabiton! kay magaagi ako sa tungâ nimo, siling ni Iehoba.

18 ¡Kailo sa inyo nga nagahalandum sang adlaw ni Iehoba! Busa ¿ano bala ang pulus ninyo sini sa adlaw ni Iehoba? Magamanginkadudulman sia, kag indi kapawa:



19 Subung sang nagapalagyo ang tawo sa atubangang sang leon, kag nga magsongo sia sa oso; kon magsulud sia sa baláy, kag maghamboy ang iya kamut sa dingding, kag ang man-ug magkagat sa iya.

20 ;Indi bala kadudulman ang adlaw ni Iehoba, kag indi kapawa, kag kadulum nga walá sing kasanag?

21 Ginadumtan ko, ginatamay ko ang inyo mga piesta, kag ako indi magapanimaho *sang inyo* pahamut sa inyo mga pagtilipon nga maligdong.

22 Bisan pa kon halaran ninyo ako sang inyo mga halad nga sinunog kag sang inyo mga halad nga kalan-on, indi ako magabaton sa ila; bisan magatukol ako sa mga halad sa paghidaet sang inyo mga pinatambok *nga sapat*.

23 Kuhaa sa akon ang kagahud sang imo mga kalantahon, kag nga indi na ako magapamati sang musika sang imo mga salterio;

24 Kag magilig ang paghukom subung sang mga balud sang tubig, kag ang katarungan subung sang kasulgan nga indi nagahubas.

25 ;Ginhalaran ninyo bala ako sing mga halad kag mga halad nga kalan-on sa kahanayakan, sa kap-atan ka tuig, baláy ni Israel?

26 Kag gindalá ninyo ang layang-layang sang inyo hari, kag ang mga talapakan sang inyo mga larawan, ang bitoon sang inyo mga dios, nga ginhimo ninyo nga sa inyo.

27 Busa pagapalitonon ko kamo sa unhan sa Damasko, siling ni Iehoba; nga ang iya ngalan amo ang Dios sang Sebaot.

Pagkadunot ni Israel.—Mga pahug.

6 ;KAILO ang mga malinong sa Sion, kag ang mga masinalig-on sa bukid sa Samaria, mga lutaw sang nahauwa nga mga katawohan, nga nagadangup sa ila ang baláy ni Israel?

2 Alagi-kamo sa Kalne, kag tululok-kamo; kutub didto kaladto-kamo sa dakung Hamat; ugaling duluhog-kamo sa Gat sang mga Pilistinhon; ;mga labing maayo sila bala sa sining mga ginharian, kon ang ila kadutaan labing dalagku sang inyo mga kadutaan?

3 Buut kamo magpapalayô sang adlaw

nga malain, kag ginapapalapit ninyo ang lingkoran sang kalautan.

4 Nagatololog sila sa mga higdaan nga tiposo, kag nagahalamyang sila sa ibabaw sang ila mga pulungkoan; kag nagakalaon sila sang mga kordero sang kinabon kag sang mga tinday sang baka nga pinili sa palatambokan.

5 Nagaulugoy sila sa tingug sang biola, kag subung kay Dabid nagapadugi sila sing mga tulungan sa musika.

6 Sa yahong nagailinum sila sing alak, kag nagahalaplas sila sang mga ihalaplas nga labing malahalón, kag walá sila magakalasakit tungud sang kalilisan ni Iose.

7 Busa karon, pagapalitonon sila sa unhan sang mga ginpaliton kag magatuntat ang kinagahud sang mga tawo nga nagahalamyang *sa ila pulungkoan*.

8 Ang Ginoo nga si Iehoba nagsumpa tungud sa iya kalág, siling ni Iehoba nga Dios sang Sebaot: ginadumtan ko ang pagkahalangdon ni Iakob kag ginakaakigan ko ang iya mga baláy nga harianon; kag ang banwa kag ang yara sa iya pagaitugyan ko sa kaaway.

9 Kag mahanabu nga kon napúlô ka mga tawo magkalabilin sa isa ka baláy, magakalamatay sila.

10 Kag ang tagsatagsa pagadalhon sang iya himata, kag sang dapat nga magsunog sa iya, nga magakuha sang iya mga tul-an gikan sa baláy, kag magasiling sa yara sa sulud sang baláy: “;May iban pa bala upud sa imo?” Kag magasabat sia:

“Wala.” Kag magasiling sia: “Hipus, kay indi dapat kita magsambit sang ngalan ni Iehoba.

11 Kay, yari karon, si Iehoba nagsogo sini kag pagagub-on niya ang baláy sa daku nga kagulub-an; kag ang baláy nga diotay sa mga litik.

12 ;Magadinalagan bala ang mga kabayo sa mga pil-as? Kon ;Magadaro bala sila sa *ila* sang mga baka, kon ginbaylo ninyo ang katadlungan sa hilamon nga makahililo kag ang bunga sang katarungan sa ahenho?

13 Kamo nga nagakalalipay sa walá, kamo nga nagasiling: “;Walá bala kami mag-alangan sing gahum sa amon kabakuran?”

14 Busa, yari karon, baláy ni Israel, pagapatindugon ko batok sa inyo, siling

ni Iehoba nga Dios sang Sebaot, ang isa ka katawohan nga magapigos sa inyo kutub sa salamputan sa Hamat tubtub sa kasulgan sang kamingawan.

Mga palanan-awon sang mga apan, sang kalayo kag sang mga tonion.

**7** AMO ining ginpahayag sa akon sang Ginoo nga si Iehoba: Yari karon nga sia nagtuga sing mga apan, sa panag-on nga nagsugod sa pagtubô ang hilamon nga olehe: kag yari karon, amo ang hilamon nga olehe sang ani nga harianon.

**2** Kag nahanabu sang pagkatapus nila sa paghalonhon sang hilamon sang duta, nga ako nagsiling: "Ginoo nga si Iehoba, patawara, ginaampo ko sa imo, ¿sin-o bala si Iakob, agud nga magpadayon sia? Kay diyotay sia."

**3** Naghinulsul si Iehoba sini: "Indi magakahanabu ini," siling ni Iehoba.

**4** Amo ining ginpahayag sa akon sang Ginoo nga si Iehoba: Yari karon, nga ang Ginoo nga si Iehoba nagtawag sa pagkasaba tungud sang kalayo; kag nagahalonhon ang kalayo sang daku nga kaidadalman, ugaling naghalonhon sia sang panublion.

**5** Kag nagsiling ako: "Ginoo nga si Iehoba, pauntata, ginaampo ko sa imo. ¿Sin-o bala si Iakob, agud nga magpadayon sia? Kay diyotay sia."

**6** Naghinulsul si Iehoba sini: "Indi man magakahanabu ini," siling sang Ginoo nga si Iehoba.

**7** Amo ining ginpahayag niya sa akon: Yari karon, ang Ginoo nagatindug sa ibabaw sang isa ka kuta nga nahimo sa tonton, kag sa iya kamut may isa ka tonton.

**8** Kag si Iehoba nagsiling sa akon: "¿Ano bala ang ginatan-aw mo Amos?" Kag nagsiling ako: "Isa ka tonton." Kag ang Ginoo nagsiling: "Yari karon, ako nagabutang sang tonton sa tungâ sang akon banwa nga Israel: indi ko na sia pagapasaylohon sing bisan ano.

**9** Ang mga mataas nga duug ni Isaak pagahapayon, kag ang mga balaan nga puluy-an ni Israel pagagub-on; kag magatindug ako nga may hinganiban batok sa baláy ni Ieroboam."

Si Amos sa Bethel.—Ang pagkakaaway ni Amasias.

**10** Niyan si Amasias, nga saserdote sa Bethel, nagpadalá sa pagsiling kay Ieroboam, nga hari sa Israel: "Si Amos nagapuhon batok sa imo sa tungâ sang baláy ni Israel: ang duta indi sarang makabatas sang tanan niya nga mga polong.

**11** Kay amo ining ginasing ni Amos: si Ieroboam mamatay sa hinganiban, kag si Israel pagapalitonon sing bug-os sa iya duta."

**12** Kag si Amasias nagsiling kay Amos: "Manugtulok, lakat kag palagyo-ka sa duta ni Iuda, kag magkaon-ka didto sang imo tinapay, kag magtagna-ka didto.

**13** Kag indi ka na magpanagna sa Bethel, kay among balaan nga puluy-an sang hari kag baláy sang ginharian."

**14** Kag nagsabat si Amos, kag nagsiling kay Amasias: "Indi ako manalagna, bisan anak ako sang manalagna, kondi nga manugbantay sang obeha, kag manugkuha ako sang bunga sang igos nga talonon.

**15** Kag ginkuha ako ni Iehoba sa olehe sang pinanung, kag nagsiling sa akon si Iehoba: Lakat kag tagna-ka sa akon banwa nga Israel.

**16** Kag karon, pamatii ang polong ni Iehoba. Ikaw nagsiling: Indi ka magtagna batok sa Israel, bisan magwali-ka batok sa baláy ni Isaak.

**17** Tungud sini, amo ining ginasing ni Iehoba: Ang imo asawa magapanghila sa banwa; ang imo mga anak nga lalaki kag ang imo mga anak nga babae magakalapukan sa hinganiban; ang imo duta pagabahinbahinon sa lubid: kag ikaw mamatay sa duta nga mahigko, kag si Israel pagapalitonon sing bug-os gikan sa iya duta."

Palanan-awon sang alat-alat nga may bunga.—Mga pahug batok sa Israel.

**8** AMO ining ginpahayag ni Iehoba sa akon: Yari karon ang isa ka alat-alat nga may bunga sa tingadlaw.

**2** Kag nagsiling sia: "¿Ano bala ang ginatan-aw mo, Amos?" Kag nagsiling ako: "Isa ka alat-alat nga may bunga sa tingadlaw." Kag nagsiling sa akon si Iehoba: "Nagaabut ang katapusan nga



sa akon banwa nga Israel; indi ko na sia pagapasaylohon sing bisan ano.

3 Ang mga kalantahon sang Simbahan manginuwang sa sadtong adlaw, siling sang Ginoo nga si Iehoba. Madamu ang mga bangkay; sa tanan nga duug ginapanghoboy sila. ¡Hipus!

4 Pamatii-ninyo ini, kamo nga maluyag magtolon sang mga imol, kag maglaglag sang mga nalisdan sang duta;

5 Kamo nga nagasiling: "¿San-o bala magaagi *ining piesta* sang lati, agud nga magbalaligya kami sang trigo; kag ining sabado, agud nga magbulukas kami sang mga damisag, nga pagpamuhinan namon ang epa, kag pagdugangan namon ang siklo; nga nagahimo sang timbangan nga daya nga sa pagdaya!

6 Sa pagbakal sa mga makalooy tungud sang pilak, kag sa mga imol tungud sang duha kasapin? Pagaibaligya namon ang amo nga sagbot sang trigo."

7 Si Iehoba nagsumpa sini tungud sang himaya ni Iakob: Indi nga mas-a magakalipat ako sang tanan niya nga mga binuhatan.

8 Bangud sini; indi bala magakurug ang duta? Ang tanan niya nga mga pumuluyô magalalaw kag magataub ang bug-os nga duta subung sang isa ka subâ, kag magaawas sia kag magahunas sia subung sang subâ sa Egipto.

9 Kag magakahanabu, sa sadtong adlaw, siling sang Ginoo nga si Iehoba, nga pagapatunoron ko ang adlaw sa kaudtohon, kag nga pagapadulmon ko ang duta sa adlaw nga masanag.

10 Kag pagabaylohan ko ang inyo mga piesta sang lalaw, kag ang tanan ninyo nga mga kalantahon sang mga panalabitan; pagaiwagkus ko ang panapton nga masinakiton sa tanan nga mga hawak, kag pagaupawon ko ang tanan nga olo; kag pagahimoon ko nga manginlalaw ini subung sang tungud sang bugtong nga anak, kag ang iya katapusan subung sang adlaw sang kapaitan.

11 Yari karon, nagaalabut ang mga adlaw, siling sang Ginoo nga si Iehoba, nga sa ila magapadalâ ako sing gutum sa duta: indi gutum sa tinapay, bisan kauhaw sa tubig, kondi sa pagpamati sang polong ni Iehoba.

12 Niyan magalakat sila nga nagatalang sa dagat pa dagat, kutub sa Aminhan tubtub sa Sidlangan, gikan diri pa

didto, sa pagpalangita sang polong ni Iehoba, kag indi nila sia makita.

13 Sa sadtong adlaw ang mga maa-yoayo nga ulay kag ang mga pamatanon, magakalalapyo sa kauhaw;

14 Sila nga nagasulumpa tungud sang salâ sa Samaria, kag nga nagasililing: "oh Dan; magkabuhi ang imo dios," kag: "Magkabuhi ang dalan sa Beer-seba." Magakalapukan sila, kag indi nga mas-a magatilindug pa sila liwan.

Palanan-awon sang pagkalaglag sang halaran.  
Panaad sa pagpatindug liwan.

**9** NAKITA ko ang Ginoo, nga nagatindug malapit sa halaran, kag nagsiling sia: Pilasa ang mga oloolo, kag magkulurug ang mga atangan: kag boonga sila sa ibabaw sang olo sang tanan; kag ang nabilin sa ila pagapatyon ko sa hinganiban, nga walay makapalagyo bisan sin-o nga manugpalagyo, kag walay sin-o nga makalikaw didto.

2 Bisan pa maglapus sila tubtub sa inpierno, kutub didto pagakuhaon sila sang akon kamut; kag kon magsalaka sila tubtub sa langit, kutub didto pagaitiklod ko sila.

3 Kag kon magpalanago sila sa putokputok sang Karmelo, didto pagapangitaon ko sila kag pagakuhaon ko sila; kag kon magpalanago sila sa atubangan sang akon nga mata sa kadadalman sang dagat, didto magasogo ako sa man-ug kag magakagat sia sa ila.

4 Kag kon magkaladto sila sa kabiha-gan sa atubangan sang ila mga kaaway, didto pagasogoon ko ang hinganiban, kag magapatay sia sa ila; kag igapasisiling ko sa ibabaw nila ang akon mga mata nga sa kalainan, kag indi nga sa kaayohan.

5 Kag ang Ginoo nga si Iehoba sang Sebaot amo sia ang nagakamlut sang duta kag matunaw sia, kag magalalaw ang tanan niya nga mga pumuluyô; kag nagataub sia sing bug-os subung sang subâ, kag nagahunas subung sang subâ sa Egipto.

6 Sia nagapatindug sa langit sang iya mga mataas nga hulut, kag ginapahamtang niya ang iya langitlangit sa ibabaw sang duta. Sia nagatawag sang mga tubig sang dagat, kag sa ibabaw sang kadayagan sang duta ginaula niya sila: si Iehoba amo ang iya ngalan.

7 Mga anak ni Israel, ¿indi bala kamo akon, subung sang mga anak sang mga Kusinhon? siling ni Iehoba. ¿Walâ ko bala pagpataklara si Israel gikan sa duta sang Egipto, kag ang mga Pilistinhon gikan sa Kaptor, kag gikan sa Kir, ang Aram?

8 Yari karon, ang mga mata sang Ginoo nga si Iehoba yara batok sa ginharian sang salâ, kag ako magalaglag sa iya sa kadaygan sang duta; apang indi ko pagalaglagon sing bug-os ang balây ni Iakob, siling ni Iehoba.

9 Kay, yari karon, ako magasogo kag pagauyugon ko ang balây ni Israel sa tanan nga mga katawohan, subung sang paguyog sang trigo sa isa ka ayagan, kag indi maholog ang isa ka uyas sa duta.

10 Sa hinganiban magakalamatay ang tanan nga mga makasasalâ sa akon banwa, nga nagasiling: Ang malain indi magalambut sa amon, bisan maholog sa ibabaw namon.

11 Sa sadtong adlaw pagapatindugon ko liwan ang payag ni Dabid, nga napukan, kag pagatakan ko ang iya mga magamay nga mga gawang, kag pagakapulan ko ang iya mga litik, kag paga-

bangnon ko liwan ang iya mga nagub-an kag pagapatindugon ko sia, subung sadto;

12 Agud nga mag-angkon sila sang nabilin sa Edom kag sang tanan nga mga katawohan, nga ginahingalanan sa akon ngalan, siling ni Iehoba nga magahimo sini.

13 Yari karon, nagaalabut ang mga adlaw, siling ni Iehoba, nga ang naga-daro makalambut sa manug-ani; kag ang manuglinas sang mga ubas, sa naga-sab-ug sang binhi; kag ang mga bukid magapalatubud sing duga sang ubas, kag ang tanan nga mga kabakoloran magakalatunaw.

14 Kag pagapabalikon ko ang kabi-hagan sang akon banwa nga Israel, kag sila magapalatindug sang mga kabanwanan nga hinapay, kag pagapuy-an nila sila, kag magatalanum sila sing mga kaubasan, kag magailinum sila sang alak nila, kag magahilimo sila sing mga katamnan kag magakalaon sila sang bunga nila.

15 Kag pagaitanum ko sila sa ibabaw sang ila duta, kag indi na nga mas-a pagapangabuton sila sa ila duta, nga ginhatag ko sa ila, siling ni Iehoba nga imo Dios.

## SI ABDIAS.

Mga sala kag silot sa Edom.—Ang pagpasag-uli kag kabulahanan sa Israel.

1 PALANAN-AWON ni Abdias. Amo ining ginasiling sang Ginoo nga si Iehoba nahanungud sa Edom: Nabatian namon ang pahibalo ni Iehoba, kag ang isa ka manugbalita ginpadalâ sa mga katawohan: "Tilindug-kamo, hoo, magtilindug-kita batok sa iya sa pag-awayan."

2 Yari karon, ginhimo ko ikaw nga diyotay sa tungâ sang mga katawohan; ginatamay ka gid.

3 Ang palabilabi sang imo tagiposoon nagdaya sa imo, ikaw nga nagapuyô sa mga litik sang mga pil-as, ang imo mataas nga puluy-an; nga ginasiling mo sa imo tagiposoon: "¿Sin-o bala ang magatiklod sa akon sa duta?"

4 Kon magpapaibabaw ka, subung sang agila, sang imo pugad, kag kon sa tungâ sang mga kabitoonan ibutang mo sia, kutub didto pagaitiklod ko ikaw, siling ni Iehoba.

5 Kon ang mga makawat mag-alabut sa imo, kon ang mga manughapay sa kagab-ihon ¿daw ano nga pagkalaglag mo! ¿indi bala sila magpalangawat sang tuman sa ila? Kon mag-alabut sa imo ang mga manugani sang ubas, ¿indi bala sila magabililin pa sing mga siligputon?

6 ¿Daw ano nga pagusisa kay Esau! ¿Daw ano nga pagpangita sang iya mga bahandi nga tinago!

7 Tubtub sa kadulunan ginpalakat ka sang tanan mo nga mga kadampig. Gindayaan ka nila, naglalandas sila sa imo, ang mga may paghidaet sa imo. Ang



*mga nagakalaon* sang imo tinapay nagabulatang sing siod sa idalum nimo. Walâ sa iya sing ihibalo.

8 Sa sadtong adlaw, siling ni Iehoba : *Indi ko bala pagapandulaon ang mga maalam sa Edom, kag ang mga mahibaloanon sang bukid ni Esau?*

9 Kag ang imo mga maisug, oh Teman, pagapamoongon, agud nga ang *katapusan* nga tawo pagautdon sa bukid ni Esau tungud sang kinamatay.

10 Tungud sang pagkalugus nga nahimo sa imo utud nga si Iakob, magatabon sa imo ang kahuya, kag pagautdon ka sa gihapon.

11 Sa adlaw nga nag-atubangka, sa adlaw nga ang mga dumuluong nagdalalâ nga bihag sang iya kasoldadosan, kag nga ang mga dikilala nagsululud sa imo mga gawang kag nagpapalad sila sa ibabaw sang Jerusalem, ikaw man subung sang isa sa ila.

12 Busa, dili ka magpamalandong sa adlaw sang imo utud, sa adlaw sang iya kalalat-an; dili ka magkalipay sa mga inanak ni Iuda, sa adlaw sang ila kagulub-an; bisan magpalabilabi ang imo bâbâ sa adlaw sang kalilisdan.

13 Dili ka magsulud sa gawang sang akon banwa sa adlaw sang iya kalalat-an; dili ka man magpamalandong sang iya kalainan sang adlaw sang iya kalalat-an; bisan maghilabut ka sang iya pagkabutang, sa adlaw sang iya kalalat-an.

14 Dili ka magtindug sa mga ginsangan, sa pagpatay sa iya mga manugpalagyo; bisan magpanugyan ka sa *kaaway* sang iya mga manugpalagyo sa adlaw sang kalisdanan.

15 Kay malapit na ang adlaw ni Ieho-

ba batok sa tanan nga mga katawohan : sono sang imo ginhimo pagahimoon sa imo, kag ang imo balus magabalik sa ibabaw sang imo olo.

16 Kay subung nga nagilinum kamo sa bukid sang akon pagkabalaan, magailinum ang tanan nga mga katawohan sing dayon; magailinum sila kag magatolon sila, kag manginsubung sila sang walâ na sila.

17 Apang sa bukid sa Sion may dalangpan kag manginpagkabalaan sia, kag ang balây ni Iakob magaangkon sang ila mga kaugalingon.

18 Kag ang balây ni Iakob manginkalayo, kag ang balây ni Iose mangindab-dab, kag ang balây ni Esau manginalikabo, kag pagapanunugon nila sia, kag pagaupuron sia; kag walâ sing manugpalagyo sa balây ni Esau, kay si Iehoba naghambal.

19 Kag ang mga Bagatnanon magatagiya sang bukid ni Esau, kag ang mga kapatagan sang *duta* sang mga Pilistinhon; kag magatalagiya sila sang mga latagon ni Ephraim kag sang mga latagon sa Samaria; kag si Benyamin magatagiya sang Galaad.

20 Kag ining kasoldadosan sang mga bihag nga mga inanak ni Israel *magatalagiya* sang iya sang mga Kanaanhon tubtub sa Sarepta; kag ang mga bihagsa Jerusalem, nga yara sa Separad, magatalagiya sang mga kabanwaanang sang Bagatnan.

21 Kag ang mga manugtubus magatalaklad sa bukid sa Sion sa paghukom sang bukid ni Esau. Kag ang ginharian manginiya ni Iehoba.

## SI IONAS.

Pagtawag kay Ionas. Ang iya pagpalagyo kag ang iya silot.

1 KAG nag-abut ang polong ni Iehoba kay Ionas, nga anak ni Amitai, nga nagsiling :

2 Tindug-ka, kadto-ka sa Ninibe, nga banwa nga daku, kag magsingit ka batok

sa iya; kay ang ila kalautan nagsaka sa atubangan nakon.

3 Apang si Ionas nagtindug sa pagpalagyo sa atubangan ni Iehoba, sa Tarsis, kag nagdulhog sia sa Iope, *kag* nakita niya ang isa ka sakayan, nga nagataliwan pa Tarsis; kag sang nagbayad sia sang iya hinakay, nag-

sulúd sia sa iya, sa paglakat upud sa ila pa Tarsis, gikan sa atubangan ni Iehoba.

4 Apang si Iehoba nagpadalá sing isa ka daku nga hangin sa dagat, kag may isa ka daku nga unos sa dagat, sa bagay nga naghunahuna *sila* nga maboong ang sakayan.

5 Kag ang mga sakayanon nagkalahadluk, kag ang tagsatagsa nagpanawag sa iya dios: kag ginpanagbong nila sa dagat ang mga butang nga yara sa sakayan, sa pagpamag-an sa iya. Apang si Ionas nagpanaug sa idalum sang sakayan, kag naghigda kag nagtolog sia sing hamook gid.

6 Kag ang pangolo nga manugolin sang sakayan nagpalapit sa iya kag nagsiling sa iya: “¿Paano bala ang pagkasarang mo pagtolog? Bangon ka, kag panawag-ka sa imo Dios. Ayhan ang Dios magatamud sa aton, kag indi kita magkaladula.”

7 Ugaling nagsililing ang tagsatagsa sa iya kaupud: “Kari-kamo, kag magpalad kita, sa paghibalo kon tungud kay sin-o nag-abut sa aton ini nga kalainan.” Kag nagpapalad sila, kag ang kapalaran naholog kay Ionas.

8 Kag nagsililing sila sa iya: “Ipahayag sa amon karon, kay ngaa nag-abut sa aton ini nga kalainan. ¿Ano bala ang imo kalibangan, kag sa diin ka maghalin? ¿Ano bala ang imo duta kag tagadiin ka?”

9 Kag sia nagsiling sa ila: “Hebreinon ako, kag nagkahadluk ako kay Iehoba, nga Dios sang mga langit, nga naghimo sang dagat kag sang duta.”

10 Niyan yadtong mga tawo, gindakup sang daku nga kahadluk, kag nagsililing sila sa iya: “¿Kay ngaa bala naghimo ka sini?” Kay ginhangup nila nga nagapalagyo sia gikan sa atubangan ni Iehoba, kay ginapahayag niya ini sa ila.

11 Kag ginsilingan nila sia: “¿Ano bala ang pagahimoon namon sa imo, agud nga ang dagat maglinong sa amon?” Kay ang dagat nagdugang pa sa kabaskug.

12 Kagsia nagsiling sa ila: “Hakwata-ninyo ako kag itagbong-ninyo ako sa dagat, kag ang dagat magapahimonong sa inyo; kay ako nakahibalo nga tungud sa akon nag-abut ining daku nga unos batok sa inyo.”

13 Kag yadtong mga tawo *nagalarawud* sa pagpabalik sa duta sang sakayan;

apang walâ sila makasarang, kay ang dagat nagadugang sa pagbasbug pa gid batok sa ila.

14 Kag nagsilingit sila kay Iehoba, kag nagsililing sila: “Nagaampo kami sa imo karon, Iehoba, nga indi kami magkaladula tungud sang kabuhi sini nga tawo, bisan ibutang mo sa ibabaw namon ang dugo nga walay salâ; kay ikaw, Iehoba, nagahimo subung saung imo luyag.”

15 Niyan ginhalakwat nila si Ionas kag gintagbong nila sia sa dagat; kag naguntat ang kasingkal sang dagat.

16 Kag gindakup yadtong mga tawo sang daku nga kahadluk kay Iehoba; kag naghalalad sila sing isa ka halad kay Iehoba, kag nagpalanaad sila *sa iya* sing mga saad.

Si Ionas sa tiyan sang isa ka gadya.—Ang iya pangamuyo kag ang iya pagkaluwas.

**2** APANG si Iehoba nag-aman sing isa ka daku nga isda, nga magtulon kay Ionas; kag didto si Ionas sa kasudlan sang isda sing tatlo ka adlaw kag tatlo ka gab-i.

2 Kag nagpangamuyo si Ionas kutub sa tiyan sang isda kay Iehoba nga iya Dios.

3 Kag nagsiling sia:

“Nagapanawag ako kay Iehoba sa akon kailat-an,  
Kag sia nagpamati sa akon;  
Nagapanawag ako gikan sa tiyan sang lulubngan,  
Kag ginapamatian mo ang akon tingug.

4 Gintagbong mo ako sa kaidadalman, sa alibutud sang mga kaidagatan;

Kag ginlibutan ako sang sulog;  
Ang tanan mo nga mga hanol kag ang tanan mo nga mga kabaluran nag-alagi sa ibaw nakon.

5 Kag nagsiling ako: Gintagbong ako gikan sa atubangan sang imo mga mata;

Apang magapamalandong pa ako sang Simbahan sang imo pagkabalaan.

6 Ang mga tubig naglilibot sa akon tubtub sa kalág,

Ginlibutan ako sang kaidadalman;  
Ang lumot nagpungyot sa akon olo,



- 7 Nagpanaug ako sa mga gamut sang mga bukid ;  
 Ang duta nagapintal sa ibabw nakon sa gihapon ;  
 Apang pagapasakaon mo ang akon kabuhi sa lulubngan, oh Iehoba, Dios nakon.
- 8 Kon ginalapyo ang akon kalág sa akon, nagapanumdum ako kay Iehoba :  
 Ang akon pangamuyo nagasulód tub-tub sa imo sa Simbahan sang imo pagkabalaan.
- 9 Ang mga nagatapik sa mga kadayawan sang walâ, nagabiliya sang *tuburan sang* ila bugay ;
- 10 Apang ako magahalad sa imo sing mga halad nga may tingug sa pagdayaw :  
 Kag pagatumanon ko ang mga saad nga ginpanaad ko.  
 Ang kaluwasan nagagikan kay Iehoba."
- 11 Kag nagsogo si Iehoba sa isda, kag ginsuka niya si Ionas sa duta.

Si Ionas sa Ninibe.—Paghinulsul sang mga Ninibinon.

**3** KAG nag-abut ang polong ni Iehoba sa makaduha kay Ionas, nga nagsiling :

2 "Tindug-ka, kag kadto-ka sa Ninibe, nga daku nga banwa ; kag isingit sa iya ang pahibalo, nga pagaisiling ko sa imo."

3 Kag nagtindug si Ionas, kag nagkadto sa Ninibe, sono sa polong ni Iehoba. Kag ang Ninibe among banwa nga daku gid, nga tatlo ka adlaw nga lalakton.

4 Kag si Ionas nagsugud sa pagsulud sa banwa, sa isa ka adlaw nga lalakton ; kag nagsingit sia kag nagsiling :  
 "Kap-atan pa ka adlaw, kag ang Ninibe pagapukanon."

5 Kag ang mga tawo sa Ninibe nagtoloo sa Dios, kag nagbalantala sila sing puasa, kag nagpalanaput sila sing mga panapton nga masinakiton, kutub sang labing dalagku sa tungâ nila tubtub sa labing magamay.

6 Kag nag-abut ang balita tubtub sa Hari sa Ninibe, kag nagtindug sia sa iya lingkoran nga harianon, kag ginuba niya ang iya bayô nga *harianon*, kag nagpanabon sia sang panapton nga masinakiton, kag naglingkod sia sa abó.

7 Kag ginpasingit niya kag ginpahibalo sa Ninibe, sa sogo sang Hari kag sang iya mga kadalagkuan, nga nagasingling : "Nga ang mga tawo kag ang mga kasapatan, ang mga baka kag ang mga obehâ, indi magtilaw sing bisan ano nga indi sila maghalalab, bisan magilinum sing tubig ;

8 Nga magpalanabon ang mga tawo kag ang mga kasapatan sing panapton nga masinakiton, nga magpalanawag sila sa Dios sing mabaskug gid ; kag nga magisol ang tagsatagsa sa iya malain nga dalanon, kag sa paglugus nga yara sa ila mga kamut ;

9 "Sin-o bala ang nakahibalo ? Ang Dios ayhan magabalik kag magahinulsul ; sarang sia makaisol sa kasingkal sang iya kaakig, agud nga indi kita magkaladula."

10 Kag nakita sang Dios ang ila mga binuhatan, nga kon paano nga nagilisol sila sa ila malain nga dalanon, kag naghinulsul ang Dios sang malain, nga ginsiling niya nga paghimoon kunta sa ila, kag walâ niya paghimoa ini.

Ang paglas-ay ni Ionas.—Mga pagsabdong ni Iehoba.

**4** KAG ginlas-ayan si Ionas sing daku gid, kag naakig sia ;

2 Kag nagpangamuyo sia kay Iehoba, kag nagsiling : "Karon, oh Iehoba, ¿indi amo ini bala ang ginasiling ko sang didto pa ako sa akon duta ? Tungud sini buut ko sing úna anay nga magpalagyo pa Tarsis. Kag nakahibalo ako, nga ikaw amo ang Dios nga maloloy-on kag mahinoklogon, inanay sa pagpangakig kag bugana sing bugay, kag nga nagahinulsul ka sang malain.

3 Kag karon, oh Iehoba, ginaampo ko sa imo nga kuhaon mo ang akon kalág, kay manginmaayo pa sa akon ang kamatayon sang kabuhi."

4 Kag si Iehoba nagsiling sa iya :  
 "¿Nagahimo ka bala sing maayo sa imo pagpangakig ?"

5 Busa, naggowa si Ionas sa banwa, kag naglingkod sia sa Sidlangan sang banwa ; kag naghimo sia didto nga sa iya sing isa ka payagpayag, kag naglingkod sia sa iya landong, tubtub nga makita niya ang magkahanabu sa banwa.

6 Kag si Iehoba nga Dios nag-aman sing isa ka tangantangan, nga nagtúbô sa ibabaw ni Ionas, agud nga maglandong

sa ibabaw sang iya olo, kag nga magluwas sa iya sa iya kalisdanan; kag si Ionas nagkalipay sing daku gid tungud sang tangantangan.

7 Apang ang Dios nag-aman sing isa ka ulod, sa pagpamanagbanag, nga nagpilas sang tangantangan kag nalaya sia.

8 Kag nahanabu nga, sang pagsubang sang adlaw, nag-aman ang Dios sing isa ka hangin sa Sidlangan; nga nagapin-ot, kag ang adlaw nagpilas kay Ionas sa olo; kag linapyo sia, kag nagpangayô sia sang kamatayon nga sa iya kalâg kag nagsiling sia: "Manginmaayo pa sa akon ang kamatayon sang kabuhi."

9 Kag ang Dios nagsiling kay Ionas: "Nagahimo ka bala sing maayo sa pag-

pangakig mo bangud sining tangantangan?" Kag sia nagsiling: "Nagahimo ako sing maayo sa pagpangakig ko, tubtub sa kamatayon."

10 Kag si Iehoba nagsiling: "Nagakahilak ka sang tangantangan, nga tungud sa iya walâ ka magpangabudlay, bisan ginpatubô mo sia, nga sa isa ka gab-i nagtubô, kag sa isa ka gab-i nadura sia;

11 Kag ¿indi bala ako magakalooy sa Ninibe, ining daku nga banwa, nga didto may kapin sa isa ka gatus kag duha ka pulô ka libo ka tawo, nga walâ makakilala sang kalainan sang ila kamut nga too kag sang ila kamut nga walâ, kag mga kasapatan sa dakung kadamuon?"

## SI MIKEAS.

Mga pabug batok kay Israel kag kay Iuda tungud sang ila mga dipagkatarung kag sang ila mga pagkamalalison.

1 ANG polong ni Iehoba, nga nag-abut kay Mikeas, nga taga-Moras, sa mga kaadlawan ni Iotam, ni Akas kag ni Esekias, nga mga hari sa Iuda, nga iya nakita sa ibabaw sang Samaria kag sang Ierusalem.

2 Palamati-kamo, mga banwa nga tanan; talupangud-ka, duta, kag ang tanan nga yara sa iya; kag nga ang Ginoo nga si Iehoba manginsaksi batok sa inyo; ang Ginoo, kutub sa Simbahan sang iya pagkabalaan.

3 Kay yari karon, si Iehoba nagahalín sa iya puluy-an; nagapanaug sia kag nagatapak sa ibabaw sang mga kataasan sang duta.

4 Sa idalum niya nagakalatunaw ang mga kabukiran, kag ang mga nalupyakan nagakalayupok, subung sang talo sa atubangan sang kalayo, subung sang mga tubig nga nagaililig sa isa ka banglid.

5 Ining tanan tungud sang pagkamalalison ni Iakob kag tungud sang mga salâ sang baláy ni Israel. ¿Ano bala ang pagkamalalison ni Iakob? ¿Indi bala ang Samaria? ¿Kag ano bala ang mga duug nga mataas ni Iuda? ¿Indi bala ang Ierusalem?

6 Busa, pagahimoon ko ang Samaria nga kagulub-an sa mga latagon, nga talmnan sang ubas, kag pagaiula ko ang iya mga batô sa nalupyakan, kag pagai-padayag ko ang iya mga sadsaran.

7 Kag ang tanan niya nga mga tinigban nga larawan pagapamihakpihakon, kag ang tanan nga mga sohol sang *kahigkoon* pagapanunugon sa kalayo, kag pagahapayon ko ang tanan niya nga mga diosdios; kay sa mga sohol sang bigaon gintipon niya sila, kag sa mga sohol sang bigaon magabalalik sila.

8 Tungud sini dapat ako magpanalabitan kag maguwang nga magalakat ako nga inagawan kag hubo. Magapanalabitan ako subung sang mga sakal, kag magasingit ako sa lalaw subung sang mga abestrus.

9 Kag ang iya pilas walâ sing pag-áyô, nga naglambut sia tubtub sa Iuda, nag-abut sia tubtub sa gawang sang akon banwa, tubtub sa Ierusalem.

10 Dili ninyo pagigbantala ini sa Gat; mag-andam-kamo sa paghilibi. Nagaligid ako sa yab-ok sa Bet-leapra.

11 Agi-ka nga sa pagkahubo, pumuluyô nga babae sa Sapis, nga may kahuya. Ang pumuluyô nga babae sa Saanan walâ magagowa na: ang panalabitan sa Bet-esel nagadumili sa inyo sining dulan.



12 Kay ang pumuluyô nga babae sa Marot nagalubag sa kasakit bangud sang kaayohan, kay ang kalainan nagapanaug gikan kay Iehoba tubtub sa gawang sang Ierusalem.

13 Itakud ang kanga sa kabayo nga madasig, oh pumuluyô nga babae sa Lakis: nga pamúnô sia sang salâ sa anak nga babae ni Sion; kay sa imo nakit-an ang mga pagkamalalison sa Israel.

14 Tungud sini, ikaw magahatag sing hatag sa pagbulag sa Moreset-gat: ang mga baláy sa Aksib mangindaya sa mga hari sa Israel.

15 Pagadalhon ko pa sa imo ang nagatagiya, oh pumuluyô nga babae sa Maresa: ang himaya ni Israel magahalín tubtub sa Adulam.

16 Mag-upaw ka kag mag-alot-ka bangud sang mga anak sang imo mga kalipayan; pasangkara ang imo upaw subung sang *iya sang* agila, kay ginpang-liton sila malayô sa imo.

**2** KAILO sang mga magapamalandong sing kalainan, kag sang mga nagapadugi sing malain sa ila mga higdaan, sa paghikot sini sa kapawa sang aga, kay yara ini sa gahum sang ila kamut.

2 Kon magkaibog sila sang mga latagon, ginaagaw nila sila; kon sang mga baláy, ginakuluha nila sila; ginapiligus nila ang tawo kag ang iya baláy, ang tagiya kag ang iya panublion.

3 Ngani, amo ining ginasiling ni Iehoba: Yari karon, ako nagapamalandong sa ibabaw sini nga kaliwatan sing isa ka kalainan, nga sa iya indi ninyo sarang makuha ang inyo mga liog, bisan magalalakat kamo nga mga tangâ, kay ini nga panag-on manginmalain.

4 Sa sadtong adlaw pagamitlangon nahanungud sa inyo ang isa ka hulubaton, nga nagahimo sing panalabiton, panalabiton sang mga panalabiton sa lalaw, nga nagasiling: "Ginahapay kami sing bug-os gid; ang pahat sang akon banwa ginapaliton niya sa kamut: ¡Paano nga pagkuha niya sa akon sini! Ginapahat niya sa mga malalison ang amon mga latagon."

5 Ngani, walâ ka na sing sin-o nga mag-untay sing lubid sa isa ka pahat sa katilingban ni Iehoba.

6 "Dili na kamo magtalagna." Magatalagna sila sing maayo. Kon indi sila

magtalagna sa sini nga mga tawo, indi pagapalayoan sang mga pasipala.

7 Ikaw, nga ginahingalanan nga baláy ni Iakob, ¡kaakig bala ang Espiritu ni Iehoba? ¡Amo ini bala ang iya mga binuhatan? ¡ang akon mga polong walâ bala nagahilimo sing maayo sa nagalakat sing matadlung gid?

8 Apang dugay na nga ang akon banwa nagatindug subung nga kaaway. Gikan sa ibabaw sang panapton ginpanguha ninyo ang kunup: ang mga tawo nga nagaalagi nga malinong, nagamanginsubung sang mga nagailisol sa pagawayan.

9 Ang mga babae sa akon banwa ginapanobol ninyo sa mga baláy sang ila mga kalipayan; gikan sa ila mga kabataan ginkuluha ninyo ang akon pagkahalangdon, sa gihapon.

10 Tilindug-kamo kag lalakat-kamo, nga indi amo ini ang palahuwayan, bangud sang kahigkoan; nagapatubas sia sang kalalat-an kag ang kalalat-an among kalaglagan gid.

11 Kon ang isa magpakabinugnaan, kag magpahito sing mga butig, *nga nagasiling*: "Ako magatagna sa imo sa alak kag sa ilimnan nga makahulubug"; ini sia manginmanalagna sa sini nga banwa.

12 Pagatingbon ko sa imo, Iakob, pagatingbon ko sa imo sing bug-os: pagatipunon ko, pagatipunon ko ang nabilin sa Israel: pagatingbon ko sila subung nga mga obeha sa isa ka puluguhan, subung nga kinabon sa tungâ sang iya halalban; magagalatud sila tungud sang *kadamuon* sang mga tawo.

13 Ang magagahit, magataklad sa unhan nila; magagalatud sila, kag magaalagi sila sa gawang, kag magagulowa sila sa iya: ang ila hari magaagi sa atubangan nila, kag *manginpangolo* nila si Iehoba.

Mga pahug batok sa mga punoan sang banwa kag sa mga butig nga mga manalagna.

**3** KAG nagsiling ako: Pamatii-ninyo, ginaampo ko sa inyo, mga pangolo ni Iakob, kag mga dunganon sang baláy ni Israel: ¡Walâ bala sa inyo ang pagkilala sang paghukom?

2 Sa inyo nga nagadulumut sang maayo kag nagahiligugma sang malain, nga nagakuluha sang panit *sang akon*

banwa kag sang unod sa ibabaw sang ila mga tul-an;

3 Nga nagahalohon sang unod sang akon banwa, nga ginaanitan nila sila sang ila panit sa ibabaw nila, kag naga-boloong sa ila sang ila mga tul-an, kag ginapanangutud sila subung sang *ginasulud* sa kolon, kag subung sang unod sa sulud sang kawa.

4 Niyan magapalanawag sila kay Iehoba kag indi sia magasabat sa ila; kondi nga magatago sia sa ila sang iya nawung, sa sadto nga panag-on, tungud kay nagmalain sila sang ila mga binuhatan.

5 Amo ining ginasiling ni Iehoba nahanungud sang mga manalagna, nga nagapalatalang sa akon banwa; nga nagaulugtum sila kag nagasilingit: "Paghidaet"; kag sa walâ magatigana sa ila bâbâ, nagapahanungud sila sa iya sang inaway.

6 Tungud sini, mangingab-i sa inyo bangud sang palanan-awon kag manginkadudulman sa inyo bangud sang pamakot. Kag sa ibabaw sang mga manalagna magakatunod ang adlaw, kag ang adlawon magadulum sa ibabaw nila.

7 Kag ang mga manugtuluk pagapakahuy-an, kag ang mga manugpakot magapalamula; sila nga tanan nagatalabonsang ila bibig, kay walay sabat gikan sa Dios.

8 Apang ako, punô ako sa gahum sang Espiritu ni Iehoba, kag sa paghukom kag sa kabakuran, sa pagbantala kay Iakob sang iya pagkamalalison kag kay Israel sang iya salâ.

9 Pamatii-ninyo ini, ginaampo ko sa inyo, mga pangolo sang balây ni Iakob, kag kamo mga dunganon sang balây ni Israel, nga ginakangil-aran ninyo ang paghukom, kag ginapatiko ninyo ang tanan nga katadlungan;

10 Nga ginapatindug ninyo ang Sion nga may dugo, kag ang Ierusalem, nga may pagkamalalison.

11 Ang iya mga pangolo nagahulukom tungud sa mga hamham; kag ang iya mga saserdote nagapanudlo tungud sa bili, kag ang iya manalagna nagapalamakot tungud sang pilak; kag nagsalandig sila kay Iehoba, nga nagsaling: "¿Walâ bala si Iehoba sa tungâ namon? Indi magaabut ang malain batok sa amon."

12 Ngani, bangud sa inyo pagadaro-

hon ang Sion, subung nga latagon; kag ang Ierusalem manginkagulub-an, kag ang bukid sang Balây subung nga mga putokputokan nga masiot.

Pahiglo sang pagtawag sang mga Hentil.

4 KAG magakahanabu, sa katapusan nga mga adlaw, nga ang bukid sang Balây ni Iehoba pagalig-onon sa ibabaw sang putokputokan sang mga bukid, kag magabayaw sia sa ibabaw sang mga kabakoloran, kag ang mga banwa magadugok sa iya.

2 Kag magaalabut ang madamu nga mga katawohan, kag magasiling sila: "Kalari-kamo, kag magtulukad-kita sa bukid ni Iehoba, sa Balây sang Dios ni Israel; nga magtudlo sia sa aton sang iya mga dalanon, kag maglalakat-kita sa iya mga banas." Kay gikan sa Sion magagowa ang kasogoan, kag gikan sa Ierusalem ang polong ni Iehoba.

3 Kag manginhukom sia sa tungâ sang madamu nga mga banwa kag magamitlang sia sang katadlungan sa mga makusug nga mga katawohan tubtub sa malayô. Pagapamapaon nila ang ila mga hinganiban nga manginpunta sang daro, kag ang ila mga bangkaw nga manginkayog. Indi magabayaw na sing hinganiban ang katawohan batok sa katawohan, bisan pa magatoon sila nga sa paginaway.

4 Kag ang tagsatagsa magapuyô sa idalum sang iya punô sang ubas, kag sa idalum sang iya igerâ, nga walay bisan sin-o nga magapahadluk sa ila; kay ang bâbâ ni Iehoba sang Sebaot naghambal.

5 Kag ang tanan nga mga banwa nagalalakat, ang tagsatagsa sa ngalan sang iya dios; kag kita nagalalakat sa ngalan ni Iehoba, nga aton Dios, sa gihapon kag sa walay katapusan.

6 Sa sadto nga adlaw, siling ni Iehoba, pagatipuon ko ang piang nga *obeha*; kag pagasapopohon ko ang ginsikway ko, kag ang ginpasubo ko.

7 Kag pagahimoon ko ang piang nga isa ka nabilin, kag sa nagpalagyo, ang isa ka katawohan nga gamhanan: kag si Iehoba magahari sa ibabaw nila sa bukid sa Sion kutub karon tubtub sa gihapon.

8 Kag ikaw, oh tore sang kinabon, ang bakolod sang anak nga babae ni Sion, tubtub sa imo magaabut sia; hoo,



nagaabut sia, ang úna nga pagkagino, ang ginharian sang anak nga babae sang Ierusalem.

9 Karon ; kay nga bala nagasingit ka gid ? ; Walá na bala sing hari sa imo ? ; Nadula bala ang imo manuglaygay, agud nga pagdakpon ka sang kasakit subung sang babae nga nagaanak ?

10 Paglubag-ka, kag batasa, anak nga babae sang Sion, subung sang babae nga, nagaanak ; kay karon magagowa ka sa banwa, kag magapuyô ka sa mga lata-gon, kag magakadto ka tubtub sa Babilonia. Didto pagaluwason ka, didto pagatubson ka ni Iehoba sa kamut sang imo mga kaaway.

11 Apang karon nagatipon ang madamu nga mga katawohan batok sa imo, nga nagasililing : “ Magmangindibalaan sia, kag magkalalalipay ang amon mga mata nga nagatan-aw sang Sion.

12 Apang sila walá makakilala sang mga hunahuna ni Iehoba, bisan mahangup nila ang iya katuyoan ; kay ginatipon niya sila subung sang mga inupong sa linasan.

13 Tindug-ka kag linas-ka, anak nga babae sang Sion, kay pagahimoon ko nga salsalon ang imo sungay, kag pagahimoon ko nga saway ang imo mga koko, agud nga magdugmok ka sang madamu nga mga banwa ; kag pagatagudilian ko ang imo inagaw kay Iehoba, kag ang ila mga mangad sa Ginoo sang bug-os nga duta.

Ang tagna sang pagkatawo sang Mesias kag sang pagtukud sang iya ginharian.

**5** TINGUB-KA sa pinanong, anak nga babae sang mga pinanong. Ginhilutan nila kami ; sa lampus ginalampusan nila sa ibabaw sang pisngi ang Hukom sa Israel.

2 Apang ikaw, Betlehem-Eprata, nga diyotay ka, agud nga manginisa sa tungâ sang mga linibo sa Iuda ; sa imo magagowa nga sa akon ang manginmanuggahum sa Israel, kag nga ang iya mga gingikanan amo kutub sang pamúnô, kutub sang mga adlaw sang walay katubtuban.

3 Tungud sini pagaitugyan niya sila tubtub sa panag-on, nga ang dapat nga magpanganak, magapanganak ; kag ang nabilin sang iya mga útud

magabalik sa pag-impon sa mga inanak ni Israel.

4 Kag magapadayon sia, kag magapahalab sia *sang iya banwa* tungud sang gahum ni Iehoba, sa pagkahalangdon sang ngalan ni Iehoba, nga iya Dios. Kag magapuluyô sila sa *paghidaet*, kay karon pagapakadakuon sia tubtub sa mga ukbung sang duta.

5 Kag sia manginatón paghidaet. Kon si Asur mag-abut sa aton duta, kag kon magtapak sia sa aton mga harianon nga baláy, niyan magabangon kita batok sa iya sing pito ka mga manugbantay sang hayup, bisan pa walo ka dunganon sang mga tinawo.

6 Kag pagahalabon nila ang duta sa Asur sa hinganiban, kag ang duta sa Nimrod sa sulúd sang iya mga gawang : kag pagaluwason niya kami sa Asur kon mag-abut sia batok sa amon duta, kag kon magtapak sia sa amon mga dulunan.

7 Kag ang nabilin ni Iakob, mangin sa tungâ sang madamu nga mga banwa, subung sang tun-og nga gikan kay Iehoba, subung sang tun-og nga bugana sa ibabaw sang hilamon, nga sila walá magahululat *sang sogo* sang tawo, bisan *pinasakup* sila sa mga anak sang mga tawo.

8 Kag ang nabilin ni Iakob mangin sa tungâ sang mga katawohan, sa tungâ sang madamu nga mga banwa, subung sang leon sa tungâ sang mga kasapatan sang talon, subung sang magamay nga leon sa tungâ sang mga kinabon sang mga obeha, nga kon mag-agi sia, naganapanak sia, kag nagatukub, kag walay sin-o nga makaluwas.

9 Ang imo kamut maghayaw batok sa imo mga kasumpung kag nga ang tanan mo nga mga kaaway pagpapason.

10 Kag magakahanabu, sa sadto nga adlaw, siling ni Iehoba, nga pagautdon ko ang imo mga kabayo sa tungâ nimo, kag pagalaglagon ko ang imo mga kanga.

11 Pagautdon ko *man* ang mga kabanwaan sa imo duta, kag pagagubon ko ang tanan mo nga mga kabakuran.

12 Subung *man* pagautdon ko sa imo mga kamut ang mga binabaylan, kag walá ka na sing mga manuglihi.

13 Kag pagautdon ko ang imo mga larawan nga tinigban kag ang imo mga larawan sa tungâ nimo, kag indi ka na

maghapa sa binuhatan sang imo mġa kamut.

14 Kag pagagabuton ko ang imo mġa Ashera sa tungā nimo kag pagagalagon ko ang imo mġa kabanwaan.

15 Kag pagahikuton ko ang akon pagtimalus nġa may kaakig kag may kasingkal batok sa mġa katawohan, nġa walā magpamati.

Kasaba ni Iehoba sa iya banwa.—Kalainan ni Israel —Ang Dios indi magakalooy.

**6** PAMATII-NINYO, ginaampo ko sa inyo, ang ginasiling ni Iehoba: Tindug-ka, pakigkasaba-ka sa atubangan sang mġa bukid, kag magpalamati ang mġa kabakoloran sang imo tingug.

2 Pamatii-ninyo, mġa bukid, ang kasaba ni Iehoba kag kamo nġa mġa mabakud nġa mġa sadsaran sang duta; kay may kasaba si Iehoba sa iya banwa, kag may kasuayon kay Israel.

3 Banwa ko, ĳano bala ang ginhimo ko sa imo? ĳsa ano bala nġa nabudlay ko ikaw? Sabat-ka sa akon.

4 Kay ginpataklad ko ikaw gikan sa duta sa Egipto, kag sa baláy sang mġa olipon gintubus ko ikaw, kag ginpadalá ko sa atubangan nimo sa Moises, kag si Aaron kag si Maria.

5 Banwa ko, panumduma karon ang katuyoan nġa ginhuman ni Balak, nġa hari sa Moab, kag ang ginsabat sa iya ni Balaam, nġa anak ni Beor, kutub sa Sitim tubtub sa Gilgal, agud nġa makilala mo ang mġa katarungan ni Iehoba.

6 ĳSa ano bala magaatubang ako kay Iehoba, kag magayaub ako sa atubangan sang Dios nġa yara sa mataas nġa duug? ĳMagaabut ako bala sa atubangan niya nġa may mġa halad nġa sinunog, nġa may mġa tinday sang baka nġa isa ka tuig?

7 ĳMagakahamuut bala si Iehoba sang mġa linibo nġa mġa karnero kon sa napúlô ka linibo ka mġa sapa nġa lana? ĳPagaihatag ko bala ang akon pangamay tungud sang akon pagkamalalison, ang bunga sang akon tiyan tungud sang salá sang akon kalág?

8 Sia nagpahayag sa imo, oh tawo, sang maayo, ĳkag ano bala ang ginapangayo sa imo ni Iehoba, kondi ang pagbutang sa buhat sang katadlungan, ang paghigugma sang kalooy, kag ang

paglakat nġa mapainubuson upud sa imo Dios?

9 Ang tingug ni Iehoba nagasingit sa banwa, kag bulahan ang nagatan-aw sang imo nġalan. Pamatii-ninyo ang patok, kag sa kay sin-o ginsogo sia.

10 ĳMay mġa bahandi pa bala nġa nalipon tungud sang kalainan sa baláy sang malauton, kag ang epa nġa nabanan nġa takus sang pagpakamalain?

11 ĳManġinmatinlo bala ako sa pagtugut sang timbangan nġa malain, kag sang púyo sang mġa itilimbang nġa mġa malimbongan?

12 Banwa nġa ang iya mġa mangaranon ginpamangad tungud sang paglugos, kag nġa ang iya mġa pumuluyô nagahalambal sing butig, sa bagay nġa ang iya dila amo ang butig lamang sa ila bâbâ;

13 Tungud sini ako magapaniwang man sa imo, nġa nagapilas sa imo, nġa nagahapay sa imo bangud sang imo mġa salá.

14 Ikaw magakaon kag indi ka mabusug, kag ang imo pagkawalaysulud manginsa sulúd nimo: ikaw magakuha, apang indi ka makaluwas; kag ang imo pagaluwason, pagaitugyan ko ini sa kampilan.

15 Ikaw magatanum, apang indi ka magaani; magalapak ka sing mġa oliba, apang indi ka makahaplas sang lana; kag magalapak ka sang duga sang ubas, apang indi ka magainum sang alak.

16 Kag ang mġa sogo ni Omri ginabantayan gid, kag ang tanan nġa binuhatan sang baláy ni Akab; kag sono sang mġa laygay nila naglalakat kamo, agud nġa ako magtugyan sa imo sa kahapayan, kag ang imo mġa pumuluyô, sa mġa pagpanihol. Kag pagadalhon ninyo ang pasipala sang akon banwa.

**7** ĳKAILO ako! kay subung ako sang patubas sang mġa bunga sang tingadlaw, subung sang ginpanipot sa tapus ang pinapatubas sang ubas; nġa walá sing pinungpung nġa sa pagkaon, bisan sing nahauna nġa igos nġa ginahandum sang akon kalág.

2 Napanas ang maloloy-on sa duta, kag walá na gid sing matadlung sa tungā sang mġa tawo. Ang tanan nagapuluut sa pagula sang dugo; ang



tagsatagsa nagapangayam sa iya útud nga may sihod.

3 Ang iya mga kamut, handa sa kailinan sa paghikot sa iya; ang dun-ganon nagapangayô, ang hukom *naga-hokom* tungud sang hamham, kag ang lutaw nagahambal sang kailigbon sang iya kalág, kag ginalubag nila ang lubid sang *himbon*.

4 Ang labing maayo sa ila among subung sang tunok; ang labing matad-lung, labing malain sia sang kudal nga sapinit. Sa adlaw sang imo mga manugtan-aw, ang imo pagsilot nagaabut; niyan magakilibang sila.

5 Indi kamo magsalalig sa abyan, bisan magsalalig-kamo sa kaupdan; sa nagahigda sa imo luyo, bantayan-mo ang mga gawang sang imo bâbâ.

6 Kay ang anak nga lalaki nagata-may sa amay, ang anak nga babae nagatindug batok sa ilôy, ang umagad nga babae batok sa iya ugangan nga babae; kag ang mga kaaway sang tawo amo ang mga sa iya baláy.

7 Apang ako magabalikid sang akon mga mata kay Iehoba; magahulat ako sa Dios sang akon kaluwasan; ang akon Dios magapamati sa akon.

8 Kaaway ko, indi ka magkalipay bangud sa akon, kay bisan pa napukan ako, magatindug ako; bisan pa mag-puyô ako sa mga kadudulman, si Iehoba amo ang akon suga.

9 Ang kaakig ni Iehoba pagadalhon ko, kay nagpakasalâ ako batok sa iya, tubtub nga mag-apin sia sang akon ka-saba kag maghimo sang katarungan sa akon: sia magapagowa sa akon sa ka-pawa, magapamalandong ako sang iya katarungan.

10 Kag nga makita ini sang akon ka-away; kag nga magtabon sa iya ang kahuya sa ginasing niya sa akon: "¿Diin bala si Iehoba, nga imo Dios?" Ang akon mga mata magatan-aw sa iya; karon pagatapakon sia subung sang lunang sang mga dalan.

11 Sa adlaw nga magapatindug ka liwan sang imo mga kuta, sa sadtong adlaw pagapalaparon ang imo dulunan.

12 Sa sini nga adlaw magaalabut sila sa imo, kutub sa Asur tubtub sa mga kabanwaan sang Egipto, kag kutub sa Egipto tubtub sa subâ, kag kutub sa isa ka dagat tubtub sa isa ka dagat, kag kutub sa isa ka bukid tubtub sa isa ka bukid.

13 Walay sapayan, ang duta pagaha-payon bangud sang iya mga pumuluyô tungud sang bunga sang iya mga binu-hatan.

14 Pahalba ang imo banwa sa idalum sang imo sungkod, ang kinabon sang imo panublion, nga nagapuyô nga isa lamang sa talon, sa tungâ sang Karmelo; maghalalab sila sa Basan kag sa Galaad, subung sang sa sadtong mga adlaw.

15 Ako magapakita sa ila sing mga kalatingalahan, subung sang sa adlaw nga naghalín ka sa duta sa Egipto.

16 Ang mga katawohan magatalan-aw sini, kag magakalahuya sila sa duug sang tanan nila nga mga kagam-hanan; pagaibutang nila ang kamut sa ibabaw sang ila bâbâ, magabulongol ang ila mga idlungug.

17 Magadililap sila sang yab-ok subung sang man-ug, subung sang mga nagaguyud sa duta; magagulowa sila sa ila mga pagpabukot, nga nagakulu-rug; magadalangup sila nga nagakulu-rug kay Iehoba, nga amon Dios, kag magakalahadluk sila sa imo.

18 ¿Sin-o nga Dios bala ang subung sa imo, nga nagapatawad ka sang kala-utan, kag nagakalipat ka sang salâ sang nabilin sang imo panublion?" Walâ sia magahuput sa gihapon sang iya kaakig, kay nagakahamuut sia sang pagkalooy.

19 Sia magakalooy liwan sa aton; sia magatapak sang aton mga kalautan; kag magatagbong ka sa mga kadadal-man sang dagat sang tanan nila nga mga salâ.

20 Magahatag ka kay Iakob *sining* kamatooran kag kay Abraham *sining* kalooy, nga ginsumpa mo sa amon mga ginikanan kutub sang mga daan nga mga panag-on.

# SI NAHUM.

Katarungan kag kalooy sang Dios.—Sia magalaglag sang iya mga kaaway kag magaluwas sia sang iya banwa.

1 LULAN sa ibabaw sang Ninibe; tolon-an sang palanan-awon ni Nahum nga taga-Elkos.

2 Ang Dios nga maimon kag manug-timalus amo si Iehoba; manugtimalus amo si Iehoba, nga nagahikot nga may kasingkal: si Iehoba among manugtimalus batok sa iya mga kasumpung, kag nagahuput sia sang iya kaakig nga sa iya mga kaaway.

3 Si Iehoba among mahinay sa kaakig, kag daku sa gahum, kag indi gid niya ginakabig nga walay salâ ang makasasalâ. ; Si Iehoba! ang iya dalan sa tungâ sang alimpulos kag sang bagyo, kag ang mga gal-um amo ang yab-ok sa iya mga tiil.

4 Sia nagasabdong sang dagat, kag ginapamala niya sia, kag ginapahubas niya ang tanan nga mga subâ. Ang Basan naganiwang, kag ang Karmelo man kag ang bulak man sang Libano naganiwang.

5 Ang mga bukid nagakulurug sa atubangan niya, kag ang mga kabakoloran nagakalatunaw; kag ang duta nagakumbo sa iya atubangan, kag ang kalibutan kag ang tanan niya nga mga pumuluyô.

6 ; Sin-o bala ang magatindug sa atubangan sang iya alipungut? kag ; sin-o bala ang magapadayon sa idalum sang kasingkal sang iya kaakig? Ang iya kasingkal nagakaula subung sang kalayo, kag tungud sa iya nagalitik ang mga pil-as.

7 Maayo si Iehoba: kabakuran sia sa adlaw sang kalisdanan, kag nakakilala sia sang mga sa iya nagadalanup.

8 Apang tungud sang isa ka anaw nga nagaawas magahimo sia sang kalaglagan nga bug-os sa duug nga didto ang *Ninibe*, kag magahingabut sia sang iya mga kaaway *tubtub* sa mga kaduldulman.

9 ; Ano bala ang ginapamalandong ninyo batok kay Iehoba? Sia magahimo sing kalaglagan nga bug-os; ang kalilisdan indi magatindug sing makaduha.

10 Kay sinalapid sila subung sang mga tunok, kag hubug sila subung sang sa ila ilimnon, pagahalonhunon sing bug-os sila subung sang alikabo nga mamala.

11 Sa imo naggowa ang naghunahuna sing malain batok kay Iehoba, ang isa ka manugpadugi sang mga katuyoan ni Belial.

12 Amo ining ginasiling ni Iehoba: "Bisan pa punô sila sang kusug, kag madamu sila, pagagalabon sila, kag maggaagi sa unhan; kon pagsakiton ko na ikaw, indi ko na ikaw pagsakiton.

13 Kay karon pagabalion ko ang imo singkaw sa ibabaw nimo, kag pagabugtoon ko ang imo mga igilikos."

14 Apang nagasogo si Iehoba batok sa imo: "Indi na maglapnag ang imo ngalan. Sa baláy sang imo Dios pagautdon ko ang larawan nga tinigban kag ang larawan nga tinunaw: pagaamanon ko ang imo lulubngan, kay nangintalamayon ka."

15 Yari karon, sa ibabaw sang mga kabukiran, ang mga tiil sang manugbalita sang mga maayong balita, sang nagabantala sang paghidaet. "Hiwata, oh Iuda, ang imo mga piesta, tumana ang imo mga panaad; kay indi nga mas-a maggaagi sa tungâ nimo si Belial; napapas sia sing bug-os."

Paglibot kag pag-agaw sa Ninibe.

2 NAGTAKLAD ang manugwaraag batok sa imo: bantayi ang kabakuran, tatapa ang dalan, pabakura ang mga hawak, palig-una gid ang imo kusug.

2 Kay si Iehoba nagauli sang himaya ni Iakob, subung sang himaya ni Israel; kay ang mga manugagaw nagpangagaw



sa ila, kag ginlaglag nila ang iya mġa balagon.

3 Ang taming sang iya mġa maisug mapula ang duag; ang mġa lalaki sang iya kasoldadosan napanaptan sang eskarlata; ang mġa dabdab sang salsalon sang kanga *subung* sang kalayo sa adlaw nġa mahanda sia, kag ginabalabad ang mġa *bangkaw* nġa sipres.

4 Ang mġa kanga nagaliligid sing madasig sa mġa dalan; magadalagan sila sing maabtik gid sa mġa balaligyaan; ang iya dagway subung sang mġa sulo, nagadinalagan sila subung sang mġa kilat.

5 | Magpanumdum ang *Ninibe* sa iya pagkahalangdon! Nagakalasandad sila sa ila panlakatan. Nagadinalidali nayon sa kuta, kag ang tapi sang pagsalakay ginaaman.

6 Ang mġa gawang sang mġa subâ ginapamuksan, kag ang harianon nġa balây ginatunaw.

7 Natapat na: nahuban sia, ginadalâ sia, nagabakho ang iya mġa alagad nġa babae subung sang sa tingug sang mġa salampati, nġa nagapalanampok sang ila dughan.

8 Kag ang Ninibe subung sang sulup-tan sang mġa tubig kutub sang iya ginsuguran; nagapalalagyo sila. "¡ Dúlog-kamo! ¡ dúlog-kamo!" kag walâ gid sing nagabalikid.

9 Pangatiha ang pilak, pangatiha ang bulawan: walay katapusan sa mġa bahandi, sa mġa mangad sang tanan nġa butang nġa halandumon.

10 | Ang paglaglag, ang pagpangati, ang pag-agaw! Ang tagiposoon nagakatunaw, kag nagakilibang ang mġa tuhod; ang paglubag sang kasakit sa tanan nġa mġa tagimison, kag ang tanan nġa mġa nawung nagaluluspi.

11 | Diin bala ang lungib sang mġa leon, ang duug nġa ginakaonan sang mġa magamay nġa leon, nġa diin nagadayandayan ang leon, ang leon nġa babae, ang tutuy sang leon, kag walay sin-o nġa magpakulba sa ila?

12 Ang leon nagpanukub sang igo nġa sa iya mġa tutuy, kag nagpanguga nġa sa iya mġa leon nġa babae; ginpunô niya sing tulukbon ang iya mġa lungib, kag ang iya mġa lungib sing bangkay nġa tulukbon.

13 Yari karon, ako *nagaabut* batok sa imo, siling ni Iehoba sang Sebaot.

Pagasunugon ko ang mġa kanga nġa magatub-ok nġa aso, kag ang hinganiban magahalonhon sang imo magamay nġa leon. Pagautdon ko sa duta ang imo tulukbon, kag indi na mabatian ang tingug sang imo mġa manugbalita.

Mġa sala sang Ninibe.—Ang iya dimallikawan nġa pagkalaglag.

3 | KAILO ang banwa sang dugo! Sia nġa bug-os punô sang butig kag sang linugusan, nġa walâ pagbuhi sang tulukbon.

2 | Tunog sang mġa bilogon, kag dinaguhub sang mġa aliling kag sang mġa kabayo, nġa nagadalagan sing madasig gid, kag sang mġa kanga nġa nagalumpat!

3 | Ang mġa manugkabayo nġa nagadalasing, ang sidlak sang mġa hinganiban, ang kilat sang bangkaw ang kabugana sang pilason sa kamatayon, tinumpok sang mġa bangkay, ang mġa lawas nġa patay nġa walâ sing katapusan: sa ila mġa bangkay magakalasandad sila!

4 Bangud sang kadamuon sang mġa pagpanghilahe sang bigaon, punô sa mġa makagalanyat, sampaton sa mġa babaylan, nġa nagabaligya sa mġa katawohan tungud sang iya mġa pagpanghilahe, kag sa mġa panimalây tungud sang ila mġa *babaylan*,

5 Yari ako karon nagaabut batok sa imo, siling ni Iehoba sang Sebaot, kag pagabuksan ko ang sidsid sang imo bayô sa ibabaw sang imo nawung, kag pagaipakita ko sa mġa katawohan ang imo kahubo, kag sa mġa ginharian ang imo kahuluy-an.

6 Pagaihaboy ko sa ibabaw nimo ang mġa kahigkoan, kag pagapasipalahan ko ikaw kag pagaibutang ko ikaw nġa talan-awon.

7 Kag mahanabu, nġa ang tanan nġa makakita sa imo, magapalalayô sa imo, nġa nagasiling: Ang Ninibe nahapay; | Sin-o bala ang magakalooy sa iya? | Sa diin ko bala ikaw pagapangitaan sing mġa manuglipay?

8 | Maayo ka pa bala kay No-Amon, nġa nagalingkod sa tungâ sang mġa subâ, nġa nalibutan sang mġa tubig, nġa ang iya úna nġa kuta among dagat, nġa ang iya kuta ginabayaw kutub sa dagat?

9 Ang mga Kusinhon sa daku nga gahum, kag ang mga Egiptohanon sa walay katubtuban, ang Put kag ang mga Libinhon among mga kabulig niya.

10 *Walay sapayan*, sia man ginpaliton, nagkadto sia sa kabihagan: ang iya mga magamay nga mga anak ginpanlinas sa tanan nga mga ginsang-an sang mga dalan; sa ibabaw sang iya mga tala-horon nga tawo nagpalasimpalad sila; kag ang tanan niya nga mga kadalagku-an ginpanghigtan nga may mga talikala.

11 Ikaw man pagahugbon, pagapiliton ka sa pagpanago sa imo; ikaw man magapangita sing palalipdan batok sang kaaway.

12 Ang tanan mo nga mga kabakuran kaangay sang mga igerang may mga nahaunang igos; kon uyugon sila, nagakalaholog sila sa bâbâ sang mga maluyag magkalaon sa ila.

13 Yari karon, ang imo banwa subung sang mga babae sa tungâ nimo: ang mga gawang sang imo duta nagawalang-wang sa imo mga kaaway; ang kalayo nagapud sang imo mga pintal.

14 Panag-ub-ka sing tubig nga sa paglibot; bakura ang imo mga kabakuran; sulud-ka sa lunang, tapaka ang lapok, kaayoha ang mga dapug sa mga tisa.

15 Pagaupuron ka sang kalayo, pagapanason ka sang hinganiban, pagahalunhunon ka subung sang apan nga yelek, bisan pa madamu ka subung sang yelek, bisan pa madamu ka subung sang apan nga arbe.

16 Ginpadamu mo ang imo mga manugbaligya labi pa sang mga kabitoonan sang langit; ang yelek nagahublas kag nagalupad sia.

17 Ang imo mga dunganon subung sang mga arbe, kag ang imo mga pangolo subung sang panung sang mga apan, nga nagahugpa sa mga kudal sa adlaw nga matugnaw: sa makasubang ang adlaw, nagapalalagyo sila, kag indi mahibaloan ang duug nga sa diin sila.

18 Nagatolog ang imo mga manugbantay, oh hari sa Asur; nagahiligda ang imo mga halangdon: ang imo banwa naglapta sa mga kabukiran, kag wala sin-o nga magatipon sa ila.

19 Walay bolong nga sa imo pilas, ang imo pilas nagbug-at. Ang tanan nga nakabati nahanungud sa imo nagapamalakpak sang mga kamut sa ibabaw nimo; kay; sa ibabaw ni sin-o walâ mag-agi sing dayon gid ang imo kalainan?

## SI HABAKUK.

Kalautan ni Iuda.—Pagasilotan sia sang mga Kaldeinhon.—Panabang sang manalagna.

1 ANG lulan nga nakita ni Habakuk nga manalagna.

2 ; Tubtub bala san-o, oh Iehoba, magapanawag ako, kag indi mo ako pagapamatian; kag magasingit ako sa imo: ; Paglugus! kag indi mo pagaluwason?

3 ; Kay nga bala ginapatan-aw mo ako sing kalautan, kag nagtulok ka sang paglalis? Ang pagkahapay kag ang paglugos yara sa atubangan nakan; may kasuayon kag ginapatindug ang kasaba.

4 Tungud sini ang kasogoan ginalap-  
yo, kag ang katarungan indi na nga mas-a nagagowa; kay ang madauton

nagaipit sa matarung; sa sini ang katarungan nagagowa nga pinatiko.

5 Tuluk-kamo sa tungâ sang mga katawohan kag tan-awa-ninyo, kag panghiorong-kamo, hoo, panghiorong, kay pagahimoon ko ang isa ka buluhaton sa inyo mga adlaw. Indi kamo magtoloo sa iya, bisan pa pagisugid sa inyo.

6 Kay yari karon, ako magapabangon sang mga Kaldeinhon, nga banwa nga mapintas kag madalidalion, nga nagalakat sa nasangkaran sang duta sa pagangkon sang mga puluy-an nga mga indi ila.

7 Makakulugmat kag makakululba sia: sa iya gid magagowa ang iya kadtalungan kag ang iya pagkahalangdon.

8 Kag ang iya mga kabayo labing



maabtik sang mga leopardo, kag labing mapintas sang mga lobo sa hapon; kag ang iya mga man gkabayo nagalalakat nga matinaastaason. Kag magaalabut gikan sa malayô ang iya mga manugkabayo; magalulupad sila subung sang mga agila, nga nagadalalidali sa paghalonhon.

9 Tanan sila magakalari nga sa panglugus; ang tanan nila nga mga nawung sing tingub nahamtang nayon sa unhan, kag pagatipunon nila ang mga bihag subung sang balas.

10 Kag sia, magapasipala sia sa mga hari, kag magauligyat sa mga dunganon; magakadlaw sia sa tanan nga kabakuran, kag magakuha sia sang *banwa*, nga nagatumpok sang yab-ok.

11 Ugaling magataliwan sia subung sang hangin kag magauna sia, kag pagabilangon sia nga makasasala, tungud kay ining gahum niya, nangindios niya.

12 ;Indi bala amo ikaw kutub sang walay katubtuban, oh Iehoba, nga akan Dois, nga akan Balaan? Indi kami magakalamatay, oh Iehoba: gintugyan mo sia nga sa paghukom; oh Batong bantiling, gintukud mo sia nga sa pag-sabdong.

13 Ikaw nga ang mga mata tama ka putli sa pagtan-aw sang malain, kag nga indi sarang makakita sang paglalis: ;kay nga bala magatan-aw ka sang mga maluib? ;kay nga bala nagahipus ka, kon ang madauton nagatolon sa matarung pa sa iya?

14 ;Kay nga bala ginhimo mo ang mga tawo subung sang mga isda sang dagat, subung sang mga nagaguyud sa duta nga wala sila sing manuggahum?

15 Nagakuha sia sa ila nga tanan nga may taga, kag ginaguyud niya sila sa iya pukot kag ginatipon niya sila sa iya sihod; sa sini nagakalipay sia kag nagakasadya gid sia.

16 Tungud sini nagahalad sia sa iya pukot, kag nagapasunog sia sing mga pahamut sa iya sihod; kay tungud sa ila ginpatambok niya, ang iya pahat, kag manamit ang iya pagkaon.

17 ;Tungud sini dapat bala niya pagulaon ang iya pukot kag pagpatyon sing dayon gid ang mga katawohan, sa wala sing kalooy?

Ang mga Kaldeinhon pagapanilotan sa ila binulubulos.

2 MAGATINDUG ako sa ibabaw sang akon lalantawan, kag sa ibabaw sang kuta, magapahamtang ako, kag magalantaw ako sa pagtan-aw kon ano ang pagaihambal niya sa akon, kag nga magasabat ako sa akon pamangkot.

2 Kag si Iehoba nagsabat sa akon, kag nagsiling: Isulat ang palanan-awon, kag itigib sia sa mga tapitapi, agud nga sarang mabasa sing madasig gid.

3 Kag ang palanan-awon *magadugay* pa sa isa ka pinat-in nga panag-on, apang nagadasig sia nayon sa katapusan, kag indi magabutig sia. Bisan pa magdugay, hulata sia, kay sa pagkamatud magaabut sia; indi magadugay.

4 Yari karon, nagahabok ang iya kalag, indi matadlung sia sa iya; apang ang matarung magakabuhi tungud sang iya pagtoo.

5 Kag labut pa, ang alak mabudhion; ang tawo nga nanginbugalon sa iya, indi sarang makapabilin sa iya puluy-an; ginapalapad niya ang iya mga handum subung sang inpierno. Kon sia subung sang kamatayon nga indi mabusug, kon magtipon sia sa iya sang tanan nga mga katawohan, kag magtingub sia sa iya sang tanan nga mga banwa,

6 ;Indi bala magamitlang ining tanan sa ibabaw niya sing mga hulubaton, kag sing mga pagyubit kag sing mga pak-takon batok sa iya? Kag magasiling: ;Kailo ang nagatipon sang indi iya! Kag ;tubtub pa bala san-o magatumpok sia sa ibabaw niya sang mga inugpaligon?

7 ;Indi bala magatilindug sa hinali ang mga magakagat sa imo? kag ;indi bala magamalata ang mga magalagas sa imo? kag magamangintulukbon ka nila.

8 Tungud kay ikaw nag-agaw sa madamu nga mga katawohan, ang iban nga tanan nga mga banwa magaalagaw sa imo, bangud sang mga dugo sang mga tawo kag sang paglugus nga *nahimo* sa duta, sa banwa kag sa tanan nga nagapuluyô sa iya.

9 ;Kailo sang nagakaibug sang madaumon nga pagdaug nga sa iya balay, sa pagbulang sa mataas sang iya pugad, sa pagsulud sa palalipdan sa kalalat-an!

10 Nagbaton ka sing laygay nga mahuluya nga sa imo baláy ; sa pagguba sang madamu nga mga banwa, nagapakasalá ka batok sa imo kalág.

11 Kay ang bató nagasingit kutub sa dingding, kag kutub sa tinapian magasabat sa iya ang sukug.

12 ; Kailo ang nagapatindug sing banwa sa ibabaw sang dugo kag nagatukud sing minoro sa ibabaw sang paglalis!

13 Yari karon : ; Indi bala gikan kay Iehoba sang Sebaot nga ang mga banwa ginabudlay nga sa kalayo, kag nga ang mga katawohan ginabudlay sa walay pulus?

14 Kay ang duta magamanginpunô sa pagkilala ang himaya ni Iehoba, subung sang mga tubig nagatalabon sang dagat.

15 ; Kailo ang nagapainum sa iya isigkatawo, sa imo, nga ginaula mo ang imo kasingkal, hoo, nga ginahubug mo sia, sa pagtan-aw sang ila kahubu!

16 Mapunô ka sa kahuluy-an labi pa sang himaya : inum-ka man, kag igapakita ang imo dipagkatinuli. Ang tagayan sa too ni Iehoba magakadto sing pasunod tubtub sa imo, kag may suka sa kahuluy-an sa ibabaw sang imo himaya.

17 Kay ang paglugus nga nahimo sa Libano, magatabon sa imo, kag ang kahapayan nga nagpalisang sang mga kasapatan : *ini* bangud sang mga dugo sang mga tawo, kag sang paglugus sa duta, sa banwa, kag sa tanan nga nagapuluyô sa iya.

18 ; Ano bala ang kapuslanan sang larawan nga tinigban nga sa naghimo sa iya? ; Ano bala ang pulus sang larawan nga tinunaw, kag sang manugtudo sang butig, agud nga ang manugtigib magsalig sa iya gintigban, nga nagahimo sing diosdios nga apa?

19 ; Kailo sang nagasiling sa inutúd nga kahoy : "Mata-ka," kag sa bató nga apa : "Tindug-ka!" ; Sarang sia bala makatudlo? Yari karon sia nahalupan sang bulawan kag pilak, kag walâ sa sulúd niya sing espiritu.

20 Apang si Iehoba yara sa Simbahan sang iya pagkabalaan. ; Hipus sa atubangan niya, bug-os nga duta!

### Pangamuyo ni Habakuk.

3 PANĠAMUYO ni Habakuk nga manalagna, sa Sigyonot.

2 Oh Iehoba, nabatian ko ang imo ginpapatian, kag nagkahadluk ako :

Oh Iehoba, pagbuhia ang imo binubatan sa tungâ sang mga katuigan, Sa tungâ sang mga katuigan ipakilala sia ;

Sa kaakig, magpanumdum-ka sa paghuput sang kahinoklog.

3 Ang Dios nagaabut gikan sa Teman, Kag ang Balaan gikan sa bukid sa Paran. Sela.

Ang iya kasidlak nagatabon sang mga langit,

Kag ang duta napunô sang iya pagdayaw.

4 Kag may kasilaw subung sang kapawa :

Mga kasilaw nga nagagilikan sa iya kamut ;

Kag didto natago ang iya gahum.

5 Sa atubangan sang iya nawung nagalakat ang kamatay,

Kag ang isa ka dabdab nga masingkal nagagowa sa iya mga tikang.

6 Nagadulog sia, kag ginatakus niya ang duta :

Nagatulok sia kag ginpakurug niya ang mga katawohan,

Kag ang mga daan nga mga bukid ginapalupuk,

Ang mga kabakoloran nga walay katapusan nagasalalup.

Ang iya mga dalanon mga walay katapusan.

7 Nakita ko ang kalautan nga nagabug-at sa ibabaw sang mga layanglayang sa Kusan ;

Ang mga kumbung sang duta sa Madian nagakulurug.

8 ; Nagaalipungot bala si Iehoba batok sang mga subâ?

; Batok sa mga subâ ang imo kaakig?

; Ang imo kaakig atok bala sa dagat, Agud nga magsakay ka sa ibabaw sang imo mga kabayo,

Kag sa ibabaw sang imo mga kanga, nga sa kaluwasan?

9 Ginsanting, ginubahan ang imo pana; Ang mga pinat-in nga may panumpa amo ang mga bunal sang imo polong. Sela.

Ginpalitik mo ang duta sa mga subâ.



- 10 Nakakita sa imo ang mga bukid kag nagalubag sila sa kasakit:  
Nagaagi ang anaw sang mga tubig,  
Ang kaidadalman nagapabati sang iya tingug,  
Nagabayaw sia sang iya mga kamut.
- 11 Ang adlaw kag ang bulan nagdulúlog sa iya puluy-an:  
Sa suga sang iya mga baslay nagalakat sila,  
Sa kasilaw sang imo masidlakon nga bangkaw.
- 12 Ginalibot mo ang duta nga may kakig,  
Ginalinas mo ang mga katawohan nga may kasingkal.
- 13 Nagagowa ka sa pagluwas sa imo banwa,  
Nga sa kaluwasan upud ang imo hinaplas.  
Ginaboong mo ang pangolo sang baláy sang madauton,  
Nga ginaubahan sia kutub sa sad-saran tubtub sa ibabaw. Sela.
- 14 Ginapalapsan mo sang imo mga baslay ang mga olo sang imo mga pangolo,  
Nga nagaduluksul sa pagpaaplaag sa akon;  
Nagakalalipay sila sa iya, subung nga sa paghalunhon sa nasit-an sa mga duug nga natago.
- 15 Nagalakat ka upud sang imo mga kabayo sa ibabaw sang dagat,

- Sa ibabaw sang mga tinumpok sang dalagka nga mga tubig.
- 16 Nabatian ko, kag nagkurug ang akon lawas;  
Sa tingug, nagtalakubtakub ang akon mga bibig,  
Kagabukan nagsulúd sa akon mga tul-an, kag sa akon nagkurug ako;  
Ako nga magapahimunong sa adlaw sang kalisdanan,  
Kon magataklad batok sa banwa ang magasalakay sa iya.
- 17 Kay ang igerá indi magapamulak,  
Kag walâ sing patubas sa mga kaulasan;  
Ang bunga sang olibo magadaya sang paghulat,  
Kag ang mga latagon indi magahala-tag sing kalan-on;  
Kag ang mga obeha magakulang sa mga palasudlan,  
Kag walâ na sing mga baka sa mga kamalig.
- 18 Apang ako magakalipay kay Iehoba,  
Kag magakasadya ako sa Dios sang akon kaluwasan.
- 19 Si Iehoba, ang Ginoo, among akon kabakuran,  
Nga sia magahiino sang akon mga tiil subung sang iya sang mga usa.  
Kag pagapalakatan niya ako sa ibabaw sang akon mga kataasan.  
Sa pangolo sang manug-ambahan.  
Upud sang akon mga tulungon sa musika sa lubid.

## SI SOPONIAS.

Mga pahug batok kay Iuda kag sa Ierusalem.

1 POLONG ni Iehoba, nga nag-abut kay Soponias, nga anak ni Kusi, anak ni Gedalias, anak ni Amarias, anak ni Esekias, sa mga kaadlawan ni Iosias, nga anak ni Amon, nga hari sa Iuda.

2 Pagakuhaon ko, pagakuhaon ko ang tanan nga sa ibabaw sang kadayang sang duta, siling ni Iehoba.

3 Pagakuhaon ko ang mga tawo kag ang mga kasapatan; pagakuhaon ko ang mga kapispisan sang langit kag ang

mga kaisdaan sang dagat, kag ang mga kabangdanan sa pagkaholog, kon sayoron ang mga malauton, kag pagautdon ko ang tawo sa ibabaw sang kadayang sang duta, siling ni Iehoba.

4 Kag pagauntayon ko ang akon kamut sa ibabaw ni Iuda kag sa ibabaw sang tanan nga mga pumuluyô sa Ierusalem, kag pagautdon ko sa sini nga duug ang nabilin ni Baal, kag ang ngalan sang mga manalagna sang mga dios upud ang mga saserdote.

5 Kag ang mga nagalayaub sa ibabaw sang mga atup sa kasoldadosan sang

langit, kag ang mġa nagalayaub kag nġa nagasulumpa tungud kay Iehoba kag nagasulumpa tungud sang ila hari;

6 Kag ang mġa nagatalal kod sa olehe ni Iehoba, kag ang mġa walā magapalangita kay Iehoba, bisan nagapalamangkot tungud sa iya.

7 | Hipus sa atubangan sang Ginoo nġa si Iehoba! Kay ang adlaw ni Iehoba malapit na; kay si Iehoba naghanda na sing halad, nagabalaan sia sa iya mġa inagda.

8 Kag mahanabu sa adlaw sang halad ni Iehoba, nġa pagasilotan ko ang mġa dunganon kag ang mġa anak sang hari, kag ang tanan nġa nagapalanaput sing panapton nġa dinumuluong;

9 Pagasilotan ko *man*, sa sadtong adlaw, ang tanan nġa mġa nagalulumpat sa atangan, nġa ginapunō nila ang Baláy sang ila Ginoo *sang mġa bunga* sang paglugus kag sang daya.

10 Kag mahanabu, sa sadtong adlaw, siling ni Iehoba nġa may tingug sa siningit kutub sa gawang sang mġa Iuda, kag isa ka uwang kutub sa Misne, kag daku nġa kagahud kutub sa luyo sang mġa kabakoloran.

11 Uluwang-kamo mġa pumuluyō sa banwa nġa manubo, kay ang tanan nġa banwa nġa manugbaligya nadula; pagapapason ang tanan nġa nalulanan sang pilak.

12 Kag mahanabu, sa sadtong panagon, nġa ako magausisa sa Ierusalem nġa may mġa sulo; kag magasilot ako sang mġa tawo nġa nagalilingkod sa ibabaw sang ila mġa lagdo, nġa sila nagasililing sa ila tagiposoon: "Si Iehoba indi magahimo sa *aton* sing maayo, bisan sing malain."

13 Ang ila mġa mangad igabutang sa alatihon, kag ang ila mġa baláy, sa kahapayan; magapalatindug sila sing mġa baláy, apang indi nila pagapuyan; kag magatalanum sila sing mġa kaubasan, apang indi sila magailinum sang alak nila.

14 Malapit na ang adlaw nġa daku ni Iehoba, malapit sia kag nagadalidali gid. Ginapamatian ang adlaw ni Iehoba. Didto nagasingit sing mapait gid ang maisug.

15 Adlaw sang kasingkal yadtong adlaw; adlaw sang kalisdan kag sang pagipit, adlaw sang pagkalaglag, kag sang kahapayan, adlaw sang kadudulman kag

sang kadulum, adlaw sang guum kag sang madamol nġa kadulum;

16 Adlaw sang budyong kag sang pagsingit batok sa mġa mabakud nġa mġa kabanwaan, kag batok sang mġa pamusud nġa mataas, *nġa mġa kuta*.

17 Pagasakiton ko ang mġa tawo, kag magalalakat sila subung nġa mġa bulag, kay nagpalakasalā sila batok kay Iehoba; kag ang dugo nila pagaulaon subung sang yab-ok, kag ang iya unud subung sang mġa ipot.

18 Bisan ang ila piliak, bisan ang ila bulawan indi sarang makaluwas sa ila sa adlaw sang kasingkal ni Iehoba; kay ang bug-os nġa duta pagaupuron sang kalayo sang iya kaimon; kay among pagkalaglag sing bug-os, hoo, kag sing hinali, nġa pagahimoon niya sa mġa pumuluyō sang duta.

Mġa pahug batok sa mġa nagakalainlain nġa mġa katawohan.

2 BUSA, tilipon-kamo, tilipon-kamo, katawohan, nġa walā sing huya,

2 Sa walā pa matuman ang sogo ... ang adlaw magaligad subung sang alikabo, sa walā pa mag-abut ang kasingkal sang kaakig ni Iehoba sa ibabaw ninyo, sa walā pa mag-abut sa ibabaw ninyo ang adlaw sang kaakig ni Iehoba.

3 Pangitaa-ninyo si Iehoba, kamo nġa tanan nġa mġa mapainubuson sa duta, nġa ginbutang ninyo sa buhat ang iya tulumanon; pangitaa-ninyo ang katarungan, pangitaa-ninyo ang kahagup; ayhan pagapasilongan kamo sa adlaw sang kaakig ni Iehoba.

4 Kay ang Gasa pagabayaang, kag ang Askalon manginkahapayan; ang Asdod pagatabugon, sa udto ang adlaw; ang Ekron pagagabuton.

5 | Kailo ang mġa pumuluyō sa baybayon sang dagat, ang katawohan sang mġa Keretinhon! May polong gikan kay Iehoba batok sa inyo, oh Kanaan, duta sang mġa Pilistinhon; kag pagapalaglag ko ikaw, tubtub nġa walā na sing pumuluyō.

6 Kag ang kadutaan sang baybayon manginhalahon patí ang mġa bobon sang manugbantay sang kahayupan kag mġa puluguhan sang mġa obeha.

7 Kag manginkadutaan ini sang nabilin sang baláy ni Iuda; didto magapalahalab sila *sang ila mġa pinamung*; sa



mga baláy ni Askalon magahiligda sila sa kagab-ihon; kay pagaduawon sila ni Iehoba, nga ila Dios, kag magapabalik sia sa ila mga bihag.

8 Ako nakabati sang mga pasipala ni Ioab, kag sang mga buyayaw sang mga inanak ni Amon, nga ginpasipalahan nila ang akon banwa, kag ginbuyayaw nila batok sang iya kadulunan.

9 Ngani, magkabuhi ako, siling ni Iehoba sang Sebaot nga Dios ni Israel, nga ang Moab manginsubung sang Sodom, kag ang mga inanak ni Amon, subung sang Gomora, latagon sang dalamo, kag awang sang asin, kag dayon nga kahapayan: ang nabiliin sang akon banwa magaati sa ila, kag ang mabiliin sang akon katawohan magatag-iya sang ila mga panublion.

10 Ini mahanabu sa ila tungud sang ila palabilabi, kay nagpalasipala sila, kag nagbuyayaw sila batok sang banwa ni Iehoba sang Sebaot.

11 Manginumakahaladluk si Iehoba batok sa ila, kay sia magalaglag sa tanan nga mga diosdios sang duta; kag magayaub sila sa atubangan niya, ang tagsatagsa kutub sa iya duug, sa tanan nga mga pulô sang katawohan.

12 Kamo man, mga Kusinhon. Sila manginpilason sa kamatayon sang akon hinganiban.

13 Maguntay sia sang iya kamut sa ibabaw sang Aminhan, kag paglag-lagon niya ang Asur, kag paghimoon niya ang Ninibe nga kahapayan, duta nga mga kigas subung sang isa ka kahana-yakan.

14 Ang mga kinabon sang kahayupan magaluluko sa tungâ niya, ang tanan nga mga kasapatan, *subung* nga katawohan; ang pelikano subung man ang eriso magahololon sa kagab-ihon sa tungâ sang iya mga ooloo: pagapamatian ang huni sa mga talambuan; manginkahapayan sa ibabaw sang mga atangan kay ang iya *tinapian* nga sedro ginubahan.

15 Yadto amo ang banwa nga masadyahon, nga ginapuyan sing masinaligon, nga nagsiling sa iya tagiposoan: Ako, kag walâ sing liwan. Paano bala nga nanginkahapayan, lolokohan sang mga kasapatan nga mapintas? Bisan sin-o nga magaagi sa luyo niya, magapaniho, magapahulag sang iya kamut.

Silot sa Ierusalem.—Mga panad nga nahimo sa mga matutum.

3 | KAILO ang banwa nga malalison, nga ginlatnan, nga manugpigis!

2 Walâ sia magapamati sang tingog, bisan nagbaton sang sabdong; walâ sia magasalig kay Iehoba, walâ magapalapit sa iya Dios.

3 Ang iya mga dunganon, sa tungâ niya, mga leon nga manugnurub; ang iya mga hukom, mga lobo sa hapon, nga walâ magatigana sing bisan ano nga sa aga;

4 Ang iya mga manalagna, mga mapatuyangon, mga tinawo nga mabudhion; gindagtaan sang iya mga saserdote ang balaan nga Puluy-an kag ginpalugusan nila ang kasogoan.

5 Si Iehoba among matarung sa tungâ niya; indi nagahimo sia sing paglalis: sa agaaga ginapapawa niya ang iya paghukom, sa walay pagkulang; apang ang malalison indi nakakilala sing kahuya.

6 Ang iya katawohan ginapapas ko; ang mga pamusud sang ila mga *kuta* ginpanghapay; ginaguba ko ang ila mga dalan, tubtub nga walâ na sing mag-agi; ang iya mga kabanwaan napanghapay tubtub nga walâ na sing tawo, bisan isa ka pumuluyô.

7 Nagsiling ako: Lamang magkahadluk ka sa akon; magbaton-ka sing sabdong; kag ang iya puluy-an indi na pagautdon, *sono* sa sadtong tanan nga ginsogo ko batok sa iya. Apang sila nagdalidali sa pagpamalaut sang tanan nila nga mga binuhatan.

8 Ngani, hulata-ninyo ako, siling ni Iehoba, sa adlaw nga magatindug ako sa inagaw; kay ang akon pagtapat among pagtipon sang mga katawohan, ang pagtingub sang mga ginharian, sa pagula sa ibabaw nila sang akon kaalipungut, sang bug-os nga kasingkal sang akon kaakig; kay sa kalayo sang akon kaimon pagahalonhonon ang bug-os nga duta.

9 Kay niyan pagaihatag ko sa mga banwa, nga nagaliso pa sa ila, ang mga bibig nga matinlo, agud nga ang tanan magtawag sang ngalan ni Iehoba, agud nga mag-alagad sila sa iya sa isa lamang sa kasugtanan.

10 Kutub didto sa unhan sang mga subâ sang Kus, ang akon mga ma-

nugsimba, ang anak nga babae sang akon mga ginpaalaplaag, magadalá sa akon sing halad.

11 Sa sadtong adlaw, indi ka pagapakahuy-an bangud sang bisan ano sang imo mga binuhatan, nga sa iya nagmalalison ka batok sa akon; kay niyan pagakuhaon ko sa tungâ nimo ang mga punô sang palabilabi nga malipayon, kag indi ka nga mas-a magapalabilabi sa bukid sang akon pagkabalaan.

12 Kag magabilin ako sing nabilin, sa tungâ nimo, sing isa ka banwa nga mapainubuson kag imol, nga sila magadangup sa ngalan ni Iehoba.

13 Ang nabilin ni Israel indi magahimo sing kalautan, bisan magahambal sing butig; bisan sa bâbâ nila makit-an ang dila nga malimbongon, kay sila magahalalab kag magaloloko, kag walay sin-o nga magapalisang sa ila.

14 Hugyaw-ka, oh anak nga babae ni Sion. Singit-ka sa kalipay, oh Israel. Kasadya-ka kag kalipay-ka sa bugos nga tagiposoon, anak nga babae sa Ierusalem.

15 Si Iehoha nagapapalayô sang imo mga paghukom, nagasilhig sia sa gowa sang imo mga kaaway; ang hari sa Israel nga si Iehoba yara sa tungâ nimo: indi ka na magatan-aw sing malain.

16 Sa sadtong adlaw pagaisiling sa Ierusalem: Indi ka mahadluk, Sion; indi magluluya ang imo mga kamut.

17 Si Iehoba ang imo Dios yara sa tungâ nimo, ang Makagagahum nga nagaluwas; magakalipay sia bangud sa imo, nga may kasadya. Magahipus sia sa iya gugma; magakalipay sia bangud sa imo, nga may pagsingit sa kasadya.

18 Pagatipunon ko ang mga yara sa kasakit nga malayô sang pinat-in nga piesta; mga imo sila; nagabug-at sa ibabaw nila ang pasipala.

19 Yari karon, sa sadtong panag-on magaginawi ako batok sang tanan mo nga mga manugpigis; kag pagaluwason ko ang piang nga babae, pagasapopohon ko ang ginsikway; kag pagahimoon ko nga pagdayawon sila kag nga pagbantugon sila sa tanan nga mga kadutaan, nga diin ginpakahuy-an sila.

20 Sa sadtong panag-on pagapakarion ko kamo, sa sadtong panag-on pagapanipunon ko kamo; kay pagahimoon ko kamo nga kabantugan kag nga pagdayawon kamo sa tungâ sang mga kabanwaan sang duta, kon pagapabalikon ko ang inyo mga bihag, sa atubangan sang inyo mga mata, siling ni Iehoba.

## SI HAGEO.

Si Hageo nagasabdong sa banwa tungud sang iya pagpatumbaya, kag nagalaygay sa iya sa pagpatindug liwan sang Sinbahan.

1 SA tuig nga ikaduha sang hari nga si Dario, sa bulan nga ikan-um kag sa nahauna nga adlaw sang bulan, ang polong ni Iehoba nag-abut, sa kamut sang manalagna nga si Hageo, kay Sorobabel, nga anak ni Sealtiel, nga gobernador sa Iuda, kag kay Iosue, nga anak ni Iosadak, nga daku nga saserdote, nga nagasiling:

2 Amo ining ginahambal ni Iehoba sang Sebaot, nga nagasiling: Ini nga banwa nagasiling: "Walâ pa mag-abut ang panag-on sa pagpangabudlay, ang

panag-on nga ang baláy ni Iehoba pagapatindugon liwan."

3 Kag nag-abut ang polong ni Iehoba sa kamut sang manalagna nga si Hageo, nga nagasiling:

4 Oh kamo, i panag-on b. la ini nga sa inyo, sa pagpuyô sa inyo mga baláy nga napanapian, nga nahapay ini nga Baláy?

5 Kag karon amo ini ang ginasiling ni Iehoba sang Sebaot: Pamalandong-kamo sing maayo sa inyo mga tagiposoon sang inyo mga dalanon.

6 Nagatalanum kamo sing madamu, kag ang patubas diyotay; nagakalaon kamo, apang wala kamo magakalabusug; nagailinum kamo, apang walâ



kamo pagaayawi; nagapalanaput kamo, apang walâ kamo magmainit; kag ang nagabaton sing sohol, nagabaton sang iya sohol sa gisi nga pûyo.

7 Amo ining ginasiling ni Iehoba sang Sebaot: Pamalandong-kamo sing maayo sa inyo tagiposoon sang inyo m̄ga dalanon.

8 Tulukad-kamo sa bukid kag dalala-kamo diri sing kahoy, kag patinduganinyo liwan ang Baláy, agud nga mahamuut ako sa iya, kag nga paghimayaon ako, ginasiling ni Iehoba.

9 Nagahulat kamo sing madamu, kag yari karon may diotay lamang. Gindalâ ninyo sia sa baláy, apang ginhuyup ko sa ibabaw niya. ¿Kay nga bala? siling ni Iehoba sang Sebaot. Tunğud sang akon Baláy, nga nagapadayon nga nahapay kag kamo, kamo nagadalagan ang tagsatagsa sa iya kaugalingon nga baláy.

10 Tunğud sini ang langit sa ibabaw ninyo nagpasupon sang ulan, kag ang duta nagpakunul sang iya bunga;

11 Kag gintawag ko ang kakigas sa ibabaw sang duta kag sa ibabaw sang m̄ga bukid, kag sa ibabaw sang trigo, kag sa ibabaw sang duga sang ubas, kag sa ibabaw sang lana, kag sa ibabaw sang ginapatubas sang duta, kag sa ibabaw sang tawo, kag sa ibabaw sang m̄ga kasapatan, kag sa ibabaw sang tanan nga kinabudlayan sang m̄ga kamut.

12 Kag si Sorobabel, nga anak ni Sealtiel, kag si Iosue, nga anak ni Iosadak, nga daku nga saserdote, kag ang tanan nga iban sang banwa nagpalamati sang tingug ni Iehoba, nga ila Dios, sono sang m̄ga polong sang manalagna nga si Hageo, sang ginpadalâ sia ni Iehoba, nga Dios nila; kag nagkahadluk ang banwa kay Iehoba.

13 Kag si Hageo, nga pinadalâ ni Iehoba, naghambal sa banwa nga may balita ni Iehoba, nga nagasiling: "Ako upud sa inyo, siling ni Iehoba."

14 Kag ginpamata ni Iehoba ang espiritu ni Sorobabel, nga anak ni Sealtiel, nga gobernador sa Iuda, kag ang espiritu ni Iosue, nga anak ni Iosadak, nga daku nga saserdote, kag ang espiritu sang tanan nga nabilin sang banwa, kag nagkaladto sila kag nagsugud sila sa pagpangabudlay sa Baláy ni Iehoba sang Sebaot nga ila Dios,

15 Sa adlaw nga ikaduha ka pûlô kag apat sang bulan nga ikan-um, sa ikaduha ka tuig sang hari nga si Dario.

Ang himaya sang ikaduha nga Simbahan.

2 SA ikapito nga bulan, sa ikaduha ka pûlô kag isa sang bulan, nag-abut ang polong ni Iehoba sa kamut sang manalagna nga si Hageo, nga nagasiling:

2 Hambala karon si Sorobabel, nga anak ni Sealtiel, nga gobernador sa Iuda, kag si Iosue, nga anak ni Iosadak, nga daku nga saserdote, kag ang nabilin sang banwa, nga nagsiling:

3 ¿Sin-o bala ang nabilin sa tunğâ ninyo, nga nakakita sini nga Baláy sa iya nahauna nga himaya? kag ¿ano bala karon ang nakita ninyo sa iya? ¿Indi bala sia subung sang walâ sa atubangan sang inyo m̄ga mata?

4 Busa karon, Sorobabel, pagbaskug-ka, siling ni Iehoba. Pagbaskug-ka man, Iosue, nga anak ni Iosadak, nga daku nga saserdote. Pagbaskug-kamo, bug-os nga banwa sang duta, siling ni Iehoba, kag magpalangabudlay-kamo; kay ako upud sa inyo, siling ni Iehoba sang Sebaot;

5 Sono sang katipan nga ginkatipan ko sa inyo, sang paggowa ninyo sa Egipto; ang akon Espiritu magapuyô sa tunğâ ninyo: dili kamo magkala-hadluk.

6 Kay amo ining ginasiling ni Iehoba sang Sebaot: Sa makaisa pa sa indi madugay pagapakurugon ko ang m̄ga langit, kag ang duta, kag ang dagat kag ang mamala.

7 Kag pagapakurugon ko ang tanan nga m̄ga katawohan, kag magaabut ang Hinandum sang tanan nga m̄ga katawohan; kag pagapun-on ko ini nga Baláy sang himaya, siling ni Iehoba sang Sebaot.

8 Akon ang pilak, kag akon ang bulawan, siling ni Iehoba sang Sebaot.

9 Ang olehe nga himaya sining Baláy magananginlabing daku sang nahauna, siling ni Iehoba sang Sebaot; kag magahatag ako sang paghidaet sa sini nga duug, siling ni Iehoba sang Sebaot.

M̄ga sabdong kag m̄ga panaad sa pagpakamaayo.

10 Sa duha ka pûlô kag apat sang

*bulan* nga ikasiam, sa ikaduha ka tuig ni Dario, nag-abut ang polong ni Iehoba sa kamut sang manalagna nga si Hageo, nga nagasiling:

11 Amo ining ginasiling ni Iehoha sang Sebaot: Pamangkota karon ang mga saserdote nahanungud sang kaso-goan, nga nagasiling:

12 "Kon ang isa ka tawo magdalá sang unud nga balaan sa sidsid sang iya panapton, kag sa sining sidsid makamlot niya ang tinapay, kon ang sud-an, kon ang alak, kon ang lana, kon bisan ano nga iban nga pagkaon, ¿pagapaka-balaanon bala ang pagkaon?" Kag nagsalabat ang mga saserdote, kag nagsiling: "Indi."

13 Kag nagsiling si Hageo: "Kon ang isa ka tawo nga mahigko bangud sang lawas nga patay, magkamlut sang bisan ano sini nga mga butang, ¿magamangin-mahigko sia bala?" Kag nagsalabat ang mga saserdote, kag nagsiling: "Manginmahigko sia."

14 Kag nagsabat si Hageo kag nagsiling: "Subung sini amo ini nga banwa, kag subung sini ini nga katawohan, sa atubangan nakon, siling ni Iehoba; kag subung sini man ang tanan nga binuhatan sang ila mga kamut, kag ang tanan nga pagaihalad nila didto manginmahigko."

15 Busa karon, pamalandonga-ninyo sing maayo sa inyo tagiposoon ang *nahanabu* kutub sini nga adlaw kag sang una, sa walá pa nila mabutangi sing bató sa ibabaw sang bató sa Simbahan ni Iehoba.

16 Sa walá pa mahanabu ining mga butang, nagpalapit sila sa tinumpok nga trigo nga duha ka púlô ka *epa*, kag may napúlô; nagpalapit sila sa ipitan sa pagkuha sing kalim-an ka *sukub* sa ipitan, kag may duha ka púlô.

17 Ginpilas ko kamo sang panlaya, kag sang kusim, kag sang ulan nga

batobató nga hielo, sa tanan nga binuhatan sang inyo mga kamut; apang walá kamo *magbalalik* sa akon, siling ni Iehoba.

18 Busa pamalandonga-ninyo sing maayo karon sa inyo tagiposoon ang *nahanabu* kutub sini nga adlaw kag sang una kutub sang adlaw nga ikaduha ka púlô kag apat sang *bulan* nga ikasiam, tubtub sang adlaw nga gintukud ang Simbahan ni Iehoba: pamalandonga-ninyo ini sa inyo tagiposoon.

19 ¿Walá pa bala ang binhi sa damisag? Bisan pa ang kaubasan, bisan ang igera, bisan ang granada, bisan ang olibo walá sing patubas. Kutub sini nga adlaw, pagpakamaayohon ko *kamo*."

Kalaglagan sang mga kaaway.—Ang pagpakataas kay Sorobabel.

20 Kag nag-abut sa makaduha ang polong ni Iehoba kay Hageo, sa ikaduha ka púlô kag apat sang bulan, nga nagsiling:

21 Ihambal kay Sorobabel, nga gobernador sa Iuda, nga nagasiling: Pagapakurugon ko ang kalangitan kag ang duta;

22 Kag pagapukanon ko ang lingkoran nga harianon sang mga katawohan, kag pagalaglagon ko ang kagamhanan sang mga ginharian sang mga katawohan kag pagabaliskaron ko ang kanga kag ang mga nagasalakay sa iya; kag ang mga kabayo kag ang mga sa ila nagakalabayo magakapukan ang tag-satagsa sa hinganiban sang iban.

23 Sa sadtong adlaw, siling ni Iehoba sang Sebaot, pagakuhaon ko ikaw, oh Sorobabel, nga anak ni Sealtiel, nga akon alagad, siling ni Iehoba, kag pagai-butang ko ikaw subung sang singsing sa *akon tudlo*; kay ako nagpili sa imo, siling ni Iehoba sang Sebaot.

## SI SAKARIAS.

Laygay sa paghinulsul.

1 SA ikawalo nga bulan, sa tuig nga ikaduha ni Dario, nag-abut ang polong ni Iehoba kay Sakarias, nga anak

ni Berekiyas, nga anak ni Iddo, nga manalagna, nga nagasiling:

2 Gintandug si Iehoba sang daku nga kasingkal batok sa inyo mga ginikanan.



3 Busa, pagaisiling mo sa ila: Amo ining ginasiling ni Iehoba sang Sebaot: Balalik-kamo sa akon, siling ni Iehoba sang Sebaot, kag ako magabalik sa inyo, siling ni Iehoba sang Sebaot.

4 Dili kamo magmanġinsubung sang inyo mġa ginikanan, nġa sa ila nagsililingit ang ūna nġa mġa manalagna, nġa nagasiling: Amo ining ginasiling ni Iehoba sang Sebaot: Mag-ilisol-kamo karon sa inyo mġa malain nġa dalanon, kag sa inyo mġa malain nġa mġa buhat; kag walā sila magpalamati, bisan nagtalupangud sa akon, siling ni Iehoba.

5 Ang inyo mġa ginikanan, ġdiin bala sila? kag ang mġa manalagna, ġmagakalabuhī sila bala sa gihapon?

6 Apang ang akon mġa polong, kag ang akon mġa palatukuran, nġa ginsogo ko sa akon mġa alagad nġa mġa manalagna, ġwalā bala nagpakalambut sila sa inyo mġa ginikanan? Kag nagbalalik sila, kag nagsililing: "Subung sang gintapat ni Iehoba sang Sebaot sa paghimo sa aton, sono sa aton mġa dalanon kag sono sa aton mġa binuhatan, amo man ang ginhimo niya sa aton."

Nahauea nġa palanan-awon.—Ang mġa kabayo.

7 Sa duha ka pŭlō kag apat sang bulan nġa ikapŭlō kag isa, nġa among bulan nġa Sebat, sa tuig nġa ikaduha ni Dario, nag-abut ang polong ni Iehoba kay Sakarias, nġa anak ni Berekias, nġa anak ni Iddo, nġa manalagna, nġa nagasiling:

8 May palanan-awon ako sa kagabihon; kag yari karon ang isa ka lalaki nġa nagasakay sa isa ka kabayo nġa mapula; sia nagadŭlog sa tunġā, sang mġa mirto, nġa yara sa isa ka duug nġa nanubuan, kag sa olehe niya may mġa kabayo nġa mġa mapula, nġa mġa alasan kag mġa maputi.

9 Niyan nagsiling ako: "ġAno bala ini sila, ginoo ko?" Kag nagsiling sa akon ang manugtunda nġa naghambal sa akon: "Pagaipakita ko sa imo kon ano ini sila."

10 Kag ang lalaki, nġa didto sa tunġā sang mġa mirto, naghambal kag nagsiling: "Ini sila among mġa ginpadalā ni Iehoba sa paglibot sang duta."

11 Kag sila nagsalabat sa manugtunda ni Iehoba, nġa didto sa tunġā

sang mġa mirto, kag nagsililing sila: Ginlibot namon ang duta, kag yari karon ang bug-os nġa duta napuy-an kag malinong."

12 Kag naghambal ang manugtunda ni Iehoba kag nagsiling: "Oh Iehoba sang Sebaot, ġtuhtub pa bala san-o nġa indi ka magakalooy sa Ierusalem kag sa mġa kabanwaan sa Iuda, nġa batok sa ila nagkaakig ka sining kapi-toan ka tuig?"

13 Kag si Iehoba nagsabat sa manugtunda nġa naghambal sa akon sing mġa maayo nġa mġa polong, sing mġa malipayon nġa mġa polong;

14 Kag nagsiling sa akon ang manugtunda, nġa naghambal sa akon: Singitka, nġa nagasiling: "Amo ining ginasiling ni Iehoba sang Sebaot: Nagapangimon ako sa Ierusalem kag sa Sion nġa may daku nġa kaimon.

15 Kag nagakasingkal ako sa daku nġa kasingkal batok sa mġa katawohan, nġa yara sa kalinong; kay sang ako nagsingkal sing diyot, sila, sila nagbululig nġa sa malain.

16 Tunġud sini, amo ining ginasiling ni Iehoba: Nagabalik ako sa Ierusalem nġa may kalooy; sa iya pagapatindugon ang akon Balāy, siling ni Iehoba sang Sebaot, kag ang lubid pagauntayon sa ibabaw sang Ierusalem.

17 Singit pa, nġa nagasiling: Amo ining ginasiling ni Iehoba sang Sebaot: Pagapaawason pa ang akon mġa kabanwaan sa kauswagan, kag pagalipayon pa ni Iehoba ang Sion, kag pagapilion pa niya ang Ierusalem."

Ikaduhang palanan-awon: ang mġa sunġay kag ang mġa panday.

18 Sa olehe ginhayaw ko ang akon mġa mata, kag nagtulok ako, kag yari karon ang apat ka mġa sunġay.

19 Kag nagsiling ako sa manugtunda, nġa naghambal sa akon: "ġAno bala ini sila?" Kag nagsabat sia sa akon: "Ini sila among mġa sunġay, nġa nagalaplaag sa Iuda, sa Israel, kag sa Ierusalem."

20 Kag ginpakita sa akon ni Iehoba ang apat ka mġa panday.

21 Kag ako nagsiling: "ġAno bala ang ginakari nila sini sa paghimo?" Kag naghambal sia sa akon, nġa nagasiling: "Ini sila among mġa sunġay nġa nag-alaplaag

sa Iuda, tubtub nga walâ sing sin-o nga nagtukhayaw sang iya olo; kag ini sila nagkalari sa paglisang sa ila, sa pagtabog sa malayô sang mga sungay sang mga katawohan, nga nagbalayaw sang sungay batok sang duta sa Iuda, sa pagpaalaplaag sa iya."

Palanan-awon nga ikatlo: gintakus ang Ierusalem.

**2** KAG ginbayaw ko ang akon mga mata, kag nagtulok ako, kag yari karon ang isa ka lalaki, nga sa iya kamut ang isa ka lubid nga inugtaks.

2 Kag nagsiling ako sa iya: "¿Sa diin ka bala makadto?" Kag sia nagsiling sa akon: "Sa pagtakus sa Ierusalem, sang pagtan-awo kon pila ang iya kasangkaron, kag kon pila ang iya kalabaon."

3 Kag yari karon, ang manugtunda, nga naghambal sa akon, naghaling kag ang isa ka manugtunda naggowa sa pagsugata sa iya.

4 Kag nagsiling sia sa iya: "Dalagan, kag ihambal sa sini nga pamatan-on, nga nagasiling: Pagapuy-an ang Ierusalem subung sang mga minoro nga walay kuta, bangud sang kadamuon sang mga tawo kag sang mga kasapatan nga yara sa tungâ niya.

5 Kag ako, siling ni Iehoba, manginkuta nga kalayo ako nga sa iya sa palibot, kag manginhimaya ako sa tungâ niya."

6 ¡Uy, uy! palalagyo-kamo sa duta sang Aminhan, siling ni Iehoba, kay subung sang apat ka mga hangin sang langit ginpang-alaplaag ko kamo, siling ni Iehoba.

7 ¡Oh Sion, palagyo-ka, ikaw nga nagapuyô kaupud sang anak nga babae sang Babilonia.

8 Kay amo ining ginasiling ni Iehoba sang Sebaot: Sa himaya ginpadalâ niya ako sa mga katawohan nga naghimo sa inyo nga ila inagaw: kag ang nagakuhit sa inyo, nagakuhit sang tawotawo sang iya mata.

9 "Kay yari karon, ako magabalabad sang akon kamut batok sa ila, kag mangininagaw sila sang mga nag-alagad sa ila, kag mahibaloan ninyo, nga si Iehoba sang Sebaot nagpadalâ sa akon."

10 Ambahan-ka kag kasadya-ka, anak nga babae sang Sion; kay yari karon, magakari ako, kag magapuyô ako sa tungâ nimo, siling ni Iehoba.

11 Kag magasilimpon ang madamu nga mga katawohan kay Iehoba sa sad-tong adlaw, kag manginbanwa nakon sila, kag magapuyô ako sa tungâ nimo; kag mahibaloan mo, nga si Iehoba sang Sebaot nagpadalâ sa akon sa imo.

12 Kag pagatagiyahon ni Iehoba ang Iuda nga palanublion nga pahat niya, sa duta sa pagkabalaan kag pagapilion pa niya ang Ierusalem.

13 Maghipus ang tanan nga unud sa atubangan ni Iehoba, kay sia nagmata gikan sa iya balaan nga Puluy-an.

Palanan-awon nga ikap-at: ang dakung saserdote nga ginsumbung ni Satanas kag ginpakamatarung sang Dios.

**3** KAG ginpakita niya sa akon si Iosue, ang daku nga saserdote, nga sia nagatindug sa atubangan sang Manugtunda ni Iehoba; kag si Satanas yara sa iya too, sa pagsumbung sa iya.

2 Kag si Iehoba nagsiling kay Satanas: "Si Iehoba magsabdung sa imo, Satanas. Hoo; si Iehoba magsabdong sa imo; sia nga nagpili sang Ierusalem. ¿Indi bala ini dungkulan nga ginkuha sa kalayo?"

3 Kag si Iosue napanaptan sang mga panapton nga bulingon, kag yara sia sa atubangan sang Manugtunda.

4 Kag naghambal ang Manugtunda, kag nagsiling sa mga nagatilindug sa atubangan niya, nga nagasiling: "Uba-ha-ninyo sa iya ang mga panapton nga bulingon." Ugaling nagsiling sia sa iya: Tuluk-ka nga ginpaagi mo ang imo kalautan sa ibabaw nimo, kag ginapasaputan ko ikaw sang mga panapton nga malahalon."

5 Kag nagsiling ako: "Butangan nila sing turbante nga matinlo sa ibabaw sang iya olo." Kag ginbutangan nila sing turbante nga matinlo sa ibabaw sang iya olo; kag ginpasaputan nila sia sang mga panapton. Kag ang Manugtunda ni Iehoba nagtindug didto.

6 Kag ang Manugtunda ni Iehoba nagpamatuud kay Iosue, nga nagasiling:

7 "Amo ining ginasiling ni Iehoba sang Sebaot: Kon maglakat ka sa akon mga dalanon kag kon magbantay ka sang akon tulumanon, niyan magagahum ka man sa akon Baláy, magabantay ka man sang akon mga patyo,



kag pagaihatag ko ikaw nga maglakat ka sa tunḡa sang mḡa nagatilindug sa atubangan ko.

8 Busa, dungug-ka, Iosue, daku nga saserdote, ikaw kag ang imo mḡa kaupdanan, nga nagalilingkod sa atubangan nimo; kay mḡa lalaki sila nga mḡa hilibulongan. Kay yari karon, pagapakarion ko ang akon alagad, ang Saling-sing.

9 Kay yari karon, nahanungud sang bató nga ginbutang ko sa atubangan ni Iosue: sa ibabaw sining bugtong nga bató may pito ka mḡa mata. Yari karon, ako magatigib sang iya tinigban, siling ni Iehoba sang Sebaot; kag pagakuhaon ko ang kalautan sining duta sa isa lamang ka adlaw,

10 Sa sadtong adlaw, siling ni Iehoba sang Sebaot, magaagdahay ang isa sa isa sa idalum sang pinúnô sang ubas, kag sa idalum sang igera."

Palanan-awon nga ikalima: ang sadnḡan nga bulawan kag ang mḡa sulo.

4 KAG nagbalik ang Manugtunda, nga naghambal sa akon, kag ginpukaw niya ako, subung sang isa ka tawo nga ginpukaw sa iya katologon.

2 KAG nagsiling sia sa akon: "¿Ano bala ang ginatan-aw mo?" KAG nagsiling ako: "Ginatulok ko kag, yari karon ang isa ka sadnḡan nga bug-os nga bulawan, nga may isa ka suludlan sa iya olo, kag ang iya pito ka mḡa lamprahan sa ibabaw niya; kag pito ka mḡa ilogan nga sa tagsatagsa sang mḡa lamprahan nga yara sa iya olo.

3 Ugaling sa ibabaw niya, duha ka mḡa oliba, ang isa sa too sang suludlan, kag ang isa sa iya walâ."

4 KAG naghambal ako, kag nagsiling ako sa sadtong manugtunda, nga naghambal sa akon, nga nagsiling: "¿Ano bala ining mḡa butang, ginoo ko?"

5 KAG ang manugtunda, nga naghambal sa akon, nagsabat kag nagsiling sa akon: "¿Walâ ka bala makahibalo kon ano ining mḡa butang?" KAG nagsiling ako: "Walâ, ginoo ko."

6 KAG naghambal sia kag nagsiling sa akon, nga nagsiling: "Ini among polong ni Iehoba kay Sorobabel, nga sa iya nagsiling: Indi sa gahum, bisan sa kusug, kondi tunḡud sa akon Espiritu, siling ni Iehoba sang Sebaot.

7 ¿Sin-o ikaw bala, daku nga bukid, sa atubangan ni Sorobabel? Manginkapatagan ka. KAG pagadalhon niya gikan sa gowa ang bató sang olo, sa pagsingit: ¡Bugay, bugay, sa iya!"

8 KAG ang polong ni Iehoba nag-abut sa akon, nga nagsiling:

9 "Ang mḡa kamut ni Sorobabel nagtukud sang sadsaran sa sini nga Baláy, kag ang iya mḡa kamut magahuman sa iya, kag mahibaloan mo, nga si Iehoba sang Sebaot nagpadalá sa akon sa inyo.

10 Kay, ¿sin-o bala ang nagatamay sang adlaw sang mḡa magamay nga mḡa butang, kon ining mḡa pito naga-kalalipay sa pagtan-aw sang tonton sa kamut ni Sorobabel, ining mḡa mata ni Iehoba, nga nagalibot sang bug-os nga duta?"

11 Naghambal ako, kag nagsiling sa iya: "¿Ano bala ining duha ka mḡa oliba sa too sang sadnḡan kag sa iya walâ?"

12 KAG naghambal ako sing makaduha, kag nagsiling sa iya: "¿Ano bala ining duha ka mḡa bulig sang mḡa oliba sa tunḡa sang duha ka mḡa iligan nga bulawan, nga sa ila nagailig ang lana nga bulawan?"

13 KAG naghambal sia sa akon, nga nagsiling: "¿Walâ ka bala makahibalo kon ano ini nga mḡa butang?" KAG nagsiling ako: "Ginoo ko, walâ."

14 KAG sia nagsiling: "Ining duha among mḡa anak sang lana, nga nagatilindug malapit sa Ginoo sang bug-os nga duta."

Palanan-awon nga ikan-um: ang linukot nga nagalupad.

5 KAG ginhayaw ko liwan ang akon mḡa mata kag nagtulok ako, kag yari karon ang isa ka linukot sa pagsulat, nga nagalupad.

2 KAG nagsiling sia sa akon: "¿Ano bala ang ginatan-aw mo?" KAG nagsabat ako: "Ginatan-aw ko ang isa ka linukot nga nagalupad, nga duha ka púlô ka maniko ang kalaba, kag napúlô ka maniko ang kasangkad."

3 Niyan nagsiling sia sa akon: "Ini amo ang pagpakamalaut, nga nagagowa sa ibabaw sang kadaygan sang bug-os nga duta; kay ang tanan nga makawat, pagalaglagon kutub diri; sono sang nahamtang sa iya; kag ang tanan nga

manugsumpa, pagalaglagon kutub diri, sono sang nahamtang sa iya.

4 Ako nagapagowa sa iya, siling ni Iehoba sang Sebaot, kag magasulúd sia sa baláy sang makawat, kag sa baláy sang nagasumpa sing butig gid sa akon ngalan; kag magapadayon sia sa tungâ sang iya baláy, kag pagaupuron niya sia patí sang iya mġa tinapian kag sang iya mġa bató."

Palanan-awon nġa ikapito : ang babae kag ang epa.

5 Kag naggowa ang manugtunda nġa naghambal sa akon, kag nagsiling sa akon: "Hayawa karon ang imo mġa mata, kag tuluka kon ano ang nagagowa didto."

6 Kag nagsiling ako: "¿Angano bala?" Kag sia nagsiling: "Ini among isa ka epa, nġa nagagowa." Kag nagsiling sia: "Ini among dagway nġa *ginapahayag* niya sa bug-os nġa duta."

7 Kag yari karon, ang isa ka panid nġa tinga ginabayaw, kag ang isa ka babae nagalingkod sa tungâ sang epa.

8 Kag sia nagsiling: "Ini among kalinan." Kag ginpilák niya sa tungâ sang epa, kag ginpilák niya ang bilog nġa tinga sa bâbâ sang epa.

9 Kag ginhayaw ko ang akon mġa mata, kag nagtulok ako: kag yari karon ang duha ka babae nġa naggoluwa, kag may hangin sa ila mġa pakpak, kag may mġa pakpak sila subung sang siguenya, kag ginbalayaw nila ang epa sa tungâ sang duta kag sang kalangitan.

10 Kag nagsiling ako sa manugtunda, nġa naghambal sa akon: "¿Sa diin bala ginadalá nila ang epa?"

11 Kag sia nagsiling sa akon: "Sa duta sang Sinar sa pagpatindug sa iya didto sing baláy: kag pagapalig-onon sia kag igapahamtang sia didto sa ibabaw sang iya tulungtungan."

Palanan-awon nġa ilakawalo : ang apat ka mġa kanga.

6 KAG ginhayaw ko liwan ang akon mġa mata, kag nagtulok ako; kag yari karon ang apat ka mġa kanga, nġa naggoluwa sa tungâ sang duha ka bukid; kag ang mġa bukid tumbaga sila.

2 Sa nahauna nġa kanga may mġa ka-

bayo nġa mapula, kag sa ikaduha nġa kanga mġa kabayo nġa maitum;

3 Kag sa ikatlo nġa kanga mġa kabayo nġa maputi, kag sa ikap-at nġa kanga mġa kabayo nġa pintokpintokon kag makusug.

4 Kag naghambal ako, kag nagsiling sa manugtunda nġa sa akon naghambal: "¿Ano bala ini nġa mġa butang, ginoo ko?"

5 Kag ang manugtunda nagsabat sa akon kag nagsiling sa akon: "Ini sila amo ang apat ka mġa hangin sang mġa langit, nġa nagagu'owa, sa tapus sang pag-atubang niya sa Ginoo sang bug-os nġa duta.

6 Ang mġa kabayo sang isa sang mġa kanga, ang mġa maitum, naghahalín nayon sa duta sang Aminhan; kag ang mġa maputi naghahalín sa olehe nila; kag ang mġa pintokpintokon naghahalín nayon sa duta sang Bagatnan."

7 Kag ang mġa *kabayo* nġa makusug naghahalín, kag nagtinguha sa paghalín sa paglibot sang duta. Kag nagsiling sia: "Lakat-kamo, kag libuta-ninyo ang duta." Kag ginlilibot nila ang duta.

8 Kag gintawag niya ako, kag ginhambal niya ako, nġa nagsiling: "Tuluka, ang mġa naggulowa nayon sa Aminhan, pagapapahuwayon nila ang akon Espiritn sa duta sang Aminhan"

Mġa purungpurung nġa sa kay Iosue.—Ang Singil.

9 Kag ang polong ni Iehoba nag-abut sa akon, nġa nagsiling:

10 "Kuha-ka sang mġa *dólot* sa mġa pinaliton, sa kay Heldai, kag sa kay Tobias, kag sa kay Iedaia, kag magabut ka gid, sa sadtong adlaw, magasulúd ka sa baláy ni Iosias, nġa anak ni Sponias, nġa diin sila nag-alabut gikan sa Babilonia.

11 Magakuha ka sing pilak kag bula-wan, kag magahimo ka sing mġa purungpurung kag pagaibutang mo sila sa olo sang daku nġa saserdote nġa si Iosue, nġa anak ni Iosadak;

12 Kag pagaihambal mo sa iya, nġa nagsiling: Amo ining ginasiling ni Iehoba sang Sebaot, nġa nagsiling: Yari karon ang isa ka lalaki, nġa ang iya ngalan among Salingsing, kag gikan sa idalum magatúbô sia, kag maga-



patindug sia sang Simbahan ni Iehoba.

13 Sia gid magapatindug sang Simbahan ni Iehoba, kag sia gid magadalá sang himaya, kag magalingkod kag magagahum sia sa iya lingkoran nga hari-anon; kag manginsaserdote sia sa iya lingkoran; kag manginlaygay sa paghidaet sa tungâ sang duha.

14 Kag nahanungud sang mga purung-purung manginhandumanan sia sa Simbahan ni Iehoba, nga sa kay Helem, kag kay Tobias, kag kay Iedaia, kag kay Hen, nga anak nga lalaki ni Saponias.

15 Kag ang mga sa malayô magaalabut, kag magapalatindug sang Simbahan ni Iehoba; kag mahibaloan ninyo, nga si Iehoba sang Sebaot nagpadalá sa akon sa inyo. Mahanabu ini, kon sa pagkamatuud, magtuluman kamo sang tingug ni Iehoba, nga inyo Dios."

Ang puasa nga wala minamaayoha sang Dios.

**7** KAG nahanabu, sa tuig nga ikap-at sang hari nga si Dario, nga ang polong ni Iehoba nag-abut kay Sakarias, sa ikap-at sang bulan nga ikasiam, nga among Kisleu.

2 Ginpadalá sang baláy sang Dios si Sareser kag si Regem-melek kag ang iya mga tinawo, sa pagpakilooy sang nawung ni Iehoba,

3 Sa paghambal sa mga saserdote sang Baláy ni Iehoba sang Sebaot, kag sa mga manalagna, nga nagasiling: "¿Magahibi bala ako sa bulan nga ikalima, nga nagapuaa subung sang ginhimo ko sining kapid-an ka tuig?"

4 Kag nag-abut sa akon ang polong ni Iehoba sang Sebaot, nga nagasiling:

5 Ihambal sa bug-os nga banwa sang kadutaan, kag sa mga saserdote, nga nagasiling: Sang nagpuluasa kamo kag naghalaya kamo sa ikalima kag sa ikapito ka bulan sining kapitoan ka tuig, ¿nagpuluasa bala gid kamo nga sa akon, nga sa akon?

6 Kag kon magkalaon kag magilinum kamo, ¿indi bala kamo ang nagakalaon nga sa inyo kag nagailinum nga sa inyo?

7 ¿Indi bala ang mga polong nga ginbantala ni Iehoba sa kamut sang mga manalagna nga úna, sang ang Ierusalem ginpuy-an kag malinong, patí ang iya nga kabanwaan sa iya palibot, kag

nga ang Bagatnan kag ang duta nga manubo ginpuy-an?

8 Kag ang polong ni Iehoba nag-abut kay Sakarias, nga nagasiling:

9 Amo ining ginhambal ni Iehoba sang Sebaot, nga nagasiling: "Mitlanon-ninyo ang paghukom sono sa kamatooran kag ibutang ninyo sa buhat ang kaayohan kag ang kahanoklog, ang tagsatagsa sa iya útud;

10 Indi ninyo pagpiguson ang bálo nga babae, bisan ang ilo, bisan ang dumuluong, bisan ang nalisdan, kag indi kamo magpamalandong sing malain sa inyo tagiposoan, ang tagsatagsa batok sa iya útud."

11 Apang nagdumili sila sa pagtalupangud kag nagtalalikod sila sing malalison, kag ginpabungul nila ang ila nga idulungug nga sa indi pagpamati;

12 Kag ginhimo nila ang ila tagiposoan nga diamante sa indi pagpamati sang kasogoan, bisan sang mga polong nga ginapadalá ni Iehoba sang Sebaot tungud sang iya Espiritu, sa kamut sang mga manalagna nga úna. Kag may daku nga kasingkal gikan kay Iehoba sang Sebaot.

13 Kag nahanabu nga, subung nga sia nagsingit kag walâ sila magdulungug, subung man nagsilingit sila, kag ako walâ magdungug sa ila, siling ni Iehoba sang Sebaot.

14 Kag ginpaalapaag ko sila nga may alimpulos sa tanan nga mga katawohan nga walâ nila makilala, kag ang duta ginhapay sa olehe nila, nga walâ sing magpakadto bisan nga magpakari; kag ginhilimo nila ang halandumon nga duta nga kahapayan.

Mga pinanaad nga mga pagpakamaayo.

**8** KAG nag-abut ang polong ni Iehoba sang Sebaot, nga nagasiling:

2 Amo ining ginasiling ni Iehoba sang Sebaot: Nagaimon ako sang Sion nga may daku nga kaimon, kag nga may daku nga kasingkal, nga nagapangimon ako sa iya.

3 Amo ining ginasiling ni Iehoba: Nagabalik ako sa Sion, kag magapuyô ako sa tungâ sang Ierusalem; kag ang Ierusalem pagatawgon nga "Banwa sang kamatooran" kag ang bukid ni Iehoba sang Sebaot, nga "Bukid sang pagkabalaan."

4 Amo ining ginasiling ni Iehoba sang Sebaot: Magalingskod pa ang mga tigulang nga lalaki kag ang mga tigulang nga babae sa mga balaligyaan sa Ierusalem, kag ang tagsatagsa may sungkod sa iya kamut tungud sang kadamuon sang iya mga adlaw.

5 Kag ang mga dalan sang banwa manginpúnô sang mga kabataan nga lalaki kag sang mga kabataan nga babae, nga nagahilinampang sa iya mga dalan.

6 Amo ining ginasiling ni Iehoba sang Sebaot: Kon ini indi sarang mahimo sa mga mata sang nabilin sini nga banwa sa sadtong adlaw, ¿indi man bala sarang mahimo ini sa akon mga mata? siling ni Iehoba sang Sebaot.

7 Amo ining ginasiling ni Iehoba sang Sebaot: Yari karon, pagaluwason ko ang akon banwa sa duta sang Sidlangan, kag sa duta sang Katundan;

8 Kag pagapakarion ko sila, kag magapuluyô sila sa tungâ sang Ierusalem: kag manginbanwa nakon sila, kag ako mangin-Dios, nila nga may kamatooran kag may katarungan.

9 Amo ining ginasiling ni Iehoba sang Sebaot: Magbalaskug ang inyo mga kamut, oh kamo, nga nagapalamati sa sining panag-on sining mga polong, sa bâbâ sang mga manalagna, nga amo sila sa adlaw nga gintukud ang sadsaran sang Baláy ni Iehoba sang Sebaot, sang Simbahan, agud nga pagpatindugon sia.

10 Kay sa walâ pa ining mga adlaw, walâ sing sohol sa tawo, bisan sohol sa sapat; kag walâ sing paghidaet nga sa nagasulûd kag sa nagagowa, bangud sang kasumpung; kag ginbuhian ko ang tanan nga mga tawo ang iban batok sa iban.

11 Apang karon indi na ako subung sang sa mga adlaw nga úna nahanungud sini nga banwa, siling ni Iehoba sang Sebaot;

12 Kay may mga binhi sa paghidaet: ang pinúnô sang ubas magahatag sang iya bunga, kag ang duta magahatag sang iya patubas, kag ang langit magahalatag sang iya tun-ug; kag pagaihatag ko ining tanan nga panublion sa nabilin sini nga banwa.

13 Kag nahanabu nga subung nga nanginpagkamalaut kamo sa mga katawohan, oh baláy ni Iuda kag baláy ni Israel, subung man pagaluwason ko kamo, kag manginpagpakamaayo kamo.

Indi kamo magkalahadluk: nga magbalaskug ang inyo mga kamut.

14 Kay amo ining ginasiling ni Iehoba sang Sebaot: Subung nga naghunahuna ako maghimo sa inyo sing malain, sang ginpapaakig ako sang inyo mga ginikanan, siling ni Iehoba sang Sebaot, kag walâ ako maghinulsul,

15 Sa sini naghunahuna ako liwan, sa sining mga adlaw, sa paghimo sang maayo sa Ierusalem kag sa baláy ni Iuda. Dili kamo magkahadluk.

16 Ini sila among mga butang nga dapat ninyo paghimoon: Maghalambalkamo sang kamatooran ang tagsatagsa sa iya isigkatawo, magmitlang-kamo sang kamatooran kag sang paghukom sa paghidaet sa sulûd sang inyo mga gawang.

17 Kag indi magpamalandong-kamo sa inyo mga tagiposoon sing malain, ang tagsatagsa batok sa iya útud; bisan maghiligugma-kamo sing butig nga panumpa; kay ini nga tanan ginakakigan ko, siling ni Iehoba.

18 Kag nag-abut sa akon ang polong ni Iehoba sang Sebaot, nga nagasiling:

19 Amo ining ginasiling ni Iehoba sang Sebaot: Ang puasa sang ikap-at ka bulan, kag ang puasa sang ikalima, kag ang puasa sang ikapito kag ang puasa sang ikapúlô, manginkalipayan kag kasadya sila sa baláy ni Iuda, kag mga panag-on nga kabulahanan. Busa, hiligugma-kamo sang kamatooran kag sang paghidaet.

20 Amo ining ginasiling ni Iehoba sang Sebaot: Magaalabut pa ang mga banwa kag ang mga pumuluyô sang madamu nga mga kabanwaan;

21 Kag ang mga pumuluyô sang isa magakaladto sa isa, nga nagasiling: "Magkaladto-kita, magkaladto-kita sa pagpakilooy sang nawung ni Iehoba, kag sa pagpangita kay Iehoba sang Sebaot. Ako man magapakadto.

22 Kag magaalabut ang madamung mga banwa sa pagpangita kay Iehoba sang Sebaot sa Ierusalem, kag sa pagpakilooy sang nawung ni Iehoba.

23 Amo ining ginasiling ni Iehoba sang Sebaot: Sa sadtong mga adlaw ang napúlô ka tawo, sa tanan nga mga hambal sang mga katawohan, magakalapyot kag magahalawid sa isa ka Iudio sa sidsid sang iya panapton, nga nagasiling: "Magaulúpud kami sa inyo, kay



nabatian namon nga ang Dios yara kaúpud ninyo."

Silot sang mga nagaliuainlain nga mga banwa.

**9** LULAN sang polong ni Iehoba sa ibabaw sang duta sa Hadrak, kag nga nagatungtung man sa ibabaw sang Damasko; kay ang mga mata ni Iehoba yara sa ibabaw sang *tanán* nga mga tawo, subung sang sa ibabaw sang tanan nga mga kabikahan ni Israel;

**2** Kag subung man *nahanungud* sang Hamat nga among dulunan sa iya; kag *nahanungud* sang Tiro kag sang Sidon, kay ang Tiro maalam gid:

**3** Kag ang Tiro nagpatindug sing kabakuran, kag nagtompuk sia sang pilak, subung sang yab-ok, kag sang bulawan, subung sang lunang sang mga dalan.

**4** Yari karon, ang Ginoo magakuha sa iya, kag magapilák sa dagat sang iya kabakuran, kag sia gid pagahalunhunon sang kalayo.

**5** Ang Askalon magatan-aw sini kag magakahadluk; ang Gasa man, kag magalubag sia sa daku nga kasakit, subung man ang Ekron, kay pagapakahuy-an sia sang iya paglaum, kag sa Gasa madula ang iya hari, kag ang Askalon indi na pagapuy-an.

**6** Kag magapuyô sa Asdod ang mga unon, kag pagautdon ko ang palabilabi sang mga Pilistinhon;

**7** Kag pagakuhaon ko ang iya dugo sa iya bâbâ, kag ang iya mga kalangilaran sa iya mga ngipon, kag sia man magapabilin nga sa aton Dios; manginsubung sia sang pangôlo sa Iuda, kag ang Ekron, subung sang Iebusinhon.

**8** Kag magabutang ako sing dulugan sa palibot sang akon Baláy batok sang mga kasoldadosan kag batok sang nagapakadto kag sang nagapakari; kag indi na magaagi sa ibabaw nila ang manugpabuhis; kay karon gintulok ko sang akon mga mata.

**9** Kasadya-ka sing daku, anak nga babae sa Sion; singit-ka sa kalipay, anak nga babae sa Ierusalem: yari karon ang imo Hari, nga nagaabut sa imo; matarung sia kag mandadaug, nga mapainubuson, kag nga pinasakay sa isa ka asno, sa isa ka polyino, nga anak nga lalaki sang asno nga babae.

**10** Kag sa Epraim pagautdon ko ang

iya nga kanga, kag ang mga kakabayohan sa Ierusalem; kag pagapamalion ang mga pana sa paginaway. Kag magahambal sia sing paghidaet sa mga katawohan, kag ang iya pagkagino mangin sa isa ka dagat pa isa ka dagat, kag kutub sa subâ tubtub sa mga ukbung sang duta.

**11** Kag nahanungud sa imo gid, tungud sang dugo sang imo katipan, pagapagowaon ko ang imo mga binilango gikan sa bobon nga walay tubig.

**12** Balalik-kamo sa kabakuran, mga binilango sa paglaum. Karon gid ginabalita ko sa inyo, nga dinapli ang pagaihatag ko sa inyo.

**13** Kay pagasantingon ko nga sa akon si Iuda *subung* sang pana, pagasangpan ko si Epraim subung sang pana; kag pagapukawon ko ang imo mga anak, Sion, batok sa imo mga anak, Iaban, kag pagahimoon ko ikaw subung nga hinganiban sang maisug.

**14** Kag si Iehoba magapakita sa ibabaw nila, kag ang iya baslay magagowa subung sang kilat. Ang Ginoo nga si Iehoba magapatunug sang budyong, magapakadto sia sa mga alimpulos sang Bagatnan.

**15** Si Iehoba sang Sebaot magaapin sa ila: magakalaon sila, kag pagatapakon nila ang mga batô sang habyug; magailinum sila, kag magadinaguhub sila subung sang bangud sang alak, kag pagapun-on sila subung sang yahong sang halad, subung sang pamusud sang halaran.

**16** Kag sa sadtong adlaw si Iehoba, nga ila Dios, magaluwas sa ila, subung sang mga obeha sang iya banwa, kay mangintampok sila nga mga batô sang purungpurung nga masidlakon sa ibabaw sang iya duta.

**17** Kay idaw ano ka daku sang iya kaayo, kag daw ano ka daku sang iya kaayo! Ang trigo magapabunga sa mga pamatan-on kag ang duga sang ubas sa mga ulay.

Mga panaad sa Israel.

**10** PALANGAYO-KAMO kay Iehoba sang ulan sa panag-on sang mga ulan sang tingin-ot: si Iehoba magapangilat, kag magahatag sia sa ila sang bugana nga ulan, sa tagsatagsa sing hilamon sa *iya* latagon.

2 Kay ang mga terapim nagahalatag sing mga polong nga kadayawan ; ang mga manugpakot nagatulok sing mga daya ; ginamitlang nila ang mga damgo nga malimbongon, nagalipay sila tungud sang walay pulus. Tungud sini nagatalaliwan sila, subung sang mga obeha ; ginalisdan sila, kay walâ sila sing manugbantay.

3 Batok sa mga manugbantay nagadabdab ang akon kaakig, kag pagasilotan ko ang mga kanding nga lalaki ; kay si Iehoba sang Sebaot nagaduaw sa iya kinabon, nga baláy ni Iuda, kag ginahimo niya sia nga iya kabayo nga maambong sa pag-awayan.

4 Sa iya magagowa ang *batô* nga pamusud, sa iya ang palpal sa *layanglayang*, sa iya ang pana sa pag-awayan, sa iya man ang tanan nga mga manuggahum sing tingub.

5 Kag manginsubung sila sang mga maisug nga sa pag-awayan nga nagalalapak sa mga *kaaway*, sa lunang sang mga dalan. Nagaalaway sila, kay si Iehoba upud sa ila, apang ang mga nagasalakay sa mga kabayo, ginapakahuy-an sila.

6 Pagapalig-onon ko ang baláy ni Iuda, kag pagaluwason ko ang baláy ni Iose, kag pagapalinongon ang ila puluyan, kay sa ila nagakalooy ako ; kag magamanginsubung sila sang walâ ko pagisikway sila, kay ako amo si Iehoba nga ila Dios, nga magapamati sa ila.

7 Kag si Epraim man manginsubung sang maisug ; magakasadya ang ila tagiposoon subung sang tungud sang alak. Ang ila mga anak makakita man sini kag magakalasadya sila ; ang ila tagiposoon magakalipay kay Iehoba.

8 Ako magapanihol sa ila, kag magatipon ako sa ila, kay gintubus ko sila ; kag pagapadamuon sila subung nga ginpadamu sila.

9 Kon pagisab-ug ko sila sa tungâ sang mga banwa, kag sa mga malayô nga mga kadutaan, magapalanumdum sila sa akon, kag magapalangabuhi sila upud sa ila mga anak, kag magabalalik sila.

10 Pagapabalikon ko sila gikan sa duta sa Egipto, kag pagapanipunon ko sila gikan sa Asur, kag pagapasudlon ko sila sa duta sa Galaad kag sa Libano kag indi makakita sing igo nga *duug* nga sa ila.

11 Kag magaagi sia sa dagat sang ka-

lilisdan, apang sa dagat magapilas sia sang mga hanul, kag magamalala ang tanan nga mga kaidadalman sang subâ : ang palabilabi ni Asur pagapaubson kag ang setro sa Egipto magapalayo sa iya.

12 Kag ako magapalig-on sa ila kay Iehoba, kag magalalakat sila sa iya ngalan, siling ni Iehoba.

Silot sa mga matig-a sing tagiposoon.

**11** LIBANO, buksi ang imo mga gawang, kag nga ang kalayo maghalunhon sang imo mga sedro.

2 Uwang-ka, sipres, kay ang sedro napukan na, kay ang mga maambong ginhapay. Inuwang-kamo, mga alon sa Basan, kay ginaguba sia, ang talon nga masiot.

3 Ginapamatian ang inuwang sang mga manugbantay, kay ang iya pagkahalangdon nahapay ; ginapamatian ang ima sang mga magamay nga leon, kay ang palabilabi sang Iordan nahapay.

4 Amo ining ginasiling ni Iehoba, nga akon Dios : Pahalaba ang mga obeha sang ihawan,

5 Kay ang ila mga manugbakal nagapatay sa walâ sing pagdalâ sang kasalanan, kag ang ila manugbaligya nagasililing : " Mangindalayawon si Iehoba, nga nagmangaran ako, kag nga ang ila mga manugbantay walâ sing kalooy sa ila."

6 Kay indi na gid ako magakalooy sa mga pumuluyô sang duta, siling ni Iehoba : " Kay, yari karon, ako magatugyan sang mga tawo nga ang tagsatagsa sa kamut sang iya isigkatawo, kag sa kamut sang iya hari ; kag pagalinason nila ang duta, kag ako, indi ko pagaluwason sila sa ila mga kamut."

7 Busa, ginpahalab ko ang mga obeha sang ihawan, bisan pa ang mga labing nalisdan sang kinabon. Kag nagkuha ako nga sa akon sing duha ka sungkod kag ginhingalanan ko ang isa nga Bugay, kag ginhingalanan ko ang isa nga Hikut ; kag nagpahalab ako sang mga obeha.

8 Kag gindula ko ang tatlo ka mga manugbantay sa isa lamang ka bulan ; ang akon kalág naakig sa ila, kag ang kalág nila naakig man sa akon.

9 Kagnagsiling ako : " Indi na ako magapahalab sa inyo ; nga ang himalatyon,



mapatay ; kag nga ang nagakadula, madula, kag ang mga magakalabilin, nga ang tagsatagsa maghalonhon sang unud sang iban."

10 Kag ginkuha ko ang akon sungkod nga Bugay, kag ginutúd ko sia, sa pagwalâ sang akon katipan nga ginkatipan ko sa tanan nga mga banwa.

11 Kag ginwalâ sia sa sini nga adlaw, kag sa sini ginkilala sang mga labing makalolooy sang kinabon, nga nagtululok sa akon, nga yadto among polong ni Iehoba.

12 Kag nagsiling ako sa ila : "Kon minamaayo ninyo, hatagi ninyo *ako* sang akon sohol ; kon indi, pabayai-ninyo ini. Kag nagtilimbang sila nga sa akon sohol sing katloan ka *panid* nga pilak.

13 Kag nagsiling sa akon si Iehoba : "Ipilák ini nga sa manugkolon," yadtong magayon nga bili nga ginpabili nila sa akon. Kag ginkuha ko ang katloan ka *panid* nga pilak, kag ginpilák ko sila sa Baláy ni Iehoba nga sa manugkolon.

14 Ugaling ginutúd ko ang ikaduha ka sungkud nakon, nga amo ang Higut sa pagwalâ sang paghiútud sa tungâ ni Iuda kag ni Israel.

15 Kag nagsiling sa akon si Iehoba : "Kuhaa pa ang gamit sang isa ka manugbantay nga buangbuang ;

16 Kay yari karon, ako magabangon sing isa ka manugbantay sa duta, nga indi magatatap sang mga nagkaladula, kag indi magapangita sang nagtalang, kag indi magabolóng sang gupak, bisan magapahalab sa maayo, kondi nga pagakaonon niya ang unud sang matambok, kag pagagision niya ang ila mga koko."

17 ¡Kailo ang manugbantay nga walay pulus, nga nagabiya sang pinanong ! Ang hinganiban *magaabut* batok sang iya butkon, kag batok sang iya mata nga too : manginitus ang iya butkon, kag pagapalongon sing bug os ang iya mata nga too.

Kalaglagan sang mga kaaway sang banwa sang Dios.—Paghinulsul kag pagpaniolo sa Israel.

**12** LULAN sang polong ni Iehoba sa ibabaw sa Israel : Ang polong ni Iehoba, nga naghumlâ sang mga langit, kag nagtukud sang duta, kag nga naghuman sang espiritu sang tawo sa sulúd niya :

2 Yari karon, pagahimoon ko ang Ieru-

salem nga tagayan sa pagduling nga sa tanan nga mga banwa sa palibot, bisan pa sila man batok sa Iuda, kag manginamo ini sa paglibot sa Ierusalem.

3 Kag mahanabu, sa sadtong adlaw, nga pagahimoon ko nga ang Ierusalem manginbató nga mabug-at sa tanan nga mga banwa ; ang tanan nga magapas-an sa iya, pagapamihakpihakon sing malain gid, kag ang tanan nga mga katawohan sang duta magatipon batok sa iya.

4 Sa sadtong adlaw, siling ni Iehoba, pagapilason ko nga may pagduling ang tanan nga kabayo, kag nga may pagsála ang nagasakay sa iya ; sa ibabaw sang baláy ni Iuda pagapamuklaton ko ang akon mga mata, apang ang tanan nga kabayo sang mga banwa pagapilason ko sang kabulag.

5 Kag ang mga pangolo sa Iuda magasililing sa ila tagiposoon : "Ang akon kusug among mga pumuluyô sa Ierusalem, kay Iehoba sang Sebaot nga ila Dios."

6 Sa sadtong adlaw pagahimoon ko ang mga pangolo sa Iuda subung sang isa ka bagahan nga kalayo sa tungâ sang gatong, kag subung sang isa ka sulo nga kalayo sa tungâ sang mga inupung ; kag magahalunhon sila sa walâ kag sa too sang tanan nga mga banwa palibot ; kag ang Ierusalem pagapuy-an liwan sa iya duug, sa Ierusalem.

7 Kag pagaluwason ni Iehoba sing úna ang mga layanglayang ni Iuda, agud nga ang dungug sang baláy ni Dabid kag sang pumuluyô sa Ierusalem indi magdaku sa ibabaw ni Iuda.

8 Sa sadtong adlaw, si Iehoba magatabang sa palibot sang mga pumuluyô sa Ierusalem ; kag ang sa tungâ nila nagalangalang, sa sadtong adlaw mangin-subung kay Dabid, kag ang baláy ni Dabid manginsubung sang Dios, subung sang Manugtunda ni Iehoba sa atubangan nila.

9 Kag mahanabu, sa sadtong adlaw, nga pagahimulatan ko sa paglaglag ang tanan nga mga katawohan nga nagalabut batok sa Ierusalem.

10 Kag pagaipasagahay ko sa ibabaw sang baláy ni Dabid, kag sa ibabaw sang mga pumuluyô sa Ierusalem, ang espiritu sa bugay kag sa pakilooy ; kag magatululok sila sa akon, nga sa iya naglalapus sila, kag magapanalabiton sila bãngud sa iya, subung sang pagpanalabiton

bangud sang bugtong nga anak, kag may kapait tungud sa iya, subung nga may kapait tungud sang *kamalayon* sang pannganay.

11 Sa sadtong adlaw may daku nga panalabiton sa Ierusalem, subung sang panalabiton sa Adad-Rimon sa nalupyakan sang Megido.

12 Kag ang duta magapanalabiton, ang tagsa ka panimaláy sa pinain; ang panimaláy sang baláy ni Dabid sa pinain kag ang iya mga kababainan sa pinain; ang panimaláy sang baláy ni Natan sa pinain, kag ang iya mga kababainan sa pinain;

13 Ang panimaláy sang baláy ni Lebi sa pinain, kag ang ila mga kababainan sa pinain; ang panimaláy ni Semei sa pinain, kag ang ila mga kababainan sa pinain.

14 Ang tanan nga mga nabilin, ang tagsa ka panimaláy sa pinain, kag ang ila mga kababainan sa pinain.

**13** SA sadtong adlaw may tuburan nga nabuksan nga sa baláy ni Dabid, kag nga sa mga pumuluyô sa Ierusalem, nga sa salâ kag sa kahigkoan.

2 Kag mahanabu, sa sadtong adlaw, siling ni Iehoba sang Sebaot, nga pagautdon ko sa duta ang mga ngalan sang mga larawan, kag walâ na sing halandumon sa ila; kag pagaipalayô ko man sa duta ang mga manalagna, kag ang espiritu sa kahigkoan.

3 Kag mahanabu, kon ang isa magapakamanalagna pa, pagasilingan sia sang iya amáy kag sang iya ilôy, nga nagpalanganak sa iya: "Indi ka magakabuhi, kay naghambal ka sang butig sa ngalan ni Iehoba." Kag ang iya amay kag ang iya ilôy nga nagpalanganak sa iya, magapalapus sa iya, kay nagapakamanalagna sia.

4 Kag mahanabu, sa sadtong adlaw, nga ang tanan nga mga manalagna magakalahuya ang tagsatagsa sa iya palanan-awon, kay nagapakamanalagna sila; kag indi na magapalanaput pa sila sang kunup nga bulbul sa pagbutig.

5 Kag magasiling sia: "Indi ako manalagna; mangunguma ako sang duta, kay ginbikal ako kutub sang akon pagkapamatan-on."

6 Kag sang pagasilingan sia nila: "¿Ano bala inang mga pilas sa imo mga

kamut?" sia magasabat: "Sa ila ginpilas ako sa baláy sang akon mga abyán."

Ang pinilas nga manugbantay.—Katapusan nga paghukom.—Ang pagpakataas sang Iglesia.

7 Tindug-ka, kampilan, batok sa akon manugbantay, batok sang tawo nga kaupud nakon, siling ni Iehoba sang Sebaot. Pilasa ang Manugbantay, kag pagapalaplaagon ang mga obeha; kag pagapabalikon ko ang akon kamut batok sang mga magamay.

8 Kag magakahananabu sa bug-os nga duta, siling ni Iehoba, nga ang duha ka bahin pagapamapason sa iya, nga magakaladula sila, apang ang ikatlo ka bahin mabilin sa iya.

9 Kag pagaibutang ko sa kalayo ining ikatlo ka bahin, kag pagaulayon ko sila, subung sang pagulay sang pilak, kag pagatilawan ko sila subung sang pagtilaw sang bulawan. Sia magatawag sang akon ngalan, kag ako magasabat sa iya; kag magasiling ako: "Banwa ko;" kag sia magasiling: "Si Iehoba akon Dios."

**14** YARI karon, ang adlaw ni Iehoba nagaabut, nga ang inagaw sa imo pagabahinbahinon sa tungâ nimo.

2 Kay pagatipunon-ko ang tanan nga mga katawohan sa pag-away batok sa Ierusalem, kag ang banwa pagakuhaon, kag pagaatihon ang mga baláy, kag pagapanluguson ang mga babae; kag ang katungâ sang banwa magakadto sa pagliton; kag ang nabilin sang banwa indi pagautdon sa banwa.

3 Apang magagowa si Iehoba, kag magaaway sia batok sadtong mga katawohan, subung sang pag-away niya sang adlaw sang paginaway.

4 Kag magadulog ang iya mga tiil, sa sadtong adlaw, sa ibabaw sang bukid sang mga Oliba, nga yara sa atubangan sang Ierusalem, nayon sa Sidlangan; kag ang bukid sang mga Oliba, mapihak sa tungâ nayon sa Sidlangan kag nayon sa Katundan, nga manginisa ka daku gid nga nalupyan didto; kag ang isa ka katungâ sang bukid magabulag nayon sa Aminhan, kag ang isa ka katungâ nayon sa Bagatan.

5 Kag magapalalagyo kamo sa tungâ sang nalupyan sang akon mga bukid; kag ang nalupyan sang mga bukid magaabut tubtub sa Hasal. Kag maga-



palalagyo kamo subung nga nagpalalagyo kamo bangud sang linog sa mga adlaw ni Usias, nga hari sa Iuda. Niyan magaabut si Iehoba, nga akon Dios, kag upud sa iya ang tanan nga mga balaan.

6 Kag mahanabu, sa sadto nga adlaw nga walâ na sing kapawa; ang mga *bitoon* nga masidlakon, pagapungan ang ila kasilaw;

7 Kag manginisa ka bugtong nga adlaw ini, nga ginkilala ni Iehoba, nga indi bisan adlaw bisan gab-i; apang magakahananabu nga sa oras sang kahaponon, magamanginmay kapawa.

8 Kag mahanabu *man*, sa sadtong adlaw, nga magagulowa sa Ierusalem ang mga tubig nga mga buhi, ang katungâ sa ila nayon sa dagat nga nasidlangan, kag ang isa ka katungâ nayon sa dagat nga nakatundan, kag mahanabu ini sa tingadlaw kag sa tigtuluglaw.

9 Kag si Iehoba magamanginhari sa ibabaw sang bug-os nga duta: sa sadtong adlaw si Iehoba mangin-isa sia, kag isa lamang ang iya ngalan.

10 Kag ang bug-os nga duta magabaylo kag manginsubung sang kapatagan, kutub sa Geba tubtub sa Rimon, sa Bagatuan sang Ierusalem; kag ang *banwa* pagapakataason kag pagapapuy-on sa iya duug, kutub sa gawang ni Benyamin tubtub sa duug sang nahaunang gawang, tubtub sa gawang sang mga Pamusud; kag *kutub* sa tore ni Hananeel, tubtub sa mga Ipitang sang hari.

11 Kag magapuluyô sila sa iya sa *paghidaet*, kag walâ na sing katagudilian sa iya, kag pagapuy-an ang Ierusalem sing masinalig-on gid.

12 Kag yari karon kon ano ang manginkalalat-an nga pagaipilas ni Iehoba sa tanan nga mga banwa, nga nagalaway batok sa Ierusalem: pagapatunawon niya ang unud sang tagsatagsa, kon yara pa sia sa ibabaw sang iya mga tiil, kag ang mga mata sang tagsatagsa pagatunawon sa ila guwab, kag ang ila dila magakatunaw sa ila bâbâ.

13 Kag mahanabu, sa sadtong adlaw, nga may daku nga kawagwagan sa ila gikan kay Iehoba, kag magakapyut ang tagsatagsa sa kamut sang iya isigkata-

wo, kag ang kamut sang isa magabayaw batok sa kamut sang isa.

14 Kag si Iuda man magaaway sa Ierusalem. Kag pagapanipunon ang mga mangad sang tanan nga mga katawohan sa palibot, ang bulawan, kag ang pilak kag ang mga panapton sa dakung kabugana.

15 Kag manginsubung sini ang kalalat-an sang mga kabayo, sang mga mula, sang mga kamelyo kag sang mga asno, kag sang tanan nga mga kasapatan nga didto sadto nga mga dulugan: ini manginsubung sadto nga kalalat-an.

16 Kag mahanabu nga ang tanan nga magkalabilin sang mga katawohan nga nag-alabut batok sa Ierusalem, magatalaklad sa tuigtug sa pagyaub sa atubangan sang Hari, kay Iehoba sang Sebaot, kag sa paghiwat sang piesta sang mga Payagpayag.

17 Kag mahanabu, nga ang mga sa panimalay sang duta, nga indi magtalaklad sa Ierusalem sa pagyaub sa atubangan sang Hari, nga si Iehoba sang Sebaot indi magapaabut sa ibabaw nila ang ulan.

18 Kag kon ang panimalay sa Egipto indi magtaklad kag indi magkari, sa ibabaw nila walâ man sing ulan; magabut ang kalalat-an, nga sa iya si Iehoba magapilas sang mga katawohan, nga walâ magatalaklad sa paghiwat sang piesta sang mga Payagpayag.

19 Yari karon kon ano ang manginsilot sang salâ sa Egipto kag sang salâ sang tanan nga mga katawohan. nga indi magatalaklad sa paghiwat sang piesta sang mga Payagpayag.

20 Sa sadtong adlaw may sa ibabaw sang mga kilingkiling sang mga kabayo: "Pagkabalaan kay Iehoba"; kag ang mga kolon sa balay ni Iehoba manginsubung sang mga yahong sa atubangan sang halaran.

21 Kag manginbutang nga balaan ni Iehoba sang Sebaot ang tanan nga kolon sa Ierusalem kag sa Iuda; kag ang tanan nga mga magahalalad, magaabut kag magakuluha sa ila, kag magaluluto sila sa ila; kag walâ na gid sing Kanaaninhon sa Balay ni Iehoba sang Sebaot, sa sadtong adlaw.

# SI MALAKIAS.

Pagkadimatagubaluson sang banwa.—Ang pagsulit-sulit sang pagsimba nga lawasnon sang mga saserdote.

1 LULAN sang polong ni Iehoba sa Israel sa kamut ni Malakias.

2 Ako naghigugma sa inyo, siling ni Iehoba; kag nagsililing kamo: “¿Sa ano bala nga ginhigugma mo kami?” ¿Indi bala si Esau ang útud ni Iakob? siling ni Iehoba, kag *walay sapayan*, ginhigugma ko si Iakob;

3 Kag si Esau ginkaagikan ko, kag ginhimo ko nga kahapayan ang iya mga kabukiran *kag gintugyan* ko ang iya palanublion nga sa mga sakal sang kahapayan.

4 Kon ang Edom nagasiling: “Ginguba kami; apang magabalalik kami, kag pagapatindugon namon liwan ang nagub-an,” amo ining ginasiling ni Iehoba sang Sebaot: “Sila magapalatindug, apang ako magapukan; kag pagatawgon nila sila: Kadutaan sa kalautan, kag Banwa nga batok sa iya naakig si Iehoba sa gihapon.

5 Kag ang inyo mga mata makakita sini, kag magasililing kamo: Magma-ngindaku si Iehoba sa ibabaw sang kadutaan sa Israel.”

6 Ang anak nagapadungug sa iya amay, kag ang alagad, sa iya ginoo: busa, kon ako among amay, ¿diin bala ang akon kadunganan? Kag kon ako among Ginoo, ¿diin bala ang kahadluk sa akon? siling ni Iehoba sang Sebaot sa inyo, mga saserdote nga ginatamay ninyo ang akon ngalan; kag nagasililing kamo: “¿Sa ano bala gintamay namon ang imo ngalan?”

7 Nagahalalad kamo sa ibabaw sang akon halaran sing tinapay nga mahigko, kag nagasililing kamo: “¿Sa ano bala nga gindagtaan ta namon?” Sa ginasililing ninyo: “Ang latok ni Iehoba talamayon.”

8 Kag sang nagahalalad kamo sang *sapat* nga bulag nga sa paghalad, ¿indi

bala malain? kag sang nagahalalad kamo sang piang kon sang masakiton, ¿indi bala malain? Busa, idólot ini sa imo gobernador; ¿manginmatagubaluson bala sia sa imo, kon pagapasulabihon ka bala niya? siling ni Iehoba sang Sebaot.

9 Kag karon, pakilooy-kamo sa nawung sang Dios, agud nga magkalooy sia sa aton: ini naggikan sa inyo kamut, ¿pagapasulabihon bala niya bisan sin-o sa inyo? siling ni Iehoba sang Sebaot.

10 Kabáy pa nga may yara sa tungâ ninyo nga magtakup sang mga gawang, kag nga indi kamo magtutud sing *kalayo* sa akon halaran sa walay pulus. Walâ ako sing kahamuut sa inyo, siling ni Iehoba sang Sebaot, kag indi ko pagakahamut-an ang dólot sang inyo kamut.

11 Kay kutub sa sulubangan tubtub sa katundan sang adlaw, daku ang akon ngalan sa tungâ sang mga katawohan; kag sa tanan nga duug pagaihalad sa akon ngalan ang pahamut, kag ang dólot nga matinlo; kay daku ang akon ngalan sa tungâ sang mga katawohan, siling ni Iehoba sang Sebaot.

12 Apang kamo nagahigko sa iya sang nagasililing kamo: “Mahigko ang latok ni Iehoba, kag ang iya bunga, unud nga talamayon.”

13 Kag nagsililing kamo: “¿Yari karon nga pagkalas-ay!” ¿kag nagapusnga kamo sa iya, siling ni Iehoba sang Sebaot; kag gindalâ ninyo diri ang kinawatan, kag ang piang, kag ang masakiton, kag *sa amo nga bagay* nagadalalâ kamo sing dólot: ¿pagabatunon ko bala ini sa inyo mga kamut? siling ni Iehoba.

14 Indi; pakamalauton ang malimbo-ngon, nga may lalaki sa iya kinabon, kag nagapanaad kag nagahalad sia sang dinagtaan kay Iehoba; kay ako among Daku nga Hari, siling ni Iehoba sang Sebaot, kag ang akon ngalan among mahahaladluk sa tungâ sang mga katawohan.



2 BUSA karon, mġa saserdote, sa inyo ining sogo.

2 Kag kon indi kamo magpalamati, kag kon indi ninyo igbutang sa tagipsoon ang paghimaya sa akon ngalan, siling ni Iehoba sang Sebaot, magapadalá ako sing pagpakamalaut sa ibabaw ninyo, kag pagapakamalauton ko ang inyo mġa pagpakamaayo, hoo, pagapakamalauton ko sila, kay walá ninyo pagaibutang ini sa inyo tagipsoon.

3 Yari karon, pagdautan ko ang inyo kaumhan, kag pagaiwaraag ko ang ipot sa inyo mġa nawung, ang ipot sang inyo mġa *ginihaw* sang mġa piesta, kag pagapanghalinon kamo upud sa iya.

4 Kag mahibaloan ninyo, nġa ako nagpadalá sa inyo sini nġa sogo, nġa ang akon katipan nagapadayon kay Lebi, siling ni Iehoba sang Sebaot.

5 Ang akon katipan nanġinsa iya sa kabuhi kag sa paghidaet; nġa ini sila ginhatag ko sa iya nġa sa kahadluk, kag nagkahadluk sia sa akon, kag ba-ngud sang akon ngalan, nagpaubus sia.

6 Ang kasogoan sang kamatooran nagpuyô sa iya bâbâ, kag ang kalautan walá makita sa iya mġa bibig: sa paghidaet kag sa katarungan naglakat sia upud sa akon, kag madamu ang ginpapalayô niya sa kalautan.

7 Kay ang mġa bibig sang mġa saserdote nagabantay sang kinaadman, kag sa ila bâbâ nagapalangita *sila* sang kasogoan; kay manugbalita sia ni Iehoba sang Sebaot.

8 Apang kamo naglilipas sa sining dalan, nanġinkabangdanan kamo sang pagkaholog sang madamu nahanungud sa kasogoan; gindunot ninyo ang katipan sang mġa Lebinhon, siling ni Iehoba sang Sebaot.

9 Ngani, ako man ginahimo ko kamo nġa mġa talamayon kag mġa kubus sa bug-os nġa banwa, tungud kay walá kamo magabalantay sang akon mġa dalanon, kag tungud kay ginapasulabi ninyo ang mġa tawo nahanungud sa kasogoan.

Mġa pagpanġasawa sa mġa babae nġa mġa dumuluong, kag mġa pagbulagay nġa dimatarung.

10 ¿Walá bala kita nġa tanan sing isa lamang ka Amay? ¿Walá bala kita pagtugaha sang isa gid ka Dios? Busa, ¿kay nġaa bala mabudhion kita,

ang tagsatagsa sa iya útud, nġa ginahigkoan ang katipan sang aton mġa ginikanan?

11 Si Iuda nagaginawi sing mabudhion, kag sa Israel kag sa Ierusalem ginahimo ang kalanġil-aran; kag ginahigkoan ni Iuda ang pagkabalaan ni Iehoba, nġa iya ginahigugma, kag nagapangasawa sia sa anak nġa babae sang dios nġa dumuluong.

12 Pagutdon ni Iehoba ang tawo nġa nagahimo sini, sa nagapulaw kag sa nagasabat, sa tunġa sang mġa layang-layang ni Iakob, kag sa nagahalad sing dólót kay Iehoba sang Sebaot.

13 Kag yari karon, sa ikaduha, nġa ginahimo ninyo: amo ang pagtabon sang halaran ni Iehoba sang mġa luha sang paghibi kag sang pagbakho, sa bagay nġa indi nagatulok sia sa dólót, kag indi na mahamuut sa nagagikan sa inyo mġa kamut.

14 Kag nagasililing kamo: “¿Kay nġaa bala?” Kag si Iehoba among saksi sa tunġa nimo kag sang babae sa imo pagkapamatan-on, nġa batok sa iya nagaginawi ka sing mabudhion, nġa bisan pa sia ang imo kaupud kag ang asawa sa imo katipan.

15 Kag ini amo ang indi pagahimoon sang isa lamang *ka tawo*, nġa may nabilin sia nġa espiritu. Kag ¿ano bala ang pagahimoon sadto? Magapangita sia sing isa ka kaliwatan nġa gikan sa Dios. Busa, mag-alandam-kamo sa inyo mġa espiritu, kag dili maginawi sing mabudhion batok sa babae sa imo pagkapamatan-on.

16 Kag si Iehoba nġa Dios sa Israel nagsiling, nġa nagakaakig sang pagbulagay; kag ang *nagabulag* magatabon sang kalugusan sang iya panapton, siling ni Iehoba sang Sabaot. Busa mag-alandam-kamo sa inyo kaugalingon, sa inyo mġa espiritu, kag indi kamo mag-manginmabudhion,

17 Ginabudlay ninyo si Iehoba tungud sang inyo mġa polong. Kag nagsililing kamo: “¿Sa ano bala nġa ginabudlay namon sia?” Sang ginasililing ninyo: “Bisan sin-o nġa nagahimo sang malain maayo sia sa mġa mata ni Iehoba kag sa ila sini nagakahamuut sia; kon: ¿Diin bala ang Dios sang paghukom?”

Balita sang pag-abut sang Ginoo nga ginaunahan  
sang isa ka manugbalita.

3 YARI karon, ako magapadalá sang akon manugbalita, kag sia magaman sang dalan sa atubangan nakon: kag sa hinali magasulúd sa iya Simbahan ang Ginoo nga sa iya nagapalangita kamo, kag ang Manugtunda sang katipan, nga sa iya nagakawili kamo. Yari karon, nagaabut sia, siling ni Iehoba sang Sebaot.

2 Apang ¿sin-o bala ang sarang makabatas sang adlaw sang iya pagkari? kag ¿sin-o ang sarang makatindug sa iya pagpahayag? Kay sia among subung sang kalayo nga manugtunaw, kag subung sang habon sang mga manugpamunak.

3 Kag magalingkod sia sa pagtunaw kag sa pagulay sang pilak, kag pagatinloan niya ang mga inanak ni Lebi, kag pagaulayon niya sila subung sang bulawan kag subung sang pilak, kag mahanutud sila kay Iehoba, nga nagahadlad sing dólót nga may katarungan.

4 Kag manginkahalamut-an kay Iehoba ang dólót sa Iuda kag sa Ierusalem, subung sang mga adlaw sadto kag subung sang sa mga dumaan nga mga tuig.

5 Kag magapalapit ako so inyo sa paghukom, kag manginsaksi ako nga magadali sang *kasuayan* batok sa mga babaylan kag batok sa mga makihilawason, kag batok sa mga nagasulumpa sing butig, kag batok sa mga nagapigos sang mamumugon sa iya sohol kon sa bálo nga babae kag sa ilo, kag batok sa mga nagadalaut sa dumuluong nga walay kahadluk sa akon, siling ni Iehoba sang Sebaot.

6 Kay ako amo si Iehoba, walâ ako nagaliwan; kag kamo, mga inanak ni Iakob, walâ kamo pagpangupura.

Undi maglimbong kay Iehoba; indi magduhaduha sa iya tinotuyo, bisan sa iya katarungan.

7 Kutub sang mga adlaw sang inyo mga ginikanan nagpalalayo kamo sa akon mga palatukuran, kag walâ ninyo sila pagtumana. Balalik-kamo sa akon, kag ako magabalik sa inyo, siling ni Iehoba sang Sebaot. Kag nagasililing kamo: “¿Sa ano bala nga magabalalik kami?”

8 ¿Magapangawat bala ang two sa

Dios? Kay kamo nagapalangawat sa akon. Kag nagasililing kamo: “¿Sa ano bala nga nagapangawat kami sa imo?” Sa mga ikapú'ô kag sa halad nga binayaw.

9 Pinapakamalaut kamo nga may pagpakamalaut, kay kamo, ang bug-os nga katawohan, nagapalangawat sa akon.

10 Dalha-ninyo diri ang tanan nga mga ikapúlô sa baláy sang bahandi, kag nga may kalan-on sa akon baláy; kag tilawi-ninyo ako karon sa sini, siling ni Iehoba sang Sebaot, kon indi ko bala pagabuksan sa inyo ang mga talambuan sang mga langit, kag pagaiula ko sa ibabaw ninyo ang pagpakamaayo tubtub nga walâ na sing masudlan.

11 Kag pagabadlongon ko tungud sa inyo ang manughalanhon, kag indi na sia magalaglag nga sa inyo sang bunga sang duta, kag ang inyo kaubasan sa latagon indi magakapulak, siling ni Iehoba sang Sebaot.

12 Kag ang tanan nga mga katawohan magasiling sa inyo nga mga bulahan; kay manginduta kamo nga pinasulabi, siling ni Iehoba sang Sebaot.

13 Ang inyo mga polong mga mabaskug batok sa akon, siling ni Iehoba. Kag nagasililing kamo: “¿Ano bala ang ginhabal namon batok sa imo?”

14 Nagasililing kamo: “Walay pulus ang pag-alagad sa Dios; kag ¿ano bala ang kapuslanan nga magbantay kami sang iya kasogoan, kag nga maglalakat kami nga may panapton nga lalaw sa atubangan ni Iehoba sang Sebaot?”

15 Kag karon nagasililing kami nga mga bulahan ang mga palabilabihon, kag nga pati ang baláy sang mga naghilimo sing kalautan ginapatindug; bisan pa ang mga nagasulay sa Dios, nagapalalayô sila.”

16 Niyan ang mga nagakalahadluk kay Iehoba, naghalmal sing tingub, ang tagsatagsa sa iya kaúpud; kag si Iehoba nagdungug kag nagpamati; kag ginsulat ang isa ka tolon-an nga handumanan sa atubangan niya nga sa mga nagakalahadluk kay Iehoba, kag nga sa mga nagapakamahal sa iya ngalan.

17 Kag sila manginpinasahi nga bahandi nga sa akon, siling ni Iehoba sang Sebaot, sa adlaw nga ako magahimo: kag pagapatawaron ko sila, su-



bung sang tawo nga nagapatawad sa iya anak, nga nagaalagad sa iya.

18 Kag magabalalik kamo sa akon kag makita ninyo ang ginkalainan sang matarung kag sang malain, sang nagaalagad sa Dios kag sang walâ magaalagad sa iya.

4 KAY yari karon, nagaabut ang adlaw nga masingkal subung sang isa ka dapug, kag ang tanan nga mga palabilabihon, kag ang bisan sin-o nga naghimo sang kalainan, manginalikabo; kag ang adlaw nga nagaabut, magadabab sa ila, siling ni Iehoba sang Sebaot, sa bagay nga indi magabilin sa ila bisan gamut bisan sang.

2 Kag sa inyo, nga mga magakalahadluk sa akon ngalan, magasubang ang adlaw sang katarungan, kag sa iya mga pakpak yara ang kaluwasan; kag magagulowa kamo, kag magalinumpat

kamo subung sang mga tinday sang baka sa talambokan.

3 Kag pagatapakon ninyo ang mga malaut, nga sila magamaninginabó sa idalum sang mga dapadapa sang inyo mga tiil, sa adlaw nga pagahimoon ko, siling ni Iehoha sang Sebaot.


4 Palanumdum-kamo sang kasogoan ni Moises, nga akon alagad, nga ginso-go ko sa iya sa Horeb nga sa bug-os nga Israel, *kon sayoron*, ang mga palatukuran kag ang mga tulumanon.

5 Yari karon, ginapadalá ko sa inyo si Elias nga manalagna, sa walâ pa magabut ang adlaw nga daku kag makahaladluk ni Iehoba.

6 Kag pagalisoon niya ang tagiposoon sang mga amay sa mga anak, kag ang tagiposoon sang mga anak sa mga amay, basi pa magkari ako kag magpilas sang duta nga may katagudilian.

CANAAN

*Escala en millas Inglesas.*





# PALESTINA

EN TIEMPO DE CRISTO

Escala en millas Inglesas.

0 5 10 20 30



PLANO  
de la  
ANTIGUA JERUSALEM

Escala en pies Engleses

0 500 1000 1500 2000 ft







MAPA  
Ilustrando los Viajes Misioneros  
del APOSTOL PABLO

Escala en Millas Inglesas  
0 50 100 150 200 250 300



